

\$3.37

^{*}B 4260.8

Bequeathed to the
Public Library of the City of Boston.

by
Theodore Parker.

Received 30th October, 1861. No. 51100

Theodore Parker

24. Aug. 1852.

Die Duyvis Sax. gram. Oude Batavien & d. Leyden 1606. 85.
See Buckle, Hist. Civ. I. p. 274



SAXO-
NIS
GRAMMATICI
HISTORIAE DANICAE
LIBRI XVI.


STEPHANVS IOHANNIS
STEPHANIVS

*Summo studio recognovit, No-
tisq; uberioribus illustra-
vit*

SORÆ
*Typis et sumptibus
Joachimi Moltkenii.
Reg. Acad. Hafn. Bibliop.
CLO IO CXLIV.*

VALDEMARVS I REX
DANICÆ

ABSALON HVIDE
ARCHIEP. L'VNDENS.



Digitized by the Internet Archive
in 2011 with funding from
Boston Public Library

*SERENISSIMO AC POTENTISSI-
MO PRINCIPI,*

CHRISTIANO IV.

**DANIÆ, NORVEGIÆ, VANDA-
LORUM, GOTHORUMQ; REGI,
DUCI SLESVICI, HOLSATIÆ, STORMA-
RIÆ ET DITHMARSIAE,
COMITI OLDENBURGI ET DELMENHORSTI,
PACIS ET MARTIS INDEFESSO CULTORI,
PATRIÆ PATRI, ET TOTIUS SEPTENTRIONIS
CONSERVATORI ET AUGUSTO PERPETUO,
DOMINO MEO CLEMENTISSIMO,
PRÆCLARA HÆCCE INGENTIS HISTORICI MONUMENTA,
NOTIS UBERIORIBUS ILLUSTRATA
HUMILLIME DICO CONSECRORQUE.**

*SERENISSIME REX, DOMINE
CLEMENTISSIME,*



ffero Sacratissimæ Majestati Tuæ,
florentissimum Historiæ Danicæ
scriptorem Saxonem, Tuæ muni-
ficentiæ auspiciis, Tuoq; sub im-
perio, quo se Dania felicior non memi-
nit, renatum, novoq; splendori restitutum.
Cujus admirandam facundiam quum ad
verissimas laudes suas ingentia Heroum
facta provocassent; omnis ævi vota satiavit,
orbemq; terrarum famâ Danici nominis
implevit. Si verò rerum natura pateretur,
ut in nostra tempora tam sublime rediret.

ingenium; in Te, Rex Augustissime, omnia
virtutum exempla, quæ posteritati repræ-
sentavit, rediviva cerneret; Tuâq; felicitate
stabilitâ fateretur, tot seculorum gloriam,
quâ cæterarum se gentium magnitudini
prisci Danorum Reges, exequaverant; quo-
rum sicuti Vita quondâ & Fortuna, itâ nunc
memoria coelestis est. Plurima certè, rerum
potiunte Majestate Tuâ, vidit ætas nostra,
quæ non modò divinam Saxonis eloquen-
tiam fatigarent, sed & totius Antiquitatis
decora suæ celebritatis fulgore præstrin-
gerent. Adeò Dania Tua, ultrâ pristinam
fortem, belli pacisqve artibus à Te perdu-
cta, vix habet, quod exoptet amplius, nisi,
ut quo Majestas Tua, optimi status auctor,
Remp. loco fundaverit, eo vigeat inconcus-
sa, & ad præsentem temporum securitatem
perpetuitas accedat. Amplissimis eqvidem
verbis extollit Saxo Frothonis Tertii Justi-
tiam, Canuti Magni Pietatem, Prudentiam
Gormonis, Valdemari Primi Constantiâ &
Fortitudinem: sed quæ diversa multorum
Principum laus est, in Te, Regum Maxime,
omnium laudum suavissima concordia &
concentus est. Enituit etenim, per omnia
orbis Arctoi regna & ditiones, sincera PIE-
TAS Tua, quæ sanctissimis intenta curis id

semper

semper egit, ut verò numinis cultu, & incorruptâ religione, quâ patent, sacratissimi Imperii Tui limites efflorescerent, nec unquâ subditi Tui à coelo divortium facerent. IUSTITIÆ Tuæ splendor eo maximè elucescit, quòd equabili temperamento civibus Tuis iura reddas, saluberrimas fancias leges, pessimi exempli mores corrigas, nulli delictorum gratiam facias, innocentiae debitū prestes patrocinium, parē deniq; clementiam benè meritis impertias. Innotuit itidem terris Borealibus altissima PRUDENTIA Tua, tam in iuvandâ, quam exornandâ patriâ: cujus egregiam ad pōsteros famam transfundent tot propugnacula, tot ædificia, in diversis utriusq; regni partibus exstructa, aliaq;ve regalis magnificentiae monumenta, etiam nunc publicis oculis & admirationi subiecta: ut Majestas Tua multo verius, quàm Augustus, gloriari possit, se veteris patriæ urbes atq; arces marmoreas reddidisse, quum lateritias acceperit. At verò CONSTANTIAM & FORTITUDINEM, verè Imperatorias virtutes, bello nuper exorto Majestas Tua potenter exeruit, quum ultricia arma adversus vicinos sumeret hostes, quum iniuriis ac diuturnis felicitatis successibus celati, inq; summo fortunæ fastigio nullum

ruinæ

ruinæ incommodum suspicati, possessio-
nem Daniæ rapere velut vacantem præsu-
mebant. Turbassent pavidas mentes tam
periculosi rerum motus: verū Majestas Tua
tantam procellam animo prorsus interrito
excepit. Principio etenim, Piissime Rex,
consilia Tua ad Deum referebas, quæ justū
superbæ violentiæ Vindicem futurum certā
spe ac cogitatione præceperas. Dehinc, ut
vim illatam propulsares, & quantum provi-
deri humanâ ratione potuit, securam præ-
stares nutantem patriam; totum provin-
ciarum ambitum, quas nondum hostilis in-
federat exercitus, validis firmarū legionum
præsidio firmasti. Quæ sanè ruentem adver-
sæ partis impetum fortiter hucusq; sustinue-
runt, & velut obice posito represserunt, nè
universam Daniam, cujus occupandæ cele-
ritatem improbâ spe devoraverat, bellicâ
mole furor militaris obrueret. Mox ubi
maria simul hostilibus navigiis infestari co-
gnitum est, novi facinoris indignitate per-
motus, Ipse ad arma Neptunia provolas, &
maritimæ Te expeditioni accingis: haud se-
cus ac patriæ salus inter decumanos Ocea-
ni fluctus ultimam Tibi pugnandi neces-
sitate adferret, & in æquore tantum specio-
sæ victoriæ campum ostenderet. Te igitur

duce

duce emissâ est in utrumq; mare clasfis, quâ non viri, non arma, non vela, non venti, sed augustissimæ Majestatis Tuæ præsentia animabat ac provehebat. Postquam confere manus ausæ essent hosticæ rates, pulcherrimum Fortitudinis ingenitæ spectaculum edidisti, Rex invictissime. Prætoriam tuam, in quâ salus nostra vehebatur, velut indagine circumventam, recentium Piratarum astus non semel opprimere tentavit. Tu contra fretus auxilio Dei Tui, & justâ causâ, inter tonitrua & fulmina tormentorum, inter volitantia tela, stabas serenus animo vultuq;ve, non imperio tantum, sed & manu pugnans, publicæ magis anxius salutis, quàm Tuæ incolumitatis. Nulla pericula, nulla vulnera exhorruisti: quia animus Tuus quò excelsior, eò minus leges corporis admittit, nec æstimas hanc vitam, quòd aliam ex gloria & laude paratam Tibi videas, quam æternam esse benè Tibi persuasum est. Tandem gloriosam coelitus victoriam adeptus, quicquid hostilium myoparonum Balthicas undas constraverat, feliciter profligasti, & inde formem fugam coniecisti. Hæc est tergemina victoria, tribus Svecorū disjectis classibus parta: quam juxta cum innumeris in Remp. meritis tuis, sempiternitati temporis

&

& nunquam perituræ memorię dicabimus,
quamq̃ve fideles rerum gestarum custodes
Litteræ duraturis Annalium monumentis
Æternitati consecrabunt.

Ego autem Majestati Tuæ devoti cultus
specimen exhibiturus, Saxonem hunc no-
strum, Notis meis utcunq̃; illustratum, ad
augustissimi nominis Tui pulvinar humilli-
mè depono: quem ut in tutelam Tuam be-
nignè recipias, & me uná cum illo, demisso,
quantum possum, animo precor. Cujus vo-
ti fiduciam in Clementiâ Tuâ colloco, quâ
Te non solum studia literarum, à quibus im-
mortalitatem exspectas, sed & me ipsum,
complecti per sensi, quum non ita pridem
amplissimum illud Historiæ scribendæ mu-
nus mihi, licet indigno, demandares. Acci-
pe igitur blandâ & serenâ fronte, Pater pa-
triæ, Patrem Historiarū Septentrionalium,
& Regum maximorum exemplo, bonas lit-
teras, quod facis, ab interitu vindica, & in his
præcipuè Historiam, decus & ornamentum
litterarum.

Deus Opt. Max. Serenissimam Majestatem Tuam porrò salvam
& florentem servet, regnaq̃; Tua diuturnâ tranquillitate stabiliat, &
post lætissimum ex devictis hostibus triumphum, æviternam in cœ-
lis beatitatem concedat! Ità ex animo voveo. Soræ, Prid. Non. Ja-
nuar. Anno Messiaë, clō lōc XLV.

Majestati Tuæ

humillimè subditus

Stephanus Johannis Stephanus.

I.
IN
SAXONIS GRAMMATICI
HISTORIAE DANICÆ
LIBROS XVI.

PRÆFATIO

AD
ANDREAM SUNONIS ARCHIEPISCOPUM
LUNDENSEM.



Cum cetera nationes rerum suarum titulis glariari, voluntatemq; ex majorum recordatione percipere soleant: Danorum Maximus Pontifex Absalon patriam nostram, cuius illustranda maxima semper cupiditate flagrabat, eo claritatis & monumenti genere fraudari non passus, mihi comitum suorum extremo, ceteris operam abnuentibus, res Danicas in historiam conferendi negotium intorsit; inopemq; sensum majus viribus opus ingredi, crebra exhortationis imperio compulit. Quis enim res Danicæ gestas literis prosequeretur? quæ nuper publicis initiata sacris, ut religionis, ita Latine quoq; vocis aliena torpebat. At ubi cum sacrorum ritu Latialis etiam facultas accessit, segnities par imperitiæ fuit, nec desidia minora, quam antea penuriæ vitia extiterent. Quo evenit, ut parvitas mea, quamvis se prædictæ molis imparem animadverteret, supra vires niti, quam jubenti resistere præoptaret: ne finitimis factorum traditione gaudentibus, hujus gentis opinio potius vetustatis oblivis resperfa, quam literarum monumentis prædita videretur. Igitur oneri cunctis præteriti ævi scriptoribus in-experto, rudes laboris humeros subicere coactus, imperiumq; negligere veritus, audacius quam efficacius parui; quamq; ingenij mei imbecillitas fiduciam negabat, ab hortatoris amplitudine mutuatus.

Cujus satis cæpti mei metani præcurrentibus, te potissimum, Andrea, penes quem saluberrimus suffragiorum consensus honoris hujus successionem, sacrorumq; summam esse voluit, materia ducem auctoremq; depono: obrectationis livorem, qui maxime conspicuis rebus insultat, tanti cognitoris præsidio frustraturus. Cujus fertilissimum scientiæ pectus ac venerabilem doctrinarum abundantiam instructum, veluti quoddam cælestium opum sacrarium existimandum est. Tu Galliam Italiamq; cum Britannia percipiendæ litterarum disciplina, colligendæq; earum copiae gratia perscrutatus, post diutinam peregrinationem splendidissimum externæ scholæ regimen apprehendisti, tantumq; ejus columnen evasisti, ut potius magisterio ornamentum dare, quam ab ipso recipere videreris. Hinc ob insignium culmen meritq; virtutum Regius Epistolaris effectus, officium medicritatis limitibus contentum tantis industriæ operibus exornasti, ut idem postmodum amplissimæ dignitatis viris, ad eum, quem geris, honorem translatus, beneficii nomine expetendum relinqueres. Quamobrem Scaniam tripudio dissultare compertum est, quod Pontificem potius à finitimis mutuata sit, quam ex indigenis legerit: quippe quæ laudabiliter delectum egit, jocunditatem ex suffragio suo meruit. Itaq; cum genere, literis, ingenioq; niteas, ac plebem fecundissimis doctrinæ stipendiis regas; maximum tibi gregis amorem conciliasti, susceptiq; ministerii partes gloriosæ executionis fiduciâ ad laudis cumulum perduxisti. Et ne rerum dominium possessione usurpare videreris, amplissimum patrimonium sacris adibus religioso liberalitatis testamento legasti: obsitasq; curis opes decenter abjicere, quam earum aviditate & pondere implicari maluisti. Tu item mirificum reverentiorum dogmatum Opus complexus, privatisq; curis publicæ religionis officia antepone revidus, pertinentium ad eam rerum solutionem abnuentes, salutarium consiliorum doctrinâ, debitis sacrorum obsequiis adegisti, veteremq; divinarum adium injuriâ religioso lucrâ

beneficio rependisti. Præterea lascivioris vitæ studiosos, intemperantiæq; plus æquo viribus indulgentes, saluberrimæ exhortationis perseverantiâ, ac splendidissimis frugalitatis exemplis ad honestiorem mentis habitum ab enervi molitudine revocatos, dictis nec an factis magis instruxeris, dubium reliquisti. Ita quod tuorum nulli prædecessorum obtinere tributum est, solis prudentiæ monitis impetrafti.

Nec ignotum volo, Danorum antiquiores conspicuæ fortitudinis operibus editis, gloria æmulatione suffusos, Romani styli imitatione, non solum rerum à se magnificè gestarum titulos exquisito contextus genere, veluti Poëtico quodam opere perstrinxisse; verum etiâ majorum acta patrii sermonis carminibus vulgata, lingvæ suæ literis, saxi ac rupibus insculpenda curasse. Quorum vestigiis seu quibusdam antiquitatis voluminibus inhærens, tenoremq; veris translationis passibus æmulatus, metra metris reddenda curavi; quibus scribendorum series subnixæ, non tam recentèr conflata, quàm antiquitus edita cognoscatur. Quia præsens opus non nugacem sermonis luculentiam, sed fidelem vetustatis notitiam pollicetur. Quantum porro ingenij illius homines historiarum edituros putemus, si scribendi sitim Latinitatis peritiâ pavissent? Quibus tametsi Romanæ vocis notitiâ abesset, tanta tradendæ rerum suarum memoria cupido incescit, ut voluminum loco vastas moles amplecterentur, codicum usum à cautibus mutuantes. Nec Tylensium industria silentio obliteranda: qui cum ob nativam soli sterilitatem luxuriæ nutrimentis carentes, officia continuæ sobrietatis exerceant, omniaq; vitæ momenta ad excolendam alienorum operum notitiam conferre soleant, inopiam ingenio pensant. Cunctarum quippe nationum res gestas cognosse, memoriæq; mandare, voluptatis loco reputant: non minoris gloriæ judicantes alienas virtutes disserere, quàm proprias exhibere. Quorum thesauros historiarum rerum pignoribus refertos curiosius consulens, haud parvam præsentis operis partem ex eorum relationis imitatione contexui: nec arbitros habere contempsî, quos tanta vetustatis peritiâ callere cognovi. Nec minus Absalonis asserta sectando, quæ vel ipse gessit, vel ab aliis gesta perdidicit, docili animo stylog, completi curæ habui; venerandæ ejus narrationis documentum perinde ac divinum aliquod magisterium amplexatus.

Te ergo salutaris princeps ac parens noster, cujus illustrissimam à priscis temporibus prosapia dicturus sum, clarissima lux patriæ Voldemare, dubium laboris hujus progressum favore prosequi rogo: quia propositi pondere confectus, vereor ne magis imperitiâ meæ habitum, ingenijq; debilitatem patefaciam, quàm tuam (sicut par est) originem representem. Siquidem præter paternæ hereditatis amplitudinem, conspicuæ regni incrementa finitimorum oppressione sortitus, Albiæq; reciprocos fluctus propagatæ dominationis labore complexus, haud mediocri claritatis momentum celeberrimæ laudis tuæ titulis adjecisti. Ita antecessorum famam atq; opinionem operum magnitudine supergressus, ne Romani quidem imperij partes armis intentatas liquisti. Cumq; fortitudine & liberalitate instructissimus habearis, plusne hostes bellis terreas, an cives humanitate demulceas, ambiguum reddidisti. Tuus quoq; fulgentissimus avus publicæ religionis titulis consecratus, immeritæq; mortis beneficio immortalitatis gloriam consequutus, nunc sanctitatis fulgore præstringit, quos olim victoriis acquisivit. Ex cujus sanctissimis vulneribus pius virtutis quàm cruoris effluxit. Caterum prisco atq; hereditario obsequendi jure, saltem ingenij viribus tibi militare consitui: cujus clarissimi patris castrensem militiâ parens avusq; meus fidei simis bellici laboris operibus coluisse noscuntur. Tuo igitur ductu respectuq; subnixus, quò cætera liquidius exequar, initium à patriâ nostrâ situ descriptuq; petere statui: speciosius singula perstricturus, si narrationis procursum competentia rebus loca permittens, ab eorum positione dicendorum inchoamenta deduxerit.

Hujus itaq; regionis extima partim soli alterius consinio limitantur, partim propinqui maris fluctibus includuntur. Interna verò circumfusæ ambit Oceanus: qui sinuosus interstitiorum anfractibus nunc in angustias freti contractioris evadens, nunc in latitudinem sinu diffusiore procurrens, complures insulas creat. Quo fit, ut Dania mediis pelagi fluctibus inter cisa, paucas solidi continuæ tractus partes habeat, quas tanta undarum interruptio pro varia freti reflexioris obliquitate discriminat. Ex his Jutia granditatis inchoamentiq; ratione Danici regni principium tenet; quæ sicut positione prior, ita sita porrectior Teutonia finibus admoveatur. A cujus complexu fluminis Eydori interriva-

ione discreta, cum aliquanto latitudinis excremento Septentrione versus in Norici freti litus excurrit. In hac sinus, qui Lymicus appellatur, ita piscibus frequens existit, ut non minus alimentorum indigenis, quam ager omnis exolvere videatur. Huic etiam Fresia minor adjacet, quæ à Jutia prominentia subsidentium camporum ac gremii de vexioris inclinata recessu, maximos frugum proventus beneficio Oceani inundantis assequitur. Cujus reflexionis vis, plus utilitatis an periculi incolis afferat, ambiguum extat. Siquidem tempestatis magnitudine perruptis æstuariis, quibus apud eos maritimi fluctus intercipi solent, tanta arvis undarum moles incedere consuevit, ut interdum non solum agrorum culta, verum etiam homines cum penatibus obruat. Post Jutiam insula ad Orientem versus Fionia reperitur, quam à continenti angustè admodum æquoris interjectus abruptit. Hæc sicut ab occasu Jutiam, ita ab ortu Sialandiam prospectat, conspicua necessariorum rerum ubertate laudanda. Quæ insula amœnitate cunctas nostræ regionis provincias antecedens, medium Dania locum obtinere putatur; ab extrema remotionis limite pari spaciorem intercapedine disparata. Ab hujus ortivo latere occasum Scania media pelagi discindit interruptio, optimam prædæ magnitudinem quot annis piscantium retibus adigere soliti. Tanta siquidem sinus omnis piscium frequentia repleti consuevit, ut interdum impacta navigia vix remigii conamen eripiat: nec jam præda artis instrumento, sed simplici manus officio capiatur. Ceterum Hallandia ac Blekingia ab integritate Scania, cæu rami duplex ex unius arboris stipite promeantes, Gothia Norvagiæq; longæ declinationis spaciis, diversisq; recessuum interstitiis adnectuntur. Verum apud Blekingiam apta meantibus rupes mirandis literarum notis interstincta conspicitur. Siquidem à Meridiano mari in desertâ Ferendia petrosa porrigitur semita, quam binæ lineæ exiguo discreta spacio protractis in longum ductibus amplectuntur. Inter quas, medio loco planum, factis ad legendum figuris, undique secus exaratum ostenditur. Quod licet adeo situ inæquale existat, ut modo montium alta proscindat, modo vallium ima prætereat, eodem tamen tempore literarum vestigia servare dignoscitur. Quarum significationem Rex Voldemarus, sancti Kanuti fausta proles, admirationis causâ cognoscere cupiens, misit qui rapem permeantes, patentium illic characterum seriem, curiosiori indagatione colligerent, ac postmodum virgulis quibusdam sub iisdem formarum apicibus adnotarent. Qui ideo nihil ex eis interpretamenti comprehendere potuerunt, quod ipsa calaturæ concavitas partim cæno interlita, partim commeantium adefa vestigiis, signata protractionis speciem obtrito calle confuderat. Unde conspicuum est, etiam petrinae soliditatis rimas diutino madore complutas, aut sordium colluvione, aut irriguâ nimborum instillatione concrefcere.

At quoniam regio hæc Suetiam Norvagiæq; tam vocis quam situs affinitate complectitur, earum quoq; sicut & Dania, partes ac climata memorabo. Quæ provincia Septentrionali polo subjecta, Boötemq; & Arcton respicientes, ipsum frigentis zonæ parallelam ultimâ sui porrectione contingunt: post quas humanis sedibus locum inusitatae algoris sævitia non relinquit. Ex quibus Norvagiæ saxei situs deformitatem naturæ sortita discrimine, rupibus infæcunda, ac scopulis undique secus obsita, glebarum vastitate tristes locorum salebras representat. In cuius parte extrema ne noctu quidem diurnum sidus occultitur; ita ut continui Solis præsentia alternos horarum dedignata successus, ætrig; tempori pari luminis administratione deserviat.

Ab hujus latere occidentali, insula, quæ Glacialis dicitur, magno circumfusa reperitur Oceano, obsoleta admodum habitationis tellus, rerumq; veri fidem excedentium, & insolitorum eventuum miraculis prædicanda. Illic fons est, qui fumigantis aquæ vitio nativâ rei cuiuslibet originem demolitur. Sanè quicquid fumihujus exhalatione respergitur, in lapideæ naturæ duritiâ transmutatur. Quæ res mirabilior an periculosior existat, in dubio positum constat: cum fluidam aquæ teneritudinem tantus obsideat rigor, ut admotum quidlibet fumidoq; ejus vapore perfusum, in lapidis proprietatem, formâ duntaxat superstitæ, subitâ conversione transmutet. Ibidemq; complures alii latices referuntur, qui modo crescentis lymphæ copiis adaucti, plenisq; exundantes alveis crebras in sublime guttas jaciunt, modo torpentibus scatebris vix ab imo conspecti, profundis subductioris terræ latibulis absorbentur. Quo fit, ut exuberantes proxima quæque

spumarum candore conspergant, exinaniti nullo visus ingenio capiantur. In hac itidem insula mons est, qui rupem sideream perpetua flagrationis aestibus imitatus, incendia semper eterna jugi flammarum eructatione continuat. Cujus rei admiratio supradictis aquatur; cum tellus extremis subiecta frigoribus tanti caloris fomentis exuberet, ut igni perennitatem arcanis instruat nutrimentis, aeternumq; fovendis ardoribus præbeat insensitivum. Huius etiam insula, certis statutisq; temporibus, infinita glaciei advolvitur moles; quæ cum adventans scabris primùm cautibus illidi cæperit, perinde ac remugientibus scopulis fragor ex alto voces, ac varii inasitate conclamationis strepitus audiuntur. Quamobrem animas ob nocentis vitæ culpam suppliciis addictas, illic algoris magnitudine delictorum pendere pœnas existimatum est. Hujus itaq; molis excisa particula, quantiscunq; nodorum condylis obseretur, mox ut supradicta glacies terris avellitur, claustra custodiamq; frustratur. Stupet animus admiratione plenus, dùm res inextricabilibus seris obsita, ac multiplici impedimentorum perplexione conclusa, sic molis, cujus pars erat, discessum insequitur, ut omnem observationis diligentiam inevitabilis fugæ necessitate decipiat. Est & illic aliud glaciei genus, montium jugis ac rupibus interfertum, quod certis vicibus constat superioribus ad ima dejectis, infimisq; rursum ad superna reflexis, versili quadam mutatione transponi. In cujus assertionis fidem assertur, quod quidam, dùm planum forte glaciale percurrerent, in objectas voragines, hiantiumq; rimarum penita provoluti paulo post exanimes fuerint, nulla glaciei rimulâ superstante, reperi. Quamobrem à compluribus existimari solet, quod quos fundæ glacialis urna desorbuit, eosdem postmodum supinata reddiderit. Illic etiam fama est pestilentis undæ laticem scatuisse, quo quis gustato perinde ac veneno prostermitur. Sunt & alii fontes, quorum scatebra Cerealis poculi proprietatem imitari perhibetur. Sunt ignes, qui cum linum consumere nequeant, aqua mollitiem depascuntur. Est & saxum, quod montium prærupta non extrinsecâ agitatione, sed propriâ nativâq; motione pervolat.

Et ut paulo altius Norvagiæ descriptio replicetur, sciendum, quod ab ortu Sveciæ Gothiæq; contermina aquis utrinque secus Oceani vicinantis includitur. Eadem à Septentrione regionem ignoti situs ac nominis intuetur humani cultus expertem, sed monstrosa novitatis populis abundantem, quæ ab adversis Norvagiæ partibus interflua, pelagi separavit immensitas. Quod cum incerta navigationis existat, per paucis eam ingredientibus salutarem reditum tribuit.

Cæterum Oceani superior flexus Daniam intersecando prætermittens, australem Gothiæ plagam sinu laxiore contingit: inferior verò meatus, ejus, Norvagiæq; latus Septentrionale præteriens, ad ortum versus, magno cum latitudinis incremento, solido limitatur anfractu. Quem maris terminus gentis nostræ veteres Granduicum dixerunt. Igitur inter Granduicum & meridianum pelagus breve continentis spatium patet, maria utrinq; secus allapsa prospectans: quod nisi rerum natura limitis loco congressis pene fluctibus objecisset, Sveciam Norvagiæq; conflui fretorum æstus in insulam redeissent. Harum ortivas partes Skricfinni incolunt. Quæ gens inusitatis assueta vehiculis, montium inaccesu venationis ardore sectatur, locorumq; complacitas sedes diipendio lubrica flexionis assequitur. Neg, enim ulla adeo rupes prominet, quin ad ejus fastigium callida cursus ambage perveniat. Primò siquidem vallium profunda relinquens, scopulorum radices tortuosa giratione perlabitur, sicq; meatum crebra declinationis obliquitate perfluit, donec per sinuosos callium anfractus destinatum loci cacumen exuperet. Eadem apud finitimos mercium loco quorundam animalium pellibus uti consuevit.

Sveciæ verò Daniam ab occasu Norvagiæq; respiciens, à meridie & multa Orientis parte, vicino præteritur Oceano. Postquam ab ortu quoq; multiplex diversitatis barbaricæ consertio reperitur.

Danicam verò regionem giganteo quondam cultu exercitam, eximia magnitudinis saxa veterum bustis ac specubus affixa testantur. Quod si quis vi monstrosa patratum ambigat, quorundam montium excelsa suspiciat, dicatq; si callet, quis eorum verticibus cautes tanta granditatis invexerit. Inopinabile namq; quivis miraculi hujus æstimator animadvertet, ut molem super plano minimè vel difficile mobilem, in tantum montana sublimitatis apicem simplex mortalitatis labor, aut usitatus humani roboris conatus extulerit. Utrum verò talium rerum auctores post diluvialis inundationis excursum gigantes extiterint, an viri corporis viribus ante alios præditi, parùm notitiæ traditum. Talibus, ut nostri autumant, subitam mirandamq; nunc propinquitatis, nunc absentiae potestatem, comparandiq; ac subter labendi vicissitudinem, versili corporum status indulget, qui hodieq; scrupulam inaccesamq; solitudinem (cujus supra mentionem fecimus) incolere perhibentur. Ejusdem aditus horrendi generis periculis obsitus, raro sui expeditoribus incolumitatem regressumq; concessit. Danesylum ad propositum transferam.

SAXONIS GRAMMATICI HISTORIÆ DANICÆ LIBER PRIMUS.



DAN & Angul, à quibus Danorum cœpit origo, patrē Humblo procreati, non solum conditores gentis nostræ, verumetiam rectores fuere. Quamquam Dudo rerum Aquitanicarum scriptor, Danos à Danais ortos nuncupatosq; recenscat. Hi licet faventibus patrię votis regni dominio potirentur, rerūq; summam ob egregia fortitudinis merita, assentientibus civium suffragiis, obtinerent, Regij tamen nominis expertes degebant: cujus usum nulla tunc temporis apud nostros consuetudinum frequentabat auctoritas.

Ex quibus Angul, à quo gentis Anglicæ principia manasse memoriæ proditum est, nomen suum provinciæ, cui præerat, aptandum curavit; levi monumenti genere perennem sui notitiam traditurus. Cujus successores postmodum Britannia potiti, priscum Insulæ nomen, novo patriæ suæ vocabulo, permutarunt. Magni id factum à veteribus æstimatum. Testis est Beda, non minima pars divini styli; qui in Anglia ortus, sanctissimis suorum voluminum thesauris res patrias sociare curæ habuit: æquè ad religionem pertinere judicans, patriæ facta literis illustrare, & res divinas conscribere.

Verum à Dan (ut fert antiquitas) regum nostrorum stemmata, ceu quodam derivata principio, splendido successionis ordine profluxerunt. Huic filii Humblus & Lotherus fuere, ex Grytha summæ inter Theutones dignitatis matrona suscepti.

Lecturi regem veteres affixis humo saxis insistere, suffragiaq; promere consueverant; subjectorum lapidum firmitate facti constantiam ominaturi. Quo ritu Humblus, decedente patre, novo patriæ beneficio, Rex creatus, sequentis fortunæ malignitate ex Rege privatus evasit. Bello siquidem à Lothero captus, regni depositione spiritum mercatus est: hæc sola quippe victo salutis conditio reddebatur. Ita fraternis injuriis imperium abdicare coactus, documentum hominibus præbuit, ut plus splendoris, ita minus securitatis aulis quam tuguriis inesse. Cæterum injuriæ tam patiens fuit, ut honoris damno tanquam beneficio gratulari crederetur: sagaciter, ut puto, regiæ conditionis habitum contemplatus. Sed nec Lotherus tolerabiliorem Regem quam militem egit, ut prorsus insolentia ac scelere regnum auspicari videretur: siquidem illustrissimum quemque vitæ aut opibus spoliare, patriamq; bonis civibus vacuefacere, probitatis loco duxit: regni æmulos ratus, quos nobilitate pares habuerat. Nec diu scelerum impunitus, patriæ consternatione perimitur, eadem spiritum eripiente, quæ regnum largita fuerat.

Cujus filius Skyoldus naturam ab ipso, non mores sortitus, per summam tenerioris ætatis industriam, cuncta paternæ contagionis vestigia ingeniti erroris devio præteribat. Igitur ut à paternis vitiis prudenter descivit, ita avitis virtutibus feliciter respondit; remotiorem pariter ac præstantiorem hæreditarii moris portionem amplexus. Hujus adolescentia, inter paternos venatores, immanis bellæ subactione insignis extitit, mirandoq; rei eventu futuræ ejus fortitudinis habitum ominata est. Nam cum à tutoribus fortè, quorum summo studio educabatur, inspectandæ venationis licentiam impetrasset, obvium sibi insolitæ granditatis ursum telo vacuus, cingulo, cujus usum habebat, religandum curavit, necandumq; comitibus præbuit. Sed & complures spe-

I.
DAN.

II.
HUMB-
LUS.
III.
LOTHE-
RUS.

IV.
SKIOLD-
DUS.

SKIOL-
DUS.

etata fortitudinis pugiles per idem tempus viritim ab eo superati produntur: è quibus Attalus & Scatus clari illustresq; fuere. Quindecim annos natus, inusitato corporis incremento perfectissimum humani roboris specimen præferebat, tantaq; indolis ejus experimenta fuere, ut ab ipso cæteri Danorum Reges, communi quodam vocabulo Skioldungi nuncuparentur. Idem perditam & enervam vitam agentes, continentiamq; luxu labefacere solitos, ad capefendam virtutem rerum agitatione sedulus excitabat.

Præcurrebat igitur Skioldus virium complementum animi maturitate, conflictusq; gessit, quorum vix spectator ob teneritudinem esse poterat. In quo annorum virtutisq; procurfu, ob Avildam, quam summæ pulchritudinis intuitu postulabat, cum Scato, Alemanniæ satrapa, ejusdem puellæ competitor, Theutonum Danorumq; exercitu inspectante, ex provocatione dimicavit, interfectoq; eo omnem Alemannorum gentem, perinde ac ducis sui interitu debellatam, tributariâ ditione perdomuit. Hic non armis modò, verum etiam patriæ charitate conspicuus exitit. Siquidem impias leges abrogavit, salutares tulit; & quicquid ad emendandum patriæ statum attinuit, summa diligentia præstitit. Sed & regnùm, patris improbitate amissum, virtute recuperavit. Primus rescindendarum manumissionum legem edidit. Servi, quem libertate donaverat, clandestinis insidiis petitus, acrem pœnam exegit, tanquam in omnium libertorum pœnam unius crimen redundare par esset. Omnium æs alienum ex fisco suo solvebat, & quasi cum aliorum Regum fortitudine, munificentia ac liberalitate certabat. Ægros fomentis prosequi, remediaq; graviter affectis benignius exhibere solebat: se non sui, sed patriæ curam suscepisse testatus. Proceres non solùm domesticis stipendiis colebat, sed etiam spoliis ex hoste quæsitis: affirmare solitus; pecuniam ad milites, gloriam ad ducem redundare debere.

V.
GRAM.

Puellam cujus amore conflixerat, acerrimo nuptiarum æmulo liberatus, in pugna præmium recepit, eamq; sibi matrimonio copulavit. Ex qua paulò post Gram filium sustulit. Cujus mirifica indoles ita paternas virtutes redoluit, ut prorsus per earum vestigia decurrere putaretur. Corporis animiq; præstantissimis dotibus præditam adolescentiam ad summum gloriæ statum provexit, tantumq; magnitudini ejus à posteris tributum est, ut in vetustissimis Danorum carminibus ipsius vocabulo regia nobilitas censeatur. Quidquid ad firmandas acuendasq; vires attinuit, acerrimâ ingenii exercitatione tractabat. A gladiatoribus vitandi inferendiq; ictus consuetudinem studioso exercitij genere contrahebat. Educatoris sui Roarii filiam coævam sibi collactaneamque, quò majorem incunabulis gratiam referret, uxorem adseivit; quam postmodum Bessocuidam, quòd ejus strenuâ operâ sæpenumero usus fuerat, mercedis loco conjugem tribuit. Quo bellicorum operum socio fretus, plus gloriæ suâ an Bessi virtute contraxerit, incertum reliquit.

Qui cum fortè Sueonum Regis Siétrugi filiam Gro, Gigantum cuidam desponsam cognosceret, tam indignam regio sanguine copulam execratus, bellum Sveticum auspicatur; Herculeæ virtutis exemplo, monstrorum nisibus obstaturus. Initâ Gothiâ, cum deturbandorum obviatorum gratiâ, caprinis tergoribus amictus incederet, ac variis ferarum pellibus circumactus, horricûq; dextrâ gestamen complexus, giganteas simularet exuvias, ipsam Gro silvestres fortè latices cum paucis admodum pedissequis, lavandi gratiâ, petentem, equo obviam habuit. Quæ sponsum adesse rata, simulque tam insoliti cultus horrore muliebriter territa, succussis frenis, maximâ cum totius corporis trepidatione, patrio carmine sic cœpit:

Conspicor invisum Regi venisse Gigantem;

Et gressu mediæ obtenebrare vias:

Aut oculis fallor. Nam tegmine sæpè ferino

Contigit audaces delituisse viros.

Cui

Cui Bessus, sic orsq: Tum Gro: Ne proprio vos Tristia nobis
 Virgo, caballi Quis, rogo, vestram Opprimat omnes Funera, virgo?
 Quæ premis armos, Dirigit agmen? Agmine sic trug: Ad quem Gro:
 Verba vicissim Quo duce signa Ing, feroci En ferar isthinc
 Mutua fundens, Bellica fertis? Stipite figat Nota revivens
 Quod tibi nomen, Quis moderatur Illaqueatos Tecta parentis;
 Quâ fueris, dic, Prælia princeps? Guttura nexu; Ne venientis
 Gente creata? Quove paratur Detq, rigenti Conspicer audax
 Ad hæc Gro: Præstite bellum? Corpora nodo; Agmina fratris,
 Gro mihi nomen, Contrâ sic Bessus: Ac malè torvus Vos remeantes
 Rex pater extat Gram regit agmen Trudat edaci Ultima quasô
 Sanguine fulgens, Marte beatus: Funera corvo. Fata morentur.
 Fulgidus armis. Quem metus, aut vis Iterum Bessus: Ad quam Bessus:
 Tu quoque, qui sis, Flectere nescit; Gram prior illum Leta revivē
 Aut satus undē, Nec rogos ardens, Manibus addet, Nata parentem;
 Promito nobis. Nec ferus ensis, Ac dabit orco; Nec cita nobis
 Cui Bessus: Aut maris unquam Quam sua fatis Fata precare;
 Bessus ego sum Terruit æstus. Lumina claudat; Nec tua bilis
 Fortis in armis, Hoc duce belli, Ing, pavenda, Pectora pulset.
 Trux inimicis Signa levamus Vertice plexum, Namque petenti
 Gentibus horror: Aurea, virgo. Tartara mittet. Aspera primum
 Atque alieno Rursus Gro: Nulla Sveonum Difficilisq,
 Sæpe refundens Hinc remeantes Castra timemus. Sæpe secundo
 Sanguine dextram. Vertite cursum; Quid minitaris Fœmina cedit.

Posthæc Gram horrendæ monstruosæq; vocis habitum trucioris soni modulis æmulatus, silentiique diuturnioris impatiens, talibus puellam dictis aggredditur:

Ne timeat rabidi germanum, Virgo, Gigantis;
 Me neque contiguum palleat esse sibi:
 A Grip missus enim, nunquam, nisi compare voto,
 Fulcra puellarum, concubitusq, peto.

Cui Gro:

Quæ sensus exsors scortum velit esse Gigantum?
 Aut quæ monstriferum possit amare torum?

Quæ conjux fore dæmonum
 Possit, monstrigēni conscia seminis?
 Suum Giganti quæ fero
 Consociare velit cubile?

Quis spinâ digitos fovet?
 Quis sincera luto misceat oscula?
 Quis membra jungat hispida
 Lævibus impariter locatis?

Cum natura reclamitat,
 Haud plenum Veneris carpitur otium:
 Nec congruit monstris amor
 Fœmineo celebratus usu.

Gram contrâ:

Regum colla potentium
 Victrici toties perdomui manu,
 Fastus eorum turgidos
 Exuperans potiore dextrâ.

Hinc aurum rutilans cape,
 Quo perpes maneat pactio munere:
 Ac firma consistat fides,
 Conjugijs adhibenda nostris.

GRAM.

Quo dicto, discussis larvis, nativum oris decorem confessus, tantum penè voluptatis vero sui aspectu puellæ attulit, quantum adulterino terroris incussit: quam etiam formæ suæ luculentiam ad concubitum provocatam, amatoris donis prosequi non omisit. Progressus, ex obviis cognoscit, binis callem latronibus obsideri. Quos ad se spoliandum cupidius proruentes, solo exanimavit impulsu. Quo factò, ne ullum hostili solo beneficium attulisse videretur, peremptorum corpora subjectis affixa stipitibus, simulatâ pedum erectione distendit; ut quibus re nocuerant vivi, specie minarentur extincti; & post fata quoq; formidabiles non iter imagine minùs, quàm opere præpedirent. Quamobrem constat eum latrones interimendo sibi, non Suetiæ, consulere studuisse: cujus quanto odio teneretur, tam insignis facti indicio patefecit. Qui cum ab aruspibus accepisset, nisi auro Sictrugum superari non posse; continuo lignæ clavæ nexilem auri nodum adjecit, eâq; bellò, quo Regem aggrediebatur, instructus, voti se compotem fecit. Quod factum Bessus impensiori laudationis genere prosecutus sic cecinit:

*Gram ferus clavæ gerulus beatæ,
Nescius ferri, celebrabat ictu
Ensis obtentum, pepulitq; trunco
Tela potentis.
Fata sectatus, superûmq; mentem,
Sveonum pressit decus impotentium;
Dum neci Regem dedit, & rigenti
Contudit auro.
Namq; pugnaces meditatus artes,
Robur amplexu rutilum gerebat;
Et ducem victor, nitido, supinum
Verbere torsit.
Fata quem ferro perimi vetabant.
Aureo prudens domuit vigore,
Ense dum cassus potiore gessit
Bella metallo.
Clarius, post, hoc Agathon manebis
Agnitum latè meliore famâ;
Cui suus laudem, decorisq; culmen,
Arrogat auctor.*

Occiso Suetiæ Rege Sictrugo, Gram quæsitum armis imperium possessione firmare cupiens, Svarinum Gothiæ præfectum ob affectati regni suspicionem in pugnæ certamen devocatum oppressit: fratresq; ejus septem matrimonio, novem pellice procreatos, impari dimicationis genere fraternæ necis ultionem petentes, absumpsit.

Hunc pater, ultimæ jam ætatis, ob res egregiè gestas, imperii consortione donavit, regniq; summam cum sanguine suo communicare, quàm in occidua vitæ statu sine partecipe gerere, tum utilius, tum etiam commodius duxit.

Igitur cum Ringo splendido Sialandiæ loco natus, alterum ex his honori intempestivum, alterum jam virium cursu defunctum putaret; infirmam utriusq; ætatem causatus, novarum rerum studio majorem Danorum partem sollicitat: hunc puerilis, illum senilis animi deliramento regiæ potestati inhabilem protestando. A quibus bello obtritum documento hominibus fuit, nullam ætatis partem virtuti incongruam existimari debere.

Alia quoq; complura Gram Regis facinora fuere. Adversus Sumblum Phinnorum regem bellum professus, ad aspectum filiæ ejus Signes depositis armis, ex hoste procus evasit, eamq; promisso conjugis suæ repudio pactus despondit. Quam, cum bello Norvagico, quod adversum Svibdagerum Regem, ob sororis filiaq; stuprum, susceperat, admodum occupatus, Saxoniam Regi

Hen;

Henrico, Sumbli perfidiâ, in matrimonium promissam; nuncio didicisset, GRAM. propior virginis, quàm militum charitati, relicto exercitu tacitus in Phinniam contendit, inchoatisq; jam nuptiis superveniens, extremæ vilitatis veste sumptâ, despicabili sedendi loco discubuit. Rogatus quidnam afferret, medendi solertiam profitetur. Ad postremum omnibus ebrietate madentibus, puellam intuens, mediis perstreptentis convivii gaudiis, per summam fœminæ levitatis execrationem, maximamq; virtutum suarum gloriationem, indignationis magnitudinem hujusmodi carmine patefecit:

*Solus in octo pariter spicula mortis egi,
Atque novenos gladio corripui reducto,
Quando Svarinam exanimavi titulis abusum,
Nec meritum conciliantem sibi nomen: unde
Sæpe eventum nece ferrum, madidumq; cæde,
Sanguine tinxi peregrino, timuiq; nunquam
Ad crepitus ensiculi, vel galeæ nitorem.
Nunc malè me projiciens fert aliena vota
Filia Sumbli fera Signe, vctus execrata
Fœdus; & incompositum concipiens amorem,
Fœminæ dat levitatis facinus notandum;
Qua procures illaqueat, pellicit, atq; fœdat.
Ante alios ingenuos præcipuè refellens;
Nec stabilis permanet ulli, titubatq; semper,
Ancipites parturiens, dividosq; motus.*

Et cum dicto, discubitu evolans Henricum inter sacra mensæ & amicorum complexus obtruncat, sponsamq; mediis abstractam pronubis, magnâ convivarum parte prostrata, secum navigio deportat. Igitur nuptiis in exequias versis, doceri Finni potuerunt, alienis amoribus manus injici non oportere.

His gestis, à rege Norvagiæ Svibdagero, dum stupratæ sororis injuriam ac laceffitam filiæ pudicitiam ulcisci conatur, opprimitur. Hoc prælium Saxonice insigne copiis fuit, quas ad auxilia Svibdagero ferenda non tam ipsius charitas, quàm Henricianæ ultionis cupiditas provocabat.

Filii Gram, Guthormus & Hadingus; quorum alterum Gro, alterum Si- VI. gne enixa est, Svibdagero Daniam obtinente, per educatorem suum Brache, SWIBDA- nave Svetiam deportati, Vagnophtho & Haphlio gigantibus, non solum alendi, GERUS. verumetiam defendendi traduntur.

Quorum summatim opera perstricturus, ne publicæ existimationi contraria, aut veri fidem excedentia, fidenter astruere videar; nosse operæ pretiū est, triplex quondam Mathematicorum genus inauditi generis miracula discretis exercuisse præstigiis.

Horum primi fuere monstruosi generis viri, quos Gigantes antiquitas nominavit, humanæ magnitudinis habitum eximia corporum granditate vincentes.

Secundi post hos, primam physiculandi solertiam obtinentes, artem possidere Pythonicam. Qui quantum superioribus habitu cessere corporeo, tantum vivaci mentis ingenio præstiterunt. Hos inter gigantesq; de rerum summa bellis certabatur assiduus, quoad Magi victores giganteum armis genus subigerent, sibiq; non solum regnandi jus, verumetiam divinitatis opinionem consciscerent. Horum utriq; per summam ludificandarum oculorum peritiam, proprios alienosq; vultus, variis rerum imaginibus adumbrare callebant, illicitisq; formis veros obscurare conspectus.

Tertii verò generis homines, ex alterna superiorum copula pullulantes, auctorum suorum naturæ, nec corporum magnitudine, nec artium exercitio respondebant. His tamen apud delusas præstigiis mentes divinitatis accessit opinio.

GRAM.

Nec mirandum, si prodigialibus eorum portentis adducta barbaries, in adulterinæ religionis cultum concesserit; cum Latinorum quoq; prudentiam pellegerit talium quorundam divinis honoribus celebrata mortalitas. Hæc idcirco tetigerim, ne cum præstigia portentave perscripsero, lectoris incredula refragetur opinio. His prætermisissis, propositum repetam.

VII.

GUTHOR-

MUS.

Occiso Gram, Svibdagerus Daniæ Svetiæq; imperiis auctus, fratrem conjugis Guthormum, eâdem sæpius flagitante, exilio abductum, tributaq; pollicitum, Danis præfecit, Hadingo patris ultionem hostis beneficio præferente.

VIII.

HADING-

CUS.

Hic primis adolescentiæ temporibus felicissimis naturæ incrementis summam virilis ætatis perfectionem sortitus, omisso voluptatis studio, continua armorum meditatione flagrabat; memor se bellicoso patre natum, omne vitæ tempus spectatis militiæ operibus exigere debere. Cujus fortem animum Harthgrepa, Vagnhofthi filia, amoris sui illecebris emollire conata, sedulâ affirmatione certabat, oportere eum primum genialis tori munus suis irrogare connubiis, quæ infantia ejus exactioris curæ fomenta porrexerit, primaq; subministrarit crepundia. Nec simplici verborum exhortatione contenta, carminis quoque modo sic orsa:

*Quid tibi sic vaga vita fluit?
Quid cælebs tua lustra tenis?
Arma sequens, jugulum sitiens?
Nec species tua vota trahit.
Eximia raperis rabie
Labilis in Venerem minimè.
Cadibus atque cruore madens
Bella toris potiora probas,
Nec stimulis animum recreas.
Ocia nulla fero subeunt;
Lusus abest, feritas colitur;
Nec manus impietate vacat,
Dum Venerem coluisse piget.
Cedat odibilis iste rigor,
Adveniat pius ille calor,
Et Veneris mihi nocte fidem,
Qua puero tibi prima dedi
Ubera lactis, opemq; tuli,
Officium genitricis agens,
Usibus officiosa tuis.*

Quo corporis ejus magnitudinem humanis inhabilem amplexibus referente, cujus naturæ contextum dubium non esset giganteo germini respondere: non te moveat, inquit, insolitus meæ granditatis aspectus. Nunc enim contractioris, nunc capacioris; nunc exilis, nunc affluentis substantiæ; modò corrugati, modò explicati corporis situm arbitrariâ mutatione transformo: nunc proceritate cœlis invehor, nunc in hominem, angustioris habitus ditione, componor. Adhuc hæsitante eo, fidemq; dictis habere cunctante, tale carmen adjecit:

*Ne paveas nostri, Juvenis, commercia lecti;
Corpoream geminâ vario ratione figuram,
Et duplicem nervis legem præscribere sœvi.
Nam sequor alternas diverso schemate formas
Arbitrio variata meo; nunc sidera cervix
Æquat, & excelsorapitur vicina Tonanti:
Rursus in humanum ruit inclinata vigorem;
Contiguumq; polo caput in tellure refigit.
Sic levis in varios transmuto corpora flexus
Ambiguus conspecta modis: nunc colligit anceps*

*Strictus membra rigor, nunc gratia corporis alti
 Explicat, & summas tribuit contingere nubes.
 Nunc brevitatem premor, nunc laxo poplite tendor
 Versilis, inq; novos converti carea vultus.
 Nec me mirari debet, qui Protea novit.
 Nunc premit effusos, modo clausos exerit artus
 Forma situs incerta sui, speciesq; biformis.
 Qua nunc extricat, nunc membra revolvit in orbem.
 Exero contractos artus, tensosq; subinde
 Corrugo, vultum formis partita gemellis.
 Et sortes complexa duas; majore feroces
 Territo, concubitus hominum brevior capessô.*

His assertis Hadingi concubitu potita, tanto juvenis amore flagravît, ut cum eum revisendæ patriæ cupidum comperisset, virili morè culta prosequi non dubitaret, laboribusq; ejus ac periculis interesse voluptatis loco duceret. Quo comite susceptum iter ingressa, penatibus fortè pernoctatura succedit, quorum defuncti hospitis funus mœstis ducebatur exequiis. Ubi magicæ speculationis officio superum mentem rimari cupiens, diris admodum carminibus ligno insculptis, iisdemq; lingvæ defuncti per Hadingum suppositis, hac voce eum horrendum auribus carmen edere coëgit:

*Inferis me qui retraxit, execrandus oppetat,
 Tartarog; devocati spiritus pœnas luat.
 Quisquis infernâ sede vocavit
 Me functum fatis exanimemq;
 Ac rursum superas egit in auras;
 Sub Styge liventi, tristibus umbris
 Persolvat proprio funere pœnas.
 En præter placitum propositumq;
 Quædam grata parum, promere cogor,
 Ex hac namq; pedem sede ferentes
 Angustum nemoris advenietis,
 Passim demonibus præda futuri.
 Tunc quæ nostra chaos fata reduxit,
 Et dedit hoc rursum visere lumen,
 Mirè corporeis nexibus indens
 Manes elicitos sollicitando,
 Quod nîs est temerè, flebit acerbè.
 Inferis me qui retraxit, execrandus oppetat.
 Tartarog; devocati spiritus pœnas luat.
 Nam cum monstrogeni turbinis atra lues
 Intima conatu presserit exta gravi,
 Atque manus vivos verrerit ungue fero,
 Artibus avulsis corpora rapta secans:
 Tunc, Hadinge, tibi vita superstes erit,
 Nec rapient Manes infera regna tuos,
 Nec gravis in Stygias spiritus ibit aquas:
 Fœmina sed nostros, crimine pressa suo,
 Placabit cineres, ipsa futura cinis,
 Quæ miseris umbris huc remeare dedit.
 Inferis me qui reduxit, execrandus oppetat
 Tartarog; devocati spiritus pœnas luat.*

Igitur cum apud prædictum nemus compacta ramalibus tecto noctem agerent, inusitatæ granditatis manus dom' cilium penitus pererrare conspecta. Quo monstro territus Hadingus, nutricis opem implorat. Tunc Harthgrepa

HADINGUS. artus explicans, ac magno se turgore distendens, manum arctius comprehensam alumno præbuit abscindendam. Ex cujus teterrimis vulneribus plustabi quam cruoris manavit. Cujus facti postmodum ab originis suæ consortibus laniata pœnas pependit: neq; illi aut naturæ conditio, aut corporis magnitudo, quò minus infestos hostium ungves experiretur, opitulata est.

Spoliatum nutrice Hadingum grandævus fortè quidam, altero orbus oculo, solitarium miseratus, Lifero cuidam piratæ solenni pactionis jure conciliat. Siquidem icturi fœdus veteres vestigia sua mutui sanguinis aspersione perfundere consueverant, amicitiarum pignus alterni cruoris commercio firmaturi. Quo pacto Liferus & Hadingus arctissimis societatis vinculis colligati, Lokero Curetum tyranno bellum denunciant. Quibus superatis fugientem Hadingum prædictus senex ad penates suos equo devehendum curavit, ibiq; suavissimæ cujusdam potionis beneficio recreatum, vegetiori corporis firmitate constaturum prædixit. Cujus augurii monitum hujusmodi carmine probavit:

*Hinc te tendentem gressus profugum ratus hostis
Impetet ut teneat vinclis, faucisq; ferina
Obiectet depascendum laniatibus: at tu
Custodes variis rerum narratibus imple.
Cumq; sopor dapibus functos exceperit altus,
Injectos nexus, & vincula dira relide.
Inde pedem referens, ubi se mora parvula fundet,
Viribus in rapidum totis assurge leonem,
Qui captivorum jactare cadavera sœvit:
Inq; truces armos validis conare lacertis,
Et cordis fibras ferro rimare potenti.
Protinus admissa vapidum cape fauce cruorem,
Corporeamq; dapem mordacibus attere malis.
Tunc nova vis membris aderit, tunc robora nervi
Succedent inopina tuis, solidiq; vigoris
Congeries penitus nervosos illinet artus.
Ipse struam votis aditum, famulosq; sopore
Conficiam, & lenta stertentes nocte tenebo.*

Et cum dicto, relatum equo Juvenem pristino loco restituit. Tunc Hadingus amiculi ejus rimas, sub quo trepidus delitebat, per summam rerum admirationem visus perspicuitate trajiciens, animadvertit equinis freta patere vestigiis, prohibitusq; rei inconcessæ captare conspectum, plenos stuporis oculos à terribili itinerum suorum contemplatione deflexit.

Qui cum à Lokero captus, omnem prædictionis eventum certissimis rerum experimentis circa se peractum sensisset, Handuvanum Helle-sponti Regem, apud Dunam urbem, invictis murorum præsidiis vallatum, mœnibusq;, non acie resistentem, bello pertentat. Quorum fastigio oppugnationis aditum prohibente, diversi generis aves loci illius domicilii assvetas per aucupii peritos preendi jussit, earumq; pennis accensos igne fungos suffigi curavit: quæ propria nidorum hospitia repetentes, urbem incendio complevère. Cujus extinguendi gratia concurrentibus oppidanis, vacuas defensoribus portas reliquerunt. Adortus civitatem, Handuvanum cepit, eiq; redemptionis nomine corpus suum auro rependendi potestatem fecit: cumq; hostem tollere liceret, spiritu donare maluit, adeò sævitiam clementiâ temperabat.

Post hæc multo Orientalium robore debellato, Svetiam reversus Svibdagum apud Gudlandiam ingenti classe obvium pugna adortus oppressit. Sicq; non solum exterorum manubiis, verum etiam paternæ fraternæq; vindictæ trophæis ad eminentem claritatis gradum proventus, exilio regnum mutavit, cui patriam non antè repetere quam regere contigit.

Eà tempestate, cum Orhinus quidam, Europâ totâ, falso divinitatis titulo

conferretur, apud Upsalam tamen crebriorem diversandi usum habebat: eamq; HADIN-
GUS. sive ob incolarum inertiam, sive locorum amœnitatem, singulari quadam habitationis consuetudine dignabatur. Cujus numen Septentrionis Reges propensiore cultu prosequi cupientes, effigiem ipsius aureo complexi simulacro, statuam suæ dignationis indicem maxima cum religionis simulatione Byzantium trans miserunt: cujus etiam brachiorum lineamenta, confertissimo armillarum pondere perstringebant. Ille tantæ sui celebritate gavisus, mittentium charitatem cupide exosculatus est. Cujus conjunx Frigga, quò cultior progredi posset, ascitis fabris, aurum statuæ detrahendum curavit. Quibus Othinus suspendio consumptis, statuam in crepidine collocavit; quam etiam mirâ artis industriâ ad humanos tactus vocalem reddidit. At nihilominus Frigga cultus sui nitorem divinis mariti honoribus anteponens, uni familiarium se stupro subjecit; cujus ingenio simulacrum demolita, aurum publicæ superstitioni consecratum, ad privati lux instrumentum convertit. Nec pensi duxit impudicitiam sectari, quò promptius avaritiâ frueretur. Indigna fœmina, quæ numinis conjugio potiretur. Hoc loci quid aliud adjecerim, quàm tale numen hac conjugæ dignum exitisse? Tanto quondam errore mortalium ludificabantur ingenia. Igitur Othinus geminâ uxoris injuriâ laceffit, haud levius imaginis suæ quàm tori læsione dolebat. Duplici itaq; ruboris irritamento perstrictus, plenum ingenui pudoris exilium carpsit, eoq; se contracti dedecoris sordes abolitum putavit.

Cujus secessu Mitothin quidam præstigiis celebris, perinde ac cœlesti beneficio vegetatus, occasionem & ipse fingendæ divinitatis arripuit, barbarasq; mentes novis erroris tenebris circumfusas, præstigiarum fama ad cerimonias suo nomini persolvendas adduxit. Hic deorum iram, aut numinum violationem, confusis permixtisq; sacrificiis expiari negabat: ideoq; eis vota communiter nuncupari prohibebat, discreta superûm cuiq; libamenta constituens. Qui cum Othino redeunte, relicta præstigiarum ope, latendi gratia Pheoniam accessisset, concursu incolarum occiditur. Cujus extincti quoq; flagitia patuere: siquidem busto suo propinquant, repentinò mortis genere consumebat, tantâsq; post fata pestes edidit, ut penè tetriora mortis quàm vitæ monumenta dedisse videretur, perinde ac necis suæ pœnas à noxiis exacturus. Quo malo obfusi incolæ, egestum tumulo corpus capite spoliant, acuto pectus stipite transfigentes: id genti remedio fuit.

Post hæc Othinus conjugis fato pristinæ claritatis opinione recuperata, ac veluti expiatâ divinitatis infamiâ ab exilio regressus, cunctos qui per absentiam suam cœlestium honorum titulos gesserant, tanquam alienos deponere coëgit, subortosque magorum cœtus, veluti tenebras quasdam superveniente numinis sui fulgore discussit. Nec solum eos deponendæ divinitatis, verum etiam deferendæ patriæ imperio constrinxit, meritò terris extrudendos ratus, qui se cœlistam nequiter ingerebant.

Interea Asmundus Svibdageri filius, in ultionem patris pugna cum Hadingo congressus, ut filium Henricum, cujus charitatem etiam proprio spiritui præferbat, fortissimè dimicantem occidisse cognovit, avido fati animo lucem perosus, tali carmen voce compegit:

*Quis nostra fortis ausit arma sumere?
Nil proficit cassis vacillanti nitens,
Lorica jam nec commode fuscum tegit:
Armis ovemus, interempto filio;
Cujus mori me cogit imminens amor,
Charo superstes ne relinquer pignori,
Utrâq; ferrum comprimi juvat manu.
Nunc bella, præter scuta, nudo pectore,
Exerceamus fulgidis mucronibus.
Ferositatis fama nostra luceat,*

HADIN-
GUS.

*Audacter agmen obteramus hostium.
Nec longa nos exasperent certamina,
Fugâq; fractus conquiescat impetus.*

Quo dicto, geminam capulo manum injiciens, absque periculi respectu, reflexo intergum clypeo, complures in necem egit. Igitur Hadingo familiarium sibi numinum præsidia postulante, subito Vagnostus partibus ejus propugnaturus advehitur. Cujus aduncum Asmundus gladium contemplatus, hanc in vocem carmine clamabundus erupit.

*Quid gladio pugnâ recurvo?
Ensiculus fato tibi fiet,
Framea torta necem generabit.
Hostem namq; manu superandum
Carminibus lacerare fidis,
Plus verbis quàm vi connisus,
In magna vires ope ponens.
Quid me sic umbone retundis,
Audaci jaculo minitando?
Cum sis criminibus miserandis
Obsitus & maculis refertus.
Infamis sic te nota sparsit
Putentem vitiiis labeonem.*

Hæc vociferantem Hadingus hasta trajicit amentatâ. Sed nec mortis Asmundo solatia defuere. Siquidem inter exiguas vitæ reliquias, vulneratum interfectoris pedem, perpetua claudicatione mulctavit, clademq; suam, parvulo ultionis momento memorabilem reddidit. Ita alterum membri debilitas, alterum vitæ finis excepit. Corpus ejus solenni funere elatum apud Upsalam regiis procurature exequiis. Cujus conjux Gunnilda ne ei superesset, spiritum sibi ferro surripuit, virumq; fato insequi, quàm vita deferere præoptavit. Hujus corpus amici sepulturæ mandantes, mariti cineribus adjunxerunt: dignam ejus tumulo rati, cujus charitatem vitæ prætulerat. Jacet itaq; Gunnilda aliquanto speciosius virum busti quàm tori societate complexa.

Post hæc Hadingo victore Svetiam populante, Asmundi filius Uffo nomine, conferendæ manus diffidentia adductus, in Daniam exercitum trajicit; hostilesq; lares incessere, quàm proprios tueri satius duxit: opportunum propulsandarum injuriarum genus existimans, quod ab hoste pateretur, inferre. Ita Danis ad propria defensiva redire compulsis, salutemq; patriæ exterarum rerum dominio præferentibus, domesticum solum hostilibus armis vacuefactum repetiit.

Igitur cum Hadingus è bello Svetico regressus, ærarium suum, quo bellis ac spoliis quæsitæ opes excipere consueverat, furto violatum animadverteret, continuo custodem ejus Glumerum suspensio consumpsit, callidoq; commenti genere edixit, ut si quis è noxiis ablata referre curasset, honoris locum, quem Glumerus possederat, obtineret. Quo promisso fontium quidam beneficii percipiendi quàm criminis tegendi studiosior redditus, pecuniam regi reportandam curavit. Quem confecti in summam principis amicitiam receptum putantes, nec uberius quàm fidelius honoratum credentes, & ipsi pari præmii spe relatis pecuniis, reatum detegunt. Quorum confessio primum honoribus ac beneficiis excepta, mox suppliciis punita, haud parvum vitandæ credulitatis documentum reliquit. Dignos dixerim qui solutæ taciturnitatis poenas patibulis luerent, quos cum silentii salubritas tutos præstare posset, vocis stoliditas in exitum pertraxit.

His gestis, Hadingus per summum integrandi belli apparatus hyberna permensus, Verno Sole frigoris liquatis Svetiam repetit, ibiq; lustrum militando confecit. Cujus milites diurnæ expeditionis negotio consumptis ali-

men.

mentis ad ultimam penè tabem redacti, silvestribus fungis famem lenire cœperunt. Tandem per summā necessitatis indigentiam commanducatis equis, ad postremum canina cadavera corporibus indulserunt. Sed neq; humanis artibus vesci nefas habitum. Itaq; Danis in extremas desperationis angustias compulsis, nocte concubia, sine auctore, tale castris carmen insonuit:

*Tetro penates omine patrios
Liquistis, hoc rurs Marte sequi rati.
Quæ vana mentes ludit opinio?
Quæ caca sensus corripuit fides,
Hoc arbitrantes posse solum capi?
Non amplitudo Suetica cedere,
Non exterorum Marte valet quati.
At summa vestri defluct agminis,
Cum Marte nostros cœperit aggredi.
Nam cum ferocem vim fuga solverit,
Et praliorum pars vaga labitur;
In terga dantes Marte prioribus
Cadis potestas liberior datur:
Majorq; ferri parta licentia,
Cum sors rebellem præcipitem fugat,
Nec tela tendat, quem metus abstrahit.*

Quod præsagium crebra Danorum cæde sequens lucis eventus implevit. Nocte postera vocem huiusmodi, incerto auctore editam, Suetica auribus juvenus excepit.

*Quid me sic Uffo provocat
Seditione gravi,
Pœnas daturus ultimas?
Confodietur enim
Multa premendus cuspide;
Exanimisq; ruet,
Audaciam cœpti luens:
Nec petulantis erit
Livoris intactum scelus:
Augurioq; meo,
Cum bella primum gesserit,
Contuleritq; manum;
Excepta membræ spicula
Corpus ubiq; petent:
Crudosq; hiatus vulnerum
Fascia nulla premet;
Nec ampla plagarum loca
Contrahet ulla salus.*

Eadem nocte congressis exercitibus, duo senes humano habitu tetiores, capitibus comâ vacuis, inter siderum micatus, triste visu caluitium præferentes, contrariis votorum studiis, monstriferos divisere conatus. Siquidem alter Danorum partibus intendebat, alter Sveonum studiosus extabat. Victus Hadingus cum in Helsingiam confugisset, ibiq; Solis feruore percalefactum corpus frigidâ maris aquâ sublueret; inauditi generis belluam crebris ictibus attentatam oppressit, necatâque in castra perferendam curavit. Quem facto ovanem obvia fœmina hac voce compellat:

*Seu pede rura teras, seu ponto carbasa tendas,
Infestos patiêre Deos, totumq; per orbem
Propositis inimica tuis Elementa videbis.
Rure rues, quatiêre mari, dabiturq; vaganti*

HADIN-
GUS.

*Perpetuus tibi turbo comes : nec deseret unquam,
 Vela rigor : nec tectat egent, quæ si petis, icta.
 Tempestate ruent, diro pecus occidet algu.
 Omnia præsentis sortem vitata dolebunt.
 Ut scabies fugiêre nocens, nec tetrrior ulla.
 Pestis erit; Tantùm pœna vis cœlica pensat.
 Quippe unum è superis alieno corpore tectum.
 Sacrilegæ necuêre manus : sic numinis almi
 Interfector ades ! Sed cùm te exceperit aquor,
 Carceris Æolici laxos patiêre furores.
 Te Zephyrus Boreasq; ruens, te proteret Austër,
 Et conjuratos certabunt edere flatus;
 Donec divinum voto meliore rigorem
 Solveris, & meritam tuleris placamine pœnam.*

Regressus igitur Hadingus, eodemq; cuncta tenorè perpeffus, tranquilla
 quæque proprio turbidabat adventu. Siquidem navigante eo oborta nimbi vis
 ingenti classem tempestate consumpsit. Naufragum hospitia petentem, subita
 penatium strages excepit. Nec antè malo remedium fuit, quàm scelere sacri-
 ficiis expiato, cum superis in gratiam redire potuisset. Siquidem propitiando-
 rum numinum gratia, Frø Deo rem divinam furvis hostiis fecit. Quem litatio-
 nis morem annuo feriarum circuitu repetitum, posteris imitandum reliquit.
 Frøbloth Sveones vocant.

Cumq; fortè Gigantum quendam, Nitherorum Regis Haquini filiam Re-
 gnildam pactum animadverteret; indignam rei conditionem perosus, per
 summam futuræ copulæ detestationem ingenuo ausu nuptias præcucurrit.
 Norvagamq; profectus, tam fœdum regiæ virginis amatorem armis oppressit.
 Adeo namq; virtutem ocio prætulit, ut cùm regis deliciis frui liceret, non so-
 lum suas, verumetiam alienas injurias propulsare omni voluptate jucundius
 duceret. Auctorem beneficii puella crebris offusum vulneribus, ignara, me-
 dendi curâ prosequitur. Cujus ne notitiam sibi temporis interjectus eriperet,
 crucejus annulo vulnere incluso obsignatum reliquit. Eadem postmodum à pa-
 tre eligendi mariti libertate donata, contractam convivio juventutem curiosi-
 ore corporum attrectatione lustrabat, deposita quondam insignia perquirens,
 Spretis omnibus, Hadingum latentis annuli indicio deprehensum amplecti-
 tur, eiq; se conjugem donat, qui conjugio suo gigantem potiri passus non
 fuerat.

Apud quam diversante Hadingo mirum dictu prodigium incidit. Siqui-
 dem coenante eo, fœmina cicutarum gerula, propter foculum humo caput
 extulisse conspecta, porrectoq; sinu percunctari visâ, quâ mundi parte tam
 recentia gramina brumali tempore fuissent exorta. Cujus cognoscendi cu-
 pidum Regem proprio obvolutum amiculo, refuga secum sub terras abdu-
 xit. Credo diis infernalibus ita destinantibus, ut in ea loca vivus adducere-
 tur, quæ morienti petenda fuerant. Primùm igitur vapidæ cujusdam calignis
 nubilum penetrantes, perq; callem diuturnis adestum meatibus incedentes,
 quosdam prætextatos, amictosq; ostro proceres conspiciantur: quibus præ-
 teritis loca demum aprica subeunt, quæ delata à fœmina gramina protule-
 runt. Progressiq; præcipitis lapsus ac liventis aquæ fluvium diversigenis
 rela rapido volumine detorquentem, eundemq; ponte meabilem factum
 offendunt. Quo pertransito, binas acies mutuis viribus concurrere contem-
 plantur: quarum conditionem à fœmina percunctate Hadingo; li sunt,
 inquit, qui ferro in necem acti, cladis suæ speciem continuo protestantur ex-
 emplo, præsentique spectaculo præteritæ vitæ facinus æmulantur. Prodeun-
 tibus murus aditu transcensuque difficilis obsistebat: quem fœmina nequic-
 quam transilire conata, cùm ne corrugati quidem corporis exilitate profice-
 ret,

ret, galli caput, quem secum fortè deferebat, abruptum, ultra moenium se-
pra jactavit, statimque redivivus ales resumpti fidem spiraculi claro testaba-
tur occentu. HADIN-
GUS.

Regressus igitur Hadingus, patriamque cum conjuge repetere orsus, im-
minentium sibi piratarum insidias, celeri navigatione cassavit. Qui licet iis-
dem penè flatibus juvarentur, ipsum tamen æquora præsulcantem paribus
velis occupare non poterant.

Inter hæc Uffo, cum miræ pulchritudinis filiam haberet, potiturum eâ,
qui vitâ Hadingum spoliaret, edixit. Quo pacto Thuningus quidam admo-
dum sollicitatus, ad seicâ Biarmensium manu, votivum studuit impetrare pro-
gressum. Quem excepturus Hadingus, dum classe Norvagian præteriret, a-
nimadvertit in littore senem crebro amiculi motu appellendi navigii mo-
nitus afferentem. Quem repugnantibus sociis, damnosumq; profectionis
diverticulum affirmantibus, nave susceptum centuriandi exercitus autorem
habuit, in ordinanda agminum ratione curiosius attendere solitum, ut pri-
ma per dyadem phalanx, ac per tetradem secunda constaret; tertia verò
Ogdoadis adjectione succresceret, semperq; priorem insequens duplicitatis
augmento transcenderet. Idem quoq; funditorum alas in extremam aciem
concedere jussit, eisq; sagittariorum ordines sociavit. Ita digestis in cuneum
catervis, ipse post bellatorum terga consistens, ac folliculo, quem cervici
impensum habebat, balistam extrahens, [quæ primum exilis visa, mox cor-
nu tensiore prominuit] denos nervo calamos adaptavit, qui vegetiore jactu
pariter in hostem detorti, totidem numero vulnera confixerunt. Tunc Bi-
armenses arma artibus permutantes, carminibus in nimbos solvère coelum,
lætamq; aëris faciem tristi imbrium aspergine confuderunt. E contrario
senex obortam imbrium molem obvia nube pellebat, madoremq; pluviae
nubilo castigabat objectu. Victorem Hadingum dimissus senex, non vi hosti-
li, sed voluntario mortis genere consumendum prædixit, clarisq; bellis ob-
scura, ac longinquis finitima præponere vetuit.

Quo relicto, Hadingus ab Uffone per colloquii simulationem in Upsa-
lam accersitus, amissis per insidias sociis, noctis habitu protectus aufugit.
Nam Danis ædis, in quam convivii nomine contracti fuerant, excessum pe-
tentibus, præstò erat qui cujusq; exertum foribus caput ferro demeteret.
Cujus facti injuriam prælio insecutus Uffonem oppressit, ejusq; corpus, de-
posito odio, conspicui operis Mausoleo mandavit; amplitudinem hostis e-
laborato busti splendore confessus. Ita quem vivum hostili studio insectari
solebat, extinctum honoris impendio decorabat. Et ut sibi devictæ gentis
animos conciliaret, fratrem Uffonis Hundingum regno præfecit, ne impe-
rium potius in externos transfusum, quàm in Asmundi familia continuatum
videretur.

Cumq; sublato jam æmulo, complures annos, per summam armorum
desuetudinem, rerum agitatione vacuus exegisset; tandem diutinum ruris
cultum, nimiamq; maritimarum rerum abstinentiam causatus, & quasi bel-
lum pace jocundius ratus, talibus seipsum culpæ desidiæ modis aggreditur:

<i>Quid moror in latebris opacis,</i>	<i>Officiunt scopuli rigentes,</i>
<i>Collibus implicitus scruposis,</i>	<i>Difficilisq; situs locorum,</i>
<i>Nec mare more sequor priori?</i>	<i>Mentibus aquor amare sœvis.</i>
<i>Eripit ex oculis quietem,</i>	<i>Nam freta remigiis probare,</i>
<i>Agminis increpitans lupini</i>	<i>Officii potioris esset,</i>
<i>Stridor, & usq; polum levatus</i>	<i>Mercibus ac spoliis ovar,</i>
<i>Questus inutilium ferarum,</i>	<i>Æra aliena sequi locello,</i>
<i>Impatiensq; rigor leonum.</i>	<i>Æquoreis inhiare lucris;</i>
<i>Tristia sunt jura vastitasq;</i>	<i>Quàm salebras, nemorumq; flexus,</i>
<i>Pectoribus truciора fisis.</i>	<i>Et steriles habitare saltus.</i>

HADIN-
GUS.

Cujus uxor, ruralis vitæ studio, maritimarum avium matutinos pertæ-
sa concentus, quantum in sylvestrium locorum usu voluptatis reponeret,
hac voce detexit:

Me canorus angit ales immorantem littori

Et soporis indigentem garriendo concitat.

Hinc sonorus æstuosa motionis impetus

Ex oculo dormientis mite demit ocium:

Nec sinit pausare noctu mergus altè garrulus,

Auribus fastidiosa delicatis inserens;

Nec volentem decubare recreari sustinet.

Tristiore flexione dira vocis obstrepens.

Tutius sylvis fruendum dulciusq; censeo.

Quis minor quietis usus, luce, nocte carpitur,

Quàm maximis immorari fluctuando motibus?

Eodem tempore Tosto quidam, obscuro Jutiæ loco ortus, ferocitate clarus emerfit. Plebe namq; vario petulantia genere lacescit, latè crudelitate famam extulit, tantaq; malignitatis opinione percrebuit, ut Facinorosi cognomine notaretur. Sed nec exterorum injuriis abstinens, post foedam patriæ vexationem, etiam Saxoniam tentat. Cujus duce Syfrido, laborantibus prælio sociis, pacem petente, fore, quod ab ipso poscebatur, asseruit, dummodo sibi gerendi cum Hadingo belli societatem polliceri voluisset. Refragantem illum, conditioniq; parere metuentem, acri minarum genere ad eam, quam optabat, promissionem perduxit. Fit enim ut quod blandè non struitur, minaciter impetretur. A quo terrestri negotio superatus Hadingus, cum victoris classem inter fugiendum repertam perfossis laterib' navigationi inutilem reddidisset, concessam scapham in altum direxit. Quem Tosto occidisse ratus, cum diu inter promiscua necatorum cadavera quæsitum reperire non posset, ad classem regressus, animadvertit eminè myoparonem mediis maris æstibus fluctuantem. Quem cum adductis in altum navigiis persequi statuisset, fractionis periculo revocatus, ægrè littus repetiit. Tunc correptis integris coeptum viæ genus exequitur. Hadingus occupari se videns, percontari comitem coepit, an nandi usum calleret: neganteq; eo, fugæ diffidentia sponte eversi navigii concavas partes amplexus, mortis fidem insequentibus fecit. Securum deinde Tostonem, inopinatumq;, & spoliis reliquiis avidius incubantem adortus, prostrato exercitu, prædam deferere coegit, suamq; ejus fugâ, ulciscitur.

Nec Tostoni in vindictam sui animus defuit. Nam cum ob accepti vulneris magnitudinem reparandarum intra patriam virium copiâ non haberet, legati titulo Britannia petiit. In qua profectio navigationis socios in aleæ lusum per lasciviam contraxit, rixamq; à tesseraum jactibus ortam, funesta cæde finire docuit. Ita placido exercitii genere discordiam per totum navigium diffudit, cruentamq; pugna mutatus lite jocus progenuit. Et ut aliquod ex alieno malo commodum caperet, correptis interfectorum pecuniis, Collo-nem quendam piratica tunc temporis insignem adscivit. Quo comite, parvo post in patriam reversus, cum Hadingo, suam quam militum fortunam expendere præoptante, ex provocatione congressus occiditur. Nolebant enim priscae fortitudinis duces universorum discrimine exequi, quod paucorum forte peragi potuisset:

His gestis, Hadingo defunctæ conjugis species per quietem obversata, sic cecinit:

Bellua nata tibi est rabiem domitura ferarum,

Quæq; truci rapidos atteret ore lupos.

At post pauca subjunxit:

Fat caveas, ex te nocuus tibi prodiit ales;

Felle ferox bubo, voce canorus olor.

Rex

Rex manē sopore discusso, cuidam conjecturarum sagaci visum exponit. *HADINGUS.* Qui lupi nomine futura ferocitatis filium interpretatus, Oloris vocabulo filiam denotavit; illum hostibus perniciosum, hanc patri insidiosam fore præfagiens. Eventus augurio respondit. Siquidem Hadingi filia Ulvilda privato cuidam Guthormo denupta, sive copulæ indignitate, sive claritatis affectatione permota, maritum in parentis cædem absq; pietatis respectu sollicitat: reginam se, quam regis filiam censerī malle præfata. Cujus exhortationis modum, iisdem penē verbis, quibus ab ipsa editus fuerat, explicare constitui: qui ferē hujusmodi erat:

O miseram me, cujus nobilitatem dispari copulæ nexus obtenebrat! O infelicem, cujus stemmati rustica jugatur humilitas! O infortunatā principis prolem, quā tori lege plebejus æquiparat! Miserandam regis filiam, cujus decorem ignavus pater in obsoletos ac despicabiles trāsmisit amplexus! Infauftam matris sobolem; cujus felicitati tori commerciū derogat; cujus munditiā imundicia ruralis attrectat; dignitatem indignitas vulgaris inclinat; ingenuitatem conditio maritalis extenuat! At si quis tibi vigor inest, si qua mentem virt^o possidet, si dignū te Regis generū probas, socero fasces eripe, genus probitate redime, prosapiæ defectum virtute æstima, sanguinis damnum animo pensa. Felicior est honos audacia, quā hæreditate quæsitus. Melius virtute culmen, quā successionē conscenditur. Aptius honores meritum, quā natura conciliat. Adde quod senectutem subruere nefas non est, quæ proprio in ruinā pondere suppressa devertit. Sufficiens socero tot temporum fasces; senilis tibi potestas obveniat. Quæ si te frustrata fuerit, alteri cedit. Lapsui vicinū est, quicquid senio constat. Sat illi regnasse sit: tibi quandoq; præesse conveniat. Malo præterea virū regnare, quā patrem. Malo regis conjunx, quā nata censerī. Melius est principem intus amplecti, quā exterius venerari. Gloriosius nubere regi, quā obsequi. Ipse quoq; tibi sceptrū, quā socero malle debeas. Proximū sibi quemq; natura constituit. Aderit cepto facultas, si facta voluntas accesserit. Nihil est quod non ingenio cedat. Instaurandum epulum est, exornandum convivium; providendi paratus, invitandus socer. Fraudi viā familiaritas simulata præstabit. Nullo melius quā affinitatis nomine insidiæ reguntur. Adde quod temulentia promptum cædi iter aperiet. Cumq; rex capitis cultui intentus, fabulis mentem, barbæ manū intulerit, pilorūq; perplexionem crinali spico, seu pectinis enodatione discreverit, applicari ferrū visceribus sentiat. Minor occupatis solet cautela perquiri. Dextera tua tot scelerū vindex accedat. Pium est ultricem miserorū manū extendere.

Falibus insistente Ulvilda, vir suggestionē victus, insidiis operam pollicetur. Interea Hadingus generi dolum cavere somnio monitus, petito convivio, quod ei filia charitatis simulatione paraverat, armatorum non longē præsidia statuit; quibus adversum insidias, cum res exigeret, uteretur. Quo cibum capiente, satellites in fraudis ministerium adscitus, occultato sub veste ferro opportunum sceleri tempus tacitus expectabat. Quo rex animadvertit, collocatis in vicino militibus signum lituo dedit. Quibus continuo opem ferentibus, dolum in auctorem retorfit.

Interea rex Sveonum Hundingus occasum Hadingi falso acceptum nuncio inferiis excepturus, optimatibus contractis, eximix capacitatis dolium Cereali liquore completum, deliciarum loco, medium convivis apponi præcepit: & ne quid celebritatis deesset, ipse ministri partibus assumptis, pincernam agere cunctatus non est. Cumq; exequendi officii gratia regiam perlustraret, offenso gradu in dolium collapsus, interclusum humore spiritum reddidit, deditq; pœnas sive Orco, quem falsa exequiarum actione placabat, sive Hadingo, cujus interitum mentitus fuerat. Quo cognito Hadingus parem veneratori gratiam relaturus, extinctoq; superesse non passus,

suspensio se vulgo inspectante consumpsit.

SAXONIS GRAMMATICI HISTORIÆ DANICÆ LIBER SECUNDUS.

IX.
FROTHOL.



AD INGO filius Frotho succedit, cujus varii insignesq; casus fuere. Pubertatis annos emensus, juvenilium præferebat complementa virtutum. Quas ne desidiæ corumpendas præberet, abstractum voluptatibus animum, assidua armorum intentione torquebat. Qui cum paterno thesauro bellicis operibus absumpro, stipendiorum facultatem, quâ militem aleret, non haberet, attentiusq; necessarii usus subsidia circumspiceret, tali subeuntis indigenæ carmine concitatur:

*Insula non longè est præmollihus edita clivis
Collibus ara tegens, & opima conscia præda.
Hic tenet eximium, montis possessor, acervum,
Implicitus gyris serpens, crebrisq; reflexus
Orbibus, & cauda sinuosa volumina ducens,
Multiplicesq; agitans spiras, virusq; profundens.
Quem superare volens clypeo, quo convenit uti,
Taurinas intende cutes, sorpusq; bovinis
Tergoribus tegito, nec amaro nuda veneno
Membra patere sinas; sanies, quod conspuat, uri.
Lingva trifulca micans patulo licet ore resulet.
Tristiâq; horrifico minitetur vulnere rictu;
Intrepidum mentis habitum retinere memento.
Nec te permoveat spinosi dentis acumen,
Nec rigor, aut rapida jactatum fauce venenum.
Tela licet temnat vis squamea, ventre sub imo
Esse locum scito, quo ferrum mergere fas est,
Hunc mucrone petens medium rimaberis anguem.
Hinc montem securus adi, pressosq; ligone
Perfossos scrutare cavos; mox ere crumenas
Imbue, completamq; reduc ad littora puppin.*

Credulus Frotho solitarius in insulam trajicit, ne comitatio belluam adoriretur, quàm Athletas aggredi moris fuerat. Quæ cum aquis pota specum repeteret, impactum Frothonis ferrum aspero cutis horrore contempsit. Sed & spicula quæ in eam coniecta fuerant, eluso mittentis conatu læsionis irrita resultabant. At ubi nil tergi duritia cessit, ventris curiosius annotati mollicies ferro patuit. Quæ se morfu ulcisci cupiens, clypeo duntaxat spinosum oris acumen impexit. Crebris deinde linguam micatibus ducens, vitam pariter ac virus efflavit.

Repertæ pecuniæ regem locupletem fecere; quibus instructus, classè Curetum partibus admoveretur. Quorum Rex Dorno periculosi belli metu hujusmodi ad milites Orationem habuisse fertur: Externum, proceres, hostem, & totius fermè occidentis armis opibusq; succinctum, salutarem pugne cunctationem sectantes, inediæ viribus obtinendum curemus. Inter-
num hoc malum est. Difficillimum erit domesticum debellare periculum. Facile famelicis obviatur. Melius adversarium esurie quàm armis tentabimus, nullum hosti inediâ acrius jaculum adacturi. Edax virium pestis edendi penuriâ nutritur. Armorum opem alimentorum inopia subruit. Illa, quiescentibus nobis, tela contorqueat; illa pugne jus officiumq; suscipiat. Dis-

scri-

feriminis expertes discrimen licebit inferre. Exangues absq; sanguinis detrimento præstare poterimus. Inimicum ocio superare fas est. Quis damnosè, quàm tutò dimicare maluerit? Quis cum impunè certare liceat, pœnam experiri contendat? Felicior armorum successus aderit, si prævia fames bellū committit. Hac primam conflagrandi copiam duce captemus. Castra nostra tumultus expertia maneant; illa nostri loco decernat: quæ si victa cesserit, ocium rumpendum est. Facile ab indefesso lassitudine concussus opprimitur. Adesta marcore dextera pigrior in arma perveniet. Lentiores ferro manus dabit, quem quispiam prius labor exhauferit. Præceps victoria est, ubi tabe consumptus cum robusto congreditur. Taliter indemnes aliis damnorum auctores fore poterimus.

His dictis, quæcunque tutatu difficilia animadvertit, defensionis diffidentia populatus, adeò hostilem sævitiam in vastanda patria præcucurrit, ut nihil, quod à supervenientibus occupari posset, intactum relinqueret. Majorem deinde copiarum partem indubitata firmitatis municipio complexus, ab hoste se circumfideri permittit.

Cujus Frotho oppugnandi diffidentia concitatus, complures insolita profunditatis fossas intra castra fieri, latenterq; per corbes humum egeri, & in fluvium mœnibus propinquum tacite disjici jussit. Quem dolum crebro cespite fossis superaddito occultandum curavit, incautum hostem præcipitio consumpturus; futurumq; ratus, ut ignaros desidientis glebæ lapsus obrueret. Post hæc simulato metu castra paulisper deferere cœpit. Quibus imminentes oppidanos, passimq; elusis vestigiis in foveas provolutos, ingestis desuper jaculis trucidavit.

Inde profectus in Trannonem Rutenæ gentis tyrannum incidit: cujus maritimas copias speculaturus, crebros clavos ex fustibus creat, iisdemq; carabum onerat. Quo hostilem noctu classem subiens, imas navigiorum partes terebro fauciat. Quæ ne repentinum undarum paterentur incursum, patentia foraminum loca provisus antea clavis obstruit, terebriq; damnum stipitibus pensat. At ubi foraminum copiam mergendæ classi sufficere credidit, demptis obstaculis, promptum aquis aditum patefecit, hostilemq; classem suâ circumfunderé properavit. Ancipiti periculo circumventi Ruteni, armis prius an undis resisterent, hæsitabant. Naufragio pereunt, dum navigium ab hoste vindicare contendunt. Internum discrimen externo atrocius erat, dum foris ferrum stringunt, intus fluctibus cedunt. Bina simul in miseros pericula grassabantur. Incertum erat celerius nando salus an dimicando peteretur. Medium pugna certamen nova fati diremit occasio. Geminæ mortes uno ferebantur incessu: duæ lethivæ socium egere periculum. Ambiguum erat, ferrum magis an fretum officeret. Gladios propulsantem, tacitus fluctuum allapsus excepit: e contrario fluctibus obviantem, obviis ensis implicuit. Aquarum eluvies cruoris aspergine foedabatur.

Victis itaq; Rutenis, patria Frothoni repetitur. Qui cum legatos in Rusciam exigendi tributi studio missos, incolarum perfidia, atroci mortis genere consumptos animadverteret; duplici injuria permotus, urbem Rotalam arcta admodum obsidione persequitur. Quæ ne fluvii interstitio prohibente tardius potiretur, universam aquæ molem nova rivorum diversitate partitus, ex ignotæ profunditatis alveo meabilia vada perfecit: nec antè destitit, quam rapidior vortex dividuo minoratus excursu languidiore undas lapsu ageret, ac per exiles flexus vadosa paulatim constrictione rarefceret. Ita amne domito, oppidum naturæ præsidio vacuum inoffensa militum irruptione prosternit. His gestis, ad urbem Peltiscam exercitum contulit. Quam viribus invictam ratus, bellum fallaciâ mutavit. Siquidem, paucis admodum consciis, ignotæ opacitatis latebras petivit, extinctumq; se, quò minus hosti terroris afferret, vulgò nunciari præcepit. Additæ in fidem exequiæ, tumultusq; constructus. Sed & milites conscio fraudis mœrore simulatum ducis obitum prosequuntur. Quæ fama rex ur-

FROTHO. 1. bis Vespasius, perinde ac victoriâ potitus, tam languidam ac remissam defensionem egit, ut hostibus irrumpendi potestate facta, inter lusus ac ocia necaretur.

Urbe captâ, Frotho spe Orientis imperium complexus, Handuvani moenibus admovetur. Qui quondam succensæ per Hadingum urbis admonitus, cunctos ejus penates domesticis avibus vacuificavit, quo minus similis jacturæ periculo mulctaretur. Nec nova Frothoni calliditas defuit. Quippe permixta cum ancillulis veste, peritam se pugnandi puellam simulat, depositoq; virili cultu, foemineum æmulatus, transfugæ titulo oppidum petit. Illic omnibus curiosius exploratis, postridie emissio comite exercitum muris afferre jubet, portasq; sua pandendas opera pollicetur. Taliter elusis vigilibus urbs somno sepulta diripitur, securitatis poenas interitu luens, defidiaq; sua, quàm hostium virtute, miserior. Nihil enim in re militari perniciosius animadvertitur, quàm per ocium metu vacuum, solutis neglectisq; rebus nimia fiduciæ præsumptione torpescere. Handuvanus cum patriæ res perditas everfasq; conspiceret, regias opes navibus impositas, ut undas potius quàm hostem ditaret, in altum demersit: quanquam satius fuerat adversariorum favorem pecuniæ largitionibus occupare, quàm ejus commodum mortalitatis usibus invidere. Post hæc Frothone filiam in matrimonium per legatos poscente, cavendum respondit, ne rerum prosperitate corruptus, victoriæ successum in superbiam vertat: sed potius victis parcere, & in dejectorum conditione, pristinum fulgoris habitum venerari meminerit, discatq; in miserorum sorte præteritam æstimare fortunam. Curandum itaq; ne cuius affinitatem expetat, imperium rapiat, & quem nuptiis illustrare gestiat, obscuritatis sordibus respergat, matrimonii dignitatem avaritiæ studio corrupturus. Cujus dicti comitate & victorem generum adscivit, & regni libertatem obtinuit.

Interea Sveonum regis Hundingi conjunx Thorilda, cum privignos suos Regnerum & Thoraldum, quorum infinito odio tenebatur, ut variis periculorum generibus implicaret, regio tandem pecori præfecisset: Hadingi filia Svanhuica, sororibus in famulitium sumptis, Svetiam petit, clarissimæ indolis exitium muliebri ingenio præcursura. Cumq; prædictos adolescentes nocturnis gregum excubiis occupatos, diversi generis portentis circumfundi videret, sorores equis descendere cupientes, tali poematis sono vetuit:

*Monstra quidem video celerem captantia saltum,
Corpora nocturnis præcipitare locis.
Bella gerit demon, & iniquæ dedita rixa
Militat in mediis turba nefanda viis.
Effigie spectanda truci portenta feruntur,
Hæcq; hominum nulli rura patere sinunt.
Agmina præcipiti per inane ruentia cursu,
Hac nos progressum sistere sede jubent.
Flectere lora monent, sacrisq; absistere campis,
Arvaq; nos prohibent ulteriora sequi.
Trux lemurum chorus advehitur, præcepsq; per auras
Cursitat, & vastos edit ad astra sonos.
Accedunt Fauni Satyris, Panumq; caterva
Manibus admixta militat ore fero.
Silvanis coeunt Aquili, Larvaq; nocentes
Cum Lamiis callem participare student.
Saltu librantur Furia, glomerantur eisdem
Larva, quas Simis Fantua juncta premit.
Calcandus pediti trames terrore redundat,
Tutius excelsi terga premantur equi.*

Ad hæc Regnerus, servum regium se professus, tam longinquè à domo excessus causam astruxit, quòd cum pastoralis operis gratia rus relegatus, pecus, cui præerat, amisisset, desperata recuperatione, reditu abstinere, quàm ultionis pœnam incurrere præoptasset. Et ne fratris conditionem silentio præteriret, tale dictis poëma subjunxit:

*Nos homines, non monstra puta, servosq; manentes
Per loca pascendos exagitasse greges.
At cum per teneros ageremus tempora lusus,
Fortè remota vagum cecidit in arva pecus.
Cumq; petita diu spes deforet inveniendi,
Incessit miseris sollicitudo reis.
Cumq; boum nusquam vestigia certa paterent,
Obtinuit mæstus fontia corda pavor.
Hinc est quod virgæ vulnus pœnale verentes,
Duximus in proprios tristeredire lares.
Credidimus, quàm ferre manum, pœnamq; subire,
Tutius assuetis abstinuisse focis.
Sic pœnam differre juvat, reditumq; perosis
Hac dominum latebrâ fallere cura manet.
Hac ope neglecti pecoris vitabitur ultor,
Solaq; stat nostris hæc fuga tuta viis.*

Tunc Svanhuita speciosissimum lineamentorum ejus habitum curiosiori contemplatione lustratum impensius admirata, Regibus te, inquit, non servis editum præradians luminum vibratus eloquitur. Forma profapiam pandit, & in oculorum micatu naturæ venustas elucet. Acritas visus ortus excellentiam præfert. Nec humili loco natum liquet, quem certissima nobilitatis index pulchritudo commendat. Exterior pupillarum alacritas interni fulgoris genium confitetur. Facies fidem generi facit, & in luculentia vultus majorum claritudo respicitur. Neq; enim tam comis, tamq; ingenua species, ab ignobili potuit auctore profundi. Sangvinis decus cognato frontem decore perfundit, & in oris speculo conditio nativa resultat. Minimè ergo tam spectati calaminis simulacrum obscurus opifex absolvit. Nunc itaq; celerrima declinatione crebros viæ excessus petentes, monstrogenos vitæ concursus, ne elegantissimorum corporum prædâ sordidissimis pastum agminibus præbeatis.

At Regnero maximus ob deformitatem cultus rubor incessebat, cujus unicum in obscuranda nobilitate remedium ducebat. Servitutem itaq; non semper virilitate vacuam reperiri subjunxit. Sæpè enim sordido cultu robustam, obtegi manum, fortemq; dextram atrâ veste concludi interdum: itaq; naturæ vitium virtute redimi, damnumq; generis animi ingenuitate pensari. Se ergo, Thor deo excepto, nullam monstrogenæ virtutis potentiam expavere; cujus virium magnitudini nihil humanarum divinarumve rerum digna possit æqualitate conferri. Sed neq; larvas livido tantum squalore terribiles, à masculis debere pectoribus formidari; quarum effigies adulterino distincta pallore, momentaneum corporis habitum ab aëris teneritudine mutuari consueverit. Falli igitur Svanhuitam, quæ solidum virorum robur muliebriter emollire, viresq; vinci insolitas effœminato pavore perfundere conetur.

Admirata juvenis constantiam Svanhuita, a legato nubilæ inumbrationis vapore, prætentas ori tenebras sudâ perspicuitate discussit, ensẽq; variis confictibus opportunum se ei daturam pollicita, miram virginæi candoris speciem novo membrorum jubare præferebat. Taliter accensi juvenis connubium pacta, prolato mucrone sic cepit:

*In gladio, quo monstra tibi ferienda patebunt,
Suscipe, Rex, sponsa munera prima tuæ.
Hoc dignum te ritè proba, manus emula ferri
Gestamen studeat condecorare suum.*

Ferrea vis tenerum mentis confortet acumen,

Atq; animus dextra noverit esse comes.

Aquet onus lator, & ut ensi congruat actus,

Accedat gravitas par in utroq; tibi.

Framea quid prodest, ubi langvet debile pectus,

Et telum trepida destituere manus?

Ferrum animo coëat, corpusq; armetur utroq;

Jungatur capulo consona dextra suo.

Hæc celebres edunt pugnas; quia juncta vigoris

Plus retinere solent, dissociata minus.

Hinc tibi, si volupe est belli clarescere palmâ,

Consectare ausu, quod premis ipse manu.

Cumq; multa ad hunc modum coaptato Rhythmorum canore prompsisset, dimissis comitibus, adversum obscœnissimas portentorum catervas, noctem dimicando permenſa, luce redditâ, varias larvarum formulas, & inusitata specierum figmenta passim arvis incidisse cognoscit: inter quas & ipsius Thorildæ crebris obfusa vulneribus effigies visebatur. Quas in struem congestas ingenti pyra accensa cremavit, ne teter obscœnorum cadaverum odor pestifera exhalatione diffusus, propius accedentes corruptionis contagio sauciaret. Quo facto, Regnero Svetiæ regnum, sibi verò Regneri torum conciliavit. Qui licet tirociniū nuptiis auspicari deformè existimaret, servatæ salutis suæ respectu provocatus promissum beneficio exsolvit.

Inter hæc Ubbo quidam sororem Frothonis Ulvildam jam pridem matrimonio complexus, Daniæ regnum, cujus procurationem perfunctoriè gerebat, uxoris nobilitate fretus occupat. Quamobrem Frotho Orientis bella deferere coactus, apud Svetiam cum Svanhvita sorore grave prælium facit. Quo afflictus, noctu conscensâ cymbâ, per occultos navigationis anfractus, perforandæ hostium classis aditum quærebat. Deprehensus à sorore, rogatusq; cur tacito remigio varias meatuum ambages sequeretur, simili quæstionis modo percontantem absolvit. Nam Svanhvita quoq;, eodem noctis tempore, solitariam navigationem ingressa, ancipiti declinationis gyro multiplices sensim aditus recessusq; captabat. Fratrem itaq; dudum ab eo collatæ sibi libertatis admonitum rogare cœpit, ut quam bellum Ruthenicum petiturus, arbitraria nubendi potestate donaverat, assumpto conjuge frui permittat, ratumq; post factum habeat, quod fieri ipse concesserit. Tam justis precibus permotus Frotho pacem cum Regnero componit, iniuriamq; quam ex sororis petulantia suscepisse videbatur, rogatui remisit. A quibus etiam manu, quantam per eos amiserat, donatus, deformè vulnus specioso beneficio pensatum gaudebat.

Daniam ingressus, capto perductoq; ad se Ubboni ignovit, veniamque quam pœnam, malè merito rependere maluit, quòd regnum potius uxoris impulsu, quam propria cupiditate tentasse, nec tam auctor iniuriæ, quam imitator fuisse videretur, Ulvildam eidem ademptam, amico suo Scotto, qui & ipse Scottici nominis conditor fuit, nubere coëgit, tori varietatem supplicii loco reputans. Cujus discessum regiis etiam vehiculis prosequutus, iniuriam beneficio pensavit. Sororis siquidem naturam, non ingenium intuens, suæ potius famæ, quàm illius nequitia consulebat. Quæ fraternis meritis nihil ex consueti odii pertinacia remittens, novi mariti animum occidendi Frothonis, occupandiq; Danorum imperii consilio fatigabat. Segniter enim deferere solet animus, quicquid solido fuerit amore complexus. Neq; fluidis annis molitum continuo crimen elabatur. Primævam quippe mentem posterior imitatur affectio. Nec citò vitiorum vestigia pereunt, quæ tenera moribus ætas impresserit. Cum vacuas mariti aures haberet, insidias à fratre in virum convertit, mercede conductis, qui jugulum dormientis confoderent. Qua de re Scottus perpedisse quam certior factus, nocte qua cædis ministerium circa se peragendum

acceperat, lecto loricatorum incessit. Rogatus ab Ulvilda, quid ita assuetæ quietis usum ferreo cultu mutasset? Sic ad præsens sibi collibitum retulit. Cum somno obfusos putaretur, irruentes insidiarum ministros lecto delapsus obtruncat. Quò evenit, ut Ulvildam insidiis fratri ne tendendis abstraheret, & aliis uxorum perfidiam cavendi documentum præberet.

Quæ dum geruntur, adoriendæ bello Fresiæ Frothoni consilium incidit, claritatem Orientis devictione quæsitam Occidentis oculis infundere avido. Oceanum petenti prima adversum Vitthonem Fresorum piratam congressio fuit, in qua sociis primos hostium impetus solo clypeorum objectu
10 patienter excipere iussis, non antè missilibus utendum edixit, quàm penitus hostilium jaculorum imbrem exhaustum adverterent. Quæ tantò à Fresis avidius emissa, quantò à Danis tolerabilius excepta, Vitthone Frothonis patientiam à pacis cupiditate profectam existimante. Oritur ingens classicum, & immenso pile stridore dissultant. Cum nullum incautis jaculum superesset. Danorum telis obfusi vincuntur. Fuga litus amplexi, inter flexuosos fossarum ambitus obtruncantur, Rhenum deinde classe rimatus, extremis Germaniæ partibus manus injecit. Repetito Oceanus Fresorum classem vadosis inflatam vorticibus adortus, eadē naufragium cumulavit. Nec tantas hostium acies obtrivisse contentus, Britanniam tentat. Cujus rege devicto, Melbricum Scotiæ regionis præfectum aggreditur. Cui cum bellum illaturus
20 Britannorum regem imminere ex speculatore cognosset, tergòq; simul ac pectori confutere nequiret, militibus ad concionem vocatis deferenda vehicula, abjiciendam suppellectilem, aurumq; quod ab eis gestaretur, passim per arva disjiciendum edixit, affirmans solam in opum effusione opem restare. Nec aliud conclusis subsidium superesse, quàm hostem ab armis in avaritiam pellicere. Libenter prædam apud externos quæsitam supremæ necessitati impendi debere. Fore enim ut hostes non minore aviditate collectam abjicerent, quàm repertam corripere, oneri potius quàm usui futuram.

Tunc Torkillus avaritiâ antè alios insignis, cæterisq; eloquio præstans,
30 capite galea nudato, clypeo innixus, Movet, inquit, Rex, pleròq; tuæ præceptionis austeritas, qui magni æstimant, quod sanguine pepererunt. Aegrè projicitur, quod maximo constat periculo quæsitum. Inviti deserunt, quod vitæ discrimine emerunt. Extremæ enim dementiæ est, virili animo ac manu parva muliebriter spernere, opesq; hosti insperatas afferre. Quid deformius, quàm belli fortunâ prædæ, quam gerimus, contemptu præcurrere certumq; & præsens bonum, dubii mali metu relinquere? Nondum Scotos aspeximus, & arvum auro spargemus? Quales in prælio existimandi sunt, quos bellum petentes sola bellorum enervat opinio? An qui hosti formidolosi fuimus, ridiculi erimus, claritatèq; contemptu mutabimus? Mirabitur Britannus ab his se victum, quos solo vinci timore conspexerit. Illorum metu prememur,
40 quibus metum priores ingessimus? Quorum præsentiam contempsimus, absentiam metuemus? Quando opes probitate mercabimur, quas timore vitamus? Pecunias pro quibus pugnavimus, pugnam vitando temnemus? Quos paupertati subicere debuimus, divitiis imbuemus? Spolia fortiter cepimus, molliter jaciemus? Quid turpius à nobis committi poterit, quàm aurum erogare, quibus ferrum infligere debemus? Pavor nunquam eximet, quod virtus peperit. Quod bello quæsimus, bello linquendum est. Tanti præda veniat, quanti empta est, ferro præcium ponderetur. Præstat speciosa defungi morte, quàm lucis aviditate vilescere. A vitæ parvulo temporis momento deferimur: Pudor etiam factum insequitur. Huic accedit, quod jactantes aurum, hostis hoc avidius insequetur, quò majore metu urgeri crediderit. Præterea neutra nobis fortuna auri odium facit. Victores namq; ære, quod gestamus, ovabimus; victi sepulturæ præmio relinquemus. Hæc senior.

At milites Regis potius quàm sodalis consilium intuentes, priorèmq; exhor-

EROTHOL.

exhortationem posteræ præferentes, quod cuiq; opum erat, certatim loculis egerunt. Mannos quoq; variæ suppellectilis gerulos oneribus absolvunt; sicq; vacuefactis crumenis, armis habilius accinguntur. Quibus progressis succedentes Britanni, in patentem latè prædam diffiliunt. Quos Rex circa pecuniæ raptum avidius æquo occupatos conspiciens, cavere jubet, ne destinatas prælio manus opum onere fatigent, scientes triumphum ante carpendum, quàm censum. Proinde auro spreto, auri dominos insequantur. Nec aris, sed victoriæ fulgorem mirentur: memirerintque satius trophæum prensare, quàm quæstum: potiorē esse metallo virtutem, si ritè amborum habitum meriantur. Hoc namque exteriorem ornatum conciliari, illam interno externoque cultui precium afferre. Quamobrem remotos à pecuniæ contemplatione oculos habeant, abstractumque avaritia, animum belli studiis impendant. Præterea noverint prædam ab hostibus de industria rejectam, aurumque insidiis potius, quàm usui seminatum. Sed & simplicem argenti nitorem latentis hami fraude implicitum teneri. Neque enim facile fugisse existimandum, qui fortem Britannorum gentem fugæ prior adegerit. Caterum nihil indignius opibus esse, quæ raptorem captivant, dum ditare creduntur. Siquidem Danos, quibus opes obtulisse videantur, ferro cadēque multandos duxisse. Itaque si sparsa rapiant, eo hostem instruere viderentur. Si enim aris in medio positi specie tangerentur, non solum id, sed & si quide eis propriæ pecuniæ superesset, amitterent. Quid enim colligere prodesset, quæ protinus erogare cogantur? Sin pecuniæ prosterni renuerint, hostem haud dubiè prostraturos. Potius itaq; virtute arduos, quàm cupiditate pronos existere debere, nec occiduos in avariciam animos, sed erectos in gloriam habendos esse; armis, non auro certandum fore.

Finiente rege, eques Britannicus cunctis onustum auro gremium ostendens; Colliguntur, inquit, Rex, ex oratione tua gemini rerum affectus, unus timoris, alter malevolentiae testis; cum & opibus propter hostem, uti prohibeas, nosque egenos tibi quàm locupletes militare satius ducas. Quid hac deformius voluntate? Quid exhortatione stolidius? Domesticas hic gazas agnoscimus, agnitas tollere dubitabimus? Quod armis repetere, pergebamus, quod sanguine recuperare contendimus, ultrò restitutum vitabimus? Propria vindicare cunctabimur? Uter timidior est, qui parva fundit, an qui fusa legere pertimescit? En quod necessitas ademit, casus reddidit. Non hostium, sed nostra hæc spolia sunt: non attulit aurum Britanniae Danus, sed abstulit. Quæ subacti invitiq; perdidimus, gratis redeuntia fugiemus? Nefas est tantum fortunæ beneficium indignanter excipere. Quid enim vesanius, quàm opes in propatulo constitutas despiciere, conclusas ac vetitas affectare? Ante oculos collocata fastidio dabimus, fugientia captaturi? In medio positis abstinēbimus, longinqua atq; extera petitori? Quando peregrina prædabimur, si propria refutamus? Nunquam deos tam infestos experiar, ut finum paterna avitaq; pecunia refertum, tam iusto onere vacuefacere compellar. Novi Danorum luxum; nunquam plena meri vasa liquissent, ni timor aufugere compulisset. Facilius vitam deseruissent, quàm vinum. Communis hic nobis affectio est, hac illis imagine respondemus. Esto, fugam finxerint, antè tamen in Scotos incident, quàm egredi queant. Nunquam porcis proculcandū aut belluis hoc aurū rure squalēbit, humano melius usui servitutum. Præterea si exercitus à quo victi sumus spolia rapimus, fortunam in nosmet victoris transferimus. Quod enim certius victoriæ prælagium accipi posset, quàm pugnam prædā præcurrere, castraq; ab hostibus deserta ante prælium capere? Satiū est metu vicisse quàm ferro.

Finierat vix eques, & ecce omnium effusa in prædam manus nitida passim æra carpsere. Mirarèris illic obscenæ aviditatis ingenium, speculari posses

posses immoderatum cupiditatis exemplum. Videres cum gramine pariter aurum convelli, intestinum dissidium nasci, immemores hostium cives ferro decernere, familiaritatis jura, societatis respectum negligi: avaritiam, omnes, amicitias neminem intueri.

Interea Frotho silvam, quæ Scotiam Britanniamque secernit, vasto itinere permensus, arma milites capere jubet. Cujus aciem speculati Scoti, cum sibi levia tantum pila suppetere, Danos verò præstantiori armaturæ genere cultos conspicerent, pugnam fugâ præveniunt. Quos Frotho Britannicæ effusionis metu modicum insecutus, Ulvildæ virum Scottum cum
 10 ingenti exercitu obvium recepit, quem è remotissimis Scotiæ finibus auxilii Danis ferendi cupido perduxerat. Per hunc Scottorum insectatione relicta, cursum in Britanniam reflectere jussus, prædam, quam vasfrè rejecerat, acriter recuperavit. Igitur quo æquiore animo opes deseruit, hoc facilius recepit. Pœnituit tunc oneris Britannos, sanguine pœnas avaritiæ dantes. Piguit inexplata aviditati brachia porrexisse. Puduit minus regiæ exhortationi, quàm propriæ indulgisse cupiditati.

Post hæc celeberrimum insulæ oppidum Lundoniam petit. Cujus murorum firmitate expugnationis facultatem negante, mortis simulatione facta, vires ab astutia mutuatus est. Siquidem præfectus Lundoniæ Dalemannus, cum falsum de ejus obitu nuncium accepisset, receptis in ditionem Danis, ducem ex indigenis offert. Quem ut ex magno acervo legerent, oppidum intrare permisit. Quibus electionis diligentiam simulantibus, nocturnis insidiis circumventus opprimitur.

His gestis, Regem in Patriam regressum, Scato quidam convivio excipit, bellicis ejus laboribus voluptatis licentiam permixturus. Apud quem Frotho dum regio more stratis auro pulvinaribus accubaret, per Hundin-
 20 gum quendam ad dimicandum provocatus, quanquam convivalibus mentem gaudiis impendisset, plus pugnæ propinquitate quàm epularum præsentia delectatus, duello cœnam, victoria duellum absolvit. In quo dubiæ salutis vulnere suscepto, rursus Haquini pugilis adhortatione perstrictus, provocantis nece ultionem irritatæ quietis exegit. Duos ex cubiculariis palam
 30 insidiarum convictos, ingentibus saxis affixos pelago obruit, ponderosum animi crimen annexa corporibus mole mulctando. Ferunt quidam Ulvildam tunc ei infecabilem ferro vestem donasse, qua circumamictus nullo telorum acumine læderetur. Nec prætereundum, Frothonem contusis commolitisq; auri fragminibus cibos respergere solitum, quibus adversum familiares veneficorum insidias uteretur. Hic dum Regnerum Svetiæ Regem falso prodicionis insimulatum bello laceffit, non telorum vi, sed armorum pondere & corporis astu strangulatus interiit, Haldano, Roë, & Scato, filiis relictis,

His virtute paribus, æqua regnandi incescit aviditas. Imperii cuiq; cura extitit; fraternus nullum respectus astrinxit. Quem enim nimia sui charitas ceperit, aliena deserit; nec sibi quisquam ambitiosè, atque aliis amicè, consulere potest. Horum maximus Haldanus, Roë & Scato fratribus interfectis, naturam scelere polluit, regnum parricidio carpsit: & ne ullum crudelitatis exemplum omitteret, comprehensos eorum fautores prius vinculorum pœna coercuit, mox suspendio consumpsit. Cujus ex eo maxime
 40 fortuna admirabilis fuit, quod licet omnia temporum momenta ad exercenda atrocitatis officia contulisset, senectute vitam non ferro finiret.

Hujus filii Roë, & Helgo fuere. A Roë Roskildia condita memoratur, quam postmodum Svenno, furcatæ barbæ cognomento clarus, civibus auxit, amplitudine propagavit. Hic brevi angustoque corpore fuit, Helgonem habitus procerior cepit. Qui divilo cum fratre regno, maris
 50 posses-

1. FROTHO.

X. HALDANVS.

XI. ROE.

XII. HELGO.

HELGO. possessionem fortitus, regem Sclaviæ Scalcum maritimis copiis laceffitum oppressit. Quam cum in provinciam redeisset, varios pelagi recessus vago navigationis genere perlustrabat. Hic licet ferocioris ingenii esset, luxuriâ tamen sævitiam æquabat. Adeo siquidem projectus in Venerem extitit, ut ambiguae existimationis esset, tyrannide magis an libidine arserit. Apud insulam Thorø virgine Thorâ stuprum pati coactâ, filiam suscepit, cui postmodum Ursæ vocabulum aptavit. Hundingum Saxonie regis Syrici filium, apud Stadium oppidum prælio vicit, eundemque ex provocatione adortus duello prostravit. Ob quod Hundingi interemptor vocatus, victoriæ decus cognomine usurpavit. Jutiæ Saxonibus ereptæ jus procurationemque Hescæ, Eyr & Ler ducibus commisit. Apud Saxoniam ingenui ac liberti necem pari summa rependendam constituit, perinde ac liquidò constare volens, quod cunctas Theutonum familias æqua servitus teneret, omniumque corrupta libertas parem conditionis ignominiam redoleret.

Cum ad insulam Thorø piraticam reflexisset, Thora, necdum amissæ virginittis moerore deposito, turpi commento nefariam stupri ultionem excogitavit. Siquidem filiam nubilis ætatis de industria littori immis-
missam, concubitu patrem maculare præcepit. Qui licet insidiosæ voluptatis illecebris corpus dedisset, animi tamen integritatem exuisse credendus non est, cum ei promptissimam erroris excusationem ignorantie beneficium afferret. O stolidam matrem, quæ filiæ pudicitiam, ut suam, ulcisceretur, exulare permisit; nec sanguinis sui castitatem curavit, dummodò incesti efficeret reum, per quem prior ipsa perdiderat cœlibatum! Atroce[m] foemina[m] mentem! quæ veluti secundam sui corruptionem in poenam corruptoris expendit, cum hoc ipso potius iniuriam augere, quàm extenuare videretur. Quippe quo se ultionem assequi credidit, culpam construxit: & dum noxam detrahere gessit, nefas adjecit, sobolis suæ no-
vercam agendo, cujus, ut propriam expiaret infamiam, flagitio non perpercit. Nec dubium eandem refertum impudentia animum gessisse, cujus tantus à pudore excessus erat, ut iniuriæ solatium filiæ probro petere non erubesceret. Magnum, sed uno expiabile scelus, quod concubitus noxam fausta proles deterfit, neque opinione tristius, quàm fructu jucundius fuit. Siquidem genitus ex Ursâ Rolvo, ortus sui infamiam conspicuis probitatis operibus redemit: quorum eximium fulgorem omnis ævi memoria specioso laudum præconio celebrat. Fit enim ut lætis lugubria finiantur, & in speciosos exitus turpiter auspicata concedant. Igitur
ut flagitiosus, ita felix patris error extitit, quem tanta luce mirificus postmodum filius expiavit.

Interea Regno apud Svetiam defuncto, conjunx ejus Svanhuitta, parvo post & ipsa morbo ex mœsticia contracto decedit, fato virum insecta, à quo vita distrahi passa non fuerat. Fieri namque solet, ut quidam ob eximiam charitatem, quam vivis impenderant, etiam vita excedentes comitari contendant. His filius Hothbrodus succedit, qui proferendi imperii studio Orienti bellum intulit, ac post immensam populorum cladem, Atislum & Hotherum filios procreavit. Hisdem Gevarum, quendam egregiis sibi meritis devinctum pædagogum adscivit. Nec Ori-
entis victoriâ contentus, Daniam petit, ejusque regem Roë tribus præliis provocatum occidit. His cognitis Helgo filium Rolvonem Lethrica arce conclusit, hæredis salutem consulturus, utcunque suam fortunam tractasset. Deinde præsides ab Hothbrodo immisos, ut externo patriam dominio liberaret, missis per oppida satellitibus, cade sublegit. Ipsum quoque Hothbrodum cum omnibus copiis navali pugna delevit: nec solum fratris, sed etiam patriæ iniuriam plenius ultionis armis pensavit.

Quo evenit, ut cui nuper ob Hundingi cædem agnomen inceslerat, nunc Hothbrodi strages cognomentum inferret. Præterea Svëonis, perinde ac parum præliis afflictos, abjectissimo conditionis instituto mulctavit, lege sanciens, ne cuiuspiam eorum juxta legitimarum compositionum formulam læsio sarciretur. His gestis, ob superioris flagitii ruborem patriam penatesq; perosus, repetito Oriente, decedit. Opinantur quidam, quod exprobratæ sibi turpitudinis anxius, super districtum gladium incumbendo, voluntaria se morte consumpsit.

Huic filius Rolvo succedit, vir corporis animiq; dotibus venustus, qui staturæ magnitudinem pari virtutis habitu commendaret. Cujus temporibus cum Danorum imperiò Svætia subiaceret, Atislus Hothbrodi filius liberandæ patriæ ratione callidius quæsita, matrem Rolyonis Ursam, conjugio sibi sociandam curavit, incedente connubii affinitate efficacioris privigno monitus super tributi laxatione daturus. Nec fortunam votis adversam habuit. Hic à puero liberalitatis odio imbutus adeo pecuniæ tenax exitit, ut munificum haberi infamiæ loco duceret. Quem cum Urfa tantis avaritiæ sordibus obfusus videret, ideoq; eo carere cuperet, insidiis agendum rata, mira artis superficie fraudis formulam textit. Impietatis quippe simulationem amplexa, maritum capessendæ libertatis admonitum, novarum rerum exhortatione sollicitat, filiumq; maximis muneribus promissis, Svëtiæ arcessiri curat. Ita namq; se votis maximè potituram credebat, si filio aurum vitrici nacto, regias opes fugiendo convellere, virumq; non tantum toro, sed etiam pecunia fraudare potuisset. Neq; enim avaritiam ullo melius, quàm opum subtractione mulctandam putabat. Cujus doli profunditas ab intimis astutiæ modis profecta, haud facile ex hoc discerni poterat, quod permutandi tori studium, affectatæ libertatis imagine colorabat. Cæcam viri mentem, quæ matrem adversum filii caput exarsisse putavit, nec suam potius strui perniciem intellexit! Stolidum mariti sensum, qui pervicacem uxoris industriam non advertit, transferendi connubii copiam filialis odii specie molientem. Cum enim nulla muliebribus animis fiducia debeat, is tanto stolidiorem foeminæ fidem detulit, quanto facilius eam sibi fidam, filio insidiosam putavit. Igitur promissorum magnitudine excitus Rolvo, cum Atisli fortè penates ingressus, ob absentiae diuturnitatem, convictusque desuetudinem, parùm à matre cognosceretur, leniendæ famis subsidium per jocum petere cepit. Qua prandium à rege poscendum hortante, laceram vestis suæ partem exerens, operam consuentis exposcit. Cum obseratas matris aures haberet, difficile, inquit, veram ac solidam amicitiam reperiri, cum filio mater epulum, fratri soror suendi obsequium neget. Ita matris errore mulctato, magnum eidem negatæ humanitatis ruborem iniecit. Quem cum Atislus inter epulas matri discubitu junctum aspiceret, utrumque lasciviæ increpans, impudicum fratris sororisque concessum asseruit. Cui Rolvo, honestum in filio maternæ charitatis amplexum respondit, laceffitæ integritatis defensionem ab arctissimo naturæ vinculo mutuatus. Idem percunctantibus convivis, quod fortitudinis genus cæteris anteferet? Patientiam nominavit. Interrogatus ab iisdem Atislus, cui potissimum virtuti votorum suorum studiū obligasset? Liberalitatis sibi professionem aptavit. Exiguntur igitur hinc animositatis, inde munificentiae pacta, priorq; Rolvo virtutis experimentum edere jubetur. Qui cum igni applicaretur, parmulam parati, qua acrius urgebatur, objecit, alteroq; laterum defenso, reliquum munimento vacuum, unico patientiæ duramento firmavit. Magna viri solertia, leniendi ardoris præsidium à clypeo mutuantis, ut inde exposito flammis corpori propugnaret, unde eidem inter stridentia quandoq; tela consuluisse. Æstus tamen telis acrior, cum vallatam clypeo partem expugnare non posset, defectum munimine latus invasit. Quem pedissequa, quæ fortè propter

ROLVO. focum astat, intolerabili costarum ardore torrerī conspiciens, egestā doliō clepsydra, fuso flammam humore sopivit, mediasq; incendii pœnas, tempestivo liquoris beneficio repressit. Rolvo patientiæ consummatione laudatur. Post hæc Atisli munera requiruntur. Ferunt illum collatis in privignum opibus, ad ultimum ingentis ponderis torquem, quo donum cumulatius redderet, expendisse.

Igitur Ursa tertio convivii die, edendæ fraudis copiam aucupata, suspicato nil tale conjuge, regiâ pecuniâ vehiculis impositâ, propriis se penatibus furtivo subduxit egressu, sublustriq; nocte fugam cum filio consecuta discedit. Insequentis se viri metu percita, per summam ulterioris fugæ diffidentiam comites abjiciendæ pecuniæ jussu sollicitat, vitâ vel opibus carituros affirmans; unicum salutis compendium in æris abjectione repositum, nec fugæ subsidium nisi rerum damno carpendum. Eodem itaq; exemplo utendum, quo sibi Frothonem apud Britannos consuluisse proditum erat. Adjecit etiam, non magno constare, si propria Svetis resumenda deponerent, dum inde sibi fugæ profectus, unde eis infecutionis defectus accederet, magisq; aliena restitui, quàm sua deferri viderentur. Nec mora, quo fuga celerius carperetur, regiæ jussu complentur. Aurum crumenis egeritur, opes hostium raptui relinquuntur. Sunt qui asserant, Ursam, retentis pecuniis, æs auro oblitum fugæ suæ vestigiis instravisse. Credi namq; poterat foeminam ingentia molitam facinora, metallum quoq; jactui destinatum inani fulgore pinxisse, verarum opum precia mendacis auri jubare simulantem. Videns igitur Atislus donatum Rolvoni torquem inter alia auri insignia relictum, intimū avaritiæ suæ pignus curiosius contemplatus, ut prædam exciperet, affixis humo genibus cupiditati majestatem inclinare sustinuit. Quem Rolvo tollendæ pecuniæ gratia pronum dimissumq; conspiciens, propriis prostratum muneribus risit, perinde ac cupidè repetentem, quod callidè tribuisset. Contentis præda Svetis, ocyus ad naves se recipit, fugamq; vehementi remorum conatu captavit. Ferunt autem illum quicquid præstare posceretur, primæ supplicationi prompta liberalitate tribuere solitum, nec unquam ad secundam petentis vocem distulisse rogatum. Siquidem precum iterationem, munificentia velocitate præcurrere, quàm beneficium tarditate notare, maluit. Quæ res ei maximam athletarum frequentiam conciliavit. Plerumq; enim virtus, aut præmiis pascitur, aut laudibus incitatur.

Per idem tempus Agnerus quidam Ingelli filius, sororem Rolvonis, Ruram nomine, matrimonio ducturus, ingenti convivio nuptias instruit. In quo cum pugiles omni petulantia genere debacchantes, in Jaltōnem quendam nodosa passim ossa conjicerent, accidit, ut ejus confessor, Biarco nomine, jacentis errore vehementem capite ictum exciperet. Qui dolore pariter ac ludibrio laceffit, ossē invicem in jacentem remisso, frontem ejus in occiput reflexit, idemq; loco frontis intorsit, transversum hominis animum, vultus obliquitate mulcendo. Ea res contumeliosam joci insolentiam temperavit, pugilesq; regiâ abire coëgit. Qua convivii injuria permotus sponsus, ferro cum Biarcone decernere statuit: violatæ hilaritatis ultionem duelli nomine quæsiturus. In cujus ingressu, utri prior feriendi copia deberetur, diutulè certatum est. Non enim antiquitus in edendis agonibus crebræ ictuū vicissitudines petebantur, sed erat cum intervallo temporis etiam feriendi distincta successio, rarisq; sed atrocibus plagis certamina gerebantur, ut gloria potius percussionum magnitudini, quàm numero deferretur. Præ lato ob generis dignitatem Agnero, tanta vi ictum ab eo editum constat, ut prima cassidis parte conscissa, supremam capitis cuticulam vulneraret ferrumq; mediis galeæ interclusum foraminibus dimitteret. Tunc Biarco mutuo percussurus, quo plenius ferrum libraret, pedem trunco annexus, medium Agneri

corpus præstantis acuminis mucrone transegit. Sunt qui asserant, morientem Agnerum soluto in risum ore, per summam doloris dissimulationem spiritum reddidisse. Cujus ultionem pugiles avidius expetentes, simili per Biarconem, exitio mulctati sunt. Utebatur quippe præstantis acuminis, inusitataq; longitudinis gladio, quem Løvi vocabat. Talibus operum meritis exultanti, novam de se sylvestris fera victoriam præbuit. Ursum quippe eximie magnitudinis obvium sibi inter dumeta factum jaculo confecit, comitemq; suum Hialtonem, quò viribus major evaderet, applicato ore, egestum belluæ cruorem haurire, jussit. Creditum namq; erat, hoc potionis genere corporei roboris incrementa præstari. His facinorum virtutibus clarissimas optimatum familiaritates adeptus, etiam regi percharus evasit, sororem eius Rutam uxorem adscivit, victiq; sponsam victoriæ præmium habuit. Ab Atillolaceffiti Rolvonis ultionem armis exegit, eumq; victum bello prostravit. Tunc Rolvo magni acuminis juvenem Hiarthvvarum nomine, sorore Sculda sibi in matrimonium data, annuoq; vectigali imposito, Svetiæ præfectum constituit, libertatis jacturam afinitatis beneficio leniturus.

Hoc loci quiddam memoratu jocundum operi inseratur. Adolescens quidam Wøggo nomine, corpoream Rolvonis magnitudinem attentiori contemplatione scrutatus, ingentiq; ejusdem admiratione captus, percontari per ludibrium cœpit, quisnam esset iste Krage, quem tanto staturæ fastigio prodiga rerum natura ditasset? Faceto cavillationis genere inusitatum proceritatis habitum profecutus. Dicitur enim lingvâ Danicâ, Krage, truncus, cujus semicassis ramis fastigia conscenduntur, ita ut pes præcisorum stipitum obsequio perinde ac scalæ beneficio nixus, sensimq; ad superiora provectus, petiti celsitudinis compendium assequatur. Quem vocis jactum Rolvo perinde ac inclytum sibi cognomen amplexus, urbanitatem dicti ingentis armillæ dono prosequitur. Quâ Wøggo dexteram excultam extollens, lavâ per pudoris simulationem post tergum reflexâ, ridiculum corporis incessum præbuit, præfatus exiguo lætari munere, quem fors diutinâ tenuisset inopiæ. Rogatus cur ita se gereret, inopem ornamenti manû, nulloq; cultus beneficio gloriantem, ad aspectum reliquæ, verecundo paupertatis rubore perfundi dicebat. Cujus dicti calliditate consentaneum priori munus obtinuit. Siquidem Rolvo manum quæ ab ipso occultabatur, exemplo reliquæ in medium accersendam curavit. Nec Wøggoni rependendi beneficii cura defuit. Siquidem arctissima votinuncupatione pollicitus est, si Rolvonem ferro perire contingerit, ultionem se ab ejus interfectores exacturum. Nec prætereundum, quod olim ingressuri curiam proceres, famulatus sui principia alicujus magnæ rei voto principibus obligare solebant, virtute tirocinium auspicantes.

Interea Sculda tributariæ solutionis pudore permota, diris animum commentis applicans, maritum exprobrata conditionis deformitate, propulsandæ servitutis monitu concitatum, atq; ad insidias Rolvoni nectendas perductum, atrocissimis novarû rerum consiliis imbuat, plus unumquenq; libertati, quàm necessitudini debere testata. Igitur crebras armorum massas diversigenis tegminibus obvolutas, tributum more per Hiarthvvarum in Daniam perferri jubet, occidendi noctu regis materiam præbituras. Refertis itaq; falsa vectigalium mole navigiis, Lethram pergitur. Quod oppidum à Rolvone constructum, eximieq; regni opibus illustratum, cæteris confinium provinciarum, urbibus regiæ foundationis & sedis auctoritate præstabat. Rex adventum Hiarthvvari convivalis impensæ deliciis prosecutus, ingenti se potione proluerat: hospitibus præter morem ebrietatis intemperantiam formidantibus. Cæteris igitur altiore somnum, Sveones, quibus scelesti libido propositi communem quietis usum ademerat, cubiculis furtim delabi cœpere. Aperitur ilico telorum occlusa congeries, & sua sibi quisq; tacitus arma connectit. Deinde regiam petunt, irruptisq; penetralibus in dormientium corpora fer-

ROLVO.

rum distringunt. Experrecti complures, quibus non minus subitæ cladis hor-
ror, quàm somni stupor incesserat, dubio nisu discrimini restitère, socii an ho-
stes occurrerent, noctis errore incertum reddente. Ejusdem fortè silentio no-
ctis, Hialto, qui inter regios procures spectatæ probitatis merito præminebat,
rus egressus, scorti se complexibus dederat. Hic cum obortum pugnae frago-
rem stupidâ procul aure sensisset, fortitudinem luxuriæ prætulit, maluitq; fu-
nestum Martis discrimen appetere, quàm blandis Veneris illecebris indulgere.
Quanta hunc militem regis charitate flagrasse putemus, qui cum ignorantia
simulatione excusationem absentia præstare posset, salutem suam manifesto
periculo objicere, quàm voluptati servire satius existimavit? Discedentem pel-
lex percunctari cœpit, si ipso careat, cujus ætatis viro nubere debeat. Quam
Hialto perinde ac secretius abscurus, propius accedere jussam, indignatus
amoris sibi successorem requiri, præciso naso deformem reddidit, erubescen-
doq; vulnere libidinosa percunctationis dictum multavit, mentis lasciviam
oris jactura temperandam existimans. Quo facto, liberum quæsitæ rei judici-
um à se ei relinqui dixit. Post hæc repetito ocyus oppido, confertissimis se
globis immergit, adversasque acies mutua vulnerum inflictione prosternit.
Cumq; dormientis adhuc Biarconis cubiculum præteriret, expergisei jussum,
tali voce compellat:

*Ocyus evigilet, quisquis se regis amicum,
Aut meritis probat, aut solâ pietate fatetur.
Discutiant somnum procures, stupor improbus absit,
Incaleant animi vigiles: sua dextera queng,
Aut fama dabit, aut probro perfundet inertis;
Noxq; hac aut finis erit, aut vindicta malorum.
Non ego virgineos jubeo cognoscere ludos,
Nec teneras tractare genas, aut dulcia nuptis
Oscula conferre, & tennes astringere mammas:
Non liquidum captare merum, tenerumve fricare
Fœmen, & in niveos oculum jactare lacertos.
Evoco vos ad amara magis certamina Martis.
Bello opus est, nec amore levi: nihil hic quoq; facti
Mollities enervis habet, res prælia poscit.
Quisquis amicitiam regis colit, arma capeffat.
Pensandis animis belli promptissima laus est.
Ergo viris timidum nihil, aut leve fortibus insit,
Destituantq; animos armis cessura voluptas.
In precio jam fama manet, laudis sibi quisq;
Arbiter esse potest, propriaq; nitescere dextra.
Instructum luxu nihil absit, plena rigoris
Omnia præsentem discant exolvere cladem.
Non debet laudis titulos, aut premia captans
Ignavo torpere metu, sed fortibus ire
Obvius, & gelidum non expallescere ferrum.*

Ad hanc vocem expergefactus Biarco, cubicularium suum Scalcum o-
cyus excitatum, hoc alloquitur modo:

*Surge puer, crebroq; ignem spiramine pascē:
Verre larem ligno, & tennes dispelle favillas.
Scintillas extunde focis, ignisq; jacentes
Erige reliquias, & opertas elice flammās.
Languentem compelle larem producere lumen,
Ardenti rutilas accendens stipite prunas.
Proderit admotâ digitos extendere flammâ.*

Quip

Quippe calere manu debet, qui curat amicum,
Et nocui penitus livoris pellere frigus.

Rursum Hialto:

ROLVO.

Dulce est nos domino percepta rependere dona,
Acceptare enses, famæq; impendere ferrum.
En virtus sua quemq; monet meritum bene regem
Rite sequi, dignaq; ducem gravitate tueri.
Enses Theutonici, galeæ, armillaq; nitentes,
Lorica talo immissa, quas contulit olim
Rolvo suis, memores acuant in prælia mentes.
Res petit, & par est, quacumq; per otia summa
Nati pace sumus, belli ditioe mereri;
Nec latos cursus mæstis præponere rebus,
Aut duris semper casus præferre secundos.

Mente pari, proceres, sortem capiamus utramq;
Nec mores fortuna regat; quia condecet aque
Delicias ac dura pati, vultuq; sub illo
Ducamus tristes, quo dulces hausimus annos.
Omnia quæ poti temulento prompsimus ore,
Fortibus edamus animis, & vota sequamur
Per summum jurata Jovem, superosq; potentes.
Danorum primus herus est meus, astit eidem
Ut probus est quisq;: procul hinc procul este fugaces!
Forti opus est stabiliq; viro, non terga ferente
In dubium, bellivæ truces metuente paratus.
Maxima sæpe duci virtus ex milite pendet.

Tanto etenim princeps aciem securior intrat,
Quanto illum melius procerum stipaverit agmen.
Arripiat digitis pugnacibus arma satelles,
Iniiciens dextram capulo, clypeumq; retentans,
Inq; hostes ruat, & nullos expalleat ictus.
Nemo se retrò feriendum præbeat hosti,
Nemo enses tergo excipiat: pugnacia semper
Pectora vulneribus pateant. Certamina prima
Fronte gerunt aquila, & rapidis se rectibus urgent
Anteriore loco: species vos alitis æquet

Adverso nullam metuentes corpore plagam.
Ecce furens, aquoq; sui fidentior hostis,
Ferro artus, faciemq; aurata casside tectus,
In medios fertur cuneos, ceu vincere certus
Intimidusq; fuga, & nullo superabilis ausu.
Svetica (me miserum) Danos fiducia spernit,
Ecce truces oculis Gotthi, visusq; feroces
Cristatis galeis, hastisq; sonantibus instant,
In nostro validam peragentes sanguine cladem,
Distringunt gladios, & acutas cote bipennes.

Quid te, Hiarthvare, loquar? quem Sculda nocente replevit
Consilio, tantaq; dedit crudefcere culpa?
Quid te, infande, canam, nostri discriminis auctor,
Proditor eximii Regis, quem sæva libido
Imperii, tentare nefas, furiisq; citatum
Conjugis aternam pepulit prætereunda noxam?
Quis te error factum Danis dominosq; nocentem
Præcipitavit in hoc rerum scelus? unde subibas

Impie.

Impietas tanto fraudis constructa paratu?
Quid moror? extremam jam degustavimus escam.
Rex perit, & miseram sors ultima corripit urbem.
Illuxit suprema dies, nisi forte quis asit
Tam mollis, quod se plagis præbere timefeat,
Aut iracundus ita ut domini non audeat ultor
Esse sui, dignosq; animo proscribat honores.
Tu quoq; consurgens niveum caput exere, Ruta,
Et latebris egressa tuis in prælia prodi.
Cades te foris acta vocat, jam curia bellis
Concutitur, diroq; strepunt certamine porta.
Loricæ lacerat ferrum, dirumpitur hamus
Nexilis, & crebro cedunt præcordia telo.
Jam clypeum regis vasta minuire secures.
Jam longi resonant enses, crepitatq; bipennis
Humanis impacta humeris, & pectora findens.
Quid pavitant animi? quid hebescit languidus ensis?
Porta vacat nostris, externo plena tumultu.

10

Cumq; Hialto magna admodum strage edita prælium cruentasset, tertio
 tabernaculum Biarconis offenderat, quem metus causa avidum quietis ratus 20
 tali ignavia exprobratione pertentat:

Ut quid abes Biarco? num te sopor occupat altus?
Quid tibi, quæso, mora est? aut exi, aut igne præmèris.
Elige quod præstat, eia concurrite mecum!
Ignem urfos arcere licet, penetrantia flammis
Spargamus, primosq; petant incendia postes.
Excipiat torrem thalamus, tectiq; ruina.
Fomentum flammis, & alendo præbeat igni.
Fundere damnatis fas est incendia portis.
At nos qui regem voto meliore veremur,
Jungamus cuneos stabiles, tutisq; phalangem
Ordinibus mensi, quæ rex præcepit, eamus:
Qui natum Bøki Røricum stravit avari,
Implicuitq; virum letho virtute carentem.
Ille quidem præstans opibus, habitusq; fruendi
Panper erat, probitate minus quam seniore pollens,
Aurum militiæ potius ratus, omnia lucro
Posthabuit, laudisq; carens congestit acervos
Aëris, & ingenuis uti contempsit amicis.
Cumq; lacesitus Rolvonis classe fuisset,
Egestum cistis aurum deferre ministros
Jussit, & in primas urbis diffundere portas:
Dona magis quam bella parans, quia militis expertus
Munere non armis tentandum credidit hostem,
Tanquam opibus solis bellum gesturus, & usum
Rerum non hominum Martem producere posset.
Ergo graves loculos & ditia claustra resolvit,
Armillas teretes & onustas protulit arcas
Exitii fomenta sui, ditissimus æris
Bellatoris inops, hostiq; adimenda relinquens
Pignora, quæ patriis præbere pepercit amicis.
Annellos ultro metuens dare, maxima nolens
Pondera fudit opum, veteris populator acervi.
Rex tamen hunc prudens, oblatq; munera prævit,

30

40

50

Rem pariter vitamq, adimens: nec profuit hosti
 Censui iners, quem longo avidus cumularerat ævo,
 Hunc pius invasit Rolvo, summasq, perempti
 Cepit opes, inter dignos partitus amicos
 Quicquid avara manus tantis concesserat annis:
 Irrumpensq, opulenta magis, quàm fortia castra,
 Præbuit eximiam sociis sine sanguine prædam.
 Cui nil tam pulchrum fuit, ut non funderet illud,
 Aut charum quod non sociis daret, æra favillis
 Assimilans, famaq, annos non sænore mensus.
 Unde liquet Regem clariojam funere functum
 Præclaros egisse dies, speciosaq, sati
 Tempora, præteritos decorasse viriliter annos.
 Nam virtute ardens, dum viveret, omnia vicit,
 Egregio dignas sortitus corpore vires.
 Tam præceps in bella fuit, quàm concitus amnis
 In mare decurrit, pugnamq, capeßere promptus,
 Ut cervus rapidum bifido pede tendere cursum.
 Ecce per infusas humanâ tabe lacunas
 Casorum excusi dentes rapiente cruoris
 Profluvio toto, & scabris limantur arenis.
 Splendescunt limo allisi, lacerataq, torrens
 Sanguinis ossa vehit, truncosq, superfluit, artus.
 Danicus humescit sanguis, stagnatq, cruenta.
 Latius eluvies, & corpora sparsa revolvit
 Elisus venis vapidum spumantibus amnis,
 Impiger invehitur Danis Hiarthvarus amator
 Martis, & extenta pugnautes provocat hasta.
 Attamen hic inter discrimina fataq, belli
 Frothonis video letum arridere nepotem,
 Qui Sirtvallinos auro conseverat agros.
 Nos quoq, latitiæ species extollat honestâ
 Morte secuturos generosi fata parentis.
 Voce ergo simus alacres, ausuq, vigentes.
 Namq, metum par est animosis spernere dictis,
 Et memorabilibus lethum consciscere factis.
 Deferat os animumq, timor, fateamur utroq,
 Intrepidus nifus, ne nos nota judicet ulla
 Parte aliqua signum dubii præstare timoris.
 Librentur stricto meritorum pondera ferro
 Gloria defunctos sequitur, pueriq, faville
 Fama superstes erit, nec in ullum decedet ævum.
 Quod perfecta suo patravit tempore virtus.
 Quid clausis agitur foribus, quid pessula valvas
 Juncta seris cohibent? etenim jam tertia te vox
 Biarco ciet, clausuq, jubet procedere tecto.

Contra quæ Biarco:

Quid me Rolvonis generum, quid bellice Hialto
 Tanta voce ciet? Etenim qui magna profatur,
 Grandiloquisq, alios verbis invitat ad arma,
 Audere & dicta factis æquare tenetur.
 Ut vocem fateatur opus. Sed desine donec
 Armer, & horrendo belli præcingar amictu.
 Jamq, ense lateri jungo, jam corpore primum

Lorica galea, tegor, dum tempora cassis
 Excipit, & rigido conduntur pectora ferro.
 Nemo magis clausis refugit penetralibus uri
 Cumq; sua rogos esse domo, licet insula memet
 Ediderit, stricta q; habeam natalia terra,
 Bissenas regi debebo rependere gentes
 Quas titulis dedit ille meis. Attendite fortes,
 Nemo lorica se vestiat interituri
 Corporis, extremum perstringat nexile ferrum,
 In tergum redeant clypei, pugnemus apertis
 Pectoribus, totosq; auro densate lacertos:
 Armillas dextra excipiant, quo fortius ictus
 Collibrare queant, & amarum figere vulnus.
 Nemo pedem referat, certatim quisque subire
 Hostiles studeat gladios, hastasq; minaces,
 Ut charum ulciscamur herum. Super omnia felix
 Qui tanto sceleri vindictam impendere possit,
 Et fraudum justo punire piacula ferro,
 Ecce mihi videor corvum penetrasse ferocem
 Theutonico certe, qui Snyrtir dicitur, ense,
 A quo belligeri cepi cognomen, ut Agner
 Ingelli natum fudi, retuliq; trophaum.
 Ille meo capiti impactum perfregit Hothingum
 Elisum morsu gladium, majora daturus
 Vulnera, si melius ferri viguisset acumen.
 Cui contra lavam lateris cum parte sinistri
 Dissecui, dextrumq; pedem; labensq; sub artus
 Incidit in medias ferrum penetrabile costas.
 Hercule nema illo visus mihi fortior unquam.
 Semivigil subsedit enim cubitoq; reclinis
 Ridendo exceptit lethum, mortemq; cachinno
 Sprevit, & Elysium gaudens successit in orbem
 Magna viri virtus, quæ risu calluit uno
 Supremam celare necem, summumq; dolorem
 Corporis ac mentis lato comescere vultu!
 Nunc quoq; cujusdam praclaro stemmate nati
 Vitales fibras ferro rimabar eodem,
 Et ferrum penitus intra praecordia merxi.
 Filius hic regis, & avito sanguine lucens
 Indole clarus erat, tenerisq; nitentior annis.
 Non illi hamatum poterat prodesse metallum,
 Non ensis, non umbo teres: tam virvida ferri
 Vis erat, objectis tardari nescia rebus.
 Ergo duces ubi sunt Gotthorum, militiq;
 Hiartwari? veniant, & vires sanguine pensent.
 Qui jaciunt, qui tela rotant, nisi regibus orti?
 Surgit ab ingenuis bellum, clarissima Martem
 Stemmata conficiunt, nec enim vulgaribus ausis
 Res agitur, quam sola ducum discrimina tentant.
 Illustres obeunt procures. En, maxime Rolvo,
 Magnates cecidere tui, pia stemmata cessant.
 Non humile obscurumve genus, non funera Plebis
 Pluto rapit, vilesq; animas; sed fata potentum
 Implicat, & claris complet Phlegethonta figuris.

10

20

30

40

50

Non memini certamen agi, quo promptius esset
 Alternare enses, partiriq; ictibus ictus.
 Dans unum tres accipiq; sic mutua Gotthi
 Vulnere compensant, sic dextra potentior hostis
 Vindicat acceptam cumulado fœnore pœnam.

Quanquam adeò solus multorum funere letho.
 Corpora tradiderim pugnans, ut imagine collis
 Editus è truncis excresceret artibus agger,
 Et speciem tumuli congesta cœdavera ferrent.
 Et quid agit, qui me nuper prodire jubebat
 Eximiâ se laude probans, aliosq; superbâ
 Voce terens, & amara ferens opprobria, tanquam
 Uno bisseñas complexus corpore vitas?

Ad hæc Hialto.

Quanquam subsidio tenui fruor, hand procul abssum,
 Hac quoq; qua stamus, opus est ope, nec magis usquam
 Vis aut lecta manus promptorum in bella virorum.
 Exigitur: jam dura acies & spicula scutum
 Frustatim secuerè meum, partesq; minutim
 Avulsas absumpsit edax per prœlia ferrum.
 Prima sibi testis res est, seq; ipsa fatetur.
 Fama oculo cedit, visusq; fidelior aure est.
 Rupti etenim clypei retinacula sola supersunt,
 Sectus & in gyro remanet mihi pervidus umbo.
 Et nunc, Biarco, viges, quanquam cunctatior aquo
 Extiteris, damnumq; mora probitate repensas.

A: Biarco.

Carpere me necdum, probrisq; laceessere cessas?
 Multa moras asferre solent. Namq; obvius ensis
 Cunctandi mihi causa fuit, quem Sveticus hostis
 In mea prævalido contorsit pectora nisu.
 Nec parçè gladium capuli moderator adegit:
 Nam quantum in nudo vel inermi corpore fas est.
 Egit in armato; sic duri tegmina ferri
 Ut molles trajecit aquas; nec opis mihi quicquam
 Aspera lorica poterat committere moles.
 Et nunc ille ubi sit, qui vulgo dicitur Othin
 Armipotens, uno semper contentus oculo?
 Dic mihi, Ruta, precor usquam si conspicis illum?

Ad hæc Ruta.

Adde oculum propius, & nostras prospice chelas,
 Antè sacraturus victrici lumina signo,
 Si vis præsentem tutò cognoscere Martem.

Tum Biarco.

Si potero horrendum Frigga spectare maritum,
 Quantumcumq; albo clypeo sit tectus, & altum
 Flectat equum, Lethrâ nequaquam sospes abibit:
 Fas est belligerum bello prosternere divum.
 Ante oculos regis clades speciosa cadentes
 Excipiat. Dum vita manet, studeamus honestè
 Possè mori, clarumq; manu decerpere funus.
 Ad caput extincti moriar ducis obrutus, ac tu
 Ejusdem pedibus moriendo allabere pronus:
 Ut videat quisquis, congesta cœdavera lustrat,

ROLVO.

*Qualiter acceptum domino pensavimus aurum.
Præda erimus corvis, aquilisq. rapacibus esca,
Vesceturq. vorax nostri dape corporis ales.
Sic belli intrepidus proceres occumbere par est,
Illustrem socio complexos funere regem.*

Hanc maximè exhortationum seriem idcirco metrica ratione compegerim, quòd erundem sententiarum intellectus. Daniçi cujusdam carminis compendio digestus, à compluribus antiquitatis peritis memoriter usurpatur.

Contigit autem potitis victoriâ Gothis omne Rolvonis agmen occumbere, neminemque, excepto Wôggone, ex tanta juventute residuum fore. Tantum enim excellentissimis regis meritis eâ pugnâ à militibus tributum est, ut ipsius cædes omnibus oppetendæ mortis cupiditatem ingeneraret, eiq. morte jungi vita jucundius duceretur.

Latus Hiartvarus prandendi gratiâ positis mensis convivium pugna succedere jubet, victoriam epulis profecuturus. Quibus oneratus magnæ sibi admirationis esse dixit, quòd ex tanta Rolvonis militiâ nemo qui salutis fugâ aut captione consulere, repertus fuisset. Unde liquidum fuisse, quanto fidei studio regis sui charitatem coluerint, cui superstites esse passi non fuerint. Fortunam quoque, quod sibi ne unius quidem eorum obsequium superesse permiserit, causabatur; quàm libentissimè scilicet viror in famulatu usurum testatus. Oblato Wôggone perinde, ac munere gratulatus, an sibi militare vellet perquirat. Annuenti districtum gladium offert. Ille cuspidem refutans, capulum petit: hunc morem Rolvoni in porrigendo militibus ense exticisse præfatus. Olim namque se regum clientelæ daturi, tacto gladii capulo obsequium polliceri solebant. Quo pacto Wôggo capulum complexus, cuspidem per Hiartvarum agit, ultionis compos, cujus Rolvoni ministerium pollicitus fuerat. Quo facto ovans irruentibus in se Hiartvari militibus cupidius corpus obtulit, plus voluptatis se ex tyranni nece, quàm amaritudinis ex propriâ sentire vociferans. Ita convivio in exequias verso, victoriæ gaudium funeris luctus insequitur. Clarum ac semper memorabilem virum, qui voto fortiter expleto, mortem spontè complexus suo ministerio mentis tyranni sanguine maculavit. Neque enim occidentium manus vivax animi virtus expavit, cum prius à se loca, quibus Rolvo assueverat, interfectoris ejus cruore respersa cognosceret. Eadem itaque dies Hiartvari regnum finivit ac peperit. Fraudulenter enim quæsitæ res, eadem sorte defluunt, quâ petuntur; nullusque diuturnus est fructus, qui scelere ac perficiâ partus fuerit. Quo evenit, ut Sveonés paulò ante Daniæ potiores, ne suæ quidem salutis potientes existerent. Protinus enim à Sialandensibus deleti, læsis Rolvonis Manibus iusta exolvère piacula. Adeò plerumque fortunæ sævitia ulciscitur, quod dolo ac fallacia patrat.

HISTORIÆ DANICÆ LIBRI SECUNDI FINIS.

SAXONIS GRAMMATICI HISTORIÆ DANICÆ LIBER TERTIUS.



HOTHERUS Atisli frater, idemq; Gevari regis alumnus, ^{HOTH}
cujus mentionem præmissi, post Hiartvarum utriusq; regni ^{RYE.}
imperium sumit. Hujus tempora, si ab ætatis ejus origine
cœpero, aptius explicabuntur. Pulchrius enim pleniusq;
extrema annorum illius curricula perstringuntur, ubi pri-
ma silentio non damnantur. Interfecto ab Helgone Hoth-
brodo, filius Hotherus sub tutela Gevari regis pueritiæ
10 procursum exegit. Adolescens collacteis ac cœvis sum-
ma corporis firmitate præstabat. Cæterum ingenium ejus crebræ dotaverant
artes. Quippe natationis, arcus, cæstumq; peritia, nec non, quantamcunq; æ-
tas capere poterat, agilitate pollebat: haud minus exercitio, quàm viribus po-
tens. Immaturam adhuc ætatem uberrimis animi beneficiis transcendebat.
Nemo illo chelis, aut lyræ scientior fuerat. Præterea sistro ac barbyto, omniq;
fidium modulatione callebat. Ad quoscunq; volebat motus variis modorum,
generibus humanos impellebat affectus. Gaudio, mœstitiâ, miseratione, vel
odio, mortales afficere novêrat. Ita aurium voluptate, aut horrore animos im-
20 plicare solebat. Tor juvenis artibus Gevari filia Nanna admodum delectata,
amplexum ejus expetere cœpit. Fit enim ut virtute juvenum virgines incale-
scant, & quorum minus complacet forma, probitas acceptetur. Multiplices
enim amor aditus habet. Aliis decor oris, aliis animi virtus, quibusdam arti-
um usus voluptatis iter aperit. Nonnullis comitas Veneris copiam parat, com-
plures formæ candor acceptos facit. Nec levius vulnus fortes quàm pulchri
puellis infligere solent.

Accidit autem ut Othini filius Balderus Nannæ corpus abluentis aspectu
solicitatus, infinito amore corripereetur. Urebat illum venustissimi corporis
nitor, animumq; perspicuæ pulchritudinis habitus inflammabat. Validissi-
30 mum namq; libidinis irritamentum est decor. Hotherum itaq; per quem ma-
ximè votum interpellandum timebat, ferro tollere constituit, ne moræ impa-
tiens amor, ullo fruendæ libidinis obstaculo tardaretur.

Eodem fortè tempore Hotherus intervenandum errore nebula perdu-
ctus, in quoddam silvestrium virginum conclave incidit, à quibus proprio no-
mine salutatus, quamnam essent, perquirat. Illæ suis ductibus auspiciisq; maxi-
mè bellorum fortunam gubernari testantur. Sæpè enim se nemini conspicuas
præliis interesse, clandestinisq; subsidiis optatos amicis præbere successus.
Quippe conciliare prospera, adversa infligere posse pro libitu, memorabant,
adjecto, qualiter in collacteam ejus Nannam inter lavandum conspectam, Bal-
40 derus exarserit: hortatæq; ne eum, quamvis infestissimo odio dignum, armis la-
cesseret; semideum hunc esse testantes, arcano superum semine procreatum.
His acceptis, Hotherus labentis hospitii tegmine defectus, sub dio se relictum,
totiusq; expertem umbraculi mediis repentè campis expositum conspicatur.
Præcipuè verò puellarum præpetem fugam, lociq; versilem situm, ac fallacem
ædis imaginem mirabatur. Ignorabat enim quæ circa se gesta fuerant, ludibri-
um tantum, inaneq; præstigiosarum artium extitisse commentum.

Unde rediens, Gevaro ordinem insecutæ errorem suum ludificationis
exponit, filiamque ejus continuò postulavit. Cui Gevarus quàm libentissi-
mè se fauturum subjunxit, ni Balderi iram repulsâ contracturum metueret,
30 priorem illum sibi consentaneas preces porrexisset testatus. Nam ne ferro
quidem sacram corporis ejus firmitatem cedere perhibebat. Adjecit tamen,
scire se gladium arctissimis obseratum claustris, quo fatum ei infligi possit.

HOTHE-
RVS.

Hunc à Mimringo sylvarum Satyro possideri. Eidem quoq; armillam esse, mirâ quadam arcanaq; virtute possessoris opes augere solitam. Horum præterea locorum aditum invium, ac impedimentis obfusum, haud faciliè mortalibus patère posse. Majorem siquidem itineris partem inusitati frigoris vi perenniter obsideri. Jubet itaq; cervis jugalibus currum instruat, cujus celeritate eximio gelu rigentia juga transcendat. Quò cùm pervenerit, tabernaculum suum ita à Sole aversum constituat, ut umbram specus, cui Mimringus affluevisset, excipiat, nec ipsum mutua tamen obumbratione contingat, ne Satyrum insolitæ obscuritatis jactus exitu deturbaret. Ita armillam ensemq; in expedito fore, quorum alterum opum, alterû belli fortuna comitaretur, 10 in utroq; ingens possessori præmium esset. Hactenus Gevarus. Nec ininter Hotherus, quæ ab ipso didicerat, executus, tabernaculo ad prædictum modum locato, noctu curas, interdiu venationes agebat. Ultramq; temporis vicem pervigil exsomniaq; ducebat, ita discrimina lucis noctisq; partitus, ut hanc rerum meditationi tribueret, illam convectandis corporis alimentis impenderet. Cumq; fortè pernox attonita curis mente languesceret, oberantem tabernaculo suo Satyrum hasta petivit, obrutumq; icu, nec satis fugæ potentem, vinculis interceptit. Ultima deinde per summam verborum atrocitatem minatus, ense, armillasq; deposcit. Nec segniter Satyrus salutis redemptionem, quæ ab ipso petebatur, exhibuit. Adeò cunctis rebus prior est 20 vita, cùm nihil apud mortales spiritu charius existere soleat. Hotherus opum adeptione lætatus, patriam repetit, paucis, sed insignibus spoliis felix.

Quibus eum Gelderus Saxonix rex potitum comperiens, milites in tam illustis prædæ raptum, crebro concitabat hortatu. Paruit juvenis regi, properanter instruens classem. Quod prævidens Gevarus, quippe divinandi doctissimus erat, industriaq; præfagiorum excultus, vocato Hothero, jubet congressuri secum Gelderi jacula patienter excipiat, non antè sua remissurus, quàm hostem missilibus carere conspiciat. Cæterum rostratas admoveat falces, quibus navigia lacerari, cassidesq; & scuta militibus detrahi possint. Cujus consilio obsequutus Hotherus, salutarè ejus exitum expertus est. 30 Siquidem ad primos Gelderi impetus subsistere suos, ac corpora scutis protegere jubet, præsentis pugnæ victoriâ patientiâ capeffendam testatus. At hostis missilibus nulla ex parte cohibitis, iisdemq; per summam pugnandi cupiditatem effusis, hoc avidius hastas ac spicula torquere cœpit, quò Hotherum in his excipiendis patientius se gerere comperit. Quæ partim scutis, partim navigiis infixæ rarum dedere vulnus, complura innoxia ac frustra videbantur excussa. Siquidem Hotheri milites regis imperium exequentes, receptam telorum vim consertâ clypeorum testudine repellebant: nec rarus quidem eorum numerus erat, quæ levi icu umbonibus impacta fluctibus incidebant. Quorum omnium copia vacuefactus Gelderus, 40 dum eadem ab hostibus correpta, alacrius in se retorqueri conspiceret, mali cacumen puniceo scuto complexus (indiciū id pacis erat) salutis deditione consuluit. Quem Hotherus amicissimo vultu, benignissimoq; sermone exceptum, non minus humanitate quàm arte perdomuit.

Eà tempestate Helgo Halogix rex, Cusonis Finnorum Byarmorumq; principis filiam, nomine Thoram, crebræ legationis officio procabatur. Adeò quod per se minus validum est, alieni indigum noscitur. Nam cùm ejus temporis juvenes matrimonii postulationem propria voce prosequendi consuetudinem haberent, hic tanto oris vitio obfusus erat, ut non solum exteris, sed etiam domesticas aures erubesceret. Adeò calamitas omnis consci- 50 os vitat. Eò siquidem naturæ damna molestiora sunt, quò liquidius patent. Hujus Cuso legatione spretâ, conjugio indignum respondit, qui propria parum virtute subnixus, ad id impetrandū precaria mutuaretur officia. Quod audiens Helgo Hotherū quem politionis facundia noverat, suis favere studiis obse-

obsecrabat, alacriter se, quicquid is imperasset, executurum pollicitus. Ille ^{HOTHERI} sedulâ juvenis supplicatione devictus, armatâ classe Norvagiam petit, quod ^{RV.} verbis non posset, viribus peracturus. Cùmq; pro Helgone per summam eloquii suavitatem egisset, refert Cuso, mentem filia consilendam, ne quid contra nolentem, paterna videretur severitate præsumptum. Accersitamq; an proco allubesceret, percontatus, annuentis Helgoni nuptias pollicetur. Igitur Hotherus obseratas Cusonis aures ad ea quæ precabatur exaudienda, rotundâ volubilisq; facundiâ dulcedine patefecit.

- Quæ dum in Halogia geruntur, Balderus postulandâ Nannâ gratia,
 10 Gevari fines armatus ingreditur. A quo cùm ipsius Nannâ mentem cognoscere juberetur, exquisitis verborum delinimentis puellam aggressus, cùm nullum votis locum efficere potuisset, repulsâ causam cognoscere institit. Quæ respondit, nuptiis Deum mortali sociari non posse, quod ingens naturæ discrimen copulæ commercium tollat. Sed & superos interdum pacta rescindere solitos, subitoq; vinculum disjici, quod impares contraxissent. Neq; enim stabilem dissonis inesse nexum, cùm quod excelsos humilium semper fortuna sordescat. Præterea abundantia & egestatis dividuum contubernium esse, nec inter splendoras opes obscuramq; pauperiem firma societatis jura consistere. Ad ultimum, supernis terrestria non jugari, quæ tanto originis intervallo discors rerum natura secreverit, quod à divinâ luculentia, majestatis infinitum distet humana mortalitas. Hac responsi cavillatione, elusis Balderi precibus, detrectandi conjugii prudens argumenta texebat.

- Quod cùm Hotherus ex Gevaro cognosceret, multa super Balderi petulantia, apud Helgonem querulus diserebat. Incerti ambo quid facti opus esset, variis sententiam consiliis agitabant. Amica siquidem in adversis collocutio tamen periculum non tollit, ægritudinem minuit. Inter cætera animi vota, fortitudinis studio præponderante, manus classe cum Baldero conferitur. Hominibus adversum deos certatum crederes. Nam Baldero Othinus ac Thoro, sacraq; deum agmina, propugnabant. Divinis humanisq;
 30 viribus permixtum aspiceres bellum. At Hotherus tunica ferrum spernente succinctus, confertissimos deorum cuneos irrumpebat, & quantum terrenus in superna poterat, grassabatur. Sed & Thoro inusitato clavæ librati cuncta clypeorum obstacula lacerabat, tantum ad se incessendum hostes invitans, quantum socios ad tuendum. Nullum erat armaturæ genus, quod impellenti non cederet. Nemo ferientem tutò excipere poterat. Quicquid ictu arcebat, obruit. Non clypei, non cassides impactum pertulere robur. Nulli corporis aut virium magnitudo subsidio fuit. Proinde victoria ad superos concessisset, ni Hotherus inclinata suorum acie celerius advolans, clavam præciso manubrio inutilem reddidisset. Quo telo defecti divi subitam dedere fugam. Inimicum opinioni esset, nisi fidem antiquitas faceret, deos ab hominibus superari. Deos autem potius opinativè, quàm naturaliter dicimus. Talibus namq;
 40 non naturâ, sed gentium more, divinitatis vocabulum damus.

- Cæterum Balderi fuga cursu quæsitâ servavit. Cujus navigiis victores aut ferro laceratis, aut fluctu obrutis, non contenti deos vicisse, classis reliquias sævitia insequuntur, earum jactura funestam belli cupidinem expleturi. Adeo plerumq; insolentiam successus exasperat. Testis belli portus Balderi fugam vocabulo refert. Gelderum quoq; Saxoniarum Regem, eodem consumptum bello, remigum suorum cadaveribus superjectum, acrogo navigiis extructo impositum, pulcherrimo funeris obsequio extulit. Cineres ejus perinde ac
 50 regii corporis reliquias, non solum insigni tumulo tradidit, verum etiam plenius venerationis exequiis decoravit. Post hæc, ne connubii spem ulterior rerum importunitas moraretur, repetito Gevaro, cupitis Nannæ complexibus fruitur. Deinde Helgonem ac Thoram plenius liberalitatis officiis prosequutus, novam Sveciæ nuptiam advexit, cunctis tam venerabilis victoria, quàm Balderus ridiculus fuga.

HOTHERVS.

Quo tempore cum Sueonum magnates, solvendi tributi gratia Daniā petivissent, ob egregia patris merita, à popularibus loco regio cultus, fallax fortuna lenocinium expertus est. Siquidem à Baldero, quem paulò ante devicerat, prælio superatus, ad Gevarum decurrere necesse habuit, victoriā post regnum amissā, quam privatus adeptus fuerat. Victor Balderus, ut afflictum siti militem opportuni liquoris beneficio recrearet, novos humi latices terram altius rimatus aperuit. Quorum erumpentes scatebras sitibundum agmen hiantipassim ore captabat. Eorundem vestigia sempiterno firmata vocabulo, quamquam pristina admodum scaturigo deserit, nondum prorsus exolevisse creduntur. Idem larvarum Nannæ speciem simulantium continua noctibus irritamenta perpeffus, adeò in adversam corporis valetudinem incidit, ut ne pedibus quidem incedere posset. Quamobrem bigâ rhedave emetiendorum itinerum consuetudinem habere cœpit. Tanta amoris vi suffusum pectus, ad extremam penè tabem eum redegerat. Nihil enim sibi victoriā dedisse credidit, cujus Nanna præda non fuerit. Frø quoq; deorum satrapa sedem haud procul Upsala cepit, ubi veterem litationis morem tot gentibus ac seculis usurpatum, tristi infandoq; piaculo mutavit. Siquidem humani generis hostias mactare, aggressus, fœda superis libamenta persolvit.

Inter hæc Hotherus defectam ducibus Daniā, Hiartvarumq; celeres perempri Rolyonis pœnas dedisse cognoscens, quod vix spe complecti posset, casu sibi collatum dicebat. Nam & Rolvonem, quem, quòd ab ejus patre suum interfectum meminisset, vitā spoliare debuerat, aliena opera supplicium luisse, & sibi potiendæ Daniæ copiam insperato rerum beneficio patuisse. Quippe regnum ejus avito sibi jure competere, si rite majorum stemmata revolvantur. Inde Sialandiæ portum Isoram ingenti classis numero occupat, imminentis fortunæ beneficio usus. Ubi Rex ab occurrente sibi Danorum populo constitutus, paulò post Atisli fratris, quem Svetis præesse jusserat, excessu cognito, Sveticum Danico imperium sociat. Cæterum Atisli mors ignominiosa consumpsit. Dum enim Rolvonis inferias per summam animi hilaritatem convivio celebraret, portione avidius sumptâ, subito sine sordidæ intemperantiæ pœnas pependit. Ita dum alienum fatu mimpensioribus lætitiæ modis excolit, proprium irrumpere cœgit.

Balderus quoq; classe Sialandiam petens, cum & armis celeberr, & majestate conspicuus haberetur, Hothero Svetiam tenente, quicquid super regni fastigio postulabat, promptissimis Danorum suffragiis impetravit. Tam accipiti censurâ majorum nostrorum sententia fluctuata est. Huic Hotherus à Svetia regressus infestum intulit bellum. Acerrimum imperii cupidis de rerum summa certamen inceserat. Eidem Hotheri fuga finem imposuit. Qui cum in Jutiam concessisset, vicum in quo manendi usum habuit, nomine suo nuncupandum curavit. Ubi hybernis peractis, solitarius in comitatusq; Svetiam repetit. Ibi magnatibus accersitis, ob infelices rerum cursus, quibus ipsum Balderus bis victor afflixerat, lucis ac vitæ pigere se dixit. Deinde consalutatis omnibus, difficilia aditu loca devio calle sectatus, expertes humani cultus indagines perlustrabat. Fit enim ut quibus insolabilis animi dolor inciderit, obscuros externosq; secessus, quasi quoddam pellendæ tristitiæ remedium capterent, nec magnitudinem mœroris inter humanos queant tolerare convictus. Adeò plerumq; amica est ægritudini solitudo. Præcipuè enim illuvies ac squalor delectant, quos adversa animi valetudo concusserit. Consueverat autem in editi montis vertice consulenti populo plebiscita depromere. Quamobrem venientes occultantis se regis inertiam causabantur, absentiaq; ejus gravissimis omnium querelis lacerata est.

At Hotherus extremalocorum devia pervagatus, insuetumq; mortalibus nemus emensus, ignotis fortè virginibus habitatum reperit specum. Easdem esse constabat, quæ eum insecabili veste quondam donaverant. A quibus cur eo locorum venerit interrogatus, infaustos belli declarat eventus. Itaq;

fide

fide earum damnata, gestarum infeliciterrum fortunam tristesq; casus defle-
re cœpit, secus sibi cessisse questus, quàm ab ipsis promissum accepit. At nym-
phæ eum, quanquam rarò victor exitet, æquam tamen hostibus cladem in-
gressisse dicebant, nec minoris stragis autorem fuisse quàm complicem. Cate-
rùm in expedito victoriæ gratiam fore, si inusitata cujusdam s(u)avitatis edulium
augendis Balderi viribus excogitatum præripere potuisset. Nihil enim factu
difficile futurum, dummodo hosti in augmentum roboris destinato potiretur
obsonio.

Ex quarum dictis, Hotherus promptissimam inferendi Baldero belli fidu-
ciam mente præsumpsit, quanquam deos armis incessere terrenis arduum ni-
sibus videretur. Fuere quoq; ex suis qui illum tutò bellum cum superis commis-
surum negarent. At illi infinitus animi calor respectum majestatis ademerat.
Apud fortes enim non semper imperum ratio subruit, aut consilio temeritas
succumbit. Vel fortasse meminerat Hotherus excellentissimis viris incertissi-
mam extare potentiam, exiguamq; glebam ingentes arietare currus.

Contrà Balderus Danis in arma contractis, Hotherum acie excipit. In-
genti utrinq; clade gesta, ac ferè pari partium strage edita, nox prælium solvit.
Cujus tertio ferè pervigilio Hotherus clàm cunctis res hostium exploraturus
egreditur. Somnum quippe ejus profecta ab imminente discrimine cura
discusserat. Ita plerumq; ingens animi motus quieti corporis adversatur, nec
alterius requiem unius inquietudo patitur. Igitur in hostium castra perveniens,
tres nymphas arcanæ dapis gerulas Balderi castris excessisse cognoscit. Quas
cursim insequens (nam earum fugam roscida prodidere vestigia) tandem tecta
quibus assueverant subit. Igitur ab his quisnam esset rogatus, citharœdum se
dixit. Nec experimentum professioni dissonum fuit. Oblatam namq; chelyn
inflexis ad musam nervis, compositisq; plectro fidibus moderatus, gratum au-
ribus melos promptissima modulatione fundebat. Cæterùm tres illis colubræ
fuere, quarum tabo solidativa confectionis epulum Baldero temperare sole-
bant. Jamq; anguium aperto ore multa pulmento sanies influebat. Sed & nym-
pharum quædam humanitatis studio Hotherum epulo compertivissent, ni tri-
um maxima vetuisset, fraudem Baldero fieri protestans, si ipsius hostem corpo-
rei roboris incrementis auxissent. Ille se non Hotherum, sed Hotheri comi-
tem dicebat. Eadem namq; nymphæ accurati nitoris cingulum potentemq;
victoriæ zonam clementi benignitate ei largitæ sunt.

Qui cum pristinum iter remetiendo calle quò venerat repedaret, obvii
sibi Balderi latuSHAUSIT, eumq; seminecem prostravit. Quo militibus nunciato,
totis Hotheri castris clacer exultantium clamor insonuit, Danis Balderi fortu-
nam publico mœrore prosequentibus. Qui cum indubitatum sibi fatum im-
minere sentiret, dolore vulneris accensus, die postera prælium renovat. Quo
ferente, lectica se in aciem deferri jussit, ne intra tabernaculum obscura mor-
te defungi videretur. Postera nocte eidem Proserpina per quietem astare aspe-
cta, postridie se ejus complexu usuram denunciât. Nec inane somni præsagi-
um fuit. Nam Balderum elapso triduo, nimius vulneris cruciatus absumbsit.
Cujus corpus exercitus regio funere elatum, facto colle condendum curavit.

Hunc quidam nostri temporis viri, quorum præcipuus Haraldus erat, vi-
gente veteris sepulturæ famâ, spe reperiendæ pecuniæ noctu adorti, repentino
cœptum horrore liquerunt. Ex ipso namq; perrupti montis cacumine subita
torrentis vis, magno aquarum strepito prorumpere videbatur, cujus rapidior
moles incitatissimo lapsu subjectis infusa campis quicquid offendebat involve-
ret. Ad cujus impetum deturbati fossiles, abjectis ligonibus, variam carpsere
fugam, irruentis aquæ vorticibus implicandos se rati, si cœptum diutius exequi
niterentur. Ita à diis loci illius præsidibus incussus subito metus, juvenum ani-
mos avaritia abstractos, ad salutis curam convertit, neglectoq; cupiditatis pro-
posito, vitæ studiosos esse docuit. Hujus autem scaturiginis speciem adumbra-
tam, non veram fuisse constat, nec ab imi terræ visceribus genitam, sed præ-

NOTAE-
RVS.

stigiosa quadam administratione productam, cum in arido liquidos manare, fontes natura non sinat. Omnes hunc posteri collem, ad quos fractionis ejus fama transierat, intentatum liquere. Quamobrem an quicquam opum contineat, parum compertum, cum nemo opacam ejus crepidinem, obstante periculi metu, post Haraldum tentare praesumpserit.

At Othinus, quanquam deorum praecipuus haberetur, divinos tamen & aruspices, ceterosque quos exquisitis praescientiae studiis vigere compererat, super exequenda filii ultione sollicitat. Plerumque enim humanae opis indiga est imperfecta divinitas. Cui Rostiophus Phinnicus, alium ex Rinda Ruthenorum regis filia suscitandum praedixit, qui fraternae cladis poenas exigere debeat. 10 Deos siquidem consortis sui ultionem orituri fratris officio destinasse. Hoc audito, Othinus os pileo, ne cultu proderetur, obnubens, praedictum regem stipendia meriturus accedit. A quo magister militum effectus, recepto exercitu, pulcherrimam ex hostibus victoriam retulit. Quem rex ob pugnam strenue editam, in primum amicitiae gradum adscivit, haud parcius donis, quam honoribus cultum. Idem post parvulum temporis intervallum, solus hostium acies in fugam propulit, mirificaque cladis auctor pariter ac nuncius rediit. Admirationi omnibus erat, quod tanta de innumeris strages unius accipi viribus potuisset. Quibus meritis fretus Othinus, tacite regem amoris sui conscium facit. Cujus benignissimo favore recreatus, dum a puella osculum peteret, alapam 20 recepit. Nec cum aut contumeliae deformitas, aut iniuriae dolor, proposito depulit.

Postero siquidem anno, ne quod avidè orsus erat, ignominiosè deferreret, peregrina veste sumpta, regis contubernium repetit. Neque enim facile ab occurrentibus dignosci poterat, cum veras oris notas falsus squalor abstergeret, veterem habitum nova furaretur illuvies. Rosterum se vocitari, fabriliumque rerum opificio callere perhibuit. Itaque multiplices rerum formas speciosissimis aris lineamentis complexus adeo professionem artificio commendavit, ut recepto a rege magni ponderis auro, matronarum ornamenta procudere juberetur. Igitur complura feminei cultus insignia fabricatus, tandem 30 armillam ceteris operosius expolitam, annulosque complures pari studio decusatos puellae praeiit. Sed nullis flecti meritis indignatio potest. Quem Rinda basium sibi porrigere cupientem, colapho percussit. Minus enim acceptantur dona quae praestat invisus: sanè gratiora sunt, quae ab amicis porriguntur. Adeo interdum ex offerente oblati precium pendet. Non dubitavit enim pervicacis animi puella, quin subdolis senex libidinis aditum ficta liberalitate captaret. Præterea acre eidem æquè ac intractabile ingenium fuit. Siquidem dolum obsequio instrui, donorumque studio flagitiis votum subesse cognovit. Quam pater plurimum objurgare, quod nuptias detrectaret, aggressus. Illa senile perosa connubium, teneris puellarum annis praeproperos deberi complexus negabat, ab infirmioris ætatis excusatione respuendarum nuptiarum subsidium 40 mutuata.

At Othinus nihil amantium studiis perseverantiae robore efficacius expertus, quanquam geminae repulsae ignominia affectus fuisset, tertio Regem priori specie confusa, perfectissimam rei militaris industriam professus accessit. Eundem in hanc curam non voluptas modò, sed etiam demendae ignominiae cupido perduxerat. Ita praestigiarum peritis versili vultu varios habitus praeferendi promptissima quondam potestas inceserat. Quippe praeter naturalem corporis speciem, cujuslibet ætatis statum simulare callebant. Igitur senex jocundum professionis suae spectaculum editurus, inter promptissimos insolentius obequitare solebat. Ne eo quidem officii genere puellae rigor inflecti potuit. Vix siquidem animus sincerè in gratiam redit, cum quo vehemens semel odium gessit. Quam cum discessurus osculo petere vellet, ita ab ea propulsus est, ut mentum terrae nutabundus impingeret. Quam protinus cortice carminibus adnotato contingens, lymphanti similem reddidit, receptam toties injuriam modesto ultionis genere insequutus, Ad-

Adhuc tamen propositum exequi non cunctatus, [quippe spem ejus fiducia majestatis inflaverat,] puellari veste sumptâ, quartò regem viator infestus petivit. A quo receptus non modo sedulum se, sed etiam importunum exhibuit. Qui quod muliebriter propemodum cultus esset, à plerisq; fœmina credebatur. Cæterum se vocabulo Wecham, artē medicam testabatur; professionem quoq; promptissimis commendabat officiis. Tandem in reginæ famulitium adscitus, puellæ pedissequam egit. Cujus etiam pedum sordes serotinis horis abluerē solebat. Licebat quoq; lympham pedibus ministranti furas ac superiores femorum partes contingere. At quoniam vario fortuna passu gra-
10 ditur, quod arte promptum non erat, in expedito casus constituit. Accidit enim puellam corporis firmitate defectam, circumspectis morbi remediis, in salutis præsidium manus, quas ante damnaverat, advocare; quemq; semper fastidio habuerat, servatorem adsciscere. Qui curiosius cuncta doloris indicia perscrutatus, ut morbo quamprimum occurreretur, medicatâ potione utendum asseruit. Cæterum ejus temperamenti tantam acerbitem fore, ut nisi puella vinculis se continendam dedisset, curationis vim perferre non posset. Ab intimis enim fibris, morbi propulsandam esse materiam. Quo pater audito, filiam vincere non distulit, injectamq; toro ad omnia, quæ medicus ad-
20 movisset, patientiam præstare jussit. Fallebat illum fœminei species cultus, quo senex ad obumbrandam artis suæ pervicaciam utebatur: quæ res medicamenti speciem ad stuprilicentiam transtulit. Medicus namq; Veneris occasione sumptâ, murato curationis officio, prius ad exercendâ libidinis, quàm pellendâ febris negocium procurrit, adversâ puellæ valetudine usus, cujus inimicam sibi incolumitatem expertus fuerat. Aliam quoq; ea de re opinionem subtexere non pigebit. Ajunt enim quidam, quod cum rex laborantem amore medicum tanto animi ac corporis impendio nihil profecisse cognosceret, ne benè meritum debita mercede fraudaret, clandestino filiæ concubitu potiri permiserit. Adeò interdum paterna in prolem grassatur impietas, cum naturæ clementiam violenta corrumpit affectio. Quem errorem edito filiæ partu plena ruboris poenitentia insecutus est.

At dii, quibus præcipua apud Byzantium sedes habebatur, Othinum variis majestatis detrimentis divinitatis gloriam maculasse cernentes, collegio suo submovendum duxerunt. Nec solum primatu ejectum, sed etiam domestico honore cultuq; spoliatum proscribendum curabant; satius existimantes probrosi antistitis potentiam subruere, quàm publicæ religionis habitum prophannari, ne vel ipsi alieno crimine implicati, in fontes nocentis crimine punirentur. Videbant enim apud eos, quos ad deferendos sibi divinitatis honores illexerant, vulgato majoris Dei ludibrio, obsequium contemptu, religionem rubore mutari, sacra pro sacrilegio duci, statas solennesq; cerimonias puerilium
40 deliramentorum loco censerī. Mors præ oculis, metus in armis erat, & in omnium caput unius culpam recidere putares. Hunc itaq; nè publicam religionem exulare cogeret, exilio mulctantes, Ollerum quendam non solum in regni, sed etiam in divinitatis infulas subrogavere; tanquam deos ac reges creare in æquo positum foret. Quem licet persuntoriè flaminem creavissent, integro rerum honore donabant, ne alieni officii procurator, sed legitimus dignitatis adverteretur esse successor. Et ne quid amplitudinis deesset, Othini quoq; ei nomen imponunt, vocabuli favore invidiam novitatis exclusuri. Quo denis fermè annis divini senatus magistratum gerente, tandem Othinus, diis atrocitatem exilii miserantibus, satis jam graves pœnas dedisse visus, squaloris
65 deformitatem pristino fulgoris habitu permutavit. Jam enim superioris infamiæ notam medii temporis intervallum exederat. Extiterē tamen qui ipsum recuperandæ dignitatis aditu indignum censerent, quod scœnicis artibus, & muliebris officii susceptione teterrimum divini nominis opprobrium edidisset. Sunt qui asserant eum quosdam deorum adulando, quosdam præmiis permulcendo, amissæ majestatis fortunam pecuniâ emeratum fuisse, & ad hono-

HOTHE- res quibus jam pridem defunctus fuerat, ingentis summae precio reditum com-
RVS. parasse. Quos si quanti emerit rogas, illos consule, qui quanti divinitas vane-
 at didicerunt. Mihi minus constare fateor. Igitur Ollerus ab Othino Byzantio
 pulsus, in Svetiam concessit: ubi veluti novo quodam orbe opinionis suae mo-
 numenta restaurare connisus, à Danis interfectus est. Fama est illum adeo
 praestigiarum usum calluisse, ut ad trajicienda maria offe, quod diris carminibus
 obsignavisset, navigii loco uteretur, nec eo segnius quam remigio praecta
 aquarum obstacula superaret.

At Othinus recuperatis divinitatis insignibus, tanto opinionis fulgore
 cunctis terrarum partibus enitebat, ut eum perinde ac redditum mundo lu- 10
 men omnes gentes amplecterentur, nec ullus orbis locus extaret, qui numi-
 nis ejus potentiae non pareret. Qui cum filium Boum, quem ex Rinda sustu-
 lerat, bellici laboris studiosum cognosceret, accersitum fraternae cladis me-
 morem esse jubet, potius à Balderi intersectoribus ultionem exacturum, quam
 armis innoxios oppressurum; quod aptior ac salubrior pugna competeret, u-
 bi pium belli locum justa vindictae licentia tribuisset.

Interea Gevarus Gunnonis satrapae sui dolo nunciatur oppressus. Cujus
 cladem Hotherus acerrimis ultionis viribus insequuturus, interceptum Gun-
 nonem atq; ardenti pyrae injectum cremavit, quod ipse Gevarum antè per in-
 fidias occupatum nocturno vivum igni consumpserat. Taliter educatoris 20
 manibus parentando, filios demum Herletum Geritumq; Norvagiae praelitit.

Post hæc, vocatis in concionem majoribus, bello quo Boum excipere
 debeat, perituum se refert, idq; non dubiis conjecturae modis, sed veris vatium
 praedictionibus expertum. Orat proinde filium suum Roricum regno prae-
 ficiant; ne jus hoc ad externas ignotasq; familias improborum censura transfun-
 deret: plus voluptatis se ex filii successione, quam amaritudinis ex propinqua
 morte percepturum testatus. Quo ocyus impetrato, pugna cum Boo congres-
 sus occiditur. Nec jocunda Boo victoria exiitit. Quippe tam graviter affectus
 acie excessit, ut scuto exceptus, atq; à peditibus vicissim subeuntibus domum
 relatus, postridie vulnere dolore consumeretur. Cujus corpus magnifico 30
 funeris apparatu Rutenus tumulavit exercitus, nomine ejus insignem ex-
 truens collem, ne tanti juvenis monumenta à posterorum memoria citius
 dilaberentur.

Igitur Curetes ac Sveones, perinde ac Hotheri morte tributariae fortis o-
 nere liberati, Daniam, quam annuis vectigalium obsequiis amplecti solebant,
 armis aggredi animum induxerunt. Eares Sclavis quoq; defectionis audaciam
 ministravit; aliosq; complures ex obsequentibus hostes effecit. Cujus inju-
 riae propulsandae gratia Roricus contractam in arma patriam, recensitis ma-
 jorum operibus, ad capeffendam virtutem impenso hortationis genere con-
 citabat. At Barbari ne bellum absq; duce committerent, capite opus esse 40
 cernentes, creato sibi rege, ceteris militiae viribus ostensis, obscuriore loco
 binos armatorum manipulos condunt. Nec Roricum insidiae fefellere. Qui
 cum classem suam vadosi cujusdam gurgitis arctis faucibus inhaerere conspi-
 ceret, harenis, quibus infidebat, abstractam profundo adegit, ne limosis in-
 flicta paludibus, diversa ab hostibus parte peteretur. Praeterea latebras sociis
 interdum captandas constituit, quibus insistentes, ex improvviso navium sua-
 rum irruptoribus insultarent, fore posse praefatus, ut in auctorum caput pro-
 priae fraudis eventus recideret. Barbari vero qui insidiis addicti fuerant, Da-
 nicæ circumspeditionis ignari, irruptione temerè edita, omnes oppressi sunt,
 Reliqua Sclavorum manus ignorata sociorum strage, super Rorici moram multa 50
 anceps admiratione pendebat. Quem inter agram mentium fluctuationes diu-
 tulè expectatum cum praestolatio indies molestior fieret, classe tandem pe-
 tendum ducebat.

Erat autem inter eos vir corporis habitu insignis, officio magus. Qui
 prospectis Danorum turmis, ut paucorum impendio, inquit, complurimum
 peri-

pericula redimantur, publicam stragem privato discrimine præcurrere liceat. Ego verò in hanc confligendi legem non deero, si cui vestrum mutuis de-

XV.
RØRICVS.

- cernendi mecum ausus inceserit. In primis autem prætaxatâ à me conditione utendum postulo, cuius talem sanè formulam texui: si vicerò, vectigalium nobis concedatur immunitas: si vincar, pristina vobis tributa solvantur. Aut enim hodiè patriam servitutis jugo victor exuam, aut victus involvam. In utramq; fortunam prædem me vademq; recipite. Quod audiens Danorum quidam, animi quàm corporis viribus robustior, percunctari Røricum cœpit, quid ei præmii foret, qui pugnâ provocantem exciperet? At
- 10 Røricus cum senas fortè armillas haberet, ita mutuis nexibus involutas, ut ab invicem sequestrari nequirent, nodorum inextricabiliter serie coherente, easdem certamen audenti in præmium pollicetur. At juvenis parum fortunæ certus, si, inquit, Rø, ice, rem prosperè gesserò, tua vincens mercedem liberalitas æstimet, tu palmam arbiter metiaris: si a propositum mihi parum ex sententia cesserit, quid victo præmii debes, quem aut sæva mors, aut ignominia gravis involvet? Has imbecillitas habere comites consuevit, hæc superatorem stipendia sunt, quos quid nisi extremum dedecus manet? Quænam solvenda merces, quæ gratia referenda, cui fortitudinis præcium abest? Quis impotentem Martis hederâ redimivit, præmiis victricibus decoravit?
- 20 Virtuti, non ignaviæ palma tribuitur. Gloriâ infelicitas caret. Illam quippe triumphus laudis, hanc aut finis iners, aut vita deformis insequitur. Ego verò, qui quorsum duelli fortuna vergat ambigo, præmium audacter expetere non præsumo, quod an jure mihi debeatur ignoro. Neq; enim incerto victoriæ, certum victoris præmium occupare conceditur. Superfedeo trophæi dubius coronæ constanter meritum flagitare. Recuso lucrum, quod mihi mortis æquè ac vitæ stipendium esse poterit. Stoliditatis est immaturo fructui manus injicere, eumq; decerpere velle, quem necdum quis satis sibi debitum noverit. Hæc manus aut palmam mihi præstabit, aut finem. Hæc factus, gladio barbarum ferit, fortunâ minus, quàm ingenio promptus. Ab eo
- 30 si quidem percussus, primi ictus magnitudine exanimatus est. Quo triste Danis spectaculum dante, victorem socium Sclavi ingenti donatum pompâ, magnificis excepere tripudiis. Idem die postera sive recentis victoriæ successu elatus, sive alterius adipiscendæ cupidine accensus, hostes comminùs aditos pristinae provocationis verbis laceßere institit. Fortissimum namq; Danorum à se prostratum ratus, nemini illorum secum ulterius provocatione dimicandi spiritum superesse credebat. Unius quoq; pugilis occasu, totius se exercitus vires labefactasse confusus, nihil ad quod posteriores sui conatus intenderent, executione difficile arbitrabatur. Nihil enim successu magis, insolentiam nutrit, nec ullum prosperitate efficacius superbiæ incitamen-
- 40 tum est.

Dolebat itaq; Røricus unius viri petulantia publicam labefactari virtutem, illustresq; victoriis Danos, non modò à quondam victis insolenter excipi, verum etiam ignominiosè contemni. Præterea neminem ita animo promptum, aut manu strenuum in tanto militum numero reperiri, cui salutem suam pro patria devovendi cupido suppeteret. Tam probrosam Danicæ cunctationis infamiam prima Libbonis magnanimitas repulit. Præstabat etenim corpore, incantandi artibus pollens. Huic quoq; de industria certaminis præmium perquirenti, Rex armillas spondit. Tum ille, quam (inquit) promisso fidem deferam, cum ipse pignus in manibus habeas, nec

50 sub alienâ munus custodia deponas? Præstò sit, cui pignoris depositum credas, ne promissum retractandi fas sit. Accendit enim pugillum animos irrevocabilis præmii certitudo. Quod eum profectò per ludibrium dixisse constabat, quem in propulsandam patriæ contumeliam sola virtus armaverat. Quem Røricus auri cupidine captum ratus, ne præter regiam consuetudinem

RÆRICVS. nem revocaturus donum, aut promissum rescissurus videretur, ut erat in navigio collocatus, armillas ingenti excussas jactu petitori porrigere statuit. Sed conatum ejus fefellit interstitii magnitudo. Armillæ enim languido, ac parum vegeto motu, citra destinatum locum, collapsæ fluctibus interceptæ sunt, unde Rærico Slyngebond inolevit agnomen. Quæ res Ubboni magno virtutis indicio fuit. Neq; enim eum obrutæ mercedis damnum audaci mentis proposito exuit, ne virtutem avaritiæ stipendiis obnoxiam fecisse videretur. Igitur avidè petito certamine, se potius honestati intentum, quàm quæstui deditum, pecuniæ cupiditati fortitudinem prætulisse monstrabat, fiduciam sui non in precio, sed magnanimitate repositam ostensurus. Nec mora, circulatur campus, milite circus stipatur, concurrunt pugiles, fit fragor, fremit spectatrix turba votorum suffragiis discors. Excandescunt igitur athletæ animis, & mutuis in vulneribus ruentes, eundem lucis ac pugnæ exitum sortiuntur. Credo procurante fortunâ, ne alter alterius exitio gloriam voluptatemq; perciperet. Quæ res Rærico rebellium animos conciliavit, tributaq; restituit.

Eodem tempore Horvvendillus & Fengo, quorum pater Gervvendillus Jutorum præfectus extiterat, eidem à Rærico in Jutiæ præsidium surrogantur. At Horvvendillus triennio tyrannide gesta, per summam rerum gloriam piraticæ incubuerat, cum Rex Norvagiæ Collerus operum ejus ac famæ magnitudinem æmulatus, decorum sibi fore existimavit, si tam latè patentem piratæ fulgorem superior armis obscurare quivisset. Cujus classem variâ fretum navigatione scrutatus offendit. Insula erat medio sita pelago, quam piratæ collatis utrinq; secus navigiis obtinebant. Invitabat duces jocunda littorum species: hortabatur exterior locorum amœnitas interiora nemorum verna perspicere, lustratisq; saltibus secretam sylvarum indaginem pererrare. Ubi fortè Collerum Horvvendillumq; invicem sine arbitris obvios incessus reddidit. Tunc Horvvendillus prior Regem percontari nifus, quo pugnæ genere decernere libeat, præstantissimum affirmans, quod paucissimorum viribus ederetur. Duelum siquidè ad capeffendam fortitudinis palmam omni certaminis genere efficacius fore, quod propriâ virtute subnixum, alienæ manus opem excluderet. Tam fortem juvenis sententiam admirans Collerus, cum mihi inquit, pugnæ delectum permiseris, maximè utendum judico, quæ tumultuationis expertus duorum operam capit. Sanè & audacior, & victoriæ promptior æstimatur. In hoc communis nobis sententia est, hoc ultrò judicio convenimus. At quoniam exitus in dubio manet, invicem humanitati deferendum est, nec adeò ingeniis indulgendum, ut extrema negligantur officia. Odium in animis est, ad sit tamen pietas, quæ rigori demum opportuna succedat. Nam etsi mentium nos discrimina separant, naturæ tamen jura conciliant. Horum quippe confortio jungimur, quantumq; animos livor dissociet. Hæc itaq; pietatis nobis conditio sit, ut victum victor inferiis prosequatur. His enim suprema humanitatis officia inesse constat, quæ nemo pius abhorruit. Utraq; acies id munus, rigore deposito, concorditer exequatur. Faceffat post fatum livor, simulasq; funere sopiatur. Absit nobis tantæ crudelitatis specimen, ut quamvis visus odium intercesserit, alter alterius cineres persequamur. Gloriosum victori erit, si victi funus magnificè duxerit. Nam qui defuncto hosti iusta persolverit, superstitis sibi favorem asciscit, vivumq; beneficio vincit, quisquis extincto studium humanitatis impenderit. Est & alia non minus luctuosa calamitas, quæ vivis interdum damnata corporum parte contingit. Huic non segnus quàm ultimæ sorti succurrendum existimo. Sæpè enim incolumi spiritu membrorum clades pugnantibus incidit; quæ sors omni fato tristior duci solet, quod mors omnium memoriam tollat, vivens verò proprii corporis stragem negligere nequeat. Hoc quoq; malum ope excipiendum est. Conveniat igitur alterius ab altero læsionem denis auri talentis sarciri. Nam si pium est alienis calamitatibus compati, quantò magis propriis misereri? Nemo naturæ non consulit: quam qui negligit, sui parricida est.

In hæc datâ acceptâq; fide, pugnam ineunt. Neq; enim eis aut mutui occur-^{RORICVS.}sus novitas, aut vernantis loci iucunditas, quo minus inter se ferro occurre-
rent, respectui fuit. Horv vendillus appetendi hostis, quàm muniendi corpo-
ris nimio animi calore avidior redditus, neglectâ clypei curâ, ambas ferro ma-
nus injecerat. Nec audaciæ eventus defuit. Collerum siquidem scuto crebris
ictibus absumpto spoliatum, defecto tandem pede exanimem occidere coë-
git. Quem, ne pacto abesset, regio funere elatum, magnifici operis tumulto, in-
gentiq; exequiarum apparatu prosequutus est. Deinde sororem ejus Selam
nomine, piraticis exercitam rebus, ac bellici peritam muneris persequutus
10 occidit.

Triennium fortissimis militiæ operibus emensus, opima spolia, delectamq;
prædam Rorico destinat, quo sibi propiorem amicitia ejus gradum conscisce-
ret. Cujus familiaritate fultus, filia ejus Geruthæ connubium impetravit, ex
qua filium Amlethum sustulit.

Tantæ felicitatis invidia accensus Fengo, fratrem insidiis circumvenire
constituit. Adeò ne à necessariis quidem secura est virtus. At ubi datus parri-
cidio locus, cruenta manu funestam mentis libidinem satiavit. Trucidati quoq;
fratris uxore potitus, incestum parricidio adjecit. Quisquis enim uni se flagi-
tio dederit, in aliud mox proclivior ruit: ita alterum alterius incitamentum est.
20 Idem atrocitatem facti tantâ calliditatis audaciâ textit, ut sceleris excusationem
benevolentia simulatione componeret, parricidiumq; pietatis nomine colo-
laret. Gerutham siquidem, quanquam tantæ mansuetudinis esset, ut neminem
vel tenui latione commoverit, incitatissimum tamen mariti odium expertam,
salvandâq; ejus gratiâ fratrem à se interfectum dicebat, quod mitissimam & si-
ne felle foeminam gravissimum viri supercilium perpeti indignum videretur.
Nec irrita propositi persuasio fuit. Neq; enim apud principes fides mendacio
30 deest, ubi scurris interdum gratia redditur, obrectatoribus honos. Nec du-
bitavit Fengo, parricidales manus flagitiosis inferre complexibus, geminæ im-
pietatis noxam pari scelere prosequutus.

30 Quod videns Amlethus, ne prudentius agendo patruo suspectus redde-
retur, stoliditatis simulationem amplexus, extremum mentis vitium finxit;
eoq; calliditatis genere non solum ingenium textit, verum etiam salutem
defendit. Quotidie maternum larem pleno sordium torpore complexus, ab-
jectum humi corpus obscæni squaloris illuvie respergebat. Turpatus oris
color, illitaq; tabo facies ridiculæ stoliditatis dementiam figurabant. Quic-
quid voce edebat, deliramentis consentaneum erat. Quicquid opere exhi-
buit, profundam redolebat inertiam. Quid multa? Non virum aliquem, sed
delirantis fortunæ ridendum diceres monstrum. Interdum foco assidens, fa-
villasq; manibus verrens, ligneos uncos creare, eosdemq; igni durare solitus
40 erat: quorum extrema contrariis quibusdam hamis, quo nexum tenacio-
res existerent, informabat. Rogatus quid ageret, acuta se referebat in ultio-
nem patris spicula præparare. Nec parvo responsum ludibrio fuit, quod ab
omnibus ridiculi operis vanitas contemneretur, quanquam ea res proposito
ejus postmodum opitulata fuerit. Quæ solertia apud altioris ingenii specta-
tores primam ei calliditatis suspicionem injecit. Ipsa namque exigua artis
industriâ arcanum opificis ingenium figurabat. Nec credi poterat obtusi
cordis esse, qui tam exulto manus artificio calluisset. Deniq; exactissima cu-
ra præustorum stipitum congeriem asservare solebat. Fuere ergo qui illum ve-
getioris ingenii asserentes, sapientiam simplicitatis prætextu occultare, profun-
dumq; animi studium calliditatis commento obscurare putarent, nec aptius a-
50 stum deprehendi posse, quàm si illi inter latebras usquam excellentis formæ fœ-
mina applicaretur, quæ animum ejus ad amoris illecebras provocaret. Naturæ
siquidem tam præceps in Venerem esse ingenium, ut arte dissimulari non pos-
sit, vehementiorem quoq; hunc motû fore, quàm ut astu interpellari queat: ide-
oq; si is inertia fingeret, futurum, ut occasione susceptâ, voluptatis illico virib;

RICHVS.

obtemperaret. Procurantur igitur qui juvenem in longinquas nemorum partes equo perductum, eo tentamenti genere aggredierentur. Inter quos fortè quidam Amlethi collacteus aderat, à cuius animo nondum sociæ educationis respectus exciderat. Hic præteriti convictus memoriam præsentis imperio anteponens, Amlethum inter deputatos comites, instruendi potius quàm insidiandi studio prosequeretur, quòd eum ultima passurum non dubitaret, si vel modicum sensati animi indicium præbisset, maximè verò si Veneris palàm rebus uteretur. Quòd ipsi quoq; Amletho obscurum non fuit. Equum siquidem conscendere iussus, ita se de industria collocavit, ut suum ipsius cervici dorsum obvertens, adversa caudam fronte spectaret. Quam frenis quoq; complecti cœpit, perinde atq; ea parte ruentis equi impetum moderaturus. Quæ astutiæ meditatione patruï commentum illuit, insidias expugnavit. Ridiculum satis spectaculum fuit, cum idem habenæ experts, regente caudam sessore procurreret.

Procedens Amlethus, cum obvium inter arbuta lupum habuisset, comitibus tenerioris ætatis equum occurrisse dicentibus, per paucos hujusmodi in Fengonis grege militare subjunxit, ut modesto, ita faceto imprecationis genere patruï divitias insequutus. Qui cum illum prudenti responso usum astruerent, ipse quoq; se de industria locutum asseverabat, ne aliqua ex parte mendacio indulgere videretur. Falsitatis enim alienus haberi cupiens, ita astutiam veriloquio permiscebat, ut nec dictis veracitas deesset, nec acuminis modus verorum iudicio proderetur.

Idem litus præteriens, cum comites invento periclitatæ navis gubernaculo, cultrum à se eximæ granditatis repertum dixissent; eo, inquit, prægrandem pernam secari convenit; profectò mare significans, cujus immensitati gubernaculi magnitudo congrueret. Harenarum quoq; præteritis clivis, fabulum perinde ac farra aspicere iussus, eadem albicantibus maris procellis permolita esse respondit. Laudato à comitibus responso, idem à se prudenter editum asseverabat. Ab iisdem, quo majorem exercendæ libidinis audaciam fumeret, de industria relictus, immissam à patruo fœminam, perinde ac fortuito oblatam, obscuro loco obviam recepit, constuprassetq; nî collacteus ejus tacito consilii genere insidiarum indicium detulisset. Considerans enim quonam aptius modo occultum monitoris officium exequi, periculosamq; juvenis lasciviam præcurrere posset, repertam humi paleam æstri prætervolantis caudæ submittendam curavit. Egit deinde ipsum in ea potissimum loca, quibus Amlethum inesse cognovit: eoq; facto maximum incauto beneficium attulit. Nec callidius transmissum indicium, quàm cognitum fuit. Siquidem Amlethus viso æstro, simulq; stramine, quod caudæ insitum gestabat, curiosius pernotato, tacitum cavendæ fraudis monitum intellexit. Igitur insidiarum suspitione contritus, quò tutius voto potiretur, exceptam amplexibus fœminam ad palustre procul invium protrahit. Quam etiam peracto concubitu, ne rem cuiquam proderet, impensius obtestatus est. Pari igitur studio petatum ac promissum est silentium. Maximam enim Amletho puellæ familiaritatem vetus educationis societas conciliabat, quod uterq; eodem infantæ procuratores habuerit.

Domum itaque reductus, cunctis, an Veneri indulgisset, per iudibrium interrogantibus, puellam à se constupratam fatetur. Interrogatus rursus quorem loco egerit, quove pulvino usus fuerit; ungulæ jumentis, cristæq; galli, laquearibus quoq; tecti innixum se dixit. Horum enim omnium particulas, vitandi mendacii gratiâ, cum tentandus proficisceretur, contraxerat. Quæ vox multo circumstantium risu excepta est, quanquam nihil rerum veritati per jocum detraxerit. Puella quoq; ea de re interrogatâ, nihil cum tale gessisse perhibuit. Fides negationi habita est, eo quidem pronius, quo minus satellites facti conscios fuisse constabat. Tum is qui præstandi indicii gratiâ æstrum signaverat, ut salutem Amlethi vaframenti sui beneficio constituisse monstraret, nuper se ejus micè studiosum extitisse dicebat. Nec inepta juvenis responsio fuit. Nec enim in-

dicis meritum negligere putaretur, quiddam straminis gerulum subitis ad lapsum penais, quodq; paleam posteriore corporis parte defixam gestaret, ^{RSBICV3:} sibi conspectum retulit. Quod dictum, ut cæteros cachinno concussit, ita Amlethi fautorem prudentia delectavit.

- Superatis omnibus, arcanamq; juvenilis industriæ seram patefacere nequeuntibus, quidam amicorum Fengonis, præsumptione quàm solertiâ abundantior, fore negabat, ut inextricabile calliditatis ingenium usitato insidiarum genere proderetur. Majorem quippe ejus pervicaciam esse, quàm ut levibus experimentis attingi debeat. Quamobrem multiplici illius astutiæ
 10 simplicem tentationis modum afferri non oportere. Subtiliorem itaq; rationis viam altiore animi sensu à se repertam dicebat, executioni non incongruam, & propositæ rei indagatoni efficacissimam. Fengone siquidem per ingentis negotii simulationem de industriâ absentiam præstante, solum cum matre Amlethum cubiculo claudi oportere, procurato antea viro, qui ambobus insciis in obscura ædis parte consisteret, quid illis colloquio foret, attentius excepturus. Futurum enim ut si quid filius saperet, apud maternas aures eloqui non dubitaret, nec se genitricis fidei credere pertimesceret. Idem se explorationis ministrum cupidius offerebat, ne potius autor consilii, quàm executor videretur. Delectatus sententiâ Fengo, factâ longinquæ
 20 profectionis simulatione discedit. Is verò qui consilium dederat, conclave, quo cum matre Amlethus recludebatur, tacitè petivit, submissusq; stramento delituit. Nec insidiarum Amletho remedium defuit. Veritus enim ne clandestinis cujuspiam auribus exciperetur, primùm ad ineptæ consuetudinis ritum decurrens, obstrepentis galli more occentum edidit, brachiisq; pro alarum plausu concussis, consensu stramento corpus crebris saltibus librare cœpit, si quid illuc clausum delitesceret experturus. At ubi subjectam pedibus molem persensit, ferro locum rimatus suppositum confodit, egestumq; latebrâ trucidavit. Cujus corpus in partes conscissum, aquis ferventibus coxit, devorandumq; porcis per os cloacæ patentis effudit, atq; ita miseris artubus cœnum putre constravit. Taliter elusis insidiis conclave repetit.
 30 Cumq; mater magno ejulatu quæstæ præsentis filii socordiam deflere cœpisset: quid, inquit, mulierum turpissima, gravissimi criminis dissimulationem falso lamenti genere experis, quæ scorti more lasciviens, nefariam ac detestabilem tori conditionem secuta, viri tui interfectorem pleno incesti sinu amplecteris, & ei qui prolis tuæ parentem extinxerat, obscœnissimis blandimentorum illecebris adularis? Ita nempe equæ conjugum suorum victoribus maritantur: brutorum natura hæc est, ut in diversa passim conjugia rapiantur: hoc tibi exemplo prioris mariti memoriam exolevisse constat. Ego verò non ab re stolidi speciem gero, cum haud dubitem, quin is qui fratrem
 40 oppresserit, in affines quoq; pari crudelitate debacchaturus sit. Unde stoliditatis quàm industriæ habitum amplecti præstat, & incolumitatis præsidium ab extrema deliramentorum specie mutuari. In animo tamen paternæ ultionis studium perseverat, sed rerum occasiones aucupor, temporum opportunitates opperior. Non idem omnibus locus competit. Contra obscurum imitemq; animum altioribus ingenii modis uti convenit. Tibi verò supervacuum sit meam lamentari desipientiam, quæ tuam justius ignominiam deplorare debueras. Itaq; non alienæ, sed propriæ mentis vitium defleas necesse est. Cætera filere memineris. Tali convicio laceratam matrem ad excolendum virtutis habitum revocavit, præteritosq; ignes præsentibus illecebris præferre docuit.
 50

Reversus Fengo, insidiosæ explorationis actorem nusquam repertum, diutina inquisitionis studio prosequabatur, nemine se eum uspiam conspexisse dicente. Amlethus quoq;, an ullum ipsius vestigium deprehenderit per jocum rogatus, in cloacam illum ivisse retulit, perq; ejus ima collapsum, ac

RÆRICVS.

nimia cœni mole obrutum, à subeuntibus passim porcis esse consumptum. Quod dictum tametsi veri confessionem exprimeret, quia specie stolidum videbatur, auditoribus ludibrio fuit.

Cumq; Fengo privignum indubitatae fraudis suspectum tollere vellet, sed id tum ob avi ejus Rærici, tum ob conjugis offensam, exequi non auderet: Britanniae regis officio necandum duxit, innocentiae simulationem alieno ministerio quaesiturus. Ita dum occultare savitiam cupit, amicum inquinare, quam sibi infamiam consciscere maluit. Discedens Amlethus, matri tacite jubet, textilibus aulam nodis instruat, suasq; post annum inferias falso peragat, eoq; tempore reditum pollicetur. Proficiscuntur cum eo bini Fengonis satel- 10 lites, literas ligno in sculptas (nam id celebre quondam genus chartarum erat) secum gestantes, quibus Britannorum Regi transmissi sibi juvenis occisio mandabatur. Quorum Amlethus quietem capientium loculos perscrutatus, literas deprehendit. Quarum perlectis mandatis, quicquid chartis illitum erat, curavit abradi, novisq; figurarum apicibus substitutis, damnationem suam in comites suos, mutato mandati tenore, convertit. Nec mortis sibi sententiam ademisse, & in alios periculum transtulisse contentus, preces hujusmodi falso Fengonis titulo subnotatas adjecit, ut Britanniae rex prudentissimo ad se juve- ni misso filiam in matrimonium erogaret.

At ubi in Britanniam ventum, adeunt legati Regem, literasq; quas alienae cladis instrumentum putabant, propriae mortis indices obtulerunt. Quo 20 dissimulato Rex hospitali illos humanitate prosequitur. Tunc Amlethus omnem regiarum dapum apparatus, perinde ac vulgare edulium aspernatus, summam epularum abundantiam miro abstinentiae genere averfatus est, nec minus potioni quam dapibus pepercit. Admirationi omnibus erat, quod alienigenae gentis juvenis, accuratissimas regiae mensae delicias, & instructissimas luxu epulas, tanquam agreste aliquod obsonium fastidiret. Soluta convivio, rex quum amicos ad quietem dimitteret, per quendam cubiculo immis- sum, nocturna hospitem colloquia clandestino explorationis genere cognoscenda curavit. Interrogatus igitur à sociis Amlethus, quid ita hesternis epulis, per- 30 inde ac venenis abstinuisset? panem cruoris contagio respersum, potioni ferri saporem inesse, carneas dapes humani cadaveris oliditate perfusas, ac veluti quadam funebris nidoris affinitate corruptas dicebat. Addidit quoq; Regem fervilibus oculis esse, Reginam tria ancillaris ritus officia praese tulisse, non tam cœnam quam ejus auctores plenis opprobrii conviciis infecutus. Cui mox socii pristinum mentis vitium exprobrantes, variis petulantiae ludibriis insultare coeperunt, quod probanda culparet, causaretur idonea, quod insignem regem, excultamque moribus foeminam parum honesto sermone lacefferet, laudemque meritos extremi dedecoris opprobrio respersisset.

Quibus Rex ex satellite cognitis, talium auctorem supra mortalem ha- 40 bitum aut sapere, aut desipere testatus est, tam paucis verbis perfectissimam industriae altitudinem complectendo. Accersitum deinde villicum, unde panem adsciverat percontatur. Qui quum eum domestici pistoris opera confectum assereret, sciscitatur item, ubi materiae ejus seges crevisset, & an ullum illic humanae stragis indicium extaret. Qui respondit, haud procul abesse campum, verustis interfectorum ossibus oblitum, & adhuc manifesta antiquae stragis vestigia praese ferentem, quem à se perinde ac ceteris feraciorum opimae ubertatis spe, verna fruge confectum dicebat. Itaq; senescire, an panis hoc tabo vitiosi quicquam saporis contraxerit. Quo audito Rex, Amlethum vera dixisse conjectans, unde lardum quoq; allatum fuisset, co- 50 gnoscere curae habuit. Ille sues suae per incuriam custodiae elapsos, putri latronis cadavere pastos asseverabat, ideoq; fortè eorum carnibus corruptioni affinem incessisse saporem. Quum rex in hoc quoq; veracem Amlethi sententiam comperisset, quonam liquore potionem miscuisset inquit. Ut farre & aqua temperatam cognovit, demonstratum sibi scaturiginis locum in altum fodere aggres-

aggressus, complures gladios rubigine adesos reperit, ex quorum odore lymphas vitium traxisse existimatum est. Alii ideo potionem notatam referunt, quod in ejus haustu apes abdomine mortui alicui deprehenderit, vitiumq; referri gustu, quod olim favis inditum extitisset. A quo rex culpam saporis causas competenter editas videns, quum ab eodem exprobratam sibi oculorum ignominiam, ad generis foeditatem pertinere cognosceret, clam conventam matrem, quis sibi pater extitisset inquit. Quam neminem se præter regem passam dicente, rem quaestione ex ea cognoscendam minatus, quod servo ortus esset accepit, notatæ originis ambiguitatem extorto confessione
 10 nis indicio perscrutatus. Igitur ut conditionis suæ rubore confusus, ita juvenis prudentiâ delectatus, eundem cur reginam servilium morum exprobratione maculasset, interrogat. Sed dum conjugis comitatem nocturno hospitii sermone laceffitam doluit, eandem ancilla matre creatam didicit. Siquidem ille tria se circa eam servilis ritus vitia denotasse dicebat: Unum, quod ancillæ more pallio caput obduxerit: alterum quod vestem ad gressum succinxerit: tertium, quod ciborum reliquias dentium angustis inhaerentes stipite eruerit, erutasq; commanducaverit. Matrem quoq; ejus in servitutem captivitate redactam memorabat, ne potius servili more, quam genere esse videretur.

20 Cujus industriam rex perinde ac divinum aliquod ingenium veneratus, filiam ei in matrimonium dedit, affirmationem quoq; ejus tanquam celeste quoddam testimonium amplexatus est. Cæterum comites ipsius, ut amici mandatis satisfaceret, proximâ die suspendio consumpsit. Quod beneficium Amlethus tanquam injuriam simulatâ animi molestia persecutus, aurum à rege compositionis nomine recepit, quod postmodum igni liquatum clam cavaris baculis infundendum curavit.

Apud quem annum emensus, impetratâ profectiois licentia patriam repetit, nihil secum ex omni regiarum opum apparatu præter gerulos auri bacillos deportans. Ut Jutiam attigit, præsentem cultum pristinis permu-
 30 vit moribus, quibus ad honestatem usus fuerat, in ridiculæ consuetudinis speciem de industria conversis. Cumq; triclinium in quo suæ ducebantur exequiæ, squalore obsitus intrasset, maximum omnibus stuporem iniecit, quod obitum ejus falsò fama vulgaverat. Ad ultimum horror in risum concessit, exprobrantibus sibi mutuo per ludibrium convivis vivum affore, quem ipsi perinde ac defunctum inferiis prosequerentur. Idem super comitibus interrogatus, ostensis quos gestabat baculis, hic, inquit, & unus & alius est. Quod utrum verius, an jocosius protulerit nescias. Siquidem ea vox, quam à plerisq; vana existimata fuerit, à veri tamen habitu non descivit, quæ peremptorum loco pensationis eorum pretium demonstrabat. Pincernis
 40 deinde, quò majorem convivis hilaritatem afferret, conjunctus, curiosiore propinandi officioungebatur. Et ne gressum laxior vestis offenderet, latus gladio cinxit, quem plerumq; de industria distringens, supremo digitos acumine vulnerabat. Quamobrem à circumstantibus curatum, ut gladius cum vagina ferreo clavo trajiceretur. Idem quo tutiorem insidiis aditum strueret, peritam poculis nobilitatem crebris potionibus oneravit, adeoq; cunctos mero obruit, ut debilitatis temulentia pedibus, intra regiam quiescere se traderent, eundemq; convivii & lecti locum haberent. Quos quum insidiis opportunos animadverteret, oblatam propositi facultatem existimans, præparatos olim stipites sinu excipit, ac deinde ad eam in qua procures passim fusi
 50 humi corporibus permixtam somno crapulam ructabantur, ingressus, compactam à matre cortinam, quæ etiam interiores aulae parietes obducebat, rescissis tenaculis decidere coëgit. Quam stertentibus superjectam, adhibitis stipitum curvaminibus, adeò inextricabili nodorum artificio colligavit, ut nemo subjectorum, tametsi validius adniteretur, confurgendi effectum assequi posset. Post

R. RICVS.

hæc tectis ignem injicit, qui crebrescentibus flammis late incendium spargens, totos involvit penates, regiam consumpsit, omnesq; aut profundum carpentes somnum, aut frustra assurgere conantes, cremavit. Inde petito Fengonis cubiculo, qui prius à comitibus in tabernaculum perductus fuerat, gladium fortè lectulo cohærentem arripuit, suumq; ejus loco defixit. Excitato deinde patruo, proceres ejus igne perire retulit, adesse Amlethum veterum uncorum suorum ope succinctum, & jam debita paternæ cladis supplicia exigere avidum. Ad hanc vocem Fengo lectulo desiliens, dum proprio defectus gladio nequicquam alienum distringere conatur, opprimitur. Fortem virum, æternòq; nomine dignum, qui stultitiæ commento prudenter instructus, augustior rem mortali ingenio sapientiam admirabili ineptiarum simulatione suppressit, nec solum propriæ salutis obtentum ab astutia mutuatus, ad paternæ quoq; ultionis copiam eadem ductum præbente pervenit. Itaq; & se solerter tutatus, & parentem strenuè ultus, fortior, an sapientior existimari debeat, incertum reliquit.

HISTORIÆ DANICÆ LIBRI TERTII FINIS.

SAXONIS GRAMMATICI
HISTORIÆ DANICÆ
LIBER QUARTUS.

20



ERACTA vitrici strage, Amlethus facinus suum incerto popularium judicio offerre veritus, latebris utendum existimavit, donec, quorsum inconditæ plebis vulgus procurreret, didicisset. Igitur vicinia quæ noctu incendiū speculata fuerat, manè causam conspecti ignis nosse cupiens, collapsam in cineres regiam animadvertit, ruinasq; ejus ad huc tepidas perscrutata, nihil præter informes combustorum corporum reliquias reperit. Ad eò autem vorax flamma omnia perederat, ut ne index quidem extaret, ex quo tantæ cladis causa accipi posset. Corpus quoq; Fengonis ferro confossum inter cruentas spectabatur exuvias. Aliis indignatio patens, aliis mœror, quibusdam gaudium occultum inceserat. Hi ducis lamentabantur interitum, hi sopitam parricidæ tyrannidem gratulabantur. Ità regis necis eventus dividuà spectatorum sententiâ excipiebatur.

Eà vulgi tranquillitate Amlethus relinquendarum latebrarum fiduciam, adeptus, accersitis quibus arctiorem patris memoriam inhærere cognoverat, concionem petit, in qua orationem hujusmodi habuit: Non vos moveat, proceres, præsens calamitatis facies, si quos miserabilis Horvvendilli exitus movet: non vos inquam moveat, quibus in regem fides, in parentem pietas servata est. Parricidæ, non regis intueamini funus. Luctuosior siquidem illa facies erat, quum ipsi regem nostrum ab iniquissimo parricida (ne dicam fratre) flebiliter jugulatum vidistis. Ipsi laceros Horvvendilli artus, ipsi corpus crebris vulneribus absumptum plenis miserationis oculis aspexistis. Quem ab atrocissimo carnifice spiritu spoliatum, ut patria libertate exueretur, quis dubitet? Una manus ei fatum, & vobis servitutem injecit. Quis igitur tam amens, ut Fengonis crudelitatem Horvvendillianæ præferat pietati? Mementote quâ vos Horvvendillus benevolentiam foverit, justitiâ coluerit, humanitate dilexerit. Meneritis ademptum vobis mitissimum regem, justissimum patrem, subrogatum tyrannum, suffectum parricidam, erepta jura, contaminata omnia, pollutam flagitiis patriam, impositum cervicibus jugum, ereptum libertatis arbitrium. Et nunc his finis; quum suis auctorem criminibus obrutum, suorum pœnas scelerum parricidam pendisse cernatis. Quis mediocriter prudens specta-

tor,

tor, beneficium injuriæ loco duxerit? Quis mentis compos proprium in auctorem scelus recidisse condoleat? Quis cruentissimi licitoris cladem defleat, aut crudelissimi tyranni justum lamentetur interitum? Præsto est auctor rei, quem cernitis. Ego quidem & parentem & patriam ultione prosequutum me fateor, Opus, quod vestris pariter manibus debebatur, exercui. Quod vos mecum communiter condecebat, solus implevi. Adde quod neminem tam præclari facinoris socium habui, nec cujuspiam mihi comes opera fuit. Quanquam haud ignorem vos huic manum duros negotio, si petissem; à quibus fidem regi, benevolentiam principi servatam non dubito. Sed sine vestro discrimine
10 nefarios puniri placuit. Neq; enim alienos humeros oneri subjiciendos putabam, cui sustentando proprios suffecturos credebam. Incineravi ego alios, solum Fengonis truncum vestris manibus concremandum reliqui, in quo saltem justæ ultionis cupidinem exatiare possitis. Concurrite alacres, extruite rogam, exurite impium corpus, decoquite scelestos artus, spargite noxios cineres, disjicite immites favillas: non urna, non tumulus nefandas ossium reliquias claudat. Nullum parricidii vestigium maneat, nullus contaminatis artubus intra patriam locus existat, nulla contagium vicinia contrahat, non mare, non solum damnati cadaveris hospitio polluatur. Cætera ego præbui, id solum vobis pietatis officium relictum est. His exequiis prosequendus tyrannus,
20 hac pompâ parricidæ funus ducendum. Sed neq; ejus cineres, qui patriam libertate nudaverit, à patria tegi convenit. Præterea quid meas revolvam ærumnas? calamitates recenseam? retexam miseras? quas ipsi me plenius nostis. Ego à vitrico ad mortem quæsitus, à matre contemptus, ab amicis consputus, annos flebiliter exegi, dies calamitosè duxi, incertum vitæ tempus periculis ac metu refertum habui. Postremò omnem ætatis partem, maximâ cum rerum adversitate miserabiliter emensus sum. Sæpè me tacitis intra vos questibus sensu vacuum gemebatis deesse ultorem patri, parricidio vindicem. Quæ res occultum mihi vestræ charitatis indicium attulit, in quorum animis nec dum regiæ cladis memoriam exolevisse cernebam. Cujus itaq; tam aspe-
30 rum pectus, tam saxeus rigor, quem non passionum mearum compassio molliat, ærumnarum misratio non flectat? Miseremini alumni vestri, moveamini infortuniis meis, qui ab Horvvendilli nece immunes geritis manus. Miseremini quoq; afflictæ genitricis meæ, & reginæ quondam vestræ, extincto congaudete dedecori, quæ viri sui fratrem interfectoremq; complexa, geminum, ignominia pondus fœmineo perpeti corpore cogeatur. Quamobrem ultionis studium occultarem, obscurarem ingenium, adumbratum non verum inertia habitum amplexatus sum, stoliditatis figmento usus, sapientia commentum texui, quod nunc an efficax fuerit, utrum finis sui complementum attigerit, vestro conspectui patet: vos tantæ rei arbitros habere contentus
40 sum. Ipsi parricidales favillas pedibus proculcate: despiciamini cineres ejus, qui jugulati fratris uxorem polluit, flagitio temeravit, dominum læsit, majestatem prodicionis scelere laceffivit, acerbissimam vobis tyrannidem intulit, libertatem ademit, incesto parricidium cumulavit. Me tam justæ vindictæ ministrum, tam piæ ultionis æmulum patritio suscipite spiritu, debito prosequimini cultu, benigno refove te contuitu. Ego patriæ probrum dilui, matris ignominiam extinxi, tyrannidem repuli, parricidam oppressi, insidiosam patruimanum mutuis insidiis elusi: cujus si superesset, indies scelera percrebescerent. Dolebam & patris & patriæ injuriam, illum extinxi vobis atrociter, & supra quàm viros decuerat, imperantem. Recognoscite beneficium, veneramini
50 ingenium meum, regnum si merui date, habetis tanti auctorem muneris, paternæ potestatis hæredem, non degenerem, non parricidam, sed legitimum regni successorem, & pium noxæ parricidalis ultorem. Debetis mihi recuperatum libertatis beneficium, exclusum afflictantis imperium, ademptum oppressoris jugum, excussum parricidæ dominium, calcatum tyrannidis sceptrum. Ego servitute vos exui, indui libertate, restitui culmen, gloriam reparavi, tyrannum
sustul-

RERICVS. sustuli, carnificem triumphavi. Præmium penes vos est, ipsi meritum nostis, à vestra merces virtute requiritur.

Flexerat hac oratione adolescens omnium animos, quosdam ad miserationem, alios ad lachrymas usq; perduxit. At ubi quievit mœror, rex alacri cunctorum acclamatione censetur. Plurimum quippe spei in ejus industria ab universis reponebatur, qui tanti facinoris summam profundissimo astu texuerat, incredibili molitione concluderat. Mirari illum complures videres, tanto temporis tractu subtilissimum texisse consilium.

His apud Daniam gestis, ternis navigiis impensius adornatis, focerum visurus ac conjugem, Britanniam repetit. In clientelam quoq; armis præstantem juventutem adsciverat, exquisito decoris genere cultam: ut sicut euncta despicabili dudum habitu gesserat, ita nunc magnificis ad omnia paratibus uteretur, & quicquid olim paupertati tribuerat, ad luxuriæ impensam converteret. In scuto quoq; quod sibi parari jusserat, omnem operum suorum contextum, ab ineuntis ætatis primordiis auspicatus, exquisitis picturæ notis adumbrandum curavit. Quo gestamine perindè ac virtutum suarum teste usus, claritatis incrementa contraxit. Istic depingi videres Horvvendilli jugulum, Fengonis cum incestu parricidium, flagitiosum patrum, fratruelem ridiculum, aduncas stipitum formas, suspicionem vitrici, dissimulationem privigni, procurata tentamentorum genera, adhibitam infidiis foeminam, hiantem lupum, inventum gubernaculum, præteritum fabulum, initum nemus, insitam œstro paleam, instructum indiciis adolescentem, elusis comitibus rem seorsum cum virgine habitam. Cerneres itaque adumbrari regiam, adesse cum filio reginam, trucidari insidiatorem, trucidatum decoqui, cloacæ coctum infundere, infusum suisbus objici, coeno artus insterni, instratos belluis absumendos relinqui. Videres etiam ut Amlethus dormientium comitum secretum deprehenderit, ut oblitteratis apicibus alia figurarum elementa substituerit, ut dapem fastidierit, potionemq; contempserit, ut vultum regis arguerit, ut reginam sinistri moris notaverit. Aspiceres quoq; legatorum suspendium, adolescentis nuptias figurari, Dani- am navigio repeti, inferias convivio celebrari, comitum loco baculos percontantibus ostendi, juvenem pincernæ partes exequi, districto per industriam ferro digitos exulcerari, gladium clavo pertundi, convivales plausus augeri, increbrescere tripudia, aulæam dormientibus injici, injectam uncorum nexibus obfirmari, pertinacius sopitos involvi, tectis torrem immitteri, cremari convivas, depastam incendio regiam labefactari, Fengonis cubiculum adiri, gladium eripi, inutilem erepti loco constitui, regem privigni manu proprii mucronis acumine trucidari. Hæc omnia excelsissimo rerum artificio militari ejus scuto opifex studiosus ille leverat, res formis imitatus, & facta figurarum adumbratione complexus. Sed & comites ipsius, quo se nitidius gererent, oblitis tantum auro clypeis utebantur.

Quos Britannia Rex benignissimè exceptos, regii apparatus impensis prosequitur. Qui inter epulandum, an Fengo viveret, integrisq; fortunis esset cupidè pereontatus, cognoscit è genero ferro periisse, de cujus frustra salute perquireret. Cùmq; interfectorem ejus crebris percontationibus investigaret, eundem cladis ejus auctorem, ac nuncium extare didicit. Quo audito, tacitum animi stuporem contraxit, quod ad se promissam quondam Fengonis ultionem pertinere cognosceret. Ipse equidem ac Fengo, ut alter alterius ultorem ageret, mutuâ quondam pactione decreverant. Trahebât itaq; regem hinc in filiam pietas, in generum amor, inde charitas in amic- cum, & præterea jurisjurandi firmitas, ipsa quoq; mutæ obtestationis reli- gio, quam violare nefarium erat. Tandem cum affinitatis contemptu jura- toria præponderavit fides, conversusq; ad ultionem animus, necessitudini religionem anteposuit. Sed quoniam hospitalitatis sacra violare nefas cre- deba-

debatur, alienâ manu ultionis partes exequi præoptavit, innocentia speciem occulto facinore prætenturus. Igitur insidias officiis textit, lædendiq; curam adumbratis benevolentia studiis obscuravit. Et quia conjunx ejus RORICVS. nuper morbo consumpta fuerat, Amlethum reparandarum nuptiarum legationem suscipere jubet, admodum se singulari ipsius industria delectatum præfatus. Regnare siquidem in Scotia fœminam assererat, cujus vehementer connubium affectaret. Sciebat namq; eam non modò pudicitia cœlibem, sed etiam insolentia atrocem, proprios semper exosam procos, amatoribus suis ultimum irrogasse supplicium, adeò ut ne unus quidem è multis extaret, qui procationis ejus pœnas capite non luisset.

Proficiscitur itaq; Amlethus quanquam periculosa legatio imperaretur, injuncti muneris obsequium non detrectans, sed partim domesticis servis, partim regis vernaculis fretus. Ingressusq; Scotiam, quum haud procul reginae penatibus abesset, recreandorum equorum gratia junctum viae pratum accessit, ibiq; loci specie delectatus, quieti consuluit, jocundiore rivi strepitu somni cupidinem provocante, ordinatis qui stationem eminus observarent. Quo audito regina denos juvenes exterorum adventum apparatusq; speculatu-
 20 ros emittit. Quorum unus vegetioris ingenii, elusis vigilibus, per-
 vicacius subiens clypeum Amlethi, quem capiti fortè dormiturus affixerat, tanta lenitate submovit, ut ne superjacentis quidem quietem turbaret, aut
 20 cujuspiam ex tanto agmine somnum perumperet, dominam non modo nuncio, sed etiam rerum indicio certiorum redditurus. Delegatas quoq; ei literas loculis, quibus asservabantur, pari calliditate subduxit. Quibus regina ad se perlatis clypeum curiosius contemplata, ex affixis notulis totius argumenti summam elicit, eumq; affore intellexit, qui exactissimo prudentia
 30 consilio fretus, de patruo paternæ cladis pœnas acceperit. Literas quoq; nuptiarum suarum petitionem continentes intuita, totos oblitteravit apices, quod senum admodum connubium abhorreret, juvenum complexus appeteret. Inscriptis autem mandatum perinde atq; à Britannia rege sibi transmissum, & ejus titulo pariter ac nomine consignatum, quo se latoris peti
 30 conjugio simularer. Quin etiam facta quæ ex ejus scuto cognoverat, scripto complectenda curavit, ut & clypeum literarum testem, & literas clypei interpretes existimares. Deinde eos, quorum exploratione usa fuerat, scutum referre, literasq; loco suo restituere jubet, eodem fallaciae genere Amlethum insequuta, quo eum in cavillandis comitibus usum acceperat.

Interea Amlethus clypeum capiti fraude subductum expertus, oclusis de industria oculis quietem callidius simulat, quod vero sopore amiserat, ficto recuperaturus. Alteram quippe fallendi vicem hoc pronius ab insidioso quærendam putavit, quò solam prosperius egerit. Nec eum opinio fefellit.
 40 lit. Speculatorem quippe clandestino aditu scutum ac chartam pristino loco reponere cupientem profiliens corripit, captumq; vinculorum pœna coercuit. Deinde excitatis comitibus, reginae penates accedit. Cui ex soceri personâ consalutata scriptum ejusdem sigillo obsignatum porrexit. Quod quum accepisset Hermuthruda, (Regina id nomen erat) perlegissetque, operam Amlethi industriamq; verbis impensioribus prosequuta, justas Fengonem
 50 pœnas pependisse dicebat: ipsum verò Amlethum rem humanâ æstimatione majorem incomprehensæ profunditatis ingenio molitum, quòd non solum paterni exitii, materniq; concubitus ultionem inscrutabili sensus altitudine commentus fuisset, verum etiam regnum ejus, à quo crebras insidias expertus fuerat, conspicua probitatis operibus occupasset. Quamobrem mirari se tam
 eruditi ingenii virum uno nuptiarum errore labefactari potuisse, qui quum humanas penè res claritate transcendat, in ignobilem obscuramq; copulam prolapsus videatur. Quippe conjugem ejus servis parentibus esse, quanquam eos fortuna regis honoribus exornasset. In expetendis siquidem conjugii prudenti non formæ fulgorem, sed generis metiendum. Quapropter si ritè,

RORICKS.

populam appetat, prosapiam æstimet, nec specie capiatur; quæ quum illecebrarum irritamentum sit, maltorum candorem inaniter fucata deterfit. Esse verò quam sibi nobilitate parem asciscere possit. Se siquidem nec rebus tenuem, nec sanguine humilem, ejus amplexibus idoneam fore, utpote, quam nec regiis opibus vincat, nec avito splendore præcellat. Quippe Reginam se esse, & nisi refragaretur sexus, regem existimari posse: imò quod verius est, quemcunq; toro suo dignata fuerit, regem existere, regnumq; se cum amplexibus dare. Ita & nuptiis sceptrum, & sceptro nuptias respondere. Nec parvi beneficii esse eam proprios offerre amplexus, quæ circa alios ferro repulsam exequi consueverat. Hortatur itaq; placendi studium in se transferat, in se votum nuptiale deflectat, genusq; formæ præferre discat. Hæc dicens, astrictis in eum complexibus ruit.

Ille tam comi virginis eloquio delectatus, in mutua prorumpit oscula, alternos complexum nodos conferit, sibiq; quod virgini, placitum protestatur. Fit deinde convivium, accersuntur amici, corrogantur primores, nuptiæ peraguntur. Quibus expletis, cum nuptâ Britanniam repetit, validâ Scotorum manu propius subsequi jussâ, cujus operâ adversum varios insidiarum objectus uteretur. Redeunti Britannici Regis filia, quam in matrimonio habebat, occurrit. Quæ quanquam se superductæ pellicis injuriâ læsam quereretur, indignum tamen aiebat maritali gratiæ pellicatus odium anteferrî, neq; se adeò virum averfaturam, ut quod ei fraudulentius intentari sciat, silentio occultare sustineat. Habere enim se pignus conjugii filium, cujus saltem respectus conjugalem matri charitatem commendare debuerat. Ipse enim, inquit, matris suæ pellicem oderit, ego diligam: meos in te ignes nulla calamitas sopiet, nullus livor extinguat. Quin & in te sinistrè excogitatâ detegam, & quas deprehenderim insidias pandam. Quamobrem cavendum tibi focerum putes, quòd ipse legationis proventum carpsêris, omnemq; ejus fructum in temet, eluso mittentis voto, pervicaci usurpatione transfuleris. Qua voce se conjugali quàm paternæ charitati propiorum ostendit.

Hæc loquente ea adest Britannix rex, generumq; arctius quàm affectuosius amplexatus, convivio excipit, liberalitatis specie fraudis propositum celaturus. Amlethus cognitâ fraude, metum dissimulanter habuit, ducentisq; equitibus in comitatum receptis, subarmalem vestem indutus obsequitur invitanti, maluitq; regiæ simulationi periculose parère, quàm turpiter repugnare. Adeò honestatem in cunctis observandam putabat. Quem comminus obequitantem rex sub ipsa bipatentium portarum testudine adortus jaculo transegisset, ni ferrum subarmalis togæ durities repulisset. Amlethus levi recepto vulnere, eò loci se contulit, ubi Scoticam juventutem expectandi officio fungi jussêrat, captivo novæ conjugis speculatore ad regem remisso, qui se destinatas dominæ literas loculorum custodiæ furtim exemisse testando, crimen in Hermutrudam refunderet, ipsumq; accurato genere excusationis reatu prodicionis absolveret. Quem rex avidius fugientem insequi non moratus, majore copiarum parte privavit, ita ut Amlethus die postero salutem prælio defensurus, desperatis admodum resistendi viribus, ad augendam multitudinis speciem, ex anima sociorum corpora partim subjectis stipitibus fulta, partim propinquis lapidibus affixa, alia viventium more equis imposita, nullo armorum detracto, perinde ac præliatura seriatim in aciem cuneumq; digesserit. Nec rarius mortuorum cornu erat, quàm viventium globus. Stupenda siquidem illa facies erat, quum extincti raperentur ad prælia, defuncti decernere cogerentur. Quæ res auctori otiosa non fuit, quum ipsæ extinctorum imagines laceffentibus Solis radiis immensi agminis speciem darent. Ita enim inania illa defunctorum simulacra pristinum militum numerum referebant, ut nihil ex eorum grege hesternâ strage dimi-

diminutum putares. Quo aspectu territi Britanni, pugnam præcurrere fugâ, à mortuis superati, quos vivos opprefferant. Quæ victoria nescio callidior, RORICVS. an felicior existimanda sit. Rex dum segniùs fugam intendit, ab imminetibus perimitur Danis. Victor Amlethus ingenti præda acta, convulsisque Britanniaë spoliis, patriam cum conjugibus petit.

Interea defuncto Rorico, Vigletus regnum adeptus, Amlethi matrem XVI. VIGLETVS. omni petulantia genere fatigatam regiis opibus vacuefecerat, filium ejus fraudato Lethrarum Rege, cui dignitatum jura dandi tollendiq; jus esset, Jutiaë regnum occupasse conquestus. Quam rem Amlethus tantâ animi moderatione excepit, ut Vigleto splendidissimis victoriae suæ manubiis donato, calumniam beneficio rependere videretur. Quem postmodum, exigendâ ul-
 10 tionis occasione suscepta, bello lacescitum devicit, atq; ex occulto hoste, manifestus evasit. Fiallerum Scania præfectum exilio adegit: quem ad locum, cui Undensakre nomen est, nostris ignotum populis, concessisse est fama. Post hæc quum à Vigleto Scania Sialandiaq; viribus recreato per legatos ad bellum provocaretur, mirifica animi indusiriâ duas circa se res, quarum alteri probum, alteri periculum inesset, fluctuari pervidit. Sciebat quippe, sibi, si provocationem sequeretur, imminere vitæ periculum: si refugeret, instare militiae probum. Præponderavit tamen in contemplatore virtutum
 20 animo servandæ honestatis cupido, obtuditq; cladis formidinem impensior laudis aviditas, ne solidus gloriae fulgor meticulosa fati declinatione corrumpetur. Animadvertibat quoq; tantum penè inter ignobilem vitam, & splendidam mortem discriminis interesse, quantum dignitas à contemptu distare cognoscitur. Tanta autem Hermutruda charitate tenebatur, ut majorem futurae ejus viduitatis, quàm propriae necis sollicitudinem animo insitam gestaret, omniq; studio circumspiceret, qualiter ei secundas nuptias, ante belli ingressum conscisceret. Quamobrem Hermutruda virilem professâ fiduciam, ne in acie quidem se eum deserturam sponndit, detestabilem inquires
 30 fœminam, quæ marito morte conferri formidaret. Quam promissionis novitatem parum executâ est. Nam quum Amlethus apud Jutiam à Vigleto acie interemptus fuisset, ultrò in victoris prædam amplexumq; concessit. Ita votum omne fœmineum fortunæ varietas abripit, temporum mutatio dissolvit: & muliebris animi fidem lubrico nixam vestigio fortuiti rerum casus extenuant: quæ sicut ad pollicendum facilis, ita ad persolvendum segnis, variis voluptatis irritamentis astringitur, atq; ad recentia semper avidius extendenda, veterum immemor, anhelâ præceps cupiditate dissultat. Hic Amlethi exitus fuit, qui si parem naturæ atq; fortunæ indulgentiam expertus fuisset, æquasset fulgore superos, Herculeâ virtutibus opera transcendisset. Insignis ejus sepultura, ac nomine campus apud Jutiam extat. Vigletum tranquillam
 40 ac diutinam regni procurationem emensum morbus consumpsit.

Cui filius Wermundus succedit. Hic prolixis tranquillitatis oculis foelicissimâ temporum quiete decursis, diutinam domesticæ pacis constantiam, XVII. WERMUNDVS. inconcussa rerum securitate tractabat. Idem prolis expers juventam exegit, senior verò filium Ulfonem sero fortunæ munere suscitavit, quum nullam ei sobolem elapsa tot annorum curricula peperissent. Hic Uffo coævos quosq; corporis habitu supergressus, adeo hebetis inéptiq; animi principio juventæ existimatus est, ut privatis ac publicis rebus inutilis videretur. Siquidem ab ineunte ætate nunquam lusus aut joci consuetudinem præbuit, adeoq; humanæ delectationis vacuus fuit, ut labiorum continentiam jugi silentio premeret, severitatem oris à ridendi prorsus officio temperaret. Verum ut incunabula stoliditatis opinione referta habuit, ita postmodum conditionis contemptum claritate mutavit: & quantum inertiae spectaculum fuit, tantum prudentiæ & fortitudinis exemplum evasit. Cujus pater socordiam contemptus, filiam ei Slesvicensium præfecti Frovini in matrimonium as-
 50 scit, illustrissimi viri affinitate utilissimum gerendi regni subsidium recepturo.

Huic

WERMUNDUS.
DVS.

Huic erant filii Keto, & Wigo, splendidissimæ indolis juvenes quorum Wermundus non minus quàm Frovvinus virtutem futuris filii profectibus deputabat.

Eà tempestate regnabat apud Sveciam Atislus, vir famâ studioq; conspicuus: qui cùm finitimos latè bello pressisset, ne partum virtutibus fulgorem ocio desidiaq; corrumpendum relinqueret, complura novarum rerum officia sedulo frequentationis studio celebranda curavit. Inter quæ etiam insigni armaturâ succinctus, quotidianam solitarii incessus consuetudinem præbuit: tum quod in re militari nihil crebro armorum usu præstantius nosset, tum ut hujus agitatione studii claritatis incrementa contraheret, in quo non minus sibi fiducia, quàm laudis cupido vendicavit. Tantam quippe nullius rei violentiam existimabat, ut ejus objectu mentis suæ robur quassandum timeret. Qui cum trajectus in Daniam armis Frovvinum apud Slesvvicum acie provocasset, magnisq; invicem cædibus copiarum funderentur, accidit ipsos agminum duces ita inter se ferro concurrere, ut rem duelli more prosequerentur, & præter publicam belli sortem privati conflictus specie decertarent. Hunc enim congressionis eventum par amborum expetebat affectus, ut virtutem non partium ope, sed propriâ viri-um experientiâ testarentur. Quo evenit, ut crebrescentibus utrinq; plagis, Atislus armis superior prostrato Frovvinus privatæ victoriæ publicam jungeret, passimq; divulsâ Danorum agmina profligaret. Inde Sveciam reversus, Frovvinus necem non solum virtutum suarum imaginibus adscripsit, verum etiam impensiore verborum jactantiâ prosequi consuevit, gloriam facti vocis petulantiam demolitus. Aliquando enim speciosius virtutes silentii verecundia teguntur, quàm sermonis perulantiam publicantur.

Frovvini filios Wermundus paternæ dignitatis honoribus evehit, extincti pro patria amici liberos justo admodum beneficio prosequutus. Quæ res Atislo referendi in Daniam belli monitum præbuit. Rediit itaq; superioris pugnae fiduciâ concitatus, non modò tenues angustasq; copias, verum omni virtutis Svecicæ robur advectans, perinde ac totius Daniæ imperium rapturus. Quod Frovvinus filius Keto per primipilum suum Folconem nomine, Wermundo, tunc fortè villam Jalungam tenenti, nunciandum curavit. Qui Regem cùm amicis epulantem reperiens, mandatum adhortatione prosequutus, adesse belli facultatem diutulè postulatam, & ultro se Wermundi votis ingerere dixit: cùm & promptâ vincendi præstetur occasio, & maturus triumphi titulus optionis ejus arbitrio tribuatur. Magnam itaq; & inopinam felicitatis dulcedinem esse, quàm ei longis affectatam suspiriis, præsentis eventus auspicia largiantur. Venisse siquidem Atislum innumeris Sveonum copiis succinctum, perinde ac victoriæ certitudinem indubitatâ animi præsumptione complexum. Cumq; præliatorum hostem fatum fugæ anteferre dubium non sit, felicem recentis vulneris ultionem oblata belli facultate præstari.

Quem Wermundus præclare ac fortiter legationis partes executum, restatus, paulisper epulis refici jubet, quod itinera jejunis officere soleant. Qui cùm nequaquam sibi capiendi cibi otium suppetere dixisset, portione sitim lenire deposcit. Quo præbito, poculum quoq; (nam aureum erat) adservare jubetur, affirmante Wermundo commeandi calore defessis commodius cratere quàm palmâ lympham excipi, meliusq; bibendi usum scyphi quàm manus subsidio celebrari. Quo tam benevolis verbis muneris magnitudinem prosequente, delectatus utroq; juvenis, se prius ad perceptæ potionis mensuram proprii cruoris haustu usurum, quàm Regis conspectibus terga admoturum promittit. Tam fortem ejus promissionem Wermundus mercedis nomine veneratus, aliquanto plus voluptatis ex dato beneficio, quam miles ex accepto percepit. Nec animosius locutum eum, quàm præliatum expertus est.

Com-

Commisso namq; bello contigit, ut inter varios turmarum procursus concurrentibus Folcone & Atislo, manumq; diutulè conferentibus, Sveonum exercitus ducis sui eventum sequutus, fugam ingrederetur: Atislus quoque saucius ad naves ex acie convolaret. Cumq; Folco vulneribus ac labore hebetatus, sed & æstu & labore pariter sitiq; perfusus, fugam insequi destitisset hostilem, recreandi corporis gratiâ, proprium casside cruorem excepit, hauriendumq; ori præbuit. Quo facto, receptum à Rege craterem speciosissimè pensavit. Quod videns fortè Wermundus, impenitus eum peractæ promissionis laudavit. Cui Folco speciosa vota ad debitum finem perducenda respondit. Qua voce non minorem facti sui commendationem quàm Wermundus exhibuit.

Cumq; victores, ut post prælium sit, depositis armis, acquiscentes, variis invicem sermonibus uterentur, Slesvicensium præfectus Keto, magnæ sibi admirationi esse prædicavit, qualiter Atislus crebris obstantibus causis elapsionis copiam impetraverit, præsertim cum is ante omnes bella gesserit primus, fugâ verò postremus incesse: nec alius quispiam ex hostibus fuerit, cujus tantis Danorum studiis affectaretur occasus. Ad hæc Wermundus, nosse eum oportere aiebat, omnem bellorum aciem quadrifariâ dimicantium varietate distingui. Esse enim primi generis bellatores, qui fortitudinem modestiâ temperantes, rebelles acrius cædant, fugientibus instare erubescant. Hos siquidem esse, quos diuturna armorum experientia certiore virtutis testimonio prosequatur, quiq; gloriam suam non in victorum fugâ, sed vincendorum expugnatione constituent. Esse præliantium & aliud genus, qui corporis animiq; viribus freti, sed nullâ miserationis parte præditi, in hostium tam terga quàm pectora communi cædis atrocitate defæviant. Tales quippe esse, qui juvenilis animi calore provecti, tyrocinii rudimenta bellorum auspiciis ornare contendunt; quosq; tam ætatis quàm laudis ardor inflammet, inq; fas & nefas pari nixu securitate præcipitet. Esse etiam tertios, quibus inter metum pudoremq; anxiis progressum terror adimat, recursus ruboris obstaculum tollat; qui sanguine clari, inaniq; tantum proceritate conspicui, aciem numero non viribus densent, hostem umbrâ potius quàm armis feriant, & in bellatorum grege solo corporum spectaculo censeantur. Hos magnarum opum dominos fore, genere quàm animo præstantiores, quos lucis aviditas rerum dominio contracta, plus ignaviæ quàm nobilitatis viribus indulgere compellat. Esse item & alios qui speciem non rem in bellum perferant, seq; extremis sociorum agminibus inferentes, primi fugam, postremi prælium gerant. In quibus imbecillitatis habitum certi pavoris indicium detegat, cum semper quæsitis de industriâ subterfugiis, pugnantium terga timidioris progressus pigritiâ subsequantur. His ergo de causis Regem fugâ servatum existimari debere, cum à primi ordinis militibus nulla persecutionis instantiâ fugiens premeretur, qui non victos arcere, sed victoriam conservare curæ habeant, perindeq; cuneos densent, ut trophæi novitas competentibus nixa præsidii perfectam successus copiam adsequatur. Secundi verò generis pugnatores, quibus objecta quæq; perimere studium sit, non animi, sed opportunitatis inopiâ Atislum intactum liquisse, quòd eos non tam lædendi ausus, quàm facultas defecerit. Sed & tertii ordinis viros, qui ipsum pugnæ tempus trepido vagationis genere deducentes, successus etiam sociæ partis impediunt, quanquam lædendi Regis locum habuerunt, attentandi tamen audaciâ caruisse. His modis Wermundus stupidam Ketonis admirationem absolvens, veras servati Regis causas assertione sua editas memorabat.

Post hæc Atislus Svetiam refugus petit, Frovvini cædem petulantiùs jactans, ac facinoris hujus memoriam verboso laudum suarum relatu incessanter ostentans, non quod receptæ cladis ruborem æquo animo ferret, sed ut recentis fugæ vulnus antiquæ victoriæ titulis recrearet. Cujus rei Keto & Wigo, ut par erat, indignatione permoti, in paternæ ultionis vota

WERMVN- conjurant. Quam se parum bello exequi posse credentes, sumpto levio-
 DVS, ris armaturæ paratu, Svetiam solitarii petunt, ingressiq; nemus, in quo
 Regem absque comite versari solitum famâ cognoverant, tela latebris
 mandant. Indè cum Atislo profugorum nomine diutulè conversati, cum
 ab eo, quam patriam haberent, interrogarentur, Slesvicenses se esse,
 patriamque cædis causâ liquisse testantur. Quod rex eos non de patrandi
 facinoris voto, sed de patrati noxâ astruxisse credebat. Eâ quippe fraude
 percunctantis studium eludere cupiebant, ut relationis certitudo cassum
 quarenti pareret intellectum, & responsionis veritas tacitis adumbrata
 figmentis opinionem incuteret falsitatis. Plurimum quippe deformitatis 10
 olim ab illustribus viris in mendacio reponebatur. Tum Atislus scire sibi
 libitum dixit, quis Danorum opinione Frovvini intersector credatur. Ad
 hæc Keto, dubitari (inquit) cui tanti facinoris claritatem arrogari con-
 veniat, præsertim cum eum publica autoritas acie extinctum perhibeat.
 Respondit Atislus, frustra aliis Frovvini necem adscribi, quam ipse dun-
 taxat alternâ manus consertione peregerit. Mox, an ulla Frovvino sobo-
 les superesset, perquirat. Ketone deinde duos ejus filios extare dicente,
 ætatis eorum ac staturæ habitum perquàm libenter se cognoscere dixit.
 Refert Keto, hos sibi corpore propemodum æquales esse, ætate pares,
 proceritate persimiles. Tunc Atislus, si mens, inquit, illis ac virtus pater- 20
 na constaret, acerba mihi tempestas ingrueret. Interrogante deinde eo,
 an crebram paternæ necis mentionem haberent: Keto, quicquid reme-
 dio temperari non possit, supervacue verbis replicari, subjunxit. Nihil
 prodesse testatus inexpiabile malum assiduis iterare molestiis. Quo dicto,
 documentum dedit, ultionem minis præcurri non oportere.

Cumque regem acuendi roboris gratiâ quotidie solitariæ digressio-
 nis officio utentem videret, receptis armis cum fratre prævium ejus con-
 sectatur incessum. Quibus Atislus visis arenam pressit, quod imminen-
 tes vitare deforme existimaret. Illis deinde se perempti ab eo Frovvini
 poenas sumpturos dicentibus, præsertim cum plurimo jactantiæ fastu se 30
 solum necis ejus fateatur auctorem, cavendum eis, inquit, ne dum ultio-
 nis effectum appetant, infirmas & inopes virium manus stultâ secum au-
 daciâ conferant, dumque alienum affectent exitium, proprium experian-
 tur occasum, optimæ indolis habitum præproperâ laudis cupidine con-
 sumpturi. Quamobrem parcant juventæ, parcant & indoli, nec temerè
 votum eis incesserit periundi. Itaque paternæ cladis injuriam pecuniâ à
 se rependi permittant, ingentisque gloriæ loco habeant, quod tantum
 principem multæ nomine coëreuisse, & veluti quodam terroris imperio
 concussisse credantur. Hæc verò se non timore percitum, sed adolescen-
 tiæ eorum miseratione motum docere. A quo Keto frustra tempus tan- 40
 tâ verborum ambage deduci præfatus, quod tam justæ ultionis affectum
 pecuniæ promissione labefactare conetur, progredi illum jubet, & si
 quid sibi virium sit, solitario secum experiri congressu. Nam & se, re-
 moto fratris adminiculo, propriis acturum viribus, ne manu impari pu-
 gna conferi videretur infamis. Duos siquidem cum uno decernere ut
 iniquum, ita etiam probrosum apud veteres credebatur. Sed neque
 victoria hoc pugnæ genere parata laudabilior habita, quod potius dede-
 cori quàm gloriæ juncta videretur. Quippe unum à duobus opprimi ut
 nullius negotii, ita maximi ruboris loco ducebatur. Tanta autem Atislum
 fiducia ceperat, ut ambos ad se pariter incessendum hortaretur, præfatus 50
 se tutioris pugnæ potestatem facturum, quibus pugnandi vorum detra-
 here nequeat. Quam indulgentiam Keto ita averfatus est, ut prius se
 fato, quàm ea usurum testaretur; oblatam certaminis conditionem
 vicio

- vitio sibi vertendam existimans. Quem Atislus manum secum cupidius ^{WERMUND.} conferentem modesto pugnae genere excipere cupiens, clypeum ejus ^{DVS.} duntaxat adacto levius mucrone converberat, animosior salutis suæ, quam efficacior defensor. Quo diutulè gesto, monet uti fratrem cœpti confortem adsciscat, nec alienæ manus opem exposcere erubescat cum solitariam sui conatus experientiam sine effectu esse videat. Abnuenti parcendum negat, minasq; opere profecutus, summis eum viribus tentat. A quo tam valido ferri ictu exceptus est, ut ipsum diffilla casside capiti illabi cogere-
 10 tur. Quo vulnere irritatus, [nam multus è vertice cruor profundebatur,] Ketonem crebris ac vegetis ictibus petatum, genibus humum petere coëgit. Quod Wigo intueri non passus, propior privatae charitati, quam publicæ consuetudini, ruborem pietati cedere coëgit, invaloq; Atislo fraternæ imbecillitatis protector quam spectator esse maluit. Quo facto plus opprobrii quam laudis contraxit, quod in juvando fratre statutas duelli leges solvisset, eidemq; utilius quam honestius opem tulisse videretur. Siquidem ex altera lance dedecoris, ex altera pietatis partibus indulsit. Itaq; promptius quam speciosius Atisli cædes ab ipsis peracta noscebatur. Quæ ne vulgo clàm esset, corpus ejus, abscisso capite, equo impensum extra nemus ferentes, propinquioris pagi incolis tradunt, Frovvini filios paternæ necis
 20 ultionem ab Atislo Sveonum rege exegisse testantes. Talem præ se victoriam ferentes, primis à Wermundo honoribus excipiuntur, utilissimum ab eis opus editum judicante, sublatoq; æmuli gloriam quam admissi opprobrii famam cupidius intuente, nec tyranni necem ullis ignominiaë partibus affinem censente. In proverbium apud exteros ductum, quod priscum dimicandi jus regius labefactasset interitus.

- Cumq; Wermundus ætatis vitio oculis orbaretur, Saxoniae Rex Daniæ duce vacam ratus, ei per legatos mandat, regnum quod præter ætatis debitum teneat, sibi procurandum committat, ne nimis longâ imperii aviditate patriam legibus, armisq; destituat. Qualiter enim regem cen-
 30 sere possit, cui senectus animum, cæcitas oculum pari caliginis horrore fuscaverit? Quod si abnuat, filiumq; habeat, qui cum suo ex provocatione, configere audeat, victorem regno potiri permittat. Si neutrum probet, armis secum non monitis agendum cognoscat, ut tandem invitus præbeat, quod ultroneus exhibere contemnat. Ad hæc Wermundus altioribus suspiriis fractus, impudentius se ætatis exprobratione lacerari respondit, quem non ideo huc infelicitatis senectus provexerit, quod pugnae parvus timidiùs juventam exegerit. Nec aptius sibi cæcitatæ vitium objectari, quod plerumque talem ætatis habitum talis jactura consequi soleat, potiùsq; condolendum calamitati quam insultandum videatur. Justius autem
 40 Saxoniae regi impatientiaë notam afferri posse, quem potiùs senis fatum opperiri, quam imperium poscere decuisset, quod aliquanto præstet defuncto succedere, quam vivum spoliare. Se tamen ne tanquam delirus priscaë libertatis titulos externo videatur mancipare dominio, propria manu provocationi pariturum. Ad hæc legati, scire se inquirunt, regem suum conferendæ cum cæco manus ludibrium perhorrere, quod tam ridiculum decernendi genus rubori quam honestati propinquius habeatur. Aptius verò per utriusq; pignus & sanguinem amborum negotio consuli. Ad hæc obstupefactis animo Danis subitaq; responsi ignorantia perculsis, Uffo, qui fortè cum cæteris aderat, responsionis à patre licentiam flagitabat. Subi-
 50 toq; velut ex muto vocalis evasit. Cumq; Wermundus, quisnam talem à se loquendi copiam postulareret, inquireret, ministriq; eum ab Uffone rogari dixissent, satis esse perhibuit, ut infelicitatis suæ vulneribus alienorum fastus illuderet, ne etiam à domesticis simili insultationis petulantia vexaretur. Sed satellitibus Uffonem hunc esse pertinaci affirmatione testantibus, liberum

WERMUNDVS. ei sit, inquit, quisquis est cogitata profari. Tum Uffo, frustra ab eorum rege regnum appeti, inquit, quod tam proprii rectoris officio, quàm fortissimorum procerum armis, industriaq; niteretur. Præterea nec regi filium, nec regno successorem deesse, sciantq; se non solum regis eorum filium, sed etiam quemcunque ex gentis suæ fortissimis secum adsciverit, simul pugnâ aggredi constituisse. Quo audito legati risere, vanam dicti animositatem existimantes. Nec mora, condicatur pugna locus, eidemque statâ temporis meta præfigitur. Tantum autem stuporis Uffo loquendi ac provocandi novitate præsentibus iniecit, ut utrum voci ejus an fiduciæ plus admirationis tributum sit, incertum extiterit.

10

Abeuntibus autem legatis, Wermundus responsionis auctore laudato, quod virtutis fiduciam non in unius, sed duorum provocatione statuerit, potius se ei, quicunque sit, quàm superbo hosti regno cessurum perhibuit. Universis autem filium ejus esse testantibus, qui legatorum factum fiduciæ sublimitate contempserit, propius eum accedere jubet, quod oculis nequeat, manibus experturus. Corpore deinde ejus curiosius contrectato, cum ex artuum granditate lineamentisq; filium esse cognosset, fidem assertoribus habere cœpit, percontariq; eum, cur svavissimum vocis habitum summo dissimulationis studio tegendum curaverit, tantoq; ætatis spatio sine voce & cunctis loquendi commerciis degere sustinuerit, ut se linguæ prorsus officio defectum, nativæque taciturnitatis vitio oblitum credi permetteret? Qui respondit, se paternâ hætenus defensione contentum, non prius vocis officio opus habuisse, quàm domesticam prudentiam externâ loquacitate pressam animadverteret. Rogatus item ab eo, cur duos quàm unum provocare maluit? Hunc idcirco dimicationis modum à se exoptatum respondit, ut Atisli regis oppressio, quæ, quod à duobus gesta fuerat, Danis opprobrio extabat, unius facinre pensaretur, novumq; virtutis specimen prisca ruboris monumenta convelleret. Ita antiquæ crimen infamiæ, recentis famæ liturâ respergendum dicebat. Quem Wermundus justam omnium æstimationem fecisse testatus, armorum usum, quod eis parum assuevisset, prædiscere jubet. Quibus Uffo oblatis, magnitudine pectoris angustos loricarum nexus explicuit, nec erat ullam reperire quæ eum justo capacitatis spacio contineret. Majore siquidem corpore erat, quàm ut alienis armis uti posset. Ad ultimum cum paternam quoq; loricam violentâ corporis astrictione dissolveret, Wermundus eam à lævo latere dissecari, fibulaq; sarciri præcepit, partem quæ clypei præsidio muniatur ferro patere parvi existimans. Sed & gladium, quo tutò uti possit, summa ab eo curâ conscisci iussit. Oblatis compluribus, Uffo manu capulum stringens, frustratim singulos agitando comminuit, nec erat quisquam ex eis tanti rigoris gladius, quem non ad primæ concussionis motum crebrâ partium fractione dissolveret. Erat autem regi inusitati acuminis gladius Skrep dictus, qui quodlibet obstaculi genus uno ferientis ictu medium penetrando diffunderet, nec adeo quicquam prædurum foret, ut adactam ejus aciem remorari potuisset. Quem ne posteris fruendum relinqueret, per summam alienæ commoditatis invidiam in profunda defoderat, utilitatem ferri, quod filii incrementis diffideret, cæteris negaturus. Interrogatus autem an dignum Uffonis robore ferrum haberet, habere se dixit. Quod si pridem à se terræ traditum recognito locorum habitu reperire potuisset, aptum corporis ejus viribus exhiberet. In campum deinde perducere se jubens, cum interrogatis per omnia comitibus defossionis locum acceptis signorum indiciis comperisset, extractum cavo gladium filio porrigit. Quem Uffo nimia vetustate fragilem exesumque conspiciens, ferendi diffidentia percontatur, an hunc quoque priorum exemplo probare debeat, prius habitum ejus, quàm rem ferro geri oporteat explorandum testatus. Refert Wermundus, si præsens ferrum ab ipso ventilando collideretur, non supe-

30

40

50

superesse quod virium ejus habitui responderet. Abstinendum itaq; facto, cujus in dubio exitus maneat.

WERMUNDUS.
DVS.

- Igitur ex pacto pugnae locus expetitur. Hunc fluvius Eidorus ita aquarum ambitu vallat, ut earum interstitio repugnante, navigii duntaxat aditus pateat. Quem Uffone sine comite petente, Saxoniae regis filium insignis viribus athleta consequitur, crebris utrinq; turbis alternos riparum anfractus spectandi aviditate complentibus. Cunctis igitur huic spectaculo oculos inferentibus, Wermundus in extremâ pontis parte se collocat, si filium vinci contigisset, flumine periturus. Maluit enim sanguinis sui ruinam comitari, quàm patriæ interitum plenis doloris sensibus intueri. Verùm Uffo geminis juvenum congressibus laceffit, gladii diffidentiâ amborum ictus umbone vitabat, patientius experiri constituens, quem è duobus attentius cavere debuisset, ut hunc saltem uno ferri impulsu contingeret. Quem Wermundus imbecillitatis vitio tantam recipiendorum ictuum patientiam præstare existimans, paulatim in occiduam pontis oram mortis cupiditate se protrahit, si de filio actum foret, fatem præcipitio petiturus. Tanta sanguinis charitate flagrantem senem fortuna protegit. Uffo siquidem filium regis ad secum avidius decernendum hortatus, claritatem generis ab ipso conspicuo fortitudinis opere æquari jubet. ne rege ortum plebejus comes virtute præstare videatur. Athletam deinde, explorandæ ejus fortitudinis gratiâ, ne domini sui terga timidius subsequeretur admonitum, fiduciam à regis filio in te repositam egregiis dimicationis operibus pensare præcepit, cujus delictu unicus pugnae comes adscitus fuerit. Obtemperantem illum, propiusq; congregi rubore compulsum, primo ferri ictu medium dissecat. Quo solo recreatus Wermundus, filii ferum audire se dixit, rogatq; cui potissimum parti ictum inflixerit. Referentibus deinde ministris, eum non unam corporis partem, sed totam hominis transegitse compagem: abstractum præcipitio corpus ponti restituit, eodem studio lucem expetens, quo fatum optaverat. Tum Uffo reliquum hostem prioris exemplo consumere cupiens, regis filium ad ultionem interfecti pro se satellitis manibus parentationis loco erogandam impensioribus verbis sollicitat. Quem propius accedere suâ adhortatione coactum, infligendi ictus loco curiosius denotato, gladioq; quòd tenuem ejus laminam suis imparem viribus formidaret, in aciem alteram verso, penetrabili corporis sectione transverberat. Quo audito Wermundus Skrep gladii sonum secundo suis auribus incessisse perhibuit. Affirmantibus deinde arbitris utrumq; hostem ab ejus filio consumptum, nimietate gaudii vultum fletu solvit. Ita genas, quas dolor madidare non poterat, lætitia rigavit. Saxonibus igitur pudore mœstis, pugilumq; funus summâ cum ruboris acerbitate ducentibus, Uffonem Dani jucundis excepere tripudiis. Quievit tum Atislanae cædis infamia, Saxonumq; opprobriis expiravit.

- Ita Saxoniae regnum ad Danos translatum, post patrem Uffo regendum suscepit, utriusq; imperii procurator effectus, qui ne unum quidem rite moderaturus credebatur. Hic à compluribus Olavus est dictus, atq; ob animi moderationem Mansveti cognomine donatus. Cujus sequentes actus vetustatis vitio solennem sefellere notitiam. Sed credi potest gloriosos eorum processus extitisse, quorum tam plena laudis principia fuerint. Tam brevi factorum ejus prosecutione animadverto, quòd illustrium gentis nostræ virorum splendorem scriptorum penuria laudi memoriaq; subtraxerit. Quod si patriam hanc fortuna Latino quondam sermone donasset, innumera Danicorum operum volumina tererentur.

Uffoni Dan filius succedit. Qui cum transfusis in externos præliis trophæorum frequentia rerum dominium propa, asset, partum gloriæ fulgorem tetro superbiæ squalore fuscavit, ita à clarissimi parentis honestate de-

XVIII.
UFFO, qui
OLAVUS.
VVS.

XIX.
DAN. II.

DAN. II. generans, ut cū ille cæteris moderatione præstiterit, hic cæteros fastuosā tumidus elatione contempserit. Sed & paterna bona, vel quæ ipse exterarum gentium manubiis pepererat, flagitiis disjiciebat: opes quæ regio splendori servire debuerant, voracibus sumptuum impensis tribuens. Sic interdum à majoribus suis similia portentis pignora desciscunt.

XX. HVGLE-
THVS. Post hunc regnat Hugglethus, qui Hømothum & Høgrinium Svetiæ tyrannos maritimo fertur oppressisse conflictu.

XXI. FROTHO.
II. Cui Frotho succedit, cognomento Vegetus, qui ipsam cognominis speciem corporis animiq; firmitate testatus, denis Norvagiæ ducibus bello consumptis, insulam, quæ ex eo postmodum nomen obtinuit, ipsum postremo Regem invasurus accessit. Frogerus hic erat, gemina admodum sorte conspicuus, quod non minus armis quàm opibus illustri regiam ditionem athletico decoraret officio, tantumq; gymniciis palmis, quantum dignitatis ornamentis polleret. Hic, ut quidam ferunt, Othino patre natus, à diis immortalibus beneficium præstare rogatis, muneris loco obtinuit, non ab alio vinci, quàm qui certaminis tempore subjectum pedibus ejus pulverem manū convellere potuisset. Quem Frotho tanta à superis firmitate donatum comperiens, duelli postulatione sollicitat, deorum indulgentiam fallaciā tentaturus. Primum igitur imperitiæ simulatione dimicationis ab ipso documentum efflagitat, cujus eum usu experientiāq; callere sciat. Ille hostem professioni suæ non solum 20 cedere, sed etiam supplicare gavisus, sapere eum asseruit, senili industria juvenilem animum subjiciendo, quod ei facies cicatricibus vacua, fronsq; nullis armorum vestigiis exarata, tenuem hujus rei notitiam extare testetur. Ita è diverso bina quadratæ formæ spacia cubitalibus figurata lateribus humi denotat, à locorum usu documenti initium editurus. Quibus descriptis assignatam uterq; sibi partem complectitur. Tum Frogerum Frotho arma secum, ac locum permutare jubet. Nec difficilis admissio fuit. Frogerum siquidem hostiliū nitor concitabat armorum, quod Frotho præditum auro capulum loriamq; pari specie radiantem, sed & cassidem in eundem modum eximio compram fulgore gestaret. Igitur Frotho loci, quo Frogerus excefferat, pulvere 30 correpto, omen sibi victoriæ datum existimavit. Nec augurio elusus, continuo Frogerum occidit, tam parvulo vaframento maximam fortitudinis gloriam, assecutus. Quippe quod nullius antè viribus licuit, astutia præstitit.

XXII. DAN. III. Post hunc Dan regnum capeffit. Qui cū duodecimum ætatis annum ageret, legationum petulantia fatigatur, Saxonibus bellum aut tributum afferre jussus. Sed rubor pugnam pensioni anteposuit, potius ad strenuè moriendum, quàm timidè vivendum impellens. Itaq; prælatā pugnandi sorte, Danorum juvenus Albiam fluvium tanta navigiorum frequentia complevit, ut facile ejus transitum perinde ac continuo ponte juncta puppium tabulata præstarent. Quo evenit, ut Saxoniarum Rex eidem, quàm à Danis exigebat, conditio- 40 ni adigeretur.


XXIII. FRIDLE-
VVS. Post Dan Fridlevus cognomento Celer imperium sumit. Quo regnante Huyrvillus Hallandiæ princeps, icto cum Danis fœdere, Norvagiā incessebat. Cujus operibus haud parvā claritatis accessio fuit, quod Rusilam virginem militari voto res bellicas æmulatam armis oppressit, virilemq; gloriam, ex muliebri hoste corripuit. Sed & quinque ejus complices, Broddonem, Bildum, Bugonem, Fanningum, & Gunholmum, quorum pater Fyn extitit, ob res ab ipsis præclare editas in societatem adscivit. Quorum collegio fretus, fœdus quod cum Danis contraxerat, ferro disjicit. Cujus irruptio hoc nocivior quò fallacior fuit. Neq; enim Dani tam repentè eum ex amico hostem evasurum 50 credebant. Adeò facilis quorundam ex gratiā ad odium transitus existere consuevit. Crediderim nostri temporis mores hujus viri auspiciis inchoatos, qui mentiri ac fallere inter vitia sordesq; non ducimus. Quem Fridlevus Australis Sialandiæ partes adortum, in portu qui postmodum ejus est nomine vocitatus, prælio tentat. In quo ob gloriæ æmulationem tantā militum fortitudi-

ne concursus est, ut per paucis periculum fugâ vitantibus, ambæ penitus acies confunderentur: nec in partem victoria concessit, ubi par utroque vulnus implicuit. Adeo omnibus major gloriæ quàm vitæ cupiditas fuit. Igitur qui ex Huyrvilli agmine superfuerant, servandæ societatis gratiâ, noctu classis suæ reliquias mutuis nexibus obligandas curabant. Eadem nocte Bildus & Broddo rescissis quibus rates cohæserè funiculis, tacite sua à cæterorum complexu navigia submovère, fratrum desertione formidini consulentes, magisque timoris quàm consanguineæ pietatis ductibus obtemperantes. Luce redditâ Fridlevus Huyrvillum, Gunholmum, Bugo-
 10 nem & Fanningum ex tanta sociorum clade relictos comperiens, unus cum omnibus decernere statuit, ne laceræ copiarum reliquæ denuò discrimen subire cogerentur. Cui præter insitam animò fortitudinem, etiam contemptrix ferri tunica fiduciam ministrabat. Hac in publicis privatisque conflictibus tanquam servatore salutis cultu utebatur. Nec rem fortius quam prosperius executus, foelicem pugnae eventum habuit. Equidem Huyrvillo, Bugone, & Fanningo oppressis, Gunholmum hostile ferum carminibus obtundere solitum, crebro capuli ictu exanimavit. Dum autem mucroni manum cupidius inserit, elisa nervorum officia reductos in palmam digitos perpetuò curvatis vinculo perstrinxerunt. Idem
 20 cum Duflynium Hybernæ oppidum obsideret, murorumque firmitate expugnationis facultatem negari conspiceret, Hadingiani acuminis ingenium æmulatus, hirundinum alis inclusum fungis ignem affigi præcepit. Quibus propriâ nidificatione receptis, subito flammis testa luxerunt. Quas oppidanis restinguere concurrentibus, majoremque sopiendi ignis quàm cavendi hostis curam præstantibus, Duflyno potitur. Post hæc apud Britanniam amissis bello militibus, cum difficilem ad litus reditum habiturus videretur, intersectorum cadaveribus erectis, & in acie collocatis, ita pristinum multitudinis habitum repræsentabat, ut nil ex ejus specie tanto vulnere detractum videretur. Quo facto hosti non solum
 30 conferendæ manus fiduciam abstulit, sed etiam carpendæ fugæ cupidinem incussit.

FRIDLE-
VVS.

HISTORIÆ DANICÆ LIBRI QUARTI FINIS.

SAXONIS GRAMMATICI
HISTORIÆ DANICÆ
LIBER QUINTUS.

40  EFUNCTO Fridlevo, filius Frotho septem annos natus concordi Danorum arbitrio subrogatur. Iidem concione præhabita, infantiam regis à tutoribus excipendam duxerunt, ne ob principis puerilitatem rerum exciderent summâ. Tantum siquidem ab universis Fridlevi memoriæ ac nomini tributum, ut tam tenero ejus sanguini regnum daretur. Habito ergo delectu, Westmarus & Colo fratres in educationis regie ministerium arcessunt. Isulfo quoque & Aggoni, octoque aliis illustribus vi-
 50 ris, non modò regis tutela credita, verum etiam gerendi sub ipso regni potestas indulta. Abundè eis vires animique suppetebant, crebrâ non corporis tantum, sed etiam ingenii dote pollentibus. Ita Danorum Rempubicam expectato regis robore vicaria tutabantur officia.

XXIV.
FROTHO.
III.

FROTHO.
III.

Uxor Colonis erat Gotvvara, quæ eximiæ procacitatis facundiâ quantumlibet disertos ac loquaces enervare solebat. Altercando quippe efficax erat, & in omni disceptationum genere copiosa. Pugnat siquidem verbis; non modò quæstionibus freta, verum etiam pervicacibus armata responsis. Imbellem nemo fœminam debellare poterat, à linguâ spicula mutuantem. Quosdam verbositatis petulantia refellebat, alios veluti quibusdam cavillationum nexibus implicatos fallaciarum laqueis strangulabat. Adeò vegetum mulieri ingenium fuit. Cæterum condere pacta, aut rescindere præpotens erat, utriusq; horum efficaciam oris aculeo gestans. Quippe disjicere fœdera, ac forciare callebat: Ità ad utrumlibet anceps linguæ commercium fuit.

10

Duodecim Westmaro filii erant; ex quorum numero tribus commune Grep nomen incescit. Hos simul conceptos idem partus absolvit, ortus æqualitatem vocabuli societate testantes. His summa cæstibus aut ferro dimicandi peritia exitit. Oddoni quoq; Frotho maritimæ tyrannidis detulerat potestatem. Hic regem proximo necessitudinis ordine contingebat. Colorterna filiorum sorte gaudebat. Eo tempore quidam Frothonis fratre genitus, pro tuenda patria gerebat rei nauticæ summam. Soror regis Gunvvara erat, cui ob eximiam formæ pulchritudinem Speciosæ cognomen extabat. Filii Westmari Colonisq; quum & ætate impuberes, & animis acres essent, fiduciâ in temeritatem versa, ad obscœnos ac degeneres ritus inquinatam flagitiis indolem contulerunt. Adeò enim insolenter se indomiteq; gesserunt, ut constupratis aliorum nuptis ac filiabus, proscriptis pudicitiam atq; inprostibulum relegasse viderentur. Corruptis quoq; matronarum fulcris, ne toris quidem virginalibus abstinebant. Suus nullum thalamus securitate donabat, nec quisquam ferè patriæ locus luxuriæ eorum vestigiis vacuus erat. Mariti metu, conjuges corporum suorum ludibrio vexabantur. Injuriis obtemperatum est. Cessit copularum respectus, violensq; amplexuum usus extabat. Publicata est Venus, conjugiorum reverentiâ pereunte. Raptim luxuria petebatur. In causa otium erat; quòd expertia agitationis corpora amicâ vitiis quiete diffuerent. Tandem Grep hoc nomine participantium maximus, ut diffusum libidinis motum certa specie sisteret, errabundæ Veneris portum in germanæ Regis amore petere ausus exitit. Nec aptè quidem. Nam sicut vagabundam atq; erroneam voluptatem verecundiæ frenis coerceri oportuit, ita à populari prolem regiam concupisci temerarium fuit. Illa proci petulantiam pertimescens, quo tutior ab injuria foret, septum vallo conclave petivit. Adhibiti sunt ei triginta vernaculi, qui jugem corporis ejus custodiam excubando præstarent.

30

Igitur contubernales Frothonis circa indumentorum usum fœmineæ, admodum ope defecti, quum non haberent unde nova assuere, aut lacera reficere possent, regem celebrandi conjugii monitis adhortantur. Ille primum excusationis verba ab ætatis teneritudine mutuatus, ad postremum perseverantiori suorum rogatui cessit. Quo curiosius à monitoribus habilem connubio suo fœminam perquirente, præcipuè regis Hunnorum filia collaudatur. Ad hæc Frotho repugnandi ratione pertinacius quæsitâ, à patre didicisse se refert, non expedire regibus è longinquo copulam peti, nec Venerem nisi à finitimis posci. Quod audiens Gotvvara, callidè regem amicis reluctari cognovit. Cujus ut vacillantem firmaret animum, fiduciamq; pusillæ mentis erigeret; Junioribus, inquit, nuptiæ competunt, senes sepulcrum manet. Adolescentiæ gressus votis fortunaq; proficiunt, inops ad bustum senectadevergit. Spes juventam consequitur, senium exspes inclinat occasus. Adolescit fors puberum, nunquam infectum omiffura quod cœpit. Ob cujus dicti venerationem postulationis officium suscipere rogata, refragandi rationem senii prætentione componit, nec se tam ardui mandati gerulam ob infirmum ætatis habitum fore posse testatur. Rex pretio opus agnoscens, aureo torquem prolato, legationis præmium pollicetur. Habebat namq; torques ne-

40

50

xilia

xilia bullarum cælamina, interfitāq; Regum simulacra, quæ ad interioris filiductum, nunc contrahi, nunc dirimi possent, ornamentum luxui potius quam usui præparatum. Westmarum quoq; & Colonem cum eorum filiis, in idem legationis opus accersiri placuit; quod eorum solertiam Frotho repulsæ rubore carituram putaret.

10 Ii simul cum Gotvvara profecti, prius triduo ab Hunnorum rege convivio excepti sunt, quàm legationis suæ consultum exprimerent. Is enim antiquitus recipiendorum hospitum usus extabat. Extracto in triduum epulo, virgo regia pleno comitatis alloquio legatis blanditura progreditur. Nec parum convivalibus hospitum gaudiis præsentiae ejus jucunditas attulit. Cui Westmarus crebrescentibus poculis propositi seriem jocosâ admodum assertione detexit, puellâ mentem familiari colloquutionis genere tentaturus. Itaq; quo minus sibi repulsam conscisceret, compositis in risum verbis legationis negotium præcurrebat, inter convivales plausus ludicrum ausus sociare sermonem. Illa se Frothonem tanquam famæ & claritudinis inopem fastidire dicebat. Nulli etenim quondam illustrium foeminarum connubiis idonei censebantur, nisi qui sibi ingens famæ pretium gestarum insigniter rerum fulgore struxissent. Summum in proco vitium deſidia fuit. Nihil magis in nuptiarum petitore quàm claritatis inopia damnabatur. Sola gloriæ ubertas
20 cæterarum rerum opulentiam exhibebat. Puellâ quoq; non tam procantium se formas, quam edita speciosè facinora mirabantur. Igitur legati voti desperatione torpentes, ulteriorem rei conatum Gotvvaræ prudentiæ tradunt. Illa non verbis modò, sed etiam succis in Venerem mixtis virginem enervare conata, asserere cœpit, Frothonem lævâ tanquam dextrâ utentem, nandi, dimicandiq; promptissimam habere peritiam. Oblatâ quoq; potione rigorem puellæ cupidine permutavit, Veneremq; & voluptatem abolitâ indignationis loco constituit. Deinde Westmarum, Colonemq; cum eorum liberis de industriâ adire regem, iterandâq; legationi insistere jubet. Postremò si difficilem accepissent, pugnæ provocatione prævenire repulsam.

30 Igitur Westmarus regiam cum armatis ingressus, jam aut precibus obsequi, inquit, aut pugnâ precantes aggredi necesse erit. Elegimus speciosè defungi, quam infectâ legatione reverti; ne repulsâ foedi, propositoq; vacui, unde gloriam impetrare speravimus, ejus contrarium referamus. Si natam negas, admitte pugnam; alterum necesse est præstes. Mori aut exaudiri volumus. Apud te si non læta, saltem tristitia percepturi sumus. Gratius nostram Frotho cladem, quàm repulsam accipiet. Nec plura elocutus, jugulum regis ferro se petiturum minatur. Contrâ rex, non decere, ait, amplitudinem regiam quem honore præcelleret, æquare conflictu, nec oportere dignitate, impares pugnæ paritate conferri. At Westmarus nihil de certaminis exhortatione remittens, ad ultimum ipsam virginis mentem explorare jubetur,
40 quod antiqui in matrimoniorum delectu liberâ nupturas optione donassent. Hærebat siquidem animo rex inter metum pugnæ pudoremq; trepidâ fluctuatione suspensus. Ita Westmarus ad præcordialem puellæ sententiam relegatus, sciens foeminam omnem ut volubilis animi, ita versilis esse propositi, tanto rem fidentiùs exequi cœpit, quanto virginum votis plus varietatis, inesse compertum habuit. Auxit curæ ejus fiduciam, adjecitq; studio spem, simplicitas virginis proprio permessa consilio, libertasq; foeminæ politionibus blanditiarum delinimentis palpanda, non modò abduci facilis, verum etiam obsequi præceps. Pater verò, quo certius filix mentem inspiceret, legatos
50 subsequi cœpit. Illa prius in amorem proci latenti potionis operatione perducta, plura se de Frothonis indole referebat spe præsumpsisse quàm famâ: quippe quum is ab illustri genus parente duxerit, naturaq; omnis suæ soleat origini respondere. Quamobrem juvenem sibi non tam præsentis, quàm futuri splendoris intuitu placuisse. Quibus auditis mirabundus pater, sed ne permissam quidem puellæ licentiam rescindere passus, Frothonis eam con-
jugio

FROTHO.
III.

jugio pollicetur. Quam postmodum, provisum abundè comineatibus, tollens, magnifico rerum apparatu, consequentibus se legatis, Daniam adire deproperat, sciens neminem patre melius filiam nuptiis oblaturum. Frotho sicut jucundissimè sponsam excepit, ita futuri quoq; soceri majestatem amplissimis honoribus celebravit, quem peractis tædis, magnâ auri argentiq; summa donatum dimisit.

Igitur Hanundam, (Hunnorum hæc regis filia erat) usus florentissimâ triennii pace, duxit. Cujus contubernales ocio petulantiam nacti, partam, quiete lasciviam improbissimis extulère sceleribus. Quosdam enim restibus in sublime pertractos, more agitabilis pilæ pendula corporum impulsione, 10 vexabant. Aliis hœdinum incedentibus corium substernentes, lubrici tergoris offendiculo per occultum funis raptum incautos subegère gressus. Alios veste nudatos variis verberum suppliciis lacerabant. Alios clavis affixos laquei more suspensionis multavère ludibrio. Quorundam barbæ & verticis pilos faculis torruerunt. Aliis pubem atq; inguina subjecto torre cremabant. Virginibus nubere non licebat, nisi quarum castitas eis ante delibata fuisset. Advenas ossibus converberabant. Alios ad intemperantiam compulso immoderatâ potione rumpebant. Nemini filiam nuptum dare licebat, nisi gratiâ ipsorum, favoreq; mercato. Nulli matrimonium contrahendi fas erat, si eorum non pretio præmisset assensum. Præterea non in virgines 20 modò, verumetiam in matronarum tubram passim dissolutissimæ libidinis suæ flagitia porrexerunt. Mixtam petulantix rabiem duplex furoris species agitabat: convenis hospitibusq; receptuum loco convicia præbebantur. Tot ludibriorum irritamenta à petulantibus & lascivis reperta sunt. Adeò sub rege puero temeritas libertate nutrita est. Nihil enim tantum peccandi licentiam protrahit, quantum ultionis pœnæq; dilatio. Tàm effrenata militum procacitas, non exteris tantum, sed etiam patriæ invisum fecerat regem. Dolenter siquidem ferebant Dani superbè sibi ac crudeliter imperari. Grep verò haud humili contentus Venere, eò se temeritatis effudit, ut cum regina commercio libidinis habito, tam regi perfidus, quam cæteris violentus existeret. 30 Adolevit deinde paulatim infamia, tacitoq; gradu criminis suspicio serpsit, antè vulgo comperta quàm regi. Grep enim in omnes qui vel modicam hujus rei mentionem egissent, animadvertere solitus, accusationem, sui formidabilem fecerat. Opinio tamen sceleris primum susurris alita est, dehinc excepta rumoribus. Difficilis siquidem apud conscios alieni criminis occultatio est. Procus Gunvvaræ creber extabat. Igitur Grep repulsæ ultionem clandestinis artibus impetrare conatus, æstimandi procos arbitrium flagitat, exquisitissimis puellam nuptiis deberi testando. Obscurabat autem iram, ne virginis odio quæsitum videretur officium. Oranti rex merita juvenum inspectanda permittit. Primum itaq; cunctos Gunvvaræ petitores convivii simulatione contraxit, ac deinde conclave, cui puella assueverat, defectis eorum capitibus cingens, crudele cæteris spectaculum præbuit. 40 Nihil tamen ejus apud Frothonem gratiæ detractum est, quo minus consveto familiaritatis officio fungeretur. Conveniendi siquidem regis copiam pretio peti debere constituit, neminem alloquio ejus usurum pronuncians, ni munera detulisset. Neq; enim tanti ducis aditum trito consvetudinis genere, sed plenis ambitionis studiis impetrandum edixit, regiæ charitatis simulatione crudelitatis infamiam levaturus. Taliter laceffitum vulgus afflictationis suæ querelam tacitis gemitibus agitabat. Nulli miseriæ tempora culpandi palam animus erat. Nemini ingruentem calumniam apertis efferendi quærimoniis ausus inceserat. Internus omnium præcordia dolor hoc acrius, quò occultius lacerabat.

Quo cognito, Gøtharus Norvagiæ Rex contractis concione militibus, refert, proprium Danos fastidire Regem, exoptare alium, si copiam accepissent: seq; eò exercitum agere decrevisse; faciliè Daniam occupari posse, si arma

mis adita foret. A Frothone enim tam avarè, quàm atrociter patriæ imperi- FROTHO.
III.
ratum esse. Tum exurgens Ericus, contrariâ reî allegatione prohibuit: Sæpè,
inquiens, alieni appetitores proprio privari solere meminimus. Sæpè ambo-
rum captator, utriusq; perditor fuit. Prævalidum enim oportet alitem esse,
qui prædam alius unguibus extrahere cupiat. Animat te frustra internus re-
gionis livor, quem plerumq; hostilis explodit adventus. Nam etsi nunc Da-
ni dividuis esse sententiis videantur, unanimes tamen mox excipient hostem.
Crebrò corrixantes porcos conciliavère lupi. Patrium quisque ducem exte-
ro præfert. Provincia omnis regem domesticum, quàm advenam, impensius
10 colit. Neq; enim te Frotho domi præstolabitur, sed foris excipiet adventan-
tem. Extremis se aquilæ scalpunt. Anteriùs alites certant. Nosti ipse pœni-
tentiâ vacuum debere contuitum esse prudentis. Proceribus abunde stipâris.
Tua tibi quies maneat, per alios gerendi sanè belli facultatem propemodum
exploratam habere poteris. Liceat militi regiam prætentare fortunam. Sa-
lutem tuam pacificè moderare, alieno negotium periculo moliturus. Satiùs
est servum perire, quàm herum. Quod fabro forceps, tuus tibi satelles a-
gat. Ille ferramenti remedio manus cauterium cavet, atq; à digitorum sibi
incendio temperat. Tu quoq; tibi tuorum operâ parcere & consulere disce.
Hæc Ericus. Quem Gøtharus ut imprudentem hætenus habitum, responsio-
20 nis suæ contextum exquisitâ sententiarum gravitate complisse miratus, Difer-
ti donat agnōmine, excellentem ejus prudentiam appellationis honore judi-
cans prosequendam. Frater siquidem ejus Rollerus opinionem juvenis exi-
mio sui fulgorè suppresserat. Ericus nominis beneficio rem adjici petit, vo-
cabuli largitionem muneris additione commendandam testatus. Rex navigi-
um donat; Scripser remiges vocitabant. Erant autem Ericus & Rollerus Re-
gneri pugilis filii, patre eodem sati, diversaq; editi matre. Matrem quippe
Rolleri eandemq; Erici novercam Cracam vocabant.

Igitur Rasno cuidam, permittente Gøtharo, laceffendi per piraticam,
Danos negotium cessit. Excipit illum Oddo, cui tunc temporis apud Danos
30 maxima piraticæ deferebatur autoritas; vir magicæ doctus, ita ut absq; cari-
na altum pererrans, hostilia sæpe navigia concitatis carmine procellis ever-
teret. Itaq; ne cum piratis in maritimarum virium certamen descenderet,
exasperatos maleficio fluctus, ad naufragia iisdem infligenda perducere sole-
bat. Hic ut negociatoribus atrox, ita clemens agrestibus extitit; non eadem
merces, quâ stativam æstimatione commensus, rustici operis munditias sor-
didi quæstus laboribus anteponebat. Idem inito cum Normannis conflictu,
ita vi carminum hostilem hebetavit aspectum, ut districtos Danorum enses e-
minus radios jacere, & tanquam flammabundos scintillare putarent. Cæte-
rum adeò retusis obtutibus erant, ut nè ferrum quidem vagina detractum vi-
40 su excipere possent: victa quippe fulgore acies; præstigiøsæ coruscationis im-
patiens erat. Cæso itaq; Rasno cum multa suorum parte, sex solæ naves Nor-
vagiam relapsæ documento fuère Regi, haud facile Danos obteri posse. Ab
his etiam Frothonem solâ pugilum ope subnixum, invito regnare populo
vulgatum est, dominio in tyrannidem verso.

Cujus famæ experiendæ gratiâ Rollerus, ut erat exterarum lustrator re-
rum, ignotaq; visendi avidus, Frothonis se vovit contubernio potiturum. Eri-
cus illum, quanquam habitu corporis eximius esset, temerè votum nuncupas-
se firmabat. Ad ultimum pertinacissimam propositi ejus perseverantiam,
conspicatus, se quoq; simili voti nuncupatione constringit. Hisdem se Rex
50 pollicitus est, quoscunq; delectu probassent comites, donaturum. Itaq; fratri-
bus primo patrem adiri placuit, com meatusq; & necessaria tam longinqui
itineris subsidia postulari. A quo paternè suscepti, die postera in nemus vi-
sendi pecoris gratiâ perducuntur. Senex quippe armentis opulens erat. Ape-
riebantur quoq; illis gazæ, quas diu clausæ telluris antra condiderant. E qui-
bus si quæ placuissent, sublegi permissæ sunt. Nec cupidius oblatum bene-
fici-

FROTHO.
III.

ficiū, quā receptum. Itaq; egestis humo opibus, complacitas tollunt. Horum interea remiges, aut curam egēre corporis, aut jactis se molibus exercebant. Alii saltu, quidam cursu concitavēre corpus. Hi vires validā saxorum jaculatione tentabant, illi sagittæ usum tenso experiebantur arcu. Ita roboris firmitatem vario agitationis genere prosequēbantur. Fuēre & qui somnum quietemq; potione captarent. Mittitur deinde Rollerus à patre cognoscendi causā domi interim acta. Is ut maternum fumare tugurium vidit, foris accedens, parvulumq; foramen furtivā luminis applicatione trajiciens, introspectā aede, animadvertit matrem informi cacabo coctilia pulmenta versantem. Suspexit præterea tres colubras supernè tenui 10 recte depensas, ex quarum ore proflua tabes guttatim humorem epulo ministrabat. Duæ quippe colore piceæ erant, tertia squamis albida videbatur, reliquis modico eminentiūs pensa. Hæc nexum in cauda gestabat, quum ceteræ immisso ventri funiculo tenerentur. Ille rem maleficio consentaneam ratus, silentio quod viderat pressit, ne matrem veneficii ream, astruere putaretur. Ignorabat enim innocuam anguium extitisse naturam, nescius quantum illo vigoris epulo pararetur. Supervenientes deinde Regnerus & Ericus, ut fumidam aspexēre casam, ingressi discubicum petivere. Quibus ad mensam sitis Craca privigno filioq; unā cibum capturis catillum discoloris dapis admovit. Pars quippe picea, sed croceis guttis inter- 20 lita, pars albida videbatur: quippe pro variā serpentum specie, geminus pulsem color infecerat. Cujus quum solam uterq; particulam delibasset, Ericus non ex colorum habitu, sed interni vigoris effectu epulas æstimans, nigrantem dapis partem, sed succo potiore confectam, catino quā celerimē verso ad se transtulit, albidamq; sibi admotam prius Rollero applicans, coenam feliciūs gessit. Et ne mutationis industria notaretur, taliter, inquit, æstuate freto puppim in proram referri solitam. Nec tenue viri ingenium fuit, industrii operis dissimulationem à navigii consuetudine, mutuantis.

Ericus itaq; faustā jam dape refectionis, internā ipsius opera ad sum- 30 mum humanæ sapientiæ pondus evasit. Quippe epuli vigor supra quā credi poterat, omnium illi scientiarum copiam ingeneravit, ita ut etiam, ferinarum pecudaliumq; vocum interpretatione calleret. Neq; enim solum humanarum rerum peritissimus erat, verū etiam sensuales brutorum sonos ad certarum affectionum intelligentiam referebat. Præterea tam comis atq; ornati eloquii erat, ut quicquid disserere cuperet, continuo proverbiorum lepore poliret. At ubi superveniens Craca concham transpositam, partemq; pultis potiozem ab Erico comesam cognovit, fortunam filio præparatam privigno cessisse condoluit. Cui mox gemebunda supplicare cœpit, ne unquam suā fratrem ope deficeret, quem ipsius mater 40 tot novæ felicitatis opibus cumulasset. Quippe sapido unius epuli gustu rationis atq; eloquentiæ summam, necnon gerendorum prosperè conflictuum gratiam assecutus videbatur. Adjecit quoq;, Rollerum propemodum consilii capacem, futurumq; ut destinati sibi obsonii prorsus expers non esset. Monuit quoq;, si suprema necessitatis violentia postularet, nominis sui nuncupatione remedium celerius esse quarendum, affirmans se divinā partim virtute subnixam, & quasi consortem coelitem insitam numinis gestare potentiam. Ericus se ad astandū fratri naturā pertrahi dixit, probrosum referens alitem, qui proprium polluat nidum. At Cracam magis propriā molestabat incuria, quā fortuna filii gravaret adversa. 50 Artificem enim ingenio suo deludi magnum olim ruboris incitamentum fuit.

Deinde hæc ipsa, comitante viro, fratres ad mare profecturos abducit. Qui uno egressi navigio, duo sibi mox alia devinxerunt. Et jam Dani- cum

cum attingere litus, quum explorato loco haud longè septem subsisse navigia Frotho
 discunt. Tum Ericus duos Danicæ facundos linguæ ed sine velle proficisci ju-
 bet, qui rem certius speculaturi nuditatis suæ tanquam per Ericum facta Od-
 doni querimoniam afferentes, cautius explorata referrent. Illi apud Oddo-
 nem familiaris habiti, omne ducis propositum versutis auribus venari sunt.
 Statuerat enim diluculo hostem improvidum aggredi, quò citius nocturnis
 implicatum tegminibus ostranderet, affirmans eo locis tempore corporibus
 humanis plus ituporis atq; gravedinis inesse tolerare. Præcepit quoq; naves
 saxi ad jaciendum habilibus onerari, futuram exitii sui causam accelerans.
 10 Exploratores concubiti nocte delapsi, nuntiant Oddonem exquisitis ad ja-
 ctum lapillis rota replèssè navigia, ceteraq; quæ acceperant, intimentes. Eri-
 cus re admodum cognita, quum classis suæ paucitatem attenderet, aquas in
 hostium perniciem evocandas, earumq; sibi conciliandum putavit auxilium.
 Itaq; scaphâ exceptus, ac tacito remorum nisu propius hostium carinis ad-
 vectus, vicinas aquæ tabulas sensim intorto terebro cavit, ac mox remigio
 vix auras pulsante, reditui consulit. Adeò autem circumspèctè se gessit, ut
 excubitorum nemo aditum ejus abscessumve deprehenderet. Quo enavi-
 gante, paulatim Oddonis rates excepta rimatim unda depressæ. Eadè ma-
 20 larius introrsum stagnante recondi gurgite videbantur. Nec parum delcen-
 sui addidit internum lapidum pondus. Et jam transita fluctibus diluebantur,
 forosq; exaquabat mare, quum Oddo navigia propemodum undis æquata
 conspiciens, receptum immodicè fretum urceis egeri jubet. Itaq; nauticis
 occiduas navigii partes ab aquarum influxu defendere perseverantibus, com-
 minus hostis apparuit. Igitur arma capeffentibus acrior imminere gurgis.
 Parandibus prælium enandi opus incidit. Erico bellum undæ, non armis ger-
 sere. Pugnat pro eo mare, cui ipse nocendi vires aditumq; præbuerat. Ita-
 que Ericus fluctu felicius quàm ferro usus, efficaci aquarum operâ pugnam
 absens gerere videbatur, à pelago præsidium mutuatus. Victoria arti contri-
 buta est. Neque enim offusum undis navigium pugne patiens esse poterat.
 30 Taliter Oddone cum sociis interempto, captisq; qui in statione erant, neminem
 cladis nuncium evasisse compertum est.

Ericus peractâ jam strage, maturato recessu, Lessø insulam subit. Ubi
 non reperto, quo famem lenire posset, duobus prædam navigiis domum-
 dirgit, commeatus in annum alterum relaturis. Ipse uno duntaxat adeun-
 di Regis copiam petit. Accessâ itaq; Syelandia, discurrentes per litora nau-
 tici pecus sternere aggressi sunt. Aut enim levanda esuries, aut fame peri-
 clitandum erat. Armento cæso, nudata in navim cadavera detractis
 coniecere tergo ibus. Quod quum possessores pecoris comperissent,
 classe prædones insequi properarunt. Cumque se Ericus ab armenti do-
 40 minis imperi cognovisset, cæsarum boum corpora signatis funibus alliga-
 ta fluctibus occultanda providit. Deinde si quid apud se quæsi cadaver-
 is esset, supervenientibus Syelandicis perlustrandi licentiam tribuit, affir-
 mans occultandis rebus angustos navium angulos esse. Illi cadavere
 nusquam reperto, suspitione in alios relatâ, reos prædæ innocuos arbitra-
 ti sunt. Dum nulla rapinæ vestigia paucissent, alios sibi nocuisse putan-
 tes, fontibus ignoverunt. Quibus enavigantibus, Ericus elatum undis ca-
 daver excepit.

Interea Frotho Oddonem cum suis occubuisse cognoscit. Quip-
 pe ignorato facinoris auctore famosus cladem rumor exceperat. Franc-
 50 tamen qui se terna vela litcoribus appellentia, eademque rursus in
 Boream abeuntia conspexisse narrarent. Tum Ericus portum, à quo
 Frotho non longè diversabatur, accessit, statimque ut è navi vesti-
 gium extulit, inopinato casu correptus, ruibundo terram corpore
 petivit. Ille sibi in lapsu faustum ominatus eventum, tenui princi-
 pio

FROTHO.
III.

pio meliores augurabatur exitus affuturos. Cujus quum Grep compertum habuisset adventum, festinus ad mare contendit, quem cæteris disertiores acceperat, exquistorum verborum acumine tentaturus. Quippe non tam præstantis quàm procacis facundiæ pervicaci cunctos sermone vincebat. Igitur à convitio litigium orsus, talibus Ericum dictis aggreditur:

Grep:

Stulte quis es? quid inane petis? dic unde iter, aut quò?

Quæ via? quod studium? quis pater? unde genus?

Præcipuus vigor iis, regumq; domesticus est lar,

Qui proprias nunquam deseruere domos,

Acceptatur enim paucis, quod pessimus edit,

Invisi raro facta placere solent.

Ericus:

REGNO mihi pater est, habitus, facundia lingua,

Cui solum virtus semper amata fuit.

Optavi sapere tantum, discrimina morum

Lustravi, varium per loca nactus iter,

In rebus mens stulta modum deprendere nescit,

Turpis, & affectus immoderata sui.

Remorum ductus velorum vincitur usu,

Aquora ventus agit, tristior aura solum.

Nam freta remigium penetrat, mendacia terras,

Istas ore premi constat, at illa manu.

Grep:

Ut gallus cæni, sic litis plenus haberis,

Sorde gravis putes, nec nisi crimen oles.

Adversum scurræ causam producere non est,

Qui vacuâ vocis mobilitate viget.

Ericus:

Hercule, ni fallor, ad eum, qui protulit ipsum,

Editus ignavè sermo redire solet.

Ad prolatorem, justo conamine, divi

Fusa parum doctè verba referre solent.

Quando lupi dubias primum discernimus aures,

Ipsam in vicino credimus esse lupum.

Nulla fides fidei vacuo præstanda putatur,

Quem rumor fontem proditiõis agit.

Grep:

Dictorum temerè pœnas, puer improbe, solves,

Bubo via vacuus, noctua luce carens.

Quæ nunc ructaris demens, emissâ dolebis,

Interitûq; tui dicta profana lues.

Exanimis corvos exanguî corpore pasces,

Esca feris, avida præda futurus avi.

Ericus:

Augurium timidi, præviq; assueta voluntas,

Nanquam se digno continuere loco.

Qui dominum fallit, qui fœdas concipit artes,

Tam sibi quam sociis insidiosus erit.

Æde lupum quicumq; fovet, nutrire putatur

Prædonem proprio perniciemq; lari.

Grep:

Non ego Reginam, sicut tu rère, fefelli,

Sed tenera tutor conditionis eram.

*Hæc mihi res auxit, hujus mihi gratia primum
Munera, robur, opes, consiliumq; tulit.*

FROTHG.
III.

Ericus:

*En te cura premit culpa rea; tutior huic est
Libertas, cui mens intemerata manet.
Decipitur quisquis servum sibi postulat amicum;
Sæpe solet domino verna nocere suo.*

Ad hæc Grep responsionis aptitudine destitutus, admissis equum calcari-
bus excipit. At ubi domum pervenit, tumultuoso clamoris impetu re-
10 giam complet, verbisq; se victum vociferans, omnem in arma militem
concitabat, tanquam manu infaustum vocis certamen ulturus. Jurabat
enim se advenam aciem aquilarum unguibus substraturum. Contrà Rex
docet deliberationem furori dandam: improvida plerumq; nocere con-
filia: nihil cautè simul ac celeriter geri posse: plurimum præcipientes obef-
se nifus. Ad ultimum multitudine paucos incessere non decere. Cæterum
solertem esse, qui furenti animo frenos injiciat, savientemq; ad tempus
imperum interpellet. Taliter Rex præcipientem juvenis iram consilio cede-
re coëgit. Nec tamen concitati animi rabiem adeò penitus ad modestiam
evocavit, quin altercationum athleta parum prosperâ disceptatione con-
20 fusus, negatâ armorum vindictâ, saltem ultionis loco veneficia sibi patere
deposceret.

Quo impetrato, cum exquisitâ magorum turbâ litus repetere parat.
Primum itaq; immolati diis equi abscissum caput conto excipiens, subje-
ctis stipitibus distentos faucium rictus aperuit, sperans se primos Erici co-
natus atrocis spectaculi formidine frustraturum. Arbitrabatur enim in-
eptas barbarorum mentes, oblatae cervicis terriculamento cessuras. Et jam
Ericus obvium illis iter agebat. Qui prospecto eminens capite obscœnita-
tis apparatus intelligens, silere socios, cautiusq; se gerere jubet, nec quem-
quam temerè præcipitare sermonem, ne incauto effamine ulium malefici-
30 cis instruerent locum: adjiciens si sermone opus incideret, verba se pro
omnibus habiturum. Jamq; medius illos amnis seceverat, quum magi ut
Ericum pontis aditu deturbarent, contum, quo equi caput refixerant, flu-
vio citimum locant. Ille nihilominus intrepidè pontem aggressus, in-
latorem, inquit, gestaminis sui fortuna recidat, nos melior consequatur
eventus! Malè maleficis cedat, infausta molis gerulum onus obruat, no-
bis potiora tribuant omina sospitatem! Nec secus quàm optabatur evenit.
Continuò namque excussa cervice ruens ferentem stipes oppressit. Ita
omnis ille maleficiorum paratus ad unius execrationis imperium spe sua
vacuus expiravit.

Deinde procedentem paulisper Ericum subit, destinanda Regi esse ab
40 advenis dona. Igitur repertum fortè glaciale frustum veste diligenter
obvolvens, muneris loco Regi deferendum curavit. At ubi ad regiam per-
ventum est, prior introitum petens, fratrem ponè consequi jubet. Et jam
vernæ Regis, ut ludibrio venientem exciperent, lubricam limini substra-
vere pellem. Quam ingrediente Erico celeri funis tractu corripientes lap-
sum insistenti fecissent, ni Rollerus ponè subiens pectore nutabundum ex-
ciperet fratrem. Ericus itaque semifusus, nudum habere tergum frater-
nitatis inopem referebat. Cumque Gunvara talia Regi permittenda,
negaret, ille stoliditatis legatum damnabat, apud quem insidiarum
50 cautela non esset. Itaque ludibrii excusationem ludificati incuriam
fecit.

Ardebat intra ædem ignis vultui temporis haud indebitus. Quip-
pe jam medium hyemis fluxerat. Huic distinctis confessibus, hinc

FROTHO.
III.

Rex, inde pugiles, affedére. Qui applicante se ipsis Erico, ululantium more horrifonas dedére voces. Rex strepitum inhibere cœpit, docens non debere pectoribus humanis ferinos inesse sonos. Subjunxit Ericus, canum hunc esse morem, ut uno inchoante, cæteri latratum edant, quòd propriam cuncti moribus originem prodant, ac suum quisq; genus fateatur. Interrogatus autem à Colone, qui delatorum Regi munerum custos erat, an ulla secum dona vexisset? glaciem, quam sinu occultaverat, promit. Quam cum illi trans foculum porrexisset, tanquam manu recipientis elapsam flammis de industria tradidit. Cunctis, qui aderant, conspicuum nitore frustum cernentibus, visum est igni liquidum incidisse metallum. Quod cum Ericus recepto- 10 ris incuria excussum esse contenderet, quid supplicii muneris amissori debeat, inquit. Rex reginæ sententiam consulit. Quæ suadere cœpit, ne ipse legis à se latæ statutum solveret, quâ transmissorum sibi munerum perditores morte mulctandos cavisset. Cæteri quoq; decretam lege pœnam remittendam esse negabant. Itaq; Rex supplicii necessitatem admittere monitus, Colonem laqueo consumi permisit.

Deinde Frotho Ericum alloqui sic orsus est: Tu, qui verborum fastu ac phaleratæ vocis ostentatione lascivis, unde huc te, aut cur adventasse commemoras? Ad hæc Ericus: A Rennes prodi, sedemque apud lapidem cepi. Contrà Frotho: Quò deinde concesseris, rogo. Cui Ericus: Diverti à la- 20 pide trabe vectus, identidemque apud lapidem locum cepi. Ad hæc Frotho: Quorsum inde cursum direxeris, aut ubi te vesper exceperit, quæso. Tum Ericus: Profectus à petra ad saxum perveni, itemque apud lapidem cubui. Cui Frotho: Creber illic cautium numerus erat? Ad hæc Ericus: Crebrior harena patenter conspicitur. Contrà Frotho: Quid tibi negotii fuerit, aut quorsum illinc declinaveris, refer. Tum Ericus: Profectus à petra delphinum cursitante navigio reperi. Cui Frotho: Jam nova prompsisti, quanquam utrumque horum in mari frequens sit, sed velim, quis te deinde trames abduxerit, nosse. Ad hæc Ericus: A delphino delphinum petivi. Contrà Frotho: Frequens illic delphinorum est agmen? Tum Ericus: Fre- 30 quentius undis innatat. Cui Frotho: Libet scire, quò te à delphinis proficiscentem viæ captaverit labor. Ad hæc Ericus: Arboreum mox truncum offendi. Contrà Frotho: Quorsum post hæc iter emetiri cœpisti? Tum Ericus: A trunco ad stipitem concessi. Cui Frotho: Frequens illic arboribus locus existit, cum hospitum tuorum sedes tam crebro truncorum nomine complectaris. Ad hæc Ericus: Frequentior nemoribus inest. Contrà Frotho: Quò deinde vestigium pertuleris, ede. Tum Ericus: Identidem ad trunca sylvarum robora penetravi; me autem illic acquiescente, exatiati humanis cadaveribus lupi suprema telorum acumina collambebant. Ibi cuspis à robore Regis excussa est, Fridlevi nepos. Cui Frotho: Hæreo alter- 40 cationis anceps, cum intellectum meum obscurâ admodum ambage fefelleris. Ad hæc Ericus: Præmium à te peracti certaminis merui, cui sub involucrio quædam haud satis intellecta deprompsi. Cædem enim Oddonis meâ gestam manu superiori cuspidis appellatione signavi. Cui cum Regina quoq; eloquentiæ palmam ac victricis facundiæ præmium adiudicasset: continuo Rex armillam brachio suo detractam decretæ mercedis loco tradidit, atque subjunxit: velim ex temet habitam tibi cum Greppo disceptationem cognoscere, quâ illum palam se victum protestari non puduit. Tunc Ericus: Robur illum exprobrati adulterii perculit, cui cum defensionem afferre non posset, cum tua se fassus est uxore mœchatum. Et Rex ad Hannundam con- 50 versus, quâ mente criminationem exciperet, percontatur. Quæ non solum voce crimen confessa, sed etiam vultu testem reatus ruborem exerens, evidens culpæ indicium præbuit. Rex non verba modò, verum etiam oris signa conspiciens, sed quâ lege in ream animadverteret hæsitans, debitam crimini pœnam reginæ contulit arbitrio decernendum. Quæ pecto-

cum creditum sibi iudicium reatui suo affine cognosceret, ideoq; æstimationem criminis aliquandiu sententiæ dubia volutaret; dissiliens Greppus, ut Ericum telo trajiceret, procurrit, criminantis cæde suam redimere cupiens. Quem Rollerus districto ense occupans, molitionis suæ prædamnavit exemplo. Aitq; Ericus, optima est affinium opera opis indigo. Et Rollerus: Inter asperos casus officiosè adsciscendi sunt boni. Tum Frotho: Credo eventurum vobis, quod vulgò dici assolet, ferienti interdum breve percussionis gaudium fore, nec diu manum ictu exhilarari solere. Et Ericus: Non est arguendus, cujus operi excusamentum justitia tribuit. Tantum enim inter meam atq; Greppi operam distat, quantum inter defendentis se, atq; alium impetentis interest actionem.

Deinde fratres Greppi fremebundi dissilire cœperunt, jurantes se, aut in totam Erici classem ultores, aut pugnam ei, denisq; cum ipso pugilibus illaturos. Quibus Ericus: Ægris iter arte providendum est. Hebetem tenenti aciem, mollia ac tenera lustrare convenit. Retusum habenti cultrum, artuatim sectionis perquirenda est via. Quoniam ergo laboranti optima, est malè inora, nec quicquam in adversis necessitatis dilatione felicius, triduum apparatus peto, dummodo assequi possim à Rege recens mactatæ pecudis tergus. Cui Frotho: Corium meretur, qui corio concidit; apertè superiorem petitori exprobrans casum. At ille exhibitâ pelle, crepidas creat, quas abietino gummi interfusis mixtim harenis oblinens, quò firmius vestigia poneret, suis suorumq; pedibus adaptavit. Considerato tandem, quem certamini locum legeret, terrestres pugnae, & totius militaris operæ rudem se referens, campum gelati maris exposcit. In hunc utrisq; consensus est. Rex apparatus inducias tribuens, Westmari filios secedere jubet, incongruum asserens, etiam malè meritum hospitio advenam pelli. Deinde ad investigandum supplicii modum, cujus exigendi arbitrium reginae mandaverat, redit. Quæ quum omissâ censurâ veniam lapsui precaretur, adjecit Ericus: Muliebriter erratis sæpius ignoscendum esse, nec poenam investigandum, nisi correctio culpam nequivisset avertere. Ignovitq; Hannundæ Rex. Appetente crepusculo, apud Gøtherum, inquit Ericus, epulaturi in convivio militis non solum cœnacula procurantur, sed etiam per acryptos confessus certi distinguuntur accubitus. Rex loca, quibus athletæ sui infederant, occupanda concedit. Deinde verna epulum affert. At Ericus comitatus regiae non ignarus, quâ prandiorum uti reliquiis vetabatur, frustum cujus particulam delibasset, abiecit, integras escas, lacera ciborum, fragmenta nominans. Ita rarefcentibus epulis, ministri alias inopiæ atq; verecundiæ suggerunt, parvulæ cœnæ impendentes, quod grandi convivio sufficere potuisset. Ait ergo Rex: Assolét ne Gøtheri miles tæctam semel dapem tanquam amolita ciborum frustra disperdere? primaque, fercula ultimorum ritu fragminum aspernari? Ad hæc Ericus: Nihil sibi de Gøtheri moribus incondita vendicavit affectio, n'hil assuetudo incompota possidet. At Frotho: Ergo domini tui moribus discors, non omnem argueris prudentiam attendisse. Qui enim majorum exemplis obviat, transfugam ac defectorem se probat. Tum Ericus: Sapiens à sapientiori erudiri debet. Discendo enim doctrina proficit, dogmate disciplina provehitur. Contrà Frotho: Quid mihi exemplaris documenti hæc tuæ superfluitatis imitatio dabit? Ad hæc Ericus: Tutius Regem, fides parvula, quàm ingens vallat perfidia. Cui Frotho: Ergo tu nos accuratiore cæteris obsequio complecteris? Tum Ericus: Nemo non natum stabulo, aut ingentum præsepio applicat. Necdum omnium experientiam accepisti. Præterea apud Gøtherum potionis usus epulo permixtus esse solet, liquor cibo conjunctim superadditus comessabundos juvat. Contra Frotho: Impudentiorem potus aut epuli petitorum non reperi.

FROTHO.
III.

Ad hæc Ericus: Pauci tacentis egestatem æstimant, aut silentis necessitudinem metiuntur. Tum soror Regis ingenti paterâ potionem proferre iussa. Cujus Ericus dexteram cum oblato simul cratere corripens, an hoc, inquit, Regum optime, munus tua mihi delegavit humanitas? Num mihi quod teneo irrevocabilis doni loco cessurum esse confirmas? Rex pateram tantum postulari ratus, pronunciat donum. At Ericus virginem sibi veluti cum patera datam applicat. Quo viso Rex, fatuum, inquit, opera prodit. Apud nos intacta virginum libertas haberi solet. Tunc Ericus puellæ manum perinde ac poculi nomine traditam, ferro desecturum se simulans, & si, inquit, plura quàm dederis ceperim, aut si totum temerè teneo, saltem parte potiri liceat. Rex 10 promissi errore recognito, puellam tradidit, nolens incuriæ vitium levitate rescindere, quo gravior pollicentis videretur autoritas: quanquam inania pacta revocare, maturitati potius quàm inconstantia deputetur.

Deinde illum ad naves accepta revertendi sponsione dimittit, tempore quod pugna debebatur instante. Ericus cum suis crustatum glacie æquor aggressus, lubricum instabilemque gradu hostem solearum nixus firmitate prostravit. Statuerat enim Frotho, ne quis inclinatis, aut laborantibus auxilio foret. Deinde victor repetit Regem. Igitur Götvara consumptæ infelicitè sobolis exitio mœsta, simulque eam ulcisci avida, pronunciat adversus Ericum altercandi collibitum sibi fore certamen, ita ut ipsa torquem magni ponde- 20 ris, ille vitam in pignore poneret, aut aurum vincendo, aut lethum succumbendo laturus. Comprobante certamen Erico, penes Gunvaram pignus deponitur. Igitur Götvara prior sic orsa:

*Quando tuam limas admisâ cote bipennem,
Nonne terit tremulas mentula quassa nates?*

Ericus sic contra.

*Ut cuius natura pilos in corpore sevit,
Omnis nempe suo barba ferenda loco est.
Remigiis homines artus agitare necesse est,
Motus quippe suos nam labor omnis habet.
Cum natis excipitur nate, vel quum subdita penem
Vulva capit, quid ad hæc addere majus erit?*

Ad hæc illa tanquam elocutionis inops, cui necem destinaverat, aurum tradere coacta est, filiorum interfectori pœnæ loco eximium erogans munus. Cumulata siquidem infelicitas est, non vindicata malignitas. Primum enim orbitati adacta, ac deinde verborum violentiâ confutata, cum opibus simul eloquentiæ precium perdidit. Beavit liberorum sublatorem, auctorem orbitatis suæ præmio munerata: nihil pro repensanda filiorum clade, præter inscitia probum, ac rerum inopiam referens. Quo viso, Westmarus verbis superiorem, viribus incessere statuit, vincentis præmium in victi nece con- 40 stituens, ut utriusque salus in pignore posita videretur. Nec Ericus conditione uti abnuit, ne linguâ quàm manu promptior existimari posset. Erat autem tale certaminis genus: Circulus vimine vel fune contextus, magno pedum manuumque conatu decertaturis raptim distrahendus exhiberi solebat, fortiori tribuens palmam: quem colluctantium si quis alteri detraxisset, victoriâ donabatur. In quem modum agonizans Ericus, correptam acrius restem manibus concertantis excussit. Quod Frotho videns, arduum, inquit, reor contra fortem fune contendere. Et Ericus: Arduum utique cum corpori struma infidet, aut tergum occupat gibbus. Statimque propulso pede senem colli senilis ac dorsi fractione contrivit. Ita Westmarus inefficax ultionis molitor, 50 dum vindicem agere studuit, in ulciscendorum sortem incidit, quorum ulcisci cupierat eadem imagine profligatus.

At Frothone Ericum jactu sicæ trajicere meditante, conscia fraternæ mentis Gunvara, sponsum periculi præmonitura, neminem, inquit, sapientem fore, qui sui provisor non sit. Quo dicto Ericus propulsandæ fraudis ad-
moni-

monitus, suggestam sibi cautelam argutus excepit. Continuo namq; exsiliens, triumphalem, ait, fore gloriam sapientis dolum suimet ultorem existere, modesto vocationis genere insidiantis ingenium lacerans. Quem quum Rex repentino cultri jactu declinantem occupare non posset, adverso parieti errabundum incidit ferrum. Tunc sic Ericus: Porrigenda sunt amicis munera, non jactanda: probabile fecisses donum, si comitem ferro vaginam dedisses. Quam rex continuo cingulo detractam petenti tradidit, moderatione hostis odium deponere coactus. Ita alienæ simulationis industria delinitus, emissum malignè telum benigne possidendum concessit. Sic Ericus exceptam, 10 dissimulanter injuriam ad beneficium transtulit, destinatum cladi suæ ferrum eximii muneris loco complexus. Quod enim Frotho nocendi studio gesserat, hic liberalitatis nomine colorabat. Deinde corporum curæ indultum est. Noctu Gunvarata citè excitato eo, fugâ opus esse proponit, perquam utile referens, rebus integris incolumi redire curru. Quâ comite littus ingressus, classẽ regiam illic fortè subductam, diffissa laterum parte, navigationi inhabilem reddidit, insertisq; rursus asserculis sarfit, quo minus ab intuentibus læsio nosceretur. Deinde navigium, quo se, comitesq; receperat, haud procul littore depelli curat. Quem Rex laceratis insequi navibus parans, 20 mox fluctu foras æquante, quanquam armis admodum onustus existeret, enare inter alios cœpit, propriæ salutis servandæ, quàm alienæ laceßendæ cupidior effectus. Præcipitatis in altum proris, sedibus suis remiges stagnans introrsum æstus excussit. Quo Rollerus Ericusq; conspecto, cum contemptu periculi incunctanter se profundo dedere, natabundiq; fluctuantem excepere Regem. Jamq; eum superfusa ter unda subruerat, quum Ericus cæsarie comprehensum pelago levat. Cætera naufragorum turba aut aquis obruta, aut agrè littori restituta est. Rex humido nudatus cultu, siccâ circumactus veste contegitur. Multus illi ab ore liquor crebrâ pectoris ructatione manabat. Vox quoq; eum continuis lassata singultibus deficere videbatur. Tandem redditus calor frigore hebetatos artus spiritu vegetiore firmabat. 30 Residere siquidem, nec assurgere poterat, haud justè virium compos. Paulatim pristini roboris potentia subiit. Interrogatus tandem, an vitam, pacemq; deposceret? admota oculis manu, dejectam luminum aciem attollere nitabatur.

At ubi sensim corpori virtus reddita est, & voci fiducia major incescit, per hanc, inquit, lucem, quam invitus excipio, per cælum, quod parum libenter haurio suspicioq;, obsecro vos obtestorq; ne mihi ulteriorem ejus usum præstare animum inducatis. Frustra volentem perire servastis. Aquis mihi interire negatum est, ferri saltem officio moriar. A nemine victus, tuo primum, Erice, ingenio cessi: hoc infelicior, quòd qui illustribus viris invictus 40 extiti, plebejo de me victoriam præbui. Ingens hoc regii pudoris irritamentum est. Sufficit hæc sola duci ad moriendum causa, cui nihil gloriæ magis placere convenit: quâ si careat, cæterorum inopem putes. Nihil enim in Rege celebrius famâ. Credita mihi erat rationis atq; eloquentiæ summa. Sed quorum utroq; pollere videbar, utroq; destitutus sum, eò calamitosior, quòd Regum victor, ab agresti victus videor. Quid vitæ donas, quem gloriâ spoliasti? Sororem, regnum, gazam, supellectilem, & quod iis majus est, claritudinem perdidi, tot infelix casibus, quot tu fortunatus agnosceris. Quid tanto superstes dedecori reservabor? Quæ mihi libertas tam felix erit, ut captivitatis ignominiam demat? Quid mihi sequentia conferent tempora, 50 quæ nihil nisi præteritorum miseriam redolentia, longam animo pœnitentiam generabunt? Quid vitæ productio proderit, solam tristitiæ memoriam relatura? Nihil calamitosius jucundius morte. Felix est obitus, qui succedit optatus. Hic non temporum dulcedinem tollit, sed rerum fastidium consumit. In prosperis salus, in adversis melius fatum petitur. Nulla me meliorum spes ad vivendi, cupiditatem adducit. Quis ad solidum laceratam for-

FROTHO.
III.

tunæ meæ sortem refarciet casus? Et jam horum nisi periclitantem excepissetis, immemor essem. Reddideris regnum, sororem reduxeris, instauraveris gazam, claritatem reparare non poteris. Nihil quod refartum est, integri splendorem habebit. Captivum fuisse Frothonem longæva recenset fama. Cæterum si inflistas vobis ex me calumnias muneratis, vestris occidere manibus merui. Si damna recolitis, beneficii poenitebit. Pudebit subventum fuisse hosti, si atrocitatis ejus in vos magnitudo taxetur. Quid reo parcitis? quid manum à persecutoris vestri jugulo cohibetis? Pare est, ut in me fors, quam vobis paraveram, recidat. Fateor si mihi in vos ea, quam in me geritis potestas incideret, nihil à me pietati deferendum esse. 10
Quod si vobis facto innocens sum, voluntate saltem reus teneor. Redundet in me, quæso, nocens animi culpa, qui interdum operis loco censeris solet. Si fato ferrum negatis, propria mihi manu cladem consciscendam curabo.

Contrà sic Ericus: Dii à te quæso avertant stolidam mentem, avertant inquam, nè clarissimæ vitæ finem flagitio quæras. Sanè quidem ab ipsis prohibitum est, benignum in alios in se parricidam fore. Tentatus es à fortuna, quo mentis habitu adversa exciperes, explorante. Probamentum tibi dedere fata, non casum. Nihil tibi mœroris inflatum est, quod fors melior abolere non possit. Cautela etenim præbita est, non mutata felicitas. 20
Nemo modeste se in prosperis agit, qui adversa tolerare non didicit. Præterea omnis bonorum usus post agnita gratius mala percipitur. Jocundior est voluptas, quæ rerum amaritudini succedit. Salutem tuam avertaberis, si superfuso semel æquore maduisti? Quod si quis frangeris, quando ferrum æquanimiter tolerabis? Enasse armatum quis non gloriæ magis tribuat quam rubori? Quot se felices reputarent, si tua sorte infelices essent? Summa te rerum manet, floret animus, pubescit ætas, plura spe complecti poteris, quàm gesseris rebus. Nunquam hoc tibi levitatis inesse vellem, ut non modò fugere aspera, sed etiam ob eorum impatientiam vitam abjicere cupias. Quovis effœminator est, qui adversorum metu vi- 30
vendi fiduciam perdit. Nemo sapientum morte res adversas redimere solet. Stulta est in alium indignatio, temeraria in se. Ignavus est furor qui suum condemnat autorem. Quod si ultrò ob injuriam, aut levem animi commotionem fatum appetis, quem tui vindicem derelinquis? Quis tam amens, ut dubium fortunæ habitum proprio ulcisci interitu velit? Quis adeò felix vixit, quin tristior illum quandoq; fortuna pulsaret? Inconcussa duxisti tempora, continua felicitate usus, & nunc ad modicam tristitiæ salebram, ut dolori parcas, vitam deferere paras? Quomodo leviorum impatiens, graviora deinde supercilia ferre poteris? Insipidus est, qui nunquam mœroris poculum degustavit. Nemo dura non passus, tem- 40
peranter facilibus utitur. Qui fortitudinis columen esse debueras, nervis animi specimen exhibebis? Fortissimo parente editus, ultimæ imbecillitatis spectaculum dabis? Sic à majoribus discrepabis, ut foeminis mollior fias? Nec dum adolescere cœpisti, & jam te vitæ satietas cepit? Quis hanc prior imaginem præbuit? Clarissimi avi nepos invicto patre edictus, levem contrariorum auram perpeti non valebit? Indoles tua avitæ virtutis habitum repræsentat. A nemine victus es; tua tibi solum incuria nocuit. Periculo per nos erutus es, non subactus. Amicitiam injuriæ deputabis: odium pro gratiâ relaturus? Obsequio placari debueras, non moveri. Nunquam te dii eò furoris excedere velint, ut servatorem insidiatoris 50
loco notare sustineas. An eo tibi rei erimus, quo benefici sumus, indignationem officiis contracturi? Reputabis hostem, cui salutis tuæ præmium debes? Neq; enim te liberum captivavimus, sed ope prævenimus laborantem. Et ecce gazam, opes, supellectilem reddo. Soror tua si mihi temerè despon-

desponsata creditur, cui decreveris nubat; enimverò intacta illi pudicitia manet. Cæterum militare tibi, si acceptaveris, volo. Cave ne abs re irâ animum obstines. Nulla te rerum jactura concussit. Nihil libertati tuæ detractum est. Obsequentem me tibi, non imperantem agnosces. Qualemcunq; de capite meo sententiam decreveris, comprobo. Idem te hic, quod in Regia posse confide. Eandem hic, quam in aula, imperitandi potentiam tenes. Hoc de nobis in loco, quicquid apud regiam placuisset, institue. Proni ad parandum sumus. Hactenus Ericus.

At Regem hæc tam in se, quam in hostem mansvesecit oratio. Deinde
10 compositis pacatisq; omnibus, reditur in littus. Rex Ericum ac nauticos vehiculis excipi juber. At ubi in regiam est ventum, concionem advocari facit, in quam accersito Erico sub sponsalium fide sororem & centurionatum dedit. Adjecit deinde fastidio sibi fore reginam, filiam placuisse Gøtheri. Ideoq; novum illi legationis opus deberi: optimè ab ipso negotium expleri posse, cujus nihil arduum conatui videretur fore. Præterea se Gøtvaram celati criminis consciam silicibus obruturum. Hanundam verò redditurum patri, ne in Dania conversantem capitis sui insidiatricem haberet. Ericus consilium probat, suam imperatis operam pollicens, excepto quod reginam repudio actam, Rollero meliùs maritandam astrueret, à quo nullâ majestati
20 suspicio foret. Quam sententiam Frotho perinde ac divinitus datum documentum venerabundus excepit. Regina quoq; ne violentiâ astringi videretur, muliebriter obtemperavit, affirmans à natura dolendi necessitatem non esse, omnemq; animi agritudinem ab opinione proficisci solere. Cæterum plangendam non esse pœnam, quæ meritis accidisset. Ita ergo fratres conjunctas egere nuptias, altero sororem Regis, altero repudiatam Reginam, ducente.

Deinde sumptis secum conjugibus, navigationem in Norvagiam referunt. Neq; enim illas à virorum latere, aut viæ longinquitas, aut futuri periculi metus divellere poterat, affirmantes ut plumam hirtio, sic se maritis co-
30 hæsuras fore. Et jam Cracam, demortuo Regnero, Brac cuidam nupsisse comperiunt. Deinde paternæ gazæ memores, egestam humo pecuniam tollunt. At Gøtherus omnem Erici fortunam, famâ virum præeunte, didicerat. Ut autem ipsum advenisse cognovit, veritus ultima quæq; in Norvagienses eximia sui fiduciâ moliturum, uxore privare, suamq; illi filiam ademptæ conjugis loco copulare studebat. Reginâ namq; nuper demortuâ, nullas magis quam germanæ Frothonis nuptias affectabat. Cujus Ericus intentione compertâ, convocatis sociis refert suam necdum cautibus abstulisse fortunam. Cæterum sperare se fascem labilem esse, qui vinculo non firmetur: perindeq;
40 omne pœnæ pondus repente decidere, quod culpæ catena non fixerit. Id eos apud Frothonem nuper expertos esse cernentes, innocentiam suam inter ægerrimos casus diis opitulantibus fuisse defensam, eademq; ulterius conservatâ, consimilem in adversis opem sperare debere. Deinde fugam eos paulisper fingere oportere, si primum à Gøthero laceßiti forent, justiores belli titulum habituros. Manum siquidem capitis periculo objici, omni jure permissum esse. Rarò autem quenquam commissam cum innoxiiis pugnam feliciter exequi posse. Prius ergo hostem adversum se provocandum esse, quo justior eundem impetendi causa succederet. Nec plura elocutus, domum Bracum invisere pergit. Deinde ad Gunvaram conversus, experientæ ejus fidei gratiâ percontatur, an Gøtherum cordi haberet, indignum do-
50 cens regiæ stirpis puellam toro popularis astringi. Quem illa per deorum numina impensius obtestari aggressa, fictimne, an veraciter excogitata haberet? Eo per serium se locutum dicente, ergo, inquit, extremum mihi ruborem injicere paras, quam virginem adamasti, viduam relicturus. Sæpe rebus contrarium fama prædicat popularis: me de te fefellit opinio. Constanti nupsisse putabam, & nunc ventis leviozem experior, quem indubitata fidei
fuisse

FROTHO.
111.

fuisse sperabam. Hæc fata, abundè lachrymas dedit. Grata Erico uxoris indignatio fuit, cui mox amplexum injiciens, scire, ait, volebam, quantum tibi in me fidei esset, mors sola diremptionis nostræ jus possidet. Te tamen Gøtherus raptui destinat, amorem latrocinio quæsiturus: quem quum peregerit, tuâ gestum simula voluntate, nihilominus nuptias dilatatur, quousq; filiam mihi tui loco tradiderit. Quâ impetratâ, uno ego ac Gøtherus die nuptias acturi sumus. Itaq; disparata nobis ad convivandum triclinia, sed medium parietem communicantia præbere curato, ne me fortè coram oculis habito, languidiore Regem contemplatione perstringas. Hoc enim ad eludendum raptoris studium perquam efficax commentum erit. 10
Deinde Bracum cum delecta promptissimorum manu haud procul regia, delitere præcipit sibi, quum res posceret auxilio futurum.

Post hæc adscito Rollero, provocandi Regis gratiâ, cum nupta ac suppellectile, simulato metu, fugam navigio petivit. Igitur Gøtheri sibi classem instare conspiciens, En, ait, arcus doli insidiarum spiculum jacit; statimq; concitatis clamore nautis, clavo puppim convertit. Quem Gøtherus propemodum advectus, quis rector esset navigii, percontatur: Ericum esse cognoscit. Item exclamans, an ipse sit qui mirifico verborum habitu cæterorum facundiam frustraretur, inquit. Quibus auditis, Ericus olim ab ipso se Diserti cognomine donatum esse, nec frustra appellationis augurium excepisse subjunxit. Dehinc ab utrisq; proximum in litus concessum est, ubi Gøtherus Erics legatione cognitâ, Frothonis se refert sororem cupere, legato verò filiam exhibere malle, quò minus eum alii suam cessisse conjugem poeniteret. Itaq; non incongruum fore, si legationis fructus in suum recidisset latorem. Ericum igitur sibi generum complacere, dummodò per Gunvaram Frothonis affinitatem impetrare potuisset. Ericus Regis benevolentiam exosculatus, sententiam probat, ultrò sibi offerri asserens, quo majus à diis immortalibus exoptare non posset. Ab ipso tamen Gunvaræ mentem arbitriumq; prænosci debere. Illa adulantem se, Regem simulato favore excepit, petentiq; promptum deferre videbatur assensum, obsecrans, ut Erics nuptiis suas præcurri pateretur: quibus primum 20
admissis, aptior regalibus suppeteret locus, ob hoc quidem maximè, ne de nuptura novum connubii pactum reducta veteris memoria fastidiret. Præterea non expedire firmabat, binos paratus una celebratione confundi. Rex responsis evictus, affatim postulata collaudat. Qui quum ex crebris Erics colloquiis clarissima sententiarum schemata, quibus animo delectari ac refici possit, hausisset, non contentus ei filiam in matrimonium dedisse, Litharfulki quoq; provinciam tradit, beneficium affinitati impartendum existimans. Craca verò, quæ Erico ob incantationum solertiam itineris comes adscita fuerat, adversam oculorum valetudinem simulans, 40
ita faciem peplo obstrinxerat, ut ne sola quidem cognoscendi capitis particula prominere. Rogata quænam esset, Gunvaræ se sororem perhibuit, eadem matre, diverso vero patre progenitam.

At ubi in Gøtheri penates perventum, tædarum Alvildæ (id filia ejus nomen erat) convivium exhibetur. Diversis Ericus ac Rex adibus accumbebant, quarum tecta paries communis exceperat. Eadem deintus pensilibus per totum obductæ aulaeis erant. Assedit Gøthero Gunvara, sed Ericum altrinsecus Craca cum Alvilda stipabat. Qui inter jocandum subducto sensim è pariete asserere, quantum loci humanum corpus transmittere posset, aperuit, ignarisq; convivis spacium meatui pervium fecit. Deinde 50
sponsam, an Frothoni, quam sibi nubere mallet, curiosius percontari inter epulas coepit: maximè cum observato copularum respectu, regia proles consentaneæ nobilitatis amplexui debeatur, ne unius conjugum dignitas, alterius indignitate depereat. Quâ se inconcessis à patre nuptiis usuram negante,

gante, reginam eam fore, ceterasq; opibus excessuram promittens, ex re-^{FROTHO.}
pugnante obsequentem effecit, non minus opum spe quam gloriâ captam. ^{III.}
Cracam quoq; traditum est, exhibitâ potionis temperamento, Frothonis a-
mori virgineam adegisse cupidinem.

At Gøtherus Erici post epulas convivium petit, nuptialis joci licentiam
adaucturus. Quo exeunte Gunvara, sicut ante jussa fuerat, subducti asseris
loco pervium transgressa parietem, proximum Erico discubitu occupat.
Cui Gøtherus eam confessu junctam miratus, qualiter & quare eò venerit
percontari impensius cœpit. Illa sororem se Gunvarâ, regemq; formarum
10 falli similitudine memorabat. Cujus cum Rex cognoscendi causâ, subito
Regiam repetivisset, Gunvara postico se quò venerat referens, pristino in lo-
co cunctis spectanda consedit. Quâ visa Gøtherus parum luminibus credu-
lus, maxima cum agnitionis diffidentia ad Ericum iter remensus, relatum suo
more Gunvaram præ oculis habuit. Ita quoties aularum aditus permutavit,
toties utrobiq; quam quærebat offendit. Et jam non consimilis, sed eadem
hinc inde facies ingenti regem admiratione torquebat. Impossibile enim
ad omnem videbatur modum, absq; notabili discrimine, eundem diversis
habitum inesse formarum. Soluta tandem convivio, filiam & Ericum nu-
ptiali in cubiculum usq; comitate prosequitur. Ipse aliâs cubitum redit.

20 At Ericus Alvildam Frothoni destinatam, seorsum cubare permittit,
Gunvaram, ut antè, deluso Rege, complexus. Itaq; Gøtherus insomnem a-
gens noctem, stupido errantiq; animo ludificationis suæ speciem agitabat.
Neq; enim paritas specierum, sed identitas videbatur. Unde incerta adeò
atq; anceps illum æstimatio subiit, ut errori tribueret, quòd revera deprehen-
sum habebat. Tandem pariete fraudem instrui potuisse, animo obversatum
est. Quem cum diligentius inspicere lustrariq; jussisset, nulla fractionis vestigia
deprehendit. Inconcussa siquidem totius ædis integritas apparebat. Quip-
pe Ericus nocte concubiâ, quò minus dolus conspicuus foret, soluti parietis
farserat læsionem. Deinde duos cognoscendæ rei causâ tacitè Erici cubicu-
30 lo intromissos, ac post aulae consistere jussos, cuncta curiosius attendere
jubet. Iidem Ericum cum Gunvara repertum, occidendiq; præceptum ac-
ceperant. Qui in itâ latenter æde, velatis cortinâ angulis præsentiam occul-
tantes, Ericum ac Gunvaram nexis invicem brachiis, communi toro fruen-
tes conspiciunt. Quos semisopitos rati, profundioris quietis copiam expe-
ctabant, operiri volentes, donec exequendi sceleris occasionem gravior por-
rigeret somnus. Qui cum stertente sonoriùs Erico, concepti liberiùs somni
speciem agnovissent, continuò trucidandi ejus gratiâ, destitutis prodire mu-
cronibus. Quorum Ericus insidioso expergefactus accursu, cum imminen-
tes capiti gladios suspexisset, dicto novercæ nomine, quod olim inter pericu-
40 la nuncupare jussus fuerat, promptum necessitatis remedium expertus est.
Clypeus enim ejus, qui sublimiùs à trabe pendebat, ilico in eum collapsus,
inermè corpus quasi de industriâ, ne à latronibus confoderetur, obtexit. At
ille fortunâ haud frustra usus, proximi latronis utrumq; pedem rapto dese-
cuit ferro. Alterum Gunvara non impetu minori hastâ transfodit, muliebri
corpore virilem animum æquans.

Taliter Ericus insidiis liberatus, repetito mari nocturnæ navigationi se
præparat. At Rollerus iis qui comminus excubare jussi fuerant, signum ir-
rumpendæ regiæ lituo dedit. Quo Rex audito, hostium adventum indicari
ratus, præcepit fugam navigio tenuit. Interea Bracus, & qui cum eo irruerant,
50 convulsam Regis supellestem, Erici navibus imponendam curabant. Me-
dium fermè noctis agendis impensum est prædis. Quorum manè Rex co-
gnitâ fugâ insecutionem molitus, per amicorum quendam, ne quid subito
pararet, aut cum impetu exequeretur, admonitus est. Persuadebatur quippe
majore instrumento opus esse, nec expedire, cum paucis in Daniam conse-
qui fugientes. Sed ne sic quidem impatiens animus damni impetum preffit.

Nihil

FROTHO.
III

Nihil enim magis moverat Regem, quàm quod alienæ cladis paratus recidisset in suos. Enavigans autem Rex, pervenit in portum, qui nunc ab *Omni* vocabulum tenet. Ubi adversâ tempestate obortâ, alimentis defectus, satius arbitratus est moriendi necessitatem ferro subire, quàm fame. Itaq; nautici manu in seipso verſa, alternis vulneribus acceleravêre fatum. Rex cum paucis montium prærupta securus elabitur. Indicium cladis, colles editi præbent. Interea Erico prosperè navigationem emenso, Frothoni cum Alvilda nuptiæ editæ sunt.

Post hæc Sclavorum mandatur irruptio. Ad quam coërcendam Ericus cum octo navigiis destinatur: quippe Frotho rudis adhuc rei bellicæ videbatur. Ericus igitur ne virilem unquam operam detrectaret, susceptum gratulante officium, fortiter exequendum curavit. Qui cum piratas septenis navibus esse cōnosceret, unâ tantum è suis advectus, reliquas ligneis propugnaculis cingi, confisq; arborum ramalibus obduci jubet. Deinde cum hosticæ classis numerum plenius speculaturus procederet, insequentibus se, Sclavis, occus ad suos refugere cœpit. At hostes ut insidiarum ignari, ita fugientem comprehendere avidi, crebro incunctantiq; fluctus remigio concussere. Naves enim Erici liquidò cognosci non poterant, frondentis sylvæ speciem præferentes. Qui cum angustioris se maris flexui tradidissent, subito Erici classe conclusos vident. Sed primum inusitata facie stupidi, navigio nemus agi putabant; deinde fraudem solis subesse cognoscunt. Seram ergo incuriæ poenitentiam agentes, habitam incautiùs navigationem remetiri tentabant. Sed dum puppes obvertere parant, ab hoste eas insiliri conspiciunt. Ericus verò subducto in litus navigio, fundâ procul in hostes saxa torquebat. Igitur Sclavorum cæsi pleriq; quadraginta capti fuere, qui postea, vinculis ac fame coërciti, inter varias cruciatus angustias spiritum depulerunt.

Interea Frotho trajiciendæ in Sciaviam expeditionis gratiâ, tam è Danis, quàm ex finitimis ingentem adsciverat classem. Hujus minima ratis extabant, quæ bisseuos vellet nauticos, teridemq; remigiis agi posset. Post hæc Ericus sociis patientiùs præstolari iussis, actæ jam cladis famam Frothoni peritatoris occurrit. Cumq; navigando puppim fortè piraticam vadosis ac munda altis gurgitibus insiliendam harere conspiceret, quod res fortuitas dictorum gravitate prosequi solitus erat, obscura est, inquit, ignobilium sors, feruinq; villium sordida. Deinde nave propius applicata, piratas proprium conus navigium expedire conisos, ac circa ejus servationem impensius occupatos oppressit. Quo peracto cum ad Regiam classem redisset, Frothonem nunciâ victoriæ salutatione rescicere cupiens, salvum fore florentissimæ pacis auctorem jubet. Rex verum ejus dictum fieri præcatus, augurem esse sapientis animum affirmabat. Ericus vera à se dici, parvulaq; victoria majoris omen afferri respondit, exiguis sæpe rebus magnarum præfagia captari testans. Regem deinde manum spargere hortatus, Jutiæ equitatum terreno proficisci iungere jubet, reliqua exercitus parte marinum incunte compendium. Tanta autem navigiorum frequentia mare compleverat, ut nec receptui portus, nec castris litora, aut comineatibus impensæ suppeterent. Terrestris autem scies tanta fuisse fertur, ut compendii gratiâ complanâsse montes, meabiles effecisse paludes, lacunas aggeribus exarquâsse, vastissimasq; voragines injectis molibus explâsse dicatur.

Interea Strunico Sclavorum Rege belli inducias per legatos petente, Frotho tempus apparatus negat, affirmans hostem induciis instrui non oportere. Præterea hæcenus se bellicorum operum expertem vixisse, nec debere eorum initia ancipiti rerum expectatione suspendere: quod quisquis primam feliciter militiam gesserit, consimilem de cætero fortunam sperare possit. Tale enim quemq; omen habiturum pugnæ, quale congressionum principia dederint: cum initiales bellorum successus, sequentibus augurio fore

fore soleant. Ericus responsi prudentiam laudat, affirmans ita ludum foris
 10 agi oportere, prout domi fuerit inchoatus: Danos à Sclavis provocatos
 esse significans. Quod dictum acerrimo prælio profecutus, Strunico cum
 gentis suæ fortissimis interfecto, residuos in fidem accepit. Tum Frotho
 convocatis Sclavis per præconem edixit, ut si qui inter eos rapinæ aut fur-
 to assuevissent, ocyus exhiberentur, promittens se talium mores primis
 honoribus donaturum. Jussit etiam ut quicumq; malarum artium studiis
 calluissent, præmia recepturi prodirent. Grata Sclavis promissio fuit. Cu-
 jus spem quidam cupidius quam consideratius secuti, prius prodidère se-
 20 ipsos, quam alieno possent indicio declarari. Quos tanta lucri cupiditas
 fefellit, ut ruborem quæstui postponentes, crimen pro gloria ducerent.
 Quibus sponte exhibitis, hac, inquit, Sclavi, vosipsos patriam peste vacue-
 facere convenit. Continuòq; eos à licitoribus abripi jussos, in altissimas
 cruces civium manu subfigendos curavit. Plures à paucioribus punitos
 crederes. Ita callidi ingenii Rex dum veniam, quam victis hostibus tribuit,
 crimen confessis negavit, totam penè Sclavicæ gentis stirpem consumpsit.
 Sic indebiti præmii cupiditatem debita consecuta est pœna, justoq; sup-
 plicio indignæ mercedis aviditas adaucta est. Crediderim jure exitio tradi-
 tos, qui cum taciturnitatis munimento salutem servare potuissent, voce
 20 periculum adsciverunt.

Rex recentis victoriæ titulis evectus, ne justitiâ quàm armis defectior
 videretur, novis exercitum legibus formare constituit; quarum præsens
 quasdam ritus usurpat, quasdam arbitraria juris novitas abolevit. Edixit
 enim ut primipilus quisq; prædæ partitione factâ, majorem cætero milite
 portionem acciperet: ducibus verò, quibus in acie signa anteferri solerent,
 dignitatis causâ captivum concessit aurum. Gregarium verò militem ar-
 gento voluit esse contentum. Arma ad pugiles redundare, captiva navi-
 gia popularibus cedere jussit, utpote eis debita quibus condendi rates in-
 struendiq; jus esset. Præterea sanxit, ne quis rem familiarem seris man-
 30 dare præsumeret, duplum ex fisco Regis amissorum pretium recepturus.
 Quam si quis arcarum claustris observandam duxisset, aureæ libræ Regi de-
 bitor fieret. Statuit etiam, ut in eum, qui furi ignosceret, furci pœna reci-
 deret. Præterea si quis in acie primus fugam capesseret, à communi jure
 alienus existeret. At ubi in Daniam rediit, ut quicquid Grep sinistrâ mo-
 rum usurpatione curruerat, bonis artibus expiaret, arbitrariam foeminis
 nubendi potestatem indulxit, ne qua tori coactio fieret. Itaq; lege cavit,
 ut eis in matrimonium cederent, quibus inconsulto patre nupsissent. At
 si libera consensisset in servum, ejus conditionem æquaret, libertatisque
 beneficio spoliata, servilis fortunæ statum indueret. Maribus quoq; quam-
 40 cunq; primitus cognovissent, ducendi legem inflixit. Adulteros à veris
 conjugibus corporum parte spoliandos constituit, quò minùs continen-
 tia flagitiis elideretur. Edixit quoq; ut si Danus Dano rapinam instigeret,
 duplum rependeret, ac violatæ pacis crimine censeretur. At si quis rem
 furto quæsitam ad alienam domum perferret, hospesq; post illum adis suæ
 fores obcluderet, bonorum omnium pœnam incurreret, atq; in concione
 coram omnibus vapularet, quod se eidem delicto obnoxium fecisse vider-
 etur. Præterea quisquis exulum patriæ suæ hostis evaderet, aut inimi-
 cum civibus scutum afferret, rerum ac vitæ periculo pœnas lueret. Si
 quis autem ad exequendum Regis imperium ob animi contumaciam pi-
 ger existeret, exilio muldaretur. Solebat namq; sagitta lignea ferreæ spe-
 50 ciem habens, nuncii loco viritim per omnes mitti, quoties repentina bel-
 li necessitas incidisset. Qui verò ex popularibus primipilum in acie anteirer,
 ex servo liber, ex agresti illustris evaderet. At si ingenuus foret, sarrapa
 crearetur. Tanta olim audaces stipendia merebantur. Adeò veteres nobili-

FROTHO.
III.

tatem fortitudini tribuendam putabant. Siquidem non fortunæ virtutem, sed virtuti fortunam deferri oportere, existimatum est. Præcepit quoque ne lis ulla iurisiurandi fide aut pignorum positione contraheretur. Qui verò alium pignus secum ponere iussisset, eidem aureæ libræ dimidium solveret, alioqui gravem corporis multam subiret. Providerat enim Rex ex pignorum positione maximas litium causas incidere posse. De qualibet verò controversia ferro decerni sanxit, speciosius viribus quàm verbis confligendum existimans. Quod si alter dimicantium relato pede prænotati orbis gyrum excederet, perinde ac victus causæ detrimentum reciperet. Sin autem quavis de re pugilem popularis impeteret, ipsum armatus exciperet, cubitali duntaxat stipite pugnaturum. Quinetiam cladem Dani ab alienigena oppressi duorum extraneorum cæde sarcindam instituit.

Interea Gøtherus sumendi de Erico supplicii gratiâ, pugnae exercitum comparat. Econtrario Frotho cum magno classis apparatu Norvagian petiit. Cum ad insulam Rensø pariter appulissent, Gøtherus Frothoniani nominis magnitudine territus, pacem per legatos efflagitat. Ad quos Ericus, inverecundus, ait, est latro, qui prior concordiam quærit, aut bonis communicare præsumit. Qui enim obtinere gestit, obniti debet: ictus ictui opponendus est, livorq; livore pellendus. Cumq; hoc dictum Gøtherus attentis eminus auribus excepisset, quàm poterat clarâ voce ita inquit: Quisque virtuti militat, prout beneficii meminit. Cui Ericus: Beneficentiam tuam reddito tibi consilio repensavi. Quo sermone egregios monitus omni donorum genere præstantiores indicabat. Et ut Gøtherum accepti consilii ingratum ostenderet, quando conjugem mihi, inquit, cum vita adimere cupiebas, melioris exempli speciem lacerasti. Solum inter nos ferrum decernendi jus obtinet. Post hæc Gøtherus parum prosperâ congressione Danorum classem adortus occiditur. Cujus regnum Rollerus beneficii nomine postmodum à Frothone suscepit, quod septeno provinciarum numero tendebatur. Eundem quoq; Ericus collatâ sibi quondam à Gøthero provincia muneratus est. His gestis, Frotho per summam ac securam pacem triennium gessit.

Inter hæc Rex Hunorum audito gnatae repudio, adjuncto sibi Rege Orientalium Olimaro, adversum Danos biennio belli apparatus contraxit. Igitur Frotho non solum indigenas, sed etiam Norvagienses, ac Sclavos incopias vocat. A quo Ericus hostiles speculatum acies missus, Olimarum qui classis magistratum acceperat, Hunorum Rege terrestres ductante copias, haud procul Russia reperit, quem taliter affari cœpit:

Quid sibi vult, queso, belli gravis iste paratus?

Aut quò classe potens, Rex Olimare, ruis?

At Olimarus:

Fridlevi natum nobis incessere cordi est;

Et quis es audaci talia voce rogans?

Ad quem Ericus:

Vincendi invictum subiit spes irrita mentem,

Frothonem nullus exuperare potest.

Contrà Olimarus:

Quicquid contingit primò, semel accidit, & res

Non sperata satis sæpè subire solet.

Quâ sententia, à nemine nimium fidei in fortuna reponendum esse perdocuit. Deinde Ericus Hunorum agmen exploraturus obequitat. Quod Ericum præteriens, invicemq; ab ipso præteritum, primam ortivo sole aciem, postremam occiduo conspiciendam præbuit. Itaq; penes quem tot millium regimen foret, ab obviis sciscitatus est. Quem Hun fortè conspiciens, [Rex hic Hunorum erat] speculandi ministerium accepisse cognovit, perquiriq; quod percontatori vocabulum foret. Ericus se ubique adventantem, nec usquam com-

pertum

- pertum Vocitari perhibuit. Rex item admoto interprete, quid Frotho FROTHO.
III. peris exerceret interrogat. Cui Ericus: Nunquam Frotho domi inimicum præstolatur exercitum, nec hostem in ædibus operitur. Pernox enim & pervigil esse debet alienum appetens culmen. Nemo stertendo victoriam cepit, nec luporum quisquam cubando cadaver invenit. Quem Rex exquisitis dictorum sententiis calere cognoscens: hic, ait, fertasse Ericus est, à quo filiam meam falsi criminis insimulatam accepi. Qui continuo prendi iussus, non decere, inquit, unum à pluribus abripi. Quo dicto non modò Regis animum complacavit, sed etiam ad ignoscendi sibi voluntatem perduxit. Cujus impunitatis causam potius à calliditate quàm benevolentia profectam constabat, cum ob hoc maximè dimitteretur, ut Frothonem nunciata multitudinis rumore terreret. A quo cum reversus explorata referre juberetur, sex classium senos Reges, earumq; quamlibet quina navium millia complectentem vidisse se retulit, quarum unamquamq; trecentorum remigum capacem esse constaret. Quemlibet verò torius summæ millenarium quaternis alis contineri dicebat. Volebat autem millenarium mille ac ducentorum capacem intelligi, cum ala omnis trecentorum numero compleatur. Cunctante vero Frothone, quid contra tot acturus esset, attentiusq; subsidia circumspiciente: probum, inquit
- 20 Ericus, audacia juvat: acri cane occupandus est ursus: molossis quippe, non imbellibus aviculis opus est. Quo dicto Frothoni contrahendæ classis consilium præbuit. Quâ instructa adversum hostem navigatio tenditur. Igitur insulas quæ Daniam Orientemq; interiacent, præliis subigunt. Unde procedentes naves aliquot Ruthenæ classis, offendunt. Quarum cum Frotho paucitatem incescere deformie duxisset, à macro, inquit Ericus, & tenui petendus est cibus. Raro pinguescet, qui cadit. Neq; enim mordendi potens est, quem vastus occupaverit follis. Quo documento Regi irruptionis edendæ ruborem excussit, eumq; mox ad paucitatem multitudine laceßendam perduxit, utilitatem pudori præferendam significans.
- 30 Post hæc ad Olimarum processum est, qui multitudinis segnitie excipere hostem, quàm aggredi præoptabat: quippe Ruthenorum navigia incomposita, minusque ob granditatem ad remigium habilia videbantur. Sed ne ei quidem numerositatis potentia profuit. Inusitata namq; Ruthenorum multitudo copiis quàm virtute præstantior, robustæ Danorum paucitati victoriam tradidit. Frotho cum patriam reperere vellet, inauditum navigationis impedimentum expertus est. Quippe crebra interfectorum corpora, nec minus scutorum, hastarumque fragmenta jactante æstu universum maris constraverant sinum. Itaque portus non angusti minùs, quàm olidi erant. Igitur mediis obstrictæ cadaveribus hædere puppes.
- 40 Nec putria quidem ac circumflua corpora remis abigere, aut contis propellere poterant, quo minùs uno sublato, mox aliud advolutum impelleret classem: bellum cum mortuis obortum crederes. Novum contra exanimes discrimen extabat.

Igitur Frotho convocatis quas vicerat gentibus, lege cavit, ut quisquis paterfamilias eo conciderat bello, cum equo omnibusque armaturæ suæ insignibus tumulo mandaretur. Quem si quis vespillonum scelestæ cupiditate tentasset, pœnas non solum sanguine, sed etiam inhumato cadavere daret, busto atque inferiis cariturus. Siquidem par esse credebat, ut alieni corruptor cineris, nullo funeris obsequio donaretur, sortemque proprio referret corpore, quam in alieno perpetrasset. Centurionis verò, vel Satrapæ corpus rogo propriâ navè constructo, funerandum constituit. Dena autem gubernatorum corpora unius puppis igne consumi præcepit. Ducem quempiam aut Regem interfectum proprio injectum navigio concremari. Tam scrupulo-

FROTHO. sam ducendis interfectorum funeribus observationem præstari voluit, ne promiscuos exequiarum ritus existere pateretur. Iamq; cuncti Ruthenorum Reges, Olimaro Dagoq; exceptis, Marte conciderant. Bella quoq; Ruthenos ex Danorum imitatione celebrare præcepit, ac ne quis uxorem nisi emptitiam duceret. Venalia siquidem connubia plus stabilitatis habitura censebat; tutiorem matrimonii fidem existimans, quod pretio firmaretur. Præterea si quis virginis stuprum vi petere ausus esset, supplicia abscissis corporis partibus lueret, alioqui mille talentis concubitus injuriam pensaturus. Decrevit etiam ut quisquis militiæ deditus, spectatæ virtutis titulum affectaret, impeteret unum, exciperet duos, tres modicâ pedis retractione vitaret, 10 quatuor fugere non erubesceret. Aliam quoq; super militum stipendiis consuetudinem à subactis sibi Regibus observandam edixit. Patrium domesticumq; militem hyberno tempore ternis argenti talentis donari iussit, gregarium aut conductitium binis, privatum ac militiæ laboribus defunctum duntaxat uno. Quâ lege virtuti injuriam afferebat, conditiones militum non animos æstimans. In quò quidem erroris argui poterat, cum familiaritates meritis anteferebat. Post hæc interrogatus à Rege Ericus, an Olimari copias Hunorum æquaret exercitus, carmine sic eloqui orsus est:

*Hercule deprendi nulli numerabile vulgus,
Vulgus cujus erat terra nec unda capax.
Colluxere ignes crebri, sylva omnis obarsit,
Index innumera flamma cohortis erat.
Calcibus obtrita tellus subsedit equinis,
Edebant rapidos stridula plaustra sonos.
Ingenuère rota, ventos auriga premebat,
Ut tonitrum currus assimilasse putes.
Vix armatorum cætus sine lege ruentes,
Ponderis impatiens pressa ferebat humus.
Obmugire aër visus mihi, terra moveri,
Tantus in externo milite motus erat.
Nam quindena simul vexilla micantia vidi,
Quodq; ex iis centum signa minora tenet.
Post quorum quodvis poterant bis dena videri
Signorum numero: par erat ordo ducum.*

20

30

Igitur Frothone, quid contra tot opponeret, perquirente; redeundum docet, patiendumq; hostes propriâ primum immanitate consumi. Obeditum monitui est. Neque enim minore studio probatum consilium, quam editum fuit. At Huni per avia solitudinesq; progressi, nusquam repertis commeatibus, passim inediâ periclitari cœperunt. Quippe regio vasta ac palustris extabat, nec erat ullum egestatis subsidium reperire. Tandem fuis comesisq; 40 jumentis, tam vehiculorum quàm victus inopes spargebantur. Cæterum error par fami periculum erat. Non equis, non asinis parcitur, non fœdis aut putribus abstinetur. Postremo ne canibus quidem temperatum est, nefas omne morientibus licitum fuit. Nihil enim tam difficile, quod necessitas suprema non imperet. Ad ultimum fame exhaustis publica clades incescit. Efferebantur absque cessatione corpora, cunctisq; exitium formidantibus, nulli miseratio pereuntium fuit: humanitatem quippe metus excluserat. Primum itaq; Regem paulatim defecere cohortes; deinde centuriatim defluxit agmen. Deseruit eum quoq; Uggerus vates, vir ætatis incognitæ, & supra humanum terminum proluxæ; qui Frothonem transfugæ titulo petens, 50 quicquid ab Hunis parabatur, edocuit.

Inter hæc Hithinus Rex aliquantæ Norvagiensium gentis, Frothonis classem centum quinquaginta navigiis accedebat. E quibus duodecim lectis, propius navigationem cœpit habere, erecto in malum scuto socios adventare signifi-

significans. Qui Regi in proximum amicitia gradum receptus, magnum copiis ejus attulit supplementum. Eidem postmodum cum Hilda Høgini Jutorum reguli filia, spectata admodum opinionis virgine, mutuus amor incessit. Quippe nondum invicem conspectos, alterna incenderat fama. At ubi mutua conspectionis copia incidit, neuter obtutum ab altero remittere poterat, adeo pertinax amor oculos morabatur.

Interea Frotho distributo per municipia milite, diligentius impensas hybernis com meatibus necessarias convectabat. Sed ne sic quidem onerosum impensis exercitum sustentare suffecit. Par propemodum Hunorum cladi perniciēs incidit. Igitur ad inhibendum advenarum confluxum, classe in Albiā missa, ne quid traiceretur, curā habuit. Cujus duces Revillus & Mevillus fuere. Soluta hyeme Hithino Høginoq; socialem exequi piraticam placuit. Ignorabat enim Høginus suam a sodali filiam adamari. Erat autem is corporis habitu præstans, ingenio pervicax; Hithinus verò corpore perquam decoro, sed brevi extitit. Cæterum cum Frotho sustentandi exercitus sumptum in dies difficiliorem adverteret, Rollerum in Norvagiam, Olimarum in Sætiā, Pnevum Regem, & Glomerum piratarum præcipuum ad Orcades petendorum com meatuum gratiā dirigit, proprias cuiq; copias tribuens. Triginta Reges sequebantur Frothonem, qui ipsum amicitia vel obsequio colerent. Audiens autem Hun, dimissas a Frothone copias, novum recentemq; militem contrahit. At Høginus filiam suam Hithino despondit, conjurato invicem uter ferro perisset, alterum alterius ultorem fore.

Autumno petitores com meatuum redeunt, trophæis quàm alimentis locupletiores. Rollerus enim provincias Sunmoriā & Normoriā, occiso earum Rege Arthorio, vectigales effecerat. At Olimarus Thorum Longum, Jamtorum atq; Helsingorum Regem, duosq; alios haud inferioris potentia duces: Hestiam quoq; & cum Plandia Curetiā, sed & insulas Sætiæ prætentas, celeberrimū Barbaria domitor triumphavit. Itaq; septingenta reducebat navigia, duplicato eductorum antea numero. Pnevō verò & Glomero, Hithino quoq; & Høgino Orcadum trophæa cessere. Hisdem cum nongentis navibus reditum est. Et jam quasi latè sumptus, convectæque raptu impensæ alendis abundè copiis suppetebant. Cæterum viginti regna imperio Frothonis adjecerant, quorum Reges triginta prædictis adjuncti, Danorum partibus militabant. Hac virium fiducia cum Hunis pugna confertur. Cujus prima dies tantā interfectorum strage recrudit, ut præcipui tres Rusciæ fluvii cadaveribus velut ponte costrati, pervii ac meabiles fierent. Præterea quantum quis itineris per triduum equo conficere posset, tantum locorum humanis cadaveribus completum videres. Adeo spatiosa cædis vestigia erant. Itaq; prælio septem dies extracto, occidit Rex Hun. Cujus frater eodem nomine inclinatam Hunorum aciem conspicatus, cum sua se cohorte dedere cunctatus non est. Eo Bello septuaginta ac centum Reges, qui aut ex Hunis erant, aut inter Hunos militaverant, submisere se Regi. Quem numerum Ericus superiori signorum expressione complexus fuerat, cum Hunorum multitudinem Frothone percontante distingueret. Igitur Frotho vocatis in concionem Regibus, sub uno eodemq; jure degendi normam imponit. Præfecit autem Olimarum Holingardiæ, Pnevum Conogardiæ, Hun verò captivo Saxoniam tribuens, Revillum Orcadibus donat. Provincias Helsingorum, Jarnberorum, & Jamtorum, cum utraq; Lappia, Dimaro cuidam procurandas attribuit; Dago Hestiae regimen erogavit. Quorum unumquemq; certis tributi legibus oneravit, obsequium beneficio applicans. Itaq; Frothonis regnum Rusciā ab ortu complectens, ad occasum Rheno flumine limitatum erat.

Interea Hithinus apud Høginum quorundam obtrectatione insimulatus est, quasi filiam ejus ante sponsalium sacra stupri illecebris temerasset: quod tunc immane cunctis gentibus facinus habebatur. Igitur Høginus

FROTHO.
III.

credulis auribus rem falsò nunciatam excipiens, Hithinum Regia apud Sclavos stipendia colligentem classe laceffit, confertaq; manu victus Jutiam petivit. Itaq; statim à Frothone pacem internum labefactaverat bellum, primiq; indigetes regiam detrectavere legem. Quamobrem Frotho missis qui simul eos accerferent, scrupulosius causam simultatis inquit. Quà cognita, juxta legis à se latæ formulam pronuntiavit. Videns autem ne sic quidem eos in gratiam reduci posse, patre filiam pertinaciùs reposcente, litem ferro decidendam edixit. Id quippe solum dirimendæ controversiæ remedium videbatur. Inita pugna Hithinus acerrimà perstrictus plagâ, cum sanguine & viribus corporis deficeret, insperatam hostis clementiam expertus est. Høginus siquidem promptissimam occidendi ipsius facultatem adeptus, formæ tamen ejus, & juventæ miseratione sævitiam mansuetudini cedere coëgit. Itaq; ne ephebum inter extremi spiritus momenta palpitantem extingueret, abstinuit ferro. Olim namq; impuberem aut invalidum vitâ spoliare rubori deputabatur. Adeo cuncta verecundiæ momenta prisca pugilum fortitudo servabat. Ita Hithinus sociorum operâ ad naves relatus, hostis beneficio servatus est. Idem septimo abinde anno apud insulam Hithinsø pugnam exorssi, mutuis vulneribus consumpti sunt. Felix Høginus foret, si circa devictum semel Hithinum severitate potius quàm clementiâ usus fuisset. Ferunt Hildam tantâ mariti cupiditate flagrasse, ut noctu interfectorum manes redintegrandi belli gratiâ carminibus excitasse credatur.

Eodem tempore Alrico Sveonum Regi adversum Gestiblundum Gothorum Regem atrox incidit bellum. At Gestiblundus viribus minor, Frothonem supplex accessit, se ac regnum percipiendæ opis gratiâ dediturus. Qui mox Skalc Scanico, atq; Erico in subsidium receptis, cum supplementis militum redit. Cumq; militiæ procursum in Alricum effundere statuisset, Ericus prius filium ejus Gunthjonum, Vermis ac Solongis prælatum, censuit impetendum, oportere asserens fessum tempestate nautam proximum captare littus. Præterea radicem inopem rarò virere truncum. Igitur irruptione factâ perit Gunthjonus, nomenq; ejus tumulus refert. Audiens Alricus interemptionem filii, ultum ire deproperat. Conspicatus hostes, Ericum clandestino accersitum colloquio, recensitis patrum suorum foederibus, ut Gestiblindi militiam detrectaret, orabat. Quod Erico pertinaciùs abnuente, cum Gestiblindo dimicandi licentiam flagitat, privatam pugnam publicæ præferendam existimans. Quem Ericus senectute armis inhabilem referens, tristemq; ejus valetudinem maximâ cum ætatis excusatione prætendens, se ejus loco obtulit pugnaturum, probrosum docens, si duellum præstare refugeret, pro quo bellum commissurus venisset. Hinc absq; cunctatione dimicatum est. Occiso Alrico Ericus quam gravissimè affectus, ægrè compertis remediis, serum incolumitatis regressum habuit. At Frothoni ipsum occubuisse falsò fama vulgaverat, mentemque Regis magno ob id mœrore torquebat. Quam tristitiam Ericus reditus sui beneficio dispulit. Quippe Svetiam, Vermiam, Helsingiam, atq; insulas Solis, operâ sua Frothonis adjectas imperio nunciabat. Quem mox Frotho devictarum ab eo gentium Regem constituit, ac præterea Helsingiam ei cum utraq; Lappia, Finniâ quoq; & Estiâ annuo stipendiorum jure contribuit. Nemo ante ipsum Sveticorum Regum Eri nomine censebatur; ab ipso autem in cœteros vocabulum fluxit.

Eodem tempore regnabat Alf in Hetmarchia, filium habens Asmundum. Biorno verò in Wik provincia, cui Asuitus filius erat. Accidit autem Asmundum parùm prosperè venationi intentum, dum feras aut canibus occupare, aut cassibus excipere pergeret, irruente fortè caligine longius à retiaris avio fuisse calle divulsum, vastaq; pererrantem juga tandem equo

equo & vestibus destitutum, fungos & tubera peredisse; ad ultimum in Frotho. Biornonis Regis penetralia fortuito devenisse progressu. Præterea ipse filiusq; Regis convictu paulisper habito, ad confirmandum inter se amicitia cultum omnibus conjuravere votis, quemcunq; eorum vita prolixior excepisset, mortuo contumulandum fore. Tantus enim societatis eorum atq; amicitia vigor extrabat, ut neuter altero fati absumpto, lucem prorogare statueret.

Post hæc Frotho omnium subjectarum sibi gentium manu contractâ, classe Norvagiam petit, Erico terrenum agmen ducere jussu. Humanæ siquidem cupiditatis more, quo plura possederat, plus affectans, etiam vastissimam atq; horridissimam orbis terrarum partem ab hoc injuriæ genere intentatam existere passus non est. Adeo opum accessio aviditati incrementum asserere consuevit. Igitur Norvagienses abjectâ defensionis spe, rebellandi fiducia defecti, in Halogiæ fines majore ex parte profugere coeperunt. Stikla quoq; virgo servandæ castitatis causâ patriæ se subduxit, bellis quàm nuptiis exerceri præoptans.

Inter hæc Asuitus morbo consumptus, cum cane ac equo terreno mandatur antro. Cum quo Asmundus ob amicitia jusjurandum vivus contumulari sustinuit, cibo, quo vesceretur illato. Jamq; Ericus cum exercitu superiora permensus, Asuiti fortè tumulum appetebat: cui Sveones thesauros inesse rati, lignibus perfregere collem. Itaq; majoris quàm credebatur altitudinis specum aperiri conspiciunt. Ad quem perlustrandum opus erat eo, qui se in illum pendulo circumligatum fune demitteret. Delectus est fortè ex promptissimis juvenibus unus, quem quum Asmundus sportâ restim sequente intromissum aspiceret, protinus ejecto eo, corbem conscendit. Deinde supernè stantibus, ac moderantibus funem, abstrahendi signum porrexit. Qui ingentis pecuniæ spe reducto corbe quum ignotam extracti speciem animadverterent, inusitatâ facie terri, defunctumq; redisse rati, projectâ recte in diversa fugere. Quippe Asmundus tetro oris habitu, ac veluti funebri quodam tabo obsitus videbatur. Qui fugientes revocare conatus, vociferari coepit, falsò eos formidare vivum. Quem videns Ericus, præcipuè cruentati oris ejus imaginem mirabatur. In vultu siquidem profluus emicabat sanguis. Quippe Asuitus noctibus redivivus crebra colluctatione lævam illi aurem abruperat, foedumque indigestæ ac crudæ cicatricis spectaculum apparebat. Igitur à circumstantibus accepti vulneris causam referre jussus, sic orsus est fari:

Quid stupetis qui relictum me colore cernitis?

Obsolescit nempe vivus omnis inter mortuos.

Mala soli gravis uni manet omnis domus orbis.

Miseri quos hominum subsidis destituit fors.

Mihi specus & iners nox, tenebræq; & vetus antrum.

Oculis delicias eripuerunt, animoq;

Humus horrens, tumulus putris, & immunditiarum.

Gravis æstus minuerunt juvenilis decus oris,

Habituq; & validi roboris usum vitiarunt,

Super hæc omnia contra exanimem conservi vim,

Grave luctu subiens pondus & immane periculum,

Laceris unguibus in me redivivus ruit Asuit,

Stygia vi reparans post cineres horrida bella.

Quid stupetis, qui relictum me colore cernitis?

Obsolescit nempe vivus omnis inter mortuos.

Nescio quo stygi numinis ausu

Missus ab inferis spiritus Asuit,

Sævis alipedem dentibus edit,

FROTHO,
III.

*Infandog, canem præbuit ori.
Nec contentus equi vel canis esu,
Mox in me rapidos transtulit ungues,
Discissaq, gena sustulit aurem,
Hinc laceri vultus horret imago,
Emicat inq, fero vulnere sanguis.
Haud impune tamen monstrifer egit,
Nam ferro secui mox caput ejus,
Perfodiq, nocens stipite corpus.
Quid stupetis, qui relictum me colore cernitis;
Obsolescit nempe vivus omnis inter mortuos.*

10

Jamq; Frotho in Halogiæ fines emoverat classem, ubi ad cognoscendam multitudinis suæ speciem, quæ numeri mensuram, capacitatemque transcendere videbatur, collem à militibus congeri jubet, viritim lapide, in acervum misso. Eundem quoq; hostis numerandi agminis modum secutus est. Conspicui adhuc colles fidem visentibus præbent. Hic Frotho conferta cum Norvagiensibus pugna, gravem cædibus diem egit. Noctu utrinq; receptui consultum est. Appetente diluculo terrestria permenus supervenit Ericus. Hic Regi certamen suggerit iterandum. Quo bello tanta de Danis strages accepta est, ut è ternis navium millibus solæ centum-
septuaginta superstites fuisse credantur. Normanni verò tam vastâ clade deleti sunt, ut fama sit, ne quintæ quidem vicorum parti remansisse cultorem.

20

Victor Frotho pacem per omnes gentes reficere cupiens, ut uniuscujusq; rem familiarem à furum incurfu tutam præstaret, otiumq; regnis post arma assereret: armillam unam in rupe, quàm Frothonis petram nominant, alteram apud Wig provinciam, habitâ cum Norvagiensibus concione, defixit, edictæ à se innocentiae experimentum daturas, subductis iisdem, in omnes regionis præsidēs animadvertendum minatus. Itaque summo cum præfectorum periculo aurum absq; custodia, mediis affixum
triviis, magnum avaritiæ irritamentum extabat; opportuna rapinæ prædâ plena cupiditatis ingenia provocante. Statuit idem, ut navigantes reper-
tis ubicunq; remis licitè fruerentur. Annem verò transitoris usum equi, quem vado proximum reperissent, liberum esse concessit. Eodem descendendum fore constituit, quum priores ejus pedes solum attingerent, postremos adhuc unda sublueret. Talium siquidem commodorum beneficia potius humanitatis, quàm injuriæ nomine censenda credebat. Cate-
rum reum capitis fieri, qui superato amne equi usum longiùs expetere, præsumpsisset, instituit. Jussit etiam, ne quis ædem vel arcam seris obfirmatam haberet, aut rem ullam claustrorum custodiâ contineret, triplicem
amissorum restitutionem promittens. Præterea tantum alieni cibi in com-
meatus assumi fas esse, quantum uni coenæ sufficeret, promulgabat. Quam si quis in capiendò mensuram excederet, furto obnoxius haberetur. Furi verò trajectis ferro nervis in suspendium acto, lupum collateralem affigi præcepit, ut malitiam hominis acerbitati belluæ similitudo exæquaret pœ-
næ. Eandem quoq; in furtorum conscios multam extendi curavit. Ibi-
dem septennio jucundissimum otii tempus emensus, filium Alvonem, fi-
liamq; Ofuram nomine procreavit.

40

Iisdem fortè diebus Arngrimus pugil Svericus Frothonem accesserat, qui Scalk Scanicum, quòd ab eo olim navigio spoliatus fuerat, ex provo-
catione laceffitum occidit. Quo facinore supra modum elatus, aggressus
est Frothonis filiam postulare. Obseratas Regis aures expertus, Erici Sve-
tiam regentis subsidium flagitat. Quem Ericus hortari cœpit, ut aliquo
præclari operis merito Frothonis sibi favorem ascisceret, pugnaretq; ad-
versum

versum

versum Egtherum Regem Biarmia, & Thengillum Regem Finnimarchia, quod ii soli, cæteris obsequentibus, Danicum detrectare viderentur imperium. Nec mora, eò exercitum egit. Sunt autem Finni ultimi Septentrionis populi, vix quidem habitabilem orbis terrarum partem cultura ac mansionem complexi. Acer iisdem telorum est usus. Non alia gens promptiore, jaculandi peritiâ fruitur. Grandibus & latis sagittis dimicant, incantationum studiis incumbunt, venationibus callent. Incerta illis habitatio est, vagaq; domus, ubicunq; feram occupaverint locantibus sedes. Pandis trabibus vecti, conferta nivibus juga percurrunt. Hos Arngrimus conciliandæ sibi claritatis causâ adortus, obrivit. Qui quum infelicitè dimicando fugâ dilaberentur, tribus lapillis post tergum coniectis, totidem montium instar hostibus apparere fecerunt. Igitur Arngrimus ludificati visus errore perstrictus, ab insectando hoste exercitum revocavit, magnarum se rupium interjectu coercitum putans. Iidem postera die congressi, victiq; coniectæ in terram, nivi ingentis fluvii speciem indiderunt. Itaq; Svetis per summum visus errorem falsa rerum opinione delusis, inusitata aquarum moles obstrepere videbatur. Ita victore vanam aquarum imaginem formidante, fugam impetravere Finni. Tertio identidem die reparavere bellum; nec jam amplius ullum fugæ efficax remedium fuit. Videntes enim suas inclinari acies, potestati se permisere victoris. Quibus Arngrimus hanc tributi legem instituit, ut recensito Finnorum numero, rheda ferinis pellibus conferta, ab unaquaq; decade loco census, exacto triennio, penderetur. Deinde Egtherum Biarmia ducem duello provocatum devicit, indiditq; conditionem Biarmis viritim pellem pro capite persolvendi. Post hæc spoliis trophæisq; auctus, ad Ericum revertitur. Quem Ericus in Daniam consecutus, multam juvenis laudem Frothonis auribus instillabat, dignum regis filiâ affirmans, qui imperio ipsius ultimos humanarum rerum terminos adjecisset. Cujus egregia, Frotho merita contemplatus, haud incongruum duxit, ejus se socerum exhibere, qui sibi tantis operum titulis patentem latè claritatem struxisset.

30 Sustulit autem Arngrimus duodecim ex Osura filios, quorum hæc nomina subnotavi: Brander, Biarbi, Brodder, Hiarrandi, Tander, Tirvingar, duo Haddingi, Hiorthuar, Giarthuvar, Rani, Angantir. Hi ab adolescentia piratico muneri incumbentes, uno omnes fortè navigio Sampsø insulam advecti, duas in maritimis naves Hialmeri atq; Arvaroddi piratarum reperiunt: quas pugnâ adorti remigibus vacuefecere, atq; an gubernatores oppressissent incerti, interfectorum corpora suis quæq; transiris aptantes, quæsitos abesse cognoscunt. Quâ de re mœsti, partam floccipendere victoriam, scientes sibi consequentis pugnae discrimen majore salutis impendio subeundum. Quippe Hialmerus atq; Arvaroddus, quorum jampridem abrupto gubernaculo tempestas navigia laceraverat, alterius excidendi gratiâ nemus ingressi, ligni rudem extenuavere materiam, eosq; truncum dolabris ambientes, donec navalis instrumenti formam vastum robur indueret. Quod quum humeris impositum sociæ cladis ignari deferrent, ab Osuræ filiis recenti oppressorum cruore madentibus laceffiti, duo cum pluribus ferro decernere coacti sunt. Nec par quidem congressus extabat, cum geminam bisseña manus exciperet. Cæterum victoria numero non respondit. Interfectis enim omnibus Osuræ filiis, oppressoq; ab hisdem Hialmero, victoriæ Arvaroddum titulus non fefellit, quem solum ex tanto sociorum agmine fortuna residuum fecit. Qui informem adhuc gubernaculi truncum incredibili libratum nisu tantâ vi hostium adegit corporibus, ut duodecim unico ejus impulsu contusos elideret. Ita cuncta admodum bellicarum rerum tempestate depulsa Oceanum manus adhuc piratica non reliquit.

Quæ res maximè Frothonem ad Occidentem armis incessendum adduxit, cujus unicum in propaganda pace studium versabatur. Accersito ergo Erico, cunctaq; famulantium sibi regnorum classe concitâ, Britanniam innu-

FROTHO.
III.

innumerâ advehitur puppi. Cujus insulæ Rex manu se imparem noscens (quippe fretum navigiis videbatur occludi) Frothone per deditionis simulationem petito, non solum magnitudinem ejus adulationis officio prosequi cœpit, sed etiam domitoribus gentium Danis suam, patriæq; subjectionem promittit, pensiones, censum, vectigalia, sive quicquid expeterent, offerebat. Ad ultimum hospitaliter invitandos curat. Grata Frothoni Britanni humanitas fuit: quanquam doli suspicionem aleret tam facilis omnium absq; coactione promissio, tam prompta hostium ante bella deditio, quæ rarò sincera fide administrari solet. Lacessebat quoq; convivii metus, veritos ne clandestinis insidiis appeteretur subeuntis crapulæ laqueis implicata sobrietas. Cæterum rarior invitatorum numerus videbatur, quàm ut tutò invitanti parère possent. Ineptum quoq; existimatum inexpertæ hostium fidei credere salutem suam. Quâ Rex mentium fluctuatione compertâ, denuò Frothonem accedit, cum duobus millibus ac quadringentis viris epulaturum accersens, quem antè cum mille ducentis proceribus convivium inire poposcerat. Frotho nondum suspicionem depositâ, quanquam adaucto invitatorum numero fretus, petendi convivii fiduciam mente præsumere posset; subornat qui regionis abdita percurrentes, si quid insidiarum speculando deprehenderent, ocyus intimandum curarent. Cujus rei causâ nemo ingressi, reperta castrorum acie, quæ Britannorum copias attinebat, dubium pressere gressum. At ubi res liquidius agnita est, pedem referre deproperant. Furva siquidem tentoria fuere, & quasi piceis quibusdam obscurata tegminibus, quò minus obtutum propinquantis offenderent. Quo cognito, Frotho validiore procerum manu mutuas dispensat insidias, ne convivio incautiùs adito, opportunis fraudaretur auxiliis. Quibus latebram nactis, ferendæ opis signum ad litui sonitum prænotavit. Deinde cum statuta manu levi armorum, genere cultâ convivium petit. Aula erat cultu magnificentia regalis instructa, aulaeis ostro tinctis undiq; secus obducta, in quibus mirifici luxus operam annotares. Cortina murice picta compactos ligno parietes adornabat. Constrata pallis nitidioribus pavimenta, quas pede premere perhorresceres. Supernè cerneres crebras micare lucernas, adultas oleo lampades coruscare. Ex acerris quoq; fragrantia fundebatur, quam suavissimus vapor exquisitis cumulabat odoribus. Ambitum omnem frequentibus epulis mensæ consperserant. Intextis auro pulvinaribus ornabantur accubitus. Cervicalibus sedilia replebantur. Reverendam aulae faciem visentibus arridère putares, nec quicquam in tanto paratu, aut visu inconcinnum, aut olfactu triste deprendi poterat. Media dolium æde perstabat explendis aptum poculis, & liquoris immodici capax, unde haurire esset, quod ingentis ora convivii satiaret. Ministri purpurâ culti aureos gestantes cyathos, propinandiq; munus comiter exequentes, compositis gradiebantur ordinibus. Nec bubalinorum cornuum, quibus potio promeretur, usus aberat. Aureis cœna pateris refulgebat, nitidioribus onusta poculis, quæ plerumq; fulgentes interstinxerant gemmæ. Ingens omnia luxus repleverat. Mensæ dapibus luxuriabant, crateris vario potionis genere redundantibus. Nec meri simplex usus extabat, quum petiti latè succi vario nectar sapore conficerent. Sapidioribus lances epulis renidebant, quos maximè venatica referserat præda. Sed ne domesticæ quidem carnis obsonia deerant. Parcius domesticis, quàm convenis bibendi studium erat. Hos enim securitas incitabat ad crapulam, illis insidiarum commentum ebrietatis illecebram dempserrat. Dani igitur (ut patriæ pace loquar) siccandis certatim calicibus assueti, ingenti se oneravere vino. Quos Britanni potos admodum conspicati, convivio furtim elabi cœperunt, relictisq; intra aulam convivis, summis connisi viribus valvas Regiæ admotis ob-

cibus, variisq; impedimentorum generibus obferare, deinde tectis ignem inferre orsi. At Dani qui intra ædem clausi continebantur incendio pullulante pulsatis nequicquam foribus ab egressu prohiberi, ipsum mox adorti parietem, eruptionis facultatem petebant. Quem Angli validiore Danorum impulsu labefactari cernentes, mutuis obniti viribus, molibusq; extrinsecus applicatis, nutabundam fulcire congeriem institerunt, quo minus convulsus paries clausis exitum aperiret. Qui tandem robustiori Danorum manui cedens, quorum quo periculum majus, hoc validior conatus extabat, facilem pressis eruptionem contribuit. Tum Frotho classicum succinere jubet, quo
10 manum in insidiis constitutam accersiret. Quæ litui sono clangentis excita, dolum in auctores retorfit, Britannorum Rege extremæ cladi cum innumeris suorum copiis tradito. Quo facto geminum Frothoni beneficium præbuit, quum & saluti sociis, & hostibus exitio fuerit.

Interea Hyberni, crebrescente Danicæ fortitudinis famâ perculsi, quo difficiliorem partium suarum irruptionem præstarent, ferreos terræ mûrices intraverunt, quibus littorum vetaretur accessus. Uritur autem Hybernorum gens levi & parabili armaturâ. Novaculis comam extenuat, totum occipiti crinem abradit, ne fugiens capillitio teneatur. Cæterum telorum cuspides obvertit instantibus, mucronumq; acumina insequentibus de industria oppo-
20 nere assolet, ac plerumq; post teigum lanceas jaculari, doctior fugâ superare, quàm bello. Quo fit ut cum victoriam tibi cecisse putes, discrimen immineat. Tam insidiosam hostium fugam Frotho consideratius quàm cupidius infectatus, ducem gentis Kervillum acie fudit. Cujus superstes frater, depositâ rebellandi fiduciâ, patriam dedit Regi. Captivam Rex prædam militi dispartivit, uti se totius avaritiæ expertem, & à nimia rerum cupiditate aversum, solius gloriæ lucrum appetere testaretur.

Itaq; post Britannicos triumphos, Hybernâsq; manubias in Daniam, reditum est, annisque tricenis ab omni bellorum negotio temperatum est. Quo tempore cunctis penè terris eximiâ fortitudinis laude Danicum nomen
30 inclaruit. Volens itaq; Frotho fulgorem imperii sui perpetuo firmitatis habitu prorogare, primum adversum furta ac latrocinia tanquam familiaria mala ac domesticas pestes severitatem suam distringere curæ habuit: quibus vacuefactæ gentes tranquilliorẽ vitæ usum apprehenderent, ne propagatæ pacis incessus ullo malignitatis obstaculo læderetur. Providit quoq; ne cessante hoste, civilis patriam lues exederet, aut post exteram pacem domesticâ grassaretur improbitas. Deniq; in Jutia, tanquam in capite Regni sui magni ponderis auream armillam triviis affigi curavit, edictâ à se innocentia experimentum tam insignis prædæ documento daturus. Cujus irritamentum, quanquam improbas lacefferet mentes, ac sinistra sollicitaret ingenia, supe-
40 rabat tamen indubitus periculi metus. Tanta siquidem Frothonianæ majestatis auctoritas erat, ut etiam aurum rapinæ expositum perinde ac firmioribus claustris oblitum tueretur. Cujus rei novitas, ingentem auctori claritatem conscivit. Qui quum patris latè cædibus insignes ubiq; victorias edidisset, otium omnibus erogare constituit, ut pacis jucunditas bellorum atrocitati succederet, & cladis finis salutis initium foret. Sed & omnium opes ob hoc maximè edicti munimento vallandas curavit, ne domi raptorem invenirent, quæ foris hostibus caruissent.

Per idem tempus publicæ salutis auctor mundum petendo servandorum mortalium gratiâ mortalitatis habitum amplecti sustinuit, cum jam ter-
50 ræ sopitis bellorum incendiis, serenissimo tranquillitatis otio fruerentur. Creditum est tam profusæ pacis amplitudinem ubiq; æqualem, nec ullis orbis partibus interruptam, non adeò terreno principatui, quàm divino ortui famulatam fuisse, cœlitusq; gestum, ut inusitatum temporis beneficium, præsentem temporum testaretur autorem.

Inter hæc matrona quædam magicæ rei perita, plus spei in arte sua, quàm

FROTHO.
III.

quàm metus in Regis sævitiâ reponens, filium petendæ furtim prædæ cupiditate sollicitat, impunitatem promittens, quòd Frotho fato propemodum confinis extaret, occiduo corpore ægras senilis animæ reliquias trahens. Quo materno hortatui periculi magnitudinem opponente, meliùs eum sperare jubet, aut maritimam bovem fœtum edituram, aut alium quempiam casum ultioni repugnaturum affirmans. Quâ voce solutum metu filium, hortamento obsequi coëgit. Quo factò Frotho perinde ac contumeliâ laceffit, ad diripiendos matronæ penates, maximo impetu, studioq; contendit, præmissis qui eam cum liberis comprehensam adducerent. Quod præsciens fœmina, ludificatis præstigio hostibus, fœmineam speciem equinâ permutandam curavit. Accedente verò Frothone maritimæ bovis figuram complexa, pastum in littore vagabunda petere videbatur: filios quoq; tanquam minores corpore vitulos adumbrabat. Cujus monstri Rex admiratione captus, circui ipsos, reditumq; eis ad undas negari jubet. Deniq; vehiculo, quo ob annosi corporis invaletudinem utebatur, excedens, humi mirabundus confedit. At mater, quæ majoris belluæ speciem sumperat, prætentò cornu Regem adorta, alterum ejus latus confodit. Quo vulnere exanimatus, indebitum tantæ majestati exitum habuit. Cujus mortem milites ultione prosequi gestientes, perita jaculis portenta configunt. Quibus interemptis, animadvertunt humana cadavera ferinis capitibus prædita. Ea res maximè præstigium derexit. Hic Frothonis toto orbe clarissimi Regis excessus fuit. Hujus egestis visceribus, salitum corpus triennio proceres asservandum curabant, provinciarum defectionem vulgato Regis exitu formidantes, mortemq; eius ob hoc maximè clam exteris esse cupientes, ut vitæ simulatione propagati jam pridem imperii terminos tuerentur, pristinâq; ducis autoritate subnixi, consuetam à subjectis pensionem elicerent. Deportabatur itaq; ab eis exanimatum corpus, ut jam non funebri lecto, sed regali vehiculo gestari videretur, tanquam invalido seni, nec satis virium compoti id muneris à milite deberetur. Tantum magnificentiæ etiam extincto ab amicis tributum est. At ubi putidos artus extrema corripuit sanies, nec tabes reprimi poterat, secus Weram, Sialandiæ pontem, regio funere tumulavére corpus, affirmantes, Frothonem eo loci mortis ac busti copiam exoptasse, ubi regni ejus præstantissima haberetur provincia.

HISTORIÆ DANICÆ LIBRI QUINTI FINIS.

SAXONIS GRAMMATICI
HISTORIÆ DANICÆ
LIBER SEXTUS.

DEFUNCTO Frothone, Dani Fridlevum, qui apud Rusiam educabatur, falsò extinctum rati, quum jam Regnum hæredis inopiâ claudicare, nec in Regiâ gente continuari posse videretur; hunc scep̃tro dignissimum arbitrati sunt, qui illustrandi Frothonis gratiâ, recenti ejus tumulo plenum laudis carmen affigeret, famamq; extincti Regis specioso posteris titulo commendaret. Tunc quidam Hiarnus Danicæ admodum Poësis peritus, ut claritatem viri insigni dictorum monumento prosequeretur, præmii magnitudine concitatus, more suo barbarum condidit metrum. Cujus intellectum quatuor versiculis editum in hæc verba transcripsit:

X XV.
HLARNVS.

Frotho.

Frothonem Dani, quem longum vivere vellent,

Per sua defunctum rura tulere diu.

Principis hoc summi tumultum cessante corpus,

Æthere sub liquido nuda recondit humus.

HIARNVS.

Quo carmine edito, auctorem Dani diademate munerati sunt. Ita ab eis Epitaphium regno repensum, imperiique pondus paucarum literarum contextui donatum est. Adeo exili impendio ingens præmium stetit. Eximium exigui poematis pretium famam quoque Cæsarianæ retributionis excessit. Divus siquidem Julius victoriarum suarum toto orbe editarum scriptorem illustratoremque; municipio donare contentus extitit. Nunc verò rusticano Regnum prodiga plebis humanitas erogavit. Sed ne Africanus quidem in rependendis operum suorum monumentis munificentia Danos æquavit. Illic enim elucubrati voluminis merces auro simplici stetit, hinc agresti sceptrum incondita versuum paucitas ministravit.

Eodem tempore Ericus, qui Sverici præfecturam gerebat, morbo exanimatus est. Cujus filius Haldanus paternam procuratione functus, quum duodecim fratrum Norvagiæ oriundorum crebris congressibus tereretur, nec oppressioni vindicta suppeteret, spe capeffendæ opis, Fridlevi, tunc Russiæ consistentis, copiam profugio petivit. Quem supplici vultu aggressus, sequi ab externo hoste contractum ac contusum deplorans, tristem injuriarum querimoniam afferebat. Per quem Fridlevus accepto paternæ mortis nuncio, supplicem auxiliis prosecutus, Norvagian armis instructus accedit. Quo tempore prædicti fratres, deficientibus à se sociis, intra insulam rapidissimo ambitam fluvio præaltum moliti vallum, terrestrem in plano munitionem extenderant: cujus receptaculo freti, crebrâ vicinos irruptione lacefferant. Excedentes enim insulâ, continentem extracto ponte petere consueverant. Quem portæ munitionis annexum ita quodam funiculorum regimine moderari solebant, ut quasi volubili aliquo cardine circumvectus, modò trans flumen iter sterneret, modò occulto restium ductu supernè retractus januæ deserviret. Fuere autem juvenes hi acres animis, robusti juventâ, præstabiles habitu corporis, gigantæis clari triumphis, trophæis gentium celebres, spoliis locupletes. Quorundam verè ex ipsis nomina, (nam cætera vetustas abstulit,) subnotavi: Gerbiørn, Gunbiørn, Armbiørn, Stenbiørn, Esbiørn, Thorbiørn, & Biørn. Hic equum habuisse traditur præstantem corpore, præpetem velocitate, adeo, ut cæteris annem trajicere nequeuntibus, hic solus obstrepentem indefessus vorticem superaret. Cujus aquæ lapsus tam in cito ac præcipiti volumine defertur, ut animalia nandi vigore defecta plerumque pessundare soleat. Ex summis enim montium cacuminibus manans, dum per clivorum prærupta saxi exceptus eliditur, in profunda vallium multiplicato aquarum strepitu cadit: verum continuo saxorum obstaculo percussus, celeritatem impetus eadem semper æquabilitate conservat. Itaque toto alvei tractu, undis uniformiter turbidatis, spumens ubique candor exuberat. At ubi scopulorum angustis evolutus laxius stagnando diffunditur, ex objecta rupe insulam fingit. Præruptum hinc inde jugum eminet variis arborum generibus frequens, quarum objectus annem eminus pervideri non sinat. Præterea Biørnoni inusitata ferocitatis canis extabat, horrendæ quidem acerbitalis bellua, atque humano convictui formidolosa, quæ sæpius bisseos sola viros oppresserit. Sed quoniam tradita magis quam cognita referuntur, fidem arbiter penset. Hæc siquidem, ut accepi, deliciarum quondam loco habita, Offoti gigantis inter pascua tuebatur armentum.

At juvenes latrocinio viciniam incessere soliti, magnas sæpè strages edebant. Populari penates, armenta sternere, diripere omnia, ingentem agere prædam, spoliatas rebus ædes exurere, mares passim cum foeminis obtruncare, probitatis loco curatum est. Quorum improvidam Fridlevus

irru-

HARNO.

irruptionem excipiens, omnes ad munimentum refugos egit, occupato
 eximiarum virium equo, quem præceps metu sessor, maturandæ fugæ
 gratiâ, citra amnem relictum, pontem secum trajicere non audebat. De-
 inde si quis fratrum illorum quempiam interemisset, interfecti corpus au-
 ro se repensurum edixit. Quâ spe quidam Reginum pugilum incitati, nec
 tam avaritiæ, quam virtutis ardore correpti, convento tacitè Fridlevo ope-
 ram se facinori daturus promittunt; salutem admodum devoventes, nî
 trunca prædonum capita retulissent. Quorum Fridlevus virtute & promif-
 sione laudatâ, arbitris expectare jussis, solo contentus comite, noctu flu-
 vium petit. Ne enim alienis, quàm propriis viribus instructior videretur, 10
 auxilium virtute præcurrere statuit. Post hæc comitem crebrò contusum
 silice exanimavit, injecitq; exangue undis corpus: cui etiam detractum,
 sibi cultum applicuit, ejusdem exuvias mutuatus, ut intuitu cadavere, peri-
 culationis Regiæ species daretur. Jumentum quoq; quod eum vexerat,
 elcito de industria cruore conspersit, eodem castra repetente, necis suæ
 fidem facturum. Deinde calcaribus subditis, mediis equum vorticibus a-
 degit, eoq; superato amne, delapsus, prætentum munimento vallum per
 subjectas aggeri scalas transcendere conabatur. At ubi supernè evectus pro-
 pugnacula manu complecti poterat, illato tacitè pede, ædem, quam, co-
 mēssabundi prædones infederant, ignaris vigilibus, levi suspensioq; vestigio 20
 petit. Cujus conclave nactus sub imminente foribus testudine consiste-
 bat. Juvenes siquidem à munimenti firmitate profecta securitas ad crapu-
 lam provocabat, arbitrantes incitatissimi lapsus fluvium inaccessum fecif-
 se præsidium, qui nec nando trajici, nec ratibus superari posse videretur.
 Neq; enim ulla amnis pars perviam vadi copiam dabat. Tum Biørno con-
 vivali hilaritate suffusus, egressam undis belluam per quietem sibi conspe-
 ctam affirmat, quæ tristes ore flammæ egerens, continenti cuncta incendio daret.
 Quamobrem indagandam insulæ latebram esse, nec adeò locum
 habitui confidendum, ut nimîa securitatis præsumptione extrema,
 incautis pernicies afferatur. Nihil enim ita situ munitum esse, cui si hu- 30
 mana desit opera, simplex naturæ tutela sufficiat. Prætereà summopere
 cavendum, nè somnii sui denunciationem tristior cladis eventus excipiat.
 Igitur omnes munimentis egressi, totiusq; insulæ ambitum curiosius spe-
 culati, reperto caballo, Fridlevum fluvialibus aquis obrutum conjectabant.
 Equum verò præcipitato sessore transisse rati, perinde ac Regiæ mortis
 nuncium portis gratulanter excipiunt. At Biørno nocturnarum adhuc i-
 maginum memoriâ territus, excubiis utendum hortatur, quod periculi su-
 spicionem nondum tutò deposituri viderentur. Ipse deinde capiendæ
 quietis gratiâ cubiculum petit, visionem mente altius repositam habens.
 Inter hæc equus, quem Fridlevus ob vulgandam interitus sui fidem inter- 40
 cutis tantum cruoris effusione resperserat, militum ejus castra maculosus
 irrupit. Qui illicò amnem petentes, repertum servi cadaver, Regium
 existimavere corpus, quod nitida veste cultum stridulus ripæ vortex ade-
 gerat. Quorum maximè errorem converberati corporis turgor adjuvit,
 cum lacerata contusaq; filicibus cutis informes oris notas exanguis pallore
 confunderet. Hujus rei indignatione permoti pugiles, qui Fridlevo nuper
 delendorum prædonum curam sponponderant, præruptum aquæ pericu-
 lum accedebant, ne promissionis gloriam timidiore voti negligentia re-
 spergere viderentur. Quorum cæteri fiduciam imitati, pari cupidine flu-
 vium petunt, nî Regem ulciscerentur extrema passuri. Quibus visis Fridle- 50
 vus pontem continenti committere properavit, receptisq; pugilibus, prima
 vigilēs irruptione prosternit. Residuos quoq; consequenter adortus, Biør-
 none excepto, ferro consumpsit. Quem impensiori curationi è vul-
 neribus recreatum, sub sacræ obtestationis pignore, collegam adscivit,
 operaq;

operaq; ejus uti, quàm exitio gloriari satius duxit. Indignum quoq; assererat tantæ fortitudinis florem primâ pubertate decerptum intempestivâ nimis clade consumi.

- Dani verò Fridlevum adventantem experti, cujus jampridem obitum falso didicerant nuncio, missi qui eum arcererent, Hiarnonem Regno cedere jubent, quod ipsum precariò ac perfunctoriè gerere videretur. XXI
FRIDI
VV: Qui tanto honore defungi non passus, spiritum pro gloria erogare, quàm in obscuram vulgi sortem concedere præoptavit. Quamobrem ne Regiis honoribus exutus pristinum fortunæ habitum recipere cogeretur, præsentem armis tueri constituit. Itaq; dividua regio præruptis consternationis motibus agebatur. Alii siquidem ab Hiarnonis partibus stabant, alii Fridlevi titulis ob egregia Frothonis merita adstipulati sunt: hæreatq; vulgi discors suffragium, his præsentium habitum, illis præteritorum memoriam venerantibus. Præponderavit tamen Frothonianæ recordationis intuitus, ejusque suavitas majorem Fridlevo favoris partem conciliavit. Plerique enim quibus altior sensus extabat, rusticæ conditionis hominem, quanquàm ad insperatum rerum culmen præter generis jus solo fortunæ beneficio pervenisset, regno submovendum censebant, ne verum honoris hæredem adulterinus possessor elideret. Fridlevus verò Danorum legatos redire jubet, Hiarnonem aut Regnum deponere, aut acie secum configere rogaturos. At Hiarno lucis aviditatem honori anteferre, salutemq; gloriæ dispendio quærere morte tristiùs ratus, dum bello Fridlevum excipit, in Jutiam obtritrus aufugit: victoremq; denuò reparatâ manu aggressus, haustis ferro sociis, fugam absque comite habuit; quam insula, vocabulum ex ejus nuncupatione sortita, testatur. Igitur humiliorem animo fortunam expertus, cum se geminâ strage omnibus propemodum copiis exutum videret, trajecto in dolum studio, obscurato oris habitu Fridlevum accedit, ipsum quæsitis per familiaritatem insidiis necaturus. A quo susceptus, aliquandiu servitii simulatione propositum occultabat. Siquidem decoquendi salis opificem professus, inter fordidioris ministerii famulos ignobilia exequabatur officia. Cibi quoq; capiendi tempore discubitu ultimus existere solebat. Præterea balneis abstinebat, ne nudato corpore crebris vulnerum vestigiis proderetur. Quo Rex absolvendæ suspicionis gratiâ lavari compulso, ut hostem excicatricibus cognovit, age, inquit, improbissime latro, qualiter in me consulturus fores, si interficiendi tui cupidum liquidò comperisses? Ad hæc stupefactus Hiarno, ex provocatione te, ait, deprehensum aggrederer, quò majore demendæ criminationis copiâ potireris. Quem mox Fridlevus sententiæ suæ exemplo provocatum oppressit, tumulo cadaver obruens interfecti vocabulum referente.
- Qui postmodum à suis, propagandæ sobolis gratiâ, conjugio sibi consilere monitus, cœlibem præstare vitam paterno contendebat exemplo; quòd Frothoni conjugis petulantia grave probrum affixerit. Ad ultimum perseverantissimis omnium precibus victus, per legatos aggressus est Norvagiæ Regis Amundi filiam postulare. Quorum unus Fræco nomine fluctibus inter navigandum absumptus, inusitatum moriens prodigium dedit. Quippe ubi illum confluus undarum æstus implicuit, sanguis medio enatus gurgite ita totam ponti faciem peregrino quodam rubore perfudit, ut spumeum paulò ante pelagus procellisq; albidum, mox puniceis fluctibus intumescens, alienum à natura sua colorem induere videretur. Amundus verò Regiæ petitionis inexorabiliter vota frustratus, legatis indecentiùs habitis, tyrannidem Frothonis olim Norvagiæ graviùs imminentem, causam spernendæ legationis asseruit. Frogertha verò (filia hæc Amundi erat) non modò Fridlevi genus intuita, sed etiam factorum claritudinem venerata, convitio patrem insequi cœpit, quòd generum habere sprevisset, cujus consummata nobilitas nec virtute deficeret, nec sanguine claudicaret.

FRIDLE.
VVS.

Adjecit quoq; prodigialem illam maris faciem, undis repentè in sanguinem versis, quid aliud quàm Norvagicæ cladis interpretem, Danicæ verò victoriæ liquidum extitisse portentum? Quam cùm Fridlevus iteratæ legationis officio postulare, Perseverantiâ repulsam vincere cupiens, indignatus Amundus rem à se semel negatam pertinaciùs flagitari, raptis ad necem legatis improbi pëtoris studio crudeliùs obviandum curavit. Cujus injuriæ Fridlevus famam expertus, Haldano ac Biørnnone adscitis, Norvagian navigatione complectitur. Contrà Amundus patrio instructus præsidio, obviam exierit classem. Frøcasund appellant sinum, in quem classis utraq; cojerat. Ubi Fridlevus noctu speculandi gratiâ castris egres-
sus, cùm inusitatum quendam icti aeris sonum comminus percepisset, fixo gradu suspiciens, triumolorum supernè clangentium hoc aure carmen excepit:

*Dùm mare verrit Hythin, rabidosq; interfecat astus,
Auro verna bibit, & lactea pocla ligurit.
Optima conditio servi, cui rege creatus
Obsequitur, temerè mutatis sortibus, heres.*

Deniq; post ipsas alitum voces lapsum ab alto cingulum literas carminis interpretes præferebat. Regis quippe Thialamarchiæ filium, pueriliter obludentem, Gigas Hythin nomine, usitatum mortalium habitum, 20 mutuatus, abduxerat, eoq; usus remige, cymbâ in proximum littus trajecit, Fridlevum tunc fortè speculationis officio fungentem, navigio præteribat. Quem Rex captivi adolescentis operâ uti non passus, prædâ raptorem exuere gestiebat. Adversum quem adolescens primum acriori investigationis genere utendum esse præmonuit, faciliùs oppugnandum promittens, dum antè cygnico fuisset carmine lacesitus. Tum Fridlevus sic orsus:

*Cum sis gigas tricorpor invictissimus,
Tuosq; celum penè adæques vertice,
Cur fæmen hoc ridendus ensis obligat?
Latusq; grande curta cingit framea?
Quid fortè pectus ense munis debili,
Habitusq; corporalis instar negligis,
Sicæ brevis parvo fretus gestamine?
Jam jam tuum frustrabor audax impetum
Ferro retuso molientem prælia;
Meticulosa cùm sis ipse bellua,
Molesq; digno destituta robore;
Umbra fugacis more præceps tolleris,
Spectabili clarosq; nactus corpore
Imbelle pectus & pavore lubricum,
Membrisq; summè disidentem spiritum!
Ex hoc tua compago nutat fabrica,
Cùm forma felix strage mentis claudicet;
Suisq; sit natura discors partibus.
Te laudis ex hoc munus omne deferet,
Neo fortium clarus loco censeberis,
Obscura computandus inter agmina.*

Quo dicto gigantem pede manuq; curtatum, liberato captivo, coëgit in fugam. Cujus consequenter promontorium petens, egestam antro pecuniam asportavit. Quibus spoliis ovans, ereptiq; adolescentis in trajiciendo 50 mari navigatione usus, hoc alacri carmen voce subtexuit:

*Sanguine suffusos enses, ferrumq; cruore
Punicum rapidi versavimus in nece monstri,
Dum te, Norvagicæ cladis moderator Amunde,*

*Excipit alta quies: quem cum sine lumine mentis
 Nox ignara premat, virtus dilapsa fefellit.
 At nos defunctum membris opibusq; gigantem,
 Contudimus, vassiq; chaos penetravimus antri.
 Illic congestum raptu, violavimus aurum.
 Et jam fluctivagum tonsis everrimus aquor,
 Confertamq; ratem spoliis ad littus evantes
 Remigio reduces agimus, percurrimus undas
 Per mensore maris carabo: sulcemus alacres
 Hoc pelagus, ne nos hosti lax obvia prodat.
 Ergo leves, totoq; manus conamine nisi
 Rimemur mare, castra prius, classemq; petentes
 Quam roseum liquidis Titan caput exerat undis:
 Ut cum rem rumor vulgaverit, atq; Frøgertha
 Noverit egregio partem conamine prædam,
 Blandior in nostrum moveat præcordia votum.*

Die postera Fridlevo adversus Amundum, magno copiarum concursu,
 cruentum incidit bellum; quod partim terrestri, partim maritimo certamine
 gerebatur. Nam & in campis acies explicabantur, & classi nihilominus bel-
 20 lator incessebat. Cumq; res plurimo sanguinis impendio gereretur, Biørno
 demum inclinata suorum acie solutum nexibus molossum concitavit in ho-
 stem, quam ferro obtinere non poterat, canino morfu victoriam adepturus.
 Quæ res adversariis probrosam peperit stragem, cum fortium phalanx mor-
 dicus lacescita profugeret. Quorum fuga tristior an turpior fuerit, nescias.
 Erubescendus siquidem Normannorum exercitus erat, quem hostis opem à
 bellua mutuatus obtulit. Nec fraudi Fridlevo fuit labentem militum virtu-
 tem canino reparare præsidio. Occidit hoc bello Amundus. Cujus assecla
 Avo cognomento sagittarius, Fridlevum ad secum dimicandum hortatus, à
 Biørnone sequioris ordinis viro, Regem cum plebejo congregi prohibente,
 30 lacescitur. Cumq; Biørno, sinuato arcu, nervo sagittam aptaret, subito emis-
 sum ab Avone spiculum chordæ summa transfixit. Cujus altera mox sagitta
 comes mediis digitorum condylis impacta successit. Histertia superveniens,
 in applicatam nervo sagittam incidit. Avo quippe promptissimâ sagittandi
 operâ eminens utens, de industria gestamen tantum hostis offenderat, ut i-
 dem in ipsum sibi licere demonstrans, pugilem à proposito revocaret. Biør-
 no verò nihil ob hoc animi minuens, spreto corporis periculo, constanti
 mente & vultu discrimen iniit, ita ut nec Avonis quicquam ingenio defer-
 re, neque ex consuetâ aliquid fortitudine deponere videretur. Itaque nul-
 la ex parte proposito deturbatus, intrepidus duello se credidit. Quo cum
 40 uterque faucibus excessisset, aliud item apud Abdarnes mutuâ laudis æmula-
 tione gesserunt.

Interfecto Amundo, Fridlevus acerrimo hoste liberatus, summumq; &
 securum otium nactus, ferocissimum ingenium suum voluptati cedere coë-
 git, trajectoq; in Venerem studio, classem instaurat, negatas olim nuptias
 petiturus. Deniq; navigationem ingressus, quum defectâ ventis classe, vicos
 alimenta petiturus irrumperet, à Grubbo quodam hospitaliter habitus,
 tandemque filia ejus connubio potitus, Olavum vocabulo filium procrea-
 vit. Interjecto quoq; tempore Frøgertham adeptus, dum patriam parum
 prosperâ navigatione repeteret, ignotæ insulæ littoribus appulsus, thesau-
 50 rum humi conclusum effodere, custodemq; ejus draconem, vitandi veneni
 gratiâ, bovino tergo tectus appetere cujusdam, per quietem conspecti,
 monitu perdocetur, intentumq; scuto corium venenatis dentium moribus
 objectare præcipitur. Igitur experiendæ visionis causâ anguem undis e-
 mergentem adortus, diu in squameum latus irrita tela coniecit: quippe

FRIDLE.
VVS.

spiculorum impulsu crustata corporis durities frustrabatur. Ipse verò coluber crebras admodum spiras agitans, orbiculatæ caudæ flexu tactas obiter arbores stirpitibus evertēbat. Ceterum crebro corporis tractu cavata ad solidum humo præruptum hinc inde latus effecerat; ut quibusdam in locis adversos colles media valle sequestrari conspiciamus. Igitur Fridlevus invicta belluæ suprema considerans, ima gladio tentat, perfossâq; inguinis parte saniem palpitantis elicit. Quâ extinctâ, pecuniam hypogæo erutam navigiis deportandam curavit.

Evoluto anno, Bifrnonem atq; Avonem sæpius ex provocatione congressos, maximâ cura in gratiam reduxit, amicitiasq; odia mutare compulsi: quibus etiam filium Olavum, tres annos natum, nutricandum concessit. Pellicem verò juritham, eandemq; Olavi matrem, recepto in commilitium Avoni matrimonio copulavit, æquiori animo repudium laturam existimans, si tanto pugile maritata, pro regio strenuum fortiretur amplexum.

Mos erat antiquis super futuris liberorum eventibus Parcarum oracula consultare. Quo ritu Fridlevus Olavi filii fortunam exploraturus, nuncupatis solenniter votis, deorum ædes precabundus accedit, ubi introspecto sacello ternas sedes totidem nymphis occupari cognoscit. Quarum prima indulgentioris animi, liberalem puero formam, uberemq; humani favoris copiam erogabat. Eidem secunda, beneficii loco, liberalitatis excellentiam condonavit. Tertia verò protervioris ingenii invidentiorisq; studii sæmina, fororum indulgentiorem aspernata consensum, ideoq; earum donis officere cupiens, futuris pueri moribus parsimoniam crimen affixit. Ita aliarum beneficiis tristioris fortunæ veneno corruptis, accidit, ut Olavo pro geminâ munerum ratione permixta liberalitati parcitas tribueret cognomentum. Quo evenit, ut prioris indulgentiæ svavitatem inserta beneficio nota confunderet.

XXV II.
FROTHO.
IV.

Cumq; regressus Norvagiâ Fridlevus iter per Svetiam haberet, ultrò legati partibus assumptis, cœlibi adhuc Haldano Hythini filiam, quam monstro quondam exemerat, impetravit. Interea conjunx ejus Frogertha Frothonem enixa est, ab eximiâ mutuantem largitate cognomen. Itaq; Frotho ob avitæ felicitatis memoriam, quam suo nomine referebat, ab incunabulis, primisq; infantiae rudimentis adeò cunctis charus evasit, ut ne humi quidem incedere aut consistere toleratus, sinu jugiter atq; osculis foveretur. Ita non uni modo pædagogo addictus, sed quasi communis omnium alumnus extabat. Defuncto verò patre, cum duodecimum ætatis annum ageret, Saxonie regulos Svertingum, & Hanevum imperium detrectantes, ac palam rebellare connisos, acie superavit, devictisq; gentibus servitutis nomine pendendi pro capite nummi mulctam inflixit. Adeò namq; liberalis exitit, ut recenti largitatis consuetudine prisca militiæ stipendia duplicaret. Neque enim se tyrannorum more communibus vitiorum illecebris objiciebat, sed quicquid honestati proximum pervidebat, ardentem appetere, opes in propatulo habere, ceteros largiendo præcurrere, omnes humanitatis officiis antevenire, & quod difficillimum est, virtute invidiam vincere contendebat. Cujus rei gratiâ, brevi tantam apud omnes claritatem contraxit, ut adolescentulus non modò famâ majorum titulos exæquaret, sed etiam vetustissima Regum monumenta transcenderet.

Iisdem temporibus Starcatherus quidam Storverki filius, periclitatis naufragio sociis, solus vi aut fortunâ delapsus, ob incredibilem corporis animiq; præstantiam hospes à Frothone colligitur. Cujus cum aliquandiu contubernalem egisset, indies cultius ac decentius habitus, tandem specioso donatus navigio, maritimas excubias procurando piraticum munus agitare præcipitur. Siquidem excellentius humano habitu corpus à natura sortitus, ita id animi magnitudine æquabat, ut nulli mortalium virtute cedere putaretur. Cujus tam latè patens claritas fuit, ut adhuc quoq; celeberrima factorum ejus

ejus ac nominis opinio perseveret. Neq; enim solum apud nostros egregiis operum titulis coruscabat, verumetiam apud omnes Sveonum Saxo-
numq; provincias speciosissima sibi monumenta pepererat. Hunc in eâ re-
gione, quæ Svetiam ab Oriente complectitur, quamq; nunc Estonum alia-
rumq; gentium numerosa barbaries latis sedibus tenet, originem duxisse,
memoriæ proditum constat. Fabulosa autem & vulgaris opinio quædam
super ipsius ortu rationi in consentanea, atq; à veri fide penitus aliena con-
finxit. Tradunt enim quidam, quod à gigantibus editus, monstruosi gene-
ris habitum inusitatâ manuum numerositate prodiderit: asseruntq; Thor
10 deum quatuor ex his affluentis naturæ vitio procreatas, elisis nervorum
compagibus avulxisse, atq; ab integritate corporis prodigiales digitorum
eruisse complexus, ita ut duabus tantum relictis, corpus quod antè in gi-
ganteæ granditatis statum effluxerat, ejusq; formam informi membrorum
multitudine repræsentabat, postmodum meliorem castigatum simulacro bre-
vitatæ humanæ modulo caperetur.

Olim enim quidam magicæ artis imbuti, Thor videlicet & Othinus,
aliiq; complures mirandâ præstigiorum machinatione callentes, obtentis
simplicium animis, divinitatis sibi fastigium arrogare coeperunt. Quippe
Norvagiam, Svetiam, ac Daniam vanissimæ credulitatis laqueis circum-
20 ventas, ad cultus sibi pendendi studium concitantes, præcipuo ludificatio-
nis suæ contagio resperserunt. Adeo namq; fallaciæ eorum effectus per-
crebuit, ut in ipsis cæteri quandam numinum potentiam venerantes, eos-
que deos, vel deorum complices, autumantes, veneficiorum auctoribus
solennia vota dependerent, & errori sacrilego respectum sacris debitum
exhiberent. Quo evenit ut legitima feriarum series apud nos eorundem
nominibus censeatur; cum ipsis Latinorum veteres, sive à deorum suorum
vocalibus, sive à septeno planetarum numero nuncupationem singulatim
adaptasse noscantur. Eos tamen, qui à nostris colebantur, non esse, quos
Romanorum vetustissimi Jovem Mercuriumq; dixere, vel quibus Græcia
30 Latiumq; plenum superstitionis obsequium exsolverunt, ex ipsa liquidò fe-
riarum appellatione colligitur. Ea enim quæ apud nostros Thor, vel Othi-
ni dies dicitur, apud illos Jovis, vel Mercurii feria nuncupatur. Si ergo
Thor Jovem, Othinum Mercurium, juxta designatæ interpretationis di-
stinctionem accipimus; manente nostrorum assertionem, Jovem Mercurii fi-
lium extitisse convincitur, apud quos Thor Othino genitus, vulgari senten-
tiâ perhibetur. Cum ergo Latini contrario opinionis tenore Mercurium
Jove editum asseverent, restat ut constante eorum affirmatione, Thor ali-
um quàm Jovem, Othinum quoq; Mercurio sentiamus extitisse diversum.
Sunt qui dicant deos quos nostri coluere, cum iis quos Græcia vel Latium
40 celebrabat, solum participasse vocabulum, sed istos tanquàm majestate sup-
pares ab illis cultum cum nomine mutuatos fuisse. Et hæc super Danicæ
vetustatis numinibus diservisse sufficiat. Quæ ideo paulisper à me in com-
mune deducta sunt, ut legentibus liquidum fiat, quibus patria nostra riti-
bus paganâ superstitione paruerit. Nunc propositi diverticulum repetam.

Tradunt veteres Starcatherum, cujus supra memini, in Wicari Nor-
vagiensium Regis jugulo, deorum favori facinorum suorum principia de-
dicasse: cujus rei tenor tali quorundam assertionem contexitur. Volens
quondam Othinus Wicarum funesto interire supplicio, cum id apertè ex-
qui nolle, Starcatherum inusitatâ prius granditate conspicuum, non so-
50 lum animi fortitudine, sed etiam condendorum carminum peritiâ illu-
stravit, quo promptiore ejus operâ ad peragendum Regis exitium uteretur.
Hanc quippe cum dignationi suæ gratiam relaturum sperabat. Quem e-
tiam ob hoc ternis ætatis humanæ curriculis donavit, ut in his totidem
execrabilium operum auctor evaderet. Adeo illi consequenti flagitio vitæ

PROTHO.
IV,

tempora proroganda constituit. Qui mox Wicarum adiens, inq; ejus aliquandiu contubernio diversatus, insidias obsequio texit. Tandem piraticum cum eo opus ingreditur. Cumq; quodam in loco diutinâ tempestatum sævitia vexarentur, ita ventis navigationem frustrantibus, ut majorem anni partem quieti tribuerent, deos humano sanguine propitiandos duxerunt. Itaq; coniectis in urnam sortibus, Regiæ necis victimam deposci contigit. Tunc Starcatherus facto ex viminibus laqueo Regem implicuit, pœnæ speciem, duntaxat exiguo temporis momento daturum. Sed nodi rigor suum jus exequens, supremum pendentis halitum rapuit. Cui Starcatherus adhuc palpitanti ferro spiritus reliquias evulsit, cumq; remedium afferre deberet, 10 perfidiam detexit. Neq; enim illa mihi recensenda videtur opinio, quæ viminum mollitiem, subitis solidatam complexibus, ferrei morem laquei peregisse commemorat. Deinde capto Wicari navigio, Bemonum quendam, cunctis Daniæ piratis virtute præstantem, maritimum prædonem gesturus accedit. Bemoni namq; collega Fraccus nomine, piratici laboris tadio nuper se ejus societati, interpositâ pecuniæ pactione, subduxerat. Tantam autem Starcatherus ac Bemonus servandæ sobrietatis curam habebant, ut nunquam ebriosâ sibi portione indulgisse dicantur, ne præcipuum fortitudinis vinculum continentia, luxuriæ viribus elideretur. Cum ergo profligatis latè provinciis, ardore quoq; tyrannico Russiam invasissent, incolæ parum mœnibus armisue confisi, prohibendis hostium incessibus inusitati acuminis clāvos objicere cœperunt, ut quorum reprimere nequirent impetum, morarentur excursus, taciteq; plantas humus elideret, quibus palam acies resistere trepidasset. Sed ne id quidem impedimenti genus arcendis hostibus efficax fuit. Neq; enim Danis ad eludendam Ruthenorum operam calliditas defuit. Continuo namq; lignea pedibus tegmina submittentes, subjectos plantis aculeos innocuis pressere vestigiis. Est autem ferrum hoc quatuor dispertitum stilis, iisdemq; taliter constitutis, ut in quancunq; illud partem casu se ejiciat, trium incunctanter pedum æqualitate subsistat. Tum saltus invios ac nemorum densissima quæq; penetrantes, Ruthenorum principem Floccum 20 montanis, quibus irrepererat, latebris ejecere. Quo in loco tanto prædæ partiti sunt, ut ne unus quidem extaret, qui non auro argentoq; onustus classem repeteret.

Mortuo autem Bemono Starcatherus ab athleticis Biarmensibus ob virtutem adscitus, cum plurima apud eos memoratu digna edidisset facinora, Sveonum fines ingreditur: Ubi cum filiis Frø septennio feriatas, ab his tandem ad Haconem Daniæ tyrannum se contulit: quod apud Upsalam sacrificiorum tempore constitutus, effœminatos corporum motus, scenicosq; mimorum plausus, ac mollia nolarum crepitacula fastidiret. Unde pater quàm remotum à lascivia animum habuerit, qui ne ejus quidem spectator 40 esse sustinuit. Adeo virtus luxui resistit. Itaq; cum Hacone classem in Hyberniam extulit, ne vel ultima rerum humanarum imperia Danicis armis intacta consisterent. Ea tempestate Rex insulæ Hugletus extabat. Qui cum frequens opibus ærarium haberet, adeo tamen avaritiæ obnoxius extitit, ut datis aliquando calceis, quos studiosi manus commendasset opificis, ligamenta detraheret, submotisq; loco suo corrigiis, donum ad injuriam transferret. Cujus rei deformitate tantum muneri criminis afferebat, ut odium pro gratiâ percipere videretur. Itaq; neminem ex honestis liberalitate prosequi solitus, circa mimos ac joculatores munificentiae studiis uti consuevit. Oportebat namq; ut turpis turpibus commercia familiaritatis impenderet, & viti- 50 orum tabo obsitus, culpæ socios blandimentorum lenocinio demulceret. Fuere tamen ei spectatæ virtutis procures, Gegathus & Suibdavus; qui inter effœminatorum consortia, veluti gemmæ stercoribus insitæ, conspicuo militarium operum fulgore pollebant. Itaq; soli regiarum opum defensores extabant. Igitur prælio iter Hugletum & Haconem cœpto, mimorum greges,

gres, quibus instabilitatem corporum levitas peperit animorum, trepidis aciem solvere decursibus, tantaq; regis beneficia solâ fugæ deformitate, pensarunt. Tunc Gegathus & Suibdavus soli tot hostium millibus objecti, incredibili bellum virtute gesserunt, ut non duorum modò militum, sed universi agminis partes agere viderentur. Sed & Gegathus Haconem sibi pertinacius imminentem tanto pectoris vulnere affecit, ut jocinoris suprema detergeret. Illic Starcatherus, dum ferro Gegathum petit, acerbissimum capite vulnus excepit: undè postmodum in quodam carmine, non aliàs tristio-
 10 partes exteriore pellis ambitu necerentur, latens tamen in vulnere livor, clausum putredinis contagium occultabat. Victo occisoq; Hugleto, sed & Hybernien- sibus in fugam actis, Starcatherus, quoscunq; ex histrionibus captioni casus obtulit, cædendos virgis curavit; satius ratus in scurrarum agmen, cuticulæ damno, ridiculum dictare supplicium, quàm poena capitis funestum imperare discrimen. Ita jocularis ministerii, sordidæq; conditionis catervam probroso animadversionis genere infecutus, obsceno verberum ludibrio multare contentus exitit. Tum Dani apud urbem Dufflinam regias opes arario egestas publico raptu convelli jusserunt. Tantæ siquidem magnitudinis pecunia reperta fuerat, ut minor partitio-
 20 nis cura cunctis existeret.

Post hæc Starcatherus ad inhibendam Orientalium defectionem unâ cum Wino Sclavorum principe delegatur. Qui simul adversum Curetum, Semborum, Sangalorum omniumq; postremò Orientalium exercitus, præliati, claris latè victorias edidère. Eximiæ opinionis gladiator nomine Wisinnus, apud Russiam, rupem, quæ Anafial dicitur, sede & mansione complexus, vicinas longinquasq; provincias omni injuriæ genere vexavit. Hic omnem telorum aciem ad hebetudinis habitum solo conspectu redigere solebat. Quamobrem tantam viribus ejus audaciam peperit exclusus vulnerum metus, ut etiam illustrium virorum conjuges maritis spectantibus
 30 raptas, ad stuprum pertraheret. Cujus sceleris Starcatherus rumore exci- tus, tollendi auctoris gratiâ Russiam petit. Qui quoniam nihil expugnatum difficile habuit, petitum ex provocatione Wisinnum etiam artis suæ beneficio spoliatum oppressit. Ferrum quippe ne præstigatori conspicuum foret, tenui admodum pelle contexit: neq; Wisinno aut præstigii virtus, aut virium magnitudo, quo minus Starcathero cederet, auxilio fuit. Deinde apud Byzantium invictæ opinionis gigantem, Tannam nomine, corporis viribus fretus colluctando devicit, ignotasq; terrarum partes proscri- pti titulo petere coëgit. Igitur cum nulla fortunæ sævitia vires ejus victori-
 40 riâ fraudare potuisset, Poloniae partes aggressus athletam quem nostri Wafce, Teutones verò diverso literarum schemate Wilze nominant, duelli certamine superavit.

Interea Saxones defectionem moliri, idq; maximè in animo habere, coeperunt, qualiter invictum bello Frothonem præter publici conflictus morem opprimerent. Quod optimè duello gerendum rati, mittunt qui Regem ex provocatione lacefferent, scientes eum discrimen omne prom- ptâ semper mente complecti, animiq; ejus magnitudinem nulli prorsus exhortationi cessuram. Quem tunc temporis maximè adoriendum pu- tabant, cum Starcatherum, cujus plerisq; formidolosa virtus extabat, ne- gotiosum abesse cognoscerent. Cunctante verò Frothone, seq; cum ami-
 50 cis super dando responso collocuturum dicente, supervenit Starcatherus piraticâ jam regressus: qui ex hoc maximè provocationis habitum repre- hendit, quòd diceret Regibus non nisi in compares arma congruere, ea- demq; adversum populares capienda non esse; per se verò tanquam ob- scuriore loco natum, pugnam rectius administrandam existere. Igitur Sa-

PROTHO.
IV.

xones Hamam, qui apud eos gymniciis palmis clarissimus habebatur, multis aggressi pollicitationibus, si duello operam commodaret, molem corporis ejus auro se repensuros esse promittunt, illectumq; pecuniâ pugilem ad campum conflictui deputatum militaris pompæ tripudio prosequuntur. Hinc Dani Starcatherum Regis sui partes exequenturum ad certaminis locum militiæ insignibus ornati perducunt. Quem Hama ætate marcidum juventæ fiduciâ despiciatus, defunctum viribus senem luctâ quàm armis excipere præoptavit. Eundem adortus terræ nutabundum adegerat; ni fortuna, quæ vinci vetulum non sinebat, injuriæ restitisset. Ita enim impellentis Hamæ pugno obrutus memoratur, ut genibus nixus humum mento contingeret. Quam corporis nutationem egregiâ ultione pensavit. Nam ubi resuscitato poplite manum expedire, ferrumq; distringere licuit, medium Hamæ corpus dissecuit. Complures agri sexagenaq; mancipia victoriæ præmium extitere. In Saxones verò post Hamæ cædem adeò Danorum insolevit imperium, ut pro cubitalium membrorum quolibet indicem servitutis stipem quotannis pendere cogerentur. Quod ægrè ferens Hanef, bellum demendæ pensionis cupidine cum animo volutabat. Cumq; pertinax amor patriæ mentem in dies oppressorum miseratione perfunderet, spiritum pro libertate civium erogare cupiens, rebellionis studium patefecit. Quem Frotho trajectis per Albiam copiis, apud vicum Hanøfra, taliter ab eo nuncupatum, occidit. Svertingus verò, quanquam non minus civium afflictatione moveretur, dissimulato patriæ malo, pervicaciori quàm Hanef ingenio libertatis propositum agitabat. Quod quidem studium dubitari solet virtuti an vitio propius fuerit. Ego verò planè id sceleris arguo, quod insidiosa defectionis cupiditas edidit. Nam etsi patriæ libertatem quærere perutile videbatur, ad hanc tamen dolo ac proditione contendere non licebat. Cùm ergò Svertingi facinus planè ab honesto desciverit, ne utile id quidem extitisse constabit. Nam speciosius est apertè quem velis incessere, odiumq; in propatulo exercere, quàm adulterinâ familiaritate veram nocendi cupidinem obscurare. Sed quicquid scelere paritur, gloriâ vacuum est, brevesq; & occiduos fructus habet. Nam sicut lubricus animus est, qui fallendi supercilium clandestinis artibus tegit: ita quicquid dolo affine est, fluxum ac fragile esse convenit. Plerumq; enim crimen in auctorem recidere cognitum est: quod & Svertingo evenisse, famâ compertum habetur. Qui cùm convivii simulatione exceptum Regem, incendio consumere statuisset, ab eodem occupatus, tametsi ipsum mutuo peremisset, occiditur. Quo evenit, ut alterius scelus amborum interitus foret. Itaq; etsi dolus in hostem efficax fuerit, auctorem tamen, impunitatis præsidio non donavit.

XXVIII.
INGELLVS

Frothoni filius Ingellus succedit. Cujus transversus ab honesto animus, relictis majorum exemplis, totum se petulantissimi luxus illecebris mancipavit. Igitur à bono rectoq; discolor, vitiaq; pro virtute complexus, discissis continentiæ nervis, intermissisq; Regiæ majestatis officiis, sordidum luxuriæ mancipium evasit. Sanè quicquid compositis moribus obvium, aut inconcinnum erat, excoluit. Paterna avitaq; decora sædissimarum libidinum assuetudine polluebat, clarissimos majorum titulos improbissimis obscurabat operibus. Adeò namq; libidini ventris obnoxius erat, ut nec patris ultorem agere, nec hostium injurias propulsare gestiret, nihilq; dum gulæ pareretur, modeste ac continenter habendum putaret. Egregium stemma otio inertiaq; corruptit, fluxamq; ac voluptariam vitam degens, degenerem spiritum, atq; à parentum vestigiis obliquo longè calle distortum, in obscenissimas sæditatum voragines præcipitare gaudebat. Fartores, lixas, frixoria, gulæ multiplices officinas, variosq; torrendæ aut condiendæ dapis artifices legere, claritatis loco ducebat. Arma verò, militiam, bella, nec ipse quidem usu discere, nec alios exercitio celebrare sustinuit. Ita abjecto virili studio, fœmineum æmulatus est, quem in omnem culinæ nidorem irrestrictus palati

lati pruritus accenderat. Semper crapulam proflans, cunctisq; sobrietatis partibus exutus, indigestam ventris saniem foetido oris anhelitu ructabatur. Nec minus luxuria foedus quàm Frotho militiâ clarus extabat. Adeò deliciis animum intempestiva gulæ corruptela molliverat. Cujus intemperantiæ fastidio Starcatherus ad deferendam Ingelli familiaritatem adductus, petito Sveonum Regis Haldani contubernio, otio negotium prætulit. Adeò ne nimiae quidem luxuriæ assensor esse sustinuit. Filii verò Svertingii veriti, ne Ingello pœnas paterni facinoris darent, sororem ei in matrimonium contulerunt, ultionem beneficio præcursuri. Ex quâ filios susceptos Frothonem, 10 Fridlevum, Ingellum, atq; Olavum, quem quidem ipsius sorore editum asseveranter antiquitas perhibet.

Cujus sororem Helgam, quidam auri opifex obscuræ stirpis, blanditiis compositus ac variis instructus munusculis, quibus muliebris maximè cupiditas capitur, in mutuas faces amatoriâ comitate pertraxerat. Quippe post obitum Regis, non existentibus qui paterna in prole merita colerent, custodiæ inops, tutoribusq; defecta fuerat. Quod cum Starcatherus ex assidue viatorum relatione cognosceret, impunitum fabri luxum præterire non sustinens; [quippe ut memorem beneficiorum cultorem, ita promptum insolentiæ vindicem agere consueverat,] tam inusitatæ præsumptionis audaciam 20 ultum ire deproperat, orphanæ alumnae vetusta Frothonis merita repensurus. Deniq; peragrata Suetia, fabri penates ingressus, vicinum limini locum occupat, pileolo vultum, ne proderetur, obscurante. Quem faber, non satis doctus vili interdum amiculo validas subesse manus, objurgatum æde ocys excedere jubet, inter egentium gregem ultimis escarum reliquiis potiturum. At senex ab inolita sibi moderatione patientiam mutuatus, nihilominus ibidem acquiescere, paulatimq; petulantiam hospitis experiri studebat. Procursum namq; furoris superior impetu ratio refrenabat. Tum faber apertâ puellam procacitate aggressus, in ejus fortè sinum jactaverat corpus, capitis comam virgineis manibus offerens depectendam. Exerto quoq; lumbari, 30 operam ejus demendis pulcibus expetebat, extorsitq; ut splendidissimæ familiæ fœmina, pollentes amœnitate digitos sordidissimis femoralibus inferere non erubesceret. Deinde credita voluptatis licentia interiori ipsius togæ prurientes inferre palmas, instabilesq; manus pectori propius admovère sustinuit. At illa noti quondam senis intuitu curiosiore præsentiam capiens, concepto pudore, libidinosæ contrectationis petulantiam sprexit, manusq; repulit impudicas; quinetiam armis opus habendum edocens, lasciviori lusu desistendum hortatur. Quo viso Starcatherus, qui propter fores pileo caput obscurante confederat, jam tantum hauserat iræ, ut ulterius cohibendæ manus impatiens, deposito velamine dextram distringendo injiceret ferro. 40 Tum faber, qui nil nisi lascivum noverat, improvise fluctuans metu, ubi rem ad manus pervenisse cognovit, abjecta defensionis spe, in fuga unicum necessitatis præsidium circumspexit. Itaq; tam foribus, quarum hostis aditum tuebatur, erumpere arduum erat, quàm intra penates percussorem operiri grave. Tandem obstrictus necessitate animus finem cunctationi posuit, censuitq; certo atq; evidenti periculo appetibilius esse discrimen, cui vel modica salutis spes subesse poterat. Fugam quoq; quanquam periculi affinitate, præarduam, tamen quia ministra opis salutiq; propior videbatur, appetiit, moram, quæ tanquam expers subsidii malum, inevitabilisq; jacturæ capax videbatur, abiciens. Sed dum limen occupat, à præside foribus sene me- 50 dias casus nates, lapso seminecis vestigio concidit. Quippe percussor magnopere cavendum duxerat, ne clarissimas manus turpissimi ciniflonis exitio commodaret, improbi amoris faces gravius ignominia quàm morte multatas existimans. Ita à quibusdam calamitosus extincto punitionis existimatur. Quo effectum est, ut puella parentum officiis defecta, eruditissimam moribus fœminam ageret, inq; semetipsam quasi seduli tutoris officium exerceret.

INGELLVS

ceret. Cumq; Starcatherus circumspectam undiq; familiam recenti hospitis iacturâ indoluisset cognosceret, ignominiam saucii inuictius exaggerandam curavit, insultandoq; sic coepit:

Unde stupet taciturna domus? quæ causa dolorem
 Integrat, aut ubi nunc uxorius ille quiescit,
 Nuper ob indignum ferro mulctatus amorem?
 Numquid adhuc fastum, luxumq; reservat inertem?
 Aut tenet inceptum, primâq; libidine fervet?
 Extrahat alternis mecum sermonibus horam,
 Hesternumq; odium verbis componat amicis.
 Latior emergat facies, nec plangor in ade
 Personet, aut mæstos sinat obtorpescere vultus.
 Scire volens, quis virgineo flagraret amore,
 Dilectâq; mihi facibus premeretur alumna,
 Pileolum sumpsi, ne toto proderer ore.
 Cum faber ille procax lascivis gressibus intrat,
 Hâc illacq; agitans instructo fœmina gestu,
 Nec minus ad varios intendens lumina nutus.
 Castoreo cui tegmen erat chlamys obsita limbo,
 Instrata gemmis crepida, toga cultior auro.
 Splendida nexuerant tortum redimicula crinem,
 Et varicata vagum stringebat vitta capillum.
 Hinc adolevit iners animi tumor, ingeniumq;
 Divitias genus esse putans, aut æra parentes,
 Fortunamq; magis opibus quam sanguine pensans.
 Hinc subit fastus, habitumq; superbia traxit.
 Nam miser ob cultum magni se credere coepit
 Ingeniisq; parem cinislo: qui pellibus auras
 Venatur, crebroq; ciet spiramina tractu;
 Qui digitis cineres verrit, qui saepe reductis
 Acrâ folliculis captat, tenuiq; flabello
 Spiramenta creat, torpentesq; excitat ignes.
 Inde puellare gremium petit, appositusq;
 Virgo, inquit, mihi pectore comam, tactuq; salaces
 Comprensa pulices, & quo cutis uritur, aufer.
 Hinc residens, auro sudantia brachia pandit
 Pulvino annexus tereti, cubitoq; reclinis
 Ornatum jactare volens, ceu bellua latrans
 Explicat obtorta contracta volumina cauda.
 Illa mei noscens compescere coepit amantem,
 Lasciviasq; fugare manus, meq; esse professâ,
 Parce precor digitis, inquit, stimulumq; coercens
 Contiguum valvis vetulum placare memento.
 In luctum recidet lusus. Starcherus adeste
 Creditur, & lento, quid agas, disquirat oculo.
 Cui faber, imbellem noli pallefcere corvum,
 Pannosumq; senem: nunquam validissimus ille,
 Quem metuis, tam vulgato vilefcere cultu
 Sustinuit. Gaudet nitido vir fortis amictu,
 Et vestem pro mente petit: tunc tegmine dempto
 Eripui ferrum, fabriq; pudenda fugacis
 Persecui: patuere nates & ab ossè resecta
 Viscera nudabant: surgo mox, atq; puella
 Ora premens pugno, contusâ parare cruorem

10

20

30

40

50

Elicio; tunc labra malis assueta cachinnis
 Sanguine permixto lachrymis maduere, luitq;
 Stultus amor, quicquid blandis commisit ocellis.
 Luserit infelix, quæ caca libidine fertur
 More furentis equæ, sepelitq; cupidine formam.
 Gentibus externis prætio venire mereris,
 Digna molâ, nâ te falsò probet insimulatam
 Elicitus mammis cruor, expurgetq; reatum
 Ueber inops lactis: at ego te criminis hujus
 Arbitror immunem, sed noli suspicionis
 Ferre notas, aut te falsis permitttere linguis,
 Et malè carpendam populo præstare loquaci.
 Rumor obest multis, nocuitq; infamia mendax.
 Fallitur exiguo vulgaris opinio dicto.
 Defer avis, venerare patres, memor esto parentum,
 Et proavos metire tuos, stet gloria carni.
 Quis furor incesit? quod te, faber improbe, fatum
 Impulet ingenuam tentare cupidine stirpem?
 Aut quis te, virgo, claris dignissima fulcris,
 Egit in obscuram Venerem? dic quo potes ausu
 Os cinerem redolens roseis gustare labellis,
 Vel fædas carbone manus in pectore ferre?
 Ac lateri sociare tuo versantia prunas
 Brachia, & assidua duratas forcipe palmas
 Synceris adhibere genis, sparsumq; favilla
 Complecti caput, & nitidis mandare lacertis?
 Quanta sit in cunctis, memini, distantia fabris,
 Ictus ab his quondam: nomen quippe omnibus unum
 Officij commune manet, sed pectora subsunt
 Ingeniis discreta suis; me iudice præstant,
 Qui gladios & tela viris ad prælia cudent,
 Ingenioq; animos produnt, & corda rigore
 Officij signant, ausumq; labore fatentur.
 Sunt & nonnulli quibus æs cava testula promit
 Diversas fuso species imitantibus auro;
 Qui torrent venas, recoquuntq; metalla: sed ipsis
 Mollius ingenium finxit natura, manusq;
 Eximia quas arte dedit, formidine præsit.
 Tales sæpe dolo, dum flatilis eliquat ardor
 Æs teste immissum, subducunt aurea massis
 Crustula, furtivum conchâ sitiente metallum.

His dictis Starcatherus non minorem ex voce, quàm opere voluptatem fortitus, Haldanum repetit, ejusq; militiam proximâ familiaritate complexus, nunquam bellorum exercitio abstinit, ita ut abstractum deliciis animum continuâ armorum intentione torqueret.

Fuere autem Ingello sorores Helga & Afa: ex quibus Helga toris admodum matura, Afa verò annis minor connubioq; inhabilis erat. Tunc Helgo Norvagiensis postulandæ Helgæ cupidine concitatus, navem conscendit. Cæterùm navigationem tanto instruxerat luxu, ut excultorum auro velorum apparatu uteretur, quæ etiam inauratis malis subnixa, purpureis restibus tenebantur. Venienti Ingellus votum impetrandum promittit, si modo oblatos pugiles, ad testandam opinionis suæ experientiam, pugnâ sustinere præsumeret. Nec conditione permotus Helgo, quàm libentissime se pacto operam daturum respondit. Itaque solenni sponsalium titulo futuræ

copulæ pactio consecratur. Per idem tempus apud insulam Sialandiam novem ducis cujusdam filios inolevisse memoriæ proditum est, apprimè viribus & audaciâ præditos, quorum maximus Angaterus extabat. Qui cum ejusdem puellæ competitorem ageret, negatasq; sibi nuptias Helgoni promissas videret, palæstricâ illum provocatione sollicitat, ferro molestiam propulsurus. Approbat Helgo propositas pugnae partes, & nuptiarum die dimicandi tempus amborum votis condicatur. Confundebatur enim apud omnes, quisquis certamen ad dimicandum provocatus abnueret. Quamobrem Helgonem hinc detrectandæ pugnae rubor, inde gerendæ metus angebat. Siquidem præter commune provocationis jus impari manu se laceffitum credebat, quod solus adversum novem pugnam sponondisse videretur. Hæc volentem, sponsa auxilio opus habiturum docet, hortaturq; pugna abstineat, quâ nihil præter mortem aut ignominiam petiturus videatur, præsertim cum eorum, adversum quos dimicaturus esset, numerum, nulla definitionis certitudine clausisset: quamobrem periculo parcat, Starcatherumq; apud Sveones agentem saluti consulturus exposcat, qui indigentibus adesse, & tristes plerumq; casus felici interventu redimere soleat. Gratum Helgoni consilium fuit. Qui quum, parvulo comitatu sumpto, Sveciam ingressus, ad nobilissimam ejus urbem Upsalam pervenisset, ingressu abstinens præmittit, qui Starcatherum salutationis officio prætentatum ad Frothonis filia nuptias invitaret. Quâ comitate Starcatherus perinde ac injuriâ laceffitus, acrius inspectum juvenem tam ineptæ legationis poenas daturum respondit, nisi charissimi sui Frothonis mentionem mandatis insertam haberet, quod se scurræ vel parasiti more, lautioris alimonie gratiâ, ad alienæ culinæ nidorem decurre solitum existimaverit. Quod postquam Helgo ex satellite cognovit, regiam ingressus, Frothonis filia titulo consalutatam senem condictæ ex provocatione pugnae socium deposcit, cui ob hoc se minus sufficere dixit, quod conflicturæ secum partis numerum conditionis modus incertum reliquerit. Quem Starcatherus loco certaminis, ac tempore cognito, non solum supplicem recepit, verum etiam auxilii promissione firmatum Daniam cum comitibus repetere jussit, affirmans se ejus aditum, occulto callis compendio quæsiturum. Quo discedente, interjectis diebus profectionem orsus, si famæ credi fas est, velocitate gressus tantum, locorum diali itinere emensus proditur, quantum præcedentes diebus duodecim peragrasse dicuntur: ita ut utrique fortuito vestigiorum concursu, uno eodemq; tempore, destinatos Ingelli penates attingerent. Ubi cum Starcatherus ministrorum more, mensas convivis obsitas præterirer, præmemorati novem plenis deformitatis gestibus torvos ore fremitus dantes, ac more scenico decursantes, in pugnam se mutua adhortatione firmabant. Sunt qui eos venienti athletæ sævientium canum exemplo oblatrasse perhibeant. Quibus Starcatherus increpatis, quod adulterino oris habitu ridiculam sibi formam consciscerent, patulisq; buccarum rictibus lascivirent, taliter effœminatorum dissolutam molliem intemperantiæ suæ luxum deducere prædicabat. Interrogatus igitur, an ei dimicandi virtus suppeteret? non unum tantum, verum quotlibet admissos excipiendi certissimas sibi vires extare respondit. Quod audientes novem, animadvertunt hunc esse, quem in subsidium Helgonis è longinquo venturum acceperant. Idem ut sponsæ thalamum attentioribus vallaret excubiis, voluntariam vigiliarum eura amplexus, reductas cubiculi fores obicis loco gladio obferat, stationis suæ beneficio securam nuptiis quietem daturus. Experrectus Helgo, cum somni stupore discusso, promissum memoriæ subjecisset, armis corpus induendum curavit. Animadvertens autem parvulam noctis adhuc superesse caliginem, cum præstolari vellet diluculi tempus, dum animo propin-

propinqui discriminis negotium volutaret, obrepentis furtim somni suavitatem præventus, gravatum stupore corpus lecto restituit. Quem ut Starcatherus primâ luce superveniens dormientem uxoris amplexibus inhærere cognovit, importunæ concussionis molestia à quietis otio revocari passus non est, ne per ignaviam excitandi officium præsumere, & tam recentis copulæ dulcedinem interpellare videretur. Solus itaque periculum petere, quam alienæ voluptatis offensione comitem quærere speciosius duxit. Tacitus igitur vestigium retulit, campumq; , qui lingua nostrâ Roliung dicitur, cum contemptu adversariorum ingressus, sub montis cujusdam clivo sessione quæsita, adversum ventis ac nivibus corpus præbuit. Tunc ac si verna cœli temperies aspiraret, depositâ veste, demendis operam pulicibus dabat. Purpureum quoq; , quo nuper ab Helga donatus fuerat, sentibus amiculum iniecit, ne contra sævientia grandinis tela indumentorum umbracula mutuatus videretur. Tunc venientes athletæ, montem ex opposito subeunt, aversumq; ventis sedendi locum petentes, accenso frigus igne depellunt. Deniq; non viso Starcathero, quendam montis fastigio immitiunt, qui tanquam è specula liquidius ejus contemplaretur adventum. Is postquam montanæ celsitudinis verticem conscendit, in devexa ejus parte lenem prospicit, scapulis tenus nivali desuper resperzione contectum. Percontatur itaq; an is sit, qui promissas pugnæ partes agere debeat. Cumq; se hunc esse Starcatherus astrueret, supervenientes ceteri, pariterne omnes an singillatim excipere statuisset, interrogant. At ille, quoties mihi, inquit, triste canum agmen oblatrat, simul non vicissim eos abigere soleo? ita se, cum universis, quàm singulis, confligere malle significans, adversarios prius dictis quàm armis contemnendos putabat. Inito conflictu, sex eorum absq; mutuo vulnere receptu prostravit: tres vero residuos, quanquam decem ac septem vulneribus ita ab eis affectus esset, ut major viscerum pars ventre elaberetur, nihilominus fratrum exemplo consumpsit. Cumq; extis vacuus, labefactis viribus gravi sitis angustia premeretur, petendæ potionis cupiditate pergenuans, labentis comminus rivi lympham exposcit. Quem ut cruore tabidum animadvertit, à polluto ejus haustu, fastiditâ aquæ specie, temperavit. Angaterus siquidem inter amnis fluentia prostratus, ita alveum ejus sanguinis sui rubore consperferat, ut jam non aquis, sed roseo quodam liquore manare videretur. Itâ Starcatherus corporis viribus defici, quàm eas à tam fœda potione mutuari speciosius duxit. Igitur consumpto penè robore, saxo, quod in vicino fortè situm erat, genibus advolutus, paulisper eidem acclinis incubuit: cujus cava adhuc superficies cernitur, ac si illam decubantis moles conspicuâ corporis impressione signasset. Ego autem hanc imaginem humanâ arte elaboratam reor, cum veri fidem excedere videatur, infecabilem petræ duritiâ ita ceræ mollietiem imitari potuisse, ut solo innitentis contactu humanæ sessionis speciem repræsenteret, habitumq; perpetuæ concavitatis indueret.

Cumq; Starcatherum quidam fortè curru præteriens, toto penè corpore fauciatum vidisset, horrore rei pariter atq; admiratione permotus, propius lora deflectit, quærens quid sibi præmii foret, si plagas ejus medendi officio prosequeretur. Sed Starcatherus vulnere acerbitate cruciari, quàm sordidæ conditionis hominum ministerio uti præoptans, officium ejus ac genus cognoscere institit. Quem cum præconis partibus fungi didicisset, spernere non contentus, etiam convicio proculcavit, quod cunctis honestatis partibus neglectis, scurrilitatis officia sectaretur, omnemque vitæ cursum nefanda semper opinione resperferit, & quæstus loco pauperum duxerit detrimenta, nemini innocentiam tribuere, cunctis accusationis injuriam irrogare paratus, tunc præcipue latus, cum quid alienis luctuosum rebus incideret, dum in hoc maximè suâ desudet intentione, ut omnium actus insidiosæ explorationis arte cognoscat, & innocuos

INGELLES

mores quælitæ fraudis occasione perstringat. Abeunte eo, supervenit alius opis medelæq; promissor, qui prioris exemplo conditionem fateri jussus, ancillam se cujusdam in matrimonio habere, ejusq; domino emancipandæ conjugis gratiâ rusticum opus dependere testabatur. Cujus operâ Starcatherus idcirco se uti nolle perhibuit, quod erubescendo connubii genere, serviles sibi conscivisset amplexus. Cui si quid virtutis suppeteret, fastiditâ alieni saltem familiaritate mancipii, liberâ thori particeps frueretur. Quantum porro hujus viri magnitudinem existimemus, qui summis vitæ periculis implicatus, tantum se in repellendis auxiliis gessit, quantum in excipendis vulneribus gesserat. Itaq; discedente eo subiens fœmina fortuito senem prateribat incesu. Quæ cum peterendorum ejus vulnerum gratiâ propius accessisset, in primis quo genere aut officio esset exponere jussâ, ancillam se molendi officio assuetam perhibuit. Quam rursus Starcatherus, an prolem haberet, percontatus, postquam fœmineam ei sobolem esse cognovit, domum abire, & vagienti filiæ mammas præbere jussit, perquam deforme existimans, ab extremæ sortis muliercula subsidium mutuari. Quintetiam melius eam proprium sanguinem lactis nutrimentis, quàm aliena vulnera remediis profecuturam sciebat. Hanc quoq; discedentem juvenis curru delatus insequitur. Qui cum conspecti senis vulneribus opem laturus accederet, quisnam esset rogatus, agricolâ se patre natum, rusticiq; laboris operibus assuefactum subjunxit. Cujus Starcatherus natalibus collaudatis, officium quoq; veneratione dignissimum judicavit, quod talibus vitæ subsidia justo laboris commercio peterentur, qui nimirum quæstum non nossent, nisi quem fusi sudoris impendio peperissent. Nec immeritò ruralis vitæ habitum etiam excellentissimis opibus præferendum putavit, cujus integerrimi fructus inter splend. dam abjectamq; fortunam mediocritatis gremio orti educatiq; viderentur. Ne autem indonatam juvenis humanitatem relinqueret, chlamydem à se vepribus interjectam oblata dignationis præmium effecit. Accedens itaq; rusticolæ filius, evulsas stomachi partes pristino loco restituit, elapsamq; extorum congeriem nexili viminum complexione perstrinxit. Deinde exceptum vehiculo senem, ad regiones usq; penates pleno venerationis studio deportandum curavit.

Interea Helga verbis magnam præ se cautelam ferentibus, virum instruere aggressa, scire se, inquit, Starcatherum, mox ut victis pugilibus remearet, absentiae pœnas ab eo sumpturum, à quo plus ignavia & libidini quam conditi certaminis fidei indultum existimet. Cui idèò acrius resistendum fore, quod fortibus parcere, ignavos odisse soleat. Cujus prædictionem Helgo æque ac consilium veneratus, corpus animumq; capeßendæ virtutis ardore firmavit. Cumq; Starcatherus ad regias esset ædes delatus, vulnerum dolore neglecto, ocyus curru desiliit, ac veluti totò integer corpore nuptialem irrumpens thalamum, pugno valvas perfregit. Tunc lecto exiliens Helgo, ut conjugis erat consilio doctus, adversæ ejus fronti ferrum immerisit. Cumque secundi vulneris meditatione denuò ferrum adacturus videretur, Helga thoro ocyssimè evolans, senem ab imminente exitio, correpti scuti interjectu, defendit: quod tamen ab Helgone validiore ferri impulsu medio tenuis umbone dissectum est. Ita laudabilis fœmina ingenii amicæ auxilio profecuta, quem consilio læserat, manu servavit, utq; monitis maritum, ita factis senem protexit. Quæ res Starcatherum ad incolumitatem Helgoni tribuendam adduxit, præfatum, parci oportere, cui certum virtutis indicium præfens fortitudinis fides exhibeat. Morte siquidem indignissimum prædicabat, quem tantâ resistendi fiduciâ plenum probitatis ingenium exornasset.

Idem, plagis nondum medicamine procuratis, nec ullâ adhuc cicatrice resperxis, occiso ab æmulis Haldano, Svetiam repetens, filium ejus Syvardum, devictâ quorundam rebellione, paternæ dominationis hæredem constituit.

stituit. Aquid quem diutulè conversatus, cum Frothonis fraudulenter oppressi filium Ingellum, transverso animo actum, patris intersectoribus animadversionis humanitatem atq; amicitiam erogasse, famâ rei crebrescente, cognosset; ob tam horridum facinus indignationis aculeis laceffit, dolenterq; ferens tantæ indolis juvenem tam inclyti patris filium exuisse, eximium carbonum fascem tanquam opimam sarcinam humeris suis Daniam petiturus impendit. Rogatus ab obviis, quid tam insolitum onus deferret, Ingelli Regis hebetudinem ad acuminis habitum carbonibus se perducturum astruxit. Itaq; expedita & compendiaria semita velut uno spiritu rapidum ac præceps iter explicuit, tandemq; Ingelli hospitio usus, sedem majoribus destinatam suo more conscendit. Quippe apud prioris seculi reges amplissimum dignitatis gradum obtinere consueverat. Quem cum regina squalore oblitum sordidisq; & agrestibus pannis utentem ingressa conspiceret, ob deformitatem cultus parum curiosa hospitis æstimatrix effecta, simulq; virum ex veste metiens, stoliditatis increpitum, quod majores discubitu præcurrisset, ac sedem rustico cultu indignam occupasset, loco excedere iussit, ne pulvinaria tetriciore, quàm par esset, habitu contrectaret. Quod enim ille ex fiducia agebat, stoliditati atq; impudentiæ deputabat, ignara aliquanto splendidius mentem quam vestem in sublimi lucere confessu. Paruit animosus fœnux, tametsi repulsâ æger, indebitamq; fortitudini suæ contumeliam egregio animi temperamento suppressit, acceptum ruborem nec voce nec gemitu profectus. Nec tamen tacitam doloris acerbicatem prorsus occultare sustinuit. Exsurgens enim atq; in ultimam ædis partem secedens, adeò ipsa parietum robora demissi corporis impulsu contudit: ut tectum ruina penè eximiâ tignorum trepidatione submitteret. Quo evenit ut non solum repulsâ, sed etiam exprobratâ sibi paupertatis ignominiâ laceffit, iram suam adversum contumeliosam reginæ vocem irrevocabili severitate distringeret.

Quem cum Ingellus à venatione regressus curiosioribus oculis collustratum, nec os usquam hilariter circumferentem, nec se assurgendi officio venerantem animadverteret, Starcatherum esse parum blandæ frontis annotatione cognovit. Nam cum manus ejus bellico opere duratas, cicatrices adverso corpore exceptas, acerrimumq; oculorum vigorem attenderet, animadvertit nequaquam enervi animo esse, cujus corpus tanta vulnerum vestigia confodissent. Objurgatam igitur uxorem impensius monuit, ut abjecto irarum supercilio, quem convitio infecuta fuerat, blandimentis permulsum liberalitatis officiis deliniret, ciboq; & potione firmatum benigno recrearet alloquio, præfatus hunc sibi olim à patre tutorem datum, infantia suæ indulgentissimum extitisse custodem. Tum sera senilis animi cognitrix rigore in mansuetudinem verso, quem repulsâ affecerat, convicii amaritudine laceraverat, ministrandi studio venerata est, atq; ex hospita indignante, obsequentissimam adulatricem agere cœpit, curiositatem suam iræ ejus opponere cupiens, eò quidem minus errore culpabilis, quò illum celerius objurgata deseruit. Nec tamen leves ejus pœnas pependit, cum loca in quibus fortissimum senem discubitus repulsâ sugillaverat, postmodum fratrum suorum cladibus cruentata conspiceret.

Nocte verò, Ingello cibum cum Svertingi filiis capiente, apparatissimis dapibus insistens luxurioso mensas epulo cumulavit, senemq; ne maturius se convivio subtraheret, familiari invitatione retinuit, tanquam operosioris escæ oblectamenta solidum virtutis rigorem excavare potuissent. Quibus cum Starcatherus oculos inseruisset, eorum usu lascivioris contempto, ne quid externo ritui indulgeret, temperantiâ, quâ plurimum pollebat, appetitum suum adversus deliciarum irritamenta firmavit, ne bellicam claritatem convivalibus illecebris absumentam permetteret. Erat enim fortitudo ejus frugalitatis amatrix, aliena nimia ciborum abundantia, & ab immoderato

INGELLVS

dapum usu averſa, utpote quæ aliquo in momento ponendi luxuriam nunquam vacavit, ſemperq; voluptate omiſſâ, virtutis reſpectum egit. Cum ergo vetuſtos continentię mores, omnemq; priſtinæ conſuetudinis habitum novo luxu ac lautitia corrumpi animadverteret, ruſticioris eſcæ paratum appetens, cœnæ ſumptuoſioris impendium faſtidivit. Igitur profuſam dapum indulgentiam aſpernatus, fumidoq; ac rancidulo cibo uſus, famem eò ſapidius quò ſimplicius pepulit; nè veræ virtutis nervos externarum deliciarum contagione, tanquam adulterino quodam dulcore remitteret, aut priſcæ frugalitatis normam inuſitatis gulæ ſuperſtitionibus abrogaret. Cæterum indignanter ferebat aſſam dapem, eandemq; elixam, unius cœnæ ſumptibus erogari, edulium pro monſtro accipiens, quod culinæ nidoribus delibutum, fartoris induſtria multiplicis temperamenti varietate perfricuit. E contrario Ingellus, projectis majorum exemplis, innovando menſarum ritu, licentius ſibi, quàm mos patrius permittebat, indulſit. Poſtquam ſe enim Teutonię moribus permiſit, effœminatæ ejus laſciviæ ſuccumbere non erubuit. Ex cujus ſentina in patriæ noſtræ fauces haud parva luxuriæ nutrimenta fluxerunt. Inde enim ſplendidioreſ menſæ, lautiores culinæ, ſordida coquorum miniſteria, variæq; farciminum ſordes manavère. Inde licentioris cultus uſurpatione à ritu patrio peregrinata eſt. Itaq; regio noſtra quæ continentiam in ſe, tanquam naturalem aluit, luxum à finitimis depopoſcit. Cujus Ingellus ille crebrâ captus, injurias beneficiis rependere erubeſcendum non duxit. Neq; illi miſera parentis clades cum aliquo amaritudinis ſuſpirio obverſata eſt.

At regina, nè propoſiti irrita abiret, iram ſenis donis optimè propulſandam exiſtimans, mirifici operis vittam proprio capiti detractam gremio cœnitantis appoſuit, benevolentiam ejus, quia virtutem hebetare nequiverat, mercari cupiens. Quam Starcatherus necdum offenſæ acerbitate depoſitâ, in os ferentis rejiciens, plus contemptus quàm venerationis in eo munere repositum arbitrabatur: prudentiq; animo egit, ne cicatricibus conſito, galeisq; aſſueto capite, inſolitum effœminati cultus ornamentum exciperet; ſciens virilibus comis muliebri redimiculum injici non oportere. Itaq; repulſam repulſâ ultus, contemptum ſuum mutuâ aſpernatione penſavit, tantum ſe penè in vindicando rubore gerens, quantum geſſerat in ſuſtinendo. Veterani namq; bellatoris animus Frothonis cultum inextricabilibus amicitię hamis complexus, totq; ac tantis munificentię ejus meritis invitatus, ad abjiciendum ultionis propoſitum nullo indulgentię blandimento ſeduci poterat, quò minus debitam beneficiis ejus gratiam etiam poſt fata referre ſatageret, extinctoq; viciffitudinem humanitatis rependere curaret, cujus adhuc extantis amantiffimum animum, liberaliſſimamq; amicitiam expertus fuerat. Adeò quippe miſerrimam Frothonianæ cladis imaginem altè pectori inſertam gerebat, ut ab intimo præcordiorum ejus ſeceſſu, clariſſimi ducis reſpectus convelli nequiret, atq; ob hoc præſenti beneficio priſtinæ familiaritatis titulum anteponere non dubitaret. Cæterum ſuperioris contumeliæ memoriâ nihil gratiæ ſequenti obſequio reddidit, laceſſiti pudoris ignominiam deponere nequiens. (Tenacius enim injuriarum vel beneficiorum imagines fortium quàm mollium animis inharère conſueverunt.) Neq; enim illorum inſuevit moribus, qui amicorum proſperum vitæ curſum comitantur, adverſum deſerunt, quiq; fortunæ magis quàm charitati cultum tribuunt, propriis commodis quàm alienæ benevolentię propiores. Animadvertens autem pertinax propoſiti fœmina, ne ſic quidem convivalem à ſene hilaritatem elici poſſe, ut blanditiarum cœptum liberaliori comitate proſequeretur, cumulationemq; hoſpiti honorem redderet, tibicine de induſtria modulari jufſo, Muſam, quâ indignationis ejus perſeverantia fleſceretur, inſtituit, artificialis ſoni miniſterio naturales inclementię nervos elidere cupiens. Sed fiſtulæ aut chordarum lenocinium in hebetanda viri pertinacia parum efficax manſit. Auditor enim exhibitum ſibi cultum, figmentum magis

gis quàm charitatem redolere cognovit. Quo evenit, ut elusus opinione suà mimus, statux magis quàm homini canere putaretur, disceretq; ponderosissimæ severitatis statum frustra scurrarum lusibus attentari, inaniq; oris spiraculo maximæ rei molem labefactari non posse. Adeò enim Starcatherus oris habitum indignationis pertinaciâ firmaverat, ut nulla ex parte consuetudo infractior videretur. Quippe debitus votis rigor nec tibix cantu, nec gulæ lenimento permulsus, plus strenuo viriliq; proposito, quàm aurium aut epuli blandimentis tribuendum putavit. Ossè itaq; quod vescendo carne spoliaverat, in vultum gesticulantis projecto, plenas aurarum

10 buccas violentâ flatus excussione laxavit. Quo factò, quantum severitas scenicos plausus fastideret, edocuit. Irâ siquidem obseratæ aures nulli voluptatis effectui patuerunt. Dignum histrione munus turpi præmio deforme multavit obsequium. Siquidem optimus meritorum æstimator, muneris loco tibicini tibiam erogavit, ac durum mercedis genus molli officio retulit. Itaq; mimus nescias sonoriùs cecinerit an fleverit, quàm parum in luxuriosis pectoribus fortitudo possideat, effusa lacrymarum acerbitate testatus. Neq; enim qui totum se voluptati substraverat, quandoq; calamitatis incursum tolerare didicerat. Cujus læsio futuras cœnæ clades ominata est. Et benè quidem cultor severitatis animus vindictæ constan-

20 tiam pertinaci gravitate complexus, (qui quantum alii svavitatis, tantum ex fidibus fastidii traxit,) probroso ossis jactu ingratum pensavit officium, plus se valentis amici speciosis cineribus, quàm improbis turpissimi alumni moribus debuisse confessus. Deinde in ampliorem histrionis suggillationem, mox citandum carmen subtexit. Regina verò virtutem, quam debilitare nequiverat, stupens, ejus quem frustra beneficiis coluit, admiratrix evasit.

Videns autem Starcatherus, eos, qui Frothonem oppresserant, in summâ Regis dignatione versari, concepti furoris magnitudinem acerrimo oculorum habitu prodidit, internosq; motus externo oris indicio patefecit, occultam animi procellam apertâ luminum savitiâ testatus. Deniq; Ingello se Regiis dapibus delenire cupiente, edulium repulit, quod

30 vulgaris cibi vilitate contentus peregrina admodum obsonia fastidiret, communibusq; epulis assuetus, nullius gulam saporis oblectatione palparet. Interrogatus, cur fronte tam nubilâ regiæ liberalitatis obsequio uti nolisset? reperiendi Frothonis filii gratiâ, Daniam sibi petitam asseruit, nec ejus, qui petulantis stomachi ingluviem operosâ dapum ubertate farciret. Hoc enim familiaris regi Teutonum luxus egerat, ut excoctas aquis epulas, deliciosæ satietatis studio, rursus igni torrendas præberet. Post hæc Ingelli mores intactos præterire non passus, in ejus caput omnem

40 reprehensionis amaritudinem transtulit, impietatis damnatum, quòd nimix saturitatis usu oscitans, partam edendo crapulam foedâ rustatione exhalaret, Saxonicamq; imitatus illecebram amplissimis à sobrietate excessibus aberrasset, adeò virtute vacuus, ut ne minimam quidem ejus umbram confectaretur. Maximè autem illi ad turpitudinis cumulum accedere memorabat, quòd in ipso militiæ tyrocinio ulciscendi parentis immemor, neglectâ naturæ lege, paterni sanguinis carnifices benevolentiam atq; officio amplecteretur; iniquissimè meritos amantissimâ charitate complexus, eosq; in quos quàm acerrime animadvertere debuerat, non modò impunitate donasset, verumetiam convictu ac mensæ honore dignos

50 judicasset, à quibus potius capitale supplicium sumendum fuisset. Præterea hic hoc carmine usus asseritur:

*Cedat imbellis vetulo juvenus,
Et senis crebros veneretur annos;*

*In viro forti numerosa nemo
Tempora culpet.*

K 4

Albices

*Albicet quanquam senio capillus,
Permanet virtus eadem vetustis;
Nec fluens atas poterit virile
Carpere pectus.*

*Me gravis sessor cubito repellit,
Qui boni formam vitio prophanat;
Dum gula parens nihilum diurnis
Prærogat escais.*

*Quando Frothonis comes annotabar,
Militum semper medius refedi
Aede sublimis, procerumq; primus
Prandia duxi.*

*Sorte nunc versâ melioris ævi,
Angulo claudor, simuloq; piscem,
Qui vago captat latebram recursu
Abditus undis.*

*Seculo certè solitus priore
Culcius strato recubare fulcro,
Inter extremos premor, & refertâ
Pellor ab aulâ.*

*Pellerer forsâ foribus supinus,
Nè latus pulsum paries referret,
Et fugam traso facilem negaret
Obvius asser.*

*Aulici risu populi laceffor,
Advena digno vacuus receptu;
Aspero carpor sale, dum loquaci
Mordeor ausu.*

*Quid novi rumor celeber volatat,
Quis tenor rerum, patriæ quis ordo
Gliscerem vestræ regionis actus
Advena nosse.*

*Ut quid, Ingelle, vitio sepultus
Vindicem patris remoraris ausum,
Num pii cladem genitoris æquo
Pectore duces?*

*Quid dapem deses colis? otioq;
Mollior scortis, stomachum reclinas?
An tibi parvo patris interempti
Ultio constat?*

*Proximè quando, Frotho, te reliqui,
Mente præfagâ didici, quod armis
Hostium certè periturus esses,
Maxime regum.*

*Cumq; rus longum tererem viator,
Præsciis mentem gemitus subibat,
Qui, quod hinceffes mihi non videndus,
Omine sinxit.*

*Proh dolor! quod tunc aberam remotus
Extimos orbis populos laceffens,
Cum dolo Regis jugulum petebat
Persidus hospes.*

*Aut enim vindex domini probarer,
Aut comes pæna, sociusq; fati,
Et pari gaudens sequeretur beatum
Funere regem.*

*Non gulam veni dapibus beare,
Cujus enitar vitium ferire;
Nec cutis curam sequar, aut obese
Gaudia ventris.*

*Nemo, me, regum prius inclitorum,
Exteros juxta, medium locavit,
Cui frui primis licuit cathedris
Inter amicos.*

*Svetiâ veni, spatiosa mensus
Rura, mercedem ratus affuturam,
Si modò cari fruerer repertâ
Prole Frothonis.*

*Sed probum querens, adii gulosum,
Deditum ventri vitioq; regem,
Cujus, in luxum, studium refudit
Fæda voluptas.*

*Claret Haldani ratus esse sermo,
Qui brevi nobis cecinit futurum,
Quod patri gnaro generandus esset
Filius excors.*

*Degener quanquam reputetur hæres,
Non opes magni patiar Frothonis
Advenis lucro fore, vel rapinâ
More patère.*

Ad hanc vocem tremefactâ reginâ, detractum capiti suo redimiculum, quo fortè capillitium muliebriter adornabat, efferato seni, tanquam beneficio bilem averfura, porrexit. Quo Starcatherus quàm turpissimè in os offerentis cum indignatione rejecto, clara rursus voce recinuit:

*Amove, quæso, muliebre donum,
Et tuo mitram capiti reponere,
Insulas nemo Venerem decentes
Fortis adoptat.*

*Absonum namq; est, ut in arma promptis
Nexili crinis religetur auro;
Mollibus cultus tenerisq; turbis
Competit iste.*

*At tuo munus refer hoc marito,
Cui placet luxus, digitusq; prurit,
Dum nates versans volucris rubella
Viscera tractat.*

*Uxor Ingelli levis ac petulca
Teutonum ritus celebrare gessit,
Instruit luxus, & adulterinas
Præparat escas.*

Nam novis palpat dapibus palatum,
Captat ignoti libitum saporis,
Æstuans ferclis onerare mensas
Lautius omnes.

Hæc viro vinum pateris propinat,
Cuncta propenso meditans paratu,
Cocta torreri jubet, & secundo
Destinat igni.

Pascit, ut porcum, petulans maritum,
Impudens scortum, natibusq; fidens
Gratis admissum tolerare penem
Crimine stupri.

Assat elixum, recoquitq; tosta,
Prodigo cœnam meditata luxu,
Negligens morum, vitiiq; cultrix
Fœmina turpis.

Hæc procax fastu, Venerisq; miles,
Appetens escæ, benè temperatos
Abdicat ritus, simul & gulosas
Instruit artes.

Rapulum levi patinâ liquatum,
Praditas succo tenui placentas
Pruriens alvo petit, ordinesq;
Conchyliorum.

Non ego magnum memini Frothonem
Dexteram fibris volucrum dedisse,
Podicem cocti lacerasse galli
Pollice curto.

Quis prior Regum potuit gulosus
Viscerum putres agitare sordes?
Aut manu carptim fodicare fœdam
Alitis anum?

Fortium crudus tibus est virorum,
Nec reor lautis opus esse mensis,
Mens quibus belli meditatatur usum
Pectore forti.

Aptius barbam poteras rigentem
Mordicus presso lacerare dente,
Quàm vorax lactis vacuare sinum
Ore capaci.

Fugimus lauta vitium popina,
Rancidis ventrem dapibus foventes:
Coctiles paucis placuere succi
Tempore prisco.

Discus herbose vacuus saporis,
Arietum carnes dabat & suillas,
Temperans usus nihil immodesto
Polluit ausu.

Lactem qui nunc adipem liguris,
Induas mentem petimus virilem;
Esto Frothonis memòr & paterni
Funeris ultor.

Occidet nequam pavidumq; pectus,
Nec fugax sati stimulum resellet,

Valle condatur licet, aut opacis
Incubet antris.

Undecim quondam procures eramus
Regis Haconis studium secuti;
Hic prior Helgo Gegathus resedit
Ordine cœna.

Hic famis primæ stimulum licebat
Aridis perna natibus levare;
Ventris ardorem rigidi domabat
Copia crusti.

Offulam nemo vapidam petebat;
Quisq; communes celebrabat escas:
Simplici tantum stetit apparatus
Cœna potentum.

Vulgus externum fugiebat esum,
Nec fuit summis epuli libido;
Ipse Rex parvo meminit modestam
Ducere vitam.

Mellei temens speciem saporis,
Combibit tostum Cereris liquorem:
Nec parum coctis dubitabat uti
Assa perosus.

Mensa perstabat modico paratu,
Exhibens sumptum tenui salino,
Ne quid externo variaret usu
Docta vetustas.

Amphoras nemo paterasq; quondam
Intulit mensis, dolio profudit
Poculum promus, nec erat catillis
Copia pictis.

Nemo transacti venerator ævi
Cantharis junxit teretes diotas:
Nec cibus lancem cumulavit olivæ
Comptus agaso.

Non brevi conchâ, cyathovè levi,
Prandium vanus decorabat hospes;
Nunc recens morum facies pudenter
Omnia prescit.

Ære quis sumpto toleraret unquam
Funus amissi redimi parentis,
Aut loco patris peteret necati
Munus ab hoste?

Quis valens hæres, sobolesq; fausta
Talibus junctum latus applicaret,
Ut viri nervos vacuaret omnes
Pactio turpis?

Unde cum Regum tituli canuntur,
Et ducum vates memorant triumphos,
Pallio vultum pudibundus abdo
Pectore tristi:

Cum tuis nil eniteat trophæis,
Quod stylo digne queat annotari;
Nemo Frothonis recitatur hæres
Inter honestos.

INGELLVS

*Improbis quid me laceras ocellis,
 Qui reum patris veneratus hostem
 Panibus tantum tepidoq; juri
 Crederis ultor?
 Vindices quando scelerum probantur,
 Quò minus mentē pudeat prophanam,
 Aurium prompto vacuatus usu
 Esse peropta.
 Sæpe nam virtus aliena suevit
 Conscium culpæ lacerare pectus;
 Et boni famâ premitur malignus
 Pectore sensus.
 Appetas Ortum licet, aut remotus
 Occidentali regione degas,
 Sen situm mundi medium sequaris
 Concitus istinc:
 Sen plagam cæli gelidam revisas,
 Quâ poli vertex patet, impetug;
 Versili sphaeram rapit, & propinquam
 Despicit Ursam:
 Te pudor latè comes insequetur,
 Et gravi vultum feriet rubore:
 Quando magnorum sociata ludit
 Concio regum.
 Dedecus quum te maneat perenne,
 Inter illustres medius venire
 Non potes turmas, reprobusq; in omni
 Climate deges.
 Fata Frothoni sobolem dedere
 Editam mundo superis sinistris,
 Cujus affectum scelus & libido
 Sordida cepit.
 Sicut in navi fit, ut obsoletum
 Fæda sentina gremium requirant;
 Sic in Ingellum vitiosa rerum
 Copia fluxit.*

*Ergo vulgatum veritus ruborem
 Angulis pressus patriæ jacebis,
 Torpidus fædo lare, nec videndus
 Agmine claro.
 Sorte tum barbam quaties sinistra,
 Concubinarum stimulis repressus;
 Cum tibi pellex querulis perurat
 Vocibus aurem.
 Cum pavor mentem gelidus repigret,
 Et patris vindex fieri timescas, 10
 Degener planè, parilisq; scorti
 Ritibus extas.
 Obrui parvo poteras paratu,
 Ut quis arreptum jugularet hædum,
 Aut ovem cultro teneram trucidet
 Guttore secto.
 Ecce Svertingo genitus tyranno
 Daniâ post te potietur hæres,
 Cujus ignavam retines sororem 20
 Fœdere turpi.
 Dum gravem gemmis, nitidamq; cultu
 Aureo, gaudes celebrare nuptam;
 Nos dolor probro sociatus urit
 Turpia questos.
 Quando te præceps agitat voluptas,
 Anxius nobis animus prioris
 Temporis formam revocat, monetq;
 Multa dolere.
 Nam secus quàm tu scelus æstimamus
 Hostium, quos nunc veneraris: unde 30
 Prisca noscenti facies molesta est
 Temporis hujus.
 Re magis nulla cuperem beari,
 Si tui, Frotho, juguli nocentes
 Debitas tanti sceleris vidcrem
 Pendere pœnas.*

Tantum autem monitus sui incitamento profecit, ut ab enervi & frigescenti animo veluti quadam reprehensionis filice, flagrantissimum fortitudinis ignem extunderet. Primum enim rex vacuas carmini aures præbuit, deinde impensiori educatoris sui hortamine concitatus, serum ultionis calorem animo traxit, oblitusq; convivæ, hostem induit. Ad ultimum discubitu evolans, omnem iræ suæ procursum in confessores effudit, ita ut ferrum adversus Svertingi filios cruenta severitate nudaret, & quorum gulam mensæ deliciis foverat, districto mucrone jugulum peteret. His namq; continuo trucidatis, sacra mensæ sanguine involvit, infirmum societatis vinculum diremit, erubescendumq; convivium egregiâ crudelitate mutavit, atq; ex hospite hostis, ex abjectissimo luxuriæ mancipio truculentissimus ultionis minister evasit. Siquidem industria hortatoris oratio molli ac teneræ juventæ animositatis spiritum ingeneravit, latebrisq; suis extractam recreavit audaciam, extuditq; ut gravissimæ claudis autoribus pœna factis debita rependeretur. Exulaverat siquidem probitas juvenis, non exspiraverat, quæ in lucem senili suffragatione producta, opus eò majus, quò tardius edidit, aliquanto speciosius cruore quàm

mero

mero calices imbuens. Quàm porro industrium existimemus senem, qui disertissima admonitione immensum regalis animi vitium expugnavit, ejusq; loco, perruptis nequitia claustris, efficacissimam virtutis sementem inseruit? Ipse quoq; manum Regis pari facinore profecutus, fortitudinem non solum in se plenissimam exhibuit, sed etiam ex alieno pectore erutam revocavit. Quo peracto sic cœpit:

Rex Ingelle vale, cujus jam prodidit ausum
Plenum animi pectus; tibi mens in corpore regnat
Auspicio patefacta suo, nec defuit altum
10 Pectore consilium, quanquam taciturnus ad horam
Extiteris, nam damna moræ probitate rependis,
Torporemq; animi redimis virtute potenti.
Fac age fundamus reliquos, nullusq; periculum
Effugiat, quod quisq; pari ratione meretur:
Cedat in autorem facinus, premat artificemq;
Culpa relata suum: cesorum corpora curru
Excipiant famuli, promptusq; cadauera licitor
Efferat, officiis meritò caritura supremis,
Et bustis indigna tegi, non funeris illis
20 Pompa rogosue pium tumuli componet honorem:
Putida spargantur campis, aviumq; terenda
Morsibus, infesto maculent rus undiq; tabo.
Tu quoq; rex sævam, si quid sapis, effuge nuptam,
Ne lupa consimilem sibi sætum gignat, & ex te
Bellua consurgat proprio nocitura parenti.
Dic Rôtho perpetue timidorum irrisor, an ultos
Frothonem satis esse putas, qui funera septem
Vindictæ unius impendimus? ecce feruntur
Exanimés, qui non rebus, sed imagine tantum
30 Imperium coluere tuum, fraudemq; parabant
Obsequio. sed me semper spes illa subibat,
Quod solet ingenuis sua respondere propago,
More secutura sortem, quam sanguine traxit.
Nunc ergo, Ingelle, melius quàm tempore lapsò
Lethrarum dici dominus Daniaq; mereris.
Imberbis quando dictum auspiciumq; sequebar
Militia, Rex Hako, tuæ, lasciva perosus.
Ingenia & luxum, nil præter bella colebam,
Exercens animum cum corpore, mente prophanum
40 Omne relegavi, stomachoq; placentia fugi,
Fortia complexus animo; namq; arma professò
Aspera vestis erat, cultusq; parabilis olim;
Rara quies, somniq; breves, labor otia longè
Propulit, & parco fluxerunt tempora sumptu.
Non ut nunc quidam, quibus insatiata cupido
Ingluvie cecà visum rationis inumbrat.
Horum aliquis vestis operosa tegmine cultus
Molliter alipedem flectit, sparsamq; renodat
Casariam, & laxos patitur fluitare capillos.
50 Dicere sæpe foro, turpiq; inhiare lucello
Gaudet, & hoc studio vitam solatur inertem,
Venali celebrans commissâ negotia linguâ.
Vi violat leges, & ferro jura laceffit,
Obteris innocuos, alieno pascitur are,

*Stupra gulamq; colit, risu convivio mordax
Insequi tur, sic scorta petens, ut sarculus herbam.
Occidit ignavus, dum praelia pace quiescunt.
In media si valle cubet, testudine nullâ
Tutus erit, qui fata timet: fors ultima vivum
Quemq; rapit: latebra lethum depellere non est.
Ast ego, qui totum concussi cladibus orbem,
Leni morte fruar? placidog, sub astra levandus
Funere, vi morbi defungar vulneris, expers?*

HISTORIÆ DANICÆ LIBRI SEXTI FINIS.

10

SAXONIS GRAMMATICI HISTORIÆ DANICÆ LIBER SEPTIMUS.

XXIX.
OLAVUS.

UINGELLO quatuor filios fuisse, ex iisdemq; tribus bello consumptis, Olavum solum post patrem regnasse, perita rerum prodit antiquitas: quem quidam Ingelli sorore editum, incerto opinionis arbitrio perhibent. Hujus ætus vetustatis squalore conspersos parum justâ notitiâ posteritas apprehendit; extremum duntaxat prudentiæ ejus monitum memoria vendicavit. Quippe cum supremis fati viribus arctaretur, Frothoni & Haraldo filiis con-

XXX.
FROTHO,
V.

sulturus, alterum terris, alterum aquis regiâ ditione præesse, eamq; potestatis differentiam non diutinâ usurpatione, sed annua vicissitudine sortiri jubet. Ita regnandi inter eos conditione æquatâ, prior Frotho maritimarum rerum regimine potitus, crebris piraticæ damnis deformis evasit. Infortunii causa recentia natutarum conjugia fuere, domesticas tori voluptates externis militiæ laboribus præferentium. Interjecto tempore natu minor Haraldus maris dominationem sortitus, vacuum conjugio militem legit, fraternæ frustrationis eventum metuens. Fortuna delectui respondit. Quippe tam gloriosum piratam egit, quàm frater inglorium gesserat. Quæ res fraternam ei invidiam peperit. Quinetiam eorum conjuges Sygne & Ulvilda, quarum altera Svetiæ rege Syvarðo, altera Carolo Gothiæ præfecto orta fuerat, crebrâ nobilitatis contentione rixantes, alternos maritorum solvere convictus. Quo evenit, ut Haraldus & Frotho rei familiaris societate convulsa, communem partientes supellestem, plus muliebris rixæ jurgiis, quàm fraternæ charitatis officiis indulgerent.

Sed & Frotho fratris claritate deformem se fieri, contemptumq; sibi strui judicans, à quodam familiarium occultè eum interfici jubet, quòd quem ætate vinceret, ab eo se virtute superari videret. Quo peracto, ne scelus à conscio proderetur, insidiarum ministrum tacitè trucidandum curat. Post hæc ut innocentia sibi fidem pareret, notamq; sceleris evitaret, quisnam rerum casus inopinâ germanum clade sustulerit, latius investigari præcepit. Sed neq; tot artibus perficere potuit, quò minus eum tacita vulgi notaret opinio. A quo Carolus postmodum, quis Haraldum occidisset, rogatus, dissimulanter ab eo notæ rei quæstionem agi respondit. Quo dicto mortis causam adscivit, Frothone exprobratum sibi latenter parricidium judicante.

Post hæc Haraldus & Haldanus filii ex Sygne Caroli filia suscepti, cum ad necem à patruo quærerentur, ab eorum tutoribus callidior servandorum pupil-

pupillorum ratio excogitata est. Nam truncos luporum ungues subtellibus FROTHO
V. annectentes, contiguum penatibus suis lutum, obfusamq; nivibus humum crebris decursibus exarare cœperunt, ferini incessus speciem præbituri. Post hæc trucidatis ancillarum liberis, eorumq; corporibus frustatim discerptis, lacera passim membra disjiciunt. Itaq; requisitis adolescentibus, nec inventis, fusi reperiuntur artus, ferarum vestigia demonstrantur, tellus cruore delibuta conspicitur. Creditum est pueros lupinâ ingluvie consumptos, nec cuiquam ferè de tam manifesto lacerationis argumento dubitare concessum.

Cujus spectaculi fides pupillis præsidio fuit. Qui mox à tutoribus cavâ con-
10 clasi illice, ne ullum vitæ eorum indicium ederetur, diu sub canum specie nutriebantur: latrantum quoq; eis vocabula indita, quò minus latentium opinio vulgaretur. Solus Frotho mortis eorum fide repudiata, latebræ locum ex perita augurii fœmina cognoscere institit. Cujus carminum tanta vis erat, ut rem quantâlibet nodorum consertione perplexam, è longinquo soli sibi conspicuam ad contactum evocare posse videretur. Hæc Regnonem quendam occultè circa illos educationis officium peregisse, eosq; tegendæ rei gratiâ, caninis censuisse nominibus, astruebat. Qui cum se inusitatâ carminum violentiâ latibulis egestos incantantis obtutibus admoveri conspicerent, ne tam horrendæ coactionis imperio proderentur, gremium ejus ac-
20 cepti à tutoribus auri incussione perfundunt. Quæ recepto munere, repentina morbi simulatione par exanimi concidit. Perquirentibus ministris causam tam subiti lapsus, inscrutabilem filiorum Haraldi fugam existere memorabat, quorum eximia vis etiam atrocissimos carminum temperaret effectus. Ita parvulo contenta beneficio, majus à rege præmium præstolari passa non est. Post hæc Regno suam ac pupillorum opinionem populari sermone crebrescere expertus, in Feoniam utrosq; devexit. Ubi à Frothone captus, adolescentes se custodiâ profecutum fatetur, precaturq; regem, pupillis, quos patre privaverit, parcat, nec se duplici parricidio objectare felicitatis loco ducat. Quo dicto sævitiam ejus in ruborem convertit, pollicitusq; est, si quid ab eis in patria novaretur, se regi indicio delaturum. Ita
30 pupillis incolumitate partâ, metu liber, multos annos confecit.

Qui cum adulti Sialandiam petivissent, ultionem patris ab amicis exequi jussi, non se ac patruum annuâ luce potituros voverunt. Quo comper-
to Regno pacti memoriâ concitatus, noctu regiam petit, seq; promissæ rei indicem venire tacitè asserit. Dormientem tamen ad vigilias evocare passus non est, eo quòd Frotho excitationis suæ pœnas ferro exigere solitus fuerat. Tanti quondam regium somnum importunâ frustratione perrumpere existimatum est. Id Frotho mane ex vigilibus expertus, ut animadvertit Regnonem insidiarum nuncium attulisse, contracto milite sævitiâ fraudem præcur-
40 rere statuit. Nec aliud Haraldi filiis auxilio, quàm furoris simulatio fuit. Nam cum se ex improvise occupari conspicerent, perinde ac furiis acti lymphantium more se gerere cœperunt. Quos cum Frotho mente captos putaret, propositum remisit, deforme existimans ferro petere, qui ferrum in se convertere viderentur. A quibus proximâ nocte incendio consumptus, dignas parricidii pœnas pependit. Quippe regiam adorti, Reginam in primis lapideo obruere congestu: igne deinde penatibus applicato, Frothonem in excisi dudum specus angustias & opacos cuniculorum recessus obrepere coëgerunt. Ubi dum clausus delitescit, vapore & fumo strangulatus interiit.

50 Perempto Frothone cum Haldanus ternos circiter annos patriæ præfuis-
set, Haraldo fratri regnandi jure perfunctoriè tradito, Sialandiam, eiq; finiti-
mas insulas, quas à Svetiæ complexu sinuosus aquarum divellit anfractus, pira-
ticis populatur injuriis. Ibidem subductis hyeme navigiis ac vallo cinctis, ex-
peditioni triennium dedit. Post hæc Svetiæ manus iniecit, ejusq; regem bello consumpsit. Cujus nepotem Ericum, patrui vero sui Frothonis filium pu-
gnâ

HALDANVS.

gnâ postmodum excepturus, postquam pugilem ejus Haquinum heberandi carminibus ferri peritum didicit, eximie magnitudinis clavam ferreis confertam nodis, transionis usibus adaptavit, perinde ac præstigii vires ligneo robore debellaturus. Deinde cum cæteris conspicuo virtutis habitu præmineret, inter acerrimos hostium procursus, obnupto galeâ capite, scuti inops, libratum clavæ robur in objecta clypeorum munimina geminæ manus ope torquebat. Nec erat ullum tantæ soliditatis obstaculum, quod non frustatim adactæ molis impulsus obtereret. Quo evenit, ut occurrentem sibi in acie pugilem acriori gestaminis impactione subrueret. Victus tamen & in Helsingiam fuga delapsus, Vitolfum quendam, olim Haraldo militantem, faucii corporis curam petiturus accessit. Hic in castris majore ætatis parte consumptâ, tandem in hujus provinciæ solitudinem post tristia ducis fata concesserat, ibiq; rusticæ vitæ cultu consueta militiæ studia relaxabat. Qui quod hostilibus sæpe telis petitus fuerat, non infimam medendi peritiâ assiduâ vulnerum suorum curatione contraxerat. Si quis verò operam ejus blandimentis exposceret, hunc medellæ loco occultæ læsionis noxâ afficere solitus erat; aliquantò speciosius beneficia minis, quàm adulatione exposci judicans. Idem Erici milites, penatibus suis, occupandi Haldani cupidine, imminentes ita videndi officio spoliavit, ut propinquas ades nec prospectu capere, nec certis possent vestigiis indagare. Adeo luminum usum nubilus quidam error obtuderat.

Cujus operâ Haldanus virium integritatem adeptus, accito Thorone conspectioris ingenii pugile, Erico bellum denunciat. Quem cum productis è diverso copiis militum numero præstare conspiceret, occultatam agminis partem inter propinquos viæ frutices delitere præcepit, hostem per angustiora semitæ compendia gradientem insidiis consumpturus. Quod prævidens Ericus, explorata progrediendi facultate, secessu utendum putavit, ne proposito incedens tramite, hostium dolis inter præruptos montium urgeretur anfractus. Igitur apud convallem arduis montium jugis utrinq; conseptam mutuis viribus pugna conseritur. In qua Haldanus inclinatam suorum aciem conspiciens, frequentem saxi rupem cum Thorone conscendit, indeq; erutas moles in subjectum hostem devolvit, quarum pondere & ruina aciem in occiduo constitutam oppressit. Quo evenit, ut victoriam quam armis amiserat, cautibus recuperaret. Ob cujus facti virtutem Bierggrammi cognomen accepit: quod vocabulum ex montium & feritatis nuncupatione compactum videtur. Igitur apud Sveones tantus haberi cœpit, ut magni Thor filius existimatus, divinis à populo honoribus donaretur, ac publico dignus libamine censeretur.

Sed quoniam agrè devictorum ingenia quiescere solitum est, & inventum semper subactorum oblectatur improbitas, accidit, ut Ericus, dum fugæ damnis consulere studet, subjectas Haldano provincias attentaret. Sed ne Daniam quidem ab hoc sævitæ genere immunem reliquit, perquam dignum existimans ejus laceßere patriam, per quem suâ abactus fuerat. Ita dum injuriam inferre quàm repellere maluit, Sveciam armis hostilibus liberavit. Quippe cum Haldanus Haraldum fratrem ab eo tribus devictum præliis, quarto occisum cognosset, amittendi imperii metu, relictis Sveonum agris, patriam repetere coactus est. Ita Ericus, quò facilius Sveciæ regnum deseruit, hoc celerius recepit. Quem si fortuna æque in retinendo regno, ac recuperando instruere voluisset, nequaquam Haldano prendendum se dedisset. Cujus captionis modus hic erat. Reversus in Sveciam Haldanus, occultatâ per insidias classe, binis obviam Erico navigiis proficiscitur. A quo denis petitus, variis navigationis flexibus ad occultum suorum agmen relabitur. Quem longius insequente Erico, Danica ponto classis emergit. Circumventus itaque Ericus oblatum sibi

sibi sub serviendi conditione spiritum repudiavit, lucemq; libertati præferre non passus, mori quàm obsequi præoptavit, ne vitæ cupiditate ex libero servus evadere videretur, aut quem nuper fortunâ æquasset, novo famulatus officio coleret. Adeo salutem dedecore mercari virtus ignorat. Compeditus, igitur & ad loca feris pervia relegatus, indignum tanta animi majestate exitum habuit.

HALDANVS.

Haldanus gemini regni imperio potitus, opinionis suæ titulum tribus honestatis gradibus decorabat. Erat enim condendorum patrio more poematum peritiâ disertus, nec athleticâ minùs virtute, quàm regiâ potestate
10 conspicuus. Audiens autem vegetioris ingenii piratas Tokonem & Anundum circumpositis imminere provinciis, maritima pugna tentatos oppressit. Nihil enim veteres claritate magis expetendum ducebant, quam non opum fulgor, sed armorum industria peperisset. Itaq; seditiones amplecti, instaurare lites, otia fastidire, paci militiam anteferre, virtutum non rerum æstimatione censerì, plurimum voluptatis in præliis, minimum in conviviiis repone-
re, clarissimis quondam viris curæ exitit.

Sed neq; diu Haldano æmulus defuit. Nam Syvaldus quidam claro admodum loco natus, apud Sveonum concionem Frothonis ac conjugis ejus exitio flebiliter memorato, tantum Haldani odium penè omnibus inge-
20 neravit, ut plurimorum suffragiis novarum rerum licentiam assequeretur. Nec solo vocum favore contentus, adeo plebis animum ambitionis artibus occupavit, ut omnium ferè manus ad regium insigne capiti suo imprimendum adduceret. Hic septem filios habebat tanto veneficiorum usu callentes, ut sæpe subitis furoris viribus instincti solerent ore torvum infremere, scuta morsibus atrectare, torridas fauce prunas absumere, extracta quævis incendia penetrare; nec posset conceptus dementia motus alio remedii genere quàm aut vinculorum injuriis, aut cadis humanæ piaculo temperari. Tantam illis rabiem sive savitia ingenii, sive furiarum ferocitas inspirabat. Quibus auditis Haldanus, ut erat circa piraticam occupatus, expedire militi-
30 bus dixit, ut qui in externos hætenus desævierint, nunc civium visceribus ferrum adigant, ereptiq; regni injuriam propulsent, qui dilatandi curam gerere consueverunt. Quo imminente Syvaldus missis ad eum legatis jubet, si famam factis æquaret, & tantus re esset, quantus opinione censeretur, se suamq; sobolem pugna solus excipiat, privatoq; periculo publicum redimat. Eo deinde respondente, legitimæ dimicationis formam duorum numerum excedere non debere: nil mirandum, inquit Syvaldus, hominem cœlibem proleq; vacuum oblatos detrectare congressus, cui inops calor natura deforme corporis animiq; frigus incusserit. Nec liberos ab eo diversos existerè, quem suæ generationis auctorem habuerint, quod ab ipso commune
40 nascendi principium traxerint. Ita se ac filios unius hominis loco censendos esse, quibus veluti unum corpus à natura tributum videatur. Cujus convicii rubore permotus Haldanus, provocationi parère cœpit, tam contumeliosam cœlibatus exprobrationem egregiis virtutis operibus pensaturus. Cumque per opacam fortè nemoris indaginem graderetur, hærentem obiter quercum humo radicitus eruit, solisque spoliata ramis in solidam clavæ speciem transformavit. Quo gestamine fretus, tali carmen brevitate compegit:

*En rude quod gerimus obnixo vertice pondus,
Vulnera verticibus exitiumq; feret.*

50 *Sed neq; frondosi gestamen roboris ullum
Omne Gøtenses horridiore premet.*

*Ardua comminuet nodosi robora colli,
Et cava sylvestri tempora mole teret.*

*Clava quidem servum patriæ domitura furorem,
Nulla magis Suetis exitialis erit:*

HALDANVS.

*Offa domans, lacerosq; virum libranda per artus**Impia praeupto stipite terga premet;**Cognatos pressura lares, fusura cruorem**Civis, & in patriam pernicioſa lues.*

His dictis Syvaldum cum septem filiis attentatum acerrimas eorum vires eximiâ clavæ mole frustratus, exitio tradidit.

Eâ tempeſtate Harthbenus quidam ab Helsingia veniens, raptas Regum filias ſtupro ſœdare gloriæ loco ducebat; illum perimere ſolitus, à quo peragenda Veneris uſu prohiberetur, illuſtres nuptias humilibus præferens, tantoq; ſe clariorem exiſtimans, quanto ſplendidioreſ concubitus per vim aſſequi potuiſſet. Nec ultionem effugit, qui ſe ei comparatione virtutis æquare præſumeret. Tantâ verò corporis magnitudine erat, ut novem cubitis proceritatis ejus dimenſio tenderetur. Huic duodecim athletæ contubernales fuere, quibꝰ officio erat, quoties illi præſaga pugnæ rabies inceſſiſſet, vinculorum remedio oborti furoris impetum propulſare. Ab his Haldanus Harthbenum, ejusq; pugiles viritim impetere juſſus, non ſolum certamen ſpoſpondit, ſed etiam victoriam ſibi ingenti verborum fiducia promiſit. Quo audito Harthbenus repentino furiarum afflatu correptus, ſummas clypei partes morſus acerbitate conſumpſit, igneos ventri carbones mandare non deſtitit, raptas ore prunas in viſcerum ima transfudit, crepitantia flammarum pericula percurrit, ad poſtremum 20 omni ſævitæ genere debacchatus, in ſex athletarum ſuorum præcordia furente manu ferrum convertit. Quam infaniam illi pugnandi aviditas, animalis ferocitas attulit, incertum eſt. Haldanum deinde reſiduâ pugilum manu petivit. A quo miræ granditatis malleo contuſus, vitâ ac victoriâ caruit, deditq; pœnas & Haldano, quem provocaverat, & Regibus, quorum ſanguine per vim potitus fuerat.

At quoniam Haldano fors inopinâs pugnæ cauſas porrigere conſuevit, quaſi nunquam virium ejus experimentis contenta, accidit ut Egtherus Finnenſis piratico Sveones moleſtaret incurſu. Quem Haldanus ternis adortus navigiis, (nam & ei totidem eſſe compererat) cum nocte prælium finiente 30 debellare non poſſet, poſterâ die ex provocatione ſecum decernentem oppreſſit. Deinde cum Hatheri Reguli filiam Thorildam à Grimmone, eximiarum virium athletâ, ſub duelli comminatione expeti comperiſſet, edictumq; à patre eſſet, potiturum eâ, qui pugilem amoviſſet, quanquam ad ſenectutem cœlebs pervenerat, non minus Reguli promiſſione quàm athletæ petulantia concitatus Norvagiam petit. Quâ initâ cunctas agnitionis ſuæ notas adulterinâ oris illuvie reſpergens, ut pugnæ locum acceſſit, prior enſem diſtingit. Quem ad hoſtilem ſciens obriguiſſe conſpectum, humi dejecit, alioq; vagina ſubmoto Grimmonem appetens, extremos lorice nexus cum occidua clypei parte perſecuit. Quod factum Grimmone admiratione perſecu- 40 tus; vetulum, inquit, acrius dimicantem non memini: ſtatimq; ferrum exrens objectam gladio parmam penetrabili ſectiōe convulſit. Cujus immorantem iſtui dextram Haldanus nihil hæſitans obvia ferri celeritate corripuit. Ille nihilominus lævâ gladium ſtringens, ferientis femur tranſegit, mutilati corporis ultionem exiguo vulnere proſecutus. Victor Haldanus victo reſiduum vitæ pecuniâ redimendi poteſtatem fecit, ne imbelli & manco miſeras animæ reliquias deformiter adimere videretur. Quo facto tantum ſe penè in ſervando hoſte egit, quantum geſſerat in vincendo. Cujus victoriæ præmium Thorildæ nuptiis aſſecutus, filium ex ea Aſmundum ſuſtulit, à quo ſe Norvagiæ Reges originem duxiſſe magni æſtimant, ab Haldano ſolennem 50 generationis ſuæ ſeriem retexentes.

Poſt hæc cum Ebbo pirata, plebeiſ generis, ad ſplendida conjugia capeſſenda virtutis fiduciâ concitatus, Sygrutham Gothenſiū Regis Unguini filiam poſtularet, ac præterea Gothici regni dimidium in dotem expeteret, ſuper matrimonii admiſſione conſultus, conſenſum falſò ſpondendum monuit, ſeq;

seque nuptias frustraturum promisit. Quinetiam sedendi locum sibi inter convivarum discubitus assignari præcepit. Probante consilium Unguino, omnem regiae dignitatis speciem peregrina corporis deformitate corrumpens, noctuque nuptiis superveniens, occurrentibus formidini fuit, majorem humano habitu virum advenisse mirantibus. Qui mox ut regiam intravit, circumspectis omnibus, quaerit, quis proximum Regi discubitus occupaverit? Ebbone deinde futurum Unguini generum ejus lateri conjunctum dicente, per summam verborum iracundiam percontatur, quâ vesaniâ quibusque furiis eò petulantiae adductus sit, ut despicabiles generis sui sordes eximia nobilitatis splendori miscere præsumat, rusticasque manus regiae genti inferere audeat: nec id quidem expetere contentus, etiam alieni regni consortium captare videatur. Deinde eum ferro secum decernere jubet, non prius voto quam victoriâ potiturum. Quo nocturnum monstis certamen, diurnum hominibus congruere respondente, ne temporis excusatione pugna abnui posset, lunæ splendore diem æquari perhibuit. Taliter adactum pugnae Ebbonem, convivio in spectaculum verso, prostravit, nuptiasque exequiis mutavit. Qui interjectis annis in patriâ decedens, cum sine liberis esset, regias opes Unguino testamento legavit, eumque Regem constituit. Hic postmodum ab æmulo, cui Reginaldo nomen erat, bello oppressus, 20 filium Syvaldum reliquit.

Hujus filia Syritha adeo spectatae pudicitiae erat, ut cum ob formae pulchritudinem ingenti procorum frequentia peteretur, ad neminem ex eis inspectandum adduci posse videretur. Cujus continentiae fiducia a patre conjugem depoposcit, qui delenimentorum dulcedine mutuum ejus conspectum impetrare quivisset. Olim siquidem apud nos puellarum continentia magnopere visus petulantiam edomare solebat, ne mentis integritas oculorum libertate corrumpere, affectabaturque, ut cordis castimoniam oris modestia fateretur. Tunc Otharus quidam Ebbonis filius, sive gestarum rerum magnitudine, sive comitatus & facundiae fiducia accensus, pertinacibus postulandae virginis ignibus aestuabat. Cujus obtutum omnibus ingenii nervis emollire connisus, cum demissum oculorum ejus habitum nulla penitus arte flexisset, invictae severitatis perseverantiam miratus abscedit. Ejusdem rei cupidus gigas cum aequae se effectui vacuum animadverteret, foeminam subornat, quae cum obtenta virginis familiaritate ejus aliquandiu pedissequam egisset, hanc tandem a paternis procul penatibus, quaesita calidius digressionem, seduxit, quam ipse mox irruens in arctiora montanae crepidinis septa devexit. Opinantur alii, quod foemineam mentitus effigiem, cum insidiosae artis protractione domesticis puellam adibus abduxisset, partes demum raptoris impleverit. Quod ut comperit Otharus, indagandae virginis gratia montis penita perscrutatus, inventam oppresso gigante secum abduxit. Adeo autem gigantea sedulitas puellae caesariem nexili comarum astrictione revinxerat, ut pilorum perplexa congeries crispata quadam cohaerentia teneretur, nec facile præter ferrum quis posset confertos crinium extricare complexus. Denuo igitur variis rerum irritamentis aggressus puellarem in se provocare conspectum, cum diu torpentes nequicquam oculos attentasset, proposito parum ex sententia cedente, coeptum reliquit. Sed neque puellam stupro violare sustinuit, ne splendido loco natum obscuro concubitus genere macularet. Quae cum varios solitudinum anfractus diutius errabunda percurreret, contigit ut ad sylvestris cujusdam immanisque foeminae tugurium perveniret. A qua pascendi caprarum gregis officio deputata, cum denuo per Otharum libertatis auxilium impetrasset, talibus ejus tentatur alloquiis:

*Num meis mavis monitis adesse,
Et pares votis sociare nexu,*

*Quam gregi praesens, olidisque curam
Ferre capellis?*

SYVALDVS

*Impia dextram domina refelle,
Et truncem præceps fugito magistram;
Ult rates mecum socias revisens
Libera degas.
Linque commissæ studium bidentis,
Sperne caprinos agitare gressus,
Et tori consors refer apta nostris
Præmia votis.
O mihi tantis studiis petita
Torpidos sursum radios reflecte,*

*Paululum motu facile pudicos
Erige vultus.
Ad lares hinc te statuam paternos,
Et pia latam sociabo matri;
Si semel blandis agitata votis
Lumina pandas.
Quam tuli claustris toties gigantum,
Confer antiquo meritum labori,
Et graves rerum miserata nifus
Parce rigori.*

10

Quare etenim cerebrosa adeò dementire cœpisti, ut alienum ductare pecus, & in monstrorum famulatio numerari præoptes, quàm pari consensu aptitudine mutuum tori promovere contractum? Illa nihilominus, ne pudicæ mentis constantia ad externos titubaret aspectus, luminum habitum immoto palpebrarum rigore continuit. Quantæ porro pudicitix seculi illius fœminas extitisse putemus, quæ nè ad levem quidem oculorum motum maximis amatorum irritamentis adduci potuerunt? Cum ergo Otharus nè gemini quidem beneficii meritis virgineum in se visum concitare quivisset, pudore & ægritudine fatigatus classem repetiit. Cumq; Syritha more pristino decursis latè scopulis, in Ebbonis fortè sedes erronea pervenisset, nudis & inopiæ rubore egentium se filiam astruebat. Animadvertens autem hanc Othari mater, quamvis marcore illitam, inopiq; contextam amiculo, à generosis pullulasse ramalibus, honorato sedendi loco susceptam, reverendâ secum comitate detinuit. Nobilitatem quippe virginis index forma prodebat, & vultu genus interprete resultabat. Quam videns Otharus, cur vultum peplo obscuraret? inquit. Cujus animum certius experturus, nupturam sibi fœminam fingit, ejusq; torum conscendens, lucernam Syrithæ gestandam committit. Quæ cum absumptis penè lychnis admoto propius igne premeretur, tantum patientiæ specimen præbuit, ut manum absq; motu continere visa, nullam ardoris molestiam sentire crederetur. Externum quippe æstum cohibebat interior, & prurientis animi fervor adustæ cutis incendium temperabat. Quæ demum ab Otharo manui consulere jussa, placidos in eum obturus verecundâ luminum erectione convertit, statimq; semoto nuptiarum figmento, genialem torum nuptura conscendit. Cumq; postmodum Syvaldus comprehensum Otharum, ob illatum filix stuprum, suspendio consumendum duxisset, continuo Syritha raptus sui casibus explicatis, non solum eum in Regis gratiam reduxit, sed etiam patrem ad ejus sororem matrimonio sibi copulandam adduxit.

Post hæc inter Syvaldum Regnaldumq; exquisitæ probitatis militibus utrobq; delectis, apud Sialandiam prælium agitur: In quo, cum triduo mutuis cædibus exacto, ob summam utriusq; partis virtutem incerti victoriæ procursus existerent, Otharus sive diutinæ pugnæ tædio, sive gloriæ æmulatione correptus, cum mortis contemptu confertissimos hostes irrumpit, Regnaldumq; inter fortissimas militum acies obtruncato, subitam Danis victoriam peperit. Insigne hoc prælium maximorum procerum ignaviâ fuit. Adeò siquidem rei summa perhorruit, ut fortissimi Sveonum quadraginta terga fugæ dedisse dicantur. Quorum præcipuus Starcatherus nullâ sævitiâ rerum aut periculorum magnitudine quati solitus, nescio quâ nunc obrepente formidine sociorum fugam sequi, quàm spernere præoptavit. Crediderim hunc metum ei divinis viribus injectum, ne supra humanam fortitudinem virtute sibi præditus videretur. Adeò nihil perfecti mortalium felicitas habere consuevit. Tunc hi omnes, maximi piratarum Haconis, quasi quædam belli reliquix ad eum delapsæ, commilitium amplectuntur.

Post hæc Syvaldo filius Sigarus succedit, cui filii Syvaldus, Alf, & Algerus fuere, filiaq; Sygne. E quibus Alf cæteris animo formâq; præstantior, pirati-

piraticis incumbere officiis. Cujus etiam insignem candore cæsariem tantus comæ decor asperferat, ut argenteo crine nitere putaretur. Eodem tempore Gothorum Rex Syvardus filios habuisse fertur Wemundum & Ostenum, filiamq; Alvildam, quæ tantam verecundiæ fidem ab ipsis propemodum incunabulis præferbat, ut os peplo jugiter obnuptum haberet, quò minus formam suam alienæ libidinis irritamentum efficeret. Huic pater in arctam admodum custodiam relegatâ viperam angvemq; educandos commisit, pudicitiam ejus adultorum tandem reptilium custodiâ vallaturus. Neq; enim facile thalamus investigari poterat, quem tanti discriminis pessulus obserebat. Statuit etiam, ut si quis ejus aditum frustra tentasset, protinus amputandum caput, paloq; refigendum præberet. Ita annexus petulantia metus concitata juvenum ingenia castigabat. Tunc Alf Sigari filius, rem hoc illustrius quò periculosius tentandam existimans, proci titulum professus, animalia propter virginis conclave excubantia debellare jubetur, quòd edicti ratione eorum victori virgineus deberetur amplexus. Quorum ut acrius adversum se rabiem excitaret, cruenta corpus pelle contextit. Quâ succinctus, mox ut septi valvas subiit, torridum chalybem forcipe comprehensum hiantis viperæ faucibus immergit, eamq; exanimem prostravit. Anguem deinde sinuosâ volubilitate prolapsum, inter medios rictus telum jaculatus, absumpsit.

Cumq; pacti conditione connexum victoria pignus expeteret, refert Syvardus huic sibi generum acceptari, in quem filia solidum optionis arbitrium contulisset. Cumque sola puellâ mater proci votum difficulter exciperet, mentem filia secreto perlustrat alloquio. Qua procum impensius ob virtutem laudante, conviciis eam acrius lacerat, quod elisis pudicitia nervis specierum illecebrâ caperetur, omittaq; virtutis censura adulantibus formæ blanditiis lascivæ mentis intuitum exhiberet. Ita Alvilda ad Danici juvenis contemptum adducta, virili veste fœmineam permutavit, atq; ex pudica admodum puella ferocem piratam agere cœpit. Compluribus quoq; ejusdem voti puellis in commilitium adscitis, eo fortè loci pervenit, ubi piratarum agmen amissi bello ducis interitum deplorabat. A quibus ob formæ pulchritudinem piraticæ princeps creata, majoris muliebri virtute res edidit. Quam Alf crebris navigationis laboribus insectari conatus, in Blacmannorum fortè classem hyeme incidit. Quo tempore densatis aquarum coactibus tanta glaciei moles naves corripuit, ut eis nulla remigandi vis processum struere potuisset. Cumq; frigoris diuturnitas tutiorem conclusis sponderet incessum, jubet Alf suos concretum pelagi sinum caligatis tentare vestigiis, calceorum lubricitate deposita, glaciale planum firmiter percursuros. Quos Blacmanni succinctâ pedum agilitate fugæ consulere rati, initâ cum eis pugna, vacillantibus nimium cessare vestigiis, utpote quorum ancipites gradus subjectum plantis lubricum impellebat. Dani vero crustatum algore pelagus passu tutiore permensis, infirmos hostium elisere progressus. Quibus devictis, navigationem in Finniâ vertunt. Ubi contractiorem fortè sinum ingressi, missis qui rerum habitum explorarent, paucis navibus portum occupari cognoscunt. Alvilda quippe easdem faucium angustias prior classe petiverat. Quæ cum ignotas eminens puppes adesse conspiceret, præpeti remigio velox in eorum defertur occursum, irrumpere hostem quàm opperiri satius judicans. Tunc Alf, prohibentibus sociis, plures naves paucioribus attentari, indignum respondit, ut Alvildæ quis perferat paucarum puppium objectu procurfus sui studia deturbari, præfatus parvæ rei momento magnorum operum titulos respergendos non esse. Nec parva Danis admiratio fuit, undè hostium corporibus talis formæ decor, tantaq; membrorum aptitudo suppeteret. Ut ergo navalem committere pugnam cœperunt, Alf juvenis Alvildæ proram insiliens in puppim usq; facta resistentium strage progreditur. Cujus comes Borcarus decussâ Alvildæ galeâ, mentiq; ejus lævitate conspectâ, animadvertit osculis non armis agendum esse, telorumq; rigore deposito, blandioribus

hostem officiis attrectandam. Igitur Alf, quam terrâ mariq; tot obstantibus periculis, indefesso labore quæsierat, supra spem offerri gavisus, cupidius apprehensam, virilem cultum in muliebrem convertere coëgit: ex quâ postmodum filiam Guritham procreavit. Sed & Borcarus Alvildæ comitem, Gro nomine, matrimonio complexus, filium ex ea Haraldum suscepit, quem sequens ætas Hyldetand cognominavit.

Et ne quis hunc bellis sexum insudasse miretur, quædam de talium foeminarum conditione & moribus compendio modicæ digressionis expediam. Fuere quondam apud Danos foemina, quæ formam suam in virilem habitum convertentes, omnia penè temporum momenta ad excolendam militiam conferebant, ne virtutis nervos luxuriæ contagione hebetari paterentur. Siquidem delicatum vivendi genus perosæ, corpus animumq; patientia ac labore durare solebant, totamq; foemineæ levitatis molliem abdicantes, muliebri ingenium virili uti sævitia cogeabant. Sed & tanta cura rei militaris noticiam captabant, ut foeminas exuisse quivis putaret, præcipue vero quibus aut ingenii vigor, aut decora corporum proceritas erat, id vitæ genus incedere consueverant. Hæ ergo perindè ac nativæ conditionis immemores, rigoremq; blanditiis anteferentes, bella pro basiis intentabant, sanguinemq; non oscula delibantes, armorum potius quam amorum officia frequentabant, manusq; quas in telas aptare debuerant, telorum obsequiis exhibebant, ut jam non lecto, sed letho stuentes spiculis appeterent, quos mulcere specie potuissent. Nunc à diverticulo propositum repetam.

Veris initio, cum Alf & Algerus, repetitis piraticæ operibus, variâ pelagus navigatione tentarent, in Hamundi Reguli filios Helvvin, Hagbarthum & Hamundum centenis incidere navigiis. Quibus illato prælio, cum fessas cæde dextras sola crepusculi caligo diriineret, noctu militi foedus imponitur. Quod postero die perpeti invicem jure firmatum est; tanto vulnere hesternâ pugnâ utrobique suscepto, ut nulla renovandi certaminis facultas existeret. Ita quos par virtus exhaustit, necessitas in pacem coëgit. Per idem tempus Hildigesleus claro Teutonum loco ortus, formæ & nobilitatis fiduciâ Sygnem Sigari filiam postulabat. Apud quam maximum ei contemptum obscuritas peperit, quod fortitudine vacuus, aliena probitate fortunam instruere videretur. Præcipue eandem in amorem Haconis magnalium ejus spectata deflexit opinio. Quippe majorem fortium, quàm mollium respectum agebat; nec formæ, sed operum insignia mirabatur; sciens omne decoris blandimentum sola virtutis æstimatione fordescere, nec æqua illi lance conferri. Sunt enim puellæ, quæ potius amatorum claritate quàm specie capiuntur, quasq; non oris, sed mentis habitum æstimantes, in alternum copulæ votum solus animi respectus accendit. Hagbarthus verò cum Sigari filiis Daniam petens, iisdemq; ignaris, sororis eorum alloquio potius, tandem eam ad clandestini concubitus promissionem fide sibi obligandam adduxit. Quæ postmodum, fortè pedissequis insignes procerum titulos conferentibus, Hildigisleo Haconem prætulit, in illo nihil præter speciem laudabile reperiri, in isto oris lituram animi florere pensari testata. Nec eum simplici laudationis genere extulisse contenta, tali concentu usa perhibetur:

Hic candoris inops primâ probitate relucet,

Vultum vigore metiens.

Nam damnum rigidæ redimit mens ardua formæ,

Mendamq; vincit corporis.

Corde micat species, facies feritate juvatur,

Ipso rigore præcluis.

Hæc candore beat mentum, sed mente colorem

Morum severus arbiter.

*Huic precium non forma facit, sed fortior ausus,
 Armisq; parva claritas.
 Ast illum capitis decor approbat, & nitor oris,
 Vertexq; crine fulgidus.
 Sordet inane decus forma, confunditur in se
 Fallax decoris dignitas.
 Disparibus studiis, species virtusq; reguntur,
 Hac perstat, illa deperit.
 Importat vitium vacuus color, hunc levis anni
 Fluxus gradatim dissipat.
 Ast probitas meliore loco sua pectora firmat,
 Nec lapsa prorsus excidit.
 Exteriore bono vulgaris fallitur aura,
 Rectiq; normam negligit.
 At mihi censurâ virtus potiore probatur,
 Spretâ decoris gratiâ.*

Quæ vox ita ad astantium aures delapsa, ut Hagbarthus Haconis laudari vocabulo putaretur. A qua cum Hildigisleus Hagbarthum sibi prælatum dolenter tulisset, Bolvvifum quendam luminibus captum muneribus illicit, qui Sigari & Hamundi filios ad amicitias odio permutandas adduceret. Rex quippe Sigarus senum duorum, quorum alter Bolvvifus erat, consilio cuncta ferè gerere consueverat. Horum tam discors ingenium fuit, ut alter inimicitiis dissidentes in gratiam reducere solitus esset: alteri curæ foret amicitia junctos odio sequestrare, & simultatum pestes alternis ventilare diffidiis. Primum itaq; Bolvvifus apud Sigari filios Hamundi sobolem pleno obtreccationis mendacio lacerabat, affirmans eam nunquam fida pace societatis jura, servare solitam, bello potius quàm fœdere continendam. Itaq; juvenum pactione perruptâ, Helvvin & Hamundus, Hagbartho procul agente, à Sigari filiis Alf & Algero prælium inferentibus, apud portum, qui Sinus Hamundi dicitur, opprimuntur. Quos Hagbarthus postmodum integris viribus superveniens in ultionem fratrum bello consumpsit. Hildigisleus ambas nates telo trajectus elabatur. Quæ res insectandorum risu Teutonum occasio extitit, quod opprobrii notâ plagæ deformitas non careret.

Post hæc Hagbarthus muliebri corpus cultu instruens, tanquam Sigari filiam fraterna clade non læserit, solitarius eam acceptæ promissionis fiduciâ repetit, plus securitatis ex ipsius fide, quàm suo facinore formidinis contrahens. Adeo libido periculum contemnit. Et ne profectio causa deesse videretur, pugnacem Haconis famulam profitendo, legationem ejus ad Sigarum perferre se dixit. Cumq; noctu inter pedissequas cubitum reciperetur, pedesq; ei ab ancillulis lavandi officio pertergerentur, interrogatus, quid hispidis adeo cruribus esset, manusque parum blandi contactus haberet, hoc modo respondit:

*Quid miri tenerum nobis durescere subtel,
 Et longos hirtò crure manere pilos?
 Cui plantas toties subjecta relisit harena,
 Et vepres medium corripuere gradum?
 Nunc saltu nemus experior, nunc aquora cursu,
 Nunc mare, nunc tellus, nunc iter unda mihi.
 Sed neq; ferratis conclusum nexibus uber,
 Aut jaculis solitum, missilibusq; premi,
 Ad tactum vestro potuit mollescere ritu,
 Quas chlamydis tegmen, aut toga lævis habet.
 Nec colus aut calathi, sed cede madentia tela
 Officium nostra composuere manus.*

SIGARVS.

Cujus affirmationem Sygne consentaneo dissimulationis genere prosequi non morata, par esse refert manus vulnera sapius quàm vellera, pugnam, quàm pensa tractantes, consentaneam officio præferre duritiem, nec tractabili sceminarum molitudine enervem levitatis speciem alienis contactibus exhibere. Quippe eas partim bellico labore, partim navigandi consuetudine duratas esse. Neq; enim bellatricem Haconis vernulam muliebribus inservire negotiis, sed jaculandis hastis, torquendisq; missilibus oblitam cruore dexteram afferre consuevisse. Quamobrem mirandum non esse plantas ingenti itinerum emensione duratas, quasq; decursa toties littora scabris lapidum fragmentis obriverint, calloso rigore lentescere, nec parem earum teneritudini contactum præ se ferre, quarum vestigia digressus expertia aulicis jugiter liminibus includantur. Quam quum Hagbarthus, perinde ac honoratiorem cubandi locum habiturus, tori sociam recepisset, inter mutæ voluptatis colloquia talibus sensim orsis compellat:

*Si captum genitor tuus
Me tristi dederit neci,
Numquid conjugij fidem,
Tanti fœderis immemor,
Post fatum repetes meum?
Nam si sors ea cesserit;
Haud spero veniam locum:
Nec parens miserebitur
Ulturus sobolem parens.*

*Nam fratres necui tuos
Privatos ope nauticâ:
Et nunc te, patre nescio,
Ac si nil prius egerim,
Votis illius obviam,
Communi teneo toro.
Dic ergo, Venus unica,
Quam voti speciem ferēs
Complexu solito carens?*

Ad hæc Sygne:

*Me crede tecum, chare, velle commori,
Si sors exitij pratulerit vicem;
Nec ulla vitæ prorogare tempora,
Quum te mors tumulo tristis adegerit.
Nam si supremam fortè lucem clauseris,
Lictorum rabido subditus ausui;
Quocumq; letho præfocetur halitus,
Morbo, seu gladio; gurgite, vel solo:
Omnis petulca labis ignes abdicō,
Et me consimili devoveo neci:
Ut quos idem fœdus tori revinxerat,
Idem supplicij contineat modus.
Nec hunc, necis sensura pœnas, deferam,
Quem dignum Venere constitui meâ:
Qui prima nostri carpsit oris oscula,
Et floris teneri primitias tulit.
Nullum puto votum futurum certius,
Si quid fœminea vox fidei gerit.*

Quæ vox ita Hagbarthi animum vegetavit, ut plus voluptatis in ejus promisso, quàm periculi in sua digressionem reponeret. Qui quum ab ancillulis proditus à Sigari lictoribus oppugnaretur, diu se strenuâ pugna defendit, compluresq; ex eis in aditu trucidavit. Comprehensus tandem, & ad concionem perductus, diversa plebis suffragia expertus est. Siquidem complures supplicium ab eò tam gravis injuriæ exigendum dicebant. Sed Bilvvivus Bolvvivi frater, aliiq; sententiæ potioris auctores, potius strenuâ ejus opera utendum, quàm crudelius in eum consulendum monebant. Tunc subiens Bolvvivus, iniqua affirmabat consilia, quæ Regem quum ultione uti debeat, ignoscere jubeant, & justum iracundiæ motum indigna miseratione deleniant. Quo enim pacto Sigarum circa hunc parcendi miserendive studio moveri posse, à quo non solum gemino filiorum solatio spoliatus, sed etiam

etiam corruptæ filiæ contumeliâ respersus videatur? Quam sententiâ, SIG. ARVS,
 majore concionis parte suffragiis prosequente, damnatur Hagbarthus,
 stipesq; eum excepturus erigitur. Quo evenit, ut qui prius nullum penè
 triste suffragium habuerat, omnium sævitia mulctaretur. Quem Regina
 mox porrecto poculo sicim lenire jussum, tali minarum inflictione soliciat:

*Nunc insolens Habarthe,
 Quem morte dignum concio
 Adjudicavit omnis,
 Sitis fuganda gratiâ
 Ori dabis bibendum
 Scypho liquorem corneus.
 Ob hoc metum refutans,
 Vita supremo tempore,
 Audacibus labellis
 Lethale liba poculum;
 Quo potus inferorum
 Mox applicere sedibus,
 Iturus in reclusam
 Ditis severi regiam;
 Patibuloq; corpus
 Orco daturus spiritum.*

Tunc juvenis oblatum apprehendens poculum, tale fertur intulisse
 responsum:

*Hac gustum capiam manu supremum,
 Extrema quoq; potionis haustum,
 Quâ natos tibi sustuli gemellos.
 Jam non Elysios inultus axes,
 Non impune truces adibo manes.
 Nam nostro prius hos peracta nisa
 Clades tartareis reclusit antris.
 Hac vestro maduit cruore dextra,
 Hac proli teneros ademit annos,
 Quam luci tua procreavit alvus,
 Cui nec funereus pepercit ensis.
 Infamis mulier, furensq; mente,
 Infelix genitrix: Et orba natis,
 Sublatum tibi nulla reddet ætas,
 Nec tempus redimet, diesve quavis
 Demptum lethifero rigore pignus.*

Ita mortis comminationem interfectorum à se juvenum exprobra-
 40 tione ultus, rejecto in Reginam poculo os ejus sparso meri liquore suffudit.
 Interea Sygne descentes famulas, an sibi cœptorum sociæ fieri pate-
 rentur, interrogat. Illæ, quicquid dominæ voti incederet, suis spondent
 effectibus exequendum. Promissioni fides adjecta est. Deinde lacrymis
 suffusa, quem unicè tori consortem habuerit, fato insequi velle se dicit,
 jubetq; mox ut signum è specula datum esset, faces thalamo subdi, dein-
 de laqueos ex peplis fieri, hisdemq; fauces, pulso pedum fulcimine, stran-
 gulandas præberi. Assentientibus, quò minorem mortis metum haberent,
 merum propinat. Post hæc Hagbarthus ad montem, qui postmodum ab
 ipso vocabulum traxit, suspendio consumendus adducitur. Tunc expertu-
 50 rus amasiæ fidem, amiculum suum à lictoribus suspendi præcepit, volupta-
 ti sibi esse præfatus, si propinquæ mortis instar alicujus spectaculi imagine
 pervidisset. Quo impetrato, speculæ custos id circa Hagbarthum peragi
 ratus, conclusis intra aulam puellis conspecta denunciât. Quæ mox datis
 incen-

SIG. ARVS.

incendio tectis, subjecta pedibus robora depellentes, gulas laqueis obtorquendas dederunt. Igitur Hagbarthus regiam igni implicatam conspiciens, ac notum conflagrare cubiculum, plus lætitiæ se ex amicæ fide, quam mœroris ex propinqua morte sentire perhibuit. Quinetiam astantes ad necem sibi inferendam hortatus, in quam parvo momento fatum poneret, hujusmodi carmine protestatur:

*Ocyus ô juvenes correptus in aëra tollar,
Dulce mihi, nupta, est post tua fata mori.
Aspicio crepitus & tecta rubentia flammis,
Pollicitusq; diu pacta revelat amor.
En tua non dubiis completur pactio votis,
Quum vita mihi sis, interitusq; comes.
Unus erit finis, unus post fœdera nexus;
Nec passim poterit prima perire Venus.
Felix qui tanto merni consorte juvari,
Nec male tartareos solus adire deos.
Ergo premant medias subjecta tenacula fauces,
Nil nisi quod libeat, pœna suprema feret;
Quum restauranda Veneris spes certa supersit,
Et mors delicias mox habitura suas,
Axis uterq; juvat, gemino celebrabitur orbe,
Una animi requies, par in amore fides.*

Ecce enim oblatum libens discrimen accipio, quum ne apud manes quidem amor ipse participis sui complexum deperire patiatur. Et cum dicto lictorum operâ laqueo profligatur. Et ne cuiquam antiquitatis vestigia prorsus exolevisse credantur, prædictæ rei fides præsentibus locorum indicibus exhibetur, quum & Hagbarthus pago vocabulum extinctus intulerit, nec longè à Sigari oppido locus pateat, ubi plano paululùm agger elatior veteris fundi instar protuberantis humi specie demonstrat. Sed & quidam Absaloni trabem se eo loci repertam vidisse narravit, quam agrestis vomere glebam rimatus offendit.

His auditis Hako Hamundi filius, quum in ultionem fratrum arma ab Hybernienſibus in Danos translaturus videretur, ab Hakone Sialandico Wigeri filio, Starcatheroq; deferitur, quorum post Regnaldi necem ad usque tempus auxiliis utebatur. Alter siquidem familiaritatis, alter originis intuitu movebatur, diversaq; ratio par ambobus studium peperit. Hakonem namq; ab inuassione patriæ pietas deturbavit, quòd cæteris adversum externos bellum gerentibus, ipse cum civibus præliaturus videretur. Starcatherus verò quòd Sigari senilis hospitio usus fuerat, hostem agere supersedebat, ne benè meritum injuriâ afficere putaretur. Tantum enim quidam hospitalitatis gratiæ deferunt, ut ad molestiam eis inferendam adduci non possint, quorum se quandoq; humanitatis officia expertos meminerint. Sed & Hako plus damni in fratrum nece, quàm pugilum defectione reponens, in portum, qui Danicè Hærvvig, Latine Exercituum sinus dicitur, classe collatâ, militem exponit, pedestremq; aciem instruit, quo loci nunc oppidum ab Hesberno constructum, munimine suo præsidium accolis facit, aditumq; barbaræ feritatis eliminat. Deinde sparsis trifariam copiis, geminam navium partem, paucis remigio destinatis, ad Susam amnem præmittit, quæ per obliquos alvei flexus ancipiti navigatione progrediens, peditibus, si res posceret, subsidium ministraret. Ipse cum residuis pedestri itinere facto, sylvestribus maximè locis, ne cerneretur, incessit. Quæ via crebris quondam occlusa nemoribus, nunc partim aratris apta, tenui fruticum raritate prætexitur. Et ne progressis in planum, arboreum deesset umbraculum, ramalia ab eis incidi gestariq; præcepit. Præterea ne quid properantibus oneri foret, vestium partem ac vaginas abjici, nudosq; gladios deferri jussit. Ob cujus facti memoriam,

moriam, æternum monti, vadoq; cognomen reliquit. Ita binas vigilum stationes nocturna progressionē frustratus, qvum in tertiam incidisset, mox speculator insolitum facti contemplatus eventum, accessit Sigari cubiculo stupendæ rei nuncium afferre se dixit, quod frondes ac frutices humano more gradientes aspiceret. Tunc percontatus Rex, quantum nemoris distaret adventus, ut propinqvum esse cognovit, hoc monstro fatum sibi portendi subjunxit. Quo evenit ut succiforum fruticum palus, Lethalis publico nuncuparetur eloquio. Igitur locorum angustias veritus, relicto oppido, conspectiorem soli planitiem prælio hostes excepturus petivit. Idem apud locum, qui vulgò
 16 Walbrynda, Latine cadaverum vel stragis puteus appellatur, gestâ infelicitè pugnâ, protritè extinguitur. Tunc Haco victoriâ in crudelitatem versâ tanto facinore fortunam prosequi cœpit, ut promiscuæ cædis avidus, nihil conditioni aut sexui deferendum putaret. Sed neq; miserationis aut verecundiæ respectui indulgit, quo minùs fœmineo ferrum cruore respergeret, matresq; cum liberis communi stragis sævitia violaret.

His auditis Syvaldus Sigari filius, qvum paternis hæcenus penatibus in-
 hæssisset, ultoris partes executurus exercitum contrahit. Igitur Haco multi-
 tudinis concursu conterritus, cum tertia agminis parte in Hærvvig classem re-
 petens, maritimo sibi discessu consuluit. Cujus collega Haco cognomine Fa-
 20 stuosus, plus fiduciæ in recenti victoriâ, quàm metus in Haconis absentia re-
 ponendum existimans, mortemq; fugæ præferens, residuum tutabatur exer-
 citum. Itaq; reductis paulisper castris, apud villam Axelstadam, navalem diu-
 tulè præstolatus occursum, venientium tardius sociorum segnitiam causaba-
 tur. Nondum enim ad destinatum portum immissa amni classis appulerat. A-
 deo autem Sigari clades, Syvaldiq; charitas promiscuos plebis animos inci-
 tabant, ut uterq; se bello sexus impenderet, nec certamen crederes fœmineis
 caruisse præsidis. Postera luce Haco, Syvaldusq; congressi, biduum extraxe-
 re pugnâ. In quâ rebus atrocissimè decertatis, utroq; duce prostrato, Dano-
 rum reliquias victoriâ decoravit. Nocte vero prælium insecuta ad constitui
 30 portus receptaculum, classis Sufam rimata pervenit. Cujus alveum quon-
 dam remigiis pervium, nunc solidioribus elementis concretum angustia limi-
 tant, ut vetante constrictionis inertia rarus puppium admittatur ingressus.
 Diluculo nautæ sociorum cadavera conspicati, funerandi ducis gratia, collem
 spectatæ magnitudinis extruunt, quem usq; nunc opinione celebrem Haco-
 nis bustum fama cognominat. Quorum multitudinem Borcarus cum Sca-
 nico repente equitatu adveniēns, neci implicuit. Consumpto hoste vacuas
 remigio rates instruens, Hamundi filium anhela præceps celeritate persequi-
 tur. Cujus congressu habito, contigit Haconem rebus infelicitè gestis metu
 præcipitem in Scothorum patriam ternis evolare navigiis. Ubi decurso bi-
 40 ennio defungitur.

Talia rerum bellorumq; discrimina adeò regiam apud Danos gentem ex-
 hauserant, ut hanc ad solam Guritham Alfi filiam, Sigari vero neptem, redactam
 esse constaret. Qui qvum se consvetæ nobilitatis regimine defectos viderent,
 regnum popularibus tradunt, creatisq; ex plebe principibus, Ostmaro Scania,
 Hundingo Sialandia procurationem attribuunt. In Hanonem Fionæ domi-
 nium conferunt. Penes Røricum atq; Haterum Jutiæ summam discreta po-
 testate constituunt. Et ne lateat, quo Regum posteritas satore succreverit, oc-
 currunt quædam necessario paulisper perstringenda digressu. Ferunt fortis-
 simum Svecorum Gunnarum olim ob gravissimas causas Norvagiæ insensum,
 50 laceffendæ ejus licentiam precibus impetratam maximis exasperasse pericu-
 lis, ac primum in Jather Provinciam propositos effudisse decursus: quam
 partim flammis, partim cædibus implicans, omissis rapinis, tantum obritos
 cadaveribus calles ac fusas cruore semitas permeare gaudebat. Nam qvum
 cæteri jugulis abstinere, prædamque magis quàm cædem affectare sole-
 rent, hic spoliis sævitiam anteponens, funestum animi libitum humanis
 M potissi-

QVINQUE
 DANICÆ
 GVER-
 NADORES

QVINQVE
GVBER-
NATORES

potissimum cladibus exercebat. Cujus atrocitate permoti incolæ, proprium periculum publica deditione præveniunt. Sed & Rex Normanorum Regnaldus ultimæ senectutis, audito tyranni studio, filiam Drottam facto specu claudendam curavit, aptumq; ei provisum in longum sumptibus famulitium tribuit. Sed & gladios exquisita fabrorum operâ decussatos, cum regia supellectile pariter antro mandavit, ne ferri usum, quem sibi inhabilem videret, hosti capiendum relinqueret. Et ne conspicua cavæ pateret elatio, solidiori terræ tumorem æquabat. Ad bellum deinde profectus, quum senilibus membris in aciem descendere non posset, comitum innixus humeris, alienis fulta gradibus vestigia proferebat. Igitur prælio cupidius quam felicius gesto con- 10 sumptus, gravem ruboris causam patriæ reliquit.

Ut enim Gunnarus devictæ gentis ignaviam inusitatâ conditionis deformitate mulcicaret, rectoris loco canem eis præponi curavit. Quo facto quid aliud eum assequi voluisse putemus, quam ut plenus superbiæ populus insolentiam suam manifestius puniri cognosceret, dum obnixos latranti vertices inclinaret. Et ne quid contumeliæ deesset, satrapas procuravit, qui sub ejus titulo privata ac publica negotia tuerentur. Cujus etiam jugi constantiq; custodiæ distinctos procerum ordines applicabat. Statuit insuper, ut si quis aulicorum ducis sui despicabile duxisset obsequium, variosq; discurrentis incessus plenis venerationis obsequiis insequi supercedisset, membro- 20 rum clade supplicia lueret. Sed & geminum genti vinctigal imposuit, unum autumnalibus copiis, alterum vernali tempore persolvendum. Ita Norvagiensium tumore exploso obtentum est, ut liquidius fastus sui detrimenta cognoscerent, quem caninis adactum obsequiis viderent.

Audiens autem Regis filiam longinquis occlusam latibulis, omnibus ingenii nervis ad eam investigandam contendit. Quo evenit, ut dum ipse quoq; lustrandi inter alios officio fungeretur, subterranei murmuris sonum dubiâ procul aure colligeret. Tunc sensim progressus certiore humanæ vocis habitum deprehendit. Cumq; subjectam pedibus humum ad solidum fodi jussisset, subito patente cavâ cuniculatos animadvertit anfractus. Trucidatis i- 30 taq; famulis, dum detectos antri aditus tueri cupiunt, puella cum repositis ibi spoliis cavo extrahitur. Quæ rerum admodum provida patrios duntaxat enses secretioris custodiæ tutamento tradiderat. Hæc à Gunnaro stuprum pati coacta, filium procreat Hildigerum. Cui tanta paternæ crudelitatis amulatio fuit, ut cædium semper appetens, & humanis solum intentus excidiis, immensâ fundendi cruoris cupidine suspiraret. Igitur ob intolerabiles sævitæ mores à patre proscriptus, moxq; ab Alvero tyrannide donatus, finitimos bellis ac cædibus implicando omne ætatis tempus armis exegit, nihilq; exilii conditione ex consuetudo crudelitatis habitu remittens, animum cum loco mutari passus non est.

Intercâ Borcarus Regnaldi filia Drottæ matrimonium per vim à Gunnaro occupatum expertus, conjugem eum, vitâq; privat, ac sibi Drottam connubio sociat. Quæ etiam ægrè nuptiis assensa non est, quod parentis ultorem jure complexura videretur. Neq; enim lugentis patrem filia ejus interfectori voluptuosus poterat obtemperare consensus. Hujus Borcariq; filius Haldanus fuit: cujus juventæ initia stoliditatis opinione referta fuere, sequens verò ætas fulgentissimis operum insignibus illustris evasit, maximisq; vitæ ornamentis inclaruit. Adolescens pugilem ingenuæ famæ, quod ab eo pueriliter obludens colapho percussus esset, gestamine, quod in manu habebat, petitem oppressit. Quo facto futuros operum titulos auspicatus præterita 50 vitæ contemptum in amplissimum sequentis fulgorem convertit. Ea quippe res bellicorum ejus insignium magnitudinem augurata est.

Ea tempestate Røtho, Ruthenorum pirata, patriam nostram rapinæ & crudelitatis injuriis profligabat. Cujus tam insignis atrocitas erat, ut cæteris extremæ captorum nuditati parcentibus, hic etiam secretiores corporum partes tegminibus spoliare deforme non duceret. Unde graves adhuc, immanesq;

rapinas Røtheran cognominare solemus. Sed & torquendis interdum hunc supplicii modum adhibere solebat, ut dextris eorum pedibus terræ tenacius affixis, laevos curvatis de industria ramis annecteret; quorum salacitas medii corporis distractione recurreret. Quem Fionix rex Hano dum speciosos sibi titulos consciscere cupit, maritimis viribus oppugnare conatus, fugam uno comitatus ingreditur. In cujus exprobrationem proverbium manavit: In proprio plus lare Hanonem valere. Tunc Borcarus ulteriorem civium jacturam inspectare non passus, Røthoni se objicit: quorum ut mutuum bellum, ita etiam exitium fuit. Eadem pugna Haldanum graviter affectum fama est aliquamdiu susceptis oblanguisse vulneribus: è quibus unum evidentius ori inflatum habebat. Quod adeò cicatrice conspicuum erat, ut cæteris medela recreatis, patientiori quâdam lentigine teneretur. Oblisam quippe labelli partem ita verrucæ vitium ulcerabat, ut ejus rimosa rabes carnis excremento sarciri nequiret. Quæ res ei plenum contumeliæ cognomen impressit, quum potius vulnera adverso corpore excepta, laudem quàm dedecus asferre soleant. Adeò maligna virtutum interpres vulgaris interdum existit opinio.

Interea Alfi filia Guritha, quum regiam stirpem ad se solam redactam animadverteret, neminemq; , cui nuberet, nobilitate parè haberet, nuncupatis votis voluntariam sibi castimoniam indixit, concubituq; carere, quam ex plebe maritum adsciscere satius duxit. Quinetiam cavendæ injuriæ gratia conclave suum electo pugilum agmine tutabatur. Ad quam quum Haldanus semel fortè venisset, abessentq; pugiles, quorum ipse fratrem impubis extinxerat, oportere eam, inquit, soluto virginitatis cingulo, castimonix rigorem rebus permutare Venereis: ne ita pudicitix votis indulgeat, ut lapsa regni gubernacula copula suæ beneficio reparare contemnat. Se ergo nobilitatis splendore conspicuum nuptialibus ab ea votis respici juberet: quò ob dictam causam voluptati aditum datura videatur. Ad hæc Guritha adduci se non posse retulit, ut regiæ nobilitatis reliquias inferioris ordinis viro copulare sustineat. Nec generis obscuritatem exprobrasse contenta, etiam oris deformitatem impropere. Haldanus geminum ab ea sibi vitium objectari subjunxit: unum, quò sanguine parum niteret; alterum, quò rimosi oris jacturam inexpleta cicatrice præferret: Ideoq; non prius se postulandæ ejus gratia rediturum, quàm utramq; notam partâ armis claritate tersisset. Obsecrat quoq; , ne cui tori conniventiam præberet, antequam reditus, interitusve sui certitudinem nuncio cognovisset. Quem athletæ, fratres jam pridem ab eo spoliati, Gurithæ locutum indignè ferentes, discedentem equis insectari conantur. Quo viso, comitibus latebram petere jussis, se solum pugiles excepturum dicebat. Morantes asseclas imperioq; obsequi deforme ducentes minis abigit, præfatus non comperturam Guritham pugnam à se formidine detrectari. Mox quercu succisâ, atq; in clavæ habitum redactâ, solus cum duodecim manum conferuit, eosq; spiritu spoliavit. Quibus peremptis tam præclari operis titulis non contentus, majoris edendi gratia avitos à matre gladios recepit, quorum alter Liusingi, alter Hvittingi, ob collimati acuminis nitorem, vocabulum habuit. At ubi inter Alverum Svetiæ regem Ruthenosq; bellum flagrare cognovit, è vestigio Russiam petit, oblatoq; incolis auxilio, summâ cum omnium dignatione suscipitur. Sed nec procul Alverus agebat, brevi locorum trajectu parvulam internectente distantiam. Cujus miles Hildigerus Gunnari filius, Ruthenorum pugilibus ad secum dimicandum provocatis, cum Haldanum offerri animadverteret, ejusq; se fratrem esse non ignoraret, pietatem fortitudini prætulit, seq; septuaginta pugilum oppressione conspicuum, cum homine parum spectato manum conferturum negavit. Juber itaq; eum minorem se rerum experimentis metiri, ac deinde æqua viribus studia consecrari. Hæc autem

non virtutis diffidentiâ, sed integritatis servandæ gratia astruebat, quum non solum acerrimus, verum etiam hebetandi carminibus ferri peritus existeret. Quippe quum ab ejus patre suum oppressum meminisset, affectusq; geminos, unum paternæ ultionis, alterum fraternæ charitatis haberet, provocationi cedere, quàm maximo implicari scelere satius duxit. Cujus loco alium Haldanus athletam deposcens, exhibitum jugulat: moxq; ei etiam hostium suffragio virtutis palma decernitur, omniumq; fortissimus publicâ proclamatione censetur. Posterâ die duobus in pugnam petitis, ambos obtruncat. Tertiâ luce ternos expugnat. Quartâ, quatuor secum congressos exuperat. Quintâ verò quinos exoptulat. Quibus oppressis, quum ad octavam similibus pugnæ & victoriæ incrementis perventum esset, undecim simul admissos prosternit. Cui Hildigerus, quòd operum suorum titulos virtutum ejus magnitudine æquatos videret, congressum ulterius negare non passus, quum ab eo, obducto panniculis ferro, mortificum sibi vulnus inflictum animadverteret, abjectis armis humi decumbens, tali fratrem voce compellat:

*Collibet alternis devolvi fatibus horam,
Et ferro pausante, solo subsidere paulum,
Alternare moram dictis animosq; fovere.
Restat proposito tempus; nam fata duorum
Fors diversa tenet; alium discrimine certo
Sors feralis agit, alium potioribus annis
Pompa decusq; manent, & agendi temporis usus.
Sic sibi dividuum partes discriminat omen.
Danica te tellus, me Sveticus edidit orbis.
Drot tibi maternum quondam distenderat uber,
Hac genitrice tibi pariter collacteus exto.
En pia progenies trucibus concurrere telis
Ausâ perit, claro prognati sanguine fratres
Illata sibi Cade ruunt, dum culmen aventes
Tempore deficiunt, sceptriq; cupidine nacti
Exitiale malum socio Styga funere visent.
Ad caput affixus clypeus mihi Sveticus astat,
Quem specular vernans varij calaminis ornat,
Et miris laqueata modis tabulata coronant.
Illic confectos proceres, pugilesq; subactos,
Bella quoq; & nostrâ facinus spectabile dextra
Multicolor pictura notat: medioxima nati
Illita conspicuo species calamine constat,
Cui manus hæc cursum metæ vitalis ademit.
Unicus hic nobis hæres erat, una paterni
Cura animi, superoq; datus solamine matri.
Sors mala, quæ latens infauustos aggerit annos,
Et risum mærore premit, sortemq; molestat.
Lugubre ac miserum est dejectam ducere vitam;
Et tristes spirare dies, omenq; dolere.
Sed quæcunq; ligat Parcarum præscius ordo,
Quæcunq; arcanum superæ rationis adumbrat,
Seu quæ fatorum serie prævisâ tenentur,
Nulla caducarum rerum conversio tollit.*

His dictis, quum ab Haldano ob tam seram fraterni vinculi confessionem inertiae damnaretur, idcirco se silentio usum esse dicebat, ne aut pugnam detrectando ignavus, aut committendo scelestus existimari posset. Talibus excusationis verbis intentus extinguitur. Sed apud Danos Haldanum ab Hildigero prostratum rumor ediderat. Post hæc Guritha, quæ regii sanguinis sola apud

apud Danos supererat, quum à Sivaro Saxonica gentis nobilissimo postulari
coepisset, latenterq; ei Haldanum præferret, conditionem proco intulit, ne
suum prius connubium peteret, quàm Danorum regnum membratim divi-
sum in unum corpus redigeret, idq; sibi per injuriam ereptum armis resti-
tuisset. Quod frustra tentante Sivaro, omnibus arbitris pecuniâ ab ipso cor-
ruptis, tandem ei despondenda conceditur. Quod Haldanus apud Russiam
per negotiatores expertus, tanto studio navigationi incubuit, ut nuptiarum
tempus adventu præcurreret. Quarum prima die regiam petiturus præcepit,
ne comites prius à constitutis sibi moverentur excubiis, quàm ferri stridorem
10 eminus aure perciperent. Cumq; convivis parum cognitus coram virgine
constitisset, ne vulgaris eloquii nuditate pluribus intellecta depromeret, in-
hunc modum abstrusâ carmen ambage compegit:

<i>Patris sceptrâ relinquens:</i>	<i>Post septem, simul octo,</i>
<i>Nil figmenta verebar</i>	<i>Undenos quoq; solus</i>
<i>Commenti muliebris,</i>	<i>Victor Marte subegi.</i>
<i>Astus fœmineæve:</i>	<i>Sed ne tunc fore rebar</i>
<i>Unum quando duosq;</i>	<i>Pro bri labe notandus,</i>
<i>Tres ac quatuor, & mox</i>	<i>Promissi levitate,</i>
<i>Quinos, indeq; senos,</i>	<i>Pactis illicibusq;</i>

20

Ad hæc Guritha,

Fragili moderamine rerum
Animus mihi pendulus hæsit
Trepida levitate pererrans:
Tua fama volatilis, anceps,
Variisq; relatibus acta,
Dubium mihi pectus inussit.
Teneri tibi temporis annos
Gladio periisse verebar.
Poteramne resistere sola,
Senioribus atq; magistris
Prohibentibus ista negari,
Thalamoq; monentibus uti?
Manet & Venus, & calor idem.
Socius tibi, parq; futurus:
Nec ab ordine sponsio cessit
Aditus habitura fideles.

30

Neq; enim ulla adhuc te fefellit promissio, quanquam sola multiplicis
suadelæ consilia detrectare non possem, & in jugalis copulæ receptione mo-
nitis obviare censoriis: Nec dum responsum virgo complebat, & jam spon-
sum Haldanus ferro transverberat. Nec unum oppressisse contentus, maxi-
mam convivarum partem obtruncat. In quem quum Saxones cessim ebrie-
tate labantes irruerent, à supervenientibus ejus vernaculis trucidantur. His
gestis Gurithâ potitur. Quam quum sterilitatis vitio obnoxiam animadver-
teret, maximamq; prolis creandæ cupidinem haberet, conciliandæ ei fœcun-
ditatis gratiâ Upsalam petit; responsoq; monitus, suscitandæ sobolis causâ,
fraternis primum manibus parentare, postquam oraculo paruit, optatæ rei
solatium impetravit. Siquidem filium ex Guritha suscepit, cui Haraldo vo-
cabulum aptavit. Cujus titulo Danorum regnum principum injuriis lace-
ratum ad pristinum dominationis habitum revocare conatus, dum bello a-
pud Sialandiam gesto, Wesetum præcipuæ opinionis athletam in acie oppu-
gnat, occiditur. Quo viso Guritha, quum prælio ob filii charitatem sub viri-
li habitu interesset, eundem fugientibus sociis cupidius dimicantem ad pro-
pinquum nemus humeris deportandum curavit. A cujus insectatu pluri-
mum hostes lassitudo prohibuit: quorum aliquis dependentis pygam sagit-
tâ confixit. Igitur Haraldus plus ruboris sibi, quàm opis maternâ curâ al-
latum existimavit.

HARAL-
DVS HYL-
DETAND

Qui **quum** eximiae formæ, præcipuæq; magnitudinis esset, coævisq; robore & staturâ præstaret, tantam Othini, cujus oraculo editus videbatur, indulgentiam expertus fuerat, ut integritatis ejus habitus ferro quassari non posset. Quo evenit ut vulnifica aliis tela ad læsionem ei infligendam inhabilia redderentur. Nec præmii inops beneficium fuit. Animas quippe ei, quas ferro corporibus eiecisset, pollicitus proditur. Idem in monimentum patris, ejus res gestas apud Blekingiam rupi, cujus memini, per artifices mandare curæ habuit. Post hæc quum Wesetum apud Scaniam nuptias acturum audiret, easq; sub egentis specie petivisset, finito noctium convivio, omnibusq; inero ac somno sopitis, nuptialem thalamum trabe pertudit. Cujus buccam Wesetus ita absq; vulneris inflictione fuste quassavit, ut binis eam dentibus vacuefaceret. Quorum jacturam postmodum insperata molarium eruptio sarciebat. Hic eventus Hyldetand ei cognomen imposuit: quod eum quidam ob eminentem dentium ordinem assecutum affirmant. Illic occiso Weseto Scaniæ dominium adipiscitur. Inde Hatherum apud Juciam oppugnatum extinxit. Cujus occasum perpes oppidi vocabulum indicat. Post hæc Hundingo Røricoq; prostratis, Lethram occupat, distractumq; Daniæ regnum in pristinum corpus reformat. Deinde Wicarorum regem Asmundum, à sorore natu majore, regno spoliatum comperiens, pendente bello, tanta foeminae petulantia concitatus, solâ nave Norvagian Asmundo opem laturus accedit. Commisso prælio purpureâ amictus lacernâ, mitrâq; auro variatâ capillitium redimitus, in hostem progreditur: ita armorum loco tacitâ fortunæ conscientia fretus, ut convivali potius, quàm bellico cultu instructus videretur. Sed nec apparatus ingenium respondit. Inermis siquidem ac regiis duntaxat insignibus ornatus, coetus anteibat armigeros, expeditamq; pugnandi copiam ferventioribus belli periculis objectabat. Directa namq; in eum spicula, ac si re-rusi acuminis essent, nocuo cassabantur effectu. Cúm; ceteri præliantis inermitem adverterent, impressione factâ, ad eum acrius impetendum pudore cøguntur. Quos Haraldus corpore integer, aut ferro consumpsit, aut fugam arripere cøgit: sicq; regnum Asmundo, prostratâ ejus sorore, restituit. A quo oblati sibi victoriæ præmiis, solam gloriæ mercedem sufficere dixit, tantumq; se in repudiandis muneribus gessit, quantum egerat in promerendis. Quo facto non minorem omnibus continentia suâ, quàm fortitudinis admirationem incussit, claritatem se, non pecuniam ex victoria percepturum testatus.

Interea Rex Sveonum Alverus decedit, Olavo, Ingone, & Ingeldo filiis relictis: quorum Ingo paternæ hereditatis titulis non contentus, proferendi imperii gratia Danis bellum denunciat. Cujus eventum Haraldo oraculis explorare cupienti, senex præcipuæ magnitudinis, sed orbis oculo obvi-
us extitit, qui hispido etiam amiculo circumactus Othinum se dici, bellorumq; usu callere testatus, utilissimum ei centuriandi in acie exercitus documentum porrexit. Jussit igitur ut terrestribus bellum copiis editurus, universam aciem in tres turmas divideret, quarum unamquamque vicanarii ratione densaret, mediam verò viginti virorum numero reliquis porrectiorem extenderet; quam etiam in coni sive pyramidis acumen digerens, alarum recessus utrinq; secus discretis ambagibus obliquaret. Cujuslibet verò turmæ seriem hac ratione contexeret, ut à duobus frons inchoans, consequentibus locis unitatis duntaxat incrementa reciperet: & quidem in secundâ lineâ tres, in tertiâ quatuor, eodém; modo posterius ordinandos, habita congressione statueret: sicq; consequentes gradus idem proportionis tenor instrueret, donec conjunctionis extremitas alas æquaret: cornu verò quodlibet denis ab eo ordinibus formaretur. Post has item turmas instructam jaculis juventutem admittat; à cujus tergo grandæ

grandævorum cohortem adhibeat, quæ labantes sociorum vires veteranâ HARAL-
DVS HYL-
DETAND
quadam virtute firmaret. Deinde funditorum alas gnarus locorum sup-
putator annecteret, qui post sodalium agmina consistentes, eminens ho-
stem tormentis incescerent. Post quos cujuslibet ætatis aut ordinis homi-
nes absque conditionis æstimatione passim adscisceret. Cæterum postre-
mam aciem ternis, ad instar primæ, cornibus interstinctam, similiq; gra-
dum proportionem digestam explicaret. Cujus tergum superiori conjun-
ctum agmini, ipsum aversæ frontis obstaculo tueretur. At si navale for-
tè prælium incidisset, partem classis secerneret, quæ eo propositos incho-
10 ante conflictus, multivolâ rates hosticas reflexione circumdaret. His di-
sciplinæ militaris rationibus instructus, Ingonem, Olavumq; bellum pa-
rantes, anticipatis apud Svetiam rebus, oppressit. Quorum fratri Ingeldo
sub adversæ valetudinis simulatione belli inducias per legatos poscenti
postulata concessit, ne virtus, quæ mœstis rebus parcere didicisset, humilis
ac jacentis fortunæ temporibus insultaret. A quo postmodum raptæ so-
roris injuriâ lacescit, quum diu bellis eum, ancipiti victoriâ, fatigasset,
in amicitiam adscivit, sociumq; quàm hostem habere satius duxit.

Post hæc quum inter Olavum Thronorum regem, virginesq; Sticlâm
& Rusilam, ob regnum bello decertandum audiret, foemineâ admodum
20 præsumptione permotus, clam arbitris eum accessit, cultuq; quo dentium
prolixitatem obnuberet, sumpto, pugnam virginibus intulit. Quarum u-
trâq; prostratâ binis portubus affine earum vocabulis nomen reliquit.
Tum verò conspectissimum virtutis argumentum exhibuit. Quippe sub-
armali tantum subuculâ fretus, inermem telis thoracem opposuit. Igitur
Olavo victoriæ sibi præmium offerente, beneficium repudiavit, sicq; for-
titudinis an continentię majus specimen dederit, incertum reliquit. De-
inde Fresicæ gentis athletam Ubbonem nomine, jutix fines crebrâ popu-
larium strage vastantem adortus, quum armis subdere non posset, milites
ad eum manibus capiendum hortatus, humi prostravit, victumq; compe-
30 dibus tradidit. Ita quem paulò ante gravissimam sibi cladem allaturum
putavit, deformi expugnationis genere superatum obtinuit. Quem, sore-
re ei in matrimonium datâ, militem nactus, finitimos Rheno populos tri-
buto submisit, militemq; ex ejus gentis fortissimis legit. Quo fretus, bello
Sclaviam pressit, ejusq; duces Duc & Dal ob virtutem capi potius quàm
occidi curavit. Quibus in commilitium receptis, Aquitaniam armis per-
domuit, moxq; Britanniam petens, Humbrorum rege prostrato, promptis-
simos quosq; devictæ juventutis adscivit. Quorum præcipuus Orm cogno-
mento Britannicus habebatur. Hac rerum famâ athletas è variis orbis par-
tibus accersitos in mercenariam manum redegit. Quorum frequentia au-
40 ctus, adeò regnorum omnium motus nominis sui terrore cohibuit, ut eo-
rum rectoribus mutuam conferendæ manus ausum excuteret. Sed nec
quisquam maris dominationem absque ejus nutu usurpare præsumpsit.
Quippe quondam in Danorum Republica dividuum terræ & pelagi im-
perium fuit.

Interea apud Svetiam moritur Ingeldus, Ringone, quem ex Haraldî
sorore sustulerat, parvulo admodum filio relicto: quem Haraldus paterno
regno, datis ei tutoribus, præfecit. Ita provinciis principibusq; perdomi-
tis, quinquaginta annos in otio habuit. Quorum quiete ne militum ani-
mos in desidiâ resolvi pateretur, assidue eis cavendi inferendiq; ictus ra-
50 tionem à gladiatoribus perdiscendam constituit. Quorum quidam insigni
dimicationis arte callentes, adversæ frontis supercilium intallibili ictu fe-
rire solebant. Quo si quis recepto, versilitate palpebræ timidius connive-
ret, mox aulâ ejectus stipendiis defungebatur.

Hisdem temporibus Olonem, Sivardi filium, Haraldî sorore editum,

HARAL-
DVS HYL-
DELAND

in Daniam è Norvagiæ finibus conspiciendi avunculi cupidus perduxit. Quem quia primum in Haraldi clientela habitum, post bellum verò Svecicum Danicarum rerum imperio potitum constat, proposito paulisper attinet, quæ de ejus operibus memoriæ sunt prodita, recensere. Igitur Olo tertium ætatis lustrum apud patrem emensus, quantum animi corporisq; dotibus inclauerit, incredibile reddidit. Præterea adeò visu efferus erat, ut quod alii armis, ipse oculis in hostem ageret, ac fortissimum quemq; vibrante luminum acritate terreret. Cui quum nuncio delatum esset Gunnonem Thelemarchiæ ducem, cum filio Grimone, nemus Ethascoug, quod & fruticibus prædensum, & vallibus quàm maximè opacum erat, per latrocinium obsidere, 10 facinoris indignatione commotus, cum cane & equo parabilem à patre armaturam deposcit, juventam damnans, quæ debitum virtuti tempus inertiam dilabi pateretur. Quibus impetratis, prædictam sylvam arctissimè specularus, hominis vestigia nivi altius impressa cognoscit. Quippe latronis incessum pruina gressu violata pròdiderat. Qua duce usus, superato montis clivo, præcipuæ granditatis amnem offendit. Quo pristinam humani vestigii speciem auferente, trajectu utendum constituit. Verum ipsa aquæ moles rapidiore lapsu præcipientes agens undas, difficultate transitum negare videbatur. Siquidem occultis cautibus frequens omnem alvei tractum spumeo quodam volumine turbidabat. Sed ex animo Olonis periculi metum festinationis cu- 20 pido detraxerat. Igitur ubi domitus virtute timor, contemptumq; temeritate periculum, nihil quod animo libitum foret, actu difficile ratus, stridulos equo vortices superavit. Quos emensus in angustias paludibus undiq; secus ambitas incidit. Quarum interna facilè peti præjecti aggeris obstaculum non sinebat. Trans quem levato equo, frequens stabulis repagulum animadvertit. Unde egesto equorum grege, suum inducere cupiens, à Tokone quodam, (servus hic Gunnonis erat) adeò advenam insolevisse dolente, acrius impetitus, oppugnantem solo clypei frustrabatur objectu. Quem ferro opprimere deforme existimans, apprehensum, artuatimq; confractum, tecto, quo præceps excefferat, transuersum injecit. Qua ignomina Gunno ac Grimo ocyus 30 incitati, diversis elapsi posticis pariter in Olonem cum contemptu ætatis ejus ac virium ruunt. A quo lethaliter vulnerati, quum corporis admodum viribus deficerentur, Grimo supremi vix spiritus potens, ac toto penè vigore defunctus, carmen hoc, extremo vocis singultu, contexuit:

*Simus, nempe licet corpore debiles,
Elapsusq; cruor robur obhausserit;
Quum nunc elicitus vulnere spiritus
Vix sensim lacero pectore palpitet;
Discrimen, moneo, temporis ultimi,
Per nos intrepidus clareat ausibus;
Ne conflictum aliquis fortius editum,
Pugnatumve magis dixerit uspiam.
Et certamen atrox arma gerentibus
Quum per busta caro fessa quieverit,
Fama conciliet præmia perpetis.
Primâ hostis scapulas sectio comprimat,
Et ferrum geminas abripiat manus,
Ut quum nos Stygius Pluto receperit,
Olonem quoq; par exitus occupet,
Et commune tribus funus inhorreat,
Una trium cineres urnaq; contegat.*

Haftenus Grimo. Cujus invictum pater spiritum æmulatus, ut fortissimam filii vocem mutuâ adhortatione prosequeretur, sic cœpit:

*Quanquam defectis ad summum sanguine venis,
Extet in occiduo corpore vita brevis;*

Taliter

Taliter extrema vigeat contentio pugna,

Ut laudem nostri non sinat esse brevem.

Ergo humeros hostis & brachia framea primum

Impetat, ut manuum debilitetur opus.

Sic commune tribus dabitur post fata sepulcrum,

Et socios cineres par tribus urna teget.

His dictis ambo genibus nixi, (nam fati propinquitates vires hauserat,) comminus cum Olone configere summoperè niti, ut perituri morte hostem æquare possent, floccipendere fatum, dummodo eum à quo occidebantur, socio amplecterentur occasu. E quibus Olo, alterum ferro, alterum cane consumpsit. Sed ne ipse quidem incruentam gessit victoriam, quum hactenus integer, tum demum adverso vulnus corpore suscepisset. Qui sedulo cane perlinctus, recuperatâ corporis firmitate, mox ad vulgandam victoriæ suæ fidem, ipsa latronum cadavera patibulis ingesta latius inspectanda constituit. Cæterum castro potitus quicquid inibi prædæ reperit, clandestinæ custodiæ traditum futuris usibus asservavit.

Ea tempestate Scati & Hiali fratrum insolens luxuriam eò petulantia precepsit, ut excellentis formæ virgines parentibus ereptas concubitu violarent. Quo evenit, ut Esam quoque Olavi Wermorum reguli filiam raptui destinantes patri mandarent, si illam externæ libidini famulari nolle, per se, aliūve quempiam pro tuenda prole decerneret. Quod quum Olo nuncio comperisset, oblata pugna facultate gavisus, Olavi penates agrestium cultum mutuatus accedit. Ubi quum inter extremos discubitu frueretur, mœrentem regis familiam conspicatus, ejus filio de industria propius accersito, quid ita cæteri luctuosa facie essent, inquit. Quo sororis suæ pudicitiam, nî cujuspiam defensio ocyùs intercederet, proximè per acerrimos pugiles profanandam, dicente, percontatur rursus, quid præmii recepturus foret, qui salutem suam pro virgine devoveret. Super quo Olavus per filium interrogatus, filiam propugnatori cessuram respondit. Quæ vox præcipuam Oloni subeundi discriminis cupidinem attulit. Consueverat autem virgo hospitum vultus propius accedendo quàm curiosissimè prælato lumine contemplari, quo certiusceptorum mores cultumque perspiceret. Eandem quoque creditum ex notis atque lineamentis oris conspекtorum perpendisse profapiam, solâque visus sagacitate cujuslibet sanguinis habitum discrevisse. Quæ quum Olonem scrutabundis aggressa luminibus constitisset, inusitato oculorum ejus horrore perstricta, penè exanimis concidit. At ubi sensim redditus vigor, spiritusque liberius meare coeperat, rursus juvenem conspicari conata, lapsa repente corpore, ceu mente capta, procubuit. Tertio quoque dum clausam dejectamque aciem attollere nititur, non modò oculorum motu, certè etiam pedum regimine defecta, subito lapsu decidit. Adeo vigorem stupor hebetat. Quo viso Olavus, cur toties casum corpore præbuisset, interrogat. Quâ se truculento hospitis visu perculsam testante, eundemque & regibus ortum, & si raptorum vota refelleret, suis perquam dignum amplexibus asserente, rogatur à cunctis Olo, (nam os pileo obnuptum habebat,) discusso velamine cognoscendi capitis notas præbere. Tum ille cunctis mœrorem deponere, animumque procul à dolore habere jussis, detecta fronte, avidius omnium in se oculos eximia pulchritudinis admiratione deflexit. Flava quippe cæsarie, nitenti que capillitio erat. Cæterum pupillas, ne visentibus formidini forent, palpebris arctius obstringendas curabat. Crederes repente animis spe meliorum erectis, iudicare convivas, disfulcare aulicos, summamque ægritudinem effusâ mentis hilaritate convelli. Igitur spe metum levante altera convivii facies, nec quàm initio par aut persimile fuit. Ita benignum unius hospitis promissum, communem omnium formidinem propulsabat. Inter hæc Hiallus & Scatus cum decem vernaculis supervenientes, tanquam puellam ilico sublaturi, tumultuoso cuncta clamore miscebant, Regem, nî filiam in expedito sisteret, evocantes in pugnam. Quo-

HARAL-
DVS HYL-
DETAND

rum debacchationem protinus Olo sponsione certaminis excipit, conditio-
ne adjectâ, ne quis furtim tergum dimicantis incesse-
ret, sed adversis tantum pugna congressibus staret. Deinde gladio, Løgthi dicto, solus, duodecim
prostratis, majus adolescente opus edidit. Cæterum pugnae locum insula,
dabat stagni medium tenens, unde non longè vicus abest, qui cladis hujus-
cemodi monumentum Hialli & Scati fratrum vocabula conjunctim refe-
rens, præbet.

Igitur puellâ sibi in præmium victoriæ datâ, quum filium ex ea sustu-
lisset Omundum, repetendi patris licentiam à focero nactus, postquam pa-
triam à Thorone regulo per Tostonem Victimarium, & Leotarum Mon- 10
ster cognomine præditum, oppugnari cognovit, ad conferendam cum eis
manum solo satellite muliebricer culto contentus, perrexit. Cumq; non
longe Thoronis ædibus abesset, suum comitisq; ferrum cavatis baculis con-
dendum curavit. At ubi regiam subiit, verum oris habitum adulterinâ spe-
cie suppressens, obtritum annis hominem simulabat. Apud Syvardum ve-
rò se Egentium Regem fuisse, filiiq; ejus Olonis odio pertinacius actum exu-
lare dicebat. Quem mox aulicorum pleriq; Regis nomine consalutantes,
genibus nixi manus ei per ludibrium offerre cœperunt. Quibus ille, quod
joco gesserant, ratum habere jussis, ferro, quod baculis inclusum gestabant,
erepto, Regem invadit. Itaq; pars Olonem juvare, jocum pro serio ducere, 20
nec fidem per ludibrium præstitam violare: complures voti vanitate rescis-
sâ, à Thoronis partibus stare. Igitur anceps, intestinumq; prælium oritur.
Deniq; Thorone non minus suorum quàm hospitis armis oppresso, Leo-
tarius lethaliter faucibus victorem Olonem tam ingenio vividum, quàm a-
crem operibus judicans, Vegeti cognomento donavit: eundem fraudis e-
xemplo, quâ circa Thoronem usus fuerat, periturum vaticinans: indubitan-
ter quippe domesticis occasurum insidiis. Et cum dicto repente exanima-
tus est. Itaq; suprema morientis vox futurum victoris exitum augurii sa-
gacitate complexa dignoscitur. His gestis Olo non prius se patri restituit,
quàm pacem ejus penatibus reportavit. A quo receptâ pelagi dominatio- 30
ne, septuaginta maritimos reges nauticarum virium certamine consump-
sit: Inter quos Birvillus & Huiruillus, Thorvillus quoq;, Nef & Onef, Re-
duarthus, Randus atq; Erandus præcipui noscebantur. Cujus rei fama ac
titulo pugiles, quorum omne fortitudine studium inhiabat, accensos, ad
firmandam secum societatem frequentes adduxit. Quinetiam effrenati in-
genii juvenes claritatis cupidine concitatos stipatores adscivit. Inter quos
Starcatherum summâ dignatione susceptum familiarius, quàm utilius cole-
bat. His viribus instructus ita finitimorum Regum petulantiam opinionis
suae magnitudine castigavit, ut iisdem gerendorum invicem bellorum cu-
ram audaciamq; detraheret.

Post hæc ad Haraldum profectus, ab ipsoq; maritimâ prælatione do-
natus, tandem Ringoni in commilitium delegatur. Eodem tempore Bru-
no quidam omnium Haraldî consiliorum unice particeps ac conscius habe-
batur. Huic ipse & Ringo, quoties secretiore nuncio opus habebant, man-
data credere consueverant. Quem familiaritatis gradum educationis &
crepundiorum consortione adeptus fuerat. Quo fluminis cujusdam aquis
inter assiduos professionum labores absumpto, Othinus ejus nomine &
habitum subornatus, insidiosæ legationis curâ arctissimam regum concor-
diam labefactavit, tamq; inimicitias serentis fallacia fuit, ut amicitia ac
necessitudine vincula odii rigorem ingeneraret, quod absq; bello 50
satiari non posse videretur. Primum apud eos tacita adolevere dissidia, do-
nec vulgatis utrinq; studiis arcanus in publicum livor erumperet. Denun-
ciatis itaq; inimiciis, colligendis belli instrumentis septem anni cessere.
Sunt qui Haraldum non livoris impulsu, aut regni æmulatione, sed industrio
quodam

quodam spontaneoq; conatu clandestinas exitii causas quæsiuisse testantur. ^{HARAL-}
 Qvum enim ob senectam severitatemq; civibus etiam onustus existeret, fer- ^{DVS HYL-}
 rum morbi cruciatibus anteponens, spiritum in acie quàm lectulo depone- ^{DET AND}
 re præoptavit, consentaneum præteritæ vitæ operibus exitum habiturus. Itaq;
 quò mortem suam clariorem efficeret, inferosq; comitator peteret, com-
 plures fati consortes adsciscere gestiebat, futuræ cladis materiam ultroneâ
 belli instructione molitus. His ergo de causis tam propriæ, quàm alienæ ne-
 cis aviditate correptus, ut par utrobiq; strages incideret, pares utrinq; copias
 instauravit, aliquanto fortius Ringoni robur applicans, quem victorem super-
 10 esse maluerat.

HISTORIÆ DANICÆ LIBRI SEPTIMI FINIS.

20 SAXONIS GRAMMATICI
 HISTORIÆ DANICÆ
 LIBER OCTAVUS.



30 HISTORIAM belli Svetici Starcatherus, qui & ejusdem præ-
 lii præcipuum columen erat, primus Danico digessit elo-
 quio, memoriæ magis quàm literis traditam. Cujus se-
 riem ab ipso pro more patrio vulgariter editam dige-
 stamq;, Latialiter complecti statuens, inprimis præstantis-
 simos utriusq; partis proceres recensebo. Neq; enim mi-
 hi multitudinem complectendi cupido incessit, quam-
 ne præcisè quidem numerus capit. Et prius eos, qui ab Haraldi partibus ste-
 terant, mox qui sub Ringonis stipendiis egerant, stilo retexam.

40 Igitur ex ducibus, qui ad Haraldum coierant, clarissimi noscitantur Sven,
 ac Sambar, Ambar, & Elli, Rati Fionicus, Salgarthus, & Roë, quem barbæ pro-
 lixitas cognomento insignem effecit. His accedunt Scalk Scanicus, & Alf Ag-
 gi filius. Quibus junguntur Olvir latus, & Gnepia vetulus. His annumeratur
 Gardhstang oppidi cultor. Cui adjiciuntur necessarii Haraldi, Blend ultimæ
 Thyles incola, ac Brand, Micæ cognomen habens. Hisdem sociantur Thorny
 cum Thorvingo, Tatar atq; Hialto. Qui quidem navigio Lethram advecti in-
 structis ad bella corporibus, ingenii quoq; virtute pollebant, proceritatis ha-
 bitum animorum exercitiis æmulantes. Quippe spicula arcuum balistarumq;
 50 tormentis excutere, ac plerumq; viritim cum hoste decernere, Poëses quoq;
 patrio sermone contexere promptissimè calluerunt. Adeò animum cum
 corpore impensâ exercitatione coluerant. E Lethris autem prodiere Hor-
 tar, Borrhyq;: prætereà Belgi cum Begatho. Quibus adjecti sunt Bari ac Toli.
 At Sle oppido, cum Hacone genam scisso, sub Hetha Wisnaq; ducibus, Tum-
 mi velificator excefferat. Quarum muliebri corpori naturam virilem animum
 erogavit. Webiorgam quoq; eodem spiritu præditam, Bo Brami filius, & Brat
 Jutus, belligerandi cupidine prosequuntur. His agglomerantur Orm Angli-
 eus, Ubbo Fresicus, Ary altero cassus lumine, Alf & Goter. Post quos Dal cor-
 pulentus, & Duc Sclavicus recensentur. Wisnam verò imbutam rigore fœ-
 minam, rei q; militaris apprimè peritam Sclava stipaverat manus. Cujus præ-
 50 cipui Barri ac Gnzli satellites agnoscuntur. Cæteri verò ex eadem cohorte
 corpus clypeolis tecti, prælongis ensibus, aëriiq; coloris parmulis utebantur.
 Quas belli tempore aut in tergum repellentes, aut impedimentorum geru-
 lis dantes, abjectis pectorum munimentis, expositisque ad discrimen omne
 corporibus, districtis Martem mucronibus intenderunt. E quibus Tolcar atq;
 Ymi

HARAL-
DVS HYL-
DETAND

Ymi præcipui clauére. Post quos Toki Juuensi provinciâ ortus cum Otrito, cui agnomen Juvenis erat, illustris agnoscitur. At Hetha promptissimis stipata comitibus, armatam bello centuriam afferebat. Cujus primi fuere Grimar ac Grenzli: post hos Ger, Livicus, Hama quoq; & Hunger, Humbli, Biariq; Regum fortissimi, memorantur. Hi persepè duellis feliciter gestis insignes latè victorias edidère. Itaq; memoratæ virgines non modò comiter, sed etiam pugnaciter cultræ, terrestres in aciem copias ductavère. Igitur centuriatim Danicus confluit exercitus. Septem Reges pari ingenio, sed dispari voto, alii Haraldo, pars Ringoni præsidio fuerunt. Præterea in partem Haraldî concesserant, Hømi & Høsa, Thulhim, Hastinusq; & Hythin 10 gracilis, Dahar quoq; cognomento Grenski. Sed & Haraldus Olavo genitus patre. Ex Harica verò provincia Har atq; Herlevuar cum Hothbroddo, cui Effreni cognomen erat, Danicis militavère castris. At ex Imica regione, Humnehy, & Haraldus adveniunt. Quibus applicantur à septentrione profecti Haki, Bemonisq; filii Sygmundus & Serker. Horum omnium clientelam Rex liberali familiaritate coluerat. Nam primis apud ipsum honoribus habiti, cultos auro gladios, opimaq; bellorum præmia perceperunt. Advenerant & editi Gandal sene, quos Haraldî familiares clientela vetus effecerat. Igitur frequens Danica classe pelagus Sialandiam Scaniæ veluti intersecto ponte committere videbatur. Quas quidem provincias intermeare, 20 cupientibus confertissimo navium globo pedestre compendium exhibebat. Sed ne improvidis bellum Sveonibus pararetur, mittuntur ab Haraldo, qui Ringoni palàm inimicitiarum mandata perferrent, ipsamq; sequestræ pacis diruptionem vulgarent. Hisdem pugnæ locum præstituerè jussum. Igitur qui Haraldo militaverant, hi fuere, quos edidi.

At ex parte Ringonis computantur Ulf, Abgi, Windas, Eyl luscus, Gøtar, Hildi, Gutî Alf patre genitus, Stur robustus, Sten, Wienicæ paludis accola. Applicantur hisdem Gerth alacer, Gromer Vermicus. Post quos septentrionalis Albiæ finitimi supputantur: Saxo, Fletir, & Saligothus, Thord nutabundus. Throndar nasutus, Grundi, Othi, Grinder, Tovi, Coll, Brachi, Høgni ingeniosus, Rokar fuscus. Hi siquidem multitudinis collegium aspernati, in 30 unam se aciem à cætera cohorte secreverant. Præter hos Rani, cui Hyld pater erat, & Lyuthguthi, Sveno quoq; supernè tonsus, Rethyr accipiter, & Rolf uxorius numerantur. Quibus conglobantur Ring Athylæ filius. Haraldusq; Thothni editus vico. His annectuntur Walsten Wicensis, Thorulf spissus, Thengil procerus, Hunsolvve, Birvvil pallidus, Burgar, & Scumbar. At è Thelemarchia fortissimi venerant, quibus animi plurimum, fastus minimum erat; Thorlevar pertinax, Torkill Guticus, Gretir iniquus irruptionumq; avidus. His succedunt Haddir durus, & Roldar articulus. E Norvagia verò memorantur Thronder, Thrønski, Thoki Moricus, Rafn, candidus, 40 Hafvvar, Biarni, Blihar cognomento Simus, Biorn è vico Soghni, Findar maritimo genitus sinu, Bersi quoq; apud Falu oppidum creatus, Syvardus veris caput, Ericus fibulator, Alsten, Harki, Ruthar, Ravui, Erlingar, cui Colubra cognomentum erat. At è Yathrica provincia prodire Od Anglus, Alf multivagus, Enar protuberans, Yvvarusq; cognominatus Thruvvar. A Thy-le autem venere Mar Ruffus, eo videlicet pago, qui Mithfrithi dicitur, ortus educatusq;, Grombar annosus, Gram Brundelucus, Grim ex oppido Skierum, apud Saha Fyrchi quidem provinciam fatus. Deinde Berhgar vates advertitur, cui Brahi, & Rankil comites adhibentur. At Sveonum fortissimi hi fuere: Ar, Backi, Keclu, Karll, Croc agrestis, Guthfast, Gummi è Gys- 50 lamarchia. Qui quidem Frø dei necessarii erant, & fidissimi numinum arbitri. Ingi quoq; & Oly, Alvver, Folki patre Elrico nati, Ringonis miliciam amplectuntur, viri quidem manu prompti, consilio vegeti, proximâq; Ringonem familiaritate complexi. Idem quoq; ad Frø deum generis sui principium

cipium referebant. Inter quos & Simundus aderat ex Sigtun oppido, foren-
 sis quidem athletha, emprionumque ac venditionum contractibus assuetus. HARALDVS HYLDETAND
 Huic additur Frosty cognomento Crucibulum. Cui sociatur Alf elatus, è vi-
 co Upsala. Idem & jaculari promptus & in acie præire solitus erat. At Olo-
 nem septem Reges manu consilioque promptissimi stipavere; Holty videli-
 cet & Hendill, Holmar, Levy, & Hama. Quibus Regnaldus Ruthenus, Rath-
 barthi nepos ascribitur. Præterea Syvaldus, undecim salum paronibus fulcat.
 Lesy Pannoniorum victor bracteata auro Liburnam linteo excipit. Thri-
 rikar verò instar draconis tortuosas habente proras navigio vehebatur. Thry-
 10 gir quoque; & Torvvil divisim navigantes duodenas ductavere puppes. Cæte-
 rum in tota Ringonis classe navium duo millia quingentæ repertæ sunt. Gut-
 tonica verò classis in portu, cui Garnum nomen, Sveticam opperiebatur.
 Itaque Ringo terrenum ductabat agmen. At Oloni navalibus præesse copiis
 imperatum. Igitur Gothis obviam Svecis veniendi inter Wic & Werendiam
 locus cum tempore denunciatur. Cernere tum erat latè proris exaratum
 mare, prospectumque pelagi explicata malis carbasa præstruebant. Et jam
 classis Svetica prosperâ navigatione usa, Danis adhuc adverso laborantibus
 cœlo, maturius belli locum petiverat. Ubi Ringo expositas classe copias,
 simulque quas ipse terreno ductarat itinere, gregatim in aciem dirigere par-
 20 rat. Quæ ubi campis laxius explicari cœperant, cornu alterum in Weren-
 diam extrahi compertum est. Quam multitudinem Rex locis ordinibusque
 confusam equo circuiens, in fronte promptissimos quosque & præstantiori
 armatura cultos sub Olone, Regnaldo, Wivilloque ducibus collocat. Dein-
 de veluti flexu quodam in duo cornua reliquam aciem cogit. E quibus dex-
 trum Ungonem cum Elrici filiis, Trigonemque; tueri jubet. At lævum Læsoni
 parere iussit. Cæterum alas globosque; maxime Curetum Estonumque; con-
 fertior turma texerat. Ultima funditorum acies stabat.

Interea classis Danica ventorum indulgentiâ aspirante, septem dierum
 continuam navigationem emensa, Calmarnam oppidum subiit. Mirarèis
 30 latè ventis velificatum mare, cœlumque; ex oculis intenta antennis lintea erî-
 piebant. Nam Sclavi ac Livi, Saxonumque; septem millia classem auxerant. At
 per solidum proficiscentibus Scanienfes, quòd locorum periti essent, duces
 ac prævii destinantur. Igitur ubi præstolantibus Svecis, Danicus supervenit
 exercitus, Ringo suis, quo adusque; Haraldus aciem centuriasset, patienter con-
 sidersse iussit, non antè signa canere præcepit, quàm Regem propter aquilas
 curru compositum aspexissent, præfatus sperare se facile collabi aciem posse,
 quæ cæci ductamine niteretur. Præterea Haraldum supremo ætatis tempore
 alieni imperii cupiditate correptum, non minus mente captum, quàm lumi-
 nibus fore: nec opibus exsatiari posse, qui si annos respiciat, tumulo penè
 40 contentus esse debeat. Svecis itaque; pro libertate, pro patria ac liberis dimicandi
 necessitatem incumbere: hostem temeritate atque; insolentiâ suscepisse bellum.
 Præterea ex parte adversa perpaucos Danos esse, Saxones complures, aliasque;
 effœminatas gentes in acie stare. Ob quod cogitare debere Sveones Noricosque;
 quantum Germanos ac Sclavos Septentrionalis semper turba præstiterit. Sper-
 nendam ergo aciem fore, quæ potius lubricâ hominum colluvione, quàm so-
 lido militum robore contexta videatur. Nec parum eâ oratione militum ani-
 mos accendebat. At Bruno Haraldiloco aciem statuere iussus, cuneo frontem
 molitur, Hetham verò in dextero latere locat, Haconem lævo præficit, Wis-
 nam aquiliferam facit. Igitur Haraldus curru eminens quàm potuit celsâ vo-
 50 ce beneficia sua injuriis à Ringone rependi queritur. Ab illo sibi bellum in-
 ferri, qui regnum suo munere adeptus fuerit. Ita Ringonem nec senis mise-
 reri, nec avunculo parcere, propriosque; motus cunctæ necessitudinis aut be-
 neficentiæ respectui præferre. Jubet itaque; meminisse Danos, ut exteris semper
 victoriis inclaruerint, ut finitimis imperare potius quàm obsequi consueverint;

HARALDVS HYLDETAND hortaturq; , nē tantæ gloriæ decus devictæ gentis insolentiâ labefactari sustineant, nec imperium, quod sibi juventâ florenti pepererant, senectute confecto demi permittant.

Deinde canentibus lituis summâ utrinque vi conferitur bellum. Crederes repentē terris ingruere cœlum, sylvas camposque subsidere, misceri omnia, antiquum rediisse chaos, divina pariter & humana tumultuosâ tempestate confundi, cunctaque simul in perniciem trahi. Nam ubi ad teli jactum perventum, intolerabilis armorum stridor incredibili cuncta fragore complevit. Vapor vulnerum repentinam cœlo nebulam intendebat, dies effusâ telorum grandine tegebatur. Nec parum in acie funditorum opera valuit. At ubi pila manu aut tormentis excussa, comminus gladiis ferratisq; clavis decernitur. Tum verò plurimum sanguinis periclitatum est. Igitur fessis manare sudor corporibus cœpit, mucronumq; crepitacula eminus exaudiebantur. Illic Starcatherus, qui belli hujus seriem sermone patrio primus edidit, prior in acie dimicans, Haraldi proceres Hun & Elli, Hort, ac Burgha à se prostratos, abscissamque Wisnæ dexteram commemorat. Cæterum Roâ quendam cum duobus aliis Gnepia & Garthar à se in acie vulneratos occubuisse declarat. Hisdem Scalki patrem tacito nomine applicat. Idem fortissimum Danorum Haconem à se in terram prorutum, seque ab eo ita mutuò vulneratum testatur, ut exertum thorace pulmonem, cervicemque mediotenus scissam, manum quoque uno truncam digito gerens excederet bello, diuque hiscens plaga nec cicatricis capax, nec medellæ habilis videretur. Eodem teste puella Wegthbiorg in hostem dimicans Soth pugilem acie stravit. Eandem athletarum cædibus imminentem Thorkillus Thelemarchiæ ortus, emisso per chordam spiculo trajicit. Tanta enim vi periti arcuum Guttones nervos intenderant, ut clypeos quoq; jaculis transverberarent. Nec alia efficacior cædis exitit causa. Loricæ, galeasque, perindè ac inermia corpora, sagittarum acumina penetrabant. Interea Ubbo Fresicus, promptissimus Haraldi miles, ac præ aliis habitu corporis insignis, præter undecim, quos in acie vulneraverat, vigintiquinq; delectorum pugilum interfecit. Ii omnes Sveti sanguine fuere, vel Gothi. Deinde primam aggressus aciem confertissimos hostes insilit, palantesq; metu Sveones hac illac hasta gladioque dispellit. Et jam penè res in fugam cesserat, cum Hagder, Rolder, & Gretir æmulatione virtutis athletam adorti, publicam perniciem privato redimere periculo statuerunt. Verum comminus instare veriti, spiculis procul agendum curabant. Sicq; crebrescentibus jaculis eminus Ubbo confoditur, nemine propius cum ipso manum conferere præsumente. Centum, quadraginta quatuor sagittæ prius pectus præliantis obsederant, quàm lapsis corporis viribus solo poplitem daret. Tum demum per Thrandos, eosq; qui Dala provinciam colunt, ingens de Danis clades accepta est. Nam summa sagittariorum vi recrudit bellum, nec alia res nostris perniciosior fuit.

At Haraldus cum defectam lumine senectam ageret, triste suorum murmur exaudiens, intellexit superiorem hostibus arrisisse fortunam. Igitur ut erat falcato curru vectus, Brunonem aurigæ per insidias officio fungentem, qualem Ringo in centurianda acie tenorem habuerit, cognoscere jubet. Qui paulum soluto in risum vultu, corniculatâ illum acie præliatum respondit. Quo audito Rex trepidare animo cœpit, ac per summam admirationem percontari, quo Ringo talem ordinandi agminis doctrinam auctore contraxerit, maximè cum Othinus disciplinæ hujus traditor ac repertor extiterit, nec ab ipso quispiam præter se novum hoc rei bellicæ documentum perceperit. Ad quod silente Brunone, subiit Regem Othinum hunc esse, olimq; familiare sibi numen inpræsentiarum dandæ vel subtrahendæ opis gratia versiformi corporis habitu tegi. Cui mox supplicare obnixius cœpit, uti Danis, quibus antè clementer affuerit, supremam quoque victoriam tribuat, complementumque beneficii origini exæquaret : eidem se prostratorum manes muneris loco dedica-

dedicaturum pollicitus. At Bruno nihil obsecrantis precibus motus, repente excussum curru Regem arietavit in terram, ereptamq; cadenti clavam in ipsius caput detorsit, proprioq; eum gestamine interfecit. Jacebant circa currum Regis innumera extinctorum corpora, rotarumq; fastigium congeries funesta vincebat. Temonem quoq; cadaverum cumulus exæquaverat. Nam in acie Ringonis ad duodecim millia proceres exanimati sunt. At ex parte Haraldi, præter popularium stragem, ad triginta millia proceres corruerunt.

Cujus Ringo nece cognitâ, dato signo laxare aciem suos, bellumq; remittere jubet. Deinde sequestrâ pace foedus cum hostibus ferit, frustrâ pugnam absq; duce protrahi monitis. Post hæc Sveonibus passim inter promiscuas cadaverum strues Haraldi corpus exquiri præcepit, nè regium funus debitis fraudaretur inferiis. Igitur revolvendis interfectorum corporibus avida plebs injicere operam cœpit. In hanc curam dimidium diei extractum est. Tandem cum corpore repertâ clavâ, Haraldi manibus parentandum ratus, equum, quem insidebat, regio, applicatum curru, aureisq; subsellis decenter instratum, ejus titulis dedicavit. Inde vota nuncupat, adjicitq; precem, uti Haraldus eo vectore usus, fati consortes ad tartara antecederet, atq; apud præstitem Orci Plutonem sociis hostibusq; placidas expeteret sedes. Deinde rogam extruit, Danis inauratam regis sui puppim in flammæ fomentum conjicere jussis. Cumq; superjectum ignis cadaver absumeret, moerentes circuire proceres, impensiusq; cunctos hortari cœpit, uti arma, aurum, & quodcunq; opimum esset, liberaliter in nutrimentum rogi, sub tanti taliterq; apud omnes meriti regis veneratione transmitterent. Cineres quoq; perusti corporis urnæ contraditos Lethram perferri, ibiq; cum equo & armis, regio more, funerari præcepit. Tali parentationis curâ justis avunculo persolutis, Danorum sibi favorem conciliavit, odiumq; hostium ad gratiam deflexit. Post hæc à Danis, uti Hetham regni reliquiis præficeret, exoratus, ne repente recidivæ hostium vires coalescerent, Scania à Danicæ corpore abruptam in Olonis præfecturam secrevit, Sialandiam verò, reliquosq; regni fines, Hethæ duntaxat parère jussit. Ita in potestatem Svericam fortunæ varietas Danicum redegit imperium. Et hic quidem belli Bravici finis.

At Sialandenſes, qui Haraldo duce uſi fuerant, cum adhuc prioris fortunæ species animis oberraret, foemineis parère legibus pro broſum rati, Olonem accedunt, poſtulant, ne clariffimi Regis militiæ aſſuetos, muliebri jugo obnoxios haberi pateretur. Prætera ad ipſum ſe deſecturos, ſi pro conditionis eorum deformitate tollenda arma ſuſciperet, pollicentur. Nec ſegniter Olo ſupplicantibus aſſuit, tam avitæ majeſtatis memoriâ, quam militum invitatus obſequio. Igitur Hetham ad ſe venire juſſam, cunctis, præter Jutiam, dominationis ſuæ partibus cedere, ante minis quam armis cœgit, ipſamq; Jutiam, ne foemine liberum regni uſum tribueret, veſtigalem effecit: filium quoq; procreavit, cui Omundo vocabulum poſuit. Cæterum crudelitati intentus tam impiû Regem agebat, ut ſuperior Reginæ contemptus cunctis poenitentiam pareret, quibus regnum ejus rubori fuiſſet. Duodecim duces, ſive patriæ calamitatibus moti, ſive Oloni ob aliam olim cauſam infeſti, inſidias capiti ejus præparare cœperunt. Ex his fuere Lenno, Atylo, Thottus, & Virhnus; qui quanquam apud Sclavos præfecturam gerebat, Danos tamen origine contingebat. Cæterum ad peragendum facinus parum viribus atq; ingenio freri, pecuniâ Starcatherum adſciſcunt. Ille ut rem ferro exequeretur adductus, utentem balneis Regem, ſuſceptis cruenti miniſterii partibus, attentare conſtituit. Quo lavante ingreſſus, mox acri ipſius viſu, luminumque continuâ mobilitate vibrantium fulgore perſtriſtus, occulto metu hebetatis artibus veſtigium preſſit, relatoque pede manum

XXXVII.
Olo Vea
getus.

● 10. propositumq; suspendit. Itaq; qui tot ducum, tot pugilum arma protriverat, unius inermis viri aciem ferre non potuit. At Olo sanè vultus sui conscius, oblecto ore accedere eum propius, & quid afferat, edere jubet; quippe quem vetustas convictus, & longa familiaritatis experientia ab insidiarum suspitione alienissimum faciebant. At ille districto mucrone defiliens transverberat Regem, nitentisq; assurgere jugulum ferit. Centum & viginti auri libræ in præmio reponebantur. Postmodum poenitentia ac pudore percussus, tantæ animi acerbitate commissum facinus luxit, ut si mentionem ejus incidere contigisset, à lacrymis temperare non posset. Adeò culpæ atrocitatem resipiscens animus erubescibat. Præterea aliquot ex his, quorum instinctu usus fuerat, in sceleris à se commissi vindictam occidit, & cui factò manum tribuerat, præbuit ultionem. 10

XXXVIII.
● OMUNDUS

CÆTERUM Omundum Dani, Olone ortum, creavere Regem, plus parentis ejus nobilitati, quàm meritis deferendum putantes. Hic postquam maturuit, in nullo paternis operibus defectior exitit. Siquidem res ab Olone gestas, aut æquare, aut transcendere curæ habuit. Præerat eo tempore aliquantæ Normannorum genti Ringo, cujus filiam Esam Omundo matrimonium circumspicienti insignis commendaverat fama. Verùm poscendæ ejus spem singulare Ringonis studium minuebat. Is quippe solum spectatæ fortitudinis generum affectabat, tantum gloriæ in armis reponens, quantum cæteri in opibus situm autumant. Igitur Omundus, ut eo claritudinis genere illustris evaderet, laudemq; sibi fortitudinis conciliaret, viribus votum impetrare conatus, classe Norvagian accedit, Ringonis regnum hæreditatis nomine tentaturus. Excipit amicè illum Jathriæ regulus Oddo, qui Ringonem certissimum patrimonii ejus in vasorem assereret, seq; sapius ab eodem injuriis laceffitum defleret. Itaq; Ringone interim apud Hyberniam piraticam exercente, provinciam propugnatore vacuam adortus, præteritis popularium rebus, peculiaribus Ringonis bona rapinæ tradidit, ejusq; necessarios interfecit. Nam Oddo quoq; Omundo manum junxerat. Inter omnia autem facinora, quæ varie ac multipliciter gesserat, nunquàm quibus multitudine copiarum præstaret, vim inferre sustinuit, memor se fortissimo parente editum, virtute non numero bella gerere oportere. Interea Ringonem à piratica revertentem adesse contigit. De cujus reditu edoctus prægrande moliri navigium cœpit, unde tanquam è munimento supernè hostem telis appeteret. Huic Atylonis Scanici filii Homothus ac Thola remiges adsciscuntur, quorum alter gubernatorem agere, alter proræ præesse jussus. Nec Ringoni in his excipiendis ingenium aut solertia defuit. Quippe exiguam copiarum partem ostendens, à tergo hostem incurfandum curavit. De cujus astutia Omundus per Oddonem certior factus, qui in insidiis constitutos opprimerent, mittit; Atylone Scanico Ringonem excipere jussu. Is imperio pronius quàm felicius obsecutus, fractis bello rebus, acceptaq; strage, victus refugit in Scaniam. Igitur Omundus reparatis per Oddonem viribus, pugnaturam pelago classem explicat. Quo tempore Atylo bellum Norvagicum ex somniorum visis haud dubie speculatus, redimendæ fugæ gratiâ quàm celerrime navigationem orsus, Omundum prælio propinquum gratâ societate prosequitur. Cujus Omundus operâ fretus, pugnam tam feliciter quàm fidenter ingreditur. Nam habito per se conflictu, victoriam, quam in suis amiserat, recuperavit. Quem Ringo mortifico vulnere perstrictus exanguibus contemplatus oculis, manu ut poterat morâ (nam vox linguam defecerat) accersitum, fore sibi generum obsecrat, jucundè se fatum excipere asserens, si tali filiam connubio reliquisset. Nec responso accepto extinguitur. Cujus excessum Omundus lacrymis prosecutus, Homothum, cujus fidam in bello operam expertus fuerat, alterius filiarum Ringonis connubio donat, alteram ipse complectitur. 20 30 40 50

Eodem tempore Rusla virgo strenuis militiæ operibus muliebre munus animum supergressa, apud Norvagian cum fratre Throndo crebros de rerum summa

summa conflictus habuerat. Hæc Omundum Norvagiensibus præesse non sustinens, in omnes Danorum dedititios decreverat bellum. Quod Omundus nuncio expertus, ad hunc tumultum comprimendum promptissimos destinat. Quibus superatis Rusla superbiam ex victoria nacta, animum spe immodicâ raptum ad ipsam rerum Danicarum summam potiendam intendit. Primum igitur Hallandiæ partes adorta, ab Homotho & Thola à Rege transmissis excipitur, victaq; bello refuga concessit ad classem. Cujus triginta solæ rates, cæteris ab hoste captis, fugam navigatione carpservunt. Evitantes Danos sororem armis excipit Thronodus, à qua victus, totoq; exercitu spoliatus, Dofrinas alpes permetiendo, neminem fugæ comitem habuit. Ita quæ paulò ante Danis cesserat, mox fratre superior, fugam victoria mutavit. Quo cognito, Omundus ingenti Norvagiæ classe repetit, primumq; Thelemarchiæ populum per Homothum & Tholam clandestino compendio missos, adversum Ruslæ dominationem erexit. Quo evenit ut Rusla regno per populares exacta, apud insulas, quas spe salutis accesserat, supervenientibus Danis terga sine prælio daret. Cujus fugam Rex impensius persecutus, interceptam pelago classem internecione delevit, incruentamq; victoriam ac speciosa spolia cum summo hostium discrimine retulit. At Rusla per paucis elapsa navigiis, incitatori fluctus remigio persulcabat. Quæ dum Danos declinat, fraterno trucidatur occurso.

07 Adeò efficacior vim nocendi incircumspecta solent habere pericula, & quæ minus metuuntur mala, plerumq; instantibus graviora casus efficit. At Rex, Thronodo ob interfectionem sororis præfecturâ donato, cæteris verò sub pensione coërcitis, in patriam redit.

Ea tempestate Thorias ac Bero, promptissimi Ruslæ milites, apud Hyberniam piraticum munus edebant. Hi cognitâ dominæ nece, quam se olim ulturos jurejurando promiserant, Omundum avidè petitem duelli provocatione sollicitant. Quod abnuere quondam probrosum Regibus habebatur. Veterum enim claritudo principum ex armis potius quam opibus æstimabatur. Subeunt igitur Homothus & Thola, qui se provocatores Regis pugna excepturos offerrent. Quibus Omundus impensè laudatis, primum eorum operam admittere, vitandi ruboris gratiâ, recusavit. Ad ultimum crebris suorum precibus exoratus, aliena manu fortunam experiri sustinuit. Quo certamine Beronem occubuisse, Thoriam graviter affectum pugna excessisse proditum est. Quem Rex primò è vulneribus recreatum, mox in fidem acceptum, ducem Norvagiæ creat. Deinde cum consuetum à Sclavis per legatos tributum exigeret, non solum legatorum cædibus, sed etiam vi Sclavica apud Jutiam lacescitus, septem Reges uno certamine superavit, solitumq; tributum jus victoria confirmavit.

Interea Starcatherus prolixâ jam ætate defessus, cum castrorum stipendiis, ac gladiatorio munere emeritus haberetur, ne senii vitio pristinum gloriæ decus amitteret, egregium fore putavit, si voluntarium sibi conscisceret exitum, fatumq; proprio maturasset arbitrio. Itaq; qui toties excellentes ediderat pugnas, incruentâ morte defungi ignobile ratus, ut specioso obitu præteritæ vitæ claritatem augeret, maluit ab ingenuo quovis interfici, quàm ferum naturæ jaculum opperiri. Adeo quondam rei bellicæ deditis morbo oppetere probrosum existimatum est. Itaq; cum & corpore invalido & defectis perspicuitate luminibus esset, diuturnioris vitæ moram perosus, emendi in se percussoris gratia, aurum quod pro Olonis interfectione meruerat, collo appensum gerebat, non aptius se violatæ majestatis injuriam expiaturum ratus, quàm si idem suæ, quod Olonianæ necis extiterat præmium, effecisset, aurumq; quod pro aliena clade tulerat, damno propriæ salutis impenderet. Hunc quippe usum scelestissimi pretii pulcherrimum credidit. Itaq; gemino cinctus ense, totidem baculorum adminiculo vacua virium vestigia tutabatur. Quo viso popularium quidam geminū gladiatorum usum seni supervacuum ratus, donari sibi alterum per ludibrium petivit. Quem Starcatherus spe petitionis factâ propius

OMNIBUS

accedere iussu, detracto lateri mucrone transverberat. Quod Hatherus quidam, cuius patrem Lennonem Starcatherus olim parricidii poenitentia adductus occiderat, dum canibus feras insequeretur, aspiciens, omisso venationis officio, duos è comitibus, injiciendi metus gratiâ, concitatis vehementer equis, in senem impetum dirigere jubet. Qui dum pro cursu edito refugere cupiunt, Starcatheri baculis intercepti morte supplicia luerunt. Quo spectaculo Hatherus admodum perterrefactus, propius equo advolat, agnitumq; senem, sed ab eo minimè recognitus, an gladium vehiculo permutare veller, interrogat. Refert Starcatherus, quondam poenas se ab irrisoribus exigere solitum, nec unquam impune sibi à procacibus insultatum. Sed neq; juvenem ex oris notis defuncta visu acies deprehendere poterat. Itaq; carmen, quod indignationis suæ magnitudinem patefaceret, in hunc subtexuit modum.

*Ut sine regressu pronas agit alveus undas,
Sic atas hominum, cursim labentibus annis,
Irreditura fluit: præcepit ruit orbita sati,
Quam generat finem rerum factura senectus.
Illa oculos hominum pariter gressusq; relidit,
Eripit os animumq; viris, famaq; nitorem
Paulatim premit, & claros obliterat actus:
Occupat occiduos artus, frustratur anhelæ
Vocis opus, vegetamq; premit torpedine mentem.
Dum paritur tussis, dum pellis scabida prurit,
Dens stupet exesus, stomachus fastidia gignit:
Evacuat juvenile decus, marcore colorem
Oblinit, & picea crebras serit in cute rugas.
Obterit egregias artes, monimenta priorum
Obruit, & titulos antiquæ laudis adurit,
Demolitur opes, præcium virtutis & usum
Carpit edax, transvertit res, & ab ordine turbat.
Ipse ego quàm noceat, didici, damnosa vetustas,
Visu eger, vocis modulis, & pectore rancus:
Cunctaq; in adversam fluxerunt commoda sortem.
Jamq; minùs vegetum corpus fulcimine tutor
Flaccida subjectis innixus membra bacillis.
Lucis inops moderor vestigia fuste gemello,
Et virgâ monstrante sequor compendia callis,
Stipitis auspicio potius quàm lumine fisus.
Nemo mei curam celebrat, nec in agmine quisquam
Solamen veterano adhibet, nisi forsàn Hatherus
Assit, & infracti rebus succurrat amici.
Ille semel quemcunq; pio dignatur amore,
Integer, incæpti studio constanter eodem
Prosequitur, primosq; timet pervellere nexus.
Ille etiam bello meritis benè præmia crebro
Digna refert, animosq; colit, largitur honorem
Fortibus, & claros donis veneratur amicos.
Spargit opes, laudisq; sua cumulare nitorem
Dapsilitate studet, multos superare potentes.
Nec minor ad Martem pietatem viribus aquat,
Belligerare celer, labi piger, edere pugnam
Promptus, & urgenti tergum dare nescius hosti.
At mihi, si recolo, nascenti fata dedere
Bella sequi, bellog; mori, miscere tumultus,
Invigilare armis, vitam exercere cruentam.*

20

30

40

50

Castra quietis inops colui, pacemq; perosus
 Sub signis, Gradive, tuis discrimine summo
 Consenui; victoq; metu pugnare decorum,
 Turpe vacare ratus, crebras committere cedes
 Egregium duxi, & strages celebrare frequentes.
 Sape graves bello Reges concurrere vidi,
 Et clypeos, galeasq; teri, crude scire campos
 Sanguine, loricas affixa cuspide rumpi,
 Undiq; thoraces admissis cedere ferro,
 Luxuriare feras inhumato milite pastas
 Hic aliquis fortè egregii conaminis auctor
 Marte manuq; potens medium dum pugnat in hostem,
 Intentam capiti loricam diffidit, alter
 Caside perfoffa, ferrumq; in vertice mersit
 Hic gladius saepe dextra bellantis adactus
 Tegmine discesso capiti districtus inhaesit.

Contra Hatherus huiusmodi carmen habuit:

Unde venis patrias solitus scriptare Poëses,
 Infirmo dubium suspendens stipite gressum?
 Quòve ruis Danica vates promptissime Musæ?
 Roboris eximij cassus decor excidit omnis:
 Exulat ore color, animoq; amota voluptas:
 Desituit fauces vox & rauce dine torpet:
 Deferuit corpus habitus prior, ultima cepit
 Illuvies, formaq; notas cum robore carpsit.
 Ut ratis assiduo fluctu quassata fatiscit,
 Sic longo annorum cursu generata senectus
 Triste parit funus, defunctaq; viribus ætas
 Occidit, & prima patitur dispendia sortis.
 Quis vetuit te, note senex, juvenilibus uti
 Rite jocos, agitare pilam, morsâ nuce vesci?
 Jam satius reor ut rhedam, quâ saepe veharis,
 Venditor ensis emas, facilemve in frena caballum,
 Aut pretio leve curriculum merceris eodem.
 Aptius invalidos, sua quos vestigia fallunt,
 Excipient jumenta senes, rota proficit illi
 Orbibus acta suis, cui planta vacillat inanis.
 At si fortè caves cassum venundare ferrum,
 Ereptus tibi te perimet, nâ vaneat ensis.

Ad hæc Starcatherus.

Improbe, verba seris facili temeraria labro,
 Auribus inconcinna piis: quid præmia ductus
 Qui gratis præstandus erat, per munera quæris?
 Nempe pedes gradiar, nec turpiter ense relicto
 Externam mercabor opem; natura meanti
 Jus dedit, & propriis jussit considerare plantis.
 Cur cui debueras ultrò dux esse vianti,
 Ludibrio insultas, sermone procaciter usus?
 Quæq; olim gessi memori dignissimâ fama
 Dedecori tribuis, meritum quoq; crimine pensas?
 Quid risu insequeris vetulum pugnare potentem,
 Invictosq; meos titulos & splendida facta
 Probro adigis, famosa terens & fortia carpens?
 Qua probitate petis indignum viribus enses?

*Haud latus hic imbellis decet, dextramve bubulci
 Agrestem soliti calamo deducere Musam,
 Procurare pecus, arvis armenta tueri.
 Nempe inter vernas olla vicinus obuncta,
 Crustula spumantis patina bulligine tingis,
 Crassi adipis macrum perfundens unguine panem.
 Jusq; tepens furtim digito sitiente liguris;
 Doctior assuetam cineri prosternere pallam,
 Indormire lari, somnos celebrare diurnos;
 Sedulus officium nidantis obire culina,
 Quam bello fortem jaculis aperire cruorem.
 Aversans lucem, latebrae sordentis amator,
 Mancipium ventris miserabile, parq; pataris
 Sordida cum siliquis lambenti farra catello.
 Hercule non tunc me ferro spoliare petebas,
 Quando ter, Olenis, summo discrimine, nati
 Expugnator eram. Namq; agmine prorsus in illo
 Aut gladium fregit manus, aut obstantia fudit:
 Hac gravitas ferientis erat. Quid quando Curetum
 Littus, & innumera constratum cuspide callem
 Primus ligniferis docui decurrere plantis?
 Namq; aditurus agros confertos murice ferreo
 Armabam laceros subjecto stipite gressus.
 Hinc mecum egregiis congressum viribus Hamam
 Enecui, mox cum Rino duce Flebace nato
 Obirivi Curios, vel quas alit Estia gentes,
 Et populos, Sengalla, tuos. Post hac Thelemarches
 Aggressus, caput inde tuli livore cruentum,
 Quassum malleolis, armisq; fabrilibus ictum.
 Hic primum didici, quid ferramenta valerent
 Incudis, quantumve animi popularibus esset.
 Teutonici quoq; me, pœnas, autore, dedere,
 Quum natos, Svertinge, tuos Frothonis iniqua
 Cade reos, domini vindex, ad pocula stravi.
 Nec minus hoc facinus, quando pro virgine cara
 Uno septenos necui certamine fratres,
 Teste loco, qui me stomacho linquente peresus
 Non parit arenti redivivum cespite gramen.
 Moxq; ducis Kerri bellum navale parantis
 Vicinus egregio confertam milite puppim.
 Inde dedi letho Wazam, Fabrumq; procacem
 Multavi natibus casis, ferroq; peremi
 Rupibus à niveis, hebetantem tela, Wisinnum.
 Quatuor hinc Leri natos, pugilesq; peremi
 Biarmenses; gentis Hybernae principe capto,
 Duflina populabar opes, semperq; manebit
 Nostra Bravellinis virtus conspecta trophæis.
 Quid moror? excedunt numerum quæ fortiter egi,
 Quodq; manu gessi ad solidum celebrare recensens
 Deficio, sunt cuncta meo majora relatu,
 Vincit opus famam, nec sermo suppetit actis.*

10

20

30

40

50

Hæc Starcatherus. Tandem quum Hatherum Lenno patre ortum mutuo
 sermone expertus fuisset, animadvertens juvenem splendido loco natum, fe-
 riendum ei jugulum præbuit, hortatus ne à parentis sui interfessore pœnas
 exigere

exigere vereretur. Hæc facientem auro, quod à Lennone receperat, potiturum esse promittit. Et ut ejusdem in se vehementius animum efferaret, hujusmodi exhortatione usus esse traditur:

*Præterea, Hæthere, privavi te patre Lenno :
Hanc mihi, quæso vicem referas, & obire volentem
Sterne senem, jugulumq; meum pete vindice ferro :
Quippe operam clari mens percussoris adoptat,
Horret ab ignavâ fatum deposcere dextrâ.
Sponte piâ legem fati præcurrere fas est.
Quod nequeas fugere, hoc etiam anticipare licebit.
Arbor alenda recens, vetus excidenda, minister
Naturæ est, quisquis fato confinia fundit,
Et sternit quod stare nequit. Mors optima tunc est,
Quum petitur, vitæq; piget, quum funus amatur,
Ne miseros casus incommoda proroget ætas.*

Hæc dicens exertam crumenâ pecuniam promittit. Hatherus autem tam fruendi æris, quàm paternæ ultionis capeßendæ cupidine concitatus, obsecuturum se precibus, nec præmia repulsurum spondit. Cui Starcatherus cupidè ense præbito, pronam postmodum cervicem applicuit: ne timidè percussoris opus exequeretur, aut ferro muliebritèr uteretur, hortatus; præfatusq; quod si peractâ cæde, ante cadaveris lapsum, caput ac truncum medius interfiliret, armis innocuus redderetur. Quod utrùm instruendi percussoris gratiâ, an puniendi dixerit, incertum est. Fore enim poterat, ut saltantem, eximii cadaveris moles obrueret. Igitur Hatherus adacto vegetè gladio, senem capite demutilavit. Quod corpori avulsum, impactumq; terræ, glebam morfu carpissè fertur, ferocitatem animi moribundi oris atrocitate declarans. Percussor tamen promissis fraudem subesse veritus, saltu non incautus abstinuit. Quem si temerè peregisset, fortè lapsi cadaveris ictu obrutus, occisi senis pœnas proprio funere persolvisset. Verum ne tantum athletam bu-

30 sti inopem jacere pateretur, corpus ejus in campo, qui vulgò Raaliung dicitur, sepulturæ mandandum curavit.

OMUNDUS autem, (ut accepi,) pace integrâ, summâ cum tranquillitate decessit, duobus filiis & totidem filiabus relictis. E quibus maximus natus Sy- XXXIX.
vardus, fratre Buthlo adhuc tenero, regnum hæreditate consequitur. Quo- SIVARDVS
tempore Sveonum Rex Gøtharus alteram Omundi filiarum ob eximiæ pulchritudinis famam, infinito amore complexus, Ebboni cuidam Sibbonis filio postulandæ virginis gratiâ negotium legationis imponit. Is officio prudentius administrato, gratiâ de puellæ consensu nuncium retulit. Jamq; nihil voto præter nuptias deerat, quas Gøtharus apud alienos agere metuens,

40 oper Ebbonem, quo prius legato usus fuerat, sponsam sibi transmittendam efflagitat.

Is quum parvâ admodum familiâ comitatus Hallandiam præteriret, ad agrestem vicum se, pernoctandi gratiâ, contulit, in quo duorum fratrum habitationes adversas medius amnis secreverat. Et hi quidem consuetudinem jugulandi, quos hospitalicèr recepissent, habebant, liberalitatis specie latrocinium obscurare callentes. Trabem enim in modum præli oblongam, eandemq; ferri acumine præditam, arcanis quibusdam vinculis in excelsâ domus parte suspenderant, quam nocturno tempore subductis nexibus demittentes, subjectorum capita defecare solebant. In quem modum compluri-

50 um vertices pensili môle præciderant. Igitur Ebboni suisq; post epulas abundè præbitas, penes focum ministri torum extruunt, ut applicatas igni cervices insidiosæ trabis impulsu demeterent. Quibus abscedentibus Ebbo impensum capitibus machinamentum suspiciens, locios simulato somno corpora transponere jubet, præfatus perquâ salutarem eis loci variatione existere. Fuere autè inter eos quidâ ab Ebbonis clientelâ extranei, qui spretis, quæ ceteri

SYVARDUS

ceteri exequébantur, monitis, immori ut cuiq; jacendi locus obvenerat, cubuerunt. Sub opacam verò noctem ab infidiarum ministris pendulū machinamenti pondus impellitur. Quod nodis, quibus inhærebat, excussū, magnaq; vi solo adactū, subjectos exitio tradidit. Igitur qui facinoris exequendi curam habebant, quò certius rei eventum discerent, illato lumine Ebbonem, propter quem maximè rem adorsi fuerant, prudenter periculo occurrissè cognoscunt, à quo protinus impetiti, sanguine pœnas dederunt. Ebbo quoq; suis, per mutuam stragem amissis, frequentem crustulis glacialibus amnem invento fortè navigio superat, Gøtharoq; cladis suæ potius quàm legationis eventum declarat. 10

Quam rem Gøtharus à Syvardi instinctu profectam judicans, injuriarum vindictam armis exequi parat. A quo Syvardus apud Hallandiam expugnatus, sorore ab hostibus captâ, concessit in Jutiam. Ubi Sclavorum vulgus pugnam sine principe ausum acie superavit, tantum gloriæ ex victoriâ nactus, quantum ex fugâ dedecoris traxerat. Verùm hisdem, quos ductu vacuos debellaverat, paulò post ducem nactis pugnâ apud Fioniam cessit. Adversum quos identidem in Jutia præliatus, infelicem pugnae eventum habuit. Quo evenit, ut Scaniâ Jutiâq; exutus, media duntaxat regni veluti quasdam exesi corporis partes, sine capite retineret. Jarmericus ex eo genitus, cum sororibus admodum parvulis præda hostibus fuit: quarum altera Norvagiensibus, 20 altera Germanis, quòd venalia quondam solebant esse connubia, pretio vendita est. Itaq; Danorum regnum fortissimè propagatum, tantis etiam majorum titulis illustratum, tot victoriis auctum, ob unius viri inertiam ex summo nitore fortunæ & florentissimo rerum statu eò ignominia pervenit, ut pensionem quam prius exigebat, exolveret. Syvardus autem sæpius victoriâ cassus, ac deformium fugarum reus, post tot majorum decora, in tam erubescendo patriæ statu confusa regni gubernacula gestare non sustinens, ne diuturnior vita ad extremam gloriæ jacturam pertingeret, speciosum sibi factum pugnâ parere properavit. Quippe memorem calamitatis animum deponendæ agridudinis cupido salutis fastidio cruciabat. Adeo demendi ru- 30 boris studium lucem ei invisam effecerat. Igitur comparatis pugnae copiis, Simoni cuidam sub Gøtharo Scaniam procuranti, bellum apertè denunciat. Quod obstinatis temeritatis viribus executus, occiso Simone, per summam hostium stragem vitam finivit; patriam tamen præstandæ pensionis onere liberare nequivit.

Interea Jarmericus apud Regem Sclavorum Ismarum cum coævo sibi collacteoq; Gunnone conjectus in carcerem captivus degebat. Quo demum erutus atq; exercendi ruris culturæ applicatus, rusticum opus exequitur. Ob cujus promptissimam administrationem ad regalium mancipiorum magisterium transfertur. Eo quoq; syncerissimè gesto, in necessariorum Regis 40 gregem assumitur. Ubi quum se juxtâ aulicorum ritum egregiâ morum amœnitate gessisset, brevi in amicorum numerum translatus, primum familiaritatis locum obtinuit, ac veluti quibusdam meritorum gradibus fretus, ab infima sorte ad spectatū honoris fastigium concessit. Et ne segnem evenemq; juventam ageret, militaribus se studiis assuefecit, naturæ dotes industria cumulans. Grata omnibus Jarmerici indoles erat: soli Reginae suspectum adolescentis ingenium fuit. Fratrem quoq; Regis fato functum repentinus rumor edocuit. Cujus corpus Ismarus amplissimq; funere elaturus, quò major exequiarum pompa fieret, regia comitate convivium instruit. At Jar- 50 mericus aliàs cum Regina familiaris rei curam sortitus, ad fugam, cujus facultatem regalis absentia promittere videbatur, circumspiciendam accessit. Animadvertēbat enim se etiam inter opes positum miserabile Regis mancipium fore, & quasi alieno beneficio precarium spiritum possidere. Prætereà quanquam primis apud Regem honoribus uteretur, liberta-

BVTHLV

libertatem deliciis præferendam existimans, visendæ patriæ, noscendiq; generis eximiâ cupiditate flagrabat. Sciens autem quod Regina, ne quis captivorum elabi posset, competentibus providisset excubiis, quò viribus pervenire nequibat, arte assurgendum procurat. Fiscellam itaq; biblo ac viminetextam, quâ agrestes instar hominis formatâ aves aristas deturbare consueverant, vivo cane complevit. Quam etiam detracto sibi cultu, quò verisimilius humanam repræsentaret imaginem, textit. Deinde privatum Regis ærarium demolitus, egestam inde pecuniam notis sibi tantum recondidit locis. Interea Gunno absentiam socii simulare jussus, illatâ in regiam fiscella, impulsosq; ad latrandum cane, percontanti, quidnam hoc esset, reginæ, mente captum clamitare retulit Jarmericum. Illa ad aspectum statuæ similitudinis errore delusa, insanum æde ejici juber. Tunc Gunno perlatam foras statuam, perinde ac furentem socium lectulo tradit. Sub noctem verò vigiles epularum hilaritate, ac vino provehit largiore, abscissaq; dormientium capita, quò turpiore eos morte consumeret, inguini sociavit. Excitata strepitu Regina, causamq; ejus discere cupiens, concita fores petivit. Sed dum caput incautius exerit, improviso Gunnonis ense confoditur. Quæ quum mortificum vulnus experta corrueret, reflexis in occisorem luminibus, nullius, inquit, obtentu fraudis, si incolumi mihi vivere licuisset, his finibus impunitus excederes. Ad hunc modum crebras in percussorem minas moribunda profudit. Post hæc Jarmericus una cum Gunnone præclari facinoris socio, tabernaculum in quo Rex fraternas convivio celebrabat exequias, cunctis temulentia victis, admoto furtim incendio complet. Quo latius fuso, quidam ebrietatis stupore discusso, immisissis equis deprehensos periculi insequuntur auctores. At juvenes primùm jumentis, quæ repererant vecti, ad ultimum hisdem prolixiori cursu debilitatis, pedites dedere fugam. Jamq; penè occupatis amnis remedio fuit. Pontem enim, quem antè morandi persecutoris gratia præcis ad medium trabibus non modo onerum impatientem, sed etiam ruinæ propinquum effecerant, prætergressi, in opacâ de industria voraginem concesserunt. Quibus imminentes Sclavi, dum parum prospecto periculo equis improvidi pontem onerant, desidentibus tabulatis excussi, præcipitantur in flumen. Sed dum enando ripam appetunt, à Gunnone & Jarmerico obstantibus intercepti, mersi, aut interfecti sunt. Ita juvenes egregiâ calliditate usi, non ut fugitiva mancipia, sed quasi præditi consilio senes, majus ætate sua facinus ediderunt; quod acutè conceperant, efficaciter adimplendo. At ubi in littus ventum, rapto quod fors obtulerat navigio, in altum procedunt. Quos qui insequabantur barbari navigare conspectos, vociferando revocare conati, regnatos, si redeant, spondent, quod publico veterum instituto Regum percussoribus regnorum successio decreta fuerit. Diu recedentium aures pertinax Sclavorum clamor promissis pellacibus exurdabat.

Ea tempestate Buthlus Syvardi frater Danis perfunctoriè præerat, à quibus venienti Jarmerico regnum tradere coactus, ex Rege privatus evasit. Eodem tempore Gøtharus Sybbonem stupratæ sororis infimulatum occidit. Cujus nece affines permoti, ad Jarmericum ejulabundi decurrunt, seq; in ultionem propinqui, Gøtharum cum eo oppugnatos promittunt. Nec parum promissa solverunt. Nam eorum auxiliis oppressio Gøtharo, Jarmericum Sventiâ potiri contigit. Qui quum duarum gentium imperio fungeretur, auctæ dominationis fiducia Sclavos prælio tentat. Quorum quadraginta captos applicatis totidem lupis laqueo adegit. Quem supplicii modum olim parricidis debitum, ob hoc circa hostes peragere voluit, ut quantæ in Danos rapacitatis extiterint, ex ipsa atrocium belluarum communione videntibus conspicuum foret. Subactâ quoq; regione præsidia locis opportuna disponit. Inde profectus Sembonum, Curetum, compluriumq; Orientis gentium cladem exercuit. Quâ Regis occupatione Sclavi datam sibi defectionis materiam judicantes, interfectis qui ab ipso præsides constituti fuerant, Daniam depopu-

BUTHLVS,
regni Admini-
strator.

XL:
JARMERI-
CVS.

JARMERICI
CVS.

depopulati sunt. Quorum classem Jarmericus forte è piratica rediens interceptam delevit, eoq; facinore priores victoriarum titulos decoravit. Cæterum optimates eorum primo tibias loris trajectos, moxq; immanium taurorum ungulis alligatos, molossisq; incessentibus raptim in cœnum voraginesq; pertractos lacrymabili spectaculo consumpsit. Ea re hebetati Sclavorum animi samma cum trepidatione Regis imperium coluerunt. Jarmericus itaq; tot gentium manubiis locupletatus, ut tutum prædæ domicilium compararet, in editissima rupe mirifico opere ædem molitur. Aggerem collatis glebis extruit, fundamentum crebris conjicit saxis, imballo, tricliniis media, summa propugnaculis cinxit. Secus undiq; juges excubias fixit. Quatuor portæ magnitudine præstantes, à totidem plagis irrestrictos aditus dabant. In hujus domus magnificentiam omnem opum suarum apparatus congestit. Ita domesticis rebus compositis, rursum in externas cupidinem vertit. Igitur navigatione cœpta, quatuor fratres genere Helleponticos obvios pelago factos, piraticaq; admodum studiis affveros, maritimâ pugnâ attentare non distulit. Quâ triduo gestâ, sororem eorum cum medietate tributî, quo victos oneraverant, pactus, prælium revocavit.

Post hæc Livorum Regis filius Bicco captivitate, quam sub memoratis fratribus dacebat, elapsus, Jarmericum, à quo olim fratribus spoliatus fuerat, injuriæ haud oblitus accessit. Apud quem benignius habitus, brevi arcanorum omnium arbiter singularis evasit. Hunc ut suis per omnia tractabilem monitis sensit, in res quàm maxime factu detestabiles consultantem adduxit, atq; ad scelera flagitiaq; committenda compellit. Adeo nocendi artem obsequii simulatione captabat. Præcipue cum adversum eos, quos sanguine proximè contigisset, armabat. Ita fraternam ultionem, quia viribus nequibat, fraude exequi pertentabat. Quo evenit ut Rex virtutum loco vitiorum sordes amplexus, ob ea quæ perfidi monitoris impulsu atrociter gesserat, communibus in se locum odiis daret. Adversum quem etiam Sclavorum tumultus exoritur. Cujus sopiendi gratia duces eorum captos, trajectis fune tibiis, equis in diversa raptantibus præbuit lacerandos. In hunc modum consumpti principes, corporum suorum distractu pertinacis animi pœnas dederunt. Quæ res Sclavorum obsequia in suo statu æquali ac solida subjectione continuât.

Interea qui ex sorore Jarmerici apud Germaniam orti, educatiq; fuerant, avito nomine freti, in avunculum arma suscipiunt, æque sibi regnum atq; ei deberi certantes. Quorum munitiones Rex apud Germaniam machinis demolitus, oppidis compluribus aut obsessis, aut captis, nonnullis etiam solo æquatis, incruentam ad cives victoriam reportavit. Occurrunt Hellepontici pactis sororem nuptiis offerentes. Quibus celebratis rursum Biconis instinctu Germaniam petens, captis bello sororiis laqueo spiritum eripere non dubitavit. Optimates quoq; convivii simulatione contractos, eodem exemplo consumendos curavit.

Interea Broderus, quem olim Rex ex alio sustulerat matrimonio, novæ curam ab eo susceptam plenis sanctitatis excubiis celebrabat. Quem Bicco apud patrem incesti crimine accusatum, ne falsò insimulasse videretur, subornatorum testimonio insecutus est. Cumq; Broderus accusationis partibus plenè exhibitis defensionis præsidia afferre non posset, pater ab amicis in convictum ferri sententiam jubet; minus impium ratus sumendam de filio vindictam alieno quàm proprio delegare judicio. Quem cæteris proscriptione dignum decernentibus, Bicco tristiores de capite, ejus sententiam ferre non veritus, à nefarii stupri auctore pœnam suspensio capiendam esse pronunciat. Quam ne quis à paterna crudelitate profectam putaret, eundem laqueo affixum à ministris subjecto asserere excipiendum

piendum percensuit: ut quum hi fessas oneri manus subduccerent, perinde ac rei perempti juvenis forent, Regemque patricidii crimine suâ culpâ liberum facerent. Præterea nisi poena accusationem sequeretur, paternæ eum salutis infidiaturum astruxit: adulteram verò Svavildam, quò turpius è vita excederet, pecudum ungulis proculcarî debere. Paruit Biccconi Rex, adactumque suspendio filium, nè strangulari posset, à circumstantibus tabulati ope allevandum curavit. Igitur innoxium vinculum parum compressis faucibus solam poenæ speciem præ se ferebat. Reginam verò firmissimo nexu humo astrictam, equinis obterendam calcibus præbuit. Hanc tantæ fuisse pulchritudinis fama est, ut ipsis quoque jumentis horrore foret, artus eximio decore præditos sordidis lacerare vestigiis. Quo argumento Rex innocentiam conjugis declarari conjectans, accedente erroris penitentia, falsò notatam festinat absolvere. Advolat interea Bicco, qui supinam jumenta diris deturbare carminibus, nec nisi pronam obteri posse firmaret. Quippe eam formæ suæ beneficio servatam sciebat. In hunc modum collocatam Reginæ corpus adactus jumentorum grex crebris altè vestigiis fodit. Hic Svavildæ exitus fuit. Interea canis, cui Broderus assueverat, ceu quibusdam questibus aggressus Regem, deflere domini supplicium videbatur. Eiusdemque illatus accipiter intimas corpori plumas rostro detrahare coepit. Ex cuius nuditate Rex sumptis orbitatis auspiciis, omen intercepturus, præpoperè, qui filium laqueo detraherent, mittit. Per implumem enim aviculam futurum se, nî cavisset, absque liberis augurabatur. Liberato clade Brodero, Bicco delationis poenas exolvere metuens, nunciare Hellesponticis pergit, Svavildam à viro nefaria strage consumptam. Quibus ulciscendæ sororis gratia navigantibus, ad Jarmericum reversus, parari bellum ab Hellesponticis indicat. Rex moenibus quàm acie tutius dimicandum existimans, in eam quam exædificaverat, munitionem confugit. Ubi ad ferendam obsidionem com meatibus penitiora, propugnacula armatis implebat. Fulgentes auro cetræ, circumpensique clypei supremum ædis ambitum adornabant. Contigit autem ut Hellespontici prædæ partitionem acturi, magnam suorum manum peculatus insimulatam occiderent. Igitur quòd tantam copiatum partem intestina clade consumpserant, aulæ expugnationem suis altiore viribus rati, veneficam, cui Guthrunæ erat vocabulum, consulunt. Qua efficiente, regiæ partis propugnatores subito oculis capti, in seipsos arma convertunt. Quo viso Hellespontici applicata testudine primos portarum aditus occupant. Deinde convulsis postibus, irruptaque æde, cæcas hostium phalanges obtruncant. Eo tumultu superveniens Othinus, mediosque præliantium globos appetens, Danis, quos paterna semper pietate coluerat, ademptum præstigiis visum superâ virtute restituit. Hellesponticos verò corpora adversum tela carminibus durare solitos, crebro filice converberandos esse perdocuit. Ita utrumque agmen mutuâ cæde consumptum interiit. Jarmericus utroque pede ac manibus spoliatus, trunco inter exanimis corpore rotabatur. Cui Broderus parum idoneus successit in regnum.

JARMERICVS.

XLII.
BRODERVS.

Post hunc regnat Syvaldus. Cujus filius Snio, senescente patre strenuum piraticæ opus complexus, patriæ res non solum servavit, sed etiam diminutas in pristinum habitum revocavit. Idem tyrannide suscepta, Eskilli atque Alkilli pugilum insolentiam comprimendo, Scaniam à Danicæ jurisdictione nis integritate submotam ad societatem patriæ victoriâ reduxit. Tandem filix Gothorum Regis mutuo amore perstrictus, conveniendæ ejus copiam clandestinis nunciis tentat. Qui à patre puellæ intercepti suspen-

XLIII.
SYVALDVS.
XLIII.
SNIO.

SNIO, dioq; consumpti, improvidæ legationis pœnas dederunt. Quorum Snio ultionem exigere cupiens, quum Gothiam hostiliter aggressus fuisset, Rege ejus cum copiis occurrente, prædictorum pugilum provocatione, rem per athletas gerere jussus, hanc duelli legem edidit, ut alteruter Regum pro varia athletarum fortuna aut proprium perderet, aut alienum lucraretur imperium, victiq; regnum in victoriæ præmio reponeretur. Quo evenit ut Gothorum Rex propugnatorum suorum infortunio superatus, regno Danis cedere cogeretur. Cujus filiam Snio, quum in Sveonum Regis connubium paterno impulsu comperisset abductam, quendam obsoleto habitu per itinera publica stipem petere solitum, ad eam usque tentandam transmisit. Qui quum egentium more propinquum liminibus discubitu habuisset, visa fortè Regina exili voculâ succinens, amat, inquit, te Snio. Illa allapsum auribus sonum dissimulanter excipiens, nec visu nec gradu relato procedit in regiam, atq; evestigio regressa obscuro & vix aures offendente sibilo, amantem, inquit, me redamo. Eo dicto vestigium extulit. Quam egenus mutui amoris vocem edidisse gavisus, die postera foribus assidens, præsentē domina consueta sermonis brevitate, locum, ait, voto suppetere convenit. Illa rursum argutæ vocis industriam colligens, summa cum dissimulatione discessit. Parvo post percontatorem præteriens, Bøcherør brevi se perventuram asseruit. Hunc quippe locum fuga petere destinavit. Qua de re egenus certior redditus, solito percontationis acumine competens promisso tempus cognoscere perseverat. Illa verò nec astu inferior, nec sermone lucidior, quam brevissimè potuit, hyemis initium nuncupavit. Caterum stipatores ejus qui levem anctoriæ vocis jactum exceperant, plenum calliditatis ingenium extremæ stoliditatis deliramentum esse credebant. Quæ quum Snio certius ex egeno cognosceret, Reginam sublatis mariti opibus lavandi simulatione digressam, navigio deportandam curavit. Postea vero sæpenumero inter ipsum ac Suetiæ Regem, altero justas repente faces, altero illicitas tueri perseverante, ancipiti eventu variâq; victoriâ dimicatum est.

Ea tempestate per summam coeli intemperantiam agrorum ubertate corruptâ, ingens annonæ caritas incidit. Cumq; obortâ victualium raritate gravis plebem inedia laceraret, Rex quonam modo temporis difficultati succurreret anxius, quum aliquantò majorem bibulorum, quàm edacium impensam animadverteret, frugalitatem populo intulit; conviviorum usum abrogans, ne qua ex fruge potio pararetur edixit, acerbicatem famis superflui haustus interdicto pelliendam, atq; à siti abundantiam esus mutuandam existimans.

Tunc quidam petulantioris gulæ proscriptam bibendi consuetudinem deflens, altum calliditatis genus complexus, novam voluptatili-
centiam reperit, ac publicam continentię legem privatâ intemperantiâ solvit, deliciarum usum à ridiculi operis acumine mutuatus. Vetiti enim liquoris gustu minutim liguriendo usus, desiderium ebrietatis explevit. Quam ob rem conventus à Rege, integerrimum se frugalitatis observatorem asseruit, utpote aviditatem haustus moderatæ sumptionis ingenio castigantem, affixamq; sibi culpam sorbitionis titulo tueri perseveravit. Deniq; adjecto minarum terrore, non modo bibere, verum etiam pitissare prohibitus, consuetudini tamen imperare non potuit. Ut enim tanquam licitè illicitis frueretur, nec gulam alieno subiectam haberet imperio, madefactis potione crustulis, capace liquoris offula vescebatur, cupitamq; crapulam lento gustu provexit, interdictum satietatis modum haud secus ac licitum consecutus. Adeo pertinacissima gulæ rabies salutem pro luxu de-
devo-

devovens, nec regiâ quidem comminatione deterrita, ad omne periculum spernendum temerarium solidaverat appetitum. Secundò quoq; perinde ac violatæ constitutionis reus convenitur à Rege. Sed ne tunc quidem facti defensionem abjecit, nequaquam à se regalibus institutis obviam itum esse contendens, aut decretam edicto continentiam suis profanatam illecebris, præsertim quum lata frugalitatis lex ita parsimonix formam tradiderit, ut potandi magis quàm edendi liquoris facultas inhibita videretur. Tum Rex obtestans deos, per comunem jurare salutem, tale quid deinceps audentem capitaliter esse plexurum. Ille mortem temperantia levio-
 10 vitamque quàm luxum deponere tolerabilius ratus, rursus aquis excoquit frugem, detostoq; liquore cum se nullam ulterius excusandæ cupiditatis defensionem objecturum speraret, palam potioni indulgendo ad calicum usum libera fronte convertit, astuque in audaciam verso, regiam animadversionem opperiri quàm frugi fieri maluit. Interrogante ergo Rege, cur toties rei interdictæ licentiam usurpasset, desiderium hoc, inquit, Rex, non tam aviditas mea, quàm habita in te benevolentia peperit: fun-
 20 neribus enim regis inferias convivio persolvendas memineram. Itaque, ne epulum, quo tuæ peragantur exequiæ, ob frumenti inopiam solenni potionis usu careat, industriâ potius quàm ingluvie, ductus prohibiti liquoris temperamento providi. Te autem ante alios inediâ periturum, prio-
 remq; busto opus habiturum non ambigo, cum ob hoc inusitatam parcitatis legem tuleris, quod defuturam tibi primum alimoniam verearis. Tibi quippe non aliis consulendo novum avaritiæ auctorem agere sustines. Tam urbana hominis cavillatio iram Regis in ruborem convertit. Qui cum publicæ salutis decretum in ludibrium sui recidisse conspiceret, omisso communis utilitatis consilio, revocavit edictum, sententiamq; solvere quàm civium offensam contrahere maluit.

Cumque, ut dixi, sive parum complutâ humo, seu nimium torridâ, torpentibus saris, ac parvè fructificantibus campis, inediæ languor defe-
 30 ctam escis regionem attereret, nullumque, parum suppetentibus alimentis, trahendæ famis superesset auxilium; Aggone atque Ebbone auctori-
 bus, plebiscito provisum est, ut senibus ac parvulis cæsis, omniq; demum imbelli ætate regno egestâ, robustis duntaxat patria donaretur; nec nisi aut armis aut agris colendis habiles domestici laris paternorumq; penatium habitacula retinerent. Quorum mater Gambaruc, id ad se deferentibus filiis, cum à scelesti decreti auctoribus salutem in crimine repositam animad-
 verteret, damnata concionis sententia, necessitatem parricidio redimi o-
 40 portare negabat: propius honestati consilium fore asserens, animorumq; ac corporum virtuti experitibilis, ut servatâ erga parentes ac liberos pie-
 tate, patriâ excessuri sorte deligerentur. Quæ si senes invalidos obtulisset, robustiores se eorum loco exilio offerrent, ejusque pondus pro debilibus perferendum sua sponte susciperent. Caterum indignos esse vita, qui illam scelere & sacrilegio comparare, parentesq; ac prolem tam iniquo sen-
 tentiæ genere persequi sustinuis-
 sent, charitatis loco crudelitatis officia peracturi. Postremo cunctos malè patriam demereri, apud quos parentum aut li-
 50 berorum amoris proprii spiritus charitas præponderaret. Huic voci ad concionem relatæ, pleriq; suffragiis assentiebantur. Igitur omnium fortunis in-
 sortem conjectis, qui designabantur, extorres adjudicati sunt. Quo evenit, ut qui sponte necessitati parère noluerant, fortunæ judicio obsequi cogerentur. Primum itaque Blekingiam advecti, ac deinde Boringiam præternavigantes, ad Gutlandiam appulerunt: ubi & Paulo teste, auctore Frig deâ, Longobardorum vocabulum, quorum postea gentem condide-
 runt, traduntur adepti. Tandem ad Rugiam se applicantes, desertisq; navigiis

SNIO. solidum iter ingressi, cum multam terrarum partem emensi, armisq; depopulati essent, post editas latè strages, postremo petitis in Italia sedibus, priscum gentis vocabulum suo nomine permutarunt.

Interea Danorum tellus rarefcente cultorum operâ, sulcorumque vestigiis situ obductis, sylvestrem induit vultum, & quasi nativi cespitis amœnitate deposita, informi succrescentium nemorum densitate perhorruit. Quod præsens quoque camporum ejus facies prodit. Quæ enim olim feracia frugum jugera fuerant, eadem nunc arboreo stipite conferta, visuntur. Atque ubi olim cultores terram altiùs versantes vastas dissipavere glebas, illic nunc enatum nemus servantia adhuc veteris culturæ vestigium rura complectitur. Quæ nisi cultore vacua ac diuturno situ vasta mansissent, nequaquam unius ruris glebam inter factos aratro sulcos, tenacesque arborum radices partiri potuissent. Colles quoque, quos in plano humandorum cadaverum curâ veterum labor extruxerat, præsens sylvæ congeries occupat. Cernere etiam est crebros petrarum acervos sylvarum saltibus interfitos, quas toto quondam rure dispersas, ne proscindendis ubique sulcis officerent, conjectis in struem molibus, rustica cura sublegit, malens exiguum agri perdere quàm totum difficile reperire. Unde ex eo quod tunc exercendorum liberius arborum gratiâ agrestium labor egerat, prioris ævi populus postero numerosior extitisse perpenditur, qui brevibus agellis contentus agrestem operam citra veteris culturæ vestigia cohibet. Itaque præsens seculi vultus, capax quondam aristæ solum nunc gignendis glandibus idoneo, agrestemq; stivam ac Cereales culmos consita arboribus facie se permutasse miratur. Et hæc quidem de Snione, quàm verissimè potui digesta sufficiant.

XLIV. Hunc succedit Biørn; itemque post ipsum Haraldus rerum assequitur summam. Cujus filio Gormoni inter priscos Danorum duces non infimæ laudis locum rerum strenuè gestarum titulus tribuit. Hic enim novum audaciæ genus complexus, hæreditarium fortitudinis spiritum scrutandæ rerum naturæ vestigiis quàm armis excolere maluit: utque alios 30
 XLV. HARALDVS. Regum ardor bellicus, ita ipsum cognoscendorum mirabilium, quæcunque vel experimento deprehensa, vel rumore vulgata fuerant, præcordialis stimulabat aviditas. Cumque esset externa atque inusitata visendi cupidus, experiendam præ cæteris duxit Geruthi cujusdam sedium acceptam à Thylensibus famam. Incredibilia enim ab eis super opum inibi congestarum magnitudine jactabantur, sed iter omni refertum periculo ac penè mortalibus invium ferebatur. Ambitorem namque terrarum Oceanum, navigandum, Solem postponendum ac sydera, sub Chao peregrinandum, ac demum in loca lucis expertia, jugibusque tenebris obnoxia transeundum, expertorum assertione constabat. Sed in juvenili animo circumstantis periculi metum non tam prædæ quàm gloriæ cupido calcabat, multum sibi claritatis accessurum sperante, si rem admodum intentatam auderet. Trecensis idem cum Rege votum nuncupantibus, auctorem famæ Thorkillum itineris ducem assumi placuit, utpote locorum gnarum, peritumque adeundæ regionis ejus. Is officio non recusato, adversum inusitatam navigandi maris sævitiam firmiore structuræ genere, nodisque crebrioribus, ac confertioribus clavis præparanda jubet navigia solidari; eademq; magnis repleri com meatibus, ac bovinis supernè tergoribus claudi, quæ intrinseca navium spatia ab incurfantium undarum aspergine tuerentur. Inde tribus duntaxat liburnis navigatio tenditur, unaquaq; centenos capiente delectos. 50

At ubi in Halogiam ventum, secundis flatibus destituti, variâ pelagi jactatione, dubiis navigationis casibus agebantur. Tandem per summam alimentorum inopiam etiam pane defecti, exigua pulvis usu traxere famen. Interjectis

jectis diebus eminus perstreptentem procellæ fragorem, perinde ac scopulos GORMO
mundantis exaudiunt. Igitur intellectâ telluris vicinia, agilitatis eximie juvenis, speculandæ rei gratiâ, cacumen mali conscendere iussus, prærupti situs insulam in conspectu esse denunciat. Lati omnes regionem, quæ ab eo significabatur, avidis insequuntur luminibus, attentè promissi littoris præsidium expectantes. Cujus tandem aditum nacti, in editiorem soli partem, per obstantes vivos, prælatis callibus enituntur. Tunc Thorkillus ex armentis, quæ in maritimis frequentia discurrebant, suprâ quod semel leniendæ fami sufficeret, negat esse tollendum: futurum enim, si secus agerent, ut à diis loci præsidibus discedendi potentiâ privarentur. At nautæ magis prorogandæ satietatis, quàm servandi imperii cupidores, incitamento gulæ salutis consilium subjecerunt, exhausta navium gremia cæsorum gregum corporibus onerantes. Qui ideò captu perfaciles extitere, quod ad inusitados virorum aspectus firmato pavore mirabundi convenerant. Nöcte insequenti monstra littori involantia, ac toto concrepantia nemore, conclusas obsedèrè puppes. Quorum unum cæteris grandius, ingenti fuste armatum, profundum passibus emetiebatur. Idem propius admotum vociferari cœpit, non antè enavigaturos, quàm fusi gregis injuriam expiando, viris pro navium numero traditis, divini pecoris damna pensassent. Cujus minis obsecutus Thorkillus, ut univerforum incolumitatem GORMO
paucorum discrimine tueretur, tres sorte denotatos exhibuit.

Quo factò, optato vento excepti in ulteriorem Biarmiam navigant. Regio est perpetui frigoris capax, præaltisq; offusa nivibus, ne vim quidem fervoris perentiscit æstivi, inviorum abundans nemorum, frugum haud ferax, inusitatisq; alibi bestiis frequens. Crebri in ea fluvii ob insitas alveis cautes stridulo sputantiq; volumine perferuntur. Illic Thorkillus subductis navibus tendi in littore jubet; eò loci perventum austruens, unde brevis ad Geruthum transitus foret. Prohibuit etiam ullum cum supervenientibus miscere sermonem, affirmans monstra nullo magis nocendi vim, quàm advenarum verbis parum comiter editis sumere. Ideoq; socios silentio tutiores existere, se verò solum GORMO
tutò profari posse, qui prius gentis ejus mores habitumq; perviderit. Crepusculo appetente, inusitatæ magnitudinis vir nominatim salutatis nauticis intervenit. Stupentibus cunctis, Thorkillus adventum ejus alacriter excipiendum admonuit, Guthmundum hunc esse docens Geruthi fratrem, cunctorum illic applicantium piissimum inter pericula protectorem. Percontantiq; quid ita cæteri silentium colerent, refert rudes admodum linguæ ejus ignoti pudere sermonis. Tum Guthmundus hospitio invitatos curriculis excipit. Procedentibus amnis aureo ponte permeabilis cernitur. Cujus transeundi cupidos à proposito revocavit, docens eo alveo humana à monstrosis rerum secrevisse naturam, nec mortalibus ultrâ fas esse vestigiis. Subinde ad ipsa ductoris penetralia pervenitur. Illic Thorkillus seductis sociis hortari cœpit, ut inter tentamentorum genera, quæ varius obtulisset eventus, industrios viros agerent, atq; à peregrinis sibi dapibus temperantes, propriis corpora sustentanda curarent, discretasq; ab indigenis sedes peterent, eorum neminem discubitu contingendo. Fore enim illius escæ participibus inter horridos monstrorum greges, amissâ cunctorum memoriâ, sordidâ semper communione degendum. Nec minus ministris eorum ac poculis abstinendum edocuit. Duodecim filii Guthmundi egregiâ indole, totidemq; filiæ præclui forma circumsteterant mensas. Qui cum Regem à suis duntaxat illata delibare conspiceret, beneficii repulsam objiciens, injuriosam hospiti querebatur. Nec Thorkillo competens facti excusatio defuit. Quippe insolito cibo utentes plerumq; graviter affici solere commemorat, Regemq; non tam alieni obsequii ingratum, quàm propriæ sospitatis studiosum, consveto more corpus curantem domesticis cœnam obsoniis instruxisse. Igitur haudquaquam contemptui imputari debere, quod fugiendæ pestis salutariter gereretur affectu. Videns autem Guthmundus apparatus sui fraudem hospitem frugalitate delusam, cum abstinentiam hebetare

FORMO.

non posset, pudicitiam labefactare constituit; omnibus ingenii nervis ad debilitandam eorum temperantiam inhians. Regi, enim filiaë matrimonium offerens, cæteris quascunq; è famulitio peterent potiendas esse promittit. Plerisq; rem approbantibus, Thorkillus hunc quoq; illecebrarum lapsum, sicut & cæteros, salubri monitu præcurrit, industriam suam inter cautum hospitem ac lætum convivam egregiâ moderatione partitus. Quatuor è Danis oblatum amplexi, saluti libidinem prætulērunt. Quod contagium lymphatos inopesq; mentis effectos pristina rerum memoriâ spoliavit. Quippe post id factum parum animo constitisse traduntur. Qui si mores suos intra debitos temperantiæ fines continuissent, Herculeos æquassent titulos, giganteam 10 animo fortitudinem superassent, perenniterq; patriæ mirificarum rerum insignes extitissent auctores. Adhuc Guthmundus propositi pertinaciâ dolum intendere perseverans, collaudatis horti sui deliciis, eo Regem percipiendorum fructuum gratiâ perducere laborabat, blandimentis nifus, illecebrisq; gulæ, cautelæ constantiam elidere cupiens. Adversum quas insidias Rex Thorkillo, ut prius, auctore firmatus, simulatæ humanitatis obsequium sprexit, utendi excusationem à maturandi itineris negotio mutuatus. Cujus prudentiæ Guthmundus suam in omnibus cessisse considerans, spe peragendæ fraudis abjecta cunctos in ulteriorem fluminis ripam transvectos iter exequi passus est.

20

Progressi atrum ineultumq; oppidum vaporanti maximè nubi simile, haud procul abesse prospectant. Pali propugnaculis interfisi defecta virorum capita præferebant. Eximie ferocitatis canes tuentes aditum præ foribus excubare conspecti. Quibus Thorkillus cornu abdomine illitum collambendum objiciens, incitatissimam rabiem parvulâ mitigavit impensâ. Supernè portarum introitus patuit. Quem scalis æquantes, arduo potiuntur ingressu. Atræ deintus informesq; larvæ conferferant urbem. Quarum perstreptentes imagines aspicere horridius an audire fuerit, nescias: fœda omnia, putidumq; coenum adeuntium nares intolerabili halitu fatigabat. Deinde conclave saxæum, cui Geruthum fama erat pro regiâ assuevisse, reperiunt. Cujus arctam 30 horrendamq; crepidinem invisere statuantes, repressis gradibus in ipso paventes aditu constitērunt. Tunc Thorkillus hærentes animo circumspiciens, cunctationem introitus virili adhortatione discussit: monens temperaturos sibi, ne ullam ineundæ ædis suppellectilem, tametsi possessu jucunda, aut oculis grata videretur, attingerent, animosq; tam ab omni avaritia averfos, quàm à metu remotos haberent; neq; vel captu suavia concupiscerent, vel spectatu horrida formidarent, quanquam in summa utriusq; rei forent copia versaturi. Fore enim ut avidæ capiendi manus subita nexus pertinaciâ à re tacta divelli nequirent, & quasi in extricabili cum illa vinculo nodarentur. Cæterum compositè quaternos ingredi jubet. Quorum Broderus & Buchi primi 40 aditum tentant. Hos cum Rege Thorkillus, insequitur. Cæteri deinde compositis gradiuntur ordinibus. Ædes deintus obsoleta per totum, ac vi teterimi vaporis offusa, cunctorum, quibus oculus aut mens offendi poterat, uberrima cernebatur. Postes longæva fuligine illiti, obductus illuvie paries, compactum è spiculis tectum, instratum colubris pavementum atq; omni sordium genere respersum, inusitato advenas spectaculo terruerunt. Super omnia perpetui fœtoris asperitas tristes lacessebat olfactus. Exanguia quoque monstrorum simulacra ferreas oneraverant sedes; deniq; confessuum loca plumbeæ crates secreverant: liminibus horrendæ Janitorum excubiæ præerant. Quorum alii consertis fustibus obstrepentes, alii mutua caprigeni 50 tergoris agitatione deformem edidère lusum. Hic secundò Thorkillus avaras temerè manus ad illicita tendi prohibens, iterare monitum cœpit. Procedentes per fractam scopuli partem, nec procul in editiore quodam suggestu senem pertuso corpore discissæ rupis plagæ adversum residere conspiciunt. Præterea fœminas tres corporeis oneratas strumis ac veluti dorsi firmitate

mitate defectas junctos occupasse discubitus. Cupientes cognoscere socios, Thorkillus qui probè rerum causas noverat, docet Thor divum giganteâ quondam insolentiâ laceffitum per obluſtantis Geruthi præcordia torridam egisse chalybem, eademq; ulterius lapsâ, convulsi montis latera pertudisse; fœminas verò vi fulminum tactas infracti corporis damno ejusdem numinis attentati pœnas pendisse firmabat. Inde digressis dolia septem zonis aureis circumligata panduntur, quibus penfiles ex argento circuli crebros inseruerant nexus. Juxta quæ inusitata belluæ dens extremitates auro præditus reperitur. Huic adjacebat ingens bubali cornu, exquisito gemmarum, 10 fulgore operosius cultum, nec cœlaturæ artificio vacuum. Juxta quod eximii ponderis armilla patebat. Cujus immodicâ quidam cupiditate succensus, avaras auro manus applicuit, ignarus excellentis metalli splendore extremam occultari perniciem, nitentiq; prædæ fatalem subesse pestem. Alter quoq; parum cohibendæ avaritiæ potens, instabiles ad cornu manus porrexit. Tertius priorum fiduciam æmulatus, nec satis digitis temperans, osse humeros onerare sustinuit. Quæ quidem præda uti visu jucunda, ita usu probabilis ex- 20 titit. Illices enim formas subjecta oculis species exhibebat. Armilla siquidem anguem induens venenato dentium acumine eum, à quo gerebatur, appetiit. Cornu in draconem extractum, sui spiritum latoris eripuit. Os ensẽm fabri- cans, aciem præcordiis gestantis immerſit. Cateri sociæ cladis fortunam veri- 30 ti, insontes nocentium exemplo perituros putabant, nè innocentia quidem incolumitatem tribuendam sperantes. Alterius deinde tabernaculi posticâ angustiore indicante secessum, quoddam uberius thesauri secretarium aperitur: in quo arma humanorum corporum habitu grandiora panduntur. Inter quæ regium paludamentum cultiori conjunctum pileo, ac mirifici o- peris cingulum visebantur. Quorum Thorkillus admiratione captus, cupi- ditati frenos excussit, propositam animo temperantiam exuens; totiesq; alios informare solitus, nè proprios quidem appetitus cohibere sustinuit. Amicu- 40 lo enim manum inferens, cæteris consentaneum rapinæ ausum temerario porrexit exemplo. Quo facto, penetralia ab imis concussa sedibus, inopina- tæ fluctuationis modo trepidare cœperunt. Subinde à fœminis conclama- tum, æquo diutius infandos tolerari prædones. Igitur qui prius semineces, ex- pertiaq; vitæ simulacra putabantur, perinde ac fœminarum vocibus obsecuti, è suis repentè sedibus dissultantes, vehementi incurſu advenas appetebant. Cætera raucos extulère mugitus. Tum Broderus & Buchi ad olim nota sibi studia recurrentes, incurſantes se Lamias adactis undiq; spiculis incessebant, arcumq; ac fundarum tormentis agmen obtrivère monstrorum. Nec alia vis repellendis efficacior fuit. Viginti solos ex omni comitatu regio sagitta- riæ artis interventus servavit. Cateri laniatui fuere monstris. Regressos ad 50 amnem superstites Guthmundus navigio trajicit, exceptosq; domi cum diu ac multum exoratos retentare non posset, ad ultimum donatos abire permi- sit. Hic Buchi parum diligens sui custos, laxatis continentia nervis, virtute, quâ hætenus fruebatur, abjectâ, unam è filiabus ejus irrevocabili amore com- plexus, exitii sui connubium impetravit, moxq; repentino verticis circuitu a- ctus, pristinum memoriæ habitum perdidit. Ita egregius ille tot monstrorum domitor, tot periculorum subactor, unius virginis facibus superatus, pere- grinatum à continentia animum miserabili jugo voluptatis inseruit. Qui cum abiturum Regem honestatis causa prosequeretur, vadum curriculo transitu- rus, altiùs desidentibus rotis, vi vorticum implicatus absumitur. Rex amici 60 casum gemitu proſecutus, maturatâ navigatione discessit. Quâ primum pro- sperâ usus, deinde adversâ quassatus, periclitatis inedia sociis, paucisq; adhuc superstilibus religionem animo intulit, atq; ad vota superis nuncupanda con- fugit, extremæ necessitatis præsidium in deorum ope consistere judicans. De- niq; aliis varias deorum potentias exorantibus, ac diversæ numinum maje- stati rem divinam fieri oportere censentibus, ipse Ugarthilocum votis pariter ac pro-

ac propitiamentis aggressus, prosperam exoptati syderis temperiem assecutus est.

Domum veniens cum tot maria se, totq; labores emensum animadverteret, festum ærumnis spiritum à negotiis procul habendum ratus, petito ex Suetia matrimonio, superioris studii habitum otii meditatione mutavit. Vitâ quoq; per summum securitatis usum exactâ ad ultimum penè ætatis suæ finem provectus, qvum probabilibus quorundam argumentis animos immortales esse compertum haberet, quasnam sedes esset exuto membris spiritu petiturus, aut quid præmii propensa numinum veneratio mereretur, cogitatione secum variâ disquirebat.

Hæc volventem subeunt quidam parum benigni in Thorkillum animi, docentes divino opus esse consultu, tantæq; rei certitudinem humano altiore ingenio, nec mortalibus cognito facilem, cœlestibus expetendam oraculis. Quamobrem propitiandum esse Ugarthilocum, neminemq; id Thorkillo aptius executurum. Fuere quoq; qui eundem insidiarum reum, ac regii capitis hostem deferrent. Qui cum ultimo se periculo destinari videret, criminationis auctores profectionis comites expetivit. Tum qui infontem notaverant, periculum alieno capiti præparatum in seipsos recidisse cernentes, consultum revocare tentabant. Sed frustra Regias aures implentes, etiâ pavoris increpiti, Thorkillo duce navigare coguntur. Ita excogitatis in alterum malis auctorem plerumq; adigi necesse est. Qui cum se inevitabili discriminis necessitate districtos animadverterent, navigium taurinis obstructum coriis, provisus abundè com meatibus, impleverunt.

Quo evecti eò pervenere loci, ubi regio Solis inops, ignara syderum, nec diurni luminis capax, perpetuæ noctis specie caligabat. Cumq; diu sub inusitata cœli facie navigassent, tandem incidente lignorum inopiâ, foculi nutrimentis defecti, nec suppetente decoctionis officinâ, crudis famem obsoniis propulerunt. Verùm complures vescentium ultimam pestem ab indigestæ dapis satietate traxerunt. Primum enim paulatim stomachis inusitato partus edulio languor irrepsit, deinde latius manante contagio, vitalia morbus appetiit. Sicq; anceps utriusq; intemperantiæ malum ut inediâ gravem, ita gulam quoq; suspectam effecerat; cum nec vesci tutum, nec abstinere commodum nosceretur. Igitur omnem salutis spem abjicientibus, [ut nervum tunc facilius rumpi solitum est, cum arctius tenditur,] patrocini inopinatæ commoditatis affulsit. Subito enim ignis haud procul emicare conspectus, exhaustis trahendæ vitæ fiduciam ingeneravit. Quem Thorkillus tanquam divinitus datum remedium colligere statuens, quò sibi certiore ad socios reditum strueret, cacumen mali infixæ gemmæ fulgore signavit. Littore deindè potitus subjicit oculis angusti aditus, arctatumq; faucium specum. Quem, comitibus foris præstolari jussis, ingressus, duos eximæ granditatis aquilos conspiciatur corneis naribus contracta, quæ fors obrulerat, igni nutrimenta præstantes. Cæterùm deformis introitus, obsoleti postes, ater situ paries, sordidum tectum, frequens anguib; pavementum, non oculum magis quàm animum offendebant. Tum gigantum alter salutatum eum rem conatu præarduum orsum esse dicebat, inusitati numinus adeundi cupiditate flagrantem, atq; extra mundani climatis cognitionem investigabili scrutatione complexum. A se autem propositi itineris semitas cogniturum, si tres veridicas sententias totidem proverbiiis comprehensas expromeret. Tum Thorkillus: Non mehercule incompriorem naribus familiam pervidisse commemini. Sed neq; locum, quo minus libenter degerem, attingi. Item; Illum mihi pedem potiore statu, qui prior exitum capeffere quiverit. Gigas Thorkilli prudentiâ delectatus, proverbiorum veritate laudatâ, docet, ad inops graminis solum, altisque obfutum tenebris, inprimis esse migrandum. Antè autem quàm destinatus pos-

tus possit locus accipi, navigationem quatrIduo pertinaci remigio pertrahendam. Illic visendum fore Ugarthilocum tetros horrendosq; specus sordida mansione complexum. Thorkillus magnopere stupens, quod & longa & periculosa navigatio imperabatur, spe tamen dubiâ præsentem metum vincente, focolum expetivit. Et gigas, si ignem, inquit, desideras, necesse est alias tres sententias similibus proverbii edas. Tum Thorkillus: Consilio, tametsi exilis id auctor ediderit, obsequendum est. Item, eò temeritatis processu, ut si regredi quivero, salutem meam nulli magis, quàm pedibus, debeam. Rursum, si impræsentiarum recessu libere fruerer, ulterius à reditu tempe-
10 randum curarem.

Inde perlato ad socios igne, auræ indulgentiam nactus, quarto die ad propositum portum appulit, aggressusq; cum sociis terram, apud quam continuæ noctis facies alterni luminis vicissitudinem frustrabatur, ægrè prospectum capientibus oculis, inusitatæ molis scopulum conspicit. Cujus perlustrandi cupidus, à comitibus foris stationem peragentibus, extusum silicibus ignem, opportunum contra dæmones tutamentum, in aditu iussit accendi. Post hæc prælato per alios lumine, arctis cavernæ faucibus corpus subjiens inter crebros serpentum allapsus ferreorum undiq; sedilium frequentiam, contemplatur. Inde placidior aquæ moles, subjectoque sabulo molliter in-
20 fluens, conspectui obversata est. Quâ transitâ, paulò devexiorem situ speluncam aggreditur. Ex qua item atrum obscœnumq; conclave visentibus aperitur. Intra quod Ugarthilocus manus pedesq; immensis catenarum molibus oneratus aspicitur: cujus olentes pili tam magnitudine quàm rigore corneas æquaverant hastas. Quorum unum Thorkillus adnitentibus sociis mento patientis excussum, quo promptior fides suis haberetur operibus, asservavit; statimq; tanta foetoris vis ad circumstantes manavit, ut, nisi repressis amiculo naribus, respirare nequirent. Vixq; egressu potiti, ab involantibus undiq; colubris conspuuntur. Quinque duntaxat Thorkilli comitum, cæteris veneno consumptis, navigium cum ductore conscendunt. Imminent efferi
30 dæmones, & in subjectos venenata passim sputa conjiciunt. At nautæ prætentis coriorum umbraculis illapsum respuere virus. Hic cujusdam fortè prospicere cupientis tactum veneno caput, perinde ac ferro recisum cervici exemptum est. Alius ocellos umbraculis exerens, sub eadem vacuos luminum orbes retulit. Alius exerta manu tegimen explicans, ejusdem tabis vi truncum ad se brachium revocavit. Igitur cæteris propensiora sibi numina nequicquam deprecantibus, Thorkillus Universitatis Deum votis aggressus, eiq; cum precibus libamenta defundens, mox prioris cœli usum ac perspicua rerum elementa prosperâ navigatione collegit.

Jamq; alium sibi orbem atq; ipsum rerum humanarum aditum perspicere videbantur. Tandem ad Germaniam Christianis tunc sacris initiatam, appulsus, apud ejus populum divini cultus rudimenta percepit. Ubi sociorum manu ob inusitatum æris haustum propemodum consumptâ, duobus tantum, quos fors ultima præterierat, comitatus, reditum ad patriam habuit. Verùm illitus ori marcor ita habitum corporis, ac pristina formæ lineamenta confudit, ut ne ab amicis quidem potuisset agnosci. At ubi deterfâ illuvie, notitiam sui visentibus reddidit, eximiam Regi cognoscendæ legationis aviditatem ingessit. Sed necdum æmulorum obrestitutione supitâ, fuere qui Regem, cognitis, quæ Thorkillus afferret, subito decessurum astruerent. Auxit affirmationis fidem, ejusdem rei falsâ somnii prædictione suggesta credulitas. Igitur qui noctu Thorkillum opprimerent, Regis imperio subornantur.
50 Cujus ille rei utcunque indicium nactus, clam cunctis relicto cubili, magni ponderis lignum subjecit; eoq; facto, subornatis truncum cædentibus, regiæ fraudis commentum elusit. Die postero Regem corpus curantem aggressus, Ignosco, inquit, sævitæ tuæ, erroriq; veniam tribuo, qui prosperum legationis nuncium afferenti pœnam pro gratiâ decrevisti. Itaq; te solum, pro quo

GORMO. caput tot ærumnis devovi, tot periculis contudi, quemq; operum meorum gratissimum pensatorem speravi, acerrimum virtutis punitorem inveni. Verum ultionis partibus prætermisissis, interno animi tui rubore (si tamen ullus ingratos pudor afficit) læsionis meæ vindice sum contentus. Nec immerito te omnem dæmonum rabiem , aut belluarum sævitiam superare conjecto, quod tot monstrorum insidiis erutus à tuis immunis esse non potui. Rex cuncta ex ipso cognoscere cupiens, fatisq; arduum obstare judicans, eventuum ordinem exponere jubet. Cumq; per cætera avidis referentem auribus excepisset, postremo recensitam numinis sui mentionem sinistrâ opinione colligi passus non est. Exprobratam enim Ugarthiloci fœditatem exau- 10 dire non sustinens, adeò indignitatis ejus vicem doluit, ut impatientem dictorum spiritum inter ipsa narrantis recitamenta deponeret. Itaq; dum vani numinis cultum cupidè fovit, ubinam verus esset miseriarum carcer agnovit. Crinis quoq; oliditas, quem Thorkillus perinde atque operum suorum magnitudinem testaturum capillitio gigantis excerpserat, in circumstantes effusa, compluribus exitio fuit.

XLVII.
GOTRI-
CVS, qui &
GODOFRE-
DVS.

Defuncto Gormone, Gotricus ex eo genitus regnat. Hic non armis modò, sed etiam liberalitate conspicuus, incertum fortior an clementior fuerit, adeoq; severitatem mansuetudine castigabat, ut alteram alterâ rependere videretur. Eodem tempore Rex Norvagiæ Gøto à Berone & Refone Thylen- 20 sibus petitus, Refonem cultius ac familiarius habitum , magni ponderis armillâ donavit. Quo quidam aulicorum conspecto, magnitudinem doni impensiori laude complexus, neminem Gøtoni parem humanitate firmabat. At Refo, quanquàm gratiam beneficio deberet, tamen immodici laudatoris tumidam vocem approbare non passus, Gotricum ei prætulit. Ut enim vanam assentatoris affirmationem obtereret, absenti liberalitatis testimonium reddere, quàm præsentem beneficii datorem falsò palpare maluit. Partim quoq; ingratitudinis argui , quàm inanis jactantiæ laudem assentiendo prosequi, Regemq; veritatis serio movere, quam adulationis mendacio fallere, aliquanto pretiosius duxit. At Ulvo dictas in Regem laudes, non solum per- 30 tinaciter affirmare, sed etiam experimento prosequi perseverans, pignus cum negante proponit. Cujus consensu Refo in Daniam pergens, Gotricum sellâ positâ, stipendia inter milites partientem invenit. A quo quisnam esset rogatus, vulpeculâ sibi nomen esse respondit. Cumq; risu quosdam, alios admiratione complexisset, & vulpem, inquit Gotricus, ore prædam excipere convenit. Ac mox detractum lacerto torquem accersiti labris inferuit. Quem Refo confestim brachio applicans, id cunctis auro præditum ostentabat: reliquum vero perinde atq; ornamenti inops occultius habuit : eoq; acumine ab invictæ munificentie dextera consentaneum priori munus accepit. Quod ei non tam pretii magnitudo jucundum, quam litis initæ victoria faciebat. A 40 quo cum Rex de pignoris positione cognosceret, fortuito magis quam de industria munificus erga ipsum extitisse gaudebat, plus se voluptatis ex datione, quam accipientem ex munere sentire testatus. Igitur reversus Norvagian, Refo concertatorem pignus exolvere recusantem occidit, filiamq; Gøtonis captivam Gotrico potiendam adducit.

Cumq; Gotricus, qui & Godefridus est appellatus, transfusus in externos præliis, famam ac vires felicibus propagasset auspiciis, inter cætera factorum monimenta, hanc quoq; Saxonibus tributi legem indixit, ut eorum duces, quoties apud Danos regni mutatio obvenisset, centum equos niveos suffecti Regis initiis dedicarent. Quod si novum Saxonibus ducem variata rerum 50 successio peperisset, is quoq; prædictæ pensionis obsequio potestatis principium Danicæ majestatis titulis inclinaret : quò & gentis nostræ fateretur imperium, & subjectionis suæ solenne præberet indicium. Nec Germaniæ quidem oppressione contentus, per Refonem legationi addictum Sveoniam tentat. Quem Sveones apertâ vi necare veriti, latrocinium ausi, incusso la-
pide,

pide, dormientem consumpserunt. Quippe molarem supernè pensum, rescissis vinculis, subjecti cervicibus illabi fecere. In cujus noxæ expiationem ^{GOTRICVS.} actum est, ut singuli facinoris autores bisseña auritalenta, è plebe verò quilibet unam ejusdem generis unciam Gotrico persolveret. Vulpeculæ pensionem vocabant.

- Accidit interea ut Rex Francorum Carolus contusam bello Germaniam non solum Christianismi sacra suscipere, sed etiam ditioni suæ parère compelleret. Quo comperto Gotricus finitimas Albiæ gentes adortus, Saxoniam susceptum Caroli jugum cupidius amplexantem, ac Romana arma Danicis præferentem, ad pristinum regni sui titulum revocare tentabat. Quo tempore Carolus victricia trans Rhenum castra receperat; ideoq; ab advenæ hostis congressu, perinde ac fluvii interstitio vetitus, temperabat. Qvem qvum ob res Gotrici comprimendas iteratò transmeare proponeret, à Leone Romanorum Pontifice in urbis tuendæ præsidium accersitus mandato paruit: filio vero Pipino gerendi adversum Gotricum belli partes commisit; ut dum ipse in longinquum hostem ageret, hic contrà vicinum, susceptum pugnæ negotium procuraret. Oportebat enim ut gemina curarum anxietate distractus, sparsâ manu aptum utriq; remedium provideret. Interea Gotricus speciosam ex Saxonibus victoriam referens, contractis denuò viribus, ac frequentiori copiarum robore comparato, non in Saxones modò, verum in omnem Germaniæ populum amissæ dominationis injuriam ulcisci constituit. Ac primò quidem classè Friesiam domat. Quæ provincia admodum situ humilis, quoties sæviente Oceano objecta fluctibus æstuaria perrumpuntur, totam inundationis molem patentibus campis excipere consuevit. Huic Gotricus non tam arctam quàm inusitatam pensionem imposuit. De cujus conditione & modo summam referam. Primum itaq; ducentorum quadraginta pedum longitudinem habentis ædificii structura disponitur, bisseñis distincta spatiis, quorum quolibet vicenorum pedum intercapedine tenderetur, prædictæ quantitatis summam totalis spatii dispendio reddente. In hujus itaq; ædis capite, Regio confidende quæstore, sub extremam ejus partem rotundus è regione clypeus exhibetur. Fresonibus igitur tributum daturis mos erat singulos nummos in hujus scuti cavum conjicere; è quibus eos duntaxat in censum regium ratio computantis eligeret, qui eminus exactoris aures clarioris soni crepitaculo perstrinxissent. Quo evenit, ut id solum æs quæstor in fiscum supputando colligeret, cujus casum remotiore aures judicio persensisset. Cujus verò obscurior sonus citra computantis defecisset auditum, recipiebatur quidem in fiscum, sed nullum summæ præstabat augmentum. Compluribus igitur nummorum jactibus quæstorias aures nulla sensibili sonoritate pulsantibus, accidit, ut statam pro se stipem erogaturi, multam interdum aris partem inani pensione consumerent. Cujus tributî onere per Karolum postea liberati produntur. Cumq; Gøtricus transcursâ Friesiâ, ac reverso jam Româ Karolo, in ultiores se Germaniæ provincias effundere statuisset, proprii satellitis insidiis circumventus, ferro domesticæ fraudis interiiit. Quo audito Karolus effuso gaudio exultavit, nihil eo casu unquam fortunæ suæ jucundius obvenisse confessus.

HISTORIÆ DANICÆ LIBRI OCTAVI FINIS.

SAXO-

SAXONIS GRAMMATICI HISTORIÆ DANICÆ LIBER NONUS.

XLVIII.
OLAVUS.



XLIX.
HEMMINGUS.

L.
SYVARDUS,
cum
quo Ringo.

LAVUS Gøtrici filius patre mortuo regnat. Hic paternæ vindictæ studio civilibus patriam bellis implicare sustinuit, publicam pietatem privato affectui subjiciendo. Cujus extincti corpus collis Olavi titulo celebrer prope Lethram congestus excepit.

Huic succedit Hemmingus; cujus dignum memoratu opus non reperi, nisi quod pacem cum Cæsare Ludovico jurisjurandi firmitate composuit. Et fortè complura temporum ejus insignia, quanquam præclara extiterint, vetustatis livore teguntur.

Post hos Syvardus cognomento Ring, quem ejusdem nominis pater, Norvagiæ Dux, olim ex Gøtrici filia susceperat, Scanis Sialandisq; fautoribus regnat. Nam consobrinus ejus Ringo, idemq; Gøtrici nepos, Jutiam occupabat. Igitur unius regni dividua potestas, tanquam utrâq; parte ob parvitatem ignobili, non sperni modò, sed etiam laceffi ab exteris cœpit. Quos Syvardus majore odio quàm regni æmulum inscetus, peregrina bella civilibus præferendo, quinquennio periculis patriæ defensionem suam opponere perseveravit. Elegit enim vulnus tolerare domesticum, quò promptius sanaret externum. Quamobrem Ringo domuitionis ejus occasione suscepta, universum imperii jus in seipsum transferre conatus, foris excubias peragentem, intus lacerare sustinuit. Provincias siquidem, quæ ab ipso possidebantur, invadens, communis patriæ defensionem ingrata mente pensabat. Igitur ex Sialandicis quidam Syvardi studiosiores, quò synceriores absenti fidem gererent, filium ejus Regnerum vix dum cunis erutum Regis nomine censuerunt, non quò ipsum regimini intempestivum nescirent, sed ut tanti pignoris ductu adversum Ringonem torpentium sociorum animos excitarent. Audiens autem Ringo Syvardum interim ab expeditione regressum, Sialandenses magna manu petitos, nî se dederent, ferro perituros edixit. At Sialandici quibus aut rubor, aut periculum imperabatur, viribus ob paucitatem diffisi, deliberandæ rei inducias poposcerunt. Quibus impetratis, quum nec Syvardi gratiam colere liberum, nec Ringonis amplecti videretur honestum, diu inter metum pudoremq; solliciti jactabantur. Qua in re ne senibus quidam consilio suppetente, Regnerus tunc fortè concioni præfens, brevis, inquit, arcus subito spiculum jacit: ego verò tametsi puerili ausu majorum ora præcurrere videar, ignoscendum erratis, veniamq; immaturè editis precor. Verum prudentiæ monitor tametsi despicabilis videatur, respondendus non est. Docili quippe animo forbenda est utilium disciplina. At quoniam, ut desertores ac transfugas notari turpe, ita supra vires audere temerarium est; & utrobique par culpa subesse convincitur: simulatâ transitione petendus est hostis, idemq; quum primum facultas obvenit, opportuna desertione linquendus. Satiùs ergo erit adversarii iram obsequii figmento præcurrere, quàm negatione eundem in nosmetipsos acrius incessendos armare. Quid enim fortioris imperium detrectantes agimus, nisi quod ipsi in jugulum nostrum arma sponte præstamus? Sæpè involutoribus studiis efficacissima fraus alicur. Astu illaqueanda est vulpes. Cujus consilii salubritate, & fluctuantium civium cunctationem discussit, & hostilibus castris noxium robur adjecit. Concio quoq; infantia ejus non facundiam minus quàm ingenium mirans, egregiæ indolis decretum habitu annorum excellentius cupide amplexata est. Nec rubori fuit defectis consilio senibus puerilibus obsequi monitis, quæ quanquam à tenero manassent, integerrimo disciplinæ pondere

pondere redundabant. Auctorem vero consilij instanti periculo obijcere veri-^{TY AR-}
 ti, educationis gratiâ Norvagiâ transfulerunt. Brevi post confertâ pugna Rin-^{DVS.}
 gonem Syvardus aggreditur; quo occiso ipse immedicabili plaga perstrictus,
 paucis interjectis diebus ex vulnere decessit.

CVI Regnerus in regnum succedit. Quo tempore Rex Svetiæ Frø, inter-^{L I.}
 fecto Norvagiensium Rege Syvar-do, conjuges necessariorum ejus prostibulo^{REGNE-}
 religatas, publicè constuprandas exhibuit. Quo Regnerus audito, aviæ ultio-^{RVS.}
 nis studio Norvagiâ petivit. Eò veniente matronæ complures, quæ corpo-^{Ladbrogh.}
 rum suorum ludibria, aut nuper passa fuerant, aut in proximo pudicitia pericu-
 10 lum verebantur, viriliter cultæ cupidè castris ejus adproperare cœperunt, pro-
 fitentes se solum contumeliæ prælaturas. Nec erubuit futurus muliebris impro-
 perij vindex, adversum autorem turpitudinis, quarum ignominiam ulcisci ve-
 nerat, auxilia mutuari. Inter quas affuit & Lathgertha perita bellandi fœmina,
 quæ virilem in virgine animum gerens, immisso humeris capillitio, prima in-
 ter promptissimos dimicabat. Cujus incomparabilem operam admirantibus
 cunctis, (quippe cæsaries tergo involare conspecta fœminam esse prodebat.)
 Regnerus avi interfec-tore prostrato, de puella, quam in acie præviam præno-
 taverat, commilitones plurimum percontatus est, unius fœminæ viribus victo-
 20 riam sibi constituisse professus. Quam quum illustri inter barbaros loco natam
 cognovisset, per internuncios procari perstitit. Illa legatione tacitè spretâ, con-
 sensum simulat. Cumq; datis fallaciter responsis anhelanti proco potiendi voti
 fiduciam attulisset, adjectum urso canem in aditu suæ vestibulo religari præce-
 pit, contra omne amatoris studium per objectas belluas proprium tutatura
 conclave. Regnerus verò favorabili nuncio recreatus, navigium scandit, emen-
 susq; fretum, comitibus apud Gølerdal (id valli nomen est) subsistere jussis, so-
 litarius puella penates accedit. Ubi exceptus à belluis, alteram telo trajicit, al-
 teram faucibus apprehensam obtorto gutture strangulavit, virginemq; victi pe-
 riculi præmium habuit. Ex cujus matrimonio geminis filiabus, quarum nomi-
 na memoriæ prodita non sunt, filioq; Fridlevo susceptis, triennium feriatum est.

30 Cujus ob recentes nuptias reditu desperato, Jutigenis insolens, Scanis in
 societatem contractis, Sialandos, qui Regneri fidem propensiori charitate co-
 lebant, bello laceßere tentant. Quo comperto Regnerus tricenâ instruit pup-
 pes, ventisque navigationi parentibus, Scanos apud Whiteby vicum bellum
 ausos obtrivit, exactaq; hyeme, cum Jutis propè Lymfiorthinum ejus regionis
 fretum habitantibus, secundis eventibus dimicavit. Tertiò item ac quartò Sca-
 nis Hallandisq; fœlici auspicio domitis, in Thoram Herothi Regis filiam nupti-
 arum amore converso, sibi ac Lathgerthæ repudium interjecit. Damnabat e-
 nim conjugis fidem, quam olim in perniciem sui summæ ferocitatis belluas ad-
 movisse meminerat. Interea Rex Sueonum Herothus sylvas fortè venatione
 40 complexus, repertas à comitibus angues filia detulit nutriendas. Illa paterno
 ocyus obsecuta præcepto, vipereum genus virgineis manibus educare sustinu-
 it. Quinetiam curæ habuit, ut integrum bovis cadaver earum quotidie satietati
 suppetere, ignorans se privato pabulo publicam sustentare perniciem. Quæ
 quum adultæ pestilentissimo halitu viciniam urerent, Rex inertis operæ præni-
 tens, potiturum filia, qui pestem amovisset, edixit. Quo non minori fortitudinis
 quàm libidinis incitamento frequens juvenus adducta, periculofam inaniter
 operam erogabat. Cui rei famam Regnerus ab intermeantibus expertus, lane-
 um à nutrice sagulum, villosaq; admodum fœmoralia, quibus inflatos anguiū
 morsus elideret, expetivit. Nam ut munimenti gratiâ referto pilis cultu utendū
 50 credidit, ita agilitatis causâ tractabilem sumpsit. Cumq; navigio Svetiam appu-
 lisset, incidente gelu aquis de industria corpus iniecit, humefactamque vestem
 quò minus penetrabilis redderetur, brumę durandam præbuit. Quā amictus sa-
 lutatos comites ad fidem Fridlevo servandam hortatus, sol⁹ procedit ad regiam.
 Qua visa ense lateri neçtens, dextræ telum inserit amentatum. Procedenti

REGNE

R.F.S.

Lathbrogh.

in-usitata magnitudinis obuius allabatur serpens. Huic alter granditate par priorisq; prolapsus insecutus arrepsit. Qui juvenem modo caudæ voluminibus quater, modo pertinaci vomitu ac veneno conspuere decertabant. Interea aulici tutiora complexi latibula, perinde ac paventes puellæ rem eminus inspectabant. Ipse Rex pari metu perterritus, in angustum cum paucis conclave refugerat. At Regnerus gelati cultus duritie fretus, non armis modo, sed etiam amictu virulentos frustabatur assultus, solusque duarum rictum pertinaci spiritu virus in se profundentium infatigabili congressione sustinuit: quippe morsus clypeo, venenum veste respuit. Ad ultimum, excussum manu telum strenuè incessentium se belluarum corporibus adigit, eoq; utriusque præcordia lacerans, fœlicem pugnae eventum habuit. Cujus cultum Rex curiosius contemplatus, quum hirtum atque hispidum animadvertisset, præcipuè tamen occidua vestis horrorem, maximeq; incomptam braccarum speciem eludens, Lathbrog cum per ludibrium agnominavit. Quem etiam ut ex laboribus recrearet, cum amicis epulaturum accersit. Ille prius revisendos sibi, quos reliquerat, arbitros agebat. Profectusq; eosdem futuræ epulationis gratia nitidius cultos adducit. Ac demum peracto convivio præfixum victoriæ pignus accepit. Ex quâ Rathbarthum Dunvattumq; egregiæ indolis pignora procreavit. Hisdem Syvardus, Björnus, Agnerus, Ivarusq; naturâ fratres adjecti sunt.

Interea Juti ac Scani insopibili seditionis face succensi, abrogato Regneri titulo, Haraldo cuidam rerum contribuunt summam. Adversum quos Regnerus legatis Norvagiam missis, quum amica precaretur auxilia, Lathgertha pristini amoris pertinacior haustu exuberans, cum viro ac filio navigationem arripuit. Centum ac viginti navium classē ei, à quo olim repudio acta fuerat, exhibere sustinuit. Qui etiam universæ opis egenum se judicans, ab omni ætate præsidium mutuari curavit, robustisq; imbecilles agglomerans, fortium cuneis senum puerorumq; partes inferere non erubuit. Igitur apud campum, qui Latialiter Laneus dicitur, in primis Scanorum res obterere orsus, grave cum factiosis bellum habuit. Ubi Ivarus septimum agens annum, insigni pugna editâ puerili corpore grandævum robur exercuit. Syvardus verò dum hosti vim adverso corpore ingerit, humi collapsus prono vulnus excepit. Quæ res inspectantibus socijs gravissimam circumspiciendæ fugæ sollicitudinem attulit, nec Syvardum, modò, sed & omnia ferè Regnericæ partis arma dejecit. Verùm hunc attonitarum mentium lapsum Regnerus virili opera hortatuq; firmavit, paratosq; vinci victoriam conari perpulit. Lathgertha quoq; teneris membris incomparabilem sortita spiritum, trepidantis militiæ studium specioso fortitudinis exemplo contextit. Militari namq; discursu inopinatum terga circumvolans, socialem metum in hostilia castra convertit. Ad ultimum laxatâ Haraldi acie, atq; ipso per summam suorum stragem fugato, quum domum ex acie revertisset, spiculo, quod togâ occultaverat noctu mariti jugulum attentavit, totiusq; potentia ejus ac nominis summam invasit. Insolentissimus namq; fœminæ spiritus absq; viro regnum gerere, quàm fortunæ ejus communicare jucundius duxit.

Interea Syvardus oppido, quod in vicinia erat, allatus, curandum medicis corpus præbebat. Quibus ad summam usq; desperationem provectis, dum vulneris immanitas adhibita fomentum genera frustraretur, quidam stupendâ magnitudine ægri lectulum adire conspect, si sibi illorum, quos armis oppressurus foret, animas dedicasset, protinus incolumitate gavisurum promittit. Nec nomine quidem suppresso, Rostarum se dici subjunxit. Animadvertens autem Syvardus parvulæ promissionis impendio ingens comparari beneficium posse, petitis cupidè paruit. Tunc senex attrictaræ tabis livorem repentino manus auxilio dispulit, subitamq; vulneri cicatricem intendit. Postremo pupillas ejus pulvere perfundens abiit. Qui maculis repente coörtis eximiam vermiculorum similitudinem obstupescens oculis iageneravit.

Crediderim hujus miraculi auctorem futuram juvenis sæviciam evidentiori REGNI-
RVS.
Londbrogh
luminum testimonio prodere voluisse, nè perspicacior corporis pars sequen-
tis vitæ prælagio vacua maneret. Quem anus, quæ potionibus ejus præerat,
vermiculatas ore notas præferre conspiciens, inusitato juvenis horrore per-
mota subito lapsu decidens, linq̃ui animo cœpit. Quo evenit ut Syvar̃do ser-
pentinī oculi vulgatum latè cognomen accederet.

Interea nuptam Regneri Thoram violentus morbi casus absumpsit, eaq̃;
res amantissimo conjugis viro infinitam ægritudinis molestiam peperit.
Quam optimè negotio discutiendam ratus, solatium ab exercitio mutuari;
10 doloremq̃; labore temperare constituit. Militiam itaq̃; detrahendæ ægritu-
dinis, pariendiq̃; solaminis gratia meditatus, statuit ut unusquisque paterfa-
miliæ, quem inter liberos contemptissimum duceret, aut si quem pigrioris
operæ, ac minus spectatæ fidei servum haberet, stipendia sibi meritum of-
ferret. Quod edictum tametsi parum proposito competens videretur, invali-
dissimos Danicæ gentis aliarum nationum fortissimis præstare docuit, ma-
gnumq̃; juventuti profectum attulit, delectis certatim socordiæ notam ab-
stergere cupientibus. Præterea ut omnis controversiarum lis semotis actio-
num instrumentis, nec accusantis impetitione, nec rei defensione admittā,
20 duodecim patrum approbatorum judicio mandaretur, instituit. Cujus legis
beneficio temeraria litium contractione sum̃mota, improborum calumniæ
sufficienter obviatum existimans, arma in Britanniam erexit, Regemq̃; ejus
Hamam, Hellæ nobilissimi juvenis patrem, pugnâ perstrictum occidit. Inde
Scotiæ ac Petiæ, insularumq̃; quas Australes vel Meridianas vocant, ducibus
interfectis, Syvar̃do ac Rathbartho filijs vacuas gubernatore provincias in
potestatem addixit. Norvagiam quoq̃; principe suo violenter exutam Fridle-
vo parère præcepit, eundemq̃; Orchadibus proprio duce defectis præferre
curavit.

Interea Danorum quidam pertinacioris erga Regnerum odij, obstinatis
30 ad rebellandum animis. Haraldi quondam profugi partibus advoluti, pro-
stratam tyranni fortunam attollere conati sunt. Quâ temeritate insolentissi-
mos belli civilis adversum Regem spiritus excitaverunt, externisq̃; liberum
domesticis implicuere periculis. Ad quos constringendos Regnerus cum in-
sularium Danorum classe profectus, rebellium agmen elisit, Haraldumq̃; su-
perati exercitus ducem fugâ in Germaniam actum, honorem improbè par-
tum impudenter abijcere compulit. Captivos quoq̃; simplici morte afficere
non contentus, tortos necare maluit, ut qui ad deserendam impietatem ad-
duci non poterant, ne spiritum quidem nisi per summam pœnarum violenti-
am deponere sinerentur. Cæterum latifundia eorum, qui cum Haraldo
profugerant, secum stipendia peragentibus partitus est: eò patres punitiores
judicans, quòd ad liberos, quos suo judicio repulissent, charioribus patrimo-
nio spoliatis, honorem hæreditatis suæ translatus viderent. Sed ne sic qui-
dem ultionis satietate perfusus, insuper Saxoniam, quod eam asylum hosti-
um, Haraldiq̃; profugium crederet oppugnare constituens, implorato filio-
rum auxilio, Carolum tunc fortè illis imperij sui finibus immorantem offen-
dit. Cujus quum interceptis vigilibus præjectas fefellisset excubias, atque ob
hoc cætera factu levia duceret, conatuq̃; promptiora speraret, subito divina
40 futuri muliercula, tanquam cœleste quoddam oraculum, aut divinæ volun-
tatis interpretes, salutarī Regem prædictione permonuit, adventantisq̃; peri-
culi malum foelici vaticinio præcucurrit, Syvardi classem ad Sighnini flumi-
nis fauces appulisse denunciāns. Imperator attentè accepto monitu hostilem
interpretatus advetum, significatos sibi barbaros pugnæ oppositu constring-
endos curavit. Quâ in Regnerum habitū non similiter ut discriminis caute-
lam hausit, belli actum implevit. Itaque infatigabilis ille totius penè Europæ
domitor, serenissimis amplissimisq̃; victorijs tantam terrarum partem e-

RIGNE- mensus, tot civitatum, tot gentium victorem exercitum, averſis bello pe-
RVS. toribus, unius provinciæ parvulâ manu proſtigatum aſpexit.
Wabrogh.

Cumque Regnerus oneratis tributo Saxonibus de morte Herothi cer-
 tum è Suetia nuncium accepisset, liberosque suos Sørli ſuffecti Regis calumniâ
 a vitis bonis exutos cognosceret, Biørni, Fridlevi, atque Rathbarthi collegium
 apprecatus (nam Regnaldus, Witſereus, & Ericus, quos ex Suanlogha proge-
 nuerat, nondum habilem armis ætatem impleverant) Svetiam petijt. Cui oc-
 currens cum exercitu Sørlus, publicè an privatim dimicandi optione factâ,
 ſingularem deligenti conflictum, Scardhum ſpectatæ audaciæ pugilem, cum
 ſeptenâ filiorum manu ex provocatione pugnaturum admovit. Cum quibus 10
 Regnerus tribus filijs in certaminis ſocietatem aſſumptis, utroque exercitu in-
 ſpectante congreſſus, agone victor exceſſit. Biørnus verò, quod integer hoſti
 cladem ingeſſerat, tanquam à ferrei lateris firmitate ſempiternum uſurpavit
 agnomen. Quæ victoria Regnerus omnis periculi ſuperandi fiduciam naçtus,
 Sørlum, cum uniſerſis, quas ductaverat, copijs impetum occidit. Cumq; Bi-
 ørno ob conſpicuæ fortitudinis meritum Sveticâ prælatione donato, aliquan-
 to bellorum interſtitio quieviffet, cujuſdam fortè mulierculæ amantior factus,
 quo promptiorem ſibi potiendæ ejus aditum ſtrueret, patrem ipſius amplifi-
 mo beneficentiæ cultu officioliſſime captandum curavit. Sæpè enim numero
 accerſitum ad epulas plurimæ comitatis officijs proſequebatur. Nam & veni- 20
 entem aſſurgendi reverentiâ, diſcumbentemq; proximo ſibi conſeſſu venera-
 tus eſt. Sæpè etiam donis, interdum benigniſſimo recreavit alloquio. Qui
 quùm tantæ honorationis cauſam à nullo ſuo merito proſectam animadver-
 teret, cogitatione variè deſlexâ, ex amore filiæ ſuæ tacitam principis liberalita-
 tem deſcendiſſe cognovit, libidinoſum propoſitum humanitatis nomine colo-
 rantis. Quam, ut exactiſſimum amantiſ ingeniū fruſtraretur, tantò impenſius
 obſervandam curavit, quantò eam latentiorib; ſtudijs ac pervicacioribus mo-
 dis ambiri comperit. Verum Regnerus certiſſimo conſenſus ejus nuncio re-
 creatus, villam, in qua aſſervabatur, acceſſit, nihilq; amori invium putans, in vi-
 cino quendam ruſticæ vitæ ſolitarius hoſpitio petijt. Manè commutata cum 30
 foeminis veſte, amicæ laneum opus explicanti muliebriter cultus aſſtitit, virgi-
 neoq; operi rudes artiſcij manus callidè, nè proderetur, admovit: nocte vero
 votis virginem amplexatus indulſit. Cumq; matureſcente partu, temerata pu-
 dicitæ facinus tumidiore puellæ gremio proderetur, incertus pater cui ſe filia
 polluendam dediſſet, ignoratum ſtupri auctorem ex ipſa maxime cognoscere
 perſeveravit. Quâ ſe neminem præter pediſſequam lecti participem habuiſſe
 pertinacius affirmante, rem Regi cognoscendam mandavit. Ille inſonitem fa-
 mulam inuſitatâ criminatione notari non ſuſtinens, proprij ſcleris profeſſio-
 ne alienæ innocentæ fidem facere non erubuit. Quâ humanitate, & muliebris
 calumniæ partes repulit, & nè ridiculus rumor apud improbas aures ſereretur 40
 effecit. Prætere agnendum ex ea filium ſui ſanguinis eſſe, quodque eum Ub-
 bonem nuncupari vellent, adjecit. Qui quùm aliquatenus excreviſſet, teneræ
 ætatis ingenio maturæ diſcretionis habitum apprehendit. Matris enim dilecti-
 onem, quòd excellenti ſe toro miſcuiſſet, amplexus, venerationem patris, quòd
 ad obſcuriorem juſto copulam deſcendiſſet, abjecit.

Poſt hæc Regnerus expeditionem in Hellesponticos parans, vocatq; Da-
 norum concione, ſaluberrimas ſe populo leges laturum promittens, ut unus-
 quisque paterfamilias, ſicut antè, quem minimi inter liberos duxerat, militatu-
 rum exhiberet, ita tunc valentioris operæ filium, aut probatoris fidei ſervum
 armaret, edixit. Quo factò, omnibus, quos ex Thora procreaverat filijs, præter
 Ubbonem, aſſumptis, Hellespontum, ejusq; Regem Dian, varijs contuſum bel- 50
 lis laceſſendo perdomuit. Ad ultimum, eundem creberrimis diſcriminibus
 implicatum extinxit. Cujus filij Dian & Daxon olim Ruteni Regis filias mari-
 tali ſorte complexi, impetratis à ſocero copijs, ardentiffimo ſpiritu paternæ
 vindictæ negotium rapuerunt. Quorum Regnerus immenſum animadver-
 tens exercitum, diſſidentiâ copiarum habitâ, equos æneos ductilibus rotulis
 ſuperpoſitos, ac verſatilibus curriculis circumductos, in conſertiſſimos

hostes maxima vi exagitari præcepit. Quæ res tantum ad laxandam adversa-
riorum aciem valuit, ut vincendi spes magis in machinamento, quàm milite
reposita videretur. Cujus intolerabilis moles quicquid impulit obruit. Alte-
ro ergo ducum interfecto altero fugâ sublapso, universus Helleponticorum
cessit exercitus. Scythæ quoq; Daxon arctissimo materni sanguinis vinculo
contingentes, eodem obtriti discrimine referuntur. Quorum provinciâ Wit-
serco attributâ, Rutenorum Rex parum viribus fidens, formidolosa Regneri
arma fugâ præcurrere maturavit.

- At Regnerus cæteris prompta sibi deditioe substratis, quum quinquen-
nem propemodum piraticam explevisset, Bjarmos nuper devictos, invalidâ
subjectionis fide palam imperium detrectantes, invenit. Qui quum adventum
ejus compertum haberent, carminibus aggressi cælum, sollicitas nubes ad
summam usque nimborum violentiam impulerunt. Quæ res Danos aliquam-
diu navigatione prohibitos alimentorum facultate defecit. Eosdem quoque,
subitò remissâ tempestate, æstuosissimi fervoris flagrantia torruit. Nec ea-
quidem pestis concitati frigoris magnitudine tolerabilior extitit. Itaq; anceps
geminæ intemperantiæ malum, vicissim affecta corpora immoderatâ utriusq;
status accessione corrumpit. Cæterum laxi ventris profluvium complurimos
exanimavit. Ita Danorum pleriq; dubiâ cœli qualitate conclusi, passim obortâ
corporum pestilentia decesserunt. Cumq; se Regnerus adulterinâ magis quàm
verâ aeris vi præpeditum animadverteret, utcunq; navigatione productâ, in
Curorum Semborumq; regionem accessit; qui majestatem ejus perinde atq;
honoratissimi victoris amplitudinem impensius venerati sunt. Quo benefi-
cio Rex magis adversus Bjarmorum insolentiam efferatus, sprete majestatis
sue vindictam inopinato petivit assultu. Quorum ignoti nominis Rex subita-
neâ hostium irruptione perculsus, simulq; conferendæ cum ipsis manus fi-
ducia vacuus, Matullum Finmarchiæ ducem perfugio petiit. Cujus peritissimâ
sagittariorum operâ fretus, Regneri apud Bjarmiam hyberna peragentem im-
ponè laceravit exercitum. Quippe Finni lubricorum stipitum celeri allapsu
cursum intendere soliti, a bitrariâ velocitatis potentiâ rapiuntur, promptissi-
mamq; propinquitatis vel absentia facultatem obtinere creduntur. Mox enim
ut hostem læserint, eadem celeritate, quâ subeunt, avolant, nec procursu lan-
guidius reditum tentant. Itaq; & vehiculorum, & corporum, agilitate, instan-
di fugiendiq; expertissimam obtinent potestatem. Credendum est tunc Re-
gnerum fortunæ suæ imbecillitatem admiranter tulisse, quum se olim Roma-
ni culminis triumphatorem, ab inermi inconditoq; agmine ad ultimum usq;
discrimen abripi pervideret. Itaq; qui splendidissimum Romanæ militiæ de-
cus, maximiq; ac serenissimi ducis insignes copias excellenter obtriverat, agre-
stis & ignobilis vulgi sordidissimo atq; tenuissimo apparatui cessit: isq; cujus
bellicam antea claritatem fortissimæ gentis vis hebetare nequiverat, despica-
bilis populi parvulam manum sustinere non valuit. Quo evenit, ut eâ manu,
quâ clarissimam orbis pompam, ac gravissimum militaris roboris instrumen-
tum fortissimè contudit, quâ tot peditum, tot castrorum, tanti equitatus fra-
gorem apertissimè subruit; vilem obscuramq; plebeculam furtim & quasi per
latrocinium incessere sustineret, illustremq; gloriam suam palam atq; interdum
partam nocturnâ fallaciâ maculare non erubesceret, manifestæ fortitudinis
loco clandestinas amplexatus insidias. Quæ res ut opere deformis, ita exitu
utilis fuit. Nec Finnorum, quàm Caroli fugâ, parcius gratulatus est, plus se vi-
rium in nudissima plebe, quàm in instructissimo milite reperisse confessus. Si-
quidem gravissimam Romanorum armaturam, quàm levia pannosa gentis
spicula tolerabilius ferre potuit: ubi Bjarmorum Rege interfecto, Finnorum
verò fugato, Regnerus saxis rerum gestarum apices præ se ferentibus, hisdem-
que supernè locatis, æternum victoriæ suæ monumentum affixit.

Interea Ubbo per avum suum Hesbernum ad sacrilegam regni cupiditatem
adductus, abjecta paterni respectus verecundia, capiti suo regium arrogavit

REGNE- insigne. Cujus quum Regnerus insolentiam ex Svetiæ ducibus Kelthero Thor-
RVS. killoque cognosceret, Gothiam versus perproperè navigationem exercuit.
Æodbrogh. Quos Hesbernus Regneri partibus singulari fide devinctos expertus, præmio
 sollicitatos Regis desertores efficere laborabat. Illi non flexo è sententia propo-
 sito, ex Bigrni arbitrio suum consistere retulerunt, confessi Sveonum nemi-
 nem, quod ab ejus placito destitisset, ausurum. Nec segniter ipsum Hes-
 bernus benignissimis legatorum alloquiis captavit. Qui se perfidiæ quàm
 bonæ fidei propiorem fore denegans, piissimi patris amoris improbiissimi fra-
 tris gratiam anteferri perquàm nefarium judicabat. In ipsos verò legatos per-
 inde ac gravissimi criminis hortatores laqueo animadvertit. Sveti quoque 10
 dereliqua legatorum turba pari clade noxiæ exhortationis pœnas sumpserunt.
 Igitur Hesbernus occulto clandestinoq; paratui parùm prosperum ratus con-
 stare progressum, adscitis palàm copiis, manifestè procurrit ad bellum. At
 præfectus Jutiæ Ivarus neutram sacrilegæ pugnæ partem pietatè propinquam
 autumans, impium bellum voluntario præcucurrit exilio. Regnerus verò
 Hesbernus apud sinum, qui Latialiter Viridis appellatur, aggressus, occidit,
 exanimisq; abscissum caput prorâ excipi mandans, terribile factiosis spectacu-
 lum edidit. Ubbo verò profugio usus, itemq; patrem, revocato apud Sialan-
 diam bello, adortus, dum laxatâ suorum acie undiq; solus impetitur, tantum
 adversi agminis fudit, ut hostilium cadaverum excremento, perinde ac mu- 20
 nitione firmissimâ circumactus, facile provocantium inhiheret accessum. Ad
 ultimum frequentioribus hostium globis obfusus comprehensusq;, publicis
 vinculis onerandus abstrahitur. At ille immensâ vi extricatis rescissisq; cate-
 nis, inditos sibi nexus disjicere ac lacerare adorsus, nullis tamen obitum mo-
 dis effugere potuit. At ubi Ivarus tumultum patriæ factiosi supplicio discussum
 comperit, Daniam petiit. Quem Regnerus, quod inter sævissimas parricidiorum
 procellas, integerrimum se pietatis cultorem gesserat, amplissimâ vene-
 ratione suscepit.

Interea Daxon Withsercum Svetiæ principantem diu nequicquam supe-
 rare conatus, tandem factæ pacis commento circumventum aggreditur. Con- 30
 vivialiter ab eo exceptus, armatum subornavit exercitum, qui simulatâ mer-
 catione in urbem rhedis advectus, hospitis domum nocturno laceraret assul-
 tu. Cujus latrocinii manum tanta Withsercus strage perculit, ut hostilium cor-
 porum cumulo circumfusus, nisi scalis supernè admotis comprehendi nequi-
 ret. Duodecim quoq; comites ejus pariter ab hoste capti, facta sibi repeten-
 dæ patriæ potestate, devotis pro Rege capitibus, alienum participare pericu-
 lum, quam suum abjicere maluerunt. At Daxon egregiæ Withserci formæ mi-
 seratione permotus, orientem speciosissimæ indolis florem convelli passus
 non est. Cui non tantum salutem, sed & filiam dimidio regni sui dotatam in
 matrimonium obtulit, ac decori incolumitatem, quàm fortitudini pœnam 40
 afferre maluit. Ille vero precariæ vitæ usum animi magnitudine floccipendens,
 impunitatem perinde atq; parvulum aliquod beneficium respuit, mortis sen-
 tentiam sua sponte complexus; præfatus Regnerum vindictam filii remissius
 exacturum, si eum in eligendo mortis genere proprio usum arbitrio comperis-
 set. Cujus temeritatem admiratus hostis, ea fati specie, qua ipse in se animad-
 vertisset, consumendum esse promittit. Quam libertatem juvenis ingentis
 beneficii loco suscipiens, vinctum se cum sociis cremari petivit. Nec segniter
 Daxon avidis fati precibus obsecutus, pro beneficio optatæ mortis supplicium
 erogavit. Quo audito, Regnerus obstinato ad moriendum luctu, non modo
 mœrorem induit, verum & per summam animi ægritudinem lectulo corpus 50
 affixit, doloremq; conceptum gemitu patefecit. Quem conjunx virilem su-
 pergressa fiduciam, imbecillitatis increpitum virili adhortatione firmavit, re-
 vocatumq; à mœrore animum, arma impensius celebrare perdocuit; affirmans
 fortissimum patrem cruentos filii cineres justius armis quàm lacrymis expia-
 turum. Monuit quoq; nè muliebriter lugens, tantum sibi ignominia fletu pa-
 reret,

reret, quantum antea claritatis virtute contraxerat. At hanc vocem veritus Regnerus, nè pristinòs fortitudinis titulos effœminato mœrore contereret, discusso mœstitiæ habitu, depositisq; doloris insignibus, promptissima vindictæ spe jacentem revocavit audaciam. Adeò interdum ab invalidis fortia roborantur ingenia. Ivaro ergo regni tutelam deferens, Ubbonemq; pristinæ gratiæ redditum paternâ charitate complectens, trajectâ in Russiam classe, comprehensum Daxon, catenarumq; pœna coërcitum, apud Utgarthiam custodiæ relegavit. Siquidem tunc Regnerum adversus charissimi filii interfectorem, clementissimâ animi moderatione usum esse constabat, cum ad concupitæ ultionis satietatem, exilium fontis, quàm necem sufficere maluit. Quâ quidem humanitate magnus Ruthenis injectus est rubor, ulterius adversus eum saviendi Regem, quem ne injuriarum quidem acerbitate ad infligendam captivis mortem impellere potuerunt. Eundem quoq; Regnerus brevi in gratiam reductum patriæ reddidit, pollicentem se ei annuò nudatum pedes, cum duodecim patribus discalceatis suppliciter tributa pensurum. Enimvero in captivum ac supplicem leniter animadvertere, quàm cunctam securim distringere, superbamq; cervicem sedulo mulctare servitio, quàm semel elidere satius duxit. Inde proventus filium suum Ericum, Ventosi pilei cognomen habentem, Sverci præfert. Ubi, Fridlevo atq; Sivardo apud se stipendia merentibus, Normannos Scotosq; duobus aliis falsò Regis nomen irrogasse comperiens, inprimis Norvagiæ rei usurpatorem sustulit, eamq; Biorno fruendam tradidit.

DEINDE eo atq; Erico adscitis Orcades populatus, ad ultimum Scotorum finibus appulit, eorumq; Regem Murial triduo exhaustum prælio interfecit. Verum filii ejus Duvat, atq; Rathbarthus pugnam spectabiliter editâ ab hoste necati, sanguine suo cruentam patri victoriam pepererunt. Cumq; in Daniam reversus conjugem Svanlogam interim morbo cognovisset absumptam, protinus solitudini remedium solitudine quæsit, ægræq; mentis luctum intra penatum suorum claustra cohibere passus est. Verum hanc mœroris acerbitem Ivari regno pulsi repentinus detraxit adventus. Quippe Angli, fugato eo, in Hellam quendam Hamonis filium falsam Regis contulerant potestatem. Quo duce Regnerus perinde atq; locorum perito usus, editâ classe, portum, qui Norvicus appellatur, accessit, ubi expositis copiis, Hellam Gallicanâ virtute subnixum, post extractam in triduum pugnam fugæ amantem effecit, eaq; res creberrimo Anglorum, rarissimo Danorum sanguine constitit. Cumq; ibidem Regnerus annum victor expleisset, consequenter excitis in opem filiis Hyberniam petit, occisoq; ejus Rege Melbrico, Duffinam barbaris opibus refertissimam obsedit, oppugnavit, accepit: ibiq; annuò stativis habitis, mediterraneum fretum pernavigans ad Helleponticum penetravit, interjecta regnorum spatia clarissimis emensus victoriis, continuæ fœlicitatis progressum nusquam interpellante fortuna.

Inter hæc Haraldus quorundam astipulatione Danorum, Regneri militiam languidiore studio comitantium, recidivos patriæ tumultus incutiens, regii nominis usurpator emerfit. Qui Regneri ab Helleponto redeuntis armis exceptus, cum rebus infelicitè gestis exhausta domesticæ opis præsidia, animadverteret, Ludovicum Maguntici constitutum auxilia petiturus accessit. At Ludovicus summo amplificandæ religionis ardore confectus, conditionem Barbaro intulit, opem spondendo, si Christi cultum exequi consensisset. Nullam enim posse aiebat animorum intervenire concordiam, dissona sacra complexis. Quamobrem petitorum opis primum religionis contubernio opus habere, neq; magnorum operum consortes existere posse, quos supernæ venerationis formula disparasset. Qua sententia & salutem hospiti, & sibi pietatis præconium peperit. Haraldum enim soleanni lavacro usum consequenter Saxonis roboravit auxiliis. Quibus is fretus, in territorio Slesvicensi dicandam Deo ædem sollicitâ moliebatur impensâ. Hic itaq; sanctissimi tenoris

REGNER.
RVS.
Londbrogh.

Specimen à Romanis ritibus mutuatus, profanato perfidorum errore, delubra diruit, victimarios proscripfit, flaminium abrogavit, atq; inconditæ patriæ Christianismi sacra primus intulit, rejectoq; dæmonum cultu, divinum æmulatus est. Supremo, quicquid ad custodiam religionis attinuit, scrupulosissimâ curâ servavit. Sed non tam efficaciter, quàm piè rem auspicatus est. Superveniens enim Regnerus, inductaq; per eum sacra temerans, verâ religione proscriptâ, pristino adulterinam loco restituit, ac suo cæremonias honore donavit. Haraldus vero profugus fortunam ad sacrilegium transtulit. Nam ut præcipuum inchoatæ religionis specimen, ita primum neglectæ spectaculum fuit, atq; ex splendido sanctitatis autore, infamis ejusdem, 10
desertor evasit.

Interea Hella ad Hybernos collatus, omnes qui se Regnero propiore, fide devinxerant, ferro supplicisq; multavit. Quem Regnerus classem adoratus, justâ omnipotentis animadversione manifestas detractæ religionis penas pependit. Comprehensus enim atq; in carcerem conjectus, noxios artus colubris consumendos advertit, atq; ex viscerum suorum fibris tristem, viperis alimoniam præbuit. Cujus adesto jecinore, cum cor ipsum funesti carnificis loco coluber obsideret, omnem operum suorum cursum animosâ voce recensuit; superiori rerum contextui, hanc adjiciens clausulam; Si fuculæ verris supplicium scirent, haud dubio, irruptis baris, afflictum absol- 20
vere properarent. Quo dicto Hella adhuc nonnullos filiorum ejus vivere, interpretatus, quiescere carnifices, amoveriq; viperas jubet. Cumq; satellites peragenda jussionis gratiâ accurrissent, Regnerus imperium Regis funere suo præcesserat. Quem quid aliud quàm duas inter se fortunas partitas esse dicemus; alteram, quæ ei incolumem classem, propensum imperium, præcipuas piraticæ vires adjiceret: alteram, quæ claritatis ruinam, commilitonum necem, acerbissimum vitæ exitum irrogaret, cum ipsum carnifex venenatis belluis circumfusum, eo corde, quod adversus omne discrimen immobile gesserat, aspides exatiantem videret. Itaq; ex speciosissimo victore ad miserabilem captivi sortem deductus, nè quis nimium fortunæ cre- 30
dat, edocuit.

Quem casum Ivarus, dum fortè ludos inspectaret, accepit. Sed nihilominus vultum in eodem habitu continens, solitoq; nulla ex parte infractior, non solum nunciatam parentis eladem doloris dissimulatione suppressit, sed nè strepitum quidem exoriri passus, attonitum rumore populum theatro discedere vetuit. Itaq; neque oris hilaritatem deposuit, nè cessato ludo scenam interromperet, neq; oculos à publico plausu ad privatam moestitiam flexit, nè ex summo tripudio repente in ultimum prolapsus moerorem potius calamitosi filii, quàm jocabundi ducis partes egisse videretur. Sivardus verò eodem nuncio accepto, propior paternæ charitati, quàm privatae pas- 40
sioni, hostile, quod fortè in manu habebat, altius pedi stupefactus immergit, tristitiæ salebrâ corpoream negligente molestiam. Ut enim animi vulnus patientius ferre potuisset, corporis partem gravius afficere studuit. Quo facto simul fortitudinem moeroremq; detexit, fortunam suam inter calamitosum filium, constantemq; partitus. At Biørnus inter refferarum jactus delato ad se paternæ mortis nuncio, tanta vi correptum manu calculum pressit, ut tabulæ quoque cruorem digitis extortum infunderet; ubi nimirum, fortunæ jactum ipsâ, quam versabat, aleâ leviolem esse didicit. Quod audiens Hella, hunc trium parentis obitum fortiori animi robore sustinuisse, 50
judicavit, qui nihil pietatis ejus funeri præstitisset, ideoq; sibi Ivari suspectissimam haberi virtutem. Ivarus verò petitis Angliæ partibus, quum classem suam conferendi cum hoste belli impotentem animadverteret, astum audaciæ præferens, Hellam acumine tentat, spatium arvi, quantum equino tergore complecti potuisset, in sequestræ pacis pignus expostulans. Et quidem, quod

quod petijt, impetravit. Rex enim parvo preces stare autumans, à tanto hoste exiguum munus magnæ rei loco expeti gratulatus est, ratus perquàm breve, tergus paululum ruris occupaturum. At Ivarus corio in exiles admodum corrigias scissim extracto, habilem ex ædificandæ urbi agrum implicuit. Igitur Hella prodigalitatis pœnitentiâ succedente, magnitudinem corij serâ æstimatione collegit, divisam cuticulam rectius quàm incolumem mensus. Quam enim exiguum soli cincturam credidit, amplissima jugera latius occupantem aspexit. Ivarus vero conditæ vrbi abunde suffecturos obsidioni commeatus invexit, ab inedia perinde atq; hoste defensam haberi cupiens.

- 10 Interea Sivardus ac Børnus cum quadringentarum navium classe super-
venientes, bellum Regi manifesta provocatione significant. Idque statuto tem-
pore executi, comprehensi ipsius dorsum plagâ aquilam figurante affici jubent,
sævissimum hostem atrocissimi alitis signo profligare gaudentes. Nec vulnus
impresissæ contenti, laceratam salivère carnem. Taliter perempto Hella, Bør-
nus ac Sivardus regna sua reduces expetivere. Ivarus Angliam biennio tenuit.
Interea Dani perseverantissima bellum factione complexi, Syvardo cuidam
atque Erico, regia gente creatis, publicam detulère tyrannidem. Quos Regne-
ri filij communiter mille septingentarum navium classe apud Slevicum adori-
ti, semestri delevère pugnâ. Colles indicio manent. Nec minus is, apud quem
20 belligeratum est, sinus Syvardi funere inclaruit. Jamq; præter Regneri filios re-
gius propemodum interierat sanguis. Exinde Børno atq; Erico domum rever-
sis, Ivarus atq; Syvardus, quò tenaciores rebellibus frenos imponerent, in Da-
nia resederunt, Agnerum Angliæ præferentes. Qui repulsâ provocatus Anglo-
rum, opitulante Syvardo, contemptricem sui provinciam incolis vacuefacien-
do tenacia situ jugera cultore carere, quàm insolentem alere maluit, pingvis-
simaq; insulæ rura teterrimâ vastitate perfundens, desertæ quàm superbæ regio-
ni imperitare satius autumavit. Post hæc Ericum apud Svetiam Osteni cujus-
dam malignitate sublatum ulcisci cupiens, dum alienæ vindictæ arctiùs incum-
bit, suum hosti sanguinem erogavit, dumq; cæsi fratris pœnas avidius expetit,
proprium fraternæ charitati funus impendit.

- 30 ITAQUE Sivardus summis totius Danicæ concionis suffragijs paternum
apprehendit imperium. Hic autem post editas latè strages domestica claritate
contentus, togâ quàm armis illustribus haberi maluit; omissoq; castrorum cultu,
ex acerrimo tyranno exactissimum pacis custodem agere cœpit, tantum decori-
is in otio atq; vacatione constituens, quantum antè in victoriarum frequentia
repositum autumabat. Adeò autem studiorum ejus mutationem fortuna favo-
rabiliter prosecuta est, ut sicut ipse neminem, ita nec ipsum quisquam hostiliter
laceraret. Idem fato functus, Ericum admodum infantulum naturæ magis
quàm regni aut pacis hæredem habuit. Quippe Ericus Haraldi frater tenerri-
mæ ejus ætutulam spernens, irruptâ cum seditiosis patriâ, Regium occupavit
40 insigne; nec erubuit lacepsitâ legitimi ducis infantia, adulterinam arripere po-
testatem, hoc se regno indigniorem comprobans, quod imbellem eo spoliare
sustinuit. Igitur illum scepro, seipsum virtutibus exuit, & dum armis incunabu-
la appetit, omni pectus virilitate nudavit. Neque enim ubi cupiditas ambitioq;
flagravit, consanguinea charitas sedem habuit. Sed hanc inhumanitatem su-
pernæ ultionis ira pensavit. Inter ipsum namq; ac Guthormum Haraldi filium
subitò tanta clade confectum est bellum, ut eorum utroque cum innumeris a-
lijs interempto, regia Danorum stirps atrocissimis exhausta cædibus, ad uni-
cum superioris Sivardi filium redigeretur.

- HIC consanguineorum jacturâ regnandi fortunam adeptus, utpote propin-
quorum nece quàm incolumitate felicior, relictis aliorum exemplis, per aviti
50 negotij vestigia decurrit. Repentè namq; studiosissimus piratici muneris exe-
cutor apparuit. Et utinam in abolendo Christianismi cultu temerarium Re-
gneriani spiritus non egisset hæredem. Siquidem religiosissimum quemque

LII.
SIVARDVSIII.
ERICVS. I.

ERICVS 1. aut supplicijs insequi, aut rebus exuere, exilioque mulctare perseveravit. Sed frustra principium causer, cujus exitum probem. Laudabilior enim est vita, cujus initium turpe speciosus finis abripit, quàm cujus probabile exordium in culpas flagitiaque decurrit. Siquidem Ericus ad salutes Ansgarij monitus sacrilegæ mentis errore deposito, quicquid per ejusdem insolentiam commiserat, expiavit, tantumq; in excolenda religione se gessit, quantum egerat in aspernanda. Itaque non solum sanioris disciplinæ haustum docili animo traxit, verum etiam primævas maculas finali puritate perterisit. Hic filium Kanutum ex Guthormi filia, eademq; Haraldî nepte, progenitum superstitem moriens dereliquit.

**IV.
CANV.
EVS I.**

Hujus infantia manente, regni pupilliq; tutor exposcitur. Verùm quoniam hujusce muneris ad vocationem præstare plerisq; vel in vidiosum vel arduum videbatur, sortitione virum legi placuit. Prudentissimi namq; Danorû in tã excellenti negotio arbitrario delectu uti pertimescentes, plus alienæ fortunæ, quàm suis sententiis permiserunt; electionis eventum fortuito magis quàm solido consilio delegantes. Quo evenit ut Ennignupus quidam amplissimæ atque integerrimæ virtutis, tam onerosæ functioni humeros suos submittere cogeretur, decretamq; sorte administrationem ingressus, non minus universorum res, quàm singularia Regis incunabula tueretur. Unde & ei quidam parum annalium periti medium in fastis locum tribuunt. Cumque Canutus decursis adolescentiæ spatijs ab annis virilitatem traxisset, amicus qui sibi beneficium educationis impenderant, ex penè desperato adulescente, autor insperatæ probitatis evasit: hoc uno deslendus, quod absq; Christianæ religionis insignibus è vita ad mortem transitum habuit.

**IV.
FROTHO
VL**

Sed mox ad filium ejus Frothonem rerum summa concessit. Cujus fortuna armis belloq; alita, eò felicitatis excessit, ut provincias, quæ à Danis quondam defecerant, pristino adactas jugo, vetustis alligaret obsequiis. Qui etiam seipsum apud Angliam jam pridem Christianismi peritam, solennibus aquis humectandum exhibuit. Cæterum privatam salutem suam in publicam exuberare cupiens, ab Agapito, qui tunc civitatis Romanæ sacris præerat, Daniam divinitus erudiri petivit. Quod antequam votis exequeretur, absumptus est. Nam fatis suis Romanæ legationis præcurrit adventum; animo cettè quàm effectu superior, tantumq; supernæ compensationis ob pietatis propositum assecutus, quantum cæteris præstatur ex opere.

**LVI.
GORMO
Anglorum.**

Hvix filius Gormo, cui quod ex Anglia oriundus extitit, Anglici cognomen incessit, patre extincto, promptiore fortunâ quàm diuturniore, apud insulam, regiam adeptus est arcem. Dùm enim Daniam disponendæ ejus gratia petisset, ex Anglia, longam parvuli secessus jacturam expertus est. Quippe Angli libertatis suæ fortunam in ejus absentia reponentes, publicam à Danis defectionem moliendo, præcipitem rebellandi fiduciam induerunt. Sed quò eum Anglia invidentius sprexit, hoc Dania fidentius coluit. Itaque, dum ad duarum provinciarum utramque avidas imperij manus porrexit, altera potitus, alterius irrevocabiliter dominationem amisit, nihil unquam fortiter pro ipsius recuperatione conatus. Adeò difficile prægrandia continentur imperia.

**LVII.
ARAL-
DVS.**

Post quem filius ejus Haraldus Daniæ regnator incessit ob hoc quidem obscurioris apud posteros memoriæ, egregiorumq; operum monumentis vacuus, quòd regiarum opum servator magis quàm propagator extiterit.

**LVIII.
GORMO.**

Post hunc Gormo arcem obtinuit, semper infensi erga religionem animi, Christicolarum perindè ac teterrimorum hominum respectum extinguere cupiens. Omnes hujusce normæ participes vario injuriarum genere fatigatos, quibus potuit calumnijs, insequi non quævit. Quin etiam ut priscum delubris cultum restitueret, templum in fundo Slesvicensi à religiosis conditum, tanquàm sacrilegum aliquod impietatis domicilium, ab imis fundamen-

damentorum partib9 demolitus est, quos suppliciis non attigerat, sacra cella GORMO;
 strage puniens. Hic tamen proceritatis habitu eximius putaretur, parum re-
 spondentem corpori animum gessit. Ita enim mores suos intra regnandi sati-
 etatem continuit, ut servatâ potius quàm auctâ maiestate gauderet, satiusq; tu-
 eri proprium, quàm alienum incescere duceret, magis de acquisite custodi-
 dia, quàm acquirendorum incremento sollicitus. Hic à majoribus conjugalia
 sacra celebrare permonitus, Anglorum Regis Edelradi filiam Thyram nuptiali
 studio insecutus est. Illa ut erat gravitate atque industriâ ante alias præstans,
 conditionem proco attulit, non antè se ei nupturam præfata, quàm Daniam
 10 sub dotis nomine recepisset. Eoque pacto intercedente, Gormoni desponsa-
 nocte, quâ prima genialem torum conscendit, sponsum perseverantissimis præ-
 cibus aggressa in triduum se virilis concubitus expertem dimitti petivit, non
 antè rebus Venereis indulgere constituens, quàm matrimonium creandis li-
 beris efficax futurum aliquo per quietem præfatio didicisset. Itaque simulati-
 one continentia, matrimonij experientiam interpellabat, cognoscendæ po-
 steritatis propositum pudicitia specie colorando; commerciumque libidinis
 distulit, verecundia figmento fortunam propagandæ successionis explorans.
 Alij eam, ut temperantiâ suâ tori socium Christianismi sacris adscisceret, mari-
 talis lecti blanditias detrectasse conjectant. Verùm quanquam Juvenis amori
 20 ejus flagrantissimo animo inhæreret, alienæ tamen continentia, quàm propriæ
 voluptati obsequi prætulit; speciosiusque nocturnis motibus imperare, quàm
 lacrymosa amica vota repellere arbitratus est, profectas ab industria preces
 pudicitia propinquas autumans. Evenitque, ut qui mariti partes agere debue-
 rat, pudicitia custodem præstaret, ne in capite nuptiarum stuprosa mentis notâ
 afficeretur, quasi plus libidinis viribus, quàm propriæ indulisset verecundia.
 Cæterùm ne inconcessum virginis amorem libidinosa complexu præripere
 videretur, vicina latera non solum alterius complexibus exuit, sed etiam distri-
 cto mucrone secrevit, atque ex cubiculari lecto suum ac sponsæ dividuum
 contubernium reddidit. Sed voluptatem, quam gratuita humanitate distulit,
 mox latâ somnij specie delibavit. Quippe profuso in somnum animo, existima-
 30 vit duos alites conjugis suæ genitali parte prolâpsos, sed alterum altero grandio-
 rem, corpora supernè librantem, præpeti cælum volatu petere, exiguoque
 tempore interjecto reversos, suis altrinsecus manibus insedisse. Secundò quo-
 que ac tertio parvula quiete recreatos, propassis alis aëri se credidisse: tan-
 demque minorem ex his ad se pennis cruore oblitis comite vacuum remeasse.
 Ea opinione attonitus, ut erat somno pressus, indicem stuporis questum edidit,
 ac totos penates tumultuoso clamore complevit. Quàm speculationem eo
 perconantibus famulis explicante. Thyra foelicem se prole futuram autu-
 mans, omisso differendarum nuptiarum proposito, castimoniam, quam cupi-
 dè precata fuerat, avidius remisit; coelibatumque ad venerem transferens,
 40 sponso gratam suimet potiendæ copiam tribuit; continentis animi virtutem
 admissi concubitus satietate pensando, præfata minimè se ei nupturam fuisse,
 nisi ex his adumbratæ quietis imaginibus certiolem fecunditatis suæ fortu-
 nam hausisset. Itaque ut vasro, ita inusitato consilio pudicitia simulatio in fu-
 turæ prolis agnitionem transivit. Nec fors opinionem ejus frustrata est. Brevi
 enim Haraldî atque Kanuti foelix prole mater apparuit. Qui cum virilem atti-
 gissent ætatem, exerta classe effrenatam Sclavorum insolentiam domuerunt.
 Nec Angliam quidem immunem ab hoc vexationis genere reliquerunt. Quo-
 rum Edelradus ingenijs delectatus, illatam à nepotibus vim voluptatis loco
 habuit, amplissimi beneficii nomine teterrimam amplexatus iniuriam. Multo
 50 enim amplius virtutis in eorum fortitudine, quàm pietate reposuit. Ideoq; ab
 infectis laceffi, quàm ab ignavis coli speciosius duxit, tanquam ex ipso fortissi-
 mo indolis habitu futurum virilitatis eorum specimen pervideret. Non enim
 ambigere potuit, quin exera quandoq; imperituri essent, qui materna tam
 auda-

GORMO. audacter exigent. Adeo autem injurias officijs anteposuit, ut præteritâ filiâ Angliam iisdem testamento legaret, avitum nomen paterno præferre non dubitans. Nec imprudenter: quoniam aliquantò speciosius mares quàm foeminas regni usum decere noverat, imbellis filiæ ac fortissimorum nepotum conditionem separandam existimans. Quo evenit ut Thyra filios suos paternorum bonorum hæredes non invidenter exhæres ipsa conspiceret. Prælationem enim eorum honorabilem sibi magis quàm contumeliosam fore, arbitrata est. Idem crebris piraticæ quæstibus locupletati, summâ cum fiducia spes suas ad injiciendum manus Hybernæ promoverunt. Cujus Rex, Duflinâ, quæ provinciæ caput habebatur, obsessâ, cum paucis admodum sagittariæ artis peritis conjunctum urbi nemus ingressus, Kanutum magna cum militum frequentia nocturnis ludorum spectaculis interpositum, insidioso fraudis circuitu, vulnificâ procul sagittâ petivit, quæ in adversum ejus corpus incidens, mortificum ei vulnus intorsit. Veritus autem Kanutus, nè periculum suum hostes effuso gaudio insequerentur, atq; ob hoc cladis suæ fortunam dissimulanter haberi cupiens, voce supremos anhelitus reddente, ludos absq; tumultuatione peragi jubet. Qua arte prius Danos Hybernæ potiores, quàm suum Hybernis exitum notum reddidit. Quis autem extinctum non plangeret, cujus disciplina militum suorum victoriæ consilio quàm spiritu diuturniore suffecit? Salus namq; Danorum in ultimas angustias deducta, ac pene desperationis periculis implicata, quia morientis ducis jussui paruit, brevi quos timuit, triumphavit. Quo tempore Gormo ad ultimum ætatis suæ finem provectus, ingentem annorum seriem luminibus captus exegerat, senectam ad ultimos humanæ conditionis terminos prorogando, magis de filiorum vita & incrementis, quàm reliquo spiritu suo sollicitus. Tanta autem majoris filij charitate tenebatur, ut à se occidendum juraret, qui prior ipsius exitum nunciasset. Cumq; fortè Thyra haud dubium de ejusdem exitio nuncium accepisset, nemine id Gormoni palàm insinuare audente, præsidium calliditatis amplexa, casum, quem ore prodere timuit, opere explicavit. Maritum namq; regio cultu exutum, tetriore circumdedit, aliâq; doloris insignia, per quæ causam luctus aperiret, admovit, quod antiqui talibus inter exequiarum actiones uti consueverant, acerbiter moeroris habitus asperitate testantes, Tunc Gormo: En mihi, inquit, Kanuti fatum publicas? Et Thyra, id ipsum (ait) tuo potius, quàm nostro, declaratur augurio. Quo dicto marito mortem, sibi viduitatis causam præbuit, nec antè filium, quàm conjugem planxit. Itaq; dum viro nati fortunam exprimit, alterum alterius funeri sociavit, amborumq; exequias paribus profecuta lacrymis, huic conjugales, maternos illi planctus impendit; quanquam tunc temporis magis solatijs erigenda, quàm cladibus obterenda fuisset.

HISTORIÆ DANICÆ LIBRI NONI FINIS.

SAXONIS GRAMMATICI HISTORIÆ DANICÆ LIBER DECIMUS.

IIX.
HARALD.
DVS.
Blata id.



Defuncto Gormone, Haraldus hereditariæ dominationis fortunam conspicuæ fortitudinis operibus prosequi cupiens, trajectâ in Orientem piraticâ, circumpositum lacessivit Oceanum. Sed absumpto interim Edelrado, quanquam sedulos quæstuosi negotij fructus decerperet, aliquantò plus tamen in avito fato amaritudinis, quàm ex tyrannide voluptatis accepit.

cepit. Dum enim eum fortuna cum ulatiùs barbaris ditavit opibus, Anglicis ^{HARAL-} exiit; externâq; donatum prædâ, domesticâ atque hæreditariâ spoliavit. Siqui- ^{DVS} dem Edelradi filius Adelstenus patris testamento præteritus indignationem su- ^{Blasand.} am literis, quibus Haraldus hæres scribebatur, opposuit, rescissoque parentis arbitrio, proprium æmulatus est. Igitur Norvagiæ Rex obtusi cordis homini amplissimæ rei summam celsisse ingemens, potiendæ ej² spe armatâ insulam classe petijt. Cujus cum se Adelstenus viribus minorem animadverteret, conficiendæ pugnæ fiduciâ vacuus, bellum ad obsequium transtulit, benevolentiam hostis, quem armis propulsare nequiverat, officijs capeßere cupiens. Non solum enim Regem amicissimo vultu, benignissimoq; excepit alloquio, sed etiam, quò salubrius patriam armis hostilibus liberaret, filio ejus Haquino, admodum tene-ro, educationis impensam pollicitus, regnum se pariter testamento legaturum promittit. Quam rem maximè, ut Norvagicis armis adversum Haraldum uteretur, oblatu dignam putavit. Ejus namq; ferociam pertimescens, orbitatem suam gratuito hærede solari, quàm violentum expectare, satius existimavit. Rapuit hostis conditionem præceps, propositamq; pactiõnem amplexus, tantum de offerentis humanitate præsumpsit, ut filium proprio spiritu chariorem inexploratæ ejus fidei credere non dubitaret.

Post hæc Haraldus reductis ab Oriente copiis, quanquam ad impetendum avunculi factum præcipuis juris viribus invitari poterat, nihilominus impunitam ejus ambitionem dissimulatæ indignationis patientiâ præterire sustinuit, justisq; operibus piè carere, quàm crudeliter potiri maluit. Post paululum verò temporis Haquinus audito paterni fati nuncio, cum proficiscendi gratia velis navigationem instrueret, magno supervenientis Adelstæni impetu revocatus, paulisper omisso ventorum usu, propius littori navigium egit. A quo post cætera morum documenta, quibus quotidie informabatur, novi quid accepturum se ratus, nè inter epulas obscuro se vultu gereret, sed magis in circumspectis amicis hilari oculorum habitu uteretur, audivit. Quem enim Adelstenus compluribus alijs honestatis præceptis imbuerat, etiam aptos convictui mores ignorare passus non est. At cui parentis mors Norvagiæ cessit, paulò post præceptoris occasus Angliam patefecit.

Veritus ergo Haraldus, ne injuriarum tolerantia, quæ hætenus consanguineæ charitatis respectui dabatur, deinceps in ignaviæ verteretur opprobriū, & quod moderationis esset, vitio applicaretur; Norvagicæ rei turbatione primam Haquino jacturam inferendam constituit; domesticis ejus viribus debellatis, externas facilius obterendas existimans. Cum itaque res barbaras regia executione tractasset, in Daniam reversus, occurssu Haraldi, Gunnildæ filij, adversus eundem Haquinum auxilia petentis, excipitur, pollicentisque se tributa daturum, si Danicæ opis beneficio efficacia partium suarum adjumenta sumpsisset. Enimvero inter acerbissimos rerum casus clementissimam Regis humanitatem expertus est. Hevindo enim atque Karlholstho pugnæ adiutoribus receptis, sexaginta navium classe donatus, petiti præsidij compos abscessit, evenitq; ut plus spei in auxilio Danorum, quàm metus in sua adversitate reponeret. Igitur navigationem remensus, adversus hostem navalis pugnæ copiâ non suppetente, terrestrem exercuit: in qua Hevindus Haquinum, ut in primos præliantium globos progredere hortatus, ipsum clarius sui indicium exhibentem, inusitatæ magnitudinis securi petijt, attigissetq; nî satellitum quidam adactum Regi ferrum proprii corporis periculo fefelisset. In quem Hevindus tanta vi districtæ bipennis aciem egit, ut ferrum medio corpori elapsum nullum inter artus obstaculum reperiret. Quod cum terræ altius illapsum, genibus nixus abstrahere conaretur, ab Haquino interfecti militis corpus conscendente perfoditur. Incertum ergo, uter alteri plus pietatis impenderit. Ille enim salutis suæ impendio Regis fatum repulit, iste servatoris sui cladem speciosissimâ ultione pensavit, cujus beneficio fatum effugerat, exitium ultus. Et quid hujus militis operâ clarius, qui alienæ incolumitati quàm suæ propior, voluntarium pro dace spiritum erogavit, privataq; mortis

HARALDVS. objectu, ne publica sociorum salus periclitaretur, effecit? Interea Thor-
Bjornnd. alvus, quem Haquinus ad exturbanda hostium terga in insidijs collocaverat,
 superveniens, edito in aciem impetu, Karlhoftho mortem, Danis fugam infli-
 xit. Enimvero cæterorum fortunam unius inclinavit occasus. Haquinus autem
 palantes pertinacius urgere veritus, effusas sociorum habenas salutari consilio
 revocavit, nè qua improvidi militis incuria effici posset, ut in victricem victæ
 partis fortuna recideret. Igitur æqualis ambarum partium strages parem utro-
 biq; belli successum effecerat. Nam etsi altera victoriæ propior videbatur, cla-
 dibustamen victam æquabat. Repetente verò classem Haquino incredibile
 memoratu monstrum incidit. Jaculum namq; vago anticipiq; discursu supernè
 inter auras oberrare conspectum, non minore intuentes metu, quàm admi-
 ratione complevit. Siquidem in diversas partes dubijs reflexibus agitatum, figen-
 di vulneris locum exploratius prospicere videbatur. Quod miraculum cunctis
 immani stupore prosequētibz, incertisq;, quidnam res tam inusitata por-
 tenderet, subito casus in solius Haquini caput suspectum omnibus periculum
 transtulit. Arbitrantur quidam matrem Haraldi Gunnildam procurato malefi-
 cij spiculo victi filij pœnas à victore sumpsisse. Haraldus itaq; insperato hostis
 exitio regnandi fortunam adeptus, triennio promissum Danis bonæ fidei ve-
 ctigal exhibuit.

Eà tempestate Sturbiornus, Svetici Regis Biornonis filius, à patru Olavi fi-
 lio Erico, regno spoliatus, petendi auxilij gratia ad Haraldum, cui Thyra mater
 extitit, cum sorore Gyriſtha supplex migravit: tantoq; apud eum paratiorem a-
 micitiæ locum reperit; quantò illi ejusdem sororis suæ matrimonium liberali-
 us promissit. Post hæc Haraldus armis Sclaviâ potitus, apud Julinum nobilissi-
 mum illius provinciæ oppidum, Sturbiorno duce, competentia militum præ-
 sidia collocavit. Quorum piratica egregio animorum robore celebrata, ac fini-
 timis paulatim trophæis alita, eò demum ferocitatis excessit, ut continuis nau-
 tarum cladibus septentrionalem replet Oceanum. Eares plus Danico impe-
 rio, quàm ullum terrenæ militiæ negotium attulit. Inter quos fuere Bo, Vlff,
 Karlshefni, Sivaldus, alijq; complures, quorum prolixam enunciationem tæ-
 dio quàm voluptati propinquiorem stylo prosequi supersedeo. Inter hæc Stur-
 biornus ultionis aculeo laceſſente, acceptam injuriam pensare cupiens Haral-
 do in opem accito, memorem damnorum iram adversus invisam Erici domi-
 nationem distrinxit. Cujus rei gratiâ Haraldus in Hallandiam proficiscens,
 Theutonicæ irruptionis nuncium, quæ à Cæsare Othone gerebatur, accepit.
 Igitur alienæ rei impetitionem, quàm propriæ defensionem, languidiore stu-
 dio profecutus, externæ pugnæ proposito domesticæ curam anteposuit, refle-
 xoq; in Jutiam cursu, ad opem oppressis ferendam præcipiti celeritate conten-
 dit. Sed eo superveniente, Cæsar Jutiam, utpote Regio ductu vacuum, nullo re-
 sistente permenſus, cum Lymici sinus objectu tunc temporis Wendalam aquis
 claudentis, ulterius excurrere vetaretur, conjectâ in undas lanceâ, non solum
 iter ad Eydoram reflexit, verum & similimum fugæ reditum habuit. Siquidem
 hastam, cujus usû habebat, maritimos in fluctus relinquendi monimenti gratiâ
 jaculatus, suum freto vocabulum indidit. Verum ut impetu gravis, ita exitu va-
 nus apparuit. Haraldus quippe ardentissimo cursu abscedentes hostiû reliquias
 inſeqvutus, Epponem extremi agminis ducem, cum ijs quos reperit, trucidavit.
 Interea Sturbiornus cõtumeliosa militum adhortatione compulsus, fortunam
 suam temerè sociorum fortitudini credidit, inq; proprium exitium ruens, regi-
 arum partium reditum stolidâ præcessit audaciâ. Bellum enim præproperè au-
 sus, rebus Sveonum per incuriam laceſſitis, occiditur. Et sanè hostilibus gla-
 dijs ultrò jugulum subjicit, quisquis in urgenti aliquo discrimine magis alienæ
 temeritati, quàm propriæ obsequitur providentiæ.

Post hæc Thyra, quò patriam à clandestinis exterorum irruptionibus tuti-
 orem præstaret, quantum à Slesvico ad Occidentalem Oceanum patet, vallo
 fossaq; proſcindere aggressa est, superq; jacto aggere tenacissimi operis terre-
 num molita est munimentum. Cui postmodum Waldemari Regis, Absalonisq;
 Danicæ

Danicæ gentis Antistitis, consimilis erga patriam pietas murum cocti lateris superjecit, uti potius veteris valli occiduos lapsus solidior novæ molis structura reficeret, quàm debilem ejus situm crebrior in posterum ruina submitteret. Siquidem priori munitione fundamenti loco usi, imperfectum fœminæ virtutis propositum virili prudentia compleverunt, tantò excellentius opus edentes, quantò se muliebri noverant industriâ clariores. Eadem quoq; cum sub specie fœminæ virilem animum gereret, Scaniam Svecicâ dominatione compressam præstandi tributio onere liberavit. Itaq; hinc muro, inde armis hostem repellens, diversis patriæ finibus par tutelæ beneficium peperit.

HARALDVS.
Blaaland.

- 10 Interea defuncto apud Norvagiæ Haraldo, filius ejus Haquinus patriam hæreditariæ pensionis ignominia exuere cupiens, cum Haraldum, auditis, quæ Cæsar apud Jutiam gesserat, Germanicis diutulè bellis implicandum speraret, palam detrectandæ stipis audaciam præbuit, plus spei ac fiduciæ ex Saxoniciis armis, quàm suis viribus capiens. Verùm Haraldus relictus cum Imperatore compositis, consortium Catholicæ religionis amplexus, divinam humanamq; pacem regno suo conciliavit: sicq; Haquinum conceptæ inaniter spei irritum reddens, seipsum errore, patriam præliis liberavit. Compertâ verò Haquini defectione, tantò in Norvagicæ juventutis contumaciam asperius animadvertendum putavit, quantò eam adversum se cervicem insolentius extulisse cognovit.
- 20 Missâ igitur adversus hanc Julinæ piraticæ manu, Boö atq; Sivaldo ducibus contemptus sui ultionem mandavit. Quorum Haquinus perspectis copiis, cum intolerabile rebus suis onus imminere cognosceret, excipiendi ejus materiâ non suppetente, tanquam humanæ opis diffidentia, divinam amplexus, superos inusitato piaculo propitiandos curavit. Duos siquidem præstantissimæ indolis filios hostiarum more aris admos, potiendæ victoriæ causâ nefariâ litatione mactavit, nec sanguinis sui interitu regnum emere dubitavit, patrisq; nomine quàm patriâ carere maluit. Sed quid hoc Rege stultius, qui geminam charissimorum pignorum stragem, incertis unius pugnæ eventibus impendendo, fortunam belli parricidio petere, & orbitatem suam muneris loco diis bellorum fautoribus erogare sustinuit?
- 30 Quo evenit, ut Dani manum cum eo navali certamine conferentes, quocunq; militaris discursus impetum contulissent, infestam nimbi vim, quâ tanquâ ab hoste laderentur, exciperent. Cæterum coorti imbris maleficium ita nostrorum vertices inusitatis grandinis ictibus converberavit, ut eorum oculi veluti quibusdam nimborum spiculis laceffiti, prospiciendiq; penitus facultate defecti, graviores ab elementis pugnam quàm ab hoste sentirent. Accidit ergo ut Norvagienses coeli quàm suis viribus fœliciores, Danos districtam adversum se numinum iram haud dubiè sentientes, antè fugam quàm cædibus implicarent. Inter quos Carlshesni ac Sivaldus à victoribus capti, quanquam dimicando speciosissimam rei militaris
- 40 operam edidissent, aliquantò tamen plus laudis in vinculis quàm prælio meruerunt. Haquinus enim celeberrimam Danicæ juventutis fortitudinem exploratius nosse cupiens, duos, qui captivorum patientiam plenius experirentur, admovit. Tantum enim virium animis eorum à natura insitum esse fama fuerat, ut etiam receptis in vultum ictibus, ne leves quidem superciliorum motus ederent, atq; adversus omne percussoris irritamentum in eodem animum habitu continerent. Cujus experientiæ gratia prior Sivaldus ingenti satellitis fuste percussus, oculos motu vacuos præbuit. Quin etiâ eò minus fortunæ cessit, quò miserius virtutis suæ experimentū habuit. Nec minus in reliquo mentis robur apparuit. Carlshesni enim aliū districta securi capiti suo imminentem pulsu pedis humi posttravit, applicatumq; cervici suæ ferrū manibus ferire conantis excutens, ut erat vinculatus, arripuit, quæq; lapsu affecerat, capite spoliavit. Enim vero ut strenuo ita impigro nisu periculum audacia præcucurrit. Neq; enim captivi virtus inter vinculoꝝ stridorē vigore suo exui potuit, quin & inter gravissimas cōtumelias, eò clariorē fortitudinis suæ experientiâ præbuit, quò incitatorē fortunæ adversū se fremitū sensit. Sed nec illi aut mortis propinquitas, aut catenarū contumelia, quò minus liberū fortitudinis op⁹ ederet, obstare valuit.

HARALDUS Quorum constantiam admirans tyrannus, ut utroque potius bono milite uteretur, quàm in utrumque animadverteret, remissionem pœnæ, dum modo partes suas fide atque amicitia colerent, pollicetur. Illi vero violentum obsequium viæ respectui erogare indecorum putantes, utpote alienæ fidei quàm propriæ salutis propiores, conditione insolentius spreta, turpi pacto prorogandi spiritus beneficium expetere noluerunt. Quo viso Haquinus, ne patientiæ punitor magis quàm probatur existeret, virtuti eorum incolumitatem tribuendam putavit.

Haraldum verò duos ex Gyriþha filios sustulisse memoriæ proditum est. Quorum major Haquinus excellentissimæ indolis habitu, ac foelicissimis naturæ incrementis, fratris Svenonis fulgorem suppresserat. Idem Sembos aggressus cum militum animos periculosi belli respectu aliquantò infractiores animadverteret, quò melius fluctuantibus fugæ spem demeret, ignem subductæ classi subjecit, eoq; necessitatis duramento imbecillitatis ignaviam repulit. Effecit enim ut navigiorum facultate defecti, reditum victoriæ struendum animadverterent. Itaq; quo æquiore animo seipsum classe spoliavit, eo tutiore hosti spolia detraxit. Miserta est tunc profecto fortuna Danici ducis, à navigiorum jactura nautarum præsidia mutuantis, cum summam classis inopiam opem victoriæ cerneret. Igitur ut prudenti, ita periculoso consilio salutarem ministravit eventum. Potiti enim Sembiâ Dani, necatis maribus fœminas sibi nubere coëgerunt, rescissaq; domesticorum matrimoniorum fide, externis avidius inhærentes, suam cum hoste fortunam communi nuptiarum vinculo partiti sunt. Nec immeritò Sembi sanguinis sui contextum à Danicæ gentis familia numerant. Adeò enim captivarum amor victorum animos cepit, ut omiſsa redeundi cupiditate, barbariè pro patria colerent, alienis quàm suis conjugijs propiores.

Post hæc Thyra Danicæ majestatis caput absumpta est. Cujus corpus Haraldus amplissimo funere elatum magno cum omnium plangore, non longe à patris tumulo sepulturæ mandavit. Neq; enim tam acri jactura cujusquam penates mœroris expertes esse poterant, privato funere publicam patriæ fortunam expirasse credentes. Ubi nunc quoq; sacrarium perſpicere est, duorum conjugum socialibus bustis interſitum.

Nec silentio implicandum quod sequitur. Toko quidam aliquamdiu Regis stipendia meritis, officijs, quibus commilitonum studia superabat, complures virtutum suarum hostes effecerat. Hic fortè sermone inter convivas temulentius habito, tam copioso se sagittandi usu callere jactabat, ut pomum quantumcunq; exiguum baculo è distantia superpositum, prima spiculi directione feriret. Quæ vox primum obreſtantium auribus excepta, Regis etiam auditum attingit. Sed mox principis improbitas, patris fiduciam ad filij periculum tranſtulit, dulcissimam vitæ ejus pignus baculi loco statui imperans. Cui nisi promissionis auctor primo sagittæ conatu pomum impositum excussisset, proprio capite inanis jactantiæ pœnas lueret. Urgebat imperium Regis militem majora promissis edere, alienæ obreſtationis insidijs parùm sobriæ vocis jactum carpentibus. Itaque ex dictis etiam non dictorum effectui obligatur, evenitq; ut conatus suos ad id, quod minùs præſumebat, erigeret; & quod parùm professione coluerat, plenius experienciâ celebraret. Neq; enim solida virtus tametsi detractioſum laqueis implicata, justam animi fiduciam abjicere potuit. Quinetiam eò certius, quò difficilius, experimentum accepit. Exhibitum itaque Toko adolescentem attentius monuit, ut æquis auribus, capiteq; inflexo quàm patientissimè strepitum jaculi venientis exciperet, ne levi corporis motu efficacissimæ artis experientiam frustraretur. Præterea demendæ formidinis consilium circumſpiciens, vultum ejus, ne viso telo terreteretur, avertit. Tribus deinde sagittis pharetrâ expositis, prima, quam nervo inseruit, proposito obstaculo incidit. Cui si fortuna caput adolescentis objecisset, haud dubie in patris periculum nati pœna recideret, spiculiq; error percussorem percussii exitio sociasset. Virtutem ergo patris an ingenium filij impensiori admiratione prosequar ambigo, quorum alter artis suæ prudentiâ parti-

- parricidium cavit, alter corporis animiq; patientiâ sibi sospitatem peperit, patri pietatem servavit. Enimvero juvenile corpus senilem animum roboravit, tantum fortitudinis inexpectando jaculo exhibens, quantum peritiâ pater in emittendo præbuerat. Itaq; constantiâ suâ beneficio, ne sibi spiritus, patri salus eriperetur, effecit. Interrogatus autem à Rege Toko, cur plura pharetræ spicula detraxisset, cum fortunam arcus semel duntaxat experimento prof. q. i debuisse: Ut in te, inquit, primi errorem, reliquorum acumine vindicarem, nè mea fortè innocentia pœnam, tua impunitatem experiretur violentia. Quo tam libero dicto & sibi fortitudinis titulum deberi docuit, & Regis impetum
- 10 pœnâ dignum ostendit. Sed his necessitatibus procellis erutum, paulò post par malitè tempestas implicuit. Haraldo enim ejus se artis, quâ Finni nivales silvis peragant, peritiorem jactanti. Toko in consimili genere laudis suam a suis conferre virtutem, apud Kollam rupem editæ professionis experimentum præbere compellitur. Sed quod minus exercitio celebraverat, plenius à virtute mutuatus est. Eminentis enim scopuli cacumine conscenso, exiguo se sustinere credidit, lubricasq; plantis tabulas adaptando, rapidum in præceps vehiculum egit. Cujus præcipiti raptu in præruptos silices actus, nihilominus debitum ejus regimen intrepida manu continere suffecit. Neque illi aut periculi magnitudo, aut ullus animi stupor, quò minus firmo se corpore contineret, officere po-
- 20 tuit. Exterruisset alium conspecta præcipitij immensitas, atq; ante ipsum periculi ingressum plena metus hebetudine confecisset. Tandem illiso cautibus vehiculo, cui insisteret, excussus, fortuito solum fragmento solidum incolumitatis præsidium reperit, fatoque alioqui propinquus felici naufragio insperatam salutis anchoram apprehendit. Enimvero acrius clivo impactus, per fracti vehiculi damno tutum cursitandum eventum habuit. Nisi enim impetum ejus invia petrarum robora, valtæque voragines interpellassent, haud dubiè procursum subjectum rupi pelagus excepisset. Ubi à nautis exceptus, in viso Regi tristitorem fortuna sua famam reliquit. Vehiculi quoq; fragmenta à navigantibus inter undas reperta, falsò periculi ejus fidem auxerant. Ipse vero suspectam Har-
- 30 raldi præsentiam reputans, quòd virtuti suæ præmiorum loco pericula proponi cognosceret, studiorum suorum exercitia ad filij ejus Svenonis militiam contulit.

- Post hæc Haraldus totam regni classē exerens, ne parvo apparatu magnæ molis pondus aggredereetur, junctis hominum boumque copiis inusitatæ magnitudinis saxum Juticæ littore repertum, quo matris tumulum insigniret, abstrahi jussit. Interea qui cum Svenone classi præerant, Haraldus imperium, tum quia divino cultui favorem tribuerat, tum quia inusitatis plebem oneribus adigebat, perosi, quendam compositum & subornatum, qui Svenonem, an arma adversus patrem sumere, regnoq; potiri vellet, callide percunctaretur, inducunt. Quo mandato Sveno ad regnum parricidio petendum adductus, percunctanti grates habuit, libenterq; se patriæ dignatione usurum respondit. Quo accepto, majores exploratam ejus cupiditatem securius amplectentes, occultis animorum commentis audacter evidentiam præbuerunt. Enimverò quòd clandestinis motibus texerant, apertius executi, continuo Regem eum publicâ acclamatione decernunt. Inter hæc Haraldus circâ tractum lapidis occupatus, quendam suorum è classe supervenientem arctius percunctari cœpit, an tantam aliàs molem mortali manu tentatam conspexerit? Ille se majoris ponderis ductum humanis viribus effectum recenter oculis subjecisse commemorat. Quod Rege crebris percunctationibus prosequente, nuper, inquit, cum Dania tibi subduceretur, intereram; ipse, uter onerosior
- 40 tractus extiterit, penes. Ita Haraldus cum alieno judicio cœpti gloriam quærir, erepti regni nuncium accepit. Pœniruit tunc Regem pecudalibus jugis humanas alligasse cervices. Nam cum omisso vehendæ molis proposito, tractum saxi in belli apparatus convertere voluisset, gravissimum militis sepercilium expertus est. Exercitus namq; tam probrosi officij contumelia laceratus pro quo jugum tulerat, arma capere recusavit. Neq; enim majestatis
- 50

MARAL-
DVS.

Blamian d.

imperio aut prece adduci potuit, ut ejus capiti incolumitatem quæreretur, qui omnium cervices erubescendâ jussione damnaſſet. Nonnulli tamen popularis ſententiâ expertes, inter publicâ conſternationis procellas conſuetâ ſe erga Regem charitate geſſerunt. Quibus adjutoribus uſus, dum filij conatus armis elidere nititur, a crit's ſangvinis ſui viribus oppugnatur. Siquidem bello à Svenone victus, fugam ſuam Sialendiâ credidit, contractisq; ex ea viribus, rurfum conſimilem fortunæ habitum navali ex certamine retulit. Jamque domeſticis exuto copijs, externa manus imploranda reſtabat. Igitur relicâ patriâ Julinum Danicis armis reſertum, utpote fidiffimum militiâ ſuæ gremium, exilio petivit. Interea Svenonondum paterno odio pietatem violafſe contentus, conciliandâ ſibi plebis gratia, effuſis impietatis habenis delendorum ſacrorum curam animo pertinacius ſumpſit, omniq; divinitatis cultu patriâ ejeſto, victimarios templis, aris libamenta reſtituit. Quem rurfum pater mixtis Danorum Sclavorumq; copijs apud Helgenes littus aggreſſus, diem prælio, tam fugâ quàm victoriâ alienus, extraxit: in quo deſatigati exercitus, neſciendâ pacis gratia, poſteram lucem colloquio triſtunt. Cui fortè Haraldus creandâ compoſitionis fiduciâ licentius evagatus, in anguſtiores nemoris partes conceſſit. Ubi cum exinaniendi ventris gratiâ arbuſtis inſideret, à Tokone injuriarum ſuarum ultionem ſitiente, ſagittâ vulnus excepit, idemq; ſaucius à ſuis Julinum relatus, celerem vitæ exitum habuit. Corpus ejus Roſkildiam miſſum, apud ſacrarium nuper ab ipſo conditum, ſolennem ſepulturæ locum recepit. Ingrata enim olim bonorum ſuorum patriâ, piſſimi ducis opera ſera animadverſione complectens, quod minus vitæ ejus præſtiterat, funeri plenius deferendum putavit: omnibusq; humanitatis nervis exequiarum cultui inſiſtens, ejus ſpiritum ſuperbè oderat, clementer cineres amplexata eſt.

LX.
SVENO.
Tuffueſkeg.

Deſuncto Haraido, Svenonoproſperam ſibi in divina ſæviendi occaſionem veniſſe gaviſus, totam religionis ſtirpem ab radice convulſit, eoq; autore Dani ſuſceptû divinitatis cultum repetita ſuperſtitione mutarunt; hoc liberius erroris ſui recurſum complexi, quò certius amariffimum ejus reprehenſorem occidiſſe cognoverant. Quam temeritatem vindex contemptus ſui divinitas, non parva rerum acerbitate penſavit, auctorem ejus triſtiſſimis fortunæ vicibus inſecuta. Ipſum namq; deferendâ religionis ducem perquam graviter affectum, violentiſſimis calibus implicare non deſtitit, latisq; ſucceſſib9 ſpoliatum, amarum vitæ uſum experiri coegit. Quippe à Julini oppidi accolis piraticâ Dariam inceſſentibus captus, factâ ſibi redimendi poteſtate, corpus ſuum auro ſemel, argento bis rependendum promiſit. Eâ ſummâ à Danis ob deſerta ſacra nimio eum favore proſequentib9 contributâ, patriæ reſtitutus, nihilominus oculos denſiſſimis ignorantia tenebris obfuſos conſpicuæ lucis radijs admoveſſe contempſit. Enimvero plenum nequitia portentum, paternoq; animo parum reſpondens, ab eximio ejus ſplendore in profundum caliginis ſecedere non erubuit. Sed cui propria damno labes extitit, aliena uſui benignitas fuit. Idem ſecundò conſimili fortuna affectus, nobiliſſimo liberis vadibus pro ſe datis, priorisq; ſummæ paſſione interpoſitâ, redemptionis præſidium impetravit. Sed cum promiſſum æs ex proprio fiſco ſolvere nequiret, omnibus qui pro ſalute ejus filios proprio ſpiritu chariores prædes dederant, nunc publicè, nunc privatim ſaltus ac nemora venditabat, eorumq; pretium protinus captivitatis ſuæ autoribus numeravit. Enimvero Scani ac Sialandenſes commûnes ſylvas publico ære comparaverunt. Apud Jutiam verò non niſi familijs propinquitatis ſerie cohærentibus, emptionis communio fuit.

Eo tempore piraticæ uſus noſtris ber, Sclavis perrarus extitit: qui ob hoc latius ad eos manare cœpit, quod Julini oppidi piratæ, patriæ ſtudijs adverſum patriam uſi, eò maxime Danis, quod ab ipſorum ingenijs traxerant,

nocu-

nocuerunt. Quem incursionis morem nostris annis Waldemari Regis, Maxi- SVENO.
miq; Pontificis Absalonis, propensæ pro civibus excubiæ domuerunt. Quo- Tinfve/keg.
rum strenuo interventu tranquillusterris cultus geritur, tuta aquis navigatio
celebratur.

At Sveno oppressionum suarum vindictam sitiens, maximeq; Julinum, per-
indè ac scelestissimi contubernij domicilium armis evertere cupiens, sinum,
quo Møen insula à Faltria secernitur, Regiâ classe complevit. Qui cum se mox
in Sclavorum effusus provinciam videretur, qui Julini constiterant, auda-
cter callidi, impetum hostis arte præcurrendum duxerunt. Nam cum munien-
10 dæ classis gratia nocturnas à Danis circumiri vigilias nossent, delectos remiges
subornaverunt. Qui manè anticipato vigilum more, simulatoq; ab excubijs
reditu, frequentem liburnis portum brevilintre permensi, cum ad Regis usq;
navigium processissent, esse gubernator dixit, quod secretius eum nosse admo-
dum oporteret. A quo Rex noctu exploratæ rei nuncium afferri ratus, detra-
cto navigij tegmine, capiteq; exerto, veluti familiaris colloquij gratia acclive
vocanti corpus præbuit. Quem ut ille insidijs opportunum animadvertit, su-
bito cervicem ejus perquam violento amplexu corripuit, liburnaq; detra-
ctum, apparitorum ope myoparoni suo injiciendum curavit. Nec segniter fu-
gam nautæ concitatis remorum ictibus expetebant. Ita præsidium strenuæ
20 calliditatis amplexi, quod armis nequibant, insidijs promoverunt. Igitur qui
paulò antè in majestatis fastigio fulserat, tunc barbarorum miserabile mancipi-
um contumelioso ludibrio fortunæ effectus. Nescio patris major, an religionis
injuriâ, provinciam, quam parentis exilio violaverat, ministram carceris ultri-
cemq; parricidij sensit, patriam quam sacris spoliaverat, etiam opibus exuere
necesse habuit. Neq; enim ocysus à suis juvari poterat, utpote quibus primum
detrahenda navigijs tegmina, aptandi foris remi, extollendaq; undis anchoræ
fuerant. Cessit igitur expeditio fraudi: nec barbariem absq; regio ductu pe-
tere ausa, solutâ classe domesticis militem littoribus reddidit.

In qua fortunæ violentia Sveno virili defectus auxilio, foemineum exper-
tus est. Nam cum exhaustis regni opibus, nè aurum quidem redemptioni ejus
30 suppetere videretur, tanta ei matronarum humanitas affuit, ut detractis auri-
um insignibus, cæteroq; cultu, certatim digestam pondere summam exple-
rent, plus commodi in salute principis, quam amœnitatis in ornamentorum
suorum specie reponentes. Adeò in liberando eo vterque sexus unius humani
voti curam habuit. Ita matronalis stolæ publicum columen privatis facultati-
bus emere voluptati magis quam oneri fuit. Neq; enim ejus capiti incolumi-
tatem publicæ stipis impendio petere dubitatum est, qui primus deferendæ re-
ligionis constantem se gessisset auctorem. Enimvero ignara perditionis suæ pa-
tria, summum scelus, amplissimis beneficijs rependere pietatis loco duxit, pa-
rentis ac numinis violatorem indebito gratulationis officio profecuta, quodq;
40 pœnis expiandum fuerat, obsequijs pensans. Quanto enim Haraldî odio tene-
batur, tanta Svenonis charitate flagrabat, auctorem religionis fastidio, asperna-
torem benevolentiam insequendo. Ita populus sacrilegi animi probator, religio-
si punitor, quantum in patris sanctitatem contemptus, tantum in filij labem ho-
noris congefferat: cultumq; ejus, quia sacrorum morem abrogaverat, copiosa
favoris indulgentia prosequutus, ter Regem à piratis captivum interposita mu-
nerum pactione receperat. Nec illi quidem ad præmia matronarum obsequio
exolvenda ingrata mens fuit. Nam foeminis deinceps participandarum hære-
ditatum jus, à quibus antè lege repellebantur, indulxit. Ut autem argentum pri-
ori summæ debitum contraheret, agros ac latifundia vænire jussit, utq; ab exte-
ris ipse vænijt, ita vænalem suis patriam fecit. Ita nescio macie inferior an feli-
50 cior fuerit, quæ quantum ejus corpori detraxit, tantum censui pepercit, opesq;
artuum consumptione servavit. Cæterum barbari nondum rebuseum exuisse
contenti, truculentius affectum jurare etiam, iram remissurum, compellunt;
gemina miserum pactione torquentes. Sed alteram exhibere difficile, alteram

SVENO
Tinfveskeg.

admittere turpe. Opes enim hosti fundere necessitati convenit, injuriæ vero respectum abijcere, poenasq; impunitate pensare, vicinum rubori beneficium est. Siquidem ut violentiæ cedere infirmum, ita vindictam ejus abdicare probrosum. Quippe supra vires cogi, quàm viribus remissè uti speciosius. Nec segniter, exuendæ captivitatis cupidus, sacramento omittendæ ultionis exhibito, propositæ conditionis partes admisit; hostemq; non minus fruentæ securitatis beneficio, quàm auri impendio locupletavit; hoc magis fervilem se exhibens, quò turpius libertatem impetrare sustinuit. Tantum autem transfugarum erga patriam charitas valuit, ut cum regiam Danorum stirpem ad ultimum Haraldi filium redactam esse cognoscerent, quo minus alienis summa cederet, saluti ipsius parcendum existimarent. Quamobrem opes ejus, non exitum sitientes, egestatem suam censu solari quàm sanguine maluerunt.

Nec tamen erga desertorem sacrorum principem divinæ correptionis aculei quieverunt. Nam Svetiam quoq; Danorum rebus infestam fecere. Cujus Rex Ericus agnomen à victorijs mutuatus, per Haraldum jampridem latam Sturbjorno adversus Sveones opem memoriæ subiciens, perquam graviter in Svenonis caput exarsit. Utq; sui vindictam perageret, exercitum in Daniam trajecit, expugnatione filij parentis, noxam pensare cupiens. Quanquam enim eum arctiore materni sanguinis nexu contingeret, iram tamen affinitati prætulit, eò quidem fidentius, quòd Svenonis fortunam sæpius ægram atq; fractam, ac crebris detrimentorum incursum laceffitam, suam jugiter in summo felicitatis cardine versatam noverat. A quo Sveno bello Scanico victus, relicta excellentis pulchritudinis filia Thyra, aviæ nomen referente, (quæ quâ matre orta fuerit ignoro) Olavum Tryggonis filium Norvagiæ regimè gerentem exilio petivit, eò quidem ampliori spe, quòd patrem ejus jampridem regno exactum, Haraldi succursu restitutionem impetrasse meminerat. Is quanquam regio nondum titulo censeretur, regijs tamen partibus pleno procurationis officioungebatur. Quo beneficio quanquam obligatus esset Olavus, nihilominus debitam patris ejus meritis gratiam re-ferre negligens, profugum ac supplicem sprexit, omniaq; momenta petitiæ opis abnegans, nullum penè misero suffragium præbuit. Neq; enim exuli succurrit, nec aspernabatur illum à se repelli, à cujus parente suus patriæ redditus fuerat. Cujus repulsæ Sveno contumelia suggillatus, ad Anglorum præsidia convolvit. Quorum Rex Eduardus ætate admodum tenera, auxilij petitorum ambitionis notâ perculit, existimans non tam opem à profugo peti, quam exilij simulatione regnum à callido reperiri; fortunæq; inopiam argumentum astutiæ reputans, obsecratis exulem auribus averfatus est. Adeò paterna felicitas suspectam nati miseriam fecerat. Ita maligni animi ducibus spes suas precesq; frustrantibus in Scotiam profectus, clementiam quam in aliquantò mitiore gente non reperit, apud efferata barbarorum ingenia sensit. Adeò enim volubilis fortunæ varij atq; ancipites motus existere consueverunt, ut interdum humana mens ubi speratis fallitur, insperata facilius assequatur.

Hac fortunæ favitiâ Sveno ad amplectendam religionis charitatem adactus, abstractos caligine oculos salutari lucis contemplatione suffudit. Nam cum duos maxime reatus suos, parricidium atq; sacrilegium, totidem gravissimis supplicijs captivitate atq; exitio abundè multatos animadverteret, piam neglectæ salutatis disciplinæ verecundiam egit, conversoq; in curam sacrorum animo, utriusq; delicti contagium plenè poenitentia lachrymis expiavit. Quinetiam cunctis circa se ritè peractis, lavacri usum promptissimo religionis tenore percepit. Cujus quanta prius labes extiterat, tantum postea robur ac columen evasit. Nec segniter poenitentia beneficio permulsa Deitas propitij numinis favore pristinum ei fortunæ splendorem conciliavit.

liavit: annoq; exilij ipsius septimo, decedente Erico, promptum regni intro-
itum struxit; pro exilio patriam, pro paupertate amplissimum decus, ac sum-
mam largita potentiam. Nam Erici filius Olavus cum matre Syritba Svetiam
repetivit, ibiq; degens regnum materno arbitrio subiectum habuit. Ita Sve-
no eodem penè tempore & religioni paruit, & patria potitus est. Ne autem
quorum favorem impietate contraxerat, sanctitatis irritamento odia in se re-
pente trajiceret, publice dissimulatâ religione, privatim exhibitâ, pium men-
tis habitum texit. Itaq; diversi motus ijsdem præcordijs inclusi, summa for-
mido ac sanctissima devotio animum ejus perplexa cunctatione distractum,
ad ultimam penè hæsitacionem redegerant. Hinc enim perdendi regni, indè
10 lædendi numinis metus pectoris ejus munimentum ancipiti periculo vulnera-
bat. Fastiditæ siquidem religionis ultorem Deum, plebem cultæ vindicem
metuebat. Quæ tam dissona studia attentiore animi comparatione expen-
dens, plus divini quàm humani timoris viribus indulgendum providit. Pri-
vatim itaq; majores aggressus, clandestinâ admonitione sacris ritibus subji-
cere perseverabat; differendi officium, quod à literis doctrinâq; non traxerat,
rudi atque impolito ingenio profecutus: adeò præceptoris partes, quas soler-
tia ac consuetudine parum complexus fuerat, à fundandæ religionis cupidine
mutuabatur. Verùm medelæ salubritatem ab incolumi capite quæsitam, ab
aridis atque indignantibus membris evomi crederes. Neque enim amator
20 veterum populus, docilem inusitatis animum præbere sustinuit. Quinetiam
externi cultus ædiorum patrium æmulatus est. Igitur cupido sed inefficaci seren-
dæ religionis auctori, numinis sui illustrator Deus Popponem ingenio ac san-
ctitate conspicuum, præcipuâq; literarum scientiâ excellentem, præclari ope-
ris consortem adjecit. Hic Danorum concione publicè apud portum, cui gla-
ciei frequentia agnomen peperit, habitâ, cum eos, nè sana excolere vellent,
sermone flectere nequiret, evidenti indicio certissimum assertioni suæ argu-
mentum præbuit, doctrinâq; fidem conspicuo sanctitatis miraculo publica-
vit. Percontatus enim, an monitis suis obsecuturi essent, si ad flagrantis ferri
tactum manum ejus læsione vacuam conspexissent: universis haud dubiè pa-
30 rendum respondentibus, candentem ferri laminam chirothecæ formam ha-
bentem expediri iussit, eiq; brachium cubito tenus inseruit, ac protinus per
omnes interritè circumlatam ante principis pedes excussit, dextramq; nulla
ex parte corruptam in eodem incolumitatis colorisq; habitu religiosæ omni-
um admirationi conspiciendam monstravit. Quo tam mirifico spectaculo a-
lioqui inexorabiles studio suo consentaneos reddidit, effecitq; ut periculum
non impedimentum monitorum ejus esset, sed experimentum. Enimvero
ipsam rerum naturam audacis voti constantia superavit. Quinetiam ea mira-
culi celebritate æternum genti nostræ religionis spiritum ingeneravit. Quo
evenit, ut Dani abrogatâ duellorū consuetudine, pleraque causarum judicia eo
40 experimenti genere constatura decernerent; controversiarum examen re-
ctius ad arbitrium divinum, quàm ad humanam rixam relegandum putantes.
Quamobrem Poppo à Maximo Pontifice Bremensi Adaldago apud Arusium
honorem gerendi Pontificij, vitæ atque operibus suis perquàm debitum, im-
petravit. Eodem officij nomine Henrico Slesvicum, Lefdago Ripæ cesse-
runt. Gerbrandus Roskildæ claruit. Adeò religiosissimi principis exactissi-
ma sanctitas Christianismi cultum novis sacerdotijs auxit, cellis atq; sacrarijs
decoravit. Prius enim quatuor hæc religionis domicilia externis sacrorum
contenta præsulibus, domesticâq; prælationis expertia, fortuito magis quàm
solido Pontificum ordine nitebantur. Nec minus Norvagia Bernardi ex An-
glia profecti saluberrima admonitione profecit. Cujus Regi Olavo tanta su-
50 mendorum auspicionum adnotandorumq; ominum cura acta est, ut etiam a-
quarum sacrarum liquore perfusus, cum pariter religiosæ disciplinæ rudimen-
ta sorsisset: nullo tamen sanctitatis exemplo, nullius autoritate doctrinæ,
quò minus augurum monitus consecraretur, futuraq; per pullarios disceret,

SVENO
Tij. rex reg.

vetari posset. Itaq; sanctitate vacuus, nec nisi inanem ejus umbram complexus susceptam religionis speciem fucosa superstitione damnabat. Cum similis ejusdem Pontificis industria Sveria Regem Olavum ad Christiana sacra perductum, Jacobi nomine venustavit, morum profectui decus vocabuli tribuens. Utrum autem idem Rex ab eo, an à Bremensium Pontifice Unnone, sacrorum usum disciplinamq; perceperit, parum comperi. Eo tempore Lundenses sacrarium moliti, sub Gerbrando Roskildia praesule rem divinam domestici templi religione gesserunt. Ceterum Unnonis corpus Birea oppidum veteri famâ inclytum, Bernardi Lundense hypogæum tenet.

Interea Rex Norvagiæ Olavus adhuc cœlebs, fruendæ claritatis, potiendæq; 10
Daniae cupidine instinctus, quo facili⁹ voti se cōpotē redderet, petitis Syrithæ nuptijs, Svericas partibus suis vires applicare curavit. Ne ergo Sveno duorum Regum junctis copijs geminum patriæ latus incurсандū præberet, perquam calido consilij genere usus, duos pervicacioris animi satellites subornavit, qui simulatâ damnatione Olavum supplices petiverunt. A quo exulum more indulgentius habitus, cum post aliquantæ familiaritatis usum proposito licentius utendum animadverterent, Svenonis vituperio, Thyra commendationem impensioribus verbis sociare cœperunt, quantum patris mores convicio, tantum filia speciem laudibus infecuti. Adeo falsum proscriptorum nomen complexi, mendacij noxam benevolentia simulatione texe 20
runt. A quibus Olavus probabilis formæ irritamento virginem petere persuasus, legationem preces suas Svenoni porrecturam instruxit. Qua aditus Sveno, petitas proco nuptias pollicetur. Quo nuncio Olavus ad summam usq; gratulationem eVectus, matronali stolæ illitatas pudicitia faces præferendas existimabat, virginemq; æmulatus amplexum, adolescentiam suam intra viduitatis gremium obterere passus non est. Igitur quantum alteri contemptus, alteriq; venerationis deferret, aperuit. Syritham namq; colloquij simulatione celebriter accersitam, navigium conferendi secum sermonis gratia subintrare petivit. Cujus precibus Regina, quò verecundia munimento tutior fieret, aliquamdiu reluctata, ad extremum imperio cessit. 30
Igitur vix atq; agre obtemperanti lignum pensilibus uncis subnixum, pontis loco scandendæ puppis gratia sternitur. Quod cum Regem aditura conscenderet, eodem per insidiosos subducto, præceps fluctibus obvoluta est. Nec contenti nautæ amplissimam majestatem ultimo dedecore confudisse, quo clarius libidinosum ei animum exprobrarent, inflicti casus turpitudinem clamore sub hinnitus specie edito persecuti sunt. Hæc est Norvagica humanitas dolis ac derisione instructa, quæ splendidissimæ fœminæ fidem probrorsis insidijs circumvenire, matronale decus contumelijs proculcare, amoremq; ignominia rependere non erubuit. Et sanè quisquis ei populo humanitatem atq; obsequium erogat, ingratum beneficium præstat. At Regina penè periculo præfocata, magno cum Sveonum rubore agre littori restituta est. Tandem recepto spiritu impudicitiam sibi à Rege exprobratam 40
judicans, ruborem periculi tacita ferre nequivit, opprobrij deformitatem minis, quibus potuit, infecuta. Neq; enim duabus gravissimis calumnijs periculo ac rubore affecta, laceßiti pudoris irritamentum æquo animo tolerare sustinuit, utpote quæ ex integerrimæ majestatis Regina ad insolentis proci plenum ignominia ludibrium redacta fuerat. Ita versuti ducis acumen admirabilis vaframenti involucro tectum, vires, quibus Olavum exuit, sibi sagacissimè conciliavit. Continuò namque petita in matrimonium Syrithæ eò benigniorem animum, quò Olavo infestiores expertus est. Nec 50
inertis ruborem conjugis negata mox proco filia vindicavit.

Interjecto tempore Canutum ex Syritha suscepit. Ita Olavus duobus splendidissimis conjugijs destitutus, dum alterum temerè respuit, ab altero turpiter repelli meruit, utq; hoc repulsâ, ita illud insolentia perdidit. Verum
quia

- quia Svenonem parùm prosperè bella gerere solitum noverat, facta non virium ejus, sed fortunæ æstimatione, instructoq; nobilis famæ navigio, armis SVEN
Tinfveskeg. ulcionem exequi parat. Contrà Sveno adscitâ privigni manu, maritimo hostem certamine excipit. In quo Olavi sagittarius Enarus, magno corporis artisq; robore præditus, tanto rigore mirifici arcus tormentum intenderat, ut excussum ab eo jaculum nulla rerum duritia sisteret, quò minus citato motu universum penetraret obstaculum. In malum navigij incidens, lignum violentiâ suâ pervium habuit. Eâdem vi trajecto Regis clypeo tabulæ ratis illapsum, vix inter undas impetus sui finem reperit. Itaque gravius hostem
- 10 solus quàm tota sociorum manus afficere valuit. Cæterùm adeò certo ictu destinata feriebat, ut quicquid impetebat, offenderet. Quo evenit, ut Svenno tormenti monstro territus, plus metus in unico stipite, quàm tota hostium classe reponeret. Cumq; solum in ejus corruptione remedium animadverteret, non tam sagittarium, quàm artis sagittariæ instrumentum ab ejus rei peritis impeti jubet, violatâ arcus fortunâ tutius bellum gerere cupiens. In quod delectis certatim tela congerentibus, unum fortè arcui impactum, artificem ingenio, hostem victoriâ spoliavit. Cumq; late ruptionis ejus fragor obstreperet, stupens Olavus, quidnam esset comminutum, interrogat, Cui Enarus, convulsam, inquit, abs te Norvagiam puta. Plus namq; opis in
- 20 arcu, quàm exercitu repositum judicabat, futurum pugnæ exitum abscissa responsi sagacitate complexus. Nec secus, quàm prædixerat, accidit. Fractio namq; arcus insecutam Norvagiensium cladem ominata est. Ut autem Olavus hostium manus arbitrario fato præcurreret, mortemq; sibi ipse conscisceret, armis onustus præcipiti saltu profundum petiit, tanquam vita feliciter excessurus, si non aviditate lucis victorem intueri cogeretur. Cumq; Svenno hostium vires in suam redactas potestatem vidisset, quos armis ad fugam inclinaverat, oratione ad obsequium flectere cupiens, insignem rei bellicæ successum ad blanditias transtulit, victorq; cum victis pacisci deforme non duxit. Nec Norvagiam sibi subjecisse contentus, peritâ Angliâ pactum
- 30 cum Adelsteno habuit, ut eo decedente, Regis bonis ac nomine frueretur. Iisdem temporibus Popponi Rimbrandus, Henrico Marcus, pontificij religione successit. Pro Lefdago Fulbertus sacerdotio fulsit: post quem Othincarus Albus, splendidissimo loco natus, infulas sumpsit. Cujus liberalis in Deum animus, ne parvulâ quidem sibi summâ retentâ, amplissimum patrimonium necessarijs templorum usibus erogavit, cellasq; ante id rei familiaris inopes uberrimis agris ac latifundijs locupletes effecit, adeò ut excellentissimæ totius Jutiæ civitates, quicquid penè prædiorum possident, à religiosa ejus donatione perceperint. Itaq; propior publicæ devotioni, quàm privata facultati, solidaq; magis quàm fluxæ laudis appetens, momentaneo
- 40 rerum impendio, mansuras animi delicias comparavit, seq; patrimonij, quàm religionem rei familiaris inopem esse maluit; ad eum hæreditatis suæ honorem transferens, à quo pia dona perpetuis bonis rependenda cognoverat. Nec possessionem sacris impendisse contentus, ut omnes virtutis partes ac numeros exequeretur, etiam rerum beneficijs virtutum adjumenta subtexuit. Siquidem Sialandiam & Scaniam officio piæ eruditionis aggressus, mirificum sacri dogmatis auctorem agere cepit. Ac ne parcius animi quam corporis officium administraret, tantum se in amplificanda religione gessit, quantum egerat in locuplanda, pro quo patrimonium erogaverat, etiam morte paratus occumbere.
- 50 Cæterùm Svenno senilis animæ laboribus fessus, divinis rebus infatigabilem ultimi temporis curam tribuit, nec spiritu quam religione diuturnior fuit. Siquidem omni humana concussione vacuus, in ipso perfectissimæ vitæ fulgore decessit. Hunc igitur duæ inter se divisere fortunæ, quem variæ fors in ludibria ac decora alterna vice trajecit, regno illius captivitatem, captivitati

privitati exilium substituendo. Quis enim crederet illum à maximo folio ad Sclavorum perventurum catenas? Quis rursus existimaret à Sclavicis vinculis ad Regni rediturum insignia? Attamen ex Rege captivus, atq; ex captivo Rex est factus. Ita nunc miserrimis, nunc felicissimis par, diverso conditionis habitu geminam utriusq; fortunæ mensuram æquavit.

LXI.
CANUTVS
MAGNVS.

Mortuo Svenone Angli ac Norvagienses, nè rerum summam alieno imperio subjectam haberent, Reges ex suis legere, quàm à finitimis mutuari satius rati, abrogato Danici nominis respectu, Eduardum atq; Olavum in majestatis fastigio locaverunt. Quorum prævalidum robur Canutus Danorum folio functus inter rerum initia aggredi veritus, ne tamen regnandi usum intra patriæ metas clausum haberet, dissimulatâ magis quàm omisâ paterni imperij recuperatione, primùm Sclaviæ ac Sembia, perinde ac debili-
oribus regnis, ferrum injicere statuit. Quarum alteram Sveno, tamen si graves injurias passus, obstante religionis vinculo, concutere formidabat; altera ab Haquino oppressa, absumpto eo, rebelles Danis manus exercuit. Solerter igitur à Danici regiminis successore provisum est, ut in hac paterni gravaminis, in illâ defectionis noxam puniret. Neq; enim ignorabat bonæ indolis habitum ad majorem virtutem capeßendam leviori rerum conamine roborari; ideoq; in ipso militiæ tyrocinio, adolescentiam suam aliquo præclaro opere auspiciari cupivit. Nec eò quidem segniores desertoribus
manus intulit, sed nescio an ideo promptiores, quia strenua ingenia, quò plus experimenti sumunt, hoc ad insignem operam edendam majore ausu proficiunt. Cujus propositi compos spes suas duabus splendidissimis victoriis alitas, tertiam ab Anglis expetere docuit. Quod ut promptius expediretur, Olavum Norvagiæ potitorem cum fratre Haraldo, rectis dissimulatione odijs, adversum defectionis suæ consortem armavit. Enimvero ut prudenter, ita periculose hoste in hostem usus, ambitione conjunctos armis dividos fecit. Igitur Danorum Anglorumq; exercitibus acerrimâ pugnâ confertis, Tymmo genere Sialandicus, cum hostili imperu sociæ partis Aquilas admodum inclinatas videret, levemq; & quem fors obtulerat, ramulum hasta sustulit, eoq; vexilli loco usus, atq; in eum vociferatus modum, quo Canuti milites mutæ adhortationis gratia acclamare consueverant, adversas in fugam turmas felix antesignanus avertit. Itaq; non tam signi, quàm animi virtute salutare suis aquiliferum gessit, nutantemq; Danorum fortunam ad victoriam usq; ne laberetur, erexit. Nec solum fortitudinem ipse plenissimam præbuit, sed etiam ex sociorum animis penè profugam revocavit. Cujus facti decus postmodum cognomine usurpavit, insuperq; virtutis titulo honore primipili à Rege donari meruit. Nec puduit Danorum partes splendidissimo aquilifero defectas, plebei hominis ductum ut obscurum specie, ita præclarum eventu recreatis animis salutis præmium
confectari. Igitur Edvardus contusis suorum animis, intolerabilem Danici exercitus spiritum animadvertens, quia manum non poterat, pactum cum hoste conseruit, ut quoad ipse viveret, Canutum dimidij Regni consortem haberet, extinctus omnium bonorum hæredem relinqueret. Ita victor à victo extudit, ut is sibi consortionem imperij vivens cederet, totum moriens testamento legaret. Eodem tempore Alvvinam ab Olavo adamatam, Canutus eximia matronæ specie delectatus, stupro petijt. Igitur Olavus si-
ve quia concubinæ facibus spoliatus, sive quia promissa Angliæ parte per Canutum fraudatus fuerat, privatam offensam publicæ militiæ prætulit, peractisq; stipendijs, ira pariter ac dolore instinctus Norvagian redijt, non incongruum ejus desertorem agere ratus, à quo plenâ turpitudinis injuriâ vexatus fuerat.

Septenis postmodum interjectis annis quidam triclinium, in quo Canutus epulabatur, ingressi, totius Angliæ Regem salutare ceperunt. A quibus
Rex

Rex sibi istum cum Edvardo foedus per involucrum exprobrari ratus, nihil ejus se pudere respondit. Sed neq; ab ira animum, neq; vultum à rubore continuit, profectas à scelere voces ludibrio propinquas existimans. Tunc illi funestum ministerium incauto confessionis officio profecuti, Edvardum suâ interemptum operâ jactitabant, eo se Regi placituros rati, quo summam ipsius offensam accenderant. In quos Rex perindè ac majestatis insidiatores, præparati præmij loco, suspendio protinus animadvertendum curavit, deterrimum opus deformi vindictæ specie puniens. Quanquam enim se acri æmulo liberatum cognosceret, scelere tamen pœnam, quàm utilitati gratiam referre maluit. Memorant alij Edvardum clandestino Canuti imperio occisum, ejusdemq; jussu pœnam à maleficis, gratiâ demendæ suspicionis exactam. Ut enim innocentia suæ fidem astrueret, sedq; ei culpæ affinem fuisse negaret, gravius in sceleratos consulendum putavit. Ea tamen res primum Regis apud domesticos favorem quassavit. Qui cum Anglorum rebus obtentis nectendam cum finitimis amicitiam decrevisset, Normanniæ præfecti Roberti filiam Immam matrimonio duxit, ejusq; fratri Rikardo sororem Estritham conjugio potiendam permisit. Igitur ex Imma Canuto Gunnildâq; susceptâ, duorum populorum concordiam communi sanguinis vinculo stabilivit.

- 20 Cæterum quo promptiusabilem expeditamq; clientelam contraheret, splendidis militiam tyrocinij auxit, amplissima fortibus stipendia proponendo; non tam numero quàm robore militum venerabilius imperij sui decus futurum existimans. Itaq; militaris alacritas, cujus maximè præmij honos alitur, certatim in ejus contubernium defluebat. Cujus munificentia gratia Vlvonem quendam è Sveria accersitum, dolis magis quàm viribus insignem, in militarem ordinem allici contigit. Cujus quoniam incidenter mentionem egi, ortum summam differam. Cujusdam patrisfamilias in agro Svecico filiam liberalis formæ cum ancillis lufum egressam, eximia granditatis ursus deturbatis comitibus complexus rapuit, exceptamq; unguibus præ
- 30 se leniter ferens, ad notam nemoris latebram deportavit. Cujus egregios artus novogenere cupiditatis aggressus, amplectendi magis quàm absumentum studium egit, petitamq; laniatui prædam in usum nefariæ libidinis vertit. Continua enim ex raptore amator effectus, famem concubitu solvit, ardoremq; gulæ Veneris satietate pensavit. Quoq; eam indulgentius aleret, crebris incursionibus vicinum acrius incessabat armentum, nec nisi lautioribus antè vesci solitam, sparsis sanguine dapibus assuefecit. Adeo enim captivæ species efferatam raptoris sævitiam fregit, ut quem sanguinis sui cupidum extimescebat, amoris avidum experiretur, pastumq; ab eo perciperet, cui se fore protinus alimoniam metuebat. Quò non penetrat, aut quid non exco-
- 40 gitat amor? cujus ductu etiam apud efferatam belluarum rabiem gulæ irritamentum libidinis imperio cedit. Tandem gregis possessor exhausti pecoris inopiâ provocatus, observatione adhibita circumventam canibus belluam cursu ac clamore vehementius urgere perstitit, fugacemq; sectatus, eò fortè loci, quo puella servabatur, accessit. Siquidem domicilium ejus invijs paludibus clausum, perplexa ramorum series continenti frondium umbraculo texerat. Ubi mox fera à retiarijs circumventa ac venabulis occupata confoditur. Ut ergo duplicis materia benigna artifex natura nuptiarum deformitatem seminis aptitudine coloraret, generationis monstrum usitato partu edidit, sylvestremq; sanguinem humani corporis lineamentis
- 50 excepit. Nato itaq; filio, paternum à necessarijs nomen imponitur. Qui tandem agnita suæ veritate propaginis, à patris intersectoribus funesta supplicia exegit. Cujus filius Thrugillus cognomine Språgeleg, nullo probitatis vestigio à paternæ virtutis imitatione defecit. A quo Vlvo genitus, originem ingenio declaravit, avitum animo sanguinem repræsentans.

• ANVTVS
MAGNVS.

Cæterum ut ad diverticulum, quo excessi, redeam, Olavum cum Haraldo fratre Danis atrociter imminuentem, Canutus classe ex Anglia petiit, ad socerum Gerithallavum, Orientalium ducem, exilio migrare compulit; recuperatâq; Norvagiâ rediens, Rikardum acerrimum uxoris osorem effectum patriâ exegit: sed & sororem Sialandiâ redditam regiarum partium functione donavit. Interea absumpto Sveonum Rege Olavo, succedit Omundus, à vitæ diuturnitate cognomen sortitus. Cujus fato Olavus Norvagiensis repetendæ patriæ fiduciam nactus, contractâ Sveonum ope, Norvagiâ summam audaci usurpatione corripuit, quod Canutum fraternæ opis cassum, ac celeberrima virium parte defectum adverteret. Idem ignarum juris populum, passimq; & agresti more viventem, legibus salubriter editis, ad melioris vitæ habitum perduxit. Quârum vetusta monimenta plebs Norica præsentī veneratione complectitur. Nec minus in Deum venerabilis, memorabili exemplo servatæ religionis inclauit. Nam cum primâ feriâ cultello fustem per incuriam secuisset, atq; ab his qui proxime constiterant, solutæ à se religionis fuisset admonitus, continuo dexteram suam, quod ejus ministerio lapsæ mentis errorem complecteretur, sparsas repente scindulas legit, factoque ex eis foculo, subjectam palmam cremandam præbuit, fortuitum culpæ modum, solido cruciatus genere puniens. Adeo scrupuloso cultu levia quoq; religionis momenta servavit, cujus detractæ tristē à seipso pœnam exigere cunctatus non est. Nam cum reos pœnas apud interos manere persuasum haberet, levi admodum cruciatu graviolem præcurrere statuit, manumq; ad præsentē pœnas perferendas patientiæ duramento firmare, quàm animam futurarum metu suspendere tutius duxit. Ita ne cæteri à divinitatis cultu avocarentur, ne sibi quidem ignoscendum putavit, & quod piè dissimulare licuit, suppliciter expiavit. Cumq; præsidio negligentiae errorem tueri posset, ne qua religioni fraus fieret, pœnitentiam magis repræsentare curavit, pœnamq; correctionis suæ fidem, quàm impunitatem delicti testem esse maluit. Ita prudentia ac devotione instructissimus, propior publicæ religioni quàm privato reatui fuit. Cujus facti circumspiciatissima sanctitate, æternam cognomine memoriam usurpavit. Ab eodem quoq; pauperibus protectio, pupillis tutela, sacerdotali ordini veneratio, detrimentorum violentiâ lacessitis subsidia præbebantur. Præterea ex gremio ejus, veluti quodam munificentiae fonte, complura alia virtutum spectacula manaverunt. Hæc hæcenus: quia publico cultu consecrata pietas privata laudis egenâ non est.

At Vlvo ob virtutis æmulationem gravibus in Canutum odijs efferatus, quia tutò inimicitias gerere nequibat, quò efficaciores insidias neceret, instrumentum doli simulatione officij texit. Svetis enim assidue Scaniam irruentibus, primus ad constringendos eos proficisci poposcit; impetratisq; petiti ministerij partibus, Estritham, quæcunque imperasset, exequi, literis signatorio annulo impressis juberi petivit. Quibus acceptis, continuo matrimonium ejus postulare aggressus, rei bellicæ mandatum ad nuptiarum preces transtulit, libidinosumq; quam strenuum legationis ministrum agere satius duxit. Quam rem Estritha arcano fratris imperio consentaneam rata, perseveranti repugnare passa non est. Ita versuti ducis animus impulsu capti odij instinctus, corrupto legationis officio, lingvæ volubilitate, quâ plurimum valuit, fratris ac sororis credulitatem nefarijs perfidiæ laqueis circumventam oppressit, bellumq; adversus Daniam professus, structis callidè dolis audacter evidentiam præbuit. Et ne Canutum in Dania ultorem opperiretur, declinandæ vindictæ gratia, in Svetiam sibi cum conjuge transeundum providit. Ubi invadendæ Daniæ propositum pertinacius animo volvens, Omundo, Olavoq; consilij participibus factis, alteri maritimis Sialandiam copijs, alteri Scaniam terrestribus impetendam proponit, ipse se classem è Svetia ducturum promittit. Cujus rei molitione detecta,

detecta, Haquinus quidam è villa Stangby, amantissimus Regis, arreptâ quàm celerrimè navigatione, Canuto cuncta ex se cognoscendi copiam tulit, eaq; humanitate, quantâ principis ac patriæ charitate teneretur, aperuit. Rex tantæ conspirationis nuncium exercitu subsecutus, ne rumoris autorem præmio vacuum præteriret, fidem nuncij quod & longam, & periculofam navigationem egerat, præmij loco duûm jugerum agri Scanici donatione pensavit.

Interea Olavus classe suâ apud insularum unam acquiescere jussâ, habili expeditoq; navigio Sialandiam petiit. Ubi accersitum concionis nomine populum ad deditionem quàm potuit desertissimo provocabat eloquio, modò universonum, modò singulorum compositis blanditiarum figmentis animos demulcendo, eam demùm tutiorem potentiam credens, quæ pace magis, quàm prælio constitisset. Igitur à majorum quodam astu benignissimæ responsionis exceptus, simulatum plebis favorem spe eximia complectebatur. Tandem inter varium plebis tyranniq; sermonem speculatorum unus ex maritimis superveniens, grandia terris vela propinquare narrabat. Igitur fluctuantem Olavum, senior Regis adventum opperens, interrito se animo gerere cohortatus, consuetam littoribus mercem advehî prædicabat, non aliam premendi inimici occasionem aptiorem futuram ratus, quàm si odium benevolentia specie suppressisset, spemq; ejus vano sermone protrahere potuisset. Secundò quoq; pari nuncio accepto, concionantis metum consimili affirmatione discussit. Tum demum Olavus assertionem ejus suspitione insecutus, emissum in litus speculatorem explorare jubet, Canutus ne esset, an negociatorum aliqui venientis exercitus speciem præbuisent. Quo reverso seq; frequens classe pelagus prospexisse perhibente, continuò senem mendacij damnans colloquium solvit. Ille nihilominus vera se omnia retulisse contendens, eos adventare dicebat, à quibus Daniam ferro comparare quis posset. Olavus vix fuga usus, pertinaci remigio sociam repetit classem. Sub inde Canutus portum classe complexus, victum labore remigem nocturna quiete firmavit. Ubi ab incolis Omundum terrestri agmine Scaniam, Vlvonem navali fluvium Helgam occupasse cognoscit. Ipse igitur Omundum excipit, classem ad opprimendos, qui adamnem appulerant, mittit. A quo cum navium duces Omundum apud Stangam montem insigni pugna obrutum, comperissent, ipsi quoq; consentaneam fortitudinis operam edere cupientes, ne Rege audacter agente ignavum gessisse militem viderentur, quò promptius in eam quam hostes occupaverant insulam trajicerent, aliam eidem vicinam ingressi, medium amnis spatium contabulatis molibus sternunt. Illic siquidem fluvius latius manantibus aquis, amnis modum excedens, ingentis stagni speciem præbet. Tum Vlvo suos, nè hostem cœpto deturbarent, admonitos, trajicientem telis eminus ac sagittis incessere jubet, futurum taliter inquiens, ut ipse sua sibi manu ultimam fati semitam strueret. Progresso vero longius opere veluti nostros transitu prohibiturus, in adversa ripa phalangem explicat. Quo viso Dani trajiciendi cupidiores effecti, frequentes oneravere pontem. Vbidum conferti, sed in quàm periculofum iter progredierentur ignari, bellum instanter appetunt, subito desidente congerie inter undas avidum pugna spiritum deposverunt. Si quem vero (ut in eo discrimine accidere solet) semel ad summum fluctus retulit, protinus alterius amplexibus implicatus, in profundum periturus abstrahatur. Ita dum mixti atq; alius alij cohærentes invicem opem exigunt, mutuò sibi exitum pepererunt, & quem salutis quis autorem petijt, infelicem fati comitem habuit. Neq; enim armorum pondere pressi, tutum natandi eventum assequi potuerunt. Ita Vlvo Danorum deceptor magis quam victor, aliena temeritate, quod proprijs viribus nequibat, obtinuit, certissimam hostium virtutem salubrius cunctatione pugna quam impetu proculcando. Cujus facinoris insecuturam metuens ultionem, quod sibi hinc classem obstare, inde Regem imminere,

CANUTVS
Magnus.

conspiceret, salutis obtinendæ consilium ut viribus difficile, ita arte promptissimum reperit. Fugam namq; diligentius animo circumspectans, cum unicum ejus diverticulum in classis desertione restare animadverteret, noctu majoribus navigijs relictis, in proximam ripam universum scaphis trajecit exercitum; sicq; clandestino secessu usus potitum latebris agmen abducit. Diluculo Dani sociæ cladis ultionem avidius sitientes, dum in hostium navigia iruunt, eadem propugnatore vacua reperiunt. Rex laculustrari jussu, mercorum corpora uncis aut everriculis capta, apud Asum contiguum amni oppidum supremis procuravit officijs. Olavum verò per Norvagiensium quosdam pecunia à se corruptos domestico bello opprimendum curavit. Ita egregii animi dux suorum avaritia laceffit, quos foris popugnatores habuit, domi percussores invenit. Cujus frater Haraldus consimilem gentis perfidiam veritus, adito Byzantio suspectam patriæ fidem longinquo declinavit exilio.

Igitur Canutus sex præpollentium regnorum possessor effectus, eximio sui fulgore etiam Romanum illustravit imperium. Enimvero ejus principi Henrico filiam Gunnildam nuptum tradidit, eundemq; paulò post Italica consternatione percussus auxilio profectus, pristinae fortunæ, pressâ rebellium conspiratione, restituit. Inde reversus Haraldum natu majorem Angliæ, Daniæ Canutum, Norvagiæ Svenonem, quem ex Alvina sustulerat, absq; ulla majestatis suæ diminutione præfecit. Nam etsi tres provincias totidem filiorum regimini tradidit, nihilominus commune sibi trium imperium reservavit, neq; summam penes alium consistere voluit. Præterea teneris adhuc ducibus, in officiorum tutelam fortissimorum præsidia sociavit. Post hæc Estritha filium Svenonem enixa, sobolis intercessu viro fratris gratiam conciliavit. Benevolentiam enim quam Canutus perfidis Vlvonis meritis denegavit, consanguineæ sibi prolis respectui tribuendam putavit. Quinetiam sororem Anglorum satrapæ Godevvino nuptijs junxit, gentem genti animis atq; affinitate conferere cupiens. Ex qua Haraldum, Biornonem, Tostonemq; ortos memoria proditum habemus. At Cæsar ex Gunnilda filium æquæ fortuna ac vocabulo Magnum suscepit: à quo illustrium Teutonicorum imagines, splendidaq; Germaniæ lumina successionis serie pullulasse produntur.

Eo temporis Guthscalcus Sclavicus eximiæ indolis adolescens, commilitium Regis stipendia meriturus accessit. Is à Pribignevo patre Christiani cultus amantissimo, deficientemq; à religione Sclaviam nequicquam revocare conante, præter nationis suæ morem, percipiendæ literarum disciplinæ gratiâ, doctoribus traditus, ut eum à Saxonibus potiendæ Sclaviæ cupidis interemptum cognovit, efferatum ingenium leni studio mitescere passus non est. Repentè enim armis scholam mutavit, & ne alienigeni ingenij exercitatione patrios ritus pigrius prosequeretur, literarum cultum in tyrocinium vertit, omissoq; doctrinæ studio, strenui vindicis quam ignavi discipuli partes agere maluit audacter quam industriè animo uti satius autumans. Itaq; naturæ magis quam præceptoris monitis obsecutus, parâ tandem multione, Canuti commilitium expetivit. Ita adolescentis mens in ipso doctrinæ limine sævitæ stimulis intercepta, studiosæ rationis elementis ingenuum sanguini suo rigorem expugnare non potuit.

Eodem tempore apud Daniam sacrorum antistites alijs alij successisse traduntur. Nam Gerbrando substituitur Avaco; Otthincarus Junior Ripensis. Pontifex creatur. Cæterum Canutus tria præmemorata regna circumjens, clientelam suam sex millium numerum explentem, sexaginta navigijs cultius apparatis, eorumq; quolibet centenos armatos capiente distinxit. Eandem ætate pro tuendo imperio excubantem, hyeme contuberniis discretam alere consuevit. Mensibus stipendia novabantur. A quo Vlvo tempore, quo rerum autor nobiscum immortalitatem suam partiri voluit, annuo feriarum circuitu repetito, apud Roskildiam convivialiter accersitus, postquam industriam remulencia vicerat, mersæ nuper militiæ cladem nocturnis laudum suarum cantibus celebrabat. A quo Rex suorum sibi pericula palam exprobrari

judicans,

judicans, vehementis iræ procursum adversum contumeliosum ejus carmen diltrinxit; indignum ratus eo convivâ uti, cujus ductu se fortissimis propugnatoribus spoliatum cognoverat. Igitur Vlvo inter ipsa mensæ sacra ab astantibus interfici jussus, præcipitis lingvæ justa supplicia pependit. Ita dum aliena fata parum sobriè meminit, sua cecinit; siccatosq; cupidè calices proprii sanguinis liquore complevit. Merito enim ex tam petulanti ingenio amaritudinem potius quàm voluptatem percipere debuit, quod gloriæ sibi loco arrogasset, ductu suo præcipuis Regis viribus uli nam incessisse jacturam. Quo peracto Canutus violatæ necessitudinis injuriâ, ac sororis viduitatem, duarum provinciarum attributione pensavit: quas eadem postmodum sacrosanctæ Trinitatis ædi, præcipuâ apud Roskildiam veneratione cultæ, decimarum nomine partiendas curavit.

Jamq; frequens ad Canutum miles defluerat, animis quàm impensis onerosior. Plerisq; enim amplior virium, quàm morum gravitas inerat; quidq; se splendidius bello gesserant, obscurius pacis decora intuebantur, adeò ut qui foris insignes extarent, domi ignobiles viderentur, vixq; eadem & honesta & acria ingenia reperiebantur. Igitur complures ad vim & rixam usq; in aula perniciosi esse consueverant. Quos cum Rex natione, lingvis, ingeniis quàm maximè dissidentes animadverteret, quippè variis ac perplexis invicem affectibus urgebantur; (nam petulantia alios, alios invidia, quosdam etiam ira vexabat) quò minus seditiosè se gererent, saluberrimum castrensis disciplinæ tenorem, quatantæ varietatis discordiarum rumperet, debitamq; militi maturitatem monstraret, exactissimis edidit institutis. Itaq; circumspicissimâ ejusdem deliberatio Oponis Sialandici, cæteros prudentia atq; auctoritate præstantis, monitis pervasa, ne externa fortè domestico crimine turbarentur, socialis odij tempestatem repressit, legesq; severissimè cavendo seditiosum militiæ spiritum veluti fraterna quadam charitate coercuit. Atq; ut audaciæ comitatem adjiceret, fortissimo militi speciosissimum moris habitum ingeneravit, clientelam suam effrenium ac litigiosorum convictu tanquam erubescendâ aliqua sentinâ vacuefacere cupiens. Ut ergo improborum frequentiam à curiæ valvis repelleret, statuit ut in capeffendo discubitu, ordine quo quisq; militaris muneris advocationem sortitus fuerat, uteretur, locoq; antecelleret, qui prior obsequio foret. Adeò militiæ vetustatem honorem mensæ rependi par duxerat, ne promiscuis sedendi locis confusa meritorum series videretur. Eum verò qui cœnâ initâ, aliqua mora interpellante tardior supervenisset, inter confidentes excipi oportebat. Qui si tam arcto se confessu junxissent, ut ob nimiam eorum frequentiam, qui supervenerat, sessû recipi nequiret, qui ejus loco insederat exurgens proximum occupabat, eousq; invicem se assurgendi officio venerantibus, donec laxato totius confessionis ordine, legitimum recipiendo spacium patuisset, mensaq; qui postremus residebat, abscederet. Si quis vero alieno discubitu uti per insolentiam perseverasset, qui eo spoliatus fuerat, proximè circumfidentibus injuriæ querelam detulit, hisdemq; testibus in concionem productis adversus reum actione contendit, effecitq; ut qui cedere jussus contumaciter super sedisset, contumeliosè stipendiis amoveretur. Ter tamen Regi tali culpa affectis necessitate pœnæ remittendi fas erat. Nec aliter quàm ut tot gradibus quis discubitu indignior fieret, quot vicibus sodalem dignæ sedis negatione sprevisset. Ita enim legis temperamentum inter severitatem ac mansuetudinem medium, rigori clementiam sociavit, ut nec pœnitentiam repelleret, nec impunitatem excessui daret. Quod si quartò se quis eodem reatus genere maculasset, discreto à milite loco, mensæ alienus fiebat, commilitonum nemini catinò aut calice communicabat. Neq; enim ter veniam experto ulterius ignoscendum putabat, quia sua jam noxa tœnam meruit, qui se ea toties affectit. Adeò contumaciam contemptu mulctari placuit. Valuit enim apud Regem spera militaris dignitatis indignatio; eumq; qui parem venerari nesciret, parumq;

CANATVS
Magnus.

delaturum esse existimatum est. Eodem pœnæ genere in minutos quosq; animadvertebatur excessus: ut, si quis alium convicio infecutus fuisset, aut potione per contumeliam resperisset.

Cæterum Rex maritimam sapius quàm terrestrem militiam agere consueverat. Igitur quoties equitatu opus erat, milites equis omnibus vacui pro asservandis equis alternis vicibus excubabant. Qui verò adaquandi tempore ita sodalis equo usus fuisset, ut ipsum continuè, nec modò suum, modò illius vicissim insidendo premeret, prædictum pœnæ modum explevit. Tanto enim studio Rex verecundiam à se servari voluit, ut etiam parvulo impudentiæ excessu devios, castigationis remedio coercendos putaret. Qui verò tribus fasciculis in stabulum coniectis, equo suo communis pabuli spicam, alieno stipulam admovisset, juxta priorem formulam militia, aut turpiter uti, aut deformiter excedere cogebatur. Ac ne quis socio flumen transequitanti, ita equo concurreret, ut ad ipsam turbulentior unda deflueret, pari industria cautum. Adeò scrupulosa curâ parvula quoq; societatis officia pensabantur. Ei vero qui stationi addictus, ita se somno onerasset, ut vestes aut arma dormienti detrahi possent, consimile vindictæ genus multæ nomine irrogabatur. Neq; enim Regio profuturus imperio putabatur, quem privatus torpor publico excubiarum officio submovisset. Verùm adversus graviora præfractior actio constituta fuerat. Si quis enim commilitonum suorum quempiam manu, ferro, vel fuste læsisset, aut si quicquam violenter ejus manibus extorsisset, comamve alieni capitis violasset, postremò si majestati insidias struxisset, abundeq; de facto, testium adstructione, constaret; tanquam capitalis criminis reus, clientelâ amorus, militari munere defungebatur. Is namq; qui graviter ab aliquo affectus fuerat, in primis Regem sellâ positiâ jus militi dicere postulabat; deindè reum, ut in concionem veniret, tertio citatorum ordine provocabat. Unum quemq; bini duntaxat commilitones explebant. A quibus, si reus in quæstionem publicam deducendus, rem familiarem possedisset, domi semel, bis in curiâ apud discubitus sui locum, præsens absensvè, postulari solebat. At si fundo careret, eo loci, ubi in aula accubare consueverat, terspensione provocandus fuerat. Concione initâ, qui provocaverant, syncerè se reum postulasse, nihilq; in eâ causæ dictione favoris, aut offensæ respectui indulgisse jurabant, simulq; & citatorum, & testium partibus inserviebant. Consequenter in reum principalis facti testimonium, à duobus denunciandum restabat, juramento præfari jussis, nec actoris amore, nec rei odio, quicquam se præter oculis aut auribus explorata dicturos. Nam in quæstione læsæ majestatis propensior auditui fides haberi consueverat, cæterum testimonium in oculis reponebatur. Præterea objecta defensionis præsidio repellere non licebat. Siquidem testium criminatio, neq; alieno patrocinio, neq; propria cujusquam repulsione subruì poterat. Tantum quippe autoritati ipsorum pondus inerat, ut assertionis eorum fidem elevare proxima sacrilegio demerita putaretur. Ita reus adversum testimonii fulmen, nec culpam nec innocentiam ullo argumento tueri potuit. Sed neq; ei, si sponsione provocatus fuisset, restipulatione uti licuit. Rationem testium districta judicium insequabatur autoritas, reum veluti evidenter noxium, nihilq; jam pro se recusantem, honore, opibus, patriâ, atq; omni demum militari functione damnantium. Hostibus ejus honos atq; impunitas adjudicabantur. Juxta in præsentem absentemq; sententiæ ferebantur. Sua nulli longinquitas præsidio esse poterat, quò minus & accusatio testibus, & damnatio sententijs instrueretur. Quarum utrâq; plenè partes suas exhibente, reo defensionis amplecti præsidium non licebat. Tum demum Rex cognitione susceptâ, an ea cæteris pronuntiatio placuisset, interrogat. Ipse enim auditoris tantum partem exequens, militiæ judicationis mandavit arbitrium, deforme ratus damnare viros, quos ipse fovisset. Quapropter in eos, quorum egregiâ operâ usus fuerat, asperè pronunciare veritus, quæstionem ad se delatam, ad curiæ cognitionem

nem relegavit, silentiumq; moderationis suæ fidem, quàm sententiam severi-
 tatis testem esse maluit. Cumq; demum exaudita militum responsione, toti-
 us concionis suffragia judicationi consentanea noscerentur, qui damnatus
 fuerat interrogari solebat, terreno an maritimo secessu fugam petere decre-
 visset. Ita Rex proscriptione suos quàm nece puniri maluit, delectumq; fugæ,
 ne violentiam repræsentaret, indulgit. Quod si reus mari se credere delegis-
 set, eò commilitonum frequentia prosequendus, dataq; nave, remigijs, com-
 meatu, vasculo egerendis aquis idoneo, tamdiu in littore opperendus fue-
 rat, donec remi, si eis navigatio gereretur, vel si velis, antennæ extra conspe-
 ctum abiissent. Tum deniq; qui profugerat, superiori ab omnibus sententia
 10 repetita, amarissimorum maledictorum verberibus laceratus, tristissimis to-
 rius militiæ suffragijs damnabatur. Qui si tempestate in litus relatus fuisset,
 continuo ut hostis habitus violatæ societatis pœnas pendeat, discrimenq; ca-
 pitis ejus funesto damnationis incursum cupide à commilitonibus expetebatur.
 Ita non periculosa minus, quàm ignominiosa fontium evitatio fuit. At si mi-
 litæ munere defunctus terra perfugere maluisset, ad nemus usq; pari militum
 curacomitandus erat, cunctis tamdiu in ejus abitu expectantibus, quousq; pro-
 cul ipsum abesse cognoscerent. Ac tunc demum magno cum totius militiæ
 fragore ter valide edendus clamor, cunctaq; strepitu miscenda fuerant, ne
 20 fugiturus ullo ad eos errore referri posset. Tunc demum districta, & jam in-
 exorabilis omnium severitas, cunctis solenni jure completis, ne de indemnato
 supplicium sumere videretur, supremam reo damnationem intendit, effe-
 citq; ut qui se à specioso militiæ convictu abruperat, turpiter vagam vitam
 proscripi exigeret. Ita militaris disciplinæ rei, judicialis ignominia gra-
 vitate in abjectissimorum conditionem relegabantur. Adeò enim Rex con-
 tumeliam fontium non sanguinem sitiebat, ut eos probroso castigationis ge-
 nere, quàm cruento punitiores putaret. Si quis autem ei postmodum com-
 militonum uno telo aut comite superior obvio pepercisset, ipsius se contume-
 liæ participem præbuit, cujus culpam vindicta prosequi formidavit. Tale noxi-
 30 is, quoties à curiæ moribus degeneratum fuerat, militiæ munere defungendi
 jus erat. Adeò quondam castrensis notæ dedecora judiciali repellebantur um-
 bone. Quod si reus ab actore testimonio superari nequiret, sex secum commi-
 litionibus in iusjurandum accitis, culpæ quæ obijciebatur, alienum se fuisse mon-
 strabat. At si commilitonum quis eum, quem militiæ consortem nescisset,
 injuriâ per ignorantiam affecisset, ad conciliandam errori suo fidem, prædi-
 ctum sodalium numerum in sacramenti societatem contrahere debuit. Cæ-
 terum solenni jure convictos, ac superiori modo damnatos felicitas deficie-
 bat, occupabat adversitas: eo quidem certius, quod trium regnorum Ponti-
 fices adversum talium transgressionum reos solenni execratione usos esse
 40 constabat. Ita disciplina ejus geminum amplexa columen, partim regio, par-
 tim religionis præsidio nitebatur, ut humanam sententiam divino crederes
 judicio comprobari. Cujus rigor discordias rupit, simulates finivit, seditio-
 nes extinxit, pacatioremq; Regi militem reddidit. Postmodum vero severi-
 tati ejus, si vè ob inertiam, si vè ob clementiam principum, pecuniariæ mul-
 ctæ temperamentum accessit. Quotamen, sola ligni percussio caruit, quòd
 eò canes quis abigere soleat. Adeò majorum verecundia summam in ictu
 probroso contumeliam reponebat. Contigit autem ut ipse Rex suâ primus
 lege caderet, jurisq; firmamentum, quod eatenus syncerum, atq; incolume
 steterat, parùm sobrius proprii militis occisione laxaret. Cumq; se legibus,
 50 quas ipse tulerat, evidenter noxium animadverteret, pœnitentiæ acerbitate
 correptus, vocatâ militum concione, regiâ sellâ descendit, inq; omnium con-
 spectu supplex humi demissus, milites commissi sceleris pœnas suo arbitrio
 exigere jussit, libenter se decretam ab eis pœnam suscepturum promittens.
 Cumq; factum majestatis nomine tueri posset, militari se animadversioni sub-
 stravit, humilitatemq; mansuetudinis suæ documentum, quàm vires elatio-

CANUTVS
Magnus.

nis indicium esse maluit. Illi concione lacrymantes egressi, deliberatione inicitâ, tristem de Rege sententiam ferre ut minus honestum, ita parum utile perviderunt; non ignari sine eo esse se vacuum spiritu corpus, prædam, quibus ante imperassent, futuros. Postremò, universum rei militaris statum, eo poenam subeunte, convelli, inq; unius omnes proscriptione damnari: lapsum ejus ruinam suam; damnationem, commune omnium periculum fatebantur. Igitur in tam ardua re sententiæ dubij, creditoq; sibi judicio æquo levius austeriusve uti veriti, proprio Regem arbitrio decrevère multandum, existimantes plus nutui majestatis, quàm privatorum sententijs deferendum. Emendabile enim credidère delictum, quod impetu magis 10 quàm industriâ nosceretur admissum. Igitur ex eo Judicem statuunt, poenamq; præstolanti impunitatis potentiam largiuntur. Et pulchrè quidem factam sibi judicandi potestatem ipsius arbitrio reddiderunt, nè difficillimum negotium temerè jacta pronuntiatione finirent, vel commiliton's ultionem placidè, vel Regis supplicium crudeliter expetentes. Ita salus Regis penè suo scelere eversa, temporis difficultati donata est. Ad hæc satis graves cum delicti poenas dedisse arbitrabantur, qui se in tanto fortunæ fastigio, tam suppliciter abjicere sustinisset. Tum demum venerabiliter exceptum, atq; ex ancipiti reo securi judicis partibus inservire jussum, sella restituerunt. Rex culpam ære redimi debere constituit. Cumq; aliàs homici- 20 diorum crimen quadragenis nummi talentis expiari solere, ipse sibi recentia sexaginta multæ nomine numeranda descripsit. Huic summæ novem talenta auri doni nomine adjecit, eandemq; multæ speciem consimilis culpæ reis, lege perenniter irrogavit. Totius v. ro pecuniæ partem Regi primam, alteram militibus, tertiam interfecto sanguine conjunctis adjudicavit. Cumq; ipse in præsentiarum tam Regis quàm rei partes ex qui debuisset, ascriptam sibi portionem sacrorum præsidibus egenisq; divisit, Deum perindè ac communem omnium principem pio munere propitiandum existimans. Egit humanum judicem, reum liberalem, veniæ genus, absolutionis spem, debito emendationis ordine complectendo. Cæterum eo vivente 30 militaris mos æquè violatore atq; expiatore caruit. Igitur dum sic seditionis occurritur, mens militum à litigij, aberat. In exequenda enim ultione non sanguinis, non necessitudinis vinculo parcebatur, quò minus damnationis partes legitimo rigore procederent. Nunc verò solutis hebetatisq; pristinae militiae nervis, graviora inter commilitones quam externos dedecora pariuntur, cum & omnis adversum improbos actio fileat, & qui culpæ punitor esse debuerat, patronus existat, nec sit qui dissolutos militiae mores præfractius rigidiusq; constringat. Hanc itaq; militaris disciplinae consuetudinem diuturnâ usurpatione firmatam, nostri temporis principes abrogare minime erubescendum duxerunt. Ubi enim domestica quies seditionum 40 fluctibus agitur, prisca consuetudinis forma convellitur. Quippe adversum effrenes, concitatiq; ingenij tyrones, severitate potius, quàm nimio favore, ac profusa indulgentiâ utendum est. In quem modum Canuti industria pro administrandis militaris disciplinae negocijs, sincere ac valenter excubuisse cognoscitur. Præterea militi Regem, vel Regi militem, non nisi pridie Calend. Januarias abdicandi fas erat. Ejusdem quoq; postmodum observantiæ gravitas ab aula Regum, in aliquantò obscurioris familiae convictum prorepsit, diuq; superioris disciplinae etiam apud supparis conditionis viros imitatio valuit.

Interea Svenonem tutelæ tunc Norvagiæ vacantem casus absumpsit, 50 moxq; ad patrem provincialis ministerij summa concessit. Ut autem Canutus à Richardo, quod sororis suæ repudium egisset, atq; adversus uxorem severius æquo maritali supercilio usus fuisset, tanquam à conjugalia sacra, contumeliose tractante poenas sumpturus, ac tori genialis injuriam repulsus,

rus, in Normaniam magnâ classe trajecit. Ubi cum paulò post triste quoq; de Haraldi fato nuncium accepisset, propior publicæ expeditioni quam privato affectui, agmen eâdem, qua prius, celeritate promovit, neq; animo aut officio, quò minus cœpto insisteret, remissior fuit: sed neque oculos ad singularem luctum à generalis militiæ contemplatione deflexit. Adeò rerum ac temporis statum inter fortem patrem ac strenuum ducem egregia animi moderatione divisit, nec minus in toleranda filij morte, quàm in hostium appetendâ, perspicui roboris spectaculum præbuit. Cujus impetum Richardus Siciliam petens, fugâ præcurrere maturavit.

- 10 Interea Canutus ob gravis militiæ labores adversâ valetudine pressus, cum se corporis firmitate defectum, ac mox spiritu cariturum animadvertet, convocatos proceres, non nisi bello confecto, domos reverti iussit, haud dubie victoria potituros, si funebri ejus lecto humeros in acie subjecissent, atque inter primos præliantium globos ducis nomine corpus suum exanime pertulissent, idq; fugato hoste, quò clarius cinerum suorum monumentum extaret, apud Rothomagum, promissâ indigenis libertate, sepulturæ mandarent: faciliè usuros conditione Gallos, si illic hostem finibus suis excessurum cognoscerent, parvoq; impendio grandi patriam metu liberare quivissent. O immensam perituri Regis industriam, quæ suis in ultimis rerum angustias devolutis, disciplina quàm spiritu vividior affuit. Enimvero supersticum salus decedentis ingenio stetit. Nam corpus ejus funebri lecto à militibus in acie perlatum, ad Danorum usq; victoriam veluti viva, adhortatione profecit, ut non minus extincti, quàm superstitis fortunæ pondus inesse credentes. Cui mox sepulturam, discessuros se pacti, à Rothomagensibus expetiverunt. Rapuere conditionem hostes, cineribusq; ejus in urbe sua acquiescendi locum dederunt. Ita milites suscepti monitus ratione, pugnam, pactiōem, sepulturam atque exequias profecuti, fato functum humeris suis Regem in acie pertulerunt, victoresq; funerato eo, sumptis tantum com meatibus, ad propria reditum habuerunt. Hunc Canutus exitum habuit, quo nemo nostrorum Regum, tametsi plura alij victorijs illustraverint, splendidior fuit. Adeò enim operum ejus magnitudinem propitiæ famæ fides auxerat, ut quos rerum gestarum gloria pares habuerat, amplitudine claritatis excellat. Cumq; aliorum splendorem ignorantia obscuritas, ac vetustatis rubigo perederit, hujus decus longa famæ usurpatione subnixum, perpetuis memoriæ fructibus revirescit. Siquidem sanctitate ac fortitudine instructissimus, non minus religionem, quam regnum proferre curæ habuit. Quippe cum bellicis latè titulis inclaruisset, placidiore studio usus, ex fisco suo compluribus in locis privatorum Clericorum convictu instituto, cellularum frequentiam novis conventiculis auxit, sacrorumq; venerationem, quam maximam semper exhibuerat, regiarum opum impendio stipendijs multiplicavit. Monachalem quoque ordinem uberiolem reliquit, ne ferociæ propior quàm pietatis officijs videretur, æquam sibi utriusque laudem adjicere cupiens. Cujus studij industriâ ad tantum claritatis lumen accessit, ut cum fortissimorum Regum bellica virtus antiquitate exoleverit, ejus famam gloriæ quæstu opulentissimam tenacissima posteritatis agnitio comprehenderit.
- 30
- 40

- 50 Interea Sveno Estrithæ filius expectato apud Angliam Canuto, quò plenius incolis ausum defectionis excuteret, militiam præsidij sparsit, ne libera munimentorum occupatione suspectas Anglorum vires armaret. Ut autem Norvagiensibus mortis Canuti nuncius adfuit, continuo pudore externi or sequi Danicum detrectantes imperium, ad Olavi filium Magnum, cui bonitas sua cognomini erat, deficiunt, eiq; regnum imponunt. Quippe spectata patris sanctitas popularium ei favorem conciliaverat. Neque enim parenti gratiam impendisse contenti, in filium quoq; favorem extenderant.

Interea

CANUTUS II.
Magnus.

Interea Canutus haud levius Norvagicæ perfidiæ quam paterni fati rumore perculsus, vereri cœpit, ne si finitimorum bello intenderet, ex dilatione rerum Anglia per absentiam careret, ideoq; minoris regni defectionem tolerare, quam majori consimilis ausus locum tribuere, consultius duxit, leviori malo solam gravioris formidinem præponderare judicans. Itaque, dissimulatâ injuriarum offensâ conditione defectorem aggreditur, jurejurando pactus, ejus, qui prior decederet, superstiti Regnum esse cessurum, ne priscam regnandi consuetudinem nova regnorum partitio laceraret, rerumq; quondam junctarum dividuam efficeret summam. Adeo enim Daniam Norvagianq; unius esse regiminis affectabat, ut alteram alteri subjici, 10 quam utramq; separatim Regnum gerere præoptaret, patriæq; externos imperitare, quam patriam sine exteris imperium gerere mallet. Quæ nimirum conditio eò stoliditati propior, quò fortunæ subjectior, alterutri aut splendidum imperium, aut sordidam paritura fuerat servitutem. In hanc pacti fidem utraque pars sacramento convenit. Deinde Angliam profectus, cum cuncta Svenonis industriâ pace plenissima comperisset, Edvardum fratrem, quem ejusdem nominis pater ex Immæ matrimonio sustulit, in Regni societatem adsciscit, non quod fraterno illum affectu coleret, sed ut ejus ambitionem munificentia ac liberalitate præcurreret, regniq; parte potiturum, totum cupere prohiberet. Itaq; non tam veneratione charum, quam 20 popularium ambitione, paterniq; generis autoritate suspectum, consortem imperij facit. Verum Edvardo humilior origine animus fuit, siquidem, obtusi admodum cordis obscuriorem indolis experientiam præbuit. Canutus cum biennio regnasset, defungitur. Cujus Sveno propinquitate filius, relictis apud Angliam præsidijs, Daniam navigatione contendit, retinendæ insulæ spem non solum in Godovini filijs, quibus sanguine admodum junctus fuerat, reponens, sed etiam ex ipsa consortis sui stoliditate desidiaq; præsumens. Quod audiens Magnus, Daniam perinde ac sibi mutuae pactio- nis lege debitam, ipsiusq; Canuti testamento legatam, æquis popularium animis occupat, Svenoniq; cognationis rationem edenti, pristinam fœde- 30 ris conditionem opponit. Nec dubitavit alienissimum sanguini suo regnum legatititulo postulare. Sed & Dani pacti, cui se sacramento obligaverant, ratione permoti, constantius religionis quàm familiaritatis fidem præstandam putabant: ideoq; facta competitorum æstimatione, alienum domestico prætulerunt, curiosius fœderis pignus quàm debitam regno profapiam, intuentes, fideiq; suæ quam patriæ respectui propiores. Igitur alienigenæ partes religioso favore complexi, præteritam Canuti familiam Regum suorum sanguinem repulsæ deformitate confundere, quàm jurisiurandi vinculum perumpere maluerunt: suffragiorum jura non adulationis, sed fidei intuitu ponderantes, seq; plus religioni quam regno debere confessi. Adeo 40 promissionem suam sequestram perjuri fieri noluerunt. Quanti igitur roboris fuisse tunc inter cives justitiam credimus, cum inter diversæ nationis viros tantum virium possedisse cernamus? Et utinam adultæ jam religioni ea apud nostros vis autoritasq; constaret, quam inter antiquos tenera atq; enervis habuerat. Contrà Sveno subjectam stoliditati conditionem reputans, temerarium consobrini pactum nequicquam rescindere cupiebat, perquam stultum argumentando, quibus antè imperitassent, obsequi, inq; unius juramenti imprudentia communem deponere libertatem, atq; ex surgenti imperio repente in humilissimam concedere servitutem. Sed religiosa popularium sententia superabat, quorum arbitrio pacti, non sanguinis, ha- 50 bitus æstimabatur. Verùm ut Magni votis Danica fides respondit, ita Svenonis credulitatem Anglica perfidia circumventam oppressit. Nam post ejus ab Anglia profectionem, Godovini filius Haraldus spe imbroba totius Angliæ regnum complexus, participato cum incolis consilio, Danicum, ut erat

erat per præsidia distributus, exercitum compluribus separatim vicis, uno eodemq; tempore, magnifico conviviorum apparatu per obsequij simulationem excipi jussit, meroq; ac somno sopitum noctu per insidias trucidandum curavit. Ea nox parvulo temporis momento verustam Danorum dominationem, diuq; majorum virtute elaboratum finivit imperium. Sed neque id postera nostris fortuna restituit. Ita Anglia dominandi jus ignaviâ perditum scelere recuperavit. Igitur Haraldus Danicæ oppressionis, simulq; domesticæ libertatis auctor Edvardo summam, facta non animi ejus, sed sanguinis æstimatione, permittit, quatenus ille nominis, ipse rerum usurpatione regnaret, & quô nobilitate pervenire non posset, potentia vallatus assurgeret. Edvardus verò sola generis auctoritate, non prudentiæ ratione munitus, vano majestatis obtentu pravorum ingenia, majorumq; petulantiam nutriebat, titulo Rex patriæ, conditione miserabilis procerum verna, contentus quòd alij fructum, ipse umbram tantum ac speciem occupasset. Ità Anglorum inter se summam, nomen atq; potentiam diviserunt, tituliq; jus ac rerum dominium veluti diversis ab invicem gradibus differebant. Sed nec Haraldus alienum specie Regnum gessisse contentus, propriam claritatis imaginem affectabat. Igitur Edvardo ipsum quoq; nuncupationis decus invidit, omniaq; Regni insignia in se ipsum transferre conatus, cupiditati aditum scelere petivit, occisoq; Rege, tituli, qui solus sibi deesse videbatur, gloriam occupavit.

Interea Sveno tametsi rarâ fautorum ope subnixus, belli cum Magno fortunam experiri decrevit, cumq; paucis & incompositis adversus multitudinem manum conferere cunctatus non est. Igitur in Jutiâ, prius maritimâ, deinde equestri pugnâ, sinistris congressus auspicijs, utraq; victus concessit in Fioniam; nec armis major quàm agmine fuit. Cumq; se omni auxilio desertum, nec hostium tantum, sed etiam suorum contemptu perfusum videret, Sialandiam, Scaniamq; prætergressus, Sveriam maternæ necessitudinis fiduciâ petere cogitabat. Quem Magno terra mariq; pertinacius insequente, in Jutiam se repente Sclavicus effudit exercitus. Quorum irruptio dubium victori effecit, fugacem ne hostem pellere, an imminentem excipere debuisset. Quidam enim gentis illius nobilissimus, duodecim filiis maritimis prædonibus apud Daniâ spoliatus, Jutorum fines ferro orbitatem ulturus invasit. Quamobrem Magnus perseverantissimis popularium precibus committendi prælij autorem agere postulatus, omisso æmulo, à domestico hoste in externum arma convertit, & quasi privatae affectionis oblitus publicam induit, ne suas quam Regni partes curiosius egisse videretur. Nec dubitavit alienigeni sanguinis dux, summâ adhuc fluctuante, in seipsum dubiæ potestatis transferre periculum. Nocte verò, quam belli dies

40 infecutus est, quietem ejus certæ prædictionis species adumbravit. Quippe somnum capienti imago cujusdam obversata prædixit, hoste eum superiorem futurum, inq; aquilæ nece victoriæ fidem auspiciâq; sumpturum. Expergefactus Rex visionis ordinem die postera, magnâ cum omnium admiratione, vulgavit. Sed & somnio omen consentaneum fuit. Progresso namq; exercitu aquilam, quæ in quiete demonstrata fuerat, comminus considere conspectam, pernici equo advolans hasta petivit, fugamq; alitis veloci jaculo præcucurrit. Itaq; novitate rei ad spem victoriæ spectatores erexit. Arripuit igitur omē exercitus, atq; fortuito aquilæ occasu certissimâ hostium ruinam

50 interpretatus est. Cuncti quippe eventum somnio congruisse cernentes, perinde atque securi rerum in fortunam suam acceptæ rei prælagium referunt, & quasi indubitata vincendi sortem, pari mentium alacritate præsumunt. Quos eò audaciæ ipsa auspicij religio provehebat, ut jam sibi victoriam ante oculos præponentes, absque respectu periculorum certatim in prælium profilirent. Quibus primam pugnandi occasionem corripientibus, eodem-

que

MAGNVS què eventu quo omine dimicantibus, cæduntur funditus Scavi. Victor
 3. *Olvi filius* **Magnus felici** pugna popularibus percharus evasit, eorumq; propensiore
 subsidio roboratus, ad prosequendum regni æmulum redit, eò quidem in-
 stantius, quòd rerum successus quò plus sibi gratiæ peperit, hoc magis Svenon-
 nis favorem absumpsit; aversoq; vulgi animo magnopere residuum ejus de-
 bilitavit auxilium: nec solum contrahendarum virium spem sustulit, sed etiam
 contractas excussit. Quinetiam Guthscalcus Slavicus inter cæteros, qui in-
 feli cis ejus militiæ stipendia deseruerant, diu se sub alienis auspicijs rem infe-
 liciter gessisse considerans, cum domino nihil spei relictum animadverteret,
 militem exuens, defectorem agere non erubuit, suamq; experiri fortunam, 10
 quàm alienam sequi tutius duxit, ut cum Regem meliora speraturum diffide-
 rer, paternæ saltem neci ultionem non negaret. Consilio respondit eventus;
 Siquidem gestis variè bellis Sclaviam suæ ditionis effecit, utq; externis rebus
 infractus, ita domesticis invictus apparuit. Nec quæsitæ dominationis felici-
 tate contentus, Saxoniam postmodum parentis necem ultus obtrivit, parvæ
 gloriæ regnum, aut divitias reputans, si non ultionem opibus adiecisset. Adeò
 autem Magnus ob vindictam finium suis charus haberi captus est, ut omnium
 consensu Boni cognomine censeretur; quodque aliorum moribus tribui as-
 solet, fortunæ laudibus impetraret. Sveno vero desperatis jam rebus in Sca-
 niam, ut diximus, profectus, Svetiam (nam maternum inde genus traxerat) 20
 revisere proponebat. Quem Magnus concitato animi impetu subsecutus,
 cum oppidum Aléxstadiam præteriret, deturbato per occursum leporis equo,
 trunco, cujus præacuti fortè stipites eminebant, adactus extingvitur. Corpus
 ejus Norvagian relatum Thronдеми in regionum monumentorum area se-
 pulturam possedit. Ita Svenoni angustissimis fortunæ casibus implicato,
 omniq; mortalium ope defecto, præsidium supernæ pietatis affulsit, regnumq;
 quò illum fortunæ iniquitas spoliavit, ejusdem beneficium reddidit.

HISTORIÆ DANICÆ LIBRI DECIMI FINIS.

30

SAXONIS GRAMMATICI HISTORIÆ DANICÆ LIBER UNDECIMUS.

LXIV.
 SVENO
Estrithæ filius



Ost hæc Daniæ status varijs rerum casibus fluctuatus est. Quip-
 pe Sveno summam successu magis quàm viribus capit. Sed neq;
 ad restituendam Danici nominis fortunam quicquam ejus su-
 sceptione profecit. Nam adeò nec favore felix, nec imperio ef-
 ficax fuit, ut subditorum animos veteris offensæ acerbicatem 40
 redolentes, ad syncerum sui cultum adduceret, aut ira abstra-
 ctos ad placidiorem mentis habitum inclinaret. Tanta siquidem mole in Da-
 norum præcordijs prioris odij reliquiæ confederunt, ut privatos motus Rei
 publicæ usibus anteferrent, honoremq; patriæ suæ deperire socordiâ, quàm
 suscepti ducis auspicijs restitui præoptarent. Neq; enim facilè propagata odi-
 orum sementis stirpitis interit: quippè ut gratiæ in odium deflexus facilis, ita
 odij ad gratiam difficilis esse transitus consuevit, raroq; animus, quem semel
 graviter fastidivit, synceræ fidei stipendijs excolit, aut cum quo vehementes
 primum inimicitias gessit, affectuosè postmodum in gratiam redit. Cujus
 impotentiae vis à simultatis ardore profecta, arcanisq; æmulationis flammis 50
 alita, non solum gerendarum præclarè rerum spem sustulit, sed etiam magni-
 ficè gestarum gloriam corripuit. Verum ea res, ut novæ majestatis contem-
 ptum ita prioris fideliter cultæ indicium edidit, simulq; regentis injuriæ cri-
 men & pristinae fidei perfectionem exhibuit.

Prin-

Principio regni Svenonis, Roskildensium sacrorum antistes Avachus^{SVENUS} moritur. Sufficitur Wilhelmus, quo Canutus Major & scribâ & sacerdos^{Estritha filius} usus fuerat, genere quidem Anglus, sed omnium virtutum partibus ac numeris abundè instructus, idemq; pontificalium sacrorum aprimè peritus. Ad cuius usq; tempora Scaniæ genti religionis privilegio Roskildensis præsidebat autoritas. Ab eo viro dividuum esse sacerdotium cœpit. Cujus Scania veluti alteram partem adepta, protinus inter conjuncta admodum oppida novam muneris potentiam partita est. Nam Lundia Dalbyaq; protinus susceptum inter se sacrorum divisere primatum, geminaq; ejusdem dignitatis usurpatione certarunt. Nam alteri Henricus, Eginus alteri sacerdos accessit. Verùm Henrico ob immoderatum potionis usum absumpto, pontificatus ejus universum jus, omniaq; honoris insignia ad Eginum Lundensium præsullem concesserunt, ac veluti in unum corpus utraq; sacerdotij summa confluit, quanquam meritò in ebriosi antistitis fato sobrius civium honos expirare non debuit. Sed in gregis perniciem sordida pastoris intemperantia redundavit, innoxiaq; civitas poti Pontificis temulentiam deponendi sacerdotij causam habuit. Ita alterum inimica bibendi cupiditas abstulit, alterum salutaris continentiae disciplina provexit. Indignum populari, nedùm Pontifice excessum, cuius plenam ignominiae sortem omnis avi derisus pleno cavillationis ludibrio prosequitur. Ita bibulus præsul candorem sacerdotij turpissimæ gulæ maculis obsoletum, quem vivendo corruperat, moriendo consumpsit, humaniq; calicis cupido hauustu divini usum amittere meruit. Cumq; ordini gloriam deberet, notam intulit, pro virtutis conciliatore probri auctor effectus. Nec immeritò, qui alijs continentiae & frugalitatis specimen exhibere debuerat, tam indecenti fato violatae sobrietatis poenas pendebat. Hujus memoria Danicis annalibus non parvæ est verecundiae, quoniam perridicula morte consumptus, privatum opprobrium publico rubore perfudit.

Hoc loci splendida Haraldi memoria tempestivam sui exhibet mentionem. Qui quum fratre cassus, salutem suam intrâ patriam tueri non posset, fugam Byzantio credidit. A cuius Rege homicidij crimine damnatus, domestico draconi lacerandus objectari præcipitur. Nihil enim ejus morsu ad necandos reos valentius ducebatur. Cui in carcerem eunti ingenuæ fidei servus ultro sese damnationis comitem obtulit. Exiit vernam, ut socium ageret, mortemq; excipere, quàm domino deesse maluit. Utrumq; is, qui custodiæ præerat, curiosius observatum, per os antri inermem excussumq; demisit. itaq; nudato ministro, Haraldum verecundiæ gratiâ linteo tantùm discinctum excepit. A quo clam armillâ donatus, pisciculis pavementum instravit, ut haberet draco, in quo primæ famis procursum effunderet, reorumq; carceralibus tenebris obfusi oculi vel parvulam perspiciendi copiam ipso squamarum nitore capefferent. Tunc Haraldus lecta cadaverum ossa angustijs telæ confortioris implicuit, hisdemq; in unum globum coactis veluti clavam effecit. Cumq; allapsus draco in objectam perquam avidè prædam irrueret, dorsum ejus veloci saltu conscendens, cultellum tonsorium, quem secum fortè reatum attulerat, umbilico, qui solus ferro patebat, immerisit. Sectionem enim rigidissimis squamis obfusus serpens cateriâ corporis parte spernebat. Hunc cultellum Waldemar Rex res gestas cognoscendi ac referendi cupidissimus, rubigine exesum, vixq; secandi sufficientem ministerio, familiaribus sæpè monstrabat. Sed neq; Haraldus obsessionis eminentiam ingenti belluæ ore corripere, dentiumve acumine noceri, aut caudæ voluminibus elidi poterat. Minister verò compacto gestamine usus, converberatum belluæ caput ad sanguinem & necem usq; crebris ictuum ponderibus contundebat. Quo cognito Rex ultione in admirationem versa, fortitudini supplicium remisit, salutemq; animositati tribuendam putavit. Nec pœ-

SVENO
Estrithasflum

nam remisisse contentus, addidit charitatem. Navigio enim stipendioq; donatos abire permisit. Cumq; crimini supplicium deberet, fortitudini pepercit, virtutemq; colere, quàm culpam punire maluit.

Reversus Haraldus Norvagian occupat, eaq; potitus, arma in Daniam transfert. Igitur Svenno, contractis Jutis, cupidius quàm consideratius apud Dyursam fluvium totam Norvagiensium manum aggressus, ut classe, ita bello quoq; inferior fuit, copiarum numero respondente fortuna. Siquidem tam infelicitè, quam temerè dimicavit. Maxima Jutorum pars ferri metu flumen insiluit, præreptoq; hostis officio, suâ vi quàm alienâ consumi tutius duxit. Itaq; quod ab hoste timebat, sibi ipsa conscivit, inq; gemino fati delectu undâ, quàm armis perire maluit. Igitur dum alterum mortis genus timidè declinavit, alterum cupidè comprehendit; dumq; adversarium refugit, hostilem in se ipsa crudelitatem exercuit, tanquam spiritum placidius aquis quàm aëri redditura, ac violentiorem exitum ferro, quàm fluctibus expertura. Ita nescias viriliter mortem, an effœminatè petiverint, incertumq; utrum fati cupidis ignavia, an virtus incefferit, quoniam tam vehemens animi æstus fortes ne an timidi spiritus sui raptores extiterint, ambigua existimationis esse fecit. Brevi post dux victi agminis Svenno Scania, Sialandiaq;, ac præterea quarundam insularum viribus recreatus, Nissam fluvium classe corripit, eademq; supervenienti Haraldo obviam in altum procedit. Cumq; Dani paucitatem suam hostilis frequentia comparatione pensassent, raritati consertione succurrendum rati, digesta in ordinem navigia tenaculis sociare cœperunt, quatenus continenti nexu cohærens classis expeditius opi invicem ferenda iter sterneret, cunctisq; hac necessitate duratis, tam fugæ quàm victoriæ indissolubilis communio foret, nec cuiquam à tanta collegij firmitate dilabendi fas esset: adeò imbecillitatem necessitate roborandam duxerunt.

Hic nobis, Aslace, Skyalmonis Candidi remex, ob immensam bellicæ virtutis gloriam literarum præconijs inculcandus occurris. Danis siquidem adversum Norvagienses maritimo certamine decernentibus, non contentus clarissimam pugnam intra proprium edidisse navigium, omnibus corporis tui munimentis præter scutum abjectis, confertissimam hostium ratem insiluisti quercusq; quam in gubernaculi prius colligamentum excideras, viribus fretus hostium corpora converberasti, ejusq; crebris & vegetis ictibus, quicquid obvium fuerat, obtrivisti, ingentiq; verberum fragore stupentes præliantium animos à proprijs periculis ad tuæ virtutis spectaculum deflexisti. Quinetiam fortissimos utriusq; agminis bellatores, operis tui admiratione suscepti certaminis immemores reddidisti, pugnaq; ac periculorum oblitis avidius te intuendi, quam seipsos tuendi studium incussisti, ita ut promptissimi quique neglecto discriminis sui negotio, plus te viso stuporis, quam ex dubia salute formidinis caperent. Itaq; fortius fuste, quàm cæteri ferro, rem gestisti, cunctaq; intolerabili modo comminuens, hinc Danicis, inde Norvagicis oculis incredibilem, nisi spectareris, operam edidisti. Adeò autem sociorum paucitatem hostium multitudini coæquasti, ut disparem viribus pugnam in noctem usq; par belli successus extraheret, numeroq; dissimiles copias fortuna persimiles reddidisti. Postremò quum omnem navis remigem partim fuste, partim fluctibus obruisses, compluribus sed levibus plagis perstrictus, ex tot hostibus admirabilem solus victoriam retulisti. Quæ res veri fidem excederet, si non Absolon auctor suis eam relatibus tradidisset. Verum Danis nullam virium accessionem circumspicientibus, Norvagiensibus insperatus domestici ducis adventus affulsit. Quoviso, Scanienfes contritus debilitatisq; animis, noctu, nè res strepitu proderetur, classis societatem solvère, rescissisq; vinculis, ac perruptâ nexuum consertione, à cætero agmine intempesta se nocte subducunt. Deinde tacitis remorum ictibus fugam adepti, furtivo discessu fluminis diverticula, quibus excefferant, repetebant, ibiq; relictis navibus passim per avia profugere, meritò omnis

Danicæ

Danicæ ætatis convicio lacerandi. Cujus fugæ deformitas auctoribus quam maxime erubescenda, ad posteros quoq; probrosa descendit. Luce reddita Sveño fugitivæ admodum classis pudore percussus, pertinacissimâ resistendi virtute fortunam suam armis, quàm fugæ credere maluit. Igitur quanquam & classis, & militum numero inferiorem se cerneret, exiguas bello reliquias applicat, virtute sua sociale probrum abluere cupiens, bellaq; animorum quam numeri robore fortius geri judicans. Sed pestiferum temerè iniçi certaminis exitum expertus est; quippe numero victoria paruit. Skyalmo Can-
 10 strictus, immensaq; hostium multitudine conclusus, capitur, non quod timide præliatus, sed quia labente sanguine viribus prorsus vacuus extitit, tantumq; ejus apud victores amplitudini donatum est, ut aliàs captivis parcere insoliti, saluti ipsius custodiæ præsidium adhiberent. Quippe tam conspicuæ dignitatis virum ferro aggredi passi non sunt. Neq; enim præsens illi fortuna præteritæ venerationem adimere valuit. Sed hanc custodiæ vim apud Caprinum lacum profunda nocte decepit. Cæterum Haraldus non contentus Danorum vires duabus exhaustisse victorijs, iisdem hostili studio frequentius imminabat. Cujus quàm Svenò instanter motibus urgeretur, lacessitæ patriæ defensionem majore fiducia, quàm fortuna parabat. Tertiò tamen, binâ prius
 20 clade afflictus, fortunam suam publicis armis committere verebatur, qui jam rem Danicam duarum pugnarum temerarijs ingressibus à se contractam videbat.

Interea minores Godovini filij, regni æmulatione, majorem perosi, voluntario secessu invisam ejus dominationem vitarunt, ultroq; exilij tenebras ferre, quàm fraternæ intra patriam fortunæ splendorem conspicerе maluerunt. Ad ultimum Haraldum Norvagiæ Regem obsequij promissione conveniunt, suam patriæq; subjectionem polliciti, si summâ per eum potiri quivissent. Rapuit oblationem exulum avida dominationis ambitio, Angliæq; litoribus Norvagica classis advehitur. Eodem fortè tempore Normanorum
 30 dux pari impetu diversum insulæ latus aggreditur. Cujus Rex Haraldus inter geminas hostium partes anceps quam priorem exciperet, aliquandiu liberum utriq; præcursum reliquit. Quam ipsius cunctationem Norvagienses timori consentaneam rati, neglectis corporum munimentis, perinde ac securi periculis validius prædæ incubuerunt. Sed dum incautius ruunt sparsi palantesq; ab Anglis nullo negotio trucidati sunt. Ea res victoribus maxima quæq; audendi fiduciam ministravit. Sed mox temerè crescente audacia Normanos adorti, infelici pugna recentis victoriæ titulum perdiderunt. Neq; ullum victi Regis vestigium extitisset, nisi postmodum ab agrestibus obscuro solitudinis loco repertus proderetur. Cujus filij duo confestim in Daniam
 40 cum sorore migrarunt. Quos Svenò paterni eorum meriti oblitus, consanguineæ pietatis more excepit, puellamq; Rutenorum Regi Waldemaro, qui & ipse Iarizlavus à suis est appellatus, nuptum dedit. Eidem postmodum nostri temporis dux ut sanguinis, ita & nominis hæres ex filia nepos obvenit. Itaq; hinc Britannicus, inde Eous sanguis in salutarem nostri principis ortum confluens, communem stirpem duarum gentium ornamentum effecit.

Extincto Haraldo, cui scelera Mali cognomen adjecerant, Svenonis regnum, quod antè admodum claudicaverat, perinde atq; acerrimo hoste vacuum, prosperioris fortunæ gradibus incedebat, oppressumq; Daniæ gubernaculum plena prosperitatis vela solvebant. Hic quum liberalitate
 50 illustris, beneficentiâ celebrer, cunctisq; humanitatis partibus perfectissimus haberetur, etiam sacrarum ædium condendarum ornandarumq; curam intentissimè edidit, rudemq; adhuc sacrorum patriam ad cultiorem religionis usum perduxit. Verum hunc morum candorem sola libidinis intemperantia maculabat. Complurium namq; illustrium puellarum castitate delibata, ut nullum ex matrimonio, ita complures ex pellicibus filios sustulit.

SVENONE
Estritha filius

quibus fuere cum Gormone Haraldus, cum Svenone Omundus. His accessere Vbbo & Olavus, Nicolaus, Bjørno, atq; Benedictus, paterno quam maximè, materno minimùm sanguini respondentes. Consimilis copulæ obscuritas Canutum & Ericum maxima patriæ ornamenta progeniuit. Sed & filia Siritha, quæ postmodùm Guthskalco Sclavico conjunx accessit, in sequentibus referenda, pellice pariter orta proditur. Tandem Rex animum suum ab illecebris luxuriæ & immoderato Veneris usu retractum, genialis tori castitate cohibere constituit. Ut ergo multorum pellicatumum experientiam, decenti nuptiarum usu, uniusq; matrimonij lege redimeret, nec talibus ulterius cubiculis majestatis suæ vigorem absumeret; Gutham, Svetico Rege genitam, sanguine conjunctam sibi, legitimæ prolis cupiditate complexus, simulatâ conjugij religione collegit, ejusq; coitum pro matrimonio habuit. Itadum ad conjugalia sacra celebranda animum induxit, eorum nomine flagitium coloravit, dumq; ab uno se crimine retrahit, in aliud repente provolvit. Sed tolerabilius, quod alieni sanguinis, quam quod suæ propinquitatis copulam usurpavit: quamquàm uterq; hujusce Veneris usus impudicitiae crimini obnoxius sit.

Quam rem Eginus & Wilhelmus intactam præterire passi non sunt. Quippe Regem à tam illicito thalamo frustrà conantes abstrahere, monitisq; dirimendi contractus perseveranter aggressi, adversum incestuosam ejus libidinem debitæ reprehensionis amaritudinem distrinxerunt. Cumq; correptioni insistentes nihil se eâ profecisse cognoscerent, apud Bremensium Antistitem injustas ejus nuptias accusantes, majori Pontificio castigationis arbitrium reliquerunt. A quo cum Rex per sacram ac salutarem admonitionem incesti reus ageretur, disciplinæ minas opposuit, seq; ferro correptionis insolentiam repressurum edixit. Itaq; vexationis impatiens, plus crudelitati suæ, quam sacrosancti juris viribus indulgendum puravit, religionisq; quam nuptæ desertore esse maluit. Quæ res ab Hamburgensibus, maritimi periculi metu, ad Bremenses pontificium transtulit.

Hæc volentem Wilhelmus propositum exequi monitis suis passus non est. Sanctitate enim consilij consentaneum furori impetum ab ejus pectore submovit, maximaq; doctrinæ suæ perseverantiâ studium ejus à sententiâ revocavit. Itaq; repente sanior affectus Regis animum occupavit. Saluberrimo namq; præceptoris imperio resipiscere coactus, continuò injusti concubitus nexum rescidit, depositoq; stuprosæ mentis ardore, nuptam repudio submovit. Nec solum ira abstinuit, sed etiam ab illicita connubij usurpatione mentem retraxit. Gutha quoq; paternos penates repetens, susceptis viduitatis insignibus cum summa morum sinceritate consenuit, castitatemq; votis professâ, virilis concubitus experientiam abdicavit. Et quia injusto se toro maculaverat, nullum ulterius sibi juri esse permisit. Sanctitatis siquidem amplexa propositum, reliquum vitæ tempus cœlebs exegit, ingentiq; pudicitiae severitate illiciti concubitus noxam licentis evitatione pensavit. Sed nec inerti otio tempus effluere passa, quotidianâ consuetudine exquisita Sacrariorum ornamenta fingeat, inq; eandem operam continuam ancillarum curam cogeat. Inter quæ chlamydem sacerdotalem futilibus sigillis excultam, preciosâq; materiæ impensa ac mirifici operis arte elaboratam, Roskildensi Sacratio doni nomine largita est. Alia quoque complurâ divini cultus insignia sacrorum usibus operata est.

Sveno vero sacrorum administratores quam maximè conversatione probabiles contrahebat. In quibus quanquam scientiam veneraretur, morum tamen curiosius habitum intuebatur, indignum ratus literarum sſuavitati summum familiaritatis consortium tribui. Adeò igitur honestatis scholam literarum rudimentis præponderare credebat, ut in agendo clericorum delectu virtutis potius, quam scientiæ elementa pensaret, lateraq; sua fidis quam doctis obsequijs vallare mallet. Svenonem quoq;

Norvæ

Norvagicæ regionis virum cunctis virtutis partibus ac numeris instructissimum sed parum iustâ noticiâ literarum monumenta complexum, in jus familiaritatis adsciverat. Hic ex præfectura ad sacerdotium translatus, tametsi Latinae vocis penuria premeretur, domestici sermonis opibus abundabat. Quem cæteri ingenijs suis ob virtutem, quâ ipsis præstabat, à Rege præferri videntes, perridicula imperitiæ exprobratione scurriliter cavillandum duxerunt. Rem enim divinam acturo, derisus gratia affectum litura codicem subjecerunt. Qui quum salutem Regi votis libello expressis solenni verborum precatione debuisset exposcere, ipsum famuli nomine designatur⁹, vitiata ab æmulis pagina, muli appellatione fœdavit. Neq; enim lituræ errorem correctionis beneficio redimere noverat. Igitur circumstantes lectoris imperitiâ jocabundo cachinnorum anhelitu profecuti, immodico ora risu solverunt: ipso quoq; ioci irritamento, religio in ludibrium abiit. Finita actione Rex amotum aræ libellum complexus, cum & ipsum invida manu corruptum & recentis lituræ vestigia causam inerte fuscæ precationis aspiceret, invidiæ societatis animos detestatus, insultantium fraudem coarguit, ipsosq; obrectatione vitiosiores, quàm Svenonem inscitia comprobabat. Eundem quoq; brevi irrisoribus suis imperitiâ exprobraturum adiecit. Deinde scholam eum petere hortatus, sumptum se administraturum promittit. Neq; hac re quicquam de consveta ejus familiaritate decerpfit, nè invidiæ respondisse, potius quàm obstitisse videretur. Profectus Sveno efficacissime liberalium artium studijs operatus est. Quippe literarum, quibus parum inservierat, documenta sumere cupiens, percipiendæ earum disciplinæ gratia, omissa domestica, peregrinæ scholæ erudiendum se dedit, animumq; doctrinæ capacissimum excolens, Latino se sermone assvescit. Cujus studijs abundè instructus, vocabulorum vim ad summa quæq; Grammaticæ rationis elementa animi docilitate percepit, abscissoq; rustici rigoris crimine, facundiam suam ingenij exercitatione politiore effecit. Itaq; flagrantissima discendi cupiditate clarum scientiæ magisterium retulit, brevîq; morarum processu, quos imperitiæ derisores habuit, ingenij admiratores invenit. Primum inter omnes Wilhelmus apud Regem familiaritatis locum occupaverat, ejusq; gratiæ mutua animi vicissitudine respondebat. Etenim ab ipso cæteris impensius cultus, charitatis dignationem singulari fide pensabat. Horum fidei Rex tanquam tutissimis obsequijs latera sua cingenda commiserat.

Sed & sequens casus in Antistite severitatis pulcherrimum, in Rege certissimum moderationis documentum exhibuit. Ipse namq; sacro circumcissionis pervigilio solenni magnatum convivio feriat, cum quorundam principum clandestinâ obrectatione parum honoratè de se habitum comperisset sermonem, occultam eorum perfidiam temulentia lascivijs detectam existimans, iræ aculeis actus, misit qui ipsos matutino tempore intra Trinitatis ædem oraturos confoderent, tanquam in sacris penetralibus aptissimus humanarum cladum locus existeret. Itaq; actum erga convivas facinus sacrilegio duplicavit, ipsumq; pietatis domicilium crudelitatis officinam effecit, neque loci, aut temporis, quo minus cupiditati indulgeret, respectum habuit. Quam rem Antistes, templi (ut par erat) violatione permotus, in primis dissimulante excepit, neque indignationem suam ulla ex parte stipatoribus patefecit, opportuno vindictam tempore præbiturus. Nam quum rem divinam pontificali more peragere debuisset, non solum adventantem Regem occurrendi veneratione excipere supersedit, sed etiam Sacrarium subire, connisum à primis ejus liminibus absque respectu familiaritatis sacerdotij insignibus ornatus, baculo, quo utebatur, exclusit, sacrorum penatium aditu indignum judicans, quorum religionem non sine gravi pacis rubore civili sanguine maculasset, suppressoq; dignitatis nomine non Regem eum, sed humani cruoris carnificem appellabat. Nec reum objurgasse contentus, aculeum virgæ ejus pectori infixit, armatumq; duritia animum

SVENO
Estrith & filius

imperati parricidij poenitere perdocuit. Enimvero privatae societati publicae religionis verecundiam praetulit, non ignarus alia esse familiaritatis officia, alia sacerdotij jura, quibus servorum aequae ac dominorum, neque ingenuorum parcius, quam ignobilium flagitia vindicari par est. Cumque abunde foret repulsam egisse, etiam execrationem adjecit, nec dubitavit in praesentem damnationis quoque proferre sententiam. Itaque mirifica audacia dubium reliquit, fortius illum manum, an voce pulsaverit, quem gravibus admodum contumelijs proculcatum prius linguae, deinde dextrae repulsam mulcavit, inque pectore, quo virtutem ante coluerat, vitium contudit. Neque enim in tam evidenti scelere longum ultionis tempus expectandum putavit, facilius origini atque incunabulis culpae, quam ulterioribus ejus incrementis occurrendum existimans, ne mora alitum crimen diuturnitatis tractu convalesceret. Igitur ut Regem impotentiae & temeritatis incursum transversum in facinus egit, ita Antistitem ad exercendam vindictam profecta a religionis amulatione severitas concitavit. Enimvero fortiter vindicata religione, & debitam ordini suo fidem, & alienae temeritati salutarem reddidit disciplinam. Ne enim solennium officiorum tutelam omittere videretur, veluti indulgentiae oblitus, severitatem exercuit, neque sanctitatis inimico amicus existere aut assentatoris potius quam pontificis partes praesentare sustinuit. Cae erum specie hostem, revera amicum exhibuit, quia fida concordiae pignora ac sincera familiaritatis stipendia potius justitiae rigoris, quam iniqui favoris examine ponderabat. Quapropter mansuetissimum ingenium suum deposita ad tempus clementia austeritati subjecit, meritoque ad firmandam religionis disciplinam aliquid a crudelitate sibi paulisper mutuandum putavit. Quamobrem infesto militum concursu petitus, applicatos cervici suo gladios animi firmitate contempsit, tantumque se in despiciendis periculis gessit, quantum egerat in provocandis. Tanto animi robore praeditus, tamque generosi spiritus abundantia instructus, divinae charitatis munimento superior humani timoris viribus apparuit. Cujus Rex inhibita nece, quum eum non temeraria offensa, sed publicae severitatis fiducia concitatum animadverteret, conscientiae rubore persusus, scelerisque quam repulsae pudore aegrior, continuo regiam repetit, quietamque frontem contumeliose correptus exhibuit, nec ipsa quidem generosae indignationis verba invitus audivit. Deinde regiam veste deposita obsoletam accepit, moeroremque deformitate cultus, quam splendore contumaciam testari maluit. Neque enim tam tristi pontificis sententia perculsus, regalis magnificentiae cultum gestare sustinuit. Sed abjectis regiae majestatis insignibus, insignem poenitentiae sagulum sumpsit. Quinetiam simul cum veste potentiam exuit, atque ex sacrilego tyranno indus sacrorum venerator evasit. Siquidem nudatus pedibus ad atrium regressus, in ejus se aditu prostravit, terramque super licet osculatus, dolorem qui ex contumelia acerrimus infligi solet, verecundia ac moderatione compressit. Neque enim continuo repulsae vindicem egit, sed pudore ac poenitentia culpam cruenti imperij redemit. Exulasse huic animum in nequitia, non habitasse credimus: quem ut primo temeritas transversum in facinus egit, ita postmodum aequissima moderationis temperies rexit. Quanta enim masverudine pectus ejus instructum fuisse, putemus, qui pontificem palam severissimis sacerdotij viribus adversum se usum, non solum impunitate donaret, sed etiam humilima veniae petitione venerari sustinuit, gratiamque tam pudoris patrocinio, quam poenitentiae beneficio meruit? Divina siquidem obsequio, non viribus propitianda novaverat, ideoque atrocitatem sceleris verecunda moeroris acerbitate pensabat. Quinetiam parvulo pudoris irritamento magnopere confusus, excitantem ignominia virtutem rubori imperare coegit, quantumque violentiae religioni crudeliter imperando incusserat, tantum venerationis vehementer animo contusus

contusus exolvit. Sed dum taliter se gerit, inusitatam sacerdotalis auxilij clementiam expertus est. Interea Antistes inchoamento psallendi facto, primaq; concentus parte editâ, qvum Græcæ precationi solennem ritè GLORIAM subnectere debuisset, ex stipatoribus supplicem foribus Regem adesse cognoscit. Igitur cessato cantu, cleroq; conticere jussu, fores repetens, qvum Regem, quid ita se gereret, percontatus fuisset, atq; ille criminis confessione facta, religioni sese satisfacturum promittens, sacerdotalis subsidij veniam postulasset, continuò execratione remissâ jacentem amplexus, absterxis lacrymis, depositisq; doloris insignibus, & cultum & animum Regium resumere jussit, non licere inquires privatum mœrorem publicis interesse tripudijs. Neq; enim eum humiliorem dignitate sua vultum gerentem, aut supplicem liminibus advolutum intueri sustinuit, sed benignioribus verbis recreatum, pristinam vestem, quâ majestatem suam concinniores efficeret, corpori reponere, cultioremq; progredi jubet: satis graves eum pœnas religioni dedisse ratus, qui se tam demissè agere, tamq; suppliciter prosternere sustinuisset. Deinde imperatis pœnitentiæ rebus, cantores, quorum frequentia solennitas agebatur, in occursum ejus, quò ornatus reciperetur, procedere jussit, statimq; venerabiliter exceptum, cunctis latitâ ovariantibus, ad aram usq; perduxit. Ita prioris violentiæ speciem honesto comitatis genere temperavit, repulsâq; deformitatem specioso pensavit obsequio. Nec minus in pœnitentia venerationis, quam austeritatis in admissio reposuit. Quin etiam adhuc mœrenti sollicitudinem detraxit, fiduciam adjecit, privataq; tristitiæ salebram publica gratulatione discussit. Itaq; quod in potentis viri scelere pollutum fuerat, religiosa severitate expiatum est. Sed & populus maximo plausu tam spectatam in Rege verecundiam comprobabat, plus pœnitentiâ pium, quam imperio scelestum evasisse confessus. Peregerat jam Pontifex severi ac pij vindicis partes, inq; eodem rigoris & clementiæ experimento se gessit, nec parcius veniam quàm vindictam exhibuit. Quippe cujus contumaciam severè repulit, indulgenter modestiam coluit, sicq; pietati justiciam contemperavit, ut nec sperneret supplicem, nec reciperet insolentem. Quam in re paterni affectus habitum plenissime repræsentavit, quod parentis more correptionem blanditijs subsecutus, neq; aut elatum amplecti, aut demissum aspernari sustinuit. Post hæc omissa altaris sacra repetens, summo patri regiæ expiationis gloriam succinit, eoq; serenius gaudium subijt, quo tetrior luctus causa præcessit. Rex ipse biduum quiete peragens, tertio demum die regio cultu ornatus, inter ipsa missæ sacra, excelsam ædis partem conscendit, silentioq; per præconem venerabiliter acto, coram omnibus semet gravissima accusatione perstrinxit, acerbum religioni vulnus inflixisse confessus. Deinde collaudata antistitis indulgentia, quòd tanto crimini tam repente ignoverit, seq; jussu, etsi non manu, reum celerrimè sacrorum usibus restituerit, pro tam cruenti imperij expiatione muneris loco Steffnicæ provinciæ dimidium aris à se conferri publicat. Nec erubuit multorum auribus singularem flagitij sui committere notionem. Ea res in extricabilem regni sacerdotijq; concordiam operata est. Quippe Rex non solùm Antistitem in eodem amicitiae gradu habuit, sed etiam majoribus dignitatis incrementis donavit, plus officijs ejus ad gratiam, quàm contumelijs ad iracundiam concitatus, quem non privatâ irâ, sed publicæ religionis injuriâ adversum se provocatum videbat. Hic enim mirificam illius severitatem, ille sanctissimam hujus moderationem benevolentiae constantiâ prosequabatur. Sed & uterq; quotidianis votis, nè tantæ amicorum concordiae dividuum fati tempus intercederet, exoptabat. Itaq; summæ venerationis officia certatim mutuis sibi studijs impendebant, adeoq; eximiam societatis fidem honoris vicissitudine nutriebant, ut potius inter eos amicitiae paritas, quàm superioris ad inferiorem familiaritas cerneretur.

Veniam nunc ad Canutum Svenonis filium, qui propitiæ fortunæ beneficio summis naturæ dotibus cumulatus, magno cum indolis experimento atatem

SVENO
Æritha filius

tem animo præcucurrit. Quippe contractâ juventute, myoparonum piratica monstra perdomuit, Sembicis atque Esthonicis illustrem trophæis adulescentiam egit, novisq; virium gradibus paterni roboris fundamenta transcendit. Quæ victoria futurum ejus dominium ominata est. Pro amplificandâ tuendâq; patriâ juges excubias gessit, rerumq; quarum ob infirmam adhuc ætatem vix spectator esse potuit, auctor haberi præsumpsit. Quinetiam juvenile corpus continuo usu ad bella impigrè conficienda, armaq; viriliter sustinenda firmabat, fama que ejus bellicâ vi in tantum claritatis excessit, ut redivivum magni Canuti spiritum fortunamq; simul cum nominis videretur communione sortitus, adeo ut nullus eum paterni regni successione potiturum ambigeret. Neq; enim virtute jam maturus, honori intempestivus videbatur. Sed nec liberalitatis species ejus adolescentiæ defuit. Cujus fratrem Haraldum, natu majorem, obtusi admodum cordis, inter juventæ initia perpetuus inertię sopor oppressum tenebat.

Tandem Svenonem ultima penè senectute confectum, apud Suddathorp Juticarum partium oppidum febri implicatum adversa corporis valetudo corripuit. Qui cum pestifero humore grassante fatalem cordi dolorem imminere cognosceret, parvulas adhuc extremi spiritus reliquias trahens, à præsentibus se Roskildię sepeliri petivit. Nec ministerij eorum promisso contentus, sacramento fidem exegit. Siquidem loci illius religio Regibus 20
vetusto more exulta, ut vivis sedem, ita fato functis sepulturam præstare consueverat. Jamq; Regis corpus ab iisdem amplo funere elatum Sialandiâ usq; pervenerat, cum primum Wilhelmus in occursum ejus veniendi mandata suscepit. Nec moratus, ad urbem cursu festinato contendit, inq; ipsa Trinitatis ade, accersitis qui terram ad solidum foderent, prius Regi, deinde sibi tumulum extrui jubet. Quam vocem fossoribus potius à mœnore, quàm industria profectam putantibus, extinctisq; non vivis tumulo opus esse dicentibus, suum antequam Regis funus ab eis excipiendum asseruit, non se voto fraudandum inquires, quo cum eo commori semper optasset. Eosdem admiratione stupentes, imperiumq; deliramento consentaneum, 30
existimantes, ad obsequendum, pœnam, nî paruissent, comminatus adduxit. Ita adhuc experte morbi corpore, mortis certitudinem præsumebat. Deinde citato equo in occursum exequiarum contendens, cum ad nemus fortè Topshøgicum pervenisset, duabus miræ proceritatis arboribus secus iter conspectis utramq; præcidi, inq; usum lecti funebri aptari præcepit. Illi sibi regalis feretri constructionem præcipi rati, imperium exequuntur. Compactum deinde vehiculum præstantibus robore equis imponunt. Cumq; Pontifex silvam prætergressus regium in vicino funus adesse cognosceret, aurigam consistere jussit, ac protinus veluti laxamenti gratia amiculum, quod habebat, exuit, eiq; humi expanso seipsum præcipitem superjecit. 40
Deinde erectis supernè palmis, si quo rerum auctori servitio placuisset, vitam à se finire petivit. Sanè absque ulla fati cunctatione amicum morte insequi, quàm vita deferere præoptavit. Hæc fatus, veluti in domestico lectulo acquiescens extinguitur. O immensam concordiam, quæ superstite spiritu jucundior fuit: Quem famuli longam admodum cubandi moram egisse mirati, cum nequicquam erigere jacentem vellent, exanimem repere-runt. Igitur recens omnibus inopinati funeris luctus exoritur. Ipse vero à suis feretro exceptus atq; ante Regem elatus, ut fato posterior, ita funebri pompa prior exitit. Viris namq; funebri Svenonis lecto humeris subjicientibus, ipse equis subvectus veluti quidam exequiarum ejus auriga præcessit. 50
Prior verò sacrario allatus, veram præfagij fidem retulit. Quâ tam admirabili fati sorte potitus, se Regis cultum charitati potiùs, quàm fortunæ erogasse perdociuit. Exequijs impensius actis amborum corpora conjunctis admodum tumulis occluduntur. Hæc sunt venerendæ amicitie stipendia, quæ, cum à duobus

duobus ejus consortibus alter excidit, reliquo, vitæ dulcedine fastidit, mortis appetitum ingenerant. Post hæc Sveno Noricus, quem suprà significavi, communibus cleri suffragijs sacerdotium sumit.

Regiæ vero successionis delectum anceps popularium sententia pertractabat. Major namq; Danorum pars memor quantis per Canutum, adhuc privata fortunæ periculis objecta fuerit, graviora, si regnum indueret, verita, maligna virtutis interpres, quod gloriæ ejus accrescere debuerat, iniquissimâ meritorum æstimatione damnabat, elevatis virtutum præmijs clarissima ejus opera repulsæ turpitudine rependendo. Igitur ut hunc negotio-
 10 rum metu perosa, ita Haraldum otij cupiditate complexa, audaciæ hebetudinem prætulit, ignavumq; sibi Regem maluit imperare quàm fortem. Quamobrem egregiæ indolis claritate contempta, negatum virtuti culmen vitio tribue; non erubuit, repulsæ fortitudine, inertiam honoribus infecuta. Verum hunc ingratae mentis habitum fucosa rationis specie colorabat, Haraldum perinde ac natu majorem ipso naturæ jure regno debitum certans. Genus affectionis inusitatum! Hunc virtus invisum, illum vitium probabilem fecerat. Soli Scanienses justa animi inclinatione provecti, Canuti probitate culta, Haraldum desidiâ respuebant. Igitur Ysoram habendi delectus gratiâ convenitur. Ibi quidem ingens Océani vastitas ostijs admo-
 20 dum angustis excipitur. furensq; fretum coactu littorum in arctas fauces terra compellit. Medium sinus harenæ tenent obscura nautarum celantes pericula. Nam ut abiens eas æstus aperit, ita rediens claudit. Orienti Scania, cætera vero occidenti classis appulerat. Hic fratres apud suos quisq; fautores diversis in locis concionati sunt. Tunc Haraldus vocato assensorum concilio, nequaquam contumeliosam sibi fratris prælationem videri retere, si non eum dignitate posteriorem fors ipsa nascendi fecisset, majoremq; à minore superari ridiculum esset. Qui etsi virtuti maturior videretur, se tamen naturæ ordine, ætatisq; privilegio vincere. Præterea indignum fore civium illi vexationem, objectamq; periculis patriam suffragari debere, suæ vero provectioni servatam in omnes clementiam obesse: nec ita merita ab eis æstimanda fore, ut miseras suas gratia felicitatis repulsæ pensare cupiant. Nam ingratorum hanc maxime vicissitudinem esse. Ad hæc si summam assequatur, impias se leges abrogaturum, blandas placidasq; pro eorum arbitrio laturum promittit. Tanti igitur tamq; optati commodi promissorem concio pestiferis ejus blanditijs invitata, Regem appellat, paternum illi regnum deferens, cujus inertiae contemptus magis quàm ullus honos aut gratia referri debuerat. Itaq; populi favor orationis favitate præreptus, plus fallacibus ejus promissis, quàm invictæ Canuti fortitudini præstitit. Igitur fraternæ contenti-
 30 onis certamen varia assentatione subnixum, sine arbitris aut iudicibus, solis partium suffragijs gerebatur. Verum Haraldus imperitæ multitudinis errore suffultus, mox per legatos fratri mandat, ne decretam majori summam ambiat, eumq; honore sibi postponat, quem nascendi serie priorem sciat, néve regnum majorum virtutibus illustratum domesticæ atq; intestinæ discordiæ bello corrumpat, nec perniciofa seditione dividos patriæ motus incutiat, sed potius clausum ambitioni animum gerat, abjectaq; temeritate competitoris sui, suffragatorem agere non erubescat. Adjectæ monitis minæ, mandataq; non tam blanditijs pacis, quàm belli irritamentis instructa. Præterea plerosq; fraternæ partis fautores legum emendatione, liberiorisq; vitæ jucunditate promissa, per subornatos in gratiam suam sollicitandos curavit. Ita à Canuto vulgi animos partim spes, partim metus avertit. Ipse deficientibus à se copijs, tribus duntaxat rostratis navibus in angustissimas Scanici maris fauces elabitur, regno carere jussus, cujus ipse incolumitatem protexerat, terminos auxerat. Ubi fraternâ legatione regni communio-
 40 nem spondente reverti monitus, spretis mandatorum blanditijs, Sveciam fugi-

LXV.
HARAL-
DVS
HEIN

fugibundus intravit, perquam stultum ratus ejus se promissis in fractâ fortunâ credere, cujus, eâdem adhuc vigente, minas acceperit. Mox perinde atq; injuriarum oblitus, intactis patriæ rebus, bellum adversum Orientales vivente patre cœptum, enixè prosequitur. Haraldus habito in octo dies concilio, quod promissis complexus fuerat, rebus prosequi monitus, ut regia majestate popularem excoleret, in primis adversum provocationem restipulandi jus edidit, prioresq; defensionis partes, quàm accusationis instrumenta constituit. Reo siquidem actoris jus in refellenda accusatione concessit, quam antea testium fide subnixam defensionis præsidio repellere non licebat. Quod jus usurpatione firmatum ut familiare libertati, ita religioni pestiferum evasit. Ipsa namq; defendendi potestas non armorum, non testium usu, sed sola sacramenti fide subnixa, multorum conatus votorum, cupiditate periurio polluit, sed & funditus singularium congressionum usum evertit. Posteris namq; susceptas causarum controversias satius jurejurando visum est expedire, quàm ferro. Verùm alterum religionis intuitu, alterum salutis respectu periculosius. Quem morem Dani pertinaciter retentum ad hucusq; tempus obstinè usurpant, adeò ut vita magis quàm eo carere cupiant, salutemq; suam pro ipsius observatione devoveant. Haraldus vero solis sacrorum officijs deditus, latorum à se legum severitate neglectâ, impunitas omnium noxas enervi legum indulgentiâ præteribat, omniaq; statuti juris munimenta convulsit, ignarus plus Deo sinceram regni administrationem, quàm inania superstitionis momenta placere, severumq; justitiæ cultum supervacua precum adulatione gratiorem existere. Præterea divinum plenius propitiari numen, ubi jura quàm thura promuntur, plus scelerum quàm peccatorum contusionem probare, libentius criminum, quàm genuum flexus aspicere, nullamq; victimam vindictæ pauperum libertati præferre. Quanquam enim Regum majestas rite religioni intendere debeat, aliquanto tamen speciosius interdum tribunalia, quàm aras excolere potest. His omisis Rex sola sacrorum charitate conspicuus, iniquissimos actus profusa animi tolerantia sustinebat, pauciora experimentis prosecutus, quàm promissis complexus fuerat. Noxas non venia modo, sed etiam licentiâ prosequabatur, tamq; inopem juris patriam reddidit, quam antea promissis divitem fecit. Sed neq; à regijs moribus habituq; degenerare deformè ducebat. Regnando biennium emensus, defungitur.

LXVI.
CANUTVS
Sanctus.

Quo mortuo Canutus fraternis suffragiis in regni fastigium revocatus, Orientale bellum, quod in adolescentia orsus, in exilio auspicatus fuerat, accepto solio, potius amplificandæ religionis, quàm explendæ cupiditatis gratiâ totis viribus innovandum curabat, cum incrementis fortunæ etiam claritatis augmentum apprehendere cupiens. Nec ante manum ab incepto retraxit, quàm Curorum, Sembonumq; ac Esthonum funditus regna deleffet. Deinde sublato hoste noptias circumspiciens, finitimâq; conjugia obscura ac dignitate sua minora reputans, præfecti Flandriæ Roberti filiam Echlam in matrimonium advocavit: ex qua filius ei Carolus obvenit. Cumq; magnatum insolentiâ solutos hebetatosq; prisca juris nervos aspiceret, omnibus ingenij modis ad reparandam patrij moris disciplinam conisus, probatoris justitiæ cultum severissimis edidit institutis, contusumq; & labentem æquitatis tenorem in pristinum habitum revocavit. Non sanguini, non necessitudini, quò minus justè se gereret, indulgentiam habuit, nullius amicitia aut familiaritati impunitatem injuriæ tribuit: sed omnia antiquæ consuetudinis momenta præcurrens, labefactatum juris vinculum tenacissimo nexu astrinxit, ac paternæ severitatis vestigia sollicitus usurpavit, eoq; studio gravissimas majorum offensas contraxit. Sacris decus suam reddebat. Sacerdotia gerentes gratiæ nutrimentis prosequabatur. Cumq; ab inertis & rudi populo parum justam Pontificibus venerationem haberi conspiceret.

spiceret, ne tanti nominis potiores inter privatos relinqueret, decreti circumspicientioris industria principum eis consortionem indulgit, ipsisq; primum, inter proceres locum perinde ac ducibus assignavit, auctoritatem honore concilians. Providit enim ne tanti officij pondus æquo minor veneratio caperet, inq; summa religionis arce positi, infimâ cultus conditione vilescerent. Nec solum pontificibus dignitatis incrementa donavit, sed etiam privatorum clericorum ordinem benignissimis decretis adornare studebat. Nam quo cumulationem eis honorem redderet, literatorum controversias vulgaris fori conditione exemptas, ad ejusdem professionis judicium relegabat. Iisdem religionis reos objecta repellere nequeunt, pecuniaria multa puniendos permittit. Quibus etiam in omnia, quæ adversum divina committerentur, animadversionis arbitrium tradidit, cunctasq; hujusce generis actiones sacerdotali judicio destinatas à publico foro secrevit, ne honore impares conditio æquaret. Quamobrem dignitati pondus adjecit, decusq; privato fastigio excelsius eorum respectui inesse voluit. Quo effectum est, ut Danorum nemini nisi Regi aut pontificibus, eiq; qui potissimus regni successor advertitur, domesticis quemquam liceat actionibus postulare. Idem populares adhuc sacrorum rudes decimarum religioni assuefacere conabatur. Sed propositi irrita svasio fuit. Quippe maturitatem rerum capere novelli cultus rudimenta nequibant.

Interea Sveno Roskildensis templi ædificationem à Wihelmo cœptam, faxeo opere profectus, cum perfectò sacello solas locandi pulpiti angustias, quo minus dedicatio perageretur, obstare conspiceret, condendi ejus gratia Wihelmi monumentum summovit, cineresq; mausoleo erutos, eò loci, ubi nunc acquiescunt, transferendos curavit. Nocte igitur, quam dedicationis dies infecuturus putabatur, Sacristæ somnum capienti quidam sacerdotij insignibus decoratus per quietem præcepit, Svenoni sufficere diceret, quòd in exædificando sacrario Wihelmi sibi merita vendicasset, ac gloriæ suæ alieno labore partam arrogasset impensam, nè cujus famam aucupatus fuisset, etiam cineres submoveret, eosq; à charissimo Regis corpore separaret. Cujus facti pœnas haud dubiè ab ipso violationis auctore, nisi vitæ ejus sanctitas obstitisset, expectandas fuisse: nunc vero in ipsas sacrarij partes ab eo conditas ulciscendum, seq; omnem operis ejus molem funditus eversum. Monuit quoq; ne quis suum de cætero tumultum attentare præsumeret, præfatus neminem qui cineres ejus loco suo submoverit, impunè laturum. Deinde baculo rectum impellere, totamq; operis molem diruere visus, somnij fidem ædis excidio comprobavit. Quippe sacrarium repente ab imis fundamentorum sedibus convulsus excidit: adeoq; res visioni consentanea fuit, ut eodem temporis momento ruina somnij comes incederet, nocturna; unius opinio omnium oculis interdum subjecta claresceret. Tantum autem rei miraculum extitit, ut ne collapsum quidem sacrarium custodem oppresserit. Nam neq; petrarum pondere, quæ undiq; congerebantur, elusus, neq; ulla collapsæ molis importunitate quassatus, tutum quietis usum habuit, quanquam cubile ejus cadenti materiæ contiguum fuerit. Attoniti fragore, cives, ruinæ præsentis admiratione concurrunt, custodemq; excidio perisse creditum, medijs lapidum coagmentis incolumem egredi cernunt. Quæ res omnium in eum oculos religiosa vulgi admiratione convertit, incertum utrum templi lapsus an sacristæ salus plus visentibus stuporis attulerit. Nec parvum visioni, auctor ejus ab imminente lapidum mole defensus, præbuit argumentum. Qui cum Antistiti nocturna Wihelmi mandata prompsisset, subridens Præsul, nil se mirari inquit, vitæ ejus severitati fati habitum respondere: suæ nihilominus sollicitudinis fore, collapsas ædificij partes reficere. Quamobrem diù postmodum intactus Wihelmi tumulus mansit, donec nostris eum temporibus Hermannus, majoris sacrarij præses, Arnfastusq; scholæ magisterio functus, connivente Isâaco ruralis sacerdotij præpositi, parabilem,

bilem magis & inter ceteros cultissimum advertentes, Ascerianæ sepulturæ gratia aperiri iusserunt. Porro fossa ad solidum humo, incorruptam antistitistogam inter adesa solo ossa reperiunt. Quibus sublati, tanta fragrantiae vis sine ullo auctore ad circumstantium nares veluti è beato quodam ungentorum fonte manavit, ut nemo coelo potitum ambigeret, cujus cineres tam mira terrestrium odorum suavitas perfudisset. Ipsas vero contretantium manus tanta odoriamenti pertinacia astrinxit, ut ipsum triduo balneis ac lavacris attentatum abolere nequiverint. Nec tamen sanctitatem cinerum, ut decuit, venerati, in extremam eos monumenti partem applicandos curabant. Sed neq; præsumptioni impunitas abfuit. Siquidem sacrilegi consilij auctores pestiferum audaciæ suæ exitum experti sunt, tantumq; quisq; supplicij retulit, quantum violandi busti sententiæ impendit. Hermannus namq; sub Absolone sacerdotali concilio assidens, sacrum naribus ignem excepit, cujus vi non solum corporis firmitate, sed etiam vocis officio spoliatus, elingvis ac murus ante triduum, grassante latius ardore, decessit, dignus ea corporis parte puniri, qua divinam ingratus fragrantiam hauserat. Ne cleviorem Arnfastus excessum habuit: qui cum impotentium nervorum hebetudini mederi vellet, potionem per incuriam sumpta, quo salutem conciliare debuerat, langvorem instruxit. Sed & rupta tandem jecinoris partes frustatim egestas vomitu protulit, quas à medico pelvi exceptas, Maximus Pontifex Absolon, dum ad visendum eum humanitatis officio venisset, aspexit. Quo præsentem æger hic se ob violatos Wilhelmi cineres perpeti protestatus, manifestas neglecti imperii ejus poenas pependisse dicebat, seq; suam cum tota re familiari religioni pollicitus, trimestri langvore habito, per summam animi poenitentiam expiravit. Miserandos duorum exitus tercius temeritatis auctor aspiciens, seq; similibus supplicijs propinquum veritus, fati inclementiam pietatis officio præcucurrit. Nam in æde Mariæ magno rei familiaris impendio sacrarum virginum convictum instituit, eisq; quoad vixit, pudicitiae disciplinam ingeneravit. Nec tamen omnem prorsus vindictam effugit. Diutino namq; vitiati pulmonis langvore consumptus interiit. Ità primo fati celeritate correpto, reliquos à diversis corporis partibus profecta pestis tarditate ad ultimam tabem redactos absumpsit. Igitur tantum unusquisq; poenæ sumebat, quantum in violanda antistitis sepultura auctorem egerat. Quia enim salubritatem suam prudentiæ munimento tueri noluerunt, cladem culpæ præcipitio contraxerunt.

Ne autem Sveno promissam templi refectionem negligentius exequi videretur, coeptam Roskildensis sacrarii fabricam ad finem usq; perduxit. Cujus excolendi gratiâ Rex coronam arte impensa q; operosissimè elaboratam, in ejus ornamentum appendit; existimans regias opes potius sacrarum splendori, quàm humanæ avaritiæ servire oportere. Eginus quoq; his dem fermè temporibus, opitulante Rege, Laurentianæ ædis inchoatum à se opus explicuit. Quibus Rex dedicari iussis, mirificam dotis nomine munificentiam erogavit. Nam in æde Laurentianâ annua cantorum stipendia, pontificis subsidio fultus, instituit. Ipse enim partim ex fisco suo, Regiisq; latifundijs, partim Antistes ex ante collatis templo beneficijs quotidianos eorum sumptus exhibuit, tantaq; inter ipsos religiosi certaminis alacritas fuit, ut uter in Deum venerabilior fuerit, incertum extiterit. Prima itaq; dedicatōis die Rex sollemniter altaria veneratus, quartam regij numismatis, quartam suæ in cives exactionis, quartam æstivi census portionem ei, qui pro tempore loci Antistes extiterit, muneris loco perpetuo jure possidendam concessit. Nec parcius privata clericorum jura tutatus, ab eis qui sacrarii rus excolunt, universum penè regiæ pensionis jus, ascriptis chori ministris, deferendum curavit. Cæterum detractæ expeditionis poenas, ac violatæ pacis vindictam, eorumq; qui propinquis vacui decessissent, hæreditates,

tates, regij duntaxat juris esse voluit. Itaq; non minorem in edendis temporum privilegiis, quàm præstandis beneficiis auctorem egit. Et ut legibus suis æternitatem conciliaret, eas convellere conaturos Antistitum execrationi subjecit. Cujus edicti postmodum à multis temerè pertentati vetus adhuc ratio perseverat. Rex verò quum in omnibus sanctè se industrieq; gessisset, præcipuè religionis caritate conspicuum præbuit, nec unquam remotos ab exactissimo ejus cultu oculos habuit.

- Qui cum fratrum suorum turbam juveniliter intemperantem patriæ admodum onustam videret, largis uberibusq; stipendijs alitam, uno duntaxat Olavo Slesvici partibus præsidente, in clientelam assumpsit, ac publicum pondus privato levavit impendio. Tandem Danorum nomen, armis in desidia cadentibus, à paterni avunculi temporibus obrutum animadvertenti novandarum rerum cupido supprebsit. Utq; ejus animum certius repræsentaret, non contentus studia sua Orientalibus decorasse victorijs, Angliam infelicitate amissam hæreditatis duxit nomine repetendam. Recolebat enim bellicam majorum gloriam, cumq; opibus imperij fines, nullo magis quàm Anglicis crevisse titulis, majoremq; eis ex unius insulæ, quàm totius Orientis spolijs incessisse splendorem. A quorum imitatione deficere stolidi ac degeneris animi esse, satiusq; regno carere, quàm inter parvulæ telluris angustias inclusum majestatis usum habere. Ut ergo negotiorum conformitate majorum fortitudini responderet, operamq; eorum studiis consentaneam ederet, atq; aviti nominis gloriam æquaret, omnium quæ paterna corrupisset inertia, refectionem suæ commendabat industriæ, parentemq; perosus, avum æmulatus est. Primum igitur occultum Olavo consilium prodit, eoq; idipsum hortante, rem deinde popularibus aperit. Alacris omnium assensio fuit. Sed quem Rex sibi fraternæ charitatis vicissitudine respondere crediderat, latenter æmulum habebat, insidiosaq; ejus adulationis ignarus, affectum referri sibi, quem ipse impenderet, æstimabat. Quem etsi prudentia secus monuit, sanctitas tamen malignam de fratre suspicionem referre prohibuit, ne consanguineam fidem temerè damnare, inq; fraudis metu hostes ac necessarios juxtà ponere videretur. Verùm Olavus affectatione regni, pietatis erga germanum oblitus, perfidissimi pectoris habitum, summa fidei simulatione tegebat, vulgatumq; Regis propositum non solum adulationibus fovit, sed etiam hortamentis instruxit: non quòd potentissimum regnum ab eo recuperari posse speraret, sed ut imperatæ rei difficultatem in odium imperantis converteret. Enimvero fratris animum fastidiosè æstimans, piissimum ejus amorè parricidali fraude pensabat. Nam quum eum, quòd neglectam antè severitatem novis legibus restituisset, civibus invisum animadverteret, quò odium ejus cumulatiùs redderet, quod publicè displiceret, privatim exequi stimulat. Et ne solus insidias volveret, lectà societate, clandestinæ conjurationis cœtum instruxit. Nec frustra ingenium fuit. Quippe primores, quorum violentia regijs sanctionibus retusa fuerat, parricidalis cum Olavo propositi consortium habuerunt. Canutus verò omnium animos gloriæ magis, quàm sceleri intentos existimant, imperata classe, Lymivici maris oris advehitur: à quo brevissimus in Oceanum transitus patet, quondam navigijs pervius, nunc vero interjecta arenarum mole præclusus. Hic Rex fraternum diu præstolatus adventum, navigandi cunctatione exercitus alacritate est excussus. Nam Olavus reddita tarditatis ratione, veniendi moram indies extraxit, commentumq; cassandæ expeditionis excogitans, alimenta perfidiæ mendaci impedimentorum simulatione quærebat, eò moram trahere cupiens, donec aut Regem sine eo proficiscentem interim ipse regno privaret, vel tarditate suspensum, exercitu destitueret: Rexq; vel desertorum impunitate despicabilis, vel poenâ, cunctis invisus evaderet. Ità & fratrem & dominum adventus sui cunctatione ludificans, tam vastræ tamq;

CANUTVS
Saxo,

insidiosæ rationis commento genorosi ac fortis propositi molitionem subruere conabatur. Nec eum callida consilij ratio fefellit. Nam tota à Rege classis, fastiditæ ejus expectatione, defecit. Rerum enim quæ à fratre gerebantur ignarus, morantis adventum sæpenumero mandatis exegerat, quum tandem de ejus perfidia certior factus, classe præstolari jussa, Slesvicum lectissimâ manu festinatò contendit, ibiq; fratrem inopinatum & attonitum interceptit. Deinde productum, accusatumq; nec objecta valide propulsantem, perinde ac convictum, impotentemq; defensionis compediri à militib⁹ jubet. Qui indebitam regio sanguini contumeliam suis manibus administrandam negabant. Cujus tanta apud ipsos veneratio fuit, ut ex eo ortos morte, quàm 10 vinculis mulctare mallerent, tolerabilius rati quod communis conditio admittit, quam quod servile supplicium exigit. Sed & gentis nostræ verecundia summam in vinculorum pœna turpitudinem reponere consuevit, hisq; affici omni fato tristius ducit, ingenuas mentes probroso, quam cruento supplicio punitiones existimans, tantoq; alterum altero speciosius censens, quantum naturæ habitus à fortunæ vitio distare creditur. Mandatam militibus operam communis frater Ericus exequitur, plus justî imperij quàm iniqui germani respectui tribuendum, nec sanguini parcendum, dum vitia puniuntur, existimans. Quippe quem virtus defecerit, nullam stirpis reverentiam obtinere, animiq; labe fœdum omnem generis insulcasse splendorem. Ig tur, 20 non tam fratris nomen quàm parricidæ propositum intuebatur. Adeò sanguinis precium evilescit, quum se moribus ignobilem fecerit.

Post hæc Rex Olavum catenis coërcitum, navigioq; in Flandriam reëgatum, carcerali custodiæ mandandum curavit. Cujus caprionem conjurati parum famâ aut nuncio experti, quò callidius exercitum solverent, inertem Regis moram absentiamq; causati, classem clandestino monitu circumventam domos abire jusserunt. Quam rem si quis palàm exhortatus fuisset, publicatis bonis aut in exilium agi, aut capitali supplicio affici lege merebatur. Quam ob rem defectionis incētoribus tutissimum visum, ut sine ullo auctore ipse sibi populus defectionis licentiam vendicaret, nè tam privatum 30 discessionis crimen quàm publicum haberetur. Tantum autem apud improvidam multitudinis temeritatem insidiosa Magnatum ratio valuit, quòd plebs non minus eorum auctoritate, quàm moræ radio adducta, fidentissimam revertendi libertatem acciperet. Cujus facti Rex cognitione suscepta, dolorem prius, deinde lætitiā egit. Siquidem injuriam in religionis habitum formavit, mulctaq; nomine primam exigendarum decimarum occasionem corripuit, lætatus quòd sibi utilissimam propositi rationem opportunitas conciliasset, suoq; dedecore sacrorum decus instruere liceret. Cumq; Magnates Olavum, quem sibi factionis ducem futurum speraverant, à fratre interceptum audissent, proposita fraude defecti, summam ejus dissimulationem egerunt. Itaq; Rex accersita postmodum concione, docet quantum Da- 40 nicis armis militaris semper disciplina profuerit, majorum imperijs à minoribus semper obtemperatum fuisse, Regum auctoritatem popularibus inniti suffragijs, principum famam nullo magis quàm militum fide crevisse, eorumq; nullius momenti imperium esse, si non plebeiis subsistat auxilijs. Sibi vero nuper ignotam Regibus contumeliam obvenisse, inusitata defectionis auctores hebetudinem audaciæ prætulisse, aviditate otij speciosissimæ rei negotium subruisse. Adjecit quoq; quanta pecuniæ summa ob impium defectionis crimen damnari meruerint, gubernatorum singulis quadragena nummum talenta, terna remigum unicuiq; mulctæ loco numeranda proponens. Nemine collationem abnuente, promissa æris so- 50 lutio est. Quo cognito remittere se Canutus illam exactionem, si sacerdotibus decimas erogare voluissent, edixit. Tunc concio petita consulendi licentiā, paulisper à Rege deliberaturâ secedit, an propositis satisfieri conditionibus oporteret. Vtraq; exhibitu difficilis æstimata. In solvendo namq;

ære complures inopiâ afficiendos credebant; Decimarum verò pensionem
 omni ævo celebrandam, æternam debitoribus infligere servitutem. Igitur
 quasi in tristium rerum contextu minus asperè delectum facturis, acerbior vi-
 fa conditio, cui comes diuturnitas affuisset. Nam cum alterâ se tantum, alterâ
 posteros quoq; puniendos adverterent, præsentem inopiam perpetuo onerî
 prætulerunt. Itaq; temporum æstimatione facta, quò sibi tantum quàm
 pro posteris pœnam crearent, culpam redimere præoptantes, semel ære,
 quàm semper libertate defici maluerunt; jure elicited, dedecore vacuum;
 persvasione extortum, probro obnoxium rati. Quinetiam annuam alienis
 10 frugem dependere ignominia, non religioni attinere censebant. A quibus
 qum Rex deteriore conditionis partem approbari videret, simulatâ pecu-
 niæ exactione, septentrionales Jutia partes ingressus, Tostonem cognomine
 Peculatorum, ejusq; collegam Hortam colligendæ pensionis quæstores in-
 stituit, multâ metu decimarum religionem asserere cupiens. Iisdem de-
 fectorum res, æstimated possessionum pretiis, intactas dimittere jussum. Qui
 mandatum immitius ac jussi fuerant executi, iniquâ plebem exactione pul-
 sabant. Quam rem æmuli Regis in popularium concilio deplorantes, calum-
 niam mendacijs exaggerabant. Veris quoq; majora fingentes, invisos
 cunctis reddidêre quæstores. Quippe militum opus, non Regis imperium,
 judicabant, nec jubentis, sed jussi studium intuebantur. Quorum instinctu
 20 multitudo quæstores adorta, communem injuriam publica consternatione
 cohibuit: magis quid fieret, quam quid fieri jussum esset, inspiciens. Nec
 eorum cædibus satiata, in Regem quoq; vesana prorupit. Qui impetum
 ejus opportunè suâ ratus absentia declinandum, Slesvicum concessit, ibiq;
 conjugem cum filio constitutam, si res sinistrè cessissent, perfugere in patri-
 am jussit, nullum inter perfidos præsidium habituram. Siquidem intempe-
 stivum regno hæredem domesticorum arbitrio relinquere verebatur. Igi-
 tur Wandali solam sibi in armis libertatem restare credentes, fugæ ejus per-
 inde ac victores insultare cœperunt. Qui qum, imminentibus Jutis, &
 vetera auxilia deficere cerneret, nec no a temporis angustia contrahi sine-
 30 rent, quò tutior secessu foret, Fioniam petit, salutem insulæ præsidio quæsi-
 turus: ubi nihilominus indignam religiosissimo spiritu suo violentiam ex-
 pertus est. Hinc enim Jutis aucta sæviendi fiducia concitatam multitudinis
 temeritatem exacuit, hinc grassandi præsumpta libertas tristem Regi procel-
 lam inflixit. Sanè populares pœnæ metu cœptum omittere veriti, perseve-
 rantiam sceleri exhibendam duxerunt. Neq; enim bis læsum pœnam noxiis
 remissurum credebant. Ideoq; ejus exitium sitientes, ardentissimo odio san-
 ctissimi viri necem petebant: ac veluti venia desperatione compulsi, hostem
 tollere quam ultorem experiri maluerunt. Nec suis cum finibus exegisse,
 contenti, Fioniâ quoq; propellendum decernunt. Jamq; Rex accepto tra-
 40 jectionis nuncio, Sialandiam emigrare statuerat, cum Blacco quidam pri-
 mam ipsius familiaritatem adeptus, sed nihilominus eum occultè perosus,
 simulatæ fidei consilio hortatur fugæ parcat, Othoniensis pagi præsidia ex-
 petat, nec sœmineo more latebram circumspiciat: se interim plebis acta spe-
 culaturum, blanditiasq; iræ ejus oppositurum promittit. Quod si plebis ani-
 mum mitigare nequisset, tanto antè id Regi pronunciaturum, quantum fugæ
 occupandæ sat esset. Consilio obtemperatum est. Tunc Blacco omisâ legatio-
 ne, sinistris plebem monitis palpitans, conciliandæ gratia loco, odium Regi
 impenitus struit. Hortatur quàm celerrimè calumniæ auctorem occupent, nec
 fugacem elabi permittant, oppressionum vindices tyrannum non Regem fasti-
 50 dire commemorat: carere culpâ, quod honestatis æmulatione committitur:
 patriæ tutores perinde ac pietatis ministros parricidio exui: privatū abesse cri-
 men, ubi publicæ libertatis vindicta peragitur. Prætera miserrimos, cœpti ir-
 ritos; compotes, felicissimos fore. His atq; consentaneis modis sollicitato in

CANUTVS
Sanctus,

Regis necem populo, adversum immerentis caput funestos omnium conatus erexit, eaq; actione consternatam amentiam plebem veluti furiali quadam face succendit: statimq; impetus crevit, ubi hortatorem habere coepit. Neq; enim temeritati ejus constantiam suam objecit, sed publica sese dementiae auctorem ascripsit. Igitur incitatio seditionis procella pestiferam ejus concione efferbuit, graviorq; tempestatis incitorem noctis tumultus erupit. Inde reversus pacatiorem populi animum nunciat; facile consternationis procellam acquiescere, si Rex iram mutuo deponere, reisq; poenam remittere voluisset. Quem Rex fidum legationis ministrum ratus, regalis magnificentiae convivio excipit, malignumq; suae pietatis interpretem donis prosequitur. 10 Vitrobiq; gratia perfidia habita est. Nam Blacco alterna partes vice subiens corrupto legationis officio, pro mediatore proditorem agere coepit, atq; ex speculatore sceleris hortator evasit, sinistre Regis, falso plebis animum interpretatus. Ita pellacis viri mendacium legationis titulo involutum, Regem pariter ac populum sefellit, hunc, ne imminem vitaret, illum, ne parceret expectanti. Eundem die postera Rex prioribus paria pollicentem ad speculanda seditionis acta dimittit, communemq; hostem inter se & vulgum creandae pacis auctorem assumpsit. Nec solita legato perfidia defuit. Cujus pestiferis monitis instincta plebs vehementius adversum Regis caput consternationem distrinxit. Canutus interim quotidianis sacrorum solennibus as- 20 suetus, ne quid religioni praeponeret, Albani aedem sacram pro se deprecaturus accedit. Quippe precibus Deum, quam hostem armis, ne quid charitati detraheret, aggredi praepavit. Vbi dum religioni vacando, officia sanctitatis exequitur, consternatae multitudinis corona armis sacrarium clausit. Quotquot ergo ex militibus hostem praecurrere poterant, periculi consortium affectantes, Regem petebant, ejus in seipsum discrimen transfundere cupientes. Cumq; salutem secessu consequi possent, periculum praesentiae, quasierunt, morteq; clari quam fugatuti fieri maluerunt. Quanta porro humanitate clientelam hanc abundasse credemus, quae ne infelicem domini fortunam desereret, periculo sese, quod vitare licebat, opposuit, inq; magna fugiendi copia salutem Regis, quam suam, tueri satius duxit? Benedictus quoq; fraternitatis nexum fide imitatus, in templo cum fratre commori destinaverat. Ericus vero seorsum ab hoste conclusus, cum solus multitudinem sustinere nequireret, per medios hostium globos ferro secessum molitus erupit. Tunc nemine religiosae pacis domicilium violenter irrumpere praesumente, primus Blacco cunctantibus caeteris ferro valvas petivit, ductuq; suo eandem cunctis licentiam tribuit. Ita se non sacrilegii modo, sed etiam publici parricidii ducem auctoremq; exhibuit. Quod videns plebs concitato seditionis motu templum aggreditur, eoq; irruptione facta divinos lares, ac sanctissima penetralia sacrilega tempestate saevavit. Verum Blacco in ipso, quem irru- 40 perat, aditu trucidatus, datis parricidii piaculis, violati sacrarii poenas pependit. Mors ejus interfectoris exitu vindicata est. Itaq; alterius fato scelus, alterius pietas causam praebuit. Crediderim tunc pium cruorem parricidiali permixtum separatis fluxisse meatibus, atq; sine ulla rivulorum communi- one hinc sacrum inde scelestum sanguinem dividuis alveis incessisse. Benedictus liminibus irruptorem excipiens, dum foribus acrius propugnat, occiditur. Rex ipse inter cruentos imminentis violentiae strepitus, fiduciam conscientiae, eundem mentis habitum tenuit: neq; religioni parcus, quam si periculum abesset, vacavit, ne plus ab eo timoris quam constantiae viribus indulgeretur. Sed ne extrema quidem ejus hora sanctitatis studio vacua fuit. Nam cum pariete undiq; 50 a popularibus perfringi (quippe ligneus erat) ideoq; propinquam sibi necem instare animadverteret, accersito sacerdoti factorum arcana confessus per summam moeroris acerbicatem praeterita vitae culpas absolvit, praemiumq; sibi poenitentiae salubritate conscivit. Tantum enim in innocentia sua fiducia reposuerat ut morte non periculo oppressus refugere, sed metu vacuus appetere videretur.

Quinetiam propassis utrinq; brachijs ante aram fati securus occubuit: ubi dum victimæ more prostratus percussorem expectat, immissæ per fenestram lanceæ mortifico jactu confossus, pium mortis sacrificium edidit, profusoq; militum sanguine, suum ad ultimum erogavit. Enimvero crebris undiq; telis petitus, corpus immobile tenuit, nec ante loco, quo cubabat, excessit, quàm feretro mandaretur extinctus. Ex cujus sanctissimis vulneribus plus gloriæ quàm cruoris effluxit. Quippe præsentis vitæ exitu initium melioris accepit, hostili judicio punitus, divino servatus. Felix eorum parricidium, qui quem terrestrium virtutum orbe exemerant, cœlestium usibus applicabant, caducaq; & fragili potentia spoliatum, solida atq; æternæ felicitatis compotem statuerunt. Sed & clandestina ejus virtus perlucidis postmodum experimentis enituit.

Hæc audiens Regina patriam cum filio impubere reperit, geminis post se relictis filiabus: ex quibus Ingertha Folconi Svecicæ gentis nobilissimo nupta, Benedictum, Canutumq; filios habuit, hisdemq; mediantibus, Birgerum, qui & nunc extat, Sveciæ ducem, cum fratribus suis nepotem accepit. Verùm ex Cecilix matrimonio Ericus Gothorum præfectus Canutum cum Carolo procreavit. Ex quibus generosissimarum imaginum numerosa posteritas clara propinquitatis serie cohærens emerit.

- 20 At populus perempto Rege exultans, quod scelus desistere debuerat, insultatione prosequi voluptatis loco reputabat. Qui cum parricidio pietatis causam prætexeret, idq; tyrannicidij nomine coloraret, militem suum Deus mercede fraudari non passus, arcanam sanctissimi viri innocentiam manifestis publicavit indicijs, eximioq; vitæ ejus splendori etiam clara mortis ornamenta concessit. Sanè ad coargvendam parricidarum malitiam puniti merita miraculosis prodidit argumentis, ignotamq; vulgo virtutem mirifico rerum fulgore detexit. Quorum plebs admiratione perculsa virtutis invidiam egit, conspicuamq; signorum experientiam diu ne quicquam infuscare tentavit. Veteris namq; invidiæ fremitu, ac pristinis odij viribus pertinacius excandescens,
- 30 adduci non poterat, ut divinis honoribus coleret, quem ob scelus à se interfectum putaret, rem cœlitus declaratam humanis argumentis abnegare conando. Quanquam enim damnatos à se mores cœlesti judicio comprobatos videret, ad dissimulandam tamen, occultandamq; miraculorum fidem justam cædis causam fingeat, firmamq; facti tuitionem retinens, sententiæ suæ perseverantissima propugnatrix existere non erubuit. Nec vita Regem spoliassè contenta, etiam fati laudibus exuere conabatur, cujus lucem extinxerat, famam quoq; sepelire connixa. Sed humanis tenebris divinus splendor involvi non poterat. Quippe miraculorum nitor dubietatis caliginem clara rerum luce pellebat. Nam sanctitatis ejus medela varias imbecillitatum affectiones remedium salubritate profecuta est. Cumq; obrectantium livor crebrescentibus signis virtuti cedere cogeretur, nec fidem ulterius frustrari quivisset, in facti tamen defensione persistens, sanctitati quidem assensit, sed eam non tam ex præteritæ vitæ meritis quàm ultimi temporis pœnitentia profectam astruxit. Ita & justam facto causam prætexuit, & vita cassum honore donavit. Siquidem dignè Regem perissè, sed pium lacrymis evasisse dicebat, intentionem ejus avaritiæ quàm religioni propiorem existimans. Cujus erroris non parvas postmodum pœnas pependit. Sed & posterì paternam redolentes invidiam, sanctitatis ejus fortunam non moribus, sed lacrymis imputant, præsentiq; incredulitate præterito sese errori implicant. Neq;
- 50 adduci possunt, ut ipsius beatitudinem deposito odio syncerè æstiment. Verum sacra ejus oppidulo orta toto penè terrarum orbe fulserunt, cultusq; ipsius primum à civibus exceptus, paulatim in commune prorepit. Cujus tam vitæ quàm miraculorum virtutem privatim Othoniensibus venerandam, publicà etiàm religio consecravit. Sed & cœlestem ejus.

CANUTVS
Saxo.

spiritum ad hoc usq; tempus felix signorum fortuna prosequitur. Hinc est quod Canutus divini jam animi immortalitate potitus, ut terrestribus patriam patrociniis attollere studuit, ita cœlestibus protegere non desistit: ideoq; sanctitas ejus gloriæ & celebritatis fructu opulentissima, splendidum in Fastis locum obtinet. Quin etiam salutare effectus suos quotidianis administrat indiciiis, malitiamq; patriæ, beneficiis pensat. Nam virtutum ejus insignibus omnis ætas Danica gloriabitur. Talibus illustrationis radiis sanctorum fatis claritas erogatur, cum cœlesti beneficio mortalis livor opponitur.

HISTORIÆ DANICÆ LIBRI VNDECIMI FINIS.

10

SAXONIS GRAMMATICI HISTORIÆ DANICÆ LIBER DUODECIMUS.

LXVII.
OLAVS
Famelius.

INTERFECTO Canuto, Juti iniquæ societatis pertinaciâ singularem Olavi gratiam amplectentes, creare eum Regem alacerrimis petivere suffragiis: hunc sibi plurimum gratiæ relatûrum sperantes, cui tanto regnum discrimine quæsiuissent. Neq; ejus fratribus hunc honorem, eximio Canuti amore suspectis, erogandum duxerunt. Igitur pecuniâ pactâ, Nicolaum communem tam præteriti quàm futuri Regis germanum, vadem pro ejus redemptione dederunt, receptoq; regnum imponunt. Nec parvum Nicolaus fraternæ charitatis specimen edidit: siquidem fraternas induere catenas, suisq; vinculis germano regnum emere non dubitavit. Quod audiens Ericus, contumeliæ memor, quam ei communis fratris jussu inflixerat, ultionis metu cum conjuge Bortildâ, quæ Ulvoni Gallitiano ex filio Thrugoto neptis obvenerat, Svetiam petivit. Dani vero collato certatim ærē pro sponsoris reditu, pactam creditori pecuniam numerarunt. Quem Flandrensi custodiâ liberatum, infesta parricidis fortuna veluti cladem aliquam nostrorum abundantia ac fertilitati iniecit. Nam cum Dani novi Regis initiis applaudentes pristinae ruinæ procacius insultarent, criminosis semper infensa divinitas, ne diu scelus impunitate floreret, petulantiam penuriâ rependere voluit, communiq; inopiâ publici parricidii justa exegit piaculâ. Vt enim non in singulos modò, sed in universos animadverteret, summa aëris intemperantia annorum, quibus Canutus regnum gesserat, numerum adæquavit, cœlestiq; robore humana vi majorem edidit ultionem. Quippe verni æstiviq; temporis fervore sarum omne coaruit: autumnale verò adeò pluvium fuit, ut si quid locorum humilitate palustrive madore alitum succrevisset, perseveranti imbrium inundatione decideret. Quamquam contrarium cœli habitum humanæ commoditatis ratio flagitasset. Igitur opportuno Solstitium humore caruit, eundemq; sine modo profusum siccum amans Sextilis excepit. Tunc planè camporum facies cœlestibus imbribus inundata, late patentis stagni speciem præbere conspecta est. Ità quod æstas ægrè genuit, autumnus oppressit: tantaq; temporum intemperies extitit, ut nec imber æstum leniret, nec æstus imbris illuviem temperaret. Quin etiam agrestes, aquis campos tegentibus, supernantia spicarum capita demerentes naviculis excipiebant, ac deinde putres aristarum reliquias fornacibus igni percalefactis exsiccandas mandabant, sicq; eas molæ subjicientes, quia panem præstare non poterant, in usum pulvis vertebant. Quamobrem tanta ciborum penuria incessit, ut maxima populi pars alimentorum inops inediâ consumeretur. Ea

res

res locupletes inopiâ, pauperes morte multavit; majoresq; ære, minores spiritu spoliavit. Nam divitum populus non suppetentibus alimentis, auro argentoq; salutarem comparavit impensam: pauperum vero gregem tam census quàm dapis inopem horrida passim fames absumpsit. Rex ipse ad ultimam tabem redactus, plurima fruge latifundia permutabat, agrisq; vænire jussis, alimenta possessionum precii comparabat. Nobilibus in eundem usum ingenuitatis insignia erogare rubori non fuit. Enimvero abundè seges finitimierat, ut privatas gentis, non publica terrarum ultio videretur. Quæ tam dira clades convictum populi animum sanctitatem Canuti, quam antea detrectaverat, fateri coëgit: deq; celsitudinis ejus contemptoribus veneratores effecit. Sanè tam evidens pœna, aliis fruge abundantibus, Danis privatum ingruens, & parricidarum noxam, & perempti innocentiam, liquidò argumentata est.

Hanc pestem Sveno Pontifex, cujus summa apud Danos auctoritas erat, populo parricidii pœnitere permonito incessuram prædixit. Quippe in plebem pius, in Deum venerabilis habebatur, religionemq; attentiore cura, conciones præstantiore facundia celebrabat. Ità favore omnium occupato, arcem inter nostros auctoritatis, atq; eloquentiæ fastigium possidebat. Subjectorum mores, non solum dictis, sed etiam serenissimis operum informabat
 20 exemplis, nec voce quàm mente concinnior fuit. Idem perfecta Trinitatis æde, in exædificando ejus ambitu Canutum religiosi operis socium habuit. Nec minorem in extruendis Mariæ sacrariis operam gessit. Quippe unum in urbe, alterum Ringstadis enixè molitus, tertium Michaëli Slaglosiæ condidit. Adeò se sanctorum penetralium singulari cultu flagrare monstravit. Nec domestica sanctitate contentus, augmentum ejus foris petere, arrepto peregrinandi labore, constituit. Cumq; Hierosolymam proficiscens Byzantium pervenisset, contracta varii generis ornamenta cum sacrorum cinerum reliquiis in necessarios usus domestici templi remittenda curavit. Sed cujus Græcia pietatem vidit, mortem Rhodus aspexit. Iisdem ferè temporibus absumpto Richvaldo, Ascerus morum generisq; splendore eximius Lundeni
 30 potitur sacerdotio.

Olavus cum bis penè lustrum regnando condidisset, inter continuas rei familiaris angustias, nihil regali magnificentia dignum exequi poterat. Sed & finitimi factò paupertatis ejus contemptu, famelicum ferro incessere ruboris loco duxerunt, rati in ediam armis obrui non oportere, neq; divinitus afflictum humanitus premi, aut cœlestium vindictam mortalium viribus exaggerari. Cui enim invidiosum existeret regnum contemptissimâ tot annis inopiâ profligatum? Cum Rex divinum Natalem celebrans, pane in domo non suppetente, jejunos circumquaq; penatès aspiceret, erubescendâ mensarum inopiâ magnoperè confusus, obducto manibus capite, suffusoq; lacrymis vultu,
 40 per summam animi ægritudinem temporis difficultatem gemitu profecutus est. Sanè tantulam dapem tot convivis apponi deslevit, contemptissimam famem honoratissimæ lucis ignominiam judicans. Qui mihi alienam specie, suam re verà deplorassee videtur inopiam. Deinde supplicatione habita, superna contuitus, auctorem omnium Deum, ut si quid iræ adversus populum concepisset, suo, non ejus periculo satiaret oravit, infelicitissimum patriæ statum, difficillimum temporis habitum æstimans. Quippe tam inops epularum convivium, quo famem instruere potius, quàm pellere videretur, principum oculis subicere erubescibat. Nec difficiles numinis aures habuit. Siquidem
 50 celerem fati viam obtinuit, sibiq; mortem, salutem patriæ, (si qua modo parricidis virtus inest,) piâ prece conscivit, ingenuoq; vivendi pudore maximæ cladis pœnam avertit. Itaq; memoriæ ejus speciosius deposita vita quàm gesta ascribi potest, qui fatum patriæ finiendi spiritus causam habuit. Porro quantum charitatis erga suos cordi insitum haberet aperuit, cum & eorum mala proprio capite luere vellet, & commune periculum ad se solum redun-

OLAVS
Saxonicus.

dare deposceret. Nempe quia suam pro civium salute devovit, pii animi titulo fraudandus non est. Fortuna siquidem famem cum auctore suo pari funere extulit, inediaque; satietate mutavit.

LXVIII.
ERICVS
Ejregod,

Huic Ericus natu proximus è Sveria revocatus, magno omnium favore sufficitur. Hujus ætas periclitanti populo labentis annonæ subsidia reparavit, segesque; tempestivi imbris beneficio visitata convaluit. Nam regnante eo, agrorum habitus ad tantam ubertatem excessit, ut singuli cujuslibet annonæ modij totidem denarijs permutarentur. Sed & continuis regni ipsius annis eadem agris ubertas incessit. Quo evenit, ut non solum ex morum, sed etiam temporum placidissimo usu, Boni cognomen acciperet. Tunc plane penuriæ copia, inopiæ successit abundantia. Hujus viri virtutes summatim cognoscere, tædio non sit. Nam præter ingentia animi decora, singularibus naturæ incrementis evectus, admirabili corporis magnitudine eò proceritatis excesserat, ut cæterorum vertices humeris superaret. Nec longitudini inconcinna soliditas fuit, ut totam ejus compagem exactissimo naturæ ingenio excultam elaboratamque; putares, quæ corpori granditate conspicuo consentaneum virium habitum conciliavit. Igitur ut corpore nullam, ita nec robore parem habuit, cum staturæ laude egregia quoque; vigoris ornamenta fortitus. Hastæ aut lapidis jactu sedens stantes vincebat: neque; illi situs, quò minus fortitudinis suæ experientiam ederet, officere potuit. Eodem corporis situ ex robustissimis duces luctû aggrediebatur; dumque; alterum attrectaret, alterum genibus compressum urgebat; nec ante destitit, quàm prius hunc, deinde illum pedibus subjiciendo, amborum manus post terga vinciret. Nec minori robore funiculorum certamen exhibuit. Quippe unum dextrâ, alterum sinistrâ continens, eorum extrema quatuor præstantibus robore viris ex adverso distrahenda commisit. Quibus eum nequicquam sede suâ detrahare laborantius, ipse funem utrumque; modò dextrâ, modò lævâ corripuens, ingenti fortitudine effecit, ut aut tenentibus restim excuteret, aut eosdem ad semagnoperè renitentes appelleret, funemque; ducere nequeuntis sequi cogeret. Eodem quoque; speciosissimus vocis habitus fuit. Siquidem conciones non solum præstanti facundia, sed etiam tanta pronunciationis amplitudine celebrabat, ut in actionibus non solum à præsentibus, sed etiam à procul positis liquidò exaudiretur. Præterea ad conciliandam sibi popularium benevolentiam in extrema actionum suarum parte mandati loco subnectere consueverat, ut viri conjuges suas ac liberos, nec non & servos, cum primum domos redissent, sub ejus titulo consalutationis officio prosequerentur, suum se cuique jus servaturum promittens, communemque; cunctis in exhibendo æquitatis cultu, debitorem affirmans.

Verùm hunc corporis ejus animique; fulgorem, sola libidinis vis tetris intemperantiæ maculis obscurabat. Siquidem conjugalis copulæ tædio Veneris usum pellicum cubiculis intentum habuit: quanquam ei fortuna uxorem forma ac moribus conspicuam sociaffet. Nec defuit Botildæ tolerabunda mens ad insolentiam mariti sustinendam. Puellas siquidem, quas ab eo ad amari persenserat, maternæ dilectionis officijs prosequabatur, easque; quò promptius mariti studijs indulgeret, quo ad vixit, inter pedissequas habuit. Quarum ut forma in quoque; concinniore efficeret, sæpenumero capitibus earum cultum proprijs manibus exhibebat. Cumque; abundè foret iram abjecisse, addidit charitatem, & quia sua specie non potuit, aliena marito placere voluit, virique; in eis affectum colere, quàm læsionis suæ vindictam agere præoptavit, ne clarissimum ducem turpitudinis reum ageret. Etenim amoris sui raptrices officijs quam odiis insequi speciosius duxit. Itaque; non solum mariti flagitium dissimulatione texit, sed etiam absque; respectu pellicatus odium merentibus, gratiam erogare sustinuit, veneratione contemptum, obsequijs injuriam pensans, eoque; facto clarissimum muliebris patientiæ

riæ exemplum præbuit. Quin etiam singulari moderationis beneficio posteritati insignem nominis sui memoriam commendavit. Fuere Erico filij, Haraldus, Canutus, & Ericus: sed primus concubinâ, secundus matrimonio, tertius adulterio ortus proditur.

Nec mansuetudinis spiritus Regis fortitudini defuit; qui ut crudelitatis alienus, ita socioriâ vacuus medium inter desidiâ ferociamq; temperamentum tenuit. Ejusdem quoq; severitas benignissimè popularib9 affuit. Nè enim potentum avaritia æquitatis vinculum labefactaret, petulantiaq; juris hebetudinem pareret, insolentia rigorem opposuit, & quo plus à perversis
10 loco distitit, hoc magis per imperium nocuit. Quippe cum à popularium oppressoribus parum per absentiam timeretur, eosdem subita satellitum manu interceptos suspendio consumendos curavit. Quo factò quid aliud quàm injuriæ pondus arboreâ lance pensavit? Quamobrem majoribus formidolosus, minoribus percharus evasit; cum hos paternâ indulgentiâ, illos Regiâ severitate insequeretur. Filias quoq; complures ex concubinato habuit; quarum unam Haquino cuidam Bëronianæ necis ultionem pollicito, præmij nomine nuptum dedit. Frater siquidem Erici Bero Holfatijs Dychmersisq; subactis, eo loci, ubi Wermundi filium Vftonem, cum duobus Saxonica gentis lectissimis manum duelli nomine conferuisse proditum est,
20 munitionem inhibendæ defectionis causa molitus, vallo fossaq; insulam cinxit. Cujus dominationem popularium quidam privatim perosus, concionantis latus hasta transfixit.

Ra tempestate Sclavorum insolentia diu Danicæ rei miserijs alicta [quippe magis ortijs Olavi proveستا, quàm ullis ejus negotijs retusa fuerat, [piratica nostros acerrimè lacessebat. Sed & Autouem quendam splendidissimo loco natum, Falstria in Sialandia petentem, moriq; quàm intercipi præoprantem occidit. Enimvero ingenitâ Danico sanguini virtus, captivitatis fortem omni fato tristiore existimat. Quam rem Skialmo Candidus, [frater hic Autonis erat,] in celeberrimis Danorum concilijs querelarum frequentia prosecutus extudit, ut auctoritate ejus motum vulgus, unius necem
30 omnium manu ulciscendam decerneret. Adeò quippe regia majestas popularem libertatem evexerat, ut ei decernendarum expeditionum jus esset, armisq; publicis, non imperium principis, sed plebis arbitrium præfideret. Præterea Alli & Herri Scania oriundi, sed ejus usum facinoribus demeriti, Julinum certissimum Danorum perfugium proscriptorum titulo petiverunt. Cujus enixè negotia consecretantes, maritimisq; patriam latrocinijs incessentes, rem Danicam atrocius profligare cœperunt. Tunc Danica juvenus Julinum adorta, fractos obsidione cives, quotquot intra mœnia piratas habebant, cum pecunia pœtionis nomine præbere coegit. Quibus
40 nostri in potestatem acceptis, læsæ patriæ poenas crudelissima mortis ratione expetendas duxerunt. Nam quo violentiore eos morte consumerent, revinctis post terga manibus, palis primùm affigendos curabant, deinde ventrium cava cultro rati, nudatis extis primaq; viscerum parte protractâ, cætera stipitibus explicabant, necantè supplicium remiserunt, quàm tortos extis funditus alvo egestis, horridæ rapacitatis spiritum profundere coegissent. Quod spectaculum ut specie triste, ita re nostris perquam utile existit. Non solum enim reis poenam inflixit, sed etiam cæteros consimilem cruciatus causam vitare permonuit. Itaque non minori visentibus documento, quàm afflictis supplicio fuit. Nec semel quidem Ericus Sclavici roboris amplitudinem præsit, & nervos debilitavit, sed iterum ac tertio effrenata gentis illius ingenia tanto tempore retudit, ut nulla eum ulterius piratici æstus procella pulsaret.

Interea defuncto Egiño Ascerus clarissimo inter Jutos loco natus, Lundense sacerdotium sumpsit. Fortè autem Hamburgensis Antistes ob inanes
& falsas

ERICVS
Ejiegod,

& falsas suspiciones Ericum execratione multandum censuerat. Quod veritus Rex, appellatione sententiam præcucurrit, Romamq; evestigio petivit: ubi causæ suæ examine diligentius habito, Pontificis accusationem potenter repulit, cunctisq; defensionis partibus actore superior redijt. Nec contentus efficacissimum causæ dictionis suæ propugnatorem egisse, adversariæ partis odio penetralium sacrorum decus externo sacerdotio subjectum habere passus non est. Quamobrem Romam regressus, tum se, tum etiam patriam ac domestica sacra Saxonica prælatione liberari petivit, ne religionis ratione exteris admodum obsequi cogeretur, aut ejus disciplinam ab alie igenis petere necesse haberet. Nec difficilem Curia consensum habuit. Quæ ne clarissimum virum repulsâ afficeret, tum dignitatis, tum etiam fatigationis ejus intuitu mota, petitioni annuit, seq; regnum ipsius summi sacerdotij insignibus adornaturam spondit, atq; eâ promissorum spe Regem à se exhilaratum dimisit. 10

Sed tristioris fortunæ, quod sequitur. Reversus namque Ericus cum more Regiodomi in propatulo cœnaret, inter alios quendam Musicæ rationis professorem adesse contigit. Qui cum multa super artis suæ laudibus disputasset, inter cætera quoq; sonorum modis homines in amentiam, furor emq; pertrahi posse firmabat. Quinetiam tantas fidibus vires inesse dicebat, ut perceptis earum modulationibus astantes mente constaturos negaret. Cumq; an ejusmodi usu calleret interrogatus, peritiam fateretur, tum precibus Regis, tum etiam minis effectum præsentare compellitur. Qui cum nec vecordiæ metu, nec periculi prædictione imperantem avertere potuisset, ne futuri nocendi materia suppeteret, primum æde armis vacuefacta, complures extra auditum citharæ in ambitu collocandos curavit, oriente vesaniæ strepitu fores irrumpere, ereptamq; manibus suis citharam capiti illidere jussos, ne ulterior ejus modulatio supervenientes quoque mente capto efficeret. Monuit quoque præstò esse qui furentium vesaniæ valenter occurrerent, nè lymphantes, dementiâ in rixam versâ, mutuis seipsum viribus interimerent. Obtemperatum consilio est. Igitur armis domo egestis, claustrorumq; custodia obseratis, fidibus operam dare exorsus, inusitata severitatis musam edidit. Cujus primâ specie præsentis veluti in æstiva ac stupore complevit. Qui postmodum ad petulantiores mentis statum vegetioribus lyra sonis adducti, jocabundis corporum motibus gestiando, dolorem plausu permutare cœperunt. Postremò ad rabiem & temeritatem usque modis acrioribus incitati, captum amentiam spiritum clamoribus prodiderunt. Ita animorum habitus, modorum varietas inflectebat. Igitur qui in atrio melodiæ expertes constiterant, Regem cum admissis dementire cognoscunt, irruptaq; æde furem complexi, comprehensum continere nequibant: quippe nimio capto furoris instinctus, eorum se valide complexibus eruebat. Naturæ siquidem ejus vires etiam rabies cumulabat. Victo itaq; colluctantium robore procursum nactus, convulsus regiæ foribus, arreptoq; ense, quatuor militum continendi ejus gratia propius accedentium necem peregit. Ad ultimum pulvinarium mole, quæ undiq; à satellitibus congerebantur, obrutus, magno cum omnium periculo comprehenditur. Vbi verò mente constitit; læsæ primum militiæ justa persolvit. Ut autem acrioribus expiationis modis poenitentiam ederet, redimendæ noxæ gratia, religiosæ peregrinationis propositum amplectatus est, Judæamq; divinæ visitationis memoriâ venerabilem adire constituit. Cujus studij sanctitatem cum diu tacitus animo revolvisset, tandem ijs maxime, quos ob excellentem corporis habitum professionis suæ consortes destinabat, insinuat. Quibus rem dolenter ferentibus, id ipsum apud celeberrima patriæ concilia publicavit. Quod cum in Wibergica quoq; concione vulgasset, attonita multitudo, perinde ac patrem amissura foret, ingemuit,

gemuit, absentiam ejus perniciosam patriæ futuram vociferans, inq; eo remorando tota plebs unius plorabundiamici vultum habuit. Ad ultimum lacrymis suffusa supplicem se ejus genibus advolvit, magnopere deprecans, ne magis privati voti quàm publici commodi debitum intueretur, eumq; plus Deo syncera regni administratione, quàm exilio placitum affirmans. Ille precibus concionis voti religionem opposuit, e usq; titulo propositi pertinaciam tuebatur. Nec populo ad refellendam excusationis rationem consilij sagacitas defuit. Redimendi namq; voti gratia tertiam se rei familiaris partem egentibus erogaturum promisit. Sed ne sic quidem tenacissimam sanctitatis ejus perseverantiam labefecit. Negabat enim Rex honestatem culpa redimi posse, seq; alieni æris interventu voto liberum fore, futurum asserens, si conditione uteretur, ut & se perjurij, & patriam paupertatis periculis implicaret. Malle vero proprio sumptu profectiorem instruere, quàm aliunde impensarum necessaria mutuari, ne alieno gravamine ad peragendum devotionis propositum uteretur. Itaque seductos Majores de substituendo interim procuratore consulere cœpit: non quia prudentiâ fallebatur, sed ne præteritis aliorum consiliis, suo indulisse videretur, privatam sententiam publicæ præferendo. Quo audito principes id se consultoris optioni permittere responderunt, ne hac quidem in re de
10 ejus industria dubitatos, cujus summam in alijs solertiam didicissent. Tunc Rex Haraldum filium, quem præstantior ætas honori tempestivum effecerat, Regis partibus perfunctoriè donat. Scialmoni vero Candido splendidissimæ atq; integerrimæ dignitatis viro, cui non solum totius Sialandiæ, sed etiam Rugiæ vectigalis à se factæ procurationem detulerat, peragendæ circa Canutum educationis officium mandat. Ericum autem obscuriore loco natum hebetiore quoq; cura complexus, minoris potentia tutoribus applicavit. Quibus dispositis, ut granditatis suæ speciem consentaneo corporum habitu minueret, procerissimos quosq; peregrinationis participes legit; sicq; alienæ staturæ spectaculo, suæ miraculum temperavit, nè singularis ejus magnitudo visentibus exteris ludibrio foret. Nec
30 piger Botildæ ad consecranda mariti studia animus fuit. Quem quidem eodem voto, sed dividuo toro secuta, profectiōis meritum pudicitia cummulavit.

Sed neq; Ericus patriæ, quam deseruit, curam abiecit. Ne enim Dani sub externo Pontifice sacrorum munera celebrarent, missis ad Curiam legatis, in ornamentum domesticæ religionis maximi sacerdotij insigne expetendum curavit. Nec eum Romanæ promissionis fides fefellit. Profectus enim à curia Legatus, qui sacri insignis prærogativâ nostræ gentis sacerdotium adornaret, cum celeberrimis Danorum urbibus inspectis cuncta curiosissimè collustrando, non minorem personarum quàm civitatum respectum egisset, Lundia, ob egregios Asceri mores, cum quod ad eam è finitimis regionibus terra mariq; transitus abundè pateat, hunc potissimum honorem deferendum existimavit. Nec solum eam Saxonica ditione eruit, sed etiam
40 Suetiæ Norvagiæq; religionis titulo, magistram effecit. Nec parum Dania Romanæ benignitati debet, quâ non solum libertatis jus, sed etiam exterarum rerum dominium assecuta est.

Interea Ericus petitam navigio Rusciâ terrestri permenſus itinere, magnâ Orientis parte transcurſa, Byzantium veniebat. Quem Imperator nequaquam urbe excipere ausus, extra moenia tendere jussum, hospitalitatis
5 officijs proſequebatur, ratus religionis simulatione dolum intendi. Siquidem famam ejus ac magnitudinem suspitione inſecutus, impensis eum quàm moenibus fovere maluit. Ad hæc, Danos summa à se familiaritate cultos eadem suspitionis occasione notabat, perinde ac majorem patrij Regis quàm stipendiorum suorum respectum acturos. Inter ceteros enim, qui
Con-

ERLEVS
Siegod.

Constantinopolitanæ urbis stipendia merentur, Danicæ vocis homines primum militiæ gradum obtinent, eorumq; custodiâ Rex salutem suam vallare consuevit. Nec Imperatoris Ericum opinatio fefellit. Verum re dissimulata iter habitâ, venerandorum sacrorum gratia civitatis introitum expectavit, præfatus maxime se eo loci celebrandæ religionis amore perductum. Imperator collaudato petentis studio, postero se die postulationi responsurum promittit. Interea qui ex Danis Græcorum militiam secuti fuerant, Imperatore adito, Regem suum consalutandi potestatem efflagitant, permissisq; segregatim egredi iussum, ne simul omnium animos una Regis hortatio caperet. Subornaverat enim Imperator utriusq; vocis peritos, per quos eorum Ericiq; colloquia disceret. Primum itaq; consalutato Rege, confidere iubentur. Tum ille fari exorsus, docet Danos Græcorum stipendia merentes jam dudum honoris arcem virtutibus in petrasse, indigenis exules imperitare, multoq; foris quàm domi feliciores existere. Ad hæc, Imperatorem eorum fidei capitis sui custodiam credere, eumq; prælationis usum non tam ex eorum meritis, quàm ex illorum, qui antè eos Græcorum militiam coluissent, virtute progenitum. Quapropter magnoperè eis curandum esse, nè plus remulentiæ quàm sobrietatis studiis indulgerent, susceptæ militiæ melius affuturi, si neq; se vino, neq; Regem solitudinibus onerassent. Fore autem si frugalitatis normam deseruissent, ut militiam segnes, jurgia alacres exequerentur. Monuit quoq; ne manum cum hostibus conferturi, maiorem vitæ quàm virtutis curam agerent, nevé mortem fugâ præcurrerent, aut salutem suam ignaviæ præsidio tuerentur, promittens se cum primum in patriam redissent, fidelem eorum operam beneficiis pensaturum. Quod si viriliter dimicantes spiritum in acie profudissent, propinquos eorum ac necessarios honore prosecuturum. His atq; consentaneis modis universos affatus, propensam Danorum fidem Græciæ conciliavit. Cujus rei Imperator per subornatos certior factus, falso Græcis sapientiæ prærogativam ascribi inquit, quod ducis fidem notassent, cujus gentem toties alienam perfidiæ cognovissent. Siquidem probatissimo popularis constantiæ experimento regiæ fidei habitus æstimari poterat. Cumq; eum religioni potius quàm fraudi intentum aspiceret, urbe exornari iussâ, ac plateis cultûs stratis, dextera manu venerabiliter exceptum ad curiam & palatium usq; magno cum omnium tripudio, triumphantis more, perduxit, & cui suspicionem immerenti inflixerat, honorem, quo major ab homine præstari non poterat, erogavit. Quinetiam ei perinde atq; honoratissimo hospiti regiam celsit, eaq; nemo deinceps Imperatorum uti voluit, ne quis se maximo viro tecti communionē æquasse videretur, hospitijq; reverentia perpetuum hospitis monumentum existeret. Quinetiam accersito, qui staturam ejus mensuræ parilitate comprehenderet, stantisq; & sedentis habitum quàm diligentissimè coloribus complecteretur, tantæ magnitudinis admirationem perenni spectaculo representandam curavit. Et ne tantum hospitem indonatum dimitteret, complacita postulare præcepit. Quem cum facto opum contemptu sacros potissimum cineres exoptare cognosceret, honorandis ossium reliquiis donat. Ille religiosum munus cupidè amplexatus, id ipsum Imperatoriâ bullâ assignatum Lundiam, Roskildiamq; deportandum curavit. Et ne ortus sui locum veneratione vacuum sineret, Slangathorpiam, cum Nicolai sacratissimis ossibus, divini patibuli particulam transtulit. Quippe & oppidi illius templum molitus, & eo loci, ubi nunc aram videmus, matre editus proditur. Præterea oblatum ab Imperatore magni ponderis aurum sprevit, ac repudiavit, ne postposito continentiæ studio, Græcas opes appetere videretur. Quem mox Imperator injuriæ reum agere cœpit, affi mans se, non donum, contemptu ab eo fuisse perfusum, abjectisq; precibus unico notæ irritamento oblati

oblatis verecundè eum uti coëgit. Et ne Rex accipientis potius, quàm erogantis partes agere videretur, humanitatis ejus officiis mutua liberalitate respondit. Sed donis ejus pretium novitas fecit, barbarumq; munus hoc Imperatori charius, quò Graciæ rarius fuit. Deinde piraticis ab ipso navigiis, commeatûque donatus, Cyprum contendit. Cujus insulæ natura adeò quondam tumultorum impatiens fuit, ut mandata sibi interdiu corpora, proximâ nocte rejiceret. Hic Rex febris implicatus cum vicinum sibi fatum adesse cognosceret, apud celeberrimam Cypri urbem corpus suum funerari petivit, præfatus tellurem aliorum cineres respuentem, suos quietius habituram. Igitur pro voto tumulum nactus, corporis sui beneficio vetustam humi indignationem repressit, eamq; humanis ante cadaveribus reluctantem, non solum suâ, sed etiâ alienâ sepulturâ patientem effecit. Conjugem quoq; ejus idem peregrinationis labor finivit. Jamq; tota Regis Svenonis stirps ad tres tantum filios, Svenonem, Nicolaum, & Vbbonem redacta fuerat. Nam ut ex suprapositis liquet, Canutum, Benedictum, atq; Beronem ferrum abstulit, cæteros morbus absumpsit.

A discessu verò Erici biennium intercessit, antequam Dania certum mortis ejus nuncium accepisset. Igitur Svenonatu major ab Erico secundus tantoperè regnum ætatis fiduciâ affectabat, ut nequaquam communem patriæ sententiam duceret expectandam, vocatâq; Wibergum concione, publici delectus arbitrium unius provinciæ judicio præcurrere non extimesceret. Et fortassis morum suorum obscuritatem perspicaciori censura committere, verebatur, ideoq; fastigium paucitatis consensu rapere, quàm fortunam suam incerto multitudinis decreto subicere maluit, partiumq; suffragiis occupare, quod universorum erat sententia tribuendum. Sed dum citato equitatu cursum ad Wibergicæ concionis locum dirigit, corporis firmitate defectus, quò lenius commodiusq; ferretur, carpento se excipere jussit, affirmans hilariter obiturum, si saltem sub Regis titulo triduum exegisset. Neque enim nervorum hebetudo, aut membrorum tarditas festinabundæ mentis cursum reflectere potuit. Sed ob morbi magnitudinem hujus quoq; usum perosus, ministris properare jussis, lecticam poposcit, præfatus nil se curaturum, si Rex à populo salutatus, spiritum in concione deponeret. Enimvero insopibilis ambitionis calor imbecillitate superari non potuit. Sed dum adversâ valetudinis immemor supra vires concionem appetit, non regno fatum, sed fato regni titulum præcucurrit. Restabat igitur ut circa Nicolaum Vbbonemque delectus perageretur. Nam Haraldus summa sibi popularium odia iniquissimâ regni administratione pepererat. Quippe procuratione in calumniam versa, tam fœdè se, tamq; deformiter gesserat, ut abjecto justitiæ cultu rapinis ac latrociniiis teterrimam in subiectos potentiam exerceret, plebêmque omni injuriæ genere fatigaret. Quo evenit, ut cuncti sordidissimam ejus dominationem perosi, nequaquam regnum oppressori deferendum putarent, indignum rati injurias suas obsequiis, angustias honore rependi. Cunctis ergò illorum cœuntibus, cum ob ætatem Vbboni summa decerneretur, Nicolaus solus, qui id agrè laturus putabatur, maximo favore concionis suffragia comprobabat, quòd Svenonis filii pro ætatis habitu regni inter se successionem versare consueverint, semperque minorem major honoris hujus hæredem habuerit. Vbbo verò parum solertiæ filius, veluti secordiæ conscientiam tanto oneri humeros suos subicere recusavit, vegetioris ingenii fratrem eo munere dignissimum asseverans. Enimverò animi sui imbecillitatem proprio quàm alieno judicio metiri prudentius duxit. Sed mihi quidem vitandæ præsumptionis gratia, humiliter quàm verius de virtute sua sensisse videtur, cui melius respuendo regnum, quàm amplectendo consuluit. Eo quidem honore dignior, quòd oblatum sibi fraternæ prudentiæ cedere non erubuit. Et quidem Dani parum justâ æstimatione tam modestam ejus verecundiam prosecuti, ignariq; prudentem virum fugiendi oneris rationem inertiam

simulatione quasiffi, quem perseverantiâ superare debuerant, negligentia præterire sustinuerunt. Quis enim mentis compos hujus refertum industriâ pectus ignoret, qui se intra privatum fortunæ habitum continere, quàm dignitatis incrementa curâ ac sollicitudine quærere præoptavit?

HISTORIÆ DANICÆ LIBRI DUODECIMI FINIS.

SAXONIS GRAMMATICI
HISTORIÆ DANICÆ 10
LIBER DECIMUS TERTIUS.

LXIX.
NICOLA-
VS,



GITUR Nicolaus, suscepto regno, adeò animum ab omni fastu aversum habuit, ut nihil ex pristina mansuetudine suâ decerperet, totamque præteritæ vitæ consuetudinem retinens, cum fortuna animum mutari passus non est, nè potius fortunæ mores, quàm moribus fortunam subicere videretur. Præterea ne patriam sumptuosâ clientelâ, 20 ac voracibus oneraret impensis, quotidianam militiam suam sex tantum aut septem clypeis, ob exturbanda latrocinia, contentam habuit: nec petulantio rem Regem, quàm militem egit. Duxit autem Margaretam patre Ingone Sveonum Rege, matre vero Helena natam: cujus castitatem Rex Norvagiensium Magnus conjugio delibaverat. Qui cum sedulo Sveones adortus, in Hallandenses etiam arma proferret, inopinatè eorum irruptione perculsus, ut erat calceamentis vacuus, probrosum ad naves recursum habuit, ejusque fugæ deformitatem etiam cognomine usurpavit. Cujus manum Ingo salutis suæ perniciousè imminentem ferre nequies, merendæ pacis gratiâ, filiâ ei in matrimonium traditâ, periculum beneficio repulit. Ex 30 hac itaque Margareta Magnus prolem non sustulit. Nicolaus infelicibus sobolem auspiciis propagavit. Cujus filius Ingo, initio adolescentiæ, effrenis equi lasciviâ excussus, ejusdemque ungulis artuatim obtritus, splendidissimum sanguinem luteis viarum sordibus erogavit, tristissimoque fati genere consumptus, sparsis viatim membris, lacerum humi cadaveri acuit. Pædagogus quippè eum equo assuefacere cupiens, habenas manu continere permisit, quarum regimini intempestivus adolescens, pede subfelliis in hærente, contiguum solo corpus habuit. Magnus verò felicioribus naturæ quàm fortunæ incrementis evectus, teterrimum consanguineæ cadis piaculum edidit, at ad notissimum perfidiæ exemplum evalit. Cui mater ampliorem pro- 40 pinquorum favorem affinitatum beneficio create cupiens, Henrico Regnaldi fratris filiam Ingertam, Canuto Ingiburgam sororis filiam conjugio copulavit. Paterna verò bona in æquales admodum portiones partitione redegit, unam sibi, cæteras nuptis (quas præfatus sum) divisionis parilitate contribuens. Hinc Danorum Sveonumque dissensio orta, ac deinde compluribus inimicitiarum incrementis coacta, ad hoc usque tempus veteris odii tenacissima perseverat. Præter hæc Ingritha Vbboni cuidam postmodum denupta, Nicolao expellice nata proditur. At Margareta non solum divinarum ædium opes latifundiis auxit, sed & totis viribus ad augendum eorum splendorem incubuit; sacerdotalisque cultus inopiam exquisito ornamentorum genere permutavit. Enim- 50 vero quò rem divinam ornatior efficeret, pallas, laticlavias, cæteraque sacerdotii insignia condere, atque sacrorum usibus erogare curâ habuit.

Henricus verò Guthskaldi ex Siritha filius maternis à Nicolao bonis indigne spoliatus, tam acrem eorum repetitorem agere cœpit, ut Danis insatigabiliter imminens, ipsum intra Slesvici fines ad tuendam salutem suam statione

statione & excubiis uti cogeret. Interjectam Albiæ Slesvicæque provinciam cultore vacuefecit. Cujus rei ulciscendæ gratia Nicolaus excita classe, Litcham appellit; Elivo Slesvicensis præfecturæ viro equestres obviam sibi copias ducere jussit. Nec dum enim Dani externas obequitando pugnas conficere noverant. Verùm præfecti levitas pecuniæ ab Henrico pactione corrupta, cupidius quæstum, quàm imperium intuebatur. Itaq; Nicolaus Sclavicus in campis vacuâ equis phalangem explicat. Tunc Sclavi pedites obequitando lassare, quàm cum tota acie manum conferere tutius rati, nunc alas, nunc cornua circumvolando, eademque variè jaculis incessendo, obli-

10 quis hostem insultibus lacerabant. Pro cursu namque in eum directio citâ fugâ referebantur, nec recursum segnius quàm impetum edebant; nostrorumque majore mole, quàm pernecitate sibi imminentium ex adverso congressum vitantes, rejectis habenis, adversos premébant, terribilem bello virtutem furtim & quasi insidiarum latrociniis attentantes. Ita laxata debilitataq; Danorum acies, quia rem in plano parum feliciter gesserat, vicini montis editum occupavit, salutem suam quam armis tueri nequibat, loci præsidio munire cupiens: eoq; potita, verticis beneficio subjectum hostem secunda conspexit. Die postera, ne loci, quàm suis viribus munitior videretur, ancipitem campi fortunam repetere, quàm certo montium tutamento gaudere malu-

20 luit. Sed equestris militiæ spiritum pedestris ferre non potuit. Quo evenit, ut amissum pugnae decus recuperare nitentes, pristinae cladis ignominiam postera cumularent. Crediderim hanc pugnae fortunam ab instrumentorum magis, quàm animorum inopia profectam, quia dum fortitudinis spiritus parum curiosè prima militiæ comoda circumspexit, non metus sed inertiae poenas pependit, suâq; potius negligentia quàm alienis viribus proculcatus occubuit. Haraldus re fortiter gesta adeò graviter affectus proditur, ut gradiendi inops, clypeoq; à suis exceptus, alienis manibus castra sequeretur. Canutus quoq; per summam vulnerum acerbiter pedum firmitate defectus, promptissimam militis fidem expertus est. Qui ne dominus ab hoste inter-

30 ciperetur, periculum ejus suo discutere non dubitavit. Sociis namq; de industria fugere jussis, ipse corporis simulatione cursum lentius agens, imminenti sibi Sclavo manus obtulit vinciendas, ejusdemq; propius obequitantis habenas corripiciens, lata à sociis ope, equo barbarum spoliavit. Quo potitus, protinus eo summam Canuti imbecillitatem adjuvit. Igitur ut callidæ, ita periculosa fortitudinis felix exitus fuit. Subeunte crepusculo nostri infelicem pugnae eventum sortiti, reliquias suas unico repetiti verticis præsidio tuebantur. Cibo quoque & potione defectos præter vulnera ac lassitudinem etiam alimentorum inopia lacerabat. Igitur ad ultimam penè tabem redacti, quum & pericula undique, & nusquam auxilia circumspicerent, quippe & Scanien- sium tempestate detinebatur adventus, & Elivus pecunia ab Hen-

40 rico corruptus, reddita tarditatis ratione, copias ducere supersedebant: humanae opis desperatione ad cœleste præsidium confugerunt, absumptaq; spei suæ reliquias in Dei, quàm hominum fortitudine reponere maluerunt. Postera verò die, quâ Laurentianæ vigiliæ sacra recolebantur, divinam potentiam nullo melius, quàm frugalitatis voto propitiandam rati, concione lugubriter habitâ, lucem, quâ vel privatum Laurentii, vel publicum Sanctorum solenne præcurrimus, sive quam divinae passionis memoriæ dedicare consuevimus, annuo temporum volumine repetitam, ab omni Danica ætate continentissima jejunii religione excolendam promittunt. Quod votum publica

50 necessitatis exigentiâ nuncupatum, exactissima posteritatis cura firmavit, indignum rata statam à majoribus continentiam stomachi impatientiâ atque escarum aviditate convellere. Diluculo verò nostrorum acies centuriatis globis naves repetere adorsa, Scanien- ses nuper classe adfectos obvios habuit. Quorum adventus beneficio recreata, ipsos perinde

NICOLA-
VS,

ac corpore & viribus integros, ne terga ab equitatu incesferentur, curare jubet. Deinde composito gradum agmine promovens, cum fortè limosam, objecti lacunarum voraginem trajicere debuisset, neque eam ullo compendii deflexu vitare quivisset, peragrarè adorsa, sed mox palustri cœno tenacius implicata, ac desidentis luti illuvie præpedita, confuso transitionis impetu similem fugæ tumultum edebat. Major pars labili paludis mole pessundata, pecorum more ab hostibus trucidabatur. Ita transmeandi avidis improvidâq; & cæcâ festinatione ruentibus impedimentum periculo fuit. Tandem ægrè in litus reditum, discessumq; est. Cumq; Sclavi perinde ac victoriâ freti verbis virium suarum laudem præ se ferentibus, Danicas vituperio insequerentur, & quasi illarum imbecillitati fortitudinis suæ jactantia procacius insultarent, Henricus qui probè nostrorum animos nôverat; diversâ se, inquit, hostium robur æstimatione complecti: quippe Regis eorum in equo prævalido exemplum liquere. Qui si vires suas scisset, omne equitis imperium sperneret. Quas quoniam ignorat, facile insidentis arbitrium patitur. Ita Nicolaum si viribus suis fidem haberet, cuncta prosperè, diffidentem verò nihil feliciter executurum. Post hæc Elivus, quod patriæ fortunam vendidaverit, à Rege perfidiæ damnatus, non solum præfecturæ beneficio, sed etiam patrimonii rebus ignominiosè exutus, ultimâ inopiâ sordidissimi lucri pœnas persolvit. At Henricus ob superioris pugnae successum audaciæ incrementis e-
 vectus, littorales Danos piraticâ laceffendo, non solum Eidoræ finitima, sed etiam cuncta Slesvico, Valloque, quod Danorum opus vocamus, interjecta vastabat. Ipsam interdum urbem illatis clàm per navigia copiis improvidam aggrediebatur. Itaque post exactum Elivum adhuc finibus illis provisore vacuis, creberrimæ exterorum violentiæ etiam domestica furta accessere, tantoq; civitas intus quàm foris acerbius urgebatur, quantò ad nocendum occulta manifestis proniora noscuntur. Æque civis ut hostis formidabatur. Quippe Fresones cum Holsatijs ac Dytmerschis, impunitatis spe ob præfecturæ vacationem conceptâ, dies latrocinij, noctes furtis emeriebantur, & ubi fastigia nequibant, imas ædium partes ligonibus adorti, cuniculis custodem, fallebant. Nec minor ædituorum in asservandis rebus cura flagravit. Qui intrare pagulum, ne furtim abstrahi quirent, ferro compediabantur. Ædium excubitores uberioris cautelæ gratia, valvis affixi jacebant. Nec serarum claustris contenti, etiam fossâ aditus obfirmabant. Ità grassante latrocinio, quidam ingenuæ stirpis plurimorum paupertatem partarum nequiter opum incrementis abolitam cernens, absque respectu verecundiæ eadem amplecti animum induxit, clarissimamq; indolem suam spe lucri incitatam, ex summo nobilitatis fastigio in obscœnissimam atque profundissimam turpitudinis sentinam abicere non erubuit. Ita sanguinis decore indecenter usus, vires generis ad scelera licentiam transtulit, & quod virtutibus nutrimentum esse
 debuerat, vitiis obtentui fecit. Siquidem nulli facta ejus aperta criminatione insequendi audacia fuit, tantoq; propensior delictis impunitas habebatur, quanto conspectior delinquentis noscebatur autoritas.

Ea tempestate missi à Canuto, qui pecuniam, quam educator ejus depositi nomine conservaverat, in Fioniam è Sialandia transferrent, cum alibiq; litore æquè distante navigio procul piratas imminere conspicerent, expensam fune crumenam undis occultavere. Postremò cum se parum potentes remigii animadverterent, fugæ diffidentiâ implicati, rescisso tenaculo, vetustas Regum opes harenis, quàm hostibus relinquere maluerunt. Quam rem Nicolaus in Sialandiam ex Fionia trajiciens tamen si eminus specularetur, periclitantibus præsidio fore nequivit, quod exiguis & inhabilibus ad remigium navigiis uteretur. Postea cum Canutum jucundum præ se vultum ferentem conspiceret, oris hilaritatem increpans, ob recentem aviti paterniq; æris jacturam, dolere ei admodum expedire dicebat. Ille nihil hac se moveri fortunâ dicebat,

bat, sed ejus beneficio summam liberalitatis occasionem accepisse respondit. Ut enim ante nihil ex paternarum opum cumulo decerpere ausum, ita deinceps accessuras abundè erogaturum. Maximum quippe avaritiæ nutrimentum divitias esse, quas quisquis asservare intenderit, humanitati vacare non possit. Qua voce se pecuniæ, sed eam Regi imperare monstrabat. Cujus rei præcipuum extitit documentum, quod sequitur. Cum ob creberrimas acerrimasq; finitimorum excursationes nemine Slesvicensis præfecturæ beneficium etiã oblatum recipere audente, Canutus tam periculosum à patruo honorem non opum cupiditate, sed fiducia virtutis expeteret, neque
10 gratis eum impetrare quivisset; venditâ patrimonii parte, formidolosum aliiis munus pretio assecutus est; eam demum quæstuosam esse militiam ratus, qua gloriæ & claritatis stipendium potuisset acquiri. Ita Rex extimescendum ignaviæ decus virtuti venale fecit, emptor verò plus lucri in militiæ, quàm opum agitatione reposuit. Principiò siquidem perceptæ potestatis, Henrico per legatos mandat, libenter se cum eo de pace acturum, si primum & damna Jutiæ emendatione pensata, & spolia ab ipso restituta fuissent. Quibus profectis ipse interim perinde ac responsi præsciis, non solum suorum, sed etiam eorum, quos ex finitimis amicos habebat, manu contractâ, legatorum reditum armis subsequi statuit. Henricus se neq; cum Danis amicitias gesturum,
20 neq; à maternæ hæreditatis petitione cessaturum respondit. Quo accepto Canutus rursus ad eum legatos mittit, omnem sequestræ pacis communionem publicè rescissuros. Quorum Henricus irrita legatione, Canutum impatienti fessoris equo persimilem ait; se verò petulantia ejus frenos injicere curaturum. His auditis Canutus, ut magno impetu, ita minimo tumultu, noctu iter ingressus, ferriq; & prædæ abstinens, quò minùs adventus ejus provideretur, diluculo ad Henrici munitionem pervenit. Ille tam subitæ irruptionis incautus, nec arma capere, nec se præsidio tueri parat, sed protinus vicinum mœnibus flumen equo attentans, unico aquæ interstitio hostem sefellit, lætatusq; est, quòd salutem suam amni quàm oppido credere maluisset. Quem cum Canutus ulteriore jam ripa potitum aspiceret, an maderet, per ludibrium percontatus est. A quo è contrario, quid ita incederet, interrogatus; venisse se inquit, ut promissa ab eo lora recipiat. Ille minas sibi, quas nuper intenderat, responsi urbanitate exprobratas intelligens, ignominiam joco prosequutus adeo mihi, inquit, calcium viribus obniti videris, ut ne tangi quidem continerive queas. Tunc Canutus prius castrum, deinde cæteræ regionis culta vastavit. Secundò quoq; novatis copiis omnem Sclaviam strage atq; incendio implicavit: nec solum patriam hoste, sed etiam hostem robore vacuefecit, adeò ut prius provocare solitum, ne propriæ quidē tutelæ sufficientem relinqueret. Postremò cum rotas Henrici vires prudentiâ suâ ac fortitudine debilitasset, sanguinis, quò illū proximè contingebat, naturâ actus, ut publicè hostem ita privatim amicū
40 egit. Semel namq; dimisso exercitu viginti duntaxat equitibus comitatus, ad locum in quo Henricum diversari didicerat, cursum direxit, præmissis, qui suæ ei salutationis mandata perferrent. Henricus falsò hostē sibi blandiri inquit, protinus, ubinam esset, perquirere institit. Quibus eum in porta adesse referentibus, ipse nuncio attonitus, mensam ad quam fortè prandendi gratia discumbibat, vi man⁹ discutere parat. Tunc legati præsentiam ducis à pace profectam jurantes, conceptum falso metum affirmationum suarum perseverantia discusserunt. Quibus ut Henricus fidem habuit, fugæ meditationem amoris indicio castigavit. Enimverò tabulæ innixus, suffuso lacrymis ore, infelicem Daniā futuram, dum tali viro caruerit, ajebat; se vero amicitiam ejus sincerā amodò fide culturum. Hunc nimirum consanguineus amor & suæ infelicitatis oblivisci, & hostis virtutem fateri coëgit, utq; proptiæ fortunæ immemorem, ita alienæ laudatorem effecit. Deinde præsentem amplexatus, haud parciùs lacrymas quàm epulum præbuit. Quippe præsentem ejus mansuetudinem quàm præteritas noxas attentius intuens, frequentia damnorum unius

NICOLA-
VS,

beneficii indulgentiam anteposuit. Sed neq; Canutus profectum à pietate mœrorem ingratus excepit. Quinetiam plùs in creanda pace quam fruenda dape voluptatis reponens, & quasi mediatoris partes agere exorsus, Henricum avunculi gratiam expetere jussit, ac demum consensum ejus perseverantiâ admonitionis obtinuit. Siquidem Henricus rem maternam, cujus repetendæ causa adversa Danis arma tulerat, precii pactione interposita, Canuto in possessionem ascripsit, eandemq; Canutus ad Regem conditione quâ acceperat, transfudit, ac deinde receptam ab eo pecuniam Henrico numeravit. A quo etiam postmodum ad convivandum accersitus excipitur, affirmante priori ejus adventui minus quàm decuit impensè servitum. A quo etiam 10
Henricus nuper se vitâ atq; incolumitate donatum judicans, Sclaviam ei jurisjurandi firmitate legavit. Huic accessit, quòd ad gerenda cum Theutoniciis bella, quibus præcipuè Sclavia vexabatur, filiorum virtutibus diffidebat, maluitq; maturum fortitudine hæredem circumspecta arbitrii sui libertate consciscere, quàm sub naturali, sed invalido, patrimonium exteris pervadendum relinquere. Hæc offerentem Canutus impietatis sibi notam immerentium liberorum contemptu paritutum affirmat, seq; tam injustis ejus promissis usurum negat. Postremò perseverantissimis Henrici precibus superatur, propositi rationem à natorum socordia mutuantis. A quo etiam Imperatoris gratiâ, quòd Sclavia in ejus beneficio reponi videretur, admodum egere permonitus, equum ei calces auro confixum muneris loco transmi- 20
sit, donumq; per se habile inusitatis ungularum ornamenti accipienti venerabilius reddidit. Crediderim tunc Imperatorem plus laudis in dantis industria, quàm dono reposuisse, cum primi pretii metallum quò contemptibilius habitum, hoc gloriosius videret oblatum. Absumpto Henrico legatam sibi provinciam nullo refragante possedit.

Interea Haraldus cum nec domi clarus, nec foris teleber haberetur, virtutis inopiam quæstum copia levare cupiens, refertum nequitia animum in imam turpitudinis voraginem egit. Ad rapinas & furta mancipiis utebatur. Servorum labores latrociniis applicabat. Satellitum cultui, viciniæ 30
spolia, sumptui, impendebantur armenta. Æstatem piraticâ pariter civibus atque exteris insidiosus exegit. Cæterum quò Roskildia damnosius immineret, adversam ei munitionem erexit, quam & sordidissimæ clientelæ frequentia complevit. Itaque ruris opima populatus, pari vernarum maleficio civilia lacerabat. Qui clam noctu meritoriis sese tabernis subjicientes, complacitas animo merces impune tollebant: aliis interim districtos hospitem jugulis gladios applicantibus, interitumq; minantibus, nî injuriæ patientiam præbeant. Ea furti violentia summam civitatis opulentiam ad ultimas rei familiaris angustias redegit. Talibus calumniæ stimulis laceßita provincia, accensis indignatione animis, ultrices damnorû manus Haraldî bonis injicere aggressâ, 40
spolia spoliis, rapta raptis ulciscitur. Neque enim sibi aliena corripere, sed propria resumere videbatur. Ipse tutò terras tenere nequiens, consternatæ multitudinis impetum navigio vitavit. Quem Canutus alieni rapacissimum, ac vitiosissimis ubique lucris incumbentem aspiciens, avi per similem ajebat omnigenis alitum pennis nidum compaginanti, subito ventorum turbine disiciendum. Itâ Haraldum prædonem omnium effectum omnibus prædam ex se daturum aliorumq; spolia suorum indubitanter periculo luiturum.

At Erico modestum erga populares ingenium erat. Qui cum debitam sibi paternæ rei portionem expeteret, ab Haraldo fratre repellitur, negante adulterio ortum ad hæreditatis communionem pertingere. Ea re, ut par erat, motus, acerrimum bonorum ejus pervasorem agere cœpit, fraternisq; 50
spoliis injurias suas ulcisci probitatis loco duxit. Cæterum Arnachum rapta congeßit, sordido neglectoq; loco splendoras opes complexus. Quem Haraldus noctu ibidem inopinatum adortus, postquam fuga delapsus cognovit, moræ copiâ non suppetente, circa prædam hædere metuens, recto faces subjecit,

Jecit, refertamq; suis opibus ædem flammis absumere, quàm raptori intactam dimittere maluit. Quo comperto Canutus profectas à contemptu lites compescere cupiens, metuensq; ne degenerati patris fulgor in filiis exolesceret, utriq; Slesvicum venire districtius mandat; si superfedean, parte corporum spoliandos minatur. Præsentes deinde fraternè coarguens, curiosâ animi inspectione æquissimam inter eos patrimonii participationem peregit, Ericoq; ac Haraldo in paterna bona eundum judicavit.

Eodem tempore Henrici, Svenonis filii conjunx, mariti convictum, ingenti perosâ fastidio, alienâ veste sumptâ, suis se penatibus intempestâ nocte subduxit. Apud quam juvenum quidam (ut fama est) plurimam obsequio familiaritatem adeptus, callidè effecit, ut ad suam eam amorem perduceret. Deinde ne res amborum periculo proderetur, muliebriter allectam, viriliter cultam, furtivè devexit. Quam vir ejus fortuitis subsecutus indicibus, apud Alaburgiam in cultu familiari deprehensam, amatore delapso, domum reduxit. Verùm hanc ignominiam à clandestino Canuti consilio profectam ratus, integerrimi viri innocentiam tacitis suspicionis motibus infecutus, infontem notabat.

Interea Svecicarum partium Rege absumpto, Gothi summam, cujus omne penes Sveones arbitrium erat, Magno deferre ausi, alieni privilegii detrimento, dignitatis sibi incrementa quærebant. Quorum Sveones auctoritate contempta, veterem gentis suæ prærogativam in aliquanto obscurioris populi invidia deponere passi non sunt. Igitur antiquæ dignitatis speciem intuentes, titulum injusta collatione præreptum, novi Regis electu cassarunt. Qui mox à Gothis trucidatus, morte Magno imperium cessit. At Magnus incidentem sibi nuptiarum cupidinem, Polonorum præsidis Bogislavi filiam postulando complevit. Quâ sibi per internuncios desponsâ, mox Sclaviæ excitam paterno imperio classem admovit. Rex ejus Vartislavus diutinas cum Danis, Polonisq; inimicitias gesserat. Hic Nicolaus urbem Ornam oppugnare adorsus, obsidionem pactione redimere coegit. Inde Julinum navigans, Bogislavum magna manu instructum obvium habuit. Cujus copiis auctus, celerem oppidi expugnationem peregit. Deinde relicto victoriæ socio allatam filio sponsam abducit. Vartislavus rem Sclavicam intolerabili vastationis onere fessam conspiciens, pacem colloquio petit. Quo parùm prosperè habito, pari supplicatione apud Strelam discedentes aggreditur. Vbi cum pacis pignoribus fretus, navigium Regis ab ipso invitatus intrâset, maligno satellitum instinctu, captivi more habitus regredi prohibitus est. Quam rem Canutus in concione querelâ prosecutus, magnopere Regem monere cœpit, ne plus alienæ perfidiæ viribus, quàm propriæ indulgeret temperantiæ, neve hostem fidem suam secutum, captione implicans, ut eum libertate, ita seipsum perpetuo famæ splendore privaret. Fore enim, nî captivum omitteret, ut privatum crimen publicus patriæ rubor existeret. Itaq; efficaci persuasione usus, & amicum oppressione & dominum infamia liberavit. Quæ tam justa Canuti sententia totius concionis suffragiis comprobata, magnum alienæ invidiæ irritamentum præbebat. Dimissa classe nuptialia sacra apud urbem Ripam agi placuit. Illuc siquidem frequens navigijs portus oppidò splendidam mercium varietatem importat. Vbi cum Canutus in veste Saxonica cæteris cultior progrediretur, Henricus obfusis invidia oculis alieni cultus splendorem ferre nequiens, orta inter ipsos altercatione, latus ejus adversum gladios ostro tutum fore negavit. Quem Canutus nihilo magis ovillis securum tergoribus respondit: lacepsitum vestis suæ fulgorem urbano rusticitatis opprobrio speciosius quàm minis aut conviciis ultus. Itaq; exprobratam sibi externi cultus æmulationem, domestici cavillatione prosequi contentus exiit.

NICOLA-
VS.

Idem postmodum Orientis partes piraticâ pervagatus, cûm speciosa domum spolia retulisset, ideoq; se dignitatis incrementa accepturum speraret, pro gratia accusationem expertus est, culpatus à Rege, quod in re Svetica prædam egisset. Cujus operam valenter editam consimili probitatis genere æmulatus Magnus, inter cætera trophæorum suorum insignia inusitati ponderis malleos, quos Ioviales vocabant, apud insularum quandam prisca virorum religione cultos in patriam deportandos curavit. Cupiens enim antiquitas tonitruorum causas usitatâ rerum similitudine comprehendere, malleos, quibus cœli fragores cieri credebatur, ingenti ære complexa fuerat: aptissimè tantæ sonoritatis vim machinarum fabrilium specie imitandam existimans. Magnus vero Christianæ disciplinæ studio paganam perosus, & fanum cultu, & Jovem insignibus spoliare sanctitatis loco habuit. Et adhuc quidem eum Sveones perinde ac cœlestium spoliatorum raptorem sacrilegum autumant. Sed utinam initiis ejus exitus respondisset.

Verùm plerisque Magnum sanguine vel necessitudine contingentibus Canuti invisa felicitas erat. Nihil enim adeò invidiæ faces, quàm parium impar virtus excitat. Sed præcipue æmulum ei Henricum genialis tori contumelia faciebat. Margareta autem benignissima consanguineæ charitatis alitrix, consilii sui tranquillitatem concitatis juvenum ingeniis opponebat, saluberrimâque disciplinæ moderatione infidiosam petulantium rabiem temperabat. Quæ cûm intercutis humoris vitio immodico tibiæ turgore premeretur, neque letiferam morbi rabiem medicamentis levare quivisset, ad ultimam penè tabem redacta, Canutum egregiæ indolis fiducia, advocat, impenseque hortatur, patriæ pacem, propinquorumq; concordiam fidei suæ beneficio foveat, tutamento stabiliat, tantumque se in rebus domesticis gerat, quantum egerat in externis. Adjecit quoque existere, qui regiæ familiæ caritatem odio disjicere niterentur, se verò plenis salubritatis monitis pestiferos talium instinctus pressisse. Ille Deum simplicitatis suæ testem affirmat seq; omne vitæ tempus innocentia ac fide exacturum, periculorû procellas excipereâ quàm infligere malle promittit, odiâque beneficiis repensurum testatur, eilla promissionis beneficio delectata, tantæ fidei securam æquo se animo obituram asseruit. Quæ ut juvenilis invidiæ fluctus viva cohibuit, ita consumpta laxavit. Nam ab ejus fato juventutis impatientia primam propositi sceleris licentiam mutuata est. Sed & Henricus præter communem similitudinem etiam privata Canutum indignatione perolus, injectos malignitati suæ frenos audaci impietate discussit. Vbbonem quoq; præfectum & Haquinum filium, quò firmitus dolum strueret, promptioremque sceleri aditum conciliaret, insidiarum participes facit. Hi tres eximium Canuti fulgorem virtutis æmulatione pertæsi, grave mendacii incitamentum adversum excellentem ejus claritudinem distrinxerunt. Itaque splendidissimum patriæ lumen densissimis tenebris involvere cupientes, nihil eum Regis vitæ temporibusque deferre, sed ipsius exitum præpropera ambitione præcurrere, jamque regiam sibi potentiam arrogare dicebant.

Movit Regem tanti contemptus opinio, denunciataq; concione, Canutum jubet accersi. Qui cum prior præstitutum frequentiae locum adisset, superveniens patruo Theutonicæ comitatus more, pallio vacuus obviam accurrit, equoq; descendente continendæ sellæ ministerio veneratus est. Tunc Nicolaus fari in concione exorsus, docet Svenonis filios in regni gestione ætatis præcipue respectum egisse, successionis habitum ætatis ordine dispensasse, dominandi jus in annorum prærogativa constituisse, neq; minori majorem honore præurrere licuisse. Quam obrem sese ut natu minimum, ita etiam regno postremum fraternæ moderationis exemplo nullam fortunæ violentiam intulisse, expectato em beneficii ejus non raptorem

ptorem fuisse, neque ad intempestivum ætati culmen manus præpropere porrexisset cupidine. Canutum verò parùm priorum exempla secutum, violato speciosissimæ consuetudinis habitu, regnijus, cum re necdum queat, appellatione præcerpere, singularem nominis insigne scelerius quàm justius occupare, jamque à suis falso Regis titulo censerì non erubescere; consultius acturum si regnandi fortunam non in suorum adulatione, sed in extantis adhuc Regis occasu reponere, maturumq; præstolari decus, quàm intempestivum præripere mallet. His atque consentaneis modis regiæ tibi nuncupationis insigne eripi querebatur.

- 10 Tunc exurgens Canutus diu vultum humi intentum habuit, dicendiq; exordium aliquantisper sudorè & suspiriis præcucurrit. Tandem & oculos & animum levans, gladiiq; ut mos est, capulo innixus; peccant, inquit, pater, qui moderationem tuam, suprà quòd aut majestati, aut ætati debes, exasperant, quidq; pacatissimæ mentis tuæ serenum, mendaciorum procellis incitant, obrectationum sibilis vexant. Sed onustum mihi valde est, quod integerrimam animi tui temperantiam aliquid ab alienissima tibi iracundia mutuatam, & quasi sinistro rationis ductu trasversam ferri conspicio. Rejice, quæso nugarum auctores mendaciter obstrepentes, falsaq; hujus criminatōnis figmentum respue. Neq; enim injurioso tibi nomine censerì sustineo.
- 20 Herum me mei, non Regem appellant. Itaque cum à Sclavis dominus salutari consueverim, sinistri tantæ comitatis interpretes alienæ urbanitatis occasione insimulationis materiam aucupantur, ipsiq; venerationis officia negligentes, etiam aliorum justa criminantur obsequia. Ego verò non regnum (ut ajisti) vocabulo usurpò, sed temperata nominis dignitate fastuosum salutationis decus fugio, invidendum honoris fastigium sperno. Ita absque omni majestatis tuæ præjudicio barbara circa me resultat humanitas. Meam verò inter alienos venerationem indigne ferunt, qui & mihi lucem, & fidum lateri tuo militem eripere gestiunt. Hos æque tui usus ac mei capitis hostes judico. Esto vocari me Regem: en filium tuum Magnum nuper apud
- 30 Gothiam Regii cultus & nominis insignibus potitum comperimus. Mihi quoq; si par apud Sclaviam fortuna favisset, certe binis Regum obsequiis uti jucundum ducere debueras, idemq; tuæ quod meæ fortunæ incrementum existimare. Proprio namque parta negotio, tuo quam alacerrimè subiectarem fastigio, foretq; ut inde servitiorum fructum decerperes, unde aliqui damnorum adversa perferres. Itaq; plus amoris quàm odii in mea fueras felicitate repositurus. Adde quòd pro tua ac patriæ incolumitate excubare omni sorte lætius, omni studio speciosius duxi. Ipse an efficaciter militaverim, nosti. Littora, Dani, si placet excolite, æquoribus ædes quantalibet propinquitate jungantur. Ipsi undas cavete à maritimis, ego vos à prædonibus præstabo securos. Et si veri confessorem agere non erubescis, ipse jamptidem Slesvici consistens, salutem tuam adversum Saxonum excursationes jugibus excubiis vallare necesse habuisti. Eò si nunc divertere libitum est, liberas metu noctes exigere poteris. Præterea angustias regni tui sola
- 40 Daniæ possessione contentas, inusitatis terminorum augmentis explicui. Quos prius insensos habueras, nunc in tributum acti, tuo per me famulantur imperio. Itaque quarum ego rerum sementem jeci, tu fructum absque negotio messuisti. Et quidem impensam ad militem, emolumentum ad Regem redundare par est. Et ne ulterius privatæ militiæ facta prosequar, etiam in
- 50 publicâ adverso pro te vulnera corpore excepi. Et tamen sic de te meritum, suspitione & querimoniâ causabundus aggredieris, veterisq; militis tui promississimam fidem & certissimam innocentiam notare deformè non ducis. Hisne ergo operibus merui, ut adversum me æmulationem tuam in concione distringeres? Hæcne ex labore præmia, ex militia stipendia decerpam, ut cujus beneficentiam sperabam, indignationem experiar? Aliena à te sic ingrati

NICOLA-
PS.

ingrati hæc animi labes, ut operum meorum beneficiis, invidia atque ob-
trectatione respondeas. Verùm totam hanc insimulationis vim ab invi-
dia profectam, non tuæ, sed tuorum malignitati imputandam existimo. Ac
in regni fastigio collo catus, difficiles accusatoribus aures præbere convenit.
Diu paternum hoc imperium gere, feliciterq; & nominis & regni insigni-
bus utere. Hæredem tibi, quem natura dedit, fortuna conciliet. Ego verò
in quocunque me fortunæ habitu continuero, nunquam celsitudinem tu-
am fide vel obsequio colere supersedebō.

Permulsus oratione Rex, placidiorem oris habitum induens, offensam falso
instinctu conceptā in ipsa repente concione deposuit, execratus eos qui sim- 10
plicitatem ejus scurriliter attentaissent, seq; deinceps adversū hujusmodi cri-
minationum susurros aures obferaturū promittit. Cūque Henricus omnē
obtrectationis suæ molem prudentissima Canuti responsione subversam vi-
deret, familiaribus Regem minis aggreditur, summa illum regni affectatione
teneri inquit, incertāque Magno regni petitionem futuram, si populo
judice de summa secum foret controversiam habiturus. Quippe Canutum
ceteræ nobilium turbæ popularium sudragiis præferendum. Quamobrem
debere patrem successionis jus proprio potius quàm alieno mandare judi-
cio, destinatumque hæredi locum æmulo vacuefacere, dum filii rebus con-
sultum esse velit. Itaque sapere eum si suspectam Canuti fortunam ferro 20
præcurrere studeat. Hæ voces sæpius laceffiti Regis animum sollicitudini-
bus implicatum, graviori quàm ante suspicione torserunt.

Tunc Magnus perinde ac fortunæ suæ consulendi, tollendiq; æmuli, à
patre licentiam nactus, accitos qui se superius Henrico scelestissimi consilii
collegio sociaverant, jurare coegit, fidum se commissi silentium adtores.
Adjectus est his Haquinus cognomine & genere Jutus. Neque voci ejus ulla
ex parte diffusum est, quanquam Canuti sororem in matrimonio habere no-
sceretur. Igitur conjurati diu secum taciteq; lustrantes, quibus periculo-
rum procellis, quo ve exitii pondere divinum Canuti caput obruerent, pe-
stiferi consilii laqueos, humi decubando nectebant, ut si rem casu detegi 30
contigisset, nunquam stando, sed endove saluti ipsius insidiosos se esse tuto
jurare quirent, præsidioq; situs innocentiae sibi munimentum consciscer-
ent, ignorantes verborum artificio juramentum edentem, periurio ob-
noxium fore. Quorum fucosa atq; errabunda simplicitas, plus criminis
in vocis quàm actus impietate reposuit, non in manuum sed labiorum te-
meritate religionis violationem constituens. Cum autem Haquinus Jutus
cæpti modestè sermonis exitum, Canuti ne saluti insidiosum adverteret,
protinus collegio se pestiferæ conspirationis abruptit, conclaveq; excessit,
ne latronis potius quàm necessarii partes egisse videretur. Igitur à conju-
rationis auctore ne jurisjurandi vinculum perrumperet monitus, neque 40
fautorem consilii, neque proditorem se futurum respondit: quanquam sa-
tius esset immerentis periculum indicio præcurrere, quàm silentio tolerare.
Ut autem Magnus insidiarum contextum familiaritatis præsidio obscuraret,
cunctamq; suspicionis notam calliditatis acumine vitaret, ante omnia con-
sultum duxit, ut cum eo, ejus ardentissimè cruorem sitiebat, fictam ami-
citiae æqualitatem jurisjurandi pactione confereret, perinde ac religionis pon-
dere propinquitatis vinculum astricturus. Et ut cunctam malignitatis no-
tam sanctitatis simulatione præcurreret, nihilq; perfidum aut obscurum vol-
vere putaretur, iniquissimam molitionem suam insidiosa religionis adum-
bratione contextit. Quippe contracta apud Sialandiam nobilium frequen- 50
tiā, Canutoq; circa divini Natalis solenne, convivendi gratiā, Roskildiam
vocato, sacrae sibi peregrinationis amorem incessisse perhibuit. Præterea
conjugis ipsum achberorum tutorem ordinat, eiq; plenissimam rei familia-
ris suæ custodiam mandat. Et fortè tunc Ingiburga consilii cognitionem
con-

consciorum indiciis apprehenderat, statimq; virum, ut præparatas capiti suo vitaret insidias, missis literis monendum curavit. Ille nuncium non tam à deprehensionis certitudine, quàm à muliebri pavore profectum existimans, monitionem respuit, seq; non minus fidei in Magni quàm uxoris præcordiis reponere dixit. Quem si fortuna æque ac conjunx consilio instruere voluisset, objectos perfidiæ laqueos consultius vitasset, neque credulitatem suam alienæ malignitatis hamis implicandam præbuisset.

- Interea Magnatibus apud Roskildiam, quatuor solennium dies continuo feriatis, Canutus ac Magnus, publico jam conventu soluto, sacri temporis residuum dividuo peregrè contubernio. Eodem fortè tempore, quidam Canuto admodum sanguine conjunctus, in ejus conspectu dissidentem secum militem fuisse percussum interemit, atq; ob id curia abire jussus, Magnum petivit. Providens autem Magnus, ne per eum ullum consilii sui indicium ad Canutum manaret, nocte qua ad detestabile carnificis ministerium peragendum contendit, cæteris se sequi jussis, solum hunc pristina Canuti familiaritate suspectum comitem recusavit. Consilii deinde participes jurejurando obstrictos fidem facere compulit, silentio se cuncta rekturos. Post hæc militem latebra claudit, insidiasq; circumspecta locorum obscuritate disponit. Mox Canutum apud oppidum Haairstadium, ab Eri-
 20 co Falstria præfecturæ viro domi exceptum, per conjuratorum quendam genere Saxonem, arte cantorem, sine arbitris sibi obvium venire jubet. Occursus locum apud vicinum villæ nemus denunciatur. Ille nihil in re doli suspicatus, duobus tantum militaris ordinis viris, totidemq; equisonibus in comitatum assumptis, armis vacuus equum petivit, neq; latetis sui ferri munimentum adsciscere curæ habuit. Quem cum è famulis quidam gladio vacuum incedere vetuisset, nequaquam se in salutis tutelam ferro opus habere respondit. Tantum enim fiduciæ & pacis in Magni societate reposuerat, ut in occursum ejus ne ense quidem utendum putaret. Monitore verò, nè ferrum omitteret, insistente, ægrè gladium sumpsit. Tunc cantor, quod Canutum Saxonici & ritus & nominis amantissimum scisset, cautelâ sensim
 30 instruere cupiens, cum iurisiurandi religio, quò minus id ageret, obstare videretur, quia liquidò nefas ducebat, sub involucre rem prodere conabatur, integritatem suam inter fidum arcani, & pium innocentia servatorem partitus. Igitur speciosissimi carminis contextu notissimam Grimildæ erga fratres per fidiam de industriam memorare adorsus, famosæ fraudis exemplo similitum ei metum ingenerare tentabat. Sed nullis monitorum ambagibus securitatis ejus columen quassare potuit. Tantum quippe fidei in Magni propinquitate repositum habebat, ut salutem suam periclitari, quàm ipsius amicitiam notare mallet. Quem cantor certioribus adhuc indiciis aggredi perseverans, lorica, quam sub veste gestabat, summa detexit. Sed ne eo
 40 quidem suspicionis irritamento refectum fortitudine pectus, ignavia astringere valuit. Ita solidæ industriæ satellites fidem suam & periurio vacuum, & innocentia plenam præstare voluit. Jamq; Canutus primos sylvæ aditus subibat, cum à Magno occiduum arboris truncum insidente, falsa oris hilaritate, & fictis osculorum blandimentis excipitur. Cujus ut astrictum amplexibus pectus ferro tectum agnovit, quid irâ eo cultu esset, perquirere institit. At ille dissimulandæ fraudis cupidine munimenti rationem referre cupiens, esse virum, inquit, vitæ rusticæ, cujus populari penates vellet. Canutus & rei atrocitatem, & temporis religionem sanctè æstimans, [quippe
 50 Epiphaniæ sacra gerebantur,] nè privarâ irâ publicum solenne macularet, orabat. Quo, neque se ultionem remissurum, neq; proposito cessurum jurante, ipse satisfactionis justa promittere, suamq; pro ejus correctione sponsonem offerre cœpit. Obstreperantibus deindè, qui insidiis addicti fuerant, oculos in partem circumferens, quid sibi militum hæc manus velit, inter-

NICOLA
VS.

interrogat. Cui Magnus, jam de regni successione & rerum summa agendum respondit. Tunc Canutus, ut patris ejus majestas diu lætis fortunæ velis prosperum cursum teneat, exoptat. Tempestivam verò talium mentionem incidere negat. Hæc dicentis verticem exiliens Magnus objurgantis more corripuit. Igitur Canutus patente jam dolo manum capulo inferens, vagina ferrum abstrahere conabatur: jamq; gladium mediotenus distinxerat, cum eum Magnus capitis media diffisum exanimat. Cæteri conjuratorum prostratum crebris confodere cuspidibus. Sangvis ejus terræ redditus salutarem fontis scatebram perpetuis usibus mortalium administrat.

10

Cujus cæde comperta, Skialmonis filii, quibus multa ad eum ex educationis communione familiaritas erat, petiit illic Regem, ut ipsum in Roskildensium monumentorum area tumulari patiatur, exorant. Ille loci copiam negare, civitatem tanti mali aspectu exasprandam dicere, eosq; à quibus funebris Canuti pompa duceretur, indignationem suam adversum invisam Magni præsentiam acrius districturos. Quapropter exequias potius seditiosum pugnæ strepitum, quàm pium humanitatis obsequium habituras. Hic mihi pavorem specie, revera odium exhibuisse videtur, curasseq;, ne specioso occisi funere terrior interfectori labes accresceret. Reversis qui Regi supplicaverant, miserandum amici corpus tenui funere Ringstadium extulerunt. Nec divina laborantibus beneficentia defuit. Siquidem locum, in quo, pausantibus gerulis, funebris ejus lectus constiterat, repentino fontis ortu signavit. Aliis quoq; compluribus rerum indicis ingens sanctitatis ejus splendor eluxit. Facinoris fama, promissum patriæ lamentem excivit, omniumq; penates plangore complevit. Populus enim, cum calamitosum de nece ejus nuntium accepisset, protinus conviviorum, quæ eâ tempestate gerebantur, hilaritate deposita, morem tempori impentum moerore mutavit, inq; eo lamentando, uterque sexus unius gemebundi amici vocem habuit. Cujus funus publico luctu elatum, quantus ejus amor omnium animis insitus esset, indicio fuit. Itaq; cujus vitam patria charitatis officiis excoluerat, morti quoque testes grati animi lacrymas erogabat; ut Canutum ejulatibus, ita raptorem spiritus ejus validissimis execrationibus insecuta.

20

30

Magnus verò ob impiæ cædis eventum profuso in gaudium animo, Roskildiam repetit, regnumq; quasi sublato jam æmulo spei firmitate complexus, erubescendam facinoris fortunam tripudio prosequi deforme non duxit. Quinetiam sanctissimis Canuti vulneribus, quibus plenas pœnitentiæ lacrymas debuerat, voluptate ex facinore concepta, per ludibrium insultare sustinuit. Nè autem sangvis cælo terraq; egregiè meriti propagine vacuus interiret, hæredem Deus extincto subjecit. Nam octava post hæc luce, Ingiburga Canuti conceptum ex eo marem enixa proditur; cui & materni avi nomen inditur. Tunc Haquinus, quem superius Sunnivâ ortum significavi, cumq; eo Petrus matre Botilda natus, & filii Skialmonis, facinoris atrocitatem gravi querelarum contextu prosequuti, indignam amici necem in popularium ubiq; conciliis deplorabant, adversum iniquissimum percussoris actum vulgiram erigere cupiendo. Quinetiam tunicam ejus crebris foraminibus absumptam omnium oculis in concione subiciebant. Nec parum luctuosam eorum actionem laceræ vestis irritamentum adjuvit. Quippe compluribus ingentem ultionis cupiditatem tam fædæ lacerationis spectaculum ingeneravit. Sed & sanctitas Canuti crebris signorum indi-

40

50

ciis prodita, ac divinis vulgata miraculis, incredibili cladis ejus conquestoribus adminiculo fuit. Haraldus quoq; interdum declaratam apud Ringstadium concionem, majore regni quàm ultionis affectatione petivit, ibiq; tristissimam fraternæ necis querelam peregit. Ericus vero insularum à Canuto

aucto

nuto præfecturâ donatus, sola vindictæ meditatione sollicitus æstuabat. At Nicolaus popularis inimiciæ metu periculosum concionis aditum suspicatus, suamq; vel filii copiam multitudinis viribus offerre non ausus, Lunden-
 sium Antistitis Asceri consilium advocat. Quo edoctus, Magno Roskildis
 relicto, Ringstadium petit, sperans se per absentiam filii pacatiorem plebis
 frequentiam reperturum. Verùm quia habendam in collibus concionem
 tutò petiturus non videbatur, in oppido acquiescere, quàm incertam popu-
 li fidem discrimine suo tentare maluit. Cumq; Canuti fratres fatum ejus
 apud concionem pari fuissent querimonia prosequuti, populus lacrymosa eor-
 10 rum actione permotus, tam innocui sanguinis carnificem publicâ damnatio-
 ne multavit, sententiamq; suam adversum tam pii spiritus oppressorem di-
 strinxit. In Regem verò pristinâ adhuc fortunâ venerabilem, tanquam de
 ejus incertus consensu, severius consulere passus non est, ne noxam & inno-
 centiam in æquo ponere videretur. Itaq; patriæ parentem, honoris pariter
 ejus atq; ætatis astimatione verecundiùs habitâ, ab hoc animadversionis ge-
 nere immunem reliquit. Ortâ tandem de Regis absentia mentione, subitis
 consternationis furis incitatus, laxato concionis ordine, intra suos eum pe-
 nates opprimere gestiebat, præfatus justè Regem ab his adiri, quos prior ipse
 petere noluisse, præsertim cum præsentiam suam concioni, quæ per eum
 20 vigere debuerat, in vicinia constitutus negasset. Quod cum Rex ex his, quos
 ad cognoscendas concionis voces direxerat, accepisset, Ascerum emittit, qui
 reverentiam & nobilitati suæ, & sacerdotio debitam iræ vulgi irrumpentis
 opponeret. Ille plebis in occursum contendens, conspecto Erico, dexte-
 ram habenis ejus equo delapsus inferuit. Quem diu ac multum, ut iram
 temerè conceptam remitteret, precatus, pro Magni facinore decretam lege
 correctionem, pro patris ejus innocentia statutam defensionis justitiam pro-
 mittebat. Quinetiam detracto pileo, consternatæ multitudini capitis sui ma-
 jestatem objecit. Tantum, autem ejus apud Ericum precatio valuit, ut Regi
 non modò salus, sed etiam in proximo petendæ concionis licentia deferretur.
 30 Quamquam enim populus ardentissimo studio in Canuti ultionem ferretur,
 auctoritatem tamen Antistitis, quæ inter Danos amplissima erat, ante oculos
 præponens, plus ejus precibus quàm suis sententiis indulgendum putavit.
 Itaq; Rex concione sine filio petita, non aliter defensionem sibi conciliare
 permissus est, quàm ut se Magni præsentiam vitaturum, eumq; domo ac patria
 excessurum, nec ante receptam à populo veniam reversurum juraret. Cæte-
 rum ne vulgi iram exasperaret, dividuum cum eo concilium habuit, internun-
 ciis partium mandata gestantibus. Arbitri siquidem Regis, facultatem exilii,
 quod Magnus apud Gothiam, cujus Rex esset, agere poterat, intuentes, condi-
 tione utendum monebant, futurum ratî, ut interim in omnium animis odii e-
 jus habitus exolesceret, ipseq; prolixioris absentia beneficio mihiorem patriæ
 40 sententiam reperiret. Populum quippe exilii ejus miseratione movendû, iram
 quam sceleri inflixerat, pœnitentiæ remissurum sperabant. Ita pacato popula-
 rium motu, Rex Jutiam, Magnus Gothiam, exilii speciem præbiturus, petivit.

Hujus pactionis obrectatores amici Regis fuere. Quippe qui Magno
 occidendi Canutum consilium dederant, conditionis habitum execrantes,
 terribilissima sibi ratione Regem consuluisse dicebant, satius affirmantes, ut ipse
 rerum summam deponeret, quàm unicum filium & in spem regni procrea-
 tum, ob leves agrestium minas exilii deformitate damnasset. Quamobrem
 oportere Magnum reversionis jus paterno potius quàm populari arbitrio
 50 subjectum habere, citissimoq; revocationis beneficio patriæ & propinquis,
 inconsultâ plebis malignitate, restitui. His vocibus irritatus Nicolaus, mis-
 sis qui Magnum accerferent, abdicatam ejus communionem inimica
 religioni charitate repetiit. Nec pensi duxit cum contemptu perjurii
 damnatam sanguinis sui præsentiam amplexari. Cujus indulgentiæ teme-
 ritas procellam Magni discessu pacatam, reditu concitavit. Enimvero

NICOLAUS Ericus ac Haraldus Nicolaum, cui eatenus indemnitate detulerant, utpote voce sacrilegum, consilio parricidam, detestabili filio damnationis consortione junxerunt, scelere pares poenâ æquandos existimantes. Neq; enim ulterior jurationi ejus fides habita est, qui jam præpropera filii revocatione conspicuum cunctis perjurium edidisset. Verum ne populus regio ductu vacuus Regem incesceret, sub certis signis militare constituit, fragiles conatus & propositi irritos judicans, quos nulla ducis auspicia procurassent. Itaque Regem ex consveta potissimum familia petiturus, præterito Haraldo, Erico, quod huic stirpi affinis esset, & nomen, & regias vires suffragiis detulit. Siquidem facilem ex his electionem morum inæqualitas faciebat. Non solum enim avaritia Haraldi, sed etiam libido flagitiis obsita, à regno repelli meruit. Huic conjugalia sacra spernenti, frequens concubinis cubiculum exitit. Quippe matrimonio non contentus, genialem torum pellicum usu pollutum habuit. Quarum partus singulis incunabulis excepti, & in aula liberis matrum officiis educati, triste nuptæ spectaculum fuere. Igitur ob invisos parentis mores, suspecta quoq; posteritas erat, nec solum præsens patris, sed etiam futura liberorum metuebatur impietas, quod filiorum affectus paternis soleant ingeniis respondere. Ea propter cuncti ab Haraldo oculos avertentes, benignis Ericum animis respicere maluerunt. Ipse verò plus propriæ moderationi quàm alieno favori indulgendum existi-
mans, oblatum à popularibus honorem sumere recusavit, ornamentum ejus viribus quærere, regnumq; armis præcurrere cupiens. Igitur & ultioni studendum, & imperio ante partam victoriam abstinendum putavit. Ac primum Jutiam imperatæ expeditionis viribus petit. Quem contexta acie procedentem Thoro Riparum Antistes compositis perfidiæ commentis excepit, summam Regis innocentiam prædicans, eumq; jurationis suæ tenorem deinceps executurum promittens. Verbis deinde magnam præ se excusationem præferentibus, preces de pace multiplicat. Ericus obsecrantis animum simpliciter æstimans, securitate ex ejus mendacio conceptâ, continuo revocatis aquiliferis, subsistere copias jubet. Cujus morâ Nicolaus ex speculatoribus cognitâ, profusos in otium hostes nullo negotio fugavit. Ita Dux Antistitis commento ludificatus, stolidæ credulitatis suæ poenas pependit. Cumq; ob hoc datum sibi justum belli titulum animadverteret, sed ob rerum angustias Regio apud Iforam nomine insigniri nequiret, Sialandiam reversus, ejus Scaniaque suffragiis recusatum prius honorem accepit, omniq; dissimulatione rejecta, acrius in fratris ultionem erigitur.

Inde literas ad Lotharium facit, amici necem ulciscatur orat, parricidii à Magno poenas experat, eumque in societatem belli tum precibus, tum etiam præmii pactione sollicitat. Imperator majore potiendi regni, quàm exigendæ ultionis cupiditate perductus, secus Jutiæ mœnia gradum Romano militi struxit. Etenim propositi spem non tam in viribus suis, quàm interno dividuæ regionis motu reposuit. Cui se Ericus apud Slesvicum classe obvium dedit. At Magnus utriusq; hostis adventum accurata valli munitione præcurrens, validum portis præsidium applicuerat. Interjectis diebus, Nicolaus ceteriora valli immenso Jutorum agmine circumfudit. Cujus tantæ copiae erant, ut Imperator acie manum cum eo conferere formidaret. Sed neque classe Erii ad copias suas in urbem trajiciendas uti præsumeret. Cumque nec aggerem oppugnare, nec militem navigiis mandare tutum duceret, inaniter tempus à se teri conspiciens, pacis condiciones excogitavit, quibus speciosam sibi solvendæ obsidionis rationem conscisceret. Ericum itaque, cui integerrimam opis stabilitatem sponderat, aversatus, pactum cum adversæ partis principibus habuit, ut obsidioni ipse parceret, Magnusque Romani Imperii militem ageret. Qui cupidè conditione usus, supplex Lotharium veneratus est. Sed insidias parabat obsequio. Ille ex pacto copias trans Eidoram recepit. Quo accepto, Ericus Cæsarem navigio petiit, per summam

Theutonica perfidia execrationem, exprobratione levitatis insequitur, futurum affirmans, ut Magnus tali se circa ipsum fide gereret, qualem nuper in excolenda Canuti societate præbuerat. Nec vana assertio extitit. Imperatore siquidem Eidoram remenso, Adolsum extremos ab eo curare jussum, Magnus per insidias adortus, non solum copiis spoliavit, sed etiam arma deformiter abjectantem nando fugam capeffere coëgit. Ericus Imperatoris ope defectum se videntis, per summam animi agritudinem orientalia repetivit. Superveniunt legati à Magno Rege Norvagiensium missi, majorem Canuti filiam, sed nondum nuptiis tempestivam, ejus conjugio petitori. Quorum legationem Ericus contrahendarum virium spe favorabiliter habuit, excepit alacriter, cupiens finitimorum auxilia affinitatis beneficio comparare. Ipse quoq; bellis otium interpellantibus, adhuc conjugio vacuus, novercam Magni Norvagiensium quondam reginam, utpote dignus hac nuptiarum vicissitudine, favente ejusdem privigno, suscepit uxorem.

Hybernis itaq; per quietem exactis, recidiva belli tempestas efferbuit. Nam Nicolaus occasum Daniæ militem contrahebat. Ericus Christierni splendidissimo inter lutos loco natipromissis erectus, Orientis auxilia pugna comparat. Is Magni odio à Nicolao deficiens, enixe se Erico adfuturum sponderat. Petrus verò Roskildensium pontifex Ericum corpore, Nicolaum animo comitabatur: metu alterum, alterum charitate complexus. Sed Haraldi favor inter ruborem & odium variè fluctuatus est. Ut enim Nicolai castra, verecundâ pudoris meditatione vitabat, ita fratris prælationem perosus, militiam ejus invidia detrectabat. Itaque partes ejus, cum duobus spectata indolis filiis, specie magis quàm benevolentia, prosequabatur. Neq; enim ei parcius adversum germanum, à quo se in regni petitione superatum videbat, quàm in fratris interfectorem odium erat. Interea Christiernus necessariorum manu contractâ, acie Regem aggredi statuebat. Cujus Nicolaus non solum defectione, sed etiam hostili molitione compertâ, copias, quas adversum hostes contraxerat, inter navalem terrestremq; partitur exercitum. Quinetiam Christiernum acie excipere parat, Magnum classi præfectum Erico obvium destinat. Jam vero Ericus ad insulam, cui Syra nomen, appulerat. Quo ignorato, Magnus, aurâ, quàm eventu, prosperiore, ab Arusiâ solvit, navigiisq; aliis alia præcurrentibus, sparsa incompositaq; classe processit. Cujus Ericus adventu præcognito, scafa exceptus, nunc singulos, nunc universos classis suæ magistros, maximeq; Petrum & Haraldum, quorum dubiam suspectamq; fidem habebat, impensioribus pugna hortamentis sollicitat. Neq; enim repente cum tota Magni classe manum conferere cupiebat, sed navigia, ut cuiq; celeritas cursum dederat accedentia, sigillatim nautarum interneccione vastavit. Quorum Magnus eminus pericula speculatus, confestim demisso velo, navigium suum anchoræ quàm aurâ credere præoptavit, disjectamq; pelago classē lituo recinente contraxit. Igitur ignavis fugam, fortioribus pugnam apprehendentibus, Ericus cum navium numero præstaret, arctissimo earum contextu hostem conclusit, ac veluti classe classē obsedit, atrocitatemq; pugna augebat necessitas. Cumq; Jutenses neq; victoriæ facultatem, neq; fugæ copiam fortunæ suæ suppetere viderent, duci quàm sibi consulere præoptantes, salutem ejus propriis servavere periculis. Quippe consertissimæ classis cuneum irrumpentes, quia victoriam Magno præstare non poterant, victo fugam quærebant. Nam eidem myoparonem ingresso, veluti quandam elabendi, semitam, securis periculorum animis, extruebant. Quo dilapso nihilo minus pugnandi pertinaciam retinentes, aut morte, aut captione finire bellum. Cumq; victores spoliis devictæ classis incumberent, inter egestam navigiis prædam, quendam velo implicatum conspiciunt. Cujus ex deformitate latebræ formidinē æstimantes, protinus ob ignaviam eum laqueo consumpserunt, uti fœdo mortis genere spiritū redderet, quæ pugna fortiter impendere dubitasset. Interea Christiernus manu cū Nicolao infelicitè consertâ, per ingentē suorum

NICOLA-
VS.

stragem capitur, & in ostii Slesvicensis ergastulum relegatur. Ericus verò recentis pugnae successu elatus, sed eorum, quæ circa Christiernum gerebantur, ignarus, potiendæ Jutiæ spe mare Lymicum classe complevit. Vbi cum expositis incautè copiis, & Christierni fugam & Regis adventationem nuncio didicisset, plus amici fortunâ concussus quàm propriâ recreatus, recepto milite reverti maturavit. Ex cujus agmine complures tardiùs navigia repetentes, ab imminente Regis exercitu trucidantur. Hunc eventum secutus Haraldus, ad Nicolaum occultis se promissionibus invitante defecit. Plus siquidem indignationis ex Erici dominatione, quàm iræ ex Canuti internecione conceperat, eiq; frater fratris oppressore onustior erat. Quinetiam Magnus, ut lætum hostilis militiæ incrementum, ita tristem suæ defectum aspiciens, fraterni commilitii societatem labefactare tentabat. Haraldum itaq; quem Erici partes dubiâ fide secutum noverat, promissis dignitatis incrementis urgebat. Nam & Haraldus quanquam iram obsequio tegeret, incitatioe odio adversus Ericum, quàm Erici impugnatoem ardebat. Itaq; non solum ejus arma deseruit, sed etiam quò validiorem Nicolao opem impenderet, castellum, quod in Roskildensi suburbio molitus fuerat, impensiore munimento vallavit, invidiam f. aternâ pralatione conceptam, perfidiâ defectionis exaltans. Idem cum Ericus magna Sialandensium manu per obsidionem clausisset, valli q; firmioribus obstaculis conatus suos admodum interpellari videret, à Saxonibus, qui Roskildæ degebant, tormentorum artificia mutuatus, domesticas vires externis cumulavit ingeniis. Quippe nostri rerum adhuc militarium rudes, rarò talium usu callebant. Primum itaq; saxum parum vegeto j. & machinamento egestum, citraq; valli propinquitatem collapsum, ludibrio castrensis fuit. Siquidem irrita tormenti vi, ultiores ejus impulsus irritos augurabantur. Secundum incitatiùs actum ac mirifico cuidam recto superne impactum pondere & incussu suo funditus penetralia transverberavit, ædemq; magno cum fragore collisit. Quæ domus fundamenti loco lignea tantum base subnixâ, eidemque velut cardini imminens, levi attactu quamlibet in partem circumagi poterat. Quo viso Haraldus fiduciam quam ex primi jactus defectu conceperat, in secundi processu deponere coactus, cum neque se domi obsidionem laturum, neque foris auxilia accepturum speraret, noctu maritimâ aggeris parte perfracta, quod ab hoste negligentiùs obsideretur, equos per prærupta demissos, pedes cum suis insequi cœpit. Cumq; totis in castris tumultus exoriretur, citato acriùs equo, comitibusq;, ut Haraldo occurreretur, de industria vociferari jussis, non Haraldus, sed Haraldus insequutor creditus, inter medios perstreptentium globos facilem fugæ meatum habuit. Itaq; non minùs fictæ fugientium voces, quàm temporis habitus hostium existimationem fefellisse creduntur. Eûre tamen ex Theutonibus, qui hunc in ipso fugæ procursu, sagittis à se confixum afflerent. Ita vafri ingenii dux obsidionem arte, periculum calliditate frustratus, repertarâte Jutiâ petiit. Quem Nicolaus perinde ac partibus suis in Sialandia propugnante non solum regali beneficentia profecutus, sed etiam primis inter amicos honoribus veneratus est. Nec tamen suspicione vacua familiaritas fuit. Quippe & repentina fratris desertio, & subitaneus transfugæ notabatur adventus.

Interea Sveones, quòd Magnum domesticis bellis occupatum audierant, Sverconem quendam mediocri inter Sveones loco natum, Regem constituunt, non quòd illum tantopere diligerent, sed quia externi hominis imperium recusarent, cervices indigenam ferre solitas peregrino duci submittere formidantes. Hic Sverco Vlvildam Noricam, quam Nicolaus in matrimonium emortuâ Margaretâ receperat, amatoriis primò legationibus sollicitatam, mox viro furtim abstractam ad suum usque connubium perduxit. Cujus coitu pro conjugio usus, Carolum ex ea, qui & post ipsum in Svetia regnabat, suscepit. Per eadem tempora divi Canuti filia jam pridem Regi Noricorum desponsa, per legatos ab eo in Daniam missos nuptura deducitur.

Peractis hybernis Nicolaus diutinam deficientis à se regni ulcisci cupiens injuriam, crebra Juticarum partium classe Sialandiam appulit. A quo Ericus apud Weram pontem gravissimo prælio superatus, cum uxore quondam Norvagiæ Regina, filioq; parvulo Svenone, quem ex pellice procreaverat, necessitudinis fiduciâ Magnum petivit, ejusq; humanissimam primo hospitalitatem, mox dolum atque fallaciam expertus est.

Interea Nicolaus Haraldi Theutonicorum supplicia exigentis precibus inclinatus, Roskildiam irrupit, comprehensosq; in urbe Germanos incensoris arbitrio mulctandos dimisit. Quos Haraldus tum quia tormentorum opifices, tum quia de falsa nece sua gloriantes audierat, extrema narium parte præcisa deformes reddidit, percontatus an Haraldus eorum fuerit jaculis interfectus. Tunc quidam ex his applicatum ori suo cultum aspiciens, parcendum sibi, quod doctus esset, asseruit. Haraldus hominem literarum peritum existimans, revocato lictore ad epulas perductum, ipsas (ut fieri assolet) solennium nuncupatione verborum dedicare præcepit. Cui captivus suendi se non sacrandi professorem respondit. Haraldus hominis acumine delectatus, impunitatem astutiæ tribuit, iramq; quam deceptus abjecerat, correctus repetere erubescibat, ne errorem supplicio emendare videretur.

Per eadem tempora Haraldus Hybernicarum partium oriundus, florentissimum Norvagiæ statum veluti fulmen aliquod ac tempestas concussit. Qui cum se Magno Hyberniciæ populatore procreatum astrueret, affirmationi suæ fidem divini examinis argumento præstare jussus, super candentes laminas nudatis plantis (nam id ab eo experimentum poscebatur) incessit. Hisdémque nulla ex parte corruptioribus, complures Norvagiensium liquido incolumitatis miraculo, ad assertionis suæ credulitatem perduxit. Ex cujus gremio omnis Norvagicorum bellorum lues manavit. Interea Nicolaus per insidias æmulum opprimere statuens, Magnum Noricum in ejus necem mercedis pactione sollicitat. Ille lucri irritamento latrone corruptior, hostisq; ex hospite effectus, impensis obsequii simulatione curam Erici exactissimâ satellitum custodiâ vallavit, officiisq; fallaciam texit. Ericus verò per Regnam, cujus patruus erat, insidias obsequio subesse doctus, amicis, quos in Lalandia habebat, propositum Regis cum remedii precatione denunciat. Nec segnis Lalandensibus ad opitulandum animus fuit. Solo quippe navigio Norvagiæ petentes, occulto nuncio adventum suum Erico significant. Qui quod Norvagienses summam in portionis magnitudine voluptatem habere noverat, applicatam sibi custodiam temulentiam ludificandam putabat. Igitur stipatorum sobrietatem crapulæ delectamento adorsus, instaurata comestatione crebris custodes poculis attentabat. Quibus ut bibendi cupiditatem auget, irritamentum ebrietatis aleam scyphis interferit. In qua, posito cum quibusdam pignore, decertans, etiam prosperum tesserarum jactum inertilusu de industria prosequatur, uti collusores fortunâ lucri illectos ad lasciviendi cupiditatem, ludendiq; perseverantiam incitaret. Postremò perinde ac prolixioris vigiliæ tædio fatigatus cubitum excessit, sacerdotemq; exilii socium aleæ pro se curatorem reliquit. Ille rem sobriè prosecutus, temperantiam eorum multiplicatis poculis, quantulacumq; restabat, subvertit, interq; mero ac somno sopitos medium cubandi locum habuit. Interea Ericus perruptâ cubiculi parte, cum clientela ac conjuge, furtivo ad mare discessu pervenit, repertaq; in littore navigia, quò tutius fugam caperet, in sentinis perforanda curavit. Hæc tractanti succurrit filiolum hospiti dormientem fuisse relictum: Adeò obliivis animum festinatio implicat. Quippe quò occupatius, hoc negligentius humanum esse ingenium consuevit. Quamquam verò præstolationi periculum inesse non dubitaret, sanguinis tamen sui curam deformiter abjicere passus non est. Missis igitur, qui adolescentem exciperent, tarditatis molestiam eximiâ filii charitate contempsit. Quo

NICOLA-
VS.

allato in altum præcessit. Diluculo, quibus Erii cura mandata fuerat, pulsatis hospitii foribus, an hesternam adhuc temulentiam non discussisset, interrogant. Neminè verò responsum edente, taciturnitatis admiratione crebris idipsum clamoribus prosequuntur. Tandem silentio attoniti, convulsis ianuis, vacuum hospitibus ædem inveniunt. A quibus vafre sibi illudum vociferantes, eventum domino trepidi nunciant. Qui protinus petito litore, detractisq; in altum navigiis, fugacem intercipi jubet. Quæ cum vitiatæ lateribus undarum plena conspiceret, subducta refici curavit. Iisdemq; rursum in mare detrusis, ad accelerandam navigationem velo pariter ac remis incubuit. Adeò promissum in mortem Erii præmium affectabat. Interea, 10 Erius grandem pelagi partem emensus, magno hostem intervallo præcesserat, ideoq; facile ab insequentibus occupari nequibat. Cumq; Magnus navigationem diutulè gestam propositi irritam animadverteret, revocato remigio domum revertit. Erius verò fidissimam sibi Lalandiam repetens, intercepti Vbbonis suspendio, quem Nicolaus minorum insularum præfectum creaverat, clarum reditus sui indicium dabat. Audito deinde Regem divini Natalis die Lundia feriari debere, adventum ejus, petita Scania præcucurrit, totamque regii apparatus impensam præripuit. Quod audiens in Sialandia Rex, alimentis publica administratione contractis procedere superfedit. Æstatè verò, præter Scanicam, omni Danicâ classe contracta, ad Fotam sinum. 20 appulit, pedestremq; propter littus aciem statuit. Quæ cum centuriatis parumper ordinibus constisset, adventante Eriico excitum equorum ungulis pulverem in speciem nebulæ eminus exhalare conspiciens, paulatim ad naves gradum retulit. Sed inter eundum adventantis equitatus fragore percussa, incessum ad fugam convertit. Quam superveniens Erius, fortunâ non prælio superatam, impunè cecidit, incruentamq; Deo parricidium vindicante, victoriam habuit. Magnus cum aliquanta fortium manu cedere, veritus, cæteris terga obvertentibus, adverso hostem corpore repellebat. Quippe cum fugam parum liberam cerneret, animosum sibi consciscere exitum, mortemq; suam pugnando clariorem efficere egregium duxit. Quine- 30 tiam ne pristinum fortitudinis suæ splendorem obtereret, fatum quàm fugam amplecti maluit. Postremò ut insigni pugna, ita multa adversariorum strage edita, super prostratorum à se cadaverum struem unâ cum petro Pontifice Roskildensi consumptus occubuit. Quem ut fati comitem, ita tumuli quoq; consortem habuit. Nicolaus admoto sibi per villicum equo, navem petivit. Major fugientium pars comprehensa per foros navigia conscendere cupiens ingenti quadam mole merfabat. Igitur qui primi introrsum evaserant, tardiorum manus navigiis insertas absque societatis respectu ferro truncantes, ferociorès in suos quàm in hostes fuere. Calamitosa nimirum illa facies erat, cum pendulis navigia brachiis amplectentes, hinc hostis vrgeret, inde 40 civis repelleret. Quo experimento quantum quisque salutem suam alienæ præferret, fortuna detexit. Taceant nugaces adulantium voces, quæ spiritum amicorum proprio chariorem astruere non erubescunt. Crediderint hanc victoriam humanis parum viribus partam, sed Deo piissimi viri interitum ulciscente concessam. Neq; bellum aliud crebriorem Pontificum cruorem absumpsit. Quippe Petrus Roskildensis, & Henricus Svecicarum partium Pontifex, omnesq; Jutia, præter unum, Antistites hoc prælio oppressi traduntur. In ejus apparatu Magnus Saxonis filius, Erii miles, singulare fidei specimen edidit. Nam cum Nicolaus maritima Sialandia loca, ne quis ad Eriicum transiret, à militibus observari jussisset, per Steffnensis promontorii prærupta à satellitibus fune demissus, noctu scalam conscendit, eaq; 50 Scania petens, gratam Eriico opem attulit. Post hæc Magnus Noricus nudati consilii sui conjugem arguens, rejectam à se Eriico remisit, dignam repudio ratus, quæ conjugali charitati consanguineum prætulisset affectum. In ejus contemptum temerata matrimonii religione seipsum nuptiis spoliare, triste

triste non duxit. At Nicolaus fugâ in Jutiam elapsus, & tanquam ad fortunæ ludibrium reservatus, æstimato pariter & orbitatis suæ, & ætat s habitu, non ut sibi successorem, sed ut æmulo hostem relinqueret, Haraldum regni post se declarat hæredem. Deinde Slesvicenses ob Magni jampridem facinus infensos ad habitum pacatæ mentis reducere cupiens, de componenda secum pace sollicitat, eosdemq; & ætatis suæ & fortunæ miserationem acturos existimans, sumendorum obsidum gratia oppidum intrare constituit. Rursum cum caput suum inexploratæ fidei civibus objicere dubitaret, Bojonis cujusdam summam inter oppidanos auctoritatem gerentis hortatum, **10** securus, salutem simul cum suspitione deposuit. Portas siquidem de industria patefactas ingressus, ut pium cleri, ita ferocem plebis occursum repperit. In excipiendo namq; eo dividuum civitas animum habuit. Clericis quippe eum sacre processionis officio venerantibus, cætera vici pars ut hostem excepit. Qui cum inter plateas adversis sibi signis obviam iî conspiceret, amicis, ut in ædem Petri confugeret, exhortantibus, aulam petivit. Et ne cruenta corrixatione divini fœdarentur penates, regia sese quàm templo tueri maluit, paterno in lare quietius obiturum præfatus. Nec defuit militibus prompta mens ad ejus salutem suis cladibus defendendam. Diu siquidem intactum eum animosis corporum suorum objectibus servaverunt. **20** Neq; triste duxerunt pro tuenda illius incoluntitate, suam ultimis implicare periculis. Quorum Slesvicenses primùm sanguine profuso, ad ultimum & Regium absumperunt.

HISTORIÆ DANICÆ LIBRI DECIMITERTII FINIS.

SAXONIS GRAMMATICI
HISTORIÆ DANICÆ
LIBER DECIMUS QUARTUS.

30



Interea Ericus destinata in Jutiam classe, cum ad Syram insulam appulisset, nuncium de Regis oppressione suscepit. Et fortè in ea rerum colluvione Ericus ac Bero nati inter Haraldi filios primi, deserto patre, fidelius se quàm feliciter Erico junxere. Eodem noctu clandestina patris legatione petiti, silenter accepta gesserunt. At Ericus nihilominus legationis indicium nactus, experiendæ eorum fidei gratia aliquamdiu ignorantia simulatione silentium egit. **40** Quibus secretum paternum tegere perseverantibus, cum se nullam ex eis arcani cognitionem suscepturum putaret, desperato voluntariæ confessionis indicio, vocatos in medium vehementi perfidia exprobratione pulsabat, quod rem à patre mandatam parum lucidè pertractassent. Interrogati quoq; quam ad eos pater legationem habuerit; consultos se, quid agere eum potissimum expediret, ut ad Norvagian exularet, respondisse dicebant; ideoq; non ante consilium fateri voluisse, quàm ei à consultore obtemperatum agnoscerent. Quorum affirmatio quanquam vera esset, fidem non habuit, quod invita potius quàm ultronea videretur. Igitur eorum **50** experiri Ericus asserta cupiens, ambos arctissimâ apud castrum Slesvicense custodia asservari præcepit, uti veritatis cognitione suscepta, aut innocentia præmium, aut reatui poenam referret. Cui Postmodum idem fortè castellum intranti, memorati juvenes compeditis semet incessibus obtulerunt, supplicesq; ejus genibus advoluti, prætentis innocentia meritis, captionis

LXX.
ERICVS III.
E MVND.
Libri XIV.
Sectio Prima

ERICVS.III
Ermund.

remedia flagitabant. Quorum Ericus ut fortunæ misertus, ita fidei gratulatus; (quippe fuga patris filiorum affirmationem adjuverat,) sicut erat merito percalefactus, & calamitati lacrymas dedit, & veracitati salutem promisit. Quod cum fortè Christiernus ex aulicis cognovisset, antelucano tempore petenti sacrarium Erico obvius factus, hesternæ cum temulentia lascivia concitatum intemperatè munificum extitisse ridebat, quòd Daniam hosti dono dare sustinuisset. Rationem quoq; dicti lucidiore sententia persecutus, Fore, inquit ut Haraldi filiis major vinculorum suorum quàm absolutionis respectus incesceret, odium liberatori pro gratia relaturis. Quid enim aliud Ericum eorum saluti parcentem agere, quàm Haraldo robustorum juvenum auxilia reservare? His vocibus inclinatus Ericus, à promisso suo quàm ab amici consilio recedere, maluit, profectamq; à crapula indulgentiam sobria animadversione cassavit. Huic clementiæ studium in crudelitatis exhortatione deponere rubori non fuit. Itaq; quorum spes ad vitam intenderat, salus aquis consumpta est.

Eodem tempore Norvagiæ primoribus Magnum Haraldo, qui æquè Rege genitus esset, dimidium regni cedere postulantibus, eoq; hominem ignotis ortum parentibus admittere recusante, in agro Fridlevino ferro certatum est. Interea Haraldus repetita lucta, Vrnica concionis suffragiis Rex est declaratus. Quo comperto Ericus navigiis glaciæ tenus (nam gelum undam duraverat) in adum usq; petactis, Jutiam tacitè petivit, Haraldumq; apud Scypetorp vicum noctu cum superstitis filiis interceptum, diluculo conclavi extractum, absq; respectu fraternitatis capitali supplicio affecit. Ex quibus Olavus clausum armis cubiculum videns, mutata cum foeminis veste, salutarem inter hostes egressum habuit. Ea tempestate Haraldus Norvagia pulsus, ut ab Erico aliquid virium contraheret, in Daniam pervehitur. Quem Ericus ob relictum ab ejus æmulo matrimonium supplicem recepit, oblataq; sibi speciosum pugnae titulum gavissus, auxiliis eum prosequi statuit. Haraldus autem, excepta liberalitate, nullam animi ferè dotem adeptus crebra corporis virute pollebat. Cujus viribus fretus apud Helsingam oppidum pignore cum Erico posito, an cum lectissimis ejus equis cursu contendere potuisset, duobus in certamen admissis, utroq; metam prior tenuit. Geminis siquidem inter currendum bacillis innixus, crebris corpus saltibus concitabat. Aliud quoq; inusitatae agilitatis spectaculum edere consueverat. Sæpe etenim inter navigandum puppi exiliens, in proram per exerta remorum capita decucurrit, indeq; cursu in aliud navigii latus reflexo, per reliquos remorum ordines locum quo excesserat, repetivit. Qui si parem animi virtutem à natura traxisset, nequaquam se inter amplexus pellicis æmulo obruendum dedisset. Huic Ericus tametsi opitulari vellet, Sclavis domesticam pacem interpellantibus, animum opere comitari nequivit.

Igitur omiſſis amici rebus, propriis curam iniecit, contractaq; adversum Rugiam classe, quò gnavius bella conficeret, maritimæ Danorum expeditioni primus equos adjecit, quaternos singulis navigiis mandans: eumq; morem diligens posteritatis cura servavit. Classis eo numero digesta, mille & centum navigiis frequens reperta est. Quibus Dani ad Rugiam appulsi, urbem Archom adversum se valido præsidio firmatam inveniunt. Quamne finitimorum auxiliis juvari sinerent, tractum, qui Archonensium fines propemodum Rugiâ abscissos cum continenti committit, lignibus concisum in vallum opacæ admodum altitudinis redegerunt. Tuitio ejus Hallandenſibus credita, iisdemq; Petro parere jussum. Quos Rugiani quæto pervada transitu, noctu inopinatos adorti, compluribus cæsis, à cætero repelluntur exercitu. Igitur Archonenses cum nec vires conferendi belli haberent, neq; locum ad contrahenda auxilia suppetere cernerent, necessitate victi, salutem & in Christiana sacra transitionem pacti, statuâ, quam venera

nerabantur, retentâ, Danis se tradunt. Erat enim simulacrum urbi præcipua civium religione cultum, crebrisq; finitimorum officiis celebratum, sed falso sacri Viti vocabulo insignitum. Quo asservato oppidani veterem sacrorum morem penitus abrogari passi non sunt. Primum itaq; solenni ritu prolui jussi, stagnum majore pellendæ litis, quàm initiandæ religionis ardore petentes, sub specie sacrorum fessâ obsidione corpora refecerunt. Datur Archonenſibus pariter rerum divinarum Antistes, qui & eis cultioris vitæ formam perscriberet, & novæ religionis rudimenta contraderet. Sed post abscellum Erici, cum antistite pulſa religio. Siquidem Archonenſes ab-

10 jecta obsidum charitate, pristinum statuz cultum repentes, qua fide divinum susceperunt, prodiderunt.

Post hæc Ericus ordinatis in Dania rebus, amici curam importunitate omiſſam, accepta rerum tranquillitate, resumpsit, juvandiq; gratia ejus urbem Alloam Magno devotam primò diripuit, mox igni subvertit. Interjecto anno, Haraldo eidem opem iterato poscenti, universam Daniæ classem pro supplemento transmisit. Collato bello, viribus Magnus inferior capitur. Quem Haraldus vita frui permiſſum, oculis ac genitalibus carere præcepit, ne aut luminum voluptate regnum appeteret, aut Veneris usu ulticem sui sobolem procrearet. Cœcatus igitur castratusq; cum interrogaretur, quem ex suis pœnam secum oculorum subire vellet, paucos ea re delectari respondit.

20 Tunc quidam & forma ei similimus, & militiam ejus singulari fide complexus, ne ex tanta clientela deesset, qui cum domino compativeller, ultrò se supplicio obtulit, præfatus ut videndi simillimum, ita luminibus orbato futurum. Qui quum virtute venerationem meruerit, apud improbos pœnam perſenſit. Magnus verò non tam animi virtute, quàm corporis debilitate continentia religionem amplexus, de sceptrato cucullatus evaſit.

Interea Ericus quæſitam armis pacem justitiæ ornamentis excolere cupiens, conditâ à majoribus leges, ac tunc penè ingenti bellorum tempeſtate subverſas, ad pristini vigoris habitum revocavit, utq; fortitudine fuerat, ita

30 justitia insignis apparuit. Irrogatas minoribus injurias superiorum suppliciis pensabat, nihilq; familiaritati aut neceſſitudini parcens, aut ferro, aut laqueo inconsultam majorum avaritiam castigabat. Quo studio & principum odia, & plebis obsequia contraxit, evenitq; ut & potentibus formidolosus, & popularibus percarus existeret. Idem rerum à se gestarum virtutem tantis laudibus prosequi consueverat, ut veri interdum fidem excederet. Semel quoq; Erici ſalus ſatellitibus ejus ſomnio ſervata proditur. Nam cum ex freto Slesvicensi Sialandiam petere ſtatuiſſet, quidam nautarum per quietem exiſtimavit, per inculta montum juga laſtivo admodum equo ſe

40 provehi, eoq; curſum citante inter vallium opaca præcipitatum crebris noctuarum ungvis lanari. Quod cum manè per jocum ſodalibus retuliſſet, Ericus ea viſione veluti periculi præmonitus, ne cum navigationis comitem haberet, in aliud ſe navigium contulit, eoq; tutus ſociis naufragio pereuntibus permaſit, lætatusq; eſt quod ſalutem tuam alienæ rati, quàm propriæ credere maluſſet.

Fortè autem inter ipſum, Roskildenſemq; Pontificem Eſkillum inimicitia primùm, mox ſeditiones adolevere. Quæ in re Antistes Petri Botildæ filii collegium naſtus, autoritate, quam primam inter Sialandenſes habebat, in Regis eos odium concitat, viribusq; publicæ conſternationis adjutus Sialandia eum terminis pellit. Quo exacto provincialem populum in ſocietatem factionis ſub titulo libertatis adſciſcit, à ſuſpectis obſides petit. Solos verò Skialmonis filios ſeditionis conſortium d/trectantes ad populare concillium evocat, & ni ſtatuta die obſides tradant, bonis carituros minatur. Illi vero ad concinnem perveſti nec minis victi, nec bonorum pœna mul-

50 tati

ERICVS IV.
Lam.

Etati, solidum tenuère propositum. Sed ut ad eos impunitas redundavit, ita ad Eskillum poena concessit. Rege enim cum Jutica classe reverso, patris ac patrui interventu usus, vicena auri talenta multæ nomine persolvit. Petrus verò fati suis ultionem præcurrentibus, poenam, quæ à Rege parabatur, effugit. Per eadem tempora decedente Aspero Lundensi, de novi Antistitis suffectione dividuum Regis ac populi suffragium fuit. Siquidem Scanienfes ob egregia Asperi merita Eskillum arctissima ei consanguinitate junctum, nè pontificium à familia discederet, suffragijs amplectuntur. Rex verò rubore fugationis ammonitus, neq; suorum in Eskillo dedecorum oblitus, Rikonem Slesvicensem, qui nuper Alberto successerat, quod in poti- 10 tiendo regno familiari ejus opera usus fuerat, eorum arbitrio præferebat. Nec tamen hæc vota palàm ad litem & controversiam progressa fuerant, Scanis metu sententiam occultantibus. Eodem tempore Plogus quidam, claro inter Jutos loco natus, tametsi Regis militiam profiteretur, latentes capiti ejus insidias comparabat. Ad quem Ripam veniens, militiæ titulo stipendium postulabat. Quo recepto, datum sibi cladis ejus præmium reputabat. Et fortè Ericus inter quosdam populares acrius dissidentes regali 20 judicatione componere rogatus, publicà id concione exequi statuebat. In qua quum Plogus cuidam ex plebe de se querenti satisfacere juberetur, dicendi simulatione facta, non sine lancea progressus, auditum sibi præberi petivit. Stabat autem & Rex hastæ innixus, turbantiq; silentium pupulo manu, ne obstreperet, innuebat. Quem Plogus lorica vestem gerere existimatum diu curiosis speculatus oculis, ut inermem deprehendit, lancea transverberavit. Et ne timidiùs dicere quàm facere videretur, Regem à se prostratum vociferans, ceteros ad militum internecionem hortatur. Aulicis itaq; passim metu dilabentibus, Ericus Haquini filius, cui ex patientia, Agni cognomen obvenit, egregium fortitudinis exemplum præbuit. Diu siquidem exanime Regis corpus gladio potexit, sociisq; in fugam lapsis, solus ex tot commilitonibus intrepidum mentis habitum, tenuit, dignus ut ei in regnum successor fieret, pro quo etiam extincto pu- 30 gnam gerere perstitisset.

LXXI,
ERICVS IV.
Lam.

Jamq; vacantem Daniæ possessionem nemo sanguinis virtutisve fiducia aut petere aut rapere præsumebat. Quippe Sveno Eri, Canutus Magni, & Waldemarum Canuti filius nondum regno tempestivi fuerè. Christiernus verò Waldemarum paterno, cujus ultionem adjuverat, regno dignissimum prædicabat. Quem honorem mater multis & gravibus periculis oblitum, ac vix quidem adultis gestabilem, perniciosum parvulo futurum advertens, poscenti puerum Christierno tradere recusavit, majoribus id munus deberi præfata. Postremò pertinaciùs insistentem jurejurando obstrin- 40 git, in Regem eum eligi non passurum. Quo Christiernus ad populum & concionem usq; perlato, patris ejus beneficia memorat, ut domi leges & jura stabilierit, ut foris hostem represserit, ut furtis rapinisq; patriam vacuifecerit, ut Daniam penè exhaustam & exangvem Sclaviæ magistrum reddiderit, ut etiam unicuiq; per vim amissà ad integrum restituerit, utq; cunctis his operibus sanguini suo regnum deferri meruerit. Verùm cum filius ejus nondum maturos imperio annos acceperit, neque Danis sub auspiciis puerilibus rem gerere militarem expediat, virum debere circumspici, qui usq; ad provectam pupilli ætatem tutorio regnum nomine procuraret. In quod munus aptius neminem quàm Ericum superioris Eri ex filia nepotem, quod audacia ac pietate præstaret, maternumq; genus ex 50 Regibus duceret, adscisci posse, adultio rerum summam pupillo cessuram. Ita Erico & populi favor, & pueri majestas vires regias dedit. Hic præter solam animi fortitudinem nihil à natura dotis acceperat, sicut prudentia, vacuus, ita parùm amœnus eloquio. Cæterum adeò salutis suæ prodigus esse

esse confveverat, ut bellum commissurus, ne singulariter in hostem procurreret, arctius à suis observari soletet. Tunc Eskillus cognito Regem apud Jutiam decessisse, repente, in Scaniam majoris sacerdotii affectatione pervenitur. Ericus verò infectum antecessoris propositum circa Rikonem explere cupiens, pontificalis ei dignitatis incrementa tribuere gestiebat. Scanienses autem ultima quæque perpeti, quàm pontificium in novam transferre familiam præoptantes, bellum adversum Regem decernunt. Quo ille cognito, ne multorum inimicitias unius viri familiaritate contraheret, proposito suo cupidè cessit, Eskilloq; sedem mutare permissò Rikonem.

10 Sialandiæ præfulem mediantibus cleri suffragiis, creat. Interea Olavus Haraldi filius Norvagiâ reversus, patrimonium suum inter bella civilia à patruo occupatum hæreditatis titulo reposcit. Cujus petitioni Ericus illam antiquitatis legem opposuit, qua reis patriæ bonorum pœna decernitur. Patrem siquidem ejus peregrino milite adversum patriam usum, decretam hac lege sententiam incutrisse. Igitur Olavus perinde ac justum belli titulum accepisset, cupidius oblatam seditionis occasionem amplectitur. Si quidem acceptam repulsæ contumeliam ad novarum rerum licentiam transtulit, deq; privati patrimonii repetitore totius regni inhiator evasit. Verum dissimulato odio, per insidias Regem opprimere statuit. Quem in Arna Lundensi hospitio diversantem noctu adortus, primum à vigilibus

20 clandestinum ejus adventum speculatis excipitur. Qui mox reflexis equis sepultos somno milites clamore eminùs in arma concitant, primi q; portas tueri parant. Auxiliis deinde supervenientium sociorum adjuti, hostilem repulere conatum. Olavus perinde ac suo proposito victus in Svetiam contendit, sed mox Erico Scaniâ excedente revertit, concionemq; in valle Arnenfi sub edicto contractam liberioris vitæ promissis aggressus, regium sibi nomē illecto popularium favore conscivit. Quod indignè ferens Eskillus, bellum ei Lundensi manu cupidius quàm prosperius infert. A quo superatus primum mox in urbe, ad quam ex prælio confugerat, obsessus, postremò necessitate victus, obsidibus datis, fideq; sub sacramento promissâ, salutem

30 paciscitur. Sed postmodum ex Olavi discessu competentem fugæ copiam nactus, Erici charitatem, & obsidum saluti, & jurisjurandi religioni speciosa temeritate præposuit: neq; nefas duxit extortum sacramenti vinculum voluntariæ amicitiae cultu convellere. Cujus affectum atq; constantiam Rex ad se in Sialandiam venientis amplissimi ruris vicorumq; complurium datione pensavit. Verum Scania impensius Olavum fovente, ipse veluti in Antistitis fuga per absentiam victus, reparandæ fortunæ gratiâ ad littus more gentis Landora appellatum, expeditionis nomine crebra classe pervenitur. Cujus loci suspectam admodum fortunam habebat, fabulosæ cujusdam opinionis credulus, qua Reges id littus aggressi in annum duraturi negantur.

40 Sed dum per præsentiam fata metuit, absens victoriâ caruit. Si quidem tellure perinde ac fatali malo abstinens, neque ferri, sed ruris violentiam in metu reponens, copias in aciem dirigit, easq; Eskillo proferendas committit. Qui pontificalium sacrorum quàm rei militaris pericior, persimilem priori fortunam expertus, triste Regi spectaculum fuit. Cujus mali intuitu discere Ericus moneri q; poterat, plus viribus suis duces, quàm formineis debere figmentis. Quibus superstitionum laqueis, quove credulitatis errore animum tunc ejus obsessum putemus, cum ipse qui aliàs adeò manu strenuus existeret, ut ne temerè in hostem se mitteret, à

50 militibus contineri necesse haberet, tunc veluti metu pugnam detrectans, in vicino se per absentiam superari conspiceret? Qua victoriâ Olavus, veluti ipsum jam Ericum delisset, supra modum erectus, pontificales opes æque ac regias absque respectu religionis invadit, & in contumeliam Eskilli, à quo bis se provocatum meminerat, cuidam ejusdem nominis sacerdoti ponti-

pontificii gestionem assignat. Deinde tanquam universas æmuli vires superiore prælio contudisset, omnibus corporum munimentis apud Lundiam relictis, alias locorum & metu & armis vacuus proficiscitur. Quo accepto, Rex contractis undique levibus, & quæ fors obtulerat, navigiis, noctu è Sialandia trajecit exercitum, amicis è Scania navigationi suæ dictum eminus scintillarum filicibus excussarum splendore præbentibus, fortissimos quatuor Olavianæ militiæ viros domi interceptos, aquis obruendos curavit. Adulterinum Pontificem à veri sacerdotii sacramentis exutum, suspendio finivit. Arma deinde hostium gratam militibus prædam occupavit. His denique usus, Olavum apud Glumstorp vicum conferto prælio superavit. Qui in Gothiam confugiens, interjectis diebus per Blekingiam revertit, itemque ab Erico fugatus, cum ad montium angustias pervenisset, eorum præsidio fretus proximè insequentes delevit. Partem quoque exercitus in hostium terga trajecit, eaque manu propemodum Lundenses absumpsit. Super hæc omnia fugam cepessit. Deinde veluti rebus in Scania parum feliciter provenientius bellum in Sialandiam transfert, fortunam loco mutare cupiens. Vbi ab incolis Rikonis ductum securis, apud Bythingam amnem bello victus in Hallandiam excurrit. Ex qua rursus Sialandiam petens, cum ex agrestibus antistitem in vico Ramløsa moram habere cognosceret, noctu tacitus in vicinia mansit. De cujus cubiculo certior per matutinum ejus officium factus, ostio militem invehijubet. Ad cujus tuitionem procurrentes cubicularii in limine trucidantur. Antistes ipse extremæ necessitatis periculis obsessum se videns, religione salutis postposita, cervicem scuto subjecit, aditumque hostem insigni pugna prohibuit: clericis interim qui & epistolarum ejus & annulicuram habebant, convulsas penè januas admoto pulvinorum cumuloq; reprimentibus. Igitur ædem Olavus, quia armis non poterat, flammis attentabat. At pontifex ense quàm igni consumi speciosius ratus conferendi cum Olavo sermonis pacem efflagitat, benignaq; ejus promissione firmatus, exserto foribus capite trucidatur. Igitur Olavus ultionem parricidio consecutus cupidè in litus decurrit, utq; navigia tacitus deseruit, ita concitus eadem repetivit, ante fuga & navigatione usus, quàm Rex nuncium facti, qui tunc in vicinia morabatur, acciperet. Quo cognito Romanus Antistes acerbissimam adversus eum execratione usus, cæteris per Europam pontificibus similiter in ipsum pronuntiandi detulit potestatem. Mandatum quoq; ad universos Jutiæ pontifices dedit, ut sententias adversum sacrilegam ejus impietatem debita animadversione distringendas curarent, indignum usu sacrorum existimans, qui celebrem eorum ministrum oppresserit. Ericus verò comperto Olavum Hallandiam petere, festinato post eum pervehitur. Cujus adventu Olavus apud Aristadium nunciato, vicini pontis beneficio fugæ consuluit, eoq; post tergum abrupto, in proxima ripa tutus confedit. Pauci ex militibus ejus, quibus ob virtutem aut torporem fuga tardior erat, à supervenientibus occupati funduntur. Tunc Ingimarus quidam vetus Erici miles, æmulum ejus non bellorum impendio, sed levi insidiarum momento tollendum ratus, illectusq; sive præmii spe, sive gloriæ cupidine, transfugæ titulo Olavum petivit, eumq; transitionis simulatione securus, tandem in publico pergentem equi pernecitate fretus, telo trajicere destinavit: complectetq; votum, ni Olavus repente equo delapsus, imminens jaculum industria corporis declinatione vitasset. Deinde citatum acrius equum, dum incautiùs fugæ compendium quærir, in palustre coenum præcipitem agit, ejusq; voraginibus implicatus, opprimitur, proposito parum respondente fortuna.

Post hæc Ericus nuptiarum sollicitatus affectu, Bremorum Antistitis Hartvvici germanam, uxorem duxit, natu quidem nobilem, sed non tam pudicitiam, quàm parentela conspicuam. Cujus instinctu vetera regum latifundia

fundia in eos maximè, quorum forti opera adversus Olavum usus fuerat, dono contulit, neque regiis opibus, quò minus suscepta pro se pericula repensaret, pepercit: quasi ad hoc tantum eas recepisset, ut in alios largitione transfunderet, totasq; stipendii loco militibus erogaret. Postremo æmulum apud Thiutam amnem cum majore copiarum parte bello delevit. Verum non eadem virtute peregrina ac domestica bella confecit. Expeditiones enim, quas adversum Sclavos ducabat, non tam timori eis quàm ludibrio fuere. Adeo enim apud eum inertia omnia solutaq; fuere, ut ne à viro quidem edita putarentur. Infimi cujusq; in solvenda militia arbitrium sequebatur. Sæpe lixarum redeundum vociferantium clamorem secutus, classem dimisit. Ob cujus molliem animata Barbarorum atrocitas, non solum eum foris pervagantem contempsit, sed etiam domi consistentem invasit. Qui cum in Fioniam fortè è Sialandia navigatione contenderet, piratas post tergum imminere conspiciens, avidè petito littore, armamentisq; omnibus in prædam relictis, non sine rubore & metu navigio cessit. Interjectis annis, eum apud Sialandiam febris se implicatum sentiret, Fioniam usque, cujus erat oriundus, concessit, spiritum, ubi acceperat, redditurus. Illic desperato languoris remedio, quia corpori non poterat, spiritui consulere cupiens, regiam vestem cucullâ permutat, vocataq; militum cohorte palàm regno renunciat. Creditum enim est, & à sacrorum peritis traditum, nihil abolendis piaculis pœnitentiæ religione valentiùs reperiri. Tunc Flivus à vico Wisingo, qui & ipse agro cum aliis assidebat, cunctos de creando Rege circumspèctis esse suffragiis jubet, utpote præsentis jam militia liberos. Quæ vox vitam Regis, quantulacunque restabat, absumpsit, ægre ferentis adhuc vivo sibi successorem inquiri.

DEFUNCTO Erico ambiguum plebis de regno suffragium fuit. Quippe Canutus in Jutia, Sveno apud Sialandiam, Magni alter, alter superioris Erici filius, ingenti ambitu regnum petebant. Siquidem hunc paterna, illum avita merita venerabilem faciebant. Svenone itaq; Sialandensium suffragia ambiente, ac plerisq; petitionem ejus favorabiliter accipientibus, Olavus cognomine Balbus prisci moris æmulatione permotus, cunctos qui regium ei nomen tribuerent, ipsumq; si reciperet, execratus, adduci se posse negabat, ut in hanc vocem inconsultâ patriæ majestate procurreret, aut regium honorem privato præter publicum regni consensum deferret. Siquidem electionis locum Sialandiam esse, jus verò penes popularis arbitrii cõmunitatē consistere memorabat. Hæsitantibus cunctis, atq; à sententia aliquantulū cedentibus, Steno quidam, spreto veterum ritu Svenonem occultis à se promissis aggressum, Regio primus nomine censuit. Majoremq; concionis partem ad similem vocis ausum induxit. Itaq; sententiam ejus prosecutum vulgus, quod arbitrio suo paulò ante permittere vergebatur: pari mox suffragio comprobabat. Eodem quoq; autore populus Sialandensis creatum à se Regem finitimorum consensu fulciri cupiens, Jacobo Colonis filio, singularis facundia viro, legationem compositam & subornatam committit, qui Scanienses adulatione dignitatis ad societatem electionis impelleret. Idem Svenoni comes in Scaniam datus, accepta dicendi copia, docet noluisse Sialandos quicquam super regio delectu sententiis suis præter Scanicum arrogare consensum, sed hunc sequi in cunctis quàm præcurrere malle, sine eo nihil magnæ rei executuros. Verum Svenonis insitam animis charitatem habere, eumq; sibi in Regem, dumodò Scanica allubescant suffragia, exoptare, quem præter propriæ indolis claritatem, etiam patris aviq; merita commendarent. Meminisse deindè monet, ut soli cæteras Danorū vires obtriverint, ut patri ejus ad extremam penè desperationē redacto, nihilq; præter interitum præstolanti imperium dederint: obsecratq; humanitate, quâ illū exceperant, filium prosequantur. Ita Sialandensium affectum indicans, sed factum reticens, omniū

LXXIII.
SVENO
CANUTUS
V.

Svenoni suffragia conciliavit, quos ad hunc favorem non solum Sialandensium legatio, sed etiam propria eorum virtutis memoria concitabat. Canutus quoque eodem à Jutis honore provehitur, indignantibus Svenonem temeraria geminæ concionis audacia Regium occupasse vocabulum. Inde Sialandiam, potiendæ ejus libidine, iisdem fretus, accedit. Post hæc Maximum Pontificem Esillum, eundemque Svenonianæ partis factorem occultis ad defectionem promissis impellit. Quibus incensus Antistes Canuto per internuntios mandat, classe Scaniam petat, seque belli socium pollicetur. Ut autem occasionem sibi transitionis conscisceret, ac lubricum fidei suæ rationabilis causæ titulo coloraret, acceptas à Svenone injurias fingit, & quasi cum eo controversiam initurus, contractis colloquii simulatione militibus, Lundiam quæ & Svenonem habebat, petivit. Ubi dum compositionis negocia falso geruntur, Canutum ex iis, quos ad speculandum ejus adventum præmiserat, adesse cognoscit. Nec colloquium solvere moratus, ignotum cæteris consilium suum eadem hora repente detexit. Siquidem elatis signis, præcipiti in littus equitatu contendit. Cujus adventum Canutus navigatione præcurrens, littori copias mandare noluit, sed in altum navigia rejiciens damnatâ promissoris fide, Sialandiam revertit. Ita præsens consilium, non cedentibus ex sententiâ rebus, fortuna delusit. Sveno verò properantem ab urbe Pontificem subsecutus, revertentem bello superat, captumque quia publica custodia non suppetebat, in excelsam Laurentianæ ædis partem attollit, eique templum ergastulum fecit. Eapropter execrationis (quæ suprema Pontificum ultio est) censuram metuens, non solum eum captione eruit, sed etiam agresti vico, magnâque Boringiæ Insulæ parte, quò sinceriores ejus favorem impetraret, donavit. Post hæc sine ipso, apud Slangetorp ruralem Sialandiæ villam, bellum cum æmulo facit, eumque cruentissimo prælio superatum insulâ pellit. Victor in Scaniam redit, Canutus in Jutiam refugus cecidit.

Per eadem tempora Romanus Antistes Barbaricæ tempestatis procella rem divinam penè obrutam everSAMque conspiciens, datis per Europam epistolis, universos Christianæ credulitatis hostes ab ejus cultoribus oppugnari præcepit. Singulæ autem Catholicorum provinciæ confinem sibi Barbariem inceslere jubebantur. Ne ergò Dani privatæ militiæ rebus, publicæ religionis officia detrectarent, sumptis sacræ peregrinationis insignibus, imperium amplectuntur. Igitur Canutus ac Sveno invicem obsidibus datis, depositisque inimicitiarum exercitiis, rei melius gerendæ gratia pacem pro tempore statuunt, revocatumque à suis visceribus ferrum, ad sacrorum vindictam convertunt. Discordiam itaque à Regni æmulatione profectam sociæ expeditionis foedere castigantes, junctis viribus Sclaviam petunt, Germanis ex condito diversam ejus invadentibus plagam. Juti Canuto duce, Hethbyenses Svenone, hostilem occupant portum. Superveniunt extremi Sialandenses ac Scani, prioremque classem, prout cuique locus patebat, sua circumcludunt. Occurrunt in littore Saxones, & ipsi vindicandæ religionis cupientissimi, militiæ socii Danis futuri. Mox Dobinum insigne piratica oppidum, ab utroque circumfidelur exercitu, omni Danicâ multitudine, præter paucos classis custodes, navigia relinquentem. Quorum raritate cognitâ Rugiani primam obsecsis opem, inimicæ classis oppressione, porrigere statuunt. Mox Scanos, quos ordo proximos offerebat, adorti, ferme omnes fuderunt: Jutis jucundam eorum cladem ducentibus, neque socios computantibus, quos duce à se diversos moverant. Sed & forensis nondum pugnæ memoria exoleverat, & recens partium odium æstuabat. Adeo quos privatæ iræ agitant, publica nunquam communio foederat. Ascerus verò Roskildensis, qui classis à Rege curam acceperat, suo repente navigio per ignaviam cedens, mercatorium, cymbâ advectus, conscendit, eoque latebram nactus, quos specioso pugnæ exemplo ad fortitudinem incitare debuerat, deformis fugæ spectaculo territabat. Primum autem

autem Scani, ne timidioribus fuga suppeteret, communibus vinculis arctius naves in classem sociant, mox victi nexus industriæ procuratos fortuitis ruptionibus lacerant, parsq; ferro perit, pars necem sibi inter undas præcipitio maturavit. Cumq; Rugiani complures ob magnitudinem naves captu difficiles animadverterent, multitudinis specie metum eis ingerere cupientes, classem suam adductis cælorum navigiis duplicant, eademq; perinde ac remigum plena tentoriis instruunt, vacuitatem umbraculis obscurantes. Ubi sunt & alio non minore mentiendæ classis ingenio. Noctibus enim tacitâ navigatione in altum pergentes, diluculo referuntur imaginem recentis classis, & supervenientium auxiliorum effigiem præbituri. Sed crebrò id agentium frustrâ calliditas fuit. Interea Danis obsidionem urgentibus, eorum classis piratico bello nunciatur oppressa. Hac famâ revocati, correptis navium reliquiis, Rugianos resistere formidantes, portu propellunt, sociorumq; stragem fugâ hostium ulciscuntur, ob interfectorum cadavera parùm adhuc navigabili ponto. Svenoni verò, navi, quâ venerat, spoliato, suam cedere Canutus liburnicam voluit. Sed suspecta æmuli humanitas erat, oblatumq; notabatur obsequium. Nam cum ejus partes incolumes, suasq; propemodum exhaustas videret, alieno navigio reditum experiri fîsus non est. Slesvicum devectus, interjecto tempore, prior Canuto Sialandiam occupat, Roskildiamq; mœnium inopem, receptaculi gratiâ, vallo fossaq; complectitur. Cujus custodiâ Ebboni mandatâ, in Scaniam pergit. Canutus verò Scanienfium damnis benignè secum à fortuna actum existimans, eamq; tantum sibi virium addidisse, quantum æmulo dempsisset reputans, ne res ejus proximâ clade corruptas, otio recreari permetteret, Sialandiam tem sibi quàm hosti dividuâ ope familiarem, Jutis præcipuè fretus ingreditur, ei potissimum cessuram ratus, à quo primum occupata fuisset. Ubi comperto Roskildiam descivisse, portasq; sibi, Ebbone filio Skialmonis autore, clausisse, Sunonem quendam sola loquacitate insignem, nec tam consilio gnarum quàm amœnum eloquio, qui eam ad deditionem hortaretur præmittit. Is cum ad oppidum pervenisset, primum ante vallum lascivè & discursim obequitans, mox compositi volubilitate sermonis propugnaculis insistentes aggressus, legationis mandata facundiùs quàm feliciùs explicabat. Quem Ebbo de industria blandis ac mitibus verbis excipiens, emissis deditionis simulatione juvenibus prendendum curavit. Quorum unus paulatim ei propior factus, jus frangi violentiùs occupat, cæterisq; equum à tergo pulsantibus, captum civibus legatum adducit. Is primò compedum pœna coercitus, postmodum superveniente Svenone luminibus spoliatus improvidæ exhortationis pœnas pependit. Hæc audiens Canutus potiendæ urbis diffidentiâ, in Jutiam revertit, utq; rerum commoditas affuit, Sialandiam spe reparandæ fortunæ, parte, quâ maris anfractibus interluitur, inopinatam intravit, improvidam quoq; Roskildiam capit, & penates Ebbonis ad Svenonem elapsi incendio diruit. Unde ne impensarum inopia arctatus discederet, publico stipendio alimentorum ei subsidia decernuntur. Par Scanienfibus circa Svenonem affectus inceserat. Ne enim labente sumptu veluti ciborum penuria afflictus arma deferere cogeretur, publicæ eum collationis com meatibus prosequuntur. Tanta inter partes virtutis & gloriæ æmulatio fuit. Interea nobilissimi Jutorum, & in rebus bellicis singulari militiæ laude conspicui, duabus Svenonem liburnicis petiverunt. Quorum viribus succinctus, assumpto Eskillo, manum in Sialandiam trajecit, ac prope Thorstam vicum bello cum Canuto concurrat. Ubi inclinata suorum acie timidiorum fugam secutus, fortiorum victoriâ revocatur, & dum vinci credidit, victor repentinus evasit. Canutû verò sui, sive quòd tenerâ adhuc ætate esset, sive quia belli eû implicare periculis nollent, in aciem descendere passi non sunt, pro duce pugnæ spectatorem effectû. Interjectis diebus, Waldemarum divi Canuti filius, armis tunc primû per ætatem maturus, sed

SVENO III.
CANUTVS
V.

paterna in Canuto merita perosus, Svenoni se jungit, in ejus castris militiæ tirocinium habiturus. Cujus favor plurimum Svenoni virium conciliavit. A quo paternæ præfecturæ dignitate donatus, Canutum quendam Henrici filium sub Canuto Magni filio ejusdem beneficii titulis inhiantem, crebra belli congressione perdomuit. Nec minor ipsis mediocris rei, quàm Regibus summæ æmulatio erat. Semper autem ad Waldemarum victoria redundavit. Erat autem Canutus insignis facundia, sed moribus effusissimus. Sveno & fortunæ favore, & virium incrementis accinctus in Fioniam excedit, mox æmulum apud Jutiam persecuturus. Ubi ab exule quodam Ethlero sollicitatus bellum in Holfatios parat, abundè minora ad trajiciendum navigia p. omittente. In 10. colæ siquidem, quò transitus impeditior foret, pontem convulserant. Venientibus Fydoram, promissoris incuria binas tantum nav. culas exhibuerat: quarum altera Sveno suos præcedere cupiens, saniore militum sententia revocatur, rogatus propositum hostium alienâ trajectorye prænoscere, neq; propriis rem periculis explorare. Siquidem haud procul eis latebram esse, partem copiarum, quantam à se superandam crediderint, irrupturis. Nec falsa prædictio fuit. Holfatii quippe vicinis se saltibus occultantes, patienter primorum aditum præstolantur: transvectusq; quos à se capi posse confiderent, procurfu facto, omnes aut neci aut captioni subjiciunt. Quanquam Danis in propulsando periculo animus non deesset, utpote qui nec fugere possent, & in Regis oculis pugnam edere necesse haberent. Ita nostros ad virtutem capeßendam & salutis desperatio, & præsens ducis incitabat aspectus. Quorum periculis exturbati scafarum magistri, circa palos medio ane defixos hærebant, neque residos transvehere, neque translatos referre ausi. Itaque nec Regi ad procedendum, nec victis ad resiliendum opifuere. Interea Canutus sumptuosius militiæ impensis oneratus, nec minorem Occidentis humanitatem invenit, quàm Orientis nuper expertus fuerat. Siquidem agrestium placidè tractatorum stipendia contraxit, tali Jutorum beneficio usus, qualem pridem apud Sialandios acceperat. Hujus Sveno congressu vitato, Scaniam revisit exiguis militiæ reliquijs integram æmuli manum attentare formidans. Interjecto 30 tempore, receptis pretio captivis, securus Jutiam adiri constituit. Peragranti Fioniam Ebbonis è vita nunciatur excessus. Cujus fato dejectus, relatis in Sialandiam copiis præsens belli propositum deseris, militemq; plangere quàm æmulum incesse maluit. Adeo enim familiariter eo usus, ut nihil in foro, nihil in castris, absque ipsius administratione curaret, inque privatis ac publicis negotijs prorsus ex ejus arbitrio sententiaq; penderet. At ubi recens funeris mœror exolevit, bellum novaturus per Fioniam in Jutiam decurrens, Wibergenses regionum vestigalium immunitatem pactos, ad bella pro se suscipienda perduxit. Huc Canutus magnis Orientis viribus succinctus advchitur, victor haud dubiè futurus, nî svadentibus amicis equestrem militiam pedestri mutasset. Siquidem optimates ejus superiorum bellorum admoniti, quibus rem infelicitè equitando gessere, ne fugæ facultas ignavos abriperet, necessitatem sibi inferre tentantes, equorum adminicula submovenda duxerunt. Canutum cum paucis equitibus peditum medium faciunt belli merita æstimaturum. Nec aliàs Sveno rebus suis impensius diffidebat. Ut autem hostes ultro militiæ expeditis exui vidit, summa spe extremam desperationem mutavit. Neq; enim ignorabat equitatu vacuos lentam & ignobilem militiam edituros, plusq; sibi præsidii demere quàm duramenti consciscere. Et neci similis manus deesse videretur, Wibergenses utpotè rei equestris ignaros, pedestri prælio militare præcepit, nonnullos inter sagittarios & funditores dispersit. His levia tormenta saxaq; jactilia pro armis fuere. Proxime eis ab utroq; latere equites jungit, mox hostium terga pressuros. Committenditaliter prælii præcipuus autor ei Waldemarum extrabat, corpus annis tenerum, animum industria prævalidum habens. Is siquidem pedires peditibus oppo-

opponendos, latera autem & terga ab equitibus incessenda docuerat. Canutus dupliciter instructi hostis consilium ex apparatu cognoscens, opportunitatem insidiis negare disposuit. Quibus ut copiam demeret, neque suos à tergo circumveniri pateretur, opus impetu ratus, totam manum in confertissimos pedites inducit, eosque passim & variè resistentes penè omnes oppressit. Nec ea tamen virtute periculum propulit. Quippe Sveno utrinque ex latere adversarios, partito equitatu circumvolat, deturbatisque equis, quos retrò aciem, fugæ metu, locaverat, ancipiti incursu conclusos exagitabat. Quod ubi videt Canutus transversis aciem principibus instruit, revocatamq; à

10 peditibus pugnam, ad equites transtulit. Quippe à tergo instantibus ora advertere necesse habuit. Sveno verò cum & armis diffideret, & equorum pericula formidaret, transversis eos præliis fatigare, non manum cum eis acie conferere, non pugnandi copiam facere, sed incerto Marte ludificatos, æstu ac lassitudine superandos curabat: eos gravissimè adortus qui communi acie longius excedentes, audaciùs semet propulsandis objecere periculis. Variis igitur irruptionibus laceffiti, crebroq; impetu & obliquis concursibus lacertati, tandem virium inopia ad tantam corporis lassitudinem pervenerunt, ut præter communem belligerandi morem in ipso certaminis ardore sessione

20 pausarent. Cumq; nec ad fugam, nec ad pugnam vis ulla suppeteret, dum sollicitè salutis præsidia circumspiciunt, oppidum cujus paulò antè incolas fuderant, composita acie paulatim accedere tutissimum ducunt, subsidii loco hostium rectis usuri. Eò igitur servatis ordinibus incessum emonent, procuratis qui à tergo curarent, hostemq; retrogradi pellerent. Tanta plerumq; necessitatis fiducia est.

Tunc Barcho quidam promptissimus Svenonis miles ab adversariis undique circumventus, innumeram manum admirabili solus virtute sustinuit. Tandem obfusis sudore oculis, pulso clypeo ambas bipenni manus inferere, promiscuè cædem facere, hostes ac socios juxtà ferire, nulli propius instanti parcere. Quo viso Waldemar, cui multa secum ex veteri convictu familiaritas erat, memoria priscae charitatis, eVectus equo ocius advolat, extremis

30 amici rebus adesse cupiens. Quem Barcho adversarium ratus, relata bipenni instantem appetit. Sed Waldemar prærepto eò ictum ocyor antevenit. Manubrio solo scapulæ ejus vehementer impacto ferrum excidit. Vix hominem inter tot arma, tot hostes obnixius contranitentem servare potuit. Diu tandem obluetatum abducit, invitumq; saluti restituit. Qui postquam se ab amicissimo salutari captione pertrahi videt, libenter quidem ejus opem excipere dixit, sed non ita uti hac velle, ut captivorum more clunes equi sequendo, secundum de spectaculum faciat.

Verùm ex parte Canuti alii confestim fugam facere, pars oppido latebram

40 querere, nonnulli per medias ejus plateas erumpere: Canutus ipse per angustissimas vici partes, equo vectus eripitur. Occupati, qui in vicum profugerant, & in unam ædium captivi traduntur. Ad quos introgresso Rege, Helias Ripensis Antistes, circumspectis omnibus, hortulanum Regi æmulandum ajebat, qui utilibus herbis incrementa conciliat, noxiis locum vacuefacit. Quod dictum specie horridum, si quis altius mente perspiciat, summà industriâ procuratum fateatur necesse est. Abscisse enim rem, sed copiosè disseruit. Cui si Sveno obsecutus fuisset, profectò omnem æmuli fiduciam sepelisset. Qui licet injuriarum nomine vindictam à captis exigere potuisset, ad mihiorem tamen sententiam ingenua sibi pietate deflexus, plerisq; redimendi

50 copiam fecit, aliosq; sacramento, alios sponsione in fidem acceptos, morte multare passus non est. Ex quibus binos duntaxat peculiaribus flagitiis obditos, alterum quia tetram latrocinii vitam egerat, alterum quod optimè de se merentem virum per insidias dormientem oppresserat, capite pœnas solvere jussit: in neutro belli, in utroq; sceleris negotium puniens.

SVENO III.
CANUTVS
VI.
profugus.

Complures ex superioribus tributæ sibi salutis immemores, acceptum ab hoste beneficium repetitâ Canuti militiâ neglexerunt, eisq; pristina fides recentî charior erat.

At Canutus ab Alaburgo Liuthusium petens, apud vitricum Sverconem exul aliquândiu demoratus est. Huic siquidem, occiso Magno, Canuti mater conjugio obvenit. Tunc verò laceræ Danorum res disiectæq; fuere, cum interius sociali bello flagrante, exterius piratica pestis ingrueret. Cujus propulsandæ causa, Sveno toti Sclaviæ bellum crebrius quàm prosperius inferebat. Neque enim tanta illi in præliis perseverantia, quantus furor atque impetus fuit. Nam cum receptui consulere debebat, tam avidè littus repetere consuevit, ut par fugæ reductio videretur. Neque suorum ei res curæ fuere, dummodò prior ipse navigium rapuisset. Quæ Regis ignavia tantam Sclavis audaciam dedit, ut crebro copias ej⁹ revertentes opprimerent. Ipse quoque Wibergam adhuc munimenti expertem, quo tutiori sibi receptaculo foret, terreis mœnibus clausit, magnisq; eam stipendiis instruxit. At Canutus apud Svetiam primùm vitrico optatus, mox onustus haberi cœpit, ita ut pro comparandis alimentis, quicquid illic prædiorum possederat, vendicaret. Neq; enim ulla gens exules aut promptius recipit, aut facilius respuit. Sed & filius Sverconis Joannes, ut plurimùm strenuus, ita parum facetus, irrisorio carmine fugam ejus præliaq; retexit, & quasi cantilenæ specie pudibundi hominis verecundiam laceffivit. Utenim hospitem rubore & contemptu perfunderet, fortunam ipsius ludibrio laceffere cœpit, aspersisq; jocis, & ignominioso verborum genere, ignaviæ ei bellicque tristes exprobrabat eventus. His Canutus opprobriis irritatus, navigio commeatuq; empto, plurimum in avunculi & materna fîsus necessitudine, Poloniam profugit. Quem illi maternæ rei nomine regni consortionem appetere rati, cæteris in locis admissum, munimentis excipere non passi sunt. Ad ultimum eum nè placidâ satis fronte conspiciunt, in fontem notantes, cum propinquo charitatem deberent. Augebat hunc metum recens majoris eorum fratris depulsio. Itaq; receptus quidem, sed nullam, ut dixi, urbium intrare permissus, ad præfectum Saxoniae Henricum pervenit. Apud quem minorem spe sua fortunam expertus, Hamburgensem antistitem Hartvicum accedit, jam pridem Danis jurisdictioni suæ exemptis infensum. A quo humanissimè habitus, belliq; tandem subsidia mutuatus, domesticorum militum fidem, tacita legatione pertentat. Responsum est, omnes ad eum ocysimè transituros, datamq; Svenoni fidem, pristinâ mutaturos. Qua promissione securior factus, peregrinâ manu Jutiam intrat. Sed & suis nec humanitas Svenonis, nec obsidum charitas, nec perjurii respectus, quo minus ad eum signa referrent, obstaculo fuit. At Sveno ubi de ejus adventu cognovit, virium diffidentiâ, apud Wibergam recentibus à se munimentis exultant, obsidionem ferre constituit. Ubi ad sustentandam sumptuum necessitatem, bona eorum, qui ad Canutum concesserant, rapinis exhaurit, prædatuq; stipendia contrahit.

At Canutus ex proximæ pugnæ eventu, urbem oppugnare diffusus, formidatâ locorum fortuna, procul mœnibus castra constituit, opperiri volens, quo ad æmulus, protelatis diebus, alimentorum egestate vexatus, aut turpiter fugam, aut temerè bellum arriperet. Ea Canuti spes Svenoni victoriæ fuit. Eodem tempore Bruno quidam, qui & Canutum ipse è Saxonia secutus fuerat, sive Svenonis instinctu corruptus, cum quo vetusta sibi societas erat, sive delati belli rædio satiatus, impetrata utcunque licentia, cum aliquot Ripam secessit. Sveno verò cum rem familiarem magnis in urbe sumptibus exhaustisset, neque trahendi diutius belli materiam circumspiceret, audendum aliquid cum periculo ratus, noctu magnis itineribus tacitus ad hostium castra contendit, eosq; mane divina curantes, improvidos irrumpit. Quibus repentino metu perculsis, ut cuiq; animus erat, aliis fugam, aliis arma capere

capere negotium fuit. Medius horum interfluebat rivus occultis voraginibus frequens, sed uno duntaxat vado meabilis, quod Svenonianis incognitum, Canuticis notum prior loci inspectio fecerat. Exiguus idem & obscurus olim, nunc belli inclytus fama. Igitur qui irruperant, ignorantia loci, invias rivi partes aggressi, præcipitatis equis improvidi impetus poenas dedere. Experti periculum eimnus instant, fundisque ac jaculis provocant congressum, prohibente lacunâ. Tunc Saxones ostentandæ virtutis avidi, ne rebus locus officeret, equis vadum insiliunt. Waldemarum postquam id loci equitabile videt, tanquam hostes transitu prohibiturus, eò freno convertit, adversoq; cum eis equo concurrens, impactam uni lanceam ingenue militandi more perfregit. Sed contra in ipso gurgite ita quaternis simul hastis excipitur, ut equus in clunes consideret, ipse tamen ob egregiam equitandi peritiam sella pelli nequiret. Quin tam inter frontem galeamque defixam, adacto capulo collisam avulsit. His malis liber, arrepto equo cum paucis vadum superat, & ne secuturis angustias faceret, procul rivo secedit, ibiq; facta acie pugnam capeffit. Quinetiam totam hostium turbam, quoad omnis sociorum permeasset exercitus, parva manu sustinuit, Svenoniq; certissimus autor victoriæ fuit. Quæ opem ferente, Canuti partes fugam fecere. Grandem quippe ex superioribus præliis metum hauserant, eorumq; memoriam abjicere nequeunt, agris semper infractisq; animis erant. Adeo enim Canuticorum animos res adversæ corruperant, ut majore fortitudinis parte defecti, perseveranter hostem ferre nequirent, nimioq; timoris captu hebetatis animis, faciles semper in fugam existerent. Saxones verò, quibus agitatio militaris familiarior erat, equestri exercitatione usi, crebro equorum rejectu victoribus insultabant, ita fugam moderantes, ut eam non sine ordine & regimine dirigere viderentur. Promptissimus horum Folradus eo prælio cadit, neq; captorem reperire quivit, quanquam obrutus preñdi se plurimum precaretur. Cæteri interdum malè fugientes oppido noctu manserunt, ubi à fugæ persecutoribus intercepti, hospitio necantur. Condixerant enim victores nemini parcere devictorum, tum Saxonum odio, tum quia proximo bello captos & à se redimendi potestate donatos, denuo hostes experti fuissent. Canuto Saxonia refugio fuit. De cujus fuga Ripenses, uti acta erat, ab intermeantibus edocti, quo plus victori placerent, confestim Brunonem capiunt, Svenonis, in brevi, judicio præsentandum. Quem Sveno oblatum aliquandiu familiariter habuit, mox donatum abire permittit. Quæ res ei apud contreraneos suspicioni primum, mox cladi atq; exitio fuit. Fuere enim interfectorum propinqui, qui crederent, eum pecuniâ à Svenone corruptum, sociorum salutem iniquissimo subvertisse consilio: declinati belli argumento doli conjecturam trahentes, neq; aliud beneficentiam Regis, quam fraudis præmium extitisse putantes. Cui cum de perfidia diem dixissent, omnemq; accusationis suæ vim validissima ejus defensione elusam viderent, in victum foro insidiis occupant.

Sveno perinde ac privatis periculis liber, ad publica propulsanda animum induxit. Locis marinis natura munitis, complura agrestium præsidia condidit. Bina castra, alterum in Fionia, in Sialandia alterum propter fretum molitur. Quæ piratis timori, incolis verò receptui forent. Sed à Sclavis utrumq; convulsus proditur. Bellum cum ipsis magnâ apud Fioniam virtute gessit. Quorum copias ita cæcidit, ut plerisq; militum palmas ferro prærosas habentibus, media digitorum caro crudesceret.

Eo tempore propter incursum, qui à maritimis crebri prædonibus edebantur, apud Roskildiam, Wethemanno autore, piratica cœpit: cujus hæc disciplina, hi mores fuere. Navigia piratæ magis idonea sibi visa, absq; possessoris permissu assumendi potestatem habebant, octava acquisitorum parte

SVENO III.

CANUTVS

VI.

profugus.

naulum daturi. Navigationem orfuri, apud sacerdotes præteritæ vitæ piacula deplorabant, eorumq; religiosa animadversione puniti, perinde ac statim decessuri, divina altaris libamenta sumebant, cuncta prosperius celsura rati, si ritè Deum ante bella placassent. Parvo viaticò sumpto, onera & impedimenta vitabant, armatura ac cibo simpliciter contenti, nihilq; quod navigationem moraretur, amplexi. Multæ illis vigiliæ, multaq; parsimonia erat. Remorum manubriis confidendo innixi, somnum carpebant. Quoties propter littora illis navigatio erat, eadem antè speculatoribus perlustranda mandabant, ne quid incompertum fortè vel improvisum occurreret. Insulas, ad quas vento afflarentur, petebant, missis qui loca 10 procellis averfa percurrerent, quòd peregrina classis tranquillis soleat portibus delectari. Crebrum eis cum hoste certamen, sed ubiq; facilis, ac penè incruenta victoria fuit. Prædam ex æquo partiebantur, nec major gubernatoris portio, quàm privati remigis erat. Christianos, quos expugnata classe captivos repererant, amictu donatos ad propria dimittebant: tanta eis in conterraneos humanitas erat. Octogenas & binas piraticas puppes variè & vicissim cepère, nunquam ipsi classem viginti duabus frequentiore habentes. Stipendiis defecti, impenas à civibus contrahebant, præmii loco prædæ dimidium recepturis. Hic piraticæ cultus, ut dixi, Roskildia coëptus, ab urbis gremio etiam ad agrestes manavit, ab omni ferme 20 Sialandia parte subsidia mutuatus. Enimvero angustus primùm ac tenuis, magna brevi incrementa contraxit. Sed neq; ante redditam terris pacem, ulla ex parte remissior fuit.

Interea Canutus Frisiam minorem, quæ & ipsa Danicarum est partium, cum paucis exilii comitibus petit. Dives agri provincia est, pecoribus opulens. Caterùm confinis Oceano patet humilis, ita ut ejus interdum æstibus eluatur. Qui ne irrumpant, vallo littus omne præcingitur: quod si fortè perfregerint, inundant campos, vicos & fata demergunt. Neque enim illic locus natu a aliis alio editior extat. Plerumq; agros ab imo convulsos aliò loci trajiciunt, locum eorum occupante lacunâ, in quorum con- 30 siderint præfidiis, possidendos. Inundationem comitatur feracitas. Gramine tellus exuberat, torrefacta in salem gleba decoquitur. Hyeme continuo celatur æstu, stagni speciem præbentibus campis, unde & in qua rerum parte locanda fuerit, penè ambiguum natura fecit, cum alia anni parte navigationis patiens, alia aratri capax existat. Incolæ ejus natura feroces, corporibus agiles, anxiam & gravem armaturam contemnunt, ancilibus utuntur, missilibus dimicant. Agros scrobibus cingunt, saltus conculis edunt. Penates in editum subjecto glebarum acervo provehunt. Hos à Frisonum gente conditos, nominis & lingvæ societas testimonio est. Quibus novas quærentibus sedes, ea fortè tellus obvenit, quam palustrem pri- 40 mum ac humidam longo duravere cultu. Administratio deinde provinciæ sub nostris Regibus esse coëpit. Aqua Canutus cum fortè præsidium implorasset, prompto omnium favore suscipitur, pollicitus se eis aliquid de consuetæ pensionis onere laxaturum. Avidi promissionis Frisi, intuitu exilis præmii, immani se negotio onerant. Ac primum mœnia propter Mildam fluvium, quis eum recipiant, condunt. Tantulo stipendio ingens militia stetit. Sveno reditus ejus opinione accepta, jurtis in equitatum digestis à Sialandis & Scanis classem adsciscit. Ex qua nonnullas naves Slesvici subductas ad Eidoram usque solotenus pertrahendas curavit, ne ea pars hostibus elapsui foret. Quæ res ei impendio magis quàm usui fuit. Inde cum copiis 50 ad recens oppidum pergit. Id inter paludes amnemq; situm natura quam opere munitius erat. A latere ei Milda fluvius fuit angustis alveis, sed placide manantibus aquis. Quod quia Rex ob angustias exercitu circumvenire non poterat, locis ex copia idoneis castra defigit. Deinde cæsis virgulis, quæ

quæ nemus proximum offerebat, ad peragrandas paludes constramenta fieri *SVENO III.*
 jubet, quibus cum opportunum foret, velut pontibus uterentur. Interea qui- *CANUTVS*
 dam ex Frisica juventutē, sive moræ impatientes, sive vegetioribus animis vir- *V.*
 tutis jactandæ cupidi, provocandi gratia, rivum, qui inter castra medius erat, *Profugus*
 consueta arte transiliunt, vagumq; eminus hostem incessunt. Nec laceffen-
 tibus obvii defuerunt. Complures ex utroque agmine huic se certamini
 ingerunt, suorum quique pericula propulsuri, neutris communis fortunæ
 negotium patienter inspectare valentibus. Itaque paulatim crescente pu-
 gna, adeo omnium huc animi confluerunt, ut ex eo belli præsaltu, totius vi-
 10 ctoriæ summa pendere videretur. Quo viso, filius Thorstani Petrus, omnium
 Regis arcanorum particeps, non ignarus Frisicæ temeritatis, confestim armari
 exercitum, præstolariq; castris paratum jubet. Hujus rei inscii Frisones, tota
 amnem manu repente transvolant, rati sine paratu Regem in castris esse. Ita
 audacius quàm prudentius omnis eorum irrupit exercitus, inopinatum ho-
 stem opprimere avidus. Sed Svenonianis non segnius occurrantibus, ad no-
 20 tas sibi refugere paludes. Quas mox equites factorum à se pontium stramen-
 tis usi facile superant, translatique fugam acerrimè persequuntur. Aliud quo-
 que ferro sibi compendium struunt. Nam tanta in fugientes strages exerci-
 ta est, ut constrictis cadaveribus, amnis mox à victoribus permeari potuerit.
 30 Fusis Frisonibus, Canutus cum paucis exilii sociis eque elabatur. Reliquis
 fugæ expertibus oppidum receptui fuit. Cui Sveno Canutum inesse ratus,
 obsessos quàm poterat infensus aggreditur, sperans obtentione ejus totius
 belli finem futurum. Saucios integris mutat, fessis requietos succedere jubet,
 diurno prælio nocturnum sociat, omniq; instantia curat, nè lassis quies reme-
 dio fiat. Addebat obsessis animum recens captivorum occisio, nec cuiquam
 à victore toties læso venia sperabatur. Contrà Rex si pugnam remitteret, ne-
 que mox oppido potiretur, Fresos auxilio obsessis futuros timebat, ideoq;
 perseverantiori prælio opus ducebat. Sic metus utrinque pugnandi pertina-
 40 ciam fecerat. Nec interdiu dimicasse contenti, noctem quoque bello con-
 tribuunt. Tunc verò anceps prælium erat. Cum fortè Waldemarum clamore
 cominus orto, Fresos instare ratus, in partem, qua strepitus exaudiebat, cum
 signis accurrit, sociosq; perquàm strenuè repugnantes, errore noctis elusus
 oppressit. Ita fortissimi animi dux temporis habitu circumventus, quibus
 opem ferre decreverat, cladem atque exitium irrogavit. Oppidani assiduis
 plagis & continua lassitudine exhausti, nullumq; pugnæ supplementum ha-
 bentes, cum nec vires, nec vulnera ullo momenti spatio recreare quivissent,
 desperatis rebus dedidere se Regi. Cujus fidem atq; clementiam, ultra ac rati
 fuerant, experti sunt. Tum verò Rex & in Plogo, qui Ericum occiderat, sin-
 50 gulare pietatis specimen dedit. Neq; enim à patris interfectore poenas exige-
 re voluit, plus deditionis moribus, quàm ultionis aculeis debiturus. Cæteros
 quoque nec morte nec captione mulctatos absque redemptione dimittit,
 præfatus se eorum obsequia ac odia juxtà æstimaturum. Nihil enim iis
 prosperè cessurum, qui toties mobili fide & sacramento fuissent. Dimissi
 cum duce exilium amplectuntur. Id enim gratiæ apud suos Canutus habe-
 bat, ut nulli unquam fortuna ejus fastidio esset. At Fresones mulctæ no-
 mine duo milia librarum Regi cum obsidibus pendunt. Post hæc sive rubore
 fugæ, sive naturæ stoliditate compuncti, Waldemarum obsecrant, precetur
 Regem, bellum cum eis hac lege iteret, ut victor æquam priori summam re-
 cipiat: victus, ex veteri pensione, quantum Canutus sponderat, remittat.
 Ille precantium temeritatem incertosq; pugnæ eventus solertiùs æstimans,
 extremæ dementiæ voces consilii sui salubritate cohibuit, perquam stultum
 affirmando victos à victore noxias belli condiciones expetere. Interea
 Canutus apud Germaniam Fridericum Romano recenter Imperio functum
 auxilii imploratione sollicitat, promittens se patriæ procuracionem in ejus
 bene-

SVENO III.
CANUTUS
V.
Videtur.

beneficio repositurum. Imperator, cui & summa naturæ calliditas, & maxima proferendi imperii cupiditas esset, tantum alieni in ditionem suam redigere avidus, Svenonem veteris amicitiae & commilitii monitum, promisso honoris incremento ad colloquendum sibi simulatione charitatis invitat, eximiam sibi visendi ejus cupidinem incessisse significans, sed Romanæ Majestatis amplitudinem, quò minus eum accedat, obistere. Quippe Sveno adolescentiæ tempore militaris rei perdiscendæ gratiâ, Conradi Cæsaris clientelam ingressus, cum Friderico adhuc privatae fortunæ, quem & ætate & ingenio æquabat, diu sodalitatis officia gesserat. Itaque non quòd fallacissimi hominis commentis crederet, aut æmulo asylum demere veller, sed ut sola se Germanis fama cognitum etiam spectandum subjiceret, præsentemq; famæ suæ miratoribus exhiberet, cultiore pompa instructus mandatum exequitur. Nec parum gloriæ apud curiam magnificentia clientelæ & apparatus ostentatione contraxit, totiusq; in se Germaniæ oculos ob virtutis admirationem convertit. Mersburgum oppidum Theutonicæ nobilitatis frequentiam completum ingressus, ab Imperatore primum veneranter habitus, mox vario accusationis genere vexatus, disparem promissis fidem expertus est. Cui demum conditiones hujuscemodi proferuntur, ut Imperatoris ipse, ejus verò Canutus, renuntiata regni affectatione, militem ageret, beneficii jure Sialandiam recepturus. Alioqui Imperatoris vires Canuto obtentui fore, expeditamq; cum eo manum in Daniam esse mittendam, quæ vel Svenonis præcurreret reditum, vel confestim impugnaret adventum. Sveno in retam anxia, aut periclitandum sibi, aut parendum fore cognoscens, simulatâ assensione, paterna bona, quibus in Sialandia abundabat, tanquam peculiaria à conditionis tenore sublegit, ne violandæ pacti omnis domi deesset occasio. Quod quia Germanico juri familiare erat, admissu facile fuit. In hoc Canutus pacti parum credulus, Waldemarum, qui cum Svenone aderat, sponso rem efflagitat, fidem ejus integritatemq; tutissimum rerum suarum pignus existimans. Neque enim alium ex regio comitatu, pati constantiam pro capite suo excubiturum putavit. Ille Svenonianæ perfidiæ conscius, cum vanam ac lubricam compositionis fidem adverteret, ne alienam in se labem recidere pateretur, sponsonem pertinacius abnuit. Tandem Rege compellente, vix atque ægrè vadimonium dixit, præfatus se, si Sveno pactum perumperet, Canuti partibus accessurum. Probatâ utrinque conditione discessum est. Reversus in regnum Sveno, deq; æmulo comitem nactus, remissis è vestigio litteris, fidem Cæsaris apertâ fraudis exprobratione damnavit, in itasq; cum eo pacti omnes, obsequii negatione subvertit, in eas se condiciones fallaciter adductum affirmans, in quas Danicorum adhuc Regum nemo concesserit. Præterea Canuto justa petenti, provinciali duntaxat administratione concessâ, regios penates à cætera se conditione secrevisse dicebat. Fraudatus pacto Canutus, vadem sollicitat. Qui quum Regem deserere, vel sponsonem corrumpere, æquè foedum putaret, utrobique famæ periculum contemplatus, mutare pactum quàm evertere maluit, statuens ut quum Rex Sialandiam com meatui suo necessariam duceret, aliud pro ea Canuto stipendium assignaret, nec fructu parcius, nec spatio contractius, nec honore defectius. Assensus conditioni Rex, tripartitam Canuto præfecturam constituit, eiq; in Jutia, Sialandia, ac Scania, peculiare beneficium tradit, intercisam loco dominationem minus solidæ potestatis gesturam existimans. Hujus rei Canutus Waldemarum denuo prædem exposcit. Quem velut antea repugnantem Sveno condendi foederis avidus, sponsonem iterare coegit, negans si pacto obviam isset, ejus Canutivæ defectionem ægrè laturum. Hoc fretus pignore Canutus, cupidè conditionibus fruitur.

Igitur Sveno perinde ac bellorum metu solutus, in superbiam lapsus, patrios

patrios mōres, quōd parūm sibi viderentur exculi, tanquam agrestes & in- SPENO III.
conditos, petita à finitimis urbanitate mutavit: spretoq; Danicō ritu Ger- CANVTVS
manicum æmulatus est. Nam & cultum Saxonicum sumpsit, & ne eo in- V.
vidiosius uteretur, militum studia ad similem vestis usum adduxit, rustici Reconcilia-
moris tadio, comptioris famulitii grege palatium instruens. Quinetiam tus,
epulandi rusticitate depulsa, externas mensis comitates adscivit, comesta-
tionumq; ritus cultiorē ministerio gerendos instituit. Nec solum cultum
novavit, sed etiam edēdi bibēdiq; facietias tradidit. Idem studii in no-
vanda clientela, asciscendisq; satellitibus gessit. Honores quippe nobili-
bus demptos, histrionibus deferebat: magnisq; & illustribus viris à latere
suo sepositis, in eorum locum turpium & effœminatorum familiam sub-
rogabat, ut abjectū mājorum, minorumq; provectu, prorsus eximias poten-
tiæ suæ vires ostenderet, ditatiq; fortunam suam beneficio Regis, non ge-
neris imputarent. Nec insolentiæ ejus avaritia defuit. Siquidem lucrosa
sibi illorum fata, quorum bona auxisset, constituit, pupillorumque, paren-
tibus emortuis, expilator evasit. Neque nefas duxit eorum liberos egesta-
ti subicere, quorum operā regni opes ipse susceperit. Ipsos quoq; mili-
tes prius à se locupletatos, ad vilem paupertatis statum beneficii sui pœni-
tentia adductus rejecit. Quinetiam ingentis clientelæ voracitate compul-
sus, provincialia ministeria, impensasq; ab agrestibus arctius exigere cœpit.
Itaque dum militum luxui consulit, plebis favorem amittit. Præterea
controversiarum jura eatenus sacramenti religione subnixa, ad
palæstras & palmas athleticas relegavit, judiciumq; rationis speculationi
debitum, in sola corporum exercitatione constituit. Et ne quid fastui de-
esset, in communibus suggestis concionari fastigio suo indignum ducebat.
Quam ob rem æqua vulgarium alloquia contemnendo, editoribus locis
occupatis, suppositæ plebi supernè jus dicere consuevit. Crebræ quoque ei
cum Lundensi pontifice similitates, majore fructu quàm jactura fuere.

Ea tempestate Carolo Hallandiæ præside provinciam egresso, conju-
gem ejus, sororemq; viduam Sverconis filius Joannes, excellentis earum
pulchritudinis opinione corruptus, ad libidinis commercium raptas in
Sveciam usque devexit. Quibus tam contumeliosè usus prodicitur, ut eas in
stupri vices noctibus evocaret alternis, ingenuæ pudicitie fœminas, obsœ-
nissima fœditate proculcans: neque aut hujus matronalem torum, aut illius
cœlibem castimoniam, quò minùs voluptatum suarum ignibus indulgeret,
reveritus. Ad ultimum patrē & populo tantæ temeritatis facinus execran-
te, utramque remisit. Quod flagitium Sveno perinde ac commune pro-
brum in omne Sveonum Regnum ulcisci statuit, publicum ruborem com-
munibus armis submovendum existimans. Sed nuptiarum apparatu præ-
ventus, quippè Saxonum satrapæ Conradi filiam nuper desponsam uxō.
rem ducturus erat, propior privata copulæ, quàm publicæ vindictæ mili-
tiam retentabat. Per hanc Svenonem in peregrinos ritus adductum falsa
plebis opinio referebat, ejusq; super consuetudinum novitate consilium
accusabat.

Per eadem tempora Nicolaus urbis Romæ Cardinalis Britannicum
permensus Oceanum, Norvagian Lundensium adhuc ditioni parentem,
immunitate concessa, Maximi Pontificatus titulis insignivit. Quod in Svecia
quoque legationis potestate peragere cupiens, Sveonibus & Gothis de ur-
be, & persona tanto muneri idonea concordare nequeuntibus, certamini
deus negavit, rudemque adhuc religionis barbariem summo sacrorum
honore dignatus non est. Verum inspecto temporis habitu, cum per Ocea-
num reverti hibernæ navigationis metu in periculis duceret, Daniam re-
ditui suo percommodam arbitratus, offensam ejus ex Norvagiæ promo-
tione contractam, beneficii delinimento sedare constituit. Eskillum igitur
man-

SVENO III.
CANVTVS
V
Reconcilia-
tus.

mandatis aggressus, plus novæ dignitatis, quàm veteris amiserit, recepturum promittit, definiens se ereptæ Norvagiæ damna, Svetici primatus munere pensaturum. Rapuit promissum Eskillus cupideque legati copiam flagitat. Qui veniens apud ipsum futurum Svetici sacerdotii insigne deposuit, dandum ei, in quem concors Sveonum Gothorumque suffragium convenisset. Statuit quoque, ut quicumque Maximi Sveonum Pontifices creandi essent, pallio à curia dato, per Lundensem insignirentur Antistitem, eamque sedem perpetuò venerarentur obsequio. In hoc privilegio dato confirmationem à curia adfiscendam promittit: quod effectu perfacile fuit. Siquidem Romam reversus, decedente Eugenio, Maximus Pontifex subrogatus est, peregritque publicæ religionis præsul, quod privatae legationis minister annuerat. Qui mos usurpatione posterorum firmatus, sub hoc usque tempus, antiqui tenoris observatione perfruitur. His peractis Nicolaus nondum Dania egressus, Svenonem Svetica meditabundum bella, Romana industriâ à proposito revocare conatus, locorum difficilium, inopis regni, infructuosæ victoriæ habitum prætendebat. Siquidem ejus militiæ negotium ingens, fructus exiguos fore, priusq; ei cum vastis & immanibus scopulis, quàm cum hoste certandum. Quo victo nihil præter ignobilem prædam, & sordida spolia victoribus occupandum. Postremo cum stolidam Regis perseverantiam consilii sui sapientiâ superare nequiret, inertiam ejus facerissimè cavillatus est. Nam araneam eum æmulari dicebat, quæ telarum figmentis cum discrimine vitæ, & viscerum suorum egestionem confertis, quid nisi scarabeos putres & vilia prenderet animalia? Cujus exempli evidentia araneæ Regem, militiam telæ, victoriam venatui conferebat. Ita avidum ducem, exiguæ rei cupiditate seipsam viribus exinanientem, inutili bello delectari monstrabat. Cujus Sveno dignitatem potius quàm monitum veneratus, abeuntemque eum ad regni fines usq; commeatibus prosecutus, destinati olim belli studium animo revocavit: quippe quem magis potiendæ Sveciæ cupido, quàm aut injuriæ dolor, aut pudoris irrimentum accenderat. Maximam siquidem invadendæ ejus opportunitatem, tum ob senium imbelliamq; Sverconis, tum ob factiones inter eundem & plebem recenter ortas (nam Joannem agrestes concionantem occiderant) arbitrabatur. Spe quoq; tam rata victoriam complectebatur, ut ante militiæ exordium inter milites suos Sveticarum jura provinciarum, tanquam belli præmia partiretur. Duo quoque ex proceribus ejus ad opinionem unius Sveticæ virginis libidinis æmulatione correpti, magnis inter se jurgiis dissidere cœperunt. Cujus nuptias Rex in beneficio suo reponere par æstimans, capta Svetia fortiori connubium pollicetur. Quo promissò libidinis æmulis magnum virtutis certamen ingessit. Tanta apud Danos fruendæ Svetiæ fiducia fuit. Interea Sverco belli metu crebras ad eum de pace legationes direxit; sed nullis conditionibus ad eam impetrandam assurgere valuit. Igitur frustra fatigari se videns, non se prælio offerre, non arma, non expeditionem parare, sed ignotos locorum recessus quærere, summamq; belli Sveonibus credere. Ut autem Sveno difficillimorum itinerum evitaret anfractus, instrumentum belli hyemis expectatione suspendit, ab astrictis glaciæ paludibus profectionis compendium petiturus. Hyberni itaque temporis beneficium nactus, expeditiora legit itinera, rapinisq; & incendio Finniam prædabundus aggreditur. Occurrunt indigenæ supplices, patriam seq; dedentes: nec sic se subjecisse contenti, etiam commeatibus præbitis, hospitalitatis eum obsequiis prosequuntur. Post hæc Werendiam intrat. Ubi ab incolis neq; Marte neq; deditione exceptus, omnia igne ferroq; pervadit, viris ac foeminis passim solitudinum inaccessa petentibus. Sed & præaltæ nivium moles totis fermè campis incesseant, frigorisq; tanta vis erat, ut uberibus admoti infantes, algore hebe-

hebetatis mēbris inter ipsa lactis alimenta decederent, matrēsq; simili fato SVENO III.
 propinquæ, extincta pignora moribundis complexibus attrectarent. Dani CANVTVS
 quoque eādē aëris inclementiā afflicti, non in castris noctes exigere,
 non militares excubias observare, pars foco sibi, pars tecto consulere, aëris
 non armorum sævitiam in metu reponere, cuncti plus cælum quàm ho-
 stem cavere. Werendenses autem, quoad Regis gratiam paciscerentur, iter
 intercipere cupientes, caësis nemoribus, truncarum arborum coagmentis,
 faucium, quas permeaturus esset, angusta præcludunt. Tantis siquidem
 circumjacentium rupium anfractibus claudebantur, ut absque ingenti di-
 10 spendio à latere præteriri nequirent. Quorum ausu Rex inter cœnitan-
 dum accēpto, moræ omnis impatiens, discussis mensis, equum involat, mili-
 tibusq; adesse iussis, ad rupē concitus fertur, indigne ferens cœptorum
 suorum cursum vilibus agrestium obstaculis retardari. Rogatus à Nicolao
 quodam iræ parcere, incertamque admodum rem curiosius explorare,
 interpellanti se, uxoratum quemque timidissimum esse respondit, ad ejus
 nuptias alludens, qui ductâ conjuge, postridiē militiam ingressus fuerat. Ille
 ob contumeliosam monitorum suorum repulsam ira percitus, facturum se
 brevi, quod Sveno non audeat, subintexit: exprobratamq; sibi ignomi-
 niam, invicem in eum rejecto meticulositatis opprobrio vindicavit. Quæ
 20 vox ab iracundia profecta, celerem ipsius obitum ominata est. Ubi ven-
 tum ad fauces, delapsi equis milites, quanquam tenui armatura essent,
 quod eis festinationis ardor periculorum contemptum ingesserat, arbo-
 ream struem oppugnare cœperunt, indigenis, qui ad eam defendendam
 convenerant, ingenti pacem clamore poscentibus. Tunc Nicolaus acce-
 ptam à Rege contumeliam conspicuæ probitatis operibus demere cupi-
 dus, nè magis uxorius, quàm strenuus videretur, dum conferta truncorum
 robora, obstinato ad pericula gradu, superare conatur, ab agrestibus, è strue,
 tanquam ex muro, propugnantibus, caput hastâ trajectus opprimitur. Si-
 milis aliorum conatus saxis sudibusq; repellitur. Sveno propinquitate no-
 30 ctis, impetusq; præproperi pœnitentia revocatus, signo receptui dato, pro-
 pè aggerem castra constituit, luce postera majore vi ac paratu prælium
 exequuturus. Verum hostibus noctu sibi diffugio consulentibus, ma-
 nè vacuum propugnatoribus iter nullo negotio superavit. Werendos
 deinde resistendi fiducia defectos, in fidem accepit. Igitur cum pleraque
 sibi ex voluntate respondere cognosceret, felicibus fortunæ experimentis
 evectus, in omnem se Suetiam effundere statuit. Sed nimietas frigoris equo-
 rumq; ex asperitate itinerum inopiaq; pabuli cōorta debilitas, processum
 negabant. Tunc qui ex equitibus ad pedites redacti fuerant, commili-
 tonum equos suis oneribus instravere, eosque præ se onustos agentes,
 40 ignaro Rege, domum dilabebantur. Qui tandem furtivum militiæ discessum
 expertus, clandestinam ejus elapsionem data revertendi licentia præcurrit,
 statimque compendiariā ad Scaniā viā cursum reflexit. Igitur Carolus
 cum Canuto fratre receptorum obsidum fiduciā spem liberæ tutæque re-
 versionis præsumens, cum Hallandiæ propemodum confiniis accessisset, à
 Finnenfibus insidias hospitalitate tegentibus convivio exceptus, majorem
 noctis partem commensationibus extraxit. Temulentia gravis in horreum
 annona vacuum, pariter se & comites sobrietate exutos cubitum recepit.
 Quibus altiore somno spirantibus, Finnenfes foris valuas obicibus ob-
 serantes, igni sparsere tectum. Jamque major ejus conflagraverat pars, prius-
 50 que ædes in cinerem propè collapsa fuerat, quàm pressos mero sen-
 sus vis ardoris expugnaret. Postremò propiore flammarum fervore
 correpti, dum nudi valvis erumpere gestiunt, forinsecus eas oclusas co-
 gnoscunt. Urgebat intus incendium, foris hostis vetabat egressum. Sed
 præsens poena sequentis metum levabat, instantisque mali periculum fu-

SVENO III.
CANUTVS
V.

turo tristius ducebatur. Quo evenit ut Dani ferro quàm flammis opprimi præoptantes, validius connisi præjecta foribus claustra convellerent, utq; unum periculorum effugerent, in aliud ruere non dubitarent. Egregiæ indolis pueri, quos sibi in clientelam Carolus respectu propinquitatis adsciverat, absque ætatis miseratione sub Nyssæ amnis glaciem nudatis corporibus barbarorum ludibrio merfi, in eodem alveo fatum ac tumultum recepere. Ita paucorum agrestium fraude maximæ expeditionis labor exinanitus est.

Interjecto tempore, plebs Scànica à principibus dissidens, concione lecta in Arnam vallem armata successit. Quoties enim in ea provincia intolerabilia vulgi onera ducebantur, publica vi injuriis occurrebatur. Adeò cum intolerabilis plebis servitus ducitur, publicis armis libertas expetitur. Veritus ergò Rex, nè is tumultus ad graviores regni motus progrediretur, coercendi ejus gratia ad Scaniam è Sialandia trajiciens, militaris manus fiducia agrestium concionem accessit. Inermis ipse equitibus utebatur armatis, ut vim metuere potius quàm struere videretur. Cedente de industria vulgo, coronam ingressus multis & gravibus querimoniis exceptus est: sed obstrepente multitudinis clamore, defensionis potestatem dicendivè copiam impetrare nequivit: flagitandi silentii gratia dextram vulgo obtendens crebros lapidum jactus excepit. Adeò consternationis furor in contemptum majestatis exarserat. Tunc Tokø matre Sygne ortus, vir natu & facundia juxta nobilis, primaque Regis amicitia præditus, in medium vulgi se proripit, obtentaque omnium taciturnitate, imperitum concionis fragorem doctæ vocis autoritate compressit: ita suam temperans actionem, ut & præfectorum partes dissimulanter protegeret, & manifestum patrocinium impertiret. Reversis ad propria agrestibus, Rex tantæ contumeliæ deformitatem summa indignationis molestia persecutus, complures Seanæ vicos exulsiit, eamq; fermè totam perinde ac majestatis ream, rapinæ subjecit. Ipsos consternationis autores spiritu, vel bonis privavit, factiosos paupertate aut morte mulctandos judicans. Nec Tokonem, cujus salutaris eloquio usus fuerat, tamen si linguæ ejus beneficio vulgi iram vitasset, multæ expertem reliquit, plebem adversum se occulto ejus consilio concitaram affirmans. Ita sævissimis iracundiæ furiis provocatus, odia ac familiaritates juxta pensabat. Ea Svenonis irruptio Canuto novandarum rerum spem fiduciamq; restituit. Sed hunc ausum præcipuè Svenonis ac Waldemari concordia castigabat. Nam quantum Regis odium, tantam ducis apud omnes gratiam intuebatur, alteriusq; flagitia, alterius virtute redimi denotabat. Arbitri quoque Canuti prius sodalem Regi quàm otium eripiendum rati, ejus cum Waldemaro concordiam connubii affinitate componendam duxerunt. Cujus efficiendi gratia uterinam Canuti sororem Sophiam, apud Waldemarum eximia pulchritudinis laude de industria prosequabantur. Sed Waldemarus, quò minus ad hanc copulam intenderet, inopiam virginis obstare dicebat, quòd patre Ruteno procreata, nullorum in Dania bonorum hæres existeret. Quanquam enim svasoribus tacitè pareret, plùs se tamen paupertatem puellæ fugere, quàm speciem admirari fingeat. Igitur à Canuto rotius patrimonii sui parte tertia sponsalium loco promissa, puellam despondet, eamq; matronæ cuidam Botildæ adusq; maturam toro ætatem educandam committit. Quam ob rem neglectum sanguinis vinculum, ac diu funestis odiis laceratum, tanta animorum integritate resectum est, ut nulla veterum inimicitiarum macula, quas vel ipsi vel eorum parentes gessissent, novæ societatis habitum infuscarèt. Quorum amicitia quo invicem purior, hoc Regi suspectior extitit. Sed eos & tacitè cavet, & palàm offendere metuit, quòd maximam à se virium partem cum Waldemaro migrasse cognosceret, cujus fortunæ suam incumbere non dubitasset. Itaq; licet am-

borum

borum fidem notaret, suspicionem tamen, nè odium proderet, obscuravit. *SVENO III. CANUTVS*
 Illi regie dissimulationis haud inscii, accepta commeandi licentia, quasi bona sua apud Sveciam invisitaturi, Regem ejus Sverconem accedunt. Re autem verà Canuto Sverconis filie postulandæ negotium fuit. Quorum præsentiam Sverco tanta affectione amplexatus est, ut præteritis liberis, futuræ affinitatis spe hæredes eos nuncupare proponeret. Quod votum ei sive filiorum inertia, sive excellentis proci nobilitas infeminabat. Reversi itaque hoc invisiores Regi, quò hosti concordia junctiores fuere. Canuto deinde in Jutiam digressio, Waldemaro verò Ringstadium invisente, Sveno
 10 post eum contentius pergit, conventumq; diu perfidiæ & prodicionis probris everberat. Neganti, confictas à se literas tradit tanquam ab amicis porrectas, sed titulo de industria vacantes, quæ ejus ac Canuti initam cum Svercone concordiam nunciarent. Quo commento Waldemarus, quamquam iræ parcissimus esset, suprâ modum accensus, linguam nimio indignationis haustu repletam in contumeliam arguentis effundere non dubitavit: perfidiæ quoque in eum exprobratione rejecta, non jam redargutione, sed convitio agebat, egregios operum suorum labores nugaci mendaciorum objectu pensari vociferans. Adeoq; Regem responsi sui libertate
 20 promoverat, ut tentus ab eo esset, nisi milites operam suam in ejus captivonem negassent, quorum favor impenitus ipsum, quàm Regem, excoleret. Quàm injuriam postea apud Jutiam querimoniâ persecutus, graves Regi inimicitias peperit. Inde cum Canuto magna totius Jutiæ classe in Sialandiam recessit, non quòd bellum Regi inferre proponeret, sed ut novis conditionibus tutiorem ejus circa se fidem efficeret. Quo apud Sundby maritimum vicum cum armatis obvio, diali colloquio de concordia actum. Compositâ pace, Rex concubiâ nocte Roskildiam revertit.

Interea Sclavorum expeditio ad Orientales Sialandiæ partes inusitata multitudinis classe nunciatur ingressa. Qui quoniam rus antè vastarent, cuncta prædæ vacua prætergressi, inopinatam aggredi Roskildiam statuunt.
 30 Igitur ne fumi indicio proderentur, incendio penitus abstinebant. Accedebat eorum audaciæ, quod ex speculatoribus otiosam urbem, Regemq; procul ex ea profectum acceperant. Quo nuntio instructi, intacto rure, eam contentius petebant. Ex quibus nonnulli perniciosioribus equis suburbium propè liminaq; civitatis accesserant. Rex ipse dum nocturnam vigiliam sopore avidius redimit, sero paratu tanti discriminis nuntium excipiebat. Primus ex Danis Radulphus equestris militiæ apprimè peritus, promptioris equi beneficio in hostem occurrit. Sed cum solitarius esset, nunc evitando hostes, nunc persequendo, opem ab exercitio mutuatus est. Quoties inculta camporum offenderat, ob armaturæ molem ægrius fugam con-
 40 ficiebat. Nam Sclavos simili pondere vacuos liberior equorum pernicitas adjuvabat. Quo viso, plus viribus equi quàm velocitati confusus, cursum ad cultiores agros de industria dirigere coepit. Igitur caballi, quibus vires parùm suppetere, officiente stipulâ, præstantem robore equum imitari non poterant. Ita dum agilitatis equinæ certamen ad virium conamen transtulit, ab instantibus occupari nequivit. Quippe densior seges plus vilium jumentorum, quàm robusti animalis cursum debilitavit. Interrogatus quis esset? mercatorem, respondit. Percontantibus, quasnam merces haberet? respondit, arma, quibus equos commutare soleret. Sed & eum quem insideret, hoc sibi mercimonio obvenisse subjunxit. Regem quoque Ros-
 50 skildia esse, rogatus asseruit. Illis eum necessarios suos allocuturum urbe nuper excessisse dicentibus, egressum quidem eum, sed reversum astruxit. Quod quia cum speculatorum affirmatione non conveniebat, in mendaciis duxerunt. Idcirco autem Radulphus circa Regis statum veris utendum putavit, quod si qua à se veraciter ederentur, contrario modo ho-

SVENO III.
CANUTUS
P.

stibus credidit existimanda. Interea Regii equites, ut quisque apparatu velox ac manu strenuus erat, Radulpho admixti. in unam cohortem se receperant, incursum illic hostem, n̄ Radulphus, intuitu paucitatis, auxilia sociorum expectanda duxisset. Tantam eis victoriæ certitudinem assidua bellorum felicitas suggerebat. Contrà Sclavi revocatos à præda socios in aciem corrogant. Radulphus ubi primum excitati pulveris indicio Regem afforeprehendit, supervenientis auxilii fiducia prælium facit. Cedentibus Sclavis cum pedites necarentur, equites seorsum in globum contracti, prius velut ex consulto terga vertebant, mox imminentem à tergo Regem, equitum ejus paucitate conspecta, conversi fugarunt. Quos Radulphus, intermissâ peditum strage, cum suis adortus, in veram & præcipitem fugam coëgit. Sed ab iisdem longius insectandis, quod equis præstarent, revocatus, admixta Regiâ cohorte, ferrum ad pedites retulit. Fugientibus tanta adhuc prædandi cupiditas inerat, ut occisorum arietum corporibus pellem cursitando detraherent. Quantum in illorum pectoribus avaritiæ clausum putemus, qui inter extrema pericula, abjectis armis, ignobilem prædam & vilia fugæ impedimenta, quò melius sibi consulerent, deserere passi non sunt? Paucissimi ex eis in litus elapsi, per lubricum pelagi nando navigia peremerunt. Nonnulli fuga cupidius initâ, cæco metu undas aggressi, passim exanimati sunt, præcipitato in mare spiritu, quem ab hoste servare stuerant. Interea Sclavorum equites velut ex abdito provolantes, victoriam Regi è manibus per insidias eripere conabantur. Igitur Dani, dum ad finem pugnæ perventum autumant, prælium iterant. Quorum virtute victi Sclavi, fugâ avidius sumptâ, adeo salutem suam ferro subtrahere gestiebant, ut per maritimæ rupis ardua, semet cum equis, effæminato pavore, præcipientes, vitam finirent, & inter scopulos spiritum deformi corporum ruinâ deponerent, quem audacter in acie profundere dubitassent. Abducendis igitur navigiis ob ingentem nautarû stragem, agrè remigia suppetebant.

Iisdem temporibus, effusis piraticæ habenis, à Wandalicis finibus Eudoram usque, omnes per Orientem vici incolis vidui, ruraq; culturæ expertia jacuere. Sialandia ab ortu & meridie, marcida situs vastitate torpebat. Siquidem agrestium inops patriæ loco prædonibus fuit. Fionix nihil residuum præter paucos incolas piratica fecerat. Falstria spacio quàm virtute contractior, incolarum fortitudine parvitatis damna pensabat. Quippe tributarii ignara jugi, aut pacto hostem, aut viribus submovebat. At Lalandia, tametsi Falstriæ granditate præstaret, pacem tamen pensionē petebat. Cætera vastitas occuparat. Itaq; non armis, non urbibus confisum, anfractus æquorum, quò minus piratas admitterent, prælongis palis ac sudibus obstruebantur. Advertens igitur Rex nuntantes patriæ res, & jam penè collapsas, se propriis viribus à piratica vindicare nequire, Henrici Ducis, cuius insignes ea tempestate vires fuere, adversum Sclavos opem pecuniis promerendam putavit. Cui mille quingentas argenti libras mercedis nomine pollicitus, publicâ collatione summam explevit. At Henricus, cujus vernalis magis quàm utilis amicitia esset, pecuniam affecutus, vel quia noluit, vel quia nequivit, parùm stabiliter in promisso se gessit. Ita Rex non accepta pace, dum patriæ rebus consulere quærit, miseriam ejus dedecore cumulavit. Quæ res adversum eum popularium iram acrius distinxit, deforme ducentium pacem consuevit non armis exquiri, communemq; patriam Regis vitio esse deceptam.

Igitur Sveno desperatis malorum remediis, à piraticis periculis propulsandis ad cives usque cavendos curam retorxit. Renovatisq; suspitionibus, Waldemarum occupare animum intendit, tanquam altero sibi onustorum sublato, facilius reliquum aggressurus. Quod insidiis quàm bello commodius gerendum ratus, periade ac conjugis dotem exquisiturus, ad socerum

locerum iter instaurat, interque delectos comites Waldemarum profectio-
nis sequacem adsciscit: quia domi eum turò relicturus non videbatur, in
carcerem Conrado servandum tradere cupiens. Quem dolum Waldema-
rus amicorum sibi complurium literis indicatum, venienti Slesvicum Regi,
memoratis, quæ pro eo fideliter ac strenuè gesserat, cum exprobratione per-
fidia palam objecit. Neganti in eum à se crudeliter esse consultum, susce-
ptos apices abscissis indicum vocabulis ostendit. Meminisse deinde mo-
net, ut præcipuam ei bellicorum manum conciliaverit, ut corpore adver-
so diras pro eo plagas acceperit, ut secum majorem semper victoriae partem
10 traxerit; egregiisque meritis suis gratiæ loco dolum ac fallaciam erogari
conqueritur. Comitatum nihilominus pollicetur, præfatus sciturum eum
peractâ fraude, nequitiam sibi non astum effectui fuisse. Contrà Sveno
suspicionem levare summa dissimulatione tentabat. Neque enim ad de-
ponendam perfidiam, tantæ fidei meritis adduci poterat. Irrevocabilis ita-
que propositi pertinaciâ Stadium advectus, à præfule Bremorum Hartvico
domo suscipitur. A quo cum ulterioris viæ ducem exposceret, non im-
petrato, Waldemarum, quem ei perfamiliarem sciebat, preces iterare com-
pellit. Quo Pontifex clam Vocato Regii consilii commentum aperit, con-
fessus se de industria negare, quod ei perniciosum adverteret. Ut autem Re-
20 gi satisfacere videretur, dissimulata potestate, ductum ab Henrico, quod
potentia ac dignitate præstaret, commonet expetendum, verum has pre-
ces suo Svenonisque, & Waldemari nuncio committendas. Quibus Hen-
ricus auditis, cum & Regis dolum calleret, & Waldemaro consulere vellet,
quod à socero commodius accipere posset, frustra Svenonem à se flagita-
rerespondit. Abductum deinde Waldemari legatum, quam noxia mit-
tenti præcetur, edocet, ipsumque ni redeat, apud Conradum extrema passu-
rum denunciat. Igitur Svenonis nuncius, collegarum utroque dimisso, Con-
radum accedens, nunciat suspectos Regem habere propinquos, quos pridem
inimicitias exercentes, connubii recentis affinitas concordēs effecerit. E-
30 quibus unum ei fraudulenter accitum in comitatum cecisse, quem apud
ipsum novarum rerum metu, vinctum haberi cupiat. Præterea proceden-
di gratia, profectiois ei debere præstari ductorem. Quarente Conrado,
quo pacto Regem æmulus comitaretur, fidem ejus secutum asseruit. Tunc
Conradus Svenonis consilium execratus, dedecere senem se, inquit,
quod juvenis fugisset, admittere. Nempe deformē vetulo esse, de integri-
tatis duce perfidiæ fautorem evadere, notamque quam eacutus caverit,
sub ultimum tempus sibi consciscere. Malle igitur se generum, filiamque
cum nepote ex eâ suscepto cruci suffixos videre, quam fidei & sinceritatis
opinionem tot annis servatam, extremæ ætatis infamiâ corrumpere, alienæ-
40 que fraudis propositum impiissimi favoris prosequi nutrimento. Tum de-
mum affuturum se, subsidiaque laturum, si gener, omisâ fraude, palam, quos
metuat, imperat. Ad hujus vocis nuncium, Sveno rubore perfusus, ulterio-
ris viæ tutatore negato, in regnum revertit.

Brevi morarum processu, Ganuto & Waldemaro Wibergeri moram
habentibus, occulto trajectu in Fioniam è Sialandia accessit, confusus inopi-
natos prendi posse. Detecto dolo mandat utrique, allocutum se eos, non oc-
cupatum venisse: suspensiones deponant, quas falsò conceperint. Illi indicii
dolum præcurrentibus, ejus de se propositum speculati, nihilque jam bonæ
spei ex Regis promissu capientes, Jutorum suffragiis, Regium sibi nomen con-
50 sciscunt. Tunc Rex apud Othenas (nam eò fortè loci diverterat) contractis
in regiam militibus, nunc singulos, nunc universos arctius percontari cœpit,
qua fide præsens bellum ingredi vellent. Respondentibus, alacriter; non
contentus simplicitate promissi, sacramento fidem efflagitat. Illatis sacris,
Sveno, siue verustâ Waldemari charitate, siue privato injuriarum dolore per-

LXXIV.

VValdemar-
rus cum Ca-
misso.

motus, regiâ solus excedit. Emissi, qui cum revocarent, causam tam subitâ egressionis efflagitant. Rogatus, regredi ob paternæ villæ ereptionem conqueritur. Rex restitutionem promittit. Suno, seram hanc justiciam in-
quiens, in adversis usurum se negat, quo in prosperis fraudatus fuerit. Quam ob rem potioris partis amplexu solitariam transitionem non veritus, ab injurioso sibi Rege salutari consilio descevit. Itaque justum defectionis titulum secutus, Waldemarum avitæ paternæq; familiaritatis respectu transfugio petivit. Cumq; Svenno roboratâ suorum fide in Sialandiam rediisset, consequenter ab æmulis Jutorum classem mutuatis, impetitur. Qui tunc fortè Roskildiaë situs, Fskillum sæpe dictum Antistitem, præsidiaq; 10 Scanorum accersit. Quibus præsentatis, Petrum, cui pater Thorstanus erat, omnium consiliorum suorum arbitrum, qualiter rebus consulendum esset, interrogat. Is, consultantem olim Regem qualiter tutò regnare posset, jussisse fertur, ut aut equestrem plebejūq; ordinem, quò se tutius adversum æmulos gereret, beneficiis impensioribus coleret, aut ab iis saltem ad propinquos placendi studium transferret, eosque, solâ contentus specie; re vera Reges existere pateretur. Si neutrum egisset, haud dubium, quin brevem regni usum habiturus esset, edocuit. Rex verò neque salubritatem consilii, neque sapientiam responsi debitâ animi sententiâ profecutus, utilissimos monitus deliramentorum loco habuit. Enimvero obfusum ira- 20 cundia animum, salutaris æstimatio subire nequivit. Concepti itaque furoris impatiens, quoad unum sibi scutum suppeteret, id se Petro oppositurum juravit. Tum Petrus, meum semper, inquit, pro te clypeum gessi, sed vereor nè citò cunctis scutorum tuorum copiis opus habiturus sis. Quod Rex avarè dictum existimans, percontatur num adhuc satur esset. Respondit saturum se, sed vereri ne satietatē parum salubris digeries sequeretur. Tunc quoque, quid factò opus esset, rogatus, in Scaniam migrandum edocet: tutiores illic vires, in Sialandia pauciores amicos quàm hostes esse. Præterea Jutos haud faciliè insēcuturos, forensis adhuc pugnaë memoria trepidos. Sin autem in Scaniam prævenierint, gentis adversum eum auxilia 30 contracturos: quàm si petere superfedisset, ad æmulos defecturam non dubitaret. Quem Svenno secus æstimaturum inquit, nisi Waldemarum, cujus concubinariū filii pædagogum ageret, penatibus suis parsurum speraret. Aliorum vero bonis, si patriam hosti cessissent, nullum peculiaris amicitiaë beneficium præsidio futurum. Ita alieno consilio spreto, proprium amplexatus, Roskildiaë hostem opperiri constituit. Rarefcentibus alimentis, regios vicos complures comparandi sumptus gratia venditabat. Tandem multi ruris absumpto pretio, cum exercitum nimis impensis onerosum dimissurus videretur, Fskillus defectionem providens, artem excogitavit, qua periculum ad fructum converteret. Primum enim ampla defectionis 40 præmia ab adversariis occultè paciscitur. Mox cum conterrancis Regem accedens, alimentorum inopiam queritur: dimittat precatur, quos pascere nequeat: præsertim pletatis ac necessitudinis jura violaturos, si in cives ac propinquos ex adverso contractos pugnatum issent. His dictis tanquam defensionis ratione reddita, cum cohorte Scanica regiâ excedit, subjungente Svenone, dignum eum, qui defectionis poenas capite lueret. Sed hunc Regis furorem sanior arbitrorum sententia propulit, imminentis belli auspicia scelere, & sacrilegio prohibentium esse sumenda. Jamq; Rex majore exercitus parte delapsâ, fugam meditans, cum reliquiis copiarum Falstriaem versus contentius pergit, ignorantibus etiam arbitris, quo proposito 50 tam remotas ab urbe partes accederet. Quem ubi de fuga cogitare compertum milites habuere, nè sine prælio vinceretur, orantes, victoriam, si redeat, spondent. Præterea scire jubent, eos sibi milites esse, qui crebrò parvâ manu ingentes hostium copias superaverint, neque paucitatem vereri debe-

debere, quàm toties in suis victricem aspexerit. Quinetiam ultimi dedecoris esse, fortunam suam antè fugæ quàm bello permittere, eosque, qui vinci possent, ultrò victores efficere, alieno metu quàm suis viribus fortiores. Monent deindè, nè ex strenuo Rege timidus militum desertor evadat, nè unius fugæ dedecore tot victorias suas maculare sustineat. Cujus perseverantiam à proposito reflectere nequeunt, amaris eum conviciis insequuntur. Nec deformitatem ei peregrinationis exprobrasse contenti, etiam contumeliæ damnationem junxerunt. Deinde mutua semet adhortatione firmantes, bello hostibus occurrere statuunt. Fore enim ut
 10 eorum multitudo passim ac dissolutè instandi cupiditate procurrens, sparsum militiæ genus sequendo, facilè à paucis intercipi posset. Præterea arma sibi & equos suppetere, nihilq; tot viris in unius meticulosi ducis absentia nocuisse fortunam. Ita sibi fortitudinis robur ingenerantes, regii dedecoris notam militari spiritu redimere gestiebant. Diu itaq; expectato hoste, nec viso, Petrus solvendum agmen, salutiq; consulendum admonuit, perquam stultum affirmans prælium absque duce capeffi. Quippe Juti Svenonem de industria cessisse rati, insidiarum metu tardius incedendum duxerunt. Tunc Sialandenses, quod indigenæ essent, cæteros com-
 20 militionum ductu ac comæatibus prosequabantur, nec cuiquam ex tanto grege perniciosus ad patriam reditus extitit. Sed eorum postmodum plerisq; paci transitio fuit. Nam & fides Regibus data, & amicitia pariter obsequio quæsitæ. Vulf & Thorbiornus spectatæ in Regem fidei, cum hoc veniæ genus in præbris ducerent, domi suæ comprehensi, Sverconiq; Regi in custodiam traditi, exilio capita quàm hosti dedere maluerunt. Horum siquidem excellentis constantiæ animus, plus gloriæ in vinculis, quàm libertatis in defectione constituit. At Sveno continuatò apud socerum exilio triennium emensus, ipso defuncto, Saxonum Sætrapæ Henrico datis vadibus pecuniam pollicetur ingentem, si regno per eum restitui posset. Pactus præmium Dux, cum ad aggerem, quàm Danorum structuram appel-
 30 lant, summis viribus pervenisset, transitu per eum, qui portæ præerat, pecunia corruptum, obtento, obsidione censum à Slesvicensibus extudit. Tunc Hartvicus Bremorum Pontifex, qui & ipse post Henricum expeditionis autor extiterat, meruisse eum, inquit, qui portam patefecerit, cum pecunia simul, quàm pactus esset, suspendi, quatenus ad horrorem consimilis facti in eodem laqueo proditor, & proditoris præmium conspicerentur. Illic Sveno peregrinam classem prædatus, direptas Rutenorum merces stipendii loco militibus erogavit. Quo facto non solum advenarum in posterum frequentiam deturbavit, sed etiam splendidam mercimoniis urbem ad tenuem angustumq; vicum redegit. Saxones desertum ab incolis rus nullo
 40 resistente permensi, hoc longius, quo licentius, ruebant. Nam australes Juti paucitatis suæ metu, in Septentrionalem partem, quæ multitudine præstabat, elapsi, sub specie fugæ bellum parabant. Et qui prius auxilia Svenoni spoponderant, alienorum viribus succincto succursum negabant, ne peregrinam manum adversum patriam juvisse viderentur.

Eadem ferè tempestate Sverconem Regem, servus, qui cubiculo ejus præerat, noctu dormientem occiderat. Quod scelus divinitas haud segnius quàm justius ulta est. Nam parvo post tempore, Magnus, qui, occultâ regnandi cupiditate, servo peragendi facinoris autor extiterat, in eo conflictu, quo filium Sverconis Carolum, quem patre spoliaverat, regno
 50 etiam exuere gestiebat, sceleratæ machinationis poenas morte persolvit. Eares Canutum, solandæ matris gratiâ, Sveciæ superiora petere coëgit. Interea Waldemarum apud Sialandiam Theutonici motus opinione suscepta, ad Jutiam concitus tendit, remisso corvo atque collacteo suo Absalone, qui revertentis à Sveria Canuti post se maturaret adventum. Tantùm autem
 60

Libri XIV.
 Sectio Secunda.

SVENO III.
CANUTVS
V.
VVALDE
MARUS I.

ejus apud Jutos præsentia valuit, ut & fortibus fiduciam afferret, & ignavia torpentes ad bellum pro patria suscipiendum erigeret. Idem Henricum, nobilem inter Saxones virum, cum quo jampridem affinitatem, datâ ei in matrimonium cognatâ, junxerat, per internuncios occultius obsecrat, uti veteris amicitiae causa ad procedendum socios incitet, ducisq; reditum modis omnibus interpellet, brevi se cum exercitu superventurum denunciâns. Tantam illi fiduciam & numerus militum, & alacritas dabat. Hujus tumultus nuncio Canutus è Suetia revocatus, cum delectis Sialandiam intrat, extemplo Jutiam petiturus. Sed cum coortæ tempestatis magnitudine transitu prohiberetur, afflictî morâ milites, Waldemarum pacem cum hostibus pepigisse, idq; se per agrestium quendam recenti nuncio cognovisse fingeant. Hoc famæ commento Canutus audito, ingrati animi labem exprobrat parùm honestum de eo sermonem habentibus, qui suum communi periculo caput objecerit: hortaturq; si dignis eum laudibus prosequi nolint, saltem linguas ab indigna ipsius obtreptione cohibeant. Hesbernus solus, Skialmonis Candidi ex filio nepos, idemq; Waldemaro ob pueritiæ & educationis societatem percharus, transfretare se velle dixit, quæ apud Jutiam gererentur, Canuto renuntiaturum. Igitur ut strenuam, ita periculosam navigationem feliciter emensus, & quasi cum ipsa rerum natura luctatus, savientium elementorum rabiem incredibili remorum certamine superavit. Nuntiatur interea Saxonibus totius Jutiæ vires ad Waldemarum coisse, tantaq; hostes manu esse, ut sine periculo & clade excipi nequeant. Hac Dux famâ attonitus, Henricum, quem apud Waldemarum affinitatis jure magnæ familiaritatis locum habere noverat, ubinam regulus ejus degeret, simulato joco perquirere institit. Quo latebras eum ac solitudines circumspicere respondente, Dux eludi se sentiens, à ficta & ludicra ad seriam & sollicitam interrogationem convertitur. Repugnantem illum, commissaq; tegere perseverantem, per debitam Romano Imperio fidem orat obrestaturque, ut quæ ab hoste parari sciat, indicio præcurret: neque quod civibus perniciosum advertat, silentio contegat. Hac Henricus adjuratione permotus, verum esse quod rumor docuisset, asseruit. Bellum siquidem præ manibus esse, quale prius experti non fuerint, superstitesq; recordationem ejus perpetuo narratu prosecuturos. Formidolosa cunctis Henrici affirmatio fuit. Idem, an hostes expectandi essent, consultus, omnium animos ad prælium virili exhortatione provexit. Ita fidem suam inter amici preces & ducis imperium partitus, ut nec hujus mandatum negligeret, nec illius salutem silentio falleret. Quam sententiam publico metu resutantē, cupidus reversionis exercitus, occasionem à tempore mutuatus est. Ne enim ob piscium raritatem, Veris, quod imminebat, statum, solenneq; jejunium solveret, remeandi sibi necessitatem imposuit: omniq; simulatione competentium alimentorum causabatur inopiam, ignaviæ studium religionis nomine colorando. Quod quidem in eorum abscessu luce clarius fuit. Iter enim quod semestri spacio venientes confecerant, triduo remensi sunt, multa post se onera, multaq; impedimenta, nimia festinationis cupidine, relinquentes. Tunc reversus Hesbernus Canuti expectationem summis ambiguitatis curis implicitam, certò rerum nuntio absolvit. Parvo post tempore, vi Sclavica, tanta apud Fioniam clades incidit, ut si secundam huic similem accepisset, cultu vacua mansisset, resq; ejus non afflictæ modo, verum etiam perditæ fuissent. At Svenno non contentus semel Saxonibus supplicasse, iterato ad Henricum decurrit, perq; Sclavos ejus ditioni parentes in patriam se pervehi laborabat. Quorum classe translatus in Fioniam, lætis civibus, ad urbem Othenas se contulit, salutem suam adversum innumeros paucorum præsidio defensurus. Sed & pax immunitasq; per Sclavos ejus fautoribus promissa. Igitur siue impetranda pacis, siue

sive amplectendæ majestatis intuitu, tanta tuendi colendiq; ejus apud insu-
lanos cura flagravit, ut passim ad ipsius præsidium virorum fœminarumq;
turba concurreret, egregium reputantium, adversum eos, qui rerum summâ
potirentur, infractam Regis reparare fortunam. Ad hanc labefactandam
cum Canuto Waldemar, adversum Fioniam, terrâ mariq; cæteras regni
copias contraxere. Quarum multitudine facilè Fionienfium paucitatem
oppressissent, nisi Waldemar, miseratione reliquiarum, afflictis insulæ re-
bus parcendum putasset, ne post novæ cladis calamitatem populi resi-
duum exhauriendo, plus patriæ quàm hosti nocuisse videretur. Itaque
10 æmulum cum perniciæ tolerare, quàm debile patriæ membrum quassare,
satiatus, expeditionem ad consilium transtulit. Nam autore eo res in
colloquium versæ, condictumq; ut Svenno cum adscripta sibi clientela La-
landiam concederet, ibiq; propemodum solitarius degeret, quoad inter
ipsum & duces de pace plenius conveniret. Diè postero Othenas lavandi
gratia repetens, Canuto ob insidiarum metum balnea communicare non
auso, à Svenone ejus amicitiam ambiente, elatis obviam sacris, religione
processionis excipitur. In Albani deinde adem ab ipso perducitur, arbitro-
rum nemine præter Absalonem admissio. Tum Svenno intra sacellum resi-
dens, sinistra mihi, inquit, jam pridem, Waldemare, fortuna, consortium tuæ
20 familiaritatis invidit, quanquam & animum benè de te semper gesse-
rim, & à patris tui interfectore meus non solum ultionem exegerit, sed etiam
suscepto adversum patrum bello, salutem tuam inter parricidales manus,
sine cujusquàm præsidio, constitutam, plenâ pietatis armis ab exitio vendi-
caverit. Post quem Ericus Junior, ne parentis mei, cui diutius militaverat,
coemptum excidere pateretur, ut regni, ita tui quoque curam arripuit. Ter-
tius ego pueritiæ tuæ propugnator accessi. Nec meâ parcius, quàm prio-
rum operâ servatum te scito. Pro capite tuo nondum in ætatem produ-
cto, adversum hunc, cujus fidem nunc societatemq; exoscularis, arma susce-
pi. Quæ nisi feliciter auspiciatus fuisset, filio Magni immerens poenas luis-
set. Qui nisi me tertium extimesceret, haudquaquam te secundum pateretur.
30 Dum vivo, vitam tibi adversus ejus insidias prorogo. Extinctus ut meum,
ita tuum, quoq; diem finio. Igitur eo tutius ad opem tuam decurrerim,
quò plus eam beneficio meo debere cognoverim. Et nunc charitatis tuæ
fiducia, arbitrum te pacis in me faciendæ constituô. Contentus ero quâ me
cunq; sorte donaveris, tantum apud externos calamitatis perpeffus, ut priva-
tus aut egens intra patriæ fines degere, quàm exul denuò censerî malim.
Arbitror quoque, ut cum singula justius æstimaveris, inter probra ducturus
sis, potius parentis tui interfectore quàm ultore procreatum, excolere. Hæc
& similia replicantem Waldemar interpellare non dubitans, frustra
40 meam, inquit, Canutiq; concordiam cassare pergis, cum & ipse paternæ
culpæ affinis non fuerit, & mihi in ejus expiationem olim justâ persolverit.
Quod autem ulterius tibi militare non tuli, non meæ levitatis, sed tuæ perfidi-
ciæ crimen reputa. Nonne olim me peregrinationis tuæ comitem in car-
cerem focero necandum tradere statuisti? At qui nisi pravitatem tuam ejus
honestas vicisset, inter vincula moriturus abieram. Quoties meam, quo-
ties Canuti salutem per insidias attentatam, fraudulentis consilii nifibus ob-
ruere voluisti? Qualiter autem pares ferre poteris, quos milites habere pas-
sus non es? Verum ne cum reprehensione propinquum avertere videar, res
tuas adversum caput meum restaurare tentabo, plus miseratione fortunæ
50 tuæ, quàm credulitate promissionis inductus. Quam humanitatem cum
scelere & fallacia repensaveris, simplicitatem nostram artibus tuis circum-
ventam ne existimes, sed potius fidem, pietatemq; periculis locum dedisse.
Tunc Svenno verbis in simulationem compositis perfidè se acturum nega-
re, sincera fide eorum amicitiam, expetitum promittere, præsertim cum

SVENO III. nec sibi nec liberis consulturus videatur. Eo enim se morbo esse, ut annum
 CANUTUS vix conficere queat. Præterea sine filiis esse, quibus regnum parare debeat.
 V. Quid igitur nisi culpam & ignominiam perfidiâ quæsiturum? Malle itaque
 WALDE- quantumvis tristes fortunas excipere, quàm maximo famæ dehonestamen-
 MARUS I. to sceleratam sui memoriam per totum terrarum orbem disjicere, brevesq;
 regni fructus æterna famæ turpitudine comparare. Dimisso Waldemaro,
 Lalandiam ipse concessit: ubi paucitate satellitum non contentus, novos
 quotidie stipatores adscivit, clientelâq; grandibus incrementis auctus,
 colloqui diem hoc tutior, quò fortior, opperiebatur, tanquam pacem cum
 æmulis ex pari facturus. Tempore prænominato, Canutus & Waldema- 10
 rus cum omni Danica nobilitate Lalandiam advehuntur. Tunc Walde-
 marus, quòd Svenonem familiaris frequentare soleret, cum paucis ad eum
 visitandum contendit, Canuto fidem perpetua suspicione damnante. Cum
 quo Sveno Canutum pariter adesse ratus, subornat ex suis qui jurgantium
 more rem in strepitum seditionemq; converterent, æmulosq; pariter ferro
 violarent. Quem ubi sine socio venire conspexit consilium revocavit,
 parùm proficuum alterius sine altero oppressionem existimans. Walde-
 marus cognitis insidiis, sed dissimulatis, multâ Svenonis adulatione vexatus,
 cum ab eo, die postero, ad familiare colloquium expeteretur, non aliter
 annuit, quàm ut uterq; solitarius adesset. Eo namq; corporis habitu erat, ut 20
 cum nemine viritum congregari dubitaret. Militibus itaque procul abesse
 jussis, invicem collocuti, proximo die concilium advocant. Tunc Sveno
 sive cognationis fiducia, sive regendæ fraudis studio, Canuto consentiente,
 Waldemaro compositionis arbitrium tradit, probaturum se, quæcunq; per
 ipsum taxarentur, affirmans. Igitur Waldemarum ipsis sibiq; Regii nominis
 usurpatione decreta, trifariam totius regni orbem partitus, Jutiæ magnitu-
 dinem non minus incolarum multitudine, quàm spaciis abundantem, in
 unam portionem secrevit: in altera Sialandiam ac Fioniam: in tertia Scan-
 niam cum attinentibus provinciis locavit. Cumq; penes ipsum ut parti-
 tionis, ita optionis quoque potestas existeret, primam sibi, secundam Sveno- 30
 ni indulgit: priorq; Jutiam ipse delegit. Tunc Sveno, cui post ipsum optio
 debebatur, ne medium inter æmulos locum acciperet, Scanniam poposcit.
 Ita minores insulæ duorum electione præteritæ, Canuto cessere. Fides
 pacti sacramento componitur, ut religionis metu perfidia pelleretur. Dein-
 de manus ad cælum tenduntur, autor rerum in cautionem vocatur. Nec
 contenti concordiæ pignus humanis stabilire consiliis, Deum simul & pa-
 ctionis præsidem, & temerationis ultorem efflagitant. Pontifices quoque
 censuræ suæ partibus interfertis, iis, qui pactum rupissent, execrationis sen-
 tentiam intentabant. Præterea conditum, delatores mutuo prodi debere,
 ne mendaciorum obscuritate sinceritatis habitus corrumpere, concor- 40
 diâq; quassaretur integritas. His ita compositis, Canutus in Sialandiam,
 cujus jam possessionem adeptus fuerat, Waldemaro comitante, præcedit,
 Svenonem brevi subsecuturum hospitio suscipere cupiens. Quem post-
 ridie Ringstadio susceptum expertus, dum in ejus occursum bonæ fidei
 studio pergeret, Ringstadicæ religionis prælatum cum Radulpho equite
 Theutonico obvium habuit, affirmantem, nunciatum fuisse, Svenonem
 cum armatorum multitudine venire. Haussit ergo cum suspitione caute-
 lam, argumentoq; perfidiæ sumpto, concionem, quæ eo fortè die magnâ
 popularium frequentiam gerebatur, declinato Svenone, petivit. Waldema-
 rus verò, apud quem fides suspitioni præponderabat, pacti fiduciâ, Sveno- 50
 nem constantius quàm cautius petebat. Stabant milites Regis gregatim ar-
 mati, Canutum & Waldemarum, dummodo pariter affuissent, necare jussi.
 Comperta alterius absentiam, Sveno, revocatis satellitibus, multa venientem
 gratulatione prosequitur. Percunstantem illum, cur nullo discrimine im-
 pendente.

pendente comitibus uteretur armatis, quid rumoris acceperit, edocet. A *SVENO III.*
quo compluribus perfidiæ probris laceratus, consilium propositumq; suum *CANUTUS*
summa animi dissimulatione suppressit. Roskildiam deinde, Canuto, cui *V.*
illic hospitalitatis jus erat, invitante, procedens, nocte per ludos & commes- *WALDE-*
sationem exactâ, diluculo Thorberni vicum, haud procul urbe situm, cum *MARUS I.*
paucis petivit, perinde ac parvulæ filiæ, quæ illic educabatur, cernendæ cha-
ritate perductus. Ferunt tunc uxorem Thorberni dixisse, mirari se eum in
hanc conditionis vilitatem adductum, ut quod totum gesserat, ejus tertia
parte contentus habere sustineat. Quod dictum ab indignatione profe-
ctum, Svenoni ingens irritamentum facinoris fuit. Vespera appetente
mittuntur à Canuto, qui cœnatum eum accerferent. Quos Thorbernus
perquam jucundè excipiens, cum super Regis mœra rogaretur, debilitatam
capitis ex balnearum fumo & vapore contractam, tarditatis ejus causam
astruxit. Sveno verò cum expectationis suæ excusationem afferre vellet,
cum filia admodum parvula infantilibus blandimentis jocatum se dixit.
Discors causæ redditio percontatoribus notabilis fuit. Quorum hortatu
urbem repetens, inter consortes, quasi per ætatem honoratior, medio se-
dendi loco receptus est. Mensis post epulas amotis, cum minutioribus
poculis passim & variè discurrentibus convivii hilaritas augeretur, calculo-
rum ludum poposcit, gloriatus se ejus apprimè petitem, quod exul hoc ma-
ximè jucunditatis genere delectari consueverit. Quod dictum jactantiæ
simile, re vera acerba calamitatis recordatio fuit. Sed tabulato non sup-
petente, ne lusui quidem vacatum est. Inter cætera cahtor Germanicus
fugam Svenonis, exiliumq; cantilenâ complexus, varias ei contumelias for-
matis in carmen conviciis objectabat. Quem ob hoc acrius à convivio
increpitum, Sveno dissimulatâ molestiâ fortunas suas liberius recinere ju-
bet, perquam libenter se post ærumnas, malorum meminisse confessus.
Crepusculo appetente, illatisq; ex more luminibus, miles Svenonis Thet-
levus, qui paulò antè convivio egressus fuerat, reversus in regiam, occasio-
nem edendi facinoris oculis animoq; tacitus perlustrabat. Cumq; paulisper
attonito stupentique similis constitisset, Canutus eum propalio in terram
amiculo federe sibi proximum jubet. Ille tantæ ejus dignationi gratiâs
habens, æde excedit, evestigioq; regressus exiguo capitis motu Svenonem
accercit. Quem signi tam latentis ignarum, Canutus à Thetlevo vocatum
edocet. Cui cum Thetlevus exsurgenti paululum insusurasset, quotquot
Svenoniarum partium affuere, eis in colloquium admixti, collatis in orbem
capitibus, nemini remotiorum exaudienda tractabant. Tunc Canutus per-
inde ac insidiarum præscius, Waldemarum brachiis attrectatum osculo pe-
tavit. Causam blandimenti, cum minimè sic se aliàs gerere consueverit,
ab eo, cui osculum tulerat, interrogatus, suppressit. Interea Sveno relictis in
æde militibus, per posticum in conclave divertit, præeunte puero luminis
gerulo. Mox in Canutum & Waldemarum à subornatis ferrum distringitur.
Sed Waldemarus ocyus sede exiliens, manum amiculo obvolutam non so-
lum applicatis capiti suo gladiis objecit, sed etiam Thetlevum acrius in se
ruentem pectoris impulsu humi præcipitavit. Cum quo pariter & ipse
collapsus, femur quàm gravissimè sauciatus est. At ubi primum pedibus se
excepit, recepti vulneris immemor, dum perruptis obstantium globis, feri-
bus exiliret, quidam obscuro loco obviis, arrepta cinguli ipsius pennisilia,
retentare eum conatus, abruptit. Interea alii (ne noctis errore facinus impe-
diretur) fenestras referantibus, Thetlevus humo resiliens, Canutum dexte-
ram gladio obtendentem à fronte confodit. Excipit semianimem Absalon,
Waldemarum esse ratus, fluidumq; cruore caput manibus ac sinu comple-
xus, inter ipsos armorum strepitus salutem suam, quàm Regis curam negli-
gere præoptabat, reliquiis spiritus adhuc in ejus pectore palpitantibus.

SVENO III.
VVALDE-
MARUS I.

Tandem Canutum à se teneri cultus indicio expertus, permixtum mœro-
ri gaudium habuit. Dobicus vir primâ audaciâ, dum Régis necem in auto-
res vindicare conatur, occiditur. Itaque noctis obscuro neminem discerni
patientem, in eos, qui valvas propius accessissent, stricto ferro proruebatur;
quia tenebrarum accessio, hostes, an commilitones adessent, incertos fece-
rat. Igitur Constantinus, qui primò inter Canuti necessarios loco fuerat,
nè exitu prohiberetur, Absalonem, in cuius jam gremio complexuq; Ca-
nutus spiritum deposuerat, ad unum ostiorum accedere, quò tutior sibi
in reliquum procursus pateret, tacitè postulabat: parenteq; eo seorsum ela-
psus, ab iis qui foris versabantur exceptus, opprimitur. Absalon verò pro-
pior ejus petitioni quàm suæ salutis, Canuti corpore reverenter amoto, se-
curus periculorum in armatos progreditur, crebrasq; eorum interrogatio-
nes confessione sui nominis absolvere dignatus non est. Itaque constan-
tiâ taciturnitatis adjutus, salutarem inter hostes egressum habuit. Cui Ra-
dolphus medio ponte obviis, tam tetri facinoris non autores modò sed
etiam conscios execrabatur, ab ejus se culpa alienissimum protestatus. Hunc
Petrus cognomine Thema magno secutus impetu, per ludibrium Absaloni
comminando discessit. At ille ad australem atrii portam, quo Trinitatis
ædes ambitur, progressus, infesto satellitum occursum præripitur. Cujus ca-
put gladiatorum multitudine circumfusus, quidam fortè eum aliis superve-
niens, non solum ferri, corporisq; sui pio vindicavit objectu, sed etiam
quendam à pectore eum confodere gestientem, poenas sibi, si non desisteret,
datum minatus, salutare ei diffugium conciliavit. Absalon quoq; tem-
pestiva corporis declinatione percussorem evitans, tunicâ, quâ latus ejus
proximè tegebatur, telum excepit. Ita ne Danicæ reparationis spes peni-
tus elaberetur, futurum patriæ columen fortuna servavit. Inde digressus
cum in Ramsvicum nocturno itinere pervenisset, attonitum solitario ejus
adventu villicum, nunciatis, quæ Roskildæ inciderant, penè exanimem
reddidit. A quo vegetiore equo donatus primùm sororem, quàm Petrus
quidam in matrimonio habebat, deindè matrem petivit. Quæ cum ex eo
Canutum occisum, Waldemarum verò graviter affectum cognosset, plus
mœroris ex eorum clade, quàm ex filii incolumitate voluptatis contraxit.
Interea Waldemarum duos duntaxat è suis casu comites assecutus, gressum
femoris debilitate negatum, vitæ cupiditate provexit. Igitur incedendi
usum vulnere debilitatum à necessitatis violentia muttarius est. Adeo
corporis dolores animi metus extenuat. Deinde sequacium ope equo
impositus, in eum fortè vicum casu ductante pervenit, ad quem fortunæ
ejus nuncius Absalon paulò antè præcesserat. Quem postquam ex villico
recenter ad matrem discessisse cognovit, præviis locorum peritis, post eum
contendit. Adeo corpoream ipsius debilitatem, duratrix infirmitatis hu-
mana necessitas confortabat. Illic procurato vulnere, femoreq; fascia
circumligato, noctis reliquias exegit. Diluculo Sveno collectis civibus,
nocturnis æmulorum insidiis appetitum se queri, amiculum quod de indu-
stria confoderat, ostendere, Canutum & Waldemarum hospitalitatis viola-
tores, perjuros, latrones, parridas appellare, gratias Deo replicare, quod am-
borum facinus alterius necesse propulerit, auxilia adversum superstitem im-
plorare. Assertis ejus, quia fraus in propatulo fuerat, fides delata non est.
Deinde ne Waldemaro maritimæ fugæ locus suppeteret, totius insulæ navi-
giis confodi jussis, solitudines quoque quibus eum irrepsisse crediderat,
exquisitius indagandas curabat. Igitur Waldemarum tribus duntaxat comi-
tibus fretus, non per abdita nemorum, aut inaccessa paludum, sed per te-
nues admodum saltus errabat, tutiora ratus loca, quæ minùs hosti suspecta
fuissent. Hesbernus quoq; cum aliquot procul in planiciem mittitur, qui
se patientioribus interdum campis, Waldemarum simulaturus, ostenderet.

Complures quoque, duce eo, variis in locis multitudinem suam, regiae transactionis simulatione, conspiciendam præbebant. Cumq; demum Jutiam accedi placuisset, familiaris ei faber navigium, quo in eam trajiceretur, reficere jussus, metuens ne Svenoni pœnas daret, operam suam sub specie coactionis extorquendam perdociuit. Igitur Hesbernus officinam ejus agrestium frequentia completam ingressus, imprimis eum fictæ precis commento sollicitat. Refectionem abnuenti, injicit manus, nexumque deducit; abstractus artificium præbuit. Itaq; sub injuriæ simulatione & amico utiliter paruit, & apud Svenonem sibi impunitatem salubriter conciliavit. Tunc ornamentis com meatibusq; per Hesbernum exhibitis, Waldemarum noctu cum suis navigationem orsus, coorta subito tempestate, inusitatam maris favitiam expertus est. Ipsis quoque militibus immanium undarum aspergine prolutis, tantum algoris incessit, ut singulis corporis partibus hebetatis, ne velum quidem ad navigationem commodum circumferre potuerint. Præterea tanta nimbi vis antennam impulit, ut inter undas effracta decideret, nec minus imbrium quam fluctuum moles navigium onerabat. Gubernator omnia freto permittens, abjecto regimine, quò proram deflecteret ignarus, solum venti imperium exspectabat. Aër quoque crebris internitentium fulminum ignibus micans, ingenti nubium fragore concrepuit.

20 Tandem per summam nimborum rabiem insulæ cuidam errore navigationis appulsi, detractum undis navigium, quod ancorâ retentare nequireret, circumstantium arborum ramis in foros detortis, quò minus lapsum collideretur, tenaciùs astrinxerunt. Eadem nox Slavos ad Hallandiam mille quingentarum navium classe appulso, naufragio obruit. E quibus quotquot vivi in littus evaserant, ferro periclitati sunt.

Diluculo Waldemarum administrato per Hesbernum viatico, militibus abundè firmatis, secundo mari in Jutiam pervenit. Vibergum progressus, Svenonisq; dolum pro concione causatus, omnium animos ad moestitiam lachrymosa fortunæ suæ narratione deflexit. Cujus assertioni non minus miserationis quam fidei, vulneris præsentia conciliavit. Itaque nescias miserior plaga an felicior fuerit. At Svenò fugæ ejus opinione accepta, relictis navibus, quas antè quassaverat expeditionem in Jutiam parat. Tunc mater Absalonis & soror, egregium virilis industriæ facinus edidit. Siquidem ut Regis transitum morarentur, navigia, quibus trajicere destinabat, nocturno tempore dissecanda curarunt. Quarum Svenò refectioni diutiùs immoratus, cum redintegratis omnibus in Fioniam pervenisset, Waldemarum ociùs amulo occurrendum existimans, primis eum Jutiæ liminibus prohibere constituit. Quo cognito in Sialandiam se contulit, ejusq; & Scaniæ populo per edictum contracto, privatis armis

40 publica miscet auxilia. Interea Waldemarum incertum belli suspicatus eventum, repetito Vibergo, nuptias agit, tum ut eos faciliùs sibi, qui Canuto militaverant, adscisceret, tum ne pulcherrimæ sponsæ castitatem hostibus fortè delibandam servaret. Deinde expeditione coite jussu Randrusium petit, Sialandiam, quod Svenoni receptaculo esset, armis attentare constituens. Ex Svenonis quoq; militia complures ob immane eum scelus perosi, Waldemaro se jungunt, tanti facinoris reatum, auxiliorum fomentis prosequi nefas ducentes. At Svenò qui bellum inferre quam excipere speciosius duceret, magnitudinem animi sui intra unius insulæ fines concludere nequiens, navigiis è Fionia Sialandiaque petitis,

50 ad Jutiam appulit, iisdemque intra Diurslaa fluminis alveum recipi jussis, cum promptissimis equitum, sub dubiâ oppidanorum fide, Vibergum concessit. Quod cum Waldemarum per transfugarum quendam expertus fuisset, auxiliariis, quâ poterat celeritate, contractis, ad exturbandam hostium classem, Saxonem & Jurisium cum navalibus copiis mittit.

VALDE-
MARUS I.

Quorum autoritatibus moti Sialandenses, navigatione reflexa, plus propin-
quorum monitis quàm Regis imperio tribuendum putarunt, ejusq; deser-
tores, quàm horum hostes existere maluerunt. Verùm Fionenses, apud
quos plus Regis quàm privatorum respectus valuit, spreto monitus pœ-
nas vapulando luere, pulsatiq; dedere fugam, quam sospites abnue-
runt. Nec quicquam Sveno malorum ægrius tulit. Post hæc, Hesber-
nus hostium consilia cognoscere jussus, cum prope Wibergum susce-
ptæ speculationis gratia pervenisset, Svenonis Randrusium petentis ob-
vium contemplatur exercitum. Igitur ne res diligentius quàm fortius
explorare videretur, præcedentium quosdam effusiùs obequitantes, hasta 10
validius appetitos militari virtute prostravit. Quorum equis potitus, co-
mitum ope per devium abstrahendos curavit. Tunc Svenoniànì propin-
quas hostium copias arbitantes, armatura properè sumpta, lectissimisq;
equorum conscensis, bello se præparant. At postquam inæqualia loca per-
mensis prospectum planicies dedit, solum contuentes Hesbernium, post
eum promptissimos dirigunt. Quibus ille volueri sisus equò, tanto semet
intervallo surripuit, ut interdum quieti descendendo consuleret. Cumq;
insecutores frustra se ejus occupationi inhiasse conspicerent, alloquium
ipsius sub fidei promissione eminus vociferando deposcunt. Negat eo-
rum se colloquia suscepturum Hesbernus, quod lubrica fide serotinis esse 20
temporibus consueverint, facetissime eis perfidiam, quam recènter Roskil-
diæ patrarant, objectans. Ex quibus Petrum duntaxat, cognomine The-
ma, antiquæ societatis fiducia accepta fide, propius accedere passus, cum
super Waldemaro pluribus rogaretur, reliqui inter se equis de indu-
stria concurrentes, insidias ei sub exercitationis simulatione tendebant.
Tunc Petrum Hesbernus, quid animi sociis esset, advertere postulat. Ille
fidem suam commilitonum perfidia quaslandam veritus, obversa ha-
sta confixurum se, qui in Hesbernium irruisset, exclamat. Quorum frau-
dem Hesbernus per angustos diverticuli recessus, præproperè pontis cu-
jusdam transitu prætecurrit, intentasq; lateri hastas cuspidis suæ frustra- 30
tur objectu. Quumq; eos identidem dignis perfidiæ conviciis affecisset,
procul inde discedens obvios fortè commilitones de hostium insecutio-
ne edoctos, propinquis viæ fruticibus occultavit, ac protinus ipse equo dis-
siluit. Qui vèro in ejus captionem intenderant, nondum hac spè deposita,
cursum dirigere perseverabant. Quibus ille procul conspectis eqvum
insilit, ejusque latera crebris de industria verberibus attundendo, ficto
cursum labore confecit. Igitur insequen es conceptam intercipiendi
ejus spem majori conamine prosequentes, acriùs equos urgere cœpe-
runt, haud dubie ab hostibus capiendi, nisi insidiantium quidam expe-
ctationis impatiens, per nimiam occurrandi cupidinem ociùs late- 40
bris erupisset. Itaque ex unius procursu datum sibi insidiarum indicium
existimantes, ad socios impigrè relabebantur, aliena impatientia quàm sua
providentia feliciores. Ita Hesbernus nisi sociorum imprudentia vetuif-
set, calliditate perfidiam ultus fuisset. Per quem Waldemarus hostes im-
minere comperiens, nondum se committendi belli viribus abundare con-
fusus, junctum vico pontem, ne eis pervius foret, partim discindi jubet.
Itaque & tutum militi munimentum, & opportunum contrahendis vi-
ribus spatium ab amne mutuatus est. Cumq; nec Svenoni transeundi
facultas, nec Waldemaro obvlandi voluntas suppeteret, promptissimi ta-
men juvenum, reliquiis pontis præter imperium occupatis, jaculis missili- 50
busq; certantes magna fortitudinis experimenta dedere. Quippe quia
congressionem locus negabat, ad aliquanto mitius pugnae genus juveni-
lium animorum lascivia decurrebat. Waldemarus tandem gerendi fi-
duciam belli quotidianis copiarum incrementis adeptus, amne aliàs su-
perato

perato hostem appetere statuit. Nocte verò, quàm belli infœcūtus est dies, frangatos stare equos, pastuq; penitus arceri præcepit, ne satietate graves, cursu hebetes forent. At Svenone castris fata complexus ex ipsa agrorum ubertate abundè equos refici jubet, ignarus stomachi sarcinam cursui impedimento futuram. Cumq; Waldemarum exercitu in aciem digesto procederet, cohortem armis signisq; fulgentem è latere conspiciatur. Quam primo hostilem ratus, ex speculatoribus cognoscit socios esse, quos metuat. Quibus in aciem receptis fidentius in hostem tendebat. Adeò quippe copiis creverat, ut nè à decimâ quidem exercitus parte, signorum ordines prospici potuissent. Tunc quibus à Svenone commissa speculatio fuerat, reversi, immodicas hostium vires edocent, fatigandam ante multitudinem, quàm sustinendam esse. Fore enim ut multum ex ejus numero copiisq; dies detraheret. Cujus consilii salubritatem Svenoni admodum gratam Achonis cujusdam Christierno procreati temeritas reppulit. Siquidem aut pugnaturum Regem, aut à militibus deserendum esse dicebat; quippe qui ita sibi consulere nolint, ut rem familiarem proprio spiritu chariorem hosti impune potiendam relinquere cupiant. Ad hæc memorem esse jubet, quoties exigua manus ingens victoriæ decus acceperit. Itaque si animos suorum non numerum metiri velit, plus fiduciæ ex eorum paucitate, quàm metus ex hostium multitudine concipiendum fuisse. Præterea aciem contemni potius quàm metui debere, quàm non militum robur, sed vulgus inerme construxerit. Hac exhortatione Regem salutari consilio depulsum, pernicioso parere coëgit. Ex parte Waldemari juvenus ferrugineis succincta tunicis, dextrum aciei latus confecerat. Quam Svenonici ob eximiam ferri similitudinem vario loricarum genere excultam rati, in eam cohortem exercitus sui cuneum distrinxerunt. At ubi specie deceptos se vident, ab his ad Regiam phalangem insultum transferunt. Illud quoq; memoratu dignum, quod Waldemari exercitum tam crebri corvorum greges intervolaissè produntur, ut complures se erectis militum hastis feriendos objicerent. Medius acies interequitabat cantor, qui parricidalem Svenonis perfidiam famoso carmine prosequendo, Waldemari milites per summam vindictæ exhortationem in bellum accenderet. Congressuris sepes frugum ambitrix obstabat, quam neutro equitatu propter palorum eminentia acumina transcendere præsumente, Waldemari pedites disjicere aggressi, pugnae principium ediderunt. Qua Svenonici levi negotio victi, ægrè fugam moliebantur. Quippe equi nocturno adhuc pabulo onusti perseveranter cursum intendere non valebant, quod saturitatis moles citam eis lassitudinem ingerebat. Primipilus ipse & equo in hostem conversus, sparsosq; fuga socios ad pugnam capeßendam hortatus, tandem circumspectis nusquam auxiliis, signum humi defixum sinistra complexus, dextrâ propius accedentes obruncat. Ad ultimum memorabili pugna edita, circumfusa multitudinis viribus laceßitus obruitur. Svenone cum paucis ad palustria fortè fugâ perveniens, cum luto desidente equi vestigia mergerentur, pedes iter arripere conabatur. Sed ne sic quidem coeno onus ferente, etiam arma deposuit. Postremo quanquam suorum humeris anniteretur, supremâ victus lassitudine comitibus aufugere jussis, in arboris unius radice confedit. Adeò quippe cum vires defecerant, ut ne gradum quidem alieno subnixum adminiculo proferre potuerit. A quo quidam suorum per ignaviam discedere omni fato tristius ratus, ab agrestibus indagandæ prædæ gratia supervenientibus, ante pedes Regis appetitus, occubuit. A quibus & Svenone captus, cum quis esset interrogaretur, Regis scribam profitebatur. Agnitus tandem, equoq; ob reverentiam majestatis impositus, sive metus, sive spei instinctu, Waldemaro se præsentari poscebat. Hæc orantis caput

IV ALDE-
MARUS I.

agrestium quidam subito advolans securi præcidit. Corpus ejus nullis funeris impensis honoratum, ignobili sepulturæ popularium cura mandavit. Ulfonem bello captum, Wibergique custodiæ traditum, Hesherno duntaxat, quò minus puniretur, obstante, capitali supplicio Canuti milites affecere, sanguine ejus ducis sui manibus parentandum putantes. Prensus quoque Thetlevus cum ad eculeum abstraheretur, primo culpam apud captores excusare pergebat. Postremo cum sine effectu preces esse cognosceret, adeò effoeminate se gessit, ut virum exuere visus ne lachrymis quidem abstinere aut planctu, muliebremq; animum virili corpore clausum confiteretur. Itaque prius dedecore, deinde morte multatus, geminam interfecit à se principis Manibus poenam persolvit. Magnus verò posterioris Erixi ex pellice filius, qui & ipse Svenoniani nominis acrior quam justior defensor extiterat, cum captus ultima se passurum arbitraretur, supra vota propitiæ victoris clementiam expertus est. Quem Waldemarum sibi à captoribus præsentatum, sub respectu cognationis non spiritu modo, sed etiam honoris ac potestatis incrementis donavit. Cumq; abunde esset impunitatem tribuisse, etiam liberalitatem adjecit: ne districtum ultorem agendo, plus iræ quàm necessitudini indulgisse videretur. Itaque tametsi injuriæ supplicium deberetur, propinquitati salus tributa est. Igitur non minus in adversario affinitatem, quàm in fautoribus fidem atque obsequium veneratus, hostem amicis præmio æquavit, Jurisium etiam ut sanguine sibi, ita animo obsequioque conjunctum, quòd optimâ ipsius operâ adversum Svenonem usus fuerat, tum opibus, tum etiam honoribus prosecutus est. Cujus fratrem Canutum pari munificentia ad præfecturæ fastigium recenter evexerat. Tum verò qui Canuticæ militiæ comites fuerant nondum hostium cladibus contenti, communiter Regem adiecit, ut eos, qui Svenoni interficiendi Canuti consilium dederant, proscriptione prosequeretur, orantes. Inter ceteros autem; Thorberni poenam cupidius expetebant: quanquam is, cum apud Randrusii pontem dimicaretur, præsentibus, quorum consilio Canuti cædes commissâ fuerat, huic se perfidiæ affinem negabat, auctores ejus acerrimè devovens. At Rex metuens, ne si tot gentis suæ nobiles exilio multaret, Canutum, Jurisiumq; dubiâ fide suspectos, proscriptorum adversum se armis instrueret: veniam fontibus, quàm æmulis opem afferre maluit. Ad ultimum instantium perseverantiâ victus, ne à Canuti interfectores remissius ultionem exigere videretur, proscripturnum se, quos jussissent, promisit, nec alio pacto patriæ redditurum, quàm si eorum precibus revocarentur, quorum sententiis exilio adacti fuissent. Sciebat enim facilem humani animi ab odio ad gratiam deflexum existere, ac plerumque mortales affectus, cum ipsa rerum varietate consentire. Nihil enim in his tam asperum reperiri, quod tem-
pus aut casus lenire non possit. Cæteris ejusdem gregis, ut iisdem potius bonis militibus uteretur, quàm in eos animadverteret, exoratus ignovit, tantoq; se ejus amicitia propiorem exhibuit, quanto ipsos ab illius parri-
cidalis commenti conscientia remotiores agnovit.

His ita compositis, ut regni initia strenuis militiæ operibus auspicaretur, patriamq; tot annis piraticâ laceratam, ac fermè tertia ex parte ad situm & vastitatem usque redactam injuriarum ultione reficeret, publica classe Mafnet insulam, bellum Sclavis facturum, accedit. Ubi dum populum in concione exhortaretur, seniores quibus pro rostris dicendi mos erat, classem tutò processuram negabant. Nam & suos comitatibus defici, & hostes compertum Regis habere propositum. Aucupandæ ergo opportunitatis gratia dilatu opus existere, quoad melior gerendæ rei facultas incideret. Cæterum non parvæ temeritatis esse, adversum providos & præmunitos armorum experiri fortunam. Præterea in eam classem Danicum
penitus

penitus coisse robur, quod si periclitari contingeret, profectò Selavos u-
 nius victoria beneficio, Daniâ potituros. Nam si res parum ex sententiâ
 cederent, nonne patriam penitus in eorum funere perituram? Minimè
 igitur uni prælio tantæ nobilitatis vires impendere debere, dummodo vi-
 strices parum gloriæ, victæ dedecoris plurimum sint laturæ. In hanc senten-
 tiam totius concionis suffragia consonabant. Cujus arbitrio Rex expedi-
 tionem remittere coactus, proposito suo celerius quàm cupidius cessit.
 Apud quem Absalon in navem regressum, desidiâ ejus eludens, facetissi-
 mè cavillatus est. Nam cum solutæ expeditionis causam perquireret, di-
 10 xissetq; Rex, ne tot fortes periculo objectarentur. Ergo, inquit, eum igna-
 vis & ignobilibus coeptum exequere, aut proficue victor futurus, aut pa-
 rum damnosè vincendus, quum nullo in momento vilium internecio po-
 nenda sit. Ita lepidi ingenii adolescens, indignationem suam ad inertiam
 exprobrationem sub joci specie convertit. Quæ tam faceta ejus urbanita-
 tas, tacitum Regis convicium fuit. Per eadem tempora Aseero Roskilden-
 sium Antistite decedente, super subrogando Pontifice plebis à clero suffra-
 gia dissidebant. Eadem etiam tempestate, dividuâ Roskildensis populi
 conjuratione, cum mutuis cædibus civitas exundaret, advenis partim cæ-
 sis, partim urbe ejectis, non contenta indigenarum sodalitas alienigenæ
 20 conjurationis partes protrivisse, etiam in eum qui Regium numisma ad-
 ministrabat, non tantum ædes ejus solo æquando, sed etiam bona omnia
 diripiendo, vesaniâ suâ consternationis exercuit. Tunc Rex ob maje-
 statis suæ contemptum acrius civitati infensus, cum ad excidium ejus ma-
 gna provincialium manu niteretur, missis ad se deprecandum legatis,
 ne armis, quæ pro patria ferre debuerat, adversum patriam uteretur, inco-
 lumitatem urbi, suscepta pecuniæ pactione donavit. Quam continuo
 placida mente ingressus, Trinitatis ædi interservientium penates intravit, eo-
 rum de creando Pontifice suffragia, suo prosecutus assensu. Quamquam
 autem ei in Ecclesia à majoribus condita ac dotata, juris aliquid compe-
 30 tere videretur, nihil se tamén adversum eam aut illicita affectatione, aut
 insolita consuetudine præsumpturum dicebat: sacris siquidem legibus
 cautum nosse, nè clerus peculiare eligendi jus Regali imperio obnoxium
 habeat. Itaque præsentiam suam haudquaquam impedimento futuram,
 quò minus electoribus liberâ suffragiorum arbitria maneat. Tunc
 clerus religiosam ejus justiciam summis gratiarum actionibus prosecutus,
 concilio excessit, delectum curiosius habiturus. Cumque tres spectatæ
 opinionis viros, quibus quartus ob virtutem Absalon adjiciebatur, circum-
 spexissent, ut ex eorum numero potissimus assumeretur, Waldeimar
 tacita singulorum suffragia in unius tabulæ segregata volumina referri ius-
 40 sit, sinceriores electionis habitum ratus, si uniuscujusq; voluntas antè ma-
 nu quàm lingua proderetur: evenitq; ut omnium scripto in unam coeunte
 sententiam, honoris culmen Absaloni decerneretur. Qui mox Antistes
 creatus, non minus piratam se quàm Pontificem gessit, parvi æstimans intus
 religionem tueri, si foris eam periclitari pateretur. Neq; enim minus sacro-
 rum attinet cultui publicæ religionis hostes repellere, quàm ceremonia-
 rum tutelæ vacare. Itaque pontificalibus tectis majore ex parte solo æquatis,
 quò patriam firmioribus vallaret excubiis, maritimam assidue stationem
 peragens, habitationis usum interdum à sylvis frondibusq; mutuari sole-
 bat. Cujus tam humilis mansio, convulsos patriæ penates erexit. Eloquen-
 50 tiæ quoque ejus præsidia Sialandenses salutaria senserunt. Nam domesti-
 cas conciones ad vim & rixam usque litigiosas, moderatione sua ad paca-
 tiorem habitum perduxit. Tantaq; facundiæ ejus ornamenta fuere, ut
 eos semet stoliditatis damnare cogeret, qui eum inertem elinguemq; cre-
 diderant. Nec pensâ duxit duratos gelu fluctus hybernus fulcare navigiis,

WALDE- ne ullum anni tempus salutaribus vacaret excubiis, aut insignis ejus erga
MARUS I. patriam pietas necessitati cedere videretur. Itaque non minus patriæ paren-
tem quàm Pontificem egit, militiæ & religionis sociato fulgore conspicuus.
Prima illi, pridie quàm Palmarum solenne instaret, apud Borlundam vicum
adversum Sclavos congressio extitit. Nunciata namque eorum irruptio-
ne, clientelâ duntaxat suâ, quæ decem & octo militum numerum exple-
bat, instructus, adversum quatuor & viginti navium copias, ut periculoso,
ita felici certamine dimicavit. Compluribus siquidem adversæ partis equi-
tum fusis, pedites fermè omnes oppressit. Nec in tanto discrimine quem-
piam ex suis præter unum amisit, Pontificatum & militiam pulcherrimâ vi-
ctoriâ auspiciatus. Paucos ex hostibus arma spoliâq; fugæ liberius ineun-
dæ gratia per ignaviam abjectantes, juncta campis sylvâ servavit.

Eodem anno civitas Arusiensis acerrimis piratarum incurfibus afflicta
proditur. Tunc quoque Falstrensibus paucitatem suam adversus infini-
tam Sclavorum classem publica munitione tuentibus, cum fortè pincerna
Regis ad alia negotia obeunda in eam provinciam missus communi obli-
dione premeretur, provincialium quidam arbitris Regis segnitiam expro-
brando dixisse fertur: priores Reges in talis, præsentem verò in prima pe-
dum parte calcaribus assivevissè. Quod dictum pincernâ desidiæ conscien-
tia provocatus, maligna animi interpretatione, Regiis auribus, modo, quo 26
non debuit, inculcavit, & quod suæ contumeliæ erat, in majestatis oppro-
brium transtulit. Alia quoque haud leviori criminatione adversum Fal-
strenses asperatum Regis animum inflammabat, unius præcipitis linguæ ve-
hementiam univerforum excidio multare cupiens. Siquidem impiissi-
mam eis proditoris noxam affixit, quasi consiliorum omnium adversum
Sclaviæ conceptorum indicia ad eam transmittere solitis, familiaritatem-
que, quàm interdum conciliandæ sibi salutis gratia ad hostes habebant, in
crimen deducens, obsequia timori potius quàm charitati erogabat, perfidiæ-
que deputabat. Nam & captivos à Sclavis sibi commissos in custodia asser-
vare, & plerumq; patriæ arma metu potius quàm benevolentia adducti, la- 3
to hostibus nuncio præcurrere consueverant; scilicet ut salutem suam
quàm viribus prætere nequibant, saltem beneficio munirent. Hujus itaq;
pestiferâ Rêx exhortatione corruptus, reliquias Falstria ferrò penitus ex-
haurire constituit, atq; ad id peragendum, Sialandiæ duntaxat ministerium
sufficere credidit. Absalone ergo Orientalibus insulæ copiis præesse jussu,
Occidentales ipse ducere statuit, ingentibus passim, exiguisq; navigiis ex-
ercitum trajecturus. At Sialandenses, quòd cum Falstrensibus diutinas ac
vehementes inimicitias gesserant, acceptas injurias communibus armis
pensare cupientes, ultrò imperium obsequio præcurrebant, lætari Regem
sibi adversum æmulos belli ducem autoremque futurum. Sed hunc ejus 46
errorem sinistris monitis concitatum, fortunæ violentia felici remedio
præcucurrit. Nam cum Rex magnis viribus succinctus, iter ingredi vellet,
apud Ringstadium subitâ febris implicitus, Absalonem, remissis copiis, ocus
ad se venire jubet. Ita pestiferæ Regis, molitioni opportuna valitudinis
conquassatio remedio fuit. Nec minus Waldemari innocentia, quàm in-
sonis populi saluti, missu coelitus languore, consultum. Quàm porro tunc
non solum deformem, sed etiam miserabilem rei Danicæ statum fuisse cre-
dendum est, cum foris hostilibus, intus Regiis armis appeteretur? Quis vero
divino numine effectum ambigat, ne patriæ Imperator futurus in ipso penè
fulgoris sui primordio regnum, quod ex hostium manibus erepturus erat, 50
obrueret? Quia patriæ habenas tenenti, difficillimo morbo quàm maximo
facinori implicari satius fuit. Itaque languore indies acrius grassante, Ab-
salon pro salute Regia votis excubare non destitit. Ad ultimum veluti
remedii desperatione perfulus, cum unicum in virtute divina auxilium re-
stare

stare animadverteret, ad eam propitiandam summa cum examinatione *VVALDE-*
vota pro ægroto nuncupaturus accessit : divinamq; rem sacerdotali veste *MARUS I.*
amictus ritè peregit : sacrificia deinde legitimis verbis confecta ad ægrum
detulit, ac penè exanimi delibanda porrexir. Quibus ille refectus, conti-
nuò oborto sudore, bonæ valetudinis habitum recuperavit. Antistes ta-
men adhuc de ejus convalescentia dubius, languore ex molestia contracto,
repente corporis firmitate defici cœpit. Ac nisi cœleste remedium affulsis-
set, spes tantæ indolis in ipso ortu suo occubuisset. Sed nec illi sanitatis alie-
natio impedimento fore potuit, quò minus curam Regis, quam sospes gef-
10 serat, æger exsequeretur. Ratus siquidem emendatam ipsius valetudinem
tristi nuncio corrumpi posse, affectionem suam ei nunciari prohibuit, ne
subita animi tristitia implicatus in pristinam pestem relaberetur. Sospitatè
reddita, ambo tam exitialis propositi interpellatori Deo saluberrimæ ad-
monitionis grates solvebant : errorisque eos, non sine rubore, pœnitentia
subiit, cogitatæ impietatis effectum, divinæ animadversionis beneficio sub-
latum esse gaudentes. Salubriori itaque sententia animum amplectente à
civium periculis ad hostes usque lacesseandos studium traduxerunt.

Tunc Rex, Absalonis, Petri, Sunonis, & Hesberni, qui potissimum con-
siliis ejus præerant, prudentioribus monitis informatus, citiore quàm ma-
20 jore exercitu, occultoq; magis incurso, quàm aperta classe expeditionis in
hostem agendæ consilium cepit : cum multò facilioris sit negotii inopina-
tos quàm providos oppugnare : & plerunque prævalidæ multitudinis sen-
tentia salutaribus majorum jussis obniti soleat, apud quam plus virium
Sclavici nominis terror quàm regium possideret edictum. Idcirco autem
perpaucos hujus rei arbitros adscivit, quòd sciret quæcunque ferro gerun-
tur, publicis viribus, sed privatis consiliis administrari oportere. Et quoniam
de Sialandensium nihil obsequio dubitabat, Scanicæ classis ducem agere
præoptavit. Cumq; nondum integra valetudine, Scanienfès Lundia contractos
expeditionis sollicitaret edicto, Maximus Pontifex Eskillus (nam ei
30 cæteri proloquium deferrebant) negabat in expedito naves esse, quibus tam
subitò jussum perageretur. Cumq; Rex obtemperantibus gratiam, superse-
dentibus iram se repensurum dixisset, tantaq; propositi cupiditate perfu-
sus esset, ut unico proficisci navigio quàm expeditionem remittere mallet:
Eskillus indubitata voluntatis ejus firmitatè comperta, non solum consi-
lium probavit, sed etiàm, qui Regi comites deessent, admodum execratus,
sua cum navi, impensaq; excepit. Jampridem enim Regem expeditionum
dissetudo navigio spoliaverat. Postremi Lalandenses ac Falstirici in classem
coire jussi, ne longâ præscientiâ edocti, furtim ad Sclavos imperatæ rei in-
dicia deferrent. At ubi Landoram classè perventum, Rex spectandi exer-
40 citus sui avidus, in campo copias explicare constituit, ut totas vires oculis
subjiciendò, an eà manu tutò bellum commissurus videretur, aspiceret. Ab
hujus littoris continenti longior arenæ tractus brevibus abscessus, curvatis
anfractibus portum navigiis facit, ita humilis, ut veniente æstu lateat, absce-
dente visatur. Nam vadofus ejus introitus diffusiore spacio opacæ altitu-
dinis undas includit. Sed quoniam hunc locum cuncti Danorum Reges
vanissimi erroris deliramento suspectum, perinde at fatalem cavere consue-
verant, proximo portu universi agminis apparatus curiosissimè contem-
platus est, adhibitis qui militiæ rudes rei bellicæ documentis imbuerent,
quatenus vires suas potius solida oculorum fide, quàm cæco æstimationis
50 augurio metiretur. Huic militiæ speculationi quatuordecim diebus in-
tentos, major commeatum pars otio consumpta defecerat. Egressis por-
tu, tranquilla toto mari navigatio incidit. Sed ut taciti improvisiq; appel-
lerent, remigiis eam quàm velis instruere maluerunt, Absalone cum septem
navibus præmisso, qui Rugiani littoris excussius indagaret accessum. Si-

VVALDE-
MARUS. I.

quidem Arcon oppidum vetusto simulacri cujusdam cultu inclytum, igna-
ris incolis incendio tentare, cunctosq; ejus præsidium petituros ex impro-
viso opprimere statuerunt; munimentum quidem habitatore vacuum, fe-
rarumq; duntaxat claustris firmatum; existimantibus indigenis parum hu-
manæ tutelæ egenum, quod præsentis numinis excubiis esset vallatum.
Summa verò contractæ classis ordine digesta, ducentarum & sexaginta na-
vium numerum reddebat. Absalon exequendæ speculationis gratia, cum
propemodum ad Rugiam pervenisset, indicantibus nautis, cognoscit Re-
giam navem subito remigium velo mutasse: miratusque, quid ita cætera
classis incederet, quæ paulo antè velis, quò occultior navigatio gereretur, tunc
abstinendum condixerat, postquam eam à statuto declinare cognovit, &
ipse non suppetentibus propositi sociis, per summam animi confusionem
puppim ultimus vertit, Regemq; Mønensium in portu receptum moestior
quàm libentior comes petivit. Quippe quia cœpti comitibus deficieba-
tur, indignatus optimam gerendæ rei facultatem omitti, cum & aëris favor
& militum arridebat alacritas, ab inchoata navigatione ægrè proram aver-
tit. Hunc Petrus, Suno, & Hesberæus, cum quibus Rex consilia sua parti-
cipare solebat, rate egressum excipientes, tam deformem Regis ab utili illu-
striq; consilio defectionem anxie querebantur. Quos tandem Rex ob-
viam sibi venire jussos, ubi tristes animadvertit, admirans cur eo vultu ef-
fent; visum sibi, inquit, ne tarda & intempestiva navigatio proferretur, cur-
sum ejus ad insulam fuisse flectendum, manè cuncta commodius executu-
ro. Quippe dies labori, noctes quieti familiares existere. Cumque nul-
lum ab amicis responsum daretur, taciturnitatis admiratione permotus,
proferre eos, quæ sentiant, imperat. Illi, quæ invicem contulissent, Absalo-
nem proponere jubent. Tum ille, quid miri est, inquit, segnes hæsitare
voces, quas ingenti mœroris pondere obrutas, quasi fauce obclusâ, latens
animi strangulat ægritudo? Enimvero vicem tuam ad ignominiam vergere
conspicientes, interno mentis luctu perfundimur. Quippe imperii jus
obsequio mutas, paresq; quibus præesse debueras, utilissimis consiliis spre-
tis, eorum monita conspectando, qui in æquo ponunt, pulchérne rerum
tuarum cursus an deformis existat. At postquam sine collega aut æmulo
regnare cœpisti, altera nunc expeditio geritur, nec illius remissio quàm
hujus foedior apparet. Siquidem summa rerum opportunitate contem-
pta, parvulas commætuum reliquias habentes ociosis navigationis excessi-
bus excusabilem reversionis titulum quærimus: & cum nullis urgeamur
obstaculis, ignaviam nostram necessitatis nomine censi cupimus. Hiscè-
ne patriam operibus vindicandam, talibusve regnum ingeniis auspican-
dum duxisti? Si vero maris sævitia navigationem interpellari contigerit,
quid superest nisi ut necessitatis imperio cogente domos inglorii peti-
amus, teterrimis effœminatæ mentis opprobriis insectandi? Hæc & similia
tum molestiæ stimulis, tum fiducia familiaritatis evehctus, per summam ver-
borum acerbicatem apud Regias aures eloqui non dubitabat. Quanquam
autem Rex adversum dictorum ejus libertatem acrius exarsisset, tamen ne
monitorem impudentius avertere videretur, magnitudinem iræ, quàm vul-
tu teste conceperat, moderatione sua ad leve & tolerabile responsum de-
flexit, dicendo complures operum suorum testes extare, nihilque tam for-
titer ab Absalone gestum, quod si nondum virtute æquaverit, adhuc satis
æmulari non possit. Nec plura eloqui passus, cymba navigium repetivit,
subjungente Absalone haudquaquam eum utilia svadenti succensere de-
bere, cum aliquantò satius sit apertis amicorum monitis instrui, quàm oc-
cultis amaræ fugillationis morsibus obrectari. Postera nocte concitatum
acrius mare eò tempestatis excessit, ut Regia classis non portu, non ancho-
ris, quò minus sparsa pelago disjiceretur, retentari potuerit. Nulla ex
parte

parte remissior, eodem aëris habitu, quatrIduo perseveravit. Quæ res iram *VALDE* Regis adversum Absalonem accensam magnoperè delinivit. Sed quod *MARUS* jam corde salubre deprehenderat, voce fateri erubescbat, pudore serum animi ejus intellectum celante. Nam interim nulla ad amicos communione habita, postridie prædictos viros fortè littori insistentes accessit, comitibusq; propius accedere veritis, concitationem animi sui, inquit, tametsi dissimulatione uti vellet, iracundis oris notis proditam esse, parùm quidem admiratione dignum, cum consultantis vocem monitis potius quàm contumeliis excipi debeat. Quædam tamen ab eis sapientius, quàm tempestivius dicta, quæ si ante triduum prolata fuissent, ingentis mali materiam præcurrere poterant. Seras quidem monitoris partes esse, quæ rem, dum in arbitrio est, negligentius obeunt, exactam sollicitudine prosequuntur. Inemendabilia autem corrigere velle, proximum amentia errorum esse. Frustrà igitur se convitiis attentatum fuisse, cum & irrevocabiles præteritorum eventus existant, & plerumque animi commotio parùm cum ratione consentiat. Orturæ verò tempestatis sævitiam, absque cœlestium monitis, humano præfagio comprehendere nequivisse, neque, quin eâ delictorum poenas lueret, dubitare. Quam ob rem aut naturæ ignorantiam, aut improvisæ necessitatis violentiam vitio sibi verti non oportere. Omissis igitur præteritorum querelis ad tempestiva rebus consilia, animum operamq; devocare par esse. Malle enim se spiritum specioso exitu, quàm expeditionem deformi reditu finire. Tunc Petrus Absalonis sententiam aliquanto leniori monitorum genere prosecutus, docet neminem Regum fidas amicorum voces infensis auribus excipere convenire, cum sæpe clari illustresque viri spreti salutaris consilii poenas perniciofa morte pependerit. Cæterum aurâ, dum saveat, utendum esse, quod ejus anceps incertaq; varietas existere soleat. Sustinendum itaque, donec tempestatis immensitas ad tolerabilem remigiis habitum concidat. Adhuc enim tridui commearus superesse, exiguoq; trajectu hostes accedi posse. Quod si præsentis alimentorum ope deficerentur, alia armis esse poscenda. Oportere ergo, mox ut undas remigio habiles viderint, sparsam ocius uniri classem, incessuramq; sociali remigio progredi. Quippe navigationem omnem hoc alacriorem, quo æquabiliorem existere. Rex monitore laudato Absaloni speculandæ tempestatis officium mandat, sibi cum primum eam remigii patientem adverteret, indicaturo. Absalon cupide præcepto, quod suis monitis extuderat, obsecutus, nocte postera, aurâ sensibilibiter impetum remittente, eventu gavissus, antelucano tempore, peractis divinis, ad Regem pervenit, nunciando tempestatem ex parte collapsam, possibilem quidem profectioni, sed difficilem fore, nec nisi summâ cum remigii difficultate navigationis pacem existere. Respondente Rege moras esse rumpendas, per ludibrium subtexuit, pulchrè se operam impensuros, si navigationis medietate confecta, unde solverant, sint reversuri. Cujus dicti proclivitas tametsi joco mordacior videretur, ingens Regi capeSSendæ virtutis præbuit incitamentum. Lepidâ tamen irrisione non caruit, subjungente Rege, revertentem se, ex eo, quæ in Sclavia gerantur, posse cognoscere. Principio classis lætam alacremq; navigationem pleno fiducia remigio proferebat. Nam intrâ propinquæ telluris anfractus aurâ vis, quæ aperto mari licentius incumbebat, latentium undarum habitum asperare non poterat, terreni tractus obstaculis undique secus incitatio rem fluctuum allapsum arcantibus. *As* ubi in altum dirigi navigia cœpère, intolerabili penè tempestatis occursum excipiebantur. Antistes, nè fortissimos monitus suos parùm justo conatu prosequi videretur, ingenuo pudore firmatus perseverantissima remigii oblatione quasi eum necessitate certabat, Regemq; virtutis æmulatione proVectum, cœpti sui comitem existere cœgit. Itaque lenta & inhabilis ac penè

UVALDE.
MARUS I.

penè inconcessa navigatio hinc saviente mari, inde claudicante remigio fuit. Ea freti repugnantis violentia Regiam navem adversis undarum molibus implicatam, per summam procellarum asperitatem laxatis propemodum compagibus disiungi coëgit. Quo viso Rex tùm vitandi periculi, tùm etiam complendæ navigationis gratia, tutiore excipi cupiens, Ingimari Scanienfis ratem propius adesse iussam, ense dextra, signumq; lava corripiciens, ut temerario, ita prospero saltu involat, eamq; remis acrius citari jubet. Esillum virtutis pertinaciâ aliquamdiu subsequi conatum, affectumq; Regis quàm debilitatem navigii sui propensius intuentem, partim Regiæ vocis prohibitio, partim referta periculo necessitas reverti compul-¹⁰ lit. Eo viso, complures reversionis occasionem ab erroris simulatione mutuari ignavia docuit. Quibus tamen erroris commentum patrocinio fore non debuit, cum Regem navigium, non iter, mutasse translati signi indicio liquere potuerit. Nonnulli quoque conquassationibus navigiis inviti relabebantur, quod hisdem compagum firmitate defectis, concitati maris incursum sustinere nequibant. Qui vero procedere perseverabant, ut viribus corporis labores continuati sufficere possent, edendi navigandiq; pariter officio fungebantur. Ne enim navigationis cursum vel parvula remigii intermissio moraretur, dextrâ remos, lavâ cibos tractabant. Exigua classis pars, Absalone duce, virtutis & gloriæ amulantior, inusitata²⁰ tempestatis savitiam incredibili remorum certamine superavit, oblectatumq; pelagus infatigabili permensa navigio, hora antelucana ad insulam Hythim, ipsâ quoque necessitate superior, appulit. Tunc Absalon ne quid inexcussum omitteret, per Wethemannum piratiæ operibus clarum officio speculationis addictum, & portus hostilibus navigiis vacuos, & Rugiam nihil hostile metuentem cognoscit. Nam armenta securis custodibus propter litus errantia, inopinatos incolas esse fidem fecere. Rex languido remigio seram navigationem emensus, obtento portu protinus in Absalonis navem se contulit, fatigatumq; radio ac vigilia corpus somno excepit. Reliquiæ, quæ cum eo fretum superaverant, annumeratæ, sexa-³⁰ ginta duntaxat navigiorum classem explebant. Duo tunc Hallandenses natu quàm animis nobiliores, paucitatem suam indubitato periculo oblatam rati, navigio, quo communiter utebantur, Absalonem petebant, seq; præpropere Regis alloquio opus habere dicentes. Postquam somno eum acquiescentem audierant, ocus excitari poscebant. Absalon salutarem ejus quietem importunè rumpendam negans, quæ afferrent, Regem ex se cogniturum affirmat. Tùm illi conquassationem navigii, inopiam commeatuum, longinquitatem reditus prætendentes, optimam sibi navigationis facultatem prosperantibus ventis incidisse dicebant, quod quibus ad-⁴⁰ versis agrè processerant, secundis facile reverti possent. Quam ob rem eorum se beneficio uti malle, quàm cassam & inutilem expeditionem agendo, aut navigii vitio, aut inedia malo perire. Quos Absalon non solum deformitatem propositi specioso consilio mutare, sed etiam quo minus se probris objicerent, honesto silentio suppressere jubet, nè tam pudendæ voces alienis auribus exceptæ, inexpressibilem eis timiditatis notam inurerent. Itaque enervis & effœminati animi trépitationem, falso causarum commento colorare eos asseverabat, docendo facilia refectu navigia fore, & opima commeatuum supplementa per prædam latè patentem levi negotio conscisci posse. Cæterùm ipsos famam & opinionem suam gravissimo crimine corrupturos, si Regem apud hostes in tanta suorum⁵⁰ paucitate, sine respectu pudoris deferere sustinuissent. E quibus alter domi se negotia Regia, quæ summâ cum celeritate exequi necesse haberet, manere subtexuit. Contrà Absalon simulationem ejus, quia blandimentis nequibat, minis discutere cupiens, eos qui in expeditione solvenda plus

plus arbitrio suo quàm Regiæ indulserint reverentiæ, non tantum bonorum, sed & lucis ac spiritus ereptionem patriæ lege meritos astruebat. Sed ne ea quidem periculi denuntiatione, quò minus faventem navigationi ventum velo colligerent, imbecillitatem eorum durare trepidationemve corrigere potuit. Discedentes itaque execratione & convitio per summam verborum acerbicatem insequi perseveravit. Quod cum expectatus Rex ex Absalone cognosceret, tam impudentes & improbos desertores poenas sibi luituros jurabat. Consensâ deinde insulâ, accersitos navigationum rectores, agendorum percontatione sollicitat. Compluribus, ut redeatur, expedire visum, quò tuto hostem lacessere nequeant. Placituram Rex sibi sententiam affirmabat, nisi ea res & gravis patriæ rubor, & ingens hostium incitamentum existeret. Nam & eos Danicæ expeditionis præsentiam ex castrorum vestigiis comperturos, & clandestinam ejus reversionem timiditati duntaxat imputaturos. Hujus rei causa periculo se quàm rubori patere malle, haudquaquam proram, nisi lacessito hoste, versurum. Præterea se eorum, qui simulata navium fragilitate defecerant, ignaviam æquatuos, si quos labore vicerant, virtute non superarent, domosq; impensa male navigatione repeterent. Tunc Wethemannus incautas Rugiæ res recenti speculatione expertus, admovendas littori cōpias svadet: si

20 ignari incolæ fuerint, impune prædā cademq; facturas sin providi, confestim absque discrimine redituras: Utro autem modo se gerant, per arantum morem deprendi posse asseverabat: qui cum primam diurnæ operæ partem exegerint, quò ad laborandum fiant vehementiores, sopori se prosternere soleant. Hunc verò non nisi metu vacuis, altaque securitate firmatis obrepere solitum. Caterum nemine talium dormiente reperto, præcautæ gentis indicium accipi. Quem Rex piratice potius muneri consentanea, quàm magnitudini suæ convenientia docuisse dicebat. Nunquam enim Danorum Reges à Sclavis fugatos memoriæ proditum fuisse, sed ne se quidem primum regiam dignitatem hoc deformitatis genere maculaturum. Tunc Gnumerus Falstricus, quanquam alias vegetioris quàm sapien-

30 tioris animi æstimaretur, siue ingenio suo, siue Regis fortunâ monente, summam omnium hæitationem ancipiti studio fluctuantem, salutari exhortatione discussit, incertamq; consilii concionem ad suam sententiam perduxit, affirmando temeritatis esse exiguam manum cum immenso hoste conferere. Caterum Barcam provinciam à Rugiâ brevi freto discretam, ob parvitatem sui, quocumque paratu esset, populatu perfacilem fore. Denique Regem quiescendi gratia cubile petere, exhaustisq; vigilis vires, & attritum curis animum somno reficere jubet, vespere, quò minus provisus irrumperet, classem applicaturum. Præterea vadosi fluminis angu-

40 stias intraturos, sparsam navigationem tacito conficere remigio jussit, ne aut obstrepentium remorum fragor securitatem incolis demeret, aut ipsi met impactis arenæ navigiis circa incertæ altitudinis vada diutius hærare cogèrentur. Cetera se exploraturum promittit. Rex cupide consilio obsecutus, vespere signo navigationi dato destinatum amnem occupat, Cujus expeditius permeandi gratia ternis navigiis junctis, classem incedere jubet, ne confusa fluvialibus tardaretur angustiis. Cui Gnumerus rate obviis opportunitatem invadendæ gentis aucupatus, interceptos incolarum speculatores adducit. Lætus eo Rex, diluculo peragratis sylvis, rura ac vicos hoc acrius quò latentius irrupit, incolasq; adhuc somni securitate

50 torpentes, repentina incursione protrivit. E quibus complures perstreptentis equitatus fragore perculsi, patrios duces adventare credebant. Sed hunc eorum errorem adacta repente corporibus jacula discusserunt. Complures eorum exertis per ostia capitibus, Cazimarusne an Bugisclavus adventaret, rogabant. Quorum percontatio propriis eorum funeribus excepta est.

WALDE-
MARUS I.

est. Antistes cum parte copiarum longinquam regionis plagam diverso
complexus itinere, eo locorum pervenerat, ut à regia cohorte eximæ palu-
dis interjectu distaret. De cujus admodum incessu dubius, nè direptos à se
vicos exuri pateretur, illustri consilio providit. Tandem procul ignes à
Rege editos conspicatus, sibi quoque consimilis facti potestatem suppetere,
confestim illato tectis incendio declaravit, sociisq; sui prosperitatem excur-
sus, resperso flammis rure nuntiandam curavit. Cumq; prædàm abundè
actam existimassent, iter ad naves remensi, quanquam grandi invicem à se
interstitio discessissent, vestigia tamen sua, quò minus clandestinos redditus
captasse viderentur, nève alter alterum impetuosà festinatione præcurreret, 10
mutuis ignium fumigiis prodiderunt. Interea Skialmo quidam, cognò-
mento Barbatus, in asservendæ classis officium relictus, ne hostili remigio
præveniente amnis exitu prohiberetur, ad mare navigia reducit. Ubi dum
Rugianorum navali incurratione peteretur, in paucas rates totius classis
præsidium transfert, instructoribus quàm frequentioribus navigiis hosti-
bus occurrere præoptans. Quibus obvia navigatione fugatis, ne sociorum
reversio tardiùs navigiis exciperetur, omisà fugitantium insecutione, por-
tum revisit. Iteratò laceffitus, eodem ausu invasoribus restitit. Sed &
compluries attentatus, crebra hostium irritamenta occurrationis perseve-
rantia superavit. Ita pertinaci magis quàm acri incurratione vexatus, op- 20
portuna hostem agitatione premebat. Inter hæc Regi in littus superve-
nienti non parvæ admirationi fuit, navigiis custodia vacantibus abesse Skial-
monem, quem tandem ab agitatione redeuntem cætero profecutus exer-
citu, Rugianos fugam à remigio mutuantes, velorum intensione prosequi-
tur. Sed intervallo præcessionis, & volucritate navigationis adjutos in-
stando magis quàm occupando vexabat. Tunc quendam vicinæ ratis
rectorem in anteriorem navigii sui partem fortitudinis simulatione pro-
gressum aspiciens, verbis magnam præ se laudem ferentibus, quæcunque
viro forti erogarentur, egregiè & laudabiliter impensà asseverabat. Ad ul-
timum vento obliquante prohibitus, quantum velis emensus fuerat, con- 30
versa navigatione, remorum obsequio pensat. Sed quò prosperiorem veli-
ficandi, hoc difficiliorem remigii usum habuit. Itaque Danis adversa
cum mari navigatione certantibus, Sclavi quos locorum habitus non fal-
lebar, ignotum nostris profundum compendiarìa navigatione fulcantes,
subitò fugam in insidias vertunt. Quos Absalon per occultos pelagi re-
cessus profilire conspicuens, sociis metu navigationem citantibus subsequi
quàm antecedere maluit, præviæ classis terga plenis pietatis excubiis tuta-
turus. Pudet referre quod sequitur. Maxima Danorum pars rubore
posthabito, quanquam hostes imminere conspiceret, deserto Rege velis
malos onerare sustinuit. Rex cum paucis admodum navigiis relictus, ali- 40
quanto desertiores ægriùs quàm hostes ferebat. Tunc etiam militem,
quem paulò ante in prora astantem probaverat, brevitatem veli sui, quò
major navigationis cursus existeret, pannorum additamentis producere
conspicatus, laudem convitio mutavit, amorem timidis erogatum impru-
denter impensum affirmans. Ita absque supremæ necessitatis discrimine,
veræ ac solidæ fortitudinis habitum explorare promptum non est. Ena-
vigantium discessio, non clamore, non signis, denique nullo exhortationis
genere revocabilis fuit. Adeò omnium aures pavor concluderat. Cùm-
que Rex, intermisso paulisper remigio, à præsentibus, quid factu opus po-
tissimum esset, inquireret, cunctantibus cæteris, Absalon insulam Hythim 50
petendam, ibiq; secunditatem aeris expectandam hortatur. Quod Pe-
trus fieri oportere non sine rationum assertionem negabat, quod perseveran-
te tempestate, nec reditum, nec supplementum classis habituri viderentur,
Sclavis adversum se quotidiana copiarum incrementa sumpturis. Pan-
denda

denda igitur vela, eamq; navigationis æqualitatem habendam esse, ut na-
 ves volucritate præstantes, complicatâ velorum parte, tardiores opperiren-
 tur, & quas celeritate præcurrerent, societatis jure consequi debeant.
 Ita strenua Absalonis adhortatio eximie Petri prudentiæ cessit. Uterque
 siquidem annis suis similia cogitabat. Ille etenim juvenili animo condigna,
 hic canis suis consentanea proponebat. Ita septem solis navigiis ex omni
 Danorum classe residuis, Sclavi multitudine freti incitatissimo remigio
 acerrimoq; clamore, cum contemptu paucitatis irrumpunt. Sed majore
 impetu quàm audacia rem exequabantur. Quippe cum primum excepere
 10 sagittas, propius ferre remos ausi non sunt. Paulò post districtorum en-
 sium laminis nunc cervices suas, nunc scuta pulsare coeperunt, rati se Da-
 nos hoc minarum genere territuros. Remigium deinde magno clamoris
 strepitu persecuti, horribiles latè sonos edebant. Hic quoq; procursus prio-
 ri perfimilis fuit. Obvius namque Danorum missilibus repulsi, continuo
 remigium reculerunt. Tertio ut hostem apparatu terrerent, contractos So-
 le clypeos aquâ perfundere, genibusque suppositos in pugnae usum extri-
 care coeperunt, veluti indubitatum nostris prælium illaturi. At tum demum
 seu cupiditate prædæ, seu vi pudoris accensi, vehementius navigia concitant.
 Quæ species ut initio acris, ita exitu inanis apparuit. Telorum enim objectu
 20 velut antè deterriti, invictam paucitatis constantiam ulterius laceßere destite-
 runt, quanquam Danorum provocatione admodû sibi insultari conspicerent.

Rex cum ad aspectum patriæ pervenisset, concidente paulatim
 vento, tam remissam & languidam navigationem agebat, ut quanquam
 propalio velo uteretur, eo ferè loci diem opperiretur, ubi noctem in-
 gressus fuerat. Sed cum Zephyris deficeretur, processum à remigio mu-
 tuatus est. Tandem obviam Hskilli ratem ingressus, Scaniam repetivit.
 Qui novissimè cum persecuti fuerant, Sialandiæ partibus advehuntur.
 Tunc Petrus Rannonis, eloquentissimi viri, imperitam calliditatem eludere
 cupiens, non solum nexos, sed etiam remiges suos, ut prædæ speciem au-
 30 geret, in eminenti navigii parte constituit, captivorum imaginem præbitu-
 ros. Quem cum Ranno Liburnâ prætereuntem videret, dissolutionem
 navigii simulare desiderans, sentina aquam egeri, increpitis acrius remigi-
 bus, jubet. Tunc quodam respondente, eo triduo sentinam aquâ vacasse,
 non ritè, inquit Petrus, remiges tui, quibus te responsis excipere debeant,
 callent. Tunc Ranno paucis intra Petri navigium remigio occupatis, otio-
 sæ juventutis multitudinem exerto capite conspicatus, prædam existima-
 bat, quietisq; suæ poenitentiâ permotus, non similiter sibi, ut Petro, fortunam
 affuisse dicebat, quod naufragij periculo interpellante, expeditionis co-
 mes existere nequivisset. Autumno Rex crebra Sialandensium ac Scano-
 40 rum, rarâ vero jutensium manu provinciam Arcon urbi confinem ador-
 tus, cum ingenti præda acta ad littus reverteretur, Rugiani reperentem
 naves exercitum, hisdémque scandendis intentum à tergo per insidias cir-
 cumfundere gestientes, magnis viribus in insulam è continenti trajiciunt.
 Per idem tempus coërta nebulæ vis, spissam cœlo caliginem intendit. Quæ
 res incertos viæ Danos atque errore nebulæ implicatos, aliquandiu sub-
 sistere coëgit. Crediderim hunc aëris habitum propitiæ fortunæ interven-
 tu, futuræ eorum victoriæ paruisse. Jamque Sclavi, quia nubium obscu-
 ritas prospicere non sinebat, caliginis errore protracti in medios ferme
 hostes inciderant, cum subito discussâ Sole nebulâ, exercitus propemo-
 50 dum confertos aspiceres. Tunc Priscлавus olim è Sclavia profugus e-
 quo provolans, adesse Barbaros, factamque Danis optatæ pugnae copiam
 nuntiat, exhortans omnes invictam Danici nominis æmulari virtutem.
 Responsum à Rege est, reperturos hostes qui fatum fugæ præferre cupiant.
 Igitur Dani, quorum animos præceps belli cupido exagitabat, præter usu-

YV ALDE-
MARUS I.

tatum pugnae morem confusis copiarum ordinibus, conspectos hostes incursare coeperunt. Nec tardior victoria quam impetus fuit, pugnam fuga praecurrentibus Sclavis. In quo procurfu duo Regii milites ita inter se fortuitis equorum impulsibus concurrerunt, ut uterq; excussus prosterneretur. Super quos Rex corruente equo ita praecipitatus est, ut laevus ejus cubitus pertuso clypeo terrae altius infingeretur. Absalon itaque erigendi ejus gratia descendere cupienti, manu, ne subsisteret, innuit, feliciter se lapsum reputans, si modo hostium cladibus attolleretur. Sed his eventus tristior specie quam omine fuit. Regis namq; lapsus, hostilis ruinae praesagium edidit. Quippe superati sine praelio Barbari impunè obterebantur. Quorum magna pars sinum, per quem trajecerat, avidius repetens, salutem in undis, quam quarebat, amisit: nec minor fluctibus quam ferro perelitantium numerus extitit. Pars quo tutius hostem vitaret, ore tenus de industria aquis corpus immerferat. Nec hoc quidem auxilii genus, quò minus à Danis in eadem vada descendantibus interimerentur, latebram eis praestare potuit. Cumque caeteris intra aquam prostratis, unus adhuc, occultum pedibus saxum complexus, sociæ stragi superesse videretur, Absalon militibus ad opprimendum eum descendere profunditatis metu cunctantibus, non hic, inquit, eâ proceritate est, quam vestra, milites, aquare non possit. Neque enim vadabiliorem sibi quam nobis gurgitem occupat. Quam vocem frater ejus Esbernus exhortationis loco suscipiens, quanquam Barbarum latentis saxi beneficio uti non dubitaret, salutis fraternæ suæ voluntatis imperium praetulit. Aliisque renuentibus, aquas hostili cruore infectas armis onustus intravit. Cumque emissâ in Barbarum lancea solum repetere vellet, undis verticem involutus, profundo se excipiente demergitur, perissetq; nisi sociorum praesentia auxilio fuisset. Enimvero Olavus undis eum abstrahere cupiens, stimulatam calcaribus equum in illud profundum egit: exceptumque brachio levare conatus, penè sella pronus excutitur. Igitur urgente fato suæ quam alienæ saluti propior extitit, sibi que, coeptam amici curam postponendo, consuluit. Cujus propositum Nicolaus quidam fortius quam felicius aemulatus, non temperavit, quò minus concitato equo gurgitem peteret. Sed ab incepto se, pari periculo revocatus, abstinuit. Igitur equitum ope defecto, peditum opera servari contigit. Cumq; littori restitutus fuisset, extinctus ab intuentibus putabatur; adeò illapsus corpori humor anhelitum occultabat. Tandem sociis corpus suum diutius agitantibus, vomitu undam egerere coepit. Cujus onere liberatus, suspicere magis quam eloqui valuit. Itaq; qui aderant, corpus ejus frigore obstupefactum applicatæ vestis fomento prosequabantur. Quibus percalefactus, non oculorum modò, sed etiam vocis usum recuperavit. Caeterum ipso die adeò exanguis permanfit, ut vix eum funebris oris notæ defererent. Nec silentio oblitterandam alterius Danici equitis virtutem existimo; qui cum nemine sociorum comitante, fugam hostium avidius quam cautiùs insecutus fuisset; Barbaris, qui effugerant, ut se eis capiendum praeberet, rogantibus, spreta prece equo desilivit, mortemq; dimicans, quam deditus lucem, amplecti maluit. Igitur ingenti hostium catervâ ad se opprimendum nitente, quotquot propius accesserant interfecit: ac sine ullâ specie metus pugnans super factam à se stragem plenis gloriæ vulneribus corruit. Itaque non solum innumeros fati comites habuit, sed etiam superstites fortitudinis suæ spectaculo attonitos reliquit. Cujus excellenti virtute tantum promotum est, ut deinceps Sclavi manum cum Danis acie conferere non auderent.

Libri XIV.
Sectio Tertia

Anno postero Danis expeditionem parantibus, Rugienses ob recentem cladem suscipiendi belli fiduciâ defecti, Domborum quendam praestanti facundiâ, ad pacem ab ipsis petendam decernunt. Quo Absalon ex-

cepto

cepto, navigium ejus expeditionis sibi met usui vertit, nautis verò quoad reverteretur, hospitia cum impensis expedienda curavit, ipsoq; Domboro secum assumpto Regiæ classis conventum petivit. Siquidem legatos hostium expeditionis tempore susceptos, ad reditum usq; ejus mutua Rugiensium Danorumq; consuetudine retentari fas erat, ne ad suos exterarum rerum nuntii reverterentur, speculationis potius quàm legationis officia peracturi. Sed contrariæ tempestatis perseverantiâ navigationem morante, cum Juti labentibus alimentis expeditionem soluturi viderentur, eorum egestati Sialandenses ac Scani impensis liberaliter commearibus affuerunt, nè tanta virium parte maligno necessitatis obstaculo fraudarentur. Fionienſes verò, tametsi commearibus abundarent, ne minimam quidem eorum partem ad sustentandam sociorum inopiam contulerunt. Quod videns Domborus, pacem quam antè supplex petiverat, sub æquis tantum conditionibus offerebat. Cæterum Absalonis apud Regem interventum poscebat: à quo oblationem suam liquida fide prosequi rogatus, pignoris loco lapillum se aquæ injecturum asseruit. Siquidem icturis foedus Barbaris religioni erat calculum in undas conjicere, seque si pacto obviam issent, merſi lapidis exemplo perituros orare. Sed contrà poscente obsides Absalone, fucosaque superstitionum mendacia in rebus seriis recipienda negante, haudquaquam Domboro mutua petendorum obſidum fiducia defuit. Quod Absalon indigne ferens, Rugianos non solum obsides Danis, sed etiam pecuniam cum supplementis classis transmittere solitos asseverabat, cum Dani nihil tale Rugianis unquam à se concessum, solutumve meminerint. Tunc Domborus, si sapientia, inquit, quate præditum existimas, viges, quæ à me proponenda sunt docili animo excipies, tenaci memoria apprehendes. Quisquis ritè se gerit, circa tria tempora maximè cogitationem expendit: ex iisdem duo leviori cura complectens, tertii præ cæteris habitum intuetur. Siquidem præterita meminit, futura prospicit, præsentia colligit. Stolidus vero inter spem futuri, memoriamq; præteriti præsentium facultatem omittere, & quod in manibus retinet, excutere consuevit. Quo pacto tu quoque vanissimis sollicitudinis ambagibus implicatus, adeò scrupulosa cura præteritorum imagines recolis, futurosque meditaris eventus, ut ad ea quæ præ manibus sita sunt, & oculis obversantur, aspicerè nequeas. Quippe dum prioris ævi recordationi animum inferis, felicitatis ejus exemplo futura metiris, teq; spem ex memoria adeptum, quid instans ætas afferat, præterit. Fateor olim Danos gente nostrâ potitos: sed præsens fortunæ benignitas iisdem nunc favoris blandimentis partes nostras prosequitur, quibus quondam vestras excolere consueverat, sortemque nostram ad hanc felicitatis summam perduxit, quàm vestræ quandoque rei status attigerat. Quippe quantò vobis inferiores exitimus, tanto nunc viribus successuq; præstamus, eò rerum fortuna ductante progressi, quò Danicæ quondam prosperitatis incrementum exceſſerat. At dum temere votis extenderis, nova ac recenſia stolidi verustatis simulatione prætergrederis, eisque me conditionibus adigere conaris, quas pro præsentium habitu præstare potius quàm postulare debueras. Fines vestri armis & exercitiis nostris miserabiliter obtriti, situ marcidi, culturæq; inopes jacent, nostrarum diffusio partium vix alendæ, quam genuit, multitudini sufficit, & tamen quos omnifariam potentiores advertis, non superiores modo, sed etiam pares habere fastidis. Tunc demum tributis nos exactione sollicita, cum & sortem nostram successibus æquaveris, & eam malis, quibus tua nunc premitur, adactam conspexeris. Hæc Domborus. Sed Absalon dissimulato indignationis conceptu, paucis eum responsis excipiens, ad Regem, quæ acceperat, perfert. Verùm pertinax freti sævitia navigationem interpellando finem expe-

WALDE-
MARUS I.

ditioni fecit. Rex quanquam superius Sclavos secundis successibus attenta-
tasset, plus tamen negotii in eorum expugnatione, quam ut propriis viri-
bus exequeretur, advertens, Saxoniam latrapam in armorum militiæque
collegium ingentis præmii pollicitatione sollicitat. Ille tum amplissimæ
mercedis captura, tum etiam potiendorum finitimorum spe invitatus, ex-
peditionis societatem spondit. Sed superius Waldemarum Rex Noricus
per summum amicitiae cultum, navigio draconem simulante donaverat.
Quod Absalon mira arte effigiatum Roskildensi remige exornare, & ad
conventum usque Danorum dirigere iussus, cum in portu Isørensi parum
secundantibus ventis voto diutius moraretur, nihil ægrius tulit, quam quod
aliis in expeditionem proficiscentibus tardior ipse superventurus videretur,
qui ceteros & velocitate apparatus, & procinctu navigationis alias
præcurrere consueverat. Itaque cum, mente tædio & pudore sopita, in puppi
jaceret, futuram maris tranquillitatem nocturnis imaginibus speculatus
est. Existimavit enim ab homine se accersi: accessoque littore cum Burgalanensi
Pontifice Tokone aliquandiu spaciatum, iussuque ab eo quæ
audiret sagaci mente comprehendere, & tenaci mandare memoriæ. Tokone
deinde melos, quod in divini natalis pervigilio ritè recini assollet,
semel iterumque & tertio replicuisse, ipsumque ad ea, quæ canerentur,
sollicitis auribus esse iussisse. Expergefactus adeo præsentis visorum ima-
gines animo repræsentabat, ut rem veram non somnium fuisse arbitraretur.
Et quia crastinæ egressionis opem per quietem sibi promissam memin-
nerat, tam certam commodæ navigationis spem animo præsumpsit,
ut conscensa cymba, quanquam nihil adhuc tempestati detractum erat,
malum Regiæ navis, cui Astradus præerat, ocius attolli juberet, cibumque
capere properaret. Epulanti supervenit Astradus indicans tempestatis occa-
sum. Et quid nam fieri expediret interrogans, iussus est illico erecto na-
vigii malo fauces Isøricas penetrare, eisque præteritis, insulam, quæ ventus ju-
beret, ambire. Quod eo exequi pergente, expeditionaria classis, quæ in
eundem fortè portum appulerat, subito tranquillitatis incessu gavisa, velo-
rum usum navigationis avida præparabat. Verum effectus minor impetu
fuit. Siquidem modo Orientem, modo Occasum incerto ventorum fla-
tu ludificata vicissim petebat, navigationemque mutabilis auræ varietas
optato cursu fraudabat. Divinitus consultum crederes, nè aut solitaria
Absalonis navigatio, aut aliis incessu tardior haberetur. Quod etiam ipsius
liquidò comprobavit adventus. Siquidem adnavigante eo, omnium
nubium errore discusso, certus pelago flatus incubuit, tantaque propitii ven-
ti stabilitas incidit, ut navigatio quæ antè dubiis velis incertum cursum
tenuerat, continuo prosperitatis ordine frueretur. Ita naturæ rerum tem-
peries, quæ se ceterorum usui inviderat, Absalonis respectui tributa est.
Qui etiam cum navem Regis sibi creditam validis tempestatis incrementis
contusam, extremoque naufragii periculo propinquam adverteret, conti-
nuò in littus subductam necessariæ trabis vinculo refecit, laceramque ac penè
confractam pristinae firmitati restituit. Sed & prorarum ejus cacumina,
quò cultior incederet, aureis apicibus textit. Quo Rex apud Masætam ex-
ceptus, Polam provinciam comite classe petebat. Itaque communibus
sed discretis viribus, alterum Sclaviæ latus Dani invaserant, alterum Theu-
rones lacerabant, interdumque exercitus alter ab altero invicem spectari
poterat. Cumque Theutonum fortè satellites petendi pabuli gratia latius
evagatos Sclavi per insidias adorti interemissent, equites recentis inju-
riæ ultionem audaci calliditate quæsierunt. Siquidem militiæ insignibus
occultatis, loriceisque quibus corpus munierant, familiari ac sordida veste
tectis pabulantium more fruges metere aggressi, Sclavos Nucleto duce
ad se opprimendum ex abdito provolantes, ocius ascensis equis, falcesque gla-
diis,

diis mutantēs, trucidaverunt. Caput Nucleti abscissum ac pilo affixum, sic-
que in castra perlatum, gratum utriusq; exercitus oculis spectaculum præ-
buit. Quod cum filio ejus Priszlavo, qui ad Danos, & Christiani ritus amore,
& paganæ superstitionis odio patria pulsus transferat, cœnitanti nun-
ciatum fuisset, aliquantisper manum ab escis retractam demisso capiti
subjiciens, Dei contemptorem tali exemplo interire par esse dicebat: re-
vocatoque à cogitatione animo, consuetam oris ac mentis hilaritatem,
cœnæ consortibus exhibebat. Magnus potentia, sed major divini cultus
memoria. Neque enim sibi parentem judicabat, quem publicæ religionis
10 æmulum noverat. Itaque ambiguae æstimationis esse potuit, utrum magis
fortem animum gesserit, an piam vocem emisit. Sed neque patriæ plus
solito misertus, eam ductu & incitamentis suis duarum gentium prædam
existere coegit.

Interjectis diebus Henricus Waldemaro sermonis invicem confe-
rendi gratia se accedenti, cum Absalone solo in tabernaculum suum per-
ducto epulum præbuit, ingenti magnatum frequentia administrato-
rum officio fungente. Quæ cœna licet multigenâ ciborum varietate
splenderet, aliquantò tamen plus luxus in obsequiis quàm epulis habuit,
præsertim cum gloriæ non usui serviretur. Clientela verò seorsum discub-
20 bitu excepta. Post reditum suum Waldemarus novarum rerum casibus
solicитatus, intento ad sciendum animo, ubinam Henricum necessariæ
collocationis gratia obvium habere posset, atque ad id negotium expli-
candum prudenti viro opus asseveraret, alii sibi claudicare equos, alii
parum cultis ungulis esse fingeant. Cunctis itaque metum excusationis
astutia protegentibus, nemineque tam periculosam legationem suscipere
audente, Absalon fortè lignis ex more per otium cæsis, è nemore super-
veniens interrogatusque, an regiarum partium legatum agere vellet, itu-
rum se pollicetur. Igitur legendorum comitum optionem habere jussus,
potissimum necessarios ac sanguine semet contingentes adscivit, con-
30 sanguineam fidem alienæ præferendam existimans. Priszlavus quoque
potentissimi Sclavorum principis Nucleti filius, quem quod Waldemari
sororem in matrimonio haberet, Christianæq; disciplinæ sacris initiatus
esset, pater jampridem perinde ac insidias sibi nectentem conspectu suo
submoverat, localis peritiæ fiducia propositæ viæ conductorem agere
pollicetur. Huic siquidem tum Rex ob bonæ fidei experientiam, tum
ob connubii affinitatem magnam nobilium insularum partem fruendam
concesserat. Profectus Absalon, affatusq; Ducem, cum apud eum per-
noctare rogaretur, Regem anxia suorum expectatione sollicitum, longio-
40 ris moræ interpositione molestari oportere negabat. Præterea classem
sine portu esse asseverabat, undique ventorum impulsui patentem. Cum-
que festinationis ratione reddita, propinqua nocte equos abiturus scandis-
set, quidam claro Saxonum loco natus ultrò adito duce, perituros Dano-
rum legatos, nisi comitatores abscederent, querebatur. Objurgare quo-
que eum vehementius ausus, quod illustrium virorum paucitatem, tot in-
gruentibus periculis incomitatum à se dimittere sustinuisset. Revocatis
itaque comitum offeruntur auxilia. Sed non minorem se Absalon in re-
futando comitatu gessit, quàm in pernoctationis egerat obsequiis respuen-
dis: gloriosius ratus suam ac sociorum salutem dubiis casibus credere,
quàm alienis armis protegere. Cumque haud procul tentoriis abesset,
50 Priszlavus omnibus frænos succutere jussis, si meo, inquit, ductu res expe-
dienda foret, comitum supplementum nostra paucitas non refugisset. Si-
quidem adversum pericula abundare industriæ potius argumentum est,
quàm timoris indicium. Hoc enim probabilior est fortitudo, quo mi-
nus cum stoliditate consentit. Illa vero reprehensionem meretur, cui vi-

IVALDE-
MARUS I.

res temeritas administrat. Sed nunc exigere perquam deforme est, quod paulò antè oblatum acceptare contempsimus. Restat igitur ut unicam salutis viam in pectorum ac virium nostrarum fiducia reponamus, spemq; ex desperatione certissimam capiamus. Æmulanda itaque Danici sanguinis & nominis virtus, omniq; studio enitendum, ut aut nobis victoria redditum, aut speciosa mors æternum famæ pariat monumentum. At minime dubium quin de transitu nostro hostes equina fecerint vestigia certiores, nec magis ambiguum eorum redditum insidiis excepturos esse, quorum adventum adest callis indicio perviderunt. At mori vobis commilitones quàm capi præstat. Capti enim, occisi parentis mei pœnas, perinde ac ejus interfectores, crudeli morte pendetis, fratresq; mei paternis manibus per summam cruciatuum acerbiter nostrum sanguine parentabunt. Aliquanto ergo satius est propriæ virtuti spiritum impendi, quàm alienæ violentiæ miserabiliter puniendum relinqui. Hæc non proprii periculi metu, sed vestræ potius charitati consulendo monuerim. Eo enim sanguine oriundus sum, quem nulli Sclavorum attentandi unquam ausus incescit. Per patrem vos optimum maximumque, perque illud Danorum celebrè cunctis gentibus nomen; obsecro obtestorque, ne fiduciæ & fortitudini imbecillitatem atque ignaviam præferatis. Hæc Prizlavus. Denique latâ omnium acclamatione exceptus, nihil se de victoria ambigere asseveravit, cui militum alacritas præfagio fuisset; præsertim cum omnis Sclavorum irruptio speciei, quàm re, formidabilior existere soleat. Circa incessum verò id ordinis observari debere, ut juvenes parum armati medium inter milites equitandi locum tenerent, eorum utrinque præfidiis muniendi. Cæterum militarium turmarum per binas acies distinctarum alteram ab altera auxiliis invicem tutandam esse. Quippe geminæ cohòrtis speciei hostium animos labefactari posse. Præterea clamabundos incedere, variisq; cantibus obstrepere jubet, fiduciamque, quæ plerumque multitudini inest, simulaturos. Nec fortunæ expertis consilium fuit. Siquidem in portum eis, ubi classis acquiescebat, nullo incescente perductis, Rex expectantis more sollicitus; prolixamque legatorum absentiam curâ ac mœstitiâ profecutus: dolorem ex temeraria suorum emissione contractum, religiosæ lectionis officio leniebat. Quibus redisse compertis, soporis blandimentis ob tristitiam dilatis ocius aditum dedit. Inde ad Gudacram amnem navigatione discessum. Cujus vadus aditus haudquaquam magnarum navium capax extabat, exiles duntaxat transmittere solitus. Itaque Rex propter fauces fixâ anchorâ sedem navigio conscivit, magnitudinem ejus parvitate amnis admittere nequeunte. Habilior classis, & quàm fluviale profundum ferre poterat, Absalone duce, angustos amnis attentabat anfractus. Quò autem eo loci perventum, ubi gurgis ingentis stagni diffusior speciem præferebat. Has faucium angustias Barbari crebra classe præstruxerant, hostem transitu prohibitori. Quos nostri deturbare gestientes, profunditatis ignari; imperitiæ navigationis errore, vadosis locis affixere puppes. Quas dum profundo defectas; ad loca navigatu facilia rejicere cupiunt, cum minus remigio liceret, passim in vada defiliunt; manibusq; foros complexi, remorum vices corporum viribus exequuntur. In quos Sclavi navigiis suis tanquam propugnaculis utendo, superne tela librabant. Nec sic eos attentasse contenti; & ipsi saltim in vada delapsi cominus dimicandi locum petebant. Sed nostris strenuè occurrentibus, pari celeritate deserta ac repetita sunt navigia. Antè alias binæ Prizlavi rates subiere stagnum. Quarum alteram, qui vado institerant, tam frequentes insiluere, ut media fractis penitus lateribus finderetur. Quippe dum avidius se ingerunt, multitudinis onere mediam rupere puppim. Subsequente classe deserta, fugientium Barbarorum navigia capiuntur. Vicorum quoque

tipæ junctorum incendia peraguntur. Noctu redeunte Absalone, Rex adhuc insomnis diutiniâ ejus moram angore & vigilia prosequabatur. Quo excepto gavissus, Liburnâ suâ, quod ob granditatem navigationis inhabilis videretur, domum remissâ, in aliquanto minorem se contulit: eaq; ad lacum devectus, Sunonem binis instructum navigiis in longinquos paludis recessus prædatum mittit. Urbem quoque Rostock oppidanorum ignaviâ destitutâ, nullo negotio perussit. Statuam etiam, quàm gentis profana credulitas, perinde ac cœleste numen, divinis honoribus prosequabatur, incendio mandavit. Post hæc Henricum cum exercitu suo con-

10 ferendi secum sermonis gratia venientem, præparato ponte trajecit. Eodem tempore Nucleti filius Prislavus ripâ altera superveniens, cum frærem Pribislavum Bernardo, cujus manû Nucletum occidisse fama fuerat, navigio communicantem aspiceret, convitio lacessivit, impietatem obji-

20 ciens, quod cum parentis sui interfectore amicè conversari sustinuisset. Contrâ Pribislavus benè de se meruisse eum, per quem patre sacrilego careat, affirmabat. Sed neque se ejus filium censerî velle, quem maximi sceleris parentem extitisse constaret.

Interea dum hæc geruntur, subito fama pertulit Rugianam, Pome-

30 ranamq; classem ex disposito convenisse, Danos amni includere avidam. Igitur Rex per Henricum necessariæ discessionis admonitus, ne se locorum angustiis implicari pateretur, protinus amne excessit. Cumquæ Sclavicæ collectionis famam nulla adhuc indicia confirmarent, insidiarum suspitione permotus, hostium calliditati invicem occurrere statuit. Qui in occultos littorum sinus collati, si Rex rura diriperet, classis ejus incur-

40 sandæ copiam explorabant. Quos ut opportunitatis simulatione protraheret, Magno cuidam exurendorum littoralium vicorum curam demandat, militibus intra navigia latere jussis: sciens profectò Sclavos ab universo Danorum exercitu incendium peragi putaturos, sicq; promptiorem exercenda-

50 rum insidiarum ausum capturos. Nec secus ac râtus est, hostile propositum fuit. Quippe Magno oppidis facem subjiciente, Rugiani universas Danorum vires eo negotio occupatas existimantes, avidius edendi propositi fiduciam rapuerunt, perinde ac eorum classem defensoribus vacuam re-

60 perturi. Sed quorundam Regis imperium ignorantium occursum maturius excepti, incurrandi studium repente fuga mutarunt. Quos cætera Danorum classis certatim magnis remigii nisibus inscûta, velocitate navigationis æquare non potuit. Cumq; relevandæ lassitudinis gratia æstum um-

70 braculis lenirer, Lundensium Pontifex, cæteris portum tenentibus, superveniens, postquam medio fermè diei tempore navigia velaminibus obdu-

80 cta conspexit, cunctis segnitiam exprobrans: his, inquit, tumulis, commilitones, cum animi exercendi sint, corpora sepelire gaudemus? Quo dicto militibus diurnæ quietis ruborem ingessit, & Regem desidiâ obsessum, torpentes militiæ suæ vires excitare perdocuit. Qui etiam ad Pontificis vocem modesto indignationis genere permotus, simulq; justâ desidiæ suæ reprehensione commonitus, citò hos tumulos relinqui posse ajebat: statimq; discussis tegminibus hostile solum petere properavit. Post hæc circa australem insulæ plagam prædæ in biduum acta: inde Walungiam naviga-

90 tum. Ubi nuntiato Rugianorum occursum, cum quidam è Danis hastam suam, quò commodius eâ in acie uteretur, in conspectu sociorum, aliquantâ parte curtasset, cæteri ipsius factum secuti, congestis in unum locum putaminibus, ingentem brevi cumulum extruxerunt. Sed interim apud hostes pacis, non belli, studia agitabantur. De qua acturus Domborus, ad Danos dirigitur. Quibus ad naves digressis, ignem in litore accendit, cu-

100 jus indicio se legationem afferre monstraret. Sed Absalon, nè quis eum nave exciperet, vetuit, ne pax quam petere venerat, invicem à Danis affe-

VALDE.
MARUS I.

uari videretur. Ita Domborus aliena rate non habita, propria classem petivit: Absalonemq; per interpretem aggressus, ut se inter Regem & Rugianos faciendæ pacis autorem exhiberet, orabat, obsequium cum obsidibus spondens. Contra Absalon, perinde ac eorum, quæ ab ipso poscebantur, ignarus, responsionis loco, desertas Danorum insulas numerabat, earum solitudinem nuper sibi ab ipso exprobratam acri memoria prosecutus. Domborus orationem suam parum competentibus responsis excipi per interpretem cognoscens: ratione, inquit, non vacat, Pontificum optime, quod tuam cæteris opem in advocationis petitione præferimus. Siquidem eo nunc justius ad tui nominis opinionem votis decurrimus, quod quondam ad promerendam Danorum concordiam avi tui præfidiis nitebamur, ejus nutu perinde ac regalibus edictis contenti fuimus. Quia vero filiorum ejus nemo superest, supplices ad nepotis genua manus tendimus, ne extra consuetæ familiæ seriem auxilia circumspexisse videamur. Nec pari industria in fratre tuo prætereundo, quanquam natu præstet, usos nos esse constat. Tibi enim autoritatis prærogativam, honoris, non animi, nec ætatis privilegia, sed dignitatis ornamenta conciliant. Ante verò quàm pacem domesticam bellis civilibus fœdaretis, constantem Danorum imperio fidem præstitimus. At postquam in vestra Republica seditiosa suffragia adoleverè, regniq; affectatores armis instruere cœpistis, propriæ libertatis quàm alienæ factionis studiosiores evasimus, vestriq; nominis, quàm pietatis, desertores esse maluimus. Sed & bellum vobis inferendo, quid aliud, quàm ingeniis vestris finiendarum simultatum causam præbere tentavimus, idq; efficere, ut nostra arma excepturi, mutua concordia indigeretis? Itaq; secures vestras civili sanguine madentes in nosmetipsos convertimus, bellaq; vestra alienis quàm patriæ perniciofa fore maluimus. Siquidem adversarios vestros specie, revera amicos egimus, charitatisq; partes hostilitatis simulatione præbuimus. Etenim concordiam vestram magis quàm spolia, piraticam à benevolentia profectam exercendo quæsimus. Et nunc quidem opera nostra cœptorum deviis ac parricidalibus bellis abstracti, merito tanti beneficii autoribus gratulari debetis. Cur ergò cunctis inter nos amice compositis, soli communionis vestræ januas intrare non possumus, quarum ipsi claustra referavimus, aditum patefecimus? Cur ea factorum nostrorum prudentia delicti vestri saluberrima correctrix, à viris sapientia claris parum grata æstimatione colligitur? Cumq; finisset, adhuc Absalone vastatas Daniæ provincias supputante: nil factum est, inquit, quod homines patrocini tui indignos ab illius clementiæ sinu repellas, quàm nemo supplicum unquam difficilem habuit. Etenim repulsi identidem tuis genibus advolvemur, puerorum perseverantiam imitaturi, qui quo atrocius iratæ matris verberibus lacerantur, hoc avidius ejus gremiis allabi nituntur. Quod si parum supplicii de nobis sumptum creditis, iram vestram, quoad libet, cladibus nostris impunè exsatiare poteritis. Vastentur licet agri, exurantur vici, evertantur urbes, trucidentur populi, precibus vobiscum non armis agemus, pro bello veniam quæsitura. Si sanguinem sititis, ultrò jugulum gladiis vestris ferendum præbebimus. Si servitium affectatis, quid deditione majus præstare poterimus? Quis autem tam efferæ mentis, qui ejus oblatores parcere præsto non sit? Extremæ autem dementiæ est velle laboribus adipisci, quod otio possit acquiri. Scio autem illud tibi succurrere, quod priore colloquio patriæ tuæ vastitatem inter probra posuerim: ideoq; te tam pertinaciter ejus solitudines æstimare, ne prius de pace agatur, quàm totidem apud nos vestris armis effectæ fuerint. Ego verò jampridem sapientibus monitis insipienter usus, adversarii partes secus ac expediret edocui, ignarus, quod auditori tam attento præceptor extiterim. Nam rem puerilibus deliramentis consentaneam

canem dixisse satius fuerat. Quod verò locutum me nunc pœnitet, te *IVALDE* etiam audisse piguit. At si tunc intellectu digna tuis auribus deprompsi, *MARUS R.* quæ nunc quoque dicturus ero, pari mentis ratione suscipito, eodem ingenio præsentia hauriens, quo prioris alloqui documenta sumpsiſti. Quo majorem de nobis stragem egeritis, hoc minorem subjectorum numerum militiae vestrae residuum facitis. Quid ergo aliud cladem nostram exercendo agitis, quàm quod viscera vestra viribus exinaniendo consumitis? Quod si parum adhuc nos punitos ducitis, hostibus vestris bello proterendos obijcite, aut morte nostra vindictæ satietatem sumpturi, aut victoria rebelles sub jugum missuri. Victi namque parum mœroris, victores multum, alacritatis vestris animis ingereremus. Utralibet ergo fortuna vestris successibus obsequeretur. Præterea si nos armis laceſlere perseverabitis, casus efficere poterit, ut stragem nostram alicujus vestrum fato luatis, cujus capite totius Rugiæ subjectionem emisse difficile fuerit. Talibus Absalon monitis invitatus, Rugianorum vota apud Regem sua prece complevit. Rex acceptis obsidibus rediit.

Eodem ferè tempore de Urbis pontificatu controversia inter Cardinales orta, variè provinciarum suffragia ferebantur. Nam Gallia Alexandro obtinui fuit: Germania, autore Cæsare, Octaviani partibus obsecuta est. *20* Sed justior religioni; propior Gallorum sequacitas fuit. Quod postquam in Dania percubuit, Lundensis Pontifex, qui & ipse prædictæ expeditio- nis comes fuerat, ne fervente religionis tumultu, deposito fraudaretur, pecuniam, quàm in Gallia collocaverat, per ministros reportandam curabat. E quibus unus monachicæ professionis, apud Stadium oppidum, inter cœnitandum ligneo fortè calice non suppetente, aureo, quem in custodia habebat, arrepto, nitidiùs quàm tutiùs cœnam exegit. Cujus facti irritamento iis, quorum hospitio receptus fuerat, tacitam latrocini cupidinem ministravit. Majoris namque pecuniæ consciùm animadvertebant, quem præstantiori poculo privatas mensas exornantem videbant. Caterùm hospiti- *30* ii reverentiâ palàm facinus exequi veriti: quoniam intra penatium limina hospitalitatis sacra violare nefas ducebant, in Holfatiam eum subsequendo sarcinis exuerunt. Quo Eskillus, dum ab expeditione reverteretur, audito, Regem super earum recuperatione sollicitat, ratus autoritate ejus restitutionem à prædonibus fore. Nec jam precibus, sed pactione agendum existimans, portionem pecuniæ, dummodo per eum reddita foret, in præmium pollicetur: tantoq; ejus auxilium instantius expetebat, quantò eum in annuendo tardiorē advertit. Rex petitionum ejus perseverantiâ fatigatus, ægrè operam pollicetur, quod & raptor incertus, & pecunia repertu difficilis videretur. Caterùm eam requisitu promptiorem, si à potentibus *40* quàm si à plebeis occupata fuisset, arbitrabatur. Igitur Antistitem Slesvicum secum petere jubet. Ubi dum fortè per jocum, inter familiares, amissotis auro bibentis jactantiam elusisset, interfuere qui Regis dicta sinistrè excipientes, clandestini sermonis mordacitate Pontifici illusum putarent. Quorum obtreſtatione Eskillus ad deferendam Regis amicitiam adductus, eo dementiæ prorupit, ut opes quas amississet, ab eo obtentas suspicaretur, eumq; rapinæ sibi inflictæ consciùm asseveraret. Ita se conceptæ vesaniæ moles falso Regis convitio patefecit. Igitur nescias utrum Antistes insania majoris, an Rex patientiæ fuerit. Quorum alter integerrimum virum teterrima suspitione notare sustinuit, alter conscientiæ puritate syncerus adversum innocentiam suam criminatorem æquo lentius iram distrinxit. Inter hæc Occo, cui superioris schismatis contagio deponendi Pontificatus causam præbuerat, tanquam recepta ab Octaviano dignitate, conciliato Regis favore, Slesvicensem sedem sacrilegò occuparat regimine. Quem Eskillus catholicæ partis, æmulatione inter rei divinæ actionem *50* cum

VALDE-
MARUS I.

cum suis fautoribus execratus, magnopere Regem permovit. Ita contentionē paulatim ad invidiam simultatemq; progressa, accito apud Sialandiam Absalone, querimoniam suam à Rege tum spectam, tum etiam irrisam conqueritur. Quippe eum erga pecuniam amissam parum honesta conscientia esse, restitutionem in facultate habere, si velle suppeteret. Quinetiam cum Occone schismaticarum partium comite criminofum junxisse collegium, inq; ejus excolenda societate catholicæ pacis adversariis execrabilem obtentum præbere: quam ob rem se belli adversum eum suscipiendi infinita cupiditate flagrare. Sæpè enim numero consimilia ausum, potiusq; præesse Regibus, quàm obsequi solitum. Præterea ad hoc audendum se non infimis amicorum præfidiis abundare. Veritus Absalon palàm tantī viri sententiam objurgare, temperato reprehensoris officio, impatientiæ ejus errorem modesto genere castigationis excepit, Regis integritatem deformi notatu perquàm indignam judicando, ejusq; conscientiam, collatis innocentiae rationibus, ab omni suspitionis turpitudine alienissimam comprobando. Caterum non tam catholicarum partium odio, quàm ejus Regisq; litigio Occonis susceptionem imputandam docebat. Ad hæc si litem ingrederetur, quos auxiliares speraverit, hostes censurum. Quippe homines inter adversa plerumque parum justa constantia amicitias colere. Sibi potius ad ipsum legati partes mandari precatur, discordiarum pericula compositionis officiis avertere tentaturo. Eskillus tantī consilii documento parum salubriter æstimato, percontationibus eum fatigat, num sibi in eam rem auxilium sit laturus, quem non tam gerendorum arbitrum, quàm belli socium deponat, dicendo jam non se consultoriè cum eo, sed precariè agere. Absalon Antistitis sublimitatem Regis charitati componderans: quum, inquit, me tibi jam pridem jurisiurandi religio fidei debitorem effecit, malo simplicitatem tuam verioribus monitis objurgare, quàm blandioribus fallere; ne rebus in perniciem vergentibus vacuum promissorem egisse videar. Sed neque cervicem meam eo usque sponsonis titulus obnoxiam facit, ut amantissimum mihi herum, cui tum fidei, tum etiam amicitiae stipendiis obligor, neglectis charitatis officiis, attentare sustineam. Præterea Reges de rerum summa certantes laceßere, jam pridem haud difficile fuit. Huic verò, cum regnum sine ænulo gerat, vim inferre temeritas est. Quem si communibus viribus adorti fuerimus, communis jacturæ pericula sentiemus. Sed tuos quidem conatus sapius consimilia ausos, res ipsa minore cum vituperio admittit, meum verò facinus nullis excusationis præfidiis nixum hoc magis reprehensionem meretur, quod summam benevolentiam, perruptis amicitiae vinculis, iniquissima præsumptione rependerem. Eskillus speciosissimis sapientiæ responsis ad summum iræ stridorem evectus, per sacram obeditionis religionem eum adjurat, mandata ad Regem ferenda suscipiat. Absalon mandatorum latione promissa, responsorum nuncium abauit, quod inter illustres viros inimicitiarum autor haberi nolit. Huic Eskillus ægrè legatione credita, Gerardum Esfromensis domus prælatum associat, sciturum, an Absalon fidus mandatorum minister existeret. Quorum tanta asperitas erat, ut non solum simultates augere, sed etiam amicitias odiis convellere potuissent. Hanc austeritatem Absalon, quoad licuit temperare conatus, specioso verborum delinimento truces mandatorum sententias castigabat. Rex audita legatione præter morem accensus, Eskillum superiorum Regum cruorem combibere solitum, nunc & suum sitire respondit: multaque in hunc modum per summam verborum asperitatem remandanda curavit. Quibus Eskillus ex Gerardo cognitis impatientiam metu mutavit, tantumq; illi pavoris surrepsit, quantum prius furoris incesserat. Igitur evitandi periculi gratia longinquas Werendiæ partes accessit, salutem secessu,

secessu, non bello, quæsiturus. Tunc Rex urbem in solido Letricæ paludis ab eo constructam obsidione tentat, captu quidem difficilem, quod & naturæ præsidio munita & com meatibus affatim instructa fuerat. Cujus custodes animis quàm mœnibus debiliores, expugnationem deditio præcurrere cupientes: ni pax ab Eskillo quàm citissime cum Rege componeretur, nepote ejus, qui apud Esfrom educabatur, obside dato, urbem se tradituros promittunt. Pactus conditionem Rex, adolescente suscepto, obsidionem amovit. Hæc cum Eskillo nunciata forent, respondit majorem se urbis quàm nepotum sollicitudinem gerere, haudquaquam hujus incolumitati, illorum capita prælaturum. Igitur Rex iterata obsidione, aliam sibi munitionem, per quam obsessis arctius immineret, ædificat. Quoniam in absentem adversarium sævire non licuit, adversum nominis ejus defensores acerrimos iræ suæ conatus exacuens. Maxima siquidem potiendi castelli spes in hyemis auxilio reponebatur, aditum, quem unda negaret, glacie paratura. Inter hæc juvenis paup̄m cognitus, à nescio quibus subornatus, literas adulterinis nominis ob signatas, tanquam ab Eskillo transmissas, Gerardo obtulit, jubens ut per eum obsessis porrigerentur. Quas ille continuo, nulla doli suspitione concepta, per familiarium quendam urbi inferendas curavit. Harum series habebat; majore Eskillum nepotis, quàm urbis, charitate teneri, parumq; sibi milites placituros, si rei ignobilis curam pertinacius gerendo, nobilissimi adolescentis salutem periclitari paterentur: quam ob rem jubere se exitium ejus maturâ deditio præcurri. Quod verò superiore mandato tutelam urbis incolumitati nepotis præferendam decreverit, iræ non deliberationis fuisse præceptum. Perlectis literis oppidani, liberandi obsidis consilium circumspiciebant. Incertum quis commenti hujus auctor extiterit, Regem tamen complurimum suspicio notavit. Interea Rex erecto magnæ arboris trunco, admotum obsidem, defensæ urbis poenas suspensio sibi laturum simulabat. Quo audito Gerardus cum domestico religiosorum coetu ad Regem processit, ei ejulabundis vocibus deprecans municipii sibi ingressum permitti, suppliciumque, quoad inde reverteretur, differri. Rex alienissimam sibi crudelitatem simulanter amplexus, tandem rogatui cessit, præfatus ni urbe potiretur, obsidem periturum. Conventis oppidanis, Gerardus quid mandati literis receperint, perquiri. Ut cognovit adolescentis capiti deditio consulendum juberi, parendum hortatus effecit, ut oppidani sua ac rerum incolumitate pacta, vacuum Regi municipium traderent. Ita religiosissimi spiritus circumventa simplicitas, finem prælio fecit. Hæc audientem Eskillum, nihil ægrius unquam tulisse proditum est. Qui tamen postmodum præmissa pacis legatione in Scaniam reversus, eodem præcipitio mentis ad recuperandam Regis amicitiam procurrit, quo ad deferendam prolapsus fuerat. Siquidem beneficia, quæ superiores Reges sacris ædibus religiosâ liberalitate detulerant, Regiæ potestati præter fas potienda restituit. Quod parum licitè gestum postera Regum usurpavit autoritas. Inde ne schismatis contagio implicaretur, Hierosolymitanæ peregrinationis iter ingreditur, satius ratus à suis penatibus, quàm à Romanæ amicitiae liminibus exulare.

Eodem tempore Christiernus quidam adhuc privata fortis, antequam Maguntia Pontifex creatus esset, Daniam legationis titulo petivit, qui eam exhortationibus suis ad societatem Octavianæ factionis impelleret. Ceterum multæ adulationis conatibus aliqua ex parte Regis conniventiam afsecutus, obsecratas Eskilli aures habuit. Interea Nicolaus quidam Razi filius, recenter Slesvicensium Satrapa constitutus, cum eorum Antistite Esberno inimicitii vehementius gestis, per summum temeritatis excursus, celeberrimum ejus fundum speciosissimo spoliaverat ædificio. Quod cum plaustris

VALDE-
MARUS I.

plaustris devehendum mandasset, à militibus Esbernii deportationem inhibituris occiditur. Cujus facti poenas Esbernus dare metuens, perinde ac curiam petiturus, ultionem exilio vitavit. Sed dum apud Saxoniam moraretur, morbo periclitatus est. Quod audiens Occo, sedem, quam olim falso Antistitis titulo occupaverat, Octaviani nixus autoritate recuperat.

Post hæc Rugianis ex pacto comitatum præbentibus, castellum Walogastum obsidetur à Rege. Quod quanquam in Sclavia situm foret, à communi tamen ejus ditione secretum, propriis ducibus regebatur. Ab hujus incolis Pomeraniæ Satrapa Bugislavus in auxilium evocatus, pacis magis quam belli consilia circumspexit. Quam etiam pro eis apud Regem hoc modo composuit, ut non solum ipsi Regi parerent, sed etiam ex piratis sui fluminis ostiis excedere sustinerent, eamq; pacem obsidibus firmarent. Illic fortè Rugianis ad concionem vocatis, cum Bernardo quodam Henrici filio, qui quod neptem Regis in matrimonio habebat, duobus eum navigiis secutus fuerat, jurgium incidit. Interrogati enim ab eo, cur illustrissimi Saxonie Ducis gratiam amplecti supervacuum ducerent, cum se nullo in momento Saxonici nominis respectum ponere respondissent, quid virium duci esset brevi agituros subjunxit. Tunc quidam principis, quem tanti æstimaret, potentiam flocependentes, Bernardi percontationem ac minas ludibrio insectabantur. Ea altercatione per Regem sedata, Masco quidam inter Rugianos natu atque autoritate præstantissimus, luminibus orbatus, sed ingenii sagacitate perspicuus, nec annis quam animo vivacior: Concitationis, inquit, petulantiae equis mos est, quo arctius retinentur, hoc vehementius habenas tendere. Laxentur itaque Saxonibus freni, ne retentationis nimietate rumpantur. Siquidem & nobis ipsorum, & ipsis nostra perquam nota est virtus. Quæ vox apud ducem vulgata, inter eum ac Regem simultatum seminarium fuit.

Per idem tempus schismaticorum legatio, confictis justitiæ argumentis, Danorum suffragia pertentabat. Quorum Rex assertionis dubius, cognoscendæ veritatis gratia scribam suum Radulphum, origine Brittanum, lingua quam animo promptiorem, ad Cæsarem destinat. A quò per summam venerationis simulationem exceptus, non minus ab Octaviano honorificentiae expertus est, ita ut inter eos, quasi quoddam culturæ ejus litigium atque officiorum contentio foret. Octavianus tamen, cui iniquissimorum suffragiorum consensus autoritatis umbram tribuerat, Cæsarem, quem majestate antecire videbatur, etiam adulandi comitate vincebat. Nam sacerdotem, qui cum Radulpho quotidie sacras preces decurreret, providit, ne divina ab eo sine socio parum celebriter agerentur. Nec officiis eum coluisse contentus, obsequiis beneficia sociavit. Siquidem in re divina agenda, annuli usum ei indulxit, pontificalis ordinis insigne aliquanto obscuriori gradui tribuens. Ita nescias dantis an accipientis beneficium ridiculosior dementia fuerit. Hujus audita legatione Cæsar, dolenter se dividuæ religionis statum ferre asseverabat: neutri tamen parti acclamaturum, quoad publicum Ecclesiæ decretum acceperit: tunc demum ei, quam universorum sententia probaverit, assensurum. In cujus rei speculationem, nuper à se totius Italiæ majores concilii nomine contractos fuisse: Octavianum æquitatis fiducia, causam suam humiliter generalis ecclesiæ judicio substravisse: Rodlandum vero pravitatis conscientia retusum, non solum contumaciter supersedisse, sed etiam dixisse majorem se esse, quam ut cujuspiam censuræ parere debeat. Cujus controversiæ finiendæ gratia, terrarum Reges secum adesse oportere, publicæ religionis negotium communibus studiis inspecturos. E quibus penè omnes in adversæ partis præsidium concessisse, sibi vero neminem ex his suffragiorum societatem præbere. Quam ob rem se magnoperè prudentissimi Danorum Regis allo-

quium

quum affectare, partium suarum moderationem ejus potissimum sententia crediturum : quippe quem animi virtus, & generis sanctitas tantæ rei judicem deposcant. Præterea attendendum esse, quantum pietatis opus ederet, si tot animarum salutem ancipiti judicio fluctuantem, sententiæ suæ sagacitate servaret. Super hæc omnia si tam religiosi itineris laborem suscipiat, se ei in præmium fatigationis unam ex Italiæ provinciis cum totius Sclaviæ præfectura daturum. Talibus Radulphum Cæsar hortamentis aggressus, non pauciora literis, quas per eum in Daniam destinarat, complexus est. Regressus inde Radulphus, Cæsaris Octavianiq; charitatem in Regem uberrimam prædicabat. Rex promptius quàm prudentius familiaris assertione suscepta, nec tam religioni consulere, quàm exterarum gentium mores cognoscere avidus, petendi Cæsaris cupidinem concipit.

Ea tempestate Bernardus quidam ab Octaviano legatus in Daniam profectus, pontificum suffragiis inhiabat. Verùm paucorum favore exceptus, ut universos adscisceret, datis per provinciam epistolis Concilium simulat. Quod tenui frequentia habitum, majore ludibrio quàm gloria celebravit. Eo Rex apud Slesvicum dimisso, eximiis Cæsaris illectionibus captus, Absalon in insulis excubanti propositum aperit, eumq; viâ comitem deposcit. Tunc Absalon fidem Cæsaris astutiamq; damnando, fallaces ejus promissiones fideli spe excipiendas negabat. Quinetiam sine religionis violatu familiaritatis ejus usum haberi non posse, quod schismaticæ factionis acrior quàm justior defensor existeret. Se verò tum commeatum inopem, tum etiam longinquæ peregrinationis laboribus imparem memorabat. Rex quoad sibi commeatus suppeterent, ei non defuturos respondit. Absalon quantiscunque commeatibus abundaret, haudquaquam se salutem spiritus sui neglecturum affirmat. Rex non se minus animæ suæ studiosum testatus : ob hoc maximè ejus comitatum affectare respondit, ut si justitia posceret, per eum ab Octavianæ partis societate facesseret. Adhuc Absalone professionem abnuente, publicæque religionis hostes adeundos negante, hætenus eum à se præ cæteris cultum asseverabat. Cujus si nunc ope deficeretur, se nihil ulterius ex eo commodi speraturum. Tunc Absalon exprobratam sibi ab eo ingratae mentis labem judicans : ad deserendam, inquit, tui nominis amicitiam nullis corporis periculis adduci potero. At cum de animæ negotio agitur, humano timori divinum præferre fas est. Ego verò tametsi circumstantia damna pervideam, tamen ut animæ tuæ vestigium ab errore prohibeam, meam periculis implicare non metuam. Tunc Rex assumpto eo, viros genere & honestate juxta nobiles, scilicet è Sialandia Sunonem & Esbernium, è Fionia Takam & Esgerum comites adscivit. Jurisus duntaxat, ne quid interim in patria novaret, ex necessariis assumptus. Nec defuere, quos ex Jutia professionis participes legeret. Attingentibus Eidoram, principis Holfatorum Adulphi ignotus eques obviis extitit, interrogatusq; an ipsos prosecuturus venisset, dominum suum hujus rei præstandæ gratia transitum eorum in vicino præstolari denunciat. Cujus ductui fidentum veterantibus arbitris, Rex perinde ac ingenuo duce fretus, primus pontem equo transgreditur, professionis aviditate metum pariter monitusque contemnens. Hunc cæteri subsequentes, sententiam suam quàm Regem deserere maluerunt. Procedentes paululum Adolphus excepit, salutatumq; Regem benignissimis verbis, amicissimoq; vultu prosequitur. Cui cum occursum suum ob vetera odia onustum magis quàm gratum sentiret, ut iram obsequiis flecteret apud Etzeho oppidum suis eum impensis excipere statuit. Sed Rege beneficium spernente, ne quis ei necessaria vendicaret edixit. Tunc Danis domesticos cibos sumentibus, confectas

VALDE-
MARUS I.

epulas per ministros inferendos curavit : sicq; demum verecundia superatos munificentia sua uti coëgit. Interrogatus tandem an Regis processum tutari posset, posse se quidem, quò ad Bremam veniatur, asseruit. Albia pertransito cum Bremam versum contenderetur, Esbernus profectio-
nis stoliditatem animadvertens, quamque vanum iter caperent non se-
gniter contemplatus, fratrem Absalonem, aliosq; Danicæ nobilitatis pro-
ceres consilio illustres, clani cæteris accersitos obsecrat, Regem arrepti iti-
neris emensione prohibeant, quod præsertim sine duce conficiat, neque
eum tam periculosi propositi executorem existere patiantur. Quod Absa-
lon inane tentatu judicans, proposito Regem cessurum negabat, dicendo
monitorem non solum operam perditurum, sed etiam sensurum, quan-
tum odii pertinax error piæ monitioni referre soleat. Tunc Esbernus tam-
etsi me, inquit; gravissimas monitorum pœnas evestigio daturum præ-
noscerem, quæ ad Regis salutem pertinere deprehenderim, silentio dissi-
mulare non paterer. Adestote ergo mecum, & in Regis admonitionem si
linguam abnuitis, aures præbere. Enimvero cum honestatis periculum
obversatur, offensam principis utilia svadendo, quam amicitiam inaniter
blandiendo, contrahere malo. In his etenim melius ex reprehensione ira
percipitur, quam ex adulatione gratia conciliatur. Absalon haud fra-
trem Rege faciliorem intelligens, cum neutrum à proposito revocabilem
cerneret, fratris tamen adeundo Rege socium gessit, si quid iræ ex dictis
ejus conciperetur, mitigaturus: cæteris ne interesse quidem tutum ducen-
tibus. Tunc Esbernus mirari se inquit, quo impetu Rex tantum iter du-
ce vacuus ingrederetur; suam autem patriæque salutem in unius Cæsaris
perfidis præcordiis depositurus. Videri enim quod liberam gentis suæ cer-
vicem; nullisque Barbarorum obsequiis assuetam per foedam & ignobi-
lem servitutem miserabili Theutonicorum jugo subigere cupiat. Quid au-
tem stultius esse; quam nullo impendente periculo ultrò ad deditionem
procurrere, summamq; libertatem extrema servitute, mutare, insuper re-
gno precario quam potenter præesse malle? Itaque Cæsarem cum Da-
niam suæ ditionis effecerit; miraturum; quod tam validam gentem antè
promissis superaverit quam armis tentaverit. Rex paucis iram exprimere
solitus: [quippe raras voces turbatus edere consueverat] Etsi te, inquit,
adeò metus perurgeat, ut viæ comes esse non audeas, me quidem trepida-
tionis tuæ socium non habebis. Virtute enim quam familia comitator;
sine te propositum exequar, nec adduci poterò, ut teterrimis ignaviæ tuæ
monitis consentire sustineam. Ita salutares Esberni monitus, Regiæ festina-
tionis impetus aspernatus est. Quos si imitari voluisset, supplices Cæsari
manus deformiter non deditset. Adeò quem temeritatis incursus trans-
versum abripit; rectæ rationis æstimatio deserit. Ingressos Bremam civi-
tatis Antistes omnibus humanitatis numeris instructissimus, clementiaq; &
liberalitate conspicuus, impensioribus hospitalitatis officiis prosequendos
suscepit. Idem de ductu dando sollicitatus, comitandi sibi Regem, non du-
ctandi fas esse respondit. Complures quoque Saxonæ principes, quò tutius
Curiàm peterent, Regiis se sodalitatibus devinxerunt, adeò ut de Danorum
familia ac grege existere putarentur. Itaque crescente ejus comitatu
cum multitudo speciem hostilis exercitus reddere videretur; perterre-
facti incolæ, cum uxoribus ac liberis divinis semet penatibus intulerunt;
à sacrarum ædium hospitiiis auxilium quæsitura. Eo comperto Rex præmi-
sit, qui gentis trepitationem pacis denunciatione corrigerent, sibi; com-
meatum emptionem fieri juberent. Cum ad urbem Methis venisset,
oppidanis ob advenarum frequentiam emendorum precia aggravanti-
bus, injuriam senatui conquestus, effecit ut necessaria tum sibi, tum etiam
comitatu tolerabili precio venderentur. Igitur sinceritatis & justitiæ ejus
rumore

rumore increbescēte, Germanicæ matres parvulos suos in ejus adven- VVALEDE
MARUS I.
tum offerendos curabant, ratæ eos Regio contactu, perinde ac cœlesti ali-
quo beneficio, feliciora naturæ incrementa sumpturos, ac prosperiori-
bus educationis auspiciis nutriendos. Nec minùs supersticiosi agrestes, qui
faciendorum seminum grana, quò melius adolescerent, dexteræ ejus dispi-
cienda præbebant. Quò Curiam ingresso, præses Saxoniz Henricus, ve-
teris amicitiz recordatione, castra sua majore ex parte ejus adventui cessit,
hospitalitatemque ei suis sumptibus erogavit. Die postera Absalon cum
Radulpho missus, apud Cæsarem Latinæ vocis admodum rudem, per inter-
pretatum Colonienfis Antistitis mandata prosequitur. At Cæsar inprimis
moram Regis tarditatemq; causatus, injuriosum, quòd antè non venerit,
ajebat, asserendo eum ob regnum, quod Romani Imperii beneficio gerat,
sibi servitiorum debitorem existere. Tunc Absalon, decuisse, inquit,
Cæsaris fidem, ut hæc potius antè itineris ingressum Regi proponeret, ad
quod tantis eum promissionibus impulisset. Cæsar simulata admiratione,
per quem Regi promissa fecisset, interrogat. Absalon demonstrato Ra-
dulpho, hic est, inquit, qui credulam Regis simplicitatem promissorum tuo-
rum commentis illexit: eoq; negationem Cæsaris repellere non audente,
seriem totius promissionis edisserit. Inficiente id Cæsare, reducem Regi
dari deposcit. Ille plus se negotii ejus redditui tributurum, quàm adventui
impenderit, negat. Simili modo die postero Regis legatio excepta. Quò
agnito, Rex salutaris monitus spreti pœnitentia afflictus, tametsi mucro-
nem cervici suæ applicatum aspiceret, ante se eam ferro, quàm patriam ser-
vituti subiecturum asseverabat. Astuante eo, opisq; modum impensius
disquirente, Absalon liberationis viam à se repertam professus, non am-
plius illic Regi quàm in patria trepidandum asseruit. Siquidem trans pon-
tem, quò Gallorum regnum à Germanico fecerneretur, venationis simula-
tione sæpius eum obequitare debere, ac demum cum consuetudine suspi-
cionem vicisset, cum potiore familiæ parte aliquod è finitimis Galliz op-
pidis petere, hæud dubitaturum, quin à Rege Francorum ornatus in pa-
triam dimitteretur. Cujus consilii executionem Cæsar arte prævenit. Si-
quidem vim Regi inferre veritus, cum ejus famulatum coactionibus impe-
trare nequiret, beneficio mercari tentavit. Universos quippe Germaniz
principes sacramento adactos, jurare compulit se ejus ditioni Sclaviam
substraturos. Quòd si parùm perficerent, seipsum id cum primùm ex Ita-
lia reverteretur, executurum spondit, eaq; fraude ad obsequia sibi pa-
ciscenda ambas Regis manus pertraxit. Cæterum ei non Curiam comuni
principum more petere, non in Romani Imperii præsidium copias du-
ctare, solaque specie, non re Cæsari parere concessum. Filio verò post eum
proximè regnaturo liberum fore paternas condiciones abjicere, ne ad
omnem Danorum gentem hæreditarium manaret obsequium. Cujus ser-
vitii pudorem minuere videbatur, Gallorum ditioni in consimili famula-
tus genere Britanniz Regis inclinata majestas.

Post hæc Octavianus vocato concilio, quàm justis suffragiis in adi-
piscendo sacerdotio usus fuerit, loquaciùs quàm veriùs astruere co-
nabatur, Rodlandum verò honorem, quem oblatum repudiasset, veti-
tum occupasse: seq; causam suam generali pontificum cognitioni inspi-
ciendam præbente, illum impietatis conscientia canonicæ discretionis ju-
dicium formidare. Præterea ad conciliandos sibi pontificum animos, eo-
rum dignitatem benignis decretorum sanctionibus adornavit, hæud prius
Romanam ad sedem provocandum constituens, quàm si lis ipsorum
pronunciatione finiri non posset. Finiente eo, Cæsar provinciarum Re-
ges, hujus controversiz finiendæ gratia, ad colloquium à se invitatos di-
cebat, eorum sententiz repugnare nefas ducturo. Quos ideo non adesse,

VALDE-
MARUS I.

quod in Romani Imperatoris injuriam Romæ Pontificem creare cupiant, alienæ civitatis jus suis suffragiis administrare conantes. Post hæc Régaldus Coloniae urbis Antistes religionis causam dicere adorsus, quanto injuriæ pondere Romani Imperatoris æquitatem provincialium Regum temeritas attentaret, argumentando demonstrare pergebat. Nam si controversiam in eorum civitatibus de pontificatu ortam, Cæsar suis suffragiis finire vellet, haud dubiè id gravium injuriarum loco ducerent, cum ipsi simile in urbe Roma perpetrare conentur. Quam assertionem tam valido rationis præsidio subnixam putavit, ut nunc Latialiter, nunc Gallicè, Germanicèq; fando, ternis actionem vocibus iteraret. Sed quantum hac o-10
ratione gentis suæ favorem illexit, tantum nostræ suffragia deturbavit. Assensus itaq; pontificibus, cum Octavianus, qui sibi falsum Victoris nomen inscripserat, accensis luminibus, adversum Alexandrum, ejusque suffragatores solenni execratione usus videretur, Waldemarum hortante Absalone, ne sacrilego ejus facinori interesset, concione excessit, adversæq; partis justitiam æmulatus, præsentis curiæ errorem, quam absentis rectitudinem, postponere præoptavit. Cujus egressum secutus Absalon, cum ab Octaviano supersedere rogaretur, ab ejus vestigiis se, ejus comitandi gratia advenerit, nullo jure prohiberi perdocuit. Eoque responso, execrabili pontificum collegio liberatus, ne schismatis errore laboretur, effe-20
cit. Die Postero Octavianus Livonem Othoniensium electum, vehementer ab Absalone prohibitum, falsa Pontificis unctione prosequitur. Inde ad oppidum Bisuntium concessum est. Ubi equorum pabulo non suppetente, Regeq; emendæ ejus facultatem sibi non fieri conquerente, Cæsar cum, qui stabulo præerat, necessaria Danis expedire præcepit. Qui mox eorum satellitibus secum eductis in vico eminens sito, quibus egerent, capienda demonstrat. Qui cum earum consuetudinum ignari, equorum alimenta ab oppidanis inermes deposcerent, vocesq; suas sagittis ac jaculis repelli conspicerent, depositis precibus, prælium ordiuntur. Capto itaq; vico, cum latius crebrescente fumigio faciem oppidis subiectam a-30
gnoscerent, similia sibi licere rati, confestim expugnationi incendium addiderunt. Quæ res incredibili Regem angore permovit. Interjectis diebus, cum Cæsar, quem vindictæ modum à Maguntinis, proprii Pontificis intersectoribus, exigere deberet, in concione perquireret, Waldemarum iterata superiore querela, equis annona defectis, venalium alimentorum subsidia postulabat. At Cæsar circumjacentem provinciam conjugis suæ patrimonium esse testatus, frustra eum emptu affectare dicebat, quod raptu petere licuisset. Contra Waldemarum Regem se, non prædonem esse proclamans, commeatus latrocinio quæsiturum negabat, aut quod domi iniquum duxerit apud exteros approbaturum. Quanquam 40
enim ejusmodi violentia necessitate excusabilis videretur, permissis uti passus non est, ne domesticæ æquitatis mansuetudinem peregrina austeritate corrumperet. Cujus sanctitatem universi Germaniæ principes maximo plausu comprobantes, seque mutua admiratione invicem contuentes beatos ajebant, quos tanti viri integritas regendos curaret. Qua laude tacitum morum suorum vituperium ediderunt. Dimisso itaque Rege, Cæsarem Henricus hortari cœpit, redituro Regi impensas expediat, neque eum hospitalitatis suæ expertem dimittat, cujus patria quasi commune advenarum hospitium existere soleat. Quod Cæsar facillè pollicitus, parum executus est. Pontifex verò Maguntinus humanitatis specimen majo-50
ribus experimentis quàm promissis exhibuit, geminæ pernoctationis impensis Regium iter excipiens. In Henrico quoque crebris Regem commeatibus prosequente, clarum amicitiarum indicium patuit. Ludovicus autem Thuringiæ princeps, non solum liberalitate vacuus, sed etiam habendi
cupi-

cupidine refertus, impudenti precatione effecit, ut equus Regis sibi daretur. Post hæc Adolphus Holfatiorum præfectus, Absalonis officio primum amicus Regis, mox miles solenni fidei datione effectus, obsequiorum principium officiis hospitalitatis explevit. Ita patriæ parens prosperum reditum emensus, exoptatam adventus sui copiam ostantibus civium animis obtulit. Insignem hunc annum filii ejus Canuti ex Sophia suscepti natalis effecit: qui etiam Pontificali Absalonis ministerio, statò lavacri tempore regenerationis sacramenta suscepit. Quod religiosæ executionis officium, Sveonum ducis Guthormi, qui neptem Waldemari, eorundem Regi Carolo desponsam, abducendi causa legationem attulerat, præsentia venustabat.

Per idem fortè tempus Norvagiensium legati Regem petiverant, obsecrantes ut Norvagiæ regimen tot civilibus bellis corruptum, ac terrissima tyrannorum dominatione distractum, jamque exsangue & ruinæ propinquum, ejus occupatores incessendo, tentaret. Et quoniam externa nostris hoc loco connexa sunt, quædam de re Norvagica summatim cognoscere fastidio non sit. Sivardus quidam summæ audaciæ, post multa & præclara facinora bellis edita, ab Haraldo Hybernienfi, cujus hostis exiterat, interceptus, cum navi in alto mergendus veheretur, quasi funus suum inferiis præcessurus, empta de industria portione remiges oneravit. Quibus exhilaratis, gubernandi potestatem supremi beneficii loco poposcit. Ea re impetratâ, nautas impensius edere remigium hortatus, cum vehementissimum navigii cursum animadverteret, projecto gubernaculo, præceps undas insiluit, priusque se littori quàm concitata ratis impetum correxisset, restituit. Ita & suo acumine & hostium socordia servatus, periculoque, cui destinabatur, ereptus, Haraldum amandi gratia noctu castra latentè egressum, in amplexu pellicis per insidias interfecit: dantem pœnas, & sibi, quem ceperat, & Magno, quem regno luminibusque privaverat. Igitur ut belli titulum apprehenderet, ipsum protinus Magnum monachalibus septis abstractum, tamen virilibus careret, virum induere perpulit, dejectamque Regis fortunam ad pristinum regni fastigium erigere statuit, ne deesset cujus autoritate & titulo bellum adversum Haraldi sobolem susciperetur. Hujus itaque nomine & auspiciis fretus, cum tribus Haraldi filiis, Ingone & Sivardo, & Østeno paternum regnum affectantibus, navali certamine dimicavit. In quo partim cæsis, partim fugientibus sociis, incredibili & præstantiori humanis viribus fortitudine solus aliquandiu navigium ab hostibus vindicavit. Ad ultimum compluribus eorum prostratis, omnique superstitum multitudine ad se unum opprimendum undique concurrente, singulari nandi periciâ fretus, quanquam hybernum tempus instabat, armis militibus relictus profundo se credidit. Atque sub undis, quas hostium cruore conspererat, enatans, dubium effecit majoris audaciæ specimen in puppi præbuerit, an inter undas agilitatis ediderit. Siquidem loricam, quâ corpus munierat, quò liberiùs enaret, cum reliqua armatura sub undis sibi detraxit, ac demum cum capeßendi spiraculi gratia fluctibus emerisset, à quodam familiari suo per habitum hostibus indicatus, tunicam, quâ se prodi suspicabatur, rursus corpus aquis occultando, deposuit. Sed cum ne sic quidem proditoris noticiam fefellisset, ad extremum suprema se veste nudavit. Nec adhuc tamen indice ludificato, cum solus ex sociis superesset, seque hæc omnia, quæ & callidè & animosè tentaverat, frustra expertum animadverteret, tandem fati simulatione profundo diutiùs immorans, insidiatoribus, an viveret, dubium reliquit. Ad ultimum cum humanæ respirationis consuetudine supernè aërem capeßere debuisset, cujusdam fortè navigii gubernaculum pertinacissimis brachiorum amplexibus apprehen-

WALDE-
MARUS I.

dit, eique aliquandiu tacitus inhæsit. Plura tamen elapsionis generâ ani-
mi firmitate tentasset, si non eum hybèrni frigoris sævitia obstupefactum
corporis robur deseruisset. Tandem ejusdam altum curiosius contem-
plantis indicio deprehensus, intercipitur, interceptus vincitur, & in con-
cionem hostili sententia damnandus abstrahitur. Ubi nemine sacerdo-
tum adhibito, qui delictorum ejus confessionem exciperet, eam astanti-
bus, modo quo licuit, explicavit, præfatus se emendationem ab eis decre-
tam poenitentia nomine præbiturum: memor sanè sacerdotali copia non
suppetente, & ad privatorum cognitionem commissa referre licere. Ma-
gno quoque, quem Haraldus Hybèrniensis patrem adsciverat, se genitum
memorabat. A cujus generosissimo spiritu etiam inter adhibita sibi suppli-
cia non descivit. Primo siquidem verberibus affectus, ac deinde malleo-
rum ictibus artuatim contusus, scilicet, ut à cunctis corporis partibus poe-
næ exactæ viderentur, non gemitum, non suspirium edidit, non suppli-
cem aut tristem vocem emisit. Denique nullum doloris indicium præ-
buit, sed quasi in otio Psalterium relegens, inter sacras preces & solennium
verborum nuncupationem spiritum posuit. Felices profecto religionis
alumni forent, si cuncti eo animo mortem amplecterentur, quo eam vir
bellicus amplexatus est. Fuerit ille insidiosus, pacem patriæ corruperit, bel-
lumq; civibus intulerit, fortitudini tamen ejus impunitas ab hostibus do-
nanda fuerat. Sed homines vindictæ cupidi, plus suas ulcisci molestias,
quàm alienæ virtutis insignia venerari meminerant: nec in vivum sævisse
contenti, tanquam parum ejus exitio satiati, mox extinctum patibulo suffi-
xerunt, eadem crudelitate fatum prementes, quâ spiritum torserant: nihilq;
à se actum existimantes, si sævitiam suam saltem ab umbris & cineribus conti-
nuissent. At Magnus eodem prælio, quod à Sivardo sub ejus auspiciis gestum
fuerat, periclitatus est. Quem prius oculis, deinde vitâ privatum, bis luce
defunctum crediderim. Post hæc, summa pènes Haraldî filios fuit. E qui-
bus Ingo duntaxat justo matrimonio ortus, fratribus, quorum alter Norva-
gica, alter Hybèrniensi pellice editus fuerat, ut ingenuitatis, ita & morum
ornamentis præstabat. Erat enim omnibus honestatis numeris instructissi-
mus, cum eorum alter avaritiæ maculis respersus, alter luxuriæ sordibus
obsitus haberetur. Sed infantia suæ tempore, per incuriam, nutricis fortè
sinu delapsus, ita humo inflatus est, ut contrafacto dorso reliquum vitæ tem-
pus gibbo oneratus exigeret. In quo quidem homine excellentis animi
venustatem, corporis deformitate affecti ludibrio foedatam putares, neque
discernere queas, majus fortunæ beneficium receperit, an opprobrium sen-
serit. Contigit autem ut ejus satellites, apud Berginum oppidum, jurgio
cum Sivardi militibus habito, dum socii ab eis occisi poenas instantius ex-
petunt, non interfectores modò, sed ipsum Sivardum sævissimæ consterna-
tionis furiis concitati, per vim & seditionem appeterent, eumq; in adem
fugere coactum convulsis tabernaculi claustris raptum trucidarent, homi-
cidium specie, re vera conjugum suarum prius ab ipso constupratarum
contumeliam ulciscentes. Cujus rei nuncio, Østenus, cum classe Berginum
peteret, per obvios accepto, petendi fratris quàm cavendi cupidior, nihilò-
minus ad eum processit. A quo cum debitam sui regni partem negari a-
nimadvertérèt, paucis eum affatus discessit: vultuque fidem promittens,
sed perempti fratris exemplo perire metuens, fugæ se quam novi sceleris
autoribus offerre maluit. Quem Sivardi interfectores priori facinore pa-
rum contenti, Ingonis æmulum judicantes, navalem fugam terrestri mu-
tare compulsus, sed eam, ob nimiam corporis saginam, lentius exequen-
tem, propter litus, peditem occiderunt, duobus regni participibus sublati,
à superstite dignitatis & stipendiorum incrementa sperantes. Quorum
secelestâ fames in tantorum ducum cladem esuriens, vixq; gemino exatiara
par-

parricidio, ab Haquino quodam paternæ cædis ultionem petente, postmodum vindicata est. Siquidem trium fortuna, ad unum Ingonem per vim & facinus redacta, non sustinuerunt Amundus Simonis filius, & Philippus, aliq; complures insignis industriæ viri, regnum ei, quod partim proprio, partim alieno scelere, quæsiuisset, tutum intentatumq; persistere. Indignum quoque compluribus visum ut homini ridiculas corporis notas habenti, liberum regnandi locum militum suorum conciliaret impietas. Quapropter Haquinum, quem dixi, factionis suæ ducem creantes, ejusque tyrocinium regio nomine venustantes, bellum adversum Ingonem decernunt, & quasi Sivardi vel Østeni manes ulturi, crebro pugnam cum hostibus ineunt. Verum pluribus continuis præliis subacti, in Svetiam tandem cum pupillo diffugiunt. Quos Ingo prope Sialandiam fugandi studio subsecutus, magna hostium parte propinquas pelago sylvas petente, Absalonem per legatos sollicitat, eos, qui in littoralia nemora profugerant, prendendos curaret. Quod Absalon honestate sua ac dignitate indignum judicans, parum precibus obtemperavit. Appetente hyeme, qui cum Haquino profugerant, patriam repetere adorsi, tanquam fortunam loco mutaturi, prælio in hyberna glacie conferto, Gregorium summæ post Regem dignitatis virum, manu & consilio promptum, in quo spes & fiducia Ingonis quasi quodam cardine nitebatur, non minus acumine quam viribus usi, cum omnibus copiis deleverunt. Siquidem in eam glaciei partem, cujus firmitatem nocturnis excisionibus debilitaverant, prælii tempore protractos, hostes profundum peterè coegerunt. In quorum mortè Ingo maximam spei partem deposuit, nec secus animo quam viribus fractus, exitiosum sibi fidissimi fautoris Gregorii interitum ominatus est. Tandem instaurato bello, sed adhuc eodem aquarum habitu persistente, nihilo felicius Gregorio, glacialis elementi fortunam tentavit. Siquidem gelato mari in pugna locum electo, dum ejus duritia quasi camporum firmitate gauderet, quanquam militum numero præstaret, cum omnibus penè copiis interemptus est: luensq; pœnas seu admissi, seu tolerati parricidii fraterni, umbris piacula exolvit. Hoc bello, quo nullum majus aut cruentius Norvegia habuit, universum regni illius còlumen propemodum à stirpe interiit. Hujus cladis superstes Erlingus, cum filio suo Magno admodum parvulo, sed ad Waldemarum arctam materni generis propinquitatem habentè, ad Jutiam appulit, ibiq; in summa Regis dignatione versatus, uberes exilii impensas, & amplissima commeatuum instrumenta percepit. Interea Sivardus quidam, per summam commilitonum invidiam, fortitudinis præmium recepturus, dux ab Haquino constituitur, idq; agrè ferentibus cæteris, summæ seditioni locum dedisset, ni Erlingus repente è Dania superveniens, internæ factionis certamen rumpendo, novum hostibus negotium peperisset. Quippe prædictum filium, quod maternum genus cum patris Norvegiæ Regibus communicaret, Regem continuo nominavit, ne aut Haquino æmulus, aut Ingoni ultor deesset. Ita novis rebus increbrescentibus, Haquinus à Sivardo, quod ei impensas belli negasset, deseritur, acieque cum Magno congressus occiditur. Sivardus ad Svetiam dilapsus, dum interjectis diebus in patriam revertitur, ab Erlingi militibus interficitur. Quò evenit, ut obscura & ignobili cæde spiritum deponeret, quem honestè in acie profundere noluisse. At qui ex Haquini militia superfuèrant, partim novarum rerum cupiditate, partim hostium fortunæ invidiâ accensi, Marci cujusdam alumnum, optimæ spei puerum, in Regem adsciscunt, nec felicius quam proximè, fortunam tentarunt. Siquidem prælio ab Erlingo obtriti, victoria pariter ac Rege privati, ad Carolum Svetiæ Regem profugiunt, ipsumq; belli ducem exposcunt, cui cum Norvegiæ Regibus etiam aliqua necessitudinis communio videbatur. A quo diu promisso-

WALDE-rum alacritate protracti, postquam eum magis de proprio regno servando, quàm alieno obtinendo, sollicitum compererunt, legatos ad Waldemarum auxilium implorantes misere. Tandem ipsi benignioribus responsis invitati venêre. Quos cum Rex supplices recepisset, seq; per eos, Norvagiæ petitione promissâ, sedulò sollicitari animadverteret, tantùm belli pondus solâ legatorum adhortatione suscipere stolidum ratus, prius popularium animos tacitis legationibus tentavit. Postquam eorum mentes legatorum vocibus consentaneas repperit, absque cunctatione expeditionem instituit. Quo audito Erlingus, quàm longissimo secessu potuit, abstrusas Norvagiæ partes petivit, extremosque patriæ fines fugâ amplecti, quàm pri-¹⁰ mos armis tueri tutiùs existimavit. Pauca siquidem navigia sed habilia, fugæq; quàm prælio commodiora paraverat. Quo evenit, ut Regis adventus formidolosus Erlingi fautoribus, hostibus acceptabilis haberetur. Itaque Waldemaro consultationem cum amicis habente, quidam, postpositis omnibus, hostes ocysimè persequendos, alii prius plebis favorem conciliandum, auxiliaq; popularium contrahenda docebant. Sed accelerationis consilium, tarditatis sententiam superavit. Igitur Waldemarus ingentem regionis partem prosperè permensus, magnaq; plebis alacritate receptus, cum ad urbem Sarpam venisset, nomen Regium à Wicensibus sibi decretum suscepit, ibiq; cum popularibus concionem per summam verborum²⁰ concordiam habuit. Quod si omissis aliis, insequendis hostibus operam præbuisset, haud dubiè regno Danico Noricum conjunxisset. Inde ad oppidum Tunsbergum navigatione progressus, paucis Erlingi studiosioribus in editam rupem salutis causa confugientibus, religionem sævitæ præferens, vicum incendere passus non est, ne sacras ædes privatis penatibus interfitas, communibus flammis absumeret. Nemo tamen pontificum, quorum ea tempestate ingens apud Norvagiæ autoritas erat, eum adire sustinuit: quod quidem eos potius patriæ, quàm Erlingo tribuisse crediderim. Ormo, ut quem Regis germanum cognominabant, petito Waldemaro, salvâ fide, quam Magno dedisset, obsequia pollicetur. Tandem ob inedia³⁰ m tra-

ctu temporis obortam, cum Rex defectam impensis expeditionem remitteret, Norvagiensium, qui ad eum transierant, multitudo poenæ metu, cum ipso discessit, diuque partim regiis, partim principum impensis exilium sustentavit.

Postea Rex Orientalium Sclavorum, sibi, virium fiduciâ, rebellantium defectionem expertus, cum Henrico Saxonie Satrapa belli societate condita, quo firmiùs amicitie necerentur, filiam ejus, ex conjugè postmodum repudiata susceptam, adhuc incunabulis utentem, filio Canuto, primum ætatis annum agenti, sponsam adscivit. Itaque Henrico terrestri apparatu exercitum instruente, ipse in classem collatus, cum apud Rugiam⁴⁰ pervenisset, auxilia ab incolis amicitiam suam dubia fide secutis, per Absalonem contrahenda curavit. Deinde ne Henrico tardiùs occurreret, eumq; promisso fraudaret, ad Penum fluvium ocysime navigationis cursum direxit. Absalon, quanquam adhuc Rugianorum pactio paucorum obsidum pignore niteretur, eorum concionem ingressus, atque inter ipsos honoratissimo sedendi loco susceptus, cum legationis mandata proferret, eamque Danicæ vocis ignaris per interpretem explicaret, accidit, ut quidam è Rugianis adolescens, Sclavico ingenio, Dani militis equum, pro quo se premium numeraturum fingeat, veluti incessus ejus experiendi causa conscendens, fugam tentaret. Quod cum Absalon ad se perlatum in concione⁵⁰ proponeret, universa populi multitudo magnum fidei suæ crimen unius hominis perfidia allatum judicans, similem furori impetum confessa diffusit, autoremque fraudis raptim insequi properavit. Igitur Absalonis comitibus, ad metum & stuporem usque, subitum vulgi concursum mirantibus

bus, pauci, qui adolescentem affinitate tangebant, plus privata charitate *WALDE-*
quàm publico rubore permoti, supplices Absalonis genibus advolvuntur, *MARUS I.*
equi restitutionem polliciti, si modò per eum ab incœpto concio revoce-
tur. Quorum Absalon permixtas precibus lacrymas miseratus, missis,
qui plebem pacarent, tumultum compefcuit, consternationem sedavit,
equoquē protinus reddito, militem suum stultitiæ damnavit, quod per in-
ertiam & stoliditatem raptori se circumveniendum dedisset. Deinde gen-
tis Rege Teritzlavo classis supplementum pollicito, Regem subsequi ma-
turavit. Interea Henricus Holfatiorum principem Adolphum, cum Hen-
rico Razaburgensi, præfectumque Swerini oppidi Guncellinum, quod
10 nuper à Saxonibus in potestatem redactum jus & formam civitatis acce-
perat, necnon Regnaldum quendam parum origine liberum, opibusque
quàm genere clariorem, cum insigni copiarum parte præmittit, expeditum
sibi transitum paraturos. Quorum ingressum Sclavi cum partim fama,
partim experimento cognovissent, cum parte hostium configere, quàm
universos aggredi maluerunt, multum ex eorum robore, si prævios oppres-
sissent, defluxurum credentes. Cumq; summa cura ac flagrantissimo studio
ad eos opprimendos contenderent, dæmonem horrendæ formæ supernè
verticibus imminentem vidēre. Quo monstro tanquam divinitus dati du-
20 cis adventu firmati, sumptis victoriæ auspiciis, ex improvise hostium se
castris immergunt, eosque imparatos confodiunt. Adolphus & Regnaldus
in ipso castrorum aditu interfecti, neglectæ militaris prudentiæ pœnas
sanguine persolverunt. Quibus prima cæde prostratis, Guncellinus & Hen-
ricus mediis irruentium globis elapsi, correptis aquilis ad se fugientium so-
ciorum reliquias contraxere, ac demum hostes prædæ incubantes audacter
adorti, fugam victoria mutavere. Ita Saxones quanquam improvidi bellum
tentassent, majorem cladem gesserint an acceperint, virtute dubium reli-
quere. Quo accepto, Henricus suorum cadibus, ut par erat, permotus,
exigendæ vindictæ studio ad obsidionem Deminæ urbis, quantacunque
30 potuit celeritate, contendit. Quam postquam ultro ab incolis obustam
comperit, ut universa ipsius monimenta subrueret, reliquias mœnium solo
exæquari præcepit. Et quoniam in homines grassari non licuit, tanquam
à rebus mutis supplicium exacturus, urbem Gozcovam simili incolarum
trepidatione desertam, cremandam curavit. Walogostini quoque finitima-
rum urbium, quarum excidio terrebantur, exemplum secuti, clandestino
trajectu fluminis, cum uxoribus ac liberis municipium deserunt, penates
duntaxat rebus vacuòs hostili sævitæ relicturi. Quorum urbem Rex nullo
negotio interceptam, militibus ac stipendiis instruit, eamque Wethemannò
piratæ curandam committit. Ornenses quoque plus ex aliarum urbium
40 fortuna timoris, quàm ex suis mœnibus fiduciæ capientes, ut sibi vicina-
rum civitatum, quarum formidinem sequebantur, exemplo consulerent,
urbem, ne ab hostibus coli posset, desertam incendunt, penates suos igni
quàm hosti relinquere præoptantes. Tunc Rex pontē, qui medium amnem
fecare videbatur, abrupto, sublatiſq; cæteris navigationis obstaculis, ad Stol-
pam vicum processit, ubi & Ducem postmodum obvium habuit. Igitur
ne Walogostum eodem exemplo desertum, quo captum, post discessum
suum hostibus redderetur, præsertim Danos, si eo fruerentur, sempiternum
Sclaviæ impetium habituros existimans, Absalonem, Lurisium, Svenonemq;
tunc Arufii pontificatu insignem, ejus municipes efficere statuit, quibus &
50 filium Christophorum sociavit, quò plus à cæteris in auxilio suo fiduciæ
reponeretur. Qui cum amicos & necessarios in muneris consortionem
adsciscere juberetur, Sialandensibus duntaxat Absaloni præsidii societatem
spondentibus, reliquis ob imminētis periculi magnitudinem, nec ani-
mus ad resistendum, nec comites suppetebant, quanquam tota classis &
alimen-

VALDE alimentâ sua cum eis communicare, & vicinas segetes publico officio in
MARUS I. eorum horrea comportare decreverat. Quippe fruges messore exercitu
 residuorum usibus adigi jubebatur. Ita Rex consilii cassus, cum neque pu-
 gnandi copia, neque pactio ulla ab hostibus fieret, vasto ingenio excogita-
 vit, qualiter eos vel alterutrum horum præstandum impelleret. Siquidem
 Absalon tacitis mandatis præcepit, ut palos in amne defixos, ceteraq; na-
 vigationis impedimenta magna remigum cura sublegeret, veluti toti classi
 transitum paraturus. Ita demùm fluvio obstaculis vacuefacto, cum pro-
 gressam classem angustior alveus excepisset, complures à Sclavis utrique
 ripæ inequitantibus comminùs sauciabantur. Quam hostilis audaciæ pe-
 tulantiam Petrus Flivi filius animi virtute non sustinens, protinus cum re-
 migibus nave desilivit, hostesq; strenuè propulsatos ripa cedere coëgit.
 Tandem comitum ignavia desertus, sociorum navigationem fato suo in-
 columen præstitit. Itaque Rex non solum expertem metus progressum
 habuit, sed etiam Henricum cum toto exercitu, consertis arctius navigiis,
 tanquàm ponte trajecit. Quo agnito Sclavi reliquarum urbium excidium
 formidantes, præcurrendi periculi studio pacis, quàm antè contempserant,
 Waldemaro obsides offerebant, quos se Henrico nullo pacto daturus di-
 cebant. At Rex sine militiæ socio cum hostibus pacisci fraudulentum ex-
 istimans, per Thorbernum Henrico, quæ ab hostibus offerrentur, enunciat.
 Quo se conditionibus ab eo factis libenter usurum asseverante, pactum
 cum hostibus habuit, ut Walogosti dominio trifariam diviso, pars una
 Tetiszlavo, reliquâ Cazimaro, tertia Nucleti filio Priszlavo vendicaretur,
 piratisq; prædam Danicam appetere solitis, Peni fluminis ostia clauderen-
 tur: Henrico quoque munitionum, quas apud Sclaviâ obtinuisset, incol-
 umis possessio permaneret. Post cujus discessum comites Cazimari ex-
 terorum societatem acrius perosi, sed viribus agere non ausi, Rugianos
 assiduis furtis vexatos, ac per latrocinia ad paupertatem & inedia[m] usque
 redactos, communi urbe excedere compulerunt. Piraticæ quoque licen-
 tiam tribuere, modisq; compluribus ictum fœdus rupere.

Postmodum Rugianis, receptâ per Henricum fiduciâ, palàm adver-
 sum Danos inimicitias profitentibus, Rex non minorem in amico perfidi-
 am, quàm in hostibus levitatem expertus, Arkon provinciam verna ex-
 peditione petitam, incendio populatus est. Inde ad portum, Por ab incol-
 lis vocitatum, cursum direxit. Siquidem ne cum universis Rugianis
 manum acie confereret, separatim eos attentandos existimans, Absalo-
 nem nocturna navigatione Zindram præcedere jubet. Quem ut conti-
 nuo subsequeretur, curiosè discessionis ejus tempus à vigilibus observari
 præcepit. Quibus somni delicias imperio præferentibus, Absalon absque
 regio comitatu progressus, non solum Zindram, sed etiam agros vicosq;
 ei confines, partim igni, partim ferro vastavit. Cujus equites duo con-
 tentione prius habita uter audacia præstaret, cum ad militarem operam
 edendam fortitudinis æmulatione pari impetu raperentur, hostesq; cui-
 dam fortè stagno adactos cimbis fugam petere animadverterent, plus eis
 persequendis, quàm suis periculis dispiciendis intenti, ne alter alterum
 virtute fortè præcurreret, ambo cum contemptu spiritus stimulos calca-
 ribus equos in profundum egerunt, armorum haud memores, quorum
 obruti pondere perierunt. Ita temeritatis vindex elementum viris gloriæ
 quàm salutis studiosioribus in exitium suum ruentibus, fatum pariter ac
 tumulum ministravit. Interea Absalon provinciam rapinis pariter incen-
 diisq; permensus, cum ingentem prædam & opima spolia referendo na-
 ves repetere statuisset, magnam hostium manum subsequi conspiciens,
 ultra bina vada admodum transitu difficilia de industria cedere voluit, ut
 eos formidinis simulatione protractos, locorumq; tandem difficultati-
 bus

bus implicatos opprimeret. Quorum primum Sclavi libero itinere transgressi, circa reliquum redeundi diffidentia constitierunt. Eodem fere momento spacio duo pedites Sialandenses ingentem prædæ fascem gestantes, errore locorum in ipsum penè Sclavorum exercitum inciderunt. Qui cum a duobus eorum equitibus appeterentur, quanquam tuto vadum transgredi poterant, ne recessum per ignaviam quærere viderentur, hostibus resistere quàm socios accedere maluerunt, deforme existimantes, ab iis, quos numero æquarent, audacia superari. Itaque quò magis expeditos se redderent, pressò vestigio, projectoq; fasce, enses distringunt. Quorum constantia & virtuti fortuna debitam incolumitatem concessit. Siquidem equitum neutro procedere audente, resumpto fasce cœptum iter carpsērunt. Cumq; rursum Sclavi binos equites ad eos opprimendos misissent, eorum incursum eadem animi præsentia repulere. Quo facto tam hostium quàm civium in se admirationem vertere, magnumq; illis ruborem, his inter metum & lætitiā hæsitantibus, peperere. A sex tandem equitibus attentati, invariabili mentis habitu perstiterē, tanquam hostium ignaviæ plenis fortitudinis animis insultantes. Nec defuit Absaloni prompta mens ad opem eorum virtuti fiduciaque præstandam. Siquidem tot suorum equitum, quot hostilium animadverteret, eis pro supplemento transmissit. Sclavi quoque suorum paucitatem certatim numerosis militum præsiidiis prosequēbantur. Itaque supplementis utrinque tanquam ex pari crescentibus, equitibusq; veluti ad militiæ spectaculum ediverso convenientibus, Sialandenses ulteriorem hostium petulantiam inspectare non passi, universa acie eis occurrunt. Quorum fugam, vadis impediētib; longum insequi nequeuntē, majorem equorum quàm hominū stragem egerunt. Cumq; iter ad naves reflecterent, remigum suorum aciem armis pariter ac signis instructam obviam habuerunt, quàm ad auxilia sociis ferenda fortuito nuntio monita virtus adduxerat. Hi profectò cum Absalone victoriæ gloriā communicaverunt, cui se sponte virtutis socios obtulerunt. Interea Rex seris vigilum monitis excitatus, omisssæ navigationis moram præpropera festinatione discussit. Qui cum, visis Sialandensibus, populandi gratia ad littus appellere voluisset, ab Absalone, nihil hostilis prædæ, quod ejus rapinis pateat, superesse perdoctus, magnopere gratulatus est, quòd tam parva manus nihilo languidiùs, quàm si ipse adesset, rem propriis gessisset auspiciis. Hinc cum alios insulæ fines armis igniq; tentasset, domum concessit.

Rursum circa autumnī principia classe regressus, primam vastandis agris operam dedit, ut segete consumpta, incolas muniendarum urbium instrumento privaret. Cum ad urbem Arkon sparsò militiæ genere pervenisset, oppidani, fiducia virium, portam (quàm urbs unicam habebat) egressi, ne virtutem suam intra mœnia cohiberent, obviam processerunt. Quos Rex, Danis ex consulto cedentibus, longiùs mœnibus amovere conatus, postquàm speratò cautiores animadvertit, incurfatos urbem repetere coëgit. Porta tamen, nè equi jaculis confoderentur, abstinuit. Tunc Sialandensis eques Nicolaus forma & virtute præcipuus, telo per portam injecto, quendam ex hostibus in aditu resistentibus exanimem prostravit, innocuusq; reflexo protinus equo discessit. Cujus facinus Thorhernus inter præcipuos Sialandiæ equites numerandus, pari audacia, sed dispari fortuna, æmulatus, cum unum ex hostibus, directâ in globum lanceâ, vulnerasset, reditumq; reflexis habenis tentasset, ita lapide ictus est, ut multus è capite cruor profunderetur. Quam ob rem longa corporis debilitate contractâ, feram incolumitatem ægrè recuperavit. Burisius quoque dum nobilitatis suæ splendorem conspicuis virtutis operibus æquare nititur, simili audaciæ genere portæ propugnatores adortus, tam asperum saxi i-

WALDE- Etum capite excepit, ut penè equo exanimis delaberetur. Cui corporis vi-
MARUS I. ribus carenti, sociorum interventus, ne ab hostibus opprimeretur, auxilio
 fuit. Quo evenit, ut Rugiani haudquaquam sibi tutò extra mœnia dimica-
 turi viderentur, intra quæ tam obstinatam hostium præsentiam experie-
 bantur. Inde ad provinciam Jasmondam tota classe concessum. Absa-
 lon cum & fortitudine & prima rei bellicæ peritia vigeret, accedente exer-
 citu primi agminis ducem, revertente extremi comitem agere consveve-
 rat, semperq; Danicæ juventutis promptissimos, seu prædæ, seu gloriæ stu-
 dio, sodales habebat, Rege duntaxat cum robustiore exercitus parte, gravi
 & composito militiæ genere, paulatim procedere solito. Itaque pugnandi ¹⁰
 copia nusquam accepta, magnam regionis partem permensus, tandem
 equestrem manum prædandi gratia spargi permisit, paucosq; secum in co-
 mitatu residuos habuit. Illic fortè nuncio de sociorum conclusionem susce-
 pto, quam sine succursu posse effugere negabantur, eorum saluti, quoad
 milites revocarentur, adesse non distulit, neque sibi comitum paucitatem,
 quò minus conclusos peteret, obstare permisit. Sed protinus primipilo
 signa attollere iussu, pleno fiduciæ spiritu locum, in quo continebantur,
 accessit; eoq; festinationis signo perosus prædam, equites ad se contraxit.
 Quem tanta fiducia ceperat, ut plus remedii in celeritate quàm in sociis
 duceret. Cujus adventum Sialandenses, qui intra difficilium locorum an- ²⁰
 gustias arctabantur, experti, imminenti auxilii fiduciâ, eos à quibus obside-
 bantur, incursare cœperunt, ne periculum aliena virtute propulsare viderentur.
 Itaque Sclavis partim solido, partim aquoso itinere delabentibus,
 Eskillus animi & generis nobilissimus eques, militaribus armis prægravis,
 unum ex eis inermem per palustria loca citato cursu fugientem pedibus
 insecutus, illius vestigiis limi molliæ subsidientibus, nec voraginum illuvie,
 nec armorum onere depressus, facilem currendi eventum habuit. Quin-
 etiam occupatum Barbarum capite spoliavit. At tunc demum, ne plantis
 quidem cœno infectis, solidam humum repetiit. Quod factum religiosâ
 admiratione prædignum, non pedum agilitate, sed divino beneficio edi- ³⁰
 tum, potius cœlesti miraculo, quàm humanæ virtuti imputare debemus.
 Post hæc vicis per militum manum undique deflagratis, etiam ad Gorum
 promontorium longinquæ excursionis incendia proferuntur. Tunc se
 Rugiani contrahendi à Saxonibus auxilii spe fraudatos experti, quatuor
 obsidibus præbitis, apud Strelam insulam pacem à Rege pecunia quæsi-
 verunt.

*Libri XIV.
 Sæcio Quar-
 ta,*

Itaque principibus graves periculorum motus, & difficilia rei Dani-
 cæ tempora attendentibus, filio Waldemari Canuto regios honores decer-
 nere placuit, qui non solum paternæ majestatis futurus possessor, sed etiam
 præsens dignitatis socius nosceretur, ut haberent procures ad cujus nomen ⁴⁰
 titulumque decurrerent, si quid de Regis capite fortuna variaret. Quorum
 prudentiâ Rex ac benevolentia delectatus, probatâ sententiâ, Regni maje-
 statem cum sanguine suo participare, non damnum honoris, sed claritatis
 incrementum putavit, primatumq; voces ad Regium nomen filio dese-
 rendum concionando perduxit. Qua de re universi exercitus consensu
 habito, Burisius duntaxat, sive tacita regni affectatione, sive rei novitate per-
 motus, nullam penè vocem suffragiis attulit. Qui cum ob hoc se Regi
 suspectum esse sentiret, taciturnitatem suam non odii, sed amoris indicem
 affirmabat, quod Daniæ regnum à pluribus amice participatum esse me-
 moriæ & crebra antiquitatis experimenta sint, inter patrem & filium de ⁵⁰
 rerum dominio bellum crevisse. Veruntamen se, si Regiæ voluntatis præ-
 sciis fuisset, silentium non acturum. Tacuisse verò, quod rem neq; ab ipso,
 neq; ab amicis præcognitam habuisset. Ea silentii excusatione iram Regis
 in dissimulationem convertit. Idem peractâ expeditione, cum cæteris
 Danicæ

Daniæ optimatibus, apud Roskildiam, Canuti miles solenni more fieri iussus, aliis imperio obtemperantibus, id facere recusavit, eaq; re magnam sibi concupitæ dominationis suspicionem conscivit. Verum hunc imperii conceptum quasitis callide rationibus protegere perstitit, præfatus se extante eo, cui primam militiæ fidem dederit, alius militem non futurum, nec adduci posse, ut pristinum obsequium recenti permutet, remq; tam patriæ consuetudini, quam honestati inimicam committat: quippe cum nemo Danorum dividuo famulatus officio teneri soleat, solisque Saxonibus hunc servitiorum morem stipendiorum cupiditas faciat. Nam si inter duos unius obsequium communicantes bellum incideret, ambo-
rum miles alterutrum juvando, fidem utrique servare non posset. Nec Regi ad iram mitibus responsis placidoque vultu tegendam, æqua simulatio defuit. Quem cum Hallandiam petendo comitem haberet, tanquam insidias sibi nectentem tacitus notavit. Quam ut effugeret, suspicionem imperata se facturum spondebat, si potentiam ejus Rex beneficiorum incrementis extendere voluisset, & sicut ipse regnum, quod earum electio variabat, hæreditarium efficere gestiret, ita quoq; necessariorum suorum liberis suppare dignitates, & minores potentias perpetua hæreditatis lege fruendas tribueret. Itaque præcipuam Jutiæ partem Absalonis auxilio pactus, Canuto supplex fore sustinuit, haudquaquam tamen solidam Regis amicitiam recuperavit. Ea enim Regiæ iræ pertinacia erat, ut semel accensa funditus extinguere non posset.

Vere appetente, Absaloni, Christophoro, & Magno particularis adversum Sclavos expeditionis ductus committitur. Nam Orientales Dani duntaxat cum Fioniensibus classem confecerant: Scaniensium verò penes Christophorum summa, penes Absalonem arbitrium consistebat. Quibus Tribusanæ adortis provinciam, Christophoro, tanquam Juniori, inter Absalonis Magnique copias, mediis militandi locus decernitur, ut Regii sanguinis latera fidis stipatoribus cingerentur. Tanta autem vicorum exustio fuit, ut iidem adhuc usque cultu vacui, præteriti incendii magnitudinem præsentibus testentur indiciis. Absalon cum repetendæ classis tempore extremos curaret, nunciato hostium superventu, quanquam tanta vis frigoris erat, ut primi revocari non possent, quadraginta solis equitibus stipatus, prius hostem quam vadum, per quod erat rediturus, tentavit. Quibus fugatis, lento itinere ad amnem concessit. Quem structo ponte transgressus, post tergum opus abrumpere noluit, ne ulla timoris vestigia relinquere videretur. Quum ad littus venisset, classem in alium portum appulsam comperit. Tanta autem hyberni frigoris sævitia exitit, ut nautæ equos penè frigore extinctos de fossis humi specubus conderent, nemoque ex toto exercitu reperiretur, qui pariter utramque manum necessariis usibus aptare posset. Illic crebri angues ligonibus reperi, magis admirationi quam metui visentibus fuere. Nam algoris immensitas vires eorum ac spiritum hebetaverat. Scanienses tunc prosperantibus ventis discessionis licentiam adepti, mox iisdem contrariis navigatione prohibiti, tandem toti classi favente cœlo, Sialandenses ac Fionios repetendæ patriæ comites habuerunt. Post hæc Rex Petrum & Selgretium Christophoro pædagogos adsciscit, qui adolescentiæ ejus rudimenta ad honestatis mores exequendos plenis sapientiæ documentis instruerent. Æstate deinde expeditionem instaurat. Quippe Walogastenses dupliciter ictum foedus corruperant. Nam & Rugianos mœnium socios per furta urbe ejecerant, & piratis Peni fluminis ostia patere permiserant. Igitur dum Lenticios peteret, ab Henrico missæ literæ superveniunt admonentes, ut Rex insidias propinqui perinde ac Regnum affectantibus caveret, indicantesque Burisium cum Norvagiensibus opprimendi

FFALDE-
MARUS I.

ejus consilium habuisse. Iisdemque, dum expeditio reverteretur, occursum pollicitis, aut ipsum Regem, aut Regium nomen occupandum duxisse. Cujus rei certissimum experimentum fore, si revertentem à Sclavis expeditionem Norvagica classis exciperet. Eodem penè momento suscepta Norvagiensium epistola, par proditionis indicium edidit. Quod cum Rex paucis arbitris, suppressis indicum nominibus prodidisset, auxit rei suspicionem, fidemque literis addidit Tokonis, Wendilensium pontificis, consentanea affirmatio, dicentis, Burisii milites ab eo jurare coactos, quicquid ipse auspicaretur, esse profecuturos. Re tamen dissimulanter habita, ad locum, cui nomen Ostrozno, citata navigatione profectus, 10 profligatis provinciæ rebus, urbem Orthungam, universa classe comitante, repetiit. Illic Burisio cum cæteris regni primatibus accersito, quidnam de ejus insidiis acceperit, aperit, eique proditionis crimen affigit. Quem se quicquam tale adversum eum excogitasse negantem, quoad nuntiorum experimenta sumerentur, secum commorari præcepit: tunc demum, si secus ac nuntiatum erat, accideret, incolumem discessurum. Ille contra nihil absurdius agebat, quam ut capitis sui indicium, incertis eventuum argumentis committeret. Qua voce se non solum Regi, sed etiam arbitris suspectum effecit. Igitur nè remiges quidem suos revivere permixtus, ad urbem Latensem cum Rege meare compellitur, ubi leni, 20 sed firmæ, custodiæ traditur. Interea Erlingus & Ormo Burisii frater cum navali exercitu supervenientes, Jutorum classem in amne Dyursa repertam gubernatoribus vacuam facile debellant, ipsiusque Burisii intercepto navigio, protinus ad vicum, qui Mercatorum portus nominatur, deproperant. Quos Absalon cum Sialandensibus occurrens, etiam licitorum ascensu prohibuit. Qui cum compertum haberet Norvagienses plurimum præsidii in arcibus ducere, provocandi gratia cum quindecim peditibus in litus progressus, ultro se eorum sagittis appetendum præbebat: profectò ostendere cupiens, in quam parvo præcipuam eorum fiduciam poneret. Igitur Norvagienses, quò propius litus accederent, 30 cimbæ conscendunt, ob quarum trepidationem destinata certis ictibus ferire non poterant. Itaque tela partim in undas innocua cadebant. Ità artis suæ effectu fraudati, nostrisque ludibrio habiti, ingenti cum rubore majora navigia repetunt. Postea cum Absalone, datâ acceptæque fide, sociale colloquium habuere. A quò diutius illic acquiescere jussi, non prius obtemperaverunt, quam Absalon fidem suam interposuisset, se nihil insidiarum eis terrâ aut mari interim paraturum. His finitis collocutores à se invicem discessere, die postero cum paribus armis, æquali comitum numero conventuri. Cumque Erlingus uno comitator affuisset, Absalon circumspectis omnibus; miror te, inquit, Erlinge, hominem ætate confectum ac toties gravia expertum, non adeò sapientem quam senem existere. Nam cum tu scaphâ advenieris, nos equis infideamus, teque nullo negotio (si libeat) opprimere possimus, cur conditio comitator adversum caput tuum rumpendæ pacis occasionem fortioribus præbuisi? Nisi autem fides nostra præstaret, solutæ conditionis poenas exitio persolvisses. Tunc Erlingus inter metum & ruborem circumspectis comitibus, cum veram Absalonis assertionem animadverteret, unum ex his objurgare cœpit, quod non rogatus comitandi rapuisset officium. Postquam diu excusationis verba quæsierat, ut siticulosum recrearet exercitum, palustris aquæ petendæ licentiam obsecrat. Cujus rei permissionem haud modici beneficii loco ducebat, ac protinus patriam repetere properabat, lætus quod sibi incolumi Daniæ partibus excedere contigisset. Postquam Regi insidiarum fidem rerum experientia fecerat, Burisium perinde ac majestatis reum inter vincula asservari præcepit. Interea Erlingus extremum Sialan-

diæ composita classis applicatione complexus, dum à sacris Missæ, quæ con- VVALDE
MARUS I.
fiveto religionis cultu petiverat, remearet, Absalonis equitibus clandestino itinere prorumpentibus, improvisam palantium sociorum stragem accepit. Nec minori Hallandensium virtute exceptus apud Nyzam amnē una rate, ejusq; remigibus universis spoliatus, abscessit.

Eodem anno deturbandæ piraticæ gratia, Absalon insulam maritimam novo castelli fundamento complexus, exigui munimenti beneficio ingens patriæ præsidium attulit. Nam & suspectum prædonibus situm reddidit, & tutam vicini maris navigationem incolis tribuit. Verum ne confestim Norvagiensis injuriæ vindictam Danica virtus arriperet, Theutonicæ fidei lubricitas effecit. Quippe Henricus Bugiszlavi Danorum metu ad se decurrentis obsequium pactus, initam cum Rege societatem, tanquam ineptum & ignobile vinculum disjicere parvi habuit. Quinetiam, apud Krempinum fluvium, in colloquium cum eo descendens, questus est, quod militem suum Bugiszlavum coram se non accusatum bello laceſſat: quem si injuriosum existimet, prius accusationibus quàm armis aggredi debeat. Contra Rex, negare se ullius potentiæ respectu cessaturum, quò minus acceptas injurias mutuis damnis rependere liberum habeat. Ita perstante controversia, fœdus cum colloquio solvitur. 10 Hoc loci memorabile Saxonici equitis dictum strictim percurram. Qui cum forte Ducis ac Regis colloquiis interesset, eosque expeditionis negotia languidioribus verbis prosequi animadverteret: quædam, inquit, de hero meo Henrico præsentibus referre habeo: quæ, si adesse eum scirem, tacere quàm eloqui malle. Qui cum pupillus propinquorum injuriâ patrimonio privaretur, nemine sibi patrocinium accommodare volente, quatuor soli ex amicis paternorum ipsius meritorum respectu permoti, quorum ego numero intereram, aversantibus cæteris, infantiam ejus tutorio munere fovendam sumpserunt. Pro cujus salute & incrementis, tum votis, tum etiam officiis impensius excubabant. Hunc tandem humani 20 auxilii diffidentia altaribus offerentes, religiosa voti nuncupatione sanxerunt, si paternos honores divina clementia adipisceretur, susceptum beneficium, quoad viveret, pagani nominis odio pensaturum. Mox voti probator Deus, ingenui principis Conradi patrocinium ei conciliavit. Cujus opera paternorum bonorum hæres effectus, quanquam voti auctores exhortationis officia non omitterent, à bello adversum Sclavos continuando, cum avaritia, tum etiam desidia adductus abstinuit, perceptam munificentiam ingrato æstimans animo. Tanta autem cura monitoris partes exequi voti nuncupatoribus fuit, ut cum unus ex eis, ultimæ ætatis, ad inspicienda ducis arcana, inter arbitros admissus, sedulum stertendi usum 30 haberet, excitatusque, quid de re præſenti sentiret, à confidentibus interrogari soleret, majorem præteriti voti quàm instantis negotii memoriam retinens, ductandum in Sclavos exercitum responderet. O immensam constantiam, quæ nè in ipso quidem ætatis occasu promissi immemor esse potuit. Quis autem mentis compos hanc religiosi consilii vocem, senilis animi deliramentum fuisse crediderit? Vereor autem charissimum mihi virum amicorum religione contempta, ex summo fortunæ fastigio in humilem privatorum sortem extrema ruina deformitate casurum. Ego verò promissi dudum belli militem agendo, ternas adverso corpore plagas accepi. Quibus si binas sub eodem militiæ titulo sociassem, supremi judicii 40 tempore divina vulnera meis æquata audacibus oculis inspectanda præsumerem. Quo dicto, & temporaneam Henrici ruinam, & sempiternum virtutis suæ præmium auguratus est.

Rex Scaniam ingressus, parvò post Saxonum irruptione falso nuntiata, Scanienses equestri militiæ adscriptos proprio ductu prosequitur im-

VALDE-
MARUS I.

peratâque Sialândensibus navigatione, Slaglosam advectus; Absalonem è portu Hulyvimmenfi accitum multa gerendorum consultatione sollicitat. Præterea se parum veri rumoris credulitate fatigatum significat, expeditionemq; falso nuntio contractam remittit. Habebat autem in clientela Absalon, Arnoldum Thylensem, qui sive ingenii acumine, sive conjecturarum sagacitate, sæpenumero futura ad sua vel amicorum negotia pertinentia, raro præfagio deprehendebat. Nec minus antiquitatis quàm divinationis peritus, solerti historiarum narratione callebat. Qui cum Absaloni, delectandi gratiâ, supradictæ expeditionis comes existeret, brevi eum manum cum piratis conferturum prædixerat: vehementer se mirari testatus, quo pacto certamini interfuturus non sit, præsertim cum inseparabiliter eum comitari decreverit. Cumq; Rege res gestas ex eo cognoscere cupiente, discessuro Absalone, quiescere rogaretur, pertinacissimè precibus oblectatus, non prius rogatui cessit, quàm Rex operam se datum polliceretur, ut eum post Absalonem prima luce dimitteret. Erant autem sex navigia Absalonem comitantia, è quibus tria, quò commodius ignis alimenta contraherent, in superiores maris anfractus concesserant, quæ postmodum æstus subito regressu destituta, cœno paludis affixerat, Absalone totidem residuis exteriora sinus ostia complectente. Qui cum matutino tempore unâ cum scriba suo religiosum psallendi ritum perageret, tumultuatione eminus audita, quidnam hoc esset, concentorem dispicere jubet. Quo novem longas naves à se prospici referente, piratas esse non dubitans, stertentes adhuc remiges alta voce compellat. Quibus summo cum stupore exilientibus, nec veste, sed armis, corpora protegentibus, ocissimè hostes petendum hortatur; quorum jam tanta vicinitas sentiebatur, ut ab eis crebris filicibus contunderentur. Quintetiam anchoræ vinculis, rumpendæ moræ gratia, discissis, remigium exerit. At Sclavi facilè nostris metum injicere rati, ac veluti ipsorum animos horridis vocibus hebetaturi, ingenti clamore edito, obstrepere cœperunt. Quod postquam frustra se conatos animadvertère, diffugiunt, eorumq; ratis una cum universis remigibus intercepta. Sed nec Ursinæ sylvæ latebra ad se decurrentibus subsidio fuit, agrestibus eam curiosius perlustrandam curantibus.

Ea tempestate Esbernus urbem Kalundam molitus, novi munimenti præsidio portum hostili piratica liberum præstitit. Ipse quoque, & Ingvarus & Olavus, ultro Absaloni se infatigabili piratici muneris executione junxerunt. Eo tempore res Danica circumquaq; difficillimis obfusa periculis, crebris finitimorum insidiis tentabatur, hinc Norvagiensibus, inde Sclavis, Saxonibusque sibi perniciem machinantibus. Quo evenit ut nulli hostium audacter obviandi fiduciam haberet, metuens ne dum unum repelleret, ab altero premeretur. Ea patriæ necessitudine per-motus Guthscalcus, qui & ipse Sclavis, tum ob linguæ eorum peritiam, tum ob paternæ amicitiae favorem, ac proprii convictus assuetudinem, perfamiliaris habebatur, Absaloni tacitè artem à se repertam insinuat, qua eos repente ex amicis Saxonum hostes efficeret. Quippe se Sclaviam non legationis, sed benevolentiae simulatione petere velle significat, tanquam propriæ charitatis ductu utilia amicis consilia largiturum. Fore enim ut hostium credulitas callidis commentorum laqueis circum-venta, Danorum amicitiam, abjectâ Saxonum dominatione, repeteret. Quod studium maximè sibi gentis illius moribus persvaderi dicebat, quæ plerumq; temeritate niti, cunctaque pronius quàm prudentius exequi soleat. Absalon interdum privatum acumen publicis viribus præstare ratus, laudata Guthscalci industria, cavendum monet, nè quid eis ex parte Danorum falso polliceatur: incorruptam patriæ fidem haberi cupiens me-morq;

moreq; eam fortibus viris refertam, armis, non mendaciis, bella meditari VVALDE
MARUS I.
debere. Ille primum Pomeranos aggressus, se priscae familiaritatis memoria
ac totius populi Sclavici charitate permotum, retundendae eorum inertiae
causa advenisse dicebat, quod perniciofa ab eis utilium loco duci per-
spectum habeat. Siquidem animadvertere eos oportere, quam noxiae domi-
nationis jugum receperint, quodq; iis obsequio pareant, qui ipsos patria
tandem exuere cupiant. Quippe Saxones, quantum ex ipsorum finibus oc-
cupaverint, protinus cultu atq; habitatione complecti, nec praeda aut gloria
contentos, proferendi imperii cupiditate victoriae lucra continua possessio-
ne firmare. Quam ob rem eos Nucletum vita, Prisclavum patria spoliasse:
Razaburgam, Illogam, ac Sverinam in totius Sclaviae ruinam vallo fossaq;
cinxisse. Danos vero diverso studio bella gerere, nec hostium fines, sed mu-
tua pacis commercium affectare, proprium tueri quam alienum appetere
cupidores. Itaque summoperè eos elaborare debere, uti Saxonibus præ-
sidiis patriam vacuefaciant, omniq; Theutonum plebe regno egesta, ami-
cicias cum Danis componant, quos Saxonum hostes esse non ambigant: ita
demum eos sempiternae libertatis beneficio patriam ornatuuros. His moni-
tis concitati Pomerani, loca à Saxonibus intra Sclaviam obtenta pervadunt,
Illogam capiunt, reliquis eorum munitionibus defensorum virtute
servatis. Et ne ducis inopes viderentur, Danorum Regis titulum profiteantur.
Ita Guthscalcus duarum gentium vires Daniae imminentes odiis sequestra-
vit, patriamq; nostram undique finitimorum armis objectam, ab impen-
dente periculo pio mendacii commento servavit. Cujus facinoris fama
Guthscalci reditum præcurrente, Rex admiratione perfructus, postquam ex
Absalone, per quem res esset acta, cognovit, impensius autorem laudavit.
Igitur Henricus, ut repudiatam Regis amicitiam recuperaret, sine qua Scla-
vos arcere non posset, Henricum Razaburgensem, & Antistitem Lubecen-
sem legatione onerat, filiam suam minorem, filio ejus in matrimonium
offerens. Nam major natu, quæ prius ei desponsa fuerat, morbo occide-
rat. Per eosdem confirmandae oblationis gratia, apud Bremensem pro-
vinciam tempestivus ducis occursum promittitur. Quò Rex legatorum
adhortatione profectus, Guncellinum obvium habuit, qui sub impedi-
mento adversae valetudinis Ducis absentiam excusaret, eumq; apud Eydo-
ram celeriter adventurum promitteret. Eò cum ventum esset, & ducis pro-
missa complerentur, & militia adversum Sclavos paribus votis condicatur.
Sed eo Diminum petente, Rex Walogastum profectus, omisâ urbis oppu-
gnatione, finitima rura armis percurrit. Omni quoque oppidi post recentem
vastitatem parum reædificati incendium iterat. Eodem vastationis ge-
nere diversa regionis loca petuntur. At Sclavi quia viribus niti nequibant,
utrumque hostem ære atque obsidibus placant.

Post hæc Rex belli Norvagici meditationem ad id usque tempus rebus
Sclavicis interpellatam, magna curarum parte liber ingreditur. Quam
Veris principio copiosis patriæ viribus executus, per summam Wicarorum
dignationem non modò liberos aditus, verum etiam latos occursum
habuit. Nec hostis, sed ducis more, sermone cum incolis habito, con-
cionibus arma mutavit. Quorum benevolentia adeò delectatus ut ho-
stium oblivisceretur, otiosaq; procedendi tarditate eximium Erlingo con-
trahendarum virium tempus reliquit. Magnitudo exercitus ejus, latos
Wicensium oculos in se convertit. Navigatio quoque ejus gratis eorum
luminibus aspecta, liberos impetravit excursus. Enimverò complures
in angustias, per quas classi seriatim meandum erat, multitudinis ejus ad-
miracione protracti, quò certius navigiorum numerum deprehende-
rent, non nocendi, sed spectandi aviditate, edita loca complebant. Tuns-
bergenses, quò cæteris Regem impensius colerent, finibus suis exceptum

WALDE-
MARUS I.

honoratissima processione officio venerati sunt, religione servitium cum-
mulantes. Erlingi milites, qui superiorem Regis adventum munimentum
illic siti fiducia spreverant, praesentem fugae declinatione cavebant. Rex
superato clivo, collustratae rupis cacumen miratus, inexpugnabile loci praes-
idium comprobabat, artis opus transcendente natura. Fertur interim
Erlingum cujusdam sinus angustias Danorum navigationi opportunas,
prohibendi transitus gratia crebris machinarum tormentis vallasse, plus
locorum difficultati quam propriis viribus in excipiendo hoste confiden-
tem. Quapropter Rex tarditatis suae dispendium execratus, vocatos ami-
cos celeritatis exhortatione sollicitat, erubescendum morae crimen opere-
so festinationis impendio redimendum affirmat, quod jam com meatibus
quasi per otium & inertiam absumptis, inaniter tempus trivisse videantur.
Ea res diverso majorum judicio excepta est, variaque sententia duces consi-
lium agitabant: aliis tormentorum magistros, expositis in terram equiti-
bus, deturbandos, objectasque rates transitu submovendas hortantibus: aliis
in tantas angustias ingenti classe temere procurrendum vetantibus. Qui-
dam hostibus laxiore freto praeteritis, regionem armis occupandam cen-
sebant. Protinus enim Erlingum aut pugnandi, aut fugiendi necessitate
perstrictum, quaesita locorum praesidia relicturum. Alii vero absentis pe-
riculi praesentem metum ridentes, non ante deliberatione agendum do-
cebant, quam res se propius inspectandam dedisset. Hi celeri processu
utendum hortantes otiosa navigationis moras amputari jubebant. Ita
cunctorum sententia variante, Nicolaus quidam cognomento Bos, natu
quam virtute nobilior, mirari se inquit, cur viris ratione utentibus, incly-
toque solo natis, amoenissimae patriae gremio relicto, tot inculta locorum spa-
cia pererrare liberet: praesertim quibus nihil praeter aspera saxa, atque in-
vias rupes occurreret. Eo siquidem dementiae venrum esse, ut ultimae
aerumnae summarum voluptatum loco ducantur. Nam si Regem Norva-
gia potiri contingat, fore, ut plus laboris ex utroque regno, quam volu-
ptatis ex altero sit percepturus. Praeterea cum jam labentium alimen-
torum necessitas urgeat, si longius navigatio proferatur, haudquaquam
com meatus redditui suffecturos. Haec ab eo timidius quam prudentius
dicta, silentio probari videbantur. Quod dictum Absalon diversa a ceteris
aestimatione commensus, dimissis amicis solitarium Regem acrius ob-
jurgare coepit, quod Nicolai sententiam summa reprehensione dignam
taciturnitate probaverit, eamque plenis contumeliae responsis praedamnare
passus non sit. Quae enim ab eo per ludibrium dicta videbantur, acerrima
factionis incitamenta fuisse. Cujus si comitatum nullo in momento po-
suisset, cunctaque eo desertore quam comite melius exequenda dixisset, ca-
teros unius rubore permotos, similis opprobrii metu silentium acturos.
Nunc vero cum aut consenserit, aut consentire visus fuerit, neque palam
eum timiditatis exprobratione confuderit, brevi complures licentiori im-
punitatis exemplo protractos, similibus monitis succlamaturos. Nec secus
ac praedixerat accidit. Nam cum principes omni studio redeundi cupi-
ditatem processui praerferrent, eamque manifestis votis prosequi non aude-
rent, plebem clandestinis incitamentis instinctam seditiosis armare con-
siliis. Ex qua quidam petulantioris audaciae, explorata Absalonis audacia,
cujus in protrahenda expeditione pertinaciam causabantur, navem ejus
silicibus petivere. Sed a remigibus mox excepti, quanquam numero praes-
tarent, terga vertere. Quorum dementiam Rex debita animadversione
persecutus non est, abunde eos hoc fugae dedecore punitos existimans.
Inde ad sinum porturiam egregia Sivardi victoria inclytum, ubi scilicet
innumeram classem tribus ab eo navigiis subactam ferunt, velificatum est.
Illic e Jutenibus aliqui iniquissima gubernatorum exhortatione provecti,
concione

concione facta, remissionem expeditionis violenta succlamatione poscebant. Ad quos comprehendendos milites sub ignoto cultu missi, aliquandiu in eorum concilio, obscuratâ sui notitiâ, confederunt. Tandem à circumstantibus agniti, veste, quam latendi gratia sumpsere, discussa, correptos seditionis autores obtorta gula secum traxere. Qui cum ad naves abducti fuissent, graves Regi poenas vapulando dedere. Qui quò punitiores forent, vicissim in undas demittebantur, iisdemq; extracti, renovatis verberibus mulctabantur. Post hæc eo loci processum, ubi solstitii æstivalis tempore inusitatâ claritatis noctes sensere, dieiq; tam similes, ut minimum temporum discrimen videretur. Ad quarum lumen, Solis beneficio procuratum, levi contemplatione exiles literæ legi poterant. Illic Jutensium magnates, quos aut metus, aut impatientia stimulabat, Regem apertis repetendâ patriæ monitis aggressi, inopem alimentorum expeditionem dimitti jubebant, anno poëtero, si animus in sententia mansisset, non per prolixos Wicensium partium anfractus, sed è Wendilæ finibus directæ navigationis compendio reversuram. Quorum voces etiam querulûm inediæ vulgus adjuvit, adeo ut nemo ex plebe esset, qui non rerum inopiâ citato reditu subveniendum clamaret. Ita Rex, obstrepente multitudinis imperio, proposito cedere compulsus, solvendæ expeditionis sententiam protulit. Et ne hostem omnis incommodi expertem relinqueret, præstantissimis totius Norvagiæ navigiis secum abductis, peregrina patriam classe ditavit. Ita quorundam Jutorum impatientia maximâ victoriæ spes subruta est: quia si debita cœpto perseverantia non deesset, res Norvagica sub Danis mansisset. Norvagiensis nobilitas, quæ venienti Regi comes existerat, linquendâ patriâ pudore revertentem prosequi superfedit.

Interea dum hæc geruntur, Rugianorum ex Regis longius agentis occupatione fidentium defectio incidit. Qui cum finita hyeme expeditionem adversum se destinari cognoscerent, quendam conspectioris ingenii ac facundiæ politioris subornant, qui Regis propositum exquisita adulationis arte subverteret. Quod cum minimè efficere quivisset, reditu suo hostium adventum præcurrere noluit, ne aut civibus bellum dissuadendo suspectus, aut concitando perniciosus existeret. Igitur Absalonem, uti se comitem pateretur, oravit, quoad ejus consilium à civibus posceretur, quod stolidæ mentis hominibus plus requisita quàm oblata consilia placere soleant. Rex varias Rugiæ partes adortus, cum ubique prædæ, nusquam vero pugnæ materiam reperisset, fundendi sanguinis aviditate perductus, urbem Arkon obsidione tentavit. Hæc in excello promontorii cujusdam vertice collocata, ab ortu, meridie, & aquilone, non manu factis, sed naturalibus præsiidiis munitur, præcipitiis mœnium speciem præferentibus, quorum cacumen excussæ tormento sagittæ jactus æquare non possit. Ab iisdem quoque plagis circumfluo mari sepitur, ab occasu verò vallo quinquaginta cubitis alto concluditur. Cujus inferior mediætas terrea erat, superior ligna glebis interfita continebat. Septentrionale ejus latus fonte irriguo scatet, ad quem muniti callis beneficio oppidanis iter patebat. Hujus quondam Ericus usu violentius intercluso, non levius sibi quàm armis obsessos premebat. Medium urbis planicies habebat, in quâ delubrum materiâ ligneum, opere elegantissimum, visebatur, non solum magnificentia cultus, sed etiam simulacri in eo collocati numine reverendum. Exterior ædis ambitus accuratè cælamine renitebat, rudi atque impolito picturæ artificio varias rerum formas complectens. Unicum in eo ostium intraturis patebat. Ipsum vero fanum duplex septorum ordo claudebat. E quibus exterior parietibus contextus, puniceo culmine regebatur. Interior verò quatuor subnixus postibus, parietum loco pensilibus aulæis nitebat, nec quicquam cum exteriorè prætertectum & pauca la-

VALDE-
MARUS I.

quearia communicabat. Ingens in æde simulacrum omnem humani corporis habitum granditate transcendens, quatuor capitibus, totidemq; cervicibus mirandum perstabat, è quibus duo pectus, totidemq; tergum respicere videbantur. Cæterum tam antè quàm retrò collocatorum unum dextrorsum, alterum, laevorsum contemplationem dirigere videbatur. Corrasæ barbæ, crines attonsi figurabantur, ut artificis industriam Rugianorum ritum in cultu capitum æmulatam putares. In dextra cornu vario metalli genere excultum gestabat, quod sacerdos sacrorum ejus peritus, annuatim mero perfundere consueverat, ex ipso liquoris habitu sequentis anni copias prospecturus. Læva arcum reflexo in latus brachio figurabat. ¹⁰ Tunica ad tibias prominens fingeatur, quæ ex diversa ligni materia creata, tam arcano nexu genibus jungebantur, ut compaginis locus non nisi curiosiori contemplatione deprehendi potuerit. Pedes humo contigui cernebantur, eorum basi intra solum latente. Haud procul frenum ac sella simulacri, compluraq; divinitatis insignia visebantur. Quorum admirationem conspicuæ granditatis ensis augebat, cujus vaginam ac capulum præter excellentem cælaturæ decorem, exterior argenti species commendabat. Solennis eidem cultus hoc ordine pendebatur. Semel quotannis, post lectas fruges, promiscua totius insulæ frequentia, antè ædem simulacri, litatis pecudum hostiis, solenne epulum Religionis nomine celebra- ²⁰ bat. Hujus sacerdos, præter communem patriæ ritum, barbæ comæq; prolixitate spectandus, pridie quàm rem divinam facere debuisset, facellum (quod ei soli intrandi fas erat) adhibito scoparum usu, diligentissime purgare solebat, observato nè intra ædem halitum funderet. Quo quoties capessendo vel emittendo opus habebat, toties ad januam procurrebat, ne videlicet dei præsentia mortalis spiritus contagio pollueretur. Postero die populo præ foribus excubante detractum simulacro poculum curiosius specularus, si quid ex inditi liquoris mensura subtractum fuisset, ad sequentis anni inopiam pertinere putabat. Quo annotato, præsentis fruges in posterum tempus asservari jubebat. Si nihil ex consuetæ fecundi- ³⁰ tatis habitu diminutum vidisset, ventura agrorum ubertatis tempora prædicabat. Juxta quod auspiciis, instantis anni copiis nunc parcius, nunc profusius utendum monebat. Veteri deinde mero ad pedes simulacri libamenti nomine defuso, vacuefactum poculum recenti imbuat, simulatoq; propinandi officio statuam veneratus, tum sibi, tum patriæ bona, civibusq; opum ac victoriarum incrementa solennium verborum nuncupatione poscebat. Qua finitâ, admotum ori poculum nimia bibendi celeritate continuo haustu siccavit, repletumq; mero simulacri dexteræ restituit. Placenta quoque mulso confecta, rotundæ formæ, granditatis vero tantæ ut penè hominis staturam æquaret, sacrificio admovebatur. Quam sacerdos ⁴⁰ sibi ac populo mediam interponens, an à Rugianis cerneretur, percontari solebat. Quibus illam à se videri respondentibus, ne post annum ab hisdem cerni posset, optabat. Quo precationis more non suum aut populi fatum, sed futura messis incrementa poscebat. Consequenter sub simulacri nomine præsentem turbam consalutabat, eamq; diutius ad hujus numinis venerationem sedulo sacrificii ritu peragendam hortatus, certissimum cultus præmium, terra mariq; victoriam promittebat. His ita peractis reliquum diei plenis luxuriæ epulis exigentes, ipsas sacrificii dapes in usum convivii, & gulæ nutrimenta vertere, consecratas numini victimas intemperantiæ suæ servire cogentes. In quo epulo sobrietatem violare pium æsti- ⁵⁰ matum est, servare nefas habitum. Nummus ab unoquoq; mare vel foemina annuatim in hujus simulacri cultum doni nomine pendebatur. Eidem quoq; spoliiorum ac prædarum pars tertia deputabatur, perinde atque ejus præsidio parva obtentaq; fuissent. Hoc quoque numen trecentes equos

deleat;

descriptos, totidemq; satellites in eis militantes habebat : quorum omne
lucrum seu armis , seu furto quæsitum , sacerdotis custodiæ subdebatur.
Qui ex earum rerum manubiis diversi generis insignia ac varia templo-
rum ornamenta conflagabat, eaq; obsecratis arcarum claustris mandabat: in
quibus præter abundantem pecuniam, multa purpura vetustate exesa con-
gesta fuerat. Illic quoque publicorum munerum ac privatorum ingens co-
pia viscebatur, studiosis beneficia poscentium votis collata. Hanc itaque
statuam totius Sclaviæ pensionibus cultam , finitimi quoque Reges non
absque sacrilegii respectu donis prosequiebantur. Quam inter cæteros
10 etiam Rex Danorum Sveno propitiandi gratia, exquisiti cultus poculo ve-
neratus est , alienigenæ religionis studium domesticæ præferendo : cujus
postmodum sacrilegii infelici carcere pœnas persolvit. Alia quoque sana
complutibus in locis hoc numen habebat , quæ per supparis dignitatis, ac
minoris potentia flamines regebantur. præterea peculiarem albi coloris
equum titulo possidebat , cujus jubæ aut caudæ pilos convellere nefarium
ducebatur. Hunc soli sacerdoti pascendi, insidendiq; jus erat, ne divini ani-
malis usus, quod frequentior, hoc vilior, haberetur. In hoc equo, opinione
Rugiæ, Svantovitus (id simulacro vocabulum erat) adversum sacrorum
suorum hostes bella gerere credebatur. Cujus rei præcipuum argumentum
20 extabat, quod is nocturno tempore stabulo insistent, adeo plerumq; ma-
nè sudore ac luto respersus videbatur, tanquam ab exercitatione venien-
do magnorum itinerum spacia percurrisset. Auspicia quoque per eundem
equum hujusmodi sumebantur. Cum bellum adversum aliquam provin-
ciam suscipi placuisset, antè fanum triplex hastarum ordo, ministrorum
operâ, disponi solebat: in quorum quolibet binæ è transverso junctæ, con-
versis in terram cuspidibus figebantur, æquali spaciorem magnitudine
ordines disparante. Ad quos equus ductandæ expeditionis tempore so-
lenni precatione præmissa , à sacerdote è vestibulo cum loramentis pro-
ductus, si propositos ordines antè dextro quàm lævo pede transcenderet,
30 faustum gerendi belli omen accipiebatur. Sin lævum vel semel dextro
prætulisset, petendæ provinciæ propositum mutabatur. Nec prius certa na-
vigatio præfigebatur, quàm tria continuè potioris incessus vestigia cerne-
rentur. Ad varia quoque negotia profecturi, ex primo animalis oëcurso,
votorum auspicia capiebant. Quæ si læta fuissent, coëptum alacres itèr
carpebant : sin tristia, reflexo cursu propria repetebant. Nec sortium eis
usus ignotus extitit. Siquidem tribus ligni particulis parte altera albis, al-
tera nigris, in gremium sortium loco conjectis, candidis prospera, furvis
adversa signabant. Sed ne foemina quidem ab hoc scientiæ genere immu-
nes fuère. Quippe foco assidentes, absque supputatione fortuitas in cinere
40 lineas describebant. Quas si pares numerassent, prosperæ rei præscias arbi-
trabantur: si impares, sinistri prænuntias autumabant. Hujus igitur orbis
non magis Rex munimenta quàm ritus evertere cupiens, universæ Rugiæ
profanos cultus ejus excidio deleri posse arbitrabatur. Neque enim du-
bium habebat, quin extante simulacro, facilius gentis moenia quàm sacri-
legia domarentur. Itaque quò ocius expugnationem perageret, ingentem
lignorum materiam faciendis machinis opportunam, magna cum totius
exercitus fatigue, propinquis è sylvis petendam curavit. Quibus dum
artifices coaptandis intenderent, frustra quidam his rebus operam dare
asseverabat, sperato citius urbem capturos. Interrogatus quoniam id augu-
50 rio deprehensum haberet, ex hoc potissimum augurari se dixit, quod Ru-
giani quondam à Carolo Cæsare expugnati, sanctumq; Vitum Corvegien-
sem religiosa nece insignem, tributis colere jussi : defuncto victore, liberta-
tem reposcere cupientes, servitutem superstitione mutarunt, instituto do-
mi simulacro, quod sancti Viti vocabulo cœsusuerunt. Ad cuius cultum,

VALDE MARUS I. contemptis Corvegiensibus, pensionis summam transferre cœperunt, affirmantes domestico Vito contentos, externo obsequi non oportere. Quam ob rem Vitum, venientē sui sollemnis tempore, eorum monia turpaturum, à quibus tam similem monstro figuram acceperit. Merito namque eum ab his injuriarum pœnas exigere debere, qui venerabilem ejus memoriam factilego cultū complexi fuerunt. Hoc se non ex somniorum, aut rerum accidentium conjecturis, sed sola præfagientis animi sagacitate colligere testabatur. Admirabilior cunctis, quàm credibilior prædictio extitit. Et quoniam insula Archonensis, quæ Withora dicitur, à Rugiæ complexu parvula freti interrivatione, quæ vix fluminis magnitudinem æquare videatur, abrupitur, ne eò loci ulla Archonensibus auxilia porrigerentur, missis qui transitum observarent, hostemq; trajectu prohiberent: cætera manu urbis obsidionem arripuit, ac primum operam tormentis vallo applicandis exhibuit. Absalon inter manipulos castrorum loca distribuere jussus, designandi officium mensurato inter maria spatio exequabatur. Interea oppidanī portam urbis, quò minor eam attendandi facultas pateret, ingenti glebarum acervo præstruxerant, aditumq; coacta cespitum compage claudentes, tantum ex eo opere fiducia contrahebant, ut turrin, quæ supra portam sita fuerat, signis tantum aquilisq; protegerent. Inter quas erat Stanitia magnitudine ac colore insignis, cui tantum venerationis à populo Rugiano tributum est, quantum omnium penè deorum majestas obtinuit. Eam enim præ se ferentes, in humana divinaq; grassandi potestatem habebant, nec quicquam eis, quod libitum foret, illicitum habebatur. Populari urbes, aras demoliri, fas ac nefas in æquo ponere, cunctosq; Rugiæ penates, aut ruinis, aut incendiis evertere potuisset: tantumq; superstitioni indultum est, ut exigui panni autoritas Regiæ potestatis vires transcenderet. Plectentes, signo perinde ac divino gestamini honorem habebant, officiis damna, injurias obsequiis rependentes. Interea variis inchoandæ obsidionis operibus insistente exercitu, aliisq; stabula, aliis tentoria ad necessarios usus, militari procuratione, versantibus, Rege verò diurni caloris intemperantiam otio atque umbraculis leniente: Danorum fortè pueri plenis petulantia excursibus ad vallum perducti, contortos fundâ lapillos in propugnacula jacere cœperunt. Quorum ingenio delectati magis Archonenses quàm territi, similes lusui nifus armis excipere erubescabant, ob idq; eos spectare, quàm repellere maluerunt. Adolescentibus subinde puerorum cœptum in consimili provocationis genere æmulantibus, spectandi voluptate depositâ, ægrè pugnam capefunt. Juvenes quoque nostri relictis variæ occupationis officiis, ad auxilia sociis ferenda concurrunt, equitibus ista puerilium exercitiorum loco ducentibus. Ita res parvulis ac penè despicabilibus initiis cœpta, grandem haud levi in momento ponendi certaminis progressum accepit, paulatimq; puerilis ludi incitamentum ad serium virilis pugnae modum prorepfit. Fortè autem egesta portæ humus, in antri sive crepidinis formam, subsidente glebarum mole, concesserat; vastusq; inter turrin & cespites hiatus patebat. Quem cum egregii animi ignotus juvenis, gerendarum rerum proposito opportunum animadverteret, attingendi ejus opem à sociis imploravit, quo si ipsorum auxilio præcessisset, expugnationem illico subsecuturam, seq; victoriæ gradum facturum spondebat. Quibus, quoniam modo juvari posset, percontantibus, telorum cuspides, quīs tanquam scalis evaderet, mediis cespitum locis immergi præcepit: eoq; negotio subvectus, postquam animadvertit ita se undique ejus antri præsidio vallatum, ut ab hostibus lædi non posset, extruendi ignis gratia stramentum poposcit. Interrogatus, an accendendi ejus materiam haberet, ferrum sibi ac silices suppetere respondit; præmonito ut æstuante incendio

incendio ab hisdem descensurus exciperetur. Igitur foci nutrimenta circum-
 spicientibus, fors materiam obtulit. Fortè enim quidam ad necessarios usus
 onustum stipula currum agebat: quæ directæ alius alii fasciculos jacentes,
 eosq; cuspidibus affixos juveni porrigentes, brevi patulum replevère ca-
 vum, turris desertione tutos aditus dante. Nam oppidanos partim rei
 ignorantia, partim turris inanitas fefellit, cujus etiam prominens latitudo
 oppugnatoribus ab utroque latere præsidio fuit. Quæ cum repentino
 igne correpta conflagrare cœpisset, incendii auctore facto victoriæ gradu,
 excipientibus sociis solo illabitur. Conspecto fumo oppidani improvise
 10 periculo attoniti, igni prius an hosti resisterent, ambigebant. Tandem col-
 lectis animis, summa vi incendio occurrunt, omissoq; hoste bellum cum
 flammis gerere cœperunt, nostris extinctionem prohibere conantibus,
 ut ex pari his reprimendi incendii, illis protegendæ cupido incessisse videretur.
 Tandem aqua defectu flammâs lacte sparsere, quæ tantò vehemen-
 tius incendium concepere, quânto hoc liquoris genere sapius perfunde-
 bantur. Ea res plurimum incrementi incendio adjecit. Orto deinde clamore,
 Rex spectandi gratia extra castra progressus, simulq; eventus admiratione
 concussus, eum dubium haberet, an ignis ullum expugnationi momen-
 tum adjiceret, quid factû opus potissimum foret, ex Absalone perquirere
 20 institit. Ille Regem, nè se puerilibus cœptis infereret, aut quicquam in-
 explorato negotio, repente aggrediretur, hortatus, magnoperè rogare cœ-
 pit, ut sibi primum, an ignis potiendæ urbis efficax esset, speculari permit-
 teret. Nec rem perscrutari cunctatus, clypeo duntaxat ac galea tectus por-
 tam accessit, juvenesq; eam oppugnare conantes, hortari ad conservandum
 incendium cœpit. Quod accensis undique nutrimentis evectum, pos-
 siumq; ac columnarum roboribus alitum, ligneum turris pavementum
 absumpsit: ac deinde summa corripuens, singulare simulacri signum, aliq;
 domesticæ religionis insignia cineri æquavit. Quod postquam Rex, nun-
 tiantæ Absalone, accepit, ejusdem monitu urbem corona cingi præcepit.
 30 ac protinus sellâ extra castra positâ pugnæ spectator confedit. Tunc qui-
 dam Danicæ militiæ fortissimus adolescens, dum ad propugnacula ante
 alios, eximiâ capeffendæ laudis aviditate, evadere niteretur, letalemq; ictum
 corpore excepiisset, ita collabendo se gessit, ut non fato oppressus ruere, sed
 de industria saltum edere videretur. Qua virtute pulchrius dimicaverit an
 occiderit, incertum reliquit. Pomerani quoque sub Cazimaro & Bugiszlavo
 ducibus, spectante Rege, dimicare egregium rati, audacissimâ urbis op-
 pugnacione singulare virtutis specimen ediderunt. Quorum excellens
 opera gratâ admiratione Regis oculos permulsit. Ex oppidanis complures
 ancipiti periculo circumventi, partim incendio, partim hostilium telorum
 40 impulsu prostrati cadebant, incertumq; erat plus ignem an hostem metui
 oporteret. Quidam verò salute postpositâ, adeo obstinatam ac perseve-
 rantem urbis defensionem egerunt, ut simul deflagrati aggeris excidio ob-
 ruerentur, seq; super mœnium suorum rogam projectos, communibus
 flammis cremandos præberent. Tanta siquidem patrii munimenti charitate
 tenebantur, ut ejus ruinarum socii quàm superstites existere præopta-
 rent. Ita desperatis oppidanorum rebus, excidioq; & morti propinquan-
 tibus, quidam è propugnaculis excelsa voce clamitans, Absalonis alloquitum
 postulabat. Quem Absalon in tranquillissimam urbis partem, quæ scilicet
 à cæde plurimum strepituq; distaret, secedere jussum, quidnam afferret, in-
 50 terrogat. Ille vocis affectum manu ac gestibus profecutus, bellica nostrorum
 opera relaxari poscebat, quoad oppidanis deditionem arripere liceat.
 Negat Absalon ullam oppugnacionis remissionem fore, ni & ipsi pariter
 à prohibendo incendio operam retraxissent. Quam conditionem Barbaro
 comprobante, acceptas preces illico Regi porrexit, eoq; protinus hæc

VALDE- de re evocatos pugnâ principes consulente , Barbari votis annuendum
MARUS I. subjunxit, dicendo oppidanos grassantis incendii imperum hoc difficilius,
 quò tardius sopituros. Quod si reprimere destitissent, etiam remoto hoste
 victoriam igni duros. Nostros verò, tametsi otio indulgerent, id propu-
 gnantium flammarum viribus obtenturos, quod ne propriis quidem asse-
 qui valuissent. Quod quanquam ad horam armis abstineant, otiosos exi-
 stimandos non esse , præsertim alieno ministerio sine ullo sui discrimine
 præliantes. Probato consilio Rex oppidanos in fidem hac lege recepit, ut
 simulacro cum omni sacra pecunia tradito , captivos Christianos ergastu-
 lo liberatos absque redemptione dimitterent , omniaq; veræ religionis ¹⁰
 momenta Danico ritu celebranda susciperent. Quinetiam ut agros ac la-
 tifundia deorum in sacerdotum usus converterent, seq; quoties res posce-
 ret, Danicæ expeditionis comites exhiberent, nec unquam accersiti, Regis
 militiam prosequi superfederent. Præterea annuatim ex singulis boum
 jugis quadragenos argenteos tributi nomine penderent, totidemq; obsi-
 des in earum conditionum firmamentum præstarent. Quo audito, popu-
 lus repentinis seditionis facibus inflammatus, hostilisq; prædæ ac sangui-
 nis cupidus, magnoperè queri cœpit, quod propinquæ victoriæ præmiis
 spoliatus, nihil ex tanta fatigatione præter ictus & vulnera retulisset, quod.
 que sibi de penè victo hoste tot injuriarum ultionem proprio arbitrio ²⁰
 exigere non licuerit, præfatus illorum saluti jam consuli, de quibus tot
 spoliis, tot domesticarum cladum minimo negotio speciosissima vin-
 dicta accipi potuisset. Præterea deserturum se Regem, quò urbem capi
 passus non sit, exiguamq; pecuniam ingenti victoriæ prætulit, minitatus
 est. Talibus Rex obrectationis sibilis vexatus, quò longius strepitu abesset,
 principes extra castra perductos, deditionem urbis, an direptionem pro-
 bent, perquirat. A quibus Absalon, quidnam ea de re sentiret, disserere
 iussus : munitionem quidem capi, sed non sine diuturno obsidionis im-
 pendio posse, asseverabat. Quanquam enim studia sua sinistra vulgi inter-
 pretatione exciperentur, malle se tamen apud malignos eorum æstimate- ³⁰
 res ob salutes monitus displicere, quàm sociorum salutem tanta rerum
 utilitate subvertere. Nam etsi ignis potius cœlesti miraculo, quàm uliâ
 mortalium operâ accensus, superiores aggeris partes, quæ lignis humoq;
 constabant, propemodum in cineres redegisset, inferiorum tamen soli-
 diorem compagem incendio non cessuram, quæ altitudine sua haud faciliè
 hostium incurfui pateat. Ad hæc oppidanos cuncta penè incendii loca lu-
 teis refecisse figmentis, eosq; partim flammarum viribus arceri, partim
 præsidio muniri, quarum asperitas nostris non minus oppugnationis,
 quàm illis defensionis impedimentum ingerere videatur. Præterea si in-
 columitas Arkonensibus negaretur, fore ut cæteræ Rugianorum urbes ⁴⁰
 necessitate in virtutem conversa, hoc acrius, quò desperatius rebellarent.
 Quos si in fidem recipi comperissent, faciliè eodem exemplo salutis consi-
 lia circumspicerent. Cum ergo multarum urbium expugnationem sola
 expeditione concludere, quàm unius obsidioni pertinacius inhærere præ-
 stantius ducatur, deditionis oblata respui non oportere. Sin cæteris secus
 videatur, inviolatos obsides mitti debere, ne parum syncera fide cum eis
 actum existimari posset, aut gentis nostræ promissioni præter solitum ulla
 lubricitatis labes accederet. Hanc sententiam Maximus Pontifex Eskillus
 consentaneis suffragiis fraudare passus non est, dicendo plebem patribus,
 non plebi patres obtemperare debere, neque par esse majores minorum ⁵⁰
 arbitrio cedere. Quî autem optabiliorem victoriam acquiri posse, quàm
 alienæ religionis populum non solum tributis, verumetiam Christianis
 sacris subjectum efficere? Sed etiam potiùs Arkonensium operâ adversum
 reliquos hostes utendum, quàm cædibus inhîandum monebat : quip-
 pès sub-

pe subjugare hostem, quàm necare, tanto præstantius esse, quàm pietas à
severitate distare cognoscitur. Insuper aliquanto satius fore, complurium
munitionum præsidia pariter occupare, quàm unius obsidionem omnium
expugnationi præponere. Ea monitorum ratione permotos principes, tam
suæ quàm Absalonis sententiæ assensores effecit. Rex quoq; eodem consilij
vigore firmatus, infestas populi voces clausis patientia auribus respuit. Qui-
bus ad curanda corpora dimissis, Absalon suscipiendorum obsidum man-
datum amplexus, partim liberorum pignora recipiebat, partim parentes
in crastinum usq; pro liberis admittebat. Eodem proximæ noctis hora con-
10 cubia quierem capiente, ingens Barbari clamor insonuit, Guthskalki, quo
Absalon apud Sclavos interprete utebatur, copiam flagitantis. Qui hac vo-
ce excitus, quidnam Barbarus afferret, mutuo clamore perquirat. Ille po-
stulato Absalonis aditu, propius accedere permissus, eumq; extra tentorium
ad se progressum per interpretem alloqvutus, impensius orare cœpit, permit-
teret sibi Karentinis Arkonensium fortunæ nuntium afferre, hortariq; ut si-
milibus pactis exitium præcurrentes, suam atq; urbis incolumitatem pacisci
non differant, præfatus se voluntatis eorum indicium postridie relaturum.
Præterea se patre Littogo Karentiæ natum, Granzamq; dici asseverabat, præ-
sentis urbis non civem, sed advenam esse, nec in eam sponte profectum, sed
20 cum alijs inter supplementa transmissum. Quod ne fraudulenter asserere
putaretur, debilitatum vulnere lacertum ostendit, sine cujus usu civibus o-
pem ferre non posset. Absalon in homine tam graviter affecto parum mo-
menti hostium viribus accedere judicans, parviq; ducens pugnae in deditionis
hortator existeret, petitionem ejus ad Regis arbitrium relegavit: ac pro-
tinus Waldemarum è somno excitatum consuluit. A quo rem arbitrio suo
tractare jussus, expectanti Barbaro, omnia à Rege præter tridui inducias
concessa respondit, sollicitè providens ne hostibus longum muniendæ ur-
bis tempus daretur. Caterum insequentis diei spacium, ne omnium indu-
ciarum expertem dimitteret, pollicetur, præfatus, nî in littore, quod urbi
30 suæ proximum foret, se cum omni Rugiæ primatu tempore prædicto obvi-
um præbuisset, ulteriore pactiois aditu cariturum. Postero die Esbernus
ac Suno, jubente Rege, simulacrum everfuri, quod sine ferri ministerio con-
velli nequibat, aulaeis, quibus sacellum tegebatur, abstractis, famulos succi-
dendi officium arripere jussos, attentius monere cœperunt, ut advertum
tantæ molis ruinam cautius se gererent, ne ejus pondere oppressi, infesto
numini poenas luere putarentur. Interea sanum ingens oppidanorum fre-
quentia circumstabat, Svantovithum talium injuriarum autores, infestis
numinis sui viribus insecuturum sperantium. Jamq; statua extremâ tibia-
rum parte præcisâ propinquo parieti supina incidit. Cujus extrahendæ gra-
40 tiâ Suno ministros ad ejusdem parietis dejectionem hortatus, cavere jussit,
ne succidendi aviditate pericula sua parum dispicerent, neu se labenti statuae
per incuriam proterendos obijcerent. Ruinam simulacri non sine fragore
humus excepit. Præterea frequens ædani purpura circumpendebat, nitore
quidem prædita, sed situ tam putris, ut tactum ferre non posset. Nec syl-
vestrium bestiarum inusitata cornua defuere, non minus suapte naturâ,
quàm cultu miranda. Dæmon in furvi animalis figura penetralibus exce-
dere visus, subito se circumstantium luminibus abstulit. Igitur oppidani si-
mulacro urbe egerendo funes iniicere jussi, cum id pristinae religionis me-
tu per se ipsos exequi non auderent, captivis exterisq; quæstum in urbe
50 petentibus, ut illud ejicerent imperabant, ignobilium hominum capita
divinæ iræ potissimum objectanda ducentes. Quippe domestici numi-
nis majestatem, quam tanto cultu prosequi consueverant, graves è vestigio
poenas à suis violatoribus exacturam putabant. Tum verò variæ incolarum

VALDE voces exaudiebantur, alijs dei sui injurias lamento, alijs risu prosequenti-
MARUS I. bus. Nec dubium quin ingens prudentiori oppidanorum parti rubor
 inceserit, simplicitatem suam totannis tam stolido cultu delusam cernenti.
 Pertractum in castra simulacrum admirantis exercitus concursus ex-
 cepit. Nec prius sibi principes spectandi licentiam indulserunt, quam
 plebem visendi facietas amovisset. Reliquum diei in obsidibus, qui pri-
 die remanserant, accipiendis traductum est. Sed & scribæ principum in ur-
 bem mittuntur, qui sacerdotali ministerio rudem religionis populum
 Christianis sacris assuefacerent, ejusq; sacrilegis sensibus sanctitatis disci-
 plinam ingenerarent. Vesperâ appetente, omnes, qui culinibus præerant, si-
 mulacrum attentatum securibus, in exigua frustra aptosq; foculo stipites
 redegerunt. Crediderim tunc Rugianos pristina pignisse culturæ, cum pa-
 trium avitumque numen, quod maxima religione celebrare solebant,
 igni deformiter applicatum concoquendis hostium alimentis famulari
 conspicerent. Post hæc nostri pariter & fanum cremandum, & basilicam
 lignis machinamentorum exædificandam curabant, belli instrumenta
 pacis domicilio permutantes. Itaque quod obterendis hostium cor-
 poribus excogitaverant, salvandis eorum spiritibus impendebant. Dies
 quoque, quo thesaurus Svantovitho votorum nomine consecratus à
 Rugianis traderetur, præfigitur. His expletis Absalon Granzæ Karenti-
 nensis promissione ducibus exposita, cunctisq; ejus experimentum sumi
 debere judicantibus, cum triginta navigijs noctu discessit, Regem sub pri-
 mam lucem insequi monito. Tantus autem Karentinis, Arkonensis ex-
 pugnationis nuntio, terror inceserat, ut locum, qui ab Absalone prænota-
 tus erat, ante præfixum tempus accederent. Illic Granza equo insidens,
 voce eminus missa, quisnam classi præesset, rogabat. Quam postquam ab
 Absalone ductari cognovit, Granzam se esse confessus, Regem Tetis-
 lavum cum Jarimaro fratre & universis Rugianæ nobilitatis proceribus
 advenisse perdocuit. Quos Absalon, interposita fide, nave exceptos, ac per
 omnia Arkonensium exemplo deditionem pactos, ad Regis adventum
 usq; detinuit. Quo per omnia pactionibus assentiente, solo Jarimaro ex Ru-
 gianorum optimatibus assumpto, unâ cum Svenone Arusiensi, Karenti-
 am pergit; reliquos, quò tutius urbem peteret, per Esbernium fratrem e-
 pulis allectos, non ante reditum suum dimittendos curavit. Triginta so-
 los domesticos milites secum habebat, quorum majorem partem, oranti-
 bus Karentinis, nè quid rixæ per ejus comites in urbe concitaretur, remisit,
 fiduciaq; quam familiâ abundantior ad urbem contendit. Hæc undiq; se-
 cus voraginibus ac lacuinis vallata, unicum palustri ac difficili vado adi-
 tum habet. Quo si quis incautis viæ excessibus aberraverit, in profundum
 paludis incidat necesse est. Hoc vadum emensis, prætentus urbi callis oc-
 currit; hic ad portam ducit, mediusq; vallum ac paludem interjacet. Itaq;
 Karentini, quò deditionem suam concinniorẽ efficerent, sex millium
 numerum explentes armati sese portis effundunt, viamq; nostrorum pro-
 gressui opportunam, suffixis humo cuspidibus, diversa acie circumstare cœ-
 perunt. Quo aspectu stupentem Svenonem, rogantemq; quidnam sibi
 hostium veller excursus, Absalon metu carere præcepit, eorum egressio-
 nem ab obsequendi studio profectam docendo. Qui si nocendianimum
 gererent, facilius intra urbem facinus exsequi potuissent. Quanta porro
 illum fiducia prædictum æstimemus, qui capitis sui potestatem armati ho-
 stis ancipiti arbitrio tam facile credere non dubitavit? Sed & milites ejus
 exemplo firmati, nec vultu nec ordine mutato parem procedendi con-
 stantiam conservaverunt, plus spei in unius Absalonis præsidio, quàm metus
 in hostium multitudine reponentes. Transgressos vadum, viamq; vallo ci-
 tiores aggressos, Karentini qui se hinc inde centuriaverant, humi pro-
 stratis

Viris corporibus, perinde ac superos adorandi officio venerati sunt, ex-
 surgentesq; eorum vestigia benivolo studio consecrari cœperunt. Jucundus
 Absalonis ingressus, avido egressionis populo extitit. Neq; enim ut privata
 rei legatus, sed tanquam publicæ pacis minister excipitur. Insignis hic vi-
 cus trium præpollentium fanorum ædificijs erat, ingenuæ artis nitore vi-
 sendis. Iis tantum penè venerationis privatorum deorum dignitas concilia-
 verat, quantum apud Arkonenses publici numinis autoritas possidebat. Sed
 & hic locus, ut pacis tempore desertus, ita tunc frequentibus habitaculis
 confertus patebat. Quorum altitudinis tres ordines fuere, infimo, medijs
 20 supremisq; ponderibus sustentamentum præbente. Quin etiam tantæ con-
 fersionis angustia fuere, ut si tormentis in urbem lapides jacerentur, nu-
 dam humum, in quam conciderent, non offenderent. Super hæc natus im-
 munditijs foetor cunctos urbis penates aspererat, nec minus corpora quàm
 metus animos cruciabat. Unde nostris Karentinos obsidioni resistere ne-
 quivisse conspicuum fuit. Neque enim eorum tam promptam deditio-
 nem ulterius mirari voluerunt, quorum tam arctam necessitatem liquido
 perviderunt. Majus fanum vestibuli sui medio continebatur, sed ambo
 parietum loco purpura claudebantur, recti fastigio solis duntaxat columnis
 imposito. Itaq; ministri direpto vestibuli cultu, tandem manus ad interio-
 20 ra fani velamina porrexerunt. Quibus amoris, factum quercu simula-
 crum, quod Rugiæ vithum vocabant, ab omni parte magno cum deformati-
 tatis ludibrio spectandum patebat. Nam hirundines, quæ sub oris ejus
 lineamentis nidos molitæ fuerant, in ejusdem pectus crebras stercoreum
 sordes congefserant. Dignum numen, cujus effigies tam deformiter à vo-
 lucris foedaretur. Præterea in ejus capite septem humanæ similitudin-
 30 facies confedere, quæ omnes nnius verticis superficie claudebantur. To-
 tidem quoq; veros gladios cum vaginis uni cingulo appensos, ejus lateri
 artifex conciliaverat. Octavum in dextrâ districtum tenebat. Hunc pu-
 gno insertum firmissimo nexu ferreus clavus astrinxerat, nec manu nisi
 40 præcisâ evelli poterat: quæ res truncandæ ejus occasio extitit. Spissitudo
 illi supra humani corporis habitum erat: longitudo verò tanta, ut Ab-
 salon supra primam pedum partem consistens, ægrè mentum securiculâ,
 quam manu gestare consueverat, æquaret. Hoc numen perinde ac Martis
 viribus præditum, bellis præesse crediderant. Nihil in hoc simulacro jucun-
 dum visentibus fuit, lineamentis impoliti cælamini deformitate sorden-
 tibus. Jamq; famuli maxima cum totius urbis exanimatione, tibijs ejus se-
 cures applicare cœperunt. Quibus abscissis, comitante sono lapsus terræ
 truncus impingitur. Hoc viso oppidani, dei sui viribus insultantes, religio-
 nem mutavere contemptu. Nec ejus excidio contentæ satellitum manus,
 40 ad Porevithum simulacrum, quod in proxima æde colebatur, avidius porri-
 guntur. Id quinq; capitibus confutum, sed armis vacuum fingebatur. Quo
 succiso Porenutij templum appetitur. Hæc statua quatuor facies repræsen-
 tans, quintam pectori insertam habebat, cujus frontem lava, mentum dexte-
 ra tangebatur. Hæc famulorum ministerio securibus icta concidit. Has sta-
 tuas oppidani Absalonis edicto intra mœnia cremare jussi, preces imperio
 opponere cœperunt, orantes misereatur confertæ urbis: nec incendio ob-
 iiciat, quorum jugulo parcat. Nam si ignis ad vicina prolapsus, unum è
 tabernaculis corripuisset, ob eximiam confersionem, universa indubitanter
 convelleret. Quapropter eas urbe egerere rogati, diu repugnauerunt,
 50 quod se membrorum, quorum ministerium imperio exhibuissent, numine
 poenas exigente, usum amissuros metuerent, contemptumq; religione
 excusare pergebant. Ad ultimum Absalonis monitu, dei, qui sibi met-
 opitulari non posset, potentiam floccipendere docti, spe impunitatis
 acceptâ, imperio ocyus paruerunt. Nec mirum, si illorum numinum

VALDE potentiam formidabant, à quibus stupra sua sæpenumero punita memi-
MARUS I. herant. Siquidem mares in ea urbe cum foeminis in concubitum adscitis,
 canum exemplo coherere solebant. Nec ab ipsis morando divelli pote-
 rant. Interdum utriq; peticis ediverso appensi, inusitato nexu ridiculum
 populo spectaculum præbuere. Ea miraculi foeditate solennis ignobilibus
 statuis cultus accessit, creditumque est earum viribus effectum, quod dæ-
 monum erat præstigiis adumbratum. Svenone verò, quò magis simulacræ
 aspernenda doceret, super ea, cum à Karentinis ejicerentur, sublimis con-
 sistere voluit. Quo facto pondus contumelia auxit. Nec minus trahentes
 rubore quàm onere vexavit, domestica numina alienigenæ pontificis
 pedibus subjecta cernentes. Dum hæc à Svenone geruntur, Absalon tri-
 bus cœmiteriis in agro Karentino dedicatis, vespere Karentinam rediit:
 deletisq; simulacris, unà cum Jarimaro, profundâ nocte, ad naves pervenit,
 eumque secum cœnitare coëgit. Jamq; Absalon ternas continuè noctes
 absq; somno exegerat, adeoq; oculorum ejus aciem vigiliæ debilitaverant,
 ut penè videndi usum extinguerent. Sequenti luce scribæ, & qui privata
 principum sacra tractabant, sacerdotiorum ornamentis donati, regeneran-
 dæ per aquam provinciæ ministerium præbuerunt. Item Basilicas complu-
 ribus in locis moliti, privatæ superstitionis tuguria, publicæ religionis
 domiciliis mutaverunt. Eodem die pariter accipiendis obsidum reli-
 quiis vacatum est. Quo tempore Pomeranorum duces, qui Tetislavum
 regno exuendum, seq; Rugianæ rei dominium in præmium militiæ rece-
 pturos putabant, postulatâ abeundi licentiâ, amicitias hostilitate mutarunt.
 Quæ res ipsis postmodum ac Danis longam belli discordiam interje-
 cit. Vespere portu solvantes, se ad proximam continenti insulam appu-
 lerunt. Illic Regi septem æqualis magnitudinis arcæ, consecratâ deorum
 numini pecunia refertæ, à Rugianis allatæ sunt. His peractis remitten-
 dæ expeditionis decretum vulgatur. Quæ reversâ Absolon novos sacer-
 dotes non solum ordinis sui insignibus, verum etiam com meatibus
 instructos, revocatis prioribus, in Rugiam delegavit, ne alienis impensis
 utendo, populum, quem sacris documentis erudituri erant, in exigendis vi-
 tæ necessariis onerarent. Nec prædicationis eorum ministerio miracu-
 la defuere. Siquidem compluribus debilitate corporis resolutis, per
 eorum salutes preces bonæ valetudinis habitus recuperatus est.
 Quod potius lucrandæ gentis respectui, quàm sacerdotum sanctitati divi-
 nitus concessum videri potest. A quibus etiam detractæ religionis suppli-
 cia variâ membrorum strage graviter exigebantur, ut manifestè Deum &
 cultus sui præmium, & contemptus vindictam afferre, putares. Ibidem quo-
 que nuper clarum inauditæ generis miraculum incidit. Matrôna quæ-
 dam à viro immerens adulterii infimulata, cum purgandæ infamiæ gra-
 tia candenti laminæ dexteram obtulisset, subito ferrum, quod exceptura
 erat, perinde atque innoxie manus contactum fugiens, neglecto pondere,
 sublime se extulit, penduloque motu gradientis foeminæ incessum comi-
 tans, cum ante aram iustandum erat, inter religiosam astantium admi-
 rationem, proprio impulsu humi decidit. Ea res & mulieris infamiam
 levavit, & visentium animos religioni propiores effecit. Nec temere qui-
 dem pudicitiam suam tam ancipitis argumenti iudicio credidit, cui corpor-
 is animiq; fiduciam certæ synceritatis conscientia ministravit. Captâ Ru-
 giâ, cum adhuc piraticæ labes cunctos maris nostri secessus foedaret, so-
 lerti Danorum instituto provisum est, ut eorum classe recensitâ, quarta
 quæque navis adversum maritimos prædones, quoad temporum habitus
 sineret, excubandi officio fungeretur, sicq; quorundam assiduitas univer-
 sorum laborem absolveret. Tantum enim commodi gens nostra in pau-
 citatis continua, quantum in multitudinis intereisa militia reponebat. In
 quod

Quod munus potissimum juvenes conjugiorum expertes legi placuit, ne militiæ studium tori charitate torpesceret. Iisdem Absalon & Christophorus duces adduntur. Qui domestici freti limitibus non contenti, etiam Rugiana littora ac Lenticios scrutabantur anfractus.

Per idem tempus legati Regis, quos ut sibi paternæ animæ sanctitatem sacris honoribus venerari liceret, Romam transmiserat, consentaneas voto literas retulerunt. Quibus cognitis Rex omni Danicâ nobilitate sub edicto Ringstadium evocatâ, circa solenne Joannis, quod in æstivo solstitio colitur, & parenti cœlestes honores, & filio regios celebrare constituit. **20** maxima claritatis incrementa accepturum se ratus, si una eademq; luce ex iis alterum ara, alterum coronâ donasset, ut & hujus infantiam regnum reciperet, & illius spiritum publica religio consecraret. Sed neque se ulla alia ex re tantum voluptatis hausturum credebat, quàm si in filio majestatis suæ insignia vivus conspiceret potuisset. Quinetiam naves à propinqua statione revocatas, longinquam agere jussit, quò citius profundæ barbariæ piratas offenderent, ante feriam, quæ Joannis censetur, participandæ solennitatis gratiâ reversuras. Discedentes quoque præmonuit, ne hujus generis piratas, callidius quàm fortius configere solitos, repentè lacefferent, & quibus id consuetudinis sit, ut hostili classè superveniente, **20** navibus suis in littus subductis, de industria citato cursu latebram petant, hostibusque liberum instandi locum tribuant. Sed mox ut eorum navigia ardenti remigum studio passim littoribus applicata conspexerint, improviso recursum latebris erumpentes, eadem brachiis per foros injectis apprehensa subducant, subductaq; nautis partim lapidum, partim telorum nimbo obrutis ferro perfodiant, ac crebris foraminibus absument. Hos itaque tametsi fugere videantur avidius insequendos non esse, quorum non minus fuga quàm impetus metui debeat: neque terga præbentibus præproperè innitendum, sed potius & littus composito navigationis genere petendum, & in aciem junctis patienter ordinibus descendendum. Hæc **30** agentibus in expedito victoriam fore, quod inermes illi nudisq; penè corporibus dimicantes, plus astu quàm apparatu niti soleant. His monitis incalcescentes se in Slandiam appulerunt. Verum quanquam Sveones ac Dani inimicitias gererent, ne destinatam paganis cladem Christianis infligerent, insulæ parcendum duxerunt, religionis concordiam regnorum odiis præferentes. Hic ab indigenis permixtos Estonibus Cuios propinquo in portu piraticam exercere perdocti, indicatum sibi locum, ut cuiq; navigationis celeritas suppetebat, cum contemptu hostium, regii monitus immemores, certatim subintran. Quo viso, speculatrix Estonum ratis remigio in altum excessit, obviaq; navigatione diffugere, **40** quàm sociæ classi visorum nuncium afferre maluit. Quod reliqui piratarum experti, subductis in continentem navigiis, de industria se propinquæ sylvæ fruticibus occultare cœperunt. Quorum commentum Sveno Scölingus, & Nicolaus Wendilensis, haud callidè æstimantes vehementi remorum impulsu concitatis navigiis, cum universis remigibus littus insiliunt, ubi protinus fallaci Barbarorum recursum excepti, diuq; cum iisdem strenuè praliati, neglecti regalis consilii pœnas exitio pependunt. Quibus dum Tovo Longus, & Esgerus, insignes Absalonis equites, auxilio fore gestiunt, quorum spiritum protegere student, sociantur funeribus. Talibus sociorum periculis Magnus Scaniensis irritatus **50** magis quàm territus, diverso littoris aditu similem pugnæ eventum habuit. Horum omnium navigia Barbari prius remigibus viduata, mox securibus perfoßa profundo merferunt. Has militum strages Christophorus contemplatus, temperato remigii cursu terris navem abstinuit, Quæ cum fluctuante prora littori latus adverteret, tanta saxorum vi ab

VALDE MARUS I. hoste petita est, ut remiges sua tantum corpora munire contenti, aliena at-
tentare nequirent, nec jam inferendis ictibus sed vitandis vacarent. Hæc
postquam Esbernus animadvertit, ne sanguis regius frustra sibi creditus vi-
deretur, strenua navigatione continentem petendo, mediis se jaculantium
saxis immergit, oneratumq; periculis juvenem ab imminente exitio navigii
sui interjectu servavit. Quod protinus Barbari magnis viribus apprehen-
sum, vulneratis, qui proræ præerant, in litus haud segniter pertrahendum
curarunt. Esbernus cum se tribus spiculis balista emissis, toties ictu frau-
datum videret, confracto tormento, cujus usum frustra tentaverat, à puppi
in proram armatus concessit, solusq; tot hostes aliquanto diei spacio mira-
10
animi corporisq; virtute sustinuit. Tandem silicibus adeò contusus telisq;
perstrictus, ut pedibus quoque deficeretur, agrè puppi repetita confedit.
Jamq; à comitibus desertus (nam cuncti, præter unum, pellente metu, pro-
fundo se dederant) postquam barbaros navigium, cujus jam latera dolabris
perfrégerant, insilire conspexit, virtutis pristina non oblitus, viribus recol-
lectis, semel iterumq; ac tertio exceptos fugavit, telaq; in se congesta acer-
rime in hostem retorfit: auxilio sibi vertens, quod in ejus perniciem vis
aliena contulerat. Ad ultimum hebetatis nervis, lassitudinis nimietate
confectus, cum potius debilitati quàm hosti cedens, resumendarum virium
gratiâ, paululum gradum referre cœpisset, tam gravem lapidis ictum capi-
20
te excepit, ut ante puppim penè exanimis collaberetur. Quem cum Bar-
bari, conscenso navigio, jacentem obruncaturi concurrerent, unicus ejus
comes cum voce semianimem suscitare non posset, dextera comprehen-
sum erexit, solaq; consistentis imagine propinquas hostium catervas repu-
lit. Tanta quippè fortitudinis ejus experientia fuerant, ut aspectu non
minus quàm viribus hostem terrerent. Postremo sensibus redditus, comi-
tem percontatus, curnam ab eo fatigaretur? Postquam navigium Barbaris
completum audivit, pristino animi vigore, pulsus omnibus, in proram con-
cessit, pugnaq; strenuè edita, cum viribus propemodum absumptis ad
malum regredi vellet, rursus semianimis concidit, perissetq; ne eum
30
Christophori remiges oclius have exceptum servassent. Quæ res ceteros
in littoris accessione cautiore effecit. Eo namque prospectius abstinentes,
eminus rem fundis jaculisq; gessere. Et quoniam rebus ulterius attentan-
dis noctis propinquitas officere videbatur, sumpto differendæ pugnae
consilio, ne quâ Barbarorum ratis nocturno portus egressu clandestina fu-
ga dilaberetur, excubiis observandum duxerunt. Igitur Barbari cum se
tantæ classis objectu conclusos viderent, fortitudinem ex desperatione ca-
pientes, jam non de fuga sed victoria cogitare cœperunt. Itaque partim
propriis, hostiumq; navigiis, quibus potiti fuerant, partim sylvestribus trun-
cis arboreisq; molibus munitionem ad urbis instar aedificant, binos ha-
40
bentem introitus arctos admodum, angustisq; difficiles, quibus quis veluti
posticis submissus irreperet: latera quoque, quæ ex navigiis compégerant,
velis in multiplices ordines convolutis, exterius imminebant, propugna-
culorum usum à telarum consertionibus mutuantes. Præterea aliis sectos
stipites figendis ictibus exactere, aliis littoralla saxa jactibus idonea legere
curæ fuerat: & ne ulla ex parte remissis animis viderentur, bacchantium
more cantu choreisq; lætitiâ simulabant, Danis tristem silentio noctem
ducentibus. Tunc Lucas Christophori scriba, nationis Britannicæ, literis
quidem tenuiter instructus, sed historiarum scientia apprimè eruditus,
cum infractos exercitus nostri animos videret, moestum ac lugubre silen-
50
tium clara voce prorumpens, sollicitudinem alacritate mutavit. Siquidem
memoratis veterum virtutibus, nostros ad exigendam à sociorum interfe-
ctoribus ultionem tanta dissilendi pericia concitavit, ut non solum moe-
sticiam discuteret, verumetiam cunctorum pectoribus fortitudinem inge-
neraret.

neraret. Dictuq; incredibile fuerit, quantum virium in nostrorum animos ab alienigenæ hominis sermone manaverit. Diluculo reddito paucis ad prohibendam hostium elapsionem relictis, remoto ab eorum castris spatio litus conscendunt, ne in ipso apparatu repentinos supervenientium paterentur incursus. Itaque cultius armatis in acie præire iussis, ignobilibus quibusque subsequendi locum attribuunt. At Barbari non per acies, sed passim munitione delapsi, ingenti clamore edito in pugnam proflire cœperunt, existimantes Danos strepitus viribus perterrefactos primo congressionis impetu superandos. Tantus autem clamoris eorum horror increbuit, ut in postrema acie collocatis non solum metum, sed fugam incuteret. Verum à præcedentibus secus ac rebantur excepti, non minore impetu castra, quam reliquerant, reperebant. Complures ex eis cæsi solus è nostris Olavus guttur telo trajectus multoq; sanguinis profluvio debilitatus, semianimis in litus refertur. Primus Nicolaus Stigonis filius, vir genere & viribus juxta splendidus, defensam à Barbaris munitionem irrumpit, sed in ipso mox aditu vehementi fustis ictu exceptus procubuit. Quem Ako frater proprii corporis objectu protegere cupiens, dirum in gutture vulnus excepit. Quorum fortitudinis vestigia cæteri insecuti, facto irruptionis gradu, cum contemptu periculorum atrocius in hostem grassantur. Quibus etiam, qui excubiis præerant, supervenientes opem tulere, alii malis appositis munimenti fastigium transcendentes, ferendi sociis auxilii studio hostilibus sese globis immergunt. Tanta autem in Barbaros strages exercita est, ut ex ipsa eorum multitudine nè cladis quidem nuncius superstes reperiretur. At nostri prædæ participatione acta, refectisq; navigiis, nobilium sociorum cadavera salientes, ignobilibus ibidem tumulatis, in patriam referenda curabant. Qua intra Waldemarum apud Ringstadium, magnâ cum optimatum frequentia, regio apparatu feriantem reperiunt. Ubi Lundensis Pontificis ministerio, ejus id exequendi officium erat, & patris ejus ossa aræ traduntur, & filius septem annos natus Canutus Rex consecratur, regia in sella purpurâ venustatur. Quibus debita religione celebratis, Helgo Pontifex Alboënsis, & Stephanus Upsalensis, ab Erlingo missi, editiore loco occupato, pacem Norvagiensibus benigno præcabantur alloquio. Quam à Rege eo potissimum die concedendam esse monstrabant, quo & filium diademate, & parentem altario honoratum vidisset, tantumq; excellenti eorum facundia tributum est, ut Erlingo familiaris colloquii aditus promitteretur. Ad quem Esbernus, poscente Helgone, nondum resanatis vulneribus, legatus dirigitur, Erlingo & Juaro Norvagiensibus interim obsidum loco apud Regem retentis. Multa illi in concione Erlingus insolenter, hic multa Erlingo audacter respondit. Quo Erlingus domi suæ detento, Waldemarum allocuturus, Sialandiam, quatuor navigiis, Stephano Upsalensi comitatus, accedit. Quem cum Absalon nuper à Regis in Jutiam proficiscentis comitatu magna classe regressus, Isbrēnsi in portu adventantem videret, sociis quicquam hostiliter conari vetitis, nè supervenientibus metus injiceretur, tranquillè ejus navigationem excepit, quem etiam majore classis suæ parte dimissa, ad Regem perduxit. Is cum prima colloquii die objurganter exceptus de concordia desperaret, Absalonem per Stephanum orat, tutò sibi discedere liceat. A quo timidius, quam si in patria foret, sentire prohibitus, colloquium repetivit, pacemq; probatis conditionibus impetravit. Enimverò cunctis Norvagiensium magnatibus in eandem sacramenti formam obstrictis, jurejurando pollicitus est, se filium Regis Waldemarum admodum parvulum, educationis officiis profecuturum, eundemq; prius Norvagiæ ducem, deinde regni heredem futurum, si filius suus Magnus absque liberis justo matrimonio susceptis decederet. Quinetiam miles Regis effe-

VALDE
MARUS I.

ctus, quotiescunq; res posceret, sexaginta Norvagiensium naves in ejus comitatum expediendas promisit. Cujus pactionis tenorem Danorum fide laudata, domi postmodum in concione vulgavit. Quem Tovo descendentem, reducendi Esberni gratia, proprio sequebatur navigio. In quo profecturus Esbernus, munificentia gentis arcuum telorumq; donis onustus abscedit.

Cum ad Oddam provinciam pervenisset, ex ejus speculatoribus, Regem expeditione Pomeraniam petivisse, cognoscit. Iidem ab eo interrogati, an ullos recenter piratas vidissent, quadraginta ferme navigia ad insulam Syram appulisse denuntiant, praefati parum se nosse, negotiatrix an piratica classis extiterit. His auditis Esbernus, ut noctu inscios praeteriret, neglecto syderis habitu, quam remotissime terras navigando vitare constituit, piratico se conspectui subducere cupiens. Sed dum obscuritatis auxilium expetit, subito collucentis lunae fulgore proditur. Nam Sclavi serena nocte conspecto velo, objecta classe navigantem excipiunt. Quibus conspectis Esbernus nautas arma capere, loricatosq; suis in locis consistere hortatus, reliquos secum in proram perductos ex utroq; navigii latere spiculis hostem incessere jubet, ut salutem suam protegere necesse habentes, segnius alienam impeterent. Praecipit quoque, cum primum classis objectum veli beneficio penetrassent, eodem defensionis genere, quo proram instruxerant, se duce puppim communiant, observato, ne quis praeter eum inter praeliandum fandi licentiam usurparet, quò melius imperantis jussio exaudiretur. Quem si occidere contigisset, Tovo vereretur imperium. Hic si perisset, Elgero proloquium deferretur. Quibus prostratis, minimum pugnae restaturum dicebat. Quò demum loricam sumere volente, is qui gubernaculo praeerat, quo se sit protecturus, inquit, cum utraque manu circa gubernandi officium occupata, neutram necessariae defensionis usibus aptare possit. Cui continuo Esbernus munimentum, quod erat sumpturus, tradidit, seq; quam gubernatorem hostibus inermem offerre maluit. Quò facto unius hominis corpus ferro, omnium verò mentes audaciâ instruxit, tanto opere hostes à se contemni demonstrans. Quibus juxta Esberni consilium obedienter ac strenuè gestis, postquam classis globum aciemq; perruperant, primus sequentium Sclavorum incursus vitelorum abigitur. Secundus aliquantò majore conatu editus, pari modo repellitur. Tertio Barbari tantam unius navigii virtutem mirati, cum quibus praeliuntur, interrogant. Respondet Esbernus, frustra nomina rimari, qui praedam occupare non possint. Hunc vocis jactum expertus Ericus Jurisii filius, vir generis clari, sed cordis obtusi, quem fortè Sclavi illic captivum habebant, quam poterat clara voce praedicavit, Esbernum ab eis capi non posse. Quo audito, seipsos, nisi eo potirentur, invicem execrati, hostilis navigii latera citra malum communibus rostris impellunt. In quo conflictu complures ex eis exanimati sunt, Sialandensium nemine periclitato. Cumq; ventus, cujus non modicum auxilium erat, aliquantulum ex pristino habitu remittere videretur, interrogatus à suis Esbernus, an velo remigium adjicere oporteret, id fieri prohibuit, ne navigationem metu conficere putarentur. Cumq; Barbaros identidem firmatis animis pertinacius instare cognoscerent, perseverantiae eorum metu, an silex intra navigium suppeteret, percontatus, postquam haberi eum animadvertit, malum conscendi, inq; ejus cacumine ignem extundi praecipit. Cujus facti acumine Barbaros sequentem classem invitari putantes, ab ulteriore sui insectatione cohibuit. Cum velum extra prospectum hostium esse crederet, demisso eo domesticum in portum remigio pervenit. Ita non minus ingenio suo, quam sociorum viribus adjutus, partim à fortitudine, partim ab astutia praesidium mutuatus est.

Interea Rex, Rugianorum classe auctus, perq; ostia amnis Zwinæ Pomeraniam ingressus, Julini oppidi, ipso intacto, confinia populatur. Deinde ad fluvium Julino Caminoq; junctum, uniformem principiis, ostiis bipertitum, Regiâ classe progreditur. Cujus navigationem crebra sapium obstacula a piscatoribus defixa difficilem faciebant. Pons quoq; prælongus Julini mœnibus contiguus, media amnis intercissione transitive coarctabat, citra quem, impedimentis urgentibus, pernoctatum est. Manè Rex continentem aggressus, ex adverso urbis in ripa australi pontem disjici jussit. Nec minori Sialandensibus piscatorias sapes convellere studio fuit. Quos cum Julinenses per occultum pontis transitum cimbis prolapsi propellere niterentur, Absalon, qui simul cum Rege ripam ascenderat, alienis navigiis correptis, opportunum eis præsidium attulit. In cujus clypeum conjecta tela inania cadebant, sociorum scutis immissas cuspidēs retentantibus. Cumq; ejus navigium huic spectaculo procul intentum, hortantē Rege, propius accessisset, repulsis hostibus, ingentiq; pontis parte convulsa, ceteræ classi navigandi iter tribuitur. Quam cum oppidani prætereuntem scaphis incesserent, Absalon & Suno, cimbis suas sagittariis completas eis obijciunt. Ancepsq; exercitatio erat naviculis, vario tormentorum genere decertantibus. Verum ut Julinensibus oppidum, ita nostris classis refugio fuit. Ad ultimum cedentes oppidanorum scaphæ, liberum classi progressum dedere. Quam cum Suno posterius sequeretur, quendam e Julinensibus insolentius ripæ incurstantem, ejecto ballistâ spiculo interemit; eiq; mox alium subvenire conantem simili ictu prostravit. Quorum corpora totidem ocius accurrentes, humeris suis excepta celerrime deportarunt. Cumq; nostros ob id factum unus ex oppidanis, perindè ac sociorum necem maledictis ulturus, acerbiorē convicio insequeretur, protervè eum Guthskalcus agere prædicabat, quod dona, quæ in alios ultro collata conspexerit, contumeliosa verborum violentia assequi cupiat. Nam cum duos eorum pedites a nostris equites factos conspexerit, reliquos si propius accessissent, similibus equis esse donandos. Quo dicto non solum insectatoris petulantiam contudit, verum etiam oppidanorum omnium insolentiam proculcavit. Inde ad insulam Crisztoam perventum. Cujus incendio abstineri Rex, ut annonæ equorum alimentis necessariæ parceret, edixit. Proximè ad urbem Caminum permeato amne proceditur. Cujus septentrionali provincia armis incendioq; vastata, prælium ejus in ponte conferitur. Sub quem Sclavi per occulta vada repentes, lanceis inter rimas porrectis furtim nostros vulneribus appetebant. Cujus incommodi fraudem Danicarum illico scapharum frequentia dispulit. Pontis quoq; fragilitas excidium minitans, amplius quàm hostis sævitia in metu reponebatur. Igitur ommissa urbis oppugnatione, Crisztoam reditur; ubi reducendæ expeditionis, summâ cum totius exercitus hæitatione, consilium agitantes, quâ parte pontum repeterent, ambigebant. Nam cum Pomeranorum lacus tribus ostiis in fretum decurrat, duobus, Penensi videlicet & Svvinensi, longinquitatis tædio fastiditis, propinquam Caminensis exitus brevitate adire placuit. Quem Gero quidam, regionis ejus locorum peritus, adeo vadofum. incertæq; profunditatis asseruit, ut eum æstus duntaxat regressu suo meabilem faciat. Cujus cognoscendi gratia Absalon cum tribus navigiis missus, contigui maris sævitia interpellante, profunditatis habitum excusare rimari non potuit. Hic fluvijs, ubi lacu emanat, contractiore alveo stagnat. Progressu verò suo supra amnis modum latitudinis incrementa suscipiens, eximiam paludem aut facit, aut invenit. Rursum ubi pelago influit, pristinae contractionis mensuram resumit. Quamquam verò classis regia Absalonis reditum opperiri deberet, navigationis ardore præcepti oblita, imperio festinationi posthabito, ad idem amnis diverticulum procurrit, ac seipsam proprio

FFALDE
MARUS I.

proprio ductu difficillimis alvei locis inferuit. Cujus cum Christophorus terga custodis more postremus tutaretur, insulantibus Sclavorum navigiis haud facilem fluvij ingressum habuit. Quod attentationis genus partim viribus suis, partim sociorum auxiliis propulsavit. Cumq; Rex eodem die Julinensis provinciæ denuò invadendæ consilium agitaſſet, Absalon concubiâ nocte, opportuna ascensui loca scrutatus, ubi solidiorem fundi situm advertit, illic aut palos fixit, aut harundines ripæ junctas nodis signavit, posteraq; luce easdem indiciorum notas secutus, exponendis equitibus facilem continentis aditum præmonstravit. Qui cum Magnum, Erici filium, diurnæ excursionis, agendæq; prædæ socium haberet, eumq; incautius evagan- 10 tem ab hostibus propè interceptum audiret, quanquam à Rege, vicorum incendiis insistente, revertendi imperium accepiſſet, charitatem obedientiæ prætulit, Magnumq; partim navali, partim equestri hostium militiâ, arctissimo in loco conclusum, evestigio concitato agmine superveniens, imminētis exitii periculo liberavit. Nec ingratus auxiliij Magnus, salutem suam se ei debere confessus est. Ad hæc ingentes servatori grates exsolvit, seq; etiam spiritum suum, si necesse foret, ejus saluti impensurum promisit. Verum Absalon memor hanc opem à se latam adversum Regis imperium esse, ne tristiores ejus vultum experiretur, gratiam, quam contemptu læserat, prædæ objectu recuperare constituit. Igitur pecorum ordines præ se agi, captivos- 20 q; in castra præcedere jussit, eoq; aspectu permultos Regis oculos in adventum suum leniores effecit. Is namq; cognitis Absalonis operibus, spolijsq; conspectis, iram, quam contemptui inflixit, virtuti remisit, eumq; levi reprehensionis genere venientem excipere contentus fuit. Repetitâ classe anceps educendæ ejus consilium fuit. Alij siquidem medias faucium angustias, ad commodum navigationis, ligonibus patefaciendas, strictasq; fluvij partes fossorum operâ ampliandas censebant. Sed quia manifestum erat, futurum, ut arenis maritimo æstu appulsis fossa obstrueretur, opus attentatum non est. Alij naves, subjectis trabibus, communi vi in portum petrahendas duxere, equitatu utrinq; ripas tuente. Rugianis solis sex parvulas 30 rates hac arte educere contigit, cæteras vero oneribus admodum impeditas defungi quàm abstrahi facilius fuit. Igitur cum nostri infinito procedendi ardore aliquamdiu fauces frustra tentassent, revocante Rege, ægrè cœpto cesserunt. Tanto omnes (Absalonem excipio) hoc exitu utendi aviditas stimulabat. Is namque explorato amne, faucium profunditatem navigiis inaccessam fore compererat. Interea Kazymarus imperitâ nostrorum secessionem gavissus, claudendi amnis gratiâ, quinquaginta navium classem ejus principio objiciebat, ratus nihil hostium fortunæ præter mortem aut captiorem residui fore. Insignes ei sagittarij Konon & Cirinus fuere, ab Henrico, in Sclavorum auxilium, Danorum odio, missi. Bugiszlavus quoq; cum 40 equestribus copijs superveniens, navigiis in supplementum fratri transmissis, Julinenses, quod cum nostris acie non conflixerint, ignaviam eis obestando contempsit. Quæ res adeò Jutensium animos metu confecit, ut Absalonem veluti concione circumdatum palàm convitijs aggredi deforme, non ducerent, ejus ductui impntantes, quod propriæ festinationis impulsu commiserant. Quin etiam muliebriter & quasi per lamentum queri cœperunt, olim Regum consilia ad illustrium virorum arbitrium pependisse, nunc in stolidissimi cujusq; monitis sententiâq; consistere. Enimverò Danis eò loci perventum esse, unde reditus spes præsumenda non sit. Quamobrem pauca navigia, quibus Rex ac Principes dilabi possent, publico cona- 50 mine extrahi oportere, ne Danorum vires ac nomen uno temporis momento funditus collaberentur. Quam insectationem Absalon adeò patienter ac moderate tulit, ut nihil ex consueto mentis aut vultus habitu deponere videretur. Idq; solum monere contentus fuit, ut eas tantum ad præsens

Voces profunderent, quarum in futuro meminisse non pudeat. Huic fortè *WALDEMARUS I.* obrectationi Scofro Waggnonis filius interveniens, primum ob confusas populi voces, cuiusnam reimentio haberetur, liquidò exaudire non potuit. At ubi cessante jurgio, remissoq; strepitu, Absalonem maledico astantium sermone lacerari cognovit, Desipitis, inquit, commilitones, pijsissimi ac valentissimi viri industriam, tanquam scelus aliquod aut flagitium, obscenâ verborum petulantia proculcando, ignavasq; & indignas fortibus voces in ejus convitium muliebriter jaciendo. Neq; enim strenuam ac fortem operam iniquâ æstimatione pensare fas est. Ipso siquidem ductore eas terrarum partes armis lustravimus, quas nē aspicere quidem majoribus nostris contigit. Et sanè principibus ductandi, militibus sequendi jus competit. Ergò nos proprijs niti, alienis verò imperijs regi convenit. Neque enim ab eodem & defendi & ductari debemus. Quapropter nos illi grates habere par est, qui fortunâs suas toties pro nostra præda victoriâq; devovit, cuiusq; nunc fortissimo ductu eò necessitatis pervenimus, ut salutem armis protegere debeamus. Jam enim patriam ac penatès affectantibus, ante hostium oculos conspicuum virtutis opus edere necesse est, reditumq; probitatis actibus impetrare. Has autem populi nostri querelas, à summa animorum trepidatione profectas quis dubitet? Sed prò dolor, quid causæ est, quòd tot illustrium virorum præcordia tam repentè fiducia defecit, ignavia occupavit? Quid nobismetipsis nullo concutiente, metum parimus, abjectaq; spe sine periculo trepidamus? Corporibus integri sumus, neq; nexus, neq; plagas experti. Dextris enses gestamus, nihilq; robori nostro inopia aut clades detraxit. Agè, tantam fortunæ incolumitatem virili mentium robore prosequamur. Meminerimus nos viros exercitados, non imbelles fœminas esse, & inter penè inermes hostes, summa cum armatura versari. Certè si classis nostra aut naufragio aut incendio perisset, nihil impedimenti esset, quò minus per medios hostes patriam equis repeteremus. Mittite ergo trepidas ignavasq; voces muliebriter auribus tantæ concionis inferere, exsurgentesq; animis, hebetatos fortitudinis nervos pristina virtutis fiducia recreate. Talibus aliquandiu monitis insistens, potius obrectantium ora cohibuit, quàm animos correxit, depressitq; jurgium exhortantis autoritas, quòd ei summa pietas ac præcipua fortitudo maximam sociorum gratiam conciliaverat. Interea Kazimarus classis nostræ potiendæ spe admodum incitatus, simulandæ fiduciæ gratia, tentorio in ripâ defixo, aureis argenteisque poculis sibi ac militibus merum propinari constituit. Cujus inscientiæ factum, fugatus postmodum rubore mutavit. Interea Waldemar princeps à classis pertractatione revocatus curatis corporibus ad se coire jubet. Quos cum intra navigium suum frequentes adesse cognosceret, quid factu potissimum ducant, inquit. Quibus responsum non dantibus, taciturnitatem miratus, causam ejus exponi præcepit. Tunc quidam, hæsitantibus cæteris, pueros ei in consilium adhibendos dicebat, quorum præcipuè monitus sectari soleat, ut quos duces elegerat, etiam reduces habeat. Qua voce Waldemar Absalonis sibi familiaritatem exprobrari cognoscens, non moris esse, inquit, fortes viros invicem se muliebriter reprehendere, quin potius, ubi publicæ necessitati consulitur, privatas lites facessere oportere. Sed neq; hominem, qui ab ipsis imperitiæ damnetur, si consultus fuerit, responsionis ignorantia silentium acturum. Intuensq; Absalonem, quid suadeat, rogat. Ille consilium in expedito esse, cum eo Regi libitum fore uti, pronunciat. Quæ enim aliis impedimenta atq; obstacula videantur, dispulsu facilia fore, neq; aut navium objectum, aut equitum incursum morari posse, quominus ea parte egressus pateat, qua aditus fuerat. Regem quippe expositis in continentem equitibus, protegendæ classis gratiâ, ad ipsas fauces secedere debere, eoq; navigia nonnulla loricatis remigibus instructa

VALDE
MARUS I.

structa cæteris singulatim præire, & classem hostilem, cum primum frequen-
tium comitatus affuisset, irrumpere. Ridentibus cunctis, & an ipse prævius
fore vellet, percontantibus, volo, inquit, ne fortius dixisse videar quàm fe-
cisse. Etenim audacium consiliorum autores, quod ore suadent, manu pro-
sequi convenit. Delectatus consilio Rex, Absaloni naves, remigesq;, quos
posceret, expediri præcepit, ac protinus ripam stipatis equitibus petens ad
amnis principium properavit. Quo Kazymarus eminens adventare con-
specto, relicto ocyus tabernaculo, ad classem trepido cursu se retulit. Septe-
na delectu habito navigia procurantur, eademq; loricato remige exornan-
tur. Equibus bina Absaloni fuere, totidemq; Esbernus ac Suno ducta-
bant. Reliquis tribus Thorbernus, & Olauus, & Petrus Thorstani filius præ-
erant. Cumq; Absalon, cætera classe seriatim subsequi iussâ, navigio pri-
mus incederet, ignotum amnis diverticulum infenso navigationis com-
pendio penetravit: cujus reliqua navis gubernantis errore subito vadis in-
fedit. Sed hunc deviar navigationis excessum, detrusâ arenis puppe, remi-
gum velocitas correxit, statimq; barbara classis ceu ventis correpta passim
dilabitur. Cujus fugam Dani magnis ac latis vocibus insecuti, discissum
faxi vinculum effuso clamoris gaudio, prædicabant, deq; accusatoribus Ab-
saloni veneratores effecti, ingenti gratia ipsi relata, contumeliam laudibus
redemerunt. Sed & ejus animus moderationis & constantiæ viribus prædi-
tus, mobilis vulgi adulatione extolli parvi habuit: tantumq; se in despicien-
dis laudibus gessit, quantum in contemnendis vituperijs egerat. Tantulo
negotio tam ingens periculum dispulsum est. Bina Sclavica navigia remi-
gum metu deserta, apud Criztoam à nostris excepta sunt. Tercium sub-
stantibus aquæ palis affixum, sociorum succursu servatum est. Cumq; Rex
citatis equis Julinum petisset, Bugiszlavus circa pontis refectionem ineundæ
urbis studio occupatus, conspectis Danis, operam fugâ mutavit. Adeo illum
subita animi trepidatio pristina dictorum suorum insolentia oblivisci coë-
gerat. At Rex confestim refecto ponte, tanquam hostium opera consum-
maturus, in australem ripam equites trajecit, quò facilior exoneratæ classi
inter amnis consepia progressus pateret. Quò postquam Absalon subse-
quenter navigia ductando pervenit, ne eadem Julinenses, ut soliti erant, in-
cesserent, instructam sagittarijs scapham conscendit, eamq; medio inter ur-
bem & classem amne direxit. Verum oppidani nimio timoris haustu per-
culsi, anxia cum desperatione, totius militaris fiducia vacui, mœnibus suis
inclusi latebant. Pertransicis impedimentis, navigijs equi redduntur, de-
fessaq; remigio classis in portum colligitur. Cumq; Absalon ac Suno con-
sueti excubandi officio postremum fixis anchoris locum cepissent, veriti
ne eorum navigia, vento circumferente, solo propius adacta, nocturnæ e-
qvorum irruptioni paterent, conscensis naviculis, quantum ripa à profundo
distaret, curiosâ amnis collustratione explorare cœperunt. Interea qui-
dam è Julinensibus mero solutus, sed venustâ admodum clientelâ stipatus,
ripam insolentius obequitando petivit, benigneq; eis, Guthscalco inter-
prete, locutus, atque obsides pacis postero die dandos pollicitus, reliquijs
rerum parci, prædaque abstineri poposcit. Quo discedere volente, equus
insolentius ab eo per jactantiam concitatus subito lapsu corruit, eumque
vehementi ictu humo inflicto, penè exanimem prostravit. Hunc satelli-
tes veloci accursu jacentem attollere frustra conati sunt: quippe cujus sen-
sus halitu intercluso magnitudine casus sopiti viderentur, nostrorum verò
sagittis petiti capiendum hosti herum liquerunt. Qui protinus à vernulis
Absaloni in scapham conjectus, ad Liburnam defertur, ubi visu demum
motuq; corporis recuperato inter suos se constitutum existimans, assiden-
tes osculo amplexuq; petebat. Quo errore risum spectantibus suscitavit.
Interea rumor falso dispersus exercitum subit, hostes impediendi exitus
studio

studio Svvyvensia ostia crebris occupasse navigijs. Cujus opinionis si-
dem idem Barbarus rumorem falsitatis arguendo levavit, præfatus excus-
sum sibi exploratumq; fore, Sclavicum robur Danico adæquari non posse.
Quod si Pomeranorum vires Polonenſibus ſociata, ferro cum Danis de-
cernere debuiffent, malle ſe tutiusq; poſſe Danicas partes quàm adverſas
fovere. Cæterum ſi Polonis ac Sclavis contra Danos dimicaturis etiam
Saxonica acceſſiffent auxilia, nescire ſe quàm partem victoriæ propiorem
eſſet auguraturus. Quà aſſeveratione, noſtros ad capeſſendam cum ho-
ſtium contemptu navigationem, alacriores effecit. Tanta autem timo-
ris vis Sclavorum animos hebetaverat, ut ne extremos quidem, ſicut olim
conſueverant, inceſſere tutum ducerent. Petrus quoq; cognomento Tod-
do, cum navigium ſuum palis illiſum rupiſſet, ejuſq; reſcicendi cauſa ab-
euntem ſociorum claſſem relinqueret, tempus reparationi impenſum, ut
ſolitarius, ita omnis periculi immunis exegit, reſectaſq; puppe ſublecus
ſocios, nemine laceſſente per tutam & liberam navigationem ad claſſem
pervenit. Adeo Sclavorum petulantiam, priſtini metus reliquiæ caſtiga-
bant. Ergo inconcuſſus peractæ expeditionis reditus fuit. Reſiduum
anni otio tributum eſt.

Interea Kazimarus & Bugiſzlavus Danicarum virium metu Henrico
ſe ſubdunt, regnumq; ſuum hucusq; liberum Saxonici muneris faciunt.
Ergo dum ex hoſtibus alterum metuunt, alterius jugum ſumpſerunt, au-
xiliumq; petendo antiquæ libertatis beneficium amiſerunt. Sed Walde-
marus Saxoniam opem fruſtra à Sclavis petitam judicans, utroq; hoſte
contempto, cum inſtructa claſſe Stetinum veterrimum Pomeraniæ oppi-
dum petit. Hujus navigationis præceſſor Abſalon, benigni erga Stetinen-
ſes animi ductorem habebat. Cujus fraude per Oddoræ annis diſpendia
abductus, cæteris rectam & compendiariam navigationem ſequentibus,
mutato ordine poſtremus ad urbem pervenit. Eſt autem Stetinum emi-
nentis valli ſublimitate conſpicuum; inſuper natura arteq; æqualiter mu-
nitum, ut inexpugnabile penè exiſtimari poſſit. Hinc mos proverbij ſum-
ptus; eos qui ſe tutos inaniter jaçant, Stetini præſidio non defendi. Hu-
jus tamen urbis expugnationem Dani ſpe viribus majore complexi, cum
materiam ejus partim incendiij capacem animadverterent; conſtructas vir-
gis crates admodum breves, ob jacula vitanda, velut ſcuta præ ſe geſtabant,
iſdemq; freti ligonibus aggerem petere cœperunt, tutius intra cuniculo-
rum latebras ignem ſparſuri. Rex interim oppugnationem orſus, mura-
libus machinis omiſſis, coronam admovit. Solis ſagittarijs ac funditori-
bus excelsa mœnium propugnacula appetere poſſibile fuit, aditum faſtigio
negante. Fuere tamen ex juvenibus, qui gloriæ ſtudio ſumma mœnium
clypeis tantum proteſti conſcenderent. Alij contiguas ſolo portas, con-
temptis propugnatoribus, cominus ſecuribus tentant, minusq; eis quàm
procul agentibus periculi fuit, quod tanta telorum vis in hoſtes undiq;
congereretur, ut ab ijs non niſi remotiores cerni impetiq; poſſent. Quo
evenit, ut audacia ſalutem, ignavia diſcrimen afferret, tutioresq; propin-
quitas quàm remotio præſtaret. E contrârio Danorum armis non magis
propugnatores ipſi, quàm cæteri intra urbem populares opprimeban-
tur; ancipiti jaſtu valli conſepta transcendentibus telis. Nulla res
oppido magis adverſum oppugnantium multitudinem, quàm defen-
ſorum paucitas nocuit, utpote quorum bellicus labor ſucceſſionis au-
xillum non habebat. Præfectus urbis Warthiſzlavus erat, qui & ipſe
Bugiſzlavo & Kazimaro ſanguine contiguus habebatur. Hujus animus nihil
penè cum civium ingenijs commune ſortitus, tanto amplificandæ exornan-
dæq; religionis ſtudio flagrabat, ut Sclavico ſanguine editum, barbarisq; mo-
ribus imbutum negares. Siquidem ut patriam ſuperſtitioni deditam ab errore

WALDE- cultus revocaret, exemplumq; ei corrigendæ credulitatis proponeret, mona-
MARUS I. chalis vitæ viris è Dania adscitis, in latifundio suo cellam exstruxit, eamq;
 multis & magnis stipendijs locupletavit. Qui cum lassatis pugna socijs
 urbem captioni propinquam animadverteret, hostium sævitiam veritus,
 offerendæ deditionis gratia, pacem petivit, acceptaq; fide, protinus à pa-
 voris consortibus funiculo submissus, regia castra petere non dubitavit.
 Quo viso, Danorum populus languidius pugnam exereuit, periculis suis
 Regi pecuniam emi, seq; ejus cupiditate victoriâ pariter ac præda fraudari
 conquestus. Quo Rex animadverso, demendæ notæ cupidine urbem e-
 quo circuiens, milites ad insistendum hortari cœpit. Postquàm multo la- 10
 bore edito cassam ac difficilẽ oppugnationem aspexit, reversus in castra,
 Wartiszlavum admittit. Cujus precibus motus dedendi potestatem op-
 pidanis indulsit, pecuniamq;, quantam ægrè universa Sclavia exsolvere
 posset, cum obsidibus pactus, statuit ut urbem Wartiszlavus à se in benefi-
 cium receptam tanquam regium munus, consortiõ Sclavicæ dominatio-
 nis eriperet. Igitur revocatis ab oppugnatione militibus, neq; capi ur-
 bem neq; diripi passus, signum suum propugnaculis affigi præcepit, rece-
 ptæ deditionis indicia præbiturum. Illic cernere erat vallum, ab imo in-
 summum, ita sagittis undiq; consitum, ut arundine concretum putaretur.
 Quas nostri ingenti studio lectas pharetris reddiderunt. Post hæc naviga- 20
 tionem remensi, capto Lyubino Rugiam revehuntur: & quoniam Rugi-
 anæ piscationis tempus supervenerat, in commune consultum est, eò loci
 terciâ totius classis parte excubias ordinari, ne publicis alimentis petendis
 hostilis viciniæ metus officeret. Huic manui Kanutus Prizslavi filius à
 Rege præesse jussus, deformiter imperio repugnavit, præfatus se nihil præ-
 ter angustos Lalandiæ fines in Dania possidere, eosq; tanti non esse, ut
 pro ijs tuendis seipsum indubitato periculo obijcere cupiat. Cæterum id
 negotij justius ad Pontifices, quos solos Rex arbitros habeat, pertinere,
 tantoq; indignius ad se referri, quantò remotiorem à Regis familiaritate gra-
 dum obtineat. Tam impudenti juvenis responso percitus Waldemarus, 30
 exigua illum beneficia, quòd exiguis dignus sit, accepisse respondit, de
 cætero, se efficiente, spoliandum magis honoribus quàm beandum. Sed
 nec eum Pontificum familiaritatem inter probra ducere oportere, è quo-
 rum numero reperire facile sit, qui præsens negotium suo ductu finire,
 non abnuat. Ita Kanuto imperium detestante Absalonem accersit, eiq;
 Kanuti responsionem exponit. Deinde an naves, quibus ipsum præesse
 oporteat, instruxisset, perquirat. Contrà Absalon interrogato, an ea res
 Pontificum opera absolvi posset, suam cupidius offert, prædicando con-
 sentaneum desertioni opus fore, Regem periculis relictum, reditum affe-
 ctando, dimittere. Quem Waldemarus ob responsi virtutem imperi- 40
 fioribus verbis laudatum, Kanuti moribus dissimilem prædicabat, quòd
 ille imperio parere non audeat, hic jussum ultronea suimet obla-
 tione præcurrat. Regressus à Rege Absalon, amicis è Sialandia de-
 nuntiat, ne eò torpidius remansuras naves instruant, quòd ab i-
 pso ductari regi q; debeant. Primus Thorbernus incunctanter se co-
 mitem ejus futurum respondit, cujus succursu quondam patriam
 exuli sibi redditam esse meminere. Petrus quoq; Thorstani filius non
 sine magno rubore eum à se deferi posse, quem & necessitudi-
 nis & matrimonij affinitate contingeret, prædicabat. Cujus comi-
 tandi Suno non minus sibi quàm ipsis debitum incumbere professus, 50
 est, quod ei intima junctus propinquitate noscatur. Esbernus
 quem solum fratrem habebat, comitatu suo orbandum negabat.
 In hunc modum tota penè Sialandensium classis condixit. Quo
 cognito Rex non solum ipsis, sed & Absaloni grates habuit, qui
 sibi

Abi tam propensum civium favorem, virtutis meritis peperisset. Igitur Absalon post Regis discessum ad tuendos Rugiæ fines relictus, non tantam incolis evagationem, quam securam ipsi Daniæ quietem præstitit, Pomeranorum classe patriæ terminis excedere non audente. Huic Svenno Arusiensis cum aliquanta Jutensium manu voluntarius operum comes ac socius fuit.

10 Eo tempore princeps Rugiæ Tetyzlavus cum Jarimaro fratre super-
veniens, gratijs Absaloni actis, tum ei, tum cæteræ classi suffecturos excu-
bijs commeatu benignissimè præstitit, eisq; inter navigia dividendis, indu-
strios ex nostris viros præfici postulavit. Sed Jutis allata passim & sine di-
stributione rapientibus, Absalon hac munificentia ulterius uti noluit, ex-
cepto, quòd hæc è captura sibi deferri constituit, ne obsequium injuria
reperderetur. Inde domum repetiturus, apud insulam Thynniam, se-
quacem Jutorum classẽ dimittit. Quorum incautior pars dum Austræ-
lia Fioniæ latera prætervehitur, apud urbem à Kanuto Prizslavi filio con-
ditam, piratis obvijs, terrestri sibi fuga consuluit, navesq; suas metu de-
ferere, pudori non duxit. Qua fama accensus Absalon contracta ocyus
20 classe, magno scrutandi studio, loca, quæ maxime piratis familiaria nove-
rat, indagabat. Igitur opacos insularum anfractus, & abstrusos maris an-
gulos assiduâ navigatione rimatus, miseras captarum navium reliquias,
tristiaq; prædæ vestigia repperit. Quarum inventu ultionis avidior reddi-
tus, divisâ classe separatim lustrationis officium peragi jussit: ipse ad insu-
lam Masneram cum potiore Sialandensium classe concessit. Jamq; præ-
viâ navigationis excursu sociæ classis conspectu excesserat, cum fortè qui-
dam in destinato consistens littore, crebra pilei ventilatione colloquium
ejus expetere videbatur. Quem magnæ rei nuntium arbitratus, incogni-
ta ex eo cognoscendi cupidine, velo posito terram cimba petivit. Agni-
tiq; eminus hominis fidem prima voce damnavit, quod egressæ nuper à
Sclavis piraticæ parum eo præsciis fuerat. Is namq; bisseas nummum
30 libras annuatim mercedis loco pactus, quoties quatuor pluresve piratici
myoparones Daniam petere statuissent, indicia ad Absalonem se delatu-
rum promiserat. Cujus non alia salvandi promissi ratio exiit, quàm
quòd ante pactionem secum initam piratas profectos assertit. Idem Ab-
salonem, quorsum tenderet, percontatus, ut comperit domos repetere,
velle, tunc deniq; expeditionem ab eo solvi, cum inchoari debuerat, astru-
ebat. Jam quippe à Sclavis adversum Daniam ingentem classẽ esse con-
tractam. Quod ut cognitum sibi compertumq; fore, ita ambiguum exta-
re, quisnam Daniæ partes hoc paratu petere destinaverit. Æstuan-
te Absa-
lone, & quò se hostes effusuri essent, prædiscere cupiente, explorationem
40 promittit, præquisito, quò nuntium referre debeat. Absalon promon-
torium Mønense designat, rogatq; tempus, quo obvium mittere debeat.
Ille diem sextum definit. Nec diutulè moratus abscedit, priusq; con-
spectum sefellerat, quàm comes Absalonis classis appelleret. No-
strorum siquidem præsentiam perosus repente dilabi curæ habuit,
ne re comperta proditi civium consilij, morte aut exilio lueret.
Nec rem Absalon tacitè habuit. Siquidem acceptum nuntium ve-
nienti sociorum classi, suppresso autoris vocabulo, publicavit, præfatus
tunc à se domos repeti, cum classẽ exeri satius foret. Ignaris cunctis quo-
nam id autore compertum haberet, tantamq; ejus præscientiam admi-
50 rantibus: bifariam optione divisâ deliberare eos jubet, aucta classe, an
contracto equitatu, venturum hostem repellere mallent. Quod si
neutrum probent, vel littorum incolas, quò minus piratarum favi-
riæ pateant, proprijs relictis, tutioribus recipi locis jubeant. Igitur ma-
gnates concordii sententiarum voto neq; incertam hostium appulsionem

SVVALDE- equitatu excipere promptum, neq; littorale vulgus ad interiora rejicere,
 MARUS I. speciosum ducentes, navaliter configendum decernunt. Igitur portu-
 bus augendæ classis gratia repetitis, remiges velata navigia dimittere juss-
 si, passim ad petendos alterius expeditionis com meatus discurrere coepe-
 runt. Absalon ob nonnulla negotia Roskildiam proficiscitur. Quem
 inde revertentem hybernum subito frigus excepit. Cujus tanta vis fuit,
 ut etiam aquas repente crustaret. Cumq; Sialandensium populares con-
 tractis alimentis, onustos com meatibus currus navigia repetendo ducta-
 rent, tanta glacialis luti moles rotarum orbis implicuit, ut prorsus gy-
 rare non possent. Quippe pertinax gelu veluti glutino quodam lignis
 limum astrinxerat. Quo evenit, ut currum rectores, iisdem relictis, ju-
 menta oneribus subderent, ipsiq; pedestrium ductorum officia subirent.
 Quorum ocreas gelatæ sordium tabes supra quàm tibie ferre poterant,
 onerabant. Hos cum Absalon equo præteriens miseratorijs verbis pro-
 sequeretur, duraq; pro patria perpeti prædicaret, responderunt majoris
 ærumnæ esse, captivum piraticis in transtris confidere, plusq; se ex præ-
 senti labore voluptatis quàm amaritudinis capere. Igitur expeditionem
 orsus, cum propè Mønæ venisset, obvium accipit, quem nuper ad ejus-
 dem insulæ promontorium, novarum rerum ex Sclaviâ cognoscendarum
 causâ, transmiserat. Illic accepit classem Sclavicam Svvaldensi in portu
 morantem, petendæ Mønæ propositum gerere, in australi ipsius littore,
 equites, pedites in septentrionali edituram, navigia verò Kyalbyensis si-
 nus anfractibus immissuram. Quam idcirco copias spargendas duxisse,
 ne incolis ullus fugæ locus admitteretur. Quo comperto, optimum ar-
 bitratus est, tranquillo navigationis genere Coztam petere: nec prius ab
 ea divertere, quàm classis hostica seipsam ex consulto prædicti sinus an-
 gustijs infudisset. Cui si inopinatè supervenire nequeat, reliquas hosti-
 um copias occupatu facilimas autumabat, quibus nullus absq; navigijs
 reditus pateat. Sclavis segnius agentibus, dilationem miratus, Falstria
 petit, ibiq; e tota classe bina navigia legit, quibus hostium actus speculari
 præcepit. Horum alterum Sialandensibus, alterum Falstrensisbus instrue-
 re jussum, statuto, ut si eadem ab hoste capi contigisset, reliquæ classis
 impensis redemptio taxaretur. Quod audiens, qui à Sialandensibus in
 alterius navigij regimen adscitus fuerat, operam se daturum asseverabat,
 ne redemptionis beneficium captivitatis injuria pacisci necesse habeat.
 Quod non ignaviæ causâ officium detrectando, sed vigilantis industriæ fi-
 ducia securitatem præsumendo astruxit. Verùm Absalone Coztam re-
 gressò, Guemmerus quidam, convivio Falstrensisbus præbito, navem quæ
 speculandi gratia ab eis expediri debuerat, epularum dulcedine
 retentabat. Siquidem humanitatis specie fraudem occultans, omni-
 um sobrietatem eximio potionis onere fatigatam, ad salutare Ab-
 salonis imperium exequendum, lentam nimis inhabilemq; reddi-
 derat. Is Guemmerus nimia Sclavorum familiaritate corruptus, no-
 stræ gentis consilia latenter eis prodere consueverat. Eodem quoque
 tempore Sialandensium classem corpore magis quàm animo secu-
 tus fuerat. Ad cujus penates Sclavi, jam portu Svvaldensi peten-
 dæ Falstriae proposito egressi, præmittunt, qui ipsum super Danorum
 negotijs secretius percontentur. Tunc verò Guemmerus ab Absalone in
 classem vocatus, patriæ excubias specie, re vera insidias exhibebat. Qua
 de re nuntij per ejus domesticos certiores effecti, maturè suis, quæ acce-
 perant, indicant. Ea res Sclavicæ classis coeptum propositumq; fru-
 strata est. Itaque cæteris rebus omissis, ad sinum, quem Viridem
 vocant, appellere contenti fuere. In cujus littore crucem reli-
 giosa ab incolis cura constructam excidere adorsi sunt, insigni stipitis
 ruina

ruina majorem piraticæ gloriâ habituri. Cujus sacrilegæ temeritatis supplicia postmodum turpissima fuga, tristissimoq; naufragio pependerunt. Falstrensis quoq; hesterno mero faucijs supervenissent, nî Sialandicus speculator inter remos agrè delapsus, ebrijs somnum clamorè dempsisset. Per quem Absalon cognito hostium occurso, noctu Inguarum & Olavum probatæ solertiæ viros levibus navigijs ex insula Boka ad speculandum eorum consilium dirigit. Quibus profectis, eorundem reditum præstare non passus, abscessum prosequi statuit, præcurrendos potius quàm imitandos existimans, ne longâ nuntij expectatione cuncta tardius exequeretur. Meminerat siquidem moris esse Sclavis exercitum ducturis, antelucanos amare procursus, rebusq; celeriter confectis, festinis studere regressibus. Quos ne tardius aggredereetur, remigium maturius instruit, unâ speculatoris ac ducis partes acturus. Quem Sclavi diluculo conspicati, adventanti cunctas navium suarum puppes opponunt, proris in altum averlis, perinde ac fugæ non prælio consulcari. At ubi Sialandensium signum enituit, vehementi remorum conatu parem fugam intendunt, corpore viros, animo fœminas exhibentes. Nec agrè Absalon fugientibus institit. A quorum insecutione coërta subito tempestate prohibitus, Falstria repetiit. Tanta autem undarum colluvio fuit, ut navium quævis in aliam jactaretur, nec collisioni levi operâ succurri poterat, periculo omnes æquè pulsante: perissentq; nostri, nisi tempestate cedere maturavissent. Igitur Sclavi cum remigio adversum undarum sævitiam eluctari nequirent, veloq; sibi consulere vellent, tempestatis magnitudine eversis navigijs mergebantur. Quorum periculationis certissimum indicium crebra piraticarum navium fragmenta regionis nostræ litoribus appulsa dedere. Bina ex ijs navigia remigum virtute à fluctibus defensa, in Jarimarum Rugiæ principem inciderunt, qui postmodum alterum ex ijs Absaloni præmij nomine transmisit, utriusq; captionem ipsius negotio imputans. Solennis hic dies Nicolai nomine erat: cujus auspicijs effectum est, ut Sclavorum exercitus ad hoc usq; tempus Daniam hostiliter petere ausus non fuerit. Jamq; nostros reditum intendentes (ut hyeme fieri assolet) repentinum gelu conclusit. Quod tantæ violentiæ erat, ut ipsam sinus, in quo pernoctabant, superficiem enata subito glacies occuparet. Huic tanta soliditas inerat, ut spissitudinem ejus unico ictu transverberare non posses. Cumq; eximia glaciei moles portu egressuris obstitèret, industriâ provisum est, ut unius navis præcessu cæterarum insecutio expediretur. Sed nec una quævis præeundi officio diutulè fungi poterat, quod partes carinarum extrinseca glacialium crustularum acuminè perinde ac ferri impressione exederentur. Quam ob rem præcessionis vices inter navigia æquo ordine dividi curatum est. Ita demum per maritimos anfractus navigatione protracta, in apertum pelagus perventum est, indeq; ad propria cuiq; temeatum. Jamq; Absalon temporum supputatione habita, universas præsentis anni partes, ternis mensibus exceptis, piratico labore emensus fuerat.

Postera æstate apud Eydorâ inter Henricum & Regem communium negotiorum agitatio, contractis utriusq; provinciæ principibus habebatur. Vere reddito, Christophoro solis præfecturæ suæ viribus succincto, prospera adversum Brammeseos expeditio fuit. Quâ peractâ, alia protinus regalibus jussis instruitur. Hanc Absalon & Christophorus ducum nomine profecti, primi Maschetam venerunt. Qui cum, Rège tardius agente, rursus Brammeseos aggredi statuisent, advehitur Eskillus insigni Scaniensium classe stipatus. Hic nuper Hieresolymâ regressus, barbâ admodum immissâ longinquæ peregrinationis testem gerebat. Igitur Absalon si quid

WALDE clam tanto viro experiretur, vicio sibi vertendum existimans, per **Esbe-**
MARUS I. num ei, quid cupiat, indicat. Ille studio Absalonis impensius laudato,
 orat socium se propositi habeat, canitiemq; suam juvenilia quandoq; expe-
 riri permittat. Nec segniter promptissimis Scanensium delectis, Absalo-
 nem secutus, communi navigatione appulit Lalandiam. Illic nostris ob-
 via septem Rugianorum rates fuere. Unde cum noctu solvissent, erroris
 metu peritum navigationis ex Absalone deposcit. Quo recepto, prospe-
 ro cursu destinati portus compendium assecutus est. Absalonem vero no-
 ctis opacitas aliquantis navigationis excessibus errabundum effecit. Sed nec
 Sialandenses erroris prorsus expertes reliquit. Par ignorantia Rugiana, 10
 quoq; navigia fefellit, & forte in eum locum inciderant, prope quem Bram-
 mesiorum classis piraticam actura coiërat. Cujus rei inscij Rugiani, cum pri-
 mum lux affuit, nostrorum se copijs inferunt, paremq; cum ipsis militiam
 auspicantur, paucis ad navium præsidia relictis. Quas Brammesij conspectui
 subjectas, dilapsis metu custodibus, populantur. Nec prædâ spolijsq; con-
 tenti, bina exijs navigia præstantioris fabricæ visa, secum abducunt. Quæ
 cum prohibentibus Sialandicæ classis custodibus ulterius amovere non
 possent, ferro pertusa merferunt. Unicam hæc provincia urbem habebat,
 quæ à Danis rebus vacua reperta est, incolis eidem defensionem suam cre-
 dere non audentibus. Cujus desertioni partim defensorum, partim valli in- 20
 opia causam præbuit. Antiquam incolæ vocitabant. Qui incenium suorum
 diffidentia, cum conjugibus ac liberis, ad ecclesiam extra vallum sitam cer-
 tatim se contulerant, religionis quam belli præsidio tutiores futuri, pacisq;
 domicilio periculum vitaturi. Sed nec quisquam è nostris ad eorum bona
 manus porrigere ausus est, nè prædandi libido sacrilegio implicaretur: quan-
 quam in sacra æde iniquas opes attentare nefas non esset. Neq; enim religio-
 nis auctoritas, ejus detractorib. auxilio obtentuiq; fore debuerat. Jamq; mi-
 litante Absalone, Eskillus nequid consvetæ religionis omitteret, primam
 sacris operam exhibebat. Cujus animo tantus hostium contemptus incesse-
 rat, ut in exercitu toga non armis uteretur. Interea Hurna quidam & Mar- 30
 quardus, quem Adolfus Holsatiæ præfectus filio moriens tutorem relique-
 rat, Danorum copijs superbo sermone contemptis, ingentem Selavorum,
 Saxonumq; manum contraxerant. Fortè autem nostris, intermisso obequi-
 tandi labore, respirandi gratia aliquantis per humi cubantibus, Eskillus adeo
 se ætatis magnitudine confusum confractumq; asseverabat, ut ne eqvum
 quidem sine adiutore conscendere posset. At ubi hostes in conspectum ve-
 nère, quovis juveneocyore eqvum insiluit, ita ut corporis ejus robur nulla
 ex parte quassatum putares. Adeo virtus ætati imperat. Itaq; qui dictis sene-
 ctutem causatus fuerat, hanc postmodum factis juventam redolentibus de-
 corabat, quem in hanc virtutis dissimulationem nihil præter virtutem ad- 40
 duxit. Eodem forte tempore ex nostris manus parvula, prædæ dulcedine,
 à cæteris digressa, cum hostes militum numero superiores, & fugâ vitare
 deforme duceret, & pugna aggredi non auderet, inter metum pudoremq;
 defixa, sociorum præstolabatur adventum. Inter quam & reliquas nostri ex-
 ercitus copias palustribus aquis medius fluebat, uno tantum vado meabilis,
 rivus. Quem Absalon, cunctante primipilo, primus equo transgressus, se-
 quentibus superandæ difficultatis compendium præmonstravit. Cujus rei
 ignari, hostes securius quam cautius operiebantur, Danicorum equitum
 adventum editi montis interjectu celante. Igitur qui prius à nostris divulsi
 fuerant, non expectato sociorum auxilio, quod sibi tam propinquum cerne- 50
 bant, avidè in hostem procurrunt, nè bellum proprio metu dilatum, aliena
 virtute expetere viderentur. Quorum Sclavi patititate contempta, post-
 quam majorem hac aciem, humilioribus locis relictis, montis juga supera-
 re conspiciunt, terga vertentes, ab ijs quorum vires summa animi dictiq;
 percu-

penitentiâ laceſſiverant, nullo negotio funduntur. Tantum ſemper ludi-
brij, inſolentiæ exitus afferre conſuevit. Tunc quidam ex noſtris, quos
ex fugientibus occupabant, nuda haſtarum parte equis detrudere conten-
ti, ob communem religionem ferro proſternere paſſi non ſunt, ne perem-
ptorum cædes plus percufforis animæ noceret, quàm gloriæ prodeſſet.
Quam injuriâ beneficij loco à paſſis acceptam crediderim. Ingenti de-
inde præda actâ, tam diu in littore perſtatam eſt, quoad Rugianorum na-
vigia, quæ Brâmmefij violaverant, reſicerentur.

Interea Henrico duce apud Bavaros agente, univerſi Saxonum, Sa-
trapæ, gerendi cum Danis belli cupiditate, quod minimo conficiendum
negotio arbitrabantur, inſignem viribus exercitum applicabant. Qui in
itinere proſugis occurrentibus, accipiunt Danos non ruſticâ aut ignobili
armaturâ, ſed operoſo ac militari inſtrumento bella gerere ſolere, tantæq;
in Chriſtianos clementiæ eſſe, ut fugientes colaphis quàm armis inſectari
maluerint. Nam aciem ſuam, cum ab eis capi intercipi-; poſſet, equis,
non ſpiritu ſpoliatam; auctorem vero victoriæ ſolum Sialendensium Anti-
ſtitem exitiſſe. Id mirum Satrapis viſum. Quorum unus Guncellinus,
cujus bellicæ virtutis experientia apud Henricum ducem familiaritatis pal-
mam creaverat, de re præſenti à cæteris conſultus, Abſaloni in maritimis
occurrendum monebat, quod cum unius inſulæ manu dimicare magni
non ſit. Interrogatus ab iſdem ruriſum, an cum ipſo Rege manum tutò
conferere poſſent: nè id quidem Henrico duci ſine periculo audendum re-
ſpondit. Quo dicto cunctantibus cunctis, Danicæq; virtutis impetum
formidantibus, viam ſe tutioris conſilij repperiſſe ſubjunxit. Nam cum u-
niverſæ Danorum vires maritima expeditione confluerint, ſi interim
Sleſvicenſium partes hoſtiliter peterentur, plus diſpendij Danos, quàm fo-
ris inferant, domi eſſe paſſuros. Quo audito Bernardus Razaburgenſis in
eam provinciâ arma ſe tranſlatûrum negabat, quam per Regem beneficij
jure poſſideat. Sed neq; Sleſvicenſium portas, tametiſi Rex extrinſecus a-
gât, adeousq; deſenſoribus carere, ut plane hoſti parere videantur. Nam
earum cuſtodiam ſexaginta Danorum millibus eſſe mandatam. Quod au-
diens Henricus, qui Saxoniz primatum vicario nomine adminiſtrabat, bel-
lum à ſe Danis temerè parari proteſtatus eſt, qui pacis patriæq; charitate
flagrantes, propulſandæ magis quàm irrogandæ injuriæ gratia, adverſum
inſolentiſſimos ſervos, teterriſimosq; latrones Martem inducant. Quos cum
innocentes inceſſere nefas habeatur, tartareas ſedes mereri, qui tam juſtæ
gentis cruore manus ſuas contaminare præſumerent. His monitis decre-
tum remittendæ expeditionis obtinuit, cunctis tam indignum militiæ ge-
nus detrectandum cenſentibus. Igitur Guncellinus, qui bellicæ virtutis
operibus apud Henricum excellentem familiaritatis locum meruerat, cum
ſententiam ſuam ſociorum arbitrio damnatam animadverteret, pacifican-
dum cum noſtris ratus, Sinonem popoſcit, eoq; compoſitionis partes ple-
nius exhibente, uſq; ad Henrici ducis è Bavaria reditum, belli dilationem
obtinuit. Rex deinde Rugiam adveſtus, Circipœnenſem ſtatuit attentare
provinciâ. Quam dum pereret, eximiam vâſtæ cœnulentæq; paludis
difficultatem offendit. Cujus ſuperficies tenero veſtita ceſpite, graminis
quidem ferax, ſed veſtigij ita impatiens erat, ut plerumq; calcantes obrue-
ret. Nam limo funditus ſubſidente in luteas voragineſ, ſordidamq; col-
luviem prolabebantur. Haud aliud progreſſuris iter patebat. Tunc equi-
tes extenuandæ difficultatis vitandæq; laſſitudinis gratia, arma ſibi detracta
equis imponunt, eoſq; prævij ducere cœperunt. Quos ut altius cœno ob-
rutos ſuſtentabant, ita cum & ipſi ducendo ſubſiderent, equorum co-
mam amplexi fulciebantur. Rivulos quoq; qui in ea palude crebri ad-
modum diſcurrebant, nexis virgarum compagibus ſuperant. Tunc vero

VALDE MARUS I. insignis quorundam probitas fuit. Nam quidam ex equitibus armis onusti, ductis post se equis, passibus incedebant, agilitatis fiducia onera abijcere recusantes. Quorum factum hoc illustrius, quo inusitatus extitit. Sed & equi dum corpus lacunis immersum avidius erigunt, interdum ductores ungulis obruunt. Rex ipse duorum militum humeris innixus, omnibus præter proximam corpori vestem rejectis, ægrè limi molliem superat. Rarò unquam plus sudoris Danica virtus expendit. Ingentem hostibus peragratæ paludis admiratio stuporem invexit. Neq; illis resistere tutum ducebant, à quibus & ipsam rerum naturam superatam cernebant. Victor tantæ difficultatis exercitus haud secus quàm si hostem fudisset, alacer incedebat. Ingentes deinde sylvas emensus, animadvertit vicum apta navigijs palude circumdatum. Is aquarum natura quàm arte munitior erat, eaq; duntaxat parte vallum habebat, quam pons inter ipsum & continentem porrectus tangebatur. Hunc princeps urbis Otimarus prohibendi aditus gratia adventante exercitu, undis illico exæquare curavit, solis stipitum reliquijs inter aquam manentibus. Quas nostri ceu quædam alterius pontis jaciendi snuetamenta sortiti, propinquæ villæ sepibus applicatis, paulatim intermeandæ paludis compendium molinuntur. Hujus itaq; loci oppugnationem Rex, hortante mœnium inopiâ, aggressus, Absalonè cum majore equitatus parte prædatum misso, quæcunq; exædificandi pontis instrumento opportuna animadvertit, summo negotio contrahit. Hujus operis contextum verentes oppidani, contractis undiq; sudibus ligneam turrim instituunt, cujus præsidio hostem tanquam arce vetarent, ejusq; propugnaculis freti, nostros promovendo operi quàm protegendo corpori intenuiores, immisissis subito funditoribus incessere cœperunt. Contra Dani sagittis decernere adorsi, quia propius accedere nequibant, rem minus tentant. Nec minùs Otimarus novi pontis progressu territus, stagnum rate transgressus, Regem petebat, ac prout nostrorum operam aut segnem, aut vegetam animadvertit, ita nunc parcius, nunc impensius pacis supplicationes agebat, semperq; pro oppugnationis habitu deditionis verba concipiebat. Tum verò remissior operis executio fuit. Sciebant enim milites, si bellum revocari deberet, pontem à se conferri non oportere. In quem tanta jam armatorum moles concesserat, ut ne locus quidem suppeditandis, quæ structuræ necessaria forent, suppeteret. Adeò vincendi avida multitudo, operandi angustias sibi ipsa conscivit. Sed nec aliter allatæ sepium mœles, quàm super militum vertices eorundem manibus ductatæ proferri poterant. Nec inutilis ea necessitas fuit, cum sepes in altum librata non minus corporibus muniendis proficerent, quàm aquis sternendis prædescent. Eodem exemplo vulneribus saucij referebantur. Tum verò rarior tenuiorq; pontis contextus fiebat, militibus plus ejus incrementis, quàm firmitati studen-
 tibus. Et jam penè eundem insulæ commiserant, cum hostes partim arte, partim viribus freti, novo pugnandi genere bellum exaggerant. Siquidem hastatas falces è turri directas, ad militum nostrorum scuta tendebant, eaq; pertinacius apprehensa, præliantibus detrahebant. Obnitentes interdum violentiore tractu ponte excussos profundum petere cogebant. Cui malo nì maturius occursum fuisset, Danorum juvenus propemodum scutis vacua occubuisset. Nam ex nostris quidam lignei unci admiculo, injecta sibi falce potitus, eadem cæteras occupando, hostem subsidio spoliabat. Jamq; dies occiduus erat, cum Rex contiguæ noctis metu, quid potissimum ageret, incertus, seram oppidi captionem, futurumq; pontis incendium verebatur. Quis rebus cum se urgeri animadverteret, ne victo similis magno cum ignaviæ rubore ab oppugnatione d scederet, ad intuentas Otimari preces paulatim animum deflexit. Quem desperationis errorem Absalon cum ingenti præda superveniens, consilij sagaci-

sagacitate mirè discussit. Siquidem Regem, si se ignaro Otimari Voris annu-
 eret, execratus, interpreteremq; secretius abductum, quæcunque à Barbaro
 pacificè tractarentur, contrario modo exponere hortatus, armatus in pon-
 tem descendit: militesq; eum prohibendæ pugnae gratia adesse ratos, acrius
 instare compellit, prædam (si vincerent) eorum juris futuram pollicitus.
 Grata militibus promissio fuit. Jamq; explicito opere, alacres non solum
 telluris aditum, sed & turris fastigium occupant: quam scalis gradibusq;
 adorti, fundunt obvios, resistentes obtruncant. Tunc Herberthus, eques
 Danicus, ne pontis angustiis officientibus, ac turba sociorum obstante,
 10 tardior superveniret, facilem ad hostes transitum novo irruptionis genere
 quæsit. Etenim armorum onere retento, profundo se credidit: quos-
 que gradu non poterat, incredibili nandi virtute præcessit. Quod factum
 æmulantibus cæteris, teneram pontis compaginem militum concursus re-
 pentè subsidere coëgit. Cujus ruina Absalonem quoq; inter alios excus-
 sum pessundedit. Qui cum nandi astu calleret, tamen armis oblitus ef-
 fet, non solum inter undas securus emerfit, verum etiam alios ejus artis
 ignaros, ab imminente periculo tutos præstitit. Interea Sclavi non sup-
 petentibus ad fugam navigijs, dolijs se committere ausi, iisdem pro rotun-
 ditatis habitu circumvolutis ab insequentibus occupantur. Qui nimirum
 20 ob inusitatum navigandi genus, ut suis miserabiles, ita nostris ridiculi fue-
 re. Itaq; ludibrio permixta eorum infelicitas erat. Capto vico trucidan-
 tur mares, sceminae captivantur. Fuere etiam qui Regi capiendi Otimari
 consilium instillarent: quem ne recentis victoriæ gloriam unius hominis
 perfida captione corrumpere, inviolatum dimisit, hostiq; parcere, quàm
 famæ nocere maluit. Cum omni deinde exercitu pristinum iter re-
 mensus, prius classem, mox patriam repetivit.

Postera æstate Henricus Bavaria reversus, apud Eydoram solenne
 cum Danis colloquium habuit. In quo ob prosperos rerum successus a-
 deo se insolenter ac tumidè egit, ut medium pontis, sicut antè consveve-
 30 rat, visendi Regis causa, transgredi recusaret, ne sibi dignitate præstare,
 quem peteret, fateretur: immemor proflus illum paternum avitumq;
 regimen gerere, sibi alieni imperij præfecturam cessisse. Quam insolentiam
 Rex adeo patienter ac moderatè tulit, ut in ejus occursum exæquatis
 pontis spacijs, tanquam par, non major descenderet, honoratiorem se
 ratus, si cum indignantis viri fastu humilitate certasset. Siquidem prædi-
 tus mansuetudine animus, celsitudinem suam citra debitam majestati ve-
 nationem submittere, quàm alienæ superbiæ exemplo insolescere malu-
 it. Itaq; pace cum Henrico composita, Absalon cum secus Steffnenfse præ-
 montorium navigationem haberet, levibus saxis & ad jaciendum habili-
 40 bus in ejus litore lectitatis navigium onerat, usus eis ad castelli tuitionem,
 quod in publico negociatorum portu condiderat. Quibus navigio
 impositis, ad idem castellum postera die pervenit. Ubi cum mundiciarum
 gratia balneis uteretur, animadvertit cujusdam navis è septentrione veni-
 entis mentionem foris stantium colloquutione crebrescere. Quam ut pira-
 ticam intellexit, semiloto corpore vestem poposcit, navemq; quam in
 portu velatam dimiserat, remigibus lituo contractis, conscensam in al-
 rum dirigere curavit. Nicolaus quoq; qui clientelæ ejus & stabuli curam
 habebat, aliud navigium jampridem rimarum vitio pessundatum, ex-
 hausta sentina, ad patientem navigationis habitum celeriter perduxit. Sed
 50 Absalon velo, Nicolaus remigio piratas petebat. Qui cum Absalonis na-
 vigationem suam superare conspicerent, callidum fugæ commentum am-
 plexi, submisso velo contrariam vento navigationem remigio moliuntur.
 Id attentantibus, Nicolaus rate obvius fuit. Quam adversa navigatione
 petentes, mirâ gubernatoris solertiâ fefellere. Nam cum ad ejus penè con-

VALDE
MARUS I.

contactum pervenissent, obliquato remigio in illud navigij sui latus, quod ab hostibus aversum erat, pariter concurrere jussi, reliqui se erigentis oppositu perinde ac muro hostilia, quibus incessabantur, jacula vitare. Sic hoste eluso diverticulum nacti, callidis navigationis ambagibus recessus petebant. Quas tanta fugæ aviditas ceperat, ut cum ingens telorum vis in eorum navigium effunderetur, etiam manus sagittis trajecti, manentibus spiculis, remigandi officia non omitterent. Adeo illos timoris magnitudo vulnorum molestiam negligere coëgit. Fuere etiam qui undis impensius obluctantes, vitam remigio finirent. Alij telis terga confixi, majorem navigandi, quam spicula proprijs corporibus avellendi curam præstabant. Adeo illis minorum vulnorum dolorem majorum metus ademerat. Cumq; anceps diu navigationis certamen fuisset, quod ex remigiorum volucritate pendebat, nostris tandem superantibus, occupantur. Tunc quidam ex eis indubitati periculi metu ferrum expectare non ausi, in undas desiliunt, mortemq; sibi ipsi inferre, quam ab hoste recipere maluerunt. Itaq; plerumq; timidos unius periculi metus, in aliud præcipites jactare consuevit. Maxima horum pars qui fluctibus abstintuerant, ferro perempta est: quanquam ignobile sociorum fatum comitari nolentibus jure parcendum videretur. Quorum capita corporibus avulsa, propter Abalonice urbis moenia iisdem stipitibus affixa sunt, qui nuper aliorum piratarum à Sialandensibus captorum cervicibus onusti fuerant. Ea res ingenti prædones pavore confecit. Plurimum siquidem ad extirpanda piratarum latrocinia spectaculi hujus atrocitas valuit. Gubernator ipse cum paucis admodum remigibus captus, cum falsam redemptionis spem animo præsumpsisset, ac fortè putria sociorum capita conspicatus, idem se Danis facturum dixisset, captivitatis supplicij consumptus est, poenasq; non solum veteris piraticæ, sed etiam recentium minarum, exitio pendit.

Per idem tempus Esbernus & Wethemannus opportunas patriæ exubias multo navigationis impendio profecuti, sedulumq; piraticæ opus ingressi, in septem piraticos myoparones quatuor incidere navigijs. Tunc Mirocus pugil spectatæ audaciæ, fortitudinis suæ motum intra propriæ navis spacia continere non passus, Wethemanni se appetentis navigium virtutis fiducia solitarius insilit, cedentibusq; per ignaviam remigibus, neminem in eo præter Wethemannum rebellem habuit. Quos Esbernus rate præteriens, risu prosequi contentus fuit: neq; aut hostem lædere, aut civem juvare sustinuit, ne pluribus adversum unum opem tulisse videretur. Progressus itaq; Strumicum athletam insignis fortitudinis capit. Sed nec prius Mirocus ut pedem referret, urgeri poterat, quam alius navigij supervenientis viribus arceretur. Cujus respectui tantum venerationis à victoribus tributum est, ut cum captus supplicium mereretur, redemptionem acceperit, potiusq; in eo probitas honorata sit, quam facinora punita. Ita cum impietati perniciēs deberetur, fortitudini salus donata est.

Eodem tempore Eskillus domesticis supra vires negotijs fatigatus, dum quieti intentius consulit, proficiscendi licentia à Rege difficulter extorta, nobile Galliarum cœnobium, quod Clāravallis nuncupatur, petiit, ibiq; privati more tranquillam vitam degens, asperum patriæ convictum voluntariæ peregrinationis lenitate mutavit, jocundiorum rerum usum apud exteros, quam inter cives habiturus. Per idem quoq; tempus Walogastenses mœnium suorum angustias perosi, contractiora urbis spacia propagare cœperunt. Nec incrementa adjecisse contenti, nova defensionis præsidia excogitabant. Siquidem frequentibus palis circa mœnia defixis, quò minus hostis aditu potiretur, propinqua muris vada clauderant, profundiora fluenti loca, advolutis ingentibus saxis, navigijs inaccessa

inaccessa redentes. Cæteros quoq; meatus navigationibus opportunos, aut lapidum coagmentis, aut alio impedimentorum genere præstruebant. His obstaculis Rex optato locorum accessu prohibitus, classem postera adversum Sclavos expeditione promotam, Zvinensibus ostijs inserit, Juliniq; vacuas defensoribus ades incendio adortus, rehabilitatæ urbis novitatem iterata penatium strage consumpsit. Nec solum Julini viciniam, sed & confinia Camini, ipso præterito, populatus est, ut factû celerius, ita quoq; hostibus perniciosius ratus, patentem ruris ubertatem diripere, quam dubia munimentorum claustra pulsare. Nam Julinenses cum urbis suæ recentes ruinas ferendæ obsidioni inhabiles cernerent, perinde ac viribus orbatî, deserta patria, præsidium Caminense petiverant, aliena amplexi mœnia, qui propria tueri diffiderent. Ab his demum finibus exercitus noster ad urbis Ozna solum dirigitur. Cujus mœnibus abstinens viciniam irrumpit, certam agrorum vastationem, incertæ urbium obsidioni præponderare existimans. Sed etiam idem aliquanto satius faciliusq; reputabat persequi dispersos, quam urgere munitos. Cui postmodum compendariæ navigationis reditum circumspicienti, in commune provisum est, propinqui fluminis abstrusos referare secessus. Cujus ostia cum quondam navigantibus pervia fuerint, nunc arenis obfusa, ad pristinum habitum fossa redigi possint. Quam sententiam considerata difficultatis magnitudo quassavit, Rege eximiam obstaculi molem ligonibus penetrari oporosem ducente, vetanteq; negotium suscipi, quod plus impensæ quam utilitatis afferre videretur. Igitur reperito Ozna, tormentisque propter vallum erectis, obsidio fingitur, cuius specie deditio obtineretur. Quam simulationem spernentibus oppidanis, expeditioni finis imponitur. Aliam Rege post Ver posterum exoriso, ejusq; opinione finitimos terrente, cum se Sclavi nec proprijs viribus, nec peregrinis auxilijs adversum Danica arma abundare conspicerent, delegatur Prizslavus, qui bellum apud Danos deprecaretur. In quorum præparatam classem incidens, oblata pecuniæ capione non solum profectionem prohibuit, sed etiam pacem in biennium taxavit. Cæterum publicæ religionis conditiones Barbaris ingestæ non sunt: cuius professores pleriq; eorum principes existent, vulgo sacrorum societatem damnanter. Qui tamen Christiano nomine censerentur, titulum moribus abdicabant, professionem operibus polluentes.

Per idem tempus Henricus compositis in Bavaria rebus, quia Sclavis adversum Danos adesse non poterat, amicitiam Waldemari prius per internuntios petitam, mox apud Eydoram colloquio obrentam, callidius quam verius amplexatus est. Nam pervicaci ejus ingenio, nulla boni stabilitas serviebat. Cum gente nostra nunquam diutinas ac constantes amicitias gerere sustinuit. Mentiri virtutem ducebat, bonarum artium loco fallaciam amplectebatur, fidem simulatione colebat, honesto utile antefereundo. Assidue nostros rupta turpiter societate lædebat. Econtrario Regem conspicua animi integritas, perpetuaque in cunctis constantia decorabat. Quid ergo miremur, quod inter ejus virtutes, & Saxoniam levitatem firma societatis copula, aut solidum concordia vinculum contexti non poterat.

Iisdem ferè temporibus Suerus quidam fabro patre genitus, sacerdotij, quod in Færogia aliquandiu gesserat, partibus abdicatis, Norvagiam petens, religionis munus militia mutavit, Osteni cujusdam ab Erlingo prostrati occasione adductus. Cujus agmini per deserta fugienti fortuito obviis ducem se præbuit, resq; adversum victores navare cœpit. Et ne generis titulo catere videretur, originem mentitus, Haraldum Hyberniensem avum sibi vendicando, Sivardo se procreatum confingit. Cujus etiam

WALDE- am nomen filio, quem antea patris vocabulo Vnam appellaverat, ap¹avit
MARUS Et ut omnia prioris fortunæ momenta subrueret, proaviq; vocabulo in
 eo repræsentari crederetur, simulatæ profapiæ decus, novi nominis orna-
 mentis usurpare sustinuit, Magnumq; se in argumentum generis vocitari
 constituit. Quod tam impudens mendacium turbulento militum erro-
 re, credulaq; vulgi suffragatione protectum, ad totius Norvagiæ cruentissi-
 mam stragem, extremamq; perniciem penetravit. Idem cum adhuc pri-
 vatus Suetiæ ducem Birgerum petisset, sacerdoti, cujus fortè hospitio usus
 fuerat, stolam præcipuum Diaconi insigne, cum libro sacerdotalia sacra,
 continente, dono dedisse fertur. 10

Sed ne peregrinis ulterius immorer, stilum ad propria referam. Neq;
 me domestica scelera per idem tempus exorta, diutius externis insistere
 patiuntur. Siquidem Magnus Eriici filius præsentis fortunæ stipendijs non
 contentus, cum Kanuto & Carolo, quibus paterna cum Waldemaro ne-
 cessitudo, maternus autem avus Eskillus erat, alijsq; compluribus in socie-
 ratem facinoris aecitis, opprimendi per insidias Regis consilium capere su-
 stinuit. A quo, cum Svenonis partibus militando, bello Grathico captus
 fuisset, non solum spiritu sed etiam amicitiae & familiaritatis jure donatus,
 atq; ex privata fortuna ad eminentem dignitatis locum provectus fuerat.
 Tantam victoris charitatem, supplicij, quod meruerat, loco expertus est. 20
 Cujus insidiarum apparatus, hoc securior, quò incredibilior extitit. Neq;
 enim facile Regis animum subire poterat, ab illo sibi insidias neeti, cui
 quondam salutem à se tributam meminerat. Cum res diu latuisset, indi-
 cium hujusmodi fuit. Quidam Theutones insidiarum conscij, Magni
 clientelæ obsequijs devincti, cum fortè negotiorum ejus curam admini-
 strando Holfariam peragantes, cujusdam solitariam vitam degentis hospi-
 tio excepti fuissent, ejusq; cubiculum à se medio tantum pariete discretum
 nescirent, nocturno invicem sermone effusius habito, vehementer se mi-
 rari dixeret, quo pacto Rex inter tot præparata sibi insidiarum commenta
 mortalium adhuc luce fungeretur, quas Magnus cum Karoli filijs ejus ca-
 piti clandestino consilio molitus fuerit. Has vero omnes adversum insci-
 um excogitatas, non fortuitis humanæ conditionis casibus, sed constanti-
 bus divinæ protectionis subsidijs esse dispulsas. Siquidem Magnum gla-
 dio duntaxat venabul. que, quò tigres occupandi consuetudinem habe-
 bat, utentem, petitorio Sialandiam Regi comitandi obsequium ad cujus-
 dam usq; vadi transitum exhibuisse, ibiq; Kanuti qui pari armatura instru-
 ctus (nam id genus in venationis sectatoribus suspectum esse non poterat)
 cum conjuratis eodem tempore supervenire debebat, occursum fraudatum,
 facinusq; sine complice experiri non ausum, per summam propositi dissimu-
 lationem consalutato Rege propria repetivisse. Post cujus discessum Ka-
 40 nutum Regi vadum transgresso obvium extitisse, turbatumq; consortis ab-
 sentia, prosecutionis officium simulasse. Aliquantò tamen eum acrius
 avidiusq; quàm Magnum propositum exequi perseverasse: qui Regem
 equites ad mare præmittere, stipantibusq; foeminis morabundum in litte-
 re confidere, & inter extremos navigium conscendere solitum aggredi
 constituerit, peregissetq; facinus, nì Rex absq; omnis humani indicij mo-
 nitis, benigniore cœlestium cura compulsus, relictis ocyus pedissequis, ra-
 em præter solitum scandere maturavisset. Karolum autem antea à con-
 juratis in Scaniam transmissum fuisse, si fratri propositum ex sententia
 cessisset, ad extirpandam Regis sobolem amicorum auxilia contracturum. 50
 Sed ne sic quidem Kanutum proposito cedere voluisse, quod apud Fio-
 niam frustra tentatum, in Scania majori cum opportunitate consumma-
 re speraverit, Waldemarum ad Helsingorum urbem præcurrere maturan-
 do, eumq; cum primum Scaniæ advectus raptè excederet, incautum oppri-
 mere

tere moliendo, quem post diurna venationis exercitia, præmissis arboribus, eo loci, parvula rate, crepusculo transire solitum, non ignoraret. VVALDE MARUS & quam machinationem fortuitis necessitatis præsidij elusam fuisse. Nam ratem, quæ Regem vehebat, cum fortè glaciali impulsu procul à concupito littore detorqueretur, militum ejus adventum præstolantium ingenti cohorte exceptam fuisse, eamq; manum necessitati subvenire conatam, conjuratorum insidijs obsticisse. Ita Canutum & Carolum bis propositi cassos, loricas, quas invadendi Regis gratia sub tunicis gestabant, hospitij reddidisse. Horum autem omnium admirationem vincere, quod 10 Waldemarum unius ex conjuratis sibi perfamiliaris, suspectum minimè, ferrum vitare potuerit. Qui cum Regi per rhedam aucupium exercenti, solitarius comes aurigaq; existere soleret, deficientibus conjurationis autoribus, parricidale ministerium circa ipsum, cum prehensâ ave, curru delapsus, juvandi accipitris curam intentâ corporis inclinatione tractaret, sua manu peragendum promiserat: fortunam tamen in tanta tamq; facili insidiandi materia, promissis parricidij partibus aditum non dedisse. Horum itaq; eventuum miraculis liquere, mortali manu Regem perire non posse, cujus salutem inter tot exitiosa, arcanaq; pericula, non industria humana, sed coelestis protexerit diligentia. Hanc hospitem relationem 20 à rerum admiratione profectam, Eremita perindè ac sibi divinitus dati indicij mysterium veneratus, cuidam monachorum rectori ad se venientem memori narratione replicuit, jussu horum indicandorum gratia ad Regem transitum non differre. Quibus acceptis Rex, cum ex definitione locorum, argumentisq; temporum, nec non itinerum suorum circumstantijs fidem assertis habere cœpisset, non minus sibi subsidij Deum in prodendis insidijs præstitisse, quàm in frustrandis tribuisset, gratulatus est. Cujus rei ignorantia Carolus pristina adhuc securitate succinctus, sive regendi parricidalis propositi calliditate, seu peragendi desperatione, Absalonem ob cognationis fiduciam petiturum, impetrandis sibi à Rege provincialis beneficii adiutorem deposcit. 30 Quo propinqui preces attentius exequente, Waldemarum dissimulatâ insidiarum cognitione, ex fisco suo se stipendia, Carolo soluturum promittit, quoad honoris ei impertiendi facultas incideret. Cumq; Roskildiam veniens in æde Trinitatis optimæ maximæ, morem sacris gessisset, amoris arbitris, Absalonem adesse præcepit. Quo secum confidente, indicem advocans, quæ sibi detulerit, iteratò exponere jubet. Ille propinquitatis metu, quâ Absalon à Canuti filijs contingebatur, eloqui veritus, atq; os rubore perfusus, aliquandiu plenum hæsitationis silentium egit. Cujus taciturnitatis Rex ilicò causam conjectans, hoc, inquit, te metu Absalonis fides liberat, apud quem meæ respectum charitatis propriæ necessitudinis affectioni præponderare non dubitem. 40 Quo dicto senioris vocem veretundâ animi hæsitatione torpentem, ad eloquenda, quæ jubebantur, intrepidam reddidit. Is itaque relationem ab insidiarum principio orsus, cunctasq; earum partes veris narrationis indicijs prosecutus, hoc non suæ sed alienæ compertionis fuisse testatur, rogatum se tamen, eadem Regi referenda curare. Tunc Rex eo secedere jussu, ductis altè suspirijs, privatim apud Absalonem queri cœpit, nunquam sibi vel cognationis jus, vel beneficentiæ meritum obtentui fore potuisse, quò minus malis propinquorum artibus appeteretur. Quorum fraudem si dissimulanter tolerare cœpisset, effectum insidijs præbere posse, quæ tam potentum tamquæ sibi familiarium studijs necerentur. Si vero parum adhuc publicato facinore, supplicia de indemnatis sumere maturasset, doliq; notitia à paucioribus sumpta crudelius in æmulos conspulsisset, innoxia capita confictis criminationis partibus obruere videretur,

invidiaq; virtutis accensus, ad communem generis sui interitum varijs insimulationis modis exurgere necessitudinis everfor, affiniumq; consumptor censendus. Igitur & patientiam periculosam, & ultionem, si præpropæ foret, probrosam existere. Ita se, quem vindictæ modum apprehendere debeat ignorare, cujus & ignominiosa acceleratio sit & perniciofa dilatio. Cæterum insidiarum periculis patere malle, quàm in autores facinus retorquere, nè mors sua ad aliorum confestim exitium redundaret, quàm liberorum suorum amicorumq; miserabilis strages, mox discordia civilis, sævaque exterorum irruptio, ac totius patriæ teterrima vastitas insequeretur. Hæc & consentanea Rex 10 crebris anxijsq; gemitibus prosecutus, quæ maxime sibi conducant, Absalonem dispicere jubet. Ille se nihil à Regis æstimatione diversum perpendere refert, præfatus ipsum ex repentino vindictæ procurfu, non levius famæ dispendium quàm salutis ex dilatione capturum. Quamobrem animadversionis jus divino permittendum arbitrio, qui potis sit insidias, quas eluserit, publicare. Sed neq; rem, cujus multitudo conscia sit diutulè vulgus laere posse. Hortatur deinde corporis sui custodiam consuetis comitibus attentius mandet, jubeatq; nunquam sibi inermes assistere, nec magis salutem suam diurnis eorum officijs, quàm nocturnis excubijs vallari curet. Sic enim conjuratorum aliquos, se proditos suspican- 20 tes, repentinum propositi indicium edituros. Gratum Waldemaro consilium fuit. Cujus Roskildiam linquentis Absalonem comitem agens, sollicitatur à Carolo petitionis suæ partes, quas nuper apud Regem egerit, iterare. Quod exsequente eo, responderetur à Rege, raram beneficij gratiam esse, quod accipiens parricidio pensare studeat. Præterea miram quorundam ingenijs & fallendi pertinaciam, & dissimulandi in esse versutiam. Se nihilominus, cum primum Juciam introjerit, insidioso militi munificum futurum, à quo potentia jus, in id maxime vulgus, affectari non dubitet. Jucunda Carolo promissio exitit, quam sibi per Absalonem expositam impensiore gratiarum relatione prosequeretur. Finxit enim ori- 30 hilitatem, læticiamq; effusus prætulit, quam non tam recipiendi beneficij, quàm implendi parricidij affectus progenuit, quod ei regæ dissimulationis industria securitatis incrementa tribueret. Huic postmodum fortè materni avi Eskilli, per idem tempus à Gallia navigantis, appulsus, urbem Ripam cum Canuto fratre petendi causam præbuit. Quorum Benedictus quidam solo patre germanus, sed pellice editus, regæ clientelæ fortior quàm fidelior comes, Waldemaro paucis post diebus, quàm Fioniam ingressus fuerat, in propatulo prandente, sive celandæ fraudis impatientia adductus, seu parricidij, quod cogitaverat, furijs concitatus, neglectis epulis cultrum, quem fortè prandendi gratia sumpserat, compres- 40 sa manu, huc atque illuc actum, varia ancipitiq; versatione stringebat, perinde ac usum ejus ad inferendas plagas agitationis exercitijs prædiscere cupiens. Interdum ferrum sinu condebat, detectumque, rursus digitis inferebat. Inter hæc assidue Regem oculis destinabat, quibus non minus quàm manui minarum inesse videretur. Cujus motibus amentia consentaneis, Waldemarus per sponsam filij Gerthrudem, ob id muliebriter lacrymantem oculos inferere monitus, Nicolaum, qui regæ mensæ præerat, quàm poterat arcanis nutibus accersitum, visum ad inusitados Benedicti gestus obliquare tacitè jubet, amorisq; post epulas mensis, cæteris sibi propiorem consistere, 50 prædicti equitis, si quas moliretur, insidias excepturum. Sed Benedictum ipsum ipsius Regis, tum commilitonum plena stuporis contemplatio, ferrum vaginæ reddere coëgit. Crediderim verò hunc animi æstum ejus præce-

dijs divinitus ingestum, eodemq; autore proditum facinus, quo prohibitum esse. Tum demum Waldemarum neglectum Absalonis consilium, poenitentia profecutus, devocatis in cubiculum militibus, inter quos & Benedictus astant, rem moestam eisq; perquam maxime displicituram asferre se dixit, quam & proderet triste sit, & celare pestiferum: nec se dubitare quin eadem in commune delata, amicorum mentes tristitiæ salebris sit implicatura, tantoq; eis plus amaritudinis incussura, quanto Regem suum propensiore charitatis cultu contingerent. Siquidem quorundam, conspirationem de nece sua habitam, non dubijs conjecturæ rationibus, sed veris conscriptorum indicijs, certisq; rerum vestigijs sibi proditam esse, 10
cujus autoribus primam salutis suæ custodiam credere consueverit. Nolle verò se eorum declarare vocabula, quod noxios resipiscendi inducijs donare, quam insimulandi studio obruere mallet. Hortatur deinde majore cum sedulitate vallandum se curent, nec usquam gladijs vacui incedentem comitari sustineant, stipendiq; officia hætenus per incuriam gesta, deinceps elaborato famulandi studio prosequantur, tantaq; id sollicitudine peragant, perinde ac quivis propriæ synceritatis certitudine de aliena ambigere necesse habeat. Sed neq; se universos notabiles ducere, de quorum grege complures ad mortem pro se excipiendam, si res posceret, paratissi- 20
mos sciret. Tunc milites mutua fidei æmulatione conscriptorum indicium flagitantes, à perfidis erga Regem capitibus vindictam se exacturos promittunt: neq; aut necessitudinis, aut familiaritatis gratiâ temperaturos, quò minus sanguinis ejus cupidos, pœnas quas mererentur, persolvere sint coacturi. Ad hæc Rex referre, fidei synceritate contentos, ultiores indicij partes expetere non oportere. Ita militum preces ab innocentiae conscientia profectas, plenum moderationis responsum cessare compulit. At Benedictus conjurationem à conscijs Regi proditam ratus, eumq; his, quos incautos opprimere cuperet, callidis simulationis ambagibus veniam polliceri, plerisq; militiæ insignibus relictis, Jutiam qua potuit celeritate petivit, 30
detectæ factionis nuncio ad Magnum dimisso. Ita perfidum ejus animum mordax conscientiae crimen regiæ mansuetudinis promissis fidem habere, vetuit. Quæ res Magno proxima nocte navigio Lubecam proficiscendi, indeq; Henrici contubernium expetendi causam præstitit. Eodem nuncio Canutus & Carolus per Benedictum accepto, tacite Ripensium urbe egressi, consensa apud Randrusium nave, præfectum Gothiæ Birgerum propinquitatis fiducia petivere. Adeo illos malignæ conscientiae vis securitate, defectos, subito pavore quati coëgit. Quorum profectionem Eskillus, tum propriam, tum nepotum fortunam miserabilius questus, infinitæ ægritudinis molestia prosequabatur. Ob cujus magnitudinem linguæ debilitate, 40
contracta, parum vocalis evasit. Quem Rex ad se Wibergeri venientem jucunda admodum fronte suscepit, ne quid suspicionis in ejus adventu reponere videretur. Quam Regis moderationem Pontificis prudentia, æquavit. Supplicem enim pro nepotibus vocem mittere non sustinuit, quò magis se ab insidiarum suspitione alienum efficeret, nève eorum culpæ affinis, quos precibus servare cuperet, existimari posset: consultius arbitrando taciturnitatis argumento malignitatis suspitionem vitare, quam offensam pro noxijs supplicando contrahere. Cui postmodum Scaniæ profecto, opportuna medicorum industria debilitatæ vocis opem redintegavit. At mentem ejus ingenti curarum æstu obsitam ægritudine vacare, nepotum proprio spiritu chariorum fortuna passa non est. Adeo facilius corporis quam animi discrimina vitantur. At Magnus fac- 50
toris pudore, quam exilij causam haberet, Henrico pandere veritus,

WALDEMARUS I. reconciliationis ab ipso duntaxat remedia postulabat. Ille exulis vota
 averfari impium ratus, epistolâ ad Waldemarum transmissâ, conceptâ er-
 ga Magnum offensâ remissionem efflagitat. Ad hæc Waldemarum legatio-
 ne quàm literis respondere satius ratus, Henricum, quem stabulo suo præ-
 posuerat, Germanicæ vocis admodum gnarum, in Saxoniam dirigi curat,
 apud ejus ducem Henricum, Magni perfidiam accusaturum. Quo audito,
 Magnus rubore in audaciam verso, quàm poterat pertinaciter objectis
 se affinem negare, & veluti in argumentum innocentie duello manum
 offerre, eodem acumine dissimulationem amplexus, quo facinus molitus
 fuerat. Refert legatus non ob hoc se eò missum, ut accusationis partes a-
 10
 pud exteros ferro prosequi debeat, sed ut reum causam suam ad Regis co-
 gnitionem transferre, defensionemq; patria lege decretam subire moneat.
 Tum duce, quem defensionis modum adversum hoc criminationis genus
 lex Danica statueret, rogante, penes ferrum purgationis morem consiste-
 re respondit. Tunc Magnus à duce rogatus, an tantum fiducie in inno-
 centia sua reponeret, ut hujus experimenti indicio spem defensionis pete-
 re auderet: anceps id genus, nec semper miraculo præditum ajebat, quòd
 plerumq; & infantes damnare, & noxios absolvere soleat, fortuitosq; ma-
 ximè experimentorum eventus habeat. Neq; enim divinam potentiam
 tanta mortalium cura flagrare, ut quibuslibet eorum votis rerum naturam
 20
 cedere compellat. Suspecta plerisq; responsio fuit. Tum duce quam à
 se opem sperare debeat, qui tanti criminis objectionem patrijs institutis
 refellere nolleret, arctius perquirente, quid ageret incertus, aliquandiu re-
 sponsi cunctationem exhibuit. Tandem ulterioris profugi diffidentia ad-
 ductus, ultrò Regem aditurum se dixit, si sibi, quemcunq; causa exitum
 fortiretur, impunitatis fides daretur. In cujus fiducie certitudinem sta-
 bularius sponfionis suæ pignus offerre coepit, præfatus capitali crimine da-
 mnatis, patriæ legis instituto dilabendi inducias tribui, iisdemq; è vestigio
 supplicium irrogari nefas haberi. Quæ Magnus oblatione contempta,
 solam Absalonis fidem se pignoris loco recepturum asseruit. Quæ cum
 30
 Rex ex legato cognosset, epistola duci redditur, quâ Magno sub Absalo-
 nis obrentu, veniendi, discedendiq; potestas promittitur. Quo evenit ut
 Absolon prius Magnum hospitio exciperet, quàm ullum adventus ejus
 nuncium à Rege sumpsisset, literas quæ pro ejusdem receptione distina-
 bantur, nimio festinationis studio præcurrentem. Quibus tandem per
 Regem susceptis sollicitudinem improvisti hospitis plenæ fiducie promif-
 sis discutere curæ habuit. Quibus erectus Magnus, plus spei in Absa-
 lonis auxilio, quàm metus in sua noxa reposuit. Quo evenit, ut ma-
 jore formidinis parte deposita, propria repetere non dubitaret, navi-
 gationem, quâ Jutiam petiturus erat, necessarijs usibus instructurus.
 40
 Quippe causam apud Arhusiam dicere jubebatur. Verùm hoc securi-
 tatis robur, deprehensa secretorum ejus legatio quassavit. Siquidem
 binas ejus epistolas prodicionis mandata gestantes, à publicorum itine-
 rum observatoribus intercipi contigit. Quas cum Regi allatas ab inter-
 meantibus expertus fuisset, formulam, quâ signatoria utebatur, pro-
 prii scribæ negligentia amissam confingit. Idq; non solum inter suos,
 sed etiam apud Absalonem simulatione prosequi curavit, opinio-
 nem serere cupiens, adulterinas epistolas à formulæ repertoribus
 odio sui fuisse compositas. Appetente causæ dictionis tempore,
 binis navigijs instructus, Absaloni Sialandæ & Scaniæ magnati-
 50
 bus comitato obvius affuit. Quo adito conscientie stimulis actus,
 trepidationem fide majorem, præteritæq; vitæ fortitudini indebi-
 tam exhibendo, nullis se exhortationibus ut Jutiam peteret ad-
 ducendum jurabat: plus à se metus in Regis offensa, quàm
 opis

opis in cuiuspiam patrocínio reponi præfatus. Præterea fortuitam sigilli sui amissionem causatus, æmulorum commentò occasionem ex ejusdem inventione nactorum, inimicas Regi literas suo nomine confictas asseverabat. Sed Absalone, tametsi criminis acta ab eo confessio foret, nihil commissum, quò minus inviolatus discederet, constantius asserente, sociali illum navigatione prosequitur, plus amici mōitis quàm proprio pavori indulgens. Cui Rex omni Danica nobilitate stipatus, apud villam Wiby sibi per Absalonem oblato, mensæ sacra communicare passus non est, ne convivam agendo offensam deponere videretur. Quem die postero ad concionem vocatum, meritorum suorum in eum benignitate exposita, majestatis reum agere coepit, pietatem parricidio rependere avidum, quod ejus fuga non violenter ingesta, sed à solo conscientia reatu profecta recenter prodiderit. Ad hæc Magnus, se non cuiuspiam delicti, sed minacis nuncij per Benedictum accepti impulsu, dilabendi consilium cepisse testatur, regis suspicionis causam è longinquo tutius spectaturus. Præterea mirari se, quo pacto Rex propinquum, quem omni familiaritatis jure prosequi consueverat, inanum suspicionum ductu persequi sustineat. Contra Rex, hoc eum ingratiorem, quo meritorum suorum negligentior, astruere: & in perfidia argumentum supradictas ipsius epistolas, quarum altera clausa, altera aperta obsignabatur, in commune proferre: quas etiam per præsentis pontifices circumferri, & an vero Magni signaculo obsita essent, curiosius annotari præcepit. Quod inspectantibus cunctis, adulterinumq; esse negantibus, recitari eas in publico jubet. Aperta Scanienfibus scribebatur, Regem super complurium oppressione calumnians, cunctosq; ad bellum cum eo gerendum exhortans, Magnum repetendæ libertatis autorem habituros. Clausa ad Canutum & Carolum eodem, quo prior, titulo mittebatur, quæ eos res in Scania novare mōneret, Magnumq; idem apud Justiam facturum promitteret: sic Regem viribus cariturum, majorum regni provinciarum auxilijs ad eum commeari prohibitis. Perlectasq; epistolas Magnus cum responso excepturus putaretur, indice metus silentio utebatur. Quinetiam tantum stuporis animo contraxerat, ut voce quoq; deficeretur, internæ perturbationis notas confuso oris habitu præ se ferens. Notabilis viri taciturnitas fuit, quæ ne confessionis loco duceretur, prudens Absalonis interventus effecit, miratu indignum dicentis, ad novos criminationis objectus hominem defensionis dubium, pleno meditationis consilio respondendi officia tardius exhibere, protinusq; eum dandi responsi gratia colloquio excedere, & quos velit ex amicis in consilium trahere jubet. Quo dicto recreatus Magnus atq; ad spem, labefactandæ accusationis erectus, acceptis consultationis inducijs, Absalonem cum Tukone Wendilensium Antistite sevocat. Is Tuko patri ejus Erico Diaconatus obsequijs percharus habitus, deq; ejus clientela ad pontificatum accitus fuerat. Cujus rei grata recordatione Magni charitatem propensius animo insitam habebat. Quem multum diuq; ob cogitati sceleris immanitatem, profectis à dolore convicijs infecutus, respondente eo epistolas aliena fraude contextas, supervacuum id purgationis genus astruxit, non solum scripturæ, sed & stili modum, quo scriba ipsius Lambertus in dictandis epistolis uti soleat, certissimè recognoscere præfatus. Cujus affirmationem Absalone consentaneis verbis prosequente, tantum Magno desperationis incessit, ut an eos sibi confessionis remedia amplecti liceret, trepidè percontaretur. Tum Absalon tametsi confessio periculo non careret, ad hanc tamen ante procurrendum, quàm de venia actum excussumq; foret, negabat, syadetq; uti stupore deposito, per se vel per amicum in posterum

diem induciarum facultatem audacter efflagitet, firmato animo rem felicius expleturus. Quibus admissis, Rex præsentem nobilium catervam vespere iter ingressus, ad Vinnonis locupletissimi viri penates secum perduxit. In qua professione Absalon à Magno admodum æstuante, quoniam defensionis modus objectis congrueret, curiosiore percontatione consultus, nullam partem probro aut periculo vacuam aiebat. Nam nec accusationem tot rerum indicijs subnixam refellere promptum, nec purgationis partes detrectare syncerum: confessionis verò exitum ancipitem fore, quam nulla veniæ certitudo præcurreret. Ita verax responsi dator consultori ignorantiam prætere, quam in dubijs certitudinem promittere, fidelius duxit. Tunc Magno omnia se veraciter relaturum, si veniam confessioni tribuendam speraret dicente, intrepidè eum sibi secreta, quæ vellent, committere jubet, nullum eorum indicium ad Regem ex se manaturum præfatus. Tum illo omnem insidiarum ordinem patefacere cupiente, Absalon narrationem admittere noluit, ne ea in sacerdotali ministerio confessionis loco recipere videretur. Suadet itaq; Sunonem & Esbernium secum adhibeat, quos in rebus arcanis tegendis industrios sciat. Quibus admissis, Absaloniq; data fide pollicitis, absq; ejus conniventia, nullam se præsentis arcani mentionem acturos: Magnus insidiarum seriem à principio retexere orsus, non solum se cum his, quorum crimen testis fuga prodiderat, jure notatum asseruit, sed etiam complura ad Regis caput pertinentia adhuc ejus notitiæ parum indita, apertissima confessione detexit: Eskillum (Asceri hic filius erat) & Christiernum patre Svenone natum, ejusdem culpæ conscios asseverando, Christierni fratrem Ascerum, cui in templo Lündensi prima post Antistitem dignitas cesserat, conjurationis consilium scisse potius quam probasse testatus. Confecto itinere postquam opportunum colloquio tempus occurrit, Absalon cum Sunone & Esberno Regem paulisper sine arbitris esse jussum, contemplari causæ exitum monet, in qua nec accusationem actori instruere expeditum, nec reo confessionem amplecti tutum ducatur. Qui si indemnatus abscederet, complures ad innocentiam sibi decernendam adduceret. Sin, confessus venia careret, simplicitatis exemplo culpæ socijs tegendæ ejus documentum præberet. Igitur elaborandum, ut spontanea ab eo confessio elici posset, quem testimonio insequi promptum non esset. In hanc sententiam perducto Rege, & se poenam confessioni remittere promittente, cum Magnus postera die in concione ab eo, quid super responso deliberasset, interrogatus fuisset, à conjurationis initio orsus pudore posthabito, omnem insidiarum contextum, non solum conscios, sed etiam loca rerum ac tempora perstringendo, vera narrationis serie prosequeretur: Regem inter tot pervicacissimæ artis ambages, non forte humana, sed divina opera servatum affirmans: seq; non aliud magis mirari, quam quod fraudem tanta familiarium arte compositam propitiæ fortunæ interventus eluserit, hominemq; tot civium dolis petitum casus incolumem servare potuerit. His dictis, genibus Regis supplice vultu gæmebundus advolvitur. Quem Rex præteritæ amicitiae verecundia consurgere jussum, ingratiæ mentis exprobratione coarguit, illius per insidias opprimendi cupiditate perfunctum, cujus à primæva ætate perpetuam charitatem expertus fuerit: à quo belli Grathici temporibus, non tantum spiritum sibi datum, sed etiam adjecta potestatis incrementa meminerit. Se enim non solum propinquitati supplicium remisisse, sed etiam munificentiam impendisse, eum verò cum fidem beneficio debuisset, perfidiam rependisse. Itaq; meritorum suorum oblivionem ab eo tam nequiter actam admirans, nec pristinæ confessionis assertionem contentus, an se per insidias opprimere cogitasset, inquirere perseveravit. Ille nec animum sibi, nec arma, nihilq; quod

tanto facinori attinuit, excepto Dei nutu, defuisse subjunxit. Delectatus **WALDEMARUS I.** Rex tam audaci hominis responso, veniam se confessioni tribuere, non familiaritatem restituere dixit, ne rursus amicitiae copia insidiarum irri-
 10^o tamentum existeret. Eundem quoq; tacita ad Kanutum Karolumve man- data habere prohibuit, monitum ne culpam repetere velit, cui divinam po-
 tentiam tam constanter obniti persenserit. Ille se, si quid tale committe-
 ret, ulterioris veniae remedijs indignum vocare, ne precibus quidem salu-
 tem deinceps tueri ausurum. Quo Rex sedendi locum repetere jussu, pro-
 tinus Svenonis filium Christiernum, quem peracta Magni causa, per igno-
 rantiam casus obtulerat, iracunda admodum accusatione persequitur. Qui
 cum se consortis indicio proditum accepisset, defensionis inops confes-
 sione veniam impetravit: nec solum spiritum, verumetiam bonorum omni-
 um incolumitatem assecutus est, exilio duntaxat poenas dare coactus, ne
 promptus ad crimen regressus suppeteret. Ita moderatio manifestam mi-
 litis culpam, extremumq; supplicium meritam, proscriptioe insequi con-
 tenta extitit. Taliter exacto concilio Magnoq; Fioniam reverso, Walde-
 marus insulam ferarum gregibus abundantem, more Regio, praedae venä-
 ticæ vacaturus, ingreditur. Quo loci Absalon & Ascerus à Maximo Pon-
 tifice Eskillo ob veniam ejus nepotibus conciliandam, quæ Magni exem-
 20^o plo sponderi videbatur, transmissi, inexorabilem Regis animum experti
 sunt. A quo demum Ascerus, an conjurationis fautorem egisset, rogatus,
 cognitioni se quidem affinem, sed à consensu immunem asseruit, nec tam
 odio Regis, quàm delationis pudore, prodendiq; commissi verecundia,
 hæc fecisse. Quem confessionis modum diuturni postmodum exilij cau-
 sam habuit. Hujus legationis contemptum tam ægrè Eskillus tulit, ut va-
 rijs corporis pestibus contractis, gravibus hyemem morbis exigeret.

Qua finitâ, Waldemar, Daniæ, Sveciæq; primoribus accersitis, regä-
 les filiae nuptias exornat. Quibus peractis Waldemarum Eskillus secreta
 allocutione petitum enixe deponit, arcani, quod ei committere velit, in-
 tempestivam confessionem non arguat. A quo postulata sperare jussus,
 30^o jampridem deponendi pontificatus allatam sibi cupidinem dicit, quem
 tanto oneri imparem ætas viribus defuncta constituat. Neq; enim in fasti-
 gio se, sed privatum ac procuratione liberum decedere velle, præterita con-
 versationis habitum monastica mutaturum. Quem cum Rex verbis cha-
 ritatem simulantibus proposito prohiberet, idq; ei sine Romana auctoritate
 exequendi fas esse negaret, habere se summi Pontificis epistolas, per quas
 non solum abdicandi honoris licentiam, sed etiam transferendi, in quem
 vellet, potestatem acceperit, testatus est. Huc accedere, quod se Roma-
 næ legationis officio fungentem, ne sedes successore vacua habeatur, sub-
 40^o rogationis curam exhibere par sit. Quod dictum Rex, Ascerum ab eo Pon-
 tificem adoptari ratus, suspicione insequi coepit, nec dubius Kanutum &
 Karolum, si quid ulterius adversum se conati forent, multum ab avo viri-
 um contracturos. Cum diu verbis amicitiam præferentibus egisset, ad po-
 stremum votis ejus annuere se dixit, quod Romanæ sententiæ decreto ob-
 viam ire nequeat, penes quam publicæ religionis norma consistat. Tum
 Eskillus honoris abdicationem contractorum pontificum frequentia cele-
 brari magni æstimans, profecturum ab urbe Regem precari institit, uti ipso
 exacto mense secum reducat, quos non solum suæ renunciationi verum
 etiam novi Antistitis creationi interesse expediat. Quam rem prorsus
 50^o silentio dignam existere, ne cognita quemquam electionis metu dilabico-
 geret. Quo concessu statim interim solennemq; popularium concionem
 ingressus, docet quantam subditorum charitatem fastigio functus exhibu-
 erit, quamq; benevolo studio merita sua publicus eorum favor pensave-
 rit. Jam vero sibi se pontificali cedere in animo esse, cujus administra-

FFALDE
MARUS I.

tionem supremæ ætatis suæ habitum dissidere conspiciat, ideoq; se eorum curam, quam hactenus plenis pietatis officijs gesserit, divino mandare præsidio, cunctisq; sibi militiæ fide devinctis hujusce generis nexum remittere. Super hæc omnia alienis delictis veniam dare, proprijs petere, universos etiam discessum suum pijs precibus prosequi, votisq; pro se excubare precatur, parem se eis dignationem repensurum pollicitus. Adeo autem miserabiliter in concione egit, ut eam lacrymis suffusam dimitteret. Qua soluta, Absalonem Sialandia redeuntem, missis quibus exciperetur equis, penatum suorum hospitio uti compulit. A quo, quid ita plebem mœstitia affecisset rogatus, tum senium suum, tum exilium nepotum, dignitatis sibi patriæq; fastidium afferre respondit. Huc accedere, voti religionem, qua se dudum Bernardo Claravallensi, pontificatu ultrò cessurum, privatamq; vitam & honoribus defunctam acturum spondendit. Die postero cum prædicti provinciarum Antistites in ædem Laurentij matutinè coissent, ornamenta sacrarii armamentario egeri, conspectuiq; subijci jubet, quantum veteri altarium cultui, pristinoq; sacrorum splendori nova ac religiosa liberalitate adjecerit, in propatulo ostendere cupiens. Quibus prolatis, voce suspirijs permixta, quantis charitatis impendijs pro subditorum pace ac stabilitate excubuerit, quot ærumnis, quot periculis oblitum omne pontificatus sui tempus exegerit, edocet. Quem ob hoc se deponere statuisse, quod ætatis suæ magnitudinem ulteriori ejus functioni inhabilem sentiat. Cujus orationem Rex respondendi officio subsecutus, eum tamen crebras cum Regibus simultates gessisset, pontificis partes laudabiliter executum affirmat. Suæ verò sententiæ resignationis ejus propositum non placere, cui jam eò ætatis perventum sit, ut malignitatis ultra notari non debeat. Deinde eum proprio motu, an suo compulsu pastoris officium detrectaret, fateri jubet. Tunc Eskillus directis in aram manibus, jurare, & præsentia sacra testari, se non odio Regis, aut ullius injuriæ ex eo receptæ violentia, sed perituri honoris fastidio, perpetuiq; studio, huc propositi esse perductum. Grata Regi responsio fuit, cupienti vera Pontificis assertionem, calumniæ suspicionem vitare. Regat deinde, an unquam regia severitate pœnas ab his exigere superlisset, adversum quos ille pontificalem centuram prior distringendam curasset. Quo nihil tale eum egisse fatente, gravi metu liberatum se dixit, veritum ne subita Antistitis abdicatio, occultam apud complures sibi notam crearet. Romani deinde Pontificis epistola, sine cujus nutu Rex dignitatem ab ipso deponendam negabat, in commune relegenda profertur. Eâ scribebatur, Romanum antistitem Lundensi pontificalis ministerij laxationem petenti, quod eum huic muneri perutilem scisset hactenus repugnasse, nunc verò precum ejus perseverantia superatum, ætati ipsius assiduoq; languori petitiæ rei licentiam detulisse. Cujus auctoritati Rege refragandum negante, sua sede exurgens, virgam annulumq; præcipua pontificalis sacerdotij insignia altario imponens, perfectam sui muneris abdicationem agere protestatus est. Cujus facti miseratione lacrymæ astantibus abortæ, suspirijsq; murmuris instar reddentibus, ædes repleta. Igitur Eskillus, qui regni clerum excussius nosset, sedis à se relicte successorem à Rege circumspicere rogatus: comprobata monitoris industria, aliam Romanæ dignitatis epistolam explicat, qua sibi legationis habenas tenenti, subrogandi antistitis arbitrium mandabatur. Eâ perlectâ, potestatem, quam sibi indulgentia Romana detulerat, ad eos, quibus eligendi jus esse consueverat, transferre se dixit, quod ultrò jure suo cedere, quàm alienum offendere malit, nè ecclesiam, pro cujus majestate tuenda semper excubuerit, consveto libertatis beneficio fraudare videretur. Tunc iisdem Regi uti consilium suum exponeret, obsecrantibus, Regeq;

cleri postulationem sub plebis nomine, cuius se partibus proloqui referebat, consentaneis precibus prosequente, sententiam suam inter divinam humanamq; charitatem fluctuari asseruit, quarum alterā tacendo, alteram loquendo offendere posset. Dei namq; mentem exasperaturum se esse, si illius, quem huic maxime regimini idoneum scisset, indicem agere superfedisset. Si verò hominem huius officij gnarum, pontificisq; partes alibi laudabiliter executum, sed & pro patria difficilia audere solitum, nuncuparet, familiaris & propinqui gratiam violaret, quem huius honoris oblationem averfari non dubitet. Tunc cuncti, quisnam ab eo destinaretur, animo perpendentes, solam vocabuli certitudinem flagitant. Et ille Roskildensem inquit, Antistitem mihi propinquitate, vobis opinione notum designo. Igitur compluribus, bene Ecclesiæ consultum acclamantibus, exsurgens Absalon maiorem hunc fascem, quam ut humeris suis imponi debeat, refert: nullo se pacto ad deferendam ecclesiam adduci præfatus, quam angustissimis rei Danicæ temporibus susceptam, ad eminentem fortunæ habitum summa animi corporisq; fatigatione perduxerit, cuiusq; non solum externum hostem armis submoverit, sed etiam veterem atq; hæreditariam paupertatem felicibus opum incrementis mutaverit. Tum ij, quibus suffragandi ius erat, ab Eskillo taciturnæ hæsitacionis increpiti, & cui-

20 nam officij sui partes cedere vellent, rogati, paribus in Absalonem votis pronunciant, adeoq; concordēs suffragiorum voces misere, ut nihil in his diversum aut dubium reperires. Nec oris officio contenti, manu comprehensum, ad sedem, quam ei voce detulerant, vi pertrahere conantur. Nam primus Eskillus injectæ in eum dexteræ exemplo cæteris idem audendi fiduciam tribuere videbatur. Qui etiam, ut mos est, concinere, exorsi, celebrem electionis concordiam decore psallendi officio prosequuntur. Quorum plenum venerationis concentum populus ingenti plausu tripudians, sacro cantilenæ genere æmulabatur, gloriosis clericorum vocibus aliquid honorificæ modulationis adijcere gestiando, personantibus alijs, deformem sibi taciturnitatem existimans. Adeo in eligendo eo tota multitudo unam benevolæ suffragacionis vocem habuit. Ille verò trahenti se turbæ summis corporis viribus obluctatus, complures robustiore impulsu præcipientes humum petere coëgit. Ab iisdem quoq; exuviz renitenti detractæ, jamq; res ad vim & rixam usq; progressæ, permixtos strepitu cantus exaudiri non patiebatur. Igitur Absalon ad sedem pontificali fastigio consecratam, pia plebis violentia perductus, in ea collocari passus non est, ne ulla ex parte cogentibus assentiri putaretur. Quam ob rem prius ab Eskillo, mox à Waldemaro oblatis sibi divinitus honoris ornamenta amplecti rogatus, ne præsentis ecclesiæ majestatem novo &

40 inaudito contemptu perfunderet, impetrata loquendi copia, ad appellandi officium procurrit. Cumq; precibus obsecuturus putaretur, validissimum repugnationi suæ tutamentum adjecit. Rapuisset alius oblata dignitatis beneficium, a videq; se tanti sacerdotij tribunalibus ingessisset. Nicolaus Roskildensis chori senior, super irrogata Antistitis violentia parem appellationis vocem edere cunctatus non est. Tum Eskillus aliquantò concussior, certissime se suffragatorum partibus affuturum dicebat, sensurum Absalonem, sua an illius vota plus momenti Romæ sint habitura. Hinc Missæ studium datur. Qua per celebratâ benedictionem Eskillus Absalonis ministerio præstari præcepit. Hac usurpatione eum electionis assensorem efficere gestiando, se jam cunctis pontificatus partibus defunctum, huic ministerio congruentia amplius exequi non oportere præfatus. Quem Absalon tamen pontificalia deposuerit, legationis tamen jure benedicendi prærogativam retinere dicebat, neq; ad inferioris potentia viros, debitum fastigio suo munus relegare debere. Ea Absalonis verecundia,

VALDE
MARUS. I.

dia, senem voti cupidum, neglectæ dignitatis suæ meminisse coëgit. Alio quoq; moderationis genere, repugnationis ejus perseverantiam idem labefactare tentavit. Siquidem in cubiculum devocatum cum precibus perficere non posset, genibus nixus plenis supplicationis lacrymis aggredi conatus est. Profectu vacuus, tertium irritamenti modum, quo electi mentem ad suam sententiam adduceret excogitavit, incertum relinquens, major in cogente an resistente perseverantiæ conatus extiterit. Siquidem equites suos numero & amplitudine insignes ad eum direxit, militari fide se ejus partibus obligaturos. Quorum Absalon famulatum repudiâns, se prorsus in honorem eorum obsequiis dignum consensurum negabat. Quademum constantia evictus Eskillus, ne suppellectilis, quam Ecclesiæ relinquere statuisset, obscurior depositio foret, eundem in arcanam vestibuli partem abductum instantius hortari coëpit, uti saltem oculis eam subijcere dignaretur. Sed & hanc quoq; sollicitationis partem superiorum victor mirè contempsit, ne qui gloriæ tentamenta calcastet, avaritiæ irritamenti succumberet. Quam ob rem Eskillus ira accendi creditus, minus se bonorum quàm cogitaverit, inquit, sacris atq; domesticis usibus relicturum, ipsumq; tam stolidæ pertinaciæ quandoq; damna sensurum. Aureo deinde poculo Regem, Absalonemq; simili, muneratus est. Præterea neminem ex amicis indonatum reliquit, apud patriam sibi præclara liberalitatis monumenta creare cupiens. Varia quoq; membrorum debilitate perstrictus, ad postremum etiam igne (quem sacrum vocant) quadam corporis parte resperitus abscedere maturavit, perinde ac divinitus injecti sibi supplicii cruciamenta sortitus. Quem cum Absalon Scaniâ excedentem castelli sui hospitio excepisset, seq; tanto pedum frigore teneri, ut noctu quietem capere non posset, conquerentem audiret, calidum laterculum cistula crebris foraminibus distincta inclusum plantis applicuit, eoq; fomenti genere præfrigidofeni patientem quietis calorem restituit. Cujus medicamenti beneficium hoc Eskilllo gratius fuit, quod ab artificis charitate, non scientia aut professione manavit. Qui cum Absalonis navigio comitatuq; Slesvicum perlatus fuisset, scyphum argenteum ab eodem sibi pro munere oblatum suscipere recusavit, præfatus se deinceps nullum insignium vasorum usum habiturum. Idem cum Regem Slesvicensi in pontem obvium convenisset, ita corporis debilitate solutus est, ut à plerisq; exanimis putaretur. Recreatus tandem, fretumq; rate transgressus, ac præsentis benignius exosculatus, inter fiebiles amicorum voces plorabundus, & ipse curriculo per Absalonem procurato, cum prorsus equirandi impatiens foret, quo mollius veheretur, imponitur. Cujus flentis discessum amicorum turba ipsum ulterius non visura perinde ac funus lacrymis prosecuta est. Post hæc Regis legati cum Lundensibus, cogendi Absalonis gratia, Romam mittuntur. Qui primum Clarevallum profecti, reperti illic Eskilli epistolam, cujus ea tempestate non mediocri apud Curiam favor vigeat, in adjumentum suæ petitionis accipiunt. Nec minus Absalon ac Roskildenses legationibus Curiam fatigant, electioni, quam Lundenses confirmatum peragebant, plenis reclamationis sententiis obnitentes.

Interea proceribus apud Roskildiam Paschali tempore feriatis, convivioq; per summam omnium hilaritatem exacto, per Thordonem Lundensium præfectum Regi significatum est, Thormerum quendam Magni nuncium nuper Gothiâ reversum, tanto itinere Scaniam esse transgressum, ut captionem celeritate vitaverit. Cujus occupandi gratia Beltensem transitum insidiis esse vallandum, quem ab eoocyus adiri ambiguum non sit. Rogatum super his Magnum, præsidiumq; negationis amplecti conatum, Rex tutò fateri posse promittit. Ille summa cum dissimulatione obsectorum fidem levare, si quid hujusmodi compertum foret ulteriorem sibi

veniam

veniam negari precatus. Rex negatorum incredulus, Adulfo cuidam in signis fidei, sed clericalis conditionis, quod propter Belticum littus habitaret, observationis negotium mandat per satellites ad eum directos, cultus & corporis notis, quibus prædictus Magni nuncius dinosceretur, expressis. Taliter captus Thormerus, ac coram Rege super mandatis, quorum esset gerulus, perquisitus, post diutinæ negationis ambages, quæstionis metu, credita sibi secreta detexit, lignum compactile, quale more Danico inter amicos sigilli vim obtinet, à se epistolæ loco gestari confessus, cujus dimidium à Canuto & Carolo perinde ac syngraphus haberetur. Cujus nequitiam Rex vinculis multare contentus, Absalonis eum custodiæ tradit. Igitur per Nicolaum stabuli sui præpositum, Fionensium militum eum sequi iussorum auxilijs succinctum, Magnum perinde ac denuo sibi insidiosum, poenamq; perfidia meritum capiendum curat. Qui in cubiculo nocte concubia circumventus, dum pristinae virtutis immemor salutem latebris non armis circumspicit, post aulæa repertus abstrahitur. Ita nescias mihiorem eum deformitas captivonis, an captio ipsa reddiderit. Oblatus Regi cum super insidiarum consilio rogaretur, aliquandiu objectis se affinem negabat. Tandem convincentibus eum captivi indicijs, dissimulationisquæ materia non suppetente, confessione crimen aperuit. Cujus mentem rubor nescio magis an supplicij metus affligerit. Hunc Rex ad urbem Laterensem missum, Thorberniq; custodiæ traditum, carcere quam morte multare maluit.

Per idem tempus Sclavorum piratæ spoliatis Waldemari legatis, navigium muneribus eidem à socero transmissis onustum cepere. Cujus reposcendi gratia nuncijs ab eodem missis, superbe responsum dedere. Quæ injuria Waldemarus, ut par erat, accensus, Henricum in societatem ultionis sollicitat, Rugianisq; quod hostilium locorum gnari essent, in commilitium evocatis, per Suinam inVectus, Julinum oppidum, incolarum fugâ desertum, incendio tentat, Henrico Diminum obsidione complexo. Qui cum expugnationem dubiam difficilemq; animadverteret, amnem, qui castra sua à mœnibus dividebat, transverso deductum alveo, remotiore cursu urbem præterlabi coëgit. Quo facto hostium muris summam defensionis opem conciliavit, præsidium ejus pro oppugnatione molitus. Ea re effectum est, ut actam æstate obsidionem autumnò inglorius solveret. Cujus discessionem fortuitum urbis incendium subsecutum est, suis viribus tribuente fortuna, quod Saxonis deferre dignata non fuerat. Eadem benigniore Danos lumine contemplata, eorundem ministerio Cozcoam urbem conflagrare permisit; indigenas verò metu palantes, ad loca paludibus obsita virium inopia confugere coëgit. Quod Absalon captivi cujusdam cum fratre minore, conjugeq; & liberis comprehensi indicio expertus, rogare eum cepit, an suam suorumq; libertatem latentium civium prodicione mercari cuperet. Ille conditionem cupidè pactus, seipsum terrestribus copijs petendam, paludem cincturum, fratrem verò navigaturis ducem promittit. Sic enim Sclavos ancipiti fuga implicitos, nusquam dilabendi materiam habituros. Ea palus à superiore per angustum amnis discrimen abrupta, minoribus duntaxat accessu navigijs erat. Quibus dum Absalon eam peteret, à captivo errorem simulante ductum minis extorsit, saltumq; meditantis cervici nexum inferri præcepit. Multi in eum ex Sclavis, dum cimbis fugam capebant, incidunt. Armenta ab iisdem inter mare paludemq; coacta, à Sialandensibus capta, ac per totum exercitum distribui curata sunt. Quæ res ei plus invidiæ apud socios quam gloriæ quæsit, quod ab universis capiendum erat, à solis Sialandensibus occupari dicentes. Quo paludem egresso, quidam ex nautis petulantioris linguæ, ducem supplicio dignum, per jocum dixeret, quod cum navigationem præmonstrare debe-

deberet, ignorantiam finxerit, promissumq; suum secutos ~~simulato errore~~ fallendos curaverit. Ille ludibrijs pro serio ductis, laqueo destinari seratus, dum aquam è stagno tanquam munditiarum gratia peteret, ultro præcipitato corpore profundum insiluit, anticipare fatum, quam expectare præoptans. Qua temeritate dubium reliquit, perierit ne, an sub undis salvus enaverit. Quibus rursus, ut fieri solet, evomitis, restim, quam collo innexam habebat, manibus, ne per eam attraheretur, complicandam curabat. Mersus denuo, viscentes eadem qua prius ambiguitate complevit. Sed corpore ejus tandem exanimi reperto, dubietatis quievit contentio. In tantum autem illic exercitus noster captivi pecoris gregibus abundabat, ut ¹⁰ in iisdem agendis quotidiana pastorum opera uteretur. Quorum discursum periculo vacuum, generalis earundem partium vastitas efficiebat; quam tanta incendiorum vis pepererat, ut hirundines quoq; tectis, quibus habitare consueverant, orbatæ, gubernaculis navium ac proris fœtum procreaturæ nidos affigerent, domiciliorum usum ab hostibus mutuantes. Post hæc Rex Henricum diutina Diminensium obsidione suspensum alloquio petiturus, terrestri itinere arrepto, urbem Cozcoam à nemine defensam igni implicitam reliquit: cujus processum tum amnis cujusdam profunditate insignis, tum ulteriorum locorum difficultas indicata cohibuit. Hinc Regi in Gaminensium provinciam transitus fuit, quam rura ²⁰ li magis populatione, quam ulla munimentorum oppugnatione permen- sus, Camino duntaxat inaniter attentato, navigia, quis captivum pecus veheret, prendenda curavit. Hæc tam uber pecoris, opportunaq; com- meatibus erat, ut exercitum nostrum bimestri edulio aleret. Legatione, deinde ad Henricum missa, præsentis militiæ finem imponere jubet, illo obsidionem, quam frustra gesserit, ocyus soluturo. Quibus responsis ac- ceptis, interiacentia quæq; partim ferro, partim igni adortus, per summam hostilis rei populationem Walogastum accedit. Quo viso, Walogasten- ses, Zulistro duce, extremam pontis sui partem convellere coeperunt, ne quis hostium per eum irrumperet, inhibitori. Cujus fragmentis pauci ex ³⁰ nostris perinde ac scalis utentes, adminiculantibus socijs, ascensu obtento, hostium urbe exilientium irruptione petuntur. Quibus ob paucita- tem resistere nequeuntibus, Hemmingo excepto, omnes cessere. Absa- lonis hic armiger erat, levibus armis instructus, ad discrimina subeunda promptissimus, semperq; se periculis immergere solitus. Qui dum se par- vulo pedis regressu urgentibus subtrahit, talis, gladij, quo cinctus erat, longitudine offensus, supinus concidit. Quo lapsu plus gloriæ quam in- commodi expertus est. Nam inter crebras hostium hastas, quibus acerrime petebatur, non tam suo, quam fortunæ clypeo protectus, ut primum genibus se excipere potuit, districto ferro propiorum tibus appetivit. Qui ⁴⁰ bus paulisper cedere compulsis, sublimis desiliit, sociorumq; tandem ex pudore fortitudinem capientium accursu petitus, oppugnatores urbem re- pertere coëgit. Ita ad suos regressus, ac toto corpore integer repertus, ad- mirationi visentibus fuit. Igitur non solum fortitudini ipsius, sed etiam fortunæ veneratio tributa est.

Ea tempestate Romani schismatis controversia, astipulante Cæsare Frederico, pertinacissimo Germanorum errore, compluribus annorum curriculis alita, veri Pontificis Alexandri pedibus proculcata, succubuit, dividuumq; ecclesiæ statum catholicæ concordie vinculum colligavit. Quo in tempore Regis, Lundensiumq;, nec non Absalonis legati Romam regressi, ⁵⁰ lato patriam nuncio compleverunt. Qui tamen diversas atq; contrarias res petitione complexi viderentur, ea tamen Romani pontificis industria, sunt excepti, ut pars utraq; sibi pro votis consultum gauderet. Nam & Absaloni Lundensem pontificatum assumere jussum, & Roskildensem ad-
mini-

ministrare permissum. Ita geminum ecclesiæ regimen in ejus jus di-
 tionemq; concessit, alterum præcepto, alterum indulgentia sortientis. *VALDE MARUS I.*
 O novam & inauditam curiæ munificentiam! Recusanti pallium in-
 gestum est, insigneq; quod petentibus agrè præstari solet, repugnan-
 ti violenter imprimitur. Dignos humeros, quibus tam præclarum
 onus imponeretur. Veniens siquidem Romanorum legatus Galandus,
 Lundensi clero Roskildiam évocato, præsentem Absalonem non so-
 lum literarum recitatione, quæ eum electioni parère jubebant, sed et-
 iam anathematis comminatione, quo se adversum eum (si repugna-
 re perseverasset) usurum dicebat, electoribus assentiri, fidemq; obe-
 ditionis solenniter ab iisdem recipere coëgit. Quem postmodum Lun-
 denti in templo, pallio, quod attulerat, muneratus, die postero Ri-
 pensium electum Homerum religioso ejus ministerio pontificem con-
 secrari conspexit. Ita legatione syncerissimè atq; integerrimè gestâ, hy-
 bernis exâctis, Romam reverit.

HISTORIÆ DANICÆ LIBRI DECIMIQUARTI FINIS.

20

SAXONIS GRAMMATICI
 HISTORIÆ DANICÆ
 LIBER DECIMUSQVINTUS

30 **P**OST hæc Rex nondum ultionis in rerum suarum raptos-
 res facietatem adeptus, expeditione Scloviā petere sta-
 tuit. Quam dum, Septentrionalibus Jutis superfedere
 40 jussis, australes immenso ventorum flatu peterent, Sles-
 vicensium Antistes Fredericus, perfectissimum hone-
 statis specimen, dum veli magnitudine eximiam auro-
 rum molem, intolerabilesq; navigationi Notos com-
 plectitur, defecta gubernaculo puppe cum omnibus penè socijs peri-
 clitatus, contractæ classis animos ingenti luctus acerbitate confecit.
 Cujus fato minus triste non fuit, quod sociorum cadaveribus ultrò
 40 repertis, solum ejus corpus impensius perquisitum, ante Spiritus Sancti so-
 lenne deprehendi non potuit. Cujus tempore Sialandico littori appulsum
 non odore triste, nec aspectu deforme compertum est, prorsus
 ut corruptelâ vacuum existimares. Quo integritatis habitu, sancti-
 tatem viri divinitus declaratam crediderim. Nec minus veneratu
 dignum, quod idem frustra ab amicis quæsitus, ejus potissimum
 festum corporis sui repertione clarescere voluit, cui peculiaris cultus
 officio honorem habere consueverat. Tum verò insignis Absalonis
 gemitus erat, præcordialis amici casum lugentis. Rex copijs apud
 50 Falstria obuius, vocata majorum concione, provisum sibi, inquit,
 parvula manu magnas hostium copias non laceßere, eam miliciæ con-
 ditionem habenti, cui plurimum gloriæ vel opprobrii debeatur. Quam
 ob rem se potius Absaloni, Canutoq; filio expeditionis summam committe-

VALDE re: si benè rem gererent, aliquantulum laudis, si malè, parum vi-
MARUS tuperij relaturis. Illi jussis celeriter obsequuti, Rugianorum etiam
 classe, quanta subito contrahi poterat, adjuti, incessata navigatione
 Ostroznam accedunt, in occupando hoste non minus celeritate,
 quàm audaciâ usuri. Quorum tam latens improvisaq; irruptio extitit,
 ut plerosque Sclavorum domi inopinatos opprimerent, provin-
 ciamq; penitus incautam vastassent, nî incendio demum ab inerti-
 oribus edito proderentur. Illic binis fortè Sclavis navigio fugam
 quærentibus, cum alterum à Gerimaro teli jactu prostratum
 reliquis ulcisci cuperet, cognito quod Rugianorum ducem appetere-
 ret, telo verecundius abjecto dilabatur. Tanta apud hanc gentem
 viris in fastigio positis veneratio penditur. Interea classis per Pe-
 num amnem allapsa, equis, quos inter pascua reperit, captis Wa-
 logastum progreditur. Cujus ponte disiecto, transituq; obstaculis vacuefacto,
 propter mœnia anchoras jactat, oppidanis imparata adhuc tormen-
 ta tractantibus. Eadem obsidionis fastidijs navigationis dispendia,
 anteponens, tam vagum sparsumq; militiæ genus secuta est, ut
 hostibus errore ludificatis, ubinam maxime sua tueri deberent, in-
 certum relinquerent. Siquidem evitatis locis, in quibus eos obvi-
 os habebat, defensoribus vacua petebat, quibus eadem acceden-
 tibus ex consulto cedebat, & ad partes præsidio carentes militiam
 transferebat. Et ne ulla negotiorum intermissio foret, peditibus re-
 migio noctes, somno dies exigere: equitibus vero nocturnam re-
 quietem diurnis militiæ laboribus rependere, constitutum. Adver-
 sum quem excursionis modum Bogiszlavus & Kazimarus nihil in
 armis remediij ducentes, animadverso patriæ vastitatem, nostrorum
 non minus agilitate quàm viribus inchoatam, suo ductu propulsa-
 re non posse, emendæ pacis consilium capiunt, quorum arma fer-
 re non possent, amicitiam mercaturi. Quibus accessis, eorum se
 viribus impares confessi, præsentium finium jacturam inter damna
 non ducere simulant, amplissima Pomeraniæ deserta novis sedibus
 complexuri. Ad hæc Nicolaus Falstricus in risum solutus, sinistrè
 eos patriæ consulere dixit, cujus inferiora Danis, superiora Polo-
 nis, finitimorum manu huc atque illuc jactati, cedere cogerentur.
 Quo dicto patriæ salutem circumspicere moniti, centum libris num-
 mûm Absaloni, quod penes eum expeditionis arbitrium esset, to-
 tidemq; Canuto promissis, legatorum à se captorum dimissionem
 cum duobus millibus talentûm, quâ summâ rapinam Regi inflictam
 rependerent, pollicentur. Ad hæc Absalon responsum moratus, se-
 ductis majoribus, offerri condiciones ab hoste dixit; quarum usus
 perniciosus patriæ, si gratus; contemptus verò commodior quàm
 charior esset futurus. Siquidem pecuniam Regi, pacem civibus,
 captivis missionem, pacti nomine lucrari favori quàm utilitati pro-
 prius emolumentum esse. Iisdem vero pro nihilo ductis, à bello non
 recedere saluberrimum. Jam enim Sclavorum vires eò tenuitatis ef-
 se redactas, ut si pax desit, deditionem sequi necesse habeant. Ita
 se suis bellum an pacem probent, deligendum relinquere, ne alieno
 consilio præterito, proprium audacter secutus videatur. Responde-
 tur, ei potissimum parti studendum, qua publicus favor possit acquiri.
 Hac sociorum sententia Absalon vti compulsus, ne anxiam Regis expecta-
 tionem inopinata reditus sui celeritate concuteret, ab Esberno se præcurri ju-
 bet, speciosum gestorum nuncium perlaturus. Qui propter Hythim insulam
 tempestatum adversitate coercitus, non ante tempestivum profecti-
 onem
 cœlum

coelum fortitus est, quàm Absalon receptis obsidibus, ejusdem venti beneficio allaberetur. Cujus præcedendi gratiâ navigationem impensius conficiebat. Qua forte Rex inter venandum conspecta, præproperum posteræ classis reditum admiratus, fugam suis injectam credebat. Quam sollicitudinem falso contractam, cognitis ex Esberno rebus, effusiore gaudio permutavit, utilius pace bellum confessus. Quem etiam hospitio benignissimè exceptum plenis hilaritatis officijs prosecutus est. Die postero classem non solum impensioribus verbis laudatam, verumetiam osculis honoratam dimittit.

10 Quo postmodum apud Jutiam diversante, Canutus & Carolus petulantiore manu quàm validiore delecta, Hallandiam adorti, exilij proprio scelere contracti supplicium à patria sumere conabantur. Qui dum Hallandensium multitudine, quam sibi fauturam speraverant, repellerentur, fatum fugæ antepponentes, propter nemus, quod Hallandiam à Gothia discernit, aciem ordinant. Ubi infelicibus auspicijs praliati, graves tentatæ patriæ poenas dedere. Nam Canutus crebris vulneribus exceptus, ab aggressibus captus, eundem quem Magnus carcerem expertus est, supplicij focium sortitus, quem facinoris consortem habuerat. Carolus mortifico vulnere obrutus, parvulo viæ excessu petito, fortem spiritum inter molles arborum frondes deposuit, felicior obitu quàm frater vita. Quorum patrimonium Waldemarum, lege quæ patriæ reos omnibus bonis damnat, adeptus, insperata opum incrementa contraxit. Igitur Caroli corpus putre, postmodum ab indigenis repertum documento fore potuit, aliena fastigia cum propriæ contemptu fortunæ concupiscenda non esse.

Post hæc Henricus ob exercitum Cæsari adversum Italos negatum, gravem bello offensam expertus, cum tantæ rei molem viribus suis majorem cerneret, Waldemarum sibi obvium crebris nuncijs evocatum, pertransito ponte, cujus nunquam antea dimidium excedere consueverat, per summam mutæ fidei exhortationem obnixa auxilij petitione sollicitat.

30 Ad eò superbix necessitas imperat, fastusq; infortunio domatur. Ad quod Rex se nullo fidei debito compelli præfatus, amicitia tamen quam olim cum eo junxerit, si monitis suis obtemperatum foret, affuturum promittit. Igitur Henrico, quanam hæc essent, cognoscere cupiente: cum terrenum, inquit, Imperatorem attentare inter ardua ducatur, multò coelestem lacescere periculosius, qui proprio nutu, præter humanum adminiculum, prospera vel adversa afferre mortalibus possit. Quem si Henricus jampridem à se pontificalium bonorum rapinis offensum, congruis restorationis officijs complacasset, victoriam mente præsumere posset, alioqui bellum temerè conaturus. Quod si infesto Deo communiter ab ipsis committeretur, ambos

40 hosti victoriam cessuros. Neq; enim dubium fore, quin caduca ac fragili potentia usurus sit, quisquis divinæ pertinaciter obviare præsumpserit. Igitur se non nisi expiato periculo commilitium præbere ausurum, publicæ religioni quàm privatæ amicitia propiorem. Tum Henricus multa à se pontificum bonis beneficij nomine extorta confessus, quibus si sponte cederet, ultimæ paupertati subijceretur: corrasæ attonsaq; cervicis homines tanti à se æstimari negabat, ut ultro opibus carere, plusq; eorum iræ quàm gloriæ suæ tribuere velit. Repulsæ tamen suæ silentium ab ipso geri precatur, ne in vulgus negatæ opis fama differeretur. Sic Rege dimisso, promissi ab eo præsidij simulationem apud milites, ne ad Casarem deficerent, exhibebat; hac spe eorum animos firmare cupiens. Regressis inde Danis, mirum dictu & novitate prodigium incidit. Siquidem una noctium infinitus murium grex è longinquo rure concurrrens, tristi occentu edito, Scleensib⁹ aquis sua sponte submersus interiit: quorum cadaveribus

FFALDE vento jactatis littus mane constratum apparuit. Quæ res utilior incolis
MARUS I an mirabilior fuerit, incertum est. Eâdem quoq; nocte Absalonis quie-
 tem capientis exuviæ à foricibus corrosæ, certissimum futuræ vexationis
 ejus omen dedere.

Cui Sialandiam regresso nunciatur, turbâtis Scaniæ rebus, plebem à
 primoribus dissidentem, adversum regios quæstores publicæ consternatio-
 nis impetum distinxisse. E quibus Agonem, splendida præfecturæ vi-
 rum, in concione Ludensi, plenâ temeritatis violentiâ, probrosius contre-
 ctatum, ac prope vulgi manibus discerptum, nî in ædem divi confugisset
 Laurentij. Quam facem turbulentissimo multitudinis furore ac-
 censam, non nisi per Absolonem extingvi posse, cui facilius sit orientis
 quàm adulti tumultus arma comprimere. Quam ob rem oportere eum
 citatò Scaniam petere, si rebus Regis laborantibus dignè consultum cupiat.
 Quâdere Suno & Esbernus consulti, quàm poterant dissuasorijs verbis pro-
 fectionem damnabant, dicendo, compertum sibi tacitâ principum conspi-
 ratione plebem instinctam, non aliud hoc motu quàm Absaloni periculum
 petere. Sed Scanienfium legatis rem sine eo sedendam negantibus, itu-
 rum se, utcunq; fors tulisset, respondit, etiam salutem suam, si ita res po-
 siceret, tot egregijs Regis meritis impensurum. Igitur præmissis, qui Sca-
 niæ primores, habendæ concionis causâ, ad urbem Lundiam contraherent, 20
 extemplo se venturum promittit. Nec Scaniam petere cunctatus, patri-
 tio spiritu publico furori constantiam suam obijcere properavit. Plebs si-
 quidem acerrimis consternationis fluctibus concitata, civilis injuriæ quere-
 las seditioso accusationis genere prosequabatur. Sed & Thordonem con-
 cionari exorsum, crebris sibilis infestoq; clamore vexatum cæpto desistere
 coegit. Cæteris quoq; regiarum partium assensoribus dicendi potestate
 negata, solam Absalonis vocem tranquillis auscultationis modis axaudire
 sustinuit. Qui cum multitudinem imperitis clamoris jurgijs obstrepem-
 tem, salubriumq; monitorum impatientem adverteret, dividendam ratus,
 provinciarum concilij trifariam distribui jussis, cunctas se principum cul-
 30 pas emendaturum edixit. A quo Thordo, quòd eum ad tumultus vix se-
 dables parùm veracibus mandatis evocasset, increpitus, concitata plebis
 dementiam à temulentia coortam affirmat, ejusq; rei quosdam in concio-
 nestertentes fidem fecisse. Quam ob rem non in urbe, sed campo concio-
 nandum fore, ne hominibus potionis avidis, violandæ sobrietatis accessus
 suppeteret. Proxima Absaloni cum australibus concio fuit. Illic Regium
 Satrapam Petrum, (Fvari hic filius erat) profectis ab invidia accusationibus,
 asperius quàm verius laceratum, quò tutiorem ab hoc calumniæ genere
 præstaret, proximo sibi sedendi loco recipi jussit, venerabiliq; vicinitatis
 40 niæ præsidio, ne quid in amicum atrocius consuleretur, providit. Poste-
 ra luce per summam litium cognitionem exacta, pleno æquitatis judicio
 cunctas querelarum partes absolvit, causisq; legitima definitione explici-
 tis, delectatam beneficio plebem ad grates sibi rependendas adduxit. In-
 de progressus, indigenæ militis indicio cognoscit, seditioso edicti genere
 conciatum populum, apud Album fontem concioni quatrduo vacatu-
 rum. Igitur tametsi Scanorum potissimis stiparetur, ad supplendum ta-
 men arbitrorum numerum etiam Thordonem nuntio vocatum, quid sibi
 super popularium motu recens fama prodiderit, edocet. Ille verbis su-
 spicionem dementibus rumoris fidem levare, nihilq; tale metuendum
 astruere, cæteris adversum vim publicam rescautius gerendas monentibus, 50
 Ita sententia variante rerum dubijs, indubitato Sigostham insulam explo-
 randi gratia adire collibuit. Illic Absalon antè accepta certiore expertus
 nuntio consternatam amentia plebem, quòd ei se tutò objecturus non

Videretur, procuratis, qui concionem accederent, per summam æquitatis promissionem delinire constituit. Qui cum omnia atrocissimo multitudinis furore misceri, ipsamq; ausu petulantiore instinctam, effusa verborum licentia nobilitati insultare cognoscerent, acto mandatorum silentio, maximum seditioni incitamentum dedere, plus alienæ dementiæ quàm propriæ legationis officio tribuentes. Quod perfidia an metu egerint, dubium reliquere. E quibus Petrus Longus, insignis staturæ, ægrè dicendi potestatem adeptus, affirmare, se tametsi miles Absalonis esset, respectum ejus civium cultui non anteferre, populi majestatem Pontificis partibus priorem ducere, plus publicæ charitati quàm privatæ debere. Caterùm ad omnes vulgi actus imitandos propensiore animo fore, libertatem ejus jam quasi naufragam ac periclitantem, ne armis quidem protegere dubitaturum. Responsum à concione est, ludificari plebem, quam Absalon magnatesq; rapinis vulgus affligere soliti, de industria petere supersedissent. Quam vocem universis acerrimo clamore comprobantibus, multitudo maximo fragore dissiliens, armata passim equos involat, Absalonis penates hostiliter petitura. Neque enim eò properanti succurrit illos à seclares incurfari, quos toties sibi munificos experta fuerat. Cujus nuntiandi gratia, legatorum Juniores telis, quibus undique petebantur, callidius evitatis, citatò Sigostham pervenere. Eare concursi milites Absalonis, diverso consilio defensionis auxilia circumspiciebant. Alij pratis spaciales equos colligere, pars vadum prætentum insulæ, quod postmodum Absalon lateritio opere vallandum curavit, contractis, quas fors obtulerat, quadrigis occludere, pars saxa jactilia lecitare. Tum Absalon, hortante seniorum turba, aut obsidioni animum præparare, aut primis incurfantium, ante nimium & intolerabilem multitudinis adventum oppressis abscedere, neutram consilij partem probare se dixit, quod nec opportunos obsidioni commeatus haberet, & se patrem potius quàm prædonem existere meminisset. Sed neq; se pacis studium, cujus condendæ causa advenerit, humano sanguine polluturum, aut pias pastoris partes truculento percussoris officio mutaturum. Malle, verò, qui primi irrumperent, innocuè & sine cæde deturbandos curare, facile fugam daturus, quod nullo fulciantur imperio. Militibus deinde, quempiam plebeiorum violare prohibitis, primorum agmen propinquum collem acis occupantium, prælata cruce adortus, in proximum nemus refugere coegit: comprehenso seditionis autore, quem memores jussorum equites, armis amictuq; nudatum, pulsare duntaxat contenti fuere. E quibus unus confertissimis hostium globis lascivioris equi petulantia adactus, loco palustri ignorantibus socijs, concursu popularium interficitur. Ita Absalon agrestium impetum elusisse contentus, nullo hostiliter imminente, liberum repentendæ urbis iter habuit, eisdem avidissima insulæ direptione, irarum suarum procursum explentibus. Igitur patrieij spiritus Pontifex, ut tranquillum ita salutare consilium secutus, pietatem favitiæ præferendo, dum gregi parcendo consulit, plus gloriæ & virtutis in innocentia, ac moderatione, quàm læsionum suarum ultione constituit. Quò enim se longius à ferri licentia retraxit, hoc religionis laudi propius admovit. Supervenientibus deinde, quos ad deliniendam concionem direxerat, eorum vocatione queritur simplicitatem suam huc discriminis esse perductam: percontatus, cur improvidum se & imparatum, ad res tanta difficultate implicitas, se cura mandatorum specie pertrahere, voluissent. Quibus se nihil tale suspicatos dicentibus, culpamq; negligentia confessione exeusantibus, æstimare eos, quid nunc expediat, jubet, præteritum errorem præsentis consilio correcturos.

Respondent, nec armis se, nec auxilijs instructos, contrahendi utriusq; commodi causa domum digredi necesse habere, paratiores postridie everfuros. Ipsum interim exquisito latebræ genere uti debere; probro cariturum, qui temporis consulat. Quod utrum malignitate ingenij, an inopia consilij protrulerint, æstiment, quibus sequentia eorum acta cognosce fastidio non fuerit. Refert Absalon honestiorem sibi castelli, quod in Sialandia haberet, aditum fore, parum latebras exquirere solito. Quarum deformitatem perosus, Thordone navigium præbente discedit. Neq; enim claritatem suam obscuriore loco coarctandam putabat, cujus fulgorem per tot terrarum spacia conspicuis virtutis operibus diffusum non ignorabat.

10

Sialandiam ingressus, Waldemarum, apud insulam Samfam, venandi studio infervientem, receptâ ab ipso epistolâ, petere jubetur, necessarijs patriæ usibus vacaturus. Ubi cum Sunone Esbernoq; propositas negotiorum curas debita agitatione complexus, postremò apud Regias aures Scanici tumultus famam edidit, primusq; ipse perturbationum suarum nuntium agere non exhorruit. Æstuantem animo Regem, seditiosisq; supplicia minitantem, consilij sui delinimento à proposito retraxit, exigendæq; ultionis affectum, primorum Scaniæ virorum benevola vocatione differre docuit, quos etiam illum apud Fioniam petituros, plenis humanitatis officijs sequi non supersedit. A quibus eundem precari rogatus, ne Saxonem, Acho- 20 nem, Sunonem, & Esbernum homines extra Scaniam ortos, ejus rebus præesse pateretur, affirmantibus finem seditioni fore, quæ ob solam eorum petulantiam cœperit, si procurationem exteris attributam ad indigenas transferri curasset. Invidere eos Regis potentiæ respondit, cujus in dandis beneficijs arbitrium abrogare nitantur. Se vulgi sævitiam experiri, quam regiarum rerum dominium tot sæculorum usurpatione firmatum, insidiosa prece subruere malle. Tum illi omnem consternationis rabiem in ejus caput effundendam minati, superbius æquo responsum dedere. Iisdem à Rege quidnam mitigandis Scaniæ rebus efficacissimum esset interrogatis, solam ejus epistolam, quæ blanda asperis certæ moderationis temperamento mi- 30 sceret, huic tumultui sedando suffecturam dicebant. Quorum instinctu Rex plebem Scanicam plenis minarum literis aggressus, non parum nutrimenti publici furoris incendio addidit. Siquidem indignatus populus, eum adversum se concitatoribus notis usum, adversum hunc scribendi ausum iram suam severius distringendo, omnia vectigalium jura solenniter abroganda curavit. Pontificales quoq; decimas execratus, sacerdotibus conjugia decernebat. Quorum etiam sacra sibi, exploso Pontificis ministerio, sufficere prædicabat. Igitur in divina pariter humanaq; grassatus, majestatis contemptum religionis injuriæ sociabat, Rex frustra minis institisse se, videns, armis agere constituit, exactoq; messis tempore, in trajiciendo mi- 40 lite magnis navigiorum copijs succinctus, Helsingum oppidum petit, Absalone inter postremos appellere jussu. Plurimum illic vulgus piscandi opportunitate contractum, crebris habitaculis occupaverat littus. Quod Absalone viso, odium ejus alimentorum suorum studio anteponens, littorales, & quos casus obtulerat, lapillos adventanti ipsius navigio obijciebat, parum recolendo illum à se Scaniæ finibus pelli, qui cunctis Daniæ locis tutum habitationis usum præstiterat. Pars Rege in concione relicto, per summum majestatis contemptum ad mare decurrens, Antistitis adventum pari injuriâ excipiebat. O ingrata Scaniensium gens, quæ pleno temeritatis furore, tot commodorum tuorum auctori injuriam pro gratia rependere rubo- 50 ri non ducis. Pastoris parentisq; tui navigium improbissimis evecta furijs, finibus tuis prohibere conaris, cujus beneficio tibi piraticam toties sævitiam expertæ, tua latè navigatio patet. Illi præsentem littoris aditum negas, cujus bellica virtus, nè tu quidem hac littoris sede pellerere, perfecit. De-

finac

sine ergo optimis amplissimi integerrimiq; viri meritis quasi gravissimis in-
 fultare delictis, erroremq; iniquo animorum judicio contractum, veloci *VALDE*
 poenitentia studio redime. Nec patienter Rex tam contumeliosam eorum *MARUS 1.*
 audaciam ferre potuit. Æstuantem eum, equosq; & arma poscentem, Aru-
 siorum Pontifex Saeno medium complexus, ne quid duri in plebem com-
 mitteret, obsecrabat. Pietas illi an metus hunc ausum præstiterit, incer-
 tum est. Sed apud Regis animum continua Absalonis charitate flagrare so-
 litum, venientis amici pericula, complectentis precibus præponderabant.
 Quo descendente, qui navigium infestaverant, summa cum innocentia si-
 10 mulatione, repetitis tabernaculis, Absaloni litus cedere, in quo postmo-
 dum dividuum ei Regiq; cum Scanico milite colloquium fuit. Scanieneses,
 apud quos Rex sopiendæ seditionis consilium agitabat, Absalonem adve-
 nasq; Scaniae portioni præpositos, remittendos monebant, dicendo, nihil
 ad publicam dementiam comprimendam eorum absentia efficacius fore,
 quæ non adversum Regem, sed in illorum plenos malignitatis actus exarserit.
 Hujus sententiæ suffragatores Juteneses milites fuere. Creditum est eos par-
 tim decimarum odio, quarum nuper Scaniae Sialandiaq; solutio inoleverat,
 partim metu ex forensis pugnae recordatione contracto, Absalonis affectasse
 discessum. Quam ejusdem equites honestiore animi judicio execrati, tan-
 20 tum sibi necessitudinum, tantum generis armorumq; robur esse dicebant,
 ut invitis infestisq; popularibus herum suum absq; regionum militum admi-
 niculo, per cunctas Scaniae partes à se tuto libereq; circumducendum spera-
 rent. Quorum animosis adhortationibus Rex, ob pacem plebi concilian-
 dam, ignavos Jutenesium monitus anteponens, vocato Absalone secreto,
 memorat quantam invicem sententiarum concordiam semper gesserint.
 Nunquam sibi tam diversa ac rigida animorum judicia fuisse, quin ad po-
 stremum alter alterius arbitrio flecteretur. Orare deinde eum, progressionis
 in Scaniam propositum deferat, Sialandiamq; reperere deforme non ducat,
 speciosis aliquando consilijs utilia prælaturus. Ad hæc Absalon ne tunc
 30 quidem se veterem obsequendi morem relicturum præfatus, consilio usu-
 rum affirmat, quamvis absentiam suam multis & gravibus mendaciorum,
 notis lacerandam sciat. Rex gratijs tantæ moderationi impensius actis, equi-
 tes ejus in augmentum comitatus deposcit. Illi in plenos fidei charitatisq; fle-
 rus effusi, hunc sibi supremi perpetuiq; dedecoris diem affirmant, huc igno-
 minia non propria sed alienorum ignavia protractis, ut cui famulatus offi-
 cia debeant, desertionis probra persolvant. Ita Absalone per summam ani-
 morum moestitiam relictò, Regem prosequiebantur. Graves illi difficilesq;
 eum plebe conciones fuere. Vbiq; enim causas armata dicebat, animum
 habitu ostentatura. Quotidie Absalonem falso & inaudito obtrectationis
 40 genere lacerabat. Hæc audentem Juteneses occultò laudationis studio pro-
 sequebantur, blanditijs foventes, quod armis punire debuerant. Qua
 adulationis deformitate, maximum seditioni irritamentum dedere. Rex
 finitis comitatibus Scaniam relicturus, lectos è plebe viros componendi
 eum Absalone gratia, ad illud Sialandia littus, quod ab Elsingo oppido vo-
 cabulum tenet, trajicere jubet. Vbi demum Absalon Regi obviatus factus,
 compluribus innocentia testimonijs objecta purgando, cunctas mendacio-
 rum partes, quibus absens notatus fuerat, adeò validis copiosisq; rationi-
 bus subruebat, ut criminatores reatum confiteri coactos ad veniam à se flagi-
 tandam adduceret, deq; accusatoribus sui veneratores efficeret. Nec parva
 50 apud omnes eloquentia ejus admiratio extitit, compluribus, qui aderant,
 divino ore eum egisse dicentibus. Sed hæc omnia Scanienesium legati ad ci-
 vium arbitrium relegantes discedunt, absque patriæ consensu nullum sibi
 componendi jus esse testati. Sed neq; eorum fida adhortatione, populus
 Scanienensis ad deponendam consternationis suæ rabiem adduci potuit. Nam

VVALDE nec decimas pontificalibus usibus solvi curatum, nec quicquam, quod ad
MARUS I. præstanda sacrorum jura attinebat, exhibitum. Quorum infandam sacri-
 legamq; pertinaciam Absalon proximo sacerdotali concilio per epistolam
 visitato, cunctarum Scaniz ecclesiarum obsecratione puniri præcepit. Cujus
 edicti præmonita plebs, per idem tempus ante ædem Laurentij in concio-
 nem armata descendit. Ad quam sacerdotes, binis ordinis sui viris, qui pon-
 tificalis edicti rigorem exponerent, missis, sacrorum cessationem, diviniq;
 taciturnitatem officij, si decimarum solutionem abnuere perseverasset, mi-
 nati sunt. Delegantur totidem è plebe mutuas sacerdotio minas intentat-
 uri. Ab his responsum est, sacerdotes alimenta sua plebi, non pontifici¹⁰
 debere, quorum munere & beneficio necessarijs vitæ usibus instructi no-
 scantur. Quocirca aut divinis inserviant, aut ingrati patria cedant: si neu-
 trum egissent, non solum honorum omnium poenam, sed etiam sæva mem-
 brorum supplicia recepturi. Ad hæc clerus responso constantissimè dato,
 se neq; mortis metu, neque paupertatis respectu, quò minus Antistitis sui im-
 perium perageret, cessaturum affirmat. Tam piatamq; religiosa cleri con-
 stantia, evictum vulgus precibus minas mutando, quoad Absalon conveni-
 ri posset, sententiæ dilationem poscebat. Civile siquidem bellum se exci-
 taturum timebat, si in sacerdotes sibi nobilitate pares animadvertere stu-
 duisset. Nam cum in Scania alienigenæ indigenis permixti, sacerdotia ge-²⁰
 rerent, amplior tamen digniorq; domesticis reverentia præstabatur. Quo
 effectum est, ut utriusq; ordinis consensu mitterentur, qui justas animad-
 versionis inducias flagitarent. Haud ægrè ab Absalone obtentæ sunt, plus
 clementiæ quàm seviritali indulgendum putante. Multum ab eodem gra-
 tiarum sacerdotalis cœtus constantiæ persolutum. Nihilominus populus
 eum contemptu beneficii, regionum pontificaliumq; militum penates pu-
 blicè diripere perseveravit. Appetente publici jejunijs tempore Rex Scani-
 am, ejus Sialandiæq; militia succinctus, Helsingi transitu petit, Fionienfium
 Jutorumq; comitarum, ob præbita ab eis jamdudum seditioni irritamen-
 ta, pertæsus. Absalon, ob chrismatis consecutionem pontificali officio ad-³⁰
 ministrandam, Lundiam deproperat, ubi paucos cum Rege dies feriatus,
 vicino rure se excepit. Hac fama septentrionalis Scaniz populus cum Hal-
 landensibus excitus, more gentis, misso per omnes stipire, sub specie peten-
 dæ libertatis, belli titulum fingit, eoq; edicti genere exercitum construit.
 Quem tanta dementia ceperat, ut manum cum Rege conferere properaret,
 summi imperij vires laceßere nullius negocij existimando. Quo Rex è pla-
 ga australi regressus, apud Dysiam pontem excepto, oranti se Absaloni, fu-
 stibus quàm armis agere mallet: cum viris sibi, non canibus, confligendum
 respondit. Igitur non iræ aut furoris impulsu concitatus, sed conspicua
 animi industria ad corrigendam civium insolentiam, metumq; consimilis⁴⁰
 audaciæ cæteris iniiciendum, aliquid ab invisissima sibi feritate mutuandum
 ratus, mansuetudinem ingenij sui, deposita ad tempus elementia, crudeli-
 tatis actus imitari coëgit. In ponte res gesta est, utrisq; transitum anticipare
 studentibus. Anceps diu prælium fuit: insignis illic agrestium pugna exti-
 tit. Quorum aciem Absalonis equites per ignoti vadi compendium irrum-
 pentes, repentinam victoriam edidère. Multi illic popularium cæsi, com-
 pluribus annis exitio extitit. Ferrum vitantes, aqua periclitati sunt, reli-
 quæ fuga servatæ. Ita nefarius ille cœtus divino judicio profligatus, sacri-
 legi furoris poenas exolvit. Rex Lundiam regressus, orientalium partium
 armatam plebem adventare cognoscit, unius jam exercitus victor, alterum⁵⁰
 excepturus. Cujus generalem conventum pugna celeritate præcurrere,
 monitus, à Lundensibus, stipendiorum loco vectigalium laxationem poscen-
 tibus, aliquandiu retentatur. Quibus obtentis, in proximum campum
 exces-

excessisse contenti, longius eum sub excusatione tuendæ urbis prosequi su-
 perfederunt. Id Regi tardius hostes excipiendi causam præbuit, Getungam
 appellant pontem, apud quem armata popularium corona consedit. Gran-
 des illuc lapidum acervos prohibendi pontis gratia vecors turba conges-
 serat. Rex alio amnem vado transgressus, ferro decernere statuit. Sed plebem
 non tam præsentia Regis arma, quàm dira recentis fociorum cladis exempla
 terrebant. Missis igitur qui pontem à Rege repeti precarentur, ab armis se
 discessuram promittit. Præcipuè Regem, Absalonis, nimiam agrestium
 stragem vitandam dicentis, temperamenta flectebant. Repetito ponte,
 10 supplices à seditionis autoribus ad Regis genua manus tenduntur, cunctaq;
 famulandi officia avidius promittuntur. Cùm de fide ambigeretur, iusu-
 randum promissionibus additur. Sic vulgi collegio dimisso, Lundiam re-
 dicitur. Scaniæ deinde gyro pertransito, obsides à plebe recipiuntur. Ad
 reliqua facilis populus, decimarum solutionem duntaxat pertinacius abnu-
 cebat. Nihil magis Regi quàm ad earum remissionem Absalonem abducere
 curatum est: summo perè cavendum dicenti, ne sibi fortè, quod olim Ca-
 nuto Othoniensi decimarum jura propagare nitenti acciderat, eveniret.
 Absalon quicquam ex consveto sacrorum jure decerpere, non minus inglo-
 rium quàm sacrilegum ratus, constantius id se facturum negabat, dicendo,
 20 tametsi Rex plebis sententiam favore prosequeretur, sibi impedimento non
 fore, quò minus ab ea decimarum debitum exigere perseveraret, neminem
 ad participanda secum pericula provocaturus. Tutissimum igitur Regi si-
 lentium fore, ne ecclesiæ opem ferendo, populari se ipsum odio implicet.
 Tam justam, tamq; fortem Absalonis constantiam Rex animo veneratus, cum
 remissionem admittere nolit, exactionem differre postulat, consilio post-
 modum effici posse, quod armis nequeat. Paruit precanti Absalon, præfa-
 tus se decimarum loco prioribus pontificum conditionibus non usurum, ne
 prorsus earum jura negligere videretur. Tam modesta Absalonis promissio
 consternationi remedio fuit.

30 Summa postmodum Cæsaris in attentando Saxonie principe callidi-
 tas patuit. Non enim minorem expugnandi ejus spem in acumine, quàm
 viribus, reponebat. Inprimis Waldemarum, quem eidem certius affutu-
 rum credebat, astutiâ tentat. Siquidem binas ejus filias, totidem filiis suis,
 quorum alterum successioni imperij destinarat, alterum Sveviæ satrapam
 constituerat, per legatos in matrimonium postulabat: non quod sanguini
 suo bonæ fidei nuptias quæreretur, sed ut hostem amicis abundantem auxilijs
 spoliaret. Quod callidius an impudentius egerit, ignoraverim. Ad illum
 enim falsas jungendæ affinitatis preces dirigere non erubuit, quem olim per-
 fidie laqueis complicatum ad obsequia sibi paciscenda pertraxit. Amici
 40 Regis, intellecta fraude, hæc non matrimonij voto, sed Henrici odio flagi-
 tari dicebant. Tam veros Cæsarianæ calliditatis interpretes, sola Regina
 sententia superavit, sanguinis sui connubijs affinitatem cum Cæsare jungere
 gloriosum ducentis. Quærente Rege, quantum ab eo dotis nomine exige-
 retur, legati se ignorare dixere, remq; ad Cæsaris arbitrium retulere. A quo
 rescriptum est, curandum Regi Lubecam petere, cuncta secum illic com-
 modius definituro. Obtemperatum rogatui est. Interea Cæsar omnibus
 imperij nervis ad obruendas Henrici partes connisus, urbes ejus passim ad se
 deficientes in deditionem recepit. Defectionis causa non tam Cæsaris amor
 quàm Henrici odium extitit. Is siquidem nimis ac diuturnis felicitatis suc-
 cessibus elatus, inq; summo fortunæ fastigio nullum ruinæ incommodum
 50 suspicatus, subjectas tyrannidi suæ cervices inusitata dominationis sævitia
 atq; intolerabili morum acerbitate vexabat, nec hosti quàm civi importu-
 nior existere consueverat. Igitur non bello aut clade, sed fraude militum &
 desertione viribus amissis, cum solas spei reliquias in Transalbianorum au-
 xilijs

VALDE xilijs haberet, Lubeco oppido relicto, quòd se ejus moenibus parum tutum
MARUS I arbitraretur, summa cum festinatione correptis navibus, in Stormariam in-
 timum fugæ suæ receptaculum penetrat. Hujus provinciæ præles Adoltus
 apud ipsum profusis charitatis officijs à puero alitus, fliciaq; naturæ pariter
 ac fortunæ incrementa sortitus, atq; ad ordinem militare summis benefi-
 centiæ studijs provectus, tam foedam educationis suæ mercedem exolvit, ut
 inter omnes Henricianæ militiæ comites, primus se defectoris nomine ma-
 cularer. Post hæc à Cæsare navigia, quibus Albiam superaret, sagittarijs &
 funditoribus completa, per pronum amnis alveum immittuntur. Pari stu-
 dio classis exquisito bellatorum agmine referta, ad impediendum Cæsaris
 trajectum ab Henrico contracta. Quæ postquam hostilium navium multi-
 tudinem in conspectu habuit, earundem numero perterrefecta, proposito
 per fugam deserto, Cæsari transitum cessit. Qui dum oppidum Lubecum
 obsidere cœpisset, Bogitzlaviq; & Kazymari fratrum vires admodum sus-
 petas haberet, utriq; se potentiae & claritatis incrementa daturum, subornata
 legatione promittit, provincias, quas hæcenus obscurè & sine honorum in-
 signibus gesserint, Satraparum nomine recepturis. Jucunda Cæsaris toties
 ab Henrico læsis promissio extitit, non intelligentibus, sit i sub specie bene-
 ficij deforme servitutis jugum intendi. Interea Waldemarus classe luxu quam
 armis ornatiore Lubecum profectus, occurrentibus sibi Germanorum equi-
 tibus, eximiasq; ejus adventui grates habentibus, navigationem medio
 amne, quoad possit, proferre deposcit, quo brevius inter ipsum ac Cæsa-
 rem iter restaret. Quo facto, postero die, an Cæsarem medio itinere obvi-
 um affectaret, à legatis rogatus, castra ejus petere præoptavit, Romani im-
 perij rectorem in remodica fatigare supervacuum existimando. Nec minor
 Cæsaris in excipiendo Waldemaro calliditas, quam Waldemari in petendo
 Cæsare moderatio extitit. Siquidem in primis eum amplexu atq; osculo de-
 centissimè veneratus, mox dextra honorabiliter apprehensa, deposito ami-
 culo per media castra perduxit, præconis more cunctos ei via cedere juben-
 do. Tentorium quoq; nimio multitudinis conspiciendi Regis avidæ con-
 cursu collapsum, planum campi petendo deseruit. Ubi sedandæ pressuræ
 gratia, distenta virgâ, quam poterat celsa voce, cunctos locis, in quibus con-
 sisterent, confedere præcepit. Sed Waldemarus cum ejus dignatione perin-
 de ac quadam moderationis amulatione contendens, sellam suam se exspe-
 ctaturum respondit, ne probato sedendi usu, Imperialis cathedræ honorem
 usurpare videretur. Magnates honoribus eminentes, non ordine aut ratio-
 ne discretis sedendi spacijs, sed ut quemq; violentæ pressionis casus jactave-
 rat, sedilia habebant, fortuna non dignitate locorum usum distribuentem.
 Illic exaudire erat Theutonum voces formam Regis staturamq; mirantium:
 quos tantæ visendi ejus cupiditas ceperat, ut cum sedendi humilitas obsta-
 ret, alter alterius consensu humeris productis illum cervicibus inspecerent:
 hunc Regem, hunc dominum, hunc Imperio dignum referre, Cæsarem re-
 gulum homuncionemq; vocare. Adeò Barbaris eum excellens corporis ha-
 bitus venerabilem faciebat. Crediderim Cæsarem has militum voces dissi-
 mulanter tulisse, ne Regis laudibus offendi videretur. Quem post diutinam
 omnium admirationem, paucis secum exsurgere jussis, in proximum taber-
 naculum eodem comitatis genere deducendum curavit, quo venientem fu-
 erat profectus. Illic enim serijs omissis aliquandiu benevolo jucundoq;
 sermone detentum, ad vesperam, prosequente totius Germaniæ juventute,
 discedere permisit; luce postera apud sylvam portui vicinam opportunioris
 colloquij gratia præsentiam redditurum. Interea filios Regiam navem pe-
 tere, inq; ea sub specie lusitandi morari præcepit, charissimorum pignorum
 familiari conversatione, in quanto Regis adventum poneret, ostendere cu-
 piens. De quorum nuptijs condicto in loco mentionem orsus, majori tri-
 ginta

ginta millia talentum, minori octo in matrimonij conditionem deposcit. Quæ res suspecta Danorum maioribus fuit, virgines nondum ad nubentem ætatem provectas, fraudulentè ab eo postulari credentibus. Sed Waldemarus majorem summam suis opibus imparem arbitratus, minorem, Ungariæ Regis, arcta sibi propinquitate conjuncti, fiduciâ pollicetur. Huic pactioni jurejurando firmitas adjecta est, desponsionisq; vinculum sacramenti religione constrictum. His actis Rex navigia, Cæsar castra repetijt. Quo tempore Sclavorum ad ipsum, regiæ classis metu, navigijs progredi non audentium, legatis receptis, diluculo navigium Regis parvo militum numero comitante, ejusdem cymba advectus, cunctis inopinatus ascendit. Igitur Rege exercitus sui primores participandi colloquij gratia contrahente, solum Rugiæ principem Jarimarum, quem pridie compluribus venerationis officiis, insuper Regio nomine adulatus fuerat, quod eum Danis perquam fidum non ignoraret, vocari passus non est. Habere deinde se dixit, quod ad Regem secretò referre cupiat, quem ob futurum mutui sanguinis contractum non amicum modò, verumetiã unanimem habeat. Sclavos siquidem enervandi gratia Henrici à se promissionibus allectos esse, quas eodem expugnato minime exequi velit, memor quid olim sibi de subigenda Sclavia pollicitus fuerit. Orare deinde patiatur se eam ad præsens sui muneris facere, binis fratribus geminæ præfecturæ titulo speciosius quàm diuturnius tribuendam. Eandem quippe se ei, profligato Henrico, subicere curaturum. Annuente Rege, posteroq; die concionem petente, Bogiszlavum & Cazimarum, datis solenniter aquilis, Sclaviæ duces appellat, veterem atq; hæreditariam patriæ libertatem vanis atq; fucosis dignitatum nominibus venditantes. Qui si scissent quanto oneri se exigui panni receptione subisterent, mortem beneficio prætulissent, aut privati in omne vitæ tempus degeremaluissent. Sic sub honoris specie, gravissimis dedecoris probris implicati discedunt, servitutem falsis dignitatum insignibus coloratam in patriam referentes.

30 Illic quoq; Sifridus, splendido Thyringia loco ortus, unam Waldemari filiarum, Cæsare astipulante, despondit, regiaq; nave devectus, solennes Slesvici nuptias habuit.

Interea Sclavi castello, quod propter Zuynensia ostia moliti fuerant, hyberna maris exundatione pessundato, bina alia iisdem in locis materia, per hyemem contracta, Veris principio condiderunt, inexpugnabiles se fori rati, si Penus amnis Walogasto oppido, Zuyna maritimorum præsidiorum obstaculis clauderetur. Quod Rex sero nuncio expertus, cum ad Viridem portum impediendi operis gratia contractis copiis appulisset, ex Rugianis cognoscit consummatas arces præsidijq; completas. Præcipuè

40 eum in his expugnandis circumspecta portuum inopia desperare coëgit. Tunc Canuto filio, cum Absalone, Sunone, & Esberno vocatis, refert, difficilem arcium oppugnationem sibi visam, alienis eas auspicijs quàm proprijs incessere præoptanti, ne studiis parum ex sententia cedentibus, rerum toties à se feliciter gestarum fulgor corrumperetur. Igitur Canuto atq; Absaloni oppugnationis curam imponit, præfatus, minus ruboris ex inefficaci illorum pugna, quàm sua ad patriam redundaturum. Si vincerent, non minori sibi gloriæ fore, quàm si ipsemet victoriam edidisset. Sed Absalon Scanorum atq; Sialandensium ductum pollicitus, Jutos sua opera ductandos negabat, quos non solum imperij sui, verum etiam adolescentiæ Canuti contemptum acturos sciret. Nec eum prædictionis augurium fefellit. Permotus dicto Rex, iturum, licet invalidum, respondit. Hæc curis astrictus, morbo ex sollicitudine contracto in lectum decidit. Enimvero præcordia ejus dividuæ passionibus, hinc vincendi cupido, hinc desperatio, torserunt. Mane ducibus eum, ut sibi parceret, orantibus, impetiumq;

VALDE riumq; ejus etiam absentis se executuros spondentibus, vix atq; ægrè con-
MARUS I. sensit, ut ad oppidum Worthyngum, filio pontificiq; contradita belli sum-
 ma, descendere. Quibus eodem in loco diutina ac vehementi tempestate
 detentis, seditiosa Jutorum voces toto litore exaudiebantur, tum comme-
 atuum alimentorumq; defectum causantium, tum expeditionis militiæq;
 remissionem poscentium. Quas cum Homerus Ripensium Antistes, quem
 præter religionis dignitatem singularis eloquentiæ claritas commendabat,
 copiosis facundiæ documentis delinire non posset, postremo vim verbis
 anteponendam ratus, quendam ex seditionis consortibus ante tentorij sui
 fores pertinacius obstrepentem, prendi vinciriq; curavit. Quæ res popu- 10
 li clamorem auxit, seditionem accendit. Igitur patres plebis à Rege cum
 contemptu imperij discessum veriti, communicato colloquio expeditionem
 ab eo sponte solvendam decernunt, temerariam ejus delapsionem
 simulatæ licentiæ beneficio præcurrendam putantes, ne magis proprio du-
 ctu finiri quàm regio nutu remitti videretur. Quæ si in præripiendo redi-
 tu propriæ voluntatis motum ducis arbitrio prætulisset, evenire possit,
 quod divo Canuto solutæ classis pœnas à patria exigenti contigisse prodit-
 tur. Quam rem Canuto, si patrem ejus jam febri implicatum præsens
 morbus absumeret, regni successionem adimere posse. His consilijs ad-
 ductus Canutus, convocatam classem, facta revertendi potestate, dimit- 20
 tit, beneficij loco erogans, quod plebis petulantia negare non poterat.
 Ita seditionis periculo bellum omittere coactus, cum Absalone, Esberno,
 & Sunone Worthyngum adnavigat, paternæ febris exitum expectaturus.
 Igitur Waldemar per apertam cubiculi sui fenestram velorum reditum
 contemplatus, admiratione rei, morbi pariter atq; ægritudinis incremen-
 ta contraxit. Summa tamen utriusq; dissimulatione usus, filium ad se
 cum arbitris venientem tam hilari vultu admisit, ut penè morbo vacuus
 putaretur. Quinetiam se minimo doloris sensu teneri dicebat, corpo-
 ris molestiam animi robore dissimulare conando. Apud Absalonem ta-
 men religiosam culparum confessionem agere non oblitus, incertum mor- 30
 tis tempus sacro correctionis genere præcurrendum credebat, seram atq;
 inutilem pœnitentiam judicans, quæ emendationis odio, nimiaq; peccan-
 di perseverantia ad ultimum usq; ætatis terminum prorogatur. Præte-
 rea locis monastica religione sacratis dimidium patrimonij sui, quæ ad fi-
 scum regium pertinebant exceptis, testamento legavit. Sed cæteris benè
 de ejus salute sperantibus solus Suno, sive somnij monitu, sive alio mentis
 oraculo doctus, fatalem hanc Regi febrem augurabatur, quonam modo fi-
 lij rebus, decedente patre, succurri oporteret providendum hortatus. Tan-
 tam siquidem in Regis funere luctus acerbitem futuram, ut consilium
 ullum adverti nequeat. Eodem tempore Johannes quidam religione Ab- 40
 bas, medicinæ præsumptuosior quàm peritior professor, cujus opi pluri-
 mum credebatur, è Scania accersitus advenit. Qui morbo parum pruden-
 ter inspecto, sospitatem Regi constantius quàm verius promittebat. Quem
 cum cibo medicinali arte confecto reficiendum curasset, cunctis cubiculo
 ejectis, quietem capere jubet. Eundem paulò post sine voce esse comper-
 tum, ut artuatim sudore suffusum invenit, accuratius operiri præcepit, læ-
 tum id profluvij genus ac salutare testatus. Utinam Sunonem potius men-
 tis augurium, quàm medicum artis suæ præfagium fefelisset! Cujus promif-
 sum Regis obitus infecutus, quàm parum fidei in medicorum opere repo-
 ni oporteat, documento extitit. Ingressi mane cubiculum amici, defun- 50
 cti Regis corpus perquam simile spiranti reperiunt, adeò pristinum habi-
 tum retinente vultu, ut nec rigore contractum, nec horrore mutatum cer-
 neres, rubicundis oris notis vivi hominis speciem aspectumq; reddentibus.

incertum an decessisset, pristini calor habitus totis adhuc membris retentus, relinquere videbatur. Sero tandem pallore mortis fidem faciente, mandatur feretro corpus, Ringstadiumq; funerandi gratia devehendum curatur. Hic vicus non vestutate modò, sed etiam paternæ ejus sepulturæ titulo conspicuus habebatur. Accessit luctui matrum miserabilis planctus, sparsis comis funeri occurrentium, iterumq; se pristinum servitutis onus experturas dicentium, extinctum illum, qui civium capitibus captivitatem detraxerit, qui patriam piratarum metu vacuefecerit, maritimasq; sedes perinde ac domesticas à prædonum incursu tutas præstiterit. Agrestes quoque funebri ipsius pompa conspecta, rustico opere, quo occupati erant, relicto, consentaneis arva querelis replebant. Cui etiam ut supremi officij decus præstarent, funebri ejus lecto humeros subijcere jocundum ducebant, eversam Regis morte patriam, miserisq; sibi commune funus, aut si quid funere tristius est, imminere plangentes. Pro cujus spiritu salusaria Absalon vota gesturus, inter solennium verborum nuncupationem doloris impotens, non temperavit sibi, quò minus aram lacrymis spargeret, vixq; ad rem divinam peragendam vocis aut manus ministerio sufficere valuit. Quinetiam tantum ægritudinis animo contraxit, tamq; gravi & periculosa valetudine subito affici cœpit, ut penè vitam cum sacrificio finiret. Incredibile videretur tantum virum tam insigni luctus horrore confectum, si non ejus erga Waldemarum affectus fuisset notissimus. Sed fortuna, altero patriæ lumine extincto, reliquum perire passa non est, ne deesset, cujus ductu Daniæ pedibus Sclavia subijceretur, aut gens, quæ sub tantis ducibus ad excellentem honoris habitum provecta fuerat, tutore vacua remaneret. Cujus lacrymis precum loco defusis respersa altaria, non parvulum promptissimæ ejus erga Regem benevolentia indicium præbueret. Iisdem quoq; madefacta thura, gratum Deo odorem dedisse crediderim.

HISTORIÆ DANICÆ LIBRI DECIMIQUINTI FINIS.

30

SAXONIS GRAMMATICI HISTORIÆ DANICÆ LIBER DECIMUSSEXTUS.

DERACTIS inferijs, corporeq; Regio honoratissimè funerato, Canutus, monentibus arbitris, festinatione, quæ regnum peti firmariq; oportuit, in Jutiam secessit, paternos sibi milites obligaturus. Neq; enim illi nomen Regium ambiendum restabat, quod unctionis suæ tempore solenniter adeptus fuerat. In concione Wibergensi benevolos civium animos expertus, apud Wrensem tacita quorundam simultate compressa, pari cæterorum favore excipitur. Atq; ita patriæ consensu, Regni hæres efficitur. Interea Scanorum populus laxata sibi pristina petulantia frenâ Regis morte gavisus, cladis apud Dysiam pontem peractæ piacula à principibus exigere constituit, per quos charissimis necessitudinum solatijs orbatu fuerit. Sed & Ako quidam, Tubbonis filius, plenis temeritatis eloquijs, flagrantissimam civilibus malis facem subijciebat, extinctæ & jam penè sepultæ Scanicæ seditionis reliquias fuscitando. Cujus mali impediendi gratia Absalon in Scaniam transgressus, apud plenam malignitatis concionem oratione liberius quàm

CANUTVS
VI.

efficacius habita, à plebe deferitur, factionis principes alium concionandi locum complexos petente. Quorum tam petulans, ac præpes audacia, erat, ut eqvis infidentes cunctam Scaniae plebem ad eundem locum semestri spacio exacto, quasi tuendæ libertatis gratia armatam redire sub edicto juberent. Quæ res Absaloni Sialandiam repetendi causam præbuit. Ob cujus secessum popularis sevitia procursus temeritatis incrementis euectus, inque Thordonis & Esberni penates effusus, eosdem prius rapina, deinde incendio subjecit. Complures quoque Scanicæ nobilitatis, sequentibus diebus, ædes crematæ. Siquidem factionis duces, quò promptiore plebis audaciâ uterentur, petulantiam ejus principum bonis pascendam curabant, 10 dulcedine prædæ & assiduis fatigationis præmijs, jucundiorē atque alacriorem ejus operam reddituri. Igitur nobilium complures, æqualium exemplo, vim penatibus suis inferendam timentes, bona omnia amicorum custodiæ mandabant. Pars fretum navibus complexa, se & opes undis, quàm ædibus, credere præoptabant. Pars apud Absalonem exulare solarij & lenimenti loco duxit. Cujus atque Canuti eqvites suam æque ac dominorum fortunam afflicti cernentes, cum injuriam armis propulsandam duxissent, sedit onis principes frustra à se sine duce res novari superiores cumultu experti, Haraldum quendam regij sanguinis sed obtusi cordis, impeditique sermonis, è Sveria adsciscunt, hominem pror- 20 fus regno imparē cum in eo nihil præter generis nobilitatem naturæ aut fortuna commendabile reddidisset. Igitur majore cum opprobrio talem virum Sveria miserit, an Scania receperit, incertum est. Quo rumore attoniti perpulsiq; magnates, prout se hostium adventus fama variabat, dubijs Absalonem legationibus fatigant: nunc opem ejus transitumq; poscentes, nunc eundem cum tota manu superfedere jubentes. Nondum enim Scaniae partes Haraldus irruerat. Quas cum Canuti Sveriae Regis, ejusdemq; Satrapæ Byrgeri, præsidij irrupisset, ad novi principis opinionem cupidè congestum, vulgus incredibiles ei copias sociabat. Quibus fretus, Lundensi urbi portas sibi claudenti excidium minatus est. Igi- 30 tur ex magnatibus complures alternis interauncijs contracti, fortiq; invicem cohortatione firmati, propter Lummam amnem castra constituunt: alijs regionum militum per ignorantia simulationem venire superfedentibus. Quos tantus pugnandi ardor ceperat, ut per summum non solum periculorum, sed etiam popularium contemptum, absq; paucitatis suæ respectu, ut quemq; equi pernicitas adjuvabat, sine imperio aut ordine, effusis habenis in hostem contenderent. In quo quidem impetu, majorem venti (quem fortè adversum habebant) quàm hostium, quos impetebant, favitiam experti sunt. Ille enim magnitudine sua clypeos cursitantibus decussit, hi ne pectora quidem irrumpentibus obvertere ausi fuere. Ita 40 popularium acies numero hominum quàm animis præstantior, incruentam de se victoriam dando, plus periculi an ignominia senserit, dubietati subjecit. Enimvero quo expeditius fugam, quàm pugnam præcurrebat, intenderet, seipsam scutis exuere non erubuit, armorum onus obijciendo, quorum usus experiri confisa non fuerat. Hac igitur partim cæsa, partim capta, Haraldus cum Akone, quem affectati regni autorem habuerat, Sveriam refugus petebat. At Lundenses suspensis ad belli eventum, animis in neutram partem auxilia commodabant, favorem victoribus erogaturi. Qui Regi successu conspecto, perinde ac victores victis insultare cœperunt, cupiditate laudis & prædæ alienis se virtutibus inferen- 50 tes. Nec contenti popularium Spiritus bis bellum potentibus intulisse, collecta concione tertium adversum eosdem indicere gravati non sunt, suscepti vulneris dolorem consternationis furori permixtum communi nobilitatis exitio pensaturi, tantamq; provocandi perseverantiam

tantiam sive pudore cladis, sive cupidine ultionis animis insitam gestantes. Neq; enim illos aut illustrium virorum respectus, aut vulnerum suorum memoria, quo minus seditionis studia sectarentur, domare potuit. Quod periculum cunctorum Scaniae magnatum capitibus contiguum, præproperus Absalonis cum Sialandensibus adventus dispulit. Siquidem sublaeis vexillis deputatum concioni locum ingressus, non solum turbulento plebis proposito obstitit, sed etiam leges, quæ iniquissimis ejusdem suffragiis convulsæ fuerant, pijsimo judicii decreto ad pristinae auctoritatis habitum reduxit. Sed neque Haraldum, quò minus à magnatibus damnaretur, absentiae patrocinium protegere potuit. Hunc certè bis à Scaniensibus multatum dixerim, semel armis, iterum sententijs. De quo quidem discernere arduum est, ferro an suffragiis punitior fuerit. Plebs quoque nihil hostile ausa, armis summa cum propositi dissimulatione depositis, Absalonis se turmis tranquillo concionandi more jungabant, singulis judiciorum suffragiis alacrius quàm libentius succclamando. Ita terribilis illa ac diutina seditio simul cum concione finem habuit, funesto plebis conatu ulterius adversum principum collegium insolescere non audente.

Interea Canutus excitati in Scania belli nuncio, Fioniam è Jutia petere coactus, Esbernium ab Absalone fratre nunciandæ regiarum partium victoriæ gratiâ transmissum, obvium accipit. Cujus inopinato occurso tristitia afferri ratus, hærente animo, dejectoq; vultu, quæquam ex eo cognoscere verebatur. Postmodum non solum ejusdem plena hilaritatis fronte, meliora sperare jussus, verumetiam jucunda ac libenti narratione de suorum victoria doctus, in Scaniam ovans processit, ac primum ejus provinciam Frostam rapinæ & incendio opportunam exhibuit, vastassetque, nisi Absalonis erga illam studium gerentis interventu prohiberetur. Quo mediante effectum est, ut ab his, qui in Regem Haraldica factione deliquerant, æra tantum poenæ nomine exigerentur. O immensam clementiam, cujus beneficio hominibus evidenter noxijs, maximi facinoris culpam parvulo censu redimere licuit! Quo exemplo cæteri ad spem veniæ erecti mitissimâ Absalonis operâ parem Regis mansuetudinem experti sunt. Egregium tunc Canutus moderati animi specimen dedit, cum ultionem, quam universorum crimen meruit, unius amici precibus donavit. Indignum adolescentem, cujus virtus externi principis acumine tentaretur. Compluribus enim Cæsaris legationibus curiam adire, paternaq; amicitiaë successionem expetere jussus, intercedente amicorum consilio, quàm modestissimè rescripsit, excusationis verbis à regnandi novitate quæsitis. Siquidem arbitris ejus excussa atq; explorata Cæsaris calliditas erat; hisdem perfidiæ laqueis filij simplicitatem circumvenire studentis, quibus olim patris credulitatem implicatam habuerat. Cui cum Cæsar erepturum se regnum, aliq; daturum, plenâ minarum epistolâ, respondisset, solum hoc rescribere contentus fuit, quærendum videlicet Cæsari esse, priusquam sibi regnum adimat, qui Daniam in ejus beneficio reponere cupiat. Qua responsi libertate, non solum minantem elusit, verumetiam plurimum à se fiduciæ in civium animis reponi docuit. Apud quem Cæsar frustra monitis egisse se videns, Syfridum, qui sororem ipsius in matrimonio habebat, subornat, quod literarum suarum instinctu nequibat, alienæ vocis supplemento persuasum haberi conando. Qui ubi Daniam intravit, quanta Regis charitate ob sororis ejus matrimonium teneretur, quantisq; Cæsar viribus esset exposito, Absalonem, Sunonem & Esbernium, qui soli ex amicis cum Rege admittebantur, tum fidei, quam Canuto, cujus tutores existerent, deberent, tum fiduciæ, quam ejusdem pater in eorum

CANUTVS VI. pectoribus reposuerat, admonitos orare cœpit, nè amicorum nomine hostes agendo, creditum sibi pupillum annis & consilio tenerum, grave & intolerabile belli onus suscipere jubeant, eumq; sub titulo tuendæ libertatis regno exuant; qui potius salutaribus illum consilijs formare curæ habeant, Romaniq; Imperatoris curiæ ascribi deforme non ducant. Respondet Absalon, de se dubium non esse, quin utiles si nosset monitus, Canuto libenter fuerit porrecturus: à quo ita Cæsaris amicitiam expeti velit, ut propriæ ejus majestatis decus incolume servaretur. Nam & Waldemarum Frederici partes amicitiamque secutum, nihil fide ejus aut promissione fallacius repperisse. Proinde Sifridum nosse debere, Canuto Cæsariq; æ-10
quum regnandi jus esse, neq; minore cum libertate hunc Danici regni, quam illum Romani imperij gubernacula continere. Igitur indignante Sifrido, plenaq; minarum ac fastus responsa fundente, an tu, inquit, ex temetipso Daniam pensas, eamq; ut Thyringiam à Cæsare, cum volet, quam facillime capi posse existimas? Proinde abi, Imperatoriq; tuo perfer, Danorum Regem nè minimam quidem obsequij partem dignitati ejus ac nomini delaturum. Dignum hoc contemptu dixerim, qui propior alieno imperio quam propriæ affinitati, tam invisam Danicæ libertati legationem suo monitu administrare sustinuit. His auditis Cæsar, spernenti se Regi, quia bellum nequivit, odium inflixit, animo non ferro contemptum ul-20
turus. Spe tamen potiendæ Daniæ non omiſsa, civilium in ea malorum motum expectandum putabat, seditione dividuam gentem, minore cum virium suarum periculo oppugnandam sperando. Quam opportunitatem aliquandiu quæsitam à fortuna sibi negari conspiciens, Sclaviæ Satrapam Bogiszlavum, quem nuper Cazimari fratris decedentis orbitas hæredem effecerat, crebris muneribus amplissimisq; promissionibus in Danica bella sollicitat. Cujus hortatui Bogiszlavus pronius quam prudentius obsecutus, sed bellum adversum Daniam palam atque aperte profiteri non ausus, primum avunculi sui Jarimari Rugiæ præfecti, quæsitis simultatum causis, hostem, agere cœpit, Cæsarianæ militiæ respectum arctissimis affinitatis vinculis præ-30
ferendo. Qua de re Canutus per Jarimarum certior factus, mitti curavit, qui causam à Bogiszlavo tam subitæ læsionis inquirerent. Ille non Regem, non Daniam à se lædi, sed injuriam à Jarimaro illatam repelli testatus, communem controversiam per utriusq; legatos, armis interim depositis, ad Regis cognitionem, referri deposcit, eundemq; pacis inter se faciendæ autorem flagitat, verbis benevolentiam simulantibus, simplicitatis fidem prætere cupiens. Igitur Rege nihil insidiarum, aut perfidiæ metuente, causæ dictionis dies locusq; decernitur. Apud insulam deinde Samsam, non solum hujus negotij explicandi, sed etiam Juris Civilis emendandi gratiâ, ingenti nobilitate contracta, 40
amborum legatos excepit. Quorum altercatione solenniter audita, cum in Jarimarum complura loquacius quam verius objectarentur, ac propter principalium personarum absentiam sententia impediretur, à Bogiszlavi legatis ultro jurejurando promissum est, eum, cum primum Regi placitum foret, in rem præsentem venturum. Ita in eludendo Rege non minor legatorum, quam ejus, à quo missi erant, calliditas versabatur. Quorum promissis Canutus securius quam cautius æstimatis, concilio ocyus dimisso, in Jutiam secessit, fortissimis quibusque Scanorum ac Sialandensium tantam otij tranquillitatem causantibus, seq; nimia jam quiete in desidi-50
am provolvi querentibus, longo deliciarum usu enerves animos gerere, qui sub Rege Waldemaro rotius ferme anni tempus multiplici rerum agitatione, varioq; militiæ genere deducere consueverint. Nam militaris roboris nervos sicut otio habetari ac remitti,

ita negotio intendi excitariq; . Igitur acuendæ virtutis gratia piraticam ad-
 verſum Eſtones in commune decerni placuit. Inter hæc Bogiſzlavus, hór-
 tante Cæſare, non ſolùm patrijs ac domeſticis viribus inſtructus, ſed etiam
 à finitimis latè præſidia mutuatus, adverſum Rugiam quingentarum navi-
 um claſſem ingenti belli apparatu reſertam contraxerat. Quibus copijs
 nihil hoſtilium virium obſtaturum ratus, Prebiſlavum quendam legati no-
 mine Cæſarem petere jubet, qui tantum à ſe exercitum adverſum Daniam
 contractum nunciaret, ut dubitare non poſſit, quin Canutus reſiſtendi fi-
 duciâ defectus, quam citiſſimè Romano ſe foret imperio traditurus. De-
 10 lectatus promiſſo Cæſar, laudato Bogiſzlavo, legatum imperatorijs donis
 proſequitur. Jarimarus tam ſubiti inopinatiq; belli fama percuſſus, Abſa-
 loni in Sialandia ſe continenti magnitudinem periculi Rugianæ genti immi-
 nentis, propinquitatemq; denunciât. Qui protinus feſtinatione, quanta
 ſociorum expugnationem præcurri oportebat accinctus, miſſis per Sialan-
 diam epiſtolis, omnem ætatem armis habilem in claſſem confluere juſſit,
 minores rates majoribus, onerarias piraticis ſociavit, plebiq; demum ac
 nobilitati promiſcuum corripiendarum navium uſum conceſſit. Eodem
 edicti genere conjunctis Sialandiæ inſulis imperatum. At Fioniënſibus Sca-
 nisq; ſextum intra diem præfixum portum petere, alioqui ſuperſedere juſ-
 20 ſum. Neq; enim ulteriores apparatui inducias convenire. Adeò autem
 in his, quibus expeditionis ſocietas mandata fuerat, obſequendi ſolicitudo
 flagrabat, ut egregio alacritatis certamine conſtitutum ſibi tempus aut im-
 plerent, aut præcurrerent. Canutum verò tametiſi nuncium in Jutia rece-
 piſſet, ingens locorum diſtantia denunciati temporis anguſtijs permixta,
 Abſalonici operis conſortem exiſtere non pariebatur. Sex ſolas naves Fio-
 nia, quatuordecim Scania, cæteris tarditate impeditis, tranſmiſit. Qua-
 rum inſignis paucitas culpæ obnoxia videri potuiſſet, ſi non longinquitatis
 patrocínio defenderetur. Penthecoſtalis feſti pervigiliũ erat, quando
 prænominatum ſinum Abſalonica claſſis inſerat. Eadem die ne quid ſe-
 30 gnius aut cunctantius gereretur, Hythym inſulam adnavigari curatur. Il-
 lic obvij Rugianorum nuncij præſtolandum docent, quoad ſciri poſſit in-
 quam Rugiani ſoli partem hoſtilis irruptio tenderet. Jam enim Bogiſzla-
 vo ad inſulam Coztam Rugiæ prætentam eſſe perventum. Qui quanquam
 hoſtilia jam penè rura pullaret, non temperavit ſibi, quò minus ſobrieta-
 tem effuſa crapulæ licentia violaret. Tanta ſiquidem epularum indulgen-
 tia exercitum aluit ac corrupit, ut convivium magis quàm bellum amplexus
 videretur. Verum Abſalon nunciorum monitis obſecutus, hiſdem poſtera
 luce regreſſis, Bogiſzlavumq; ex adverſo Strelæ inſulæ copias expoſiturum
 docentibus, quanquam crepuſculum appetebat, correpto ſigno ociſſime
 40 littus ſcapa petivit. Gubernatorum deinde, collegio per præconem
 vocato, nuncioq; quàm breviffimo militibus edito, ingenti cohortatio-
 nis cura, alacritate exercitum replevit, quietem ſuam certis victoriæ
 imaginibus adumbratam præſatus. Nec alia militum reſponſio fuit,
 quàm pugnam ſe optare: quàm ſi accipiant, non dubitare quin
 vincant. Quem animorum calorem tum à longa vincendi conſue-
 tudine, tum etiam ab ingenita Danico ſanguini virtute traxerunt,
 digni qui vocis ſuæ augurio non fallerentur. Igitur Abſalon incer-
 tæ navigationis metu, quòd fretum dubiæ profunditatis eſſet, dilu-
 culum præſtolatus, cum inde ſoluturus eſſet, aliquandiu retentus
 50 eſt, arenis anchora altius inſidente. Quo evenit, ut ab univerſis infinitum
 procedendi ardorem gerentibus, relinqueretur. Sed neque ſe ab exerciſu præ-
 cedi indecens exiſtimabat, à quo plus hortationi ſuæ quàm cunctationi tribu-
 tum cernebat. Quem merito hiſ gratulatum crediderim, qui juſtæ celeritatis

CANUTVS quàm violentæ moræ confortes existere maluerunt. Quam tarditatis iacturam impedimento solutus tanta remigij velocitate pensavit, ut penè prima navigia occupaverit, dispendium casu in vectum præliandi cupidine redimendo. Hunc publicæ festinationis procursum missa à Rugianis ratis excepit, quæ aliquanto remissiore navigatione utendum doceret, quòd, Bogiszlavo adhuc insulam Coztam tenente, incertus irruptionis locus existeret. Sed & Jarimarus secessum hostium domestico milite succinctus operiebatur. Igitur cessata imperus cura ad littus Dreccense divertitur. Illic affertur hostes domum petisse, nuncijs incidentis fortè nebulæ errore deceptis. Idem nostris portum Darfinum petere jussis, Jarimari cum eis **10** consiliaturi Rugiano exercitu vallatum pollicentur occursum. Quo loci adnavigato cum nec Jarimarus, nec quisquam ex ejus satellitibus reperi-
tus fuisset, placuit Nicolaum Falstricum, quòd Sclavicæ gentis linguam cal-
leret, explorandi hostium secessus gratiâ ad Jarimarum dimitti.

Quoabeunte, cum Absalon divinæ venerationi vacaturus littus sca-
pha petisset, repentino nuncio per Jarimari familiarem suscepto, cogno-
scit Pomeranicam adventare classem, quæ si nebulæ densitas non obstaret,
cerni cominus posset. Igitur revocatis, qui sacra gestabant, cupide con-
citata classem obviam hosti in altum direxit, armis non precibus Deo li-
bamenta daturus. Quod enim sacrificiij genus scelestorum nece divinæ **20**
potentiæ jucundius existimemus? At Pomeranis non tam hostile solum
repentè invadendi, quàm Rugianorum equitatum, defendendi littoris stu-
diosum, varijs navigationis ambagibus ludificandi propositum erat. Qui
Danicam conspicati classem, Borwegium occidentalibus comitatum Scla-
vis, auxilijsibi ferendi gratia, adventare credebant, aëris nubilo nostrarum
navium numerum habitumque dignosci non patiente. Neque enim eo-
rum animos subire poterat, Danos per tot locorum spacia à Sclavia remo-
tos, intra tanti temporis angustias eò loci fuisse provectos, speculato-
ribus ob nimiam securitatem exequandi officia parùm curiosè gerentibus.
Igitur Bogiszlavus Rugianam classem appelli ratus, à centum & quinqua- **30**
ginta myoparonibus circumiri desiderat, reliquam classem veluti in aciem
jactis anchoris componit; naves, quibus alimenta vehebantur, aliquanto
piraticis præstantiores, inter ipsas & continentem admovit, armatæ multi-
tudinis speciem vacua lignorum effigie adumbraturus. Quo vultu dece-
ptus Suno Bogiszlavum auxilia à Theutonibus mutuarum credebat. Ra-
rescente tandem nebula, Absalon ab exiguis hostium scaphis præteriri se
videns, ne omnes quidem tutò redituras per jocum ajebat. Igitur locijs
ingenti cohortatione firmatis, in hostilem classem, ut imperio, ita ductu &
navigatione, primus invehitur. Monitus à Sunone, ne eam perinde ac Ger-
manicis roboratam auxilijs, præproperâ festinatione incesse-
ret, sed tempe- **40**
rato remigio militem armari juberet, minimè cunctandum ajebat, præfa-
tus eo jam loci conclusum hostem, ut nec bellum tutò conferere, nec fugam
salubriter edere posset. Itaque nihil impedimento fore, quò minus prom-
ptissimam sibi victoriam esset cessurus. Eo deinde monitus iterante, mili-
tes, Absalonis munimenta corporibus aptare cœperunt, parte remigium
continuante. Quorum apparatus nimix ac perseverantis nebulæ benefi-
cio hostem fallebat. At ubi propius ventum, Danorum juvenus ut cun-
ctationis, ita silentij impatiens, sublati vexillis, non temperavit sibi, quò
minus concitatissimum præliandi ardorem cello cantilenæ genere prosequeretur.
Absalonis quoq; signum nunquam sine hostium fuga spectari soli- **50**
tum, Sclavis pariter & Danorum præsentiam prodidit & confligendi diffi-
denciam incussit. Igitur summa cum trepidatione sublati anchoris, cu-
pide classem concitare cœperunt, quantum navigationis longo temporis
tractu protulerant, exiguo horarum spacio remensi. Innumeri, quorum
fugam

fugam aut navium magnitudo, aut anchorarum sublatio retentabat, profundum petendo fluctibus quam ferro vitam finire maluerunt. Horum rate eodem penè temporis momento refertas ac vacuas conspiceris. Sed neque prolapsos natandi usus servare poterat, subjectarum voraginum eluvie merisorum corpora tenacius apprehendente. Quantas igitur timoris vires existimemus, qui quos nimio sui haustu repleverit, ne proprio quidem spiritui parcere compellit? Decem & octo navigia nimiae multitudinis in se confugientis concursu rupta, receptis exitio fuere. Paucis hostem operiendi animus fuit. Illius verò etiam ridicula formido exitit, qui sociale exemplum perosus, nexu ex rudentibus laqueo suspendio se consumere, quam hosti necandum præbere maluit. Quod factum complures prius admiratione deinde ludibrio persecuti, dulcedine spoliorum lentius hostibus inhaerere coeperunt. Quibus Absalon præteritis, monitisq; ne prædam quam hostem insequi mallent, septem solis navibus totam pene fugacium classem insectari non destitit, illa nimirum fiducia usus, qua toties sibi hostium terga aspicere contigit. Neque enim à palantibus in illa, insequentium paucitate numerus, sed virtus æstimabatur. Centum ferme navium turba maritimæ fugæ diffidentia terrestrem coepit, perq; horridos ac desertos saltus inermis attonitaq; discursum habuit. Jarimarum, quoq; hostilis sanguinis quam prædæ avidiorem concitatio tuendæ patriæ cupido reddiderat. Quinque ac triginta navigijs vehementi remigio concitatis, hostilis Absalonem nobilitas devitabat. Quæ cum septem sola sibi instare animadverteret, fugam suam non solum tristem, sed etiam erubescendam rata, bis navigationi perinde ac pugnam confectura laxamentum dare conata est. Igitur Absalon, quanquam ab amicis cæteræ classis adventum opperiri rogaretur, nulla ex parte cessato remigio progredi perseveravit, plus hostium trepitatione quam sociorum auxilijs utendum præfatus. Quò cognito Sclavi summa cum exanimatione metum rubori prætulerunt, navesq; suas, quò fugæ habiliores essent, arma & equos in profundum abiiciendo, oneribus vacuefacere coeperunt. Acrius deinde converberato pelago, Penum amnem perseveratæ fugæ receptaculum habuerunt. Quos Absalon eousque vacuo cunctationis remigio infecutus, vespere ad socios, qui prædæ incubuerant, revertit. Cujus ne particeps quidem fore sustinuit, gloriam ad se, spolia ad milites redundare speciosum ducendo. Igitur ex quingentarum navium numero quinque ac triginta, delapsis, decem & octo confractis, cæteræ in Danorum potestatem ditio-nemq; cedere. Illa igitur dies, quæ Absalonis claritate obæcatam hostium classem aut fugam aut exitium pati coëgit, tot errores, tot maritima, discrimina finivit, Sialandicos portus ac Balticum fretum pestifero piratarum incursu vacuefecit, effertatam barbarorum sæviciam jugi patientem reddidit, patriamque nostram vix libertate sua potientem Sclaviæ dominam effecit. Efficax & inusitatum genus victoriæ, quo cunctas hostium vires funditus everti contigit. Eadem ut Sclavici cruoris plena exitit, ita nullum Danici impendium habuit. Quatuor duntaxat ex Rugianis sociorum an hostium telis perierint, incertum est. Die postero decem & octo Scanensium navigia superveniunt, quos Absalon non moræ eorum, sed voluntatis æstimatione facta, prædam cum victoribus communicare præcepit. Quid deinde Sclavis consilii fore cognosse cupiens, callidum speculationis genus amplexus, Bogiszlavum sub simulatione benignæ & veteris amicitiae, perfidiæ per legatos arguendum curat, nimiamque Regis offensam obnixo placationis studio præcurri postulat. Ad hæc Bogiszlavus tantam receptæ cladis dissimulationem agere sustinuit, ut laudata monitoris benevolentia, facturum se, quod ab ipso svadebatur, promitteret. Tantum autem timoris Sclavorum vulgus ob pristinam fugam animis insitum habebat, ut

CANUTVS etiam novam, visa rate, quæ legatos vehebat, edere non erubesceret. **VI.** Post hæc Absalon rerum à se gestarum famam illustri nuncio præcurri magnificum ratus, Tachon. m, claro Fionæ loco natum, cum tentorio Bugislavi, quod ei portionis nomine cesserat, remitti curat, nec solum victoriam suam Regi indicaturum, sed etiam fidem assertis celebrioris prædæ gestamine facturum. Pereundem quoq; nè Sclavi æ vires novis copijs intruerentur, messis tempus expeditione præcurrendum hortatur. Quem Canutus, Jutis Wibergica concione contractis, Absalonici operis eventum digno relationis officio repræsentare præcepit, expeditionis hortatore usus, quem nuncij autorem habuerat. Quo facto omnium animis maximam educendæ classis curam ingeneravit. 10

At Cæsar tantæ cladis nuncio recepto, postquam solo Absalonis ductu rem gestam cognovit, omnem non solum obtinendæ Daniæ spem, verum etiam attendendæ fiduciam mente deposuit, proprias vires damnando, quod alienis parum efficaciter usus fuisset. Eandem victoriam suam Absalon apud Byzantium incredibili famæ velocitate vulgatam, postmodum, ab equitibus suis tunc temporis in ea urbe stipendia merentibus accepit. Sed novæ frugis accessio labentibus hostium alimentis opitulata est: hisdem ex regiæ profectionis cunctatione instruendorum frumento vicorum perquam utile sibi laxamentum sumentibus. Hujus expeditionis opinione perciti 20 Walogastenses, profundiora Peniamnis loca crebro lapide complent, mœnium suorum aditum navigijs negaturi. Quos Absalon hisdem alvei locis egerere cupiens, trahendæ tecum juventutis gratia corpus aquis immergere non dubitavit, easq; lapidibus vacuefaciendo, quantum transmittendæ classi satis erat, ad patientem navigationis habitum perduxit, quanquam oppidani machinas suas tali temperamento libassent, ut eadem amnis spacia certis ictibus destinarent. Quibus obstaculis transitu vacuefacto, facilem socijs petendæ circumsidendæq; urbis aditum struxit. Obsidione, coeptâ, refixi sub aquis stipites, quorum frequentia oppidum erat vallatum, navigia propius appellere passi non sunt. Hanc oppugnationis difficultatem, 30 Danorum juvenes virtute superare cupientes, non temperavere sibi, quò minus navigijs à profundo remotis, pedibus in aquam descenderent, vadaq; gradu lustrarent. Contra oppidanum in subjectos cominus tela jacere, navigiaq; tormentis procul incessere coeperunt. Quorum eximios jactus eludere quàm excipere satius existimares. Anceps incertumq; vitatu periculum erat, prægrandibus saxis in confertas puppes cadentibus, in fuga ac declinatione cautoq; corporis motu, magis quàm in ulla armorum ope frustrandorum ictuum remedium ducebatur. Absalon mediotenus navigij progressus, egesta tormentis robora crebra corporis declinatione fallebat. Quem Barbarus forte præsidio egressus, postquam ex clypei notis agnitum habuit, 40 tormentorum præsidibus manu significavit, ut eum imperèrent. Igitur interrogatus à quodam, an perspectum haberet, qualiter ipsum barbarus denotaret, curam sui illius animo insitam respondit: eodem ludubrio hostem & monitorem excipiendo. Intrepidi animi dixerim, in medio salutis discrimine pericula sua jocosò dicto prosequi voluisse. Adeo certissimum fortitudinis & constantiæ experimentum necessitas tribuit. Expugnatione non procedente, nova adoriendæ urbis ratio, autore Esberno, excogitata est. Siquidem inusitatæ magnitudinis navigium varijs ignis nutrimentis completum, solo ventorum remigio, opportunis incendio mœnibus adigendum curabant. Quod latenti in undis stipiti illisum, sine 50 ulla oppidanorum jactura propriæ cum materiæ discrimine conflagravit. Ita exigui ligni impedimento, spes ingentis victoriæ subruta est: hostiumq; salus parvulo fortunæ momento ab imminente exitio protecta. Post hæc Bogisl-

Bogiszlavus in dedecorum suorum ultionem dolos mente scrutatus, Absalonis colloquium simulata pacis affectatione per legatos poscendo, cum ingenti equitatu destinatum conventui locum petivit. Quam binis obviam sibi navigijs venientem, ut continentem ascenderet, obsecravit, commodius in tentorio quàm navi colloquendum præfatus. Obsequentem illum navigioq; excedere volentem, Erlingus quidam illustri inter Noricos loco natus, horridioris somni narratione retinuit, haud dubiè fraudem sensurum si salutem, suam hostibus crederet, auguratus. Cujus vocem Absalon perinde ac divinitus sibi dati indicij miraculum veneratus, **10** vocanti se Bogiszlavo, minorem à majore peti non oportere perhibuit, pontificem duci dignitate præstare asseverando. Ita hosti impotentiam obijciendo, fraudis materiam ademit. Ille stricta navis spacia causatus, repentino discessu fallaciam detexit. Nam qui aliàs ultro navigium Absalonis ingredi consuevit, nunc ejus aditum perinde ac fatale sibi domicilium, conscientia malignitate confusus, exhorruit. Gavissus Absalon quod salutem suam somnio, quàm hosti credere præoptasset, ad classem se recepit. Igitur cum exercitus noster communem agrorum vastationem unius urbis excidio anteponens, exhaustiendæ provinciæ consilium cepisset, inq; pontis pertranseundi angustijs nostri hærent, crebris oppidanorum **20** myoparonibus incessuntur. Qui mox sagittariorum ab Absalone, Regeq; missorum opera deturbati, infestandæ commodius classis gratia continenti se tradunt, nostrosq; clamore non minus quàm jaculis insēcuti, per summam ignaviæ exprobrationem perinde ac victis insultare cœperunt. Quo viso reliqui ex oppidanis passim correptis scaphis, mœnibus etiàm, quæ tuebantur, desertis, in ripam se conferunt, relicta à Danis tabernacula, prædaturi. Neq; enim regios equites, navium transitum in terra operientes, fumus tabernaculorum, quæ Dani discedentes cremabant, incendio ortus, ab ipsis discerui patiebatur. Aquibus cum inopinati attonitiq; incurfarentur, pars in scaphas refugit, pars armis in ripa, aut aquis in amne **30** exitium habuit. Natantes à sagittarijs interfecti, navigantes eversi, justas irrisis à se Danis pœnas luerunt. Ita Walogastenses paulò ante falsis nostrorum opprobrijs exultantes, nunc civium in conspectu suo necatorum miseranda fata luctu prosequiebantur. Quod Ozneses famâ experti, suburbanos penates ocys cremandos curant, ne iisdem hostes ad mœnium suorum incendium uterentur. Igitur dum ultro se rectis spoliant, ingens urbi suæ tutamentum conciliant, quo domibus tenuiores, hoc mœnibus tutiores effecti. Rus Regi rapinæ exitit. Cujus sententia Absalon Julinensium finium, arciumq; Zuinensium expugnationem peragere jussus, Esbernium fratrem Zuinam cum commissa sibi classis parte præmittit, **40** aut arces ipsas (si fors sineret) capturum, aut earum custodibus, quoad se Julino reverti contigisset, fugam interclusurum. Quorum januæ venienti Esberno vacuæ patuere, propugnatoribus nimirum adventum hostium furtivo discessu præcurrentibus. Ambæ itaque incendio datæ. Qua de re Absalon Julinensium rebus absumptis, non solum longinqui fumi contemplatione, verumetiam sociorum inde revertentium affirmatione certior factus, ad Regem revertit, lætatus se magna curarum parte fraterna opera liberatum. Rex vicos necessarijs usibus abundantes captu difficiles fore, vacuosque tantum à se penates exuri conspiciens, remeare constituit: qui nunc desertos inopesq; lares adortus fuerat, exacto messis tempore referta copijs horrea consumpturus. Cùmque non minus capiendarum urbium difficultate, quàm vacuarum ædium incendio fatigatus, Zuynam amnem abducendæ expeditionis gratia petivisset, exustarum arcium reliquias solo æquari jussit. Et ut omnia earundem monumenta demoliretur, etiam lapides fundamentis egestos in profundum jactandos curavit,

CANUTVS
VI.

ravit, quanquam iidem recenti adhuc incendio torridi, vix se manu contingi paterentur. Cujus laboris idem atque expeditionis finis extitit.

Autumno domi peracto, duodenis millibus è Rugia contractis, Tribusanam provinciam ditioni suæ parentem peragrat. Post hæc Circipennensium de vexam paludem paternæ militiæ æmulatione permenſus, ad urbem Lubeckincam pervenit. Quæ præterita, dum Diminum petere statuiſſet, in abundantem potione vicum incidit, Barbaris illic tanta animorum securitate convivantibus, ut nullum prorsus hostilis adventus formidarent impetum. Quantam porrò gentis illius intemperantiam pacis tempore extitisse putemus, quæ ne hoste quidem liminibus imminente, quo minus vires suas ebrietatis illecebris labefactaret, abstinuit? Itinere deinde nostrorum ad naves converſo, convellendæ prædæ, spargendiq; passim incendiij gratia, Danica manus disijcitur, mentem Regis longinquæ viæ dispendijs à petendi Dimini proposito retrahentibus. Qui triginta solos sibi comites asservasse contentus, quum ingentem Barbarorum cohortem optimam villam tueri satellite nunciante cognosset, Absalonem suo fortè vexillo conjunctum, dimidio cum præsentium equitum numero, opem socijs laturum dimittit. Qui imperium amplexatus, obscurandæ paucitatis gratia laxius militem incedere jubet, multitudinis justar confusam agminum speciem præbiturus. Quin etiam vehementius irruptionem edere curæ habuit, quò plures insequi crederentur. Jamq; Barbarorum relicta villa, nemus renentium manipulos contemplatus, quum se longe viribus inferiorem animadverteret, ideoq; sociorum augmentum simulare vellet, complures ex suis furtim discedere monitos, apertè subinde redire jussit, idq; sæpenumero faciendum curavit. Igitur auxiliorum incrementa sensim recipere existimatus, non suppetentibus qui prædam asportarent, contractas vici opes ingenti pyra constructa cremavit, flammis insequendo, quod usui commodare non poterat, etiam ministris incendiij tantæ pecuniæ consumptionem animi dolore proſequentibus. Ea re gesta ad Regem se retulit. Qui propter Lubynam pernoctatione habita, deletis vicorum reliquijs, lacunam, per quam arduo labore iter fecerat, ponte à Rugianis consterni curat, eamq; nullo penè negotio remensus, conscensis navib. in proximum Peno anni portum pervenit. Ubi diutina ac vehementi tempestate vexatus, Bogiszlavum pacem à se per legatos perentem repulit, quanquam jam labentibus alimentis expeditionem remittere cogeretur.

Exactis domi hybernis per Zuynam ingenti cum expeditione regressus, Grotzvinam lacerat. Ubi cum Jarimarus hostium occursum ex eorum lituo deprehensum Regi nunciandum proponeret, idq; ab Absalone, nisi iidem in conspectum venissent, exequi veraretur, ancipiti malo circumventum se dixit, qui si quid inopinati periculi, se tacente, socijs incidisset, incuriæ dam-nari, sin maturius indicium afferret, timiditatis notari posset, quum & præpropere nuncio uti probrosum, & nimis lento desidiosum videatur. Hujus provinciæ præda parum satiatos Pomeranicarum opum fama sollicitat, quæ ut eximiæ, ita intactæ prædicabantur. Nulli tam longinquam militiam ingredi difficile visum, quanquam perferendæ inediæ, peragrandæq; solitudinis prædicebatur asperitas, ardore prædæ periculorum metum levante. Imbellis populus urbiumq; & armorum inops regio ferebatur. Et quoniam nostris propositum ex sententia cedere consueverat, pergendi cupiditas animos inflammabat. Nec fraudandos præsentibus votis felicia, tot successuum experimenta spondebant. In qua profectione, pabulo parum suppetente, non solum equos, verum etiam pedites com meatibus onustos, attrita labore vires deficiebant. Hæ res convertendi itineris, repetendiq; classe Julini causam dedere. Illic Rex adoriendi per insidias Camyni consilium nactus, aperta q; ejus irruptioni latentem præferens, du-

stanti,

stantibus locorum peritis, per ignotos ac devios saltus, plenum difficultatis iter cortipuit. Errantibus cæteris, Sialandenses ac Scanienſes Alexandro (Abſalonis hic ſorore editus erat) primipilo uſi, Rugianisq; ducibus rectam & compendariam viam ſecuti, Caminum venère, occuparentq; niſi incolæ incendio cautiores feciſſent. Quorum paucitatem Bogiſzlavus, qui in eodem tunc forte oppido moram agebat, effuſis manipulis irrumpendam ratus, Eſberno, qui talium rerum experientia uſuq; callebat, quo longius hoſtes urbe evocarentur, de induſtria cedendum monente, diu terga præbentibus inſtitit. Ad poſtremum intellectis inſidijs, effuſius ruentes

10 in aciem revocat, tam improbum ab urbe exceſſum amaræ reprehensionis ſalebris inſecutus. Quod videns Eſbernus, abjecta fugæ ſimulatione, ſigna ad hoſtem reflexit, effecitq; ut Bogiſzlavus caballo delapſus, pavido reſuſu intra vallum confugeret, celeritate pedum ſalutem quæſiturus, quàm aut armis aut equi velocitate tueri fiduciam non habebat. Alexander illato portis ſigno, neminem à quo repelleretur invenit, tanta trepidatione captis hoſtibus, ut ne urbis ſuæ quidem limina ab injuria vindicare præſumerent. Qua gloria ſatiati Danorum juvenes, paulatim in aciem ſe recipere, quàm ulterius urbi inſultare maluerunt, paucitatis æſtimatione temeritatem domante. Hunc juventutis procuſſum Rex reliquo milite ſubſecutus,

20 propter muros equo deſcendit, expugnandæ urbis habitum curioſiore contemplationis officio luſtraturus. Quo reſidente, vallumq; vexillis ſtipante, Canonicæ vitæ clerici contuſi dejectiq; animi mœrorem pedum nuditate teſtantes, digeſta ritè proceſſione, cum inſignibus ſuis adveniunt, eoq; paternæ ſanctitatis admonito, genib. niſi ſacris ædibus abſtinendum præcantur, orando nè divinos penates humanis incendio jungat, neq; ita in hoſtes ſæviat, ut publicæ religionis domicilia conſumat; tot ſuas, tot majorum virtutes teterrimo facinore corrupturus. Adjectum ab ijs eſt, Bogiſzlavum, Regis tutò petendi gratia, familiaris fidei patrociniū puſtulare. Reſponſum à Canuto, homines ſibi, non Deum inceſſendi propoſitum eſſe, ut juſtum, ita alienum ſacrilegij bellum geſturo. Quibus, ſi civitatis partem extra municipij mœnia collocatam cremaret, eccleſias mortalium ædificijs permixtas communibus flammis implicandas, dicentibus, iram præcibus remiſit, hoſtilesq; lares inviolatos relinquere, quàm divinos humanis injuria æquare maluit. Illi urbem præcibus ſuis donatam gauiſi, gratijs pro beneficio actis, lætitia ovantes diſcedunt, eamq; ſacro concentus genere proſequeuntur. Bogiſzlavus quod petebat obtento, quæſitum Abſalonem die poſtero obviam ſibi cum Jarimaro venturum præcatur, eoſdem faciendæ cum Rege pacis arbitros habiturus, quos tot colloquijs amicos expertus fuerat. Quem Abſalon fraude potius quàm ſyncera verborum fide agere ra-

40 tus, negavit ſe intercedere, quo minus igni provincia vaſtaretur, ne tantum iter expleſſe fraudi fuiſſe videatur. Ille nihil à ſe extra municipij mœnia poſſidere conſeſſus, ſacris tantum domicilijs, eorumq; gratia vicinis teſtis abſtinendum oravit. Quod beneficium eodem voto petiſſum promiſſumque eſt. Reliquum lucis avidiſſima vicorum vaſtatione conſumptum. Bogiſzlavus præſentium periculorum impulſu promiſſum revertendi tempore ſeſtatus, Abſalone & Jarimaro dextras præbentibus, ad Regem perducitur, ingentisq; ſummæ pecuniâ multæ nomine pactâ, non alias pacis conditiones aſſequi potuit, quàm ut procurationem hæcenus patrimonij titulo adminiſtrata, è manu Regis beneficij jure ſuſciperet, libertatemq; ſervitute,

50 mutaret, Rugianæ gentis tributum obſequijs æquaturus. Hanc pactiõem obſidibus firmandam pollicitus diſcedit, redeundi comitibus utendo, quos adveniendi duces habuerat. Et ne venerationis expers dimitteretur, ab Abſalone convivio cum amicis exceptus potu nimis avidè ſumpto adeò vires ſenſumq; exiit, ut vix mente conſtare putaretur. Qua intemperantia amiſſæ

CANUTVS
VI.

majestatis oblitus, deſcendæ ſervitutis loco, libertatis gaudia repræſentavit. Igitur nimio ebrietatis hauſtu obſtupefactis nervis, nave egeſtus in tentorio callocatur, Abſalone quadraginta armatos ante tabernaculi fores excubare, nocturnæq; ejus cuſtodix vacare jubente. Tanta ſiquidem apud Danos ſervandorum hoſpitem ſedulitas exiſtere conſuevit, ut eorum ſaluti perinde ac propriæ ſtudere curaretur. Quo beneficio obligatus Bogiſzlavus, Sclavorum animos Danis applicando, debitam Abſalonis meritis gratiam retulit. Quibus cum pulſo manè ſomno oculos inſeruiſſet, Danorum fidem exoſcularus, aptiſſimoq; laudationis genere proſequutus, plus voluptatis ſe ex percepta Abſalonis humanitate, quàm amaritudinis ex patriæ ja-¹⁰ctura ſentire dixit. Igitur ad locum, in quo milites eum præſtolabantur, relatus, poſtero die Sclavica nobilitatis proceſſibus adductis, genibus annixus cum conjuge ſe & liberis ad pedes Regis ſuppliciter abjecit, veniamq; diutinae rebellionis precatus, obſidibusq; ex parte datis ex parte promiſſis, avitæ paternæq; procurationis ſummam beneficij loco ſuſcipere non erubuit, quod patromonij erat, alienæ largitionis indulgentia poſſeſſurus. Rex principis huc neceſſitatis deducti miſeratione permotus, ſatis jam graves eum ſibi pœnas dediſſe exiſtimavit, regnumq; ejus in munere quàm in uſu ſuo conſtituere maluit, ac demum humi jacentem erexit. Nec minus Regem maternæ erga Bogiſzlavi filios neceſſitudinis reſpectus tangebat. Ita Scla-²⁰vicarum rerum dominium aſſiduis Waldemari laboribus negatum, parvulo Canuto negotio contributum eſt, felici ejus militia paternam ſupergradi-
ente fortunam. Eodem temporis momento, ingenti nubium volumine colliſo, per ſummam utriusq; gentis exanimationem, fracta crepuère tonitrua. Quo eventu Sclavici regni interitum portendi à conjecturarum ſagacibus exiſtimatum eſt. Bogiſzlavi quoq; animus conſtantiæ pignoribus reſertus, accepti beneficij memoriam ad ultimum uſq; vitæ tempus inviolabiliſi de exhibuit; adeò ut cum ſupremo morbo correptus in lectulo laboretur, adhibitos amicos jurejurando obſtringeret, eos conjugem ſuam, ac liberos ad Regem perducturos, eumq; dividendi inter pupillos regni au-³⁰to-
rem habituros, & quod is ſtatuſſet, perinde ac teſtamento cautum, cuſtodituros: nihil ſe de Danorum fide hæſitare teſtatus, quorum egregia-
toties experimenta ſuſceperit. Succurrebat enim illuſtri viro, quantos
fructus Rugianis conſtantis erga Danos amicitix
cuſtodia peperiſſet.

SAXONIS GRAMMATICI
HISTORIÆ DANICÆ⁴⁰
LIBRI XVI. ET ULTIMI FINIS.



INDEX RERUM IN SAXONE GRAMMATICO ME- MORABILIVM;

Cæteris, qui antehac prodierunt, Indicibus longè
accuratior & locupletior.

AB ANGULO nomen provinciæ cuidam Sa-
xonie inferioris, Angliæ nempe, inhæsit: et
ab ejus posteris, Britannia. 5.
Abfalon, Archiepiscopus Lundensis, Historiæ con-
dendæ auctor Saxoni fuit. Pag. 1.
in præsentissimo vitæ discrimine versatur; sed
tamen evadit. 276.
Valdemari desidiâ faceret cavillatus est. 281.
Episcopus Roschildensis omnium Canonicorum
suffragiis eligitur. 281.
Piratarum domitor. 281. 339. 340.
ejus insignis eloquentia patriæ salutaris. 281.
ejus prima cū Sclavis congressio et victoria. 282.
languore contracto ægrotare capit. 283.
Valdemarum graviter objurgat. 284.
denud Regem objurgat. 318.
magnâ fiduciâ Karentiam ingreditur. 326.
ejus in placando Rege solertia. 366. 369.
piratas investigat. 339.
expeditionem Sclavorum adversus Danos per
exploratorum resciscit. 339.
ad excipiendos piratas se præparat. 341.
nandi peritus periculum evadit. 345.
piratas adoritur, et cæsorum eorum capita sti-
pitibus affigit. 346.
designatur Archiepiscopus Lundensis. 357.
electioni Episcopali totis viribus repu-
gnat. 357. 358.
Romani Pontificis jussu Archiepiscopatum
Lundensem assumere cogitur. 360.
eum Galandus Pontificis Legatus pallio inve-
stit. 361.
Friderici Episcopi Lundensis satum luget. 361.
in Scaniam seditionis sedandæ causâ proficisci-
tur. 364.
in Sialandiam redit. 366.
cum Scanienses littore suo arcent, ejusq; navi-
gium infestant. 366.
Scanos sacris interdicit. 368.
ejus in Valdemari morte luctus et virium de-
fectio. 373.
in Scaniam rursus compescendæ seditionis gra-
tiâ trajicit. 373. 374.
ejus magnanima responsio. 376.
classē in Sclaviā adornat. 377.
ejus vexillum nunquam sine hostium fugâ
spectari solitum. 377.
ejus ad Bogislavum legatio. 378.

Adelstenus Edetradi patris testamentum rescin-
dit. 181.
filium Haquini educandum suscipit. 181.
Adolphus Holsatiæ Comes Regi occurrit. 301.
Adolphi Holsatiæ Ducis turpis defectio. 370.
Agnerus Ingelli filius Rutam matrimonio ducit. 30.
ridens moritur. 31.
Agnerus Angliæ præficitur. 177.
fratris cædem ulcisci cupiens interficitur. 177.
Agriculturæ laus. 112.
Alf filius Sigari. 126.
ejus candida cæsaries. 127.
custodes Altvilda aggreditur et absunit. 127.
Altvildam undiquesecus persequitur. 127.
Blacmannos vincit glaciem calcandi
æstu. 127.
Altvildam diu quæsitam tandem reperit, et ma-
trimonio sibi jungit. 128.
Alf et Alger cum Hamundi filiis navalem pugnam
committunt. 128.
Helvinum et Hamundum opprimunt. 129.
Alli et Herri, Dani, patriam maritimis latrocinis
incessunt. 225.
Alverus Rex Sueonum decedit. 138.
Altvilda Sivardi Gothorum Regis filia ospeplo ob-
nubit, nè formam prodât. 127.
ei pater viperam et angvem educandos com-
mittit. 127.
ejus mater spem Alfi frustratur. 127.
piraticam exercet. 127.
Amazones Danicæ. 128.
Amlethus patruî insidias veritus stultitiâ simu-
lat. 49.
uncos creat. 49.
cum virgine immissâ concumbit. 50.
exploratore interfacit. 51.
matrem objurgat. 51.
ad Britannia Regem necandus ablegatur. 52.
litteras ligno insculptas defert. 52.
earum sensum invertit. 52.
aurum cavatis baculis infundit. 53.
in patriam redit. 53.
pincernam agens procures mero obruit. 53.
Fengonem occidit. 54.
Regiam incendit. 54.
orationem perfectæ Eloquentiæ plenam ha-
bet. 54. 55.

- Rex creatur. 56.
 Britanniam repetit. 56.
 Scutum artificiose pingendum curat. 56.
 Legationem nomine Regis Britanniae in
 Scotia obit. 57.
 Scotiae reginam viduam ducit. 58.
 cum ea in Britanniam redit. 58.
 a priore conjuge de patris insidiis edocetur. 58.
 mortuorum cadavera in aciem digerit. 58. 59.
 in acie a Vigletho interemptus. 59.
 Amor multiplices aditus habet. 39.
 Amundus Norwagiae Rex Legatos Fridlevi inde-
 centius excipit. 99.
 a Fridlevo occiditur. 101.
 Andreas Sunonis Absaloni in Archiepiscopatu suc-
 cedit. 1.
 Galliam, Italiam, Britanniamq; studiorum
 gratia peragravit. 1.
 ejus laus diffusior. 1. et 2.
 Angli Ivarum Regneri filium regno pellunt. 175.
 Angli a Danis deficiunt. 203.
 Angli et Norwagienses Svenone mortuo Eduar-
 dum atq; Olauum Reges eligunt. 192.
 Angli vincti et vincuntur. 207.
 Ansgarius suis monitis Ericum ad sanio-
 rem mentem reducit. 178.
 Archiepiscopatum Lundensem Pontificis Legatus
 instituit. 227.
 Archonam Dani obsidione cingunt. 248.
 Archonienses Danis se tradunt. 249.
 pristinum statu cultum repetunt. 249.
 Archonae urbis descriptio luculentissima. 319.
 Arhusia piratarum incurfibus afflicta. 282.
 Arngrimus pugil Sueticus Frothonis filiam
 postulat. 92.
 Finnos vincit. 93.
 duodecim ex Osura filios susulit. 93.
 Arcus fractio hostes in fugam conjicit. 191.
 Ascerus Episcopus fit Lundensis. 223.
 Ascerus Episcopus Roschildensis decedit. 281.
 Aslaci remigis virtus et fortitudo. 206.
 Asmundus Svibdageri filius ab Hadingo superatus
 interficitur. 14.
 Asmundus cum Asvito societatem init. 91.
 virum cum Asvito contumulari voluit. 91.
 Atislaus Ursam sibi despondet. 29.
 auro se turpiter prosternit. 30.
 potionem avidius sumpta mortem obit. 42.
 Atislaus Sueciae Rex Frovinum provocat et
 necat. 60.
 bellum Regi Daniae infert. 60.
 saucius a Folcone ad naues compellitur. 61.
 refugus Sueciam petit. 61.
 Avachus Episcopus Roschildensis mori-
 tur. 205.
 Aula Regis Britannorum magnifice instrua-
 ta. 94.
 Aulicorum sub Frothone Rege obsequia petulan-
 tia. 68. 70.
 Avo Fridlevum provocat. 101.
 Balderus Orhini filius, Nannae amore corripi-
 tur. 39.
 eam ambiciens fert repulsam. 41.
 Hotherum Regem praelio vincit. 42.
 scaturiginem aquarum elicit. 42.
 in adversam valetudinem ex Nannae amore
 incidit. 42.
 Fro Deastro humani generis hostias
 mactat. 42.
 Proserpina illi astare per quietem
 aspecta. 43.
 ab Hothero perimitur. 43.
 sepulchri sui violatores praestigiosa aquarum
 scaturigine territat. 43. 44.
 Barbari foedus icturi lapillum in aquam conjicie-
 bant. 291.
 Barchonis militis Svenoniani virtus. 257.
 Beda Anglicus, ejusq; laus. 5.
 Bellatorum quatuor genera. 61.
 Bellatores et proceres Ringonis castra secuti enu-
 merantur. 144.
 Belli ingens apparatus. 142.
 Bellum inter Haraldum Daniae et Ringonem Sue-
 ciae Reges exoritur. 142.
 ejus apparatus septem anni cessere. 142.
 Bellum cruentum, quo Ingo Rex truci-
 datur. 307.
 Benedictus quidam cultro Valdemarum Regem
 interficere conatur. 350.
 Bernardus Anglicus in Norvegiam et Sueciam
 Christiana sacra primus intulit. 189.
 Bergini Stuardum Ingonis fratrem et Ostenum
 interficiunt. 306.
 Bjarco Agnerum interficit. 31.
 Bjarconis gladius Lóvi dictus. 31.
 Bjarco ursum interimit. 31.
 Rutam victoriae premium accipit. 31.
 Atislaus prosternit. 31.
 Bjarmiae regionis descriptio. 161.
 Bjarmi rebellant. 173.
 Bjarmi nubes ad nimbos carminibus sollicitant. 17.
 Bizzo Jarmericum ad res detestabiles suis consiliis
 adducit. 156.
 Broderum Jarmerici filium apud Patrem in-
 cesti accusat. 156.
 suspendendum Broderum pronunciat. 156.
 Bjornonis equus et canis mirae ferocitatis. 97.
 Bjornonis somnium. 98.
 Bjórno canem in hostes concitat. 101.
 certamen pro Fridlevo adversus Avonem
 init. 101.
 Blacco insignis proditor exitiale Canuto dat con-
 silium. 219.
 plebem furem concitat. 219. 220.
 primus in Albani aedem irrumpens trucidat-
 ur. 220.
 Bogislavus Pomeraniae Dux ingentem classem
 Rugiae opprimenda admovent. 376.

Bogislavi bibacitas. 377.

Bogislavus Absalonis colloquium subdolè pascit. 381.

Pacem petit. 383.

Canuto Regi subyicitur. 384.

supplex fit Regi Canuto. 384.

Bolvvisus cæcus Sigaro Regi à consiliis. 129.

ejus studium amicos odio sequestrare. 129.

severam sententiam in Hagbarchum pronun-
ciat. 130.

Borcarius ex Gro comite Alvide Haraldum susci-
pit. 128.

Borcarius, Gunnaro interfecto, Drottam sibi connu-
bio sociat. 134.

Borcari cum Røthone pugna, quæ utriusque exitio
finita. 135.

Botilda Regina muliebris patientiæ clarissimum
exemplum. 224.

Erico Regi marito sacræ peregrinationis comi-
tem se adjungit. 227.

in itinere moritur. 229.

Bous Othini filius occumbit. 46.

Britannorū Regis à præda colligenda dehortatio. 25.

Britanni à mortuis fugantur. 59.

Britanniæ Rex Frothoni se dedit. 94.

Britanni Danos interficere subdolè machinan-
tur. 94. 95.

Bruno Haraldis Regis aciem instruit. 142. 146.

Buchi correptus amore filię Guthmundi primò me-
moriam, ac paulò post vitam perdit. 163.

Burisius in Canuti electione consentire noluit. 312.
capitur. 313.

Buthlus Danis persunctorie præest. 155.

Byzanthini Dii Othinum collegio suo submovent
et exilio mulctant. 45.

Canis Norvagis à Gunnaro præfectus. 134.

Canutus primus, Erici filius, regnum post pa-
trem suscipit. 178.

Canutum Gormonis filium Hybernæ Rex vulni-
ficâ sagittâ trājicit. 180.

Canutus secundus, cognomento Magnus, Danico
regno potitur. 192.

Anglos armis aggreditur, auxiliante Olavo
Norvagiæ Rege. 192.

Sclaviam ac Sembiam expugnat, et Danico im-
perio subjicit. 192.

eum Eduardus, Rex Angliæ, victus dimidiū re-
gni consortem, et post obitum omnium bonorum
hæredem relinquit. 192.

in nuncios mortis Eduardi laqueo animadver-
tit. 193.

Roberti Normanniæ Præfecti filiam Immam
ducit. 193.

Richardo sororem Esthritam despondet. 193.

Ex Imma Canutum et Gunildam genuit. 193.

fortissimos quosque præmiis in suam clientelam
allicit. 193.

Olavum Norvagiæ Regem in exilium migrare
compellit. 194.

Omundum opprimit. 195.

sex regnorum possessor. 196.

Henrico Imperatori Gunildam filiam nuptum
tradit. 196.

tria regna filijs tradit. 196.

Esthritam Ulvoni permittit. 196.

clientelam numerosam alit, prudenterq;
ordinat. 196.

clientelam suam linguis ac moribus dissiden-
tem militari disciplinâ in ordinem redi-
git. 197.

Leges Curiales condit. 197. 198. 199.

Leges à se latas militis occasione violat. 199.

sibi ipse multam indicit. 200.

in Normanniâ proficiscitur sororis injuriam
ulturus. 201.

jam moriturus Rothomagi se sepeliri

mandat. 201.

ejus pietas, munificentia, et sacrorum vene-
ratio. 201.

Canutus Tertius, Durus, cum Magno Norvagiæ
Rege paciscitur. 202.

eo defuncto Magnus Olai filius Daniam inva-
dit et occupat. 202.

Canuti, Svenonis filij, indoles. 211. 212.

Canutus Quartus, Sanctus, fratri Haraldø in regni
fastigio succedit. 214.

Curorum, Sembonum, et Esthonum regna fun-
ditus delet. 214.

Ethlam Roberti Flandriæ Præfecti filiam
ducit. 214.

ejus filius Carolus. 214.

neglectam juris disciplinam in integrum
restituit. 214.

ejus liberalitas erga Episcopum Lundensem et
Canonicos. 216.

ad Angliam occupandam animum adji-
cit. 217.

fratrem Olavum inopinatò intercipit. 218.

ejus edictum de decimis solvendis. 218.

Vandali eum persequuntur. 219.

in Albani æde, apud Othonienses, nefarie inter-
imitur. 221.

ejus sanctitas variis miraculis post obitum
enituit. 221.

Canuti Quæstores immitius negotium tractantes
furenti populo Regiæ necis occasionem dede-
runt. 219.

Canutus Dux bellum Henrico denunciat, et mox
eum incautum opprimit. 233.

Sclaviam vastat. 233.

ejus et Henrici reconciliatio. 233. 234.

Imperatori equum aureis soleis confixum dono
mittit. 234.

Sclaviam obtinet. 234.

fratres in mutuam gratiam reducit. 235.

Orientem piraticâ pervagatur. 236.

multos sortitur æmulos. 236.

eum ad pacis studium Margareta Regina hor-
tatur. 236.

in eum Henricus, Ubbo, Haquinus cōspirant. 236.

Nicolai Orationi respondet et se purgat. 237.

INDEX RERUM IN SAXONE

- in ejus cædem Magnus Rex Sueciæ cum cæteris
conspirat. 238.
ei Magnus insidias molitur. 238.
à Magno Roschildiam evocatur. 238.
Ingeburga uxor maritum imminentes insidias
edocet. 239.
Cantor ei insidias detegere conatur, sed
frustrâ. 239.
à Magno fictis blandimentis excipi-
tur. 239.
tandem Magnus eum crudeliter ob-
truncat. 240.
ejus miserandum exitum tota Selandiâ
deplorat. 240.
ei extincto filius nascitur. 240.
ejus amici in popularium conciliis de nefaria
ipsius cæde conqueruntur. 240.
ejus sanctitas crebris signis prodita. 240.
Canutus quintus Rex à Jutis eligitur. 254.
Eskillum Pontificem ad defectionem im-
pellit. 254.
eum Svæno cruentissimo prælio superatum
Sialandiâ pellit. 254.
Cum Svænone, inimicitiis ad tempus depositis,
Sclaviam invadit. 254.
Sialandiam sæpius aggreditur. 255.
tandem à Svænone vincitur. 257.
ejus milites quàm plurimi captivi abducuntur,
et mox dimittuntur. 257.
in Sueciam profugit. 258. et Poloniam. 258.
denud Jutiam intrat. 258.
à Svænone mox prælio superatus in Saxoniam
profugere cogitur. 259.
Frisiam minorem auxilii gratiâ petit. 260.
Fridericum Imperatorem auxilii implora-
tione sollicitat. 261.
Valdemaro mutuâ concordia jungitur. 266.
unâ cum Valdemaro regium sibi nomen
consciscit. 269.
Svænonem in Lalandiâ invisit. 274.
Svænonem Roschildiam invitat. 275.
Valdemarum osculatur quasi præscius in-
fidiarum. 275.
eum Thetlevus Svænonis miles conso-
dit. 275.
Canutus sextus, Valdemari filius, Rex designatur. 312.
coronatur. 331.
expeditionem Sclavicam remittere
cogitur. 372.
post patris obitum patriæ consensu regni
fit hæres. 373.
ejus moderatio. 375.
eum Cæsar circumvenire studet. 375.
Cæsaris minas eludit. 375.
eum Fridericus Cæsar odio prosequitur. 376.
ejus expeditio Sclavica altera. 377.
ejus expeditio Sclavica tertia. 381. 382.
Canuti, Pribislai filii, contumax responsio. 338.
Captivitas Danis ignominiosa. 218. 225.
Carminum magicorum vis et efficacia. 17.
Carolus Magnus, Francorum Rex, Saxoniam sibi
subjugaverat. 167.
Cerevisiæ, omnisq; ex fruge portionis usu Danis
interdictum. 153.
CHRISTUS sub Frothone tertio nascitur. 95.
Christiernus, nobilis Jutus, Erii se partibus ad-
jungit. 243.
Cingulum ab alto delapsum. 100.
Colloquium Bessi cum Graa virgine. 6. 7.
Conjuratioris in Valdemarum auctores diffu-
giunt. 351.
Connubia olim venalia. 154.
Contentio de Archiepiscopatu Lundensi. 250.
Corvorum greges Valdemari exercitum inter-
volant. 279.
Craca pulmentum magicum filiis apponit. 72.
Cvretes, Svæones, Sclavi, post excessum Hotheri,
tributum Danis negant. 46.
Cypria tellus humanorum cadaverum quondam
impatiens. 229.
DAn et Angul conditores rectoresq; gentis
Danicæ. 5.
Dan secundus, superbissimus mortalium, Uffoni
parenti succedit. 65.
Dan tertius post Frothone regnum capescit. 66.
Saxones tributum pendere cogit. 66.
Dani à Svæcis victi et cæsi. 38.
Dani siccandis calicibus affveti. 94.
Dani quinque regni gubernatores constituunt
ex plebe creatos. 133.
Dani adversus Regneri filios rebellant. 176.
Dani à Norvagis vincuntur. 183.
Dani Sembia potiuntur. 184.
Dani Svænonem ad regnum parricidio petendum
incitant. 185.
mox Regem decernunt. 185.
Dani in Helgâ amne submerguntur. 195.
Dani in Regia electione dissentiunt. 213.
Dani Julinum occupant. 182.
Dani solenne sibi jejunium indicunt. 231.
Dani Rugianis Basilicam extruunt.
Dani piratas ubiq; locorum persequuntur
Dani à piratis oppressi. 329.
Dani de nimio otio et quiete conqueruntur.
Dania Svardi inertia sit vectigalis. 154.
Danie situs. 2. 3.
Dania regnum in tres partes dividitur. 274.
Danie status miserrimus. 268.
Danica classis piratico bello oppressa.
Danici equitis singularis virtus. 290.
Danicum imperium in potestate Svætica. 147. 38.
Danicus exercitus periclitatur. 173.
Danicus ager, culturâ deficiente, silvestrem ha-
bitum induit. 160.
Danorum antiquiores majorum acta saxis ac ru-
pibus insculpenda curarunt. 2.
Danorum Reges à Shioold dicti Skjoldunger, vel
Skjoldvner. 6.
Danorum in adversis invictus animus. 183.
Danorum ad fidem Christianam conversio. 175.

Danorum Reges à Sclavis nunquam fugati.
 Danorum adversus piratas conflictus, in quo multi
 nobilium periëre. 378.
 Danorum sexaginta millia Slesvici in præsidio
 relicta. 343.
 Danorum ab expeditione Sclavica in patriam
 reditus.
 Daxon Witsercus Suetiæ Regi filiam effert. 174.
 Witsercum cremari jubet. 174.
 Dii fictitii ab hominibus vincuntur. 41.
 Dii Byzantini Othinum collegio suo submo-
 vent. 45.
 Diluculo corporibus humanis plus stuporis atq;
 gravedinis inesse solet. 73.
 Dombori Oratio prudentissimis monitis re-
 ferta. 291. 296. 297.
 Domus tributaria Gothrici. 167.
 Dornonis, Curetum Regis, Oratio. 20.
 Drotta è specu extracta à Gunnaro vim pati
 cogitur. 134.
 Dudo, rerum Aquitanicarum Scriptor, Danos à
 Danais vult dictos. 5.
 Duos cum uno decernere, probrosum fuit apud
 veteres. 62.
 Duodecim fratres Norvagi Sueciam infe-
 stant. 97.
 Duodecim millia procerum in acie Ringonis
 ceciderunt. 147.
 Duodecim duces in caput Olonis conjurant. 147.
Ebbo fratres Latrones exitio tradit. 154.
 Ebbo Skjalmonis filius moritur. 256.
 Edelradus, Rex Angliæ, nepotes Haraldum et Ca-
 nutum heredes efficit. 180.
 Eduardus, Angliæ Rex, victus, Canutum dimi-
 dii regni consortem, et post obitum omnium bo-
 norum heredem constituit. 192.
 Eduardus Angliæ Rex titulo tenus. 203.
 Elivus pecunia corruptus exercitum Danicum
 Henrico Sclavico prodit. 231.
 Enari sagittarii monstrosa virtus. 191.
 Ennignupus Canuti pariter ac regni Danici tutor
 ac gubernator constituitur. 178.
 Episcopi in Dania instituti. 189.
 Episcoporum in Dania successio. 191.
 Episcopi primi in Scania. 205.
 Episcopi in Regni Senatum assumuntur à Canu-
 to Rege.
 Epitaphium Frothonis. 97.
 Equus Björnönis præstans et canis miræ fero-
 citatis. 97.
 Equus albus Svantoviti. 321.
 Erici ad Gótharum Oratio prudentiæ plena. 71.
 is Diserti nomen sortitur. 71.
 fratri destinata dape fraudulentè poti-
 tur. 72.
 cum fratre Rollero in Daniam venit. 73.
 exploratores emittit. 73.
 naues Oddonis perirebrat. 73.

Oddonem cum sociis interimit. 73.
 boum cadauera mari demergit. 73.
 in casu faustum ominatur eventum. 73. 74.
 ejus cum Greppo colloquium. 74.
 Greppum facundiâ vincit. 75.
 maleficia in magos voto retorquet. 75.
 glaciale frustum muneris loco Frothoni
 offert. 76.
 ejus et Frothonis colloquium. 76.
 Greppi fratres pugnam ipsi denunciant. 77.
 crepidas conficit. 77.
 ejus in prandio superstitas. 77.
 Frothoni mores Góthari Regis enarrat. 77.
 Frothonis filiam singulari vasaframento
 obtinet. 78.
 à Gótvara altercandi certamine provoca-
 tur. 78.
 Gótvaram facundiâ superat. 78.
 cum Vestmaro luctæ novâ specie dimicat. 78.
 Vestmarum dorsi fractione conterit. 78.
 à Gúrvara de periculo imminente edo-
 cetur. 78. 79.
 classem regiam navigationi inhabilem red-
 dit. 79.
 Frothonem Regem pænè submersum undâ
 levat. 79.
 ejus ad Orationem Frothonis responsio. 80. 81.
 Góthari filiam ducit. 81.
 Sclavorum plerosque cedit. 84.
 Alricum occidit. 90.
 Rex Suetiæ à Frothone constituitur. 90.
 moritur. 97.
 Ericus, Suetiæ Rex, Daniam bello laceffit. 122.
 Haraldum, Haldani filium, tribus præliis vi-
 ctum quarto occidit. 122.
 Ericus Haraldus frater regium occupat solum. 242.
 Ericus, Sivarði filius, patre defuncto regnat. 177.
 Ericus, Suetiæ Rex, exercitum in Daniam trajicit.
 Ericus Regum frater in Suetiam fugit. 222.
 Ericus Ejegod Olavo famelico succedit. 224.
 sub eo magna vilitas annonæ et ubertas. 224.
 ejus procerum statura et forma planè regia,
 roburq; incomparabile. 224.
 ejus blandi comitas. 224.
 ejus libido. 224.
 Sclavos subigit. 225.
 à Pontifice Romano condendi in Dania Archi-
 episcopatus potestatem accipit. 226.
 citharoedi arte ad insaniam redigitur. 226.
 Judæam voto religioso peregrinationis adire
 constituit. 226.
 Haraldum filium regno administrando
 præficit. 227.
 procerissimos quosque itineris comites
 legit. 227.
 Byzantium appellit. 227.
 cum Imperator vix in urbem admittit. 227.
 ejus ad Danos Byzantii stipendia merentes
 adhortatio. 228.

INDEX RERUM IN SAXONE

eum Imperator in urbem magnâ pompâ perducit. 228.
 ejus effigiem stantis atq; sedentis Imperator depingi curavit. 228.
 variis Sanctorum reliquiis ab Imperatore donatur. 228.
 in Cyprum contendit. 229.
 in Cypro moritur et sepelitur. 229.
 Ericus Haraldi fratris bona invadit. 234.
 Ericus tertius, Emund, Rex eligitur. 242.
 ejus regnum recusantis modestia. 242.
 Thoronis Episcopi Ripensis commento ludificatus copias dimittit. 242.
 Lotharium Imperatorem de auxilio ferendo sollicitat. 242.
 Casari perfidiam Teutonicam exprobrat. 243.
 bellum cum Nicolao restaurat. 243.
 infeliciter pugnam conserit. 243.
 castellum Haraldi obsidione cingit. 244.
 à Nicolao ad Weram pontem prælio superatus. 245.
 ei Magnus Norvagie Rex insidias struit. 245.
 Lalandenses ei subsidio veniunt. 245.
 custodes suos et stipatores ad ebrietatem et aleam, ludificandi ergo, provocat. 245.
 fugâ sibi consulit. 245.
 Ubbonem præfectum minorum insularum suspendio punit. 246.
 Nicolaum Regem persequitur. 246.
 in Scania copias Nicolai Regis profligat. 246.
 post Nicolaum regnat. 247.
 Haraldi filios in carcerem compingit. 247.
 eos aquis submergendos curat. 248.
 Haraldum interceptum capitis supplicio afficit. 248.
 classsem adversus Rugiam contrahit. 248.
 primus maritimæ expeditioni equos adjicit. 248.
 Archonam obsidione cingit. 248.
 eam deditione capit. 249.
 Leges restituit. 249.
 inimicitia inter ipsum et Eskillum Episcopum Roschildensem coarctat. 249.
 Eskillus eum Selandiâ pellit. 249.
 à Plogo, Nobili Juto, interficitur. 250.
 Ericus quartus, Lamb dictus, vacuum regni Danici possessionem occupat. 250.
 Olavum conferto prælio superat. 252.
 Hartuici Byemorum Episcopi sororem ducit uxorem. 252.
 naturâ timidus. 253.
 Othoniæ in Fionia fati concedit. 253.
 Eskillus Episcopus à Svenone capitur, et mox dimittitur. 254.
 Eskillus Archiepiscopus Lundensis, Valdemaro Regi primam adversatur. 283.

deinde paret. 283.
 bellum inferre Regi nefarie molitur. 298.
 Absaloni consilia sua communicat, et Legationem ad Regem injungit. 298.
 Hierosolymam proficiscitur. 299.
 Hierosolymâ redit. 341.
 Claravallē petit. 346.
 nepotum fugam iniquo fert animo. 355.
 Archiepiscopatu Lundensi, in concilio, spontē se abdicat. 356.
 ejus oratio valedictoria. 356.
 patriâ excedit. 358.

F Alstria ob pincernæ Regii criminationem periclitatur. 282.
 Fames et annonæ caritas sub Snione Rege. 158. 159.
 Fames et annonæ dira caritas in Dania de Canuti innocentia testatur. 223.
 Fengo Horvendillum trucidat et uxorem ejus matrimonio sibi jungit. 49.
 Fioni Svenonem læti suscipiunt
 Fluminis descriptio.
 Folco Atisum saucium ad naves compellit. 61.
 proprium cruorem casside haurit. 61.
 Fontes in Islandia admirandi. 3. 4.
 Fœderis feriendi apud præcos ritus. 12.
 Fratres bini Hallandici clam hospites insidiosâ trabe trucidantes. 153.
 Fresiæ descriptio. 260.
 Fresonibus à Gotrico Rege iniustata pensio imponitur. 167.
 Fridlevus primus, Celer, post Dan imperium sumit. 66.
 Huirvillum cum sociis occidit. 67.
 Dustringum Hybernæ oppidum expugnat. 67.
 Fridlevus secundus armis instructus Norvagiam ingreditur. 97.
 duodecim fratres in fugam conjicit. 98.
 ad eos interficiendos ingenti præmio proceres invitat. 98.
 munimentum duodecim fratrum clam noctu ingreditur. 98.
 undecim fratres obtruncat. 98.
 Bjórnonem collegam adsciscit. 98.
 Hjarnonem provocatum opprimit. 99.
 Amundi Norvagie Regis filiam per Legatos postulat. 99.
 ejus Legati ab Amundo indecentius excepti. 99.
 iteratò legatos ad Amundum mittit, quos ille occidit. 100.
 in Norvagiam navigat. 100.
 Gigantem pede manuq; mutilatum in fugam cogit, ejusq; thesaurum aufert. 100.
 cruentum prælium cum Amundo committit. 101.
 Amundum vincit et occidit. 101.
 ab Avone provocatur. 101.
 denuò in Norvagiam petendæ Frogerthæ gratiâ navigat. 101.

filia Grubbi cuiusdam potitur, ex qua filium Olaum procreat. 101.
Frogertham tandem adipiscitur. 101.
ad ignotam insulam appellit, ubi Draconem auro incubantem obruncat. 101. 102.
Bjórnonem atq; Avonem in matrem reducit gratiam, isq; filium Olaum nutricandum tradit. 102.
Olai filii fortunam apud Parcas explorat. 102.
Haldano filiam Hythini impetrat. 102.
moritur. 102.
Fridericus Slesvicensis Episcopus in mari Balthico perit. 361.
Fridericus Imperator Romanus, Valdemari filias duas totidem suis filiis in matrimonium petit. 369.
Valdemarum summo cum honore excipit. 370.
inter ipsum et Valdemarum affinitas contrahitur. 371.
Regiam navim conscendit. 371.
Canutam Regem circumvenire studet. 375.
eum odio prosequitur. 376.
Bogislavum Sclavia Ducem in bella Danica sollicitat. 376.
Daniae occupandae spem omnem abjicit. 379.
Fridericus Imperator Svenonem ad colloquium callide invitat. 262.
Svenonem minis ad paciscendum adigit. 262.
Frigga, Othini conjux, divinos mariti honores sacrilegio violat. 13.
Frigoris mira vis et sevitia. 264. 265.
Frigus intentissimum exercitui Valdemari infestum. 313.
Frisio minoris descriptio. 3. 260.
Frisones se Regi dedidere. 260.
Frotho primus Draconem thesauro incubantem interficit. 20.
ejus strategema. 21.
ejus expeditio in Tranonem Rutenorum Regem. 21.
Tranonis naves perforat. 21.
Rutenos vincit. 21.
Rotalam occupat. 21.
exstinctum se simulat. 21. 22.
Handuvani urbem capit. 22.
filiam Handuvani procat et impetrat. 22.
Ubboni capto ignoscit. 24.
Fresiam bello tentat, et mox Britanniam. 25.
aureum abjiciendum edicit. 25.
Lundoniam Angliae oppidum astu intercipit. 27.
a Scatone convivio excipitur. 27.
duos ex cubiculariis pelago obruit. 27.
contusis auri fragminibus cibos respergere solitus. 27.
armorum pondere strangulatus interit. 27.
Frotho secundus, cognomento Vegetus, fallacia potius, quam viribus fretus Frogerum interficit. 66.

Frotho tertius Fridlevo surrogatur. 67.
eum proceres ad conjugium hortantur. 68.
Hanundam Hunnorum Regis filiam uxorem ducit. 70.
sub eo aulicorum obscena petulantia. 68. 70.
Colonem suspendio consumi jubet. 76.
pæne aquis submergitur. 79.
ejus mortem exoptantis oratio. 79. 80.
Erico sororem tradit in matrimonium. 81.
repudiata Hanundam filiam Gothari procat. 81.
Rollero Hanundam concedit. 81.
Ericum opprimere tentat. 83. 78.
Ericum et Rollerum persequitur. 79.
Leges condit. 85.
Rathenis de victis leges imponit. 87.
triginta Reges affectas habet. 89.
Hunnorum stragem edit incredibilem. 89.
centum et septuaginta Reges ei se submitunt. 89.
regni Frothoniani amplitudo. 89.
Gestibindus auxilii causâ eum accedit. 90.
Ericum Sueciae Regem constituit. 90.
per lapides et hastas viritum congestas exercitus numerum init. 92.
classe Norvagiam petit. 92.
aureum in trivis descendendum curat. 92. et 95.
Britanniam ingenti classe advehitur. 94.
in Britannos dolum retorquet. 95.
Kervillum Hybernica Ducem acie fudit. 95.
sub eo CHRISTUS nascitur. 95.
in Julia auream armillam trivis affigi curat. 95.
ejus latus venefica sub maritimâ bovis specie confedit. 96.
secus Weram Selandiae pontem tumulatur. 96.
ejus Epitaphium. 97.
Frogertha Frothonem enixa est. 102.
Frotho quartus Saxonie regulus acie superat. 102.
Hanesum opprimit. 106.
Svertungum occidit et occiditur. 106.
Frotho quintus fratrem Haraldum regni consortem interficit. 120.
insidiarum ministrum tacite trucidandum curat. 120.
Carolus Gothiae praefectum occidit. 120.
Haraldi filius insidias frustra struit. 121.
ejus somnum qui interrupisset, ferro puniebatur. 121.
ab Harald filio incendio consumitur. 121.
Frotho sextus, Canuti filius, rerum summam in Dania obtinet. 178.
in Anglia baptizatus. 178.
Agapetum, Pontificem Romanum, de mittendis in Daniam sacerdotibus sollicitat. 178.
Fró Idolum. 16.
Deorum satrapa. 42.
Frébloth, sacrificium. 16.
Fróconis prodigiosa mors. 99.

- G** Ambaruce salutare consilium de sorte deligendis, qui patria excederent. 159.
- Gelderus, Saxonie Rex, thesaurum Hothero invidet. 40.
- Geruthina Regie descriptio. 162.
- Geruthi praeordia Thor candenti chalybe traherant. 163.
- Gestibindus, Gothorum Rex, Frothonem auxilij causa invisit. 90.
- Gevarus dolo Gunnonis opprimitur. 46.
- Gigantes olim in Dania. 4.
- Gladius Bjarconis Lodi dictus. 31.
- Gladius Vermundi Skrep dictus. 65.
- Gladii Haldani Lusing et Hoiting. 135.
- Gnemeris Falstrici salubre consilium. 287.
- Gormo primus, Rex Daniae, mirabilia cognoscendorum avidus. 160.
- Geruthi sedes invadere cupit. 160.
- ad Geruthi sedes contendit. 160.
- in itinere fame periclitatur. 160.
- cibum a Guthmundo appositum renuit. 161.
- ad Geruthi sedem tandem pervenit. 162.
- ejus socij avaritiae poenas dederunt. 163.
- monstra ejus comitatum dilaniant. 163.
- domum reversus otio se totum tradit. 164.
- subornat qui Torkillum noctu opprimerent. 165.
- Vgarthiloci foeditatem audiens expirat. 166.
- Gormo secundus Anglicus in Dania et Anglia regnat. 178.
- Angliae dominationem amittit. 178.
- Gormo tertius, Christianorum persecutor. 178.
- Thyram Edelradi Angliae Regis filiam procuratur et obtinet. 179.
- ad preces sponsae pudicum se praestat. 179.
- ejus somnium. 179.
- Haraldum et Canutum ex Thyra suscipit. 179.
- accepto interfecti filii nuncio moritur. 180.
- Gótherus Norvegiae Rex Daniam occupare tentat. 81.
- Erico filiam suam despondet. 82.
- Gótherus Danorum classem adortus occiditur. 86.
- Gótharus Sueciae Rex Omundi filiam in matrimonium petit. 153.
- Gótharus Sivarado bellum infert. 154.
- Góthvára facunda. 68.
- ad Hunnorum Regem legationem suscipit. 68. 69.
- Hanundam succis in Venerem mixtis pellere conatur. 69.
- altercandi certamine Ericum provocat. 78.
- eam facundia superat Ericus. 78.
- Gotricus post Gormonem regnat. 166.
- liberalitate conspicuus. 166.
- Saxoniam Danico imperio adungere molitur. 166. 167.
- Pipinus Caroli filius bellum adversus eum gerendum suscipit. 167.
- de Saxonibus triumphat. 167.
- Frisiam classe domat. 167.
- Fresonibus pensionem inusitatam imponit. 167.
- ejus tributaria domus. 167.
- proprij satellitis insidijs circumventus perit. 167.
- Gram expeditionem in Sueciam suscipit cum fido suo Achate Besso. 6. 7.
- auréa clavá Sigtrudum Sueciae Regem interficit. 8.
- à Suibdagero Norvegiae Rege opprimitur. 9.
- Grep commune tribus fratribus nomen. 68.
- Grep sororem Regis procurat. 68.
- Grep cum Regina commercium libidinis habet. 70.
- conclave Gunvára defectis procorum capitibus cingit. 70.
- facundia Ericum superare tentat. 74.
- facundia Erici victus totam regiam concitat. 75.
- quod a mis non poterat, veneficijs efficere parat. 75.
- Ericum telo trahere tentans à Rollero interficitur. 77.
- ejus fratres Erico bellum denunciant. 77.
- Gritha Teutonica Dano Regi nubit. 5.
- Gvemmerus patriam prodit.
- Gunnarus Suecus Norvegiam flammis ac cadibus vastat. 133.
- Norvagis canem rectorem praeficit, eiq; proceres assignat. 134.
- Drottam specu extractam violat. 134.
- Gunnilda Regina uxoris amoris exemplum. 14.
- Gunnilda Henrico Imperatori filium peperit. 196.
- Gunno Reginam Ismari conjugem gladio transverberat. 155.
- Gunvára, soror Frothonis, Speciosa dicta. 68.
- Ericum periculi praemonet. 78.
- Guritha voluntariam sibi castimoniam indicit. 135.
- Guritha se excusat, auctoritatem tutorum praetendens. 137.
- Guthmundus, Geruthi frater, Bjarmie Praefes. 161.
- ejus duodecim filii, et totidem filiae, mensa ministrant. 161.
- Frugalitatem Gormonis, et sociorum expugnare aggreditur. 161.
- Gormoni frustra insidias tendit. 162.
- Guthrune venefica Regis satellitibus visum praestigis a dimit, quem Othrinus restituit. 157.
- Gutshalcus Sclavicus fit aulicus Canuti. 196.
- Gutshalcus Sclavos ex amicis Saxonum hostes eorum facit. 316. 317.
- H**Adingus Handuanum Helleponti Regem singulari strategemate devincit. 12.

oppresso Svibdagero, patrio regno potitur. 12.
 Suetiam depopulatur. 14.
 callido edicto thesaurum ablatum recuperat. 14.
 James Saguntina ejus castra premit. 15.
 numen quoddam sub belluæ specie interficit. 15.
 Regnildam giganti ereptam sibi matrimonio jungit. 16.
 mirum prodigium, ipso inspectante, incidit. 16.
 eum senex quidam instruendæ aciei rationem edocet. 17.
 Uffo Rex Sueciæ per simulationem colloqui eum interficere molitur. 17.
 Uffonem opprimit. 17.
 Hundingum fratrem ejus Sueciæ præficit. 17.
 Tostencm facinorosum occidit. 18.
 ejus fugientis strategema. 18.
 somnio monitus filia et generi dolo evadit. 19.
 voluntario se suspendio consumit. 19.
 Hagbarthus fratrum mortem ulciscitur. 129.
 Sygnem solitarius petit. 129.
 hispida membra duratasq; manus excusat. 129.
 Sygnem thori sociam recipit. 130.
 proditus et comprehensus morti adjudicatur. 130. 131.
 poculum à Regina porrectum in os ejus rejicit. 131.
 amasie fidem experturus amiculum suspendi præcipit. 131.
 lictores ad necem sibi inferendam hortatur. 132.
 laqueo vitam finit. 132.
 Hako fratrum mortem ulcisci cupiens à Statcathero deseritur. 132.
 in sinum Hæruig classe appellit. 132.
 ad Regiam Sigari cum exercitu frondibus recto contendit. 133.
 Haldanus patri Frothoni succedit, interfectis fratribus. 27.
 Haldanus, Erici filius, paterna procuratione fungitur. 97.
 Fridlevum in subsidium advocat. 97.
 Haldanus, Frothone defuncto, regni gubernationem suscipit. 121.
 piratica incumbit. 121.
 Regem Sueciæ bello consumit. 131.
 clavâ rem fortiter gerit. 122.
 victus in Helsingiam aufugit. 122.
 Vitolphum de vulneribus curandis sollicitat. 122.
 Erico Suetiæ Regi bellum iteratò denunciat. 122.
 Erici exercitum saxorum mole opprimit. 122.
 unde Biergggram dictus. 122.

magni Th v filius existimatus divinis à Suecâ honoribus donatur. 122.
 Ericum per insidias capit, et compeditum ad loca feris pervia relegat. 123.
 Poëta et Athleta insignis. 123.
 Sivaldum emulum, cum septem filiis, clavâ opprimit. 124.
 Harthbenam interficit. 124.
 Egtherum Finnnensem piratam interimis. 124.
 Grimmonem duello vincit. 124.
 Asmundum filium ex Thorilda sustulit. 124.
 Ebbonem prostravit. 125.
 Regias opes Unguino testamento legavit. 125.
 Haldanus Borari et Drotte filius. 134.
 Haldanus Guritham primum frustra à ambit. 135.
 duodecim pugiles quercu obruncat. 135.
 Ruthenis auxilio venit. 135.
 octidui spatio triginta novem pugiles obruncat. 136.
 e Russia redux nuptias Sivari et Gurithæ interpellat. 137.
 Guritham levitatis accusat. 137.
 Sivarium gladio transverberat. 137.
 Guritha potitur. 137.
 ex ea filium Haraldum genuit. 137.
 Wesetum oppugnans occiditur. 137.
 Hallandensium turpis defectio.
 Handuianus opes regias demergit. 22.
 Hano Fionie Dynasta frustra Røthonem oppugnat. 135.
 Hanunda Regis Hannerum filia. 70.
 Adulterii cum Grep commissi reatum rubore fatetur. 76.
 Haquinus Norvagiæ Rex Angliam armatâ classe petit. 181.
 Hevvindum obruncat. 181.
 à prodigioso jaculo trajicitur. 182.
 Haquinus Harald filius vestigal Danis solvere detrectat. 183.
 duos filios, victoriæ consequendæ causâ, hostiarum more mactat. 183.
 Haquinus Jutus conjurationi contra Canutum se subducit. 238.
 Haraldi et Frothonis societas convulsa. 120.
 Haraldus regni consors à fratre Frothone interficitur. 120.
 Harald filii sub canum specie nutriebantur. 121.
 veneficam, ne proderentur, auro placant. 121.
 furorem simulant. 121.
 Frothonem patruum incendio consumunt. 121.
 Haraldus Hylderand Orhini beneficio invictus. 138.
 defunctorum animas Orhino pollicetur. 138.
 res gestas patris rupi in Blekingia insculpendas curat. 138.
 binis eum dentibus Wesetus spoliat. 138.
 Wesetum occidit. 138.

- Hatherum interimit. 138.
 distractum Danie regnum in pristinum corpus reformat. 138.
 Asmundo opem laturus in Norvagian proficiscitur. 138.
 in aciem convivali cultu descendit. 138.
 Asmundo regnum restituit. 138.
 Ingonem et Olavum Suecos opprimit. 139.
 Ingeldo veniam poscenti ignoscit. 139.
 Sticlam et Rusilam virgines prostermit. 139.
 Ubbonem Fresicum capit. 139.
 sororem ei in matrimonium tradit. 139.
 finitimos Rheno populos et Sclaviam bello premit. 139.
 Aquitaniam armis perdomnit. 139.
 Humbrorum Regem interimit. 139.
 ejus potentia ceteris gentibus terrori fuit. 139.
 quinquaginta annos in otio vixit. 139.
 milites palæstrâ instituendos curat. 139.
 bellum inter eam et Ringonem Sueciæ Regem exoritur. 142. 143.
 Ringoni bellum per feciales denunciat. 144.
 ejus ad milites Oratio. 145.
 ab Othino trucidatur. 147.
 Haraldus Klach ter adversus Regnerum seditiones concitat. 170. 171. 175.
 ad Ludovicum Imperatorem auxilii causâ confugit. 175.
 Christianam religionem suscipit. 175.
 in territorio Slesvicensi sacram adem molitur. 175.
 Christianismum Danie primus intulit. 176.
 delubra Idolorum diruit. 176.
 religionis infamis desertor evadit. 176.
 Haraldus Gormonis filius regium imperium adipiscitur. 178.
 Haraldus et Canutus Gormonis filij Angliam vastant. 178.
 eos heredes efficit. Edelradus Rex Angliæ. 180.
 Haraldus Blaataand, Gormonis filius, defuncto patri succedit. 180.
 Haquino Norvagiæ Regi bellum infert. 181.
 sexaginta navium classem in Norvagian mittit. 181.
 ad eum Sturbjornus e Suetia auxilij petendi causâ venit. 182.
 Sclaviâ potius Julini piraticam instituit. 182.
 in Jutiam ad opem oppressis ferendam coleriter contendit. 182.
 Cesareanum exercitum insequitur, ejusq. duces Epponem trucidat. 182.
 rebus cum Imperatore compositis Catholicam religionem amplectitur. 183.
 defectionem Haquini Norvagiæ Regis armis ulciscitur. 183.
 ingens saxum matris tumulo imponendum curat. 185.
 ob onera plebi imposita in visus redditur ab eo Dani deficiunt. 185.
 bello à Svenone filio vincitur. 186.
 eum filius acriter persequitur. 186.
 Julinum exilio petit. 186.
 à Tokone sagittario interficitur. 186.
 Roëschildia sepelitur. 186.
 Haraldus, Godvini filius, totum exercitum Danorum, unâ nocte, per totam Angliam, trucidandum curat. 203.
 Eduardo rerum summam permittit. 203.
 Eduardo occiso regnum occupat. 203.
 Haraldus, S. Olai frater, à Byzantii Rege Draconi lacerandus objicitur. 205.
 Draconem cultello consorio interimit. 205.
 fidem servi experitur. 205.
 Haraldus, Norvagiæ Rex, arma in Daniam transfert. 206.
 Haraldus Malus, Rex Norvagiæ, extinguitur. 207.
 Haraldus Rex Danie præ fratre Canuto eligitur. 213.
 ejus ad Canutum Legatio. 213.
 ejus lex iniquissima. 214. 10.
 ejus negligentia et superstitio. 214. 20.
 post biennale imperium defunctus. 214. 30.
 Haraldus, Erici filius, regno administrando à patre præficitur. 227.
 Haraldus rapinis et furtis deditus. 234.
 Haraldus ob libidinem à regni gubernatione rejicitur. 242.
 Ericum deserit, inq. castra Nicolai Regis transit. 244.
 è castello suo noctu aufugit. 244.
 Theutonici naves præcidi jubet. 245.
 Haraldus Hybernienfis Norvagian invadit. 245.
 super candentes laminas nudatis plantis incedit. 245.
 ejus mira agilitas. 248.
 Haraldus Skreng, seditionis dux, in Scaniam irrumpit. 374.
 Hartbenus novem cubitos longus. 124.
 ejus mira ferocia. 124.
 Hartgrepa præstigiatrix Hadingum in sui amorem pellicere conatur. 10.
 in omnes se formas vertere potuit. 10. 11.
 suis incantamentis defuncto loquelam extorquet. 11.
 illicitâ Manium evocatione sibi ipsa infortunium arcessit. 11. 12.
 Hecla mons in Islandia perpetuo ardens. 4.
 Helga Ingelli soror ab aurifabro adamatur. 107.
 Starcatherum scuti interjectu à vulnere defendit. 112.
 Helgo Sclaviæ Regem opprimit. 28.
 Thoram virginem comprimit. 28.
 Hundingum prostermit. 28.
 Rotvonen filium Lethrâ concludit. 28.
 Helgo novem fratribus certamen condicit. 110.
 Starcatherum pugna socium deposcit. 110.
 Hella Britannia Rex Ivari virtutem suspectam habet. 176.

- à Sivarðo et Biornone, Regneri filius, crudeliter,
 sed merito, interemptus. 177.
 Hemmingus Olao patri succedit. 168.
 cum Ludovico Cesare pacem firmat. 168.
 Henricus Dalbyensis præsul bibulus. 205.
 Henricus Sclavicus successu elatus Slesvicum et
 Eidoræ finitima vastat. 232.
 Sclaviam Canuto legit. 234.
 Henricus Skatteler Canuto crimen læsæ Maje-
 stas intentat. 238.
 Henricus, Saxonie Dux, Svenonem regno restitu-
 ere parat. 268. 272.
 Henricus Leo, Saxonie Dux, à Valdemaro de belli
 societate sollicitatus. 292. 308.
 Valdemarum Regem, cum Absalone, taberna-
 culo suo excipit. 303. 293.
 ejus cum Danis colloquium. 341.
 simulatam cum Danis amicitiam exer-
 cet. 347.
 Henricus, Dux Sclavie, à Valdemaro deficit. 308.
 Henrici Ducis fastus et superbia. 345.
 Henricus Saxonie Dux pro Magno apud Valde-
 marum deprecatur. 352.
 auxilia petit à Rege
 ejus tyrannis. 369.
 Herodus filie suæ Thoræ angues dat nutri-
 endas. 169.
 Hesberrus Snare periculosam in Jutiam suscipit
 navigationem. 272.
 ejus strenuitas, periculum, et evasio. 290.
 ejus ad Regem monitoria Oratio. 302.
 Kalundam extruit. 316.
 de vitâ non semet periclitatur. 330.
 ejus in periculo strenuitas. 330. 332.
 unicâ navi hostium classem perrumpit. 332.
 Hjalto urfi cruorem ebibit, fortitudinis concilian-
 dæ gratia. 31.
 Hjalto, spectatæ probitatis pugil, Bjarconem ad
 pugnam excitat. 32.
 Hiarnus, Danicæ Poeseos peritus. 96.
 ob scriptum Frothoni Epitaphium diademate
 à Danis donatur. 97.
 regno cedere cogitur. 99.
 ægre se regio honore abdicat. 99.
 imò armis tueri conatur. 99.
 in Jutiam fugit à Fridlevo victus. 99.
 Fridlevum per insidias interficere cogi-
 tat. 99.
 decoquendi salis opificem se profitetur. 99.
 tandem à Fridlevo opprimitur. 99.
 Hjartvarus arma pro pecuniâ, tributî nomine, in
 Daniam desert. 31.
 Rotvonen noctu invadit. 31.
 victoriam epulis prosequitur. 38.
 à Woggone interficitur. 38.
 Hildigisleus Sygnem deperit. 128.
 ambas nates trajectus aufugit. 129.
 Hildigerus, Gunnari filius, inaudita crudelitatis
 tyrannus. 134.
 Hildigerus pugnam cum fratre inire detra-
 ctat. 135. 136.
 extinguitur. 136.
 Hithinus, Rex Norvagiæ, Frothoni subsidio ve-
 nit. 88.
 Horrëndillus piraticam exercet. 48.
 Collerum Norvagiæ Regem obvium
 habet. 48.
 manus cum Collero certis conditionibus
 conferit. 48.
 Collerum occidit, unaq; sororem ejus
 Selam. 49.
 Gerutham Rórici filiam ambit et impe-
 trat. 49.
 Amletbum ex Gerutha sustulit. 49.
 à Fengone trucidatur. 49.
 Horhbrodus, Rex Sueciæ, Roë Daniæ Regem
 occidit. 28.
 Hotherus post Hjartvarum et Rotvonen Daniæ et
 Sueciæ Rex. 39.
 Musicus insignis. 39.
 in Nympharum conclave incidit. 39.
 à Mimringo Satyro armillam ensiq; ex-
 torquet. 40.
 pro Helgone intercedit. 40. 41.
 cum Diis pugnat. 41.
 Nannâ potitur. 41.
 prælio à Baldero superatur. 42.
 Baldero bellum deniù infert. 42.
 animi ægritudine victus in desertâ se loca
 confert. 42.
 à Nymphis cingulo donatur. 43.
 Balderum prosternit. 43.
 Grunnonem igni cremandum tra-
 dit. 46.
 pugná cum Boð congressus occidi-
 tur. 46.
 Hóghinus Hithino filiam despondet. 89.
 Hithinum persequitur. 90.
 Huglethus post Dan secundum regni summam
 obtinet. 66.
 Huglethus Hybernæ Rex avarissimus. 104.
 Humblus et Lotherus filii Dan. 5.
 Humblus imperium abdicare coactus. 5.
 Hundingus Sueciæ Rex in dolio suffocatus. 29.
 Hunnorum Rex filiam saam, Frothoni nupturam,
 in Daniam adducit. 70.
 Hunnorum Rex bellum Danis infert. 86.
 Hunni inedia periclitantur. 88.
 Hunnorum strages incredibilis. 89.
 Hyberni ferreos murices terræ inferunt. 95.
 Hythin Gigas Regis Thialamarchiæ filium ab-
 ducit. 100.
 Jaculi in aëre oberrantis mirum spectacu-
 lum. 182.
 Jarislaus Rutendorum Rex. 207.
 Jarmericus Sivarði filius à Sclavis captus, cum
 sororibus. 154.
 carcere erutus agriculturæ exercendæ applica-
 tus. 154.

INDEX RERUM IN SAXONE

- ad honoris fastigium veluti gradibus quibusdam ascendit. 154.
 fugam molitur. 154. 155.
 cum socio Gunnone regias aedes incendit. 155.
 cum Gunnone fugâ elapsus Sclavos persecutores frustratur. 155.
 pulso Buthlo Daniæ imperium suscipit Sueciâ potitur. 155.
 quadraginta Sclavos, adjunctis totidem lupis, suspendendos curat. 155.
 Sclavorum optimates crudeli supplicio afficit. 156.
 arcem extruit. 156.
 cum fratribus Helleponticis maritimâ pugnam congregatur. 156.
 Biconis consiliis ad res detestabiles adductus. 156.
 Sclavorum Principes equis in diversa raptantibus præbet lacerandos. 156.
 sororis laqueo spiritum eripit. 156.
 Suarildam Reginam equinis calcibus obtrendam præbet. 157.
 ejus arcem fratres Hellepontici oppugnat. 157.
 Ingellus Frothoni succedit, fortissimi patris degener filius. 106.
 Svertingi filiam matrimonio sibi jungit. 107.
 ejus Regina Starcatherum acrioribus verbis excipit. 113.
 eadem Starcatherum blandimentis ad concinandum invitât. 113. 114.
 Primus luxuriam in Daniam invexit. 114.
 parentis interfectores favore amplectitur. 115.
 Svertingi filios trucidat. 118.
 Ingeldus Sueciæ Rex moritur. 139.
 Ingo, Alveri filius, Danis bellum denunciat. 138.
 Ingonis, Magni filii, miserabile fatum. 230.
 Ingo Rex Norvagiæ creatus. 306.
 trucidatur. 307.
 Incendium turris Archonensis victoriæ gradum facit. 323.
 Joannes Suarconis filius illustres fœminas in Suevicam abducit. 263.
 Joannis Abbatis temeraria Medicinæ profectio. 372.
 Julinensium piratarum crudele et horrendum supplicium. 343. 225.
 Julinum Dani occupant. 225.
 Julinenses piratæ Oceanum septentrionalem infestant.
 Daniam invadunt.
 Julini piratica ab Haraldo instituta. 182.
 Julius Cæsar scriptorem rerum suarum municipio donavit. 97.
 Juniores et robustiores patriâ cedere coguntur. 159.
 Jutensum querelâ. 372.
 Juti gens insolens. 169.
 Juti et Scani iteratò Regnero rebelles. 170.
 Ivarus Regneri patris obitum forti animo tulit. 176.
 Ivari astus in petendo arvo. 176.
 Lathgerta perita bellandi fœmina. 169.
 Regnero Lodbrogh nubit. 169.
 repudiatur. 169.
 centum et viginti navium classem Regnero in subsidium mittit. 170.
 maritum propriâ manu obruncat. 170.
 Latrocinia et furta circa Slesvicum vigent. 232.
 Legati Canuti immensam opum vim in undis demergunt. 232.
 Leges Frothonis. 85.
 Lethra, vetustissima Regum Daniæ arx et sedes, à Rotuone constructa. 31.
 Literatorum controversiæ vulgari foro eximuntur. 135.
 Linsing et Huitting gladii Haldani. 135.
 Longobardiæ egressionis occasio. 159.
 Longobardorum origo. 159.
 Lotharius Imperator Erico suppetias ferens Slesvicum cum exercitu appellit. 242.
 à fœdere cum Erico inito deficit. 243.
 Lotharius imperium fratrum tyrannicâ quâdam violentiâ invadit et occupat. 5.
 impotenter regnat. 5.
 tandem haud fœcâ morte ad generum Cereris descendit. 5.
 Lundenfis Episcopus à Nicolao Cardinale Suetici primatus munere ornatur. 227.
 Luxuria à Teutonibus in Daniam traducta. 115.
 Lymicus sinus piscibus frequens. 3.
 Magnus S. Olai filius, Canuto defuncto, Daniam invadit et occupat. 202.
 ejus somnium ominosum. 203.
 extinguitur. 204.
 Magni Norvagiæ Regis probrosa fuga. 230.
 Magno Nicolai filio regnum Sueciæ defertur. 235.
 Magnus Bogislavi Polonorum Ducis filiam sibi matrimonio jungit. 235.
 Sclaviam invadit. 235.
 ab eo Sclaviæ Rex pacem petit. 235.
 Nuptias Ripis celebrat. 235.
 Malleo joviales ex insula quadam aufert. 236.
 Magnus Rex Sueciæ in Canuti cædem conspiciat. 238.
 Magnus insidias molitur Canuto. 238.
 Roschildiam Canutum evocat. 238.
 Haraldstadium Canutum arcessi jubet. 239.
 Canutum fœtis blandimentis excipit. 239.
 innocentem Canutum crudeliter obruncat. 240.
 Canuto sublato tripudiat. 240.
 ipsi exilium indicitur. 241.
 Magnus per insidias adoritur copias Cæsaris. 243.
 Magnus Norvagiæ Rex Canuti filiam conjugem petit. 243.
 Erico insidias struit. 245.
 uxorem repudiat. 246.
 ab Haraldo caprus oculis et genitalibus privatur. 249.

Magnus fratricida in prælio Scanienſi unâ cum Petro Roſchildenſi Epifcopo occumbit. 246.
 Magni Erici filii, et aliorum, adverſus Valde-
 marum conſpiratio divino indicio detegi-
 tur. 348. 359.
 Magnus Erici filius, conjurationis princeps, Hen-
 ricum Leonem fugâ petit. 351. 352.
 in patriam ſubito redit à proditione ſe tempo-
 rare nequit. 352.
 cauſam apud Arbuſiam dicere jubetur. 352.
 Regi ſe excuſare conatur. 353.
 inſidiarum ſeriem Abſalonî aperit. 354.
 ei venia datur. 355.
 ejus nuncius capitur. 358. 359.
 ipſe capitur et in carcerem conjicitur. 359.
 Margaretæ Reginæ pietas et liberalitas. 230.
 Mathematicorum triplex genus. 9.
 Matronæ Danicæ Svenonem Regem ornamentis
 ſuis è captivitate Sclavica liberant. 187.
 Mendacium deforme quondam apud Danos. 62.
 Miroci pirate virtus. 346.
 Mitrothin divinitatem ſibi arrogat. 13.
 ab Othino redeunte de gradu dejectus. 13.
 Mos veterum Parcas conſulendi. 102.
 Mulierum virile facinus.
 Murium prodigium. 362.
 Muſices inſolens laudator. 226.
 Muſicæ viſ incredibilis. 226. 39.
 Anna Hotheri amore incaleſcit. 39.
 Navis aurea Helgonis. 109.
 Navium duo millia quingentæ in Ringonis
 claſſe. 145.
 Nicolaus Canuti et Olai frater ſe wadem ſiſtit pro
 Olai redemptione è carcere Flandrico. 222.
 Nicolaus poſt Ericum ſuſcipit regnum. 230.
 Ingonis Sueciæ Regis filiam Margaretam
 ducit. 230.
 bellum Sclavicum infelicitè ſuſcipit. 231.
 præfecturam Slesvicenſem Canuto vendit. 233.
 ejus in concione Oratio. 236. 237.
 Canuti cadaveri ſepulchrum negat. 240.
 concioni popularium committere ſe non
 audet. 241.
 Aſcerum Archiepiſcopum Lundenſem ad
 compeſcendum vulgi furorem emittit. 241.
 perjurus. 241.
 bellum cum Erico reſtaurat. 243.
 Haraldum regni poſt ſe declarat heredem. 247.
 à Slefvicenſibus opprimitur. 247.
 Nicolaus Cardinalis Epifcopum Lundenſem Sue-
 tici primatus munere ornat. 227. 264.
 Svenonem à Sveticâ expeditione revocare co-
 natur pulcherrimâ ſimilitudine. 264.
 Nicolaus ſe non eſſe uxorium ſtrenuo factò com-
 probat. 265.
 Nicolai Raſſelſus et cædes. 299. 300.
 Nobilitas Danica liberos pro ſalute captivi Sue-
 nonis dat prædes. 186.

Nomina Ducum, qui ab Haraldî partibus ſtere-
 rant, recenſentur. 143.
 Normannorum ingens clades. 207.
 Norvagi imbrem et nimbos adverſum Danos ma-
 leſicio concitant. 183.
 Norvagia ad fidem Chriſtianam per Bernardum
 Anglicum converſa. 189.
 Norvagia à Danis deſicit. 201.
 Norvagia Archiepiſcopum accipit. 263.
 Norvagicæ res ſuæ commemorantur.
 Nucleus Sclavorum Dux interfectus. 293.
 Occaſio bellici diſſidii inter Danos et Pome-
 ranos.
 Oddo inſignis pirata et Magus Raſſonem credit. 72.
 ab Erico peremptus. 73.
 Olavus Ingelli filius poſt patrem ſolus regnum
 poſſidet. 120.
 Olavus Gôthrici filius patre mortuo regnat. 168.
 propè Lethram ſepultus. 168.
 Olavus Norvagiæ Rex, ſpe Dania potiendæ, nu-
 ptias Syrithæ petit. 190.
 ejus votum Sveno egregiè eludit. 190.
 Thyæ matrimonium ambit. 190.
 ejus in Syritham dolus. 190.
 duobus conjugis deſtitutus Svenonem armis
 aggreditur. 191.
 Olavus Rex Norvagiæ ob duplicem injuriam à Ca-
 nuto deſecit. 192.
 Olavus Rex Norvagiæ primus Leges Norvagicas
 condidit. 194. 10.
 manum peccantem igni cremandam præ-
 bet. 194.
 ejus ſanctitas. 194.
 Selandos ad deditionem ſlectere conatur. 195.
 fugâ ſibi conſulit. 195.
 à domeſticis, Canuto procurante interimi-
 tur. 196.
 Olavi infidelitas et in fratrem Canutum conſpi-
 ratio. 217. 218.
 captivus in Flandriam relegatur. 218.
 Olavus famelicus à Jutis interfecto Canuto ſuffi-
 citur. 222.
 ſub eo dira fames et annonæ caritas in
 Dania. 222.
 ſuam ſalutem pro civium ſalute devovens
 ſubito extinguitur. 223.
 Olavus Haraldî filius patrimonium repoſcit. 251.
 Ericum Regem fruſtrâ opprimere tentat. 251.
 cum eo Eſchillus Archiepiſcopus Lundeniſis
 paciſcitur. 251.
 Olmarus Orientalium Rex Hunnicæ claſſe
 præeſt. 86.
 ejus et Erici colloquium. 86.
 celeberrimus Barbariæ domitor. 89.
 Holingardiæ à Frothone præſicitur. 89.
 Ollerus in divinitatis uſurpatione Othino ſubro-
 gatur. 45.
 Ollerus præſtigiator à Danis interfectus. 46.
 Oloris, Sivarî filii, geſta recenſentur. 140.

Olo hostem oculis terreat. 140.
 cum Gunnone ac Grimone congressus eos
 occidit. 141.
 in pugnam sese pro Vermorum reguli filia
 offert. 141.
 Hjallum et Scatum cum decem vernaculis
 interficit. 142.
 patriæ oppugnatores e medio tollit. 142.
 septuaginta maritimos reges opprimit. 142.
 Vegeti cognomen ei inditum. 142.
 à Sialandensibus Rex constituitur. 147.
 Hetham cedere regno cogit. 147.
 crudelem et impium Regem agit. 147.
 in ejus caput duodecim duces conjurant. 147.
 à Starcathero in balneis occiditur. 148.
 Olores carmine clangunt. 100.
 Omundus patri Oloni succedit. 148.
 Ringonis Norvagiæ Reguli filiam Esam
 ambit. 148.
 Norvagam classe petit. 148.
 Ringonis bona rapinæ tradit. 148.
 ab Oddone Jathriæ Regulo amice excipi-
 tur. 148.
 cum Ringone navalem pugnam commit-
 tit. 148.
 Ringonem victum interficit. 148.
 Ringonis filiam obtinet. 148.
 Ruslæ classē internecione delet. 149.
 à Ruslæ militibus ad duellum provoca-
 tur. 149.
 Thoriam Norvagiæ Ducem creat. 149.
 Sclavorum Reges tributum recusantes in or-
 dinem redigit. 149.
 Oratio Dornonis Curetum Regis. 20.
 Amlethi, perfectæ eloquentiæ. 54. 55.
 Erici ad Gôtharum, prudentiæ plena. 71.
 Frothonis III, mortem exoptantis. 79. 80.
 Erici, quâ Frothonis Orationi respondet. 80. 81.
 Ringonis ad milites. 145.
 Haraldi ad milites. 145.
 Regneri pueri ad fluctuantem concionem. 168.
 Canuti Regis.
 Nicolai Regis, quâ Canutum criminatur. 236.
 Canuti, quâ Nicolao respondet et se
 purgat. 237.
 Svenonis Wadaldemarum. 273.
 Dombori, prudentissimis monitis refer-
 ta. 291. 296. 297.
 Esberni Snare ad Waldemarum Regem. 302.
 Scorronis suos reprehendentis cōmitones. 335.
 Eskilli Archiepiscopi valedictoria. 356.
 Otharus oppresso gigante Syriatham abducit. 125.
 eam deleneficis verbis aggreditur. 126.
 ejus pudicitiam expugnat. 126.
 Regnaldo interfecto Danis victoriam parit. 126.
 Othincari Candidi in religionem liberalitas. 191.
 Othinus, Septentrionale idolum. 12. 13. 103.
 illi Rinda alapam impingit. 44.
 militem, fabrum, medicum se fingit. 44. 45.
 à collegio Deorum submovetur. 45.

post decennale exilium pristina dignitati re-
 stituitur. 45.
 Haraldum Hyldetand aciei instruendæ modum
 edocet. 138. 139.
 inimicitias ferit inter Haraldum et Ringo-
 nem. 142.
 Brunonis habitu tectus Haraldum suâ manu
 interficit. 147.
 visum regis satellitibus restituit. 157.
 Othimari urbs oppugnata. 345.
 Otho Cæsar in Daniam irrupit. 182.
 lanceam in Lymicum sinum conjicit. 182.
 ad Eidoram iter reflectit. 182.

Paludis transeundæ difficultas. 343. 344.
 Parcas consulendi veterum mos. 102.
 Pater filiam prostituit.
 Pax cum Norwagiensibus instituta.
 Petri Lange ab Absalone defectio.
 Piratica Roschildensis instituitur. 259.
 Pisces manibus capiuntur. 3.
 Plebis de Rege eligendo dissensus. 253.
 Plogus, Nobilis Jutus, Ericum Regem inter-
 ficit. 250.
 Pomeraniæ Duces designantur Imperii Princi-
 pes. 371.
 Pontifex Romanus sacram militiam Danis indi-
 cit: cui et ipsi nomina dant. 254.
 Poppo miraculo ferri candentis rem Christianam
 promouet. 189.
 Prælium triduanum inter Siwaldum Daniæ, Re-
 gnaldumq; Sueciæ Reges. 126.
 Prælium acre inter Haraldum Daniæ, et Ringo-
 nem Sueciæ Reges. 146.
 Prælium navale inter Absolonem et Bogislavum.
 Puellarum Danicarum continentia. 125. 128.
 Puerorum jaculatio ingenti prælio occasionem
 præbet. 322.
 Pugnandi ratio veteribus usitata. 30.
 Pugna acris inter Waldemarum et Svenonem
 committitur. 279.
 Pulmenti mira vis. 72.
 Puniceum scutum pacis indicium. 40.

Quinq; Gubernatores regni Daniæ consti-
 tuti. 133.

Radulphi Equitis animositas. 276.
 Refo et Ulfo de liberalitate Regum Daniæ et
 Norvagiæ contendunt. 166.
 Refo filiam Gôtonis capit, et Gothrico adducit. 166.
 Regium nomen vetustissimis Daniæ rectoribus
 ignotum. 5.
 Regia stirps apud Danos ad unicam tantum virgi-
 nem redacta. 133.
 Regnaldus Norvagiæ Rex Drottam filiam specu-
 concludit. 134.
 in prælio occumbit. 134.
 Regnerus, Siwardi filius, admodum puer, Rex
 eligitur. 168.

- ejus ad concionem fluctuantem Oratio. 168.
 Suardo patri in regno succedit. 169.
 matronarum Noruagicarum ignominiam
 ulciscitur. 169.
 Lathgertam ambit. 169.
 canem et ursum Lathgerta custodes interi-
 mit. 169.
 Lathgertam ducit. 169.
 cum Scanis et Jutis rebellantibus feliciter
 dimicat. 169.
 in Thoram, Herothi Regis filiam, amorem con-
 vertens Lathgertam repudiat. 169.
 villosa femoralia et laneum sagulum contra
 morsus anguium induit. 169.
 adversus angues pugnans vincit. 170.
 ei Juti et Scani denuo rebelles fiunt. 170.
 ei Lathgerta centum et viginti navium clas-
 sem in subsidium mittit. 170.
 Haraldum Scanorum principem vincit. 170.
 ejus conjux Thora decedit. 171.
 novum militum defectum agit. 171.
 Hamam Britanniae Regem occidit. 171.
 filios suos Scotiae, Noruagiae et Orcadibus
 praeficit. 171.
 Haraldum et factiosos iterum superat. 171.
 Carolum Imperatorem in Saxonia cum toto
 exercitu profligat. 171.
 septem Sorli filios opprimit, ipsumque Sorlum
 interficit. 172.
 in mulierculæ amorem incidit, ex qua filium
 Ubbonem suscepit. 172.
 expeditionem in Helleponticos parat. 172.
 Helleponti Regem Dian extinguunt. 172.
 novo strategemate ad laxandam hostium
 aciem utitur. 173.
 Scythas profligat. 173.
 Bjarmorum Regem obtruncat. 173.
 eum filius Ubbo solio deturbare conatur. 173.
 Hesbernus factiosus capite truncat. 174.
 filii Wifercifatum immoderatus lu-
 get. 174.
 Daxon comprehensum Utgarthiam relegat, ac
 deinde patriæ restituit. 175.
 Noruagiae Bjornonem praeficit, et Ericum
 Sueciae. 175.
 Orcades populatur. 175.
 Scotorum Regem Murial interficit. 175.
 filios duos ab hoste necatos amittit. 175.
 ejus uxor Svanloga moritur. 175.
 Hellam Angliæ Regem in fugam conjicit. 175.
 Dufstinam expugnat. 175.
 ejus successus. 175.
 Haraldum tertium rebellantem denuo
 superat. 176.
 Christianam religionem proscribit, et falsam
 restituit. 176.
 in carcerem ab Hella conjectus à colubris
 consumitur. 176.
 Regis eligendi priscus Danorum mos. 5.
 Regum status lubricus. 5.
 Regno pupillis incolumitatem sua oratione pe-
 perit.
 Rinda Orhino alapam infligit. 44.
 Ringo seditionis opprimitur. 8.
 Ringonis in classe navium duo milia quingenta
 repertæ. 145.
 Ringonis ad milites Oratio. 145.
 Ringo Haraldus Regi iusta persolvit. 147.
 Hetham Sialandia, Olonem Scaniae præ-
 ficit. 147.
 Ringo Suardo absente imperium invadit. 168.
 Rikonis Episcopi cades. 252.
 Roëschildia à Roë condita. 27.
 Roluo ex Urfa genitus. 29.
 Roluo, cognomento Krage, Helgoni succedit. 29.
 in Svetiam contendit. 29.
 patientiæ specimen exhibet. 29. 30.
 ejus mira liberalitas. 30.
 Hjarthvarum Sueciae praeficit. 31.
 Wöggonem ob cognomentum sibi inditum
 armillâ donat. 31.
 cum toto agmine occumbit. 38.
 Rollerus in Daniae Regis aulam se confert. 71.
 regiam Frothonis spoliat. 83.
 regnum Gôtheri à Frothone suscipit. 86.
 Roricus patriam in arma contrahit. 46.
 rebelles tributa pendere cogit. 48.
 unde Slyngebaand dictus. 48.
 Horvendillum et Fengonem Jutiæ præfi-
 cit. 48.
 Rôrtho Rutenorum pirata Danis multa damna
 infert. 134.
 ejus crudelitas in spoliandis et torquendis ho-
 minibus. 134. 135.
 Rugiani Scanos fundunt, gaudentibus Jutis. 254.
 Rugianorum strategema copiosum navium nume-
 rum mentientium. 255.
 Rugiani classi Regiae frustra insidias moli-
 untur.
 pacem à Rege petunt.
 iterum deficiunt. 319.
 Rugianorum vexilli cultus et authoritas. 322.
 Rugævitus, Porævitus, et Porenutius, Karen-
 norum Idola evertuntur. 327.
 Rupes in Blekingia literis exarata. 3.
 Rûsla virgo Danis bellum inferre tentat. 148.
 ab Omorho et Thola victa fugit. 149.
 fratrem Throndum vincit. 149.
 à fratre trucidatur. 149.
 ejus milites Thorias et Bero Omundum duelli
 provocatione sollicitant. 149.
 Rustici filius Starchateri vulnera obligat, et eum
 ad ædes regias desert. 112.
 Ruthenorum strages. 87.
 Saxonis pater avusque castrensem militiam Wal-
 demari Primi secuti. 2.

Saxones defectionem moluntur.
 Saxonie Principes Valdemaro Regi se comites itineris sponte jungunt. 302.
 Saxonum in Sclavia cades.
 Saxonie Duces adversus Danos conspirant.
 Scania piscosa. 3.
 Scanienfis seditio. 363. 266.
 Scanicæ plebis furor. 364.
 Scanienfes Absalonem littore suo arcent, et navigium ejus infestant. 366.
 Scanienfis plebs in furore persistit. 367.
 cum Valdemaro manū conferere audet. 368. 369.
 Scanienfis tumultus per Achonem renovatus. 373.
 Scanienfes Haraldum Skreng ducem sibi eligunt. 374.
 Scanienfis tumultus Absalonis adventu dispellitur. 369. 375.
 Scato Frothonem convivio excipit. 27.
 Scati et Hiali insolens luxus. 141.
 Schialmo Barbatas hostem laceffit, et in fugam conjicit. 288.
 Schisma Romanæ Ecclesiæ compositum et sopitum. 297.
 Sclavorum irruptio in Daniam. 267. 84.
 Sclavi à Danis subacti. 204. 383.
 Sclavi Daniam depopulantur. 155. 156.
 Sclavi in Jutiam irrumpunt.
 Sclavi funditus caduntur. 204.
 Sclavi piraticâ Daniam laceffunt.
 Autonem occidunt.
 Sclavi Selandiam vastant. 267.
 Sclavi piratæ Daniam ad ultimam fere vastitatem redegerunt. 268.
 Sclavorum horrendum naufragium. 277.
 Sclavi septem Danorum naves invadunt ter repulsi.
 Sclavi victi. 290.
 Sclavi urbes suas deserunt.
 Sclavi cum Valdemaro certis conditionibus paciscuntur.
 Sclavi pacem petunt. 84.
 Sclavi citam fugam in gloriæ capeffunt. 268.
 Sclavicam classem tempestas dissicit. 277.
 Sclavi nullo negotio funduntur.
 Sclavi doliis pro navibus utuntur.
 Sclavorum duces pacem emere constituunt.
 Sclavi castella in portu Zvinensi extruunt.
 Sclavorum fuga, et Danorum victoria speciosissima. 377. 378. 278.
 Sclavici agri vastatio. 311.
 Scipio Africanus Ennium Poëtam auro muneratus est. 97.
 Scotus quidam Scoticæ nominis conditor. 24.
 Scriptorum penuria in Dania. 65.
 Sculda, soror Rotvoni, maritum adversus fratrem concitat. 31.
 Seditio civium Roschildensium.
 Seditiosorum turpis fuga.
 Seditiosi Lundiam obsidentes, à paucis Equitibus Scanicis prostigantur.

Seditionis diutina in Scania finis.
 Senectutis incommoda describuntur. 150.
 Sialandia provinciarum Danicarum amenissima. 3.
 Sialandenses Svecos internecione delent.
 Sialandia Scaniæ navibus juncta. 144.
 Sialandensium peditum virtus.
 Sifridus Saxonie Dux. 371.
 Sigarus Rex Sivaldo patri succedit. 126.
 gesta infeliciter pugna protritit extinguitur. 133.
 Sigfridus Thuringiæ Marchio unam filiarum Valdemari despondet. 371.
 Signe Sumbli filia fœmineæ levitatis exemplum. 9.
 Signe Sigari filia Hagbarthum Hildigisleo præfert. 128. 129.
 Hagbarthum thori socium recipit. 130.
 cum Hagbartho se perituram affirmat. 130.
 ancillas de suspendio voluntario sollicitat. 131.
 cum ancillis suspendio se consumit. 132.
 Silvæ redimendi Svenonis causâ divenditæ. 186.
 Simultas oritur inter Haraldum et Frothonem Olavi filios.
 Sivaldus quidam Haldano æmulus exurgit. 123.
 Sivaldi filii insignes benefici. 123.
 Sivaldus Haldanum ad duellum provocat. 123.
 Sivaldus Sigari filius Hakoni se opponit. 133.
 Sivaldus et Hako congressi ambo perierunt. 133.
 Sivarus Omundo succedit. 153.
 à Gôtharo fugatur. 154.
 in Jutia adversus Sclavos infeliciter pugnat. 154.
 ejus inertia Dania fit vestigalis. 154.
 Simonem Scaniæ procuratorem interficit. 154.
 in prælio Scanico occumbit. 154.
 Sivarus Ring post Hemmingum regnat. 168.
 Sivarus Ringonem occidit. 169.
 ex vulnere decedit. 169.
 Sivarus vulnus Rostarus senex curat. 170.
 Sivarus pupillas Rostarus pulvere perfundit. 170.
 Sivarus Serpentinæ oculi cognomine celebris. 171.
 Sivarus atq. Björnus, Regneri filii, Hellæ Angliæ Regi bellum indicunt. 177.
 Hellam deprehensum crudelissimâ plagâ excruciatum necant. 177.
 Sivarus Regnero patri succedit. 177.
 otio se totum tradit. 177.
 Sivarus Norvagicus Haraldum Hyberniensem interficit. 305.
 Sivarus capiti horrendum supplicium. 306.
 Sivarus, nobilis Saxo, Guritham in matrimonium postulat. 137.
 Skioldi generosa indoles à paternis vitiis longè degenerat. 5.
 fortitudine annorum præcurrit complementum. 6.
 Scatum et Aralum interficit. 6.

Skjoldus Alvildam sibi matrimonio copulat. 6.
 filium Gram in regni societatem assumit. 6.
 Skjalmo Candidus à Norvagienfibus capi-
 tur. 207.
 in arma vulgus concitat adversum Scla-
 vos.
 Smo patriam pristinae integritati restituit. 157.
 Scaniam recuperat. 157.
 Gotthicum regnum acquirit. 158.
 Sueciae Regis conjugem rapit. 158.
 cerevisia, omnisq; ex fruge potionis usum
 Danis interdicat. 158.
 ejus edictum bibulus quidam astu eludere
 tentat. 158. 159.
 sub eo fames et annonae caritas Longo-
 bardorum egressioni occasionem præ-
 buit. 159.
 ejus de imbelli ætate regno expellendâ
 edictum. 159.
 Solitudo ægritudini amica. 42.
 Sortium usus apud Rugianos. 321.
 Starcatheri, celeberrimi pugilis, origo et cla-
 ritas. 102. 103.
 Starcatherus Vicarum Norvagiae Regem laqueo
 implicitum ferro trajicit. 104.
 Bemono piratæ se adjungit. 104.
 cum Bemono Russiam invadit. 104.
 Floccum Ruthenorum Regem ejicit, et ejus
 auro potitur. 104.
 ad Hakonem Danicae Satrapam se confert. 104.
 cum eo in Hyberniam navigat. 104.
 vulnere gravissimo accepto Huglethum vincit
 et occidit. 105.
 Wisinnum in Russia opprimit. 105.
 Tannam gigantem colluctando vincit. 105.
 Vasce athletam duelli certamine superat. 105.
 Hamam Saxonum pugilem duello vincit
 et interficit. 106.
 Ingelli Regis familiaritatem deserit. 107.
 Helgæ liberandæ gratiâ aurifabro nates
 abscondit. 107.
 Helgam acriter objurgat. 109.
 solus adversus novem dimicat, quos omnes
 trucidat. 111.
 ejus effigies saxo impressa. 111.
 graviter sauciatus sui premitur. 111.
 ejus in repellendis auxiliis magnanimitas. 112.
 Rustici filio, cæteris repudiatis, vulnera præ-
 bet obliganda. 112.
 carbonum fascem in Daniam asportat. 113.
 à Regina Ingelli blandimentis ad cœnandum
 invitatur. 113. 114.
 ejus fortitudo cum frugalitate conjuncta. 113.
 Reginae donum respuit. 114.
 Invicto animo adversus omnes delicias se-
 gerit. 115.
 Tibicinem osse percutit. 115.
 Ingellum pariter ac Reginam prolixo carmine
 carpit et objurgat. 116. 117.

eundem oratione sua ad necandos Svertingi
 filios adducit. 118.
 ejus fuga. 126.
 Histriam belli Svetici descripsit. 143. 146.
 in prælio Eravellenfi vulneratus. 146.
 pecuniâ se corrumpi patitur, ut Olonem inter-
 ficiat. 147.
 Olonem balneis utentem occidit; cuius facino-
 ris postmodum penitentia ducebatur. 148.
 vitæ pertasus interfectorem quaerit. 149.
 res à se gestas commemorat. 150. 151. 152.
 Jugulum Hathero feriendum præbet.
 ab Hathero trucidatur. 153.
 Sturbjornus è Svetia ad Haraldum Danicae Regem
 petendi auxilii causâ venit. 182.
 Ericum Sveticae Regem bello laceffit. 182.
 adversus Szesos præproperè bellum ausus
 occiditur. 182.
 Svanhvita Regnerum et Thoraldum liberat. 22. 23.
 Regneri formam laudat. 23.
 Regnero gladium donat. 23.
 cum larvis pugnat, easq; igne cremat. 24.
 Regnero Sueciae regnum, sibi verò Regneri
 thorum conciliat. 24.
 virum fato insequitur. 28.
 Swantowith Rugianorum Idolum. 319. 321.
 Swanthowith describitur. 319. 320.
 ejus albus equus. 321.
 evertitur. 325.
 cibis coquendis adhibitum in frustra concî-
 sum. 326.
 Suecis, ob necatum Refonem, pensio, Vulpeculae
 dicta, imponitur. 167.
 Sveno Tiuffveskeg patrem Haraldum acriter
 persequitur. 185. 186.
 Christianam religionem penitus abolet. 186.
 post patrem regnat. 186.
 propter odium religionis variis casibus con-
 flicatur. 186.
 à Sclavis capitur. 186.
 Julinenses opprimere tentat, sed frustra. 187.
 denuò à Sclavis capitur. 187.
 eum feminae et matronae Danicae ornamentis
 suis è captivitate Sclavica liberant. 187.
 feminis jus hereditatis concedit. 187.
 patriam suis venalem facit. 187.
 Sclavis omittenda ultionis juramentum præ-
 stare cogitur. 187.
 bello Scanico victus ad Norvagiae Regem
 confugit. 188.
 eum Angliæ Rex aversatur. 188.
 in Scotiam profectus auxilia barbarorum
 expertus est. 188.
 animum ad religionem convertit. 188.
 baptizatur, patriæ et regio fastigio resti-
 tutus. 188.
 in religione hæsitat. 189.
 proceribus regni religionis studium persuadere
 conatur. 189.

- votum Olavi Norvagiæ Regis egregie elu-*
dit. 190.
Syritham ducit. 190.
Norvagiæ sibi subjicit. 191.
cum Angliæ Rege de regno paciscitur. 191.
etate fessus bonum sortitur exitum, qui ante
fortune ludibrium fuerat. 191.
Sveno Canuti filius Norvagiæ Rex moritur. 200.
Sveno infeliciter adversus Magnum Norvagiæ
Regem dimicat. 203.
Sveno Efsthræ filius post Magnum regnat, initio
parum feliciter. 204.
adversus Haraldum infeliciter pugnât. 206.
extincto Haraldo gloriose regnat. 207.
ejus liberalitas et libido. 207. 208.
ejus filii norbi XI fuere et filia una. 208.
Gutham Svecicam sanguine sibi junctam
ducit. 208.
ejus incastuosam libidinem Eginus et Wilhel-
mus Episcopi reprehendunt. 208.
ejus uxor Gutha viduitatem amplectitur. 208.
clericos honestiores quàm doctiores ma-
vult. 208.
nefandum homicidium in Trinitatis æde
committit. 209.
ejus penitentia. 210.
ejus cum Ecclesia et Episcopo reconcilia-
tio. 211.
in febrim incidit. 212.
in Suddatorp moritur. 212.
Sveno, indoctus Sacerdos, mulum pro famulo, inter
precandum, Regem nominavit. 209.
Sveno Noricus in Episcopatu Roschildensi succedit
Wilhelmo. 213.
edificationem templi Roschildensis perse-
quitur. 215.
Svenonis Episcopi sanctitas et autoritas. 223.
multa templa et sacraria extruit. 223.
in Rhodo insula moritur. 223.
Sveno Erici frater regnum affectat. 229.
fato regium titulum præcucurrit. 229.
Sveno III. Rex à Sialandis et Scanis eligitur. 253.
Eskillum Episcopum capit, et mox di-
mittit. 254.
Canutum cruentissimo prælio superatum Sia-
landiâ pellit. 254.
eum Canuto Sclaviâ invadit. 254.
Roschildiam vallo et fossâ munit. 255.
bellum in Holfatios parat. 256.
Canutum denuò in Jutia adoritur. 256.
copias Canuti in fugam conjicit. 257.
Sclaviâ cupidius, quàm felicius bellum
denunciat. 258.
eum Sclavi propter ignaviam contemnunt. 258.
Wibergam terreis mœnibus claudit. 258.
Sclavos profligat. 259.
Frisones fugat funditq. 261.
novam Frisorum urbem obsidione cingit. 261.
Mersbûrgum ab Imperatore Friderico evocatus
proficiscitur. 262.
à Cæsare circumventus pactum rescindit. 262.
in superbiam lapsus mores habitumq. Germa-
norum æmulatur. 263.
ejus avaritia et luxuria. 263.
Conradi Saxonie Ducis filiam uxorem
ducit. 263.
in Sveciam expeditionem suscipit. 264.
ei Werendenses iter occludunt. 265.
expeditionem Svecicam solvit, in Scaniâ re-
versus. 265.
contra eum Scani rebellant. 266.
totam Scaniâ rapinæ subjicit, et severe in au-
tores seditionis animadvertit. 266.
Sclavos Selandiâ depopulantes in fugam
cogit. 268.
Waldemaro insidias comparare studet. 268.
Waldemarum itineris Germanici comitem
adsciscit. 269.
ejus perfidiam Conradus Socer detestatur. 269.
re infectâ à Saxonia in Daniâ reverti-
tur. 269.
milites sacramento sibi astringit. 269.
Petro Thorstani recta monenti minas inten-
tat. 270.
fugam longinquam molitur. 270.
milites eum erigunt et confirmant. 270.
totum triennium apud socerum Conradum
exulare cogitur. 271.
eum Henricus Saxonie Dux regno restituere
parat. 271.
Slesvicum splendidam mercimoniis urbem, ad
tenuem vicum redigit. 271.
per Sclavos patriæ restituitur. 272.
eum Fioni læti excipiunt. 272.
in Lalandiâ secedere jubetur. 273.
ejus ad Waldemarum Oratio. 273.
Canutum et Waldemarum æmulos occidere
cogitat. 274.
in Sialandiâ venit parricidalis animo. 274.
à Canuto Roschildiâ invitatur. 275.
subornat, qui Canutum et Waldemarum in
convivio Roschildensi interficiant. 275.
ei se de cæde commissâ purganti fides non
adhibetur. 276.
armis Jutiam attentat. 277.
inter ipsum et Waldemarum acris pugna
committitur. 279.
à Waldemaro vincitur. 279.
caput ejus rusticus præcidit. 280.
Sveones Sverconem Regem, Magno absente eli-
gunt. 244.
Sverco Ulvildam Nicolai conjugem furtim
abducit. 244.
Sverus se Regem mentitur. 347.
Suibdagerus Guthormum Danis præficit. 10.
Suno à Svenone deficit.

Sutoris Theutonici astus. 245.

Syritha Sivaldi filia, virgo pudicissima. 125.

ad Othari penates pervenit. 126.

T Acho victoriæ nuncius ad Regem venit. 379.
Thetleus Svenonis miles Canutum confodit. 275.

Thetleus Canuti interfecto morte multatus. 288.

Thorildæ in privignos sevitia. 22.

Thor clavâ suâ omnia prostermit. 41.

Thor et Othinus præstigiatores pro diis habitus. 103.

Thorias Dux Norvagiæ ab Omundo creatus. 149.

Thora Regneri conjux decedit. 171.

Thoraldus Karlhofum interficit. 182.

Thyra Gormoni desponsa in triduum virili concubitu abstinet. 179.

Thyra Regina munimentum firmissimum exterarum irruptioni obijcit. 182.
supremum obit diem. 184.

Tonirua Sclavici regni interitum portendunt. 384.

Toko optimus Sagittarius artis suæ specimen exhibere compellitur. 184.

pomum filii sui capiti impositum sagittâ excutit. 184.

aliud experimentum artis suæ edere cogitur. 185.

Torkillus Gormoni Regi Dux itineris fuit ad Geruthi sedes. 160.

tres viros pro armentis raptis exhibet. 161.

socios edocet, ut se in aula Guthmundi gerant. 162.

ipse temperantiam exiit. 163.

ipsum a Gormone Rege iter ad Ugarthilocom propitiandum injungitur. 164.

consilii hujus autores, protectionis comites, jussu Regis, se adungere coacti sunt. 164.

ad regionem Solis inopem navigando pervenit. 164.

ignis inopiâ laborat. 164.

ipsi duo gigantes corneis naribus ignis nutrimenta præstant. 164.

ad Ugarthiloci sedem pervenit. 165.

mento Ugarthiloci pilum eximit. 165.

plurimos comitum veneno afflatos amittit. 165.

Germaniam Christianis tunc sacris initiatam appellit. 165.

in Germania divini cultus rudimenta percipit. 165.

duobus tantum comitatus in patriam redit. 165.

æmuli animum Regis ab ipso abalienare conantur. 165.

astu eadem à Rege intentatam evadit. 165.

Gormonem acriter obijurat. 165. 166.

Tosso facinorosus ab Hadingo occiditur. 18.

Tranno Ruthenorum Rex. 21.

Tributi lex Saxonibus à Danis imposita. 166.

Triginta millia à parte Haraldi corruerunt. 147.

Tumultus in Scania per Achonem renovatus. 373.

Tutores filiorum Haraldi miro artificio Frothonis insidias elidunt. 121.

Tylensum industria in conservanda rerum gestarum memoriâ. 2.

Tymmo Sialandicus aciem inclinatam ramulo elato restituit. 192.

U Bbo Fresicus, fortissimus Haraldi miles, centum quadraginta quatuor sagittis confossus tandem cadit. 146.

Ubbo patrem Regnerum solio deturbare conatur. 173. 174.

captus effugit. 174.

Ubbo regnum recusat, fratriq; Nicolao defert. 229.

Ubbo Daniâ occupat. 4.

ei capto ignoscit Frotho. 4.

Uffo Rex Sueciæ Hadingum Daniæ Regem interficere molitur. 17.

ab Hadingo trucidatur. 17.

Uffo in patris Vermundi locum dimicaturus succedit. 64.

ejus robur. 64.

cum Saxonie Regis filio, ejusq; Athletâ dimicans utrumque obtruncat. 65.

post patrem regnat. 65.

Uggerus vates Regem Hunnorum describit. 88.

Violetus Rorico succedit. 59.

Hermuthrudam uxorem ducit. 59.

Vigo et Keto in paternæ cædis ultionem conjurant. 61. 62.

Virolphus insignis Medicus, beneficia minis, quam adulatione exposcere speciosus ducit. 122.

Erici milites visu spoliât. 122.

Ulvilda Hadingo patri per maritum insidias fruit. 19.

Ulvilda maritum ad necem Frothonis instigat. 24.

maritum insidiis aggreditur. 24.

Ulvonis mirabilis ortus. 193.

Ulfso dolo Canutum circumvenire tentat. 194.

Esthrite nuptias calliditate sibi conciliat. 194.

adversus Canutum bellum parat. 195.

fugâ sibi consulit. 195. 196.

ejus insolentia. 196.

præcipitis lingvæ penas pendit. 197.

Unguinus ab æmulo Reginaldo oppressus. 125.

Voto se astringendi præscus mos.

Urse astus erga maritum. 29. 30.

ea cum mariti pecunia aufugit. 30.

in fuga aurum abijciendum jubet. 30.

Ursus puellam deperit. 193.

W Aldemari Secundi laus. 2.

Waldemar et Absalon Thyre vallum insignimuro compleverunt.

Waldemari Primi origo ex Britannico et Ruthenico sanguine. 207.

Waldemarum Primus, S. Canuti filius, Svenoni se jungit. 256.

socios errore noctis elusus opprimit. 261.

uterinam Canuti sororem despondet. 266.

Canuto mutuâ concordia jungitur. 266.

conqueritur de perfidia Svenonis. 267.

cum Canuto regium sibi nomen consciscit. 269.

Svenonem in Lalandia una cum Canuto inuist. 274.

femur gravissime sauciatus ad Absalonem properat. 275.

in mari periclitatur. 277.

in Jutiam pervenit. 277.

Vibergi nuptias celebrat. 277.

Svenonem vincit. 279.

Sclavis bellum facere constituit. 280.

Seniorum hortatu expeditionem Sclavicam remittit. 280.

in morbum incidit. 282.

ad desperationem usq. decumbit. 282.

sanitati restitutus susceptam expeditionem urget. 283.

classem ducentarum et sexaginta navium contrahit. 284.

mutato consilio navigationem reflectit. 284.

ab Absalone graviter objurgatur. 284.

Absaloni vehementer irascitur. 284.

in summo discrimine constitutus navem mutat. 286.

eum classis deserit. 287.

in Barcam provinciam irrumpens cæde et sanguine grassatur. 287. 288.

à subditis deseritur. 288.

Rugiam provinciam invadit. 290.

Henricum Leonem de belli societate sollicitat. 292.

Sclaviam denuò adoritur. 292.

Absalonem ad Henricum Leonem ablegat. 293.

Rostoch urbem perurit. 295.

donata Rugianis pace in patriam redit. 297.

Simultas inter ipsum et Eskillum Pontificem oritur. 297. 298.

urbem ab Eskillo constructam obsidione cingit, et tandem in suam potestatem redigit. 299.

Walogastum obsidet. 300.

Scribam suum ad Cæsarem legatum mittit. 300.

ad Cæsarem proficisci cupit, dissuadente Absalone. 301.

ad Cæsarem iter suscipit. 301.

ei se Saxonie principes itineris comites sponte jungunt. 302.

Methim venit. 302.

Cæsari obsequium pollicetur. 303.

in patriam incolumis reuertitur. 305.

ei filius Canutus nascitur. 305.

Norvagiam bello laceessere tentat. 308.

Sclavorum defectionem bello ulciscitur. 308.

Sclaviam denuò depopulatur. 309.

in Sclaviam regreditur, omnia loca ferro et igne devastans. 310. 311.

Burifio vehementer irascitur. 312.

novam expeditionem adversum Sclavas suscipit. 313.

Sclaviam incendiis percurrit. 313.

Norvagiam bello aggreditur. 318.

expeditionem Norvagicam solvit. 319.

Archon urbem munitissimam obsidione tentat. 310.

conditiones pacis Archonenfibus proponit. 324.

denuò expeditionem Pomeranicam suscipit. 333.

Julini oppidi confinia populatur. 333.

peracta expeditione Pomeranicâ felicem in patriam reditum sortitur. 337.

Stetinum invadit. 337.

Stetinum per deditionem occupat. 337.

Cipæensem provinciam attentat. 343.

ejus patientia. 345.

Julini viciniam, et Camini confinia populatur. 347.

insidias conjuratorum cælestis numinis beneficio evadit. 348.

Eremita quidam insidias ei per Abbatem indicat. 349.

Absaloni insidias sibi structas aperit, eumq. de iis propulsandis consulit. 349. 350.

eum Benedictus cultro interficere molitur. 350.

milites de insidiis edocet. 351.

Magnum crimine lese majestatis accusat. 352. 353. 359.

filie nuptias celebrat. 355.

piratas thesauri sui raptore persequitur. 359.

Sclaviam partim ferro, partim igne devastat. 359. 360.

Sclaviam novâ expeditione adoritur. 360.

ejus in Sclaviam irruptio. 360. 361.

Henrico Duci auxilia negat. 363.

in Scaniam cum exercitu trajicit. 368.

contra naturam et consuetudinum crudelis esse cogitur. 368.

seditiones et rebelles Scanienses acie profligat. 368.

Lubecam ad Fridericum Cæsarem profectus. 369.

ejus staturam Teutones laudant. 370.

affinitas inter ipsum et Fridericum Cæsarem contrahitur. 371.


expeditionem Sclavicam Canuto filio et Absaloni committit. 371.

agrotare incipit. 372.

GRAMMATICO MEMORABILIUM.

- Monasteriis dimidium patrimonij sui testamento legat.* 372.
naturæ debitum persolvit. 372.
Ringstadii sepultus. 373.
Walogastenses urbem suam muniunt et extendunt. 346.
Walogastum obsideretur a Canuto et Absalone. 381.
Wermundus Vigleti filius post patrem regnat. 89.
Uffonem senior genuit. 59.
aureum poculum Folconi donat. 60.
ætatis vitio cæcus. 63.
eum Saxonie Rex ad duellum provocat. 63.
Wespasius Rutenorum Rex necatur. 22.
Westmarus et Colo educatores Frothonis. 67.
eorum filii juvenes flagitiosissimi. 68.
cum Erico novâ luctæ specie dimicat. 78.
Wethemannni piratica. 259.
Wilhelmus Episcopus, Anglus, Avacho defuncto sufficitur. 205.
Wilhelmus et Eginus Episcopi Svenonis incestuosam libidinem reprehendunt. 208.
*Wilhelmus Episcopus Regis furorem compe-
scit.* 208.
ejus in Regem severitas. 209. 210.
fatum suum prædicit. 212.
ejus obitus mirabilis. 212.
ejus monumentum summotum. 215.
*monumentum violatum Sacrarum ruinâ
ulciscitur.* 215.
*ejus tumulus denuò violatur, et auctorum
pœna.* 216.
ejus cadaveris fragrantia. 216.
Woggo Rotvonem cognomine Krage donat. 34.
Hjartwarum interimit. 38.

F I N I S.




ERRATA TYPOGRAPHICA

GRAVIORA SIC EMENDANDA.

Pag.	Lin.	Lege.	Pag.	Lin.	Lege.	Pag.	Lin.	Lege.
Pag. I. l. 1. 2.		Saxonis Gram-	p. 106. l. 17.		indies.	p. 230. l. 40.		acad.
		matici in	p. 107. l. 10. 11.		(quem quidam	p. 232. l. 28.		Fresones.
p. 2. l. 10.		ceu quibusdam.			ipsius forore editum	p. 232. l. 31.		Equi.
p. 5. l. 4.		Danigitur & Angul.			asseverant.)	p. 234. l. 22.		ornamentis.
p. 11. l. 52.		compacto.	p. 107. l. 43.		opperiri.	p. 236. l. 29.		excipere.
p. 16. l. 43.		caliginis.	p. 108. l. 47.		Pannosum.	p. 236. l. 29.		illa.
p. 24. l. 25.		nobilitate.	p. 109. l. 18.		impulit.	p. 237. l. 48.		negotio.
p. 29. l. 2.		Sveones.	p. 109. l. 36.		recoqvuntq;.	p. 238. l. 4.		collocatis.
p. 29. l. 13.		efficaciores	p. 110. l. 15.		definitionis.	p. 238. l. 4.		Canutinæ.
p. 29. l. 41.		concessum.	p. 113. l. 30.		circumferentem.	p. 239. l. 22.		occursus.
p. 30. l. 26.		demissumq;.	p. 127. l. 31.		maiores.	p. 239. l. 34.		de industria.
p. 31. l. 30.		manum.	p. 131. l. 5.		solicitat.	p. 240. l. 14.		exasperandam.
p. 32. l. 23.		quemq;.	p. 132. l. 34.		adidusq;.	p. 240. l. 20.		Ringstadium.
p. 33. l. 35.		riçtibus.	p. 136. l. 29.		cæde.	p. 240. l. 25.		lamentum.
p. 38. l. 7.		earundem.	p. 136. l. 48.		pravisa.	p. 248. l. 21.		altum.
p. 40. l. 20.		reprior.	p. 154. in margine		BUTHLUS	p. 248. l. 46.		Archonam.
p. 43. l. 43.		absumpsit.			regni administrator.	p. 249. l. 53.		concilium.
p. 43. l. 48.		streptu.	p. 157. l. 21.		præproperè.	p. 249. l. 54.		concionem.
p. 46. l. 6.		usu calluisse.	p. 160. l. 55.		famem.	p. 250. l. 21.		populo.
p. 46. l. 55.		complurium.	p. 161. l. 7.		præaltis.	p. 250. l. 28.		protexit.
p. 50. l. 12.		elufit.	p. 162. l. 39.		inextricabili.	p. 256. l. 46.		impedimentis.
p. 58. l. 14.		complexuum.	p. 163. l. 7.		panduntur.	p. 259. l. 6.		eminus.
p. 60. l. 13.		trajectis.	p. 164. l. 47.		numinis.	p. 261. l. 20.		eqvo.
p. 61. l. 12.		acquiescentes.	p. 164. l. 47.		extramundani.	p. 267. l. 28.		vastarant.
p. 62. l. 36.		pereundi.	p. 165. l. 47.		sopitâ.	p. 271. l. 19.		commilitonum.
p. 63. l. 27.		vacuam.	p. 178. l. 33.		certè.	p. 273. l. 44.		Atqvi.
p. 64. l. 27.		facinore.	p. 179.		HISTORIÆ DANI-	p. 276. l. 27.		Ramsò vicum.
p. 64. l. 38.		frustatim.			CÆ LIB. IX.	p. 276. l. 29.		qvam.
p. 68. l. 55.		torque.	p. 179. l. 10.		Angliam.	p. 279. l. 21.		qvam.
p. 70. l. 21.		turbam.	p. 179. l. 26.		libidinoso.	p. 282. l. 27.		qvam
p. 71. l. 35.		flivam.	p. 179. l. 37.		percontantibus.	p. 283. l. 37.		desvetudo.
p. 73. l. 7.		lucis.	p. 181. l. 49.		illapsum.	p. 283. l. 46.		ac.
p. 73. l. 35.		Sialandia.	p. 184. l. 7.		probator.	p. 289. l. 40.		Jutenfium.
p. 73. l. 43.		Sialandicis.	p. 191. l. 48.		locupletanda.	p. 292. l. 43.		trabis.
p. 77. l. 30.		Hanundæ.	p. 193. l. 33.		Continuò.	p. 300. l. 48.		Rolandum.
p. 77. l. 32.		ascriptos.	p. 194. l. 38.		officii.	p. 313. l. 29.		defossis.
p. 77. l. 40.		cruſta.	p. 195. l. 10.		disertissimo.	p. 318. l. 25.		amœnissimæ.
p. 82. l. 34.		paratus.	p. 211. l. 23.		impotentis.	p. 327. l. 26.		unius.
p. 83. l. 37.		distriçtis.	p. 212. l. 54.		veneranda.	p. 349. l. 12.		deficientibus.
p. 84. l. 48.		expleſſe.	p. 215. l. 55.		Præposito.	p. 350. l. 16.		latere.
p. 85. l. 35.		corruperat.	p. 217. l. 12.		subrepſit.	p. 353. l. 30.		putaretur.
p. 85. l. 54.		ſtipendia.	p. 217. l. 42.		exiſtimans.	p. 364. l. 27.		exaudire.
p. 87. l. 3.		opperitur.	p. 217. l. 43.		Lymici.	p. 365. l. 40.		repetendæ.
p. 87. l. 6.		callere.	p. 218. l. 1.		generoſi.	p. 367. l. 44.		Helfingo.
p. 89. l. 36.		Ruſſiæ.	p. 219. l. 51.		abefſe.	p. 368. l. 24.		ſeveritati.
p. 91. l. 46.		conſerui.	p. 223. l. 8.		ſinitimis.	p. 370. l. 4.		ſeliciaq;.
p. 97. l. 37.		incito.	p. 223. l. 8.		privatæ.	p. 371. l. 36.		fore.
p. 97. l. 42.		turbidatis.	p. 224. l. 27.		laborantibus.	p. 381. l. 28.		diſcerni.
p. 98. l. 9.		exſpectare.	p. 224. l. 44.		adamari.	p. 382. l. 15.		tueri.
p. 98. l. 13.		intuito.	p. 226. l. 24.		furori.	p. 383. l. 25.		nixi.
p. 98. l. 53.		curatione.	p. 226. l. 43.		convulſis.	p. 383. l. 29.		poſtulare.
p. 100. l. 53.		rabidi.	p. 227. l. 22.		regiis.			
p. 102. l. 12.		Juritham.	p. 227. l. 53.		majo rem.			

STEPHANI JOHANNIS
STEPHANII
NOTÆ VBERIORES
IN HISTORIAM DANI-
CAM SAXONIS GRAMMA-
TICI.

UNA CUM PROLEGOMENIS AD
EASDEM NOTAS.



SORÆ

TYPIS HENRICI CRUSII,
ACADEM. TYPOGR.

ANNO MESSIÆ

clb lb C XLV.

1875

1875

THE ALBERTA

IN THE

1875

1875

1875




1875

1875

1875

1875

1875



STEPHANI JOHANNIS STEPHANII

IN VBERIORES NOTAS SUAS

AD

SAXONIS GRAMMATICI

HISTORIÆ DANICÆ LIBROS XVI.

PROLEGOMENA.

CAPUT I.

Varia Librorum fata. Saxo vicinus occasui. Ei Stator quidam Jupiter fuit M. Christiernus Petreus. Primæ Editionis occasio.



Uam cæteris mortalium operibus necessitatem percundi severa fatorum lex imposuit: eandem quoque egregiis doctorum virorum monumentis, invictâ quadam potentiâ, constituit. Varij etenim casus in Librorum perniciem ab omni memoriâ conspirarunt: nec ulla fortunæ sævientis rabies conficere destitit ingeniorum hosce partus. Plurimosex oculis nostris vetustas, quæ omnia consumit, subduxit. Multum in alios flammis licuit. *Quadringenta millia librorum Alexandriæ arserunt, inquit Seneca, pulcherrimum Regiæ opulentiae monumentum.* Innumeros Bellonæ furor militum direptionibus objecit. Denique non pauci, Invidiâ sic jubente, blattis ac tineis larga præbuere pabula.

Hæc tam violentæ sortis iniquitas florentissimum rerum Danicarum Scriptorem, SAXONEM GRAMMATICUM, pænè nobis eripuisset; nisi si eum diligens nostrarum cura ab imminente interitu, non sine cœlesti Providentiâ, maturè vindicasset. Nam trecentos, & amplius, annos pulvere ac situ obrutus, in tenebris delituerat; priusquàm memorabili ad omnem posteritatem studio ac industriâ Clarissimi Viri, & eo nomine de patriâ universâ optimè meriti, M. CHRISTIERNI PETRÆI, diâs in luminis oras, veluti ex Orci faucibus, protraheretur. Cui primum rei satis amplam dedit occasionem non itâ pridem reperta librorum typis excudendorum ars nobilissima; cujus beneficio cum popularis ille noster, bonis tum literis in Academiâ Parisiensi operam navans, aliarum nationum Historicos, summo Reipubl. literariæ commodo, in diem divulgari animadverteret; nihil magis in votis habuit, quàm ut pari ope revivisceret sepultum hoc patriæ decus, inque manus hominum Auctor sine exemplo maximus perveniret. Placuit vehementer illustribus in Daniâ Viris tam laudabile institutum; & extitere multi, qui præclaris adeo conatibus acriores subindè stimulos subderent. Quos inter præcipuus fuit genere ac virtute juxta Nobilissimus Heros, LAGO WRNE, Episcopus Roschildensis: qui datis ad Petræum literis [quas postea in medium proferam] ad maturandam Saxonis editionem magnoperè eum instigabat. Sed utilissimi propositi cursum, tanquàm validissimus obex, id unicè sistebat, quod nullum planè divini istius Operis exemplar ad manum haberet Petreus, quod prælo committere posset. Quocirca non solum proprijs sumptibus tabellarium bis in patriam ablegavit, qui exemplum adferret: verum ipse etiâ illius causâ domum se contulit, Bibliothecas omnes sedulo excussit; nec tamen Saxonem eruere potuit: tam arctâ custodiâ possessores eum occluserant. Tandem BIRGERUS, Archiepiscopus Lundensis, voti eum comperem reddidit, benignè communicato Codice Saxo-

nis manuscripto: quem in Gallias reversus, accedente auctoritate Serenissimi Danorum Regis, CHRISTIERNI II, imprimendum tradidit JODOCO BADIO ASCENSIO, Viro doctissimo, & Typographo suæ ætatis eminentissimo. Parisiis igitur, Anno fundatæ salutis, cło 15 XIV, felicibus auspiciis, primum in lucem prodit Saxo noster: quem, si per invidos stetit, æterno squalore damnatum longinqua temporum spatia penitus abolevissent, ac notitiæ posteritatis, irreparabili prorsus damno, subtraxissent.

Atq; hæc primæ Editionis occasio fuit: quam sequentes te literæ plenius, Benevole Lector, edocebunt.

CAPUT II.

Literæ Lagonis VVRne ad Christiernum Petræum. Epistola amæbaea Petræi ad Lagonem.

Epistola item Dedicatoria Jodoci Badij Ascensij ad eundem Lagonem: quæ hæcenus editioni Saxonis Parisiensi præfixa fuerunt.

I. **I**nscriptio prioris Epistolæ ita habet:

LAGO VVRNE, Dei gratiâ, electus ad Ecclesiam Roschildensem, Præstantissimo Viro, Magistro CHRISTIERNO PETRI, Metropolitana Lundenfis Ecclesiæ Canonico, amico nostro sincero, S.

Sequitur ipsa Lagonis Epistola:

Venerabilis Vir, Doctissimi ac Clarissimi SAXONIS nostri fulgentissimum opus, qui divinis dicendi genere Daniæ Regum Historias conscripserit, multo retro annis in obscuro delituisse dolemus. Cujus dignissimas laudes & præconia, cujus disertissimum ac facundissimum scribendi genus, sicuti nos studio, summo honore semper excoluimus & amplexati sumus: ita quoq; universi docti & illustres Viri Saxonem, Danorum Historicum, summis venerationis officiis prosequuntur. Igitur, mi Christiérne, qui torpentibus commilitonibus tuis, percipiendarum litterarum gratiâ, sicuti vetustatum es vigilantissimus indagator; ita etiam illustrandæ patriæ nostræ pro viribus, desiderio mirabili te flagrasse comperimus: affectuosissimâ prece rogantes, ut tam divinum latinæ eruditionis culmen & splendorem, Saxonem nostrum Sialandicum, jam [ut accepimus] à te diligenter castigatum elimatumve, ut in lucem feliciter prodeat, ad manus accuratissimorum Bibliopolarum promoveas; ne vel tam eximius sapientiæ fulgor atrâ posthæc nube delitescat, ne vel invicta perpetuo Danici nominis virtus oblivione invidâ obumbratur. Quotibi honorem summum, & patriæ gloriam concilies immortalem. Vale. Ex castro nostro Hiortholm, Decima Maji, Anno duodecimo supra Millesimum quingentesimum.

II. Inscriptio & Contextus secundi Epistolij hic est:

CHRISTIERNUS PETRI, liberalium artium Magister, Metropolitana Lundenfis Ecclesiæ Canonicus, Reverendo in Christo Patri, Dn. LAGONI VVRNE, Dei gratiâ Roschildensi Episcopo, Domino suo præstantissimo, cum omni veneratione ac observantia, Salutem.

Cursitanti mihi sponte, penesq; volanti, admovit Præstantia tua, Præsul Clarissime, non parvi momenti calcaria, dum ad Saxonis nostri Historiam Chalcographâ arte divulgandam excitare dignata est; ad quam provinciam, nemo [uti arbitror] mortalium me fuit unquam propensior paratiorq;: quippe qui Parrhisius agens, bonisq; litteris operam navans, proprio impendio tabellarium bis miserim, qui exemplum fidele, quantivis emptum ad me referret. Quâ viâ cum nihil proficerem, ipse illius ergo patriam repetij, bibliothecas omnes visi & revolvi, nec tamen Saxonem blattis, tinea, situ & pulvere oblitum eruere potui; tam obstinato animo ejus possessores eum occluserant. Unus omnium, & is religione ac doctrinâ insignis, Sacræ Theologiæ Doctor ac Professor eximius, Magister noster Andreas Christiérni, natione Jutus, Professione autem Carmelita, & provinciæ Daniæ, Ordinis intemeratæ virginis, ac Christi matris Mariæ, de monte Carmelo Prior dignissimus, conatus meos miseranti respexit oculo. Qui cum unlo are redimendum videret exemplar; potius se id manibus suis transcripturum obtulit, quam tantum totius Daniæ lumen amplius delitescere sineret. Habui tamen tantæ dignitatis rationem, nec conditionem accepi, sperans faciliorem alicundè tandem emersuram. Reverendissimus ergo in Christo Pater, Dn. Birgerus, Dei gratiâ Archiepiscopus Lundenfis, Sveciæ Primas & Apostolicæ Sedis Legatus, mirabili ad Daniæ gloriam accensus amore, exemplar pio tandem repperit compendio, quod ad publicam utilitatem fidei meæ transcribendum, imprimendumq; commisit. Deerat itaq; sola auctoritas tanti operis divulgandi, quam liberalissime mihi imper-

impertivit Illustrissimus Princeps noster CHRISTIERNUS, Dei providentiâ, Danie, Suecia, Norvagie, Sclavorum, Gothorumq; Rex potentissimus, Dux Slesvicensis & Holsatie, Stormarie, ac Dithmarisie, Comes in Oldenburg & Delmenhorst; id solum imperans, ut à docto peritoq; Chalcographo excuderetur. Norat etenim indignum fore, tantum virum ineptis aut minus fidelibus characteribus impressum iri; præsertim id affirmantibus consultissimè, Reverendissimo in Christo Patre, D^o. Erico VValckendorff, Archiepiscopo Nidrosiensi, & Apostolicæ Sedis Legato dignissimo, nec non Regio Cancellario, Viro Nobilissimo, Magistro Avone Bilde, Ecclesiarum Lundensis & VVibergensis Præposito. Mandatis itaq; Regis, Sapientiæq; tuæ, Præsul dignissime, adhortationibus gravissimis obtemperans, Saxonis imprimendi munus commisi Excellentissimo Viro, Magistro Jodoco Badio Ascensio, litterarum bonarum apud Parrhisios interpreti, chalcographoq; peritissimo, qui quale nunc vides opus, tuo nomini felicissimo præscriptum emisit, Regum omnium Catalogo, & totius Historiæ Indice literario illustratum. Quapropter effeci, ut qui ab unis, & ijs paucis Danis hæcenus legi potuit; ad Italos Hispanos, Gallos, Germanos, omnes deniq; Christianos faciliè possit perferri. Habe itaq; molimina mea commendata, ac Vale Danie decus, præsidiumq; meum. Ex Parrhisiorum Academia Clarissima. 14 Martij, 1514.

III. Tertia & ultima Jodoci Badij Ascensij Epistola una cum Inscriptione hæc est:

Jodocus Badius Ascensius LAGONI VVRNE, longè Reverendo, & cum primis docto sapientiæ, Roschildensis Ecclesiæ Antistiti S.

Probabili plausibiliq; conjecturâ ducor, Præsulum Clarissime, ut Optimi Maximi Dei nostri providentiâ, arcanorq; futurorum calculo contigisse rear; inclytam Danicorum Regum Historiam à Saxone Grammatico Sialando, viro disertissimo, abhinc annos supra trecentos conscriptam, ijs potissimum diebus in lucem chalcographâ arte prodisse, quibus invictissimo animo, præclaris pro ætate gestis & spe eximiâ, CHRISTIERNUS, certissima Danorum Regis proles, Danica jamjam rectorus est sceptrâ, accepturusq; regnorum insignia: Tuq; Heros, ut antiquâ HURNORUM nobilitate nulli secundus, itaq; facundâ sapientiâ, & magnarum rerum prudentiâ, apud Danos faciliè primus, Roschildensis Ecclesiæ episcopalem suscepis gubernationem. Siquidem uti sub VValdemaro, Rege invictissimo, jubente Absolone, itidem Roschildensi Episcopo prudentissimo, & duce ac bellatore in Christiani nominis hostes incomparabili, olim edita est: ita sub Christierno, Illustrissimo Rege, VValdemarum illum & factis & animis æquante, tuo ejusdem diæceseos Episcopi meritisimè faustissimo auspicio nunc demum emittitur, non sinè melioris doctiorisq; in Dania seculi præsigio. Quemadmodum enim sub CHRISTI Domini nostri cunctis mortalibus adorandum natalem claruerunt Romæ summa Latinæ linguæ lumina M. Cicero, M. Varro, Q. Hortensius, & sexcenti alij; & inclyta cum pacis, tum belli culmina, Cn. Pompejus Magnus, C. Julius Cæsar, Octavianus Augustus; aliq; præterea multi: In Dania verò, [quam diversam à Daciâ puto] Frotho tertius, belli pacisq; justitiæ & militaris discipline splendor conspicuus: ita nunc Christierni Regis, vel nomine amabilis, singulari felicitate, tuoq; Præsul generose, ductu & auspiciâ dexteritate, propediem fore confidimus, ut Dania non solum armis & imperio, quibus semper excelluit, liberaq; sit; sed & literis cultioribus evadat perspicua, multosq; Saxones & Canutos, viros, inquam, doctrinâ præstantes educet. Quod adircò jamjamq; futurum autumo, quod ut illi, quos modò dixi, in Parrhisiorum clari evaserunt Academia: ita nunc quoq; non pauca in eadem è Dania conspiciamus ingenia; quorum bona pars est Magister Christiernus Petri, Lundensis Ecclesiæ Canonicus, mihi longâ consuetudine & amicitia clarissimus: cuius præcipuâ curâ & singulari impendio hoc opus tuo nomini nuncupatum emittimus: illud Lectores ignotos, ne forsitan errent, præmonentes, Saxonis istius vocabulum, non patrium esse nomen [in Sialandia enim, quæ pars Danie, non in Saxonia, fuit ortus] & Grammatici titulum, professionis quidem esse, sed neq; leve, neq; contemptibile præconium. Enimvero, auctore Svetonio, Grammaticus est, qui diligenter, acute, scienterq; norit aut dicere aut scribere. Quo nomine Cornelius Nepos appellandos consuit Poëtarum Oratorumq; interpretes, qui tantum auctoritatis apud præcos obtinuerunt, ut censors & judices essent scriptorum omnium soli, Critici ob id vocati: sic ut non versus modo, [ita enim Quintilianus ait] censoriâ quadam virgula notarent: sed libros etiâ, qui falsò viderentur inscripti, tanquam subdititios è familiâ submoverent. Ideoq; summi Poëtarum interpretes & urbium magistri, ut Servius, Donatus, aliq; non pauci, Grammatici nuncupatione contenti bracteatis phaleratisq; plus æquo abstinerunt titulis. Quocirca iniquo ferendum est animo tantæ professionis gloriam ad ineptulos primorum elementorum recidisse præceptorculos. Curavi itaq; Saxonem non eo fraudandum titulo, quem tanto judicio sibi delegisse visus fuerit. Utunq; autem hæc acceperint imperiti, præstantia tua, Pater doctissime, boni consulere, nostramq; opellam hanc probabit; quod præsertim exoratum volui. Vale. E chalcographia nostrâ apud Parrhisios, ad Idus Martias. M. D. XIII.

CAPUT III.

Secundæ & tertiæ Editionis occasio. De ipsius judicium nostrum. Quæ nos causa impulit ad novam Editionem,

A primâ Saxonis editione anni circiter viginti effluerant, cum alteram, Basileæ, Johannes Oporinus adornaret, consilio & adhortatione Johannis Sphyractis Basileensis, qui insignem hunc Historicum à Nobilissimo Juvene, ERICO KRABBE, Dano, Lutetiæ dono acceptum eo fine in patriam transmiserat.

Demum post annos quadraginta duos, Andreas Wechelus, Typographus & civis Francofurtensis, operâ Philippi Loniceri ac Johannis Fichardi adjutus, eximium hunc Scriptorem ex officina sua publicam in lucem, nitidissimis typis, emisit.

Magnæ equidem optimis istis viris debentur gratiæ, quod in conservando Saxone nostro tantoperè desudare voluerint: verum longè majores deberentur, si incomparabile hoc Opus paulo curiosiore limâ politum, nec tam innumeris mendis deformatum, publici juris fecissent. Unde fit, ut potius turpis lucri cupiditate, quàm rei literariæ juvandæ studio, toties illud publicasse videantur.

Quæ cum invitus adverterem, toto animo in eam curam ac cogitationem incumbere cœpi ut Saxonem nostrum accuratius, quàm antehac, elimatum, debitæq; integritati restitutum, in vulgus, procuderem. Quapropter cum antè aliquot annos, Athenas Batavas, studiorum gratiâ, incolem, optimum visum fuit, saltem contextus emendandi causâ, in antecessum, minutias quasdam NOTARUM præmittere; quibus diligentiam Typographorum ad novæ editionis laborem alacrius suscipiendum excitarem. Illis verò consuetæ desidix indormientibus, serio constitui, alias insuper Notas, quæ uberioris instar commentarii essent, consignare: certâ spe fretus fore, ut aliquando, veluti Jupiter ex machinâ, insperato emergeret, qui illis unâ cum ipso Auctore excudendis propitiâ admoveret manum.

CAPUT IV.

Quinam fuerint præcipui novæ hujus Editionis suasores & adjutores.

Interèa verò, dum erectus eam in spem animus vanâ ac inani defatigatur expectatione, plus quàm totum circumagitur decennium.

Non desuere tamen è proceribus ac Optimatibus inclyti regni hujus, qui crebris me exhortationibus incitârunt, ut novam hanc Saxonis Editionem, quam moliri me fando iuaudiverant, quantum in me esset, maturarem. Sed ego quum contrâ causarer, nevtquam me sustinendis esse sumptibus, quos tanti operis consummatio requireret: nonnulli eorum, Boni publici juvandi causâ, haud exiguum argenti summam largâ & liberali manu suppeditarunt.

Quos inter faciliè familiam ducunt, Perillustres & Magnificus Heros, *ὁ δὲ μακαρίτης*, Dominus CHRISTIANUS FRIIS, de Kragerup, Eques Auratus, Serenissimi Danorum Regis Cancellarius, & literati Ordinis, dum vixit, Patronus incomparabilis: Vir iridem Illustris, Generosus, & Magnificus, Dominus JUSTINUS HØEG, de Gjordslef, Eques Auratus, antehac Regiæ & Equestris Academiæ, Scholæq; Soranæ Præses atq; Director eminentissimus, nunc regni Daniæ Cancellarius, & Senator amplissimus; quem Deus Opt. Max. Ecclesiæ & Reipubl. commodo diu superstitem præstet ac incolumem! Generosus deniq; & Beatæ memoriæ Dominus, PALÆMON ROSENCRANTS, de Krenckerup, Vir sapientiâ & doctrinâ excellentissimus. Quorum nomina, jamdudum æternitati, egregia in patriam universam merita, consecrarunt.

His tandem accessit, veluti cælo demissus, Heros Pietate, Eruditione, Prudentiâ, Gravitate, ac cæteris, quæ in generosi stemmatis Virum cadere debent, Virtutibus nulli secundus, Perillustres & Magnificus Dominus, Dominus CHRISTIANUS THOMÆUS, de Stougaard, Eques Auratus, Serenissimi Daniæ Norvegiæq; Regis Cancellarius Magnus, Regni Senator primarius, totiusq; literati Ordinis Mæcenas & Fautor benignissimus.

Cui de Typographorum tergiversatione, in novo Saxonis Opere propriis impensis excudendo, quum nultories conquestus essem; is suis consiliis Serenissimæ Regiæ Majestatis clementissimam voluntatem eo flexit atq; adduxit, ut non modicam vim pecuniæ, ad institutum nostrum celerius perficiendum, suo de fisco nobis erogandam imperaverit.

O verè

O verè Regiam, & ad omnem posteritatem summis evehendam laudibus munificentiam ! Ibit in secula, fuisse in Dania Regem potentissimum, DN. CHRISTIANUM IV, cujus augustò sub imperio non solum regna gentesq; Boreales exoptata pace & securitate, omniq; prosperitatis genere floruerint ; sed & optimarum literarum studiis amplissimus honos, gratia, autoritas, præmia atq; decora constiterint.

Vestrum deinceps erit, quibuscunq; SAXONEM, Patrem Historiarum Septentrionalium, novo splendori nostrâ operâ utcunq; restitutum, evolvere contigerit, Patri patriæ munificentissimo immortales agere gratias, crebraq; pro salute tanti Principis vota nuncupare, ut diu mortalium cœtibus interlit, ac serus in cœlum redeat !

CAPUT V.

Breviter indicatur, quid in nova hac Saxonis editione præstare conati simus.

Quamvis autem non sum ita Suffenus, ut proprias in laudes diffundere me cupiam, & jactantius edisserere, quid in nova hac Saxonis nostri Editione præstiterim : nemo tamen vitio mihi verter, si verbo uno aut altero subindicavero, quid saltem præstare conatus fuerim.

Omnem igitur industriam nostram in tribus præcipue duximus occupandam. Prima cura fuit, contextum, ut vocant, dare, quàm fieri potuit, emendatissimum, & variis corruptelis, quâs priores scatebant Editiones, omnimodis expetere.

Deinde vitiosam Interpunctionem, quâ perperam distincti erant Codices antehac excusi, hinc inde corrigendam censui, ne vel genuinum auctoris sensum obscuraret, vel animo Lectoris spissiores offunderet tenebras.

Ad ultimum, Notis Philologicis, Historicis, atq; Politicis, Scriptoris sic satis intellectu difficilis, loca dubia & obscura illustrare tentavimus. Num vero propositi mei finem sim assecutus, altis dijudicandum relinquo.

Nec ullus dubito, quin reperientur nonnulli, qui Chronologiam, Schemata Genealogica, singulorum librorum Breviaria, Notas marginales, & forsitan alia, desiderabunt. Verum, ut paucis respondeam, ea quod attinet, actum, quod dicitur, agere, & aliorum labores, qui sedulitatem hac in parte meam prævenerunt, mihi vindicare nolui. Curiosus Lectoris desiderio abundè satisfacient editis antehac monumentis ac scriptis suis eruditissimis nostrates Historici, Viri famâ super æthera noti, M. Johannes Svaningius, M. Andreas Wellejus, D. Johannes Isaacius Pontanus, M. Claudius Lyschander, & M. Johannes Svaningius Junior, hodieq; in Samo Balthica Præpositus Regius dignissimus, cujus *Chronologiam Danicam* utinam segnitie Typographorum nobis diutius non invideret.

CAPUT VI.

De MS Codicis defectu querela: deq; infelici jacturâ duorum manu exaratorum Codicum, quam fecit Nobilissimus CASPAR BARTHIIUS. Rogatur ad ultimum Lector, ut Catone nostro contentus sit.

Cæterum quibus ego in præsens querimonijs miserandum illum defectum manuscripti Saxonis prosequar ; qui me hæcenus ex difficilium locorum Labyrinthis, non secus ac Ariadnæum filum, eduxisset, inq; spissis illis & plusquàm Cimmerijs rerum Danicarum, præsertim antiquiorum, tenebris, sublustre saltem lumen mihi prætulisset ! Mirerè an indigner detestandam majorum nostrorum incuriam, qui in propaganda Saxonis memoriâ tam strenuè negligentes se præstitère, ut ejus manue xarati in tota Dania, imò cæteris quoq; ad Arcton regnis, nec vola nec vestigium, quod equidem sciam, hodiè appareat ?

De Tacito Imperatore memoriæ proditum est, quod cognominem sibi Historicum Patrem suum appellaverit, tantumq; dilexerit, ut in omnibus Bibliothecis libros ejus collocari juberet, institueretq; ut singulis annis decies publice scriberetur, nè ejus monumenta perirent. Quanto majore curâ ac sollicitudine Dani popularem suum cum veterum quovis comparandum, antè exortum Typographicæ artis compendium, transcribere, & ad seram usq; posteritatem transmittere debuissent ? Zonaras auctor est in Bibliothecâ Byzantinâ repertum Draconis intestinum CXX pedes longum, cui avreis litteris Homeri Ilias atq; Odyssea fuerunt inscri-

inscripta. Justiore certè jure in omnibus Daniæ bibliothecis, avreis literis avrea Saxonis Historia non inferioris Historia descripta extaret.

O nos felices, si bina illa exemplaria MS nobiscum tempestivè communicasses, quibus te, Nobilissime BARTH, benignior fortuna beaverat! Id quod de humanitate tua facilè nobis polliceri licuisset, nisi si volubilis deæ inconstantia, eâdem, quâ dedit, celeritate invidendum hoc munus tibi abstulisset. Ità enim conqueruntur literæ ad me Anno Christi M. DC. XXXIII. scriptæ: *Saxonis vestri exemplaria duo manu exarata in villâ propè hanc civitatem (Lipsiam) cum ipso Codice, cui varia margines compleverant, & majore parte inclutæ meæ Bibliothecæ, funesto flebilisq; incendio perierunt.* O verè funestum ac flebile incendium! absque quo fuisset, Saxone castigatissimo, omnibusq; numeris absolutissimo [absit dicto jactantia] jamdudum literatus orbis frueretur. Hac verò expectatione meâ falsus,

*Qualis populeâ mœrens philomela sub umbrâ
Amisissos queritur natos, quos durus arator
Observans nido implumes detraxit: at illa
Flet noctem, ramoq; sedens miserabile carmen
Integrat, & mœstis latè loca questibus implet:*

talis ego nunc cogor insignem hanc jacturam in sinu dolere & plangere, omnemq; planè spem recuperandi tanti thesauri abjicere. Tuum propterea erit, Candide Lector, emendationibus hisce nostris, benigne acquiescere: quas licet ingenium nobis & conjecturæ dictarent, spondeo tamen plerumq; tales esse, ut vel aliter scripsisse Saxonem vix dubitare poteris, vel certè ad scopum & mentem ejus quàm proximè collineare videantur. Nunc ad Vitam Saxonis breviter enarrandam orationem convertam.

CAPUT VIII.

Accedimus ad Vitam Saxonis enarrandam: ubi primum agimus de progenitoribus Saxonis.

SI grata posteritas parem cum Saxone calculum posuisset, & saltim redhostimenti vice, quanquam sic fatis exigui, de Vitæ ipsius ortu ac decursu aliquid comperti nobis tradidisset; nostræ jam operæ nequiquam relictus fuisset locus. Nunc quia non sint nulla, quæ industrium ac curiosum Lectorem pleniori aliqua earum rerum cognitione imbuere posse videantur, quæ hætenus altissimo obrutæ silentio publicam latuerunt noticiam: faciundum putavi, ut sequentia documentorum fragmenta hinc inde per Satyram edecumata, & veluti tabulas ex ingenti naufragio superstites, collecta, hoc loci in medium producerem.

Ac primum omnium de Parentibus Saxonis nostri ut dispiciamus, nihil planè, quod equidem sciam, in literas de iis relatum extat, præterquam quod ipse Saxo sub initium Operis sui prodidit, videlicet in Præfatione ad Andream Sunonis, Archiepiscopum Lundensem, ubi Serenissimum Daniæ Regem Valdemarum, ejus nominis Secundum, his compellat verbis: *Ceterum prisco atq; hereditario obsequendi jure, saltem ingenij viribus tibi militare constitui, cujus clarissimi patris castrensem militiam parens avusq; meus fidelissimis bellici laboris operibus coluisse noscuntur.*

Quibus apertè indicat Saxo avum patremq; suum sub Valdemari II. patre, qui Valdemarus Primus fuit, stipenda meruisse, ceu milites strenuos, & insignitâ fortitudine conspicuos.

Et fortean haud falsam capere conjecturam licebit, nobili ortos sanguine fuisse progenitores Saxonis; quales istâ potissimum ætate castrensem Principum militiam sectabantur.

Certè non desunt, qui constanter asserant, Saxonem genus & prosapiam ducere ex vetusta & splendida apud Danos familia LANGIORUM, quam nostrates de Sangerß appellant. Hos inter principem obtinet locum M. Claudius Lyschander, Historicus quondam Regius, qui id ipsum in Præfatione Operi Genealogico Regum Daniæ, vernaculâ à se linguâ edito, præfixâ, disertis testatur verbis: sed quibus, ad firmandam hanc sententiam suam, nitatur documentis, fideli silentio prætermittit. Cui assentiri video Historicum itidem Regium, M. Jonam Venusinum, Virum cætera doctissimum, sed Saxoni, populari suo, nimis injurium, in Disputatione sua de Fabula, quæ pro Historia quàm sæpissime venditur, Thesi LXXIV. *Cupimus, inquit, nobis ignosci, si non omnia, quæ scriptis suis Saxo Longus consignavit, approbemus.* Quorum etiâ tuetur sententiam Excellentissimus Vir, Dn. D. Johannes

Itaa-

Isaaci Pontanus, Historiographus Regius eminentissimus, in Chorographia sua Danica, de Saxone sic scribens : *Tunc etenim suis tantummodo notus, interq; frigora atq; Arcton studia fovens, sine exemplo maximus, longeq; admirabilis rerum Danicarum scriptor, emicuit Saxo Grammaticus, Ecclesiae Roschildensis Præpositus, & vetusta atq; inclyta Langiorum familia oriundus.*

Asservatur quidem in Regia Bibliotheca Hafniensi Codex Vetus MS. cujus ad calcem hæc leguntur : *Saxo cognomine Longus, miræ & urbanæ eloquentiæ Clericus.* Quibus Lyschandrum pariter ac Venulinum, eosq; secutum Pontanum, in eam fuisse opinionem adductos arbitror, ut Saxonem ex nobilissima Langiorum stirpe oriundum statuerint.

Utcunq; se res habeat, non invidemus tanto viro tam generosam originem, quâ se præstitit dignissimum : nec est, quod rubori sibi ducat illustris Langiorum domus in sanguinis consortionem admittere, quem præclara ingenij monumenta, quâ viget eruditionis honos, nobilitarunt.

CAPUT VIII.

De nomine Saxonis.

Servius, non ignobilis Grammaticus, rectè monet, primum interpretis munus esse, de Autoris, quem quis sibi explicandum proposuit, nomine inquirere. Quum verò nobis jam liquido & indubitanter constet, florentissimo huic rerum Danicarum scriptori, quem Notis nostris utcunq; illustrandum suscepimus, nomen SAXONIS, à parentibus inditum obvenisse : paucula admodum in præsens de eodem commentabimur.

Multis sanè nomen SAXONIS hucusq; imposuit, ansamq; non parvi erroris præbuit perperam existimantibus, gentiliū illud esse, non proprium. Id quod inde factum arbitror, quod cæteris nationibus rarissimo in usu hoc fuisse nominis animadverterent, & Saxonem Historicis, alijsq; autoribus, eum duntaxat dictum, qui ex gente Saxonica originem traheret. Unde & externi quidam scriptores vehementer hallucinati sunt, dum Saxonem hunc nostrum Johannem de Saxonia nominarunt : quemadmodum id antè me observavit Historicus olim Regius, Vir Clariss. M. Johannes Svaningius, in Prolegomenis Saxoni suo illustrato præfixis : *Nonnulli, inquit, quod cumprimis ridiculum videtur, ut gloriationem hujus autoris nobis Danis omnem præriperent, proprium ejus nomen in gentiliū convertentes, eum, Johannem de Saxonia appellarunt, ut non in Dania, sed in Saxonia eum natum esse, vulgò hominibus persuaderent.*

Meminerunt Cicero, Paterculus, Florus, & alij, SAXÆ cujusdam, qui legatus Antonij fuit in bello Philippensi, & in Syria contra Parthos. *Accedit Saxa,* inquit Cicero Philippicâ XI, *quem nobis Cæsar ex ultimâ Celtiberia Tribunum plebis dedit, castrorum antea metator, nunc, ut sperat, urbis.* Et Philippicâ XII. *Saxam verò præterire qui possum? hominem deductum ex ultimis genibus, ut eum tribunum plebis videremus.* Paterculus : *Saxa legatus, ne veniret in potestatem, à gladio suo impetravit.* Sed cognomen id fuit Decidiæ familiæ plebejæ, ex quâ oriundus etiam fuit Decidius hicce, cognomento Saxa, Antonij legatus.

Postea Romanis Italisq; non inusitatum fuisse SAXONIS nomen, indicare videtur Baptista Platina in Vita Honorij II Pontificis Romani, ubi Saxonis cujusdam, Cardinalis S. Stephani, mentionem injicit, quem Calixto Papa defuncto, Anno M. C. XXIV. Populus Romanus Pontificem percupidè nimium optabat. Verba Platinæ ita habent : *Mortuo Calixto, cum de legendo novo Pontifice ratio haberetur, Leo Fregepanis omnibus Cardinalibus interdixit, ne usq; ad diem tertium, Pontificem crearent, quò & maturius deliberare, & Canones inspicere liceret. Quamvis non eâ mente id fecerit homo acutus, & ad fallendum vaser, quam verbis præ se ferebat : sed ei tantisper disponere hominum suffragia liceret, quibus Lambertus Pontifex crearetur. Nam populus ipse Saxonem, S. Stephani Cardinalem, Pontificem percupidè nimium optabat. Id quoq; se cupere Leo Fregepanis ostendebat, quò & populum & patres negligentes & incautos in sententiam sui quavis arte pelliceret. At verò cum id velle Leonem Cardinales quidam cernerent, ne ex ejus sententiâ Pontificem legerent, omisso Saxone, Thebaldum, S. Anastasiæ Presbyterum Cardinalem, Pontificem deligunt, quem Cælestinum appellarunt.*

Quin antiquis Germanis hanc frequentatam fuisse appellationem, ostendit Catalogus nominum priorum, quibus Alamanni quondam appellati, ex vetustissimo Codice Monasterij S. Galli, ordine Alphabetico descriptis, qui extat Tomo II, parte prima Antiquitatum Alamannicarum, quæ ex Bibliotheca Melchioris Goldasti prodierunt, Cap. 1. & 2. pag. 133. & sequent. Lit. S : *Sadepreht, Sabsø, Sasso, Shasso, Sazo, Saxo, Saxunus.*

Verum-

Verumenimverò vix ulli nationi idipsum, quod toties diximus, SAXONIS vocabulum, frequentiori in usu fuisse reperio, quàm Danicæ genti ac nationi. Illud etenim apud nostrates neutiquam hodiè aut heri natum esse, sed ab antiquissimâ hominum memoriâ celebratum, & longo temporis usu frequentatum, innumera nos Antiquitatum nostrarum edocere poterunt monumenta. Inter quæ vix dari posse reor antiquiora, quàm muscosa illa saxa, quæ Runicis cælata literis, & priscis Heroum bustis, sub liquido æthere, imposita, undiq; secus in Dania nostra hodieq; visuntur. Tale est inprimis Monumentum, Sjørupiensè in provincia Scanix Linusia, vulgo *Stunsherrit* / quod nobis Vir Excellentissimus, & fugientis Antiquitatis veluti Stator Jupiter, D. OLAVS WORMIUS, Lib. III. Monumentor. Danicor. pag. 185. hunc in modum repræsentat :



Inscriptionis hæc interpretatio est : *Sagfi seti Stein desf euftrir Osbiurn sin Filaga, Tufæ sun, sem fôti egi at Upsalum: Anva maden vabn esdi.* Hoc est: SAXO LAPIDEM HUNC POSUIT ESBERNO SOCIO SUO, TUFÆ FILIO, QUEM EGO UPSALIÆ ENUTRIVI; ANVA INSIGNIA ET ORNAMENTA ADDIDIT.


In qua inscriptione loco X, pontiur P & H; quia Literatura Runica duplicibus dictis literis destituitur: & *Sagfi*, sive *Saxi*, juxta veterum pronunciationem effertur, quod nos jam *Saxe* dicimus.

Sic & in monumento Avinslœnsi, quid in pago quodam Fionix *Åvinfløff* in Vindingensi provincia extat, & ab Excellentissimo D. Wormio Lib. IV. Monument. Danicor. pag. 245. expressum reperitur, manifesta ejusdem appellationis vestigia apparent; quamvis in voce *ÅÅÅI*, *Safi*, per sculptoris incuriam, omissa sit litera P.



Hoc est : Ruulf hardi hug : Sasi sati Runir stein : RUDOLFUS DURUS TUMULUM FECIT : SASI (pro SAXI) RUNICUM LAPIDEM POSUIT.

Sed clarius id nobis exhibet Oldgarense in Sognedalia Norrigia monumentum à Wormio prolatum Lib. VI. Mon. Dan. pag. 501.



Sachsi ristd stin dina : SAXO LAPIDEM HUNC POSUIT.

His proximâ vetustate accedunt nonnulla ipsius Saxonis nostri loca, in Historia Danica hinc inde obvia, in quibus clara & luculenta SAXONIS agitur mentio. Sic Lib. VIII, in recensu Ducum, qui Ringoni Sveciæ Regi adversus Daniæ Regem Haraldum Hyldetand, in bello Bravico, militarunt, SAXI quidam inter cæteros occurrit : At ex parte Ringoni, inquit, computantur Ulf, Abgi VVindar, Eyil luscus, Gotar, Hildi, Guti Alf patre genitus, Stur robustus, Steen Vienicæ paludis accola. Applicantur huiusmodi Geert Alacer, Gromer VVermicus. Post quos septentrionalis Albie finitimi supputantur, Saxi, Fletir, & Saligothus, Thor nutabundus, Throndar nasutus, &c. Bellum autem hocce Bravicum incidit in annum Christi CCCXXVI, juxta Lyschandri calculum. Ita & Libro XIII, sub Nicolao Rege, qui obiit A. C. M. C. XXXV. nominatur Magnus Saxonis filius : In cujus apparatu Magnus Saxonis filius Erici miles, singulare fidei specimen edidit. Libro itidem XIV, regnante Waldemaro I, circa Annum Christi M. C. LVI. Saxoni & Jurisio navales copiae committuntur : Quod quum VValdemarus per transfugarum quendam expertus fuisset, auxiliariis, quâ poterat celeritate, contractis, ad exturbandam hostium classem, Saxonem & Jurisium cum navalibus copiis mittit. Libro deniq; XV, sub finem imperij ejusdem Waldemari I. Anno Christi M. C. LXXX : A quibus eandem precari rogatus, ne Saxonem, Achonem, Sunonem, & Esbernium, homines extra Scania ortos, ejus rebus præesse pateretur.

In mea quoq; Bibliotheca asservatur Codex membraneus MS. Novi Testamenti, caractere & Idioma Russico, ante quadringentos, ut videtur, & fortean plures, annos descriptus; cujus ad calcem adjuncta est vetustissima variorum cujuscunque ordinis hominum, designatio & recensio, qui Monasterio Fratrum Minorum, in urbe Roeschildensi, donaria & χαρισματα olim contulerunt; in qua etiam SAXONIS non omittitur mentio. Initium sic habet :

Nomine signatos, & munere conciliatos

Fratribus exiguis, jungito, Christe, tuis.

Regem Haroldum, Reginamq; Margaretam. Sequuntur longâ deinde serie aliorum beneficorum nomina : Knuto Rex, Athala Regina. Eiric. Margareta Regina & Soror nostra. Sveno Episcopus. Ricardus Præpositus. Sveino Decanus. Hermannus. Ascerus. Luitgerus. Boso. Livo. Isaac. Arnfastus. Nicolaus. Saxi. Ako. Clemens. Toco. Joseph. Kanutus. &c. Ex quibus Saxo noster Hermannum, Isaacum, Arnfastum nominat Lib. XI. Histor. Dan. ubi de tumulo Wilhelmi Episcopi Roeschildensis, Ascerianæ sepulturæ gratiâ, ab iis violato, agit : Quamobrem diu postmodum intactus VVilhelmi tumulus mansit, donec nostris eum temporibus Hermannus majoris Sacrarj Præses, Arnfastusq; Scholæ magisterio functus, connivente Isaaco, ruralis sacerdotj Præposito, parabilem magis, & inter cæteros cultissimum advertentes, Ascerianæ sepulturæ gratiâ, aperiri jusserunt. Unde per conjectu-

jecturam colligere posse videor, Saxonem illum, cujus Designatio superius adducta mentionem facit, nullum fuisse alium, quàm Saxonem Grammaticum, incomparabilem rerum Danicarum scriptorem, quippe qui disertis ostendit verbis violationem sepulchri Wilhelmiani suis contigisse temporibus. Obijt autem Ascerus Episcopus, cujus sepultura gratiâ, tumulum Wilhelmi, modo nominati Triumviri aperiri jusserunt, Anno Christi M. C. L. quo anno vixisse Saxonem nostrum tam certum est, quàm quod certissimum.

Cæterum priusquam finem Capiti huic imponam, hoc etiã observationem nonnullam mereri videtur, videlicet, mediam hujus vocis syllabam in omnibus obliquis productè, non breviter, esse pronunciandam; quum *τὸ Saxo*, quando gentilicium est, penultimam habet correptam. Hæc de re elegantissimum nunc Epigramma exhibemus Nobilissimi Viri, Dn. Willichij Westhovij à Westhovven, Canonici Lundensis, Poætæ Laurigeri, & Comititis Palatini Cæsarei, quod cum Beatissimo Parente meo M. Johanne Stephanio, tunc temporis Regiæ Scholæ Soranæ Præfide, communicavit, Anno Christi M. DC. XIV, ad diem XI Maji, ut ipsius Nobiliss. Westhovij Autographum testatur, repertum inter Schedas ejusdem Parentis mei *τῆ μακαρίτης*:

In Olonem Noricum *Ἐπίγραμμα.*

Saxonis libros, [qui te compellat Olonem]

Correpto Historiam Saxonis ore vocas.

Nominis at maribus proprii, cui terminus O est,

Flexibus obliquis, [dummodo crescat ijs]

Syllaba perpetuò longa est penultima, testes

Varro, Cato, Cicero, Scipio, Naso, Maro.

Quamvis diffiteri nequeam, mediæ ævi scriptores, SAXONIS vocem pro eo, qui ex gente Saxonica oriundus, mediâ productâ usurpasse. Sic Rosvita, Poëtria Saxonica, sub initium Historiæ suæ metricæ, de Vita & rebus gestis Othonum Imperatorum:

Postquam Rex Regum, qui solus regnat in ævum,

Per se cunctorum transmutans tempora Regum,

Jussit Francorum transferri nobile regnum

Ad claram gentem Saxonum [nomen habentem]

A Saxo, per duritiem mentis bene firmam]

Ita & Anonymus quidam Poëta Arnolfo Imperatori *σύνθετος*, Lib. III. Annal. de gestis Caroli Magni, ad An. Chr. DCCXCV. Indict. II.

Cum viminum suspecta foret gens facta rebellis

Saxonum toties, crebro quoq; federe rupto

Sub justâ Regis ditione quiescere nolens.

Et paulò post eodem Capite:

Regem dum vellet adire,

Incidit insidias, illi quas antè pararunt

Saxones, quoniam Franci novère fidelem.

CAPUT IX.

De Cognomine Grammatici.

GRAMMATICI cognomentum, quod Saxoni nostro in omnibus gentis nostræ Antiquitatibus passim ascriptum legimus, nemo existimabit, ipsum sibi ex superbia quadam, & *Φιλαντία*, instar jactabundi Palæmonis, arrogasse: sed potius hoc ipsi affinxisse istius ævi librarios, sive librorum recensitores ac descriptores, qui vel professionis, vel vitæ, vel morum, generisvè notandi gratiâ, autoribus cognomina quæpiam, è medio plerumq; sumpta, in titulis apponere consueverant. Sic in manu exaratis libris Plauto inditum est vocabulum *Asini*; quia videlicet rumor erat, Plautum ad participandum victum, ob egestatem, ad molam se vendidisse. Nam id genus lapideas machinas, veteres *Asinos* appellaverunt. Pari ratione *Getam* cognominaverunt Philologi veteres Ovidium, ex illo versu Elegiæ XIII. Lib. IV. de Ponto: *Carmina quæ facio panè Poëta Getes*. Pari modo ab altitudine carminis & dicendi genere, Statius cognomen à librarijs *Aquilini* meruit. Avsonius cognominatur *Pæonius* in Fastis Græcis, cum pater ejus fuerit Medicus. Non alia ratione *Nautre* cogno-

cognomentum Propertio quoq; affinxerunt, quia nescio quid tale carmine illi quopiam exciderat. Pari prorsus modo Cœlij libelli de re culinaria, *Apicii* titulum sunt sortiti, cum ad Apicium illum prodigum non pauca referantur. Ità & ingeniosissimo & disertissimo Poetæ Martiali cognomentum *Cocus* adhæsit, quod multa de *Coquis* loquatur, nec pauca recenscat, præcipuè ultimis libellis, quæ ad rem culinariam pertinere possunt. Ità Petronium non dubito ex Taciti loco, qui eum *Arbitrum* noctium voluptatumq; Neronis nominat, id cognomen obtinuisse. Ità veteres libri Persium *Severum*, ab austeritate castigandi, & invectione in malos mores, nominant. Sic luculentissimus Christi vates Prudentius à priscis descriptoribus *Amenus* cognominatus est, quod omnium Christianorum Poëtarum amœnitate, & varietate Lyricorum carminum longè sit princeps. Sic Apollinaris Sidonius à vita moribusq; *Modesti* nomen apud librarios accepit. Sic eloquens ævo suo & eruditus Declamator Radulfus, Normanniæ Ducis Concionator, *Ardentis* titulo conspicuus exstat. Sic Sulpicius Severus cognominatur *Rhetor*, quia comitius loquitur.

Ad eundem modum sequioris ævi librarij, quoties exempla Historiæ Danicæ à Saxone conditæ transcriberent, honorifico illo *Grammatici* cognomine, tantum scriptorem, ἱστορῆς gratiā, omnino condecorandum putarunt, non solum ob variam, elegantem, & reconditam eruditionem, quæ tum temporis, in summā nempe barbarie, erat rara avis in terris, nigroq; simillima cygno; sed etiam propter sublime & inimitabile dicendi genus, quo Historiam suam contexuit.

Juxta mecum sentit Clarissimæ Doctrinæ Vir, & verè ὁ πανεπιστήμων, Daniel Heinsius, in Prolegomenis suis ad Aristarchum sacrum: *Ætate sequiori*, inquit, *Saxo illustris ac atate illa facundissimus Danorum Historicus, vir plurimarum rerum gnarus, Grammaticus dictus est.* Cui consentit Nobilissimus Vir, & Philologus eminentissimus, Caspar Barthius Adversarior. Lib. XXIV. Cap. VIII. *Conditore Annalium apud Danos suos Saxone, cui Grammatico, ab eruditione recondita, receptum est nomen, suo ævo nihil sperari majus potuit. In summa barbarie, in terrā à cultu literarum tum aversissima, Latine, eleganter, erudite scribit, citrà parem quidem omnia.*

Grammatici verò antiquis dicebantur, non solum illi Technici, qui Grammaticam, & præcipuè τὴν τεχνικὴν, quæ de literis, de lectione, scriptione, ac pronuntiatione agit, adolescentulos docebant; quos etiam *Grammatistas literiones, pedagogos literarios, magistros literarios* nominare solebant: sed & imprimis illi, qui plenam & exactam omnium disciplinarum cognitionem sibi comparaverant, qui omnis scientiæ liberalis periti, ac universæ eruditionis complexu instructi essent.

Hinc *Grammaticus* Svetonio Tranquillo, libello de Illustribus Grammaticis, is propriè dicitur, qui diligenter, acutè, scienterq; norit aut dicere, aut scribere. Quo nomine Cornelius Nepos appellandos censuit Oratorum Poëtarumq; interpretes; qui tantum autoritatis apud priscos obtinuerant, ut soli scriptorum omnium Censores & judices essent, *Critici* ob id vocati, sic ut non versus modò censoriā quadam virgula notarent, sed libros etiam, qui falso viderentur inscripti, tanquam subdititios à familia removerent. Ideoq; summi Poëtarum interpretes, Servius, Donatus, Acron, alijq; non pauci, *Grammatici* nuncupatione contenti fuere.

Idcirco & eodem nomine Appion, Joannes Philoponus, C. Julius Solinus, *Grammatici* passim ab antiquis vocantur. Joannes quoq; Balæus, Anglorum doctissimus, in Centuriis suis, quatuor recenset illustres suæ gentis scriptores, qui hoc titulo insigniti fuere. Primus *Alfridus, sive Ælfricus, Grammaticus*, Archiepiscopus Cantuariensis, qui obiit A. C. M. VI: alter *Galfridus Grammaticus*, qui claruit Anno M. CD. XC: tertius *Joannes Grammaticus*, & quartus *Serlo Grammaticus*, qui floruit Anno M. C. LX. Quorum duo priores ob studium Grammaticæ, præsertim τῆς τεχνικῆς, quod calidè tractarunt, scriptaq; Grammatica in lucem edita, *Grammatici* dicti sunt: sed posteriores illi, ob singularem & raram ista ætate eruditionem, cognomen ejusmodi, haud aliter ac Saxo noster, meruere. Uterque enim Rhetor, & insignis sui seculi Poëta habebatur, teste eodem Balæo, pag. 198. & 325.

Sed ut hoc etiam obiter adjungam, paulò minus in spissum me errorem induxerat Nobilissimus Vir, ac illustre Britannici suæ decus, Henricus Spelmanus, ut existimarem, eundem hunc *Alfridum, sive Ælfricum*, cujus modò mentionem egimus, Prologum, & forsitan Notas, atq; alia, in *Saxonem* nostrum *Grammaticum* scripssisse, & propterea *Grammatici* obtinuisse nomen. Nam in aureo isto Opere de Concilijs Ecclesiarum Britannicarum, [quod mihi nuper è Bibliotheca suâ, varijs ejusmodi Antiquitatibus refertissimâ, suppediavit Excellentissimus Vir, D. Olaus Wormius, Regiæ Academiæ Hafniensis Professor celeberrimus] & quidem in Notis ad Capitula incertæ editionis, verba nonnulla adducit ex Prologo Ælfrici ad

Sax. Gram. [Ita enim ad oram Codicis interiorem adscriptum extabat, in *Prologo ad Sax. Gram.*] quæ ego desumpta putabam ex *Prologo ad Saxonem Grammaticum*. At ubi rem paulò accuratius expendere ceppi, dimidiatas istas voces *Sax. Gram.* nequaquam de *Saxone Grammatico*, verum potius de *Saxonica Grammatica*, ad quam forte Prologum scripsisset Ælfricus, intelligenda duxi. Quam sententiam meam validè confirmant Lelandus, Balæus, & Pitæus, qui hunc ipsum Ælfricum, præter alia Opuscula varia, Saxonica Linguâ conscripta, Grammaticam quoq; Saxonica edidisse testantur. Quinimò repugnat utriusque Scriptoris ætas, quò minus Prologum in Saxonem nostrum scribere potuerit is, de quo Spelmannus loquitur, Ælfricus. Etenim hic summum obiit diem Anno Christi 1006, secundum Balæum & ipsum Spelmannum. Saxo verò noster integris post ducentis annis in fata concessit, nempe Anno Christi 1203. Quomodo igitur in Saxonis Historiam, quæ tum in rerum natura non erat, Prologum scribere potuerit Ælfricus, non video.

CAPUT X.

De Patria Saxonis, quæ Dania fuit, non Saxoniam.

GENTE verò Danum se esse, multis in Historiæ suæ socis clarè & apertè profitetur Saxo. Sic Libro IV, ubi de scriptorum Danicorum penuria conqueritur, Danorum gentem, SUAM non obscurè indigitat: *Tam brevi factorum ejus prosecutione animadverto, quot illustrium gentis NOSTRÆ virorum splendorem scriptorum penuria laudi memorieque subtraherit. Quod si patriam hanc fortuna Latino quondam sermone donasset, innumera Danicorum operum volumina tererentur.* Clarius autem id ipsum innuere videtur Lib. V: *Dani igitur (ut PATRIÆ pace loquar) siccandis certatim calicibus assveti, ingenti se oneravere vino.* Huc adde, quæ de feriarum serie apud Danos antiquos observata, juxta ac deorum gentilium nominibus, extant Lib. VI: *Quo evenit, ut legitima feriarum series apud NOS (id est, Danos) eorundem nominibus censeatur.* Et mox: *Eos tamen qui à NOSTRIS (nostratibus Danis) colebantur, non esse, quos Romanorum vetustissimi Jovem Mercuriumq; dixere &c.* Et paulò post: *Ea enim, quæ apud NOSTROS Thor, vel Othinus dies dicitur, apud illos (Romanos) Jovis vel Mercurij feria nuncupatur.* Si ergo Thor, Jovem; Othinum, Mercurium; juxta designatæ interpretationis distinctionem accipimus: manente NOSTRORUM assertionem, Jovem Mercurij filium extitisse convincitur. Ità & sub finem Lib. VIII. quæ reperiuntur verba, idem omnino evincunt: *Quod si novum Saxonibus ducenti variata rerum successio peperisset, is quodq; predictæ pensionis obsequio potestatis principum Danicæ majestatis titulis inclinaret: quod & gentis NOSTRÆ fateretur imperium, & subjectionis suæ solenne præberet indicium.* Illud etiam arguit eorum Saxonis Lib. X. de religionis & Justitiæ cultu: *Et utinam adultæ jam religioni ea apud NOSTROS vis autoritasq; constaret, quam inter antiquos tenera atque enervis habuerat.* Et quæ mox sequuntur de Anglia Danis fraudulenter erepta: *Ea nox parvulo temporis momento vetustam Danorum dominationem, diuq; majorum virtute elaboratum finivit imperium. Sed neq; id postera NOSTRIS fortuna restituit.* Huc refer & illa Libro XI: *Sed & gentis NOSTRÆ verecundia summam in vinculorum pæna turpitudinem reponere consuevit.* Et nè plura hic accumulem, instar *Ἰσχυρὸς* hoc erit, ex Libro XIV, de Frisia minore: *Administratio deinde provinciæ sub NOSTRIS Regibus esse cepit.* Sub NOSTRIS, inquit; id est, Danicis: ergo Saxo, Danus.

Natale autem solum *Selandiam*, (sive ut veteres pronunciabant) *Sialandiam* se insulam habuisse, insulam dico cunctis regionis nostræ provinciis amœnitate præcellentem, nuppiam ab ipso Saxone, quod equidem sciam, disertis verbis assertum constat: verum antiquissimi patriæ nostræ Annales, juxta ac omnes Saxonis Editiones id firmiter ac constanter asseverant. Quibus suum addit calculum Johannes Svaningius, quem sæpius laudavi, in Prolegomenis ad Saxonem illustratum: *Historiam de rebus gestis Danorum, quam Saxo Grammaticus, juxta vulgarem hominum nostrorum opinionem Cimber, sed juxta antiquos regni Annales, natione Sialandus, descripsit, in XVI Libros digessit.*

Hinc non immerito Nobilissimus ac Doctissimus Vir, Petrus Parvus Rosfontanus, Eques Danus, in Apologia sua & Refutatione calumniarum Joannis Magni Gothi, Archiepiscopi Upsalensis, eundem vehementer sugillat, quòd præter nefanda convicia, quibus inclytam gentem Danicam ubiq; in scriptis suis atrocissimè proscindit, etiam nobis eximium illud decus præripere conatus sit, diu Saxonem hunc nostrum Joannem de Saxonia falso nominet. Verba Rosfontani ita habent: *Quis, quæso, tantum odij, mendacij, ac calumniarum, in eo viro (Joanne Magno Gotho) latuisse non obstupescat, qui Archiepiscopalis dignitatis titulo præfulgens,*

gens alijs pietate, innocentia vitæ, ac morum integritate præluere debuerat, nisi hæc nefanda convicia ex Historia Saxonis, quem ille, nè talem nobis virum faveat, sed alijs persuadeat, eum sub hoc crassiore nostro cælo natum minime esse, Joannem de Saxonia falsò quidem nominat: maxime, cum Saxo non gentilicium, nec familia, sed apud Danos sit nomen proprium: nisi, inquam, hæc calumniosè excerpta, ac diu occultata ipse tandem aliquando impudenti ore evomisset, quis in tantam rabiem conver-
ti talem potuisse virum sibi persuaderet?

I nunc, & Cimbris suas objice tenebras, Danis suam barbariem! Hic est ille Saxo Grammaticus Danus, qui toti terrarum orbi testatum fecit.

Claros posse viros, & magna exempla daturos,
Vervecum in patria, crassoq; sub aère nasci.

CAPUT XI.

Quod Saxo Præpositus fuerit Roëschildensis.

TAm quod attinet amplissimam illam sacri muneris dignitatem, ad quam, haud dubiè ob stupendam eruditionem, & admirandam eloquentiam, evectum fuisse Saxonem nostrum accepimus, videlicet, quod *Cathedralis Ecclesiæ Roëschildensis Præpositum* (ut Ecclesiastici Scriptores loqui amant) egerit: eam nemo unquam in dubium vocare jure poterit, quum tot apud nos supersint incorruptæ fidei documenta, quæ de rei hujus veritate quemquam dubitare non facile permittunt. Et è multis ut pauca saltem in medium adducam, primum omnium ad testimonium citabimus Vitam S. Wilhelmi Parisiensis, Abbatis Monasterij D. Thomæ, in Dioecesi Roëschildensi, à quodam ejus discipulo, qui Saxonem in Dania aut vidit, aut videre potuit, conscriptam, in quâ hæc inprimis occurrunt verba: *Per id tempus Roschildensi Ecclesiæ cum multâ laude præsidebat Absalon Episcopus, Vir magni consilij, Cleri decus, merentium & afflictorum consolator, religiosorum pius amator, totius populi rector modestus, advenarum & pauperum benignus sustentator, Vandalorum strenuus debellator, Religionis Christianæ ornamentum, exemplar sobrietatis, forma pudicitiae, veræ nobilitatis & probitatis insigne speculum, lucerna fulgens in templo Dei, ejusque columna fortis & immobilis.* In ejus Dioecesi erat Cænobium Canoniorum, in Insula, quam Eschilsø vocant, non longè distante ab oppido Roschildensi, mari undiq; cincta. Et ipse quidem locus peramœnus erat, pratis viventibus, & diversis nemorum arboribus oblectans oculos animosq; illic degentium: attamen id temporis pauci illic morabantur Fratres, & ij ipsi frustra Regulares dicti, cum à regulari disciplina multum deflexissent. Cernens autem Venerabilis Episcopus Absalon illorum mores ab omni religione prorsus abhorrevit, mœrebat animo, ferebatq; indigne Diabolica fraude deceptos vitam prorsus mundanam vivere. Cœpit itaq; crebrò secum pertractare, quâ ratione posset illi Ecclesiæ consulere, atq; illi degentium mores in melius reformare. Redit tandem in memoriam familiaritatis & amicitiae, quæ illi olim intercesserat cum VVilhelmo, Viro religioso, cum literis Parisijs operam daret: sciensq; illum virtutibus & sanctis moribus ornatum, deliberavit illi ad se accito tradere locum memoratum. Mittit itaq; in Gallias Saxonem, Præpositum Roschildensem, virum honestum, qui ab S. Genovesæ Collegio petat D. VVilhelmum cum alijs tribus fratribus mitti in Dania, quibus etiam locum opportunum se Episcopus daturum pollicebatur. Abbas verò Ecclesiæ S. Genovesæ animadvertens tanti Præsulis æquas & bonas esse preces, de Fratrum suorum consensu ablegavit VVilhelmum cum tribus alijs in Dania, deducente eos Saxone Præposito.

Deinde alterum indubitatae fidei testimonium nobis suppeditat Codex antiquus MS. qui in Bibliotheca Regiæ Academiæ Hafniensis asservatur, à quo sequentia excerpimus: Anno Domini M. C. LXI. misit Absalon, Episcopus Roschildensis, Saxonem, Præpositum Roschildensem, Parisios, ad Ecclesiam Beate Genovesæ: & adduxit Fratrem VVilhelmum, cum alijs tribus fratribus, in Dania. Et factus est Abbas S. VVilhelmus in Eschilsø, ubi erant Canonici Regulares, nihil præter nomen & habitum habentes, qui antea habuerant Priorem pro Prælato. Obijt autem S. VVilhelmus XL anno, postquam curam Pastoralem suscepit, & sepultus in Monasterio D. Thomæ, in oppidulo Selandiæ Ebbelholt dicto, Anno M. C. C. II.

Sed quem, quæso, in hanc rem producamus majoris autoritatis, certiorisq; fidei testem, quam ipsum Saxonem? quippe qui suâ manu, Literis ac Codicillis Regijs & Episcopalibus subscriptâ, eminentissimum huncce dignitatis gradum sibi asseruit ac vindicavit. Bono etenim fato non ita pridem nactus sum Codicem MS. antiquissimæ notæ, cujus hæc erat Inscriptio: *Hæc sunt Rescripta Privilegiorum Sanctæ Othoniensis Ecclesiæ, quæ de sua dignitate & libertate, ante incendium, habuit.* Complectitur autem varia Diplomata literasq; Regum, Danicæ, Pontificum Romanorum, Archiepiscoporum, & Episcoporum, quibus Ecclesiæ Othoniensi eximias olim Immunitates & Privilegia aut indulserunt, aut indulta confirmarunt.

In ijs unum aut alterum sese offert, cui, unâ cum cæteris testibus, nomen suum subscripsit Saxo, tum temporis Præpositus Roschildensis. Ejus generis illud est, quo Rex Daniæ, Waldemarus Primus, Othoniensi Ecclesiæ Privilegia à majoribus suis concessa confirmat. Id quod integrum, curiosi Lectoris in gratiam, hæc subijciendum duxi, nè isthic tantum legeretur, nè planè interiret, quod alioquin futurum avgurabar. Ita verò habet: *In nomine Sanctæ Trinitatis, & individue Unitatis! Ego VValdemar, Dei gratiâ, Rex Danorum, universis Sanctæ matris Ecclesiæ filiis, tam futuris quàm presentibus in perpetuum. Quoniam Regi Regum omnium, in cuius dispositione Universitas rerum consistit, sceptrigeram regni Danorum censuram nostro regimine gubernari complacuit, licet omnibus regionis nostræ Ecclesijs necessariam defensionem impendere debeamus; tamen sanctæ Othoniensis Ecclesiæ profectui & proficuo attentius consulere ac patrocinari speciali jure advocatiæ tenemur: tum eò, quod venerandæ Sanctorum Reliquiæ in eâ continentur; [quos sicuti nostros extitisse propinquos, ita pios apud Deum patronos esse gaudemus] tum quòd non solum in Monasticæ religionis cultu antiquior, verùm etiàm in animarum fructu cæteris sacundior fuisse dignoscitur, quod uterque sexus tam Monachorum, quàm Monialium, qui primordiale suæ professionis normulam ab eâ contraxere, veraciter contestatur. Exemplo igitur antecessorum nostrorum regum admodum informati, qui eandem Ecclesiam conservari fecerunt, & probabili Monachorum conversatione institutam, ab omni jugo servitutis ac importunis Angarijs, alienam fore sanxerunt: talem eidem Ecclesiæ, & Monachis ibidem Deo militantibus, libertatis legem promulgamus; ut universæ ipsorum possessiones sive in villis, silvis, prædijs, pratis, sive in alijs quibulibet terræ generibus, quas Regum, Episcoporum, aliorumq; fidelium largitione, pecunia emptione, seu terrarum cambitione, usq; in diem hodiernum, id est, VIII. Idus Februarij, mensis videlicet secundi, Anni incarnationis Dominicæ, Millesimi, Centesimi, Octogesimali, intra Daciâ, cum idoneo testimonio acquisitas possedisse dignoscuntur, ab omni jure exactionario, regijsq; pertinentijs, immunes penitus, & omnino libera, perpetuò permanent. Quodcumq; itaq; ad nostram Curiam, apparatus, transvecturam, expeditionem, seu ad aliud quodlibet regij juris, obsequij, vel obsequiale debitum, à præfatæ Ecclesiæ Colonis exigendum erat, & exhibendum, tam in quadraginta, quàm trium Marcharum exactione; hoc totum, eodem jure & quantitate, ipsorum usibus Monachorum, in perpetuum pertineat. Verùm ne jus regie dignitatis, ex tam largâ concessa eis libertate, à nostris Successoribus exterminari videatur, Quadrantem terræ & dimidium in Quarstathe, & villam, quæ Sundrus nominatur, cujus collationem sub tenore Privilegij, in computatione medietatis nostræ capitalis portionis in Scania, à nobis habuerunt, nostræ nostrorumq; Successorum vendicationi, ipsorum consensu, mancavimus. Et ut iidem Fratres, quotiescunq; nos ipsi in propria Curia Othoniensi fuerimus, decem Equitaturas nobis habeant paratas eorum beneplacito diffinivimus. Statuimus etiam, ut decem Marchas Argenti de Insula Sild annuatim reddendas, & Censum æstivalem de Othenseo, quæ utraque ad supplementum vestituræ, à nostris antecessoribus habuere; non noster exactor, sed ipsorum tutor à modo suscipiat. Quod si quis vel viventium, vel succedentium, quocunq; modo, quod hic statuimus, infringere tentaverit; Dei omnipotentis indignationem incurrat, & Excommunicationis sententiâ percellatur, & ejus qualicumq; calumnia infructuosa & irrita permaneat. Cunctis autem eidem monasterio iuxta servantibus sit pax Domini nostri Jesu Christi, quatenus & hic fructum bonæ actionis, & apud discretum Judicem præmia æternæ pacis inveniat. Datum Hineby, VIII Idus Februarij, Anno Dominicæ Incarnationis M. C. LXXX. Indictione XIII. In præsentia & assensu filij Regis, Canuti: presentibus idoneis testibus, Henrico Skerp, Thuri Skalmi filio, Nicolao Stigh filio, Petro Palmi filio, Strangone Unge, Tako Algoti filio Eether, Esberno Haconis filio, Nicolao Torkilli filio. Ego Symon, Othoniensis Ecclesiæ Episcopus, propriâ manu subscripsi; Ego Karolus, Cancellarius Regis, subscripsi. Ego Einerus, Capellanus Regis, subscripsi. Ego Jonas, Clericus Regis, subscripsi. Ego Andreas, Clericus Regis subscripsi. Ego Magister Johannes subscripsi. Ego Baldvinius, Clericus Regis, subscripsi. Ego Esgerus Præpositus subscripsi. Ego Thomas, Abbas Insulæ Dei, subscripsi. Ego Saxo, Roschildensis Ecclesiæ Præpositus, subscripsi.*

Subjungam & aliud, in eandem fere sententiam, Diploma Regis Daniæ Canuti, Waldemari filij; cui iidem nomen suum subscripsit Saxo noster, cum Præpositum ageret Roschildensem:

- In nomine Sanctæ Trinitatis, & individue Unitatis! Ego Kanutus, Dei gratiâ, Rex Danorum, Universis Sanctæ matris Ecclesiæ fidelibus, tam posteris, quàm presentibus, in perpetuum! Inter cætera regni nostri negotia, & sollicitudines, quibus occupamur, Ecclesiarum dignitatibus, & piorum Cænobiorum proficuo intendere, sanctæq; religionis amatoribus attentius consulere, salutari suggestu justitiæ & æquitatis instigamur, divinæq; autoritatis monitu instruimur. Inde est, quod Sanctam Ecclesiam Othoniensem ad honorem Dei, & salutem animarum, proficere cupientes, quam pîj Patris mei, Regis VValdemari, Deo nota devotio ab omni servitutis gravamine liberam fecit, sueque hereditatis

confortem cum heredibus statuit : ejusdem Ecclesiæ Privilegia, pro dignitate sui & libertate, undecunq; sibi concessa, non solum debito affectu approbamus, & regia autoritate confirmamus; verum etiam sub divina & nostræ qualiscunq; gratiæ obtentu, ea irrefragabili jure conservari decernimus. Caterum dilectis Deo famulis, præfatæ Ecclesiæ Monachis, ad votum satisfacere volentes, pro redimenda dimidietate totius capitalis portionis, secundum sui æstimationem in Phionia, quam memoratus piæ memoriæ pater meus eisdem Monachis solempni donatione contulerat, mansionem nostram in Vurótorp, & aliam in Syndrup, quam Saxo Grijs à patre meo emptam, pro animæ suæ salute, ipsis fratribus skottavit, quamq; iidem fratres, unâ cum quadrante terræ & dimidia in villa Quarstade dicta, pro possessionum suarum omnimodâ libertate obtinenda & privilegianda, patri meo contulerunt, ipsis Monachis possidendas obtulimus. Enimvero ne perversorum cavillatione, de iterata ejusdem mansionis in Syndrup collatione, ulla calumniarum occasio in posterum nascatur; alias possessiones viciniores & securiores, quas pro majori sui commodo ac futurorum cautela maluerunt, pro duobus prædictis mansionibus ab Astrado Trugulsi filio satis carè emimus, & eas ab omni jure exactionario liberas, perpetuè eorundem Monachorum usibus contulimus: sex videlicet quadrantes terræ in Arstegortp, dimidiumq; Mansum in Esetoft, & prata, quæ Astradus ab heredibus Gunneri empta possedit, terramq; dimidiæ Marchæ annonæ seminabilem, cum pratis XII plaustrorum, quæ à Petro Lukki emit, ceteraq; quæ idem Astradus ibidem habuit. Has possessiones, viginti scilicet Marcharum auri, secundum pecuniariam pretij earundem pensationem, æterno Regi nostro Christo, Sanctoq; Martiri & Regi Kanuto, & fratribus eis militantium sustentatione, pro salute & remedio animæ patris mei, stabili jure possidendi & utendi, dedidimus. Deo itaq; auctore, cujus gratiâ Regio fungimur regimine, statuimus, ut si quis præsentium vel futurorum, præfatam Ecclesiâ temere perturbare, & hæc ejus, vel alias cujuscunq; generis possessiones auferre, seu ablatas diminueret, vel aliquibus angarijs & injurijs opprimere præsumpserit, & non emendaverit; divinæ ultionis & perpetuæ maledictionis plagâ feriat, & ejus qualiscunq; calumnia apud Deum & homines, irrita & annihilata habeatur. Igitur ne hujus donationis, vel deliberationis stabilitas alicujus contentions turbine in posterum pulsetur, sigilli nostri testimonio corroboravimus, in præsentia & assensu Matris meæ, Sophiæ Reginæ, & fratris mei Valdemari. Hujus rei testes idonei interfuerunt, Pincernæ Regis, Thuri Camerarius Regis, Henricus Skerp, & Tako Advocatus Ripensis, Strangi juvenis, Torve Hale, Ebbe Hirtorp, Esgerus villicus. Acta sunt hæc Hialby, XII Kal. April. Anno Dominicæ Incarnationis M. C. LXXXIV. Indictione 1. Epactis Viginti quinque, Gloriosi Regis Danorum Kanuti IV Anno 1^o. regnante Domino nostro Jesu Christo. Data per manum Eineri Capellani. Ego Simon, Otheniensis Ecclesiæ Episcopus SS. Ego Omerus, Ripensis Episcopus, SS. Ego Syveno, Arusiensis Episcopus SS. Ego Nicolaus, Vibergensis Episcopus, SS. Ego Henricus, Hetblandensis Episcopus, SS. Ego Marcus, Abbas Ecclesiæ omnium Sanctorum, SS. Ego Thomas, Abbas de Insula Dei, subscripsi, propria manu. Ego Ake, Abbas de Herivatho, propria manu SS. Ego Goto, Abbas de Horó, SS. Ego Andreas, Ottoniensis Præpositus, SS. Ego Esgerus Præpositus SS. Ego Saxo, Præpositus Roskildensis, subscripsi. Ego Symon, Abbas de Sora, subscripsi.

Ad ultimum, pro asserendo sacro illo Saxonis munere & dignitate, producamus Diploma Absalonis, Archiepiscopi Lundensis, quo ad exemplum Regum Daniæ Waldemari & Canuti, Privilegia & Immunitates Ecclesiæ Othoniensis confirmavit; quod etiam Saxonis, Præpositi Roskildensis, nomen subscriptum habet:

Absalon, Dei gratiâ, Lundensis Ecclesiæ Archiepiscopus, Apostolicæ sedis Legatus, Sveretiæ Primas, Universis Sanctæ matris Ecclesiæ filijs, tam præsentibus, quam futuris in perpetuum! Ex injunctæ dispensationis officio & sollicitudine nobis incumbere cognoscimus, ut ea, quæ rectè ac piè ordinata & facta comperimus, pio favore prosequamur atq; approbemus, approbata quoq;, ne quorumlibet iniquorum seu fraudulentorum versipelli malitia seu versutia perturbari, aut immutari, vel irritari valeant, indultâ nobis à Deo autoritate confirmemus, & manenti stabilitati Apostolorum clave, id est, Banno, seu Anathemate, corroborando signemus: ut & perversitas, si contra ea, quæ recto ordine sunt sancita, & justitiæ robore vallata, temerario ausu præsumere tentaverit, inveniat ubi offensa in se resiliat, & amplectenda religionis tranquillitas habeat, quò, scaturiente impetu malitiæ & assultu, secura refugiat. Proinde ergò nos ea, quæ à Dn. Valdemaro, Danorum Rege illustri, & venerando pietatis intuitu antecessorum suorum Regum laudabilibus ac probabilibus exemplis iuducto ac informato, Ecclesiæ Othoniensi collata, & sancita cognovimus, nostri Sigilli attestatione, ac indultâ à sede Apostolica auctoritate confirmare decrevimus. Volens itaq; prædictus Rex præfatæ possessiones Ecclesiæ, vestigijs majorum suorum inherendo, ab omni regie exactionis onere eximere, & Monachos in ea Ecclesia, sub regula & habita Beati Benedicti constitutos, ut oratione & contemplationi sincerius vacare, & Deo liberius militare possint, sublati Angarijs exactionarijs, quibus eos quorundam insolentia & incuria indebitè & importanè sollicitabat, & vexabat, liberos atq; securos reddere, adhibito honestarum & nobilium personarum,

tam Clericorum, quam Laicorum, testimonio, quorum nomina in hac pagina inferius sunt annotata, nec non filio ejus Kanuto præsente & assentiente, libertatis & immunitatis legem eis decrevit statuere, & regiam auctoritate sancire. Statuit igitur, ut universæ possessiones prædictorum Fratrum, quas in Phionia habent, quæ juxta æstimationem, triginta mansorum numero respondent, sive in villis, silvis, prædijs, pratis, & agris, ab omni jure exactionis, & quibuscumque angarijs penitus immunes & omnino liberæ perpetuo permaneant: ita tamen, ut quicquid prædictæ Ecclesiæ coloni exactionis Regiæ Curia prius erant exhibituri, scilicet, apparatus, transvecturam, expeditionem, aut quodlibet aliud regij juris obsequium, nec non satisfactiones tam ad quadraginta, quam ad tres Marcas pertinentes, hæc præmissa, eodem jure & quantitate, quo regiæ dignitati noscuntur pertinere, ydem Monachi per suum tutorem exigant, recipiant, & in proprios usus convertant. Præterea decrevit, ut Decem Marcas argenti, de insula Sild annuatim eis reddendas, & censum æstivalem de Orhense, quæ utraq; ad supplementum vestitura constat collata fuisse, non regius exactor, sed eorum tutor amodo suscipiat. Verum tamen nè quasi ex tam largæ & affluentis immunitate ac libertate à regia munificentia eis concessa & indulta, regalis jura dignitatis amplius æquo imminuta & extenuata à suis successoribus fortè viderentur & causarentur, in hujusmodi recompensationem, quadrantem terræ & dimidium in Quarstathe, & villam, quæ Sundröse dicitur, quam à jam dicto Rege, sub æstimatione medietatis, sive capitalis portionis, sub tenore Privilegij collatam & confirmatam receperant, ut diu aspiratam libertatem præscriptam consequi possent, ipsi & successoribus suis possidendam contulerunt. Insuper quotiens Rex in propria Curia Orhense fuerit, ut Decem Equitaturas ad opus ipsius habeant paratas, ydem Fratres ex Regis arbitrio diffinierunt. Porro superius annotatis XXX Mansis præscriptæ libertate legis communis, reliquæ possessiones servæ terræ, quas præfata Ecclesia processu temporum, à Regum, seu Episcoporum, munificentia obtinuerit, aliorumq; fidelium largitione, vel pecuniæ emptione possederit, regio juri & exactioni subjacebunt, nisi quarvis conventionem à præfatis Fratribus fuerint ab Angarijs exemptæ, aut regiæ clementiæ largitate consimili libertatis lege in posterum extiterint donatæ & emancipatæ. Fuerunt autem huic regiæ constitutioni testes adhibiti hi: Henricus Skerp, Thuri Scalni filius, Nicolaus Stigh filius, Petrus Palni filius, Strange Unge, Tako filius Algoti Vettier, Esbernus Hæoni filius, Nicolaus Torkilli filius. Hi autem subscripserunt, Symon, Orhoniensis Ecclesiæ Episcopus, Thomas Abbas, Karolus Cancellarius, & reliqui plures. Quicquid igitur Ecclesiastica secularisve persona, annotatæ pagine Constitutioni ausu temerario contra ire tentaverit, semel, ac secundo, tertiove commonita, si non destiterit, auctoritate Dn. nostri Jesu Christi, nec non auctoritate Beatorum Apostolorum Petri & Pauli, anathematizamus, & à perceptione Corporis & Sanguinis Domini ac Redemptoris nostri Jesu Christi sequestramus, & à communione fidelium separamus, ut sortem cum Dathan & Abyron, quos terra vivos absorbit, recipiant, & in opprobrium & scandalum viri perveniant, nisi resipuerint, & condignè satisfecerint. Qui verò præmissa sancita servaverint, & inconcussa firmiter tenuerint, partem cum Sanctis Dei in cælesti patria percipiant, diesq; suos in pacis tranquillitate persciant. Ego Absalon, Lundensis Archiepiscopus, Apostolicæ sedis Legatus, Svedici Primas, propria manu subscripsi. Ego Stenarus, VVexoniensis Episcopus, propria manu SS. Ego Marcus, Abbas Ecclesiæ Omnium Sanctorum, SS. Ego Johannes, Abbas Ecclesiæ Sanctæ Trinitatis, SS. Ego Hugo, Abbas de Tummetorp SS. Ego Nicolaus, de domo Sancti Laurentij Decanus, propria manu SS. Ego Ascricus, Prior Monialium Ecclesiæ Sanctæ Mariæ & Sancti Petri in Lundis, SS. Ego VValbertus, Abbas de Esrom SS. Ego Johannes, Notarius Archiepiscopi Absalonis, SS. Ego Andreas, Diaconus Dn. Archiepiscopi, SS. Ego Pain, Abbas Rinstadensis, SS. Datum Lundis, IV Idus Maji, Anno Domini M. C. LXXX. Indictione XIII. Epacta XXII. Ego Saxo, Roskildensis Ecclesiæ Præpositus, SS.

CAPUT XII.

Quod Saxo in contubernio Absalonis Archiepiscopi Lundensis vixerit, & ab eo non solum ad res magni momenti gerendas adhibitus, sed & ad scribendam patriæ Historiam impulsus fuerit.

AB omni memoria generosis id animis, ac illustribus præcipue Magnatibus in more positum fuit, ut præcellentes ingenio Viros domi militiæq; circa se habuerint, eorumque quotidianâ conversatione impendio sese oblectaverint. Sic Alexander Magnus Aristotelem, Scipio Africanus Polybium Panætiumq;, Pompejus Magnus Theophanem Mitylenæum semper secum habuerunt, eosq; non solum eximiâ dignatione atq; honore affecterunt, verum etiam amplissimis beneficijs præmijsq; ditarunt ac ornarunt. Ità nullum est dubium, quin Heros maximæ olim apud Danos existimationis, dignitatis, & auctoritatis, ac elegans liberalium studiorum, omnisq; doctrinæ, inprimis Historiarum, admirator & fautor, ABSOLON HVIDE, Archiepiscopus Lundensis, Saxonem Grammaticum, magno

magno & excellenti ingenio virum, ob stupendam & incomparabilem eruditionem, prudentiam, sapientiam, & in rebus gerendis dexteritatem, [quæ rarissimæ erant ista ætate doctes] in familiam suam aciverit, & tanquam interioris admissionis amicum, ac individuum quasi comitem, in eodem juxta secum contubernio, familiarem & domesticam vitam vivere voluerit. Id quod non obscure ipse innuit Saxo, sub initium Præfationis suæ in Historiam Danicam; dum *extremum se comitum Absalonis* nominet: *Mihi, inquit, comitum suorum extremo, cæteris operam abnuentibus, res Danicas in Historiam conferendi negotium intorsit.* Ubi per *comites* intelligendos dixi, qui Principis aut Optimatis alicujus in contubernium asciti, & in interiorem familiaritatem admissi, ei velut à consilijs essent, rebusq; magni momenti gerendis præessent; in Notis meis ad eum Saxonis locum. Sed & Sveno Aggonis, primus Danicæ gentis Historicus, [cujus Opuscula ante biennium publici juris feci] unâ cum Saxone, in eodem Absalonis Archiepiscopi contubernio svaiviter se vixisse testatur, in Historia Canuti Magni, Danicæ & Angliæ Regis: *Quorum gesta superfluum duxi plenè recolare, nè idem crebrius repetitum fastidium pareret legentibus: quum illustri Archipræsule Absolone referente, contubernalis meus Saxo, elegantiore stilo omnium gesta prolixius exponere decreverit.* Nonnihil huc facere videtur, quod in Testamento Absalonis, quod extat in Codice MS. Regiæ Bibliothecæ Hafniensis, Saxo, Clericus Absalonis nominatur. Verba ita habent: *Saxoni Clerico suo, duas Marcas argenti, & dimidiam concessit, quas sibi donavit.* Clericus autem, veteri loquendi consuetudine, non is solum dictus, qui sacris Principum inserviret: cujusmodi Clericos, certis distinctos gradibus, olim Constantinopolitana habuit aula: de quibus videatur Georgius Codinus Europalata de Officijs magnæ Ecclesiæ, Cap. VI. verum etiam ille, qui à *Commentarijs* esset, sive, *Commentarijs scribendis præfectus*, quem ὁ τομνηματογράφον Orientales appellarunt; quâ notione Belgis hodieque vocabulum *Klerck* in usu est. Tales vero Clericos propius circa Dominos ac Heros suos versari, eos, velut contubernales, quocunq; irent, comitari, & gravioribus in negotiis tractandis frequentius adesse, necesse fuit. Certè Saxonem nostrum sæpenumero ab Archiepiscopo Absalone ad res magni momenti gerendas adhibitum constat. Ita illi Legatio in Gallias, Anno Christi M. C. LXI, arcessendi in Daniam S. Wilhelmi Abbatis causa, tanquam Legato à latere, ut vocant, hoc est, fido Achaty, & viro ad ardua negotia expediunda maxime idoneo, demandata fuit: cujus etiam partes summa cum prudentiæ laude exequutus est. Ejus meminit Caput proximè antecedens: *Mittit itaq; in Gallias Saxonem, Præpositum Roschildensem, virum honestum, qui à S. Genovesæ Collegio petat D. VVilhelmum cum alijs tribus fratribus mitti in Daniam &c.*

Sed nullum majus, nullum augustius, nullum splendidius tanto viro injungi potuit munus, quàm scribendæ Historiæ patriæ provincia.

Quum etenim laudatissimæ memoriæ Heros, Absalon invitis videret oculis, patriam nostram, cujus illustrandæ maximâ semper cupiditate flagrabat, meliore sui parte, hoc est, prudenti ac docto Historiarum scriptore, destitutam, finitimis interim factorum traditione gaudentibus, rerumq; suarum titulos, non sinè magnâ inertix nostræ exprobratione, jactantibus: in id omni cura ac cogitatione incumbere cœpit, nè regna Boream spectantia eo claritatis & monumenti genere diutius fraudarentur, nè ingenio vinceremur, quorum arma viceramus. Et quo maturius sanctissimum propositum suum exequeretur, in fundatione Monasterij Sorani, cujus cœptam à Patre & Patruo ædificationem, sub Annum Christi M. C. LXI. unâ cum fratre Esberno perfecerat, sumptus planè liberales atq; magnificentissimos illorum destinavit sustentationi, qui isthoc loci à turba rerum hominumque semoti, quasi in alto quodam ac pingui secessu, rebus Danicis in Historiam conferendis unicè vacarent. Inter alios inventus est *Sveno* quidam *Aggonis*, Vir prudentiæ singularis, & ut illa fluebant tempota, egregie disertus, qui, ejusdem Absalonis consilio ac jussu, Operi cuidam Historico manum admovit. Sed ei jam inchoato immortuus, pauca duntaxat ad posteritatis noticiam transmisit; quæ non ita pridem publicam per me lucem aspexerunt. Hinc tandem mandatu eidem Absalonis, ad *Saxonem Grammaticum* Historiæ patriæ contexendæ negotium devolvitur: qui, quod religio esset tanti Herois imperio, tanquam dedignatione quâdam parendi, refragari & obniti; fiduciam ab hortatoris amplitudine mutuatus, arduum illud opus aggressus est. Idipsum nos edocet Saxo sub initium Præfationis suæ in Historiam Danicam: *Cum cæteræ nationes rerum suarum titulis gloriari, voluptatemq; ex majorum recordatione percipere solant: Danorum Maximus Pontifex Absalon patriam nostram, cujus illustrandæ maximâ semper cupiditate flagrabat, eo claritatis & monumenti genere fraudari non passus, mihi comitum suorum extremo, cæteris operam abnuentibus, res Danicas in historiam conferendi negotium intorsit, inopemq; sensum majus viribus opus ingredi, crebræ exhortationis imperio compulsi.* Et mox: *Quo evenit,*

evenit, ut parvitas mea, quamvis se prædictæ molī imparem animadverteret, suprà vires niti, quam jubenti resistere præoptaret. Et paulo post: Igitur oneri cunctis præteriti ævi scriptoribus inexper-
to, rudes laboris humeros subjicere coactus, imperiumq; negligere veritus, audacius quam efficacius parui:
-quamq; ingenij mei imbecillitas fiduciam negabat, ab hortatoris amplitudine mutuatus.

Autore igitur & svasore Absalone Archiepiscopo Historiam patriæ scribendam suscepit Saxo Grammaticus. At quanta ingenij dexteritate, quo genio, qua Venere & veneritate, quanto Musarum Gratiarumq; favore & dictamine, idem ille perfecit, quis non videt, quem quid videre obtusior mentis non vetat acies?

O te felicem Daniam, quæ usq; eo vetustatis obliivis resperfa jaceres, donec divinum hocce & sine exemplo maximum Saxonis tui ingenium illucesceret, quod tanto te famæ celebritatisq; splendore circumfunderet, & non aliter ac parva & exilia sidera validiorum, exortus obscurat, omnium finitimarum gentium Historicis caliginem induceret! Certè de Saxone, optimo & florentissimo rerum Danicarum Scriptore, dicere licebit, quod de summo Philosopho Panætio olim jactare solebat Rutilius Rufus, ut est apud Tullium Lib. III. Officior. Ut nemo pictor est inventus, qui Veneris eam partem, quam Apelles inchoatam reliquit, absolveret; (oris enim pulchritudo reliqui corporis imitandi spem auferebat.) sic ea quæ Saxo prætermisit, & non perfecit, propter eorum, quæ perfecit, præstantiam, nemo persecutus est. Quod & olim in mentem venisse video Clariss. Viro M. Johanni Svaningio, Historico Regio, quum ita de Saxone loquitur sub initium Commentariorum suorum: *A primo itaq; Danorum Rege Dan, descriptionem Historiæ exorsus, omnium Regum Daniæ, usq; ad Valdemari I, ejusq; filij Canuti tempora, res gestas adeo copiose ornateq; descripsit, ut magis homines nostros, viribus ingenij diffisos, a scribendo absterruerit, quam ad Historiam rerum postea gestarum stylo continuandam suo invitaverit exemplo.*

CAPUT XIII.

Quando vixerit ac scripserit Saxo, & quomodo Historiam perduxerit suam.

EX his jam omnibus, quæ ita strictim præmisimus, juxta ac alijs indubitata fidei documentis, quæ modo subjungenda duximus, facilimo quis negotio tempus & ætatem colligere poterit, quâ vixerit, scripserit, & floruerit in Dania Saxo noster. Vixisse autem Saxonem circa Annum Christi M. C. LVI. ex illis evinci potest verbis, quæ exstant Lib. XI. Historiæ Danicæ, de tumulo Wilhelmi, Episcopi Roschildensis, quem SUIIS TEMPORIBUS, Ascerianæ sepulturæ gratiâ, apertum scribit: *Quamobrem diu postmodum intactus VWilhelmi tumulus mansit; donec NOSTRIS eum TEMPORIBUS, Hermannus, majoris Sacrarij Præses, Arnfastusq; Scholæ magisterio functus, connivente Isacco ruralis Sacerdotij Præposito, parabilem magis, & inter cæteros cultissimum advertentes, Ascerianæ sepulturæ gratiâ, aperiri jusserunt.* Obijt autem Ascerus, Episcopus Roschildensis, Anno Christi M. C. LVI; vel ut alij supputant, M. C. L. Post quem eligitur Absalon, ipso teste Saxone Lib. XIV. Hinc clarum emergit testimonium de Saxonis ætate, nempe, quod vixerit, quum Absaloni, post defunctum Ascerum, sacri honoris culmen decerneretur.

At objiciat fortè aliquis, hunc minus accurate positum esse calculum; quum eodem loci commemoret Saxo Absalonem, tum Maximum Pontificem, ad visendum Arnfastum accessisse, qui in lectulo æger, in pœnam violatæ Antilitis sepulturæ, graviter decumbebat. Ergo inter obitum & sepulturam Asceri minimum viginti annos intercessisse. Absalon etenim sacram illam Pontificatus Maximi dignitatem suscepit Anno Christi M. C. LXXVII. Saxonis ita verba habent: *Nec leviozem Arnfastus excessum habuit. Qui quum impotentium nervorum hebetudini mederi vellet, porione per incuriam sumptâ, quo salutem conciliare debuerat, linguam instruxit. Sed & rupti tandem jecinoris partes frustatim egestas vomitu protulit: quas à Medico pelvi exceptas Maximus Pontifex Absalon, dum ad visendum eum humanitatis officio venisset, aspexit. Quo præsentē, æger, hæc se ob violatos VWilhelmi cineres perpeti protestatus, manifestas neglecti imperij ejus pœnas pependisse dicebat.*

Respondeo, vero non absimile videri, quod Arnfastus ille, aliquot annos, post violatam Ascerianam sepulturam, superstes fuerit, & fortean ad illum temporis articulum, quo jam creatus erat Archiepiscopus Absolon, quod contigit Anno Christi M. C. LXXVII. Nisi si quis dicat Asceri funus totos viginti annos insepultum jacuisse; aut saltem Sarcophago inclusum in Sacratio quodam ad sepulturam fuisse sepositum; quomodo hodieq; Nobilium apud

apud nos funera asservari solent ; & tandem, post designatum Absolonem Archiepiscopum, terræ mandatum. De quo sentiat ac judicet quisque, quid voluerit.

Deinde ætatis Saxonianæ momenta nobis aperit Codex MS. Regiæ Bibliothecæ Hafnienfis, quem supra Cap. XII, & proximè sequente XIII, ad testimonium citavimus. Is etenim Legationem Saxoni nostro ab Absolone commissam, ut ex Gallijs Wilhelmum Abbatem in Daniam arcesceret, refert ad Annum Christi M. C. LXI. quo Pontificatum Roschildensem administravit Absolon, & ab eodem Saxo, virtutis suæ summæq; eruditionis gratia, Roschildensis Ecclesiæ Præpositurâ donatus erat.

Sed inprimis floruit Saxo, rerum in Daniâ potiunte Waldemaro Rege, ejus nominis Primo, ejusq; filio Canuto, circa Annum Christi M. C. LXXIX. ac deinceps. Nam & ipse Saxo tempora sua ad imperium VValdemari restringit. Sic Lib. X. Hist. Dan. in Historia, Svenonis Tiuffveskeg, VValdemari meminit, SUI ÆTATE regnantis : *Quem incurfationis morem, NOSTRIS ANNIS, VValdemari Regis, Maximiq; Pontificis Absolonis, propense pro civibus excubiæ domuerunt.* Et Lib. XI. Waldemarum SUI TEMPORIS Regem nominat : *Eidem postmodum [Waldemaro Rutenorum Regi] NOSTRI TEMPORIS Rex, [Waldemarus I.] ut sanguinis, ita & nominis hæres, ex filia nepos obvenit.*

Quo verò tempore Historiæ contexendæ primam Saxo imposuerit manum, non adeo accuratâ assequi licebit conjecturâ. At verisimile videtur factum id esse post Annum Christi M. C. LXXI. Nam Lib. VII. Histor. Dan. mentionem injicit oppidi ab Esberno Snare, Absolonis fratre, constructi, nempe Kalundeburgi, quod illo anno conditum est : *Sed & Hako plus damni in fratrum nece, quàm pugilum defectione reponens, in portum, qui Danicè Herwig, Latine Exercituum sinus dicitur, classe collatâ, militem exponit. Quo loci NUNC oppidum ab Esberno constructum, munimine suo præsidium accolis facit, aditumq; barbaræ feritatis eliminat.* Ergo post hoc oppidum exstructum scripsit Saxo. Cæterum quo ea civitas tempore sit condita, ostendit Saxo Lib. XIV. Hist. Dan : *Eâ tempestate [videlicet regnante in Dania Waldemaro I, & circa Annum Christi M. C. LXXI, ut Annales nostri tradunt] Esbernus urbem Kalundam molitus, novi munimenti præsidio, portum hostili piraticâ liberum præstitit.*

Certè Saxonem ante Annum Christi M. C. LXXVII. vix ullam divino illi Operi suo admovisse manum, id confirmare videtur, quòd mox in ipso limine Historiæ testetur imposuissimum sibi hoc muneris fuisse ab Absolone, Danorum tum Maximo Pontifice. Pontificatus autem Maximi titulo insignitus Absolon, eo, quem dixi, Anno M. C. LXXVII. Archiepiscopo Lundensi Eschillo, cui successit, Pontificale culmen dimittente, & in Monasterium Clavallense discedente, ut ex Annalibus Ecclesiæ Lundensis constat.

Quinimò circa Annum Christi M. C. XCIII. maximam partem Historiæ Danicæ à Saxone absolutam, & fortassis ultimum finem spectasse totum Opus, indicare nobis videntur verba Lib. XI. propè finem, quæ sic habent : *Hæc audiens Regina patriam cum filio impubere repetit, geminis post se relictis filiabus. Ex quibus Ingertha Folconi, Suetiæ gentis nobilissimo, nupta, Benedictum Canutumq; filium habuit, hîdemq; mediantibus, Birgerum, qui ET NUNC EXSTAT, cum fratribus suis nepotem accepit.* At Birgerus ille, Ostrogothorum Dux, Regi Daniæ Canuto VI, Waldemari I. filio, *σὺλγεγν* fuit ; qui regnare cœpit Anno Christi M. C. XCIII. Si igitur, hæc scribente Saxone, etiamnum in vivis superaret Birgerus, omnino post hunc Annum M. C. XCIII Undecim Libros Historiæ Danicæ, Saxonis operâ jam tum elaboratos, & extremum ad colophonem perductos, reliquis tantum Quinque ultimam expectantibus manum, non absurdè colligās.

Cæterum Historiam suam perduxit Saxo usq; ad Annum Christi M. C. LXXXVI, quo Bugislavus Senior, Pomeraniæ Dux, Homagium Canuto Daniæ Regi præstitit, & cum conjugē ac liberis ad pedes Regis suppliciter flexis genibus procumbens, non solum veniam diutinæ rebellionis precatus est ; verum etiā obsidibus ex parte datis, ex parte promissis, aviti paterniq; Ducatus præfecturam beneficii loco ab ipso suscipere haud recusavit. Vehementer ergo fallitur Vir plurimum Reverendus, Aubertus Miræus, qui sub initium Chronici sui, Saxonem ad Annum Christi M. CC. historiam suam perduxisse scribit : *Anno M. CC. Saxo Grammaticus, Sialandicus, floret, qui ad hæc usq; tempora historiam Daniæ perduxit.*

CAPUT XIV.

De Conjugio & prole Saxonis.

DE Conjugio Saxonis, & quæ ex conjugio progignitur, sobole, altissimum in Antiquitatibus nostris silentium est. Vir tamen Nobilissimus, Arvidus Hvítfeldius, Regni Daniæ quondam Cancellarius, Chronographus doctissimus & accuratissimus, nec non etiam de Historia patriæ nostræ præclarè meritis, Saxoni geminam potioris sexus prolem, nescio quibus edoctus monumentis, attribuit, in Continuatione Saxonis, Parte prima, Pag. 112. Eodem Anno M. CC. XXII, inquit, Archiepiscopus Lundensis Andreas, postquam lepræ morbo infectus fuit, in sacri muneris consortium allegit Petrum Saxonis Grammatici filium, Præpositum Lundensem, Virum admodum literatum & sapientem: qui unâ cum eo Archiepiscopatum integro biennij spatio, & post solus toto quadriennio, administravit, consecratus Anno M. CC. XXIV. mortuus Anno M. CC. XXVIII. Hic Petrus fratrem habuit Septimum, vel Siffvendam, Canonicum Roschildensem, qui obiit Anno M. CC. XXV.

Verum, [ut Generosissimi Domini pace & veniâ loqui liceat] Petrum hunc non Saxonis, sed Sunonis de Knarderup filium fuisse, quem frater Andreas, leprosus jam factus, in societatem muneris fortean assumerit, ex Annalibus Ecclesiæ Lundensis liquidò constat: vel, si fuerit Saxonis filius, haud equidem Saxonem Grammaticum, nobilissimum Scriptorem, quem uxorem unquam duxisse ex nullis documentis evinci potest, sed alterum quempiam Saxonem, parentem eum habuisse, omninò existimo: vel deniq; hunc Petrum, cum fratre Siffvenda, Saxoni Grammatico ex fratre, aut sorore, nepotes fuisse, statuendum erit. Rarissimè etenim per ea tempora Ecclesiarum Præpositi, Canonici, sive in alio sacræ dignitatis fastigio constituti Viri, virgines vel fœminas sibi matrimonio jungebant, sed cœlibem plerumque vitam ducere solebant. Quid multis? *Fides sit penes autorem*: quomodo de rebus dubijs dici solet. Mihi sanè tanti Herois auctoritati fideiq; quicquam derogare religio sit.

CAPUT XV.

De Saxonis excessu, & ejus in memoriam conscriptis Elogiis.

IN fata concessisse dicitur Saxo Grammaticus, (qui non modò longiore vitâ, sed propè immortalitate dignus fuit) secundum plerosque Anno Domini M. CC. I. Sed accuratiorq; M. Andræ Welleji, Historici quondam Regij, & aliorum nostratium, calculus videtur, qui Saxonem Anno M. CC. IV. decessisse scribunt. Nam Historiam suam inscribit Andræ Sunonis, Archiepiscopo Lundensi, qui Absoloni cognato suo successerat circa Annum Christi M. CC. II. & simul in eadem Præfatione Serenissimum Daniæ Regem Waldemarum II compellat, qui ab excessu fratris Canuti, Anno M. CC. III. summam imperij Danici obtinuit. Nam postquam Absalonis, ejusq; successoris, Andræ Sunonis Archiepiscopi, jam modò laudati, mentionem fecisset honorificentissimam, subjecit continuo, versâ ad Waldemarum oratione: *Te igitur, salutaris Princeps, ac parens noster, cujus illustrissimam à præcis temporibus prosapiam dicturus sum, clarissima lux patriæ VValdemare.* Et statim exinde ad eundem: *Tua igitur ductu respectuq; &c.* ut nihil sit certius, quàm mortuo ac consecrato jam Canuto, fuisse hæc à Saxone, de fratre successore Waldemaro commemorata. Adde quòd Achilles Pyrminius Gaslarus, Chronologus diligentissimus, Saxonem floruisse annotet ad Annum Christi M. CC. II. Tunc autem Scriptores florere dicuntur, quum scribunt, non quum moriuntur, aut propter senectutem, aut ἐλάττωμα, utiles esse desierunt.

Saxoni verò nostro tale Epitaphium à Nobilissimo Viro, Dn. Lagone Wrne, Episcopo Roëschildensi, ut putatur, positum, hodieq; in templo Cathedrali Roëschildensi aureis literis tabulæ lignæ inscriptum, & ad partem ejus Australem parieti affixum visitur:

*Qui vivens alios æternum vivere fecit,
Saxo Grammaticus mortuus hic recubat.
Mortuus extincto sed tantum corpore, mente
Quæ valuit, magno vivit & ingenio.
Unde hanc, descripsit, gens Danica venit in oram,
Quæ jacet Arctoo proxima pæne polo:*

Danorum Regum repetens ab origine stirpem,
 Et quæ quisque suo tempore fata tulit:
 Qui regni tractus terrarūq; mariq; patentes,
 Quī populi mores, vitāq; qualis erat:
 Tūm quæ præstabant Heroum in pectore vires,
 Quæq; Giganteæ corpora molis erant:
 Quā sanctis patriæ firmatæ legibus urbes,
 Quod studium veræ religionis erat.
 Hinc quā DANUS erat virtute invictus & armis,
 Qui tenuit regnīs regna subacta suis:
 Non modō vicinis metuendus gentibus; ipsa
 Hoc ne Roma quidem libera ab hoste fuit.
 Nec tantū ista stylo deduxit facta soluto,
 Sed vario ornatum carmine pinxit opus.
 Quæ nunc perpetuā premerentur nocte, nisi hujus
 Conspicua ingenij lumine facta forent.
 Ergo locum hunc, qui funus habet, venerare Viator,
 Eximium patriæ namq; deus ille fuit.

Huic adjungam aliud Epitaphium, quod nobis exhibet Vir Clariss. Laurentius Afferous, Inscriptionum Danicarum Lib. I, conscriptum, ut videtur, à Nobilissimo Viro, Dn. Willichio Westhovia, Canonico Lundensi, Poëta Laurigero, & Comite Palatino Cæsareo:

Epitaphium Saxonis Grammatici Dani, literatissimi (omnium sui temporis) viri, Anno M. CC. II. in patria mortui, ad Roëschildie, (ubi Canonicus erat) sepulti.

Historias quotquot Latij scripsere triumpho,
 Cedant in Latij nobis splendore corthurni.
 Hinc mihi Grammatici deductum ex omine nomen
 Adcrevit: quasi non, SAXONEM præter, haberet
 Terra alium, pennam cui Svada Latina dedisset.
 Me fera barbaries à Danis, vindice, migrat:
 Vindice, mens cujus patrium tenet athera, Christo:
 Mentis at hospitium Roëfontia contegit ædes.
 Ringatur Latium! cælo se Dania tollat.

W. W.

Et quis mihi vitio vertet, si sequentes de Saxone Versus Rhythmicos, in vetustissimo Codice MS. repertos, addidero? qui licet barbari sint & inficeti, suo tamen non carent genio:

DANIA flos florum, rosa mundi, spina malorum,
 Fructibus, ætate, doctrinā, Nobilitate,
 Singula præcedit, & ei quasi mundus obedit.
 Utilibus plenus, gratus locus est & amœnus;
 Absit ibi luctus, ibi regnat copia fructus.
 Ecce viros tales producit DANIA, quales
 Vix modō nascantur, bello vel si arte probantur.
 SAXO GRAMMATICUS, Danorum flos & amicus,
 Gesta canit plura Regum, per carmina pura.
 OVIDI, TULLI, VIRGILI, vos quasi muli
 Illi cedatis, qui dum loquitur, taceatis:
 ROSKILDIS viguit, Præpositusq; fuit.

Atq; hæc paucula de Vita Saxonis inpræsens dicta sufficiant. Reliquum nunc est, ut ad alia nonnulla, quæ ipsam Historiam concernere videntur, stylum sermonemq; transferamus.

CAPUT

CAPUT XVI.

De Stilo Saxonis.

Quod ad Saxonis dictionem, in hoc Docti omnes consentiunt, scripsisse eum stilo elegantiori, florido, terso, sublimi, splendido, atq; magnifico. Quâ de re nonnulla hec in medium producamus variorum autorum iudicia & testimonia. Hos inter jure merito principem sibi locum vendicat magnus illè Des. Erasmus Roterodamus, cujus in Dialogo de optimo dicendi genere, quem Ciceronianum inscripsit, luculentissimum exstat de Saxone Encomium: *In Daniam navigare malo, quæ nobis dedit Saxonem Grammaticum, qui suæ gentis Historiam splendide magnificeq; contexuit. Probo vividum & ardens ingenium; Orationem nunquam remissam aut dormitantem; tum miram verborum copiam, sententias crebras, & figurarum admirabilem varietatem: ut satis admirari non queam, unde illâ ætate homini Dano tanta vis eloquendi.* Huic jam & alij succedant, non minus, quàm ille, de Saxonis dictione, rectè judicantes. Gerardus Joannes Vossius Lib. II. de Histor. Latinis, Cap. LV. *Quod ad Saxonis dictionem, tanta hujus est elegantia, ut ætatis illius captum planè excedat: imò cum antiquiorum, & nostri seculi plurimis certet.* Johannes Isaacius Pontanus Histor. Dan. Lib. VI. pag. 293. *Saxo Grammaticus, Præpositus Roschildensis, in gratiam ac decus suæ gentis, Historiam, quæ hodieq; est in manibus, Latine contexuit, stilo ac dicendi genere, supra quàm illud ferebat seculum, florenti ac terso: adeò ut Erasmus exinde haud satis mirari potuerit tantam eo ævo eloquij vim atq; elegantiam.* Caspar Barthius Lib. XXIV. Adversar. Cap. VIII. *Conditor Annalium apud Danos suus Saxo, cui Grammatico ab eruditione reconditâ, receptum est nomen, suo ævo nihil sperari majus potuit. In summâ barbarie, in terra à cultu literarum tam averrissimâ, Latine, eleganter, eruditè scribit, citrà parem quidem omnia.* M. Johannes Svaningius Fionensis, Regis Daniæ Historiographus celeberrimus Lib. I. Commentar. *Historiam de rebus gestis Danorum, quam Saxo Grammaticus, natione Sialandus, descripsit, in XVI libros digessit, atq; à primo Danorum Rege Dan auspiciatus, ad VValdemarum I. ejusq; filium Cautum, puro elegantiq; stilo accuratissimè eam persequutus est.* Joannes Oporius in Epistola Dedicatoriâ ad Dominum Philippum, Episcopum Basileensem, præfixâ editioni Saxonis Basileensi: *Quâ quidem re, inter medijs temporis Historicis, haud scio an quisquam alius, quantum ego judicare possim, hoc Saxone Grammatico, Danicarum rerum scriptore, excellat magis: quivè cum veterum etiâ quolibet, sivè dictionis elegantiam spectes, sivè rerum, consiliorumq; ac eventuum varietatem requiras, conferri melius possit.* Philippus Lonicerus editioni Saxonis Wecheliani hunc præfixit titulum: *Danica Historia, Libris XVI, summâ verborum elegantia, magnâ sententiarum gravitate, rerum deniq; admirandâ varietate, conscripta, autore Saxone Grammatico, Sialandico Dano, Historico laudatissimo, & quod eâ ætate mirandum, tam verbis quàm rebus politissimo.*

CAPUT XVII.

Quos præcipuè autores imitatus sit Saxo.

Dionysius Longinus, Rhetorum Græcorum præstantissimus, in Libello *de stylisticâ*, rectè præcipit atq; hortatur, ut, quando utile & præclarum aliquid molimur, magnorum, qui ante nos scripserunt, Auctorum imitationem, tanquam scopum, firmiter ante oculos nobis proponamus.

Quemadmodum etenim (inquit) fama est Pythiam, Apollinis sacerdotem, tripodi admotam, divinoq; spiritu afflatam, numinis instinctu, consulentibus oracula reddere: sic ab illis priscorum magnis ingenijs in animos, imitantium ipsos, tanquam ex sacris ostijs, rivi quidam feruntur, à quibus afflati etiam, qui suapte naturâ non isto Phœbeo aguntur furore, aliorum magnitudine impulsî concitantur rapiunturq;. Sic Homeri, Principis Poëtarum, præter Stefichorum, Archilochum, Herodotum, omnium studiosissimus imitator fuit Plato, ab illis Homericis laticibus ad se deductos rivos quamplurimos transferens.

Demosthenes sanè quàm diligens fuerit Thucydidis imitator, cum tam multa indicant, quæ Pæaniensis ille Orator ex Thucydide defumsit; tum quòd eum octies sua manu descripserit. Virgilius Lucretium adeo imitatus est, ut non verba sola, sed versus propè totos, & locos quoq; ejus plurimos sectatus sit, teste A. Gellio Lib. I. Cap. XXI. Imo plurima carmina Virgilius ab Homero, Theocrito, Ennio, Pacuvio, Furio, Nævio, Vario, Catullo, & Actio mutuatus est. Quid dicam de Livio, qui integras non modo sententias, sed longam

gam rerum gestarum seriem, eisdem Polybij verbis è Græco conversis, sæpius narravit? Quid de Macrobio, qui totas paginas in opus suum ex Gellio transtulit? Sic Cicero Demosthenem, Ciceronem Valerius Maximus, Virgilium Silius Italicus imitando exprimere conati sunt.

Ità & duos præcipuè autores, ex omni antiquitate, imitandos sibi proposuit Saxo, ad quorum se dictionem exprimendam vel maximè conformavit: VALERIUM MAXIMUM; cujus non modò formulas loquendi, sed & argutias, in hoc præcipuè genere excellentis, per universâ Historiæ contextum repræsentavit: & MARTIANUM CAPELLAM, à quo voces hausit rariores, & abstrusiores dicendi modos.

Nè vehementer dubites, Benevole Lector, en tibi exempla luculentissima; sed tamen ex innumeris pauca!

CAPUT XVIII.

Παρομοιωσιμὸς variarum Locutionum & vocum singularium, in quibus Valerium Maximum imitatus est Saxo.

1. Saxo in Præfatione, pag. 1.

Quo evenit, ut parvitas mea, quamvis se prædictæ moli imparem animadverteret, suprâ vires niti, quàm jubenti resistere præoptaret.

2. Saxo loco dicto:

Quamq; ingenij mei imbecillitas fiduciam negabat; ab hortatoris amplitudine mutuatus.

3. Saxo l. d.

Cujus fatis cœpti mei metam præcurrentibus.

4. Saxo l. d.

Te potissimum, Andrea, penes quem saluberrimus suffragiorum consensus, honoris hujus successionem esse voluit, materiæ ducem deponco.

5. Saxo l. d.

Tu Galliam percipiendæ literarum disciplinæ gratiâ perscrutatus.

6. Saxo l. d.

Officium mediocritatis limitibus contentum, tantis industriæ operibus exornasti, ut idem postmodum amplissimæ dignitatis viris beneficij nomine expetendum relinqueres.

7. Saxo l. d.

Quamobrem Scaniam tripudio dissulare compertum est, quòd Pontificem potius à finitimis mutuata sit, quàm ex indigenis legerit.

8. Saxo l. d.

Itaq; cum genere, literis, ingenioq; nitescas.

9. Saxo pag. 2.

Nec ignotum volo, Danorum antiquiores conspicuæ fortitudinis operibus editis.

10. Saxo l. d.

Quorum thesauros historicarum rerum pignoribus refertos.

1. Valerius Maximus in Prologo.

Si excellentissimi Vates à numine aliquo principia traxerunt; mea parvitas eo justius ad favorem tuum decurrerit.

2. Valerius Maximus Lib. VII. Cap. IV.

Miserus est tunc profecto Jupiter Romamæ virtutis præsidium ab astutia mutantis.

3. Valerius Lib. V. Cap. II.

Ille, adventum Scipionis fatis suis præcurrentibus &c.

4. Valerius in Prologo:

Te igitur huic cœpto, penes quem hominum deorumq; consensus, maris ac terræ regimen esse voluit, Cæsar, invoco.

5. Valerius Lib. I. Cap. I.

Ut decem principum filij singulis Etruriæ populis, percipiendæ sacrorum disciplinæ gratiâ, traderentur.

6. Valerius Lib. III. Cap. VII.

Mirificâ deinde procuratione abjectissimum negotium pro amplissimo ornamento expetendum Thebis reddidit.

7. Valerius Lib. III. Cap. IV.

Præclaris virtutibus effecit, nè hæc civitas pœnitentiam ageret, quòd Regem à finitimis potius mutuata esset, quàm de suis legisset.

8. Valerius Lib. V. Cap. VIII.

Juvenem & ingenio, & literis, & formâ, inter æquales nitentem.

9. Valerius Lib. IV. Cap. III.

Cum, editis conspicuæ fortitudinis operibus, apud milites laudatus.

10. Valerius Lib. V. Cap. II.

Massanißæ pectus grati animi pignoribus refertum.

11. Saxo l. d.

Quia propositi pondere constrictus, ve-
teor ne magis ingenij debilitatem patefaciam,
quàm tuam, sicut par est, originem repræsen-
tem.

12. Saxo l. d.

Cumq; fortitudine & liberalitate instru-
ctissimus habearis.

13. Saxo l. d.

Ex cujus sanctissimis vulneribus plus vir-
tutis, quàm cruoris, effluxit.

14. Saxo Lib. I. pag. 5.

Testis est Beda, non minima pars diyini
styli.

15. Saxo Lib. I. pag. 6.

Præcurrebat igitur Skjoldus virium com-
plementum animi maturitate; conflictusq;
gessit, quorum vix spectator ob teneritudi-
nem esse poterat.

16. Saxo l. d.

In quo annorum virtutisq; procursu.

17. Saxo l. d.

Primus rescindendarum manumissionum
legem edidit.

18. Saxo l. d.

Affirmare solitus: pecuniam ad milites,
gloriam ad ducem redundare debere.

19. Saxo Lib. I. pag. 8.

Hunc pater ultimæ jam ætatis.

20. Saxo l. d.

Hunc pater, ultimæ jam ætatis, ob resegre-
giè gestas, imperij consortione donavit.

21. Saxo Lib. I. pag. 9.

Henricum inter sacra mensæ & amico-
rum amplexus obtruncat.

22. Saxo l. d.

Inauditi generis miracula exercuisse.

23. Saxo Lib. I. pag. 11.

Tanto juvenis amore flagravir, ut virili
more culta prosequi non dubitaret, labori-
busq; ejus ac periculis interesse voluptatis lo-
co duceret.

24. Saxo Lib. I. pag. 13.

Statuam in crepidine collocavit.

25. Saxo l. d.

Hoc loci quid aliud adjecerim, quàm tale
numen hac conjuge dignum extitisse?

26. Saxo Lib. I. pag. 16.

Apud quam diversante Hadingo, mirum
dictu prodigium incidit.

11. Valerius Lib. II. Cap. VII.

Quia animadverto fore, ut pondere lau-
dis, quàm meruistis, obrutus, magis imbecil-
litatem ingenij mei detegam, quàm vestram
virtutem, sicut par est, repræsentem.

12. Valerius Lib. II. Cap. VI.

Vir ille, ut omnibus virtutibus, ita huma-
nitatis quoq; laudibus instructissimus.

Et Lib. V. Cap. III.

Eloquentia & integritate instructissimus.

13. Valerius Lib. III. Cap. II.

In quâ ex fortissimis vulneribus tuis plus
gloriæ, quàm sanguinis manavit.

14. Valerius Lib. VIII. Cap. XII.

Asinius Pollio, non minima pars Romani
styli.

15. Valerius Lib. III. Cap. I.

Præcurrit igitur Lepidus ætatis stabili-
mentum fortiter faciendi celeritate; dupli-
cemq; laudem è prælio retulit, cujus eum vix
spectatorem anni esse patiebantur.

16. Valerius Lib. III. Cap. II.

Nos quia jam initia procursusq; virtutis
patefecimus.

17. Valerius Lib. II. Cap. VI.

Qui tres in eodem manumissiones rescin-
di permittunt.

18. Valerius Lib. IV. Cap. III.

Nisi operum suorum ad se laudem, ma-
nubias ad patriam redundare maluisset.

19. Valerius Lib. V. Cap. IV.

Quæ patrem suum jam ultimæ senectutis.
Lib. I. Cap. VIII. Cumq; ad ultimam ætatem
pervenisset.

20. Valerius Lib. IV. Cap. II.

Ne si, dissidente animo, consortionem
imperij usurpare voluisset.

21. Valerius Lib. II. Cap. I.

Apud sacra mensæ, & inter hilaritatem a-
nimorum.

22. Valerius Lib. V. Cap. VI.

Novi & inauditi generis prodigium incidit.

23. Valerius Lib. IV. Cap. VI.

Hipficatea Mithridatem conjugem effu-
sis charitatis habenis amavit: propter quem
præcipuum formæ suæ decorem in habitum
virilem convertere voluptatis loco habuit.
Tonsis enim capillis equo se & armis asvesce-
cit, quò facilius laboribus & periculis ejus in-
teresset.

24. Valerius Lib. IV. Cap. III.

Quemadmodum erat in crepidine collo-
catus.

25. Valerius Lib. IV. Cap. VI.

Hoc loci quid aliud adjecerim, quàm ai-
gnas fuisse, quibus Minyæ nubarent.

26. Valerius Lib. V. Cap. VI.

Portam egredienti novi & inauditi gene-
ris prodigium incidit.

27. Saxo

27. *Saxo Lib. I. pag. 19.*

Extinctoq; superesse non passus, suspensio se, vulgo inspectante, consumpsit.

28. *Saxo Lib. II. pag. 22.*

Ut varijs periculorum generibus implicaret.

29. *Saxo Lib. II. pag. 29.*

Magna viri solertia, leniendi ardoris praesidium a clypeo mutuantis.

30. *Saxo Lib. III. pag. 49.*

Eoq; calliditatis genere ingenium textit.

31. *Saxo loco dicto*

Nec credi poterat obtusi cordis esse.

32. *Saxo l. d.*

Qui tam exculto manus artificio calluisset.

33. *Saxo l. d.*

Fuere ergo, qui illum vegetioris ingenij afferentes.

34. *Saxo Lib. III. pag. 50.*

Pari igitur studio petatum ac promissum est silentium.

35. *Saxo l. d.*

Ut salutem Amlethi vafamenti sui beneficio constituisse monstraret.

36. *Saxo Lib. IV. pag. 55.*

Me tam pia ultionis æmulum patricio fuscipite spiritu.

37. *Saxo Lib. IV. pag. 63.*

Subito vult ex muto vocalis evasit.

38. *Saxo Lib. IV. pag. 64.*

Ut se linguæ prorsus officio defectum.

39. *Saxo Lib. IV. pag. 66.*

Sed & paterna bona flagitijs disjiciebat.

40. *Saxo, loco jam dicto:*

Opes voracibus sumptuum impensis tribuens.

41. *Saxo Lib. V. pag. 70.*

Virginibus nubere non licebat, nisi quarum castitas eis ante delibata fuisset.

42. *Saxo Lib. VI. pag. 97.*

Sed quoniam tradita magis, quam cognita referuntur, fidem arbiter penset.

43. *Saxo Lib. VI. pag. 98.*

Interfecti corpus auro se repensurum edixit.

44. *Saxo Lib. VI. pag. 113.*

Apparatissimis dapibus insistens, luxurioso menias epulo cumulavit.

45. *Saxo l. d.*

Quibus cum Starchaterus oculos inseruisset.

27. *Valerius Lib. V. Cap. VIII.*

Silanus lucem ulterius intueri non sustinuit, suspensioq; se, proximâ nocte, consumpsit.

28. *Valerius Lib. III. Cap. I.*

Athenienses finitimo implicati bello. Lib. II. Cap. VII. Animis desperatione vitæ implicatis.

29. *Valerius Lib. VII. Cap. IV.*

Miserus est Jupiter Romanæ virtutis praesidium ab astutia mutuantis.

30. *Valerius Lib. VII. Cap. III.*

Eaq; fallaciâ maximas virtutes suas textit.

31. *Valerius l. d. & Lib. VI. Cap. IX.*

Obtusi se cordis esse simulavit.

M. Torquatus adeo hebetis atque obtusi cordis.

32. *Valerius Lib. VIII. Cap. XII.*

Qui quotidiano ejus usu callebant.

33. *Valerius Lib. VII. Cap. III.*

Fratrem suum, quod vegetioris ingenij erat, interfectum.

34. *Valerius Lib. I. Cap. VIII.*

Pari namq; studio petatum ac promissum est praesidium.

35. *Valerius Lib. VII. Cap. III.*

Lampacenæ verò urbis salus unius vafamenti beneficio constituit.

36. *Valerius Lib. VI. Cap. I.*

Virginus plebeji generis, sed patricij vir spiritus.

37. *Valerius Lib. I. Cap. VIII.*

Indignatione accensus vocalis evasit.

38. *Valerius Lib. V. Cap. IV.*

Quæ etiam Cræsi filium loquendi usu defectum.

39. *Valerius Lib. III. Cap. V.*

Dolenter enim homines ferebant, pecuniam flagitijs disjici.

40. *Valerius Lib. VII. Cap. I.*

Exercitus, & arma, & equitatum voracibus impensis onerosum.

41. *Valerius Lib. IX. Cap. I.*

Ac ne qua virgo ingenuo nuberet, cujus castitatem non ante ex numero ipsorum aliquis delibasset.

42. *Valerius Lib. I. Cap. VIII.*

Sed quia non nova dicuntur, sed tradita repetuntur, fidem autores vindicent.

43. *Valerius Lib. IX. Cap. IV.*

Quia Opimius Consul caput Gracchi auro se repensurum edixerat.

44. *Valerius Lib. IX. Cap. I.*

Cum immanibus epulis apparatissimos interponi ludos sinebat.

45. *Valerius Lib. III. Cap. III.*

Si huic miraculo Darius inseruisset oculos.

46. Saxo l. d.

Erat enim fortitudo ejus frugalitatis amatrix, aliena nimiae ciborum abundantiae, & ab immoderato dapum usu averfa.

47. Saxo l. d.

Utpote quæ aliquo in momento ponendi luxuriam nunquam vacavit.

48. Saxo Lib. VI. pag. 114.

Famem eo sapidius, quo simplicius pepulit.

49. Saxo l. d.

Ne veræ virtutis nervos externarum deliciarum contagione remitteret.

50. Saxo l. d.

Postquam se Theutoniæ moribus permisit, effœminatæ ejus lasciviæ succumbere non erubuit.

51. Saxo l. d.

Benevolentiam ejus, quia virtutem hebetare nequiverat, mercari cupiens.

Et mox infra:

Regina verò virtutem, quam debilitare nequiverat, stupens.

52. Saxo Lib. VI. pag. 115.

Nimio saturitatis usu oscitans.

53. Saxo l. d.

Adeo virtute vacuus, ut ne minimam quidem ejus umbram confectaretur.

54. Saxo Lib. VI. pag. 118.

Molli ac teneræ juventæ animositatis spiritum ingeneravit.

55. Saxo Lib. VII. pag. 128.

Omnia pene temporum momenta ad excolendam militiam conferebant.

56. Saxo l. d.

Ne virtutis nervos luxuriæ contagione hebetari paterentur.

57. Saxo Lib. VII. pag. 142.

Quem familiaritatis gradum educationis & crepundiorum consortione adeptus fuerat.

58. Saxo Lib. VIII. pag. 143.

Neq; mihi multitudinem complectendi cupiditas incescit.

59. Saxo Lib. IX. pag. 175.

Quâ quidem humanitate magnus Ruthenis injectus est rubor ulterius adversus eum, sæviendi Regem, quem ne injuriarum quidem acerbitate ad infligendam captivis mortem impellere potuerunt.

60. Saxo Lib. IX. pag. 176.

Quem quid aliud, quàm duas inter se fortunas partitas esse dicemus? Alteram quæ ei incolumen classem, propensum imperium, præcipuas piraticæ vires adjiceret: alteram quæ claritatis ruinam, commilitonum necem, acerbissimum vitæ exitum irrogaret.

46. Valerius Lib. II. Cap. V.

Frugalitas inimica luxuriosis epulis, & aliena nimiae vini abundantiae, & ab immoderato Veneris usu averfa.

47. Valerius Lib. IV. Cap. III.

Quorum animus aliquo in momento ponendi pecuniam nunquam vacavit.

48. Valerius Lib. II. Cap. V.

Ex libamentis victus sui deos eo efficacius, quo simplicius placabant.

49. Valerius Lib. II. Cap. VI.

Tenacissimos patriæ nervos externarum deliciarum contagione solvi noluerunt.

50. Valerius l. d.

Ut primum se Asiæ moribus permisit, fortitudinem suam effœminato ejus cultu molire non erubuit.

51. Valerius Lib. IV. Cap. III.

Benevolentiam Populi Romani mercari, quia virtutem debilitare nequiverat, cupiens.

52. Valerius Lib. IX. Cap. I.

Transmarinorum stipendiorum abundantia oscitantem.

53. Valerius Lib. VII. Cap. II.

Ut homines ipsam potius virtutem, quàm umbram ejus confectarentur.

54. Valerius Lib. V. Cap. III.

Qui æternum Romano Imperio spiritum ingeneraverat.

55. Valerius Lib. VIII. Cap. II.

Omnia temporum momenta ad percipiendam & exercendam doctrinam conferens.

56. Valerius Lib. II. Cap. VI.

Tenacissimos patriæ nervos externarum deliciarum contagione solvi & hebetari noluerunt.

57. Valerius Lib. IV. Cap. V.

Illorum amicitia in consortione deliciarum contabuit.

58. Valerius in Prologo.

Nec mihi cuncta complectendi cupiditas incescit.

59. Valerius Lib. I. Cap. I.

Quâ quidem constantia magnus cœlestibus injectus est rubor ulterius adversus eam sæviendi gentem, quæ ne injuriarum quidem acerbitate ab eorum cultu abstergeri poterit.

60. Valerius Lib. VI. Cap. IX.

Jam Alcibiadem quasi duæ fortunæ partitæ sunt: altera, quæ ei nobilitatem exitiam, favorum civium propensam, præcipuas potentiae vires assignaret: altera, quæ damnationem, exilium, odium patriæ, violentam mortem infligeret.

61. Saxo l. d.

Itaq; ex speciosissimo victore ad miserabilem captivi fortem deductus.

62. Saxo Lib. IX. pag. 178.

Verum quoniam hujusce muneris advocacy præstare plerisque vel invidiosum, vel arduum videbatur.

63. Saxo Lib. IX. pag. 178.

Nam fatis suis Romanæ legationis præcurrit adventum.

64. Saxo l. d.

Post hunc Gormo arcem obtinuit: id est, rerum summam, imperium.

65. Saxo Lib. IX. pag. 179.

Quippe profuso in somnum animo, existimavit.

66. Saxo Lib. IX. pag. 180.

Salus namq; Danorum in ultimas angustias deducta, ac penè desperationis periculis implicata.

67. Saxo Lib. X. pag. 161.

Voluntarium pro duce spiritum erogavit.

68. Saxo Lib. X. pag. 183.

Eadem quoq; cum sub specie fæminæ virilem animum gereret.

69. Saxo Lib. X. pag. 188.

Svenonis fortunam crebris detrimentorum incurfibus laceffitam.

70. Saxo Lib. X. pag. 192.

Nec solum fortitudinem ipse plenissimam præbuit, sed etiam ex sociorum animis pæne profugam revocavit.

71. Saxo Lib. X. pag. 193.

Ut nuptiarum deformitatem seminis aptitudine coloraret.

72. Saxo Lib. X. pag. 194.

Adeo scrupuloso cultu levia quoq; religionis momenta servavit, cujus detractæ tristem à se ipso pœnam exigere cunctatus non est.

73. Saxo Lib. X. l. d.

Cujus facti circumspectissimâ sanctitate æternam cognomine memoriam usurpavit.

74. Saxo loco dicto:

Ab eodem quoq; pauperibus protectio, pupillis tutela, sacerdotali ordini veneratio, detrimentorum violentiâ laceffitis subsidia præbebantur.

75. Saxo Lib. X. pag. 196.

A quo Ulvo, tempore, quo rerum autor nobiscum immortalitatem suam partiri voluit, annuo feriarum circuitu repetito.

61. Vlearius Lib. I. Cap. I.

M. Atilius Regulus ex victore speciosissimo ad miserabilem captivi fortunam deductus.

62. Valerius Lib. II. Cap. IX.

Accedit his, quod etiam fortunâ longam præstandi hujusce muneris advocacy estis allecuti.

63. Valerius Lib. V. Cap. II.

Ille adventum Scipionis fatis suis præcurrentibus.

64. Valerius Lib. VI. Cap. II.

Quo interfecto, aliquanto tetrior arcem occupavit.

65. Valerius Lib. I. Cap. VII.

M. Cicero, animo in somnum profuso, putavit.

66. Valerius Lib. II. Cap. VII.

Animis desperatione vitæ implicatis.

Et Lib. I. Cap. VI.

Tristitia implicatis militum animis.

67. Valerius Lib. V. Cap. IV.

Pro parentum alimentis spiritum erogantes.

68. Valerius Lib. VIII. Cap. III.

Quam quia sub specie fæminæ virilem animum gerebat, Androgynem appellabant.

69. Valerius Lib. IV. Cap. VII.

Detrimentorum incurfu quassatis solatia erogabantur.

70. Valerius Lib. V. Cap. VI.

Pietatemq; non solum ipse plenissimam exhibuit, sed etiam ex pectoribus aliorum abeuntem revocavit.

71. Valerius Lib. VIII. Cap. II.

Libidinofam liberalitatem debiti nomine colorando.

72. Valerius Lib. I. Cap. I.

Quod tam scrupulosa curâ parvula quoq; momenta religionis examinare videntur.

Et eodem Libro:

Hercules quoq; detractæ religionis suæ gravem pœnam exegisse traditur.

73. Valerius Lib. I. Cap. XX.

Decreti q; circumspectissima sanctitate impium opus censoris retexit.

74. Valerius Lib. IV. Cap. VIII.

Et cum hæc universis, privatim alimenti inopiâ laborantibus, dotes virginibus paupertate pressis, detrimentorum incurfu quassatis solatia erogabantur.

75. Valerius Lib. II. Cap. I.

Quid attinet divino numini invidiam fieri, quod immortalitatem suam nobiscum partiri noluerit.

Et Lib. II. Cap. II.

Cujus hilaritatis memoria annuo circuitu feriarum repetitur.

76. *Saxo Lib. X. pag. 201.*

Ejus famam gloriæ quæstu opulentissimam tenacissima posteritatis cognitio comprehendit.

77. *Saxo Lib. X. pag. 203.*

Nocte vero, quam belli dies insequutus est, quietem ejus certæ prædictionis species adumbravit.

78. *Saxo Lib. XI.*

Post hæc Daniæ status varijs rerum casibus fluctuatus est.

79. *Saxo Lib. XI.*

Magno cum indolis experimento ætatem animo præcucurrit.

Et paulo post:

Rerumq; , quarum ob infirmam adhuc ætatem vix spectator esse potuit, auctor haberi præsumpsit.

80. *Saxo Lib. XI.*

Nocte igitur, quam dedicationis dies insecutus putabatur, Sacristæ somnum capienti, quidam per quietem præcepit.

81. *Saxo Lib. XI.*

Absterfis lacrymis, depositisq; doloris insignibus, cultum regium resumere iussit.

82. *Saxo Lib. XI.*

Hinc Danicis, indè Norvagicis oculis, incredibilem, nisi spectareris, operam edidisti.

83. *Saxo Lib. XI.*

Exulasse hujus animum in nequitia non habitasse credimus.

84. *Saxo Lib. XII.*

Quamobrem tanta ciborum penuria incessit.

85. *Saxo Lib. XII.*

Nobilibus in eundem usum ingenuitatis insignia erogare rubori non fuit.

86. *Saxo Lib. XII.*

Inops epularum convivium principum oculis subijcere erubescerat.

87. *Saxo Lib. XII.*

Quum non minorem personarum, quam civitatum respectum egisset.

88. *Saxo Lib. XIII.*

Ne patriam sumptuosa clientela, ac voracibus oneraret impensis.

89. *Saxo Lib. XIV.*

Lætatusq; est, quod salutem suam alienæ rati, quam proprio navigio credere maluisset.

90. *Saxo Lib. XIV.*

Quo evenit, ut obscura & ignobili cæde spiritum deponeret, quem honeste in acie profundere noluisset.

91. *Saxo Lib. XV.*

Fridericus perfectissimum honestatis specimen.

76. *Valerius Lib. IV. Cap. I.*

Quo evenit, ut reprehensionis morsu sit vacua, & laudis quæstu opulentissima.

77. *Valerius Lib. I. Cap. VII.*

Referam, quam certis imaginibus multorum quies adumbrata sit.

Et paulo post:

Annibalis quoq; certæ prædictionis somnium fuit.

78. *Valerius Lib. IX. Cap. VIII.*

Ita exiguo momento maximæ rei casus fluctuatus est.

79. *Valerius Lib. III. Cap. I.*

Præcucurrit igitur Lepidus ætatis stabilitamentum fortiter faciendi celeritate, duplicemq; laudem e prælio retulit, cujus eum vix spectatorem anni esse patiebantur.

80. *Valerius Lib. I. Cap. VII.*

Artorio somnum capienti nocte, quam dies insecutus est, quo Romani exercitus inter se concurrere, Minervæ species oborta præcepit.

81. *Valerius Lib. I. Cap. I.*

Absterfis lacrymis, depositisq; doloris insignibus, candidam induere vestem.

82. *Valerius Lib. III. Cap. II.*

Hinc Romanis, illinc Britannicis oculis, nisi cernereris, spectaculo fuisti.

83. *Valerius Lib. VI. Cap. IX.*

Peregrinatus est hujus animus in nequitia, non habitavit.

84. *Valerius Lib. VI. Cap. VI.*

Tanta in Bosphorano tractu commeatus penuria incessit.

85. *Valerius Lib. V. Cap. VI.*

Pueri insignia ingenuitatis, ad sustentandam temporis difficultatem, contulerunt.

86. *Valerius Lib. I. Cap. IX.*

Effectum religionis suæ oculis Regis subjecit.

87. *Valerius Lib. III. Cap. VII.*

Majorem ejus autoritatis, quam suorum alimentorum respectum egerunt.

88. *Valerius Lib. VII. Cap. I.*

Exercitus, & arma, & equitatum voracibus impensis onerosum.

89. *Valerius Lib. I. Cap. VII.*

Ipse lætatus est, quod vitam suam somnio, quam navi credere maluisset.

90. *Valerius Lib. VI. Cap. III.*

Effecitq;, ut quem honeste spiritum profundere in acie noluerat, turpiter in catenis consumeret.

91. *Valerius Lib. IV. Cap. III.*

M. Curius fortitudinis perfectissimum specimen.

92. Saxo Lib. XV.

Publicæ religioni, quam privatæ amicitiae propiorem.

93. Saxo Lib. XV.

Igitur patricij spiritus Pontifex.

94. Saxo Lib. XVI.

Quo beneficio obligatus Bogislavus, Sclavorum animos Danis applicando, debitam Absolonis meritis gratiam retulit.

95. Saxo Lib. XVI.

Hisdem perfidiæ laqueis filij simplicitatem circumvenire studentis, quibus olim patris credulitatem implicatam habuerat.

96. Saxo Lib. XVI.

Quibus cum pulso mane somno oculos inseruillet.

97. Saxo Lib. XVI.

Bogizlai quoq; animus constantiæ pignoribus refertus.

98. Saxo l. d.

Accepti beneficij memoriam ad ultimum usq; vitæ tempus inviolabili fide exhibuit.

99. Saxo l. d.

Adeo ut cum supremo morbo correptus in lectulo laberetur.

100. Saxo l. d.

Eumq; dividendi inter pupillos regni autorem habituros.

101. Saxo l. d.

Et quod is statuisset, perinde ac testamento cautum, custodituros.

92. Valerius Lib. I. Cap. I.

Propior publicæ religioni, quam privatæ charitati.

93. Valerius Lib. VI. Cap. I.

Virginius plebeji generis, sed patricij vir spiritus.

94. Valerius Lib. IV. Cap. III.

Qua continentia Indibilis obligatus, Celiberorum animos Romanis applicando, meritis ejus debitam gratiam retulit.

95. Valerius Lib. VII. Cap. IV.

Aciem Pop. Rom. compluribus astutiæ implicatam laqueis ad tam miserabilem perduxit exitum.

96. Valerius Lib. III. Cap. III.

Si huic miraculo Darius inseruisset oculos.

97. Valerius Lib. V. Cap. II.

Massaniæ Regis pectus grati animi pignoribus refertum.

98. Valerius l. d.

Memoriam inclyti muneris ad ultimum vitæ finem constantissimâ fide perduxit.

99. Valerius l. d.

Ille quum jam ætate deficiente in lectulo laberetur.

100. Valerius l. d.

Eumq; dividendi regni arbitrum haberent.

101. Valerius l. d.

Quod is statuisset, perinde ac testamento cautum, immutabile ac sanctum obtinerent.

CAPUT XIX.

Παραλληλισμός Vocum & Locutionum variorum, in quibus Martianum Capellam imitatus est Saxo.

DE Martiano Capella idem esto judicium. Ejus tamen non tam integra loca, nec diffusas Periclos, quam voces rariores, & singulares loquendi formulas, quæ minime publici sunt saporis, imitandas sibi proposuit Saxo. Ante omnia id clarum erit, si quis diligentem collationem instituerit inter ea, quæ Capella potissimum Lib. VI, de latitudine, rotunditate, ac divisione Terræ, alijsq; eo pertinentibus, edisserit; & Daniæ illam descriptionem Chorographicam, quam Historiæ suæ præfixit Saxo. Profecto non lac lacti, non ovum ovo poterit esse similis, quàm utriusque Autoris, circa eandem ferè materiam occupata, oratio. Agedum, videamus.

1. Saxo Præfatione, pag. 2.

Hujus itaq; regionis extima propinqui maris fluctibus includuntur. Interna vero circumfusus ambit Oceanus.

2. Saxo pag. 3.

Subsidentium camporum recessu.

3. Saxo l. d.

Pari spatiorum intercapedine disparata.

1. Martianus Capella Lib. VI. p. 200.

Rotunditatis autem ipsius extima circumfusus ambit Oceanus.

2. Mart. Capella l. d.

Hinc defluxere per diversos sinus, subsidentesq; campos.

3. Mart. Capella l. d.

Quod cum antea natura terris maria dispararet.

4. Saxo pag. 2.

Hujus itaq; regionis extrema partim soli
alterius confinio limitantur.

5. Saxo l. d.

Ex his Jutia granditatis inchoamenti-
q; ratione Danici regni principium tenet.

6. Saxo l. d.

Fluminis Eydori interrivatione discreta.

7. Saxo pag. 3.

In Norici freti litus excurrit.

8. Saxo l. d.

Cum aliquanto latitudinis excremento.

9. Saxo pag. 2.

Teutoniæ finibus admoventur.

10. Saxo pag. 4.

In hiantium rimarum penita provoluti.

11. Saxo l. d.

Scopulis undiq; secus obrita.

12. Saxo l. d.

Multiplex diversitatis Barbaricæ conser-
tio.

13. Saxo l. d.

Ab hujus ortivo latere.

Plura hæc accumulare exempla, brevitatis causâ, in præsens supersedeo. Saxonem
etenim Martiani Capellæ felicem ac diligentem fuisse imitorem, Notæ & Observationes
nostræ, si quis accuratius eas pervolverit, porro plenius certiusq; testari poterunt.

4. Martini Capella pag. 202.

Divulsq; confinio camporum : Et *NOTA* :
Asia itidem Nili alveo limitatur.

5. Mart. Capella l. d.

Europæ tamen principium inchoamen-
tiq; limen Hispaniæ contributum.

6. Mart. Capella l. d.

Iberi fluminis interrivatione tractu.

Et pag. 213.

Verum hæc angustiora quâdam interri-
vatione distenduntur.

7. Mart. Capella l. d.

In Gaditani freti litus excurrit.

8. Mart. Capella pag. 203.

Diffusior adjacet in latitudinis excremen-
tum.

9. Mart. Capella l. d.

Ex alio latere Galliarum finibus admo-
vetur.

10. Mart. Capella pag. 205.

Mersus in penita telluris:

Et pag. 195.

Qui in ejus penita præcipitatur.

11. Mart. Capella pag. 195.

Aëris halitus undiq; secus diffusus.

Et paulò post:

Tantundein undiq; secus à terris abesse
cælum.

12. Mart. Capella pag. 214.

Littus confertum multiplici diversitate
Barbarica.

13. Mart. Capella pag. 224.

Sol ortivus in lava conspicitur.

CAPUT XX.

*Encomia & Testimonia Virorum Doctorum, nostri & superioris seculi, de Saxone
Grammatico.*

Tamet si Saxo noster omni propè laude major sit, deq; eo præstet omnino tacere, quàm
pauca dicere, quod olim de Carthagine Sallustius usurpavit; [quicquid enim dixeris,
id omne incomparabili ipsius eloquentiâ, & eruditione longè admirabili, minus erit:]
in medium tamen adducam luculenta quædam Virorum Doctorum de tam divino Scripto-
re Encomia & Testimonia; ex quibus perspicuum erit, quanti Saxonem fecerint, etiâ illi,
qui Danicis ingenijs non adeo benignos se fautores præbere solent.

Auctor Vitæ S. Wilhelmi Abbatis : *Mittit itaq; in Gallias Saxonem, Præpositum Ro-
schildensem, VIRUM HONESTUM; qui ab S. Genovesæ collegio petat dominum VVilhelmum,
cum alijs tribus fratribus, mitti in Daniam.*

Auctor vetustissimus, cujus meminit Codex MS. Regiæ Bibliothecæ Hafniensis :
Saxo cognomine Longus, miræ & urbanæ eloquentiæ Clericus.

Cornelius Aurelius, magni illius Erasmi Præceptor, Lib. II. Bataviæ suæ, ubi de
domo tributaria à Gotrico Danorum Rege in Frisia erectâ loquitur: *De hac Saxo Gramma-
ticus miranda ponit in Historia sua, quam de gestu Danorum ACCURATISSIME scripsit.*

Deſſ. Erasmuſ Roterodamus Dialogo, cui tituluſ Ciceronianuſ, ſive, De optimo di-
cendi genere : In Daniā navigare malo, quæ nobiſ dedit Saxonem Grammaticum, qui ſuæ gentiſ Hi-
ſtoriam ſplendide magnificeq; contexuit. Probo vividum & ardens ingenium, orationem nuſquam re-
miſſam aut dormitantem : tum miram verborum copiam, ſententiaſ crebraſ, & figurarum admirabi-
lem varietatem : ut ſatiſ admirari nequeam, unde illa ætate homini Dano tanta viſ eloquendi ſuppe-
tiverit.

Albertuſ Crantziuſ Daniæ Lib. I. Cap. I : Nunc Antiquitateſ renovaturi, rerum geſta-
rum ordinem narratione complectamur ; Saxonem, virum Sialandicum, mirā diligentia ſuæ gentiſ An-
tiquitateſ perſcribentem, ſequenteſ autorem : cujuſ diligentia verborum curæ parem indagandæ veri-
tatiſ credere promptum eſt vigilantiam extitiſſe.

Idem Norvagiæ Lib. V. Cap. XIII : Hæc ad verbum libuit ex Saxone noſtro transferre
& inferre, ut per intervalla, auctoriſ, quem in hiſ Antiquitateſ ſequuti ſumus, vocem intermiſceamus :
ut videant poſteri, quæ cura ſcribendi fuerit, jam tum eā tempeſtate, Danici generiſ hominibuſ. Non
vibebatur tanta literarum inſtructio neq; ſeculo congruere, neq; regioni : quando in ultimā (ut vocant
Itali) barbarie, illiſ temporibuſ, quando illuſtrium literarum memoria videbatur etiam in Italia (bona-
rum artium matre) jamdudum intermiſſa ; Saxo tamen Danuſ in patria ſua tum ea ſcripſit, quæ ad-
miramur. Et niſi manifeſtiſ atteſtationibuſ rem in propatulo cerneremus, non facile perſuaſum habe-
remuſ, illiſ temporibuſ, in eiſ regionibuſ tale aliquid compertum iri. Judicet quæque, ut volet. Ego
temporum & locorum facta collatione, hominem demiror, & laude ſua non fraude.

Idem Sveciæ Lib. I. Cap. I. pag. 204 : Et quoniam promiſcuè Gothorum atq; Sveonū ſu-
reſ geſtaſ in ordinem digerere propoſitum eſt, principium à Gothiſ ſumere ex re viſum eſt, quod eorum
egreſſio vetuſtior eſt, quam ulla rerum in Sveciſ commemoratio, ab auctore, quem ſequimur. Iſ eſt
Saxo Grammaticuſ Sialandicuſ, vir imprimiſ diſertiſſimuſ, & (ut conſidimus) antiquitatum in gente ſua
fideſiſſimuſ renovator.

Eodem Libro, pag. 225 Saxoneſ vocat memorabilem ſcriptorem : Nam Daniæ quoq;
geſta memorabit ille ſcriptor, per aliquot ſecula tranſiit. Et Norvagiæ Lib. I. pag. 352. virum di-
ligentiſſimuſ : Miror autem hiſ de rebus Saxonuſ noſtri ſilentium &c. Sed non eſt ea culpa viri di-
ligentiſſimi, quod per eam ætatem (ut apparei) nulli annaleſ ſcriberentur.

Cardanuſ de rerum varietate Lib. XV. Cap. LXXX. Neq; id vitioſum Hiſtorico : ſed
ubi Hiſtoria per ſe ſteriliſ eſt, licet eam jocuſ ac fabuliſ exornare. Quamobrem & jure ab hiſ abſtinuit
T. Liviuſ, & Herodotuſ juſte damnatur, & Saxo Grammaticuſ laudatur.

Olaſ Magnuſ, Archiepiſcopuſ Upſalenſiſ, Lib. II. Cap. XXIV : Hiſtor. Septentr.
Hanc inſulam Gotlandiam Saxo Grammaticuſ, Danorum inſignuſ Hiſtoricuſ, in pluribuſ ſuiſ ſcriptiſ ad
Sveciam ſine quavis hæſitatione ſpectare atteſtatur.

Idem Lib. III. Cap. XII : Saxo Danorum Hiſtoricuſ, Antiquitateſ diligentiffimuſ in-
dagator.

Idem Lib. V. Cap. I. Quid verò Saxo Grammaticuſ, diligentiffimuſ Hiſtoricuſ, de ſua tel-
lure Danica in hac materia aſſerat, curioſuſ Lector præſationem Hiſtoriarum ejuſ, circa finem, inſpiciat.

Et paulo poſt : Fortè ſi ſuperioriſ Suetiæ atq; Gothiæ cauteſ & ſaxa examinaſſet, præcla-
riſſima veterum geſta MIRABILI SUO INGENIO ad poſteroſ tranſtuliffet.

Idem Lib. V. Cap. III : Aſſerit clariſſimuſ Danicarum rerum ſcriptor Saxo, ſuperiſ allega-
tuſ, ac inferiſ frequenter alleganduſ.

Antoniuſ Poſſevinuſ Apparatuſ Sacri Pag. 197. Edition. Venetæ : Saxo Grammati-
cuſ, Sialandicuſ, & Daniæ regno, Rothſchildenſiſ Eccleſiæ Præpoſituſ, ſcripſit Hiſtoriæ Danorum Libroſ
XVI. ad Andreā Epicoſcopuſ Daniæ, illoſ quidem pereleganteſ, ſi præſertim ævum, quo vixit, attendaſ.
Quippe Philippo Cæſare vixit, deq; ſuæ gentiſ vetuſtate, uſq; ad Annuſ 1200, quo vixit, eandem Hiſto-
riam pertexuit ; quæ Baſileæ apud Bebelium Anno 1534, atq; Pariſiſ prodiit. In quā licet, præter
alia, intueri, quenam ante enataſ Lutheri, & aliorum, Hæreſeſ, religio, nampe Catholica, ſemper apud
Danuſ, poſt illorum ad fidem Chriſtianam converſionem, enituit.

Chriſtophoruſ Coleruſ Epift. de ſtudio Politico ordinando : Miror Saxonem Gram-
maticuſ, qui ævo barbariſſimo eloquentiſſimè & compiſſimè ſcripſit Hiſtoriam Danicam. Atq; utinam
ita diligenter etiam, qui de rebus Germanicis commentati ſunt : licet ipſe multas fabulaſ miſcuerit.

Joanneſ Picartuſ in Notiſ ad Lib. II. Gvillelmi Nevbrigenſiſ de rebus Angliſ :
Saxo Grammaticuſ Lib. I. Hiſt. Dan. à Dan, primo Danorum Rege, vult dici Danuſ. In quam ſenten-
tiam pedibuſ eo lubenſ, quippe pronuntiata à Scriptore Dano diligentiffimo juxta ac diſertiſſimo.

Thomaſ Dempſteruſ, Scotorum doctiſſimuſ, in Indice Scriptorum, quos in Paralipomeniſ ſuiſ ad Antiquitateſ Romanas Johanniſ Roſini, in teſtimonium advocat : Saxo
Grammaticuſ luculentuſ, ut tempora ferebant, Hiſtoricuſ.

Daniel Heinſius in Prolegomenis ad Ariſtarchum Sacrum : Quod nomen (Grammatici) ſibi præſtantiſſimus Philoſophi interpres, qui Theologiam quoq; profeſſus eſt, aſſumpſit. Qui Grammaticus ab univerſæ eruditionis contemplatione ac complexu dictus eſt : quemadmodum ætate ſequiori Saxo, illuſtris ac ætate illa facundiſſimus Danorum Hiſtoricus, vir plurimarum rerum gnarus, Saxonem Grammaticum ſe dici voluit.

Gerardus Joannes Voſſius Lib. II. de Hiſtoricis Latinis : Saxo Grammaticus, Sialandicus, Roſchildenſis in Dania Eccleſiæ Præpoſitus, ad Andream, Daniæ Epiſcopum, Hiſtoriam ſcripſit Libris XVI : in quâ non pauca ſunt fabuloſa : ut haud cuncta recipi debeant ἀβασανιστος. Nec tamen tantus eſt fabulator, ac nonnullis videtur, qui eam nullo habent loco. Inter hos eſt Goropius Becanus : de quo minus eſt mirandum, cum argumentum tractet, non πρεπόδορον modò, ſed etiã ἀδορον. Reſicit igitur, non quicquid debet, ſed quicquid obest cauſæ ſemel ſuſceptæ. Quod ad Saxonis dictionem, tanta huius eſt elegantia, ut ætatis illius captum planè excedat : imò cum antiquiorum, & noſtri ſæculi plurimis, certet. Perduxit Hiſtoriam ſuam uſq; ad tempora Philippi Cæſaris, ſub quo non inglorius vivebat. Mentio ejus fit ab eo, qui Saxonem in Dania aut vidit, aut videre potuit, diſcipulo dico S. Guilhelmi, Roſchildenſis in Dania Abbatis, apud quem in præceptoris vitâ hæc legas : Mittit itaq; in Gallias Saxonem, Præpoſitum Roſchildenſem, virum honeſtum : qui ab S. Genoveſe Collegio petat Dominum VVilhelmum, cum alijs tribus ſatribus mitti in Daniam.

Johannes Ilacius Pontanus in Epiſtola Dedicatoria ad Sereniſſimum Daniæ Regem, Chriſtianum IV : Eorum præcipuè priores (Reges) Saxo Grammaticus, Sialandicus Danus, illuſtri Langiorum proſapia oriundus, ante quadringentos, & quod excedit, annos, mirabili rerum varietate, nec minori dicendi ubertate &c. accuratius pertractans &c.

Idem Hiſtoriæ rerum Danicarum Lib. VI. pag. 293 : Quin & eo (Abſalone Archiepiſcopo) præcipuè impulſore & veluti ergodiotæ uſus Saxo Grammaticus, Præpoſitus Roſchildenſis, in gratiam ac decus ſuæ gentis, Hiſtoriam, quæ hodieq; eſt in manibus, Latine contexuit, ſtilo ac dicendi genere, ſuprà quàm illud ferebat ſeculum, florenti ac terſo ; adeò ut Erasmus exinde haud ſatis mirari potuerit tantam eo ævo in homine Dano eloquiij vim atq; elegantiam.

Idem in Chorographica Daniæ deſcriptione, Cap. de Danorum ingenijs, ſtudijs, ac moribus, pag. 781 : Talibus viris, ſivè ſidera potius appellem, lucentibus, nihil mirum & alia exiſtiſſe clara ingenia. Sanè Italian, Galliam, Germaniam, cæteramq; ferè Europam univerſam, barbaries tum occupavit ; adeò ut in iſto propemodum terrarum angulo, extremoq; Borea, quod mirandum, elegantia ac decus literarum ſteterit. Tunc etenim ſuis tantummodò notus, interq; frigora atq; Arcton ſtudia fovens, ſinè exemplo maximus, longeq; admirabilis rerum Danicarum ſcriptor emicuit Saxo Grammaticus, Eccleſiæ Roſchildenſis Præpoſitus, & vetuſta atq; inclyta Langiorum familia oriundus. Quem exinde ſeculis aliquot, ubi emergere è vepribus, ac tenebris ignorantie denſiſſimis cœpiſſet doctrina cultior, admirati ſunt viri doctiſſimi, & in his magnus ille Deſiderius Roterodunus, illo ævo hominem Danum non modò ſplendide magnificèq; gentis ſuæ Hiſtoriam contexuiſſe, ſed ad id exſequendum attuliſſe inſuper ingenium vividum & ardens, variationem nunquam remiſſam aut dormitantem, tum mirificam verborum copiam, ſententias crebras, & figurarum admirabilem varietatem ; ut exputare iterum iterumq; haud potuerint, unde homini ad axem propemodo extremi Boreæ poſito tanta vis eloquendi eâ ætate promanarit. Habuit ille operum ſuorumq; ſtudiorum impulſorem præcipuum, ac veluti ergodioten, Abſalonem Hvide, Lundenſem Archiepiſcopum. In cujus quoq; gratiam, ac decus ſuæ gentis, Hiſtoriam, quæ hodieq; eſt in manibus, Latine contexuit. Unum oprandum fuiſſet, ſi adjectâ annorum ævâ, lucem majorem rebus addidiſſet, & inductis quoq; ævi illius incerti ac vetuſtiſſimi nonnullis, quod ad libros præſertim priores attinet, hiſtoriam magis, quàm fabulas, quod ei Virus impingit, poſteris tradidiſſet. Nam cætera ſanè (licet & iſta quibus tueatur, habet) ejusmodi ſunt, quæ à legibus legitime Hiſtoriæ nihil abeant. Eſtq; egregium hoc pacto felicemq; rerum ſuarum præconem natus Rex VValdemar, eiq; proximus Abſalon, qui haud ſatis exiſtimarunt ſumma cum gloria, maximoq; patriæ emolumento, res præclaras perpetræſſe, niſi earum quoq; egregium hunc ſcriptorem ſibi familiarem reddidiſſent &c.

Caspar Barthius, in Notis ad Claudianum, pag. 35 : Ità Saxo Grammaticus, Latinus & diſertus Hiſtoriæ Daniæ conditor.

Idem pag. 131 : Scitum etiã eſt illud Saxonis Grammatici, Hiſtoriæ Daniæ non adeò antiqui, ſed mirum quàm diſerti & docti ſcriptoris.

Idem pag. 436 : Uſus hoc verbo, etiã ævo extremo, Saxo Grammaticus, Danorum Hiſtoriæ auctor, ad priſcorum multos politus.

Idem Lib. XVII Adverſariorum, Cap. IV : Eodem uſus verbo Sidonius Panegyrico Majorani : --- Crasſatur vertile tergum Flatibus. --- & ævo ultimo ſcriptor admirandus, Saxo Grammaticus, Lib. I. Daniæ ſus :

Vertilis inq; novos converti cœrea vultus.

Idem

Idem Lib. XXIV. Cap. VIII : Conditore *Annalium* apud Danos suos Saxonē, cui Grammatico ab eruditione recondita receptum est nomen, suo ævo nihil sperari majus potuit. In summā barbarie, in terrā à cultu literarum tum aversissimā, Latine, eleganter, eruditè scribit, citra parem quidem omnia.

Idem Lib. L. Cap. XII : Vetustatem pro Senectute dixit Saxo Grammaticus, Danorum eloquens & eruditus Historicus, Lib. XIII. his elegantissimis versibus : Ipse ego quān noceat, didici, damnosa vetustas.

Idem Epidorpidum Lib. VIII. qui inscribitur Bibliotheca; Epigr. LXXXVII:

SAXO GRAMMATICUS

*Adeptat huncce Phœbus altimum natum,
Sed ingeni wigore nobilem in multis.*

CAPUT XXI.

SAXOMASTIGES.

A conditis literarum monumentis nemo tam felicitis industriæ fuit, in quocunque studiorum genere, quin ejus scripta ac lucubrationes in varias reprehensiones incurrerent. Sic Homerus Zoilum, Virgilius Carbilium, Horatius Mævium, Demosthenes Demadem, Cicero Antonium, Herodotus Plutarchum, Josephus Egesippum, alij alios, suorum scriptorum habuerunt obrectatores. Itā & Saxoni nostro sui no defuerunt vituperones, vitiligatores, iniqui Censores, & acerbi nimis Aristarchi, qui se adversus memoriam ac merita tanti scriptoris prorsus malignè atq; impudenter gesserunt. In his præcipui sunt :

Hieronymus Cardanus Lib. XVII. de Subtilitate : Poterat sanè hujus inventi autor silentio præteriri, quandoquidem nesciam, an in illis totis tribus libris, quos de Occulta Philosophia conscripsit, quicquam aliud veris sit. Adèò illum insanisse, dum hæc scriberet, existimo : longè magis, quā in Danorum Historia, qui illam totam (quod falsissimum est) fabulis plenam conscripsit Saxo Grammaticus nescio quis.

Ludovicus Vives, (cujus tamen de Saxonē judicium cum temperamento mitioris censuræ conjunctum est) de tradendis disciplinis Lib. V. pag. 389 Edit. Colon. in 8 : Saxo Grammaticus de Danis ea scribit, quæ fabulositatem respiciunt, ut in admirationem aliarum gentium conficta credas. Sed mireris quoq; in illo seculo, atq; illa regione, verba & elegantiam dictionis. Fabulosa sunt magis quæ de Britannia originibus quidam est commentus, à Bruto illo Trojano deducens, qui nullus unquam fuit.

Johannes Goropius Beccanus, acerrimus omnium & iniquissimus Saxomastix, Lib. 7, quem Goto-Danica vocat, Edit. Antuerpiensis, anni 1569 pag. 708. Hactenus certe, quæ Saxo Grammaticus, & eum secuti, prodiderunt, pro vanissimis delirijs habeo: propterea quod nihil prorsus cum Græcis scriptoribus, & migrationum Germanicarum perpetua quadam successione, apud idoneos autores celebrata, consentiant, sed meras nugās, & vana somnia, & aniles fabulas, citra omnem & utilitatem & eruditionem, inculcent.

Idem pag. 755 : Sed excusetur hic error (Cranzi) cum cæteris quā plurimis, Saxonis Grammatici autoritate, quos ex cæco quodam amore deprompsit : nulla nec linguae Cimbrica, nec veterum Græcorum, è quibus Plinius suam Nerigon hausit, habita reverentia. Hos tamen potius ob insignem diligentiam & venerandam antiquitatem, & curiosam rerum externarum pervestigationem & sequi & interpretari, & si qua parte lapsi essent, adjuvare debuisset, quā vanum illum fabulatorem, cujus historia minus habet, quā Ariosti Orlandus, veritatis : similior certè veris Luciani narrationibus, & Apuleji milesii fabulis, & Heliodori Æthiopici, quā veræ rerum gestarum expositioni.

Hinc jam per aliquot paginas Saxonem ex professo refutare aggreditur. Longum nimis foret singula describere. Demum pag. 758 : Multas nugas me legere & audire memini : sed oderit me Mercurius, si unquam ullas frigidiores, quā egregius hic historiae scriptor contexuit, æstimarim, &c.

Joannes Bodinus Methodi Historiarum Cap. IV. de Historicorum delectu, pag. 96 : ubi de Procopio agit : Quæ prodigia sapiunt Græcam vanitatem, & historicis non modò profanis, verum etiam Ecclesiasticis, fidem sæpè derogarunt. Plenus est ejusmodi fabulis Nicephorus Callistus, quibus etiam Zonaras, alioqui probatus Historicus, & Nicephorus Gregoras sæpè delectantur : ac interdum Eusebius Cæsariensis. Talibus nugis referti sunt Antonini, Adoni, Saxonis Grammatici, Sigeberti, Freculphi, Nacleri, Mariani, Merlini, Urspergensis, Annonij, Turpini, Guagnini, ac veterum Annalium libri : quibus omnino carere non possumus, in eo genere tamen alij alijs longè præstant.

Scripto-

Scriptores Centuriarum Magdeburgensium Centur. X. Cap. XIII. pag. 693 : *Inter Metamorphoses Ovidij referri posset, quod Saxo Grammaticus de Urso nugatur, quem ait in agro Suetico virginem quandam rapuisse, & in latebris suis ejus concubitu usum esse. &c.*

Joannes Wierus de præstigiis Dæmonum Lib. III. Cap. XV : *Stulticia hæc phantastica ut omnium oculis evidentissime pateat, ex Joanne Grammatico (ita perperam Saxonem nostrum nominat) ascribam bonâ fide Historiam, ab eo ut veram inter reliqua intextam : quam tamen mere mendacem, aut mendacijs egregie excultam, (quod equidem cum docti alioqui viri venia dictum cupio) facile is judicabit, qui ad rationis trutinam revocarit, num grato, imò virulento epuli gustu, rationis atq; eloquentiæ summum munus, ac manuum feliciter conferendarum donum consequi quis possit. Ità scribit Lib. V. Historiæ Danicæ &c.*

Et paulo post : *Mirandum interim summopere, tam manifesta mendacia à præclaris illis ingenijs inter res verè gestas describi citra præmonitionem commenti alicubi lecti vel auditi : sic tutior earum foret lectio.*

Joannes Magnus, Archiepiscopus Upsalensis, Lib. IV. Cap. XXVII. Historiæ Gothorum Sveonumq; : *Neq; illud verum est, quod Saxo affirmat, hunc Ericum, primum ejus nominis Regem, Sueci præfuisse. Ex mox : Præterea non satis probabilis videtur illa Saxonis assertio, quâ Frothoni centum septuaginta Reges subjectos commemorat. Ubi ad oram Libri excusum extat : Saxo multa falsa suis Historijs immiscuit.*

Idem Historiæ Lib. VIII. Cap. XXVII : *Albertus Crantzius circa hunc passum insurgens, queritur Saxonem Danicas Historias nimis mutilatas tradidisse. Quod etiam nulla ratione negari potest.*

Idem Historiæ Lib. XVII. Cap. I : *At de illa ingenti auri summa, quam Saxo in expiationem necis vulpecule à Sveonibus expositam fuisse affirmat, ità sentio, ut potius fileam, quàm me indigna respondeam. Ubi simul ad marginem legitur : Saxonis Danici in Sveones impostura.*

Janus Douza Annal. Holland. Lib. I. fol. 71 : *Magnus certe apud me Albertus ille, industriâq; ac fidei præclarus inprimis ; nisi quâ Saxonis illius, non indiferti quidem, quantum potuit in tali ævo, sed verò nimium fabulosi scriptoris, sequitur auctoritatem.*

Cromerus Lib. I. Polonicæ Histor. Cap. IX. *Saxoni parum fidei habendum dicit, cum de re à sua memoriâ remotâ, nullo autore, scribat.*

Johannes Lampadius in Continuatione Mellificij Historici Pezeliani, Parte III, pag. 62 : *De Saxone extat Cardani judicium de Subtilitate Lib. 27. ubi inquit : Cornelium Agrippam in libris de occulta Philosophia non minus delirasse, quàm Saxonem Grammaticum, qui historiam Danorum totam fabulis refertam condiderit. Alij Lucianicis figmentis simillimam esse dicunt, quibus D. Chytraeus astipulari videtur. Verum ut, quod res est, aperiâ, vera falsis misceri contendo.*

M. Jonas Jacobus Vénusinus, Historicus quondam Regius, in Thesibus de Fabula, quæ pro Historia sæpissime venditur ; Thesi LXXIV : *Cupimus autem nobis ignosci, si non omnia, quæ scriptis suis Saxo Longus, vel alius quispiam consignavit, approbemus. Quædam enim ejusmodi sunt, ut apertæ veritati vim faciant ; quæ si pro veris acceptaremus, nâ nos in Historiâ nihil vidisse videremur.*

Idem Thesi CXXXV : *Fatendum igitur Saxonem Scaldorum carminibus & cantilenis nimium tribuisse : neq; opere suo Historico, quod pollicetur, fidelem veritatis noticiam posteritati reliquisse.*

Idem Thesi CLVI : *Hos ego Historicos majoris profectò fecero, quàm Saxonem nostrum, qui ex meris hominibus regum Danicorum genus diducit. Immo, quod opinor ex Noricorum antiquitatibus hausit, Regum haud paucos originem ex bellua quadam, Urso nimirum, detexit. Notius est enim quàm cuperemus, enorme atq; infandum illud commentum de Urso, qui raptam virginem Norvegicam compresserit, quæ deinde, occiso marito, Trugillum peperit &c.*

M. Andreas Fossius, Episcopus quondam Bergensis, in Epistola ad M. Desiderium Fossium : *Saxo noster autores scriptoresvæ exterarum Historiarum vel nullos, vel paucos admodum evoluisse, fidelitèq; legisse mihi videtur ; licet Bedam, Dudonemq; atq; Paulum Diaconum citet. Verum si vel eosdem, vel alios legit ; eorum tamen Historias narratione inversâ nimis corrumpit : ut cuius sagaci historiarum variarum indagatori, si vè τοιοῦτωι, facile est videre. Quid autem Saxonem moverit, ut id faceret, aliud haud video, nisi ut gentis suæ Danicæ gloriam, non autem rerum, temporum, personarumq; & similium circumstantiarum historicas annotationes veritatemq; venaretur. Finis enim scriptionis Saxonis propositus fuisse videtur, non ut veritatem delitescentem è tenebris in lucem erueret : sed ut Danicam nostram gentem non simpliciter illustraret, sed & ut Danos suos rerum gestarum magnitudine (à se tamen in Antiquitatibus suis primis omnino conficta) omnibus alijs, etiam illustrissimis, gentibus atq; nationibus vel pares, vel etiam superiores, imò Heroas, & tantum non Deos faceret. At longè modestiores sunt plerique scriptores Germani, Galli, Hispani, Ungari, Boemi, Poloni, Angli, mei quoq; Norvegij. Ij enim verni ut plurimum contenti, quæ in regnorum suorum initijs incerta aut incognita sunt, intacta quoq;*

quoq; relinquunt. At longe aliter fecisse mihi videtur noster Saxo. Et paulò post : Nam & (ut ad Saxonem redeam,) est ubi suam is meretur laudem, veritatq; ipsum satis consonare affirmavero : verum id pro parte tantum operis ipsius est. Atq; id in ultimâ saltem sui parte, quantumq; ad 150 circiter annorum suo seculo proximum historias attinet, quas & dilucidè, & copiosè atq; verè conscripsit. At si 150 plus minus annorum antecedentium narrationes ab ipso conscriptas observes, pleraq; etiam illis verè scripsisse, in nonnullis verò etiam hallucinatum fuisse deprehendo. Rursum 100 alios annos, qui prædictos antecedunt (nempe ab 800 ferè Christi, usq; ad 900 circiter) partim Historicâ, partim fabulosa falsaq; narratione persequitur. Reliqua verò ipsius (quæ vocatur) Historia, (à principio nempe regni Dan u q; ad 800 Christi annum, temporaq; Gottrici Regis) fabula potius Poësisq; est, quàm historia : Saxoq; in ista sui parte (si non in universum) fabulator magis est quàm Historicus. Maximâ enim ex parte (si non in universum) Poëticam atq; à semet ipso confictam conscripsit Historiam à Dan usq; ad Gottricum, (quod tempus plusquam 2000 annorum complectitur) non aliter quàm olim Virgilius Æneæ, Didonis, Turni, Nisi, Evriali, Mezenti, ceterorumq; suæ Æneidos Heronem confictas à se fabulas, tanquam Historias, carmine celebrat. Quid enim, quæso, aliud est Saxonis Torkillus per mare, per terras, per saxa, per ignes suum Ugartilochum queritans, quàm Æneas ad inferos descendens? &c. Ut & innumera ejusmodi alia, quæ Saxo nobis pro Historijs venditat, cum tamen splendidissima sint mendacia, ipsiusq; Saxonis saltem commenta atq; somnia. Atq; breviter : Saxo est Oceanus fabularum, mendaciorumq; : imò mera continuâq; fabula totus ferè est à principio sui ad Gottricum usq; Regem. Et in tantâ sui parte, hoc est, 2000 circiter annorum descriptione non tantum ut Poëtam, & non Historicum, ipsum reputo, sed & Poëtis ferè vaniorem. Poëta enim ut plurimum veras Historias suarum commentationum fundamentum habent, easq; fabulosi involucris, figmentisq; suis, ad delectandum, interspersunt. At Saxo (meo judicio) nullam ferè habet veritati innitentem Historiam, antè annum Christi 800, aut circa id tempus. Id autem intelligi volo de Regibus ipsis, quos in Dania regnasse, his illisve temporibus asserit : deq; rebus illis gestis, quas ipsis, ex suis inventis, commentisq; aut somnijs, Saxo affingit.

CAPUT XXII.

Arngrimi Jonæ Islandi & Johannis Lyscandri Bramensis Censura & Judicium de Saxone Grammatico.

Tantum non hos etiam Duumviros in numerum eorum, qui Saxoni nostro rigidi nimis Aristarchi contigerunt, rerulissem, nisi si paulò mitiores, & non de industria, sed nonnihil invitos, ad eum accessisse carpendum, re diligentius pensiculatâ, animadvertissem. Hoc igitur loco seorsim ipsorum Censuram & Judicium de Saxone nostro commemorare & in medium producere placuit.

Arngrimus Jonas Islandus in Supplemento Historiæ Norvagiæ MS : Quamvis autem viro de sua patria bene merito, Saxoni Grammatico, nihil derogatum velimus, ac ne contradictum quidem, (in gratiam scilicet celeberrimæ Danorum gentis) si id per rerum veritatem liceret : tamen causam non subesse putamus, nec videmus, cur à nostrarum Antiquitatum, quas bene multas ad manus habui, unanimi consensu discedamus : idq; tantò minus, quod nullum occurrat uspiam, ne unum quidem, quod Saxonis narrationibus suffragetur, aut universali nostrorum consensui, quoad rerum summam, contradicat : cum ille tamen interim asserat, multa se à nostris mutuatum. Nihil hic necesse discrepantia loca, seu narrationes, producere, vel operosè recensere. Id enim ex ipsa Historiarum collatione cuiusvis obvium. Unum tamen aut alterum attingam. Lib. VII. Hist. Dan. Saxo commemorat Ringonem quendam, Inghaldi filium, qui Haraldum Hyldetand prælio victum occiderit. Ille autem Ringo Haraldus Hyldetandi victor, fuit Sigvardus Ring, Lodbrochi pater, nostris id passim asserentibus. Id quod etiam Saxo nobiscum fatetur imprudens, eodem nomine loci, in quo depugnatum est : quem VVellejus Danicè vertit Bravelle, ut nos. Eundem hunc Sigvardum Ring affirmat Saxo natum patre Sigvardo quodam Norvego, Lib. IX : sed nevrum verum est. Etenim Sigvardus Ring, Lodbrochi pater, parentem habuit Randverum nomine, debellavitq; patrui Haraldum Hyldetand, in loco VVastnælle. Itaq; hic Saxonem sibi contrarium judicabo, eundem Ringonem nunc Inghaldi, nunc Sigvardi filium, statuentem. Similiter Lib. X. crassi deprehenduntur errores. Svenonem Tiuffgesteg / Regem Daniæ, ait natum Gyrithâ, filiâ Björnionis, Sveciæ Regis : cum is vilem ancillam Foci Baronis in Fionia, Aasam nomine, matrem habuerit. (Æquè autem veteres legitimos ac illegitimos plerumq; curabant filios, præcipuè si qui legitimos nullos reliquerunt, ut ipsius Svenonis pater Haraldus) Bjórno autem ille, quem Sveciæ Regem appellat Saxo, qui alios nostris Styrbjörn / a turbis, dicitur, (Styr enim tumultum notat) quamvis regnum Sveciæ nunquam adeptus est, sed conatus sit patruo Erico illud vi eripere, Haraldus Gormonis, Regis Daniæ, patris Tiuffgeskeg, gener fuit, non socer, non multò post nuptias cæsus à patruo.

Svend-

Svenonis etiam prius conjugium cum Ganhilda, Vandalorum Regis Barislai filia, Saxo omisit; ex qua Canutum Magnum & Haraldum suscepit; non autem ex posteriore conjugio cum Sigrida Sterrada, Erici Victoriosi, Regis Suecie, relicta vidua, quæ cum marito adhuc vivo divortium illegitimum fecerat, quam Saxo male Gyriham. Ex hac Sveno, Rex Daniæ, Astridum, Svenonis Estriti, vel Astriti, matrem, qui & Ulfonis Regis Daniæ. Eodem quoque libro non rite asserit Saxo, Emmam Angliæ Reginam, ex Canuto Magno, Daniæ Rege, Eduardum suscepisse; quem illa ex Adelredo, priore marito, quem Canutus debellavit, suscepit. Id quod Vellejum non animadvertisse miror. Hactenus Arngrimus.

Johannes Lyscander Antiquitatum Danicarum Sermone VIII. pag. 69: De Gothico autem regno, rebusque Gothicis, pauca nimis edita sunt, plurima & præcipua antiquorum negligentia intermissa, plurima incuria eorundem male scripta. Et cum unus sit Saxo Grammaticus, qui aliqua publicè reliquerit posteris, ex quo cæteri multa mutuò accipiunt; tamen ea ipsa in pluribus manca & imperfecta sunt. In sermone summus ornatus est; ipsæ verò Antequitates minus diligenter investigatæ. Neque qualis prima fuerit Aquilonarium populorum Politia, neque quomodo regna enata sint, neque qualiter eadem aucta & mutata sint, neque migrationes populorum, neque imperiorum conjunctiones, neque temporum seriem uspiam exponit. Vix in toto opere Cimmericorum aut Cimbrorum meminit, cum nemo unquam bene & convenienter de populis Arctois differat, qui non usque ad Annum Christi trescentisimum nonagesimum quintum continuam Cimmericorum, Dacorum, & Getarum mentionem faciat. Reges tantum à Danao Baltheo, qui initijs Regnorum Cimmericorum annis mille recentior est, descendentes recenset, quod non potest perfectam historiam absolvere. Nec sanè videtur ille Vir animadvertisse ullam unquam fuisse regnorum Borealium constitutionem aliam, quam quæ tunc fuit, cum in Dania viveret. Igitur de multis gentibus parum prospere docet, Sveonasque & Gothos inter se confundit, quod non erat faciundum. Ita enim laus Cimmericorum & Getarum diminuitur, primumque exiguis, & his minoribus, adscribitur. Ea in Saxone observanda sunt; & potius tantum infortunium, Scriptorumque penuriam Cimbricæ condolemus genti, quam ut in aliquam, qui quod sibi possibile erat, præstitit, ferociter invehamus.

CAPUT XXIII.

Breves *ὑπομνήματα*, sive Aphorismi Apologetici pro Saxone Grammatico.

Totum accusationis negotium, quâ nobilissimum & planè incomparabilem rerum Danicarum scriptorem, Saxonem Grammaticum, tam acriter & acerbè insectantur maligni ipsius Aristarchi & Censores; duabus potissimum nititur criminationibus: quod fabulas Historiæ suæ interfuserit; & quod Chronologiam neglexerit. Quæ licet solidâ & prolixa egeant refutatione; nè tamen vestibulum ipsis ædibus spatiosius hic exstruere videar, nève longiore Proœmio Lectorem ad alia properantem plus justo diutius in ipso quasi limine morer ac detineam: paucis hisce Aphorismis Apologeticis, quæcunque ad *Saxo-mastigon* cavillationes breviter respondenda duxi, tanquam cancellis includam, & unò veluti fasciculo complectar.

I. Nequaquam diffiteri possumus, quin priores Saxonis libri Historiæ Daniæ, pauca admodum repræsentent, quæ prodigiosa, abstrusa, miranda, imò fabulis propria, quam veris rerum gestarum narrationibus, videntur: constanter tamen negamus, ea omnia prorsus incredibilia, aut impossibilia, esse dicenda.

II. Multa enim fiunt, quæ fieri posse negantur. Idcirco non omnia pro fabulis censenda, quæ fidem veri excedere primâ fronte videntur.

III. Aureola prorsus in hanc sententiam verba sunt Philosophi Madaurensis, L. Apuleji, Lib. I. pag. 2. Edit. Colv: *Minus hercule calles, pravissimis opinionibus ea putari mendacia, quæ vel auditu nova, vel visu rudia, vel certè supra captum cogitationis ardua videantur: quæ si paulò accuratius exploraris, non modò compertu evidentia, verum etiam factu facilia senties.*

IV. Certè, sicut vetus & prima sapientiæ lex esse dicitur, NON TEMERE CREDERE: ita & culpâ non caret nimium obstinata *ἀνισία*, præsertim quæ sine discrimine passim rejicit & *ἀλογισμός* repudiat omnia illa, quæ in Historijs falsa aut fabulosa apparent, sub quibus tamen multa delitescunt verâ.

V. Elegans hac de re locus est eminentissimi Jcti, Francisci Baldvini, de Institutione Historiæ Universæ pag. 49. & 50: *In lectione, inquit, Historiarum adhibere oportet judicium & delectum, ut neque confuse (quod quidam faciunt) vera cum falsis repudiemus; neque rursus temere falsa cum veris complectamur. Nam sicut fatua & temeraria est nimia & facilis credulitas: ita est etiam quedam nimium morosa, nimiumque diffidens *ἀνισία*. Quæ quidem nisi faceffat, nullum ulli*

Historiæ locum relinquet. Et verò non ingenui, sed impudentis atq; præfracti hominis est, etsi quid probabiliter dicatur, quod & gravem autorem testemq; habeat, tamen id contumaciter, tanquam falsum, repudiare; cum quidem, neq; quod affirmatur, refellere, neq; cur illud repudiet, causam dicere possit. Quid pluribus opus est? Illud semper teneamus, & perpetuò meminerimus, nos in lectione Historiarum esse debere, quales ab Aristotele esse dicuntur, qui neq; pueri, neq; senes sunt, qui, inquam, ad credendum neq; nimium faciles, neq; nimium difficiles sunt: οὐτε, inquit, πᾶσι πιστεύοντες, οὐτε πᾶσι ἀπιστοῦντες.

VI. Rectissime igitur Philostratus lucrum esse putavit, neq; omnibus fidem adhibere, quæ ab Historicis proferuntur, neq; omnia, tanquam impossibilia, aspernari.

VII. Et singularem meretur observationem regula Clarissimi Historici, Bonfinij, Decad. IV. rerum Ungar. Lib. IV: *Quodcunque fieri potest, & per quam verisimile est, à veritate non potest esse alienum.*

VIII. Audiamus, quæso, Doctissimum Virum, Fridericum Tilemannum, de fabulosis non temerè rejiciendis, sed cautè discernendis, egregiè differentem Discursus Philologici pag. 258, & sequ: *Fabulositatis averruncandæ prima cura esse debet, ut constanter nobis persuadeamus, PLURIMA VIDERI INCREDIBILIA, QUÆ CERTISSIMÈ CONTIGERUNT. Idq; scriptores historici haud rarò profitentur. Ea nos fecimus, ait Plinius, quæ posteri fabulosa arbitrabuntur. Quæ loquendi formula apud Livium, Josephum, & cæteros, sæpè multumq; occurrit, ac hortatur omnem Lectorem, nè nimium incredulus judicio suo indulgeat, verum rectissimâ sententiâ statuatur, PLURA OLIM EVENISSE, QUAM QUÆ HODIE CREDIBILIA VIDENTUR. Neq; convenit illa ἀπίστος ἔχειν, ut loquitur eadem phrasi Pausanias in Bæoticis; sed à veteribus tradita ἱστορικὸς διjudicare convenientissimum est. Nonnè in omnibus disciplinis frequentissimè compertum est, quod penitissima illarum adyta imperiti tanquam absurda rejiciant ac rideant? Imò, quod majus est, quotidiana, omniumq; sensibus obvia, non aliter ac si ἀδόξα essent, docti aspernantur. Hinc recitat exempla quædam Geometrica & Astronomica, atq; ita demum concludit: Itaq; ex his, & alijs quamplurimis, aptè & conclusè definiemus, nihil mirum accidere, si in historicis narrationibus fabulosa putamus, quæ per se verissima sunt, quia idem accidere in omnibus disciplinis manifestissimum apparet. Mox subjungit: Quis Æthiopas, antequam cerneret, credidit? aut quid non miraculo est, cum primum in noticiam venit? quam multa fieri non posse, priusquam sint facta, judicantur? ut habent verba Plinij Lib. VII. Natural. Histor. Cap. I. Videlicet, quæ non vidimus ipsi, nec fieri potuisse suspicamur. Idemq; est, si quæ coràm intuemur, veterum historicorum traditis dissidere animadvertimus, mox omne judicium præcipitamus, & scriptores falsitatis damnamus. Et post pauca: Quod si ergo lector historiarum ad prædictum modum incredulus est, & quæ non videt esse, ea non fuisse concludit; ne ille vitiose hallucinatur, & stupidus merito suo redarguitur. Imperitiam quoq; ejusdem nonnunquam subaccusare, non de nihilo est. Reperiuntur enim, qui τὰ ἱστορικά iudicaturi, judicium suum, vel si mavis, imperitiam suam maximis rebus dijudicandis facillimè sufficere putant, & quæcunque suo male sano cerebro nequeunt complecti, aut discernere, illa tanquam fabulosa insectantur. Sequuntur deinceps multa lectu dignissima, quæ brevitatè causâ silentio transmittere cogor. Tandem ita definit: Hactenus allata satis evincunt, quod diligentes historici, & imperiti rerum censores, inter se sordeant alteris; ut pernecessarium sit, ad res dijudicandas adhibuisse non quodlibet atq; vulgare judicium, (hoc enim sapius fallere certum est) sed judicium exactum Theologi ad explicandam divinam historiam, Physici ad naturalem, Politici ad humanam rectè censendam, adhibeatur oportet, siquidem omnem fabulositatis suspicionem cupimus extirpatam. Hactenus Tilemannus.*

IX. Inprimis verò id nescire non debent rigidi Saxonis Aristarchi, leviculâ temporum, locorum, personarum disparitate gravissima momenta maximarum rerum converti.

X. Circumstantiæ etenim variant actiones, quæ propterea in lectione Historiarum diligenter sunt considerandæ, utpote quæ historicam veritatem prorsus absolvunt.

XI. Sic illa, quæ apud Saxonem fabulosa videntur, si ad normam & trutinam circumstantiarum examinentur, non adeò absurda, incerta, & suspecta ijs erunt, qui æquo expendunt judicio, ad quæ tempora, loca, personas, ea sint referenda.

XII. Tempus quod attinet, in confesso est, Saxonem Grammaticum ab ultimâ antiquitate, rebusq; à sua memoriâ longissimè remotis, Historiæ suæ initia deduxisse.

XIII. At de Antiquitate, hæ tenendæ sunt regulæ:

1. In rebus antiquis, si quæ similia veri sunt, pro veris accipienda. Livius Lib. 5. Decad. 1.
2. Plura olim evenerunt, quàm quæ hodie credibilia videntur.
3. Antiqua nequaquam ex ijs, quæ jam geruntur, sunt examinanda; quippe omnia temporum vicissitudinibus subjacent. Diod. Sicul. Lib. 4. Cap. 2.

4. Moribus etiã nostris, tempora ac ingenia cultiora fortitis, multa antiqua abhorrent. Q. Curtius Lib. 7.

XIV. Nec humanis lectoribus mirum erit, magnam Diabolo fuisse potentiam, in filios incredulitatis, multasq; ejus auditas & visas esse illusiones, ijs potissimum temporibus, quibus populus Borealis in tenebris sedebat, & sine luce veritatis cœlestis, ab Otthino, Thorone, Frigga, Metotthino, Baldero, alijsq; impostoribus deceptus ambulabat.

XV. Quamobrem ad hæc tempora sunt referenda, quæ hinc inde in Saxone, occurrunt varia incantationum & præstigiarum Magicarum exempla, quæ miseras mortaliū mentes derisissimis errorum tenebris obrutas & occæcatas, sic permittente Deo, vel ipse Sathanas, vel per organa sua, potenter ludificabat.

XVI. Deinde varius cultus, habitus, & situs locorum, summam conciliant rebus gestis varietatem.

XVII. Unde multa in Islandia, & in regionibus Boream spectantibus vera esse possunt, quæ Indiam utramque, vel Thraciam, aut Italiam incolentibus falsa & absurda omnino videbuntur.

XVIII. Varia deniq; hominum ingenia, mores, conditiones, dotes animi & corporis, qualitates & affectiones, rerum gestarum narrationibus veritatem sæpius addunt vel adimunt.

XIX. Ita inconsiderantiam suam atq; imperitiam manifestè prodit, si quis de ijs dubitaverit, quæ à Starchatero, Hartbeno, alijsq; Gigantibus, & monstrosæ staturæ, stupendiq; roboris ac fortitudinis hominibus, quorum subinde mentionem injicit Saxo, olim sunt patrata admiratione dignissima: vel si ea falsa & fabulosa pronunciaverit, quod ejusmodi rebus gerendis nequaquam sufficiant.

Qualia nunc hominum producit corpora tellus.

XX. Adde quod in nonnullis, quæ apud Saxonem fabulosa videntur, mirari liceat immensam summi Numinis omnipotentiam, providentiam, & sapientiam, & quæ inde emanat, Naturæ imperscrutabilem vim atq; *ἐνέργειαν*.

XXI. Unde tale emergit Axioma Historicum: **NON OMNIA, QUÆ NOBIS INCREDIBILIA, DEO ET NATURÆ SUNT IMPOSSIBILIA.**

XXII. Sed esto! Concedamus fabulas nonnullas inseruisse Saxonem Historiæ suæ, quas tamen non ipse studiosè, fallendi aut delectandi lectoris gratiâ, effinxit; verum ex antiquissimis Septentrionalium gentium monumentis, bonâ fide, deprompsit. Sed quales? Haud equidem planè falsas, aut eas, quæ meræ nugæ & *Φλαςείαι* dici poterunt: at maximam partem VERISIMILES, & quæ totæ *ἀληθογενέειαι*, hoc est, quæ vel ad vitam rectè informandam, vel ad naturam rerum cognoscendam comparatæ sunt, vel etiam sacra quædam mysteria occultant.

XXIII. Talis videri poterit narratio illa Saxonis de Gormone Daniæ Rege, qui Torchillum Adelfar ad inquirendam Geruthi Dæmonis sedem ablegaverat: Hæc etenim ostendit virtutem, fortitudinem, & industriam Regis in novis regionibus inquirendis, quod illo tempore insolitum fuit: demonstrat fidelitatem ministrorum tot tantisq; se periculis committentium amore Regis & patriæ illustrandæ: aperit detestabilem religionis Ethnicæ fœditatem; quæ circa tam impuras & portentosas occupationes distinebatur: extollit laudabilia opera, & peracre, solers, atq; acutum ingenium Torchilli rerum exterarum peritissimi: cujus tamen seriæ ac salutares admonitiones cum parum valerent apud stupidos & intemperantes comites ad deferendam gentilem religionem, opere ipso demonstravit, de Deo aliter esse sentiendum: monstrosam cultum Diaboli miseros conjicere admiratores in tristes tenebras & perpetuò duratura incendia; contrà, veri numinis, ac universi Creatoris cultum, cum summa junctum esse securitate, felicitate, & demum æternâ beatitudine.

XXIV. Quod autem liceat ejusmodi fabulas Historijs interdum (sed admodum parcè, cautè, & prudenter) immiscere, præsertim quod & ad vitæ morumq; honestatem faciant, & lectorem sapientiorē melioremq; reddant, & sapientum animos suavissimâ jucunditate afficiant; non desunt, qui magnorum Historicorum exemplo & autoritate adducti, seriò contendunt.

XXV. Quos inter Hier. Cardanus est, cujus hæc verba legere est Lib. 15. de rerum varietate Cap. 80: *Neq; id vitiosum Historico: sed ubi Historia per se sterilis est, licet eam jocis ac fabulis exornare. Quamobrem & jure ab his T. Livius abstinnit, & Herodotus justè damnatur, & Saxo Grammaticus laudatur.*

XXVI. *At obijciat mihi aliquis ista: (inquit Joachimus Camerarius Procem. in Herodotum) incorruptam, sanctam, castam, ut virginem, debere esse historiam. Non corrumpunt (scilicet fabulosæ narrationes; de ijs etenim hæc præcesserunt: Sed paulum etiam ad fabulas illas reuertamur; quæ, obsecro, cur offendant animum cuiusquam, quum veritati & integritati historiæ minime officiant?) non violant hæc illam, sed EXORNANT, ut aurum & gemmæ pudicissimarum quoq; corpora, purissima illa quidem. Nam ut male & profligati pudoris femina insigniorem reddunt comptu turpitudinem suam: ita, quamvis varia copiosaq; sit quasi emblematis quibusdam, summa historiæ falsa & commentitia, merito in sua hæc infamia quasi superba improbetur. Itaq; non inornatam, non nudam, non contractam, sed splendidam, vestitam, explicatam (dummodo integram, & ut ita dicam, probam & incorruptam) decet esse historiam.*

XXVII. Notatu sanè dignissima sunt, & apprimè huc etiam faciunt, quæ de fabulosis apud Herodotum narrationibus idem Camerarius paulo ante præmisit: Nonnulli fabulosas quasdam narratiunculas insertas passim historia, ut hujus gravitate indignas, rejiciunt, & propter illas autorem mendacij damnant. Sed de ijs quæ memorantur ab Herodoto propter magnitudinem nobis incredibilia, periniquum fuerit iudicium, si non vera esse idè statuemus, quod notis cuique rebus, moribus, disciplinæ non similia, neq; rationibus nostris congruentia esse videantur, siq; nonnisi ijs, quæ facile intelligere & animo complexi possimus, fidem habendam esse ducemus. Quàm multa illi ipsi, qui hæc antiquiora falsa fictaq; esse affirmare audent; se vidisse referunt, & pro certis commemorant, a quibus assensio legentium refugit? Etiam posteris hoc nostris acciderit, ut multa, quæ nunc nimis verè fiunt atq; geruntur, expositione inflata & amplificata esse suspicentur. Sunt sanè quedam inaniora (non enim nego) in talibus, ut in peregrinatorum, qui adire illa loca, quæ tellus extremarefuso summoque Oceano, sermonibus. Cujus inhumanitatis tamen fuerit, universum genus narrationum istarum semel abjicere, ut futile & vanum? Quod si fiat, omnem historiæ rationem confundi, habitumq; perverti necesse est.

XXVIII. Et paucis interjectis: Sunt autem hæc (quæ fabulosa videntur apud Herodotum) etiam distinguenda. Alia enim ad utilitatem aliquam legentium, vel explicationem eorum, de quibus narratio fit, referantur atq; pertinent: ut Babylonis descriptio, & copiarum Xerxis enumeratio, de quorum altero facile perspiceretur, merito fuisse securos crues in tali & ita munita urbe: alterum & potentiam regni Asiatici, & in quod tunc periculum Græcia venerit, demonstrat. Utrumque autem documentum quoddam dat, nullas, quamvis magnas, vires, infractas, neq; opes invictas esse. In alijs nihil queritur, nisi vel delectatio, vel ut audientium animi moveantur novâ mirabiliq; narratione: ut de gryphibus, formicu Indici, Phœnice, & his similibus. Horum, ut illa omni equidem mendacij crimine planè libero: ita haud facile concessero, in horum ullo mendacij manifesti autorem redarguendum esse: quum tot derisa quondam, & exhibita, penè jam comperta esse existimentur: quumq; non minus isti à veritate abhorrentia multa asseverentur ab ijs, qui non audivisse de alijs, sed seipsos aspexisse dicunt: ut nihil sit tam absurdum, quin fidem reperire posse videatur.

XXIX. Statim subjungit: Ob fabulosas quidem narratiunculas, tantum abest ut quas mendacem incesu vituperariq; autorem hunc (Herodotum) debere putem, ut etiam, quum & aptissime illas inserueris, & bellissime concinnaritis, & venustissime composueris, admirandus: quumq; instructionem in singulis aliquam vitæ, consiliorum, actionum, comprehenderit, eximiam gratiam quoq; ab omnibus meritis esse videatur.

XXX. Idem de Saxone cuiusvis candidi ac prudentis lectoris esse debet iudicium; cum videlicet, non idè carpendum, vellicandum, lacerandum venenatis calumnijs, quod fabulosas quasdam narratiunculas, quomodo à majoribus accepit, quæ tamen admodum paucæ sunt, & ipsi historiæ valdè affines, Historiæ suæ inferere non dubitaverit.

XXXI. Verè & eleganter, ut omnia, Gerardus Joannes Vossius, seculi nostri Varro, causam expressit, cur ignosci debeat Historicis, si veritatis lineâ excidant, inprimis in rebus vetustis, aureo illo libello de Arte Historica, Cap. IX: Quæcunque de historicis diximus, ita accipi debent, ut eos etiam homines esse cogitemus, nec statim respuamus, si uspiam aliquid se immiscere falsi. Nam ut paucillum aque marinæ, non dico Eridanum, aut Rhenum, sed ne fluentum quidem, salsum efficere potest: ITA NEC HISTORIA MENDAX dici debet, CUI FABULOSI ALIQUID IRREPSEKIT. Imò nec fieri potest, ut non interdum fallamur in ijs, quæ longissime à memoria nostra sunt remota, præsertim in exterarum gentium rebus. Ubique enim de patriâ quædam per manus incolæ à majoribus acceperunt, quæ & posteris suis ipsi tradunt: horum qui antiquitates scribere velit, haud aliter ea referre possit, quàm ab incolis ipsis acceperit. Ac eam quidem causam adfert Dionys. Halicarnass. cur historiæ veteres fabulosa quædam scriptis suis inferere haud dubitarint. &c.

XXXII. Cum eo consentit doctissimus J. C. Fr. Baldvinus, de Institutione Historiæ universæ pag. 43. 44: Atqui audio vix ullam historiam esse, cui non aliqua fabula, tanquam labes aspersa sit. Ità est fortasse. Sed aliud est, fabulam studiosè fingere: aliud, historiæ per imprudentiam aliquid interdum affingere. Non erubuit olim Flavius Vopiscus, cum historiam alioqui scribere in-

stitueret, confiteri, nullum historiæ scriptorem esse, qui non sit aliquid mentitus. Sed minimè nos abduci propterea ab omnium scriptis debere, iudicavit. Fieri profecto vix potest, quin aliquid falsi aliquando in historiarum monumenta irrepit. Sed nimis illi, non jam dico morosi, sed importuni & intemperantes Censores sunt, qui statim atq; quippiam ejus generis in aliquo scriptore notare possunt, totum scriptorem superbe ac fastidiosè abjiciunt, vel contumeliosè lacerant, non secus atq; qui cum aliquem in pulchro aliqui corpore nævum deprehenderunt, totum illud corpus tanquam deforme & sœdum cadaver conspuunt, sepeliendumq; & obruendum esse impotenter clamitant. Atqui si agere ita velimus, ecquam tandem historiam habebimus reliquam? Notate diligenter hæc verba, ô Saxomastiges, & erubescite!

XXXIII. Sapienter profecto & graviter Cicero monet, non statim propter aliquod vitium abjiciendos esse historicos. Quis, (inquit) non dixit Eupolin ab Alcibiade navigante in Siciliam, dejectum esse in mare? Redarguit Eratosthenes. Adfert enim quas ille post id tempus fabulas docuerit. Num idcirco Düris Samius, homo in historia diligens, quod cum multis erravit, irridetur? Quis Zaleucum Locris leges scripsisse non dixit? Num igitur jacer Theophrastus, si id à Timæo tuo familiari reprehensum est? Timæum negasse ullum unquam fuisse Zaleucum: sed Theophrastum, auctorem meliorem, contrà affirmare, ait libro II de Legibus. Non rectè ergo Theophrastus à Timæo reprehensus erat. Sed fingamus eum, & merito, aliquà in re esse reprehensum, & aliquando falsum esse atq; fefellisse; tamen negat Cicero propterea abjiciendum planè esse. Cur enim reliqua, quæ bona sunt, amitteremus?

XXXIV. Idem Cicero eodem libr. i. de Legibus, Herodotum vocat patrem historiarum. Atqui libro 2. de Oratore, non negare videtur, multas apud eum esse fabulas. Sed nimis profecto intemperanter sæviunt, qui illius libros & Musas eo nomine suppressere velent. Nam quales tenebras, hoc lumine extincto; antiquissimis historijs offunderent? Imò vero quàm atrocem injuriam facerent historiæ Propheticæ, cum quâ Herodorus habet communia plura, quàm ullus scriptor Ethnicus?

XXXV. Haud igitur temerè abjiciendus est Historicus, si quædam in eo reperiantur peccata & *παρρησιαί*: sed simul considerandum, quàm multa recta, præclara, eximia, & utilia in historiam retulerit; & saltem propter illa amplectendus & in numerum probatorum scriptorum recipiendus erit. Id quod de Saxone nostro dictum cupimus: qui licet quasdam narrationes, ab alijs acceptas, recitet, fabulis non absimiles; totum tamen Historiæ corpus singulari fide, & diligenti veritatis studio coagmentatum est.

XXXVI. Ut verba conferam ad compendium, si propter paucas admodum narrationunculas, quæ fabulosæ videntur, atro carbone notandus ac rejiciendus Saxo: profecto eodem exemplo non pauci Historici tam veteris, quàm medijs & inferioris ævi, planè conculcandi sunt penitusq; jugulandi.

XXXVII. Herodotum, antiquissimum scriptorem, omnis antiquitas mendacij coarguit. Julianus Desertor *λογοποιόν* vocavit, quasi fabulas fecerit, non historiam condiderit: qua ratione & ab Agellio, Lib. 3. Cap. 10. audit homo fabulator.

XXXVIII. Ex libris XL Diodori Siculi, quorum vix duodecim integros habemus, quinque priores penè ex fabulis conflati videntur, ut Lud. Vives nihil eo scriptore nugacius esse putet: tametsi primus est inter Græcos, qui Plinij judicio nugari desijt.

XXXIX. Plutarchus sæpè incredibilia & planè fabulosâ narrat: licet utatur verbo *Φασι*, nè quis temerè assentiatur. Ut in Licurgo scribit puerum Lacedæmonium crudelissimam lacerationem ad necem usq; pertulisse, ne vulpis furtum detegeretur.

XL. Cæsar ipse prodigia interdum planè incredibilia narrat; ut cum bello civili Tralibus statuas sudasse scribit.

XLI. In quo genere T. Livius, nimis religiosè dicam, an superstitiosè, omnes superavit. Nihil enim frequentius, quàm boves loquutos, scipiones arfisse, statuas sudasse, quod pluvio cælo frequenter accidit: Deum Annibali apparuisse, infantem semestrem triumphum clamasse &c.

XLII. Cornelium Tacitum, Tertullianus, gravis & severus scriptor, dixit aliquando, esse mendaciorum loquacissimum: Orosius adulatorem appellavit.

XLIII. Quid dicam de Diodoro, de Strabone, de Trogo vel Justino, clarissimis historicis? Quid illi de Mose, deq; Judæis? Quàm ineptè, quàm falsò, quàm impudenter!

XLIV. Procopius sæpè commemorat, quæ omnium fidem superant. Ità cineres Vesuvij montis, qui citrà Neapolim situs est, Byzantium usq; vento delatos scribit. Sic finxit unum aliquem Maurum, vel Thracem suâ sagittâ fugasse universum Gothorum exercitum.

XLV. Plenus est ejusmodi fabulis Nicephorus Callistus ; quibus etiã Zonaras , alioqui probatus Historicus ; & Nicephorus Gregoras sæpè delectantur ; ac interdum Evsebius Cæsariensis.

XLVI. Talibus etiã nugis referti sunt Antonini, Adonis, Sigeberti, Freculphi, Naucleri, Mariani, Merlini, Ursbergensis, Annonij, Turpini, Gvagnini, ac veterum Annalium Libri.

XLVII. Historias itidem portentis ac miraculis refertas scripserunt Gregorius Turonensium, & Gulielmus Tyri Pontifex.

XLVIII. Paulus Venetus (ut ad secula nobis propiora descendamus) de Tartarorum gestis exigua, sed fabulis confusa, composuit : cujusmodi sunt, quod mare Caspium piscibus semper vacuum sit, præterquam jejuniis temporibus : quod urbis Quinsæ ambitus superat milliaria septuaginta : quod eadem duodecim millia pontium habeat, tantæ altitudinis , ut naves onerarias explicatis velis faciliè admittant. &c.

XLIX. Paulus Jovius, quæ verissime scribere potuit, noluit ; puta res in Italia gestas : quæ voluit, non potuit ; scilicet externa. Quàm vera sunt illa, quæ ipse affirmat, ducentos amplius leones à Muleasse interfectos : ex agro Brixiano sexcenta millia minoris pecoris, majoris verò ducenta millia à Gallis abducta.

L. Petrus Bembus multa falsa pro veris tradere convincitur : ut cum scribat in Apulia, bello Veneto, corvos ac vultures tanta ex aëre vi, tantisq; agminibus inter se conflixisse, ut carri duodecim eorum cadaveribus explerentur.

LI. Quid multis ? Actum est de præcipuis omnium ferè seculorum historicis, si propter paucas narratiunculas fabulosas, historijs, varijs de causis, admixtas, rejiciendi sint, & contemptim ac negligenter habendi.

LII. Sin autem retinendi, & eo, in quo hodieq; sunt, pretio æstimandi, profectò non video, cur eodem jure Saxonem nostrum æquus & candidus rerum æstimator privaverit.

LIII. Hæc jam manum de tabula, ut est in proverbio ; nisi si unicum etiamnum crimen, meo judicio gravissimum, cujus Saxonem reum faciunt maligni quidam Censores, refellendum nobis ac refutandum superesset : quod omnia, quæ apud Saxonem fabulosa videntur, ab ipso sint, decipiendi lectoris gratiã, studiosè conficta ; vel ut ipsorum verba habent, quod ipsius sint mendacia, figmenta, inventa, somnia, commenta &c.

LIV. Sed facilis & in expedito est responsio. Nonne ipse Saxo, nè fucum facere aut Lectori imponere videatur, fabulasvè pro veris narrationibus de industria venditare ; in Præfatione Operis sui ad Andreã Sunonis, ingenuè fatetur, & longã serie recenser omnia documenta, quæ in contexenda historia Danicã sequutus sit : videlicet 1. Carmina patrij sermonis à Danorum antiquioribus vulgata. 2. Inscriptiones veteres hinc inde in saxis ac rupibus repertas. 3. Islandorum (quos ille suo more & loquendi modo *Thylenfes* vocat) Antiquitates. 4. Absalonis Archiepiscopi asserta & narrationes. Et rationem addit : *Quia præsens opus non nugacem sermonis luculentiam, sed fidelem vetustatis noticiam pollicetur.*

LV. Carmina quod attinet, (id verò antiquissimum fuisse Annalium genus tam apud Romanos, Gallos, Germanos, Britannos, quam Danos, & alias nationes, nemò adeo hospes in historia est, qui ignorat) non ea fuerunt frivola ac futilia *περὶ τὰ παλαιά* ; à quovis Poëtastro sive Rhythmista, à quavis anicula, vel tibicine decantata : sed potius Odæ Rhythmicæ, juxta leges veterum Poëtarum, concinnè & artificiosè compositæ & elaboratæ à viris Danicæ Poëseos peritissimis, quos *Scaldros* & *Runas* appellarunt, complectentes res sui seculi præclaras & memoria dignissimas.

LVI. Hi etenim SCALDRI, graves & magnâ autoritate viri, fortium Heroum res præclare gestas rhythmis ejusmodi Poëticis consignarunt : eoq; loco apud Reges ac principes antiquitus fuerunt, quo jam consiliarij, literati, aliq; prudentiã ac rerum usu præstantes. Nam quò quis laudis & æternitatis amore ardentius flagrabat, eò plures ac præstantiores in hoc genere sibi devinxit, secumq; domi forisq; tam pacis, quàm belli tempore circumduxit, ut res gestæ melius, aptius, ac illustrius describi ac delineari ab illis possent.

LVII. Interdum tamen hi ipsi Scaldri aliquid humani patiebantur. Nam vel principum metu territi, vel præmio corrupti, vel odio aut gratiã distraçti, veritatem apertam in lucem proferre, disertisq; verbis exprimere nolebant, verùm fabularum involucris & obscuris figmentorum integumentis res verè gestas occultabant. Et hic fons atq; origo est unius aut alterius fabulosæ narrationis, quam forteã in Saxone reperire licebit. Maluit etenim Saxo narrationes ejusmodi, quomodo à majoribus acceperat, ita ad posteritatis noticiam transmittere, quàm committere, ut eas penitus ignoraret.

LVIII. Sic narratio ista Lib. X. Saxonis, de urso, qui vitium virgini attulerit, nihil aliud innuit, quam raptorem & insidiatorem, urfi, seu Bjornonis nomine. Fuit etenim hic ursus, latro aliquis nobilis, qui id facinus perpetravit: postea hoc seclis Poetæ tali modo plaserunt, & cum Saxone ut loquar, colorarunt, cum autorem potentem aperte non audent reprehendere.

LIX. Islandorum monumenta, quibus usus est Saxo, præter Scaldorum carmina, quorum paulò aute facta est mentio, constabant partim varijs Mythologijs, partim varijs & integris Historijs in certa volumina redactis. Cunctarum quippe nationum res gestas cognoscere memoriæq; mandare, voluptatis loco reputarunt Islandi; non minoris gloriæ judicantes alienas virtutes disserere, quam proprias exhibere; ut Saxo ait in Præfatione.

LX. Mythologijs ut apud alias gentes, sic & Islandos, veteres sapientes vel decorum gentilium mysteria, vel arcana naturæ, vel philosophiæ dogmata, vel aliarum rerum vitæ humanæ necessariarum scientias comprehendere solebant.

LXI. Tales Mythologias abundè suppeditat Liber veteri Islandica linguâ à Snorone Sturlæsonio, Islandiæ Nomophylace, circa Annum Christi M. CC. XV, conscriptus, qui EDDA vulgò dicitur, variarum Antiquitatum penu instructissimum. Quâ tamen longè antiquiorem EDDAM in Islandia extitisse ipsi non dissimulant Islandi, eamq; Otthino auctori ascribunt.

LXII. Deindè (ut porro ad criminationem superius allatam respondeam) nè Saxo falsa & fabulosa pro veris obtrudendo ignarum incautumq; lectorem circumveniat, quam verecundè fabulosa commemorat, quoties, ad exemplum Herodoti, fidem suam in his liberat; quam crebrâ utitur præmonitione!

LXIII. Herodotus enim, ne quis simplicior decipiatur, addit semper hujusmodi quiddam; ut ferunt, ut ego audivi, Quod veri mihi quidem simile non sit. In Polymnia verò, quod meminisse in tota historiâ vult lectorem, Ego, inquit, quæ fando cognovi, exponere narratione mea debeo omnia: credere autem esse vera omnia, non debeo.

LXIV. Ità & Saxo, si quid fabulosi, aut incerti, subindè occurrat, candidè præmunet. Sic mox sub initium Libri 1, pag. 5: Verum à Dan (ut fert antiquitas) regum nostrorum stemmata &c profluxerunt. Eodem Libro pag. 10. in vita Svibdageri, cum de Magis Danorum operosius egisset, tandem subjicit: Hæc idcirco tetigerim, nè cum præstigia portentavè perscripsero, lectoris incredula refragetur opinio. Lib. VI. pag. 97. ubi agit de cane Bjornonis, inusitata ferocitatis bellua: Sed quoniam tradita magis, quam cognita referuntur, fidem arbiter penset. Hæc siquidem, ut accepi, deliciarum quondam loco habita. Eodem Libro, pag. 103. de ortu & origine Starchateri: Fabulosa autem & vulgaris opinio quædam super ipsius ortu rationi, in consentanea, atq; à veri fide penitus aliena confinxit. Eodem libro, pag. 110: Si famæ credi fas est. Et pag. seqv: de faxi cavâ superficie, ac si illam Starchateri decubantis moles conspicuâ corporis impressione signasset: Ego autem hanc imaginem humanâ arte elaboratam reor; cum veri fidem excedere videatur, insecabilem petreâ duritiâ ità cerâ molliem imitari potuisse, ut solo innitenti contactu sessionis speciem repræsentaret, habitumq; perpetuæ concavitatis indueret. & id genus alia passim per totum Opus.

LXV. Venio nunc ad alteram criminationum partem, de Chronologia neglecta. Optandum equidem esset temporum seriem expressam fuisse à Saxone, ut minus obnoxius esset cavillationibus adversariorum. At quomodo Saxo annos & tempora assignare potuit rebus obscuri & incerti ævi, & à sua memoria longissimè remotis? Deindè arbitror illum, exiguam temporum rationem habuisse, quia non adeò usitatum fuit illo tempore, & antè, tempora consignare: vel quia difficile esset, quòd certas non haberent Epochas, à quibus numerarent Ethnici, præsertim nostrates, qui ignorarunt Græcorum Olympiadas, aut aliarum nationum Chronologias. Ideò Saxo illa præterijt, contentus mentione vicinorum Regum, Principum, Ducum & fortium virorum; qui cum ex se essent celebres, Æram videbantur constituere peculiarem. Verbi gratia: Gotrici Danorum Regis tempora à Carolo Magno sunt perspicua: Hemmingi, à pace cum Ludovico Cæsare initâ: & Haraldi, qui ab eo ad fidem Christianam conversus: Haraldi itidem, ab Otthone, à quo Ottesfund.

LXVI. Sic olim, qui tempore Herculis vixerunt, illum ceu metam habuerunt, ad quam Antecessores & posterî limitari poterant. Quem morem sequitur etiam Plutarchus in Vitis illustrium virorum, à Theseo, Lycurgo, Romulo, Numa, ad Ottonem Imperatorem. Cum enim illa habentur certa, licet ab illis exordiri & continuare historiam quamvis. Sic cum Romanorum Imperatorum sit mentio, facilis reductio temporum illic est perspicua. Ita Livius orditur historiam Romanam, ab Ænea, Latino, Rege Aboriginum, & Ascanio, ad Syllios & Romulum. Ac Libr. 2. à Bruto. Tertio à Consul. T. Æmylio & Q. Fabio. Et ita deinceps.

deinceps : & si tertia decade tempus attingat conditæ Romæ. Quare non debet in Saxone esse inusitatum, quod cum alijs multis habet commune.

LXVII. Concludam tandem Epigrammate Clariss. Viri, M. Erii Pontoppidani, P. L. C. in Saxonem Grammaticum:

Grandisonis DANUS se tollit SAXO cothurnis,

Et, nisi sint hominis saxea corda, moxet:

Vindice barbaries exul SAXONE recessit,

Et culte hic didicit barbara lingua loqui:

Est dignus SAXO diurnâ luce beari,

Qui patrijs lucem fœnerat historijs.

QUISQUIS SCRIPTA FEROPARPIS SAXONIAMORSU,

ADMORDES SAXUM: DENS TIBI FRACTUS HEBET.

CAPUT XXIV.

Vota, ἐὺφημίαι, acclamationes, applausus, gratulationes, Carmina encomiastica & epidiastica in novam hanc Saxonis editionem, à Viris doctis & Amicis, tam in exteris, quam in patria, conscripta.

I. *Ἐφημίαι & Acclamationes &c. Virorum doctorum & Amicorum in exteris.*

1. Danielis Heinssij, in Epistola ad me scriptâ Lugd. Batavor. XVIII Novembr. c1o 1o CXXVI.

Præstantissime Vir,

A Nimo attollor & assurgo, quoties præclarum aliquod ingenium emergere ad æternitatem video. Quod de te pronuntiare possum, quem & candor dictionis, & suscepta in scriptore magno (Saxone) opera, talem esse ostendunt. Quem ante annos aliquot cum tanta admiratione legi, ut toti suo seculo convicium dixisse, sic scribendo, videretur.

Et paulo post: Saxonis præter unicam Basileensem penes me editionem nullam habeo. Tua si momento unico carere poteris, de loco, de quo quæris, respondebo. Quod serius respondeam, ignosces si me amas, & si occupationes meas cogitas. Aristarchum nostrum sacrum, Orationes, Scaligeri Epistolas, & alia typographi excudunt. Adhæc infinita alia accedunt, quæ non patiuntur, subinde ut sim meus, & quod gravius hoc ipso ducio, ut sim amicorum. In quorum numero & eruditio & virtus tua, suo te merito reponunt. Vale Vir amicissime, & me ama.

Tui studiosiss.

Daniel Heinssius.

2. Gerardi Joannis Vossij Carmen inscriptum Albo meo, Lugd. Batav. Postridie Eid. Jan. Anno c1o 1o CXXX.

Multa tibi Saxo, Stephani doctissime, debet;

At totum optamus debeat ille tibi.

Dimidium cœpisse fuit. Nunc incipe rursus,

Perfices illud, quod superesse vides.

Optimo, doctissimo, amicissimo STEPHANO STEPHANIO, Liberalium Artium Magistro, eruditissimi historici Saxonis Grammatici Sospitatori, magnum affectum minuto hoc symbolo testabar

Gerardus Joannes Vossius.

Ejusdem ἐὺφημισμὸς in literis ad me suis, Amstelodami, Anno c1o 1o CXXXVIII. Prid. Jd. Junias.

DE Saxone Grammatico jam uni alteri Typographorum sum locutus. Sed nihil certi responderunt. Negant se quicquam statuere posse, priusquam constiterit, quantum id est, quod præstiteris in nobilissimo gentis vestra scriptore. Dixi ego, quicquid molitus sis, sine dubio non dete-

rius fore egregijs Notis, quas elucubrasti jam ante annos plures. Ajunt ad istoc, non diffugere se judicium meum de tuis; sed tamen necessum esse, ut videant, quæ futura sit moles operis, & statuere queant, quæ expensarum futura sit ratio, & quantum chartæ unius generis sit comparandum. Non potuijs hac parte satisfacere, quia nescirem Mercatorem, cui superiori autumno thesaurum illum commiseras. &c.

Ejusdem, in literis Amstelodami scriptis eodem Anno, III. Kal. Octobr.
Stylo Gregoriano.

DE Saxone Grammatico edendo nondum hic cuipiam potui persuadere. De præstantia scriptoris non vocant in dubium, quæ dixi: sed ajunt opus fore perpaucorum hominum: se autem omnia splendido illo luto metiri. Debat is scriptor non alibi edi, quàm in ipsa Dania, idq; luculentis & elegantibus typis; chartâ etiâ optimâ. Hoc ex honore esset Dania: ac si typographi non sufficiunt, impensis Regijs, vel Nobilitatis, aut Academiæ sumptibus, fieri conveniret. Quæso si quid horum jam fuerit decretum, vel simile aliud, fac me quamprimum certorem. Jam à multis annis sic amo Saxonem, ut nihil æquè exoptem, quàm eum esse in plurium manibus: nec alium scio, qui medicam illi manum admovere feliciter possit, quàm te popularem ejus doctissimum, & jam à tam longo tempore non minore judicio, quàm industria, in hoc versatam. &c.

Ejusdem, in literis Amstelodami scriptis Anno clō Io CXLI.
X. Augusti.

CLarissime & amicissime Stephani, Multa me in literis tuis delectarunt, præcipuè quòd scribis, jam totum te esse in Saxone tuo, eumq; propediem visurum lucem. Bene de te operâ hac mereberis: melius de patria Saxonis, tuâq; optimè de omni Rep. literaria, ac posteris universis. Semper mirificus me amor tenuit tam nobilis scriptoris: nec mirari satis potui, eum dictionis cultum barbaris temporibus conspici in gente adeò ad Arctum remota, quem frustra desideravimus ijs in locis, ubi vernaculus fuisset sermo Romanus. Nec debuit scriptor ille debere alteri salutem, quàm civi suo, inq; his, ante omnes, Stephano: cum multis alijs nominibus, tum inprimis τὸν σέφεινον promerenti ob civem servatum. Quid enim aliud censeam, qui jam ante annos XIV ex Castigationibus tuis, Heinso mihiq; (quæ & illo tempore amor erga nos fuit tuus) inscriptis, imò ut tu scribere non dubitas, dicatis, satis perspicere mihi visus fui, nihil à te profecturum, nisi ingenio tuo doctrinaq; dignum, ac magnâ industriâ elaboratam. Applausum totius eruditæ cævæ jamnunc tibi ausim polliceri. &c.

Ejusdem in literis Amstelodami scriptis Anno clō Io CXLII.
VI. Kal. Martias.

TAndem à tui amantissimo Vossio magni ac veteris amoris minutum novumq; symbolum accipe, libros quatuor de Theologia paganica, & Philosophia Christiana. Placituros confido. Cur inquires? Quia confido affectui tuo, quo & me aliquem esse putas. Et si eloquendum, quod sentio, etiâ confido exactissimo judicio tuo. Probè enim mihi conscius sum permulta me attulisse ad hoc opus vel alia, vel aliter dicendo. De hoc nolim me submittere judicio hominum exiguæ lectionis: quales distinguere nesciunt inter dicta, indictaq; nostra & aliena. Ipsi interim sibi placent, licet nihil adferant, nisi millies dictum, quia sperant latere posse, quæ exscripserint. Malim igitur tui similibus placere: quia jam ab eo tempore, quo Lugduni una viximus, abundè memini, quàm φιλομαθῆς καὶ πολυμαθῆς fores. Eoq; avidè desidero nosse, quid de Saxone tuo fiat. Hic scriptor & genti tuæ multum gloriæ, & tibi æternum parabit decus. Tantùm nè moras ulterius nece, nè & patriæ, & propriæ gloriæ malè consulas &c. Vale summe Vir, & porrò amemus nos inter nos.

3. Johannis Ilacij Pontani, in literis ad me suis, Hardervici, Anno
clō Io CXXVII. XXIX Junij.

DOmo aberam, Vir ornatissime, cum ad ædes tuæ literæ perferrentur. Abijtq; triduum aut quadriduum circiter, priusquam ad lares regressus eas videre ac legere potuerim. Legenti autem omniâq; circumspicienti oppidò acceptum ac volupe accidit intelligere præclarum illud tuum in illustrandis patriæ rebus non studium modò, sed industriam quoq; testatam Notis, quas simul mittis, in popularem nostrum, rerum Danicarum florentissimum scriptorem, Saxonem Grammaticum. Nam & ipse eum authorem, cum antiquis certantem, diurnâ, ut sic dicam, nocturnâq; manu jamdudum versando hæud temere mihi charum familiaremq; reddidi, dùm præsertim historiam Danicam, per prima illa seculorum volumina ad nostra usq; deducendam tempora, rexo retexoq;. Et verò illud non semel in animo fuit, ut ipsum Saxonem, summarijs unicuiq; librorum additis, tum & observatâ Regum serie, nomini-

nominibusq; ipsorum majusculo charactere prescriptis exornatum evulgare cum annotationibus sub calzæ nostris. Sed otium hucusq; obsuit, alijsq; factum curis, quo minus utilissima hæc opera optimo authorum præstita fuerit. Tibi, Vir eruditissime, cui ingenium & liber animus otiumq; superest, ut omit- tam esse civis servare civem, eam exornandam Spartam libenter tradimus: quamvis nec defuturi in- terim simus nostra observata tuis jungere, aut communicare tecum, ut lubet. Unus est locus, quem à te, præter cætera, adnotatum reperio, nec aliter quam explicas, explicandum semper putavi, Regem nimi- rum Svencnem, vulgò Tiweskeg dictum intelligi libro XIV. ubi inquit: Quam (Svantoviti statum) Rex etiam Danorum Sveno, propitiandi gratiâ, exquisiti cultus poculo veneratus est &c. cu- jus postmodum sacrilegij infelici nece pœnas dedit: nisi quod postrema ea verba, ob id sacri- legium infelici nece pœnas dedisse, pugnent cum verbis ac relatione, quam idem, de extremis ejus- dem Svenonis loquens, prodit lib. X, ubi hæc legas. Cæterum Sveno senilis animæ laboribus ies- sus divinis rebus infatigabilem ultimi temporis curam tribuit, nec spiritu, quam religione diuturnior fuit. Siquidem omni humanâ concussione vacuus, in ipso perfectissimæ vitæ fulgore decessit. En Rhodus saltusq;. Nam superioribus ea planè contraria vides, Vir humanissime. Et plura talia, aliaq; sunt: quorum à te haud pauca feliciter animadversa: & multa præterea anim- advertenda superant.

4. Johannis Kirchmanni, in literis Lubecæ scriptis Anno clō Io CXXXIV,
Cal. Junij.

CLariss. Vir, domine & amice honorande, Cum doctorum virorum amicitias ultrò expetere soleam, certè valdè inhumanus sim, & instituti mei immemor, si non oblatam à te amicam voluntatem lubens amplectar atq; exosculer. Ego verò id facio, & meam tibi benevolentiam vicissim offe- ro, si modò aliquid à me proficisci possit, quod tam honorifica tua de me opinione sit dignum. Quod Saxonem Grammaticum Notis illustrare decrevist, laudo propositum tuum, & de illarum specimine mecum communicato, plurimum te amo. &c. Quare nihil est, quod te ab hoc pro- posito detertere possit: tu modò manum operi seriò admove, & Saxonis Notis illustrati nova editione Daniam tuam, atq; adeo totum orbem literatum tibi obstringe.

Ejusdem, in literis Lubecæ scriptis, eodem Anno
XVIII Augusti.

DEus clementi oculo nos respiciat, & te, Vir Clarissime, diu sospitet, ut quam paras, Saxonis edi- tionem bonis avibus absolvere, & bene de Repub. literaria mereri possis. &c.

5. Francisci Vossij, G. F. Carmen inscriptum Albo meo, Lugd. Bat. Kal. Jan.
Anno clō Io CXXX.

Allusio ad nomen STÉPHANI.

Viderat in cælo Tellus splendere coronam,
Atq; ait, hæc quondam nostra corona fuit.
Nunc aliâ capior, Cimbris quæ venit ab oris,
Quamq; polus vellet me tribuisse sibi.
Astrologi laudent Cretensis signa corona:
Gratior historicis Cimbrica semper erit.

Magnæ eruditionis, majorisq; expectationis Viro,
STEPHANO STEPHANIO, amicitia

μενέουσαν posuit.

Franc. Vossius. G. F.

CAPUT

CAPUT XXV.

II. Applausus & ἐνθουσιασμοὶ &c. Doctorum Virorum, & Amicorum in patria;
& primò quidem

Clariss. Professorum Regiæ Academiæ Hafniensis pariter ac Soranæ.

Quæ ceteri voce aut stilo Tibi vovent,
Optantq; , Amice, prospera.
Optantur & voventur à me milles:
Vota expleat summus pater.

HENRICUS ERNSTIUS, J. U. D.

& Profess. Reg. Acad. Soranæ.

Meritis

Viri Clarissimi,

DN. M. STEPHANI STEPHANII,

Historici Regij, & in Academia Sorana

Profess. P.

Notas doctissimas

IN SAXONEM GRAMMATICUM EDENTIS.

Hæcenus ingenti, quis voluit pondere Saxum,
Et polijt gemmas, maxime Saxo, tuas?
Quæis procures ornas Danos, quæis divite venâ
Regum priscorum facta stupenda refers?
Hæcenus intactum jacuisti nobile Saxum,
Rerum magnarum pondere, mole grave:
Scilicet antiquos ritus, monumentaq; Patrum
Non erat è tenebris tollere qui potuit.
Aut dignè doctæ scrutari nomina linguæ:
Abdiderat flores Danica Svada suos.
Donec in hoc magnâ sudaret laude Theatro,
Aoni STEPHANUS docta corona choræ.
Eddicus hunc Scalder, sapiens quoq; Runa beavit,
Cimbrorum linguâ nobiliore loqui.
Quâ fretus docuit SAXONIS mystica primus,
Quicquid & obscuri Dania prisca tulit.
Majorum ritus, mores, decretaq; pandens,
Quæ tenebris fuerant obsita Cimmerijs.
Est igitur dignus quem Dania tota coronet
Laudibus, & meritis hoc ferat alloquium:
Unus homo priscam scrutando restituis rem:
SAXONIS saxum volvis & unus homo.

OLAUS WORM, Med. D.

& Profess. Reg. Acad. Hafniens.

Ισορεῖς ἰσπεύοντα βορειάδῳ ἔργματα γαίης
Λεχθαῖη σέφανῳ παγκλυτὸς ἠννορέη.
Ἀγλαίη φωτίζει ἀφειγέα τῷ πατρῳ ἔσαν
Πατριδ', εἰς σέφανῳ πατριδῳ ἀγλαίη.
Οὐ τὰδε γρησκοντ' εἰω ἀβλαήρεα κόσμος,
Ἀλλ' ἥθεος θαλερὸς θαρσυλὴς κάματ'.

Γηραι

Γῆραι δ' αἰματέρη γένε' ἡ νάρησ' ἀπόφασιν
 Τοῖσι περὶ πίσιν, τοῖσι τῶνδ' σοφίαν.
 Ὡπνι δ' εἰ πάδε περπνὰ παλαίφαται θυμὸν ἰαίνῃ,
 Ἡ Φρέσιν, ἡ νεαροῖς ἡῖσιν ὄρε' αἰῖς.

Historicè explicat historicè explicantem Borealis gesta terræ
 Antiquâ STEPHANUS inclytus virtute :
 Splendore illustrat obscuram olim existentem.
 Patriam, suæ STEPHANUS patriæ splendor.
 Non hæc senio confecti fuerunt deliramenta mundi,
 Sed florens juventæ animosæ labor.
 At senectute nostra ætas torpens, denegat.
 Rebus antiquitus gestis fidem, ijs quæ nunc geruntur, sapientiam.
 Cuicunq; autem hæ jucundæ antiquitates non oblectant animam,
 Aut ingenio aut novitijs moribus est puer.

JOANNES LAURENBERGIUS D.
 Mathem. in Regia Sorana Profess.

Dania læteris, tua grandia facta perissent,
 SAXO GRAMMATICUS si modò nemo foret.
 Incola Grammaticus; Rhetor; juxtaq; Poëta,
 Primus qui Patriæ scripserat Historias.
 En nihil abjectum, dormitans, atq; remissum,
 Nil rude, SAXONIS pagina docta dabit.
 Hoc olim fuerat, quod te commovit, ERASME,
 Navigio Danos visere velle magis.
 Sed licet abjectum, dormitans, atq; remissum,
 Nil tibi SAXONIS suave recenset Opus.
 Dum tamen interdum varias res ordine gestas
 Tempore neglexit commemorare suo :
 Quis non gestiret, STEPHANI Doctissime, doctas,
 Quas Huic addideras, posse videre NOTAS?
 Sic magno MAGNUS SAXO cumulatur honore,
 Intricata nimis dum tua lima polit.

Christianus Severini f. Longomontanus,
 Mathem. in Reg. Acad. Hafniensi Profess.

Ad

Clarissimum & Excellentissimum Virum,
 DN. M. STEPHANUM STEPHANIUM, In Equestri ac Regia
 Sorana Academia Historiarum Professore P. Regium Historiogra-
 phum, Floridi ac profundi Danorum Scriptoris
 SAXONIS GRAMMATICI

Felicem vindicem, fidelem interpretem, ac primum in Dania
 editorem, amicum plurimum honorandum,

ELEGIDIION

Gratulabundus scripsit

THOMAS BANGIUS Sanctæ Ebr. Lingux Prof. P.
 in Regia Havniensi Academia.

Nulli audita cano. Fuerat mea DANIA priscis
 Temporibus LATIUM : DANque LATINUS erat.
 Ut vili latuit Latialis Jupiter Alba;
 Ut LATIUM dicta est terra latente Deo:
 Sic latuit longis ævi damnata tenebris
 DANIA, perpetuæ noctis imago fuit.
 Mox rutilo fulgens surgit jubar aureus ostrô:
 Mox radiant Phœbô squalida sceptrâ novâ.

PROLEGOMENA.

GRAMMATICUS mox unus erat, qui dispulit umbras:

SAXO suâ DANOS luce micare docet.

DANORUM prisca repetens ab origine gesta

Condidit augustum Martis & artis opus.

GRAMMATICO magno Lauró sed texta CORONA

Defuit: en STEPHANUS florida scripta legit.

Aurea mox torques, viridisq; CORONA NOTARUM

Nectitur: est STEPHANUS LAUREA GRAMMATICI.

O quem te memorem! te vindice SAXO revixit:

Est STEPHANUS patrij magna CORONA soli.

Est STEPHANUS meritæ studiis pars maxima laudis:

Est patriæ Historiæ Bibliotheca loquens.

Stabit honos DANIS, redivivaq; gloria gentis

Te auspice SAXO cluet, dum vehit astra polus.

Stabit ovans DANUS folijs ornatus olivæ:

Te scriptoræ ætas DANICA scepra fugit.

Annorum securâ, nec ulli obnoxia seculo

Clarescet scriptis DANICA sera tuis.

Quæq; triumphavit juvenis de gentibus olim,

Per te de seclis cana triumphet anus.

Si ignari jactet Tempus spolia orbis opima:

Tu spolia è gnaro Tempore opima refers.

Sicq; triumphatô tibi Tempore adorea parta:

Tempora victoris clara CORONA beat.

Romuleo posthac non horret PORTUA culmô:

Non stabunt humiles in Jovis arce casæ.

DANIA non LATIUM posthac erit, haut rudis Alba.

HAVNIA: SORA ROSA EST, HAVNIA ROMA NOVA.

Ἱστορίας ΔΑΝΩΝ ἀρχαίας τ' ὠφελίμους τε,
 Οὐνόμαθ' ἡρώων κυδίστων ἢδ' ἀγαλλεταί,
 Τῶν τε καλιππολέμων ἀναγνώσκει ὅστις ἐέλδω
 ἔργα παλαιγενέων πολεμῆια τ' ἀξιάγατα;
 Χ' ὅσχα πρὸ παμπόλων ἐπέων περικαλλέ' ἀεθλα
 ὦσαν ΧΡΙΣΤΙΑΔΩΝ ἡγήτορες ἢδ' ἐμονάρχαι,
 ῥυσάμηναι τε πάτρην εἴσαν τ' ἐνδοξα τροπῆα.
 Δεῦρ' ἴθι, τὴν βίβλον τῷ ΣΑΞΟΝΟΣ ἢδ' ἀνελίτῃ
 ΓΡΑΜΜΑΤΙΚΟΤ' ἐρογόνων δηλῆντος πρήγματ' ἀγασταί.
 Καλλῶν γὰρ τὰδε γ' ὅτι καὶ ἐσομῆροισι πύθεσθαι.
 Ἐξήγησιν ἅπαν ΣΤΕΦΑΝΟΣ, φῶς πατρίδ' ὅν, ὧς
 κρείσσω, ὅππῃ μὲν κατέλεξε τε ἢ ἐπαρσίθην,
 καὶ χολίοις ἔμην σκαλιοῖς πινύτοισι ἢ μάλλον
 ἔξεπόνησε σαφῶς τὸν ΣΑΞΟΝΑ, εὖ κ' ἔτ' ἐξέειπεν.
 Ἐνθάδε καλλίστην μεθόδον ζυγαπύοντα ἔγραψεν
 ἱστορίων τε γύρεος πατρικῶν νῦν κλειθροῖς ἀνοίξας.
 Εὖγε, φέρετε ἄνερ κλυτοδαίδαλα γραπτὰ παλαιῶν
 ἔκφερε ἕσχα φάσθαι παμπόλῃ καὶ ἔσχα πάντα
 σπέρχαιο ἐς πάτρης ἐρμυδέσθαι εὖχθαι ἀγαυόν
 εὐπρεπέει τίξει συγγραμμάτων πλεῖστοι φαείνῃ.
 Οὕτω σέο κλέσθαι μεγάλην δόξαν τε ἀέξεις.
 Οὕτω μεσόφιλοι μέλλουσιν ὁμόφρονες αὐτῇς
 ἡλέξαι τε σεφάνους πρὶν τε κεφαλῇφι βαλέσθαι.
 Ἡδὲ πόνων δώσῃ ἀγαθὴν θεὸς αὐτῇς ἀμοιβήν,
 στέμμα δικαιοσύνης καὶ μακρὴν κληρονομίαν.

Ἡ εἰς τὴν φιλοφιλίας τεκμήριον παρέθηκε Collega Collega

ALBERTUS MEJERUS G. L. P.

Hostiles

Hostiles dum bis REX MAXIMUS æquore utroq;
 Persequitur classes classe fugatq; suâ :
 Armâq; fert contra tumidos ultricia Suecos :
 Atq; animi validus dira pericla subit.
 Ad quæ post seros stupeat Gens nata nepotes,
 Vix credens, talem secla dedisse VIRUM.
 Tu, STEPHANE, interea priscorum facta recensens
 Danorum, Errori bella subinde moves.
 Obductas siquidem tenebras & menda Librorum
 E Saxone tuo mente sagace fugas.
 Unde reviviscens emuncto redditur orbi
 Splendidior curâ, splendidus ipse, tuâ.
 Limpidior multò celsis de montibus amnis
 Ut, bene purgato fonte, meare solet :
 Sic, quando illustras nostrâ primordia Gentis,
 Nupera quæq; dehinc lucidiora dabis.
 Pergat, sic voveo, REX AUGUSTISSIMUS acri
 Mavorte & famâ digna patrare suâ.
 Perge, Vir Excellens, multâ cum laude patrata
 Genteq; condignè scribere digna tuâ.

GEORGIUS FROMMIUS

in Academiâ Hafniensi Prof. P.

CAPUT XXVI.

Applausus, ἐὺφροσύνη, Carmina Encomiastica &c. Amicorum aliorum in patria.

Prisca iussit exulare Barbarorum factio
 Res & acta perduellis, ex & esse finibus
 Territorij, quod armis Rex Odinus obruit
 Qui tumultus Herculanam posterorum seculis
 Intulit cum nube noctem, quam nec ille sterteret
 Passer usq; delicatus quem Diana deperit
 Vi coacta jure cessit inficeto vindici
 Asserente parta nuper regna plebe fortiter
 Lingua gentis ad triones pulla fustuario
 Vidit, ac misertus ibat restitutum supplices
 Sordidatos Saxo Danus, Regularis arbiter
 Non ovilis arma spurci, nec moratus impetum
 Sed duobus implicatus nemo contra sufficit,
 Deficitq; in universis singulos qui despicit,
 Hoc probasse Literator adstruet periculo.
 Hostium qui præda nuper factus & manubiæ,
 Difficulter expeditum corpus ex injurijs
 Reddidit, nec illud ipsis agnitum domesticis.
 Tum redux ab hoste caput hospitali tessera
 Visitare civitatem præferentes indigo
 Et lubentiam penates. Urbs in urbe quæritur
 Gratis: Ista namq; simplex tum fuit: nunc advenam
 Quisq; postulare pergit symbolam pro tessera
 Quæ subisset. Ille vocis obticessit insolens,
 Deferitq; non solentes moris incolas sui,
 Attrahentes à remotis quicquid est in gentibus
 Exteri, velut colores à solo chamæleon.
 Unus inter hos & alter obstitere seculo
 Decidenti, ne ruina prorsus omne perderet
 Nomen ævi, quod retrorsum nostra misit vanitas.
 Tu Stephani, Wormiusq;, dignitati Danicæ
 Hi fuistis, afferentes Æsculapias manus.
 Ille Fastos atq; Runas excitavit inferis,

PROLEGOMENA.

Aut Asarum, quæ Valhalla dicitur, collegio,
 Quo per ingens utriusq; major usus verterat.
 Dedecus patrum, nepotes qui domi dant hospites
 Tu fovendum & obligandum gentis ejus historem.
 Sustulisti, quam reliquit Baldus Hælam persequens,
 Clinicum prius, salute nunc recepta Virbium.
 Reddidisti. Quò volucrem candidam parario
 Debeat tibi, daturus justa solstra gloriam,
 Civicamve nascituris quæ diurnet messibus.

M. BRYNOLFUS SVENONIUS ISLANDUS,
 Episcopus Scalholtensis in Islandia Australi.

JOHANNIS SVANINGI

Ripensis, Præpositi Regij in Samo Balthica,

POEMATA,

ad

Virum Clarissimum & Excellentissimum,

DN. M. STEPHANUM JOHANNIS STEPHANIUM,
 Serenissimæ Regiæ Majestatis Historiographum & Professore ordinari-
 um, SAXONIS GRAMMATICI Vindicem, Affinem, Com-
 patrem & amicum, optatum, pium & fidelem.

¶ Disertissimi Saxonis & Cl. Stephanij comparatio.

SAXONI multum, STEPHANO plus DANIA debet:
 LUNA etenim SAXO est, SOL patriæ STEPHANUS.
 SAXONI multum, STEPHANO plus DANIA debet:
 SAXO etenim fulget, sed radijs STEPHANI.

¶ Disertissimi Saxonis & Cl. Stephanij commendatio.

SAXONI STEPHANUS, STEPHANO sua DANIA debet:
 SAXO cui carus, carior huic STEPHANUS.

¶ Judicium de Notis Cl. Stephanij Opera Saxonis
 illustrantibus.

SAXO fuit tantum, Momo jurante, disertus:
 GRAMMATICUS STEPHANI luce fit Historicus.
 Secundum.

GRAMMATICO est STEPHANUS, quod Sol cælo solet esse:
 Cælo Sol lux est, GRAMMATICO est STEPHANUS.

Tertium.

Ornas SAXONEM, & REGES diademate cingis:
 Te STEPHANUM meritò quilibet esse monet.

Quartum.

Regibus antiquis Stephanum dum porrigis arte:
 Ipse tibi Stephanum tu (mibi crede) paras.

Quintum.

Nemo tibi Stephanum; Stephanum nec te neget esse
 Ullus: nam priscis Regibus es STEPHANUS.

Sextum.

Parta tibi in terris est Sedulitate Corona:
 In cælis firmâ sed tibi parta fide.

Pro Cl. Stephanio Votum.

Nominibus multis Stephanij modò nomine gaudes:

Utq; alijs Stephanus, sit tibi sic STEPHANUS.

Acclamatio ad Illustrissimam DANIAM.

Prima.

Illustris quondam meruerunt Marte coronam:
 Arte sed Illustris jam meruit STEPHANUS.

Secunda.

Secunda.

ROMA dedit dignis quas promeruerunt coronas :

DANIA quem meruit da STEPHANO Stephanum.

Tertia.

DANIA redde tuo STEPHANO famamq; coronam;

Nam Stephanum prisci Regibus ipse dedit.

ΑΝ, ΦΡΩΤΩ, ΡΕΓΝΗΡ, ΚΝΟΤΤΩ, κοσμήτορες ἔθνης,
 Δ Καὶ λοιποὶ Βασιλεῖς κλεινότετοι ΔΑΝΙΑΣ,
 Τῶν Φήμη πέταται νυ ὅπῃ χθόνα ευρυάγχαν,
 Καὶ διὰ ἀλμώδους ὕδατος ἐνόματα,
 Κεῖμνοι ἐν δυοφερσίς, ἄφατοι ὡς, κεύθεσι γαίης,
 Μῦθον φθηγξάμνοι ἀμβλεπον ἥδε σένον.
 Τίς μέλῃ ἡμετέροις ἐγκώμιον ἐργμασι ζεύξει
 Ἀξιον; ἢ προσάγῃ πατρίδι κόσμον ἔῃ;
 Τίπτε ἢ αἰδῖαν ἡμῶν κατεκράνετε λήθην;
 Μηδεὶς γηρύει τὸ κλέῃ ἡμέτερον.
 Ηρώεσι κλυτοῖς ὁδε πρόσφορος ὅστις ὁ μισθός,
 Τῶν κλέῃ ὡς ποταμὸς λείβεται αἰετῇ.
 Ως ἔφαν. Αὐτὰρ ὅπῃ μῆκισον ἐγείνετο σιγῇ,
 Καὶ μηδεὶς πτερόεν φθέγγατο αὐτῆς ἔπῃ.
 Τεργῇ ἠγέρθη ἀνδρῶν ἀντάξιῃ ἄλλων
 Σαιδλάνδῃ ΣΑΞΩ δόξα ἔῃς πατρίδῃ.
 Θευμόρω ἔτῃ ὅπῃ μεγάλοις ἐργοῖσιν ἐγείρων
 Ἀγλαΐαν, πολλὸν πατρίδ' ἔτευξε κλέῃ.
 Ασφαλεῖ ἀμφ' ἀρετῇ Ηρώων πολλὰ καμώντων
 Ἀθλῆς θεασασίῃ κ' ἄθλα ἀνῆρε πηρῷ.
 Ἀλλ' ἔμπης τέτρω μὲν ἐμίχθη καὶ κακὸν ἐδὴλῷ,
 ΣΑΞΩ ἀμαυρῆται ὡς ἀδελφῇ εὐών,
 Ρίπτεται εἰς μισαρὰς ἀποθήκας, καὶ ποτὶ σιλῶν
 Πιτνεῖ, καὶ σέρεται πατρὶς εἶο κλέεος.
 Ἀλλὰ μιν ἀντείλας ΠΕΤΡΑΙΟΣ ἐς ἡλίοιο
 Ηγῆ φάτῃ, κ' ἀστοῖς ἔργον ἔδειξε μέγα.
 Καὶ κατὰ μὲν πόδας ἀλλογενεῖς ἄλλοι τῷ ἔποντο,
 Σπῆδῳ ἐνίκησεν τῆς ἢ ἐμὸς ΣΤΕΦΑΝΟΣ.
 Μάρτυρ ἐμοὶ πιστὴ βίβλῃ ἔσεται ἥδε παρῶσα,
 ὅτῃ μιν ἐχθρίοις ψεύδεσι μὴ μιανῶ.
 Ἡδίστη πατρὶς μή τις ἀναβέβαιο εἶρειν
 Σπῆδαίως ΣΤΕΦΑΝΟΝ καλὸν ἐμῷ ΣΤΕΦΑΝΩ.

Historia Princeps Danorum, gloria Gentis
 Arctæ SAXO, sordibus eripitur.
 Splendidus in lucem prodit, quem nuper avarâ
 Paucorum texit Bibliotheca manu.
 SAXO CORONATUS prodit, STEPHANUSq; CORONAT,
 Egregius cultor Principis Historici.
 Scilicet inscripsit SAXIS sua gesta vetustas
 Corporis atq; animi non peritura situ.
 Ernit hæc SAXO SAXIS, ingentia linquens
 Divini ingenij non peritura bona.
 Hoc opus ingenij STEPHANUS mira arte CORONAT,
 Qui roseo SERTO dignus est ipse suo est.
 Sparge rosas, florem violarum, nocte CORONAS
 SAXONI & STEPHANO, Patria, sparge rosas.

PROLEGOMENA.

Inscribatur opus SAXIS, & plena perennet

Laudibus æternis hæc monumenta tuis.

Sculpe opus in SAXIS, SCRIPTORIBUS adde CORONAS:

Convenient rebus nomina clara suis.

Bono affectu scribebam.

ERASMUS PAULI VINDINGIUS

Regiæ Scholæ SORANÆ Rector.

Historiæ lumen priscæ invidiosa vetustas
Quondam in Letheas præcipitarat aquas.
Obruta Danorum populi monumenta jacebant
Sordibus, & longo pene sepulta situ.
Ipse suæ Gentis vates sub nube latebat.
Arctoâ SAXO primus in historiâ.
Omnia erant densis annorum immerfa ruinis,
Barbaries tanti maxima causa mali.
Non tulit hoc ultra generosi cura LAGONIS,
Ecquis, ait, Gentis tot bene gesta meæ
Vindicat à tenebris, & clara in luce reponit,
Gesta vel æternos vivere digna dies?
Quisquis eris, pro vindicijs tibi iusta Camanæ
Præmia, sed quondam, quanta merere, dabunt.
Quin & posteritas olim te multa loquetur,
Et nunquam in laudes desinet ire tuas.
Dixerat: ecce subis tantos, Petræ, labores,
Primus & invisis eruis è tenebris
SAXONEM, veterum qui res & fortia facta
Danorum haud humili condidit historiâ.
Cimbria quo famam tellus æquavit Olympo,
Cedere se & dominæ jam negat Aufoniæ.
Quis satis hoc laudet? tumulo veteri excitus Heros
Sustulit ingenuum rursus ad astra caput.
Sed fædus maculis, quas longa adleverat ætas,
Intactum patiens nil superesse diu,
Nunc huc, nunc illuc æger, miserabilis ibat,
Flens sibi non ullas rite vacare manus.
Sic misere truncus lucem vix hætenus ipsam
Pertulit, innumeris squalidus ora notis.
Nemo salutiferâ potuit succurrere dextrâ,
Qui vellet navos tollere, nemo fuit.
Sæpe alios frustra, Stephani doctissime, sed non
Ille tuam frustra sollicitavit opem.
Ergo ne series seclorum incognita, totq;
Magnanimùm fallant inclyta facta ducum;
Tu faculam alluces, tu nobis lampada præfers
Clare Vir, Arctoæ lumen amorq; plagæ.
Atq; ita limatum SAXONEM didis in auras,
Possit ut à pueris & sine nube legi.
Omnia nunc oculis occurrunt obvia nostris,
Ille tua postquam pene revixit ope.
Nunc legimus passim, pariterq; addiscimus omnes,
Nec tantum obstringis tempora nostra tibi:
Postera quin quoq; se debere fatebitur ætas,
Barbaries nobis nec metuenda venit.
Barbaries, quæ nunc facto velut agmine Musas
Paulatim ad Scythicas cogit abire casas.
Hoc satis est. Te fama manet, nos commoda; jamq;
Par pretium tantæ sedulitatis habes.
SAXONI lucem tu pulsa nocte dedisti:
Luce nova famam reddidit ille tibi.

PROLEGOMENA.
PARODIA

55

Ad XII Libri II Carminum Odam Q. HORATII FLACCI.

NOlo longa feræ bella Alemaniae,
Nec Celtæ furias, nec profugum Scythen,
Nec pacis dubium Thraca perennibus
Aptari citharæ modis:

Nec vafros Batavos : & nimium sibi
Confisos, domitos Casarea manu
Arctos Sueonas : unde periculum

Præsens contremuit domus
Magnorum Austriadum : tu pede libero
Regum gesta prius Martia Danicūm
Evolves melius, per sua tempora

Annales veteres putans.
Me dulcis bifidi Musæ cacuminis
Cultrix, me voluit dicere floridum
Præstantes animas, & proprijs tuum
Fatum pectus honoribus.

Quem nec ferre pedem dedecuit choris
Vatum Pierijs, nec dare lintea
Torrenti Oceano grandia Rhetorum
Doctrinâ celebrem suâ.

Antiquam Latio seu decus asseris,
Et quæ Barbaries intulit horrida
Ostendis populis : seu dare candidas
Tot chartis animas lubet,

Quæ claro ingenij lumine Daniam il-
lustrarunt STEPHANI, Maeste agè gloriâ hac,
Quam nec livor edax, iræve temporis
Æternum eripiat tibi.

JOHANNES MEJERUS

Poëta Coron. Cæs. Scholæ Cathedra-
lis Ripensis Rector.

ΠΑΡΟΡΜΗΣΙΣ
SAXONIS GRAMMATICI
&
STEPHANI STEPHANII
ad scribendum.

ORbis dictator, splendentis rector Olympi
JUPPITER, ut rerum cumulas pectore curas
Diluat, & mixtis fallat sermonibus horas,
Altisonâ sacrum conclamat voce Senatum.

Ne mora nectatur, TEGEÆUS laxa movendis
Subnectit VOLUCER plantis talaria, pernix
Nubila perfrumpit, varias ac transvolat oras,
Divinoq; citat Sanctissima Numina jussu.
Res haud impediunt: pietis vestita tapetis
Stelligeri plenis properatur ad atria tecti
Hinc atq; inde vijs. Venientibus aurea divis
Porta patet; structis speciose fulta columnis,
Irradians auro, nitidis clarissima gemmis
Admittitq; domus: pulchrum mirantur ocelli
Ornatum, quali nec terra nec unda superbit.

PROLEGOMENA.

JUPPITER, obductis precioſo veſtibus auro
 Incinctus reſidet crebris radiante ſmaragdis
 In folio, gravitate potens regalia vibrat
 Sceptra manu, ſuperamq; Dijs intrantibus aulam.
 Aſurgit. Gemmans ſolerti menſa paratu
 Inſtruitur; puras manibus pro more lavandis
 Dat chryſtallus aquas: diſcumbunt ordine: digna
 Subtili patinis ſiſtuntur fercla palato,
 Nectareum fundit Ganymedis prompta liquorum
 Dextra. Nihil deſit quidquid dulcedine lectos
 Exhilarare poteſt convivas, ſuppetit: Omnis,
 Qui videt, ignotam ſtupefaſtis haurit ocellis
 Regifici luxuſ faciem. Diverſa, locatō
 Conciliō, alternis tractantur ſeria verbis:
 Interdum jucunda fluunt. Venerabilis HOSPES,
 Res immota, rogat, quō cardine fata volutent
 Cœlo ſubjectas? humiles quæ ſidera tractus
 Reſpiciant? incepta quibus molimina ſtellas
 Auſpicijs infra ſuccedant? Dicta capeſſunt.

Phocaica vitreos devinctus APOLLO capillos
 Laurus, præfulgens gemmis auroq; nitenti
 Amplifico & Tyriæ velatus tegmine veſtis,
 Cum Muſis, oſtro contexta ſede levatur,
 Dicendiq; petit veniam. Lavinia nobis
 Præ reliquis, inquit, merito, Rex maxime divum,
 Regna placent. Felix ceu quondam Græcia, doctis
 Sunt impleta viris. Crebro Parnaffius hauſtu
 Si fons depleri poſſet, qui largus aquarum
 Sacros depromit latices ſemperq; redundat,
 Funditus epotis tandem ſicceſceret undis:
 Itala nam plenis gens potat avariter inde
 Faucibus, extingui liquido quum neſcia rivo
 Torqueat ora fitis. Latæ facundia linguæ
 Hyblæis eſt mixta favis. Romana cothurno
 Roſtra tonant. Vatum numeroſus carmina cœtus
 Fundit Muſæo ſtillantia melle, Sophorum
 Oenotrijs exculpta plagis turba abdita rerum
 Pandit Sacra, diu Clario doctiq; reſeſſu
 Exercent medicam cum laude Machaones artem.
 Hæc filet effatus, repetitq; ſedilia Phœbus.

Majeſtate gravis, ſancto ſpectabilis ore,
 Stellatas baccis nec non ſubtemine flavi
 Diſcretas auri veſtes induta profatur
 Dictæi Matrona Jovis ſic JUNO: Marite
 Et frater duplici mihi devinctiſſime nexu,
 Heſperias alijs ego longe præfero terras.
 Gemmarum, argenti tanta eſt fulviq; metalli
 Copia, vicinos, alias qui forte carerent,
 Effuſe populos ut ditent. Profluus illic
 Egerit aurifluo rutilantia gurgite grana
 Deſpumando Tagus, felicem provocat Hermum
 Bætis, & auriferi rubicunda laceſſit Iberus
 Flumina Pactoli. Nunquam non ſeria morum
 Elucet gravitas: Hiſpani regia promunt
 Verba cothurnatis, quæ poſſint flectere, linguis
 Nil triviale ſonat: tetrici ſunt maxima vultus
 Pondera. Formoſo ſine mendis corpore bella,
 Scintillans oculis ultro citroq; rotatis
 Et ſolito pallam ceſto religata fluentem,
 Hinc inſit Cytherea VENUS: Gratiffima ſedes

Est mihi vina ferens laxati Gallia luxus
 Nutrix. Incensas à me languescere flammās
 Non unquam patitur : prædulces explet amores
 Incola gens, natas, & solvit in otia curas.
 Mellitus sermo, captandam factus ad auram
 Gestus, & insolito variè formata tenore
 Vestis, philtrorum vicibus funguntur. Aperta
 Sponte cupidineas admittunt corda sagittas,
 Atq; subinde novas capiunt incendia vires,
 Quæ nec festinos obliquans Sequana cursus,
 Si vel præstet opem sociato Matrona fluxu,
 Nec Ligeris, nec Arar, collectis evalet undis
 Sedare : admoto succensus pascitur ignis
 Fomite. Votivo semper mihi thure litatur.

Prolixus barbam, viridi præcinctus amictu,
 Et capripes amplam meritis PAN laudibus effert
 Pannoniam, multo quod gramine facta torosi
 Prata boves implent, & lectæ plena bidentes
 Pascua. Lucrosam tradens feliciter artem
 MERCURIUS doctor, tumido circumflua ponto
 Et prædives, ait, laudanda Britannia. Multæ
 Permutantur ibi magno cum sænore merces,
 Adstrictæ impatiens fortunæ marcida vitæ
 Oria mercator, dubijs vitamq; procellis
 Objectat. Tenuēs augent commercia census.

Adspectu torvus, cristata casside, duro
 Umbone, atq; latus gladio munitus eburno,
 Et varijs textam nodis auroq; trilicem
 Loricam tectus, sua MAVORS ora resolvit,
 Et sibi devinctos extollit vocibus orbes :
 Nobilitata viget crebris Germania pugnis,
 Atq; reportata lauro victrice triumphat
 Dania, vastorum genitrix fœcunda gigantum
 Progressi, adfulgens quo spes atq; ira vocavit,
 Cimbri pugnaces domuerunt undiq; gentes,
 Horrendæ & factos calcârunt stragis acervos
 Illæsis pedibus. Non pollentissima mundi
 Extitit ancipiti dominatrix Roma timore
 Immunis, pectus trepidavit forte, secuta est
 Et formidatam præstantis bellica famam
 Virtutis clades. Compresso substitit ore
 Hæc, fuso exultans hominum MARS sanguine, fatus.

Ut facili dictas percepit JUPPITER aure
 Laudes, arctoûm miratur facta virorum,
 Condigno, dicens, cur belligerando peractæ
 Res scriptore carent? vivax expersq; sepulchri
 Fit nomen scriptis : indepta est quælibet aptos
 Præcones Regio. Sed forsân debita tantis
 Cultura ingenijs defecit. APOLLO moraris?
 Extimulato virum, divino concitus œstro
 Danorum illustret doctis qui gesta libellis.
 Nec mora. Castalidum princeps festinat ad Arcos,
 Et ciet illustri LANGORUM sanguine natum
 SAXONEM, patriæ motus qui vindice penna
 Asserit obscura merfas caligine laudes,
 Et memoranda notat victuris nomina chartis,
 Magnificum laxatq; stilum. Sunt robora verbis
 Ut stupeat lector, multis oratio gnomis
 Atq; animata movet, res & designat agendas
 Æmulus irriguæ fudit torrente Roæus.

PROLEGOMENA.

Gurgite sacratos Aganippes inde liquores
Fons, & grandiloquam surgens Roëskildia Romam
Est imitata : suo celeberrima Præsule tangit.
Exerto demum sublimes vertice cælos.

Lustrathyperboreas peragrans dum Delius oras
PHOEBUS, in Hauniaca sedem sibi deligit urbe,
Et Sorana videt studijs aptissima tempe,
Atq; fatigatus submissis sæpe clientum
Votis, quum SAXO non sat proclivia scitu
Quædam proponat, Danorum & nixa vetustis
Tantum figmentis, divina concitat aura,
Adferat ut calamo libris interprete lumen,
Præclaris STEPHANUM doctrinæ dotibus auctum,
Emerita & gnarum linguæ ritusq; sepulti,
Conveniente sibi recte qui nomine gaudet,
Dignus honoriferam semper gestare coronam.

ERICUS ERICIUS PONTOPPIDANUS,
P. L. C. & Ph. M.

Fortia Danorum SAXO dum conderet acta,
Creditor aërij montis adisse jugum,
Quo saxa & salebras dehinc sparsit longius ævum,
Hac facie damnans horridiore viam.
Ascensum instituit cupidus spectator : at ille
Offensat digitos ; hæret hic, iste labat.
Ut vidit STEPHANUS, saxa atq; obstacula quævis
Summovet, ac plano tramite pandit iter.
Dat montis superare apicem, dat lumine certo
Lustrare optatas Martis & Artis opes.
Quid STEPHANO pretij ? Clario suadente Senatu,
Æternæ frondis tempora cinxit honos.
At tu parce chelyn Vatis jactare Riphæi,
Fabula, solerem saxa movere loco :
Saxa movere loco seris memorabitur annis
Non Orphea chelys, sed STEPHANI Calamus.

PETRUS NICOL. MEHRNERUS.

HActenus externas tantum spectavimus arces
Quæq; peregrino sub Jove nota latent :
Barbara Pyramidum si quæ miracula Memphis ;
Si qua levis jactet culmina celsa Pharos ;
Aut struat invictos meretrix Babylonica muros
Oenotrioq; calant amphitheatra foro :
Miramur Dani. Turpe est curare Quirites
Si faciant propriæ dememinisse domus.
Altius erigitur STEPHANUS : patriaq; tiaras,
Et proavum illustrat secula prisca nepos :
Ecce iterum antiquum titulis sublimibus ævum
Pullulat, atq; nova luce resultat javus ;
Imperij redeunt tot fascès, signa, secures ;
Et diadema suam vibrat in orbe facem,
Ingreditur veteres regalis adorea frontes,
Atq; triumphalis tempora lambit honos ;
Deniq; Grammatico redit augustissima fandi
Svada, paludatis invidiosa togis.
Laus STEPHANE illa tua est : seculi penetrabile revolvens
Authorem toto jam facis orbe capi.

Si quæ Pythagoræ constat reverentia turbæ,
 Illa tuum petijt flamma diserta sonum.
 Hoc fatale solum est; hæc tradux lingua potentis
 Vocis; & hos habitat vox spatiola lares,
 Quæ rediviva meat sceptrorum fusa per actus,
 Et docto Danum flumine tollit ebur;
 Hic est, hic dignus reparata voce cothurnus,
 Et gravitas natam sensit adesse tubam.

Epigramma posthumum.

in laudem

SAXONIS GRAMMATICI,

ingentis historici, & optimi patriæ civis.

Heroum laudes; & linguæ grande sonantis
 Fulmen; & Arctoi sceptrâ verenda soli;
 Grammatici quod cernis opus; Quæq; ore beato
 Flumina sacundi concaluerunt viri.

Vidit Roma stupens iterum pulsabimur, inquit:
 Jam redit, & tanto vindice Cimber ovât.

Ansonio Cimber nomen fatale timori;
 Incipit Latio doctius ore loqui.

Imperio cecidisse leve est. Nunc sceptrâ parantur
 Eloquij, & regni quæritur inde decus,

Majestas Romana tremit; gentisq; togatæ
 Rostra peregrino succubuerunt polo.

Sic est. Grammaticum Dani veneramur alumnatum
 Atq; ipsi quicquid fertile lingua dedit.

Sive Aquilas & signa refert; animasq; capaces
 Martis; hyperboreo classica mota mari.

Seu patriæ fastos: uno dictator ab ora est,
 Et regale suum pulpita pondus habent.


Nos sapimus commune alij: pendemus ab ævo,
 Et novat inceptum proximus author opus.

Saxo sed emeriti sublimior incola mundi,
 In tenebris sparsit barbarieq; diem:

Est aliquid latialis honos, & pagina Livi;
 Plus tamen est sæclo despiciente loqui.

Collige Roma patres. Laus una est propria Pellæ,
 Grammaticoq; ævi non habuisse parem.

VITUS BERING.



Pæclare Rhetor, flos decusq; Danorum,
 Cui jura fandi ac eloquentiæ fasces
 Rex Christianus, ille duplicis regni
 Ac sæculi splendor, Paterq; Musarum
 Heliconâ totum & quicquid est Camænarum,
 Ac eruditæ Antiquitatis indulgit;
 Gaude triumphis Victor improbæ curæ,
 Et plaude mecum; quodq; laudis est summum
 Expone nobis Posterisq; Saxoem;
 Illustre pignus, nec diutius differ.
 Tot Candidatis Arbitrisq; Virtutum,
 Et quisquis est æternitatis & Suadæ
 Humanioris cultor, id quod expectant:
 Nec ipse clarum Nomini tuo nomen,
 Et non labantis posthumum decus famæ,
 Quam quisq; doctæ mentis Hospes exoptat.

Animæq; grandis. Fallor an tuus tandem
 Nosterq; Saxo in publicam redit lucem,
 Seq; esse gaudet qualis haud potest nasci,
 Sublimis Autor, quo nec Alter hoc cælo
 Aut verba rebus rectiora perpendit,
 Aut explicatos doctius sinus Regum,
 Et quod Deorum est, & quod est Deos infra,
 Recludit ævo. Et jam Tibi Novænarum,
 Princeps Sororum gratulantium voces,
 Priscasq; lauros, præmiumq; doctrinæ
 Immune lethi nomen, & procul vulgo,
 Ignaviaq; diffitas legit laudes;
 Nec invidendâ fert in arduum pennâ.
 Admitte felix quod mereris, & quod jam
 Præstantius laude est, ubiq; Terrarum
 Assuesce amari. Si quid Accolæ Belgæ;

Gens

Gens literarum gloriæq; fecunda,
 Debere forsan Vossio meo gaudent,
 Quo nil Virorum fama doctius vidit,
 Si Meursij Manes coluntur a Danis,
 Et qui renasci vester jam solet Saxo:
 Hæc tota passim patria, Insulæq; non victæ
 Et si quid audis, nulla non suum Civem.
 Te Terra credit, nulla non colit doctum.
 I maeste saltem liberalium Vindex
 Et Arbiter dilerte disciplinarum.
 Tuasq; laudes publicis bonis junge,
 Et quo sacræ Te mentis ille cælestis
 Accendit ardor, desidisq; jamdudum
 Ignara vitæ, inglorijq; languoris
 Erecta virtus, Indolesq; non vilis,

Affurge felix altioribus curis,
 Et si quid est, quod scire publicè refert,
 Debere nobis ac Nepotibus perge.
 Hac arte pollens altius Deum sedes,
 Cœliq; tractus, arduæq; securum.
 Æternitatis claris invches portum.
 Et nos tuarum turba particeps laudum.
 Quos possumus sacros litabimus plausus,
 Lenesq; gratæ mentis Indices versus,
 Et quos juvat nunc addidisse Scazontes
 Si plura possis, Docte Regis interpres,
 Omnisq; tutor gratiæ & venustatis,
 A seculis ac conscientia sume,
 Quæ sola compensatio sui fertur,
 Et digna merces, præmiumq; non vanum.

GODEFRIDUS CRETSCHMARUS.

Magnis magna placent, animosus ad ardua tendit
 Spiritus, in gravibus sudor anhelus orat.
 Laus in sublimi prostat, vestigia retro
 Ferre pudet, refugos maximus error habet:
 Impetus in lucro est, nullum tentasse pigebit,
 Asperat egregium palma severa decus.
 Est honor ingenio trahere in suffragia Divos,
 Et merita arbitrio ferre brachia poli.
 Ecce tuus, Stephani, crevit reverentia chartis,
 Divinumq; Helicon totus inumbrat opus.
 Saxonem Latine commendant firmata Suada,
 Sublimemq; decet pompa decora stylum.
 Ante quidem galeæ Tyberim victricibus hausit
 Cimber, & invasit rostra diserta Gothus:
 Hæc Marti certant Musæ, nam maxima grandis
 Equiparat tumido Saxo trophæa sono.
 Duplex noster honor, dominas pepulisse phalanges,
 Terribilesq; alijs hic tremuisse globos;

Et Latine ancipitem lingue fecisse Quirino
 Palmam, & convelli munere rostra suo.
 Carpit at ignavum facunda volumina tempus,
 Atq; rudes metuit pagina docta manus.
 Saxoni hæc peperit tristes incuria nervos,
 Implignas patitur dictio pura notas.
 Emendat tantæ Stephanus dispendia cladis:
 Dedititq; apices fida litura nothos:
 Attollunt numeros reditura emblemata priscos,
 Atq; gravibus solito dictio more tumet.
 Et ne difficilem involvat facundia sensum,
 Interpres totum curâ recenset opus.
 Negligit obscuros jam lucida pompa cothurnos,
 Lectoriq; patent verba rotunda suo.
 Hæc duplicem Stephano molitur adorea laurum,
 Perpetuoq; caput flore corona ligat.
 Sis igitur *σεφας*, soboliq; merere futura,
 Agnoscent studium secula grata tuum.

CHRISTIANUS AAGARDUS.

Quum monumenta spargi
 Eruditorum videam, mordeo sæpe labra.
 Non imitor bonorum
 Facta, sed culpo potius, qui meruere laudem,
 Egregios labores.
 Danicus Heros, patiens pulveris atq; Solis,
 Fortiter occupavit.
 Orbis extremi populo plurima regna victo.
 Quæ sua buccinantem
 Sæpe Saxonem soleo rodere dente acuto,

Atq; viris peritis,
 Credulis illum rudibus reddere fabulosum.
 Ut mea comprimantur
 Labra, Soranus faciet Vir, Stephanus, coronâ
 Perpetuo virenti
 Myrthea dignus. Dubito, lauseris Absolonî
 Atq; suo Clientum
 Maximo, an detur Stephano gloria major! *Ære*
 Rupe, perenniores
 Temporum aternâ serie sint Stephani labores!
 Invidiam sic loquentem producit.

GABRIEL CHRISTOPHORE
S S. T. St.

STEPHANUS

STEPHANI JOHANNIS STEPHANII

NOTÆ VBERIORES

IN HISTORIAM

DANICAM SAXONIS

GRAMMATICI.

Et primò quidem in Præfationem.



Scitè Pindarus Olymp. VI. & ex eo Lucianus in Hippias Ἀρχομένους ἐργα, πρῶτον ἔστι θεμελιώδεις: Incipiente opere, frontispicium oportet facere præfulgidum. Certè non potuit illustrius frontispicium, vel ut ita dicam, antepagamentum, Historiæ suæ præfigere Saxo, quam adeo eruditam, & omnibus præclari Exordij numeris absolutam Præfationem. In eà potissimum hæc tractat: Primò avtorem sibi condendæ Historiæ Danicæ, Absalonem, Lundensem Archiepiscopum, fuisse ostendit. Post eas se obitum, Andreæ Sunonis, qui Absaloni in Archiepiscopatu successit, Opus suum inscribere coactum. Descendit deinde ad laudes ipsius Andreæ; quem commendat ab eruditione & sapientiâ, à studio peregrinationis, à duplici munere, uno apud exteros, altero in patriâ laudabiliter administrato; & demùm à religione, fide, & avtoritate; quâ in sacrâ illâ dignitate versatus fuerit. Hinc paucis edocet, quæ potissimum documenta in contexendâ Historiâ sequutus sit: nempe 1. Carmina patrij sermonis, à Danorum antiquioribus vulgata. 2. Inscriptiones veteres hinc inde in saxis ac rupibus reperi-
tas. 3. Islandorum Antiquitates; quorum simul singularem in Annalibus consignandis, & rerum vetustarum memoriâ conservandâ, diligenter extollit. 4. Absalonis Archiepiscopi acta & Narrationes. Mox Waldemarum II Regem Daniæ compellat: cujus etiam virtutes breviter perstringens, favore suo ut præfens Opus complectatur, rogat: ubi simul brevis S. Caroli Regis commendatio adjungitur. Transi-
t deinceps ad Chorographicam Daniæ descriptionem: in quâ primum attingit Jutiam, utpote Danici regni principium. Cui subtexit provin-
cias cæteras, Fresiam minorem, Fioniam, Sælan-

Am diam, Scaniam, Hallandiam, & Blekingiam. In Blekingia meminit rupis admirandis literarum notis exarata: quam frustra Waldemarum I perferutandam curavit. Persequitur statim Suetiæ Norvagiæq; situm. Tum Islandiam, ejusq; admiranda describit. Ad ultimum Suetiæ Norvagiæq; descriptionem altius repetens, Gigantesq; in Daniâ olim fuisse demonstrans, orationem ad institutum convertit.

Pag. i. vers. 9. *Quum cæteræ nationes rerum suarum titulis gloriari* Nulla gens non est laudis avida; nec ulla est natio, quæ non ardentius gloriâ, quam divitias diligit. Inprimis vero, si quæ præclara mortales cupiditate gloriæ gesserint, eorum memoriam, ad feros usq; nepotes, literarum beneficio prorogari cupiunt. Hinc fit, ut, quomodo Saxo loquitur, unaquæque natio non proprias tantum jactet virtutes, sed & egregijs majorum meritis impendiò delectetur. Cæterum priusquam Historiæ suæ primam admove-
ret manum Saxo, omnes fere nationes suos nati erant Scriptores, qui res ab ijs gestas victuris annalium monumentis consignaverant. Ne dicam de Græcis & Romanis, quos sua antiquitas ad ulteriora retrò secula removit, inde ab Anno Christi Quingentesimo habuere Galli Gregorium Turonensem, Secundum, Avmarum, Eginhardum, Freculphum, Theganum, Nithardum, Aimoinum, Adonem Viennensem, Reginonem, Dudonem Nervstrium, Ivonem: Hispani Joannem Gerundensem, Maximum Cæsarygustanum Episcopum, Isidorum Hispalensem, Hildesonsum Archiepiscopum Tolletanum, Gausfredum: Angli Gildam Sapientem, Nennium, Samuelem Benlanum, Bedam Venerabilem, Alfricum, Sulcardum, Ethelwerdum, Turgotum Dunelmensem, Guilielmum Rhiuvallensem, Guilielmum Malmesberiensem, Henricum Huntingdonensem, Simeonem Dunelmensem, Gausfridum Monemutensem: Germani VVidichindum, Hrosvitham, Meginfridum, Albertum Metensem, Glabrum Rodolphum,

phum, Hermannum Contractum, Lambertum Schafnaburgensem, Sigebertum Gemblacensem, Othonem Frisingensem, Radevicum, Marianum Scotum, Brunonem, Guntherum Poëtam: præter innumeros alios, quorum largam sanè copiam curioso Lectori suppeditabit Clarissimæ doctrinæ Vir, seculi nostri decus, & illustre Belgij fidus, Gerardus Joannes Vossius in avreo Tractatu de Historicis Latinis. Solis Danis non licuit esse tam beatiss. Nam ante Aimoinum, Adamum Bremensem, Helmoldum Butzoviensem, Alnothum, & paucos Scriptores Anglicos, qui res Danicas obiter & aliquà ex parte tantum attingunt, vix unus aut alter inventus erat, ex Danis certè nemo, quod equidem sciam, qui Regum Daniæ absolutam atq; integram nobis Historiam dederat. Causam hujus defectus ipse Saxo nos edocet in ipsa hac Præfatione: *Quis enim res Daniæ gestas literis prosequeretur, quæ nuper publicis initiata sacris, ut religionis, ita Latine quoq; vocis aliena torpebat. At ubi cum sacrorum ritu Latialis etiam facultas accessit, segnitie par imperitiæ fuit, nec desideria minora, quam antea penuria vitia extiterent. Et infra Lib. IV. Quod si patriam hanc fortuna Latino quondam sermone donasset, innumera Danicorum operum volumina tererentur.*

Ibid. *Rerum suarum titulis gloriari* Non solum Græci suâ *μνησεία*, sed & prisca Romani varia habebant Monumenta, ut statuas, trophæa, fumosas imagines, & id genus alia, quæ posteros avitæ virtutis admonerent. Hæc ut plurimum operosis titulis & splendidis inscriptionibus insignita erant, quæ rerum à majoribus præclare gestarum laudes amplissimas complectebantur. Hinc Tituli vox usurpari cœpta est, non modò pro nudâ ἐπιγραφή; verum etiam pro laude existimatione, encomio, elogio, gloriâ, celebritate, illustri famâ, & quicquid nomen alicujus æternitati consecraret. Ovidius Lib. II. Fastorum:

*At tuas prosequimur studio peccatore, Caesar,
Nomina, per titulos ingredimurq; tuos.*

Lucanus Lib. VIII. v. 72:

*Nobile cur robur Fortuna vulnere primo
Femina tantorum titulis insignis avorum
Frangis? habes aditum mansura in seculi fama.*

Valerius Maximus Lib. III. Cap. II. *Reddendus est nunc Romane juventuti debitus honos, & gloria titulus, quæ hostium exercitum rupit.* Inprimis creberimus vocis hujus usus eo significatu fuit apud scriptores mediæ & posterioris ævi. Avrel. Prudentius Psychomachia, versu 206:

*Non pudet, ô miseri, plebejo milite, claros
Attentare Duces? ferroq; laceffere gentem
Insignem titulis? veteres cui bellica virtus
Divitias peperit?*

Sic enim cum Victore Gisefino legere malo, quàm cum Johanne Weitzio, Viro alioquin doctissimo, & de Prudentio optime merito,

A *insignem telis.* Hericus, Monachus Altissiodorensis, qui claruit circa tempora Caroli Crassi, Anno Christi, DCCCLXXX, Lib. II. Vitæ S. Germani:

*Moribus & meritis spectatus Amator optimis,
Vivere cui Christus fuit, & sors ultima lucrum,
Virtutum plenus titulis*

Guntherus Lib. I. Ligurini, vers. 354:

*Pars operum titulos jactant, & viq; minoris
Vix æquanda viris*

B Eodem Libro, vers. 608:

*— ambo pares facti insignibus, ambo
Majorum titulis.*

Et versu 561.

*— cunctos simul ore venusto
Laudat, & egregios titulis exaggerat actus.*

Et Lib. X. v. 575.

Muneribus letos, titulis dimittit onustos.

Galterus Lib. II. Alexandreidos. Fol. XX.

C *Propatria stare, & patriæ titulis, & honore
Invigilare decet.*

Columbanus in Monostichis:

*Hæc præcepta legat devotus, & impleat actus,
Virtutum titulis vitam qui querat honestam.*

Ad quem locum Doctissimus vir, & cui plurimas melioris notæ Antiquitates debemus, Melchior Haimisfeldius Goldastus; hæc adjunxit aliorum auctorum loca. 1. Isambardi Diaconi, in charta Traditionis, quam Wago contulit Monasterio: *cujus vita multæ virtutum titulis claruit.* 2. Arnulphi Lexoviensis Epitaphio Matildis Imp.

*Virtutum titulis humani culmen honoris
Excessit Mulier.*

3. Papiæ Gloss. Titulus dicitur inscriptio, vel signum laudis & honoris, vel laus. Solens verò hæc voce utitur eminentissimus seculi sui Scriptor Johannes Sarisberienensis; qui claruit sub Frederico I. Imperatore. An. Ch. M. C. XL. Ut libro III Policratici, cap. X. Inter cætera clarioribus Augusti titulis connumeratur, quod in tantæ pestis congressu manserit invictus. Et paginâ versâ: Tractum est hinc nomen, quo Principes virtutum titulis & veræ fidei luce præsignes se Divos audeant, nedum gaudeant, appellari. Idem Lib. IV. Cap. XI. *Quis enim illos ambigit alijs præferendos, qui quasi naturali probitatis privilegio ampliati majorum titulis invitantur ad virtutem.* Et Lib. VI. cap. VI. Haraldus quidem armis strenuus, & laudabilem operum fulgens insignibus, & qui tam suam, quam suorum posset apud posteros gloriam dilatare, nisi meritorum titulos nequitiam patris imitans, decoloraret. Et Lib. VII. cap. XXIV. Nunquid tanti parricidij labe, omnes non modò fortunæ dotes, sed quamvis magnificos virtutis titulos non obliterat? Titulus etiam alicujus Sancti est Basilica, vel Ecclesia, aut Capella [ut Barbari amant loqui] ejus honori dicata & consecrata. Hinc Cardinalium Ecclesiæ Roma-

Romanæ tituli. Ecchehardus Junior Cap. I. *In titulo Apostolorum conditum.* Et statim: *ad titulum S. Petri, qui est in Cœmeterio S. Galli.* Et Cap. 9. *In cella Salomonis circa parietem tituli S. Georgii.* Walafrius de S. Othmaro, Cap. I. *Cuidam Ecclesiæ, titulo S. Florentini Confessoris, prælatus est.* Titulandi verbo usus est Petrus ille vere Chrysologus, Sermone CLV. de Calendis Januariis, quæ variâ gentium superstitione polluebantur: *Quorum formant adulteria in simulachris, quorum fornicationes imaginibus mandant, quorum titulant incestu picturis.* Item Tertullianus libro de iudicio Domini:

Quis mihi ruricolæ aptabit carmine Musas

Et vernis roseas titulat floribus avras?

Ad quem locum Georg. Fabricius: *Titulare, est veluti insigni quodam ornare.* Detitulare etiam novè dixit mirus verborum artifex, sed tamen Poeta suâ tempestate florentissimus, Josephus Devonius Iſcanus Anglus Lib. II. De Bello Trojano, pag. 43.

————— *Propriæ nam venditor artis*

Detitulat titulos, quos ingerit —————

Ex majorum recordatione] Ex memoriâ rerum præclare à majoribus gestarum. Formula imitationem Valerianam referens.

10. *Danorum Maximus Pontifex Absalon*] *Maximum Danorum Pontificem Saxo hic vocat, qui alias Archiepiscopus Lundensis vulgò dicitur.* Hic verò ille est Absalon, qui ex illustri & generosa *Candidorum* familiâ, quam vernacula *de Huiters* nominat, oriundus, jam ante Roschildensis Episcopus, post quendam Ascerum, sudente Eschillo Archiepiscopo, qui in Galliam profectus Pontificatu se abdicaverat, approbantibus id simul Valdemaro magno Rege, & Ecclesiasticis atq; plebejis universis, in locum Eschilli surrogatur, fitq; Lundensis Archiepiscopus, retentâ nihilominus, indultu Romani Pontificis, Ecclesia Roschildensi. Ejus rei ipse Saxo meminit infra Libro XIV. *Absoloni Lundensem Pontificatum assumere jussum, & Roschildensem administrare permissum.* Ita geminum Ecclesiæ regimen in ejus jurisdictionemq; concessit, alterum præcepto, alterum indulgentiâ sortientis. Vixit Absalon sub Regibus Daniæ Valdemaro I. & Canuto VI hujus filio, quibus bonam operam navavit in bellis, maxime Wandaliçò, in quo præclara multa gessit, terrâ mariq; semper

Consilio pollens, & linguâ promptus & armis.

De quare Saxo prolixè Lib. XIV. Historiæ suæ, F & sequentibus. Cæterum hic non alienum erit locum quendam de morte Absolonis, ejusq; laudibus, adducere ex Arnoldi Abbatis Lubecensis Chronico Slavorum Lib. IV. Cap. XVIII. *Hoc dierum curriculo ex hac vita subtractus est Dominus Absalon, Lundensis Archiepiscopus, vir religiosus & magni consilij sive discretionis, & præcipuè honestatis.* Hujus industriâ omnes Ecclesiæ totius Daniæ, prius discordantes, uniformes in officiis divinis fa-

Acta sunt. In Cathedrali sede Crucifixum superaffigi præcepit, ut accedentibus & recedentibus reverentiâ Crucifixo magis quàm sibi fieri videretur. Præterea large sua Ecclesiis & monasteriis conferens, maxime Cathedralē Ecclesiā B. Laurentii Martyris Lundē ditare & ornare studebat Coronis preciosis, & campanis maximis, ut nunc cernitur, & diversis ornamentis. Et quia erat, ut dictum est, vir religionis amator, monasterium Cisterciensium Monachorum in Sora edificare & ditare satagebat, ubi etiam circa finem dierum suorum molestiâ corporis tractus egrotabat. Ordinatis autem Ecclesiæ rebus, in die B. Benedicti Abbatis, diem clausit extremum. Cujus morte omnis Daniæ non parum indoluit, & quia multos discordantes ad pacem in vita sua reformaverat, ipsius exitum Jesu Christo, pacis auctori, commendabat. Multa etiam de Absalone Chronicon MS. quod penes me est, continens seriem Archiepiscoporum Lundensium, in vita Absalonis.

12. *Cujus illustrandæ maximâ semper cupiditate flagrat.*] Post sincerum Dei cultum, & ingenium libertatis amorem, nullam equidē viro bono digniorem judico virtutem amore patriæ: cui non solum vitam impendere, sed & omnia vitæ momenta ad eam ornandam conferre decet. Ealaus verè Absoloni nostro debetur; qui non modo à cervice patriæ externorum hostium vim invictò animi robore sæpenumero propulsavit, proq; Danico imperio augendo custodiendoq; pertinaci semper vigilantia excubuit: sed &, ne inimica & infida semper memoriæ noverca oblivio Danorum fortia facta, & laudabilium operum fulgentissima insignia penitus obrueret, scriptorum beneficio æternitatem illis conciliare omni ope cōatus est. Eo fine, ut memoriæ proditum extat, in inclyti illius monasterij Sorensis recens à se conditi fundatione, sumptus planè liberales atq; magnificentissimos illorum destinavit sustentationi, qui ibidem loci à turba rerum hominumq; semoti, quasi in alto quodam ac pingui secessu, rebus Danicis in Historiam conferendis unice vacarent. Hinc tandem mandatu itidem Absolonis, ad Saxonem Grammaticum Historiæ patriæ contexendæ negotium devolutum est.

13. *Eo claritatis & monumenti genere fraudari non passus.*] Cicero Oratione pro Archia: *Plena Exemplorum vetustas: quæ jacerent in tenebris omnia, nisi literarum lumen accederet.*

Horatius Lib. 4. Ode IX.

Vixere fortes ante Agamemnona

Multi: sed omnes illacrymabiles

Urgentur, ignotiç, longâ

Nocte: carent quia vate sacro.

Inutiliter, ait Sarisberienſis Prologo in Policriticum suum, *Heroicis viris geruntur egregia, perpetuis tenebris obducenda, nisi literarum luce CLARESANT.* Nec pigebit & cætera adjungere in hanc sententiam verba illius verè aureola: *Jocondissimus, inquit, cum in multis, tum in eo maxime*

est literarum fructus, quod res situ dignas situ aboleri non patiantur. Exemplum majorum, quæ sunt incitantia & fomenta virtutis, nullum omnino erigerent aut servarent, nisi pia sollicitudo Scriptorum, & triumphatrix inertie diligentia, eadem ad posteros transmississet. Quis enim Alexandros sciret aut Cæsares, quis Stoicos aut Peripateticos miraretur, nisi eos insignirent monumenta Scriptorum? Quis Apostolorum & Prophetarum amplexanda imitaretur vestigia, nisi eos posteritati divina litera consecrassent? Nullus enim constanti gloria claruit, nisi ex suo vel alieno scripto. Eadem est asini, & cujusvis Imperatoris post modicum tempus gloria, nisi quatenus memoria alterutrius, Scriptorum beneficio prorogatur. Quot & quantos arbitraris fuisse Reges, de quibus Sermo nusquam est, aut cogitatio? Nihil ergo consiliosius est [italoquitur more sui seculi] captatoribus gloria, quam literarum & Scribentium maxime gratiam promereri. Hæc Sarisberienfis.

14. *Mibi comitum suorum extremo.* Variæ vocis hujus apud notæ melioris autores usurpatio. *Comites* olim dicti, qui Magistratus in Provinciis euntes comitabantur, quiq; erant ex cohorte Prætoria. Cicero 1. ad Q. Fratrem: *Hos inter, quos tibi comites & adiutores negotiorum publicorum dedici ipsa Respublica, duntaxat finibus his præstabis.* Catullus.

Pisonis comites, cohors inanis,
Horatius Sat. 7. lib. 1.

— *Laudat Brutum, laudatq; cohortem,
Solem Asia Brutum appellat, stellasq; salubres
Appellat comites.* —

In tumultu Titi Plautij: *LEGATO ET COMITI CLAUDII CÆSARIS IN BRITANNIA.* Sic Celsus vocatur ab Horatio *Comes & Scriba Neronis.* Plinius Lib. IX. ubi de Trebio Nigro: *L. Lucullo Procos. comperta, quæ Trebius Niger e comitibus ejus prodidit.* Suetonius in Julio cap. 42. *Nec quis Senatoris filius, nisi contubernalis aut comes magistratus peregrè proficisceretur.* Juvenalis Sat. 8. *Si tibi Sancta cohors comitum.* Videatur Ludovicus Aurelianus in Novis Cogitationibus ad Taciti Annal. Lib. 1. pag. 99. Ejusmodi ferè & illi, qui *Comites & amici Augustorum*, dicebantur; nempe qui à consiliis erant, eosq; in bellicis expeditionibus sequebantur: de quibus Spartianus in vita Adriani: *Quum judicaret in consilio habuit, non amicos suos aut comites solum, sed juris consultos.* Vetus Saxum Mediolani:

C. SENTIO
SEVERO
QUADRATO
C. V. COS
AMICO. ET
COM. AVG. N.

Ubi *amicus & Comes Augusti simul ponitur.* Alioquin nomina officiorum erant; *Comes rei militaris: Comes rei privata: Comes thesaurorum:* de quibus operæ erit pretium consulere luculentissimum commentarium Viri doctissimi, Cl. Salmasii in Hist. Augustæ Scriptores. Itaq;


A hoc loco per *Comites* intelligendi fortè veniunt non tam illi, qui latèri alicujus individui adhærent, & tantum non contubernales sunt; sed potius ejus dici possunt *comites* esse, quem veluti superiorem agnoscunt, & cui obsequium debent. Sic infra Lib. VI. Starchæterus se *Frothonis comitem* nominat: *Quando Frothonis Comes annotabar.* Simili ferè ratione se *Comitem Senatûs* vocavit M. Tullius in Oratione de Aruspicum responsis. Et Lucretius Libro III *Poetas,* B *Comites Heliconiadum,* hoc est, Musarum, admirabili venustate dixit. Sic Philippum Medicum *comitem Alexandri* nominavit Valerius Maximus Lib. III. cap. VIII. *Qui cum ad unam potionem sententiam direxissent, atq; eam Philippus Medicus suis manibus temperatam Alexandro [erat autem ipsius amicus & comes] porrexisset.* Plautus Pseudolo Actus 1. Scenar.

— nam tu me antidhac
Supremum habuisti comitem consilii tuis.

C Ita & condiscipuli Persio dicuntur *Comites* Sat. III. v. 7.

Unus ait comitum

Ad quem locum optimè commentatus est Isaac Casaubonus: *Fuere, inquit, qui unum Comitum putarunt dici Persio, Philosophum, qui superioribus verbis discipulos suos stertentes increpuit: qui magnus est error. Nam comites heic sunt condiscipuli.* Falluntur nimis, qui ad Philosophos referunt, quos *Proceres Romani in suo comitatu soliti erant habere.* D Fuit etiam apud veteres Dano honestissima *Comitis*, [qui illis *ΠΙΛΑΡΑ*, *Filaga*, dicebatur] appellatio, quæ eos duntaxat insignire solebant, quos in bellis & expeditionibus gravioribus, aut fortasse omni in vita, variorum periculorum & laborum socios se habuisse testarentur. Documento nobis erit Inscriptio monumenti *Gorstangensis*, in Nomarchia Scaniæ *Phrosta*, vulgo *Frosteherrit*, quæ sic habet:



Hoc est: *Dulfr ug ulfr risdi stino disti uftir Os-* A ne, ad illa verba *Wi sich liebin winescefre*, notat
mut liba filaga sin Otfrido S. Galli Monacho in Evangeliorum.

DULFR ET VLFR POSUERUNT
 LAPIDEM HUNC OSMUTO DILE-
 CTO COMITI SUO.

Ubi **NBA**, *Liba*, charum dilectumq; no-
 rat, quomodo Germanis *to Liebe*: pro quo
 nostrates hodieq; *Kiere*/ vel *Elstelige* dicunt.
 Multa enim vocabula merè Germanica Danis
 antiquis in usu, quæ jam exoleverunt; ut *Wiff*
 pro fœmina, & id genus alia. Nisi forsan. B
NBA, *Liba*, *vitam* indicet, quam nos *Elff* di-
 cimus; ut significet Osmutum talem fuisse com-
 item, cui in summo vitæ discrimine & gra-
 vissimis periculis tuto fidereliceret; eadem ra-
 tione, quâ *Elffdreng*/ famulum, qui vitæ alicu-
 jus curam gerit & quasi excubias agit: *Elffan-*
cker/ *sacram anchoram*, nominamus. Sic Mar-
 tintus Opius Notis in Rhythmum de S. Anno-

ne, ad illa verba *Wi sich liebin winescefre*, notat
 Otfrido S. Galli Monacho in Evangeliorum. Libro ante DCCLXXX annos rythmis linguâ
 Francicâ conscripto, *Lib* idem esse, quod Ger-
 manis *leben*/ Belgis *leven*/ Anglis *live*/ Danis
Elff/ *Vita*. Vocem autem **PIAPPA** *Filaga*, no-
 bis jam minus tritam, à verbo *Jeg folger*/ quod
 comitari, ac socium se præbere indicat, tradu-
 ctum suspicor: ut sic **PIAPPA**, *Filaga*, co-
 mitem aut socium denotet, qui fidus Achates,
 præcipue adversa in fortunâ, cuiusdam extiterit.
 Cæterum de genuino hujus monumenti sensu
 videatur Clarissimus Vir, & incomparabilis
 Antiquitatum Septentrionalium vindex atque
 assertor, D. Olaus Wormius, in aureo Monu-
 mentorum Danicorum opere Lib. III. Cap. IV.
 Qui etiam eodem Libro, Cap. XII. aliud nobis
 repræsentat Monumentum, in quo vox
PIAPPA, *Filaga*, occurrit:




Sagfi seti stin desi eustir Osbjurn sin filaga, Tu-
fæ sin, sem fori egi at Upsalum, anva maden vabn
esdi. Hoc est:

SAXO LAPIDEM HUNC POSUIT
 ESBERNO COMITI SUO, TUFÆ FI-
 LIO, QUEM EGO UPSALIÆ ENU-
 TRIVI: ANVA INSIGNIA ET ORNA-
 MENTA ADDIDIT.

Sic in Historia Canuti Regis MS. prisco no-

stro idiomate: **PA YINPI PARENR**
UYARI NIF TAMAK NERBIN PI-
MAPPA NIK: Tunc dixit Thoro Skori ad To-
 larum Verpil, comitem suum. Eandem vocem in
 Hobroensi altero monumento, quod exstat
 Lib. V. Cap. III. Monumentorum Danicorum
 Wormij, invenio; sed literis paululum muta-
 tis:



Thurir rudi stan doasi usri Karl bingudoa sylaka
En, herde gudian eryg.

THORO LAPIDEM HUNC POSUIT
CAROLO BONO COMITI SUO,
DIIS EXERCITUUM FIDO.

In Testamento Absalonis MS. quod in mea
Bibliotheca asservatur, Saxo dicitur Clericus Ab-
salonis: Saxoni Clerico suo duas marcas argenti &
dimidium concessit, quas sibi donavit. Extremum
vero Comitum Absalonis se Saxo agnoscit; ex
solenni illâ formulâ, quam humilitatis suæ, &
honoris alieni gratiâ de se usurpabant vetustissi-
mi Scriptores Christiani. Exempla quia passim
obvia, hoc loci ea accumulare non est animus.

15. *Res Danicas in Historiam conferendi.*] Sic Mar-
cus Junianus Justinus præloquio Historiæ ad
Antoninum Imperatorem: *Quum multi ex Ro-
manis, etiam Consularis dignitatis viri, Res Romanas
Græco peregrinor, sermone in Historiam contulisse-
rent.*

Ibid. *Negotium intorsit.*] Hoc est, provinciam
Historiæ scribendæ Absolon mihi summo cum
Imperio, cui sine omni parendi dedignatione
submittere me coactus fui, injunxit ac impo-
suit. Singularis enim Emphasis est in voce hac
intorsit, quæ violentiam quandam denotat, cui
affinis videtur mox adjuncta formula: *Crebræ
exhortationis imperio compulsi.* Et videtur Meta-
phora sumpta a tele, quod in hostem intorque-
re dicimur. Simili significatione *to impiegit*
usurparunt Ammianus Marcellinus, & Julius
Firmicus. Hic præfatione Lib. 5. ad Mavortium
Lolitanum: *Da veniam, quod gravis sermo ad nu-
mum tui secreta peruenit. Non enim sacrilega cu-*

A piditas, aut profanæ mentis ardor, ad hoc nos studium
super impiegit. Ille Lib. XV. pag. 42. Edit. Lin-
denbrogianæ: *ut absenti emulo, quem quietum
supereffe adhuc gravabatur, periculose molis onus im-
pingeret.*

16. *Inopemq[ue] sensum.*] Venantio Fortunato, an-
gusti sensus ingenium idem est quod Saxoni inops
sensus, in Præfatione ad Gregorium Papam.
Sensus hic pro ipso animo, sive mente, quæ va-
rios expromit sensus, ut Lucretius Lib. 2. ait,
B poni videtur. Glossarium: *Sensus, αἰσθησις, vñs.*
Math. Martinius in Etymologico suo: *Sensus*
est 1. actus sentiendi, hoc est cognoscendi corporalia,
eag[ue] singularia. 2. Facultas sentiendi. 4. Intellectio,
conceptus mentis. 5. Vis intelligendi, ratio. 6. Anima
quæ sentit. 7. Sententia animo concepta. 8. Volun-
tas, qua sensa volumus. Usitatissimè de sensibus ex-
ternis dicitur. Inopem verò, ni fallor, dixit,
quasi destitutum omni facultate ea concipien-
di, quæ digna luce essent & celebratione. Sic
C inopem linguam, Cicero 3. de Finibus.

Ibid. *Majus viribus opus ingredi.*] *Ingredi*, pro Ag-
gredi. *Disputationem ingredi*, Cicero pro Cecin.
Orationem ingredi, Idem ad Atticum lib. 15. *Stu-
dia ingredi.* Quintilian. lib. 1. cap. 16.

17. *Res Daniæ gestas.*] Pro Danorum, sive à Danis
gestas, per Metonymiam Subjecti, quæ longè
frequentissima est, cum locus pro ipsis incolis
usurpatur. Sic Cicero in oratione pro Lege Ma-
nilia, *Italiam, Siciliam, Galliam, Hispaniam* posuit,
D pro *Italis, Siculis, Gallis, Hispanis.* Et Roma pro Ro-
manis crebrum est.

18. *Quæ nuper publicis initiata sacris.*] Ante Annos
circiter centum & quinquaginta, quum hæc scri-
beret Saxo. Non etenim respicit primam illam
Christianismi in Daniam introductionem, quæ
incidit in annum à nato Christo DCCCXXVI,
quo Haraldus, Klack dictus, cum Erico fratre
Moguntia baptizatus: sed illa potius tempora,
E quæis Daniæ Rex Svenno, cui à furcatâ barba co-
gnomentum *Tyffe Skeg* incescit, Christianorum
acerrimus persecutor, per varia pericula & mala
ad pœnitentiam perductus, tranquilla Ecclesiæ
Halcyonia concessit. Nam post ejus conversio-
nem, non modo templa extrui frequentia, ve-
rùm etiam Episcopi per Daniam ordinari cœpe-
runt, universo ferè populo sine tergiversatione
complexo fidem Christianam; abjuratis impie-
tatibus & cultibus Ethnicis: ut liquet ex Saxo-
F nis nostri Libro X.

19. *Latine quoq[ue] vocis aliena.*] Id est, expers, igna-
ra. Sic *aliena consilij domus*, Sallustio in Catilin.
Torpebat autem extremam quasi barbariem de-
notat, quâ Dania, proh dolor! tor seculis op-
pressa jacebat: sicut Ingenium torpere dicitur
incultu atq[ue] socordia.

Ibid. *Latialis etiam facultas accessit.*] Hoc est, co-
gnitio, peritia, & usus lingvæ Latinæ. A Latio est
Latialis, seu potius Latiarius. Unde Jupiter Latialis
olim

olim dictus, quod Latio præflet, sive in Latio A
coleretur. Lucanus:

Et residens celsâ Latialis Jupiter Albâ.

Cicero pro Milone: *Tuq; ex tuo edito monte Latia-
lis Sancte Jupiter.* Ubi pro *Latialis* omnino *Latia-
ris* legendum esse contendit Freigius in notis ad
hanc Orationem. pag. 324. & indicasse sibi Cl.
Puteanum commemorat, in Lactantio suo MS.
Lib. 1. cap. 21. planè scriptum fuisse *Latialis Ju-
piter*, ubi vulgo legitur *Latialis*. Idem ex Julio
Firmico locum profert, Lib. de cr. prof. relig.
qui sic habet: *Humanarum te etiam victimarum
frequenter sanguine cruentasti, & Latiaris templi
cruore, vel arâ Carthaginis, rabies tua, & siccarum
faucium venena nutrita sunt.* Ubi in Libris vulg.
pro *Latiaris* impressum fuit, *Satiaris*. Græci hunc
Jovem *Λατιάριον Δία* vocant. Halicarnassæus
Lib. 4. *Θυσίας τῆ συντελείῃσιν κοινὰς τῇ κα-
λῶν Λατιάριον Διὶ.* Theophilus quoq; Lib.
3. & Tatianus *Λατιάριον Δία* nominant. Hinc
Plinius quoq; Lib. 37. Cap. 7. *Latiarium* appel-
lat: *Amplitudo tanta est, ut conspiciatur à Latario
Jove.* Saxo verò Martianum suum Capellam hic
expressit, cujus hæc sunt verba, Lib. IV. pag. 96.
Quicquid nosset illa, Latiali promere capis facultate.
Et obivium passim apud eundem hoc vocis est.
Sic loco jam dicto: *Ni Varronis mei inter Latiales
glorias celebrat mihi eruditio industriaq; suppetere.*
Item *Latialiter* differtare, pro *Latine loqui* dixit
Lib. IV. pag. 98. *Qui Græjam differtare Latialiter
compulsi sunt.* Et alibi, Lib. nempe VI. pag. 189. *In-
spirans nobis Græjas Latialiter artes.*

20. *Quam antea penuriæ vicia*] *Penuriam* intelli-
git Scriptorum, sive *Latine vocis*, quâ rerum
Danicarum monumenta consignari possent.
Transfertur etenim ad res varias *penuriæ* voca-
bulum, sicut & *inopia*. Ita *penuriam* consilij dixit
Plinius Lib. VIII. cap. 6.

21. *Quo evenit, ut parvitas mea.*] *Parvitatem* Saxo
pro vilitate seu humilitate ponit: quâ in signi-
ficatione rarò hac voce, quod equidem scimus, u-
si sunt veteres. Primus, ni fallor, Valerius
Maximus in prologo ad Tiberium Cæsarem,
civitate donavit: *Nam si prisca Oratores à Jove
Opt. Mix. bene orsi sunt; si excellentissimi vates à
vumine aliquo principis traxerunt; mea parvitas eò
justius ad favorem tuum decurrerit.* Quam ob cau-
sam multi in dubium vocare non verentur æta-
tem Valerij, statuentes, eum minimè Tiberio
Imperatore vixisse, cum castitas floreret Lin-
guæ Latinae; sed potius auctorem esse ævi se-
quioris. Utitur etiam hoc vocabulo Tullius de
Universitate, sed in significatione quantitatis:
Quæ cerni non possunt propter parvitatem. Justus
Lipius in brevibus ad Valerium Notis vocem
hanc omnino vult expunctam, ut *Barbaram* &
minus elegantem: quam audaciam & Stephanus
Pighius optimè de Valerio meritis, & Chri-
stophorus Colerus, rectè improbant. Intelli-

git verò Valerius [inquit Colerus] *παρ-
κας* paupertinum ingenium suum, sicut *parvum
ingenium* apud Plinium in Epistola quadam.
Et *Parvus* etiam pauper, sive egens dicitur. Phi-
laryrus ad illud Virgilij:

————— *Tibi Delia parvus.* hoc est,
vel puer, vel pauper. Sic Horatius:

————— *parvi prope remus & ampli.*

Id est, *divites ac pauperes*. B. Ennodius Epi-
scopus Ticinensis, qui floruit ætate Zenonis &
Anastasij Imperatoris, Lib. VII. Epist. 24. ad Se-
narium: *Reddat pro parvitate mea altissimus, quod
agnoscit à vobis fuisse collatum.* Rhabanus Mau-
rus, qui floruit Anno Christi DCCCLV. In
Præfatione Libro Pœnitentium præfixâ ad Oth-
garium Archiepiscopum: *De cetero quoq; quia
quando hic præsentialiter fuisset, placuit sanctitati
vestræ cum parvitate nostra aliquid tractare ac con-
ferre.* Item Epistola ad Humbertum Episco-
pum: *Igitur quia à mea parvitate voluisti, quid sen-
tire de hac re, tibi rescribi.* Paulus Diaconus re-
rum Longobardicarum scriptor vetustissimus
Lib. 1. Cap. XXVI. *Ego quoq; pro parvitate ingenij
mei ad honorem tanti Patris singula ejus miracula
contexui.* B. Eligius Episcopus Homiliar. *Quam
nunc à mea parvitate coram ipso prolatam efficiat ex-
audibilem Caritas vestra.* Deprimendi sui gratia
Christiani auctores sæpè ista Phrasi utuntur.
Ita Theodosius, cujus beneficio quædam Dio-
nis habemus apud Xiphilinum non comparen-
tia, nomini suo ubiq; ascripsit *ὁ μικρός*: quod
ineptiunt, qui ad Theodosium Juniores Av-
gustum trahunt. Eadem notatione voculam
Batzar usurpasse videtur Severus Patriarcha,
Libro de ritibus sacris: cujus hæc sunt verba,
pag. 23. *Misce, Domine, aquas istas per deprecation-
nem, Debatziruthi, parvitatibus meæ.* Elegan-
ter, ut omnia, auctor cum veterum quopiam
comparandus, Johannes Sarisberienfis Poli-
cratici Lib. II. Cap. 22. *Primo, quia divinæ
majestatis immensitatem parvitatibus humanæ mo-
dulo circumscribis, & eternitatis immutabilem sta-
tum, labentium rerum imagine, & succedentium sibi
temporum varietate distinguis.* *Parvitatibus* vox usi-
tatissima est Lupo Abbati Ferrariensi in Episto-
lis, qui vixit Carolo Calvo Imperatore. ut Fol. 2.
Epist. 1. *Quemadmodum vos meæ parvitatibus vestra-
tum probitas, tum sapientia fecerat claros.* Fol. XI.
Epist. 4. *qui absq; respectu vestræ magnitudinis cum
mea parvitate conferre tam seria non horruisti.* Fol.
F XII. Epistolâ 5. *Atq; si vobis hinc à parvitate mea
quicquam persuaderi potuerit.* Fol. XXI. Epist. 14.
*Verum quia meam parvitatem à vestra Excellentiâ
separat continens.* Fol. XXII. Epistolâ 16. *parvi-
tatem vero meam ad vestram amorem sincerissimo
affectu invitando.* Fol. XXIV. Epist. 18. *Quod par-
vitatem meam duplici quere gravari, non provehî
facile sentiebam.* Fol. XXVII. Epist. 20. *Ex par-
vitate mea digneris salutare Præpositum.* Et sic de-
inceps,

inceps, Fol. XXX. XXXI. XXXIV. XL. XLIII. LVIII. LKV. LXXXVII. LXXXVIII. XCVIII. CV. & CVI. Non aliter Caroli Magni nepos, cordatus sanè scriptor, Nithardus alicubi: *Vos verò difficultates, quæ ex eadem modestiâ parvitatî meâ obstitērunt, inspicere depesco.* Rupertus Tuitiensis Prologo in Apocalypsin Johannis: *Agebat hic per nimiam suæ mentis benevolentiam, quâ jamdudum de parvitate meâ sentire cœperat alius, quàm se habet ingenij mei impossibilitas.* Arnulphus Lexoviensis, qui vixit circiter annum Christi MCEXX. Epistola 4. *Licet autem majestas beneficii modulum nostræ parvitatî excedat, dignissimus profectò dicendus est, quisquis totum quod potest, ad gratiarum congerit actionem.*

22. *Supra vires niti, quam jubenti resistere.*] Valerius Maximus Lib. IV. Cap. 8. *Proni studij certius indicium est supra vires niti, quam viribus ex facili uti.*

23. *Factorum traditione.*] *Traditio* significare videtur continuatam celebrationem, & quandam quasi per manus & scripta traditam, & veluti propagatam commemorationem. Gellius Lib. XIII. Cap. 21. *Apparet non esse id Poëtice à Plauto dictum, sed eam quoq; traditionem fuisse, ut Nerio à quibusdam uxor Martis esse diceretur.*

Ibid. Hujus gentis opinio.] *Opinio*, id est, fama & celebritas; ad imitationem Valerij Maximi, qui solens eo significatu hanc vocem usurpat. Seneca Rhetor Lib. 2. *Controversiarum: Fabianus Philosophus adolescens admodum, tante opinionis in declamando, quante postea in disputando fuit.* Sidonius Apollinaris, ardentissimi vir ingenij, Epistola 1. Lib. 1. *Contenti versuum felicius quam peritius editorum opinione.* Epist. V. Lib. I. *Aut urbes maxium situ indyctas, aut montes nominum opinione vulgatos.* Sic Epistola X. Lib. 3. & XIV. Lib. 8. IV & XIII, Lib. 7. Paulus, V. Sententiarum, titulo IV. §. XIII. *Interest enim publicæ disciplinæ opinionem uniuscujusq; turpi carminis infamiâ vindicare.* Lib. VII. *Quemadmodum testamenta aperiunt. Optimæ opinionis viri.* Arrianus in L. unicâ Cod. Theodos. de his qui veniam ætat. impet. honestatis commendat opinio. Lex ait: *Certa fama commendat.* Opinio ergo est fama: Unde opinati Philosophi Julio Firmico Lib. 3. Cap. 3. id est famosi & celebres. Sic Cassiodorus in Chronico: *opinatissima civitas.* Eadem Lib. 8. Epistola XXXIII. *Opinatissimum Ephesi Dianæ templum.* Jordanes Histor. Gothica: *Hilarion opinatissimus Palæstina solitudinis accola.* Aldhelmus de laudibus virginitatis: *David opinatissimus Regum.* Ælnothius de vita S. Canuti, pag. 4. *Et quæ de opinatissimo progenitore vestro, gloriosorumq; germanorum tuorum temporibus adhuc usq; præsentia magnificentia vestra tempora colligendo perstrinxit.* Andreas Abbas de vita Othonis Imperatoris Lib. 3. Cap. 2. *Hic itaq; civitatî Stetinensis gloriâ ex divitiis inter suos opinatissimus.* Helmoldus Chron. Lib. 1. Cap. 15.

A *Elapsus est ad civitatem opinatissimam Sclavorum, nomine Winnetam.* Opinio item pro fama non raro occurrit apud auctores alios. Lupus Servatus in vita S. Wigberhti, Cap. 3. *Dumq; felix illius ubertim spargeretur opinio, ad clarissimi viri, Bonifacij aures usq; nutu divino pervenit.* Et Arnobius Lib. VI. *Exemplarium fuisse perhibetur cunctarum, quæ in opinione sunt, Venerum.* Galterus Lib. VII. Alexandreidos. Fol. 77.

Quam si distulerit, vel forte remissius æquo Egerit, illustris minuetur opinio Regis Decolor, & famæ multum diversa priori. Evgippius in vita S. Severini, Cap. XI. pag. 14. *Tam celeberrima Sancti Severini flagrabat opinio, ut certatim eum ad se castella singula pro suis munitionibus invitarent.*

26. *Audacius quàm efficacius parui.*] Paulus Orosius Præfatione Chronici sui ad Augustinum: *Præceptis tuis parui, beatissime pater Augustine, atq; utinam tam efficaciter, quàm libenter.*

C 29. *Cujus satis cœpti mei metam præcurrentibus.*] Hoc est, Qui cum in fata concederet, antequam ultimam Historia mea reciperet manum. Obiit enim Absolon Archiepiscopus Anno Domini c. CC. I. die Martij XX, vel quod eodem redit, XII KL. Aprilis, Archiepiscopatus sui Lundensis anno XXIII. Episcopatus sui Roschildensis Anno XLIII. Soræ sepultus.

Ibid. Te potissimum, Andrea.] Andreas natione Sialandus, Sunonis filius, Ebbonis nepos, Schialmonis Candidi Pronepos, Absoloni mortuo in Archiepiscopatu Lundensi succedit. Vir erat hic admodum Literatus, & Theologiæ ac fortasse etiam Juris Doctor, qui post pervagatas à se regiones varias Italiæ, Galliæ, Germaniæ, Angliæ, Regi tandem Canuto Valdemari filio à secretis libellis fuit. Sedit Canuto & Valdemaro II. Regibus. De eo Chronicon Slavorum Arnoldi Lubecensis Lib. IV. Cap. 18. hunc in modum loquitur: *Absoloni successit Dominus Andreas, regalis aule Cancellarius, vir Literatissimus, nec minore gratiâ præditus. Erat autem à primo juventutis suæ tempore studiis deditus, & morum gravitate ornatus. Et cum esset in negotiis regiis continuè occupatus, magnâ tamen abstinentiâ se constringebat. A qua nec in Romana curia negotiis deditus temperabat, ut omni sexta feria nihil gustans crucis Dominicæ bajulus existeret. Ordinatus autem ipsam morum gravitatem non deseruit, humilis & quietus, & pudicus & abstinens permansit. Unde æmulatione sua plurimos provocavit. Doctrinâ etiam adeò infisteat, ut nonnullos tam clericos, quàm Laicos divini amoris flammâ succenderet, & ipse eis candelâ existens, scintillas verbi Dei ubiq; spargeret. Avaritiam quoq; quæ est Idolorum servitus, omninò detestans, nihil per vim rapere curabat, sed suis contentus, beatius dare quàm accipere ducebat.*

31. *Qui maxime conspicuis rebus insultat.*] Juxta illud Ovidij sub finem Lib. 1. de remedio amoris, p. 284. Tomo 1. Editionis Heinfsianæ:

Summa petit livor: perflant altissima venti:

Summa petunt dextrâ fulmina missa Jovis.

Livius Lib. VIII. Invidia, tanquam ignis, summa petit. Et Lib. XLV. Intacta invidia media sunt, ad summa ferme tendit. Ammianus Marcellinus Lib. XVII. Solet amplissima gloria objecta esse semper invidia. Vetus dictum est: τοῖς Διὰ τὴν ἡλὶς πορευομένοις ἔπειτα κατ' ἀνάγκην σκία, τοῖς δὲ διὰ τῆς δόξης βαδίζουσι ἀκολοθεῖ φθόνος. Josephus Devonius ad Librum suum, Lib. VI. & ultimo de Bello Trojano; versu penultimo, pag. 173.

Sis utinam invidia dignus, quæ summa laceffit.

Gemella est Vellei Paterculi illa γνώμη: Assidua eminentis fortuna comes altissimæq; adhærens invidia.

31. *Tanxi cognitoris præsidio*] Cognitor vocabulum juris est, & propriè significat, qui alterius causam defendit & tuetur, ut suam. Eleganter Afconius Pedianus, vetus Grammaticus, in Orationem Ciceronis, quæ Divinatio dicitur, pag. 19. *Qui defendit alterum in iudicio, aut Patronus dicitur, si orator est; aut Advocatus, si aut jus suggerit, aut præsentiam suam commodat amico; aut Procurator, si negotium suscipit; aut Cognitor, si præsentis causam novit, & tuetur ut suam.* Nonnullis Cognitor Judicem denotat: Ita Prudentius:

*Tum cognitor pronunciat,
Claudatur infans carcere.*

Petrus Chrysologus, suavissimus & eruditissimus Scriptor, Sermone XVII. Interrogat, non ignorat, sed implet Judicem, servat ordinem cognitoris. Glossæ Isidori: Cognitor à cognoscenda causâ dictus, executor. B. Ennodius Declamat. 12. *Ibi cognitoris, quod potissimum vergeret, hæsit deliberatio, ubi fors extitit delicti.* Item Declam. 13. *Purgare se existimat innocentia cognitorum, & aliquid de manifesti facinoris absolutione surripere.* Sidonius Carm. VIII. *Quomodo hic Saxo, pro Censore utitur, loquens de Prisco Valeriano.*

*Cognitor hoc nullus melior, benè carmina pensat
Contemptu tardo, iudicio celeri.*

Vide lexicon Juridicum Joh. Calvini, pag. 198.

33. *Cælestium opum Sacrarium*] *Sacrarium*, ædícula sacra. Ammianus Marcellinus Lib. 26. pag. 337. *Subito dilapsus confugit ad ritus Christiani Sacrarium.* Johannes Sarisberienfis Lib. VII. Policratici cap. 4. *Pythagoræ tanta admiratio fuit, ut ex domo ejus templum facerent, ipsumq; pro Deo colerent, nacti fortè occasionem, ex verbis ejus dicentis: MENTEM PHILOSOPHANTIS ESSE SACRARIUM SAPIENTIÆ, ET VERISSIMUM DEI TEMPLUM.* Eadem translatione fida hominum pectora, Valerius Maximus, *templa Sancto Spiritu referta*, appellare non dubitavit, Lib. IV. cap. 7. Operæ erit ipsa verba plenius apponere, quia notatu dignissima: *Hæ sunt vires amicitie, mortis contemptum ingenerare, vite dulcedinem extinguere, crudeli-*

tatem mansuere facere, odium in amorem convertere, penam beneficio pensare potuerunt: Illis enim publica salus, his privata continetur: atq; ut illarum ædes sacra domicilia, ita harum FIDA HOMINUM PECTORA, QUASI QUÆDAM SANCTO SPIRITU REFERTA TEMPLA SUNT. *Sacrarium* igitur veteres appellabant locum in templo, in quo res sacræ reponerantur, ut docet Servius in XII Æneid. Eleganter Seneca Lib. V. *Quæst. Natural. Arcana illa rerum natura sacra, non promissæ & omnibus patent: reducta & in interiore clausa sunt sacrario.* Alioquin pro Sacello usurpatur. Svetonius Augusti Cap. V. *Natus paulo antè solis exortum, regione Palatii, ad capita bubula, ubi nunc sacrarium habetur.*

34. *Percipiendæ literarum disciplinæ*] Specimen & hoc est imitationis Valerianæ. Nam eadem ferè verba Valerij Maximi sunt Lib. 1. Cap. 1. *Decem principum filij S. C. singulis Etruria populis percipiendæ sacrorum disciplinæ gratia tradebantur.*

36. *Splendidissimum externæ Scholæ regimen*] Intelligendum haud dubiè de summo illo magistratu Academico, qui nonnunquam externis etiam hominibus, præsertim qui genere, literis, ingenioq; eniteant, deferri solet. Clariss. Vir Andreas Vellejus, qui Saxonem in vernaculam fideliter ac feliciter transtulit, de Professione publicâ interpretatur: alii de titulo Doctoris in Theologia & utroq; jure.

37. *Ut potius magisterio ornamentum dare, quam ab ipso recipere videreris*] Sic Justinus Libr. VI. pag. 71. de Epaminonda Thebanorum duce: *Recusanti omnia imperia ingesta sunt: honoresq; ita gessit, ut ornamentum non accipere, sed dare ipsi dignitati videretur.* *Magisterium* vero hoc loco significare videtur vel publicum docendi munus, vel Magistratum illum Academicum, quem vulgo Rectoratum vocant. Nam *Magisterium* pro Magistratu sæpè usurparunt veteres. Petrus Chrysologus Sermone XV. *Videtur centurionem, antequam discipulatus subiret officium, locum magisterij fuisse sortitum.* Svetonius Domitiano cap. 4. *Ex quo sorte ducti magisterio fungerentur.* Idem Caligula cap. 31. *Magisteria Sacerdotij dixit.* Apulejus Metamorph. Lib. 1. p. 113. de Ædilitate: *Jam enim saxo scias, quemadmodum sub nostro magisterio mali debeant coerceri.* Et Lib. VII. pag. 197. *Jam se nequitie meæ proclamans imparem, miserrimumq; istud magisterium renuens.* Plautus Bacchid. Actus 1. Scen. 2; v. 40.

Jam excessit mihi ætas ex magisterio tuo.

Symmachus Lib. IV. Epist. 45. de Censura: *Nolo mireris gravissimum ordinum magisterium respuisse.* Hinc *Magisteria vini* Cicero alicubi dixit, quæ Horatius *regna vini* indigitavit: potestatem illam scilicet, quam quis olim in conviviis *Magister* seu *Modimperator* creatus obtinebat. Alioquin *magisterij* vox pro consilio & monitu sumitur; ut in Plauti Mostell. Act. 1. Sc. 1, v. 32.

Virtute id factum tuâ, & magisterio tuo. A

Frequentius vero pro *Disciplina, doctrina, & ipso erudiendi actu*. Apulejus: *Tantum à cautelâ Pamphiles abfui, ut etiam ultro gestirẽm tali magisterio me volens amplâ cum mercede tradere*. Julius Firmicus Maternus *Præfatione Lib. I. Matheseos: Hæc cum omnia mihi à te, Mavorti, ornamentum bonorum, facili demonstrationis magisterio traderentur*. Et paulo post: *Quicquid Ægyptij veteres, Sapientes ac divini viri, Babylonijq; prudentes, de vi stellarum ac potestatibus, divinæ nobis doctrinæ magisterio tradiderunt*. Et Cap. I. Lib. I. *Cur erectâ mente, sublimiq; constantiâ, & divinarum virtutum magisterio formati*. Cap. II. ejusdem libri: *Nec facili possumus consequi ratione, quicquid non præcedentia nobis magisteria tradiderint*. Cap. III. ejusd. lib. *Patiebatur hæc Alcibiades, Socratis divinis magisterijs institutus*. Et mox de Pythagora: *Peregrinis etiam magisterijs imbutus*.

38. *Hinc ob insignium culmen meritaq; virtutum*] Exprimit hic Saxo Martianum suum Capellam, cujus diligentem fuisse lectorem, nemo non animadvertit, qui binos istos scriptores cum cura inter se committere sustinuerit. Totidem enim verbis ille Oratores commendat, Lib. V. qui est de Rhetoricap. 138. *Post hoc tamen, inquit, in diversis agminibus oratores emeritos, ac præ se ferentes insignium culmen meritaq; linguarum, Æschinem, Isocratem, Lyhamq; conspiceres*.

Ibid. *Regius Epistolaris effectus*.] *Epistolaris*, hoc est, à libellis secretis, sive *Secretarius*, ut vulgò dicitur. Andreas enim Canuto VI. Valdemari filio, Regi Daniæ à Secretis fuit. Clariss. Dns. Pontanus Regij *Sigilli custodem* fuisse tradit. Arnoldus Lubecensis, ut antea vidimus, Andream *regalis aule Cancellarium* vocat, Lib. IV. Cap. 18. *Cui successit Dominus Andreas regalis aule Cancellarius*. Cæterum Martianus Capella hanc Saxoni nostro subministravit voculam. Ità enim ille Lib. VIII. pag. 303. *Post has verò astat decens illa sydereisq; fulgurans luminibus, quæ Epistolaris tua & dicta est & probata*. Ab *Epistolis* inter officia domus augustæ olim fuisse constat. Inscriptio Romana, quam ex Appiano & Boissardi schedis deprompsit Janus Gruterus pag. 482. Num. 5.

T. VARIO. CLEMENTI

AB. EPISTULIS. AUGUSTORUM.

PROC. PROVINCiar.

Etpag. 586. Num. 5.

FLAVIUS. AVG. L. PROTOGENES

AB EPISTULIS.

Sic dicebantur *ab Epistolis Græcis, ab Epistolis Latinis*. Gruterus Inscript. Pag. mox citatâ: Num. 8.

M. AURELIUS ALEXANDER.

AVG. LIB. AB EPISTULIS

GRÆCIS. VIVUS FECIT SIBI

L. L. P. QUE. EORUM.

Item pag. 272. Num. 1.

- - P. CÆSARI.

- - - ONIO GORDIANO

FELICI INVICTO

AUGUSTO

PONTIF. MAX. TRIB. POT. II.

COS. PROCOS. P. P.

NUMITIUS QUINTIANUS. V. P.

AB EPISTULIS LATINIS

DEVOTUS NUMINI MAJESTATIQUE EJUS.

Ut alias ejusmodi Inscriptiones nunc finam brevitatæ ergò præterfluere. *Epistolaris* verò, nî fallor, idem est qui *Scriba* apud Græcos; qualis fuit Evmenes Cardianus, de quo locus est notatu dignissimus Æmilij Probi: *Hic per adolescentulus ad amicitiam accessit Philippi, Amyntæ filij: breviq; tempore in intimam pervenit familiaritatem*. Fulgebat enim jam in adolescentulo indoles virtutis. Itaq; cum habuit ad manum *Scribæ loco*: quod multò apud Græcos honorificentius est, quàm apud Romanos. Nam apud nos reverâ, sicut sunt, mercenarij existimantur: at apud illos è contrario, nemo ad id officium admittitur, nisi honesto loco, & fide & industriâ cognitâ, QUOD NECESSE EST OMNIUM CONSILIORUM EUM ESSE PARTICIPEM.

40. *Beneficij nomine expetendum relinques*] Hæc mense est Auctoris: Et si Secretarij Regij munus non adeo speciosum aut amplæ dignitatis officium antehac fuerit: tamen illud summa fide & diligentia administrans, Spartam, quam nactus eras, tantoperè exornasti, ut posteaquàm ad Pontificium evectus esses, alij, licet maximæ dignitatis viri, idem munus ambire non erubuerint, sed potius tanto prædecessori succedere summi beneficij loco duxerint. Nullum est dubium, quin Saxo noster respexerit ad exemplum Epaminondæ, quod commemorat Valerius Maximus Lib. III. Cap. 7. de fiducia sui. *Siquidem cum ei cives irati sternendarum in oppido viarum contumeliæ causâ curam mandarent [erat enim illud ministerium apud illos sordidissimum] sine ullâ cunctatione illud recipit, daturumq; se operam, ut brevi speciosum fieret, asseveravit*. Mirificâ deinde procuratore abjectissimum negotium pro amplissimo ornamento [nota hæc verba] *expetendum Thebis reddidit*.

42. *A finitimis mutuata sit*] Videlicet Sialandensibus. Andreas enim natione Sialandus, Sunonis de Knardorp filius fuit; quomodo paulò ante nobis dictum.

44. *Fecundissimis doctrinæ stipendijs*.] A Valerio Maximo, ejusq; imitatore Saxone Grammatico variè adhibetur *stipendij* vocabulum. Exempli plurima apud utrumq; suppetunt. Sic ille Lib. IV, cap. 7. *Totumq; beatæ turbæ gregem, qui vestro ductu veneranda sincera fidei stipendia peregrit*.

Ibid. *Gregis amorem*.] Id est, Plebis Pontificio tuo subditæ. Tò *Grex* enim respicit suavissimum illud *Pastoris* vocabulum, quo insigniri solent, qui animarum curam gerunt, sacrisq; summâ cum potestate præsunt.

Gloriosa

45. *Gloriosa executionis fiducia*] Executio, hic fidelem sacri muneris administrationem, curam & disciplinam significat, quam adeo diligenter ac severe gessisse Andream innuit Saxo, ut nihil plane omiserit, quod ad suscepti ministerij partes rite recteq; obeundas pertineret. Sic Tacitus Annal. XV. *Executionem Syriae pro administratione posuit: Syriaeque executio Cincio, copia militares Corbuloni permisse.* Idem; Exequi partes Dialogo de oratore dixit: *Nam & ego & Secundus exequemur partes, quas intellexerimus, te non tam omisisse, quam nobis reliquisse.*

46. *Obsequiis, curioſes decenſer abjicere.*] Morem
geſſit Andreas veteri monito, quod inter octo
venuſtiſſima Epigrammata primus publicavit
vir Bono Reip. Literariæ natus Caſp. Barthius
Adverſar. Lib. 45. Cap. XXII.

*Qui saluus cupis esse, sequare per omnia Christum:
Vinclate opum retinent? abjice, vita fuga est.*
Eandem laudem Andreæ Archiepiscopo supra
tribuit Arnoldus Abbas Lubecensis Chron.
Slav. Lib. IV. Cap. 18. *Avaritiam quoq̃, quæ est Ido-
lorum servitus, omninò detestans, nihil per vim rape-
re curabat, sed sui contentus, beatius dare, quàm acci-
pere ducebat.*

47. *Mirificum reverendorum dogmatum opus complexus*] *Hexameron* scripsit Andreas, Carmine Heroico, opus, continens explicationem præcipuorum locorum doctrinæ cœlestis; sed imprimis agens de Creatione Mundi, & Operibus sex dierum; ad imitationem Sanctissimi Patris Ambrosij, qui ejusdem argumenti Libros VI. conscripsit. Ejus MS. in membranâ exemplar, non ita pridem mihi suppeditavit Illustris & Generosus Heros, Dns. Christophorus Ulfeldius, de Svenstrup, Eques Auratus, Regni Daniæ Senator amplissimus, Arcis Helsingburgensis in Helle ponto Danico Præses ac Dynasta Regius, summus litterarum fautor atq; patronus. Certè luce publicâ dignissimum est Poëmatum, cum propter ipsam Antiquitatem, cujus magna solet esse apud omnes, qui bonam mentem amant, veneratio; tum ut documento sit, illud etiâ seculum doctos homines habuisse, hasq; aquilonares regiones non ita barbaras, ut quorundam fert opinio, fuisse: cum tamen vicinis in locis magna ubiq; tum temporis fuerit Barbaries. Meminit ejusdem Operis Nobilissimus Vir, Arnoldus Huitfeldius, Regni Danici quondam Cancellarius magnificus, deq; patriâ nostrâ universâ præclare meritis, in Præfatione, quam Legibus Provincialibus terræ Scaniæ à se editis præfixit: *Cum antè aliquot annos undiq; hic in regno investigarem de documentis & antiquitatibus, quæ ad Historias Danicas ornandas & conscribendas usui esse possent: earq; de causa tam publicas, quam privatorum Bibliothecas lustrarem; repperi quoq; vetustum hunc legum Scaniæ in membranâ manuscriptum codicem, quem ante annos 400, ex Danico Latinum fecit Archiepiscopus Lundensis Andreas,*

A non quidem verbum verbo reddens, sed sensum & materias sub certis titulis comprehendens. Fuit is Sumonis de Knarderup filius, pronepos ex fratre Absalonis, illius omnis ævi celeberrimi, qui Sorensen monasterium condidit, ejusdemq; in Archiepiscopatu successor, Saxo in præfatione librorum suorum, quos eidem dedicavit, ait eum sigilli regij custodem, sive à secretis Regi Canuto fuisse, atq; ad id doctrinæ fastigium pervenisse, quod publicam Luteriæ professionem faceret. Sanè non vulgaris doctrinæ fuisse ostendit præter hoc opus, B etiam aliud ipsius Hexameron, sive de Creatione mundi carmen Heroicum elegantissimum, quod suo tempore quoq; in lucem dabitur. Idem Archiepiscopus Andreas Leges Scaniæ municipales, prius lingua vernaculâ & vulgari editas Latinâ oratione reddidit: quas primus publici juris fecit Nobiliss. Vir, Arnoldus Hvitsfeldius, Anno Christi 1590.

49. *Pertinentium ad eam rerum*] Id est, decimarum, aliorumq; redituum. Nam sanè ita comparatum est cum bellâ illa multorum capitum, quem vulgum appellamus, ut nullum impendij genus gravius ducat, quàm quod in divinos usus erogatur. Imo sæpenumero juris Ecclesiastici pertinax patrociniū plurimis Regum & Principum sanguine stetit. Id quod edocet Historia Canuti Sancti, quæ exstat Lib. XI. Saxonis.

D Pag. 2. vers. 2. Splendidissimis frugalitatis exemplis]
 Ad hanc abstinentiam & frugalitatem Andreæ
 Archiepiscopi, referenda sunt verba ista, quæ su-
 pra adduximus ex Arnoldi Abbatis Lubecensis,
 Chronico Slavorum, Lib. 4. Cap. 28. Et cum esset
 in negotiis regis continuè occupatus, magnâ tamen ab-
 stinentiâ se constringebat. A quâ nec in Romana cu-
 ria negotiis deditus temperabat, ut omni sextâ feriâ
 nihil gustans crucis Dominicæ bajulus existeret. Ordina-
 tus autem ipsam morum gravitatem non deseruit,
 humilis & quietus & pudicus & abstinens permansit.
 Unde æmulatione suâ plurimos provocavit. Doctri-
 nâ etiam adeo insisterbat, ut nonnullos tam Clericos,
 E quam Laicos divini amoris flammâ succenderet, &
 ipse eis candela existens scintillas verbi Dei ubiq; spar-
 geret.

8. *Veluti Poëtico quodam opere perstrinxisse*] Enumerat jam Saxo varia documenta, quibus in-
contextenda Historia sua sit usus. Inter quæ
principem locum carminibus seu Rhythmis
antiquis tribuit, quibus vetustissimi Danorum
Poëtæ, *Scaldri* dicti, res gestas sui sæculi, He-
roumque illustria facta complexi sunt. Ejusmodi
verò carmina antiquitus dicebantur *НННН*,
Viisa; eorumque infinita ferè genera fuerunt. In
his tamen eminent *НННННННННННН*, *Drótt-*
quat; *НННННННННННН* *НННННН*, *Skjol-*
dunga Viisur; *НННННННННН* *Bjarkamál*.
Dróttquat, quasi vulgo cantabile. *Drótt* enim
turbam significat, & O brevi, Dominum ac
Regem. Hoc igitur nomen inde quoque obti-
nuisse

nuisse videtur, quod Heroum res gestas eo decantaverint Poetæ. *Quæde* enim cantare significat. *Skioldunga Viisur*, sunt Rhythmi Regum quorumvis encomia continentes. *Skioldungur* etenim, nomenclatura Regibus solis Synecdochicè data & debita. Inprimis ita dicti Danicæ Reges: *Viisur* autem carmina. *Biarkamál* genus fuit carminis sic dictum quasi *Bjarkæ Sermo*, à vetustissimo Poëta seu Scaldro *Bjarka*, qui hoc genus carminis excogitavit. His adde & cœtera carminum genera: **BRAPAR BAI**,

Bragarbott; **RNKKIRI PRABAI**, *Runhenda drapa*; **PIRHYHI NIPIA**, *Ferskeit Viisa*; **HIPIKAI**, *Stuthola*; **TANBRAPNR**, *Toubragur*; **NIPIRKIRIAP**, *Liussinglag*; **NIPIAP**, *Liliulag*; **KYABRAPINR**, *Hakabragur*; **KYAIKIRI**, *Skothent*; **KIRIAPARPRABAI**, *Hernadardrapa*; **TAPAP**, *Toglag*.

Ceterum Poetæ, qui olim versibus & Rhythmis consignabant, quicquid memoria dignum domi forisve occurrebat, *Scaldri*, ut modo dixi, sive *Runæ* nominati sunt; qui eodem loco apud Reges & principes antiquitus fuere, quo jam Consiliarii, literati, aliq; prudentia ac rerum usu præstantes. Hinc etiam res magnificè à se gestas, Rhythmis ejusmodi Poëticis ad posteros propagari operose studebant Magnates. Ac quo quis laudis & æternitatis amore ardentius flagrabat, eo plures ac præstantiores in hoc genere sibi devinxit, secumq; domi forisq; tam pacis, quam belli tempore circumduxit, ut res gestæ melius, aptius, ac illustrius describi ac delineari ab illis possent: ita nos edocente Excellentissimo Viro, & cui multa debent Antiquitates nostræ, D. Olao Wormio, in appendice ad Literaturam Runicam. Danorum autem celebriores *Scaldri* fuere, Starkaterus Senior, cujus Rhythmi sunt vetustissimi, & adhuc extant. Ille verò potissimum res gestas Danorum versibus complexus est. Hjarno Rex, qui ob Epitaphium Frothoni positum regio diademate ornatus. Regnerus etiam Lodbrog, ut & uxor ejus Aslaug, omnesque ejus filij, aliq; quam plurimi, quorum insignem Catalogum videre licet adjunctum ad calcem libri de literatura Runica D. Wormij nostri. Operæ autem videtur pretium hoc loco in medium adducere Dissertatiunculam quandam Dn. Magni Olavij, Pastoris olim Laufa-fensis in Islandia dignissimi, de Poësi antiqua Danica; ex qua quanti artificij, quantive ingenij sit, doctum, juxta leges Scaldrorum nostrorum, condere carmen, liquido patebit; simulq; quanto in pretio in hac arte artifices Regibus & principibus olim extiterint, elucebit. Sic autem ille: Si nostram Poësin omnium vulgari-um linguarum Rhythmos arte & effectū superare di-

Acerem, nihil fortassis proferrem absurdi, & si cum reliquis, eam certare opinarer, vanā prorsus opinione me duci forte non censeret is, qui illis instructus nostram etiam perfectè calderet. Tot enim hæc Poësis peculiare sibi habet orationis flosculos, figuratas formulas, appellationes rerum diversas, ab antiquis fabulis, venustè, variè, obscure deductas, ut in nostra lingua peregrino explicari id vix posse existimem. Quid? Ipsi Islandi, poëtico non aflatu spiritu, veterum Rhythmos, aut etiam recentiores ex Eddico compositos fundamentum, non percipiunt. Et ejusmodi Rhythmicum à communi remotum sermonem antiquitas nostra Asamal, id est Asiaticum vel Asarum sermonem appellarat, qui tamen noster est, sed obscurior, & vulgi minus obvius intellectui. Hæc causa est, cur viris magnis & eruditis; quibus lingua nostra ignota est, interim tamen quid Edda nostra Poeseos aliquale fundamentum tractet, inquirere non dedignantur, in illius translatione, uti debemus, gratificari facile non possumus. Et si enim formulæ Eddicæ appellationes rerum multiplices & longe petita, quodam modo describi & Latine nominari queant: vocum tamen splendor, elegantia grandis, & genuina proprietas, pro ut in lingua nostra sonat, exhiberi & ostendi nequaquam potest; dulcius hic ex ipso fonte bibuntur aquæ. Est etiam Edda tantum conscripta in usum nostræ linguæ, & maxime ad illius donum singulare Poeseos, quo illam præ aliis quam plurimis ornatam puto accommodata. Tot in nostra Poësi sunt Rhythmi certa genera, ut numero comprehendi vix possint, tot & tam eleganter sibi invicem respondentes literarum, syllabarum & dictionum consonantiæ, ut audientes mirè afficiantur & delectentur. Observatur enim literarum cardinalium trium in quolibet strophæ in violata series, par numerus syllabarum, vocis tractus sive accentus longus aut brevis, & similia. Nec in nostra Poësi pauciores cautiones, licentiæ, tropi & figuræ usurpantur, quam in re metrica apud Latinos Poëtarum principes. Tot præterea in veterum cantilenis (quod illi studiose affectarunt) pulchra inveniuntur hyperbata, ut unico sæpe Rhythmo duas vel plures materias alternatim sibi respondentes concluderint. Tot in illis Logogryphi & lusus metaphorici ingeniosè confecti animadvertuntur, ut ipsis etiam Rhythmistarum coryphæis nodus penè sit Gordius, & Lectores, verba quidem intelligentes, rei parum aut nihil sapiant. Nostram autem Poësin tantopere non eveho, quod in hac lingua natus sim, & ab hoc Rhythmico affectu non omnino alienus, sed quia verè singularis est & plena artis & ingenij. Quod nostras aliquis literatus Rhythmistæ & ad hanc rem exemplis instructus, viro sapienti, etsi nostrum non intelligat idioma, præsens facilius ob oculos ponere posset. Deinde & hoc nostra Poësis peculiare habet; quod cum in vulgariibus linguis quilibet pro more gentis suæ Rhythmos condere, verba in numeros aliquales cogere, usq; id sibi promptum reddere possit: in nostra, nemo Poëta existat, nec facillimum genus Rhythmi sine magno negotio connectat, etsi maxime affectat, nisi qui Poëtico Spiritu singulariter afflatus est. Qui quidem afflatus, ut ceteri naturæ motus, aliis acrior, aliis remissior

remissior contingit. Quidam præmeditati Rhythmos feliciter edunt, aliqui ferventiori quodam impetu omnia genera Rhythmi sponte profundunt, ut Rhythmus sit quicquid conentur dicere, ut ingeniosissimus olim apud Romanos Poëta de sua vena profitebatur, nec soluta oratio, quam ista ligata, illis promptior est. Adde quod in primâ statim infantia ejusmodi natura manifestis se proferat indicis. Nec prætereundum, quod motus ille ingenij in Novilunio sit ferventissimus, & Rhythmistam notabilem res Poëticas aliis enucleantem, aut in Rhythmis fundendis occupatum, vino madentem, Melancholia graviore infestatum, aut furore quodam correptum dixeris. Et sæpius hæc indoles etiam in ignotis ex singulari aliquo gestu conspicitur, quem nos Skallviñgl/ id est, Poëticam vertiginem appellamus. Sunt qui nostram Poësin in malis avertendis & inducendis mirabiles effectus habere existiment, quæ res fortassis non careat exemplis. Similem quandam energiam carminibus tribuit is, qui hoc afferere non dubitavit:

Carmina vel cœlo possunt deducere Lunam.

Unde cordatiores ex nostris antiquis tanquam morale reliquerunt, Poëtam non esse lacessendum (Et Stal Stald erea) Socratis etiam monitum citatur; quod si cui salus & fama maximè curæ sunt, illaq; servare cupiat illæsa, is caveat ne Poëtam aliquem inimicum habeat. Quanto in pretio & honore apud Reges & Principes exteros, ubi linguæ nostræ viguit cognitio, nostrates fuerint Poëtæ, qui ipsorum res gestas Rhythmis heroicis posteritati commendarant, ex eo patet, quod ab iis aureos annulos, arma deaurata, vestes preciosas & alia magnifica dona, ac ipsorum inprimis Regum favorem & amicitiam meruerint, ut veteres passim testantur historia. Et ut ex plurimis paucos nominem, habebat in aula sua laudatissimus heros Olavus Tryggonius, Norvegia Rex, inter alios Halfródum quendam Rhythmistam Islandum, quem ab ethnicismo ad Christianam convertit fidem, & baptizato ipse compatriis officium præstitit; quem homicidium in aula regia temerè committentem, donatâ vitâ & placatis cæsi cognatis, in gratiam recepit, & plurimis regiis auxit muneribus. De hoc Halfródo tradit historia, quod post regem devictum nunquam apparuerit hilari; desideriumq; optimi regis præcipua mortis ipsius causa fuisse traditur. Habuit & Olavus Haraldus filius, domi militiæq; individuos comites ex nostris tres insignes Rhythmistas, Sigvardum, Thormodum & Giranum ob formæ venustatem Gulbra/ id est, aureum supercilium appellatum. De Sigvardo refertur, quod solutis verbis loquendo, impeditioris fuerit lingua, in Rhythmis autem sponte fusis promptissimus. Haud secus ac de Virgilio scribitur, quod tardus fuerit in loquendo, adeo ut indoctus & agrestis videretur. Thormodus autem in conflictu Stiklastadensi Regi prædicto militans, noluit post illum in acie cæsum superstes vivere, sed in confertissima hostium turba fortissimè dimicabat, donec lethali percussus telo, ex prælio discederet, & moribundus Regis sui beneficia, fortitudinem,

A & magnanimitatem etiam, in ultimo periculo Rhythmis celebravit, qui etiamnum extant. Habuit deniq; bellicosissimus Norvegiae Rex Haraldus, Sigurdi filius, in sua aula & expeditionibus sibi familiarissimum notabilem, Rhythmistam Thiodolphum Hurverska, à provincia Borealis Islandie in qua natus est, sic dictum. Floruerunt præterea in aulis Regum Danie, Sveciæ, Angliæ, & aliorum Principum, Poëtæ Islandi; quod longa referre mora est, & qui ab illis ingentes honores & magnifica dona reportarunt. Principes etiam iratos Rhythmicis sæpè placaverunt elogiis, & vitam ejusdem redemerunt. Sic Egillus Skallagrimus apud Ericum Blodóxjum, Norvegiæ Regem, sed tunc in Northumbria Angliæ desidentem [in ejus conspectum jussu Regina Gunhildæ ex Islandia protractus fuerat] Rhythmis in honorem ejus editis, liberam impetravit dimissionem, etsi antea filium Regis, & amicos multos, injuria Erici laceffitius trucidavit. Eodem modo Brago cuidam capitis damnato à Biornone Sveciæ Rege vita donata est, ob Rhythmicum encomium Regi exhibitum. Quin etiam ipsi Reges & Principes Norvegiæ & vicinarum provinciarum, Rhythmos eximie composuerunt, qui in illorum citantur historiis. Regvaldus quidem Orcadum comes, princeps egregius, inter alias nobiles dotes, quibus ornatus est, præstantissimus & promptissimus fuit Rhythmista, & claræ Rhythmicæ, quæ adhuc extat, confecisse dicitur. Habuit etiam ille in Palaestinam navigans itineris comites Rhythmistas duos Islandos, qui unâ cum ipso res quotidie gestas Rhythmis comprehenderunt, & magnâ apud illum in æstimatione fuerunt. Quamvis autem vetus illa & genuina, sive Danica, sive Norvegica lingua, ex illis regnis maxima ex parte jam dudum sese removerit, ideoq; & illic talium Rhythmistarum perierit dignitas, quia ignoti nulla cupido: adhuc tamen in Islandia, ubi linguæ ejus usus præcipuè conservatur, magno numero Poëtæ extant, prompti & ingeniosi, qui non tantum res profanas, ubi Edda potissimum locum habet, sed etiam sacras historias simplici orationis venâ, in numeros convertunt Rhythmicos, Psalmos & Cantilenas pias & graves componunt, & Ecclesiæ Dei apud nos utiliter communicant. Utinam divinum hoc donum grati omnes amplecterentur. Sed ut in patria sua Propheta, sic vix acceptus est Poëta. Hactenus M. Olavius. Porro de Scaldris notatū dignum, quod Rhythmos sive carmina, de clarorum virorum virtutibus à se composita, in epulis, aliisq; conventibus solennioribus, vel assâ voce, vel interdum etiam adhibito tibicine & lyrista, decantare soliti fuerint; non secus ac olim Gallorum Germanorumq; illi vates, quos Bardos vocarunt; de quibus Ammianus Marcellinus Lib. XV. Bardi fortia virorum illustrum facta heroicis composita versibus cum dulcibus lyre modulis cantitarunt. Et Lucanus Lib. I.

Vos quoq; qui fortes animas, belloq; peremptas,
Laudibus in longum, vates, dimittitis ævum,
Plurima securi fudistis carmina Bardi.

Strabo Lib. IV. de Gallia : Βάρδοι μὲν ὑμνεῖται ἅ
καὶ ποιεῖται. Bardi igitur, sicut & nostri Scal-
dri, nihil aliud fuere, quàm ποιητὰ μετ' ᾠδῆς
ἐπώνυμοι λέγοντες, ut è Possidonio scribit Athe-
næus, Lib. VI. Tales etiam fuerunt apud Per-
sas *Magi*, quorum mentionem facit Q. Curtius
Lib. V. ubi tradit, quâ pompâ Alexander Baby-
lonem ingressus sit : *Magi* deinde suo more carmen
canentes. Post hos Chaldaei, Babyloniorumq; non va-
tes modò, sed etiam artifices, cum fidibus sui generis
ibant. Laudes ἡ regum canere soliti.

12. *Lingua sua literis J* Lingvam Danicam antiquam, cujus in Rhythmis usus fuit, veteres appellarunt *Asamal*, id est, Asiaticum, vel Asarum sermonem, quod cum ex Asia Odinus secum in Daniam, Norvegiam, Sveciam, aliasq; regiones Septentrionales invexerit. De quo Edda sub initium Lib. i. hunc in modum differit: *Postquam Odinus colonias suas per Saxoniam, Cimbriam, Sveciam & Norvegiam duxisset, filios ac socios conjugio cum incolis copulatos ibidem reliquit. Qui multiplicata progenie, linguam Asiaticam vicinis regionibus intulerunt. Quod vel ex propriis liquet nominibus & appellationibus, quæ linguam hanc sunt comitata. Hinc factum, quod Asiatica hæc lingua familiaris adeo reddita sit regionibus Septentrionalibus, Norvegiæ, Sveciæ, Daniæ.* Hæc autem lingua fuit nonnihil à communi illa remota, quæ nupsiam in Septentrione purior adhuc asservatur, quam D in Islandia, Daniæ Insula famosissima. Cujus incolæ, præterquam quod exterorum commerciis minus eam depravari sint passi: ab omni ævo varias tum popularium suorum, tum reliquorum Aquilonarium res gestas, eâ consignando, incorruptam & apud se servarunt, & ad posteros transmiserunt. Literas vero suas Dani antiquitus vocabant *Runic*, de quarum origine, usu, proprietate, causis, natura, alijsq; ad Danicam Literaturam antiquissimam illustrandam pertinentibus, elegantissimum libellum, ante quinquennium, edidit Clarissimus Vir, & nunquam sine laude mihi in Notis hisce dicendus, D. Olaus Wormius. Nos earundem literarum unum aut alterum Schema, ex eodem Wormiano opere petitum, Lectoris oculis subjiciendum putavimus:

A	λ	λ	4	4	λ	λ	λ	λ	λ	λ	+	+
B	B	B	B	B	B	B	B	B	B	B	B	B
C	↓	↓	↓	↓	4	↓	↓	↓	↓	↓	↓	↓
D	Ɔ	Ɔ	Ɔ	Ɔ	4	Ɔ	Ɔ	Ɔ	Ɔ	Ɔ	Ɔ	Ɔ
E	+	+	+	+	+	X	A	X	E	+	+	4
F	Ƴ	Ƴ	Ƴ	Ƴ	Ƴ	V	V	V	Ƴ	Ƴ	Ƴ	Ƴ
G	Ƴ	Ƴ	Ƴ	Ƴ	Ƴ	Ƴ	Ƴ	Ƴ	G	Ƴ	Ƴ	X
H	X	X	X	X	X	X	X	X	H	X	X	4
I	I	I	I	I	I	I	I	I	I	I	I	L
K	Ƴ	4	Ƴ	Ƴ	Ƴ	X	Ƴ	K	Ƴ	Ƴ	Ƴ	Ƴ
L	Ƴ	Ƴ	Ƴ	Ƴ	Ƴ	Λ	Ƴ	4	Λ	Ƴ	Ƴ	Λ
M	Ƴ	↓	Ƴ	Ƴ	Ƴ	Ƴ	Ƴ	M	↓	Ƴ	Ƴ	Ƴ
N	Λ	Λ	Λ	Λ	Λ	Λ	Λ	N	Λ	Λ	Λ	Λ
O	4	4	4	4	4	4	4	O	4	4	4	4
P	B	B	B	B	K	B	B	P	B	B	B	B
Q	4	4	4	4	4	4	4	Q	4	4	4	4
R	R	R	R	R	R	R	R	R	R	R	R	R
S	4	N	4	4	4	4	4	S	N	4	4	4
T	↑	↑	↑	↑	↑	↑	↑	T	↑	↑	↑	↑
V	Λ	Λ	Λ	Λ	Λ	Λ	Λ	V	Λ	Λ	Λ	Λ
X	φ	φ	φ	φ	φ	φ	φ	X	φ	φ	φ	φ
Y	Λ	Λ	Λ	Λ	Λ	Λ	Λ	Y	Λ	Λ	Λ	Λ
Z	Λ	Λ	Λ	Λ	Λ	Λ	Λ	Z	Λ	Λ	Λ	Λ

Ab amicis & M. SS. petita.

A	Λ	Δ	Ε	Η	Λ	Λ	Λ	Λ
B	B	B	ϐ	B	B	B	B	B
C	Ϛ	Ϛ	Ϛ	Ϛ	Ϛ	Ϛ	Ϛ	Ϛ
D	ϛ	ϛ	ϛ	ϛ	ϛ	ϛ	ϛ	ϛ
E	Ϝ	Ϝ	Ϝ	Ϝ	Ϝ	Ϝ	Ϝ	Ϝ
F	ϝ	ϝ	ϝ	ϝ	ϝ	ϝ	ϝ	ϝ
G	Ϟ	Ϟ	Ϟ	Ϟ	Ϟ	Ϟ	Ϟ	Ϟ
H	ϟ	ϟ	ϟ	ϟ	ϟ	ϟ	ϟ	ϟ
I	Ϡ	Ϡ	Ϡ	Ϡ	Ϡ	Ϡ	Ϡ	Ϡ
K	ϡ	ϡ	ϡ	ϡ	ϡ	ϡ	ϡ	ϡ
L	Ϣ	Ϣ	Ϣ	Ϣ	Ϣ	Ϣ	Ϣ	Ϣ
M	ϣ	ϣ	ϣ	ϣ	ϣ	ϣ	ϣ	ϣ
N	Ϥ	Ϥ	Ϥ	Ϥ	Ϥ	Ϥ	Ϥ	Ϥ
O	ϥ	ϥ	ϥ	ϥ	ϥ	ϥ	ϥ	ϥ
P	Ϧ	Ϧ	Ϧ	Ϧ	Ϧ	Ϧ	Ϧ	Ϧ
Q	ϧ	ϧ	ϧ	ϧ	ϧ	ϧ	ϧ	ϧ
R	Ϩ	Ϩ	Ϩ	Ϩ	Ϩ	Ϩ	Ϩ	Ϩ
S	ϩ	ϩ	ϩ	ϩ	ϩ	ϩ	ϩ	ϩ
T	Ϫ	Ϫ	Ϫ	Ϫ	Ϫ	Ϫ	Ϫ	Ϫ
V	ϫ	ϫ	ϫ	ϫ	ϫ	ϫ	ϫ	ϫ
X	Ϭ	Ϭ	Ϭ	Ϭ	Ϭ	Ϭ	Ϭ	Ϭ
Y	ϭ	ϭ	ϭ	ϭ	ϭ	ϭ	ϭ	ϭ
Z	Ϯ	Ϯ	Ϯ	Ϯ	Ϯ	Ϯ	Ϯ	Ϯ

RUNÆ

Typis divulgata.

Ex monumentis excerptæ.

A	†	†	†	†	†	†	†	†	†
B	B	B		B	B	B	B	B	B
C									
D	†	†		†	†	†	†	†	†
E	†	†	†	†	†	†	†	†	†
F	†	†	†	†	†	†	†	†	†
G	†	†	†	†	†	†	†	†	†
H	†	†		†	†	†	†	†	†
I	†	†	†	†	†	†	†	†	†
K	†	†	†	†	†	†	†	†	†
L	†	†		†	†	†	†	†	†
M	†		†	†	†		†	†	†
N	†		†	†	†		†	†	†
O	†	†	†	†	†	†	†	†	†
P									
Q									
R	†	†	†	†	†	†	†	†	†
S	†	†	†	†	†	†	†	†	†
T	†	†	†	†	†	†	†	†	†
V	†	†							
X									
Y									
Z									

Varietas universa collecta.

A	†	†	†	†	†	†	†	†	†
B	B	B	B	B	B	B	B	B	B
C									
D	†	†	†	†	†	†	†	†	†
E	†	†	†	†	†	†	†	†	†
F	†	†	†	†	†	†	†	†	†
G	†	†	†	†	†	†	†	†	†
H	†	†	†	†	†	†	†	†	†
I	†	†	†	†	†	†	†	†	†
K	†	†	†	†	†	†	†	†	†
L	†	†	†	†	†	†	†	†	†
M	†	†	†	†	†	†	†	†	†
N	†	†	†	†	†	†	†	†	†
O	†	†	†	†	†	†	†	†	†
P	†	†	†	†	†	†	†	†	†
Q	†	†	†	†	†	†	†	†	†
R	†	†	†	†	†	†	†	†	†
S	†	†	†	†	†	†	†	†	†
T	†	†	†	†	†	†	†	†	†
V	†	†	†	†	†	†	†	†	†
X	†	†	†	†	†	†	†	†	†
Y	†	†	†	†	†	†	†	†	†
Z	†	†	†	†	†	†	†	†	†

- A Ibid. *Saxis ac rupibus insculpenda curasse* Loquitur hic Saxo non de illis tantum Saxis, quæ veteres RUNÆ in illustrium virorum tumbris & sepulcris erexerunt, variisq; inscriptionibus artificiosè ac decorè exornarunt, (quas præfati Dani *ANPBNANTH, *Haugbualetur*, quasi diceres, *Hogboestrist* vocabant. *Haugbue* enim dicebantur defunctorum manes tumulos illis extructos inhabitantes) quarum Inscriptionum Runicarum insignem nobis copiam exhibebit Vir ad ornatum seculi natus, & de patriæ Antiquitatibus præclare meritis D. Olaus Wormius, in divino opere Monumentorum Danicorum; quod non ita pridem bono publico, in lucem edidit; verum etiam de illis rupibus ac saxis, quæ hinc inde variis terrarum Borealiū in oris, tanquam trophæa & arcus quidam triumphales erecta ad miraculum usq; visuntur, præsertim ubi prælia & conflictus olim celebriores commissi fuere. Quæ saxa linguâ
- C Danicâ antiquâ *BANTHANTH*, *Bantestene* dicebantur. Talis fuit rupes apud Blekingiam, cui Rex Daniæ Haraldus Hyldetand res gestas patris sui per artifices mandare curæ habuit. Ejus infra statim in eadem hac præfatione mentionem injicit Saxo, & postea Lib. VII. Sic & Regnerum Lodbrog, Regem animosissimum, in Bjarmia victorias suas saxis incidi curasse refert Lib. IX. hac verborum periodo: *Bjarmorum Rege interfecto, Finnorum verò fugato, Regnerus*
- D *saxis rerum gestarum apices præ se ferentibus, hisdemque superne locatis, æternum victoriæ suæ monumentum affixit.* Hoc etiam vetustissimis Græcorum in more positum fuit. Nam ut temporis injuriam propulsando, posteritati tutius consulere-tur, cippis saxeis, *ἑλαιοις* seu *κύβεσι*, veluti libris seu tabulis publicis, tam res veterum gestas, & temporum rationes, quàm Leges, Pacta, Deorum & mortuorum titulos, vota, incidi solenne erat. Euhemerus Siculus res gestas Jovis,
- E & cæterorum, qui Dij putabantur, collegit, Historiamq; contexuit ex titulis & inscriptionibus sacris, quæ in antiquissimis templis habebantur; ut disertè meminit Lactantius de falsa religione Cap. XI. Etiam columnæ aureæ in fano Jovis Triphylj posite, quibus perscripta erant ejusdem numinis gesta. In Sicyone item *ἑνὰ γὰρ φη* erat seu Descriptio ejusmodi sacra-ta, unde Heraclides in librum suum de Muscis, Junonis Argivæ Antistitum, Poëtarum etiam & Musicorum celebriorum nomina traduxit.
- F Testis est Plutarchus Lib. de Musica. Columnellæ item, quibus Cretenses sacra descripserant Corybantum, à Porphyrio in Secundo *περὶ ἀποχῆς ἐμψύχων* memorantur. Quin obviū est, quod de columnis illis Sethi nepotum, latericiâ alterâ, alterâ saxeâ, quibus fide-ralis scientiæ inventa sua mandarunt, habet Josephus. Sic anno fundatæ salutis cō Io CXXVIII,

marmora aliquot satis ampla Græcè incisa aspiciis & impensis Herois illustrissimi Thomæ, Comitæ Arundellæ, in Angliam ex Asia advecta sunt: quorum primum Epochas veterum Græcorum nobiliores, seu insigniora temporum intervalla ferè universa complectitur: alterum fœdus Smyrnæorum & Magnetum infano Veneris Stratonidis olim sacratum: Tertium C. Antonij Septimij Publij Citharoedi victorias: ut alia silentio transmittam. Hæc verò tam veneranda prisce Orientis gloriæ rudera primus publicavit, & Commentarijs doctissimis illustravit Clarissimus Vir, Johannes Seldenus. Ita & fortissimus Pœnorum Dux Annibal, posteaquam Alpes Grajas, quæ hodie S. Bernardi dicuntur, ignibus acetoq; perfregisset, literas hujus trajectionis suæ testes rupibus inscribendas curavit: quas etiamnum apud *Barrum*, ejus itineris pagum, ipsis cotibus incisas extare tradit Paulus Jovius Lib. XV. Histor. pag. 168. Cæterum, ut hoc obiter addam, binas istas tabulas lapideas, quas Deus Opt. Max. suo digito incisas Moisi in monte Sinai tradidit, Salvianus Massiliensis Lib. I. de Gubernatione Dei, *rupices paginas & Saxeum volumen* indigitat.

13. *Quia præsens opus*] In eandem ferè sententiam ad Euthatium filium præfatus est Macrobius mox in ipso limine Saturnaliorum: *Quia præsens opus non Eloquentiæ ostentationem, sed noscendorum congeriem pollicetur. Et boni consulas oportet, si notitiam vetustatis, modò nostris; modò ipsis antiquorum verbis, fideliter recognoscas.*

Ibid. *Sermonis luculentiam*] *Luculentia*, splendentem, & λαμπρότης orationis significat: quam Sallustius *orationem luculentam* nominat. Arnobius Lib. III. *A quo si res sumere judicij veritate conscriptas, non verborum luculentias, pergeretis, perorata esset & hæc causa.* Venantius Fortunatus Lib. V. Epistola ad Gregorium: *Cum in me non inveniris, quod dictionis luculentia diligeres.*

Ibid. *Non nugacem sermonis luculentiam*] De his verbis, quæso te, judica examine penfio, mi candide Lector, & velut caput quoddam Gorgonis obtende iniquis Saxonis obrectatoribus, ut tandem ἀμρσον illam suam Θρασυκακογλωσσίαν, quæ ergegium huncce & de omni Republ. literaria optime meritum scriptorem tam crudeliter traducunt, quasi fibulâ injectâ cohibeant. Nam ubi omnia fecerint, ne hilum quidem proficiunt; sed instar muscarum, quæ facem accensam volando circumstrepunt, ambustas alas reportant, & cum æstro in petram spicula defigente sese ipsi omnimodis exarimant & elumbes reddunt.

17. *Nec Thylensum industria*] Ex opinione magis vulgari, quam rei veritate, *Thylenfes* ubiq; nominat Saxo, qui *Islandi* rectius dicerentur. Nam *Thulen*, veteribus memoratam Insulam,

A ab Islandiâ longè diversam, abundè probatum dedit in *Crymogæa* suâ Arngrimus Jonas Islandus, & ipse loci situs evincit. Frustrâ igitur est cum ingenij sui luxuria & lusu Joh. Goropius Becanus, qui *Thulen* statuit dictam, quod vel instar Tholi cujusdam orbi terrarum sit imposita, vel quod eò navigantes ad ploratum, [*Thorhûlen* Belgæ dicunt] proficiscerentur: Gotodan. Lib. VII. p. 696.

18. *Luxuriæ nutrimentis carentes*] Quod Saxo B Islandis sobrietatem & notitiam vetustatis, id olim Belgis fortitudinem ingenerasse tradit Cæsar sub initium Commentar. de Bello Gallico: *Horum omnium fortissimi sunt Belgæ, propterea quod à cultu atq; humanitate provinciæ longissimè absunt, minimeq; ad eos mercatores sæpe commeant, atque ea, quæ ad effeminandos animos pertinent, important.*

23. *Quorum thesauros Historicarum rerum pignoribus refertos*] Nihil certius est, quam olim habuisse Islandos innumeras variarum gentium historias, & à se, & ab aliis conscriptas: quarum tamen maxima pars injuriâ temporis intercidit. Quanto verò studio cognoscendis aliarum nationum rebus gestis incubuerint Islandi, colligerelicet ex iis, quæ hodieq; superant, monumentis, magnoq; in pretio in Islandia habentur; ut sunt: *Grettla, Nial, Olufs Saga, Eglu, Jarla Saga, Bica Saga, Isfirdinga Saga, Bardamanna Saga, Halfreds Saga, Oluf Tryggesons Saga, Rauds detti, Eyrbyggja, Rógvalds detti, Orcknu Saga, Orms Saga, Ragnars Saga, Arnon Skald, Knitling saga, Krokarefs saga, Sigvart Skald, Viglunder saga, Sigurd Hafvisbani saga*, & id genus alia. Certè nullum est dubium, quin Saxo noster plura suo tempore viderit & versaverit Antiquitatum Islandicarum volumina, quam quæ nunc exstant, aut reperiri possunt. In primis eum aliam *Eddam*, antiquiorem videlicet, & fabulosis narrationibus instructiorem habuisse eâ, quam hodieq; E tantopere suspicimus & admiramur, nullus ambigo. Talem autem *Eddam* omnino quondam extitisse juxta mecum fatetur Magnus Olai ad calcem *Eddæ* Latinæ civitate à se, in gratiam Magnifici Dn. Cancellarij, Christiani Frisij, & μακρῆς, donatæ, his verbis: *Ex veterum Rhythmis, ut etiam appellationibus Asarum nonnullis, ac in primis Odini, & aliarum deniq; rerum, apparet, aliam fuisse Eddam antiquiorem, aut volumen fabularum ab ipsis Asis confectum, aut eorum nepotibus, quod interierit, & cujus hæc nostra Edda aliquale sit compendium; quia nominum paucissimorum, quæ Odino ex variis casibus indita sunt plurima, ut Edda proficitur, ex ejus fabulis reddi potest ratio, nec etiam plurium, quæ ibi occurrunt, appellationum.* Hac de re consentit etiam nobiscum, Vir raræ & reconditæ eruditionis, amicus noster plurimum honorandus, M. Brynolfus Svenonius, Episcopus Scalholtenfis in Islandia Australi, in Epistola ad me sua, ante triennium ferè scripta: *Ut enim*
Nor-

Norvegorum, Danorum, Suecorum hominum acta, infinitam materiam ex rebus domi forisq; fortissime prudentissimeq; gestis prætereant; ipsa velut collapsæ sapientiæ rudera rerum Normannicarum Lectoribus semet spectanda exhibent, quæ tamen paucissima de pluribus supersunt. Ubi enim ingentes thesauri totius humanæ sapientiæ conscripti a Sæmundo Sapiente? & in primis nobilissima illa Edda, cujus vix millesimam partem reliquam, nunc præter nomen habemus? atq; id ipsum quod habemus omninò fuisset deperditum, nisi Snorronis Sturlonij Epitome umbram potius & vestigia, quam verum corpus Eddæ illius antiquæ reliqua fecisset. Ubi verò ingens volumen Historiarum ab Odino ad sua tempora contextum ab Ario Polyhistore dicto? Ubi præstantissima Gunlôgi Monachi scripta? Ubi regionum per totum arcticum orbem Poëtarum admiranda carmina? Nolo Ethnicos alios & in paganismò viventes nominare, Thorallum de Sidò, ejusq; vaticinia; Ericum Rufum, ejusq; posteros, & qui navigationes eorum in occidentem periculosissimas annotarunt. Hactenus M. Brynolfus. Cæterum ut constet exteris, & harum antiquitatum ignaris, quænam fuerit, quam toties laudamus, Edda, eam utcumq; describendam hoc loco duximus, quomodo ab ipsis Islandis edocti sumus. Interpres Eddæ Latinus in ipso limine Libri: Edda est fons & fundamentum fabulosum, unde veteres Islandicæ gentis Rhythmistæ obscuras rerum appellationes, & copiosos Poeticæ elegantie modos extruxerunt. Vel, Edda est ars ex antiquissimis ingeniosorum hominum fabellis, varie adinventionis rerum appellationibus, docens Danicam Poësin antiquam, vulgò obscuram, sapientibus auditu jucundam & artificiosam, exercere & exhibere, quæ, instar jugi fontis, veteres suggerit; & novas semper gignit voces, ad rem Rhythmicam facientes, omnibus insignibus Poëtis utilis, qui illam dextrè voluit scrutari. Unde Edda ab Edo, compono, meditor, nomen accepisse videtur. Edda semper adjunctam sibi tanquam individuum adestricem habet Scaldam, quæ Danicæ Poëseos vetustissimæ ingeniosum quoq; promptuarium est. De utraq; sic Arngrimus Jonas, Senex venerandus & optimè de patriæ suæ Antiquitatibus meritis, in Epistola ad D. Wormium differit: Scaldæ est liber de arte Poëtica Islandorum, qui est quasi praxis Eddæ; ut Eddæ inventionem, Scaldæ usum vel artem adjuvet. Summatim ut dicam: Edda est Mythologia Poëtica veterum Islandorum; Scaldæ, vero Metrica, sive de ratione Metrorum, variisque carminum generibus. Ex his duobus Codicibus emanavit quicquid apud Saxonem nostrum, tanquam fabulosum, tantòpere à multis culpatur. Unde liquet ea non esse Saxonis, quæ de mirandis quibusdam narrat, figmenta, sed fabulosæ Antiquitatis, asserta.

25. Absolonis asserta sectando] Asserta substantive positum; quomodo sæpè auctores mediæ ævi, præsertim Afri, Martianus Capella Lib. V. Quo conspecto, asserta determinans, ad Philologiam con-

A sessum fiduciâ promptiore perrexit. Fulgentius: Præcluis eruditionis asserta cognoscere. Idem sub initium Virgilianæ Continentiæ: Ad hæc ego: si me tuæ Orationis asserta non fallunt, vates clarissime. Ità & ipse Tullius noster, prædicta Substantive pro prædictionibus usurpavit, Epist. 6. Lib. 6. ad Famil. Ego quoq; augur publicus ex meis superioribus prædictis constitui apud te auctoritatem augurij & divinationis mee.

28. Te ergo salutaris Princeps] Compellat his verbis Saxo Regem Daniæ Waldemarum II, cujus tamen Historiam non attingit, in Canuto definiens.

30. Quia propofiti pondere constrictus] Hæc rursus extat luculentum imitationis Valerianæ indicium. Sic etenim Valerius Maximus Lib. 2. Cap. VII. Quia animadverto fore, ut pondere laudis, quam mervisti, obrutus, magis imbecillitatem ingenij mei detegam, quam vestram virtutem, sicut par est, representem.

36. Ne Romani quidem Imperij partes] Nam regni Danici pomeria totius fere Nordalbingiæ & Vagriæ adjectione protulerat victoriosus ille princeps.

38. Tuus quoq; fulgentissimus avus] Sanctus Canutus Rex Daniæ, interfectus Anno dñi CXXXI.

40. Ex cujus sanctissimis vulneribus] Ità & Valerius Maximus Lib. 3. Cap. 2. In qua ex fortissimis vulneribus tuis plus gloriæ, quam sanguinis manavit.

42. Saltrem ingenij viribus tibi militare constitui] Promptissimam hic operam suam Waldemaro Regi offert Saxo; sed quoniam ad exemplum parentis avi; sui, qui castra Waldemari secuti fuerant, armis ipse militare non possit: se res ipsius præclare fortiterq; gestas literarum monumentis, pro ingenij sui mediocritate, consignaturum pollicetur; quam longe potius esse militiam illâ castrensi existimat. In eandem fere sententiam Guntherus, Poëta illo ævo mirandus, sub finem Lib. X. Ligurini sui, se castra Friderici I. Imperatoris, non armis, sed carmine secutum, eleganter innuit, eamq; clariorem fuisse militiam statuit, quam si aliquot hostium millia cecidisset, dum ita infit:

Me quoq; non armis, sed carmine castra secutum;
Hactenus egregij decursâ parte laboris
Si bene promerui castrorum præmia miles
Non illaudatum, vel munera nulla ferentem
Sperò quidem magni dimittet gratia Regi.
Nec spernenda meæ (liceat modo vera fateri)
Munera militiæ, nec clarius arbitror esse,
Pauca probe gessisse manu, quam multa referre,
Nec minor hic illo labor est

46. Dicendorum inchoamenta deduxerit] Hoc est, Initia, principia. Martianus Capella Lib. V. pag. 39. Hæc inchoamentorum primordia detrectaret excurrere.

48. Sinuosis interstitiorum anfractibus] Hos anfractus

fractus veteres Dani suâ lingvâ dicebant **NAFYARIK**, *Vögskörin*. Eglu: **Solun-**
der eru magar Eyar og suo vogstornar : Hoc
est, *Sunt insule permultæ & per frequentiores sinus*
dissectæ.

52. *Ex his Jutia*] Daniam ingredientibus ab
Austro, primum occurrit *Jutia*, quæ à Ptolomæo, aliisque Cosmographis, *Cimbria Chersonesus* dicta est, à *Cimbriis* populis, qui in eam primo commigrarunt. Johannes Svaningius, Sereniss. Regis Daniæ Divi Friderici II. quondam Historiographus, in Descriptione Daniæ, quæ MSa etiamnum asservatur in Bibliotheca Regia Academiæ Hafniensis; undè multa notatu dignissima (quod ingenue præ me fero) excerptimus, & in commentarios nostros retulimus.

54. *Theutoniæ sinibus admoventur*] In primis Holatiae, & Saxoniae inferioris: quibus Cimbria, seu Jutia, proximo colliminio (ut cum Solino loquar) adhæret.

Ibid. *Fluminis Eidori interivatione discretæ*] Eidora flumen in saltu profundissimo, qui est in finibus Ithzeho, initium capiens, longo spatio in Oceanum Britannicum influit. Svaningius.

Pag. 3. vers. 1. *In Norici freti littus excurrit*] Jutia ad austrum latius diffusa, paulatim in linguæ formam sese in Wendilam contrahit, atque ab Eidora flumine, octo dierum itinere, aut paulo ultra etiam, ad fretum, quod Wendilam à reliqua Cimbria disjungit, porrigitur. Hinc protensa Wendila mare Noricum attingit: in cuius littore, SKAWEN, extremum in Cimbria, versus Boream, oppidulum situm est: in quo clarâ luce, in Boream, è littore Cimbrico, paulo editiore loco, prospicientibus, scopuli Norugiæ apparent. Svaningius.

2. *Sinus, qui Lynicus appellatur*] Quem Saxo infra Lib. IX. *Lymfiortinum fretum* indigitat: *Exactæq; hyeme, cum Jutis, prope Lymfiortinum ejus regionis fretum habitantibus, secundis eventibus dimicavit.* Danis dicitur *Limsford*, vel *Lönvig*.

3. *Fresia minor*] Hanc luculentius describit Saxo infra Lib. XIV. *Interea Kanutus Frisiam minorem, quæ & ipsa Danicarum est partium, cum paucis exilij comitibus petit. Divos agri provincia & pecoribus opulens. Cæterum confinis Oceano patet humilis, ita ut ejus interdum æstibus eluatur. Qui ne irrumpant, vallo littus omne præcingitur: quod si forte perfregerint, inundant campos, vicos & sata demergunt. Neq; enim illic locus naturâ alius alio editior exstat. Plerumq; agros ab imo convulsos aliò loci trajiciunt, locum eorum occupante lacunâ, in quorum confederint præsidii, possidendos. Inundationem comitatur feracitas. Gramine tellus exuberat: torrefacta in salem gleba decoquitur. Hyeme continuo celatur æstu, stagni speciem præbentibus campis. Unde & in qua rerum parte locanda fuerit, pene ambiguum natura fecit: cum aliâ anni parte navigationis pa-*

tiens, aliâ aratri capax existat. Incolæ ejus naturâ feroces, corporibus agiles, anxiam & gravem armaturam contemnunt, ancilibus utuntur, missilibus dimicant. Agros scrobibus cingunt, saltus contulis edunt. Penates in editum subjecto glebarum acervo provehunt. Hos à Frisonum gente conditos nominis & linguæ societas testimonio est. Quibus novas quærentibus sedes, ea fortè tellus obvenit. Quam palustrem primum ac humidam longo duravere cultu. Administratio deinde provincie sub nostris Regibus esse cepit. Ad eundem ferè modum de Fresia majore loquitur Saxo, sub finem Lib. VIII. Ac primo quidem classe Fresiam domat. Quæ Provincia admodum situ humilis; quoties sæviante oceano, objecta fluctibus æstuaria percurruntur, totam inundationis molem patentibus campis excipere consuevit.

4. *Gremij devexioris inclinata recessu*] *Gremium terræ, tergum terræ, & id genus plura, dicebant veteres. Lucretius Lib. VI. vers. VII. Ubi varias terræ motus adfert causas:*

C ——— multosq; lacus, multasq; lacunas
In gremio gerere, & rupes deruptas saxa,
Multasq; sub tergo terræ flumina recta
Volvere vi fluctus, submersasq; saxa putandum est.
Et Lib. I.

Postremo pereunt imbres, ubi eos pater æther
In gremium matris terræ præcipitavit.
Virgilius Moreto, *gremium molarum* dixit:
Perverrit caudâ filices, *gremiumq; molarum.*
Apulejus *gremium Oceani* dixit Lib. V. Metamorphos. Prudentius Hymno X. Cathemerimon:

Nunc suscipe terra fovendum,
Gremioq; hunc suscipe molli.

Sed aliud est *gremium Patriæ* apud Silium Lib. IV.

Interea tibi prima domus atq; unica proles
Heu gremio patriæ Stygiæ raptatur ad undas.

Ubi *gremio Patriæ* pro *Patria*. Vide Notas magni illius Heinij. In hanc mentem ipse Saxo inferiori Lib. XIV. *Amænißimæ patriæ gremio relicto,* tot incolæ locorum spacia pererrare liberes. Hericus Monachus Altissiodorensis Lib. I. vitæ S. Germani pag. 17.

Excipiuntq; virum, dictâ acceptâq; salute,
In gremium duxere suâ solenniter urbis.
Gremium Urbis pro mediâ Urbe dixit. Modoinus ad Theodulphum:

———— Populorum
Doctor erat Paulus carceris in gremio.
Sic Lib. VI.

Delubri gremio pacis subeunte triumpho.
Gremia navium infra Lib. VIII. ipse Saxo usurpavit.

10. *Angusti admodum æquoris interjectus abrupit*] *Æquor* hoc angustum nostrâ linguâ *Medelsarsund* dicitur. Quo quum Fionia à Jutia separata sit, à Selandia verò freto Balthico, quod veteres *Beltis-Sund* dixere: sunt qui existimant amœnissimam hanc Daniæ provinciam

Fioniam

Fioniam nomen accepisse ab antiquissima di-
 ctione **PIAK**, *Fion*, quæ separationem deno-
 tat. Unde in veteri cantilena de Navigatione,
 Ragvaldi Comititis in terram Sanctam; **PŊP-**
PIAK IR T*AT NAKŊY, Gudfion
 er that lionum. Ad quæ verba sic commenta-
 tur Vir Cl. Magnus Olavius, Pastor olim Laufa-
 censis in Islandia. Gudfion] Antiquissima di-
 ctio separationem denotans: quod à Deo separentur,
 qui jurata non præstant. Hinc nomen accepisse existi-
 mo provinciam Daniæ Fioniam, quæ in veteri nostra
 lingua **PIAK**, *Sion* (voce dissyllaba) appellatur,
 quasi separata terra, quia à Jutia disparata est freto
 Medel farsund, à Sialandia freto Beltris-Sund. Utor
 enim antiquis horum fretorum & terrarum nominibus.
 Interjectum vero Saxo dixit, pro Interjectione. Sic
 infra: Ne sibi noticiam temporis interjectus eriperet.
 Cicero Lib. II. de Natura Deorum: Interpositu
 interjectuq; terra. Martianus Capella Lib. VIII.
 pag. 281. In quo fit, ut major sit circulus ab eodem in-
 terjectu, pari spatio. Et paulo post: Alia interca-
 pedo inter solstitialem æquinoctialemq; Circulos mi-
 nos est à superiore interjectu, quantum quatuor ad
 sex. Tacitus Annal. Lib. 3. Igitur petito pauco-
 rum dierum interjectu, defensionem sui deseruit.

ii. Sialandiam prospectat] Selandia nonnullis
 dicta est Sædlandia, quasi feminis terra, à læto
 fegetum proventu & ubertate, quas Dani Sæd
 vocant. Alij à circumfuso Oceano deducunt,
 ut Seelandia sit. Quos inter Ælnothns de vita
 S. Canuti pag. 17. Insulam maritimam, quæ pro eo,
 quod maxime mari circumcingitur, Lingua Danicâ
 Seeland nuncupatur. Saxoni, alijsq; veteribus, ubi-
 que Sialandia scribitur, ab antiquo Siâ, vel Siô,
 quod nunc dicimus Sæe / pro mari vel Oceano,
 ut Østersøen / Vesterføen. Antiquioribus Danô-
 rum Selandia dicta fuit **HAHNNA Sælun-**
dur, quasi maris lucus. In Edda, Fabula 2, bis
 occurrit vocabulum Sælund, hujusq; insulæ ori-
 go ex professo docetur figmentis Eddicis confo-
 na. Ità namq; differit: **PŊPPI YAKPR**
RIP 1*AR NAKŊY, IR KN *HJIR
HNIAIF. PRA *AKAY IR T*AI
HAFA, AI *AKP PIP HKNY PA-
RAP YAKN AT NAKŊY HY-
AKAR HIKAR HII BRAP NAK
I RIVY HKN, 1*AI IR PIARIR
AYIK BRAP NAK PIP AP KAI. IK
HN YAK NAR IK AP HII HIT.
***AK IR KAP PIP PIAK. *AK IAY**
PIRI AYIK MARIK AR IAK-
***HYNK, 1*AI NIK HKN IA-**
TŊK HAYYNR AP *KAKAR, AP

HAHI N*APAR BRAP. IK BRAP-
RIK PIP HNI BRHI AP HIBI
AT NBB HHI NAKI, AP PRA-
PN AYHKNY T*AI NAK NT
NY *APIT AP NHIAR, AP KAYI
HAPNR I HNKI KAYYNR.
1*AR HHI PI PIAK NAKIT AP
PAP KAP APYANAI HAHNK.
IK 1*AR HY NAKI *APPI NB-
PIKI, NAR K*AR P*IR NAI.
T*AI IR KN MARIK YANAR
I HNIIF. AP NPIK HNI NIK
I NPIKNY HY HI I HAHNK.
 Id est: Gylfi Kongr red thar londum / er nu
 heiter Svithod. Fra hanomer thet sage / at han
 gaf æinum farand i Konu at launum steranar
 sinar æit plogsland i Riti sinu / that er fiorer Ørn
 dragi up dag og norr. En su Rona var æin af Åsa
 ætt. Non er næfnð Gefion. Non tof fire Ørn nor-
 dan or Jotanheimun / that verusyns jótuns nok-
 kurs og hennar / og setti tha for plog. En Plogriin
 gett sua breitt og diept at upp læisti landit / og dro-
 gi oxinnu that land ut um hafit og vestr / og na-
 ma stabar i fundi næffuru. Thar setti Gefion lan-
 dit / og gaf nafn / og kalladi Sælund. En thar
 sem landit hafði upgangat / var thar eptir Varn.
 That er nu logriin kalladr i Svithod. og liggia
 sua Vitr i leginum / sem Nes i Sælund. Hoc est
 Latine: In Suecia Rex quidam imperium tenebat
 nomine Gylfi. Hic semine peregrinæ adventanti &
 suaviter canenti, tantum dono dedit terre, quantum
 quatuor boves unius diei & noctis spatio aratro pro-
 scindere possent. Illa igitur ascitis à Cimbria Septen-
 trionali quatuor filijs suis, quos ex gigante quodam sus-
 ceperat, atq; in boves conversis [erat namq; e familia
 Asiana, & vocabatur Gefion] eos aratro junxit. Hi ve-
 rò adeo latè ac profunde vastum terre tractum sulca-
 bant, ut non solum à continenti eum separarent, sed
 & occidentem versus per mare traherent, usq; dum in
 fretis quibusdam consisteret. Ubi quiescere eum jussit
 Gefion. Nomen verò huic terre imposuit Sælund.
 Eo in loco ubi extractum erat solum, successit aqua,
 quæ jam mare vocatur in Suecia, ejusq; ita dispositi
 sunt sinus, ut promontoria in Sælund. Sic & in Can-
 tilena, quam Sigvaldus, Olai Sancti Scalder,
 in laudem Canuti Magni cecinit, quam Herva-
 dar drapu, id est, Gen Rrigf Bisse vocavit, non
 generis Drottquar, sed Toglag, eadem vox extat:

Knutr var ad Himnum
 YKNAR NAR AP *HYKNY
 Hygge æt at frett
 *HPPHY HII AT PRAI
 Haralds i her
 *ARAPPI I *IR

Hug vel duga
*HUP HIR HUPA

Let lygotu
HIM HUPAIN

Lid sudan or Nid
HUP HUPAK AR HUP

Olafur jofur
HUPHUR HUPHUR

Arsel fare
ARHUR FARF

Hoc est : Canutus sub aperto cælo strenuum se præbebat : Haraldus progenies id experta est. Olafus Rex optimus classe mare sulcabat , austrinum Nidæ linguens amnem. Mox sequitur :

Thurdu nordan
*HUPHUR HUPHURAK

Namst thad med Gram
HUPHUR HUPHUR HUPHUR

Til slets fvaler
HUPHUR HUPHUR HUPHUR

Silunr kylir
HUPHUR HUPHUR

Ena med annan
HUPHUR HUPHUR

Onundur Dönum
HUPHUR HUPHUR

A heuder at ha
HUPHUR HUPHUR

Her fanskun fer.
HUPHUR HUPHUR HUPHUR

Id est : Naves frigide ausæ sunt e Septentrione in Selandiæ planitiem navigare, dirigente Rege : sed alia Suetica classis , Onundo duce, contra Danos pugnavit. Hic notat Paraphrastes ; Silunr esse Genetivi casus à Sælundur, id est, Sælund, quod maris lucum notat : additq; in veteribus MS. Selandiam Danorum passim Sælundur vocari. Cæterum hæc quoq; inferenda videntur , quæ in Conjectaneis suis eruditissimis in aliquot Saxoniis nostri loca notatu digna, de eadem hac Selandiæ appellatione, observavit, mecumq; perhumaniter communicavit Vir plurimum Reverendus, & Clarissimæ doctrinæ, M. Brynolphus Svenonius, Episcopus Scalholtenfis in Islandia Australi dignissimus, Amicus meus conjunctissimus. Ea vero sic habent : Constantissime Daniæ regni Insulam florentissimam, & de me optime meritam, SIALANDIAM, non modo Saxo per hoc Opus universum, verum omnes antiquæ membranæ, non SÆLANDIAM, scribunt. Quarum non paucissimas fortè cum viderim, varias Historias complexas, omnes in tantâ rerum varietate de nomine insulæ SIALANDIÆ consensum servant. Prædonum Julinensium Historia, quam IAPHINHURHUR BARHURHUR, Jomsviifinga bardaga

A nos vocamus, in plurali numero, HIALAKH, Stalönde / & antiquiora alia monumenta nominant : quo Svæno Tiufskægg Piratas istos inditavit & magnifice habuit, ubi illos per vinum ad conjurationem Norvegianam compulit. Postea verò lingua puritate inclinante, SÆLANDIA pro SIALANDIA scripta est; eadem nominis tamen notatione conservatâ, videlicet à circumflui maris, cui velut immersa regio jacet, vicinâ, & incolarum à maritimis negotiis, piscatu, mercatura, prædationibus, perceptis commodis, deductâ nominatione. Quam penitus adulterarunt novelli, dum SÆLANDIAM a frugum proventu sic dictam, quasi SÆDLANDIAM, maluerunt, contra Antiquitatis, ut modò nunc diximus, fidem, quæ constanter SIALANDIAM, quasi dicas χῳρεγν πῑραλον, maritimam regionem, & vocavit & scripsit. Neq; tam licenter literam D extrivisset, atq; novitij crediderunt, si SÆDLANDIAM unquam nominassent. Quare Codicum omnium [dicere audebo] fide subnixus, & Analogiæ probabilitate, & incolarum studio, quod antiquitus splendidius longè habitum est, si prædationibus & incursionibus navalibus insumeretur, quàm si in agricultura, re nimium ab illis moribus ob innocentiam & quietem alienâ despectâque, collocaretur, nostram hanc sententiam affirmare non verebor. Quod dum facio, dilectissime nobis insulæ suæ bonæ à felici terræ proventu nequaquam invideo ; sed militia, præsertim navalis, negotiationis laudem, atq; studium piraticæ, rei illis temporibus laudatissimæ, nobilitatem illi asserere videbor.

D Haec tenus Episcopus Scalholtenfis. Ad eandem verò SIALANDIÆ, vel SÆLUND, appellationem videtur alluisse Julius Cæsar Scaliger de Subtil. ad Cardan. Exercit. CCXXVI. Distinct. 2. Ad insulam maris Balthæi, Halecum ingens capitur vis, qui ab illis Selgi [Danis hodieq; Silid] à Gallis Haran [Belgis Haring] nominantur. Soluc [forte Seluc, vel Selund, id est, maris lucus] illa dicitur insula maris Balthæi. Hujus insulæ nomen credibile est famâ quâdam obscura audivisse, celeberrimum Geographum Ptolomæum, cum supra Cimbricam Chersonesum tres alias insulas ponat Alocias dictas : quas intelligendas existimo Fioniam, Selandiam & Scaniam : quam ipsam quoq; insulam facit, nondum exploratè cognito ejus in arctum procurfu, & ad reliquum orbem continuitate. Verba Ptolomæi ita habent Lib. II. Cap. XI. In quartâ Evropæ tabula. Ἡ πῑρὲς ἣ τὴν κίμβρακην χερσόνησον, ἀλλὰ τρεῖς νῆσοι ἀλοκίαι καλεσμεναι. Has, inquam, tres, audito nomine unius, scilicet Selandiæ, eodem omnes suâ lingvâ appellasse verisimile videtur. Ἀλοξ enim, sulcus est & inde, ἀλοκίξω, sulcum ducere, id est, arare ; & generaliter, totum opus agricolationis exercere. Clarissimus Vir D. Olafus Wormius, in literis ad me suis, Alsam insulam Alociis omnino accensendam existimat : Inter insulas Alocias primariam omissam video, quæ reliquis omnibus nomen dedisse

dedisse videtur, & me potissimum in hanc pertraxit A sententiam, ALSAM nempe. Quid enim propius, Alsa, Alos, Alsia, Alofia? Flexus namq; vocis peregrina est & Romana, Als, Alocia. Consule, quæso, Marcianum Heracleotem in Germaniæ descriptione, ubi manifestissime inter Insulas Scandicas & Alocias distinguit, easq; quo ad situm ita describit, ut à mea opinione discedere non videatur. Verba hæc sunt: Supra Chersonesum verò sitæ sunt Insulæ tres ἀλοκίας καλόμεναι, estq; ad eas à Chersoneso navigatio stadiorum 550. stad. 500. Ad ortum verò illius Chersonesi sitæ sunt Insulæ quatuor, αἱ καλόμεναι Σκανδικαί. Harum tres quidem parvæ sunt, estq; ad earum mediam à Chersoneso intervallum Stadiorum. 2000. stad. 1700. Una verò maxima, maximèq; orientalis, quæ propriè vocatur Scandia, quæ ad ostia Vistulæ fluvij sita est, à quibus ad ipsam sunt stadia 1600. stad. 1200. Vides ipsum Insulas Alocias viciniores longe Chersoneso ponere (ultra quadruplum ut puto) quam Scandicas, atq; hæc ab illis manifestè distinguere. Hæc quoq; ad ortum ponit, illas supra Chersonesum. Aded ut non possim, quin hujus auctoris sententiā statuam quasdam ex iis, quas tu Alocias esse putas, Scandicas esse. Fionia Alociis annumeranda videtur. Scandia certè inter Alocias poni nequit, cum hic expressè ponat primariam inter Scandicas, ad quas forsan Selandiam retuleris. Hic verò Marcianus ex præstantissimis Geographis, Arthemidoro, Ptolemæo, & Protagorâ, se sua conscripsisse fatetur.

Pag. 3. v. 14. [Pari spaciū inter capedine disparata] Pro disparata, quod in excusis hæcenus Codicib⁹ fuit, lege disparata, id est divisa, disjuncta, abrupta. Martianus Capella Lib. VI. pag. 201. Cum antea natura terris maria dispararet. Et Lib. I. p. 5. disparata prolixitas. Ammianus Marcellinus Lib. XIV. pag. 8. Batne municipium ab Euphrata flumine brevi spatio disparatur. Eodem libro pag. 21. Et hæc quidem regiones velut in prominenti lingua positæ, ab orbe Eoo, monte Amano disparantur. Sulpitius Severus Lib. 3. Dialogor. Monasterium Sancti viri duobus erat millibus à civitate disparatum. Pariter in fine ejusdem: quod si vel me, vel Martianum imitatus fuisset, nunquam à me tam crudeliter disparatus ignoti pulveris religione teneretur. Plautus Prologo Rudentis; Versu X:

Qui est Imperator Divūm atq; hominū Juppiter
Is nos per gentes alium in alia disparat.

16. Sinus omnis] Intelligit fretum Danicum, quod veteres Scaldri HIRIR HNIRI, Eirer funde, appellarunt, nos hodieq; Dresund vocamus. In Epicedio Regneri Lodbrog, Regis Daniæ, quod infra ad ipsius vitam & res gestas citabimus:

*HNPPNY HNIR YHE *IARNI
*HFNIR NAR FK HNPNR IR
PHNPNY
HNHAR I HIRAR HNIRI
HNHAR Y PRINNY NARPI.

Huggum uier med Hiorvi
Helbur var et ungur et fengum
Austur i Eirar funde
Bndarm fretum varge.


Hoc est:

Pugnāvimus ensibus,
Multū juvenis fui, quando acquisivimus
Orientem versus in Oræonico freto
Vulnerum amnes avidæ feræ.

18. Sed simplici manus officio capiatur] Non aliter ac fretum Constantinopolitanum describit Petrus Gyllius: Piscium verò redundantia excellit Massilia, Venetia, Tarentum: sed omnia superat Constantinopolis, quæ, velut per portam, pisces duplicis maris transeunt, neq; modò per Bosporum transeunt, sed ad Byzantium feruntur relictâ Chalcedone, ut uno reti viginti navigia impleas, atq; sine retibus, sæpè manibus ex continenti capias; atq; adeo cum verno tempore in Pontum ascendunt densi greges, jactu lapidis velut aves ferias. Ex fenestris quoq; urbis calathis ex chorda appensis mulieres piscantur: hamisq; piscatores sine esca Relamydes capiunt tot & tantas, ut sufficiant toti Græciæ, & magnæ parti Asiæ, Europæq;.

21. Apta meantibus rupes mirandis literarum notis] Hujus etiā rupis meminit Saxo Lib. VII. Ubi Haraldo Regi, cognomine Hyldetand opus hoc ascribit: Idem in monumentum Patri, ejus res gestas, apud Blekingiam, rupi, cujus memini, per artifices mandare curæ habuit. Hujus monumenti delineationem talem, qualis hodieq; visitur, utcunq; nobis repræsentavit Vir diffusæ eruditionis & Antiquitatum Danicarum peritissimus, Dns. D. Qlaus Wormius Lib. III. Monument. Danicorum, ubi & hæc addit ad verba Saxonis: Hæc Saxo: cujus ævo cum tantum detrimenti passum sit tam præclarum monumentorum decus, quid nobis sperandum facile liquet. Interim ne intentatum quippiam relinqueremus, ad locum eum Reverendum & Doctissimum virum, Dn. Jonam Skonvigium in hisce versatissimum, cujus etiam in plurimis usi sumus operâ felicissimâ, ante annos paucos ablegavimus, cuncta diligentius ut perlustraret, reliquias characterum notaret, totiusq; monumenti condiciones modernas accuratius perscrutatas ad nos deferret. Qui rediens retulit in provincia Bregneherrit inter Ronneby & Hoby rudera extare monumenti nobis à Saxone exhibiti, quæ ejus descriptioni exactè quadrent. Arcta enim semita equis & peditibus, nequaquam verò curribus, pervia, durissimam transcurrit caute, accolis Runemo dictam, ac in ipso transcurso literarum Runicarum hinc inde ostendit fragmenta, nullo ingenio colligenda, nisi unico in loco, ubi integra hæc apparent FNIR fund. Tractus verò qui literas continet, & semitam secut, unicus est, longitudine triginta quatuor ulnas excedens, latitudine quartam unius ulnæ; quam quantitatem etiam literæ obtinent. Ejus delineationem hanc cape:

RUNE-



24. Undiquefecus exaratum] Undiquefecus uno verbo. Sic Utriquefecus, postfecus, antesecus, Undiqueversum, & ejusmodi, dixit Martianus Capella. Priorē illam vocem habes Lib. VI. pag. 195. Aërisq; halitus undiquefecus circa terræ stationem diffusus : alteram Lib. VI. pag. 228. Quæ tamen lineæ utrinquefecus punctis includuntur.

35. Tām vocis, quām situs affinitate] Vocis, id est, linguæ. Sic supra : ut religionis, ita Latine quoque vocis aliena torpebat. Idem Lib. XII. fol. 121. Danicæ vocis homines primum militiæ gradum obtinent. Et mox ibidem : Subornaverat Imperator utriusq; vocis peritos. Notum verò est trigam illam regnorum aquilonarium hodieq; ejusdem sermonis communionem habere longè maximam : imo unâ eademq; linguâ uti, licet Dialectis variant.

41. In cujus parte extima ne noctu quidem diurnum sydus occulitur.] Ita & loquitur Saxo infra Lib. XIV. Post hæc eò loci processum, ubi solstitij æstivalis tempore inusitata claritatis noctes sentire, dieq; tam similes, ut minimum temporum discrimen videretur. Ad quarum lumen Solis beneficio procurator levi contemplatione exiles literæ legi poterant. Idem de Norvagia tradit Paulus Warnefridus Diaconus Lib. I. Cap. V. de Gestis Longobardorum : Quibus in locis circa æstivale solstitium per aliquot dies, etiā noctu clarissima lux cernitur, diesq; ibi multò majores quàm alibi habentur. Sic de Britannia Tacitus in vita Agricolæ : Dierum spacia ultra nostri orbis mensuram, & non

A clara, & extremâ Britannia parte brevis, ut finem atq; initium lucis exiguo discrimine internoscas. Quod sinubus non officiant, aspici per noctem Solis fulgorem, nec occidere & exurgere, sed transire affirmant. Dionysius Periegetes de Thule insula :

Πολλὴν ἢ προτέρωστε ταμὼν ὁδὸν Ωκεανῶιο,
Νῆσον κεν Θάλην ἐνεργεῖ νηὶ περήτοις.
Ἐνθα μὲν ἡελίοιο βεβηκότος εἰς πόλον ἀρχῶν
ἡμεῖς ὅμῃ καὶ νύκτας αἰεφανὲς ἐκκέχυται
Πῦρ.

Multam autem ulterius ubi secueris viam Oceani,
In insulam Thulen benè edificatâ navē trajicies :
Ubi quidem Sole progresso ad polum Ursarum,
Interdiu simul ac noctu semper conspicuum effunditur lumen.

43. Utriq; temporis] Diei pariter & noctis.

44. Insula quæ glacialis dicitur] Islandiam intelligit insulam, cui à glacie, quâ viderat ipsam cingi, primus nomen fecit Floki Norvagus, quum eo quondam appelleret. De ea placet adducere verba Optimi & Clarissimi viri Arngrimi Jonæ Islandi Parte I. Comment. de Islandia : Triana nomina consequenter sortita est Islandia. Nam qui omnium primus ejus inventor fuisse creditur, Naddocus genere Norvagus, cum versus insulas Færenses navigaret, tempestate validâ ad littora Islandiæ Orientalis fortè appulit : ubi cum fuisset aliquot septimanas cum sociis commoratus, animadvertit immodicam nivium copiam montium quorundam cacumina obtegentem. atq; ideo à nive, nomen insule.

insula, Snelandia, indit. Hunc secutus alter Gardarus, famâ quam Naddocus de Islandia attulerat, impulsus, insulam quæsitum abiit, reperit, & nomen de suo nomine Gardarsholme, id est, Gardari insula, imposuit. Quin & plures novam terram visendi cupido incescit. Nam & post illos duos, adhuc tertius quidam Norvagus, qui Floki nomen habuit, contulit se in Islandiam, illiq; à glacie, quâ viderat ipsam cingi, nomen fecit.

45. Obsoletæ admodum habitationis tellus] Ad quæ verba rursus Arngrimus : Ego ex istis verbis Saxonis hanc sententiam nequaquam eruo, ut inde ab initio habitatam esse Islandiam, seu, Islandos autochthonas esse, dicam, cum constet vix ante annos 718 incolæ ceptam. Hæc verò scripsit Arngrimus Anno Christi 1592. à quo tempore anni fluxerunt 49. Sunt igitur à primis annis inhabitatæ Islandiæ ad hunc annum 1641, quò hæc annotavimus, anni 767.

46. Illic fons est, qui fumigantis aquæ vitio] Nuppiam in Islandia hujusmodi fontem reperiri, videtur M. Brynolphus noster Svenonius his verbis Conjectaneorum suorum innuere, ubi sic inquit : Ubi locorum ille sit fons, qui hoc eximie & in universum præstet, Islandorum, credo, novit nemo : ut mirum sit, quàm simus foris omnes & in exteris lyncei atq; oculati, præquam sunt illi ipsi, ad quos attinet.

48. In lapideæ naturæ duritiâ transmutatur] Tali ingenio fontem non in Islandia, sed in Norvegia extare tradit auctor Saxoni nostro σὺν γένει, Silvester Giraldus Cambrensis, in Topographia Hiberniæ, Cap. VIII. quod est de mirandis fontium naturis : Est fons, inquit, in ulteriore Boreali Ultoniæ parte, qui ob nimiam sui frigiditatem ligna imposita per septennij spatium in lapides obdurat. Est & in Norvegia fons similis naturæ, sed tantò tamen efficacæ majoris, quantò ad frigidam Zonam magis accedit. In hoc enim non tantum ligna, sed & lina, lineæq; telæ, per annum imposita, durissimum in lapidem congelantur. Unde & Voldemaro Danorum Regi, nostris diebus regnanti, quidam Episcopus Norvagiæ Asloensis, quod anno præterito probandi causâ ab eodem suscepérat, naturæ jam retulit bipartitæ. Parte enim mediâ fonti impositâ lapis erat, alterâ parte, quæ extrâ jacebat, in sua permanente naturâ. Sed Venerandus ille Senex & præclare de patria meritis, Arngrimus Jonas Islandus, in commentario suo de Islandia, Parte I, pag. 37. testatur accepisse se famâ, quod similis in Islandia fons existat, non procul à sede Episcopali Scalholt, apud villam nomine Havkadal. Simile tribuit Ovidius Ciconum flumini, Lib. 15. Metamorph.

Flumen habent Cicones, quod potum saxea reddit
Viscera, quod tactis inducit marmora rebus.

Plinius etiam refert in Piceno lacu Velino dejectum lignum lapideo cortice obduci. Georgius Agricola commemorat in Elbogano tractu, juxta oppidum à falconibus cognomina-

tum, integras cum cortice abietes in lapidea conversas. Et Domitius Brusonius, in Sylaræ amne, qui radices montis ejus, qui est in agro urbis Ursentinorum olim, nunc Contursij, lambit, folia & arborum ramos in lapides transire, non fide aliorum, sed propriâ (ut qui incola sit regionis) narrat.

52. Qui modò crescentis lymphæ copiis adaucti] Hunc locum ita illustrat jam dictus Arngrimus, Comment. pag. 36 : Attingendum, inquit, hoc loco duxi, quòd tradit Saxo Grammaticus, Danorum celebratissimus Historicus, Islandiæ fontes quosdam nunc ad summum excrecere, & exundare : nunc adeo subsidere, ut vix fontes agnoscas. Qui etsi rariores apud nos inveniuntur, ascribam tamen similes, etiam alibi à natura productos, nè quis hic monstri quippiam imaginetur. Hos autem recitat Plinius. In Tenedo insula unum, qui semper à tertiâ noctis horâ in sextam, solstitio æstivo, exundet, brumali tempore siccetur. Refert etiam de fonte quodam satis largo, qui singulis horis intumescat & residat. Nec id magis negligendum, subire ternas flumina, rursusq; redire : ut Lycus in Asia, Erasimus in Argolica, Tigris in Mesopotamia ; quibus Cardanus addit Tanaim in Muscovia ; & quæ in Æsculapij fonte, Athenis, immersa sunt, in Phæletico reddi. Et Seneca scribit esse flumina, quæ in specum aliquem subterraneum demissa, ex hominum oculis se subducunt, quæ consumi paulatim, & intercidere constet, eadem post intervallum reverti, recipereq; & novum & cursum priorem. Et iterum Plinius ; fluvium in Atinate campo mersum, post 20 millia passuum exire. Quæ omnia, & his similia, Islandiæ fontes, miraculo nullo præ cæteris esse debere, ostendunt. Verum enim vero M. Brynolphus Svenonius, in Conjectaneis ad Saxonem suis, quæ sæpius à me deinceps citanda sunt ad testimonium, disertis verbis affirmat, non expertem omnino esse Islandiam fervidorum fontium, quales hic describit Saxo : Porro, inquit, quod subjungit Saxo, de fervidis fontibus, qui modò crescentis lymphæ copiâ adaucti, pleniq; exundantes alveis crebras in sublime guttas jacent, modo torpentibus scatebris vix ab imo conspecti, profundis subductionis terræ latibulis absorbeantur : Saxoni attestor, qui anno superiore tale Naturæ miraculum his oculis non sine maximâ admiratione conspexi in Haukadal, quod Scalholt duobus miliaribus cum semisse distat, prædium Cathedrali templo subjectum. Paulatim namq; ebulliens aquæ fervor in cratere profundissimo subsluit, & incremento sensibili intumuit, donec craterem imple-ret ad labra prorsus. Tum verò magno cum tumultu ingentis fervor aquam in sublime evomit, præsentissimo propius astantium cum periculo, quos, nisi caverent, ignitæ guttæ in delapsu ad internecionem comburent. At verò exacto, ut arbitrabar, horæ spatio, pariter & æstus deservere, & aqua subsidere atq; detumere. Nos autem cum primum accedere sumus ausi, vacuefactum repente craterem animadvertimus, & prorsus jam exsiccatum : nec uspiam aquæ

aque vestigium, præter hoc ipsum exinanitum conceptaculum, comparuit. Eruptionem autem Rusticus alteram, intra viginti quatuor horas expectare se dictitabat. Tanto namq[ue] spatio intermittere ut plurimum, & recipere.

Pag. 4. vers. 1. Nullo visus ingenio] Id est, acumine. Nam Ingenium ad alia etiam eleganter trans ferri solet. Sic Ingenium herbarum, Tertull. dixit cap. 2. de habitu muliebri. Et Salustius: Ingenium loci Apulejus: Crines ingenio flexi, hoc est, spontè aut natura flexi. Eucherius Epistola de laude B Eremiti. Quicquid eorum necessitati locorum ingenium non obtulerat, manifesta Dei munificentia suggererat.

2. In hac itidem insula mons est] Hecla videlicet mons, Æthnæ ignis imitator: Islandis Hæflesfiáll.

Ibid. Qui rupem sideream] Putabam aliquando hæc legendum Sicaneam pro Sideriam, respiciens ad Æthnam Sicilia montem, quem *καταχρηστικῶς* rupem dici posse existimabam. Nisi si Siderea rupes erit præalta & in cælum usq[ue] elata rupes, & quæ vertice tantum non ipsa sidera contingit: quomodo Martialis Sidereum Colossium pro alto dixit Lib. 1. Epigr.

Nunc ubi siderens propius videt astra colossus.

3. Incendia sempiterna jugi flammaram eructatione continuat] Saxonem hic refutare videtur Arngrimus: Quicunq[ue] ait, perpetuam flammaram eructationem Hecla adscripserunt, toto cælo errarunt, adeo, ut quoties flammam eructarit, nostrates in annales retulerint, videlicet Anno Christi 1104. 1157. 1222. 1300. 1341. 1362. & 1389. Neq[ue] enim ab illo anno de montis incendio audire licuit, usq[ue] ad annum 1558; quæ ultima fuit in illo monte eruptio. Interea non nego fieri posse, quin mons inferne, latentes intus flammam & incendia alat, quæ videlicet statim intervallis, ut hætenus annotatum est, eruperint, aut etiam fortè posthac erumpant. His adde, quæ in eandem sententiam de Hecla monte in Conjectaneis suis annotavit Dn. M. Brynolfus Sveonius, Episcopus Scalholtensis, cujus hæc sunt verba: Quæcunque de Hecla monte & hic auctor, & plerimi alij, nisi quod ignem nonnunquam eructet, literis & lectoribus tradunt, fabulosa ferè sunt. Id quod testari possum, qui non tam longè ab Hecla habito, quin domo egressus illam quotidie conspiciam. Cumq[ue] prius Scalholmi sexennium sim commoratus, nunc postea etiam biennium egerim: toto hoc tempore ignis eruptio nulla contigit. Quò magis auctoris pudeat, perpetuas flagrationes, sempiterna incendia jugi flammaram eructatione continuata, scribentis fingentisq[ue], ut & ignium perennitatem, æternumq[ue] incentivum commenti. Neq[ue] verò sola Hecla ignes & flammam emittit; sed plures alij, regionis Australis præsertim & Orientalis loci, montes, deserta, & quod magis mirère, Læus, imò ipse quandoq[ue] circumfluus Oceanus, si quidem Annalibus nostris fides est, & oculis incurrentibus signis, atq[ue] experientiæ, quæ testatur lapides de marino fundo extractos, igne con-

A sumtos & ambustos quandoq[ue] ignem devorasse. Confirmat nomen Insularum Australium, juxta Rikyianes, quæ nobis Elldeyar dicuntur ab eventu: quas Annales antè aliquot centenos annos, exorto prius è mari incendio, è mediis fluctibus erupisse, nunquam antea conspectas memorant.

Ibid. Incendia sempiterna jugi flammaram eructatione continuat] Ita incendia Æthnæ montis dixit auctor rarus, antiquus, & insignis Mathematicus, Julius Firmicus Præfatione ad Mavortium Lollianum: Quid faciant ignes, qui ex Æthnæ vertice erumpunt? quæ natura eorum, quæve substantia? ex quâ origine, sine jactura montis, tanta proficiantur & anhelent incendia? Et Martianus Capella Lib. VI. de Sicilia: Montis Æthnæ miracula noctibus totis vomentis incendia. Solinus quoq[ue] Cap. XI. Et licet vastis exundet incendiis, apicis canitie perpetuâ brumalem detinet faciem. Ubi & eructandi voce, quomodo hic Saxo, usus est: In Æthnæ vertice hiatus duo sunt Crateres nominati, per quos eructatus erumpit vapor.

5. Æternumq[ue] fovendis ardoribus præbeat incentivum] Hoc est, Incendij augmentum, ignisq[ue] sempiternam materiam suppeditet. Alio sensu usurparunt voculam hanc veteres scriptores; nimirum pro irritamento, incitamento, stimulo, aut quodcunq[ue] animum hominis ad hoc vel illud instigat. Sic Salvianus Massiliensis Lib. 1. de Gubernatione Dei: Non turpibus flammis medullæ æstuent, non male sanam mentem latentia incentiva succendant. Item Lib. 1. de Avaritiâ: Incentiva vitiorum. Sic Sidonius Apollinaris Lib. VI. Epist. 1. Per carnalium vitiorum incentiva flammati. Sic Ammianus Marcellinus Lib. XIV. mox initio: Cujus acerbitati uxor grave accefferat incentivum. Græci *Εὐόσμητος* vocant. Panegyricus Constantino Aug. Const. Fil. dictus: Si in rebus bellicis ipsisq[ue] præliis, non tubæ solum, sed etiam Spartana tibiæ, incentivum aliquod habuisse feruntur. Angelomus, Monachus Lexovienfis, qui floruit sub Ludovico & Lothario ejus filio, Anno Christi DCCCXXX, inq[ue] libros Regum opus scripsit excellentissimum, quale me in scripturis sanctis aliàs non legisse, cum Trithemio ingenuè fateor, pag. 115. Quando magis calecente corporis juventute, inter bella corporis, & inter incentiva vitiorum, sapientiam edificare debemus? Galterus Lib. IV. Alexandr. Fol. 33.

Præteriti pudor, & spes incentiva futuri
Rursus in arma vocat.

Marbodæus, sive Merboldus, de Alestorio, Cap. III.

Hic etiam Veneris facit incentiva vigentis.

9. Quamobrem animas] Vanam illam & Christiano homine prorsus indignam persuasionem de carcere damnatorum, pœnarumq[ue] loco, sive Orco ac Inferno Islandico, quem non solum in monte Heclâ, ejusq[ue] cavernis; sed & in insana

insanā hac glaciei mole nonnulli collocarunt, egregie refutat Arngrimus Commentar. de Islandia : ubi etiam inter alia hæc addit colophonis loco : *Scimus & tenemus de impiorum animabus, non in montanos focos & cineres, vel glaciem nostris oculis expositam, despectere : sed in extremas mox abripi tenebras, ubi est fletus & stridor dentium ; ubi est frigus, ubi est ignis ille non vulgaris, sed extra nostram scientiam & subtilem disputationem positus.*

V. II. *Quantiscunq; nodorum condylis obseretur*] *Con-* *dylus*, *κόνδυλος*, digiti articulus, nodus, junctura, incurvatura, qua digitus flectitur, & eminens ac stricta in pugnum palma. Hinc tralatē, pro quavis nodorum confertione. Saxo iterum Lib. VI. *Cujus altera mox sagitta comes mediis digitorum condylis impacta successit.* Martianus Capella de Nuptiis Phil. & Merc. Lib. I. pag. 21. *Eudemq; quibus fuerat eblandita ictibus crebris verticem, complicatisq; in condylos digiti vulnerabat.* Domitius ad illud Martialis Lib. V. C. Epigr. LXXX.

*Sed quod non grave sit, nec infacetum
Parvi tibia condyli sonabis.*

Condylus, inquit, in Musicis dicitur digitorum curvatura, usq; ad dimidium orbem. Catholicon Fr. Johannis de Janua in voce *Condylus* : *A Condo, ait, dicitur condylus, id est, nodus, & præcipue, qui apparet in articulo digitorum, pugno clauso, quo solemus quandoq; capita puerorum percutere ludendo, & maximam lesionem inferre.* Hesychius : *Κόνδυλις, κολάφις.* *Κόνδυλος*, ἐπεὶ ὅν τι κολάφει. Julius Pollux Lib. VIII. cap. 7. Ἰπερὶ δὲ τῆς καὶ κόνδυλιν ἐφ. καὶ τὸ παθεῖν κόνδυλιν ἐφ. Hoc est : Hyperides verò, nodos digitorum infringere dixit & illud pati, articulis contundi. Cælius Rhodiginus Lect. Antiq. Lib. IV. Cap. 3. *Digitorum verò partes hæc : Quod prominet in commissura, vocatur Condylus : dicitur & eodem vocabulo percussus eo inflatus ; & inde verbum κόνδυλιν.* Sunt qui hoc nomine pugnum intelligant. Hinc est illud Plutarchi in Junioris Catonis vitâ, formâ proverbij enunciatum : *Erat, inquit, ei χαρμῆς ὁ παιδαγωγός, καὶ λόγον ἔχων τὸ κόνδυλον περὶ χειρῶν.* Erat Præceptor ejus urbanus, promptiorq; ad inducendum ratione, quàm pugno. Condylō interemptum ab Hercule, in Oenei convivio, puerum legimus, qui manibus aquam infundebat ; quem Archiam Hellanicus nuncupatum scribit. Therfitem quoq; Condylis ab Achille interfectum Græci scribunt, quoniam Penthesileæ à se interemptæ oculum hastâ percussisset. Lexicon Græcolatinum Vetus, quod unâ cum aliis Glossariis edidit Bonav. Vulcanius : *Κόνδυλος*, *Colafus*. *κόνδυλος* ποδὸς ἢ χειρὸς, hoc Talitrum.

15. *Molis, cujus pars erat, discessum insequitur.]* Mira glaciei hujus Sympathia, si vera, esset.

A *Atqui sæpe vidimus, inquit Arngrimus Commentarij de Islandia, pag. 33. ejusmodi solitarium molem, post abactam reliquam glaciem, nullis vestibus, nullis machinis detentam ad litus multis septimanis consistere. Palam est igitur, illud de glacie miraculum fundamentū niti, quam est ipsa glacies, magis lubrico.*

17. *Versili quadam mutatione transponi]* A Martiano Capella vocem hanc Saxo mutuatus est, prout multa ab eo auctore passim habet. Is igitur Lib. IV. p. 135.

*Faceſſat ergò versilis profunditas,
Reliquumq; tempus liqueris sororibus.*

Ubi pro *Versilis* Cl. vir, & Philologus eminentissimus, Caspar Barthius legit *vertilis*, quod tamen eodem recidit : adducitq; locum Tibulli Panegyrico Messalæ :

*Vixerit ille senex, quamvis dum terna per orbem
Secula vertilibus Titan decurrerit horis.*

Sic enim restituit ; ubi antea legebatur, *fertilibus*. Sidonius Panegyrico Majorani.

*Crassatur vertile tergum
Flatibus.*

Sic ipse Saxo infra :

*nunc laxo poplite tendor
Versilis, inq; novos converti cerea vultus.*

In quo versu Gerardus Vossius, quo nihil unquam doctius Belgium tulit, Lib. II. de Analogia. pag. 400. contendit pro *versilis* legendum *vertilis*, cum sit à præfenti *verto*, ut, *ago, agilis ; facio, facilis.*

20. *Quos fundæ glacialis urna desorbuit]* Insolens tralatio. Voragines quæ homines inopinanter absorbent, comparat Saxo cum fundâ, seu urnâ, ob profundam & vastam capacitatem. Sic fontem quendam in Sosthenis horto similem fundæ facit Eustathius Lib. I. pag. 9. *Φρέαρ ὡς εἰς πήχεις ὀρευκτο τέσσαρας. σφενδόνη τὸ χῆμα τῶ Φρέατι.* Fons quatuor aut circiter cubitos altus in fundæ figuram assurgit. Ita & orbem terrarum Oceano cinctum, fundæ assimilat Dionysius Afer mox sub initium Cosmographiæ suæ :

*ἐν γὰρ ἐκείνῳ
Πᾶσι χθονί, ἅτε νῆσσι ἀπέλειπε ἔσχατα
Φάνεσται
Ὅν μὲν πᾶσι διαπρὸς περὶ δόξῃ, ἀλλὰ
διαμφίς
Ὅζυτέρη βεβαῖα πρὸς ἡέλοιο κελεύθε
Σφενδόνη εἰοικῆα.*

*In illo enim
Tota terra, velut insula intermina cincta est.
Non quidem tota continuo orbis via, verum
utrinq;*

*Acutior, vergens contra solis viæ
Funda similis.*

Eodem ferè sensu ipsum mare, puteum aquarum appellavit Monachus Florentinus, Acconensis Episcopus, de expugnata Ptolemaide libro:

*Nam dum illos sorbuit puteus aquarum
Esca fuerunt volucrum atq; belluarum.*

21. *Pestilentis undæ laticem*] Ejusmodi fontem nullum planè in Islandia agnoscit Arngrimus, Commentarij de Islandia fol. 40. Nos Islandi, inquit, hunc fontem, ut antehac semper, itidem etiã nobis hodiè penitus ignotum testamur, Deoq; immortales gratias agimus, quòd ab ejusmodi fontibus pestiferis & contagiosis esse nos immunes voluerit. At vero Plinius auctor est juxta Nonarim Arcadiæ esse aquam, quæ epota illico necat: & in Berofo Taurorum colle tres esse fontes, sine remedio, sine dolore mortiferos.

23. *Cerealis poculi proprietatem*] Cereale poculum cerevisiam nominat, quæ ex Cerere, hoc est, frugibus, coquitur. Cereale gramen fruges dixit Galterus Lib. 1. Alexandreidos pag. 10. qui floruit circiter annum 1160.

*Emicat extemplo castris, & in ardua montis
Erumpens, Asia metitur lumine fines:*

*Hinc ubi vernantes, cereali gramine campos
Tot nemorum saltus, tot prata virentibus herbis
Lascivire videt.*

Ejusmodi verò fontem, qui sapore cerealem liquorem referat, alicubi in Islandia inveniri, non diffitetur Arngrimus pag. 38. Commentarij sui; quum verisimile sit aquas eam sæpè referre qualitatem terræ, in qua generantur, & per cujus venas transitum atq; excursum habent. Tales sunt fontes, quos Seneca tradit vini saporem & virtutem repræsentare. Et Plinius testatur in Andro insula fontem esse, in templo Liberi, qui Nonis Janvar. vini sapore fluat. Arngrimo altipulatur M. Brynolfus Svenonius in Conjectaneis suis: *Cerealis aquæ mentionem apud nos factam, quæ propè Stadarstad, Occidentem versus, sit sita, non diffiteor, inquit. Acida dicitur & tenuis, ab ipsis, qui degustarunt; caput verò non petit, neq; ullo effectû in corpore nobili audit, quod hominum forsân ruditati est transcribendum. Ex venâ salivæ crediderim, quæ Vitrioli contagio acescat.*

Ibid. *Qui cum linum consumere nequeant*] Ignem linum non consumentem, aquam sulphuratam depascentem, non mirabitur, qui linteum spiritu vini madefactum, admoto igne, non comburi, vinum duntaxat lambi & libari conspexit. Pabuli nimirum subtilitas noxam à crassiore submovet: ignis pabuli tenuitatem persequutus, liquidior est, quàm ut terreum corpus infestet. M. Brynolfus.

24. *Est & Saxum*] Id qui credere volet, inquit Arngrimus, quid incredibile ducet? Est enim commentum tam inauditum, ut nullum ejus simile fabulatos fuisse Epicureos (qui tamen multa incredibilia excogitasse Luciano visi sunt) constat. Nisi forte hominem qui Islandis proprio nomine Steiñ dicitur, sentit Historicus rupes quasdam circuisse vel circum-

reptasse. Quod etsi ridiculum est in Historiam miraculosam referre, hominem scilicet moveri vel ambulare, tamen ad salvandam Historici fidem, simulandum: ne figmentum illud, per se satù absurdum, nec dignum quod legatur, durum perstringamus.

27. *Oceani vicinantis includitur*] Martianns Capella Lib. VI. pag. 197. *Quarum una vicinantis plaustris algore crustatur.*

28. *Regionem ignoti situs*] Procul dubiò hæc de Grönlandia commemorat Saxo, quæ non adco, B istâ ætate, in vulgus nota.

37. *Harum ortivas partes Scricfinni incolunt*] Variè hoc nomen ab Historicis effertur. Apud Procopium in Gothicis nunc Σκριφιννοι, nunc Σκριβίφιννοι; ab aliis Scritofingi vocantur. Paulus Diaconus Lib. 1. cap. V. Scritobinos nominat. Verba ejus ita habent. Huic loco Scritobini, [sic enim gens illa nominatur,] vicini sunt. Hi à saliendo, juxta linguam barbaram, etymologiam ducunt. Saltibus enim utentes, arte quâdam, ligno incurvo, ad arcus similitudinem, feras assequuntur. Fridericus Lindenbrogius, qui Warnefridum recensuit & observationibus illustravit, vocem hanc esse puramputam Germanicam existimat. Nam, inquit, *Schriten est divaricare & deducere pedes, à Græco σκρίπτω: & Wein / Crus. Inde ergò rectè Scritobini: M. Adamus Bremensis: In confinio Sveonum vel Nordmannorum, contra Boream; habitant Scritofinni. Jornandes in Gothicis, his verbis de Scanzia loquens: Aliæ verò ibi gentes Scretofennæ; qui frumentorum non querunt victum, sed carnibus ferarum atq; avium vivunt. Sic in privilegio Hludenvici Imperatoris, Archiepiscopis Hammaburgensi concessio, sunt Scredewindon; & in diplomate quodam Friderici Imperatoris Scredewindones; Item in Confirmatione Ansgarij, Archiepiscopi Hammaburgensis per Papam Gregorium IV. factâ, Scredewindan: Item in Literis Papæ Innocentij II. ad Adalberonem, Archiepiscopum Hammaburgensem, ipsa regio Scridivindia. In quibus omnibus litera v est consona, duriter sonans ut f, vulgari etiam nunc Germanorum more. Hujus gentis majorem partem Regi Daniæ tributa pendere puto, quatenus videlicet hæreditaria Norvegiæ scepra moderatur. De Scricfinnis hæc habet Andreas Buræus in descriptione Sveciæ p. 43. Scricfinnia, quam Saxo Sialandicus, aliq; veteres, hic uspiam posuerunt, nulla est: Sed Skidhfinnorum appellatio omnibus Finnonibus Laponibusq; competit, qui soleis illis ligneis, quas nostri Sveci Skidh / Finnones verò Suksi vocant, solent uti; celerimq; super altissimos nives currendo feras insectari, hostemq; insequi, institutumve iter peragere possunt. Cujus rei peritiam maxima pars Nordlandicorum populorum, omnes Finnones Laponessq; habent. De Etymologia nominis semper in eadem cum D. Wörmio nostro fui sententia. Scricfinner enim dictos putavi quasi Scricfinner / quod prærupta montium pandis trabi-*

trabibus, ut Saxo loquitur, vel *Nurtis*, ut ab A. Alexandro Gvagnino vocantur, celerrimo impetu quasi prætervolent. Hinc, at *strie paa Jis/* phrasis puerulis nostris familiaris.

38. *Inusitatis assueta vehicula*] Per inusitata vehicula intelligendæ fortè erunt, vel soleæ illæ lignæ, quas Sveci *Stidher/* Islandi *Stydi* sive *Andrur* vocant, quarum modo facta mentio est: vel curriculi istud genus, instar cymbæ, clavis ligneis compactum, quod Norvagi *Rorris* dicunt. Ejusmodi unicum penes me est, visu non injucundum.

Ibid. *Montium inaccessa*] Græco more. Apulejus Lib. I. *Metamorph.* *Postquam ardua montium, & lubrica vallium, & rosida cespitum, & glebosa camporum emensi.* Sic Lucretius, *clausa viarum, densa domorum, munita viai*, dixit: Tacitus, *subiecta vallium, & sexcenta talia.*

39. *Dispendio lubricæ flexionis*] Quia scilicet per varios anfractus & circuitus, non recto tramite ad montium cacumina eniti soleant. Compendium verò esset, si absq; ambagibus eo pertinere possent.

45. *Giganteo quondam cultu exercitam*] Qui obstinatè negant, vastâ quadam corporum mole, & extra communem sortem, procera staturæ homines olim, & præcipuè in Dania, cæterisq; regnis Borealibus, extitisse; conanturq; omnia, quæ non solum in prophanis, sed etiam sacris literis de Gigantibus leguntur, nunc figmentorum Poëticorum nomine, nunc per allegorias Physicas, interdum etiam Morales, eludere: nã illi cum ratione infaniunt; nec magis sapiunt, quam bene olent, qui in culina habitant, ut cum Petronio loquar. Nobis verò intra has Notarum angustias coactis, in præsentia sufficiat benevolum Lectorem ablegasse ad præstantissimos quosque & indubitatæ fidei Scriptores, qui pravam hanc opinionem nervosè coar-

guent. Quos inter familiam ducunt Cæsar comment. Belli Gallici Lib. I. Tacitus de moribus Germanorum, & Annal. Lib. II. Florus Lib. III. Cap. 3. Augustinus Lib. XV. Cap. 9. Quid de Hectore Boetio, luculentissimo Scotorum Historico, dicam? Lib. XI. pag. 240. In agro quodam Scotiæ *Crojudain* vulgo dicto (quod tantundem valet, ac si diceres *mortem Danorum*, quia ibidem innumeri quondam Danorum, in acerrima illa pugna, inter Malcolmum Scotiæ & Canutum Daniæ Reges commissa, occubuerunt) ossa quædam eruta, anno Særvatoris nostri altero à vicefimo supra millesimum quingentesimum, & à se ipso spectata, ingenti plerisque fuisse miraculo scribit. Nam calvariæ dentes, mandibulæ, cæteraq; manibus altantium tractata, non quanta nunc hominum est, sed giganteam molem præ se ferre apertissime videbantur. Neq; dissimilia variis regni Scotici locis veterum detecta cadavera, sese frequentius mortalium oculis offerre spectanda affirmat: argumento illius ætatis homines, eos qui nunc nascuntur, mole corporum longe superasse.

50. *Post diluvialis inundationis excursus*] Martianus Capella Lib. VIII. pag. 274. *Atq; utinam post diluvialis inundationis excursus, Athenarumq; urbem longâ intercapedine restitutam, nullæ me in Graciæ terrestres illecebræ cognovissent.*

53. *Cujus supra mentionem fecimus.*] Paginâ nimirum eadem, his verbis: *Eadem à Septentrione regionem ignoti situs ac nominis intuetur &c.* usq; ad illa verba: *per paucis eam ingredientibus salutarem redditam tribuit.*

55. *Nunc Stylum ad propositum transferam.*] Formula post Digressionem reveniendi ad propositum non inveniusta: qualis est illa Taciti Lib. II. *Histor.* *Sed me veterum novorumq; morum reputatio longius tulit. Nunc ad rerum ordinem venio.*

HACTENUS NOTÆ IN PRÆFATIONEM;

SEQUUNTUR NOTÆ IN LIBR. I. HISTORIÆ DANICÆ SAXONIS GRAMMATICI.

Pag. 5. vers. 4.

D *An igitur & Angul*] Non fuisse ante Danum hæc loca deserta, aut cultoribus vacua, famæ vetustati credi par est, quæ per tot sæcula literis prodita, haud temerè ita tenuit. Sed separatæ naturâ, ac imperio disjunctæ insulæ & provinciæ, diversos ferè singulæ antiquitus habuere Regulos, qui populo jus reddabant. Nam hoc muneris præcipuè, nondum scriptis legibus, ex arbitrio usurpantes, *Judicium* nomine appellari elegerunt, haud ambizioso aut invidioso in vulgus honore qualemcunq; suam imperandi potestatem complexi. Eorum tamen alius alius præ cæteris eminebat, & modo

in continenti provinciâ, modò in aliqua Insularum regnans præstabat, prout quisque aut prudentiâ sibi auctoritatem paraverat, aut potentiam auctis viribus dilatârat.

Ibid. *A quibus Danorum cæpit origo*] Nunquam igitur ab illa nos opinione divelli patiamur, quin *Danum Humbli* filium principem gentis nostræ *ὀνομαζέγον* agnoscamus. Nam quod ad illam attinet appellationem, quâ plerique Scriptorum veterum, in prinis sæculi sequioris, nos *Dacos* indigirent: in eâ semper persisto sententiâ longe fuisse alios, quàm nos *Danos*; & *Dacorum* nomen in mediâ barbarie ab homi-

num imperitia genti *Danorum* impositum, sicut *Dacia*, regno. Certè quis nescit Adamum Bremensem, qui longè antè Saxonem nostrum scripsit, & Paulum Diaconum, quem citat Saxo, nunquàm *Dacos* gentem nostram nominare? Et Saxo ipse cum valdè sit varius in vocabulo gentis vicinæ, *Suecos*, *Suecones*, *Svet hos*, & nescio an uspiam *Suevo*s nuncupans, *Danos* nos suos populares constanter vocat. Quod autem *Danorum* Rex, *Dacorum* se Regem, non *Danorum*, in antiquis Diplomatis scribat, id vitio ætatis, atq; hominum incuriæ planè ascribendum erit, qui sæpè propter dictionum similitudinem alteram, quemadmodum fieri solet, pro alterâ imperitè usurparint. Hinc quoq; in fumum jam abeunt cæteræ hujus vocis origines, quamlibet speciosæ, & veri nonnulla allusione munitæ, qualis est illa viri cujusdam docti, qui *Danos à Dahis & Scythis* deducit. Nam Joh. Goropium Becanum cum suo gallo gallinaceo jam dudum explosèrè, quibus *de meliore luto finxit præcordia Titan*. Sunt qui à Julio Cæsare *Daniam à dando* dictam esse existiment, quod quum Cimbri lebetem magnæ æstimationis ei donassent, non mediocrem ab eo liberalitatis laudem abstulerint.

5. *Patre Humblo procreati*] De Humblo nihil admodum in Antiquitates nostras relatum, præterquàm quod Scania & Selandiæ summâ cum potestate præfuerit, & variis ejusdem Insulæ locis, ut *Humbleore*, *Humblebeck*, aliisq; nomina imposuerit. Vulfgangus Lazius Lib. 9. de migrat. Gent. ab hocce Humblo, quem *Humelum* vocat, *Amalam* gentem, sive familiam Gothorum famigeratissimam processisse contendit. Johannes Magnus Historiæ Gothicæ Lib. I. Cap. V. Humblum, sive, ut ipse appellat, *Humelum*, XVI. Gothorum Regem fuisse tradit, Humulphi filium, Bericonis nepotem, cumq; ex Gesilda, nobilissimâ conjuge Svetica, duos suscepisse filios Danum & Angulum. Sed quàm rectè, ipse viderit. Vir incomparabilis, & Historicus eminentissimus, mihiq; dum vixit, Collega, Compater, & Amicus conjunctissimus, D. Joannes Meursius, *ὁ μακροβίος*, sub initium Lib. I. Historiæ Danicæ de Humblo hæc commemorat: *Erat autem Humblus iste è prosapia giganteâ, & in Sialandia auctoritate ac potentia eminebat. Neq; Sialandiam tantum, verum etiam Langelandiam, item Monam, insulas in mari Balthico, uno omnes Viteslettæ nomine dictas, suâ in potestate habebat. Aedes illi permagnificæ; quarum hodie etiam vestigia exstant, juxta silvam, quæ nunc quoq; velut tantæ monumentum antiquitatis, Humbli dicitur, inter Ringstadium & Rosbildiam, pari fere intervallo, ubi hodie Svenstrupium. Etiam ad Oresundæ freti ripam pagus quidam Humblebequa. Videatur etiam de Humblo Joh. Isac. Pontanus, celeberrimus Historiographus, Historiæ Danicæ Lib. I. Porro quod Viteslettæ*

A nomenclaturam attinet, certissimum est sic dictas Sialandiam, Falstriam, Laulandiam, Langelandiam, Mœoniam, Balthici maris insulas, quasi *Latam planitiem*, vel *Vitarum campum*: priusquam Dan, devictis Saxonibus, Cimbria etiam potitus, quicquid intra Eydoram flumen versus aquilonem continetur, indeq; ad ortum longo retrocedit tractu, usq; ad fines Gothiæ Svecicæ, de suo nomine *Daniam*, vernacula Lingua nostrâ *Danmark*, incolasq; regni *Danos*, de nomine suo appellaret.

7. *Quantquam Dudo rerum Aquitanicarum scriptor Danos à Danais ortos*] Dudo iste, super Congregationem S. Quintini Decanus, scripsit de moribus & actis primorum Normanniæ Ducum Libros III. eosq; Adalberoni Episcopo Laudunensi inscripsit. Hunc unâ cum aliis rerum Normannicarum antiquis Scriptoribus divulgavit Andreas Duchesnius Turonensis. Verba autem, quæ ad testimoniûm citat Saxo, mox in limine operis exstant, & sic habent: *Igitur Daci nuncupantur à suis Danais, vel Dani, glorianturq; se ex Antenore progenitos; qui, quæ Trojæ fuerunt, depopulatis, medijs elapsus Achivis, Iliricos fines pertravit cum suis.*

10. *Ob egregia fortitudinis merita*] Sic omninò erat. Neq; ulla ferè virtus togata perinde in pretio erat, atq; animi corporisq; robur, & quæ ad hostium ingentem stragem faciendam spectabat. Cæteræ magnâ ex parte contemptim habitæ, & ut viris principibus indignæ, vulgares, mollicellæ, ac rejiculæ videbantur. Quam opinionem, quo firmius agrestium animis imprimeret Odinus, prisca simplicitatis atq; ruditatis interpolator, *σοφὸν Παρμανον* excogitavit, svadens, post animæ à corpore separationem, eos demum apud se, & alios divos, qui, à morte, Valicæ aulae imperitarent, perpetuâ voluptate fruituros esse, qui sangvinariam mortem intrepidè oppeterent, nec per ignaviam lecto affixi exspirarent, velut convivas Asiaticorum epulationis deceret. Tum quo quis plures in bello obtruncaret, eo locum honoratiorem in compotatione illa immortalis consequuturum, persuasum erat, pocillatoribus & ministris futuris occisori, quotquot occidisset. Hac miserâ vanitate se, mortem solatur sub ipsam, Rex Daniæ, Ragnar Lodhbrok. M. Brunolfus.

15. *Provincia, cui præerat*] Angliæ nimirum Cimbricæ, non Britannicæ. Illa autem provinciola est inter Jutlandiam & Holsatiam, seu inter sinum Flensburgensem & Sliam fluvium, interjecta, hodieq; ANGLEND dicta. Inspiciat Lector Chorographicam Holsatiæ Tabulam, nuper ab Hondio accuratè editam. Situm illius tractus confirmat etiam vetustus Scriptor Ethelverdus abnepos Adulphi Regis, qui floruit circa Ann. Chr. DCCCCL. Cujus hæc sunt verba: *Anglia vetus sita est inter Saxones & Giotos (Jutos intel-*

intellige) habens oppidum capitale, quod sermone Saxonico *SLESVICH*, secundum verò Danos *HAITEBY* dicitur.

18. Testis est Beda] Videlicet Lib. i. Historiæ Ecclesiasticæ, Cap. XV. Anno ab incarnatione Domini CCCIX. Anglorum sive Saxonum gens, invitata à Rege præfato (Vortigerio) Britanniam tribus longis navibus advehitur, & in orientali parte insulæ, jubente eodem Rege, locum manendi, quasi pro patriâ pugnatura, re autem verâ hanc expugnatura, suscepit. Et paulo post: Advenerant autem de tribus Germaniæ populis fortioribus, id est, Saxonibus, Angli, Viri. Ubi recte Jutis legit Matthæus Vestmonasteriensis, & Gu. Cambdenus ita se in MS. invenisse fatetur. Et mox idem: Porro de Angliis, hoc est, de illa patriâ, quæ Anglia dicitur, & ab eo tempore usq; hodiè manere deserta inter provincias Vitarum & Saxonum perhibetur, Orientales Angli, ceteriq; Anglorum populi sunt orti. Hactenus Beda. Observationem vero meretur, quod Cambdenus tradat circa Ann. Chr. DCCC. Egbertum quendam occiduorum Saxonum Regem, septem illa Regna, in quæ Britanniam Anglo-Saxones distribuerant, cum in unius imperium devenissent, promulgato edicto *ENGLELOND* vocari jussisse, id est Anglorum terram. Unde Latine *Anglia* dicta, ab *Anglis* facta appellatione, qui ex tribus hisce populis & numerosissimi erant & fortissimi. A quibus longo jam antea tempore in universum Angli, & suâ lingvâ *Engla-theod*, *Anglcynne*, *Englcynne*, & *Engliscmon* dicti fuerunt, licet quodlibet Regnum suo seorsim gaudebat nomine: Tunc temporis, inquit, *Britanniæ* nomen oblitteratam inter hujus Insulæ incolæ jacuit, & tantum in libris superstit. Unde injurius nimium est Saxoni nostro Alberrus ille Crantzius, qui perperam intellecto contextu, de Angulo ipso, non de posteris ejus hoc accipit.

24. *Grytha summa inter Teutones dignitas*] Gretam hanc Ducis Saxonie filiam fuisse *Svaningius* noster Lib. 2. Commentar. testatur.

26. *Lechuri Regem veteres affixu humo saxi infestere*] De antiquo electionis ritu notatu digna sunt, quæ *Svaningius* loco jam dicto in medium adducit: Quum de sepultura Cimbrorum, & quem in sepeliendis suis defunctis morem olim servarint, nonnulla sunt annotata: pari modo, quæ ceremoniâ in eligendo Rege antiquitus Cimbri usi sint, breviter ostendam. Locum igitur publicæ regie electionis postquam incolis convenientem, ad quem nullâ obstante itineris difficultate, omnes, qui erant vocati, venire possent, elegissent, saxa grandia singulari operâ atq; studio conquiri, atq; in eundem locum, quem electioni regie destinarent, comportari

curarunt. Neq; enim tunc, quemadmodum hodiè destinata electioni regie certa erant loca, sed pro arbitrio sententiâq; eorum, qui autoritate potentiaq; alios antecellebant, eligebantur. Huc comportata saxa conscendentes hi, quibus eligendi jus commendatum erat, circumstante populo, suffragia ex iis ferebant, significantes per se hoc, quod quemadmodum saxa suo pondere gravitateq; immobilia sint, nec absq; magno labore ab uno loco in alium dimoveantur, ita suffragia in electione regie data, & vicissim promissa jurataq; regis, modo in honorem Dei, & in utilitatem regni cedant, firma, immutabilia, atq; inviolata esse oportere, nec ad quemlibet vulgi strepitum atq; popularem motum leviter sic mutari, ut cui semel deliberato animo data sint, postea levi de causa eidem suffragia adimantur, modo ne sit talis, quæ cum Deo & natura belligeratur. Fides enim, quæ inde nomen suum habet, ut fiat quod dictum factumq; est, cum sit fundamentum omnium suffragiorum, sedetum, pactorum, atq; omnium actionum humanarum, tam publicarum, quam privatarum, instar gravissimi saxi ponderosa sit necesse est, si imperia, regna, respublica, imò si Oeconomia quamlibet parva in flore & honore suo debito maneat ac conservetur. Cæterum ejusmodi saxa, quæ ut plurimum, duodecim fuerunt, hodieq; multis in locis apud nos conspiciuntur, in Selandia nostra prope Lethram, vulgo *LEIRE*, civitatem olim Regiam, locus extat *KONGSTOLEN*, seu sedes regia, grandi saxo inter reliqua conspicuus, qui eligendo Regi olim fuit deputatus, & etiamnum seniorum hac de re relationibus nobilitatus. Operæ erit pretium consulere Lib. i. Monumentor. Danic. Cap. XII. Viri Doctissimi, Dn. D. Olai Wormij, cui patriæ Antiquitates, è profundis tenebris erutz æternam lucem debent. Parilis exemplum ritus in Svecicâ extat Historiâ. Nam extra civitatem Upsalensem, ad unum milliare, in plano campo situs fuit lapis, quem *MORASTEEN* appellant, Regie electioni ab antiquissimo tempore dedicatus. Johannes Magnus Historiæ Gothicæ Lib. XXI. Olaus Magnus Lib. VIII. Cap. I. Johannes Messenius in Paraphrasi Theatri Nobilitatis Svecanæ, p. 108. Hector quoq; Boetius Lib. i. Histor. Scot. mentionem facit marmoris cujusdam, cui *Gathelus* insidens, *Brigantia*, ubi Scotorum regiam instituerat, populo jurâ dicit. Fuit is lapis cathedræ instar fatalis, ut qui ubicunq; inveniretur, Scotis regnum præstenderet. Hinc usu venit, ut de Hispania in Hiberniam vecti, & de Hibernia in eam Albionis partem, quæ nunc Scotia appellatur, Scotorum Reges in eo marmore inidentes, usq; ad Roberti primi, Scotorum Regis, tempora coronarentur. Inscriptio lapidi longa post secula, [uti res ipsa indicat] hæc est insculpta:

Ni fallat fatum, Scoti quocunq; locatum
Invenient lapidem, regnare tenentur ibidem.

27. Subjectorum lapidum firmitate] Petrus Chrysologus Sermone LXXIV. de resurrectione Christi : *Sedebat (angelus) super petram, ut soliditas sedis daret credentibus firmitatem.*

31. Fraternali injurijs imperium abdicare coactus] Exclamat heic Crantzius: *Quam similem Romano, hujus regni constitutio nanciscitur originem! Sed ibi:*

*Fraterno primi maduerunt sanguine muri:
hic autem modestiori exitu, regno cedens frater germano, privatus vixit.*

32. Ut plus splendoris, ita minus securitatis aulis, quam tuguriis inesse.] Egregia sanè dubiæ aulicorum sortis repræsentatio: quam desumptam omnino arbitror ex Lib. VII. Cap. I. Valerij Maximi. Cum enim Gyges regno Lydiæ armis & divitijs abundatissimo inflatus, Apollinem Pythium sciscitatum venisset, an aliquis mortalium se esset felicior? Deus ex abdito sacrarij specu voce missa, Aglaum Urophidum ei prætulit. Is erat Arcadum pauperrimus, sed ætate jam senior: terminos agelli sui nunquam excesserat, parvuli ruris fructibus contentus. Verum profecto beatæ vitæ finem Apollo, non adumbratum, oraculi sagacitate complexus est. Quocirca insolenter fulgore fortunæ suæ glorianti respondit, magis se probare SECURITATE RIDENS TUGURIUM, QUAM TRISTEM CURIS ET SOLICITUDINIBUS AULAM: paucas glebas pavoris expertes, quam pinguißima Lydiæ arva metu referta: & unum aut alterum jugum boum facilis tutelæ, quam exercitus & arma, & equitatum voracibus impensis onerosum: & usus necessarij horreolum nulli nimis appetendum, quam thesauros omnium insidijs & cupiditatibus expositos. Ita Gyges dum ad stipulatorem vanæ opinionis Deum habere concupiscit, ubinam solida & secunda esset felicitas, didicit. Lucanus Lib. V. vers. 527.

————— ô vitæ tuta facultas
Pauperis, angustiq; laris! ô munera nondum
Intellecta Deum! —————

Seneca Tragicus Hippolyto:

*Quantum casus humana rotant,
Minus in parvis fortuna furit,
Levisq; ferit leviora Deus.*

SERVAT PLACIDOS OBSCURA QUIES,
PRÆBET SOMNOS CASA SECUROS.

Huc facit insignis ille D. Cypriani locus Lib. II. Epist. 2. de lubrica fortunâ aulicorum: An tu, inquit, vel illos putas tutos, illos saltè inter honorum insulas & opes largas stabili firmitate securos, quos regalis aulæ splendore fulgentes armorum excubantium tutela circumstat? Major illis, quam ceteris metus est: tam ille timere cogitur, quam timeatur. Exigit pœnas pariter de potentiore sublimitas: fit licet satellitum manu septus, & clausum ac protectum latus numeroso stipatore tueatur. Quam securos non sinit esse subjectos, tam necesse est non sit & ipse securus. Ante ipsos terret potestas sua, quos facit

A esse terribiles. Arridet, ut se viat: blanditur, ut salutat: illicit, ut occidat: extollit, ut deprimat.

34. Ut honoris damno tanquam beneficio gratulari crederetur] Gratulari Saxoni nostro frequenti in usu est pro gaudere & vehementer letari. Ita sub finem Libri II. Oblato VViggone perinde ac munere gratulatus. Et Lib. IX. Parcus gratulatus est: & alibi passim. Laurentius Valla Elegant. Lib. V. cap. 45. Gratulari, inquit, est verbo testari, te gaudere fortunâ ac felicitate alterius, apud eum B ipsum, qui affectus est felicitate: nonnunquam apud te ipsum, ob tuam felicitatem. Poeta nonnunquam prætereunt Dativum. Quæ fuit causa, ut quidam existimarent hoc verbum idem significare, quod gaudere. Ovidius in Heroid.

Gratulor Occhaliæ titulis accedere nostris.

Idem Libro III. ΚΑΧΟΤΕΧΝΙΑΣ:

*Prisca juvent alios, ego me nunc deniq; natum
Gratulor.*

Quintilianus: Gratulemur jam, quod nulla civitas fame laboret. Apulejus in Apologia: Quod ego gratulor nescisse istos, legisse me. At crebrius usurpant eodem significato mediæ ævi scriptores. Gariopontus, Medicus antiquus, Lib. 3. Cap. 19. Hoc & nos utimur semper, & de ejus effectu gratulamur. Ælnothus de Vita S. Canuti: Gratulare illum cælis evectum. Lupus Abbas Epistola III. Atq; in eo censent mihi gratulandum, in quo nullum gaudij valent demonstrare vestigium. Et mox Epistola IV. Quum eorum quidam super excessu gratissimæ uxoris gratulandum monerent. Ennodius Lib. IX. Epist. XXVI. Facite me de prosperitatis vestre significatione gratulari.

39. Patriæ consternatione perimitur] Hoc est, A conjuratis, quibus odium Tyranni crudele erat, acerq; metus, subito circumventus confundatur. Consternatio interdum seditionem, conjunctionem, tumultum, turbas notat. Suetonius in Julio Cap. 20. Nec quoquam reperto, cui super tali consternatione referre auderet. Et E Claudij Cap. 12. Magnâ consternatione, populus militem quasi proditorem incessere non ante destitit. Valerius Maximus Lib. 4. Subitâ rerum consternatione, & gravi dolore corporis, partum ejicere coacta est. Tacitus Historiar. Lib. 2. Cap. 49. Atq; illum supremas jam cures animo volventem repens tumultus avertit, nuntiata consternatione ac licentia militum: Et Historiar. IV. Cap. 50. Sed ubi Festo consternatio vulgi, centurionis supplicium, veraq; & falsa, more famæ in majus innouere. Curtius Lib. X. Verum ego tam furiosæ consternationis oblitus remedia insanabilibus conor adhibere. Et paulo ante: Ille, quid hæc, inquit, repens consternatio, & tam prociæ atq; diffusa licentia denuntiat? De origine vocis videatur omnino Ludovicus Aurelianus ad Lib. I. Annal. Taciti. p. 157. Cæterum eleganti Epiphonemate Lotheri vitam, concludit Cl. Meursius: At Lotherus, fratris metui liberatus, regno malè comparato pejus utens, cum in quorsvis deserviret, à quibusdam conjuratis, ut tyrannic fieri

feri solet, interficitur: Ceteros exemplo docens, A regna scelere acquisita, ut habentur cum opprobrio, & non sine insolentiâ ac sevitia exercentur: ita odio subditorum concitato, cum ludibrio tandem amitti.

42. Cuncta paternæ contagionis vestigia ingenitæ erroris devio præteribat. J Videtur Saxo verba Dudonis paululum immutata in suum usum, transtulisse, quæ extant Lib. 3. Ubi loquitur de genere humano, à Creatore suo per peccatum descenscente: Vario & diverso itineris calle devius error illud abducit, ne revertatur ad Creatorem suum: Quemadmodum infra Lib. 6. in eadem Metaphorâ persistit, ubi luxuriam Ingelli Regis describit: Degenerem spiritum, atq; à parentum vestigiis obliquo longè calle distortum in obscœnissimas fœditatum voragine præcipitare gaudebat.

49. Cingulo, cujus usum habebat, religandum curavit J Crantzius existimat hunc insolitæ granditatis ursum ad generosum Skioldi conspectum omaem exuisse feritatem, & veluti subitâ consternatione mansueta, se in manus venatorum religandum sponte obtulisse. Id quod non ita planè fando inauditum. Ferunt namq; ingenui roboris nobilitatem feras bestias in homine deprehendere, illi parere, cervicesq; submittere, quas erigunt in degeneres. Sic Henrico, Hollatiæ Comiti, Leo nobilitatis testimonium perhibuit. Crantzius Saxon. Libr. IX. Cap. XXIV. Videantur similia exempla apud Camerarium Hor. Subsicivar. Cap. XXII. Centur. 1. Sed & vero propius, Skioldum immanem hanc beluam, excellenti corporis robore fretum, subegisse: quomodo Heriulfus filius Sigmundi Saunhöfda, Magnatis Norvegiæ, jam tantum octennis, ursum, qui è grege caprarum unam fortè discerpserat, stravisse perhibetur; ac jam duodecennis, indignam patris eadem ultus esse, multaq; alia facinora patrasse, & fortitudinis documenta reliquisse posteris. Arngrimus Jonas in Specimine Islandiæ Historico p. 34.

Pag. 6. v. 6. & 7. Ut ab ipso ceteri Danorum Reges communi quodâ vocabulo Skioldungi nuncuparentur J Longè aliam appellationis hujus originè adducit Edda, quod videlicet ex Skioldo quodam Odini filio, dicti sint Reges Daniæ Skioldungi. Verba Eddæ sic habent, p. 7. Tha byriade Doin serð siná norður fra Gaylandi/ og kom i thad land er theit kallad Reidgotaland: og eignaðis i thui lande alt thad hæn vilde: Hæn setti thar til landa Son sin/ er Skioldur hiet: hans Son var Fridleifur. thadan er suo átte komiñ / er Skioldungar hietur/ thad eru Danatongar. Og thad heitir nu Jorland / er tha var kallad Reidgotaland. Eadem Latine: Tum iter Odinus à parte Saxonis Boreali suscipiens, pervenit in terram tunc dictam Reidgotaland. Ubi omnia ex voto & animi sententiâ successerunt. Huic regioni præfecit filium suum Skioldum, cui filius fuit Fridleifus. Ab ipso genus & prosapia Skioldungorum proflexit, hoc est, Regum Daniæ.

Jutia autem nunc appellatur, quæ tunc Reidgotorum terra dicebatur. Hactenus Edda. At Arngrimus Jonas, doctissimus Islandorum, Reges Skioldungos dictos existimat, quasi Clypeatos, quod hi clypeis & armis præ reliquis polleant. Skioldur enim Clypeum linguâ Islandicâ significat. Verba ejus in literis ad Clariss. D. Wormium hæc sunt: Vox Skioldur Clypeum sonat: Unde Skioldunger/ quasi Clypeatus: nomenclatura Regibus solis Synecdochicè data & debita, quod hi clypeo & armis præ reliquis pollerent. Dicti ita præcipue Daniæ Reges. Inde ad alios etiam Reges appellatio à Rhythmistis extendi cepit. Sed & locum hic meretur M. Brynolfi Svenonij, Episcopi Scalholtensis, de Skioldungis observatio, quam Conjectanea ipsius nobis suppeditant: Moris videlicet tunc erat, ut insignem ab aliquâ virtute Principem cum celebrarent, Poætæ inprimis; etiam posteris ejus, nomen, quo visi erant ipsum honorasse, tribuerent: Sic à Budlonge, Brynhildæ Atlonisq; patre, Budlungi; à Giukone, Sigurdi Fanesbani socero, Giukungi; à Scatone, Rege liberali, qui vis liberaliores, Skatnar dicebantur. Verum Poëtica ista fuerunt & elogia & epitheta. Ità per Synecdochen speciei, Reges omnes à Gråmo, Skioldi filio, denominati: quod ipse Saxo postea docet, & plene sunt horum novæ juxta ac veteres Cantiones.

9. Præcurvebat igitur Skioldus virium complementum animi maturitate J Sensus est: Tam egregiâ fuit indolè Skioldus, ut præcoci sapientiâ, virtute, prudentiâ, & admirandâ ingenij solertiâ, debitum virium incrementum longè anteverteret. Eleganter maturitas à frugibus ad ingenium & animum transfertur. Inprimis apud Ciceronem occurrit Maturitas virtutis, maturitas orationis, maturitas dicendi, maturitas audaciæ, ingenium celeriter maturitatem assecutum, & id genus alia. Verè Quintilianus: Festinata maturitas occidit celerius. Alioquin maturitas absolute, medijs & sequioris ævi scriptoribus in usu E frequenti est pro prudentiâ, sicut maturus pro prudente. Julius Firmicus Lib. 1. Cap. 2. Jupiter facit maturos, bonos, benignos, & modestos. Am. Marcell. Lib. XIV. Non maturitate vel consilijs mitigabat, ut aliquoties celsæ potestates iras Principum molliverunt. Qui & ipse Lib. XVI. eandem maturitatis ac roboris laudem Serapioni cuidam tribuit, quam Saxo huic Skioldo: Latius verò dextrum, inquit, Serapio agebat, etiam tum adultæ lanuginis juvenis, efficaciam præcurrens ætatem. Ubi efficaciam, ni fallor, virtutem, audaciam, robur corporis animiq; denotat.

12. Cum Scato Alemannia Satrapa J Satrapa, & Satrapes, Persicâ voce dicitur, qui Latinis Princeps, Præses, Prator, aut præfectus provinciarum. Est autem Persica vox Achaeschdrapan, Ester. 9. v. 3. Ezra 8. v. 36. ex qua per aphæresin literarum, formatur Latina. Videatur Index locupletissimus in totum opus Curtianum diligentissimi ac accuratissimi Bonorum autorum

Editoris, Viriq; longè Clarissimi & Doctissimi, A Joannis Freinsheimij. Sanctus Pagninus è Syria-
co Asdarpan per *μεταθεσιν* deducit. Usurpatur
Terentio Heavtonim. Act. 3. Sc. 1. Plinio Lib.
5, c. 5. & aliis. Matth. Raderus, Vir Reveren-
dus, in eruditissimis Commentariis ad Lib. 3.
Q. Curtij Cap. 27.

19. *Primus rescindendarum manumissionum Le-
gem edidit*] Rescindere manumissiones hoc loco
est manumissiones irritas facere, planeq; ab-
rogare, & perpetuum servitutis jugum sancire: B
non, ut perperam interpretatur Vir cætera-
doctus, *primum manumissionis consuetudinem in-
troducere & instituere*. Id quod ex sequentibus
patet. Exfertis enim verbis dicit Saxo, ob in-
fidias, quas servus, antea libertate donatus,
Skioldo Regi struxerat, perpetuæ servitutis pœ-
nam non solum ipsi esse irrogatam, sed etiam
unius crimine in omnes libertos eandem re-
dundasse, adeo, ut in posterum omnis liberta-
tis donatio penitus aboleretur. Ita crimen. C
unius, multorum sæpè est pœna. Et sanè imi-
tatus est Saxo, sicut solet, suum Valerium Maxi-
mum, apud quem parilis loquendi ratio occur-
rit Lib. II. Cap. 6. *Indè Massilienses quoq; ad hoc
tempus usurpant disciplinæ gravitatem, præci mori
observantiâ, charitate populi Romani præcipue con-
spicui: qui tres in eodem MANUMISSIONES
RESCINDI permittunt, si ter ab eodem deceptum
dominum cognoscunt.*

23. *Ægros fomentis prosequi*] Ælius Spartia- D
nus de Hadriano Cæsare: *Ægros bis ac ter visi-
tavit, solatijs refovit, consilijs sublevavit, convivijs
suis semper adhibuit; omnia deniq; ad privati homi-
nis modum fecit. Et paulo post: Ægros milites in
hospitijs suis visit. Idem Hadrianus & in concio-
ne, & in Senatu sæpè dixerat: Ita se Rempublicam
gesturum, ut sciret populi rem esse, non propriam:
quomodo hic de Skioldo Saxo loquitur.*

26. *Pecuniam ad milites, gloriam ad ducem re-
dundare debere*] Singulare prorsus & egregium E
continentiæ de se nobis exemplum hic repræ-
sentat Skioldus: cujusmodi in Romanis Duci-
bus & Imperatoribus multa quoq; agnoscit Va-
lerius Maximus Lib. IV. Cap. II. quæ respexisse
videtur Saxo. Nam inter alia, ubi Valerius Pauli
laudat continentiam, qui cum, Persæ Rege de-
victo, Macedonicis opibus veterem atq; hære-
ditariam Romæ paupertatem eo usq; fatiasset,
ut illo tempore primum Pop. Romanus tributis
præstandi onere se liberaret, penates suos nulla F
ex parte locupletiores fecit; hæc subjungit:
*Præclare secum actum existimabat, quod ex illa vi-
ctoria alij pecuniam, ipse gloriam occupasset. Et
mox de Scipione Æmiliano, qui septem servis
sequentibus officio legationis functus est: Puto,
inquit, Carthaginiæ ac Numantiæ spolijs comparare
plures poterat, nisi operum suorum ad se laudem, ma-
nubias ad patriam redundare maluisset. Tali quoq;
animo divitiarum contemptore præditus fuit*

Canutus, Patruelis S. Canuti Regis Daniæ, quæ
eam demum quæstuosam esse militiam ratus, quæ glo-
riæ & claritatis stipendium possit acquiri. Saxo
Lib. 13. Hoc etiam nomine potentissimus Da-
norum Rex Frotho ejus nominis tertius, capti-
vam ex Hibernis subactis prædam militi disper-
tavit; *uti se totum avaritiæ expertem, & nimiam re-
rum cupiditate aversum, SOLIUS GLORIÆ lu-
crum appetere testaretur.* Sic Saxo Lib. 16. de
Absolone Archiepiscopo: *Quos Absolone eo usq;
vacuo cunctationis remigio insecutus, vespere ad so-
cios, qui prædæ incubuerant, revertit. Cujus ne
particeps quidem fore sustinuit, gloriam ad se, spolia
ad milites redungere speciosum ducendo. In ean-
dem mentem Silius Italius Lib. XI. de Satrico:*

— mihi magna satis, sat vera superq;
Bellandi merces sit GLORIA: Cætera vobis
Vincantur: quicquid diti devexit Ibero,
Quicquid & Ethnæis jactavit Roma triumphis.
Quin etiam Libyco si quid de littore raptum
Condidit, in vestros venient sine sortibus enses,
Forte domos, quod dextra dabit, nil victor
honoris

Ex opibus posco

Ita etiam de Scythis Justinus Lib. II. pag. 20.
Gens laboribus & bellis aspera, vires corporum im-
mensa, nihil parare quod amittere timeant, nihil vi-
ctores præter gloriam concupiscunt. Galterus Lib.
II. Alexandreidos, de Alexandro milites præ-
lium inituros cohortante:

Me duce signa duces producite, me duce vallum
Sternite, confertos incedite cæde per hostes,
Prælia, non spoliū mecum dividite, cedant
Prælia, prædæ meis, MIHI GLORIA SU-
FICIT UNA

REM VOBIS, MIHI NOMEN AMO

Hinc apud Plutarchum præclarissimus ille mi-
litæ Dux Themistocles, quum fortè apud mare
obambulans conspiceret ingentem vim varia-
rum prædarum, torques, armillas, littori allidi,
convertebat se ad comitem inquiring; *rolle tu
ista*: denotans militi prædam esse relinquen-
dam, ducis gloriam esse propriam.

34. *Ut in vetustissimis Danorum Carminibus ip-
sius vocabulo Regia nobilitas censeatur*] Habemus
in Edda, ubi de Regum agit Synonymiis,
trium præstantissimorum Poëtarum autorita-
tes, in quibus pro Rege ponitur Gram. Primus
est Arnerus Skald, qui de Barone Thorfin hæc
cecinit:

Nemi dros huc fia sotri
MYI PRAN *NI HIA H444I
Snarlindur Kongur jarla
HMARNIKENR YAKPNA IARMA
Ei draut vid egi
H PRAN4 NIF IPI
Of vagian Gram begia
AP NAPIAK PRAY BIPIA

Observeat cohors quæ spectatum venit
generosum regem Baronum.
Non defecisse ad litus
acerrimo Regi resistere.

Alter est Ottarus Niger, ex quo hæc citantur:

Godmennis darf eg gunar
Pǫrþinnir þar þu þu
Gud briotanda ad mota
Þu þu þu þu þu þu
Har er alnemen ini
*AR IR AMYH IM
In drot med Gram suinum.
IA þu þu þu þu þu þu

Perito opus habeo o viri,
Intercessore.
Milites bellicosi intus sunt
Satellitesq; apud Regem celebrem

Tertius est Halfrodus, cuius hi sunt versus:

Grams Runi letur glymia
PRAYH RNMI MNOR PNAH
Gunrikur hin er huot likar
Þu þu þu þu þu þu
Hogni hamri slegnar
*ARMI *AYRI HMRA
Heipt bradur um sik vader.
*HIB4 BRARNR NY HIF NARH

Regis aulicos excitat strepitum,
Gumericus ubi receptui canitur,
Hugonis malleo diverberatos
Iracundus invadit.

In Epinicio quoq; Egilli Scallagrimi duo habemus exempla: quorum primum est in Strophæ V.

Var at villustadar
NAR AT NIMNHYARH
Vasur Daradar
NARH þu þu þu
Of Grams gladar
AR PRAYH þu þu
Geir vangs radar
Þu þu þu þu þu
Dars i blode
þu þu i þu þu
I brimla mode
I BRIYH þu þu
Flaustur of drunde
Þu þu þu þu þu
Vad um glumde
NAR NY þu þu þu

Pergebat avij loci ubi in cruore
Tela Daradi In mari
Per Regis lata Navis pernavitavit
Cadavera Vulnus circum sonuit.

A Alterum in secunda Strophæ conclusionis:

Bar eg deingils lof
BAR IR þu þu þu þu
A dagna rof
I þu þu þu þu
Kan eg mala miot
YAR IR þu þu þu
I manna siot
I þu þu þu þu
B Or blatra ham
AR þu þu þu þu
Hrodur ber eg Gram
*RARNR BIR IR þu þu
So for dat fram
HAR þu þu þu
Ad flestur opnam.
AR þu þu þu þu

C Protuli Regis laudes Ex risus exsurgens
In silentij ruptura. Encomiasticon fero Regi.
Novi loqui in medio Ita processit
Ut plurimi exciperent. Ut plurimi exciperent.

36. A gladiatoribus vitandi inferendiq; ictus
[consuetudinem] Elegans certe gladiatoris artis
περὶ θεῶν, quam Saxoni suppeditavit Vale-
rius Maximus Lib. II. Cap. 3. Ex ludo C. Aurelij
Scauri doctoribus gladiatorum accersitis, vitandi atq;
inferendi ictus subtiliorem rationem legionibus in-
generavit.

D Educatoris sui Roarj filiam] Educatoris, hoc
est, nutricij. Observationem hic meretur, quod
educandis Heroum liberis non mulieres solum,
verum etiam viri olim adhibiti sint: cuius-
modi Educatorum crebra extat in Saxone nostro
mentio. His nec Græci caruere, nec Romani.
Apulejus Lib. 2. Metamorph. p. 17. Ego sum
Byrrhena illa, cuius forte sepulchre nomen inter tuos
frequentatum educatores retines. Idem Lib. 10.
E Ad quandam compertæ gravitatis educatorem senem
protinus refert. Justinianus Lib. 1. Institut. Tit.
6. §. V. Aut pædagogum, aut nutricem, aut educa-
torem, aut alumnum. Quem locum ita expressit
Theophilus: καὶ τὸ εἰπεῖν ὅτι παιδαγωγὸς καὶ
ἐστὶν, ἢ τροφὸς, ἢ ἀλγυν. Alias Nutricij
dicti sunt Educatores. Glossarium: Nutricius,
τροφος. Inscriptio vetus:

MEMMIA TERTULLA
NUTRICIO SUO ET MATRI
BENE MERENTI POSTERISQ;
SUIS ET SIBI.

Ibid. Coenam sibi collactaneamq;] Glossæ ve-
teres Latino-Gr. Collactaneus, συντροφος,
ὁμογάλακτος. Et Gloss. Græco-latina:
συντροφος, Collactaneus. Historia S. Savinæ
Virginis, quæ extat inter Antiquitates Tri-
castinas, p. 395. Beata verò Savina evigilans ait
ad Maximinolam, collactaneam suam. Collacteam
dixit

dixit Martianus Capella Lib. 1. pag. 3. *Sed quod A Pro gladio Lib. 1.*

fororis ejus collactea, & indiscreto amica fœdere videretur. Et Lib. 2. pag. 27. *Pedissequa ejus Periergia, utrum matre virginis missa an sua, utpote ejus collactea, trepidatione sollicita, quid ageret, conspiciatur.*

42. *Qui cum forte*] Bessus, aut ipse Gram, rectius. Ad Gramum etenim referenda sunt sequentia ferè omnia.

44. *Herculeæ virtutis exemplo monstrorum nisibus obstaturus*] Herculi per omnia similem Gramum facere conatur Saxo, comparatione inter utrūque institutā non adeo absurdā. Quemadmodum etenim Hercules (quod vel illi norunt, qui nondum ære lavantur) & pellem leonis, & clavam gestavit, & præter alia monstra, etiā gigantes domuit: ita & Gramum non solum caprinis tergoribus amictum, sed & horrifico clavæ gestamine armatum, adversus monstrosum illum gigantem, cui filiam Sictrugi Regis desponsatam fuisse ægerimè ferebat, ad pugnam processisse commemorat.

46. *Variis ferarum pellibus circumactus*] *Circumactus* àντι τῷ *Circumamictus*. Odiosa enim ταντολογία hæc esset: caprinis tergoribus amictus; quod mox præcessit: ac variis ferarum pellibus circumamictus, quod subsequitur. Raro quippe solet Saxo idem dicere per idem, aut verba semel posita, statim eādē notione resumere. Dura equidem illa vox prima fronte videtur; sed habet suum auctorem. Nam sic Martianus Capella, quem in succum & sanguinem convertit Saxo, loquitur sub initium Libri V. qui est de Rhetoricā, pag. 137. *Ingens illustrium virorum sequebatur agmen: Inter quos proximi eidem duo diverso habitu, nationeq; prænitentes: quorum unus erat pallio circumactus, alterq; trabeatus. Rectius itaq; infra Libro V. Saxonis nostri de Frothone III. sic legitur: Rex humido nudatus cultu, sicca circumactus veste contegitur. Et Lib. VII. Orbis oculo obviis extitit, qui hispido etiā amiculo circumactus.*

47. *Horrificumq; dextrā gestamen complexus*] *Gestamen* absolute positum vel pro *Clavā*, cujus statim fit mentio, vel quocunq; teli genere, quod manu gestatur. Alioquin *gestaminis* vocem plerumq; usurpant auctores, pro eo, quod geritur, quicquid tandem sit. Virgilius Lib. 3. *Æneidos*, pro *Clipeo*:

*Ære cavo clipeum, magni gestamen Abanti,
Postibus adversis figo* —————

Pro *sepectro*, Valerius Flaccus Lib. 3.

Sceptra manu veterum retinet gestamen avorum:

Idem pro *Saxo*, Lib. VI.

————— *Saxumq; prehensum
Illius & dextrā gestamen, & illius ævi
Concussa molitur humo* —————

*Sic curæ subière ducem, ferrumne capeffas
Imbelle, atq; ævi senior gestamina primi.*

Pro *monili* Lib. VI.

Ac sua virgo Deæ gestamina reddit.

Pro *Conto*, supra eodem libro.

Ante aciem celsi vehitur gestamine conti.

Pro *vestibus* Papinius Lib. *Silvarum* 2.

*Quum tibi, quas vestes, quæ non gestamina mitis
Festinat herus?*

B Et *Thebaidos* Lib. 5.

————— *Sceptrum super, armaq; patris*

Injicio, & notas, regum gestamina, vestes.

Idem pro *Disco*, *Thebaidos* Lib. VII.

Erigit assuetum dextrā gestamen

Ammianus Marcellinus Lib. XVI. pro *pila argentea* posuit, quam manu tenebat Alexander Magnus; *Ille namq; ænea concha supposita, brachio extra cubile protento, pilam tenebat argenteam, ut cum nervorum rigorem sopor laxasset infusus, gestaminis lapsi tinnitus abrumperet somnum.* Apulejus pro *flagro*, Lib. VIII. *Arrepto deniq; flagro, quod semivirū illis proprium gestamen est.* Sic Lib. XI. recenset *gestamina Luna*: *Jam gestamina longè diversa. nam dextera quidam ferebat æreum crepitaculum: laevā verò cymbium dependebat aureum.* Sed alibi *gestamen* Apulejo idem est quod *Sarcina*. *Φέρεμα*. Ult Lib. 3. *Sed gestaminum modus numerum gerulorum excedit.* Et Lib. VII. *Illicò disturbato gestamine furem incurrit.*

54. *Nam tegmine sæpe ferino Contigit audaces delituisse viros*] Locum hunc itā illustrat, in *Conjectaneis* suis M. Brynolfus: *Antiquus Heroum mos, à prisca aliārum etiā gentium magnatibus frequentatus, integendi ferinis pellibus corpora, hic incalcatur: ac πῶς ἂν περιμύδης subest: quæ qualis fuerit, confidenter non dixerim. Suspico tamen hoc diverbium, aut non multò diversum, fuisse: ΑΥΤΗΡ ΝΑΥΥΑΡ ΧΙΤΗΝΡ ΝΛΗΡ ΝΑΡΥΗ ΒΙΠΠΗ: Qst ero vassar hendur under Vargs belgie: Hoc est ad verbum: Sæpe fortes manus ferinū exuviū subsunt.*

Pag. 7. v. 10. *Quove paratur Præstite bellum*] *Præstes*, πρεσβύτης, πρεσβύτης. Sic Saxo Lib. VIII. *Plutonem Orci præstitem* nominat, id est præsidem. Martianus Capella Lib. 2. pag. 38. *Specialis singulis mortalibus Genius admoveatur, quæ etiam præstitem, quod præsit gerundū omnibus, vocaberunt.* Ita *Lares præstites* dicti, quod ædibus præstarent, id est præessent.

Ibid. *Agmina fratris*] Frater iste Gro virginis, quisnam mortalium fuerit, juxta scimus cum ignarissimis, quod nulla omnino ejusdem præcellerit mentio. Fortè habuit Gro fratrem, cui pater Sigtrugus exercitum tanquam Duci committere solebat. Nisi si *fratris* vocabulo intelligendus Gigas ille, cui Gro virgo desponsata fuit, quem Johannes Magnus, Historiæ Gothicæ

Gothicæ scriptor, lib. 2. Cap. 5. *Sumbli Fianorum Regis fratrem* fuisse tradit. Hunc forsitan Gro velut amasium suum fratris nomine, quod erat blandissimum, appellabat. *Fratres* enim puellæ blandientes vocabant interdum amatores suos, & eos, quibuscum consueverant; ut contra adolescentuli amicas suas, easque, quibuscum caput aliquando collimarent, *Sorores* blandè appellabant. Docet hoc apertè Martialis ad Ammianum, quem incesti cum matre arguit:

*O quam blandus es, Ammiane, matri!
Quam blanda est tibi mater, Ammiane!
Fratrem te vocat, & soror vocatur.
Cur vos nomina nequiora tangunt?
Lusum creditis hoc jocumq;? non est
Mater, quæ cupit esse se sororem,
Nec matrem iuvat esse, nec sororem.*

Et Tibullus Lib. 3.

*Hæc tibi vir quondam, nunc frater, casta Neera
Mittit, & accipias munera parva rogat.*

Quos versus à multis frustra tentatos, de amatorio hoc ritu eleganter & rectissime exponit Rex Criticorum Justus Lipsius Variar. Lect. Lib. 2. Cap. 1. & Antiquar. Lection. Lib. 3. *Fratris* igitur & *Sororis* nomen inter lasciva & ærotica olim fuit. Huc pertinet locus Quintiliani in Declamatione 321. *Certe quoties blandiri volumus his, qui esse amici videntur, nulla adulatio procedere ultra hoc nomen potest, quam ut Fratres vocemus.* Verum quid si legendum statuamus hoc loco *patris* pro *fratris*? ut Gro loqui videatur de copiis Sigtrugi patris jamjam adfuturis, & novos hospites ingrato officio excepturis. Sed suum cuiq; stat arbitrium & sententia.

19. *Nec tua bilis Pectora pulset*] *Bilem* pro *irâ* sumi, notissimum est. *Bilis* enim nihil aliud est, nisi fellis humor, qui jecori adhæret, quem *cholera* quoq; dicunt, ex qua ira movetur. Sicut in Proverbio notatur: *Fames & mora bilem in nasum conjiciunt.* Quod de ijs dicitur, qui famis impatientes & moræ fastidio conciti, in iram effervescent. Hinc *bilem* Horatius *difficilem* vocat, quia reddit homines difficiles, id est morosos & iracundos: Lib. 1. Carmin. Oda XIII.

————— *væ, meum*
Fervens difficile bile tumet jecur

Pulsare autem & heic & alibi Saxo usurpat pro *vexare*, *inquietare*, *defatigare*, & simili fere significatu, ad imitationem scriptorum sequioris & mediæ ævi. Hericus Monachus Antissiodorensis, de Vita S. Germani Lib. VI.

Tu Regem precibus pulsatus memento benignis.
Idem paulo ante *pulsatus verberare febris* dixit:
Is tamen immodicæ pulsatus verberare febris
Tabuit infelix: furit ossibus intima pestis.

Ammianus Marcellinus, Lib. XXI. *Quem suspiciones contiguæ veritati pulsabant.* Lib. XIX.

Explorabat modestius percunctando, quamobrem ita palarentur varij, limitesq; contra interdicta pulsarent? Lib. XVIII. *ut apud Principis aures nimium patulas existimationem viri fortis invidia gravi pulsarent.* Lib. XV. *Memor enim somnij, quo vetus erat per quietem, pulsare quemquam insontem.* Ibidem: *Hunc fascem ad arbitrium figmenti composuit, vitam pulsaturus insontis.* Ibidem: *gravi mole criminis pulsabat.* Et Lib. XIV. *Pulsatæ majestatis imperij reus.* Julius Firmicus Lib. 1. Cap. 1. *Imperitia tantum illius, temeritasq;, non Matheſis ipsa pulsanda est.* Idem Lib. 3. *Solent gravi infamie pulsare dedecore.* Et mox: *Ex incestis amoribus gravi pulsatur infamia.* Et Lib. IV. *Qui ob res Venereas frequenti pulsantur infamia.* Et mox infra: *Et qui assiduis ob hoc pulsantur infamijs.* Et Lib. VI. *Aut enim gravi pulsantur infamia.* Petrus Chrysologus Serm. XI. *Diabolus semper boni primordia pulsatur.* Et Serm. XXXI. *Sic Christum persequabantur insidijs, tentabant dolis; interrogatione pulsabant.*

Huc referenda sunt illa, quæ infra notamus ad illa Lib. XIV. Perfidie exprobratione pulsabat.
21. *Namq; petenti Asperum primum*] *Γνώμη παρορμητικὴ* & hæc est, quæ dictum, quo prius illam Groa compellarat, Bessus compensare studet, ac par pari referre. Desitum tamen nunc, si formulam spectes, credam, Conjectio tale quid fuisse: **ΒΑΝΤ
ΙΡ ΒΡΝΘΝΡ ΑΡ ΠΛΗΤΝ ΒΙΡΝΡ,
ΙΚΚ ΝΙΥΜΑΡ ΧΙΡΑΙ:** *Byst er Brudur* ad sensu *Bidit/ en vifnar sidan*: Id est, *Principio dura proco Virgo, non raro postea mollescit.* M. Brynolfus.

31. *A Grip missus enim*] Qui verò Grip hic fuerit, quem se misisse ad Virginum raptum, Gramus dicit, nec ego, nec mei alter similis dicat. Neq; enim verbum de hac missione præcessit; imò sponte sua in Sveoniam venisse perhibetur. Proinde meam conjecturam, donec alia melior incidat aut inculcet, si delectat audire, hæc ea est: nempe *προσωποποιεῖν* heic Gramum, & tectè suum studium negotiumq; Virgini significare, quod sit, raptum, aut ereptum venire illam è præsentaneo periculo, & à Gripo, id est, raptu, qui finis sit instituti itineris, missum, hoc est, instigatum adesse. Juvat conjecturam, quod sequitur *γὰρ γάρμα*, quo, Herorum illis temporibus usitato more, de suo robore magificè gloriatur, dum se nunquam frustra fuisse, quoties rapiendi studium incessit, [quod ego à Grip, hoc est, rapinæ desiderio mitti intelligo] deprædicat. Sed alteri felicius Gripum hunc explicanti parebo. M. Brynolfus *Sveonius in Conjectaneis.*

31. *Nunquam nisi compare voto*] Ergo non inferre se vim dicit Gramus; sed facilem potius Groæ virginis in vota sua consensum exoptare.

32. *Fulcra puellarum*] *Fulcra* pro lectis, pro thala-

thalamo & ipso conjugio usurpant nonnunquam autores, præsertim Poætæ. Sic Prudentius Hamartigeniâ:

*Ruth, dum per stipulas agrestis aburit æstu,
Fulcrâ Booz meruit, castoq; ascita cubili.*

Ipse Saxo infra Lib. V. *Corruptis quoq; matronarum fulcris, ne thoris quidem virginalibus abstinebant.*

36. *Quæ conjux fore Dæmonum*] Carmen est tetrastrophon, tetracolon: cujus primus versus est Glyconicus, alter Asclepiadæus; tertius Jambicus dimeter; quartus Alcmænius, duobus dactylis constans & totidem trochæis. Ideoq; sic dirigendi omnino sunt:

*Quæ conjux fore Dæmonum
Possit monstrigeni conscia semini?
Suum giganti quæ fero
Consociare velit cubile?*

*Quis spinâ digitos fovet?
Quis sincera luto misceat oscula?
Quis membra jungat hispida
Lævibus imparitur locatis?*

*Cum natura reclamitat,
Haud plenum Veneris carpitur otium:
Nec congruit monstris amor
Fœmineo celebratus usu.*

Tertio, inquam, versu legendum, *suum giganti quæ fero*, pro *suumq; gigantifero*.

43. *Lævibus impariter locatis*] Similitudines illæ procul dubio Proverbiales fuerunt. Quæ solebant ratione Virgines, principes inprimis, Juvenum animos tentare, quò procaci & arguta rotundaq; dicacitate acutiores viderentur. Cujus acuminis in dictis eleganter & scitè dandis & referendis, perinde atq; ex armis viri, laudem captabant. *Impariter autem locata membra* dicit, quæ iniquâ conditione sociantur. *M. Brynolfus.*

49. *Regum colla potentium*] Ita & hi versus ordinandi.

*Regum colla potentium
Victrici toties perdomui manu,
Fastus eorum turgidos
Exuperans potiore dextrâ.
Hinc aurum rutilans cape,
Quo perpes maneat pactio munere:
Ac firma consistat fides
Conjugijs adhibenda nostris.*

Sed pro *meorum*, manu legendum: pro *teorum*, eorum: pro *exuperatis*, exuperans. Ita sententia omnino exigit. At *meorum*, pro manu, nec metrum ferat. Horatius Ode. XII. Lib. 2.

*ductaq; per vias
Regum colla minacium.*

Ælnothus Monachus Cantuariensis de Vita S. Canuti: *Hostium vires virtute divinâ subvertere, contumacium colla potentia pede proterere.* Cæterum collum pro fastu & superbia usurpatum frequenter apud varios legere est auctores.

A Solenne autem victorum quondam erat, eorum quos devicerant, colla pedibus conculcare. Id allusit Claudianus VI. Consul. Honorij:

Colla triumphati proculcat Honorius Istri.

Corippus de Justino Juniore Lib. 2. v. 104.

*Cruraq; punicis induxit regia vinculis
Parthica Campano dederant quæ vellera fuso
Quem solet edomitos victor calcare tyrannos
Romanus princeps, & barbara colla domare.*

Tzetzes Grammaticus Chiliad. 3.

B Τὸς τὸν Ρωμαίων ἀνακτε ἡτῆσθαι οἱ πῆσαι
Τραχίλῳ ἢ πατήσθαι, οἱ αὖ δὲ δαλκύνεσθαι.

Michael Glycas parte IV. Annal. de Diogene: *Sed ô casum infelicem, in hostium deniq; potestatem venit, & victus ad Sultanum ducitur. Ille verò solio suo desiliens pro more calcata Diogenis cervicem, mox eum de terrâ erigit, & amanter complexus: Formidinis, inquit, expers esto, Imperator.* Eodem alludit ultimo ævo Gerbertus Epistola XVIII. *Qui regulam S. Benedicti professi estis, & pastorem deferendum abjecistis, colla tyrannis sponte subdidistis.* Et Alanus ab Insulis de planctu Naturæ ad Deum:

*Calcere si vis colla superbiæ,
Pensa caducæ pondus originis.*

Petrus Chrysologus Sermone XVI. *Nos ergò aut vitii nostri facimus, ut illi accipiant potestatem nocendi, aut virtutibus subjecta nobis Dæmonum colla, Christo triumphante, calcemus.* Sic in Sacris Literis, Libro nempe Josvæ Cap. X. v. 24. jussu Josvæ, Principes exercitus imposuerunt pedes collis quinque Regum, videlicet Jeruschalaimorum, Chebronis, Jarmuthi, Lacischi, & Heglonis. Quod autem quis per alium facit, ipse fecisse judicatur, præsertim si autoritate præcipiendi polleat. Ab hoc more defluxit usus verbi *calcere*, pro contemptui prorsus habere, & velut pedibus conterere. Claudianus

Eripe calcatis non prospera cingula Musis

E 50. *Victrici toties perdomui manu*] Iosephus Devonius Lib. V. de bello Trojano, p. III.

*Quinque Arabes, septem Nabatheæ gentis alumnos
Consumit victrice manu*

Pag. 8. vers. 3. *Amatoriis donis prosequi*] Mirum profectò per equidem est, quanti ab antiquis illis omnis ævi Normannis factum aurum! Cujus donatione nihil non venale creditum est. Cædes enim parentum, fratrum, cognatorum, non maximâ pecuniarum erogatione expiatis passim legimus. Cujus pensionis modos varios Vetus Codex Norvagianarum Legum, *Graagaas* dictus, præscribit, & multu scitu non injucunda colliges ex *Nialu*. Itâ notes licet heic, concubitus auro parariò inter principes conciliari. *M. Brynolfus.*

Pag. 8. vers. 12. *Qui cum ab aruspiciibus accipisset, nisi auro Sigtrugum superari non posse*] Hæc de re fusius agit Johannes Magnus Historiæ Gothicæ Lib. 2. c. 5. *Sigthunius, quem alij Sigtrugum vocant,*

vocant, Gothile Regis nepos, ejusq; in regno Suetie A
 successor, dum à suscepti regni principio sacrificia &
 libamina Dijs suis apud Upsalam metropolim offerret,
 suorumq; factorum seriem, ac futuros rerum eventus
 sollicitè inquireret, accepto per Victimarios responso,
 didicit, sibi ab auri metallo supremam perniciem &
 mortem fatali necessitate imminere, ideoq; summo-
 pere ab eo cavendum esse: à ferro, aut chalybe, cæ-
 terisque metallis, nunquam violari vel occidi posse.
 Quocirca cum se Deorum immortalium beneficio in-
 victum putaret, magno atq; imperterrito animo multa B
 bellorum discrimina aggressus est. Svaningius nos-
 ter ad hunc locum: Sigtrugus promissis Vodani
 Idoli sui confisus, cujus responso insuperabilem se, aut
 nunquam ferro periclitum acceperat, plus spei in
 Idolo, quam in armis collocavit. Clarissimus Vir,
 M. Brynolfus Svenonius, Episcopus Scalhol-
 tensis, refert ad incantationes, quibus olim cor-
 pora adversus vulnera durabant: Incantationi-
 bus, inquit, & parentum Nutricumq; devotionibus,
 solebat illa ætas novelli partus corpora, contra omni-
 genes plagas & ictus, solidare atq; indurare; maxi-
 mè contra ferrum & ignes. Multa hujus farinae in ve-
 terum monumentis invenies. Ità Somsvifinga
 Saga pugiles duos ferro invictos describit, Hågvar-
 dum Högvida, & Aslacum Holmskallum; & horum
 alterum à Thorlevo Skinna Islando, clavâ ligneâ com-
 minutum narrat. Sic etenim fere ἀσπιδες illos
 clavâ, ut pistillo, conterere necesse fuit. Memini
 apud Virgilium tale quid extare de Bitia, D
 Æneid. IX.

Tum Bitiam ardentem oculis, animisq; fremen-
 tem,

Non ferro, [neq; enim ferro vitam ille dedisset]
 Sed magnum stridens contorta phalarica venit
 Fulminis acta modo, quam nec duo taurea terga,
 Nec duplici squammâ lorica fidelis & auro
 Sustinuit: collapsa ruunt immania membra.

Similiter Meappus induratus contra ferrum &
 ignes introducit Æneid. VII.

14. Ligneæ clavæ nexilem auri nodum adjecit]
 Varie explicant hunc locum Interpretes. Johan-
 nes Magnus Lib. 2. Cap. VI. hunc in modum
 exponit: Clavam, quam more giganteo gestabat,
 auro infuso ponderosiores effecit, eaq; imminentem
 audacius capiti suo Sigthunium non solum repressit,
 verum etiam multis ictibus contusum occidit. Sva-
 ningius noster loco jam citato: Quod cum Gram-
 mus cognovisset, clavâ, cui globum aureum alligarat,
 armatus, in bellum proficiscitur. Prælio verò com-
 misso Sigtrugum aureo globo tam diu crebris ictibus
 pulsat, donec in terram prostratus animam efflaret.
 Cui consentit Cl. Meurfius in Compendio His-
 tor. Danicæ. Verum Gramus rei gnarus, clavâ
 suâ auro munitâ globo crebris ictibus contusum ster-
 nit tandem & occidit. Sunt qui existimant Gram-
 mum clavam suam aureâ laminâ undique secus
 obduxisse, atq; ita Sigtrugum eâ peremisse.
 Clariss. Vellejus ita exponit: Da lod hand gjore,

en Koffue med eet Guldhoffuet / oc sig hannem
 der med ihjel.

17. Gram serus clavæ gerulus beatae] Beatum
 clavam vocat, vel quasi divitem & locupletem,
 quia auro nexa & circumdata: vel felicem, quia
 victoriam peperit Gramo, interfecto, hujus
 clavæ beneficio, hosti suo Sigtrugo Sveciæ Rege.
 Gerulus, autem est ὁ βασίλειος, qui aliquid gerit.
 Veteribus etiam geruli dicti, οἱ βασίλειοι πέποιτες,
 qui mercedis gratiâ vecturas onerum suo cor-
 pore factitabant: quos bajulos, & gerones Cicero
 & Apulejus vocarunt. Icti gerulum nuntiorum
 appellant, qui novi aliquid nuntiat, quem Am-
 mianus Marcellinus rumigerulum nuncupat, A-
 pulejus gerulum verborum. In sequiore sexu gera-
 lam usurpat infra Saxo; femina quædam clava-
 rum gerula: quomodo Tertullianus adversus
 Judæos: Nec ex equo, vel de muro: sed de nutrici
 & gerula suæ dorso, sive collo hostem designaturus:
 Et Libro de Anima: Non enim exinde & matrem
 Spiritu probat, & nutricem Spiritu examinat, &
 gerulam Spiritu agnoscit.

18. Celebrabat ictu Ensis obtentum] Locus
 planè obscurus: de quo quum ante paucos an-
 nos consulerem Clariss. Virum & Philologum
 incomparabilem, Casparum Barthium, hoc ab
 ipso responsi retuli: Secundo versu non celebra-
 bat, sed terebrabat legimus, indicio optimi libri, quem
 laudavimus. Dixit autem terebrare pro cadere,
 comminvere, pessundare. Ut eorundem temporum
 Scriptor Robertus Monachus Historiæ Palaestinae Lib.
 VIII. Cap. XI. hominem saxo tempora perforatum,
 qui eo deficitur & cunctipata. Obtentus ictu ensis,
 qui illi imminēbat eo modo. Obtinere Saxoni est oc-
 cupare alibi Lib. II.

Cumq; bonum nunquam vestigia certa paterent,
 Obtinuit mæstus fontia corda pavor.

Sed vicinitatem & imminētiā ensis hic dicit.
 quomodo idem Robertus Monachus Lib. II. Cap. I.

E Cum quo Stephanus Comes Carnotensis: qui bonis
 inijs prævios deinceps exitus obtinuit; id est, jun-
 xit, continuavit. Sed & obtinere simpliciter sæ-
 pè vincere sonat. Guilielmus Tyrinus Lib. XXI. Cap. 7.
 In talibus experientia usu comparata longævo & con-
 tinuo, adversus indoctas vires industria sæpe solet ob-
 tinere; Quomodo obtentus victum notat etiam meli-
 ori ævitati. Victor Junior, seu Victorinus in Salo-
 mino; Novissimè adversus Aureolum profectus est.
 Quem cum apud pontem, qui ex ejus nomine Aureolus
 appellatur, obtentum detrusumq; Mediolanum obsedit.
 Hæc Barthius in literis ad me suis. Ex his verò
 colligere licet, hanc esse mentem Barthij, atq; ita
 hæc verba capienda, quasi dicat Saxo: Gram ictu
 ensis terebrabat obtentum, hoc est, devictum Sig-
 trugum. Id quod e diametro pugnare videtur cum
 ipsis Saxonis verbis, quæ præcesserunt; quibus
 innuit Gramum omnis ferri nescium, solo cla-
 væ ictu occidisse Sigtrugum. Nam ictu refe-
 rendum puto non ad ensis, sed subintelligendum
 clavæ,

clavæ, ut sit *ictu clavæ*. Itaq; alium latere sensum arbitror, qui respondere poterit sequentibus: *Pepulitq; trunco tela potentis*. Ergo si locus conjecturæ detur, ita lego: Gram nescius ferri *temerabat*, pro *celebrabat*, hoc est, eludebat ictu, subintellige, *clavæ beatæ, obtentum ensis*, hoc est, *objectum ensis*, quem obtendebat, siue intendebat Sigtrugus Gramo, jamjam eum percussurus: vel potius: Gram *celebrabat obtentum ensis ictu clavæ*, hoc est, Gram loco gladij, quem obtendere siue obijcere capiti, cæterisq; B membris in certaminibus, vitandi ictus causâ, solent, defendebat se ictu clavæ, dum imminentem sibi Sigtrugum, omnis ferri expertus, clavâ aureâ contudit. Nam *celebrare obtentum ensis* formula videtur ex re gladiatoria desumpta, & idem notare, quod hodieq; in dictatis dant Lanistæ, & Pateren dicunt. Vox eadem occurrit infra sub finem Lib. III. Nec solum propriæ salutis obtentum ab astutia mutuatus.

25. Namq; pugnaces meditatus artes.] Sic emendandum duxi, pro eo quod antea legebatur: *pugnaces arces*. Artes namq; *pugnaces* vocat scientiam & peritiâ rei militaris; quæ *ars imperatoria* Quintiliano dicitur Lib. 2. Cap. 17. & *ars armorum* eidem, Lib. 2. Cap. 7.

33. *Clarius, post, hoc Agathon manebit*] Ordo & sensus verborum hic est: *Hoc Agathon*, id est illustre hoc nomen, quod jam re tam præclare adversus Sigtrugum gesta sibi conciliavit Gramus, cui scilicet *Agatho, suus auctor*, hoc est perpetuus laudator, semper *arroget*, pro tribuit, addit, assignat, [quomodo Horatius 2. Epist. *Arroget pretium rei.*] *laudem decorisq; culmen*, adeo ut nunquam non in majus augeat, tam illustre facinus; post, id est, posthac, postea, in posterum, *manebit clarius*, illustrius; non aliter ac Ennius de Q. Fabio Maximo:

Ergo postq; magisq; viri nunc gloria claret.

meliore famâ latè agnitum, & quâ viget virtutis honos, diditum. Cæterum pro *Agathum* scribendum potius *Agathon*. Nam *clarius Agathon* est λαμπρότερον ἀγαθόν, illustrius nomen. Hefychius: Ἀγαθόν, ἀνδρεῖον, γενναῖον. Alij hic legendum contendunt, *agedum*. Nam inquit, rarer in florentissimo hoc scriptore Græca occurrunt vocabula. Sed quàm proclive est eos refutare! Nonne etenim Græca sunt, licet ad incudem Latinam reformata. 1. τὸ Chaos. F 2. Schema. 3. Dyas, tetras, ogdoas. 4. Syngraphus. Hypogæum, Cauterium, & fere sexcenta talia? Et quid usitatius fuit illis scriptoribus; qui seculo uno aut altero ætatem Saxonis vel præcesserunt, vel secuti sunt, quàm Græcas dictiones siue nudas, siue latina civitate donatas, præcipue versæ orationi inserere, quum tamen Latina vocabula non minus ἐμφατικώτερα sup-

A tertiâ Parisiorum, præfatiuncula ad Magistrum suum Aimoinum:

*O Pædagoge sacer meritis
Aimoine pius radians
Digneq; sydereo decore:
Perrogitat mathites liniens
Ore pedes, digitosq; tuos.*

Et paulò post:

*Agnita cujus ut orbe vago
Sepiat æthera palma volans
Doxaq; regnet ubiq; micans
Ore tuo gradiente super.*

Quos versus de industria expressisse videtur hic Saxo noster. Idem Abbo Lib. 1. Ubi de Parisiensi urbe loquitur:

*Sum polis ut Regina micans omnes super urbes.
Sic mox de Carolo Imperatore:
Urbs mandata fuit Karolo nobis basiléo
Imperio cujus regitur totus propè Cosmus.*

C Ut innumera alia loca ejusdem silentio in præsens transmittam. Jam Dudo S. Quintini Decanus, quem ipse noster Saxo non diligenter solum versavit, sed & in multis imitatus est, passim etiam Græca versibus suis admiscet. Sic præfatione ad Præfulem Robertum:

*Præsul amande,
Onoma cujus
Hoc quoq; metrum
Non capit usquam.*

D Item paulò post:

*Atq; salubri
Somatis artus.*

Sic Hericus Monachus Altissiodorensis de Vita S. Germani Lib. VI. pag. 65. *pnevmata ventorum* dixit:

Pnevmata ventorum tempestatumq; tumorem.

Pag. 68. ejusdem libri, *polyformia munera*:

*Hic tu stelligero dispensans omnia scepro
Partiris propriis polyformia munera servis.*

E Pag. 69. *Cauma*, pro æstu:

*Quem sua collatis celebrat plasmatio bombis
Astra, poli, nubes, & machina cuncta polorum,
Solq; sororq; nives, lymphæq; & Spiritus omnis,
Cauma, geluq; dies, & dense nubila noctis.*

Et quid attinet pluria hoc loco exempla nil nisi tædium Lectori paritura accumulare? Nequeo tamen, quin hic etiam subjungam Nobiliss. Barthij de hoc loco sententiam, expositam literis ad me suis, quarum antea mentionem injeci: Nihil aliud cape quàm quod Græca vox sonat τὸ ἀγαθόν. Affectatio enim talium in hoc genere Poëtarum mirifica est. Scilicet unâ Græcâ voce adhibitâ, opinio eos transmarina doctrinâ etiam in rudi barbarie sequebatur, quo in studio nemo tam bonum carmen mediâ ætate scripsit, quin seq; & illud traduceret. Sic Agalma, ornatus est, honor, apud Dudonem præfatione Historie Normanicæ:

Alloquio celebris, virtutum agalmate pinguis.

Et

Et Lib. III.

Religione carens, probitatum agalmate fulgens.

Et Amadæum Lausanensem Homil. 3. in B. Virginem: Libet ipsum divinum agalma, ipsum pretiosissimum vas, in quo Dei verbum est conceptum, apostrophando interrogare. Hujus generis infinita suppeditant Poëmata Valafridi Strabi, Bedæ, Herici Altiissiodorensis, Dudonis modò nominati, Galteri, Gulhelmi Aremonici, Alani, Althelmi. Fortunatum jam ipsum, aliosque omitto, qui nominibus, nedum locis ascribendis, paginam compleverint.

40. *Impari dimicationis genere*] Si ad Gram-
mum id erit referendum, indicat Saxo non unâ
vice, sed pluribus in certamen descendisse ipsum
cum fratribus Svarini: sin vero ad ipsos fratres,
verè dici potest *impar dimicationis genus*, quo se-
decim unum & solum aggressi sunt.

Ibid. *Fraternæ necis ultionem petentes*] So-
lebant plurimi suorum cujusque interfecti pre-
tium ab interfectore requirere, & satisfactio-
nem deposcere. Quod illi, **AT BIRANT
NIPPI BATA**, At beidast Driß Vota;
Danicè, At trassue Voder for Mandstet / dixe-
runt. Quæ expensæ pro conditione & digni-
tate interfecti auctæ vel imminutæ sunt, prout
etiâ spes aut metus erat ab amicitia vel in-
imicitia eorum, qui mortuum genere contig-
erunt. Id si ab occifore negatum est, confve-
verunt quâvis ratione, insidiis an virtute non
referebat, occiforem trucidare: nec antiquius
quicquam illis erat, quàm vindictam maturare:
nec si segnescerent, alia res turpior atq; despi-
ciatior. Ista namq; secordia dicam an ignavia,
probriloco passim objecta est, & vulgi ludibrio
exposita, ut necesse esset in ultionem properare.
Paucissimi quidam, ijq; præter leges, pecunia-
riam satisfactionem a se spreverunt; quam
quidem accipere, **AT TAYI PRAIKKI
HII I HIAÞ**, At tacke Standa sin i Stod /
hoc est, *In crumenam cognatam deponere*, per
contemptum dixerunt. M. Brynolphus.

42. *Imperij consortione donavit*] Consortionis
vox pro Consortio Saxoni familiaris & usitata.
Infra Lib. 7. sub finem: *Quem familiaritatis gra-
dam educationis & crepundiorum consortione ad-
eptus fuerat.* Et Lib. XI. *Decreti circumspèctoris
industria Principum eis consortionem indulxit.* Ha-
bet hanc vocem Saxo, ut pleraq; ex suo Valerio
Maximo. Sic etenim ille Lib. IV. Cap. 6. *Nec
dubito, quin, si quis modò extinctis sensus inest, Pla-
nius & Horestilla, fati consortione, gestientes vultus
tenebris intulerint.* Ejusdem libri Cap. 7. *Siqui-
dem illorum amicitia in consortione deliciarum &
luxuriæ contabuit.* Et Cap. eodem: *Lucius quoq;
Perronius hujusce laudis consortionem meritò vindic-
at.* Utitur etiam Livius Andronicus incertâ
Tragediâ:

Quenam ista societas, quenam consortio est?

Imò nec Tullius noster vocabuli raritatem re-

A fugit Lib. III. de Officijs, ut ex Nonio observat
Clarissimus & maximus ille Gerardus Vossius
in edecumatis suis ad veter. Poët. Fragmenta No-
tis. Cui hac parte favent omnes libri veteres: ne
quis illos moretur, qui *Consociatio* in Cicrone
ediderunt. Quin & apud Vellejum Paterculum
semel atq; iterum eandem vocem legere est: ut
Hist. Lib. 2. Tib. Nero duobus *Consulatibus*, toti-
demq; triumphis actis, tribunitiæ potestatis consortione
æquatus Augusto. Et Paulo post: *Post utriusq; ado-
lescentium obitum facere perseveravit, ut & tribuni-
ciæ potestatis consortionem Neroni constitueret.* Et
apud Livium Libro XL. *Sociabilem consortionem
inter binos Lacedæmoniorum Reges, salutare per
multa secula ipsis patriæq;.* Eâ quoq; voce utitur
Cornelius Celsus, Medicorum Cicero, Lib. VII.
Cap. 27. *Non ignoremus orto cancro sæpè affici sto-
machum, cui cum vesica quedam consortio est.* prout
in optimo codice MS. ex quo variantes le-
ctiones excerpti, legitur. Vulgata exemplaria
habent quoddam consortium.

Ibid. *Occidus vitæ statu*] Occidium, idem
est quod occasui vicinum. Ovidius 15 Meta-
morph. *Senectæ occidus iter declivè dicit.* He-
ricus Monachus Altiissiodorensis Lib. VI. de
Vita S. Germani:

Sic pater occidus sortis suprema canebat

Cæsarius Histerbachcensis Lib. VI. Cap. 5. in
Vita Enffridi Decani ad S. Andream Colonia:
*Etiâ cum esset in ætate occidua, usq; ad diem mortis
sue, non patiebatur se aliquam hebdomadam divini
servitij præterire.* Alias occidium pro eo, quod ad
occidentem spectat, usurpari solet. Josephus
Devonius de bello Trojano: Lib. V.

Prefferat occidium Phæbus jubar

Hericus Monachus de Vita S. Germani Lib. VI.

Phæbus ab occiduis remeans illustrior undis.

Ad eundem modum *Aquas occiduas*, Solem occi-
duum, apud Ovidium; & *Orbem occidium* apud
Claudianum invenies.

47. *Infirmam utriusq; ætatem causatus*] Æta-
tis opportunitatem multos rerum novarum,
studio & spe prædæ transversos egisse, etiam
Rex Numidarum Micipsa apud Sallustium ab-
undè testatus est: qui cum Jugurtham Ma-
sinissæ fratris filium non se luxui, neq; inertiae
corrumpendum dare, sed virtutis viâ ad glo-
riam grassari animadverteret, initio lætus fue-
rat, existimans virtutem Jugurthæ regno suo
gloriæ fore: tamen posteaquam hominem ado-
lescentem, exactâ ætate suâ, & parvis liberis,
magis magisq; crescere intelligebat, vehemen-
ter eo negotio permotus, multa cum animo suo
volvebat. *Terrebat eum natura mortalium avida
imperij & præceps ad explendam animi cupidinem;
præterea opportunitas suæ liberorumq; ætatis, quæ
etiam mediocres viros spe prædæ transversos agit.* Ver-
ba Sallustij sunt sub initium belli Jugurthini.

50. *Nullam ætatis partem virtuti incongruam*]

Id suo exemplo multi apud Saxonem compro- A barunt. Sic Starchaterus ille Lib. VI.

*In viro forti numerosa nemo
Tempora culpet.
Albicet quanquam senio capillus,
Permanet virtus eadem vetustis:
Nec fluens ætas poterit virile
Carpere pectus.*

Sic Haldanum senecta non vetuit Grimmonis immanitatem compescere, Lib. VII. Et ibidem Haldanus Borcari ex Drotta filius, adolescens admodum, pugilem ingenue famæ oppressit. Et rursus ibidem Olo Vegetus duodecim pugiles interimendo, majus adolescentiâ opus perpetravit. Ivarus, Regneri Lodbrog filius, septimum agens annum, insigni pugna editâ, puerili corpore grandævum robur exercuit. Saxo Lib. IX. Josephus Devonius Lib. I. de bello Trojano :

*Tempora certe
Virtutem non prima negant, nec ultima
donant.*

In hanc sententiam aurea planè verba sunt, ut omnia tanti viri, Erycij Puteani, Oratione I. quâ Senatui Mediolanensi pro titulo Professorio gratias agit : Iniqui prorsus & ignari humanæ conditionis sumus, si Annularum legum tenaces, indolem virtutemq; omnem temporis limitibus concludamus. Quemadmodum fruticem interdum fructu latum ac floridum, arborem contra proceram vetulamq; infelicem : sic in puero virum vidimus, & puerum in viro. Erras, erras, si Virtutis, quàm ætatis, cursum tardiozem existimas. Veteres illi, (ut Marcus Tullius ait) Leges Annales non habuerunt, quas multis post annis attulit ambitio, ut gradus essent petitionis inter æquales. Quare factum fuit, ut magna sæpè indoles virtutis, priusquam Reipublicæ prodesse possit, extincta fuerit.

Pag. 9. vers. 2. Propior Virginis, quàm militum charitati] Hoc est, propensior in Virginis, quàm militum amorem, addictus magis Virgini, quàm militibus. Valeriana locutio est. Extat Lib. I. Cap. I. pag. 25. L. Albinus plauistro conjugem ac liberos vehens cum Vestales aspexisset, propior publicæ religioni, quàm privatae charitati, suis, ut plauistro descenderent, imperavit. Eundem in modum Saxo sæpè loquitur : ut Lib. III, & XIV. Propior privatae copulae, quàm publicæ vindictæ.

5. Medendi solertiam proficitur] Inter alias artes, quibus se veteres **RNN** Runi simplici vulgo venditabant, medendi quoq; solertiam profiteri solebant. Quæ sanè non tam in artis Machaoniae exquisita scientia, quàm Runica illa & planè magica vulnerum morborumq; curatione consistebat. Usurpabant etenim etiam hanc ad rem Runas suas **MTRNAA**, sim-

runar dictas, quarum infra extabit mentio. Inprimis vero circumforaneis hisce Medicis in aulis Regum subinde irreperere, aut in pugilum conventicula, quæ sine cæde & sanguine sæpè non peragebantur, sese ingerere, opemq; suam ultro offerre, mos erat. Exempla in Antiquitatibus nostris quamplurima occurrunt. Sic Lib. III. Saxonis nostri ipse Magorum Borealiū princeps Othinus, Rindæ Ruthenorum Regis filiæ medicam præstitit operam, quam tamen paulo post ad stupri licentiam transtulit.

Ibid. Ad postremum] Formula Justinio usitatissima, unde desumpsisse Saxonem nulli dubitamus. Sic etenim ille Lib. VI. Cap. 2. prout vir Clariss. Berneggerus in exquisitissima & utilissima Editione sua distinxit. Ad postremum ipse ad eum pergit. Item Lib. XIII. Cap. 8. Ad postremum tamen Perdicca occiso. Iterum Lib. XIV. Cap. 3. Ad postremum cum Antigonum venire cum exercitu nuntiatum. Rursus Lib. XVI. Cap. 4. Ad postremum adversus plebem nimio otio lascivientem auxilia petiverat. Denuo Lib. XXIV. Cap. 3. Ad postremum tamen petente eo, induciæ duorum mensium datae. Et tandem Lib. XLIV. Cap. 4. Ad postremum laqueo captus, Regi donatus est.

9. Solus in octo pariter spicula moris egi] In octo, id est, Svarinum & septem ejus fratres, de quibus modo dictum. Versus autem sunt Choriambici alcaici tetrametri acatalecti, constantes ex tribus choriambis & Bacchio, sive Amphibrachio. At in quarto versu omnino pro conciliantis reponendum erat conciliantem, sententiâ sic efflagitante.

10. Gladio corripui reducto] Ad eundem loquitur modum Saxo infra Lib. VII. Cujus immorantem ictui dextram Haldanus nihil hesitans obvia ferri celeritate corripuit. Fortean. corripere idem. Saxoni valet ac invadere : quomodo utitur Justinus Lib. XV. Cap. I. Præmia victoriæ corripuit : aut simili significatione.

15. Timuig, nunquam Ad crepitus ensiculi] Idiotismi formula videtur, timere ad. Nam raro apud alios occurrit autores.

16. Nunc malè me projiciens] Projicere hoc loco est rejicere, contemnere, despiciere. Undè projectus, pro contempto & vili. Sic Tacitus I. Annalium : Milites ne appellem, an cives? quibus tam projecta Senatus autoritas? id est, vili, abjecta. Injustè verò conqueritur Gramus de fluxâ Signes sponsæ suæ fide, quum & ipse in amore inconstantissimus fuerit, utpote qui non solum priorem conjugem educatoris sui Roarij filiam repudiaverit, verum etiam alterius, Groæ nempe, repudium promiserit, ut Signe potiretur. Quare rectè concludit

cludit his verbis vitam Grami Clarissimus A
Meursius : Tandem Gramus mox à Suibdagero
cæditur. Princeps magnus & in quo nihil repre-
hendas, quàm amoris conjugalis inconstantiam &
repudia, etiam regibus indecora, & illicita, neq; à Deo
ut autore matrimonij, ita quoq; assertore, impunita,
quanquam sæpè per libidinem usitata. Svaningius
permisissimè olim Regibus fuisse repudia comme-
morat : Fuit autem, inquit, in Borealibus hisce
regnis in gentilitate olim polygamia libera vulgo,
sed nequaquam Regibus, quibus tamen repudiare
uxores permissum fuisse, multorum Regum exempla
testantur.

19. Fœmineæ dat levitatis facinus notandum]
Sic in vetustis versibus qui Q. Ciceroni ascri-
buntur :

Crede ratem ventis, animum ne crede puel-
lis :

Namq; est fœmineâ tutior unda fide.

Petronius Arbiter :

Fœmina nulla bona est, sed si bona contigit
ulla,

Nescio quo futo res mala facta bona est.

Non aliter de Phyllide suâ conqueritur Lycidas
apud Calphurnium Eclogâ 3.

————— Lycidam ingrata reliquit

Phyllis amatque novum post tot mea munera
Mopsum.

Cui respondet Jolas :

Mobilior ventis ut fœmina, fictiva Phyllis.

Et paulò post :

Hi tamen ante mala figentur in arbore ver-
sus :

CREDERE, PASTORES, LEVIBUS NOLI-
TE PUELLIS.

Phyllida Mopsus amat, Lycidas habet ultima
rerum.

Galterus Lib. V. Alexandreidos, fol. 65.

Pectore fœmineo, vernalis certior aura,
Mollior est Adamas. —————

24. Et cum dicto] Sæpenumero occurrit,
hic loquendi modus in Martiano, ut Lib.
VIII. Et cum dicto, resupina paululùm se permisit
amplexibus voluptatis, & alibi centies, imò mil-
lies.

Ibid. Inter sacra mensæ] Mensâ nihil sa-
cratius apud veteres. Hinc illa fluxit formulâ,
inter sacra mensæ. Valerius Maximus Lib. 2. F
Cap. 2. Si qua inter necessarios querela esset orta,
apud sacra mensæ, & inter hilaritatem animorum,
factoribus concordie adhibitis tolleretur. Quin-
tilianus Declamatione CCCXXI. Venenum
aliquis inter lares suos, inter sacra mensæ, corona-
tis pariter, quos celebramus, Dijs immortalibus,
hilaris hilari dedit ? Tacitus Lib. XV. Sed ab-
nuir Piso, invidiam prætendens, si sacra mensæ, Dijs
hospitales cæde qualicunq; principis cruentarentur.

Sic sacra legationis idem Lib. 1. Annal. Hostium
quoq; jus, & sacra legationis, & fas gentium rupisti.
Ita & Sacra regni Annal. Lib. 2. Postquam dolam
intellexerat, sacra regni, ejusdem familie Deos, &
hospitales mensas obrestantem, catenis onerat. Men-
sas verò olim maximâ in veneratione habitas,
& velut sacras fuisse, Synesius docet Epist. LVII.
Τρεφεζα μὴ ἐρεῖν χεῖρας, δι' ἧς ὁ θεὸς τιμᾶ-
ται. Οὐλὶός τε καὶ ἐνὶ τῷ. Mensa quidem sacra
res est, per quam Deus honoratur, præses amicitie &
hospitij. Pindarns Nemeon. Od. XI.

— Ζενὶς Διὸς ἀσπείταί θένος ἀενδαίος
ἐν Τρεφεζαίς —————

Hinc Juvenalis Sat. 2.

— Nullus verbis pudor, aut reverentia men-
sæ.

26. Igitur nuptijs in exequias versis.] Seneca
Lib. VI. Declamat. 6. Versæ sunt in exequias nu-
ptiæ, genialisq; lectus mutatus est in funebrem. Si-
lius Italicus Lib. II.

————— Tedeq; ad funera versæ.

Hoc est, nuptiales faces versæ in usum funeris.

27. Alienis amoribus manus injici non oport-
tere] Amor etenim juxta Max. Tyrium Disser-
tat. X. est ἀνομιήτις πρὸς ἀλλήλους, nul-
lamq; admittit societatem. Sic & Ovidius Lib.
3. Amor.

Non bene cum socijs regna Venusq; manent.

D Et Seneca Agamemnone: Nec regna socium ferre,
nec tede sciunt.

36. Ne publicæ existimationi contraria] Ta-
meti Saxo nihil minus quàm anilibus nugis
Lectori fucum facere, aut pro verâ Historiâ
Φλυαρίας venditare constituisset : quum ta-
men multa deinceps ex fabulosâ antiquitate,
deprompta prodaturus esset, præfagâ mente
divinans, quid sibi objici poterat à nimis rigido
Censore : maluit hæc denuo προσπιπλήθειν,
E quàm iniquam nasutuli Momii reprehensionem
expectare.

38. Triplex quondam Mathematicorum genus]
Mathematici hoc loco sunt Magi & præstigia-
tores. Μαθηματικοί proprie dicebantur, qui
altiores istas disciplinas, quas Græci veteres
μαθηματικά appellarunt, edocti erant. Postea
vocabulo tam honesto vulgus abuti cœpit, ac
tantum de Magis, hariolis, præstigiatoribus, &
divinandi scientiâ callentibus usurpare. Huc
facit Agellius Cap. IX. Lib. 1. ubi de Discipulis
Pythagoræ loquitur : Hi dicebantur in eo tem-
pore μαθηματικοί : ab artibus scilicet, quas jam di-
scere atq; meditari inceptaverant : quoniam Geome-
triam, Gnomonicam & Musicam, cæterasque item
disciplinas altiores μαθηματικά veteres Græci ap-
pellabant. Vulgus autem, quos Gentilitio vocabulo
Chaldaeos dicere oportet, Mathematicos dicit. Infi-
gnis est locus Joannis Sarisberienfis, Policratici

Lib. I. Cap. 9. qui huc apprimè facit : *Eos, inquit, qui nocentiora præstigia artesq; magicas, & varias species Mathematicæ reprobatae exercent, jam pridem Sancti Patres ab aula amoveri jusserunt. Ecce, Mathematicæ reprobatae facit mentionem* : unde Mathematici dicti sunt ejusmodi malefici. Videantur etiam tria illa vel quatuor sequentia capita Sarisberienfis, quæ varia de Magis & Mathematicis tradunt. Auctor Queroli, Præfatione ad Rutilium : *Oblitus doli Parasitus navem ascendit, ad Querolum venit, & rupit fidem, Magum Mathematicum se fingens, & quicquid mentiri fur potest. Et rursus : Ego magos Mathematicos novi, ralem prorsus nescio. Et paulò inferius idem auctor Mathesin & Magicam conjungit, quasi artes ferè easdem : Proper te, inquit, feci omnia* (de thesauro loquitur) *mathesin & magicam sum consecutus, ut me sepulti fallerent ?* Est etiam in Jure Civili, libro X. nempe Codicis, Tit. XVIII. de Maleficis & Mathematicis, ubi inter alia hæc leguntur : *Artem Geometriæ discere atq; exercere, publicè interest; Ars autem Mathematica damnabilis est, & interdicta omnino. Et paulò post : Si quis Magus, vel magicis carminibus assuetus, qui maleficus vulgi consuetudine nuncupatur : aut aruspex, aut ariolus, aut certè augur, vel mathematicus, aut enarrandis somniis occultans artem aliquam divinandi, aut certè aliquid horum simile exercens, in comitatu meo vel Caesaris fuerit deprehensus, præsidio dignitatis exutus, cruciatus & tormenta non fugiat.*

43. Primam physculandi solertiam obtinentes] Physculandi hoc est, divinandi solertiam, & præcipuè ex animantium extis. Tales omnino fuerunt Cimbrorum veterum, fæminæ Vates, quæ ex intestinis spectatis victoriam suis vaticinabantur. Eas hunc in modum describit Strabo Lib. VII. pag. 294. Ἐθὼς ἢ τὴν Κίμβρων διηγῶνται τοῖς τὸν, ὅτι ταῖς γυναῖξιν αὐτῶν συστρατεύσασαι, παρεκλογῶν προμάντιες ἰέρειαι πολιορκητρικῆς, λευκαίμονες, καρπασίνας ἐφαπλίδας ἐπιπεπορημένας ζῶσµα χαλκῶν ἔχουσαι γυμνὰ πόδες. Τοῖς δὲ αἰχµαλώτοις διὰ τὸ στρατοπέδῳ συνήντων ξιφῆρεις κατὰ σφύσσας δ' αὐτοὺς ἤγον ἐπὶ κρατῆρα χαλκῶν ὅσον ἀµφορέων εἰκοσι. Εἶχον ἢ ἀναβάθραν, ἢ ἀναβάσσει ὑπερπετῆς τὸ λέγειν ἐλαμνοτόµει ἑκατον. μετεωρολόγόντα. Ἐκ ἢ τὸ προχορµένον αἶματ' εἰς τὸν κρατῆρα, μαντείαν πινὰ ἐποιεῖντο. Ἄλλαι ἢ διαχρίσασαι, ἐσπλάχνευον ἀναφθεγγόμενα νίκην τοῖς οἰκείοις. Morem hunc fuisse Cimbris usitatum ferunt. Sequentibus eos in bellum uxoribus, vates quædam comitabantur canæ, albo vestitu, Carbasinis supparis desuper fibulis affixis, cinctu aëreo, pedibus nudis. Ea per castra captivis occurrebant strictis gladiis, prostratosq; ad Cratèram aeneam adducebant amphoras viriter XX capientem. Super eam pulpitum erat, quæ

A consensu vates sublimis, singulis supra lebetem elevatis guttur incidebat. E sanguine in crateram fusso suam captabant quandam divinationem : reliquæ cada vera sic caesorum scindebant, intestinūq; spectatis victoriam suis vaticinabantur. Ejusmodi quoq; fuisse simile vero est Celtarum Eubages, quorum meminit Ammianus Marcellinus Lib. XV. Eubages verò scrutantes summa & sublimia naturæ, ea pandere vulgò conabantur. Strabo Lib. IV. de Gallia : Εὐβάγες ἢ ἰερεῖοι καὶ Φυσολόγοι. B Tales etiam quondam Celtarum Druidæ : e quibus Cicero Lib. I. Divinat. Divitiacum Æduum fuisse ait, qui & naturæ rationem, quam Physiologiam Græci vocant, notam sibi esse profitebatur, & partim augurijs, partim conjecturâ, quæ essent futura, dicebat. Physiculatores autem, vel ut Saxo loquitur, physculandi solertiam obtinentes, non sunt alij, quam quos Martianus Capella, eadem utens voce, refert, physculatis extorum proficijs, vaticinia fudisse obliquis ambagibus. Hæc etenim sunt verba Martiani Lib. I. pag. 5. Ipse pedibus taleria nectit aurea, & nunc in fanis, quibus aut vaticinia obliquis fundebantur ambagibus, aut denunciata pecudum cade physculatis extorum proficijs viscera loquebantur. Idem Lib. II. pag. 38. Hæc aruspicio exta physculant admonentia quædam, vocesq; transmittunt, auguratisq; loquuntur ominibus. Ad priorem Capellæ locum ita Clariss. Vir, Hugo Grotius ex Scaligero : Physculare ὀπιχοε, σικῶς pro Physicare, Φυσικέειν. Gloss : Isidori : Physiculo, propitio divos. Physculator, augur NATURAS in extis animantium querens. Apulejus de Deo Socratis : Per hos eosdem, ut Plato in Symposio autumat, cuncta denunciata, & Magorum varia miracula, omnesq; præfagiorum species reguntur. Eorum quippe de numero prædicti curant singuli eorum providere, ut est cuiq; tributa provincia : vel somniis confirmandis, vel extis physculandis, vel præpetibus gubernandis, vel oscinibus erudiendis, vel nubibus coruscandis, cæterisq; adeo, per quæ futura dignoscimus. Ubi Petrus Colvius, Mercerus, & alij, legunt extis fissiculandis : quos ego suo sensu abundare permitto, & omnino cum Saxone meo antiquam retineo lectionem, qualem ipse in MStis invenit. Nam physculandi solertia ea est, quam ἡπατοσκοπία Græci, Latini Extissicinam nominarunt : de qua notatu digna sunt verba Petri verè Chrylogogi Homil. V. Occidebatur pecus, ut quod vivum nil scierat, divinaret occisum, & loqueretur ex fibris mortuum, quod nunquam fuerat ore prolocutum.

44. Artem possidere Pythonicam] Afflati erant spiritu Pythonico. Python etenim δαίμονιον μαντικόν, cujus afflatu futura prædicebant. Talis fuit puella illa habens Spiritum Pythonicum Act. 16. v. 16. In Græco est πνεῦμα πύθωνος, Spiritum Pythonis, id est, Dæmonij fatidici. Hinc Pythonicus, diviniloquus, Levit. 20, v. 27. Vir siue mulier, in quibus Pythonicus, vel divinationis fuerit spiritus.

spiritus. Pythomantis dicebatur Pythicus vates, & A *ἐγγασπιμαντις*. Hefychius: *πύθων, ὁ ἐγγασπιμαντις*. *Εγγασπιμαντοι* erant genij e ventre hariolantes, quod spiritus immundus ex turgescente vatum ventre obscurè tanquam ex utre loquebatur, & oracula dabat.

48. *Per summam ludificandorum oculorum peritiam*] Sic Sigurdus Fabnisbanus, Ragnari Lodbroci socer, frustratus, Brynhilldam Budloniam, cui fidem conjugalem dederat, Gunnaro Giucungo, uxoris fratri, cupiens illam conciliare, cum aliter ad ipsam pervigili igne circumdatam irrumperere nequiret, [quem ignem circum aulam Brynhilda aluerat, vocavitq; *HAFFNRAPA*, *Wafurloga*] nemo verò præter Sigurdum tam animatus esset, ut ignem transire auderet, aut si auderet Gunnarus, cujus intererat sponsam inclusam videre, Equum tamen, præter Sigurdi illum *GRANA*, qui intrepidè pererrumperet difficultatem, consequi nullum potuit. Atqui is omnis alius fessoris, quàm domini impatiens, Gunnarum repulit. Quare ut equum pariter & sponsam Sigurdus falleret, vultum faciemque cum Gunparo commutasse dicitur. Quod illi *περὶ πικρά, AT HYIBTA MANY*, *At stipta litum/Colores mutare*, dixerunt. Quin imò, non humanos modò vultus assumere & deponere, sed bestiarum & ferarum formas, quas volebant, induere noverant: usi ad hanc rem incantationis & characteris genere, quod *PIKNIYA*, *Sinvita* nominarunt, quasi *Finorum motum* dicas: credo, quod illud artificium Finnis frequentissimum fuerit. Sanè Gunhilda, Erici Blodöxij uxor, ab illiusmodi præstigiis malè audivit, Finlandica & ipsa, Ozuri Totonis filia. M. Brynolfus.

50. *Illicibus formis*] *Illices oculos* Apulejus dixit, quorum aspectu ad libidinem incitatur. Et *Illices voluptates* Lactantius Lib. VII. Cap. ult. *Omittendæ sunt hujus præsentis vitæ illices voluptates*.

Pag. 10. vers. 2. *Cum Latinorum quoq; prudentiam perlexeris*] Ità est. Nulla ferè gens tantæ superstitionis fuit, ac ipsa Gentium victrix Romana, quæ neutiquam vernaculos Deos coluisse contenta, universa etiam aliarum nationum numina sua intrà mœnia recepit. Jam verò totum illud Deorum Dearumque agmen ex magnâ illâ matre, hoc est, terrâ profatum, & illorum in numero censendum, qui terræ munere vescuntur, Antiquitates Romanæ abundè testantur. Imò sacra omnia, omnis auguralis disciplina, ancilia, Libri Sibyllini, & id genus alia, arcana tantum quædam Reipublicæ Romanæ fuere, quibus vel populus in officio teneretur, si quando seditionem moveret, vel Imperatores ad ardorem militibus ingene-

randum uterentur. Sed ne videar hec actum agere velle, & quæ eximij scriptores Tertullianus, Arnobius, Lactantius, Minutius Felix, & alij de Diis Ethnicis luculenter & copiosè tradiderunt, quasi compilare, verbum non amplius addam.

14. *Sedulâ affirmatione certabat*] Pro instabat, contendebat, persuadere conabatur: quomodo Virgilius *certet superare*, hoc est, studeat, conetur; Ecloga V. Et Horatius *certare quodcunq; facit Mæcenus*, hoc est, certando conari, Sermon. Lib. 2. Stat. 3. Nisi forte *certabat* erit, certiozem reddebat, vel ut Barbari loquuntur *certiorabat*, ut sit à certus. Nam *incertare*, pro incertum reddere Plautus usurpavit Epidico: *Longa dies animum incertat meum*.

30. *Dum Venerem coluisse piget*] Non putandum *Duram illam manum* [sic namq; *Hartgreps* interpretatur] tam invenuste & rusticè atq; apertè ad Venereas voluptates Juvenem generolum provocasse, quin libidini suæ frontem prætexeret, & luteum velamen, virginum more. Sumsit vero illud suum *περὶ ὀφθαλμοῦ* ex intimâ hominum illorum religione, quibus Divarum haud postrema fuit FREYA, Amatorum, *περὶ ἐνῆης*, & illarum voluptatum promacoda: quanti violare aut contemnere, Skapto vel Thorbællus Sidenfis [nunc enim uter esset, non exactè memini] parum aberat, quin capitali discrimine didicit, ut erat periculosum: qui ad Christianam fidem conversus, parum honorificè de Freya, in carmine hoc suo, fuerat locutus:

NIN IP NY PAF PHIA
PRHI 1XIVR YIIR PRHIA.

Vil eg um God geys
Grey thikier mier Freya.

Hoc est; *De diis lataturus, Freyam instar caniculæ, vel vulpeculæ, judico*. Quæ res continuo ut increbuit, ἀποσπάζωντος factus, in capitis periculum inciderat, nisi divinitus accidisset, ut illo ipso anno, quo in eum maximi quique Viri conjurarent, Christiana fides in foro universali recepta fuisset. Nialam consule. Numinis hujus seu Divæ monumentum adhuc Danica lingua conservat, quæ Veneris diem, *Fredag* id est, *Freya diem*, appellat: & Dominas, Nobiliumq; fæminas *Frøer* / ab eadem dictas esse, nulli dubitamus. Quin etiâ *Frø* / *Voluptas*, & *Frø* / *Semen*, indidem venerunt; notatione à causis: & nos matrem familias *Husfrenu* vulgò nominamus. M. Brynolfus.

32. *Adveniat pius ille calor*] Blandus illè & castus amor. Sic Ovid. XI. *Metamorph. Trahere pariter calorem*; id est, unâ incipere amare.

39. *Cujus Naturæ contextum*] Sic Valerius Maximus Lib. IX. Cap. 14. *Contextum sanguinis* dixit: *De similitudine autem oris & totius corporis*

altiore doctrinā præditi subtilius disputant : eorumq; alij in ea sunt opinione , ut existiment illam originis & contextui sanguinis respondere. Aliter forte usurpavit Ammianus Marcellinus Lib. XVI. Hærebat attonitus, per gigantes contextus circumferens mentem, nec relatu effabiles, nec rursus mortalibus appetendos.

41. Nunc affluentis substantiæ] Ita omnino legendum existimo , ipso contextu eo me ducente, qui totus merā constat verborum avt-
gæ. Sic contractior opponitur capaciori ; exilis, affluentis ; (nam exilis & defluens non sunt avt-
gæ) corrugatum, explicato. Affluens autem est crescens.

43. Nunc proceritate cælis invehor] Parilem planè in modum Philosophiam, quæ instar fœminæ sibi supra verticem altare visa est, describit Boethius Lib. 1. de Consol. Philosph. Statura erat discretionis ambigua. Nam nunc quidem ad communem sese hominum mensuram cohibebat, nunc verò pulsare cælum summi verticis cacumine videbatur.

Ibid. Nunc in hominem, angustioris habitus ditione, componor] Ita hunc locum distinguendum censui, qui alioquin paulo videbatur obscurior. Nam in hominem componor, hoc est, deposita monstruosa illa & gigantea magnitudine, in humanam staturam, pro eâ, quâ polleo potestate, me transformo. Nimirum monstra opponit hominibus, quomodo mox infra loquitur.

Et sortes complexa duas, majore feroces

Territo concubitus, hominum brevior capesso.

Ditio autem heic denotare potest divinitatis quasi quoddam arbitrium, nutum & potestatem. Iterum Saxo Lib. II.

Res petit & par est, quæcunq; per otia summa

Nacti pace sumus, belli ditione mereri.

Idem Lib. VII. Alterum terris, alterum aquis regiâ ditione præesse voluit. Dudo S. Quintini Decanus Præfatione in Acta Normannorum :

Fidens in Domino mundum ditione regente,
Quicquid vult faciens cælo, terrâq; mariq;

Cæterum erat cum hoc loco olim legerem conditione. Imò ditionem, conditionem designare auctor est Polyhistor nostri sæculi incomparabilis Caspar Barthius Lib. XVIII. Advers. Cap. X. ad Prosperi illos versus :

Perpulsit à vetitis pomum decerpere ramis
Quæis inerat recti & prædi experientia major
Tunc ditione hominis.

Sic Prudentius Trecentis de Christo Domino :

Emituens animam propriâ ditione beatam.

49. Diverso schemate formas] Galterus Lib. 1. Alexandreidos. pag. 12. v. 4.

Pectoris in medio his seni schemate miro
Ardebant Lapides.

A Et Lib. IV. Fol. XL. fac. 2.

Tumulumq; in vertice montis
Imperat excidi, quem structum sibemate
miro

Exexit celebris digitis Hebræus Apelles.

50. Nunc sidera cervix Aequat] Virgilius

Æneid. Lib. III. de Cyclope :

Ipse arduus altaq; pulsat

Sydera

Pag. 11. vers. 4. Converti cerea vultus] Ho-

B rat. Cereus in vitium flecti.

5. Qui Protea novit] Horatius Lib. 1.

Epist. 1.

Quo teneam vultus mutantem Protea nodo

Et Sermon. Lib. 2. Sat. 3.

Effugit tamen hæc sceleratus vincula Proteus,
Fiet aper, modò avis, modò saxum, & quum
volat, arbor.

Eum ob varias mutationes ambiguum Ovidius eleganter vocavit Lib. II. Metamorph. quas etiam recenset, Lib. VIII Metamorph.

Nam modò te juvenem, modò te videre Leonem;
Nunc violentus aper, nunc quem tetigisse timerent,

Anguis eras; modò te faciebant cornua taurum.

Sæpè lapis poteras, arbor quoq; sæpè videri.

Interdum faciem liquidarum imitatus aquarum

Flumen eras, interdum undis contrarius ignis.

D Et alibi :

Utq; levis Proteus modò se tenuabat in undas

Nunc Leo, nunc arbor, nunc erat hirtus
aper.

Notum est adagium : Proteo mutabilior. Enthea Venefica apud Petronium :

Proteus esse solet, quicquid libet

Sed nos cum Johanne Tzetze rectè judicamus Protea huncce tantoperè veteribus celebratum, insignem Magum & veneficum fuisse, qui arte Diabolica & vi magica in tam varias se formas subindè mutaverit. Id quod hæc verba Tzetzis Chiliad. III. testantur.

Ὅς μαγικαῖς δυνάμεσι μετέβαλλεν εἰς
πάντα

Εἰς πῦρ, ὕδωρ, εἰς δράκοντα, δένδρον, εἰς
πῖσαν φύσιν

14. Virili more culta] Imitatus est Saxo Valerium Maximum, qui Lib. IV. Cap. 6. perfimile Exemplum commemorat, de Hipficateâ Reginâ Mithridatis, quæ ut in exilium maritum suum sequeretur, præcipuum formæ suæ decorem in habitum virilem convertere voluptatis loco habuit. Tonsis enim capillis, equo & armis se affrescit, quò facilius & laboribus & periculis ejus interesset. Expendat hæc verba benevolus Lector, & cum Saxonis contextu conferat. Nè fallor, Valerij hunc locum in animo & oculis habuisse Saxo-
nem nostrum ultro fatebitur. Amoris etiam con-

conjugalis notabile exemplum de Epponinā A Julij Sabini conjuge refert Petr. Victorius Lib. 18. Variar. Lect. Cap. XV. ex Plutarthi *ἑρωτικῶν*, & Cornelij Taciti Lib. XX. Cui convenit illud S. Asterii, Amasæ Episcopi, Homiliā, *An liceat dimittere uxorem* : *Ἐγὼν ἐγὼ γυναῖκα ἢ τὴν κῶμην κέρεισιν, καὶ ἀνδραγὴν περιτμήσειν ἐδίδητε, καὶ πάλιν ἀνδραγὴν, ἵνα ἀνδρὲς φεύγουν μὴ χωρεῖν*. Novimus ipsi mulierem, quæ attonsa comā, vestem virilem, eamq; floridam induit, ut ne virum fugientem latentemq; deserere ogeretur.

18. *Diris admodum carminibus ligno insculptis*]. Hoc loco primum occurrit *Runomagia*, sive *Neoromantia Runicæ* exemplum, quod amplum nobis de *Runis* Veterum Danorum, & *Magiā Runicā* differendi suppeditat occasionem. Vox itaq; *RNNIR*, *Runar* / duo significat; & veterem Literaturam, quæ etiamnum passim existat, & Magiam Runis expeditam. Runicarum etenim Literarum duo primaria fuerunt genera. Unum eorum, quibus ad animi sensa exprimenda, res gestas consignandas, Heroum fortia facta deprædicanda, aliaq; necessaria indicanda, utebantur *Runæ*, atq; in hoc genere literati. Ab hisce Runis lingua Danica antiquitus *RNNI YMMI Xuna Maali* appellata fuit. Alterum genus quibusdam, magicis incantationibus cumprimis deditis, familiare extitit. Hisce enim Runis, præstigiis Diabolicis miserrimè inescati, in aliorum perniciem plerumq; abutebantur Magi & incautamentis celebres. Tantam namq; earum vim & efficaciam esse sibi persvadebant miseri, ut ijs hostes necare, urfos ac feras ligare, ventos ac grandines concitare, imbres cedere, homines dementare, manes elicere, aliaq; incredibilia perpetrare valerent. Hisce Othinus ille Rindam puellam mentis ac rationis usu privavit. E Quod ita persequitur Saxo noster Lib. 3. *Quam cortice carminibus annotato contingens lymphanti similem reddidit, receptam toties injuriam modesto ultionis genere insecutus*. Hisce Guthruna, de qua Idem Lib. VIII. effecit, ut regia partis propugnatores subito oculis capti in se ipsos arma converterint. Hisce pollebat illa augurij perita fœmina, cujus carminum tanta vis erat, ut rem quantalibet nodorum consertione perplexam, è longinquo sibi soli conspicuam, ad contactum evocare posse videretur. Saxo Lib. VII. Hisce tandem Hartgrepa, ligno incisis & linguæ demortui hospitis suppositis eum loqui fecit, diraq; carmina effari; Cujus rei hoc loco mentionem facit Saxo. Hosce autem Characteres *RMYRNNIR* *Ramruner* / seu Runas amaras & acerbis vocarunt, eò quod molestias, dolores, morbos, aliaq; perniciosâ hisce infligere inimicis soliti sint Magi. Hæc maximam partem desumptimus ex Literatura

Runica Excellentissimi viri, D. Olai Wormij Cap. 5. Porro Runas istas Magicas Glossarium veteris Islandicæ linguæ dispescit in aliquot species, ut in *YIPRNNIR*, *Stigruner* / id est, *Runas victorales* : *BRNNRNNIR*, *Brunnruner* / *Runas fontanas* : *YIPRNNIR*, *Målruner* / *Logo Runas* : *ANPRNNIR*, *Aulruner* / *Runas Cerevisiarias* : *BIARPRNNIR* *Biargruner* / *Runas auxiliatrices* : *MYRNNIR* *Simruner* / *Runas arboreas* : & **NPRNNIR* *Nugruner* / *Runas Cordiales*. Singularum Runarum usum ita exprimit : 1. *Stigrunar* *stalltu funna* / *ef thu villt Snotur vera* : *rifst a hialte hiorð / a vetrerunum / og a valblystnum / og nefna rvisfar Tyr*. Hoc est, *Runas victorales callere debes, si sapiens, astutus, atq; callidus evadere cupias*. Incide eas capulo, vel retinaculo ensis tui, item *Chirotheci, & lituo bellico, & bis nomen Tyr ingemina*. 2. *Brunrunar* *stalltu giøra* / *ef thu villt borgu hafa a funde seglmaarum*. a *stafu stallthar rista / og a Stjornarblade*. *tha komst heill af hafe* : *Runas fontaneas adhibe, si quando merces tuas fartas tectas maritimisq; periculis exemptas habere cupias*. Eas puppi incidas, & gubernaculo, atq; ita incolumis è mari evadas. 3. *Målrunar* *stall thu funna* / *ef thu æt mage ther heiptum giâllda hœrm* : *thar um vindur / thar um vœtur / thar um sætur / allar sament a thui ringe er meñ Stulsi i fulla dœma fara* : *Logorunas usurpato in pensandis & ulciscendis injurijs*. Eas incidito sepimentis, tentorijs & sedilibus fori, ubi judicia peraguntur. 4. *Aulrunar* *stalltu funna* / *ef thu villt ad annars Quen vœte thig esse / trygd ef thu truer* : *a horne stall thad rista og a handar baka / oc mœrtia a nagle Naud* : *Runas cerevisiarias adhibeto, ne te aliena mulier decipiat*. Eas cornu potatorio insculpto, & exteriori parti manus tuæ, notatâ simul in ungue Litera *K*, quæ *Naud* dicitur. 5. *Biargrunar* *stalltu nema* / *ef thu villt borgu faa og leifa tind fra konu*. a *lofa stall thar rista / og um lida spenna og bidia Dysse duga*. *Auxiliatrices Runas addiscas, si fœminam onere partus facile levare cupias*. Insulpto eas in vola manus, ijsq; artus & membra cingito, opemq; Parcarum, quæ *Dysse* vocantur, implorato. 6. *Simrunar* *stall tu funna* / *ef thu villt læfner heita* / *og funna saar at sua*. a *a befe stall thar rista og a bare vidar theß er lure austur limer*. *Runas arboreas nosse debes, si egregij Medici nomen sustinere velis, vulneraq; ex arte curare*. Eas incidito cortici & folijs arborum, quæ se versus Austrum porissimum flectunt & inclinant. 7. *Nugruner* *stalltu nema* / *ef thu villt huorium vera gedhostare guma / ther of rœd / ther of reist / ther of hugdo*. *Runas cordiales scire debes, si quolibet virorum animosior esse velis*. Eas delineato in pudendis, & pectore tuo. Hæc plena superstitionis antiquæ documenta, propterea heic in medium adduxi, ut Runarum Magicarum aliqua exita-

existaret ad locum hunc Saxōnis illustrandum A
notitia, non ut earum detestandum usum
quemquam edocerem. Cæterum Runæ Necro-
mantica, quibus defunctorum umbras è sepul-
chris evocabant, dictæ sunt etiam **HMRT**
RNMIR, **Suartruner**/id est, furvæ Runæ: &
baculus, sive lignum, cui insculpebant ejusmo-
di Runas, dicebatur **RNMRYIAHPT**
Runarstiafle. Mathematici volunt Necroman-
ticos in horoscopo habere &. Julius Firmicus
Cap. I. Lib. I. *Illam quiescentium securas animas,*
etiam lethæi fluminis oblivione purgatas, & cogit ne-
farijs carminibus excitare. Nefarijs carminibus,
quomodo Saxo diris carminibus. Cæterum heic
etiam locum meretur eruditissima Dissertati-
cula Viri Clarissimi, & nunquam sine laude
dicendi, M. Brynolfi Svenonij, quæ nostra Ob-
servata non parum illustrat: Nullus dubito, quin
Runas Saxo intellectas velit. Quas incidere lignis
pro effectus varietate, varijs & alijs generibus rerum,
solens erat. Documentum dedit non nihil Brynhilda
Budlonia, Sigurdo Fabnesbano, ut in Ragnari Historia
observavi. Lignum porro hoc *κεχαργυρῶν*,
breviculum & exiguum ferè, Runatefle dicunt,
quasi claviculum Runicum dicas, & Rista Runer /
incidere Runas, propriè, vel ut Saxo, insculpere; non
scribere, aut pingere, dixeris. Enimvero priusquam
in honorem Romanæ Ecclesiæ, cum Religione, literas
etiam Sacerdotes & Principes certatim in Septentrio-
nem invexerant, quibus hodieq; omnes utimur: an-
tiquiores illæ gentium Normannicarum propriæ cre-
dite sunt omnes [multiplices namq; fuerunt] *δύνα-*
μιν quandam possidere non modo *σημαντικὴν τῆς*
Φωνῆς, ut loquitur Aristoteles; verum *ἐνέργειαν*
etiam *τῶν Ἀγορευμάτων Ἰατρικῶν τε καὶ*
τελεσματικῶν. Ideo singulos characteres singulis
Deastris, aut Dæmoniis adscripserunt, velut *ἐν Ἰ-*
ερραπείας μολογῇ; ac ut quemcunq; effectum à quovis
Dæmone procurari crediderunt, ita certum caracte-
rem certæ materiæ suo & legitimo modo, loco, tem-
pore, & instrumento, additis proprijs carminibus, non-
nunquam & sacrificijs, incidendum judicarunt. Quæ
omnia qualia fuerint, vix nunc quisquam mortalium,
ac nè vix quidem, novit. Ego tamen, hæc tantum,
quæ conjicio, partim ex antiquitatis monumentis,
partim ex diligenti ex nostris hominibus inquisitione
collegi. Quod minus jam miremur, quemadmodum
fieri potuerit, ut tantillo annorum spatio, quod à con-
versione Septentrionalium excurrit, vix ulla super-
sit priscorum religionis, virtutumq; ac nè characterum
quidem, firmiter memoria. Videlicet maxime à Chri-
stianis est laboratum, ut scripta & monumenta vetu-
statis gentilis penitus obruerentur, æternâ oblivionis
humo sepulta. Quia videlicet persuasum erat, quam-
diu vestigium cultus & characterum antiquorum,
hominum animis obversaret; negotium conversio-
nis non satis procedere, hominibus ad pristinas præ-
stigias pronis & facilibus. Ideoq; nè obstrueres veri-

tatis luminibus potestas tenebrarum, nec tamen fe-
ret rudè vulgus subtiliorem, quàm pro suo captu, usus ab
abuso distinctionem, & accederet Zelus verbi mini-
strorum Pontificijs consuetus, & cupido Romanam
Ecclesiâ omnibus modis propagandi: literas Roma-
nas, ut sanctiores, Normannicis, tanquam gentili su-
perstitione pollutis, commutare consultum visum est.
De quo facto meum judicium non requiri ut certò scio,
itâ libenter contineo.

19. *Lingvæ defuncti per Hadingum suppositis*]
Operæ erit pretium feralem illam scenam re-
colere, quæ apud Apulejum Lib. II. *Metha-*
morph. exstat, de adolescente quodam redivi-
vo, quem cum Zachlas Ægyptius; Propheta
primarius, ex inferis reducere conaretur, her-
bulam quampiam, ter ob os corporis, & aliam pectori
ejus imponit. Videatur omnino totus iste locus,
qui claram Saxoni lucem affundit.

21. *Inferis me qui retraxit, execrandus oppetat*]
Carmen est tricolon; cujus duo priores versus
Trochaici tetrametri seu octonarij Catalectici:
reliqui quindecim Alcmanij, qui primâ parte
habent duos pedes Choriambicos (hoc est
Spondæum cum Choriambo) posteriori autem
Adonium. Hinc redit ad Trochaicos duos: illis
subjunguntur Pentametri decem, & clauditur
duobus rursus Trochaicis.

Ibid. *Inferis me qui retraxit.*] Ita & profa-
tur adolescens iste redivivus, loco jam dicto
Apuleji: *Quid, oro, me post Lethæa pocula, jam Stygijs*
paludibus innatantem, ad momentaria vitæ reduci-
tis officia? Desine, ac me in meam quietem permitte.
Ejusmodi querelas fundere Manes elicitos tes-
tatur etiam Statius Papinius Lib. III. Thebai-
dos, ubi de fœmina Thessalica loquitur, *Cui gen-*
tile nefas hominem revocare casendo:

— — — Animarum mæsta queruntur

Concilia, & nigri pater indignatur Averni.

Ubi vetus interpres Pl. Lactantius: *Queruntur,*
id est, dolent sibi requiem tolli.

Ibid. *Inferis me qui retraxit*] Odas illas suas,
veteres, quibus virtutem & valentiam insignio-
rem inesse voluerunt, carmine intercalari di-
stinxerunt, simul ut Poëma ornarent ac digere-
rent, nè continua *μονωδία* tædium crearet; ma-
ximè verò ut velut novo spiritu afflata, totâ men-
te & pectore propositum urgentes preces inge-
minarent, ineffabili fervore, & tantum non fu-
rore acti. Sic Bussa saga Bosam aluminum &
Herrodum filium e carcere, in quem compacti
suo quædam ob facinora fuerunt, frustra diu
liberare conata, Regem in cubili quiescentem
improvisa accedit, & continuo diro carmine,
quod *Bussluban* dicitur, execratur, intercalari
versu subinde infuso, **MYAR T*H BÄ-**
HA BIARPIR HHTIR, *Memor ihu*
Bosa biarger veiter etc. Nisi Bosa opem feras.
Videatur Bosa saga. Sed enim Carminibus in-

esse efficacem virtutem, vel solis vel cum sacri-
ficiis, ritibus, & characteris, præsertim,
αὐτοχρῆσις, cum animus ab affectu recens ca-
let; præter Græcos & Latinos, qui illud sæpe
fatentur; veteres Normanni, & recentiores
quidem, constanter credunt, tanta fiducia, ut
evelli desperem; neq; effectu semper sibi vi-
dentur frustrati. M. Brynolfus.

22. *Tartarōs devoti spiritus*] Devocare est
defunctorum umbras è sepulcris evocare quod
veteres elicere dicebant: & hinc Elicia, carmi-
na, quibus animas alienis elicerent locis.
Tertullianus de anima Cap. 28. Scimus enim
Magos elicere explorandis occultis per catabolicos, &
paredros & pythonicos spiritus. Hac de re dignis-
sima lectu est Declamatio X. Quintiliani, quæ
Sepulcrum Incantatū inscribitur. Inprimis huc fa-
cit locus, quo Magum describit, qui barbaro car-
mine & horrentibus verbis animas & evocare &
præcludere solebat: Sic Magum, cuius horrido mur-
mure imperiosisq; verbis Dii Superi, Manesq; torquen-
tur, advocat, non ut exorati manes deducerentur; nec
ut evocata nocturnis ululatus umbræ properaret, &
quæ sequuntur. Apulejus Lib. II. Metamorph.
de Zachlæ Ægyptio Prophetâ: Zachlas adest,
Ægyptius Prophetæ primarius, qui mecum jam du-
dum grandi præmio pepigit reducere ab inferis Spi-
ritum, corpusq; istud postliminio mortis animare.

Ibid. Pœnas luat] Raro Necromanticis fe-
liciter cessit Manium evocandorum curiositas.
Illustre inter alia exemplum habemus apud
Heliodorum Lib. 6. Æthiopicorum, ubi ne-
cromanticum Ægyptiæ anus actum prolixè
describit; cuius ille fuit eventus, ut anus inter
cadavera discurrens extantis hastæ fragmento
per ingven trajecta exanimis corrueret. Vide
etiam hac de re Lib. 2. Barbaricæ Philosophiæ
Otthonis Heurnij, Cap. XXIX. pag. 260.

42. Atq; manus vivos verterit ungue fero] Hoc est,
cum turba illa monstrorum injectis un-
gvibus vel frustillarum discerpserit. Singu-
larem violentiam denotat Verrendi vocabulum.
Martiano Capellæ procella mare vertere dicitur
Lib. IX. pag. 307.

Et licet indomiti dira procella Noti

Spumea Scyllæ verteret imamaris.

Appositè Ammianus Marcellinus Lib. XIV.
pag. 4. Quibus mox Cæsar acrius efferatus, velut
contumaciæ quoddam vexillum altius erigens, sine
respectu salutis alienæ vel suæ, ad VERRENDAM SUP-
POSITAM instar rapidi fluminis irrevocabili impetu
ferebatur.

52. Compacto ramalibus tecto] Ramale, ra-
mus inutilis ex arbore decisus. Ovidius:

————— Ramaliaq; arida tecto.

Perfius:

Ut ramale vetus vegrandi subere coctum.

Martianus Capella Lib. III. pag. 59. ne densis
obumbrata ramalibus.

Pag. 12. vers. 20. Ex cuius teterrimis vulneri-
bus plus tibi, quàm cruoris manavit] Tabes inter-
dum aliquid cruentum significat, quod pro-
priè Tabum nominant: estq; sanies & sanguis
corruptus: qualem ex Deorum vulneribus ma-
nare olim Poetæ finxerunt, & *ιχῶρ* vocarunt.
Clemens Alexandrinus Admonitione ad Gen-
tes: Εἰ δὴ τραύματα, καὶ αἷματα. οἱ γὰρ ἰχῶ-
ρες οἱ ποιητικοὶ, εἰδὲς ὅτι ἐπὶ καὶ τῶν αἰμάτων.
ὁρῶντες γὰρ αἷματι, ἰχῶρ νοεῖται. Quod si sunt
vulnera, est etiam sanguis. Sanies enim Poetica, quam
ιχῶρ vocant, est etiam sanguine turpior. Putre-
factio enim sanguinis, sanies vocatur.

6. Grandævus fortè quidam altero orbus oculo] Non
est mihi dubium, quin tam luculentæ, si
Dis placet, formæ mentione insignem illum
præstigiatores OTHINUM, heic nobis quasi
digito demonstret Saxo. Tali namq; schema-
te, nempe Unoculi ejusdam Polyphemi, & capu-
claris senis, plerumq; apparuit, quoties evanida
imaginarij hujus Dei majestas sese fascinato
officiis suis vulgo spectandam exhibere digna
ta est. Nisi si reverà tali oris deformitate prædi-
tus fuerit. Sic expressa magis ejusdem habitus
indicina exstat Lib. II. pag. 21.

Et nunc ille ubi sit, qui vulgo dicitur OTHIN
Armipotens, uno semper contentus oculo?

Et Lib. VII. Cujus eventum Haraldo oraculis explo-
rare cupienti senex præcipue magnitudinis, sed orbus
oculo, obviis extitit, qui hispidus etiam amiculo circum-
actus, Othinum se dici, bellorumq; usu callere testatus.
Verum causam hujus in Othino *μονοφθαλμίας*
edocere nos videtur Edda. Fingit enim Odi-
num venisse aliquando ad Mimerum, fontis sa-
pientiæ possessorem, atq; haustum expetisse;
quem cum impetrare haud potuit, oculum
suum oppignoravit. Concessa facultate ubi bi-
bit, sapientia & intellectu eximio ornatus est.
E Quum igitur unum oculum oppignoraverat
Othinus, quem fortè nunquam receperat, haud
adeo mirandum, quod uno destitutus oculo
toties apparuerit. In eandem sententiam de
hac Odini forma commentatus est in Conje-
ctaneis suis M. Brynolfus Svenonius: Magorum
omnium unus instar Odinus, posteris fidem fecerat,
opem laturum se suis, cum in periculis constituti auxi-
lium postularent. Cujus rei eventus, post illius ex-
cessum, non raro miseros mortales delusit. Sæpius
enim conspectus est vario indutu: lena plerumque
talari, nunc versicolore, ut Sigismundo naviganti;
nunc coeruleâ, ut cum ad nuptias venit, atq; ense
ligno impegit, ac tacitus discessit, quem nemo postea
præter Volsungum extrahere potuit. Quum autem
sæpius appareret, semper ab hac, quam Saxo narrat,
formâ cognitus est, canitie venerandâ, & luminis or-
bitate, quod scilicet vendidisse dicitur saxicolæ cui-
dam fatalis mulsi potu, qui inexhaustam sapientiam
attulit, ut Eddam volventibus notum est.

Vestigia

8. *Vestigia sua mutui sanguinis aspersione*] A quod fœderis vinculum illis sanctissimum habebatur. Carmani in epulis percussâ faciei venâ, profluentem cruorem vino miscebant, atq; invicem propinabant, summum hoc amicitie fœdus esse ratî. Idem & Scythæ observabant, nisi quod eodem quoq; cruore, sagittas & gladium imbuabant.
10. *Lokero Curetum tyranno*] Saxo Curetes passim indigitat Livoniæ accolæ, quos nunc Carlandos dicimus. Alioquin Curetes Straboni Ætolica gens, quam fuscæ persequitur Lib. X.
11. *Quibus superatis*] Lisero nempe & Hadindo, quos Lokero Curetum tyrannus, temerè sibi bellum inferentes, devicit.
25. *Ferro rimare potenti*] Sic potius legendum existimo, quàm *potenti*. Potens enim ferum hic erit illud, quod vim & efficaciam subitò perimendi habeat.
27. *Corporeamq; dapem mordacibus attere malis*] Hoc est, Comede carnem ejusdem Leonis, cujus modo sanguinem hausisti. Autor est Plinius Agriophagos Leonum carnibus maxime vivere, Lib. VI, Cap. 30. Persuasissimum verò gentilibus erat Leonis, aut Vrsi, vel robore præcellentis animalis cujuscunq; epotum sanguinem, sive carnem comestam, novum membrîs ingenerare vigorem: excepto cruore Taurino, qui veneni loco habebatur.
31. *Famulosq; sopore Conficiam, & lentâ stertentes nocte tenebo*] Et quæ præcedunt de haustu calidi sanguinis Leonini, & cordis esu Cyclopico, ad robur & audaciam conciliandam, aliis exemplis confirmata sunt: [Ita Sigurdus Fabnesbanus serpentis corde comesto, avicularum voces intellexit,] & quæ sequuntur, sapè ab hoc impostore, atq; hoc genus aliis, tentata & effecta sunt. Idem enim Odinus Brynhildam Budloniam, quoniam Amazonum more contrâ quempiam suorum dimicaverat & debellaverat, profundissimo somno demulsit. Hunc porro incantandi morem, *ἡ ἡμῶν ἡμῶν ἡμῶν ἡμῶν*, attingit Sæffn thorn/ hoc est, injicere aut immittere soporiferum characterem Thorn, vocitarunt: [Virgilius Æneid. VII. de Umbrone:]
- Spargere qui somnos cantuq; manuq; solebat.*
Et de Mercuriò prius:
Dat somnos adimitq; & lumina morte resignat.
Homerum imitatus, qui de eodem sic: *τῇ δ' ἀνδρῶν ὄμματα φέλγει τῶν καὶ ἐφέλες* etc.] aut etiam claviculum [vox enim Thorn utrumque denotat] soporifero characterè signatum. Dani hodieq; dicunt, *At kaste Soffnepryn paa een*. M. Brynolphus.
34. *Amiculi ejus rimas, sub quo trepidus delitebat*] Amiculum hoc ex eo genere fuisse existimo, quod veteres Dani *ÞnMARYNÞr* Dularkust appellarunt: cujus exemplum nobis exhibet Grettla, hoc est, Historia Grettleri Asmundij: Grettter var i dularkuste/ so han fiendist ei: Grette-
8. *Vestigia sua mutui sanguinis aspersione*] Hancce per sanguinem humanum firmandæ amicitie consuetudinem, fœderisq; feriendi ritum, apud alias etiam nationes viguisse, ex varijs liquet auctoribus. De Armenijs habes apud Tacitum Lib. XII. Ubi mentio fit fœderis iacti inter Mithradatem Armeniorum Regem, & Rhadamistum Pharasmanis Hyberorum Regis filium: *Mos est Regibus, ait, quoties in societatem cœant, implicare dexteræ, pollicesq; inter se vincire, nodosq; præstringere. Mox ubi sanguis se in artus extremos effuderit, levi ictu cruorem eliciunt, atq; invicem lambunt. Id fœdus arcanum habetur quasi mutuo cruore sacratum.* Cui subscribit Valerius Maximus Lib. IX. Cap. XI. pag. 416. Nam cum Sariafter adversus Patrem suum Tigranem, Armeniæ Regem, cum amicis conspiraret, ita cum iis consensit, ut omnes dextris manibus sanguinem mitterent, atq; eum invicem forberent. Hoc quoq; apud Scythas usitatum fuisse apparet ex Luciano, in Dialogo suo, cujus Titulus est *Toxaris*, sive *Amicitia*, ubi eorum fœdus ac jusjurandum, quod maximum appellat, recensetur: *Etenim, inquit Scythæ ille Lucianicus, simulatq; incisus digitis sanguinem in calicem desillaverimus, summisq; intinctis gladiis, ambo pariter admoventes biberimus, non est quicquam, quod deinde nos queat dirimere.* Huc quoq; Solinus Polyhistor spectasse videtur, ubi de Scythis ita scribit, Cap. XX. *Haustu mutui sanguinis fœdus faciunt, non suo tantum more, sed Medorum quoq; usurpatâ disciplinâ.* Simile quiddam tribuit Polidonium apud Athenæum Carmanis: *Ferunt, inquit, hos in symposiis benigne complexos, venas in fronte abscindere, & sanguinem defluentem in poculo miscentes bibere, summum amicitie terminum attingisse existimantes, quum sanguinem vicissim inter se degustarint.* De Scythis quoq; eundem in modum loquitur Pompon. Mela Lib. II. Cap. I. *Ne fœdera quidem incruenta sunt: sauciant se qui paciscuntur, exemptumq; sanguinem, ubi permiscuere, degustant. Id putant mansuræ fidei pignus certissimum.* In Palmaria Insula, sicut recensent peregrinatores, quum novos hospites in amicitie fœdus suscipiunt, sibi ipsis novacula, vel gladio lapideo, sanguinem ex lingua, manu aut lacerto, aliave corporis parte, inspectante hospite, eliciunt, non veram amicitiam interpretantes, quæ pro amico vitam profundere renuit Phil. Camerarius Horar. Subcissivar. Cent. I. Cap. 6. Sic apud Sallustium Catilina sociis conjurationis in patera sanguinem humanum propinat. Adde, quæ de Medis, Lydis, Carmanis, Scythis, annotavit Vir Clarissimus, & diffusæ Lectionis Philologus, Hermannus Lignaridus, Oblectationum Academicarum. Cap. XXII. pag. 206. Ubi eundem etiam in modum hos populos fœdera sua percussisse demonstrat. *Medi enim & Lydi brachia circa humeros gladio seriebant, & per vices cruorem ita elicitum lingebant:*

Greterus indutus erat amiculum, sub quo delitescere A potuit, ne à quoquam agnosceretur.

33. *Animadvertit equinis freta patere vestigiis*] Revera Magorum iste antesignanus Odinus, virtute ac potestate Diabolica fretus, seu potius ipse Diabolus, sub specie capularis fœnis, Odini jussu, Hadingum per aera vexit. Illo namque tempore, quia dæmones totum fere mundum deceptum habebant, laxasq; potestatis habenas eis Deus reliquerat, non secus atque equi alati, homines ad longissima loca per aërem portasse leguntur; ut de Pasere, Exagono Oblogenum legato, Ciræe, Medea, Canidia, Tyridate, Apuscoro, Tarato, Marmaridio, Hippoco, Arnuphi Ægyptio, & innumeris aliis, scriptum invenimus, qui veluti volucres, dæmonum ope, advolasse perhibentur. Videatur Leonardus Vairus de Fascino Lib. II. pag. 177.

39. *Handevanum Hellesponti Regem*] Ad hunc locum ita Crantzius commentatur: *Hellespontum quem dicat Saxo, non satis compertum habemus. Nam in trajectum ex Europa in Asiam navigando pertingere non potuit, nisi magnâ mundi parte circumitâ. Et erat eanavigatio nondum Danis perterritata, quâ multo post seculis Normanni ex mari Britannico in mediterraneum penetrantes Constantinopolim usq; devenere.* Sed tanti nobis non erit Crantzij auctoritas, ut de rei gestæ veritate derogare vel minimum debeat. Nam *Hellesponti Regem* per Synecdochen pro Thraciæ aliquo Rege Saxonem dixisse, confirmant verba sequentia, de multo illo Orientalium robore, post hanc victoriam ab Hadingo debellato. *Orientis* autem nomine totum illum in Europa tractum Hellesponto finitimum complecti solent Historici antiqui. Quin poterat OTHINUS ille, qui ex Asia in Europam & regna Aquilonaria magnis cum copiis advenerat, Hadingum Regem de se benè meritum, expeditum quoddam itineris compendium, & quasi regiam viam edocuisse, quâ facilimum esset tam longinqua terrarum spatia assequi, & ipsum in Orientem penetrare. Imò fortasse hunc in finem Hadingo piratam illum Liferum, qui varias exterarum regionum oras diu rapinis peragraverat, velut ducem quendam hujus itineris adjungere voluit. Quid quod illâ tempestate tritum iter à principe Thraciæ urbe Bizantio in Daniam fuerit, quo scilicet, à majorum gentium Dijs, qui ibidem loci quasi summum, quoddam numinum Collegium instituerant, ad OTHINUM, & reliquos per totum Septentrionem dispersos consentes, συνθεῶντες & Synedros præstigiatores creberrimi commeari nuncios volebant.

41. *Mænibusq; non acie, resistantem*] Quis non videt legendum ita esse pro *novatiæ*? quæ vox nihili est. Sic infra Lib. VIII. ubi de bello ite-

dem cum Hellesponti quodam Rege gesto: *Rex mænibus, quam acie, tutius dimicandum existimans.* Inter decem Prætores, ab Atheniensibus olim in magno tumultu creatos, magna fuit contentio, *utrum mænibus sese defenderent, an obviam irent hostibus, acieq; decernerent?* auctore Cornelio Nepote in Miltiade, Cap. VI. Et hodieque Problema militare est, multis impeditum cautelis. Interdum etenim ratio necessitatis svadet, ad pugnam rem deducere; interdum præstat expectare hoilem intra urbem & castra, hisq; munimentis eum infringere. Necessitas, inquam, hic legem ponit. Unde & nascitur generalis illâ confligendi regula. Boni duces publico certamine nunquam nisi ex occasione, aut nimia necessitate confligunt. Vegetius III. 26. Id quod L. Æmilij Pauli dictum erat, vel ex Sempron. Atcl. Histor. libr. citat Agellius Lib. XIII. 3. Itâ Æneas, cum ab Turno Mezentioq; bello peteretur, *liet mænibus bellum propulsare posset, in aciem tamen, necessitate adductus, copias eduxit.* Verba sunt Livij Lib. 1. 2. 5. Vide sis Commentarium luculentissimum Balthazaris Ayalæ, de Jure & Officiis Bellicis, & disciplina militari, Lib. 2. Cap. 8. & passim.

43. *Earumq; pennis accensus igne fungos suffigi curavit*] Eodem Stratagemate Fridlevus Daniæ Rex Duffinum Hiberniæ oppidum occupat, infra Lib. IV.

45. *Eâ tempestate cum Othinus quidam*] De Othino hocce, juxta ac alijs Danicæ vetustatis numinibus, proprius erit, & destinatus dicendi locus infra, ad illa Lib. VI. verba: *Olim enim quidam magicæ artis imbuti, Thor videlicet & Othinus, aliq; complures.* Ubi de industria de Dijs Borealium nationum agit Saxo. Nequaquam tamen committere possum, quin opinionem Clarissimi Viri, M. Brynolfi Svenonij, in medium hic adferam, qui in Conjectaneis suis statuit, duos tresve fuisse Odinos; de quibus hunc in modum disserit: *Atqui prius unoculum illum Odini defuncti similem genium asseruimus. Cujus nos equidem sententiæ nondum pœnitet: qui arbitramur ut minimum duos Odinos, si non plures, extitisse. Primum Asianum, Thoro Asiæ antiquiorem, qui Priscus dicitur, à Trojanis Regibus, à Saturno Cretensi originem traxisse: si fides est Genealogiæ vetustæ membranæ inscriptæ, quam inter frivola templi Cathedralis Scaboltini superiore anno erui. Hunc Europam nunquam vidisse arbitror: ideoq; illum Odin hinc gamla / hoc est priscum, qui discrimen perpenderunt, nominant. Alterum Upsalinum hunc credam, cujus numen in Sveonia & Septentrione eximie cultum est. Norvagiam non accenseo, quæ licet Odinum coluit, non videtur illi tamen, sed Thoro, tanquam tutelæ, præcipuos honores detulisse. Verum enimverò auctâ superstitione miserorum hominum, & Dæmonum astutiâ superbiam ex vanitate aggerante; utriusque numen in unum confusum puto, & in commune, quod singulis prius erat proprium,*

collatum. Quin imò tertium ex his Saxonis verbis elicere videor: Cujus secessu Mithothin quidam præstigiis celebrer: &c. dictus à suis, Odinus; verum quia in Odini prioris numen cultumq; irruerat, Mid-Odinus, id est, medius Odinus, ad differentiam dictus, cum confusus ille commistusq; ut opinor, è prisco Asiano, & posteriore Asiano quidem etiam illo, sed profugo Europæo, & Upsalense facto, antè Mid-Othinum religiose cultus sit, & postea etiam ab exilio regressus, omnes, qui per vim aut malum fraudem, nomen & numen hoc usurarium obtinuerunt, velut tenebras superveniente numinis sui fulgore discusserit, ut Saxo loquitur. Atqui cum Mith-Othinum in Feoniam, jam nunc, ut puto, in ordinem redactum, ut lateret, dicat secessisse: videant Fioni, an suam Othoniam ab illo præstigiatore, an ab illo altero archimago, denominatam malint.

Page. 13. vers. 5. Statuam suæ dignationis indicem] Dignationis, id est, cultus & honoris, quem Othino præstabant. Justinus Lib. XXVII. de Clcomene, qui cum conjugè & liberis in Ægyptum ad Ptolomæum profectus, ab eo honorifice susceptus, diu in summâ dignatione regis vixit. Utitur Tacitus passim. M. Tullius ad Atticum Epist. 10, Lib. X. Curtius, Seneca, & alij. Higinius Gromaticus: Si latior fuerit, proxima quadraturæ sequens est dignatio: Ad quem locum ita Barthius, lumen Saxonie suæ, Advers. Lib. 2. Cap. XX. Dignatio significat æstimationem, pretium, opinionem, dignitatem. Glossa: Dignatio, ἀξία. Plinius Lib. XIV. Cap. 7. Græcia ante omnia est vino Clazomenio: ab his dignatio est Sicyonio, Cyprio, Telmesio.

9. Adscitis fabris aurum statuæ detrahendum curavit] Non aliter ac de Sacerdotibus Idolorum loquitur Jeremias in Epistola ad eos, qui agendi erant in Babyloniam à Rege Babyloniorum, quæ extat Baruc. Cap. VI. & quidem vers. 9. & 10. Comparant coronas, imponuntq; caputibus deorum suorum: aliquando verò etiam subducentes Sacerdotes à dijs suis aurum & argentum, in usus suos consumunt, donantq; etiam ex illis meretricibus, quæ sub tectò ipsorum sunt. Et quæ sequuntur. Videatur totum caput, quod Idolorum vanitatem luculenter exponit.

10. Quam etiam mirâ artis industriâ ad humanos iactus vocalem effecit] Nimirum, ut si quis posthac iteratis ausibus tam divitem statuam furto violare præsumeret, voce & clamore simulachri, et αὐτοφῶνος proderetur: vel, ut statua, præter morem, subito vocem humanam edens, fures ac lavernas horrore quodam ac metu ingenti percelleret. Sed nec alienum, vero videntur, Othinum huncce præstigiatorem & Magia illa tempestate nulli secundum, vel ad ceres dilerum polita, vel etiam per Dæmonum agency, id est, quia magis invocati simulachra ingrediebantur, eo quoq; sine statuam suam vocalem reddidisse; nempe ut futura

A prædiceret, oracula depromeret, fidemq; divinitatis sibi apud imperitum vulgus altrueret. Ità Snoro Sturlæsonius Historiæ Norvagicæ Cap. 1. testatur, eundem Othinum Mimeri Scythici caput, ab Asianis sibi transmissum, balsamo condidisse, arteq; Magicâ ita præparasse, ut articulare loqueretur, & arcana, quæcumque scire discuperet, sibi revelaret. Hujusmodi statuarum frequens apud Scriptores mentio. Talis erat apud Ægyptios statua Memmonis magicè consecrata, de quâ Juvenalis Sat. XV. Ubi vide Notas Grangæi. De ea Tacitus Annal. Lib. II. Ceterum Germanicus alijs quoq; miraculis intendit animum, quorum præcipua fuit Memmonis saxeæ effigies, ubi radiis solis icta est, vocalem sonum reddens. Aureas juxta ac argentæas Chaldæi faciebant, de quibus Rabbi Moses Ægyptius in More Nebochim. Lib. III. Cap. 30. sic scribit: Et edificaverunt Palatia & posuerunt in eis Imagines, & dixerunt, quod splendor potentium stellarum diffundebatur super illas imagines, & LOQUEBANTUR CUM HOMINIBUS & annunciabant eis utilia. Hermes Trismegistus in Asclepio statuarum quoq; meminit, quæ futura prædicent. Gvil. Malmesburiensis de gestis regum Angliæ Lib. 2. Cap. X. De Gereberto (qui postea Pontifex Max. Sylvester II. dictus est) fama dispersit, fudisse sibi statuæ caput, certâ inspectione Syderum: quod non nisi interrogatum loqueretur, sed verum, vel affirmativè, vel negativè, pronunciaret. Verbi gratiâ, cum diceret Gerebertus, ero Apostolicus? responderet statua, Etiam. Moriar antequam cantem Missam in Hierusalem? Non. Sed responso de mortis tempore deceptus est. Cogitavit enim ille urbem Jerusalem; Oraculum autem sacras ædes sic dictas Romæ voluit. Illic, postquam Dominico, cui titulus, Statio ad Jerusalem, Pontifex ille oraculi mentem non assecutus sacra celebrasset, miserè vitam finivit. Hujus generis fuere imagines illæ, sive TERAPHIM Labanis, quas furata est Rachel, Genes. Cap. XXXI. Com. 9. Item Muzebah, id est, Statua, de quâ Hoseas Cap. 3. Com. IV. Vide sis Clariss. Virum, Johan. Seldenum, de Dis Syris Syntagmatis Lib. I. Cap. 2. Cui equidem multa debemus accepta eorum, quæ hîc signavimus. Qui ejusmodi Imagines aut conficiunt, aut consulunt, Imaginarij dicuntur Johanni Sarisberienfi Lib. 1. de Nugis Curial. Cap. XII. Imaginarij sunt, qui Imagines, quas faciunt, quasi in possessionem præsentium Spirituum mittunt, ut ab eis de rebus dubiis doceantur. Idololatriæ speciem artem hanc appellat idem auctor, Lib. 2. ubi de Imaginariis istis ita porro agit: Ad tantam quidam pervenere insaniam, ut ex diversis stellarum positionibus dicant imaginem ab homine posse formari, quæ si per intervalla temporum, & quadam ratione proportionum in constellatione servata formetur, stellarum nutu recipiet spiritum vite, & consulentibus occultæ veritatis manifestabit arcana. Quod

Quod verò Diabolus imagines facere loquentes possit, & quod ipsius arte imagines olim in templis locutæ sint, testatur etiam Rupertus Tuitiensis Lib. VIII. Commentar. in Apocalypsin Johannis, & imprimis ad illum Cap. 13. versum: *Et datum est illi, ut daret spiritum imagini bestię, & ut loquatur Imago bestię*: Si, inquit, Imaginem hic vulgari sensu velis accipi, quales possunt ab hominibus fieri in ligno & lapide, sive quocumq; aramento, multò magis miraculum istud diabolice malitię usitatum fuit, ut loqueretur imago hujusmodi. Hujusmodi namq; imagines loquebantur in templis, arte Spiritus maligni cavernas patentes irreptis, ante exaltatum signum crucis Christi. Huc addi poterunt, quæ Johannes Turpinus de statua Mahumet commemorat Cap. IV. Mythologiæ suæ potius, quàm Historiæ, de Vita Caroli Magni & Rolandi: Tradunt Sarraceni, quod Idololum istud Mahumet, quem ipsi colunt, dum adhuc viveret, in nomine suo proprio fabricavit, & Dæmoniacam legionem quandam suæ arte magica in ea sigillavit: quæ etiam tantâ fortitudine illud Idololum obtinet, quod à nullo unquam frangi potuit. Cum enim aliquis Christianus ad illud appropinquat, statim periclitatur: sed cum aliquis Sarracenus causâ adorandi vel deprecandi Mahumet accedit, ille incolumis recedit. Si fortè super illud avis quælibet se deposuerit, illico moritur. Est igitur in maris margine lapis antiquus, opere Sarraceno optimè sculptus, supra terram deorsum latus & quadratus, deorsum strictus, altissimus scilicet, quantum solet volare in sublime corvus: super quem elevatur imago illa de auro optimo, in effigie hominis fusa, super pedes suos erecta, faciem suam tenens versus Meridiem, & manu dextrâ tenens quandam clavam ingentem: quæ scilicet clava, ut ipsi Sarraceni ajunt, à manu ejus cadet, quando Rex futurus in Gallia natus fuerit, qui totam terram Hispanicam Christianis legibus, in novissimis temporibus, subjugabit.

35. *Posthæc Othinus conjugis fato*] Hoc est, Uxoris morte, seu posteaquam defuncta esset Frigga Othini uxor. *Fatum* pro morte ipsa: quomodo τὴν ἐμπεριένην Plato & alij dixerē.

41. *Qui se cœlestes & divinos honores tam fraudulenter arrogabant*]

47. *Cassus vacillanti nitens*] Hæc de se ipso jam vitæ pertæsus Asmundus pronunciat. Confert autem se cum se aliqua vacillante, hoc est nutante & labante, indicans se lapsui vicinum esse, & proprio in ruinam pondere devergere, ut infra loquitur Ulvilda.

48. *Lorica jam nec commodè fustum regit*] Ordo est: Lorica non commodè regit fustum, id est, peremptum. Nullo etenim indiget munimento, qui jam mortem oppetiit. Sed intelligenda hæc sunt de eo, ὅς μετὰ τὴν κινδυνεύσειν, ἢ μετὰ τὴν πᾶν; de eo nempe, qui mortem læto animo expectans, nihil pensi habet, quibus-

A cunq; se exponere periculis. *Fustum* igitur hic erit, tantum non fustum, ferè peremptum, & cui fixa stat animo sententia, non diutius usura hujus lucis frui post interfectum filium.

Pag. 14. vers. 3. *Fugâq; fractus conquiescat impetus*] Hæc ἀποφασίᾳ existimo; quasi diceret: *Nec fuga fractus conquiescat impetus*: ut servus sit: Non committam, ut generosus ille & Martius impetus, quem avido mortis animo concepi, turpi fugâ fractus & debilitatus, conquiescat, & tandem in nihilum recidat, vel in fumum ac favillas abeat. Aptè igitur *Impetum fugâ frangi* dicit: quomodo Propertius Eleg. 20, Lib. 3.

Non turpi fractus amore:
Et Petronius Arbiter in carmine de mutatione Reipubl. Romanæ:

Scorta placent, fractiq; nervi corpore gressus. Symmachus Epist. 47. Lib. I. *Virtutem puto fregisse delicijs*. Quintilianus Lib. I. Institut. *Mollis illa educatio, quam indulgentiam vocamus, nervos omnes & mentis & corporis frangit*. Suetonius Julio Cap. 68. *Ne patientiâ & pertinaciâ hostis animi suorum frangerentur*. Ità mox infra fugam solvere ferocem vim dixit: Nam cum ferocem vim fuga solverit, Et præliorum pars vana labitur.

6. *Vagnoftus partibus ejus propugnaturus advehitur*] Raro sanè to propugnare cum dandi casu positum invenies. Utitur tamen Apulejus & alicubi Horatius. Illius Lib. IX. hæc sunt verba: *Lepidum crebris jactibus propugnare fratri, atq; abigere canes aggrediuntur*. Ammianus Marcellinus Lib. XVIII. pag. 140. *Quorum avaritiæ, ne tuâ quidem excelsa illa fortuna, propugnans miseris meis, potuit refragari*. Caterum hic deplorare potius quàm demirari licebit immensam gentiliū cœcitatē, qui vana illa numina sua, sive dæmonia, prælijs & conflictibus interesse, & opportuna cultoribus suis auxilia præstare crediderunt. Huc refer primum quæ Saxo infra Lib. III. de Sylvestribus commemorat virginibus, quæ suis ductibus & auspicijs maxime bellorum fortunam gubernari testabantur. Sæpè enim se nemini conspicuas præliis interesse, clandestinis subsidijs optatos amicos præbere faciebat: quippe conciliare prospera, adversa pro libito instigare posse. Unum aut alterum exemplum Romana recenset Historia de malis gentijs, qui in acie visi sunt hostiles fudisse copias. Valerius Maximus Lib. I. Cap. VIII. *Cum apud lacum Regillum A. Posthumius Dictator, & Tuscanorum Dux Manlius Octavius, magnis viribus inter se concurrerent, ac neutra acies pedem aliquamdiu referret: Castor & Pollux Romanarum partium propugnatores visi, hostiles copias penitus fuderunt*. Sic in prælio, quod cum Brutijs & Lucanis, Thurinæ urbis defendendæ ergo, Romani gesserunt, cognitum pariter atq; creditum est, Martem Patrem tunc populo suo adfuisse; teste eodem Valerio, loco

citato. Ejusmodi propugnatores, qui in diffi- A
cili & ancipiti angustia constitutis, & gravi
aliquo periculo afflictis, præsto erant, & libe-
raturi subveniebant, Græcis dicebantur θεοὶ σω-
τῆρες, dii saluatores, sive παρασῆται, opitulantes,
opem ferentes. Ælianus Lib. 1. Var. Histor.
Cap. 30. Σαυτονώτερον ἐπιδιώξαντες διόσκου-
ροι, τοῖς δευδαίοις γενώμεθα σωτῆρες ἔνθα, καὶ
ἀγαθοὶ παρασῆται, τὸ το δὴ τὸ λεγόμενον ἐπὶ
τῶν θεῶν τῶτων. Velocius persequentes apparea-
mus miseris quasi Dioscuri Saluatores, & opiferi sa-
lutem ferentes, quod communi Proverbio de his dijs
vulgatum est. Heliod. Æthiop. Lib. 9. θεοὶ σω-
τῆρες ἀνεβόησαν, dii Saluatores exclamarunt. Lu-
canus auxiliare numen appellat, Lib. VI.

Nec cantu supplice numen

Auxiliare vocat

De bonis autem Genijs, quos pijs suis Deus ille
Zebaoth periclitantibus auxilio submiserit, lo-
quuntur passim Historicorum monumenta.

22. Hastā trajicit amentatā] Amentatā, hoc
est, loris astrictā, qualibus telis hodie utuntur
Grónlandi. Utitur Cicero eādem voce Lib. 1.
de Oratore. Lucanus Lib. VI.

Cum jaculum parvā Libys amentavit habenā.

27. Spiritum sibi ferro surripuit] Geminum
amoris conjugalis exemplum habemus Libro
sequenti, de Svanhvitā Regneri conjugē. Plura
concessit Valerius Maximus Lib. IV. Cap. 6.
Memorandum est vetus hac de re monumen- D
tum in Hypnerotomachiā Poliphili:

D. M.

PUBL. CORNELIA. ANNIA.
NE. IN. DESOLATA. ORBITATE. SUPERVI-
VEREM. MISERA. VIVAM. ME. UL-
TRO. IN. HANC. ARCAM.
CUM. VIRO DEFUNCTO.
INCOMPARABILI. AMORE. DILACE-
RATA. DAMNATAM DEDŌ
CUM. QUO. VIXI. ANNOS. XX.
SINE. ULLA: QUERELA.
VALE. VITA.

48. Haud parvum vitandæ credulitatis docu-
mentum reliquit] Credulitas etenim vitium est
perquā affine stultitiæ, non considerantis ho-
minum vanitatem, & fallendi studium. Pru-
dentis est, inquit Seneca, examinare consilia, &
non citō facili credulitate ad falsa prolabi. Hinc Pe-
tronus: Nequaquā recte faciet, qui citō credit.

Pag. 15. vers. 1. Sylvestribus fungis famem lenire
cœperunt] Quintilianus Declamatione XII: Nos
per arentes effusi campos morientium herbarum ra-
dices evellimus. Amaros fruticum cortices, & ramo-
rum malè arentium pallidas frondes decerpimus. Mor-
bida quicquid fames coëgit, corpus admisit. Ita &
Lucanus Lib. VI. eleganter describit famem,
quam passi sunt Pompej milites:

Sed patitur seram, veluti circumdatus arctā
Obsidione, famem: nondum surgentibus altam

Insegetem culmis, cernit miserabile vulgus
In pecudum cecidisse cibos, & carpere dumos,
Et morsu spoliare nemus, lethumq; minantes
Vellere ab ignotis dubias radicibus herbas:
Plurimaq; humanis antehac incognita mensis
Diripiens miles, saturum tamen obsidet hostem.

Huc facit etiā Livij locus de Petellianis Bru-
tijs ab Himillone Annibalis præfecto oppugna-
tis agens Lib. XXIII. & tandem per famem ex-
pugnatis: Nec ulla magis vis obseffos, quam fames
B expugnavit. Absumptis enim frugum alimentis, car-
nisq; omnis generis quadrupedum, sutrinæ postremo
coriis, herbisq; & radicibus & corticibus teneris, stri-
ctisq; rubis vivere: nec antequam vires ad standum
in muris ferendaq; arma deerant, expugnati sunt.

2. Commanducatis equis] Nemo illud extre-
mæ necessitatis argumentum Saxoni credat,
si illud simpliciter vult referri, qui nullum sub
Gentilismo alimentum familiarius equinā, ex
omnifaria Historia didicit; cujus in visceratio-
C ne sacrificiali usus erat non modo populi no-
bilis perinde ac vulgi, verum Regum & Princi-
pum etiam. Vide Chronica Haquini Adelstensi-
foftri; quem cogere voluerunt, jam prius in
Anglia ad Christianam fidem conversum, in
Comitijs equinā vesci, ut secum in religione
consentire fateretur: ne quid de alijs dicam.
Verum sic & Saxonis fidem, & rei veritatem,
conciliabo, ut statuam, illum de bellatoribus
& elitellarijs, atq; iis alijs, quibus finē maximā
necessitate carere non poterant, loquutum esse.
Nam nec tam possum esse malignus, ut existi-
memeum ad suam ætatem, quā equinā inter-
dictum est Pontificum decreto non uno, istos
mores contrā fidem Historici, & suam autori-
tatem, accomodasse. De Canibus verō & ho-
minibus alia longē res est, nec unquam eorum
usum finē abominatione seculi memini legisse.
M. Brynolfus.

4. Neq; humanis artibus vesci] Quintilianus
E loco dicto: Confitendum est, deoravimus homines,
& quidem avidē, quia diu nihil ederamus: et quæ
sequuntur, per totam Orationē sparsa de infau-
stis & insolitis cibis, quibus famem propulsare
coacti sunt miseri mortales. Sic de Numantinis
horrendum est, quod tradit Valerius Maximus
Lib. VII, Cap. 6. Numantini, inquit, à Scipione vallo
& aggere circumdati, cum omnia quæ famem eorum
trahere poterant, consumpsissent, ad ultimum huma-
norum corporum dapibus usi sunt. Quapropter captā
jam urbe, complures inventi sunt artus & membra tru-
cidatorum corporum sinu suo gestantes. Horum per-
tinaciam supergressa est Calagurritanorum exe-
crabilis impietas: qui quō perseverantius obfi-
dionem Cn. Pompeji frustrarentur, quia nul-
lum jam aliud in urbe eorum supererat animal,
uxores suas, natosq; ad usum nefariæ dapis verterunt,
ait idem Valerius loco jam dicto. Itā & Sagun-
tini oppressi ab Hannibale humanas edere car-
nes, Livius Lib. 24. Petronius Arbiter.

9. *Quæ cæca sensus corripuit fides*] *Fides* pro A fiducia, seu confidentia. Nam à *Fido*, quod & significat fidem adhibeo, & interdum amplam foveo spem, (cujus contrarium est *dissido*, id est, despero) fit *Fides* & *Fidentia*, hoc est, audacia & temeritas : item *Fiducia*, quod similiter, fere audaciam significat bonis in rebus, quamvis aliquando in malam partem accipiat, sed perraro. Virgilius :

Cernis quæ Ratulos habeat fiducia rerum ; id est, temeritas. Item à *Fido*, *confido*, quod signi- B ficat Audeo. Capiturq; interdum in bonam partem, ut apud Vigil.

——— *Et afflictis melius confidere rebus.*

Interdum in malam, Cicero : *Qui fortis est, idem fidens : quoniam confidens, mala consuetudine loquentium, in vitio ponitur.* Virgilius : *Nam quis te juvenum confidentissime nostras jussit alire domos ?* *Confidentissime*, inquit, hoc est, impudentissime, & maxime temerarie. Unde *Confidentia* pro temeritate ponitur. Terentius ; *ingentem* C *confidentiam* !

17. *Marte prioribus*] Superioribus, qui victoriam obtinent ; qui superiores & victores evadunt. Dani dicerent : *De som beholde Marten.*

20. *Cum fors rebellem præcipitem fugat*] *Fatum* universus Septentrio, & Stoicam de necessitate opinionem, magno affirmavit consensu ; contra quam nec res ; nec consilium, nec humana virtus ulla, quicquam posset. Hinc adeo D omnium Heroum in extremis vitæ periculis, unanimis vox erat, quæ præsentem statum tollerentur :

Η ΨΑ ΠΡΙΠΗΥ ΠΑΡΕΙ

ΝΗ ΑΡΙΠΗΥ Ι ΞΙΝ ΥΑΥΑ

Et mâ frigum forda

Nie Ofrigum i Del fema.

Id est ; *Nec qui morti destinatus est, fugere : nec non destinatus, morti addici potest. Quam sententiam, fallor, an extremi versus hi sapiunt.* M. Brynolfus.

25. *Quid me sic Uffo provocat*] Carmen est Dicolon, diutrophon. Primus quisque versus est jambicus Dimeter : secundus Dactylicus Archilochius Dimeter hypercatalectus, constans duobus Dactylis & syllaba. Igitur hunc in modum legendi :

Quid me sic Uffo provocat

Seditione gravi,

Pœnas daturus ultimas ?

Confodietur enim.

43. *Duo senes humano habitu tetriores*] Ità cum Aulus Postumius Dictator, contra Latinos, qui in Romanos conjuraverant, ad Lacum Regillum pugnaret, & victoria jam nutaret, duo juvenes candidis equis, insigni virtute, apparuerunt, pro Romanorum salute fortissime dimicantes : quos Dictator post victoriam

quæsitos, ut dignis muneribus honoraret, non invenit, Castorem & Pollucem ratus. Julius Obsequens Cap. X.

51. *Seu pede rura teras*] Æquè diris impressionibus quendam devovit olim Ovidius Exul, quem proprio nomine suppresso *Ibin* appellat in Invektivâ sat acri & mordaci, quæ etiamnum extat :

Terra tibi fruges, amnes tibi denegæt undas :

Denegæt afflatus ventus & aura suos.

Nec tibi Sol clarus, nec sit tibi lucida Phæbe :

Destituant oculos sidera clara tuos.

Nec se Vulcanus, nec se tibi præbeat ær

Nec tibi det tellus, nec tibi pontus iter.

Et paulo post :

Lapsuramq; domum subeas —————

Pag. 16. vers. 3. *Dirò pecus occidet algu*] Per Pecus nonne intelligendi soli Equi, an vero simul Oves, boves, cunctaq; animalia domestica? *Algu*, non est dubium pro algore, seu frigore hic poni. Lucretius Lib. III. vers. 5

Sollicita volitant morbis, alguq; fameq;.

Et Lib. V.

Tandem bruma nives affert, pigrumq; rigorem

Reddit. Hyems sequitur, crepitans ac dentibus algus.

Ad priorem versum sic satis rectè commentatus est Dionysius Lambinus : *Priscianus Lib. V. inquit, aut vetus nescio quis apud eum Grammaticus, docet usurpari à Latinis algor, is, in tertiâ inflexione, & algus us, in Quarta : ut minime dubitandum sit, quin ita legendum sit, non algoq;. Nam quævis sic habeant Libri manuscripti, nihil hoc me movet, cum sciam librariorum illos sæpe O pro U, & U pro O scribere solitos esse. Adde quod Sospiter Charipus Lib. I. notat algu dictum esse à Latinis, proferatq; locum ex Plauto in Rudente : Tavel fuda, vel peria g.a. Idem ille Grammaticus apud Priscianum citat aliam locum Plauti in Vidularia : Inopiam, luctum mærorem, paupertatem, algum, famem. Obstat hinc Nonius, qui hunc locum proferens, legit algoq; fameq; docetq; algo pro algore usurpatum esse à veteribus. Ego hoc tantum respondere possum, vel Nonium usum esse corruptis libris, vel ipsam Nonium esse mendosum, atq; apud eum legendum algu pro algore, & locos omnes, qui ab eo proferuntur, sic esse restituendos. Plautus Mostellariâ Actus I. Scena. 3. vers. 35.*

Dij Deaq; omnes me pessimis exemplis interficiant,

Nisi ego illam anum interfecero siti, fame, atq; algu.

5. *Ut scabies fugière nocens*] *Nocens Scabies* hic est, quam Horatius malam dixit, in Arte Poetica :

Ut mala quam scabies & morbus regius urget :

Ubi malam Scabiem interpretes exponunt feram, quam Græci *ψωρα ἀγρία* vocant, credebantque veteres Romani contagione ad alios transire. Itaq; ut Hebrai vitiliginosos averfabantur ;

bantur; sic & Romani scabiem, quæ summam A cutem, ut vitiligo & lepra, lædit & inficit, abominati sunt. Alioquin in eadem Arte Poetica illud ex ludo puerorum occurrit: *Occupet extremum scabies*; de re non minus detestanda.

Pag. 16. vers. 7. *Quippe unum est superius* Cum inter homines dijagerent, crediti sunt corpus demortui cujusdam assumptū induere, pro cujus modo vires exercere, & ad illius conditionem vulnerari posse, obtinuit. Violato proinde conceptaculo & assumptio hoc numinis domicilio, B conjunctionem destrui putarunt, non ipsam numinis vitam, nè quis existimet tam immanes fuisse, ut deos mortales colerent. M. Brynolfus.

10. *Carceris Æolici*] Æolum veluti carcere quodam conclusos habere ventos, eisq; laxas, si quando voluerit, dare posse habenas, ut cum Poëta loquar, finxit vetustas. Virgilius i. Æneidos:

————— *Hic vasto Rex Æolus antro
Luctantes ventos, tempestatesq; sonoras
Imperio premit, ac vinculis & carcere frenat.*

Et paulo post ibidem:

————— *Illā se jaceret in aula
Æolus, & clauso ventorum carcere regnet.*

11. *Te Zephyrus Boreasq; ruens*] Virgilius loco dicto:

Una Eurūsq; Notūsq; ruunt, creberq; procellis
Africus

12. *Et conjuratos certabant edere flatus*] Claudianus de Victoria Theodosij i.

O nimium dilecte Deo, cui fundit ab astris
Æolus armatas hiemes, tibi militat æther,
Et conjurati veniunt ad classica venti.

Sedulius Presbyter Lib. i. Carminum de statione Solis sub Jesu filio Nave:

————— *donec populantibus armis
Fervidus ingentem gladius consumeret hostem,
Conjurante polo.*

Galteus Lib. IV. Alexandreidos, Fol. XXXIII. E

Conjuratus adest in praelia mundus.

16. *Proprio turbidabat adventu*] Turbidabat, id est, turbida reddebat. Martiani peculium est id vocis. Sic namq; ille Lib. i. pag. 18. de divā quadam: *Hæc commutationum assiduorum nubilo crebrius turbidabatur.* Libro item 2. pag. XL. *Circa ipsum verò terræ circulum aer ex calore supero, atq; ex halatu madoreq; infero turbidatus.* Ita alibi Capella *Stupidare* dixit, pro stupidum reddere, nempe Lib. VI. pag. 188.

Quod pavidum stupidet sapiens solertia vulgus.
Et Lib. VII. pag. 233.

Seris marcentem stupidant commenta martium.

20. *Fró Deo*] Rectè sanè Fró deo rem divinam fecit, ejusq; numinis iram placandam censuit, cujus oppressus fuerat. Etenim Fró deus tempestatum & aeris potens finge- batur:

ut ex Historia Gislii Sursonij observavi; quæ narrat Thorgilsum Thorsteni Thorskabiti filium, Fró dei sacerdotem, Groenfigoda/ id est, flaminem Fró dei occisum, & adhuc inultum, numinis iram hoc signo subsequutam esse, quod tumulus occisi, integra hyeme, utcuq; ningeret, intactus tamen mediā sui parte semper manserit. Eyrbyggja conferatur. Testantur nomina Germanica, *Fró / Mane*; & *Frieren / Algere*; unde nostrum etiam at *Frysse / & Frost*: quod in Septentrione frigore, ut vindice manu, & frigoris comitibus violentis aliis tempestatibus, Deaster ille sit usus, ex illorum quidem hominum opinione. Proinde convenienter & *περὶ τὸν τῶς*, cum intemperis aeris Hadingus infestaretur, ventorum Regem, tempestatumque potentem, placandum sibi duxit. M. Brynolfus.

Ibid. *Rem divinam furvis hostijs fecit*] *Furvis*, id est, nigris. Festus: *Furuum bovem, id est, nigrum, quem immolabant Averno.* Bellonæ rem olim sacram furvis etiam hostijs fecisse Britannos, auctor est Spartianus in vita Severi: *Et in civitatem veniens (Eboracum scilicet) cum rem divinam vellet facere, primum ad Belonæ templum ductus est errore aruspici rustici, deinde hostiæ furvæ sunt applicitæ.* Nigris quoq; hostijs Proserpinæ sacrificatum. Silius Italicus Lib. I.

————— *tum nigra triformi
Hostia mactatur divæ*

Hinc quoq; Tibullus Eleg. XI. vers. 64.

Concidit ad magicos, hostia pulla, deos.

Valerius Maximus Lib. II. Cap. 4. *Patriq; indicaverunt, vidisse se in somniis quos nescio deorum spongiā corpora sua pertergere, & præcipere, ut ad Ditis patris & Proserpinæ aram furvæ hostiæ immolarentur.* Censorinus de die natali, Cap. 17. ex Varrone de scenicis Originibus Lib. i. *Cum multa portenta fierent, & murus ac turris, quæ sunt intra portam Collinam & Esquilinam, de cælo essent tacta, & ideo libros Sibyllinos Xviri adjissent, renuntiarent, ut Diti Patri & Proserpinæ ludi Terentini in campo Martio fierent, & hostiæ furvæ immolarentur.*

22. *Fróbloth Sveones vocant*] Subintellige hunc sacrificandi ritum. *Fróbloth* tantundem valet, ac si diceres sacrificium, quod in honorem Fró dei, sanguine vel humano, vel pecudum, peragitur. Nam *BMAT*H, Blothen / Danorum* vetustissimi, præsertim extrā civitatis divinæ pomoeria constituti, dixerunt *sacrificia & oblationes, BMATA Bloth / sacrificare.* Hinc *Guds bloth / Dei sacrificium.* Unde Othinus in Antiquitatibus Norvagicis *BMAT*H YAPNA Blothmadur / id est, Sacrificulus, augur, seu Pontifex, vocatur, quia ille primus dicitur ritus sacrificiorum populos Septentrionales edocuisse.* Itā quoq; apud Latinos

Scripte-

Scriptores *Sangvis* dicitur sacrificium, quod A humano sanguine peragebatur. Tertullianus:

— lacerant corpus, funduntq; cruorem
Quale sacrum est vero quod fertur nomine sanguis.

41. *Refuga secum sub terras abduxit*] Possent equidem ex hac quoq; narratione vitiligatores ansam arripere obstrigillandi Saxonis; quasi & hic denuo veritatis confregisset tesseram. Verum si micam habeant candoris, fateri coguntur, Hadingi huncce ad inferiora terræ loca raptum, nihil aliud fuisse, quam meras Satanæ præstigias & illusiones, quibus Hadingum ad cædes & sanguinem humanum fundendum, animare voluerit, veluti per nebulam, aut phantasmam, ostendendo, in campis Elysiis, post suprema fata, locum aliquem assignatum esse viris militaribus & Marti addictis: quum Hadingus interim haud verius ad inferos descenderit, quam Orpheus aut Hercules. Hanc sententiam meam validè confirmant eruditissima Conjectanea Reverendi plurimum & Clarissimi Viri, Dni. M. Brynolfi Svenonij, Episcopi Scalholtenensis, quæ inter alia sic habent: Scio de facti hujus veritate disceptari & dubitari inter illos solere, qui omnia ad qualitates illas, Physicis manifestas dictas, & alias occultas referunt, quod corporum penetratio nequeat evenire: contra quos quiequam disputare nec animus, nec otium est. Illud saltem ad animum sumant licet, fieri nē possit, ut Dæmonum arte terra, & terrena corpora diducantur, & diducta præbeant transitum corpori etiam naturali? Equidem Saxonem ab antiqua hominum Septentrionalium opinione nihil alienum referre, tam certò scio, quam nunc serenare: qui a multis accepi, persuasum fuisse, ut spectrum confidenter inseculo, saxa, tumuli, parietes, pervia pateant: tantum caveat modò, nē respectet. Sic etenim herere aquam, & omnia in pristinum statum reduci, manente, qui insecutus fuerat, illic loci, ubi respectarat. Fides penes auctores esto. Nobis satis est Saxonis fidem liberasse.

47. *Liventis aquæ fluvium*] Martianum Capellam hoc loco, sicut & millies alibi, imitatus est Saxo noster; cujus hæc existat amnium quorundam descriptio Lib. i. pag. 6. Verum eosdem annes diversicolor fluentorum discrepantium unda raptabat. Quippe primus diffusoris ac prolixi ambitus gurges LIVENTIS AQUÆ VOLU-MINE nebuloso atq; algidis admodum pigriq; cursibus hæsitabat. Alius instar lactis candidæq; lucis mitis per omnia quietoq; motu undas volvebat argenteas. Tertius verò rubeo igno rutilantes festinataq; rapiditate præcipientes fragrososq; cursus anhelâ sulphureus celeritate TORQUEBAT. Huc etiam refer aliam Saxonis nostri *καταρραφην*, quam legere est Lib. VI. Cujus aqua lapsus tam incito ac præcipiti volumine defertur: & quæ sequuntur:

Liventes spumas Palico lacui tribuit Julius Firmicus Maternus, Præfatione Lib. i. ad Macrobius Lib. V.

48. *Diversi generis tela rapido volumine detorquentem*] Haud secus ac Simois apud Maronem i. *Æneidos*:

— ubi tot Simois correpta sub undis
Scuta virsum, galeasq; & fortia corpora volvit.

Pag. 17. vers. 5. *Celeri navigatione cassavit*] Hoc est, irritas reddidit, frustratus est, evasit. Sic infra Lib. XIV. *Profectamq; à crapula indulgentiam solâ animadversione cassavit*. Galterus Lib. 2. Alexandr. fol. 21.



— verum ratione potentior omni
Discussit fortunâ præcox, quæ sola tuetur
Tuta, gravata levat, cassat rata, sædæa rumpit.

Fulbertus Carnotensis Epist. LXI. *Peri perpendimus, Pater, quod Pastoris nomen negligentia non cassatis*. Et Sermonem de Nativitate Beatissimæ Virginis Mariæ: Cui primum est Sanctos Angelos in ministerium mittere, & ad beneplacitum suum inferorum pacta cassare. Matthæus Paris in Historia Henrici II. Angl. Regis: Hanc sententiam irritam penitus esse censemus, & eam auctoritate Apostolicâ cassamus. Ivo Carnotensis Epist. LIX. Cujus electio si justa vobis videlitur, petimus ut nullas moras innectatis: si injusta, quâ lege differenda sit, vel cassanda, me & suffraganeos meos literis vestris instruatis. Et Epist. LXXXVII. Si enim & in hoc cassata fuerit expectatio nostra. Et XCV: Ut & judicia Synodalia non nisi summâ ratione cassentur. Et CLV: Virtutem Sacramentorum cassare non possunt præva merita usurpatorum. Radulphus Ardentius Homilia XV. Post Trinit. Hæc autem gloria inanis sive vanâ dicitur, quia à gloria verâ æternæ retributionis cassatur. Adamus Bremenensis Lib. I. Cap. XLI. Synodo ante Triburcam cassata sunt Apostolicæ sedis Privilegia.

14. *Centuriandi exercitus auctorem habuit*] Centuriare exercitum, pro in Centurias digere dixit, imitatus Valerium Maximum, cujus hæc sunt verba, Lib. III. Cap. 2. Reddendus est nunc Romanæ juventuti debitus honos, & gloriæ titulus, quæ equis delapsa seipsam centuriavit, atq; hostium exercitum rupit. Livius Lib. V. Eam juventutem ex industriâ centuriaverat, & armaverat ad tales casus. Eodem verbo utitur infra Saxo Lib. VII. *utilissimum ei centuriandi in acie exercitus documentum porrexerat*.

16. *Ut prima per Dyadem phalanx*] In genuino horum verborum sensu enucleando, petenti mihi,

mihi, facilem præstitit operam, D. Johannes A Laurenbergius, Mathematicum in Regia Academia Sorana Professor, & Collega fidelissimâ mihi gratiâ conjunctissimus, cujus hæc est, quæ sequitur, commentatiuncula: Ad expeditius intelligendam centuriandi Exercitus rationem, Hadingo monstratam à sene, apud Sax. Lib. 1. Auctor περι τῆς πάλαιας φαέτος πρὸς τὴν ἐκείνην, ita inquit: Διχοτομοῦς παλαιῶν ἀρχεται ἀπὸ τῆς τετραγώνου ὅταν θάττω τὴν τετραγώνον πρὸς τὴν μετὰ πῶ, ὥστε τὸ τετραγώνον γίνεσθαι τῆς βάθους. παρεκτείνεται ἡ ἐφεξῆς ἡ διχοτομία μέχρι ἱκανῆς, πρὸς τὴν τῶν πύλων διάβασιν. Bisecta acies incipit à Quadrato, cum alterutra segmenti frons applicatur alterius fronti, ita ut hæc fiat quadrans lateris. Continuatur autem hæc bisectio usq; ad corrigiam ad portarum transitum. Idem: περιμετρικῆς, ἡτοιμασμένης, οὐδὲν ἐπὶ μετὰ πῶ ἐσηκώσται. Explicatio hæc est, conformis utriq; Auctori. Quadrata acies apertum & parentem campum postulat, ut quacunq; ingruat hostilis incursus, levi flexu frontem illi possit obtendere: Agmen verò procinctum, plerumq; πλαίσιον ἐστὶν, seu in oblongiorem formam diductum. Quanto autem viæ, quas transire opus habet, angustiores sunt, tanto magis frons agminis contrahitur. Itaq; secto in æquas partes Quadrato, antica pars frontis posticæ parti alterius frontis adstituitur accopulatur: atq; hac ratione latus quadruplum ἐστὶν frontis. E. gr. Cohors capitum 256 in quadratam aciem statuta, tam in fronte quàm latere numerat capita 16: a, b, c, d. Eadem per διχοτομίαν distinctâ in duas turmas a, e, c, g. & e b g d; & parte e b applicatâ parti c g oritur πλαίσιον a e h f, cujus frons subdupla ἐστὶν frontis aciei quadratæ, subquadrupla autem proprii lateris: & comprehendet frons 8, latus autem 32. Porro secto rursus toto ordine a e h f bisariam in a g h i, & g e i f; applicatâq; parte g e, parti h i, nascitur πλεῖον a g m o contractioris frontis, lateris autem prolixioris: illa enim habebit 4, hoc verò 64: eritq; prioris fons dupla hujus ultimæ. Deniq; diviso etiam hoc πλεῖον, statutisq; partibus ut superius, formabitur περιμετρικῆς φαέτος a r p q, quam vocarunt ἱκανῆς, propterea quòd angustiare fronte, latere verò in longum porrecto, speciem corrigiæ aut lori representet: binos enim in fronte tantum habet, in latere verò 128.



D

E

F

Hac ratione per dyadem prima phalanx, per tetradem secunda, tertia verò ogdoadis adjectione succrescit, semperq; priorem insequens duplicitationis augmento transcendit. In Hunnorum classe contra Frothonem educta (Saxo Libro X) singulæ acies constabant è militibus 300. Illi si distributi fuissent in ordines jam memoratos, transpositis ex ogdoade in ἐκδεκάδα quatuor ἐπιστάταις, sequentem tenuissent singulæ acie tenorem, formatâ ad duplicitationis augmentum serie.

	Frons.	Latus.		Frons.	Latus.
Dyas	2.	128.	Dyas	2.	150.
Tetras	4.	64.	Tetras	4.	75.
Ogdoas	8.	32.	Ogdoas	8.	37.
Hecdecas	16.	16.	Hecdecas	16.	19.

Ceterum quòd in Auctore jam adducto dicitur, ἱκανῆς commodè adhiberi ad transitum πύλων: id non tam de portis urbium intelligendum arbitror, (cum nulla penè adeò sit angusta, quin quaternos aut quinos transmittat) quàm de pylis seu faucibus montium, quales sunt Thermopylae in Oetâ, quarum angustias transaturi Celtae ab Atheniensibus eas occupantibus

pantibus prohibiti sunt : aut τῆλαα οὐτῶν, per A mentum veheret. Autor ad Herennium : Parricidæ os lupino folliculo obvolvatur.

quod Ephialtes Trachinius Persas traduxit : itidem pylæ Amanæ & Cassiæ in Tauro monte. Et quotidie comperimus, quod inter crepidines montium & silvarum densitatem, per angustissimam viarum, non nisi binis, interdum vix singulis, permeabilem, exercitus sit ducendus.

18. Funditorum alas] In omnibus ferè veterum prælijs funditores militasse nullus ignorat. Sic autem dicebantur, qui in prælijs lapides fundis in hostem jaciebant, tam robustè, ut scuta, galeas omneq; armorum genus confringerent, & letalia simul vulnera infligerent. Fundarum verò usum primi Balearium Insularum habitatores & invenisse, & ita perite exercuisse dicuntur, ut matres filios parvos nullum cibum contignere sinerent, nisi quem ex fundâ destinato lapide percussissent: teste Vegetio Lib. I. Cap. 16. Videantur Notæ Steuvechij ad Vegetium, & Lipsius Lib. I. Poliorcet. Cap. 2, & 3.

19. Sagittariorum ordines] Quantum etiam utilitatis boni Sagittarij olim in prælijs habuerint, docet Vegetius Lib. I. Cap. 15. exemplum producit Scipionis Africani, qui cum adversum Numantinos, qui exercitum Pop. Romani sub jugum miserant, esset acie certaturus, aliter se superiorem futurum non credidit, nisi in omnibus centurijs lectos sagittarios miscuisset. Vide Lipsium Lib. V. Poliorcet. Dialog. 6. Certè in omnibus prælijs sagittarios adhibuerunt D Romani Imperatores, Cæsar in primis, juxta ac alij : ut ex Livio, cæterisque Historicis Romanis liquido satis constat.

Ibid. Digestis in cuneum catervis] Cuneum ita describit Vegetius Lib. 3. Cap. 19. Cuneus dicitur multitudo peditum, quæ juncta acie primo angustior, deinde latior procedit, & adversariorum ordines rumpit. Isidorus Lib. IX. Etymolog. Cap. 3. Cuneus est collecta in unum militum multitudo; unde propterea quod in unum coit, & ipsa E coitio in unum, cuneus nominatus est, quasi couneus, eò quod in unum omnes coguntur. Cuneus igitur est, cum angusta in fronte acies, trigoni formâ, paulatim se retrorsum pandit. Unde & Trigonum vocarunt: In Trigonum, quem cuneum vocant, acies mutanda est: Vegetius. Repræsentat autem Literam Δ. Agathias Lib. 2. Erat ei forma aciei velut in rostrum. Litera enim Δ assimilabatur. Dixere & Caput porcinum, quia assimilatur, & quia velut fodit & ruit invadendo. Lipsius F Lib. IV. de Militia Romana, Dialogo VII.

20. Folliculo] Follis idem quod sacculus aut pera; Glossarium Vetus, τῆλαα, mantica, Follis. Juvenalis;

———— Et tenso folle reverti.

De eo qui benè numatus rediret. Unde Follis. Livius Lib. IX. Eques folliculis in castra fru-

22. Denos nervo calamos adaptavit] Quod etiam memini in Julinenfium Piratarum pugna legisse; evocatas parricidiali sacrificio; ab Haquino Norvegiæ Comite, Striges & Chimæras, Thorgerdam, Holgabrudam, & sororem Yrpam, in naves Norvagianas, ad numerum digitorum tela in hostes intendisse, illâ certitudine, ut singuli singulis confixi occumberent. Ibidem etiam legas procellam ingentem à monstris illis contra piratas excitatam, quod post Yrpa Jēll dictum est; id est, Yrpam procella. Hac machinatione nempe, tenebrarum rector uti, & suis adesse amavit. Porro Bjarmenses incantationibus nobilissimos, & Finnis ἐφάπιδας, passim & ubiq; memoriarum invenies notatos esse. M. Brynolfus.

24. Carminibus in nimbos solvere cælum] Eandem vim Thessalidum carminibus tribuit Lucanus Lib. VI.

Cessare vices rerum : dilataq; longa
Hæsit nocte dies : Legi non paruit æther.
Torpuit & præceps AUDITO CARMINE
mundus :

Azibus & rapidis impulsos Juppiter urgens
Miratur non ire polos. NUNC OMNIA COM-
PLENT

IMBRIBUS, ET CALIDO PRODUCUNT
NUBILA PHOEBO,

Et tonat ignaro cælum Jove, Vocibus iisdem
Humantes late nebulas, NIMBOSQUE solutis
Excussere comis. —————

25. Tristi imbrum aspergine] Sic asperginem nimborum dixit Lucretius Lib. V. vers. 25.

Hinc ubi sol radijs tempestatem inter opacam
Adversâ fulsit nimborum aspergine contra.

41. Cumq; sublato jam æmulo] Æmulus Saxoni passim est inimicus, adversarius, hostis. Sic infra Lib. XIV. Quem Ericus ob relictum ab ejus æmulo matrimonium supplicem recepit. Et paulo post : Qui si parem animi virtutem a naturâ traxisset, nequaquam se inter amplexus pellicis æmulo obruendum dedisset : imò alibi sapius. Utitur in eadem significatione Salvianus Massiliensis Lib. IV. Contra avaritiam. pag. 168. Penè omnis sermo divinus habet æmulos suos : quot genera præceptorum sunt, tot adversariorum. Hinc æmulum eidem est contrarium, inimicum, adversum, repugnans. Ut Lib. I. contra Avaritiam, pag. 21. Quid enim tam ferum, tam inhumanum, tam legi æmulum, quam si non amandos dicamus filios, qui amandos fatemur inimicos?

45. Quid moror] Hos Rhythmos, quos Saxo τῆλαα φαστικὸς vertit, Edda Mythologia 21, vel aliis 26, tribuit Niordo cuidam, & uxori ejus Skade : Nam ita orditur Nior-

Leid eru fioll varka
 MH IRN PIAH NARYA
 Ek lengi a naetr acinr niu
 IY NMH I MTR AHK MN
 ulfa thyr mier thotti
 NMH TATR YHR TP44I
 Illr vera hia songvi suana.
 IMR NIRA JIA IPHNI INAM

Hoc est:

Mihi ingrata sunt montana;
 Longæ fuerunt noctes novem;
 Ululatum ego Luporum censui
 Malum, præ Cygnorum cantu.

Respondet Skade:

Sofa ek ne matta fiant
 NMH IY M Y4444 HIR
 Bedium a fugls jarmi
 BIRNY I PHNM IARPI
 Fer sa mik vokr en af vindi
 PIR H IY NIYR H AP NIKH
 Kemr morgin hervian mair.
 YHR YARPIK JIRNIAK YAIR

Nec ego obdormire quivi in stratis
 Maris, propter avo balatum:
 Somnum excussit, a salo,
 Mane quolibet, mergus veniens.

Ibid. Quid moror in latebris opacis] Metrum
 est Dactylicum Alcaicum Catalecticum, uti
 illud Venusini vatis:

Flumina constiterint actio.

Ideoq; vers. 18. legendum, *Æquoreis inhiare lucris*, non *Æquoris*.

49. Agminis increpitans lupini Stridor] Ejusmodi vocibus ferarum aviumq; Lucanus murmura Magæ Thessalicæ comparat, Lib. VI.

Latratu habet illa canum, GEMITUSQUE
 LUPORUM,

Quod trepidus bubo, quod Strix nocturna QUE-
 RUNTUR,

Quod STRIDENT, ululantq; fera, quod si-
 bilat anguis,

Exprimit.

53. Tristia sunt juga vastitasq; Pectoribus truci-
 ora fisis] Tuos hic compello Manes, o beate
 cæli incola Pontane, cujus

Molliter ossa cubent, cineres quoq; flore tegan-
 tur!

Tibi, inquam, mi optime amicorum, dum vi-
 veres, Pontane, lucem debet obscurus hic Saxo-
 nis locus, quem in literis ad me tuis, ante quin-
 quennium, & quod excurrit, hunc in modum
 exponere, non es dignatus. De altero illo ejus-
 dem apud Saxonem nostrum Libri 1, loco, ubi hæc le-
 guntur:

Tristia sunt juga vastitasq;
 Pectoribus truciора fisis.

A ita statuo, ut intelligatur verbis ijs Hadingus Rex in-
 dicare, injucundum esse sibi otium, perq; montium juga
 & nemorum solitudines inerrare, sibi præsertim tru-
 ciora ac gloriosiora tolerare ac patrare fiso ausoq;
 Eum enim in modum accipio Pectoribus truciора
 fisis, ut scilicet fisis, a verbo fido, fisis sum, archai-
 cos atq; Ellipticè eo pacto usurparit. Hocq; verum
 videri firmant, quæ continue subiungit, ista nimi-
 rum:

Officiunt scopuli rigentes

Difficilesq; situs locorum

Mentibus æquor amare sveltis.

B

Nam quomodo ante dixerat Pectoribus truciора
 fisis, ita & hic, Mentibus æquor amare sveltis. Elli-
 pticè autem, quod dixi, prolatum, fisis truciора, pro
 fisis tolerare, aggredi, atq; exequi truciора, ma-
 joraq; rarum quidem, si receptum Latine loquendi
 usum spectes, at secundum morem ac consuetudinem
 antiqui sermonis, rarum aut novum haud sit. Nana
 illud Tibulli:

C

Sed bene Messalam sua quisq; ad pocula dicat,
 quis rectè expōnat nisi ad illud Plauti Stichō:

Bene vos, bene nos, bene te, bene me.

mentem vertat? itemq; ad illud Ovidij;

Et bene te, bene me, patriæ pater optime Cæsar.

Subintelligi enim, Vivere precor, aut simile quid
 debet. Sic & Sallustij istud Catilina: Alia omnia
 sibi cum Collega ratus, ecquis dextrè etiam expli-
 cet, nisi subintelligat, communia; ut sit, alia omnia
 sibi cum Collega communia ratus? Grammaticus
 ergo noster Saxo, verè est hic Grammaticus; aut potius
 se super Grammaticum, ejusq; regulas extulit. Qui &
 tum demum felix, ut inquit ille, si excedat Gramma-
 ticos Canones. Notum quippe Ausonij Epigramma,
 festivum sane illud:

Felix Grammaticus non est, sed nec fuit un-
 quam,

Nec quisquam est felix nomine Gram-
 maticus;

E

At si quis felix præter fatum extitit unquam,
 Is demum excessit Grammaticos Canones.

52. Ara aliena sequi locello] Alienas opes
 magnâ solertiâ, & assiduo studio eum in finem
 quærere & venari, ut mei juris facere possim,
 ut meam in potestatem redigam, ut meam bul-
 gam & crumenam ijs impleam, & sic per alie-
 nam jacturam ditescam. Locellus, parvus locu-
 lus, seu crumenula est.

F

53. *Æquoreis inhiare lucris*] Lucra æquorea
 sunt, quæ quis per loginquas navigationes &
 maritimas negotiationes adipiscitur. Nam ut
 eleganter Petrus Chrysologus Sermone LXXI:
*Nauta mare non intraret incertum, si se lucris sequen-
 tibus compensaturum viarum discrimina non spera-
 ret.*

Pag. 18. vers. 2. Quantum in silvestrium loco-
 rum usu voluptatis reponeret] Maxima vis est
 consuetudinis, quæ etiam nobis tantum loco-
 rum ingenerat amorem, ut nullibi nobis me-
 lius esse existimemus, quam ubi diutius viximus.

Apprimè

Apprimè huc facit illustris ille Tullij locus in A Lælio: *In ijs etiam, quæ sunt inanimata, consuetudo valet: cum locis etiam ipsis montosis delectemur, & silvestribus, in quibus diutius commorati sumus.*

4. *Immorantem littori*] In locis maritimis diuturnas trahentem moras. Prudentius Præfat. Psichomachia, vers. 15.

*Victum feroces fortè Reges cèperant
Loth, immorantem criminosis urbibus
Sodoma & Gomorrhæ.*

Ad quem locum sic habent Glossæ Ifonis Magistri: *Immorantem*] habitantem.

8. *Nec sinit pausare noctu*] *Pausare* est hoc loco dormire, requiescere, quâ significatione, usurpavit Aldhelmus de Laudibus virginittis Cap. XII. Ubi de Ambrosio loquitur: *Infantulus cum in cunis supinus quiesceret, ex improvise examen apum ora librâq; sine periculo pausantis complevit.* Hinc Christianis auctoribus *pausantes* illi dicuntur, qui pausâ vivendi factâ in Domino requiescunt. Johannes Cassianus Eremita, Collat. II. Cap. 5. *Vix à Paphnutio, inquit, potuit obtinere, ut non inter biathanabos reputatus eidem memoriâ & oblatione pausantium judicaretur indignus.* Inscriptio vetus inter monumenta Christiana à Grutero relata pag. 1550 quæ extat Mediolani, ad D. Franciscum:—

AURELIÆ. PUM. VITALIÆ. MATRI.
PIISSIMÆ.

QUÆ. VIXIT. ANNIS. XX. JULIANÆ. D
CONIUGI.

SANCTISSIMÆ. QUÆ. VIXIT. ANNIS. XX.
ET. DOMINÆ. SORORI. QUÆ. VIXIT.
ANNIS. II. AURELIIS. EUSEBIUS.

CONTRA. VOTUM. FIDEL.

PAUSANT. A

Id est, *Fidelibus pausantibus*; aut quomodo Scalliger in Indice suo, ad opus illud vastissimum annotavit: *Fideliter pausanti.* Julio Firmico Materno mortui dicuntur *quiescentes*, Lib. 1. Matheseos Cap. 1. *Illum quiescentium securas animas, etiam Lethæi fluminis oblivione purgatas, Mercurius cogit nefarijs carminibus excitare.* *Pausare* Plinio Valeriano est desinere. Ita enim ille, Lib. 2. Cap. 22. *Folia Lauri mastice, & succum ejus glutiat, ipseq; folia in umbilicum ponat, & statim pausat.* *Pausat*, hoc est, *desinit.* Neq; vox adeo barbara est, ut delicati illi putant. Plautus Trinummo: *Pausa, vicisti castigatorem tuum.* *Pausane* ævo barbaro dicebantur induciæ, ut apud Luitprandum in Legat. Constant. *Pausa*, est quies, five finis. Apulejus Lib. XI. in Oratione ad Lunam: *Tu sevis exantlatis casibus pausam pacemq; tribue.* Lib. VIII. *Sed ubi tandem fatigati, vel certe suo linitu satiati, pausam carnisuine dedere.* Idem Lib. IX. *Concursu familiarium cohibita pausam luctui fecit.*

13. *Quis major quietis usus*] Legendum; *Quis minor quietis usus*, ut constet sibi versus.

Sensus est: Longè tutius dulciusq; consuevis frui, in quibus major usus quietis dicacius conceditur, quàm in mari.

25. *Terrestri negotio*] Hoc est, terrestri praelio, seu pugna, quam terrâ commiserat. Vix hanc vocem meminisse eâ significatione alibi legisse. Arnobius quidem Lib. VI. *Negotia Thespiaca*, pro rebus Thespiacis dicit: *Phryne illa Thespiaca*, sicut illi refertur, qui negotia Thespiaca scripturarunt, cum in ætate esset pulchritudinis.

B Sed illa notio naturæ vocis propior est: hic videtur alienior.

27. *Perfossis lateribus*] Naves eodem Strategemate perforantur, Lib. 2. Lib. 5. & Lib. 13.

35. *Et spoliis reliquis avidius incubantem*] Id est, dum Tosto toto animo opimæ prædæ inharet & incumberet: vel dum Tosto spoliis à se partoris pertinaces excubias ageret, veritus scilicet, ne Hadango iterum lactente, amitteret. *Incubare* etenim sumitur pro pertinaciter inherere, incubere. Florus Lib. 2. de Hadrhis: *Nam quum Cnei Manlij castra cepissent, opimæq; prædæ incubarent.* Idem Lic. 2. *Sic factum est, ut inhaerentem atq; incubantem Italie extorqueret Annibalem.* Et Lib. 1. de Persona: *Quamvis occupato Janiculo ipsi Urbis sanctibus incubaret.* *Incubare* divitiis suis, atq; thesauris dicuntur avari, qui sibi soli eos servant, & nemini profunt, tanquam canis Æthiopicus in præsepî, quod dicitur. Virgilius II. Georgic.

Condit opes aliis, defossosq; incubat auro.

Salvianus Massiliensis Lib. 1. de Avaritia: *Incubant defossis à me talentis.* Lib. 2. pag. 82. *Argentum & auri ponderibus incubant.* Item Lib. 3. pag. 114. *Opibus ac talentis ejus germani divites incubant.* Livius Lib. VIII. *Incubantes publicis thesauris.* Seneca Lib. 1. de Irâ. Cap. ult. *Aceris auri argentiq; incubat.* Cyprianus de Elecmofynâ: *Qui divitiis tuis solus incubas.* Et B. Hieronymus de Institut. Mon. ad Paulinum: *Nos suffraginati auro Christum pauperem sequimur, & sub pretextu Elecmofynæ pristinis opibus incubantes.* Vide & Savaronem; doctissimum Cujacij discipulum, ad Sidon. Lib. 2. Epist. XIII. ibi: *Raptis incubans opibus.* *Incubantes* plebi, Concilij Carthaginensis 3. Cap. XLIII: qui plebem vexant & exhauriunt. Idcirco Tyranni incubatores dicti. Servius Æneid. VII. Macrobius Lib. 1. in Somn. Scip. Cap. X. Sidonius Epist. VII. Lib. 8. *Quiq; sic vitis, ut divitijs incubantes.* Ubi plura.

37. *Nam cum ob accepti vulneris magnitudinem*] Id est, acceptæ cladis. Quâ notatione vox hæc Saxonî perquam usitata. Sic Lib. 2. *A quibus etiam manus quantam per eos amiserat, donatus, deforme vulnus specioso beneficio pensatum gaudebat.* Item Lib. IV. *Ubi par utrosq; vulnus implicuit:* Ibidem paulo post: *Ubi nihil ex ejus specie tanto vulnere detractum videretur.* Et alibi passim: Sic Tacitus in vita Agricola: *Nisi frequens ubiq; Agricola validas & expeditas cohortes sylvas perstrare*

strare jussisset, acceptum aliquod vulnus per nimiam A
fiduciam foret. Justinus Lib. 2. Zerxes duobus vul-
neribus terrestri pralio acceptis, experiri maris fortu-
num statuit. Florus Lib. 3. Ad Orientem grave vul-
nus à Parthis populus Romanus accepit.

Pag. 19. vers. 1. Cuidam conjecturarum sagaci] Hoc
est, somniorum interpreti, qui inde Conjector di-
cebatur. Glossæ Vet. Cyrillo olim additæ: Over-
gegnis, Conjector, somnij solutor, somniorum
interpretes. Svetonius in Cæsare, Cap. 7. Conjecto-
res ad amplissimam spem incitaverunt. Quintilia-
nus Lib. 3. Cap. VII. Conjectura dicta est à Con-
ectu, id est, ductione (sive directione) quadam ra-
tionis ad veritatem: unde etiam somniorum atq;
omnium interpretes, conjectores vocamus. Fulgen-
tius Lib. 1. Mythologicor. Oneirocritem soporis
nugas ariolantem vocat. Sic iterum Saxo sub fi-
nem Historiæ: Quo eventu Sclavici regni interi-
tum portendi à conjectararum sagacibus existimatum
est.

5. Cuidam Guthormo denupta] Vox est A- C
pulejo familiarissima: ut Lib. V. pag. m. 166.
Quod si viri sui faciem ignorat, Deo profecto de-
nupsit. Et Lib. IX. Die sequenti filia ejus occurrit
è proximo castello, in quo pridem denupserat. Idem
Apologia: At tu dum eam putas etiam nunc Claro
fratri tuo denupturam.

10. Cujus nobilitatem dispar copula nexus obte-
nebrat] Matrimonia inter inæquales personas
contrahi non debent: raro etenim felicia. Hinc
Calpurnius Flaccus Declamat: XXVIII. D
Ducat dives aliquam, sed æqualem; ducat volentem.
Velis enim nolis suspectares est amator inimicus, squal-
lor & mæror, gemitus & luctus inimici. Filia talis
adamatur? pauper & dives? inimicum est matri-
monium. NE PECORA QUIDEM JU-
GUM, NISI PARIÀ, SUCCEDUNT.
Monet itaq; Ovidius in Epist. Dejaniræ ad Her-
culum:

Si qua velis aptè nubere, nube pari.

Nec enim, inquit Saxo alibi, stabilis dissonos jun-
git nexus; cum apud excelsos humilium semper for-
tuna sordescat, & abundantia ac egestatis dividuum
sit contubernium, neq; inter splendidas opes, obscu-
ramq; pauperiem firma societatis jura consistent. Adi,
si placet, Observata Politica Cl. Viri. Jac. Zeue-
cotij ad Svetonij Cæsarem.

33. Capitis cultui intentus, fabulis mentem, bar-
be manum intulerit] Convenienter omnino, &
ad illius seculi mores! quod ubi genium cura-
bat, antiquorum res gestas, quæ prorsâ, quæ F
vorsâ oratione, quamvis hac magis, concinnâ-
ras; audire studiosè cupiebat. In quam finem
Antiquarios, & inprimis Poëtas, comiter be-
nigne aluerunt; qui nec unquam ab Heroum
illorum latere discesserunt: quin etiam in con-
siliis adhibiti, magnâ æstimatione vixerunt.
Chronica Norvagica passim. Porro comæ stu-
dium, & barbæ cura, non mediocris ejus ætatis
hominibus fuit. ut Jomsvisinga Saga de-

Buonis Craffi filio decollando docet, qui ne
coma sanguine conspurcetur, sollicitus dun-
taxat apparuit. Conjicio & hinc, quod cum
personæ in Historiis describantur, nunquam
ferè comæ, ejusq; structuræ, coloris, & cincin-
norum mentionem satis anxiam desideres. Ve-
rùm illud studium, præsertim in conviviis &
solennitatibus viguit: alioqui non nihil inter-
misit. M. Brynolfus.

34. Crinali spico] Per Crinalem spicum intel-
ligit pectinem: quomodo mox seipsum inter-
pretatur Saxo. Habet verò hanc vocem è suo
Martiano depromptam, cujus hi sunt versus
Lib. IX.

Crinalem spicum pharetris deprome Cupido,
Læuens capillum solvere

Ubi Doctissimus ille Grotius legendum censet
Crinale spiculum. Spicum antiquis Spica. Sic Ci-
cero 2 de Natura Deorum:

Spicum illustre tenens splendenti corpore Vir-
go.

Quod etiã Masculino genere usurpatum do-
cet Festus Pompejus: Spicum, inquit, masculinè
antiqui dicebant, ut hunc stirpem, & hanc annem.
Versus est antiquus:

Per messem unusquisq; spicum colligit.

Spicum vero per translationem à spicarum acie
dictum pro ferro in cuspidem desinente, quales
sunt radij sive dentes pectinis alicujus. Hinc
diminutivum Spiculum, missile nempe telum,
acutum habens mucronem: quod & pro sagit-
ta, interdum pro ipsa cuspide sagittæ sumitur.
Unde verbum quoq; Spicare originem trahit,
quod est spiculo & ferro asperare. Gratius de
venatione:

Quid Macedum immensos libeat si dicere con-
tos,

Quàm longa exigui spicant hastilia dentes?

Despicare fores novè dixit Johannes Sarisberien-
sis, Policratici Lib. II. Cap. V. pag. 50. pro spi-
culis sive contis fores effringere: Et statim ut
clausas cujuspiam conspexisset fores, indicium crede-
bat hoc esse, quod intrinsecus positi ederent: & repen-
tè despiciat foribus, præcipientes irruebant. Belgæ
hodieq; usurpant Espicter / live Espiefer; pro cla-
vo in modum spicæ vel spiculi acuto. Nos Espe-
ger eadem significatione dicimus, unde Spegero
boor / pro terebrâ manuali.

Ibid. Discreverit] Hoc est, simplici pectinis
officio discriminauerit, capillos turbatos resti-
tuerit, compserit, ornaverit, extricaverit. Nam
hic verus pectinis usus. Varro de L. L. Lib. 4.
Pecten, quod per eum explicatur capillus. Sic Apri-
lejus Lib. 2. Metamorph. Capillum arguti pecti-
nis dente tenui discriminatum dixit. Nisi si hoc
de muliebri illo capitis cultu fortè erit intelli-
gendum, qui viris erat vituperationi. Nam cri-
nes longi & discreti propriè mulierum. Hinc
Dio Chrysostomus Oratione de pulchritudine,
agens

agens de Sporo : Ἀλλὰ ἐκεῖν & γε καὶ τὰς ἐν Ἀ τῇ κεφαλῇ τριχὰς διέκένευστο. At ille etiam capillos discretos habuit, nempe, ut mulier. Tertulianus Cap. XII. de Virgin. velandis. *Vertunt capillum, & in acu lasciviorē comam sibi inferunt; crinibus à fronte divisis, apertam professæ mulieritatem.* Quam lectionem animosè defendit Theodorus Marcilius in Odam XV. Horatij. Discretionem autem illi crinium utebantur acurinali sive discriminati, quam acurinatoriam Petronius vocat; sive discerniculum. Varro Lib. IV. deling. lat. *Discerniculum, quo discernitur capillus.* Ab hac discretione crines appellatos vult Festus : *Crines à discretione dicti; quam Græci κερῶν appellant.* Nam idè eos crines vocant : quomodo hunc locum restituit magnus ille Scaliger in Castigationibus suis.

26. *Aptius honores meritum, quàm natura conciliat*] Principatus enim non sanguini debetur, sed meritis : et inutiliter regnat, qui Rex nascitur, & regnum non meretur. Idcirco Helius Romæ ex Senatore Imperator creatus, obsecrante Senatu, ut filium Cæsarem, quem habebat, Augustum appellaret; *sufficere, inquit, debet, quòd ego ipse invitatus regnaverim, cum non mererer.* Joh. Sarisberienfis Policratici Lib. IV. Cap. XI. Sic & Philippus Rex Macedonum, ubi rescivit Alexandrum filium queri, quòd pater ex pluribus fœminis gigneret liberos, ita illum hortatus est : *Ergò cum plures habeas regni competitors, da operam, ut honestus ac probus evadas; ut non per me, sed per te ipsum regnum obtinuisse videaris.* Vir prudentiā verè regiā prædictus; non consolatus est filium, sed metum illius auxit; quò magis extimularet ad virtutem : indicans illi non aliter sperandum paternum regnum, nisi se successore dignum præberet, nec tam magnum esse regnum adipisci, quàm regnum promeruisse.

23. *Lapsus vicinum est quicquid senio constat*] Huc pertinet Proverbium veterum Danorum. **ÞAM IR NAK AP ÞARIN TRI.** Falls er von ad fornu erie : *Ligno nutanti casus sperandus.* Cui convenit illud Starchatheri, Lib. VIII. *Arbor alenda recens, vetus excidenda.*

28. *Proximum sibi quemque natura constituit*] Notum est illud Terentij, Andriæ Act. IV. Sc. 1. *Proximus sum egomet mihi.* Verum quoque est illud Dionis ad Dionysium : *Nemo non suis in rebus, quàm alienis diligentior est.* Vide sis alium Saxonis locum sub finem Lib. XIII. qui apprime facit ad hujus *proximus* illustrationem de miscrando spectaculo civium, qui à navigiis repellantur : *Quo experimento quantum quisque salutem suam aliene præferret, fortuna detexit.* Taceant nugaces adulantium voces, quæ spiritum amicorum proprio chariorem astruere non erubescunt. Huc etiam referri potest fabula Æsopi Phrygis de ave Casside apud Gellium.

31. *Nullò melius quàm affinitatis nomine insidiæ teguntur*] Cicero 2 Verrina : *Nulle sunt occultiores, neque pestilentiores insidiæ, quàm eæ, quæ latent sub simulatione officij, aut aliquo necessitudinis nomine.* Eum etenim, qui palam est adversarius, facile cavendo vitare possis : at hoc occultum, intestinum, & domesticum malum non modò non exstat, verùm etiam opprimit, antequàm perspicere atque explorare possis. In hanc sententiam eleganter, ut omnia, Johannes Sarisberienfis, Anglorum suo seculo Doctissimus, Lib. III. Policratic. Cap. 6. *Venena, inquit, non dantur, nisi melle circumlita: nullæque occultiores sunt insidiæ, quàm hæ quæ latent in simulatione officij, aut aliquo necessitudinis nomine.* Nec, ut est in fabulis, Juno Semelem deceptam in incendium impulisset, si non esset nutriticis indulta faciem & mentita affectum. Sic & Radulphus Ardentius, Guilielmi IV. Aquitanix Ducis Concionator, qui in Evangelia Dominicalia breves, piæ, & elegantes scripsit Homilias, floruitque circa tempora Philippi I. Francorum Regis, ab Anno Christi M. XL. ad M. C : Homiliæ in Evangel. Matth. VII. de falsis Prophetis, p. 63. *Facilius nos supplantat, qui sub specie amicitie & obsequij fraudem occultat.* Proprium enim doli est, se dissimulare. *Veneficus sub melle tegit venenum; proditor sub obsequio fraudem; Hypocrita sub religione malitiam; Hæreticus sub veritate falsitatem.* Ut verba succingam :

Tuta frequens, via est per amici fallere nomen;

Tuta frequens, licet sit via, crimen habet.

47. *Dolium cereali liquore completum*] Veteriores Danorum epulum ferale in defuncti honorem institutum appellarunt **ARÞNIAIR** Arfuesl. Hinc formula at dricse erfe / quam in hac ipsa Historia adhibet Chronicon Rhythmicum vernacula nostrâ multoties editum. Gothi *Stravum* nominarunt; quam vocem nonnulli de exuvijs hostium, quibus tumulos olim exornarunt, perperam exponunt; quum potius convivium & comestationes in defuncti honorem celebratas denoter; ita rectè monente Doctissimo Wormio nostro, in libro Monumentor. Danicor. Cap. 6. Jornaides de funere Attilæ : *Postquam, inquit, talibus lamentis est defletus, stravam super tumulum ejus, quam appellant ipsi, ingenti comestatione celebrant.* Ad quem locum porro hæc adducit ibidem Excellentiss. Dns. Doctor Wormius : *Stravae affine fuit illud, quod Arfuesl olim nostrates vocabant. Convivium nempe solenne, quod Reges & Magnates in parentis defuncti celebrabant honorem, cum Regnum & hereditatem capefferent.* Fas enim nulli fuit, parenti succedere, nisi tali convivio & solemnitatibus, magnates & amicos exciperet, ubi hoc potissimum observabatur, quòd in defuncti honorem vasti exhauriendi essent crateres, & se voto, ad facinus aliquod exitium perpetrandum, adstringeret. Hujus exemplum

eximium cernere licet in gestis Haquini Baronis, Hi- A
storiæ Norvagicæ vernaculo sermone à nobis editæ,
p. 331. Ubi Sveno Tiuskeg, aliàs Svenotto dictus, ab
obitu parentis. Harald regnum occupaturus, non so-
lum regni proceribus, sed & Julinensibus pyratibus ad
hoc suum convivium invitatis, priusquam sedem
patris capeisset, memoriam patris plenis haustibus pro-
pinando, votum addit, se intra triennium Angliam
occupaturum, & Regem Adelradum aut interfectu-
rum, aut regno expulsurum. Cujus exemplo Juli-
nenses singuli, post haustum cratera, item vorant ea, B
que sine vitæ discrimine præstare demùm non potue-
runt. De quibus consule Historiam ipsam. Arfveoll/
Hæreditaria cerevisia; ut Festsensoll/ locationis aut
conductionis cerevisia, latine expromitur; quod ut
hic Sponsa à Sponso conducitur, mediante tali con-
vivio; ita ibi hæreditas à filio capitur solemniter
eodem modo.

51. Deditque pœnas sive Orco] Hunc lo-
cum quis è Justino negabit expressum? Eadem namque clausulâ Librum Historiæ
XXXV finit: Deditq; pœnas & Demetrio, quem
occiderat, & Antiocho, cujus mentitus originem
fuerat.

54. Suspendio se, vulgo inspectante, consump-
sit] Ut omnibus compertissimum fieret, ip-
sum plus promissam semel fidem, quam cadu-
cam vitam, & tandem necessario perituram,
existimasse. Affirmat Albertus Crantzius hanc duo-
rum Regum mortem perquam ridiculam fuisse: at
ego eam parvam puto præcipue virtuti magnorum
Græciæ & Latij principum, qui voluntariam in mor-
tem, ne fidem promissam violarent, se tradiderunt.
Johannes Magnus Histor. Gothic. Sveon. Lib.
2. Cap. XIV.

NOTÆ VBERIORES IN LIBRUM II, HISTORIÆ DANICÆ SAXONIS GRAMMATICI.

Pag. 20. **E**T opimæ conscia prædæ] Eleganter C
vers. II. **E**tò Conscium ad inanimata, & præ-
cipue loca, significanda, transfer-
re solent Poëtæ. Valerius Flaccus Argonautic.
Lib. I. v. 26.

————— Veteris stat conscia luctus

Silva Padæ. —————

Et Lib. 3.

————— Pavet omnis conscia late

Silva: pavent montes. —————

Et Lib. 4.

Antraq; deprensa tremuerunt conscia culpæ.

Sed Conscia fati sidera dixit Manilius sub ini-
tium Lib. I. Astronom.

Carmine divinas artes, & conscia fati

Sidera, diversos hominum variantia casus:

imitatus Virgilium IV. Æneid.

Testatur moritura Deos, & conscia Fati

Sidera. —————

12. Hic tenet eximium montis possessor acer-
vum Implicitus gyrus serpens] Veterum Gentili-
um fabulas de Draconibus & Serpentibus
auro in cavernis montium incubantibus, inde
primùm natas verisimile videtur, quod ut plu-
rimùm Serpentes, dracones, & id genus alia
animalia subterranea in aurifodinis reperian-
tur. Philippus Presbyter, auditor B. Hierony-
mi (qui moritur Martiano & Avito regnanti-
bus, Anno Christi CCCCXXX. secundum Gen-
nadium: sed Adoni Viennensi mortuus dicitur
anno circiter CCCCLVII) Lib. 3. Commen-
tarior. in Jobum, & quidem illa verba Cap.
XLI. Sternet sibi aurum quasi lutum] Dicuntur
dracones in locis secretis & terrarum abditis sinibus

vel maxime commorari, ubi metallum auri sit, &
& stabulari maxime juxta aurifodinas.

13. Implicitus gyrus serpens] Martianus Capella
sub initium Lib. IV. In lævâ quippè serpens gyrus
immanibus involutus. Multa etenim Saxo noster
huic debet auctori; & præcipue rationes lo-
quendi formulas, & novatæ significationis vo-
cabula.

14. Caudæ sinuosa volumina ducens] Sinus
proprie serpentum. Virgil. 3. Georgic. de an-
gue, qui Calabros saltus colit:

————— extremaq; agmina caudæ
Solvuntur, tardosq; trahit sinus ultimus orbes.

19. Sanies, quod conspuat, urit] Urit, id est,
lædit, exitium adfert. Virgilius Lib. 2. Georg.
ubi caprarum morsum frugibus & fructibus
exitialem, maleficum, & noxium esse docet;

Sin armenta magis studium, vitulosq; tueri,
Aut fœtus ovium, aut urentes cultâ Capellas.

E Ad Virgilij verba allusit Symmachus Lib. 1.
Epist. 25. An vereris æmuli venena Lectoris, ne
Libellus tuus admorsu duri dentis uratur. Saniem
verò, ipsum virus, in serpentibus quoq; agno-
scit Lucanus Lib. IV. v. 729.

Aspidas ut Pharias caudâ solertior hostis
Ludit, & iratas incertâ provocat umbrâ:
Obliquansq; caput vanas serpentis in auras
Effusa tuto comprehendit guttura morsu
Letiferam citrà saniem —————

F Et Silius Italicus Lib. 12. v. 10.

Evolvit serpens arcano membra cubili
Et splendente die novus emicat, atq; coruscum
Fert caput, & saniem sublatris faucibus efflat.

20. Lingua trifurca micans patulo licet ore re-
sultet]

ultet] Id est, licet lingvam subinde motitando A
exeret. Virgilius de eodem Angve :

————— *Linguis micat ore trifidulis.*

23. *Spinosi dentis acumen*] Martianus Capella, loco supra dicto : *Qui tamen mox emergens spinosorum dentium acumine venenato, & assiduus hominem moribus affligebat.* Ita mox infra : *Clypeo spinosum oris acumen impegit.*

25. *Tela licet temnat vis squamea*] Id est, Consertio squamarum, quibus terga serpentum sunt obducta. Virgilius loco jam dicto :

Squamea convolvens sublato pectore terga.

29. *Perfossos scrutare cavos*] Recurrit eadem vox infra Lib. IV. *Extractum cavo gladium filio porrigit.* Et Lib. VII. *Puella cum repositis inibi spoliis cavo extrahitur.* Cavo est locus quilibet excavatus, velut in speluncam. Horatius Lib. 2. Sermon. Sat. VI.

Rusticus urbanum murem mus paupere fertur

Accepisse cavo, veterem vetus hospes amicus.

Et mox eadem Satyrâ :

*Est opus hac, ait, & valeas : me sylva cavusq;
Tutus ab insidiis tenui solabitur ervo.*

Ad quem locum sic Acron. *Cavusq;*] *Foramen, ubi ante habitabat.* Et Jodocus Bad. Ascensius : *Cavo, id est, loco cavato, subterraneo videlicet.* Et paulo post : *Cavus tutus, id est, cavernula, in qua vivo tutus ab insidiis.* Phædrus Fab. 64. Lib. IV.

Cum victi mures mustellarum exercitu,

Fugerent, & arctos circum trepidarent cavos.

Glossarium Græco-barbarum V. C. Johannis Meursij pag. 98. Γάβρος, *Cavus, Fossa, Scrobs.* Codinus in Orig. Constantinop. Εποίησε ἡ καὶ γάβρος ἐγχορηγὰς ἐπὶ πᾶσαν τὴν πόλιν, βαθεῖς τῷ ὕψει ὅσον τῶν ἐμείλων. *Abstrusum cavum* eleganter dixit Festus Avienus in orâ maritimâ :

Jugum interursus & sacrum infernæ Deæ

Divesq; fanum penetrat abstrusi cavi

Aditumq; cœcum —————

Cavum pro puteo posuit elegantissimus & inculpatæ Latinitatis Poëta, Terentianus Maurus, in Præfatione :

Donec lubrica sarcina

Tanti per spatium cavi

In lucem superam exeat.

Ibid. *Mox ære crumenas imbue*] Locutio non adeo protrita. Tacito tamen quibusdam in locis nonnihil frequentata; Sic Lib. 1. Annal. *Imbutæ prædâ manus.* Et Lib. Hist. 3. *Ut civili prædâ miles imbueretur.* Itâ Hist. Lib. 4. *Imbuere aures sermonibus honestis.* Imbuere ingenium cæde, & id genus alia. Annal. 13. *Imbuta armis civilibus juvenia.* Et Valerius Flaccus Lib. 1. Argonaut.

————— *Ignaras Cereris qui vomere terras*

Imbuir. —————

Sed videtur id verbi hoc loco vim explendi habere, & insignitam aliquam copiam seu abundantiam significare. Igitur *Crumenas ære imbue*, erit, *imple eas thesauro reperto ad summum usq;.*

31. *Solitarius in insulam trajicit*] *Solitarius*, id est solus, nulli comitatus. *Solitarius* etenim est, qui frequentiam vitat. Glossar. *Μονήγης, Solitarius.*

32. *Quàm Athletas aggredi moris fuerat*] *Athletæ* semper singulari certamine congregi solebant, & inter duelli leges erat, ut singuli cum singulis dimicarent. *Maritæ* vero sceleris affine habebatur impari dimicationis genere pugnare, cum duo unum adorirentur. De hoc more & consuetudine Saxo Lib. 17. hunc in modum loquitur; ubi agit de duobus Frovini filii Ketone & Wiggone, qui mortem patris ulcisci cupientes, Athillum Sveciæ Regem ad certamen provocant. : *Progredi illum jubet* [nempe Keto Athillum]. *& si quid virium sit, solitario secum experiri congressu.* Nam & se, remoto fratris adminiculo, propriis acturum viribus, ne manu impari pugna conseri videatur infamis. Duos siquidem cum uno decernere, ut iniquum, ita etiam probrosum apud veteres credebatur. Sed neq; victoria hoc pugna genere parva laudabilior habita, quod potius dedecori, quam gloriæ juncta videretur. Quippe unum à duobus opprimi, ut nullius negotij, ita maximi ruboris loco ducebatur. Quare cum Wiggo fratre graviter vulnerato, Athillum aggressus interfecisset; eo facto, inquit porro Saxo, plus opprobrij quàm laudis contraxit, quod injuvando fratre statutas duelli leges solvisset, eidemq; utilius quàm honestius opem tulisse videretur. Hinc, in Proverbium apud exteros ductum, quod priscum dimicandus regius labefactasset interitus. Imò & apud Danos. Nam sic habet vetus Rhythmus:

Athistles Vane broð gamle Rempers vane.

37. *Crebris deinde linguam micatibus ducens*] E Martianus Capella sub initium Lib. IV. *Anguis assurgens allambere fœminam crebris linguarum micatibus attentat.*

40. *Curetam partibus*] Frequens Saxoni est *partes*, pro orâ, plaga, climate, regione, terrâ, provinciâ, aut simili notione usurpare : ut hic *Curetam partibus*, id est, *regioni; terræ; ditioni.* Sic Lib. XI. *Apud Suddathorp Juticarum partium oppidum.* Idq; occurrit sæpius in medijs & sequioris ævi Scriptoribus. Ælnothus de vita S. Canuti in Procemio : *Jam verò Daciæ partibus quatuor quinquenniis demoratus.*

42. *Totius ferme occidentis armis opibusq; succinctum*] Justinus Lib. XXXV. Igitur Alexander, admirabili rerum varietate, pristinarum sordium oblitus, totius ferme orientis viribus succinctus, bellum Demetrio infert.

43. *Salutarem pugna cunctationem*] Fortè ad illud Ennij de Fabio respicit : *Unus homo nobis cunctando restituit rem.*

Ibid. *Inedia viribus obtinendum curemus*] Apositum, abusu Latinitatis primum inclinata, mox collapsa, recte animadvertit Barthius.

Qui obtinere gestit, obniti debet.

Obtinere idem esse acvincere, in potestatem redigere; eaq; notione apud optimos Latinitatis IGros usurpari contendit Philologus incomparabilis, Caspar Barthius Lib. XXX. Adversar. Cap. VIII. Galterus Lib. III. Alexandridos. Fol. XXXII.

Destitit incepto Macedo, sed prodigus auræ Vitalis, scindit cuneos, ipsumq; tyrannum Obtinet, & victis urbem tradentibus intrat.

44. *Internum hoc malum est*] Vegetius Lib. III. *Fames, ut dicitur, intrinsecus pugnat, & vincit sæpius, quàm ferrum.*

45. *Melius adversarium esurie, quàm armis tentabimus*] Fame invictissima quæque expugnantur. Sæpius enim penuria, quàm pugna, consumit exercitum, & ferro seivior fames est. Vegetius Lib. III. *Superatis omnibus humanis malis, famem unam natura vinci non finit.* Livius Lib. V. *Eleganter idem Livius Lib. XXI. famem appellat ultimum humanorum supplicium: Licuit, inquit Scipio in Oratione ad milites, si voluissimus, ad Erycen clausos, ultimo supplicio humanorum, interficere.*

Pag. 21. vers. 1. *Exsangues præstare*] Id est, interficere. Insolens formula: sed cui venustatem conciliat continuata Paronomasia. Nam ita integrè & eleganter dictum: *Exsangues absq; sanguinis detrimento præstare poterimus.*

10. *Taliter indemnes alijs damnorum auctores fore poterimus*] In prioribus Editionibus erat: *Indemnes alijs Danorum auctores.* Quem locum Cl. Vir, & egregie de re literaria meritis, Casp. Barthius ad Claudian. in Ruf. 2. no. ita emendavit: *Indemnes à telis Danorum victores fore poterimus.* Eam lectionem verissimam esse putat Doctissimus iridem Vir, & ad juvandas literas natus, Joh. Freinsheimius Comment. in Q. Curtij Lib. III. Cap. 4. num. 3. Verum si bonà cum venià tantorum virorum liceat, levi mutatione, sic lego: *Taliter indemnes alijs damnorum auctores fore poterimus.* Nam omnino heic considerare oportet perpetuam illam & vix interruptam Paronomasiam, quâ totam hanc orationem Dornonis exornat, & unam post alteram periodum insurgere facit Saxo noster: qualis etiam in his vocibus reperitur: *Indemnes damnorum*: Est vero sensus: Si hostem fame potius, quàm armis debellare tentaverimus, faciliior nobis ad victoriam aditus patebit: & nos hoc pacto omnis periculi immunes, omnis damni expertes, alijs exitium adferre, alios damnis ingentibus afficere poterimus. To fore autem pro esse vel fieri

14. *Ut nihil, quod à supervenientibus occupari posset, intactum relinqueret*] Tale multorum fuit consilium, ubi jam immineret hostis, & plerumq; salutare. Ita Arsanes, qui Ciliciæ præerat, reputans, quòd initio belli Memnon suavisset, quondam salubre consilium serò exequi statuit. B *Igni ferroq; Ciliciam vastat, ut hosti solitudinem faciat: quicquid usui esse potest, corrumpit: sterile ac nudum solum, quod tueri nequibat, relicturus.* Sic & Anno Christi cō Io XXXVI. Techmases uti facultatem sui persequendi Osmanicis adimeret, suam ipsemet regionem vastavit, annonom omnem corrupt & exussit, subditos suos passim abegit. Levenclavius Annal. Turc. Vide Freinsheimij Commentar. in Lib. III. Q. Curtij, Cap. IV. num. 3. Et Libr. 14. Cap. 14. num. 3.

19. *Quem dolum crebro cessite fossis superaddito occultandum curavit*] Ejusmodi stragemate quàmplurimos feliciter usos fuisse, varia testantur Historicorum monumenta. Regino Abbas Prumiensis Lib. 2. de Nordmannis urbem Parisiorum obsidentibus, hæc refert: *Miserat ad solvendam obsidionem Imperator Carolus exercitum suum, duce Henrico quodam, viro nobili & strenuo. Is propius solebat hostium castra frequentius accedere, ut & quid ipsi agerent, & quâ ratione in ipsos ageret, exploraret.* Id quum animadverterent Nordmanni, foveas foderunt in circuitu castrorum, quæ latitudinis erant pedis unius, profunditatis verò trium. Has stipulâ & pulvere cooperuerunt, ne ab hostibus facile deprehendi possent. Itaq; cum ex more, Henricus, Dux exercitus Gallici, circa Nordmannorum castra obequitaret speculabundus, obvios habuit eorum paucos, qui deditâ operâ eum ipso velitare cœperunt, atq; tantisper eum dubiâ fugâ ludificarunt, donec collapso in foveam ipsius equo, ipsum pariter luctantem atque surgere annitentem obtinuerint. Accidit hoc Anno Christi DCCCLXXXVII. Ita quum Florentius, Hollandiæ Princeps, Anno Christi cōs LVIII. bellum cum varijs & potentissimis hostibus gesturus, convocatis Dordrechtum Senatoribus, quid in rem maximè videretur, confuleret, Vir quidam provectâ ætatè, insignis prudentiâ & belli artibus, sic orsus est: *Sedem belli hanc nos urbem delegimus, quò haud dubiè hostes mox venturi sunt. Itaq; suadeo egestis latè campis fossæ ducantur, & primum perticis, mox stramine & humo ita inequantur, ut cavata à solidis discernere hostis ignarus, simul accurrerit; præceps in eas ruat.* Nec multo post ille adfuit urbi sensim propinquans. Et jam suffossa omnis multitudo supergradiebatur, tolerantibus primum tignis, dum margine campi sustinebantur.

bantur. Ut longius provecti, onerata im-
menso pondere perticæ cessere, simul præci-
pites lapsi equi viriq; miserabili specie, cuncta
clamoribus & confuso strepitu complebant.
Atq; ita Quadraginta millia occidioni data;
exemptis sex & viginti millibus, quos fossæ hau-
ferunt: prout hæc bonâ fide commemorat
egregius Vir ingenio, bonisq; omnibus disci-
plinis ornatus, Matthæus Vossius, magni illius
Gerardi Vossij haud degener filius, Libro I. An-
nalianum Hollandiæ, Zelandiæq; Pag. 44. & 45. B
Inter alias verò insidias, quas Friderico Impe-
ratori struere parabant Cremonenses, dolosas
ejusmodi foveas recenset nobilissimus & exi-
mius Poëta Guntherus Lib. X. Ligurini sui,
v. 306.

*Præterea densis scrobibus tellure cavatâ
Præcipientes fodere dolos, fossasq; latentes
Injectu texere levi, quas incidat hostis
Inscius, & subito pateat discrimine morti.*

Quin & eas luculenter describit Pruden-
tius in Psychomachiâ, v. 257. & sequent. pag.
237.

*Sed cadit in foveam præceps, quam callida
forte*

*Fraus interciso suffoderat æquore furtim:
Fraus instandis vitiorum è pestibus una,
Fallendi versuta opifex, quæ præscia belli
Planiciem scrobibus violaverat insidiosis,
Hostili de parte latens, ut fossa ruentes
Exciperet cuneos, atq; agmina mersa vora-
ret.*

*At ne fallacem puteum deprendere posset
Cauta acies, virgis adopertas texerat oras,
ET SUPERIMPOSITO SIMULARAT CE-
SPITE CAMPUM.*

Tandem nobis scrobem graphicè depictam
exhibet suavissimus scriptor Longus Sophista
ποιμνικῶν Lib. i. sed non hominibus capien- E
dis, verum Lupis aptem. Λύκαινα τρέφουσα
σκύμνοις νέοις ἐκ τῶν πλεονόν ἀρχῶν ἐξ ἄλλων
ποιμνίων πηλᾶκας ἤραυζε, πολλῆς τροφῆς ἐς
ἀνατροφῆν τῶν σκύμνων ἐσομένη. συνελθόντες
οἰῶσι κομῆσαι νύκτωρ σὺρροις ἐρύττειν τὸ εὖρος
ὄρεων --- τὸ βάθος τεσσάρων. τὸ μὲν δὲ χώμα
τὸ πολὺ σπείρειν, κομίσαντες μακρὰν. ἔϋλα ἢ
ξηρὰ μακρὰ τέταντες ὑπὲρ τῆς χάσματος,
τὸ περιττὸν τῆς χάσματος, κατέπαυσαν τῆς προ-
τέρου γῆς εἰκόνα. ὥςτε καὶ λαγῶς ἐπιδράμῃ,
κατακλᾷ τὰ ἔϋλα κάρφων ἀδυνάστερα ὄντα,
καὶ τότε παρερρεῖ μαθεῖν, ὅτι γῆ σὺν ὕμῳ, ἀλλὰ
μεμίμητο γῆν. ποιεῖται πολλὰ ὀρύγματα, καὶ
τοῖς ὄρεσι, καὶ τοῖς πεδίοις ὀρύξαντες, τὴν μὲν
λύκαιναν ἐκ ἐντύχησαν λαβεῖν: αἰδομένη γὰρ
ἢ γῆς οὐροφισμένης* πολλὰς ἢ ἀγῆας ἢ ποίμ-

Avia διέφθρεον, καὶ Δάφνιν περὶ ὀλίγον ᾤδε.
Lupa quæ catulos recentes alebat, ex vicinis agris
aliorum de gregibus sæpe pecudes rapere solebat, quod
alimento copioso ad enutriendos catulos opus haberet.
Conveniunt igitur Pagani, noctuq; scrobē effodiunt lati-
tudine orgiarum --- altitudine quatuor, & quidem
humum adgestam longè latèq; portatam plenâ manu
spargunt, lignis autem aridis oblongis super voragi-
nem extentis, terra deniq; eâ, quæ supererat, soli fa-
ciem conspergunt, ut vel lepus si supercurrere tenta-
ret, ista ligna stipulis ipsis fragiliora confringeret,
tumq; clarum faceret, quod istud solum non esset,
sed tantum solum adsimilaret. Ejusmodi pluribus
fossis per montes, per campos cavatis, lupam tamen
haudquaquam capere potuerunt (sensit enim ipsa
quoq; terram commentitiam) multas verò capras atq;
oves juxta perdidit, parumq; absuit, quin &
Daphnin casu hujusmodi.

26. Iidemq; carabum onerat] Eadem vox
infra se offert Lib. VI.

----- Percurrimus undas
Permenfore maris carabo -----

Carabus, linter, navicula. Isidorus Orig. Lib.
XVIII. c. i. Carabus, parva scapha ex vimine
facta, quæ contexta crudo corio, genus navigij præ-
bet. Papias Vocabulista: Carabus, navicula
discurrens in Pado, id est, linter. Est autem ex vi-
mine & corio. Grönlandi hodieq; eo navigij
genere utuntur; quod constat ex ijs, quæ
huc allata cum incolis. Talia quoque fuisse
Oestrurnidum navigia conjicio, quæ eleganter
describit Festus Avienus in orâ mariti-
mâ:

Non usq; cymbis turbidum latè fretum
Et belluosi gurgitem Oceani secant,
Nou hi carinas quippè pinu texere
Fecere morem, non abjete, ut usus est,
Curvant faselos: sed rei ad miraculum,
Navigia junctis semper aptant pellibus,
Corioq; vastum sæpe percurrunt salum.

Glossarium Camberonense MS. Carabus, est
quædam navicula. Joannis Moschi pratum
Spirituale, Cap. 76. Ecce ego ascendo in cara-
bum. Florentius Vigornienfis in Anno 892.
Occulte de Hybernâ fugerunt, carabumq; qui, ex
duobus tantum corijs & dimidio factus erat, intra-
verant, mirumq; in modum sine velo & armamentis
post septem dies in Cornubia applicuerunt. Videatur
Onomasticon, quod Vitis Patrum subjunxit
Vir pietatis doctrinæq; famâ illustis, Heri-
bertus Rosveidus. Græcis Κάρβουλον, seu
Καρβέσιον. Auctor Etymologici: Ἀκατος τὸ
μικρὸν πλοῖον: παρὰ τὸ ἄγω, ἐξ ἧς τὸ ὑπο-
κοριστικὸν Ἀκάπων, ὃ τίνες μὲν ἐπικατέλδουσι, τίνες
ἢ πορθμίδα, τίνες ἢ κάρβουλον ὀνομάζουσι. Svi-
das: Ἐφύλκεια, καρβέσια μικρὰ. Hebræis גַּרְאָו.

Vide Harmoniam Etymologicam Stephani A Gvichardi pag. 759. & 765. Fragmentum Glossarii MS. quod penes me est, in Litera D. *Dromo, longa navis. Musculus, parva navis: Barcha, navis mercatoria.* Et paulo Post: *Parvæ navis dicuntur cimba, carabis, caupulus, lembus, scapha, linter.* Forte illud est, quod veteres olim Islandi *YARPI* dixerunt. Glossarium Islandicum: *YARPI, Karfe; Masc. Gen. Genus navis.*

46. *Aquæ molem novâ rivorum diversitate par-titus*] Ita & Persarum Rex Cyrus, cum Babylonem oppugnaret, Gynden fluvium, ne impetum ejus sisteret, conatumq; impediret, *per magnas concisum deductumq; fossas in 460 alveos comminuit*: Euphratem etiam longe validissimum & mediam Babyloniam interfluentem, derivavit. Ac sic mirabilibus vadis siccum, etiam patentibus alvei partibus, iter fecit. Verba sunt Pauli Orosij Lib. 2. Cap. VI. pag. 76.

48. *Dividuo minoratus excursu*] Hoc est, diminutus. Itâ loqui amant istius & superioris ævi Scriptores. Radulphus Ardentius Homilia in Dominicam VII post Trinitatis: *Non minora-bitur defectibus, sed omni perfectione abundabit.* Joh. Sarisberienfis Policratici Lib. VII. Cap. 13. *Qui cognatione temporalium, quibus quodammodo inge-nitus est, pedem sui figit affectus, servit & minora-tur.* Gvillermus Armoricus Philippidos Lib. I.

Ut meritum Regis motu quocunq; minoret.

Petrus Chrysologus Serm. LXXXV. *Quia nec minoratur Deus in homine; nec virtus attenuatur in simbria; nec cœlestis natura membrorum varia-tur officijs.* Sermone LXV. *Nemo ergo sic filium minoret precibus, ne patrem circa salutem hominum sic minoret.* Et Sermone LXVI. *Qui divitias suas non miserando pauperi dedit, sibi misericordiam sic minorat.* Sermone LXXVI. *Cuius homo aut minoratur. Deum in carne judicat, aut in passione exi-stimat ejus defecisse virtutem?*

51. *Ad urbem Paltiscam*] Quæ, nî fallor, Rutenis Polotzka, nunc Plescoria, dicitur.

53. *Extinctumq; se, quo minùs hosti terroris afferret, vulgò nunciari præcepit*] Eodem usus est stratagemate, Hastings Dux Normannorum, cum Lunam urbem, quam Romam esse putarat, fraudulenter occupare tentaret: cujus rei luculentam facit mentionem Dudo Veromanden-sis de moribus & actis Normannorum. Lib. 1. pag. 64. & 65.

Pag. 22. vers. 8. *Peritam se pugnandi puellam simulat*] Quasi una esset ex Amazonibus illis Danicis, quas luculenter describit Saxo Lib. VII. *Fuere quondam, inquit, apud Danos feminae, quæ formam suam in virilem habitum convertentes, omnia panè temporum momenta ad excolendam mili-tiam conferebant.* Ad quem locum plura an-notabimus *ὅν ἔσθ.*

6. *Transfuga titulo oppidum petit*] Svaningius noster aliter commemorat, non ipsum videlicet Frothonem in oppidum transfugisse, sed militem puellari indutum veste, qui, quo in-statu essent omnia, exploraret, in oppidum à Frothone submissum, tradit.

12. *Urbs somno sepulta diripitur*] Elucet hic imitatio Virgiliana. Maro enim Æneid. II.

Invadunt urbem somno vinoq; sepultam. Et Lib. IX.

B ————— Rutuli somno vinoq; sepulti
Conticuere. —————

13. *Nihil in re militari perniciosius*] Securitas nimium quantum nocet militari fortunæ! Testis est Vellejus Paterculus Lib. 2. in clade Variana: *Neminem celerius opprimi, quam qui nihil timeret, & frequentissimum initium esse calamitatis securitatem.* Barthius in Notis ad Lib. IV. Claudiani. p. 131.

35. *Monstra quidem video*] Spectra nocturna intelligit, quæ *ὄν τε παύς φόβος* Athenæus Lib. IV. dixit. Apulejus verò in Apologia nocturnum occursacula eleganter vocavit. Eorum pleraq; nomina talia ibi sunt, qualia hic recenset Saxo. *At tibi, inquit, Æmiliane, pro isto mendacio duat Deus iste superum & inferum com-meator, utrorumq; Decorum malam gratiam, sem-perq; obvias species mortuorum, quicquid Umbrarum est usquam, quicquid Lemurum, quicquid Manium, quicquid Larvarum, oculis tuis oggerat! omnia nocturnum occursacula, omnia bustorum sordidamina, omnia sepulchrorum terriculamenta, à quibus tamen ævo & merito haud longè abes.* Ubi simul nota, gravissimum satis & durum imprecandi genus quondam fuisse, cum nocturnis illis spectris & monstris caput alicujus devoverent. Videatur Lavateri de spectris Libellus eruditissimus, Cap. 2.

47. *Accedunt Fauni Satyris*] Utinam ipsum Carmen, quod autor transtulit ac Latinum fecit, superesset, videremus quæ voces his Latinis responderent; & tum fortean tenebroso veterum sermoni de variis Alforum, Thussorum, Dvergorum, Draugorum, Vanorum generibus, quæ nunc solâ sunt nomina, lucem fœnerallemus. Hoc certum est duntaxat, diversas istas sive Dæmonum, sive animalium, sive quod inducor ut credam, medij inter ista cujusdam, naturas fuisse habitas: quò veterum Septentrionalium Philosophiam penitus intelligeremus. Sed hoc votum saltem est. M. Brynolfus.

49. *Silvanis coeunt Aquili*,] Monstra quædam sunt, forte sic dicta ab aquilo, hoc est, nigro colore. Nam itâ Gloss. Aquilum, *μέλαν, ὡς ὁ ἀνιδίος.* Glossar. Isidori: Aquilum; fuscum, nigrum. Saxo noster Lib. 8. *Quem comitibus foris præstolari jussis, ingressus, duos eximia granditatis Aquilos conspiciatur.* Aquilos inter Hemitheos, qui à medietate aeris usq; in montium terræq; confinia

confinia versantur, recenset Martianus Capella A. Ovidius VIII. Metamorph.

Lib. II. p. XL. In his, inquit, locis *Sumanes*, eorumq; præstitos *Mana* atq; *Manuana*: dii etiam, quos *Aquilos* dicunt. Glossarium Papiæ: *Aquila*, species demonum; qui in similitudine aquilarum apparent. Catholicon Fr. Joannis de Janua in voce *Aquila*: Ab aquila est *Aquilus*, qui nasum habet curvum in summitate, ut *aquila* rostrum.

52. Quas *Simis Fantuæ* junctæ premit] *Fantuæ* meminit Capella Lib. 2. pag. XLI. Ipsam quoq; terram, quæ hominibus invia est, referciunt longævorum chori, qui habitant silvas, nemora, lucos, lucos, fontes ac fluvios. Appellantur *Panes*, *Fauni*, *Fones*, *Satyræ*, *Silvani*, *Nymphæ*, *Fatui*, *Fatuæq;*, vel *Fantuæ*, vel etiam *Fanæ*, à quibus *Fana* dicta, quod soleant divinare. Casp. Barthius, corculum Musarum, Lib. XXIV. Cap. 8. *Fantuam* *Fatuam*, gratiâ *Carminis*, dictam *autumo*. Sed & antiquiores ita dicebant. Glossæ veteres: *Fatuus* quasi *fantuus*, à *fando*, qui *Faunis* oracula edebat. *Simos* verò à *facie* *simâ* dixit *Satyrus*; quorum talis pictura apud veteres. Non aliâ de causâ veteres *Delfinos* *Simones* vocasse observamus. Idem Glossarium: *Simones*, *Delphines*. Quæ verba apud Papiam etiam supersunt. *Nares simatas* cadaveri eleganter attribuit *Sulpicius Lupercus* de *Cupiditate*; Lib. 1. Epigr. Vet.

Simatæq; jacent pando sinuamine nares.

Pag. 23. vers. 14. *Virgæ vulnus pœnale verentes*] *Pœnale* dicitur, quodcunq; pœnæ loco infligitur, vel quo pœna infligitur. Sæpè utroq; significatu reperire licet apud *Ammianum Marcellinum*. Sic Lib. XXII. *Retracti* sub vinculis morte periere pœnali. Et Lib. XIX. Quorum aliquos vinculorum afflixerunt nexus, alios claustra pœnalia consumpserunt. Lib. XV. Jussi sunt retineri pœnâlibus claustris. Lib. XIV. Cum abjecto consorte pœnali est morte multatus. Et paulo superius eodem Libro: Nonnullos gladij consumpsere pœnales. *Petrus Chrysologus* pro reo, & qui pœnam meretur, usurpat *Sermone* XVI. Quid nobis & tibi? quod *Judici* & reo: quod *vindici* & pœnali: quod *Regi* & desertori.

24. *Forma prosopiam pandit*] Quasi non falleret hoc argumentum de vultu conjectandi, sic illo veteres, loco non uno, confidenter invenio usos; & præter lineamenta, atq; cuticulæ tincturam, aliud nescio quid spirituale in vultu notasse, quod nos etiamnum *Svyp/ Genium*, vocitamus. *M. Brynolfus*.

26. Certissima nobilitatis index pulchritudo commendat] *Publius Mimius*: *Formosa facies multa commendatio est*. Certè pulchritudo formæ nunquam non grata, jucunda, & laude digna. *Maximianus*, *Cornelij Galli* nomine editus, *Eclogia* I.

Nec minor huic aderat sublimis gratia formæ,

Quæ, vel si desint cætera multa, placet.

Quem non, ut cætera desint,

Forma movere potest?

Plato III. de *Legibus*: τὸ κάλλιον, ἐρασμιώτερον; *Maximè pulchrum*, *maximè amabile*. Dicebat *Aristoteles*; τὸ κάλλιον παντὸς ἐπιστολῆς συστατικώτερον: *Pulchritudinem* plusquam *Epistolas omnes valere ad commendationem*. *Plato* etiam *pulchritudinem* appellabat *πρότερον Φύσεως*; *Privilegium Nature*. Hinc veteres Philosophi *pulchritudinem* origine divinam; nihilq; *pulchri* temere & fortuito nasci, sed ab arte aliqua effici, putarunt. *Plutarchus* Lib. 1. de placitis Philo.soph. Cap. 6. *Pacatus Drepanus* in *Panegyrico*: Non frustra planè opinione sapientium, qui naturalium momenta causarum subtilius siscitati, arcanis cælestibus nobiles curas intulerunt, augustissima quæq; species plurimum creditur trahere cælo. Sive enim ille animus divinus, venturus in corpus, dignum prius metatur hospitium, sive cum venerit, fugit habitaculum pro habitu suo, sive aliud ex altero crescit.

37. *Sordido cultu robustam obtegi manum*] Huic affine est *Cæcilianum* illud apud *Cicero* nem Lib. 3. *Tuscul. Question.* Sæpè est etiam sub pallio sordido sapientia. Sed magis convenit illud autoris nostri, infra Lib. VI. *Quem siber*, non satis doctus, vili interdum amiculo validas subesse manus, objurgatum a deo ex edere jubet. Cæterum *Adagium* est hodieq; Islandis frequentatum: *Opt erri vastar Þendur unour vondre/ aut, voruigre/ Rápu/* id est, *Sæpè validæ manus lacerat, vel vili, aut sordidâ togâ teguntur*.

38. *Fortemq; dextram atrâ veste concludi*] *Disco* hinc atrum vestimenti colorem, fere ut *Romanis*, sordidum habitum & ignobilem. Alibi non memini observasse. *M. Brynolfus*.

44. *Momentaneum corporis habitum ab æris teneritudine mutuari*] *Lucretius* Lib. IV. multis explicat, ultro citroq; per auras volitare tenuissimas quasdam omnium formarum exuvias. Multa ac varia à doctis pariter atq; indoctis, cum de aliis rebus disputantur, tum de spectris, quæ noctu & interdiu, terrâ mariq; in agris & silvis, item in domibus conspiciuntur atq; audiuntur, hominesq; territant: de quibus operæ erit pretium consulere elegantissimum libellum *Ludovici Lavateri*, qui hoc argumentum solide & nervosè pertractat, ostendens non solum quod Spectra appareant, sed & quid sint illa, quæ videntur & audiuntur. Cui non sine fructu adjungi poterit *Joh. Wieri* de præstigijs Dæmonum Tractatus; item *Peucerus* de Divinationum generibus, *Nicolai Remigij* Dæmonolatrea, *Ricardus Argentinus* Anglus de Incantationibus, *Bodini* Dæmonomagia, *Delrio* Disquisitiones Magicæ, *Malleus Maleficarum*, & alii autores. Inprimis lectu dignissima est *Epistola* *C. Plinij* XXVII, Lib. VII. quâ quærit à

Sunt, an veræ sint apparitiones, quæ Græcè *phantasmata* dicuntur, & exemplo Curtij Rufi ac Athenodori Philosophi, postremo suorum, confirmat esse vera. Initium tale est: *Et mihi discendi & tibi docendi facultatem otium præbet. Ignor perquam velim scire, esse phantasmata, & habere propriam figuram numenq; aliquod putes: an inania & vana ex metu nostro imaginem accipere?* Ne vero quæstionem hanc de spectris & nocturnis apparitionibus [quas & phantasias, phantasmata, phasmata, idola, lemures, manes, umbras appellant] an sint aliquid, an vero inania & vana ex metu nostro imaginem accipiant, planè intactam relinquamus, decidamus eam verbis Clarissimi Viri, & longiore vitâ dignissimi, Matthiæ Berneggeri, in Diatribæ ad Svetonij Augustum, Cap. VI. *Etsi, inquit, in re tam ambigua Socraticos ἐπεχοντας imitari præstat, tutiorq; est Academicæ aporia, quam reliquarum sectarum juratissima dogmata: tot tamen exempla, non soli vulgo, qui decipere & decipi potest, sed magnis etiam viris observata, literisq; prodita, de veritate quorundam spectrorum, quibus Deus fideles exercet, infideles punit, vix dubitare sinunt. Interim illud quoq; Livij XXIV, verum credimus, ut plurimum oculorum auriumq; ludibria credita pro veris: dum aut naturalia fortuitave, ignoratione causæ, pro spectris habemus, quod meticulosi & melancholici ut plurimum accidit: aut impostorum strophis decepti, fucum non olfacimus. In talibus spernendis dignam homine Philosopho constantiam præstitit Democritus, qui ad convincendam spectrorum vanitatem, sæpe solitarius vixit, atq; etiam sepulchra incoluit, ut scribit in ejus vitâ Laërtius: cumq; in tenebris per lasciviam quorundam adolescentulorum, è sepulchris noctu veluti larvis infestaretur, impavidus, & semper sui similis, illos statim admonuit, ut ineptire desinerent. Quin & Horatius Lib. 2. Epist. 2. umbrarum contemptum inter cetera boni sortisq; animi argumenta collocans,*

Num es ararus? inquit, ab: quid cetera? num simul isto

Cum vitio fugere? caret tibi pectus inani Ambitione, caret mortis formidine & irâ? Somnia, terrores magicos, miracula, sagas, Nocturnos lemures, portentaq; Thessala rides?

Pag. 24. vers. 44. *Qui & ipse Scottici nominis conditor fuit*] Gvilielmus Cambden, Vir excellentis ingenij, & gravissimus Historiæ Britannicæ auctor, de Origine Scotorum varias variorum recenset opiniones atq; sententias, in Britanniciæ Descriptione pag. 87. & sequ. Nonnulli etenim *Scotum* quandam, Pharaonis Ægypti filiam, Scotticæ nationis conditricem fuisse tradunt. Quæ opinio e superstitione & imperitia rudis antiquitatis enata, jure rejicitur. Alij fortissime huic genti nimis injuri, Scottici nominis appellationem à Græco fonte deducant; quod Scotti dicantur quasi Σκωτοι, id est, fur-

to concepti: quæ etiam non injuriâ exploditur. Florilegus e Saxonica Linguâ Originatorem petit; Scotos nimirum appellari, quod ex confusâ gentium colluvione prognati fuerint. *Scot enim, inquit, illud dicitur, quod ex diversis rebus in unum acervum aggregatur.* Ipse Camdenus cum Cifnero & Reinuccio, à *Scythiis Scotos* derivat. Quisnam vero fuerit hic *Scottus*, Saxone tacente, prorsus ignoramus. Si Danus, fraudi non erit Scottico nomini Danorum se prolem agnoscere, qui olim se à Gothiis, qui origine Dani, genus suum ducere gloriati sunt, ipso Camdeno teste. Certè Imperator Carolus Quintus e Scandiæ & Gothiæ tractibus, totius Europæ nobilitatem exortam fuisse seriò dictitare solebat.

45. *Tori varietatem supplicij loco reputans*] An illud genus pœnæ suo primus arbitrato, an alterius exemplo invitatus, an solito more gentium, indixerit, diligentioribus considerandum in medio relinquo. M. Brynolfus. Ego autem omnino existimo Frothonem suo primum arbitrato illud genus pœnæ Sorori male de se meritæ injunxisse. Haud etenim majori pœnâ eam afficere potuit, quam cum e charissimi mariti amplexibus invitam violenter abstraheret, & cogeret alteri nubere, quem antea nè de facie quidem novisset.

50. *Segniter enim desecere solet*] Proverbium est Islandis notum & usitatum: *Thad er huerium riid / sem hañ temur: Vel; Thod er huerium tamt / sem hañ riid far.* Id est: *Expedite quivis id exequitur, cui insuevit.*

51. *Fluidis annis*] Per fluidos hic annos abq; dubio intelligenda erit *etas*, quam *lubricam* alias dicimus. Id quod sequentia innuere videntur; cum mox *tenere etatis* mentionem faciat. Putabam aliquando legendum esse *fervidis annis*, sicut *fervidam adolescentiam* Seneca Octav. appellavit. Sed prima lectio etiam tolerabilis. Respexit Saxo Proverbium istud Danicum: *Quad man eni nemmer / det man gammel icke forglemmer.*

52. *Primævam quippè mentem*] Aliud Adagium antiquæ notæ: *Tamur er Barns vande:* Id est, *Cui à pueris adsueveris, facile adhærebis.*

Pag. 25. vers. 23. *Aurum quod ab eis gestaretur, passim per arvâ disciendum edixit*] Consimile usus est stratagemate maximus Regum Mithradates, Romanæq; avaritiæ pertissimus, cum spargi à fugientibus sarcinas & pecuniam juberet, quâ sequentes moraretur. Florus Lib. III. Cap. 5. Cicero Orat. pro Lege Manilia. Sic de Stilicone Claudianus Libro de Bello Getico.

Purpureos cultus, assumptas igne valentes Exurias, miserisq; graves Crateris ab Argis Raptasq; flagranti spirantia signa Corintho, Callidus ante pedes venientibus objicit hostis.

Tale in Literis Sacris Lib. IV. Reg. Cap. 7. de A
Aramæis fugientibus, qui vasa & vestimenta
totâ projecerant viâ, ut scilicet Israelitæ prædæ
dediti, eorum vindictam negligenter, & tem-
pus aufugiendi palantibus darent. Idem Tri-
phon Syriæ Rex fecisse videtur, qui victus, per
totum iter fugiens pecuniam sparsit, eâq; in-
fectandâ Antiochi equites moratus effugit.
Frontinus Lib. 2. Cap. XIII.

30. *Capite galeâ nudato, clypeo innixus*] Ha-
bitum militis eleganter describit, detectumq; B
caput, quo videretur imperium agnoscere; in
clypeum vero incumbere solens erat, qui Du-
cibus pro tribunali fuit aut pulpito, quo mili-
tarem alacritatem & fortitudinem ostenderent.
Confer hunc Septentrionis morem cum Roma-
norum suggesto, & vide, quantum interlit.
M. Brynolfus.

Pag. 26. vers. 2. *Mannos quoq; variæ suppel-*
lectilis gerulos] Manni sunt equi pusilli, inter-
delicias Magnatum haberi soliti: quos vulgo C
suo seculo *Buricos* appellatos testatur Porphy-
rio. Horatius Lib. III. Carm. Ode XXVII.

*Rumpat & serpens iter institutum,
Si per obliquum, similis sagittæ,
Terruit mannos* —————

Martialis Lib. XII.

Nusquam est mulio? manuli tacebunt.

Manilius Lib. 5. p. 124.

Aut mulos aget, aut mannos, mistosq; jugabit D
Semine quadrupedes. —————

Quomodo bonâ fide legendum contendit.
Scaliger in Castigat. Ovidius in Amoribus:

————— *Rapientibus effeda mannis.*

Plinius Secundus Epistolâ II, Lib. IV. de filio
Reguli defuncto: *Habebat puer manulos multos,
& junctos & solutos: habebat canes majores, mino-*
resq;: habebat psittacos, luscinias, merulas. Glof-
sar. *Mannis, Βαρβαροις.* Hieronius Lib. XII. *Man-*
nus, equus brevior est, quem vulgò brunium & bru-
nitium vocamus.

15. *Latentis hamis fraude*] Elegans Metapho-
ra à piscatorum hamis desumptâ: qualis in illo
Platonis apud Ciceronem Libro de Senectute:
Divinè Plato, *escam malorum, Voluptatem* appellat,
quod eâ videlicet homines capiuntur, ut hamo pisces.
Et Petronij: *Sic eloquentiæ magister, nisi tanquam*
piscator eam imposuerit hamis escam, quam scierit
appetituros esse pisciculos, sine spe prædæ moratur
in scopulo. Ubi eloquentiæ magistrum compa-
rat piscatori, qui nisi dixerit, quæ adulescen-
tuli probent, & nisi insidias quasdam auribus
eorum fecerit, solus in scholis relinquetur.
De pecunia autem verè dici potest, latere sub
splendido illo luto perniciosissimum hamum,
quo multi mortalium ipâ capiuntur, ut se in-
omnium malorum voraginem ipsi præcipi-
tent. Vide omnino Petri Chrysologi Serm.
XXIX.

17. *Quæ raptorem captivum*] *Captivum*, est,
capiunt, captivum reddunt, ducunt, tenentq;
Guillermus Armoricus Philippidos Lib. IV.

————— *Et fortis armati sortior arma*
Captivans, victor spolijs ascendit in altum.

Petrus Chrysologus Sermone XXX: *Aurum*
Judaicum populum sic suo captivavit aspectu, vivit
illecebris, specie decipit, ut hoc esse Deum crederent,
& Deum verum, Deum tot beneficijs cognitum, de-
negarent. Et Sermone VII. *Hypocritis dum cupit*
captivare oculos, oculis sit ipse captivus. Dudo S.
Quintini Decanus Lib. II. de moribus & actis
Normannorum: *Uxor & semen eorum capti-*
vabo, & armenta eorum devorabo. Et mox ibi-
dem: *Respublica & captivatur, & occiditur.*

42. *Quando peregrina prædabimur?*] Quasi
regnum & rapina res una esset. Sic homines
iis latrocinis & depredationibus indulge-
bant, & universam ætatem, meliorem certè
ætatis partem, infumebant. Nec ullus vere ro-
bius est habitus, nisi qui sub hyberna, aliquot
navibus prædâ onustis in stationem reverteret.
Vasatam consulas juxta initium. Hoc illi
studium, honestissimum scilicet ac regium,
ad legiati & *Disfuz* vocarunt. M. Brynolfus.

42. *Si propria refutamus*] *Refutare*, est re-
jicere, contemnere, recusare. Cicero pro Ra-
birio: *Non modò non aspernari ac refutare, sed*
amplecti etiâ, & augere debetis. Sallustius in
Fragmentis: *Se Regibus devorant, & post eos vi-*
ram refutant. Salomo Lexicographus, quem
ad testimonium citat Doctissimus Germano-
rum, M. H. Goldastus in Notis ad istum Co-
lumbani verium:

Spernit avaritiam, vanosq; refutat honores.

Refuto, recuso. Arnæus Enchiridio:

Æstimat accipiens viâ, & terrena refutans.

Auctor de Contemptu mundi:

————— *Sed non mea dona refutes.*

E Hieronymus in Agone: *Pro me sudasti sangui-*
nem pretiosum, non me refutes. Julius Capitoli-
nus in vita Antonini Pij: *Circenses natali suo di-*
catos non respuit, alijs honoribus refutatis. Ammia-
nus Marcellinus Lib. XVII. p. 104. *Non refuta-*
mus hanc, nec repellimus. Gloss. Vet. *Refuto, re-*
pudio, respuo. Egesippus Lib. II. *Ne pro se sacri-*
ficarent, qui sacrificium Caesaris refutavissent. So-
linus Cap. 25. *Nundinas ac numum refutant.*
Novell. Theodos. XXV. *Solidum aureum integri*
ponderis refutandum. Quò significato in Hist.
Aug. & Legibus Longobardorum aliquoties
usurpatur. Italiq; in suo Idiomate retinent,
Refutare la pace, Refutare pacem. Doctissimus
Lindenbrogius Observation. in Am. Marcellini
Lib. XVII. Andhelmus de Laudibus Virgini-
tatis. Cap. IV: *Qui contempta mundi blandimen-*
ta velut quinquiliarum perispemata spuens, & car-
nalis luxus lenocinia refutans, in sancto proposito suc-
cessor extiterat.

43. *Paternâ avitâq; pecuniâ*] Cum pecuniis omnia sacra & profana venalia prius dixerim, cuius acquirendæ causâ quidvis facere & pati sacrosanctum vulgo habebatur: tum vero imprimis hæreditarium aurum admodum religiosè priscos coluisse observo; quod illi *Erffdagull* dicunt: sive quod parentum sanguine ac sudore parta, liberis naturâ quadam commendata credebantur; sive ut honestâ causâ turpitudinem avaritiæ palliarent. M. Brynolfus.

Pag. 27. vers. 5. *Silvam, quæ Scotiam Britanniamq; secernit*] Hanc reor esse silvam, quam veteres *Caledoniam*, & *Saltum Caledonium* nominarunt. Ptolemæo est *Καληδονία δρυμός*. Hujus nostrâ ætate vix reliquæ supersunt, olim verò in immensum spatium diffusa, procerisq; arboribus invia. Ab hac silva, quam Buchananus *Silvam Corylorum* interpretatur, *Caledonia* dicta fuit pars insulæ Borealis, quæ hodie *Scotia* vocatur. Meminit Tacitus in Vitâ Agricolæ. Florus autem Lib. 3. Cap. X. de Cæsare in Britanniam transfretante: *Reversus igitur in Galliam, classe majore, auctusq; admodum copiis, in eundem rursus Oceanum, eosdemq; rursus Britannos, Caledonias sequutus in silvas*. Et Lib. I. Cap. XVII. *Ciminus interim salus in medio, antè in viis planè quasi Caledonius, vel Hercynius*. Plinius Lib. 4. Cap. XVI. de Britannia & Hibernia: *Triginta propè jam annis notitiam ejus Rom. armis non ultrâ vicinitatem silvæ Caledoniæ propagantibus*. Videatur porro hac de Silva Cl. vir Cambdenus in *Scotiæ Descriptione*, pag. 744.

17. *Celeberrimum insulæ oppidum Londoniam*] *Lundoniam* vocat Saxo, Britannici Imperij sedem, quam *Londinum* hodie; Tacitus, Ptolemæus, & Antoninus *Londinium* & *Longidinium*: Ammianus *Lundinum* & *Augustam* appellarunt: Incolis est *London*. Oppidum hoc ante Constantini Max. tempora communitum fuisse dubitat Camdenus: eumq; tradit, rogatu Helenæ matris, primum mœnibus è lapide structili & latere Britannico obsepsisse. At Saxo nos edocet, etiam ante natum Salvatorem generis humani, hac civitatē, tanquam Metropolitim totius Britannix, murorum firmitate tantum non fuisse inexpugnabilem.

36. *Contusis commolituq; auri fragminibus*] Inde Veteres Rhythmistæ aurum appellarunt *PRATNA YIAT Froda Miel* / *Frothonis farinam*. Egillus Scallagrimi, in *Hofudlausnar Visur* / sive *Cantilena*, quæ caput redemit; Stropha 2.

Hrytur (Brytur) bog huita
*RATNA (BRAINŸ) BAF *NIIA
Biodur bram thuita
BIAPNA *RAY PNIA

Muna hodd ofa
YNNI *APP APPI
Hringbriotar losa
*RIKPBRIAR MPA
Gladdist florna siol
PRAPPIUT PYAIMA PIAF
Vid Froda miol
NIP PRAPA YIAF
Miok er bilme fol
YIAY IR *INŸI PAF
Hauk strandar mol.
*INŸ ITRAMMI YAF

Frangit jacula Latatus est nautarum asser
Præcipiens auri Rex: Ex Regis farre
Meminerint Regem Valde Regi venales
Annuli fractores laudare. Manus lapilli.

Boghuita] propriè est, *arcus pluvia*: tela indicat, quæ confertim instar nimbi quandoq; in hostes jaculantur. *Drum thuita*] *hramur* / manus, *thuita* / lapis. Lapidem regum, aurum vocat: reddendum igitur, *auripotens Rex vel Imperator*. *Munna* /] memini, *hodd* / aurum, *offe* / studiosus. Vult indicare Regem fuisse auri studiosum. *Hringbriotar* /] fractores Clypeorum. Sic Regis milites præstantiores vocat, seipsum verò innuit, qui in ejus laudes hic est diffusus. *Siol* /] asser pro, *nave*. Latati sunt nautæ. / *Froda*] De Rege Frothone ferunt, quod tantâ abundaverit auri copiâ, ut in pulverem illud redegerit, & farinæ miscuerit. Hinc per *Frodamiol* / *Frothonis far*, aurum intelligit. *Haukstrandar mol* /] id est, *aurum*. *Haukur*] falco, accipiter. *Strond*] terra. Hic notat manum, cui falco ut terræ infidet. *Manus Lapilli*, sunt aurum, cui lapilli in annulis aureis insunt. Cujus tamen loci alia extat versio Biornonis, Jonæ filij, de *Sterdsaa*:

Projecta est arcus acies,
O Imperator manus lapidū.
Animus ergo est mihi auri largitorem
Militi celebrare.
Latata est nautarum multitudo
Frodonis farre.
Admodum est à Rege parabilis
Falconis regionis lapis.

qui & hanc addidit commentatiunculam, *Froda miol*] Frode hiet Kongur / sa sem gulleð liet mala / og thui heiter gullet miol hanc. Frodo Rex erat, qui aurum molere instituit, unde aurum dicitur illius far. Vide Eddam.

Ibid. *Contusis commolituq; auri fragminibus cibos respergere solitum*] Auri nobile metallum, adversus quavis venena, & alios quoscunque morbos perniciosissimos, qui ipsa vitalia maxime infestare solent, efficacissimum esse remedium, præcipuè si in pulverem (quem Chymici *Alcool* vocant, Lucretius *venuste micæ auri* dixit) rediga-

redigatur, vel igne candens vino demergatur, A & fonte, qui admirandus isto in loco cernitur, antiquissimi Medicorum unanimi consensu passim attestantur. Nicander Colophonius Libro Alexipharmacôn, inter alia amuleta, quæ aconito sumpto opitulantur, auri quoq; mentionem facit, ubi sic loquitur:

Ἄλλοτε ὃ χρυσίου νέον βάρε' ἐν πυρὶ
πάλλεται

Нѣ и҃а а҃г҃у҃реон , ἰολεξῶ ἐνὶ πῶματι
βάρε' τοις.

Quin etiam argenti fuit utile pondus & auri,
Ignibus accensum, & mersum stridentibus
undis.

Dioscorides Lib.V. Cap.79. *Argentum vivum potum vim pernicipalem habet* suo enim pondere interna exest. Auri limata scobs, id est, ramentum quam tenuissimum, epotum, mirabili est auxilio. Plinius Lib. XXXIII, Cap. 4. Circa finem: *Aurum plurimis modis pollet in remediis.* Vulneratis enim & infantibus applicatur, ut minus noceant, si quæ inferantur, veneficia. Serapio Arabs de Temperamentis Simplicium Cap. 415. de Auro: *Limatura auri confert cordiacæ melancholiæ & debilitati cordis.* Lib. 3. ad Mansorem. Cap. LII. *Aurum tremori cordis, & melancholiæ adiutorium præbet,* Avicenna Lib. 2. Canonis Tractat. 2. Cap. 78. de Auro: *Limatura ejus ingreditur in Medicinis Melancholiæ, confert doloribus cordis & tremori ipsius, & malitiæ animæ, & ei qui solus loquitur.* Mefve Lib. 3. de Antidotis citat duo Electuaria, nempe Electuarium de Gemmis, & Electuarium ex granis tinctorij, quod Confectionem Alchermes vocamus, in quibus magnâ satis copiâ aurum ingreditur. Cæterum frequentem auri in cibo usum Principibus olim fuisse, adeo ut in luxuriam quoq; verterit, ostendit Johannes Hantvillensis, Architrenij Lib. 2. Cap. VII. Ubi invenitur contra vescentes auro, quomodo inscriptio habet:

O furor, inq; nefas egressa licentia mense,
Prodigiūq; gulæ, labor est in prandia quamvis
Flectere naturam, mollis fit cœna metallum,
Ingenitusq; rigor epuli peregrinat in usus,
Principibusq; cibum mentiri cogitur aurum.

Ibid. *Commolitusq; auri fragminibus* Commolere, est, ad extremam tenuitatem redigere, propemodum nihilo mutare, in pulverem tenuare; ut antè me Doctissimus Barthius observavit ad illum Esaia Prophetæ locum Cap. 3. *Quare atteritis populum meum, & faciem pauperis commolitis,* dicit Dominus Deus Exercituum. Videatur Adversar. Liber XXII. Cap. 20.

49. *Senectute vitam, non ferro sinierit* Nam juxta Venusinum Vatem:

Ad generum Cereris, sine cæde & sanguine, pauci
Descendunt Reges, & sicca morte Tyranni.

51. A Roë Roskilda] Consentaneum est urbem Roëskildiam, à Roë Daniæ quondam Rege,

nuncupatum esse. Danis etenim fons, Rilde/indigitatur. Hic editiori loco ebulliens perennes undarum scatebras declivi lapsu emittit: quarum decursu, septem molendinorum rotæ sufficienter in gyrum propelluntur. Civitatis verò celebritatem, magnificentiam & antiquitatem, multorum Divum delubra diruta, regiarum, monasteriorumq; rudera arguunt. Inibi etiam Haraldi VI. impensis constructum est

B Sacrarium magnificentissimum; in quo multorum potentissimorum Regum ac Principum busta elaborata conspiciuntur. Pluribus ejus descriptionem persequitur Jonas Coldingensis in Theatro orbis Arctoi, parte 12, p. 108. & seq. Alij originem vocis petunt à Rosa, quasi Rosæ fons, nobis Roë Rilde/rectius diceretur. Quam opinionem non hodie aut heri natam animadverto. Nam penes me est Codex MS. vetustissimus membraneus, continens Salutationem, C. B. Virginis, per quendam Scholarem de regno Daciæ, ut habet inscriptio; in quo inter alia hæc leguntur:

Salve vas reliquiarum,
Mons, quo surgit fons rosarum,
Fons aquarum, flumen clarum,
Regnum Roë reficiens.

Ad oram Libri, & has voces, fons rosarum, notatum exstat, Roskildis: & ad vocem Roë] Roë, quondam Regis Danorum.

Pag. 28. vers. 1. *Maris possessionem sortitus* Huc facit elegans ista ἐξήγησις, Cap. XXIV. Lib. 2. Adami Bremensis, quâ rationem reddit Cl. Vir, & de Historia gentis nostræ optimè meritis, M. Andreas Vellejus, Historicus quondam Regius, quare Piraticam olim tanto studio exercuerint Nordmanni: *Danis pariter atq; Norvagis,* inquit, *hoc in more positum antiquitus comperimus, quod frequentes susceperint, non incinas tantum, sed etiam remotissimas terras, expeditiones.* Quodinde (ut alia nunticem) factum est, quod sæpe copiosam post se reliquerint sobolem Reges: ac quum singulis liberis pro dominandi libidine non sufficere visa sit patria, alij eorum domi Regnum patrium administrarunt, alij classe atq; comœatu instructi [exemplum hic habemus] maris imperium ex usu & commodo suo gubernandum sibi vindicarunt. Neq; etiam dubium, ipsos plagæ hujus Septentrionalis incolæ, bellis continuis assuetos & quasi innutritos, quum domi pace multò maximè crescerent, nec quo Marte clarent, haberent, foris gloriæ & nominis illustrandi materiam, bello atq; armis quæsiuisse.

12. *Procuracionemq; Hescæ, Eyr Ler ducibus commisit* Legendum forte Este & Eyr: quorum alteri Septentrionalis, alteri verò Australis Jutia celsisse intelligatur.

Pag. 29. vers. 26. *Affectatæ libertatis imaginē colorabat* Colorare est velare, palliare, sub præ-

textu aliquid excusare, aliquid prætere. Sic aliquoties loquitur Saxo. Johannes Sarisburiensis, Saxoni ferè cœvus, Lib. I. Policratici, Cap. 4. *Opera singulorum ex eventu & proposito colorantur: res quippe decora est, si honesta causa præcesserit.* Lactantius Libro de falsâ Religione pag. 68. *Evidens, ut opinor, incestum, quod nullo modo possit colorari.*

38. *Fratri soror suendi obsequium neget*] Pro fratri hætenus in excusis Codicibus corrupte legebatur *fatu*: quam propterea obelo dignam censuimus vocem. Loquitur verò Saxo ex consuetudine Septentrionalium populorum, & præcipuè apud Summates olim vigente, quâ nimirum Matres filijs, Sorores fratribus, vestes tam linteas, quàm laneas, ipsarum confectas manibus, suppeditabant. Sic Lib. V. Conubinales Frothonis circa indumentorum usum fœmineâ admodum ope defecti, quum non haberent unde nova assuere, aut lacera reficere possent, Regem celebrandi conjugij monitis adhortantur. Itâ & Regnerus laneum à nutrice sagulum, infra Lib. IX, petit. Et adhuc in Islandia nullos habent Sartores, sed fœminæ tam laneas, quàm lineas, conficiunt vestes. Idq; olim & hic in usu fuisse, valde probabile. Si quidem Islandi ut linguam priscam, itâ mores adhuc retinent. Solebant etiam nobiliores Macedonum fœminæ, imò & Principum filiæ, aliquo sibi necessitudinis vinculo conjunctis, vestimenta proprijs manibus elaborata, dono dare, inprimis si quando extrâ patriam militiæ agerent: id quod Persarum fœminæ sibi maximo duxerunt probro. Testis est elegans & nervosus Scriptor Q. Curtius, cujus hæc sunt verba notatu dignissima, Lib. V. *Ac fortè Macedonicas vestes, multamq; purpuram dono ex Macedonia sibi missam cum ijs, qui eam confecerant, tradidit Sisygambi jussit, admoneriq; ut si cordi quoq; vestis esset, conficere eam neptes suas assuesceret, donoq; doceret dare.* Ad hanc vocem lacrymæ obortæ prodidère animum aspernantis id munus: quippè non aliud magis in contumeliam Persarum fœminæ accipiunt, quàm admove re lana manus. Nunciant, qui dona tulerant, tristem esse Sisygambem, dignaq; res excusatione & consolatione visa. Ipse ergo pervenit ad eam, & mater, inquit, hanc vestem, quâ indutus sum, SORORUM NON SOLUM DONUM, SED ETIAM OPUS VIDES: nostri deceptè me mores. Quid de Romanorum matronis dicam, quæ laneas vestes maritis suis & fratribus domi conficiebant, cum illi in expeditionibus essent constituti? Exemplo est Lucretia, & aliæ; de quibus videantur Livius, Halicarnasseus, plures.

45. *Patientiam nominavit*] Quam ex fortitudine natam contendit Valerius Maximus Lib. III. Cap. 3. *Egregijs, inquit, virorum pariter ac fœminarum operibus, fortitudo se oculis hominum subjecit, patientiamq; in medium procedere hortata est, non sanè infirmioribus radicibus stabilitam, aut mi-*

nus generoso spiritu abundantem; sed itâ similitudine junctam, ut cum ea, vel ex ea, nata videri possit.

48. *Qui cum igni applicaretur*] Eodem experimenti genere patientiam suam probarunt Scævola, qui injectam foculo dextram exuri passus est: Pompejus, qui ardenti lucernæ admotum digitum cremandum præbuit; & Puer Macedo, in cujus brachio carbo ardens cum delapsus esset, dolorem tamen silentio pressit, & brachium immobile tenuit, etsi ita ureretur; ut adusti corporis odor ad circumstantium nares perveniret, ne sacrificium Alexandri aut concussio thuribulo impediret, aut edito gemitu regias aures aspergeret. De quibus videatur Valerius Max. loco jam dicto.

Pag. 30. vers. 1. & 2. *Egestâ dolio Clepsedra*] *Clepsedra*, sive potius *Clepsydra*, à κλέψειν ὕδωρ dicitur, & horologium olim significabat, in quo aqua per exile foramen, quod in fundo erat, sensim & quasi furtim destillabat. *Ad Clepsydram* magnæ olim lites & causæ agitabantur. Hic vero *Clepsydra* epistomium denotat. Catholicon Johannis de Janua, in voce *Clepsedra*: à *Clepo*, is, dicitur hæc *Clepsedra*, *drâ*, id est *ducillus*, qui obdit foramen dolij, quod per illum quis furatur liquorem. Et videtur esse compositum à *Clepo* & ὕδωρ, quod est, aqua, sive liquor. Unde quidam dicunt *Clepsedra*, penultimâ productâ, & per y, quasi *clepens ydor*. Sed potius videtur ety. quàm compositio. Sed sive sit ety. sive compositio, dicendum est *Clepsedra* penultimâ correptâ, & per e, secundum Hugonem. Item *Clepsedra* dicitur quoddam instrumentum, quod immittitur in dolium, per foramen superius, causâ furandi vinum. Item *Clepsedra* dicitur illud instrumentum, per quod horæ colliguntur; unde *Clepsedrarij*, dicuntur illi, qui per illud instrumentum horas colligunt. *Clepsedra* etiam dicuntur vasa perforata, quæ habebant Philosophi ad dimetiendam quantitatem. Unde Martianus Capella in sua Astrologia; Monstratum est omnia signa paria spacia continere, multiplici appositione *clepsedrarum*. Hætenus Catholicon. Estigitur *egestâ dolio Clepsedra*, idem quod educto, exempto, seu pertuso epistomio, obturaculo, vel vertibulo, quod dolio infixum, admittebat, vel arcebat, aquam, prout hoc vel illo modo verfabatur.

24. *Affixis humi genibus*] Antiquitatum Islandicarum monumenta rem hanc itâ commemorant. Discedentes Upsalâ Danos Atislus statim numerosissimo exercitu insecutus est: & assecutus quidem fuisset, nî illi Danus pulchro stratagemate illuisset, quod tale erat. Rolfo enim, cum Svecos sibi imminere videret, aureos nummos, quos à sorore Ulrfa acceperat, in viâ disseminabat, quibus colligendis hostis magis quàm persecutioni intentus fuit. Demum eâ calliditate animadversa, Atislus suos magnopere frustra hortatus, ipse equum proprium calcari-

tealearibus adaectum cogit reliquum agmen præcurrere. Quod cernens Danus Atisilum nummulis aureis non inescari, promittit annulum ingentis pretij, quem majores ipsius prædæ loco a devictis olim Sveciæ Regibus reportarant, cumq; Atisilo obviam projecit. Tum Atisilus auro inhians, rem tam pretiosissimam non putabat contemnendam. Converso igitur equo ipse incurvatus, poterat annulum hastâ attollere. Nomen annulo fuit *Suijagris* id est, *Sucula Svecorum*. Atisilo ad annulum tollendum incurvato, Rolfo acclamans ait: *Du hef eg Suinbeyg hañ/sem ristastur war med Swiñen*: Hoc est: *Du hassuer jeg ladet hannem bucke sig som eer Swiñ den der var mechtigst iblant de Svecste*.

48. *In Jalonem quendam nodosa passim ossa conjicerent*] Gigantum hunc morem fuisse & immanium hominum, docuit me Historia. Bardi Snæfellsasi, qui unâ cum filio Gesto, & aliis multis gigantibus, ad convivium Hitæ, gigantei generis fæminæ, in antro Hundaheller dicto, vocatus & invitatus est. Ubi postquam cœnati sunt convivæ, & ut ille ait, *þóttu og eg ætvað*, post epulas eo se lusus genere oblectarunt ac provocarunt, ut carnibus denudata ossa, equina credo & bubula, nodosa, unus in alterum jaceret pro viribus: quod oblectamenti genus duorum triumve gigantum morte confutit. Ossa autem ista nodosa vocamus *Hnutur*/quasi Danicè *Knyttede Been*: & ludum ipsum *Hnutustast*/ id est, jactum ossium nodosorum. *M. Brynulfus*.

49. *Bjarco nomine*] Hic est insignis ille, Athleta, Danorum fortissimus, qui eidem tumulo cum Rolvone Krake Rege illatus legitur. Quem longo post tempore [credo nongentis non minus annis] Skeggo Midfiordensis, vir fortissimus, subiens, invenit utrumque integrum, sedentem, gravi armaturâ indutum, & insignem stupendæq; speciei gladium tenentem; E cujus cum cupiditate arderet Skeggo, forte fortuna Bódvarum Bjarconem. [Bódvari enim nomine dictus erat, Bjarco cognomen fuit] principio adortus, manibus illis, antea quidem robustissimis & invictis, nunc autem a nongentis annis, mortuis torpidisq; erepturus, nullis viribus avellere potuit. Sed a Bjarconis gladio repulsus, Rolvonis Regis, *Skófun-gum* dictum; maximo cum labore reportavit: qui gladius omnium præstantissimus, a seculo in Islandiam venisse creditur. *M. Brynulfus* ex Skeggjalaga, Thordi huæðæ saga, Laxdæla.

Pag. 31. vers. 2. *Morientem Agnerum soluto in risum ore*] Talem ego risum non tam fuisse existimo doloris dissimulationem, ut Saxo interpretatur, aut contemptum mortis; quam animi furen-

ter irati & vindictæ cupidi indicium. Solent etenim irati *seuum ridere*, ut Silius loquitur. Lib. 1. Ejusmodi est Ajacis risus apud Homerum Lib. IX. Ita Jovem iratum ridentem facit Hesiodus Lib. 1. *εργ*; Plura nobis exempla suppeditat Gallorum doctissimus Bourdelotius ad Petronij Satyricon pag. 144.

Pag. 31. vers. 5. *Gladio, quem Lóvi vocabat*] Ex hoc loco Saxonis elucet usitatissimum fuisse veteribus athletis nomina gladiis imponere. Sic infra *Snyrtir* gladius, & *Hóthingus*. *Skrep* gladius Vermundi. *Linsing* & *Huising* gladij. *Lóthi* gladius Olonis Vegeti. Sic Rolandus Filius Berthæ Sororis (ut vulgo existimant) Caroli Magni, gladium habuit *Durendam* vel *Durandulum*, quo plurimam faciebat hostium stragem. Videatur Camerar. Horarum Subcis. Cent. 1. Cap. 76. & Cent. 2. Cap. 29. Ita & *Caliburne* dictus est gladius celebris Arthuri Regis Britannorum nominatissimi. Hoveden in Richardo 1. *Et contra Rex Angliæ Richardus dedit Regi Tancredo gladium illum optimum, quem Britones Caliburne vocant*.

20. *Quisnam esset iste Krage?*] Nonnihil diversam Rolvoni nostro cognominis impositi occasionem commemorat Edda Mythologia LXIII, quæ fuit ejusmodi: *Kongr æin i Danmorc er nesfr Drost Krati / han er agiættarfr forn Konga. Snyrt af mildi og frakleitt oc litilsæti. thet er æne inel um litaleiti hans er imoge fært i fræfogn / at ænim litil Svein og fætafr er nesfr Voggr / han fóm i holl Drosti Konge / tha var Kongr en vngv ad allbr og granligv a vext. Tha get voggr for ham og sa vp a ham. tha mælte Kongr / huat vilu mæla Svein er thu ser sa vp a mæl. voggr s. tha er et var heima hætrda et sage at Drost Kongri Hleidru var mæste madur norðs landum / en nu ser han i hæfæti Krati ænim litil og fælla thet han Kong sin. Tha s. Kongr: thu Svein hefr gefir mir nasn at eg skal heita Drost Krati / en that er vit met os / at gíof skal fylgia nasn fæsti. Du se et thicf enga gíof hafa t at gefa mir at nasnfæsti. Tha eg mir se dagiligv nuskals gefa ordrum er thet refv / togh gúlþring af hendi ser og gaf hanom. Tha mælti Voggr. hef du alra Konga heilatr og thet strengi et heitrat verða. Deð mans bant er thín bant verðr. Tha mælti Kongr / oh hlo at: Eistlu vertur Voggru sei ginn. Id est: *Quidam Danicæ Regum dictus est Hrolfo Krake, qui antecessores suos omnes, liberalitate, fortitudine & humanitate antecellebat. Humanitatis ejus indicium certum hoc est. Erat juvenis quidam pauper nomine Voggur, hic aulam Rolvonis intravit, cum junior adhuc rex esset, & staturæ minoris, cumq; accedens intentè in vultum ejus lumina figeret: id animadvertens Rex, quid inquit, vis juvenis, cum attente adeo me aspicias? Respondit Voggur: Domi cum essem, omnes Rolfonem Regum**

Septentrionalium maximum deprædicabant : sed A
jam in folio Regis parvum video Cornicem (Krake)
quem Regem vocant. At ille, Tu juvenis cognomen
mihi primum dedisti, ut vocer Hrolfo Krake; moris
verò apud nos est, ut is cui cognomen datur, à dan-
te, cum nomine, donum accipiat. Quod verò mihi jam
dabis, siquidem videam te nullum munus me di-
gnum adferre. Equum igitur esse duco, ut det qui
habet : mox detractum à digito annulum ei obtu-
lit. Gratias habeto, inquit Voggur, Rex fortuna-
tissime. Votum hoc solemne vicissim jam voveo.
Quicumque vitâ te privaverit, meâ cadet dextrâ.
Cui Rex subridens. Eitlu verdur Voggur seggin.
id est, Parvo contentus est parvus Voggur. Vel ut
alius Eddæ interpres vertit : Rex quidam Daniæ
Hrolfus Krake dictus est, Regum priscorum, propter
liberalitatem, fortitudinem, & humilitatem cele-
berrimus. In ejus aulam adolescens pauperculus ali-
quando venit, nomine Voggus (Voggul) regem
fixis intuens oculis. Cui Rex; quid, inquit, adole-
scens vis effari, quum ita me accuratè contempleris?
Tum ille : Dñi meâ audi vi Hrolsum, Regem Hle-
dræ, maximum esse virorum, qui in Aquilonaribus
conspiciuntur terris : sed nunc in folio hic sedet exi-
guus pusio (Nu situr hier i hâfæti Krake litill)
[Krake, pusio est, vel adolescentulus] Tu adole-
scens, Rex ait, cognomen mihi dedisti, ut Hrolfus
Krakus appeller. Sed moris est, ut cognomina dono
aliquo confirmentur. Te verò, quod dones, nihil ha-
bere video. Dabit ergò qui habet, annulumq; au-
reum digito extractum ipsi concessit. Tum Voggus :
Omnium, inquit, regum felicissimus dederis, Votumq;
voveo ejus viri interfecto fieri, qui te occiderit.
Rex autem arridens addebat : Eitlu verdur Voggur
feggin / parvo Voggus gaudet.

21. Faceto cavillationis genere inusitatum pro-
ceritatis habitum prosequutus] Solent plerumq;
ingenti corpore homines aliorum salibus exa-
gitari. Ità Vespasianus Imperator procerum
hominem irridens, eum nominavit δολεχόν
ἐγχε, longam hastam, adducto è Poëtarum
Principe Græco versiculo. Svetonius in Vespas-
iano Cap. 23. Galli hodieq; proceræ staturæ
hominem perticam & Longurium indigitant,
teste eximio Oratore Lud. Cresollio, Vaca-
tion. Autumn. Lib. 2. Sect. 3. Sic Proculus
propter eximiam & Colosseam corporis gran-
ditatem, Colosso fuit nominatus. Et Cor-
bulo quondam Cornelium Fidum civenæ Ro-
manum, quod longo esset corpore, tenui &
angusto collo, & notabili crurum gracilitate,
in senatu per contumeliam appellavit Stru-
thiocamelum, autore Svida. Pisandrum ob corpo-
ris magnitudinem Cnidium Asinum vulgo nun-
cipaverunt. Cum etiam Mimus quidam An-
tiochenus, qui eximiâ corporis mole in su-
blime assurgebat, in theatro saltaret Capa-

neum, & Thebarum etiam muros jam adje-
cturus, videretur : Antiocheni omnes unâ vo-
ce exclamarunt, ut transenderet, nihil enim sca-
lis esse opus tam magno. Sanè bellè Sidonius
Apollinaris negat in homine proceritatem esse
vehementer laudandam, quæ trabibus congruen-
tius, inquit, aptetur.


32. Consentaneum priori munus obrinuit]
Eadem calliditate usus est Refo quidam infra
B Lib. VIII. Qui à Gotrico Rege, torque dona-
tus, confestim eum brachio applicans, id cun-
ctis auro præditum ostentabat, reliquum verò per-
inde atq; ornamenti inops occultius habuit, eoq;
acumine ab invictæ munificentie dexterâ consen-
taneum priori manus accepit.

34. Arctissimâ voti nuncupatione pollicitus
est] Quod & perfecit, ut Saxo testatur sub
finem hujus libri, dum Wiggo traditi sibi
gladij cuspidem per Hiartvarum egit; ultionis
C compos, cujus Rolveni ministerium pollicitus fue-
rat.

37. Alicujus magnæ rei voto] Factum
hoc observavi semper ferè inter decumana po-
cula, idq; majorum more. Quod Heroës illi
facturi, poculum corneum manu tenentes in-
gens, de sede surgentes, ad lignum antè men-
sam constitutum, ad modum trabis in pavi-
mento transversariæ, consistebant, ac votum
D hac ferè formâ nuncuparunt : Ehesi streinge
eg beti : Vel ; Eitig eg á Stœk og streinge :
Id est : Ejus rei voto me elstringo : Vel ; Acce-
do ad trabem & voveo. Ejusmodi ritus exem-
pla suppeditat Jomfrætunga Saga; id est,
Historia Pyratarum Julinensium.

46. Lethræ pergitur] Antiquissima
Regum Daniæ sedes & arx munitissima fuit
Lethra; cujus, juxta ac adjuncti oppidi, con-
ditorem Saxo Rolvonem Regem facit : Quod
oppidum, inquit, à Rolvone constructum, eximysq;
regni opibus illustratum, cæteris consinium privin-
ciarum urbibus regiæ foundationis & sedis auctorita-
te præstabat. Ab hac Lethra Daniæ Reges in-
antiquissimis monumentis semper nominan-
tur Lethrarum Reges & Domini, Kongur aff Æe-
dræ, Sita verò fuit urbs hæc & arx ferè in medi-
tullio Selandiæ, non longè ab oppido Roschil-
diâ, ubi hodieq; ab incolis monstrantur ma-
nifestissima ejus vestigia. Ejus meminit Sve-
no Aggonis in Compendiosa Regum Daniæ
Historia : Huic in regno successit filius Rolf Kra-
ki, patriâ virtute pollens, occisus in Lethra, quæ tunc
famosissima Regis extitit Curia, nunc autem, Roschil-
densi vicina civitati, inter abjectissima ferè vix
colitur oppida. Sicum loci utcunq; heic repræ-
sentandum duxi.

ANTIQUISSIMÆ IN DANIA
ARCIS ET OPPIDI
LETHRÆ
TOPOGRAPHIA



- A. Sepulchrum Haraldi Hyldetan.
B. Sella Reginae, Dronningstenen vulgo.
C. Locus, ubi Regia olim erat.
D. Hyldehoy / forsan ibi homagia Regibus præstita.
E. Vallis Herthæ Deæ, vulgo Erte dall.
F. Amnis Lethræ, olim fluvius vastus.
G. Greenhoy / collis lapidibus cinctus.

- H. Olufshoy / Regis Olai sepulchrum.
I. Pons major, Møglebroe vulgo.
K. Equile olim regium, Hestebierg.
L. Stabulum pullis deputatum olim, Jølehay.
M. Kirckshoy.
N. Sijshoy.
P. Amnis Kornerupio defluens, Kornerup Aae dictus

Pap. 32. vers. 16. *Confertissimis se globis immergit*] *Immergere se in confertissimos hostes*, Justinum dixisse, in Indice ad hunc autorem à Berneggero accurate editum, annotavit Doctissimus Johan. Freinshemius : verum in contextu legitur : *ubi confertissimos hostes acerrime pugnare conspexisset, eo se semper ingerebat.* Lib. XI. Cap. 14. Virgilius significantius *injicere* dixit Æneid. 2. & 10.

25. *Noxq; hæc aut finis erit, aut vindicta malorum*] Galterus Alexandreidos Lib. VI. Fol. 67.

— Sua dextra cuiq;

Aut modò finis erit, aut ultio digna malorum.

Pap. 33. vers. 8. *Enses Teutonici, galeæ, armillæq; nitentes, Lorica talo immissa, quas contulit olim*

A *Rolvo suis*] Recenset hic Hialto varia dona, quæ ex veteri more militibus & aulicis suis liberaliter contulit Rolvo Rex Daniæ. Solebant etenim Reges Daniæ aulicos suos ejusmodi muneribus beare & mactare, ut eos in fide retinerent, & ad quævis pericula pro se obeunda redderent alacriores. Ex his donarijs Rolvo in vetustissimis Rhythmis, quos **HYLANDER PA NINER** Stjöldunga Visur appellarunt, **NITIR BIMA**, Veiter pella / id est donator byssinarum vestium, & **KRITIR KAPPA**, Hreiter hodka / spargens aut distribuens aurum, dictus est : & ipsum aurum, ac numi, Poetico vocabulo, etiamnum apud Islandos

dos **ΥΡΑΥΜΑΙ**, Kratasaad / hoc est,
Sementis Kracæ, Rolygonis nempe hujus, quam
liberaliter spargere solebat, dicitur:

Haki Kraki hoddum broddum

*ՎԻՄՐ ՎԻ *ԺԵՆՄ ԵՐ ԺԵՆՄ

Særdi nærdi seggi leggi

HAIRI KAIRI NIPPI NIPPI

Veiter Leiter vella pella

NIITIR NIITIR NIITIR BIITIR

Bali Stali beittist beittist

ВАН ИТАН ВИТТИТ *ИТИТ

Hic prima vox cujusq; lineæ cum ultima con-
jungenda est, & secunda cum tertia, ut sensus
obtineatur, licet metrum vel Rhythmus expi-
ret, hoc modo :

Hafi broddum færði leggi

Krafti höddum nærði seggi

Weiter pella báli heitust

Neiter vella stali beitrust.

Interpretatio. *Nasti*/ id est, Hæc antiquus, Rex
Daniæ; *Særb*/ vulneravit, sauciavit, *Eggi*/
tribas, vel quævis membra hominum, scilicet in
bello: *Bræddum*/ mucronibus, (omissâ Præ-
positione *Med*/ in Ablativo Instrumenti.) *Kra-*
ft/ nempe Rolf Kraki, Rex Daniæ; *Nærd*/ refe-
cit; *Eggi*/ viros; *hoddum*/ numis. *Beiter*/ pel-
la/ donator byssinarum vestium, id est, ipse
Rex, Rolf Kraki, byssinas vestes donare solitus;
Nasti *heist*/ incendio tostus vel excalefactus
est, scilicet, *der hand blif brent inde af sin Suo-*
ger paa Læru i Seland. *Meiter pella*/ Rex
Rolvø, vel potius fruens auro; *beitrist*/ saucia-
tus est; *Stall*/ Chalybe, id est, ense, quando
scilicet ab Hiartvaro confossus occubuit.

Haki Kraki hamde framde

*AṢI ṼR AṢI *AṢṬṬ ṾR AṢṬṬ

Geirum Eirum Gotna flotna

ՔԱՐՈՄ ԻՐՈՄ ՔԱՂԱՔԱՂԱՔԱ

Hreiter neiter hodda brodda

*R111R M11R *1111BR1111

Brendist endist bale stale,

BRİKT İKT VİT İTİTİ

Hic iterum voces alternatim conspirant, & ita in profam quasi redactæ, sonant:

Nafi hamde geirum Gotna

Krati framde eirum flotna

Meitar brodda endist stala

Greiter hoddá brendist bála.

Interpretatio: *Nati*/Hako Rex; *hambe*/coercuit; *Gema*/viros; *Geirum*/Ensis vel armis *Kraft*/Rolv Rex, cognomento Kraki; *fram*/*de*/promovit; *flama*/viros nautico vitæ generi addictos; *Eirum*/Auro vel opibus. *Neiter brodda*/utens mucronibus, id est, bellator.

A Haco; Endist/ finem vitæ accepit; Stale/ chalybe vel ense. Hretiter hoda/ spargens aut distribuens aurum, nempe Rolvo Rex : brendist bâte / conflagravit, sive exustus est flammâ vel incendio.

21. *Omnia quæ poti remulento promptissimè* ore] Nempè, ad vota, quæ, ut ante docuimus, inter pocula fundere consueverunt, alludit: quoniam per ἐπεξηγήσιν subnectit: *Ὁ υἱὸς ἀγαπᾷ* : quia semet ipsos, & sua omnia Principi, cui se probare cupiebant, devoverunt, largiore animo, cum incaluit vino circumpræcordia jecur.

23. *Procul hinc procul este fugaces*] Imitatur Saxo antiquam illam & solennem formulam, quâ profanos sacris arceri moris erat. Virgilius Lib. VI. *Æneid.*

————— *Procul ô procul este profani.*

Ovidius XVII. Metamorph.

C Hinc procul Æsonidem, procul hinc jubet ire
ministros.

Silius Italicus Lib. XVII.

Et procul hinc, moneo, procul hinc, quæcunq;
profana.

Tit. Calphurnius Eclogâz.

— *Ite procul, sacer est locus, ite profani.*

36. 37. *Certamina primâ Fronte gerunt Aquilæ* :
Antiquissimum hoc est Proverbium, quod pri-
scâ linguâ Danicâ sic effertur : **Andverdir**
þir kynni irrir ymmit :
Andverdir scilicet *Erner* floast ; id est, Danicâ ho-
diernâ : *Xer* imodrend *stulle* *Ornene* *rissues*. Id
ipsum responsi loco Olao Crasso, Norvegiæ
Regi, olim reposuit Erlingus Skjalgsonius, Vir
& corporis & animi viribus fortissimus, quum
ab ipso interrogaretur, quare tam animosè ac
fortiter hostibus suis resisteret ? Quum etenim
Olaus Rex classè sua Erlingum adoriretur, &
acerrimâ coortâ pugnâ, non solum Erlingi
classarij fortiter se defenderent, verum ipsè
Erlingus quæcunque tela, lanceas, sagittas, in
ipsum jacularetur hostis, gladij sui obtentu fru-
straretur atq; eluderet : Rex admirabundus ita
Erlingum alloqui cœpit : *Andverdur horffer*
thu oss i dag Erlingur ; id est, *Adversus intueris*
tu nos hodiè, Erlinge : quasi diceret ; Adverso te
pectore hodiè nobis opponis, Erlinge. Cui re-
spondet Erlingus : *Andverder stulli Erner*
floast ; Id est ; *Adversa debent Aquila se ungui-*
bus impetere. Idem Adagium occurrit infra
Lib. V : *Extremis se aquilæ scalpunt ; antèrins al-*
tes certant. Caterùm usurpatum hoc fuit de
viro magnanimo & imperterrito, qui esset

Hosti non tergo, sed forti pectore notus.

Pag. 34. vers. 2. *Extremam jam degustavimus
escam*] Solenne hoc summae Imperatorum
fuit incitamentum, quo milites suos ad prælia
alacri

alacri animo capeffendâ olim exhortari confve-
verant. Sic Leonidas ille Spartanus apud Ther-
mopylas trecentos cives, quos Xerxi totius A-
fiæ armis fuccincto objicere non est veritus;
hunc in modum allocutus est: *Sic prandete
commilitones, tanquam apud inferos cœnaturi.* Va-
lerius Maximus Lib. III. Cap. 2. Herodotus Lib.
VII. Justinus Lib. 2.

8. *Niveum caput exere Ruta*] Ruta hæc So-
ror erat Rolvonis nupta Biarconi, qui priorem
ejus maritum Agnerum duello vicit & inter-
fecit.

12. *Dirumpitur hamus nexilis*] Id est, Lori-
ca hamis nexilibus compacta, Erat enim lori-
ca hamata. Virgil. *Loricam consertam hamis au-
roq; tralicem.* Vel etiam hamus, singul. pro hamis,
quibus arma connectere sibi solent milites.
Unde mox, *nexile ferrum*, arma vocat, & *hamat-
um metallum.*

25. *Ignis urfos arcere licet*] Nihil adeo ter-
ret bestias, quàm ignis. Sic Livius scribit Lib.
XXVI. Elephantos a Pœnis in Romanos emis-
sos, *igni è castris exactos.*

26. *Pauper erat*] Verè etenim avarus Ma-
gnas inter opes inops, ut ait Horatius Lib. 3. Carm.
Ode 16. Et Seneca, *Avaro tam deest quod habet,
quàm quod non habet.*

53. *Pondera fudit opum*] Legendum omni-
nò cum Clariss. Barthio *fudit*. Sensus est: Qui
prius detrectabat minutos vilesq; annulos dare,
mox coactus immensam opum vim dedit. Sic
paulo post:

*Cui nil tam pulchrum fuit, ut non funderet
illud.*

Fundere autem dictum quasi *Effundere*, hoc est,
largâ & liberali manu donare. Quamquam
non sim nescius *Effundere* malam in partem
fumi pro prodigere & consumere: ut apud
Terentium in Adelphis: *Effundere patrimo-
nium.* Et Ciceronem Lib. 2. Offic. *Multi pa-
trimonia effuderunt inconsulte largiendo.* Bern-
hardus Morlanensis Lib. 3. de contemptu
mundi:

*Das mihi, do tibi, quisq; cavet sibi, ne sua fun-
dat.*

Ubi etiam: *grandia pondere lucra*, vocat, quæ
Saxo *opum pondera*. Monachus Florentinus,
Episcopus Arconensis, Libro de recuperata Pto-
lemaide:

*Multi qui divitias suas aliquando
Fuderant, pauperibus eas erogando,
Nihil sumunt, exules facti mendicando.*

Cæterum, quomodo hic Saxo *fundere opum
pondera* dixit: sic Galterus Lib. 1. Alexan-
dreidos, p. 4. v. 8. *pluere donativa:*

Thesauros æperi, plue donativa maniplis.

Pag. 35. vers. 19. *Ecce per infusas humana*

na tabe lacunas] *Tabes* hic pro *tabo* dicitur.
Pomponius Mela Lib. III. Cap. 9. *Putiscen-
tium membrorum tabe concrefcent.* Statius Lib.
VIII.

*Atq; illum effracti persusum tabe cerebri
Aspicit, & virgo scelerantem sanguine fauces.*

21. *Scabris limantur arenis*] *Limantur*, hoc
est, atteruntur, & veluti limâ expoliuntur,
dum arenis alliduntur. Firmant sequentia:
Splendescunt limo allisi. Glossæ Veteres: *Lima-
tur, Rimatur, terit, & c.* Ubi & alia signifi-
catio *Limare* emergit, nempe ut tantundem
valeat ac *Rimari, scrutari, quærere*, Cujus exem-
plum Phædrus nobis exhibet Fab. XLIX.
Lib. 3.

————— *Si mendacium
Subtiliter limasset à radicibus.*

Et Lucretius Lib. 3.

Floriferis aut apes in salibus omnia limant.

Quomodo ex MS. Codicibus legit Vir excel-
lenti doctrinâ Nicol. Rigaltius. Ideoque in
Glossis mendum subesse reor atq; ita scriben-
dum: *Limat, Rimatur* [vel ut Gaspar Schop-
pius antiquè dictum existimat, *Rimat, Quærit,*
& c.

24. *Stagnatq; cruenta Latius eluvies*] Jo-
sephus Devonius Lib. V. de Bello Trojano,
pag. 121.

*Hinc capitum largus stagnat cruor, inde relictî
In cumulum surgunt trunci, curruq; retardant.*

30. *Frothonis nepotem*] Rolvonem; quem
Helgo Frothonis filius ex filia sua Urfa, quam
Thora mater ignoranti patri prostituerat, su-
scipit; de quo antea dictum.

31. *Qui Sirtvallinos auro conseverat agros*]
Cum nempe è Sveria in Daniam unâ cum filiâ
Urfa aufugiens, aurum per agros spargeret,
quo fuga celerius carperetur: cujus itidem pau-
lo ante meminit Saxo.

39. *Signum dubij præstare timoris*] Maxi-
mum dedecus atq; vitium ab antiquis Heroi-
bus in timorepositum videbatur; adeo ut qui
timidum alterum appellaret, perinde ac si
maximâ contumeliâ affecisset, sic eum, quem
appellaverat, acerbum inimicum habiturus
esset. Nec raro quis probrosam hanc appella-
tionem morte suâ luit.

41. *Gloria defunctos sequitur*] Galterus Lib.
VI. Alexandreidos, pag. 66, & 67.

*Vivere per famam dabitur post fata sepultis,
Sola mori nescit eclypsis nescia virtus.*

Et Lib. VII. Alexandr. pag. 78.

————— *miseris mortalibus inquit
Hoc solum solamen inest, quod gloria mortem
Nescit, & occasum non sentit fama superstes.
Si vitæ meritis respondet gloria famæ,
Nulla tuos actus poteris delere vetustas.*

Pag. 36. v. 3. *Nemo magis clausis refugit penetralibus uris*] Hoc etiam priscis Heroibus & Martiis viris contumeliosum abjectumq; visum est. Id patet ex Skarphiedini, Niali filij, dicto, cum pater claudi domum, si inimici noctuaforent, consultum judicaret. Skarphjedinus contra sub dio expectare adventum eorum maluit, addens indecorum esse, more vulpecularum, intrā lustrum latebramq; comburi. Niala consulenda. *M. Brynolfus.*

31. *Non humile obscurumve genus*] Non. Bjarco dicit, tenuiores & pauperes non mori; verum, ut opinor, nullam eorum apud inferiorum Regem Odinum, atq; ejus contubernales Heroas alios, rationem futuram. *M. Brynolfus.*

Pag. 37. vers. 7. 8. 9. *Ut imagine collis Editus ē truncis excresceret arbutus agger, Et speciem tumuli congesta cadavera ferrent*] Tantam festragem hostium edidisse Biarco significat, ut corpora cæforum unum in locum congesta ingentes acervos, imo colles & tumulos, representare possent. Sic eleganter loquitur Tullius noster Orat. pro P. Sextio: *cædem vero tantam, tantos acervos corporum extructos, quis unquam in foro vidit?* Ita Xenophon Lib. IV. de rebus Græcanicis Corinthiam cladem describit, οὕτως ἐν ὀλίγῳ πόλλοι ἐπέσον, ὥς ἀπισμύρον ὄρεσιν οἱ ἀνθρώποι σωρὲς σίγῃ, ξύλῃ, λίθων, τοῖς ἐθεόσυντο σωρὲς νεκρῶν. Tam multi paucō tempore ceciderunt, ut homines acervos frumenti, ligni, lapidum videre soliti, tum acervos corporum adspexerint. Catullus de Nuptijs Pelei & Thetidos:

*Cujus iter cæsis angustans corporum acervus
Alta tepefaciet permixtā flumina cæde.*

Lucanus Lib. VIII.

————— Cernit propulsa cruore
Flumina, & excelsos cumulis æquantia colles
Corpora, sidentes in tabem spectat acervos.

Josephus Devonijs loco mox citato:

————— Inde relictū
In cumulum surgunt trunci, curruſq; reſar-
dant.

Sic & infra Lib. VIII. magnitudo stragis describitur: *Jacebant circa currum Regis, innumera extinctorum corpora, rotarumq; fastigium congeries funesta vincebat. Temonem quoq; cadaverum cumulus exæquaverat. Cæterum aggerem illum, sive struem cadaverum bello cæforum Dani olim vocarunt ΠΑΥΛΙΝΤ, Balthost.*

21. *Prima sibi testis res est*] Proverbium Islandicum consonat: *Raunen er obgnust: Experientia verax est.* Item: *Fama oculo cedit: Sion er Sögu rnfare: Præstat famæ visus.* Item: *Allt er Svipur nema Sion: hoc est: præter visum idola sunt reliqua.*

22. *Visusq; fidelior aure est*] Pluris est ocularis testis unus, quam auriti decem.

29. *Multa moras asferre solent.*] Proverbium & hoc videtur egregij Herois fortè dictum: *Ænneſt til tafar: id est: Incidunt multa, quæ moventur.*

33. *Uno semper contentus oculo*] Juvenalis Sat. VI.

————— Ocyus illud
Extorquebis, ut hæc oculo contenta sit uno.

Joannes Hantvillenſis Archithrenij Libro I.

Est quoq; & unoculo vultu contentus ———

Illa verò referenda sunt, ad ea, quæ supra diximus, de Odini apparitionibus: quandoquidem alterum oculorum Mimero vendidit, ut liceret de sapientiæ haustu, quantum vellet, percipere. Edda Fab. XIV.

41. *Adde oculum propius*] T. Calphurnius Siculus *Lumina propius ferre dixit Bucol. Eclog. I. quæ Delos inscribitur:*

Ornite fer propius tua lumina ———

C Ibid. *Et nostras prospice Chelas*] Diu me hic locus planè obscurus exercuit. Variè quoq; eundem exposuerunt excellenti doctrinā viri, quos in Belgio, & alibi, de eo consulere visum fuit. Nobilissimæ Vir, Daniel Heinſius, hunc in modum interpretabatur: *χηλαί sunt Cancrorum forcipes, aut forcices, acuta & dentibus armata, quæ cum committuntur, quicquid premunt, collidunt.* Ruta ergo consulta, ut fatidica, obscure responderet: *Si Biarco Martem præsentem, hoc est, felicem, experiri vellet, antè omnia discordias patriæ respiceret, hoc victrici signo oculos imbueret; ita futurum, ut tunc Martem experiretur.* Aliter verò Vir summus, Gerardus Jō. Vossius, verba hæc explicavit: *jubet, inquit, Ruta, Rolvoniſ ſoror, ut Biarco propius accedat; ac se intueatur. Nam prospice nostras chelas, valet, conjice oculos tuos in meos. Chelæ propriè in paguris, astacis, cancris, ac similibus piscibus vocantur, quæ Ovidio IV. Metamorph. flagella appellantur: Plinio etiam dicuntur acetabula & brachia. Κατὰ μεταφορὰν transfertur ea vox ad extimas ciliorum oras, idq; propterea, quia ut acetabula in cancris, ita in nobis, quando dormimus, ciliorum crepidines se contingant, ac quasi complectantur. Hoc docere nos potest doctissimus Medicus, Rufus Ephesus Lib. I. Cap. 4. Τὰ ἡψάοντα ἀλλήλων πέργει ἐν τῷ καθεύδειν ἡμᾶς, σεφάου καὶ χηλαί. Ubi Julius Crassus Patavinus, Chelæ, inquit, hoc est, Ungulæ. Ineptè sanè. Quid enim simile inter Ciliorum crepidines ac Ungulas belvarum? Sed inter acetabula ac dormientium Cilia similitudo est: uti jam dictum. Hætenus Vossius meus. Cæterum mentem versus hujus ita intelligendam censuit eminentissimus Philologus & Historiographus incomparabilis, D. D. Joannes Isaacius Pontanus: *Saxonem nostrum loco isto, Et nostras prospice Chelas, manifestò imitatum puto, aut saltem respexisse Lucanum: cujus verba sunt. Lib. I. v. 659.**

————— Tu qui flagrans minacem
Scorpion incendis caudâ, Chelasq; perurus,
Quid tantum, Gradive, paras? nam mitis in
altro

Juppiter occasu premitur, Venerusq; salubre
Sidus habet, motuq; celer Cyllenius hæret,
Et cælum Mars solus habet

Chela itaq; Saxoni fuerint pro Scorpione posita, quod
Signum apud Astrologos est Martis. Atq; ita signo
pro ipso Marte accepto; invocandum ante omnia
Mavortem domesticum Ruta vult adversus Hial-
tonem Suecum; cum Othinum, Deum peregrinum,
sibi auxiliarem Biarco requireret. Qui quidem O-
thinus, licet totâ Europâ titulo divinitatis cense-
retur; apud Upsalam tamen, Sueciæ Metropolim, cre-
briorem, ut ante dixerat idem Saxo, diversandi u-
sum habebat. Biarconem idcirco non deos externos;
sed suos & patrios, respicere Ruta monet, si exitum
certaminis auspiciatum experiri velit. Et id præci-
pue innui his verbis existimo; Et nostras prospice
Chelas: tum & illis, quæ ab ipso Biarcone prolata
paulo ante:

Et nunc ille ubi sit, vulgo qui dicitur Othin;
Armipotens uno semper contentus ocello?
Dic mihi, Ruta, precor, usquam si conspi-
cis illum.

Quibus continuo respondens Ruta inquit:

Adde oculum propius, & nostras prospice
chelas.

Quasi diceret: non est quod Othinum requiras in-
vokesue; nostrum potius auxilium, nostrosq; ac pro-
prios Deos respice: Hæc indubie vera loci mens est.
Caspar Barthius, Polyhistor nostrâ ætate nulli
secundus, & verè Criticorum Germanicorum
Alpha, in Literis ad me suis Chelas exponit Bra-
chia. Crucis imagine, inquit, se signabat Ruta,
aut alio signo, hoc dicens: itaq; observare brachia
sua jubet Biarconem, æmulaturum idem signum, si-
quidem in Dæmonis illius conspectum venire vellet.
Chelæ, brachia sunt, vel Papiæ Interprete. Et eas La-
rio donavit notissimo Georgicorum Versu Virgilius.
Subjungam longè diversam horum verborum
explicationem à Clarissimo Viro, & magni ap-
ud nos nominis Medico & Philologo, D. Olao
Wormio, mecum communicatam. Quid Che-
læ, quid item Chelys, vulgo notum. *Χηλῆν*, Ungu-
lam bovis vocat Cælius Rhodiginus Lect. Antiq. Lib.
XIII. Cap. 36. de Polydamante ubi sermo: Idem hic
Leonis domitor, ait, boum ingressus armentum, inibi
taurum magnitudine insignem ac præcipue ferum
conspicatus, ex posterioribus alterum arripuit pedem,
retinensq; pertinacissime ferocientem, ac impetu præ-
rabido prosilientem, non dimisit prius, quam indi-
gnabundus ac furens, tandem in Polydamantis manu
Χηλῆν, id est, Ungulam reliquit. Utrumq; non in-
commodè ad vasa cava accommodatur. Tam enim
Astarorum, Gammatorum, & Scorpionum Chelæ,
quàm testudinum Chelyæ, & boum Ungule concavæ
sunt. Per chelas itaq; vasa concava, conchas, aut pel-

A ves aquâ repletas, in quibus arte *ὀδὸν* *ὀδὸν*
Othinum representabat Ruta, Saxonem nostrum
intelligere arbitror. Non secus ac Varro notat pue-
rum quendam in aqua effigiem conspexisse, quæ quin-
quaginta versibus omnem Mithridatici belli even-
tum exprefferit. Et Appion Grammaticus memorie
prodidit, se umbram Homeri evocasse, ut ab eo per-
cunctaretur cujus esset, & quibus parentibus editus.
Saxo ipse Lib. VII, faminam describit, cujus carmi-
num tanta vis erat, ut rem quantalibet nodorum con-
B sertione perplexam, è longinquo soli sibi conspicuam,
ad contactum evocare posse videretur. Nostras, ait,
non cælestes, nec alienas, sed quas manu versabat,
prospice, procul venerabundus intueri, sed at propius
aliquantò accedens diligenter attendas. Alludit verò
Auctor ad priscam superstitionem; quâ Magnates,
qui bello occubuerunt, ab Othino suscipi, ante inse-
rorum magnâ solemnitate & pompâ inferri; con-
vivisq; magnificis excipi, crediderunt. Extat in
hujus rei testimonium vetus cantilena, in quâ de-
C scribitur, quâ pompâ & solemnitate ab Othino apud
inferos exceptus sit Ericus Blodöxe, Norvegiæ Rex,
cum jam satis concessisset. Inscriptio hæc est: *Squero*
sa *Odin* *fagnede Kong* *Entur* *Blodöxar*. Biar-
co igitur quamplurimis vulneribus sauciis & mor-
ti vicinus, à Ruta querit, an videat Othinum, ad-
venientem, qui ipsum ad inferorum deferat portas.
Cui illa respondet, profanis oculis cerni non posse,
sed sacræ ritè peractis, in concha, quam tenebat, ejus se
demonstraturam Idolum. Et quidni addam adhuc
D aliam loci hujus interpretationem, quam paulo
ante obitum suum nobis suppeditavit Clariss.
Vir, M. Johannes Janus Alanus, Græcæ Linguae
in Academia Hafniensi Professor, Præceptor
olim meus, & Hospes indulgentissimus,

Quem nunc emerita perimensum tempora
vitæ

Secreti pars orbis habet, mundusq; piorum.

Ea verò talis est: Per Chelas arbitror significari
forcipes, in altariis frequentes, ad gubernandas vi-
ctimas ab uno loco in alium, & ab igne in alium, quò
facilius & melius adolere possent. Hic omnibus
tandem accedet hujus loci *ἐξήγησις*, quam
mecum per literas ante aliquot annos commu-
nicavit Islandiæ decus, & non inficiandum pa-
triæ nomen, Arngrimus Jonas, quæ ita habet:
Vocem Chelas quod attinet, de quâ in Saxone am-
bigitur, vix occurrit, quod scribam. Interim tamen
hæc mea est conjectura, illam per Chelas, non ipsum
F Odinum; sed Parcas indigitare Odinicas, quasi
ipsius præsentiae pignora; quarum nomina speciatim
recensentur in Edda, Apologo XXXI. Sed generali no-
mine *NAVARRINR* Valthyrir / appellan-
tur, id est, morticana. Has moribundis, vel post
Sacrificiorum singulares ritus, vel etiam sponte osten-
tasse Sathanam, facile credidero, qui variè cum
Gentilibus istis collusit. Id quod ex Rhythmico Elo-
gio Haddingi cujusdam militis expirantis appa-
ret:

Sia kan ek fogdsader fiol-
HIA YAK IY PAFPPABIR PIA-

nis mejar
MIA YHAR

rder hesir mer odin sendar
IBIR *HIR YIR ABIR IHIR

Villar gladur i Vingolf
NIMAT PMABIR I NIKFAP

folga
PAPPA

Ok med Einherium ol drecks
AY YH IHIRIN Y PMIRIYYA

Videre possum mortis praesentia amictus, Odini
Virgines :

Vos ad me Odinus misit :

Volo vos hilaris in locum beatorum Odini se-
qui

Et cum Einheris cerevisiam bibere.

Item ex illo Regneri in Epicedio :

Heimbioda mier dysir
*HYBIAP YIR INIIL

Sem fra Heriaus hollu
HIY PRA *IRIAM *AMN

Hesur Odinn mier sendur.
*HPR ABIM YIR IHIR.

Invitant me Dyse, [Sic Parcas vocat]
Quas ex Othini aula
Othinus mihi misit.

Sed Valkyrias Saxonem Chelas vocasse in fluxu Poëtico conjicio vel ob cognationem aliquam soni, vel etiam significationis : quia sicut hoc Scorpionum genus, quod Chelas vocant, suis cancrinis alis, quicquid apprehendit, enecat : ita harum VValkyriarum apprehensio inextricabilis. Nec in praesentia verisimiliorem ullam asserre possum rationem, quum Rhythmo destituamur. Sed quid mihi in tanto doctissimorum virorum dissensu statuendum? Cogor omnino ἐπιχειρῶ : nisi si cum Wormio meo capienda sit vox, hæc de vasis quidem convavis, conchis aut pelvibus, sed non aqua repletis, verum sanguine potius, ex quo Sacrificuli, & extispices Ethnicorum, de futuri belli eventu conjecturam capere solebant. At Marbodæus Gallus Cænomanensis, qui de Gemmarum Naturis ac viribus scripsit, Chela voce utitur, nisi fallor, pro brachio ; Cap. XIX. de Chelidonio :

Ex lino facto decet hunc involvere panno,
Et sic sub Chela, clausum portare, sinistra :

Quemadmodum & Barthius Papiam id vocis exponere, paulo ante indicavit. Unde adducor, ut exilimem, latere in his verbis vestigia Magici istius ritus, quo eos solent initiare, quos mira oculorum perspicacitate imbueret.

A cupiunt. Etenim in terris hisce Borealis & olim fuisse, & hodieq; in Islandia reperiri prohibent homines incredibili visus acumine, supra naturam pollentes, adeo ut non solum interdiu, sed & noctu, haud aliter, ac luce clara contueantur varia phantasmata, variasq; volitantium per auras figurarum apparitiones, quas nefas est alioquin ulli homini mortalibus cernere oculis. Id nostrates dicunt, At vere Stunss. Hi creduntur arte quâdam in alios

B singularem hancce perspicendi vim, quâ ipsi præditi sunt, transfundere posse, ut & illi, passim vagantes formas videre queant. Hos enim lateri sinistro, interdum utriq; admotos, pone tergum consistere, perq; Chelas, hoc est, brachia in latus reflexa prospicere tantisper jubent, dum carmina quædam demurmurent. Id quod ubi ter aut sæpius factitatum, statim tam Lyncei evadunt, ut nulla non spectra, imo tenuissimas omnium formarum exuvias ulro

C citroq; in aere oberrantes, tam noctu quam interdiu, conspiciant. Quum igitur Biarco Othini videndi cupiditate duceretur, & ex Ruta conjuge, quæ forte tam stupendâ oculorum acie prædita fuit, diligenter quæreret, si uspiam conspiceret illum : illa existimans maritum, auxilij implorandi causâ, de Othino percontari, respondit : Si vis praesentem tutò cognoscere Martem, hoc est, Othinum, præsidem bellorum : (Othinum enim pro Marte colebant

D Septentrionales populi) propius adde & admove oculos, & prospice, sive transpice, per nostras Chelas, id est brachia mea : ut antea lumina tua quasi consecrare possis conspecto signo Victrici, hoc est, Othino, qui victorias conferre solet, quiq; profanis oculis cerni non potest. At contra Biarco ideo Othinum sibi obvium dari cupit, ut cum ipso manus conferat, quem noverat partes Svecorum propugnare ; ut belligero Deo prostrato, Svecisq; superatis, Dani victores forent. Hæc mea conjectura est, quam idcirco nulli obtrudo ; sed unumquemque suo sensu abundare permitto. Cæterum posteaquam hæc à me literis prodita essent, enactus sum Conlectanea Clarissimi & Doctissimi Viri, M. Brynolphi Svenonij, Episcopi Scalholtenfis, mihi inscripta ; in quibus Saxonis hæcce verba hunc in modum exponit : Hic scilicet, inquit, est locus ille,

qui doctissimorum virorum ingenia hæcenus torfit, & quod pace illorum dixero, fefellit, à te primum, quantum scio, Vir Clarissime, rectè & ex auctoris mente, ut opinor, intellectus expositusq;. Enim verò nihil est certius, quam petere Bjarconem ab uxore, ut spectrum Odini suis oculis permittat, jamdiu rebus humanis adepti. Quod officium Ruta marito præstitura, quibus opus erat factis præmonet, atq; ut hoc spectaculum ritè & impune curioso spectatori sit, duarum rerum commonefacit. Primum, ut si ritè spectrum Odini conspecturus sit, debeat ad se, prius conspicientem idem, accedere, his verbis : Adde oculum

propius,

propius, atq; sub ala sua, credo sinistra, cum, iuxta A
esset, positum vultum ad conspiciendum collocare :
quem locum, brachium inter & latus, Metaphoricè
Χρῆν, & numero multitudinis, voce latina prius
factâ, Chelas appellat. Porro quod hic mos & mo-
dus eorum, qui conspecta spectra aliis ostendere vo-
luerunt, fuerit, non modo antiqui, verum nostri
etiâ adhuc homines, quotidie in ore habent, ne
dicam in usu : ut vix ullus inter nos inveniatur,
quin hunc ostendorum spectrorum morem inaudi-
verit : id quod bonâ fide testari possum. Quare vel
meo periculo, Vir optime, contra maximos illos viros;
qui secus hunc versum exponunt, in sententiâ per-
maneo. Ego namq; nullus dubito, quin, si pro eo,
quo præstantissimarum linguarum & scientiarum
notitiam habent, Normannicarum etiâ memo-
riarum & sepulcrarum antiquitatum cognitionem
exactam possiderent, pedibus in nostram sententiâ
essent ituri. Quibus hoc saltem ex bona gratia conce-
dant æquum est : ut Normanniæ vetustatis custo-
des, licet nimium negligentes, fateor, custodes tamen
habeamur, ut nos illi de eximia eruditione gratu-
lamur.

42. Ante sacraturus victrici lumina signo]
Deinde, postquam rationem proposuit Ruta, quem-
admodum rite Martem Bjarco conspiceret; videlicet,
si inter thoracis latus & brachium suum prospectaret:
nunc deinde, ut Odinum tuum & securè videat, con-
siliū reddit tale; ut priusquam ad prospiciendum
pervacuum axillæ locum accedat, oculos signo con-
secret muniatq;. Quod quale sit, id verò est, de quo
maximo dubitamus opere. Memini te, Vir Clarissi-
me, cum jucundissime domi tuæ tecum viverem &
fabularer, de his rebus: victrici signo oculos con-
secrare vel sacrare, contra periculum visionis ex cu-
riositate forsan imminentis, talem habere sensum ju-
dicasse, ut victrix signum, constructionis convenien-
tiâ, sic dictum à sine sit: quam locutionem contra su-
gillatores, ut Latinam, ex bonorum autorum usu ad-
structum iussi. Memini tum meam sententiâ,
haud illam Areopagiticam, sed qualis tum incidit,
satis audacter, ut amicis soleo, ingessisse, hanc: ut Ru-
tam tale quid præcepisse crederem, priusquam axil-
lâ ad contemplandum Bjarco accederet; oculos
signo, id est, caractere, debere victrici, quo nomine
Hildam, seu Bellonam putabam notari, consecrare:
quæ scilicet illos contra injurias defensora si esset,
usus foret. ut victrici, in dandi casu ad Participium
sacraturus referrem. non ad signi vocem: cum cre-
derem characteres in honorem deorum ad usus Ma-
gicos cum precibus & sacrificiis adhibitos esse, singu-
lorum singulos. Atq; sic signum, quo Victrici, id est,
Bellonæ vel Hildæ, oculos sacraret, lumina illo νεχα-
ργουενα contra omnes injurias præstare. Nunc
deinde, quanquam illus sententiæ non admodum me
pœnitet, nescio tamen, quomodo prior interpretatio
de victrici signo magis ac magis se mihi probare cœ-
pit: maxime postquam admirandum illud de Runis
Brynildæ Budloniæ cum Sigurdo Fasnisbæ collo-

quum in Ragnari Loddreici Chronici perlegi, ubi in-
ter alia Runarum genera, quæ nominant, memoratur
illud etiâ genus, quod Sigrunas appellat. Quæ si a
nomine Sigur, quod victoriam notat, notationem fi-
nalem obtinuerunt, ipsa vel vocis considerata inter-
pretatio, Sigrunas, ad verbum, victoriæ destinatos
characteras, aut ut Saxo loquitur, victricia signa,
reddere invitât, & tantum non cogit. Proinde jam
proximus sum; ut tibi consentiam de victrici signo,
Sigruna aliquâ oculis prænotanda, priusquam in spe-
ctaculum hoc Bjarco descendat, locum præsentem
accepturo. Veruntamen, ut dixi, prioris sententiæ ut
non admodum pigeat, quin identidem in illam men-
tis aciem reflectam. Tu, Clarissime Vir, videas quod
probes: mihi indicasse satis est, tibiq; & tui similibus,
hoc est, doctis, amicis, & candidis, benigne cognitio-
nem deferre.

42. Ante sacraturus victrici lumina signo]
Victrix signum hæcenus illud esse credidi, quod
olim ex victimâ de eventu belli captabant.
Ethnici enim Sacerdotes vel ex sanguine victi-
marum, vel ex intestinis earundem inspectis;
victoriam suis aut fragem vaticinabantur. De
Cimbris elegans est locus & notatu dignissimus
Lib. VII, Strabonis, pag. 294. Morem fuisse hunc
Cimbris ferunt usitatum, sequentibus eos in bellum,
uxoribus, vates quædam comitabantur canæ (nobis
RUNÆ dictæ) albo vestitu, carbasis supparis de-
super fibulis affixis, cinctu æreo, pedibus nudis: eæ per
castra captivis occurrebant strictis gladijs, prostra-
tosq; ad crateram æneam adducebant amphoras circi-
ter XX capientem; super eam pulpitem erât, quo con-
sensus, vates sublimis, singulis supra lebetem elevatis,
guttur invadebat: Εξ ἧ τὸ πνεῦμα τοῦ θεοῦ ἐκέρχοντο
eis τὸν κρατήρα, πάντεσιν τὰ ἐπιείκοντο: E
sanguine verò in crateram fuso suam captabant quan-
dam divinationem: αἷμα δὲ τὸ ἐκέρχοντο, ἐκ
λαγχυστον ἐναὐτοῦ γόρδιον νύκτι τῆς οὐραίας:
aliæ cadavera sic casorum studebant, intestiniq;
spectatis victoriam suis vaticinabantur. Et quid
si talis fuerit Ruta nostra? Hæc notione Oth
Hebræis signum est, unde colligebant aliquid
certo eventurum; Ut Psalm. LXXIV. v, 4.
Posuerunt signa sua, signa: ubi Franciscus Vata-
blus; Repetit nomen ad certitudinem & varietatem
rei. Nam signa certa habebant, quibus sibi persua-
debant se capturos templum sanctum. Ezech. XXI.
v, 21. traditur, quomodo consuluerint extra, cum in
destructionem templi sancti proficiscerentur. Quasi
diceret, eâ signa, quibus adducebantur, se capturos
templum, crediderunt esse vera. Julianus Aposta-
ta ante expeditionem Persicam viscera humana
de futuro eventu scrutatus est, teste Herodoto,
Lib. 3. Cap. XXI. Videatur omnino hæc de re
Camerarius Horar. Subciv. Cent. 1. Cap. 59.
quod totum est de nefandis sacris Juliani Apo-
stata. Sunt qui victrix signum capiunt de salu-
tari crucis Dominicæ signo, quod olim optimo
Imperatori Constantino in nubibus apparuisse
tradunt.

tradunt Historici, cum hac inscriptione; IN A
HOC SIGNO VINCES: verum illi, ni fal-
lor, toto aberrant cœlo: quum Ruta, quæ hæc
protulit verba, nondum sacris Christianis ini-
tiata esset.

47. *Altum flectat equum*] Multipedem il-
lum & æripedem *Sleipnerum*, quo non solum
remotissima orbis terrarum loca brevissimo
spatio emetiri, verum in cœlos etiam ipsos
vehi, per Iridem, quæ regia deorum in cœlum
via creditur, & *Disfræst* dicitur, à Poëtis an-
tiquis fingitur, statuitur, traditur. Edda
consultatur.

50. *Studeamus honestè posse mori*] Nam
ἐὐανδρῶν ἀνθρώπων τὸ κατθανεῖν, inquit Euripi-
des Oreste, Aët. 2. Hoc est, *Inuirile est ingloriè*
mori: vel, *Turpis mors ingloria*.

Pag. 38. vers. 7. *Danici cujusdam carminis com-
pendio*] Ex hoc Carmine pauci adhuc in Anti-
quitatibus Islandicis supersunt Rhythmi, quos
veteres vel ab uno Collocutorum Biarcone,
vel à vetustissimo Scaldro *Biarka*/ qui hoc ge-
nus carminis excogitavit, *BIARVYAR*,
Biartemål/ nec non à metri ratione *MINP-*
NIKPRAP *Æiusinglåg* / quia sic Fauni au-
diti sunt cantare, appellarunt. Eorum autem
primi quatuor à Saxone omittuntur, forte
quod referendi erunt ad illam exhortationem,
quæ se invicem Sveci ad arma capeffenda exci-
tarunt. Nam hunc in modum habent:

Dagur er upkomen
ÞARNIR IR NBYAYIK

Dynia hana fiadre
*ÞNMIA *AM ÞIAPRI*

Mal er vilmögum
YAR IR NINAYARNY

Ad vinna erfide
AP NIKKA IRNIRI

Interpretatio: *Dagur* / Dies; *er upkomen* / ex-
orta est; *Hana fiadre* / Galli penæ; *Dynia* /
strepitum edunt; *Mål er* / Tempus est; *Þil-*
mögum / Vili filijs, id est, Svecis. Unus autem
filiorum Odini *Þile* dictus, cui in Sveciam co-
lonias potissimum ducendas commiserat;
Ad vinna erfide / facere officium, vel laborem.
Illos autem, qui sequuntur, expressit Saxo metris
Latinis, sed more suo, tanquam Paraphrastes, F
quod ex collatione liquido patebit; Nam Da-
nici sic sonant:

Vake æ eg vake
NAVY AI AP NAVY

Vina hofud
*NIKA *APNIR*

Aller hiner ædftu
*AMIR *IKIR AIPTN*

Ædil Sveinar

AIPI UNIKIR

Har bin hardgreipe

**AR *IK *ARPRIBI*

Hrolfur

Skjotando

**RPRNR NYIATAPRI*

Ættum

goder

mienn

AITTN PAIR YIKK

Their ad eke flyia.

HIR IR YI ÞNMIA.

Vek eg

ydur ad vine

NIY IR ÞNKA AP NIKK

Ne ad

Vifs

runum

MI AP NIKK RNNY:

Heldur

vek

eg

ydur

**IRNKA NIY IR ÞNOR*

Ad hordum

hildur

leike.

*AP *ARPNY *IRPAR NIYI.*

Interpretatio: *Vaka æ og vaka*; Evigilent,
ohe, evigilent; *Vina hofud* / amicorum capita,
(Sic Capitaneos appellat, quibus exercitus fa-
vet & amicus est.) *Aller hiner ædftu* / omnes su-
premi; *Adil Sveinar* / Adilli servi; *Har hard-*
greipe / Tu Hare, qui duris es manibus; *Hrol-*
fur Skjotande & tu Rolvo jaculans: *ærgoder*
menn / boni stemmatis homines; *Vek eg yder* /
excito vos; *ad vine* / non ad vinum; *ne ad Vifs*
runum / nec ad mulierem attingendam; *Heldur* /
potius; *vek eg ydur* / Excito vos; *ad hordum* /
durum; *hildur leike* / bellum. Quos ita supe-
rius vertit Saxo:

Ocyus evigilent, quisquis se Regis amicum,
Aut meritis probat, aut solâ pietate fateatur:
Discutiant somnum proceros, stupor improbus
absit.

Incaleant animi vigiles

E Et mox:

Non ego Virgineos jubeo cognoscere ludos,
Nec teneras tractare genas, aut dulcia nuptis
Oscula conferre, et tennes astringere mammæ;
Non liquidum captare merum, tenerumve fri-
care

Fœmen, & in niveos oculum jactare lacertos:
Evoco vos ad amara magis certamina Martis.
Bello opus est, nec amore levi, nihil hic quoq;
facti

Mollities enervis habet, res præliâ poscit.

14. *Eiq; morte jungi vitâ jucundius duceretur*
Tacitus de moribus Germanorum: Jam verò
infame in omnem vitam ac probrosum, superstitem
Principi suo ex acie recessisse. Illum defendere, tueri,
sua quoq; fortia facta gloria ejus assignare, præcipuum
sacramentum est. Principes pro victoria pugnant,
comites pro Principe. Tales fuere comites & a-
mici Chohodomarj Germanorum Regis, qui
flagi-

flagitium arbitrati post Regem vivere, vel pro Rege non mori. Ammian. Marcellinus Lib. XVI. Curtius Lib. IV. *Curru Darius, Alexander equo vehebatur: utrumq; Regem delecti tuebantur, sui immemores: quippe amisso Rege nec volebant salvi esse, nec poterant.* Servius Grammaticus ad illos Virgilij versus Georgic. IV. qui de Apibus agunt:

————— Et corpora bello
Objectant, pulchramque petunt per vulnera mortem:

Pulchram mortem, inquit, Gloriosam: quippe quæ pro Rege suscipitur. Traxit autem hoc de Celtiberorum more, qui ut in Sallustio legimus, se Regibus devorant; & post eos vitam refutant.

36. *Eadem itaq; dies Hjartuari regnum finivit ac peperit.*] Ita Hjartvarus jure merito dici potuit REX DIALIS; hoc est, unius diei,

A quia vix integrum diem in regis dignitatis fastigio transigit. Talis etenim jocus Votacilij Pitholai in Caninium Consulem, qui paucis tantum horis eo honore fruebatur, olim extitit: *Ante Flamines, nunc Consules Diales sunt.* Latet enim aculeus joci in voce *Dialis*, quæ & dici potest de *Flamine Diali*, id est, à *Dio*, sive *Jove*, dicto; & à die; de eo, qui uno tantum die fuerit in magistratu. Huc etiam accommodare possumus jocum Ciceronis in eundem Consulem: *Vigilantem habemus Consulem Caninium, qui in Consulatu suo somnum non vidit.* Et; *Consulem habuimus tam severum, tamq; censorium, ut in ejus Consulatu nemo prahiderit, nemo cenaverit, nemo dormierit.* Ita Hjartvarus Rex neq; ipse somnum brevissimo illo imperij dialis tempore vidit, neq; ipso regnante, quisquam aut pransus est, aut cenavit, aut dormivit.

NOTÆ VBERIORES IN LIBRUM III. HISTORIÆ DANICÆ SAXONIS GRAMMATICI.

Pag. 39. **I** *Demq; Gevari Regis alumnus*] Rex erat Norvegiæ Gevarus, cujus mentionem dicit præmisisse Saxo, Libro nempe præcedenti, ubi hæc verba habentur: *Attilum & Hotherum filios procreavit. Hædem Gevarum quandam, egregijs sibi meritis devinctum, pædagogum adscribit.*

7. *Utriusq; regni imperium sumit*] Daniçi pariter ac Syetici; idq; legitimo successionis jure.

14. *Quippe natationis, arcus, caestuumq; peritia*] Varia apud diversas gentes nationesq; Exercitationum genera fuere, quibus Juventus, quæ ad militiæ labores muniaq; obeunda educabatur, à teneris assuescere solebat. Inter hæc magna, & ferè incredibilis, apud veteres fuit semper *Natationis* existimatio; tantumq; per plura secula illius usus viguit, ut non minus pueri natandi artem, quam prima literarum Elementa edocerentur. Quo tempore, cum nulla major ignorantia nota inuri posset, quam dum aliquis *nec literas, nec natare scire* dicebatur, factum fuit, ut posteriores illud in Proverbium contra bardos ac prorsus inertes continuo receperint; atq; adhuc eadem loquendi consuetudo permaneat, quando natandi peritia, si non eosdem honores obtinet, quibus antea actis seculis afficiebatur, saltem nec penitus neglecta, nec inutilis jacet. Ratio autem, quæ impulsu majores nostri, natandi scientiam tanti fecerunt, hæc una existit, quod primis illis temporibus apud Respub. quascunq; viri fortes præcæteris, ut scribit Aristoteles, honorabantur, quasi ab

his solis, & civitatis salus, & Imperij propagatio, penderet: & ob id quisq; vel saltem major nobilitate, atq; etiam aliorum pars comparandæ fortitudini, usq; à primis incunabulis incumberebat. Quocirca ut in navalibus quoq; pugnis, quæ tunc frequentius committebantur, in transeundis vadis ac fluminibus homines nandi articonfissi pericula magis evadere possent, minusve formidarent, (quando saepenumero milites mare ingredi coacti ob nandi ignorantiam suffocabantur, quemadmodum exercitui Cyri evenisse, memoriæ prodidit Xenophon) sicq; fortiores inter aquarum pericula fierent, natationis peritiam extulerunt. Qua etiam ratione Romani veteres, ut Vegetius scribit, quos tot bella & continua pericula militarem disciplinam docuerant, campum Martium Tiberi vicinū delegerunt, in quorum altero sudorem pulveremq; diluerent, ac simul natare perdiscerent. Ex his C. Julius Cæsar natatoriæ artis tam peritus fuit, ut Alexandriæ, circa oppugnationem pontis, eruptione hostium subitâ compulsus in scapham, pluribus eodem præcipitantibus, cum desiliisset in mare, nando per ducentos passus evasit ad proximam navem, elatâ lavâ, ne libelli, quos tenebat, madererent, paludamentum mordicus trahens, ne spolio potiretur hostis: referente Svetonio in Julio Cap. LXIV. Itæ & apud veteres Danos, vicinosq; populos, nandi scientia laudabili semper in usu fuit. Inprimis eâ imbuebantur Principum liberi. Documento esse potest & Hotherus hicce noster, & Ericus ille cognomen

mento difertus, qui Frothonem Regem inter undas periclitantem nando servavit: de quo Saxo Lib. V. & Sivardus ille Norvagicus, qui singulari nandi peritia præditus fuit, cujus meminit Saxo Lib. XIV. Alterum illud militare exercitiorum genus, *Sagittandi ars* fuit, quam *arcus* hic peritia exprimit Saxo. Clemens Alexandrinus Lib. I. Pædagog. Cap. VIII. de Persarum pueris. Ἀλλὰ τοῦτέστιν μόνον αἱ παῖδες εὐτοῖς μαρτυροῦσι. Est autem τοῦτέστιν, arcu sagittas mittere, seu *Sagittare*. Quin & Parthi à prima pueritia, nervo sagittas aptare, arcuque emittere edocebantur, teste Dionysio in Poëmate de situ Orbis. Romani etiam Tyrones suos sagittis diligenter exercendos curabant; autore Vegetio, de re milit. Lib. I. Cap. XV. Cujus hæc sunt verba: *Sed prope tertia, vel quarta pars juniorum, quæ aptior potueris reperiri, arcubus ligneis sagittisq; exercenda est. Ac doctores ad hanc rem artifices eligendi: & major adhibenda solertia, ut arcum scienter teneant, ut fortiter impleant, ut sinistra fixa sit, & dextera cum ratione ducatur: ut ad illud quod ferendum est, oculus pariter animusq; consentiant, ut siue in equo, siue in terra, rectum sagittare edoceantur.* Sagittandi peritiam in Theodorico Gothorum Rege laudat Sidonius Apollinaris Epist. II. Lib. I. his verbis: *Si venatione nuntiata procedit, arcum lateri innectere, citrà gravitatem regiam judicat: quem tamen si cominus avem, feramq; aut venanti monstres, aut vianti, manui post tergum reflexæ puer inserit, nervo lorumve fluitantibus: quem sicut puerile computat gestare thecatum, ità muliebri accipere jam tensum. Igitur acceptum, modò insinuat è regione capitis intendit, modò ad talum pendulum, nodi parte conversa, languentem Chorda laqueum vagantis digito superlabante prosequitur: & mox spicula capit, implet, expellit: quidve cupias percuti, prior admonet. Eligis quid feriat; quod elegeris, ferit: & si ab alterutro errandum est, rarius fallitur figentis ictus, quàm destinantis obtutus.* Occurrunt etiam in Saxone nostro, juxta ac alijs Antiquitatum Danicarum monumentis, præter Hotheri hujus, quem tantoperè à sagittandi peritia commendat autor, quàm plurima exempla eorum, qui arcus scitè tractandi scientià calluerint. Talis fuit Enarus, Olai Sagittarius, qui adèd certo ictu destinata feriebat; ut quicquid impetebat, offenderet. Saxo Lib. X. Talis itidem fuit Toko Trylle, qui tam copioso se sagittandi usu callere jactabat, ut po-

Amum, quantumcunq; exiguum, baculo è distantia superpositum, primâ spiculi directione feriret. Cujus mentio extat eodem libro. Tertium demum illud in gymnastica militari, apud veteres Danos exercitium, erat certamen, quod *Cestibus* peragebatur, planè simile pugilatui, vel potius ejus quædam species. *Cestus* autem erant laminæ æreæ manibus alligatæ. Quibus autem alligabantur, erant lora quædam punctis interstincta; quæ manibus circumcirca & brachijs alligabantur, ut non modo pondere aliquo & crassitie, verum etiam soliditate cestibus certantes seipsos ferirent. Unde patet hos aliqua ex parte diversos fuisse à pugilibus propriè vocatis, nempe qui solis manibus in pugnos conjunctis inter se dimicabant. Propertius Lib. 3. in Palæstris Spartanorum puellas etiam cum cestibus exerceri consuevisse, in hunc modum scribit:

Nunc ligat ad cestum gaudentia brachia loræ.



In hac exercitatione homines nudi pugnis laminâ circumseptis sese invicem percutiebant, modò caput, modò dorsum, modò brachia petentes, neq; unquam se mutuo complicantes: in qua pugna superabat, qui vel adversarium cestuum ictibus in terram prosternebat, vel gravius & damnosius feriebat. Hoc certaminis genere athletas veteres non parùm delectatos hinc conjicere possumus, tum quia maxime populum hujuscemodi pugnæ delectatione afficiebat, tum quia gloriam & præmia ex ea pupuli voluptate in amphitheatris & sacrificijs comparabant. *Cestibus* enim clarum fuisse Amycum Bebrycorum Regem, Neptuni filium à Polluce occisum scripsit Valerius Flaccus 4. Argon.

Sparta therapnæ pugilem cum gymnade pinguem




Stratum Bebrycjs Amycum suspexit arenis.

Similiter Virgilius Entellum ac Daretem, & Ovidius Brotheam ac Ammonem cestibus valuisse scribunt. Pugilium autem qui cestibus certabant, nec non cestuum ipsorum, varias picturas hic damus, quas nobis vel ex sepulcrorum, vel ex gemmarum antiquarum sculpturis dedit Hieronymus Mercurialis de arte Gymnastica Lib. II. Cap. IX. Pag. 112. & sequent.

CAESTVS




CAESTVS



H

Cæterum




Caterum quod attinet *agilitatem*, quā polluisse A Hotherum commemorat ulterius Saxo, eam referendam existimo ad cetera exercitationum genera, quæ in *Cursu & saltu* consistebant, ad quæ magnā agilitate opus esse nemo ignorat. Utrumq; velut futuro militi utilem commendat Vegetius de re militari Lib. I. Cap. IX. Ad cursum præcipuè affvescendi sunt juniores, ut majore impetu in hostem procurrant, ut loca opportuna celeriter, cum usus advenerit, occupent: vel adversarijs idem facere volentibus, præoccupent: ut ad explorandum alacriter pergant, alacrius redeant: ut fugientium terga facilius comprehendant. Ad saltum etiam, quo vel fossæ transiliuntur, vel impediens aliqua altitudo superatur, exercendus est miles: ut cum ejusmodi difficultates evenerint, possit sine labore transire. Præterea in ipso conflictu ac dimicatione telorum bellator cum cursu saltuq; veniens, a versarij perstringit oculos, mentemq; deterret, priusq; plagam infligit, quàm ille ad cavendum vel resistendum certè se præparet. De exercitio Cn. Pompeji Magni Sallustius memorat: Cum alacribus saltu, cum velocibus cursu, cum validis vecte certabat.

17. Nemo illo chelis, aut lyre scientior] Hinc constat Musicæ expertes non fuisse veteres Danos; sed vel in aulis principum penetrasse, svavissimam hanc artem, eaq; imbutos Principum ac Regum liberos. Et non injuriâ:

Nam autore Plutarcho, *Musica ad fortitudinem, audaciam, mortisque contentum animat, ac rectè educatos implet divino quodam instinctu & impetu.*

Ibid. Præterea sistro ac barbitō] Sistrum Musicum erat instrumentum oblongum, manubriatum, in ima sui parte cancellatum trajectis virgulis, & ut uno verbo dicam, lamina, & præterea nihil. Verba sunt Doctiss. Viri, & παραείρη, Laurentij Pignori, in aureo illo de Servis Commentario, Pag. 87. Sistrum quoq; eleganter describit Apulejus Metamorph. Lib. XI. nempe quod fuerit æveum crepitaculum, cujus per angustam laminam, in modum balthei recurvatam, trajectæ mediæ paucae virgulæ, crispante brachio tergeminos jactus, reddebant argutum sonorem. De sistro ita scribit Lupus Abbas Monasterij Ferrariensis in Gallia, qui Carolo Calvo Imperatore vixit, Epist. XX. pag. 26. Sistrum Musicum est Instrumentum, quod Isis manu gestare fingebatur, accessus & recessus Nili fluminis eo significans; Unde Cleopatram Virgilius, ut commentitiam ejus potestatem sibi arrogasse solitâ subtilitate aperiret: Patrio, inquit, vocat agmina sistro. Erat igitur Sistrum Musicum Instrumentum, peculiare Ægyptiorum, quo utebantur in Isidis Sacris, argutum & sonorum, dum percuteretur. Et en tibi figuram Sistri ex Pricæo in Apologia Apuleji:



Hinc turpiter errant, qui tympani formam Sistro tribuunt, ut & illi, qui cornu recurvum interpretantur. Nebrissenfis quoq; tubæ genus; ineptè. quod etiam indicant Epitheta à Poëtis illi data, tinnulum & crepitans, apud Propertium: & Σείστρον Plutarcho dicitur, παρὰ τὸ σείσθαι, hoc est, quati, Libro de fide & Osiride. Et Apulejus argutum sistro tinnitum adscribit, Lib. XI. Magnæ religionis terrena fidera, æreis, argenteis, imò verò aureis etiam sistris argutum tinnitum constrepentes. Ovidius.

Jaçantem Phariâ tinnula Sistra manu.

An tale Instrumentum fuerit, cujus usu caluisse Hotherum Saxo scribit, juxta cum ignarissimis scimus: aut si fuit, certè jam Septentrionali populo in usu esse desijt. Existimo autem Sistrum heic sumi pro Sambuca, aut alio quovis Instrumento, quod fidibus tenditur. Cæterum Barbiton, vel Barbitos, & Barbitus, Lyricum est instrumentum plectro solitum percuti. Græc. Βάρβιτον, Βάρβιτος: Polluci Βάρβιτον, ob graviores fortassè fidium sonos: Cujus inventi gloriam Terpendro tribuit Pindarus, ut Anacreonti, Neanthes & Antipater. Martianus Capella multiforme Barbiton dixit, ob varietatem sonorum. Vellejus reddit: *Harpe oc Hæcæbret*. Et rectè quidem. M. Henricus Faber Malmogius Sistrum interpretatur, *cen Cæterre* hoc est, Crepitaculum. Alioquin Sistrum non ineptè assimilatur Instrumento invulgus notissimo, quod *cen Mundharpe* dicimus, nisi, quod in hoc ligula non transversim sit locata.

A 18. *Omniq; fidium modulatione callebat*] Hic observandum, quod verbo *Calleo* passim sextum attribuat casum Saxo noster. Sic Lib. V. *exquisitis dictorum sententijs callere cognoscens*. Et Lib. XIV. *Solerti historiarum narratione callebat*. Non aliter ac Sulpitia in Satyra:

Tuq; quibus princeps & facundissima calles.

Ita Septimius Serenus in Opusculis ruris:

_____ *callet senium arte vivendi.*

Petronius:

B _____ *his ego callens*

Artibus, Idæo frutices in vertice sistam.

Martianus Capella Lib. III. pag. 50. *Hanc igitur foeminam multorum curatione callentem*. Ammianus Marcellinus Lib. XVI. pag. 86. *Alios item bellandi usu diutino callentes aptius ordinans his exhortationibus adjuvabat*. Hericus Monachus Altiſſiodorensis Lib. I. *Vitæ S. Germani*, pag. II.

Usibus innumeris Romanus calluit orbis.

C Apulejus Lib. 3. Floridorum: *Equidem etsi fidibus apprimè callerem, non nisi confertos homines consecraret.*

Ibid. *Ad quoscunq; volebat motus*] Longum hic foret, nimisq; tædioſum, omnia coacervare, quæ in laudem Musicæ dici possent. Operæ tamen pretium videtur, luculentum ejus Encomium ascribere, quod apud Cassiodorum, Epistola XL. Lib. II. hunc in modum reperitur: *Quid Musicâ præstantius? quæ cæli machinam sonorâ dulcedine modulatur, & Naturæ convenientiam ubiq; dispersam, virtutis suæ gratiâ comprehendit. Quicquid enim in conceptum alicujus modificationis existit, ab harmoniæ continentia non recedit. Per hanc competenter cogitamus, pulchrèq; loquimur, convenienter movemur: quæ quoties ad aures nostras disciplinæ suæ lege pervenerit, imperat cantum, mutat animos, artifex auditus & operosa delectatio. Hæc cum de secreto Naturæ, tanquam sensuum Regina, tropis suis ornata, processerit, reliquæ cogitationes exiliunt: omniaq; facit ejici, ut ipsam solummodo delectat audiri. Tristitiam noxiam jucundat, tumidos furores attenuat: cruentam sævitiam efficit blandam: excitat ignaviam, soporantemq; languorem: vigilantibus reddit saluberrimam quietem: vitiatam turpi amore ad honestum studium revocat castitatem: sanat mentis tædium, bonis cogitationibus semper adversum: pernicioſa odia convertit ad auxiliatricem gratiam: & quod beatum genus curationis est, per dulcissimas voluptates expellit animi passionem. Incorpoream animam corporaliter mulcet, & solo auditu, ad quod vult, deducit, quam tenere non prævalet verbo; tacita manibus clamat, sine ore loquitur, & per insensibilem obsequium prævalet sensuum exercere dominatum.*

24. *Alijs decor oris*] Est etenim quædam formarum voluptas, ait Calpurnius Flaccus Declamat. 2. Legendum hic putavi *decor Oris*. Oris etenim *decor* pro egregia forma, sive pulchritudine, bonis authoribus in usu est. Tacitus

Lib. 2. Histor. Cap. 1. *Erat Tito decor oris cum A quadam majestate.*

36. *Ille suis ductibus auspiciisq; maximè bellorum fortunam gubernari*] Vir plurimum Reverendus, M. Brynolfus Svenonius, Episcopus Scalholtenfis, in Conjectaneis suis, existimare se testatur, virgines istas Hothero conspectas, longè alias fuisse; quàm Amazonas illas Danicas, Etiofomeyar dictas, quæ bellis à teneris annis assvetæ plurimum præstabant, ut viros non raro ipsos exarmarent: verum nescio cujus commentitij, medijs inter homines atq; spiritus, generis; quale frequens in opinione antiquorum extitisse; potest liquido evinci. Et quia suis ductibus auspiciisq; bellorum fortunam gubernari docent, fuerint sanè de illarum divarum mediastinarum gente, quas **WALKYRIAR, Walskyriur**/ hoc est, Parcas, antiqui dixerunt: quarum potestatis erat stragem bellicam, in quas vellent, partes convertete, & viros militares pro arbitrio ad cædem legere; unde nomen obtinuerunt. **Walsur** namq; cæsum prælio stragem significat, à verbo **Welia**/ quod *legere, eligere* est: quia eligebantur à Walkyriis è militari numero viri fortissimi, qui ad Valhallam Asarum à morte ad epulas deducantur & mensas Saliarum: & **Ryria**/ à verbo **Risra**/ *optione possidere, eligendo obtinere*, descendit. Unde **Risr** etiam conditio expetenda & optabilis appellatur. Harum Parcarum militarium **Hilda** fuit una ac præcipua. Eo spectant, quæ sequuntur, quando se virgines illæ nemini conspicuas præliis interesse gloriantur; & temporaria illa scena, quæ paulo postea cum ipsis virginibus disparuit.

31. *Nam nè ferro quidem sacram corporis ejus firmitatem*] Non ferro tantum, sed ne ullo quidem telorum genere lædi potuisse sacrosanctum Balderi hujus corpus, testis est Edda Mythologiæ XLIII. **Frygg** *tof suardaga til thest* ad eira *steydi* **Walsbri**/ *ellbur*/ *vata*/ **Járn**/ *og allstonar* **Wálmur**/ **Steinar**/ **Jordin**/ **Viderner**/ **Sotternar**/ **Dyren**/ **Juglarnar**/ **Einur**/ **Drmarner**. *Enn er thetta var giort og vitad / tha var thad stemtun* **Walsberf** *og Asanna* *ad hann steyldi standa vpp á thingum* / *enn Asar sumer steyldi stíota á hann / sumer hoggva til / sumer beria grítti / enn huad som* *ad var giort / skadadi hann ecki og thotte ollum thetta mital frammi*. etc. **Frygg** *jarejurando adegit omnia*; ut Baldero parcerent; **F** *videlicet ignem, aquam, ferrum, ac omne metalli genus, lapides, terram, ligna, morbos, animalia, volucres, venena, & serpentes. Quod ubi factum erat, experimentum rei Balderus & Asa fecerunt, ut ille quidem velut scopus in foro consisteret, alij verò telis illum peterent, alij gladijs ferirent; alij lapidibus tunderent. At verò quicquid ingererent, nihil ipsi nocere potuit. Non exiguus hic censebatur honos, sed res valde magnifica.*

Pag. 40. vers. 5. *Jubet itaq; cervis jugalibus currum instruat*] *Cervi jugales* hoc loco intelligendi veniunt, qui lingua Norvagicà **Reensdiur** vocantur; quibus hodieq; vice jumentorum Lappi utuntur. Eorum incredibilis celeritas est, utpote qui uno die tantum itineris peragere possint, quantum validus Equus vix toto triduo absolvit. Albertus Magnus **Rangiferos** appellat. Vide Olaum Magnum, & Sigismundum Baronem ab Herbenstein Commentar. Rer. Muscovit. pag. 118. Svavissimus Poëtarum T. Calphurnius Siculus Ecloga VI. quæ *Litigium* inscribitur, de cervo jugali:

en aspiciis illum
*Candida qui medius cubat inter lilia cervum:
Scit frenos, scit ferre jugum, sequiturq; vocantem.*

25. *Quippe divinandi doctissimus erat*] Non tantum diis suis facientes, & è sanguine consecrati animantis, conjecerunt futuros eventus præsci: sed alijs etiam artibus; quæ nunc omnino, quales fuerint, nesciuntur. Sed nec illi, qui magicis artibus malè audiverunt modò, divini fuerunt: verum quædam etiam familiæ velut suum & domesticum hoc habuerunt, ut præsagà mente præciperent obventura. Cujus rei quamplurima exempla ex Antiquitatibus Islandicis recenset Vir plurimum Reverendus, M. Brynolfus Svenonius, in Conjectaneis ad me suis: quibus in præsentia commemorandis, brevitate causa, supersedeo. An verò fuerit illa divinatio sine arte & techna, vix ausim pronunciare. Nisi forte suspicio est, pueros, quò divinationem consequerentur, à parentibus devotos esse. Hoc certum est, nunquam ab hac divinatione, ejus peritos malè audivisse: at ab incantatione semper audiisse, in Ethnica etiammum cæcitate versatos. Rursus hoc certum & indubitatum est, quamvis prudentes ac sapientes viros divinis illis & fatidicis semper fuisse postpositos. Sed enim animum ipsum homini cuique non negligentissimo abjectissimoq; satis esse divinitatis argumentum crediderunt; ut in diverbium etiam abierit: **Satt er forspárra enn hugurenn**: hoc est, *Non est res alia temerè diviniore mente*. Et illud etiam in Historiis quàm frequens: **So senger mier hugurum**. Quæ forsan Homeri etiam sententia fuit *Od. Σ. Κακὸν ὅσ' το θυμῷ* &c. Unde tam frequens suum illud *οἶα* inculcat.

28. *Rostratas admoveat falces*] In navali prælio magnus olim **Falcium** usus fuit. Et recenset eas inter arma bello navali necessaria. Vegetius Lib. V. de re militari, Cap. 15. In hujusmodi certamine tria armorum genera solent plurimum ad victoriam prodesse, asseres, falces, bipennes. Asser dicitur, cum trabs subtilis ac longa, ad similitudinem antennæ, pendet in malo, utroq; capite ferrato. Hunc sive à dextra sive à sinistra parte adversariorum se junxerint naves, pro vice arietis

vi impediunt; qui bellatores hostium, siue nautas, siue dubio prosternit ac perimit, ipsamq; navem sæpius perforat. Falx autem dicitur acutissimum ferrum, curvatum ad similitudinem falcis, quod contis longioribus inditum, funes, quibus antenna suspenditur, repente præcidit, collapsisq; velis Liburnam pigriorem & inutilem reddit. Bipennis est securis habens ex utraq; parte latissimum & acutissimum ferrum. Per has in medio ardore pugnandi, peritissimi nautæ vel milites cum minoribus scaphulis secundo incidunt funes, quibus adversariorum ligata sunt gubernacula. Quo facto statim capitur tanquam inermis & debilis navis. Et Lib. II. Cap. ult. earundem mentionem facit, enumeratq; inter ferramenta & machinas legionis: Habet ferreos harpagonas, quos Lupos vocant, & falces ferreas confixas longissimis contis. Cæsar quoq; Lib. III. belli Gallici meminit: Una erat, inquit, magno usui res præparata à nostris, falces præcutæ, insertæ affixæq; longioribus, non absimilis formæ muralium falcium. His cum funes, qui antennas ad malos destinabant, comprehensi adductiq; erant, navigio remis incitato prærumpebantur; quibus abscessis antennæ necessario concidebant.

38. *Confert à clypeorum testudine*] Quid sit Testudo, docet Isidorus Lib. XVIII, Cap. de Fundis: Testudo, series armorum, umbonibus inter se connexorum. Idem Libro eodem, Capite de Clypeis: Est & testudo scutorum connexio curvata in testudinis morem. Item vetus Onomasticon: Testudo, connexio Scutorum. Hujusmodi testudinis sæpius à militibus factæ exempla quamplurima Romana occurrunt in Historia. At de testudine in navali prælio composita luculentum est testimonium apud Ammianum, Lib. 26. *Coniunctis*, inquit, tribus navigijs, testudinem hac specie supersurxit; densatis coherentes super capita scutis, primi transstris instabant armati, alij post hos semet curvantes humiliter: tertijs gradatim inclinatis submisisse, ita ut novissimi suffraginibus insidentes, formam ædificij fornicati monstrarent. Quod machine genus, contra murales pugnas ideo figuratur hac specie, ut missilium ictus atq; saxorum, per decursus cadentes, labiles instar imbrum, evanescant. Figura Testudinis videatur in Commentarijs Stevehij, ad Vegetij Lib. II. & Justij Lipsij Poli. Lib. I. Dialog. V.

42. *Mali cacumen puniceo scuto complexus*] Indicium id pacis olim fuisse dicit Saxo, si quis in mali cacumine puniceum erigeret scutum: quomodo & infra Lib. V. Hithinum tradit, erecto in malum scuto, sociorum, non hostium adventum significasse. Apud Massilienses juxta ac Carthagenenses signum pacis erat navis velata infulis & olivæ ramis. Livius Decad. 3. Lib. 10. Non procul aberat, cum velata infulis ramisq; Olivæ Carthagenensium occurrit navis. Decem Legati erant. Principes civitatis, missi ad petendam pacem. At contra, apud Athenienses puniceo paludamento è navi prætoriâ contra

A Lacedæmoniorum classem, pugnae signum sæpe datum est. Lysander æreo clypeo è navi elato, irruptionis signum dedit. In castris Hannibalis, sicut & Romanis, vestem purpuream certaminis fuisse signum scribit Plutarchus in Pompejo, & Fabio Maximo; & præsertim tabernaculo ducis protentam. Illyrijs quoq; rubicunda tunica sarissæ apposita pugnae certissimum erat indicium. Videantur Alexander ab Alexandro Genial. Dier. Lib. IV. Cap. 2. & 7. B & simul Notæ Tiraquelli.

Pap. 41. vers. 6. *An proco allubesceret*] Infolens hæc & rara admodum locutio esset, nisi si suum inveniret autorem. Martiano etenim Capellæ haud infrequens est. Ita sub initium Lib. VII.

*Nec vobis abnegabo
Furtis modo allubescat;
Ut clam roseta parva
Liliaq; det papille.*

25. *Amica siquidem in adversis collocutio*] Severus Sanctus, siue Endeichus Rhëtor de Mortibus Boum; ubi Egon Buculum hortatur, ut ipse doloris sui causas aperiat:

*Nam divisa minus sarcina fit gravis,
Et quicquid tegitur, sævius incoquit;
Prodest sermo doloribus.*

32. *Thoro inusitato clavæ librati cuncta clypeorum obstacula lacerabat*] Malleum Islandicæ antiquitates Thorohi tribuunt, quo nihil non creditus est minuere posse, quantæunque duritiei foret; atq; nomen illi inde Mjølner inditum est: quandoquidem Mjøl / terere & in frustilla comminere significat, & inde Mjølner / comminator, ut sic dicam; dictus. Edda Mythologiæ XIX: *Han á og thria kostgripi: eirn er Hamarin Mjølner / er Hyim thussar og Bergarfar tienna / er hann tiemur o lopt.* Id est: Possidet (Thoro) insuper clenodia tria; Malleum videlicet Mjølner dictum; quem Cyclopes & gigantes vibratum sentiunt. Videatur etiam Edda Mythologia LIX. quæ est de ludicro Loki: *Hammaren gaf hann Thor / og tiuad: ei mundi bila Throl ad listo / og ef han hrpi honum til tha / mundi han aldri missa / og aldri slunga so langt / ad ei mundi han satta hond heima / og ef thad vil di / tha var han so listil ad hafa marti i Serck fier.* Id est: Malleo Thorum donavit (Lokus) dicens: eum ad pulsandum gigantes valere, nec projectum in ictu deceptum iri, reversurumq; celerius in manum jacentis, etsi istar catapultæ longissime avolarit. Et si quis velit, tam parvum futurum, ut in pera servari possit.

38. *Clavam præciso manubrio inutilem reddidisset*] Clarissimus Vir, & præclare de Republ. literaria meritis, Joannes Meurfius, Collega olim meus, & amicus nulli secundus, Glossarij Græco barbari pag. 318. contendit hancce Thor

dei clavam telum ejusmodi fuisse, quod *μακλάειον* Græci, *Maniclavium* seu *manualem clavam* Latini dicunt; Veteres verò *Aclidem* appellabant. Servius *Æneid.* 7. *Aclides sunt tela quædam antiqua, ut nec usquam commemorentur in bello.* Legitur tamen quod sint *clavæ cubito & semis factæ, eminentibus hinc inde acuminibus, quæ ita in hostem jaciuntur religatæ loro & lino, ut peractis vulneribus ad dominos possint redire.* Putantur tamen esse teli genus, quod per flagellum immensum jaci potest. Cæterum *clavis* pugnare mos est antiquissimus: imò *clavam* primum omnium fuisse teli genus, patet ex eo, quod *Herculi bellatorum primo, bellorumq; deo, nihil aliud armorum tribuit antiquitas.* Unde *Clavigerum nomen* *Herculem* vocat *Silius Italicus Lib. 3.*

Exin clavigeri veneratur numinis iras.

Ejusmodi *clavæ ex robore potissimum* conficiantur. Unde *robur* pro ipsâ *clavâ* Poëtis: ut *Silio Lib. II. de clavâ Theronis, quam Numa des in funere ejus unâ cum exuvijs hominis in rogam jaciebant:*

*Hinc lethale viri robur, tegmenq; tremendum
In flammis jaciunt.*

Et Lib. VIII.

*Quæ Buxentia pubes
Aptabat dextris irrasæ robera clavæ.*

Et plerumq; ex *nodoso robore*: undè proprium hoc Epitheton est *Clavæ*. Idem Poëta:

*altæq; resultant
Æra illisa cavo nodosæ pondere clavæ.*

Interdum *ære, ferro, aut claviculis ferreis* obducebantur. *Strabo Lib. XVI. Οἱ Ἰμεγαβάροι Αἰθίοπες τοῖς ῥοπέλοις καὶ τύλας προσθήσαντο σιδηρῆς.* Id est: *Æthiopes Megabari clavæ ferreis nodis armant.* De *Assyrijs* *Herodotus* testatur *Lib. VII. inter alia arma habuisse & ῥοπέλα ἐύλων τετυλωμένα σιδηρῶ, id est, clavæ lignæ ferro munitæ.* Idem paulò post de *Æthiopibus*: *ἔιχον ἡ καὶ ῥοπέλα τυλωτά.* Id est: *Habebant & clavæ præferratas.* Talis etiam fuit *Haldani* *clava*, cujus mentio extat *Lib. VII. Postquam pugilem ejus Haquinum hebetandi carminibus ferri peritum didicit, eximie magnitudinis clavam ferreâ confertam nodis, tunctionis usibus adaptavit, perinde ac præstigiij vires ligneo robore debellaturus.* Sic in acerrimo illo prælio inter *Haraldum & Ringum* ferratis *clavis* dimicatum fuisse idem hic noster tradit *Lib. VII. Clavæ etiam Catejæ dicebantur, quas Teutonicæ genti attribuit Virgilius Æneidos VII.*

*Et quos malisera despectant mania Abellæ,
Teutonico ritu soliti torquere catejas.*

41. Deos potius opinativè, quàm naturaliter dicimus] *Opinativus* opponitur *reali*. Verè & eleganter *Joannes de Weathamsted, Abbas S. Albani, qui floruit Anno Christi 1440, de fictio illo Britannorum conditore Bruto: Torm*

A processus de Bruto isto poëticus est potius quàm historicus, opinativusq; magis propter causas varias, quàm realis. Sensus est: Nos hic *Orthinum, Thoronemq; Deos* vocamus, non quod naturâ & Essentiâ verè esse deos, quibus divinus cultus debeat, existimemus: sed more gentilium hic loquimur, quæ falsâ quâdam opinione, & vanâ credulitate divinitatem fictitijs suis numinibus tribuebant. Scimus enim, quia nihil est *Idolum in mundo, & quod nullus sit Deus, nisi una.* Et licet sint, qui dicantur *Dij, nobis tamen unus Deus, Pater, ex quo omnia, & nos in illo: & unus Dominus, Jesus Christus, per quem omnia, & nos per ipsum.* *D. Paulus I. Corinth. Cap. VII. vers. 4, 5, 6.* Tota verò *Idololatria Ethnicorum, nihil aliud, quàm opinio erat & persuasio.* Elegans est locus *Radulphi Ardentij Homilia IX in Cap. X. 1. Epist. Pauli ad Corinthios: Dux sunt species, inquit, Idololatrarum: Alij sunt Idololatræ opinione, ut illi, qui opinione attribuunt Soli vel Lunæ, vel alicui Craturæ, divinitatem: alij sunt Idololatræ moribus, ut illi, qui præponunt creaturam Creatori: quod enim quicq; plus diligit, hoc sibi Deum constituit.* Apprimè quoq; huc facit illud *Angelomi Lexovienfis in Lib. I. Regum, p. 12. Etsi sunt, qui dicuntur Dij multi, & Domini multi, nullus tamen eorum est naturaliter id quod Deus est. Quid est enim umbra ad comparisonem corporis, & fumus ad comparisonem ignis? Et vetustissimus auctor Compendij Theologici, quod penes me est, Cap. 2. Hoc nomen Deus, tripliciter accipitur: scilicet naturaliter, adoptivè, nuncupativè. Primo modo soli Deo convenit: secundo modo convenit bonis hominibus, qui divine bonitatis participes sunt per gratiam providentiæ, vel per doctrinam, vel per potestatem prælationis, vel per potestatem miraculorum. Unde Psalm. Ego dixi, dij estis. Tertio modo Dij dicuntur, Idola, sed solo nomine, quia res nominis, scilicet divinitatæ, non convenit illis.*

Ibid. Deos potius opinativè, quàm naturaliter dicimus] Quales Deos non mirum ab hominibus victos esse.

48. *Ac rogo navigijs exstructo]* Locus hic postulare videtur, ut quæ de varijs sepeliendi ritibus, apud nostrates olim usitatis, in Antiquitatibus nostris reperiantur, breviter exponam. Ab antiquis igitur Epochæ quædam à sepeliendi ritibus, apud Septentrionales introductæ; qui cum varij fuerint, & illæ, eorum habitâ ratione, mutatæ. Tres enim numerari solabant hominum ætates, quæ ab inferiorum modo denominationem acceperunt. Prima *Raiinart, Aoisold*; Secunda **Anpant, Dautgold*; Tertia *Y*RIHTIKPATYHART, Christendomsold.* Primitus namq; defunctis juxta soluturi, in campo plano, juxta regiam aut defuncti prædium sito, circulum miræ magnitudinis lapidibus efformabant, oblongum tamen; viginti circiter orgiarum longitudine,

tudine, latitudine trium. In hoc defuncti cremabant cadaver. Cineres collectos urnis includebant, ac in circi meditullio locatos grandioribus undiq; stipabant saxis; superinjecto latiori, quo cætera tegerent. Hinc totum circum lapidibus, arenâ, glebâq; terrestri replebant, ac in formam monticuli desuper collem exstruebant, quem demum cespitibus tegebant, ut viriditate sua oculos prætereuntium recrearet. Hæc sepulcra **RAIHIR**, **Roiser** / ut & hunc sepeliendi ritum **AT RAIH**, **arroise** / dixerunt. Regibus saltim hunc honorem habitum fuisse volunt; minori tumulati alii pompâ. Hæc tumulorum structura ex ruderibus adhuc colligitur, præsertim circa littora maris, ubi partem terræ marini æstus absorpsit violentia, partem verò intactam reliquit. In locis saxosis & maritimis ex lapidum & arenæ congerie monticulos struxerunt, in pingvioribus ex terra fertili, rarioribus additis saxis, basin aut coronam cingentibus. Ex ejusmodi collibus nostra ætate sæpius effossæ sunt urnæ, partim ex cærulea argilla confectæ, partim cylindricæ & rubicundæ, cineribus & ossium combustorum fragmentis refertæ. Regios verò tumulos, ad magnitudinem & figuram carinæ maximæ navis, ex ijs quas possidebant, fabricatos volunt. Secunda ætas **RAIPAN**, **Osigold** dicta, ea fuit, quâ cadavera integra & non cremata, cum suis ornamentis, in circulo, ex grandioribus confecto saxis, locabant, alijs circumquaq; tegebant, arenam & glebam terræ exaggerando, usq; dum in justam monticuli exurgeret altitudinem, qui cespitibus & alijs saxis, demum exterius exornabatur. Et quandoq; in summitate, structura ingentium saxorum receptaculum mortuis præbebat. Interdum in monticuli summitate cripta confecta erat, 30 pedes longa, 15 lata, ex grandioribus saxis, quorum latera interiora polita satis erant, exteriora inæqualia: tam arctè verò invicem conjuncta, ut ubi inæqualitas rimas quasdam relinquebat, minoribus saxis stipata, ut mûro ex cemento ad libellam coagmentato non cederet politura. Tertia & ultima ætas **YKRIITHIRYHIR**, **Christendomsold** / ex modo, quo jam nos Christiani demortuos sepelire solemus, determinatur. De quo non attinet multa dicere, cum omnibus sit notissimus. Tumulis verò suis non solum cadavera aut cineres inferebant veteres; sed arma, hastas, equos, aurum, argentum, aliq; defunctis charissima *Κεμήλια*: quod & Germanis in usu fuisse indicat Tacitus de moribus Germanorum: *Struem rogi nec vestibus, nec odoribus cumulant: sua cuiq; arma, quorundam igni & equis adjicitur. Nec planè abluunt ab eo funerandi ritu, quem describit Virgilius II. Æneid.*

*Hinc alij spolia occisis direpta Latinis
Conjiciunt igni, galeas ensesq; decoros,
Frenaq; ferventesq; rotas: pars munera nota
Ipsum clypeos, & non felicia tela.*

Et apud Homerum Elpenoris umbra Ulysssem rogat, ut se cum armis comburat, Odyss. Δ.

Ἄλλα με κακκῆσαι σὺν τεύχεσιν, ὅσσι μοι ἐστίν.

Sed me combure cum armis, quæcunq; mihi restant.

Hercules apud Senecam in Hercule Oetæo, clavam suam, quâ tot monstra perdomuit, unâ secum in rogum ut conjiciant sic decernit:

*Hic nodus, nulla quam capiet manus,
Mecum per ignes flagret: hoc telum Herculem
Tantum sequetur.*

Ornamenta verò, & varia *Κεμήλια*, tumulis Regum unâ cum cadaveribus illata fuisse, testatur Historia Olai Tryggonis Norvagiæ Regis, qui multa antecessorum suorum demoliri curavit busta ac tumulos, ut inclusos thesauros in meliores converteret usus. Ex quibus grandem ipsum corrasisse auri argentiq; summam, relicta loquuntur monumenta. Et ante annos haud ita multos, in tumulo propè Lethram Selandiæ magna denariorum argenteorum copia urnæ cum alijs pretiosis inclusa, à rustico quodam reperta est. Ex his nonnulli hanc ostendunt *ἑταίρα* *ὄνη*: CNUT REX ANGLOR.

Item; ETHELRED REX ANGL. Cæterum quod attinet *Νεκροταυσίαν*, quam apud nos quondam, viguisse diximus, ex veteri quodam MS. constat, Ungvinum primum fuisse, qui ritum cadavera cremandi introduxerit. Sic enim ibi habetur: *Prima ætas vocabatur Bren-de tid / seu Glotid / id est, combustionis, seu ignea ætas. Tum cadavera cremabant, ac cineres saxis miræ magnitudinis cooperiebant, donec in acervum aggesta assurgerent. Hæc tumulandi ratio, cum Freyer Ungvinis filio, exsequiæ pararentur, Upsaliæ primum incepit. Sed postquam magnanimus ille Danorum Rex Dan, sibi collem magnitudinis conspicue extruxisset, cui post obitum, regio diademate exornatum, armis indutum, & equo omnibus ornamentis instructo impositum, inferendum esset cadaver, additis multis auri argentiq; talentis, abrogari cœpit prior tumulandi ratio, & nova hæc introducta, quam ultro amplexi sunt ejusposteri & amici. Tum demum incepit secunda hæc ætas, dicta *Osjellserid* / seu tumulorum ætas. Quamvis in Suecia & Norvegia prior illa diutius duraverit. Verum id nequaquam cum Saxone nostro convenit, qui Libro V. Historiæ Danicæ, Frothonem Magnum, (qui longè ante Ungvinum vixit, utpote tempore nati Christi) de hisce cadavera cremandi ritibus leges tulisse memorat inter reliqua hæc proferens: *Frotho, convocatis, quas vicerat, gentibus, lege cavit, ut quisquis paterfamilias eo con-**

cideret bello, cum equo omnibusq; armaturæ suæ insignibus, tumulo mandaretur. Quem si quispiam vespillonum scelestâ cupiditate tentasset, pœnas non solum sanguine, sed etiam inhumato cadavere daret: busto atq; inferijs cariturus. Siquidem par esse credebatur, ut alieni corruptor cineris, nullo funeris obsequio donaretur, sortemq; proprio reserveret corpore, quam in alieno perpetrasset. Centurionis vero vel Satrapæ corpus, rogo propriâ navē constructo, funerandum constituit. Dena autem gubernatorum corpora unius puppis igne consumi præcipit: Ducem quempiam, aut Regem interfectum proprio injectum navigio concremari. Tam scrupulosam ducendū intersectorum funeribus observationem præstari voluit, ne promiscuos exequiarum ritus existere pateretur. Ex quib; facili negotio quis collegerit, etiam hujus Regis ætate utrumq; funerandi modum in usu fuisse, siquidem Patresfamilias cum ornamentis, non crematos, tumulis inferri decrevit; centuriones verò, duces ac Reges rogo imponi. Historia Norvagica, mox in principio, cadavera cremandi ritum Othino ascribit. Refert namq; Othinum legem condidisse, ut omnes mortui cum bonis & ornamentis potioribus igne comburerentur, addens superis eò gratiores futuros, quo plura secum in flammis traxissent. Si quis vero accuratius scire gestiât, quâ pompâ, quâve solennitate Regum strui solita sint busta, toties laudatum authorem nostrum consulat Lib. VIII. Ubi eleganter omnes ritus proponit, quibus Ringo, occisi à se Haraldi D corpus rogo imponi curavit. Sic autem ille: Posthac Sveonibus passim inter promiscuas cadaverum strues Haraldi corpus exquiri præcepit, ne regum funus debitis fraudaretur inferijs. Igitur revolvendis intersectorum cadaveribus, avida plebs injicere operam cepit. In hanc curam dimidium diei extractum est. Tandem cum corpore reperta clava, Haraldi manibus parentandum ratus, equo, quem insidebat, regio applicatum currui, aureisq; subsellijs decenter instratum, ejus titulis dedicavit. E Ipse vota nuncupat, adjicitq; precem, ut Haraldus eo vectore usus fari consortes ad tartara antecederet, atq; apud præstitem Orci Plutonem socijs hostibusq; placidas expeteret sedes. Deinde rogam exstruit, Danis in iuratum Regis sui puppin in flammæ fomentum conjicere jussis. Cumq; superjectum ignis cadaver absumeret, mœrentes circuire procures, impensiusq; cunctos hortari cepit, uti arma, aurum, & quodcumq; opimum esset, liberaliter in nutrimentum rogi, sub tanti, taliterq; apud omnes meriti Regis F veneratione transmitterent. Cineres quoq; perusti corporis urnæ contraditos Lethram perferri, ibiq; cum equo & armis, regio more funerari præcepit. Hæc omnia Lib. I. Monument. Danic. Cap. VII. fusius persequitur Clariss. Vir D. Olaus Wormius, lectione multa exercitus: cui pleraque omnia veterum literarum quæsitâ, meditata sunt, & evigilata.

53. Pleni liberalitatis officiis prosequutus] In

A omni Antiquitate hoc observo, nunquam ferè viros honestos & amicos convenisse, ac ne ad convivia quidem, quin magnificè ac φιλοφρονως cum hospitamento Xenioq; liberali sint dimissi.

Pag. 42. vers. 8. *Sempiterno firmata vocabulo*] In Selandia nostra propè Roschildiam pagus est Baldersbrynd dictus, quasi Balderi fons aut puteus: sed an fontis supersint vestigia, non adeo liquido constat.


15. *Frò quoq; deorum Satrapa*] Non Satrapa tantum, sed deus etiam creditus, Sveciæ tutelar, ventorum tempestatumq; potens & aeris universi: cui etiam pro felicitate annonæ & proventus, factum olim in Islandia.

17. *Siquidem humani generis hostias mactare*] Qui apud Septentrionales horrendum huncce & detestandum ritum humanis victimis numina placandi primus instituit, Othinus fuisse videtur, Idololatriæ & Magiæ in his oris magister. Is enim bellis præesse creditus, existimabatur, nullo modo melius placari posse, quam sanguine hostium, eorumq; quos captivos secum abduxerunt. Sic enim Olaus Magnus Lib. III. Cap. III. *Othinum, qui bellis præsidebat, cruore & morte captivorum placabant, opinantes bellorum præsidem aptius humano cruore placari.* Hinc bello cæsos *Othino mactatos* dicebant, teste Arngrimo Crymog. Lib. I. Cap. 6. Et Saxo noster Lib. VIII. Haraldum introducit promittentem se prostratorum manes muneris loco dedicaturum Othino, modo victoriâ potitur optatâ. Posteaquam verò Othinus huic sacrorum ritui satrapam suam, Frò dictum, præfecisset: ei à nostratibus abominanda hæc humani cruoris libamenta, tanquam auctori, sunt adscripta. Adeo verò cruenta hæc sacrificia invaluisse accepimus, ut nec proprijs filijs pepercerint Reges ipsi. Haquinum enim Norvagiæ Regem, ut de Haraldo victoriam reportaret, proprios filios sacrificio destinasse refert Saxo Lib. X. Haquinum, inquit, *perspectis copijs, cum intolerabile rebus suis onus imminere cognosceret, excipiendi ejus materia non suppetente, tanquam humane opus dissidentia divinam amplexus, superos inusitato piaculo propitiandos curavit. Duos siquidem præstantissimæ indolis filios hostiarum more aris admotos potiunde victoriæ causâ, nefariâ litatione mactavit, nec sanguinis sui interitu regnum emere dubitavit, patriq; nomine, quàm patriâ carere voluit.* Cæterum apud nostrates olim fædum hoc sacrificij genus viguisse, testatur etiam Dithmarus, Episcopus Mersburgensis Lib. I. Chron. Sed quia ego, inquit, *de hostijs eorundem [Danorum] antiquis mira audivi, hæc indiscussa præterire nolo. Est unus in his partibus locus, caput istius regni, Lederum nomine [Lethram intelligit, sedem Regum Danorum antiquissimam] in pago qui Selon dicitur [ea Selandia est, Daniæ regio*

regio fertilissima] ubi post novem annos, mense Januario, post hoc tempus, quo nos Theophaniam Domini celebramus, omnes conveniunt, & ibi dijs suis XCIX homines, totidem Equos cum canibus, & gallis, pro accipitribus oblatis, immolant; pro certo, ut prædixi, putantes, hos eundem placaturos. Et Dudo de S. Quintino sub initium Lib. I. Historiæ Normanniæ: Caterum sacrificabant olim venerantes THUR Deum suum: cui non aliquid pecudum atq; pecorum, sed sanguinem mactabant hominum, holocaustum omnium putantes pretiosissimum.

21. Quod vix spe complecti posset, casu sibi collatum dicebat] Ità est; Quod non expectas, ex transverso fit, inquit Petronius. Et, sæpè forte temerè eveniunt, quæ non audeas optare. Terent. Phorm. Act. V. Sc. I. Sæpè quod querenti non comparuit, aliud agenti præsto est. Seneca pater Præfat. Lib. 1. Controvers. Plautus Mostell. Act. 1. Sc. 3. Inesperata magis accidunt, quàm quæ speres.

24. Si ritè majorum stemmata revolvantur] Nam avia paterna Hotheri Svanvitha, soror erat Frothonis, Daniæ Regis: id quod ex sequenti Genealogia clarius innoscitur:



47. Consueverat autem in editi montis vertice consulenti populo plebiscita depromere] Vetus equidem prisca Normannorum Heroibus mos erat, in editis montium colliumq; fastigijs conciones celebrare, deq; gravissimis Reipublicæ negotiis deliberationes instituere, auguria captare, populo plebiscita depromere, & id genus peragere alia: sive id factum ex veteri superstitione, quâ montes, haud secus ac lucos, silvas, fontes, religiosè colebant: sive augendæ majestatis, conciliandæq; sibi auctoritatis gratia, ex loci eminentioris sublimi culmine. Sic autor est M. Brynolfus in Conjectaneis suis, in monte quodam Islandiæ, Helgasell/ dicti moris vestigia hære, quem accolæ devoto cultu venerati quondam erant. Hunc montem Snorro Gode/ quoties de re graviore deliberaturus aut consulturus erat, conscendisse legitur, non sine magna auctoritatis opinione apud novellios etiam Christianos.

Pag. 43. vers. 28. Solidatiæ confectionis epulum] Epulum simile à Craca Venefica præpa-

ratur infra Lib. V. Martianus Capella de puculo, quod Philologiæ miscbat Athanasia, Lib. II. pag. 36.

Continuq; novo solidantur membra vigore,
Et gracilentæ perit macies, vis terrea cedit,
Æternuq; venit sine mortis legibus ævum.

Epulum igitur solidatiæ confectionis illud erat, quod solido vigore membra imbueret, quod validas vires artubus ingeneraret, seu corporei roboris incrementa auget, ut mox seipsum exponit Saxo. Confectionem Medicorum filij vocant, compositionem medicamentorum, quæ Græcis σνευσία dicitur. Unde Dioscorides: σνευσία φαρμάκων, confectiones medicamentorum. Sumitur etiam pro quavis conditura & apparatu, Plinio Lib. XIII. Cap. 12. & Columellæ Lib. IX. Cap. 14. Confectura vocatur. Hinc Confectura mellis, confectura papyri, & ejusmodi. Valerianus Cemelienfis Homiliâ V. de oris insolentia, videatur.

35. Calle, quo venerat, repedaret] Repedare, idem quod redire, reverti. Vocabulum mediæ ætatis scriptoribus usitatissimum. Ammianus Marcellinus Lib. XVII. pag. 67. Nihil amplius ausa repedavit ad suas. Lib. XXIV. p. 296. Ad signa ocyus repedavit miles. Lib. XXVI. p. 340. His cognitis Valentinianus repedare ad Illyricum destinabat. Johan. Sarisberiens. Lib. VII. pag. 375. Ut ad patriam suam saltem in senectute Ulysses repedaret. Venantius Fortunatus Lib. V. pag. 122.

D Tempore, quo Christi repedavit ad alta potestas.

Ivo Carnotensis Epist. X. Ut ergo valeatis de exilio ad patriam repedare. Flodoardus Lib. 1. pag. 39. Remos cum gaudio repedavit. Adamus Bremensis Lib. 1. Cap. 9. Villehadus in Galliam repedavit. Ordericus Vitalis Lib. XIII. pag. 891. Alij, plures ad natale solum repedarunt. Dudo Lib. 2. pag. 80. Cæde maximâ peractâ repedavit ad suos. Et pag. 81. His dictis quiq; repedarunt ad sua. Et pag. 92. Propter amorem Regis Alsteni Anglos iterum repedavimus. Et pag. 120. Exterminati Daciam celeres repedabunt. Gvilielmus Armor. Lib. VIII. pag. 325.


Pervq; vadum deforme luto repedare parabant.

36. Obvij sibi Balderi latus hausit] Dissentire à se ipso videtur Saxo, quum superius facram corporis Balderi firmitatem ne ferro quidem cecidisse perhiberet; hoc verò loco ab Hothero cum vulneratum, & quidam lethaliter, asserat. Sed non adeo inviolabili corporis firmitate præditum fuisse Balderum, quin aliquo telo lædi potuerit, & inprimis spinâ Mistilstein dictâ, docet utraque Edda, & illa genuina Rhythmica Sæmundi Sigfusonij, vulgo Froda/ vel Polyhistoris dicti, quàm non ita diu è latebris eruisse præfere M. Brynolfus Svenonius; & vulgatio Snorronis Sturlonij, qui Sæmundinam illam præscam interpolavit, certoque consilio

consilio ad Poësin accommodavit. Prior itaq; sic loquitur carmine Voluspá : Eg sa Baldre blóðgum tivor / Óðins barn orlög folgin. Stóðú vaxen völlu harre mior og mios sagur Mistilteirn / varð af theim / meide er mior syndest harm flaug hættleg. Haudur nam Stjota. Baldurs Bróðer var offborenn snefna Sa nam Óðins son emnætur vega. Id est : Ego vidi Baldero Odini filio, Asæ cruore peruso, fata destinata. Stetit enim campo, altum crescens, tenera ac speciosa spina Mistilteirn : qua de spina, ut mihi quidem visum est, evenerunt (Baldero) plage deplorandæ. Haudus enim jaculari cepit, Balderi frater ante diem natus : Atq; ita Odini filius noctem nactus, cadem (Balderi) commisit. Paulo autem prolixius posterior illa Edda exitum Balderi commemorat Mythologiâ XLIII. Enn er thetta sa Loki Laufeyarson / tha lyfadi honum illa. Hann gicf til Fryggjar / og bra fier i konu lyfi. tha spyr Frygg ef su Rona vishi / huad Eser hefduft ad a thingum? Hun sagdi / ad aller stutu ad Baldri / og thad hann sakadi ecki : Tha mælti Fryggi / en mundu vopn edur vider granda Baldri / enda hese eg refid af öllum theim. Vngvidi vex firir Vestan Vallhöll / er fallast Mistilteirn ; sa thotte mior vngur ad trefia eidfins. Thui næst hvarf Ronan burt. Enn Loki sleit upp Mistilteirn / og gieft til Thingis ; enn Hodur stod vtarliga i Mannrchinginum / thi hann var blindur / Tha mælti Loki ; hui stytur thu ecki ad Baldri? Hann svarar / thui eg sic ecki hvar hann er / og thad annad eger vopnlaus. tha mælti Loki / gior i Eifling annara manna og gior Baldri samd / eg munni visha thier hua hanu stendur / stist ad honum Bendi thessum. Hodur tocf Mistilteirn og skaut ad Baldri ad til vissan Loka / flaug stotid igiegnum hann / og fiel Baldur daudar til Jarðar / og hefur thad mest ohapp giort verid / med gudum og mannum. Id est : Hoc cum videret Lokus Laufeysonius, invidia sufflatus, [quod nempe per adjurationem Friggæ immunis ab omni vitæ discrimine esset Balderus] Fensalam iter suscepit, ubi Frygga degebat, mulierisq; peregrinæ formam assumpsit. Hanc Frygga interrogavit, an sciret, quid in foro judiciario potissimum Asæ agerent? Respondit mulier, omnes in Balderum absq; ulla ejus læsione & periculo jacula mittere. Baldero, inquit Frygga, nec arma, nec ulla ligna damnum inferent. Juramenta enim ab istis in universum accepi, præter arbusculam ad latus occidentale Valhallæ crescentem, quæ Mistilteirn appellatur. Nam hæc mihi perquam juvenis videbatur, a qua jusjurandum exigerem. His auditis mulier illa disparuit. At Lokus arbusculam Mistilteirn eruens ad forum properavit. Hodrus autem in extremo astitit circo, quia luminibus captus erat. Hunc adortus Lokus, cur, inquit, in Balderum tela non dirigis? Quia, ait alter, cæcus sum, & insuper inermis. Facito, ait Lokus, ad exemplum aliorum, exhibe Baldero honorem, & hanc in illum virgulam projice; ego ubi stet, te docebo. Hodrus itaq; accepta arbuscula, Loko manum ejus dirigente,

A Balderum hoc missili transfodit. qui protinus examinis concidit. Quo scelere nullum inter deos & homines atrocius perpetratum fuerat. Hactenus utraque Edda. Cæterum ut hoc obiter addam, spinam illam, sive arbusculam, quam hic Edda Mistilteirn, nostratium vulgus appellat *Viscum quercinum*; quo nihil sacratius apud veteres Druidas olim fuit teste Plinio Lib. XVI. alii *tilliam* interpretantur.

44. Facto colle condendum curavit] Suspicantur nonnulli hunc esse collem, qui in Chersonesi Cimbrica provincia Fleschomberit, & quidem in Parochia Gunderupensi, hodieq; extat, impositum sibi habens grande saxum literis Runicis inscriptum hunc in modum:



Cujus Inscriptionis hic est sensus : Baldur risdi stini densi eufeter Entigur hin guder sadur Runug sin/ diagn guden/ aug Tusu mudur sino. beir liga bedi unt dis haugi. Hoc est : Balderus lapidem hunc posuit in memoriam boni Regis Snigonis patris sui, Viri eximij, & Tusæ matris sue. Ambo sub hoc tumulo recubant. Quum igitur heic Balderi nomen expressum legatur, Ohini filio Baldero, quem Hotherus interfecit, illustre hocce monumentum erectum esse arbitrantur. Sed vehementer falluntur. Inscriptio etenim disertis verbis edicit Balderi hujus patrem fuisse Snionem, Regem nempe Daniæ, Sivardi filium, cujus sub imperio fame compulsi novas quaesituri sedes è Dania migrarunt illi, qui exteris dicti sunt Longobardi : de qua migratione Saxo Lib. VIII

Lib. VIII. Fuit & alius quidam Balderus, ab exteris magis quam nostratibus celebratus, quem Annales Frisici ob probitatem, & res domi forisq; præclare administratas *Ethelbalderum* vocant. Hunc vero Biornonis, Daniæ itidem Regis, qui Omundo successit, filium fuisse, Lyschander contendit in Genealogia Regum Daniæ, pag. 174. Verisimilior itaq; eorum videtur conjectura, qui Balderum Orhini filium, ab Hothero prostratum, in eo conditum colle existimant, qui bifurcato apice, medio inter Hafniam & Roschildiam itinere, non procul a pago *Waldersbrønd* / conspiciendum se præbet.

Pag. 43. vers. 47. *Danis Balderi fortunam publico mærore prosequentibus* Non solum homines fati Balderi deplorassee; sed & res fere omnes alias etiamnum lacrymis cordolium testari, cum repente ex hyberno frigore in vaporarium illatae iudant, Edda docet Mythologia XLIII. & sequent. cujus narrationem, utpote lectu jucundissimam, heic integram adducere [rara etenim Libri hujus copia est] operæ duxi premium. Sic itaq; Edda Snorronis Sturlonij: Enn er Valdur var dauður / si-lust allum Asum. Orðrof oc hendur at taka til hans / og ei mattu theit hefna / þar var sú mikil gríðastáður. Var þa hinn mesti grátur með Asum / Enn Dín bar theim mun vest þennann stáða / sem hann Runni mæsta Styn / huorfu mikill ástaka / og missa Asinum var í frá saki Valouen. Áserner rofu lyf Baldurs og flutu til Stafar. Þringhorni hiet stíþ Baldurs / allra stípa mestur / hann vildu gúðin framsferia og gtorá þar a bálsar Baldurs / En stíþ gíet huorgi fram: Þa var sendi í Jorhúnheima eptir Gígi theire er Þirrotin er nefnd: enn er hann kom oc reid vargi oc hafði foggorm a thaumi. þa stíþ hann af bestinum / enn Dín fallaði til Versercti fíora að grata bestins / og feingu theit ei hallað / nema theit fellu hann / Þa gíet Þirrotin a fram stáfen / og hræ fram nokvanum í fyrsta við bragi / súo að ellbur hrættu ur hlumunum / end lönd all stúfu. Þa völd Þhor rendur / og greip Hamarinn / og mundi þa bríota höfuð hennar / adur oll Guðin báðu heimi fríðar. Þa var borið ut a Stíþ lyf Valou: s / en Nanna Nefs dotter kona hans Epract af harmi / og var hun borti a balið. Þa stóð Þhor að og vígði balið með Míotlne / en fyrer forum honum ran duergur nokkur er litur nefndur. En Þhor spírdi færi synum a hann / og hrætt honum í elldinn / og brann hann. Við thessa brennu var Dóinn / Frýgg / og Valþyrir / og hráfnar hans. Fréhr oak í Kerru að hafði spende fyrer gósti thann er Eullmbúste heitir / eða Eli-druganne. Heimdallur reid heisti theun er Eulltoppur heitir / enn Fréna kottum synum. Þar leimur og mikil folck Nymthussa og Verarísa. Dín lagi a balið Eullbrina thann er drípnir heitir / honum fylgdi syðan str náttúra að sína

A Þrundu huoria Nott / drupu af honum áttá hringar hafn gófger: Hestur Vallins var leiddur a balið með honum. Sem Valdur var salinn / spurði Frýgg huor sa væra með Asum / er eignast villdi áster hennar / og villdi ryða a Helveg / og frénsta ef hann feingi fundir Baldur / oc bionda Helu urlansn: enn sa er Nefneur Hermodur hinn Þrattu son Díns / er thil theitir sendi farar völd / þa var tekinn Sleipner / hestur Díns / og steig Hermoder a thann / og hleppi a burt / og reid Þinn Nættir doctra dalt og dýpa. Suo hann sa ecti fyrer enn hann kom til Ártinar Gíallar / og reyð a Gíallar brúna. Hann er thofte lyfigulli. Modguder er nefnd mættu er gíatter bruarinnar / hun spurði hann að Nafni og ætt / og sagði: Þu síra dag ríu vinn bruna / sinn sílti dauðra manna. Hui ryður þu hiet a Helvig? Hann suardi / eg leita Baldurs. Hefur þu nokkuð fíed hann a Heliar veigi? Hann sagði Baldur hefði thas ríðið vinn Gíallarbrú. Ennidur og Nordur liggi Helvegur. Þa reid Hermodur thar til hann kom að hellgrindum / þa steig hann af bestinum gíet hann fast / Eteigrypp og Keirði hann Eporum / enn hesturinn stíor suo hart hfer grindina / að han kom huorgi næ: Þa sa hann fíra Baldur brodur sinn í ond vegi holunnne. þar dualdi Hermodur vinn Norrna / að mörne beiddist hann af Helu að Valtur stíði ryða heim með honum / oc sagði huorfu mikill grátur var með Asum: En Heli sagði / að thad Stáldi suo reima huor Valdur væri suo ástfall sem sagði er. Og ef aller hluter í Heiminnun knícker og dauðer grata hann / þa skal hann fara til Ása aptur / enn hallaðst með Helu ef nokkur mættir víð / ella víle ei grata. Þa stóð Hermodur vpp / enn Valtur leiddi hann ví ur holline / og rok hringen drupner og sendi Dín til menna: En Nanna fenei Frýgg finguraull / og fleit gíaffer: Þa reid Hermodur lönd syna í Ásgart og sagði oll ríðindi sem hann hafði heit og fíed. E

Þu mættir sendu Áser vinn allann heim er indrefa / að víðia Valdur væri grátinn vr Helu / enn aller gíortu thad / mennerner / kúkindin / Jordin / Etefnaraer / tre ep allur málur / suo sem frá ma theffer hluter grata aller / þa theit koma vr frosfi í híta / þa er sendimenn foru heim / oa höftu vel rífid erindi syn / síma theit í helli nokkrum huor Snáur var / su nefndist Thock: theit víðia hans grata Valdur ur Helu / hun suaradi suo:

Thock mun grata
Thurruum tarum
Baldurs Válfarer
Hallði thar fyre Hli
Thui er hestur.

Enn thesi gíetta meim að thar höft verid docti Laufeyrson / er fíest hestur illi gíort með Asum: hann oll thui að Valtur var veiginn / og suo thui / han völd ei lenstur frá Helu. Id est: Mortuo Balldro, verbi & viribus desituebantur Asæ, nec ob re-

verentiam loci necem ejus ulcisci poterant. Eratq; A tunc temporis inter Asas luctus acerbissimus, etsi Odinus eadem ejus tanto gravius ferret, quanto acceptum damnum reliquis melius intelligeret. Luctu autem aliquid deferente, corpus Balldri ad mare deduxerunt, ubi navis ejus Hringhorne omnium navium maxima constitit. Hanc Dii ex navali protrahere volentes, ut in illa Balldro pyra extrueretur, nusquam dimovere potuerunt. Gygem igitur quandam ex Jotunheimis accersi curarunt, quæ Hirtokin vocatur. Hæc adveniens, feram equitabat (reid B rvarge) & pro habenis serpentibus usa est. Cumq; ab Equo desiliret, Odinus quatuor advocatis Æthiopibus, ut Equum custodirent, mandavit, quod nisi illum prosternerent, præstare non valerent. Gyges verò in proram incumbens, unico nisu in aquas navem compulit, ut ex subjectorum lignorum lapsu ignis emicaret, omnesq; terræ tremere. Funus deinde Balldri in navim portatum pyre immolavit: Nanna verò Nevj filia luctu extincta communem cum marito sortita est rogum. Thorus assistens & ignem C Miollnere consecrans, Nanum quendam qui littur/id est, color, appellabatur, ante pedes suos cursitantem pedicâ in flammam deturbavit, qui ibi conflagravit. Stabant ad hunc rogum Dii Deaq; omnes, præterea ingens numerus Hymthussorum & Cyclopum. Odinus annulum aureum, qui Drupner dicitur, rogo imposuit, cui hæc deinceps adjecta est natura, ut nona qualibet nocte, octo ab illo destillarent annuli, ipsi pondere pares. Equus Balldri in eadem, quâ ille, consumptus est flamma. Balldro è vivis sublato inquirere Frygga cepit, num quis esset, qui omnes suos amores demereri, viam Hecateam ingredi, Balldrum convenire, & pro ipso Helæ Lytron offerre vellet? Sed qui istam obire voluit Legationem, Hermodus D Quatu, id est, acer, vocatus est, filius Odini. Adductus est ergo Equus ipsius Odini Sleipner, quem Legatus conscendens, novem continuas noctes per opacas & profundas valles cursu concitato iter habuit: donec ad amnem Giallam (alias Stygen) perveniret, in cuius pontem lucente tectum auro, equum sine mora E adegit. Modguber appellatur virgo, quæ pontem custodit; hæc illum de nomine & genere interrogavit; pridie, inquit ipsa, tres legiones mortuorum per hunc equitabant pontem; qui non minus sub te uno concutitur & tremit, nec tu defunctorum vultus gestas, & cur tu hanc viam tentas? Respondet ille: Balldrum fratrem meum quero, tunc ipsum in hac via vidisti? Vidi, inquit Virgo, illum per pontem Giallarum equitantem, sed deorsum & in Boream via Hecatis extenditur. Iter porro Hermodus usq; F ad Averni clatrata januam confecit, ubi Equum calcaribus pungens, cancellos ut nihil attingeret, transilire fecit; ibiq; Balldrum fratrem dignissimum in aula locum occupare conspexit, & inibi pernoctavit. Proximo matutino maximis ab Helæ votis contendit, ut domum ad Asas Balldro secum remeare liceret, & quam acerbè mortem ejus deslerent significavit. Helæ ajebat sic comprobatum iri, an Balldrus tam charus & acceptus existeret omnibus, ut de ipso

A dictum fuerat. Si universæ in mundo res vivæ & inanimatæ Balldrum lacrymis prosequantur, ad Asas revertetur. Si quæ vero contradixerit & flere renuerit, ipsum Hela retinebit. Surrexit igitur Hermodus, quem ex aula Balldrus eduxit, Odinoq; Drupnerum annulum mnemosynon remisit, sed Nana ejus uxor Frygga monile succineum mittebat (Nanna sendi Frygg Rhytt) Fullæ aureum digitale. Post hæc viam suam remensus Hermodus Asgardiam venit, visaq; omnia & audita fideliter retulit. Asæ deinde per omnem mundum cursores emiserunt, qui peterent, ut Balldrus ab Hela generali redimeretur fletu: quod libenter fecerunt non solum omnes homines, sed etiam bestię, terra, lapides, ligna, & quævis metalla, sicut omnes hæc res lacrymantur, quando ex gelu in calorem veniant. Cum autem Legati domum revertentes, negotium bene expedivisse viderentur, in antro quodam Gygem sedentem inveniunt, quæ se Thokk nominabat: quam etiam petunt ut Balldrum ab Hela ploratu liberet. Sed hæc illis C talia regessit verba:

Tokk ficcis plorabit lacrymis

Rogum Balldri, Hel, quod habet, retineat.

Hoc autem pro vero habetur, Gygem hanc Lokum fuisse Laufeysonium, qui plurima inter Asas mala effecerat; ipse causa erat quod Balldrus interfectus esset, quod etiam ab Hela redimi non posset.

42. Eidem Proserpina per quietem astare aspecta] Quam Proserpinam hic dicit Saxo, Hela, Eddæ est. Ad illam enim Balderus divertisse dicitur, Mortæ Romanorum similem.

46. Spe repentiendæ pecuniæ nocte adorti] Erat illud etiam prisca superstitionis non minimum, existimare, mortuis rei pecuniariæ usum superesse in altera vita. Quare novis vestibus cadavera induerunt, ac diligenter calceatos pecuniis pro conditione instruxerunt, tenuiores æneis, alios argenteis, summos viros aureis; ne forte rerum egentes in peregrinatione ad Valhallam necessariis destituerentur, donec ad locum pervenirent. Illuc namq; usq; E curandum erat superstitionibus necessariis, ne per suam tenacitatem & avaritiam defunctus mendicaret, vel sordidè colligeret. Porro thesaurum posteriore seculo, cum sepeliri integra corpora cœperunt, sub humeris præsertim & genibus deponere potissima cura fuit, credo, quò tutior esset à malis Harpyjarum manibus. Ac omnes plerique Heroum tumuli hoc nomine celebrati sunt, quod divites essent; ac proinde nulli non sollicitati. Plerique sentiunt incantationibus tumulos antiquitus munitos ac velut obsignatos esse, quo sacrosancti forent contrà omnium seculorum habendi cupidines. Tale aliquid, miraculum, quod insequitur, subiti torrentis, præ se fert.

Ibid. Diis loci præsidibus] Dæmonas illos intelligit, qui in tumulis ac sepulcris mortuorum, & circum, habitarunt: quos prisca superstitio nimium quàm studiosè coluit, ac à locis inhabi-

inhabitat. *ЖАНРБНА, Хаугбуа* / nomi-
navit. Illi nonnunquam tumulorum scruta-
toribus terriculo fuerunt, variisq; præstigiis
illuserunt.

Pag. 44. vers. 27. *Fabriliumq; rerum officio
callere*] Clarissimus Vir, & subacti iudicii Criti-
cus, Caspar Barthius, pro officio, legit, *opificio*.
Fortè erit *artificio*: quomodo Saxo infra eodem
hoc Libro loquitur: *Cui tunc exculpto manus ar-
tificio calluisset.*

47. *Verfili vultu varios habitus præ se feren-
di*] Verissimè hoc Saxo de beneficio prisco-
rum annotat, potestatem eos habuisse vultus
lineamentorum, cum quolibet mutandorum,
ut quem vellent, mentiri possent. Nec homi-
nes modò pro arbitratu exprimebant, quod
colores mutare, at *stiffra litum* / dixerunt; sed
bestiarum etiã formas assumerunt; quales
artifices, *Hamþierpur* / id est, cute vel corpore
excurrentes, ac velut desultores quidam, appel-
lati erant. Sic Odinus indigais veterator, & ar-
chitectus harum omnium præstigiarum exti-
cit, qui nunc ut accipiter, nunc aquila, nunc
serpens, apparuit, teste Edda. Ita & Locas, anus,
equa, esox, & nihil non, quoties placeret, esse
potuit, eãdem teste.

Pag. 45. vers. 31. *Præcipua apud Byzantium sedes ha-
beatur*] Non injuriã Clarissimus Vir, M. Brynol-
fus Svenonius, illustre in hac *Byzanti*j voce men-
dum esse, juxta mecum suspicatur, ortum ab
imperitis rerum Normannicarum librariis,
qui infano studio, quicquid obsoletum vide-
runt ac desitum, maluerunt pervertere, quam
ignorantiam fateri. Nisi forsan affectavit Græ-
ciam Latiumq; in nomine Saxo: quod Mona-
chis per quã solens erat. Accedit, quod Odi-
nus collegio Byzantium deorum nunquam
fuerat ascitus: quare nec inde per contumeliam
submoveri potuit. In Septentrione, & extre-
mis Scythiæ magnæ oris, divinitatis opinio-
nem habuit: Byzanti] ne natum quidem no-
verunt; tantum abest, ut primatum illic un-
quam exercuerit. Proinde aliud loci nomen
quærat necesse est. Quid enim Afis hoc tem-
pore cum Byzanti] rei fuit?

43. *In divinitatis insulas subrogavere*] In-
sula propriè quidem Sacerdotibus, rebusque
sacris tribuuntur. Justinus Lib. 24. Cap.
VIII. *In hoc partim certamine repente univer-
sorum templorum antistites simul & ipsi vates*, F
*sparsis crinibus, cum insignibus atq; insulis, pavidi
recordesq; in primam pugnantium aciem procur-
runt.* Alioquin pro regis dignitatis insignibus
ea vox accipitur. Iterum Justinus Lib. XI.
Cap. 10. *Tunc in Syriam proficiscitur: ubi obvius
cum insulis multos Orientis Reges habuit.* Trebel-
lius Pollio in Gallienis Cap. X. *Odenatus Rex
obtinuit totius Orientis imperium, quod se fortibus
factis, dignum tantæ majestatis insulis declaravit.*

A Interdum generalius sumitur. Ut apud Spar-
tanium in Adriano, Cap. 6. *Insulis ornatus Pan-
noniæ*, hoc est, titulo præfecturæ Pannoniæ.
Ammianus Marcellinus Lib. XV. *Die quinto,
antequam insulas susciperet principatus.* Seneca
Consolat. ad Helviam, Cap. 13. *Vir constans ipsas
miserias insularum loco habet.* Et Epist. 14. *Literæ
etiã apud mediocriter malos insularum loco sunt:*
quomodo hunc locum restituit Vir consum-
mata Eruditionis, Joh. Freinsheimius, in Notis
eruditissimis ad Justinum. Ita Valerius Maxi-
mus, *Insulis misericordiæ permulcere* dixit Lib. IV.
Cap. 7. *At quo secessu quosdam fugeris, aut quibus
insulis misericordiæ permulseris: non cohibebis, ne
alienis malis, perinde ac bonis suis letentur ac gesti-
ant.* Et Alhelmus de laudibus Virginitatis Cap.
III, *Insulas virtutum*, & Cap. X, *Insulam virgi-
nalis pudiciæ.*

C Pag. 46. vers. 20. *Nocturno vivum igni incenderat*] Valde fuerunt olim Normanni omnes huic per-
fidie dediti, ut levissimis quandoque de causis,
præstantes viros nocturnis ignibus oppræsserint.
Sexcenta licet ex antiquitatibus nostris exem-
pla proferre, quibus indigais modis incendiarij
sunt grassati. Sed vero nobilioribus ingeniis
hoc malefici] genus temper displicuit.

27. *Cum Bo congressus occiditur*] Hothe-
rura hunc Regem à Bo oppressum, sunt qui
funeratum voluit in eleganti ac magno tu-
mulo illo, qui in cæmeterio pagi *Horles*, prope
Lyggaveldium Selandiæ, conspicitur, tra-
ctans undiq; cinctus: quem etiã, lapidem
tali inscriptione insignitum, olim exornasse,
conjectant:

Denne her er stord uden meen/
Der i hvaler den rige Konge, Hotherers been
Denne Sten er osuer ham set/
Vuser hans Graf / hannem en forger:
Jeg hafde nock trette oc Krig/
Met Bo den Afguds Son Drin:
Jeg blef slagen oc dode bort /
De huilte her i Jorden fort.

Hotherus, Regum decus, hic tumulatus, aviti
Promeruit saxi hoc decus, & monumenta decora.
Tanta viri virtus nam vinci nescia, quamvis
Impiger Othini Bo dictus filius, altam
Turbaret regni pacem: nunc ossa quiescunt
Cespite sub viridi, telluris pondere pressa.

Pag. 48. vers. 10. *Nec mora: circulatur campus*] Longè rectius ita legendum existimo, quàm
Circuatur. Circulari enim dicitur campus, cum
orbiculatum aliquod terræ spatium, circuli in
modum, designatur, vel etiã lapidibus cir-
cumdatur, aut hominum astantium turbâ, sive
circulo circumscribitur, in quo athletæ manus
conferunt. Ejusmodi spatium ita circi in mo-
dum circumscriptum, nostratibus hodieq; di-
citur een Kreedts. Unde formula de Athletis
usitata, at *la en Kreedts*. Antiqua lingua Danica

Spatium, in quo pugiles dimicabant, dicebatur *Holmur*. Glossarium Islandicum: **HOFTUR*, *Holmur* / spatium, in quo pugiles concurrunt. Unde *Holmganga* / singulare certamen : at *gange a Holm* / in arenam descendere : *Holmganga lag* / leges dimicationis. Cæterum non abs re erit, quæ in Conjectaneis suis ad hunc locum M. Brynolfus noliter commentatus est, in medium producere. Palos, inquit, ex arbore certa, solo in circuitu impegerunt, campum hac ratione merentes : quem nemo, præter ipsos gladiatores, impunè intraret, nec ipsi, qui duello decernebant, sinè perpetua infamia egrederentur. Erat autem, unde palorum constitit materia, *Corylus* arbor. Unde hos vallos *Hesliß Steingur* vocitarunt. Et *Heslißvöll* / campum duello destinatum : & ad *hesla* / in campum gladiatorium provocare. Hucusq; M. Brynolfus. Circulari autem Columellæ Lib. XII. est *circumdari* : *Isq; debet ante circulari fossula, quæ & repleatur lapidibus & calce*. Eadem notatione vox non ignota Martiano Capellæ Lib. VIII. Cap. de Circulo Antartico : *Quem quidem meantem, quibus sideribus circuletur, ego poteram memorare*. Porro de hac voce videatur Petrus Victorius Lib. VIII. Var. Lect. Cap. 13. Ubi ejus vim atq; usum explicat, ex Evripide in *Andromacha*, Cicerone in *Bruto*, & Epistola ad Q. Fratrem.

18. *Per summam rerum gloriam piraticæ incubuerat*] Maxima sibi laudi, nobilissimi fortissimiq; Normannorum, *Piraticam* duxerunt, ut olim Athenienses & Spartani. Tacitus de moribus Germanorum : *Nec arare terram, aut expectare annum, tam facile persuaseris, quam vocare hostes, & vulnera mereri*. *Pigrum* quinimo & *iners* videtur sudore acquirere, quod possis sanguine parare.

35. *Invicem humanitati deferendum est*] Sensus est; Habenda est ratio humanitatis, tribuendum aliquid est humanitati, honor habendus & respectus est aliquis humanitati. *Deferre* etenim absolute positum, hujus ævi scriptoribus idem est, quod honorem deferre, rationem alicujus rei habere, magni aliquid aestimare. Lambertus Schafnaburgensis : *Nec manibus in eos furor populi temperasset, nisi paucorum sapientium moderatio, propter jus gentium, quo legatis est deferendum, intercessisset*.

40. *Ut victum victor inferiis prosequatur*] Erat apud veteres pugiles atq; gigantes in tanto pretio sepultura, ut ne inimicis & apertis suis hostibus eam denegarent, sed pro piaculo apud ipsos sit habitum, hostes cæfos prostratosq; insepultos relinquere. Ac si quando accidit, ut inter adversarios res ferro aut duello, quod usitatissimum eo seculo erat, dirimenda esset, tum priusquam certamen inirent, inter se paciscerentur utrinq; adversarij, quod victor honestam sepulturam victo procuraret : quam pro-

missionem fallere, aut negligere, infamiae loco habitum est. Svaningius in Prolegomenis ad Histor. Dan. D. Olaus Wormius Lib. I. Monumentum. Danicor. Cap. VI.

42. *Faceffat post fatum livor, simultasq; funere sopiatur*] Quintilianus Declam. IX, quæ Gladiator inscribitur : *Decet simultates, quas maxime omnium mortales esse voluere sapientes, in his definire, in quibus nascuntur*. Et Declamatione CCLVII. *Non oportet immortales esse inimicitias* : *Et ita demum tutum perpetuumq; esset humanum genus, si amor ac fides nullam haberent oblivionem : ea rursus, quæ aliquo incommodo commutantur, brevi morte deficiant*. Ovidius : *Pascitur in vivis livor, post fata quiescit*.

Pag. 49. vers. 31. *Stoliditatis simulationem amplexus*] Multis dementiae simulatio feliciter cessit, ejusq; beneficio varia pericula, imò præsentissimam sæpe mortem evaserunt. Junius Brutus, ille Libertatis Romanæ auctor, ut Tarquinij avunculi sui tyrannidem eluderet, non aliter ac Amlethus hic noster, *obtusum se cordis esse simulavit, eaq; fallaciâ maximas virtutes suas texit*. Valerius Maximus Lib. 7. Cap. 3. Regius quoq; vates David ad Acisichum Regem Gadi adductus, amentiae simulatione sævitiam ejus evasit, quam Sacra nobis litera describunt 1. Samuel. XXI. v. 14. & seqv. *Quapropter mutavit sibi speciem suam in oculis eorum, & agebat insanum in manu eorum, & signabat valvas portæ, demittebatq; salivam suam in barbam suam*. De Solone etiam tradit Justinus Lib. 2. quod cum non auderet legem, de vindicanda Salamina insula, ad populum Atheniensem ferre, subitam dementia simulaverit, ; cujus veniam non dicturus modo prohibita, sed & facturus erat. Ita Drusus alienationem mentis simulans, quasi per dementia, funesta Tiberio imprecatur. Tacitus Annal. 6.

35. *Ridiculæ stoliditatis dementia figurabant*] Id est, indicabant, exprimebant. Sic Lib. XIV. *Læva arcum, reflexo in latus brachio, figurabat*. Usus est etiam hac voce purissimæ Latinitatis impurus autor, Petronius Arbiter, pag. 47. *Uniusq; hominis vestigium ad corporis mei mensuram figuravi*. Item Q. Curtius Lib. VII. *Utinam prudentius sollicita esset pro filio, & non inanes quoq; species animo figuraret*. Quintilianus Declamatione IX pro Filio : *Est quidam felicibus difficilis miseriarum vera aestimatio : figurare tamen potestis, qui tunc animus mihi, quæ cogitatio fuerit*. Sed apud sequioris ævi scriptores nihil invenitur frequentius ; & præsertim Ordericum Vitalem, Monachum Uticensem, qui Ecclesiasticam scripsit historiam, aliosq; numero innumeros.

46. *Nec credi poterat obtusi cordis esse*] Hoc est, animi diminuti. Ità & infra Lib. XVI, & ultimo loquitur : *Haraldum quendam regis sanguinis, sed obtusi cordis, è Suetia adiscunt*. Phrasis est Valeriana. Sic etenim Valer. Max. Lib. VII.

Lib. VII. Cap. 3. Ubi de Bruto agit: *Obtusi se corde esse simulavit, eâq; fallaciâ maximas virtutes suas texit.* Cor verò pro animo posuerunt veteres, Metonymiâ quadam. Nam in corde animi sedem quosdam olim collocasse, diligentissimè monuit Athenæus Lib. XIV. atq; ita Homerus *καρδίαν*, seu *περδίαν*, usurpat. *καρδίη ἢ οἱ ἐνδοὺ ὀλέκτῃ.* Vid. Obertus Gifanius in Conlectaneis ad Lucretium.

Pag. 50. vers. 3. *Inter quos fortè quidam Amlethi collacteus erat*] *Collacteus* idem est, qui *Collactaneus*, *κοκνύς*, qui iisdem mammis est nutritus, qui eandem nutricem simul bibit, & in nexu germanitatis simul coaluit: ut loquitur Apulejus Lib. 2. *Metamorph. Glossarium Vetus: ὁμογάλακτος, Collactaneus.* Danis antiquis *Fosterbroder* dicebatur. Solent autem plerumque ejusmodi *ὁμογάλακτοι* ardentius inter se amare, quàm ipsi fratres germani: adeo ut à teneris mox ungviculis, cum ipso lacte nutricis, igniculos quosdam amoris fuisse videantur, qui deinceps cum ætatis incremento indies magis magisq; gliscit & augetur. Illustre hujus rei specimèn de se juvenis ille præbuit, qui imminentes Amletho insidias quovis modo detegere conatus est. Consentaneâ quoq; fide & amore nutrices & collactaneos suos prosequi Hibernorum nationem, autor est elegantissimus Scriptor, Richardus Stanishurstius Lib. I. de rebus Hibernicis: *Nutrices*, inquit, *ad extremum vitæ spatium in loco parentum habent.* Eorum natos, quos vocant *Collactaneos*, magis ex animo, quàm germanos fratres amant, singula illis credunt, in eorum spe requiescunt, omnium consiliorum sunt maximè conscij. *Collactanei etiam eos fidelissimè & amantissimè observant.* Nihil perfidiosum & insidiosum, nihil fallax in illis invenies; quin etiam parati sunt offerre capita sua, pro lacteorum fratrum, ut appellant, salute, periculis omnibus. Cæstibus hominem contundas, eculeo excrucies, ignitis laminis amburas, omnia exquisita supplicia vehemens feroxq; tortor in illum expromas: tamen nunquam eum de insitâ mentis fidelitate deduces, nunquam ut officium prodar, induces.

5. *Inter deputatos comites*] *Deputare* interdum notat assignare. Solinus: *Propter dies impares dijs superis Januarius dicatur, & propter pares Februarius, quasi abominosus dijs inferis deputatur.* Sulpitius Lib. 1. *Turba inutilis servitio exercendû colendisq; agris, ne incultum esset solum, deputata.*

7. *Sensati animi*] *Sensatus*, est sensu valens, intelligens, prudens. 2. *Chronic. II. v. 12. Filius sapientem, & eruditum, & sensatum, atq; prudentem.* Robertus, Rex Franciæ XXXVI, qui obiit Anno Christi cło XXXI, Princeps pientissimus, in Hymno mellitissimo, & vere flammeâ Odâ, quam in laudem Spiritus Sancti cecinit, Commate VI: *Amator sancte sensatorum semper cogitatum.*

17. *Faceto imprecationis genere*] Amlethus enim per *ὀξύμωρον* Patruo suo Fengoni, interfectori parentis sui, imprecatur non solum luporum gregem, aliaq; noxia animalia, quæ & ipsum, & quicquid possideret pecorum armentorumq; lanarent, lancinarent, funditusq; devastarent; sed & quodvis exitium, imò extremam inopiam.

Pag. 51. vers. 5. *Arcanam juvenilis industria seram patefacere*] Translatio Saxonis dictioni conveniens, petita à rebus, quas arcis recondimus & seris occludimus. Nihil etenim est, à quo non similitudo, ac proinde Metaphora, duci potest. *Industria* autem positum pro *prudentiâ*.

49. *Præteritosq; ignes*] Id est, præteritum amorem, nempe conjugalem illum & castum, quo juncta Horvendillo marito fuerat. *Ignis* pro amore poeticum est. Virgilius 4. *Æneid. Cæco carpitur igni.* Claudianus de nuptijs Honorij: *Insolitos ignes hauserat virginis.*

Pag. 52. vers. 9. *Textilibus aulam nodis instruat*] Jubeat Amlethus, ut totius aulae suæ parietes aulais suspensis, & nodis quibusdam sibi invicem connexis & colligatis, undiq; secus exornet & circumducatur; veteri ex more, quo magnatum aulae, imminente solennitate aliqua, cultius instrui solebant. *Textiles* autem nodos hic usurpat fortè Saxo pro *aulæis*, textilibus sigillorum quasi nodulis elaboratis. Sed & aliquando legendum putavi: *textilibus aulam nodis instruat.* Nam sic infra: *Aulam dormientibus injici.* Et Lib. 5. *Põsi aulam consistere jussus.* Quin & ipse se explicat Saxo sub finem hujusce libri: *Deinde eadem, in qua procures passim fufus humi corporibus permixtam somno crapulam ructabantur, ingressus, compactam a matre cortinam, quæ etiam interiores aulae parietes obducebat, rescisit tenaculis, decidere coëgit.* Sic Lib. V. *Eodem deintus pensilibus per totam aulam obductæ erant.*

11. *Nam id celebre quondam genus chartarum erat*] Non una in materia scribebant veteres. Nam primò quidem in arborum stirpiumq; folijs scriptitatum fuit. Sic de palmarum, vel ut alij legendum censent, malvarum folijs, loquitur Plinius Lib. XI. *Ante chartarum usum in palmarum folijs primò scriptitatum.* Et Virgilius Lib. 3. innuit, ita de Sibylla canens:

*Insanam Vatem aspicias, quæ rape sub imâ,
Fata canit, folijsq; notas, & carmina mandat.
Quæcumq; in folijs descripsit nomina Virgo,
Digerit in numerum, atq; antro seclusa retinquit:*

— Illa manent immota locis, neq; ab ordine cedunt.

Juvenalis Sat. VIII.

Credite me vobis folium recitare Sibyllæ,

Idem Virgilius alibi:

*— folijs ne tantum carmina munda
Ne turbata volent rapidis ludibria ventis.*

Et hunc quidem scribendi morem ab ipsis A etiamnum Indis servari affirmat Hieronymus Oforius Lib. 2. de rebus Emanuelis Lusitaniæ Regis : *In scribendo, inquit, neq; chartâ utuntur, neq; papyro, sed stylo in folijs arborum sylvestrium literas exarant.* Et penes me est palmæ folium, cui stylo ferreo literæ sunt impressæ, ex India huc allatum : quod mihi dono dedit Amplissimus Vir, Dn. D. Olaus Wormius, cujus non possum non, ob singularem ejus erga me humanitatem, honorificam semper in hisce Commentarijs mentionem facere. Is etiam aliquando, cum Pinacothecam ejus, varijs & visu dignis refertam monumentis, perlustrarem, exemplum literarum amatoriarum Runicis Characteribus lignæ virgulæ incisis, mihi ostendere dignatus est. Deinde scribi cœptum in tenuioribus arborum philyris sive libris, qui pars corticis sunt ligno adhærens ; ut Platani, fraxini, aceris, populi albæ, item fagi & ulmi. Nonnunquam in ipso cortice. Hieronymus Epistola 1. Lib. 1. *Rudes illi Italiæ homines, quos Cascos Ennius appellat, qui sibi, ut in Rhetoricis Cicero ait, ritu ferino victum quærebant, ante Chartæ & membranarum usum, aut in dedolatis ligno codicillis, aut in corticibus arborum, mutua Epistolarum alloquia missitabant. Unde & portatores earum tabellarios, & scriptores à libris arborum, librarios vocavere.* Huc pertinent illa Venantij Fortunati Lib. VI, de literis in fagi cortice scribendis, & fraxineis tabulis :

Scribere quò possis, disingat fascia fagum,

Cortice dicta legi, sit mihi duce tui.

Barbara fraxineis sculpatur Runa tabellis,

Quodq; papyrus agit, virgula plana valet.

Scitè verèq; dixit Venantius *fraxineis tabellis sculpendas* esse Runas. Etenim antiqui suas Runas, hoc est, literas, tabellis ligneis, quas *Spisllid* & *Speldeste* nominarunt, commiserunt, non atramento, pigmento, aut colore illitas, verum cultellis incisas. Atq; hanc incisionem ad rita/ vel, ad rista vocitaverunt, quod est, leviter incidere. Atq; ita & literas ligno insculpebant. Tales fuerunt Solonis *ἄζωες*, hoc est, Leges, quas ita Athenienses appellarunt, quod illæ in ligneis tabulis essent inscriptæ : teste Svida & alijs. Ejusmodi fuit etiam Epistola, cujus hic Saxo mentionem facit. Postea in linteis scribendi modus inventus : de quibus Livius disertè Decad. primâ Lib. IV. *In discrepanti, ait, editione & Tubero & Macer Libros linteos authores proficiuntur.* Et mox : *Licinio Libros haud dubiè sequi linteos placet.* Et paulò superius : *Nihil enim constat, nisi in libros linteos utroq; anno relatum inter præfectos nomen.* Vopiscus in Aureliano : *Et si his contentus non fueris, lectites Græcos, libros etiam linteos requiras, quos Ulpia tibi Bibliotheca, cum volueris, ministrabit.* Hinc tandem in tabulis ceratis, seu cerâ obductis, stylo ferreo aut osseo, literas pingebant. Hæ tabulæ *Pugillares* diceban-

tur, quod pungendo scriberentur ; & à planâ formâ, *tabellæ* ; & quia ex codice arborum constarent, *Codicilli* ; imò & *Ceræ*, quia cerâ obducerentur. Plinius Lib. 1. Epist. *Erat in proximo non venabulum, aut lancea, sed stylus & pugillares : meditabar aliqua, enotabamque, ut si manus vacuas, plenas tamen ceras reportarem.* Plautus Curculione :

Dum scribo, explevi totas ceras quatuor.

B Etsi autem tabulæ sive pugillares ex variâ ligni fiebant materiâ, buxæas tamen frequentissimo in usu fuisse video. Ut taceam quod in ære, plumbo, lapidibus, intestinis animalium, ebo-re, veteres scripsisse memoriæ pròditum sit. Deum Membranæ scribendi materiam veteribus suppeditabant. At ultimum Chartæ seu papyri genus inventum est, quæ ex linteolis conceptis & aquâ maceratis, & postea in lanuginem contritis conficitur ; quæ hodieq; in usu est. Atq; hæc breviter hoc loco dicta sufficiant de materiâ scripturæ concinnandæ aptâ & idoneâ. Plura qui desideret, adeat Gvidonem Pancirollum. Lib. 2. de Novis repertis, Titulo XIII. de Chartâ. Guilandinum de Papyro : et Alexandrum ab Alex. Lib. 2. Genial. dier. Cap. 30. Christoph. quoq; Brovverum in Notis ad Lib. 7. Venantij Fortunati. p. 190. Item Hermannum Hugonem Cap. X. de prima scribendi Origine, & universa rei literariæ Antiquitate.

D 12. *Quibus Britannorum Regi transmissi sibi juvenis occisio mandabatur.* Tales erant Literæ, quas Prætor ad Jopaten hospitem deferendas Bellerophonti commisit. Unde Proverbium ortum est : *Βελλεροφόντης τὰ γράμματα :* quod extat apud Zenodotum, & Erasmum. Chiliadis II. Centur. VI. Neq; dissimilis est historia apud Hebræos, de Vria.

Pag. 53. vers. 8. *Neminem se præter regem passam* Protestatur Regina se cum alio caput non collimasse, aut concubuisse, quàm Rege. Pati de rebus Venereis frequenter adhiberi, notissimum est. Ovidius III. de arte : *Concubitus pati.* Quà in significatione usurpare videtur Cæsar apud Sallustium, describens belli effectus : *In bello, inquit, videmus rapti virgines, liberos avelli à parentum complexu, matres familias pati, quæ victores volunt.* Hinc passivi amatores Julio Firmico Lib. VII. Cap. 18. & Lib. VIII. Cap. 23. *Passivæ libidinum nundinatio.* Aldhelmo quoq; Cap. 1. de Laud. Virginit. *Passivus* dicitur Impudicus, inhonesta patiens, qui alijs autoribus *paticus*, sive *pathicus* ; ut sit à Græco παθῶ. Juvenalis Sat. II.

Ille tenet speculum pathici gestamen Orthonis.

Vetus Vocabularium : *Pathicus, Sodomita, impudica patiens.*

26. *Clām cavatis baculis infundendum cura-*
vit] Sic & Brutus Delphos profecturus cum
 Tarquinij filijs, quos ad Apollinem Pythium
 muneribus sacrificijsq; honorandum ille mise-
 rat, *aurum Deo nomine doni* (verba hæc sunt
 Valerij Maximi Lib. VII. Cap. 3.) *clām cavato*
baculo inclusum tulit. Eadem de Bruto legere est
 apud autorem de Viris illustribus : *Juvenibus*

A regijs Delphos euntibus, ridiculi gratiâ, comes asitus,
baculo sambuceo aurum infusum Deo donum tulit.
 Ita & Annibal, calidissimus Imperatorum,
 ad Prusiam Regem contendens, aurum suum
 in statuis, quas secum portabat, infudit; ne
 inspectæ opes vitæ nocerent : teste Justino,
 Lib. XXXIII.

NOTÆ VBERIORES IN LIBRUM IV. HISTORIÆ DANICÆ SAXONIS GRAMMATICI.

Pag. 34.
 vers. 42.

Quibus in Regem fides] Regis Vo-
 cabulo hic, non totius Daniæ
 Regem Roricum; sed Jutiæ
 Præfectum seu Proregem, seu Vicarium Re-
 gium, intelligendum esse, manifestum erit &
 planum ei, qui superiora simul & sequentia
 attentius considerarit. Nam præter alia & su-
 præ, Fengo Rorici Regis metu à cæde Amlethi
 abstinuisse dicitur : & infra, Rórico defun-
 cto, ei successisse in regno Viglethus expresse
 narratur. Et sic infra quoq; Lib. V. sub Rege
 Frothone Hóginus Jutorum Regulus appella-
 batur. Rex itaq; non est βασιλεύς hoc loco;
 verum ἀναξ. Ἀναξ autem ὁ Φεγγιστής, curator
 & inspector. Ἀναξως enim est ἐπιμελώς, di-
 ligenter, & cum curâ : id quod antè me obser-
 vavit Rex ille Criticorum Daniel Heinſius in
 Notis ad Oden 36. Lib. I. Venusini Vatis. E-
 jusmodi Proreges sive Vicarij Regij Daniæ dice-
 bantur antiquitus Under Konger sive Statte
 Konger : quales habuit multos olim Norr-
 gia, attestante passim Snorrone Sturlesonio, in
 Chronico Norvagico lectu dignissimo.

Pag. 55. vers. 11. *Incineravi ego alios*] *Incine-*
rare hoc loco est, in cineres redigere. Invenio
 etiã vocem hanc apud Cæsarium Heister-
 bachensem, qui Saxoni nostro *Hyxxen*
 fuit, Lib. IV. Histor. Memorab. Cap. 99. Ubi de
 Juvene quodam sermo est, qui ab adulterâ mu-
 liere, quod in illius amorem consentire nolue-
 rit, stupri accusatus, & ignis supplicio ne-
 catus est. *Juvenem hunc, inquit, luxuria per sæ-*
minam pervasit, corpus ejus incineravit, sed non su-
peravit. Et Lib. X. Cap. 67. *Vidit bufonem*
extinctum sua sequi vestigia; quem cum denuò
transfodisset, & multoties concremando incinerasset,
non tamen profecit. Uſus hac quoque voce
 Gvillermus Brito Armoricus Lib. I. Philippi-
 dos :

————— *Captumq; solo prostravit, & iræ*
Motibus indulgens radicatus incineravit.

B Et pag. 241.

Quotquot apud Brajam Judeos repperit omnes
igni supposito, Domini pugil incineravit.

Et Lib. II. pag. 245.

Dum pro Ferrando, sua mania versa, recepto,
Turritasq; domus viderunt incineratas.

Et pag. 246.

Non cessat populos populari, ducere prædas,
Incinerare domos, in vincula trudere captos.

Et Lib. III. pag. 260.

Dum per circuitum fumos videt undiq; volvi,
Ruræq; tot subitis simul ignibus incinerari.

Et Lib. IV.

Ebroicas primò sic incineravit —————

Et alibi passim. Joannes item Hantvillensis
 Architrenij, Lib. 6. Cap. 3.

Audit & incinerat gelidis fornacibus ignes,
Et sepelit vicam prius Architrenius iram.

Atq; ita Pagninus juxta ac Vatablus verbum
 illud Hebræum *Jeduschne* interpretati sunt, quod
 extat Psalm. XX. v. 3. *Et holocaustum tuum incine-*
ret. Germani hodiè dicunt *Einäschern*.

24. *Ab amicis consputus*] *Consputus*, pro con-
 temptus. Plautus : *Ab omnibus derisus atq; conspu-*
rus.

30. *Quem non passionum mearum compassio*
molliat:] Par hic occurrit vocum inventu ra-
 rum, & usu ferè incognitum. Earum tamen
 ultimam usurpare non dubitarunt Petrus Chry-
 sologus Sermone XX. de sedata à Christo ma-
 ris tempestate, ad hæc verba : Domine, salva
 nos perimus. Nec tamen, inquit, *ulla compassio,*
pietas ulla, ullus pavor, quicunq; pudor nos vel com-
punctio exsuscitat ad dolorem. Et mox sequenti
 Homiliâ XXI. ad hæc verba : Et erat in puppi
 dormiens : *Ad dormientem confugiunt vigilan-*
tes, & credunt obistere servientibus Elementis eum,
cui somnum dominari sua compassione conspiciunt.
 Ivo Carnotensis Epist. XXXVI. Hæc ratio mihi
 E *servanda videtur, ut nihil eis detur, nisi intuitu &*
compassione humanæ indigentæ. Hericus Mona-
 chus Altissiodorensis Vitæ S. Germani Lib. III.

Verum nota bonis fessi compassio fratris

Cui non ferre manum pars est indignareatus.

Compassio igitur idem hic erit, quod condoleſcentia; quæ Germanis mitleiden.

44. *Patricio ſuſcipite ſpiritu*] Hoc eſt, fortia præſenti animo. Sic infra Lib. XV. Abſolon Archiepiſcopus *patricij ſpiritus Pontifex* dicitur. Imitatus eſt Saxo Valerium ſuum, qui Lib. VI. Cap. I. ad eundem locutus eſt modum: *Virginij plebeji generis, ſed patricij vir ſpiritus.* Ita & Livius Lib. 4. Decad. 1. *Hortenſius ad Semprouium converſus, ubi illi patricij ſpiritus, ubi ſubnixus & fidens innocentia animus eſſet, quærebat.*

Pag. 56. verſ. 5. *Rex alacri cunctorum acclamatione cenſetur*] Rex, id eſt, Jutorum Præfectus, non Daniae Rex: quomodo ſuprà hanc vocem expoſuimus. Roricus etenim tum legitimus Daniae Rex erat & Monarcha; cui dignitatum jura dandi tollendiq; jus erat, ut Saxo mox loquitur.

9. *His apud Daniam geſti*] In Jutia nempè, potiffima Daniae provincia: ut cognoscere licet ex illis, quæ libro præcedente fuerunt, verbis: *Ut Jutiam attigit.*

15. *Exquifitū picturæ notis adumbrandum*] Solenne fuit & uſitatiffimum vetuſtiſſimis Heroum, res geſtas ſuas, aliorumq; in clypeis ſcutisq; militariſus depingi jubere. Sic conditæ Carthaginis contextum habes in clypeo, quem Callecti dono Annibali miſerant, de quo Silius Italicus Lib. II. pag. 81, & 82. ab illo verſu: *Condebat primæ Dido Carthaginis arces:* uſq; ad, *Pænorum populos Romana in bella vocabat.* Integrum enim heic locum adſcribere, brevitatis cauſa, ſuperſedeo. Quin & in Græcia communiffimum fuiſſe ſtudium ſcuta clypeosq; pingendi, elaborandi, & fortium virorum factis ornandi, teſtis eſt Homerus Iliad. Σ. de clypeo Achillis:

Ποίει ὃ πρότερον πάντῃ μέγατε τιμὰρ ὄντε
πάντοτε δαίδαλλον

quod latè modo poſtea proſequitur, ut cum inquit: — *αὐταρ ἐν αὐτῷ Ποίει δαίδαλα πολλὰ ἰδύησι περὶ δέσσιν.* Sic & Virgilius VIII. Æneid. Æneam admirari ſcribit elegantiam divini operis in armis, inprimis vero

————— *Clypei non enarrabile textum:*

Illic res Italas, Romanorumq; triumphos,

Haud vatum ignarus, venturūq; inſcius ævi,

Fecerat ignipotens —————

18. *Iſthic depingi videres Horvendilli jugulum*] Hiulca videtur & deficiens Oratio; niſi ſi voce aliquà ſuppleatur. Itaq; vel ſic legendum exiſtimo: *Horvendilli jugulum conſoſſum; aut abſeiffum;* vel, *Horvendillum jugulatum,* vel tandem, *Horvendilli jugulationem.* Ipſe expendas, Lector.

53. *Juratoria præponderavit fides*] *Juratoria fides* procul dubio hic erit *fides jurata*, ſeu pactio jurejurando firmata, cujus paulò antè meminit. Quæ vox paucis, quod equidem ſciam,

A uſitata eſt autoribus. In Codice quidem Legum Scanicarum, quas ante 450 annos Latinas reddidit Andreas Sunonis, Archiepiſcopus Lundeniſis, ſit mentio *juratoria cautionis*, quam Lingua patria *Erngeed* appellat. Lib. V. Cap. IV.

54. *Hospitalitatis ſacra violare nefas credebatur*] Antiquiſſimi fuit inſtituti, ut hoſpitij neceſſitudo non modo inter privatos, ſed etiam inter populos contraheretur: neq; id quidem modo, ſed etiam inter ſingulos privatosq; homines & civitates: quod genus amicitia Græci *περοξενίαν*, Latini, *hospitium publicum* nominant. Nam quod hoſpitium inter privatos contrahebatur, Græcè *ιδιοξενία*, Latine *privatum hoſpitium* dicebatur; cujus erat nota pignusque *teſſera hoſpitalis*. Unde & illud apud Plautum in Pœnulo: *Deum hoſpitalem & teſſeram mecum fero.* Et in Ciftellaria: *Abi quærere, ubi tuo jurejurando ſatis fiet ſubſidij; Hic apud nos jam fidei confregiſti teſſeram.* Lucianus: *Ὅυτε*

C *Ἀρεαγαντιῶν περοξενῶν, ὅτε ιδιοξενῶν αὐτῶν Φαλάρεδῶν.* Demotheſes in nobili illa Oratione pro Cteſiphonte, objicit Æſchini, quod Legatos quosdam Philippi hoſpitio ſuſceperit, & quod hoſpitij jus cum eis contraxerit: *καὶ οὐ περοξέν. ἰς αὐτῶν.* Livius Lib. V. de Timotheo Liparenſi loquens, qui Legatos Romanos hoſpitio exceptos reduxerat: *Hoſpitium,*

D *inquit, cum eo, ex Senatus conſulto, factum eſt, donaq; publice data.* Idem Lib. VIII. de Bello Macedonico: *Princeps Legationis, expoſitis inirijs amicitia cum Pop. Romano, meritiſq; Rhodiorum; Nihil,*

inquit, nobis tota noſtra actione, Patres Conſcripti, neq; difficilius, neq; moleſtius eſt, quam quod cum Eumene nobis diſceptatio eſt, cum quo uno maxime Regum, & privatum ſingulis, & quod magis nos movet, publicum civitati noſtræ hoſpitium eſt. Cicero in Verrem act. Ult. de Senatu Syracuſano verba faciens: *Decernunt ſtatim, ut fratri meo hoſpitium publice fieret.* Cæſar de Hædus loquens: *Quibus prælijs calamitatibusq; fractos, qui & ſua virtute, & Populi Romani hoſpitio atq; amicitia plurimum antè in Gallia potuiſſent, coactos eſſe Sequanis obſides dare.* Arcum autem neceſſitudinis hujus fuit olim vinculum, atq; etiam divini numinis reverentia ſanctum, quod juris hujus diſceptationi præfecit antiquitas, *jovem hoſpitalem* appellans & invocans, quaſi hoſpitij præfidem & Vindicem: Græci *ξένιον* & *ἐφέσιον*

E dicunt, quaſi contubernalem aut Lararium. Cicero in Verrem actione proximè citatà: *Pater aderat Dexio Tindaritanus, homo nobiliſſimus, hoſpes tuus, cujus tu domi fueras, quem hoſpitē appellaveras. Eum quum illa authoritate & miſeria videres præditum, non te ejus lacryma, non ſenectus, non hoſpitij jus atq; nomen, à ſcelere aliquam ad partem humanitatis revocare potuit. Sed quid ego hoſpitij jura in hac tam immani belluâ commemoro, qui Sthenium abſentem, & hoſpitē ſuum in reos*

retulerit.

retulerit. Idem in Verrem III. hospitij necessitudinem *artissimam* appellat. Et nullam veteres perfidiam sceleratiorem esse merito censebant, quam quæ in hospitem admittitur, ab eo, qui hospitio alicujus crebrius exceptus fuit. Videatur Guilielmus Budæus Annotation. Posterior. in Pandectas ad Legem postlim. De Captivis, pag. 165, & 166. Inde & *hospites* olim in gradu atq; ordine officiorum tertium obtinebant locum: quâ de re elegans est locus A. Gellij Lib. V. Noct. Attic. Cap. XIII. *Constabat*, inquit, *ex moribus Populi Romani, primum juxta parentes locum tenere pupillos debere; fidei tutelâq; nostræ creditos; secundum eos, proximum locum clientes habere, qui sese itidem in fidem patroni-umq; nostrum dediderunt: tunc in tertio loco esse hospites; postea esse cognatos affinesq;.* Itaq; iustissima illa hospitis ingrati poena fuit; quam commemorat Seneca Lib. IV. de Beneficijs, Cap. XXXVII. Philippus Macedonum Rex habebat militem manu fortem, cujus in multis expeditionibus *utilem expertus operam, subinde ex præda aliquid illi virtutis causâ donaverat, & hominem vernalis animæ crebris auctoramentis accendebat.* Hic naufragus in possessiones cujusdam Macedonis expulsus est. Quod ut Macedoni illi nunciatum est, accucurrit, spiritum ejus recollectit, in villam illum suam transtulit, lectulo suo cecidit, affectam semianimemq; recreavit, diebus triginta impensâ suâ curavit, refecit, viatico instruxit subinde dicentem: *Gratiam tibi referam: videre tantum mihi Imperatorem meum contingat.* Narravit Philippo naufragium suum, auxilium tamen, & protinus petijt, ut sibi prædia cujusdam donaret. Ille quidam erat hospes ejus, is ipse, à quo receptus erat, à quo sanatus. Philippus illum in bonâ, quæ petebat, induci jussit. Expulsus bonis suis ille, non, ut rusticus, injuriam tacitus tulit, sed Philippo Epistolam strictam ac liberam scripsit. Quâ acceptâ ita exarsit, ut statim Pausaniæ mandaret, bonâ priori domino restitueret. Caterum improbißimo militi, ingratißimo hosti, avidißimo naufrago, stigmata inscriberet, ingratum hospitem testantia. Dignus quidem fuit, cui non inscriberentur illæ literæ, sed insculperentur, qui hospitem suum, nudo & naufrago similem, in id, in quo jacuerat ipse, litus expulerat. Hactens Seneca. Ergo non injuria inter vitia ferrea ætatis id quoq; recenset Ovidius Lib. I. Metamorphos. Fab. IV.

*Vivitur ex rapto, non hospes ab hospite tutus;
Nec socer à genero, fratrum quoq; gratia rara est.*

Pag. 57. vers. 24. *Ex affixis notulis argumenti summâ elicit*] Hoc ait, non tam ex artificio ipso, quam lemmatis ascriptis, rem à Regina & quidem curiosius contemplatam, agnitam. Ruditatis hoc seculi indicium erat, ac pictoriæ artis infantia, quæ nisi notorijs titulis agnosci non poterat.

Pag. 58. vers. 34. *Subarmalem vestem indu- tus*] Sic paulo post: *Ni ferrum subarmalis toge*

durities reppulisset. Papias: *Subarmales tunicæ dicuntur succinctæ, id est curtæ.* Math. Martinus Etymolog. *Subarmalia, quæ sub armis induuntur.*

36. *Adeo honestatem in cunctis observandam putavit*] Recte observavit in Conlectaneis suis Cl. Vir, M. Brynolfus, Episcopus Scalholtenfis, *honestatem*, quam hic Amletho Saxo adscribit; ad fortitudinem animi transferendam. Noluit enim Amlethus timoris aut ignavia opinionem facere Britannia Regi, convivium insidiosè paratum detrectando, quasi vitæ nimium sollicitus; & salutis cautus fuisset. Nam si subterfugisset, certus erat, formidinem sibi objectam iri, vitium illis temporibus plusquam capitale. Etenim sæpe, quo repellerent hanc maculam, præsentaneo mortis discrimini se objecerunt. Adeo necem certissimam pati, quam hoc verbum *timidi*, maluerunt. Quod cum hostes probe nossent, sæpe hac technâ Heroas numero suorum oppresserunt; objectantes timorem, nisi congrederentur. Cujus dicti fere semper impatientes vitam amiserunt; dum fortes videri volunt, prudentiam deferentes.

Pag. 59. vers. 8. *Fraudato Lethrarum Rege.* Qui idem Rex Dania esset. Nam sic *κατ' ἐξοχήν* dicebantur Dania Reges, à totius Dania Metropoli; & regia arce atque sede *Lethra*; de quâ abundè superius dictum nobis.

9. *Jutia regnum occupasse conquestus*] Diligenter notandum opinor, quod hic Saxo scribit, tyrannidi suæ Vigletum, quâ in filij absentia, matrem Amlethi divexavit, *σφόν Φάγμαδον*, & sapiens commentum invenisse, quo se purgaret, ac si opus esset, excusaret; videlicet, se prius ab Amletho læsum jus suum repetere. Etenim Daniam primis temporibus regulos plures habuisse, adeo ut in Jutia unus, in Sælandia unus, in Scania, ac Fionia, itidem unus fuerit, ex *Jomsvitiinga Sagu* & alijs monumentis, liquido constat: qui tamen omnes sub universali Dania Monarcha; & potissimum Lethrarum Rege, sua imperia administrarunt; atq; ejus beneficio regna obtinuerunt. Ideoq; eos *populi Reges*, *Syltistonga* vocarunt, quod certo populo; non universæ genti; imperitarunt; cæteros autem, *Reges gentium*, *Ethotungum*. Erant itaq; illi quidem Reges, sed disparati à regibus gentium. Quod ubi diligenter observamus; duò nobis, satis alioquin infesti tolluntur scrupuli: unus, quod Dania Regum nonnulli in Historijs nominantur; quorum tamen neq; Saxo, neq; alius; qui universalem Historiam scripsit; meminere. Nimirum; hi beneficio regnum, non successione aut electione tenuerant; atque alicui majori Regi, inprimis Lethrarum principi, quodam modo obnoxierant. Alter, quod illorum posteritatis, quæ etiam regnarit, rara sit mentio. Indidem hoc factum opinor. Quando-

quidem enim penes Lethranos potestas erat regni tribuendi adimendiq; ut promotos volebant illi suos, vel propinquos, vel amicos, ita illis, tanquam præmia virtutis, regna ista minora assignarunt. Sæpius verò sine aliis regibus partes illæ manebant, & universalis illius Lethrani duntaxat imperio parebant: nempe, si vel non erat, qui sceptris dignus putabatur, vel ipse dominandi cupidior, non ferebat alium, quam se in patria regem salutare. Quam observationem diligenter tenere convenit. Non tam causatur ergo Vigletus, quod Amlethus Rex in Jutia dictus fuit, quam quod iniussu Lethrarum Regis, regnum in Jutia occupaverat, cum ejus autoritate beneficioq; ratum illud regnum esse confveisset. Proinde majestatis imminutæ causam tyrannidi prætexit Vigletus. *M. Brynolfus.*

14. *Ad locum, cui Undensakre nomen est*] Fortè intelligit Schytiam, sive Tartariam, quæ Idiomaticè Norvagico antiquitus dicebantur *Serckland.* Nam verisimile est in longinquas terrarum oras concessisse Fjallerum, demendæ ignominia causâ, ubi nec Pelopidarum facta, neq; nomen audiret. Clarissimus Vir, M. Brynolfus Sveno-
nius, existimat Saxonem scripsisse *Wdaensatur*: quem sibi commenti sunt antiqui agrum solo fertilissimo, quem bonos & quietos homines ab hac vita excepturum crediderunt, ubi immortales manerent justi & pacifici homines, quiq; strepitum Valhallæ non affectarent, verum in vita ad præclara pacis ac togatæ virtutis merita à sago transiissent, ac mortalibus hac ratione publicè profuissent, ubi in alternis delicijs ac voluptatibus versarentur, sine labore, metu, ac molestia, ipsaq; adeo morte. Unde nomen accepit *Wdaensatur*, id est, *Ager immortalium*, aut, *Vitalis ager*, aut, *Ager Superstitum*. Ille verò ager bonis tantum, ut dixi, viris, & qui justitiâ, alijsq; magnis, præsertim togatæ virtutibus, illustres fuere, patuit, ut sanguinarijs & cruentis *Valhalla*. Nam *Gimbell* in cælo, deorum immortalium, ac bonorum Dæmonum locus credebatur: *Huergemell* / perditissimorum ac pessimorum: *Nelgrindur* / vulgi turbæque mortalium ignobilis: *Bathalla* / Regum, Heroum, Asarum, Ducumq; in bello fortiter occumbentium: *Wdaensatur* / optimorum, virorum, ac virtutum claritate præclare de genere humano meritorum. Jam verò, quamvis alicubi terrarum locum hunc existimabant, ubi tamen esset potissimum, vulgò nescitum est. Antiquitates Islandicæ innuunt opinionem fuisse, ultra Grandvicum, Norvegiæ terminum, ubi *Jotumheimos* ponunt, esse: ac potissimum *Glaßewell* / id est, splendidos campos. Hinc erant, qui peregrinationem sponte susceperunt *Wdaensatur* inquirendi causâ. Ex quorum numero Fjallerum Saxonianum extitisse opinor, qui post rem non è sententia bello gestam,

A militaribus artibus & Reipublicæ se subduxerit, atq; peregrinationem longinquissimam susceperit. Ex qua quia nunquam redierit, verum in remotissimis, ac disitisimis locis diem suum obiverit, unde certus nuncius ad populares & gentiles non pervenerit; hominum familiaris superstitio, omnia in majus fingens, Fjallerum non reversum, in hoc immortalitatis agro versari credidit, ac amicorum desiderium consolata est.

39. *Insignis ejus nomine ac sepultura campus apud Jutiam extat*] Qui hodieq; appellatur *Amlets Hede* / teste Cl. Viro, M. Andrea Vellejo, Saxonis interprete non infelice.

49. *Ut labiorum continentiam jugi silentio premeret*] Simile exemplum refert Cuspinianus de Maximiliano Primo Imperatore: cujus coronationem pater Fridericus III. cum lacrymis spectasse dicitur, eo quod ab infantiâ panè in nonum ætatis annum, quasi elinguis fuisset, ut plerisq; mutus judicaretur; qui tamen in perfecta ætate, facundiâ fuit admirabilis. Nempe quemadmodum præcocia ingenia raro solent ad frugem pervenire: ita contra quæ initio plurima habent vel sensuum obstacula, vel sentiunt alia incommoda, postmodum tarditatem alacritate & magnitudine rerum gestarum compensare videmus. Et juxta Baptistam Mantuanum:

Pag. 60. vers. 26. *Frovvini filios V Vermundus paternæ dignitatis honoribus evehit*] Ex his verbis colligas, Slesvicensem Præfecturam olim precariam & beneficiariam à Danorum Regibus extitisse.

Omne quod excellens opus & sublime futurum, Difficiles ortus habet incrementaq; tarda.

41. *Felicem recentis vulneris ultionem*] Id est, Gladis acceptæ eade Frovini. Frequentissima Saxoni est hac in significatione vocis hujus usurpatio; quomodo semel aut iterum monuisse me memini. Scilicet Valerium Maximum etiâ hac formula expressit, apud quem similis planè *τὸ Vulneris* notatio sæpius occurrit. Libro II. Cap. 8. *Piget tædetq; per vulnera Reipublicæ ulterius procedere.* Et Lib. VI, Cap. 2. *Obducta jam vietis cicatricibus bellorum civilium vastissima vulnera revocare.*

Pag. 61. vers. 7. *Receptum à Rege craterem*] Ità legendum duxi pro *cruorem*, quod in antè excusis erat. *Craterem*, id est, poculum à Rege donatum.

21. *Hos siquidem esse*] In prioribus ità legabatur editionibus: *Hos siquidem, quos diuturna armorum experientia.* Sed omnino supplenda oratio erat *τὸ esse*, quæ alioquin obscuritatis nonnihil contraxisset.

Pag. 62. vers. 6. *Patriamq; cædis causâ liquisse testantur*] Cædis, scilicet non perpetrata, sed ulciscendæ. Nam in paternæ cædis ultionem conjuraverant. Et sequitur: *Quod Rex eos, non*

de

de patrando facinoris voto, sed de patrati noxâ a- A
struxisse credebat.

8. *Arenam pressit*] Substitit, pedem eo in loco, ubi Keto & Wigo eum occuparunt, ex improvise fixit, quod imminentes vitare deforme existimaret. Locutio est ab Athletis desumpta. Sic *gradum & vestigia premere* Poëtæ usurparunt. Valerius Flaccus II. Argonaut. *Gradum pressere attoniti*. Virgilius VI. *Æneidos*: Sic *effatus vestigia pressit*. Ità & Livius Lib. VIII. *Pedem premere*, pro *figere* dixit. Dani dicerent: *Dand holt stand*.

45. *Duos siquidem cum uno decernere ut iniquum*] Nam, ut in Proverbio est: *Ne Hercules quidem adversus duos*. Et erat hæc apud veteres pugiles duelli lex, ne duo unum aggrederentur; verum singuli cum singulis dimicarent.

Pag. 63. vers. 24. *In proverbium apud externos ductum*] Quod & apud nostrates inolevit, hanc in sententiam: **ΑΤΙΜΗ ΒΑΝΕ ΒΡΑΙΡ ΠΑΥΝ ΥΥΒΙΡΗ ΝΑΜ.**
Achilles bane bræd gamle Kempers vane.

50. *Subitoq; velut ex muto vocalis evasit*] Sic apud Gellium Lib. V. Cap. 9. legere est de filio Cræsi Regis, qui diu mutus & elinguis habitus est. Cum vero in patrem ejus bello magno victum, & urbe, in quâ erat, captâ, hostis gladio deducto Regem esse ignorans, invaderet: diduxit adolescens os clamare nitens: eo- D que nisu & impetu spiritus vitium nodumq; linguæ rupit; planeq; & articulate elocutus est, clamans in hostem, ne Rex Cræsus occideretur. Item de Samio quodam Athletâ, qui cum antea non loquens fuisset, ob similem dicitur causam loqui cœpisse.

Pag. 64. vers. 7. *Nec mora, condicatur pugne locus*] Hic non injuria quæritur, An in bello, à parte utriusq; exercitus, unus aut plures eligi possunt, à quorum fortitudine universa debet stare victoria? Affirmativa videtur probabilis. I. Exemplis ubiq; obvijs, ut Davidis cum Goliatho, 1. Reg. 17. & militum Abneri atque Joabi, 2. Reg. 2. Item Romanorum & Albanorum, ut legere est apud Livium Lib. III. Sic Monomachias sapius de rerum summa olim à nostratibus & vicinis nationibus institutas, non solum præsens hoc Ulfonis, qui cum Saxonie principe de imperio, duello confligit, exemplum, verum etiam aliorum Historicorum monumenta testantur. II. Ratione, quia sine magnâ clade & multo sanguine finis obînetur, nempe victoria. Sed hodie hunc morem merito deferendum esse putamus. Nam I. periculosum est universæ gentis imperium unius virtuti & fortunæ committete. II. Hoc nostro seculo magis periculosum est, quia bombardæ usu, minimo negotio, vel à vilissimo cacula interficitur vir fortissimus.

19. *Tantoq; ætatis spatio*] Nempe ad tricesimum ætatis suæ annum. Sic etenim de Ulfone Syeno Aggæi, Saxonis *συχεςου*, Cap. 1. Hystor. Dan: *Hujus filius extitit Vermundus; qui adeo prudentiæ pollebat virtute, ut inde nomen consequeretur. Unde & Prudens dictus est. Hic filium genuit Uffi nomine, qui usq; ad tricesimum ætatis suæ annum sandi possibilitatem cohibuit*.

26. *Danis opprobrio extabat*] Hic etiam audis, Slesvicensium delictum, quo contra unum & solum duo dimicant, Danicæ gentis convictio ludibrioq; adscribi. Quare Slesvicenses Danos olim habitos esse, hinc firmiter colligas. Quod annoto contra quorundam opinionem, qui regni Danici terminos, citrà quàm par est, migrant, Hofatos Germaniæ adscribentes, quos jure meritissimo prius sibi Dania vendicavit. Nam quorsum alioqui Slesvicensium dedecus homo Danus genti suæ ignominiosum dixisset?

45. *In profunda defoderat*] Recepta consuetudine charissimas rerum usibus mortalium interverterunt. Atqui enses & gladios, secundum corpus, gens illis solis tota dedita, diligebat: ac proinde, vel secum sepeliverunt gloriæ suæ ac fortunæ vindices, quod multæ nos Historiæ docent; vel quovis modo alio abdiderunt. Erant etiam, qui famam post fata aucupantes, vel saxis subdiderunt ingentibus, vel in puteos ac profundas voragines demerferunt, positis præmij vice depositis armis, si quis postea tanta virtute exurgeret, qui superatis obicibus ac difficultatibus, illa sibi assereret. Similiter Vermundus exspes futuri successoris, *Screp* gladium ante diem absconderat, melius illum sicperire arbitratus, quam si vel promiscuo vulgo publicaretur, vel in hostium manus, & pessime meritorum hominum, traderetur, qui illo ad vexandam patriam abuteretur. Illa E fuit ejus temporis *ζαλοτυπία*.

Pag. 65. vers. 37. *Nimietate gaudij vultum fletu solvis*.] Hoc est, præ gaudij magnitudine, abundantia, vehementia. Apulejo, Arnobio, Ammiano Marcellino, Martiano Capellâ, alijs, que medijs ævi scriptoribus, vox non inusitata. Apulejus Lib. II. *Oppido formido, ne nervus rigoris nimietate rumpatur*. Et Lib. III. *Hi gaudij nimietate gratulari, illi dolorem ventris manuum compressione sedare*. Et Lib. IX. *Insignis tutela nimietate instinctus atq; inflammatus*. Arnobius Lib. IV. p. m. 78. *Que vel cursim perstrinximus, vel nimietatis non attigimus tædio*. Et Lib. VII. pag. 137. *Sequitur ut de thure deq; mero, aliquid sine ulla nimietate dicamus*. Ammianus Marcellinus Lib. XIX. pag. 149. *Nimietatem frigoris aut caloris, vel humoris, vel siccitatis, pestilentias gignere, Philosophi & illustres Medici tradiderunt*. Martianus Capella Lib. VI. pag. 196. de Zonis loquens: *quarum tres intemperies multa à contrariorum nimietate relega-*

relegavit. Johannes Cassianus Collat. 2. Cap. 16. A Et :

Omni igitur conatu debet discretionis bonum virtute humilitatis acquiri, quæ nos illesos ab utraq; potest nimietate servare. Vetus namq; sententia est, *ἐκ γῆτης ἰοῦντης*, id est, nimietates æqualitates sunt. Ad unum enim finem nimietas jejuniæ & voracitas pervenit. Eugippius in Vita S. Severini, Cap. IV. pag. 6. Ad cuius immanitatem frigoris comprobendam, testem constat esse Danubium, ita sæpe glaciali nimietate concretum, ut etiam plaustris solidum transitum subministraret.

42. Ità Saxoniarum regnum ad Danos translatum] Regnum hic diserte Saxoniam vocat, & verissime. Nam Odinus filiorum suorum Baldum illo donavit, teste Edda. Illud notatu dignum, quod gentes illæ omnes, quibus Odini filii imperitabant, eandem linguam servaverint, Sveones, puta, Dani, Norvegi, Saxones, etc. In illis etenim omnibus miram deprehendunt convenientiam, qui radices ac fontes vetustatis eruere velint. M. Brynolfus.

54. Terro superbia squalore fuscavit] Unde & Superbi cognomen meruit. Hunc etenim esse Danum puto, cuius meminit Snoro Sturlesonius in antiquissimo illo Norvagiæ Chronico, quod egregio publico in lucem edidit Studiosissimus Antiquitatum Patriæ conservator D. Olaus Wormius, pag. XVIII. Vdi disse for-
benefude Kongers tid udi Vpsal/ vare disse Konger i Danmark 1. Dan/ den Stolte eller Stor-
sindede/ hand blef saare gammel / 2. Hans Son Frode hin Stærke. [Nam ita legendum arbitror pro Frode hin Fredgode/ ut series Regum & Genealogia sibi accuratè conveniat.] 3. Frodis Sonner vare Halban och Fridlef. In Odini quoq; Genealogia MS. Dan hic dicitur **ÐANR YIVINATI**. Danur militate.

Sequentem verò Danum, qui Saxoni post Frothonem Vegetum regnasse traditur, non Danum, sed Haldanum, dicendum esse, omnino existimo, antiquà illa Genealogia adductus.

Pag. 66. vers. 8. *Homothum & Hógrinum*] Rescribe *Hógrinum*: aut ex nostro Idiomate *Hæmodum & Hægrinum*; quibus familiare est æ diphthongum, ut at pronunciare, ubi Dani p̃ professunt. M. Brynolfus.

22. 23. Fronsq; nullis armorum vestigijs exarata] Hoc est, Frons nulla vulnere, quæ ab armis infligi solent, signa ostendens; frons nullis cicatricibus insignita. Poëtice hoc dictum, quomodo multa in Saxone; ductà Metaphorà à sulcis, quos aratrum ducit. Virgilius VII. *Æneid*.

Et frontem obscenam rugis arat ———

Ovidius Lib. III. *Metamorphos*.

———— posuitq; ad tempora canos,

Sulcavitq; cutem rugis ———

Et alibi:

Jam venient rugæ, quæ tibi corpus arant.

Jamq; meos vultus ruga senilis arat.

Horatius:

Cum sit tibi dens alter, & rugis vetus

Frontem senectus exaret. ———

Plautus in *Bacchidibus*: rugæ consulant frontem. Apulejus *Apologetico* suo: frontem sulcis rugarum inaratam, dixit. Petrus Chrysologus Sermone CLIV. de Sarà: Si vetula conciperet ex-

B rata jam rugis. Hieronymus ad Heliodorum: Forsitan & laxis uberum pellicibus mater, aratà rugis fronte, antiquum referens mammae lallare congeminet. Item Epistola II. Nunc jam cano capite, & aratà rugis fronte. Et ad Furiam: Fronte rugis aratà, vicina est mors in foribus. Et in *Esaia* Cap. 40. Pulchra mulier, quæ adolescentulorum post se trahebat greges, aratà rugis fronte contrahitur, & quæ prius amori, postea fastidio est. Vide eundem in Cap. VII. Zachariæ: & Josephum C Devonium de Bello Trojano Lib. IV. pag. 102.

24. Bina quadrata formæ spatia] Apud veteres Danos duello pugnaturi areas quadratas lapidibus prius designare solebant, extra quas si quis fuisset robore adversarii pulsus, pro victo habebatur. Videatur Clarissimus Vir, multaq; tenens vetusta sepulta, ut cum Ennio loquar, D. D. Olaus Wormius, Professor in Regiâ Academia Hafniensi, mihiq; Affinis & amicus conjunctissimus, Monument. Danicorum Lib. I. Cap. 9.

39. Perinde ac continuo ponte juncta puppium tabulata præstarent] Navibus pontes fecerunt antiqui hoc modo. Naves plures parvo intervallo in ordinem collocarunt rectâ lineâ: deinde tabulis omnes inter se & cum terra conjungentes, transitum liberum ab unâ parte ad alteram præstiterunt. Quod suum temporarium opus, cum placebat, subito dissolvere poterant, reductis undique tabulis, & in naves tantillo intervallo disitas compositis, ut nulli, nisi cum vellent, trajicere licitum esset, nec tamen classem loco moveri necesse esset. M. Brynolfus.

43. *Hvirrvillus Hallandiae princeps*] Ità cum Svaningio, Meursio, Pontano, imo & Parento meo beatissimæ memoriæ, M. Johanne Stephano [cujus brevissimis ad oram Libri sui, quo ego nunc fruor, ascriptis Notis & Emendationibus, non parum me adjutum ingenuè profiteor] emendandum duxi, pro eo, quod in antehac divulgatis extabat Codicibus, *Hollandiae princeps*. Notatu vero digna est hoc de loco Observatio Pontani, Historiæ Danicæ Lib. I. *Hvirrvillum*, inquit, *Hallandiae*, ut supra indicatum, principem, perperam *Hollandiae principem*, Latini Saxoniæ Exemplaria typis excusa præferunt. Et perperam similiter, qui Saxonem Danicè transfulerunt, aff *Holland/ item, Hollender/ reddiderunt, reclamantibus præter alia, eamq; versionem arguentibus satis* ipsis illis,

illis, quæ posita sunt, Buggonis & Gunholmi, ceterorumq; nomenclationibus, Suetiam Hallandiamq; Daniæ Norvagiæq; conterminas, non Hollandiam, ævo adhuc Saxonis parum notam aut nominatam, redolentibus. Sed & in ea fui sententia legendum hic esse Halogalandiæ princeps. Est autem Halogalandia, quæ hodieq; Incolis Helieland / vel Helgeland dicitur, Saxoni alicubi Halogia, Provincia quædam in ea Norvagiæ plaga, quæ Nordlandia appellatur. Norvagiæ vero Imperium inter

A multos olim principes divisum fuisse, ex Chronico Norvagico antè citato liquido constat. Adde quod nomina illa Broddonis, Bildi, Buggonis, Fanningi, Gunholmi, Finni, idioma potius Norvagicum, quam Hollandicum respiciant.

17. Hostile ferrum carminibus obtundere solitum] Modum hunc aciem ferri obtundendi, at deniffa eggjar / nominarunt antiqui, crebro lectum in priscorum actis. Dani hodieq; dicunt; at daffue Suerd.

NOTÆ VBERIORES IN LIBRUM V. HISTORIÆ DANICÆ SAXONIS GRAMMATICI.

Pag. 67.
vers. 44.

Rerum exciderent summâ] Ità unice literâ vocem hanc auxi & locupletavi, quâ eam priores Editiones spoliaverant. Existat enim pro exciderent, quod ipse contextus flagitat, rō excideret, sensu genuino profus reclamante.

Pag. 68. vers. 7. Fallaciarum laqueis strangulabat] Imitatus est Martianum Capellam suum, qui ferè eundem in modum loquitur sub initium Lib. IV. Donec nexilis complexio circumventos ad interrogantis arbitrium strangularet.

12. Hos simul conceptos idem partus absolvit] Hic quidem locus esset dicendi de numerosâ prole simul uno partu editâ: sed ne multis exemplis benevolum Lectorem detineamus, sufficiat in præsentia meminisse, quæ Gellius Lib. X. Cap. 2. ex Aristotele de numero puerperij commemorat: Aristoteles, inquit, Philosophus memoriæ tradidit, mulierem in Ægypto, uno partu quinque enixam pueros: eumq; esse finem dixit multijugæ hominum partionis; neq; plures unquam simul genitos compertum. Hunc autem esse numerum ait rarissimum. Sed & divo Augusto imperante, qui temporum ejus historiam scripserunt, ancillam Cæsaris Augusti, in agro Laurente, peperisse quinque pueros dicunt; eosq; pauculos dies vixisse; matrem quoq; eorum, non multo post quàm peperit, mortuam; monumentumq; ei factum, jussu Augusti, in via Laurentina, inq; eo esse scriptum numerum puerperij ejus, de quo diximus. Unicum saltem addam de miraculoso illo puerperio filiæ Florentij, Comitissæ Hollandiæ, quod contigit Anno Christi 1278, secundum Mejerum, ex cujus Annal. Lib. IX. sequentia ascribenda duxi: Anno 1278 obiit Mathildis, filia Florentij Comitissæ Hollandiæ, ea quæ uno partu liberos peperit CCCLXV, qui omnes ab Othone, Episcopo Trajectensi, sacris abluti sunt fontibus, in pelvi simul jacentes, ac deinde obierunt. Hoc Mathildi accidisse putatur, ideo quod paupercule cuidam mulieri geminos exprobrasset, perinde atq; adulteræ, quæ conscia pudicitie suæ: Oro, inquit, Deum, ut tot parias ipsa, quot dies continet annus. Erat au-

B tem Mathildis, uxor Comitissæ Hennebergensis, Hermannii; mater illi Mathildis, filia Ducis Brabantie Henrici; frater Gulielmus, Hollandiæ Comes, qui ad Imperij apicem electus est contra Fridericum II. Sepulta est apud Losdunum in Monasterio à matre fundato. Errant, qui eam Margaretam Comitissam Hollandiæ vocant, eumq; partum anno 1314 ascribunt. De partu hoc prodigioso ita & Junius Bataviæ Cap. XX. Losdunum duobus passuum millibus ab Haga-Comitissæ distat, à collibus, quos inter habitatur, nomen adeptum: Bernardi institutum sequitur, à Mathilde constructum. Ubi ostenditur inter alia monumentum Margaretæ Principis semina, quæ Florentij IV. Comitissæ Mathilde, jam dictæ uxoris, filia, Comiti Hennebergensi nupta, uno pauciores, quàm annus vertens dies habet, liberos, partu portentoso edidisse memoratur: quæ res, ut compendioso absolvam, ad hunc habet modum. Pauperculam gemellos enixam, & pendentes utrinq; ab uberibus lactantem, quæ Comitissæ uxori se forte obtulerat, stipem flagitans, probro incessebat ipsa princeps, & adulterio concepisse incestam prolem agebat; fieri enim posse, ut uno ex marito bina stirps nasceretur, pernegabat. Illa pudicitie intemeratæ Deum testem citans, imprecatur illi sobolem, quæ numerum solidi anni dierum æquet, si pudicitie suæ constaret honos. Precum efficaciam comprobasse eventui fides dicitur, partu incredibili, nisi publici monumenti auctoritatem convellere, fidemq; tabulæ, ad testandam sempiternam rei memoriam positæ, dissolvere nefas putarem. Epigraphen non abs re fuerit hoc loco ascribere, servatâ ejus seculi lex, ut Saliorum & Carmentæ obsoleta verba religiose retinenda duxit antiquitas, & conservanda, ne fides periclitetur. Illustris Domini Florentij Comitissæ Hollandiæ filia, cujus mater fuit Mathildis, filia Henrici Ducis Brabantie, fratrem quoq; habuit Guilielmum Alemanniæ Regem. Hæc præfata Domina Margareta, anno salutis 1276, ætatis suæ anno 42, ipso die Parasceves, hora IX. ante meridiem, peperit infantes viros, promiscui sexus, numero trecentos sexaginta quatuor; qui postquàm per Venerabilem Episcopum, Dominum Guidonem Suffraganeum

neum, præsentibus nonnullis proceribus & Magnatibus, in pelvi quadam, baptisni Sacramentum percipissent, & masculis Joannes, femellis verò nomen Helisabeth impositum fuisset, ipsorum omnium, simul cum matris, animæ ad Deum æternaliter victuræ redierant, corpora autem sub hoc saxo requiescunt. Consimilis exempli in partu numerofo observati fides, (ne quid Dei potentia derogeretur) adnotata legitur ab Annalium Brunsvicensium scriptore: consentientibus Alberto Cranio in Vandalicæ Historiæ Commentarijs, & Ernesto Anhaltinorum Principum historiographo: quorum consensus testatur, tricesimo septimo post prædictum prodigium anno, Margaretam, huic, de qua loquimur, cognominem, Holsteinij Comitissæ conjugem, totidem capitum sobolem maturo partu enixam edidisse, in quo factus omnes humanam manifestè speciem repræsentantes, in baptisterio salutari undâ abluti fuerint. Hæc vir Clariss. Hadrianus Junius: cui concinit Ludovicus Gvicciardinus in Descriptione Galliæ Belgicæ. Verum hodie Tabula illa aliter legitur, ad hunc videlicet modum:

En tibi monstruosum nimis & memorabile factum,

Quale nec à mundi conditione datum.

Hæc lege, mox animo stupefactus Lector abibis.

Margareta, Hermannij, Comitissæ Hennenbergiæ, Uxor, Florentij quarti, Comitissæ Hollandiæ & Zelandiæ, filia, Guilhelmi Regis Romanorum, ac postea Cæsaris, seu Gubernatoris Imperij, atq; Aleithiæ, Comitissæ Hannoveriæ, soror, cujus patruus Episcopus Trajectensis, avunculi autem filius, Dux Brabantia, & Comes Thuringiæ. Hæc autem illustrissima Comitissa annos quadraginta duos circiter nata, ipso die Parasceves, nonam circiter horam, anno millesimo ducentesimo septuagesimo sexto, trecentos sexaginta quinq; annis est pueros, qui prius à Guidone, Suffraganeo Trajectensi, omnes in duobus ex ære pelvibus baptisati sunt, quorum masculi, quotquot erant, Joannes, puellæ autem Elisabethæ vocatæ sunt: qui simul omnes cum matre uno eodemq; die fati concesserunt, atq; in hoc Laudunensi templo sepulti jacent. Quod quidem accidit ob pauperulam quandam feminam, quæ ex uno partu gemellos in ulnis gestabat pueros, quam rem ipsa Comitissa admirata, dicebat: Id per unum virum fieri non posse, ipsamq; contumeliosè rejecit. Unde hæc pauperula animo perturbata, ac percussa, mox tantum prolium numerum ac multitudinem ex uno partu ipsi imprecabatur, quot vel totius anni dies numerarentur: quod quidem præter naturæ cursum obstupendâ quadam ratione ita factum est: sicuti hic in perpetuam hujus rei memoriam, ex vetustis, tam manuscriptis, quam typis excusis Chronicis, breviter positum & enarratum est. Deus ille rex maximus, hac de resuscipiens, honorandus, ac laudibus extollendus in sempiterna secula, Amen.

15. Proximo necessitudinis ordine continebat] Quippe qui Frothonis fratre genitus erat, ut mox sequitur in contextu: Eodem tempore qui-

adam Frothonis fratre genitus pro tuendâ patriâ gerebat rei nauticæ summam.

27. Violensq; amplexuum usus extabat] Id est, Violentus, & raptim petitus, ut mox loquitur Saxo.

28. Publicata est Venus] Diffusus erat & promiscuus libidinis usus, nec se Venus, sive concubitus, intra limites conjugalis amoris continebat. Hic satis constat per Venerem significari τὴν ἀφροδίτην, sive ipsam μῆτιν, quam corporale concilium Arnobius appellat. Idem Arnobius in extremo Libro V. In usu sermonis vestri Martem pro pugna appellatis, pro aquis Neptunum, Liberum patrem pro vino, Cererem pro pane, Minervam pro stamine, pro obscæni libidinibus Venerem. Notandum etiâ, quod Veneris vocabulo utatur Saxo noster, tanquam inter illa esset, quæ μέσση dicuntur, seu ancipitia: hoc est quæ tam in bonam, quàm in malam partem interpretari possunt; ut, Valetudo, gratia, & similia.

Non possum, quin hoc loco adducam verba Quintiliani ex Declamatione XV, quibus eleganter nobis ob oculos ponit discrimen honesti & meretricij amoris: Amoris, inquit, (si sapientiæ sequamur auctores) antiquissimum numen, & cui se natura debet æternitas. Sed ille mitis & serius, honestis cupiditatibus & viribus sacre charitatis exultans, ut qui cuncta prisce noctis operta caligine diduxerit præluce, deinde miscuerit. Hic vero, quo perditis visceribus adhæremus inquieti, lascivientis adhuc ætatis instinctu, tumultuosus ac petulans, totis funereis sacibusq; armatus. Præstat igitur ille mortalibus liberis hæc usitatâ conjugij pietate; hic incæsta, libidine, adulteria, meretrices.

29. In causa otium erat] Unde Ovidius.

Otia si tollas, periere Cupidinis arcus:

Otiæ certe incentivum est libidinis, & variorum flagitiorum radix, fons, & origo. Nam sicut aquæ, quæ non moventur, putrescunt & fœtorem contrahunt: ita & animus marcescit, corpusq; langvescit, quum utrumq; agitationis expers est. Virtus autem exercitio perseverat. Petrus Chrysologus Sermone XXVIII. Sic mox infra auctor: Cujus contubernales otio peulantiæ nati.

31. Errabunde Veneris portam] Quam Lucretius Lib. IV. eleganter Vagabundam Venerem appellavit, hoc est, mixtionem meretriciam, & cum scortis. Saxo ipse paulo post Vagabundam atq; erroneam Voluptatem vocat. Valerius Maximus Lib. II. Cap. I. Venerem inconcessam: Proximus à Libero patre intemperantiæ gradus, ad inconcessam Venerem esse consuevit. Julius Firmicus erraticos amores; Lib. VI. Luna si in Veneris domo fuerit inventa, faciet infamibus semper amoribus implicatos, impuros, libidinosos, & qui erraticis semper amoribus inhaerescant: qui & paulo antè, furivam Venerem agitare dixerat.

34. Ità, à populari prolem regiam] Popularis & hoc loco, & alibi passim apud Saxonem, nostrum,

nostrum, nequaquam significat, quem *conter-
raneum* vulgo dicunt; sed hominem vulgarem,
ex infima plebis sorte, & abjectæ conditionis.
Sic infra: *Indignum regis stirpis puellam thoro po-
pularis astringi.*

35. *Septum vallo conclave petivit*] Ejus-
modi conclavia, sive potius carceres, in quos
se Virgines ambitiosæ pulchræ, partim suo, par-
tim parentum fastu, se incluserunt, ut à con-
spectu promiscuæ multitudinis tectæ ac semotæ
forent, veteres Dani *Stemmur* vocarunt; &
custodes, quæ virgines plerumq; cum nutricula
maximam partem pro more fuerant, *Stemmu
Meyar* dicebantur.

Pag. 69, vers. 24. *Lævā tanquam dextrā uten-
tem*] Summa hæc olim apud nostrates viri for-
tis ac robusti laus erat & commendatio, *ambi-
manum*, sive *παραδ' ἑξ ἑοῦ* censerunt. Et de tali for-
titudinis nota multos Heroas commendat Snor-
ro Sturlesonius in Chronico suo Norvagico, ut
Haraldum Trygggonis, & alios. Quin etiam
Ehud, quem populo Israelitico salvatorem sus-
citavit Dominus, utraq; manu pro dextrā uteba-
tur. Lib. Judicum Cap. 3. v. 15. Sic & habitato-
res Gabaa, *Septingenti erant viri fortissimi, ita si-
nistrā, ut dextrā præliantes.* Judic. Cap. XX.

43. *Ad præcordialem puellæ sententiam relega-
tus*] Westmario injunctum; ut ipse mentem &
interiorem animum puellæ exploraret. Eo sen-
su voce hac solens utitur Saxo noster. Sic præ-
cordialem amicū Absolonis Archiepiscopi, in-
frā Lib. XV. nōminat Fridericum Episcopum
Slesvicensem, id est, quem ex penitissimis cor-
dis recessibus dilexit. Cæsarius Heisterbacensis
Lib. VIII. Cap. 13. *Servum suum amplexatus est,
& tanquam præcordialem sibi, in mutua familiari-
tatis signum eum ad pectus suum attrahendo strinxit.*
Sic Henricus II Anglorum Rex Fridericum Cæ-
sarem in Epistola quadam sua præcordialem ami-
cum vocat, notante Joh. Balæo Cent. 3. Scrip-
Britan. Hinc Jvo Carnotensis præcordialiter di-
ligere dixit. Epist. CXXI, & præcordialiter dolere:
Epist. CXV.

44. *Ita versilis esse propositi*] Comicus
Hecyra:

*Itidem Mulieres sunt ferme ut pueri, levi
sententiā.*

Pag. 70, vers. 10. *Pendulā corporum impul-
sione vexabant*] Non secus ac olim, delectabilis
exercitationis gratiā, corpora funibus per æ-
rem jactabantur; quod genus ludi sub *Oscellu-
rum* aut *petauri* appellatione à veteribus signi-
ficatum puto: de quo Juvenalis Sat. 14.

*An magis oblectant animum jactata petauro
Corpora, quicquid solent rectum descendere funem.*

Quamquam credo *petaurum* valde similem esse
jactationem illam, quæ hodie apud multas puel-
las & pueros efficitur, affere funibus quatuor
ad laquearia suspensio, & ibi sedentibus pueris,

A aut puellis, veluti per ærem jactatis. Atq; id
forsan est, cuius meminit Avicennas prima-
quarti tract. II. Cap. XIII. Ubi ad coercendum
sudorem laudat, ut ager ponatur super instru-
mentum, quo pueri vel juvenes solent in aere
concuti. Sago pariter consuevisse jactare alios
per ludibrium in aera, præter Martialem id hoc
versu testantem:

Ibis ab excusso missus in astra sago:

est etiam testimonium Sveronij in Orthonē,
B Cap. 2. *Ferebatur & vagari noctibus solitus, atq;
invalidum quemq; obviorem, vel potulentum corri-
pere, ac distento sago impostum in sublime jactare.*
Videatur Hieron. Mercurialis de arte Gymna-
stica, Lib. III. Cap. VIII. ubi simulacrum pe-
tauri, sive Oscellarum egregie representat.

24. *Ad eod sub rege puero*] Hinc non injuriā
exclamat Ecclesiastes, Cap. X. v. 16. *Vae tibi ter-
ra, cujus rex puer est; & cujus optimates mane co-
medunt*, id est, diem à voluptatibus & luxu in-
choant. Et v. 17. *Felicem te, o regio, cujus Rex est
filius ingenuorum*, id est, claris & generosis ma-
joribus ortus; & cujus optimates suo tempore co-
medunt ad robur, id est, reficiendo corpori; &
non ad computationem, id est non ad luxum. Quos
versus tali paraphrasi illustravit Theodorus
Beza: *o te infelicem regionem, cui Rex dominatur,
sive etate, sive mente sensus & usus rerum experte
puer: & cujus Principes à voluptatibus diem in-
choant, quem à consilijs capiendis auspicari oportuit.*
D At tu contra, quam es beata ditio, cui Rex contigit
generosa stirpe ac indole: & cujus sobrii primores
opportune cibum capiunt, non ut gula satisfaciunt;
sed ut corpus validum, & rebus gerendis accommoda-
tum, reficiant. Heroico autem carmine ita red-
didit Jacobus Lectius, Ictus Genuensis:

*O terram miseram, si cui puer imperat infans,
Et cujus primo proceres epulantur Eoo!
Felicem, ingenio cui rex est sanguine, terram,
Et nullo proceres vini tanguntur amore,
Sed tempestivo curant qui corpore victu.*

Quantum verò regnis noceat; si regum fi-
lij etiam impuberes, in regno succedant;
tutorum arbitrio subiecti; vel Caroli Gal-
lorum Regis exemplum ostendit, qui cum
solo nomine rex esset, æmulatione factionum
Gallia intestinis bellis misere agitata: Angli à
Burgundione evocati, regnum occuparunt; &
regi in suam potestatem redactō, quas volue-
runt, fœderis conditiones scripserunt. Paul.
Æmilius, Lib. X. Polydorus Virgilius Lib.
XXIII. & Frothonis hujus nostri, sub quo
Regē impubere Dania miserrime improborum
præsidum tyrannide oppressa est. Sed hic non
incommodè quæri potest; Num in magistra-
tu legendo ætatis ratio habenda? Juvenibus ne
ille an senibus committendus? Resp. Etsi ob
multas rationes, quas adducit Melchior Junius
parte I. Quæst. Polit. Quæst. XIV. Senibus
magi-

magistratus gerendus, resq; capeffenda publica; tamen & juvenes ad honores & magistratus admittendi. Sunt etenim animosi & fortes, sunt laudis & gloriæ cupidi, inq; rebus agendis honestatem, non utilitatem, propositam habent. Aristoteles 2 Rhetor. Nec annorum spatium, sed ingenium ac diligentia in causa, ut alios prudentia superent. Isocrates in Archidamo. Et juvenes ad imperia & magistratus fuerunt evecti. Sic David, fratrum suorum minimus, Rex est Judæorum electus; I. Sam. Cap. XVI. Salomon duodecim natus annos; 3. Regum, Cap. 3. Alexander Magnus, cum res magnas gessisset, tertio ac trigesimo anno mortem obiit. Romæ Corvinus, Marius Junior, Scipio Africanus, Pompejus, Augustus, ante tempus, Consulatum, & alios honores consecuti sunt. Alexander Severus puer adhuc à Senatu Cæsar est factus. *Lampridius*. Gordianus anno ætatis decimo-tertio, vel ut alij, decimo sexto. *Julius Capitolinus*. Ottho III. annos vix undecim natus, *mirabilia mundi* dictus, propter sapientiam ipsam ætatem superantem. *Sigebertus Gemblacensis*. Carolo V ætate non magnâ prædito, diadema impositum est. *Sleidanus* Lib. 1. Carolus VIII. Francorum Rex, anno decimo tertio regnum iniit. *Ricinus* Lib. 3. *Franciæ Regum*: Raimerus III. annum ætatis quintum agens patri in Hispania successit. *Ricinus* Lib. 2. *Hisp. Reg.* Henricum proceres Angliæ novennem Regem crearunt. *Polydorus Virgilius* Lib. XVI. Et sane si in magistratibus ætas certa observanda sit, fit, ut magna Virtutis indoles prius extinguatur, quam prodesse Reipubl. possit. Cicero V. Philipp. cujus & notatu digna sunt verba: *Cursus ætatis non est expectandus in festinatione virtutis*. Cui consentit Nazarius Panegyrico Constant. *Iniquum est cum honori nondum tempestivum videri, qui jam virtuti maturus est.*

30. - *Ut cum Regina commercio libidinis habito*] Eleganter dictum. Quomodo & Julius Firmicus Lib. VI. Cap. XII. loquitur: *Qui sic Venerem habuerint, facinus suum latenter exercent, ut prostututi pudoris scelerata commercia, absconsis libidinum impuritibus, protegantur.*

35. *Opinio sceleris primum susurrus alit. est, dehinc excepta rumoribus*] Apprimè huic loco illustrando faciunt versus Herici, Monachi Altishiodorensis, Lib. I. Vitæ S. Germani. p. m. 15. quibus Famam prolixè describit; indigni certe, qui ibi tantum legantur:

*Fama quid in cælo rerum pelagoq; geratur
Et tellure, videt, totiç est conscia mundo:
Quod usquam est, toto quanquam sit ab orbe remotum,*

*Inspicit, inq; cavas penetrat male fida latebras.
Omnis cum didicit, mox omnibus omnia pandit.
Et quia dicentem sequitur nonnulla venustas
Verborum, crescitq; novis facundia causis,
Multæ fides illi vulgò præbetur ab omni.*

A *Non ea rem clamore gerit, sed MURMURE VOCIS*

*Nescio quid rancum & grave cornicatur inepta
MILLE TRAHIT SECUM RUMORES, MILLE
SUSURROS,*

*Mixtaq; cum veris pariter quoq; falsa feruntur.
Cumq; novis vacuas implet sermonibus aures
Succedunt comites, nonnunquam gaudia cassa,
Nunc timor, interdum rabies invisa furoris,*

B Haec tenus Hericus, qui claruit circa tempora Caroli Crassi Imperatoris, Anno DCCCLXXX. Calparus Barthius, sidus literati orbis, & fugientis Antiquitatis destina, in Animadversion. ad Claudiani in Rufin. Lib. I. v. 20.

Dissensu alitur rumor —————

Rumoris vocabulum, obscurum aliquem & incertum notare strepitum contendit; ita Ausonius Mosella:

Subterlabentis tacito rumore Mosellæ.

C 46. *Ni munera detulisset*] Quemadmodum qui Reges Persarum olim adibant. Nam ita apud Persas moribus comparatum erat, ut Regem absq; munere adiret nullus; ac vel tenuiorum munuscula, & quæcunq; pro viribus offerebantur, à Rege summâ facilitate & humanitate excipi consueverant. Barnabas Brissionius Lib. 1. de Regno Persarum, pag. 26. Eumq; morem, postquam Persæ in Parthorum potestatem venerunt, retinuerunt. Seneca Epistolâ XVII. irâ scribit: *Reges Parthos non potest quisquam salutare sine munere.* Nicolaus Lyranus in Caput II. Evangel. Matth. *Dicitur, inquit, quod Reges Persarum semper cum muneribus solent adorari. Quomodo & Magi Christum adorantes ei munera obtulerunt.*

50. *Ingruentem calumniam*] Calumnia mediæ ætatis Scriptoribus est *adixia*. Hinc calumniam facere, significat opprimere vi, vel fraude, damno afficere. Græci exponunt *adixen*, θλίβειν. Luc. 3. v. 14. *Neq; calumniam faciatis*: id quod Beza exponit, *Ne dolo opprimate*. Inde exultimo Saxoni, alijsq; usurpatum vocabulum hoc pro afflictione, calamitate, oppressione. Cæteroquin Ictis Calumnia est vendicatio, seu Juris in re aliqua postulatio. Formula vett. secund. L. Rom. Cap. V. *Quelibet Persona, quæ contra hanc venditionem aliquam calumniam vel repetitionem generare præsumpserit, illud quod repetit, non vindicet.* Videatur Archæologus Nobiliss. & Doctiss. Viri, Henrici Spelmanni in voce Calumnia. Saxo mox infra: *Si inflctas vobis calumnias muneratis.*

51. *Dolor hoc acrius, quod occultius lacerabat*] Idem Phocenfibns olim accidit, quos ruptâ fide, calcatoq; sacramento, Philippus Macedonum Rex, omni injuriarum genere divexavit. De his etenim egregius & insignis Historicus Paulus Orosius ita loquitur Lib. III, Cap. XII. pag. 151. *Premebat miseros inter injuriarum stimulos*

los superfluous pavor, ipsâq; dissimulatione dolor cre-
scebat, hoc alius demissus, quò minus profiteri lice-
bat, timentibus, ne ipsæ quoq; lacrymæ pro contuma-
cia acciperentur. Quæ ipsæ verba à Justino mu-
tuatus est, miserandum Græciæ statum parili
modo describente. Lib. VIII. p. 86. P. Syrus:

*Heu dolor quàm miser est, qui in tormento vo-
cem non habet.*

Ovidius:

Strangulat inclusus dolor, & cor æstuat intus.

Huc pertinent illa Severi Sancti, sive Endelei-
chi Rhetoris, de Mortibus Boum; quibus Æ-
gon Buculum hortatur, ut ipsi tristitiæ suæ cau-
sas adaperiat: Nam inquit:

———— *divisa minùs sarcina fit gravis:*
Et quicquid tegitur, sæviùs incoquit;
Prodest sermo doloribus —————

In quam Sententiam & Seneca Agamemn.

Lacrymas lacrymis miscere juvat;
Magis exurunt, quos secreta lacerant curæ,
juvat in medium deslere suos.

Est autem major consolatio in querelarum usur-
patione liberiore, & in accusationum & expo-
sitionum libertate, cum speciem quandam
habeant vindictæ. Unde Ovidius:

Expletur lacrymis, egeriturq; dolor.

Latinus Pacatus Drepanus Panegyrico, quem
Theodosio Seniori dixit: *Est aliquod calamita-
tum delinimentum dedisse lacrymas malis, & pectus
laxasse suspirijs: & nulla major est pœnis, quàm esse
miserum, nec videri.*

Pag. 71. vers. 3. *Sæpè inquit, alieni appetitores*
Brevis equidem, sed elegans est Oratio hæcce E-
rici; quæ imitando effingi atq; exprimi poterit,
quoties Regi alicui suadere volumus, ne alie-
num in regnum expeditionem suscipiat, teme-
re; bellum moveat. Constat vero his argu-
mentis. 1, Aliena qui appetunt, sua sæpè amit-
tunt. 2, Discordes ac dissidentes in regno
facile hostium adventus conjungit ac conciliat.
3, Prudenter hic agendum; ne qua, sed fera ni-
mis, pœnitentia subsequatur. 4, Ipse quiete
fruat, belli negotium proceribus demandet.
Ad conciliandum valet, & est *ἡσυχία*: cum &
prudentiam suam Ericus ostendit, & testatum
studium ac benevolentiam facit: pericula sese
futura prævidere indicat: de rege regnoq; esse
solicitum docet. Collocatio & tractatio dis-
solutionis hujus primum argumentis, deinde
παραγορή adhortatione, absolvitur; ut quiete
& tranquillitate suâ contentus temere bellum
non moveat. Loci observandi: de alienis non
appetendis; de syncretismo, reconciliatione,
ac concordia acerrimorum hostium, hoste, aut
malo aliquo communi imminente: de fugien-
do periculo, à quo immunes esse possumus.

Ibid. *Sæpè alieni appetitores proprio pri-
vari solere meminimus*] In eandem senten-
tiam de Demetrio, fratre Antiochi, Ægypto

A bellum inferre statuente, eleganter Justinus
Lib. XXXIX, Cap. 1. *Sed dum aliena effectat, ut
assoleat fieri, propria, per defectionem Syriæ, amisit.*
Ita Tartarorum Princeps, victi à se & occisi Mo-
schi calvariæ, in scyphum formatæ, inscribi jus-
sit: *Hic amisit propria, dum appetit aliena.* Jacobus
Zevcotius Observat. Polit. ad Sveron. C. 43.

4. *Sæpè amborum captator, utriusq; perditor
fuit*] Juxta Proverbia: *ὁ δύο πτώκας διώ-
κων, ὁ δὲ τερον καταλαμβάνει.* Id est, *Qui duos
infectatur lepores, neutrum capit.* Erasmus Chi-
liad. III. Centur. 3. Adagior. *Hujus, inquit, Pro-
verbij sensus est: Qui simul duplex captat commo-
dum, utroq; frustratur.* Effertur in Græcorum
Collectaneis, & citrà figuram, *Δυὸν ἐπιθυμή-
σας, ὁ δὲ τερος ἔτυχες*, id est, *Ambo concupiscens,
neutrum affectus es*

8. *Crebrò corrixantes porcos conciliavere lupi*]
Hinc Axioma Politicum: *Nec semper tutum dis-
sidentes aggredi.* Nam ut Livius Lib. 2. Decad. 1.
C de plebe Romana, Patribusq; dissidentibus, scri-
bit: *Externus timor, maximum concordia vincu-
lum, quamvis suspectos insensosq; inter se jungit ani-
mos.* Sic Tacitus Lib. V. Historiar. p. 622. ele-
ganter de Judæorum ducibus Joanne, Simone,
& Eleazaro, in hanc sententiam scribit: *Erant,
inquit, inter se discordes, donec propinquantibus Ro-
manis, bellum externum concordiam pareret.* In ean-
dem ferè sententiam Paulus Orosius Lib. 2.
Cap. 16. *Otio discordia nutriuntur: at ubi necessi-
tas incubuit, postpositis privatis causis atq; odijs, in
commune consulitur.* Unde Tacitus Annal. Lib. 1.
Fas est privata odia publicis utilitatibus remittere.

Ibid. *Patrium quisque ducem extero præfert*]
Eodem usi sunt inter alia argumento Scythæ,
in Oratione ad Alexandrum Magnum elegan-
tissima, quæ extat Lib. VII. Curtij: *Nam ut ma-
jor fortiorq; sis, quàm quisquam, tamen alienigenam
dominum pati nemo vult.*

12. *Pœnitentiâ vacuum debere contuitum esse
prudētis*] Innuit autor eum, qui prudentis no-
men cum laude & dignitate sustinere cupiat,
ita debere consilia, sua & actiones moderari,
nè quid agat, cujus post ipsum pudeat aut pœ-
niteat. Non enim Sapientis est dicere, *Non pu-
tāram.* Contuitum etiam ad animum transtulit
Cicero Orat. pro Sestio: *Facit, Judices, vester iste
in me animorum oculorumq; contuitus, ut cogitem
remissiore uti dicendi genere.* Contuitus igitur hic
erit acumen ingenij & animi perspicacia.

13. *Per alios gerendi sanè belli facultatem*] Ap-
prime huc facit Quæstio illa diu inter Politicos
agitata, *An ipsum principem bellis interesse expediat?*
Sunt equidem qui statuant, melius fore, si sepo-
natur, quàm si ipse pugnae intersit Imperator:
quia princeps nullo modo objici periculo de-
bet; verum dubijs præliorum exemptus, sum-
mæ rerum & Imperij reservari. Nam in milite
tantum unius fors versatur: at verò in Impera-
tore omnium periculum agitur. Hinc multi

Imperatores per Legatos bella sibi gerenda esse A existimarunt, quia dignitatem Imperij sui pro-
stituerent noluerunt. Sic Antoninus Imperator
in Palatio urbis residens, bellorum auspicia
Legatis suis demandavit. Eodem modo Justi-
nianus Belisarij & Narsetis operâ vicariâ usus,
Italiâ Gothos, Africâq; Vandalos ejecit. At
contra sæpe numero juxta istud Plautinum:

——— *Ubi summus Imperator non adest ad
exercitum,*

*Citius quod non factum est usus, fit, quàm quod
factum est opus.*

Et Imperator præsentia suâ militi robur addit,
& non leviter animum firmat, Unde Virgil. IX.
Æneid.

——— *Urget præsentia Turni.*

Verum totam hanc controversiam prudenter
decidit Mutianus apud Tacitum Hist. Lib. IV.
Si nimirum Imperij status aut provinciæ alicujus sa-
lus, in discrimen vocaretur, debere principem in acie
stare. Minoris verò momenti bella minoribus delegan-
da. Quin in urbem limitaneam se recipiat, illinc vim
fortunamq; principatus è propinquo ostensurus: nec
periculis parvis mixtus, neq; magnis defuturus. Et
hoc ipsum Alexandrum, temerè periculis se qui-
buscunq; objectantem milites monent apud
Curtium Lib. IX. Obscura bella, & ignobiles pu-
gnas nobis deposcimus: temet ipsum ad pericula ea
serva, quæ magnitudinem tuam capiunt. Cito gloria
obsolescit in sordidis hostibus, nec quicquam indignius
est, quàm consumi eam, ubi non possit ostendi. Porro
de hac Quæstione consule Melch. Junium Parte
2. Quæst. Polit. Quæst. LXXII. & Joannem
Meursium Quæst. Polit. VIII.

17. Manus cauterium caret] Cauterium hic
positum pro adustione, à καίω, uro. Quid au-
tem aliàs Cauterium sit, probè norunt Medi-
corum filij. Ità Cauma, pro Calore, usurpavit
Hericus Monachus sub finem Lib. VI.

*Astra, poli, nubes, & machina cuncta polorum,
Solq; sororq; nives, lymphæq; & Spiritus omnis,
Cauma, geluq; dies, & densa nubila noctis.*

Pag. 72. vers. 8. Parvulumq; foramen furtivâ
luminis applicatione trajiciens] Id quod Petronius
Arbiter sic extulit: Quartilla per rimam improbè
diductam applicuerat oculum curiosum, lulumq; pue-
rilem libidinosâ speculabatur diligentia.

33. Ut etiam ferinarum pecudaliumq; vocum
interpretationem calleret] Inveterata fuit genti-
lium opinio, inter se colloqui bruta, & eorum
sermones à multis intelligi. Unde ars ὁμωνίη,
vel interpretandi voces animalium: in qua ex-
celluisse dicuntur apud Veteres Melampus, Ti-
refias, Thales Milesius, Apollonius Thyanæus.
Democritus autor quoq; est, quod dentur aves,
quarum ex confuso sanguine nascatur serpens,
quem si quis ederit, avium linguas & colloquia
interpretaturum, teste Plinio Lib. X. Cap. 49,
& Lib. XXIX, Cap. 4. Cæterum de loquelâ

brutorum fusè differuit peculiari tractatu Hie-
ronymus Fabricius ab Aquapendente. De Apol-
lonio Thyanæo refert Porphyrius, quod Bru-
torum sermones intellexerit. De Solomone
hoc constanter affirmant Doctores Hebræi.
Porphyrius, supra nominatus, censuit, omnia
bruta inter se fermocinari. Canes & Equi in-
telligunt humanas voces, sistunt, accedunt, va-
dunt, prout jusseris. Cervus educatus à Ptole-
mæo Philadelpholo, quentes Græce intelligebat.
B Historia Norvagica meminit Rustici cornicum
sermones exponentis. Sed non abs re fuerit, in
medium adducere eruditissimam dissertatiun-
culam Viri Clariss. & verè seculi nostri Maro-
nis, Augusti Buchneri, de avium & cæterarum
animantium vocibus, ad istum Hymni Venan-
tiani versum:

*Hinc tibi nunc avium resonant virgulta su-
furro.*

C Aves, inquit, in id canere, ut Dei conditoris sui lau-
des personent, etiam D. Cyprianus sensit Orat. pro
Martyribus: Cui, inquit, (Deum intelligens) omnes
aves canunt laudes. Huc pertinet & illud incerti
auctoris de Philomela, in fine:

*Sed cunctas species animantium nemo notavit,
Atq; sonos ideo dicere quis poterit?
Atq; suo domino depromunt munera laudum,
Seu semper fileant, sive sonare queant.*

E His non absimilia ex Davidicis Psalmis & alijs sacris
Libris adduci possent, si res posceret. Quæ tamen
omnia eâ de causâ scripta existimanda sunt, ut invi-
tarentur hominum animi ad laudes divinas persol-
vendas promptius, quum ipsa etiâ bruta in eo la-
borare videri possunt. Minimè enim omnium arbi-
trandum est, pios & sanctos illos Scriptores, quum ta-
lia mandarent libris, credidisse, communi quadam
cum hominibus ratione animantes esse præditas, cujus
ductu Numen cognoscant & celebrent, atq; putasse
aded, earum voces itâ esse comparatas, ut tum ipsæ eas
inter se, tum homines quodq; intelligant, hoc est, arti-
culatas atq; intelligibiles esse, non autem confusas,
quod quosdam Philosophorum antiquitus, Pythagoreos
præcipue, qui hominum animas in bruta transmi-
grare sciscebant, opinatq; ex ijs quæ Sextus Empiri-
cus Lib. 1. Pyrrhoniæ Hypotyp. Cap. 14. Item
Porphyrius Lib. 3. ὅτι ἀποχὴς ἐμψύχων me-
morie prodidit, eruditos latere non potest. Quin re-
fert Porphyrius eo loci, unum atq; alterum, qui intel-
lexerint, quid inter se garrirent aves: ac eâ scien-
tiâ & Apollonium Thyanæum præstitisse commemo-
rat. Sed eum ipsum Apollonium famosissimum ma-
gum sui temporis, & hominem omnium jactantissi-
mum vanissimumq; fuisse, luculentissimi Scriptores
satis superq; docuerunt. Quin ipsum Pythagoram tale
quidpiam de se existimari voluisse, pellopida illa, histo-
rianè an fabula, videtur arguere, quam Jamblichus
narrat in Sophi illius vita Cap. 73. Tarenti enim in
publicis pascuis conspiciatus bovem, fabas attingen-
tem, bubulcum monuit, ut pecori id interdiceret. Ri-
dente

dente effusē bubulco, & dicente, se quidem Boiis, A
bovinē, nescire; ceterū si ipse quid amplius calle-
ret, suā pace licere, moneret bovem, quæ facta vellet:
accessit, inq̃, aurem nescio quid armento insurravit:
& sic effecit, ut bos confestim fabas relinqueret, isq̃
in perpetuum abstineret. Plinius Lib. X. Natur. Hist.
c. 49. & Lib. XXXIX. cap. 4. auctor est, tradidisse
Democritum, facultatem intelligendi avium voces,
comparari esu certi anguivum generis. Philostratus
quoq̃ Lib. 3. de Vita Apollonij Thyanei scribit, incolas
Bacaræ, Indorum urbis, jactare, eum qui cor & epar B
Draconis comedisset, omnium animalium conceptus
& voces intellecturum. Quod ipsum de Arabibus scri-
bit Lib. 1. ejusdem operis. Ericum quendam comesto
epulo, ex serpentibus, à Cracâ quadam magâ, confecto,
sibiq̃ appposito, omnium scientiarum copiam consequu-
tum; ita ut ferinarum pecudaliumq̃ vocum inter-
pretationem calleret, Saxo Grammaticus Lib. V. Hi-
stor. Danic. narrat. Sed hæc certè nugamenta, opi-
nor, sunt, & fabulæ meræ. Et perstringit hos nuga-
tores meritò, Georgius Pisides, præclaro illo carmine
de mundi Opificio v. 994, & seqq. quos Latinos, uti
Morellus vertit, quum Græcorum copia nunc non sit,
non pigra bor adscribere. Sunt autem isti:

quisvè linguam garrulis,
Velut organum, formavit avibus tinnulum?
Ut inde rentur fabulatores novi,
Ipsos habere cognitos vocum sonos.

Quinimò Saxonem nostrum (quem perperam Joannem Grammaticum nominat) vehementer D
suggillat & acerbè insectatur Joannes Wierus
Lib. III. de præstigijs Dæmonum Cap. XV, quod
virulento epuli gustu, rationis atq̃ eloquentiæ
summum munus, ac manuum feliciter conse-
rendarum donum, consequi aliquem posse, non
dubitavit asserere præsentī hac historiā, de Eri-
co & Rollero, ab eo, ut verā, inter res verè ge-
stas descriptā & intextā. Nam inquit, quòd nulla
creatura, multò minus virulenta anguivum tabes ex-
tillatitia, gignat rationis & eloquentiæ summum do-
num, aut prosperitatem in bellis donet, sed peculiaris
illa Dei esse munera, tam est manifestum, ut bonarum
horarum malè impensarum meritò insimulari de-
beam, si huic convellendæ historiæ diutius immo-
rer. Verūm πᾶν ἔργον illum Satanam, permissu
omnipotentis Jehovah, multa efficere posse, ijs
similia, quæ muneris loco, hominibus sibi dile-
ctis, numen cæleste conferre solet, extrā con-
troversiam est; & infinita ferè exempla testan-
tur, quamplurimos gentiliū (quos inprimis F
internecinus ille generis humani hostis perfidiæ
suæ laqueis circumvenire studebat) magicā
quadam arte hostes suos, aliās vinci nescios,
superasse. Ergo & hoc loco strigilem obrecta-
torum suorum evadit autor, quem potius ve-
nerandæ antiquitatis respectu venerari & ad-
mirari meritò deberent, quàm toties calum-
nijs impetere, vocantes eum Scriptorem fabu-
losum, spermologum, logodædalum. etc.

37. Concham transpositam] Concha hæc pa-
tellam denotat, in qua appositum erat magi-
cum illud pulmentum. Concha propriè piscis
est genus testā coniectum: à cujus similitudi-
ne quævis vasa concava, & superius patula, Con-
chæ dicuntur. Cato de re Rustica Cap. XIII. In
cellam Oleariam hæc opus sunt: dolia olearia, labræ
olearia XIV. Conchæ majores duæ, & minores duæ.
Juvenalis Sat. VI.

Quum bibitur conchâ, quum jam vertigine te-
ctum

Ambulat

Ubi commentarius antiquissimus: Conchâ,
id est, ex amplo vase. Erat autem vas vinarium, in
quod è dolijs hauritur vinum. Conchæ etiam sunt
vasa ampla balneatoria, quibus olim lavaban-
tur. Juvenalis Satyrâ eadem:

Conchas & castra moveri

Nocte jubet

C Veteres quoq̃ Commentarij, quos edidit P. Pi-
thæus, ad versum hunc Juvenalis, Satyra III:

Ut sint contentæ patulas defundere pelves,

Pelves interpretantur Conchas, in quibus pedes la-
vant, ut vasa fictilia, ποδώνηρα. Quin & aliæ
quædam Glossæ veteres mari exaratae ad ver-
sum illum Juvenalis Satyrâ VI.

Tot pariter pelves, tot tintinnabula dicas

Pulsari

Pelves dicit Conchas areas. Tanto, inquit, strepitu
loquitur, ut ille qui adest, dicat multa vasa area, &
conchas inter se collidi. Hinc natâ est vox Barbara
Inconchare, quod est, absorbere. Chronic. Ca-
meracense Lib. III. Cap. XXII. Ad quandam Ta-
bernâ de more profectus, cerevisiam nimiam in-
conchavit. Vide sis Archæologum Nobilissimi
Viri, Henrici Spelmanni, p. 374. Ammianus
Marcellinus Lib. XVI. p. 68. de Alexandro Ma-
gno: Ille namq̃ anea conchâ suppositâ brachio
E extrâ cubile protento, pilam tenebat argenteam, ut
cum nervorum rigorem sopor laxasset infusus, gesta-
minis lapsi tinnitus abrumperet somnum.

48. Ericus se ad astandum fratri] Astandum
dixit, pro, assistendum. Astare advocatus alicui
apud Plautum est in Casinâ. Et vix eâ signi-
ficatione apud bonos & probatos auctores ob-
via vox est. In Bernhardo Morlanensi, qui cla-
ruit Anno Christi MCXL. extat Lib. 2. de con-
temptu Mundi, pag. XLVII.

Censor adest, labra vendit, amat lucra, censer
iniquum,

Astat habentibus, obstat egentibus, os inimi-
cum.

49. Probrosum referens alitem, qui proprium
polluat nidum] Proverbium est antiquum, quod
etiamnum Islandis in usu: Sa er fuglenn ve-
stur / sem i sialffs sinn hreitdur driutur / simili
prorsus, cum Saxonianâ, sententiâ.

Pag. 73. vers. 11. *Cætera quæ acceperant, intimantes*] *Intimare* est significata denunciare, seu occulte ad aliquem deferre. Livius : *Intimasse fertur filio, ut milites scriberet*. Prudentius Hymnò XIV. Peristephan. vers. CXI.

Gesta intimasse cuncta fertur Principi, Præfectus, addens ordinem voluminum.

Hinc *Intimatio*, quâ voce utitur Festus Avienus in Oræ maritimæ descriptione :

*Ut aperta verò tibimet intimatio
Sudoris hujus & laboris sit mei,
Narrationem opusculi paulò altius
Exordiemur* —————

Idem superius dixerat :

————— *esse te præceteris*
Memorem intimati —————

Eugippius in Vita S. Severini, Cap. IX. p. 12. *Ad-
dens, ut quidquid reperta ei diceret persona, reversus
sibi maturius intimaret*. Usitatissima verò vox
hæc est Julio Firmico : in quo centies, & plu-
ries, occurrit. Glossarium Vetus : *Intimare*,
Γνωρίσαι, ἐμφάνισαι, φανερώσαι.

22. *Receptum immodicè fretum urceis egeri
jubet*] Priusquam tubo receptum est aquâ na-
ves exonerare, consueverunt præsci vasis, am-
phoris, urceisq;, magno numero viribusq;, sed
immenso labore, exhaurire. Grettla nos lucu-
lenter docet, & quemadmodum isto labore fungi
soliti sint; videlicet, nautis juxta navis magnitu-
dinem bipartito vel tripartito distributis; quo-
rum ordines alij superstant, ac à subjectis por-
rectos urceos excipiebant, ac superioribus adhuc
tradebant: illi vero, qui omnium supremi stabant,
in mare profundentes, eodem modo versa vice
reddiderunt inferius constitutis, ac sic deinceps
reciprocatis atq; alternantibus elevandi dese-
rendiq; vicibus, sentinam omnem exantlarunt.
Id quandoq; perquam difficile & laboriosum
fuerat, cum aperta & non fororum tabulis un-
diq; contacta navigia decumanos fluctus pas-
sim exciperent, nec firmis vestigiis nautæ in-
fluctuante & jactata nave consistere possent.
Hunc antlandi modum Historiæ *Byrtuaustr*
vocitarunt. Grettla consulatur. *M. Brynolfus*.

Ibid. *Discurrentes per littora nautici, pecus
sternere aggressi sunt*] Diripientes videlicet mari-
tima loca & littora, prædam abegerunt, more
piratis consueti : quod frequens & solens erat
in hostium solo. Sic verò littora deprædari, at
hoggua Strandhogg id est, *cadere litus*, nomi-
nabant.

45. *In lapsu faustum ominatus eventum*] Non
aliter ac Divus Julius Cæsar, qui prolapsus etiam
in egressu navis, verso ad melius omine, *Teneote*,
inquit, *Africa*. Svetonius in vita Cæsaris.

Pag. 74. vers. 7. *Stulte quis es?*] Itâ ignotos
compellere solebant veteres. Virgilius *Æneid*.
VIII. vers. 114.

————— *Quò tenditis, inquit,
Qui genus? unde domo? pacemq; huc fertis, an
arma?*

Alcimus Avitus Lib. IV.

Qui genus? unde patres?

Et Græci : *τίς πόθεν; εἰς ἀνδρῶν; πόθεν τοι πό-
λις, ἥδε τοχῆες*.

36. *Optavi sapere tantum*] Hunc quoq; lo-
cum, sicut & alia multa Saxonis, vitiosa corru-
pit interpunctio. Sic etenim in prioribus erat
Editionibus :

*Optavi sapere tantum discrimina morum,
Lustravi varium per loca nactus iter.*

Quis jam hic tam Oedipus est, qui sanum ali-
quem ex his verbis sensum elicere poterit? nisi si
faculâ distinctionis adhibita, ita mecum legat :

*Optavi sapere tantum, discrimina morum
Lustravi, varium per loca nactus iter.*

Hoc vult dicere Ericus : Hæc mihi summa vo-
torum, summa curarum semper fuit, ut supra
vulgus scirem, & civilem aliquam mihi pru-
dentiam compararem. Eam verè non exiguum
consecutus videor; quippe qui varias peragran-
do regiones, multarum gentium, nationumq;
mores ac ingenia accurate exploravi atq; exper-
tus sum : non secus ac ille apud Horatium :

Qui mores hominum multorum vidit & urbes,

adeo ut non sim nescius, sed probe internoscere
queam & discernere, quid distent erva lupinis,
quid sit discriminis inter sapientem & stultum,
inter malum & bonæ frugis hominem.

20. *Remorum ductus velorum vincitur usu*]

Fortè tale aliquod vulgo jactatum fuit olim.
Proverbium, quale extat in Anonymi Chroni-
co Norvagico : quod utinam diutius non invi-
deret nobis, Vir ad omnem humanitatem fa-
ctus, & recondita eruditionis, Joh. Kirch-
manus, amicus meus : *BIRAKRNR BIR
HIPA IR BRAPR KAKPARAPNR,
Bybandur byr eiga er brader handarødur : Ex-
pectantes ventum secundum, festinantius properant,
quam remigantes : de kommer snarete frem som
Seiler / end de der Roer.*

23. *Istas ore premi constat, at illa manu*] Ob-
scurior non nihil hic locus, nisi si quis ad genui-
num proverbialis hujus locutionis sensum, ani-
mum diligentius advertat. Comparisonem
instituit noster inter *mendacium* & *tempestatem*,
edocere nos cupiens, non minori damno men-
dacia homines afficere, quam miseros nautas
favientem in mari tempestatem. *Tempestatas* ete-
nim paucas quasdam naves disjicit, funditusq;
evertit; sed *mendacium* regnis, urbibus, totisq;
nationibus perniciem adfert. Porro sicut freta
remigiis, quæ manibus premuntur & agitantur,
urgente tempestate pulsantur; ita & *terre*, hoc
est, variæ gentes & nationes premuntur, & inter-
dum opprimuntur, ore, id est, mendaci lingua, seu
menda-

mendacio, quod ore profertur. *Neg, enim manuum vi duntaxat, sed linguâ, æquè ac acuto gladio, jugulari inimicos, rectè monuit Emanuel Comnenus apud Nicet. Chon. Lib. V. Et Demosthenes Oratione de falsâ legatione: Nullâ re populus lædi gravior potest, quàm audiendis mendacijs.* Hinc verè Petronius in Trojæ halosi vocat *Mendacium in damna potens.*

26. *Sorde gravis putes*] Vanum hominem, & nullius frugi, suâ linguâ, veteres Dani probrosè appellabant **IKPIYI, Endeme**, id est, Sterquilinium, & **AKRIM, Ohrese**/ quæ vox propriè ramenta & quisquilias significat, item lutum, sordes. Hinc per contemptum & convicium vilem aliquem, despectum, & abjectissimum mortalium, præcipuè quando aliquis stultè loqui ausus fuerat, ita compellabant: **AKIR IKPIYI, Heyr Endeme**/ id est, audi cænum. *J Jarla Sogu: thall Jarl sagdi: Heyr Endeme*/ id est, audi sterquilinium. *Bua Sogu: En hitt Ohrafid er thar sita a stolnum og hlyder a tall manna. Men det andet Skarn/ som der sidder paa Stolen/ oc horer paa Gølkens tale.* Hodicq; nobis eadem formula in usu inconvicijs est, quum hominem nullius frugi nominamus *det Skarn/ det Møg; Hand er eet skarn/ eet møg/ eet droog/ etc.* Itidem Romani olim loquebantur, hominem impurum, flagitiosum & sceleribus coopertum appellantes *lutum, cænum, labem, sordes.* Tullius Oratione pro P. Sextio de Calpurnio Pisone: *Habeo, quem opponam labi illi atq; cæno.* Et in L. Pisonem: *O Pestis, ô scelus, ô labes.* & eadem Oratione: *ô tenebræ, ô lutum, ô sordes!* & mox: *Cum se Philosophum esse diceret, istius impurissimæ atq; intemperatissimæ pecudis cæno ac sordibus inquinavit.* Plautus in Perfa, Sc. curate

————— *Eho lutum lenonium*

Commixtum cæno sterquilinium publicum, Impure, inhoneste, injurie, illex, labes populi.

Item:

Possum te facere, ut argentum accipias, lutum?

Catullus Epist. XXXIX.

Non assis facis, ô lutum, ô lupanar,

Aut si perditius pote est quid esse.

44. *Esca feris, avida præda futurus avi*] Minatur Grep Erico ipsius sepulturam in Volucrum potestatem fore, quod Augustus olim respondisse dicitur captivo cuidam suppliciter sepulturam precanti; innuens, aves facultatem habituras cadaver relictum discerpenti & recondendi intra ventrem, tanquam sepulchrum. Qualem sepulturam Curioni tribuit Lucanus Lib. IV.

————— *Libycas en nobile corpus*

Pascit aves, nullo contactus Curio busto.

Et Euryalo Virgilius Æneid. IX.

Heu, terrâ ignotâ, canibus data præda Latinis,

Alitibusq; jaces —————

A Quamquam mos, imò honos fuerit alijs gentibus, ut Caspijs, Iberis, Barchœis, Indis, Persis, Parthis, inhumata cadavera abjicerè. Cl. Vir Berneggerus ad Sveton. August. Cap. XIII. Apud Iberos Vultures erant pro sepulchro. Unde Silius in XVI. Punic.

Tellure, ut perhibent, is mos antiquus, Iberâ, Exanima obscænis consumit corpora vultur.

53. *Non ego reginam*] Sui ipsius indicio perijt Sorex. Ericus nullam plane injecit Reginae mentionem à Greppo stuprata, priusquam ipse se prodat. Scilicet hæc vis malæ est conscientia, de quâ verè Polybius in fragmentis: *Ουδεις εστις ετε μαρτυς ετι εφθεγγε, ετε κατηγοει δευρος, ως η συνεσις, η κατοικουσα ταις ενδωτων ψυχαις:* Nullus neq; testis tam formidabilis, neq; judex tam gravis, quam Conscientia, quæ mentibus cujusque insidet & inhabitat.

Pag 75. vers. 6. *Decipitur, servum quisquis sibi posuit amicum*] Proverbium est, de fortissimo viro Grettro Asmundio servi negligentia decepto, prolato & usurpato: *Sit er ad enaa thral syyer einka Wm. Inconsultum est, cui servitium in summa amicitia est.* M. Brynolfus.

13. *Improvvida plerumq; nocere consilia*] Præcocium consiliorum infelix & tristis solet esse exitus. Hinc rectè Livius: *Consilij, inquit, nulla res tam inimica, quàm celeritas. Celer enim pœnitentia, sed eadem sera atque inutilis, sequitur, cum præcipitata raptim consilia, neq; in integrum restitui possunt.* Quare rectè præcipitur, ut antequam res magnæ, & ardua negotia suscipiantur, animus, repudiatis præcocius actionibus, consilio maturo & prudenti in omnem eventum diligenter sit muniendus. Benè itaque Tacitus monet: *Omnes, qui magnarum rerum consilia suscipiunt, æstimare debent, an quod inchoatur, Reipubl. utile, IPSIS gloriosum, aut promptum effectum, aut certe non arduum sit.*

E 23. *Immolati dijs equi abscissum caput conto excipiens*] Heic denuo Magici cujusdam apparatus luculentam scenam habemus. Modus autem & formula talis maleficij peragendi hæc erat. Apud veteres Danos, juxta ac Boreales ferè gentes omnes, Ethnicismi superstitionibus adhuc imbutas & incantationibus deditas, qui caput inimicis devovere, vel etiam qui hostilem impetum à se & fortunis suis averruncare, cupiebat, contum quandam, sive oblongam hastam ex corylo, vel alia quavis arbore, sibi antea ritè conficiebat. Hujus hastæ summitati cranium equi, quem prius dijs inferis solenni sacrificio immolaverat, cadaveri abscissum ita insigebat, ut distentis faucibus, hianti q; rictu, ingentem terrorem visentibus incuteret. Hanc deinde hastam *Ruinis*, id est, magicis characteribus inscriptam, in colle, seu alio quocunq; loco editiore, interdum etiam in promontorio aut Isthmo, qui è diametro oppositus erat regioni isti,

isti, sive loco, in quo hostis versabatur, vel per quem eum irrupturum putabat, erigebat, adhibita insuper certâ diræ imprecationis formulâ. Hunc contum nominabant **NIIDSTANG**, Niidstong/ hoc est, Hastam imprecatoriam; à **NIID**, Niid/ quod prisca linguâ Danica significat diram imprecationem, & **HTANG**, Strong/ id est, contus, hasta. Indè formula loquendi, *At opsette/eller reise/ Niidstang mod een*, hoc est, contum, seu hastam imprecatoriam, vel mali voti, adversus aliquem erigere. Illustre hujus rei exemplum extat in Historia antiquâ Egilli Skallegrimi, quæ EGLA veteribus dicta est; cujus meminit Glossarium priscae Linguae Danicæ, quod penes me est, MS. hunc in modum: Egill Skallagrimson riste niid Eirneke Konge. det er: Egill Skallagrimson reiste forbandelse mod Erick Konge; nemlig som effterfølger: Han tot i hond sien hestestong/ og gief fram a Bergnos eina/ tha er viiste til lands up/ tha tot han Hroshofud/ og veitta thar formåla/ og málte suo: Hier set eg up niidstong/ og syn eg thettu niid a hond Eirneke Konge og Guñhilde: syn eg thessu niid a landvætter/ ther er thetta land bnggia/ so ad allar fare ther a villa vega/ ad einge hitte sit inne/ fyr een ther reka ur lande Eirneke Kong/ og Guñhilde: Epter thad staut han niider stonginem i Diargrifu eina/ og let thar stand: hand suere Hroshofud land up/ en ríist Runa a stonginem/ og sagdi thar thennann formåla. Det er: Hand tog sigi Haand Hestestang/ oc gief frem for en Biergnaf/ som viiste op til Landet/ da tog hand et Hørse Høffuet/ oc gjorde denne Fortale: Her opsetter Jeg Niidstang/ oc vender Jeg dette Niid Kong Erick och Guñhilde/ til haande. Jeg vender dette Niid paa Lande/ oc alle de som boe i dette Land/ Saa at de stulde alle fare paa villde wege oc ingen stulde kunde finde sin Volig/ førend de driffue Kong Erick oc Guñhild aff Landet. Effter det stiad hand stangen neder i en Biergreffue/ oc lod den staa der: Siden vente hand Hørse Høffuedet op til Landet/ oc riistede Runer paa stangen/ oc sagde der denne Fortale/ etc. Oc stactie der effter bleff Erick meger hadelig aff alle/ oc rombre aff Landet.

27. Obscenitatis apparatus] Ità propriè expressit noster vocem antiquam **NIIDSTANG**, Nidingstangur / quæ infamiam & nefandum scelus significat. Exemplum suggerit Glossarium modò laudatum **NIIDSTANG**, Nidingstangur / detestanda scelera, quorum mentio occurrit etiam in Codicibus legum Danicarum.

47. Nudum habere tergum fraternitatis inopem] Hoc est, subsidio fraterno destitutum. Statius IV. Thebaid. *Inops comitum*. Tacitus VI. Annal. *Inops sociorum*. Apulejus de Deo Socratis: *Inops veritatis*. Et Apologia: *Omnium*

peccatorum inops. Prudentius Hamartig. vers. 364. *Mens vulgi rationis inops*. Et Psychomach. v. 12. *Magnarum virtutum inops*. Hilarius Genesi: *Qui natalis inops*. Ubi vide elegantissimæ eruditionis Weitzium, pag. 26.

25. *Ardebat intra ædem ignis*] Non est, quòd hoc tempestati Saxo ascribat, quod in prisca monumentis, sinè temporis mentione passim occurrit. Amarunt antiqui Heroës ad focum epulari, quem in medio pavimento, secundum ædis longitudinem, aluerunt: ipsi cum senatu, optimatibus, & legatis, in interiore domus parte, & loco sublimiore confidentes, inferius utrinq; ad focum satellites & ministri. Crebrò antiquitates Æng-ellda meminerunt, hoc est, *longorum ignium*; & crebrò, ellda brenna a *Stidum* / id est, *ignes in lignis splendide arsisse* narrant. M. Brynolfus.

52. *Ignis vultui temporis haud indebitus*] Κατὰ χρόνον est hic nimis dura. Ità durius dicitur περὶ χρόνον θανάου: quomodo Evangelistæ Matthæus loquitur Cap. XVI. Cui simile est, quod Ovidius initio Metamorphos. *Natura vultum dixit*. Item Virgilius nunc *feris* tribuit vultum, nunc *mari*.

Pag. 76. vers. 19. *A Rennesø prodij*] Inter insulas, quæ magno numero fretum Buchenfiord/ quod civitatem Norvegiæ Stavangriam alluit, complent, unam hoc nomine Rennesø animadverti extare in Tabula Chorographica Diocesis Stavangrienfis, editâ ante annos XXVII. à Viro Clarissimo, & insigni Mathematico, M. Laurentio Scavenio; quæ forsitan illa esse poterit, è quâ se prodijisse hic commemorat Ericus. Et infra, *Rennesø*/disertim insulam fuisse tradit. Et vero totus hic sermo Erici plane ænigmaticus; quo tamen nihil aliud indigitare existimo, quàm iter illud maritimum à se in Daniam cum fratre Rollero susceptum.

Pag. 77. vers. 8. *Nec diu manum ictu exhilarari solere*] Hodieq; regium hoc dictum Islandis in ore est, quoties significant, intempestivè quempiam jus suum manu persequi: *Stutta Stund* verdur hand hegge seigen: hoc est, *Breve, nec diu est, cum ob ictum illatum manus exultat*. M. Brynolfus.

16. *Laboranti optima est mali mora*] Adagium itidem est, quod viget, quoties in magnis & impendentibus malis, in dilatione & incertitudine eventus requirimus: *Grestur er a Jllu bestur*. Vel, *Grest er a Jllu best*. M. Brynolfus.

24. *Campum gelati maris*] Eleganter & Poëtice dictum. Sic non ab simili loquendi modo Virgilius *liquentes campos*, pro *mari* dixit VI. Æneid. Et Ovidius Lib. 1. Metamorph. *Latum aquarum campum*. Iterum Virgilius V I. Æneid. *Latum æris campum*.

30. *Nec pœnam insigendum esse*] Græcismus est evidentissimus, quo usos video antiquos sæpè,

scipè, non Poëtas modo, sed alios etiã scripto-
tes. Varro Lib. 3. de re Rusticã: *Acus substernen-*
dum gallinis parturientibus. Virgilius:

— *pacem Trojano à rege petendum.*

Cicero in Catone Majore: *Volumus sanè nisi mo-*
lestum, Cato, tanquã longam aliquam viam con-
feceris, quam nobis quoq; ingrediundum sit. Varro
eodem libro ferè ita: *Eas horas substernendum pa-*
leã. Sic Lucretius Lib. I. v. 23.

Æternas quoniam pœnas in morte timendum.

Et ibidem vers. 18.

Multa novis verbis præsertim cum sit agendum.

Pag. 13.

Aut igitur motu privandum est corpora quæq;.

Id quod Græci dicerent: *Φοβητέον τὰς ποινὰς,*
πράκτεον πολλὰ, τὰ σώματα τὰ φοβητέον. Plures
ejusmodi formulas congeffit Obertus Gifanius
in conlectaneis ad Lucretium.

32. *Epulaturi in convivio militis*] Miles hoc
loco per Synecdochen numeri, & quidem Sin-
gularis pro plurali, positum est, pro *Militibus*:
ut mox: *Affoletne Gótari miles?* Eundem ad
modum loqui amat Florus Lib. 1. *Adactus miles*
suã sponte jurejurando, nisi captã urbem remearet. Et
Lib. II. *Sic redacto in disciplinam milite commissa*
acies. Et Lib. IV. de voce, quã usus Cæsar: *Miles,*
faciem feri. Itã & Eques pro *Equitibus* in eodem
ponitur, Lib. 2. *Quippè nebula lacus, palustribus*
virgultis tectus eques. De hujusmodi sermone
itã B. Augustinus Lib. 2. Locutionum S. Scri-
pturæ, quide Exodo est: *Et extendit Aaron ma-*
num super aquam Egypti, & eduxit ranas, & educta
est rana, & operuit terram. Repetitio à Plur. ad
singularem numerum trajecta est. Nam utiq; rana
pro multitudine ranarum positum est. Nescio, quo
autem modo, per loquendi consuetudinem, imbutis
sensibus hominibus sepe plus videtur, quod Singulari-
ter, quã quod Pluraliter dicitur. Nam plus accipi-
tur, cum dicitur, *verbi causã*: Est illic miles, quã
sunt illic milites; est illic piscis, quã sunt illic pi-
sces.

30. *Nemo non natum*] Itã scitè expressit Pro-
verbia illa Danica hodieq; in vulgus nota: *Hærrer*
rofsod Hæst at binde ved Frybbe. Et, *Dnt*
er at baase for rofsod See. Quorum postremum
versu plane barbaro, ut omnia, reddidit Petrus
Laglandicus (vulgò Lolle) Legista, Parabola-
rum Fol. 58.

Non nata pecudi rude sit bostaria cudi.

Ubi *Bostaria*, bovis stabula, interpretatur Ascen-
sius, in Notis ad istum authorem. Sensus au-
tem horum adagiorum forrè Metahpysicum,
hoc Axioma revelabit: *Non entis nulla datur affe-*
ctio, sive, nulla sunt accidentia.

Pag. 78. vers. 12. *Inani pacta revocare*] Con-
sentit *πολυθεύχητον* illud: *In malè promissis*
haud turpe est fidem rescindere.

Ibid. *Maturitati potius quã inconstantia*]
Maturitas hic est prudentia. *Ufus* est eodem si-

gnificatu Ammianus Marcellinus Lib. XIV.
pag. 3. *Ipse quoq; arrogantis ingenij incitationem*
ejus ad multorum augeri discrimina, non maturitate
vel consilijs mitigabat.

15. *Crustatum glacie æquor*] Ammianus Mar-
cellinus Lib. XIV. pag. 37. *Hyeme verò humus*
crustata frigoribus, & tanquã levigata, ideoq; labi-
lis, incessum præcipitantem impellit.

20. *Altercandi collibitum sibi fore certamen*]
Id Veteres Dani nominabant *ARÞAKMB-*
BIAÞ, Orðahnipping. Gloss. Island. MS.
ARÞAKMBBIAÞNR, Orðahnippingur /
Verborum pugna seu contentiones.

24. *Quando tuam limas*] Non injuriã spur-
cum hoc, & honestis indignum auribus carmen,
prisca lingua Danicã *ÞP, Þid* / appellares, de
quo Glossarium Islandicum MS: *ÞP, ÞID,*
Neutr. Gen. *Spurca Poësis, qualis apud Latinos,*
Martialis, Catulli, & consimilium. Rhyt. *Þunst*
er fryd sa mærdar smid / margan tid ad þyfia Þid.
id est, Minime est pulchra ista Poësis, multoties
edere obscœna carmina. Hinc ad *Þida no-*
cturn: id est, Obscœnis vel infamibus cantile-
nis aliquem lædere. Grettla: *Monum totthi*
illa er þan Þidde Þastida Þonda / det er: Þette
tocttis Þolct ilde / at þand quad flemme Þiiser our
Þastide Þonde. Dicitur etiam *ÞIPÞYAR,*
Þiofstar / promptus ad tales cantilenas, & aliam
infamem Poësin. Halfredur Saga: *Halfredur*
var Skald thegar a vnga aldre / og al þidstar.
det er: Halfred var sirax Skaldur in sin vnge da-
ge / oc meget rede til at quæde flemme Þiiser.

29. *Remigij homines*] Cl. Vir, & Philolo-
gus eminentissimus, Caspar Barthius, in literis
ad me suis Anni Clō Io CXXXIII. ex MS ex-
emplari Saxonis nostri, ita hunc Versum emen-
dat: *Videbantur, inquit, ævi sui pede bene hæc conciliata ire.* At in optimo codice erat. *Res Veneris*
homines. Scribendum vides: Re Veneris. Et ulti-
mis verbis: Quid ad hæc addere mas runit?
Omnino scribendum, mas renuit? Pessimè qui edi-
derunt primũ, non intellectis veteris scripturæ du-
tibus.

30. *Motus quippe suos nam labor omnis habet*]
Pleonasmus est, quippe & nam: quo tamen gau-
dent interdum Scriptores. Plautus Menæchmis
Actus V. Sc. IX. *Venibit uxor quoq; etiam.* Sic
Florus Lib. 1. *rursus redire.* Svetonius in Vitã Cæ-
sar. Cap. 2. *rursus repetere.* Claudianus in Ruffin.

— *revocataq; secula rursus.*

Justinus; *rursus recipere.* Livius; *Legati deinde*
postea missi. Barthius loco jam dicto: *Quarto*
versu ex usu seculi, tò quippe abundat, ne de men-
do quis argutetur. Quo pacto positum invenies apud
Augustinum pag. 29, Libri de gestis Pelagij. Gui-
lielmum Armoricum Lib. IV. Philippidos, vers. 465,
Historicos Nordmanniæ à Duchesno editos. pag. 106,
108, 138. &c.

46. *Agonizans Ericus*] Græcis Ἀγων, *Certa-*
tamen. Unde ἀγωνίζομαι, certo, pugno. Hinc
mediæ ætatis Scriptores formarunt Verbum,
Latium *Agonizo*, eadem significatione; & se-
cundum Papiam, *Agonizor*. Adamus Bremen-
sis Lib. I. Cap. VIII. de S. Vinifrido, seu Boni-
facio, primo Germanorum Apostolo: *Gesta*
ejus, à Discipulis plenariâ manu edita sunt; quæ eum
ferunt agonizasse, cum alijs quinquaginta, & amplius,
commilitonibus suis.

47. *Arduum reor contra fortem fune contende-*
re] Quid si rescribamus *funem contendere*?
ut propius ad certaminis formam respiciamus.
Sic enim suadet nobis Proverbium hoc inte-
grum adhuc & superstes: *Jult er ved Ramman*
reip ad draga. M. Brynolfus.

Ibid. *Perquam utile referens rebus integris in-*
columi redire curru] Accedat hoc item ad pro-
verbiorum nostratium censum: *Hollast er hei-*
lum wagne heim ad afa: quod in alium sensum,
verbis tamen ex parte retentis, Dani verterunt:
De haffue gott/ som tiære med heele Vogne. M.
Brynolfus.

52. *Imagine profligatus*] Ni fallor, sensus
erit: Consimili mortis genere, quo cæteri pe-
rierunt, peremptus. Sic infra loquitur: *Quis*
hanc prior imaginem præbuit.

37. *Frustrâ volentem perire servastis*] Quasi
diceret. Parvam à me refertis gratiam, qui
mori cupientem prohibetis. Huc facit illud
πολυσεύδακτον: *Qui servat invitum, idem facit*
occidenti. Item: *Invito non confertur beneficium.*
At contra Seneca Lib. 2. de Beneficijs: *Pulcher-*
rimum opus est etiâ invitos nolentesq; servare.
Et Calpurnius Flaccus Declamat. XLI. *Miseri-*
cordiæ maximum munus est servare nolentem.

Pag. 81. vers. 37. *Suam nec diu cautiùs absti-*
tisse fortunam] Hoc est, fortunam adversam,
suam nondum planè expiatam; nondum ad-
versa fortunâ se defunctum; adhuc se in cauti-
bus versari ac scopulis. *Absistere bello, absistere*
pugnâ, antiquis usitatum est. Vicina huic lo-
cutio est Lucretij sub finem Lib. II. *ad scopulum*
ire, pro ad interitum:

Nec tenet omnia paulatim tabescere, & ire
Ad scopulum, spatio ætatis defessa vetusto.

Metaphorâ scilicet à navi sumptâ, quæ infligi-
tur scopulo: quomodo recte ad illum locum
Dion. Lambinus, optimè de Lucretio meritis, F
commentatus est. pag. 286.

38. *Fasces labilem esse, qui vinculo non fir-*
metur] Proverbium antiquum tale fuit: *Lauf*
er bandlauf bagge. M. Brynolfus.

44. *Manum siquidem capitis periculo obijci*]
Cum præsentî periculo occurrenti, vel ob vici-
nitatem, vel debitum naturæ, ignoscimus, &
quodammodo excusamus, hoc proverbio uti
convenit: *Stjult er hende aff hofse vera,* Quod

A hoc Rhythmo comprehendit avus maternus,
Paulus Jonæ filius, Vir in illis talibus rari exem-
pli: *Jult er hende aff ei ber/ eff ntar a hofse vera*
fastâ: Turpe manus jactum quæ non defendit ab ore.
M. Brynolfus.

Pag. 82. vers. 38. *Litharfulki quoq; provinciam*
tradiit] *PNNYI, Sylte*/ seu juxta veterem pro-
nunciationem *PNNYI, Sulsti*/ priscis Danis
in usu fuit pro Normarchiâ, sive Provinciâ,
quam hodiè *Æan* nominamus, sed adeo referatâ,
locuplete, & copiosâ, ut justus inde exercitus
colligi ac conscribi potuerit. Singulis ejusmodi
provincijs unus summâ cum potestate præerat
Regulus. Propriè autem *at sylte*/ aciem instrue-
re significat; & *Sylcting*/ aciem instructam,
sicut *Sylctingearm*/ cornu aciei dextrum vel si-
nistrum. Cæterum tota olim Norvvegia in-
XXIII. *Sylctas*/ sive provincias, divisa fuit, quas
hoc ordine recenset Chorographica Norvagiæ
C Descriptio, ante decennium linguâ vernaculâ
Hafniæ edita: 1. *Elfvar sylte*. 2. *Vingulmorf*
sylte. 3. *Raumaricks sylte*. 4. *Dalvig sylte*.
5. *Hadelands sylte*. 6. *Westfylda sylte*. 7. *Gren-*
lands sylte. 8. *Austaregda sylte*. 9. *Westeregda*
sylte. 10. *Angia sylte*. 11. *Sundhorda sylte*.
12. *Hardengra sylte*. 13. *Nordhaurda sylte*.
14. *Sygna sylte*. 15. *Giala sylte*. 16. *Firda syl-*
te. 17. *Sundmora sylte*. 18. *Raumbola sylte*.
19. *Nordmora sylte*. 20. *Tronheim sylte*. [sub
D se comprehendens octo Provincias. 1. *Auna*
sylte. II. *Sparbyggia sylte*. III. *Verdola sylte*.
IV. *Staunasylte*. V. *Stiordals sylte*. VI. *Strin-*
da sylte. VII. *Gaumbola sylte*. VIII. *Ortdola*
sylte.] 21. *Raumbola sylte*. 22. *Halogaland*
sylte. 23. *Sindmarken*. Has inter non occur-
rit nostrum *Ëithar sylte*; ideoq; legendum puto
Ëistat sylti/ quæ nunc dicitur *Ëistelan*.

Pag. 84. vers. 9. *Sclavorum mandatur irruptio*]
Mandatur hic positum pro nunciatur, significa-
E tione medijs ævi Scriptoribus usitatâ. Gallus
Confessor, Cap. XXII. *Serò quoq; cum factum est,*
ipsâ die apparuit Apostolis suis, & eis gaudia pacis
mandans, insufflavit. Ad quem locum ita Clariss.
Vir, Caspar Barthius: *Gaudia pacis mandans,*
id est, Spiritus Sancti adventum nunciâns. Pax enim,
in Evangelio B. Johannis, *Spiritum Sanctum* notat.
Mandare autem nunciare est illi seculo Scriptorum.
Sic usurpant Sidonius, Ennodius, Fortunatus, Fulgen-
tius, Marculfus Monachus, alij innumeri. Alioquin
mandare ejusdem commatis Scriptoribus mitte-
re, ablegare significat. Fulgentius Fab. XLV.
Postquam in Thraciam redit, *Philomelam mandat ad*
Lyncæum Regem.

42. *Regem deinde manum spargere hortatus*]
Manum spargere, id est, exercitum dividere;
quomodo bellum *spargere* dixit Silius Italicus,
Lib. IX.

Scindent se turmæ, prædicit spargere bellum.

Et agmina spargere Lucanus Lib. VI.

*Ipse quoq; à tutâ deducens agmina petrâ
Diversis spargit tumulis, ut Cæsaris arma
Laxet, & effuso claudentem milite tendat.*

Q. Curtius sub initium Lib. VIII. Cum propter vagum hostem spargendæ manus essent, in tres partes divisit exercitum.

46. Ut compendij gratiâ complanasse montes] In eandem sententiam de Xerxe loquitur Justinus Lib. II, qui fiducia virium, veluti naturæ ipsius dominus, & montes in planum deducebat, & convexa vallium æquabat, & quædam maria pontibus sternebat, quædam ad navigationes commodum per compendium ducebat.

53. Quisquis primam feliciter militiam gesserit] In primo certamine & conflictu cum hoste parva victoria, vel opinio virtutis, magnum ad terrendum hostem, & ad totum reliquum bellum conficiendum, illiusq; victoriam, postea momentum habet & affert. Bella etiam ut plurimum famâ constant : & timetur ille potissimum, qui sibi jam opinionem virtutis ac strenuitatis comparavit. Unde Janus Gruterus in Commentar. super aliquot loca Taciti : Pro belli initijs Dux aut timetur aut spernitur. Adeo ab initijs haud temerè præsumitur de fine. Et per initia sæpe de eventu decernitur. Hinc etiam Tacitus memorat de Cæcina Lib. 2. Histor. Consilia curasq; in oppugnationem Placentiæ magno terrore vertit : gnatus, ut initia belli provenissent, famam in cætera fore. Et in Vita Agricolæ : Cæsarsq; prope universâ gente, non ignatus, instandum famæ : ac prout prima cessissent, fore universa.

Pag. 85. vers. 22. Quarum præsens quasdam ritus usurpat] Paucas admodum ex legibus hisce Frothonianis hodierna apud nos consuetudo celebrat : sed maximam partem vel sunt prorsus abolitæ, inq; defuetudinem venerunt ; vel hodieq; in usu sunt, sed quo ad formam, si non quâ materiam, immutatæ. Sic illa quæ ordine Septima Lex est de Fure impunè non dimittendo, extat in Volumine Legum Cimbricarum, Cap. XCI. Lib. II. sub hoc titulo : Bonden maag en lade Thiff lobe. Illam verò, quæ sequitur, de fuga non capeffenda, non tam expressa legis scripta verba, quàm ipse pudor & honestas confirmat. Jam eas quod attinet leges, quas Frotho in Daniam rediens tulit, ejus, quæ ordine secunda est, de foeminâ liberâ amittente libertatem, si servum duxerit, exemplar existat in *Recessu* Christiani III, Regis Daniæ, Articulo XXXVI. Om frifj Quinde tager vsfrifj Mand. Tertia, item, quæ mox subjungitur, de eâ ducenda, cui vitium primus attulit, confirmatur Novelis Constitutionibus Friderici II. Regis Daniæ, Tit. de Stuprat. Virg. nec non Legg. Cimbricar. Lib. I. Cap. XXXIII. & Lib. 2. Cap. XVI. XVII. XVIII. Octava deniq; de eo, qui ad exequendum Regis Imperium ob animi contumaciam piger extiterit, Nobiles hodieq; aliquâ ex parte

A obligat, sicut videre licet in *Recessu* Christiani III. Articulo II. §. 2. At Adelen skal vere plectig/ at vere Kongen horig oc lydig/ oc tiene med Hest oc Harnist/ oc affverie Kongens oc Rigenes Skade.

26. Dignitatis causâ captivum concessit aurum] Aurum captivum, opes significat ab hoste captas : quomodo agros captivos olim dixit Tacitus Annal. Lib. 12. Captivam vestem Virgilius ; Captiva thura Ovidius in Fastis ; Captivum ebur Horatius Epistol. 2. & noster mox infra : Captiva navigia.

33. Si quis in acie primus fugam capefferet] Digestor. Lib. XLIX. Tit. XVI. §. VI. Qui in acie prior fugam fecit spectantibus militibus, propter exemplum capite puniendus est. Quam Legem mihi suppeditavit Excellentissimus Vir, D. Henricus Ernstius, Collega meus plurimum honorandus. Αἰσχρὸν τὸ Φεύγειν : Turpe est pedibus vitam redimere. Aristid. Orat. 2. Manuel Comnenus apud Nicetâ. Lib. II. Θάρος γὰρ μερόπεισι μέγα κλέος, φύζα δ' οὐκ ἐνδύει : Fortitudo enim ingens hominibus gloria, sed fuga dedecus. Cointus Smyrnæus Lib. VI, v. 46. Calvinus Domitius, primipili Centurionem nomine Vibillum, ob turpem ex acie fugam, fuste percussit. Vellejus Paterculus Lib. 2. Historiar. Crassus quingentos primos, à quibus initium fugæ ortum fuerat, decimavit. Plutarchus in Crasso. Hinc Polybius Lib. 3. Est hoc unum ex institutis disciplinæ militaris apud Romanos, quod diligentissime observant, NON FUGERE, neq; ordines deserere.

40. Quamcunq; primitus cognovissent] Cognoscere Latinis Scriptoribus est de nuptis verbis. Ovidius Epist. VI. Heroid.

Turpiter illa virum cognovit adultera virgo. Lampridius Alagabalo : Antonino Caracallæ stupro cognita. Eutropius Lib. VII. de Caligula : Stupra Sororibus intulit, ex una etiam filiam cognovit. Sed etiam Græcis : Plutarchus in Evmenè non longè à principio : Βαρσίνην γὰρ τὴν Ἀγριπάαν πρῶτην, ἐν Ἀσίᾳ γυνὴς ὁ Ἀλέξανδρος ἐξ ἧς ὁὐδ' ἔχεν ἡγεμλέα. In Alexandro : Οὐτε τῶν ἐν ἡμεῖς scil : τῶν Ἰουδαίων, οὔτε αὐτὴν ἐν γυναικα πρὸ γάμου πλὴν Βαρσίνης. In Pompejo. Ὅσαι ἢ τῶν μετρίων παλλακίδων ἀνέχθησαν ὁδεμίων ἐν γυν. Imò & Hebræi, ad significandum viri cum muliere congressum, hoc verbo utuntur, ut mille patet Sacrorum Bibliorum locis. Videatur Caspar Barthius Advers. Lib. XXIII. Cap. 9.

Ibid. Ducendi legem inflixit] Lex divina Deuteronom. Cap. XXII. v. 28. Si in venerit vir puellam virginem, quæ non habet sponsum &, apprehendens concubuerit cum illa, & res ad iudicium venerit. v. 29. Dabit, qui dormivit cum ea, patri puellæ quinquaginta syclos argenti, & habebit eam uxorem, quia humiliavit illam, non poterit dimittere eam cunctis diebus vitæ suæ. Jus Canon. Cap. I. de Adult.

49. *Sagitta lignea ferrea speciem habens*] Apud Veteres Islandos conventus habendi signum erat *ÞARIR & ÞYIR*, *Thors hamar / Malleus Thor Deaftri*. Deinde post annum à nato Christo millesimum, quum jam in fidem Christianam jurassent, pro ejus temporis religione, *Crux lignea*, quam quilibet Colonus ad suum vicinum perferret, die, loco, & causâ conventus indictis; cujus signi neglecti aut intermissi certa pœna. Postea in usu fuit ad cogendos provinciales conventus, *forma securis. Norvagica lignea*, eadem ratione circumlata inter provinciales concives, ut de cruce lignea jam dictum. Conventus autem, quem hæres occisi intra triduum cogebat ad sepulcrum cadaveris, index fuit *telum ligneum*. Arngrimus Jonas Islandus, Rerum Islandicarum Lib. I. Cap. III.

Pag. 86. vers. 6. *De qualibet verò controversiâ ferro decerni sanxit*] Sensus est, Frotho Rex, inter alias leges, hanc etiã tulit, quã nimirum sanxit, ut subditi sui in posterum lites armis dirimerent, & pleraq; causarum judicia duello, sive singulari certamine, decernerent. Quã consuetudo primum abrogata legitur à Rege Danorum *Suenone* cognomento *Tivreskeg*; in ejus locum substituto ferri candentis usu: ut tradit Saxo Lib. X. donec eam funditus everteret Haraldus, qui non armorum usu, neq; testium, sed solâ sacramenti fide & jurejurando defendendi potestate subniti voluit: prout verba Saxonis habent Lib. XI. Talis etiã *Lex* fuit *Gundebadica*, à Burgundiæ Principibus lata; quam ut planè impiam, atq; scelestam abolendam esse, Epistolâ verè lectu dignissimâ suadet S. Agobardus, Episcopus Lugdunensis fol. 103. Cæterum hic locus postulare videtur, ut de varijs probationum, sive purgationum modis, non nihil in præsens, quantum fert ratio instituti nostri, agamus. Varia igitur olim apud varias gentes Probationum, sive purgationum genera fuerunt; quibus veritas culpæ, vel innocentie, decidenda permittebatur. Nulla verò frequentior erat *Monomachia*, quod *duellum* vocant; Saxo *Singularem congressionem*; Agobardus *Singulare certamen*. Cujus inventionem quidam Mantinæis tribuunt; alij volunt antiquiorem esse. Sed post Barbarorum in Italiam irruptionem truculentus ille mos inolevit apud *Longobardos, Germanos, Francos, Anglos, Hispanos, Moschos, & nostros quoq; Danos*. Et extendebatur tam ad causas criminales, quàm civiles. De hujusmodi purgatione illustra extant exempla apud Lambertum Schafnaburgensem, & alios Historicos. Fuit & purgatio vulgaris per *Ignem*, quæ triplex: per *rogum*, per *prunas*, per *ferrum ignitum*, hoc est, *vomeres*, sive *laminas*, vel *chirothecas candentes*. Ac *ferrum ignitum*, sive candens, quod attinet, meminere ejus variæ leges Septentrionalium. Apud Radevicum Lib. I. Cap. 26. fit men-

tio legis militaris, quã Servus non deprehensus in furto, sed accusatus jubebatur vel domini juramento, vel igniti ferri judicio se purgare. Leges Francicæ & Longobardicæ jubebant per novem vomeres ignitos, homicidij accusatum se purgare. Sic & Selavi ad veram religionem conversi offerebant criminosos Sacerdoti ferro vel vomeribus examinandos, ut habet Helmoldus Chronic. Sclavor. Lib. I. Cap. 84. In Flandria quoq; hanc legem Philippus Comes tulit B. Ann. Christ. 1164. *Si quis vulnus in nocte acceptum alij imputaverit, ferro candenti se excusabit*. Mejerus in Chron. Flandriæ. Nostros *Sterf & Jern* appellabant: cujus etiã Leges Seanicæ antiquissimæ fusè meminerunt. Exempla hujus purgationis suppeditant nobis passim Historicorum monumenta. Caroli III. Imperatoris uxor Richarda fuit infimulata adulterij; sed candenti ferro crimen diluit; Aventinus Lib. IV. Sic Cunigundam Henrici II. uxorem se purgasse constat, Crantzius Lib. IV. Saxon. Cap. 32. Emmam quoq; Angliæ Reginam nudis pedibus super ignitos vomeres, ad contestandam pudicitiam, ambulasse scribit Polydorus Virgilius Histor. Angl. Lib. 8. Inprimis singulare est, quod refert Saxo noster Lib. X. de Poppone; & Lib. XIII, de Haraldo Hibernico, de matronâ quadam in Rugiâ per injuriam à conjugè adulterij infimulatâ. Lib. XIV. Hunc morem Honorius Papa, ejus nominis. III rectè abolevit. Nam isto modo purgare, non levis est Dei tentatio: quam tamen Deus optimus in multis tulit. Qui *rogum*, sive pyram ingressi probandæ innocentie causâ, multos recensent Historiæ. Paulus Æmilius Histor. Francor. Lib. 4. de Petro Massiliensi Episcopo videatur. Non dissimile fuit judicium per *prunas*; quas vel in finem conjiciebant, vel manu ferebant, vel calcabant. Leontius in vita Joannis Eleemosynarij, Gregorius Turonensis Histor. Lib. II. Cap. I. Fiebat etiã purgatio per *aquam* vel *calidam* vel *frigidam*. De *Calida* vel *fervente* constat receptum Legibus Longobardorum, Saxonum, Rhenariorum, & Frisiorum. Hanc aquam ore non bibebant, sed in eâ ad examen innocentie brachium nudum immergebant. Dictum est autem judicium ferventis aquæ *æneum*, seu potius *Æneum*. Hinc *mallari ad æneum* in Lege Salica, pro citari ad judicium ferventis aquæ. Dictum est etiã *Ordalium*, & *Judicium Dei*: quod tamen nomen commune fuit omnibus probationum modis. Qui plura de hoc argumenti genere scire desiderat, adeat Martinum Delrium, Disquisit. Magicar. Lib. IV. Cap. 6. Quæst. VI. Sect. 2. Henricum Spelmannum, Equitem Britannum, Glossarij Latino-barbari, pag. 118. Johannem Seldenum Lib. 2. Jani Angl. pag. 115. Nicolaum Hemmingium Commentar. in Psal. 15. p. 373. Jvonem Carnotensem Epist. 74. & ad eandem Notas Doctissimi Jureti.

Jureti. Cæterum operæ duxi pretium heic non-
nulla ascribere de *Judicio Candentis ferri* ex co-
dice LL. Scanicarum, Cap. XV. *Gestaturus fer-*
rum, lota manu, nihil debet contingere, priusquam fer-
rum levet, nec caput, nec crines, nec aliquid vesti-
mentum, ne per tactum alicujus succi vel unguenti
per fraudem potius, quam per innocentiam, ferri
candentis effugiat læsionem. Triplex autem ferri ju-
diciū, quod usus recipit, invenitur. Unum, quod in
duodecim ignitis vomeribus calcandis consistit. Est
item aliud ferri judiciū illi soli conveniens, qui pro
furti crimine convenitur, quod *Erygß Jern* in linguā
patriā nominatur, ab alveolo, qui per duodecim pedum
vestigia, debet à baculis, quibus ferrum superponitur,
elongari. Quod ascensum, prius præstito ab adversa-
rio juramento, quod *Aasuoeren* *Eed* appellatur, sum-
ptum à baculis, in ipsum alveolum nudā manu debet
immittere reus ipse, & immisum, si fortè resili-
erit, vel extrā ceciderit, resumet iterum, & pronunciet,
donec ipsum ibi contigerit contineri. Est item ter-
tertium ferri judiciū, illis gestaturis ferrum atti-
nens, quibus prædicta judicia non incumbant, quod
ignitum sumptum à baculis, reus ipse, donec processerit
novem vestigijs, deferre tenetur, & tunc primò à se
jacitare. A quo jactu ipsum lingua patriā *Studs Jern*
appellat, & si dicatur ab adversario insufficienter vel
minus legitime detulisse, probet duobus testimonijs
se deferendi modum legitimum observasse. Hoc est
autem circa quodlibet ferri judiciū observandum,
ut nullum eorum debeat in septimana, quæ diem fe-
stum habeat, exerceri. Duobus quidem primis diebus, in
secunda, videlicet, & tertia feria, reus in pane & aqua
& vestimentis laneis jejunabit, & in quarta subibit
judiciū. Hoc completo in continenti, vel pedes, si
vomeris calcati fuerint, vel manus, si ferrum gesta-
tum fuerit, panno aliquo involventur, cui diligenter
astricto, sigillum etiam apponetur, ne quid adveniat
fraudulenter, quod vel possit extinguere uestionem, vel
auferre saltem apparentiam uestionis. Hoc velamen
in pedibus vel manibus usq; ad Sabbatum permane-
bit, eodem die coram actore adversario usq; ad solis
descensum post meridiem expectando. Et si nec tunc
advenit, coram astantibus auferendum, qui statim
cum nudam manum, vel pedes, conspexerint, vel inno-
centem reum, vel culpabilem judicabunt.

45. *Quicquid contingit primò, semel accidit*]
Involutus est sermo, & mentis subobscuræ;
quæ hæc tamen esse videtur: Nullam fortunam
ejus constantiæ esse, ut possis affirmare, nihil
unquam sequius obventurum; quin eam hujus
naturam esse, quæ ludum omnem ludere soleat,
ut nihil heic inexpectatum esse conveniat,
quicquid unquam evenire possit. Nostrum
Proverbium est: *Einu sinne verdur allt fyrst*:
id est, *Quicquid evenit, aliquando accidit.* M. Bryn-
olfus.

53. *Ericus se ubiq; adventantem, nec usquam*
compertum vocitari] Si divinare licet, forsitan
Normannico idiomate dixit: *Widtuamur /*
stiendur. M. Brynolfus.

Pag. 87. vers. 3. *Nec hostem in adibus opperitur*]
Tale quid dixerat: *Ser mot siendum siode in de-
de et sier ornit innan gatta.* Quod sit de Rhyth-
mo, veteribus usitato, & id dicto, quartum mem-
brum: totum autem hoc *Erici* responsum, prius
virtute continet. *Bafa verdur / vægnrete /*
i Sueffne sigrast vargar / ut integrum *Erici* di-
ctum, eodem genere, quo caput, desinat. M.
Brynolfus.

4. *Nemo stertendo victoriam cepit*] In e-
andem prorsus sententiam *Valerianus* Cime-
liensis, qui floruit sub An. Chr. CDL. Libr.
de Bono disciplinæ, pag. XXIV. *Quis unquam*
oriosus trophæa composuit? aut quis circumstantibus
undiq; hostium legionibus, ad victoriam dormitando
pervenit?

13. *Earning; quilibet quina navium millia*
complectentem] Vocato ad rationem calculo, repe-
periuntur in agmine Hunnorum capita 9000000. Ete-
nim sex Classes, singulæ quinquies millentium navium,
comprehendunt naves 30000. Atq; hæ singulæ 300 ha-
buerunt remiges: fuere ergo remigum seu militum
9000000, nongentæ myriades. Totus exercitus in mil-
lenarios seu chiliarchias divisus, (sic ut Chiliarchia
contineat duodecies centena capita) comprehendit
Chiliarchias 7500 constantes è quaternis alijs. Proinde
numerabantur alæ 30000, totidem scilicet, quot fuere
naves. Atq; ita alam fuisse trecentorum militum, rectè
enuntiatum est. Quod autem Millenario seu Chili-
archia non mille, sed duodecies centena capita inclusa acen-
sita sunt, id non tantum in re militari usitatum fuit,
sed etiam in Agrimensoriâ. Nam Centurioni 120
milites suberant: Centuriam verò castrensem Metra-
tores 120 peticis constructis finiebant. Centuria etiam
Urbana in assignationibus 120 comprehendebat jugera.
Retinetur etiamnum & populariter usurpatur hæc
supputandi ratio in mercimoniis, è Norrægia, vici-
nijsq; venientium, dinumeratione. Centuria enim
abjegnorum trabium, tigillorum, asserum, clavorum
ferreorum, piscium arefactorum, sex continet *ei-
cædas* (fuisse) chalias 60 *ei-ædas*, hoc est, 1200. In-
gens hæc multitudo non usq; adeo mirabilis & incre-
dibilis est æstimanda. Nam in expeditione *Xerxis* lon-
gè plures fuisse homines memorantur. Stipendia
enim facientium numerus fuit 5283220: onera au-
tem gestantium multitudinem nemo potuit compre-
hendere aut numerare. *Tamberlani* quoq; exercitus
hunc longè superavit. Vir Clariss. & mihi Colle-
ga amicissimus, Joh. Laurenbergius.

25. *A macro & tenui petendus est cibis*] Quo-
ties parva & exigua contemnenda non esse do-
cemus, usus erit hujus Proverbij: *aff Megru*
stall mat haffa: ex macro etiam convenit esu-
riem satiare, nec semper opima & pinguis, fla-
gitante potissimum necessitate, expectanda.
M. Brynolfus.

26. *Rarò pinguescet, qui cadit*] Adagiū sane
utile & elegans: quo scilicet denotare voluit,
hos Rutenos, licet nunc abjecti contemptiq;
vide-

viderentur, nec digni, in quibus vires regia classis experiretur; posse tamen conjunctos hostilibus copiis non solum formidabiles, verum etiam exitiales existeret. Proinde occupandum esse, ne postea periculo erepti vires fumerent. Quidvis enim de superstite & vivo fieri & expectari posse; mortuos hac esse conditione, ut indubitatum sit, nihil pericula ex ijs timendum esse. Proinde satius esse hos mortuos, quam vivos relinquere. Nobis hoc sonat: *Stalldan sittnar þinn fallne*. M. Brynolfus.

27. *Neg, enim mordendi potens est, quem vastus occupaverit follis*] Tertium hoc ejusdem Proverbium est, quo significat *ē ē evartis*, mortuos nulla ratione vivis incommodare; ut prius a vivis cujuscunque conditionis timendum esse monuit. Nobis hoc ita sonat: *Ecce bitur sa 3 Belg liggur*. Vel: *Ecce bitur thad i belg liggur*: id est: quod facco inclusum contines, id te non mordet M. Brynolfus.

Page 88. vers. 4. *Ne quis uxorem, nisi empticiam, duceret*] *Empticia* uxor, est, quam quis sibi dato pretio, aut sicut Romani solebant, *per as & libram*, desponsavit. Matrimonij emptio non modo apud Danos, sed & Gothos, Francos, Romanos, aliasque nationes, quondam fuit usitatissima. Testis ipse Saxo noster Lib. VIII. *Jarmenicus ex eo genitus, cum sororibus admodum parvulis, praeda hostibus fuit: quarum altera Norvagien-sibus, altera Germanis, quod venalia quondam solebant esse connubia, pretio vendita est*. In Codice Legum antiquarum, quem bono seculi in lucem edidit Fridericus Lindenbrogius Ictus, Lex exstat Wisigothorum Tit. IV. *Si inter Sponsum & Sponsæ parentes, aut cum ipsa forsitan muliere, que in suo consistit arbitrio, DATO PRETIO, sicut consuetudo est, & ante hostes facto placito, de futuro conjugio facta fuerit definitio*. Lex Salica Tit. XLVI. de Sponsalitijs Viduarum: *Ille qui viduam accipere vult, cum tribus testibus, qui adprobare debent, tres solidos æque pensantes & denarium habere debet, & hoc facto, si eis convenit, viduam accipiat*. Lex Saxonum Tit. VII. de Hæredibus & Viduis: *Qui Viduam ducere velit, offerat tutori pretium emptionis ejus, consentientibus ad hoc propinquis ejus. Si tutor abnuerit, convertat se ad proximos ejus, & eorum consensu accipiat eam, paratam habens pecuniam, ut tutori ejus, si forte dicere aliquid velit, dare possit; hoc est, solid. CCC.* Et alia de Conjugio Titulo, XVII. *Lito Regis liceat uxorem emere, ubicunq; voluerit, sed non liceat ullam feminam vendere*. Est autem *Litus* idem qui dediticius, seu homo Regis. Collectio Chron. ex Thormacho apud Canisium Tom. 2. Antiquar. Lect. pag. 681. *Eam se daturum spondet* [scilicet in matrimonium] *legato offerens solidum & denarium, ut mos erat Francorum, eam partibus Chlodovei desponsavi*. Solidus autem quis fuerit, & cujus valoris, explicat Lex Saxonum Tit. XVIII. *Solidus*, inquit, est duplex: *Unus habet duos tremisses, qui*

est bos anniculus XII mensum vel ovis cum agno: alter solidus tres Semisses, id est, bos XVI mensum. vel ovis cum agno: alter solidus tres semisses, id est, bos XVI mensum. Vestfalajorum & Angrariorum & Oostfalajorum solidus est, secalis sceffila XXX, hordei XL, avenæ LX. Cæterum hic omitti non debent, quæ hunc ad locum in Conjectaneis suis observavit Cl. Vir, M. Brynolfus Svenonius. *Empticiam*, inquit, *uxorem, hoc est liberam ac ingenuam, ne promiscuis connubiis nativa sobolis indoles pollueretur. Si enim uxoria dote emi dicerentur, illis certæ pecuniæ summa dotis causa assignabatur, atq; expensa ferebatur: quod nunquam factum erat, nisi cum liberæ uxores ducere se palam sunt testificati*. Hanc rem appellarunt ad *kaupe munde*: *& uxorem hac ratione ductam Munde seyffta konu* hoc est, *dote empticiam, ac proinde liberam ac legitimam uxorem, non concubinam aut ancillam*. Attigit de moribus Germanorum Tacitus hoc modo: *Dotem non uxor marito, sed uxori maritus offert*. *Et post paulo*: In hæc munera uxor accipitur, atq; invicem ipsa armorum aliquid viro offert. Hoc maximum vinculum, hæc arcana sacra, hos jugales deos arbitrantur.

7. *Supplicia abscissis corporis partibus lueret*] Nempe vel genitalibus, vel naribus, vel auribus; quibus olim multatos fuisse adulteros, non pauca Historicorum nos edocent monumenta. Et quoniam hæc tam commoda emerfit occasio, operæ mihi videtur pretium exempla nonnulla de varijs adulterorum pœnis, ex Sacris juxta ac prophanis monumentis huc in præsens congerere, quæ argumento sint nobis, adulterij crimina apud omnes ferè nationes severâ semper animadversione coercita fuisse. Antiquissima adulterij pœna est, quam ab ipso Jehova Opt. Max. promulgatam, cœlestis ille aula Cancellarius Moises tradit Deuteron. Cap. XXII. v. 24. nimirum, ut is qui Virgini vitium intulisset, *extra portam civitatis lapidibus obrueretur*. Apud Ægyptios, ei, qui mulierem liberam violasset, virilia exsecabantur: quoniam uno crimine tria haud parva scelera complexus esset, injuriam, corruptelam, & liberorum confusionem. In adulterio spontaneo deprehensus virgis cædebatur ad mille plagas; mulier naso mutilabatur. Quo dedecore vultus maculatus eâ multaretur parte, quâ maximè facies exornatur. Joannes Boëmius Lib. 1. de moribus Gertium pag. 44. Apud Græcos, primus Hyettus Argivus Molurum Arisbantis filium, in uxoris adulterio deprehensum, interfecit. Sed multo post Dracon, cum Leges Athenis in magistratu ferret, de adulteris quoq; liberè capitis pœnas sumi posse promulgavit. Pausanias Lib. IX. Solonis lege deprehensum mæchum interimere licebat. Plutarchus in ejus Vita. Apud Homerum Antinous Iro interminatur narium, aurium, & genitalium abscissionem, Odyss. 18. & 22. Apud Græcos quoq; Didymus tibicen testiculis suspensus

penſus ex nomine mulctam tulit. Laërtius in Diogene. In Tenedo lege erat ſancitum, quam Tennes quidam tulerat, ut adulter ſecuri percuteretur. Heraclides in Politijs. Hippomenes Archon Athenienſium IV. adulterum cum Limone filia deprehenſum, equis diſcerpſit: hanc vinctam unā cum equo carceri incluſit, neutri alimentū præbens. Unde equus actus in rabiem puellam vivam devoravit. Svidas in ἱππομέτες. Apud Athenienſes mæchi inopes deprehenſi, quia non habebant in ære, luebant in pelle; itaq; publice illis cinerē calido inſperſo, depilabant nates & pudenda: atq; id ſupplicium παρατιμός dicebatur: meminitq; Ariſtophanes Pluto; & ibidē Scholiaſtes. Impingebant etiam raphanos in anum, atq; id παφανιδωσις & Αποπαφανιδωσις dicebatur. Meminit idē Ariſtophanes in Nubiſus: ubi etiam Scholiaſtes & auctores item alij. De hac pœna ſic Svidas in voce παφανιδωσις. παφανιδωσῆναι, ἢ τέφρα πλῆναι, C παραφάνει, ὅτι τῶν ἀσπλῶν. οὕτω γὰρ τὰς ἀλόντας μοιχὰς ἡγίζοντο. παφανιδὰς λαμβάνοντες, καί ἔσσαν ὅτι τὰς πρῶτας τῶν. ἢ παραπλῶντες αὐτὰς, θερμὴν τέφραν ἐπέπατον, βασιάνης ἰκανὰς ἐργαζόμενοι. Hoc eſt: παφανιδωσῆναι, id eſt, raphanis in podicem injectis puri. Et τέφρα πλῆναι, eſt evulſis pilis podicis cinere calido aſpergi. De impudicis dicitur. Sic enim Mæchos in adulterio deprehenſos fœdè tractabant. Raphanos capiebant, quos in eorum podices immittebant, & eos pilis evulſis nudabant, & calidos cineres aſpergebant, eos abunde ſic excruciantes. Et rursus Ariſtophanes in Nubiſus pag. 108. & 109. Scholiaſtes Annotat. 15. & pag. 109. Annot. 1. Zelenus adulteros oculis privabat. Valerius Maximus Lib. VI. Cap. V. Apud Cumeos deprehenſam in adulterio mulierem in forum producebant, & in lapide omnibus conſpectuo ſiſtebant, deinde aſino impositam circa urbem circumducebant. Poſtea rursus E in eodem lapide aſtare coacta, infamis per totam habebatur vitam, & vocabatur ὀνοβάτης. Lapidem autem obeam rem, ut pollutum abominabantur. Plutarchus in Quæſtion. Græcis, p. 520. Thurienſium Legibus rectè cautum erat, ne ulli cives in Comædijs traducerentur, præterquàm adulteri & curioſi. Plutarchus de Curioſitate p. m. 144 Lepreatæ adulteros comprehenſos triduo per urbem vinctos circumducebant, & per totam vitā infames habebant. Mulierem autem adulteram indutā perlucidā veste ſine cingulo, in foro per undecim dies ſtuebant, atq; ita ignominia notabant. Heraclides in Politijs p. 24. Gortynæ in civitate Cretæ adulter deprehenſus, inq; iudicium adductus, criminisq; convictus lanā coronabatur. Hæc verò coronatio ſignificabat, eum eſſe hominem mollem & effæminatum. Alianus Lib. XII. Cap.

A 12. Variæ Hiſtoria. Sed & apud Romanos adulterij pœnam ex Catonis Oratione recitat Aulus Gellius Lib. X. Noct. Att. Cap. 23. quod fuerit jus marito uxorem in adulterio deprehenſam impune necare. Sempronius Muſca C. Gallum deprehenſum in adulterio flagellis cecidit. C. Memmius L. Octavium ſimiliter deprehenſum nervis contudit. Carbo Accienus a Vibieno, item Pontius a P. Cernio deprehenſi, caſtrati ſunt. Valer. Maximus Lib. VI. Cap. I. De gravi hac pœnâ Horatius:

Quin etiam illud
Accidit, ut cuidam teſtes, caudamq; ſalacem
Demeteret ſerrum

Apud Romanos etiam, ſicut & apud Athenienſes, vetus mæchorum ſupplicium fuit Mugile plecti. Et autem Mugilis piſcis magno capite, cætera gracilis, qui ſolebat ipſis adulteris per podicem vel anum immitti. Sed id privatim factum, & nullâ lege, ut apparet ex Catulli carmine ad Aurelium:

At tum te miſerum, maliq; futi,
Quem attractis pedibus, patente portâ,
Percurrunt raphaniq; mugilesq;

Et cui ignota eſt Lex julia? non tamen à Julio, ſed ab Auguſto lata, quæ pœnâ capitis omnino adulteros puniendos edicit. Recentiorum Imperatorum Conſtitutionibus varie id interpolatum. Si quis enim per vim puellam depudicaſſet, jam alij pactam, ut adulter puniebatur, qui facinus perpetrarat: ſi verò αμνήσετον, tum ducere eam, licet pauperrimam, cogebatur. Quod ſi verò nuptias illa ſtupratoris non optaret, naribus abſciſſis triente bonorum reus multabatur. At verò ſi ſolis blandimentis in fraudem plecta in Venerem conſenſiſſet, aut ducere eam, aut ſuarum facultatum partem dabat: ſi ſecus, verberatus & conſuſ relegabatur. Zonaras & Baſſamon in Canon. Apoſt. 67. Eclogâ βασιλικῶν Lib. LX. Harmenopulus Lib. XI. Tit. 3. Non abſimile Græcorum ſciturum: ἡ γάμου, ἡ γέναι, apud Aphthon. Sopatr. & Quintilian. in Controverſijs. Apud Arabes aliasq; nationes, adulteris ſemper capitis pœna fuit. Strabo Lib. XVI. Eufebius Præparat. Evang. Lib. VI. Cap. 8. Saraceni ſeu Turcæ juſtitia exactores ſtrenuiſſimi, in adulterio deprehenſum cum adulterâ, abſq; miſericordia, abſq; morâ, lapidatione interficiunt. Johannes Boëmus de moribus gentium. p. 124, Tartari ſimiliter, licet incontinentiſſimi omnium ſint hominum, in adulterio tamen deprehenſos, tam Virum, quàm mulierem occidunt. Idem pag. 108. Indi virgines, quæ non caſte vixerint, clavis cruci aſſigunt, & in fluvium deſcendunt Hydaſpen: ut memorat Plutarchus Libello de Fluminibus. De Germanis ita Tacitus

in Lib. de moribus German. *Paucissima in tam A* amittat & testiculos, qui calorem supri induxerunt. numerosâ gente adulteria; quorum pœna præsens & maritis permessa. Accisis criminibus nudatam coram propinquis expellit domo maritus, ac per omnem vicum verberare agit: publicata enim pudicitia nulla venia. Fridericus I I. Imperator villicum jubebat mutilari vasis seminarijs, qui domini sui pedissequam & uxorem violaverat, ac corruerat: ut ejus acerba, sed justâ vindictæ terrore, rustici, quin etiam quilibet familiares addicerent luxuriæ suæ frænam imponere: & non tantum in uxoribus domino- rum, sed in focarijs etiam, cum pudicitia fidem, & cum fidē pudicitiam observare. Petrus de Vineis Lib. V. Epist. Cap. 9. Luitbrandus Lib. VI. Cap. ult. Presbyterulus, qui ad dominæ affectas adhiñ- vit, virilibus amputatis dimittitur. Nimirum uti quâ parte peccavit, eadem multetur. Nicepho- rus Hist. II. δι' ὧν γὰρ τὴν ἀμαρτίαν, δι' αὐ- τῶν ἢ παίδευται. In LL. Alfridi Regis Cap. 25. Servus si ancillam stupraverit, virga virilis ei præ- ciditur. Adulterorum pœnam apud Polonos hanc fuisse scribit Dithmarus Episcopus Lib. VII. In pontem mercati ductus (adulter) per follem testiculi clavo affigitur, & novacula propè positâ, aut moriendi, aut se de his absolvendi dura electio datur. Et paulo post de Meretricibus, non leviora ad- dit, quæ referre pudor vetat. Quin etiam Jure Græco-Rom. οἱ κνιστάται caulis abscissione plectebantur. Attaliat. Synop. Tit. 70. pag. 63. Saxones etiam Ethnici, si virgo in paternâ do- mo, vel maritata sub conjugē, fuisset adulterata manu propriâ strangulatam cremabant; & su- præ fossam sepultæ corruptorem suspendebant; aut cingulo tenus vestibus abscissis flagella- bant cum castæ matronæ, & cultellis punge- bant, & de villa in villam missæ accurrebant novæ flagellatrices, donec interimerent. Boni- facius Archiepiscopus in literis ad Ethelbaldum Regem Angliæ, apud Wilhelmum Mamelsbur. Lib. I. pag. 28. Mavricius Dux Saxonie inter- alias salutare Leges, quas tulit Anno 1548, hæc etiam fuit, quâ adulteros gladio feriri jubet. Sleidanus p. 428. Lex Canuti Daniæ & Angliæ Regis extat Cap. 50. Uxor si vivo marito cum alio quocunq; corpus miscuerit, infamis omni tempore esto. Maritus res ejus habeto; mulie- ri verò tum nasus, tum auris præciduntor. Lin- denbrogius in Glossario ad Codicem Legum Antiquarum, p. 1349. Apud Anglos quoque [teste Henrico de Bractonâ, antiquissimo Juris Anglici Scriptore, cujus mentionem facit Jo- hannes Seldenus, patriæ antiquitatis callentissi- mus, Lib. I. Jani Anglorum, pag. 46.] eorum li- bidinem, qui intemeratæ pudicitia vim olim & vitium inferebant, mantabat amissio membrorum, ut sit membrum pro membro. Quia virgo cum cor- rumpitur, membrum amittit, & ideo corruptor pu- niatur in eo, in quo deliquit. Oculos igitur amittat, propter aspectum decoris, quo Virginem concupivit:

Nimirum, illam præcipue partem, ait Heraclides Ponticus in Allegorijs Homericis, Legulatores consueverunt mutilare, quæ scelus commisit.

Et pereant partes, quæ nocuere ———
canit aliquis. Festive Martialis Lib. III. Epigr. 43.

Quis tibi persuasit naves abscindere mæcho?

Non hac peccatum est parte, marite, tibi.

Olim, ut est apud Ovid. Metamorph. Lib. VII.

Aut lignum, aut oculos, & quæ tibi membra pu-
dorem

Abstulerant, ferro rapiam ———

Et Plautus in Pœnulo:

ST. Facio quod manifestò mæchi haud ferme
solent.

MI. Quid id est? ST. Refero vasa salva.

Sed nos satis expatiati, ad lineas redeamus, quod dicitur, & in gradum.

Pag. 89. vers. 24. Sundmoriam & Nordmo-

riam] Hoc nomine duæ sunt hodieq; in Nor-
vagia insignitæ provinciæ, divites, & incolis
refertæ, multisq; hinc inde Insulis distinctæ,
[Sundmør / och Nordmør /] in Diœcesi Ni-
drosiensi sitæ. Antiquitus hæ provinciæ Comi-
tatum complectebantur, cui summo cum impe-
rio præerat Roller pater Rangvaldus, regnante
Haraldo Pulchricomo, qui propterea Møre Jarl
dictus est. Videatur descriptio Chorographica
Norvagiæ linguâ vernaculâ Hafniæ edita, An-
cto Io C XXXII.

26. Jamtorum atq; Helsingorum Regem] Pro
Jamtorum, quod nobis priores obtruserant Edi-
tiones, omnino heic, sicut & paulo infra scri-
bendum duxi Jamtorum. Intelligit enim noster
incolas duarum provinciarum Jamtiæ & Helsing-
iæ [Jamteland / och Helsingeland] quas olim
Regibus Norvagiæ paruisse, rerum Norvagica-
rum Scriptores testantur. In utramq; verò pro-
vinciam primi Coloniam deduxerunt, pater &
filius, ex Norvagia oriundi, Kietillus Jamte & Tho-
rus Helsing: unde appellationem istæ provinciæ
fortitæ sunt. Etenim regnante in Norvagia Ha-
raldo Pulchricomo, qui nimis impotenter &
crudeliter rem administravit publicam, multi
Norvagiæ incolæ, ipsius tyrannidem fugientes,
novas sedes quæsituri in varias terrarum oras,
insulasq; longè diffitas, habitandi gratia, con-
cesserunt: quæ res etiam Kietillo huic ex pa-
triâ suâ aliò migrandi occasionem dedit; quem
tamen Chronica Norvagica Disteni Sveciæ Re-
gis, qui Nidrosiensem Diœcesin occupaverat,
metu Jamtiæ incolere cœpisse commemorant:
Kiettel Jamti heit mabr / Son Anundar
Jarls aff Sparabo Trancheimi. Hand syndde
firi Disten Jtraba / Suta Konung / austr om
Kiol: hand ruddi marker / og bygd dar / som hei-
ter Jamealand. Item, Son Keitils her Thorir
Helsingir / er vid ertient Helsingaland tui ad hand
bygd /

bygd / ba en ad er Haraldr Harfagr ruddi ser til A
 Ristis / etc. Hoc est : Kietillus Jamte filius Anun-
 di Comitum de Sparebo, provincie Trontheimensis, fu-
 giens sæviriā Oisteni Itrade, Sueciæ Regis [qui di-
 strictum Trontheimsum per vim occupave-
 rat] versus orientalem partem montis , Kiöl dicti,
 concessit, silvasq; exscindens, primus regionem illam,
 que nunc dicitur Jamtelandia [seu Jamtia] incolere
 cepit. Ejus filius Thorus Helling erat ; cujus de
 nomine Helsingia dicta est ; quod primus ille, Ha-
 raldo Pulchricono Rege , totam Norvagiā suā in
 potestatem redigere moliente, hanc provinciam novis
 incolis instruere cepit.

Pag. 90. vers. 23. Alrico Sveonum Regi adver-
 sum Gestiblundum] Gestiblundus, sive potius, Gies-
 tur Blinde / linguā Danica antiquā, significat
 Hospitem cæcum. Quo nomine vetustissimi Islan-
 dorū Annales Regem celebrant, cui perpetuæ
 cum Sveonum Rege Heidrico [qui forsā est
 ipse Alricus, cujus hic mentionem facit Saxo]
 intercesserunt inimicitia, quæ tandem in aper-
 tum bellum eruperunt. Tradunt insuper mo-
 numenta Islandica evocatum aliquando fuisse
 ab Heidrico Gestiblundum, ut Logogriphis &
 Ænigmati secum contenderet. Quum verò
 huic se certamini longè imparem agnosceret,
 Gestiblundus, Odino sacrificat, ipsumq; in sub-
 sidium advocat. Qui sub personā Gestiblin-
 di in aula Heidrici Regis comparens, varia proposuit
 Ænigmata ; quæ ordine omnia soluit Herdri-
 cus, præter ultimum, ex quo ipsum Odinum ad-
 esse cognovit. Sed cum evaginato gladio eum
 impeteret, Odinus in formā accipitris avolvit.
 Unde inter alia synonyma, quæ Odino assignat,
 etiā istud **PIHTNR BINKI**, Giestur
 Blinde / ipsi contribuit. Cæterum Ænigmata
 ista, Heidrico ab Odino proposita, penes me MS.
 asservantur, quæ fortasse olim cum Deo & die
 lucem videbunt publicam.

Pag. 91. vers. 10. Humanæ siquidem cupiditatis
 more, quo plura possederat plus, affectans] Totidem
 ferè verbis Justinus Lib. VII. pag. 66. Lacedæ-
 monij more ingenij humani, quod plura habent, eò am-
 pliora cupientes, non contenti accessione Atheniensium
 opum vires sibi duplicatas, totius Asiæ imperium af-
 fectare ceperunt.

17. Cum cane & equo terreno mandatur antro.]
 Equum veteres Danorum Heroes ac Proceres
 tanquam bellatoris insigne, canem ceu venato-
 ris, unā secum condi volebant, ut quibus in vita
 rebus ac studiis se oblectassent, iisdem in morte
 comitati deponerentur, aut etiā in altera vita
 ex illis usum expectabant. Viva autem hæc
 animalia sepulta esse credo. M. Brynolfus.

Mala soli gravis uni manet omnis domus or-
 bis] Sensus est : Quum ego in horrendum hunc
 specum spontè me abdidit, ut in ea cum ami-
 co meo Asuito vivus contumularer, odisse cœpi

lucem, tenebrisq; adeo insuescere, ut amcenissi-
 ma hæc orbis totius domus, quæ cæteris morta-
 libus suavis atq; jucunda esse solet, mihi uni &
 soli gravis, mala, atq; molesta permaneat. Ele-
 ganter vastam hanc mundi machinam cum do-
 mo pulcherrimā comparat, ad exemplum mul-
 torum melioris notæ autorum. Itā Macrobius
 Lib. I. Cap. 23. mundum deorum domum vocat ex
 Platonis Timæo : Μέγα ἔστι ἐν θεῶν οἴκῳ μόνη.
 Terra sola manet immobilis intrā domum deorum,
 id est, intrā mundum. Petrus Chrysologus Ser-
 mone CXLVIII. Nonne tota ista, quam vides, tibi
 facta est mundi domus ? Minutius Felix Octavio :
 Nos gentes nationesq; distinguimus : Deo una domus
 est mundus hic totus. Lactantius Lib. IV. Cap.
 XXIX. Hic mundus una Dei domus est. Et Senecæ
 de Beneficiis Lib. IV. Cap. XXIII. Mundus huma-
 ni generis domicilium dicitur. Et Varroni Tellus
 æterna hominum domus.

Pag. 92. vers. 9. Perfodiq; nocens stipite corpus]
 Quoties infernali tenebrarum potestate factum
 est, ut mortuorum hominum corpora suscita-
 ta, mala damna darent ; [quod sæpius in Histo-
 riis contigisse legimus] variis modis obviam ire
 conati sunt, quibus Manes illi infesti videban-
 tur. Vel enim corpus universum, receptum hu-
 mo, coneremarunt ; vel in cineres minutissimos
 redegerunt, vel caput abscissum partibus obsec-
 nis applicuerunt, & corpus reliquum, stipite
 palove, humo affixerunt, quem vi quadam im-
 mani per corpus adegerunt. M. Brynolfus.

Pag. 92. vers. 14. Viriū lapide in acervum
 misso] Itā & Cecrops, Atheniensium Rex, post-
 quam Atticā, quam desolatam accepisset, fre-
 quentem hominibus animadverteret ; scire cu-
 piens multitudinem incolarum, cum allatum
 singulos in locum unum lapidem jussisset ferre,
 atq; numerum inijci, viginti eos millia esse
 deprehendit. Sholiaſtes Pindari Olymp. Od. IX.

E Φιλόχορος ὁ Φησι : Κεχροπα, βαλόμενον τὸν
 τῶν Ἀθηναίων ὄχλον, καὶ τὸ πλεθρον, ὅτι πλεονάζον-
 ναί, κελεύσαι αὐτὰς λίθους εἰσφέρειν, καὶ βάλλ-
 λειν εἰς τὸ μέσον, ἐξ ᾧ ὅτι πλεονάζοντες δις μυρίας αὐ-
 τὰς ὄντας : Philochorus verò refert, Cecropem cu-
 pientem scire Atheniensium populū, atq; ejus multi-
 tudinem ; jussisse ipsos asferre lapides, & in medium
 projicere : inde autem comperisse, viginti eos mille esse.
 Eustathius ad Iliad. α. Κεχροψ πολυαθηρωπε-
 σαν ἰδὼν τὴν Ἀττικὴν, συγκαλεῖται τὸν ὄχλον.
 καὶ παραρρημαίνει τὸν ἀριθμὸν λίθοις, ἐκάστη
 ἓνα ῥίψαντ. Cecrops, cum videret frequentem
 hominibus Atticā esse, convocat multitudinem : &
 unoquoq; lapidem unum jaciente, inde numerum ob-
 servat. Vide sis aureum illum de Regibus Athe-
 niensium Tractatum Collegæ & amici nostri,
 heu ! olim conjunctissimi, D. Joannis Meursij,
 cujus obitum totus orbis literatus immenso do-
 lore prosequitur.

45. Ut malitiam hominis acerbitate belluæ simili-
tudo exequaret pœnæ] Solenne quondam fuit,
sceleratos tali pœnâ afficere, quæ malitiam &
animi pravitatem proximè assimileret. Exem-
pla in authoribus subindè occurrunt. De no-
cturno illo grassatore Ballistâ, qui lapidibus
obrutus perijt, elegans est locus Phocæ Gram-
matici, Lib. 2. Epigrammat. Veter. pag. 47.

Ballistæ vitam rapuit lapis: ipse sepulchrum
Intulit; umbra nocens pendula saxa tremit.
Crimina Latronis dignissima pœna coërcet,
Duritiam mentis damnat ubiq; lapis.

Sic ipse Saxo supra Lib. II. Duos ex cubicularijs pa-
lam insidiarum convictos, ingentibus saxis affixos pe-
lago obruit; ponderosum animi crimen annexa cor-
poribus mole mulctando. Itâ Lib. VIII. de Slavorum
optimatibus, quorum quadraginta captos, ap-
plicatis totidem lupis, laqueo adegit Jarmericus
Daniæ Rex: Quem supplicij modum, inquit, olim
parricidis debitum, ob hoc circa hostes peragere voluit,
ut quantæ in Danos rapacitatis extiterint, ex ipsâ at-
trocium belluarum communionè videntibus conspi-
cium foret. Et mox eodem libro, ubi de Sclavo-
rum quoq; ducibus captis agit, quos itidem Jar-
mericus, trajectis fune tibijs, equis in diversa ra-
ptantibus præbuit lacerandos. In hunc modum
consumpti principes, corporum suorum distractu per-
tinacis animi pœnas dederunt.


Pag. 93. vers. 6, Grandibus & latîs sagittis dimi-
cant] Finnos ab usu sagittarum, & a venationi-
bus commendat quoq; Tacitus sub finem Libri,
de morib. German. Fennis [qui nostri Finni sunt]
mira feritas; sæda paupertas, non arma, non equi, non
penates: victui herba, vestitui pelles, cubile humus.
Sola in sagittis spes, quas inopiâ ferri ossibus asperant.
Idemq; venatus viros pariter ac fœminas alit. Passim
enim comitantur, partemq; prædæ petunt. Venatibus
incumbere Finnos, itidem tradit Procopius re-

rum Gothicarum Lib. II. ἔτε γὰρ αὐτοὶ γὰρ γε-
ωργεῖσιν, ἔτε π αὐτῶν αἱ γυναῖκες ἐργάζονται.
ἀλλὰ ἀνδρες αἱ εἰς τῆς γυναικὸς τὴν θήραν
μόνην ὀφείλουσιν. Hoc est: Neq; illi, [subin-
tellige, Finni] terram excolunt, neq; uxores eorum
quicquam operantur; sed cum ijs viri semper venati-
bus student, De Finnis passim Olaus Magnus in
Historia Septentrionali. Nobilissimus Vir, Ca-
spar Barthius, Libr. Adversar. XXVIII. Cap. 13.
pro Venationibus, legit Venenationibus. Sed mihi
placet priorem retinere lectionem.

8. Pandū trabibus vecti] Loquitur hic Saxo de
Xylosoleis, sive ligneis soleis oblongis, quas veteres
ἡΥΝΠΙ, Ἑθνι/ sive ἈΠΡΗΡ, Dndrur/
vocarunt, Sveci Ἑθιher/ Norvagi Ἑθier. His
populi Septentrionales ferè omnes in transmit-
tendis montium jugis nive obtectis olim utē-
bantur; sed inprimis Finni, qui & hodieq; affa-
brè eas conficere norunt. Eas sic describit Ma-
gnus Olayi Islandus, Eddæ interpres: Ἑθνι/ sive
Dndrur/ asseres sunt oblongi, & antrosum sublevati,
quinq; vel ad summum sex ulnarum longitudine, lati-
dine verò transversam plantam non excedentes. His
etiam pedibus inductis nostrates per superficiem
profundissimarum nivium, & infirmæ glaciæ, si alias
corporis humani pondus non sustineant, ingrediuntur.
Uti etiā sunt veteres Norvagi in terrâ planâ & nudâ
ejusmodi Xylosoleis, subjectis rotulis: & sic plus itine-
ris unâ die, quàm absq; illis, tribus confici potuit; habi-
tusq; est hic modus proficiscendi inter præcipuas agili-
tatis artes. Asservatur inter ἀξιοθέατα mea par
ejusmodi solearum, trium duntaxat ulnarum
longitudine, ab aversâ pate, quâ solo ad curren-
dum applicantur, pellibus vituli marini subdu-
ctum. In medio earum pedes vinculis alligan-
tur, ut firmius planta insistat, nec inter curren-
dum vacillet, quomodo in adjuncto Schemate
videre licet:

SCHEMA XYLOSOLEARUM, quas Veteres Dani Dndrur/ Norvegi Ἑθιher appellarunt.

A B C D. longitudo trium ulnarum.
E. Vestigia pedum.
F F. Vincula, quibus pedes alligantur.



Pag. 94. vers. 32. *Adultas oleo lampades*] In A tur. Imò *Taurum* vocat Bacchum Lycophron eandem mentem Apulejus, *flammis adultam facem*, dixit, XI. *Metamorph.* At manu dextrâ gerebam flammis adultam facem, & caput decor Coronæ cinxerat. *Adultum incendium* Nazarius Panegyrico: *Maxima benignissimi Imperatoris fuit cura, non modò ut incendium non adultum senesceret, sed oppressum emori posset: quemadmodum hunc locum restituit Petrus Colvius in Notis ad Apulejum.* Alioquin variè hanc vocem inanimatis tribui, notissimum est & protritum: quomodo dicimus, *adultam pestem, seditionem, noctem, civitatem, hyemem, auctoritatem, æstatem: adultum ver, adulta vitia, & sexcenta id genus alia.*

42. *Nec bubalinorum cornuum*] Nihil in lectione Historicorum occurrit frequentius, quàm variorum animantium cornua poculorum usum vel vetustissimis mortalium præbuisse, eaq; argento, vel auro, à labris, ornatus gratiâ, circumclusâ fuisse. Et *Bovinum* quidem Cornu pro poculo adhibuisse Bacchum, auctor est Nonnus Dionys. Lib. XII. p. 339.

καὶ οἶνοχύτης Διονύσου
λευκὰ, διανομένων ἐρυθραίνετο δάκτυλα
χειρῶν

Καὶ δέπας ἀγκύλον εἶχε βοὸς κερας

Et vinum fundentis Bacchi
Albi madefactarum rubebant digiti manuum,
Et poculum curvum habuit bovis cornu

Hinc etiàm Bacchum taurinis cornibus effingebant veteres, quia ijs poculorum vice uteban-

Cassandra:

Ταύρω κερωθαίως χέρνεας κατέρχεται.

Tauro abstrusa liba offert. id est, Baccho.

Ad quem locum vide sis Notas D. Meursij, Viri summi, & Collegæ olim conjunctissimi. Nicandri Scholiastes ἀλεξιφαρμακοῖς: Οἱ παλαιοὶ κέρασιν ἐχεῶντο ἐν τῇ πόσῃ ἀντὶ τῶν ποτηρίων, ὅθεν καὶ τὸ καράσσι εἰρηται. ἢ Διὰ τὸ ταυρωτικὸν τῶν πινόντων, τέπεισι τὴν ἀπὸ τῶ ὄινος ἰχὴν. ὃ ἢ διόνυσος καὶ ταυροκέρως. Idem Nonnus de Satyris paulo post:

καὶ βοόσις ἀρύοντο κέρασιν ἀντὶ κυπέλλων.

Et bubulis hauriebant cornibus loco poculorum.

Quod & de Satyris tradit Nemefianus, Ecloga III, quæ Bacchus inscribitur:

Tum Satyri, lasciva cohors, sibi pocula quisq;
Obvia corripiunt: quod fors dedit, hoc capit usus.
Cantharon hic retinet, cornu bibit alter adunco,
Concavat ille manus, palmasq; in pocula vertit.

Urorum cornibus Septentrionales pro poculis utebantur. Plinius Lib. XI. Cap. 37. Urorum cornibus barbari Septentrionales potant, urnasq; binas capitis unius cornua implent. Cæsar Lib. VI. de Bello Gallico: Tertium est genus eorum, qui Uri appellantur. Hi sunt magnitudine paulò infra Elephantos, specie, & colore, & figura Tauri. Magna vis est eorum, & magna velocitas: neq; homini, neq; feræ, quam conspexerint, parcent. Hos studiosè foveas captos inter-

interficiunt. Hoc se labore durant adolescentes, atq; hoc genere venationis exercent; et qui plurimos ex his interficiunt, relatis in publicum cornibus, quæ sint testimonio, magnam ferunt laudem. Sed assuescere ad homines & mansuescere, ne parvuli quidem excepti, possunt. Amplitudo cornuum, & figura, & species, multum à nostrorum bovm cornibus differt. Hæc studiosè conquesta, à labris argento circumcludunt, atq; in amplissimis epulis pro poculis utuntur. Hactenus Cæsar. Isidorus Lib. XII. Orig. Cap. 1. Uri agrestes boves sunt in Germania, habentes cornua in tantum protensa, ut regis mensis, propter insignem eorum capacitatem, ex eis pocula fiant. Bonasi Cornua Anglis in usu fuisse, testis est Johannes Cajus Britannus libello de rariorum animalium Historia, quem Conrado Gesnero inscripsit, Pag. 14. Multa, inquit, hujus generis animalia olim fuisse in nostra Angliæ silvestri olim & nemorosa insula] verisimile est, quod nobis adhuc pueris, multus erat usus hujusmodi animalium cornuum, in mensâ, solenioribus epulis, loco poculorum. Sustinebantur pedibus ex argento tribus, & ab oris item argento concludebantur. Inprimis verò Bubulina cornua in magnatum mensis poculorum vices supplebant, quippe quæ omnibus alijs insigni venustate antecellerent. Hinc vel cælaturæ artificio, vel exquisito gemmarum fulgore, operosius culta viscebantur. Imò inter thesauros reponebantur: quod utcunq; colligi posse videtur, ex loco Saxonis Lib. VIII. Sic inter alia anathemata, quæ Gulielmus II Angliæ Rex, sub Annum Christi MLXVIII. Monasterijs Normanniæ dono obtulit, fuerunt etiam vasa aurea vel argentea, item bubulina cornua fulvo metallo circa extremitates utraq; decorata: teste Orderico Vitali Historiæ Ecclesiasticæ Lib. IV. pag. 507. Notandus verò etiam ille est ritus, quo antiquius prædia & alia bona, exhibitione & propinatione cornuum abalienabantur. Hujus meminit Clariss. Vir, D. Olaus Wormius, præclare de me ac studijs meis meritis, Fastorum Danicorum Lib. 1. pag. 44. ex veteri MS. Ulphus Thoraldi filius Eboracum divertit, & cornu, quo bibere consuevit, vino replevit, & coram altari, Deo, & B. Petro Apostolorum principi, omnes terras & redditus flexis genibus propinavit. Mamelsburienfis Lib. II. Cap. 2. Pusca [inquit] illi qui de Pusci nominati, adhuc tenent, per cornu majoribus olim à Rege Canuto Danico donatum. De Cornuum usu plura qui desiderat, adeat eruditissimam disertationunculam ejusdem D. Wormij, de aureo illo Serenissimi Principis Electi Cornu.

48. Quos maxime venatica refererat præda] Sic M. Junianus Justinus Lib. XXIII. pag. 226. de Lucanis: Cibus his præda venatica, potus melis, &c.

51. Ut patriæ pace loquar] Honestus hic est reprehendendi modus, multis bonæ notæ authoribus usitatissimus, quo veniam prius captare solent. Catulus apud Ciceronem Lib. 1. de

A Natura Deor. p. m. 17. ubi Roscium laudat.

Pace mihi liceat, cælestes, dicere vestrâ,

Mortalis visus pulchrior esse Deo.

Petronius Arbiter: Pace vestrâ liceat dixisse. Arnobius Lib. I. pag. 10. Edit. Antverp. Cum pace hoc vestrâ, & cum bona veniâ dixerim. Marius Victor Præfatione in Genesin:

Porro etiam [mihi si fas est hoc dicere salvâ

Pace tuâ genitor] majus fortassis apud te est.

Inprimis Saxo videtur Ciceronem expressisse in B Oratione pro Milone; ubi sub finem ita loquitur: Utinam Dî immortales fecissent [pace tuâ, patria, dixerim; metuo enim ne scelerate dicam in te] ut P. Clodius non modò viveret, sed etiam Prætor, Consul, Dictator esset.

Pag. 95. vers. 17. Totum occipiti crinem abradit] Solennis olim fuit, & usitata militaribus viris, capillorum abrasio, imò & barbæ. Itâ Abantes natura pugnaces, & cominus pugnant periti, anteriorem capitis partem tondébant, ne ullas hostibus ad accipiendum anfas darent. Similiter Curetas & Etolos tradunt abrafisse frontem, & ab occipite cæsariem nutritisse, ne ab hoste crinibus raperentur. Ob eandem rem suis ducibus, ut barbas raderent, imperavit Alexander, ut scribit Plutarchus in Thesæo. Certè Ambrosius Lib. VI. Hexamer. dixit comam esse terribilem in bellatoribus, sed tamen barbam rafisse erat militare volentis; ut ille ait:

Si quem recisâ fortè barbâ videris

Mihi videtur militare velle.

Alioquin, ut Doctioribus notum est, cum sacris in literis, tum profanis, mos tondendi caput & barbam jam mæroris & luctus fuit, jam verò lætitiæ & melioris fortunæ. Quin & in Sacrificijs usurpatur capillorum abrasio; & morituri comam absceidebant. Quâ de re videantur aurei Commentarij Johannis de Pineda in Jobi Cap. 1. vers. 20. num. 12. & Pentecontarchus Ramirezij, pag. 205. Cæterum de crinium & barbæ tonsurâ apud Cambrenses [quæ gens Hybernæ vicina est] usitatâ, Giraldus Cambrensis, author vetustissimus, in descriptione Cambriæ Cap. XI. pag. 259. Barbam viri præter genoboda solum radere solent. Et hanc non de novo, sed ab antiquo, longuq; retrò seculis consuetudinem tenent, sicut ex Libro de Gestis Julij Cæsaris ab ipso conscripto, perpendi potest; ubi & hæc verba reperies: Britanni capillo sunt promisso, omniq; parte corporis abrasâ, præter caput & labrum superius. Solent etiam, ut agiliores fierent, & comis capita nudare, casum Absolonis, quoniam sylvas & nemora sæpè percurrunt, vitare volentes. Unde & usq; in hodiernum gens hæc quoq; præ gentibus alijs, pilositatem magis abradit.

20. Post tergum lanceas jaculari] Id quod alijs quoq; nationibus usitatum, varij tradunt autores. Inprimis Parthi, qui sagittandi artē ac peritia cæteris semper gentibus præstiterunt, non tantum in aciem adversus hostes consistentes, verum

verum etiam terga vertentes, fugamq; capientes, sagittas adversus insequentes emittere norant. Plutarchus in Crasso : Fugientes Parthi, sagittas simul emittebant, quod post Scythas nemo is melius novit : estq; id optimum inventum, quod salutem defendentibus etiam fuga turpitudine caret. Unde Virgilius Lib. III. Georgic.

Fidentemq; fugâ Parthum, versisq; sagittis.

Ad quem locum Servius : Bene, ait, fidentem : tunc enim melius jaculantur sagittas. Indè & Horat. Ode II. Lib. I. Versis animosum equis Parthum appellat. Ubi Interpres Versis ait, id est, versis in fugam. Sic,

Et missam Parthi poscunt in terga sagittam,

Atq; hinc Ovidius Parthos fugaces Lib. I. de Remed. Amor. dixit. Leo Imperator in Tactico Cap. XVIII. num. XXXVIII. Quidam enim ex hostibus, ut Persæ, cum aciem dissolvere nolint, facile terga sua obijciunt iis, qui contra eos conversi sunt, & quasi fugiendo pugnant. Id etiam Turcis ac Tartaris in more positum est.

38. Magni ponderis auream armillam trivis affigi curavit] Consentanea de Ælfrædo Anglorum Rege tradit Matthæus Westmonasteriensis ad annum gratiæ D CCC XC II. Is etenim salutaribus quibusdam legibus latis tantam infudit provinciis suis pacem, ut eas [verba sunt Florilegi] per publicos aggeres, ubi semitæ finduntur in quadrum, armillas juberet aureas appendi, ut viantium aviditatem irritaret, cum non esset, qui eas acciperet.

50. Cum jam terræ sopitis bellorum incendijs] Christum Dei filium, veræ pacis auctorem, in tranquillissimo rerum statu, & cum inaudita pace, mirabili modo, totus orbis frueretur, natum fuisse, plurimi testantur historici. Inprimis notatu digna sunt verba Pauli Orosij Lib. III, Cap. 8. Ubi de Jani portis clausis agit : Liquidissimâ probatione est manifestum, pacem istam totius mundi & tranquillissimam serenitatem non magnitudine Cæsaris, sed potestate Filij Dei, qui in diebus Cæsaris apparuit, extitisse ; nec unius urbis Imperatori, sed Creatori Orbis universi, orbem ipsum generali cognitione paruisse : qui sicut Sol oriens diem luce perfundit, ita adveniens misericorditer extentâ mundum pace vestierit. Freculphus Tom. II. Lib. I. Cap. 2. de Anno Nativitatis Christi : Qui etiam annus quantis, quàm novis, quàmq; inusitatis bonis abundaverit ; satis, etiam me non proferente, compertam haberi arbitror. Toto terrarum orbe una pax, omnium abolitione bellorum, clausâ Jani Gemini

A portæ, extirpatis bellorum radicibus. Ottho Frisingensis Lib. III. Cap. 7. Itaq; jam sedatis omnium seditionum motibus pace inaudita seculi redditâ, JESUS CHRISTUS Filius Dei nascitur. Pax itaq; fuit ubiq; in Daniâ, Sveciâ, Scotiâ, Britanniâ. In Sveciâ quidem sub Erico qui XXXVIII. annis regnavit pacificè. Johan. Magnus Lib. IV, Cap. 31. In Scotiâ sub Metellano Rege Scotiæ ; Hector Boëtius Lib. III, pag. 35. In Britannia sub Kymballino. Boëtius ibidem.

53. Divino ortui simulatam] Christus etenim erat, de quo Psalm. LXXII. Orietur in diebus ejus justitia & abundantia pacis. Ubi Hieronymus : Quod in diebus Augusti Cæsaris est impletum, cum Dominus de thalamo Virginis processit. Nam ita his diebus omnia bella quieverunt, ut etiam illud impleteretur, quod alius Propheta cecinit, dicens : Convertent gladios suos in vomeres, & lanceas suas in falces.

Pag. 96. vers. 22. Hujus egestis visceribus salitum corpus] Variæ apud Veteres cadaverum humanorum condituræ fuerunt. Potissimum adhibebant Salem, Mel, Ceram, Myrrham, Balsamum, Gypsum, Calcem. De Sale Plinius Lib. XXXI. Cap. 9. Salis, inquit, natura est per se ignea, omnia erodens, corpora verò astringens, siccans, alligans : defuncta etiam à putrescendo vindicans, ut durent ita per secula. Apud Ægyptios, ut putrefactio caveretur, corpora sale condiebantur : quomodo de Amasi Herodotus scribit. Vide sis etiam Diodorum Siculum Lib. I. de ritibus sepulchralibus Ægyptiorum. Et Eupapius salita Martyrum corpora irridet de Vitis Philosophorum. Plura de his qui desiderat, adeat Clariss. Virum, ac illustre patriæ decus & ornamentum Johannem Kirchmannum de Funeribus Romanorum Lib. I. Cap. VIII. Petrum Bellonium de Sepulchris Veterum, & Laurentium Pignorium in Epistolis. Nolo etenim hic actum agere.

32. Secus VVeram Selandiæ pontem] Locus tumuli adhuc conspicuus, & paucis in Selandiâ ignotus. Quà enim Roschildi a Slangendorpium itur, medio fermè itineris tractu, pons hic extat, per quem transeundum eodè tendentibus. Nomen adhuc obtinet priscum à Saxone notatum, vulgò Were Broe. Propè collis ostenditur ab accolis, quâdam sui parte quasi collapsus, ubi tumulatum referunt Frothonem, Frode Høy dictus, de quo mira ac varia vulgò fabulantur. D. Olaus Wormius Monument. Danicor. Lib. II. Cap. I.

NOTÆ VBERIORES IN LIBRUM VI. HISTORIÆ DANICÆ SAXONIS GRAMMATICI.

Pag. 96.
vers. 40.

Regnum heredis inopiā claudicare] A Tralatē dictum. Itā Cicero sapissimē locutus. Lucretius Lib.

III. vers. 14.

Claudicat ingenium, delirat linguaq; mensq;

Elegans est locus in Justino, Lib. VI. p. 67. qui vocis hujus usum Metaphoricum confirmat. Cum enim mittendus esset Imperator idoneus contra Cononā Atheniensium Ducem, postulanti-
bus socijs Agesilaum ducem, Regem tunc Lacedæmoniorum: propter responsum oraculi Delphici, diu Lacedæmonij, an eum summæ rei præponerent, deliberaverunt, quibus futurus imperij finis denunciabatur, cum regium claudicasset imperium, erat enim pede claudus. Ad postremum statuerunt melius esse inces-
su Regem, quam imperio regnum claudicare.

Ibid. In regia gente] In regia familia. Svetonius Augusti Cap. 1. Gentem Octaviam Velitris præcipuam olim fuisse multa declarant. Quamquam gens aliquanto latius patet, & familias, seu stirpes, seu domos, sub se complectitur. Itā Svetonius in Nerone Cap. 1. Ex gente Domitia duæ familiae claruerunt, Calvini & Enobarborum. Et in Cæsare Cap. 6. A Venere Julij, cujus gentis familia est nostra. Videantur Cl. Viri, Matthiæ Berneggeri ad Svetonij Octavium Notæ.

44. Specioso posteris titulo commendaret] Jam tum scilicet existimantes, nihil in mausoleis & marmoribus, nihil in sculpturis, aut ullo metallo, perpetuum aut duratarum existere, nisi id ingenij & Musarum tubā commendaretur. Pontanus Histor. Dan. Lib. 2.

45. Danicæ admodum Poësis peritus] Hiarnus hic Poëtici spiritus vir, ejus fuit sectæ & Ordinis, qui Celtis olim à sono & murmure, quod canendo edebant, Bardæ dicti, quosq; Skaldros ob eandem causam, Dani Veteres vocitabant. Hinc nostratibus dictus est Hjarne Skalb / inq; vetustissimo Skaldatal / hoc est, Poëtarum veterum nomenclatione, principem obtinet locum.

Pag. 97. vers. 1. Longum vivere] Paucis verbis expressit immensum illud desiderium, & flagrantia vota Danorum, quibus Frothonem, principem longiori vita dignissimum, usurā lucis hujus frui exoptassent. Longum adverbialiter positum: quomodo apud Virgil. 10. Æneid. Nec longum latere. Idem Ecloga 3. & Claudianus Lib. 2. de Rapt. Proserp. Longum vale.

2. Tulere diu] Triennio nempe. Supra: Hujus egestis visceribus salitum corpus triennio proceres asseruandum curabant.

5. Autorem Dani diademate munerati sunt]

Imitati hac in parte Athenienses, qui olim Phrynichum, propter unicum Poëma, belli Ducem creaverunt. Planè est geminum, quod de tibicine quodam, qui ita populum delectarit, ut Rex fieret, ex Varrone refert Augustinus Libello de Quantitate animæ.

8. Divus siquidem Julius] Quis hic fuerit Scriptor rerum gestarum Cæsaris, quem municipio donarit, nuspiam me invenire potuisse. Equidem ingenue fateor. Suspicio avi sequioris auctorem hic secutum Saxonem; cujus generis Chronica tunc plurima extabant.

11. Sed ne Africanus quidem] P. Scipio Africanus Poëtam Ennium, à quo res suas celebratas videbat, gaudebatq; & vivum benevolentia omni complexus est, & mortuum stare in effigie jussit, in suo & Corneliorum nonumento. Opus ipsi inscriptum dicebatur SCIPIO: de quo vide Clariss. Virum, Belgarumq; Doctissimum, Gerardum Vossium, de Historicis Latinis Lib. I. Pag. XI. Cicero Oratione pro Archia: Carus fuit Africano superiori noster Ennius: itaq; etiam in sepulcro Scipionum putatur esse constitutus, è marmore. Livius Lib. XXXVIII. Romæ extra portam Capenam in Scipionum monumento tres statuæ sunt, quarum duæ L. & P. Scipionum di. unur esse, tertia Poëtæ Q. Ennij. Ovidius in tertio de Arte:

Ennius emeruit Calabris in montibus ortus
Contiguus poni, Scipio magne, tibi.

Valerius Maximus Lib. VIII, Cap. 15. Superior Africanus Ennij Poëtæ effigiem in monumentis Cornelie collocari voluit. Cæterum & aliorum Principum ac magnatū in doctos viros, & imprimis Poëtas, liberalitas celebratur. Pompejus Magnus Scriptorum rerum suarum Theophanem Mitylenæum Græcum, in frequenti concione militum, civitate donavit. Augustus Cæsar, quinq; scutorum aureorum millibus Virgilium donavit, propter unum & viginti carmina ab eo composita, atq; in Æneide citata: in quibus ipse Virgilius mentionem fecerat de Marcel-
li morte, ejusdem Cæsaris ex sorore nepotis, adoptiviq; filij. Budæus de Assē Lib. III. Vespasianus eximio Poëtæ, Salejo Basso, unā donatione HS. quinquaginta dedit, hoc est, juxta calculum J. Lipsij, duodecim millia Philippicorū & quingentos. Stupenda quoq; est illa Antonini Caracallæ, qui delectatus elegantia carminum Oppiani, quæ illi inscripta leguntur, in singulos versus singulos aureos jussit rependi. Et quid dicam de Venetorum munificentia, à quibus

quibus Actius Sincerus Sannazarius Sexcentos Aureos confecturus est ob sex illos versūs, quos hic subjeci:

*Viderat Adriacis Venetam Neptunus in undis
Stare Urbem, & toto ponere jura mari:
Nunc mihi Tarpejas quantumvis Juppiter arces
Objice, & illa tui mœnia Martis, ait.
Si pelago Tibrim præfers, urbem aspice utramq̃,
Illam homines dices, hanc, posuisse Deos.*

17. *Norvagiæ oriundorum*] Infolens locutio, & quæ seculi istius fordes trahit. Simili usus est Aurelius Victor libello de Cæsaribus: *Statim Aureliō Alexandro, Syriæ orto, potentia delata.* Et Lambertus Schafnaburgensis, Chronographus doctissimus & accuratissimus, ad annum Christi MLIX: *Abbatiam VVideradus obtinuit ejusdem cœnobij monachus, ejusdem quoq̃, familiæ oriundus.* Ipse Saxo Lib. 13. Per eadem tempora *Haraldus Hybernicarum partium oriundus.* Et Libro sequenti: *Fioniam usq̃, ejus erat oriundus, concessit.*

23. *Intrâ insulam*] Quam summæ vir Eruditionis, & Historicus incomparabilis, Andreas Vellejus, nescio quibus fretus documentis *Valdis Holm* indigitat; & manifestissima ejusdem munitionis vestigia hodieq̃, in eadem insula extare contendit.

26. *Continentem petere*] *Continens* ea terræ pars dicitur, quæcunq̃, non est insula. *Terram firmam* vulgò vocant. Svetonius Octavij Cap. XVI. *Cum partem reliquam copiarum continenti repeteret; ubi continentem, scil. terram, Italiam vocat.*

27. *Funiculorum regimine moderari*] Elegans certè descriptio *pontis versatilis*, ejus usum ignorasse Veteres Romanos pariter ac Græcos, quod vix unicum ejus exemplum in Antiquitatibus istarum gentium reperire mihi licuerit, omnino adducor, ut certo mihi persuadeam. Affine quidem nonnihil habet *Machina* illa cum ponte, quam repræsentat Lipsius ex *Herone*, *Poliorecticœ* Lib. I. p. 499. verum in usu magnum est discrimen. At nostrâ ætate nulla fere civitas est, nulla arx aut propugnaculum, quod non ejusmodi pontem, & munimenti loco, & simul ingentis commodi ac opportunitatis, habeat.

35. *Obstreptentem indefessus vorticem*] *Julius Firmicus* Præfatione ad *Mævortium Lollianum*, qualis sit lacus, qui prope *alveum Symeti* amnis ostenditur, cui *Paliscus* nomen est, qui semper crassitudine sordidâ luridus, viventibus spumis obatrescit, & strepente *conluvio stridulus*, argutum murmur exhibat. Nam ita hunc locum emendandum censeo. Antea legebatur: *cui Paliscus nomen est.* De *Palico* *Macrobius* videatur *Saturn.* Lib. V. Cap. 19. ad hos *Virgili* versūs:

———— genitor quem miserat Arcens
Eductum matris luco Symetia circum
Flumina, pinguis ubi & placabilis ara Palici.

Deinde pro *Conjugio stridulus*, melius puto *Colluvio* vel *Conluvio*. Glossæ: *Collubium*, *συγχυσις*. *Collubium* est *Colluvium*. Dixit autem *Colluvium* sicut *diluvium*.

50. *Inter pascatuebatur armentum*] In *Norvegia*, ab omni memoria, incolæ canes armentorum custodes aluere, qui vim & rapacitatem urforum ac luporum propulsarent. Nobis dicuntur *Ææhundæ* à tutando pecore. Sed & alibi terrarum idem obtinuisse certum est. De *Ægypto* sic *Oppianus* Lib. I. de Venatione, ubi Canes præcipue insignes, & qui maxime à venatoribus curantur, recenset:

Ὅσοι τ' αἰγυπταὶ πολυψαμάχοισιν ἐπ' ὄχθαις

Ἐγκολίων ἐρεῖ —————

Et quotquot *Ægypti* arenosus ad ripas
Armentorum custodes sunt.

Longo etiam *Sophistæ ποιμενικῶν* Lib. I. commemorantur: *Καὶ εἰ πάντες οἱ τῶν ποιμένων ὀπιφύλακες, καὶ τῶν αἰγῶν ἐπόμενοι.* Canes ovium & caprarum custodes *Chloen* sequuntur: qui *Dorconem* pelle *Lupinâ* circumamictum, & in frutetis, *Chloës* rapiendæ causâ, latitantem, moribus malè mulstarunt. Apud Romanos ejusmodi canes, *Pecuarij* & *Pastorales* dicti sunt, teste *Columella* Lib. VII. de re Rust: Cap. XII. *Justinianus* in LL. *Georgicis* Tit. VI. mentionem facit καὶ ποιμαίνοντες, καὶ τῆς πείνης κυνός. Glossarium *Lindenbrogij* inter variorum canum genera meminit etiam canis, qui custos est pecoris, & ovile sequitur, item, qui lupum mordet, & canis *Ursarij*, qui urfos persequitur. Videatur *Joh. Cajus* in libello eruditissimo de canibus *Britannicis*, pag. 6.

Pag. 98. vers. 3. *Pontem secum trajicere non audebat*] *Synechdochicè*, pro per pontem, vel cis aut ultra pontem. Sic *Livius*: *Traiecit copias liberum.* Et *Plancus* ad *Ciceronem* Lib. 20. *Traiecit exercitum Rhodanum.*

13. *Exuvias mutatus*] Sicut *Induvie*, ab induendo; undè *Indumenta*, vestimenta: ita *Exuvie*, ab exuendo dictæ, itidem vestimenta notant, quæ exuuntur. Hæc significatione solens hoc vocabulum usurpat author noster; ut Lib. XIV. *Exuvias Absolonis* à muribus corruas tradit.

14. *Periclitationis regie species daretur*] Ut obviij ex cruento cadavere undis innatante conjecturam facerent, quali *Fridlevus Rex* illic vitâ periclitatus esset. Sed mirum, cur *Saxo* hic *Fridlevum Regem* nominet, & regio exornet titulo, quum nondum *Daniæ Rex* esset constitutus; quamvis ut legitimus regni hæres, paulo post defuncto parenti, expulso *Hiarno* loca, successerit.

17. *Eoq̃, superato amne, delapsus*] *Valerius Maximus* Lib. 3. Cap. 2. de juventutis *Romane* fortitudine: *Ne acies nostra jam inclinata propelleretur,*

leretur, equis delapsa, se ipsam centuriavit. Equo A aqua eluunt, quæ sole siccata nihilominus mutatur in salem.

Justinus Lib. XXXIII. In ea pugna M. Cato, Cato- nis Oratoris filius, dum inter confertissimos hostes in- signiter dimicat, equo delapsus, pedestre prælium ag- greditur.

20. Levi suspensioq; vestigio petit] Apulejus Metamorphos. Lib. 3. Ad illud superius cubiculum suspenso & in sono vestigio me perducit. Julius Fir- micus : Molliter ambulantes, vestigia sua, cum de- licata quadam moderatione, suspendant. Quintilia- nus, sive quis auctor alius, Declamatione 1, quæ Paries Palmarum inscribitur: Gradu suspenso ponere certa vestigia, & in omnem timoris sui partem, soli- citum circumagere vultum.

39. Mentē altius repositam] Virgilium imi- tatus est Lib. 1. Æneidos:

Nec dum etiam causæ irarum, sæviq; dolores,
Exciderant animo, manet altā mente repositum
Judicium Paridis, spretaq; injuria formæ.

41. Intercutis tantum cruoris] Intercus adje- ctivè sumitur, & inter carnem & cutem exi- stens, quicquid sit, significat. Hinc aqua inter- cus, pro hydropo: cujus meminit Cicero; Offi- cio. Si quis medicamentum cuiquam dederit ad aquam intercutem. Intercutia vitia Gellius dixit Lib. XIII. Cap. 8. quæ non foris apparent, sed penitus sunt imbibita: sicut Intercutia stupra nominat Cato.

51. Pontem continenti committere.] Nempē illum versatilem, cujus antea facta mentio; D non recens à se extractum.

54. Collegam adscivit] In pugilum seu mi- litum suorum collegium ac societatem, non in consortium imperij, assumpsit.

Pag. 99. vers. 18. Adulterinus possessor] Adul- terinus est falsus, alienus: quo sensu frequenter hanc vocem usurpat Saxo. Sic Tertullianus de Pallio: Ausidius Lurco primus saginā corpora vitia- vit, & coactis alimentis, in adulterinum propevit sa- pore.

24. Vocabulum ex ejus nuncupatione sortita] Dicta enim in posterum est Hiarn De/ prope- Hothersnesium in Cimbria.

29. Decoquendi salis opificem] Frequentes in Dania tum temporis Salinas fuisse, haud temere crediderim; nisi quis fortè contendat moris fuisse, ut ex aqua marina salem decoxerint, & ardore solis congelatum, in usus suos adhibue- rint. Ex alga marina salem coctum viderunt, qui Cæsareos milites ante decennium in Cim- bria concives habuerunt. Salem verò ex aqua marinā decoxisse veteres, Vegetius ostendit, Lib. IV, Cap. XI. obfessos edocens, quid illis faciendum, si sal defuerit: Si, inquit, maritima sit civitas, & sal defuerit, liquor ex mari sumptus, per alveos atq; patula vasa diffunditur, qui à calore so- lis duratur in salem. Quid si hostis ab unda prohibeat, [nam hoc sæpe accidit] arenas, quas exagitarum ventis mare effuderat, aliquando colligunt, & dulci

47. Totam ponti faciem] Facies hoc loco vel pro superficie, vel habitu & forma ponitur. Apposite Gellius Lib. XIII. Cap. 28. Non solum in hominum corporibus, sed etiam in rerum cujuscemo- di aliarum, facies dicitur. Nam montis, & cæli, & ma- ris facies, si tempestivè dicatur, probe dicitur. Sic Stagni faciem, Tacitus, Lib. 21. Cæli faciem, Sido- nius, Lib. VIII. Ep. 12. Exestuanti fluctus minacem B faciem, Quintil. Declamat. 387, dixere. Ipse mox Saxo: Prodigialem illam maris faciem.

48. Mox puniceis fluctibus intumescens] Ge- minum gemellum est illud Ovidij Lib. IV. de Ponto, Eleg. 7.

Non negat hoc Ister: cujus tua dextera quondam
Puniceam Getico sanguine fecit aquam.

Pag. 100. vers. 12. Trium olorum supernè clan- gentium] Rectè dixit olores clangentes. Clangor etenim propriè Olorum & anserum est. Ele- gantissimus est locus Sidonij Apollinaris de vo- cibus avium quarundam, Epistola 2. Lib. 2. ubi prædium suum describit: Hic jam, inquit, quæ- volupe auribus insonare cicadas meridie concrepan- tes, ranas crepusculo incumbente blæterantes, Cy- gnos atq; anseres concubiâ nocte clangentes, intem- pestâ gallos gallinaceos concinentes, oscines corvos, voce triplicatâ, surgentis auroræ facem consalutantes: diluculo autem Philomelam inter frutices sibilantem, Prognem inter asseres minurientem. Clangor ver- bum fictum à sono vocis. Carisius Lib. II. Li- vius de anseribus Capitolinis Lib. V. Namq; clangore eorum, alarumq; strepitu, excitus M. Man- lius.

14. Dum mare verrit Hythin, rabidosq; inter- fecat æstus] Verrere mare, æquora, usitata maxi- mē Poëtis loquendi forma. Maro, Poëtarum princeps, Lib. III. Æneid. de nautis:

Adnixi torquent spumas, & cærulea verrunt.

E Et rursus eodem Libro:

Certatim socij feriunt mare, & æquora verrunt.

Qui versus totidem verbis recurrit Lib. V. Æ- neidos. Catullus:

Cærulea verrentes abiegnis æquora palmis.

Secare quoq; fretum, mare, æquora, usurpant Poëtæ: Virgilius Lib. VIII.

Et circum argento clari delphines in orbem
Æquora verrebant caudis, æstumq; secabant.

F Et Lib. X. de Nymphis:

———— Innabant pariter, fluctusq; secabant.

Lib. V. Æneid. pro navigare:

Interea medium Æneas jam classe tenebat
Certus iter, fluctusq; atros Aquilone secabat.

Lib. X. Æneid.

———— Media Æneas freta nocte secabat.

Festus Avienus in oræ maritimæ descriptione:

Non usq; cymbis turbidum late fretum
Et belluosi gurgitem Oceani secant.

19. *Regis Thialamarchiæ filium*] Videtur hic legendum *filium*. Nam paulo post dicitur Fridlevus Hythini filiam, quam monstro exemerat, Haldano Regi Sveciæ impetrasse: sed confusis nominibus Regis & Gigantis. Nam hic Gigantem, illic Regem Hythinum, nominat. Nisi forte alia sit historia puelli liberati, quæ hic narratur, alia vero puellæ exemptæ, ad quam illic respicitur nusquam narratam.

26. *Cygnico fuisset carmine laceffitus*] Ità legendum pro *Cynico*. *Cygnicum carmen*, fuit trium colorum supernæ clagentium carmen, de quo paulo ante Saxo: quod cum Athenæo Lib. XIV. *Κύνειον ὄσμιον*, seu *μῦλον* dicere liceat.

27. *Cum sis gigas tricorpor*] Epitheton hoc referendum videtur ad monstruosam Gigantæi corporis molem, & immensam staturæ longitudinem, quā angustiorē humanæ mensuræ habitum longē excedebat Hythyn Gigas: non autem ità capiendum, quasi triplici corporum compagine constaret. Sic de Geryone Silius Italicus Lib. III.

Geryonis peteret cum longa tricorporis arva.

32. *Habitusq; corporalis instar negligis*] Instar hic non Adverbialiter, sed Substantive positum, pro forma, seu specie: quomodo & infra Lib. VII. *Si propinquæ mortis instar alicujus imagine spectaculi pervidisset*. Ubi pluria illustrandæ voci exempla vide notata.

Pag. 101. vers. 5. *Raptu violavimus aurum*] *Violare*, verbum est ad vim faciendam accomodatū; quod alioquin de rerum sacrarum abusu, & violento contactu, usurpari solet. Juvenalis de aureo seculo:

Fictilis & nullo violatus Juppiter auro.

Pedo quidam apud Senecam Rhetorem Svaforiā primā:

————— *aliena quid æquora remis*
Et sacras violamus aquas, divumq; quietas
Turbamus sedes? —————

6. *Tonsis everrimus æquor*] *Tonsis*, id est, remis. Lucretius Lib. II.

Sed quasi naufragijs magnis multūq; coortis,
Disiectare solet magnū mare, transstra, gubernas,

Antennas, proram, malos, tonsasq; natantes.
Lucanus Lib. III. *Pharsaliæ*:

————— *Impulse tonsis tremuere carinae.*

Et paulo post:

Ut tantum medi fuerat maris, utraq; classis
Quo semel excussis posset transcurrere tonsis.

Statius Lib. V. *Thebaidos*:

At ubi suspensis siluerunt æquora tonsis.

13. *Quam roseum liquidis Titan caput exerat undis*] Varios hic imitatur Saxo Poetas. Ut I. Lucretium Lib. V.

Forfitan & rosea Sol altā lampade lucens.

Et in eodem inferius:

Dum rosea face Sol inferret lumina mundo.

A II. Virgilium Lib. VI. *Æneid*.

Hæc vice sermonum, roseis Aurora quadrigis,
Jam medium ætherio cursu trajecerat axem.

Eundem Lib. VII. *Æneid*.

Jamq; rubescebat radijs mare, & æthere ab alto
Aurora in roseis fulgebat lutea bigis.

Iterum eundem Lib. XI. *Æneid*.

Ni roseus fessos jam gurgite Phæbus Ibero
Tingat equos. —————

III. Valerium Flaccum Lib. II. v. 261.

Regina ut roseis auroram surgere bigis
Vidit. —————

IV. Tibullum Lib. I. Eleg. III.

Hoc precor, hunc illum nobis aurora nitentem
Luciferum roseis candida portet equis.

V. Martianum Capellam Lib. IX.

Aurora exorients roseis spectabit ocellis
Floris refecti præmia.

29. *Sequioris ordinis viro*] Sic omnino legendum hoc loco arbitror, pro eo, quod priores repræsentarunt editiones, *Sequestris ordinis viro*. Quis etenim, quæso te, vir *sequestris* est *ordinis*? Fortè dicas eundem esse ac *sequestrem* & arbitrum. Si id statuas, totò aberras cælo. Nam Biórno nequaquam se tanquam *sequestrum* aut arbitrum interposuit, ut Fridlevum & Avonem in gratiam reduceret, vel de jure provocationis cognosceret. Nonnullis heic placuit reponere, *equestris ordinis viro*. Sed & illi falluntur. Biórno enim non fuit vir *equestris* dignitatis, cujus usum, nulla tunc temporis, apud nostros, consuetudinum frequentabat auctoritas: verum potius Fridlevi allecla & Commilito. Mihi verò, *vir ordinis sequioris*, pro, obcuriore loco nato, & vilioris fortis ac conditionis homine, rectius dici videtur. Siquidem se Biórno Rege Fridlevo longè inferiore agnoscit, ideoq; certamini cum Avone, viro ex ultima face plebis, ineundo aptiorem; quum Regi nefas esset cum plebejo homine congregari. Et convenit prorsus hoc Biórnonis monitum cum illo Starchateri, quod mox eodem hoc libro adducit Saxo. Quum etenim Saxones, duello Frothonem opprimere tentantes, mitterent, quæ Regem ex provocatione lacefferent: Starchaterus piraticâ regressus, ex hoc maxime provocationis habitum reprehendit, quod diceret Regibus non nisi in compares arma congruere, eaq; adversus populares capiendâ non esse: per se verò tanquam obscuriore loco natum [hoc est, sequioris ordinis virum] pugnam rectius administrandâ existere. Idem Hunnorum Rex respondit Westhmaro se ad pugnam provocanti, Lib. V. *Non decere amplitudinem regiam, quem honore præcelleret, æquare conflictu, nec oportere dignitate impares, pugna paritate conferri*. Et ejusmodi omnino est, quem infra Lib. VII. Saxo inferioris ordinis virum nominat. Adhæc Guritha adduci se non posse retulit, ut regia nobilitatis reliquias inferioris ordinis viro copu-

lare sustineat. Sequior autem Latinis Scriptoribus deterio-rem significat. Unde Apulejo Lib. VII, & X, *Sequior* est minus præstabilis, muliebris. Et eleganter Ammiano Marcellino Lib. XVIII. *Sequior fortuna*, pro adversa, dicitur Hinc Adverb. *Sequius* est deterius. Seneca Lib. VI, de Beneficijs Cap. 42. *Vereor ne homines de me sequius loquantur.* Ibi Lipsius: *Sequius*, deterius, sinistrius.

31. *Chorda summatransfixie*] Hoc est, supremam nervi, quo arcus tenditur, partem transfixit. Itaq; pro *τὸ Cordis*, quæ vox in priorem Saxonis editionem male irrepsit, omnino legendum erit *chorda*. *Chorda* autem idem est, quod fides seu nervus: quem *vēvgar* passim appellat, & ex muliebribus crinibus optime confici tradit Hero Ctesibius in Belopæcis. Itæ etiam vocat Sidonius Apollinaris Epistola II. Lib. I. pag. 6. ubi sagittandi peritiam in Theodorico Gothorum Rege laudat: Igitur, inquit, *acceptum arcum, modo insinuatis e regione capitibus intendit, modo ad talum pendulum nodi parte conversâ languentem chordæ liqueum vagantis, digito superlabente, prosequitur, & mox spicula capit, implet, expellit.* Sic ipse Saxo infra Lib. VIII. *Emissa per chordam spicula trajicit.*

Pag. 102. vers. 3. *Arbores stirpitus evertibat*] Ad eundem modum Livius Lib. XXI. describit serpentem mirâ magnitudine, quem ad Etovisam urbem vidit Annibal cum ingenti arborum ac virgultorum strage ferri.

7. *Pecuniam hypogæo erutam*] *Hypogæum*, locum quemcumq; subterraneum, antrum sive speluncam significat. Græcis ὑπόγειον est. *Hypogæa* olim dicebantur subterranea illa ædificia, arcuato opere extructa, pavimentis strata, ac parietibus circumseptâ, in quæ tanquam in cellas quasdam mortuorum cadavera inferebantur & condebantur. Petronius Arbiter de matrona Ephesinâ: *Positumq; in hypogæo, græco more, corpus, custodire, ac flere totis noctibus diebusq; cepit.* Tertullianus de Anima, Cap. VIII. De Sepulchro Pythagoræ: *Respicere ad hypogæum, & si capit, crede.* Hesychius: ὑπογαιοῖον, ὑπογῆον τῶν τελευτῶν.

17. *Deorum ædes præcæbundus accedit*] Nequaquam verisimile videtur, fuisse ijs temporibus ædem ullam visendæ magnitudinis extructam, vel operosioris cultus facellum. Cave putes. Sed intelligit hic fortè Saxo antrum quoddam vel speluncam, quæ sacrata Nymphis sedes erat. Porphyrius de Nympharum antro: *Sicut Dîs quidem cœlicis templâ, ædes & altaria constituebantur: terrenis autem & Heroibus soci, ac inferis foveæ, hypogæa & cryptæ: sic Nymphis antra, speluncæq; dedicabantur.* Imo & cæteris numinibus. Porphyrius ibidem: *Speluncas & antra antiquissimi homines, antequam templorum structura inventa esset, numinibus dedicabant.* Itaq; in Creta Curetes Jovi specum sacrantur. In Arcadia Lunæ & Pani

A *Lyæo sacrum erat antrum.* In Naxo Insula, Dionysio. *Mithræ quoq; cultus, ubicunq; Deus hic notus erat, in speluncis fiebat.* Itæ & Vetustissimi Danorum gentium in antris & specubus Nymphas habitare credebant, & ex ijs oracula consulentibus depromere. Habebant utiq; Septentrionales populi, etiam dum Ethnicismi tenebris altum immerfi, Fana, Delubra & Lararia Idolis suis dicata, & sumptuose satis extructa; quale fuit Upsaliense illud, totum auro fulgens, cujus luculentâ exstat descriptio apud Olaum Magnum, Lib. 3. Cap. VI. & Albertum Cranztium in Præfatione Libri I. Sueciæ: qualia etiam fuerunt delubra veterum Islandorum: quorum duo leguntur fuisse CXX pedum longa; unum in præfectura Bandal Islandiæ Borealis: alterum in Rialarnes / Meridionalis Islandiæ, & hoc quidem pedes latum LX, teste Arngrimo Jona Cymogæ Lib. II. Cap. 7. Verum hæc ipsa omnia, aut quotquot alibi locorum, in Arctico hoc orbe reperiri potuerunt templa seu lararia, vix puto ultimæ antiquitatis fuisse, sed posterioribus condita seculis, quum jam undiq; secus invalesceret profanus ille numinum cultus. Ante illa tempora cryptas quasdam subterraneas sacrorum usibus destinatas fuisse, in quibusdam monumentis invenio. Cujusmodi nonnullas etiamnum in quibusdam Norvegiæ locis conspici, partim durissimis petris inestas, partim ingentium saxorum accumulatione congestas, testatur Excellentissimus Vir, D. Olaus Wormius Monumentor. Danicor. Libri. Cap. 3. Ejus generis illæ sunt, quæ in ditione Alloënsi, juxta Parochiam Quille adhuc ostentantur. Neo non illæ in Sodenæs parochia Åstind / aliæq; alibi. Quin & antiquitus Idola sua inde **HYNR-PNIR**, Sturguder dicta, mapalijs & turguriolis tegebant. Quum verò sacrificandi tempus instaret, in lucos & campos, ubi aræ ipsis instructæ, efferebant. Tandem crescente luxu, magnifica ipsis ædificabant Delubra, Lararia, & Fana. Wormius dicto loco.

18. *Ternas sedes totidem Nymphis occupari cognoscit*] Quæ hoc loco Saxo noster de Parcarum Oraculis, & Nympharum sedibus ac responsis, in medium adfert, omnia ex Mythologia veterum Islandorum, unde tam multa alia in Historiam suam retulit, deprompsisse manifestum est. Sic enim nos edocet Edda, Fabula XV. *Multæ sunt in cælo amænæ urbes, & omnes illarum munitiones divinæ. Prima est Regia eximie pulchritudinis sub fraxino, ex qua tres prodeunt virgines, quæ sic nominantur **NRRNR**, **NIR-PARR**, **HYNNR**, Verdur / Verbande / Stulb. Has **MARRR**, Mornier / id est, Faticas vocamus, quæ hominum ætates dispensant. Sunt plures adhuc tales Mornæ / ad hominum quemlibet inmundum natum venientes, ut fatales illi dies deter-*
minent.

vinent. Harum quedam sunt divina, quedam ex A
Faunorum, quedam ex Nanorum genere, sicut dici-
tur: Sundur borner mlog seigi eg ad Nornor sic:
aigu ther æt æt saman / sumar er Alfungar; su-
mar Alfungar; sumar Qualins datur. Id est,
Diverse natas dico Nymphas: non commune capiunt
genus. Sunt Fraxineides, Fauneides, & filia Dualini.
Id nomen Nani est. Nornæ bonæ felicem tribuant
vitam: sed si quis sinistris premittitur fati, hoc malæ
efficiunt. Hinc dicimus: **MARKHYAB**,
Nornastep / Parcarum fata. Unde in Epicedio
Regneri Lodbrog:

Hitt sunnist micer ranuar
*111 HINNII YIR RANAR
At forlogum fylgium
AT PARMARNY PARNIN
Fær geingur um Skop
PÄIR PIRPNA NY HYAB
Norna.
MARKA.

Id est:

Hoc videtur mihi reuera,
Quod fata sequimur:
Rarus transgreditur fata Parcarum.

24. *Permixa liberalitati parcitas tribueret
cognomentum*] Quod etiam cognomen postea
fortitus est, ut dictus sit Olafshin Nidste. Nidste
enim nostratibus tantundem est ac deparcus.

33. *Ut ne humi quidem incedere aut consistere
toleratus*] Mollis hæc educatio fuit; quam jure
in suis Romanis reprehendit Quintilianus In-
stitut. Orat. Lib. 1. Cap. 2. In Lecticis crescent:
si terram attigerint, è manibus utrinque sustinentium
pendent.

42. *Opes in propatulo habere*] Quintilia-
nus Declamat. CCLX: Opes suas in publico posuit,
quo locuplete nemo pauper est, nemo eget.

44. *Quod difficillimum est, virtute invidiam* E
vincere contendebat] Plane affine est illud Micipsæ
in Oratione ad Jugurtham, apud Sallustium.
Belli Jugurthini Cap. X. Postremo, quod difficilli-
mum inter mortales est, gloriâ invidiam vicisti. Verè
item vetus Panegyrista, quem laudat Clariss.
Vir, & Bonis literis juvandis natus, Johannes
Freinsheimius in Notis ad Curtij Librum VIII.
Cap. 5. Difficillimum est invidiam virtute superare.
Nam in omni laudis genere, ait porro ibidem
Freinsheimius ex Polybij 1, 36. Illustres atque ad-
miranda actiones graves invidias, & acres calum-
nias constare solent. Et ipsa Virtus parit Invidiam,
secundum illud Justinus Lib. V. Cap. 2. Virtus Al-
cibiadis plus invidiæ, quam gratiæ contraxit. Re-
rum tamen amplitudine Invidiam superari idem
Justinus docet, extollens res gestas Semiramidis
Lib. 1. Cap. 2. Magnas deinde res gessit, quarum am-
plitudine, ubi invidiam superatam putat, quæ sit, fa-
tetur. Ideo Cleo, quamvis Græculus adulator,

in Oratione in laudes Alexandri institutâ apud
Curtium Lib. VIII, Cap. 5. commemorat: Ne
Herculem quidem, & Patrem Liberum prius dicatos
deos, quam vicissent secum viventium invidiam,

Pag. 103. vers. 9. Inusitata manuum numerositate
prodiderit] Vulgare est Poëtarum & aliorum My-
thicorum commentum, quo monstrosam mem-
brorum multitudinem Gigantibus, fortitudi-
nis significandæ gratia, affingere solent. Unde
non est dubium, quin fabulosa Danorum de-
Starchatero profluxerit opinio. Hinc Centima-
ni sunt dicti Telluris hi filij: cujusmodi fuisse
Cottum, Briareum, & Gygem, refert Hesiodus
in Theogonia.

Ἄλλοι δ' αὖ Γαίης τε καὶ Οὐρανὸς ἐξεγένοντο
Τρεῖς παῖδες μεγάλοι καὶ ὄβριμοι, ὅσκιον
μαστὶ

Κόπρος τε, Βριαρεὺς τε, Γύγης δ', ὑπερὶ φανὰ
τέκνα,

Τῶν ἑκατὸν μὲν χεῖρες αἰπ' ὤμων αἰσσοῦντο
Ἄπλαστοι, κεφαλαὶ δ' ἐκαστὸν πεντήκοντα
Ἐξ ὤμων ἐπέφυκον, ὅτι σιταργῶσι μέλυσσιν.

Alij rursus è tellure & cælo prognati sunt
Tres filij magni, & prævalidi, non nominandi,
Cottusque, Briareusque, Gygesque, superba proles;
Quorum centum quidem manus ab humeris impe-
tuoſe movebantur

Inaccessæ: Capita verò unicuique, quinquaginta
Ex humeris prognata erant, super robustos artus.

De Briareo Virgilius VI Æneidos; qui Homero
dicitur ἑκατόγχερος:

Et centum geminus Briareus, ac bellua Lerna.

De Gyge Horatius Lib. II, Ode 17.

Me nec Chimera spiritus ignea,
Nec si resurgat centimanus Gyges,
Dirvelles unquam

Et Lib III, Od. 4.

Testis mearum centimanus Gyges
Sententiarum notus.

De Typhæo Ovidius Lib. 3. Metamorphos.

Nec quo Centimanum dejecerat igne Typhæa.

Pindarus eundem Ode IV. Olymp. ἑκατόγχε-
φαλα vocat. Notetur Adagij forma, quâ usus
Nazianzenus Orat. XIX. Βριαρεὺς χεῖρες:
manus Briarei: de homine avidè appetente lu-
crum, & veluti centum manibus inhiantem ad
quæstum. Sic de Geryone Lucretius:

Atque tripectora tergemini vis Geryonæi.

Et cui Poëtæ non cantatus Geryon? Silius Ita-
licus Lib. 1.

Tres animas namque id monstrum, tres corpore
dextras

Armarat, ternaque caput cervicè gerebat.

16. Thor videlicet & Othinn] Hæc jam
consentaneum est; ut memor promissi, quo me
in Notis superioribus Lectori obstrinxi, fidem
meam utcumque liberem, traditurus in præsentem.

quæcunq; se mihi diligenter satis inquirenti, in Antiquitatibus nostris, alijsq; autoribus, de Danicæ vetustatis numinibus, hactenus obtulerunt. Satius vero duxi, ipsa monumentorum juxta ac autorum verba in medium adducere, quam alijs immutatis, novam quasi deorum Septentrionalium Historiam condere; quod hominis videretur nimis curiosi & otio abutentis. Inter vetustissima igitur documenta, illud præcipuum est, quod de Othino nobis suppeditat Edda, [Liber de Re Poëtica vetustissimus, cujus nonnulli autorem faciunt Snorronem Sturlæsonium, alij Semundum Frode, id est Sapientem,] Cap. VI. VII. VIII. & IX: Inorthr halfo heimfins san H. Spafonueina/ er Sibil her/ en vir kollum Sis. Engi vissi at har/ sone thea her Lorrithi. Hans Sun Vingithor / hans Sun Ringen. H. S. Mage: H. S. Seffsmeg. H. S. Bedvig. H. S. Atra/ er vir kollum Annan. H. S. Irman. H. S. Ermoder. H. S. Skialdun/ er vir kollum Skiolld. H. S. Blas er vir kaullum Banr. H. S. Jar. H. S. Gadofr. H. S. Finn. H. S. Frialaf/ er vir kaullum Fridleif. H. S. Bodden/ er vir kaullum Othin. Thesr Othin H. mikin Spadom/ Rona hans her Frigida/ er vir kaullum Frig. Han fystiz northr i heim mit mikin her og Stormlefe. Og hur sem thri foru thori mikils om tha v'r og lifr gothum en manum. Ther komu i Saxlande og eignadir Othin thar vithalandit. Og thar seti han til Landisf gesto iij Syni sin. Vegdreg reth fir anstr Saxlandi. Annar syn hans her Veldeg/ er vir kollum Walde/ han at vestfak/ ther viti er sa heitr. Tri thi sun hans her Sigi/ H. S. Xerir fathr Volsungs/ er Volsungar ero fra komr. ther retho fir Francelandr. fra ollum ther ero storar atir komnar. Tha for Othin i Reichgotaland og eignadis ther/ og seti thar Sun sin Skiolld fathr Fridleifs/ er Skiolldunge ero fro kommr. Thar heitr nu Jorland/ er var kaullorhu Reichgotaland. Tha for Othin i Smithod/ thar var sa Kong er Onlfi her/ og er h' seti til Asa manne er Efir voru Kalla thir. for han i mori ther og bauch ther i sit Rifi. En sa timi fylgdi fith thera huar seti ther duolfus i Joudum/ tha var thar ar og fithr. Og trothi man at ther vari fithr athande. thui at rikis in sa tha olifka fletum mannum othrum at fegrd og viti. Thar thori Othin fagr Bellir og Eans Kostir gother/ og kausi si thar bugar Stath/ sem nu heitr Sigatun. Skipathi thar Haufsongia i tha lifing sem i Trojo voru/ setir Rix Haufsongiar at dama Landflog. Hoc est: In plaga Septentrionali femina quedam erat Vaidica, seu Sibylla, quam nos vocamus SIF, ejus nemo progeniem noverat. Filius ejus erat LORRITHI: ejus filius erat HEMREDE: ejus VINGITHOR, ejus VINGENER, ejus filius MODA: ejus filius MAGE, ejus filius SEPHEMEG, ejus filius BEDVIC, ejus filius ATRA, quem nos vocamus ANNAN. Ejus filius ITRMAN, ejus filius HERMODER, ejus filius SKIALDUN, quem nos vocamus SKIOLD,

ejus filius BLAF, quem nos vocamus BAUR, ejus filius JAT, ejus filius GUDOLF, ejus filius FIN, ejus filius FRILALAF, quem nos vocamus Fridlevum. Hic filium habebat, quem vocant VODEN, quem nos ODEN seu OTHIN vocamus. Is erat eloquentissimus & inter omnes formosissimus. Uxor ejus erat FRIGIDA, quam nos vocamus FRIG. OTHINUS vates erat, ut & uxor ejus. Hinc illustre sibi peperit nomen, adeo ut in plaga Septentrionali postmodum omnium Regum celeberrimus fuerit. Incessit igitur, ipsi cupido primum Turciam relinquendi, unde secum duxit magnum exercitum juvenum, virorum & mulierum, cum ingenti thesauro. Quocunq; pervenit, multa præclara de ipso velata erant, ut similior videretur Djs quam hominibus. Nec prius sedem fixit, quam in Saxoniam perveniret. Ibi per aliquod temporis spatium commoratus est, & ejus territorij magnam partem in suam redegit potestatem, sibiq; asseruit & vindicavit. Ibi tres suos filios constituit Præfectos: quorum unus erat VEGDERVEL VEGDREG, qui opulentissimus erat, & Orientalem Saxoniam plagam possidebat. Ejus filius fuit VITRGUT, ejus filius erat PITTA pater HEMGELSTS, & SIGAR pater SVEBDEG, quem nos vocamus SVIPDAG. Alter filius Odini erat BELDEG, quem nos vocamus BALDER. Hic possidebat terram dictam Vestphaliā, ejus filius erat BRANDER, ejus filius FRIDIGAR, quem nos vocamus FRODA, ejus filius FREAVIN, ejus filius IVIS, ejus filius GENIS, quem nos vocamus GAVE. Tertius Odini filius dictus HENGIR, ejus filius HERIR, illorum Majores tenebant terram dictam FRANKELAND. Inde traducta est familia dicta Volsunger, ex hac magna orta sunt & præclara familie. Tunc Odinus iter Septentrionem versus direxit, & venit in REIDGOTALAND seu Cimabriam, & sibi totam terram pro lubitu subjugavit. Huic præfecit filium SRIOLD dictum; Filius ejus erat FRIDLEVUS; Hinc familia orta Skioldungorum, qui sunt Regum Danorum, jam verò vocatur Jutlandia, quæ olim erat REITGOTALAND. Hinc Septentrionem versus migravit in SVIDIOS seu Sueciam: Ibi erat Rex dictus Gylfr, ubi percepit is adventum Asanorum, qui vocabantur ÆSAR, eis obviam factus, obtulit Odino, ut Regnis suis pro lubitu uteretur. Hoc pactum prospere adeo successit, ut quocunq; pervenirent, & ubicunq; commorarentur, fertilitas & pax abundaret. Hinc credebant omnes in eorum potestate hæc esse: omnes videbantur superare homines sapientia & pulchritudine. Hæc regio visa est Odino commodissima. Elegit igitur sibi hic locum civitati extruendæ idoneum, quem vocabat SIGTUM de filij sui nomine, sibiq; Regis titulum assumpsit, & vocabatur NIORDUR. In annalibus namq; extat, quod primus Rex Suecorum dictus sit NIORDUR, Successorum omnium maximus, & Rempublicam ibidem constituit talem, qualis erat in TROJA, duodecim eligens viros, qui judicum officia sustinerent, & sic leges omnes, quæ olim erant in Troja, rogavit, & quibus uti solebant Turcæ. Et hæc quidem Edda. Accedamus jam ad aliam de eodem Othino Narrationem ex

Chronico Norvagico itidem antiquissimo de sumptam, cujus autor putatur Snorro Sturlæsonius Islandus, quam nos utcunq; Latio donavimus, insistentes vestigijs Interpretis recentioris, Petri Undallensis. Ea pars Asiæ, quæ Orientem versus fluvio Tanai alluitur, Metropoli quondam habuit dictam ASGARD. Hæc summa cum potestate præfuit Heros quidam nomine OTHINUS : qui Sacrorum gentilium in eadem civitate, summus erat Antistes, cum crebra illie Sacrificia in cultum & venerationem Idolorum celebrarentur. Duodecim verò ex Senatoribus urbanis, qui cæteris pietate & sapientia præstarent, non solum religioni ceremonijsq; ritè curandis, sed & litibus dirimendis, juriq; dicundo præfecerat. Hi nominati sunt **PIIR**, **Star**/id est, Dij sive divini ; & **PRAIMR**, **Drotmar**/id est, Domini : quibus per vices servire, & ad quævis munera præsto esse, totus tenebatur populus. Othinus magnanimus & fortis erat bellator, multasq; per orbis terrarum oras & regiones victricia circumferens arma, innumera regna ditionesq; suam redegit in potestatem : utpote Victor & triumphator felicissimus, semperq; pugna superior excedens. Quare in omnibus prælijs victoriam ipsi singulari quadam cœlitum indulgentiâ tribui, vulgo erat persuasissimum. Quotiescunq; Ducibus suis bellagerendo committeret, vel alia munia alicujus momenti obeunda injungeret, manus vertici eorum imponens, quasi eos consecrabat. Quod illi pro fausto omine arripiebant, nihil credentes sibi infortunij exinde eventurum. Quin etiâ Othinus nomen inter quæcunq; pericula nuncupantes, promptum necessitatis remedium experti sunt. Unde & omnem in illius auxilio, quocunq; in discrimine constituti, fiduciam collocabant. Othino duo fratres erant, quorum natu major **NI**, **VE** ; minor **NIIR**, **VELIR**, sive Vulvi, appellatus fuit. Hi peregrè absente, vel bellis occupato Othino, vicarium gerebant imperiû, cunctaq; regni negotia magnâ curâ atq; industriâ administrabant. Ea occasione aliquando contigit eum diuturniorem in exteris moram trahere, quam illi speraverant. Ideoq; divisim inter se provincijs & regionibus, quibus frater hætenus præerat, regni legitimo principe destituti, jus & possessionem sibi vendicabant, Othinus uxoris Friggæ simul suscipientes tutelam & patrociniû. Mox è loginquâ peregrinatione redux Othinus, unâ cum restituta sibi à fratribus uxore, expeditionem suscepit adversus Scythas Tanai contiguos, **VANER** dictos : qui tamen Othino animosè resistentes, patriamq; fortiter tutati, victoriæ palmam ipsi sæpe numero dubiam fecerunt, & maturo sibi reditu consulere coegerunt. Ex illo


A tempore crebris incursionibus & ingentibus invicem prædis actis, mutua sibi damna intulerunt ; quorum tandem pertæli, datis utrinq; obsidibus, firmam inter se pacem fœdusq; pepigerunt. Scythæ Othino amplissimos viros, *Niordum* cognomento divitem, unâ cum ipsius filio *Frói*, obsidis loco tradiderunt. Sed Asiani vicissim Scythis selectissimum par virorum, tam corporis dignitate & formâ verè Imperatoriâ, quàm virtute, sapientiâ, alijsq; animi dotibus eminentissimorum, *Heinerum* videlicet, quem summi Imperatoris munere rectè defungi posse asserbant, & magistratibus gerendis esse aptissimum : & alterum *Mimerum*, omnium mortalium sapientissimum, transmiserunt. Cui officio ut paria facerent Scythæ, insuper & alium Heroa, cui *Quisir* nomen erat, qui apud illos cæteris mortalibus sapientior habebatur, ad Asianos ablegarunt. Heinero statim in Scythas imperium obtigit ; qui fidem & prudentem nactus consiliarium Mimerum, nihil ferè ipso gessit inconsulto. Varios etenim mores, ritus, leges, instituta, quibus in judicijs alijsq; negotijs uteretur, ipsum edocuit. Sed eo destitutus, cum in conventibus graviore controversiæ pro tribunali sedenti exhiberentur, quibus ille dirimendis non esset, crebro jactabat illud : Vos jam ipsi in medium consulite, quicunq; consilio valeatis, in me nullum vobis praesidium. Tum Scythæ cognito se ab Asiaticis in æquali permutatione obsidum deceptos, Mimeri abscissum caput eis mittendum curarunt, Quod Othinus balsamo conditum magicis carminibus vocale reddidit, adeo ut quævis ipsi arcana & rerum abdita revelaret. Dehinc Niordum & Frói divinitatis participes factos in Deorum Asiaticorum numerum ascripsit. Frói quoq; filia Freja in Dearum cœtum & consortium assumptâ. Quæ præstigijs, veneficijs, & incantamenta ab Asiaticis edocta, Scythas mirificè placuit. Niordus autem inter Scythas vitam degens, sororem suam duxit uxorem, quod ipsorum lege permittebatur ; cum apud Asiaticos nefas sit eas matrimonio sibi jungere, quæ tam arcto sanguinis gradu se contingant. Cæterum prærupti & editi montes à Septentrione Austrum versus in longitudinem procurrentes, majorem Scythiam à vicinis regionibus velut naturali limite separant : quibus à meridie circumjectæ nationes Othinus imperio omnes parebant. Sub idem tempus Romani rerum Domini innumeris gentibus devictis, victricibus armis longè lateq; grassantes, vastissima regna, fortissimos populos, florentissimas urbes, clarissimasque civitates sub jugum Imperij Romani fêdigerè cœperunt. Quare multi procerum & magnatum, patriâ sponte excedentes, Romanis subditos suos, deditione factâ, prodiderunt. At

Othinus, Magus insignis, & præcipuâ divinandis solertia præditus, gnarus se, progeniemque suam, ad leros usq; nepotes, in Boreali mundi plaga imperitaturum, fratribus suis VE & VELIR regimen Asgardia demandavit; ipse in Russiam profectus, & illinc in Saxoniam concedens, eam sibi fere subjugavit, subjugatamq; filijs suis regendam commisit. Quos inter Skioldum Daniae præfecit, qui deinceps Lethram imperij sui arcem, sedemq; regiam habuit. Cum vero Othinus fando comperisset Gothiam Svecicam, cui regia cum potestate præerat Gylvo, regionem esse fertilem, copiosam, multisq; incolis alendis sufficientem, ad ipsum invisit, ictuq; cum eo fœdere, novas sedes & domicilia in istis oris quærendi facultatem veniamq; obtinuit. Metus enim Gylvonem incesseerat potentia Asiaticæ, quippe qui verebatur, ne summo cum periculo novos advenas laceraret, quibus se viribus & fortitudine longè impares, agnosceret. Interea Gylvo & Othinus præstigiis & incantationum quasi certamen quoddam instituerunt: unde Othinus cum Asiaticis suis semper victor discessit. Hinc Othinus ad fluvium *Løger* incolere cœpit; ubi civitatem condidit Sigtunensem [quo nomine oppidum in Svecia majorum ætate fuit] Basilicamq; extruxit magnificentissimam, Sacrificijs ibidem secundum ritus & ceremonias Asianorum institutis. Quin & regione ista undiq; secus occupatâ, in eam quasi coloniam quandam deapertum deduxit, quibus certas sedes & delubra assignavit. Ita Niordo Moatun, Frejo Vpſala, Thoroni Trudvanger, Heineri Hundbiere, Baldero-Brededlik cesserunt. Tandem Othinus Arctos Sveciæ partes cum agmine Idolorum suorum repetens, inauditi generis miracula varijs exercuit præstigijs, & simul veluti publicum magisterium Magiæ percipiendæ instituit; cuius usus antea planè nullus isthuc loci extiterat. Quod habitum Othinus & formam attinet, vultu semper hilari, jucundo, & ad omnes lepores, facetiasq;, ad jocum, atq; lubentiam composito, amicis se conspiciendum præbuit; hostibus vero truculentum se exhibuit; quippe in varias formarum species, instar Prothei cujusdam, se transmutare noverat. Tantâ etiam Svadâ & eloquij dulcedine audientes demulcere poterat, ut ipsius dictis nullam non fidem adhiberent. Rhythmis etiam & carminibus inter loquendum crebro prolatis miram sermoni gratiam conciliabat. Unde & ipse & complices ipsius Schioldri & Poetæ dicti. Præterea solebat Othinus vi quadam magicâ omnem sensuum, usum hostibus eripere, & immensum illis terrorem incutere; imò cum hostili exercitu manum conferens, ita gladiatorum aciem carminibus retundebat, ut sui milites absque scuto & lorica, tanquam efferi canes & lupi, adversarios lancinantes, vulnerantes, & pecudum in-

star trucidantes, incederent, ipsi omnium vulnerum & damnorum expertes. Unde postea Berserkerorum incessus, hoc ferociæ genus appellatum fuit. Adhæc Othinus tantâ ludificandorum oculorum peritiâ callebat, ut sæpenumero corpus suum, veluti suppresso spiritu, humi exanime prosterneret, quod interea nunc in piscis aut volucris, nunc in serpentis formam mutatum apparebat. Evigilans se longinquas terrarum oras peragrasse, & quid ibi rerum gereretur, exacte & accurate comperisse, asseverabat. Incendia restinguere, tempestates sedare, inundationes sistere, ventos ad arbitrium suum immittere, unico verbo potuit. Defunctorum manes subinde eliciens, alio translatos collibus & monticulis includit: Unde **FRANPA PRATTIK**, Drouga Drotten/ vel ***ANPA PRATTIK**, Drouga Drotten/ hoc est, Lemurum Dominus dictus est. Binos habuit corvos humani eloquij usum ab ipso edoctos, qui dissita loca pervolantes, hero suo copiosam rerum novarum seriem renunciabant. Apertis deniq; vi magicâ montibus aurum & argentum ex abditis terræ venis pro lubitu deprompsit, & absconditos insuper thesauros, nemine monstrante, eruit. Ad summam, Othinus Runis suis & Carminibus ac incantationibus [quæ **PANPRAI**, Galbran/ **HIIP**, **Scid/ NAB**, **Siob/ PIANYNPA**, **Siolthyn** ga/ dicebantur] incredibilia patrando, tantarum sibi ubiq; nomen peperit, ut fama sapientiæ & potentia Othinianæ, juxta ac Asianorum per omnes gentes & nationes brevi spatio sit didita. Quare hostes ita conterruit, ut nihil adversus eum moliri ausi fuerint. Sed è diverso socios & amicos ita in fide retinuit, ut raro aut nunquam ab eo desciverint. Quo evenit, ut Sveci, alijq; populi Boreales, Othino pariter ac duodecim ipsius complices, solennia sacrificia dependerent, & cultum vero cœli terræq; Domino debitum exhiberent. Eorum, quoq; nomina liberis suis recens natis adaptabant, vocantes Audun & Ovdén, ex Othino; Thord, Thore, & Toraren, Steintor, & Hæstor à Torrone; quorum adhuc quædam apud Norvagos in usu sunt nomina. Varias porro Leges tulit Othinus; quas inter has fuisse præcipuas memoriæ proditum est. Edixit namq; ut mortuorum, vel in bello cæsorum cadavera igne consumerent, unâ cum bonis & ornamentis potioribus: cineres vero aut defoderent in terram, aut in fluvios spargerent. In memoriam Procerum & magnatum, colles erigerent, monumentis impositis, quæ defunctorum res gestas celebrarent. Ter singulis annis solennia sacrificia peragerent; Brumali tempore pro anni felicitate; mediâ hyeme pro fertilitate; circa finem hyemis pro Victoriâ. Scythæ quotannis

Othino denarium tributū loco solvebant, in singula capita : cuius propterea esset vicissim officium, tueri eos contra adversarios ac hostes, & cultum Deorum religionemque propagare. Niord uxorem duxit nomine *Stade* / quæ priore relicto marito, paulo post Othino nupsit : ex qua plurimos filios sustulit : quorum unum nomen erat *Semming*. Tunc nova Scythia, videlicet *Svecia*, dicta est *Manheim* / & magna Scythia *Gudheim*. Demum Othinus vitæ fatur in *Svecia* supremum obiit diem. Jam fato vicinus omnia membra & artus novem cicatricibus insigniri iussit, quas **FIRN APPI, Seirs odde** / antiquitus vocabant. Imperavit etiam, ut bello prostratos sibi mactarent. Hoc etenim sibi gratissimum fore placaminis & Sacrificij genus prædicabant. Post obitum multis apparuit, præsertim si grave aliquod prælium immineret. Multis victoriam contulit ; alios in *Walshalden* / hoc est, Palatium Plutonis, invitavit. Cadaver ipsius solenniter combustum, epulumq; funebre & sacrificia in honorem defuncti instituta. Hactenus Chronicon Norvagicum. A quo cum discesserimus, vix superant antiquiora monumenta, quæ nos de vetustissimis Danorum numinibus aliquid scitu dignum edocere poterunt. Ideirco nunc reliquum est, ut ad inferioris ævi Scriptores descendamus. Hos inter familiam ducit *Olaus Magnus Svecus*, cuius hæc sunt verba Historiæ suæ

A Libro III. Cap. 3. Erant apud veteres Gothos paganos, tres dii, primâ veneratione observati : quorum primus erat potentissimus *Thor* / qui in medio trilineo, strato pulvinari, colebatur : cuius hinc inde latera, duo alio numina, *Odhen* / videlicet & *Frigga* / cingebant. *Thor* / inquit, præsidet in aere tonans, & fulgurans, ventos & nubes, serenitatemq; gubernans ; fruges administrans cum fructibus universis, pestesq; tollens. Alter *Odhen* / hoc est fortior, bellis præsidet, hominibus in hostes auxilia subministrans. B ipsi *Thor* à dextris collocatus : tanto opinionis fulgore clarus, ut ipsum non se, us, quàm datum mundo lumen omnes gentes amplecterentur, nec ullus orbis locus extaret (*Saxone teste*) qui numinis ejus potentie non pareret. Tertius *Silaga* pacem, voluptatemq; moderabatur : cuius etiam simulacrum turpitudinem *Sexus* præ se ferebat : & ob id tantum apud Gothos, quantum *Venus* apud Romanos venerabatur. Diemq; *Veneris* usq; ad nostra tempora fidi retinet consecratum. Pingebatur gladio, & arcu cum armis, C quod in illis terris, uterq; sexus semper ad arma promptissimus esset. *Thor* autem cum Corona & sceptro ac duodecim Stellis designabatur : cuius magnitudini nihil digna æqualitate conferri posse existimatum est. Obtinuitq; diem hebdomadatim, imo & mensem primum totius anni, quem *Januarium* dicimus. *Odhen* verò armatus sculpitur, uti *Mars*, simili gentilium superstitione, apud Romanos, diemq; obtinuit eternâ memoriâ suo nomini consecratum. Et cæ tibi Imagines Deorum veterum.



De iisdem Vir Cl. Johannes Svaningius, Historicus quondam Regius; Lib. III. Commentarior. priorum de Rebus gestis Danorum, in hunc modum disserit: Dani antiquitus vicinarum gentium exemplo, Deorum numero eos solum habuerunt, quos & presentes viderunt, & quorum auxilijs aperte adjuvi essent. In quorum omnium numero primi Magi erant, dicti etiam gigantes, quod corporum vastissimâ mole ceteros homines longè excellere. Inter quos nonnulli mediæ staturæ homines quoq; erant, magicarum rerum peritiâ, gigantes multis modis superantes. Quæ de re inter duos hos præstigatorum ordines, perpetuum de dignitate certamen erat, donec medijs, gigantibus superatis, divinitatis opinionem sibi apud plebeculam usurparent. Hi per summam ludificandorum oculorum peritiâ, proprios vultus transformantes in varias figuras, se Deos esse, simplici vulgo, illusionis errore decepto, persuaserunt, quale genus hominum hodie in Turcia quoq; esse, ex illorum descriptione constat, qui ejus gentis mores & religionem literis mandarunt. His accesserunt & Harioli, qui nec corporum granditate, nec artis magicæ scientiâ prioribus æquales: quibus tamen opinio divinitatis, vel ob beneficia, quibus se vulgo commendabant, vel ob rerum futurarum præscientiam, tribuebatur. Ab his in gentilitate apud Danos primum totius religionis ratio pendebat. Ad hos, qui gravioribus moribus correpti erant, & in periculis verfabantur, confugiebant. His sacrificabant, ac donaria offerebant, interdum pro victimis homines vivos immolarunt, aut immolatuos se voverunt. Tandem, ut fieri solet, quod homines facili ab una Idololatria in aliam relabuntur, his contemptis successerunt alij, qui dñj & dicti & habiti ab incolis sunt. Quorum primus dictus est OTHINUS, per omnem Europam prisca illis temporibus cum primis celebris. Is Vpsalia, quod Sueciæ oppidum est, nunc summi Pontificis ejus regni metropolitana sedes, templum habuit nobile, quod foris catena aurea maximi ponderis circumquaq; ornatum erat. Intus trium Deorum statuæ aureæ stabant, Othini, quem alij Vodanum appellant, Thoris, & Friconis, ita collocatæ, ut Othinus supremum locum obtineret. Othinus armatus erat, Marti assimilatus, quod bello eum præesse credebant. Thor sceptrum tenebat, Jovi comparatus, quod illorum opinione, fulmina & tempestates regeret. Frico verò cum ingenti pudendo sculptus stabat, quem pacem voluptatemq; hominibus adferre duxerunt. Porro singuli dñj suos habebant Sacerdotes, quos more Gallorum Druides nominabant, qui sacrificijs atq; immolationibus præerant. Si pestis aut fames immineret, Thoro sacrificabant; si bellum, Othino; si nuptiæ celebrandæ, Friconi litabant. Quin etiam, in summis necessitatibus, homines nonnunquam immolabant, quod pro salute hominis, nisi vita hominis redderetur, non posse Deorum iram placari arbitrarentur, publicæq; ejusdem generis institutum in Suecia habebant. Vpsalia Sacrificium, ad quod nono quoque anno reges Aquilonares, primates, ac populus conveniebant, aut donaria sua trans mittebant, novem dies commessando sacrificabant, singulis ex ditioribus, qui eo venerant,

A novem capita diversæ generis animantium, offerentibus. Immolatorum autem sanguinem ante Deorum statuas effuderunt, cadavera verò in proximo loco, quæ illis sacer erat, de arboribus, hominum ac brutorum animantium, mixtîm simul, suspendebant. Porro Othini statua aurea Bizantium à Svecis olim transmissa, omnibus admirationi fuit, ubi diu ostentationis gratia, inter cæterorum Deorum imagines, quæ multæ & admirande per ea tempora Bizantij erant, servata est. Cujus rei gratia, eidem Othino, ex Græcia, & alijs nationibus, votiva in Sueciam non raro missa sunt. Erant & alij dñj, Mathethis & Vgarthilocus, cæteri, quos præscripsi, longè deformiores, quos antiquitus etiam Dani coluerunt: de quibus qui plura scire vult, Saxonen consulat. Mihi quidem fidem excedere videntur pleraq; quæ de ijs scripta extant. Tales olim gentilibus sub regibus dñj culti sunt in Dania, tales etiam fuerunt religiones, quibus etiam nationes pleraq; Septentrionales subiectæ erant, quales breviter sunt præscriptæ. Ad quos non modò incolæ, sed magni Reges, preces suas fuderunt, hos ut in periculis haberent propitios, complura placendi genera invenientes, quibus non solum pecudes, sed & homines uti dictum est, immolarunt. Turpes sanè & indigni dñj, quibus humanarum rerum cura demandaretur: quos si cæterarum gentium Idolis comparaveris, ejusdem generis omnes omnium gentium Deos esse, cum ad juvandum impotentes, tum ad ferendâ opem implorantibus difficiles fuisse intelligas: postquam mens humana à Deo deserta suo feratur arbitrio, & sibi pro rationis captu cultus sine verbo instituat. Meruit parentum primorum nostrorum lapsus, perquam gravis, hanc tantam tamq; horribilem cecitatem, ut à vero Deo aversi, cui non auscultabant, illorum posteri ad Idola converterentur, ac secundum illusiones mentis suæ Deos sibi quærerent alienos, eosq; inter se dissimiles, alij feles ac bruta animantia, alij arbores, truncos, lapides, herbas, alij sydera, alij deniq; præstigiatos, veri numinis loco, aliq; monstra adorarent. Quâ in re magnitudo divina iræ, quæ peccatum consecuta est, conspici potest. Nam si primorum Parentum inobedientiam tantâ cecitatis pena Deus punire voluit, ut hominem ad similitudinem suam creatum, in tantam cecitatem abjiceret, profectò ad nostra peccata, in quibus perduramus securi, haud conribebit. Est autem res commiseratione inprimis digna, considerare diligenter hanc mortalium calamitatem, quod oppressi cecitate, verâ Dei cognitione oline caruerint, Deosq; pro errore judicij sui, varios atq; inutiles prorsus, quæsierint, donec summus atq; omnipotens rerum opifex Deus, nostri misertus, misso de celo suo verbo, ab errore in rectam viam genus humanum revocavit. Hoc ingens Dei beneficium, pluris æstimare, quam totius mundi opes, pñ omnes debent: maxime autem omnium, Reges, Principes ac Magistratus, qui regnû, ducatus, ac civitatibus præsunt, quod ijs erroribus atq; idololatricis cultibus modo liberatæ sint, in quibus olim illorum prædecessores excæcati hæserunt, idq; beneficio verbi divini, quod Dominus sub extrema hæc mundi tempora, pro ineffabili sua bonitate erga humanum genus mundo denuò patefecit.

Quid, quæso, gentilibus regibus sceptrâ, quid stemmata, quid opes, quid regna profuerunt? qui nulla vera imbuti religione, sine certa cognitione Dei hinc emigraverunt, post hanc temporalem vitam, ubi, aut quo in statu essent mansuri, prorsus incerti. Quâ incertitudine cum jam sincera divini verbi notitia nos liberet, certosq; nos serio penitentiam agentes, de æterna vita reddat; profecto studium provehendi verbi, tantæ rei, tamq; diu mundo absconditæ, inestimabilis thesaurus, in bonis principibus excitare debebit, ut Deo propura doctrina sua grati sint, eamq; suis tradi subditis, atq; ad posteritatem purissime transferri, summo studio curent. Neq; bonos principes, ad studium propagandæ pietatis, parum incendat utriusq; religionis collatio; si cum vero Dei cultu, istam impuram Idolorum culturam conferant, quibus in Boreali hac plaga omnes gentes servierunt: in quibus ut nihil opis omnino extitit, ita tanta illorum erat deformitas, atq; turpitudine, ut monstra terræ potius, quam Deos fuisse, verisimilius sit. An non humanus animus hoc tempore magis aversetur Vgartbilocum, illud immane monstrum, ut à Saxone depingitur, quam adoret? aut divinitatem sic vinculis irretito ac squaloribus obsito, tribuat? quod quidem in Fabulis Poëtarum Deorum nemo deformior reperitur. Attamen in tanta hominum cæcitate, & in tot ludibrijs Sathane, quibus, varijs modis, in hac ora Boreali, in gentilitate, homines est ludificatus, pro Deo suis temporibus cultus est. Equidem monstrum tale sub cælo nunquam fuisse existimo, sed si fuit aliquando quisquam sub hoc nomine habitus, cultusq; pro Deo, ludibrio Diaboli id accidisse verisimile est, quo mentes hominum ita fascinavit, ut nihil videntes, tamen fascinatis oculis ejusmodi aliquod portentum, cernere se multi crediderint. Quid enim in tanta tyrannide, in qua totum mundum captivum tenuit Sathanas, non potuit in Septentrione, nimirum sub cælo crassiore? Cujus portenta, illusionesq; jam multas & varias apud Orientales gentes fuisse legimus. Soli propiores, & propterea sagaciores ac prudentiores. Sed hæc de dijs gentilibus, quos ab initio Regni Danicæ, ad tempora usq; Ludovici Pij Cæsaris, Dani coluerunt, attigisse sufficiat. His subjungamus, quæ Arngrimus Jonas Islandus, vir præclare de patria meritis, Crymogææ suæ Lib. I. Cap. 4. de Othino suppeditat: Anno XXIV ante natum Christum facta est prima Asiaticarum gentium in orbem Arctoum immigratio, duce & antesignano Orhino; regnante in Specia Gylo; Romanis exercitijs, auspicijs Pompeji Magni in Asia parte, Phrygiâ minore, grassantibus. Et Cap. VII. ejusdem Libri: Porro in singulis tertijs, ut & Borealis Quartæ quartis, quas olim (Thyng, hodie etiam Synflu/ Nerrad) præfecturas appellabant; tria loca insigniora designabant, foro sacra & judicijs. Præter ea etiam sacris Ethnicis dicata, illis Hoff / nobis Lararia, & delubra; Lararium quodlibet, pro ratione hujus terræ, magnifice constructum erat. Quorum duo leguntur fuisse 120. pedum longa; unum in præfectura Wagdal/ Islandiæ Borealis; alterum in Rialarnes meridionalis Islandiæ: & hoc quidem pedes latum 60. Singula, adhuc,

A Lararia, Ianum, in Sacelli morem, sibi adjunctum habebant. Hic locus sacratissimus. Hic idola & dii manu facti, in suppedaneo seu ara quadam consistebant quos circum pecudes ejusdem mactandæ disponebantur. Deorum autem princeps & medius Juppiter; illis Thor/ a quo Septentrionalia hæc regna, diem Jovis, Thorþdag/, etiamnum indigentant. Huic reliqui Dijs collaterales; quorum nec numerum certum accepi, nec nomina. In veteri tamen juramenti formula, tres, præter Thorum nomine notantur: Freyr/ Njordur/ As. Quorum tertium, nempe As/ existimo esse Odinum illum famosum, inter Divos Ethnicos non postremum habitum, dictum As / Synecdochicis; quod is Asianorum hic in Septentrionem migrationum princeps fuerit. Singulariter namq; As/ at multitudinis numero Æsar, vel Æser dici ceperant. Hic Odinus, ob insignem Magiæ diabolice peritiam, quâ Divinitatem, ut Mahomet alter, adfectabat; post obitum, in Deorum numerum relatus est: a quo hodie, dies Mercurij Odens dagur / Odini dies: unde fortasse, Odinum Mercurium, ut Thorum Jovem, non male appellavero. Odinum tamen Martis loco colebant veteres: & bello cæsos, Odino mactari dicebant. Odini autem socij sive filij fuerunt, Freyr/ & Njordur: ejusdem artibus, quibus pater aut princeps Odinus, Divinitatis opinionem adepti. Idem in Literis ad me suis, Anno Christi 1632. Quod autem ulterius exigis, ut Numinum Ethnicorum, Orbis Arctoi, Catalogus a me suppleri possit; id sane est, in quo, Viro præstantissimo, mihiq; suo merito amicissimo, minus satisfacere valeo: ut scilicet gratiam aut venustatem aliquam habeat; nec sane aliter, quam in hac ipsa charta cernere est. Habet autem Crymogæa, migrationem quandam populi ex Asia, in plagam Europæam factam, cujus Princeps fuerit Odinus vel Othinus, in hoc Orbe famosissimus, & Magiæ diabolicæ celebratissimus: cujus Socij ac posteri ejusdem farinae, si non vivi, certe post fata, Numinis cultum, in his oris, à stultis mortalibus meruerint. Nominatim illic tanguntur, FREYR & NIORDUR isti Odino *Ὁυρρὸγοι καὶ ὁρροφύχοι*, juxta Odinum, pari cultu adorationis invocati & pro Dijs habiti; ut ex Veteri Juramenti formula, ibidem annotaveram. Quod ipsum, si paulo prolixius commemorari non sit ingratum, sic habeas. Migrationis Asiaticæ Principes, ÆSER, Asiatici dicti sunt: cujus singulare est AS, vel AAS: ipsi Odino κατ' ἐξοχὴν attributum: cum adjecto: den Almegste Aas. Hi fuisse traduntur numero XV, vel eo plures, quorum etiam nomina, hæc extant. I. ODINUS; alio nomine, Vagur. II. Thor/ sive THOR. III. Vnave/ vel Vngvar. IV. Freyr. V. Nidar. VI. Validur. VII. Tyr. VIII. Njordur. IX. Bragie. X. Noddur. XI. Forfete. XII. Eofe. XIII. Vale. XIV. Dllur. XV. Danir. Quin etiam Femina Asiaticæ, illa immigratione contentæ, & Asyniur dictæ, divinos honores sortitæ sunt, & quidem numero plures: I. Fryag/ Odini Conjux. Freya/ altera. III. Silla IV. Snorra. V. Gerdur. VI. Gefiun. VII. Ona

VIII. Eoffn. IX. Etade. X. Jærd. XI. Jdun. XII. Jlmur. XIII. Vil. XIV. Mlotum vel Jorun. XV. Hlm. XVI. Hnos (vide quomodo L & N, veteres aspirarunt) XVII. Nanna. XVIII. Rindur. XIX. Siofn. (Monosyllabum) XX. Sol. XXI. Saga. XXII. Sygn/ vel Signy. XXIII. Vær. XXIV. Vær. XXV. Thrudur. XXVI. Nan. XXVII. Hildur. XXVIII. Gondull. XXIX. Hlof. XXX. Mist/ vel Mift. XXXI. Skagull. XXXII. Hrind/ vel Hrund. XXXIII. Hrist/ vel Hrist. XXXIV. Studd. XXXV. Nipt. XXXVI. Dis vel Disa. Harum sœminarum appellationes sive nomina, nostrum quoq; ævum usurpat; quasdam mulieribus proprias: ut Gerbur; item Thorgerdur (à Toro & Gerdur/ composuit: item Jdun/ Jorum/ Signy/ Thrudur/ Hildur etc. Quasdam appellationes: ut Hrund; Nanna; Nipt; Dis: Unde etiam Thordijs/ à Thor compos: Herdys; Viggedijs/ à Viggone, hoc est, Odino, ut supr. Asdijis/ ab As/ Odino. Arndijs/ ab Aquila. Geirdijs/ à gladio, Frendijs/ etc. Odini præterea filij (etiam forte in his, nepotes) multirecensentur: 1. Baldur. 2. Meile. 3. Vjdar. 4. Vefur. 5. Vale. 6. Ale. 7. Thor. 8. Hildulfur. 9. Hermodur. 10. Sigge. 11. Stjöldur. 12. Asabragur. 13. Aldner. 14. Jrefur. 15. Heimdallur. 16. Semingur vel Hemingur. 17. Haubdur. 18. Brage. 19. Ennilangin. 20. Eindreide. 21. Biörn. 22. Hlodide. 23. Harðveor. 24. Connungur. 25. Vingthor. 26. Nymur. Reliquorum Principum Asiaticorum filios, nominatim expressos non inveni. Horum Principum alijs, alijs rebus præstabant; ut scientiâ vel magiâ Odinus: animositate Tyrus: formâ Balderus, è cujus nomine, herba vulgaris, sed pulcherrimi aspectus, nobis dicitur Baldenbraa. id est, Supercilium Balderi. Quomodo autem ab his, dies hebdomada 4, nomen acceperint, notum est: Tyrþdagur/ Odenþdagur/ Torþdagur/ Friadagur. Inter simulachra, Thoris sit mentio super gram collocati: Thar var Thor à stalle -- der vaar Thor sat paa en Steel/ eller Alter. Vid. Crymog. Præter hos autem cæci Ethnici & Diabolo mancipati, alia sibi numina fingeant: de quibus non ita constat: ut Haquinus, Baro Norvegicus (Eade Jersl) apostata, & Regi Danorum sœdisfragus ac Regni Norveg. invasor, simulacrum sœminina specie & nomine colebat, Thorgerdam, Hørga Bruger/ quia in Hørgaland/ Norvegiæ quadam Præfectura, præcipuam adorationem haberet: unde Præfectura nomen, ab Hørgis/ id est, Idolis, accepit: & Hørga Bruder: Idolorum Sponsa. Hanc, inquam, dictus Baro, humi profusus & projectus colebat, varijs immolationibus, etiam humanis: ita ut à proprijs filijs non abstineret, quin eos Thorgerda, ut Molocho alteri, sacrificaret; ut piratis Jomsvichsensibus prævaleret, Norvegiam invadentibus. Piratæ isti, oppidum Jomsburg/ (quod Julinum, Chytræus, ut credo, vocat) non procul Stralsundio, occupabant, in Syrtibus Neptuni extructum, sed avorum memoriâ, undis absorptum, ita tamen, ut tranquillis undis, rudera op-

Apidi sub aquis conspici possint. Vide Saxoniam D. Chytræi. Ex hoc oppido incolæ bellicosissimi sapius excurrentes, viciniam, & simul Norvegiam infestabant. Quibus ubi Haquinus ille Baro, impar, aliquot conflictibus navalibus, esset factus, ad prædicta Thorgerda sacra confugium habuit, & ope diaboli superior factus est. Horum Piratarum Historiam, in Archivis Dn. Huitfeldij, veteri lingvâ Norvegica, in membrana perscriptam vidi: quam etiam, ipso mandante, latine vertebam: sed non est mihi exemplar. Nec jam plura occurrunt hujus generis, in gratiam Dn. Magistri, scribenda: nisi aliquid ejusmodi, in Crymogæa reperiat, hic frustra rependum: ut de Opplandorum Sæcorum Idolo, Freyero: & ejusdem cultu, &c. Lib. 2. Crymog. de Augmundo quodam Islando. Cui per omnia consentit Excellentiss. Dns. Doctor Olaus Wormius, in Annotatis MS. Septentrionales hæc gentes omnes ab Odino descendisse volunt Islandi. Hic autem Odinus, tempore Pompeji Magni, ex Asia pulsus, in Europam migravit, ac in Saxonia primò sedem fixit. Deinde in Cimbriam se contulit Reidgotaland dictam, cui filium Sciold præfecit, unde Reges Scioldungi. Mox in Sveciam migravit, ac Ingonem filium Regem constituit. Unde Sveci Inglidar. Hinc in Norvegiam ivit, cui H---- præfecit. Odinus autem hic primus non fuit, qui hæc terras occupavit, sed ex Asia fugiens, ad Septentrionales deveniens populos, leges & politiam Asianorum docuit, unde tanto in pretio habitus. Ferniottus enim Rex Finlandiæ ante tempora Odini celebratur, Norus item, Rolfo de Rupe, Sogne, Gorus, Snæro, Gylvo. alijsq; de quibus in Islandicis sit mentio. Verum, plenius & diffusius hæc eadem persequitur Lib. I. Monument. Danicor. Cap. IV. Deorum, quibus vota sua nuncupare consueverunt majores, ut numerum frivolum, ita numerus incertus; interim in majoris & minoris pretij distinctos fuisse classes, historiæ testantur. Saxonem nostrum de præcipuis audiamus differentem, ac quibus artibus & machinis mortales hi, apud Septentrionales divinitati, gloriam sint affecti, disertis exponentem. Olim, inquit, quidam magicæ artis imbuti, Thor videlicet & Orbinus, alijsq; complures, miranda præstigiorum machinatione callentes, obtentis simplicium animis, divinitatis sibi fastigium arrogare ceperunt. Quippè Norvegiam, Sveciam, ac Daniam, vanissimæ credulitatis laqueis circumventas, ad cultus sibi pendendi studium concitantes, præcipuo ludificationis suæ contagio respererunt. Aded namq; fallaciæ eorum effectus percrebuit, ut in ipsis cæteri quandam numinum potentiam venerantes, eosq; Deos, vel Deorum complices, autumantes, veneficiorum auctoribus solennia vota dependerent, & errori sacrilego, respectum sacris debitum exhiberent. Quo evenit, ut legitima feriarum series apud nos eorundem nominibus censeatur, eum ipsis Latinorum Veteres, sive à Deorum suorum vocabulis, sive à septeno Planetarum numero, nuncupationem singillatim adaptasse noscantur. Duobus hisce numen tertium adaptarunt, quod masculini aut sœminei num extiterit sexus, incertum: licet sœmineo choro plures illud

illud ascripserint. Hoc juxta quosdam, Fricco, vel Frigo, juxta alios Frigga, Frea, vel Freya, vocatum invenio, qui Othini uxorem scortationibus & surtis celebrem eam fuisse volunt. Ab hac dies Veneris Freadag, vel Freidag, nostratibus indigetatur. Hæc tria primaria & majorum gentium fuisse numina pleriq; arbitrantur. Ac Othinus quidem, ab alijs Voldanus, ab alijs As dictus; eo quod Asianorum huc in septentrionem migrantium princeps fuerit. Singulariter namq; As; at multitudinis numero Æsar vel Æser dici cœperunt, teste Arngrimo Crymog. Lib. 1. Cap. 6. Armatus sculpi solet, cum ense, Martis instar. Ejus effigiem Septentrionis Reges aureo complexi simulacro, statuam suæ dignationis indicem, maximâ cum religionis simulatione, Byzantium transmiserunt, cujus etiam brachiorum lineamenta, confertissimo armillarum pondere perstringebant. Saxo Lib. 1. & paulo post. Othinas statuam in crepidinis collocavit, quam etiam mirâ artis industriâ ad humanos tactus vocalem reddidit. Ex quo, quantâ polluerit arte præstigiatrice, liquidò constat. Instar senis monoculi albo clypeo texti & equo insidentis, quandoq; suam implorantibus opem, se conspiciendum præbuisse, non uno in loco docet Saxo noster. Hinc illud Lib. 2.

Et nunc ille ubi sit, qui vulgo dicitur OTHIN Armipotens, uno semper contentus oculo? Atq; huc trahendum quod Lib. 1. ait. Spoliatum natrice Hadingum, grandævus forte quidam altero orbis oculo, solitariam miseratus, &c. Item Lib. 7. Cujus eventum Haraldo oraculis explorare cupienti, Senex præcipue magnitudinis, sed orbis oculo, obviis extitit, qui hispido etiam amiculo circumactus, Othinum se dici, bellorum usu callere testatus. Historia Norvagica refert ab hoc Odino ad regni administrationem adscitos duodecim ex præcipuis suis in Magia complicitibus, qui postmodum, non secus ac ipse, divinis honoribus à rudi plebe culti sunt. Thor cum Sceptro Regis instar fingeatur, de quo postea plura. Apud Upsalenses in Suecia eorum præcipuus vigeat cultus, ubi etiam inauratum ijs dictum fanum, in quo statua trium horum singulari devotione colebatur; quod his docet Albertus Crantzius in præfatione Libri primi Specie: In hoc templo (quod totum fulgebatur ex auro) statuas trium venerabantur Deorum, antequam Christo crederent. Potentissimus Thor, in medio, trichinio strato pulvinari, colebatur. Hinc inde latera ejus cingant VVodan atq; Fricco. Thor, inquit, præsidet in aëre, tonitrus & fulgura, ventos & imbres, serenitatemq; gubernans, fruges administrat, cum fructibus universis. Alter VVodan (hoc est fortior) bellis præsidet, hominibusq; fertur in hostes vires subministrasse. Tertius Fricco pacem & voluptatem moderatur, cujus etiam simulacrum turpitudinem præ se ferebat. VVodanem sculpsit armatum, ut alij Martem, Thor autem cum Sceptro Jovem videbatur exprimere. Hæc maxima ex parte ex Johanne & Olao Magno deprompta video. Addit verò Olavus Lib. 3. Cap. 3. Friggam depictam etiam fuisse cum gladio & arcu, cum armis, quod in

A illis terris uterq; sexus semper ad arma promptissimus esset. Thor verò cum Corona & Sceptro ad Adæm, (alijs septem) stellis. Statua Thorronis, quam cum socijs venerabatur Dale Guilbrandus, loco septem, mallem manibus tenebat, docente Historia Olai Crassi, quem inter divos retulerunt Norvagi. Per hunc solennia juramenta præstitisse veteres comperio. Unde etiamnum multis familiaris hæc formula: Met Thore gud/ ex mala consuetudine in usum tracta. Quamvis hi tres semper primarij habiti sint Septentrionalium Dij, vetus tamen & solennis jurandi formula, quæ extat apud Arngrimum Crymog. Lib. 1. Cap. 4. & 7. quartum ijs annumerat Diordur nomine, qui primus Norvegiæ statuitur monarcha, multis lustrijs ante Haraldum Pulchricomum. Juramenti formula inter reliqua hæc habet: Nialpi mier suo Freyr/ og Diordur/ og hium Almachte As. Sed nec hoc idolorum numero contenta fuit Septentrionalis superstitio, verum more aliarum gentium plures adhuc, quamvis minoris pertij, sibi selegit Deos atq; Deas. Inter has & Disa vel Thifalocum invenit, Thorronis uxor, quæ quod justiciæ singulariter favere credebatur, non minus locum inter Deas promeruisse videbatur, quam Frigga Othini conjunx. Ab hac quidam volunt secundum Septimanæ diem dictum Tisfdag. Ei Upsaliæ magnâ pompâ & solemnitate annuatim sacra fiebant, Tisfing dicta. Quibus cum interfuisset Adels Regulus Sueciæ XXII, ab equo delapsus, ad lapidem caput ita confregit, ut paulo post vitam cum morte commutavit, attestante Historia Norvagica. Ab eâ quoq; appellationem sumpsit Pagus Thifswelbe propè Fridricsburgum, à scaturigine & fonte Thise dicato sic dictus. Fonti verò ipsi, pontificiæ religioni addicti, nomen mutarunt, ac D. Helenæ sacrarunt. Quod etiamnum & hodie confugiant multi, morborum variorum curationes sibi pollicentes. Fuit & Tiis, Anglis Teves, Latinis Teutas, de quo Lucanus in hunc modum:

Et quibus inamitis placatur sanguine diro
Teutades, &c.

Refert namq; Lactantius Lib. VII. Gallos Hefum & Teutadem humano sanguine placasse. Hisce affinis Tyr fuit, Odini filius, audaciâ & manuum promptitudine divinitatis honores adeptus, cui pro victoriâ, sive singulari certamine, sive aliter certandum esset, supplicationes fiebant. Ab hoc Islandi diem Latine Marti, nobis Tisfdag dictum volunt. Tyrfdag enim selegisse memorat Arngrimus. De hisce consuletur Lib. 1. Fast. Dan. Cap. XV. Goëam quoq; Nori filiam, à Suecis pro Dea habitam, eiq; pro victoriâ consequenda, annuatim in Februario sacra facta esse, Arngrimus noster in supplemento Rerum Norvagicorum MS. testatur. Ab eâ mensis anni secundus, quem nos Februarium vocare solemus, Goëa dictus. In hunc censum relatus Fró Deorum Satrapa, qui sedem hanc procul Upsala cepit, ubi veterem litationis morem rot gentibus & seculis usurpatum, tristi insandoq; piaculo mutavit: Saxo Lib. 3. Hujus etiam classis, Metothin Deorum Pontifex, Vagnofthus, Hadingus, aliaq;

aliaq; ejus generis monstra hominum quamplurima. Quod enim quis eo seculo audacia & sceleribus promprior, eo ad divinos honores viam adeptum esse compendiosorem, credebant miseri. Fuisse etiam apud nostrates Idolorum terrestrium & aquatilium quoddam discrimen, in MSto quodam inveni. Nam pro annonæ fertilitate, & frugum copia, quandam sollicitabant, ut Latini Cererem, cujus nomen expressum non inveni. In mari imperium obtinere Noceram quendam credebant, instar Neptuni; unde aquis suffocatos à Nocca abreptos spargebant. Mocten tog hannem bort/ etc. Tandem ultimo loco ascribere operæ pretium duxi Joannis Vastovij Gothi de Idolis Borealibus Collectanea, in Præfatione Operi de Vitis Sanctorum præfixa. Solem, Lunam, suosq; Reges, quemadmodum Persæ ac Chaldaei, ut numina colebant: animantes etiam quoddam cum Aegyptijs: Duces, Heroes, qui ceteris sapientia præstiterant, cum Græcis: cum Romanis omnium gentium serviebant erroribus, & magnam sibi videbantur assumpsisse religionem, quia nullam respuebant falsitatem. Soli ac Lunæ primos hebdomadæ dies dedicatos habebant: Dies tertium; Oribino seu Odino quartum; Thoroni quintum, eidemq; primum anni Mensem; Friggæ sextum; Flammæ ultimum; quorum nominum, omni reliqua superstitione sublata, etiamnum usus est. Et Thor quidem, Odinus ac Frigga, Majores Dii dicebantur, non septentrioni tantum, sed etiam reliquo fere orbi noti. Minores vero dicti fuere: Goða Thoronis filia, cui secundus anni mensis nuncupatus: Vagnostus & Hadingus præsidarii in bellis Dii: Rostiphus, exquisitus præscientiæ studijs celebris: Rostarus stupendæ immanitatis; Fro, seu Froto, Deorum Satrapæ: Methotin summus Deorum pontifex, dignus & ipse, qui coleretur, judicatus, quod Sacrificia Ceremoniasq; quibus reliqui dii colerentur, distinxerit & ordinaverit: Mara, [nobis Mare/ unde Maren rider ham] nocturnum spectrum, & dormientibus insidiosum: Neccus (qui Mocten est) nullam beneficam Divinitatis opinionem adeptus, sed certa tantum pernicie metuendus, quod aquis suffocaret. Et ne Gothico Oceano suus deesset Neptunus, ignoti nominis Virgini de Blakulla, ventorum ac maris imperium concessit antiquitas. Fatales Sorores, seu Nymphae, in sylvis, montibus & speluncis, sua templa nullo humano artificio, prestigiosis quibusdam carminibus extructa habebant. Ab his oracula & consilia dubijs in rebus petebantur, eaq; vota solenni ritu nuncupabantur. Lares, Lemures, Fauni, Satyri, inter quos Mimmingus quidem clarus, Larvæ, Stryges, Lamiae, Manes (Gastæ dicti) & similes monstrorum greges, Eluarum chorea dicebatur. Quid dicam de Lucis, arboribus ac fontibus, quibus etiam divinitatem quandam inesse credebant.

44. Paganæ Superstitione.] Quinam olim Pagani dicti sint, & quâ ratione ad gentiles nuncupandos id vocis translatus sit, egregie, ut omnia, exponit Vir celeberrimus, & fati iniquitate heu! nobis & bonis literis mature nimis ereptus, Matthias Berneggerus, in Notis suis eruditissimis ad Svetonij August. Cap. XXVII.

A Commate 6. Pinarium, Equitem Romanum, cum concionante se, admissâ turbâ paganorum, apud milites subscribere quædam animadvertisset; curiosum ac speculatorem ratus, coram consoli imperavit. Sic in Galba Cap. XIX. Ibi Equites, quibus mandata scædæ erat, cum per publicum, dimotâ paganorum turbâ, equos adegissent. Ubi Pagani, non sunt, ut Sabellico placet, agrestes rustici: sed quicunq; Romani non milites, quomodo non solum in Juris Civilis libris Pagani sæpius militibus opponuntur: sed & apud Juvenalem Sat. XVI.

Citius falsum producere testem
Contra Paganum passis, quam vera loquentem
Contra fortunam armati, contraq; pudorem.

Et Tacitum Hist. II. Manente legionum auxiliorumq; discordiâ, ubi adversus paganos certandum foret, consensu. Itâ cultu pagano homines armatis opponit Plinius Lib. VII. Epist. 25. Sunt enim ut in castris, sic etiam in literis nostris, plures cultu pagano, quos cinctos & armatos, & quidem ardentissimo ingenio, diligentius scrutatus invenies. Cur autem Pagani dicantur, qui tamen urbani sunt, invenies in Dionys. Halicarn. Lib. IV. 19. Appiano ἀπολεσσι sunt: Plutarcho & Herodiano ἰδιώται. Atq; hinc in Constitutionibus Imp. Christianorum, & Patribus, alieni à fide Christiana Pagani quoq; dicuntur, quod scilicet militiæ Christi nondum nomen dederint. Sed longè aliam vocis hujus originationem adducit Casp. Barthius Advers. Lib. XIII, Cap. 4. Blennum Græcum Francicum Villein fecisse credat, qui nescit in omnibus fere linguis rusticum, crassi cerebri, segnem, obtusum, minusq; civilem sonare. Ab eo, quod qui pagos habitabant, aërem non mutabant fere, sed avitis moribus contumaciter inherentes, extra conversationem humaniorem educabantur. Unde & opponitur horrido & stupido civilis. Nec alia ratio videtur Christianorum apud Latinos primorum fuisse, cur Idolorum cultui sinerationis & veritatis respectu inherentes, Paganos appellarent. Et quidem non serios aut curiosos, qui promptius religioni divinæ obfitebant, sed pervicaces, velut rustico stupore pugnantes. Sanè & paganica numina sunt, quæ comparata cum alijs Idolis crassi intellectus & obtusorum sensuum dici possint. Ut Ausonius Ethnica phraseos nimium retinens, Faunos Paganica numina vocat, ex bestijs & hominibus mixtos.

Pag. 104. vers. 27. Ferrum hoc quatuor stilis dispersitum] Graphice heic describit Saxo Murices illos ferreos, qui in quamcunq; partem incubuerint, unum, aut plures, aculeos infestos protendunt. Eorum usus est in militiâ ad prohibendas hostium vel incurfiones, vel eruptiones, five illi pedites, seu Equites adventarint. Flavius Vegetius Tribulos appellat, Lib. III. Cap. 24. ubi de quadrigis seu curribus falcatis & Elephantis, quâ ratione ipsis in acie obfisti possit. Maxime, inquit, hac Romanorum arte perierunt. (in bello scilicet adversus Antiochum & Mithridatem) ubi ad pugnam ventum est, repente toto campo

campo Romani tribulos abjecerunt, in quos currentes A procedit. Unde Firmico, *Joculationes*, Lib. V. Cap. 5. *Eruunt enim tunc læti, alacres, jocundi, sed joculationibus dediti.* Et Cap. VI. *Tunc in jocosis convivis, lætiq; sodalitijs vocabuntur, tunc joculationes tantusq; exercebunt.* Iterum Lib. VI. Cap. 29. *Venus & Mercurius si in unum pariter fuerint collocati, joculationem ac ludorum amorem inducunt.* Saxo mox infra: *Ita jocularis ministerij sordidæq; conditionis catervam probroso animadversionis genere insecutus.*

Pag. 106. vers. 26. *Cum ergo Svertingi facinus planè ab honesto desirerit, nè utile id quidem extitisse constabit*] Respexit Saxo ad illa Valerij sui verba Lib. VI. Cap. 5. *Nihil utile, quod parum honestum videri possit, ducitur.* Cicero quoq; Lib. 3. Officiorum multis argumentis contendit, nihil esse revera utile, quod non honestum idem fuerit.

28. *Odiumq; in propatulo exercere*] Quod elegantè Seneca Controvers. Lib. IV. Cap. 28. professas inimicitias cum aliquo gerere, dixit.

50. *In obscenissimas seditum voragine præcipitare gaudebat*] Ammianus Marcellinus Lib. XIV. p. 14. *Mensarum enim voragine, & varias voluptatum illecebras, ne longius progrediatur, præmittito.*

51. *Fartores, lixas, frixoria*] Inter sordidissimos luxuriosæ gulæ ministros, *Fartores*, etiã recenset Comediæ Latinæ Scriptor undecunq; elegantissimus, Terentius, Eunuch. Actus II. Sc. II.

Concurrunt læti mæ obviã Cupedinarij omnes Cetarij, lanij, coqui, fartores, piscatores, aucupes. Ubi Ælius Donatus, insignis Grammaticus: *Fartores, qui insitia & farcimina faciunt.* At vetus Scholiastes Euphrasius de ijs intelligit, qui altiles aves assidue farciunt, ut citius pinguescant: quod ipsum in anseribus, columbis, Gallinis Indicis hodieq; fieri, tam apud nos, quàm alibi gentium observavimus. Nam sic habent verba Euphrasij ad hunc locum: *Aucupes sunt Cupedinarij omnes. Fartores dicimus, qui farciunt, ut in meliorem sagem pinguescant, putã aves.* Columella Lib. VIII. Cap. 7. *Pingvem quoq; facere gallinam quamvis fartoris, non rustici sit officium; tamen quia non agrè contingit, præcipiendum putavi.* *Frixorium*, vasis est genus, in quo frigitur: Sargatio etiã fictilis, in qua farra torrebant. Hefychio est *Φρύγετον* vel *Φρύγετρον*. Apicius Caelius Lib. VII. quem *Politeles* inscripsit; Cap. V. p. m. 28. *Fretale* vocat: *Elixatur & infunditur in fretale piper.*

37. *Haconem Danie tyrannum*] Intellige Dynastam, aut Satrapam, aut virum armorum laude præstantem, sub imperio Frothonis.

49. *Circã mimos ac joculatores*] *Joculatores* sunt scenici illi artifices, & circumforanei agyrtae, qui varijs corporum motibus, & stupenda ludificandorum oculorum peritiã se ostentantes, miserum quærunt quæstum. Julius Firmicus Lib. II. Cap. 12. ubi de signo Virginis loquitur: *Significat viros sapientes, industrios, & joculatores.* Johannes Sarisberienfis, Lib. I. Policratici, Cap. VIII. *Hinc mimi, salij vel saliares, balatrones, emiliani, gladiatores, Palestinae, gignadij, præstigiatores, malefici quoq; multi, & tota jocularium scena*

B

28. *Odiumq; in propatulo exercere*] Quod elegantè Seneca Controvers. Lib. IV. Cap. 28. professas inimicitias cum aliquo gerere, dixit.

50. *In obscenissimas seditum voragine præcipitare gaudebat*] Ammianus Marcellinus Lib. XIV. p. 14. *Mensarum enim voragine, & varias voluptatum illecebras, ne longius progrediatur, præmittito.*

51. *Fartores, lixas, frixoria*] Inter sordidissimos luxuriosæ gulæ ministros, *Fartores*, etiã recenset Comediæ Latinæ Scriptor undecunq; elegantissimus, Terentius, Eunuch. Actus II. Sc. II.

Concurrunt læti mæ obviã Cupedinarij omnes Cetarij, lanij, coqui, fartores, piscatores, aucupes. Ubi Ælius Donatus, insignis Grammaticus: *Fartores, qui insitia & farcimina faciunt.* At vetus Scholiastes Euphrasius de ijs intelligit, qui altiles aves assidue farciunt, ut citius pinguescant: quod ipsum in anseribus, columbis, Gallinis Indicis hodieq; fieri, tam apud nos, quàm alibi gentium observavimus. Nam sic habent verba Euphrasij ad hunc locum: *Aucupes sunt Cupedinarij omnes. Fartores dicimus, qui farciunt, ut in meliorem sagem pinguescant, putã aves.* Columella Lib. VIII. Cap. 7. *Pingvem quoq; facere gallinam quamvis fartoris, non rustici sit officium; tamen quia non agrè contingit, præcipiendum putavi.* *Frixorium*, vasis est genus, in quo frigitur: Sargatio etiã fictilis, in qua farra torrebant. Hefychio est *Φρύγετον* vel *Φρύγετρον*. Apicius Caelius Lib. VII. quem *Politeles* inscripsit; Cap. V. p. m. 28. *Fretale* vocat: *Elixatur & infunditur in fretale piper.*

F Pag. 107. vers. 2. *Indigestam ventris sanie foetido oris anhelitu ructabatur*] Martianus Capella Lib. III. pag. 49. *Fœtidos ructus vitiosi oris exhalant.* Cyprianus Epist. 7. Lib. I. de ijs, qui Ecclesiam veram deseruerunt, & Dominum negaverunt: *Cœnis atq; epulis etiã nunc inhiant, quarum crapulam, nuper superstitie indies cruditate, ructabant.* Illustrissimus super hac re locus est Senecæ Epistolâ XCV. quem totum ascribere, quum proximior sit, supersedeo.

9. *Ex quâ filios susceptos*] Corruptissimus hic in prioribus Saxonis Editionibus locus fuit. Vitiose etenim in omnibus ita legebatur : *Ex quâ filios susceptos Frothonem, Fridlevum, Ingellum, atq; Olavum, quem quidem ipsius sorore editum asseveranter antiquitas perhibet.* Nullo planè sensu. Quare hunc in modum restituendus omnino erit, si quid sani inde elicere velis : *Ex quâ filios susceptos Frothonem, Fridlevum, Ingellum, atq; Olavum [quem quidam ipsius sorore editum asseverant] antiquitas perhibet.* Firmant hanc lectionem, quæ sequuntur sub initium Lib. VII. de eodem Olavo : *Ingello quatuor filios fuisse, ex iisdemq; eribus bello consumptis, Olavum solum post patrem regnasse, peritarum prodit antiquitas : quem quidam Ingelli sorore editum incerto opinionis arbitrio perhibent.*

29. *Exerto quoq; lumbari*] *Lumbare* hic subligar, sive subligaculum denotat, vel femoralia, quorum mox mentionem facit Saxo. Glossæ Isidori : *Lumbare, subligar.* Gloss. GræcoLat. *περὶ ζῶμα, Cinctum, Lombare, ventrale.* Onomast. GræcoLat. *Lumbare, περὶ ζῶμα.* Catholicon Joannis de Janua : *Lumbare, quod & Lumbar dicitur, cingulum circa lumbos, quod eo lumbi religuntur, vel quod lumbis inhaereat. Idem dicitur & coxale, & braccarium, & renale.* Sed de tali cingulo hic non agitur ; nisi si interpremur *Eet Skist skind / eller Jortklæde / som Guldsmidde hæffuer for sig.* Jerem. Cap. 13. v. 11. *Sicut adheret lumbare ad lumbos viri, sic agglutinaui mihi omnem domum Israel.*

35. *Libidinosa contrectationis petulantiam*] Convenientibus hic utitur verbis Saxo. Nam *contrectare, pertrectare, attrectare*, in rebus Venerijs, sæpe occurrunt apud melioris notæ Auctores. Videatur Bourdelotius, Vir Clariss. ad Petronij illud : *pertractato vasculo tam rudi. Petulantia* est juvenilis in Venerem impetus. Petronius Arbiter : *Obstupui ego, & nec Criton verecundissimum puerum sufficere huic petulantia affirmaui.*

50. *Medias cæsus nates*] Ejusmodi vulnus, sive plaga ; antiquissimis Danorum dicebatur *ΥΜΑΥ*ΑΡΡ*, *Klamhōgg.* Glossarium Islandicum MS. *ΥΜΑΥ*ΑΡΡ*, *ΚΛΑΜ* *ΝΟΒΒ* / *Fam. Gen. Obscænitatis verber, à ΥΜΑΥ, Klam/ id est, fœdus, obscænus sermo ; & *ΑΡΡ, Νόgg/ id est, ictus, verber, percussio.* *Rnirilinga Saga* : *Nañ stó hañ Klamhōgg vin thio thuer* : hoc est : *Nañ slog ham Stendehug tverf offuer Rumpen.* Tali etiam plaga affectus fuit Hildigislæus quidam, de quo Saxo infra Lib. VII. *Hildigislæus ambas nates telo trajectus, elabatur : & Haraldus, cujus dependentis pygma sagitta aliquis confixit, eodem hoc libro.*

51. *Turpissimi ciniflonis exitio*] Non injuriâ id genus fabri, qui auro, argento ; æri, ferro flando feriundo operantur, *Ciniflones* dicuntur,

A eo quod vel flatu oris, vel folliculis adhibitis, sopitos cinere ignes excitent : ut *luculentum* sui ipsius interpretem mox agit Saxo. Acron ad illud Horatii Lib. I. Sermon. Sat. 2.

Custodes, lectica, ciniflones, parastæ.

Ciniflones, inquit, & *Cinerarij* eadem significatione apud veteres habebantur, ab officio calamistrorum, id est, veruum in cinere calefaciendorum, quibus matronæ capillos crispabant. Dicti autem *Ciniflones* ab eo, quod in cinerem flant, ad calefaciendum ferrum.

B *Ciniflones* etiam dici merentur *focarij*, qui focum lignis extruunt, seu, ut Juvenalis loquitur, *foculum buccâ excitant.* Joh. Sarisberienfis Lib. VII. *Policratici* p. 409. *Hi sunt, qui magnarum domuum, non modò officiales, sed ciniflones, rogant, ut cum locum viderint, meminerint sui.* Nostra vernacula quàm proximè exprimit, dum *Astrepustere* eos appellat.

Pag. 108. vers. 5. *Aut ubi nunc uxoriis ille quiescit?*] *Uxoriis*, nî fallor, hoc loco est mulierosus, *Φιλογύνης*, vel ut Homerus *Iliados* Ν. *γυναικομανής*. Sic infra Lib. VIII. Inter proceres, qui Ringoni Regi Sveciæ militarunt, Rolf quidam numeratur, cui cognomentum *uxorij* inceserat. Nam aliæ vocis hujus notationes vix huc facere videntur : qualis illa est apud Virgilium :

————— *pulchram uxoriis urbem.*

Extruis —————

D Ubi quidem *uxoriis* eum denotat, qui uxori nimis inservit, *γυναικοκρατὴς μὲν* : sicut & apud Horatium Od. 2. Lib. I.

————— *Vagus & sinistra*

Labitur ripâ, Jove non probante,

————— *Uxoriis amnis.*

Aut quando id significat, quod ad uxorem pertinet, ut apud Cicronem : *In arbitrio rei uxoriæ melius est.*

19. *Castoreo cui tegmen erat chlamys obstita limbo*] Significantibus equidem verbis, vivisq; quod ajunt, coloribus, intolerabilem aurifabri hujus luxum depingit hic Saxo noster, dum illi vestimenta attribuit tam vilis atq; abjectæ conditionis homine prorsus indigna. Itâ hoc loco *chlamydem* ipsi assignat, quod indumentum erat Imperatorium, idemq; cum paludamento ; de quo videatur Lazarus Bayfius Libro de re Vestitaria, pag. 203. Hanc *chlamydem* dixit *obstitam* fuisse *Castoreo limbo*, hoc est, limbum in circuitu habuisse ad oram extremam adfuturum, vel ex pilis Castoris animalis contextum, undè hodieque confectos pileos, magno ubiq; esse in pretio constat : (Galli vocant *un castor*, nos *Ein Bess*, uersitè dicimus) quemadmodum etiam ex pilis camelorum conficiuntur vestes : vel ex pelle Castoreâ in fascias dissectâ, quam olim non minus fuisse pretiosam testantur Plinius, Isidorus, & Johannes de Janua, cujus in Catholico hæc sunt verba : *Dentes habet acutissimos, pellem pretiosam.*

tiosam. Est autem *Castor*, qui & *Fiber*, & *Canis* A Ponticus dicitur, animal ex eorum genere, quæ Græci ἀμφίβια vocant, quod tam in terra, quam in aquis vivant. Isidorus Lib. XII. Cap. 2. Origin. *Castores*, à *castrando* vult dictos. Nam *testiculi* eorum, inquit, apti sunt medicaminibus; propter quod, cum præsenferint venatorem, ipsi se *castrant*, & morsibus vires suas amputant. De quibus Cicero in *Scaviana*: Redimunt se à parte corporis, propter quod maximè expetuntur. Juvenalis:

Qui se

*Eunuchum ipse facit, cupiens evadere damnum
Testiculi*

Hactenus Isidorus; qui hæc ad verbum ex Servio descripsit: cujus eadem sunt verba ad Lib. I. Georg. Virgilij. A *Castore* est *Castoreum*, Substantivum. *Castorea*, autore Plinio Lib. XXXII. Cap. 3. vocantur testes *Castoris*. Unde *virosa castorea*, Virg. I. Georg. *Grave Castoreum*, Lucretius Lib. 6. Est & adjectivum *Castoreus*; ut *Castoreus* odor. Plin. Lib. XII, Cap. 24. *Limbus* vero fascia est, quæ extremitates vestium ambiuntur & ornantur. Græci κύκλον vocant. Hinc κυκλας tunica, quæ *Limbus* habet. Glossæ: *Limbus*, πέζα, κύκλος, περιπόδιον. Dicitur etiam Latinis *Infrita*. Virgilius:

Sidoniam picto chlamydem circumdata limbo.

Et Ovidius:

Quam limbus obibat

Aureus, ornabant aurata monilia collum.

Statius Papinius:

At tibi Mæonio fertur circumflua limbo

Pro meritis, Admete chlamys, repetitaq; multo

Murice

20. *Instrata gemmis crepidæ*] Mirus olim in calceamentis lusus luxusq; fuit. Ut nihil de calceis lunatis, lineis, albis, coccineis dicamus, in primis multo auro calceos, crepidasq; ornatas gestabant. Justinus Lib. XXXVIII. de exercitu Syriæ Regis Antiochi: *Argentis certè aurigq; tantum, ut etiam gregarij auro caligas* (hoc est, calceamenta) *figerent, proculsarentq; materiam, cujus amore populi ferro dimicant.* Quod intelligendum est de clavis aureis, quos circumcirca soleis infigere solebant; ut patet è Clemente Alexandrino Pædagog Lib. II. Cap. XI. Non autem hic stetit luxus; itum est ulterius, & gemmæ quoq; adhibitæ, quas vel superiori calceorum parti, quæ pedes vestiuntur, hinc inde annectendas curabant, vel etiam soleis suffigebant, ut sic gemmæ quoq; calcarentur. Curtius de Sophite Lib. IX. *Vestis erat auro purpurâq; distincta, quæ etiam crura velabat: aureis soleis inferuerat gemmas.* Flavius Vopiscus de Carino: *Habuit gemmas in calceis.* Sed non magnum hoc in Principibus: affectarunt etiam pauperes. Plinius Lib. IX. Cap. 35. *Quin & pedibus gemmas, nec crepidarum tantum obstragulis, sed totis soculis addunt. Neq; enim gestare jam margaritas, nisi calcent, ac per uniones*

etiam ambulent, satis est. Plura de hoc calceamentorum luxu congestit Philippus Rubenius in Caput 14. Lib. II. Electorum. Videatur quoque Benedicti Baldvini *Calceus antiquus & mysticus.* Hic itaq; superbi juxta ac effœminati hujus ciniflonis luxuria atq; molities liquido apparet, qui non tantum crepidis, quod muliebri, sed & densâ gemmarum serie planè *instratis*, hoc est, tectis, ac coopertis uteretur, quod suprà fortunam ejus gestamen erat.

Ibid. *Toga cultior auro*] Ut pote quæ vel filis aureis in tela contexta, vel signis & clavis aureis intexta & acupictilis. Illam Græci τὴν χρυσοῦν, hanc χρυσοπάσων, χρυσῶ κατὰ πείπον & κατὰ σικτον dici monet Doctissimus Salmasius ad Ælium Lampridium, pag. 224. Ubi quoque ad priorem significationem illud Virgilij referendum esse ait: *Et picturatas auri subtemine vestes.* ad posteriorem vero hoc ejusdem.

— pallam signis auroq; rigentem.

Lampridius eleganter *pallium auro sparsum* vocavit, hoc est, auro distinctum, vel signis aureis acupictum.

21. *Splendida nexuerant tortum redimicula crinem*] Solebant veteres Germani, Galli, & nostri Dani, crines à fronte ad verticem, atq; inde ad cervicem retorquere, vel ut Tacitus de Sævorum gente refert, *obliquare crinem, nodoq; substringere.* Hinc *tortus crinis* Poëtis dicitur in posteriore verticem flexus atq; reductus, & in nodum coactus. Martialis libro Spectaculorum, Epigram: 3.

Crinibus in nodum tortis venere Sicambri.

Quod autem redimiculis & vittâ capillos constrinxerat mollis ille & delicatus Aurifaber, id insolitum effœminati cultus ornamentum representabat. Nam mox infra Starchaterus: *virilibus comis muliebri redimiculum injici non oportere*, rectè monet.

27. *Magni se credere cepit*] Forte tantumdem erit, ac *magni estimare.* Nisi dicamus legendum esse *magnis*, scilicet parenti, se credere cepit.

54. *Atq; puellæ Ora premens pugno*] Hujus castigationis mentio paulo ante videtur desiderari. Nam suâ potius pœnâ, quàm fabri, ad melioris vitæ studium, animum intendisse puella videtur.

Pag. 109. vers. 7. *Digna molâ*] Digna, quæ in pistrinum detrudaris, ut ibi molam trusatilem versando te excrucies: quod ancillarum olim fuit. Videatur Plautus, & alij.

9. *Uber inops lactis*] Raro etenim virgunculis in mammis lac, antequàm virum passæ fuerint. Varro Andabatis: *Candidum lacte* (pro lac) *è papilla cum fluit, signum putant partus* (pro partus) quod hic sequatur mulierem à partu liquor.

10. *Sed noli suspicionis Ferre notas, aut te falsis permittere linguæ*] Nam magnus Pudiciæ fructus

est, pudicam credi: & adversus omnes illecebras, atq; omnia delinimenta muliebris ingenij, est veluti fir-
mamentum, in nullam incidisse fabulam, ait Sene-
ca Lib. 2. Controvers. Cap. 15. Eleganter Aufo-
nius:

————— Parum distare videtur
Suspectus, verèq; reus —————

Consimile est illud Quintiliani dignum me-
moratu: Carendum non solum crimine turpitudi-
nis, verum etiam suspitione.

40. Subducunt aurea massis] Massa dicitur
adhuc rude metallum, quod nondum formam
recepit. Sic Lucanus Lib. VI.

Primus Thessalicæ rector telluris Ithonus
In formam calidæ percussit pondera massæ;
Fudit & argentum flammis, aurumq; monetâ
Fregit, & immensis coxit fornacibus æra.

Juvenalis Sat. X.

Quem pater ardentis massæ fuligine lippus
A carbone, & forcipibus, gladiosq; parante
Incude, & luteo Vulcano ad Rhetora misit.

Persius Sat. II.

Hæc baccam conchæ rasisse, & stringere venas
Ferventis massæ crudo de pulvere jussit.

Et Idem Sat. V.

Tu neq; anhelanti, coquitur dum massa camino,
Folle premis ventos —————

Ibid. Subducunt aurea massis crustula] Nota
fraudem Aurifabrorum; qua etiam Chymici
hodierni, vel si fortè Alcumistæ sint dicendi
potius, egregiè uti norunt. Hanc luculenter
describit magnus ille Erasmus Roterodamus
colloquio, quod inscribitur, ni fallor, Convi-
vium fabulosum.

Pag. 110. vers. 35. Diali itinere] Hoc est,
unius diei itinere, quantum viæ uno die con-
fici potest. Diali enim à die est; quomodo
olim Otacilius Pitholaus Caninium per jocos
Consulem Dialem nominavit, quod ultimo anni
die consul à Cæsare factus esset.

48. Idem] Starchaterus scilicet, non Hel-
go ipse, quomodo perperam existimant inter-
pretes.

Pag. 111. vers. 30. Pergenuans] Id est genibus
repens. Græci unico vocabulo eleganter effe-
runt γονυπετέω. Matthæi Cap. XVII, vers. 14.
περοσθηεν άνθρωπος τις γονυπετών αὐτῷ.

48. Præconi partibus] Hoc est, rabulæ foren-
sis. Noltratibus een Deelefoget/een Dingstüd.

Pag. 112. vers. 3. Emancipandæ conjugis gratia]
Emancipare hoc loco sumere videtur Saxo pro è
servitute vindicare. Emancipari dicebantur, qui
patris potestate exibant: & id propriè delibe-
ris, ut manumittere de Servis; etiamsi hoc di-
scrimen non usquequaq; observetur. Emanci-
pare etiam veteres dicebant pro alienare & ven-
dere. Plinius Epist. Lib. VII. Agrum ex meis lon-
gè pluris actori publico emancipavi. Svetonius in
Orhone: Adhibitus arbiter totum agrum redemit

A emancipavitq;: id est: suum jam factum man-
cipio tradidit illi. Ad quem locum ita Læv. Tor-
rentius: Emancipare, est quovis modo alienare, &
in alienum transferre dominium rei alicujus. Plau-
tus: Emancipo me tibi: id est, tuæ me potestati
trado. Emancipati, inquit Festus, duobus modis in-
telligantur; aut ij qui ex patris jure exierunt, aut ij,
qui aliorum sunt dominij.

23. Qui nimirum quæstum non nossent] M.
Cato de re Rustica: Majores nostri virum bonum
cum laudabant, ita laudabant: BONUM AGRICO-
LAM, BONUMQUE COLONUM: amplissimè lau-
dari existimabatur, qui ita laudabatur. Et paulo
post: Ex agricolis & viri fortissimi, & milites stre-
nuissimi gignuntur, maximeq; PIUS QUÆSTUS,
stabilissimusq; consequitur, minimeq; invidiosus. Mi-
nimeq; male cogitantes sunt, qui in eo studio occu-
pati sunt. Aristoteles in Politicorum libris mul-
toties illud iterat, optimam esse rempublicam,
cujus cives ex re rustica atq; ex pastione vivunt.

Cujus rei hanc causam reddit: ὅτι πολιτεύον-
ται κατὰ νόμους. ἔχουσι γὰρ ἐργασίῳ μὲν ζῆν· &
δύνανται ἢ χολάζειν: quia ex lege seq; resq; suas
regunt. Habent enim ex opere suo quantum satis ad
vivendum sit. Et tamen eis otiosis esse non licet.
Cæteras respublicas, quas opificum & mecha-
nicorum multitudo tenet, longè deteriores ju-
dicat, cum ignava eorum desesq; vita sit, neq;
ullum opus eorum cum virtute congruat. Ita
& Flavius Josephus, rerum Judaicarum scrip-
tor, maximam genti suæ laudem tribuisse se
putat, quod eam ab agriculturæ studio com-
mendat. Χῶρον ἀγαθὴν νεμόμενοι, ταύτην ἐκ-
πονεῖμεν: terram fertilem habitamus, atq; in cul-
tura ejus operam sumimus: quem locum debe-
mus Jurisconsultorum eminentissimo, Petro
Cunæo, Viro profundæ eruditionis, & propter
purissimæ dictionis elegantiam ac venustatem
verè seculi nostri Ciceroni, & si quid Cicerone
eloquentius esse poterit.

Pag. 113. vers. 8. Hebetudinem ad acuminis ha-
bitum carbonibus] Inest huic Starchateri respon-
so translatio desumpta à fabrorum officinis,
qui ferrum ignis beneficio ita torrent ac reco-
quunt, flatiliq; ardore sic procudunt, ut quæ-
vis inde tela, quævis arma, aliq; instrumenta
inde conficere queant; imò ad eam interdum
redigunt duritiem, ut proximè ad chalybis na-
turam accedat: quod Dani at Hærde. Adeun-
dem modum & Starchaterus significabat, se
eum in finem in Daniæ appulisse, ut crebris
exhortationibus effœminato Ingelli animo fa-
ces ad virtutem subderet, eumq; ad ulciscen-
dum parentis necem inflammaret. Quod ipsum
feliciter confecisse, testantur illa, quæ inferius
leguntur, verba: Tantum autem monitus sui inci-
tamento profecit, ut ab enervi & frigescenti animo,
veluti quadam reprehensionis silice, flagrantissimum
fortitudinis ignem extunderet.

10. *Rapidum ac præceps iter explicuit*] Plinius A Junior Lib. VIII. Epist. I. *Iter commodè explicui; excepto, quod quidam ex meis, adversam valetudinem, fervescens æstibus, contraxerunt.*

Pag. 114. vers. 1. *Aliquo in momento ponendi luxuriam nunquam vacavit*] Insolens locutio, sed Valerianam redolens *αὐτοβροχία*. Sic enim totidem ferè verbis Valerius Maximus Lib. IV. Cap. 3. *Deinceps ex ijs vocemus, quorum animus aliquo in momento ponendi pecuniam nunquam vacavit.*

14. *Postquam se enim Teutoniæ moribus permisit*] Thori videlicet sociam asciscendo Svertingi, Saxonie Ducis, filiam, ejusq; filios in intimam familiaritatem & convictum admit- tendo. Rectè monent Politici, tria peregrino- rum connubiorum incommoda existeret solere. Primum, quod gens propria, sincera, suiq; simi- lis, aliarum nationum connubiis inficitur, & ut sanguinis, ita morum labem trahit. Alterum, quod per ea in habitum exoticum Respub- lica fœdari solet. Tertium, quod concordia, præcipuum conjugij bonum, vix inter eos, qui gente, ac proinde genio, ingenio, moribusq; discrepant, locum habere potest. Hinc de Ger- manis scribit Tacitus, quod nullis aliarum na- tionum connubiis infici voluerint, *ut propria, & sincera, & tantum sui similis gens existeret.*

33. *Inextricabilibus amicitia hæmæ*] Sic Dudo S. Quintini Decanus Lib. 3. *Inextricabile amicitia vinculum dixit: Varijs donis & muneribus vi- cissim ditati, inextricabili amicitia vinculo connexi sunt & fœderati.*

47. *Fortunæ magis, quam charitati cultum tri- buunt*] Huc pertinet insignis ille Taciti locus Libr. 1. Histor. Cap. XV. *Fidem, libertatem, amicitiam, præcipua humani animi bona, tu quidem ead- em constantia retinebis, sed alij per obsequium im- minuent. Irrumpet adulatio, blanditiæ, pessimum veri affectus venenum, sua cuiq; utilitas. Etiam ego ac tu simplicissime inter nos hodieq; loquimur; cæ- teri libentius cum FORTUNA NOSTRA, quam NO- BISCUM.*

52. *Musam instituit*] Cantilenam exorsa est, quâ animum Starchateri deliniret, & ad hilari- tatem flecteret. Poëtice dictum. Virgil:

Silvestrem tenui Musam meditaris avenâ.

Pag. 115. vers. 2. *Statuæ magis, quam homini canere putaretur*] Statuæ hominem frequenter comparant authores, qui omnis veluti sensus expers, nullâ re commoveri potest. Nota est hi- storia Thaidis meretricis, cui cum juvenes ex- probrarent, quod Demosthenis animum suis blanditijs emollire nequiverat, sibi rem fuisse cum homine putasse, non cum statua, respon- dit apud Agellium, Valer. Max. & alios. Vide Adagium: *Statuâ taciturnior.*

14. *Tibicini tibiæ erogavit*] Non tibiæ, quam inflare poterat, sed tibiæ carne nudatam; hoc

est, os, quod inter vescendum carne spoliave- rat, inq; frontem gesticulantis tibicinis impe- gerat. Est itaq; hic in voce *tibiæ* elegans *αἰετὶς*: *ῥολία*. Cæterum *tibiæ*, instrumentum Musi- cum, à tibijs animalium, unde prima tibiærum materia, sic dictam esse, olim cum Bono Deo, in Tractatu meo de Tibijs, quem inter schedas etiamnum certis de causis asservo, luculenter demonstrabo.

Pag. 116. vers. 1. *Albicet quanquam senio capil- lus*] Martianus Capella sub initium Lib. 1. *Res- persum capillis albicantibus verticem, incrementisq; lustralibus decuriatum, nugulas ineptas aggarrine non perferens.*

2. *Permanet virtus eadem vetustis*] Hoc est, senio confectis: quomodo etiam Latini Scri- ptores alij usurpant. Claudianus de Eutropio:

Vetustum

Mancipium, semperq; novum

Dudo de S. Quintino Lib. III. Cap. 91.

*Cernuus hic senio probitatis prole gaudebat,
Et soboles luculenta ætatis patre vetustæ.*

Unde Saxo *Vetustatem* pro *Senectute* dixit Lib. VIII.

Ipse ego quàm noceat, didici, damnosa vetustas.
Ita Laberius Mimographus in Prologo, apud Macrobius Lib. II. Saturnalium:

*Ut hedera serpens vires arboreas necat,
Ita me vetustas amplexu annorum enecat.*

S. Aldhelmus, *Ænigmate* IV. pag. 59. de A- quila:

*Corpora dum senio corrumpit fessa vetustas,
Fontibus in liquidis mergenti membra madescunt.*

Et Aldhelmus de Laudibus Virginitatis Cap. VIII. *Licet moribundæ carnis fessa fragilitas fatiscat, & propinquante fati termino, cernuâ curvâq; ve- tustate senescat. Quin & Veteres pro senibus po- situm in Inscriptionibus, quas Clariss. Vir., mihiq; quondam Collega amicissimus, D. Joh. Meursius, Exercitation. Criticar. Parte I. Cap. 3. exhibet.*

1. ARCOBRICENSES. JUVENES. ET. VETERES. STATUAM. IN. FORO.

POSUERE.

2. ARUNCITANI. VETERES. ET. JU- VENES. OPT. CIVI.

3. TURIASON. VETERES. ET. JUN. STATUAM. IN. FORO. MINERVÆ. OPT. CIVI. P.

F Plautus *Vetulos* appellat Epidico Actus II. Sc. 2.

*Sed eccum ipsum ante aedes conspicio Apæciden
Qualis volo, vetulos duos:*

quemadmodum & Saxo ipse hoc in carmine:

Cedat imbellis vetulo juvenus.

Et Lib. VII. *Vetulum acrius dimicantem non me- mini.*

8. *Prærogat escis*] Ita forte rectius legen- dum pro *Prorogat*: *Prærogare* est præferre. Ex- pendat cordatus Lector.

38. *Stomachum reclinat*] Innuit, ni fallor, A lacerauit obsonium, ut putares Darium, hydraule cantante, pugnare. Sic ubi Saxo mox carptim fodicare dixit, itidem Petronius vocabulum carpendi usurpavit: *Vides, inquit, illum, qui obsonium carpit.*

18. *Cujus enitar vitium ferire*] Ferire, latius hic sumitur, pro reprehendere, quod ipse autor sæpius *pulsare* vocat, aut *castigare*.

19. *Ne cutis curam sequar*] Respexit illud Poëtæ: *In cute curanda plus justo operata Juventus.*

47. *Dum nates versans volucris rubellæ*] Volucris rubellæ est ad rubedinem usq; tostæ. Nos diceremus, *Sen Jugl som er smuct røde Bruun* stegt. Nam de uxore Ingelli hæc minimè capienda. Id quod sequentia firmant in eandem dicta sententiam:

*Non ego magnum memini Frothonem
Dexteram fibris volueram dedisse:
Podicem cocti lacerasse galli*

Pollice curto.

*Quis prior regum potuit gulosus
Viscerum putres agitare sordes?
Aut manu carptim fodicare fædam
Alitis anum.*

A rubro est rubellus, a, um: & rubellulus, a, um. Persius Vejentanum vinum rubellum vocat, Sat. V:

————— *Vejentanumq; rubellum
Exhalet vapidâ læsum pice sessilis obba?*

Martialis:

Et Vejantani bibitur sex crassa rubelli.

Sic Martianus Capella Lib. VIII. p. m. 271. *rubellum calvitium* dixit: Cupido hilarus accurrit, atq; ut depile *rubellumq; calvitium* senex baculo acclinatus afflixerat. Et Lib. V. pag. 187. *rubellulum umbilicum.*

*Tandem loquacis terminata pagine
Asserta cursim, quæ tamen voluminis
Vix umbilicum multâ opertum fasciâ
Turgore pinguis insuit rubellulum.*

Cæterum hæ duæ partes clunes & pectus, semper in avibus expetitæ fuerunt. Seneca Epistolâ XLVII: *Alius pretiosas aves scindit, pectus & clunes, certis ductibus circumferens eruditam manum, in frustra excutit.*

Pag. 117. vers. 24. *Ordinesq; conchyliorum*] *Conchyliæ* olim inter mensæ luxuriosæ delitias; sicut & ostrea. Petronius Satyrico:

————— *Inde Lucrinis*

Eruta littoribus vendunt conchyliæ cœnas.

Nam Romani ostrea & conchyliæ Lucrina maximè amabant. Martialis Lib. III. Epigr. 60.

Ostrea tu sumis stagno saturata Lucrino.

Seneca Epist. LXXXVIII. *O infelicem agrum! quare? quia non ostrea illi Lucrina in ipsa mensa aperiuntur.* Vide Cl. Meursij de Luxu Romanor. Tractatum. Cap. XIV.

27. *Podicem cocti lacerasse galli*] Lacerandi verbo usus est consimili in re Petronius Arbitr, ubi de convivio Trimalcionis agit: *Proces- sit statim scissor, & ad symphoniam ita gesticularus*

29. *Quam vorax lactis vacuare sinum*] Hoc est, vas lacte plenum deplere, seu exhaurire. Sinum, vel sinus, vasis genus est ventris tumidioris & rotundioris, galeolæ cujusdam formam habens. Virgilius Eclogâ VII.

*Sinum lactis, & hæc te liba, Priape, quotannis
Expectare sat est.*

Ubi Servius: Sinus genus est vasis, quod cum significamus, producit: cum verò gremium significamus, corripimus. Varro Lib. IV. de LL. Sinum à sinu, quòd sinum majorem cavationem, quam pocula, habeat.

24. *Exhibens sumptum tenui salino*] Horatius Lib. II. Od. 16.

*Vivitur parvo bene, cui paternum
Splendet in mensa tenui salinum.*

Et Lib. I. Sermon. Sat. 3.

————— *Sit mihi mensa tripes, &*

Concha salis puri.

Nempè sic optat, qui paucis est contentus.

33. *Nec cibus lancem cumulavit olim*] Sensus est: Nec olim in frugali illâ Frothonis aulâ, comptus agaso, & minister altè præcinctus, patinam varijs ciborum generibus, tanquam in cumulum assurgentibus oneratam, mensis intulit, nec ut Plautus loquitur, *struices concinnavit patinarias*; vel ut propius ad mentem Saxonis, Eubulus Comicus apud Athenæum, *παταρίων στρεψύματα* extruxit.

34. *Comptus agaso*] Agaso Græcum est, ἄγω, ἀγάγω, ἀγάζων: & propriè significat ἱπποκόμον, seu custodem equorum, equisonem, vel mulionem. Verum Saxo latius vocabulum usurpat, & agasonem ponit inter servos fortè lautiores, & ministros convivales, ad imitationem Horatij Lib. 2. Sat. VIII.

————— *Si patinam pede lapsus frangat agaso.*

Ubi rectè Acron: Agaso propriè dicitur servus, qui jumenta curat. Hic autem satyricè escharum ministrum Agasonem appellavit, quem vulgò dicunt Infertorem. Comptum vero agasonem vocat ornatum convivali habitu & vestimentis nitidioribus, imò coma ipsa decorum, non aliter ac ibidem Horatius:

————— *Ut omnes*

Præcincti rectè pueri, comptiq; ministrent.

Pag. 118. vers. 20. *Despuit Ursam*] Quid si legendum *despiciat*? ut Lucanus Lib. 1.

————— *Certè populi, quos despiciat Arctos,*

Felices errore suo

5. *Sorte tum barbam quatiens sinistra*] Inter mœsti animi indicia fuit veteribus, comas lacerare, barbam vellere, caput foribus allidere, fer-

mur

mur percutere, & id genus alia. Videantur passim apud autores exempla.

9. *Cum pavor mentem gelidus repigret*] Hoc est; cum effœminata illa timiditas, quæ animum tuum occupavit, retardet, inhibeat, & prohibeat te, ne præclarum aliquod facinus aggredi audeas, ne audeas ulcisci necem parentis tui. *Repigrare* etenim hoc loco significat remoram injicere, cohibere, retardare, & id genus alia. Apulejus Lib. I. *Metamorph.* *Amatoris sui uxorem, in sarcinam prægnationis obsepto utero, & repigrato fatu, perpetua prægnatione damnavit.* Et Lib. VIII. *Cum & ipso lumine, dirarum bestiarum repigratur impetus.* Martianus Capella Lib. I. *Stimulabat paululum Jovem, ne Cyllenius uxoris foribus repigratus, somnolento repente marcere torperet.*

Pag. 119. vers. 50. *Dicere sæpe foro*] Sic omnino lego pro *discere*, quod in prioribus fuit editionibus. Nam *dicere*, hoc loco, est *causas agere*, quod forense & oratorium est verbum. Seneca de morte claudij.

<i>Deserta virum,</i>	<i>Quo non alius</i>
<i>Potuit citius</i>	<i>Dicere causas;</i>
<i>Unâ tantum</i>	<i>Parte auditâ,</i>
<i>Sæpe & neutrâ.</i>	

Hinc *Causidici* dicti, & *Dicentarij*: Glossæ Philoxeni: *Dicentarius, δικαστικός.*

52. *Venali celebrans commissa negotia linguâ*] Oceanus eruditionis Caspar Barthius *Advers.* Lib. XXVI, Cap. 19. *celerans* legit. Alioquin *to celebrare* passim Saxo pro *facere*, *peragere*, *curare*, *exercere*, *præstare*, *perficere*, aut simile ferè notione, usurpat. Lib. I. *Nescius ferri celebrabat ictu Ensis obtentum.* Et paulo ante: *Nec congruit monstri amor Fœmineo celebratus usu.* Lib. IV. *Complura rerum novarum officia sedulo frequentationis studio celebranda curavit.* Lib. V. *Regem celebrandi conjugij monitis adhortantur.* Et paulo post: *Futuri quoque sociari majestatem amplissimis honoribus celebravit.* Et eodem libro: *celebrare bella*, pro *bellis incumbere*. Imò hoc ipso libro:

*Dum gravem gemmis nitidamque cultu
Aureo gaudes celebrare nuptam,
Nos dolor probro sociatus urit.*

Et alibi centies. *Lexicon Græco-Lat.* *Vetus.* p. 471. *ἑπιτελέω, celebroy, perago, perficio, agito.* *Celebrare solutionem*, pro *debitum repræsentare*, seu *solutionem præstare*, dixit aureus scriptor Joh. Sarisberienfis. *Policrat.* Lib. VII. p. 413. Et eo constat esse inopem debitorem, qui *solutionem celebrare non potest*, nisi novi *gratiâ creditoris*. Ovidio alijsque Poëtis, idem est quod *frequentare* Lib. IV. *Metamorph.* de Thebanis sororibus in vespersiones conversis,

*Teſtaque, non silvas celebrant, lucemque perose
Nocte volant, seroque tenent à vespere nomen.*

Et paulo post de exanguibus umbris in regia Ditis:

*Parsque forum celebrant, pars imi teſta tyranni,
Pars aliquas artes, antiquæ imitamina vitæ,
Exercent.* —————

Et Lib. VII.

*Inde lacus Hyrias videt, & Cycneia tempe
Quæ subitus celebravit olor* —————

Et Lib. X.

*Isque metu vacuus, naturalique pavore
Deposito, celebrare domos* —————

B Et Lib. XIV.

*Najades æquorea, summiq; in montibus ortæ
Molle fretum celebrant.* —————

Lactantius de Opificio Dei, pag. 705. *Illud quoque præstat ut in lavacris celebrandis, quia naves calorem ferre non possunt, aer fervens ore ducatur.* Vincentius Lirinensis *Commonitorio*: *Antiquitatem verò ita, si ab his sensibus nullatenus recedamus, quos sanctos majores ac patres nostros celebrasse manifestum est.* Gariopontus, *Medicus Vetus* Lib. III. c. 61. de Lithiasi: *Quando supini jacuerint ægrotantes, facilius mictus celebrant.* Sic ejusdem Libri Cap. 70. *In usu etiam Venereo, in quo difficiles sunt, plurimus sudor relaxatur, & seminis jactum non facile celebrant.* Cæterum eleganter Saxo *venalem linguam* dixit eorum, quibus lingua in quæstu est, ut loquitur Quintilianus. Lucanus Lib. I. vers. 268:

*Hos jam mota ducis, vicinamque signa petentes
Audax venali comitatur Curio linguâ.*

D Seneca de morte Claudij *Causidicos* non minore venustate *venale genus* appellavit. Apprimè verò huc faciunt, quæ ex alijs autoribus huic loco illustrando collegit Nobilissimus Barthius: ut illa Manilij Lib. III.

*Judiciorum opus in quarto natura locavit,
Fortunamque fori: vendentem verba patronum
Pendentemque reum linguâ* —————

Et Senecæ *Hercule Furente*:

*Hic clamosi rabiosa fori,
Jurgia vendens, improbus, iras,
Et verba locat* —————

Item Statij Papinij Lib. IV. *Silvarum*:

*Est & frementi vox hilaris foro,
Venale sed non eloquium tibi.*

Nec minus Martialis Lib. V. *Epigramm.* XVI.

*Nam si salviseri defendere templi tonantis,
Solicitisque velim vendere verba reis.*

In eandem Sententiam Petronius Arbiter Satyrico:

*Ipsi qui cynicâ traducunt tempora cænâ
Nonnunquam nummis vendere verba solent.
Ergo judicium nihil est, nisi publica merces.*

Accedat his *vetus Epigrammatarius* in detestationem Avaritiæ ita scribens:

*Hinc est, quod populus aurum quasi numen adorans,
Audet in ignotum sponte venire nefas:
Speque lucri totiens excedere jus & honestum
Sustinet, ut gratis nunc juvet esse reum*

*Jus ruit, ordo perit, sceleri placet ora manusq;
Vendere, quamq; inopem, tam pudet esse pro-
bum.*

Auctor Queroli de togatis, hoc est, Caufidicis:
Vende vocem, vende linguam, iras atq; odium loca.
Fulgentius Planciades in Continentia Virgili-
ana; ubi forenssem Caufidicum Cerbero, cum
Petronio, comparat: *Ergo tunc jurgij calumnia
dicitur, & venalis lingua in alienis exercetur negotijs,
dum studij doctrina profecerit; sicut in advocatis
nunc usq; conspicitur.* Ità apud Livium Lib. XLV.
C. Decimius Oratores, qui pro Perseo Rege ad-
versus Romanos dixerant, *Concitatores vulgi, ve-
nalem linguam habentes*, rectè appellavit. Qui-
bus ego adjungam, Epimeri loco, unicum hoc
Bernhardi Morlanensis, de sui seculi censori-
bus & Judicibus, Lib. 2. de Contemptu Mundi.
pag. 47.

*Censor adest, labra vendit, amat lucra, censet ini-
quum:*

Astat habentibus, obstat egentibus, os inimicum.

Notatu quoq; dignum est, quod Antistitum ille
Antistes, B. Augustinus, qui Mediolani Rhetor-
icam docuit, se ipsum *venditorem verborum* ap-
pellaverit: & ipsam Professionem suam, sive
Eloquentiam, *Nundinas loquacitatis*. Hæc etenim
verba ipsius sunt ex Libro IX. Confessionum:
*Renunciavi, peractis Vindemialibus, ut Scholasticis
suis Mediolanenses venditorem verborum alium qua-*

*A reverent. Et: Placuit tibi (Deus) in conspectu tuo, non
tumultuose abripere, sed leniter subtrahere ministe-
rium linguæ meæ Nundinis loquacitatis.* Et iterum
Lib. IV. Confess. Cap. 2. *Docebam in illis annis ar-
tem Rhetoricam, & victoriosam loquacitatem, victus
cupiditate, vendebam.*

Pag. 120. vers. 4. *Testudine nullâ*] Auctoris
hanc esse mentem puto: Hunc ego mentis pa-
rum compotem, & cordis planè obtusi homi-
nem dixerim, qui ullis latebris aut munimentis
B fatum evitare se posse confidit. Quamvis ete-
nim in profundissima valle, & quidem consertâ
clypeorum testudine tectus, recubet, mortis
tamen spicula minimè effugiet. Firmant se-
quentia:

———— Latebrâ letum depellere non est.

Et paulo superius dixit:

Occidet nequam pavidumq; pectus,

Nec fugax sati stimulum refellet,

Valle condatur licet, aut opacis

Incubet antris.

C *Testudinem facere*, vocant rei militaris Scripto-
res, cum milites consertis scutis se tegunt, adver-
sus impetum lapidum, aliorumq; telorum de-
super incidentium. Ità Livius: *Galli testudine
factâ conserti stabant.* Huc verò pertinere videtur
illud Martialis Lib. IV. Epigram. 47.


*Nullo fata loco possis excludere, cum mors
Veneris, in medio Tibure Sardinia cæ.*

NOTÆ VBERIORES IN LIBRUM VII. HISTORIÆ DANICÆ SAXONIS GRAMMATICI.

Pag. 120.
vers. 22.

A *Iterum terris, alterum aquis regiâ* D
ditione præesse] Huc facit illud,
quod supra notavimus de Pira-
ricâ veterum Danorum, quod cum Reges sæpe
copiosam post se relinquerent sobolem, sin-
gulisq; liberis pro dominandi libidine non suf-
ficere videretur patria; alij eorum domi regnum
patrium administrarint, alij classe atq; com-
meatu instructi, maris imperium, ex usu & com-
modo suo gubernando, sibi vindicarint. Cæte-
rùm ut hoc etiam *ὡς ἐν πειρώδω* adjungam, E
illi, qui olim pyratricam exercebant, antiquis
Danis dicti sunt *NIKIPIR, Vifinger.* De
qua voce Vir Excellenti Doctrinâ, & incompa-
rabili Antiquitatum nostrarum peritiâ, D. Olaus
Wormius, ad Monumentum Tirstadense, hunc
in modum commentatus est. *Pyratrica olim hone-
sta ac licita erat, atq; in eâ se crebrò Reges ipsi, aut eo-
rum liberi, exercebant; ascitis famosioribus athleticis,
corporis robore & virtute præstantibus. Consabat
autem Pyratrica hæc certis legibus. Non imbelles, aut
simplici navigatione victum quærentes, aggredi lici-
tum erat: sed q; qui VIKINGORUM superbiebant*

*titulo, hostes saltem, aut alios hac arte celebres, quiq;
pyratricâ magnam opum vim corrasissent, debellabant.*
*Dictos sic volunt à VIG, quod Danis maris finem no-
tat. In ijs enim delitescabant à tempestatum injurijs
tuti, ut hostibus commodius insidias struere possent.*
*Eâdem hac voce etiam homicidia & cædes olim nota-
runt; ac eo sensu pyratæ hi VIKINGER rectè dicun-
tur: quos enim devicerunt, vitâ multabant. Inter
omnes verò Vikings, quos Historia nostra celebrant,
famosissimi erant Jomsvifinger dicti: qui Julini,
olim Jomsburg; sedem fixam, & Rempubicam cer-
tis ac firmis legibus constitutam, habebant. Hi ex regiâ
Danorum orti prosapiâ, omnibus semper erant formi-
dabiles, & præclaro animi & corporis enitebant robo-
re, ut fuse varijs in locis docet Historia Norvagica.*
*Cambdenus refert, rerum Anglicarum Latinis Scri-
ptoribus Danos dictos fuisse Vicingos, quod Pyra-
tricam exercuerint. Vicingar enim Saxonica lin-
guâ, teste Alfrido, pyratam denotat. Vicingos
autem vocat, quos nos Vifinger. Hactenus Wor-
mius. Ex ejusmodi Vikingorum numero erat
Doalir, cujus meminit Monumentum Tirsta-
dense, modò laudatum:*



Frithi fiodi Doalir Vistigar diaudu aug Vassur/
Sinian hand vord Taudun sun. Sinian han
vord Dosoing. Efer Froda fronti sin reisdu stein
densi Ostrad aug Hiltur. Hoc est: FRITHI Piratam
Doalir occidit & Vassur. Sinian erat Tauduni filius.
Sinian Dofonis erat Servus. Frotoni cognato suo
lapidem hunc posuerunt Ostradus & Hiltur.

25. Deformis evasit] Deformis hoc loco, nō
fallor, pro contempto, abjecto, vili, seu infelici,
infortunato & infami positum: ut mox; De-
formem se fieri, contemptumq; sibi sruui judicans. Pro
turpi solens utitur Valerius Max. Ut Lib. 2. Cap. 1.
Hac turpi & erubescenda sentina vacuifactus noster
exercitus, qui paulo ante metu mortis deformi se fœ-
deris ictu maculaverat. Et paulo post: Quid enim
tām difficile factu, qnām copulato societate generis &
imaginum, deformem in patriam reditum indicere?
Et Lib. 2. Cap. 2. Eorum dignitatem domi collabi
indignum, sibiq; deforme esse arbitrabantur. Et ali-
bi sæpius.

Pag. 121. vers. 1. Subrellibus annectentes] Hoc
est, pedum volis. Subtel, τοῦ ποδὸς τῆς ποδός.
Papias: Subtel, ima pars pedis, vel medietas. Pri-
scianus Lib. V. In EL correpta neutri generis sunt;
ut; mel, fel, subtel. Perottus: Subtel, vel Sub-
tal, concavum pedis, sicut vola, quod scilicet sub talo
sit. Saxo mox infra:

Quid miri tenerum nobis durescere subtel;

II. Latrantum quoq; ijs vocabula indita] La-

trantes Substantive heic Saxo noster posuit:
quomodo etiam loqui amat elegans Poeta.
Phædrus, Fabulâ ultimâ Lib. V.

Hic tūm venator dolens

Canem objurgabat. Cui senex, contrâ, latrans.

Senex latrans, id est, vetulus canis. Sic apud eun-
dem Laniger pro agno, Fab. 1. Lib. 1. Barbatus pro
Capro. Fab. 66. Lib. 4. & id genus alia passim oc-
currunt. Æmilius Macer Lib. 3. Cap. 2. de Folijis
Agrimoniæ:

Morsus serpentis, pariter rabiidq; latrantis,

Atq; venena fugant.

Svavissimus quoq; Poëtarum Guntherus Lib. V.
Ligurini:

Portavit scapulis passus plus mille latrantem.

Pindarus de Bello Trojano, mox sub initium
Libri:

Iram pande mihi Pelidæ, diva, superbi,

Tristia qui miseris injecit funera Grajæ,

Atq; animas fortes Heroum tradidit Orco,

Latrantumq; dedit voftris volucrumq; trahendos
Illorum exangues inhumatis ossibus artus.

Ipse Saxo infra: Dum obnixos latranti vertices in-
clinaret. Sic morientes pro mortalibus usurpavit
Sulpitia in Satyra:

Quasq; dedit quondam, morientibus eripit artes?

Et Johā. Sarisberienfis carmine, quod Nugis
Curialium præfixit, pennata pro avibus:

Retia

Retia pennatis nequeunt prævisa nocere.

Natantes pro piscibus, Ammianus Marcellinus sub finem Lib. XXVI. *Mare dispulsum retrò fluctibus evolutis abscessit, ut reiecta voragine profundorum, species natantium multiformes limo cernerentur hærentes.* Et Lib. XXVII: *Atq; ut natantium genus elemento suo expulsum haud ita diu spirat in terris.*

14. *Rem quantalibet nodorum consertione perplexam*] Id est, Rem abstrusam, & veluti nodis quibusdam intricatam & absconditam, qualis ille *nodus Gordius* fuit, cujus finem & exitum nemo invenire potuit, ob latentem vinculorum coherentiam; de quo videatur omnino Curtius. Rem igitur sic vocat per Metaphoram, haud secus ac vincula, quæ adeo in nodum arte colligata sunt, ut difficulter, summoq; non sine labore dissolvi queant.

20. *Auri incussione perfundunt*] Significatissimo usus est vocabulo, ad abundantiam, quandam auri denotandam, quâ veneficam placarunt, nè Haraldus filios proderet.

35. *Ad vigiliis evocare*] Pro è somno excitare, & facere, ut evigilet. Nova loquendi formula.

42. *Lymphantium more se gerere cæperunt*] Ità legendum duxi; & rectius, ut opinor; quàm quomodo priores Editiones repræsentabant; *Lymphantibus morem gerere cæperunt.* Vel si mavis: *Lymphantium in morem se gerere cæperunt.* *Lymphantes* autem, ut notissimum est, dicuntur mente capti. Nam *Lympha* Latinis aqua est, quæ Græcis Νυμφή: undè *Lymphaticus*, furiosus, insaniens, qui vitium mentis ex imagine Nymphæ in aqua conspectæ contraxit, autore Festo. Hinc *Lymphari*, insanire, desipere.

54. *Svetiæ manus injecit*] Valeriana locutio. Valerius Max. Lib. 2. Cap. IX. *Expugnantur urbes, corripiantur gentes, regnis injiciantur manus.* Alioquin *manus injicere*, significat inhibere, sistere, revocare, reprehendere: ut apud eundem Valerium Lib. 3. Cap. 1. *Ad externa jam mihi exempla transire conanti, M. Bibulus vir amplissima dignitatis, & summis honoribus functus, manus injicit.*

Pag. 122. vers. 5. *Ceteris conspicuo virtutis habitu præmineret*] Cum cæteros virtute antecelleret, anteiret, præcelleret, superaret. *Præmineret*, pro præemineret, id quod est, supra alios emerget. Solent enim Latini interdum vocales confundere.

23. *Conspæctoris ingenij pugile*] Justinum hic expressit Saxo noster, quem solens imitatur. Sic etenim ille Lib. XI. *Reges stipendiarios conspæctoris ingenij ad commilitium secum trahit: segniore ad tutelam regni relinquit.* Ubi nota *Segniore* opponi illis, qui conspæctoris essent ingenij, hoc est, in quibus ingenij vegetioris, & ad res maximas gerendas aptioris, nota atq; indicium se exferebat.

A 34. *Acies in occiduo constitutam oppressit*] Fortè hoc significat, in summo discrimine & extremo periculo versantem, hærentem quasi inter scopulos, inter sacrum & saxum, ut vulgò dicitur, quæ evadere non poterat, cui nullum patebat effugium. Aut *in occiduo constituta acies* forsitam erit, in inferiore & depressiore loco, nempe in convalle, constituta, ideoq; lapidum ictibus undiq; exposita.

37. *Ex montium & feritatis nuncupatione*] Nobis enim *Mons*, *Diæg*: & *Ferus*, *Gram*: ut intelligatur hoc cognomine, qui in montibus feritatem exerit, ferociamq; exercet.

45. *Ita dum injuriam inferre, quàm repellere maluit*] Variè agitata fuit olim hæc quæstio; An præstet bellum domi excipere, an verò in hostilem agrum inferre? Certè Q. Fabius Max. cum Africam provinciam sibi decerni peteret, inter alia retulit, satius esse ultro metum inferre hosti, & à se remoto periculo, alium in discrimen adducere: & multum interesse, alienos populari fines, an proprios uri excindiq; videas. Plus enim animi esse inferenti periculum, quàm propulsi. Adde quòd melior procul à domo futurus sit miles, ubi nullum est refugium, & necessitas pugnandi imminet. Sed & tantò audacius fortiusq; pugnaturus est miles in hostili agro, quanto major spes, majorq; animus inferentis est bellum, quàm arcentis. Huc accedit, quòd hostes devicti extra fines suos, facile restaurare bellum possint, & fines suos tueri: ubi si domi suæ hostes superaveris, nullo spatio recreandi dato, facile eos opprimere possis, & bello finem imponere. Videatur Balthazar Ayala Lib. 2. Cap. VIII. de Jure & officiis bellicis. Profuit certè Erico Daniam bello laceffere; ita etenim Haldanum amittendi regni metu, relictis Sveonum agris, patriam repetere coëgit, Svetiamq; armis hostilibus liberavit.

E Pag. 123. vers. 11. *Circumpositis imminere provincijs*] Sic Svetonius Caligulæ Cap. 19. *Imminere Germania* dixit. Cicero pro L. Manil. *Imminent duo Reges toti Asiæ.* Horatius Lib. 2. Od. XII. *Parthos Latio imminentes.* Curtius Lib. III. *Alexander Dario imminens.* Tacitus Histor. III. *Imminere excidio urbis*, hoc est, cupidè instare. Cl. Vir, Matth. Bernegger. ad illum Svetonij Locum Augusti Cap. 24.

28. *Tantam illi rabiem*] Ejusmodi rabiem F Veteres Dani *AÞRIÞÞI, Hamremme/ dixerunt, & tali furore percitos Hamramur. Glossarium Islandicum MS: Hamramur/ id est, Bistersterck; saa var den kalder / som bleff bijsfer. Inde nomen Hamremme/ Neutr: gen: id est, talis furor. Unde Hamast/ Bijsfer vred. Vocabant etiam Berserksgangur. Idem Glossarium; Berserksgangur / sic vocabatur Berserkerorum rabiosus furor, quando dimicaturi erant; quasi bacchantium incesus. Quinam autem fuerint Ber-

Berfercheri, Glossarium modò citatum nos hunc in modum edocet: Berferfur] Mascu-
Gen. Berfers in Genitivo. Berferfer in Plural.
fuerunt olim viri famosi, facinorosi, robore
plusquàm humano, quasi semigigantes. Histo-
ria Gretteri: Their storudu ð Hytum Vandum
og gosfum til stâr edur kvænna styldu huorer ogyl-
der fodrum: flingu marger af thesu Sman sui-
ner/ liiftrôn med ollu their totu konur/ manna/ og
dætur / og hialdu við hond sîer visu edur halsan
mânud / og færdur syðan astur theuer áttu their
ræntu hoar sem their fôrnu eda giordu adra óspete/
their geingu Berfercks gang/ og eirdu ongo the-
gar their vorn reider. Hoc est: Illi indixerunt
Monomachiam viris divitibus, & magni æsti-
matis, hoc fine, ut illorum bonis unâ cum uxori-
bus fruerentur. Uter horum qui occubuerit,
impune alteri ceciderit. Rapuerunt uxores &
filias hominum, easq; sibi ad manus retinue-
runt, per hebdomadam, aut medium mensem:
deniq; restituerunt ijs, qui eas possidebant; &
prædati sunt quocunq; irent, aut alias turbas
excitarunt. Furebant, & nemini parcebant,
quum essent irati. Tales fuerunt septem hi filij
Syvaldi Svetici, cujus hic meminit Saxo. Harth-
benum etiam, cujus paulò inferius mentionem
agit Saxo, & duodecim athletas ejus, Berferche-
ris annumerandos censeo.

Pag. 124. vers. 12. Ut novem cubitis procerita-
tis ejus dimensio tenderetur] Harthbenus proce-
ritate æquabat Og, Regem Bafan, qui solus re-
stitit de stirpe gigantum, teste Sacra Scriptu-
ra. Ejus etenim lectus ferreus in Rabbath mon-
strabatur novem cubitos habens longitudinis,
& quatuor latitudinis, ad mensuram cubiti viri-
lis manus. Deuteron. Cap. 3. vers. XI.

25. Quorum sanguine per vim potitus fuerat] Sanguine, id est, progenie, videlicet filiabus,
more Poëtarum. Solens ita loquitur Saxo. Sic
Libr. V. Tantum siquidem ab universis Fridlevi
memoriæ ac nomini tributum, ut tam tenero ejus san-
guini regnùm daretur. Et alibi passim. Ad ani-
malia transtulit Phædrus Lib. I. Fab. 27. ubi de
Vulpe, quæ in Aquilæ pullos catulorum suorum
raptum ulcisci conabatur:

Totamq; flammis arborem circumdedit,
Hosti dolorem damno miscens sanguinis.

Et Calpurnius, Eclogâ VI, quæ Litigium inscri-
bitur:

Genus est, ut scitis, equarum
Non jugale mihi, quæcum de sanguine ponam
Veloce Petasos

Pag. 125. vers. 18. Cum sine liberis esset] Jam
tùm fortè defuncto Ásmundo filio, quem ex
Thorilda susceperat: de quo paulò ante.

Pag. 126. vers. 10. Torpidos sursum radios re-
flecte] Intellige radios oculorum. Radius enim,
pro fulgore oculorum, frequenter in usu est bonis
autoribus. Plinius; Cujus ex oculis radij nocte mi-

cantes cernuntur. Gellius Lib. 5. Cap. 16. Stoici
causas esse videndi dicunt, radiorum ex oculis in ea,
quæ videri queunt, emissionem, aerisq; simul intentio-
nem.

II. Quare etenim cerebrosa adeo] Nonius
Marcellus Cap. 1. pag. 495. Cerebrofi dicuntur ad
insaniam faciles, quibus frequenter cerebrum move-
tur. Lucilius Satyrarum XV:

Te primum cum istis insanum hominem & cere-
brosum.

B Glossarium vetus pag. 35. Cerebrofus, ὀξύχολος.
Martianus Capella Lib. VIII. p. 273. Quod rapido
fervebas cerebrosa motu.

Ibid. Dementire capisti] Id est, Insanire, aut
furere. Lucretius Lib. III. --- dementit enim, de-
liraq; fatur. Apulejus Apologia: Facilius fuit,
Æmiliane, ac multò gravius, tete ut ipsum diceret in-
terfuisse, & ex eo sacro capisse dementire. Tertul-
lianus adversus gentes: Ut aliter dementire videat-
ur, qui sacras turres pervolat, aliter qui tecta vici-
niæ transilit. Idem de Anima: Nam & quum de-
mentit homo, dementit anima, non peregrinante,
sed compatiante tunc animo. Martianus Capella
Lib. VIII. p. 272. Næ tu, ait, infelix, vel Capella, vel
quisquis es, non minus sensus, quàm nominis pecudalis,
hujus incongrui risus adfectione dementire capisti.
Ubi alij dementare legunt; quod tamen etiam
usurpant Latini Scriptores. Apulejus Apologia:
Confessa est sese meâ Magiâ in amorem inductam de-
mentare. Glossæ Veteres: Dementat, Ἀφρονεῖ,
ἀπορεῖ, κατὰ τὴν νόσον.

23. Generosis pullulasse ramalibus] Hoc est, à
generoso stemmate originem duxisse. Martia-
nus Capella Lib. VII. pag. 237. de Arithmetica
loquens: Quamvis singulos vos, universosq; recen-
sem ex meis ramalibus germinari. Ramale, seu ra-
mus, est familiæ soboles ex stirpe deducta; vel
succesor in rectâ linçâ. Unde ramum ducere Per-
sio, Satyra III.

— An deceat pulmonem rumpere ventis

Stemmate quòd Tusco ramum millesime ducis?

Idem de Græcis, κλάο. Gregorius Nyssenus
ὡς θεό τητο ὕψ, καὶ πνεύματι, loquens
de Isaac à patre sacrificando: ἔτε της ἀγ-
δοχῆς ὁ κλάο.

46. Rei summa perhorruit] Adeo tota per-
turbata est Suecorum acies, tantâq; formidine
repleta, ut effusâ fugâ sibi consulendum duxe-
rint.

F Pag. 128. vers. 6. Quem sequens atas Hyldetand
cognominavit] Si hæc verba fixum hæc locum,
habere debeant, sibi ipse non consentit Saxo.
Nam paulò inferius, hoc eodem librò, exsertit
verbis pronuntiat, Haraldum, cognomento
Hyldetand, ex Haldano & Guritha pregnatum
esse: quomodo ergo Borcarum & Gro, Alvildæ
comitem, parentes habere potuit? Sed omnino
statuo vel μνημονικὸν ἀμάρτημα Saxonis hoc
esse, vel tanquam Glossema, nimia librâriorum
curio-

curiositate in textum irrepsisse. Clariss. Vir, & A de patria nostra optimè meritis, Johannes Jsaacius Pontanus, ita conciliare bina hæc loca contraria nititur, ut dicat, Haraldum hunc Borcari filium Hyldetand, dictum, alterum verò Haldani & Gurithæ filium Haldtand, ab hoc longè diversum esse. Sed fallitur optimus Pontanus. Nam unus idemq; est Haraldus Haldtand & Hyldetand; quia eadem est cognominis ratio, ab eminenti videlicet dentium ordine, de quo vide mox infra eodem hoc libro

9. *Fuere quondam apud Danos fœminæ*] Bellatrices olim fœminas non Dania sola tulit, verum aliæ etiam agnovèrè gentes. Ut taceam Amazonas multorum scriptis decantatas, illustris est Pomponij Melæ de Sarmaticis mulieribus locus Lib. 3. Cap. 4. *Gens est habitu armisq; Parthica proxima, bellatrix, libera, indomita, & usq; eò immanis atq; atrox, ut fœminæ etiam cum viris bella ineant; atq; ut habiles sint, natis statim dextra aduritur mamma, ut inde expedita in ictus manu, quæ exeritur, virile fiat pectus: ARCUS TENDERE, EQUITARE, VENARI, PUELLARIA PENSASUNT.* Ferire hostem adultarum stipendium est, adeo ut non percussisse, pro flagitio habeatur, sitq; eis pœna virginitas. Apud Jaxamathas, teste eodem Melæ, Lib. 1. Cap. 21. *Easdem artes fœminæ, quas viri exercent, adeo ut ne militiâ quidam vacent. Viri pedibus inhaerent, sagittisq; depugnant; illæ equestre prælum ineunt. Nec ferro dimicant, sed quos laqueis intercepte, trahendo conficiunt. Nisi qui hostem interemere, virgines manent.* Nobis Viragines istæ Estholdmœr à scutis gestatis dictæ. Autor est Strabo Lib. VII. pag. 294. mulieres Cimbrorum veterum, unâ cum viris, fortiter strenueq; obisse fera munera militiâ, ut cum Lucretio loquar: *Εἴθε ἦ εἰ τὸν Κίμβρων διηγύνοιντο τριτόν, ὅτι ταῖς γυναιξίν αὐτῶν συστρεφουσίν τε &c.* Morem hunc fuisse Cimbris usitatum ferunt, ut mulieres suas in commilitium assumerent.

13. *Corpus animumq; patientiâ a labore durare solebant*] M. Junianus Justinus Lib. 38. de Mithridate: *Quibus rebus & insidias vitavit, & corpus ad omnem virtutes patientiam duravit.* Et paulo post: *Exercitum quoq; suum ad parem laboris patientiam quotidianâ exercitatione durabat.* Seneca Svaforiâ II: *Qui pueritiam durat ad futurâ militiæ patientiam.*

17. *Id vitæ genus incedere*] Incedere hic usurpasse videtur autor pro ingredi, hoc est, aggredi & incipere, quod frequentius reperire licet apud bonos autores: quomodo *Ingressi viam vivendi*, Cicero in Officijs, *Ingressi Consulatum*, Quintilianus Lib. VI. Cap. 1. dixit.

20. *Armorum potius quàm amorum*] Saxoni frequens est Paranomasiæ usus, qua orationi decus conciliare nititur. Hæc triplici jam luxuriat; utpote in vocibus armorum & amorum; *telas, telorum; lecto, letho.*

Ibid. *Manusq; quas in telas aptare debuerant*] Virgilius Lib. VII. *Æneid. de Camillâ:*

*Hos super advenit Volscâ de gente Camilla,
Agmen agens equitum, & florentes ære catervas,
Bellatrix, non illa colo calathisvè Minervæ
Fœmineas assueta manus, sed prælia virgo
Dura pati, cursuq; pedum prævertere ventos.*

Ita Silius Italicus de belligera Virgine Hasbita, Lib. II. pag. 61.

B *Hæc ignara viri, vacuoq; assueta cubili,
Venatu & Silvæ primos assueverat annos;
Non calathis mollita manus, operata vesuso,
Dictynnam, & saltus, & anhelum impellera
plantâ*

Cornipedem, ac stravisse feras immitis amabat.

35. *Magnalium ejus spectata deflexit opinio*] Magnalia propriè sunt ingentia facta & admiratione digna. Gr. μεγαλεια. Vox est non admodum frequens apud profanos autores, sed veteri Sacræ Scripturæ versioni, & Theologis antiquis, Patribusq; usitatissima. Exod. XIV. v. 13. Deut. X. v. 21. & Cap. XI. v. 2. II. Samuel. VII. v. 21, 23. II. Reg. VIII. v. 4. I. Chronic. XVII. v. 19. Psal. CVI. v. 21. Auctor. II. v. 11. Tertullianus ad uxorem Lib. 2. Cap. 7. *Sensit magnalia, vidit experimenta.* Item adversus Marcionem, Lib. 1. Cap. 2. Cyprianus Lib. I. Epist. 3. *Nec præpositum servum deserui à quibusdam miretur aliquis, quando ipsum Dominum magnalia & mirabilia summa facientem discipuli sui reliquerint.* Iterum Tractatu de Habitu Virginum: *Quibus multa magnalia cum miraculo faceret.* Et quid attinet omnia Theologorum monumenta excutere? Johannes Sarisberienensis Prologo in Policraticum: *Magnalia Dei apud se quasi quâdam meditationis manu pertractet.*

44. *Insignes procerum titulos conferentibus*] Solebant olim Principum fœminarum, aut alias ditiorum matronarum pedissequæ eorâ Herâ & Dominâ suâ, temporis fallendi causâ, comparisonem instituere virorum illustrium, divitum, fortium, formosorum, & cæterorum: quod frequens etiam viris erat inter Computationes. Illud linguâ istius sæculi vocabant *Æfara i Mañ Jafnud.* Glossarium Islandicum MS. in voce *Østeite* id est: *Hilaritas convivalis: Bardamanna Saga: Egill mæsto / thad var mier sagt thier hestud thad fyrer Østeite ad thier tofud ydur Jafnadar mañ / og tofstu mier til Jafnadar Mañ thier.* id est: *Egill sagde; det var mig sagt / at i hæfde dette til Østieft / at i tog eder Ætignelsis Mend / [id est: comparastis vobiscum viros] oc togst du mig til din Jæffns mand.*

45. *Hæc candore beat mentum*] Pro mentem; quod in prioribus fuit codicibus, omnino legendum arbitror *mentum*; ut sensus sit: *Hæc videlicet forma, five species, cujus mentio statim præcessit, beat mentum candore, faciem tantum*

exten-

externam venustate quadam & decore exornat, [*Mentum* pro facie, sive totâ formâ, pars pro toto: sicut paulo ante ipse autor dixit: *menti*q; ejus levitate conspectâ, animadvertit osculis, non armis, agendum esse.] Sed morum severus arbiter, qui nempe novit omne decoris blandimentum solâ virtutis æstimatione sordescere, ideoq; soli virtuti pretium ponit, beat colorem, hoc est formæ luculentiam & oris decorem illustrat mente, id est, virili & fortia animo. Nam si diceret, *Hæc candore beat mentem*, contraria sibi ipsi diceret; quia B mox subjungit: *Huic*, intellige menti, pretium non forma facit, sed fortior ausus Armisq; parta claritas.

Pag. 129. vers. 27. *Species virtusq; reguntur*] Itâ & hic locus concipiendus, quum antea legeretur; *Virtus speciesq; reguntur*. Absq; eo fit, quàm malè sequentia sibi consent, quis non videt, qui aliquid videt? Revera namq; formæ gloria fluxa ac fragilis, virtus constans & æterna.

44. *Et longos hirtio cruce manere pilos*] Martianus Capella Lib. VI. pag. 227.

*Hanc ego crediderim sentis spinescere membris-
Neq; hirta crura vellere.*

Pag. 130. vers. 9. *Quasq; decursa toties littora scabris lapidum fragmentis obtriverint*] Et sæpe cruentaverint; qualiter illi apud Petronium conqueruntur: *Cum horâ penè totâ per omnes scrupos grumorumq; eminentium fragmenta traxisset cruentos pedes.*

21. *Dic ergo Venus unica*] Antonomasia est, quum *Venus* pro quavis amica ponitur. Maro Eclogâ 3.

Parta meæ Veneri sunt munera ———

Sed & formula hæc inter dictiones amatorias locum inveniet, quibus blandiebantur sibi plerumq; , qui mutuo se amore prosequabantur. Sic etiam his blanditiarum vocibus utebantur: *Mea vita, mea lux, meum suaviū, anime mi, mel meum, ocellus meus, vel ocellus mi.* Testes Tibullus Lib. 4. Ovidius Lib. 3. de arte amandi. Propertius Lib. 2. Eleg. 2. & Eleg. 4, & 11, 15, 18, 19, 20. Martialis Lib. 1. Epigr. 69. Terentius Evnucho Act. 1. Scen. 2. & Actus 3. Sc. 2. Cicero Lib. 13. Epist. ad Fam. 5. Plautus Mostellaria, Actus 1. Sc. 3, & 4. Trinummus Actus 2. Sc. 1. Pœnulus Act. 1. Sc. 2. Afinar. Actus 3. Sc. 3. Agellius Lib. 15. Cap. 7. ex Epistola Augusti ad Cajum, nepotem suum: *Ave mi Cai, meus ocellus jucundissimus.* Sed & Pœnulus Act. 1. Sc. 2. Milphio ita Adelphasio meretrici delicias facit:

Mea voluptas, meæ delitiæ, mea vita, mea amicitia;

Meus ocellus, meum labellum, mea salus, meum suaviū.

Vicissimq; ei Adelphasium sic abblanditur:

Meum mel, meum cor, mea colustra, meus molliculus caseus.

A Itidemq; Afinar. Actus 3. Sc. 3.

Da meus ocellus, mea rosa, mi anime, mea voluptas,

Leonida, argentum mihi. ———

32. *Morbo seu gladio, gurgite vel solo*] Carmen est Dicolon distrophon, cujus primus versus Jambicus Senarius, seu trimeter; Secundus quisq; Choriambicus Asclepiadeus Tetrameter Acatalectus. His autem verbis quatuor pœnarum genera includuntur, quarum hic ordo est: Si, inquit Signe, te, mi suavissime Hagbarthe, parens meus Rex Sigarus vel. 1. perpetuo carceri mancipaverit, ubi longo excruciatu morbo, & tandem squalore ac macie enectus, spiritum deponere cogaris; vel etiam. 2. gladio caput tibi recidendum jubeat, capitisq; pœna afficiat seu. 3. te culleo insutum, aut lapide colla revinctum, in mare profundum abjiciat: vel 4. deniq; infelici te stipite suffigat, & omnia fractum membra rotis imponat corvis escam.

C 34. *Et me consimili devoveo neci*] Non secus ac apud Longum Sophistam, sub finem Lib. 2. *πυμυρικῶν*: *Χλόη Δάφνιδι τὰς Νύμφας ὁμοσεν, τὸν αὐτὸν ἔξεν θάνατον καὶ βίον*: Chloë Daphnidi per Nymphas juravit, eandem cum illo habituram se mortem & vitam.

39. *Qui prima nostri carpit oris oscula*] Ovidius Epistola XI, de Canacè:

Non super incubui, non oscula frigida carpsi.

D Corippus Africanus, de Justino Augusto Lib. 3. *Incubuit lacrymans, atq; oscula frigida carpsit.*

40. *Et floris teneri primitias tulit*] Per florenti hic intellige virginitatem. Catullus in Carmine Nuptiali:

Cum castum amisit polluto corpore florem.

Ubi de Virgine loquitur, quæ corrupta est. Martianus Capella Lib. IX. pag. 305.

Aurora exoriens roseis spectabit ocellis

Floris resecti præmia.

E *Primitias floris* itidem dixit Venantius Fortunatus Lib. VI. de Nuptijs Sigeberti Regis, & Brunichildis Reginæ:

Virginitas in flore tuumens complexa, marito

Primitijs placitura suis ———

Cicero Philippica II. *Florem ætatis* appellavit, sicut & multi alij tam Græci, quàm Latini autores. Philo Judæus de Profugis: *Ἀκόλας ὁ γδ, ἡ μάχλας, ἡ περιόδιτις σοφίας, ἡ τὸ τῆς ὥρας ἀνδρῶν ἐπευὼν ἔσσα.* Impudica vel prostituta, vel trivialis fœmina; vel ætatis florem vilivenditans. Sic Achilles Tatius Lib. 1. *μηδὲ τὸ ἀνδρῶν πρὸ καὶ τῆς ἡλικίας ἀπολέσης*: neque florem ætatis tuæ autè tempus perditum eas. Ovidius Metamorphos.

Ætatis breve Ver, & primos carpere flores.

Lucretius Lib. 4.

————— flore fruuntur

Ætatis —————

O

Apulejus

Apulejus Apologiā : *Venit igitur ad eum nova A
nupta, secura & intrepida, pudore despoliata, flore
exoleto, flamineo obsoleto.* Tibullus Lib. i. Eleg. 8.

*At tu, dum primi floret tibi temporis atas,
Ut ere, non tardo labitur illa pede.*

Livius Lib. VIII. *Florem ætatis ejus fructum adven-
ticiū credidi ratus, pellicere adolescentem sermone
incesto est conatus.* Plura in hanc sententiam sup-
peditabit Nicolaus Abramus Notis suis doctissi-
mis ad 2 Ciceronis Philippicam.

Ibid. *Et floris teneri primitias tulit*] *Primitia*
pro primis rei alicujus initijs. Sic Ovidio, *primi-
tia operum* : Statio, *armorum primitia* : Am-
mian. Marcellino, *adultæ ætatis primitia* dicun-
tur.

44. *In suâ digressionē*] *Digressio* pro excessu,
seu morte. Itā totus in eo autor noster est, ut
cum vulgo non loquatur, sed suprà vulgum &
sapiat, & loquatur.

Pag. 131. vers. 52. *Si propinqua mortis instar ali-
cujus spectaculi imagine pervidisset*] *Instar*, & hoc
in loco, & paulo post subsequenti, ubi dicit;
*agger elatior veteris fundi instar, protuberantis humi
speciem demonstrat.* Nomen est, non Adverbium;
& sumitur pro similitudine, specie, imagine,
& quicquid rem aliquam repræsentat. Itā Ju-
stinus usurpavit Lib. XVIII, Cap. V. *Confluenti-
bus deinde vicinis locorum, qui spe lucrum multa hospi-
tibus venalia inferebant; sedesq; ibi statuentibus, ex
frequentia hominum velut instar civitatis effectum
est.* Unde illa loquendi formula; *ad instar*, hoc
est, ad similitudinem, ad exemplum. Idem Ju-
stinus Lib. XXXVI. Cap. 3. *Est namq; vallis, quæ
continuis montibus velut muro quodam, ad instar ca-
strorum clauditur.* Sic *instar equi* dixit Svetonius
in Cæsare Cap. 61. *Nec patientem sessoris alterius,
primus ascendit: cujus etiam instar pro æde Veneris
Genitricis postea dedicavit.* Ubi magnus ille Eras-
mus Roterodamus: *Instar, pro Signo, Substantivè.*
Et Beroaldus: *Instar, effigiem consimilem.* Sabelli-
cus: *Instar, effigiem, ad illius æquationem.* Itā &
Instar navalis belli, apud Florum reperies Lib. III.
Cap. V. pag. 228. *Centum amplius navium classē,
apparatumq; belli gravem, in Pontico mari aggressa
tempestas, tam fœdâ strage laceravit, ut navalis belli
instar efficeret, hoc est, speciem, similitudinem.*
Apulejus Lib. de mundo: *Ad hoc instar salutem
mundi tuetur Deus.* Valerius Maximus Lib. IV.
Cap. I. *Quid quod ædes suas diruit, quia excelsiore
loco positæ, instar arcis habere videbantur.* Glossæ:
Instar, Similitudo, ὁμοιωµα, ἀπὸ πρόσωπον.

Pag. 132. vers. 17. *Subiecta tenacula fauces*] Per
venacula hic intelligit funiculum seu laqueum,
quo suspensis halitus præfocari solet. Utitur
Terentianus Maurus in Præfatione:

*Angustq; tenaculo
Cerrat vincere ponderis,
In præceps, facilem fugam.*

21. *Axis uterque*] Josephus Devonius Ica-
nus Lib. 2. de Bello Trojano:

Amphitroniaden, axis quem laudat uterque.

26. *Prædictæ rei fides præsentibus locorum indi-
cibus exhibetur*] Prorsus igitur frustra nea est opera
Johannis Messenij, dum in libello quodam suo,
quem, *Sveopenta protopolin*, seu Exegefin de quin-
que primarijs & antiquissimis Svecorum Go-
thorumq; Emporijs, Upsalia, Sigtonia, Scara,
Birca, & Stochholmia, inscripsit, totus in eo est,
ut contra Saxonem nostrum (quem immerito
crebro vellicare conatur) evincat, nequaquam
hoc loci & circa Sigerstadium, famosum illud
& admirabile amoris & fidelitatis specimen ab
Hagbarto & Signe editum: sed potius in Svecia,
propè Sigtoniam. Verba ejus afferam, ut quàm
frivolis & stramineis pugnet hastis, quivis cor-
datus videat. Itā autem libri citati capite XII.
philosophatur. *Cum planities Haborina admo-
dum sit vicina & contermina civitati Sigtoniensi, de
ipsa hoc loco pertractans urbe, etiam mei ratus esse mu-
neris, de planitie memorata, alias famosissima, qua-
dam investigare, & rem gestam veritati confirmare.*
Potissimum vero cum Saxo ille Sielandus in sua con-
tendat accidisse Dania, hoc admirabile amoris & fide-
litis specimen, præter omnem veritatis similitudi-
nem circumstantijs & loco ipso reclamantibus. Enim-
verò præterquam quod ipsa de Haboris & Signes vul-
gatissimis amoribus, plurimis ante seculis, concinnata &
publicata cantio, ipsum Saxonem historiam contexen-
tem erroris arguat sæpissimè: etiam M. Laurentius Ne-
vicius, Upsalensis Archiepiscopus, fidelissimus antiquita-
tis investigator Svecanæ, certissimis permotus indicijs
& argumentis fallaciam in suo Chronico detegit Da-
nici Scriptoris hoc modo: *Hæc est Haboris historia
succinctè comprehensa, quam Saxo multis & eleganti-
bus persequitur verbis; verum apud nos in Svecia
alius longè sermo de isto vagatur Habore, velut etiam
ex perverustis heroicis & eroticis Svecicè conscriptis
cantilenis liquidò constat. Nempe, Haborem non fuisse
Svecum natione, sed Norvagum, & Signem Regis Sve-
ciæ filiam, atq; Haborem Regis Norvegiæ filium in
Uplandia, non procut Sigtonia, in planitie quadam, ho-
die etiam de illius nomine appellata, & è regione pa-
gi cujusdam, trans flumen, in parœcia Hætuna, Foresig-
tuna dicti, ubi quondam aula floruit regalis, collocata,
fuisse suspensum. Quomodo igitur veritati consen-
taneum, Haborem amoris illiciti pœnas persolvisse in
Cimbrica Chersoneso? Imò mihi nuper à fide dignissi-
mis narratum hominib; in ipsa planitie Haborina secus
decursum Meleri jacente, paucos ante annos quendam
accolarum, caudicem patibuli, in quo Habor circiter
annum salutis ducentessimum vigesimum secundum
laqueo strangulatus, ex terra eruisse, & plurimis homi-
num commonstrasse. Nec modicum etiam fidei nostræ
apponit sententia, quod prorsus è diametro dictæ plani-
tiei, fuerit regia habitatio, in qua Habor proditus,
captus, & morti adjudicatus, trans annum suspenden-
dus. Quæ verba cum Vir excellentissimus & in-
signis Historicus, D. Olaus Wormius, Lib. 2.*

Monu-

Monument. Danic. Cap. ult. nervosè admodum & solidè refutaverit, nolo hic actum agere; verum ipsius rationes & argumenta, quæ omnino digna sunt, nè illic tantum legantur, operæ est pretium, ut hic quoq; adducamus. Itaq; sic orditur Wormius: *Vides, inquit, candide lector, quibus arietibus hic homo, tantum autorem, de veritatis & existimationis arce deturbare conetur; sicut-
 reus scilicet & planè ineptis, quos vix examine dignos qui vis cordatus existimaret. Sed cum haud pauca etiamnum apud nos extant, quæ autoris nostri fidem firment, percurramus singula ejus momenta.* Saxo, inquit, in sua contendit accidisse Dania hoc ad-
 mirabile amoris & fidelitatis specimen, præter omnem veritatis similitudinem, circumstantiis, & loco ipso, reclamantibus. Insigniter impudentem hunc hominem esse oportet, qui audacter adeo de loco hoc, quem nunquam vidit, & asserere, & propalare audet, cujus contrarium ocularis docet inspectio. Locum à Saxone adductum, & circumstantias examinet, nisi omnia ad amissum historiæ respondeant, causâ ceciderim. Accede, monstrabo tibi adhuc Sigari urbem & Regiam, imò tumulum; monstrabo aulam Signes; monstrabo Hagbarti monticulum, ubi suspendio multatus, omnia suis nominibus adhuc cuius rusti, o accolæ notissima. Quin eodem in loco videbis Susam amnem, lucum, ex quo milites frondes decerpserunt, Valbrunnam, Haconis bustum, aliasq; omnes à Saxone nostro commemoratas circumstantias. Quæ si adeo clara in planitie Sigtoniana demonstraveris, te rationes probabiles hujus assertionis habere credam. Sed miror Saxonem nostrum tam sagaci oculo prævidisse futurum, qui ipsi litem, hac de re intentaret, dum in hæc prorumpit: Et ne cuiquam antiquitatis vestigia prorsus exolverisse credantur, prædictæ rei fides præsentibus locorum indicijs exhibetur, cum & Hagbartus pago vocabulum extinctus intulerit, nec longè à Sigari opido locus pateat, ubi plano paululum agger elatior, veteris fundi instar, protuberantis humi speciem demonstrat. Quæ omnia nostro etiamnum seculo, ab accolis monstrari, & in hodiernam usq; diem, de gestis eo in loco testari, mox ostendam. Pergit Saxonem erroris convincere ex Cantilenis ante aliquot secula concinnatis, atq; in subsidium vocat M. Laurentium Nericium, qui idem asserit: sed multò modestius honorificè Saxonis nostri injectâ mentione. Hic cantilenis quid tribuendum, docet ipse Nericius, dum vagabundos sermones pro fundamento eas agnoscere asserit: ac si nil esset aliud, Sueticis Cantilenis Danicas contrarias opponimus, ejusdem, si non majoris, fidei. Sed addit, planitiem non procul Sigtoniâ, ab eo denominatam, unâ cum aula regali, ibidem suspensum eum arguere. At universæ Historiæ refragatur series. Sigarus enim Danus fuit, ejus filia Signe Dana, in Dania Sigerstadio habitantes: Hagbartus verò Suecus (vel ut ille vult, Norvagus) qui in Dania, & quidem Sigerstadium, ad Signem venit, ibidemq; ea, quæ à Saxone referantur, perpetravit, ubi etiam captus & capitis damnatus. Quomodo igitur in Sueciam translatas, ut ibi suspendio multaretur? aut

A quomodo Signe in Sigerstadio Dania viasset Hagbartum prope Sigtoniam in scalis Gemonijs; & ipse vicissim in Suecia confligantem regiam, in qua Signe detinebatur, ut uno eodemq; momento simul perirent? Quis tam bardus, qui hæc non animadvertat? Sit planities in Suecia ab eo dicta, forsitan quod ibidem vel natus vel educatus, vel facinoribus clavis extiterit; sed ab ejus suspendio denominatam, nullâ veritatis specie affirmare potest. Suam subjungit experientiam; accepisse se in ipsa planicie Haborina, paucos ante annos, quendam accolarum, caudicem patibuli, in quo Habor circiter annum salutis 222. laqueo strangulatus, ex terra eruisse. Quis tam obtuse naris, qui hujus figmenti non odoretur fundamentum? Scribit Saxo noster quendam narrasse Absoloni, trabem se eo loci (prope Sigerstadium Sielandiæ) repertam vidisse, quam agrestis vomere glebam rimatus, offendit. Hinc Messenij relatio. Sit ita; quidam ibidem loci ante annos paucos invenerit lignum quoddam, nondum tamen caudicem patibuli Haborini fuisse ostensum est. Mille quadringentis & ultra annis, lignum sub terra, pluvijs, putredini, terræq; erosioni subiectum, durare posse prius demonstrabit, quam ipsi fidem adhibeam. Deniq; multum fidei, suæ sententiæ apponere existimat, quod è diametro planitie dictæ fuerit Regia habitatio, in qua Habor proditus, captus, & morti adjudicatus. Fuisse ibidem Regiam ipsi credimus, sed ibidem proditum, captum, & morti adjudicatum negamus. Nec ipse unquam probabit, reclamantibus omnibus Historiæ circumstantiis, ut supra docuimus. Ego potius hanc regiam favere sententiæ Saxonis arbitror, qui in Suecia natum refert Hagbartum, & forsitan in eadem hac regia, undè ab eo planitie nomen. Sed hæc incertissima relinquens, unicum non possum non monere, ex quo totius Messeniani discursus apparebit veritas. Concludit Nericij sui verba hoc Epiphonemate: Quomodo igitur veritati consentaneum, Haborem amoris illiciti pœnas persolvisse in Cimbrica Chersonefo? Quibus aut Saxoni nostro assueret tentat, eum dixisse Haborem in Cimbrica Chersonefo suspensum esse, quod ne per somnium cogitavit, imò cujus contrarium tota historia ejus (exactissimè, locum in medio Sielandiæ depingens) evincit: aut adeo est in Geographicis puer ac rudis, ut nesciat inter vastissimas vicini regni provincias distinguere, quarum limites vel ex vulgari mappa discere potuisset. Quid huic Historico de remotioribus scribenti fidentum, si tam bardus, aut cæcus in ijs, quæ præ foribus sunt? Sed desino tam palabiles nœnias extutere, cum qui vis vel leviter Saxonem nostrum cum novello conferens Scriptore, abundè videat, quantum distent ærva lupinis. Hactenus Wormius. Quin etiam (ut hoc de meo addam) ipsa Chronologia Messenium erroris arguit: quippe qui constanter asserat, circiter Annum salutis 222, in Suetia Hagbarthum laqueo strangulatum; quum juxta veriore nostratium calculum, Sigarus, qui isto supplicio filie suæ stupratorem Hagbartum, teste Saxone, affecit, Anno Christi 199, in

prælio propè Kalundeburgum cæsus occubuerit. Quomodo ergo demum post totos viginti tres annos, in crucem ivit Hagbarthus, Rege demortuo, qui ipsum patibulo suffixit? Ut vero illustrius totum hoc evadat negotium, dicti tractus topographicam subjungam delineatio-

A nem, quam ante annos non ita multos, quam fieri potuit accuratissime, consignavit Clariss. Vir, & insignis Mathematicus, D. Johannes Laurenbergius, Collega, & Amicus meus conjunctissimus.



29. *Abfaloni*] Archiepiscopo nempe Lundensi, qui diligens ac curiosus antiquitatum patriæ suæ investigator erat: quem etiam hæc Saxoni narrasse, vero proximum est.

35. *Alter siquidem familiaritatis, alter originis*] Nam alter, nempe Starchaterus, familiaritatis, quam cum Sigaro Daniæ Rege colebat; alter videlicet Hako, patriæ suæ, unde oriundus erat, respectum agebat.

45. *Oppidum ab Hesberno constructum*] Urbem Calundam intelligit, quam unâ cum adjunctâ arce & castello munitissimo, Nobilissimus Vir, & sago togâq; juxta præclarus, Esbernus Snare, Abfalonis Archiepiscopi germanus, ad portum hunc condidit Anno Christi M. C. LXXI. Ejus meminit Saxo infra Lib. XIV. Eâ tempestate Esbernus urbem Kalundam molitus, novi munimenti præsidio portum hostili piraticâ liberum præstitit.

Pag. 134. vers. 12. *Ut enim Gunnarus devictæ gentis ignaviam*] Variæ fuerunt antiquitus militares ignominie, quibus ignavos & rem male gerentes milites notabant castigabantq;. Romanis hæc fuerunt: *Hordeum pro tritico datum; are seu stipendio privari; extra castratendere; discingi; militiam mutare; stantes cibum potumq; capere*: quas ordine recenset & exponit Lipsius Lib. 5. de Milit. Roman. Dialogo VIII. Fuit hæc quoq; militaris animadversio, *jubere, ignominie causâ, militi venam solvi, & sanguinem dimitti*: ut

B Gellius tradit Lib. X. Cap. VIII. Apud Græcos Charondas lege statuit, eos, qui in bello ordines deservissent, in foro, per tres dies, sedere in vestibis muliebribus. Diodorus Siculus. Spartani eos, qui ignavia in bellis comperti essent, variè notabant. Non enim solùm (ait Plutarchus in Agefilao) arcentur omni magistratu & imperio, sed & dare alicui horum uxorem, aut ab eo accipere, infame est. Percutit autem & cædit eos, si quis vult obvivum: at illi ferunt, squalidi & humiles, palliâq; gestant colore aliquo tincta & inscripta. Partem etiam barbæ, quæ est ad labrum superius, sive mustaca, radunt, partem verò alunt. Gravi quoq; ignominia segnitiam suorum ultus est Oroles Rex Dacorum, de qua Justinus Lib. XXXIII: *Daci quoq; soboles Getarum sunt: qui quum Orole Rege, adversus Bastarnas malè pugnassent, ad ultionem segnitie, capturi somnum, capita loco pedum ponere, jussu Regis, cogebantur, ministeriaq; uxoribus, quæ ipsis antea fieri solebant, facere.* Itâ & Cyrus Persarum Rex Lydiæ iterum victis, in æternam ignominie notam, arma & equos ademisti, jussitq; cauponas, & ludicras artes, & lenocinia exercere. Idem Justinus Lib. 1.

13. *Rektoris loco canem eis præponi curavit*] Sie & Distenus quidam, Vplandiæ Regulus, sed verus tyrannus, Trondhemenfis canem rectorem olim præfecit, teste Snorone Sturlesonio in Chronico Norvagio pag. 73. Interfecto etenim à Trondhemenfis, quos varijs cladum generibus vexaverat, filio Disteni, is irâ & furore pere-

percitus, cum maximis copijs & validissimo exercitu in territorium Trondorum irrumpit; omniaq; passim loca ferro & igne populatur. Tandem devicta Trondorum genti hanc detulit conditionem, ut vel seryum nomine *Faxe*, vel canem suum, cui *Sær* nomen erat, in Regem sibi eligerent. Illi statim canem, abjectissimæ fortis homini prætulerunt: existimantes, se sub belluâ majori libertate fruituros. Ne verò Regem haberent omnis plane rationis expertem, incantationibus, & vi magicâ tantum Sapientiæ ipsi ingenerarunt, quantum tribus sufficeret hominibus. Duo verba latrando edebat, sed tertium articulata voce proferebat. Aureâ catenâ vincebatur: si quando cælum erat pluvium, aut lutosa via incedendum, humeris eum suis proceres gestabant. Palatium habuit in Vdreoi, in colle, de ipsius nomine *Særhøi* / appellato, situm. Tandem à lupis frustatum est discerptus.

37. *Moxq; ab Alvero tyrannide donatus*] Hoc est Præfecturâ aliquâ vel Satrapiâ. Sicut enim *Tyranni* vocabulum frequenter usurpat Saxo pro Rege, vel Dynasta, aut Satrapa: ita non hoc solum in loco, sed & alibi passim, *tyrannidem*, pro regiâ potestate, seu quovis dominio, ponere consuevit.

39. *Animum cum loco mutare passus non est*] Ergo suo exemplo verum esse comprobavit. πολυθρόνητον istud: Cælum, non animum, mutant, qui trans mare currunt.

Pag. 135. vers. 3. *Lævos curvatis de industria ramis annecteret*] Similis omnino crudelitatis supplicium fuit, quo in milite puniendo, qui adulterium cum hospitis uxore commiserat, usus est Divus Aurelianus Imperator, severitatis immensæ disciplinâ singularis. Duarum etenim arborum capita inflectens ad pedes militis deligavit, eademq; subito dimisit, ut scissus ille utrinq; penderet. Flavius Vopiscus in Vita Aureliani, pag. 271.

7. *In proprio plus lare Hanonem valere*] Danico Idiomate ad verbum sic sonat: *Hane er Njemme Kligeft*: Huc facit illud πολυθρόνητον: Gallus in suo sterquilinio plurimum potest. Quod desumptum est ex Senecæ Ludo de morte Claudij Cæsaris: *Claudius*, inquit, *ut videt virum valentem, oblitus nugarum, intellexit neminem sibi parem Romæ fuisse, illic non habere se idem gratiæ: Gallum in suo sterquilinio plurimum posse.* Simili proverbio Germani vulgo dictitant: *Canem in suo sterquilinio, sive in suarum ædium vestibulo, ferociorem esse.* Sensus est: In alieno timidiore sumus omnes, in suo quisq; regno ferocior est & animosior. Et certe, Domus sua tutissimum cuiq; refugium. Hinc Xenophon VII. Pædiæ Cyri: ὁδὲ ὁ σιωπερὸν χωρεῖον ἐν ἀνθρώποις, ὁδὲ ἡδίων, ὁδὲ ὁ σιωπερὸν ὄστιν ὁδὲν οὐκ ἰδίῃ. Hoc est: Neq; san-

A *tior locus hominibus est, neq; gratior, neq; magis proprius quisquam sua cuiq; domo.*

24. *Soluta virginittis cingulo*] Hic Saxo Hancofurtenfis substituerat vinculo, magis cum injuriâ, & ipsius Saxonis & eius uxoris animi tatis. Quod enim hic Saxo *Cingulum* inquit, id conciliis *Zonam* solvere dicit Catullus Epigramm. 2. *Quod Zonam solvit diligitur*

Pag. 136. vers. 11. *Undecim simul admissos prosternit*] Igitur octidui spatio et idem VII. pugiles obtruncavit. Quæ summa ex numero præcedente, in unum collecto, emergit. Adde illa quæ sequuntur infra:

Unum quando duosq;
Tres ac quatuor. & mox
Quinos, indeq; senos,
Post septem simul octo,
Undenos quoq; solus
Victor Marte subegi.

C 28. *Sudo prognati sanguine fratres*] Diu me hic locus exercuit, dubitantem & animo in varias sententias huc illuc distracto volventem, quid per *sudum sanguinem* intelligeret autor? Tandem quum nihil temere hic mutare ausim, retinendam hanc duxi vocem, quæ per Metaphoram hic posita videtur, pro *Splendido, claro & illustri* sanguine, hoc est, generoso & regio Stemmate. Papias: *Sudum, serenum post pluvium, splendidum, purum, divum, lucidum.* Solet etenim Saxo vocabulis translatis frequenter uti, unâq; voce, pro altera posita: ut antea, *incedere vitæ genus*, pro *ingredi*; *Digressionem* pro *excessu* sive morte usurpavit.

33. *Quem specular vernans varij calaminis ornat*] Hæc iterum translata se offert locutio. Capiendum verò omne hoc existimo de Clypeo ad tantam lævitatem exposito, variisq; figuris ita ad vivum depicto, vel ut ipse mox loquitur, *multicolore picturâ* exornato, ut in eo tanquam in nitidissimo speculo, pascere oculos, & varia bella, variaq; facinora Hildigeri, non sine summa voluptate, speculari & contemplari liceret. *Specular*, quod & *Speculare*, & *Specularium* dicitur, idem est quod *Speculum*. *Specularia* Senecæ Epist. 87. pro fenestris vitreatis: *Quantæ rusticitatis damnant nunc aliqui Scipionem, quod non in suum Caldarium latius specularibus diem admiserit.* Et Martialis Lib. VIII.

Hybernæ objecta Notis specularia pueros
Admittunt Soles, & sine face diem.

Specularia etiam è speculari lapide transluce- do olim facta, quæ variū usum præstabant. Eleganter Augustinus in Sermone quodam: *Solis radius penetrat specular; nec cum ingreditur, violat, nec cum egreditur, dissipat. Quare & in ingressu & egressu ejus, specular integrum perseverat.*

34. *Et miris laqueata modis tabulata coronant*] Antiquissimum scutorum genus, ab ipsa quasi naturâ suppeditatum, ex crudis arborum corticibus fuit. Valerius Flaccus Lib. VI. Argonautic. de Clypeis Germanorum, Pontum quondam & ostia Istri accolentium:

Quos duce Teutagone, crudi mora corticis armat.

Et Statius Thebaidos VIII. de Græcis:

Tela, rudes trunci; galeæ, vacua ora leonum:

Arbores dant scuta sinus —————

Ubi *Sinus* vocat *Cortices*, qui non fuerunt plani, sed sinuati, ut natura arboribus circumdederat. Deinde ex vimine conficiebantur scuta: quibus omnes ferè orbis terrarum gentes usas reperio. Sic Sallustius scribit: *Lucrinos vimine scuta conficere, & corio tegere corpus: quod multis alijs populis in usu. ipsi ῥέπας vocant.* Tacitus Annal. Lib. II. *Non lorica Germano, non galeam; ne scuta quidem ferro nervove firmata, sed viminum textus, vel tenues & fucatas colore tabulas.* Postea scuta clypei; ex tabulis sectis, vel singulis, ijsq; corio obductis, vel pluribus coagmentatis & condensatis, ne faciliè tela penetrarent. Indicat præter Tacitum loco jam citato; Varro de Lingua Lat. *Scuta dicuntur à sectura, quòd sectis conficerentur tabulis.* Et Plinius Lib. XVI. Cap. 40. *Frigidissima* (inquit de arboribus) *quæcunq; aquatica, lentissima, & ideo scutis faciendis aptissima: quorum plaga contrahit se protinus, eluditq; suum vulnus, & ob id contumacius transmittit ferrum.* Talis fuit clypeus Hildigeri, qui ex laqueatis tabulatis, hoc est, ex tabulis sectis condensatis compactus erat.

37. *Medioxima nati*] Ordo verborum hic esse potest: *Species nati*, id est, imago sive figura filij mei, *conspicuo celamine illita*, id est, vivis coloribus depicta & adumbrata *constat*, extat, conspicitur, *medioxima*, media, vel medio scuti loco, in clypei mediotullio. *Medioximus*, a, um, Plauto alijsq; usitata vox est, ut plurimum medium aliquid denotans. Sic Cistellaria, Actus 2. Sc. 3. *Medioximam mulierem* vocat, quem medio loco uxorem duxit:

————— *Medioximam, quam duxit uxorem, ex ea*

Nata est hæc virgo Alcesimarcho quæ datur.

Eidem *Dij medioximi* Sc. i. Cistell. dicuntur:

Atq; ita me Dij deæq; superi, atq; inferi & medioximi. Nonius: *Medioximum*, id est, medio actum modo. Festus: *Medioximum*, id est, mediocre. Occurrit etiam in posterioris ævi Scriptoribus. Ità Sidonius Apollinaris Lib. IX. Epist. 3. *Ibi te inter spiritalis regulas, vel forenses, medioximum quiddam concionantem &c.* Marbodæus Cænomanensis Cap. VII, de Gemmis:

Chalcedon lapis est hebeti pallore refulgens

Inter Hyacinthum medioximus atq; Berillum.

39. *Cui manus hæc cursum metæ vitalis ademit*] Subobscurè indicare videtur, se planè invitū, & casu quodam prorsus infelici, filium suum vitâ spoliassè; cujus interitum mox deplorans, de

A mala sorte conqueritur, quæ unicum gaudium, quod ex nato sibi filio perceperat, subito in luctum converterit, & risum mœrore mutaverit, amisso filio unico, hærede, & matris solamine.

40. *Una paterni cura animi*] Qualis Ascanius ille, de quo Maro:

Omnis in Ascanio cari stat cura parentis.

46. *Fatorum præscius ordo*] Miles quidem ex Cannensis cladis reliquijs, apud Livium Lib. 25; noxam, cujus argueretur, coram Cōs: Marcello purgans: *Si non Deum irā, nec fato, cujus lege immobilis rerum humanarum ordo feritur, sed culpa perijimus ad Cannas; cujus tandem ea culpa fuit?*

50. *Ob tam feram fraterni vinculi confessionem*] Quod tam ferro confessus esset se sanguinis propinquitate ipsi conjunctum esse. Vinculum fraternum dixit, pro germanitatis illo nexu, quo eos inter se junxerat stirpis ejusdem communio: quomodo vincla jugalia & connubialia, apud Virgilium & Statium Legimus. Valerius Maximus Lib. 2. Cap. 1. *Manifestum igitur est, tantum religionis sanguini & affinitati, quantum ipsis dijs immortalibus tributum: quia inter ista tam sancta vincula non minus quàm in aliquo sacrato loco nudare se, nefas esse credebatur.* Elegans est locus Eucherij, Episcopi Lugdunensis, sub initium Epistolæ Paræneticæ ad Valerianum cognatum, de contemptu mundi: *Benè alligantur vinculo sanguinis, qui vinculo consociantur amoris. Sic & nobis quoq; admodum gloriari pro hoc ipso Dei munere licet, quos perinde charitas ut propinquitas necit, coarctantq; in unum affectum duæ necessitudines, quarum alteram à parentibus carnis nostræ accepimus, alteram à nobis sumpsimus. Geminum hoc vinculum, quo confederantibus nos hinc genere, hinc dilectione connectimur, hæc me paulò latius ad te exarare compulit. Vinculum congregale dixit Terentianus Maurus de Syllabis agens:*

————— *Syllabam Græci vocant*

Ore quod simul profectæ copulant unum senum: Vinculum nam signat ista congregale dictio.

Pag. 137. vers. 2. *Conditionem proco intulit*] Suspecta mihi primum hæc fuit lectio, donec animadverterem recurrere eandem formulam infra Lib. IX, ubi Saxo parili modo loquitur: *At Ludovicus summo amplificandæ religionis ardore confertus, conditionem barbaro intulit. Intulit ergo pro obtulit, detulit, positum.* Ità & paulò post hoc ipso libro: *Hæc ut erat gravitate atq; industria ante alias præstans, conditionem proco attulit, non ante se ei nupturam præfata, quàm Daniam sub dotis nomine recepisset.* Sic Svetonius Cæsar: Cap. XXVII. *Sororis suæ neptem, quæ C. Marcello nupta erat, conditione ei detulit.* Ubi conditionis vocabulo (sicut & Claud. Cap. XXVI. & Galbæ, Cap. V.) pro conjunctione, vel pactione nuptiarum sponsaliorumve usus est, ut & alij auctores, præcipuè J. Cti. E quibus Cajus, in renunciatione nuptiarum hæc verba probata esse ait:

Con-

Conditione tua non utar. Sed & Festus: Conventa A superioribus, à Cæsariânis, in Daniam irrum-
conditio dicebatur, cum primus sermo de nuptijs, & pentibus, miserandum in modum devastatum.
earum conditione habebatur.

41. *Cessim ebrietate labantes*] Hoc est, incertis & titubantibus vestigijs plus retrocedentes, quàm accedentes præ nimia ebrietate, quâ obruti adeo erant, ut neq; pes neq; manus suam faceret officium. Hoc etenim significat *cessim labare*, Sicut Justinus Lib. 2. Cap. 12. pag. 58. *cessim ire*, pro *cedere* dixit: *Aut si hoc parum tutum extat, vos commisso prælio ite cessim, inhibere remos, & à bello discedite.* Ad quem locum Doctissimus Berneggerus, & de Justino, juxta ac alijs autoribus in lucem editis, præclare meritis, adducit Varronis Versus apud Nonium:—

Vereor ne me quoq;, cum domum ab Illo

Cessim revertero, præter canem cognoscat nemo.

Eadem ratione Plautus Casina Actus 2. Sc. 8. v. 7.

Recessim cedam ad parietem, imitabor nepam.

Et Amphitru. Act. 5. Sc. 1.

Ego cunas recessim rursus vorsum trahere & ducere.

Martianus Capella Lib. VIII.

Cessimq;, formidantes

Abeunt pedes tremore.

Titubansq;, moliensq;

Hæret, redit, recurrit:

Quæ verba in animo & oculis habuisse videtur Saxo. Glossarium: *Cessim, gradatim.* Apulejus Lib. 2. Metamorphos: *Lagena orificio cessim de-* D
hiscente patefscens: ut rectè emendavit Colvius, *Cessim*, inquit, *id est, retrò.* Alfensus Jctus: *Interim superius plostrum cessim ire cepit.*

54. *Dependentis pygam sagittâ confixit*] *Pyga,* πυγή Græcis, proprie nates sive clunes denotat: interdum etiam caudam salacem. Unde *Pygiata fura*, sive *Pygiata*, apud Petronium, pro obsceno Veneris exercitio. Horatius Lib. 1. Sat. 2.

Ne nummi pereant, aut pyga, aut deniq;, fama.

Ne pereat pyga, id est, ne nates vapulent. Nam de ijs loquitur, qui in adulterio deprehendebantur. Intelligit igitur Saxo non vestis laciniam, sed potius nates sive clunes, quibus confixis, magnum ruborem Haraldus contraxerat. Hesychius: *πυγή, το καϊσμου.*

55. *Haraldus plus ruboris sibi quàm opis*] Deforme etenim hoc vulnus erat, non tam quòd aversum, quàm quod illa corporis parte acceptum. Ità Saxo suprâ de Hildigisleo loquitur, qui *ambas nates* telo trajectus fugâ sibi consuluit; *Quæ res*, inquit, *insectandorum risu Teutonum occasio extitit,* quòd opprobrij notâ plaga deformitas non careret.

Pag. 133. vers. 7. *Cujus memini*] In præfatione videlicet: *Verum apud Blekingiam apta meantibus rupes mirandis literarum notis interstincta conspicitur.*


16. *Perpes oppidi vocabulum indicat*] Nempe Natherstloß quod oppidum hodieq; in Jutia Australi extat, antehac satis splendidum, sed annis

superioribus, à Cæsariânis, in Daniam irrum-
 pentibus, miserandum in modum devastatum.

20. *Pendente bello*] Sicut Jctus: *Pendente lute.* Barn. Briffonius in Lexico Juris: *Pendere conditio, diesve dicitur, cujus adhuc eventus expectatur. Pendere etiam, seu in pendenti est, quicquid in suspensio est.*

23. *Tacitâ fortunæ consuetudinē fretus*] Quia sciret se singulari quadam indulgentia Othini, ferro quassari non posse, omniaq; tela ad se ledendum inhabilia esse, ut paulo antè commemoravit. Alioquin doctus erat Haraldus *horridum militem esse debere, non celatum auro argentoq;, sed ferro & animi fretum.* quippe illa prædum verius, quàm arma esse, utentia, ante rem deformis inter sanguinem & vulnera. Virtus enim est manu deus, & omnia illa victoriam sequi; & decem blyem quatuor pauperis victoris præmium esse: ut eleganter de apparatu armorum loquitur Livius Lib. IX.

44. *Universam aciem*] Locum hunc difficillimum sequenti explicatione illustravit Collega meus, Joh. Laurenbergius, Mathematicum Prof: simulq; totius aciei schemata appositum; ex mente Saxonis, meam in gratiam delineavit. Tres, inquit, aciei turmae, à Saxone descriptæ intelliguntur turmae primipilares, seu Antesignanæ, quas reliqua militum manus consequitur. Duæ extremæ vicenariâ ratione densantur. Habent enim in corpore quadrato vicena capita, in universum singula, 400. Media peculiari-
 ter in Coni seu Pyramidis acumen digesta est, & alias utrimq; discretis ad formam laterum ambagibus obliquat. Omnes autem frontem possident à duobus inchoatam, & incremento unitatis surgentem: extremæ, usq; dum alas ex-
 quent, seu illis in linea recta constituentur, & ultimo ordini numero lateris pares fiant. Hæc frons pyramidalis capita comprehendit 209: & universa turma 609: Media vero viginti viro-
 rum numero porrectior aut major est: nam à duobus ordinatim progressâ serie ad 35, totus ille cuneus, seu σφινγεῖς turma, continet Capita 629, quæ viginti viro-
 rum numero extremas turmas superat. Cornua terna denis ordinibus formata, figuram obtinent platiâ, ut deni in singulis stent ordinibus. Alæ funditorum, ad
 latus ut plurimum locari solitæ, cæteris ordinibus annectuntur. Id περὸς ἄκρας appellant. ταχὺ ἀρχαί, & in agmine procincto frequenter usurpant: ne scilicet solæ extra corpus exercitus
 protuberantes, recessu suo ampliora requirant viarum spatia: quod gnaris locorum supputatoribus apprime consideranda est. Reliquum aciei corpus, definito numero aut mensurâ non
 includitur. Postrema acies, primæ tum figurâ, tum numero æqualis, tergo totius agminis affluitur, sed adversa fronte, ut si usus postulet, aut hostis retro ingruat, facili singulorum militum conversione, totus exercitus in pristinam formam integretur.



Pag. 139. vers. 10. *Multivolâ rates hosticas reflexione circumdaret*] Putabam legendum esse, *multivagâ reflexione* ; sicut *multivagum Luna flexum*, Plinius Lib. 2. Cap. 10. *Multivagas Scytharum domos*, Seneca Tragœdus dixit. Nam *multivola mulier* Catullo est, quæ multa vult & cupit. Naves quidem *velivolâs* eleganter appellavit Lucretius Lib. 5. v. 21.

Tum mare velivolis florebat navibus ponti.

19. *Fœmineâ admodum præsumptione permotus*] *Præsumo*, est nimium mihi fumo, audax, impudens sum. Hinc *Præsumptio* apud mediæ ætatis Scriptores pro superbia, cum quis nimium sentit de suis viribus, & audaciâ, confidentiâ. Unde *Præsumptuosus*, plenus præsumptionis, audax, impudens. Sidon. Apollinaris Lib. 1. C. Plinij disciplinam maturitatemq; vestigijs præsumptuosus insequitur.

24. *Subarmali tantum subucula fretus*] *Subarmalis* est ὑπὸ πλοῖς, cui contraria ἐπὶ πλοῖς. Martianus Capella Lib. V. pag. 136. *Subarmalis* autem vestis illi, peplo quodam circa humeros involuto, latraliter tegebatur.

35. *Aquitaniâ armis perdomuit*] Occasionem, quâ Haraldus noster expeditionem hanc in Aquitaniam susceperit, cum & ipse Saxo, & qui Saxonem additamentis suis illustrare hætenus aggressi sunt, alto silentio transmittant, nos eam ex Dudone Veromandensi strictim recensendam duximus, qui Lib. III. de Actis Normannorum, latè eam persequitur. Ludovicus Rex Gallix, Caroli Simplicis filius, Vatiniano, adversus Normannos, qui Aquitaniam incolebant, odio exardescens, totam gentem illam funditus delere, omnemq; Normanniam, suam in potestatem redigere, apud animum suum assiduè cogitabat. Inprimis Richardo Normannorum Duci, insidias struere non cessavit, frigidam suffundentibus, & malam Ludovici mentem furialibus stimulis subindè concitantibus, Herlvino Comite, alijsq; Consiliarijs & aulicis, qui neq; Northmannicæ genti optimè favebant. Quare Northmannorum optimates miserunt ad Haraldum, (quem Dudo Haigroldum vocat) Regem Daciæ (verba jam Dudonis cito) nobilioris & ditioris potentiæ milites, ut Richardo, Vilhelmi Magni Ducis filio, consanguineo suo succurrere festinaret, quia Rex Franciscæ gentis, totius Northmanniæ Monarchiam vendicabat sibi, auferens omnem honorem puero Richardi propinqui sui, Legatos Northmannorum honorificè suscepit; constructisq; navibus, hisq; cibarijs & militibus repletis, ad littora Salinæ Corbonis, quâ Diva rapido meatu procelloso mari se infundit, cum incredibili tyronum multitudine, citius quàm quivis venit. Quid multis? Prælio cum copijs Gallicis commisso, Francos asperriamæ cædæ prostravit, Regem Ludovicum fugavit & cepit, & in ipso certamine quater quaternos Comites, & in his Comitem Herlvi-

num, fratremq; ejus Lambertum, interemit. Hæc causa fuit expeditionis Aquitanicæ ab Haraldus susceptæ.

Pag. 140. vers. 6. *Ut quod alij armis, ipse oculis in hostem ageret*] Solent quippe truces isti ac torvi oculorum contuitus non minimum terroris hosti incutere. Plinius in divino illo Panegyrico de optimo Principum Trajano: *Nec tibi optima defuerint, si quis Regum venire in manus audebit: nec modò telorum tuorum, sed etiam oculorum, minarumq; conjectum, toto campo, totoq; exercitu opposito perhorrescat.* Sed & de se Julianus apud Ammianum Lib. XXI. *Spondeo, si ventum fuerit cominus, ita pavore torpescent, ut nec oculorum vestrorum vibrata lucis ardorem, nec barritus sonum perferant primum.* Ità Galli de Germanis confellit sunt, sæpe numero sese cum his congressos ne vultum quidem atq; aciem oculorum ferre potuisse: Cæsar Lib. 1. Bell. Gall. Vide sis plura in Horis Subsecivis Camerarij, & in varijs Discursibus C. Jani Gruteri ad aliquot insigniora loca Taciti.

7. *Vibrante luminum acritate terreret*] Revera Oloni huic oculi fascinantés fuere: quales sunt illis, qui binas pupillas in oculis habent. Strabones quoq; glaucos, micantes, & terribiles oculos habentes, quæcunq; fixis & iratis oculis aspiciunt, fascino inficiunt. Et ego hisce oculis Romæ quendam Hispanum genere vidi, quem nominare non licet, qui cum truculentis oculis, tetro atq; irato vultu, servum, ob nescio quid, objurgasset, adeo servus ille timore ac terrore perterritus fuit, ut non modò fascino affectus, sed rationis usu privatus fuerit, & melancholico humore totum ejus corpus invadente, ità ad insaniam redactus fuit, ut in domo sui heri, propè Ecclesiam Divi Jacobi, sibi mortem consciverit, & laqueo vitam finiverit. Leonardus Vairus, de Fascino, Lib. 1. pag. 51.

Pag. 141. vers. 31. *Quo certius susceptorum mores*] Quinam sunt hoc in loco suscepti, an susceptores? Puto autorem intelligere hospitio susceptos, id est, hospites.

36. *Spiritusq; liberius meare cœperat*] Omnino legendum erit *meare*, pro *in ea re*. Nam & incomparabilis Historicus Q. Curtius, quem in nonnullis Saxo noster imitatus est, eadem ferè verba habet Lib. 3. Cap. X. pag. 48. Editionis Raderianæ: *Inter hæc liberius meare spiritus cœperat.* Item Lib. VIII. pag. 498. *Hic calor stupentia membra commovit, paulatimq; spiritus, quem continuerat rigor, meare libere cœpit.*

52. *Spe metum levante*] Forte Saxo oculos animumque intendit ad illud Valerij Maximi Lib. 2. Cap. 4. *Eo prædicto magnoperè confusus, quod & longa & periculosa navigatio imperabatur: spe tamen dubia præsentem metum vincente, pueros ad ripam Tiberis protinus dedulit: vel quod de Stephano Protomartyre circumfertur:*

Ibat ovans animis, & spe sua damna levabat.

Pag.

Pag. 142. vers. 18. *Leotarum Monaster cognomine*] Hoc antea cognomen desiderabatur, quod ex Veteri Codice, cujus ad oram ascriptum id fuit, supplendum duxi: quem propterea omnino existimo ad MS exemplar emendatum esse.

13. *Ferrum cavatis baculis condendum*] Ejusmodi virgæ, fustes, sive conti, in quibus, tanquam in vaginâ, ferrum acutum, sive pugiones latebant, *Dolones* dicebantur. Svetonius Claudij Cap. XIII. *Reperti & equestri ordinis duo, in publico, cum dolone ac venatorio cultro præstolantes.* B Servius enarrans illud Virgilij VII. *Æneid.*

Pila manu, se vosq; gerunt in bella dolones:

ait *Dolonem* flagellum esse, intra cujus virgam lateat pugio: *Dolones* autem à dolo, sive fallendo dici, quod decipiant ferro, cum speciem præferant ligni. De tali *Dolone* Epigramma est. B. Ennodij, cui titulus, *De Spatha in fuste:*

Utimur incluso, per fraudes, ense bacillo;

Mors ligni tunicis quàm bene tecta latet!

Subsidium portas, quod cunctis terror haberis,

Pacificum nobis, quod negat, obsequium est.

16. *Se Egentium Regem fuisse*] Nescio an alijs nationibus in usu sit tam augustæ [si dñs placet] majestatis dignitas. Nobis *Egentium Rex* dicitur *Graader Konge* / qui fere omnibus in urbibus regnum apud nos possidet. Is homo plerumq; esse solet provecæ ætatis, albicante barbâ & capillo, qui longum secum ducens mendicorum agmen, ad fores divitum excubat, tandemque opimâ ciborum, vel interdum pecuniæ, prædâ D receptâ, eam inter subditos ex æquo distribuit. Sceptri loco ingentem baculum sive contum, gestat, quo murmur tumultuantis plebeculæ compefcit..

37. *Familiarius, quàm utilis, colebat*] Quia ab eo postmodum interfectus; ut legere est sequenti mox libro.

38. *Finitimorum Regum petulantiam opinionis suæ magnitudine castigavit*] *Castigavit*, id est, repressit, cohibuit; illustri nominis famâ, ac rerum à se fortiter gestarum celebritate metum, terroremq; illis incussit. Varius est verbi hujus usus. Sic Galterus, qui claruit circiter annum M. C. LX. Libro I. *Alexandreidos*:

Jam rude donatus, fatigq; premientibus annos

Curvus, & in pexos castigat laurea crines.

Idem *Castigare pontum multo verberare* dixit eodem libro, fol. 9.

Haud segnes, per transraparant assurgere dicto

Principis, & multo castigant verberare pontum.

Item *Castigare moras*, Lib. IV. fol. 46.

Aurea cruce tenus serpens descendit ad imos

Squama pedes, natum mordacis acumine dentis,

Castigare moras, & pernas addere plantis.

Gvillermus Brito Armoricus Lib. VII. *Philippidos*, p. 305:

Inde rotundavit rupem, quæ celsior omni

Plantie, summum se tollit in æera sursum,

Et muris sepsit, extremas desuper oras,
Castigansq; jugi scrupulosa cacumina, rotum
Complanat medium.

41. *Ab ipsoq; maritimâ pralatione donatus*] Hoc est, summâ rei nauticæ administratione. Itâ passim loqui amat Saxo cum medijs & sequioris ævi Scriptoribus. Ordericus Vitalis Ecclesiasticæ Historiæ Lib. I. pag. 325. *Legifer etiam noster sic admonet homines, ne audeant in infirmâ ætate prædicare, seu temerè pralationes appetere.* Guillelmus Brito Armoricus *Philippidos* Lib. V. pag. 287.

Et sic natus erat regi patruelis; at illum

Nil juvat Ecclesiæ prælatio, nil sacer ordo.

Idem *prælaticam sedem* dixit pro sede Episcopali, vel aliâ quavis dignitate Ecclesiasticâ; Lib. VIII. pag. 324.

Nam quotiens, pastore carens, prælatica sedes

Civili leto, naturalive vacasset.

C Hinc præferre est aliquem dignitate aliquâ ornare, sive alicui muneri præficere. Hericus Monachus Altiissiodorensis *Vitæ S. Germani* Lib. I. pag. 13.

Cum te frænanðis Romana industria terris

Prætulit, & patriæ patremq; ducemq; tuenda

Credidit esse virum.

Ubi *prætulit*, est, præfecit. Lupus, Abbas Ferrariensis, Epistolâ XXVIII. de Aquitaniz tutelâ: *Tertiæ vero prælatus est Reindardus, Comes Engolismæ constitutus.*

Pag. 143. vers. 2. *Civibus etiam onustus existeret*] *Corculum Musarum* Barthius, legendum suspicatur *civibus onus suis*. Verum *onustus* hêic idem Saxoni est, qui *onerofus*. Expressit enim, etiam hoc in loco, Valerium suum Maximum, cujus hæc sunt verba Lib. IX. Cap. II. de Ocho Rege:

Crudeliorem mortis rationem excogitavit, quâ onustos sibi, non perrupto vinculo religionis, tolleret; & prout in MS. Codicibus legitur; & præcipue eo, quem Saxonem nostrum semper ad manum habuisse nullus dubito, descriptum manu Ab-

solonis, Archiepiscopi quondam Lundensis, qui hodieq; in Bibliotheca Hafniensi asservatur, mihiq; in emendando Saxone, maximo sanè usus fuit. Quin & ipse Pighius, optimè de Valerio meritis, in Annotationibus suis, pag. 101. non diffitetur in Manu exaratis libris reperisse se

re onustos scriptum; quamvis ille, territus fortè monstro vocabuli, eâ scilicet notione positi, onerosos legere præoptet. Similis verò locutio occurrit infra Lib. XI, in Historia Canuti Sancti: Qui cum fratrum suorum turbam juvenilitate intemperantem patriæ onustam. Repetitur eadem vox multoties Lib. XIII. & XIV. Hinc onustari, pro onerari, dixit Junilius, Episcopus Afer, Comment. in Genesin: In Vere enim solent herbae virentes apparere in terra, & ligna pomis onustari.

NOTÆ VBERIORES IN LIBRUM VIII. HISTORIÆ DANICÆ SAXONIS GRAMMATICI.

Pag. 143.
vers. 24.

Memoria magis, quàm literis traditam] Itascribendum duxi, pro traditum, quod priores Editiones constanter retinuerunt; traditam nempe Historiam. Nisi quis svadeat reponendum tradito, ut respondeat τῷ eloquio. Sensus autem hic erit; Historiam belli Svecici, quam Starchaterus, Danicæ admodum Poëseos peritus, vernaculâ conscripsit linguâ, non consignatam exitisse literarum monumentis, quum Saxo eam describendam susciperet: verum potius in recenti quasi memoriâ hominum hæsisse, atq; ita se eam ex aliorum relatione accepisse. Liceret etiam hunc locum ita concipere: Historiam belli Svecici Starchaterum, qui & ejusdem prælii præcipuum columen erat, primum Danico digessisse eloquio, memoriæ magis, quàm literis traditum. Sed cordatus Lector expendat.

28. Neq; enim mihi multitudinem complectendi cupido incescit] Evidentissima Valerij Maximi imitatio. Totidem enim verbis ille in Præfatione sua ad Tiberium: Neq; mihi cuncta complectendi cupido incescit.

31. Ex Ducibus qui ad Haraldum coierant, clarissimi noscuntur] Magna in nominibus Ducum & militarium virorum, qui tam sub Haraldo, quàm Ringone, in Svecico hoc bello, stipendia meruere, obscuritas, magna confusio, & circumscripta. Igitur operæ pretium duxi novam quandam Nomenclationem accuratâ serie digestam, & versione Danicâ vetustissimâ ex Codice MS. depromptâ, juxta ac Velleji recentiore, illustratam, oculis benevoli Lectoris subjicere, quæ sic habet:

I. RECENSUS DUCUM ET FORTIUM VIRO- RUM, QUI AD HARALDUM DANICÆ REGEM COIERANT.

LATINE.

DANICÆ.

1. Sven.
2. Sambar.
3. Ambar.
4. Elli.
5. Rati Fionicus.
6. Salgarthus.
7. Roë, quem barba prolixitas cognomento insigne effecit.
8. Scalk Scanicus.
9. Alf Aggi filius.
10. Olvir Latus.
11. Gnepia vetulus.
12. Gardhstang oppidi cultor.
13. Blend, ultimæ Tyles incola.
14. Brand, Micæ cognomen habens.
15. Thorny.
16. Thorvingus.
17. Tatar.
18. Hialto.
19. Hortar.
20. Borrhy.

1. Suend.
2. Sambar.
3. Ambar.
4. Elli.
5. Rathi aff Fnu/ (Fynbo)
6. Salgath (Salgarthi)
7. Ro him Ekeggede. (Roë Langstæg)
8. Skalk Etoning.
9. Alf Aggesen. (Aggisson.)
10. Olvir him brede. (Hærde bred.)
11. Gnep (Gnep) him gamle.
12. Gordstang (Gaardstang Stadbyggere)
13. Blend aff Tylho. (Blend aff Tello)
14. Brand Wng (fortè Wince.)
15. Thorny.
16. Thorving.
17. Tathar (Tatar.)
18. Hialte.
19. Hortar.
20. Borrhy.

21. Belgi.

LATINE.

A

DANICE.

21. Belgi.
22. Begathus.
23. Bari.
24. Toli.
25. Haco genam scissus.

26. Hetha.
27. Wisna.
28. Tummi velificator.
29. Webiorga.
30. Bo Brami filius.
31. Brat Jutus.
32. Orm Anglicus.

33. Vbbo Fresicus.
34. Ary, altero cassus lumine.
35. Alf.
36. Gothor.
37. Dal corpulentus.
38. Duc Sclavicus.

39. Barri.
40. Gnizli.
41. Tolcar.
42. Ymi.
43. Toki, Jumenfi provincia ortus.
44. Otritus Juvenis.

45. Grimar.
46. Grenzli.
47. Ger.
48. Livicus.
49. Hama.
50. Hunger.
51. Humbli.
52. Bjari.

53. Homi.
54. Hofa.
55. Thulhijm.
56. Hastinus.
57. Hythingracilis.
58. Dahar Grenski.
59. Haraldus Olavi filius.

21. Belgi.
22. Begat. (Begathe.)
23. Bari.
24. Toly/ (Thole.)
25. Hogen med Skrammen paa
Kinden.

- B 26. Hetha (Hethe.)
27. Wisna.
28. Tumme Styremand.
29. Bibiorge (Begbiorge.)
30. Bo Bramson.
31. Brath (Brat) Jude.
32. Orm aff Engeland. (Orm En-
gellender.)

- C 33. Vbbe aff Frijsland.
34. Ary/ med det eene Øye.
35. Alf (Alf.)
36. Gothor.
37. Dal hin store/ (Dal hin Tøcke.)
38. Duc aff Øndstland. (Duc
Wende.)

- D 39. Barri (Borri)
40. Gnidsle (Gnizle)
41. Tolkar.
42. Yme (Hymi)
43. Toki (Toki/ aff Joem-Hærrede.)
44. Strick hin unge (Strite hin
unge.)

- E 45. Grimar.
46. Grentsli/ (Grenzli.)
47. Høfger hin sorte. (Ger.)
48. Livick.
49. Ham (Hame)
50. Hunger (Hunger.)
51. Humbli.
52. Biari.

- F 53. Homi (Helmi.)
54. Hofe (Hose.)
55. Tuhim (Tulleff)
56. Hastin.
57. Hythin hin Smale.
58. Dahar Grendsti. (Grenste.)
59. Harald Oluffsen.

LATINE.

A

DANICE.

60. Har.
 61. Herleuvar.
 62. Hothbroddus Effrenis.
 63. Hummehy.
 64. Haraldus.
 65. Haki.
 66. Sigmundus, Bemonis filius.
 67. Serker, Bemonis filius.
 68. Gandal sene editi.

60. Har.
 61. Herleuvar (Herleuwer)
 62. Hothbrod hin Galne. (Horth-
 brod hin vilde.)
 63. Humhi (Hummehy.)
 64. Harald.
 B 65. Haki (Hack.)
 66. Sigmund (Simund.)
 67. Serkar (Serker) Bemonds
 Son.
 68. Gandal den gamles Affkom.

II. EX PARTE RINGONIS
COMPUTANTUR

LATINE.

C

DANICE.

1. Vlf.
 2. Abgi.
 3. Windar.
 4. Eyil luscus.
 5. Gothar.
 6. Hildi.
 7. Guti Alf patre genitus.
 8. Stur robustus.
 9. Sten, Wienicæ paludis accola.
 10. Gerth alacer.
 11. Gromer Vermicus.
 12. Saxi.
 13. Fletir.
 14. Saligothus.
 15. Thord nutabundus.
 16. Throndar nasutus.
 17. Grundi.
 18. Othi.
 19. Grinder.
 20. Tovi.
 21. Coll.
 22. Biarki.

1. Vlf.
 2. Abgy. (Algi.)
 3. Windar.
 4. Eyll hin Surblinde. (Eyl hin
 Starblinde.)
 5. Gothar. (Gotar.)
 D 6. Hilde. (Hildi.)
 7. Guthy Alffeu (Guti Alffson)
 8. Stur hin Stercke. (Sture hin
 Stercke.)
 9. Sten. (Steen aff Benersø.)
 10. Gerth hin Glade / (Greck hin
 Snare.)
 E 11. Grommer aff Vermeland / (Gro-
 mer / Vermick.)
 12. Saxe.
 13. Fletir.
 14. Salgot (Saligothe.)
 15. Tord Snassuere.
 16. Thronder med den store Næse
 (Thronder med Næsen.)
 F 17. Grunder (Grundi.)
 18. Othi.
 19. Grinder.
 20. Tovi.
 21. Koll (Colle.)
 22. Blarki.

P

23. Hogni

LATINE.

A

DANICE.

23. Hogni ingeniosus. 23. Hognithin Kloge.
 24. Rokar fulcus. 24. Rokar himbrune.
 25. Ranicui Hyld Pater erat. 25. Rani Hyldson.
 26. Lyuthguthi. 26. Liudh/Buthi. (Liuthguthi.)
 27. Sveno supernè tonsus. 27. Evend Kulle.
 28. Rethyr accipiter. 28. Rethir Sporhog. (Rethir Høg.)
 29. Rolf uxorius. B 29. Rolff hingiffte. (Rolf quindekier)
 30. Ring Athylæ filius. 30. Ring Athilsen.
 31. Haraldus Thothni editus vico. 31. Harald aff Totteby. (Harald aff
 Thoten.)
 32. Valsten Vicensis. 32. Valsien. (Valsien aff Bigen.)
 33. Thorulf spissus. 33. Thorulff him Tucke.
 34. Thengil procerus. 34. Tengilhim Høye. (Thengil him
 Lange.)
 35. Hunsolvve. C 35. Hunselff. (Hunsolvi.)
 36. Birrvil pallidus. 36. Birvil him Blege. (Birvild Bleg
 gekind.)
 37. Burgar. 37. Burgar.
 38. Scumbar. 38. Ekumbar.
 39. Thorlevar pertinax. 39. Thorlevar him Tretsome. (Thore
 lessuar him Gramme.)
 40. Torkil Guticus. D 40. Torkild Gucke. (Torkil Guds
 landsskar.)
 41. Gretir iniquus, irruptionumq;
 avidus. 41. Gretir him Onde/ som altid vild
 strax slapaa sine Fiender/huad
 heller de vaare paa Marcken/
 eller i Byen. (Gretthir him On
 de oc Hastige)
 42. Haddir durus. E 42. Haldir him Haarde. (Haddir
 Haardesind.)
 43. Roldar articulus. 43. Rolder him Sperlemmede.
 44. Thronder. 44. Thronder.
 45. Thronski. 45. Thronski.
 46. Thoki Moricus. 46. Thoki Morste. (Thocki aff Mo
 ren.)
 47. Rafn candidus. 47. Rassin him Hvide. (Rassin hvide.)
 48. Hasvvar. F 48. Hassvar.
 49. Biarni. 49. Barmi. (Biarni.)
 50. Blihar Simus. 50. Blihar him Kirtnæfede.
 51. Biörn è vico Sogni. 51. Biörn aff Sogni. (Biörn aff
 Sogen.)
 32. Findar maritimo genitus sinu. 52. Findar aff Stranden. (Findar
 aff Narstrand.)

LATINE.

A

DANICE.

53. Bersi apud Falu oppidum creatus.

54. Sivardus verris caput.

55. Ericus fibulator.

56. Alsten.

57. Harki.

58. Ruthar.

59. Ravvi.

60. Erlingar, cui *Colubra* cognomentum erat.

61. Od Anglus.

62. Alf multivagus.

63. Enar protuberans.

64. Ivarus Truvvar.

65. Mar Ruffus.

66. Grombar annosus.

67. Gram Brundelucus.

68. Grim ex oppido Skierum.

69. Berghar vates.

70. Brahi.

71. Ranchil.

72. Ar.

73. Backi.

74. Keklu.

75. Karll.

76. Croc agreftis.

77. Guthfast.

78. Gummi è Gisslamarchia.

79. Ingi.

80. Oly.

81. Alvver.

82. Folki Elrico patre nati.

83. Sigmundus de Sigtim.

84. Frosti cognomento Crucibulū.

85. Alf elatus.

86. Holti.

53. Bersi aff Falu. (Bersi aff Falustad.)

54. Sivard Svinehoffuit.

55. Erick Brake. (Erick Huislere.)

56. Allsten.

57. Harky.

B 58. Ruthar.

59. Ravvi.

60. Erling Drm.

61. Og Engelske. (Od Engellender.)

62. Allf Vandere/ som altid vilde færdis. (Allf Bidesfaren.)

C 63. Enar Sidebug.

64. Iver Truere.

65. Mar hin Rødsfeggede.

66. Grombar hin gamle.

67. Gram Brundelck. (Gram Brundolck.)

68. Grim aff Skierum. (Grim aff Skierum Stad.)

D 69. Bethar Spaamand. (Berghar Spaamand.)

70. Brahi.

71. Ranchel.

72. Ar. (Ar.)

73. Backi.

74. Keklu. (Keklu.)

E 75. Karl. (Karl.)

76. Krock hin Bonactige. (Krocke Bonde.)

77. Guthfasi.

78. Gummi aff Gisslamarchen. (Gummi af Gyllemarch.)

79. Inge.

F 80. Oly.

81. Allfuer.

82. Folki Elrakis Sonner. (Folcki Erick's Sonner.)

83. Sigmund aff Sigtim Stad.

84. Frostin Krus.

85. Allf hin folke.

86. Holtz.

LATINE.

A

DANICE.

87. Hendil.
 88. Holmar.
 89. Levvy.
 90. Hama.
 91. Regnaldus Ruthenus.
 92. Sivaldus.
 93. Lefy, Pannoniorum victor.
 94. Thirikar.
 95. Thrygir.
 96. Thorvil.

87. Hendil.
 88. Holmar.
 89. Levi.
 90. Hama
 91. Regnolt aff Rydsland. (Regnolt Rysser.)
 B 92. Sivald.
 93. Lefvir som vant Vngern. (Lefvir som tvang Vngern.)
 94. Thirifar.
 95. Thrygir.
 96. Thorvil.

Atq; hæc sunt nomina illustrium pugilum, & Martij spiritus Heroum, qui partibus utriusq; Regis strenue propugnarunt. Reliquum nunc est, ut eadem porro curâ accuratiore expendamus, sed non per singula generum, verum per genera singulorum, ut cum vulgo Philosophantium loquar. Inprimis cognominum, unde maxima lectionum varietas emerfit, rationem reddendam duximus.

35. Blend ultimæ Thyles incola] Notissimum est illud Poëtæ:

————— Tibi serviat ultima Thule.

Thulen quidem Islandiam, & Thulenses Islandos, Saxonem opinione magis, quam rei veritate ductum appellasse, superius ad Præfationem nobis dictum. Nam Islandiam non esse veterum Thulen, firmissimis evincit argumentis Arngrimus Jonas Islandus Lib. 1. Rerum Islandicarum pag. 15. Neq; hoc loco Thule Islandia dici poterit: quod istâ tempestate nondum Islandia coli aut habitari cœpta. Rectius itaq; Vellejus noster, juxta ac M. Christiernus Petri, primus Saxonis interpres, reddidère: Blend aff Zellæ/vel Blend aff Eynhœ. Quænam verò istæ sint insulæ, juxta scimus cum ignarissimis.

36. Brand Micæ cognomen habens] Non exigua hoc in cognomine latet obscuritas. Micæ enim, formicæ, an myricæ hic legendum sit, plane

incerti sumus. Mica nobis quidem Smule dicitur: quod prorsus alienum est ab illo Myg vel Mycke/ quod Danica versio repræsentat. Facile itaq; adducor ut credam, pugilem hunc cognominatum fuisse Myck sive Myg/ quod Saxo Micæ vocabulo tantum exprimere voluit. Alioquin Myg vernacula nostra dicitur Culex. Sed ea vocis significatio Saxoni in mentem hic non venit, quia aliud innuebat cognomen istud antiquum, quod velut ignotum & άγνωτον Latio donari non potuit.

44. Tummi velificator] Fortè hic ille Tummi est, cujus mentionem facit Monumentum Hunestadenſe, quod nobis exhibet Clariss. D. Wormius Lib. III. Monumentor. Danicor. & hoc loco inferendum curavimus. Saxi primi hæc est inscriptio:


Osburn aug Tummi Deir seuu Stein densi esfir
 Rui aug Leigfrud sunu-tunu henter.

ESBERNUS ET TUMI LAPIDEM HUNG POSUERUNT RUI ET LEIGFRUD NURUI SUÆ.

In secundi tamen saxi inscriptione, fœmina quædam Tumæ nomine insignitur:

Asburn feri Stein densi esfir Tumæ sunu-tunu.

ESBERNUS LAPIDEM HUNG POSUIT NURUI SUÆ TUMÆ.



Pag. 144. vers. 4. *Post hos Ger, Livicus.*] Magna hic quoq; nominum confusio. Vellejus voces, quæ per errorem librarij perperam coaluerant, separandas existimans, ita legit: *Post hos Ger, Livicus, Hama:* ideoq; sic vertit: *Effter dennem foim Ger/ Livicel. Hame:* Quam ego lectionem admisi. Cæterum primus interpret ita legisse videtur: *Pöst Hosger lividus:* quæ sic reddit: *Hosger hin So. re.* Ad oram tamen libri adscriptum extabat: *Hosger aff Liffand;* quasi *Livicus*, idem esset ac *Livonicus*, seu ex *Livonia* oriundus.

28. *Gromer VVermicus*] Rectè vetus interpret vertit: *Gromer aff Wermeland.* At distinguit Wellejus, & ex cognomine nomen facit proprium; *Gromer/ Wermicel.*

33. *Sveno supernè tonsus*] Hoc est, toto vertice, & capitis eminentiore partè attonsus, & strictim quidem, tantum non instar Monachorum, quibus rasi vertices. Germanis, *Mit einem Platte:* nobis *Külled.*

39. *Roldar articulus*] Utraq; versio habet: *Rolder hin Sperlemmede.* Videntur enim interpretes talem exprimere voluisse, qui artus graciles tenerosq; haberet, tenuisq; texturæ homineio esset, ut singulos artus ejus numerare haud difficile esset; vel fortè, qui totus nil nisi ossa & pellis esset. Sed quid silegendum, *articulosus?* ut sit, variis artibus præditus, vel firmis & solidis articulis, hoc est, robusto corpore.

43. *Erius Fibulator*] Heic iterum in lectio- D ne variant interpretes. Vetis ille vertit: *Eriuf*

Drager: & meo judicio rectissime. *Fibula* etenim antiquâ linguâ Danicâ *En Drage;* / quæ nempe antiquitus vestimenta connecebant. Unde *Fibulator*, fibularum conficiendarum artifex. Sed Vellejus legit *Sibulator*: unde vertit *Eriuf Hufslere.* Quam rectè, ipse viderit.

45. *Enar protuberans*] Cui pinguis aqualiculus propenso sesquipede extabat.

Ibid. *A Tyle*] Intellige provinciam aliquant Norvagiæ eo nomine, aut fortè insulas supra memoratas. Nam *Illandia* tunc non habitata. *Illandsbiorg/* locus est in Norvegia, vbi *Wiggen.*

* Pag. 145. vers. 3. *Frosti cognomento Crucibulum*] *Crucibulum* [ut me edocuit Excellentiss. Vir, D. Olaus Wormius, cui plurimum debet Saxo noster] Chymicis Metallurgis vox est tritissima; quæ vas denotant triquetrum, ex argillâ tenacissima compactum, in quo igne vehementi metalla fundere solent. Ipse Saxo Lib. C VI. *Testam & Concham* vocat. Vulgo *En Digel.* Rulandus in Lexico Alchimia: *Crucibulum est vas fusorium, ex terra igni contumacissima factum, acutiore basi & tereti, in ampliore capacitatem, formâ triangulari, vel rotundâ desinentem, ad fundenda & eliquanda mineralia & metalla, formatum.* Sic Geber Arabs libro de investigatione magisterij, Paragrapho de præparatione Veneris: *Præparatur Venus optime per hunc modum. Ponatur Veneris stratum super stratum de sale communi optime mundato, in crucibulo.* Optime itaq; boni interpretis partes sustinuit M. Christiernus Petrus,

træus, qui vertit : *Grossi Kruß*. Pocula namq; ex terra confecta, ut *crucibula*, etiamnum hodie *Kruse* vocamus. Jam ad loca intermedia orationem convertamus.

Pag. 143. vers. 5. *Prælongis ensibus*] Cujusmodi utebantur olim Dani, & cæteræ versus Boream gentes. Certè, Gallis, Cimbris, Germanis, Celtis, prælongos enses, quas *Spathas* vocarunt, attribuunt Plutarchus, Strabo, Diodorus, Vegetius, alij. Videatur Cluverius Germaniæ Antiquæ, Lib. I. p. 348.

53. *Aërii coloris parvulis*] Præter variarum rerum imagines, quibus scuta sua adornarunt, Danorum antiquissimi, ea etiam lectissimis tantum coloribus distinxerunt, ad exemplum aliarum gentium. De Germanis Tacitus : *Nulla cultus jactatio : scuta tantum lectissimis coloribus distinguunt*. De Cimbrorum, Germanicæ gentis, equitibus, ita in Mario Plutarchus : *Θυρεοῖς ἢ λευκοῖς σιλβόντες* : id est : *Scutis fulgebant candidis*. Sidonius Apollinaris Lib. IV. Epist. 20. de Gothorum rotundis scutis : *Quorum in orbibus nivea, fulva in umbonibus*. Virgilius IX. *Æneid*.

Ense levis nudo, parmaq; inglorius alba.

In lectissimis igitur coloribus apparet fuisse candidum & cæruleum, quem Saxo hic *aërium colorem* indigetat, nempe quo cœli templum pictum est.

Pag. 144. vers. 23. *Ipsamq; sequestræ pacis disruptionem*] Maro Lib. XI. *Æneidos* :

*Bis senos pepigere dies, & pace sequestrâ,
Per silvas Teucris, mistiq; impune Latini,
Errare jugis*

Ad quem locum ita Servius : *Pace sequestrâ, id est, mediâ. Nam sequester est aut medius inter duos altercantes, aut apud quem aliquid ad tempus seponitur. Dictus autem à sequendo, quod ejus qui electus sit, utraq; pars fidem sequatur. Pacem ergo sequestram, inducias dicit, id est, pacem temporalem & mediam inter bellum præteritum & futurum. Hactenus Servius. Ad eundem modum paulo aliter Germanus Valens Pimponius : *Sequestrem vel sequestrum, Modestini. sub Tit. de Verb. Significat. eum accepit, apud quem plures rem aliquam, de qua controversia est, deposuerunt : ita dictum, quod ejus qui electus sit, utraq; pars fidem sequatur : est enim medius inter duos altercantes, apud quem aliquid seponitur. Hac auctoritate inducti Interpretes, pacem sequestram, inducias interpretantur, quod mediâ sint inter bellum præteritum & futurum. Ego, quamquam mihi non omnino hæc sententia displicet, quod pax paucorum, ut duodecim dierum, & inducia in eadem penè causâ, & definitione sint : frigidiusculum tamen existimo, hic pacem ad sequestri instar, inter bellum diversi temporis, mediam collocare : nam potius inter altercantes, hoc est, Teucros & Rutulos, constituenda forte fuit. Eo exemplo & ratione accipere pacem sequestram simpliciter præstiteris interme-**

diam, intercedentem, προξενῶσαν καὶ μεσεγγυωμένην, cujus interventu impune adversæ partes & innocuè rebus suis vacare & superesse potuerint. Et quæ sequuntur. Dudo Veromandensis de moribus & actis primorum Normanniæ Ducum Lib. I. p. 63. Petunt sequestrâ pace portus, causâ mutuandi raptum fœnus. Josephus Devonius Lib. IV. de Bello Trojano :

*Deligitur, qui dicta ferat, qui pace sequestrâ
Res Danâum, Spartæ spoliū, raptamq; reposcat.*

B Pag. 145. vers. 7. *Sivaldus undecim salum paronibus*] *Paro*, navis prædatoria. Isidorus Lib. XIX : *Paro, navigium piratarum apertum, & ex ijs ita vocitatum. Cicero :*

Tunc se fluctifero tradit mandatq; paroni.
Et alibi : *Parunculus ad littus ludit celeribus. Svidas habet παρώναι, εἰσι πλοίων : lege παρώνες.*

8. *Bracteata auro liburnam*] Liburnam auro incrustatam, auro obductam, inauratam, vel aureis laminis inductam. *Bractea*, tenuissima quævis lamina, cujuscunq; metalli. Hymnus Natalitius Autoris incerti :

*Veniunt Eoi
Principes, dignum celebrare cultum,
Mystica dona
Thus Deo, Myrrham Troglitum humando,
Bracteas Regi Chryseas tulere.*

Ad quem locum vide Notas eruditissimas Viri de bonis autoribus præclare meriti, M. Joannis Weitzi. D Paulinus Carm. 14.

Nam nisi fulva leves texisset bracteaplantas.

Bracteatus, bractea obductus. Apud Senecam Epist. 41. *Leo bracteatus* dicitur ornatus bractea. Idem eleganti translatione *bracteata felicitatem* vocat, hoc est, non solidam, sed tenuem & adumbratam, ut Lipsius exponit. Haud secus ac Plinius in Panegyri. *Mentis aureæ dictum bracteatum ; Fulgentius, Bracteata eloquentiam. Ammianus Marcellinus Lib. XIV. Statuas auro curant imbracteari. Et Lib. XVII. Facis imitamentum in figura æreum, itidem auro imbracteatum, velut abundanti flamma candentis. Ita Sidonius Lib. 2. Ep. 10. Bracteatum lacunar. Et Lib. 8. Epist. 3. Gestatorias bracteatas. Martianus Capella Lib. I. Comas bracteatas dixit.*

Ibid. *Linteo excipit*] id est, Velo instruit, adornat, navigationi aptam reddit. Sic mox : *Intenta antennæ lintea. Lintea enim pro velis, frequentius usurpata Poetis.*

16. *Prospectumq; pelagi explicata malis carbasæ præstruebant*] Sic de Argivis navibus Josephus Devonius Lib. IV. de Bello Trojano :

*Jam Pandionios collato robore portus
Argivæ tenuere rates, spatiumq; negabat
Terra viris, velis ær, & puppibus æquor.*

32. *At per solidum proficiscentibus*] Hoc est, terrestri itinere. *Solidum* enim hic absolutè pro teraponitur.

48. *Cuneo frontem molitur*] Aciei frontem in cuneum disponit. *Frons* enim pars anterior aciei. Unde Tacitus Lib. 3. *In frontem statuerat ferratos*. Et in Vita Agricolæ: *Pugnare in frontem*.

51. *Qui regnum suo munere adeptus fueris*] Nam mortuo Ingeldo, Sveciæ Rege, Ringonem, quem ex Haraldi sorore fuitulerat, puerum admodum, Haraldus, paterno regno, datis e tutoribus, præfecit, ut Saxo libro superiori commemorat. Sed Annales Islandici contendunt, Haraldum Hildetandi victorem fuisse, non Ringonem, verum Sigvardum Ring, Regneri Lodbrogi patrem.

Pag. 146. vers. 6. *Antiquum rediſſe chaos*] Lucanus Lib. 1.

————— *Sic cum compage soluta
Secula tot mundi suprema coegerit hora,
Antiquum repetens iterum Chaos, omnia mistis
Sidera sideribus concurrent.* —————

Et Lib. VI.

*Extimuit Natura chaos: rupiſſe videntur
Concordes elementa moras; rursusq; redire
Nox manes mixtura deis* —————

Alcimus Avirus Lib. IV.

*Interea magnâ pontus se mole movendo,
In Chaos antiquum, linquens mundana, redibat.*

Hericus Monachus Altiſſiodorensis Lib. III. Vitæ S. Germani, fol. 33.

*Fulgmina mixta volant, jam confuſiſſe putantur
Concordes elementa vices, mundiꝝ ruina
In præſcūm reditura Chaos.* —————

Galterus Lib. IV. Alexandr. fol. 48.

*Concurrunt acies, ita tantus ad æthera clamor,
Et vulgi ſtrepitus, quantum ſi diſſona mundi
In chaos antiquum rediſſiva luce relabens,
Machina corrueret, rerum compage ſoluta,
Horriſonumq; darent concuſſa elementa fragorem.*

9. 10. *Dies effuſa telorum grandine tegebatur*] Ita Lucanus Lib. III. verſu 545.

————— *emiſſaq; tela
Aera texerunt* —————

Virgilius Æneidos Lib. XII.

Ferrum aliꝝ torquent, & obumbrant æthera telis.
Carmen incerti in Xerxem, quod extat Lib. 2. Epigramm. Veter. pag. 50.

*Perſes magnus adest, totus comitatur euntem
Orbis: quid dubitas, Græcia, ferre jugum?
Mundus juſſa ſavit, ſolem texere ſagitta.
Calcatur Pontus, fluctuat altus Æthos.*

Aristides Sophista de apparatu Xerxis ita: *Telis obregebatur ipſe ſol; mare navibus, terra copiis peſſibus, aër ſagittis redundabat. Grandinem vero telorum Saxo translate dixit, ut telorum denſitatem innueret*: quomodo eadem Metaphorâ Virgilius eodem libro *tempeſtatem telorum & ferreum imbrem poſuit*:

————— *Ita toto turbida cælo
Tempeſtas telorum, ac ferreus ingruit imber.*

A Sic *grandinem ſaxi* Joſephus Devonius de bello Trojano Libro VI.

At Phryges iſtantes prohibent, nunc grandine ſaxi,

Nunc ferri nimbo, nunc ſparſæ fulmine maſſæ.

Ammianus Marcellinus Lib. XIX. pag. 145. *Numeroſas gentes ad arma clamoribus diſſoniſ concitarunt: quarum concuſſu, ritu grandinis hinc inde convolantibus telis, atrox committitur pugna.* Et pag. 147. *Nec minores in civitate luctus aut mortes, ſagittarum creberrimâ nube auras ſpiſſâ multitudine obumbrante.*

37. *Centum quadrageſa quatuor ſagittæ pectus præliantis obfederant*] Multis igitur fortitudinis paraſangis Vbbo hic noſter Achillem illum Romanum, L. Sicinium Dentatum, poſt ſe reliquit, qui quinque tantum & quadrageſa vulnera pectore exceperit, ut ex Varrone commemorat. Valerius Maximus Lib. 3. Cap. 2. *Honeſtiſſima vero illa ſunt vulnera, quæ adverſo corpore excipiuntur; ut averſa, pudenda.* Videatur Matthæus Raderus ad Lib. III. Q. Curtij. Hinc non immerito, quod de Achille dixit Catullus, de Vbbone diceretur:

Hoſtibus haud tergo, ſed forti pectore notus.

44. *Ut erat ſalcato curru vectus*] *Falcatorum curruum* crebra apud Curtium mentio extat. Sic Libro IV. *Hos quinquaginta ſalcati curruſ ſequebantur.* Et mox ibidem: *Claudebatur hoc agmen aliꝝ ſalcati curribus quinquaginta.* Et paulo poſt: *Hu quoq; ſalcati curruſ erant quinquaginta.* Eodem libro: *Ingensq; ut crediderat, hoſtium terror, ducentæ ſalcatæ quadrigæ, unicum illarum gentium auxilium, ſecutæ ſunt.* Quas ita ſtatim deſcribit: *Ex ſummo temone hæſtæ præfixæ ferro eminebant: utrinq; à jugo ternos direxerant gladios; & inter radios rotarum plura ſpicula eminebant in adverſum: aliæ deinde falces ſummi rotarum orbibus adhærebant; & aliæ in terram dimiſſæ, quicquid obvium concitatis equiſ fuiſſet, amputaturæ.* Fere eadem eſt Livij deſcriptio: *Armata autem [nempe ſalcatæ quadrigæ] in hunc maximè modum ſunt. Cuſpides circa temonem ab jugo decem cubita exſtantes, velut cornua habebant, quibus quicquid obvium daretur, tranſfigerent.* Et in extremis jugis binæ eminebant falces, altera æquata jugo, altera inferior, in terram devexa, ita ut quicquid a latere obſideretur, illa abſcinderet, hæc ut prolapſos ſubeuntesq; contingeret. Item ab axibus rotarum utrinq; eodem modo diverſæ deligebantur falces. Videantur erudiſſimæ in Curtium Notæ Matthæi Raderi. *Curruſ ſalcatoſ cælo adumbravit Steucchiuſ in Commentar. ad Vegetium.*

55. *Eidem ſe proſtratorum manes muneris loco dedicaturum*] Othinus etenim belli præſſe credituſ, exiſtimabatur nullo modo melius placari poſſe, quàm ſanguine proſtratorum hoſtium, eorumq; quos captivos ſecum abduxerunt. Sic enim Olaus Magnus Lib. III, Cap. 3. *Othi-*

num, qui bellis præfidebat, cruore & morte captivo-
rum placabant: opinantes bellorum præsidem aptius
humano cruore placari. Hinc bello cæfos, Odino
mæ Tatōs dicebant. Vide quæ suprà notavi-
mus.

Pag. 147. vers. 4. *Jacebant circa currum Regi
innumera extinctorum corpora.*] Non aliter ac
Curtius Lib. 3. loquitur, de ingenti illa cæde,
facta circa Darij currum. *Circa Darij currum, in-*
quit, jacebant nobilissimi duces ante oculos Regis egre-
giâ morte defuncti. Et mox: *Circa eos cumulata* B
erat peditum equitumq; obscurior turba.

23. *Uti arma, aurum, & quodcumq; opimum es-*
set, liberaliter in nutrimentum rogi.] Fortium viro-
rum arma cum ipsis funeribus, apud veteres
consumebantur: nec solum hæc; sed & cætera,
quæ habuissent charissima. Silius Italicus de
rogo, quem Annibal, Pœnorum Dux, Romano
Consuli ad Cannas cæso struxit, ita Lib. X.

Sublimem eduxere pyram, mollesq; virenti
Stramine composuere toros, super addita dona C
Funereum decus expertis, invisus & ensis,
Et clypeus, terrorq; modo atq; insigne superbum,
Tum lateri fasces, captæq; in Marte secures.

Plura omnino de hoc ritu notatis dignissima
suppeditat nobis Doctiss. Vir, Joh. Kirchman-
nus, Lib. III. de Funerib. Rom. Cap. 5. Videatur
etiam Philippus Cluverus Lib. 1. Germaniæ An-
tiquæ, pag. 395, & seq.

Pag. 148. vers. 23. *Hæreditatis nomine tentatu-*
rus.] Erat enim Omundus Sivardi Norvagiæ D
Regis ex filio Olone nepos.

29. *Oddo quoq; Omundo manum junxerat.*]
Manum, id est, copias suas, cum exercitu Omun-
di conjunxerat, ut unitis viribus Ringonem
adorirentur.

36. *Alter proræ præesse jussus.*] Is Plauto Prore-
ta dicitur, qui in prora tutelæ navis præfidebat.
Rudent. Act. IV. Sc. 3. *Si tu proræ isti navis es,*
ego gubernator ero. Græcis πρὸρῆς & πρῶρος. E
Videatur Lazarus Baysius de re navali, pag. 117.

Pag. 149. vers. 26. *Omundum avide petitum.*]
Ita haud dubiè legendum. Nam ab Omundo
Rusla interfecta; & Ringo jam prius occu-
buerat.

45. *Quàm serum naturæ jaculum operire.*]
Quàm expectare mortem illam naturalem,
quam senium & longævitæ adfert. Jacula, spicu-
la, & alia tela, morti solens tribuit Saxo.

Pag. 150. vers. 2. *Parricidij pœnitentia addu-*
ctus.] Hoc est, cædis regiæ a se perpetratæ. Rectè
enim *Parricidij* nomine venit facinus illud sce-
lestissimum, quum Olonem interficeret Star-
chaterus. Nam Principes & Reges dicuntur
Patres patriæ: quorum interfectio propterea
non injuria parricidium vocatur, & inftar parrici-
dij punitur.

13. *Ut sine regressu pronas agit alveus undas.*]
Ovidius in eandem fere sententiam Lib. XV.
Metamorphos.

Ipsa quoq; assiduo labuntur tempora motu,
Non secus ac flumen, neq; enim consistere flumen.
Nec levis hora potest: sed ut unda impellitur
unda,

Urgeturq; prior æniente, urgetq; priorem:
Tempora sic fugiunt pariter, pariterq; sequuntur.

17. *Illâ oculos hominum pariter gressusq; reli-*
dit.] De Iliade malorum, quæ secum ferre senec-
tus solet, luculentissimi sunt versus Cornelij
Galli, vel potius Maximiani, quem Boethij tem-
pore vixisse volunt, Elegia I. qui in multis men-
tem Saxonis nostri tam proximè referunt, ut lac-
lacti, ovum ovo vox dixeris similis. Nam ubi
Saxo habet:

Illâ oculos hominum pariter gressusq; relidit,
Eripit os animumq; viri
Occupat occiduos artus, frustratur anhelæ
Vocis opus, vegetamq; premit torpedine mentem.
Dum paritur tussis, dum pellis scabida prurit.
Dens stupet exesus, stomachus fastidia gignit.
Evacuat juvenile decus: marcore colorem
Oblinit & piceâ crebras serit in cute rugas.
Jamq; minus vegetum corpus fulcimine tutor
Flaccida subjectis innixus membra bacillis.

Ad eundem planè modum *Pseudentius* &
Gallus de Senectutis incommodis conquiritur:

Non habitus, non ipse color, non gressus euntis,
Non species eadem, quæ fuit ante, manet.
Jam minor auditus, gustus minor, ipsa minora
Lumina, vix tactu noscere certa queo.
En lethæa meam subeunt obliuia mentem,
Nec confusa sui jam meminisse potest.
Hinc miserum scabies, hinc tussis anhelæ fatigat:
Continuus gemitus ægra senectus habet.
Quæ modo profuerat, contraria redditur esca:
Fastidita jacet, quæ modo dulcis erat.
Pro niveo rutiloq; prius, nunc inficit ora
Pallor, & exanguis funereusq; color.
Aret sicca cutis
Hinc est quod baculo incumbens ruitura senectus,
Assiduo pigram verberare pulsar humum.
trunco titubantes sustinet artus.

22. *Dum pellis scabida prurit.*] Leges Pedarias
solens migrat Saxo. Sic primam hujus vocis
produxit. *Scabidam* dixit pro *Scabiosa*, quæ vox
magis usitata. Hieronymus adversus Jovium:
Utrum scabidum pecus sit, & morbidum: an vege-
tum atq; subsultans? Accedit proximè ad illud La-
tinum, nostræ vernaculæ dictio *Stabbed* / quæ
scabiosum exprimimus.

34. *Innixus membra bacillis.*] Senes enim ba-
culis gressus adjuvant. Ovidius VIII. Meta-
morph.

Membra levant baculis, tardiq; senilibus annis.

Titus Calpurnius Ecloga V.

Adspicis ut nobis, jam dudum mille querelas
Adferat, & baculum premat inclinata senectus.

Seneca

Seneca Hercule Furent.

Iners senectus adjuvat baculo gradus.

Columbanus Abbas Epistolâ ad Sethum :

*Multa senem fragilis vexant incommoda carnis,
Nam macie turpi tabescunt languida membra.
Tunc genuum junctura riget, venasq; per omnes
Illius in toto frigescit corpore sanguis :
Sic baculo nitens artus sustentat inertes.*

Adde Juvenalem Satyrâ X, cujus perfimiles sunt de Senectute versus :

*Sed quàm continuus, & quantis longa senectus
Plena malis? Deformem & tetrum ante omnia
vultum,*

*Dis similemq; sui; deformem pro cute pellem
Pendentesq; genas, & tales aspice rugas,
Quales umbriferos ubi pandit Tabracha saltus,
In vetula scalpit jam mater simiabucca.
Una senum facies; cum voce trementia membra,
Et jam læve caput, madidiq; infantia nasi.
Frangendus misero gingivâ panis inermi.
Non eadem vini atq; cibi, torpente palato,
Gaudia.*

*Præterea minimus gelido jam corpore sanguis
Febre calet solâ: circumfilit agmine facto*

*Morborum omne genus —————
Ille humero, hic lumbis, hic coxa debilis, ambos
Perdidit ille oculos, & luscis invidet; hujus
Pallida labra cibum digitis capiunt alienis.*

*————— Sed omni
Membrorum damno major dementia, quæ nec
Nomina servorum nec vultum agnoscit amici,
Cum quo præteritâ cœnavit nocte, nec illos
Quos genuit, quos eduxit. —————*

40. *Infracti rebus succurrat amici.] Infracti,* est senio & adversâ fortunâ fracti ac debilitati. *Infractæ fortunæ* homines vocat Valerius Max. Lib. IV. Cap. 7. *Accedit huc quod infractæ fortunæ* homines magis amicorum studia desiderant, vel presidij, vel solatij causâ.

48. *Dapsilitate studet multos superare potentes]* *Dapsilitas* est liberalitas. Hericus Monachus Altiſſiodorensis, in Præfatione ad Carolum Imperatorem: *Id tibi singulare studium effecisti, ut tibi cubi terrarum magistri florerent artium, quarum principalem operam Philosophia pollicetur, hos ad publicam eruditionem undecunq; tua Celsitudo conduceret, comitas attraheret, dapsilitas provocaret.* *Daniæ nostræ à dapsilitate nomen imposuisse Julium Cæsarem,* auctor est Ericus Rex Daniæ, sub initium Chronici sui: *Julius,* inquit, *Cæsar primò eam fertur Daciâ appellasse, propter hospitalitatem & dapsilitatem hujus gentis.* *Dapsilis,* est, liberalis, munificus, largus; item copiosus. Columella: *Uva musto dapsilis,* id est, larga, copiosa, & multum ubertate luxurians. Græca hæc dictio est civitate Latinâ donata. Græcis enim *δαψιλεύς* dicitur largitas, liberalitas, opulentia, affluentia rerum; & *δαψιλὴς*, benignus, abundans, co-

A piosus, uber, amplus, largus opum. Cato de moribus Lib. I. vers. ult.

*Dapsilis interdum notis, & carus amicis,
Quum fueris felix, semper tibi proximus esto.*

Galtherus Alexandreidos Lib. I.

Non opus est villo, quem dextera dapsilis ambit.

Pag. 151. vers. 31. *Agitare pilam, morsa nuce vesii]* Videtur auctor mentem intendere ad ludos istos pueriles, *pilæ*, videlicet & *aleæ*, cujus species *nuces* etiam fuere. *Aleæ* etenim optimæ notæ

B scriptoribus latiori significatione denotat, omnem ludum, qui in fortunæ consistit arbitrio. Quâ significationis generalitate etiam *Nuces* continentur; unde & ipsæ dicuntur *Aleæ*. Martialis Lib. XIV. Epigramm. 18.

*Aleæ parva nuces, & non damnosa videtur,
Sæpe tamen pueris absulit illa nates.*

Idem Martialis Lib. IV. Epigr. 66. v. 22.

*Supposita est blando nunquam tibi tessera talo,
Aleæ sed parvæ sola fuere nuces.*

C Ovidius in Elegia de Nuce:

Quatuor in nucibus non amplius aleæ tota est.

Erat autem iste ludus *fæmæ* arum tantum, aut puerorum; non verò senum, quibus ad nuces iterum redire neutiquam fas erat. Unde Horatius Lib. 2. patrem quendam, filium suum à pueritiæ describentem, ita loquentem introducit:

*———— postquàm te talos, Aule, nucesq;
Ferre sinu laxo, donare, & ludere vidi.*

D Et iterum Martialis Lib. V. Epigr. ult.

*Jam tristis nucibus puer relictis
Clamose revocatur à magistro.*

Unde istud tritum, *Nuces relinquere*, quod Philologis nihil aliud est, quàm pueriles istas cupiditates exuere. Inde Persius Sat. I.

*———— Et nucibus facinus quæcunq; relictis,
Cum sapius patruos —————*

Ubi Ant. Foquelinus ait: *Ludus nucum, puerilis cupiditatis species est.* Proverbium autem in eos olim usurpabatur, qui uxorem ducebant, quoniam ipso nuptiarum die nuces spargebant. Laurent. Ramireſius, Hispanorum Doctissimus, ad Epigramm. 66. Lib. 4. Martialis: *Nuces,* inquit, *relinquere,* est à puerorum moribus abscedere, ætate jam suadente. Michael Casparus Lundorpius in eruditissimis symbolis ad ista Petronij verba: *Cujus anni ad tesseram venerunt: Nam puerorum,* inquit, *& adolescentium, nuces: virorum autem & senum tessera, id est, eorum, qui sui juris erant, nucesq; reliquerant.* Etenim, *Nuces relinquere,* Proverbium apud Persium, de ijs, qui virum affectant, aspirantq; ad maturæ vitæ libertatem. Ut autem *relinquere nuces*, pueriles nugas abjicere vocamus: ita eadem locutione dicimus *ad nuces redire*, *nuces repetere*, *nucibus iterum indulgere*, de ijs, qui easdem nugas, & vitia puerilia reassumunt, & semper puerorum more agere consueſcunt. Cæterum de nucibus ludendi variis modis, operæ pretium est adire

adire & consulere eruditissimum & aureolum A planè libellum Clariss. Viri, Andreae Senftlebij, quem *Nuces Saturnalitias* inscripsit. Quod autem Saxo dixat *morsâ nuce vesci*, intelligendum arbitror, de eo, qui inter ludendum nuces lucratur, quibus post victoriam summa cum voluntate vescitur.

42. *Quid præmia ductus*] *Ductus* pro *ductamine*, sive ducendi officio; quod & *Ducatus* dicitur. Petrus Chrysologus Homiliâ de Magis: *Gaudent in terra se ad Deum, ducatu unici sideris, pervenisse*. Increpat autem jure merito Starchaterus Hatherum, quod seni & cæcutienti, non nisi præmio adductus, itineris ducem se præbere voluerit.

47. *Cui debueras ultrò dux esse vianti*] *Vio* est iter facio. Onomast. Vetus: *Vio*, ὁδὲω. Apulejus Florid. *Ut ferè religiosi viantium moris est*. Et Metamorph. Lib. X. *Vianti maritus domus expugnationem nunciaret*. Ammianus Marcellinus Lib. XV. *Cottias extruxit compendiaras, & viantibus opportunas*. Solinus Cap. XL. *Exitium viantium*. Et Cap. XLII. *Accessus viantium*.

Pag. 152. vers. 2. *Crustula spumantis patinæ bulligine tingis*] Rara equidem *Bulliginis* vox est, & planè barbara: sed quæ nihil aliud significare videtur, quàm jusculi adipati pinguedinem in bullas usq; effervescentem. Catholicon Johannis de Janua duo nobis ejusdem ferè significationis vocabula repræsentat: *Bullio*, *Bullionis*; & *D Bullor*, *bulloris*; id est, tumor aquæ bullientis.

8. *Doctior assuetam cineri præsternere Gallam*] Fortè hic legendum *pallam*: ut sit sensus; Hatherum paratiorem esse ad sternendum in foco *pallam*, id est, pallium suum, ut ad ignem obdormiscat. Non aliter ac veteres Germani quietem capturi, Urforum, Luporum aut Canum pelles, ad focum humi cubantes, sibi substernere solebant. Undè qui per ignaviam, pigritiamq; & inertiam, urtinam pellem nunquam relinquebant, vocabantur per contumeliam *Värenhâuter*/ quasi dicas, *urfinarum pellium incubitores*. Lectionem nostram confirmare videntur sequentia:

Indormire Lari, somnos celebrare diurnos.

Cæteroquin *Galla* est instrumentum cerdonum, quo coria purgantur & peralbantur. *Galla* etiam dicitur quædam herba & fructus quercuum, unde fit pulvis ad aptanda coria, qui similiter *Galla* vocatur. Glossar. *Galla*, Κηρίς.

35. *Pro virgine chara*] Helga nempe, Ingelli sorore, cujus in gratiam, cum septem, vel potius novem, duellum inivit, eosq; omnes ferro consumpsit: de quo Saxo supra Lib. VI.

51. *Vincit opus famam*] In eandem ferè sententiam Bernhardus Morlanensis Lib. I. de contemptu Mundi, cælestis patriæ mentionem faciens:

Laude studens ea tollere, mens mea victa satscit;
O bona gloria, vincor; in omnia laus tua vicit;
Quintilianus Declamat. VI. *Omnia licet huc revocemus præterita, & ad canendas unius laudes universorum vatum scriptorumq; ora consentiant, vincet tamen res ista mille linguas, ipsamq;, si sit aliqua corpore uno, facundiam, materia superabit.*

Pag. 153. vers. 10. *Hoc etiam anticipare licebit.*] Gemina gemella sunt illa Cornelij Galli, jam dictâ Elegiâ:

Sed mihi venturos melius prævertere casus,
Atq; infelices anticipare dies.
Pæna minor certam subito perferre ruinam;
Quod timeas, gravius sustinuisse diu.

13. *Mors optima tunc est Quum petitur*] Illo enim obitus felix est, quorum sola mors est votum. Aliter Publ. Syrus:

Dum vita grata est, mortis conditio optima est.
Sed idem alibi:

Bona homini mors est, vitæ quæ extinguit mala.

C Boëthius Lib. I. de Consolat. Philos.

Mors hominum felix, quæ se nec dulcibus annis
Inserit, & mæstis sæpè vocata venit.

15. *Ne miseros casus incommoda proroget ætas*] Quintilianus Declamat. IV. *O mors laudanda fortibus, expetenda miseris, non recusanda felicibus!* Boëthius loco supra citato:

Nunc quia fallacem mutavit nubila vultum,
Protrahit ingratas impia vitæ moras.

Seneca in Thebaide. v. 45, & sequent.

Desertor anime, fortis in partem tui,
Omne pænas languidas longæ moræ,
Mortemq; totam recipe, quid segnis traho?

26. *Terræ glebam morsu carpisse fertur*] Viri fortes in bello morituri solent terram mordicus appetere. Id quod signum est ingenitæ ferocitatis, ut rectè sequentibus verbis innuit Saxo: *Ferocitatem animi moribundi oris atrocitate declarans*. Itâ Rex Agamemnon inter alias minas Priamo intentatas apud Homerum Iliad. I L. vers. 418.

Πολέες ἢ ἀμφ' αὐτὸν ἐταῖροι
Πενέες ἐν κοινήσιν ὁδᾷ λαζόισατο γαῖαν.

Multi & circa ipsum socij

Proni in pulveribus mordicus capient terram.

Euripides alicubi:

γαῖαν ὁδᾷ ἐλόντες

Πόντοι

Virgilius Lib. XI. Æneid. de Eumenio:

Sanguinis ille vomens rivus cadit, atq; cruentans
Mandit humum, moriensq; suo se in vulnere
versat.

Virgilius itidem Lib. XI. de Mezentio:

Egregius animi, qui, ne quid tale videret,
Procubuit moriens, & humum semel ore momendit.

Ad quem locum frigida planè esse existimo, quæ ex Lucano notat Servius, dum vulneratis ait in more fuisse positum, ut vel terram, vel arma mor-

morderent, ne dolorem eorum indicaret gemitus. Versus Lucani Lib. VIII. extant, de Pomponio jamjam morituro:

*Continuitq; animum, ne quas effundere voces
Posset, & aeternam fletu corrumpere famam.*

Servio tamen assentiri videtur Silius Italicus Lib. IX. de Scævola:

*Voluitur ille ruens, atq; ardua hostilia morsu
Appetit, & mortis premit in tellure dolores.*

Quintilianus Declamat. XII. Terram morientes momorderunt. Claudianus de Bello Getico p. 223. B

*Ille tamen, mandante procul Stilicone, citatis
Acceleravit equis, Italamq; momordit arenam.*

hoc est, occisus in Italia: quomodo hunc locum exponit Doctissimus Barthius in Notis suis aureolis ad eundem Poëtam. Pindarus Thebanus Iliados Epitoma:

*Actus in ingvine Leucon
Concidit infelix, prostratus vulnere forti,
Et carpit virides moribundus dentibus herbas.*

Plinius Lib. VIII, Cap. 16. tradit à moriente Leone humum morderi: quo nullum est inter omnia animalia ferocius aut generosius. Hinc originem sumpsisse videtur Germanis hodieq; usitatissima de ijs loquendi formula, qui in præliis occumbunt: Sie haben ins Gras beissen müssen. Huc facit illustis ille locus ex Commentarijs prorsus divinis Evthymij, Monachi Zigaboni, ubi istum Psalmi LXXI. versum exponit: Et inimici ejus terram lingent] *Judæi*, inquit, *Christi occisores jugulabuntur. Solent enim, qui violentâ morte pereunt, præ gravi dolore terram mordicus apprehendere.*

46. *Trabem enim in modum præli oblongam*] Tale etiam machinamentum, necandæ matri Agrippinæ, excogitavit scelestissimus post homines natos Imperator, imo monstrum potius, quàm homo, NERO Claudius: Nam cum eam ter veneno tentasset; sentiretq; antidotis præmunitam, lacunaria, quæ noctu super dormientem, luxatâ machinâ, deciderent, paravit. Verba sunt Suetonij, in Vita Neronis, Cap. XXXV.

Pag. 154. vers. 39. *Ad regaliū mancipiorum magisterium transfertur*] Innuat his verbis Saxo Ismarum Sclavorum Regem, aulicis suis, tanquam Ephorum quendam, præfecisse Jarméricum, & veluti perpetuam morum censuram in regios ministros ipsi commississe. Magisterium etenim pro summa potestate, item pro disciplina sumi, supra nobis abundè dictum est.

Pag. 155. vers. 3. *Quò viribus pervenire nequibat, arte assurgendum procurat*] Cum etenim viribus res obtineri non potest, dolus adhibendus, juxta illud Lyfandri apophthegma: *ὅν ἡ λεοντὴ μὴ ἐξέληται τὴν αἰλωπεκὴν πρὸς τὰ ψύον*, Si leonina pellis non sufficit, vulpina addenda. Nam is, quemadmodum in ejus vita memorat Plutarchus, irridere solitus est, qui velut ab Hercule prognati, bellum apertis viribus, citraq; dolum

gerendum esse censebant, cum ipse magis existimaret boni ducis officium esse, quo Leonina pellis non attingeret, eo contendendum assurâ vulpinâ. Quod quidem propemodum indicat & Maro, cum ait:

Dolus an virtus quis in hoste requirat?

Apud Polyænum Stratagem. Lib. II. Cap. 5. Cleandridas Thurijs numero paucioribus mandans, ne cum hostium multitudine congregarentur, inquit: *Ὅπῃ μὴ ἐξαρκεῖ ἡ λεοντὴ, τότε χεῖρ καὶ τῆς αἰλωπεκῆς προσρῥῆται*: Ubi non sufficit pellis leonina, ibi vulpina adjuvanda est.

4. *Fiscellam itaq; biblo ac vimine textam*] Juncæ fiscella, vel vimine texta, celebre opus est pastorum; sed alios in usus, quàm hoc in loco. Biblos, juncum significat. Lucanus Lib. III.

*Nondum flumineas Memphis contexere biblos
Noverat.*

Quod Saxo hic Biblo dixit, Nemefianus fluviali junco expressit Eclogâ I.

*Dum fiscella tibi fluviali, Tityre, junco
Textitur, & raucus resonant tua rura cicadis.*

Venantius Fortunatus Lib. XI, Carm. 12.

*Ista meis manibus fiscella est vimine texta,
Credite mi caræ mater & alma soror.*

Fiscellam verò terrendis avibus contextam Græci *Μωρολόκιον*, Latini *Terriculamentum*, Nos eēn *Ἰατρὴ* dicimus.

Pag. 157. vers. 19. *Ejusdemq; illatus accipiter*] Quo nempe in venationibus & aucupijs usus fuerat. Magni etenim ab omni memoria id genus oblectamenti fecere Reges, Principes atq; Magnates: adeo ut lege etiam prohiberent, ne quis spatham, vel accipitrem suum, in ipsam capitis redemptionem dare cogeretur: scilicet cum hic non minus vitæ esset solatium, quàm illa libertatis vindex atq; præsidium. Artem hanc cum accipitre aucupandi *Acceptoriciam* vocat Nobilissimus Vir, & Variarum Antiquitatum peritissimus, Henricus Spelmannus, Archaeologi sui pag. 7. videlicet ab *Acceptore*, quo nomine antiquitus dicebatur *Accipiter*. Lucilius apud Charisium Lib. 10. *Extra acceptoris & ungvis*. De eadem arte Libri extant Friderici II. Imperatoris, Manfredi Regis, & Alberti Magni, qui junctim prodicere omnes Augustæ Vindellicorum, ante annos quadraginta.

27. *Rex mœnibus, quàm acie, tutius dimicandam existimans*] At miserrimum omnium claudi obsidione. Illustis est locus Hegeſippi in Prologo de Judæis: ubi inter alia, quibus ostendit, eos sibi propriæ cladis auctores fuisse, & hoc postremo addit: quod eis spes omnis in mœnibus, non in viribus fuerit: cum sit maxime omnium miserabile claudi obsidione: quæ etiam, si bene procedit, sæpius augere, quàm minuere pericula solet.

30. *Fulgentes auro cetræ*] *Cetra*, *cetræ*, genus scuti rotundi. Varro *πεὶ Φιλονομίας*: *Quis rotundam facere cetræ nesciat?* Servius ad illud Virgilij

Virgilij Libr. VII. *Lævas cetra tegit* -- : *Cetra*, A inquit, *scutum loreum*, quo *Africi & Hispani utuntur*, utuntur & *Galli, & Persæ, & Britanni*. Unde *cetrati* dicuntur milites cetris muniti. Latini *Peltæ & cetræ*, pro eodem ferè genere clypei, usurpant. Livius: *Nocte cetratos, quos Peltastas vocant, in insidijs abdicarant*. Fuit autem *cetra*, ἀσπίς ληστῆκη, *scutum latronum*.

44. *Trunco inter exanimis corpore rotabatur*] Rotabatur, hoc est, volvebatur huc illuc. *Lucanus* Lib. VI. vers. 220, & seq.

Pannonis haud aliter post ictum sævior ursa,
Cum jaculum parvâ Libys amentavit habenâ,
Se rotat in vulnus -----

Pag. 158. vers. 32. *Per summam cæli intemperantiam*] Novè dictum, *intemperantia cæli*, pro intemperie. Sunt tamen qui contendunt, *intemperiem* pro intemperantia vulgò poni, & *cæli soli*, *intemperantiam*, potius quàm *intemperiem* dicendam.

Ibid. *Victualium raritate*] *Victualia* pro annonâ, reliquisq; ad victum necessarijs. *Fulbertus Carnotensis Epist. VII. Domos ejus, & terras, & fruges, & omnia victualia pervasit*. Ivo *Carnotensis Epist. IX. Gratis oblata portione victualium suorum*. *Cæsarius Heisterbaccensis Lib. X. Cap. 49. In adventu Domini, hæretici Mediolanenses, hæretici, qui erant in Brixia, multa plaustra cum victualibus transmiserunt*. *Matthæus Paris Histor. Anglicæ pag. 30. Ubi reperientes copiam auri, argenti, jumentorum, cum gregibus, armentis, & victualibus collectis, & papilionibus & tentoriis, in castris à proprijs sunt recepti*.

Pag. 159. vers. 31. *Aggone atq; Ebbone aucto-ribus*] *Paulus Warnefridus Diaconus*, vêtustissimus rerum *Longobardicarum* scriptor, quem Saxo ipse paulo post ad testimonium citat, primos hosce *Longobardorum Duces* perperam, nominat *Ibor & Ajonem* Lib. I. Cap. 3. Igitur, inquit, ea pars, cui fors dederat genitale solum excedere, extraq; arva sectari, ordinatis super se duobus ducibus, *Ibor scilicet & Ajone*, qui & germani erant, & juvenili adhuc ætate floridi, cæterisq; præstantiores : & quæ sequuntur.

35. *Quorum mater Gambaruc*] *Paulus Diaconus Gambaram* appellat, loco mox dicto : *Horum erat ducum mater*, nomine *Gambara*, mulier, quantum inter suos, & ingenio acris, & consilijs provida : de cujus in rebus prudentiâ non minimum confidebant.

40. *Sorte deligerentur*] Idem quoq; *Warnefridus* tradit, cujus hæc sunt verba, mox Cap. 2. Lib. I. ubi de *Scandinavia insula* loquitur : *Intra hanc ergò constituti populi, dum in tantam multitudinem pullulassent, ut jam simul habitare non valerent, in tres, ut fertur, omnem catervam partes dividentes, quæ ex illis pars patriam relinquere, novâsq; sedes exquirere deberet, sorte perquirunt*. Vêtustissimum autem fuisse apud *Boreales natio-*

nes ritum, ut quoties terra nimia populi multitudine exuberaret, sorte eligerent, qui patriâ excederent, alibi locorum sedes quæsitura, testis est *Dudo de S. Quintino Lib. I. Hist. Normann. Hæ namq; gentes petulanti nimium luxu exardescentes, fæminasq; quàm plurimas singulari turpitudine commiscendo stuprantes, illinc suboles innumeras obscenâ illiciti connubij commistione patrando generant*. Hi postquàm adoleverint, pro rerum possessionibus contra patres, avosq; aut sapius inter se, ferociter oburgati, cum fuerint exuberantes, atq; terram, quàm incolunt, habitare non sufficientes, collectâ sorte multitudine pubescentium, veterrimo ritu, in externa regna extruduntur nationum, ut adquirant sibi præliando regna, quibus vivere possint pace perpetuâ.

50. *Blekingiam advecti*] *Blekingiam* non agnoscit *Warnefridus* : verum ejus loco *Scoringæ* cujusdam meminit, quæ fortè nostra erit *Scania*. Cap. VII. Lib. I. Igitur egressi de *Scandinavia VVinili*, qui & *Longobardi*, cum *Ibor & Ajone* ducibus, in regionem quæ appellatur *Scoringa*, venientes, per annos illic aliquot confederunt. Videatur etiam *Caput X. ejusdem*, ubi denuo *Scoringæ* meminit.

Ibid. *Boringiam præternavigantes*] *Omni-* no legendum arbitror *Boringiam*, insulam maris *Balthici*, quatuor circiter milliaribus à *Scania* remotam, quæ nobis *Boringholm* dicitur. Ea etenim in *Gutlandiam* navigantibus è *Scania* five *Blekingia*, primum se offert ; ut ex tabulis Geographicis liquet. *Paulus Diaconus Mauringam* appellat. Sic enim Cap. XI. De qua (*Scoringa*) egredientes, dum in *Mauringam* transire dispo-
nerent, *Assipitti* eorum iter impediunt, denegantes eis omnimodis per suos terminos transitum. Et Cap. XIII. Igitur *Longobardi* tandem in *Mauringam* pervenientes.

51. *Ad Gutlandiam se appulerunt*] *Paulus Diaconus* Cap. XIII. Egressi itaq; *Longobardi* de *Mauringâ*, applicuerunt in *Golanda* (pro *Gutlandia*) ubi aliquanto tempore commorati dicuntur.

Ibid. *Ubi & Paulo teste*] *Paulo*, nempe, *Diacono*, cujus verba hac de re extant Lib. I. Cap. 8. Refert hoc loco antiquitas ridiculam fabulam, quod accedentes *VVandali* ad *VVodan*, victoriam de *VVinilis* postulaverint ; illeq; responderit, se illis victoriam daturum, quos primo oriente Sole conspexisset. Tunc accessisse *Gambaram* ad *Fream* uxorem *VVodan*, & *VVinilis* victoriam postulas-
se : *Freamq; consilium dedisse, ut VVinilorum mulieres solutos crines, ergâ faciem, ad barbæ similitudinem componerent, maneq; primo cum viris adessent, seseq; à VVodan videndas pariter è regione, quâ ille per fenestram, Orientem versus, erat solitus aspicere, collocarent* : atq; ita factum fuisse. Quæ cum *VVodan* conspiceret oriente Sole, dixisse : *Quis sunt isti Longobardi ? Tunc Fream subjunxisse, ut quibus nomen tribuerat, victoriam condonaret ; sicq; VVinilis VVodan victoriam concessisse*. Cæterum *VVodan*, cujus hic fit mentio, ipse est *Orthinus*, de quo Saxo passim : & *Frea*, ejus conjux, ipsa est, quæ & hic, & Lib. I. Saxoni *Frigga & Frig* dicitur.

Longo-

32. Longobardorum vocabulum] Paulus Diaconus Lib. I. Cap. 9. Certum tamen est Longobardos ab intactæ ferro barbæ longitudine, cum primitus Vinuli dicti fuerint, ita postmodum appellatos. Nam juxta illorum Linguam Lang/ Longam: Wart/ Barbaram significat. Inde etiam Longobardos dictos Isidorus tradit Etymolog. Lib. IX. Cap. 2. Longobardos vulgò ferunt nominatos à proluxa barbâ & nunquam tonsâ. Guntherus Lib. 2. Ligurini, pag. 29.

Dicitur à longis ea Longobardia barbis.

Straboni in Asia Lib. XI. referuntur Μακεδονοί, haud dubiè & ipsi à longarum barbarum augmento sic appellati. In nostris autem Langobardis occasionem antiquissimis temporibus, atq; causam nominis fuisse existimò eandem, quam Tacitus, in libello de Germania, Chartis maximè suo ævo adscribit, his verbis: Et alii Germanorum populis usurpatum, rarâ & privatâ cuiusq; audentiâ, apud Catos in consensum vertit: ut primum adoleverint, crinem, barbâq; submittere, nec nisi hoste casso, exsuere votivum obligatumq; virtuti oris habitum. Æthicus equidem, & alij ejusdem ævi scriptores per O gentem vocarunt Longobardos. At rectius magisq; genuinè Strabo & Tacitus, Ptolomæusq; ac Procopius per A vocabulum eorum protulerunt. Unde etiam apud Paterculum, qui sub Tiberij ductu IX per annos in Germania, cum alibi, tum apud Albim militavit, vitiatum esse putaverim gentis nomen Longobardi. Quamquam nescius non sim in postremis editionibus Pauli Diaconi ubique, & in Procopij exemplaribus, sæpè Longobardos esse scriptos. Verum id κέρσις edentium est factum. Manuscripta Diaconi exemplaria meliora habent Langobardos, & apud Procopium, quamvis variè, modò λογγοβάροι, modò λογγοβάροισι, nonnunquam v. λαγγοβάροι: tamen sæpissimè λαγγοβάροι, leguntur. Philip. Cluverus Germaniæ Antiquæ Lib. III. Cap. XXVI.

33. Tandem ad Rugiam se applicantes] Rursus P. Diaconus Lib. I. Cap. 19. Tunc Longobardi de suis regionibus egressi venerunt in Rugiland, quæ La-

tino eloquio Rugorum patria dicitur, atq; in ea, quæ erat solo fertilis, aliquantis commorati sunt annis. Et mox Cap. 20. Egressi quoq; Longobardi de Rugiland, habitaverunt in campis patentibus, qui sermone Barbarico Feldt appellantur. Egressum vero Longobardorum ex patria, Annales nostri referunt ad Ann. Chr. CCCCLXXXIII. Exinde plusquam seculum, ad annum nimirum CCCCLXXXIV. confedere in Insula Rugia. Demum circa Annum Chr. D XXVII. traducti in Pannoniam.

B Pag. 160. vers. 2. Petitis in Italia sedibus] Longobardi in Italiam commigrarunt Anno Christi DLXVIII. evocante eos ex Pannoniâ Narsete Patricio, quem Justinii Imperatoris Constantinopolitani, conjux Sophia Augusta aculeato nimis scommate offenderat. Videatur Paulus Diaconus Lib. II. Cap. 5. 7. Ottho Frisingensis Lib. V. Cap. 5. Cæterum apud Gotlandiæ incolas cantitatum olim fuit vetustissimum quoddam rhythmicis metris, linguâ genti vernaculâ, carmen; quo sanè quod ad Longobardorum emigrationem, multo verius, multoq; accuratius, quàm est à Paulo præstitum, celebrantur omnia. Hoc etenim Carmine Vinnulos, nobis Wendelboer / fuisse, qui etiam nunc Cimbricæ Chersonesi est populus, satis intelligitur: nec eos apud Scoringiam aut Gotlandiam, instinctu Fræ Deæ, ut habet fabulosè Diaconus, eumq; secutus Saxo noster, occasione capillorum & barbæ prominentioris, nominatos Longobardos, sed illud demum vocabulum à devictâ ea gente traxisse, postquàm eum borealioris Germaniæ tractum armis suum fecissent. Deinde in eodem illo Historiali Carmine, etiam ducum nomina Ago & Ebbo, non ut effert corruptè Diaconus, & antè eum Prosper, Ibor & Ajo, nominantur. Agelmundus verò Agonis filius, primus gentis Rex, additâ aspiratione Hagelmunder dicitur. Ex ultimo deniq; versu intelligi datur concinnatum hoc carmen finitâ jam Imperij Longobardorum periodo, rerum per Germaniam Italiamq; late potente Carolo, qui ob res præclare ampliterq; gestas Magnus est appellatus. Ipsum vero carmen in hunc se modum habet:

DE EXITU LANGOBARDORUM

RHYTHMI ANTIQUI, LINGUA GOTLANDICA, CUM VERSIONE LATINA INGENIOSISSIMI POETÆ, VITI BERINGII VIBERGII.

Ebbe oc Age de Dellede fro/
Siden de for hunger aff Staane bro:
Da stædis næst vorum gute Gurland/
Met gamle oc vnge baade Quindum oc Mand.
Deris Snectum varum halff fierdum sti/
De hundrum Mandum inden huerum di.
De næffne de sig Binnilender/ Jach siga fand/
Effier Ebbe/ som kom aff Wendelbo Land:

EBbo Aggoq; Duces, quondam cum forte paternos
Lassa Ceres frustraret agros, inimicâq; sveras
Flora negaret opes, Scans de finibus acti
Externas alio quærebant sidere sedes.
Fluctivagæ placuere acies, & classibus æ quor
Captum, jam stabant naves, centumq; virorum
Quæque capax radebat aquas, & compede victus
Ingemuit pontus, decies septena propinquas

Q

Meden

Meden Aage var enum Goding son /
 Dog de varum baadum einum Moders Sønner.
 Wir togum til vern baadum store oc smaa /
 At de skulde en vorum Landum naa.
 De bade os allum med quidendum røst /
 Hed wi ville komme dennum til trost.
 Wi togum til gifel Høffuigmendum baadum /
 At de skuldum icke for meeter raadum.
 Saa duelde de nest wif / maanedum to /
 De varum der veder saa mefur fro.
 Wir lodum dennem folgum med Snecker thi /
 Ochundrede Mandum inden huerum di :
 Til Rylandum lodum de standum da /
 Jach kand med sandenum figum fra /
 Derum maer kundum ingen standum moeb /
 De vundem hād Landum vnder derum foed :
 De andrum Landum / huilckum der laagum
 nest /
 For lycken var dennem allum tidum best.
 Der Høffuigmendum varum aff Dødum
 qualb /
 Gaff de sig icke til lengrum taal.
 Meden valdum til Konning einum fracker
 Mand /
 Hagelmunder hand hād / Jach sigte kand.
 De sloge de Longobarder indum derum Land /
 Der bleff icke leffuend einum enisse Mand /
 Saa lode de sig Longobarder kaldum /
 Pannonien bestridum de oc med allum.
 De togum saa indum Vallandum dernæst /
 Der rimedis dennum lycken allum best.
 Hād er vel streffuit / hād er vel spurt /
 Huad de haffue fidum mandelichum giord.
 De mest siden de indum Vallandum kom /
 Hād er vel kynd allum Verbum om.
 Forbi aff dennem leed mangen Mand mode /
 Til Earl Keyser hin stora sict lagd dennum øde.

6. *Succrescentium nemorum densitate perhor-*
ruit] Non abfimilis Galliæ quondam facies erat,
 quum eam Dani, nostri, Hastingo duce, deva-
 starent, teste Dudone de S. Quintino, Lib. 1.
 quem Saxo noster hic imitandum sibi propo-
 suisse videtur: Grassante, inquit, malo, desolatur
 Francia, penitus evacuata. Luget Liberi Cerevisq;
 inops, quibus fuerat olim locupletissima. Mæret suis
 se incolis destitui, agricolisq; privari. Ejulat vomere
 non exarata, cultroq; inculta. Torpescit quiescendo
 terra, labore bouum non exarata. Ignorantur pervia,
 vestigiis hominum non attrita. Silvarum, fruticum-
 que, ac nemorum genere densantur campi, volvente
 tempore.

23. Nunc gignendis glandibus idoneo] Itā le-
 gendum cenfeo, modo sensus sibi constare de-
 beat. Ordo namq; hic erit: Præsens seculi vultus
 miratur se solum quondam aristæ capax permutasse

A Neptunus stupuit ferientia classica gentes.
 Vandalicus dictus populus: nam Vandalus Ebbo
 Indiderat sociis nomen; sed stirpe Godingâ
 Aggo stetit: quamvis minor ortus dispare terra
 Rettulit Ebbonem materno sanguine fratrem.
 Ut Gothicum tetigere solum, primo excita sede
 Gens ruit, & patriis fremuerunt murmura portis
 Defensura lares: Sed postquam Cimbrica transstra,
 Et mites novere duces, non horridus ultra
 It fervor, condunt lituos, pugnaq; relangvet
 B Impetus, & rabidas clementia temperat iras.
 Convenit in dextras, & binis mensibus actis
 Concordem sociant aciem; coire Gothorum
 Mille viri, centumq; rates, structaq; phalanges
 Vicinas toto populantur littore terras.
 Bellanti patet omne gregi: superataq; priscos
 Rugia declinat fasces: vagus incola mundi
 Errat, & emissis extendit sceptrâ colonis.
 Jam tum defunctis duibus, placere secures
 Regis Hagelmundi: paret fortuna potenti
 C Ferro; victrices animæ famulantibus astris
 Ostendunt late dextras; nudantq; feraces
 Longobardorum pacatis sedibus oras,
 Et sibi devictâ depromunt nomina genti.
 Dic Clades, die Drave tuas, quæq; alluit Ister
 Pasiua, Pannoniaq; domus, tuq; alta Vienna
 Cæsariq; lares, etiam vos Dana juventus
 Stravit, & edomitâ victrix saltavit arenâ.
 Restabat Latium totius curia mundi
 Hæc quoq; succubuit jam lapsis viribus ægra:
 D Adria testis erit, Vesulus cum cederet axis,
 Eridanusq; suas stupuit pallescere ripas;
 Laus viget, & toto volitant præconia cælo,
 Famaq; dicet anus, quot clavis bella triumphis
 Gesserit hic populus, donec post secla sequutam
 Carolus afferret succisâ stirpe ruinam.
 Laudo tamen Cimbros, qui dum sibi cætera sub-
 dunt,
 A summo tantum voluerunt Cæsare vinci.

E [scilicet solo] nunc idoneo gignendis glandibus. Ea-
 dem etenim est cum sequenti constructio.

26. Post ipsum Haraldus rerum assequitur sum-
 mam] Hoc loco Nobilissimus Vir, & præclare
 de Historiis, & Antiquitatibus patriæ suæ meri-
 tus, Arvidus Hvitefeldius, in Historia Haraldi
 IV. pag. 27. & unâ Vir Clariss. M. Claudius Ly-
 schander, Historicus quondam Regius, aliq;
 multi, lacunam quandam sive hiatum atq; de-
 fectum, minimum CCC III annorum (non-
 nulli CCCLXIX annorum) in Historia Saxonis
 esse contendunt. Nam ita Hvitefeldius loco jam
 dicto: Circa hæc tempora desiderantur multorum
 Daniæ Regum nomina & res gestæ. Id quod mani-
 festius est, quam ut quis quam contradicere possit. Im-
 primis si expendimus exitum Longobardorum è Sca-
 niâ. (Anno autem Christi 732 Longobardi egressi sunt
 è Dania) & conversionem Germanorum ad fidem
 Christi-

Christianam, quæ incidit in An. Chr. D CC XX. juxta supputationem Funccij; at juxta aliorum calculum in An. Chr. D CCL. Ab exitu autem Longobardorum, ad Germanorum conversionem, elapsi sunt minimum anni CCC. quibus certum est plures, quam tres, in Dania Reges regnasse. Inter Biornonem & Haraldum IV, nulli collocandi sunt Reges, si Gassaro credimus. Itâ unicuiq; eorum tribuendi sunt anni regni CLXXX, quot annos nemo illis, sine aperta hallucinatione, facile assignaverit. Agnoscimus ergo hic hiatus in Historia nostra, ac defectum hunc merito deploramus, quem suppleri non possumus. Eâdem de re ejusmodi sunt Velleji verba pag. Versionis suæ CLXXXV. Si-
 cui sola nomina Biornonis & Haraldii tantum supersunt, rebus eorum gestis ab Historicis omissis: itâ nulum est dubium, quin multorum Danicæ Regum & nomina & præclara facinora ab Historiographis hoc in primis loco sint exclusa. Quia ex quo tempore Longobardi egressi sunt à Dania, regnante illic Snione, usq; ad Gotricum elapsi sunt anni CC L. (error hic est admissus; legendum est CCCLXXXII.) Interea temporis verisimile est, plures, quam quatuor, Reges vixisse in Dania, quorum IV solum mentionem facit Saxo. Quatuor illi Reges à Saxone nominati, sunt 1. Snio. 2. Biorno. 3. Haraldus IV. 4. Gormo Senior. Præteriti à Saxone eorum judicio sunt, quos Lyschander in Genealogia Regum Danicæ restituit, octo Reges; 1. Roricus II. 2. Sveno. 3. Gotilacus. 4. Haraldus. 5. Eschillus. 6. Wermundus. 7. Omundus. 8. Balderus. Sed hos refellere videtur Vir Clariss. vov. o. μακα-
 ρτης, D. Johannes Ifacius Pontanus, Histor. Dan. Lib. 1. p. 37. cujus verba in medium proferre operæ duxi pretium, quæ sic habent: Nobilissimus Hvitfeldius Biornonem ferrei lateris, vulgò Jernsides/ cognomento afficit, authore, quo id habeat, non addito. Refertq; æram ejus, ex Gassari calculo, ad annum Christi D XVIII. Haraldum vero claruisse ejusdem Christi An. D CC XI. adeo ut colligendum inde addat, si inter Biornonem Haraldumq; Reges intermedij nulli fuerint, imperasse eorum quemque annos circiter centum & octuaginta. Quod sanè vix esse verosimile cum eodem fatear. At ipse Gassarum si rectis oculis inspexi, refertur Biornonis æra non ad D XVIII, sed ad Christi Annum D CLIV. Haraldii vero ad D CCXI. Gormonis qui Haraldum excipit, ad D CC XLI. atq; inde Gotrici ad D CC LXXIV. Ut itâ hic calculus habere magnoperè alogi nihil, aut absurdi videatur: nisi inter Snionem & Biornonem, quæ ab eodem notatur temporis æra, ut Snio nimirum imperare cœperit anno Christi D LXXVII. Biorno vero, ut indicatum, anno D CLIV. majorem hiatus atq; intervallum faciat. Quod tamen haud tantum fit, ut eo nomine sollicitari debeat, qui à Saxone est positus, & ab omnibus huc usq; receptis, Regum census ac series. Et maximè cum ij, qui Snioni ad usq; Biornonem numero septem, ut sunt Roricus, Sveno, Gotlachus, Haraldus, Eschylus, Vermundus, Omundus, serie continuâ ab illis, qui hoc urgere jam nuper ceperunt, subjiunguntur; atq; inde qui Biornoni & Harald

A ab iisdem interjicitur, Ethelbalder, ejusmodi ferè sint, qui ad Daniam haud spectent. Nam primus Roricus, à quo sequentes, ut à stirpe ac progenitore descendunt, Rex Alemannorum, non Danicæ fuit. Diserte enim Gregorio Turonensi Lib. 1. Cap. 3. & 34. Chro-
 cus est Alemannorum Rex; alius Chronologis Erocius item Cracus, nec aliter quam Alemannorum Rex intelligitur. Adeo ut capite & archeo, qui assumitur hujus fabulæ, Eroco everso, reliqui concidant necessum est. Nam Gotelacum, qui iisdem ut purpura panno intermiscetur, certum quidem est à probatis auctoribus, & eorum antiquissimo Gregorio Turonensi jam memorato, Regem Danorum agnoscì, & ad æram circiter Christi D XVI referri; At eum ab Eroco aut Chroco Alemannorum Rege prosapiam trahere, ejusq; ex filio nepotem habendum, quo iste insititius Regum Catalogus abire videtur, ecquis unquam alicujus nominis Chronologorum prodidit? Sed Crantzium ob-
 jiciunt, qui primus huic ære scrupulum iniecit. Verum id quidem. At Crantzium, posito primum de Longobardorum è Scandia egressione testimonio ac calculo Prosperi, quo inter Chronologos, qui ejus emigrationis meminere, antiquior non occurrit, cum exinde longam sibi fingat eorundem apud Rugas moram, secutus fortasse Diaconum, quem falli ac fallere subinde hî supra demonstratum, mirum non est in Danicæ quoque Regum calculo, quem ad istum exigit, hallucinari præsertim cum æquè incerta sit priorum hæc Regum Danicæ æra, utpotè à veterum nullo commemorata, & à Saxone quoq; silentio præterita. Ut itâ ceteri, qui Saxonem secuti, per conjecturas hic agere, nihilq; demonstrare certi possint; & aliud hic Crantzium; aliud Gassarum, aliq; aliud adferant.

33. Externa atq; insititata visendi cupidus] Quippe insitutum mortalibus studium magna & insititata noscendi. Plinius Secundus Lib. 2. Epist. pag. 102. Et Tullius Lib. 1. Officior. Cognitionem rerum aut occultarum, aut admirabilium, ad bene beatq; vivendum necessariam ducimus.

37. Ambitorem namq; terrarum Oceanum] Oceanum undiq; secus terram, veluti insulam, ambire passim tradunt veteres Geographi & Mathematici. Julius Firmicus Præfat. Lib. 1. Mathes. Quatenus Oceanus terræ spatium in modum insulæ, undarum suarum circumfusione concludat. Seneca Rhetor Svaforiâ I. quâ deliberat Alexander Oceanum naviget: Sacrum quidem terris Natura circumfudit Oceanum. Hinc ibidem Oceanum totius orbis vinculum eleganter dixit. Dionysius Afer mox sub initium Cosmographiæ suæ:

Μνηστέται ὠκεανὸς βασιππός. ἐν γὰρ
 ἐκείνῳ
 Πᾶσι χερσὶν, ὅτε νῆσος ἀπέειπεν ἔστι
 φάρονται.

Memor ero Oceani altissimi: in illo enim
 Totâ terra, velut insula intermina, cincta est.

Hinc etiam Oceanus Eddicè dicitur Annulus, vel
 Zona regionum & insularum.

38. *Oceanum navigandum*] Quem navigari A non posse, multi veterum existimabant. Videatur Seneca eadem Suasoriâ.

Ibid. *Solem postponendum ac sidera*] Pedit apud eundem Senecam, loco jam dicto, de navigante Germanico:

*Jam pridem post terga diem, Solemq; relictum,
Jam pridem notis extorres finibus orbis,
Per non concessas, audaces, ire tenebras.*

39. *Jugibusq; tenebris obnoxia*] Iterum Pedit: Quo ferimur? ruit ipse dies, orbemq; relictum Ultima perpetuis claudit Natura tenebris.

Pag. 161. vers. 9. *A dijs loci præsidibus*] Singulis locis antiquitas Deos præfecerat, ex Pythagoræ disciplina. Unde *Genius* loci dictus est, quem Silius Italicus *Numen loci* alicubi vocat. Atq; hæc causa, cur terram, montes, & agros osculari antiqui & salutare solebant: non quod montibus & agris id præstarent, sed eorum præstitibus dijs, & famulis eorum. Q. Curtius Lib. III. de Alexandro: *Ipse in jugum editi montis ascendit, multisq; collucens facibus, patrio more sacrificium DIIS PRÆSIDIBUS LOCI fecit*: Virgilius Lib. VII. *Æneidos*:

*Incertus geniumq; loci, famulumne parentis
Esse putet.* —————

Et:

*Sic deinde effatus, frondenti tempora ramo
Implicat, & Geniumq; loci, primamq; deorum
Tellurem, Nymphasq; & adhuc ignota precatur
Numina* —————

Ovidius:

*Dijsq; petitorum, dixit, salвете, locorum,
Tuq; novos cælo terra datura Deos.*

47. *Totidemq; filia præclui formâ*] Martianus Capella Lib. I. de Nupt. Phil. Cum inter Deos fierent sacra conjugia procreationis undiq; numerosæ, liberiq; præclues, ac nepotum dulcium æthere a multitudo.

Pag. 162. vers. 24. *Cornu abdomine illitum col-
lumbendum obiciens*] Haud sequius ac Amphibia illa vates, ut ad imas Erebi umbras Æneæ descensum strueret, ingenti janitori, & ΠΕΥΤΗΚΟΝ-
ΤΑΚΕΦΑΛΩ cani Cerbero:

*Melle soporatum, & medicatis frugibus offam
Objicit* —————

de quo Princeps Poëtarum Maro Lib. VI. *Æneid.* vers. 420.

Pag. 163. vers. 8. *Inusitata belluæ dens*] Fortè vel ille dens Elephantis fuit, quem Petronius Arbitrator inter instrumenta luxuriæ Romanæ recenset, dum inquit:

*Quæritur in silvis Mauri fera, & ultimus Ammon
Afrorum excutitur, ne desit bellua dente
Ad mortes pretiosa suas:* —————

vel etiâ Amphibij illius dens fuit, quod Rosmar vulgò dicunt. Ejus etenim dentes in maximo fuisse pretio, apud antiquos Septentrionis incolas, ostendit Olaus Magnus Lib. XXI. Cap.

28. & Vir Cl. Johannes Isacius Pontanus, in urbis Amstelodamensis Historia.

15. *Osse humeros onerare*] Osse, id est, dente, cujus mox mentio facta. Synecdoche generis pro specie. Ita & eximius scriptor Sulpitius Severus maxillam, quâ heros ille divinus Samson Philisthæos prostravit, Os appellat Lib. I. Sed traditus, ruptis vinculis, arrepto osse asini, quod casus telum dederat, mille ex hostibus prostravit.

23. *Vberioris thesauri secretarium aperitur*] Secretarium locus est occultus, ubi secreta, seu arcana habentur. Apulejus de Mundo: Illi ignes, qui terræ secretarijs continentur, prætereuntes aquas vaporant. Locum etiam significat, ubi causæ secreto audiuntur, & jus redditur. Lib. 3. Cod. ubi Senat. vel Claris. 16. C. de Accusat. Sulpitius Severus Dialog. II. de Virtut. B. Martini: Deinde secretariū ingressus, cum solus, ut illi erat consuetudo, resideret, cum quidem in alio secretario presbyteri sederent, vel salutationibus vacantes, vel audiendis negotijs occupati.

C Pag. 164. vers. 21. *Ita excogitatis in alterum malis*] Ottho, Poëta mediæ ævi, cujus fragmenta extant Lib. XXXI. Advers. Casp. Barthij Cap. IX.

*Auctorem sua sepe suum fraus fraudat, & in se
Labe suâ collisa ruit, cævo debita merces.*

38. *Cacumen mali insere gemmæ fulgore signavit*] Gemmam hanc ex ijs fuisse unam existimo, quæ in tenebris lucent. Quas inter eminent Crystallus, Carbunculus & Carchedonius. Carbunculus quidem, qui supra cæteras gemmas excitatus lucet, & nocte rutilat, Soli dicatus esse creditur, quod ad maximi sideris imitationem flammæ ejaculetur. Causinus Polyhistor. pag. 525. De Carchedonio Petronius: Quod Carchedonius optas, ignes lapideos, nisi ut scintillent? Sic Persarum Rex Darius, Crystallo gemmâ in tentorio erectâ, signum protectionis militibus dabat, attestante Curtio Lib. III. Cap. 3. Super tabernaculum, unde ab omnibus conspici posset, imago Solis (ex auro affabre elaborata) Crystallo inclusa fulgebat. Est & lapis Solaris, qui Solis oculus appellatur, figuram habens pupillæ, ex qua lumen emicat. Lychnis etiam, ex genere ardentium est lapillorum, sic appellata à lucernarum flagrantia. Isidorus Lib. XVI.

Origin. Cap. 13. Lapilli itidem noctu lucentis instar flammæ, quem in Heracleidis mulieris Tarentinæ sinum ciconia dejecerit, beneficij mercedem, quod crure fracto ex lapsu, anno superiore, ab eâ curata fuisset, meminisse Elianus de Animal. Lib. VIII. Cap. 21. Est deniq; & Indicus lapis, Pantarba dictus, admirabili fulgore lucens, de quo Philostratus Apollon. Lib. III. Cap. 14. Νύκτωρ μὲν τὴν ἡμέραν ἀναφαίνει καθάπερ τὸ πῦρ. ἐστὶ δὲ παρὰ καὶ ἀκτινώδης. εἰ δὲ μεθ' ἡμέραν ὁρῶτο, βάλλει τὰς ὀφθαλμοὺς μαρμαρυγαῖς μυρίαῖς. τὸ δὲ ἐν αὐτῇ φῶς πνεῦμα θεῶν ἀπὸ τῆς ἰσχύος. Noctū diem velut ignis ostendit, quoniam igneus est & radiosus. Si verò post diem aspiciatur, innumeris conflagrationibus oculos ferit. Id autem,

antem, quod in ipso lumen fulget, spiritus est potentia admirabilis. Quin & lapidem stupendo fulgore, Regi Galliarum aliquando exhibitum tradit. Historicus incomparabilis, Jacobus Augustus Thuanus Lib. VI. Dum Rex, inquit, Bononiæ esset, allatus est ad eum ex India Orientali, ab homine incognito, sed ut apparebat, moribus barbaro, lapis stupenda specie & natura, videlicet lumine & fulgore mirabiliter coruscantibus, quicquid totus veluti ardens incredibili splendore micabat, & jactis quoque versus radius, ambientem aërem, luce nullis ferè oculis tolerabili, latissime complebat. Erat & in eo mirabile, quod terræ impatientissimus, si cooperiretur, sua sponte, & vi facto impetu, confestim evolabat in sublime; contineri verò includivè ullo loco angusto nulla hominum arte poterat, sed ampla liberaque loca duntaxat amare videbatur. Summa in eo puritas, eximius nitor, nulla sordide aut labe coinquinatus. Figuræ species nulla ei certa, sed inconstans & momento commutabilis; cumque esset aspectu longè pulcherrimus, contrectari tamen se se impune non patiebatur, & diutius contrà adniten-
tibus, aut obstinatis cum eo agentibus, incommodum afferebat quo multi, multis spectantibus, sunt experti. Si quid fortassis ex eo enixius conando detrabebatur, [nam durus admodum noster erat] nihilo minor fiebat. Ejusmodi gemmam ad manum habuisse Torkillum, vero proximum videtur.

41. *Corneis naribus*] Id est valde duris, vel quæ cornu similitudinem referrent. Sic Persius Satyra i. *Corneam fibram* dixit cor prædurum, quod honestarum rerum intelligentiâ & amore caret. Catullus, *Corpora sicciora cornu*. Apud Dionem Chrysostomum *κερατοποιεῖν τὰ βλά-
Φαγγα*, cornea reddere, sive dura. Sidonius Apollinaris in tertia Epistola, *Cornea crura, cornea substantia*. Idem Libri IV. initio, Gelonis tribuit corda cornea. Videatur Isaacus Casaubonus, lux & decus suæ ætatis, ad istum Persij locum.

46. *Extramundani climatis cognitionem*] Extramundani uno verbo. Utitur Martianus Capella Lib. i. pag. XIV. Extramundanas petere latitudines urgeatur. Et pag. XLV. Quoniam extramundanas beatitudines eum transcendisse cognoverat. Sic & ultramundanum dixit, pag. XLIII:

ultramundanum fas est cui cernere patrem.

Pag. 165. vers. 21. *Vgarthilocus manus pedesque*] Vgarthiloci hujus mentionem quoque facit Edda, quæ & omnia ferè attribuit cuidam Achuthoro, seu Asathoro, quæ Saxo noster de Torkillo hic commemorat. Sunt autem nonnulli, qui narrationem hanc, fabulæ tantum non affinem, exponunt de itinere à Torkillo, jussu Gormonis Regis, suscepto vel in extremam Bjarmiam, cujus incolæ olim non Idololatæ solum erant pertinacissimi, sed & magi ac venefici multis artibus ad fascinandos homines instructissimi; unde etiam ab ijs tot præstigiæ, quarum meminit Saxo, Torkillo socijsque objectæ fuerunt: vel etiam in aliam quandam insulam

A longe distitam, fortè Islandiam vel Grónlandiam, ubi tale Vgarthiloci Idolum colebatur. Alij existimant latere sub hac Mythologiâ veram Historiam religionis primum in has terras per Torkillum introductæ; quippe qui per varias regiones, Ethnicismi tenebris densaque caligine adhuc oppressas, longinquâ peregrinatione susceptâ, tandem in Germaniam Christianis tunc sacris initiatam, ut ait Saxo, appulit, & apud ejus populum divini cultus rudimenta percepit. Quem mox domum reversus, in patria propagavit. Cæterum quod originem vocis *Utgarthiloci* attinet, *Uthgarthilok* *Uthgarthilok* *Uthgarthilok* / præcâ linguâ Danicâ, suburbium notat. *Uthgarthilok* / autem Dæmonem significat. Unde Rex Daniæ Regnerus Lodbrog, in Epicedio, quod sibi ipse, jam morti vicinus, in Anglia cecinit *Uthgarthilok* *Uthgarthilok* / *Uthgarthilok* / q. d. Dæmonum tentoria, *Scuta* vocat. Hinc *UtgardaHlock*, erit Dæmon, seu Idolum, quod in suburbio, vel fortè civitate aliqua populosa, sic dictâ, colebatur: quemadmodum & Saxoni nostro monstrum illud nunc Dæmon, nunc Gigas, nunc deus appellatur. Urbium autem nomina antiquitus in terminationem *Gard*, quæ vox civitatem, item regionem, denotat, exire solebant. Sic *Mythlegard* dicebatur κατ' ἐξοχὴν Constantinopolis, quasi μεγάλη πόλις, magna civitas. In Russia sunt *Chunigard*, *Colmegard*; quod in *Grod*, postea verterunt. Et teste Helmholdo sub initium Lib. i. Hist. Sci. vor. Russia Danis olim dicta *Ostrogard*, quasi regio versus Orientem sita.

36. *Universitatis Deum*] Deum, qui universum hoc, id est, cælum & terram condidit. Psalmi. CXXI. Sic Cicero Deum vocat Parentem universitatis, Lib. de Univers. Atque illum quidem quasi parentem hujus Universitatis invenire difficile est. Idem de Natur. Deor. Universitas rerum, qua omnia continentur.

Pag. 166. vers. 29. *Veritatis serio*] Eleganter *serium veritatis* opponit *adulationis mendacio*. *Serium* etenim illud significat, quod cum veraci assertionem conjunctum est, & sine risu ac joco. Unde rectè à Syr. *Sar*, quod *stabilire, firmare, certò asserere* notat, deducitur. Inde *Sarid, firmus, verax, certus*. Sic Hispanis *serio* est *deveras*; German. *In Wahrheit* / in ernst. Ità Gallis *Serius, Grave & de conscience*.

49. *Cumque Gotricus, qui & Godefridus est appellatus*] Ab externis nempe Scriptoribus; ut Aimoino Lib. IV. Cap. 90. Eodem tempore Godefridus Rex Danorum venit cum classe sua. Et Adamo Brementensi Lib. i. Cap. 13. Quorum Rex Godefridus ipsi Carolo bellum minatus est. Eginharto in Vita Caroli Magni: Quorū Rex Godefridus adeo vanâ spe inflatus erat, ut totius sibi Germaniæ promitteret potestatem.

Alberto Abbati Stadenſi : Godefrid Rex Danorum venit in conſinium regni ſui & Saxonie. Nonnulli etiam Sigfridum appellant. Hos inter, familiam ducit incertus author, ſed Hiſtoricus & Poëta antiquiſſimus, qui Annales de geſtis Caroli Magni Imperatoris conſcripſit, primo in lucem editus a Reinero Reineccio : cujus hi ſunt verſus ad ann. Ch. 777. de Witekindo Lib. I. fol.

14.

*Quò Carolus veniens, collectos repperit omnes
Penè duces, populumq; ſimul, totumq; Senatum
Saxonum, niſi quòd quidam VVidekindus abinde
Aufugit, Regem veritus : nam conſcius idem
Audacis ſibimet facti, multiq; reatus,
Sigfridum petijt, Danorum ſceptra regentem.*

Et Lib. II. pag. 19. ad Ann. Chr. D CC LXXXII.
*Illic diſponens complura negotia regni,
Danorum Regis Sigfridi nomine miſſus, &c,
Libro denique III. pag. 40. ad Ann. Chr.
D CC XC VIII.*

*Cumq; Godeſchalcus, Regis Legatus, & ipſe
Ante dies, miſſus, paucos, ad regna tenentem
Danorum, Sigfridus erat cui nomen ———*

Quin & Godefridum nominat ſub finem Lib. V.

*Ipſeq; Danorum contra Regem Godefridum
Ultima diſponens bella ſenex agere.*

Unde ſatis demirari nequeq; amicitia Pontani *πρηνονικὸν ἀμύδαγμα*, qui alium quendam, Sigfridum ab hoc Godefrido diverſum faciat, ejusque fratrem fuiſſe aſſerat, cum unus idemq; ſit Sigfridus & Godefridus, nec annales noſtri alium agnoſcant præter hunc Godefridum, quem exteri Sigfridum vocant.

Pag. 167. verſ. 10. *Ad priſtinum regni ſui titulum revocare tentabat*] Hujus expeditionis incentorem habuiſſe exiſtimo Widekindum uxoris ſuæ fratrem; qui ad Gotricum confugerat, auxilij adverſus Carolum petendi gratiâ. Nam ita author incertus Lib. II. pag. 20.

*Interea patriæ quondam VVidekindus ab oris
Qui fuerat profugus, Normannorumq; petivit
Auxilium, rediens vanâ ſpe ſollicitabat
Saxones, initum cum Francis rumpere fœdus
Ut conarentur, multoſq; vocavit in arma
E populo, fecitq; novum conſurgere bellum.*

II. *Victricia trans Rhenum caſtra receperat*] Anno Chriſti, ni fallor, D CC LXXXII. Autor anonymus Lib. 2. pag. 19.

———— *Poſthæc Rhenum trajecerat amnem,
Gallica ſeq; dehinc Rex magnus in arva recepit.*

13. *Obres Gotrici comprimendas*] Meminerunt hujus expeditionis & alij ſcriptores. Adamus Bremenſis Lib. I. Cap. 13. *Et quoniam mentionem Danorum ſemel fecimus, dignum memoria videtur, quòd victorioſiſſimus Imperator Carolus, qui omnia regna Europæ ſubjecerat, noviffimum cum Danis bellum ſuſcepiſſe narratur. Quorum Rex Godaſfrid, jam antea Frefis, itemq; Nordalbingis, Obotritis, & alijs Sclavorum populis tributo ſubactis, ipſi Carolo bellum*

A minatus eſt. Eginhartus in vita Caroli Magni : ultimum quod contra Nordmannos, qui Dani vocantur, primò piraticam exercentes, deinde majori claſſe littora Gallie atq; Germaniæ vaſtantes; bellum ſuſceptum eſt. Quorum Rex Godefridus adeò vanâ ſpe inflatus erat, ut totius ſibi Germaniæ promitteret poteſtatem. Friſiam quoq; & Saxoniam haud aliter atq; ſuas provincias æſtimabat. Jam Abotritos vicinos ſuos in ſuam ditionem redegerat; jam eos ſibi vectigales fecerat. Jactabat enim ſe brevi Aquasgrani, ubi Regis comitatus erat, cum maximis copiis adventurum. Nec dictis ejus, quamvis vaniſſimis, omninò fides abnuebatur, quin putaretur tale aliquid inchoaturus, niſi feſtinatâ fuiſſet morte præventus.

Ibid. *A Leone Romanorum Pontifice*] Leo hic eſt tertius ejus nominis; quem Paſchalis cujuſdam primicerij, & Campyli Presbyteri fraudibus circumventum, & in vincula conjectum, Carolus Magnus Romam profectus, expeditione Danicâ filio Pipino demandatâ, ſedi Pontificali reſtituit; ipſe viciffim à non ingrato Pontifice, inter feſtas totius Populi Romani acclamationes, Imperatorio diademate inſignitus, Idibus Decemb. Anno Salutis D CCC. ut plenius tradit Platina in Vita Leonis.

22. *Claffe Frefiam domat*] Frefiæ ab exercitu Frothonis ſubacta meminit quoq; Auctor incertus Lib. V. pag. 76.

*Et quod Nortmannis vaſtantibus, inſula quædam
Parvula Frefonum damna tulit gravia.*

D *Niſi hoc intelligendum ſit de Frefia minore, Nortmanni vero ſunt Dani.*

27. *Ædiſciq; ſtructura diſponitur*] Situm tributaria hujus ædis ita deſcribit magni illius Erasmi Præceptor, Cornelius Aurelius, Bataviæ Lib. II. *In utraq; Rheni ripa, inquit, ab eo ferme loco, quo Catos Rhenanos deferens, verſus Subſolanum, in præſatum uſq; tendit procurſum, plurima olim viſebantur caſtella, villæ, pagi, populoſi, domus voluptariæ, quas a volucrum circumſtrepentium garritu, avium concentus vocabant. Hic domus illa ſtabat tributaria, quam Danorum Rex; ſubactis ſibi Friſijs, ibidem erexerat, in qua regalis Quæſtor cenſum quotannis ad jactum ærei ſcuti exigebat: de qua Saxo Grammaticus miranda ponit in Hiſtoria ſua, quam de geſtis Danorum accuratiſſimè ſcripſit. De eadem domo hunc in modum loquitur Sibrandus Siccama, Jctus eminentiſſimus, in Notiis ad antiquas Friſiæ leges pag. 132. Huic tributo exigendo domum extruxerunt (Dani) in Friſia Occidentali; prope Kinſem fluvium, in quâ Regius Quæſtor præſidebat, cujuſformam modumq; exigendi deſcribit Saxo Grammaticus Hiſtoriæ Danicæ Lib. VIII. in fine: eoq; nos à Carolo Magno liberatos teſtatur ibidem Saxo: & Jus Friſicum Keſt. VII. & XI. ac in Ferdpennigen & Huusſlaga mutatum, quod Carolo Magno, ex jure fœderis, ſub eadem probationis formâ, ſolvimus.*

29. *In hujus ſcuti cavum conjicere*] Scutum hoc, an potius tributum, Clipſchild appellatum eſſe

esse, tradit idem Sibrandus Siccama loco jamjam A citato, indeq; ritum illum, ossa ex vulnere ex-
euntia, tinnitu scuti ærei probandi, profluxisse
commemorat, de quo ita differentem audiamus
Doctis. illum Jctum, ad Titul. 22. Leg. Frisic.
de DOLG: *Tria ossa è cranio vulnerato exeuntia
componi debent. Primi ossis exitus sunt XXXII grossi,
secundi exitus XVI grossi, tertij exitus VIII grossi.
Tunc jurabit uno juramento, quod in scuto tinnire au-
diri potuit, cum genu impositum in scutum æreum sci-
licet caderet, alioquin componere non tenemur.* Et B
Addit Sap. Tit. 3. *Si ossa de vulnere exierint tantæ
magnitudinis, ut in scutum jactum, duodecim pedum
spatio distante homine possit audiri, &c. Puto barbarū
illum ritum ex Danica tyrannide reliquum esse, quorū
Reges postquam Franciam, Frisiam, & finitimas regio-
nes sub jugum misissent, per judices tale tributum, quod
ex sono nummi, in æneum scutū jacti, vel recipi, vel re-*

43. *Proprij satellitū insidijs circumventus* Eade-
dem de infelici Gotrici nece tradit Eginhartus
in Vita Caroli Magni: *Nec dictis ejus, quam eo
vanissimis, omnino fides abnuebat, quin putaretur
tale aliquid inchoiturus, nisi festinata fuisset morte
præventus. Nam à proprio satellite interfectus, & vi-
tæ suæ, & belli à se inchoati finem acceleravit.* Et Al-
bertus Abbas Stadenſis ad Ann. Chri. DCCCX.
Interea diversi veniunt nuncij, Godefridum à suo sa-
tellite, vel à proprio filio, cujus matrem, alia ductā,
dimiserat, interfectum. Hunc interitum Gotrici,
MS. Chronicon Islandicum, quod penes me est,
itidem refert ad Ann. Chr. DCCCX, qui quin-
tus fuit ante obitum Caroli Magni, his verbis:
*Drap Hrericks Frisa Høfðingar/ og Gntfredar
Jota Rongh: id est: Interitus Rerici Frisiorum
Principis, & Gotofredi Jutorum Regis.*

NOTÆ VBERIORES IN LIBRUM IX. HISTORIÆ DANICÆ SAXONIS GRAMMATICI.

Pag. 168.
vers. 5.

Olavus Gotrici filius] Hunc non-
nulli contendunt fuisse Olig-
erum illum Danum, cujus res ge-
stas tantopere celebrant Annales Francorum,
quemq; Turpinus, Caroli Magni Cancellarius
& Archiepiscopus Rhemensis, Cap. VII. Histo-
riæ suæ de Vita Caroli & Rolandi, Ogerium Da-
cum nominat; & Cap. XXIX. apud Belinum se-
pultum tradit: Apud Belinum, inquit, sepelitur
Oliverius & Galdibodus Rex Frisæ, & Ogerius Rex
Daniæ, & Araftagnus Rex Britannie, & Garinus D
Dux Lotharingie, & alij multi. At Saxo noster, di-
fertis verbis, Olavi extincti corpus, collem ejus
titulo celebrem, propè Lethram congestum, ex-
cepisse commemorat. Quare vix adduci pos-
sum ut credam, hunc Olavum eundem cum
Ogerio fuisse; sed potius Ogerium hunc ex
nobili quadam apud nos prosapia ortum, inq;
exteris regiones militandi gratiâ profectum,
tandem sub Carolo Magno stipendia in bello
contra Sarracenos fecisse: quod veritati magis E
affine videtur.


9. *Huic succedit Hemmingus*] Hemmingum
non Olao, sed Gotrico immediatè (ut vulgo lo-
quuntur) successisse, & Adamus Brementis, &
Albertus Stadenſis, & Francorum Chronologi
ferè omnes tradunt. Et Adami quidem Lib. 1.
Cap. 13, hæc sunt verba: *Tandem extincto cælitus
Godefrido, Hemming successit, patruelis ejus. Qui
mox pacem cum Imperatore faciens, Egdorum flu-
vium accepit regni terminum.* Quem locum de F
verbo ad verbum ex Adamo exscripsit Albertus
Stadenſis ad Ann. Chr. D CCC X. Annales
Francorum incerti authoris, à Pithæo editi, ad

C ad eundem annum: *Godofrido Danorum Rege
mortuo, Hemmingus, filius fratris ejus, in regnum suc-
cessit, ac pacem cum Imperatore fecit.*

10. *Pacem cum Cæsare Ludovico*] Quam
Saxo noster ad Cæsarem Ludovicum refert pa-
cem & pactionem, exteri horum temporum
Scriptores in extrema Caroli tempora rejiciunt.
Et fortè rectius. Nam Caroli adhuc Imperato-
ris fit mentio infra statim in Historia Regneri,
ubi ejus exercitum in Saxonia profligasse dici-
tur. Pacis autem hujus ita meminit Aimoinus
Lib. IV. Cap. 99. *Condicta inter Imperatorem &
Hemmingum Danorum Regem pax, propter hyemis
asperitatem, quæ inter partes commendandam clau-
debat, in armis tantum jurata servatur: donec rede-
unte Veris temperie, & apertis viis, quæ immanitate
frigoris clausæ fuerunt, congregientibus ex utraq;
parte utriusq; gentis, Francorum scilicet & Danorum, de-
cem primoribus, super fluvium Egidoram, in loco, qui
vocatur Clatis, vicissim secundum ritum & morem
suum, sacramenti juratis, pax confirmatur.* Hoc
est, quod dicit Saxo; *jurisjurandi firmitate compo-
suit.* Cæterum formula ipsius fœderis apud Ai-
moinum, & alios, concepta exhibetur: cujus
conditiones hoc præcipue continebant, ut vi-
delicet, in futurum, inter Francos & Danos,
utriusque regni confinia Eidora flumen deter-
minaret.

13. *Post hos Sivardus cognomento Ring*] Mor-
tuo Hemmingo Rege, quum ad lineam Gode-
fridi rediret successio ordinaria: orta est inter
duos ipsos nepotes de imperio gravis contentio.
Sigvardus enim natus ex filia Gotrici, Sivardo
Norvago, à Scanis & Selandensibus accitus,

regio donatus est diademate. Ringo autem itidem Gotrici ex filio nepos, Jutorum ope & suffragio electus est. Is est, quem scriptores Francici, nec non Adamus Bremensis, Albertus Stadenfis, & alij, falso nuncupant *Amilonem*, quum haud dubie *Annulonem* Latine dicere voluerint veteres, ut vocabulum Danicum *Xing* exprimerent, quod annulum Danis Germanisq; significat. Hi itaq; ad internecionem pro corona dimicantes, successores reliquerunt; hic Haraldum Klack, ille Reginfredum seu Regnerum, Lodbrog. Inter hos fuere certamina continua & magna, superiore tamen existente Regnero. Huic rei lucem addet Genealogia, quam hæc adjecimus.



21. *Domuitionis ejus occasione*] Ità scripsi, quum in vulgatis esset *dominationis ejus*. *Domuio* enim hæc absentiam, siue peregrinationem, denotare potest. Et vox est non uni usurpata auctori. Pacuvius *Hermiona*: *Nam solus Danaus hic domuitionem dedit*. Cornificius ad *Herennium* Lib. 3. *Jam domuitionem Reges Atridae parant*. Apulejus Lib. 1. *Metamorph.* *Eiq; causas & peregrinationis diurnæ, & domuitionis anxie, & spoliationis diurnæ aperio*. Hinc eidem *domuitionem capeffere, parare, comparare*. Sic Lib. 3. *Metamorph.* *Jam deniq; nec Larem requiro, nec domuitionem paro*. Et Lib. IV. *Choragio itaq; perfetto, dejectis capitibus, domuitionem parant*. Et Lib. X. *Jamq; ex arbitrio dispositis coemptisq; omnibus, domuitionem parabat*. Et alibi passim. Septimius Ro-

A manus de Bello Trojano Lib. 1. *ulysses simulatâ ex pervicacia Agamemnonis iracundia, ob id domuitionem confirmans, magnum atq; insperabile cunctis remedium excogitavit*. Et Lib. 2. *Tedione an recordatione suorum domuitionem cupiebant*. Philoxenus: *Domuitionem*, ἐπὶ νόδον.

Pag. 169. vers. 2. *Consertâ pugna Ringonem Sivardus aggreditur*] De pugna hac ita loquitur Aimoinus Lib. IV. Cap. 100. *Nec multo post Hemmingus Danorum Rex defunctus nuntiatur. Cui cum Sigisfridus, nepos Godefridi Regis, & Amilo, Nepos Herioldi & ipsius, succedere voluissent, neq; inter eos, uter regnare deberet, convenire potuisset, comparatis copijs, & commisso pralio, ambo moriuntur. Pars tamen Amilonis adepta victoria, fratres ejus, Havioldum & Ragenfridum, Reges sibi constituunt. Quam necessario pars victa secuta, eosdem sibi regnare non abnuit. In eo pralio 10940 cecidisse narrantur. Paulo aliter Adamus Bremensis, & Albertus Stadenfis; ille Lib. 1. Cap. XIV. hic ad An. Ch. DCCCXVII. Per idem tempus Hemmingo Rege Danorum mortuo, Sigafridus & Annulo, nepotes Gotafridi, cum inter se de primatu regni convenire non possent, pralio sceptrum dividerunt. In qua congressione XI millibus hominum interemptis, Reges ambo ceciderunt. Pars Annulonis cruentâ victoriâ potiti, Reginfridum & Haraldum in regnum posuerunt. Moxq; Reginfridus ab Haraldo pulsus, classe piraticam exercuit, Haraldus cum Imperatore sedus injit.*

7. *Avitæ ultionis studio*] Erat enim Uxor Syvardi Regis Norvagiæ, Regneri avia; sicut & avus ipse Syvardus.

11. *Muliebris improprij vindex*] *Impropere* mediæ ætatis scriptoribus est, tum probro afficere aliquem, tum exprobrare, seu objicere alicui crimen. Hinc *Improprium* frequens est pro probro & convicio. Glossar. *Improprium, óveidos, óveidiσμός, óveidiς*. *Impropere, óveidiς*. Vetus Dictionar. *Impropere, conviciari, deridere, injuriari*; *Improprium, dedecus, convicium, injuria, derisio*.

36. *Thoram Herothi regis filiam*] Communitavit mecum, non multis ab annis, Excellentissimus Vir, & reconditæ eruditionis Polyhistor, D. Olaus Worm, Rhythmos quosdam celeberrimum Scaldorum, de rebus gestis veterum principum ac Magnatum, unâ cum adjunctis eorundem Rhythmorum enarrationibus & veluti Commentariis, à Magno Olavo, ex Antiquitatibus Islandicis consignatis. In quibus multa occurrunt, quæ cum Saxonis nostri narratione conveniunt, multa etiam quæ in diversum abeunt. Principio Rhythmi illi, siue potius ἐξήγησις eorum, commemorat, Herothum hunc, quem Saxo Regem Sveciæ facit, Comitem duntaxat fuisse, non in Svecia, sed in Gothia. IARN, Jarl/ enim Comitem linguâ antiquâ Danicâ denotat. Et PANTAR, Gautland/ Guthlandiam. Ubi tamen existimo per hanc

Gautlandiam, sive Gutlandiam, intelligendam esse, A non Gothlandiam insulam, quæ inde ab antiquissimâ memoriâ & fuit, & hodieq; est Dani- cæ ditionis; verum potius Gothiam, Sveciæ pro- vinciam, Gylland; ut sic conciliemus utrunq; Saxonis & Commentatoris discrepantes nar- rationes. Deinde ἐξήγησις non duas angves, quomodo Saxo tradit, sed unicum tantum ser- pentem cubiculo Thoræ virginis appositum, & à Regnero interfectum commemorat. Ad ultimum innuit, Regnerum quindecim annos B natum, fortissimum hoc facinus perpetrasse: Tota narratio ita habet: *Quum in Gutlandia, Regnerus Lodbrog, excussum manu telum incessentis se serpentis corpori strenue adegisset, & jam ille moriens horrendum in modum se extenderet: Thora Heruthi, Comitissæ Gutlandiæ filia (cujus cubiculum angvis illa in gyros spiransq; se complicando assidue circumvalla- verat) extrâ fores processit, interrogans, quisnam esset? Cui Regnerus hoc carmine respondebat:*

Het hese ek leifdu life
*H1 *HPI H MIPBN MPE
Litfogur kona minum
H1PAPNR YAM YHKNY
Va ek at foldar fiske
H1 H AT PAMPAR P1UYE
Fimtan gamel vetra
P1Y1AK P1YIN H1R1
Hafa skal baul nema bite D
*HPI H YAT BANT H1Y1 BITI
Bradrakin mer danda
BRAPRAYIK YIR HANPA
Heidalslags til hirta
*H1PARKAPN TIR *H1R11
Hringleigin vel smiugu.
*R1KPNHPIK HIR H YINPN.

Ardue tentavi discrimina, damnaq; multa,
Victus amore tui, virgo decora, tuli.
Vix mea quindenae messes conspexerat ætas,
Angvis ubi assultum fortiter exciperem:
Nunc jacet horrendum stridens, & vulnere victus
Lethifero, virus nec metus ullus inest.

Pag. 170. vers. 13. Incomptam bracciarum spe-
ciem] Braccæ sunt femoralia; quomodo paulo
ante Saxo appellavit. Vocabulum origine Go-
thicum. Erat autem bracca, sive brachia (ita enim
promiscuè scribitur) indumenti genus, quo fri-
gidioris cæli gentes utebantur. Sarmatis tribuit
Ovidius:

Pellibus & laxis arcant mala frigora braccis,
Orasq; sunt longis horrida testæ comis.

Angionibus Lucanus Lib. I.

Et quæ te laxis imitantur Sarmata braccis
Reliquis Gallis Svetonius in C. Cæsaris Vita:
In curia Galli braccas deposuerunt, latum clavum

sumpservit. Hinc Gallia braccata dicebatur. Pli-
nius Lib. 3. Cap. IV. Narbonensis provincia pars
Galliarum, quæ interno mari abluitur, Braccata ante
dicta. Sveci hodieq; femoralia et par Bracher
dicunt. Nos Brog dicimus. Unde vocem ha-
ctenus corruptissimam in utraq; Editione Ada-
mi Bremensis restituere me posse confido. Nam
Lib. I. Cap. XXXIII, ubi anteà legebatur: *Scrit-
tum est in Gestis Francorum, crudelissimus omnium
fuit Jugvar/ filius Lodprachi: meo periculo cor-
rige, filius Lodbrachi, hoc est, nostri Regneri, qui
ab hirsutis braccis dictus est Lodbrog, quasi do-
denbrog. Brogenim braccas, sive femoralia, no-
stra voce denotat, & loden/ hirsutum.*

Ibid. Lodbrog eum per ludibrium agnominavit]
Ipse Regnerus in Epicedio suo, eandem adfert
cognominis hujus rationem, ubi inest:

Huggum vier med hiorve
*H1NPNY HIR YIP *H1RNI
Hitt var ai syrer longu
*H11 H1R H1 P1RIR H1RNI
Er a Gaulande geingum
IR 1 P1N1M1R1 P1HKNY
At Graf vitnis morde
AT P1R1P H1M1H Y1R1R
Da feingum vier Thoru
P1 P1HKNY HIR P1RN
Thad an hietu mig firdar
P1P AK *H11N YIP P1R1R
Lodbrog ad thui vige.
P1PBR1P AP PNI H1P1.

Ensis innumeras consuevimus edere pugnas.
Haud multum effluxit temporis,
Ex quo, in Gothia, inusitate magnitudinis
Serpentem fortiter aggressi sumus, neq; dedi-
mus.

E Tunc Thoram mihi conjugem impetravi.
Ob hanc cædem, & hirtum illum atq; hispidum
cultum,
Virum hirsutis braccis me exinde agnominarunt.

27. Apud Campum, qui Latialiter laneus dicitur I
In Regneri Epicedio H1R1R H1NR H1lar
atur dicitur, locus nempe in Svecia, ubi acre
prælium commissum; Strophæ VIII.

Hitt greniudu brottar
*H11 P1R1NPN *R111111
Adur a ullar akre
H1NR 1 H1R1R H1R1
Eisteinn Kongur fielle.
H1TH1K Y1R1R P1HKNY.

Altum mugierunt enses,
Antequam in Laneo campo
Eistennus Rex cecidit.

Pag. 171. vers. 6. *Sivardo serpentini oculi vulgatum late cognomen*] Nobis enim dictus est *Enogðre* / quasi *Óðwðns* : quem sic à circumspccta prudentia dictum interpretor. Angues enim acutè vident. Quod veteres quidam fortè non animadvertentes, aliam cognominis rationem finxerunt. Arngrimus Jonas Rerum Islandic. Lib. II. Genealog. IX.

23. *Scotia ac Petia*] Quam hic intelligat *Petiam* author, haud tam in proclivi est statuere. Nomen certè prorsus ignotum Camdeno & Buchananano, accuratissimis suæ gentis scriptoribus. Nisi si quis capere velit de septentrionali illa insulæ Britannicæ parte, quam *Pictia* olim incoluerunt : ut sit *Pictia*, pro *Petia*. Australes autem insulas fortè indigetat minores illas, hinc inde in Oceano Britannico sparsas, ut, Hebridas, Hebudas, Vectam, Monam, & alias. De Orcadibus Camdenus & Buchananus Lib. I. Histor. Scoticæ.

33. *Insularium Danorum classe*.] *Insulares* appellat, qui insulas Selandiam, Fioniam, Lalandiam, Falstria, Mōnam, Langelandiam, Fimmeriam, & alias incolunt.

44. *Carolus tunc fortè illis imperij sui finibus immorantem*.] Hic ipse est Carolus, cui à rebus actis & auctis cognomentum Magni incesit. Is statim ab infelici hac cum Regnero & Sivardo pugna, dum Aquisgrani hyemaret, supremum obiit diem, Anno Christi DCCCXIV.

48. *Salutari Regem predicatione monuit*] Karolum videlicet Imperatorem, non Regnerum Daniae Regem. Sæpius enim Imperatores Regum nomine veniunt Historicis istius ævi ; in primis Lamberto Schafnaburgensi, & alijs. Nonnulli hanc addunt observationem, quod Reges dicebantur usq; ad solennem illam inaugurationem per Pontificem Romanum, sacra unctione & diadematis impositione, administratam : quæ peractâ, Imperatores & Augusti postmodum vocati.

Pag. 172. vers. 6. *Quos ex Svanlogha progenuerat*] Fortasse hæc erit paululum immutato nomine, *Aslauga*, illa Regis Sigurdi Fónisbane filia, quam mortuâ priore conjugè Thora Herothi filia, matrimonio sibi junxit Regnerus. Occasionem verò, quâ hæc, sive *Svanlauga*, sive *Aslauga*, Regnero nupsit, operæ duxi pretium heic in medium adducere, ex antiquissima Historia Regneri Lodbrog, quam prisca lingua Danicâ conscriptam etiam nūm Islandi, fugientis antiquitatis destinæ & veluti Statores Joves, curiose asservant. Summa narrationis hæc est. Defunctâ priore conjugè suâ Thorâ cognomento *Hiortin*, Regnerus maritimo itinere in Norvegiam suscepto, appulit in portum, cui vicina erat villa nomine Spangarheide ; ubi conspectâ iuculente formæ virgine, Craca vulgò dicta, in navim suam ad se accersi jussit. Illa verò voto

Regis obsecundare noluit, nisi si fide jurarâ promitteret, absque omni dedecore & injuria ad suos reversuram. Annuit petitis Regnerus. Cum verò Rex blanditiis illam palpare cœpisset, in hæc verba prorupit :

Drumde vift ef vere
PRNÞÞ NHT IP NRI

Vórdur fæurdur jardar
NARÞNR ÞANRÞNR IARÞAR

Metur hia milldre Snotu
ÞIANR *IA ÞIANÞRI HAAIN

A mer taka bondum
I ÞIR TAM *AMINÞ

Vamloufa skall tu vife
NATÞANNA HATÞ TÞ NHT

Ef viltu gridum thyрма
IP NHTÞ PRIÞÞÞ ÞARÞÞ

Heim hófum bilme sotta
*HTÞ *AMÞÞÞ *INÞÞ HAAIAK

Hildan mig fara lata.
*INÞAK ÞIP ÞARA MATÞ.

Si Pater patria Regnerus
Assideret speciosa femina,
Vix per somnium eam tangeret.
O inclyte Rex Regnere,
Tuum erit me absq; omni dedecore
Hinc dimittere & injuria,
Modò inducias violare nolueris.
Nunc verè gloriari potero me
Regis hospitio exceptam fuisse.

Hæc autem Craca, non erat his rusticanis orta parentibus, quomodo vulgus opinari solebat, sed Regis Sigurdi Fónisbane filia, nomine *Aslauga*. Cujus ipsa sola erat conscia. Licet verò paupere cultu incederet, Regnerus tamen, ut perspicacis ingenij princeps, facile animadvertabat, eam rusticana indole minimè præditam. Quare eam sibi conjugem asciscere exoptans, in hos Rhythmos vocem solvit:

Vil tu thennun thiggia
NIP TÞ ÞHAAK ÞIPÞIA

Er Thora Hiortur atte
IR ÞARA *IARINR AAI

Serk vid silfur ofmerk
HIRY NIP HIRÞNR APÞIRY.

tan
TAK

Soma al vel thier klede
HATÞÞ AT NIP ÞIR YNÞÞ

Thoru hendur huitar
ÞARN *HÞNR *NITÞR

Hennar um thessar gersar
*HÞARÞÞ ÞHÞAR ÞIRÞAR

Su var Budlunga bragna
 ИН НАР ВПЕРНАРА ВРАПНА
 Brud mier thek til dauda.
 BRNE YIR HY TIR PANA.

Visne hanc pallam argento intexam
 A me muneri capere, quam Thora,
 Hiortin dicta, antehac possidebat?
 Sanè non dedecet te tam preciosa
 Indumenta, quæ nixis Thora manibus
 Affabrè fecit & elaboravit.
 Illa profectò scemina mihi regum maximo
 Usq; ad extremum halitum vehementer placuit.

Cui Craca sequentes reposuit versus:

Thore ek ei than thiggia
 PARI HY H PAK PIPPIA
 Er Thora Hiortur atte
 IR PAPA KIR ANR 1111
 Serk vid silfur ofmerk
 HIRY NIF HIRNR APYIRY-
 tan
 TAK

Soma ei lig mir klede
 HAYH H NIF YIR YNIF
 Thui em ek Kraka kaulud
 BNI HY YRAYA YANRNE
 I kolsuortum vodom
 I YANRARTNY NARNY
 At ek hefe gride ofgengit
 AT HY KIFI PRIET APYIRPIT
 Og geitur med sia reknar.
 APYIRNR YIF HIRIRYAR.

Non ausim ego dona a te capere,
 Interulam argenteo limbo circumtextam,
 Quam olim possedit cervi cognomine insignita
 Thora:

Haudquaquam mihi talis competit ornatus.
 Propterea enim Krakam me vocant
 Pullis amictam pannis,
 Quod per scrupos grumorumq; eminentium frag-
 menta
 Incedens, penes littora caprarum agitavi greges.

Pag. 174. vers. 20. Hostilium cadaverum ex-
 cremento] Fortè legendum incremento. Nam eo
 significatu rara admodum in scriptoribus,
 etiam deperditæ Latinitatis, vox est. Confimi-
 lis est loquendi modus, qui mox occurrit: Cujus
 latrocinij manum tantà Vitsercus strage percudit, ut
 hostilium corporum cumulo circumfusus, nisi scalis su-
 perne admotis comprehendi nequiret.

24. Nullis obitum modis effugere potuit] Hæc
 sanè verba ipsi Historiæ nimium refragantur.
 Nam Ubbo nuspian à patre interfectus, sed
 mox patri reconciliatus dicitur. Sequentia ta-
 men innuunt poenam subijisse Vbbonem motæ

A seditionis: At ubi Ivarus tumultum patriæ factiosæ
 supplicio discussum comperit, Daniam petiit. Verus
 Codex in imagine ascriptum habebat: Vix ullis
 obicum nodis constringi potuit. Sed hæc nimis au-
 dax emendatio; licet à mente Saxonis nihil ab-
 scedat. Ego locum hunc corruptissimum haud
 temerè emendandum duxi, donec meliora cer-
 tioraq; edoctus essem.

29. Vitsercum Suetiæ principantem] Princi-
 pare hoc loco est imperare: quomodo antè Saxo-
 B nem locutus est Sidonius Apollinaris Carmi-
 ne IX.

Non prolem Garamantici Tonantis,
 Regnis Principibusq; principantem.

Sic & Carmine XXIII.

Quid quod Cæsaribus ferax creandis
 Felix prole, virum simul dedisti
 Natos cum genitore principantes.

Augustinus de Civitate Dei Lib. XIX. Cap. 14.
 sub finem: Neq; enim dominandi cupiditate impe-
 rant, sed officio consulendi; nec principandi superbiâ,
 sed providendi misericordiâ. Matthæus Paris in
 Vita Henrici II Anglorum Regis. pag. 91. Quem
 quia principatur regulis Arragonum & Galatiæ, Im-
 peratorem Hispaniarum appellant. Ælnothus Mo-
 nachus de Vita S. Canuti Cap. VIII. Pag. 23. Ob
 quam ejus posteri, bis quinq; regni partibus ablatis, viz:
 duabus, irato Deo, principari merebantur. Dudò S.
 Quintini Decanus, & rerum Aquitanicarum,
 D scriptor Lib. III. Ne exteræ gentes super nos ir-
 ruentes, hocque negotio hujus traditionis inaudito,
 principari super nos deliberantes, vendicent sibi Nort-
 mannico fines. Et pag. 138. Super Francos præsum-
 ptuosâ temeritate elatus principatur, contumax præ
 omnibus.

Pag. 175. vers. 6. Apud Utgarthiam] Per Utgar-
 thiam nonnulli hic intelligunt ipsam Byzan-
 tium, sive Constantinopolin, quæ & Mychlegar-
 thia antiquitus dicta. Videtur autem Garthia
 E five Garth, quod nunc mollius pronunciendo
 Gaard dicimus, civitatem olim denotasse aut
 regionem. Unde Helmoldus sub initium Lib. I.
 Russiam à Danis vocari Ostregard [Ostregaard]
 scribit, quod in Oriente posita; item Chunigard,
 quod ibi sedes Hunnorum fuerit. In antiquis
 vero cantilenis multoties Constantinopolis di-
 citur Mychleagaard/ Mychlegarthia, quasi μεγαλη
 garthia; hoc est, magna & regia civitas.

17. Sedulo multare servitio] Sedulo, id est,
 F continuo, assiduo; Quæ vocis significatio tantum
 non ignota est melioris ævi scriptoribus. Puto
 Saxonem eo respexisse, ut sedulum appellaret,
 quod fit instantè, & sine intermissione.

19. Suetiæ præfert] Hoc est Suetiæ præficit,
 regimen ei Suetiæ committit; de qua vocis si-
 gnificatione antea nobis dictum.

31. Hellam quendam Hamonis filium] Hamo hic,
 nî fallor, ipse Hama est, quem supra Hellæ pa-
 trem, & Britannia Regem nominat.

34. *Gallicana virtute subnixum*] Id est, Gal-
lorum submissis auxiliis. Virtus enim robur,
potentiam, auxilium, vires, interdum signifi-
cat. Gloss. Phil. Virtus: ἀρετή, ἀνδρεία, δύνα-
μις, ἰσχύς.

43. *Recidivos patriæ tumultus incutiens*] Re-
cidivum mediæ ætatis scriptoribus id dicitur,
quod redit ac revertitur. Sic annum redeuntem
recidivum appellat Tertullianus: Reciprocarum
frugum, & viridorum Elementorum, & recidivi
anni fidem argumentantur. Autor Carminis de B
Sodoma apud Cyprianum:

*Sed recidiva hominum pariter cum gente secunda
Impietas, iterumq; mali nova pullulat ætas.*

Corippus Africanus Lib. 1. de Laudibus Justini
Augusti Minoris:

*Rectorum Latij discussor providus orbis,
Successorq; boni, recidivaq; gloria, Petri.*

Dudo de S. Quintino, Lib. III. Histori. Nor-
man. Clerus totius regionis extra suburbana Rotoma-
gensis urbis exiliit, collaudansq; Deum, pro recidivæ
tripudio proliis, deduxit eum ad altare: Ubi recidi-
væ, est, redeuntis.

53. *Haraldum solenni lavacro usum*] Haral-
dum sacro Baptismate lustravit Otgarius Ar-
chiepiscopus Moguntinus, circa Annum. Chr.
DCCCXXVI. ut habent Annales Pithœani,
quos citat Nicolaus Serrarius Lib. IV. rerum
Moguntiacarum pag. 621. Mense Majo, apud In-
galenheim habito conventu, diversarum gentium le-
gationes auditas absolvit [Imperator Ludovicus
Pius] Quo tempore Herioldus [Haraldus] cum
uxore, & magnâ Danorum multitudine, apud Mogun-
tiam baptizatus est. Et in ipsius Ludovici Vita:
Herioldus ex Nortmanniæ partibus cum uxore veni-
ens, Danorumq; non parvâ manu, Moguntiaci, apud
S. Albani, cum suis omnibus, sacri baptismatis unda est
perfundus, plurimiq; muneribus ab Imperatore dona-
tus. Addit Theganus in Libro de Ludovici ge-
stis; Haraldus uxorem à Judith Imperatrice de fonte E
sacro levatam. Adamus Bremenensis ita rem ge-
stam commemorat Lib. 1. Cap. XV. & ex eo to-
tidem verbis Albertus Stadenfis, ad Ann. Chr.
DCCCXXVI. Eodem quoq; tempore Rex Dano-
rum Haraldus à filiis Gotafredi regno spoliatus, ad Lu-
thovicum supplex venit Imperatorem. Qui & mox
Christiana fidei Catechismo imbutus, apud Mogun-
tiam cum uxore, fratre, & magna Danorum multi-
tudine baptizatus est. Hunc Imperator à sacro fonte
suscipiens, cum decrevisset in regnum suum restituere, F
dedit ei trans Albiam beneficium. Fratri verò ejus
Erich, ut tum Piratis obsisteret partem Frisicæ conces-
sit. Observandum autem hoc loco, quod sub
filiorum Godefridi nomine, ipsius posteris &
nepotes accipiendi. Nulla enim ipsi soboles su-
pererat hoc tempore, ut rectè animadvertit
Clariss. Vir Andreas Vellejus. Eandem histo-
riam ex Autemaro referens Aimoinus Lib. IV.
paulo aliter totum negotium edisserit: Eodem

A tempore Harioldus, inquit, cum uxore & magnâ Da-
norum multitudine veniens Magunciacum, apud S.
Albanum, cum his quos secum adduxit, baptizatus est,
multisq; muneribus ab Imperatore donatus, per Fri-
siam, quâ venerat via, reversus est. Veritus autem
pissimus Imperator, ne ob tale factum negaretur ei
habitatio soli naturalis, dedit ei quendam Comitatum
in Frisia, cujus vocabulum est Ruistri, quò se suosq;
si necessitas exigeret, tuto recipere posset. Sigebertus
Gemblacenſis ad Ann. Chr. 825. Harioldus
Rex Danorum, cum uxore & filiis, & magna Dano-
rum parte, Moguntia baptizatur & ab Imperatore
muneribus, & parte Frisicæ in beneficium sibi data, ho-
noratur.

Pag. 176. vers. 18. *Omnem operum suorum cur-
sum animosâ voce recensuit*] Rex Daniæ Regnerus
Lodbrog, jam morti vicinus, inter viperarum
morsus, sibi ipse Epicedion cecinit, quo rerum
à se gestarum magnitudinem, omniumq; ope-
rum suorum cursum, ut Saxo ait, complexus
est. Continet autem Strophas XXIX: quarum
in XXVI. non κατὰ ῥητόν, sed qua sensum,
extat clausula illa, cujus hic meminit Saxo: *Hic
vellent nunc omnes filij Aslaugæ gladijs amarum bel-
lum excitare, si exactè scirent calamitates nostras,
quam non pauci angues venenati me discerpant.*

Hingum vier med hiorve
*INPYN NIIR YIF *IARNI
Hier vildur nu aller
*IIR NIMBIR IN AMIR
Burir Aslaugar braun-
BNRIA AMANP AR BRANK-
dum
INP
Bitrum hilde vikkia
BITRNY *IMBI NIYYIA
Ef vandliga vife
IP NAITPRA NIIF
Um vidfarar offar
NY NIPPARA AMHAR
Hue o faer ormar
*NI A PIR ARYAR
Eitur fullir mig slyta
ITNR PNMR YIP IMATA
Modernis fek eg minum
YAIRKIN PIV IP YIKNY
Maugum suo ad Hiortun
YANPNY INA AF *IARTNK
duga.
INP.

Integrum vero Epicedion, velut antiquæ Poë-
seos illustre exemplum, ad calcem libri sui de
Literatura Runica, Excellentissimus Vir, D. O-
laus Wormius, representat.

Pag. 178. vers. 4. *Ad salutares Ansgarij monitus*] Hic est ille Ansgarius, quem Romanorum Imperator Ludovicus, Anno Christi D CCC XXVI. novæ a se in Saxonia fundatæ Corbejæ & paulo post in Daniam & Sveciam religionis Christianæ propagandæ gratia, ablegavit. Adamus Bremenensis Lib. I. Cap. 15. Anno Villerici XXXIII. *Ludovicus Imperator novam in Saxonia Corbejam, exorsus, religiosissimos Franciæ Monachos ad illud congregavit cœnobium: inter quos præcipuus legitur sanctissimus Pater ac Philosophus Christi Ansgarius, vitæ atq; scientiæ merito clarus, & omni populo Saxonum acceptus.* & mox Cap. XVI. *Cum autem nemo Doctorum facile posset inveniri, qui cum illis ad Danos vellet pergere, propter crudelitatem barbaricam, quâ gens illa ab omnibus fugitur: Sanctus Ansgarius, divino, ut credimus, spiritu accensus, & quia ad martyrium aliqua occasione malebat pertingere, cum socio seu ultro neum obtulit Autherio, non solum inter Barbaros, verum etiam in carcerem & in mortem pro Christo ire paratus.* Itaq; biennium in regno Danorum commorati, multos ex gentilibus converterunt ad fidem Christianam. Scripsit ejus insignia facta Rembertus ejus Discipulus, ac in sedem Episcopalem Successor. Plura etiam de eo habentur in Vita ejusdem Remberti, quam habet Surius, ad diem 4. Febr. Tom. I. Item Albertus Crantzius in Histor. Ecclesiast. Saxon. Lib. XX, & Saxoniz Lib. 2. Cap. 25, & 29. Tritheimius de Viris illustr. Ordin. Benedict. Lib. 4. Cap. 84. Et penes me est Vita S. Ansharii a discipulis ipsius conscripta, & ex Veteri MS. Codice transcripta; ubi inter alia Eriici hujus Daniæ Regis fit mentio, quam Saxo ait ad salutares Ansgarij monitus sacrilegæ mentis errorem deposuisse. Verba sic habent. Jamq; susceptâ Bremensi Parochiâ, iterum cepit spiritu servare intimo, si quid possit in partibus Danorum pro Christi laborare nomine. Unde frequentius solebat adire Herium, qui tunc solus Monarchiam regni tenebat Danorum, ut officio prædicationis in regno ejus sueretur. Aliquoties quoq; regiâ legatione ad eum mittebatur. Et quæ ad fœdera pax, & utriusq; regni utilitatem perinebant, strenuè ac feliciter peragebat. Quæ de re cognita fide & bonitate Sancti viri, prædicti Herii Rex mutuo eum affectu cepit venerari, & libenter ejus consilio uti, ac familiarissimum in omnibus habere, i. a. ut etiam

etiam inter secreta sua, dum de negotijs regni sui cum consiliarijs tractaret, eum interesse rogaret. Hac itaq; familiaritate potitus, cœpit illi etiam persuadere, ut fieret Christianus. Ille verò omnia, quæ ei ex divina intimabat scriptura, benignè audiebat, & bonâ prorsus ac salutaria esse laudabat; seq; his plurimum delectari, ac libenter velle Christi gratiam promereri dicebat. Cui post talia vota Sanctissimus Pater suggerere cœpit, ut Christo Domino hanc concederet benevolentiam, ut in regno suo Ecclesiam fieri permitteret, ubi Sacerdos omni tempore adesset, & verbi divini semina, & Baptismi gratiam, qui suscipere vellent, traderet. Quod ille benignissimo concessit affectu, & in portu quodam sui regni ad hoc aptissimo, & huic regioni proximo, Slesvici vocato, ubi ex omni parte conventus fiebat negotiatorium, Ecclesiam fabricare permisit, tribuens locum, in quo Præbyter permaneret, datâ pariter licentiâ, ut quicumque vellet, in regno suo, fieret Christianus. Sed hunc Hericum fratrem Haraldi Klag fuisse, non Regneri nepotem, indicare videtur Clariss. Vir Andreas Vellejus in Observatione sua adjuncta Cap. XXV. Lib. 1. Adami Bremensis: Sciendum est, inquit, duos Ericos Reges in Dania rerum potitos, tempore Ansgarij. Primus erat frater Haraldi Klag; is scriptum Erico filio Sigvardi delatum, ad se vi rapuit. Sed ut sunt violentiâ minus diuturna, brevi post a Guthormo, nepote suo ex fratre, casus, vitâ pariter ac regno spoliatus est. Rediit itaq; imperij dignitas ad Ericum filium Sigvardi, nepotem Regneri. Is filiam Guthormi duxit, & erat etate admodum tenerâ, quum primùm regni susceperet administrationem. Quâ etiam de causâ cognominatus est Puer. Quod idè admonendum duxi, ut utriusq; Regis temporibus concionatum esse in Dania Ansgarium sciamus: quum unius saltem tempore ipsum hic docuisse indicet Saxo. Et prioris quidè Erici operâ ac studio Templum Slesvicense Anno Domini 848; alterius verò à paganismo ad fidem conversi, Zelo, Ripense primùm fundatum atq; erectum, An. Domini circiter 860. De posteriore verò Erico ita Adamus Bremensis Cap. 28. Lib. 1. Iste mox ut regnum Danorum suscepit, ingenito furore super Christicolâs efferatus, Sacerdotes Dei expulit; & Ecclesias claudi præcepit. Ad quem Sanctus Dei confessor Ansgarius venire non trepidans, comitante gratiâ divina, crudelem Tyrannum sic placatum reddidit, ut Cristianitatem ipse susceperet, suisq; omnibus, ut Christiani fierent, per edictum mandaret, & insuper in alio portu regni, apud Ripam, exstruxerit Ecclesiam in Dania secundam. Porro de Ansgario videatur Adamus Bremensis à Cap. XV. Lib. 1. ad ejusdem Cap. 32. Et Adolphus Cypræus Historiæ Eccles. Slesvic. Cap. 1. & alij.

Pag. 178. vers. 12. Hujusce muneris advocacionem præstare] Imitatur hic more solito Valerium Maximum Saxo; Cujus hæc sunt verba, Cap. IX. Lib. II. Accedit his, quod etiam fortunâ longam præstandi hujusce muneris advocacionem estis affecti. Sed & Advocacionem sæpiusculè usurpat Dudo S. Quintini Decanus, pro defensione, pro-

tectione, tutelâ, cura, administratione. Sic Lib. III. Histor. Normann. pag. 122. Respondit Rex, Tellus Normanniæ non nisi unius senioris unquam tuebitur advocacione. Erpag. 139. Sacrosancta Ecclesiæ Normanniæ advocacione dignus. Erpag. 142. Populum suæ advocacionis fomento prudentius nutrebat. Unde Advocatus eidem pro Protectore, defensore, & præside multoties sumitur.

30. Ab Agapito] Videtur hic ex emendatione Historici eminentissimi, Andreæ Velleji, legendum Adriano; ejus scilicet nominis Tertio, qui sedi Romanæ unius duntaxat anni curriculo præfuit. Id quod cum ipsâ Chronologia exactius convenit. Adrianus enim Pontifex Romanus universalem Ecclesiæ Christianæ administrationem suscepit Anno Christi 884, teste Baronio, quo adhuc in Dania regnasse Frotho-nem asserunt Chronologi nostrates, Lyschander, Petrus, & alij: sed Agapitus demum Ecclesiæ præesse cœpit Anno 947. qui incidit in imperium Haraldi Blaataand.

32. Romanæ legationis præcurrit adventum] Utitur eodem Verbi Præterito Plautus Menæchm. Actus V. Scenâ VIII.

Præcurristi obviam, ut quæ fecisti, insicias eas.

Sic adcurrit Tacitus Hist.: Lib. 3. 22. 6. & Apulejus Metamorph. 1. decurrit, Cæsar de Bello Gall. 2. 19. & 21. Excucurrisset Svetonius Galbâ; 18. 6. Procucurrissent Livius 25, II. 3. & 40, 30. 5. Cæsar de Bello Civil. 3. 93. Concurrit Florus Lib. IV. Id observante in accuratissimo ad hunc auctorem Indice, Viro Doctissimo, Joanne Freinshemio.

35. Hujus filius Gormo] Hunc Gormonem & sequentem Haraldum quidam omittunt, expungentes, ut per errorem bis positos: Id quod etiam Chronologiæ magis convenit, ut ajunt. Sed quàm recte, ipsi viderint.

37. Apud Insulam] Angliam intellige. Anglia enim seu Britannia, per excellentiam Insula dicta. Paulus Diaconus Lib. IV. de Gestis Longobard. Cap. XXIII. Britannica, flos qui in Insula nascitur: quomodo hunc locum restituit Cl. Barthius. Adamannus Scotus Lib. 1. de Vita Columbæ: Valedicens navigationem preparabat, & sine ulla morula transnavigans Joram, devenit Insulam, hoc est, Britanniam.

Ibid. Regiam adeptus est arcem] Hoc est, rerum summam obtinuit. Sic Valerius Maximus Lib. VI. Cap. 2. arcem occupare dixit: Quo interfecto, aliquantò tetrrior arcem occupavit. Phædrus Lib. 1. Fabular.

Hinc conspiratis factionum partibus,
Arcem tyrannus occupat Pisistratus.

Et Prudentius *Θεοδωρον*, Hymno III. de S. Laurentio, arcem possidere, pro regnare & imperare, dixit:

Augustus arcem possidens,
Cui nummus omnis scribitur.

44. *Adeo difficile pręgrandia continentur imperia*] In eandem mentem legati Darij ad Alexandrum Lib. IV. Curtij: *Periculosum est pręgrare imperium. Difficile est continere, quod capere non possis. Videsne ut navigia, quę modum excedunt, regi nequeant?* Facilius est quadam vincere, quam zueri. *Quam hercule expeditius manus nostrę rapiunt, quam continent.* Proverbium etiam Galis in usu est: *Qui trop embrasse, peu esreind.*

Pag. 179. vers. 1. *Sacra cellę strage puniens*] *Cella* hic nomine intelligendum venit *sacrarium*, seu *adica* sacra, *templum*, *delubrum*: cujusmodi fere sunt, quas *Capellas* barbarum nuncupavit seculum. Usus est eo significatu Valerius Maximus Lib. I. Cap. I. Pag. 27. *Cum Marcellus V. Consulatum gerens, templum Honori & Virtuti, nuncupatis votis, debitum consecrare vellet, a collegio Pontificum impeditus est, negante unam cellam duobus dijs recte dicari.* *Cella* etiam dictę habitationes Monachorum, qui in vasto illo Ægypti eremo olim, solitudinis sectandę gratiā, stabulabantur: quā significatione non semel hæc vox in Joanne Cassiano occurrit: ut Collat: 2. Cap. V. pag. 202. de Herone Sene: *Solitudinis cellęq; jugiter secreta sectatus est.* Unde & locus fuit in Ægypti eremo, cui nomen *Cellę*, a cellis Monachorum, quę frequentes in eo visabantur. Melchior Goldastus in Notis ad Ratperti Monachi Cap. I. & quidem illa verba: *Protinus ibi cellulas construentes*: *Cella*, inquit, a celando, & in templis, & in domibus, appellatur pars aliquare-motior. Unde factum, ut pauperum & servorum mansuicula, cellę appellarentur: ut docet multis exemplis Lævinus Torrentius Commentar. in Sveronij Tiberium Cap. 43. & Caligul. Cap. 41. In templis pars aliqua sacratior, in quam vulgo intrare non licebat. Cujusmodi erat in Capitolio *Cella Jovis*, auctoribus Gellio & Livio. Itā & Monachi, qui pauperes sese ac servos faciebant, *Cellas* vocarunt habitacula in recessu ac solitudine posita, & a frequentia hominum remota, in quas velut religionis gratiā se conferrent. Germanis hodieq; in usu est *Cellen* pro habitaculis Monachorum. Hactenus Goldastus.

6. *Hic a majoribus*] *Majores* hic intelligendi sunt proceres regni, senatores, Megisthanes, quos interdum *Seniores* nominat Saxo.

9. *Quam Daniam sub dotis nomine recepisset*] Procul dubio legendum hicerit *Angliam*, pro *Daniam*. Quippē illam amiserat Gormo Anglicus, ut paulo ante Saxo indicavit; hanc verō ut recuperaret, quę suę adhuc erat ditionis, non admodum necesse erat.

12. *Nocturnis moribus*] Eleganter *nocturnos* motus dixit pro Veneris exercitio, & libidinis nocturnę commercio, seu libidinosā prurigine, cujus meminit Juvenalis Sat. VI. *Tunc prurigo morę impatiens.* *Moveri* autem & *motus* in rebus Venereis sæpenumerō occurrit apud Juvenalem, Petronium, & alios.

24. *In capite nuptiarum*] *Caput*, pro principio, frequens est tam in sacris, quam in profanis Literis. Itā *Caput cænę* dixerunt antiqui.

34. *Propassis alis*] Hoc est diductis, distentis, atq; expansis. Sic Apulejus Lib. VI. *Metamorph.* *Nam supremi Jovis regalis avis illa, repente, propassis utrinq; pinnis, affuit rapax aquila.* Apprime huc facit Cap. XV. Lib. 15. Auli Gellij, quod, quia non adeo prolixum est, hoc loco integrum ascribere placuit: *Ab eo quod est pando, passum veteres dixerunt, non passum & cum præpositione, expassum, non expansum. Cæcilius in Synaristosis:*

Heri verō prospexi eumce ex tegulis:

Hęc nuntiasse flammeum expassum domi.

Capillo quoq; esse mulier passio dicitur, quasi porrecto & expanso, & passis manibus, & velis passis dicimus, quod significat diductis atq; distentis. Itaq; Plautus in *Milite Glorioso*, *A literā in E mutatā, per compositi vocabuli morem, dispassis, dicit, pro eo, quod est dispassis:*

Credo ego isthoc exemplo, tibi esse eundem actutum extra portam,

Dispassis manibus, patibulum cum habebis.

Pag. 180. vers. 1. *Præteritā filiā*] *Thyrā* scilicet: & præterito item filio Adelsteno, ut mox infra:

2. *Angliam iisdem testamento legaret*] Ejusmodi Testamentum *inofficiosum* Jurisconsulti vocant; cum scilicet parentes, sine causa, liberos suos exhæredant, vel omittunt; de quo liberis permissum est conqueri, aut iniquē se exhæredatos, aut iniquē præteritos. Institut. Lib. II. Tit. 18. de Inoffic. Testament.

STEPHANI JOHANNIS STEPHANII NOTÆ VBERIORES
 NOTÆ VBERIORES IN LIBRUM X.
 HISTORIÆ DANICÆ SAXONIS
 GRAMMATICI.

Pag. 181.
 vers. 5.

Igitur Norvagiæ Rex] Haraldus nempe Pulchricomus, qui ex concubina quadam Thorâ Haquinum filium suscepit, ab educatore suo, Britannia Rege, Adelsteno cognomento insignem.

11. Filio ejus Haquino, admodum, tenero educationis impensam pollicitus] Longè aliam ab Adelsteno Haquinianæ educationis occasionem, commemorat Chronicon Norvagicum antiquissimum, cui autor Snorro Sturlæsonius, in Vita Haraldis Pulchricomi : Sub idem tempus, rerum in Angliâ potiebatur Rex Adelstenuus, cognomento Victoriosus. Is ad Haraldum Pulchricomum, Norvagiæ Regem, legatum misit, cui præter mandata, de magni momenti negotijs illic expediendis, gladium aureo manubrio, & vaginâ gemmis aureis, & vinculis condecoratâ, insignem, pretiosi muneris instar, Regi exhibendum commisit. Hic ubi in Norvagiâ appulit, Haraldus aulam rectâ petens, ejusq; adeundi potestate factâ, ensẽ obtulit. Rex apprehenso gladij capulo, illum curiosius contemplari cepit. Quod animadvertens legatus, nunc, inquit, ô Rex, ex voto Adelsteni, ensẽ complexus, ejus te clientelæ tradidisti, ipsiq; homagium præstisti. Olim namq; se Regum clientelæ daturi, tacto gladij capulo, obsequium polliceri solebant. Haraldus summo sibi opprobrio ducens, alieno subjiâ imperio, haud levem animo concepit indignationem. Gnarus tamen frenare iram, (quæ morâ intevire solet) legatum laute tractatum, bonâ cum veniâ à se dimisit. Paulò post cum proceribus inito consilio, de ignominia hac & injuriâ opportunè vindicandâ, D unanimi consensu decretum est, ut Haraldus filium suum Haquinum Adelsteno educandum transmitteret. Etenim abjectæ sortis & vilioris conditionis ille habebatur, qui alieni liberis officium educationis præstabat. Erat tum temporis in contubernio Haraldis Regis, Haukerus Habrok nomine, vir explorare fidei, adq; res arduas obeundas promptissimus, & ob partam longinquis peregrinationibus variarum rerum experientiam, Regi gratissimus. Hujus fidei filium suum Haquinum in Angliam deferendum commisit. Haukerus peractâ E feliciter navigatione, in insulam exsensionem faciens, Adelstenuum cum magnatibus epulantem Londoniæ offendit. Sed priusquam Regem inviseret, triginta militibus, quos sibi comites adjunxerat, serio jussit, ut scutis suis capulos gladiatorum, quos districtos sub longis cælabant tunicis, contegerent, & qui ultimus ades regias ingrederetur, primus omnium exiret. Mox Haukerus in palatium intronissus, salutato Rege, filium Haraldis genibus ejus imponit. Adelstenuus puerum diligentius incuens, Ilunc, inquit, minime servilibus oculis esse video. Et simul interrogat Haukerum, quid hæc pueri traditio portenderet? Cui Haukerus : Rex, ait, Haraldus spurium hunc suum à te educari petit. Ad illa verba accensus ira Adelstenuus, arrepto gladio,

A puerum interficere simulabat. At respondit Haukerus : Nunc tibi alumnus tuum per me licebit obtruncare, cujus te sinu excepti nutrimentum & educatorem profiteri cœpisti. Neq; si unum huncce interemeris, totam Haraldis sobolem internecione delēvisi. Atq; hoc dicto Haukerus regiâ egressus, eadem, quâ venerat, viâ, iter in patriam remensus, secundo vento ad suos reversus est. Quos redeuntes Haraldus grater excipiens, ob rem benè gestam, dignâ remuneratione prosequutus est. Verum Adelstenuus Haquinum sacris Christianis B initiatum, honestorum morum documentis, & equestribus exercitijs informandum curavit. Unde & cognomen Haquini Adelstenuj sortitus est.

31. Præceptoris occasus] Id est, Adelsteni Regis, qui Haquinum compluribus honestatis præceptis imbuerat.

37. Haraldis Gunnilda filij] Hæc Gunnilda, Gormonis Daniæ Regis filia erat, & soror Haraldis Blaatano : quam pater Erico Blodæ / Haraldis Pulchricomi filio, Norvagiæ Regi, in C matrimonium dederat. Ex ea tulit Ericus septem filios, Gamaliū, Gutormū, Haraldum, Reginfredum, Erlingum, Sigurdum cognomento Sleffva, & Gudrodum ; & unicam filiam Ragnildam. Haquinus vero Adelstenuus, audito paterni fati nuntio, ex Angliâ redux, fratrem Ericum, Blodæ dictum, qui regiæ potestatis insignia sibi vindicabat, regno expulit ; ipse vicissim ab omnium provinciarum incolis regio titulo ornatus. Tandem universâ Norvegiâ suam in potestatem redactâ, in Daniâ cum instructissima classe irruptionem faciens, Jutlandiam, Selandiam, Scaniâq; igni & ferro latè depopulatus, ingenti prædâ partâ, patriam repetit. Interea Gunnilda, Haraldis vidua, tyrannidem Haquini metuens, in Daniâ ad fratrem Haraldum Regem, cum filijs aufugit, quibus Rex latifundia prædiaq; nonnulla, unde victui necessaria suppetere, possidenda concessit. Hi sæpe pyratice circa littorâ Norvagiæ exercentes, inprimis provinciam Vigcensem infestis armis adoriri solebant. Quibus tamen Haquinus fortiter se opponens, in Daniâ eos non sine exigua jactura, & internecione exercitus sui, retrocedere cœgit. Demum Haraldus Gunnildæ filius, ejus hic mentionem facit Saxo, sexaginta navium classe ab avunculo donatus, Hevindo & Karlhofto socijs receptis, in Norvegiâ navigationem remensus, adversus hostem navalis pugnae copia non suppetente, terrestrem exercuit, in qua tamen victor extitit Haquinus. Hæc totidem verbis Chronicon Norvagicum Snorronis Sturlæsonij.

41. Hevindo enim,] Hevindo huic Chronicon Norvagicum pag. 84. cognomentum Skre-

ja tribuit, & pro Karlhofto, Alfi cujusdam Askmanni meminit, in commilitium ab Harald, in expeditione hac Norvagica, suscepti.

46. *Clarius sui indicium exhibentem*] Haquinus etenim Adelsteinius, Rex Norvagiæ, in hoc prælio, capite gestabat *galeam inauratam*, quæ Solis radiis illustrata, eximio fulgore hostium oculos perstringebat. Gunnildæ filii regium hoc insigne rati, eo omnem impetum, totamq; vim armorum convertere cœperunt. Quo cognito Hevindus Findson, Haquini ex sororis filia pronepos, latè splendentem galeam pileo obduxit. Tunc elatâ voce exclamans Hevindus Skreja: Quid? subduxit ne se è prælio Norvagiæ Rex? an verò occubuit? Evanuit etenim, nec uspiam apparet inaurata galea. Et cum dicto, Haquinum Regem, qui inter primos præliantium globos strenue pugnabat, ignarus districtâ bipenni petiit. Sed adactum Regi ferrum Thoralfus objectu clypei fefellit, adeo ut Hevindus nutabundus mento ferè terram contingeret. Hinc Rex tantâ vi in Hevindum gladii sui aciem egit, ut ferrum non modò galeam & caput, sed & medio corpori illapsum omnes artus diffunderet. Mox Thoralfus Alf Askmand Hevindi fratrem, interfecit. Chronicon Norvagicum pag. 85. & seq.

Pag. 182. vers. 1. *Interea Thoralfus*] Hic est Thoralfus ille Skolmsón, cognomento Fortis, qui tanquam fidus Achates, in hoc conflictu, à latere Haquini vix latum unguem discedens, Regis fatum clypei sui obstaculo repulit.

10. *Jaculum namq; vago*] De hoc jaculo paulò aliter Historia Norvagica pag. 86. Postquam occubuissent Hevindus Skreja, & Alf Askman, Haraldus exercitus effusâ fugâ sibi confuivit. Dum verò Haquinus hostes acrius persequeretur, ex improvîso spiculum quoddam, sive sagitta, quam *Flein* vocant, advolans, brachio regis infra scapulas, grande vulnus infixit. Memorix proditum est, Gunnildæ servum quandam, nomine Kispingum, in mediam aciem processisse atq; exclamasse; cedite locum Regis interfectori, ac derepentè jaculum corpori Regis adegisse.

16. *Gunnildam procurato maleficijs spiculo*] Erat certè, teste Snorrone Sturlæsonio, Gunnildâ hæc, venefica nulli secunda, varias præstigias & maleficia in Findmarchia, ubi educata fuerat, edocta. Quare nullum est dubium, quin perniciosum hoc jaculum in hostile caput machinata sit.

17. *Haraldus itaq;*] Intellige Haraldum, postea Graafeld dictum, qui major natu inter Gunnildæ filios erat; quiq; cæso Haquino Adelsteinio, regnum Norvagiæ occupavit.

24. *Julinum nobilissimum illius provinciæ oppidum*] Julinum sic describit Sebastianus Munsterus Cosmograph. Lib. 3. pag. 771. Julinum oppidum olim nulli clarissimarum urbium secundum, multas etiam præclaris opibus & structuris exsuperans,

A *nobile VVandalorum emporium, tantis opibus mercatorum negotiis frequens, ut vix aliud par illi tum Europa videret, Constantinopoli excepta, quæ tum florebat. Ibi Russi, Dani, Sorabi, Saxones, & VVandali suos viços & plateas incolebant. Incolæ ejus, quum in flore essent, legelata vetuerunt, ne advenarum quisquam novæ religionis mentionem ullam faceret, quo factum est, ut omnium illi novissimi ad Christi fidem pervenirent. A Regibus Danorum olim urbs ista multum passa est, potissimum autem Regi Svenoni ad tempora*

B *Ortonum regnanti, sæpè se opposuit, bello sustinens totius regni molem, ter etiam Regem prælio cepit. VValdemarus quoq; Rex Dania, circa Annum Christi 1170, classe per Zvenum fluvium ingressus terram, Julinum oppidum, non satis à pristinis cladibus respirans, captum direptumq; incendit: ex quo die nunquam rediit ad pristinum florem, quod jam à Saxonibus novæ civitates in eo littore firmarentur, præsertim Lubeum. Urbs itaq; ista olim tam præclara & potens, nunc ad fatum suum pervenit. Et est rerum visitudo.*

C *Vocatur hodie VVollinum. Circa annum domini 1151. Principes Pomeraniæ erexerunt ibi Episcopatum: sed qui postea, circa annum Christi 1181, fuit translatus Camminum. Situs hujus Julinensis urbis fuit haud procul à lacu magno Pomeraniæ, quem tres annes Pānus, Zvrius, & Divinovy, collecti ante exitum in mare, consueverunt, etiam si per Divinovy putent intelligendum exitum Oderæ ex lacu, sicut & Zvenus alius est exitus, per quem via patet ad mediterranea Pomeraniæ loca. Quibus subjungere placet longè accuratorem*

D *Julini descriptionem ex Davidis Chytræi Proæmio in Metropoli suam: Cum autem Julini, urbis vetustæ ac celeberrimæ, in quâ primam Episcopi Pomeraniæ sedem principes posuerunt, mentio à nobis facta sit, non ingrati studio antiquitatum patriæ futurum arbitrabar, si ea, quæ senex antiquâ virtute, & fide ac doctrinâ præstans, Joannes Lubbechius, consul Treptovij ad Regem, de Julino, vetustissima & florentissima olim Pomeraniæ littoris urbe, nunc ever-sa ac excisa, suscitanti mihi respondit, cum illis com-*

E *municarem. Pridie Non Octobr. VVOLLINUM, natale solum, piæ memoriæ, Doctoris Johannis Bugen-hagij Pomerani, avunculi mei, perveni, & apud so-rem meam, Consulis ibidem quondam Joachimi Czindarsij, Patris Magistri Petri Czindarsij, Professoris in Academiâ Griphsvvaldensi, utriusq; piæ desuncti, vi-duam divertii. Et quia complurima de oppidi istius antiquissima celebritate, ac emporij ibidem famosissi-mi amplitudine, scriptis & dictis memoriæ tradita esse, non immemor eram: nè otio deside tempus ibi tererem, & rei veritatem exquisitis indagarem, pos-terâ die, Nonis scilicet Octobr. comitatus aliquot anti-quitatis studiosis, Viris venerabilibus, loci istius Pastori-bus & Senatoribus, vetusta Julini, anno Christi 1170, auspicijs Danorum Regis VValdemari, ductu Absolonis Episcopi Roschildensis excisi, resstantiæ vestigia, oculari, de loco ad locum, commonstratione perlustravimus, & quantum illa, mediocris quidem Civitas VVollin, ab anti-qua illa celebratissima urbe, & Castro magno, Julino, mutata sit, ex rei præsentis inspectione deprehen-*

dimus. *Sita est & fuit, nunc ut tunc, in insula dem Wollinischen Werder / quæ per pontem prælongum, ex continenti Ducatus Pomeraniæ, super fluvium Divenovv, ibi der Strent appellatum, aditum præbet. Estq; insula in longitudine quatuor milliarius. Ab ortu Divenovv, ab occasu Syveno fluvij, à meridie lacu recenti, dem Grischen Hase / palude novem circiter milliarius, & ad septentrionem, maris Baltici, die Ostsee / Daniam versus spectantis, ambitu circumcincta. Insula frugum & pecorum admodum ferax. Terra fertilis, aqua & fluvij piscosi valde: adeo quod sæpe vidimus, uno tractu, projectis retibus, ducentorum vel trecentorum florenorum valore, pisces varij generis comprehendere, capi, & distrahi, tempore hyemali, glacie lacu recenti constricto. In hujus, inquam, insula frontispicio, ex antiquis adhuc extantibus aliquomodo ruinarum monumentis veteris Julini, apparet & datur videre, quod florens Julinum habuerit in circumferentia sua ultra integrum milliare Germanicum commune. Templum etenim S. Michaëlis, hoc tempore, extra oppidum VVollin, in editiore paulum colle, Bethavim sepulchris defunctorum cum suo cæmeterio destinatum, tunc in medio urbis fuisse perhibetur antiqui Julini. Quod etiam ita deprehenditur. Tria namq; castella, vel Fortalicia, ad propugnandum hostiles insultus, in editioribus urbis partibus disposita, diversis quasi montibus tribus longiusculo intervallo, locata fuisse, excidij lateres adhuc ostendunt, quorum nomina etiamnum remanent. Primus Kakernel; Secundus Modorovv; Tertius der Schloßberg; Quartus versus Septentrionem, der Silberberg / mons cæteris præminentior. In quo constructa fuisse perhibetur Arx, vel propugnaculum, multarum habitationum, ubi sæpe adhuc inter excisa fundamentalia saxa & lateres, argentea numismata reperiuntur. Item prægrandium hominum, instar Gigantum, grandia ossa & costæ aliquando conspiciuntur. Fuit etiam ibi alius, vel quartus mons, ad australem urbis partem inclinans, mons Calvaria, der Galgeberg / in quo fontes ultimo supplicio affici solebant, non longius ab urbis diffusus portis, quam quis manuali jactu pertingere posset. Hodie hic locus, vel mons, tam longè à portis novi VVollin distat, ut aliquem eò exspatiantem bene defatiget. Et in radicibus hujus montis, antiquitus terminabatur, in parte Australi, vetus Julinum florens. Si itaq; templum Sancti Michaelis in medio urbis constitit, & ad quatuor mundi plagas, prædictos montes & Fortalicia, capita angularia, vel terminos habuit, ut ex ruinis liquet, satis constat magnitudinem veteris Julini excessisse spatium milliaria Germanici in ambitu suorum murorum. Nunc temporis, multo etiam quam trigesima parte est contractior & minor, non aspernenda tamen civitas VVollinum. Et campus est, ubi Troja fuit; ubi olim ædificia magnifica steterunt, ibi nunc multa agrorum jugera coluntur quotannis, das Wollinsche Stadt feldt am Werder ad occasum, bis an die Ploginsche Stege. Eò usq; vetus pertendebatur Julinum. Ad Ortum hodie etiam pristinum terminum obtinet Fluentum, den Strom. Brachium fluvij Divenovv ponte, ut dixi, stratum:*

A Hujus fluenti, des Bruggen Stromes / hæc est natura & reciproca alteratio saporis aqua. Quando Austrini spirant venti, tunc fluvius Odera, qui infra Stetinum, duobus milliariis, insluit in recentem Lacum, ita commiscetur aqua recentis lacus, ut recens sapida, & nihil salsedinis concipiat aqua totius fluenti des Stroms. Si verò intensiores paululum incumbant flatus Septentrionales, tunc aqua salsa ex vicino Baltico mari propellitur in lacum recentem, & hinc in Fluentum, den Divenovv Bruggen Strom / ejusq; omnem aquam instar marinæ salsam efficit: ita ut nunc recens, nunc salsa sit aqua fluenti, pro ut venti spirant, & maris fluxus & refluxus est in recentem lacum. Hæc de situ veteris Julini, nunc pauci addam de statu. Emporium fuit totius Europæ, post Constantinopolim, ut ferunt, longè celeberrimum, tantæ potentia, ut potentissimum Danorum Regem Svenonem primum, ter bello superatum, captumq; exolutis lyris, nihil Daniæ potentiam extimescens, impavidè dimiserit. Populositatem, vel multitudinem civium ac incolarum, viginti duo millia civium capita, ibi ab Ostone Bambergense Episcopo, Anno 1124, baptizata declarant. Nequè verò Julinum una tantum gens, sed diversarum nationum populi, discretæ linguæ, religionis & fidei homines, inhabitaverunt, & mercaturam exercuerunt, VVinithi, VVinni, Heneti, Svenones, Slavi, Vandali, Dani, Sveci, Cambrivij, Circipani, Judæi, Gentiles, Pagani, Rutheni, Græca fide ætantes, & similes aliæ gentes complures, promiscuè ibi inveniebantur. Quibus omnibus & singulis, ibidem negociandi æqua erat potestas, & salus dabatur conductus: soli Christianis, sub interdicto pænæ mortis, exclusis. Et singulæ gentes suas distinctas plateas inhabitaverunt, quibus & nomina à se indidere. Sclavi, Vandali, VVinithi, Svenones, Rutheni, primarij inter eas perhibentur, pleriq; omnes poligami homines, alioqui honestis moribus, servientes quisq; Idolis suis. Coluerunt tamen publice ex professo Idolum Triglass / Deum Tricipitem: quod primo capite cælum, secundo terram, tertio aquas istius Dei gubernaculis regi, defendi, & conservari dicerent. Arbitror autem eos aliquid ex patriotis suis Rugianis & Vandalis, qui in Italia & Africa bella gesserant, de Trinitate & veritate veri Dei audivisse, & hinc hunc Triglass extruxisse, cui & alios con gubernatores Vicarios adjunxerunt Harvit & Barovit, præfides mercaturæ, quasi Martem & Mercurium. Item Bialbug & Zernebug / album & nigrum Deum. Hæc confusio dissoluta, postmodum ex Idololatria, in tetras libidines, & multiplicem tyrannidem exorbitans, peperit excidium florentissimæ urbi Julino, ut primò fulmine cælesti, aliquoties misere afflicta, Ruthenos commoverit inde in patriam emigrare, & cum suis consortibus alias sedes in Russia quærere, ubi & Ducatum adhuc hodie VVollinensem fundaverunt. Consecutæ sunt aliæ seditiones & negociatorum dissipationes, quoad tandem à VValdemaro Rege Daniæ expugnata, & solo æquata, ad eas, quas nunc obtinet, angustias est redacta, impietatis, tyrannidis, & luxus, justo Dei judicio, pœnas luens meritas.

29. *Inter quos fuisse Bo, Vif, Karlshefni, Sival-*
du] Genealogiam & profapiam pyratarum
 Julinenfium recenſet hunc in modum Chroni-
 con Norvagicum in Vita Haquini Jarl; p. 129.
Palnatokus patrem habuit Palnam Tokesſon, matrem
Ingeburgam, Ottari Gotlandiæ Comitum filiam. Is à
Burislavo Sclaviæ principe, Satrapa & cuſtos limita-
neus totius VVandaliciæ conſtitutus, tandem Dux &
Imperator Pyratæ Julinenſibus ſummâ cum poteſtate
præſicitur. Hic in uxorem duxit Olavam Stephani
Anglici filiam: ex qua Agonem genuit, Fionia à Pa-
tre poſtea præſectum. Eodem temporis tractu Scania
præſuit Strutharaldus; qui ex Toſſua conjuge filios
Hemmingum, Torkillum procerum, Sigvaldumq; co-
gnomento Jarl, ſuſcepit. Borringiam quoq; Inſulam
ſuo regimine cum temporis moderabatur VVeſettus.
Cui ſequentes extiterunt filij; Bo videlicet, cogno-
mento Cræſſus, qui vaſti corporis robore non ſolum ſto-
lide ſerox, ſed & deformi & diſtorto vultu conſpicuus
erat, inq; matrimonio habebat Toſſuam Strutharaldi
filiam: & Sigurd Kappa, hoc eſt, Pugil, cui filia erat
Torgunna, quæ Agoni Fionico Strutharaldi filio nu-
piſit, mater Vogni, viri formæ venuſtate pariter ac
virtute excellentiſſimi. Omnes hi Strutharaldi juxta
ac VVeſetti filij, unâ cum Vogno Agonis filio, Julinum
proſecti paulò ante obitum Palnatoki, legibus & ſta-
tutis pyratarum Julinenſium ſe ſubjecerunt. Mox de-
functo Palnatoko, omnes Pyratæ Julinenſes unanimi
conſenſu Ducem elegerunt Sigvaldum Jarl Strutha-
raldi filium. Igitur jam conſtat, quinam fuerint
Bo iſte atq; Sivaldus, quorum adeò crebra in
 Saxone fit mentio. Sed pro Karlshefni legen-
 dum puto, Karlshofuit/ quale occurrit nomen
 in Norvagico Chronico pag. 149. ubi Erici
 Blodeſtals/ filij nominantur Sivaldus & Karls-
 hofuit. Cæterum Pyratæ Julinenſes, quorum
 celebratiſſima fama eſt, olim dicebantur Joms-
 viſinger. Julinum etenim Jomsburg diceba-
 tur, & Viſinger/pyratæ.

35. *Quæ à Cæſaro Otthone gerebatur*] Ottho
 Romanorum Imperator, Henrici filius, expe-
 ditionem hanc, cujus hic meminit Saxo, in Da-
 niam ſuſcepit, Anno Chriſti DCCCCXLVIII.
 ſecundum Albertum Stadenſem; cujus hæc eſt
 narratio à Saxonis aliquanto diverſa, ideoq; du-
 biæ fidei: Otto Rex, poſtquam ſere omnia regna,
 quæ poſt mortem Caroli defecerant, ſuo imperio ſub-
 jugârat, in Danos arma corripuit, quos antea pater
 ejus bello compreſſit. Enimvero tum rebellare moliti,
 apud Hedaby, legatos Othonis cum Marchione trucidâ-
 runt, omnem Saxonum coloniâ funditus extinguen-
 tes. Ad quam rem ulciſcendam, Rex cum exercitu
 ſtatim invaſit Daniam; transgreſſusq; terminos Da-
 norum, apud Sliasvigholim poſitos, ferro & igne va-
 ſtauit totam regionem, uſq; ad mare noviſſimum, quod
 Nordmannos à Danis dirimit, & uſq; ad præſentem
 diem, à victoria Regis, Otteſund dicitur. Cui egre-
 dienti Haraldus apud Sliasvig occurrens, bellum in-
 tulit. In quo, utriusque viriliter decertantibus, Saxo-
 nes victoria potiti ſunt; Dani victi ad nares ceſſe-

A runt. Tandem conditionibus ad pacem inclinatis, Ha-
 raldus Ottoni ſubjicitur, regnumq; ab eo ſuſcipiens,
 Chriſtianitatem in Dania recipere ſpondit, ſta-
 timq; ipſe cum uxore ſua Gunhild & filio baptizatus
 eſt, quem filium Rex Otto à ſacro fonte ſuſceptum
 Svenotto vocavit. Videatur Adamus Bremenſis
 Lib. 2. Cap. 2. unde hæc Albertus tranſcripſit,
 ſicut omnia ſua ſolet.

55. *Tenaciſſimi operis terrenum molita eſt mu-*
nimentum] De primo hujus munimenti funda-
 tore, non omnes convenire video. Paulus Æmi-
 lius, rerum Gallicarum ſcriptor, Gottoſredo
 Daniæ Regi, prima hujus valli tribuit funda-
 menta, ſic diſſerens: Danorum Rex Gottoſfredus
 finibus ſuis non contentus, dum imperium Germaniæ,
 bellis Francorum ſeſâ ſpe ſibi deſtinat, congregi cum
 Carolo auſus, terra victus: quod peninſulam incolens,
 mari plus valere ſe putaret, qua Francorum bello pa-
 tebat, ſoſſi aggregèq; ac vallo præmunit, unâ omnino
 porta relictâ. Intraq; munitiones ad Oceanum uſq; u-
 trinq; promotas, retraxit imperium mulearum gen-
 tium conventu frequens. Quod & Aimoinus Lib.
 4. de Geſtis. Francorum notavit. Idem aſſerit
 Chriſtianus Cilicius belli Dithmarſici Lib. I.
 Vallum, inquit, illud, adhuc noſtro tempore muris &
 aggeſtâ terrâ inſigne, quod à noſtris Danwerſ/ hoc
 eſt, Danorum opus appellatur, & propter Caroli Ma-
 gni exercitum adventantem à Godoſredo Daniæ Rege
 ſtructurum, perductumq; eſt à ſinu Oceani Britanniæ
 Ethe dicto (haud procul Sleiſvico & Gothorpiâ) uſq;
 ad Hollingſtadium, quod Eidora amnis in Germani-
 cum mare ſe exoneraturus alluit. Hæc Caroli Ma-
 gni cum Godoſredo (noſtratibus Gotrico) ſi-
 multas, vigeat circa ann. Chriſti DCCCXVIII.
 quo tempore extructum etiam fuiſſe hoc vallum
 veritati conſonum eſt. Saxo noſter ut & pleri-
 que alij, Thyra, cognomento Danebod/ Ethel-
 redi Regis Angliæ filiæ, Gormonis conjugi,
 caput Majestatis Daniæ vulgo appellatâ, hoc
 opus tribuit. Saxonem ſequitur Crantzius Lib.
 4. Daniæ de Haraldo diſſerens Cap. 21. in hunc
 modum: Cupiens autem idem Rex Matri, pro ſua
 virtute, perenne monumentum inſtruere, quod Da-
 niam vallo communifier, ingens ſaxum in littore re-
 pertum, mularum manuum ope vix eruendum, ag-
 greſſus eſt. Item Sveciæ Lib. V. Cap. 8. Erat is
 Haraldus, qui ad tempora primi Ottonis pervenit,
 cujus mater Thyra Angliæ Regis filia, longiſſimum illum
 jecit aggerem, qui hodie quoq; cernitur à mari ad
 mare porrectum. Pudebat, tadebatq; optimam ſcemi-
 nam, Saxones, quoties vellent, in jurtiam irrumpere,
 ideo clauſtris voluit cohibere. Ericus Pomeranus
 Thyram, ligneam tantum hanc munitionem
 feciſſe refert: procul dubio aggeſtam molem
 ad latera ſudibus & palis muniendo, vel etiam
 in ſummitate coronando; quo inclinat Hvit-
 feldius noſter. Historia Julinenſis refert, ab au-
 ſtrali valli latere, ſoſſam fuiſſe decem orgiarum
 latam, totidem profundam. Supra vero ex tra-
 bibus & lignis propugnaculum firmiſſima
 R 4 junctura

junctura extructum, ita, ut in eo, ex eadem materia, turres extiterint centum orgijs à se invicem distantes, ex quibus hostes armis excipere, seq; valide defendere potuerint. Quod procul dubio opus fuit reginæ Thyra, de quo Ericus Pomeranus. Unde forsan Lætus noster colligit Lib. IV. rerum Danicarum, Haraldum, primum omnium firmiorem, terrâ constantem, hunc aggerem reddidisse, dum ita canit:

*Hic ille est, solido, primus qui Cimbrica, vallo
Munijt arva, soliq; ingens e corpore dorsum
Erui, immani quod se curvamine, longos
Incitat in tractus, mediumq; perambulat Isthmum,
Et maris Eoi ripas cum litore jungit
Hesperio, actenuum Slesvici respicit urbem.*

Quod confirmat Historia Norvagica Snorronis Sturlæ, quæ refert Haraldum, profligato Othone Imperatore, consilio Haquini Comitis, munimentum hoc validius ac firmitus multo, aggeribus & fossis, reddidisse. Cum verò à quibusdam Thyra, à quibusdam Haraldo hoc opus tribuatur; credibile, post obitum Gormonis, ab utrisq; hoc præstitum, matre scilicet & filio: hoc operas, illâ consilia suppeditante. Itâ namque Johannes Adolphus Cypræus Annalium, Eccles. Lib. I. Cap. 10. *His rebus adducti, & auctoritate Regina permoti, opus illud admirabile, & æternâ memoria dignum, aggredi constituerunt. Et ut in opere tanti momenti, laboris æqualitas servaretur, angustias illas Isthmi inter se partiti sunt, idq; sortibus opere diviso. Quarum una pars Scania, alia Selandia, tertia Fionia excitanda, atq; vallanda, sorte obtigit. Scania illa pars cecidit, quæ à porta illa, quæ vulgò Kalegatum appellatur, Hollingstadium usq; protenditur: Selandis autem & Fionibus portio illa, quæ à porta versus Sliam vergit, obvenit. Cujus rei adhuc vestigia evidentissima supersunt, & antiquitatis studio ad oculum demonstrari possunt. Et quò cibarium copia suppeteret, commeatu ad alendam multitudinem eorum, qui foderent & opus facerent, Juti & Slesvicenses sublevarunt & comportarunt. Vallum autem etiam fossa alta circumdederunt & cinxerunt, quæ adhuc ubiq; conspicitur. Hæc fusius adducta, quòd modum ac media, quibus hoc opus extructum, contineant; quæ apud alios non inveni. Hisce licet expresse asserant, Thyram Reginam & Haraldum hujus valli molem struxisse, atq; opus ad umbilicum perduxisse, ut Saxo- num comprimerent petulantiam, in Cimbriam crebras irruptiones stolientium: nihil tamen impedit, quo minus statuamus, à Gotrico primam ejus ductam lineam, & forsan rude opus inchoatum, quod postea Thyra cum filio auxit, vel collapsum restituit; alij verò ad summam perfectionem deduxerunt. In quâ sententia video etiam esse celeberrimum nostrum Historiographum Joan. Isaac. Pontanum Hist. Dan. Lib. 5. in Haraldo. Waldemarum namq; primum, Daniæ Regem, cognomento Magnum, etiam symbolam suam huic operi contulisse, &*

A muri auctuarium addidisse, paulo infra refert autor noster. Cujus verba ita expressit Lætus:

*Hic vallo murum imposuit, quâ Cimbrica mole
Chersonefus ab externo sese hoste solebat
Tutari, ac subito objectu arcere tumultus.*

Murus ille, multis in locis, septem pedes latus observatur, & octodecim altus, quamvis magnâ ex parte, jam lateres eruti, & ipse dirutus sit, itâ ut rudera saltim supersint. Lateres, ex quibus compactus, in pagis Schubuja & Hasbujâ coctos fuisse, ex fornacum reliquiis colligunt quidam; calcem verò ex Gotlandia navibus advectam statuunt. Cypræus supra citatus asserit, Reginam Daniæ Margaretam, quam Nigram vocant scriptores, vallum tertio reficiendum & instaurandum curasse, idq; circiter annum à nato Christo M. C. LXXXIII Canuto Woldemari filio regnante, hoc est, annis CCCLXXX postquam Thyra Regina vallum instauraverat, temporibus nimirum Friderici primi Imperatoris Romani. Sed quænam fuerit Margareta Nigra, apud nostros non invenio Historicis. Frater hujus Cypræi, Philippus nomine, in Genealogia Regum Daniæ, Anno MDCXXII Hafniæ edita, refert, Woldemarum I. instinctu prioris conjugis Margarete Nigræ, vallo Danico murum cocti lateris superjecisse. Obijt autem hic Woldemarus Anno M. C. LXXXIV. Quomodo igitur Margareta hæc, anno uno ante ejus obitum, quod nunc ab ipso reparatum erat, iterum restaurare potuit? Tertia igitur hæc reparatio, eadem est cum secunda Waldemari, quæ non instinctu Margarete Reginæ, aut ab ea facta est; sed docente Hvitsfeldio nostro, rogatu Episcopi Absolonis, Anno MCLXVIII absoluta est, ut Saxones & Sclavos regno arcerent. Inchoata verò videtur Anno MCLXIII. si fides habenda Chronico Erii Regis, quod ad annum dictum hæc recitat: *Tunc Rex malitias Teutonicorum prævenire volens, munitionem Danævirke muro circumcinxit: ante enim lignis tantum munitus erat locus ille. Tam grande, immensum, & admirabile humanæ industriæ & roboris monumentum, jam adeo concidisse, ut vix quibusdam in locis ejus adhuc conspiciantur rudera, vehementer dolendum. Dum enim in suo stetit vigore, vix erat, quod robore cum eo certare poterat, adeo ut insuperabile Cimbriæ propugnaculum suo ævo ab omnibus habitum sit. In ejus præsidio, quandoq; sexaginta millia hominum collocata fuisse legimus. Cum enim Henricus Leo, circa annum MCLXXVII, irruptionem in Daniam moliretur, id dissuasit Bernhardus Razaburgensis, quod sciret Danævirke custodiam Danorum sexaginta millibus mandatum esse, referente Pontano Lib. 6. Rer. Danic. in Hist. Woldemari I. Hinc Svenno, cum se vi illud perrumpere haud posse videret, dolo & largitionibus sibi viam struere conatus est. Quod quibus medijs perfec-*

perfecerit, docet Crantzius Danicæ Lib. 5. Cap. 38. *Quumq; peruentum esset, inquit, ad grande vallum, quod Danorum opus dixere, præmisit, qui claustrorum custodē ingenti pecunia corrumpere, ut referatis portis, sine oppugnatione transitum permitteret. Ille pactus pecuniam, iusto se regi ministerium præbuisse ratus, pecuniam accepit. Sed tum Pontifex dignum esse ait, quod cum ipsa proditiōis mercede, autor uni exportis laqueo affigeretur. Portis igitur & repagulis firmissimis obseratum olim fuisse, & hinc liquet. Erant, inquit Pontanus Rerum Danicæ Lib. V. in hoc aggere extructæ turres, vel speculæ potius, per intervalla ita dispositæ, ut ex ijs eminus aduentantem hostem facile esset animadvertere, atq; aditu prohibere. Nihil igitur hic, quod ad iusti munimenti (juxta ejus sæculi normam) structuram desiderare quis potuit, abfuisse colligimus. De eo & hæc addit Jonas Coldingensis in sua Danicæ descriptione: Visuntur etiamnum prope Slesvicum, ubi Cimbricæ Chersonesi Isthmus cernitur, fossarum & aggerum memorabilia vestigia concissa, quæ Danewick (hoc est opus Danorum) nuncupant. Qui agger profunditate, quæ Holsatiam spectat, inadvisibilis, sexaginta pedes latus, totidemq; altus, hostibus arcendis, instar obicis objectus, spacio Germanici miliaris à maris Orientalis litore, ad occidentalis Oceani ripas exacte perductus. Quem bono consilio majores confecere, eiq; Liminarcham cum custodiibus limitaneis, è perpetuis regni sumptibus, præfecere, circa annum Christi DCCCC XL, ut eo vallo, tanquam munimento solido, clausi, ab incursionibus atq; latrocinij vicinorum Saxonum tutiores essent. Quæ omnia cum superioribus exacte consonant. Quanta enim Romani Imperij coacta vi, quantisq; machinamentis usus sit Otho II. Romanorum Imperator, antequam molem hanc percurrere, & in Cimbriam penetrare valeret, abunde docet Dithmarus Merspurgenfis Chronici. Lib. 3. ubi narrat eum coactum fuisse in subsidium alios Germaniæ Principes vocare, ac inter eos avum ipsius Dithmari. Verba addam, ut res fiat manifestior. Danos, inquit, sibi rebelles petens, ad Slesvig properavit, ibi etiam hostes suos foueam, quæ ad defensionem patriæ parata est, & portam, quæ VViglesdor vocatur, armis præoccupare videns, consilijs Bernhardi ducis & avi mei met, Henrici Comitis, omnes has munitiones viriliter exsuperat. Claudebatur tum temporis, ut apparet, hæc moles, portâ unicâ, Dithmaro VViglesdor (forſan à Wigleto) quæ firmis adeo repagulis, vigilibusq; strenuis assidue muniabatur, ut ab omni exterorum insultu, totiusq; Romani Imperij impetu, eâ tuti sibi viderentur Danicæ incolæ. Huc spectat & illud, quod supra de Sve-none ex Crantzio retulimus, qui cum vi nequireret, dolo usus est, ejus septa ut penetraret. Joannes Adolphus Cypræus, portam hanc Kalegutum vocatam fuisse ait, appellatione inde petita, quod in loco undiq; patenti & aperto, nullisq; arboribus aut silvis impedito, sita sit, quasi,*

dicat Rael/ schlecht/ vnd offen. Quin addit, arcem etiam & castellum adhuc hodie monstrari, ubi Thyra domicilium habuerit, non procul à pago Dennewirke / quod vallo contiguum, est & colaret, idq; ea, quæ supersunt rudera, vallorum vestigia, & fossas ostendere. Operis haud dissimilis fuisse videtur murus ille celeberrimus, Romanæ provinciæ limes, in Britannia, quam Vallum Barbaricum, Prætenturam, & Clusuram, quidam antiquorum vocarunt. Antoninus & Cassiodorus Vallum, Beda Murum, Britannici Gualsever & Marsever, Scoti Sotivvairh, Angli The Pictsvall, murum Picticum, & The keepevall, custodiæ murum, Angliam à Scotia dividentem. In eo enim plures laborarunt, inter quos primus Jul. Agricola statuitur, post quem Hadrianus Imperator. Hunc enim murum per LXXX mill. passuum duxisse refert, Spartianus, qui Barbaros Romanosq; divideret. Post hunc, sub Antonino Pio, Lollius Urbicus.

At longè firmitus Severus, qui teste Orōsio, Magnam fossam, firmissimumq; vallum, crebris turribus communitum, per CXXII mill. passuum a mari ad mare duxit. Alij deinde operas suas contulerunt, donec de novo sexta exurgeret prætentura; de qua, ut & tota hac re, fuse differentem lege Camdenum in Angliæ descriptione. Chinenſe regnum Septentrionem versus, montibus & muro longissimo cinctum ferunt Cosmographi, ut à Tartarorum irruptionibus tutum sit, opus ipsum extruente rege quodam Tzinzo, literis ac linguis multorum, ad cælum usq; hanc ob causam, sublato. Quanto æquius nostros æstimamus tantum munimentum aggre-di ausos, quod à Brittanico Oceano in mare Balthicum, per totam Cimbriæ latitudinem, se extendebat, tantæ molis & roboris, ut maximas Imperatorum ac Regum copias excludere, omniumq; hostium viribus resistere valeret. Sed cum apud exteros, suos etiam habeat ebuccinarores hoc opus, ne actum agam, hic receptui canam.

Pag. 191. vers. 10. *Filius ejus Haquinus*] Fallitur hic vehementer Saxo. Nullum etenim hoc nomine filium Haraldus Graafelder habuit. Sed Haquinus hic cognomento Labefarl / filius erat cujusdam Sigurdi Jarl, magni nominis viri, quem Gunnildæ filij, domo, in qua convivium celebrabat, incensâ, trucidarunt. Ille vero Haquinus post obitum Harald, regni Norvagici dominio potiebatur, sed regij nominis expers. Vide Chronicon Norvagicum p. 127. & 128. ubi inter alia hæc leguntur: Haraldus compertâ Haquini defectione, & quod verâ religione proscriptâ adulterinam pristino loco restituisset, ac insuper terris suis ac ditionibus multa intulisset damna, numeroso exercitu collecto, in Norvegiam cum mille ducentarum navium classe, irrumpit. Inprimis provinciam istam, cui summo cum imperio Haquinus præfuit, ferro

ferro & igne devastavit, donec ad insulas perveniret Sollunder dictas. Haraldo in Daniam reverso, Haquinus loca incendijs deformata pristino nitore restituere cœpit; verum ad tributa Danis solvenda nunquam adduci potuit, quamdiu rerum summam in Norvagia obtineret.


20. *Julinæ piraticæ manu*] Hujus expeditionis causam Chronicon Norvagicum assignat audacibus Julinensium Pyratarum votis, quibus se in epulo ferali à Svenone Tiuffveskeg, Rege Daniæ, instituto obligarunt. Cum etenim, ex veteri more Svenone Tiuffveskeg, alias Svenotto dictus, ab obitu parentis Harald, regnum occupaturus, in ejusdem defuncti honorem convivium celebraret; non solum regni proceribus, sed & Julinensibus pyratibus ad idem convivium invitatis, priusquam sedem patris capesseret, memoriam patris plenis haustibus propinando, votum addit, se intra triennium Angliam occupaturum, & Regem Ædelradum, aut interfecturum, aut regno expulsurum. Cujus exemplo, Julinenses singuli, post haustum cratera vovebant, se intra exiguum temporis, Haquinum Jarl, Regem Norvegiæ, aut sua ma-

nu obtruncaturos; aut unà cum Erico filio regno spoliaturus; aliaque, quæ sine vitæ discrimine præstare demum non potuerunt: de quibus ipsam Historiam consulere operæ pretium erit.

24. *Duos siquidem præstantissimæ indolis filios*] Chron. Norvagicum unius tantum filij ab Haquino, potiundæ victoriæ causa, nefariâ litatione mactati, mentionem facit, cui nomen fuisse tradit Erlini, annos nati septem.

51. *Ut erat vinculatus, arripuit*] Vinculatus, est vinculis constrictus & oneratus. Petrus Chrysologus Serm. CXIX. *Suos jacere ibi demonstrat immobiliter vinculatos.*

Pag. 184. vers. 30. *ubi nunc quoque sacrarium perspicere est*] Nempe in potissima Daniæ provincia, quam Cimbriam, seu Jutiam dicimus, non longe ab urbe Vedilâ, in pago Jellingâ: unde hodieque; cippi isti sepulchrales nostratibus *Jellinge-stone*; hoc est, cippi sive colliculi Jellingenses nuncupantur. Totius vero monumenti typum, unâ cum Inscriptionibus, heic curiosi Lectoris oculis subijcere placuit.



A. Templum, seu Sacrarium, duobus conjugum D socialibus bustis interpositum, plumbo tectum.

B. Lapis Sepulchralis, qui in altitudine habet ulnas quinque & dimidiam, in circuitu novem. In uno latere formam hominis exhibet, in altero latere literas in tabula expressas.

C. Mons ad septentrionem, qui habet altitudinem 46. ulnarum, latitudinem 360, uln.

amplitudinem in superiori parte 112, uln.


D. Fons funditus ex faxis exstructus, in quo indies aqua hauritur à circumjacentibus populis, in circuitu habet 47 ulnas.

E. Mons ex altera parte, versus Meridiem, est altus 37. ulnas, in circumferentia 431. ulnas, in superficie est amplius 157 uln.

F. Litera ubi notata est, insignis magnitudinis lapis, paulo minor quam ille, qui apud templum


plum inter duos montes collocatus est. A Duo itaq; circa hoc monumentum conspiciuntur inscriptionibus decora saxa. Alterum grandius, coloris grisei, magnitudine ea, quam sub litera B expressimus, in obtusum desinens apicem, ad radices mon-

tis meridionalis, in ipso cæmiteriō situm. Primum ejus latus, intricatis quibusdam ductibus in summitate exaratur, ad basin vero, quatuor characterum tenet ordines, in extremitatibus illaqueatis quasi, hoc pacto:



Secundum hujus Iconis ostentat figuram ex varijs incisurarum ductibus & perplexitatibus, miro artificio conflatum; unico literarum ordine ad basin insignitum. Tertium viri effigiem exhibet, ex cujus ventre, vitis floribus quasi

B onusta oritur, hinc inde ad omnes hujus lateris se diffundens partes, tantum relinquens ad basin spatij, quantum unico ordini literarum capiendi sufficit, ut ex hac delineatione dispaleat:



Inscriptionis verò series talis est. Primi lateris A hæc sunt:

*ARATPR : YNNPÅ : BAF :

PANRHA :

YNBR : PANHI : IPT : PNRU :

PAFNR HIK :

ANP : IPT : PINRNI : YNNR :

HIKHI :

*ARATPR : YNNPÅ : HAK : B

TAKYANRY :

Haralde Runuge bad gaurba
tubl dauſt eſt Gurm ſadur ſin /
aug eſt Thiuriu mudur ſinaſa /
Haraldr Keſſor van Tanmark.

HARALDUS REX JUSSIT EXTRUI
HUNC TUMULUM IN MEMORIAM
GORMONIS PATRIS SVI

ET THYRÆ MATRIS SVÆ
HARALDUS IMPERATOR VICIT DA-
NIAM.

In Secundo hæc extant:

AMA : ANP : KARNIP.

Alla aug Nurrveg.

TOTAM ET NORVEGIAM.


In Tertio :

ANP : TIM : PANY : YRIHTA.

Ang tini Golt Kristno.

ET EARUM INCOLAS AD FIDEM
CHRISTIANAM CONVERTIT.

Alterum etiam Monumentum eodem in loco
viſitur, quod templi valvis jam adjacet, ita ut
ſeſſis ſeſſum ac quietem præbere valeat, & ſcam-
ni vices ſuſtineat. Priori lapide politus magis
hic eſt, ſed minor & figura diverſa, oblongus
nempe, & ferme quadratus. Colore eſt cœru-
leo trium ulnarum longitudine, latitudine
unius cum ſemiſſe. Iconem cape:



PNRYÅ : YNNPÅ : PIRPI : YNBR
PANHI : IPT : PINRNI : YNN : HIKI :
TAKYANRYÅ : BNT.

Gurmur Runuge gerdi tubl dauſt / eſt Turui tunui
ſina Tanmarkar but.

GORMO REX POSUIT TUMULUM
HUNC TYRÆ UXORI SUÆ QUÆ DA-
NIAM EXORNAVIT.

Pag. 184. verſ. 29. Dulciſſimum vitæ ejus pi-
gnus baculi loco ſtatui imperans.] Conſimilem per
omnia Hiſtoriam de Wilhelmo quodam Tellio
tradit Jos. Simlerus Lib. 1. de Republ. Helvetio-
rum p. 14. quam integram, & quidem ipſius
verbis, heic aſcribere operæ duxi pretium. .
Ita verò habet, ut ſequitur : Interea accidit apud
Urios, ut VWilhelmus Tellius, confederatorum unus,
aliquoties pileum illum ſtipiti impoſitum præteriret,
nullo reverentiæ & honoris ſigno exhibitio. Ob hanc

cauſam à Præſecto accuſatus, ſuam ruſticitatem ex-
cuſabat, qui non exiſtimaveſſet ullius hoc momenti eſſe.
Sed Præſectus, qui hominem ſuſpectum haberet, è li-
beris ejus filiolum unice charum patri deligit, & in
vertice hujus pomum ſagittâ petere illum jubet.
(erat enim Tellius optimus ſagittarius) nî illud deſi-
ciat, capite penas daturum. Tellius verò hanc rem
inauditi exempli dicere, ſeq. potius mori paratum,
quàm ut ſagittâ forte aberrante chariſſimum filium
feriat. Cui præſectus, nî feceris, tibi unâ cum filio
pereundum erit. Quare cum nullus excuſationi aut
precibus ullis locus daretur, arcu ſumpto Tellius, Deo
haud dubie jactum gubernante, pomum è vertice
filij deſicit. Omnibus autem felici jactui gratulan-
tibus, unus Præſectus ſatiari hac pena non potuit.
Verùm cum ſagittam alteram thoraci Tellij inſer-
tam cerneret, quærit in quem uſum hanc quoq. è
pharetrâ deprompſerit? Cui ille, id moris eſſe, in
conſuetudine ſagittariorum poſitum, ut geminas
ſagittas

sagittas depromant. Sed res Præfecto suspecta erat. Itaq; hominem acrius urget, & tandem vitæ impunitate illi propositâ, verum elicit: eum scilicet hoc consilio sumpsisse alteram sagittam, ut si priori filium ferisset, secundâ Præfectum peteret. Hactenus Simlerus. Cæterum quod de pileo stipiti imposito supra dixit, ita se res habet: Grisslerus quidam Præfectus Regis Hispaniarum, insignis tyrannus, ut Helvetiorum consilia exploraret, Altorffii in foro, quò maxima hominum totius regionis frequentia convenire solebat, pileum prælongæ perticæ imposuit, iussitq; omnes nudato capite, flexisq; genibus, honorem eum pileo exhiberent, quò se præsentem afficere consuevissent. Existimabat autem eos, qui præ cæteris sibi infensi essent, nequaquam adduci posse, ut tantum honorem pileo exhiberent; hac autem occasione posse se honesto titulo, in eos animadvertere, & tormentis ad exploranda consilia aliquos subicere: quemadmodum prolixius legere est apud eundem Simlerum Lib. I. pag. 12. Sic etiam insignis cujusdam sagittarij, qui tamen artem suam à Satana magistro edoctus fuerat, nomine Punker, meminit libellus, quem Malleum Maleficarum dixerunt: Huic quidam de Optimatibus, dum artis ipsius experientiam certam capere voluissent, proprium filium parvulum ad metam posuit, & pro signo, super byrretum pueri, denarium: ipsiq; mandavit, ut denarium sine byrreto per sagittam amoveret. Cum autem maleficum id se facturum, sed cum difficultate, affereret, & libentius se abstinere velle, ne per diabolum induceretur in sui interitum: verbis tamen Principis inductus, sagittam unam collari suo circa collum immisit, & alteram balistâ imponens, denarium byrreto pueri sine omni nocumento excussit. Quo viso, dum ille maleficum interrogasset, cur sagittam collari imposuisset, respondit: Si deceptus per diabolum, puerum occidissem, cum me mori necesse fuisset, subito alterâ te sagittâ transfixissem, ut vel sic mortem meam vindicasssem. Nota est Historia Alconis Cretensis, qui sagittandi peritiâ celebris, cum Phalerum filium infantem adhuc oraco spiris implicasset, jamjam devorandum, eâ peritiâ sagittam intendit, ut Draconem quidem sagittâ confixerit, puer vero incolumis superfuert. Videatur Manilius Lib. V. Sidonius Apollinaris, & Clariss. Viri, Lamperti Alardi Notæ doctissimæ in Lib. I. Val. Flacci. pag. 71.

Pag. 185. vers. 10. *Sed ijs necessitatibus procellis erutum, paulò post par mali tempestas implicuit*] Frequentius *Procella* vocem, sicut & *tempestas*, translata usurpat Saxo, pro valido incurfantium malorum impetu, aut pro eo, quod tranquillum rerum nostrarum statum perturbat, aut funditus evertit. Ità Libro proximè sequenti, *tristem procellam alicui insingere, & procellam seditionis*, dixit: Et Lib. XIII. *Procellam patriæ, turbinem & tempestatem pacis, procellam temporis, procellam invidiarum*: apud Senecam; *Impoten-*

tem fortuna procellam: apud Livium, *Equestrem procellam*. apud Silium Italicum, *Irarum procellam*, legere est. Eadem metaphora Ammianus Marcellinus, sub initium Lib. XIV. qui jam, cæteris deperditis, princeps est; hunc in modum utitur: *Fortuna sævientis procella tempestates alias rebus insudère communibus.*

11. *Qua Finni nivales saltus peragunt*] Inteligit artem illam, qua Finni lubricas plantis tabulas adaptando, ut ipse Saxo loquitur, per rupes & invios saltus celeri rapiuntur cursu, quod vulgo dicitur, *at lobe paa Stier*. Vide quæ supra de soleis ligneis Finnorum & Norrignorum, nobis affatim dicta & notata.

13. *Apud Kollam rupem*] Rupes hæc in Scania visitur, & nostratibus *Kulden i Ståane* appellatur; navigantibus à promontorio Scavenico ad Øresundam conspicua. Videantur Tabulæ Chorographica Scania.

Pag. 186. vers. 19. *A Tokone*] Haraldum, Daniæ Regem, à Palnatokone quodam interfectum, disertis verbis commemorat Snoro Sturlafonius in Chronico Norvagico p. 129. Svenno, inquit, Haraldus filius, postea Tiuffveskeg dictus, Educatores habuit Palnatokonem, Fionia Dynastam. Is cum ad adultam pervenisset ætatem, à parente Haraldo petiit, ut factâ regni Danici divisione, sibi dimidia pars regenda committeretur. Quod cum abnueret Pater, Svenno expeditionem adversus pyratas simulans, ingenti classe paratâ, in sinum quandam Sælandiæ, à glacie Isefiordiam dictam, unâ cum Educatore suo Palnatokone, appulit. Mox certamen navale magnis utrinq; viribus committitur; in quo tamen, fugato Svenone, Haraldus tam lethalia vulnera à Palnatokone excepsisse dicitur, ut paulo post ex eisdem decederet.

21. *Corpus ejus Roskildiam missum*] Eadem ferè de excessu Haraldus, & sepulturæ loco, tradit Adamus Bremenensis Lib. 2. Cap. VIII. Novissimis, inquit, Archiepiscopi [Adaldagi] temporibus res nostræ inter Barbaros fractæ. Christianitas in Dania turbata est, pulchrisq; divina religionis initijs invadens inimicus homo, superseminare Zizania conatus est. Nam tunc Svenotto, filius magni Haraldus, Regis Danorum, multas in Patrem molitus insidias, quomodo eum jam longævum, & minus validum, regno privaret, consilium habuit cum his, quos pater ejus ad Christianitatem invitos coëgit. Subito igitur factâ conspiratione, Dani Christianitatem abdicantes, Sven Regem constituunt, & Haraldo bellum indicunt. At ille, ab initio regni sui, totam spem in Deo posuerat; tum verò & maxime Christo commendans eventum rei, cum bellum execraretur, armis se tueri decrevit. Et quasi alter David procedens ad bellum, filium lugebat Absolon, magis dolens illius scelus, quam sui pericula. In quo miserabili & plusquam civili bello, victa est pars Haraldus. Ipse autem vulneratus ex-

acie fugiens, ascensâ navî elapsus est ad civitatem Slavorum, quæ Jumno [Julinum intelligit] dicitur, à quibus contra spem, quia Pagani erant, receptus, post diès aliquot ex eodem vulnere deficiens, in confessione Christi migravit. Corpus ejus in patriam reportatum ab exercitu, apud Roschild civitatem sepultum est, in Ecclesia, quam ipse primus construxit, in honorem Sanctæ Trinitatis. Regnavit autem Annos L. Obitus ejus contigit in festivitate omnium Sanctorum.

28. Prosperam sibi in divina sciendi occasionem] Planè Sveno alterum se Julianum præstitit, quem itidem metu repressum simulate Christianum egisse, ac postea mortuo Constantio Imperatore, palam à vera religione descivisse, tradit Ammianus Lib. 22. Et quanquam à rudimentis pueritiæ primis inclinior erat (Julianus) erga numinum cultum, paulatimq; adulescens desiderio rei flagrabat, multa metuens, tamen agitabat quædam ad id pertinentia, quantum fieri poterat occultissime. Ubi verò abolitis, quæ verebatur, adesse sibi liberum tempus faciendi, quæ vellet, advertit, sui pectoris patefecit arcana: & planè absolutiq; decretis aperiri templa, arq; hostias admovei, & reparari deorum statuit cultum. Nonne hæc verba ingenium Svenonis quoq; nostri ad vivum exprimunt?

31. Amarissimum ejus reprehensorem occidisse] Ita legendum duxi, ut de obitu Haraldî intelligatur, qui divini cultus amantissimus, contra superstitionis reprehensor erat amarissimus.

43. Sed cui propria damno] Sensus est: Svenno suo sibi jumento, quod ajunt, malum sæpius arcessens, per se quidem captus, per Danos vero liberatus est.

54. Quod Julini oppidi piratæ patriæ studiis] Sic in veteri codice emendatum repperi, quum antea hic locus planè obscurus esset. Enimvero hæc mens Saxonis: Sclavos antea piratæ tam rudes, tandem eam à Danis, quos Haraldus olim apud Julinum præsidij causa collocaverat, edoctos, artem hanc in ipsos Danos refudisse, & eo maxime Danis nocuisse, quod ab ipsorum ingenijs traxerant, crudelitatem nempe in Danos exercendo, cujus exemplum ipsis Dani reliquerant.

Pag. 187. vers. 10. Nocturnas à Danis circumiri vigilas] Formula militaris est circumire vigilas: quod hodieq; Germani vocant Runde gehen. Vegetius Lib. 3. de re militari Cap. VIII. Idoneos tribuni & probatissimos eligunt, qui vigilas circumeant, & renuncient, si qua emerferit culpa, quos Circuitoires appellabant. Nunc militiæ factus est gradus, & Circitoires vocantur. Tacitus obire vigilas dixit, Lib. II. Historiarum: Deslagrante paulatim seditione, addit consilium, vetitis obire vigilas centurionibus, omisso tubæ sono, quo miles ad belli munia cietur.

13. Quod secretius eum nosse admodum oporteret] Quod tertiam Svenonis captiõnem atti-

A net, variantibus nonnihil circumstantijs eadem recenset Chronicon Norvagicum Snoronis Sturlæsonij: Svenno, inquit, Haraldî filius, quum patre defuncto, totius regni Danici imperium obtinisset, omnes provincias suæ ditioni subjectas, juris dicundi causa, circumire cœpit. Interea Sivardus Jarl, trium navium classe Julino solvens, [quælibet vero navis quinquaginta milites vehebat] in Daniam appulit, & quidem eum in locum, ubi Svenno splendendum convivium, cum sexcentis viris celebraret. Itaq; rem dolo aggredi constituens, navî, quæ oræ proxima erat, pontem adjunxit versatilem, cæteris navibus ad anchoras stare jussis. Hinc ægritudinem simulans Svenoni nunciat, esse nonnulla, ad statum & incolumitatem tam regni, quam ipsius Regis, pertinentia, quæ eum nosse admodum oporteret. Sed classiarijs suis antea in mandatis dederat, ut posteaquam Regem cum triginta comitibus advenientem, in navim recepissent, pontem ad se retraherent, cæteris ex regio comitatu exclusis. Quo factò levatis anchoris Julinum Regem captivum abduxerunt. Hic Svenno cum Burislavo Slavorum Rege fœdus & amicitiam inire, atq; insuper filiam ipsius Gûnhildam in uxorem ducere coactus est. Sororem vero Svenonis Thyram, Haraldî filiam, vicissim Burislavus matrimonio sibi junxit. Atq; his conditionibus pax inter eos firmata. His peractis, Svenno cum nova nupta in Daniam navigavit.

30. Tanta ei matronarum humanitas affuit] Sæpenumero matronas laboranti subvenisse Reipublicæ, literis memoriæq; proditum est. Sic quum, Vejis captis, vovissent Romani, se ex præda donum missuros Apollini Pythio, & auri tanta vis in ærario non suppeteret, unde religione se exsolverent; matronæ aurum & omnia ornamenta sua in ærarium detulerunt. Rem factam in hunc modum commemorat autor lacteo eloquentiæ fonte manans, Livius Lib. V. Decad. 1. Ita in æstimationem urbs agerq; venit: pecunia ex ea cœmerent, negotium datum. Cujus quum copia non esset, matronæ cœtib; ad eam rem consultandam habitæ, & communi decreto pollicite tribunis militum, aurum & omnia ornamenta sua in ærarium detulerunt. Grata eæ res, ut quæ maxime, senatui unquam fuit: honoremq; ob eam munificentiam ferunt matronis habitum, ut pileto ad sacra ludosq;, carpentis festo pro festoque uterentur. Confimile exemplum aliud, idem quoq; nobis suppeditat autor, eodem Historiæ suæ libro jam memorato; quod ipsius verbis recitare operæ duxi pretium: Jam ante in eo religio civitatis apparuerat, quod in publico desset aurum, ex quo summa pactæ mercedis Gallis fieret, a matronis collatum acceperant, ut sacro auro abstineretur. Matronis gratiæ actæ, honosq; additus, ut earum, sicut virorum, post mortem solennis laudatio esset.

51. Quæ quantum ejus corpori detraxit] Vide-

tur hoc dicere Saxo : Interea dum à Slavis captus marcore corporis afficeretur, pecunia patriæ incolumis servata est, quæ pro ejus liberatione postea dissipata.

Pag. 188. vers. 17. *Latam Sturbjorno adversus Sveones opem*] Cujus rei paulo superius meminit Saxo ijs verbis : *Inter hæc Sturbjornus, ultionis aculeo laceffente, acceptam injuriam pensare cupiens, Haraldo in opem accito, memorem Danorum iram adversus invisam Erici dominationem distrinxit. Cujus rei gratia Haraldus Hallandia profectus. &c.*

20. *Arctiore materni sanguinis nexu*] Gyri-
tha etenim, Bjorni Sveciæ Regis filia, Erici & Sturbjorni soror, mater erat Svenonis. Saxo supra : *Haraldum verò duos ex Gyri-
tha filios sus-
tulisse, memoriæ proditum est. Quorum major Haqui-
mus &c.* Alter verò hic fuit Sveno.

25. *Quæ quâ matre orta fuerit ignoro*] At
Chronicon Norvagicum p. 131. & 169. indicare
videtur, hanc fuisse Gunhildam, Burislavi Scla-
vorum Principis filiam, quam ducere Sveno co-
actus est, priusquam liberam è captivitate sua
Julinenfi dimissionem impetrare potuerit.

35. *Quorum Rex Edwardus*] Adamus Bre-
menfis Lib. 2. Cap. 25. *Adelredum nominat,*
cui favere videtur Chronologia : *Post vindictam
ergo sielerum, inquit, quæ in Ecclesiis Dei & Chri-
stianos commiserat Sven rex victus, & à suis deser-
tus, quippe quem Deus deseruit, errabundus, & inops
auxilij : venit ad Nordmannos, ubi tunc filius Ha-
onis Trucco regnavit. Is quoniam paganus erat, nullâ
suprà exulem misericordiâ motus est. Itâ ille infelix,
& toto orbe rejectus in Angliam transfretavit, fru-
stra solatium querens ab inimicis. Quo tempore Bri-
tannis Adelrad, filius Edgaris, imperavit. Is non im-
memor injuriarum, quas Dani ex antiquo Anglis
infixerant, exulem repulit. Quem tandem misera-
tus infortunij, Rex Scotorum benignè suscepit. Ibiq;
Sven bis septem annos exulavit usq; ad mortem Erici.*
Diversa enim hæc est Adami narratio à Saxo-
ne nostro, recte sic monente Cl. Viro M. An-
drea Vellejo. Saxo enim exilij tempus ponit
annorum tantum septem, & ad Regem Nor-
vagiæ Olaum, filium Trucconis divertisse ait,
non ad Trucconem ipsum. Nam regiam is di-
gnitatem nunquam usurpavit. Hector verò
Boëtius, rerum Scoticarum Scriptor Lib. XI.
adstipulatur Saxoni, quem etiam hoc in loco
illum & legisse & secutum esse apparet. Ait
enim crebris detrimentorum incurfibus laces-
situm Svenonem, exulem extorremq; ab Olao, F
Norvagiæ regimen gerente, spretum, auxilium,
quod frustra à Divo Edvardo Anglo petiverat,
à Scotis ad veram pietatem, sacris eorum sa-
cerdotum monitis, conversum impetrasse, coq;
fretum in regnum restitutum.

51. *Lavacri usum*] Intelligit sacrum illud
lavacrum, quo primigeniæ scelerum sordes
eluantur. Tertullianus alicubi, *sacri lavacri gur-
gitem* appellat.

Pag. 189. vers. 15. *Privatim itaq; majores ag-
gressus*] *Majores* heic denuò vocat Saxo proceres
& Senatores regni : quâ notione frequens
vocis hujus illi est usus : *Gallis Majores domus*
olim dicebantur.

30. *Candentem ferri laminam*] De Poppo-
nis hocce miraculo Adamus Bremenfis Lib. 2.
Cap. 26. hæc commemorat. *Ericus duo regna
obtinuit Danorum Sveorumq;, & ipse paganus Chri-
stianis valde inimicus. Ad eum fertur legatus fuisse
B Casaris, ac Hamburgensis Episcopi, quidam Poppo,
Vir sanctus & sapiens, & tunc ad Slesviciam ordina-
tus, de regno Danorum, seu pace Christianorum, Cæ-
saris partes expostulans. Ajuntq; eum pro assertionem
Christianitatis, cum Barbari suo more signum quere-
rent, nil moratum, statim ferrum ignitum tractasse
manu, & illæsum apparuisse. Sed & aliud eodem
tempore Popponem edidisse miraculum idem
Adamus affirmat, mox ea subjungens : *Dumq;
hoc facile omnem gentilibus ambiguitatem erroris
C tollere videretur, iterum Sanctus Dei pro submoven-
do illius gentis paganismo, aliud dicitur ostendisse vel
magnum miraculum : tunicam scilicet indutus cera-
tam, cum staret in medio populi circo, in nomine Do-
mini præcepit eam incendi. Ipse verò oculis & mani-
bus in cælum tensis, liquentes flammæ tam patienter
sustinuit, ut prorsus ambusta veste, inq; favillam
reductâ, hilari & jucundo vultu summum incendiij tes-
tatus sit. Cujus novitate miraculi & tunc multa
millia crediderunt per eum, & usq; hodie per populos
D & Ecclesias Danorum celebre nomen Popponis effertur.*
Hæc aliqui gesta apud Ripam confirmant, alij
apud Hedeby, quæ Slesvici dicitur. Johannes A-
dolphus Cypræus Historiæ Ecclesiasticæ Cap.
13. scribit Popponem hæc miracula patrasse
in Comitij Viburgensibus, quo Haraldus Rex
Proceres & totius regni Ordines convocave-
rat. Porro videantur de hisce miraculis Pop-
ponis, Sigebertus Gemblacensis ad Annum
Christi 966. Albertus Stadenfis in Chronico.
E Matthæus Westmonasteriensis in Florileg. Hi-
stor. Anonymus in magno Chronico Belgico.
Anonymus de S. Meinverco, Ælnothus in vita
S. Canuti, Cap. 1. Albert. Crantz. Dan. Lib. 4.
Cap. 24.*

42. *A maximo Pontifice Bremensi Adaldago*]
Adaldagus Archiepiscopus Bremenfis designa-
tus A. C. 936. sedit annos 53. obiit anno Chri-
sti 988, 4. Cal. Maji. Ejus fit mentio à Cap. I.
usq; ad 10. Lib. 2. Adami Bremenfis.

43. *Honorem gerendi Pontificij*] Pontificium
proprie sacra est illa potestas, quam Pontificatum
alioquin dicunt. B. Ennodius Apologetico.
*Nutricem pontificij Cathedram quasi ultimum sedile
despectum.* Joan. Sarisberiensis Polieratici Lib. 1.
Cap. 4. *Nonne reputabis indignum, si ad regnum,
vel Pontificium, venator aspiret?* Wipertus, qui
vitam Leonis IX. P. R. duobus libris luculen-
ter conscripsit, Cap. VI. *Pontificio temporalibus*

copijs supra modum locupletato. Deinde etiam, in A genere, potestatem & auctoritatem significat. Gellius Lib. I. Cap. XIII. *Re semel statuta deliberrataq; ab eo, cujus negotium id pontificiumq; esset.* Solinus Cap. XVI. *Pontificium mox intra fines suos receperunt.* Petrus Chrysologus Serm. 5. *Duos filios habuit, conditoris pontificio, non necessitate generans.* Vide Jacobum Gutherium de Veteri Jure Pontificio Lib. I. Cap. IV. & Lexicon Juridicum Johannis Calvini in voce *Pontificium*.

48. *Norvegia Bernardi ex Anglia profecti]* Bernardi hujus non meminit Chronicon Norvagicum : sed à Tangbrando quodam Christiana sacra Olaum Tryggonis edoctum fuisse tradit, pag. 125. Sigurdi quoq; Episcopi beneficio multos in Norvegia ad fidem Christianam conversos edocet pag. 161. Adamus Bremensis Gotebaldum, quendam ab Anglia venientem, sæpè etiam in Norvegia, pariter ac Svecia, evangelizasse commemorat, Lib. 2. Cap. 29. Wernerus Rolevink in Fasciculo temporum, Norvagian primum ad fidem Christianam per Adrianum Legatum, & Cardinalem Albanensem, esse conversam, sub An. Ch. 1154. perperam tradit. Verba ejus hæc sunt : *Norvegia, quæ est inferior regio Alamanniæ, convertitur ad fidem. Ubi primum prædicavit Adrianus legatus & Cardinalis Albanensis, & postea Papa.*

Pag. 190. vers. 8. *Unnonis corpus Birca oppidum]* De Unnone hoc Archiepiscopo Bremensi, quem Unni vocat, multa extant apud Adamum Bremensem, Lib. I. Cap. 47. & sequentib. Juxta eundem mortuus & sepultus est Birca in Svecia, Anno Domini 936. Verba ejus ita habent : *Perfecto autem legationis sue ministerio, cum tandem redire disponeret Evangelista Dei Unni, apud Bircam ægritudine correptus, ibidem sessi corporis tabernaculum deposuit. Anima verd, cum multo animarum triumpho stipata, cælestis patriæ Capitolium semper latatura conscendit. Tunc discipuli Pontificis, exequias ejus cum fletu procurantes, cætera quidem membra sepelierunt in eodem loco, vel oppido Birca, solum caput reportantes Bremam : quod decenti honore condiderunt in Ecclesia S. Petri, coram Altari. Obijt autem, peracto boni certaminis cursu, in Svecia, ut scribitur, Anno Dominicæ Incarnationis DCCCCXXXVI. Indictione IX. circa medium Sept. Cæterum Bircam, Sveciæ oppidum, primariam regni istius fuisse civitatem, & populosissimam atq; nobilem antiquis seculis extitisse, non est dubium. Sita autem fuit in mediâ Sveciâ, ipso Adamo teste; & hodieq; ejus rudera præcellas monstrari moles, testatur Joh. Messenius p. 84. suæ Sveopentaprotopol.*

11. *Petitiss Syrithæ nuptijs]* Chronicon Norvagicum Snorronis Sturlæsonij pag. 152. Posteaquam Sigrida [Saxoni Syritha] Regina Sveciæ, cognomento *Storraade*, post obitum mariti Eriici Victoriosi, Sveciæ Regis, plurimos jam annos in viduitate transegiſſet; eam tandem

Rex Norvagiæ *Olaus Tryggonis* ambire per legatos cœpit. Cui quum petitionem suam non adeo displicere animadvertit, dono misit ingentem aureum annulum, quem antehac delubria se diruti valvis, antepagmenti loco, præfixum, illinc per artifices demendum curaverat. Syritha annulum hunc, ceu pretiosum munus excipiens, animo læto, inter thesauros suos asservari jussit. Paulò post regium hoc donum ab omnibus maximopere commendatum, duobus aurifabris, qui fortè ad regiam ejus appulerant, ostendens, mox dolum annulo subesse comperit. Nam eo diffracto annulum æreum auri lamine incrustatum persensit. Quo viso, exclamavit : *Olaus me non hac solum vice decipiet, si modò facultas & occasio ipsi dabitur.* Dehinc, ut convenerat, ad Kungellam civitatem Norvegiæ profecta, ibidem pactis nuptialibus cum Olao initis, in thorum ipsius concessit. Verum à marito sæpius admonita de religione Ethnica deferenda, respondit, se nolle unquam ab eo numinum cultu desciscere, quem majores sui exercuerant. Quapropter Rex Olaus animo paulisper commotus, chirotheca, quam fortè in manibus tenuit, os faciemque Syrithæ percussit. Hac contumelia irritata Regina, surgens, in hæc verba prorupit : *Nunquam id impune tibi erit; sed olim vitæ impendio tibi constabit. Et cum dicto in Sveciam discessit.*

Pag. 191. vers. 4. *In quo Olai sagittarius Enarus]* Enaro huic cognomentum fuit *Tambeskiel-fuer*. Is annos tantum natus erat octodecim, cum navale hocce prælium committi cœpit, teste Snorrone Sturlæsonio, à quo bellum istud Norvagicum copiose descriptum est.

10. *Aded certo icu destinata feriebat]* Verba integra Curtij Lib. 7. *Catenes, inquit, tam certo icu destinata feriebat, ut aves quoq; exciperet.* Indus quoq; per annulum sagittam mittere potuit, teste Plutarcho. Mira etiam de Domitiano Imperatore Svetonius; de Gratiano Aufonius; Olaus Magnus de Tocchone Gorho; Guilhelmo Tellio Stumpfius, Avone Norvego Saxo, Lib. 6.

24. *Præcipiti saltu profundum petijt]* Præter Chronicon Norvag. pag. 179. Saxoni consentit Adamus Bremensis Lib. II. Cap. 26. *Audiens, inquit, Rex Nordmannorum Olaph, filius Tryggonis, de conjunctione Regum, iratus est contra Sven, ratus eum quasi derelictum à Deo, totiensq; depulsum, à sua etiam multitudine facile posse depelli. Collectâ igitur classe innumerâ, bellum intulit Regi Danorum. Hoc factum est inter Scaniam & Seland, ubi solent Reges navali bello confligere. Est autem brevis tractus Baltici maris prope Helsingburgum, in quo loco Seland & Scania videri potest, familiare patibulum piratis. Ibi ergo congressi Nordmanni à Danis victi & fusi sunt. Olaph Rex, qui fortè solus remansit, in mare se præcipitans, dignum vitæ finem invenit.*

31. *Popponi Rimbrandus*] De Ordinatione & successione Episcoporum in Dania, paulò aliter Adamus Bremensis, qui tempora malè confundit. Nam sic Lib. 2. Cap. 2. *Agapetus Papa Adal- dago, Archiepiscopo Bremensi, sua vice, jus ordinandi Episcopos, tam in Daniam, quàm in Septentrionis populos, Apostolicâ autoritate concessit. Igitur primus ordinavit in Daniam, Haroldum ad Slesvich, Liadagum ad Ripam, Reginbrandum ad Arhusiam. Et Cap. 16. Adaldagus Archiepiscopus ordinavit in Daniam plures Episcopos, quorum nomina quidem* B *reperimus: ut, Hored, Liadag, Ragimbrond: & post eos Harig, Stereolff, Folgbract, Adalbricht, Merha, & alij. Quem hic Adamus vocat primo Haraldum, deinde Hored, Henricus est: quem Reginbrandum & Ragimbrond, Saxoni est Rimbrandus, qui Popponi: quem Folgbract, Fulbertus, qui Lefdago successit.*

33. *Othincarus Albus*] Duos fuisse Othincaros, autor est Adamus Bremensis, seniore nempe & juniore. De priore agit Lib. 2. Cap. 16. C *Othincarus seniore ferunt ab Adal- dago in Sueoniam ordinatum strenuè in gentibus legationem suam perfecisse. Erat enim, sicut nos fama tetigit, vir sanctissimus, & doctus in his, quæ ad Deum sunt. Præterea quantum ad seculum, nobilis, & origine Danus. Unde & facile qualibet potuit de nostrâ Religione persuadere. Cæterum Episcoporum vix aliquem sic clarum antiquitas prodit, præter Liadagum Ripensem, quem dicunt miraculis celebrem transmarina prædicasse, hoc est, in Sueonia, vel Norvegia. De eo D *idem, juxta ac altero juniore, mox infra Cap. 26. Claruit etiam tunc in Dania felix memorie Odinkar senior, de quo supra diximus, qui in Fionia, Se- landia, Scania, ac in Suedia prædicans, multos ad Christianam fidem convertit. Ejus discipulus & ne- pos fuit alter Odinkar Junior, & ipse Nobilis, de regio semine Danorum, dives agri, adeo ut ex ejus patrimonio narrant Episcopatum Ripensem fundatum. Quem dudum, Brema, Scholis traditum, Pontifex Adaldagus suis fertur manibus baptizasse: suoq; nomine Adal- E *dagus vocatus est. Is verò à Libentio Archiepiscopo, nunc ordinatus in gentes, apud Ripam sedem accepit. Nam & illustri vitâ sanctæ conversationis, Deo & hominibus acceptus erat, & Christianitatem fortissi- me in Dania defendit.***

52. *In ipso perfectissimæ vitæ fulgore decessit*] Chronicon Norvagicum Svenonem, in Anglia, repentina morte defunctum tradit, sparsumq; in vulgus rumorem, quod à Sancto Edmundo interfectus sit. Quod & confirmat Adamus F *Bremensis Lib. 2. Cap. 36. Sven Sex Danorum atq; Nordmannorum, veteres injurias tam occisi fra- tris, quàm suæ repulsionis ulturus, classe magnâ trans- fretavit in Angliam, ducens secum filium Chnut, & Olaph filium Cracabeen, de quo supra dictum est. Ita- que multo tempore, multis præliis adversus Anglos exactis, Sven veteranum Regem depulit Edilradum, & insulam tenuit in sua disione, verum brevi tem- pore. Nam tertio mense, postquam victoriam adeptus*

A *est, ibidem morte præventus occubuit. Ad quem lo- cum ita Claris. Vellejus noster: Bellum Anglicum, quod gestum est à Svenone post reditum in regnum Daniæ, paucis à Saxone, pluribus ab Hæctore Boëtio Lib. XI. Historiæ Scotorum, descriptum est. Quod de obitu hic refertur Svenonis, de eo altum est in Saxo- ne silentium. Anglica historia dicit eum mortuum in Anglia & sepultum Eboraci. Alij dicunt eum in Anglia quidem mortuum, sed ex postremo ipsius vo- to, domum reductum ejus funus, atq; sepultum Ro- schildie.*

Pag. 192. vers. 12. *Debiliores regnū ferrum injicere statuit*] Canutus Alexandri Magni ar- tibus inficit, aut potius Philippi, hostes debi- liores aggrediendo.

14. *Obstante religionis vinculo*] Per Religionem intelligit jusjurandum, quo se Sclavis obstrin- gere coactus est Svenonem captivus, cujus mentionem paulò ante fecit Saxo: Cæterum Barbari nondum rebus eum exuisse contenti, trucul- tentius affectum, jurare etiam, iram remissurum, compellunt.

16. *Ut in hac paterni gravaminis*] Ut in Scla- via, paterni carceris, quem gravaminis indigitat vocabulo; in Sembia, defectionis noxam puniret.

31. *Ramulum hasta sustulit*] Ità & olim Sext. Tempanius, decurio Equitum, cum res Roma- na bello Volscorum, temeritate Sempronij la- beretur, gladium suum pro vexillo erigens, aciem inclinatam restituit, insuper hac animos militum voce confirmans; *Nisi hac armata co- hors sistat impetum hostium, actum de imperio est. Sequimini pro vexillo cuspidem meam. &c. Quum clamore comprobata adhortatio esset, vadit, altè cuspi- dem gerens, inquit Livius, Lib. IV. Sic Camil- lus, langventibus suis, ab equo defiliens, signum in hostes infert; cujus pudore milites incende- rentur. Livius Lib. 6.*

37. *Postmodum cognomine usurpavit*] Nem- pè ut Tymmo Banner postea diceretur. Et hinc origo nobilissimæ apud Danos stirpis Bannerorum. Vox autem Banner, apud no- strates, sicut & Britannos, vexillum denotat, quod medij ævi scriptores Bannerium appella- runt. Autor vitæ Lodov. filij Ludovici Grossi: Illa die faciebat antegardam Gaufridus de Rancone, unus de nobilioribus Baronibus provincie Pictavien- sis, qui gerebat Regis Bannerium. Albertus Argen- tinus in An. 1349. Carolus Rex hoc audito, statim bannerium suum, quod dicitur Sturmfahn / super turrim Ecclesiæ Spirensis constituit. Græci à Roma- nis desumptâ voce Βάνδον dixere: Svidas Βάν- δον) ἔγω καλῶσιν οἱ Ῥωμαῖοι τὸ σημεῖον τὸ ἐν πολέμῳ: & Procopius Vandal. Lib. 2. τὸ ση- μεῖον, ὃ δὴ Βάνδον καλῶσι Ῥωμαῖοι. Videatur eadem de voce Joh. Goropius Becanus Lib. 2. Gigantomachia.

Pag. 193. vers. 1. *Per involucrium*] Quasi per A
ænigma & obscurum indicium. Cicero ad Qv.
Fratr. *Involucris simulationum tegi, &c.*

8. *Deformi vindictæ specie puniens*] Canu-
tus eos, qui æmulum occiderant, suspendio ca-
stigans, verum esse probavit illud Augusti di-
ctum in Rhymitaclem Thracum Regem, quod
ab Antonio ad illum defecerat: *Proditionem
amo, proditorem odio habeo.* Imperator Severus
proditores præmij loco occidit, quum operâ
eorum abusus esset. Certè proditores genus B
hominum cælo & terris invisum, gratum ho-
stibus, sed nunquam charum.

15. *Normanniæ Præfecti Roberti filiam Im-
mam*] In eandem sententiam Adamus Bre-
menfis Lib. II. Cap. 37. *Chnut Adelradi regnum
accepit, uxoremq; ejus Immam nomine, quæ fuit so-
ror Comitis Nordmannorum Rikardi, cui Rex Dano-
rum suam dedit germanam Margaretam, pro fœde-
re. Quam deinde Chnut repudiatam à Comite, Ulff
duci Angliæ dedit: ejusq; Ulff sororem copulavit al-
teri duci Gudvino, callidè ratus Anglos per connubia
Danis fideles. Quæ res eum non fefellit.* Et Ri-
chardus quidem Comes declinans iram Knut, Jerosoly-
mam profectus, ibidem obiit, relinquens filium in
Nordmannia Robertum, cujus filius est iste V Vilhel-
mus, quem Franci Bastardum vocant. Ulff ex sorore
Regis Canuti filios suscepit Biörn Ducem, & Sven Re-
gem. Gudvind è sorore Ulff Ducis, genuit parricidas
Sven, Toſte, & Haraldum. Videatur etiam Chro-
nicon Norvagicum Snorronis Sturlasonij pag. D
187, & seqq.

28. *Eximie granditatis Ursus*] Digna est ob-
servatu sententia Cl. Viri, Martini Delrij, quam
de hoc Saxonis loco profert, Disquisit. Magicar.
Lib. 2. Quæst. 14. *Quoniam certus sum, inquit,
ex homine & fera verum hominem nasci non posse,
quia ferinum semen perfectionis est expers, quæ ad
tam nobilis animæ domicilium requiritur: in illo ex-
emplo putarim hoc dicendum, quod Dæmon in talium
ferarum effigie fæminas compresserit. Nos verò hic
non ursum, sed ursum, seu Biörnnonis nomine, infi-
diatorem & raptorem, originem fabulæ dedisse
statuimus. Quod & ipsi fatentur Centuriarum
Magdeburgensium Scriptores, quamvis Saxo-
nem immerito, tanquam nugatorem, fugillent:
Inter Metamorphoses Ovidij referri posset, quod Saxo
Grammaticus de urso nugatur: quem ait in agro Syc-
tico virginem quandam rapuisse, & in latebris suis
ejus concubitu usum esse: tandem à vicinis pastori-
bus, quorum gregibus molestus fuerat, captum & in-
teremptum esse: virginem verò, quæ ex urso gra-
vida fuerat facta, filium enixam esse, cui à parente
ursi nomen sit impositum. Qui postquam adolevis-
set, agnita suæ propaginis veritate, à patris inter-
fectoris funesta exit supplicia. Fuit autem hic ur-
sus, latro aliquis nobilis, qui id facinus perpetravit:
postea hoc scelus Poëtæ tali modo sinxerunt, cum auto-
rem potentem aperte non liceret reprehendere. Cæcæ.
Magd. b. Cap. 15. p. 621.*

39. *Quid non excogitat amor*] Ità legendum
duxi adductus loco isto Valerij Maximi Lib. 5.
Cap. 4. de amore mulieris erga matrem, quam
in carcere proprijs aluit uberibus, quem lo-
cum Saxo exprimere conatus est: *Quò non pene-
trat, aut quid non excogitat pietas, quæ in carcere
servandæ genitricis novam rationem invenit?* Ubi
alii legunt, *exacuit*, & fortè rectius. Nam *to
excavat* duriusculum est.

48. *Nuptiarum deformitatem*] Id est, defor-
mis urfi cum puella congressus. Nam hac no-
tione Nuptiæ apud bonæ notæ scriptores; nem-
pe pro omni concubitu. Petronius Satyrico:
*Plaudentibus ergo universis, & postulantibus, nuptias
fecerunt.* Ubi nuptias facere, est *το συνζωγιάζειν*.
Indè Festo, nupta verba, obscœna. Lipsius An-
tiqv. Lect. Lib. 2. Cap. 9. Barthius Comment.
in Musæum. Joan. Bourdelotius, & Erhardus in
Petr. Arbitrum, Taubmannus in Plauti Mostell.
Sic *χαίρον* de Equo dixit Oppianus Lib. 1. *νοῦον*.
& Lib. 3. Sic *χαίρειν* de Piscibus dixit Ælianus
Cap. 14. Lib. 1. Cap. 10. Lib. 2. Histor. animal.

Pag. 194. vers. 10. *Virium parte defunctum*]
Clariss. Vir, Joannes Meursius, *ὁ παναγής*,
Collega olim meus conjunctissimus, hic legen-
dum censuit *defectum*: & meo judicio rectissi-
mè. Solens etenim hac formulâ utitur Saxo.

14. *Primâ Feriâ*] Id est, Dominicâ die. Itæ
enim Christiani cujusque Septimanæ dies nu-
merabant, nomina profana deorum gentilium,
antèa diebus imposita, detestantes.

17. *Sparsas repente scindulas legit*] *Scindulæ*
hic sunt minuta ligni frustra abscissa, alias *Schi-
diæ*, nobis Spaaner. Vitruvio, Vegetio, Colu-
mellæ, Plinio, Palladio, Cæsari, alijsq; *Scindulæ*
sunt tabellæ vicem tegularum præstantes, sic
dictæ, à scindendis angulatim arboribus. Un-
de *tectum scindulare*, hoc est, scindulis conte-
ctum. Apulejus Lib. 3. de Asino: *Pamphile mea,
jam vecors animi, tectum scindulare conscendit.* Itæ
enim legendum monet Godeschalcus Stevve-
chius ad hunc locum, pro *Scandulare*. Vitruvius
Lib. X. Cap. I. *Ædificia constituuntur scindulis ro-
bustis aut stramentis.* Vegetius Lib. 2. Cap. 23.
*Tempore hyemis de tegulis vel scindulis, porticus te-
gerentur ad Equites.* Cæsar Lib. 8. Belli Gallici:
Cupas sevo, pice, scindulis complent. Isidorus Orig.
Lib. 19. Cap. 19. *Asseres ab asse, quia soli ponun-
tur, neq; conjuncti.* *Scindulæ*, eò quod scindantur,
id est, dividantur. Ejusmodi scindulis contectam
fuisse Romam annis 470 testis Cornelius Ne-
pos apud Plinium Lib. XVI. Cap. 10. Hinc qui
Scandularij dicuntur in l. ult. ff. de jure immu-
nitatis, *Scindularij* nuncupari debent. Videatur
omnino doctissimi Stevvechij Commentarius
ad Vegetij Lib. 2. Cap. 23. Aldhelmus de laudi-
bus Virginitatis, Cap. 14. *Pyram stipitem in edito
constructam, & flammantibus scindulis succensam.*

18. *Subjectam palmam cremandam præbuit*]
Non

Non sicut ac Mutius ille Scævola, qui perosus A dextram suam, quod ejus ministerio in cæde Regis uti nequiverat, injectam foculo exuri passus est. Valerius Maximus Lib. 3. Cap. 3.

19. *Scrupuloso cultu levia quoque religionis momenta*] Valerium suum heic rursus expressit Saxo, cujus hæc sunt verba Lib. I. Cap. 1. *Quod tam scrupulosâ curâ parvula quoque momenta religionis examinare videntur.*

30. *Cujus facti circumspicienda sanctitate*] Latet in hoc Epitheto aliquid venerationis & augustæ majestatis. Ammianus Marcellinus Lib. XIV. *Populi Romani nomen circumspicendum & reverendum.* Sed Saxo imitatus est suum Valerium Max. Lib. I. Cap. I. *Decretis, circumspiciendâ sanctione, impium opus censoris retexit.*


32. *Detrimentorum violentia laceffitis*] Valerius Maximus Lib. 4. Cap. 8. de Tellia Agri-gentino : *Domus ejus quasi quædam munificentia officina credebatur. Illinc enim privatim alimenta inopia laborantibus, doctes virginibus paupertate pressis, detrimentorum incursum quassatis solatia erogabantur.* Et paulo post : *Quid multa ? Non mortalem aliquem, sed propitiæ fortunæ benignum dicesse finem.*

46. *Linguae volubilitate*] Volubilitas linguae proprie significat promptam dicendi facilitatem, quæ eorum esse solet, qui multis verbis, paucissimis rebus dicunt. Plinius Junior Epist. XX. Lib. 5. *Mos est plerumque Græcorum, ut illis sit pro copia volubilitas : tam longas, tamque rigidas periodos uno spiritu, quasi torrente, contorquent ; Julius Candidus loquentiam appellavit. Plinius ibidem : Itaque Julius Candidus non invenisse solet dicere, aliud esse eloquentiam, aliud loquentiam. Nam eloquentia vix uni & alteri, imò si M. Antonio credimus, nemini : hæc vero, quam Candidus loquen-*

tiâ appellat, multis, atque etiam impudentissimo cuique, maxime contingit.

Pag. 195. vers. 17. *Senior Regis adventum operiens*] Senior hoc loco vocabulum eadem forte notatione Saxo noster usurpasse videtur, quâ Johannes Biclarensis, postea Episcopus Gerundensis, Chronici sui pag. 60. *Leonegildus Rex Aregenses montes ingreditur, Aspidiam loci seniore, cum uxore & filiis captivos ducit.* Et Synodus Bavaria sub Tassilone Bavariæ Duce, temporibus Caroli Magni celebrata, pag. 140. *Cum missi nostri ad placitum nostrum venerint, habeant obstrictæ questum, de quo pago sit, & qui sint seniores eorum.* Et Tabulæ Gauflini Episcopi ; *Pro remedio animæ Senioris nostri Othonis.* Flodoardus Histor. Ecclesiæ Rom. Lib. I. *Accidit autem, ut eadem die, Legatus Domini Præsulis nostri Heri veri, nomine Therdoinus, ab eodem Seniore suo, pro rebus ipsis repetendis, ad regem cum maneribus deveniret.* Quibus in locis, ni fallor, Senior, est dominus, aut Princeps, vel qui alioquin summa cum potestate præest : quemadmodum Hispanis in usum est suum Senor, Italis Signor, Gallis Sire. Verum hæc æquo Lectori dijudicanda relinquo.

Pag. 196. vers. 8. *Apud Asum*] *Asum*, quod Clarissimus Vellejus noster perperam (quod pace tanti viri dixisse liceat) *Ahusiam* vertit, in provincia Scaniae Gierfheride vulgo dicta, situm est : olimque oppidum fuit præclarum, multorum insignium & fortissimorum militum sepulcrâ nobilitatum ; jam verò fatali rerum vicissitudine ad pagi mediocris redactum est angustias. In muro cœmiterij Asumensis hodieque visitur elegans saxum muro infixum, & portæ ad plagam septentrionalem adjunctum, literisque Runicis inscriptum, quarum hic est sensus :



FRINT: YARIM: INK: *IMBI: A
HY: IR: YIRYIN: HMI: PHPI:
ABHIFAK: ARYIBIYUNB: AP:
HIBIARK: YNN:

ANJGE MAXJE SW hialpi dem er
Kirchju dini gudi / Abfalon Artibistup og Ab-
biorn Muli.

Id est: CHRISTE MARIE FILI ADSIS IIS,
QUI ECCLESIE TUE BENEFACIUNT,
ABSOLONI ARCHIEPISCOPO ET ES-
BERNO MULE. Vide Cl. D. Wormij Monu-
Lib 3.

12. *Domi percussores invenit*] Quod Olaus
Rex Norvagiæ non infcio Kanuto peremptus
sit, asserit etiam Adamus Bremensis Lib. 2. c. 43.
Sciunt alij, eum, in gratiam Chnut Regis, latenter oc-
cisum, quod & verum esse non diffidimus, eò quod re-
gnum ejus invasit. Sed Chronicon Norvagicum
testatur, quod ortâ inter Olaum & Regni pri-
mates, ob cædem quorundam Præfectorum,
contentione privatâ, eruperit ea tandem in bel-
lum apertum. In quo ad extremum deletus
est exercitus Regis, & ipse Olaus, acceptis à du-
cibus belli, aliquot vulneribus, expiravit in lo-
co pugnæ, prope Sticklestadam, Anno Christi
M. XXVIII. 4. Kal. Aug.

14. *Sex præpollentium regnorum possessor*]
Nempè Daniæ, Sveciæ, Norvegiæ, Angliæ, Scla-
viæ, Sembæ: quod vix unquam alij contigit Re-
gum Danorum, præterquam Frothoni III, cu-
jus regnum Russiam ab ortu complectens, ad
occasum Rheno flumine limitatum erat: Saxo
Lib. V.

16. *Ejus principi Henrico filiam Gunildam*]
Adamus Bremensis Lib. 2. Cap. 47. Tempore illo
Conradus Imperator filiam Chnut Regis Henrico filio
accepit in matrimonium. Exteri Scriptores ferè
omnes Gunildam hanc, Canuti filiam, Chuni-
gundam appellant. Erat fortè ipsi appposito co-
gnomine nomen auctum, ita ut Gunildam, Chu-
nigundam, seu Chunigundam (Ktonne/ Stion-
ne Gunnild) dixerint, ob formæ præstantiam,
quâ excellebat plurimum.

21. *Sibi trium imperium*] Sveciæ, Sclaviæ &
Sembæ. Adamus Bremensis loco jam dicto:
Cum quibus statim, regio fastu, Italiam ingressus est,
(Conradus) ad faciendam regno justitiam, comi-
tem habens itineris Chnut Regem, potentiâ trium
regnorum, Barbaris gentibus valde terribilem. Ille
quidem, cum tres filios haberet, singulos super singu-
la regna posuit, ipse aliquando visitans Danos, ali-
quando verò Nordmannos, sapissimè autem sedit in
Anglia.

32. *Gutscalcus Sclavicus*] Hujus Gutscalci
plurima fit mentio ab Helmoldo Cap. 19. &
Adamo Bremenfi Lib. 2. Cap. 48. qui patrem
ejus appellant Vdonem sive Vtonem, quem Saxo
hic Pribigneum vocat. Verba Adami ita ha-

bent: Principes VVinulorum Gneus & Anayog
erant pagani. Tertius Uto, filius Mistivoi, malè Chri-
stianus. Undè etiam pro crudelitate sua à quodam
Saxonum transfuga interfectus fuit, filium habens Gu-
thescalcum, qui per idem tempus, apud Luniborg, Mo-
nasterium Ducis, liberalibus erudiebatur studijs. Ve-
rùm is comperta morte parentis, irâ & furore com-
motus, rejectis cum fide literis, arma corripuit, amneq;
transmisso, inimicis Dei se conjunxit VVinulis. Hunc
tandem, quasi principem latronum, Bernardus Dux
B capiens, in custodia tenuit, virumq; arbitrans fortis-
simum, juncto secum fœdere dimisit eum. Qui venit
ad Cnut Regem, & cum eo profectus in Angliam, per-
mansit ibi multo tempore.

47. *Gerbrando substituitur Avaco*] Adamus
Bremensis Lib. 2. Cap. 46. Libentius [Archiepi-
scopus Bremensis] bonus in Præpositura, multo me-
lior in cathedra, legationem suam ad gentes ferventi
animo ingressus est. Et primò omnium concilians sibi
Chnut Regem Danorum, Gerbrando subrogavit in
C Seland Avaconem.

Pag. 197. vers. 16. *Qui foris insignes exstarent,
domi ignobiles viderentur*] Verè igitur Plinius in
divino illo Panegyrico: Enituit aliquis in bello,
sed obsolevit in pace: alium toga, sed non & arma
honestarunt: reverentiam ille terrore, alius amorem
humanitate captavit: ille quesitam domi gloriam in
publico, hic in publico partem domi perdidit. Postre-
mò adhuc nemo exstitit, cujus virtutes nullo vitio-
rum consinio læderentur.

D Pag. 198. vers. 42. *Adversum testimonij fulmen*]
Quicquid terrorem incutit, quicquid cum vi ali-
qua, vel impetu, conjunctum, translâtè ful-
men dicitur. Sic eleganter Quintilianus, vel
potius Posthumius Junior, vel M. Florus, aut
si quis alius, Declamatione quadam, fulmen
abdicationis, quo severi patres adversus liberos
utuntur, dixit: id quod repetit Declamatione
CCLIX: Fulmen istud patrum adversus ferociam
adolescentiæ datum est, & adversus filios, qui peccare
E plus possunt. Cn. & P. Scipiones fulmina Imperij
Romani appellavit Cicero pro Balbo: Et fulmina
verborum idem ad Papirium Lib. IX. Eloquen-
tiam Ciceronis fulmina vocavit Columella in
Præfat. Lib. I. Nec Brutum, aut Cælium, Pollio-
nemve, cum Messala & Catullo, deterruere fulmina
illa Ciceronis ab Eloquentiæ studio. Unde fulmina
jaculari Eloquentia dicitur Martiano Capellæ
Lib. 5. Deniq; creditum quod instar Jovis eadem
fulmina jaculari. Et Oratores ipsi fulminare seti
F fulgurare. M. Tullius de Oratore: Nunquam,
inquit, ab Aristophane Poëta fulgurare, tonare, per-
miscere Græciam dictus esset Pericles, si tenui genere
usus fuisset. Verba Aristophanis sunt: ἡστία πτεν
ἔγγυτα, ζυγυόυα τὴν ἐδάδα, id est, fulgura-
bat, tonabat, convolvebat Græciam.

43. *Si sponsione provocatus fuisset*] Sponsio
apud antiquos genus erat stipulationis, quâ
plerumq; uti solebant post interdicta, cum li-
tis quædam appendicula incidisset, aut etiam si
alio

alio modo inter eos controverteretur. Fiebat A
autem *Sponsio*, interpositâ stipulatione certæ pecuniæ, quam is, qui litem intendebat, daturum se, nisi veram causam haberet, promittebat. Actor enim primò spondebat, id est, spontè atq; ultro sponfionem deferebat adversario, quem ideo *sponsione laceffere & provocare* dicebatur. Ab eo namq; postea summam eandem stipulabatur. Hic autem aut fateri cogebatur, aut si inficiaretur, restipulari. Tum actor iterum stipulanti adversario spondebat.

44. *Restipulatione uti licuit*] Vetus Codex, quo in nonnullis sum usus, ad oram ascriptum habebat *refragatione*. Sed longè rectius omnes Editiones legunt *restipulatione*: quia actore, spondente, reo licitum erat, si inficiaretur, *restipulari*, hoc est, ab eo, cui quid ante à se stipulanti promissit, vicissim aliquid stipulari. Verum hanc Saxo potestatem crimine læsæ majestatis reis prorsus interdictam fuisse asserit.

Pag. 199. vers. 7. *Datq; nave*] Fuit hoc etiam apud veteres inter supplicij genera. Sic Svetonius Cæsar. Cap. 66. *Vetustissimæ navis impositos, quocunq; vento, in quascunq; terras, jubebo vehi*. Ità puniti delatores à Trajano. Plinius in Panegyrico: *Congesti sunt in navigia raptim conquisita, ac tempestatibus dediti, abirent, fugerentque vastatas delationibus terras: ac si quem fluctus ac procellæ scopulis reservassent, hic nuda saxa & inhospitale littus incoheret: ageret duram & anxiam vitam, relictaq; post tergum totius generis humani securitate, moreretur*. Ità & sævitum olim à Tyrannis Christiani nominis osoribus, in viros sanctos.

Pag. 200. vers. 5. *Inq; unius omnes proscriptione damnari*] Felicitas Reipublicæ, omniumq; civium salus, à Principis pendet salute & felicitate. Plinius in Panegyrico: *Ut in unius salutem collata omnium vota: cum sibi se, ac liberis, suis intelligerent precari, quæ pro te precarentur*. Et paulo post ibidem: *Debemus obsecrare, ut omnia quæ facis, quæq; facias, prosperè cedant tibi, Reipublicæ, nobis, vel si brevius sit optandum, ut uni tibi, in quo & Respublica & nos sumus*.

21. *Ipse sibi trecenta ac sexaginta milia nomine*] Caveant diligenter Legis latores, nè suis damnentur legibus. Quemadmodum Zaleuci filius in ipsam à patre latam primus deliquit: utq; suus constaret legi vigor, oculum filio unum, sibiq; alterum erui curavit. Ælianus Variar. Histor. Lib. XIII. Charondas Tyrius, in frequentem Senatum, gladium inferre prohibuerat: ipse verò eandem legem violat, eoq; gladio se ipsum transfigit. In hanc classem referendi Licinius Stolo apud Plutarchum in Camillo: Tennes apud Heraclidem de Politis: Pericles & Clifthenes, daces Attici apud Ælium Lib. 13. Lycurgus apud eundem: & Solon apud Platon, Eutropius Eunuchus apud Socratem Histor. Ecclesiast. Lib. VI. Cap. V.

Pag. 201. vers. 16. *Apud Rothomagum*] Wilhelmus Malmesburienfis de gest. Angl. Lib. 2. Cap. XI. Canutum Sceptoniæ in Anglica defunctum, & Vintoniæ funeratum memorat: At *Cnuto, inquit, transcurâ vitæ metâ, Sceptoniæ defunctus, & Vintoniæ sepultus est*.

41. *Quam maximam semper exhibuerat*] Propensissimo in cultum divinum animo, inq; ædes & personas sacras mirè munificus fuit. Canutus hic noster, re & nomine Magnus.

B Templâ, Cœnobîa, non in Dania solum & Anglia, sed & in Gallia, & alibi terrarum, partim ipse extruxit, partim reparavit, partim denique sumptibus verè regijs locupletavit. Ità ad restaurationem templi Carnotensis in Gallijs, quod miserabili incendio conflagraverat, ingentem pecuniam transmisit, Anno Christi 1032. Cujus rei testis est Epistola Fulberti, Episcopi tum Carnotensis, quâ gratias agit Canuto Regi. Ea extat inter Epistolas ipsius, ordine 97, fol. 92. scripta filo & morè istius ævi, quo etiamdum vixit Barbaries. Inscriptio ejusmodi est: *Nobilissimo Regi Danomarchiæ CNUTONI, Fulbertus, Dei gratiâ, Carnotensium Episcopus, cum suis Clericis & Monachis, Orationis suffragium. S. Quando munus tuum nobis oblatum vidimus, sagacitatem tuam ac religionem pariter admirati sumus. Sagacitatem quidem, quod homo nostræ linguæ ignarus, longq; à nobis terræ marisq; intervallo divisus, non solum ea, quæ circa te sunt, strenuè capeffas, sed*

D *etiam ea, quæ circa nos, diligenter inquiras. Religionem verò, quum te, quem Paganorum principem audieramus, non modò Christianum, verumetiam erga Ecclesiæ Dei servos benignissimum largitorem agnosceremus. Unde gratias agentes Regi Regum, ex cujus dispositione talia descendunt, rogamus, ut ipse regnum suum in vobis prosperari faciat, & animam tuam à peccatis absolvat, per æternum & substantialem sibi unigenitum Christum Dominum nostrum, in unitate Spiritus Sancti, Amen. Vale memor nostri, non inmemor tui*. Meminit etiâ Guilielmus Malmesburienfis loco superius dicto: *Ejusdem, inquit, Archipræsulis, & Helnothi hortatu, Cnuto Rex ad transmarinas Ecclesias misit pecunias, maxime Carnotum, ubi tunc florebat Fulbertus Episcopus in sanctitate & Philosophia nominatissimus*.


Pag. 203. vers. 5. *Majorum virtute elaboratum finivit imperium*] Eundem in modum loquitur Justinus Lib. 1. *Filius ejus Ninyas contentus elaborato à parentibus imperio, belli studia deposuit*.

F Pag. 204. vers. 1. *Caduntur funditus Sclavi*] Sclavorum XV millia cæsa, memoriæ prædidit Adamus Bremenfis Lib. 2. Cap. 59. *Magnus autem Rex pro justitia & fortitudine carus fuit Danis, verum Sclavis terribilis, qui post mortem Chnut, Daniâ infestabant. Ratibor Dux Sclavorum interfectus est à Danis. Ad cujus mortem ulciscendam jam tunc cum toto exercitu Vinuli venientes, usq; ad Ripam vastando progressi sunt. Et fortè Magnus, Rex tunc à Nordmannia rediens, Heidebyam appulit. Qui*
more

more Danorum, copijs undiq; collectis, egredientes e A
Dania paganos, in campestribus Heideby, excepit. XV.
millia feruntur ibi occisa, & facta est pax & lati-
tia Christianis omni tempore Magni.

20. Nam maternum inde genus traxerat] Itā
cenfui legendum prò paternum. Estrita etenim,

Siritha Regina Svetiæ, relicta superstes Regis Erici,
fustulit ex



Sed & paternum genus è Svetiā traxerat Sveno ; B
quum Vlfonem, quem patrem is habuit, è Sve-
tia oriundum, paulò superius tradiderit Saxo :
Cujus munificentia gratia Vlfonem quondam è Sve-
tia accersitum. &c.

22. Deturbato per occursum leporis equo] Le-
pus semper inter quadrupedes infelicitis ominis
habitus est ; & antiquissima fuit superstitio,
sinistri aliquid evenire, si lepus occurrat, vel se-
mitam transeat. Hinc Græca illa apud Svidam
sententia : Φαυεῖς ὁ λαὸς διςυχεῖς ποιεῖ C
τῶν ὄνων, Visus lepus infortunatas facit vias. Non
inficit, inquit Camerarius, Horar. Subcesivar.
Part. 2. Cap. Ult. leporum incurfus sæpè ominosus
& fatales fuisse. Memini enim me ab oculatis &
fide dignis testibus audire, aliquoties in obsidione
Magdeburgensi, leporum magnam copiam intra ca-
stra & urbem conspectam fuisse, & qui eos inter ve-
litationes insecuti fuerint, vel captos, vel malè mul-
tatos à præsidiarijs fuisse. Infelix sanè fuit con-
spectus leporis, de quo Jacobus Mejerus scribit D
Annal. Flandr. Lib. XII. Paulò etenim ante
prælium inter Gandenses & Brugenses, hi pro
tristi acceperunt omine, quòd leporem ibi for-
tè per medias stationes suas transcurrentem,
cernerent. Expalluit, inquit Mejerus, Ratgerus
Dux Brugensium, vultusq; nullam retinuit constan-
tiam. Paulò post itaq; licet numero superiores ma-
gnâ clade à Gandensibus victi sunt. Sigebertus
Gemblaccensis, ad Ann. Christi M. C. XLIII.
scribit de Fulcone Hierosolymorum Rege, quòd E
dum venationi insistens, leporem insequitur
ex improvise sibi apparentem, equus, cui infi-
debat, se super eum præcipitem dederit, ipsum-
que vitâ & regno privaverit. Lepore etiā au-
tore Romam aliquando captam, idem Sigebertus
Gemblacensis commemorat ad An. Christi

D CCCC. Arnulpho enim Rege, qui Berenga-
rio auxilium tulerat, Romam oppugnante, ex-
citus è latebris clamore tumultuq; militum
Lepus, urbem versùs cursum arripuit. Hunc
milites toto temerè agmine concito cum cœ-
pissent sequi, cursuq; & clamoribus acrius de-
terrerent, Romani, qui pro propugnaculis sta-
bant, urbem eo impetu peti veriti, cui se longè
impares propter defendentium inopiam arbi-
trabantur, pari consensu, desertis mœnibus,
ad terram se submisere. Barbari occasione fre-
ti, sellis equorum ad mœnia in cumulum agge-
stis, per eos nullo reluctante, leoninam urbem,
nullo negotio ceperunt. Itā & Anno à nato
Christo suprâ millesimum ducentesimo octo-
gesimo nono, Comes Holsatiæ Henricus, ejus-
que frater Johannes, cœpto adversus Dithmar-
fos bello, infelicitè præliati memorantur, oc-
casione leporis, qui exercitui ad pugnam accin-
cto forte fortuna occurrens, præliaturos in fu-
gam egit. Quod quomodo acciderit, luculen-
tâ narratione exponit Vir longè Clarissimus,
Philologus & Historiographus celeberrimus,
mihiq; fidelissimâ gratiâ conjunctissimus Ami-
cus, D. Johannes Isacius Pontanus, Historiæ
Danicæ Lib. VII. pag. 376. Holsati cum starent
jam magno nobilitatis suæ ac populi numero,
ad pugnam ac jugum Dithmarfis inferendum
parati, contigit eorum copias de subito ac viâ
transversâ leporem prætercurrere, eaq; occa-
sione militem exclamare, prætercurrere leporem :
idq; exaudientes, qui posteriores erant, clamo-
remq; in id excitatum putantes, ut se in cursu
ac fugam darent, fugere hoc ipso cœperunt.
Quos deinde intermedijs [quod existimarent
aciem suorum ab hoste perruptam] continuo
secuti, & eos vicissim primi, cum abiisse unâ
cum

cum postremis viderent, nec alia subsidia haberent, similiter subsecuti. Qui evadere fugiendo nequiverunt, à Dithmaris, quibus hoc casu alacritas accrevit, interfecti sunt. Adeo ut locum hic merito habeat, quod vulgo creditum, etiã his temporibus, occursum leporis omen esse parum felix, præsertim iter ingressis; ideoque & proverbio olim dictum: *Lepus apparens infortunatum facit iter*: vel ut senario hoc po-

Atius è Græco, quod Svidas citat, exprimam:

Inauspicatum iter obvius facit lepus.

23. *Trunco adactus extinguitur*] Dissentit nonnihil à Saxone de obitu Magni Regis, Snoro Sturlæsonius Chronici Norvagici pag. 343, qui Magnum è Norvegia reducem, circa autumnum, in Jutiæ quodam pago *Sudertorp* dicto, supremum obiisse diem constanter asserit, Anno Christi M. XLIV.

NOTÆ VBERIORES IN LIBRUM XI. HISTORIÆ DANICÆ SAXONIS GRAMMATICI.

Pag. 204.
vers. 36.

Varijs rerum casibus fluctuatus est] Valerius Maximus Lib. IX. Cap. VIII Itaq; exiguo momento maxima Reipublicæ casus fluctuatus est: prout omnes ferè MS codices legunt; non, ut vulgo editur, fluctuavit. Fluctuatus scilicet passivè, pro activo fluctuavit: quomodo idem Valerius paulo ante Lib. VIII. Cap. I. Eadem hæsitazione P. Dolabella animus fluctuatus est.

37. *Summam successu magis quam viribus capit*] Summa hic absolute positum pro summa rerum, pro summo imperio, potestate, adeoq; ipso regno. Petronius Arbiter summam usurpat pro perfectione, consummatione, & absolutione. Turneb: Lib. XIX. Cap. VI. Idem Petronius alibi: *Diutq; summa carminis penes Mopsam Thracem memorata est.* Sic ipse Saxo paulo post loquitur: *Ac veluti in unum corpus utraq; sacerdotij summa confluit.*

Pag. 205. vers. 5. Nam alteri Henricus, Eginus alteri] Alteri, nempe Dalbyæ, Henricus: Alteri, Lundie videlicet, Eginus præfectus est. Adamus Bremensis Historiæ Ecclesiasticæ Cap. 215. juxta editionem Lindenbrochij; Henrico Lundensem, Eginus vero Dalbyensem Episcopatum tribuit. Sed perperam. Verba ejus ita habent: *In eadem regione Scaniæ nemo adhuc Episcopus fuit incardinatus, nisi quod ab ab hys partibus quidam venientes interdum illam procurabant diocesim.* Deinde Gerbrand. Selandensis Episcopus, & post eum Avacho, simul utramq; gubernabant Ecclesiam. Nuper vero mortuo Avachone Rex Svein parochiam Sconensem in duos Episcopatus segregavit, unum, id est, Lundensem Henrico tribuens, alterum, id est, Dalbyensem Eginoni. Sed omnino hic legendum, Dalbyensem Henrico tribuens, alterum, id est, Lundensem, Eginoni.

II. Henrico ob immoderatum potionis usum absumpto] Id quoq; testatur Adamus Bremensis loco jam dicto: *Henricus autem apud Orchadas fuit ante Episcopus, inq; in Angliâ Sacellanus Regis Knut fuisse narratur, cujus thesauros in Daniam perferens luxuriosè vitam exegit. De quo narratur*

etiam, quod pestifera consuetudine delectatus inebriandi ventris, tandem suffocatus crepuit. Hoc & de Avachone factum esse comperimus, similiterq; de alijs.

22. *Humani calicis cupido haustu divini usum amittere meruit*] Calicem divinum vocat, quo in Dominicæ cœnæ administratione utuntur. Episcopi & sacerdotes: nihilq; aliud intelligit, quam abrogatum fuisse bibulo illi Heinricho, ob immoderatum potionis usum, jus & potestatem sacra administrandi.

31. *Fugam Byzantio credidit*] Adamus Bremensis Lib. III. Cap. XIII. *Haraldus quidem frater Olaph Regis & Martyris, vivente adhuc germano, patriam egressus, Constantinopolin exul abiit. Ubi miles Imperatoris factus, multa prælia mari contra Saracenos & Schytas gessit, fortitudine clarus, & divitijs auctus vehementer. Ejus meminit præcedenti libro Saxo: Cujus frater Haraldus consimilem perfidiam veritus, adito Byzantio, suspectam patriæ fidem longinquo declinavit exilio.* Is autem fuit Haraldus Sigurdi filius, cognomento Haardraade, qui Magno Regi Norvagiæ defuncto successit.

Ibid. *A Cujus Rege homicidij crimine damnatus*] Imperator Orientis tum temporis erat Constantinus cognomento Monomachus, qui Zoæ Imperatrici matrimonio junctus, imperij juxta ac thori consors factus est, circa A. C. c. lxxxiii. Snoro vero Sturlæsonius rem paulo aliter commemorat, causamq; Haraldi in carcerem conjecti fuisse tradit petitam à Zoe domum redeundi veniam & officij sui abdicationem, pag. 337. Chronici Norvag. Quum etenim Haraldus, quem Zoë Imperatrix, ob singularem fortitudinem, aliasq; virtutes & præclari animi dotes, toti exercitui summa cum potestate paulo antea præfecerat, ab itinere Hierosolymitano Constantinopolin redux, fando comperisset, fratris sui filium Magnum, tam Daniæ, quam Norvagiæ imperio potiri, patriæ revisundæ desiderio adductus, veniam à Zoe domum redeundi, demandatoq; officio sese abdicandi, petijt.

EO

Eo intellecto Zoe indignatione accensa, peculatus crimen Haraldo intentat, quasi maximam prædæ varijs in bellis acquisitæ partem sibi perfidè vendicasset. Licet alij existiment, Zoën Haraldi amore correptam, ipsi discesum paranti graviter succensuisse, ideoque hoc crimine reum egisse, nè veram indignationis causam vulgo proderet. Mox Haraldus, jussu Zoës, & mariti Constantini Monomachi Imperatoris, in vincula conijcitur cum duobus comitibus Haldardo & Vlfone Vspagi filijs. Verum primâ nocte, auxilio ditissimæ cuiusdam matronæ, quæ Haraldum flagrantissimo amore deperibat, è carcere liberati, palatium Imperatoris armati, adjunctis sibi Varingis, Normannicæ gentis militibus, adeunt, eumq; captum, oculis privant. Haraldus conscensis navibus, abductaq; secum Mariâ Zoës ex fratre nepte, quam prius frustra ambiverat, Pontôq; Evxino, & palude Mæotica trajectis, in Russiam terrestri itinere tandem pervenit.

34. *Exiit vernam, ut socium ageret*] Valerius Maximus Lib. V. Cap. VIII. *Exiit patrem, ut consulem ageret: orbisq; vivere, quàm publicæ vindictæ deesse maluit.*

40. *Ipsa squamarum nitore*] Inter res alias, quæ in tenebris lucent, piscium quoq; squammas esse docet Aristoteles Lib. 2. de animâ C. 7. *Ὅυ πάντα ἡ ὀφθαλμοὶ ἐν φωτὶ θῆναι, ἀλλὰ μόνον ἐκάστω τὸ οἰκῆον χρώμα. ἐνια γὰρ ἐν μὲν τῷ φωτὶ ἔχ' ὀφθαλμοί, ἐν ἡ τῷ σκοτῇ ποιεῖ αἰσθησιν. οἷον τὰ πυρῶδη φαινόμενα καὶ λάμποντα. ἀνώνυμα δ' ἔστι ταῦτα ἐνὶ ὀνόματι, οἷον μύκης, κέρως, κεφαλαὶ ἰχθύων, καὶ λεπίδες, καὶ ὀφθαλμοί. ἀλλ' ἑδενὸς ὀφθαλμοὶ τῶν τὸ οἰκῆον χρώμα.* Hoc est; Non omnia quæ videntur, in lumine videntur, sed unius cuiusq; duntaxat proprius color. Nonnulla enim cum in luce cerni non possint, in tenebris possunt; ut quæ ignea apparent & splendent. Ea quidem nomine communi carent, ut sunt fungus, cornu, piscium capita, squammæ, & oculi. Sed nullius eorum proprius color videtur. Cæterum in tenebris etiam lucere constat vermiculos quosdam, gemmas, ligna putrida, herbas lunarias: de quibus elegantissimum commentariolum edidit Conradus Gesnerus, qui prodijt Tiguri Anno Christi 1555.

47. *Valdemarus Rex*] Intelligit autor Valdemarus Daniæ Regem, ejus nominis Primum, S. Canuti filium, qui anno circiter 191. post regnavit, sub quo & vixit & scripsit Saxo. Hunc autem Valdemarus curiosum fuisse Antiquitatum indagatorem, præterquam hoc in loco, ostendit etiam superius in Præfatione, ubi misisse eum ait, qui rupem istam apud Blekingiam literis Runicis inscriptam perlustrantes characterum significationem curiosiori indagatione colligerent.

Pag. 206. vers. 4. *Eāq; potitus, arma in Daniam transfert*] Haraldus iste Rex Norvagiæ, potitus regno, beneficio Svenonis, malam ipsi retulit gratiam. Nam contractis statim copijs classem 60 navium adornavit, atq; mare Balticum ingressus, civitates maritimas depopulatus est. Maximas clades acceperunt Arhusium & Slesviga, quomodo & commemorat Adamus Bremenensis Lib. III. Cap. XIII. *Sed mox, inquit, ut ad suos venit, [nempe Haraldus] & Nordmannos sibi fideles esse pensavit, facile ad rebellandum persuasus, omnia Danorum maritima ferro vastavit & igne. Et tunc Arhusiæ Ecclesia incensa, ac Slesvig depredata est. Sven Rex terga vertit. Inter Haraldum & Svein prælium fuit omnibus diebus vitæ eorum.* Creberrimas vero ejusdem Haraldi in Daniam irruptiones describit Snoro Sturlesonius Chronici sui Norvagici pag. 345. & deinceps.

21. *Raritati consertione*] Hoc est, conglabatione, qua se quasi in unum locum pauci illi condensarant. Sic paulò post loquitur Saxo: *perrupta nexuum consertione.*

24. *Cunctis hac necessitate duratis*] *Duratis*, id est, confirmatis, erectis ad spem victoriæ. *Durare*, est, animum obfirmare ad aliquid patienter ferendum, ut, ad sustinendos labores, ad mala toleranda. Phædrus Lib. 1. Fab. Æsop. sub finem:

Fatale exitium corde durato feram.

Lucanus Lib. V. vers. 797.

Nam cætera damna.

Durata jam mente malis, firmāq; tulerunt.

Glossæ veteres: *Durat, καρτερεῖ, μακροθυμεῖ, ὑπομύει.*

41. *Hinc Danicis inde Norvagici oculis*] Rursus hic exprimit Valerium suum, qui simili per omnia *δοτος ερφη* Scævam Cæsaris militem alloquitur Lib. III. Cap. II. ubi inter alia hæc reperiuntur verba: *Hinc Romanis, inde Britanicis oculis, incredibili, nisi cernereris, spectaculo fuisti.*

48. *Abfolon auctor*] Abfolon nempe Archiepiscopus Lundensis, hujus ipsius Skialmonis Candidi, cujus Aslacus fortissimus ille remex erat, ex filio Ascero nepos, Vir satis bonæ fidei, & Saxoni nostro Historiæ scribendæ autor.

Pag. 207. vers. 23. *Regni æmulatione*] Anglicani videlicet. Invidebant enim fratri suo Haraldo hanc imperij felicitatem.

Ibid. *Majorem perosi*] Haraldum nempe, Godovini Comititis filium, Canuti Duri Regis ex Sorore nepotem. Is etenim una nocte cæso per insidias omni præsidio Danico, regnum Angliæ invasit & occupavit. Meminit Saxo Lib. X. præcedenti: *Verum ut Magni votis Danica fides respondit, ita Svenonis credulitatem Anglia perfidia circumventam oppressit. Nam post ejus ab Anglia profectionem Godovini filius Haraldus, spe improbâ totius Angliæ regnum complexus, participato*

cum incolis consilio, Danicum, ut erat per præsidia A distributum, exercitum, compluribus separatim vicis, uno eodemq; tempore, magnifico conviviorum apparatu, per obsequij simulationem excipi jussit, meroq; ac somno sopitum, noctu per insidias trucidandum curavit. Ea nox parvulo temporis momento vetustam Danorum dominationem, diuq; majorum virtute elaboratum finivit imperium. Cæterum non abs re futurum duxi, si exhiberem hoc loco Genealogiam posterorum Regis Canuti in Anglia, descriptam à veteri Scholiaste, qui in Adamum Bremensem commentatus est, cujus hæc sunt verba ad Cap. XIV. Lib. III. ejusdem. Adami: Chnut Rex Danorum, sororem suam, quæ à Richardo Comite repudiata est, dedit Vlf, duci suo. Ex qua nati sunt Björn Dux, & Sven Rex. Vlf Dux sororem suam Godvino Duci Anglorum copulavit, ex qua nati sunt Sven, Toste, & Harald, & ista Gythe, quam Rex Eduard in conjugem habuit. Deinde Sven filius Godvini occidit Bjorn filium avunculi sui. Haraldus autem cum esset vir fortissimus, Griphum Hiberniæ Regem decollavit, Sven Regem Danorum ab Anglia pepulit, ipsumq; cognatum & dominum suum Eduardum pro nihilo habuit. Sequitur vindicta Dei, & plaga Nordmannorum, & excidium Angliæ.

26. Haraldum Norvagiæ Regem] Haraldus Rex Norvagiæ, cognomento Haardraade, accitus ad societatem belli à Tostone, contra fratrem ejus Haraldum, sagittâ in pectore lethali ter vulneratus est. Funus à filio Olao, qui una prælio intererat, Nidrosiam delatum est Anno 1066. Wellejus in Notis ad Adami Bremensis Cap. XIV. Lib. 4.

29. Norvagica Classis] Trecentarum navium. Habuit enim Haraldus iste Rex Nordmannorum, trecentas naves magnas, quæ omnes in Anglia remanserunt. Insuper massa auri, quam Haraldus à Græcia adduxit, ad Bastardum tali fortuna pervenit. Erat autem pondus auri, quod vix bissemi juvenes cervice levarent: teste veteri Scholiaste ad Cap. 14. Lib. 4. Adami Bremensis.

Ibid. Normannorum Dux] Gvilelmus cognomento Bastardus, sive Nothus, cujus meminit Adamus Bremenensis Lib. IV. Cap. XIV. Eodem quoq; tempore clades illa memorabilis in Anglia facta est: cujus magnitudo, & quod Anglia Danis ex antiquo subjecta est, summam nos eventuum præterire non sinit. Post mortem Sanctissimi Regis Anglorum Eduardi, contententibus pro illo regno Principibus, Heroldus quidem Anglorum dux, vir maleficus, sceptrum invasit. Quod cum sibi frater ejus, nomine Toste, ereptum audiret, Regem Nordmannorum auxilio ducit Haraldum, Regemq; Scotorum; & occisus est ipse Toste, Harald, & Rex Hiberniæ, cum toto exercitu à Rege Anglorum. Vix, ut ajunt, dies octo transierant, & ecce VVilhelmus, cui pro obliquo sanguine cognomen est Bastardus, à Gallia transfretans in Angliam, lapso victori bellum intulit,

lit, in quo Angli primum victores, deinde victi à Nordmannis, usq; ad finem contriti sunt. Haraldus ibi cecidit, & post eum ex Anglia fere centena milia.

40. Paterni eorum meriti oblitus] Pater namque eorum Haraldus, Danicum exercitum in Anglia per præsidia distributum, compluribus separatim vicis, uno eodemq; tempore, magnifico conviviorum apparatu, per obsequij simulationem excipi jusserat, meroq; ac somno sopitum noctu per insidias trucidandum curaverat, cujus meminit Saxo Lib. præcedenti X.

43. Nostri temporis dux] Valdemarus nempe, ejus nominis primus, quem Canutus, cognomento Sanctus, Rex Vandalorum, & dux Slesvicensis, ex Ingeburgâ Valdemari, sive Jarislai, (utroq; enim nomine dictum ait Saxo) Rutenorum Regis, filia progeniit.

44. Inde Eöus [sanguis] Per Eöum sanguinem intelligit Rutenicum. Russia etenim situ suo Daniâ à Sole nascente respicit. Sanguinem pro genere sumi apud authores frequens est. Eöus adjective pro Orientalis. Ammiano Marcellino, Prudentio, & alijs, Eöum jubet, Eöum fidus, Sol est oriens. Sedulius Lib. 2. vers. 24. Eoi venere Magi. Juvenius Lib. I. vers. 226.

Gens est Eoi Phæbo orto proxima regni.

Ibid. In salutarem principis nostri ortum conflens] Valerius Maximus Lib. II. Cap. IX. Quibus viris, si quis coelestium, significasset futurum, ut eorum sanguis illustrium imaginum sepie deductus, in ortum salutaris principis nostri conflueret.

53. Sola libidinis intemperantia maculabat] Id confirmat Adamus Bremenensis Lib. IV. Cap. XVI. Illo tempore, clarissimus inter Barbaros fuit Sven, Rex Danorum. Ab illo Christianitas in exteras nationes longe lateq; diffusa est. Et cum multis virtutibus polleret, solâ ægoravit luxuriâ. Idem hic noster Svenno Elstricius magnam tulit laudem Pietatis & sapientiæ: utpote qui non ipse tantum literarum humaniorum cognitione excelleret, sed & convictu quoq; gauderet maxime Clericorum, & hominum antiquitatis atq; Historiarum studioforum. Ab hoc Rege se accepisse fatetur Adamus Bremenensis, quicquid refert de conversione gentium septentrionalium, loco antea citato: Novissimus Archiepiscopi [Bremenensis, Adalberti] temporibus, cum ego Bremam veni, auditâ ejusdem Regis Sapientiâ, mox ad eum venire disposui, à quo & clementissime susceptus, ut omnes: magnam hujus libelli materiam ex ejus ore collegi. Erat enim scientiâ literarum eruditus, & liberalissimus in extraneos [Saxo; liberalitate illustris] & ipse direxit prædicatores, Clericos in omnem Svediam, Nordmanniam, & in insulas, quæ sunt in illis partibus. Cujus veraci & dulcissima narratione didici, suo tempore, multos ex barbaris nationibus ad Christianam fidem conversos.

Pag. 208. vers. 5. Siritha, quæ postmodum Guthskalco Slavico conjunx accessit] Hæc est illa

Siritha, quam, marito Godeskalco, Sclaviæ princepe, Leontij à paganis cælo, martyrium quoque subijisse tradit Adamus Bremensis Lib. IV. Cap. XII. *Filia Regis Danorum, apud Michlenburgi civitatem Obotritorum inventa, cum mulieribus nuda diu cæsa est. Hanc enim habuit, ut prædiximus, Godeschalcus Princeps uxorem, à qua & filium suscepit Henricum.*

24. *A quo quum Rex*] Is fuit Adalbertus, Bremensium Archiepiscopus, ordine XVI. qui comperto flagitioso illo Svenonis Regis incestu, severè eum admonuit, ut injusti concubitus nexum rescinderet; quod & præstitit. Rem totam fufius prosequitur Adamus Bremensis Lib. III. Cap. XII. *Quum Rex juvenis Svein tria, pro libitu suo, regna tenuerit, mox succedentibus prosperis, oblitus est cælestis Regis, & consanguineam à Suedia duxit uxorem. Quod domino Archiepiscopo valde displicuit, furentemque Regem, missis ad eum Legatis, de scelere terribiliter increpavit. Postremò nisi resipuerit, excommunicationis gladio feriendum esse. Tunc ille conversus in furorem, minabatur omnem Parochiam Hamburgensem vastare & exscindere. Ad quas minas imperterritus noster Archiepiscopus, arguens & obsecrans, persistit immobilis; donec tandem flexus tyrannus Danorum per litteras Papæ, libellum repudiij dedit consobrinæ. Nec tamen Rex Sacerdotum admonitionibus aurem præbuit. Sed mox ut consobrinam à se dimisit, alias, itemque alias, uxores & concubinas assumpsit, & suscitavit ei Dominus inimicos in circuitu multos, sicut D Salomoni fecit proprios servos.*

Pag. 209. vers. 9. *Ipsam famuli nomine designaturus*] Nemini ignotum esse poterit, in solennibus precationibus frequenter olim adhibitum fuisse nomen famuli, etiam de Regibus potentissimis. Dignum enim & justum est, ut humiles, viles, & abjectos se reputent in conspectu Dei Reges, per quem ipsi regnant. Psal. II. *Et nunc Reges intelligite, erudimini, qui judicatis terram, servite Domino in timore, & exultate ei cum tremore. Osculamini filium, ne quando irascatur, & pereatis in via.* Cæterum formulæ istius innumera nobis exempla Pontificale Romanum exhibet, liber ob varias Antiquitates lectu dignissimus. Sic folio 54. de coronatione Romani Imperatoris: *Oremus! Deus, in cujus manu corda sunt Regum, inclina ad preces humilitatis nostræ aures misericordiæ tuæ, & huic famulo tuo Regi, veram appone sapientiam, ut haustus de tuo fonte auxilijs, & tibi placeat, & super omnia præcellat.* Per Christum Dominum nostrum, Amen. Et paulo post fol. 55. *Oremus. Deus omnipotens, cujus est omnis potestas & dignitas, te supplici oratione, atque humillima prece deposcimus, ut huic famulo tuo N. prosperum imperatoris Majestatis concedas effectum.* &c.

51. *Baculo, quo utebatur, exclusit*] Consentaneâ severitate, sed majori in crimine, usus est quondam Ambrosius, Mediolanensium Ar-

A chiepiscopus, in Theodosium Principem, quem ob cædem 7000 hominum Thessalonice perpetratum, à sacris exclusit, Anno Christi CCCXCI: de cujus pœnitentia operæ pretium erit consulere Historicos Ecclesiasticos.

Pag. 210. vers. 40. *Terramque suppliciter osculatus*] Luculentum erat olim pœnitentiæ, humilitatis, & pietatis indicium, antè Basilicæ ingressum, humi se prosternere, & vel sacra templorum limina postesque, vel ipsam almam matrem exosculari. Imprimis id solenne erat Romipetis, hoc est, ijs, qui Romam ad sacras Apostolorum ædes visendas excurrere solebant. Prudentius in Hymno S. Laurentij.

*Ipsa & senatus lumina
Quondam, Luperi aut Flamines,
Apostolorum & Martyrum
Exosculantur limina.*

Idem in Hymno S. Hyppolyti:

Oscula perspicuo figunt impressa metallo.

C Venantius Fortunatus Lib. IV. de vita S. Martini:

*Rursus Apollinaris pretiosi limina lambe
Fusus humi supplex*

Quem morem paganos etiâ observasse tradit Arnobius Lib. I. *Cum per omnia supplices irent templa, cum deorum ante ora prostrati, limina ipsa converterent osculis.* Tibullus:

*Non ego si merui, dubitem procumbere templis,
Et dare sacratis oscula liminibus.*

Porro de sacris hisce osculis videantur Chrysostomus Homiliâ XXX in Epistolam 2. Pauli ad Corinthios: Sidonius Apollinaris Lib. I. Epistolâ V; & ad eum Notæ doctissimi Savaronis: Petrus Venerabilis Lib. I. de Ecclesijs, contra Petrum de Bruis: Arator Hist. Apost. Lib. 2. Baronius in Notis ad Martyrologium, pag. 487. Cassiodorus Hist. Tripart: Lib. 9. Cap. 13. & alij.

Pag. 211. vers. 2. *Inchoamento psallendi facto*] Hoc est, initio canendi facto. *Psallere* proprium erat Clericorum. Sidonius Apollinaris Epistolâ VIII. Lib. I. *Fœnerantur Clerici, Syri psallunt.* Ubi falsè jocatur Apollinaris; cum Clericorum esset psallere, Syrorum, qui avarissimi sunt mortalium, fœnerari.

3. *Quum Græca precationi*] Nempe *Κύριε ἐλέησον*, Kyrie eleison; à quâ precandi formulâ psallendi semper initium facere solita fuit Ecclesia. Cæterum, ut hoc etiam *ὡς ἐν ταῖς ἐκκλησίαις* interferam, notatu dignum est, quod Doctissimus Vir, Celtiberis non tacendus gentibus, suæque laus Hispaniæ, Don Laurentius Ramirez de Prado, Pentecontarchi sui Cap. XLIX. pag. 351. observavit, manifesta solennis hujus precationis vestigia in veterum quoque scriptis extare, & inveniri apud Virgilium Lib. 12. Æneidos: --- *tum verò amens formidine Turnus, Faune, precor, miserere, inquit* ----- & apud recentiore au-

ctorem

Storum Arrianum in Epictetum Lib. 2. Cap. 7. A
 νῦν ὃ τρέμοντες τὸ δεινὸν καὶ κρατερὸν, καὶ
 τὸν θεὸν ὑπὸ καλέμφοι δέομεθα αὐτοῦ, κύ-
 ρας ἐλέησον, ὁππότερον μοι ἐξελεῖται : id est.
 Nunc autem timentes aviculam moramur, & Deum
 invocantes, precamur ipsum supplices, Domine misere-
 re, fac mihi exeundi potestatem. Quin & illud hic
 observationem nonnullam mereri videtur, quod sanctis.
 Hipponensium Antistes, Augustinus, colloquio cum Pascentio Arriano, quod
 extat libro epistolarum, Epist. CLXXVIII. commemoret,
 Romanos à Gothis victos, allve-
 visse in Litanij suis, loco ἐλέησον, ipsorum
 linguâ canere Forbarmen : non ut perperam
 legitur, hora armen. Verba Augustini ita ha-
 bent : Sicut enim Græcâ linguâ, quod est homusion,
 una dicitur vel creditur à fidelibus Trinitatis omni-
 nō substantia : sic una rogatur, ut misereatur, à cun-
 ctis Latinis & Barbaris, unius Dei natura ; ut à lau-
 dibus Dei unius, nec ipsa lingua Barbara sit ullatenus
 aliena. Latine enim dicitur, Domine miserere : C
 Græcè Κύρις ἐλέησον. Sola ergo hæc misericor-
 dia ab ipso uno Deo, Patre, Filio, & Spiritu Sancto,
 linguâ debet Hebræâ vel Græcâ, & ipsâ ad postre-
 mum postulari Latinâ, non autem & Barbara ? Si
 enim licet dicere non solum Barbaris linguâ suâ, sed
 etiam Romanis, Sihora armen, quod interpretatur,
 Domine miserere : cur non liceret in Concilij Pa-
 trum, in ipsa terra Græcorum, unde ubiq; destinata
 est fides, linguâ propriâ, Homusion confiteri, quod est D
 Patris & Filij, & Spiritus Sancti una substantia ? Ubi
 pro Sihora armen, legendum existimo, Thig for-
 barmen / additâ voce Herre / quæ ab imperito li-
 brario omissa fuit : ut sic plene legatur ; Her-
 re thig forbarme / pro, Herre forbarme thig.
 Hæc etenim lingua Gothica est, quam Augu-
 stinus Barbaram indigitat, eumq; captâ Româ
 didicissē, ad oram libri magnus ille Erasmus
 ascripsit.

Ibid. Solennem ritē Gloriam] Hoc est An- E
 gelicum illum Hymnum : Gloria in excelsis
 Deo.

Pag. 212. vers. 15. Apud Suddatorp Juticarum
 partium oppidum] In fata concessit Sveno Estrithæ
 filius, ob res præclare gestas Magni cognomen-
 tum sortitus, Anno Christi cō. LXXIV. IV. Calend.
 Maji. posteaquàm in pago quodam Jutiæ, Suddatorp
 dicto, lentâ febre correptus, aliquandiu decubisset.
 Locum hunc Ælnothus, in Libello de Vita S. Canuti, ita quo- F
 que expressit : Ipso autem, in loco, qui Suddatorp,
 id est, villa cænosa dicitur, vitâ egresso ; præsen-
 tes aulici, regij corporis glebam regalibus procurantes
 exequiis, ad insulam maritimam ; quæ ex eo, quod
 maximè mari circumcingitur, linguâ Danicâ, Seland
 nuncupatur, ad locum præcipuum, qui Roskildis, id
 est, fons Roë, antiquitus vocabatur, deferunt : ibiq;
 in Ecclesia Sanctæ & Individuæ Trinitatis, & S. Lucij
 Martyris, insigni lapideo tabulato, à Sveigno, tum ejus-

dem sedis Pontifice, constructa, debitis honorificantes
 exequiis recondunt. Actum anno in carnationis Do-
 minica cō. LXXIV, qui erat annus regni ejus vicesi-
 mus octavus, quarto Kalendas Maji, regnante in per-
 petuum omnium dominatore Jesu Christo. Amen.

53. Amborum corpora conjunctis admodum tu-
 mulis occluduntur] In Ecclesia Cathedrali Roë-
 schildensi extat Epitaphium Episcopi hujus
 Wilhelmi : in quo non tantum cædis, quâ
 se polluerat Sveno, & expiationis, quâ idem in
 Ecclesiam receptus est, cujus paulo antè memi-
 nit Saxo, sed & obitus atq; funeris mirabilis ip-
 sius Episcopi, dum nimirum exequias Regi ex-
 tra Roschidiam iturus ipsemet funeri funus ac-
 cedit, mentio injicitur. Epicedium hoc, mixtis
 ex Jambis & Choriambis, rudi Minerva, ut tum
 erat seculum, syllabis compositum, tale est :

Vilhelmus olim Episcopus Roschildensis
 Præstantibus Dei relucebat donis,
 Pietate, religione, percelebri vitâ,
 Et sancta, & omni genere virtutum illustri.
 Adeo ut incertum erat, in officio tali
 Dignior erat, an illo officium. Tam spectatum
 Episcopatus præstitit sui exemplum.
 Hic fretus innocentia, atq; item justo
 Injusti homicidij dolore permotus,
 Quod à Rege factum erat, libidine magis quàm
 Ratione, Regem ipsum, quamvis magnum, & tali
 Regno potentem, comitatuq; stipatum
 Magno, repulsum baculo, prohibuit templo.
 Rebusq; sacris, donec penitens facti,
 In gratiam cum Ecclesia ac Deo offenso
 Redisset. His factis, tempore non ita multo
 Post, mortui jam Regis sui deferebatur
 Funus. quod ut reseruit appropinquare
 Urbi, duo sepulchra confici jussit.
 Duobus etiam feretris adornatis, ibat,
 Vilhelmus obviam, postquam ad funus ventum
 est,

Oratione facta, ut illi, quem in terris
 Deo patri jam lucriferat, sanam
 Per admonitionem, commori posset.
 Mox membra collapsus, animam sanctam cælo
 Reddidit. Ac inde uterque suo lecto impostus
 Hanc sacram ad sedem pariter [mirabile dictu]
 Magno omnium stupore deportati sunt.
 Vilhelmo honorifice sepulto, ac de more
 Episcopalibus insignibus unâ cum illo
 Terrâ reconditis, novò Deus, funus,
 Miraculo, hominum memoriæ consecravit.
 Hæc ipsa namq; ut obruta cunulo terræ,
 Ultrò sepulchrum reddidit, translatum ergo
 Huc funus est, ac magnâ cum religione
 Hoc in loco commendatum sepulture.

Pag. 213. vers. 11. Ignarumq; sibi Regem ma-
 luit imperare, quàm fortem] Saxo paulo superius :
 Cujus fratrem Haraldum, natu majorem, obtusi ad-
 modum cordis, inter juventæ initia, perpetuus in-
 ertia sopor oppressum tenebat. Ob hanc ignaviam

Haraldus hic vulgò dictus est Harald Hein. A quiescentibus cæteris, solitario certamine lacefferet. Hein autem, *Hein*, veteri linguâ Danicâ significat *Cotem mollem & planam*, cujus nullus esse potest ad ferrû acuendûm usus. Glossarium Islandicum MS: *Hein*, Hein] Fœminini generis, Heinat in Genitivo, Cos mollis & plana. Item Heinabryne idem significat. I Kniutlinga Sagu: Haraldur Sveinz Bliffonarsun/ var Madur tirtlatur/salaturs/omâlugur/ej talabur a Thynnum/urdu adrer mtog ad hasa tungu fyrer honum; Iytil var han atque de Madur/vm that er thurfa ihotte. Singium var han hermadur/hagur vid Golef: stôd Iytil Stiorrn af honum: for nær huor thui frañ er villt i Landinu: thui kolludu Danner honum Harald Hein. Id est: Haraldus filius Svenonis Vlfonis, vir erat taciturnus, subtristis, verborum parvus, omni facundiâ destitutus, adeo ut in foro publico alij pro ipso verba facere cogerentur. Præterea parum insignis erat, & planè ad res magni momenti gerendas inutilis: adeo ut nullum, aut ferè exiguum, in eo subsidium regni Danici incolis esset. In puniendis quoq; delictis remissior. Unde quilibet pro suo arbitrio, quicquid vellet, agebat. Propterea Danieum nominabant Haraldum Hein, id est, cotem mollem. Consentit Sveno Aggonis, primus Danicæ gentis Historicus, in Historia compendiosa Regum Daniæ, & quidem in Vita Canuti Magni: Mortuo itaq; Svenone Rege, filius ejus Haraldus, quem ob effœminati animi molitiem, Cotem cognominabant, successit in regno.

Pag. 214, vers. 13. Singularium congressionum usum evertit] Hoc est, duellorum usum ac consuetudinem, quorum experimento, pleraque causarum judicia constabant, penitus abrogavit. Olim etenim lites omnes, tam apud Danos, quàm alias nationes, ferro decernebantur. Stobæus Serm. 8. ex libro Nicolai de moribus gentium. Umbri cum controversias inter se habent, pugnant armati, sicut in bello: & qui suos adversarios interemerint, justiorē causam habuisse videntur. Singularia certamina Agobardus etiam dixit: Quid jam de illâ singularium certaminum ambiguitate dicamus? epistolâ nempe lectu dignissimâ, quâ luculenter ostendit, impium esse, non testibus, aut veracium testimonio, sed ferro & ignelites dirimere; compellatq; benignissimum Imperatorem, ut è regno tam scelestam consuetudinem abolendam curet: fol. videlicet 103. Et L. An. Florus Lib. I. Cap. XIII. Semel apud Antienem trucidati, quum singulari certamine Manlius aureum torquem Barbaro inter spolia detraxit. Hinc Singulariter congregi, pro, duello certare. Aldhelmus de laudibus virginitatis c. XXVIII. Q. Septimius Romanus, auctor bene Latinus, Lib. 2. de bello Trojano, vocat solitarium certamen: Ingressusq; eorum regionem, Teuthrantem, dominum locorum, solitario certamine interfecit. Et aliquot post paginis: Ad postremum cogunt, ut progressus in medias acies, eundem Menelaum, con-

34. Regnando biennium emensus defungitur] Ælnothus Haraldum sexto imperij sui anno defunctum, perperam tradit. Cap. IV. de Vita S. Canuti; ubi & locum sepulturæ ejus nos edocet: Sed & ipso, inquit, [nempe Harald] regni sui anno sexto, vitâ egresso, locus eum celebris, qui Dalby, id est, Vallis villa, linguâ Danicâ dicitur, futura resurrectioni reservandum accepit, & exceptum, terræ matri, religiosus prosequutum exequijs, commendavit.

Pag. 215, vers. 26. Sacrista somnum capienti] Sacrista est custos sacrarij. Occurrit hæc vox apud Cæsarium Heisterbaccensem Lib. I. Cap. XXXV. Cum clausisset Oratorium [erat enim Sacrista] apparuit ei Salvator. Et Libr. VIII. Cap. XIII. Alio etiam tempore, cum Sacrista Missam celebraturo astaret.

Pag. 216, vers. 1. Ascerianæ sepulturæ gratiâ] C Ascerus Episcopus Roschildensis XI, obiit Anno Christi c10. C. L. vel ut alij, Anno Christi c10. C. LVI. Obitus mentionem facit Saxo Libro XIV. Histor. Dan. Per eadem tempora Ascerus Roschildensium Antistite decedente, super subrogando Pontifice, plebs à clero suffragia dissidebant.

13. Sacrum naribus ignem excepit] Sacer ignis, nûg ἀγρῶν Hippocrati, est propriè exulceratum erysipelas: cujus duæ species sunt; una, quâ summa cutis sine altitudine exulceratur, in quâ & crustulæ instar furfuris excitantur: altera, cujus exulceratio altius in cutem penetrat, è qua, ruptis pustulis, purulenta sanies exit. Ejus origo est ex sanguine, cui bilis supervacuæ, ejusq; incalcescentis, non nihil sit admistum. Fernelius Lib. VII. de externis corporis affectibus, Cap. IV. Sacrum verò ignem dictum existimo, quasi magnam inflammationem, quia sacrum antiqui magnum dixere. Sic sacrum os, sacram spinam nominant Medicorum filij, & Sacrum morbum, quem aliàs Herculeum vocant. Anatomici etenim, quod magnum est, solenniter appellant Sacrum, objectâ religione, κατ' ἐὺφρησιμον. Eadem ratione Græci ἱερὰς νόσος vocant, quæ Plutarcho ἀπεργασμένηαι: quiq; eodem modo dicunt ἱερὸν ὄσιν, ἱερὸν ἀγκυρεῖν. Elegans hac de re locus est Cælij Aureliani, Lib. I. Tardar. Passion. Cap. IV. Epilepsia vocabulum sumpsit, quòd sensum atq; mentem pariter apprehendat. Appellatur etiam puerilis passio, siquidem in ipsorum abundat ætatibus: & sacra, sive quòd divinitus putatur immitti, sive, quòd sacram contaminet animam, sive quòd in capite sit, quod multorum Philosophorum judicio, sacram templum est partis animæ in corpore dominantis: sive ob magnitudinem passionis. Majora enim vulgus sacra vocavit. Inde sacram dictum mare, & sacra domus: velut Tragicus Poëta, sacram noctem; hoc est, magnam, appellavit. Cæterum Ignem sacrum Germani & Belgæ

Belgæ appellare solent Sancti Antonis Seur : A gis frater germanus, haud felix exequutor effusus
Nos Dani, den onde Jld.

38. Cujus excolendi gratia coronam] Itā hic legendum videtur : Cujus excolendi gratia Rex coronam. Nam sequitur : existimans Regias opes potius sacrorum splendori, quam humanæ avaritiæ servire oportere : quod de Svenonis Episcopi opibus intelligi nequit.

Pag. 217. vers. 12. A paterni avunculi temporibus] Per paternum avunculum intelligit Canutum Magnum, Daniæ & Angliæ Regem, qui sex præpotentium regnorum possessor effectus, clientelam suam sex millium numerum explentem, æstate pro tuendo imperio excubantem, hyeme contuberniis discretam alere consuevit. Saxo Lib. X. Adsidet Saxoni Sveno Aggonis, in Compendioſa Regum Daniæ Historia, ubi de S. Canuto Othoniensi agit : Tempore, quo potestatis plenitudine floruit, paterni sui avunculi se doluit exheredatum potentia. Collecto itaq; exercitu, classeq; congregatā, quā Angliam expugnaturus invaderet, &c.

14. Angliam infelicitate amissam] Cum nempe Haraldus Godovini filius, unā nocte, universum Danicum præsidium per insidias trucidandum curaret : cujus rei mentionem fecit Saxo Libro X. Videatur etiā de Canuti in Angliam expeditione Ælnothus in vita S. Canuti, Cap. XI. & sequentibus.

21. Parentemq; perosus, avum æmulatus est] D Parentem cum dicit, intelligit Svenonem Estrithæ filium : quum vero avum, Svenonem Tiuffveskeg, qui tamen proavus ejus est.

Pag. 218. vers. 23. Navigioq; in Flandriam relegatum] Quid causæ fuerit, quod Rex Canutus Olavum fratrem suum catenis coercitum navigioq; in Flandriam relegatum, carcerali custodia mandandum curaverit, præter Saxo-
nem, Ælnothus etiā Cap. XIII, prolixè commemorat. Classe igitur paratā, [quā nempe Canutus Rex expeditionem in Angliam moliebat] Danorum exercitus occidentalis portus littoribus, velis sinuatim distensis advehitur : ibiq; regie classis adventum indies præsolatur. Rex verò in loco celeberrimo, qui ab ejusdem loci quondam Dominā Hetha, Hetheby nomen accepit, quod Danica lingua Campi-villa dicitur, cum prudentibus & sapientibus pertractans, qualiter res cepta, Deo auxiliante, ad decentem perveniret profectum. Sed vulgus impatiens moræ littoreæ detentionis, præsolationes domesticis inutilis negotiis querebantur : & aut licentiam ad propria remeandi, sive, principem eis alium expeditionis, Rege alijs intento, facultatem eligendi, seu regi nuntios, cum sua quantocumq; classe accelerandi, consilio crebrius inito, transmitti vociferabantur. Quorum strepitu frequenti, diuturniq; clamoribus moti Principes, Regi nuntios transmittere, querelasq; parati exercitus regis decernunt auribus insinuare. Cujus legationis Olavus, ejusdem gloriosi Re-

Regem cum comitibus adit, exercitus mandata depromit, causas questuum facundè perorans ostendit. Porro Rex perspicacis industriæ, cuncta diutius pertractans, Roberto ; occidentalium nobilissimo Duci, sibi scilicet per filiam Ethelam propinquo, fratrem suum eundem reservandam in Flandriam transmittit, exercituq; per nuntios, quæ volebat, mandavit.

Pag. 219. vers. 16. Iniquā plebem exactione pulſabant] Omnem consternationis publicæ culpam in quætores Regios, qui mandatum regium immitius, ac jussi fuerant, exequiebantur, conjicit etiā Ælnothus Cap. XVI Veruntamen regaliū negotiorum exequutores, sive exactores, plus justo in causis exaggerandis insistere, staterrarum pondera adaugere, rerum quarumque pretia vili pendere, & ut vulgariter edisseram, unciarum valentiam vix solidi pretio admittere : judicia, ut tradunt, pervertere : nobilesq; quemadmodum & ignobiles, vi & potentia opprimere, contendere. Quorum insolentiam quamplurimi non ferendo, exacerbati majores natu irā sinu! & invidia accensi, omnes in regium principem consilio & armis irrumperere, & tam in eo, quam & in illis munitijs, circumquaque transmissis, publicas, ut arbitrabantur, injurias vindicare.

Pag. 220. vers. 9. Regalis magnificentie convivio excipit] Ælnothus Cap. XXVI. idem de Blaccone, quem ille Piponem vocat, tradit : Mense igitur regali, & Regi proximus assidens, secundum illud Davidicum : Qui edebat panem meum, magnificavit super me supplantationem : regis tandem non modò dapibus sarcitus, & poculo inebriatus, sed & muneribus honoratus, veluti Judas proditor, hostilibus catervis occurrit, & quæ à Rege perceperant, non pendendo sed pervertendo, denunciat, & quā cum fraude circumveniant, perorat.

40. Blacco in ipso aditu, quem irruperat, trucidatus] De Blacconis interitu horrenda sunt, quæ Ælnothus literis memoriæq; prodidit Cap. XXVII. Conspirante tandem legionis multitudine, undiq; accurrente, & Ecclesiæ parietibus circumquaque insistente, monstruosus Pipa de foris pro foribus assistit, regiarum Gazarum fidelissimum hætenus provisorum, veluti ad singulare certamen advocat, & si quid cordis, vel virium adsit, ut occurrat, interpellat. Quo haud segnus deintus occurrente, duris alternatim ictibus admissis sauciantur ; illo deinde gloriose occumbente, ipso ad evidentioris ultionis indicium ad modicum supervivente. Nam domum dehinc delatus, & acerrimo demone invasus, vicinā quæque tam manibus, quam morsu invadere, diripere, conterere ; ore spumas ejicere, horribiliter vociferando acclamare : vana & inaudita proferre, scelus fraudulentum evidenter edicere, ad ultimum, linguā mordacius abscissā, vitā miserabili terribiliter excedere.

52. *Accersito Sacerdoti factorum arcani confessus*] Eandem sanctitatis laudem Canuto Regi, jamjam morituro, Ælnothus ascribit Cap. XXVII. Porro vespertinali tempore imminente, devotus Heros, vespertinalem synaxin auditurus, & se suosq; Domino, univerforum opifici, commendaturus, Basilicam pretiosi Martyris Albani, haud longè sitam, cum participibus tam certaminis, quam & præmij, ut credi fas est, expetit. Et paulò post: Rex interea devotissimus Regem sempiternum non Herodianà inquirat fallacia, sed humilitate Davidica: se criminibus reum, illum verò verè confitendo verum Deum: & non solum veræ confessioni insistent, sed & vitalis communionis Sacramento se munient, tam auris, quam argenteis muneribus ditat altaria.

Pag. 221. vers. 2. *Immisit per fenestram lanceæ mortifico jactu confossus*] Idem Ælnothus: Inter hæc, celesti sponso secretorum suorum jam proxime conscium futurum ad æternum advocante cubiculum, Rege insignissimo, pectore simul & ore ad aram converso, quidam ex impiorum catervâ, lanceâ per fenestram introrsâ latus ejus perforat, & ædem sacram sanguine cruentat. At ipse, Christi, etiam post vulnus exitiale, non immemor, Benedicto fratre, suo certaminum collegâ, vulneribus admodum saucio, assistente, amplexato & pacis osculo dato, brachijs in crucis modum extensis, membrisq; solo antè aram sacram expositis, sanguinis undâ ex lateris vulnere emanante, voce adhuc supersite, Iesum interpellat, ac spiritum creatori commendans, pretiosi glebam cadaveris, sanguine consecratam, reliquit.

39. *Varias imbecillitatum affectiones remediorum salubritate prosequuta est*] Ælnothus Cap. XXXII. His ergo temporibus, pacis securitate veluti opportunitate concessa divina, ad pretiosi Martyris pignora crebrescunt magnalia, & militis sui præconia superni Regis indies exauget potentia. Cæcis namq; visus redditur, manus arefactæ restituuntur, debiliū gressus reparantur, Lazaricæ cutis emundatur, & omnibus opem in nomine Jesu petentibus, sanitatis pariter & celestis clementiæ auxilia conferuntur.

Pag. 222. vers. 4. *Splendidum in Fastis locum obtinet*] Videlicet ad VI. Idus, id est, X. diem mensis Julij: ad quem etiam refert S. Canuti passionem Molanus in Martyrologio suo, cuius hæc sunt verba: *In civitate Ottoniensi, Sancti Canuti Regis, & Protomartyris Danorum, qui anno cl. LXXXVI. in Basilicâ Sancti Albani Martyris, manibus in modum crucis solo tenus expansis orans, mortem pro Christo passus est à suo familiari. Passi sunt cum eo Benedictus frater, & alij septendecim.* Auctor Martyrologij Romani perperam refert passionem ejus ad VII. diem Januarij, cum ita scribat: *In Dania Sancti Kanuti Regis & Martyris: confundens videlicet Sanctum Canutum, Daniae Regem, Svenonis Estrithij, sive Magni, filium, Othoniæ Martyrio coronatum, cum Sancto Canuto Duce & Rege Obotritorum, filio Erici Boni, Daniae Regis, qui regnante in Danio*

A Nicolao, à Magno patruclæ, in silva Haraldsted, interfectus occubuit Die VII. Januarij, Anno 1130. Itaq; rectius Molanus in Appendice ad Vluardi Martyrologium, ad d. VII. Januarij: Ipso die, *Sancti Canuti, Ducis Daniae & Martyris, filij Erici Regis, qui passus est Anno Millesimo centesimo trigésimo.* Cæterum operæ videtur pretium ea etiam in medium hic adducere, quæ Ælnothus Cap. XXIX. de Anno & die passionis S. Canuti tradit: *Anno incarnationis Domini, Millesimo Octogésimo sexto, in civitate Othenfia, gloriosus Rex & protomartyr Danorum Canutus, pro Zelo Christianæ religionis, & justitiæ operibus, ut Christus à proprio convivâ traditus, in Basilica Sancti Albani Martyris, per eum paulò ante de Anglia in Daciam transvecti, post communionem, & confessionem delictorum, sacramento munitus, Dominici corporis, antè aram, manibus solo tenus expansis, latere lanceatus, sexto Idus Julij, & sextâ feriâ, mortem pro Christo passus, requievit in ipso.* Clarissimus Vir, Johannes Pontanus, Hystor. Dan. Lib. V. autor est, Othoniæ, cum Anno cl. l. LXXXII, die XXII. Januarij, Chorus, ut vocant, Ecclesiæ Divi Canuti instauraretur, repertam fuisse tumbam cupream, auro obductam, gemmisq; atq; aliis ornamentis pretiosis affabrè elaboratam, in quâ reconditum fuit Canuti Regis ac Martyris sceleton, cum ejusmodi Epitaphio, quod & Ælnothus Cap. XXXV. recenset:

*Jam cælo tutus summo cum Rege Canutus,
Martyr in aurata, Rex atq; reconditur arca.
Qui pro justitiæ factis occisus inique
Ut Christum vitâ, sic morte fatetur in ipsâ:
Traditus à proprio, sicut Deus ipse, ministro;
Atq; petens potum, telorum pertulit ictum:
Lancea nec nè latus, ut Christi, perforat ejus,
Spiritusq; sacris moriens sociatur in astris.*

Quando autem corpus S. Canuti in arcula ista auratâ, cujus Epitaphium meminit, repositum sit, edocet nos Ælnothus Cap. XXXV, nempe Anno sexto imperij magnifici Regis Erici Boni, à Pontifice Humbaldo, XIII. Calendas Maji. qui & plura de consecratione ejus refert c. XXXIII. & XXXIV. Certè suasor ero, ut qui Historiam S. Canuti Regis accuratius nosse velit, adjungat Ælnothi, quem sæpius ad testimonium citavimus, de vita & Martyrio ejusdem Regis, Libellum lectu dignissimum. De anno verò cædis S. Canuti non sentiunt auctores. Ælnothus tradit Annum Christi cl. LXXXVI. Willielmus Mamelbsuriensis cl. LXXXVII. Ecce tibi verba ejus de Gest. Reg. Angl. Lib. III. *Decessit anno Dominicæ incarnationis Millesimo octogésimo septimo. Ille fuit annus, quo Cnuto Rex Danorum, interemptus est.* Chronicon Erici Pomerani annum ponit millesimum octogésimum: *Anno Domini cl. LXXXVIII. martyrizatus est S. Canutus, Rex Danorum.* & Anonymus in Hystor. Reg. Dan. *Perijt S. Canutus Anno cl. LXXXVIII. Cl.* Vir,

Vir, M. Claudius Lyfchander, ὁ μακαρίτης, A nologia Danica Reverendus plurimum Vir, & Historicus quondam Regius, in Opere Genealogico Regum Daniæ, extendit ad Annum cło XC. cujus calculum sequitur in novâ Chronologia Danica Reverendus plurimum Vir, & Chronologus diligentissimus, M. Johannes Svaningius, mihi veteri necessitudine & Aulinitate longe conjunctissimus.

NOTÆ VBERIORES IN LIBRUM XII. HISTORIÆ DANICÆ SAXONIS GRAMMATICI.

Pag. 222.
vers. 40.

Verni æstiviq; temporis fervore satum omne coaruit] Nimium illum Solis æstum, qui segetes corrumpere solet, eleganter describit Quintilianus Declamatione XII: Aut astricta citrà conatum sata sub ipsis tabuere sulcis, aut levi rore vocata radix in pulverem incurrit, aut perustis torrido Sole herbis, moribunda seges impalluit. Nullus imber sicientis soli pulverem terfit, nulla super arentes campos saltem umbra nubium pendit. Calidi spiravere venti, maturitatem præcepit æstus: etiã sicuti jejune herbe solum vicerant, vanis tantum aristis spem fefellerunt, & inanes culmos tristis agricola jactavit ventis nihil relicturis. Levia quæror; prata exaruerunt, perierunt frondes, germina non exierunt: nuda terra, & rudes glebæ, & aridi fontes erant. Vide sis ibidem plura.

53. Tanta ciborum penuria incessit] Valerius Maximus Lib. VII. Cap. VI. Tanta in Bosphorano tractu comæatus penuria incessit, uti à militibus singulis olei frumentique modis totidem mancipia permutarentur. Ammianus Marcellinus Libro XXII. Eo anno, fidere etiã tum instante brumali; aquorum incessit inopia metuenda.

Pag. 213. vers. II. Ea res locupletes inopiã, pauperes morte multavit] Eadem prorsus de miserando hoc Daniæ statu commemorat Ælnothus Cap. XXX. Ex quo namq; furoris sui rabiem vesana multitudo in principem gloriosum evomuit, agri fructibus steriles, prata herbis attenuantur; silva glandibus rara, unda piscibus infœcunda permansit: pestis armenta consumpsit: homines morbus debilitat, fames aggravat; nobiles, & ignobiles, ac locupletes, attenuans; imbecilles exanimans, secundum illud Hieremiæ: Defecerunt in fame, in capite omnium platearum. Et alibi: Devastata sunt horrea, & defecerunt Apothecæ. Singulare autem illud est, & notatu dignum, quod idem autor mox addit de Pánico illo terrore, qui totam gentem Danicam tum temporis invaserat: Regionem quoq; universam hostium metu occupante, sexus uterque, veluti jamjam ingruentem adversariorum adventum indies suspicando, trepida titubat.

2. Nam divitum populus] Imitatus est Saxo Martianum Capellam, qui Lib. 1. populum deorum, & populum potestatum: Lib. 2. populum ministrorum, & populum angelicum dixit; & Lib. VII. populum astrorum. Ita & Floro Lib. I. Cap. I. po-

pulus virorum dictus; & Quintiliano Declamat. V. populus carceris.

7. Nobilibus in eundem usum ingenuitatis insignia erogare] Quam valida vis sit famis, & quid non mortalia cogat pectora, elegantibus exprimit verbis Quintilianus Declamatione XII. Felix pestilentia, felix præliorum strages, deniq; omnis mors facilis: fames aspera, vitæ haurit, præcordia carpit: animi tormentum, corporis tabes, magistra peccandi, durissima necessitatum, deformissima malorum. Hæc ad humile opus nobiles manus mittit, hæc alienis pedibus mendicantes posternit: hæc sæpè sociorum fidem fregit, hæc venena populis publicè dedit; hæc in parricidium pios egit.

Ibid. Ingenuitatis insignia] Valerius Maximus Lib. V. Cap. VI. Pueri insignia ingenuitatis ad sustentandam temporis difficultatem contulerunt. Julius Firmicus Maternus Lib. III. Cap. IX. Si verò in decimo loco ab Horoscopo stella aliqua fuerit inventa, divina ingenuitatis & gloriæ insignia conferuntur. Apprimè huc faciunt, quæ de voce hac ingenuitatis annotavit Nobilissimus juxta ac Doctissimus Casp. Barthius Lib. XLVI. Adversar. Cap. XXIII, ad istum locum Engolismensis in Vita Caroli Magni: Ibiq; multitudo Saxonum baptizata est, & secundum morem illorum, omnem ingenuitatem illorum & alodem mancipio gurgierunt: Ingenuitas, inquit, & Alode, juramenta sunt è Saxonica linguâ detorta in Latinam, quibus sese & sua omnia pignori dabant Carolo Saxones, sese ipsius fidelitate stabiles futuros. Ingenuitatis autem bona ea notabant, quibus domini erant successione Saxones. Alodes, quæ illis aliunde advenerant, aut erant acquisitæ. Ex linguâ igitur Saxonica apparet, Ingenuitatem non incommode angeborne Guter hoc est, adgnata bona, in quibus scilicet, vel in quæ, quarumve spem, ipsi geniti fuerint, significare, ut quidem barbaram dictionem Latine potuerunt assequi suæ linguæ interpretatione.

18. Arcem inter nostros autoritatis] Arcis translato pro eo, quod summum est, & eminet, frequenter sumitur. Quintilianus sub finem Lib. XII. Instit. Orator. Pollio & Messala, qui jam Cicerone arcem tenente eloquentiæ, agere cæperunt. Dialogus C. Plinij Cæcilij Secundi (nisi conjectura me fallit) de causis corruptæ eloquentiæ, falso hætenus & Quintiliano & Tacito adscriptus: Tecum mihi, Materne, res est, quod cum natura

tura tua in ipsam artem eloquentie ferat, errare A
 maxis, & summa adeptus, in levioribus subsistis. Si-
 donius Apollinaris Lib. VIII. Epist. VI. de C. Ce-
 sare Dictatore: Idem se nunquam satis duxit in
 utriusque archæ arce positum. D. Hieronymus in
 Prologo Geneseos: Sed & Tullius, qui in arce Ro-
 manæ eloquentie stetit. Idem Epistola XIII. ad
 Paulinum. Huic prudentiæ & eloquentiæ si acce-
 deret vel studium, vel intelligentia Scripturarum,
 viderem te brevi artem tenere nostrorum. Priscia-
 nus Juliano Consuli & Patricio: Quorum uterque
 artem possedit Musicæ. Joannes Sarisberienfis
 Policratici Lib. VIII. Cap. XIV. Sed hujus vitij
 summitatem, & quasi artem quandam, Nero Cæsar
 primus obtinuit. Gvilielmus Neobrigensis Lib.
 2. Cap. 6. Pie autem memoriæ Eugenius, qui tunc
 artem Pontificij tenebat. Hericus, Monachus Al-
 tiliiodorensis Lib. I. Vitæ S. Germani:

Perfectiſq; sequax primam tendebat ad artem.

Aldhelmus de laudibus Virginitatis; Cap. VII.
 Nonnulli edito virginitatis fastigio sublimati, & pu-
 dicæ conversationis arcibus exaltati.

45. Ut si quid iræ adversus populum conce-
 pisset, suo, non ejus periculo satiare] Videtur Saxo
 noster oculos animumq; intentos habuisse ad
 illum Valerij Maximi locum Lib. I. Memorabil.
 Cap. V. de Camillo, qui & pari pietate, quâ Rex
 Olavus, caput suum propatriâ diris devovit, &
 pro ejus salute occumbere exoptavit: Hujus
 tam præclari operis auctor Camillus, cum esset pre-
 catus, ut si cui deorum nimia felicitas Pop. Romani
 videretur, ejus invidia suo aliquo incommodo satia-
 retur; subito lapsu decidit. Merito autem de laude
 inter se, victoriæ, & pia precatio amplissimi viri cer-
 taverunt. Æquæ enim virtutis est & bona patriæ
 auxisse, & malam se transferri voluisse.

50. Celerem sati viam obrinuit] Olai, co-
 gnomento Famelici, Danorum Regis obitum
 Chronicon Islandicum MS. quod penes me est,
 refert ad Ann. Chr. M. XCVI. Dauda Olafs
 Danafonss: Mors Olai Danorum Regis. quam-
 vis alij ad An. Christi M. XCIX. rejiciant.

Pag. 224. vers. 6. Segesq; tempestivi imbris benefi-
 cio visitata] Nullus dubito, quin respexerit Saxo
 ad ista Vatis Regij, Davidis, verba, quib; Dei Opt.
 Max. universi hujus conditoris, misericordiam
 & benignitatem in terra fecundanda deprecatur
 Psalmo LXV. Commate X. Visitasti terram, &
 inebriasti eam; multiplicasti locupletare eam: sulcos
 ejus inebrias, humectas glebas ejus: imbribus molli-
 ficas eam; germine ejus benedices. Hebræus tex-
 tus habet, Pakadra haarets, id est, Visitasti ter-
 ram. LXX. Interpr. eodem modo: Επεσκεψα
 την γην. Verbum Pakad, quod hinc in secun-
 da persona Præteriti ponitur, significat genera-
 liter visitavit: estq; vel beneficij & gratiæ, ut
 hoc loco, ubi terra dicitur visitari à Deo, id est,
 illius beneficentiæ muneribus singulariter cum-
 mulari: vel iræ & pænæ, ut significet, animad-

vertere in aliquem, & pænâ ab aliquo depo-
 scere.

10. Boni cognomen acciperet] Ità & Pho-
 cion olim ob placidos mores Bonus appella-
 tus. Valerius Maximus Lib. III. Cap. VIII. Pla-
 cidi, & misericordes, & liberales, omniq; suavi-
 tate temperati mores Phocionis; quos optimè pro-
 fectò, consensus omnium, Bonitatis cognomine de-
 corandos censuit. Æmilius Probus in vitâ Pho-
 cionis: Phocio Atheniensis etsi sæpè exercitibus
 præfuit, summusq; magistratus cepit; tamen multò
 ejus notior integritas vitæ, quàm rei militaris labor.
 Itaq; hujus memoria est nulla, illius autem magna fa-
 ma: ex quo cognomine Bonus est appellatus. Græ-
 cis ξενης dictus. Plutarchus in Vita, & prin-
 cipio libelli de Musica. Svidas in Φωκίων.

14. Ut cæterorum vertices humeris superaret] Irà & de statura Caroli Magni Helericus vers.
 CLXXII.

Nobile namq; caput pretioso amplectitur auro
 Rex Carolus, cunctos humeris supereminet altis.

Sic & sacræ literæ de Saule Rege, Samuel I. Cap.
 IX. vers. 2. Ab humero, & sursum, eminebat super
 omnem populum.

29. Funemq; ducere nequeunt] Extitisse
 olim apud gentes Boream spectantes, certamen
 funicularum, ut Saxo hic vocat, in quo veteres
 Athletæ, funem ductando, vires roburq; cor-
 poris experiri soliti sint; clarè patet cum ex
 hoc loco, tum ex illa luctæ specie, quâ Ericus
 Disertus cum Westmaro decertavit, cujus ex-
 tat descriptio suprà Lib. V. Saxonis, in Histo-
 ria Frothonis III, Regis: Erat autem tale certa-
 minis genus, inquit Saxo. Circulus vimine, vel fu-
 ne contextus, magno pedum manuumq; conatu de-
 certatur, raptim distrahendus exhiberi solebat, for-
 tiori tribuens palmam. Quem colluctantium si quis
 alteri detraxisset, victoriæ donabatur. In quem mo-
 dum agonizans Ericus, correptam acrius restem ma-
 nibus concertantis excussit. Quod Frotho videns, Ar-
 duum, inquit, reor contrà fortem fune contendere.
 Cui non absimile fuisse illud conjicio, quod
 nostrates hodieq; dicunt, At drage Rattestrud.
 Item modum illum ludendi, qui nobis nomi-
 natur, At danke Harpestrep/ mer eer Handflade
 imellom sig etc. Certè apud Romanos fuit lu-
 dus puerorum, qui Sparteam restim ductitantes
 tantisper trahebant, dum aut rumperent, aut
 alteruter omisâ funis prehensione in nates ca-
 deret. Unde desumptum illud est, quod pro-
 verbij loco dicitur, funem cum aliquo ducere, sive,
 funem contentionis ducere, pro, contendere cum
 aliquo, aut altercari. Elegans hac de re locus
 est Tertulliani Libro de Pudicitia, Cap. II. Sed
 non decet ultra, de autoritate Scripturarum, ejusmodi
 funem contentiosum alterno ductu in diversa di-
 stendere. Johannes Sarisberienfis Lib. III. Cap.
 VIII. de Nugis Curialium: Aut si nomen Comæ-
 diæ gratiosius est, non duco contentianis funem, dum

con-

constet inter nos, quod totus fere mundus, juxta Peritronium, exerceat histrioniam.

44. *Maternæ dilectionis officijs prosequatur*] Magna vis est muliebris Zelotypiæ, quam furori Leonino rectè comparat Ovidius Lib. 2. de Arte amandi, vers. 333.

Sed neq, fulvus aper mediâ tam sœvus in ira est,

Fulmineo rapidos dum rotat ore canes :

Nec lea, cum catulis lactentibus ubera præbet,

Nec brevis ignaro vipera læsa pede :

Fœmina quàm socij deprensâ pellice lecti

Ardet, & in vultu pignora mentis habet.

In ferrum flammâq, ruit, positoq, decore

Fertur, ut Aonij cornibus icta dei.

Unde & sæpenumero à fœminis in subseffores alieni matrimonii, percussores immissi ; sicut Justinus de Olympiade tradit Lib. IX. Cap. VII. Et de Beronice Cap. III. Lib. XXVI. Itaq, instar miraculi sunt habenda, quæ hoc loco Saxo de Erixi Botilda commemorat, quod puellas à marito admatas maternæ dilectionis officiis prosequuta sit, easq, quoad vixit, inter pedisse-quas habuerit. Simile est illud, quod de Africani prioris uxore Æmilia, Valerius Maximus Lib. VI. Cap. VII. tradit, quæ tantæ comitatis fuit & patientiæ, ut cum sciret viro suo ancillulam ex suis gratam esse, dissimulaverit, ne domitorem orbis Scipionem impudiciæ reum argueret. Tantæ etiam facilitatis fuit Livia Augusti conjux, quæ marito virgines, ad quas vi-tiandas promptior erat, undiq, conquissit, teste Svetonio, Octavij Cap. LXXI. Digna quoq, memoratu sunt, quæ Plutarchus de Stratonica De-jotari uxore scribit, Libello de Virtut. Mulier. c. XLII. Hæc cum esset sterilis, maritumq, legiti-mos liberos, quos hæredes regni relinqueret, desiderare sciret, persuasit ei, ut aliâ ex muliere prolem susceperet, sibiq, eam subderet. De-jotaro sententiam admirante, uxorisq, arbitrio rem totam permittente, formosam ea ex capti-vis virginem, Electram nomine, adornavit, & De-jotaro copulavit, natosq, ex eâ liberos, tan-quàm suos, amanter ac magnificè educavit. Plura, si cupias, exempla de ejusmodi fœminis maritorum extraneos amores juvantibus, tan-tum abest ut impredientibus, vide in Notis do-ctissimis magni illius Berneggeri, heu nimis maturo nobis fato crepti ! ad Justinum Lib. IX. Cap. VII.

46. *Capitibus earum cultum proprijs manibus exhibebat*] Ornatricem se illis præstabat, formulâ antiquâ Romanâ. Ornatrices enim puellæ erant, quæ mulieribus comas exornabant ; de de quibus Vlpianus. Sic Ovidius: *Tuta sit orna-trix.* Vetus Inscriptio :

CINERIBUS.

HAMILIÆ. ALBIONIÆ. QUINTÆ.

ORNATRICI.

FESTUS. M. SEPTIMI. GALLI.

DISPENSATOR.

CONTUBERNALI B. M. FECIT
ET SIBI.

Pag. 225. vers. 34. *Sed ejus usum facinoribus demeriti*] Rarissimam hæc significatione verbi hujus est usus ; pro, non amplius, sive malè me-riti. Præpositio autem *de* ut augendi & inten-dendi, ficietiam minuendi vim habet ; quomo-do in verbis *dememinisse, desuescere*, & id genus alijs.

54. *Hamburgensis Antistes*] Liebnarius vide-licet ; qui obiit Anno Christi clob. C. I. Hujus tempore, qui antea *Hamburgenses*, deinceps *Bre-menses*, Archiepiscopi deauo nuncupari cœpe-runt. Cui mutationi occasionem dedit *Erius* hic *Bonus*, Rex Daniæ. Nam pertæsus imperij Archiepiscopi peregrini, proprium accepit, cui in Ecclesia Scanix Lundenfi, ut Saxo refert, se-dem attribuit. Affirmabat enim quod res est, commodius edoceri populum per suæ nationis homines, qui linguam, mores, & ingenia in quaque gente norant, quàm per alienigenas, quibus ad declarandum animi sensa, aut opus sit interprete, aut longâ alioquin verborum circuitione. Cl. Andr. Vellejus in Catalogo Archiepiscoporum Bremens. & Hamb.

Pag. 226. vers. 38. *Regem cum admissis demen-tire cognosunt*] In infinitum sermo excurreret, si vim illam ac potestatem, quam in omnem animæ nostræ habitum Harmonicus ille con-centus exerceat, pluribus exemplis & docu-mentis illustrare aggrederer. Unicum saltem adjiciam huic ipsi Saxonis narrationi consen-taneum, de gentium illo domitore Alexandro Magno, qui Antigenide tibicine modulante, usq, adeo, velut lymphatico impetu incitatus, exarsisse dicitur, ut concussis armis se prori-piens e medijs epulis, manus in astantes, sono nempe bellico illectus, intenderet. Nec multò post, mitiore sono tibiarum, ab armis ad epulas fuit revocatus. Plutarchus Lib. 2. de Fortunâ Alexandri.

Pag. 227. vers. 15. *Itaq, seductos majores*] Hoc est, scortum abductos ; quod κατ' ἰδίαν ἀπολαύειν Græci dicunt. Valerius Maximus Lib. V. Cap. IX. *Seductam uxorem suppliciter rogavit.* No-strates dicerent : *Eugenius denem cil cen affi-side.* Vide quæ notavi ad Lib. XV.

Pag. 228. vers. 2. *Eorumq, custodia Rex salutem suam vallare consuevit*] Idem de Danis & Anglis testatur egregius scriptor, Paulus Rhamnusius Venetus, de bello Constantinopolitano Lib. II. pag. 87. eos nempe δαξυλῶνες & satellites fuisse Græcorum Imperatorum : *Legati, aditu ad Impe-ratorem per præconem petito, inter Maherophoros [quod satellitium, Grifsonum vulgò Græcis nomina-tum, ex DANIS & ANGLIS, antiquo Græcorum Cæ-sarum more, conscriptum, in stationibus erat] ab ur-bis porta pedibus, ad vicinum Blachernium Palatium dedu-*

deducuntur. Eos credo adhibitos fuisse ab Imperatoribus spiculatoribus & stipatores præ alijs, causâ fidelitatis: quemadmodum hodieque HELVETII, in aula Regis Galliarum & Pontificis Romani, principem locum inter satellites obtinent, dum eorum fidei capitis vitæque suæ custodiam committunt.

Pag. 227. vers. 48. *Quem Imperator*] Is fuit Alexius Comnenus, qui Nicephoro Botoniata in imperio Byzantino succedens, regnavit Annos XXXVII, & quod excurrit. Obijt Anno Christi c. C. XVII. Ejus tempore contigit expeditio Godefridi Bulionæ adversus Saracenos. Videatur Joh. Zonaras sub finem Anna-
lium; Nicetas Choniates in Vita Johannis Comneni.

Pag. 228. vers. 28. *Falsò Græci sapientiæ prærogativam ascribi inquit*] Græcia sapientiæ, humanitatis, doctrinæ, eloquentiæ, omniumque artium atque virtutum laudem & sibi ipsa sumsit, & apud alias semper nationes meruit. Inde namque Græcos commendant Rhodiorum legati, hunc in modum Romanos, qui pro Græcorum libertate pugnaverant, compellantes, apud Livium Lib. XXXVII: *Gentis vetustissimæ nobilissimæque, vel famâ rerum gestarum, vel omni commendatione humanitatis doctrinarumque, tuendam ab servitio regio libertatem suscepisti.* Inde etiam Cicero varijs in locis eandem gentem commendat. Sic Lib. III. de Oratore: *Nam apud Græcos, cuiusmodi essent, videbam tamen esse, præter hanc exercitationem linguæ, doctrinam aliquam, & humanitate dignam scientiam.* Pro L. Flacco, Orat. 24. *Veruntamen hoc dico de toto genere Græcorum, tribuo illis litteras, de multarum artium disciplinam, non adimo sermonis leporem, ingeniorum acumen, dicendi copiam: denique etiam, si qua sibi alia sumunt, non repugno.* Et in eadem: *Adjunt Athenienses, unde humanitas, doctrina, religio, fruges, jura, leges ortæ, atque in omnes terras distributæ putantur.* Et paulò post: *Atque hæc cuncta Græcia, quæ famâ, quæ gloriâ, quæ doctrinâ, quæ plurimis artibus, quæ etiam imperio & bellicâ laude floruit, parvum quandam locum, ut scitis, Europæ tenuit.* Item Epist. ad Q. Fratrem Lib. I. de Græcis ita loquitur. *Cum verò ei hominum generi præsumus, non modò in quo ipsa sit, sed etiam à quo ad alios pervenisse putetur humanitas: certè ipsam potissimum tribuere debemus, à quibus accepimus.* Plinius Secundus Epist. Lib. VIII. Ep. 24. ad Maximum: *Cogita te missum in provinciam Achajam, illam veram & meram Græciam, in qua primum humanitas, literæ, etiam fruges inventæ esse creduntur. Ne plura bonorum autorum testimonia huic rei firmantem accumulem.* At hanc Græcis laudem derogare hic videtur Alexius Imperator, quod ducis fidem notassent, cujus gentem toties alienam perfidiæ cognovissent: ut Saxo ait.

33. *Dextrâ manu venerabiliter exceptum*] His verbis innuere videtur Saxo, Alexium Imperatorem Erico Regi, tanquam peregrino, honoris causâ locum dextrum, in urbis ingressu concessisse; quem plerisque gentibus honestiorem semper habitum, etiam Romanis, varij auctores testantur. Sveronius de Nerone: *Tiridatem Regem perductum in theatrum, ac rursus supplicantem, juxta se latere dextro collocavit.* Idem in Tiberio Cap. VI. *Dehinc pubescens, Actiaco triumpho, currum Augusti comitatus est, sinisteriore equo, cum Marcellus Octaviæ filius dexteriore veheretur.* Nihil certius quam prælatum in hæc sessione Marcellum, qui & ætate Tiberio major, & qui ad imperij spem ab avunculo jam admotus. Valerius Maximus de Tiberio honores omnes Druso fratri exhibente: *Præcepit etiam dextrâ in parte Prætorium ei statui, & Consulare & Imperatorium nomen obtinere voluit, eodemque tempore & fraternæ majestati cessit, & vitâ excessit.* Salustius in Jugurthino: *Sed Hiempsal, qui minimus ex illis erat, ignobilitatem Jugurthæ, quia materno genere impar erat, despiciens, dextrâ Adherbalem assedit, ut medius ex tribus, quod & apud Numidæ honori ducitur, Jugurtha foret.* Dein tamen, ut ætati concederet, fatigatus à fratre vix in alteram partem transductus est. In solenni hoc Regum consessu res ita ex more constituta, ut dextrâ Adherbal consideret, medius Jugurtha, sinister Hiempsal. Turbavit per ferociam iste, & superbe transijt ad dextram. Primus igitur locus, medius; proximus, dexter. Quin & Ovidius Lib. IV. Metam. de Perseo:

*Dis tribus ille focos totidem de cespite ponit,
Lævum Mercurio, dextrum tibi, bellica Virgo;
Ara Jovis media est, mactatur vacca Minervæ,
Alipedi vitulus, taurus tibi, summe deorum.*

Minervam enim aperte supra Mercurium collocat, idque apertum ex ratione victimarum, quam addit: sicut & Hecaten, sive Dianam, supra Juventam, istis versibus, Lib. VII.

*Statuitque aras de cespite binas,
Dexteriore Hecates, at lævâ parte Juventa.*

Sic Bethzabæa Salomonem nuper rerum Israëlitarum potitum accedens, à dextris Regi considerare iussa est. Verum Turcæ honestiorem hodieque habent locum sinistrum. Causam illi dant, quia illam partem gladius honestet: & qui ad dextram, obnoxium eum habeat, & subiectum alterius manû: sinister contrâ, eum expeditum. At pro dextro loco pugnat Natura ipsa. Ea etenim meliora omnia & fortiora dextra fecit: & Plinius universè, nec vanè scripsit, *vires dextrâ parte esse majores.* Aristoteles item bene: *Διὰ τὸ τὴν κινῆσιν εἶναι ἐκ τῶν δεξιῶν, καὶ ἰσχυρότερον εἶναι τὰ αὐτῶν τὴν φύσιν τῶν δεξιῶν.* Et res visusque approbat: & in corpore humano hepar splene melius: & renibus, testiculis, manibus, pedibus, potiora omnia dextra. Causa,

Causa, quia calidiora. Aristoteles : τὸν μετῶν ἡρεμότερα τὰ δεξιὰ. Sed & movere & agere, dextri est; moveri & pati, sinistri est. Videatur Justus Lipsius Lib. 2. Elector. Cap. 2.

49. *Divini patibuli particulam*] Particulam intelligit divinæ Crucis, quam rerum Christianarum scriptores *Patibulum* nominare solent, quod in eâ Salvator noster Iesus Christus pro mundi totius peccatis acerbissimam passionem & mortem sustinuerit. Prudentius Hymno X. Peristephanῶν, vers. 641.

Crux illa nostra est, nos patibulum ascendimus. Aldhelmus de Laudibus Virginitatis; Cap. III.

*Christus passus patibula,
Atq; lechi latibula,
Virginem virgo virgini
Commendabat tutamini.*

Ubi de Christo commendante Johanni matrem suam loquitur. Et Cap. XIV. *Qui cum terna patibuli signacula in glarigeris sablonum litoribus sulcaret.* Sulpitius Severus Histor. Sacr. Lib. II. de inventione Crucis : *Hic verò major dignoscendi patibuli, in quo Dominus pependerat, difficultas omnium animos mentesq; turbaverat, nè errore mortalium, forsitan pro Cruce Domini, latronis patibulum consecrarent.* Paulinus Nolanus Epist. XI. ad hunc ipsum Severum Sulpitium : *Sed cum tres pariter Cruces, ut quondam fixæ Domino & latronibus steterant, repertæ fuissent; gratulatio repertarum caput anxiam dubitatione confundi justo piorum metu, nè forsitan aut pro cruce Domini patibulum latronis eligerent, aut salutare lignum pro stipite latronis abjiciendo, violarent.* Plautus in Milite Glorioso, quomodo allegat Gellius Lib. XV. Cap. XV. *Crucem dixit patibulum:*

Credo ego isthoc exemplo tibi esse eundum actutum extra portam,

Disseffis manibus, patibulum cum habebis.

Pag. 229. vers. 6. *Tumulorum impatiens fuit]*

De admirandâ hac Cypri insulæ natura, nulla planè apud Historicos ullos, aut Geographos, fit mentio, quod equidem sciam. Nec tamen extra omnem fidem, locum isthic talem inventum fuisse tunc temporis.

12. *Conjugem quoq; ejus idem peregrinationis labor finivit]* Botildam Reginam, Erici pientissimam conjugem, & sacri hujus itineris comitem, Hierosolymis supremum obiisse diem, & in valle Josaphat sepultam, Clarissimus Vir, M. Andreas Vellejus, ὁ μακαρίτης, ad oram suæ versionis ascribendum curavit, nescio quibus edoctus documentis. Alij Chronicon, quod Erico Pomerano, velut auctori, perperam ascribitur, secuti, Botildam, unâ cum marito, in Cyprio insula & mortuam, & sepultam contendunt. Vallem autem Josaphat, quæ & Vallis Cedron, & Vallis montium vocatur, & vallis est lata atq; profunda, inter Hierosolymam & mon-

tem Oliveti interjecta, totam ab Oriente cingens urbem, commune totius civitatis cœmiterum fuisse, ubi & vulgus & Nobiles omnes sepeliebantur; testatur Christianus Adrichomius in descriptione urbis Hierosolymæ pag. 95.

47. *Tanto oneri humeros subjecere recusavit]* Fortè Ubbo, præter imbecillitatis conscientiam, quam Saxo causam recusati imperij fuisse monet, ad exemplum Regis istius respexit, quem ferunt traditum sibi diadema, priusquàm capiti imponeret, retentum diu considerasse, ac dixisse : *O nobilem magis, quam felicem pannum! quem si quis penitus cognoscat, quàm multis solitudinibus, periculis, & miserijs sit refertus; nè humi quidem jacentem tollere vellet.* Valerius Maximus Lib. VII. Cap. II.

52. *Eò quidem honore dignior]* Rectè, verè, scitè, & secundum omnium Politicorum, qui supra vulgus sapiunt, sententiam, hîc pronunciat Saxo, Vbbonem propterea digniorem fuisse honore & dignitate Regiâ, quod eam spontè non ambiret, sed modeste recusaret. Sunt etenim, qui delatos sibi honores & imperij fasces obvijs ulnis amplectuntur, & lætâ mente eò convolant, atq; eo nomine felices se prædicant. Qui minimè probandi, & ad magistratus gerendos vix admittendi videntur. Nam vel ex levitate quadam, aut ex inani gloriæ cupiditate, aut avaritiâ, aut contentionis studio, aut otio molesto, aliorumq; negotiorum penuriâ, ad Reipublicæ negotia capeffenda aspirant, quæ postea per jocum & ludum tractant, sed tandem eorundem cum dolore atq; dedecore difficultatem experiuntur, suntq; in gubernatione prorsus infelices. Sunt verò rursus alij, qui dubitanter & inviti Magistratum adeunt: atq; hi plerumque melius eum gerunt, quàm qui cupidè sese immiscent. Quo fine, nec Galba Imp. deditequestria & Senatoria officia nisi recusantibus. Sveton. in Galba. Vidit sapiens ille Princeps igniculos virtutum in hujusmodi hominibus latitantes: consideravitq; haud dubiè Epaminondam, cui recusanti omnia imperia ingesta sunt, quiq; honores ita gessit, ut ornamentum non accipere, sed dare ipsi dignitati videretur. Justinus Lib. VI. Sic T. Quinctius ruri, procul ambitione ac foro, vitam agens, invitus coactusq; dux electus est, benè tamen præfuit. Livius Lib. VII. Decad. 1. Helvius Pertinax Imper. coactus imperavit, repugnansq; imperium suscipiens, tale cognomentum fortitus est. Avrel. Victor. Hisce exemplis haud dubiè motus Severus invitos, nec ambientes, dixit in Rempubl. esse collocandos. Lampr. Et Leoni Anthemioq; Impp. indignus esse videtur sacerdotio, nisi fuerit ordinatus invitus l. *si quemquam.* 31. in fine C. de Episc. & Cler. Vide Schonborneri Politic. Lib. II. Cap. VII.

NOTÆ VBERIORES IN LIBRUM XIII. HISTORIÆ DANICÆ SAXONIS GRAMMATICI.

Pag. 230.
vers. 16.

UT nihil ex pristina mansuetudine A decerperet] Ælnothus, Monachus Cantuariensis, qui libellum suum de Vita & Passione S. Canuti Martyris, huic ipsi Nicolao Regi inscripsit, eandem mansuetudinis laudem inter cæteras ejus virtutes recenset, in Præfatione Opusculi sui: *Cujus vestra excellentia pietatis modum, pro modulo mortalibus concessio, exequens, & justitiæ severitati mansuetudinis lenitatem præferens; ejus ob hoc, ipso opitulante, gloriæ compos efficietur.*

18. Cum fortuna animum mutari passus non est] Id quod tamen multis usuvenire solet, qui suo exemplo verum esse πολυβούλητον illud comprobant: *Honores mutant mores.* Eorum ingenia graphice, vivisq; quod ajunt, coloribus depingit disertissimus Romuli nepotum. Tullius noster, in aureo suo Dialogo de Amicitia, quem Cælius inscripsit: *Non solum ipsa fortuna cæca est, sed eos etiam plerumq; efficit cæcos, quos complexa est. Itaq; illi efferuntur fastidio ferè & contumaciâ. Neq; quicquam insipiente fortunato intolerabilius fieri potest. Atq; hoc quidem videre licet, eos, qui antea commodis fuerunt moribus, imperio, potestate, prosperis rebus immutari.*

24. Cujus castitatem Rex Norvagiensium Magnus] Snoro Sturlesonius, autor Chronici Norvagici, linguâ vernaculâ ante aliquot annos editi, tradit, circa Ann. Christi M. C. in conventu trium Regum Daniæ, Norvegiæ, Sveciæ; Magni Norvegiæ Regi desponsatam fuisse hanc Margaretam, cum sic loquitur: *Æstate proxime insequente, anno Christi 1100, apud civitatem Kongbelle, non procul ab Albi præterfluente, solennis Regum conventus institutus est: ubi convenerunt Ericus Svenonis filius, Daniæ; Magnus Norvægiæ, & Ingo Sveciæ Rex. Hi paululum extrâ vallum, seorsim à militibus suis, progressi, invicemq; colloquuti, fœdus & amicitiam inter se inierunt: & in pignus duratura concordia, Magnus Norvægiæ Rex conjugio sibi copulavit Margaretam, Ingonis Sveciæ Regis filiam, quæ propterea dicta est Stedkölle.*

28. Fugæ deformitatem etiam cognomine usurpavit] Ab hoc etiam casu Nudipedis cognomen sortitus est, vulgòq; dictus Magnus Barfod. Verum Snoro Sturlesonius in Vita hujus ipsius Magni, Norvegiæ Regis, aliam prorsus cognominis hujus adducit originem & occasionem, dictumq; ex eo Nudipodem contendit, quod ipse, juxta ac omnes ministri Aulici, habitu cultuq; Anglorum, Danorum, aliorumq; populorum occidentalium uterentur, & plerumq; nudis incederent pedibus, vestimentisq; ad genua tantum demissis.

29. Cujus manum Ingo salutis suæ perniciose imminentem] Nemo in literis hisce interioribus adeo hospes est, qui ignoret, manum quandoq; sumi pro exercitu, copiisq; hostilibus. Justinus Lib. II. Cap. XII. *Miserat Xerxes quatuor milia armatorum Delphos, ad templum Apollinis divipiendum: quæ manus tota imbribus & fulminibus deleta est.* Eod. Libro, Cap. XIII. *Sibi CCC. milia armatorum lecta ex omnibus copiis relinquit: quæ manu cum gloriâ ejus perdomiturum se Græciam.*

B Lib. XII. Cap. X. *Ipse cum lectissima manu navibus conscensis, Occeni littora peragrat.* Lib. XIII. Cap. V. *Excursurusq; cum validâ manu fuerat ad Athenas delendas.* Lib. XXVII. Cap. II. *Quam gentem se aliquantò majore manu Græciam ingressam.* Tacitus Annal. II. *Missâ extemplo manus, quæ hostem à fronte eliceret.* Et Ibid. *Is validâ manu fines Marcomannorum ingreditur.* Et Annal. IV. *Mox castris in loco communitis, validâ manu montem occupat.* L. An. Florus Lib. I. Cap. XII. *Assidui verò & anniversarii hostes ab Etruria Venientes: adeo ut extraordinariam manum adversus eos promiserit.*

33. Artuatim obtritus] Glossarium Isidori: *Artuatim, membratim.* Julius Firmicus Lib. VII. Cap. I. *Si Luna in Horoscopo fuerit inventa, & Mars sit in duodecimo ab Horoscopo loco, Saturnus verò in anaphora Horosopi positus, sol quacunque radiatione respiciat, pecus intra viscera matris artuatim concisum à Medicis proferetur.* Pro eo usus est τῷ membratim Apulejus. Ut Lib. VI. *Metamorph. Vides istas rupinas proximas, & præacutas in his præminentes silices, quæ te penetrantes, quæquâ decideris, membratim dissipabunt.* Item Lib. VIII. *Corpus ejus membratim laceratum, multumq; dispersum locis conspicitur.* Et Lib. IX. *Nec dubito me lanceis illis & venabulis, imò verò & bipennibus, quæ facile famuli subministrabant, membratim compilassent.* Ejusmodi Adverbia multa in IM, collegit Vir Clariss. Geverhartus Elmenhorstius E Indice in Apulejum. Tale est illud Saxonis nostri, quod sequitur, *viatim*, id est, per totam viam.

39. Tetterimum consanguineæ cadis piaculum edidit] Occiso nempe Canuto Duce, patruele suo: *cujus cadis mentionem mox infra agit Saxo.*

Pag. 232. vers. 3. *Limosam objecti lacunaris voraginem*] *Lacunar*, pro, *Lacunâ*, rara admodum vox est, & melioris notæ autoribus planè incognita. Joannes tamen Januensis in Catholico suo: *Lacunar idem est, quod lacuna.*

24. Finibus illis provisorè vacuis] *Provisor* hic Præfectum significat, sive Præfidem, Toparcham,

cham, aut quicumque summâ cum potestate ac imperio provinciam administrat. Ælnothus Præfatione ad Nicolaum Regem: *Principum duci præcipuo, Nobilium primicerio, pio, invicto, magnifico, Daciæ provisorio serenissimo.*

31. *Nec minor adituorum*] *Aditui* hic sunt, vel qui ædes ipsas inhabitant, vel qui ædes tuentur; quos paulò post, *adium excubitores* vocat. Digestor. Lib. XXVI. de Tutelis: *Tutores autem sunt, qui eam vim ac potestatem habent, exq̃, re ipsa nomen ceperunt. Itaq̃, appellantur Tutores quasi tutores atq̃, defensores: sicut aditui dicuntur, qui ædes tuentur.* Agellius Lib. XII. Cap. X. omnino contendit pro *adituo* rectius usurpandum esse *adituum*, utpotè verbum Latinum & vetus. Sed ego cum illo non ducò funem contentionis. Lucretius Lib. VI. *adituos* appellat *adituentes*.

41. *Nulli facta ejus aperta criminatione insequendi*] In eandem sententiam verba sunt, verè aurea Ammiani Marcellini, ex occasione scelerum Valentiniani: *Hæc & similia altiore sa-* C
ctu Principes quidam agunt, quod amicis emendandi secus cogitata vel gesta, copiam negant, inimicos loqui terrent amplitudine potestatis. At verò longè aliter Julianus Imperator, qui agnoscens levitatem commotioris ingenij sui, præfectis proximisq̃, suis permittebat, ut fidenter impetus suos aliorum tendentes atq̃, decebat, monitu opportuno frenarent: monstrabatq̃, subinde, se dolere delictis, & gaudere correctione: quomodo verba habent ejusdem Ammiani Marcellini, Historici luculentissimi, Lib. XXII. pag. 239. Nam ea demùm laus grata esse potestati debet excelsæ, quum interdum & vituperationi secus gestorum pateat locus. Ejusd. Lib. XV.

44. *Quam educator ejus*] Videlicet Skjalmo Candidus, cui commissam fuisse Canuti tutelam superiore Libro XII. ostendit Saxo. Skjalmoni verò Candido splendidissimæ atq̃, integerrimæ autoritatis viro, cui non solùm totius Sialandiæ, sed etiam Rugiæ vectigalis à se factæ, procuracionem detulerat, peragenda circa Canutum educationis offici- E
cium mandat.

Pag. 233. vers. 5. *Se pecuniæ, sed eam Regi imperare*] Affine est illud Themistoclis responsum, quod extat apud Valer. Max. Lib. VII. Cap. II. Nam unicæ filiæ pater Themistoclem consulebat, utrum eam pauperi, sed ornato; an locupletis parum probato collocaret? cui is; malo, inquit, virum pecuniâ, quàm pecuniâ viro indigentem. Quo dicto stultum monuit, ut generum potius, quàm divitias generi legeret.

39. *Sanguinis, quo illum proximè continebat*] Nam mater Henrici Siritha, amita fuit Canuti. Saxo suprâ Lib. XI. *Sed & filia Siritha, quæ postmodum Gutschalco Selarico conjux accessit, pellice pariter orta creditur.*

Pag. 234. vers. 20. *A quo etiam Imperatoris gratia*] Is fuit Lotharius Saxo Imperator, apud quem, instante Henrico, & diligentius rem agente, Canutus Obotritorum Rex declaratus

A est. Albertus Stadenfis, ipsum Canutum profectum ad Imperatorem Lotharium, oblatoq̃ immenso pretio, Vandalici regis nomen ac coronam impetrasse scribit, ad Annum Domini M. C. XXXIII.

Pag. 235. vers. 3. *Ne degenerati patris fulgor*] Valde rara locutio. *Degeneratus pater* est, à quo degeneravit filius. Valerius Maximus Lib. V. Cap. VIII. de filio M. Scauri: *Itaq̃, si quid modò reliquum in pectore verecundiæ superesset, conspectum degenerati patris vitaret.* B

Pag. 236. vers. 7. *Cupiens enim antiquitas tonitruorum causas*] Plura ejusdem infaniæ exempla abundè nobis varia Historicorum monumenta suppeditant. Sic memoriæ proditum, est, tonitrua alluisse Salmoneum quendam, Æoli filium, de quo Virgilius Æneid. VI. vers. 585.

*Vidi & crudeles dantem Salmoneæ penas,
Dum flammæ Jovis, & sonitus imitatur Olympi,*

*Quatuor hic in vectus equis, & lampada quassans,
Per Grajum populos, mediæq̃, per Elidis urbem,
Ibat ovans, divumq̃, sibi poscebat honorem
Demens, qui nimbos & non imitabile fulmen
Ære, & cornipedum cursu simularet equorum.*

Vbi Servius: *Salmoneus fabricato ponte æreo, super eum agitabat obmunitos æreis cantharis currus ad imitanda tonitrua.* Alij sunt, qui tympanis id dicant factum, quæ ex ficcis corijs consuens Salmoneus, sonos quosdam edebat, tonitruis similes. Ideo Nazianzenus Orat. II. adversus Julianum: *Καὶ Σαλμωνεύς τις ἐξ βύρσης βεβντῶν: Salmoneus quispiam è corio tonans.* Vide Hyginum Mythologici Cap. LXI. Apollodorum in I. Germanum Valentem Gvelliū in Commentar. ad VI. Æneid. Joann. Ludov. de la cerda, ibidem. Salmoneo annecti poterit *Aremulus Silvius*, qui tonante cœlo militibus imperavit, ut telis clypeos quaterent, clariorem se sonum facere existimans. Anonymus de Origine gentis Romanæ, sive is S. Aurelius Victor est. Apud Agathiam Lib. V. *Anthemius fulgura & tonitrua effungebat, excogitatis quibusdam collisionibus complosionibusq̃, rerum, quæ valdè essent sonoræ, atq̃, ita immanes quosdam fragores edebat percellendo sensui aptissimos.* Apud Cedrenum Chosroes machinas quasdam paraverat, quæ guttas demitterent tanquam pluviam, & tonitruum sonitus resonarent. Simillima etiam Alladius apud Dionysium Lib. I. Antiquit. *Quæ sint porro Claudiana tonitrua, Festus tradit. Græci labrum illud æneum, in quod clavi lapilliq̃, conjecti circumactiq̃, tonitrua imitabantur.* in scena, *βεβντῶν* appellant: nonnulli *βεβντῶν* locum post scenam esse malunt, in quo id fiat.

10. *Tantæ sonoritatis vim*] *Sonoritas* sonus est clarus & immanis. Johannes Sarisberienfis
V Lib. II.

Lib. II. Cap. XVI. Policratici de Socrate, qui ex A arā Veneris viderat sibi offerri cygnum, tantā vocis sonoritate canentem, ut totum mulceret orbem. Itā Sonorum tonitru Claudianus dixit 2. Paneg. 6.

Pag. 237. vers. 51. *Causabundus aggredieris*] *Causandi* vox propria in foro & iudicio. Medij ævi scriptoribus usitata pro *culpāre*, *reprehendere*. Columbanus Abbas versu 104.

Cumq; alium causas, propriam prior inspice vitam. Papias : *Causari*, *causas agere* ; vel *Reprehendere*, *calumniari*, *culpāre*, Videantur Melch. Goldasti B Notæ in Columbanum pag. 125. Hinc *Causabundus* est qui accusat, crimen intentat.

Pag. 239. vers. 33. *Notissimam Grimildæ erga fratres perfidiam*] De insignitā hac Grimildæ in fratres perfidiā, tres hodieq; exstant vetustissimæ Cantilenæ, inter cætera antiqua carmina, quæ de priscorum Heroum gestis, summo studio collegit, Vir Clarissimus & Antiquitatum Danicarum indagator diligentissimus, M. Andreas Vellejus, Historicus quondam Regius dignissimus : qui & ipse in Præfatione, tribus hisce cantilenis præfixā, totius negotij summam, & rei gestæ seriem, breviter hunc in modum exponit. In mari Balthico sita est insula *Hvena*, Scaniam Selandiamq; pari propemodum spatio à se utrimq; remotam habens, rerum ingentium & sublimium gloriā illustris, maximeq; nobilis. Nomen verò & appellationem sortita est hæc insula, à *Hvenilda* gigantissā, quæ eam inhabitaverat. Olim quatuor arcibus insignis D fuit ; quarum fundamenta adhuc animadvertere est, sed rudera nulla sunt residua. Nomina verò earum adhuc recensentur, quarum una *Syn-derburgum* dicta, versus meridiem sita erat ; eiq; oppositas partes tenebat *Nordburgum* ; sicuti alia ortum hyemalem, *Carlsbói* nominata ; *Hammera* verò æstivum respiciebat. Hanc quoq; insulam memoriæ proditū est incoluisse quondam Illustrē Herōa *Nöglungum*, cognomento *Niding* ; qui filiam ex conjugē Botilda tulerat *Grimildam*, virginem ortu nobilissimam, sed indole pessimā & animo ad omnes dolos fraudesq; exercitatissimo. Ea primum nupserat Generoso Viro, Domino *Sigfrido Horn*, cujus apud Germanos in Athletarum Historia celebris est commemoratio. Priore marito defuncto, Grimilda ad secundas transiens nuptias, fratres suos *Haquinum*, cui à rebus fortiter ac præclare gestis, cognomentum *Herōis* incessit, & *Falquardum*, ab insignibus, quæ Citharam præferebant, vulgo *citharædum* dictum, in insulam, ad solennem convivij genialis festivitatem invitavit. Quo quum advenissent, validissimos quosque, ex ingenti pugilum, quos alere solebat, numero, perfidē subornat, qui utrumque incautum, & nihil doli suspicantem, invadentes opprimerent. Verum Haquinus invictō animi corporisq; robore egregiē se defendens, immissos à fore percussores ad unum omnes obruncavit,

atq; intentatum capiti suo discrimen hoc modo evasit. Sed frater Haquini Falquardus non minus animosē dimicans, tandem cæsis cunctis pugilibus, qui ad se interimendum venerant, ipse speciosā morte occubuit. Quamvis veteres Hvenensium annales Falquardum, quum fratrem suum Haquinum ab athletis Nordburgensibus peremptum falso comperisset, epoto cornu, interfectorum à se pugilum sanguine repleto, voluntariam sibi necem conscivisse tradant. Cæterum Grimilda, intellecto, Haquinum omni defunctum periculo, adhuc superstitem agere, furore percita, sed vultu lætitiā præ se ferens, Nordburgum contendit, ibidemq; cum fratre Haquino fœdus & amicitiam contrahit, hac conditione ; ut si qui pugilum suorum humi eum semel prosternerent, nequaquam in pedes sese erigendo assurgeret, verum genibus nixus defensionem suam excqueretur. Quo pacto inito, callidissima fœmina, in ipso arcis aditu, C bovinum corium probē madefactum, pisib; insterni curavit, ut lubrici tergoris offendiculo incautos fratris subigeret gressus. Mox totis viribus tres simul athletæ Haquinum adoriuntur, infirmoq; gressu vacillantem faciliē ad terram affligunt. Quos tamen ille omnes, lethali prius vulnere saucius, ferro consumpsit. Idem verò Haquinus paulo antea, Grimildæ permisso, in uxorem duxerat nobilissimam virginem *Hvenildam* ; ex quā natus est ipsi filius nomine *Rancko*, qui patris patruiq; cœdem hoc astu egregiē ultus est. Etenim Grimildæ persuasit, in colliculo propē arcem Hammeram, ingentis pretij thesaurum reconditum delitefcere, cujus custodiam, unā cum conditorij clavibus, pater moriens sibi demandasset. Ad eum visendum amitā fortē deductā, in antrum quidem cum ea ingreditur ; sed mox cursu citato extrā cavum se proripiens, valvas pessulo obdito firmiter occlusit. Ubi illa paulo post E fame & squalore enecta miserrimē periit.

Pag. 240. vers. 43. *Petrus matre Botildæ natus*] Quemadmodum Rex Daniæ Sveno, non à patre Vlfone, filium Vlfonis ; sed à matre Esthrita, *Esthritum* se nominari voluit : itā hic Petrus à matre Botildā, vulgō *Botildæ filius*, in omnibus Annalibus Danicis appellatur, suppresso parentis nomine, quod & ipsum propterea planē ignoratur. Fuit autem Petrus, Episcopus Roschildensis, secundum Nobilissimum Hvitsfeldium ; & in prælio Fotevicensi unā cum quinque Episcopis occubuisse dicitur Anno Christi c. C. XXXV. Hic quoq; est idem ille Petrus Botildæ filius, qui Monasterium Beati Petri, in oppido Nestvedensi, è bonis suis hæreditarijs fundavit : quod postea in vicinam silvam translatum est, & tandem Illustri Scholæ dicatum à Nobilissimo Viro Dn. HERLUFO TROLLE, ejusque conjugē Nobilissima Dn. BIRGITTA GØIE. Idipsum testatur vetus Mona-

Monasterij hujus Calendarium aureis literis in membranâ nitidè descriptum, quod mecum ex singulari gratiâ & favore communicavit Illustris & Generosus Heros, Dns. Christophorus Vlfeld de Svenstrop, Eques auratus, & regni Daniæ Senator amplissimus: cujus sub initium hæc leguntur verba. Nomina Nobilium virorum ac mulierum & fundatorum nobis bona sua largientium; videlicet, Dominus Petrus filius Botildis, fundator loci: Domina Botildis mater ejus: Domina Una uxor ejus: Georgius Comes; & Dominus Hemmingus frater Domini Petri: Domina Cecilia, uxor Georgij: Tona, uxor Hemmingi: Dominus Georgius, filius Domini Petri: Domina Margareta uxor ejus: Dominus Kanutus, filius Petri: Domina Cecilia, uxor ejus: Dominus Job, filius Petri: Domina Asa, uxor ejus: Dominus Saxe & Kanutus, filij Domini Georgij: Domina Christina Soror eorum: Dominus Thuco, filius Kanuti; & Kanutus frater ejus; & Domina Cecilia soror eorum: Dominus Agho, filius Job: Dominus Eskillus, Episcopus Roskildensis; coadjutor & coöperator in fundatione Domini Petri: Dominus Nicolaus, Episcopus Roskildensis, & Dominus Thuco & Dominus Suno, fratres sui: Dominus Ingvarus Episcopus Roskildensis &c. Eadem ferè nomina occurrunt in ipsis Fundationis literis, quæ in Archivis illustris Scholæ Herlovianæ hodieq; asservantur. Harum ego exemplum nactus cum essem, in gratiam eorum, qui Antiquitatibus nostris pretium aliquod ponere norunt, hoc loco inferendum duxi: Universis præsens Scriptum cernentibus, Nicolaus divinâ miseratione Roskildensis Episcopus, Salutem in omnium Salvatore! Notum facimus universitati vestræ, quod nos Privilegia super donatione possessionum infra scriptarum, à Petro Botildis filio, & fratrum suorum, nec non & matris eorundem, Monasterio, Beati Petri, Næstvveth piâ liberalitate indulta prospeximus, & ad petitionem Domini Abbatis Monasterij memorati, verbo ad verbum transcribi fecimus in hunc modum: In nomine Sanctæ & Individuæ Trinitatis, Ego Eskillus, Roskildensis Ecclesiæ, Dei gratiâ, Episcopus, notum esse volo omnibus Catholicæ Ecclesiæ filiis, tam præsentibus, quam & futuris in posterum, qualiter Petrus Botildis filius, fratres quoq; ejus Hemmingus atq; Georgius, unâ cum matre suâ, charitate divinâ succensè, consolatorij spiritus rore perfusi, decorem domus Dei ampliaverint, & fundamento ejus, quæ ædificatur ut civitas, cujus participatio ejus in idipsum, gemmas, lapides politos & pretiosos superædificaverint. In hac ergo convalle lacrymarum ascensiones in corde suo disponentes, ut recipiant pro parvis magna, pro terrenis cælestia, cohæredem & Dominum fecerunt, & Ecclesiam in Næstvveth, quæ juris eorum videbatur, nostrâ concessione, cum omnibus suis Appendicijs, Deo & Sancto, Petro ad Monasticam inibi instituendam vitam, secundum Beati Benedicti Regulam, per manus nostras delegaverunt. Ad stipendia quoq; ibidem Deo militantium suum participati sunt patrimonium, Petrus in Lathby & Bukketorp

A curiam suam, ut ipse possederat, cum omni familiâ & agris, pratis, & silvis, Mansum unum & dimidium & quadrantem dedit, & sextam partem silvæ, quæ Foxingsvora dicitur, in Mon in villa Kelby quinque mansos & dimidium. Hemmingus in villa Alebech dimidium mansum, & in Falsria in Gatesby & Skelby & VValnæs duos mansus, eo jure pratorum silvarumq; ut ipse habuerat. Mater verò eorum in Næstvveth parvâ medietatem villæ & silvæ, quæ Lathbyvora nuncupatur, & Thorp; & in Næstvveth B majori mansum unum, & quadrantem, & molendinum donavit. Hæc pro remedio animarum suarum suorumq; pro salute videlicet viventium, pro refrigerio decedentium, præfata Ecclesiæ contulerunt, & ut nulli unquam mortalium quicquam nec sibi, nec suis hæredibus, salvâ in omnibus Episcopali Reverentia, debeant, manu nostrâ roborari, bannoq; nostro confirmari petierunt. Huic eorum pio affectui justæque petitioni libenter annuens Ego Eskillus servorum Dei servus, simulq; cum ipsis in Resurrectione C partem beatam habiturum me credens: volui in Domino juvare manus eorum; Memento ergo mei Deus in bonum, & eandem Ecclesiam in Næstvveth, & eam quæ est in Chierby, nec non & eam, quæ est in Haslevæ, & omnia eis attinentia, Deo Sanctoq; Petro in eodem loco, unâ cum prædictis fratribus munivisti: & ut servi Dei liberâ hæc quiete possideant, omne ex hinc Episcopale tributum, eis quod moris est Ecclesiarum, remisi: nec deinceps seculari aut Ecclesiasticæ cuiquam personæ in aliquo subiaceant, præterquam Episcopo, in cuius sunt Diocesi, debitam subjectionem, & quæ sanctos debet, obedientiam exhibeant. Ipse verò omni sollicitudine curam eorum gerat, consoletur, sustineat, si quid inter eos, quod absit, controversiæ, ortum fuerit, si Prælatus eorum nequiverit, per ipsum emendari & corrigi canonice debebit. Quin ergo, annuente Deo, propter spem retributionis æternæ, ad memoriale perpetuum, tam nostri, quam & successorum nostrorum, volumus Ecclesiam hanc in bonis omnibus augere, concedimus E eisdem Fratribus nostri juris Decimam in toto quadrante de Thiuthabjergs herith, in quo consistunt: itemq; Decimas suarum omnium in nostro Episcopo possessionum, & præsentium, & futurarum in perpetuum, ut si quando pro utilitate Ecclesiæ, intra vel extra provinciam, ad Synodum vel Concilium eundum fuerit, pro ut Episcopo visum fuerit, aut cum eo, aut ejus vice, Abbas suâ expensâ honestiori vadat. Hæc ut rata & inconcussa permaneant, præsentis Privilegij sanctione firmavimus, & sigilli nostri impressione signavimus. Si verò aliqua Ecclesiastica secularisve persona hæc nostra statuta violare tentaverit, & servos Dei inquietare temerario ausu præsumserit, secundum occasionem commonita si non resipuerit, divinæ ultioni subiaceat, cum Dathan & Abiron, quos terra deglutivit, dispareat, duplici contritione conteratur, de libro viventium eradicetur, induatur sicut diploide, confusione sua, sitq; Anathema Maranatha. Fiat fiat. Amen. Acta sunt hæc Anno Dominicæ Incarnationis M. C. XXXV. Indictione

ctione IV. imperante Lothario, Romanorum Cæsare A
 Augusto : anno V. Erii Danorum Regis, Episcopatus
 autem Eskilli, Roschildensis Ecclesiæ Venerabilis Epi-
 scopi, Anno II. in villa Næstveith, his testibus : Sa-
 lomon Præpositus, Richard ejusdem Ecclesiæ Prior,
 Hermannus Episcopi Capellanus, Elias, Ericus, Isaac,
 Boso, majoris Ecclesiæ Canonici : Laici quoq; Karo-
 lus Agonis filius, Tholf Godescalki filius, & Hemming-
 us filius ejus, & Ingulf Vbii filius, Gundi Hemmingi
 filius, Lubbi in Stenchilstorp, Bo filius ejus, Sunni de
 Riræbeck, Bo Asceri filius, & complures alij, 3. Ca-
 lendarum Decembrium, Præsidente Catholica Eccle-
 siæ Universali, Innocentio Papa Secundo. Quia verò
 Originalia Privilegiorum sine periculo non possent
 aliquibus exhiberi, testimonium super præmissis omni-
 bus dignum duximus perhibere, & præsentem pagi-
 nam transcriptorum, Sigilli nostri munimine com-
 munire. Datum Humbleoræ, XV Kalend. Julij, Anno
 Domini M. CC. XLV.

46. Tunicam ejus crebris foraminibus absum-
 ptam] Nihil vehementius misericordiam accen-
 dit, quàm signa illatæ injuriæ; ut vestes eo-
 rum, qui mala sunt passi. Eo consilio Antonius,
 qui postea triumvir fuit, in funere Caji Julij
 Cæsaris, concioni vestem ostendit pugionibus
 ac gladiis perforatam: eoq; Bruti & Cassij cau-
 sam evertit apud plebem; ut quæ hac re accen-
 sa ad conjuratorum ædes cucurrerit, quò eas in-
 cenderet. Apud Maronem quoq; haud absimi-
 le est exemplum. Nam quamvis Æneas jam ad
 misericordiam inclinare cæperat, tamen viso D
 Pallantis baltheo, quem Turnus interemerat,
 recruduit ira. Quippe ait, Æneid. XII.

*Ille oculis postquam sævi monumenta doloris,
 Exuviasq; hausit, furij accensus, & irâ
 Terribilis: tunè hinc spolijs indute meorum
 Eripiare mihi?*

Etiàm Clotildis Clodovæi filia, durè sæviterq;
 habita à marito Almarico, Visigothorum Rege,
 cum sudarium suo inibutum sanguine misisset E
 ad fratres suos Childebertum, Clotharium, &
 Theodoricum, Francorum Reges, immane il-
 lud bellum excitavit, quo res Visigothorum
 penitus fuere attrita & deleta; ut apud Gre-
 gorium Turonensem legitur Lib. III. Cap. X.
 & inde apud P. Æmylium Lib. I.

Pag. 242. vers. 34. Regio apud Isoram nomine
 insigniri nequiret] Isora portus est Sialandiæ,
 quem augustissimus efficit maris sinus ad ip-
 sum usq; oppidum Roschildense procurrens. F
 Nostratibus vulgò dicitur Zisefjord/ vel Zsære-
 fiord. Celebratissimus hic in Annalibus no-
 stris locus est, cum ob Regum electionem e
 veteri memoria ibidem peractam, tum propter
 res alias insignes, quæ subinde in eo contige-
 runt. Sic in Isora Rex Daniæ Hotherus electus
 est & constitutus. Saxo Lib. III. Inde Sialandiæ
 portum Isoram ingenti classis numero occupat, im-
 minentis fortune beneficio usus. Ubi Rex ab oc-

currente sibi Danorum populo constitutus. In Isora
 Poppo, Episcopus Arhusiensis, candentem ferri
 laminam, chirothecæ formam habentem, con-
 firmandæ religionis ergò, intrepidè gestavit.
 Saxo Lib. X. Hic Danorum concione publicè apud
 portum, cui glaci frequentia agnomen peperit, ha-
 bita, cum eos, nè sana excolere vellent, sermone fle-
 ctere nequiret, evidenti indicio certissimum assertio-
 ni suæ argumentum præbuit, doctrinæq; fidem con-
 spicuo sanctitatis miraculo probavit. Apud Isoram
 Haraldus VI, cognomento Hein, Regium dia-
 dema adeptus est. Saxo Lib. XI. Igitur Isoram,
 habendi delectus gratiâ, conveniunt. Ibi quidem in-
 gens Oceani vastitas ostijs admodum angustis exci-
 pitur, furensq; fretum, coactu littorum, in arctas fau-
 ces terra compellit. Medium sinus arenæ tenent ob-
 scura nautarum celantes pericula. Nam ut abiens ea
 æstus aperit, ita rediens claudit.

37. Literas ad Lotharium facit] Literas facere,
 pro, literas dare, ad aliquem scribere, usitata isti
 ævo loquendi formula. Lupus, Abbas Ferra-
 riensis, Epist. VII. Feci autem literas ad Andoinum
 & Ebronum de tua reversione. Quin & Justinum
 sic locutum invenio Lib. XXVII. Cap. II. Inde
 ad Antiochum fratrem literas facit, quibus auxilium
 ejus implorat.

40. Secus Jutiæ mœnia] Intelligit muni-
 mentum illud longè celebratissimum, quod
 propè Slesvicum, contra exterorum irruptiones,
 ab Illustrissima Regina, & Danicâ Semira-
 mide, Thyra Danebod, exstructum erat, vulgò
 Danervecf dictum. Id quod sequentia decla-
 rant verba: At Magnus utriusq; hostis adventum
 accuratâ valli munitione præcurrens, validum portis
 præsidium applicuerat. Interjectis diebus, Nicolaus
 citeriora valli immenso Jutorum agmine circumfu-
 dit.

Pag. 243. vers. 3. Nicolaus occasum Daniæ
 militem contrahebat] Hoc est, Nicolaus Rex co-
 pias conscribebat ex provinciis Daniæ ad Solem
 occasum sitis, ut Jutia & Fionia: cum contra
 Ericus ex Scania & Selandia, quæ Orientem spe-
 ctant, auxilia compararet.

Pag. 244. vers. 21. Tormentorum artificia mu-
 tuatus] Per tormenta hic non intelligenda veni-
 unt, ænea sive ferrea illa; quorum hodiè ma-
 gnus in bello usus. Ea etenim multis post an-
 nis inventa, & quidem autore humani generis
 hoste Diabolo. Verùm catapulta, ballista, &
 id genus aliæ mahinæ, quæ jaculandis saxis in-
 serviebant; id quod ex verbis sequentibus li-
 quidò patet. Tormentum enim generale voca-
 bulum est omnium machinarum, saxa, tela,
 & id genus varia torquentium. Cæsar 4. bell.
 Gall. Atq; inde fundis, tormentis, sagittis hostes
 propelli ac submoveri jussit. Cicero ad Catonem:
 lib. 15. Aggere, vineis, turribus oppugnavi, usq; tor-
 mentis multis.

Pag. 245. vers. 51. *Quò occupatius, hoc negligentiùs*] Non enim simul possumus facere multa, eademq; bene. Hinc rectè Xenophon. Lib. III. Institut. Cyri. Ἀδύνατον τὸν πολλὰ τεχνῶμενον πάντα ποιῆσαι καλῶς. *Impossibile est eum, qui multis operam impendit, omnia rectè facere.*

Pag. 246. vers. 44. *Piissimi viri interitum*] Nempè S. Canuti Ducis, quem Magnus, perjurus & perfidus parricida, tam nefarie trucidaverat.

Pag. 247. vers. 22. *Ad ultimum & regium absumpserunt*] Atq; ita & Magnus & Nicolaus, sanguine suo profuso, iustas meritasq; occiso Canuto dedere pœnas. Adeo rarissime impu-

nitate scelera gaudent. Inprimis verò Deus Opt. Max. & iustus Iudex, punire solet injustas cædes & homicidia. Omnes enim homicidæ injusti rapiuntur ad pœnas. Et licet aliquamdiu effugiant manus magistratus; tamen eos Deus mirabiliter ad pœnam retrahit. Hoc fit ita universaliter: *Qui gladium acceperit*, [scilicet non datum à legibus] *gladio peribit*. Sic olim percussorum Cæsaris neq; triennio quisquam amplius supervixit, neq; sua morte defunctus est. Damnati sunt omnes; alius alio casu perijt; pars naufragio, pars prælio. Nonnulli semet eodem pugione, quo Cæsarem violaverant, interfecerunt. Svetonius in Vita Cæsaris.

NOTÆ VBERIORES IN LIBRUM XIV. HISTORIÆ DANICÆ SAXONIS GRAMMATICI.

Pag. 247. vers. 16.

Perfidia exprobratione pulsabat] Hoc est, perfidiæ illis crimen objectabat, perfidiæ eos ac proditiōis accusabat. *Pulsare*, pro accusare, objurgare, affligere, vexare, defatigare, vel consimili significatione, apud alios bonæ notæ auctores obvium est; inprimis verò apud ævi posterioris scriptores. Valerius Maximus Lib. I. Cap. VI. *M. Crassus plurimis & evidentissimis, antè tantam ruinam, monstrorum pulsatus ictibus*. Sic crimine pulsari, apud Claudianum Libro de bello Gildonico: *Infamiâ pulsari*, apud Firmicum, Matheseos Lib. VIII. Cap. XIX. *Lite pulsatus*, apud Symmachum Lib. X. Epist. XLV. *Dolore pulsari*, Evgippius in Vita Severini. Cap. LXIV. *Invidiâ pulsari*, Adrevaldus in Translat. Benedicti Cap. VIII. Hanc verò nos syllogen debemus eruditissimo C. Barthio in Notis ad Phæbadium. pag. 104. Cui nos sequentia addimus: Ammianus Marcellinus Lib. XIV. pag. 18. *Eodem tempore Serenianus pulsata majestatis imperij reus à Lege postulatus*. Et Lib. V X. *Gravi mole criminis pulsabatur*. Eodem Libro, pag. 43. *Vitam pulsaturus infontis*. Et rursus ibidem: *Pulsare infontem*. Hericus, Monachus Altissiodorensis Lib. VI. de Vita S. Germani:

———— *Immodicæ pulsatus verbere februi*. Philoxenus Gloss. *Pulsat*, ἀντιᾶται, ὠθεῖ. Ibidem: *Pulsati*, κατακτιπόμενοι, ἀντιᾶσθες. Valerianus Cimelensis, Sermone de Bono disciplinæ: *Ne nostram negligentiam pulset*, id est, accuset. Valerius Maximus Lib. VI. Cap. II. *Pulsata est tunc eximij civis potentia, hinc invidiosâ querelâ, hinc lamentatione miserabili*. Videantur quæ suprâ annotavimus ad hæc verba Lib. I. Nec sua bilis Pectora pulset.

Pag. 249. vers. 5. *Solenni ritu proluvi jussi*

C Hoc est, Lustrici lavacri gurgite, & salutari Baptismatis fonte ablui & purgari.

25. *De sceptrato cucullatus evasit*] Magnus sceptro & regno privatus cucullum Monachalem induit, & assumpto habitu religioso, in Monasterium se abdidit. Quis verò tam obsecratus est naris, qui non hic statim istius ævi sordes olfaciat? Monstra vocabulorum, *sceptratus, cucullatus*: quæ tamen, & id genus alia, tenerius adamavit istius seculi barbaries, quàm simia suos pullos. Johannes Hantvillensis Archithrenij Lib. III. Cap. XVII.

Abfit ut hæc lateat sceptratos gloria —

A sceptro *sceptratus*, sicut à cucullo, *cucullatus* inflectitur. Sensus omnino est: Magnus ex Rege Monachus factus est.

35. *Tantis laudibus prosequi consueverat*] Hinc Emundi cognomentum sortitus est; quasi diceret *factatorem*, qui inanes flaret glorias; qui fortius dicere, quàm facere solebat, cujusq; virtus in linguâ unice sita erat: verè *Miles gloriosus* Plauti.

46. *Petri Botildæ filij collegium nactus*] Id est, Petrum Botildæ filium, conjurationis adversus Ericum Regem, socium, consortem, & ὁμόψηφον nactus. Eo namq; sensu Collegij vox usurpatur libro præcedente: *Qui se superius Henrico scelestissimi consilij collegio sociaverant*. Et paulo post: *Protinus collegio se pestiferæ conjurationis abrupti*. Et hoc ipso Libro: *Saxoniz Satrapam in armorum militiâq; collegium sollicitat*. Collegium etenim proprie societatem significat medijs ævi scriptoribus. Eleganter sanè autor Queroli: *In amicitiam & fidem stultum nè receperis*. Nam insipientum atq; improborum facilius sustinetur odium, quàm collegium. Prudentius Cathemer. Hymno circa Exequias:

*Nam quod requiescere corpus
Vacuum sine mente videmus:
Spatium breve restat, ut alti
Repetat collegia sensus.*

Ad quem locum ita Æl. Anton. Nebrissenfis: *Collegia alti sensus*, id est, societatem animi, qui altum sentit, & profundè intelligit. Sic *Collegium Fastorum*, pro Collegio Consulium, quorum nomina Fastis inferebantur, dixit Ammianus Marcellinus Lib. XVI. Et Libro XXIII. *In collegium trabæ adscisci*. Eucherius Epistola de Contemptu Mundi, ubi de duabus rebus agit, quæ maximè homines in negotijs seculi vinctos tenent, & eblanditis sensibus captos illecebrosò amore constringunt, videlicet, Opum voluptate & Honorum dignitate: *Hæc utraque*, inquit, *alternis nodis irretitis gressum impediunt, fallax complexa collegium*. Ubi pro *irretitis*, fortè *irretitum* est legendum, ut ad gressum referatur. Aldhelmus de Laudibus Virginitatis Cap. VII. *Inseparabilis Angelicæ sodalitatæ collegio perfrui mereatur*. Ità Collegium Episcopale, apud Optatum Afrum Milevitanum, Lib. I. nihil aliud quàm Episcoporum universum ordinem & societatem significare, rectè observavit Cl. Vir, Mericus Calaubonus, magni parentis haud degener filius, in eruditissimis suis ad eundem autorem Notis.

Pag. 250. vers. 7. *Cui, ex patientiâ, Agni cognomen obvenit*] Non secus ac Q. Fabius Maximus ex morum clementia *Ovicula* dictus. Autor de Viris Illustribus urbis Romæ. Nostratibus dictus est *Erich Lamb*. Helmoldus vocat *Ericum Spage*.

Pag. 251. vers. 1. *Ne singulariter in hostem procurreret*] Ne solus & absq; comitibus in hostem impetum faceret.

13. *Quæ reus patriæ bonorum pœna*] Reos patriæ, suo more & loquendi modo, eos hic appellat Saxo, qui hostilia adversus patriam arma tentarent; vel, ut ipsius verba Lib. V. habent, *qui inimicum civibus scutum attulissent*. Nostrates dicunt, *De som fore Affundstiole imod derts Sæberneland*. Nam de his ipsis talem quondam Legem tulerat Frotho III, Rex Daniæ, *ut rerum ac vitæ periculo pœnas luerent*. De qua vide Lib. V. Ad eundem verò modum loquitur noster infra Lib. XV. *Quorum patrimonium Vvaldemarus lege, quæ patriæ reos omnibus bonis damnat, adeptus*.

38. *Fabulosæ cujusdam opinioni credulus*] Ridiculâ planè superstitione quædam loca olim, quasi fatalia, & mali ominis, vitabant Reges Daniæ. Talem fuisse *Landoram*, innuere videtur Saxo. Sic & alia quamplurima in augustissimo hoc Daniæ regno loca Regibus fatalia esse, & non sine summo vitæ discrimine ab ijs adiri posse, credulum vulgus hodieq; existimat: ut sunt; in Selandia, *Heddinga* oppidulum, Pons *Vvera*; in mari Balthico, Samus in-

A sula; & nescio quæ non. Ità *Lincolniæ* civitas suspecta quondam fuit Angliæ Regibus. Gvilielmus Neubrigensis Lib. I. Cap. XVIII. Anno regni sui duodecimo, cum Rex Stephanus extortâ de manibus Comitû Cestrensis civitate *Lincolniâ* potiretur, ibidem in celebritate Natalis Domini solenniter voluit coronari: *vetustam superstitionem, quâ Reges Anglorum eandem civitatem ingredi vetabantur, laudabiliter parvipendens*. Deniq; *incurtante ingressus*, nihil *sinistri ominis*, sicut illa *vanitas comminabatur, expertus est*; sed regia coronationis solennibus adimpletis, post dies aliquot, cum exultatione, & superstitionis vanitatis derisione, egressus est.

Pag. 252. vers. 54. *Non tam pudicitia, quàm parentelâ conspicuam*] Parentela familiam, cognationem, progeniem, prosapiam, consanguinitatem significat. Jul. Capitolinus in Gordiano: *Gordianus, priusquam ad bellum proficisceretur, duxit uxorem filiam Mithrei, doctissimi viri, quem causâ eloquentiæ dignum parentelâ suâ putavit*. Valerianus Cemelienfis Homiliâ I. de Bono Disciplina, pag. 139. *Non ita Propheta gradum parentelæ, aut necessitudinem consanguinitatis exposuit, ut extraneos a gratiâ fraternæ dilectionis excluderet*. Cæsarius Heisterbachensis Libr. I. Cap. XXXVIII. de Abbate Philippo: *Hic cum esset de honesta parentelâ natus*. Petrus Chrysologus Serm. CXL. *Una puella sic Deum in sui pectoris caput, recipit, oblectat hospitio, ut pacem terris, cœlis gloriam, salutem perditis, vitam mortuis, terrenis cum cœlestibus parentelam, ipsius Dei cum carne commercium, pro ipsa domus exigat pensione*. Ivo Carnotensi Epist. CXXX. *Ordo autem parentelæ supra scriptus est*. Dudo S. Quintini Decanus Lib. II. de Moribus & Actis Normannorum: *Parentelam diffusa generositati vestri Senioris, casusq; & labores vestros, nobis retulerunt plurimi*. Frequens etiâ vox est in veter. II. Burgund. Salic. Longobard.

Pag. 254. vers. 28. *Per eadem tempora Romanus Antistes*] Is fuit Eugenius III; à quo primum indicta fuit in Palæstinam expeditio, circa Annum Christi c. C. XLV. Sed mox anno sequenti & altera adversus Boreales populos, adhuc paganos, ab eodem Pontifice Evgenio III. indicta fuit expeditio, cujus hic meminit Saxo noster. Otto Frisingensis, & ipse unus ex cruce signatis, ijs, qui huic expeditioni, tam Orientali, quàm Boreali, nomina dabant sua, diversas pro tessera militari Sanctæ Crucis imagines datas fuisse commemorat Lib. I. Cap. XL. *Saxones verò*, inquit, *quia quasdam gentes, spurcitijs idolorum deditas, vicinas habent, ad Orientem proficisci abnuentes, cruces itidem, easdem gentes bello attentaturi, assumpserunt, à nostris in hoc distantes, quod non simpliciter vestibus assuta essent, sed à rota subterposita in altum protendebantur*. Videatur doctissimus Purpuratorum Patrum, & Chronographus diligentissimus, Cæsar Baronius,

nus, Annal. Ecclesiast. Tom. XII. pag. 210. ad Annos Christi 1145. & 1146. Cæterum longè antè tempora hujus Evgenij, Urbanus, Pontifex Romanus, Anno Domini c1o XCV, Concilio generali apud Clarum montem habito, expeditionem in Terram Sanctam primus edixit, moremque hunc instituit, ut qui ad Hierusolyam, de manu ac servitute infidelium liberandam, proficiscerentur, vestibus suis in signum voti, & futuræ peregrinationis, Crucis notam imprimerent. Sic etenim VVilhelmus Tyrius, Archiepiscopus Metropolitani, qui Historiam Belli Sacri verissimam & utilissimam conscripsit, Lib. I. Cap. XVI. Convenerat autem apud omnes, & id ipsum de mandato Domini Papæ injunctum fuerat, ut quotquot prædictæ viæ voto se obligarent, vivificæ Crucis salutare signum vestibus imprimerent, & in humeris, illius sibi portarent memoriam, cujus passionis locum visitare proposuerant; illum imitantes, cui ad nostram redemptionem properanti, factus est principatus ejus super humerum ejus.

30. Universos Christianæ credulitatis hostes] Christianæ religionis & fidei hostes. Credulitas enim hic fidem denotat; sicut etiã infrà: Exemplumque ei corrigendæ credulitatis proponeret. Eadem notatione usurpasse hanc vocem reperies Salvianum Massiliensem Lib. III. contrà Avaritiam, pag. 126. Licet credulitatem tuam verbis velis asseverare, non credis. Et infrà: Non quæro, ut mihi credulitatem tuam superioris vitæ actibus probes. Et pag. 136. Satis te firmum existimas credulitatis habere subsidium. Itã etiã apud Petrum Chrysologum, Sermonē CLIX. Sicut illi Magi, qui sunt fidei nostræ duces, credulitatisque Principes. Et Sermonē sequenti: Quia tunc ex Magorum fide est Gentium credulitas dedicata, & Judæorum notata crudelitas. Usus est eodem vocabulo Gregorius Turonensis, de Gloriâ Confessorum, Cap. XXVII. de Martiali Episcopo: Everfisque simulacrorum ritibus, repletâ jam credulitate Dei urbe, migravit à seculo. Valerianus Cemelienſis Epistolâ ad Monachos: Ut doctrinæ ordine constituto, cum Romanis prædicari credulitatem vestram in toto orbe cupientes. &c. Aliàs Credulitas in vitio ponitur: ut & Credulus, pro eo, qui facillè & citò nimis credit, proindeque, ut est apud Plautum, actutum fallitur.

Pag. 256. vers. 1. Paterna in Canuto merita perosus] Quòd scilicet Magnus Canuti pater, Waldemari patrem Canutum interfecisset. Vide F suprâ Lib. XIII.

21. Et salutis desperatio] Desperatio sæpè addit animos. Tacitus Lib. IV. Annalium: His partæ victoriæ spes, & si cedant, insignitius flagitium: illis extrema jam salus, & adſistentes plerisque matres & conjuges, earumque lamenta, addunt animos. Imò sæpè Desperatio victoriæ causa fuit. Exemplo possunt esse Locrenses, qui numero quindecim millia, & vitæ & victoriæ spe

A abjectâ, centum viginti millia Crotoniatarum in fugam conjecerunt. Qua de re locus est Justiniani elegantissimus Lib. XX. Cap. III. Itaque, cum in aciem processissent, & Crotoniensium centum viginti millia armatorum constitissent, Locrenses paucitatem suam circumſpicientes [nam sola quindecim millia militum habebant] omisâ spe victoriæ, in destinatam mortem conspirant; tantusque ardor ex desperatione singulos cepit, ut victores se putarent, si non inultè morerentur. Sed dum mori honestè quærunt, feliciter vicerunt; nec alia causa victoriæ fuit, quàm quòd desperaverunt. Sic & olim Themistocles, timens, nè interdusi hostes desperationem in virtutem verterent, & iter, quod aliter non pateret, ferro patefacerent, Xerxem occupare transitum maturatâ fugâ jubet. Idem Justinus Lib. II. Cap. III. Itã etiã Q. Metellus, cum in hostem suos ire periculoso loco juberet, facientibus omnibus in procinctu testamenta, velut ad certam mortem eundem foret, non deterritus proposito, quem moriturum miserat, militem victorem recepit. Tantum effecit mistus timori pudor, spesque desperatione quæsita. Vell. Paterculus 2. Hinc Virgilius Æneid. 2.

Una salus victis, nullam sperare salutem. Ideò rectè monet Vegetius de re militari Lib. II. Cap. XXI. non semper hostes locorum angustijs, aut armatorum multitudine circumdandos; quòd clausis ex desperatione crescat audacia, & cum spei nihil est, sumat arma formido. Libenter enim cupit commori, qui sine dubio scit se moriturum. Item Lib. IV. Cap. XXV. fradet civibus fugiendi potestatem esse concedendam. Necessitatis enim quadam virtus est desperatio. Vel ut alij legunt: Necessitas quadam virtutis est desperatio, Q. Curtius Lib. V. Ignaviam quoque necessitas acuit, & sæpè desperatio spei causa est. Apud Tacitum, Histor. Lib. III. Vitellio quis autor est, ut desperatione saltem in audaciam accingeretur. Quamobrem cum desperatis pugnare summæ temeritatis est & periculi. Qui enim mori constituunt, illi mortem suam ulciscuntur acerrimè, & apud inferos cœnaturi, plures secum umbras adſitas Plutonis epulas adducunt. Unde rectè inquit Bodinus Lib. III. de Republ. Cap. VII. Infelicitè cum desperatis hominibus bellum geritur, qui cum nullam, si vincantur, salutis aut præsidij spem habent, desperatione victoriam sæpissime adipiscuntur. Et Josephus de bello Judaico Lib. 1. Cap. 14. Hostes audaciores facit victoriæ desperatio. Ut & Jovius Lib. 2. Historiar. Ultima necessitas desperatos in rabiem vertit; & plerumque, qui penitus de vita desperant, ex timidis longè pugnacissimos facit. Hinc rectè Vespasianus in quadam pugna cum Judæis, militibus suis imperat, nè cum hostibus mortis avidis manum confererent. Nihil enim est impetuosius desperatis. Josephus Cap. 3. Quod præceptum optime inter alios novit Agésilæus Lacedæmonius, qui cum intellexisset in acie, hostes locorum condi-

tionem clausos desperatione acrius dimicare, suorum ordines laxavit, & ad evadendum viam aperuit, rursusque in abeuntes contraxit aciem, atque ita sine suorum sanguine hostes cecidit.

Pag. 260. vers. 37. *Saltus contulis edunt*] Hæc mens est autoris: Frisij scrobes, quibus agros suos cingere solent, ubi ita usu venit, hastis, longurijs, sive contis transiliunt. *Saltus edere* suo more dixit pro *transilire*: quemadmodum *dare saltus* Ovidius Lib. III. *Metamorphos.*

Doq; leves saltus, udeq; immitto arenas;
Et paulo infra:

Undiq; dant saltus, multaq; aspergine rorant.

Contulus autem diminutivum à *tol* *Contus*. Belgæ Polæ - *stock* vocant. Hodieque sunt ejusmodi conti in usu tam Frisij quam Hollandis, cæterisque, qui loca palustria incolunt.

Pag. 261. vers. 53. *Fridericum Romano recenset imperio functum*] Intelligit Fridericum, ejus nominis Primum, cognomento *Ænobarbum*, sive *Barbarossam*, antea Svevorum Ducem, qui Anno Christi c. C. LII. Imperator Romanus Aquisgrani coronatur: teste Ottone Frisingense Lib. I. Cap. I. de gestis ejusdem Friderici.

Pag. 262. vers. 7. *Conradi Cæsaris*] Ejus nominis III; in cujus aula Sveno hic noster, una cum Friderico, postea Imperatore, diu educatus fuerat.

15. *Mersburgum oppidum Teutonice nobilitatis frequentiam repletum*] Illic enim tum temporis Comitia Imperij magnâ solennitate peragebantur. Ad quæ Fridericus Imperator etiam Svenonem nostrum, sub specie quidem & prætextu veteris amicitie firmandæ, sed re verâ, ut vi & minis adigeret ipsum ad imperata faciendâ, [quomodo eventus docuit] evocaverat. Attingit Historiam hanc non ipse solum Fridericus Imperator in Epistola ad patrimum suum Otthonem, Episcopum Frisingensem: sed & duo nobilissimi ejus seculi scriptores, Ottho modo nominatus, & Guntherus Poeta: qui tamen, quasi de compacto, eundem errorem omnes errant, *Svenonem* perperam appellantes *Petrum*: *Canutum* verò *Guidonem*, *Guvotonem*, *Gvirttonem*, & nescio quid non; quum fortè *Cnutonem*, more istius seculi, eum vocare in animo habuerint. Verba Friderici ita habent: *Post primam unctionem Aquisgrani, & acceptam coronam Teutonici regni, generalem Curiam, Mersburgk, in Pentecoste, celebravimus: ubi Rex Danorum Petrus [qui nobis Sveno est] ad Curiam nostram vocatus venit, & homagio ac fidelitate nobis factâ, coronam regni de manu nostrâ accepit.* Ottho Frisingensis rem ita commemorat Lib. II. Cap. V. de gestis Friderici: *Erat illo tempore in regno Danorum, inter duos consanguineos, Petrum scilicet, qui & Svevus, [Sveno, rectius] & Guvotonam [Cnutonem dicere volebat] de regno gravis controversia.* Quos Rex ad se venire præcipiens, Curiam magnam in civitate Saxonie Martinopoli, quæ & Mer-

seburg, cum multâ Principum frequentia habuit. Eo præfati juvenes venientes, ejus se mandato humiliter supposuerunt: eorumque ad ultimum causa, iudicio seu consilio primatum, sic decisa fuisse dicitur: ut *Guvoto*, relictis sibi quibusdam provincijs, regium nomen per porrectum gladium abdicaret: [est enim consuetudo Curie, ut regna per gladium, provincie per vexillum, à Principe tradantur, vel recipiantur] *Petrus* verò, accepto ab ipsis manu regno, fidelitate & hominio ei obligaretur. Itâ corona regni per manum Principis sibi impositâ, in die sancto Pentecostes, ipse coronatus, gladium Regis sub corona incidentis ipse portavit. *Gualdemarus* etiam, quæ ejusdem sanguinis particeps fuit, Ducatum quandam *Daniæ* accepit. Ad eundem modum *Guntherus*, insignis isto ævo Poeta, qui vitam & res gestas *Friderici Barbarossæ*, luculento Poematio descripsit, Lib. I. *Ligurini* sui, totum hoc negotium exponit:

Postea Saxonie fines ingressus, ad illam, Quam Martinopolim vocat incola Teutonum, urbem,

Concilium Procerum, toto de corpore regni Convocat: ut digno celebretur Curia cætu. Tempore solenni, quo Spiritus almus ab alto Cum sonitu veniens in pectora sancta piorum Ignea distinctis effudit lumina linguis. Huc etiam geminos, Petrum simul atq; Guidonem,

Danorum proceres, quos inter sanguine junctos Moverat ejusdem regni dissensio litem, Evocat, ac tali causam ratione diremptam Terminat, ut quædam provincia tota Guidoni Cederet, at regnum cum nomine Petrus haberet. Ergo ubi vexillo partem, quam diximus, ille, Hic autem gladio regnum suscepit ab ipso. [Hunc etenim longe servatum tempore morem Curia nostra tener] posito diademate Petrus Regali dextrâ tulit alti Principis ense, Præcessuq; sacram brevius diadema coronam.

Pag. 263. vers. 45. *Nicolaus urbis Romæ Cardinalis*] De Nicolao hocce Cardinale, qui natione Anglicus, & Albanensis Episcopus fuit, operæ pretium est consulere *Gvilielmum Nevbrigensem*, Lib. II. Cap. VI. ubi totam ejus à puero vitam luculenter describit, & inter alia, de Legatione ista Danica pariter ac Norvagica, hæc subjungit verba: *Non multo post, sumptu industria ejus experimentu, ad gentes ferocissimas Dacorum & Norrigozum, cum plenitudine potestatis, direxit Legatum.*

47. *Maximi Pontificatus titulu insignivit*] Snoro Sturlasonius circa Annum Christi c. C. LIII. Norvagian Archiepiscopus accepisse testatur, in Historia trium fratrum simul imperantium, Sigurdi, Ingonis, & Disteni, his verbis: *Per eadem tempora, dissensione quadam inter Reges coortâ, in Norvagian appulit Nicolaus, Urbis Romæ Cardinalis, Legatus Pontificius, qui primum in Norve-*

Norvegia Archiepiscopatum erexit, Nidrosiâ sede Archiepiscopali, sive Metropolitana, constitutâ. Primusq; ab ipso consecratus est Archiepiscopus Jonas Byrgeri filius, antea Episcopus Stavangriensis. Meminit etiâ hujus legationis Baronius ad Annum Christi cło. C. LIV. Processu verò modici temporis, Eugenius III, Pontifex Romanus, cognitâ ipsius honestate, & prudentiâ, de latere suo eum ad partes Norvegiæ Legatum Sedis Apostolicæ destinavit, quatenus verbum vitæ in ipsa provincia prædicaret, & ad faciendum omnipotenti Deo animarum lucrum B studeret. Ipse verò tanquàm minister Christi, & fidelis ac prudens dispensator mysteriorum Dei, gentem illam barbaram ac rudem, in lege Christiana diligenter instruxit, & ecclesiasticis eruditionibus informavit.

Pag. 264. vers. 4. *Sveticî Sacerdotij insigne*] Fortè Pallium Episcopale ut vocant, intelligit, quo investiri solebant tum temporis novi Episcopi, sed magnis impensis redemptum.

10. *Decedente Eugenio Maximus Pontifex surrogatus est.*] Eugenio III, Pontifici Romano, defuncto, proximè successit Anastasius. Anastasio, quum anni unius Pontifex fuisset, successit hic Nicolaus, postea dictus Adrianus. Gvilhelmus Neubrigenfis loco dicto: *Evolutis diebus non multis, Anastasio, qui Eugenio successerat, decedente, omnium in eum votis concurrentibus, Romanæ Urbis Pontificatum suscepit, factus ex Nicolao Adrianus.* Videatur etiâ Baronius ad Ann. Christi cło. C. LIV. & LV.

17. *Militiæ negotium ingens, fructus exiguus fore*] Idipsum responsi loco Legati Vexoris, Regis Ægyptij, quondam à Scythis retulerunt, ut est apud Justinum Lib. II. Cum etenim is bellum adversus Scythas moliretur, missis prius legatis, qui hostibus parendi legem dicerent, Scythæ jam antea de adventu Regis à finitimis certiores facti, legatis respondent: *Miramur tam opulenti populi ducem stolidè adversus inopes occupasse bellum, quod magis domi fuerit illi timendum; quòd belli certamen anceps, præmia victoriæ nulla, damna manifesta sint* Sic Josephus Devonius Lib. VI. de bello Trojano:

— *Bellum pendit, quòd causa pudori, Congressus damnis, & commoda nulla triumphis.*

Huc pertinet quoq; πολυθρόνων illud Augusti Cæsaris, quo minima commoda non minimo sectantes discrimine similes ajebat esse aureo hamo piscantibus, ejus abrupti damnum nulla captura pensare posset.

Pag. 265. vers. 7. *Cæsis nemoribus, truncarum arborum coagmentis*] Arboream illam struem, quâ agrestes, hostium irruptionem metuentes, faucium angustias præcludere solent, Latini unico vocabulo Concadem appellarunt. Tacitus I. Annal. *Castrain limite locat, frontem ac tergum vallo; latera concediis munitis.* Vegetius

Libro III. Cap. XXII. *Et rursus post se præcis arboribus vias claudunt, quas concedes vocant.* Ammianus Marcellinus pag. 110. *Celsarum arborum obistente concede, ire procius vetabatur.* Et Lib. XV. *Concede arborum densâ undique semitis clausis.* Qui & ibidem talem concedem paucis describit: *Indem diebus, exercitum adventu perterriti Barbari, qui domicilia fixere cis Rhenum, partim difficiles vias, & suapte naturâ lixosas & incommenabiles, clausere solenter, arboribus immensi roboris cæsis.* Et Lib. XVII. *Uicibus incisis, & fraxinis, roboreq; objecto magno, semitas invenerunt constratas.* Paulus Warnefridus Hitor. Longobard. Lib. III. Cap. IV. *Concisus dixit: Facta etiam concisis per devia silvaram.* Nostrates Braader dicunt: at huage Braader veti Beyen.

Pag. 268. vers. 40. *Henrici Ducis*] Hic ille est Henricus, Saxonie Dux, cognomento Leo; qui postea à Friderico I. Imperatore proscriptus, & in exilium pulsus. Videatur Helmoldus.

Ad focerum] Videlicet Conradum, cognomento Pium, Marchionem Misniæ, cujus filiam Adelheidam Svenno duxerat; sicuti paulo antea tradidit Saxo.

Pag. 270. vers. 33. *Concubinarj filij*] Filius concubinaris is fortè erit, quem ex concubina suscepit. Vox admodum rara.

Pag. 271. vers. 27. *Saxonum Satrapæ Henrico*] Meminit quoq; rei gestæ Helmoldus, Chron. Scia vor. cujus verba apponenda putavi, quæ ita habent: *Ducem Henricum Leonem Curia redeuntem adierunt Principes Saxonia, interpellantes, ut fieret Svein auxilio, & reduceret eum in regnum suum. Promisitq; Duci Svein pecuniam immensam. Collectâ ergo maximâ militiâ, Dux noster, hiemali tempore, reduxit Svein in Daniam, & statim aperte sunt ei civitates Slesv. & Ripa. Non tamen ultra prosperari poterant in negotio.*

Pag. 272. vers. 15. *Hesbernus solus*] Fuit Hesbernus ille, Schjalmonis Candidi ex filio Asçero Rôgh nepos, post dictus Snare/ ex hujus itineris inopina celeritate. Snar etenim Danis celerem significat.

Pag. 274. vers. 44. *Ringstadio susceptum expertus*] Antea hic legendum patavi, *susceptum exspatiatus*, pro, ad suscipiendum. Verum tolerari potest prior lectio. Etenim sensus est: Cognito Svenonem Ringstadium pervenisse: cum Canutus fando conperisset Svenonem è Lalandia Ringstadium appulisse. *Suscipi Ringstadio; quemadmodum Actôr. III. v. 21. de Christo dicitur; Oportet Christum cælo suscipi, sive capi: ὃν οἱ 8, πρὸν δεξαμέσ; :* sed non tanquàm loco alicui affixum: quod absit cogitare, nedum dicere. Christus enim Deus & homo tam secundum humanam, quàm divinam naturam, est ubiq;.

Pag. 275. vers. 15. *Infantilibus blandimentis jocatum*] Justinum suum, ut antea sæpius, hoc loco

loco quoq; expressit Saxo. Sic etenim ille Lib. A *taverunt cognatum suum Svein, ut exhiberent ei honorem, & recreationem, & consolarentur eum super omnibus malis, quæ irrogaverunt ei in die hostis & belli. At ille pro ingentia sibi crudelitate, ubi convivio assedit, & vidit reges convivas impavidos, & omni suspitione vacuos, cepit rimari aptum insidijs locum. Tertia ergo die convivij, cum jam tenebræ noctis adessent, annuente Svein, allati sunt gladij, & insilientes regibus incautis, Canutum repente confodiunt. At ubi percussor libavit ictum in caput Valdemari, ille fortius exiliens lumen excussit, & salvante Deo, in tenebris elapsus est, uno tantum vulnere saucius.*

18. *Minutioribus poculis*] In eandem ferè sententiam Macrobius Lib. 2. Saturnal. Cap. I. *Hic ubi modestus edendi modus cessare fecit castimoniam ferculorum, & convivialis lætitia minusculis poculis oriebatur.*

22. *Tabulato non suppetente*] Quum ad manum non esset Abacus, seu Alveolus luforius. Id enim hoc loco significat *Tabulatum*: quod alijs optimæ notæ scriptoribus *Tabula* dicitur. Hinc *Tabula alearis* Tertulliano de Carne Christi: *Tabella alearis* Cœlio Anreliano Lib. II. Tard. Passion. Cap. I. *Tabula alcatoria* Festo. *Tabula lusus* Ambrosio Sermone XXXIII & Prospero de gloria Sanctorum. *Ad tabulam ludere* P. Diacono Lib. I. Cap. XX. Videatur Sidonius Apollinaris Lib. I. Epist. II. Isidorus Origin. Libr. XVIII. Cap. LX. Concilij Elibertini Canon. LXXIX. Lucanus in Panegyrico ad Pisonem. Græcis eadem notione *τάβλα*, vel ut alij legunt, *ταύλη*, *Tabula* est, in quâ luditur tesseriis. Corona Pretiosa: *ταύλη*, *ταυλίον*. Fritillus. Ital. *Tavolier*. Gall. *Tablier*. Quod convenit cum Danico nostro *Tawel*/quod etiâ pro alveolo luforio sumitur. Hinc totiens in antiquis Cantilenis occurrit: *Hand faste Tærning i forgylden Tawel*: pro quo hodiè *Bretspil* dicimus. Alioquin *Tabulatum* pro tabulâ quâcunque usurpavit Valerianus Cemeliensis Homilia XX. *Requiramus cujus sit vitium, quod tenui tabulato hominis vita committitur, & dubijs casibus incerta tentantur.*

27. *Pòst ærumnas malorum meminisse*] Cicero Epist. XII. Lib. V. ad Familiar. *Habet præteriti doloris secura recordatio delectationem.* Seneca Tragicus Hercule Furente:

————— *Quod fuit durum pati,*
Meminisse dulce est. —————

Autor incertus de Moribus, Libro I. Epigram. E *Veterum*:

Aspera perpassu fiunt jucunda relatu.

Euripides: Ἀλλ' ἡδὺ τὸν σωθέντα μεμνηῖος πό-
νῳ.

Suave est è periculis liberato malorum meminisse.

Ità & Æneas suos ad patientiam hortatur Lib. I. Æneid.

————— *Forsan & hæc olim meminisse juvabit.*

42. *A subornatis ferrum distingitur*] Hel-
moldus tragicam hanc scenam, & cœnam verè
Thyestæam, [cui quodammodo comparari po-
terit convivium illud, quod olim Abfalon in-
fratris sui Amnonis perniciem instruxit, de quo
legere est Reg. II. Cap. XIII. v. 27, 28, & sequent.]
hunc in modum exponit: *Post hæc Canutus &
Voldemarus fecerunt convivium maximum in Se-
lande, in civitate, quæ dicitur Roskilde, & invi-*

Pag. 277. vers. 19. *Internitentium fulminum
ictibus micans*] Eucherius Epistola de laude Ere-
mi: *Expavit hinc micantia expressis ignibus ful-
gura, & tonitrua crebris fragoribus, mixto buccina-
rum clangore, reboantia.*

Pag. 279. vers. 23. *Ferrugineis succincta tuni-
cis*] Per *ferrugineas tunicas* hic intelligit Saxo vel
ferreas loricas, vel etiâ tunicas pullas, & fer-
ruginei coloris, ut & horrorem incuterent, &
simul ferreas loriceas mentirentur. Id quod
verba indicant mox sequentia: *Quam Svenonicis
ob eximiam ferri similitudinem vario loricarum ge-
nere excultam rati, in eam cohortem exercitus sui
cuncum distrinxerunt.*

Pag. 283. vers. 3. *Sacrificia deinde legitimis verbis
confecta*] *Sacrificia* Saxonem dixisse pro *Sacramen-
tis*, more loquendi isto ævo usitato, nullum est
dubium: quo scilicet, Sacrosanctum illud
Corporis & Sanguinis Christi mysterium, *Sa-
crificium* pro vivis & mortuis esse, statuerunt.

Pag. 289. vers. II. *Scuta pul[s]are cœperunt*] Anti-
quissimus hic mos militaris, quo milites ad ter-
rorem hostibus incutiendum, clypeos gladijs,
vel hastis percutiebant, & armis inter se colli-
sis, ingentem excitabant tumultum. Tacitus
Lib. II. Historiar. *Ingerunt desuper Othoniani
pila, librato magis & certo ictu, adversus temere
subeuntes cohortes Germanorum, cantu truci, & mo-
re patrio nudis corporibus, super humeros scuta qua-
tientium. Livius Lib. 21. de Gallis: Galli occur-
sant in ripam cum varijs ululatibus, cantuq; moris
sui, quatientes scuta super capita, vibrantesq; dex-
tris tela. Idem Lib. XXXVIII. de iisdem lo-
quens Gallis: Procerâ corpora, promissæ & rutilatæ
comæ, vasta scuta, prælongi gladij: ad hoc cantus in-
euntium prælium, & ululatus, & tripudia, & quati-
entium scuta, in patrium quendam morem, horren-
dus armorum crepitus, omnia de industria composita
ad terrorem. Diodorus Siculus Lib. II. Clypeos
hastis percutere iræ signum fuisse usurpatum.
Ægyptijs docet. Q. Curtius Lib. X. Sequitur
phalanx hastis clypeos quatients. Ammianus Mar-
cellinus Lib. XIV. Quibus occurrere bene pertinax
miles explicatis ordinibus parans, hastisq; feriens scu-
ta: qui habitus iram pugnantium concitat, & pro-
ximo jam gestu terret. Idem Libro XV. Milita-
res omnes horrendo strepitu scuta genibus illidentes,*

quos

quod est prosperitatis plenum indicium. Nam contra, cum hastis clypei feriuntur, iræ documentum & terroris. Libro XVI. Ardoremq; pugnandi, hastis illidendo scuta, monstrantes. Lib. XXI. unanimi consensu, voces horrendas, immensi scutorum fragore, edentes. Lib. XXXI. Horrendo fragore, sonantibus armis, pulsusq; minaci scutorum, territi barbari.

Pag. 290. vers. 10. *Superati sine præliq barbari*] Barbaros Saxo hic vocat Sclavos, sicut & ipsos Germanos, alibi passim: modo scilicet loquendi suo seculo usitato, non contemptu. Ità Romani vocarunt omnes extrà limites Imperij sui, Græcis exceptis: à quibus tamen ipsi vicissim audierunt *Barbari*. Cato apud Plinium Lib. XXIX. Cap. I. *Nos quoq; [puta Romanos] Græci Barbaros dictitant.* Et Pyrrhus Romanam conspiciatus aciem: *Ordo hic, inquit, Barbarorum, non est barbarus.* Plutarchus in Pyrrho. *Ægyptios item omnes, qui alià, quàm ipsi, linguà utantur, appellare Barbaros, annotavit Herodotus Lib. II.* Ità D. Paulus Apostolus ad Corinth. I. Cap. XIV. commate XI. *Si nesciero virtutem vocis, ero ei, cui loquor, barbarus; & qui loquitur, mihi barbarus.* Joh. Gvilielmus Stukius in Periplum maris Erythræi pap. 7. *Vox Barbari, inquit, & generatim usurpatur, & speciatim. Generatim enim quemvis rudem & imperitum absurdà & inconditâ voce linguâq; utentem; item alienum & extraneum deniq; Græcis eum, qui non est Græcus; Latinis eum, qui non est Latinus, significat. Speciatim idem vocabulum certis quibusdam populis, locis, atq; regionibus applicatur.* Sic autem & alios medij juxta, ac posterioris ævi scriptores locutos comperimus. Ecchehardus Junior, Monachus S. Galli, qui extat inter rerum Alamannicarum scriptores Melchioris Goldasti, Cap. III. eo utitur sensu: *Barbaricè clamans, inquit, hoc est, Alamannicè: quomodo rectè exponit Optimus Goldastus in Notis, pag. 287. Barbari etenim Alamanni, sive Germani, κατ' ἐξοχήν.* Walafridus in Vita Galli, Prologo Lib. I. *Priori nomine nos appellant circumscripta gentes, quæ Latinum habent sermonem: sequenti nos usus nuncupat Barbarorum.* Et Cap. VI. de B. Gallo: *Non solum Latinæ, sed etiàm barbaricæ locutionis cognitionem non parvâ habuit, id est, Alamannicæ linguæ.* Et Cap. XXV. *Ad utilitatem barbarorum benè prolata interpretando transfunderet, hoc est, Alamannorum.* Paderbornensis Monachus Annalium de gestis Caroli Magni Lib. I.

quod barbara lingua

Nominat Eresburg.

Et eodem libro:

Nomen Heristalli dederat cui barbara lingua.

Sidonius Apollinaris Lib. IV. Ep. XVI. ad Arvogastum: *Sic Barbarorum familiaris, ut tamen nefcius barbarismorum.* Videndus doctissimus Savaro in Notis, & Commentarius Goldasti ad

Einhardum. Quare non est, quod tantopere fugillet Saxonem nostrum Henricus Meibomius; cætera Vir doctus, qui Apologie suæ pro Othone IV. Imperatore, pag. 103. plane ipse nescit, quam infamiæ notam tam divino scriptori nostro inurat, quod Germanos alicubi Barbaros vocaverit: cum is usus vocabuli a tate Saxonis fuerit; nec desint autores, quibus nittatur. Eandem planè litem bonis scriptoribus intenderat olim Irenicus Lib. II. Exegeicos Cap. XXXIV. *Itanè, inquit, Germani sunt barbari?* Sed nervosè respondet Vir subacti judicij, Fredericus Tilemannus, Discursus Philologici, pag. 253. quem Historiarum Studiosi nocturnâ diurnâq; manu versare debent: *Barbari dicuntur à plurimis Germani, & à Bonfinio Decad. IV. Lib. V. Quod Irenico durum videri non debet; cum æquivocum sit vocabulum, & semper referendum ad Autorem, cui omnes barbari sunt, qui non eandem, sed penitus incognitam auctori Dialectum eloquuntur, teste Apostolo in I. ad Corinth. XIV. Cap. v. XI. Atq; illo sensu Italia Plauto in Prologo Trinumi vocatur Barbaria. Et Hebræi Ægyptios, gentem humanissimam, sine contumeliâ [nec enim mores, sed linguam attendebant] Barbaros appellant: ut in principio Psalmi CXIV. Rabbi David Kimhi annotavit: veluti & Hebræos à Græcis scriptoribus barbaros dici notissimum est.*

Pag. 291. vers. 18. *Mer si lapidis exemplo perituros]* Haud dissimili ritu Romani olim in feriendis fœderib; uti solebant. Polybius in commemoratione fœderis inter Carthaginenses & Romanos icti sic scribit: *Romani Jovem lapidem, secundum vetustissimum ritum, ac per Martem jurarunt.* Ritus verò jurandi per Jovem lapidem, fuit hujusmodi: Fecialis sumpto in manibus lapide, postquàm de fœdere inter patres convenerat, hæc verba dixit: *Si rectè, ac sine dolo malo hoc fœdus, atq; hoc jusjurandum facio, dii mihi cuncta felicia præstent. Sin aliter aut ago, aut cogito, cæteris omnibus suis, in proprijs legibus, in proprijs laribus, in proprijs templis, in proprijs sepulcris, solus ego peream, ut hic lapis è manibus meis decidet.* Nec plurà locutus, manu lapidem dejiciebat. Sic etiàm Festus: *Lapidem filicem tenebant juraturi per Jovem, hæc verba dicentes: Si sciens fallo, tum me Diespiter, salvâ urbe arceq; bonis ejiciat, ut ego hunc lapidem.*

26. *Circà tria tempora maxime cogitationem expendit]* In hanc sententiam Seneca alicubi: *Si prudens est animus tuus, tribus temporibus dispensetur: præsentia ordina, futura provide, præterita recordare. Nam qui nihil de præterito cogitat, perdet vitam; qui nihil de futuro præmeditatur, in omnia incautus incidit.*

Pag. 292. vers. 3. *Saxonæ Satrapam]* Henricum Leonem: quem Svenò antea ad partes vocaverat, deq; societate belli gerendi sollicitaverat.

7. *Navigio Draconem simulante]* Navigio, quod instar Draconis tortuosas habebat proras;

proras; quomodo Lib. VIII. loquitur Saxo de A navigio Thririkari cujusdam, qui Ringonis castra sequebatur: vel quod insigne Draconis habebat, & ut Nonnus alicubi loquitur, ἀντίτυπον μίμημα Δρακοντέοιο προσώπου. Naves etenim antiquitus nomina fortiri solebant vel à forma, vel ab insignibus: quod hodieq; est usitatissimum apud omnes gentes & nationes. A forma *Pristis* dicta navis quædam fuit. Nonius Marcellus de genere navium Cap. XIII. *Pristis navigij genus, à formâ Pristium marinarum, quæ longi corporis sunt, sed angustij.* Insignia fuere vel imagines deorum, sub quorum essent tutelâ: vel animalium, ut centauri, draconis, chimææ, tigridis, arietis, tauri, leonis, & cæterorum. Deorum verò nomina vel erant inscripta & picta navibus, vel eorum simulachra in puppe posita. Virgil. Lib. V. & X. *Æneidos.* Silius Italicus Lib. IV. & XIV. Actor. Apostol. Cap. ult. vers. XI. Lazarus Bayfius de re navali pag. 40.

Pag. 294. vers. 17. *Per patrem vos*] Solennis hæc clausula est Orationum, quas habuisse ad exercitum suum Imperatores ac Duces constat. Sic in Oratione Darij, quâ Sarrapas suos ad extremum prælium adhortatur, apud Curtium Lib. V. *Per ego vos decora majorum, qui totius Orientis regna memorabili cum laude tenuerunt: per illos viros, quibus stipendium Macedonia quondam tulit: per tot navium classes in Græciam missas: per tot Regum trophæa oro & obtestor, ut nobilitate vestra gentisq; dignos spiritus capiat.* Utitur etiâ Dido apud Virgilium *Æneidos* Lib. 4. sed orandi tantum causa:

— *Per ego hæc lacrymas, dextramq; tuam te,
Per connubia nostra, per inceptos Hymenæos
Oro.* —————

Plura exempla brevitatis causâ recensere super sedeo.

Pag. 297. vers. 18. *Gallia Alexandro obtentui fuit, Germania, autore Casare, Octaviani partibus obsecuta est*] Hoc XX. Schisma fuit, quod ortum est ob investituras: & accidit tempore Imperatoris Friderici Barbarossæ, & duravit annis XVII. Historiam verò hujus Schismatis à Johanne Majerio Belga olim descriptam, hoc loco, in gratiam curiosi Lectoris, inferendam duxi; quæ sic habet. Anno Domini M. C. LIX. ortum est Schisma inter Papam Alexandrum III. Senensem, electum suffragijs XXIII. Cardinalium, & Octavianum Romanum, quem tres tantum Cardinales creârunt, & Victorem appellârunt. Alexander itâ electus in bona existimatione ac opinione apud omnes se esse ratus, Imperatorem Barbarossam, qui tunc Cremonam in Lombardia oppugnabat, nuntio ad ipsum misso orabat, ut schisma hoc tollere vellet. Imperator Fridericus itaq; jussit, ut ambo Papæ, quò melius causam dissensionis cognoscere

posset, Paviam venirent, eò & se venturum esse. Alexander verò venire recusavit. Quare Imperator commotus, Concilium Paviæ ad Ticinum indixit: ad quod Octavianus venit, & Papa Alexandro, ipsius competitori, indignante, confirmatus est. Offensus itaq; Alexander III. Imperatorem Fridericum Barbarossam excommunicat. Imperator verò intereâ patrimonium S. Petri occupat. Coactus sic fuit Alexander in Galliam aufugere, & auxilium Regis implorare. Factum hoc est tempore Philippi Augusti, sub quo celebravit Concilium III. Claromontanum in Avernia. Quo Concilio Alexander III. Imperatorem & Antipapam Octavianum, Victorem appellatum, excommunicavit. Intereâ Imperator occupat Mediolanum & Dertonam; nam adversus ipsum rebellârunt. Postea legationem ad Regem Philippum Augustum mittit, an Schisma tolli posset. Locus igitur Concilij, ubi Principes convenire deberent, nominatur Divio, ad fines Burgundiæ. Nam Imperator Fridericus Burgundiam nomine dotis tenebat. Venit itaq; comitatus Rege Bohemiæ & Scotiæ; adducens Antipapam Victorem, & milites strenuos multos. Alexander autem III. locum suspectum habens, venire recusabat, dicens, quod liber aditus ei non pateret, & quod non esset locus Concilij, qui non suâ autoritate assignatus esset. Cogebatq; aliud Concilium apud Turonenses. Imperator supra modum commotus, quod etiâ minis prolatis non dissimulabat, in Germaniam revertebatur. Et mortuo Antipapa Victore, creavit tres alios Antipapas. Alexandrum verò itâ premebat, ut habitu mutato Venetias profugere coactus fuerit. Tandem reconciliationes admittebantur. Et quoniam intereâ Hierosolyma, à Turcis & Sarracenis, erepta Christianis esset, Imperator in Turcas bellum asperum movit, omnibusq; præliis victor evasit, ad mortem usq; suam, quæ fuit indigna tanto Imperatore. Nam cum frigida lavaret, in flumine quodam submersus est. Exercitus ejus hoc casu desolatus & dissipatus Christianos in magno discrimine reliquit. Hactenus Majerius. De eodem Schismate videatur Illustris Cardinalis Baronius ad Annum Christi M. C. LIX. & seq. Item doctissima Epistola Arnulphi Lexoviensis ad Episcopos Angliæ, quæ extat pag. 28. & deinceps: sicut & illa, quæ præcedit ad Arnulphum ipsum.

Pag. 298. vers. 32. *Reges de rerum summâ certantes*] Nempe Svenonem, Canutum, & Waldemarum; qui cum de imperio intestina & civilia bella gererent, conjunctis viribus vim hostilem propulsa nequaquam animum induxissent: ideoq; eos bello laceßere haud difficile fuisset.

Pag. 299. vers. 1. *Urbem in solido Lethrice palatæ*] Hanc *Sioburgum* fuisse autumant nonnulli.

48. *Antequam Maguntia Pontifex creatus* A
 effert] Christianus ille, cujus hic mentionem
 facit Saxo, Friderici Barbarossæ, Imperatoris
 Romani, Cancellarius fuit: à quo etiam in Con-
 radi, Archiepiscopi Moguntini, absentis & de-
 cti, locum successus Anno Christi clō. C. LXIV.
 Luculentum ejusdem elogium ex Libro MS. de-
 promit Nicolaus Serrarius Lib. V. Rerum Ma-
 guntinarum, pag. 823. *Fuit Christianus diversis*
naturæ dotibus ad miraculum usq; conspicuus; facun-
duus, illustris, largus, magnanimus: Latinâ, Græcâ,
Italicâ, Belgicâ linguâ, ut suâ, utebatur; divinarum
scripturarum non ignarus. Usus est ejus operâ pluri-
mum Imperator in legationibus obeundis, in bellis ve-
rò maxime. Vide ibidem plura, quæ hic recen-
sere longum nimis foret & Lectori tædiosum.

50. *Regis conniventiam affectus*] Conni-
 ventia hoc loco consensum significat: quomo-
 do etiâ loquitur Arnulphus Lexoviensis E-
 pistola ad Episcopos Angliæ: *Donec iste noster*
ecclesiam regni sui consuluisse posset, & quod mente
concepit, assensus vestri conniventia confirmasset.

Pag. 300. vers. 21. *Luminibus orbatus, sed ingenij*
sagacitate perspicuus] Non possum mihi tempera-
 re, quin hoc loco admirandam Naturæ compen-
 sationem summis efferam laudibus; quæ velut
 fidelis mater, quod in aliquibus sensibus adi-
 mit, in alijs restituit. Id quod olim accidit Di-
 dymo Alexandrino, qui quum luminibus or-
 batus esset, unâ cum pijs precibus, indefessum
 laborem, ac juges continuatasq; vigilias, non
 ad legendum, sed ad audiendum adhibuit, ut
 quod alijs visus, hoc illi conferret auditus: eâ-
 que diligentia, docente Deo, in tantam divina-
 rum humanarumq; rerum eruditionem & sci-
 entiam venit, ut Scholæ Ecclesiasticæ doctor
 extiterit: de quo scribit Rufinus Histor. Ec-
 clesiast. Lib. II. Cap. VII. Huc referri possunt
 duo memorabilia exempla, quæ Philippus Ca-
 merarius, insignis Historicus, recenset Cen-
 turiâ prima Operarum Subcissivarum, Cap. E
 XXXVII. Notum est, inquit, fuisse majorum
 nostrorum tempore Joannem Ferdinandum,
 natum in Flandria, patre Hispano, cæcum, &
 præterea inopem. Quas tamen ambas difficul-
 tates admodum contrarias hominibus doctis,
 ita superavit, ut non solum Poëta & Philoso-
 phus insignis evaserit, sed & tam eximius Mu-
 sicus, ut cum maximâ audientium delectatio-
 ne, varia genera Musica tractaret, atq; insuper
 cantilenas aliquot vocum artificiosissimas me-
 moriter componeret. Hunc tamen longè su-
 peravit Nicasius de Werba Mechliniæ natus.
 Qui licet ab anno tertio ætatis suæ oculis ca-
 ptus, & ob id etiam elementorum literarum
 penitus ignarus fuisset: tamen nihilominus in
 omni doctrina divina & humana adeo profe-
 cit, ut admirationi omnibus esset, & cum Lo-
 vanij gradum Magisterij acceperat, Scholis ali-
 quamdiu Mechliniæ cum laude præfesset, &

Lovanij aliquantò post licentiam in Theolo-
 gia consecutus, quamvis cæcus, Evangelium ta-
 men publicè docuerit. Quin & post hæc gra-
 dum Doctoris utriusque Juris in Academia
 Colonienfi quum accepisset, in gymnasio pub-
 licè ibidem Jura cum stupore omnium docuit,
 atq; libros utriusq; Juris, quos nunquam vide-
 rat & legerat, memoriter recitavit, donec Colo-
 niæ moreretur Anno Christi clō. CCCC. XCII.

40. *Pontificalis ordinis insigne*] Rectè & vere
 Pontificalis dignitatis insigne vocat Annulum
 Saxo. Posteaquam etenim Adrianus, Pontifex
 Romanus, Carolo Magno investituram Episco-
 porum concessisset; mos ille tenuit, ut Impera-
 tores Romani, præter alia Investituræ sacerdo-
 talis solemnia, etiam per Annulum & Baculum,
 Episcopatus, Abbatias, aliaq; beneficia Eccle-
 siastica, conferrent. Canon IX. Concilij A-
 quisgranensis, Tomo III. Conciliorum. *Sacer-*
doti, dum consecratur, datur Baculus, ut ejus judicio
 C *subditam plebem vel regat, vel corrigat, vel infir-*
mities infirmorum sustineat. Datur & annulus pro-
pter signum Pontificalis honoris, vel signaculum se-
cretorum. Quare etiam, si quando usu veniebat,
 ut propter delictum aliquod è gradu deiceren-
 tur, tunc Annulum hunc, quo erant, investiti,
 deponere cogeantur. Sed si dejectus à gradu
 innocens reperiebatur, eundem annulum ab
 Episcopo coram altari recipiebat. Videatur
 eruditissimus Tractatus eminentissimi Philo-
 logi, Johannis Kirchmanni, Amici mei non è
 multis, de Annulis, Cap. XX. Sed & ille mos
 ritusq; invaluit, [quem Kirchmannus meus
 planè prætermisit] ut mortuo alicubi Episco-
 po, aut Abbate, ejusdem Collegij, aut civitatis,
 principes ac primores, annulum & virgam pa-
 storalem defuncti, ad aulam Imperatoris trans-
 mitterent, qui postea sacra illa insignia, cuicum-
 que vellet, conferret. Tangit hunc morem
 Andreas Abbas, postea Bambergensis Episco-
 pus, de Vita S. Othonis Lib. 2. Cap. V. & VI.
Nec multò post annulus & virga pastoralis Bremen-
sis Episcopi ad curtem Regiam perlata est. Hoc siqui-
dem tempore Ecclesia liberam electionem non habebat,
sicut postea sub Henrico V, mediante piæ memoriæ Cal-
listo Papa, actum est: sed cum quilibet Antistes viam
universæ carnis ingressus fuisset, mox capitanei civita-
tis illius, annulum & virgam pastorem ad Palatium
transmittebant: sicq; regia autoritas, communicato
cum Aulicis consilio, orbata plebi idoneum constituebat
 F *Præsulem. Itaq; cum, ut diximus, virga Pastoralis &*
annulus Episcopi Bremensis Imperatori offerretur:
 mox ille accersito unice dilecto sibi Othone, munera
 hæc ei conservanda tradidit. Post paucos verò dies,
 rursum annulus & virga pastoralis Ruperti Babeber-
 gensis Episcopi Domino Imperatori transmissa est.

46. *Concilij nomine contractos fuisse*] Con-
 cilium hoc Paviæ celebratum est. Quum ete-
 nim Imperator Fridericus jussisset, ut ambo
 Papæ, quo melius causam dissensionis cognos-
 cere

scere posset, Paviā venirent, Alexander verò A venire recusasset : Imperator commotus, Concilium Pavie ad Ticinum indixit, ad quod Octavianus venit, & Papa, Alexandro ipsius competitor indignantē, confirmatus est. Johannes Majerius Tractatu de Schismatibus.

48. *Rolandum verò*] Alexander Antipapa, alio nomine dictus est etiā Rolandus.

Pag. 302. vers. 40. *Ingressos Bremiam, civitatis Antistes*] Hartvvicus nempe, qui & ipse comitem se Regi Waldemaro in Germanico hoc itinere adjunxit : ut jam dicendum nobis erit.

44. *Complures quoq; Saxonie Principes*] Inter quos præcipui fuere Adolphus Comes Holsatiæ, Hartvvicus Archiepiscopus Bremensis, & Geroldus Episcopus Aldenburgeris. De regio hoc comitatu ita loquitur Helmoldus Chronici Sclavorum Lib. I. Cap. XCI. *Præterea misit Cæsar nuncios ad regem Danie, & ad regem Ungarie, & ad regem Bohemie, ut venirent ad constitutum diem. Insuper omnibus Archiepiscopis, & Episcopis, & summis potestatibus regni sui, & religiosis quibuscunque, solenniter adesse mandavit. Grandis ergo erat expectatio universorum ad tam celebrem Curiam, quod uterque Papa & tanti terrarum Reges conventuri ferebantur. Tunc abierunt simul VValdemarus cum Episcopis Danie, Hartvvicus Archiepiscopus, Geroldus Episcopus, & Comes Adolphus, cum multis Saxonie nobilibus, ad præfixum colloqui locum. Et Anonymus in Historia Archiepiscoporum Bremensium, quem ex Bibliotheca Ranzoviana edidit Erpoldus Lindenbruck : Anno Domini M. C. LXIII. Imperator tam Rolandum, quam Octavianum vocat ad judicium, curiam indicens Bisunzie. Venit Imperator, venit Rex Dacie VValdemarus, in cujus comitatu Dux Dorius erat, quem ipse postea submersit, quia regnum affectavit. Ibi VValdemarus duo regna Dacie & Suecie ab Imperatore suscepit. Venit Hartvvicus Bremensis Archiepiscopus, conquerens ibidem, quod tria regna Dacie, Suecie, Norvegie se de sua sede abstraxerint violenter, cum E jure deberent suam Synodum observare.*

51. *Cum ab urbem Methin venisset*] Variant scriptores de loco Comitiorum. Saxo noster Methin ponit, quæ in Gallia Belgica Mediomatricum urbs est : alijs Diviodurum. Helmoldus loco jam dicto, Laonam : Et misit, inquit, ad Regem Francie Ludovicum, ut occurreret sibi ad colloquium apud Laonam, quæ est in terra Burgundionum, juxta Ararim fluvium, ad redintegrandam unitatem Ecclesie. Autor incertus in Historia Archiepiscoporum Bremensium, cujus modo mentionem injeci, Bisunziam, sive Vesontium adducit : Anno Domini M. C. LXIII. Imperator tam Rolandum, quam Octavianum vocat ad judicium, curiam indicens Bisunzie.

Pag. 303. vers. 43. *Britannie Regis inclinata majestas*] Respicit his verbis Saxo ad homagium illud, quod Henricus II, Angliæ Rex, præstitit Ludovico Francorum Regi, Anno Christi Sal-

vatoris M. C. LV. cujus meminit Rogerus de Hoveden Annalium parte posteriore; in Historia Henrici II. Deinde, ait, *transfretavit in Normanniam, & homagium fecit Ludovico Regi Francorum de Normannia & Aquitania, & Andegavia, & Cenomannia, & Turonica, & de omnibus earum pertinentijs.*

Pag. 304. vers. 33. *A Maguntinis proprijs Pontificis intersectoribus*] Arnoldus, Episcopus Moguntinus LXIX, Archiepiscopus XXIX, & XIII. Elector, secundum Serrarium, a Moguntinensibus, orta seditione, occisus est Anno Christi clo. C. LX. Dodechinus, quem ad testimonium citat Serrarius Moguntiacarum rerum Lib. V. pag. 820 : Eodem anno Arnoldus Præsul Moguntinus revertitur, & in Nativitate D. Johannis Baptiste a Moguntinensibus occiditur in Monasterio S. Jacobi. Vberius Bruschi : Anno 1160, in die S. Joannis Baptiste, ait, misere a suis Moguntinis civibus, incomparabili tyrannide, [Arnoldus Episcopus] trucidatus in cænobio S. Jacobi, vestibusq; exutus, & in sterquilium præcipitatus est. Unde a pauperibus quibusdam iterum extractus, mortuus etiam per integrum triduum horribilibus modis tractatus. Tandem verò a Canonico Collegio clam quæsitus, in urbem portatus, & cum summo luctu terræ mandatus est in D. Virginis collegiata Ecclesia.

36. *Conjugis sue patrimonium esse*] Beatrix videlicet, Reinaldi Allobrogum Comitris filie, cui pater moriens totam Burgundiam testamento reliquerat. Testis est Gunterus, incomparabilis illa ætate Poeta, Ligurini sui Lib. V. v. 255.

Principis in thalamos successerat illa Beatrix, Principe digna viro, prolem paritura beatam.

Quam Comes Allobrogum, Regum de gente vetusta

Ortus, & ipse suis Reinaldus clarior actus, Progeniit, moriensq; tuos, Burgundia, fines Orbata in teneris & pupillaribus annis Et validas urbes, munitaq; castra reliquit.

50. *Pontifex verò Maguntinus*] Haud dubie Conradus I. qui statim post immanem Arnoldi cædem electus fuit, & eodem hoc anno clo. C. LXIII, quo Waldemarus Rex Danie reditum in patriam parabat, adhuc Cathedram Episcopalem tenebat, sed paulo post dejectus. Cujus in locum, adhuc viventis, successit ab Imperatore Christianus, ejus Cancellarius. Vide Serrarium Lib. V. Moguntiacarum rerum, pag. 822.

Pag. 305. vers. 24. *Præceps undas exsiluit*] Chronicon Norvagicum Snoronis Sturlæsonij, quod lingua vernacula ab eminentissimo Viro, D. Olao Wormio editum, ante novennium in lucem prodijt, de Sivardo hoc, alijsque rebus Norvagicis, quæ hoc loco a Saxone commemorantur, multa habet, quæ ut a Saxone haud plane dissentiunt, ita nec consentanea per omnia referunt. Principio illud observati-

nem meretur, quod Sivardus hic Norvagus dictus sit *Sigurd* / cognomento *Stembidaen* / eam ob causam, quod à teneris ungviculis, literis addiscendis adhibitus, adhuc planè adolescens, Diaconus consecratus sit : sed tandem cum ad virilem ætatem pervenisset, relictis studijs, animum ad bellicas artes adjunxerit, rixisque & dissidijs excitandis unice deditus fuerit. Deinde quod hanc narrationem attinet de singulari Sivardi astutiâ, quâ periculum sibi intentatum evasit; eam sic prosequitur Sturlæsonius: Cum Rex Norvagiæ Haraldus Gille toto sexennio regnasset, Sivardus ex itinere Hierosolymitano & longinquâ peregrinatione redux in patriam, Regem adiit, seq; iisdem, quæis ipse, parentibus ortum, paternumq; genus antea in Dania, per ignitos vomeres, satis comprobasse, proficitur. Rex nullo eum responso dignatus, rem deliberatione ulteriore accuratius expendendam statuit. Idcirco convocatis regni proceribus, maturam cum iis consultationem instituit, & quid sibi hoc in negotio faciendum foret, diligenter inquisivit. Eo tandem omnium sententiæ propendebant, ut Rex Sivardum, ob cædem amici sui, Torkilli Somerliidij, in Orcadibus ab ipso patratam, in jus vocaret. Mox omnium iudicio, tanquàm objecti criminis reus, morti adjudicatur. Hinc Regis jussu, Provinciarum Præsides juvenes quosdam viribus & audaciâ præstantes subornant, qui Sivardum ex hospitio suo evocatum, interciperent, inque alto mergendum ad promontorium Nordnæs transveherent. Sivardus dolum subesse perfertiens, vincula, quibus exterior tunica astricta erat, sensim dissolvit, ut eo ad natandum expeditior esset. Cumq; ad promontorium pervenissent, exurgens Sivardus ad foros navis se proripuit, eo consilio, ut in undas se abiciens, natatu evaderet. Verum ubi animadvertit spiculatores, quibus sui custodia demandata erat, non exteriorem solum vinculis jam solutam, sed & interiorem tunicam, caligasq; & cætera vestimenta, retentandi gratiâ, apprehendisse : utrumque fortiter arreptum in mare præcipitem egit, & ipse unâ statim undas insiluit, priusque se littori, quàm vehementissimo remigio concitata ratis cursum sistere posset, restituit. Cæterum planè similis est Historia Wilhelmi Tellij, quam describit Josias Simlerus Lib. I. de Republ. Helvetior. qui eodem acumine, quo Sivardus servatus, periculo, cui destinabatur, ereptus est. Cum etenim Griserus Hispaniarum regis in Helvetiâ Præfectus, Altorfi in foro, pileum prælongæ perticæ imposuisset, & publico decreto edixisset, ut omnes nudato capite, flexisq; genibus honorem eum pileo exhiberent, quo se præsentem afficere consuevissent : Tellius verò pileum illum stipiti impositum, nullo reverentia & honoris signo exhibito, sapius præteritis

A set : Præfectus vehementer iratus, Tellium, in perpetuos carceres conjiciendum, victum, navi imponi jubet, & aliquot e sua familia ministris, qui eum ex Vriorum regione Cussenacum abducerent, committit. Jamq; mediolacu navigabant, cum subito gravis tempestas navim concutere, & fluctibus panè obruere cœpit. Ibi cum in summo vitæ discrimine omnes versarentur, quidam e servis Griseri monet dominum, unicam salutis spem superesse, si victus Tellius solvatur, & gubernaculo adhibeatur. Hunc enim navigandi periculosissimum esse, & simul quoq; robore corporis multum polere. Necessitate urgente omnes id consilium probant, ac Tellium solvunt. Ille verò gubernaculo sumpto, vix multa vi è fluctibus navem eripit, & eam adversus Svitiorem terram dirigit: quo loco non multum à littore ingens saxum supra undas eminet, quod Tellij saxum hodie nuncupant. Huic cum appropinquasset, arrepto arcu suo [forte ponè ipsum in puppi jacebat] in saxum hoc desiluit, & simul quanto maximo potest nisu, navim pedibus in fluctus repellit, atq; inde se fugâ in proximos montes proripit. Navis verò diu fluctuans tandem à servis Præfecti portui, quem Brunnam à fontibus nominant, appellitur.

27. *In amplexu pellicis per insidias interfecit* I Consentiit Chronicon Norvagicum Snoronis Sturlæsonij, quod factum hoc per circumstantias paulò clarius exponit. Sivardus jam defunctus periculo, quod Haraldus Rex ipsi molitus fuerat, non audebat tamen in conspectum Regis prodire, auxiliumvè ejus implorare: sed totâ ætate clanculum hinc inde oberrans, de Rege interficiendo, non solum cum amicis, sed & cum aulicis quibusdam, qui in Magni Regis contubernio & familia vixerant, consilia captabat. Hujus propositi sui exequendi talis emerlit occasio. Fortè contigit, ut versperâ D. Luciae sacrâ, duo ex ministris aulicis, apud mensam Haraldi Regis, inter se colloquerentur: cumq; Rex inquireret, qua de re sermonem instituissent? unus eorum assurgens ita respondit: Altercatio quædam, Rex potentissime, inter me & commilitonem hunc meum exorta est, cujus decisionem tuo arbitrio committendam duximus. Ingenti autem vase mellis pleno, tanquam pignore deposito, certamus atq; contendimus de loco, ubi hanc noctem transigere constituerit Majestas tua. Ego te in amplexu Reginae tuæ & conjugis Ingeriæ pernoctaturum edico: ille contra decrevisse te in thoro Toræ Guttormi filiae summum capere, affirmat. Rex ignarus doli, qui sub involucri hoc quæstionum latebat, subridens, incautè consilium suum prodidit, & ad percontantem aulicum se convertens, Tu, inquit, pignus perdidisti. Ex quo responso facile erat colligere, ubinam illa nocte quiescere vellet. Id quod illi

mox Sivardo indicantes unâ cum ipso, aliisq; A evolvat, quod vitam & illustria facta tanti Herois luculenter conscripta complectitur.

34. *Arctam materni generis propinquitatem habente*] Ingeburga etenim Waldemari Regis mater, & Malfrida Magni Norvagiæ Regis avia, sorores erant, Haraldî filia de Garderige, qui Waldemari Jarefleifi nepos erat.

Pag. 306. vers. 33. *Per incuriam nutricis forte sinu delapsus*] Dissentit nonnihil Chronicon Norvagicum. Refert etenim, in acerrimo illo prælio, quod apud anteriorem Mungærdam, inter Duces ac proceres Ingonis & Magnum Norvagiæ Regem, magnis viribus commissum est, Tjostolfum quendam Alafonium, sub vexillo Regio, in sinu suo gestasse Ingonem, puerum adhuc bimulum: cum verò, hoste sibi ardentius imminente, sæpius periclitaretur, nec adeo exactam & accuratam curam atq; custodiam pueri gerere posset; Ingonem sinu ipsius delapsus, atq; ita humo inflicto esse, ut confrecto dorso reliquum vitæ tempus gibbo oneratus exigeret, & uno pede claudicaret. Hinc agnominatus est Krogbag.

Pag. 307. vers. 18. *Gregorium summa post Regem dignitatis*] Hic est ille Gregorius Dagsen/ [Dagonis filius] Dux militiæ Ingonis, generosa ortus prosapia, vir prudens, strenuus, copiis opibusq; florentissimus: qui quum injustam Haldori Brynolfi cædem ab Haquino perpetratam ulcisceretur, nocturno prælio in glacie, cujus firmitatem hostes clandestinis excisionibus debilitaverant, fortiter dimicans, guttur sagittâ trajectus, in undis submersus perijt Anno Christi 1161.

33. *Erlingus cum filio suo Magno*] Erlingi hujus, cognomento Stæcke/ ob res præclare gestas in Annalibus Norvagicis nomen est celebratissimum. Patrem habuit Gormonem Kyrpingium [Norvagi Drm Kyrping] matrem vero Ragnhildam Svenchonis filiam. Cum pubertatis annos excessisset, in Palæstinam, aliasq; ad Orientem sitas regiones, peregrinationem suscepit. Ex quâ in patriam reversus, uxorem duxit, annitente Rege Ingone, filiam Sivardi Regis Christinam. Ob sapientiam, eloquentiam, fortitudinem, cæterasq; , quibus excelluit, virtutes, apud Ingonem primum amicitia gradum adeptus erat. Ingoni certè addictissimus fuit, multaq; pro ipsius & patriæ totius salute bella gessit. De quo plura nosse qui desiderat, Chronicon istud Norvagicum Snoronis Sturlæsonij, toties à me citatum, diligenter

Pag. 315. vers. 50. *Divina vulnera mei aqua*] Blasphemiæ vicina est hæc oratio Saxonici equitis, qui sua vulnera & plagas bello acceptas, sacrosanctis JESU CHRISTI vulneribus, per quæ toti mundo salus & vita æterna parata est, comparare audeat. Expendat cordatus Lector.

Pag. 318. vers. 45. *Hujus quondam Ericus usque violentius intercluso*] Tangit hic Saxo historiam expeditionis, quàm Rex Daniæ Ericus III. cognomento Emund, adversus Rugianos suscepit, à se sub initium præsentis libri XIV. abundè satis commemoratam. Eadem etenim occasione Ericus validâ obsidione Archonenses cinxit, & vallo opacæ admodum altitudinis, tractum, qui Archonensium fines propemodum Rugia abscissos cum continenti committit, omnem illis aditum ad contrahenda auxilia interclusit. Quâ necessitate victi, Erico se dediderunt. Fontis autem hujus, quo Septentrionale urbis latus scaterere indicat Saxo, nulla ibi extat mentio. Verum stagni cujusdam meminit, quod Archonenses, obsidione solutâ, ab Erico Rege, solenni ritu prolui jussi, majore pellendæ sitis, quàm initiandæ religionis ardore petebant.

49. *Exterior ædis ambitus accurato cælamine renidebat*] Andreas quidam, Abbas Monasterij S. Michaëlis prope Bambergam, Vitam S. Othonis, Bambergensis Episcopi, & primi Pomernicæ gentis Apostoli, circa Annum Domini & Salvatoris nostri M. CD. LXXXVII, composuit: in quâ multa extant atq; leguntur de fanis & simulacris sive Idolis ejusdem gentis, quæ omnia & singula Otho Episcopus, cum ibidem populi ad fidem Christianam convertendi gratiâ versaretur, pio Zelo destruxit. Inter alia notatu digna sunt, quæ Cap. XXXI. de magnificentissimo quodam in Stetinenfi civitate templo commemorat Andreas, cujus externum ornatum parili modo, quo hic Saxo, describit. Verba autoris ita habent: *Erant in civitate Stetinenfi Continæ quatuor*: [sic appellabant Pomernani templa Idolorum suorum] *sed una ex his, quæ principalis erat, mirabili cultu & artificio constructa fuit, interius & exterius sculpturas habens de parietibus prominentes, imagines hominum, & volucrum, & bestiarum tam propriè suis habitudinibus expressas, ut spirare putares ac vivere. Quodq; rarum dixerim, colores imaginum extrinsecarum, nulla tempestate nivium, vel imbrium, fuscari vel dilui poterant, id agente industriâ pictorum.*

Pag. 320. vers. 2. *Quatuor capitibus, eisdemq; A*
servicibus] Andreas Abbas, quem modo lauda-
 vi, in Contina illa, sive fano Stetinenſi fuiſſe,
 ſcribit ſimulacrum triceps, quod in uno corpo-
 re tria capita habens, *Triglaſſ* vocabatur: quod
 S. Otho Episcopus deſtruens, ipſa capitella ſibi
 cohærentia, corpore comminuto, ſecum inde
 pro trophæo aſportavit, & poſtea Romam pro
 argumento converſionis Pomeranorum trans-
 miſit.

Pag. 321. vers. 3. *Ex earum rerum manabitis di-*
verſi generis inſignia] Non aliter Andreas Abbas
 in Contina ſive delubro Stetinenſi omnem præ-
 dam, ſpoliaq; hoſtium, reſoſita fuiſſe tradit eo-
 dem Cap. XXXI. In hanc ædem, ex priſca Patrum
 conſuetudine, captas opes & arma hoſtium, & quic-
 quid ex prædâ navali, vel etiâ terreſtri pugna, qua-
 ſitum erat, ſub lege decimationis congregabant. Crate-
 res etiâ aureos vel argenteos, in quibus augurari,
 epulari, & potare nobiles ſolebant ac potentes in die-
 bus ſolemnitatum, quaſi de ſanctuario proferendos ibi
 collocaverant. Cornua etiâ grandia taurorum a-
 greſtium deaurata & gemmis intexta potibus apta, &
 cornua canibus apta, mucrones & cultros, multaq;
 ſupellectilem pretioſam, raram viſu, & pulchram, in
 ornatum & honorem deorum ſuorum ibi conſerva-
 bant.

10. *Rex Danorum Svenio*] Haud dubiè Sve-
 no ille cognomento *Tiuffveskeg*, ſivè furcatâ
 barbâ: qui ſæpius à verâ & Chriſtianâ religione
 ad Idolorum cultum deficiebat: ut ex Hiſtoria
 ipſius liquet, quam fuſè Saxo perſequitur ſuprà
 Libro X.

12. *Infelici carcere pœnas perſolvit*] Sic le-
 gendum duxi, pro *nece*. Nam bis à Sclavis cap-
 tus, & tenebris carceraliſus inclufus fuit, ut
 Saxo ſuperius loquitur. Mortem verò ejus &
 vitæ finem non adeo infelicem fuiſſe, Saxo di-
 fertis tradit verbis Libro X. Ceterum Svenio ſeni-
 lis animæ laboribus feſſus, divinis rebus inſatigabilem
 ultimi temporis curam tribuit. Nec ſpiritu, quàm re-
 ligione diuturnior fuit. Siquidem omni humanâ con-
 cuſſione vacuus in ipſo perfectiſſimæ vitæ fulgore de-
 ceſſit.

22. *Auſpicia quoq; per eundem equum huius-*
modi ſumebantur] Planè conſentanea de equo
 Stetinenſi, quem tamen non albi, ſed nigri co-
 loris fuiſſe indicat, Andreas Abbas loco jam di-
 cto commemorat. Habebant etiâ caballum mi-
 ræ magnitudinis & pinguem nigri coloris & actem
 valde. Iſte toto anno vacabat, tantâq; ſuit ſanctita-
 tis, ut nullum dignaretur ſeſſorem: habuitq; unum
 de quatuor ſacerdotibus templorum, cuſtodem diligen-
 tiſſimum. Quando ergo itinere terreſtri contrâ ho-
 ſtes, aut prædatum ire cogitabant, eventum rei hoc
 modo per illum ſolebant prædiſcere. Haſtæ novem
 diſponebantur humi, ſpatio unius cubiti ab invicem
 diſjunctæ. Strato ergo caballo, atq; frenato, ſacerdos,
 ad quem illius pertinebat cuſtodia, tentum freno per
 ſacentes baſias in tranſverſum ducebat ter atq; redu-

cebat. Quod ſi pedibus inoffenſis haſtiq; indiſturbatis,
 equus tranſibat, ſignum habuere proſperitatis, &
 ſecuri pergebant. Ceterum ex candidis, vel quo-
 modo Saxo loquitur, albi coloris equis, auſpicia
 quoq; ſolemnia capere ſoliti vetuſtiſſimi Germa-
 norum. Autor eſt Tacitus Libro de moribus
 ejus gentis: *Proprium*, inquit, *gentis equorum quo-*
que præſagia ac monitus experiri. Publicè aluntur
 iſdem nemoribus ac lucis, candidi, & nullo opere mor-
 tali contacti: quos preſſos ſacro curru Sacerdos ac
 Rex, vel Princeps civitatis comitantur, hinnitusq; ac
 fremitus obſervant. Nec ulli auſpicio major fides non
 ſolum apud plebem, ſed apud proceres, apud Sacer-
 dotes. Se enim miniſtros deorum, illos conſcios putant.
 Dietmarus quoq; Chronici Lib. VI. ſuo ævo in
 Luiticiorum natione præſagium equinum no-
 tavit, eodem fere ritu, quo Saxo deſcribit. E-
 quum, inquit, qui maximus inter alios habetur, &
 ut ſacer ab his veneratur, ſuper fixas in terram duo-
 rum haſtilium inter ſe tranſmiſſorum cuſpides, ſup-
 plici obſequio ducunt, & præmiſſis ſortibus, quibus id
 prius exploravere, per hunc quaſi divinum, denuo au-
 gurantur. Herodotus Lib. 1. teſtis eſt, in Cyri
 exercitu, quum Babylonem iſ peteret, fuiſſe
 ἱερεὺς ἱππῶς λευκοῦς, ſacros equos candidos.

35. *Nec ſortium eis uſus ignotus extitit*] De
 Germanis quoque diſertè teſtatur Tacitus in
 dicto jam libro de Germania, auſpicia eos ſortesq;
 ut quos maxime obſervaffe. Quale autem ſortile-
 gij genus fuerit, ſimul deſcribit: *Sortium conſue-*
tudo ſimplex. Virgam frugiſera arbori deciſam in
 ſarculos amputant: eosq; notis quibusdam diſcretos,
 ſuper candidam veſtem temere ac fortuito ſpargunt.
 Mox, ſi publicè conſulatur, ſacerdos civitatis: ſi priva-
 tim, ipſe pater familie, precatus Deos, cælumq; ſuſpi-
 ciens, ter ſingulos tollit: ſublatoſ ſecundum impreſſam
 antè notam interpretatur. Herodotus etiâ lib. IV,
 Scythici quoddam ſortilegij genus recenſet, ab
 illo Germanorum aliquanto diverſum: Apud
 Scythas permulti ſunt divinatores, qui pluribus virgis
 ſalignis divinant, ad hunc modum: Grandes virga-
 rum faſces poſtquam attulerunt, humi poſitos diſſol-
 vunt, & ſeparatim ponentes earum ſingulas, vaticin-
 antur: ſimulq; dum hæc dicunt, virgas ruſum con-
 volvunt, & ſingulatim in unum componunt, atq; hæc
 illis tradita à majoribus divinatio. Enares autem
 atq; Androgyni ajunt ſibi à Venere traditam divinan-
 di ſcientiam, qui tiliæ fronde vaticinantur. Tiliam
 ubi quis trifariam ſciderit, digitis eam implicando, ac
 reſolvendo tractat, atq; in hunc ritum de futuris
 prædicat.

39. *Fortuitas in cinere lineas deſcribebant*] Hoc divinationis genus *τεφεμαρτεία* dicitur:
 quam doctiſſimus Germanorum Caſpar Peu-
 cerus in erudiſſimo Commentario ſuo de va-
 rijs divinationum generibus, paulò aliter quàm
 Saxo, deſcribit: *τεφεμαρτεία* ſit, ait, cum ci-
 neri digito bacillove res, de qua divinandum eſt, ve-
 lut ſulcus ductus, inſcribitur, uq; ſub patulam cælum,

nullo testis operculo, exponitur. Quæ enim remanent literæ non dissipatæ ventis, aut oblitteratæ, vel confusæ & oppletæ agitato cinere; eo quo se consequuntur ordine, docere de re quæsita existimantur.

§1. Sanctumq; Vitum Corvegiensem religiosâ nece insignem] Sanctus Vitus Martyr, unâ cum Modesto & Crescentiâ, sub Imperatore Diocletiano, martyrij palmam accepit. Martyriologium Romanum, ad diem XVII Kal. Julij: In Lucania apud Silarum flumen natalis Sanctorum Martyrum Viti, Modesti, atq; Crescentiæ, qui sub Diocletiano Imperatore è Sicilia illuc delati, ibidem post ollam ferventis plumbi, post bestias & catastas divina virtute superatas, cursum gloriosi certaminis peregerunt. Ejus corpus primum translatum, est Româ Parisios Anno Christi DCCLV: inde verò in Saxoniam delatum Anno Christi DCCCXXXVI, Ludovici Imperatoris Anno XXIII. Sigebertus Gemblacensis ad Annos jam dictos: Fulradus, Abbas Sancti Dionysij Parisiensis, Corpus Sancti Viti Martyris Româ Parisios transulit. Et paulo infra: Hoc tempore reliquiæ Viti Martyris à Parisiis ad Corbejam Saxonie transferuntur. Unde ipsi Franci testati sunt, quod ab illo tempore gloria Francorum ad Saxones translata sit. Witi-chindus Monachus Gestorum Saxonorum Lib. I. Post multa tempora Romam veniens quidam Fulradus nomine, & ibi gesta legens pretiosi martyris, notavit locum sepulchri: veniensq; levavit reliquias sacras, collocavitq; eas in pago Parisiaco. Inde regnante Luthovico Imperatore translata sunt in Saxoniam & ut legatus Caroli confessus est, ex hoc res Francorum ceperunt minui, Saxonum verò crescere. Inprimis notatu digna sunt, quæ de Sancto Vito, [quem Rugiani in Idolum convertentes Svantevith, sive Santevith, suâ linguâ appellarunt] commemorat Helmoldus Chronici Sclavorum Lib. I. Cap. VI. Sanctum, inquit, Vitum, quem nos martyrem ac servum Christi confitemur, Rugiani pro Deo venerantur, creaturam antepponentes creatori. Non est aliqua sub cælo barbaries, quæ Christicolæ ac Sacerdotes magis exhorreat. Solo nomine S. Viti gloriantur: cui etiâ templum ac simulacrum amplissimo cultu dedicaverunt, ei seorsim divinitatem tribuentes. Et Libro II. Cap. XII. Tenuis fama commemorat, Ludovicum Caroli filium, olim terram Rugianorum obtulisse B. Vito in Corbe-gia, eod quod ipse fundator extiterit cænobi illius. Inde enim predicatores gentem Rugianorum sive Ratorum, ad fidem convertisse feruntur, illicq; oratorium fundasse in honorem Viti Martyris, cujus veneratione provincia insignita est. Postmodum verò ubi Rugiani, mutatis rebus, à luce veritatis aberrarunt, factus est error pejor priore. Nam SANCTUM VITUM, quem nos servum Dei confitemur, pro Deo colere ceperunt, fingentes ei simulacrum maximum, & servierunt creaturæ potius quam creatori. Adeo autem hæc superstitio apud eos invaluit, ut Zuantevith

A Deus terræ Rugianorum, inter omnia numina Sclavorum primum locum obtinuerit, clarus in victorijs, efficax in responsis.

Pag. 322. vers. 20. Inter quas erat Stanitia magnitudine ac colore insignis] Ad oram veteris Codicis appositum erat *Stuatira*: sed neutrum recte. Forte legendum erit: *Inter quas erat Svantoviti*: subaudi *aquila*: ita observante & monente Excellentissimo Viro, & multarum Antiquitatum peritissimo, D. Henrico Ernstio, Collega & Amico meo conjunctissimo.

Ibid. Cui tantum venerationis à populo Rugiano tributum est] Magnâ quondam superstitione apud nationes quasdam, etiâ posteaquam veræ religioni nomina dedissent, vexilla & signa militaria colebantur. Tale fuit olim apud Gallos vexillum *Flammula*, sive *Flamma aurea* dictum, quod ex auro & purpurâ erat, & in templo Divi Dionysij asservabatur, nec inde educi solebat, nisi pro summis Regis regniq; necessitatibus; de quo Armoricanus in descriptione Bovinensis pugnæ sic loquitur:

At Regi satis est tenues crispare per auras
Vexillum simplex cendato simplice tectum,
Splendoris rubri, quali, celebri Litaniâ,
Utitur in certis Ecclesia sancta diebus:
Flamma cui cum sit Francus vulgò, aurea, nomen,
Omnibus in bellis habet omnia signa præire.
Quod Regi præstare solet Dionysicus Abbas,
In bellum sumptis quoties proficiscitur armis.
Idq; gerit tollens equitum præfectus in altum,
Vectus equo cunctas sœtus præcedere turmas.

Flammula autem hujus in bellis gerendæ jus soli retroactis temporibus habuerunt Comites Vilcassini. Videatur Sugerius Abbas, aliq; rerum Francicarum scriptores. Fortè ejusmodi quoq; vexillum fuit Ottonis Imperatoris, cui Angelo nomen fuit, quo viso milites erecti & ad pugnam animati sunt: cujus meminit Witi-chindus Gestor. Saxonorum Lib. I. His optimis verbis erecti milites, Imperatoremq; in premis, medijs, & ultimis versantem videntes, coramq; eo Angelum, [hoc enim vocabulo effigieq; signum maximum erat insignitum] acceperunt fiduciam, magnamq; constantiam. Quin & nostrates olim habuere suum *dio-petres*, Vexillum nempe *Danerbroge* dictum, quod cælo decidisse dicitur, quum Waldemar II. Rex Daniæ adversus Livonos, adhuc gentiles, bellum gereret, quos ad fidem Christianam convertere omni studio allaborabat. Tunc temporis etenim, exercitu ipsius in effusam fugam conjecto, signum hoc augustissimum coelitus delapsum Annales nostri perhibent. Videatur Nobilis. Hvitsfeldius in I. parte Continuationis Historiæ post Saxonem: & in Historia Johannis, Regis Daniæ: ubi vexillum hoc in infelici illo prælio cum Dithmarsis commissio, circa Annum Christi c. lo. Io. periisse scribit.

Pag. 325. vers. 46. *Dæmon in furvi animalis* *figura*] Dæmones etiã Muscarum figuris ex delubris Idolorum Volgastensium prorupisse, autor est Andreas Abbas, quem paulò antea laudavi, Lib. III. Cap. X. Sed non prætereundum videtur, quid miraculi in destructione sanorum ipsorum apparuerit. Subito enim astante populi frequentia, insolitæ magnitudinis muscæ, quæ nunquã in terra illa visæ sunt, magno impetu ex delubris idolorum proruperunt, & tanta densitate omnem civitatis ambitum operiebant, ut panẽ lucem diei terræ caligine obducere viderentur: sed & oculos & labra universorum nimia importunitate vexantes, non parvum horrorem aspicientibus ingerebant. Sed cum violentis manuum percussionibus abigerentur, nihilominus tamen diutius insisterant: donec fidelibus laudes Dei concreperantibus, crucisq; vexillum circumferentibus, in visum monstrum portis apertis evolans, terram Barbarorum, qui Rutheni dicuntur, pernici velocitate petijt.

Pag. 327. vers. 22. *Nam hirundines*] Recte exclamat Saxo noster: Dignum numen, cujus effigies tam deformiter à volucris fœdaretur! Ita & Jeremias Propheta in Epistola, quæ extat Baruchi Cap. VI. Idolorum vanitatem describit: Super corpus ipsorum, & super caput, advolant noctuæ, hirundines, & aviculæ. Sic Lactantius gentiliū infaniam irridet, quod simulachra timeant, cum aves ipsæ simulachris fabrefactis insident, nidifcent, inquinant. Lib. II. Divinar. Institut. Cap. IV. Minutius Felix itidem in Octavio: Quando veriùs de dijs vestris animalia mutata naturaliter judicant, mures, hirundines, milvi? Non sentire eos sciunt, rodunt, insultant, insident: ac nisi abigatis, in ipso dei vestri ore nidificant. Araneæ vero faciem ejus intexunt, & de ipso capite fila sua suspendunt: vos tergitis, mundatis, eraditis, & illos, quos facitis, protegitis & timetis. Insignis quoq; locus est ille Arnobij Lib. VI. Itã non videtis sub istorum simulachrorum cavos stelliones, sorices, mures, blattasq; lucifugas nidamenta ponere atq; habitare? spurcicias huc omnes, atq; alia usibus accommodata conducere, semirosi durities panis, ossa in stupam tracta, pannos, lanuginem, chartulas, nidulorum in molliem, miserorum fomenta pullorum? non in orbe aliquando simulachri ab araneis ordiri retia, atque insidiosos casses, quibus volatus innectere stridularum possint impudentiumq; muscarum? Non hirundines deniq; intra ipsos ædium circumvolantes tholos, jacularier fercorū plenat, & modò numinum ora depingere, barbam, oculos, nasos, aliasq; omnes partes in quascunq; se detulerit deonerati proluvies podicis? Erubescite ergò vel serò, atq; ab animantibus mutis vias rationis accipite: doceantq; vos eadem nihil numinis inesse simulachris, in quæ obscena dejicere neq; vitant, leges suas sequentia, & instincta veritate natura. Quò facit etiã illud Clementis Alexandrini, Admonitione ad Gentes: Αἱ ὁ χε-
λιδόνας, καὶ τῶν ὀρνέων τὰ πλείστα, κατεχαι-

εἶσιν αὐτῶν τῶν ἀγολμάτων εἰσπετόρῳα, ἔθεν Φεγντίων: Hirundines autem, & multæ aves, sæpè advolantes, inquinant imagines, ratione nullã habitã, &c.

52. *Dei qui sibimet opitulari non posset*] Lactantius loco mox citato: Quæ vanitas ab his aliquam sperare tutelam, quæ tuari semet ipsa non possunt? Sapientiæ Salomonis Cap. XIII. v. 14. & 15. de Idolo: In pariete illud collocavit, ferroq; firmavit, ac nẽ decideret, prospexit ei: sciens illud nẽ se ipsum quidem adjuvare posse, quippe opis alienæ indigum. Videatur torum VI. Capit. Baruci Prophetæ, quod apprimè huc facit, & idolorum vanitatem luculenter exponit.

Pag. 331. vers. 34. *Parentem altario hõnoratum*] Altarium dixit pro altari: cui similia & alia apud alios, ex Nominativi fortè pluralis similitudine, natã. Martianus Capella Lib. VIII. de signis cœlestibus: Invicem oriuntur cygnus & Aquila, & Sagitta, & Altarium. Salvianus Massiliensis de Gubernatione Dei, Lib. VI. Christum in altario dimittimus. Ad quem locum ita Clariss. Rittershusius: Vetus Glossarium indicat formam nominis esse diminutivam: Altare, Ἐπίθωμις; & Altarium, Βωμισχέριον. Sed promiscuè tamen usurpatum reperio altarium pro altari. Paulus Diaconus Lib. II. Cap. XIII. In quã etiã altarium in honorem Beati Martini constructum. Angelomus Stromat. in Libros Reg. Ab altario fidei expulsi. Hildebertus Cenomanensis Sermone V. Sed fortassis hic dicitur: Non de altario vivant, qui altario deseruiunt.

Pag. 333. vers. 3. *Uniformem principijs, ostijs bipertitum*] Indicat Saxo, fluvium hunc, inde à lacu, sive fonte, undè primum emanat, unico duntaxat alveo decurrere, & Julinum Caminumq; præterfluere: verum postea gemino diverticulo in ramos sese & gemina quasi brachia diffundere, & bipertito exitu in mare se exonerare.

Pag. 343. vers. 44. *Circipænensem statuit attentare provinciam*] Hanc lectionem priori planè vitiosæ subijcere visum. Per Circipænensem provinciam intelligit, quæ citrà Pœnum fluvium, quasi Cispænensem, vel forte, quæ circà Pœnum fluvium.

Pag. 346. vers. 46. *Galliæ cœnobium, quod Claravallis nuucupatur, petivit*] Incidit hæc Eskilli Archiepiscopi profectio in Annum Salutis clo. C. LXXVIII. Clarevallenfis autem Monachus fieri dignatus est amore potissimum. Bernhadi, Abbatis olim Claravallenfis, pietatis, virtutis, ac eruditionis nomine per id tempus celeberrimi, cum quo etiã prius vixerat Eskillus, contractã cum eodem familiaritate & amicitia singulari. Et extat Bernhadi ad Eskillum Epistola, inter epistolas ejusdem, ordine CCCXIV, testis summæ inter hos conjunctionis & benevolentie. Honorificam quoq; Eskilli

Eskilli Archiepiscopi mentionem facit Gaufridus Monachus Claravallensis, B. Bernardi Notarius, in vitâ ipsius, Lib. IV. Cap. IV. quæ extat in IV Tomo de Vitis Sanctorum, Laurentij Suri: *Vir magnus & magnifice honorandus Danorum Archiepiscopus Eskillus patrem sanctum unico venerabatur affectu, unicâ devotione colebat. Nec contentus est in filiis eum videre, cum novum cœnobium extruxisset, & impetrasset ab eo desideratum sacre congregationis examen. Prævaluit apud eum desiderium vehemens, ut homo tantæ autoritatis, & in insula illa tam ecclesiasticâ quàm seculari autoritate singulariter potens, expositis suis omnibus, etiâ semet ipsum periculis multis traderet & labori. Nam de expensis dicere non est magnum: quamvis eundem audierimus protestantem, quod expenderit in itinere ipso argenti marcas amplius quam sexcentas. Venit igitur Claravallens persona sublimis: quam à finibus terræ non curiositas audiendæ sapientiæ, sed fidei Zelus & plenitudo devotionis attraxit. Ubi quantum fleverit, qualem sese non modò ergâ eum, quem tam unice diligebat, sed etiâ erga minimos quoslibet fratrum exhibuerit, non est facile dictu.*

Pag. 347. vers. 48. *Sverus quidam fabro patre genitus*] Snoro Sturlæsonius in Historia regum rerumq; Norvagarum, omnino contendit Sverum hunc non fuisse fabri istius, Unas dicti, filium, sed Sigurdi Haraldsonij, Norvagiæ Regis, & Gunhildæ. Originem etenim ejus & educationem hunc in modum describit. Sivarus, vel Sigurdus, [Sigurd namq; Norvegis dictus] Harald filius, Rex Norvagiæ, ex fœmina quadam nomine Gunhilda filium genuit, cui Sveri nomen imposuit. Id quod paulo antè cædem ipsius contigit. Ab excessu Regis, Gunhilda fabro cuidam nupsit, cui Unas nomen fuit, [Norvegis Unas Smed] qui fratrem habuit Episcopum Ferrôgiensem. Sverus autem in Norvegia educatus ad annum usque quintum ætatis, ignorans se alium habere patrem, quàm Unam fabrum. Quum verò increbuisse rumor, Erlingum Schackium Magnumque Morvagiæ Regem, de universa stirpe regia per Norvagiâ delenda consilia agitare: Gunhilda Sveri mater, unâ cum marito Unâ, Ferrôgiâ in insulam se contulit; ubi filium suum Sverum Roario, Ferrôgiæ Episcopo, in bonis literis artiumq; liberalium cognitione instituendum erudiendumq; tradidit. Quem tandem Episcopus in Sacerdotem consecrare voluit, sacro huic muneri & ætate & eruditione prorsus aptum atq; maturum. Eo cognito, Gunhilda Sveri mater, se nolente id fieri lacrymis largiter effusis restata est. Quam filius Sverus compellans, quid causâ esset, quod adeo mater lacrymis & lamentationibus indulgeret, sciscitari cœpit. Augustam etenim hanc & sacram dignitatem, potius gaudij, quàm doloris causam matri futuram existimabat. Ea statim respondens, iste honor, inquit, longè inferior est & vilior illo fasti-

gio & eminentiâ, quæ tibi jure justissimo debetur. Natus etenim & ortus es parente ipso Norvagiæ Rege Sigurdo, non eo, quem tu nunc patrem esse tyum, perperam tibi persuades. Id quod certis de causis celandum duxi, donec ad virilem pervenires ætatem. Obstupescens Sverus, si mater, ait, dictis tuis fides constaret, haud equidem stolâ sacerdotali jus regni Norvagicis, sceptrumq; regium mutarem. Atq; exinde de imperio occupando serio cogitare cœpit. Hucusq; Snoronis Historia. Sed & dignissima lectu sunt, quæ apud Gvilielmum Neubrigensem Libro III. Cap. VI. de eodem hoc Svero extant; ubi inter alia titulus sigilli ejus talis fuisse dicitur:

Sverus Rex Magnus, ferus ut Leo, mitis ut agnus.

Pag. 348. vers. 34. *Quo tigres occupandi consuetudinem habebat*] Apro intellige, aut alterius generis teras. Nam Tigres in Dania nunquàm visæ, nisi aliunde allatæ.

Pag. 350. vers. 15. *Qui potis sit insidias*] Potis sit Saxo more antiquorum & Poëtice dixit, pro possit. Plautus Persâ Act. I. Sc. I.

Facere amicum tibi me potis es sempiternum.
Catullus ad Ortall. Epigr. LX.

Nec potis es dulces Musarum expromere fatus.
Ita enim Nominativo hoc potis autores & activè & passivè utuntur. Videantur plura exempla in Observationibus Philologicis Clariss. Viri, M. Thomæ Bangij, Sanctæ Linguae in Regia Hafniensi Academia Professoris eminentissimi, Amici longâ necessitudine conjunctissimi.

Pag. 252. vers. 14. *Penes ferrum purgationis morem consistere*] Candens sive ignitum hic ferrum intellige, quod purgandi se causâ rei gestare solebant: de quo jam antè satis superque dictum nobis. Vulgo Sterfj Zern appellatum fuit.

28. *Patriæ legis institudo dilabendi inducias tribui*] Ex parte abrogata est hæc consuetudo. Vide Leges Cimbricas, Lib. II. Cap. XXII. & ad eas Commentarium Dn. Canuti, Episcopi Vibergensis. Leges Selandicas Lib. II. Cap. XXII. Sed legitime convictus inducias fugiendi habeat, extra regnum, intra mensem & diem. Vide etiâ Leges fundamentales, sive Jus regni ab Olavo Rege Daniæ datum, [vulgo Handfeste ning] Articulo XIV.

Pag. 358. vers. 26. *Calidum laterculum cistulæ crebris foraminibus distinctâ*] Ejusmodi cistulæ hodieq; arcendi frigoris causâ, suppedanei vice, fœminæ Bataviæ utuntur, vulgoq; Stoesken appellant. De ea extat tale Epigramma Clariss. Viri, mihiq; dum vixit, amicissimi, nunc & panæus, D. Johannis Isacij Pontani, Lib. VI. Poëmatum:

Suppedaneum; vulgò Stoesken.

*Æthranion nurbus comes adsum fida Batavis,
Et frigus, quod fert aspera bruma, levo.*

Apud

42. *Apud curiam fautor uigebat*] Curia pro Aula Imperiali, vel Papali, frequentius usurpatur. Innumera nobis exempla suppeditat Guntherus in Ligurino suo, eximius pro ista ætate Poëta, quem consulas licet; imò, ut perlegas, hortor: de quo adjungam Justi Lipsij breve, sed verum

elogium Poliorcet. Lib. II. Dialogo IV. Guntherus, inquit, Poëta spiritus & ingenij haud spernendus, imò, ut illo ævo, admirandus. Floruit Imperatore Friderico Barbarossa, cujus de rebus gestis libros X. conscripsit, Anno Christi M. C. LXXXI.

NOTÆ VBERIORES IN LIBRUM XV. HISTORIÆ DANICÆ SAXONIS GRAMMATICI.

Pag. 361. vers. 30. **I**N rerum suarum raptores] Slavos nimis; quorum piratæ Legatis Waldemari spoliatis, navigium eidem a socero transmissis onustum ceperant: cujus rei superiore libro meminit Saxo.

Ibid. *Expeditione Sclaviam petere statuit*] Ità legendum duxi pro *eam*, ut omnino vox esset, cui sequens Relativum *quam* responderet. Alioquin locus est planè exulceratus.

34. *Slesvicensium Antistes Fredericus*] Fredericum hunc, qui factò naufragio, in mari Baltico periit, Soræ, [ubi hæc scripsi] sepultum, testantur Insignia ejus in templi pariete Boreali depicta, cum hac inscriptione:

FRIDERICUS. EPISCOPUS. SLES-
VICENSIS.
SEPULTUS. IN. MURO. SANCTU-
ARI.

Et servatur in Sacrario templi Sorensis Tabula quædam lignea suspensa, in quâ inter alia hæc scripta leguntur: *Dominus Fredericus, Episcopus Slesvicensis, in mari Baltico submersus, jacet in eadem Capella.* Hujus etiam satis honorificam mentionem facit Johannes Adolphus Cypræus Historiæ suæ Ecclesiasticæ Cap. XXVII. Anno M. C. LXVII. *Occom mortuo successit Fredericus, Episcopus Slesvicensis, qui & ab Eskillo Lundenfi legitime ordinatus ac consecratus fuit. Vir eruditus, magni animi & consilij, rerum gerendarum peritissimus, ut qui non tantum in literis versatus, sed & in re militari bene egregieq; exercitatus esset.*

Ibid. *Perfectissimum honestatis specimen*] Valerius Maximus Lib. IV. Cap. III. *M. autem Curius exactissima norma Romana frugalitatis, idemque fortitudinis perfectissimum specimen.* Sic Rutilius Numatianus Gallus, Poëta suavis ac doctus, Protadium, *virtutis specimen* appellat Itinerarij sui pag. XXIV. vers. 547. Plura in hanc sententiam vide sis in eruditissimis ad Rutilium Animadversionibus Nobilissimi Viri Casparis Barthij, cui plurimum etiã noster Saxo debet.

49. *Præcordialis amici*] *Præcordialis amicus* is est, quem ex penitissimis cordis recessibus diligimus. Vox in sequioris ævi scriptoribus sæpius obvia. Vide quæ suprà notavimus ad illum Saxonis locum Lib. V. *Vestmarus ad præcordialem puellæ sententiam relegatus.*

Pag. 302. vers. 40. *Seductis majoribus*] *Seductis*, hoc est, seorsim abductis & ab omnibus quasi arbitris remotis. *Seducere* enim hoc loco idem est, quod Græcis *ἀπολαμῆσαι κατ' ἰδίαν* Marci VI. vers. XXXIII. Glossæ. *Seducit, eis τὸ κατ' ἰδίαν ἀποσπᾶ καὶ ἐξάγει.* Plautus Asinaria Act. 2. Sc. 2. vers. 95.

Nam me hodiè senex seduxit solum seorsim ab ædibus.

Petronius Arbiter: *Asiylus postquam depositum esse inviolatum vidit, seduxit me paululum à turba.* Persius Sat. II.

Quæ nisi seductis nequeas committere divis.

Et Satyrâ VI.

At tu meus hæres
Quisquis eris, paulum à turba seductior audi.

Autor Queroli: *Aggrediamur hominem, atq; à publico seducamus, ut secretò differat.* Sic Saxo suprà Lib. VIII. *Torkillus seductus sociis hortari cæpit.* Et Libro XII. *Itaq; seductos majores.* Majores autem hic sunt præcipuæ dignitatis viri, quos in Sclavica hac expeditione comites sibi ac commilitones, jussu Waldemari Regis, asciverat Absalon.

Pag. 363. vers. 28. *Pertransito ponte*] Pontem innuit in Eidorâ flumine stratum, qui instar limitis cujusdam erat olim inter Daniam & Saxoniam: cujus dimidium Henricus Saxonie Dux, arrogantissimus mortalium, si quando cum Waldemaro Rege colloquium institueret, præ mera superbiâ, vix transgredi consueverat; verum nunc mutatâ fortunâ alêâ, totum exceserat. De hac Henrici insolentiâ loquitur Saxo libro præcedente XIV: *Postera æstate Henricus Bavariâ reversus, apud Eidoram solenne cum Danis colloquium habuit. In quo ob prosperos rerum successos adeò se insolenter ac tumide egit, ut medium pontis, sicut antè consueverat, visendi Regis causâ, transgredi recusaret, ne sibi dignitate præstare, quem peteret, fateretur: immemor prorsus illum paternum avitumq; regimen gerere, sibi alieni imperij præfecturam cessisse.*

Pag. 364. vers. 3. *Exuvia à soricibus corroste*] *Exuvia* hic vestes sunt, quas exuerat Absalon. Q. Serenus Sammonicus Cap. XXXI. de urina fistendâ:

Quon-

*Quondam etiam nimium præceps urina fluendo
Irrigat exuvias, obsecroq; inficit imbri.*

Cæterum inter prodigia olim reputabantur, si mures res insolitas arroderent. Sic Caput mures, in æde Jovis, aurum roserunt, & Antij, coronam auream. Julius Obsequens cap. XXXIX & XLIV. Sed hoc loco, quod forices Abfalonis vestimenta arroserint, non tam prodigium fuit, quam omen, quomodo recte Saxo ipse interpretatur.

Pag. 366. vers. 37. *Exploso Pontificis ministerio*] Hoc est, Episcopi Lundensis, non Pontificis Romani. Sensus etenim est, furiosam plebem Sacerdotum duntaxat in sacris faciundis operâ contentam, non opus habere Episcopi aliqujus, aut Pontificis ministerio.

Pag. 368. vers. 33. *Misso per omnes stipite*] Antiquissimus hic Septentrionalium mos fuit signo aliquo conventum indicere. Sic apud Islandos, adhuc gentiles, conventus habendi signum erat *cestra vel malleus Jovis*, **YAR T*ARH*, *Damar Thoris*: verum, quum jam in fidem Christianam juraissent, pro ejus temporis religione, *Cruce lignea*: quam quilibet colonus ad suum vicinum perferret, die, loco, & causâ conventus indictis: cujus signi intermissi aut neglecti, certa pœna. Arngrimus Jonas Lib. I. rerum Islandicar. Cap. VII.

Pag. 369. vers. 13. *Scania gyro pertransito*] *Gyrus* hic pro ambitu & circuitu positum: quasi diceret; Interea dum Rex omnem in circuitu Scaniam peragraret; vel, dum totam, quâ patet, Scaniam circumiret. Itâ *Gyrare*, & *Regyrare*, pro, sæpius circumire, usurpat Bernhardus Morlanensis, ingeniosissimus Dactylicorum verbum conditor, Lib. 2.

*Institor est, fora gyrat & æquora, propria laudat.
Spirat ad æquora nauta, pedes fora sæpe regyrat.*

Pag. 370. vers. 43. *Excellens corporis habitus venerabilem faciebat*] Incredibile dictum est, quantam venerationem & auctoritatem Principibus conciliet eminens illa & grandis statura. Ejus rei exempla luculentissima nobis abunde suppeditat seculi nostri decus, & Bataviæ lumen, Gerardus Joannis Vossius, Amicus meus conjunctissimus, in aureo Opere Institution. Orationar. Lib. I. Cap. III. *Aristoteles*, inquit, Lib. IV. *Politico*. Cap. III. *tradit, in quadam Æthiopie parte, regna deferri ad eos, qui magnitudine cæteris præstant. A quo more non abludit, quod Strabo scribit in Meroe insula Reges designari, qui aut robore,*

A aut formâ, aut opibus, aut virtute alendi pecora, reliquis antistant. Sulpitius Severus Lib. I. *Sacra Historiæ* ait de Saulo. *Hic ex tribu Benjamin, Cis patre ortus, modestus animi, formâ excellenti erat: ut merito dignitas corporis dignitati Regiæ conveniret.* *Idem Florus de Pseudophilippo: Regiam formam & regium nomen animo regio implevit. Et Nepos in Iphicrate, ac Capitolinus in Pertinace, staturam proceram vocant Imperatoriam.* Qui loquendi modus à vulgo originem traxit: ut Tacitus etiam indicat Lib. I. *Historiar.* Ipsa ætas Galbæ & irrui & fastidio erat, affvetis juventutis Neronis, & imperatores formâ ac decore corporis [ut mos est vulgi] comparantibus.

53. In quanto Regis adventum poneret] Rara loquendi formula, & quæ Gracismum sapit. Nam apud Dionem & Ælianum legere est, *Ἐν μεγάλῳ τίθεσθαι*: *Ἐν ἐλαφρῷ ποιεῖσθαι*; aliaq; apud alios autores. Sed & Suetonius, *In magno habere*, dixit in Cæsare, Cap. XXIII. *Ad securitatem ergo posteris temporis, in magno habuit obligare semper annuos magistratus*: quomodo recte censet legendum, summus Vir & Criticus felicissimus, Isaacus Casaubonus, consentientibus Codicibus MS. quamplurimis. Tacitus etiam, *In levi habere*, usurpavit: Quocumq; casu acciderat, dum atrociam metuebantur, in levi habitum. Sed fortassis in hoc dicendi modo Ellipsis præpositi, aut negotii, vel similis vocis, erit statuenda. Sic supra Lib. XIII. Saxo, *In æquò ponere*, dixit.

Pag. 371. vers. 24. *Datu solenniter aquilis*] Per aquilas intelligere convenit vexilla, per quæ Fevda solenniter conferuntur. Firmant sequentia: *Qui si fuissent, quanto oneri se exigui panni receptione substernerent.* Solebant enim antiquitus regna per gladium, provinciæ per vexilla conferri. Otho Frisingensis Lib. II. Cap. V. *Est enim consuetudo Curia, ut regna per gladium, provinciæ per vexillum a principe tradantur, vel recipiantur.* Guntherus Lib. I. *Ligurini*:

*Ergo ubi vexillo partem, quam diximus, ille,
Hic autem gladio, regnum suscepit ab ipso:
Hunc etenim longo servatum tempore morem
Curia nostra tenet.*

Ad quem locum doctissimus Germanorum, & de multis autoribus præclare meritis, Cunradus Rittershusius, ita commentatus est: *In actibus legitimis ferme omnibus Romani notas quasdam, solennesq; ritus, & symbola atq; insignia adhibebant. Hunc ergo morem Fevdistæ quoq; in Vassallorum creatione, quam Investituram vocarunt, imitari voluerunt, ut gladio, vexillo, coronâ, sceptro, baculo, seu fuste, dignitates contulerint.*

NOTÆ VBERIORES IN LIBRUM XVI. ET ULTIMUM HISTORIÆ DANICÆ SAXONIS GRAMMATICI.

Pag. 373.
vers. 40.

Monentibus arbitris] Svadentibus F regni proceribus ac Senatoribus, qui Canuto erant ab inti-

mis consiliis; quasi dicat, ex decreto Senatus. *Arbiter* vetustè dicebatur pro teste. Unde illud, *Remotis arbitris*, pro sine teste, & in solitudine.

Inter-

Interdum *Judicem* significat; quod & Festus A
probat Lib. I. his verbis: *Arbiter dicitur Judex, quod totius rei habeat arbitrium, & facultatem.* Proprie tamen videtur esse *speculator, inspector, spectator*: sicut apud Horatium Lib. I. Epist. II. Plautum Aulular. Actus IV. Sc. I. Milit. Glorios. Actus. II. Sc. II. Apulejum Metamorph. Lib. I. Saxoni vero nostro frequentissime *Arbiter* significat secretorum, consiliorum participem & Consiliarium. Exempla in superioribus libris passim obvia sunt.

43. *Quod unctionis sue tempore.* Per *unctionem* intelligit autor solennem Canuti in successionem regni Coronationem & inaugurationem, quæ vivo etiamnum patre Waldemaro, peracta fuit Ringstadij, circa Solenne Johannis, Anno Christi M. C. LXXI. vel anno sequente, ut habet Chronicon meum MS. Rex Canutus coronatus est in Regem Annq M. C. LXXII. Ejus meminit Saxo Lib. XIV. Rex omni Danicâ nobilitate sub edicto Ringstadium evocata, circa solenne C
Johannis, quod in æstivo solstitio colitur, & parenti celestes honores, & filio regios celebrare constituit. *Unctio* igitur hic pro coronatione, quod suscepti sceptrum Reges sacro oleo ungerentur: qui mos hodieq; obtinet.

45. *Apud VVrnensem* Itâ omnino legendum, pro *Vernenssem*. Celebre enim quondam fuit in Ducatu Slesvicensi Dicasterium sive Forum VVrnense, quod nunc, nisi fallor, esse desinit. Nobis Brænetting / vel Brænehsfuerz Lanosf. D
ting dicebatur.

49. *Cladis apud Dysiam pontem peractæ* Loquitur de conflictu Dysvicensi, cujus libro proximè præcedente luculentam egit mentionem Saxo. Is incidit in Annum Christi Millesimum Centesimum Octogesimum primum; ut nonnulli Chronologi calculum ponunt. Multi illic è plebe Scanicâ cæsi: compluribus annis exitio extitit. Clarissimus Vir, M. Andreas Vellejus, in sua versione pontem hunc *Falchenbergensem* indigitat.

Pag. 374. vers. 19. *Haraldum quendam regij sanguinis* Haraldus hic cognomento Skreng dictus fuit. Chronicon MS. Anno Christi M. C. LXXXIII. Haraldus Skrenck à Scanis princeps creatus. Eum regio sanguine oriundum Saxo dicit, quod originem duceret è prosapia Canuti Regis Roschildiæ interfecti: de quâ cæde Saxo supra Lib. XIV.

Sed obtusi cordis Obtusi cordis est stolidus, F
vecors, hebes, bardus, blennus, bliteus. Itâ loquitur etiam Saxo Lib. III. de Amletho: *Nec credi poterat obtusi cordis esse, qui tam exulto manus artificio calluisset.* Locutio est Valeriana. Sic etenim Valerius Maximus Lib. VII. Cap. III. ubi de Bruto agit: *Obtusi se cordis esse simulavit, eaq; fallaciâ maximas suas virtutes textit.* Ifidorus Lib. X. obtusos sensus dixit: *Stultus, hebetior corde, sicut quidem ait: Ego me ipsum stultum etiam existimo, fa-*

tuum esse non opinor, id est, obtusis quidem sensibus, non tamen nullis.

28. *Ad novi principis opinionem* Hic verò cum Euripide exclamare licebit: *Δεινὸν οἱ πολλοὶ κακῆς γῆρας ἔχουσι πρὸς αὐτῶν:* Formidabile quiddam multitudo, cum nacta est præfides maleficos. Huc etiam facere videtur locus iste Livij lib. XXIV, quo vulgi ingenium eleganter exprimit: *Hæc, inquit, natura multitudinis est, aut servit humiliter, aut superbe dominatur: libertatem, quæ media est, nec spernere modicè, nec habere sciunt: & non ferme desunt irarum indulgentes ministri, qui avidos atq; intemperantes plebejorum animos ad sanguinem & cædes irritent.* Cui planè adsimilis ille est, qui Lib. XXVIII. occurrit, in Oratione Scipionis ad seditiones milites: *Multitudo omnis, sicut natura maris, per se immobilis est; ut venti & auræ cient, aut tranquilli, aut procellosi.*

42. *Dubietati subjecit* Dubium & incertum reliquit. Forma loquendi ad istius ævigenium. *Dubietas, Αμφιβολία.* Lupus Abbas, qui Caralo Calvo vixit, Epistola CXX. p. III. Cum loco autem diem mensis exprimit, ne dubietate aliquâ confundamur. Fulbertus Episcopus Carnotensis, Ep. I. p. 10. Jam procul removendus est totius lubricæ scrupulus dubietatis.

53. *Suscepti vulneris dolorem* Vulneris per translationem sumi pro clade & damno, abundè dictum nobis ad ista verba, quæ Lib. I. Saxonis nostri habentur: *Cum ob accepti vulneris magnitudinem reparandarum intra patriam virium non haberet copiam.* Livius lib. II. Belli Punici: *Non vulnus super vulnus, sed multiplex clades nunciabatur.*

Pag. 375. vers. 27. *Quo mediante* Hoc est, intercedente, se interponente. Rara vox est, & ferè incognita melioris notæ autoribus; in aliis ubivis obvia. Joannes Januensis Catholico, in voce Medio: *A Medius dicitur Medio, as, are; id est, in medio locare, vel per medium dividere, vel medietatem auferre, vel conjungere, vel pacificare inter aliquos.* Unde Mediator vox Theologis perusitata, pro intercessore, sponse. Gr. μεσιτης. Idem Joannes Januensis: *Mediator est, qui conjungit, & inter aliquos est medius, ut eos conjungat & pacificet.* Unde Jesus Christus dicitur Mediator Dei & hominum, quod inter Deum & hominem constitutus est medius, ut homines ad Deum perduceret.

36. *Compluribus enim Cæsaris Legationibus* Cæsâr hic fuit Fridericus, cognomento Barbarossa, qui crebris hisce Legatorum missificationibus nihil aliud, ut rectè judicat Saxo, intendebat aut moliebatur, quàm ut Canuti simplicitatem ijsdem perfidiæ laqueis circumveniret, quibus olim patris Valdemari credulitatem implicatam habuerat, hoc est, ut Danicæ regnum semper liberum ad Imperij feodum redigeret, ut loquitur autor Compendiosæ Historiæ Serenissimorum Danicæ Regum, quem edidit Erpoldus Lindenbruch.

40. *Perfidia laqueis*] *Laqueus* translata omne id significat, quo homo capi & irretiri potest. Sic *laqueos* judicij Cicero pro Milone dixit: *Atq; illam belluam judicij laqueos declinantem jam irretitam teneret.* Pie & acurè Gvigo Carthusianus in Meditationibus: *Laqueos comedis, bibis, vestis, dormis; omnia laqueus.*

47. *Sigfridum, qui sororem ipsius*] Sigfridus hic est Marchio Thuringiæ, qui Waldemari filiam Ingertham, Cæsare aditipulante, sibi desponderat.

Pag. 376. vers. 54. *Militaris roboris nervos sicut otio hebetari*] Inter Regulas militares hanc etiã producit Fl. Vegetius Lib. III. Cap. XXVI. *Exercitus labore proficit, otio consenescit.*

Pag. 377. vers. 10. *Jarimari cum eis consiliaturi*] Hoc est, Consulturi, deliberaturi. *Consiliare* est consilium dare, vel petere. Horatius Libr. III. Carm. Ode III. *Gratum eloq;vuta consiliantibus Junone divis*, hoc est, consilium habentibus de Romulo in deorum numerum recipiendo. Ad eundem locum ita Petrus Gualtherus Chabotius, vir in omni literaturâ perfectissimus: *Grammatici tradunt huic verbo vim dandi & capiendi consilij, unde oritur: hic est deliberare & consultare.* Cicero Epistolar. Lib. XV. Ep. IX. ad Attic. *Quid egeris tuâ cum tristi, tum etiã difficili ad consiliandum legatione, vehementer expecto.* Tacitus Lib. II. Historiat. Et rediẽre omnes Bononiam rursus consiliaturi. Eãdem notione *Consiliari* positum. Quintilianus Institut. Orator. I. III. c. VIII. D *Proœmio, quale est in judicialibus, non ubiq; eget; quia consiliatus est ei quisque, quem consulit.*

Pag. 384. vers. 13. *Ad pedes Regis suppliciter abjecit*] Homagium Canuto Regi Daniæ præstitit Bugislavus Dux Pomeraniæ, Anno Christi M. C. LXXXVI. Innuit id Chronicon meum MS. Anno cl. C. LXXXVI. *Bugislavus senex, factus est homo Regis Canuti.* Ubi homo pro Vasallo, sive Cliente Feodali sumitur: quo significatu frequentius occurrit in antiquis monumentis. Videatur Glossarium Viri genere, literis, ingenioq; juxta nobilissimi, Henrici Spelmanni Angli, pag. 359. in voce *Homo*.

17. *Principis huc necessitatis deducti*] In excusis antea Codicibus nullo plane sensu legebatur: *Principis huc necessitati miseratione permotus.* Nos

ita hunc locum duximus restituendum. freti auctoritate Valerij Maximi, quem ut alibi sæpius in Historia hac sua, ita & hic exprimere voluit Saxo noster. Verba Valerij sic habent Lib. VIII. Cap. I. *Satis jam graves eum penas sociis dedisse arbitrati sunt, huc deductum necessitati, ut abjicere se tam suppliciter, aut attollere tam deformiter cogeretur.*

23. *Ingenti nubium volumine colliso*] Diligens sanè lector Martiani Capellæ Saxo fuit, adeo ut in succum & sanguinem tantum non converterit. Ab ipso hæc certè mutuatus est, quæ totidem ferè verbis extant Lib. V. Cap. I. *Hæc cum in progressu arma concusserat, velut fulguræ nubis fragore colliso, fracta diceret crepitare tonitrua.*

25. *Quo eventu Sclavici regni interitum portendi*] Solent interdum regnorum interitum, ostenta præcedere, & periturorum fata populorum vel Solis ac Lunæ defectus, vel insoliti terræ motus, vel horrenda tonitrua fulminumq; jactus, aut ardentes cælo faces, & crinita fiderum flamma præcurrere, ut eleganter observavit Quintilianus, sive ut alij volunt, Posthumius Junior, Declamatione IV. quæ inscribitur *Mathematicus*. Itã pridie quàm ultimum illud prælium, quo de rerum summâ decertatum est inter Perseum Macedonum Regem, & Æmilium Paulum, Romanorum Consulem, consereretur, Luna defecit: *triste id ostentum Perseo omnibus præfagentibus, sinemq; Macedonici regni portendi vaticinantibus;* teste Justino Libro XXXIII. Cap. I.

Ibid. *A conjecturarum sagacibus*] *Conjectura* pro divinatione ut plurimum sumitur. Apprimè huc facit locus Quintiliani Lib. III. Institut. Orator. Cap. VI. *Conjectura dicta est à conjectu, id est, directione quadam rationis ad veritatem: unde etiã somniorum atque ominum interpretes, Conjectores vocantur.*

26. *Bogislavi quoq; animus constantia pignori- bus refertus*] Luculentissimum hæc tandem & ultimum imitationis Valerianæ specimen repræsentat Saxo. Nam quod de Masanissâ Rege commemorat Valerius Maximus Lib. V. Cap. II. id omne ad Bogislavum artificiosè noster transfert. Sic etenim ille: *Massanissæ Regis pectus gravi animi pignori- bus refertum, memoriam inclyti muneris ad ultimum vitæ finem constantissimâ fide perduxit: & quæ plura ibidem in hanc sententiam extant.*

FINIS.

SOLI DEO GLORIA.





INDEX ABSOLUTISSIMUS

cùm rerum memorabilium, tùm vocum ac locutionum rariorum,
quæ in Notis occurrunt.



A B Epistolis, inter officia domus
Augustæ olim fuit. 10. e.
Abfalon, Archiepiscopus Lun-
densis, Saxoni scribendæ Hi-
storiæ autor fuit. 1. b. 3. e.
Abfalon ex illustri Candidorum familia ori-
undus. 3. c. d.
in locum Eskilli surrogatur. 3. d.
quando vixerit. 3. c.
ejus laudes. 3. f.
ejus mors. 3. f. 8. c.
Soræ sepultus. 8. c.
amore patriæ illustrandæ flagavit. 3. c. d.
Historiographos in monasterio Sorano in-
stituit. 3. d.
Abstistere cautibus, quid. 118. e.
Acceptoria, ars cum accipitre aucupandi.
179. d.
Acervi cadaverum. 78. c. d. 2.
Acies in occiduo constituta. 154. a.
Acus oratoria, diserniculum. 61. a.
Ad focum epulabantur antiqui Heroës. 116.
a. b.
Ad postremum. 40. b. c.
Adultæ oleo lampades. 127. a.
Adulterinus possessor, fallus. 132. d.
Ad vigilias evocare. 154. c.
Advocatio, pro defensione. 194. f.
Advocationem muneris præstare. 194. f.
Advocatus, pro defensore. 194. a.
Ædes tributaria Godefridi Regis in Frisia.
186. d.
Æditui, qui ædes tuentur. 229. a.
Ærij coloris parmulæ. 174. b.
Æmulus, inimicus, adversarius, hostis. 57. e.
Æneum, ænum, ferventis aquæ Judicium.
120. e.
Æolicus carcer. 54. b. c.
Ætatis opportunitas multos spe prædæ trans-
versos egit. 39. e. f.
Ætatis nulla pars virtuti incongrua. 40. a.
Affluens substantia, crescens. 44. a. b.
Agaso, equiso. 150. d.
Agathon, pro illustri nomine. 38. d. e.
Agonizo, certo, pugno. 118. a.
Agricolarum pius quæstus. 148. b. c.
Albicantes capilli. 149. b.

Alcool Chymicorum. 70. f.
Alea, pro quovis ludo. 177. f.
Alexander Magnus à tibicine ad furorem in-
citus. 225. d.
Algu, pro algore. 53. b. c.
Aliena Latine vocis. 6. f.
Alieni appetitores proprio privari solent. 111. f.
Allubescere proco. 89. b.
Alociæ Insulæ. 20. f. 21. a. b. c.
Altarium, pro altari. 247. b.
Ambimanum censeri, laus viri fortis. 109. b. c.
Ambrosij Archiepiscopi in Theodosium seve-
ritas. 218. a.
Amentata hasta. 52. c.
Amica collocutio minuit dolorem. 89. c.
Amoris conjugalis exempla. 44. f. 45. a. 52.
c. d.
Andreas Sunonis Absoloni in Archiepisco-
patu successit. 1. b. 8. c. d.
ei Saxo Historiam suam inscribit. 1.
vir admodum literatus. 8. d.
Theologiæ ac Juris Doctor. 8. d.
Canuto Regi à secretis fuit. 8. d. 10. d.
opum contemptor. 11. b. c.
Hexæmeron scripsit. 11. c. d.
Leges Scaniæ in linguam Latinam vertit.
11. a. b.
ejus frugalitas & abstinencia. 11. c. d.
Andverdit stultu Erner floast. Proverb. 76. f.
Anglia Cimbrica, hodieq; Anglen. 28. f.
Anglia Britannica ab Anglis Cimbricis, non
ab Angulo, dicta. 29. a. b. c.
Animus Divinitatis argumentum. 88. e.
Animum cum loco mutare. 161. c.
Annibal Alpibus iter suum inscripsit. 16. b.
Annulus Pontificij insigne. 241. b. c.
Ansgarius in Daniam à Ludovico Imperato-
re missus. 193. b. e.
Aquilæ, monstra nigra. 66. f.
Aquilæ adversæ se unguibus impetunt. 76. f.
Aquilæ pro vexillis. 250. e.
Aquilam in dorso alicujus delineare. 193. d.
Aquitaniæ perdomuit Haraldus Rex. 165. c.
Arbiter, consiliorum particeps. 251. a.
Arcem obtinere, id est, rerum summam.
194. f. 223. f.
Arduum contra fortem fune contendere. 118. b.
Y
Arenam

INDEX.

Arenam premere. 105. a.
 Arfve-ol. 61. d.
 Arma, hastæ, equi, & ornamenta tumultis illata. 91. f. 176. b. c.
 Armilla aurea trivijs affixa. 192. c.
 Arte licet, quò viribus pervenire non licet. 179. f.
 Artes pugnaces. 38. c.
 Arx, pro eo, quod eminet, & summum est. 223. f.
 Asamål / Asarum sermo. 12. b. 14. b. c.
 Aspergo imbrium. 57. d.
 Astare, pro assistere. 113. c.
 Asum, non est Ahusia. 211. c.
 Asserta, substantivè. 17. f.
 Ater vestimenti color, sordidus & ignobilis. 76. d.
 Athletæ singulari certamine congredi solent. 63. b. c.
 At tage Jrenda sin i Siød. 39. d.
 At stipa linum. 43. c.
 Avium venter, pro sepulchro. 115. f.
 Avlicorum fors dubia. 30. b. c. d. e.
 Aulruner / Runæ cerevisiariæ. 45. a.
 Aurei nummi in via sparsi. 72. f.
 Auri pulvere cibos respergere. 70. f.
 Auri micæ. 70. f.
 Aurum inter amatoria dona. 36. f.
 Aurum sparsum per arva. 68. e.
 Aurum Principibus luxuriosis olim in cibo. 71. d. e.
 Aurum Islandis Kratasaab. 76. a.
 Aurum cavato baculo includebat Brutus. 101. a.

B Alderi corpus ferro inviolabile. 88. d. e.
 Balderfbründ pagus in Selandia. 92. a.
 Balderi pater Snio. 94. f.
 Balderi tumulus non in Jutia, sed Selandia. 94. f.
 Balderum Hotherus interficit. 93. e.
 Bannerium, vexillum. 209. e.
 Barbam quater, signum mæstitiæ. 150. f.
 Barbari, pro Sclavis. 239. a. b.
 Barbitus, instrumentum Lyricum. 87. c.
 Bardi, Gallorum vates. 13. f. 14. a.
 Batzar, parvitas. 7. d.
 Bautesseene / Saxa pro trophæis erecta. 15. c.
 Bella famâ constant. 119. b.
 Bellatrices fœminæ olim in Dania. 156. b.
 Berserfer / Bersertsgangår. 154. f. 155. a.
 Bjarco Gigas cum Rolvone sepultus. 73. d. e.
 Biarsamal / genus carminis antiqui. 12. b.
 Biårgruner / Runæ auxiliatrices. 45. b.
 Biblos, Juncus. 179. b.
 Bilis pro ira. 35. d. e.
 Birca, Sveciæ oppidum vetustissimum. 208. e.
 Blacconis horrendus interitus. 221. f. e.
 Blanditiarum voces variæ. 157. d.

Blodörn / Blodugle / Blodrifil / vulnus aquilam figurans. 193. d. e.
 Blorhen / Sacrificia ; Blota / Sacrificare. 54. e. f.
 Blotmadur Othinus dictus, id est, sacrificulus. 54. f.
 Boi tumulus in Selandia. 97. d. e.
 Boni Duces non nisi ex occasione confligunt. 49. b.
 Boni ob placidos mores quinam dicti. 224. a.
 Botilda Regina in Cypro obiit. 227. e. f.
 Braccæ, femoralia. 189. e.
 Bracteata Liburna. 174. b. c.
 Bragarbott / genus carminis antiqui. 12. b.
 Briareus, Gyges, Cottus, centimani. 135. b.
 Brunruner / Runæ fontanæ. 45. a.
 Bruta inter se colloquuntur. 112. f. a.
 Bulligo, effervescens pingvedo. 178. c.
 Busflubeen / Bussæ sagæ carmen. 46. f.
 Bydsra Didonis. 193. a.
 Dyrtaustur. 114. e.
 Byantium incognitum Othino. 97. d. e.

Cæcorum exempla, qui defectum naturæ ingenio compensarunt. 241. d. e.
 Calagurritani proprias uxores & liberos commederunt. 52. f.
 Calcare pro contemnere. 36. d.
 Calleo, cum textu casu. 87. a. b.
 Calor pius, castus amor. 43. f.
 Calumniam facere. 110. d. e.
 Calundam arcem condidit Esbernus Snare. 160. c.
 Campus gelati maris. 116. f.
 Canes pecuarij & pastorales. 131. a.
 Canis, venatoris insigne. 125. f.
 Canis Trondhemensibus præfectus. 160. d.
 Canutus Rex coronatus. 251. b.
 Capillorum & barbæ abrasio viris militaribus usitata. 128. b. c.
 Captivare, pro, captivum ducere. 69. a.
 Captivum aurum, captiva vestis. 119. a.
 Caput, pro principio. 195. b.
 Carabus, parva scapha. 65. c.
 Carere oportet & crimine & suspicione. 148. a.
 Carminibus magna vis & efficacia inest. 47. a.
 Carminibus in nimbos solvere cælum. 57. c.
 Carminibus aciem ferri obtundere. 107. a.
 Caroli Magni statura. 224. b.
 Cassare, pro, frustrari, irritum reddere. 55. b.
 Castigare, pro, reprimere, cohibere. 166. d.
 Castor & Pollux pro Romanis dimicantes. 53. a.
 Catejæ, clavæ Germanorum. 90. f.
 Causari, reprehendere, culpæ. 230. a.
 Cauterium pro adustione. 112. d.
 Cavus, locus excavatus. 63. b.
 Celebrare obtentum ensis ictu clavæ. 37. e. f. 38. a. b.

Cele-

INDEX.

- Celebrare**, pro, peragere, perficere. 151. d. e.
Cella, pro Sacrario. 195. b.
Centuriare exercitum. 55. c. f.
Cerea converti. 44. b.
Cereale poculum, Cereale gramen. 26. b.
Cerebrosus, pro infano. 155. a.
Certare, pro affirmare, certiore reddere. 43. a.
Cervi Jugales. 88. a.
Cervix sidera æquat, pulsat. 44. a.
Cessim laborare. 163. a. b.
Cestuum certamen. 84. a. b.
Cestuum figura. 85.
Cetra, scuti rotundi genus. 179. f.
Chaos antiquum redijt. 175. b.
Characteres singulis Dæmonijs ascripti. 46. d.
Characteres antiqui, quare aboliti. 46. f.
Chartarum varia genera. 99. f. 100. a. b. c.
Chelæ, brachia. 78. c. d. e.
Chlamys castoreo limbo obsita. 146. e.
Chorda, pro nervo arcus. 134. b.
Christendoms old. 90. f. 91. e.
Christianismi primi in Daniam introductio. 6. d. e. —
Cibus à macro petendus. 121. f.
Cimbrorum fœminæ vates. 42. d. e. f.
Cingulum virginitatis. 161. a.
Ciniffones, cinerarij. 146. a.
Circulari, quid propriè. 98. b. c.
Circulari campus, dicitur Athletis. 97. f.
Circumactus, pro, circumamictus. 34. c. d.
Circumire vigilias. 206. e. f.
Cistula frigoris arcendi causa foraminibus distincta. 248. f.
Clangor propriè olorum & anserum. 132. b. e.
Clava beata Grami Regis. 37. a. b.
Clavæ militares ex robore potissimum. 90. b.
Clavæ ære, ferro, claviculis ferreis obducebantur. 90. d.
Claudicare, translatè dictum. 130. a. b.
Clavigerum numen, Hercules. 90. b.
Clavis pugnare, mos antiquissimus. 90. b. c.
Clepsydra, horologium, epistomium. 72. b. c. d.
Clipsydilb/ scutum tributarium. 186. f. 187. a.
Clunes & pectus avium in delicijs. 150. d.
Cognitor pro Iudice, vel alienæ causæ defensor. 9. c. d.
Cognoscere, de nuptis verbis. 119. d.
Colla devictorum pedibus calcare solenne olim fuit. 36. a. b.
Collactanea, collactaneus. 33. f. collactea, 33. f. 34. a. 99. b.
Collactei ardentius inter se amare solent. 99. b.
Collegium, pro societate. 233. f.
Collum, pro fastu. 36. f.
Colorare, velare, palliare. 71. f. 72. a.
Columnæ aureæ in fano Jovis Triphylj. 15. e.
Columnæ nepotum Sethi. 15. f.
Comæ studium antiquis. 60. f.
Comburi intra aedes, contumeliosum. 78. a.
Comitis vox multa significat. 4. c. d. e. 5. a. b.
Comites & amici Augustorum. 4. e.
Commercium libidinis habere. 110. e.
Commolere, ad extremam tenuitatem redigere. 71. e.
Comparatio inter mendacium & tempestatem. 114. f.
Comparatio illustrium virorum inter compositiones. 156. d. e.
Concædes, arborea strues. 237. f.
Concha, patella, vas concavum. 113. a. b.
Conchylia in maximis delicijs. 150. e. f.
Conclavibus se incluserunt virgines pulchræ. 109. a. b.
Conciones in editis montium fastigijs celebratæ. 93. e. f.
Concubinarius filius. 237. c.
Conditio, pro pactione nuptiarum. 162. f.
Condyle puer interemptus ab Hercule. 25. e.
Condylus, quid. 25. b. c.
Confectio, & Confectura, quid. 93. b.
Connubiorum peregrinorum incommoda. 149. b.
Conjurati flatus, venti. 54. d.
Conjector, somniorum interpres. 60. a. b.
Conjectura, pro divinatione. 252. d.
Conniventia, pro consensu. 244. 6.
Conscientia formidabilis Iudex. 115. b.
Conscientiæ malæ vis. 115. b.
Conscius, de rebus inanimatis. 62. c.
Consertio, pro conglobatione. 216. b. c.
Consilia improvida nocent. 115. c. d.
Consiliare, pro consultare. 252. b.
Consortio, pro consortium. 39. e. f.
Conspetioris ingenij pugil. 154. f.
Consputus, pro, contemptus.
Consternatio, pro tumultu, seditione, conjuratione. 30. d. e. f.
Consuetudo locorum amorem ingenerat. 58. f. 59. a.
Contextus naturæ, sanguinis. 43. f.
Continens terra. 131. c.
Contrectare, de rebus Venereis. 146. d.
Contuitus, de animo. 111. e.
Cor, pro animo. 99. a.
Corneæ nares, cornea fibra. 185. c.
Corripere, pro invadere. 40. d. e.
Credulitas, pro fide & religione. 235. e.
Credulitatis vitium stultitiæ affine. 52. e.
Cræsi Regis filius diu mutus. 105. c. d.
Crucibulum, vas triquetrum Chymicis. 173. b. c.
Crustatum glacie æquor. 117. a.
Cucullatus. 223. c.
Cuneus. 57. d.
Curetes, pro Curlandis. 48. a.
Curia, pro aula Imperiali vel Papali. 249. a.

INDEX.

Curru incolumi redire utile. 118. b. c.
 Currus falcati. 175. c.
 Cursus futuro militi necessarius. 86. a.
 Cygnicum carmen. 133. b.
 Cyprus tumulorum impatiens. 227. e.

DAci non sunt Dani. 27. e. f. 28. a.
 Dani à Dahis & Scythis. 28. b.
 Dani à Danais. 28. b.
 Dani satellites Græcorum Imperatorum. 225. f.
 Dania ante Danum non fuit deserta. 27. e. f.
 Dania à Dano dicta. 27. e. f.
 Dania à dando dicta. 28. c.
 Daniæ miserandus status. 223. d.
 Danus, Rex superbus. 106. c. d.
 Dæmones per aërem homines portant. 49. b.
 Dæmones muscarum figuris avolantes. 247. a.
 Dapfilitas, liberalitas. 177. c.
 Decor oris, pro forma. 87. f.
 Defectus scriptorum Danicorum, & ejus
 causa. 2. b. c.
 Deferre, pro, honorem deferre. 98. d. e.
 Deformis, pro contempto. 153. a. b.
 Degeneratus pater. 229. a.
 Delabi equo. 123. a.
 Dementiæ simulatio multis fœliciter cessit.
 98. b. c.
 Demeritus, pro malè meritis. 225. a.
 Deni calami nervo adaptati. 57. a.
 Dentes Rosmari in maximo olim pretio. 184. f.
 Denupta & denubere. 60. c.
 Dei opinative dicti. 90. a. b.
 Deorum collegium Byzantij. 49. f.
 Deorum septentrionalium historia, 136. 137.
 138. 139. & deinceps.
 Deos prælijs interesse credebant gentiles. 51.
 d. e.
 Deputare, assignare. 99. e.
 Derivare flumina in obsidionibus. 66. b.
 Desperatio sæpe addit animos. 235. f.
 Despicare fores, pro, fores spiculis effringere.
 60. d.
 Detitulare. 3. b.
 Devium ingenti erroris. 31. a. b.
 Devocare, pro evocare defunctorum manes.
 47. a. b.
 Deus universitatis. 185. d.
 Dexter locus honestior. 226. a. b. c.
 Diale iter, unius dici. 148. d.
 Dicere, pro, causas agere. 151. b.
 Dignatio, cultus, honor. 50. b.
 Digressio, pro excessu, morte. 158. b.
 Dij salvatores & opitulantes. 52. a. b.
 Dij sepulcrorum præfides. 96. f.
 Dij præfides locorum. 184. b.
 Discernere, discriminare capillos. 60. f.
 Diluvialis inundationis excursus. 27. c.
 Disparata, & Disparare. 21. d. e.
 Dispendium lubricæ flexionis. 27. b. c.

Differtatiuncula de Poësi antiqua Danica, 12.
 & 13. a. b. c. d. e. f.
 Ditio, pro potestate. 44. d.
 Documenta, quæ Saxo in contexenda histo-
 ria secutus est. 1. c. & 11. e. f.
 Divinationes olim certis familijs peculiares.
 88. c.
 Dolor hoc acrius, quò occultius lacerat. 110.
 f. 111. a. b.
 Dolones, conti cavati, in quibus latet ferrum.
 166. a. b.
 Domus est mundus. 125. a. b.
 Domuitio, pro absentia. 188. e.
 Dracones auro incubantes, unde. 62. c.
 Drot/ quid significat. 11. f.
 Drottquæt/ genus carminis antiqui. 11. f.
 Druidæ Celtarum. 42. b.
 Ductus, pro, ductamine. 178. a.
 Duelli lex, nè duo unum aggredierentur. 105. b.
 Dularfusse/ amiculum. 48. f.
 Dulce post ærumnas malorum meminisse.
 238. d.
 Durare corpus animumq; patientia & labo-
 re. 156. e.

EDda Rhytmica Sæmundi Sigfusonij.
 93. f.
 Eddæ descriptio. 17. c. d.
 Eddam aliam habuere antiqui Islandi. 16. d.
 e. 17. a. b.
 Educatores olim apud Græcos, Romanos,
 Danos. 33. d. e. f.
 Egentium Rex, Staaðertenge. 166. c.
 Eyyasghufoi, genij è ventre hariolantes. 43. a.
 Eidoræ fluminis fons. 18. c.
 Eirer Sunde/ antiquis Scaldris, hodiè Dre-
 sund/ fretum Danicum dictum. 21. e. f.
 Electionis Regiæ apud Danos antiquus ritus.
 29. f. a.
 Elicia, carmina. 47. b.
 Emancipare conjugem, è servitute vindicare.
 148. f.
 Emptitia uxor, quænam. 122. c. d. e.
 Endeme/ sterquilinum, convicij formula. 15. b.
 Ennij statua in sepulchro Scipionis Africani.
 130. b.
 Enses & gladios defodere solebant veteres Da-
 ni. 105. c. d.
 Eôus sanguis, pro Rutenico. 217. c.
 Eôus, pro Orientali. 217. c.
 Epicedion Regneri Eodbrog. 162. b.
 Epistolaris, idem quod à libellis secretis. 10.
 d. e. seu scriba apud Græcos. ibidem. a.
 Epitaphium Wilhelmi Episcopi Roschilden-
 sis. 219. a. b.
 Epochæ septentrionalium à sepeliendi ritibus.
 90. c.
 Epulum solidativæ confectionis. 93. a. b.
 Equi candidi auspicijs destinati. 245. a. b.
 Equi

INDEX.

Equi urgente necessitate commanducati. 52. c. d.

Equina caro familiare alimentum gentilibus Danis. 52. b. c.

Equus bellatoris insigne. 125. e. f.

Erffdagulld. 70. a.

Eschillus Archiepiscopus ad Cœnobium Clavallense proficiscitur. 247. e. f.

Et cum dicto, formula Capellæ usitata. 41. e.

Ethelbalderus, quis. 95. a.

Excrementum, pro incremento. 191. e.

Executio. 11. a. pro administratione.

Explicare iter. 149. a.

Exsangves præstare, pro, interficere. 64. d.

Extinctum se simulare, stratagema. 66. e.

Extremus Comitum Absolonis Saxo. 6. d.

Extramundanus, uno verbo. 185. d.

Extremam escam degustare. 76. f.

Exuviæ, pro vestibus. 249. f.

Exuviæ, pro vestimentis. 13. e.

Eybages Celtarum. 42. a.

FAcies, pro habitu, forma. 132. a.

Falcium usus in prælijs. f.

Fame invictissima quæq; expugnantur. 64. b. c.

Fames sæpius vincit, quam ferrum. 64. b.

Fames expugnat obseſſos. 52. b.

Famem fungis, frondibus, herbis lenire. 52. f.

Famis valida vis. 223. b.

Famuli vox frequens in Orationibus. 218. d. e.

Fantua, pro fatua. 67. b. c.

Fartores, gulæ ministri. 145. c.

Fauni, Satyri. 66. d. e.

Fascis vinculo non firmatus, labilis est. Proverb. 118. f.

Fatum pro morte. 51. e.

Fatum latebris evitare non licet. 152. a. b.

Fatorum præscijs ordo. 162. a.

Fatum & Stoicam necessitatem probarunt veteres Dani. 53. c. d. e.

Fœminæ levitatis exempla. 41. b. c. d.

Feria prima, pro die Dominica. 210. c.

Ferinis pellibus intangebant corpora Heroës antiqui. 34. d.

Ferire, pro reprehendere. 150. a.

Ferrum potens. 48. b.

Ferrugineæ tunicae. 238. b.

Ferſcit viſſa. 12. b. genus carminis antiqui.

Fides, pro fiducia. 53. a.

Fibulator, artifex fibularum conficiendarum. 173. a.

Figurare, indicare, exprimere. 98. e.

Gitaga/ pro Comite, honestissima apud veteres Danos appellatio. 4. d. 5. a. b. c.

Finni optimi sagittarii & venatores. 126. d.

Ginviſa. 43. d.

Glonia unde dicta. 19. a.

Gifcella biblo texta. 179. b.

Glos, pro virginitate. 157. d.

Fluctuatus est, pro fluctuavit. 215. b.

Fluidi anni. 68. d.

Flammula, vexillum apud Gallos sacrum. 246. e.

Follis, folliculus, sacculus, aut pera. 57. f.

Fons fumigans in Islandia. 23. c.

Fons res impositas in lapides transmutans in Islandia & Norvegia. 23. d. e.

Fons pestilentis undæ in Islandia nullus. 26. a. b.

Fons cerevisiam referens. 26. c. d.

Fontes subito exundantes & residentes in Islandia, & alibi. 23. b. c. d.

Fontes fervidi in Islandia. ibidem. e. f.

Fœderis ferendi ritus per sanguinem humanum. 48. a. b. c. d.

Fore, pro esse, vel fieri. 64. f.

Forma profapiam pandit. 67. e.

Formarum voluptas. 87. f.

Formula post Digressionem. 27. d.

Formula profanos arcendi. 76. b.

Fortitudo præcipua apud Danos antiquos virtus. 28. d. e.

Fortunæ magis, quam charitati cultum tribuere. 149. d.

Fossis cespite & stramine tectis hostem decipere. 64. c. d.

Frangere, debilitare. 51. b. c.

Fratris vocabulo compellabant amatores suos puellæ. a. b.

Frebagg/ Freyæ dies. 43. e.

Fresia minoris descriptio. 18. e. f.

Freyam verbo lædere non licebat. 43. e. d.

Freyra, amatorum proma conda. ibidem.

Fridericus Cæsar Svenonem ad comitia evocat. 236. c. d.

Fridericus Episcopus Slesvicensis in mari Balthico submersus. 249. c. d.

Fró Deus tempestatum & aeris potens. 54. f. & a.

Fró Deorum Satrapa. 92. b.

Gröbloth/ sacrificium in honorem Fró Dei. 54. e.

Frons exarata armorum vestigijs. 106. e. f.

Frons, aciei anterior pars. 175. a.

Frothonis farina, Gröda Miell/ id est, aurum. 70. e. f.

Fugam primùm in acie capeſſere, infame & capitale. 119. b. c.

Fulcra, pro lectis, & ipso thalamo. 35. f. 36. a.

Fundæ glacialis urna. 25. d.

Funditores, qui olim in prælijs. 57. a. b.

Fundere, pro effundere. 77. c. d.

Funerandi varij modi. 91. b. c. d. 92. c. d.

Funem, ducere, certaminis genus. 224. c. d.

Furvæ hostiæ, quæ. 54. b. c.

Furvis hostijs Bellonæ & Proserpinæ sacrificatum. 54. c. d.

Fusus, pro, tantum non fuso. 51. a.

Gylti/ provincia. 118. a. b.

Gyltifi Ronga/ Reges populi. 103. e.

INDEX.

GAlia, quid. 178. c.
Gard, urbem, regionem denotat. 185. c.
Gemma malo infixâ ad splendorem. 184. c.
Gemma in calceis olim. 147. d. e. f.
Genealogia & prosapia Julinenſium piratarum, 199. a.
Gens, pro familia. 130. b.
Geruli, quinam dicti. 37. b.
Gerulus nuntiorum, verborum. 37. b.
Gerula cicutarum fœmina. 37. b. c.
Gestamen, pro clava, vel pro eo, quod geritur. 34. e. f. a. b. c.
Gestibundus, *Giestur blinde*. 125. b. c.
Gigantes olim in Dania. 1. a. 27. a. d.
Gigantum ossa in Scoria eruta. 27. b. c.
Gigantum mos, nodosa ossa in se invicem conjicere. 73. b. c.
Gigantibus monstrosa membrorum multitudine ascripta. 135. b. c.
Gigas tricorpor. 133. b. c.
Glaciei miraculum fabulosum. 25. a.
Gladij nomina imponebant veteres Athletæ. 73. a. b.
Gotricus, etiam Godefridus dictus. 185. f. & Sigfridus. 186. a.
Græca pro Latinis usitata medij & posterioris ævi scriptoribus. 38. f.
Græci *σηλοis*, sive cippis saxeis, variarum rerum monumenta incidi olim curarunt. 15. d. e.
Græcia sapientiæ laudem semper meruit. 226. b. c.
Grami appellatio, pro Rege. 32. f. 33. a. b. c.
Gramus Regem Herculi comparat Saxo. 34. b.
Grando telorum. 175. d. e.
Gratulari, pro gaudere. 30. a. b.
Gremij vox varia significat. 18. b. c. d.
Grex, pro plebe. 10. f.
Grimildæ erga fratres perfidia. 230. b. e. d.
Grip, raptum significat. 35. d. e. f.
Grônlandia, regio ignoti situs. 26. a. b.
Gundebadica lex. 120. d.
Gunilda, Canuti Regis filia, Chunigunda dicta. 212. d.
Gyrus, ambitus; Gyrare, circumire. 250. d.

HAdingum Diabolus per aëra vexit. 49. a.
Hadingi raptus ad inferos. 55. a. b.
Hæla, Proserpina, Morta. 96. c.
Hafabragur/genus carminis antiqui. 12. b.
Haldanus XLVII Athletas octidui spatio prostravit. 161. b.
Hamus nexilis, pro lorica hamata. 77. b.
Hami latentis fraus, Metaphorica locutio. 69. e.
Hamslennpur/quinam. 97. b.
Hamramur/furore perciti. 154. f.

Haraldus ab Otgario Archiep. Moguntino baptizatus. 192. c. d.
Haraldus à Palnatokone interfectus. 205. c.
Haraldus Godvini filius Angliam occupavit. 216. f.
Haraldus Rex ob ignaviam Hein dictus. 220. a. b.
Haraldina apud Blekingiam rupes. 15. c. 21. c. d. e. Runemo d. Ra: 21. Ejus descriptio. 21. e. f. delineatio. 22.
Hartgrepa, dura manus. 43. b.
Harthbenus novem cubitos longus. 155. c. d.
Haugbua/Dæmones sepulchra inhabitantes. 97. a.
Haugbualetur/ *Høyboeskrifte*/ inscriptiones saxorum sepulchralium. 15. a.
Hangold/secunda ætas septentrionalium. 90. f. 91. c.
Hnucufest/jactus ossium nodosorum. 73. d.
Hecla mons in Islandia. 24. b.
Hecla non semper ignem eructat. 24. d. e.
Hellesponti Rex, pro Thraciæ Rege. 49. d.
Hernadardrapa/genus carminis antiqui. 12. b.
Hesliffvoll/campus duello destinatus. 98. b.
Hiarthvarus, Rex dialis. 83. b.
Hiarnus Scaldes. 130. d.
Hipficatea Mithridatem maritum virilimore culta in exilium secuta est. 44. f.
Hirundines idola inquinant. 247. c. d.
Holmtur/circulus Athletarum. 98. a.
Holmganga. 98. a.
Honestas, pro fortitudine animi. 103. a.
Honores mutant mores. 228. b.
Hospitalitatis jura violare nefas. 102. a. b.
Hospitium publicum, privatum. 102. b. c.
Hospites in tertio gradu officiorum. 103. a. b.
Hospitis ingrati pœna. 103. c. d.
Humana carne vesci, horrendum. 52. c. f.
Hugruner/Runæ cordiales. 45. b.
Humbus, vel Humelus, Dani & Anguli pater. 28. c. d.
Humanæ victimæ mactatæ. 92. c. d. e.
Hunnorum ingens exercitus. 121. b. c.
Hypogæum, locus subterraneus. 134. d.

IAculum naturæ, pro morte. 176. c.
Jaculum vagum. 197. d.
Idolum Mahumet. 51. c. d.
Idololatria Ethnicorum nihil aliud quàm opinio. 90. b.
Iðæg, sanguis Deorum. 47. a. b.
Jellingense monumentum. 202. b. c. 203. b. 204. a. b.
Ignis linum non consumens. 26. e.
Ignis terret bestias. 77. b. c.
Ignis, pro amore, Poeticum. 99. b.
Ignibus nocturnis aliquem opprimere, indignum. 97. b. c.

Igno-

INDEX.

Ignominia militares. 160. b. d.
 Illices oculi, illices voluptates. 43. d. e.
 Imaginarii, qui dicti. 50. e.
 Imagines olim in templis locutæ. 51. a.
 Imbuere crumenas ære. 63. f.
 Imminere provinciis. 154. e.
 Impar dimicationis genus. 39. b.
 Impetus fuga fractus. 51. c. d.
 Irripingere, vim quandam denotat. 6. a. & f.
 Imprecationes Ovidij exulis in Ibin. 53. a. b.
 Improperare, improperium. 188. d.
 Inaccessa montium. 27. b.
 Inania pacta revocare licebit. 117. f.
 Incantationibus olim corpora adversus vul-
 nera durabant. 37. c.
 Incendia Æthnæ. 24. a. b.
 Incertare, pro incertum reddere. 43. b.
 Incentivum. 24. c. d.
 Incedere vitæ genus. 156. e. f.
 Incessit pecunia. 223. c. d.
 Inchoamenta, pro initiis. 17. f.
 Inconchare, pro absorbere. 113. d.
 Incubare, pro pertinaciter inhærere, incum-
 bere. 59. c. d.
 Industria, pro prudentia. 99. b.
 Inextricabiles amicitia hami. 149. c. d.
 Infernus Islandicus fabulosus. 24. f. 25. a.
 Inferre, pro offerre. 162. e.
 Infraactus, pro fractus. 177. d.
 Insula, sacerdotum & regum insignia. 97. e. f.
 Ingenij vox ad varia transfertur. 24. a. b.
 Ingenuitas, quid. 223. d. e.
 In hominem componi. 44. c.
 Injicere manus regnis. 154. d. e.
 Inops sensus. 6. a. b.
 Inops lingua. 6. c.
 Inops fraternitatis, comitis, sociorum. 116. f.
 Infidia pestilentiores, quæ sub nomine neces-
 situdinis latent. 61. a. b.
 Insignia ingenuitatis erogare. 223. c. d.
 Insuperata magis accidunt, quam sperata. 93. b.
 Insula, pro Anglia. 194. e.
 Insulares Dani. 190. c.
 Instar, pro forma, imagine, specie. 133. e.
 158. c. d.
 Intemperantia, pro intemperie coeli. 180. b.
 Interjectus, pro interjectione. 19. b.
 Intercus, adjective. 132. c.
 Intimatio. 114. a.
 Intimare, occulte deferre, nunciare. 114. a.
 Intorsit negotium, cum emphasi dictum, &
 quasi per violentiam. 6. f.
 Invidia maxime conspicuis rebus insultat. 8. f.
 Joculatores, agyrtæ circumforanei. 145. f.
 Islandi optimi historici, & pertissimi antiqui-
 tatum septentrionalium. 16. c. d.
 Islandia, glacialis insula Saxoni. 22. b. c.
 Islandia quando incolæ cæpta. 23. b.
 Islandiæ varia nomina. 22. c. 23. a.

Islandicorum monumentorum, quæ hodieq;
 supersunt, recens. 16. c. d.
 Isora portus Selandiæ celeberrimus. 232. e. f.
 Iter Bizantio in Daniam olim tritum. 49. e.
 Julius Cæsar natatoriarum artis peritus. 83. d. e.
 Julini descriptio. 194. a. b. & 198. a. b.
 Julinenses piratæ dicti *Jomsvifinger*. 199. d.
 Juris Ecclesiastici patrocinium plurimis Prin-
 cipum sanguine stetit. 11. c.
 Juratoria fides. 102. f.
 Jurare per Jovem lapidem. 239. d.
 Jutia Daniam ingredientibus primum obvia.
 18. a.
 Jutia in Norici freti littus excurrit. 18. c.
Laboranti optima est mali mora. 116. e.
 Lac raro virgunculis in mammis, nisi
 virum passis. 147. f.
 Lacerare gallum. 150. f.
 Lacuna in Saxone, & defectus. 182. e.
 Lacunar, pro lacuna. 228. e.
 Latialis facultas, pro, peritia linguæ Latinæ.
 6. f.
 Latialis Jupiter. 6. f. & 7. a. Latarius. ibidem.
 Latiaris. 7. a. 6.
 Latialiter disertare, pro, Latine loqui. 7. c. d.
 Lapidum acervis explorare copias. 125. d. e. f.
 Lapsui vicinum est, quicquid senio constat.
 61. c.
 Laqueus, pro omnibus, quæ homo irretiri po-
 test. 252. a.
 Latrans, substantivè, pro Cane. 153. a. b.
 Latrocinia olim honesta. 69. b. c.
 Lavacrum, pro Baptismo. 207. f.
 Leges Frothonis pauca hodie in usu. 119. d. e.
 Legislatores propriis damnantur legibus. 213. e.
 Leonis, vel Ursi, caro comesta, aut epotus san-
 guis, robur conciliat. 48. c.
 Leonum carnibus vivunt Agriophagi. 48. c.
 Lepus infelicitis ominis. 214. b. c. d.
 Lethra arx vetustissima Regum Daniæ. 74.
 d. e.
 Lethrarum Reges, Daniæ Reges. 103. c.
 Liba/vita Germanis antiquis. 5. a. b.
 Liberalitatis Principum erga Doctos viros ex-
 empla. 130. d. e.
 Liliulag/genus carminis antiqui. 12. b.
 Limari, atteri. 77. a. b.
 Limrunet/Runæ arboreæ. 45. b.
 Lintea, pro velis. 174. e.
 Lingvis micare, serpentum. 63. a.
 Literæ antiquæ Danorum, Runæ dictæ. 14.
 d. e.
 Literæ Bellerophontis. 100. d.
 Literarum luce clarescunt egregie facta. 3. f.
 Literarum fructus res scitu dignas ad poste-
 ros transmittere. 4. a.
 Literatorum gratiam promereri utile est. 4. b.
 Literas facere. 232. b.

INDEX.

Lites armis & duello dirimerre, olim in usu.
120. c. d.
Stussingslag/genus carminis antiqui. 12. b.
 Liventis aquæ fluvius. 55. c. f.
 Livor post fatum faceffat. 98. a.
 Loca suspecta Daniæ Regibus, ceu fatalia.
234. f.
 Locellus, parvus loculus. 58. c.
 Longum vivere, longum valere. 130. e.
 Longobardi à longis barbibus dicti. 181. a.
 Longobardi, quando ex patria commigrant.
181. a.
 Longobardi quando in Italiam. 181. b.
 Lucra æquorea. 58. c. f.
 Luculentia sermonis, pro splendore. 16. d.
 Lumbare, subligar. 146.
 Lundonia, Angliæ Metropolis. 70. d.
 Lutum, cœnum, labes, sordes, convicij formula. 115. c. d.
 Lymicus sinus, qui & fretum Lymfortinum.
18. d.
 Lymphantes, mente capti. 154. d.

Magi Perfarum. 14. a.
 Magi humanos vultus, bestiarumq;
formas, assumere & deponere olim nove-
rant. 43. b. c. d.
 Magisterium, pro magistratu. 9. d. e. variæ
ejusdem vocis significationes. 9. c. f.
10. a. b.
 Magistratum melius gerunt, qui inviti ade-
unt. 227. c. d. e.
 Magnalia, ingentia facta. 156. b.
 Magnus, Nudipes dictus. 228. e.
 Maguntini proprium Episcopum interfici-
unt. 242. a. b.
 Majores pro senioribus. 195. e. 207. a. 249. d.
Måttuner/Logorunæ. 45. a.
 Manes elicitæ querelas fundunt. 46. d.
 Mandari, pro, nunciari. 118. d. e.
 Manni, equi pusilli. 69. b. c.
 Manus non diu ictu exhilaratur, porver-
bium. 116. e.
 Manus pro copijs. 176. d. 228. a.
 Manum capitis periculo objicere, Prover-
bium. 118. f.
 Manum spargere, exercitum dividere. 118. f.
 Marmora Arundelliana. 16. a. b.
 Marte priores, id est, superiores, victores. 53. c.
 Massa, rude metallum. 148. b.
 Mathematici pro Magis & Præstigatoribus.
41. c. f.
 Matrimonia inter inæquales raro felicia.
60. c. d.
 Matronæ laboranti Reipublicæ sæpè subveni-
runt. 206. d. e.
 Maturitas ad animum transfertur, & pruden-
tiam interdum significat. 31. d.
 Maturitas, pro prudentia. 117. f. & a.

Maximus Danorum Pontifex, pro Archiepi-
sco Lundensi. 3. c.
 Maximilianus primus Imperator ad annum
ætatis nonum planè mutus. 104. b.
 Medioximus, medius. 162. d.
Medelfarsuud/augustum fretum, quo Jutia à
Fionia separata. 18. f.
 Mediare, pro intercedere. 251. d.
 Mendacium regnis perniciem adfert. 112. f.
 Mensa nihil sacratius apud veteres. 41. f. a. b.
 Miles pro militibus, per Synecdochen. 117.
b. c.
 Milites Principi post prælium superesse olim
rubori ducebant. 82. f.
 Minorare, pro minuere. 66. c. d.
Mislner/malleus Thoronis. 89. d.
Mistlstein/spina Baldero lethalis. 93. f.
 Mithorhin, Mid-Odinus. 5. a. b.
Mynquæia Græcorum. 2. c.
 Mœnibus se defendere, an acie decernere præ-
stet. 49. a.
 Monumenta Romanorum. 2. c.
 Monstra opponuntur hominibus. 44. c. d.
 Montes complanare. 119. a.
 Monomachia lites decernebant veteres. 120. e.
 Morasteen, lapis regiæ electioni in Svetia de-
dicatus. 29. d. e.
 Mors optima, quum petitur. 178. b.
 Morituri morsu terram carpunt. 178. d. e.
 Mos signo conventum indicendi.
 Motus nocturni, pro Veneris exercitio. 195. b.
 Moveri, & motus, in rebus Veneris. 195. b.
 Mulieres versilis propositi. 109. c.
 Multivola reflexio. 165. a.
 Murices ferrei. 144. f.
 Musa, pro Cantilena. 149. e.
 Musica olim in aulis Principum. 86. e.
 Musicæ encomium. 87. d. 225. d.

Natatio, præcipuum Juvenum exerci-
tium. 83. d.
 Natantes, pro piscibus. 154. a.
 Navis velata infulis & olivæ ramis. 89. f.
 Navi vetusta imponere, supplicij genus. 213. c.
 Naves ab insignibus nomina sortiebantur.
240. a.
 Navigium Draconem simulans. 239. f.
 Necromantici Mercurium habent in horo-
scopo. 46. b.
 Necromantici raro feliciter Manes evocant.
47. c. d.
 Negotium terrestre, pro, prælio terrestri. 59.
a. 193. a.
Nidssong/hasta imprecatoria. 116. a.
Nidingstapur/obscenitatis apparatus. 116. e. f.
 Nihil utile, quod parum honestum. 145. b.
 Nimietas, pro abundantia. 105. c. f.
 Nobilitas Europæ totius è Scandia & Gothia.
68. b.

Noro-

INDEX.

Nodorum confertione res perplexa. 154. a.
 Norner/Parcæ. 134. f. 135. a.
 Norvagia ad fidem Christianam conversa. 208. b.
 Nucibus ludere, aleæ genus. 177. b. c.
 Nulla gens non est laudis avida. 1. b. c.
 Nuptiæ in exequias versæ. 41. b. c.
 Nuptiæ, pro, omni concubitu. 210. b.
 Nuptias facere. 210. b.
 Nutricij dicti Educatores. 33. e. f.
 Nympharum antra. 134. f. a.

Obtentus ensis, pro objectu ensis. 38. a. b.
 Obtinere, pro Vincere. 64. a.
 Obtusi cordis esse. 98. f. 251. f.
 Oceanus orbis vinculum. 183. e. 4.
 Occiduum, pro eo, quod occasui vicinum est, vel, quod ad occidentem spectat. 39. c. d.
 Oculi torvi terrorem incutiunt hosti. 165. a.
 Oculi fascinantes. 165. c.
 Occursacula noctium, spectra nocturna. 66. c.
 Odas suas veteres carmine intercalari distinxerunt. 46. e.
 Odini duo tresve fuerunt. 49. c.
 Odinus Asianus, sive priscus,
 Odin hin gamle. 49. c. f.
 Odinus Upsalinus. 49. f.
 Odinus Mimeri caput arte Magica vocale reddidit. 50. a.
 Odinus uno contentus oculo. 78. c.
 Odium in propatulo exercere. 145. b.
 Olavus Gottrici filius, non est idem cum Ogerio Turpini. 187. c.
 Olaus Rex Norvegiæ propè Sticklestadam interemptus. 212. c.
 Olaus Famelicus devovit se diris, pro patria. 224. c. d.
 Omnes nationes ante Saxonis tempora suos habuere Scriptores. 1. c. d.
 Onustus, pro oneroso. 166. d. e.
 Opes in propatulo habere. 135. d.
 Opinativus opponitur reali. 90. f.
 Opinio, pro fama & celebritate. 8. d. e. f.
 Orbnipping/verborum contentiones. 117. b.
 Oriens, pro toto illo in Europa tractu, qui Hellefponto finitimus. 49. d.
 Oriundus Norvagiæ. 131. a. b.
 Ornatrices puellæ. 225. f.
 Os, pro dente. 184. a.
 Oscellæ & petauri. 109. f. a.
 Oscula prima carpere. 157. c.
 Ostenta regnorum interitum præcedere solent. 252. b.
 Osculari sacra limina, humilitatis indicium. 218. a. b.
 Oth, Hebræis signum. 81. c.
 Othinus onoculus semper apparuit. 47. b. c.
 Othinus oculum Mimero oppignoravit. 47. c. f.

Othino victimæ humanæ mactatæ. 92. b. c.
 175. 179. a.
 Othincari duo. 209. b. c.
 Ottho Imperator expeditionem in Daniam suscepit. 199. e.
 Otium incentivum libidinis. 108. d.

Pace vestrâ dicere liceat. 128. a.
 Pagani, qui dicti. 144. f.
 Παρσύται. 51. a.
 Parcæ militares 88. b. c.
 Parcæ, & earum oracula. 134. f. 135. a.
 Parentela, familia, cognatio, prosapia. 234. b.
 Paro, navis prædatoria. 174. b.
 Parricidium, de interfectione Principum. 176. f.
 Paronomasia Saxoni frequens. 156. f.
 Partes, pro orâ, plaga. 63. e.
 Parvitas, pro vilitate, seu humilitate. 7. d. e. f.
 Parvus, pauperem denotat. 7. a. b.
 Passio, compassio. 101. e. f.
 Passivus, passivi amatores. 100. e.
 Pati, de rebus Venereis. 100. e.
 Patibulum, pro cruce. 226. a. b.
 Paticus, pathicus. 100. f.
 Patientia ex fortitudine nata. 72. f.
 Patricius spiritus. 102. a.
 Pausa, quies, finis. 59. f.
 Pausanæ, induciæ. f. 59.
 Pausantes, pro defunctis. 59. b.
 Pausare, pro quiescere, dormire. 59. b.
 Pax universalis sub Nativitatem Christi. 129. a.
 Pecunia ad milites, gloria ad Ducem redundare debet. 32. e. f. a. b.
 Pecuniâ mortui instructi ad Valhallam. 96. d. e.
 Pecus, pro cunctis animalibus domesticis. 53. b.
 Pendente bello. 163. a.
 Penuriæ vocabulum ad res varias transfertur. 7. d.
 Per involucrum. 210. a.
 Pergenuare, genibus reperere. 148. e.
 Perlarum Reges sine muneribus adire nefas. 110. c.
 Petia, pro Piccia. 190. b.
 Petrus Botildæ filius Monasterium Nestveden- se fundavit. 230. f.
 Petulantia, pro Juvenili impetu. 146. d.
 Physiculandi scientia. 42. d. c.
 Physiculare, pro Physicare. 42. c. d.
 Physiculatores. 42. b. c.
 Picturæ ruditas. 103. f.
 Piratica maximæ olim laudi. 98. d.
 Pisces manibus capiuntur. 21. b.
 Piscium in freto Danico & Constantinopoli- tano abundantia. 21. b.
 Pœna malitiæ similis. 126. a. b.

Pœnale,

INDEX.

Pœnale, pro pœna. 67. c. d.
 Pœnarum quatuor genera. 157. a. b.
 Pœs antiqua Danica qualis fuerit. 12. 13. a. b. c. d. e. f.
 Pontem trajicere. 131. d.
 Pontificium, pro Pontificatu, Sacerdotio. 207. f.
 Pontis versatilis usus ferè olim ignotus. 131. d.
 Popponis miraculum candentem ferri laminam gestantis. 207. a. b.
 Popularis, homo objectæ conditionis. 109. a.
 Populus divitum, populus Deorum. 223. f.
 Porcos rixantes conciliant lupi. 111. b. c.
 Potis sit, pro possit. 248. c.
 Pretium interfecti ab interfectore requirere, solenne quondam fuit. 39. c. d.
 Præcluis forma. 184. d.
 Præcordialis, pro intimo. 109. c. d.
 Præcurrit, adcurrit, decurrit &c. 194. c.
 Præfatio Saxonis omnibus numeris absoluta. 1. b.
 In ea quænam potissimum tractat, ibidem. b. c. d.
 Præferre, pro præficere alicui muneri. 166. c. 191. f.
 Præfectura Slesvicensis olim beneficiaria. 104. d.
 Prægrandia imperia difficile continentur. 195. a.
 Prælatio maritima. 166. a.
 Præminere, pro præeminere. 154. c.
 Præstes : præstites Lares. 34. c. f.
 Præsumo, præsumptio, præsumptuosus. 165. b.
 Primitiæ, pro primis rei alicujus initijs. 158. b.
 Primitiis floris teneri auferre. 157. d.
 Principatus, non sanguini debetur, sed meritis. 61. b. c.
 Principare, imperare. 191. a.
 Probrosus ales, qui proprium polluit nidum. 113. f.
 Probatio per ignem, per aquam calidam, vel frigidam. 120. f.
 Probationum, seu, purgationum varij modi. 120. c. f.
 Procella, pro malorum incurfantium impetu. 205. f.
 Proceræ staturæ homines solent exagitari. 74. d.
 Projicere, pro contemnere. 40. e. f.
 Prodigiosi partus exemplum memorabile. 107. e. b. c. 108. a. b.
 Propassis alis. 195. b.
 Propior Virginis, quàm militum charitati, locutio Valeriana. 40. e.
 Propugnare, cum Dativo, rarius. 51. d.
 Proreta, qui proræ præsidet. 176. d.
 Protheo mutabilior. 44. d.
 Protheus ambiguus. 44. b.
 Protheus magus fuit & veneficus. 44. d. e.

Proximum sibi quemq; natura constituit. 61. c.
 Prudentia peregrinando comparata. 114. c.
 Psallere, proprium Clericorum. 218. e.
 Pulchritudo index nobilitatis. 67. f.
 Pulsare, pro Vexare. 35. f.
 Pulsare, pro accusare, affligere, vexare. 233. c.
 Punica aqua. 132. b.
 Puniceum scutum, signum pacis. 89. c.
 Pyga, pro natibus. 163. c.
 Pythomantis. 43. a.
 Pythonica ars. 42. f.
 Pythonicus. Ibidem.

Quæstio ; An pro rerum summa duello configere liceat ? 105. c. f.
 Quæstio ? Num in Magistratu deligendo ætatis ratio habenda ? 109. f. 110. a. b.
 Quæstio ; An Principem bellis interesse expediat ? 111. f.
 Quæstio ; An præstet bellum domi excipere, an hosti inferre ? 154. b.
 Quicquid evenit, aliquando accidit. Proverb. 121. e. f.
 Quo plura possidemus, plus affectamus. 125. e.

Radius, pro fulgore oculorum. 155. f.
 Ramale, ramus ex arbore decisus. 47. f.
 Ramale, pro stemmate. 155. d.
 Ramis curvatis annectere, supplicij genus. 161. d.
 Ramum ducere, originem ducere. 155. d.
 Raro pingvescet, qui cadit. Proverb. 121. f.
 Recidivum, quod revertitur. 192. a.
 Recordatio majorum. 3. c.
 Ramruner/Runæ Magicæ. 45. f.
 Refutare, rejicere, contemnere. 69. c.
 Reges Daniæ munera donabant aulicis. 75. a. b.
 Regna Aquilonaria magnam habent sermonis communionem. 22. b.
 Regnerus Sodbrog victorias suas saxis incidi curavis. 15. c.
 Regnerus, unde Sodbrog dictus. 189. b. c.
 Reguli plures in Dania. 103. d.
 Religio, pro jurejurando. 209. b.
 Repedare, pro, redire, reverti. 93. c.
 Repigrare, pro, retardare, cohibere. 151. a.
 Rei patriæ. 234. d.
 Res Daniæ gestæ, pro Danorum. 6. c.
 Res Danicas in historiam conferre. 6. c.
 Res gestas in scutis depingere, olim solenne. 102. c.
 Rescindere manumissiones. 32. a. b. c.
 Restipulari, vicissim aliquid stipulari. 213. b.
 Rex, pro Vicario Regis. 101. b. 102. b.
 Rista Runer/incidere Runas. 46. c.
 Rîsus morientis, indicium vindictæ. 73. f. a.
 Roeskildia à Roë Rege. 71. f. a. b.

Roluo,

INDEX.

Roluo, unde dictus Krake. 73. c. d.
 Rolvo dictus Veiter pella. 75. b.
 Rosfold/ prima ætas septentrionalium. 90. f.
 91. a. b.
 Romani superstitiosi. 43. e. f.
 Rubellum vinum. 150. c.
 Rumor, pro obscuro strepitu. 110. a.
 Rotari, volvi huc illuc. 180. a.
 Runer/literæ antiquæ Danorum. 14. e. 45. b.
 c. d.
 Runa maasî lingua Danica à Runis dicta.
 45. c. d.
 Runæ, veterum Danorum Poëtæ. 12. b.
 Runar duo significat, & veterum literaturam,
 & magiam Runis expeditam. 45. b. c.
 Runi veteres medendi solertia se vulgo ven-
 diabant. 40. f.
 Runarum schemata varia. 14. 15. a. b. c. d.
 c. d.
 Runarum magicarum variæ species. 45. a. b.
 c. d.
 Runarstieffe/ lignum, cui insculpebant Runas
 46. a. c.
 Runas tabellis ligæis sculperunt. 100. d.
 Runhendadrappa / genus carminis antiqui.
 12. b.
 Runicarum literarum duo genera. 45. c. d.
 Runis abutebantur Magi ad incantamenta.
 45. d. e.
 Runomagiæ, sive Necromantiæ Runicæ exem-
 plum. 45. b. c. d.
 Rupices paginæ. 16. c.

SAcco inclusus non mordet. 122. b. Pro-
 verb.
 Sacer ignis, erysipelas exulceratum. 220. c.
 Sacerdotes Dijs suis aurum & argentum detra-
 hebant. 50. d. e.
 Sacra mensa, legationis, regni. 41. f. a. b.
 Sacrarium, pro ædícula sacra. 9. e. transfer-
 tur etiam ad animum. ibidem. f.
 Sacrificia, pro Sacramentis. 238. d.
 Sacrista, custos sacrarij. 220. b.
 Sacrum, pro magno. 220. d. e.
 Sagitta lignea conventus indictus. 120. a.
 Sagittandi ars, præcipua Juvenum exercitatio.
 84. a.
 Sagittarij optimi, qui fuerint. 208. d.
 Sagittariorum ulus in prælijs. 57. c.
 Sago jactare in aëra. 109. a.
 Salem ex aqua marina decoquere. 132. e. f.
 Salmoneus tonitrua alludebat. 229. b.
 Saltus edere. 126. a.
 Sangvis Deorum, qualis. 47. a. b.
 Sangvis, sacrificium humano sanguine pera-
 ctum. 55. a.
 Sangvis, pro progenie. 155. d. e. 217. c.
 Sanctus Vitus Martyr. 246. a. b.
 Satrapa, Persica vox. 31. f.

Saxa varijs inscriptionibus ornata. 15. a.
 Saxa pro trophæis erecta. 15. b.
 Saxa duodecim electioni Regiæ olim destina-
 ta. 29. f. a. b. c.
 Saxeum volumen. 16. c.
 Saxum volatile nullum. 26. f. a.
 Saxo, Clericus Absolonis. 6. d.
 Saxo literatam militiam Valdemaro offert.
 17. d.
 Saxo Momi reprehensionem prævertit. 41.
 d. e.
 Saxo multa debet Martino Capellæ. 62. c.
 Saxonis obrectatores ne hilum proficiunt.
 16. e. f.
 Saxonis fabulosa unde manarint. 17. e. f.
 Saxonia, regnum. 106. b.
 Scabida, pro scabiosa. 176. e.
 Scabies nocens, mala. 53. f.
 Scabiem Romani abominati sunt. 54. a.
 Scalda, quid sit. 17. e. f.
 Scaldri ad lyram carmina decantare soliti. 13. e.
 Scelera rarissime impunitate gaudent. 233. a.
 Sceptratus. 233. c.
 Schema. 44. f. a.
 Schema aciei Othinianæ. 164.
 Schisma inter Alexandrum & Octavianum.
 Papam. 240. e. f.
 Scindulæ, minuta ligni frusta. 210. d. e.
 Scoti à Scotto Dano. 68. e. f. a.
 Scriofinni, Scritofingi, Scritobini, Scredevin-
 dones. 26. c. d. e. f.
 Scriptitatum olim in palmarum folijs, in cor-
 tice, ligno. 99. 100. a. b. c.
 Scuta ex corticibus arborum. 162. a. ex tabu-
 lis sectis. 162. c. d.
 Scuta pulsare, mos militaris. 238. d.
 Secretarium, locus occultus. 184. b.
 Selandia antiquis Seelundur / item Sialandia
 dicta. 19. d. e. f.
 Seelandia potius dicenda, quàm Sædlandia.
 19. c.
 Seelandiæ insulæ origo ex Edda. 19. a. b. c. d. e.
 Securitas valde nocet militari fortunæ. 66. b.
 Seductus, seorsim abductus. 225. e. 249. b.
 Sedulus, continuus, assiduus. 191. e.
 Senes baculis gressus adjuvant. 176. f.
 Senior, pro Domino, Principe. 211. a. b.
 Sensatus, sensu valens. 99. f.
 Sensus, pro animo, sive mente. 6. b.
 Sepultura in magno pretio apud Gigantes.
 98. f.
 Sequestra pax. 174. d.
 Sequior, pro deteriore. 134. a.
 Sequioris ordinis vir. 133. c. d.
 Seram industriæ patefacere. 99. a. b.
 Serium veritatis. 185. e.
 Servum habere amicum, inconsultum est.
 115. c.
 Siderea rupes, pro alta. 24. c.

INDEX.

- Signa illatæ injuriæ misericordiam accendunt. 232. c. d.
- Sigrumer/Runæ victoriales. 45. a.
- Sigtrugus Rex nullo alio metallo, quàm auro, superari potuit. 36. f. 37. a. b. c.
- Sigtrugus à Gramo clavâ auro nexâ interfectus. 37. e. f.
- Silva Caledonia. 70. b.
- Silvester II Pontifex deceptus oraculo statûæ. 50. c. d. e.
- Simi, Simones. 67. b.
- Singulares congressiones abolitæ. 220. d.
- Sinus propriè serpentum. 62. c. d.
- Sinus, genus vasis. 150. b.
- Sistri figura. 87.
- Sistrum, quale instrumentum. 86. a. b. c.
- Skallviingl/vertigo Poëtica. 13. b.
- Stemmur/Stemmu Meyar/conclavia & custodes. 109. a. b.
- Staven/oppidulum in extrema Cimbria. 18. d.
- Stidher/Stydi/Andruer/soleæ lignæ Finnorum. 27. a.
- Skioldi egregia indoles. 31. d.
- Skioldi Regis humanitas & continentia. 32. d. e. f.
- Stioldunga vijsur/ genus carminis antiqui. 11. f. 12. a.
- Skioldungi à Skioldo Odini filio dicti. 31. c. f. item à clypeis. ibidem.
- Stioldungur dicti Daniæ Reges. 12. a.
- Stothent/genus carminis antiqui. 12. b.
- Stydi / Stidher / Stijer / Xylosoleæ. 126. b. c. d.
- Sleipnerus, Odini equus. 82. a.
- Slevicenses & Holfati, Dáni potius quàm Germani. 105. b. c.
- Solidum, pro terra firma. 147. f.
- Solis æstus nimius segetes corrumpit. 223. b.
- Solis lumen, ne noctu quidem, in Norvegia, occulitur. 22. b.
- Solitarius, solus. 63. a.
- Sonoritas, sonus clarus. 229. f.
- Sopore conficere homines Magi solebant. 48. d. e.
- Sordido cultu robusta sæpè obtegitur manus. 67. c.
- Sorores dicebantur amatoribus puellæ. 33. a. b.
- Sorores fratribus vestes olim conficiebant. 72. b. c.
- Sortium usus apud Germanos. 245. c. d. e.
- Specimen honestatis, virtutis. 249. c. f.
- Spectra, quid sint. 67. e. f.
- Specular, pro speculo. 161. c.
- Specularia, pro fenestris, Senecæ. 161. c.
- Spes metum vincit. 165. f.
- Spicare, spiculo asperare. 60. d.
- Spicum, pro spica. 60. b.
- Spicus crinalis, pro pectine. 60. a. b.
- Spinosi dentis acumen. 63. a.
- Spjold/Speldseffe/tabellæ lignæ. 100. d.
- Sponsio, stipulationis genus. 212. f.
- Squamea terga serpentum. 63. a.
- Squammæ piseium inter res noctu lucentes. 216. e. d.
- Statua Memnonis magicè consecrata. 50. a. b.
- Statuâ taciturnior. 149. f.
- Statuæ vocales. 50. e. f.
- Statuæ futura prædicebant. 50. c.
- Statura procera antoritatem conciliat. 250. e.
- Stinga Svesfuthorn/claviculum soporifero caractere signatum injicere alicui. 48. c.
- Stipendij vocabulum variè sumitur. 10. f.
- Stipite perfodebant corpora mortuorum. 125. c.
- Strava, convivium ferale. 61. f.
- Strangulare laqueis fallaciarum. 107. b.
- Strandhog. 114. f.
- Stridor ferarum. 58. e.
- Stupidare, pro, stupidum reddere. 54. e.
- Stuthola/genus carminis antiqui. 12. b.
- Sveno, alter Julianus. 206. b. c.
- Svenonis Elthritij laus. 217. d. e.
- Sverus Rex non fuit fabri filius. 248. c. d.
- Svip/Genius. 67. e.
- Svartruner/Runæ Necromanticæ. 46. a.
- Subarmalis vestis. 103. f. 165. b.
- Subtel, vola pedis. 153. c.
- Succinctus opibus. 63. f.
- Sudus sanguis, pro splendido. 161. c.
- Summa, pro, rerum summa. 215. c.
- Sundmoria, & Nordmoria, provinciæ. 124. c.
- T**Abes, sanies & sanguis corruptus. 47. a.
- Tabes, pro tabo. 77. a.
- Tabulatum, pro alveolo lusorio. 238. a. b.
- Tela post tergum jaculari, Parthorum. 129. a.
- Tenaculum, pro retinaculo. 158. f.
- Tespaavæda, divinatio ex cinere. 245. f.
- Teraphim Labanis. 50. d.
- Testamentum inofficiosum. 195. c.
- Testudo militaris. 89. c. d.
- Textiles nodi, pro aulæis. 99. c.
- Thule unde dicta Goropio. 16. a.
- Thule non est Islandia. 172. d.
- Thylenfes minus rectè Islandi dicuntur. 16. f.
- Thymmo ramulum pro vexillo erigit. 209. c. d.
- Thymmo, Banner dictus. 209. e.
- Thyra Regina vallum Danicum prima struxit. 200. e. f.
- Tibia à tibijs animalium dicta. 140. a.
- Timere ad, Idiotismus. 40. e.
- Timor, maximum olim dedecus. 77. c.
- Titulare. 3. b.
- Tituli vox, quàm varia significet. 2. d. e. f. 3. a.
- Toglaq/genus carminis antiqui. 12. c.

INDEX.

Tonfi, remi. 133. e.
 Tori varietas supplicij loco. 68. b. e.
 Tormenta quæ omnis generis tela torquent.
 232. f.
 Torpere, incultum atq; socordiam denotat.
 6. f.
 Tortus crinis, in nodum cōactus. 147. d.
 Doubragur / genus carminis antiqui. 12. b.
 Traditio, quid significet. 8. b. c.
 Tumulus cadaverum. 78. b. c.
 Turbidare, pro turbida reddere. 54. e.
 Tyrannus, pro Rege. 161. c.
 Tyrannis, pro Regia potestate. 161. c.

V Bbo recusat imperium. 227. a.
 Væ terræ, cujus Rex puer est. 109. b. c.
 Vafurloga. 43. b.
 Valfost / strues cadaverum. 78. e.
 Valfyrir / Parcæ militares. 88. b.
 Valli Danewerf primus fundator, quis fuerit.
 199. b. c.
 Vallis Josaphat descriptio. 227. f.
 Vallum Barbaricum in Anglia. 201. a. b.
 Vbaenfatir / Ager immortalium. 104. c.
 d. e.
 Venalis lingua. 151.
 Venatica præda. 128. f.
 Veneris vocabulum inter τὰ μυστ. 108. b.
 Venus, pro concubitu. 108. b.
 Venus errabunda, vulgivaga. 108. d. e.
 Venus, pro quavis amica. 157. d.
 Verrendi vocabulum singularem violentiam
 notat. 47. e.
 Verrere mare. 132. d. e.
 Versilis, vertilis. 25. b. c.
 Versus Saxonis debito ordini restituti. 36. b.
 c. d. e.
 Vestigio suspensio ambulare. 132. a.
 Vetustas, pro senectute. 149. c. d.
 Vetusti, pro senio confectis. 149. b.
 Vexilla olim sacra. 246. b. c.
 Viare, pro, iter facere. 178. b.
 Vicinans. 26. a.
 Victoriā stertendo nemo cepit. 121. b.
 Victrix signum, quid sit. 81. b. c.
 Victualia, pro annona. 180. c.
 Wiffa / carmina Donorum antiqua. 11. f.
 Wifinger / Piratæ, 152. c. d.

Vinculatus, vinculis astrictus. 202. b.
 Vinculum fraternum, pro fraternitate. 162. b.
 Violare, de violento contactu. 133. d.
 Virginum mos libidini velamen prætexere.
 43. e.
 Virtus, robur, auxilium. 192. a.
 Virtute invidiam vincere difficile. 135. e. f.
 Visitare terram, pro fecundare. 224. c.
 Visus fidelior aure est. 78. f.
 Vitestet. 28. a. Vitarum campus.
 Unctio, pro coronatione. 251. b.
 Undiquefecus, utrinquefecus. 22. a.
 Unno Archiepiscopus Bircæ in Svecia sepul-
 tus. 208. d.
 Voces animalium callere & interpretari. 112.
 a. b.
 Vogstörin / anfractus. 18. a.
 Volubilitas linguæ, pro eloquentia. 211. c.
 Volucris rubella. 150. a.
 Voto se obstringebant veteres inter pocula.
 74. c. d.
 Vox, pro lingua. 22. b.
 Urceis egerere aquam è navibus. 114. c. d.
 Urere, pro lædere. 62. d.
 Urnenſe forum. 251. c.
 Urſi nomine infidiator virginem comprimit,
 210. d. e.
 Utgarthia, Constantinopolis. 191. d.
 Utgarthiloci fabula, quid significet. 185. a. f.
 Utgarthiloci etymologia. 185. b. c.
 Vulnus pro clade. 59. f. 104. d. e. 251. c.
 Vultus, totiusq; corporis mutatio præstigiola.
 97. b. c.
 Vultus temporis. 116. b. c.
 Uxorius, mulierosus. 146. b.
 Wera, pons Selandiæ. 129. e.
 Wiffß Wota / quid. 39. c.
 Wilhelmus Tellius, optimus sagittarius. 204.
 c. d.

X Enia in convivij antiquorum. 92. a.
 Xylosoleæ septentrionalium. 126. b.

Y Rpana procella. 57. a. b.
 Yrpe Jell. 57. b.

Z Elotypiæ muliebris magna vis. 225. a.



INDEX AUTORUM,

qui in superioribus Notis laudantur & illustrantur.



- BB0. 38. f.
 Achilles Tattius. 157. f.
 Acron. 63. c. 146. a. 150. e.
 Acta Apostolorum. 42. f.
 Adamannus Scotus. 194. e.
 Adamus Bremensis. 2. a. 26. c. 28. a. 55. e. 71. d.
 93. d. 118. a. 185. f. 186. f. 187. e. 188. a. b. 189. a.
 192. e. 193. b. 194. e. 199. a. 205. e. f. 207. c. 208.
 b. f. 109. a. c. f. 210. b. 212. b. d. e. 213. f. 215. d. f.
 216. a. 217. b. d. 218. a. b.
 Ado Viennensis. 1. c.
 Adolphus Cyprianus. 194. f. 200. c. 207. d. 249. d.
 Aelius Donatus. 145. d.
 Aelianus. 52. a. 123. f. 184. c. 210. c. 213. e.
 Aethelthrus. 2. b. 8. f. 19. d. 30. c. 36. f. 63. f. 191. c.
 207. e. 219. e. 220. a. 221. c. d. e. 222. a. b. c.
 223. d. 228. a. 229. a.
 Aemilius Macer. 153. a.
 Aemilius Probus. 10. b. 224. a.
 Agathias. 57. e. 229. e.
 Agobardus. 120. d. 220. e.
 Aimonius. 1. c. 2. a. 185. f. 187. d. 188. a. b. 192. f.
 199. c.
 Alanus ab Insulis. 36. c. 39. a.
 Albertus Abbas Stadenfis. 186. a. 187. a. e. 188. a. b.
 192. e. 199. e. 207. d. 229. a.
 Albertus Argentinus. 209. f.
 Albertus Crantzius. 29. d. 30. a. 31. b. c. 49. c. 62.
 b. 120. c. 134. b. 193. d. 199. e.
 Albertus Magnus. 188. a.
 Albertus Metensis. 1. d.
 Alexander ab Alexandro. 89. a. 100. c.
 Alexander Guagninus. 27. a.
 Alcimus Avitus. 114. a. 175. c.
 Aldhelmus. 8. f. 39. a. 59. b. 69. f. 97. b. 100. f.
 149. c. d. 210. f. 220. f. 224. b. 227. b. 234. b.
 Alfennius JCrus. 163. d.
 Alficus. 1. d.
 Amadeus Lausaneus. 39. a.
 Ambrosius. 128. c.
 Amoenus. 69. d.
 Ammianus Marcellinus. 6. f. 9. a. e. 13. f. 21. d.
 24. d. 31. e. 34. b. 35. f. 37. b. 42. a. 44. a. 47.
 e. 51. d. 67. d. 69. e. 70. d. 83. a. 87. b. d. 89. d.
 93. c. 97. a. 105. e. f. 113. d. 117. a. 134. a. 145. c.
 154. a. 158. b. 165. b. 174. d. 175. a. 178. b. 205. a.
 206. b. 211. b. 217. c. 223. d. 229. b. c. 233. d.
 234. a. 237. a. 238. f.
 Andreas Abbas. 8. f. 241. d. e. 244. d. e. 245. a.
 e. f. 247. a.
 Andreas Bureus. 26. e.
 Andreas Senflebius. 178. a.
 Andreas Sunonis. 102. a.
 Andreas Vellejus. 9. c. 37. f. 71. d. 87. f. 104. b.
 131. c. 172. e. 173. a. 192. f. 194. c. 207. e. 209. a.
 211. c. 217. d. 225. c. 227. e. 230. b. 251. d.
 Angelomus Lexovionensis. 24. e. 90. c.
 Antiquitates Tricassinae. 33. f.
 Antoninus. 70. d.
 Antonius Foquelinus. 177. d.
 Antonius Nebrißensis. 87. c.
 Apicius Caelius. 145. e.
 Apulejus. 9. e. 10. a. 18. c. 24. a. 27. b. 30. c. 33. d.
 34. c. 37. b. 42. d. 43. d. 46. b. 47. c. 51. c. d.
 60. c. 60. f. 66. c. 86. b. 87. d. 99. b. 105. e. f.
 106. a. 116. f. 127. a. 132. a. 134. a. 151. a. 155. b.
 158. a. e. 163. d. 178. b. 184. b. 188. f. 194. c. 198.
 b. 210. d. 228. d. 251. a.
 Aristides. 119. b. 175. f.
 Aristophanes. 123. b. c. d. b. c. d. 212. f.
 Aristoteles. 67. a. 83. f. 110. a. 148. b. 226. f.
 Arnerus Skald. 32. e.
 Angrimus Jonas Islandus. 16. a. 17. e. 22. c. 23.
 b. e. 24. d. 25. a. 26. a. 31. d. a. 79. e. 92. e.
 120. b. 134. b. 141. c. 172. d. 190. a. 250. c.
 Arnobius. 8. a. 16. d. 43. a. 59. a. 105. e. f.
 108. b. 128. a. 218. c. 247. d.
 Arnoldus Abbas Lubecensis. 3. f. 8. d. e. 10. e.
 11. c. d.
 Arnoldus Huitfeldius. 11. f. b. 182. e.
 Arnulphus Lexovienensis. 2. d. 8. b. 241. b.
 Arrianus. 219. a.
 Arrianus JCrus. 8. d. e.
 Asconius Pedianus. 9. c.
 Asterius. 45. a.
 Athenæus. 14. a. 48. d. 66. c. 97. a. 133. b.
 150. d.
 Augustinus. 117. d. 130. a. 219. a. 27. a. 152. a.
 161. f. 191. b.
 Augustus Buchnerus. 112. b.
 Avicenna. 71. c. 109. a.
 Aurelius Victor. 181. b. 227. f.
 Autmarus. 1. c.
 Ausonius. 58. d. 148. a. 208. e.
 Autor de Viris illustribus. 101. a.
 Autor ad Herennium. 57. a.
 Autor de contemptu mundi. 69. d.
 Autor incertus de gestis Caroli Magni. 186. a.
 Autor Etymologici. 65. f.
 Autor Queroli. 152. a. 233. f. 249. f.

INDEX.

B Althazar Ayala. 49. c. 154. d.
 Baptista Mantuanus. 104. c.
 Barnabas Briffonius. 110. c. 163. a.
 Baruch Prophetas. 50. d. e.
 Beda Venerabilis. 1. d. 29. a. 39. a.
 Benedictus Balduinus. 147. a.
 Bernhardus Morlanensis. 77. e. 113. e. 152. b.
 178. f. 250. d.
 Boethius. 44. b. 178. c.
 Bruno. 2. a.
 Brynolfus Sænonius, Episcopus Scalholtenfis. 16. f.
 20. e. 23. c. e. f. 24. e. 26. d. 28. e. 31. b.
 34. d. 37. b. 39. e. 43. d. f. 46. b. 74. a. e.
 48. f. 49. d. 52. d. 53. c. 54. b. 55. c. 57. b.
 60. a. 66. f. 67. e. d. 68. c. 69. b. c. 70. a.
 73. d. f. 78. a. b. e. 88. a. c. 93. f. 97. c.
 98. a. 103. a. 104. b. c. 106. b. e. 114. e.
 115. c. 116. b. e. f. 118. b. f. 121. f. 122. a.
 125. f.
Cælius Rhodiginus. 25. d.
 Cæsar Baronius. 234. f.
 Cæsius Heisterbachensis. 39. c. 101. d. 109. d.
 180. c. 220. b. 234. c.
 Calphurnius Siculus. 41. c. 60. d. 76. c. 78. b.
 88. b. 155. e. 176. f.
 Calpurnius Flaccus. 87. f. 118. d.
 Carisius. 132. d.
 Caspar Barthius. 11. b. 37. c. 38. e. 44. e. 50. c.
 64. a. d. 66. b. 67. b. 71. e. 77. c. 79. d.
 97. a. 110. b. 117. d. 118. e. 119. f. 126. a.
 144. d. 151. c. 166. d. 179. b. 194. e. 210.
 b. 223. d. 233. d. 249. e. f.
 Caspar Peucerus. 67. f. 245. f.
 Cassiodorus. 8. e. 87. c. 218. d.
 Cato. 113. a. 148. a. 177. a.
 Catullus. 4. c. 78. d. 115. e. 123. c. 132. e. 157.
 d. 161. a. 175. c. 185. d. 248. c.
 Cedrenus. 229. e.
 Censorinus. 54. d.
 Christianus Adrichomius. 227. a.
 Christophorus Brovverus. 100. c.
 Christophorus Colerus. 7. f.
 Chronicon Archiepiscoporum Lundensium. MS.
 3. b.
 Chronicon Cameracense. 113. d.
 Cicero. 3. e. 4. b. 4. a. 6. c. ibidem. 7. a. 9. f.
 17. a. 19. b. 31. d. 37. b. 39. f. 42. b. 50. c.
 52. c. 53. b. 59. a. 61. a. 67. c. 68. f. 69.
 e. c. 77. e. 78. c. 83. a. b. 98. c. 102. d. f.
 110. d. 111. c. 115. d. 117. a. 128. f. 130. a. c.
 131. d. 132. c. 145. b. 146. d. 154. e. 156. f.
 157. e. 174. b. 183. d. 185. d. 210. a. 212. e. f.
 226. c. d. 228. b. 232. f. 238. d. 252. a.
 Claudianus. 36. a. d. 39. e. 54. d. 68. f. 99.
 b. 117. f. 130. f. 149. b. 179. b. 230. a.
 233. d.
 Claudius Lyschander. 95. a. 182. c. 223. a.

Claudius Salmasius. 4. f. 147. b.
 Clemens Alexandrinus. 47. a. 84. a. 147. e.
 247. f.
 Codinus. 63. d.
 Cælius Aurelianus. 220. e. 238. b.
 Coitus Smyrnæus. 119. c.
 Columbanus. 2. c. 177. a. 230. a.
 Columella. 93. b. 98. b. 131. c. 145. e.
 Conradus Gesnerus. 216. e.
 Conradus Rittershusius. 250. e.
 Corippus Africanus. 36. a. 157. c. 192. b.
 Cornelius Aurelius. 186. d.
 Cornelius Celsus. 39. b.
 Cornelius Gallus. 67. f. 176. a. 178. a.
 Cornelius Nepos. 49. a. 210. f.
 Corona pretiosa. 238. c.
 Curtius. 14. a. 30. f. 50. c. 72. d. 83. a. 98. e.
 111. d. 112. c. 119. a. 135. a. 145. b. 147. f.
 154. e. 165. e. 175. c. d. 176. a. 184. b. d.
 195. a. 208. d. 236. d. f. 240. c.
 Cyprianus. 30. e. 59. d. 145. f. 156. c.

Daniel Heinsius. 18. d. 78. c. 101. c.
 David Chytraeus. 197. d.
 Demosthenes. 102. c. 115. a.
 Diodorus Siculus. 129. c. 160. b. 238. f.
 Dio. 61. e.
 Dio Chrysostomus. 60. f. 185. d.
 Diogenes Laërtius. 123. a.
 Dionysius Afer. 22. a. 25. e. 183. f.
 Dionysius Halicarnassæus. 7. b. 72. f.
 Dionysius Lambinus. 53. c. 118. e.
 Dionysius Periegetes. 84. b.
 Dioscorides. 71. b. 93. b.
 Dithmarus. 92. f. 124. c. 201. d. 245. b.
 Domitius Brussonius. 23. a.
 Domitius Calderinus. 25. c.
 Dudo Neustrius. 1. d. 28. b. 31. a. 38. c. f. 39.
 a. 44. e. 60. f. 69. b. 93. a. d. 149. c.
 165. c. 174. a. 180. a. 182. e. 191. c. 192. c.
 194. a. 234. d.

Eccheardus Junior. 3. a.
 Edda, Islandorum Mythologia. 14. b. c. 16.
 d. e. 17. c. d. e. 19. d. 31. e. 32. e. 47. d. 70. f.
 73. c. 78. b. 88. d. e. 89. d. e. 93. f. 95. c. 96. c.
 97. c. 134. f. 136. a. b.
 Egesippus. 69. e. 179. f.
 Egilli Scallagrimi Epinicion. 33. d.
 Egillus Scallagrimus. 70. f.
 Eginhardus. 1. c. 185. f. 186. a. 187. a.
 Egla, Historia Egilli Scallagrimi. 116. b.
 Eligius. 7. c.
 Endeleichius Rhetor. 89. c. 111. b.
 Ennius. 38. d. 63. f.
 Ennodius. 7. a. 9. d. 30. d. 166. b. 207. f.
 Episcopus Arconensis. 77. e. f.
 Erasmus Letus. 200. a.
 Erasmus Roterodamus. 100. d. 111. b. 148. d. 158. b.
 Z 2 Erycius

INDEX.

Erycius Puteanus. 40. c.
 Ethelwerdus. 1. d. 28. f.
 Eucherius. 24. b. 162. c. 234. b. 238. a.
 Eugippius. 8. b. 106. a. 114. b. 233. d.
 Eugraphius. 145. d. e.
 Euhemerus Siculus. 15. d. e.
 Eunapius. 129. d.
 Euripides. 82. b. 98. c. 178. e. 238. e. 251.

Festus. 54. b. 60. c. 61. b. 162. e. 163. a.
 210. b. 229. f.
 Festus Avienus. 63. d. 65. d. 114. a. 132. f.
 Flavius Josephus. 148. d.
 Flavius Vopiscus. 100. f. 147. f. 161. e.
 Flodoardus. 90. b. 211. b.
 Florentius Vigorniensis. 65. e.
 Florus. 27. a. 59. c. 60. a. 68. f. 79. e.
 117. c. e. 158. e. 194. d. 220. e. 223. f.
 228. b.
 Franciscus Vatablus. 81. e. 101. c.
 Freculfus. 1. c. 129. e.
 Freigius. 7. a.
 Fridericus Lindenbrogius. 26. e. 69. f. 122. d.
 Fridericus Tilemannus. 239. b.
 Frontinus. 69. a.
 Fulbertus Carnotensis. 55. c. 180. c. 213. b. 251. c.
 Fulgentius. 17. a. 60. b. 118. f. 152. a. 174. d.

Gallus Confessor. 118. e.
 Galterus. 2. b. 8. a. 24. e. 26. b. 32. c.
 39. a. 41. e. 44. f. 54. e. 55. b. 64. a. 75.
 b. 77. f. 166. e. 175. d. 177. a.
 Gariopontus. 30. c. 151. b.
 Gaspar Schoppius. 77. c.
 Gausfredus. 1. d.
 Gausfridus. 284. a.
 Gausfridus Monemutensis. 1. d.
 Gekius. 8. c. 41. f. 49. b. 61. f. 103. b. 105. c.
 107. c. 123. a. 132. a. c. 155. a. 157. f. 160. b.
 195. c. 208. a. 229. b.
 Georgius Agricola. 23. f.
 Georgius Buchananus. 70. b. 190. b.
 Georgius Fabricius. 3. b.
 Gerardus Johann. Vossius. 2. a. 25. c. 39. a. 130.
 78. d. 250. e.
 Gerbertus. 36. b.
 Germanus Valens Pimontius. 174. e. 229. d.
 Gevohartus Elmenhorstius. 228. d.
 Gildas Sapiens. 11. d.
 Giraldus Cambrensis. 128. e.
 Glaber Rodolphus. 1. d.
 Glossæ Isidori. 9. d. 42. d. 66. f. 146. b.
 Glossæ Isonis Magistri. 59. b.
 Glossæ Philoxeni. 151. c. 192. a.
 Glossarij MS. fragmentum. 66. a.
 Glossarium. 6. b. 33. f. 50. c. 57. f. 60. a. 63.
 a. 66. f. 69. d. 69. e. 77. b. 99. b. 114. b.
 146. b. 155. c. 158. f. 163. c. 178. f. 188. d.
 216. d.

Glossarium Camberonense. 65. e.
 Glossarium Islandicum. 66. 2. 98. a. 166. b. 117.
 b. 146. e. 154. f. 156. f. 193. d. 220. a.
 Godeschalus Stevvechius. 57. b. 89. e. 210. e.
 Grangæus. 50. b.
 Gratus. 60. d.
 Gregorius Nyssenus. 155. e.
 Gregorius Turonensis. 1. c. 120. d. 232. e.
 235. d.
 Gretila. 48. f. 114. e. 27.
 Guntherus Poëta. 2. a. ibidem. b. 17. d. e.
 65. b. 153. b. 181. a. 236. b. 242. d. 249. a.
 259. d.
 Guido Pancirolus. 100. c.
 Guigo Carthusianus. 252. a.
 Guilandinus. 100. c.
 Guilielmus Aremoricus. 39. a. 66. c. 69. a. 95.
 e. 101. e. 166. b. f.
 Guilielmus Budæus. 103. a.
 Guilielmus Cambdenus. 29. b. 68. e. 70. d.
 190. b.
 Guilielmus Mamelsberiensis. 1. d. 50. c. 124. d.
 128. e. 213. a. 222. f.
 Guilielmus Neobrigensis. 224. b. 234. a. 236. e.
 237. c. 248. b.
 Guilielmus Rhievallensis. 1. d.
 Guilielmus Tyrius. 37. e. 235. b.

Hadrianus Junius. 107. b.
 Halfrodus Poëta. 33. c.
 Hector Boëtius. 27. a. 29. c. 129. a. 207. e.
 Heliodorus. 47. d. 25. b.
 Helmoldus Butzoviensis. 2. b. 8. f. 120. a. 185.
 d. 212. f. 237. c. d. 238. f. 242. b. 246. e.
 Helericus. 224. b.
 Henricus Ernstius. 119. b. 246. a.
 Henricus Faber. 87. f.
 Henricus Huntingdonensis. 1. d.
 Henricus Meibomius. 239. a.
 Henricus Spelmanus. 110. f. 113. d. 120. f. 179. d.
 252. e.
 Hericus Monachus. 2. a. 18. e. 35. f. 38. d. 39.
 a. c. d. 87. b. 101. f. 110. e. 112. d. 166. c.
 175. c. 177. e. 224. b. 233. e.
 Heribertus Rosvveidus. 65. f.
 Hermannus Contractus. 2. a.
 Hermannus Hugo. 100. c.
 Hermannus Lignaridus. 48. f.
 Hermes Trismegistus. 50. e.
 Hero Crescibius. 134. b.
 Herodianus. 145. a.
 Herodotus. 77. a. 81. f. 90. d. 245. c.
 Hesiodus. 73. a.
 Hesihius. 25. d. 38. e. 43. a. 134. e. 145. e.
 163. e.
 Hieronymus. 59. d. 69. c. 100. c. 106. b. 129. b.
 176. e. 224. a.
 Hieronymus Fabricius ab Aquapendente. 112. a.
 Hieronymus Mercurialis. 84. e. 109. b.

INDEX.

Hieronymus Oforius. 100. a.
Higinus Gromaticus. 508. c.
Hilarius. 116. a.
Hildebertus Cenomanensis. 247. d.
Hildefonsus Toletanus. 1. d.
Homerus. 48. e. 73. a. 88. c. 91. a. 102. d. 122. f. 146. c. 178. e.
Horatius. 3. f. 4. c. 7. a. 9. f. 35. e. 36. f. 38. d. 43. a. 44. b. 51. d. 53. f. 63. b. 69. c. 77. c. 106. a. 119. a. 123. b. 129. a. 135. d. 146. a. 150. b. 154. e. 163. d. 177. c. 251. a. 252. b.
Hrosvita. 1. d.
Hugo Grotius. 42. c. 60. b.
Hyginus. 229. d.
Hypnerotomachia Poliphili. 52. d.
I*acobus Augustus Thuanus.* 185. a.
Jacobus Gutherius. 208. a.
Jacobus Læcius. 109. d.
Jacobus Mejerus. 102. e. 120. b. 214. d.
Jacobus Zevcotius. 60. e. 111. a.
Janus Gruterus. 10. e. 119. c. 165. c.
Joannes de Janua. 25. e. 67. a. 72. c. 146. c. 178. c. 228. f. 251. d. e.
Joannes de VVeathamsted. 90. f.
Joannes Freinshemius. 32. a. 64. e. b. 75. a. 97. a. 135. e. 194. d.
Joannes Gerundensis. 1. d.
Joannes Meursius. 28. e. 30. f. 37. f. 41. a. 63. d. 89. f. 106. e. 112. d. 125. f. 127. a. 149. d. 150. f. 210. c.
Joannes Moschus. 65. e.
Jodocus Badius. 63. c.
Johannes Aventinus. 120. b.
Johannes Baleus. 109. d.
Johannes Bialarensis. 211. a.
Johannes Bodinus. 67. f. 235. e.
Johannes Boëmius. 122. e. 123. f.
Johannes Bourdelotius. 73. a. 146. d. 210. b.
Johannis Calvini Lexicon. 9. e. 208. a.
Johannes Cajus. 128. b. 131. d.
Johannes Cassianus. 591. c. 106. a. 195. c.
Johannes Coropius Becanus. 16. a. 28. b. 209. f.
Johannes Guilielmus Stukius. 239. c.
Johannes Hantvillensis. 71. d. 78. a. 101. c. 233. d.
Johannes Janus Alanus. 79. d.
Johannes Isacius Pontanus. 10. d. 28. f. 58. e. f. 78. f. 106. e. 130. d. 156. a. 183. d. 184. a. 200. f. 214. d. 222. b. e. 248. f.
Johannes Kirchmannus. 114. d. 129. d. 176. c. 241. d.
Johannes Laurenbergius. 56. a. 121. e. 160. a. 163. c.
Johannes Magnus Suecus. 28. d. 29. e. 34. f. 36. f. 37. e. 62. b. 129. a.
Johannes Messenius. 29. e. 158. a. 208. f.
Johannes Pineda. 128. d.
Johannes Sarisberiensis. 2. d. 3. f. 4. b. 7. d. e. 9. e. 41. f. 50. e. f. 60. d. e. 61. c. 61. a. 66. c. 72. a. 93. c. 145. f. 146. b. 151. f. 153. f. 156. d. 207. f. 224. b. f. 229. f.
Johannes Seldenus. 16. b. 50. e. 120. f. 124. f.
Johannes Sleidanus. 110. c. 124. e.

Johannes Stephanus. 106. e.
Johannes Svaningius. 18. b. 29. e. f. 37. b. e. 41. a. 66. a. 98. a. 106. e. 140. a.
Johannes Svaningius Junior. 223. a.
Johannes Tritheimius. 193. e.
Johannes Turpinus. 51. a. 187. c.
Johannes Vastorius. 144. b.
Johannes VVeitzius. 2. f. 116. a. 174. d.
Johannes VVierus. 67. f. 113. d.
Jonas Coldingenfis. 71. b.
Jornandes. 8. c. 26. c. d. 61. e.
Josephus Devonius Iscanus. 3. b. 9. a. 36. e. 39. d. 40. b. 77. c. 78. e. 106. b. 158. a. 174. a. 175. a. 237. e.
Josephus Judæus. 15. f. 235. e. f.
Josephus Scaliger. 61. b. 69. d.
Jostias Simlerus. 204. f.
Isaacus Casaubonus. 4. c. 185. d. 250. c.
Isambardus Diaconus. 2. c.
Isidorus Gram. 57. d. 65. e. 69. d. 89. c. 128. a. 147. a. 174. b. 181. a. 184. e. 210. e. 251. f.
Isidorus Hispalensis. 1. d.
Isocrates. 110. a.
Ivo Carnotensis. 1. d. 55. d. 93. d. 101. e. 109. e. 120. f. 180. e. 234. d.
Julius Caesar. 16. b. 27. a. 89. b. 102. e. 127. c. 165. b. 194. c. 210. e. 232. f.
Julius Caesar Scaliger. 20. d.
Julius Capitolinus. 69. e. 110. c. 234. b.
Julius Firmicus. 6. f. 7. a. 8. e. 10. a. 24. a. 31. e. 46. b. 55. a. 59. d. e. 100. e. 108. f. 110. e. 114. b. 131. e. 132. a. 145. f. 183. e. 223. c. 228. c. 233. d.
Julius Obsequens. 53. a. 250. a.
Julius Pollux. 25. d. 87. e.
Justinianus. 33. e. 131. c.
Justinus. 6. e. 9. d. 32. c. 40. b. c. e. 50. b. 60. a. 62. a. 63. f. 77. a. 97. e. f. 98. d. 101. a. 111. a. 117. f. 119. a. 125. e. 128. f. 130. a. 132. a. 135. f. 147. d. 154. f. 156. e. 158. c. 160. c. d. 163. a. 193. a. 213. c. 225. b. 227. e. 228. a. 232. c. 235. a. b. 237. d. 238. a. 252.
Juvenalis. 4. e. 41. b. 50. b. 57. f. 78. a. 99. 100. f. 113. a. b. 133. d. 144. b. 148. b. 177. b. 195. b.
Juvenius. 217. c.

L*aberius Mimographus.* 149. c.
Lactantius. 15. e. 43. e. 72. a. 125. b. 151. b. 247. c.
Lævinus Torrentius. 148. a.
Lambertus Schafnaburgensis. 2. a. 98. e. 120. f. 131. b. 190. d.
Lampertus Alardus. 205. e.
Lampridius. 110. b. 119. d.
Laurentius Pignori. 86. a. b. 129. d.
Laurentius Ramirezius. 128. d. 177. e. 218. f.
Laurentius Scavenius. 116. d.
Laurentius Valla. 30. a.
Lazarus Baysius. 146. e. 176. e. 240. b.
Leo Imperator. 129. b.
Leonardus Vairus. 49. b. 165. d.
Leontius. 120. d.

INDEX.

Leviticus. 42. f.
Levenclavius. 64. b.
Lexicon Græcolatinum vetus. 25. f.
Lipfius. 7. f. 35. c. 57. b. c. d. e. f. 89. e. 131. e. 160. d. 210. b.
Livius. 9. a. 49. c. 52. a. f. 55. f. 57. f. 59. d. 64. c. 72. f. 77. c. 89. f. 100. e. 102. b. c. 105. a. e. 111. b. c. 114. a. 115. c. 117. f. 150. c. 131. d. 132. d. 134. c. 152. b. c. 158. a. 162. a. 163. b. 175. e. 180. a. 205. a. 206. e. 209. d. 226. c. 227. e. 238. e. 251. a.
Livius Andronicus. 39. f.
Longus Sophista. 65. d. e. 131. b. 157. c.
Lucanus. 2. e. 7. a. 13. f. 30. d. 52. b. c. 52. f. 57. c. 58. d. 62. e. 78. d. 115. f. 119. a. 133. e. 148. b. 150. f. 151. c. 175. b. 179. a. 179. b. 180. a. 189. f. 216. d.
Lucilius. 155. a.
Lucretius. 4. b. 6. a. 18. b. c. 27. b. 53. c. 57. d. 67. d. 70. f. 77. b. 108. e. 117. a. 118. e. 130. a. 133. e. f. 135. f. 147. b. 155. b. 157. f. 165. a. 229. b.
Ludovicus Aurelianus. 4. e. 30. f.
Ludovicus Cresollus. 74. e.
Ludovicus Guicciardinus. 108. b.
Ludovicus Lavaterus. 66. d. 67. e.
Lucianus. 1. a. 48. c. 102. c.
Luitbrandus. 59. f. 124. b.
Lupus, Abbas Ferrariensis. 7. e. f. 38. c. 86. b. 166. c. 232. c. 251. c.
Lupus Servatus. 8. a.
Lycophron. 127. a.
M *Acrobatus*. 16. c. d. 55. a. 59. e. 125. a. 131. f. 238. a.
Magnus Olavus, Pastor Lausaciensis in Islandia. 12. f. 16. e. 19. a.
Mallens maleficarum. 67. f. 205. e.
Manilius. 62. d. 69. c. 205. e.
Marbodæus. 24. f. 80. e. 162. f.
Marcianus Heracleotes. 21. a.
Marianus Scotus. 2. a.
Marius Victor. 128. a.
Martianus Capella. 7. c. 10. c. d. 17. f. 19. b. 21. d. 22. a. 24. b. 25. b. a. 26. a. 27. c. 34. a. d. e. 41. e. 42. b. c. 47. e. f. 54. e. f. 55. e. f. 60. b. 62. c. 63. a. e. 67. a. 87. f. b. 89. b. 93. a. 98. c. 105. f. 107. b. 133. b. 145. f. 149. b. 150. c. d. 151. b. 155. b. c. d. 157. c. d. 163. c. 165. b. 174. e. 184. d. 212. e. 223. f. 247. b. 252. a.
Martialis. 24. c. 35. a. b. 69. c. 124. a. 147. d. 150. c. e. 151. e. 152. c. 157. e. 161. f. 177. b.
Martinus Delrius. 120. f.
Martinus Opitius. 5. b.
Matthæus Paris. 55. d. 180. c. 191. c.
Matthæus Raderus. 32. a. 175. c.
Matthæus Vossius. 65. a.
Matthæus Westmonasteriensis. 29. b. 129. c. 207. e.

Matthias Berneggerus. 40. b. 68. b. 115. a. 130. c. 144. f. 154. e. 163. b. 225. e.
Matthias Martinus. 6. b.
Maximianus. 167. f.
Maximus Casar Augustanus. 1. d.
Maximus Tyrius. 41. c.
Meginfredus. 1. d.
Melchior Goldastus. 2. c. 69. d. 195. e.
Melchior Junius. 109. f. 112. d.
Mericus Casaubonus. 234. c.
Mesue. 71. c.
Michaël Casparus Lundorpius. 177. e.
Michaël Glycas. 36. b.
Minutius Felix. 43. a. 125. b. 247. d.
Modoinus. 18. e.
Monachus Florentinus, Episcopus Arconensis. 26. a.
N *Azarius*. 110. d. 127. a.
Nazianzenus. 135. e. 229. d.
Nemesianus. 127. b. 179. b.
Nennius. a. d.
Nicander Colophonius. 71. a.
Nicephorus. 124. b.
Nicetas Choniates. 115. a. 119. b. 225. b.
Nicolaus Abramus. 158. a.
Nicolaus Cassinus. 184. d.
Nicolaus Hemmingius. 120. f.
Nicolaus Lyranus. 110. d.
Nicolaus Remigius. 67. f.
Nicolaus Rigaltius. 77. c.
Nicolaus Serrarius. 241. a.
Nithardus. 1. c. 8. a.
Nonius Marcellus. 155. a. 162. e. 240. a.
Nonnus. 127. c. 240. a.
Novelle Theodosij. 69. e.

O *Bertus Gifanius*. 99. a. 100. e. 117. b.
Olaus Magnus. 29. e. 88. a. 92. c. 126. a. 134. b. 139. c. 175. f.
Olaus VVormius. 5. b. 12. d. e. 14. e. 15. b. 20. f. 21. d. 26. f. 29. d. 45. a. 61. e. f. 79. e. 92. f. 98. a. 100. a. 106. c. 111. a. 128. d. e. 129. e. 134. d. 142. b. d. 152. e. 158. f. 172. e. 173. b. 188. e. 192. f. 212. b. 236. a. 242. f.
Otfridus. 5. a.
Oppianus. 131. b. 210. b. c.
Opratus Afer Milevitanus. 234. c.
Ordericus Vitalis. 93. d. 98. e. 128. d. 166. a.
Ottarus Niger. 33. a.
Otho Frisingensis. 2. a. 129. a. 181. b. 234. e. 236. c. 250. d.
Otho Heurmius. 47. d.
Ortho Poëta. 184. c.
Ovidius. 2. d. 8. f. 23. f. 30. b. 39. c. 41. c. 43. f. 44. b. c. 47. f. 60. d. 67. a. 69. d. 76. b. 84. e. 98. b. 103. e. 106. f. 108. d. 111. a. c. 116. c. 119. a. d. 124. a. 129. b. 130. c. 132. b. 235. e. 151. f. 157. e. 158. b. 176. f. 177. c. 184. d. 189. f. 235. a. 226. d.

INDEX.

Pacatus Drepanus. 67. b. iii. c.
Papias. 2. d. 65. c. 67. a. 153. c. 230. a.
Paulinus Nolanus. 227. c.
Paulus Apostolus. 90. b.
Panegyricus Constantino dictus. 24. d.
Paulus Diaconus. 7. c. 22. c. 26. b. 28. a. 180.
d. 181. a. b. 194. c. 247. c.
Paulus Æmilius. 109. f. 120. d. 199. b. 232. e.
Paulus Jovius. 16. b.
Paulus Jctus. 8. d.
Paulus Orosius. 8. b. 66. b. 110. f. 111. c. 129. d. 201. c.
Paulus Rhamnusius. 225. f.
Pausanias. 122. f.
Persius. 4. b. 47. f. 148. c. 150. c. 155. d. 177.
d. 185. c. 249. c.
Petronius Arbitr. 41. c. 44. d. 51. b. 52. e. f.
61. b. 69. e. 87. a. 93. b. 98. e. 112. e. 115.
a. 128. a. 134. d. 146. d. 150. e. 151. f. 157. c.
184. f. 210. b. 213. c. 249. b.
Petrus Bellonius. 129. d.
Petrus Chrysologus. 3. a. 9. d. e. 30. a. 35. b.
36. c. 42. e. 58. f. 66. d. 67. d. 69. f. a.
101. d. 106. a. 108. e. 125. b. 178. a. 202. b.
208. a. 234. c. 235. d.
Petrus Colvius. 42. e. 127. a.
Petrus Canus. 148. d.
Petrus de Vineis. 124. b.
Petrus Gyllius. 21. b.
Petrus Laglandicus. 117. e. f.
Petrus Pithæus. 113. c.
Petrus Victorius. 45. a. 98. c.
Philargyrus. 7. a.
Philippus Camerarius. 31. c. 48. e. 73. b. 81. f.
165. b. 214. c. 241. d.
Philippus Cluverius. 174. a. 176. c. 181. e.
Philippus Presbyter. 62. e.
Philippus Rubenius. 147. a.
Philo Judæus. 157. e.
Philostatus. 184. f.
Philoxenus. 188. a.
Phocas Grammaticus. 126. a.
Phædrus. 63. c. 77. b. 153. a. 155. e. 194. 216. c.
Pindarus. 1. a. 41. b. 87. e. 135. e.
Pindarus Thebanus. 153. b. 179. b.
Platina. 186. c.
Placidus Lactantius, Statij interpres. 46. d.
Plato. 51. e. 67. a.
Plautus. 4. b. 9. f. 21. e. 43. b. 59. e. 93. b. 100. a.
101. d. 102. b. 106. a. 113. e. 115. d. 117. e. 124. b.
148. a. 149. f. 150. d. 157. e. 162. e. 163. b. 194. c.
227. d. 248. c. 249. b. 251. a.
Plinius. 4. d. 7. b. c. d. 23. f. 26. b. d. 32. a. 48. c. 50. d.
70. c. 71. b. 93. b. 94. a. 99. e. 112. f. 127. c. 129. c.
144. b. 147. b. 155. f. 162. c. 165. a. 179. c. 189. a.
Plinius Junior. 7. a. 67. f. 69. d. 100. a. 148. f.
149. a. 165. a. 174. d. 183. d. 211. e. 212. c. 213.
c. d. 223. f. 226. e.
Plinius Valerianus. 59. e.
Plutarchus. 15. f. 32. d. 45. a. 67. b. 87. d. 89. a.

119. c. d. 122. f. 123. e. f. 128. c. 129. a. 145. c. 160.
c. 174. b. 179. f. 224. b. 225. d. 239. b.
Polybius. 115. b. 119. c.
Polydorus Virgilius. 109. f. 110. d. 120. c.
Polyanus. 179. a.
Pomponius Mela. 48. d. 77. a. 156. b. c.
Porphyrio. 69. c.
Porphyrius. 15. f. 112. a. 134. f.
Procopius. 26. b. 126. d. 181. c. 209. f.
Propertius. 51. b. 84. b. 87. d. 157. e.
Prudentius. 2. e. 9. c. 18. d. 36. a. 44. f. 59. a. 65.
c. 114. a. 116. a. 194. f. 217. c. 218. b. 227. a. 233. f.
Prolemaus. 20. e. f. 21. c. 70. d.
Publius Mimus. 67. f. 111. a. 178. b.
Puteanus. 7. a.

Queroli autar. 42. a.
Quintilianus. 6. c. 30. b. 31. d. 35. c. 38. c.
41. f. 47. b. 51. c. 52. f. 52. e. 60. b. 98. a. b. e.
108. c. 132. b. 135. d. 148. a. 151. c. 156. f. 178. a.
179. a. 212. d. 223. b. 252. c. d.
Quintus Cicero. 41. b.

RAbbi Moses Ægyptius. 50. b.
Radenvicus. 2. a. 120. f.
Radulphus Ardentius. 55. e. 61. b. 66. c. 90. b.
Rhabanus Maurus. 7. b.
Rhegino. 1. c. 64. c.
Ricardus Argentinus. 67. f.
Ricardus Stanishurstius. 99. c.
Robertus Monachus. 37. d. e.
Robertus, Rex Franciæ. 99. f.
Robertus VValterius. 145. e.
Rogerus de Hoveden. 242. a.
Rupertus Tuitiensis. 8. a. 51. a.
Rutilius Numatianus. 249. e.

Sallustius. 6. f. 16. d. 24. a. 39. e. f. 48. f. 86. c.
135. e. 162. b.
Salomo Lexicographus. 69. d.
Sanctes Pagninus. 32.
Savaro. 59. e.
Salvianus Massiliensis. 16. c. 24. d. 57. e. f. 59. d.
145. d. 235. c. 247. c.
Samuel Benlanus. 1. d.
Scalda, Metrica Islandorum. 17. e.
Sebastianus Munsterus. 195. f.
Secundus. 1. c.
Sedulius Presbyter. 54. d. 217. c.
Seneca. 9. a. 26. d. 50. e. 52. 77. c. 97. a. 103. b.
110. c. 181. d. 125. b. 134. a. 145. f. 150. e. 151. c. 151.
d. 161. e. 174. d. 205. f. 239. e.
Seneca Rhetor. 8. c. 41. b. 93. b. 133. d. 145. b. 148. a.
156. e. 183. e. 184. a.
Seneca Tragicus. 30. e. 41. d. 68. d. 91. b. 111. 151.
d. 165. a. 177. a. 178. c. 238. d.
Septimius Romanus. 188. a. 220. f.
Septimius Serenus. 87. a.
Serapio. 71. c.
Serenus Sammonicus. 249. f.

INDEX.

- Servius.* 9. a. 59. e. 83. a. 98. a. 129. a. 150. b. 166. a.
 174. d. 178. f. 179. f.
Severus Patriarcha. 7. d.
Severus Sanctus. 89. c. 111. b.
Sibrandus Siccamia. 186. e. 187. a.
Sidenius Apollinaris. 8. d. 9. d. 24. d. 25. c. 59. f. 74.
 a. 84. c. 132. a. 134. b. 162. e. 163. b. 174. b. e. 185. d.
 191. b. 205. e. 218. d. 224. a. 238. b. 239. f.
Sigebertus Gemblacensis. 2. a. 110. c. 192. a. 193. b.
 207. d. 214. d. 246. b.
Sigismundus Baro ab Herbenstein. 88. b.
Silius Italicus. 18. d. 32. b. 41. c. 54. c. 62. f. 73. a. 76.
 c. 90. b. 102. c. 115. a. 118. f. 133. c. 135. f. 156. a. 167.
 b. 176. a. 184. b. 205. a. 240. b.
Silvester Giraldu Cambrensis. 23. d.
Simeon Dunelmensis. 1. d.
Snoro Sturlasonius. 50. a. 101. d. 106. c. 109. b. 196. a.
Solinus. 24. b. 48. c. 69. e. 99. e. 178. c. 208. a.
Spartianus. 4. e. 32. d. 54. c. 97. a.
Statius Papinius. 34. a. 46. d. 77. a. 116. f. 133. f. 151.
 e. 158. b. 162. a.
Stephanus Guichardus. 66. a.
Stephanus Pighius. 7. f. 166. e.
Strabo. 14. a. 42. d. a. 48. a. 81. c. 90. d. 123. e. 156. d.
 181. b.
Sveno Aggonis. 74. f. 105. a. 220. e. 221. b.
Suetonius. 4. d. 9. a. b. e. 30. d. 51. c. 60. a. 74. e. 83.
 e. 109. a. 114. f. 117. e. 130. b. 131. d. 148. f. 154. e. 158.
 d. 162. f. 166. a. 179. e. 189. f. 194. c. 208. e. 213. c.
 225. d. 226. a. b. 227. e. 233. a. 250. b.
Svidas. 65. f. 100. e. 123. a. 274. b. 209. f. 214. b. 224. b.
Sulcardus. 1. d.
Sulpicius Lupercus. 67. e.
Sulpitia. 87. a. 153. c.
Sulpitius Severus. 21. d. 99. e. 184. a. b. 327. c.
Symmachus. 9. f. 51. b. 62. e. 233. d.
Synasius. 41. a.
- T** *Acitus.* 11. a. 19. c. 22. c. 27. b. a. d. 30. e. 40. f.
 41. f. 45. a. 48. a. 50. c. 50. b. 59. f. 63. f. 70. d.
 77. e. 82. f. 87. f. 91. f. 98. d. 111. c. d. 112. b. 115. d.
 116. f. 119. c. 123. f. 126. d. 132. a. 144. b. 146. e. d.
 154. e. 162. d. 132. a. 144. b. 149. c. d. 154. e. 162. b.
 174. b. 175. a. 181. b. 194. c. 206. f. 228. b. 235. c.
 237. f. 238. d. 245. a. 250. c. 252. e.
Tatianus. 7. b.
Terentianus Maurus. 63. e. 158. f. 162. d.
Terentius. 32. a. 53. c. 61. c. 93. b. 109. e. 145. c. 157. e.
Tertullianus. 3. b. 24. a. 37. b. 43. a. 47. b. 55. a. 61. a.
 132. d. 134. e. 155. b. 156. c. 192. a. 224. f. 238. b.
Testamentum Absalonis MS. 6. d.
- Theganus.* 1. c.
Theodorus Beza. 109. c.
Theodorus-Marcilius. 61. a.
Theodosius mixtus. 7. c. d.
Theophilus. 7. b. 33. e.
Thomas Bangius. 248. d.
Thurgotus. 1. d.
Tibullus. 25. b. 35. b. 54. d. 133. b. 157. e. 158. a. 218. c.
Trebellius Pollio. 97. f.
Tzetzes. 36. a. 44. d. e.
- V** *Alerianus Cemeliensis.* 93. b. 121. a. 233. e.
 234. c. 235. e. 238. c. d.
Valerius Flaccus. 62. c. 63. f. 84. d. 105. a. 133. a.
Valerius Maximus. 2. e. 4. b. 7. e. 8. b. c. 9. f. 10. d. f.
 17. b. c. 30. b. c. 32. c. e. 33. c. 39. e. 40. e. 41. f. 43. f.
 44. e. f. 48. b. 51. e. f. 52. c. d. 52. e. 54. d. 55. e. f.
 72. f. b. 77. a. 97. b. 98. c. f. 99. e. 101. a. 102. a. b.
 104. c. 108. f. 123. d. 130. d. 131. f. 145. c. b. 149. a. 153.
 b. 154. d. 158. e. 162. b. c. 165. f. 166. d. 167. a. 175. b.
 177. d. 194. f. 195. b. 211. a. b. 215. b. 216. d. 217. c.
 223. c. 224. c. 225. c. 226. b. 227. b. 229. e. 233. d.
 249. e. 251. f. 252. a. e.
Varro. 60. f. 61. b. 117. a. 125. b. 147. f. 150. b. 162. c. 179. f.
Vegetius. 49. b. 57. b. c. d. 64. b. c. 84. b. 86. a. 88. f.
 132. f. 144. f. 208. e. 210. e. 235. c. 252. b.
Vellejus Paternulus. 9. b. 39. a. 66. b. 119. c. 181. c. 235. c.
Venantius Fortunatus. 6. a. 16. d. 39. a. 93. d. 100. c.
 d. 157. e. 179. c. 218. c.
Vetus Vocabularium. 100. f.
Victor Giselinus. 2. f.
Vincentius Lirinenfis. 151. b.
Virgilius. 18. c. 34. e. 43. a. 44. a. 48. e. 53. a. b. 54.
 b. e. 55. b. 59. c. d. 62. d. 63. a. b. 66. a. 75. a. 66. b.
 77. b. 84. e. 90. f. 91. f. 99. b. 102. e. 105. a. 106. f.
 112. b. 114. f. 115. f. 116. c. f. 117. a. 119. a. 129. a. 130.
 e. 132. b. d. 133. a. 135. d. 146. c. 197. b. c. d. 175. e.
 178. e. f. 180. a. 184. c. 193. b. 229. b. 232. d. 235. c.
 238. e. 240. d.
Vitruvius. 210. e.
Vulfgangus Lazius. 23. d.
VValafridus. 3. a. 39. a.
VVernerus Rolewinck. 208. b.
VVidichindus. 1. d. 246. c.
VVipertus. 207. f.
- X** *Enophon.* 78. c. 83. d. 161. f. 233. a.
- Z** *Achlas Egyptius Propheta.* 46. b. 47. c.
Zenodorus. 100. d.
Zonaras. 123. e. 226. c.



Menda Typographica.

Pag. 4. Prolegomen. Cap. 2. pro, unillo, lege, ullo.

Pag. 6. Proleg. Cap. 4. pro, iuaudiverant, lege, inaudiverant.

Pag. 8. Proleg. pro, CAP. VIII. lege, CAP. VII.

Pro, stipenda, lege, stipendia.

Pag. 9. Proleg. Cap. 8. pro, Quin, lege, Quin &.

Pag. 10. Proleg. pro, Osbium, lege, Osbjurn.

Pro, quid, lege, quod.

Pag. 12. Cap. 9. Proleg. pro, Navtre, lege, Navtæ.

Pag. 14. Proleg. Cap. 10. pro, focis, lege, locis.

Pag. 16. Proleg. Cap. 11. pro, Trinitas, lege, Trinitatis.

Pag. 19. Proleg. Cap. 12. pro, contubernro, lege, contubernio.

Pag. 28. Proleg. Cap. 18. pro, favorum, lege, favorem; & pro, propensam, lege, propensum.

Pag. 29. Proleg. pro, repititur, lege, repetitur.

Pag. 34. Proleg. Cap. 20. pro, haad, lege, haud.

Pag. 35. Proleg. Cap. 21. pro, no, lege, non.

Pag. 37. Prol. pro, proximum, lege, proximorum.

Pag. 37. Prol. pro, Antequitates, lege, Antiquitates.

Pag. 38. Prol. cap. 23. pro, propria, lege, propiora.

Pag. 44. Proleg. pro, seclus, lege, scelus.

Pag. 1. Notar. lit. c. pro, quorum, lege, quorum;
& pro, ultimnm, lege, ultimum.

Pag. 4. pro, momumenta, lege, monumenta.

Pag. 7. b. pro, Archipiscopum, lege, Archiepiscopum.

Pag. 15. b. pro, exhibebit, lege, exhibuit.

Pag. 15. c. pro, ВАНТНННН, lege, ВАН-
ТНННН.

Pag. 16. e. pro, ergegium, lege, egregium.

Pro манеітх, lege, манеітх.

Pag. 18. c. pro, filices, lege, filices.

Pag. 19. a. pro, Т*АТ, lege, ПАТ. & sic in
cæteris eadem paginâ vocibus, in quibus А*,
perperam ponitur pro Р.

Pag. 19. c. pro, minos, lege, minor.

Pag. 19. e. pro, *ННН, lege, *ННН.

Pag. 19. f. pro, МННН, lege, МННН.

Pag. 19. b. 2. pro, Svitiob / lege, Svibiod.

Pro, farand u / lege, farandi.

Pag. 19. e. 2. pro, quiscere, lege, quiescere.

Pag. 20. b. 1. pro, А*НННН, lege, ПНННН.

Pag. 20. d. 1. pro, Genetivi, lege, genitivi.

Pag. 26. a. 1. pro, Acconensis, lege, Arconensis.

Pro, hanc, lege, hunc.

Pro, Martians, lege, Martianus.

Pag. 27. c. 2. pro, Græciæ, lege, Græcia.

Pag. 29. c. 1. pro, qnendam, lege, quendam.

Pag. 31. e. 1. pro, origine, lege, originem.

Pag. 32. a. 1. pro, Sanctus, lege, Sanctes.

Pag. 32. b. 2. pro, Italius, lege, Italicus.

Pag. 33. c. 1. pro, Н*АА, lege, ННН.

Pag. 33. a. 2. pro, dagna, lege, dagnar.

Pag. 34. a. 1. pro, pedisseгна, lege, pedissequa.

Pag. 35. f. 1. pro, pulsatus, lege, pulsare.

Pag. 35. e. 2. pro, Herorum, lege, Heroum.

Pro, magificè, lege, magnificè.

Pag. 36. f. e. pro multa, lege, multa.

Pag. 42. b. 1. pro, etiam, lege, etiam.

Pag. 43. d. 1. pro, ПННН, lege, ПННН.

Pag. 43. d. 2. pro, canicula, lege, caniculæ.

Pag. 45. b. 1. pro, amplum, lege, amplam.

Pag. 46. f. e. pro, А*Н, lege, ПН.

Pag. 48. b. 2. pro, Hadindo, lege, Hadingo.

Pag. 48. e. pro, А*АА, lege, ПАА.

Pag. 50. a. 2. pro, quæcumque, lege, quæcunque.

Pag. 51. c. 1. pro, eâ, lege, eo.

Pag. 52. e. 2. pro, Oratione, lege, Orationem.

Pag. 53. a. 1. pro, Rutilos, lege, Rutulos.

Pag. 57. b. 1. pro, contignere, lege, contingere.

Pag. 58. a. 1. pro, ТННН, lege, ПАНН.

Pro, НННН, lege, МННН.

Pag. 59. pro, ПНН, lege, ННН.

Pag. 59. a. 1. pro, suut, lege, suat.

Pag. 59. c. 2. pro, Persona, lege, Porsena.

Pag. 61. b. 2. pro, indulta, lege, induta.

Pag. 62. b. 2. pro, existimasse, lege, æstimasse.

Pag. 63. d. 2. pro, opprobij, lege, opprobrij.

Pag. 64. a. 1. pro, Latinitis, lege, Latinitatis.

Pag. 65. e. 1. pro, aptem, lege, aptam.

Pag. 67. d. 1. pro, afflixerunt, lege, afflixiunt.

Pag. 67. b. 2. pro, intulernut, lege, intulerunt.

Pag. 68. f. 1. pro, autiquitatis, lege, antiquitatis.

Pag. 68. f. 2. pro, peritissimus, lege, peritissimus.

Pro, spargi, lege, spargi.

Pag. 70. f. 1. pro, ПНН, lege, ПНН.

Pro, ВРННН, lege, ВРННН.

Pag. 70. b. 2. pro, ПННН, lege, ПННН.

Pro, ННННН, lege, ННННН.

Pag. 71. f. 2. pro, cessisse, lege, cessisse.

Pag. 72. a. 1. pro, aliquid, lege, aliquid.

Pag. 74. c. 2. pro, Rolveni, lege, Rolvoni.

Pag. 76. a. 1. pro, ННН, lege, ННН.

Pag. 77. b. 2. pro, aut, lege, ut.

Pag. 77. c. 2. pro, doctrinâ, lege, doctrinâ.

Pag. 80. b. 1. pro, П, lege, А.

Pag. 80. c. 1. pro, ПНН, lege, ПНН.

Pag. 81. d. 1. pro, babere, lege, habere.

Pag. 81. f. 1. pro, illus, lege, illius.

Pag. 82. e. 1. pro, erfide / lege, ervide.

Pag. 82. f. 1. pro, hiner / *ННН, lege, ПНН, enu.

Pag. 82. c. 2. pro, stemmatis, lege, stemmatis.

Pag. 87. e. 2. pro, bomines, lege, homines,

Pag. 88. d. 2. pro, etiamnum, lege, etiamnum.

Pag. 90. a. 2. pro, quæ, lege, qui.

Pag. 90. b. 2. pro, uuus, lege, unus.

Pag. 90. c. 2. pro, Craturæ, lege, Creaturæ.

Pro, Idololataæ, lege, Idololatræ.

Pag. 93. e. 2. pro, repedabuut, lege, repedabunt.

Pag. 96. b. 1. pro, nisi, lege, nisi.
 Pag. 96. e. 1. pro, tunc, lege, tunc.
 Pag. 100. d. 1. pro, duce, lege, dulce.
 Pag. 100. e. 2. pro, Passivæ, lege, Passiva.
 Pag. 103. c. 1. pro, affectam, lege, affectum.
 Pag. 104. c. 2. post illa verba :
 Et juxta Baptistam Mantuanum :
 statim subjungendi sunt versus :
 Omne quod excellens &c.
 Pag. 109. a. 1. deleatur se.
 Pag. 109. e. 2. pro, corpore, lege, corpora.
 Pag. 111. 2. 1. pro, nulla, lege, nulla.
 Pag. 111. a. 2. pro, effectat, lege, affectat.
 Pag. 111. e. 2. pro, qui, lege, qui.
 Pag. 112. a. 2. pro, Philadelpholo, lege, Philadel-
 pho loquentes.
 Pag. 114. b. 2. pro, currarum, lege, curarum.
 Pag. 115. b. 1. pro, thal Jarl/ lege, Vall Jarl.
 Pag. 115. b. 2. pro, anicum, lege, amicum.
 Pag. 117. f. 1. pro, Metahyficum, lege, Metaphy-
 ficum.
 Pag. 118. a. 2. pro, Normarchia, lege, Nomarchia.
 Pag. 121. b. 1. pro, ter- tertium, lege, tertium.
 Pag. 122. a. 1. pro, occupandum, lege, occupandos.
 Pro, pericula, lege, periculi.
 Pag. 122. b. 2. pro, assignabatur, lege, assignabatur.
 Pag. 123. c. 1. pro, cincere, lege, cinere.
 Pag. 125. d. 1. post illa verba : quæ Odino affi-
 gnat, adde vocem Edda, & lege, quæ Odino
 assignat Edda.
 Pag. 125. d. e. pro, inijsiet, lege, inijsset.
 Pag. 128. e. 1. pro, Pusca, lege, Pusci: & pro, Pusci,
 lege, Pusci.
 Pag. 128. b. 2. pro, pugnampi, lege, pugnandi.
 Pag. 113. b. 2. pro, nonumento, lege, monumento.
 Pag. 131. d. 2. pro, Synechdochice, lege, Syneedo-
 chice.
 Pag. 135. d. b. 1. pro, Fax, lege, Faer.
 Pag. 135. c. 1. pro, MAHM, lege, MARM.
 Pro, RANNA, lege, RANMR.
 Pag. 137. d. 1. pro, gerendo, lege, gerenda.
 Pag. 138. c. 1. pro, impares, lege, imparem.
 Pag. 139. b. 1. pro, prædicabant, lege, prædicabat.
 Pag. 145. c. 1. pro, nunciaans, lege, nuncians.
 Pag. 146. c. 1. pro, interpremur, lege, interpretemur.
 Pag. 148. e. 2. pro, aliq, lege, aliaq.
 Pag. 151. d. 1. pro, simile, lege, simili.
 Pag. 152. a. 2. pro, laquacitatis, lege, loquacitatis.
 Pag. 154. a. 2. pro, forsitam, lege, forsitam.
 Pag. 156. f. 1. pro, Paranomasia, lege, Paronomasia

Pag. 156. c. 2. pro, Auctor, lege, Actor.
 Pag. 160. d. 2. pro, veruis, lege, verius.
 Pag. 163. d. e. pro, alias, lege, alas.
 Pag. 163. e. 2. pro, Capita, lege, capita.
 Pag. 163. f. 2. pro, astituitur, lege, adstituitur.
 Pag. 165. b. 2. pro, confessit, lege, confessi.
 Pag. 165. f. 2. pro, dedulit, lege, detulit.
 Pag. 170. e. 2. pro, Rassin/ lege, Rassin.
 Pag. 176. b. 2. pro, vox, lege, vix.
 Pag. 177. e. 1. pro, pollicetar, lege, pollicetur.
 Pag. 178. c. 1. pro, vianthinm, lege, viantium.
 Pag. 184. e. pro, superio- periore, lege, superiore.
 Pag. 189. d. 1. pro, TANT, lege, TANT.
 Pag. 190. b. 2. pro, *AMIN, lege, *AMIN.
 Pag. 190. f. 2. pro, *HMR, lege, *HMR.
 Pag. 193. e. 1. pro, BMRIPIN, lege, BMR-
 PRIPIN.
 Pag. 193. b. 2. post illa verba : novæ à se in Saxonia
 fundatæ Corbejæ, intersere vocem, præfecit,
 quæ omissa est.
 Pag. 194. f. 2. pro, occupavit, lege, occupavit.
 Pag. 195. d. 2. pro, eundem, lege, eundum.
 Pag. 201. c. 1. pro, profunditate, lege, profunditate.
 Pag. 208. f. 1. pro, Svæciæ, lege, Sveciæ.
 Pag. 212. e. 2. pro, jaculari, lege, jaculari.
 Pag. 213. a. 2. pro, Anglica, lege, Anglia.
 Pag. 215. d. 1. pro, porcurabant, lege, procurabant.
 Pag. 217. b. 1. pro, suum, lege, suam.
 Pag. 223. c. 1. pro, tructu, lege, tractu.
 Pro, aquorum, lege, aquarum.
 Pag. 223. d. 2. pro, Soxones, lege, Saxones.
 Pag. 226. e. 1. pro, tribuere, lege, tribuere.
 Pag. 229. e. 2. pro, mahinas, lege, machinas.
 Pag. 231. b. 1. pro, fratres, lege, frater.
 Pag. 232. a. 2. pro, glaci, lege, glaci.
 Pag. 232. f. 2. pro, mahinæ, lege, machinæ.
 Pag. 233. e. 1. pro, VX, lege, XV.
 Pag. 235. f. 1. pro, desperatio, lege, desperatio.
 Pag. 237. b. 2. pro, silvaram, lege, silvarum.
 Pag. 237. e. 2. pro, patavi, lege, putavi.
 Pro, conperisset, lege, comperisset.
 Pag. 238. b. 2. pro, Anreliano, lege, Aureliano.
 Pag. 241. b. c. pro, Concicij, lege, Concilij.
 Pag. 242. c. 2. pro, sterquilium, lege, sterquilinium.
 Pag. 247. e. 1. pro, orbe, lege, orc.
 Pag. 248. d. 2. pro, institudo, lege, instituto.
 Pro, crebis, lege, crebris.
 Pag. 249. f. 1. pro, precordialem, lege, præcordia-
 lem.



PUBLIC LIBRARY
OF THE
CITY OF BOSTON.

ABBREVIATED REGULATIONS.

One volume can be taken at a time from the Lower Hall, and one from the Upper Hall.

Books can be kept out 14 days.

A fine of 3 cents for each imperial octavo, or larger volume, and 2 cents for each smaller volume, will be incurred for each day a book is detained more than 14 days.

Any book detained more than a week beyond the time limited, will be sent for at the expense of the delinquent.

No book is to be lent out of the household of the borrower.

The Library hours for the delivery and return of books are from 10 o'clock, A. M., to 8 o'clock, P. M., in the Lower Hall; and from 10 o'clock, A. M., until one half hour before sunset in the Upper Hall.

Every book must, under penalty of one dollar, be returned to the Library at such time in October as shall be publicly announced.

No book belonging to the Upper Library, can be given out from the Lower Hall, nor returned there; nor can any book, belonging to the Lower Library be delivered from, or received in, the Upper Hall.

